



Q

7





R. P. FRANCISCI
SUAREZ

GRANATENSIS è Societate JESU,
Doct̃oris Eximii,

DE DIVINA GRATIA

P A R S P R I M A,

Continens Prolegomena sex, & duos priores Libros

DE NECESSITATE DIVINÆ GRATIÆ

AD HONESTA OPERA.

OPERUM TOMUS SEXTUS.

230.24
Sm 13



V E N E T I I S,
APUD SEBASTIANUM COLETI.
M D C C X L.



Superiorum Permissu, ac Privilegiis.

U. S. FRANCHISE
S U A R E S

OF THE
UNITED STATES

DEPARTMENT OF THE INTERIOR
BUREAU OF LANDS

WASHINGTON, D. C.
1906

OFFICE OF THE
SPECIAL AGENT IN CHARGE


Digitized by the Internet Archive
in 2014



U. S. DEPARTMENT OF THE INTERIOR
BUREAU OF LANDS
WASHINGTON, D. C.

OFFICE OF THE
SPECIAL AGENT IN CHARGE

AD LECTOREM.




Abes, rerum divinarum auscultator studiose, opus de Gratia, primam inter posthumas se-
curam Patris Francisci Soarii, quam non educaverat tantum, sed suo ipse calamo tan-
dem distinxit, & compsit. Habes, inquam, primum de GRATIA, tertiumque vo-
lumen; nam secundum, quod in libertate creata, Deique auxiliis conciliandis ponitur
universum, a suo auctore omnibus adornatum numeris, præloque sepositum conserva-
tur, ac Romanæ Sedis auctoritatem opperitur in dies; sic enim Soarii erga illam Sedem
merita præclarissima: & Pontificis rescriptio paulo inferius subiicienda sperare nos jubent.

Unum præterea de Angelis prodibit volumen; de Opere, ut vocant, sex dierum, deque
Anima, alterum; quibus post olim editos de Deo Uno, ac Trino libros, universa perficitur doctrina, quam
Sanctus Thomas in primam suæ Summæ partem contulerat. Ad hæc multiplex justæ molis tractatio sequetur
de humano fine, ac voluntario, de Bonitate, malitiæque actuum humanorum, atque adeo de passionibus,
virtutibus, & peccatis; qua fiet, ut primum quoque secundæ partis Sancti Thomæ volumen locupletatum
abeat, quando nihil pene ex illo enucleandum relinquitur, editis alibi de Beata Visione, de Legibus, deque
Gratia egregiis monumentis. Jam ad duo de Religione ante evulgata, totidem accedent, quæ diu multum-
que desiderantur. Suum deinde volumen jure vendicant perfectiones de Fide (additis, quas olim Romæ,
vel in Hispania de Spe, & Charitate publice dictaverat) qui fuit postremus sapientissimi Doctoris labor in
hac Conimbricensis Academiæ primaria sede, cui duos ante obitum annos remiserat nuntium, ac si jam in-
de receptui caneret ad æternitatem. Denique non minoris expectationis opus pollicemur variis aggestum con-
siliis; utinam superessent omnia illa, quæ viginti fere per annos certatim poscentibus dedit. Neque vero pro-
lem minus numerosam educere potuit, aut educare secundum adeo, felixque ingenium non alieno subsidio
egentem, sed nativo procreantem, altamque Marte, ut verius, sanctiusque dixeris, eam ex parentis sui men-
te natam, quam ex Jovis cerebro Minervam, mentitur antiquitas.

Cæterum non illa solum, quibus ultimam imposuerat Soarius manum, & Sacræ inquisitionis judicio com-
miserat (nempe de Gratia, de Angelis, ac de Opere sex dierum) nihil temerata dabimus; sed in reliquis
etiam, quæ promissimus, nefas judicavimus solum abrumpere, aut aliunde quærita miscere; quod ipsum
optare neminem non videmus, vel quia nothos, suppositosve sætus facile aspernamur, vel quia tanti Au-
thoris cura etiam negligentior, multorum vigilias antevertit, cujus rei testem non laudo alium, quam illas
ipsas de Anima lucubrationes, quas operi sex dierum diximus adiciendas. Eas enim quadragesimo quinto
ante mortem anno (is erat ætatis illius vigesimus quintus) auditoribus propinaverat; opus certe hominis,
qui jam tunc in scholis consensuisse videri poterat. Quod si ita est, ut plane sentimus; audentes prosequimur,
& pollicemur, nihil minus placituros, optime lector, quos paulo ante retulimus labores.

De præsentī opere dicere supersedeo, ne aut supervacaneæ commendationis incuset; aut videat (quod
erit longe infelicius) non laudare opus, sed impari ingenio, aut dictione deterere. Tam clarum est, tam
late propagatum Francisci Soarii nomen; tanta nube testium longo ævo firmata operum dignitas, & excel-
lencia, ut certum in utroque secum afferant præjudicium; ac solo Soarii in scripta Epigrammate splendide
commendentur, neque opus sit de prolis generositate sciscitari, ubi constiterit de parente. Unum illud egre-
gio dolendum in opere, quod ad umbilicum usque non prodeat absolutum: cum medium omnino interciderit.
Ejus rei causam non aliunde melius intelligere licebit, quam ex epistola Summi Pontificis, Authoris encomiis
non respecta modo, sed cumulata.

CARD. BURGHESIUS AD PATREM FRANCISCUM SOARIUM SUÆ SANCTITATIS NOMINE.



Modum Reverende Pater. Acceptis binis ejusdem argumenti vestræ Paternitatis literis, jussit me ei Sanctissimus Dominus nomine suo respondere, præstantiam ingenii vestræ Paternitatis, & obsequium in Sedem Apostolicam plurimi se fecisse, eam paterna charitate, & amasse semper, & in posterum amaturum, cum ob præcipua in Rempublicam Christianam merita sua; tum quod honestissime de suis virtutibus sentit. Quod ad impressionem libri de GRATIA pertinet, nulla propter doctrinam orta est difficultas; existimat enim sua Sanctitas eam non discrepantiam ab eruditione, & doctrina tot librorum jam dudum in lucem a se editorum, qui omnium acclamatione excepti egregie sustinent nomen, & famam, quam adepti sunt; sed omnis emanavit difficultas ob qualitatem, quæ inibi disputatur, materia; de qua ne alii etiam agerent, qui de ea scripserunt, efficaciterque pro facultate imprimendi institerant, gravissimis de causis pro nunc non modo cautum, sed strictim vetitum fuit. Si ulli tamen unquam potestas fiet hac de re libros promulgandi; in hoc etiam ostendet S. Sanctitas, quanti vestram Paternitatem, ejusque virtutem æstimet: volet enim tunc, ut liber vestræ Paternitatis inter primos in lucem prodeat. Ergo cum hujusmodi occasio dabitur, non patiar, studia mea a vestra posse Paternitate desiderari, cui divine Gratiæ incrementum a Deo præcor, & suæ sanctitatis nomine benedictionem impartior. Romæ 26. Aprilis 1617. Vestra Paternitatis studiosus. S. Card. nalis Burghesius.

T R A C T A T U S
D E G R A T I A D E I;
S E U D E D E O S A L V A T O R E,
J U S T I F I C A T O R E, E T L I B E R I

arbitrii adjutore per gratiam suam.

P R O O E M I U M.

IN superiori opere, quod de Legibus, ac Deo legislatore inscripsimus, salutem hominis, & operum ejus honestatem, ac bonum meritum ex duobus principiis pendere diximus, lege nimirum, ac gratia; illa ut regula, qua instruiamur, hac ut virtute, qua juvamus. Et ideo D. Thomæ vestigia sequendo, superiori operi hoc proxime annectimus. In illo enim, explicatis cæteris legibus, tandem ad legem gratiæ, quæ perfectio, & consummatio legum omnium est, pervenimus: quam excellentiam ab ipsa gratia participat, quia legis notitia, nisi virtute gratiæ juvetur, parum prodesse; imo vero ad beatitudinem consequendam multum obesse potuisset. Nam ut Paulus dixit ad Romanos cap. 7. *Concupiscentiam nesciebam, nisi lex diceret, Non concupisces: occasione autem accepta mandatum operatum est in me omnem concupiscentiam*, quia nimirum jubebat, & non juvabat ad vincendas concupiscentias, quod sola gratia Dei per JESUM Christum Dominum nostrum præstare potest. Convenientissimo igitur ordine hic tractatus præcedenti succedit, & veluti ejus complementum existit.

2 Similem autem tractationem inchoans D. Thom. in sua 1. 2. qu. 109. illam sic inscripsit. *De exteriori principio humanorum actuum, scilicet gratia Dei*: quem titulum aliqui ex modernis scriptoribus mendosum esse existimant, quia gratia Dei non est principium extrinsecum humanorum actuum, ut existimavit Pelagius ponens gratiam in sola lege, & doctrina, sed est principium intrinsecum, quod Spiritus Sanctus inspirat, & mentibus, ac cordibus nostris infundit. Antiquiores vero expositores neque in verbis mutationem fecerunt, neque mendum aliquod adnotarunt. Solus Conradus in principio quæst. 90. & 109. advertit, & legem aliquam esse in corde, & mentibus scriptam; & gratiam intus in animam infundi, & nihilominus, quia proveniunt a principio extrinseco, quod est Deus, ideo utrumque tractatum de legibus, & gratia, de principiis extrinsecis appellari. Et fortasse brevitatis causa posita est in illo titulo particula illa, scilicet gratia Dei, quia statim in capite questionis latius erat explicanda his verbis. *Consequenter considerandum est de exteriori principio humanorum actuum, scilicet de Deo, prout ab ipso per gratiam adjuvamus ad recte agendum*, & in cap. q. 90. dixerat D. Thom. *Principium extrinsecus movens ad bonum est Deus, qui & nos instruit per legem, & juvat per gratiam*. Si ergo fortasse gratiam Dei in illo titulo exterius principium appellavit D. Thom. non ideo fuit, quia gratia non sit principium interne nos juvans, quod postea in tota doctrina luculentissime docet, sed quasi per denominationem extrinsecam, quia extrinsecus advenit, & quia est veluti instrumentum principalis agentis extrinseci: sicut potest imperus lapidi projecto immixtus principium extrinsecum talis motus appellari: non enim est inusitata locutio. Ut tamen omnino a Pelagianis fugiamus, Deum extrinsecum principium, seu motorem, vel adjutorem ad opera gratiæ, gratiam vero, per quam nos juvat, internum principium earundem operationum appellabimus: quamvis enim (ut videbimus) inter gratias aliquæ sint extrinsecæ, nihilominus quæ propriissime, & quasi per antonomasiam, inter creata dona gratiæ appellantur, nobis intrinsecus inhærent, & vel sunt opera, vel aliquo modo operationum principia, ut videbimus.

3 Ad tollendam ergo hanc vocum ambiguitatem, utrumque in nostra inscriptione, & titulo expresse posuimus, Deum scilicet sanctificatorem, & gratiam ejus. Quibus etiam verbis proprium hujus doctrinæ obiectum; seu materiam, circa quam versatur, connexionem cum aliis Theologiæ partibus, & dignitatem, ac excellentiam ejus indicavimus. Cum enim hæc doctrina sit pars unius scientiæ Theologiæ, cujus adæquatum obiectum est Deus, illum ut præcipuum obiectum, & quasi proximum finem respicere, necesse est, & quia non attingit illum secundum absolutam rationem, sed secundum respectum quendam ad creaturas, illum nomine sanctificatoris explicamus. Illa enim voce respectus primi, & principalis principii in quibus Deus vel secundum se ut unus, aut trinus, vel sub respectu creatoris, & gubernatoris universi; vel ut ultimus finis, vel ut legislator consideratur, ut facile unusquisque per se poterit contemplari. Solum in nomine, *Sanctificatoris*, cavenda est equivocatio, si cum nomine, *Redemptoris*, confundatur. Hæc enim nomina proprie sumpta diversis rationibus Deo conveniunt: nam esse sanctificatorem ad Deum, ut Deus est, esse vero redemptorem ad ipsum, ut Deus homo est, spectat. Unde sanctificatorem esse, commune est tribus personis, esse vero redemptorem, proprium incarnati Verbi. Illud etiam non solis hominibus, sed etiam Angelis; hoc vero solis hominibus, & non in omni statu, sed tantum naturæ lapsæ Deus exhibet. In præsentī ergo solum spectatur Deus ut sanctificator, i. e. principalis auctor sanctitatis, gratiæ, reliquorumque donorum, quibus intellectualem creaturam ad se tanquam ad ultimum supernaturalem finem convertit, atque perducit. Contemplatio autem Dei, ut Redemptoris, ad ultimam Theologiæ partem spectat, ex qua solum nunc sumimus, ac supponimus, omnem gratiam Dei ex meritis Christi Domini nobis conferri, & sub eo respectu esse etiam gratiam Christi, ut paulo post videbimus.

4 Addidimus vero in illo titulo alteram praticulam, *de gratia Dei*, tum ut a communi, magisque usitata inscriptione non discreparemus; tum etiam, quia per illum proxima materia, circa quam hæc doctrina versatur, innotescit. Gratia namque, & ejus collatio est veluti fundamentum illius respectus, a quo Deus extrinsece denominatur sanctificator, ideoque cognita ipsa gratia, Deus sub ratione sanctificatoris cognoscitur, neque aliter cognosci, aut explicari potest. Ex quo facile intelligi potest, quam sit excellens, quamque propria Theologici instituti hæc doctrina. Primo quidem quia hæc gratia supernaturale donum est, quod, nisi per divinum lumen fidei, cognosci non potest. Deinde quia semen est gloriæ, & fons aquæ vivæ salientis in vitam æternam, quam homines infirmi, & imbecilles, nisi per divinæ gratiæ virtutem comparate non valent. Denique quia ipsius Dei cognitio, quam Theologia præcipue intendit, per hanc gratiæ doctrinam magna ex parte perficitur. Unum enim ex præcipuis Dei operibus est, homines gratis, & per gratiam suam justificare, teste Paulo ad Rom. 3. & ideo solus ipse sanctificator, & justificator hominum appellatur, quia sicut solus potest homines beatos efficere, ita etiam solus potest eosdem sibi gratos reddere, juxta illud *Gratiam, & gloriam dabit Dominus*. Unde etiam sit, ut per divinæ gratiæ cognitionem universa fere Dei attri-

buta mirum in modum illustrentur. Deus enim gratiam suam gratis donando, liberalitatem suam infinitam excellentiori modo, quam per alia opera manifestat: dumque illam, prout vult, distribuit, absolutum se suorum donorum Dominum ostendit, & quoniam non solum amicis, sed etiam inimicis illam donat, eos de peccatoribus faciens sanctos, omnipotentiam suam, ut canit Ecclesia, ac misericordiam, parcendo maxime, & miserando manifestat. Ac denique dum per gratiam suam humanæ voluntati dominatur, ejusque salva libertate, quo vult, efficacissime pertrahit, summam sapientiam suam, ac potentissimam voluntatem notissimam facit.

5 Atque ex hoc objecto, & materia habet in primis hæc doctrina in Theologia singularem dignitatis gradum, quoniam & Deum sub excellenti quadam ratione primi principii, & benefactoris hominum contemplatur, & in explicatione illius doni, quo divinæ naturæ, divinarumque virtutum participes efficitur, potissimum versatur. Et hinc magnam etiam utilitatem habet, ostendit enim nobis adipiscendæ beatitudinis viam, simulque infirmitatis nostræ nos monet, & ad divinum auxilium continuis precibus postulandum inducit. Est etiam Catholico Doctore hæc doctrina maxime necessaria ad resistendum hæreticis, qui innumeris erroribus, & objectionibus veritatem catholicam obscurare, & evertere conati sunt. Atque hinc tandem difficilis valde, & scopulis plena est præsens disputatio, tum quia in rebus maxime divinis, & spiritualibus, & internis, quæ sub experimentum vix cadunt, internoscendis versatur: tum quia gratiæ efficacitatem, & necessariam cum libertate arbitrii compositionem, & concordiam inquirat, quod semper arduum, & difficile judicatum est. Nam, ut dixit, Augustinus, *Ipse etiam ratio, quæ de his rebus a talibus, quales nos sumus, iniri potest, quemlibet nostrum quærentem vehementer angustat, ne sic defendamus gratiam, ut liberum arbitrium auferre videamur; rursus liberum ne sic asseramus arbitrium, ut superba impietate ingrati Dei gratia judicemur.* Quæ quidem obscuritas, & difficultas mirum in modum aucta est, non solum ex variis; & extreme contrariis hæreticorum erroribus, sed etiam ex concertationibus inter Catholicos subortis: nam licet omnes media, ac regia via incedere nitantur, quia tamen illam arctam, & angustam hæretici reddiderunt, vix possunt iter peragere, quin ad dexteram, vel ad sinistram declinare videantur.

6 Et hinc orta est hoc tempore celebris illa controversia, quæ a viribus liberi arbitrii & divinis auxiliis nomen obtinuit. De qua licet in aliis libris jam antea multa disputarim, in hoc ultimam ei manum imponere decrevi, tum quia a disputatione de gratia separari non potest, tum etiam quia post libros illos editos multi doctissimi viri illorum doctrinam evertere, contrariamque modis omnibus persuadere conati sunt. Quorum præcipua scripta attente perlegi nullo profecto contradicendi studio, sed summo veritatis intelligendæ desiderio: nihil tamen inveni, quod vel a priori sententia nos posset dimovere, vel difficultatibus nostris satisfaceret, aut modum expeditum ad innumeros vitandos labyrinthos, & nodos nobis inextricabiles dissolvendos inveni. Quam ob causam iterum eandem disputationem aggredi, & pro viribus difficultates omnes expendere decrevi. Unde fieri non poterit, quin opus hoc fortasse plus iusto crescat. Ut tamen lectori minus sit onerosum, illud in duas præcipuas partes dividemus. Prior erit de controversiis hujus temporis circa vires liberi arbitrii, & auxilia gratiæ, quibus ad bene operandum juvatur, ideoque pars hæc de actuali gratia inscribi poterit. Altera pars erit de gratia habituali, & causis, ac effectibus ejus, sub quibus justificatio, & meritum comprehenduntur. Atque ita in hac doctrina tradenda nihil, vel parum a D. Thomæ ordine, seu methodo discedemus, nam in priori parte cum infirmitate arbitrii necessitatem gratiæ, de qua D. Thom. q. 109. disputat, ostendemus; explicando vero auxilia gratiæ nonnullas divisiones ejus, quas D. Thom. qu. 111. tradit, & alias, quæ a Theologis adduntur, pertractabimus. In altera vero cætera, quæ D. Thomas in aliis quæstionibus disputat, eodem fere ordine locupletabimus.

7 Prius vero quam utramque partem aggrediamur, ut clarior, & expeditior sit doctrina, nonnulla prolegomena præmittenda duximus, quibus & termini sine ambiguitate exponantur, & nonnulla necessaria fundamenta jaciantur. In primo itaque de natura, & libero arbitrio, quod est gratiæ fundamentum, præcipua quædam principia, & in primis necessaria præmittemus. Et quoniam præcipue difficultates circa usum libertatis ex necessitate gratiæ, vel motionis divinæ oriuntur, & hæc pendunt ex modo præscientiæ, quam Deus habet de futuro consensu liberi arbitrii, ideo secundum prolegomenum de præscientiæ Dei liberorum actuum sub conditione futurorum præmittemus: nam per occasionem hujus concordiæ gratiæ cum libero arbitrio contentio de hac præscientiæ orta est, in qua necessarium nobis est, sententiam nostram præmittere, ac fundare, ne postea necessarium sit, vel ad aliam disputationem digredi, aut ex fundamento non probato, ac defenso sæpissime loqui. Deinde vero tertio loco usum nominis, *Gratia*, & varia membra, seu significata illius exponemus, ut quasdam gratias vel faciliores, vel præsentis instituto minus convenientes breviter expediamus: aliarum vero, de quibus tractandum est, nomina in promptu sint, ut sine verborum ambiguitatibus, pervia sit disputatio.

8 Quarto vero loco quoniam humana natura in diversis statibus inveniri potest, in quibus non easdem vires habet, ideo consequenter varios status humanæ naturæ, ejusque liberi arbitrii exponemus. In quinto vero errores omnes, qui in hac materia fuerunt, accurate referemus, quia eorum notitiam non solum ad illos cavendos, & impugnandos, sed etiam ad intelligenda Concilia, & Patres, necessariam esse existimamus: quia cum Concilia, & Patres ad extirpandos illos errores in sensu illis contratio loquuti fuerint, sæpe fit, ut ex ignorance ipsorum errorum, sententiæ Patrum ad peregrinos sensus, & ab illis non intentos detorqueantur. Unde tandem in sexto prolegomeno Pontificum, Conciliorum, & Patrum auctoritatem, qua potissimum in hoc opere nobis utendum est, proponemus. In toto vero hoc opere ab omni exaggeratione in nostris sententiis affirmandis, & ab omni censura in contrariis reiiciendis abstinemus. Quia vero in probationibus ex Conciliorum definitionibus, vel per illationem ad incommodum, videri possunt contrariæ sententiæ, vel ut definitionibus Conciliorum contrariæ, vel ut dogmata, ex quibus errores contra fidem sequuntur, reprehendi, lectorem monemus, id longe a nobis esse, id enim non ut censura, vel iudicium de qualitate, & gradualitate contrariæ sententiæ accipiendum est, sed solum per modum argumentationis, cujus vis sæpe non potest aliter explicari.

Lib. 2. de
Pec. me-
rit. ca. 13.

I N D E X

PROLEGOMENORUM , LIBRORUM ; ET CAPITUM HUIUS VOLUMINIS.

P R O L E G O M E N U M I.

De requisitis ad formalem libertatem, & usum liberum.

- Cap.I. **D**E nominibus naturæ, & liberi arbitrii. pag.1
 Cap.II. *Quæ sint necessaria, ut potentia sit libera, & libere opereatur.* 3
 Cap.III. *Utrum recte describatur potestas libera esse, quæ positis omnibus prærequisitis, ad agendum, potest agere, & non agere?* 6
 Cap.IV. *Utrum voluntas exposita cum omnibus prærequisitis ex parte intellectus ad libere volendum possit a Deo ita moveri, ut ex necessitate, & non libere velit?* 10
 Cap.V. *Quibus modis possit Deus facere, ut voluntas necessario velit objectum actuali iudicio rationis indifferenter propositum?* 14
 Cap.VI. *Quæ necessitas antecedens, vel consequens, seu in sensu composito, vel divisio repugnet libertati, aut illi non noceat?* 20

P R O L E G O M E N U M II.

De scientia, quam Deus habet de liberis actibus sub conditione futuris prius ratione, quam absolute futura cognoscat.

- Cap.I. **S**ensu, & statu controversiæ propositio: *variæ sententiæ cum suis authoribus referuntur.* 26
 Cap.II. *Deum habere certam, & infallibilem scientiam futurorum contingentium conditionatorum ex Scriptura, prout a Patribus intellecta est, ostenditur.* 29
 Cap.III. *Plures ex Sanctis, & antiquis Patribus scientiam conditionatam in Deo cognovisse, præsertim Augustinum, & nullum eorum illam Deo negasse.* 33
 Cap.IV. *Neque in Augustino, neque in aliis Patribus aliquid contra perfectionem divinæ scientiæ conditionatæ reperiri.* 38
 Cap.V. *Deum habere conditionatam scientiam futurorum ante decretum liberum suæ voluntatis secundum rationis ordinem; nec posse talem scientiam in tali decreto fundari: ex eisdem Scripturæ, & Patrum testimoniis ostenditur.* 40
 Cap.VI. *Quid de hac scientia conditionata D. Thomas senserit?* 45
 Cap.VII. *Ratione a priori ostenditur, dari in Deo conditionatam præscientiam, & principali fundamento contrariæ sententiæ occurritur, veritasque talium propositionum declaratur.* 48
 Cap.VIII. *Quæ decreta conditionata, & libera Deo attribuenda sint? (& in illis non posse contingentia sub conditione futura præsciri.* 55
 Cap.IX. *Nonnullis objectionibus occurritur, earumque occasione doctrina data magis declaratur, & veluti in summam redigitur.* 61
 Cap.X. *Alteri objectioni occurritur: & an scientia visionis sit causa futurorum? explicatur.* 64

P R O L E G O M E N U M III.

De communi ratione gratiæ, & variis modis, seu membris, aut significatis ejus.

- Cap.I. **A**ngustiæ, de qua in præsentia agitur, sit donum Dei gratuitum? 74
 Cap.II. *Utrum omne donum gratuitum sit veræ gratiæ Dei, & Christi?* 75
 Cap.III. *Utrum gratia non solum creatum donum, sed etiam increatum significet; nec solum internum, sed etiam externum?* 77
 Cap.IV. *De divisione gratiæ, in gratis datam, & gratum facientem?* 81
 Cap.V. *Quot sint gratiæ gratis datæ; & quid unaquæque earum sit?* 85
 Cap.VI. *Quotplex sit gratia sanctificationis, seu gratum faciens; & de variis hujus gratiæ significationibus.* 98

P R O L E G O M E N U M IV.

De Statibus humanæ naturæ.

- Cap.I. **A**n possit homo in statu puræ naturæ creari in ordine ad finem supernaturalem? 101
 Cap.II. *Utrum potuerit homo in statu puræ naturæ creari in ordine ad naturæ integritatem; & consequenter an potuerit cum illa integritate creari?* 105
 Cap.III. *Utrum status innocentie, seu originalis justitiæ ultra statum puræ, & integræ naturæ aliquid agat?* 108
 Cap.IV. *Qualis sit gratiæ status; & quomodo cum aliis conjungi, vel ab eis separari possit?* 110
 Cap.V. *An status gratiæ, & originalis justitiæ per eandem formam constituentur; ac subinde quomodo separari possint?* 111
 Cap.VI. *Quis, & qualis sit status hominis in natura lapsa?* 112
 Cap.VII. *Utrum homo in statu naturæ lapsæ careat libertate, quam in sua pura natura haberet?* 114
 Cap.VIII. *Utrum in statu naturæ lapsæ homo sit intrinsece debilior ad operandum bonum, quam esset in statu puræ naturæ?* 116
 Cap.IX. *Utrum in statu naturæ lapsæ debilior sit homo ad operandum, quam in pura natura, saltem ob causas extrinsecas?* 121

P R O L E G O M E N U M V.

De variis erroribus divinæ gratiæ contrariis.

- Cap.I. **D**E Judæorum errore circa veram Christi justitiam, & gratiam. 124
 Cap.II. *De errore Pelagii contra divinam gratiam.* 126
 Cap.III. *Circa dictum Pelagii errorem nonnulla dubia expendantur.* 129
 Cap.IV. *An Pelagius non solum auxilii gratiæ, sed etiam generalis Dei concursus necessitatem ad humanas actiones negaverit?* 133
 Cap.V. *Quæ fuerit sententia, erroris Semipelagianorum, & qui ejus auctores, vel sectatores?* 135
 Cap.VI. *Nonnullis dubitationibus propositis, Semipelagianus error amplius explicatur.* 142
 Cap.VII. *De errore Lutheri, & Calvini, & Sectatorum circa gratiam Dei, & liberum arbitrium.* 152

P R O L E G O M E N U M VI.

De Scriptis probatam de gratia doctrinam continentibus.

- Cap.I. **D**E autoritate Pontificum Romanorum, qui gratiam defenderunt. 154
 Cap.II. *De censura Pii V. & Gregorii XII. aliquarum assertionum, partim naturæ, partim gratiæ nimium tribuentium, aut detrahentium.* 160
 Cap.III. *De Concilio Diospolitano in Palaestina contra Pelagium pro gratia Dei congregato, ejusque actis, & autoritate.* 165
 Cap.IV. *De Conciliis Africanis, & Ephesino, quæ contra Pelag. pro Dei gratia pugnarunt.* 170
 Cap.V. *De aliis Conciliis contra reliquias Pelagianorum, & alios gratiæ hostes celebratis.* 173
 Cap.VI. *De Patribus, qui veram de gratia doctrinam nobis tradiderunt; & contrarias hæreses confutarunt.* 176
 Cap.VII. *Continens Librum D. Augustini de Gestis contra Pelagium in Concilio Palaestino per 22. capita distributum.* 182

LIBER I.

De necessitate gratiæ ad perficienda opera
moraliter bona ordinis naturalis, & ad
contraria peccata vitanda.

- Cap. I. **U**trum homini ad quamlibet veritatem naturalem cognoscendam gratia necessaria sit in omni statu, præsertim naturæ lapsæ? 205
- Cap. II. Utrum ad omnem moralem cogitationem rectam, & honestam sit necessaria gratia? 209
- Cap. III. Utrum homo lapsus possit honeste operari aliquando per quamcunque virtutem, sive naturæ, sive etiam gratiæ? 213
- Cap. IV. Utrum ad omne bonum opus morale sit necessaria gratia sanctificans, & consequenter an existens in statu peccati mortalis possit interdum bene moraliter operari? 216
- Cap. V. Quid Augustinus senserit de operibus factis ab homine in peccato, seu charitate carente? 219
- Cap. VI. Utrum gratia fidei sit necessaria ad quodlibet opus moraliter bonum, etiam ordinis naturalis faciendum? 222
- Cap. VII. De operibus infidelium quid Augustinus senserit? 227
- Cap. VIII. Utrum interna gratia specialis, præter Dei concursum naturalem humanæ naturæ debitum, sit necessaria simpliciter homini lapsæ ad honeste operandum? 252
- Cap. IX. In nullo actu esse necessariam homini ad honestam operationem moralem ordinis naturalis specialem motionem, vel qualitatem ipsi voluntati a Deo impressam, quæ & physice actum efficiat, & voluntatem ad illum efficiendum omnino determinet. 242
- Cap. X. Ad singula opera bona moraliter non esse necessariam cogitationem, vel inspirationem in sua entitate majorem, seu meliorem, quam sine auxilio gratiæ haberi possit. 243
- Cap. XI. Proponitur tertia sententia, tertiusque modus explicandi auxilium gratiæ ad singula opera moralia necessarium. 244
- Cap. XII. An cogitatio honesta, quæ habet effectum bonæ voluntatis, sit semper melior, quam illa cogitatio, quæ illum effectum non consequitur? 246
- Cap. XIII. An cogitatio honesta naturalis congrua, sit vera gratia in homine non elevato ad supernaturalem finem, sive in pura, sive in integra natura constituto absque peccato? 251
- Cap. XIV. Objectionibus contra discursum capituli superioris satisfit. 255
- Cap. XV. An cogitatio congrua ad bene moraliter operandum sit vera, & supernaturalis gratia, respectu hominis ad finem supernaturalem elevati? 256
- Cap. XVI. Proponitur contraria sententiæ fundamentum ex Patrum loquutionibus desumptum, ut retorqueatur. 258
- Cap. XVII. Ex eorundem Patrum sententiis, cogitationem naturalem congruam non esse verum gratiæ auxilium demonstratur. 259
- Cap. XVIII. Destructo alterius sententiæ fundamento, veritas amplius confirmatur. 262
- Cap. XIX. Proponitur universalis obiectio ex Patribus asserentibus, nullum opus bonum posse fieri sine gratia. 263
- Cap. XX. Patrum testimonia, quæ omnia bona opera gratiæ tribuunt, exponuntur. 265
- Cap. XXI. Liberum arbitrium sine auxilio non nisi ad peccandum valere: quo sensu interdum a Conciliis, vel Augustino dicatur? 270
- Cap. XXII. Rationibus generalibus aliarum opinionum satisfit. 274
- Cap. XXIII. Utrum ad singulas tentationes legi naturali repugnantes superandas, singulare gratiæ auxilium necessarium sit? 276
- Cap. XXIV. Utrum ad vincendas singulas graves tentationes contra legem naturalem, in statu naturæ lapsæ, necessarium sit speciale gratiæ auxilium. 282
- Cap. XXV. Utrum homo in statu naturæ integræ, totam naturæ legem in quacunque occasione, & omni

tempore, sine auxilio gratiæ servare, omniaque gravi peccata vitare potuisset. 289

- Cap. XXVI. Utrum homo lapsus possit omnia præcepta naturalia diu servare, vitando omnia peccata, & tentationes omnes illis contrarias, sine speciali auxilio gratiæ. 292
- Cap. XXVII. Utrum ad servandam legem naturalem, & vitanda omnia peccata illi contraria, longo tempore sit necessaria habitualis gratia, vel fides, aut sufficiat auxilium actuale, & quale illud esse oporteat. 294
- Cap. XXVIII. Utrum homo in puris naturalibus conditus posset innocentiam diu conservare, non peccando mortaliter per vires rationis, & liberi arbitrii, sine speciali Dei adjutorio? 300
- Cap. XXIX. Utrum homo lapsus possit elicere, solis viribus liberi arbitrii, sine auxilio gratiæ aliquem actum dilectionis Dei, saltem ut author est, & finis naturalis. 303
- Cap. XXX. Utrum homo in aliquo statu possit diligere Deum autorem naturæ amore benevolentiae per liberum arbitrium, sine auxilio gratiæ. 306
- Cap. XXXI. Utrum diligere super omnia Deum, ut autorem naturæ, sit actus ita in substantia, & ordine suo supernaturalis, ut excedat vires naturales liberi arbitrii creati, & ideo sine auxilio gratiæ alias fieri non possit. 310
- Cap. XXXII. Utrum in statu naturæ lapsæ possit homo diligere Deum, ut autorem naturæ super omnia, solis liberi arbitrii viribus absque speciali auxilio gratiæ? & sententia affirmans refertur, & fundatur? 314
- Cap. XXXIII. Refertur, & fundatur opinio negans, posse hominem lapsum diligere super omnia Deum ut autorem naturæ, sine auxilio gratiæ. 316
- Cap. XXXIV. Exponitur, ac defenditur mens D. Thomæ de auxilio gratiæ necessario ad dilectionem Dei in statu naturæ lapsæ. 317
- Cap. XXXV. Quæ gratia sit necessaria in statu naturæ lapsæ, ad diligendum amore naturali super omnia Deum, ut autorem naturæ. 322
- Cap. XXXVI. Quid sentiendum sit de potestate hominis in puris naturalibus, ad amandum Deum finem naturæ super omnia. 327
- Cap. XXXVII. Utrum sit aliquis alius actus virtutis naturalis, seu acquisitæ, præter amorem Dei, qui propter difficultatem suam fieri non possit sine gratia in statu naturæ lapsæ. 329
- Cap. XXXVIII. Utrum homo lapsus, vel in puris naturalibus constitutus, naturales virtutes possit suis viribus sine auxilio gratiæ acquirere. 333

LIBER II.

De necessitate gratiæ ad actus divini ordinis
eliciendos, servanda supernaturalia præcepta, & peccata illis contraria
vitanda.

- Cap. I. **U**trum gratia divine revelationis ad Deum in hac vita cognoscendum, sicut ad salutem oportet, fuerit necessaria. 336
- Cap. II. Utrum ad credendum revelatis specialis gratia Dei sit necessaria. 338
- Cap. III. Utrum ad initium fidei sit necessaria gratia. 340
- Cap. IV. An Actus fidei sit in se, & in substantia supernaturalis: & tractatur prima sententia. 343
- Cap. V. Actum fidei, & voluntatem credendi esse actus, quoad substantiam supernaturales. 346
- Cap. VI. Actum fidei non esse tantum supernaturalem in suo fieri, sed in suo etiam esse. 348
- Cap. VII. Actum fidei non esse supernaturalem ex modo accidentali actus, solum extrinsece illum denominante. 349
- Cap. VIII. Actum fidei non esse supernaturalem ex accidentali modo intrinseco, seu illi inherente, & vera assertio concluditur. 352
- Cap. IX. Fundamenti prioris sententiæ satisfit. 354
- Cap. X. Utrum possit homo assentiri mysteriis supernaturali-

- ruralibus revelatis a Deo, aliquo naturali assensu, sine auxilio speciali gratia. 356
- Cap.XI. Utrum fides aliqua, quæ idem motivum credendi, eandemque rationem formalem objecti habeat cum fide infusa, possit haberi ex viribus nature sine auxilio gratia. 360
- Cap.XII. Utrum ad sperandum, sicut oportet, divinas promissiones, gratia auxilium requiratur, & quale, quæ ratione necessarium sit. 367
- Cap.XIII. Utrum ad amandum Deum amore concupiscentia, ut est summum bonum, & commodum hominis amantis, sit auxilium gratia necessarium. 370
- Cap.XIV. Utrum ad amandum Deum, ut supernaturalem finem, & gratia authorem perfectæ dilectione amicitia, auxilium gratia per se, & propter speciem, & excellentiam talis amoris, sit necessarium. 375
- Cap.XV. Utrum ad amandum Deum authorem gratia, amore etiam imperfecto, sit per se necessarium gratia supernaturalis auxilium. 379
- Cap.XVI. Utrum ad aliquos actus moralium virtutum sit per se necessaria gratia: eo quod in specie sua supernaturales sint. 381
- Cap.XVII. Utrum præter actum fidei, sint in intellectu speculativo aliqui actus supernaturales, propter quos gratia per se necessaria sit. 384
- Cap.XVIII. Quis sit actus sapientiæ specialiter Spiritui Sancto attributus, 387
- Cap.XIX. Quis sit actus intellectus dono Spiritus Sancti specialiter attributus. 390
- Cap.XX. Quis sit actus scientiæ dono Spiritus Sancti specialiter attributus. 393
- Cap.XXI. Quinam actus sint fortitudo, pietas, timor, & consilium? Qui dono Spiritus Sancti specialiter tribuuntur, 394
- Cap.XXII. Utrum præter actus virtutum, & donorum, sint alii actus supernaturales, ad quos sit specialis gratia necessaria: qui beatitudines, vel fructus Spiritus Sancti dicuntur. 399
- Cap.XXIII. Utrum ad servanda supernaturalia præcepta, quæ de internis actibus data sunt: vel ad non peccandum contra illa, sit gratia necessaria. 403
- Cap.XXIV. Utrum ad servanda præcepta supernaturalia de externis actibus, necessaria sit gratia. 408
- Cap.XXV. Utrum hominibus etiam iustis sit necessaria nova gratia, ad exequenda media necessaria vel utilia ad eternam salutem consequendam. 410

PROLEGOMENUM I. DE REQUISITIS AD FORMALEM LIBERTATEM, ET USUM LIBERUM.

CAPUT PRIMUM.

De nominibus naturæ, & liberi arbitrii.



QUIA libera natura gratiæ fundamentum est, & gratia perfectio, & sanitas est naturæ, ideo disputatio de gratia cognitionem aliquam talis naturæ supponit, propter quod solent gratia, & natura, seu liberum arbitrium, non tantum in disputatione ipsa, sed etiam in titulo totius operis conjungi, sicut Augustinus librum unum de *Natura, & gratia*, & alium de *Gratia, & libero arbitrio* scripsit. Propter hanc ergo causam necessarium est in ingressu hujus materiæ supponere, quid nomine naturæ, & liberi arbitrii intelligamus. Nam Philosophi in libris de Physico auditu de natura disputant, prout principium est motus, & quietis; in præfenti vero non in ea latitudine sumitur, sed prout dicitur per antonomasiam de intellectuali, seu naturali natura, quæ principium est moralium operationum, quibus æterna beatitudo comparatur, vel amittitur, ad quem finem sola intellectualis natura per gratiam ordinatur: & ideo dixit Augustinus libr. 1. contra Julian. cap. 3. solam rationalem naturam esse gratiæ capax. Loquitur autem de rationali prout intellectuali complectitur, quia tam Angelica, quam humana natura capax est divinæ gratiæ, quia utraque libera est, *Gratiam autem* (ut ait Bernardus de Gratia & libero arbitrio) *nec dare potest nisi Deus, nec capere nisi liberum arbitrium*, id est, natura libera, illa enim indiget, ut supernaturalem finem assequatur. Quia vero humana natura & nobis est magis familiaris, & pluribus titulis, ac modis indiget gratia, quam Angelica, ideo de rationali natura sermonem semper facimus; doctrina vero facile poterit ad Angelicam eam proportionem applicari: nam ubi ratio diversitatis interveniret non difficile intelligitur, eamque indicare curabimus. Non loquimur autem nunc de natura humana prout a supposito distinguitur, nec de statu illo plus quam humano, quem in divino Verbo per hypostaticam unionem obtinuit: nam prior naturæ speculatio metaphysica est, nihilque ad præsentem causam spectat, alterius vero mysterii consideratio altior est, quam suo loco pro viribus prosecuti sumus. In præfenti ergo natura humana, quatenus in persona creata capax est gratiæ, illaque ad bene operandum, & ad suum finem consequendum indiget, consideratur.

2. Est autem ulterius advertendum gratiam perficere naturam, præcipue quatenus humanorum, ac liberorum actuum principium est. Unde fit, ut liberum arbitrium, & gratia tam sint habitudine, & officio conjuncta, ut non possint disputatione se jungi, ut satis indicavit Augustinus, dicens: *Si non est Dei gratia, quomodo Christus salvat mundum, & si non est liberum arbitrium quomodo judicat mundum*. & libr. 3. Hipognostic. cap. 11. *Neque gratia sine libero arbitrio facit hominem habere beatam vitam, nec liberum arbitrium sine gratia*, & Bernardus de Grat. & libero arbitrio. *Tolle liberum arbitrium, non erit quod salvetur, tolle gratiam, non erit, unde salvetur*. Unde præcipua hujus materiæ difficultas in concilianda gratiæ ne-

cessitate, ac efficacia, cum libertate arbitrii posita est, & ignorantia hujus concordiæ fere omnium errorum, qui in hac materia fuerunt, radix, & origo fuit. Oportet ergo ante significationem gratiæ, quid nomine libertatis, & liberi arbitrii significetur, præmittere.

3. Et in primis præmittenda est distinctio triplicis libertatis, quam sic tradit Hugo Victor. in Sum. sentent. tract. 3. capit. 9. *Est namque* (ait) *triplex libertas a necessitate, a peccato, a miseria*. Nos vero aliter illa membra numeramus; est enim libertas a servitute, a coactione, & a necessitate, ex quibus sola hæc relictia est propria libertas moralis ad humanos actus laudæ, & reprehensione, præmio, aut pœna dignos necessaria: unde illa sola simpliciter nomen libertatis meretur: reliquæ enim eatenus libertates appellantur, quatenus alicui necessitati opponuntur. Servitus enim quandam parendi necessitatem inducit, & ideo carentia servitutis libertas appellatur Roman. 8. *Liberabitur a servitute corruptionis*. Potest autem servitus esse vel peccati, vel pœnæ: sicque carentia culpæ, & remissio pœnæ dici potest libertas quædam a peccato seu peccati servitute, juxta illud Roman. 6. *Cum servi essetis peccati liberi fuistis justitiæ, nunc autem liberati a peccato, servi autem facti Deo, habetis fructum in sanctificationem*: & 2. Cor. 3. *Ubi spiritus Domini ibi libertas*. Unde etiam Aug. 4. de Civit. cap. 3. *Bonus* (inquit) *homo, etiamsi serviat, utique homini, liber est*, scilicet a peccato: *malus autem etiamsi regnet, servus est*, nimirum peccati. Et ad eundem modum lib. decimo quarto de Civit. capit. decimo quinto: dixit, primum hominem peccando amisisse libertatem, quam concupivit. Non enim libertatem a necessitate concupierat, nam illam a principio habuit, & ita neque illam amisit, sed libertatem a subjectione appetiit, & hanc amisit, quia & peccati, & pœnæ, & miseriæ servus factus est, & contraxit concupiscentiæ inordinationem, & pugnam fomitis, quæ servitus quædam pœnalis est. Atque ad hanc significationem reducitur omnis carentia obligationis, seu debiti, si ve a lege, si ve a quacunque alia causa proveniat: sic enim dispensatio, vel exemptio a lege, libertas quædam censetur; unde etiam privilegium nomine libertatis vocari solet, & cui aliquod debitum remittitur, liberari ab illo dicitur. Siquis autem recte considerat, tota hæc libertas supponit propriam libertatem a necessitate, quia non est capax propriæ servitutis, culpæ, aut pœnæ, præcepti, aut obligationis, nisi persona libera in agendo; ideoque sicut propria privatio supponit aptitudinem, ita servitus, & obligatio supponunt personam aptam ad operandum cum indifferentia, & absque necessitate. Quia vero operationes a necessitate liberæ possunt esse sub jure alterius, vel sub aliquo onere, & obligatione, ideo cum libertate a necessitate potest esse in operibus necessitas servitutis, & obligationis, seu (quod idem est) potest quis per legem, vel servitutem privari libertate illis contraria, & nihilominus retinere propriam operum libertatem.

4. Coactum idem fere est, quod violentum, utrumque enim est contra internum appetitum patientis, vel operantis, sed violentum generalius dicitur de

Triplex libertas, sed illa, quæ est a necessitate, est propria libertas moralis.

Coactum idem fere quod violentum.

quocunque motu contrario appetitui, siue elicitio, siue innato: coactum vero proprie dicitur, quando appetitui elicitio, & vitali repugnat, licet interdum soleant voces illæ confundi. Duo ergo ad coactum requiruntur, scilicet, ut ex necessitate fiat, vel sustineatur, & quod sit contra internum affectum, & ita coactio est quædam necessitas, & aliquid ultra illam addit. Utrumque ex Aristot. 3. Ethic. cap. 1. colligitur, dicente, *violentum esse*, quod est *ab extrinseco, passum non conferente vim*, id est, resistente aliquo modo, ut omnes exponunt ex eodem Aristot. 1. Ethic. ad Eud. cap. 8. quia si passum non resistat, motio non erit violenta, etiam si ab extrinseco proveniat. Coactum ergo, ut tale est, non potest esse ab intrinseco, alioqui non esset contra propriam inclinationem, si autem est ab extrinseco, eo ipso necessarium est, quia libertas a necessitate non est in patiendo, sed in agendo, ut infra probabo: ob hanc ergo causam & coactum includit necessarium, & quod non est a coactione liberum, ut tale est, non potest esse a necessitate immune. Propter alias vero conditiones non convertitur coactum cum necessario, multa enim necessaria sunt, quæ contra internum appetitum non sunt, imo ex illo sæpe nascuntur. Et ob eandem rationem libertas necessitatem excludens universalior est libertate soli coactioni opposita: nam omnis libertas a necessitate est etiam a coactione exempta, non vero e contrario, ut per se notum est: dilectio enim Dei in patria a coactione libera est, non tamen a necessitate.

5. Libertas ergo a sola coactione tantum requirit carentiam violentiæ, ita ut motio, quæ sic libera dicitur, contra internum appetitum non sit, siue ex necessitate fiat, siue non. Talis autem motio si sit voluntatis, dicenda est potius voluntaria, quam libera. Hæc namque duæ proprietates in actibus voluntatis distinctæ sunt, & ideo nominibus etiam sunt distinguendæ, ne verborum ambiguitas disputationem reddat incertam. Potest ergo esse actus hominis voluntarius, ac subinde a coactione liber, qui tamen simpliciter liber a necessitate non sit, ut in amore, quo Deus se amat, & quo Spiritum sanctum producit, & quo beati diligunt Deum, & in actibus indeliberatis voluntatis, & in affectibus appetitus sentientis videre licet: ratioque satis constat ex dictis, his adjunctis, quæ de ratione voluntarii Arist. & D. Th. tradiderunt. Voluntarium enim dicitur, quod est ab interno principio cum cognitione, quæ ratio tota potest in actu reperiri, quamvis ex necessitate fiat, quia sola necessitas non excludit cognitionem, nec conformitatem cum appetitu innato, vel elicitio. Unde etiam ortum habuit communis illa Theologorum doctrina, voluntati in actibus elicitis non posse vim, aut coactionem inferri, etiam si necessitatem pati possit. Nam coactio excludit voluntarium, illi enim directe opponitur; non potest autem actus esse a voluntate, & non esse voluntarius, quia non potest non esse a principio intrinseco cum cognitione, nec potest simul esse voluntarius, & coactus, quia hæc duo opponuntur & immediatam contradictionem involvunt: necessitas autem non involvit illam oppositionem cum voluntario, quia necessitas ipsa potest esse voluntaria, seu interno appetitui conformis, ut dictum est.

6. Duo autem in hoc sunt, quoad modum loquendi, advertenda, quoniam ad intelligendas sententias Patrum erunt necessaria. Unum est coactionem duplicem esse, unam simpliciter, quæ absolutam, & inevitabilem necessitatem contra internum affectum infert: alia secundum quid, qualis est, quæ per penas, vel timores fit, quæ non absolutam necessitatem, sed secundum quid, scilicet, ad vitandum tale incommodum, inducit. Prior ergo coactio est, quæ omnino repugnat actui elicitio voluntatis, quia eo ipso, quod est elicitio, jam non est coactus, posterior autem coactio esse potest cum absoluta voluntate, imo & cum libertate, cum absolutam necessitatem non inducat, & ideo licet interdum coactio, aut violentia vocetur, ut patet ex August. lib. 1. contra Gaudent. c. 25. & epist. 48. simpliciter, & absolute coactio non est, sed alicujus mali prohibitio, ut dixit idem August. lib. 2. contra Iul. Petilian. c. 83.

7. Aliud animadvertendum est, interdum voluntarium actum ita esse necessarium simpliciter, ut ipsa necessitas ab intrinseco sit, ac subinde conformis sit inclinationi, & perfectioni naturali ipsius voluntatis & tunc actus licet sit necessarius ita est voluntarius, ut nullo modo dici possit violentus, vel coactus, quia nullo modo repugnat interno appetitui, neque elicitio, quia actus, ut supponitur, voluntarius est, nec innato, quia ipsa necessitas non est etiam voluntati, ejusve innatæ inclinationi contraria, ut supponitur. Et hoc modo amor Dei in beatis est necessarius sine ullo genere coactionis aut violentiæ, & affectus appetitus sentientis possunt in eodem ordine poni propter eandem rationem. Aliquando vero actus voluntarius potest esse necessarius tantum ab extrinseco efficiente, sed quasi impellente, & tunc licet actus sit voluntarius, & ideo non possit dici absolute coactus, nihilominus cum necessitas ipsa non sit conformis naturali conditioni, & inclinationi voluntatis, eo quod sit tantum ab extrinseco, actus sic necessarius interdum solet aliquo modo violentus dici, saltem secundum quid, quia est contra modum naturalem, & contra quandam innatum appetitum. Et hoc modo necessitas immissa voluntati in actibus de se liberis vocari solet a Patribus coactio quædam, & e converso actus simpliciter liber vocari solet spontaneus, & voluntarius, utique perfecte, & extrinsecam necessitatem interno appetitui, seu inclinationi voluntatis repugnantem excludens.

8. Liberum ergo in præsentī vocatur, quod a necessitate liberum est: dici autem solet & de facultate operandi absque necessitate, & de ipsa actione. Priori modo denominatur arbitrium liberum, quod dicitur esse *facultas voluntatis, & rationis*, utique ad operandum cum indifferentia, & dominio actionis, ita ut in manu ejus sit velle, aut nolle exercere, vel sustinere actionem. De quo dixit August. lib. 2. de Pec. merit. & remiss. c. 18. *Esse voluntatis arbitrium, quod huc atque illuc liberum flectitur, atque in eis naturalibus bonis est, quibus homo bene, & male uti potest*. Atque in hoc sensu de fide certum est, hominem esse hoc modo naturæ suæ liberum, seu habere aliquam facultatem a necessitate liberam in operibus suis, non solum naturalibus, sed etiam supernaturalibus, ut aperte definit Concil. Trident. sess. 6. cap. 5. & can. 5. & 6. & Scripturis, & rationibus probat late August. lib. de Grat. & lib. arbit. & latius moderni de hac materia scribentes, & nos brevius in libro 1. de Auxil. a princip. Præcipue vero videri possunt eruditæ disputationes Cardin. Bellarmini in tota controversia de Grat. & lib. arbit. cum Præfatione.

9. Hinc etiam actus, qui ab hac facultate libera procedit, liber denominatur: oportet autem, ut ab illa, ut indifferens est, procedat. Non enim defuerunt aliqui moderni Catholici, qui negaverint ad libertatem actus esse necessariam indifferentiam, seu carentiam necessitatis, sed satis esse carentiam coactionis: sed hæc sententia reprobata est inter assertiones Michaelis Baji assertion. 39. & 41. & in libr. tertio, ex professo refutabitur. Ut ergo actus sit verè liber, non satis est, quod sit voluntarius, seu non coactus, sed etiam ut non sit necessarius simpliciter, ac proinde, ut procedat a potentia libera, ut indifferentiam, & libertatem retineat, ut in ipso usu, & exercitio libera, & integra potestate sua sinatur operari, ita ut in manu ejus sit inter contraria, vel contradictoria eligere, vel operari, aut non operari. Quia ut actus sit liber, necessarium est, ut procedat a facultate libera, ut libera est; non procedet autem a potentia libera, ut talis est, nisi expeditam habeat suam facultatem, quoad utramque partem, utique operandi, & non operandi. Quid enim proderit ad libertatem talis actus, quod potentia innata habeat indifferentiam, si in ipso usu impediatur? Quapropter supposita distinctione data de duplici necessitate, altera ab intrinseco per naturalem determinationem potentiæ ad unum; alia ab extrinseco per impulsu alicujus extrinseci agentis: prior repugnat non solum actui, sed etiam facultati liberi arbitrii, & ideo fieri non potest, ut potentia libera tali necessitati subdita sit respectu ejus.

Secundum quod est observandum.

Liberum & necessitate dici solet, & de facultate operandi absque necessitate, & de ipsa actione.

Unde liber actus denominatur.

Aristot. 3. Ethic. c. 1. D. Th. 1. 2. q. 6. ar. 1.

Duo advertenda quoad modum loquendi necessaria ad intelligendos Patres. Primum.

eiusdem objecti, quia contradictionem involvit, ut per se notum est. Posterior autem necessitas non repugnat facultati liberæ, ut nunc suppono, ut paulo post probabo, repugnat autem actui libero, quia, ut talis sit, oportet, ut procedat a potentia, ut libera, vel quoad specificationem, vel saltem quoad exercitium, juxta modum, quo actus liber fuerit, quia non habet quod sit liber, nisi per denominationem a suo proximo principio. At vero si actus procedat a potentia necessitate patiente, sive per intrinsecam necessitatem potentie determinatæ ad unum, sive per extrinsecam necessitatem immixtam potentie de se liberæ, jam impeditur, & tollitur libertas actus; ita ut liber dici non possit, nec laude, vel vituperio dignus, quia non procedit a potentia, ut libera est, nam ipsa non valet necessitatem illam auferre, vel prævenire, & ideo non potest illi imputari, quod tali modo, & non alio operetur. Quam doctrinam satis clare docuit Concilium Trident. loco cit. & necessaria omnino est ad salvanda omnia, quæ de humanis actionibus, earumque libertate Scriptura docet. Ideoque censeo in hoc puncto non esse dissensionem inter Catholicos, licet in modo explicandi, & defendendi hanc libertatem possit esse aliqua diversitas.

CAPUT II.

Quæ sint necessaria, ut potentia sit libera, & libere operetur.

IN superiori capite solum voces, seu loquendi modos explicavimus, nunc vero aliquid de re ipsa addendum, & fundandum est, ut postea in gratiæ auxiliis explicandis, & cum libertate arbitrii conciliandis solide, & efficaciter procedere possimus.

1. Primum igitur omnium statuimus, de ratione potentie formaliter liberæ esse, ut quatenus talis est, sit potentia activa. Est certa, & communis assertio, quam probare possumus primo ex Scriptura, ubicumque enim libertatem arbitrii declarat, verbis utitur ad propriam potestatem agendi pertinentibus; ut est illud Ecclesiast. 15. *Ad quod volueris porrigere manum tuam, & illud, Quæ enim odit, ne feceris, & illud cap. 31. Qui potuit facere mala, & non fecit.* Item illud Zachar. 1. *Convertimini ad me,* per quæ verba libertatis nostra admonemur, ut Concilium Trident. dixit; nemo autem se ipsum convertit, nisi agendo. Simile est illud Apocal. 3. *Siquis aperuerit mihi januam intrabo ad illum:* nam verbum *aperiendi* efficientiam includit. Ac denique 2. Petr. 2. *Satagite, ut per bona opera certam vestram vocationem, & electionem faciatis;* & similia passim occurrunt. Secundo id probamus ex Conc. Trid. sess. 6. cap. 5. ubi cum dixisset, homines vocari a Deo per gratiam, ut *eidem gratiæ libere assentiendo, & cooperando in ipsum Deum convertantur,* explicat illam liberam cooperationem dicens. *Ita ut tangente Deo cor hominis per Spiritus sancti illuminationem, neque homo ipse nihil omnino agat, in inspirationem illam recipiens, quippe qui & illam abjicere potest. Neque tamen sine gratia movere se ad iustitiam coram illo libera sua voluntate possit:* & ideo in can. 4. damnat dicentes, *liberum arbitrium nihil cooperari assentiendo Deo excitanti, aut nihil omnino agere, mereque passive se habere.* Ergo ex sententia Concilii potentia passiva ad liberum usum non sufficit; est ergo libertas formaliter in potentia activa.

2. Tertio idem probatur Patrum auctoritate: August. lib. 12. de Civ. c. 6. & 7. ubi agens de causa actus mali, dicit, ad voluntatem ipsam reduci tanquam ad causam efficientem, & deficientem. Idemque docet lib. 1. de Liber. arb. a cap. 12. & l. 3. c. 1. & 2. Additque c. 3. *illud esse in potestate nostra, quod cum volumus facimus, quapropter nihil tam in nostra potestate, quam ipsa voluntas est.* Quod repetit, & confirmat libro 1. Retract. cap. 9. & 22. Non dicitur autem aliquid esse in potestate nostra propter potentiam passivam, sed propter activam, quam ipsum nomen potestatis significat. Unde idem Augustinus libro 1. Retract. cap. 1. recognoscens verba, quæ in quæst. 1. libr. 2. ad Simpl. posuerat. *Quamvis sit in cuiusque potestate quid possit,*

Suarez Tom. VI.

ait, ideo illa dixisse, *quia non dicimus esse in potestate nostra, nisi quod cum volumus sit, ubi primum, & maximum est ipsum velle. Sine ullo quippe intervallo temporis præsto est voluntas ipsa, cum volumus.* Unde etiam lib. 83. Quæstionum quæstione 8. *Moveri* (inquit) *per se animam sentit, qui sentit in se esse voluntatem: nam si volumus, non alius de nobis vult, & iste motus animæ spontaneus est:* & quæstione 24. *Nec peccatum, nec recte factum* (ait) *imputari cuiquam iuste potest, qui nihil fecerit propria voluntate.* Et hoc modo ait utrumque esse in libero voluntatis arbitrio. Est ergo voluntas libera per potestatem activam, quam habet supra suos actus. Sic etiam dixit Damascenus lib. 2. de Fide cap. 25. ideo hominem esse liberi arbitrii, quia in sua potestate habet eas actiones, quas libere operari dicitur, & ideo *omnem deliberationem actionis causa suscipi,* & addit in cap. 26. *In nostra potestate sunt ea, quæ liberum nobis est facere, vel non facere:* & alia, quæ prosequitur, per quæ omnia docet libertatem in nobis esse per activam potestatem. Idem fuitur ex Anselmo libr. de Concept. Virg. cap. 6. Bernard. lib. de Grat. & liber. arbit. & citatur Nyssen. lib. 7. Philosoph. capit. 1. & 2. habet Nemest de Nat. hom. capit. 29. 39. & sequentibus.

3. Quarto probatur ex Scholasticis, & in primis ex D. Thoma 1. par. qu. 82. ar. 4. & quæst. 83. in corp. & ad 2. Item 1. 2. qu. 9. artic. 1. & 3. quibus locis ait, voluntatem esse potentiam se, & alias moventem per modum agentis, eandemque esse liberum arbitrium, quatenus ad utramlibet potest se ipsam movere. Idem habet quæstione 22. de Verit. articulo 9. in corp. & ad 1. & quæstione vigesima quarta, articulo quarto in corp. & ad 15. in qua solutione declarat expressius, liberum arbitrium, ut tale est, esse potentiam non passivam, sed operativam. Idem tradit Capreolus 2. distinctione 24. quæstione 1. articulo 1. conclusionem 5. & Scot. in 2. distinctione 25. in argumentis *Ad oppositum,* & in toto discursu quæstionis, Durand. distinctione 24. quæstione 2. numer. 10. 19. & 34. Gregor. eadem distinctione quæstione unic. Henric. quodlib. 10. quæstione nona, ubi parum a principio ait, voluntatem totam esse moventem, & motam, sed moventem quatenus libera est, quæ libertas, ait, est formaliter in ipsa. Idem habet quodl. 12. qu. 17. *Ad hoc* (inquit) *quod aliquid dicatur esse vere ex libero arbitrio, oportet, quod sit ab illo, ut a movente proximo, & sic voluntas est domina suorum actuum.* Bellarmin. lib. 3. de Grat. & lib. arb. cap. 10.

4. Tandem ratione declaratur, quam Scotus supra optime attingit: nam potentia libera est, quæ in manu, & potestate sua habet mutari, vel non mutari, nam hoc est esse dominam sui actus, vel mutationis, in quo dominio libertas consistit. Hæc autem potestas non est in potentia passiva, ut passiva est; ergo oportet, ut sit in potentia activa, quatenus activa est. Minor probatur, quia non est in potestate, ac dominio patientis, ut tale est, quod patitur nec ne: hoc enim pender ab agente, quia patiens ideo patitur, quia agens in illud agit. Actio enim infert passionem, & ordine naturæ, vel rationis illam præcedit, & ideo talis est passio, qualis est actio, & non e converso, loquendo causaliter, & a priori. Ergo actio non est in potestate patientis, ut patiens est, id est, in dominio ejus, sed agentis; quia prius non est in potestate posterioris, sicut præceptum non est in potestate subditi, sed superioris; ergo etiam passio non est in potestate patientis, ut tale est, sed in potestate agentis, quia posita actione necessario sequitur passio, & ideo eatenus tantum potest passio esse, aut denominari libera, in quantum actio fuerit libera; ergo utrumque est in potestate, & dominio agentis; ergo libertas solum est in potentia activa, ut activa est. Quapropter licet voluntas sit receptiva sui actus, & sub ea ratione sit potentia passiva, non est tamen libera, nisi quatenus potestatem habet eliciendi, & non eliciendi actum suum, & in tantum receptio ejus potest esse libera ipsi voluntati, in quantum illum efficere est illi liberum: si enim ab alio agente reciperet actum, ipsa nihil efficiente ex parte sua necessatio illum reciperet: quod si esset in potestate alterius agentis non im-

mittere in voluntatem talem actum, alteri agenti esset liber ille effectus, non ipsi voluntati. In potentia ergo passiva, ut passiva est, non est libertas.

Objeq. 5. Dices: Passum interdum determinat actionem agentis, vel ad illam confert, vel illam impedit; ergo eadem ratione potest ex parte potentiae passivae provenire, ut agens illam immutet, vel non immutet; ergo etiam poterit libertas esse in potentia passiva, ut passiva est. Antecedens patet in causa superiori, & universali necessario agente, determinatur enim ad hanc, vel illam actionem ex parte passi, ut patet in sole exsiccante lutum, & liquefaciente ceram. Item in causis particularibus actio est major, vel minor juxta dispositionem passi, & interdum omnino impeditur propter resistantiam ejus. Ac denique in moralibus, & supernaturalibus quando Deus infundit habitum voluntati, ipsa voluntas mere passive se habet, & nihilominus receptio est illa libera, quia ex ejus pendet dispositione.

Respons. 6. Respondeo negando secundam consequentiam, quia passum ut tale est, si sit omnino idem, non potest determinare actionem agentis, nec magis juvare, vel impedire actionem unius agentis, quam alterius: si vero sit diversum, seu diverso modo dispositum, tunc determinatio, resistantia, vel similis effectus erit omnino necessarius, aut si participet aliquam indifferentiam, necessario pendeat aliquo modo ex potentia activa libera. Declaratur: nam si agens sit naturale, & potens ad plures effectus efficiendos propter universalem virtutem, non potest circa idem passum eodem modo dispositum ad certum effectum determinari, nisi passum illius tantum sit capax. Nam si passum sit de se indifferens ad plures, non est, cur ab illo determinetur tale agens ad unam actionem potius, quam ad aliam, ut recte notavit Scotus supra §. *Contra conclusionem*. Si autem passum sit capax unius tantum effectus, tunc determinabit quidem actionem agentis, determinatio autem erit omnino naturalis, seu necessaria, ut per se constat: & eodem modo si passum sit diverso modo dispositum, determinat quidem actionem talis agentis, necessitate tamen naturali, ut patet in illo exemplo de sole liquefaciente ceram, vel exsiccante lutum, utrumque enim facit necessitate naturali: & ratio est, quia ex parte recipientis, ut sic, non provenit determinatio actionis, nisi propter incapacitatem naturalem, vel limitationem capacitatis ab aliqua dispositione proveniente, & ideo si limitatio illa, vel dispositio naturalis sit, etiam determinatio est necessaria, nec potest ex parte passi esse libera. Idemque est de resistantia, vel impedimento, aut carentia illius proveniente ex naturali dispositione recipientis: intercedit enim eadem ratio. At vero si agens sit liberum, tunc potest determinare suam actionem, & consequenter etiam passionem circa idem passum de se indifferens, & capax plurium actionum. Et tunc quidem determinatio libera est, provenit autem ab eminentia potentiae activae, & dominio, quod habet in suam actionem, nec potest aliunde provenire. Interdum etiam passio aliqua, seu receptio potest pendere ex dispositione libera passi, & tunc licet receptio proximè non possit esse libera ipsi recipienti, quia ab illo non fit, remote potest denominari libera, quatenus ab ejus libera dispositione penderet: illa autem libertas in eo posita est: quod effectio talis dispositionis est libera, & ita semper manat ex potentia activa, in qua residet; & hoc modo receptio primæ gratiæ sanctificantis potest dici homini libera remote, in quantum efficere contritionem est homini liberum, & in naturalibus potest dici esse homini liberum calefieri a sole, in quantum libere potest ad solem accedere, vel ab illo recedere. Propria ergo libertas semper est in potentia activa, ut activa est.

7. Secundo dicimus, & sequitur ex dictis, ad formalem libertatem alicujus facultatis requiri indifferentiam per eminentiam quandam dominativam potentiae activae, ut activa est, tum ad varias actiones, tum ad exercendas, vel non exercendas illas, aut simpliciter, aut in tali, vel tali determinata specie. Ut hanc assertionem declarem, suppono, ser-

monem esse de libertate creata, quæ primario consistit in ordine ad proprios internos actus ejusdem facultatis, scilicet, voluntatis, & illis mediantibus extenditur ad alias externas actiones: quod secus est in libertate divina, quæ immediate in actionibus, seu effectibus extrinsecis exercetur: nam in Deo ad intra nulla effectio, vel receptio, seu additio libera esse potest, ut nunc suppono, tanquam certum: cum proportionem tamen potest assertio ad libertatem divinam applicari, ut facile consideranti patebit. Deinde suppono vulgarem distinctionem duplicis libertatis quoad exercitium, & specificationem, quarum prior consistit in potestate habendi, & non habendi, posterior in potestate habendi hunc, vel illum actum. Et illius facultatis conditio quatenus illorum plurium actuum, seu statuum capax est, indifferentia vocatur. Dico ergo hanc indifferentiam, ut sit veræ libertatis, debere convenire tali facultati per se, & ut potentia activa est.

8. Probatur primo de indifferentia quoad exercitium, quia in primis ad illam necessaria est potentia activa. Hoc enim probant omnia adducta in præcedenti assertionem, & per se evidens est, quia nisi supponatur vis agendi in tali facultate, semper carebit actione, quia actio esse non potest, nisi ab habente vim agendi, eritque illa carentia non per modum privationis, sed per modum simplicis negationis, sicut potest esse in qualibet re inepta ad agendum. Deinde probatur de potentia ad non agendum, quia si potentia careat actione ex aliqua impotentia agendi, tunc non est libertas in carentia actionis, sed necessitas: quia impotentia æquivaleret impossibilitati, & impossibilitas agendi æquivaleret necessitati non agendi; ergo ut carentia actionis libera esse possit, supponit in ipsa facultate talem potentiam agendi, quæ vi sua possit non agere, non ex impotentia, sed ex eminentia virtutis, quam recte vocant Theologi dominium actus. Carere enim actione ex impotentia, non est dominium, cum de ratione dominii sit potestas utendi, & non utendi; ergo ut potentia vere sit domina sui actus quoad exercitium ejus, oportet, ut non ex impotentia, sed ex interna, & eminenti potestate actionem possit suspendere. Et ob hanc causam non potest talis indifferentia inveniri immediate in potentia passiva, ut passiva est, respectu passionis: quia licet possit interdum pati, & interdum non pati, in utroque pendet ab agente. Unde si adsit agens, necessario patitur vel absolute, si agens sit naturale, vel ex suppositione actionis, si agens sit liberum, & velit. Si vero agens absit, vel cohibeat actionem, tum etiam necessario non patitur, & ex quadam impotentia, quia ut passiva est, non potest se ad actum reducere.

9. Probatur deinde assertio de indifferentia quoad specificationem, ex dictis etiam in assertionem præcedenti, quia libertas est propriæ, & immediate conditio potentiae activae, ut activa est; ergo si talis indifferentia sit respectu plurium actuum, necesse est, ut in tali facultate sit vis effectrix omnium illorum actuum: nam si tali virtute careat, ad aliquem illorum efficiendum, respectu illius non erit libera, cum respectu illius non sit activa. Non sufficit autem ad libertatem circa tales actiones vis superior, & quasi universalis effectiva plurium actionum, vel effectuum, quia in agente naturali potest similis virtus inveniri, ut in sole, cujus virtus per eminentiam quandam indifferens est ad plures effectus, & actiones; ergo ad indifferentiam libertatis, ultra illam quasi universalem vim activam, necessarium est, ut illa sit conjuncta cum quadam eminentia dominativa, ratione cujus potest inter ipsas actiones eligere, aut se ad hanc potius, quam ad illam flectere. Propter quod merito dixit Div. Thomas in 2. distinctione 28. questione 1. articulo 1. *Homine non fore liberi arbitrii, nisi ad eum determinatio sui operis pertineret*. Et quæst. 22. de Veritat. articulo 9. in fine corporis dixit, in potestate voluntatis esse, ut objectum oblatum sibi acceptet, vel non acceptet, quia non est naturaliter determinata: & in solutione ad primum addit, *posse voluntatem directe se ipsam immutare respectu aliquorum, cum sit do-*

alicujus
facultatis
requiritur

2. Aq. 1.
Indifferen-
tia dimi-
nativapo-
tentiae acti-
vae est, ad
formalem
libertatem

fit domina suorum actuum: & plura alia in lib. 3. afferimus: & idem sensit Scotus in 1. dist. 25. ad ult. & alii auctores allegati. Potest comprobari omnibus Scripturæ, & Patrum testimoniis, quæ in assertione prima adduximus; nam ab omnibus indifferentia hæc per modum hujus domini declaratur: & si quis plura desiderat, legat Stapleronium libro quarto, de Justification. capit. 3. & Ruardum articulo 7. §. *Est autem*, ferre per totum, & Bellarminum libro tertio de Liber. arbit. cap. 5.

5. Assert. Completa vis activa & dominativa requiritur in virtute libera.

10. Dico tertio, ad libertatem proximam, & absolutam arbitrii requiri, ut virtus facultatis in suo ordine causæ proximæ habeat completam vim activam, & dominativam illorum actuum, ad quos dicitur simpliciter, & proxime libera. Hæc assertio sequitur ex præcedentibus, & probatur, quia alias si facultas ipsa, seu voluntas haberet vim agendi tantum dimidiatam, & incompletam, non posset simpliciter velle, aut nolle; ergo simpliciter non habebit in sua potestate activa suum actum; ergo nec habebit dominium ejus, neque proximam, & absolutam libertatem. Et declaratur, quia si proposito sufficienter objecto voluntas non habeat sufficientem vim activam ad volendum, vel nolendum, tale objectum, sed tantum partialem, seu inchoatam, erit in potentia passiva ad recipiendum complementum potestatis activæ; ergo ex ea parte, qua est in potentia receptiva talis complementi virtutis activæ non est libera, quia non habet illud complementum in sua potestate activa, sed in receptiva; ergo etiam non est proxime libera ad ipsum effectum, seu actum secundum, donec in sua virtute agendi compleatur. Unde est attente considerandum, quod licet potentia libera, etiam supposita integra libertate possit (ut dixi) esse passiva, respectu actus secundi volendi, aut nolendi, quia hæc potentialitas potest supponere in eadem facultate integram vim activam, nihilominus non potest esse integre libera, si sit in sola potentia passiva ad totam, vel aliquam partem virtutis activæ suorum actuum, quia sine integre virtute activa nondum habet actum in manu sua. Ideoque optime D. Thomas dicta quæst. 24. de Verit. artic. 4. dixit, liberum arbitrium in eo consistere, quod *non excedit vim potentie*. Nam secundum hoc aliquid fieri dicitur, quod est in potentia facientis, quod de potestate operativa, seu activa in solutione ad ultimum explicuit.

Objeçtio.

11. Dices, ad libertatem necessariam non esse, ut sola voluntas per se habeat integram vim activam sui actus etiam proximam: nam multi putant objectum, vel notitiam ejus concurrere active ad actus liberos voluntatis, & homo est simpliciter liber ad videndum, licet non habeat speciem, vel lumen. Item ad actus supernaturales libera est voluntas, licet integram vim eliciendi illos sola per se non habeat. Respondendo ad primam partem, probabilis esse solam voluntatem esse principium proximum sui actus, & in hoc distingui ab intellectu, ut aperte sensit Divus Thomas in loco proxime allegato de Verit. ad nono. Verumtamen licet contraria sententia supponatur, nihil obstat, quia juxta illam consequenter dicendum erit voluntatem solam per se spectatam, & nondum conjunctam notitiæ objecti non habere completam, sed inchoatam libertatem, quod sine inconvenienti dici potest, quia in eo statu nihil potest eligere: comparata autem notitia objecti habere completam libertatem, quia jam habet completam vim agendi, & non agendi voluntarie, & per illam qualemcumque conjunctionem voluntatis cum notitia, seu objecto cognito, censetur completa virtus ejus activa in actu primo proxime requisito ad volendum, vel nolendum. Ad secundam partem dicitur hominem posse esse simpliciter liberum ad volendum, vel desiderandum videre, quando non habet integram facultatem videndi, quia sine hac potest habere integram potestatem volendi, aut concupiscendi. At vero ad videndum non habere proximam libertatem, quia oportet, ut in potestate sua habeat acquirere complementum virtutis videndi, & necessarium est, ut inde liberam suam actionem inchoet illam speciem procurando, & ita remote dicitur habere libertatem ad videndum.

Suarez, Tom. VI.

quatenus vim habet se movendi ad comparandum quidquid ad integram facultatem videndi illi deest.

12. Ad tertiam partem dicimus, doctrinam absolute intelligi de libertate naturali voluntatis secundum se spectatæ in ordine ad actus ex natura rei sibi proportionatos; cum proportionem tamen applicandam esse ad actus supernaturales, ut postea videbimus, & nunc breviter explicatur. Nam voluntas sola per se sumpta non est proxime, & simpliciter libera ad actus supernaturales, sed de se habet tantum quandam inclinationem libertatis ad tales actus, in quantum habet aliquam vim activam innatam, vel naturalem, vel obedientialem, ad illos efficiendos, & est capax complementi illius virtutis: quamdiu vero illud complementum non habet actu, illa potentia remota est, & similiter libertas ad eosdem actus remota est, & incompleta. Et ideo Divus Thomas in dicto articulo de Veritat. ad nono, dixit liberum arbitrium in ordine ad actum charitatis, dicere potentiam cum habitu infuso utique, vel aliquo alio principio, quod suppleat viam ejus. Quomocunque ergo voluntas supponatur habere integram vim agendi actum, sive per se sola, sive per aliquid jam illi additum, vel sufficienter conjunctum, esse poterit plene, & sufficienter libera: quamdiu vero est in potentia tantum receptiva alicujus virtutis proximæ, activæ, ac necessariæ ad actum eliciendum, nondum habet absolute, & simpliciter liberam, & proximam facultatem: unde Div. Thom. prima par. quæstion. octuagesima tertia, art. secund. ad secund. dixit, liberum arbitrium nominari facultatem, quia debet esse potestas expedita ad agendum: quomodo autem erit expedita, si non sit integra, vel integrata, ut ita dicam. Et hanc assertionem confirmant, quæ adducit Bellarminus libr. 6. de Gratia, & liber. arbitrio cap. decimo quinto, assert. 1. 2. & 3. & Dried. in Concord. cap. 3. & Ruard. art. 7. quos allegat.

13. Ad majorem intelligentiam præcedentium conclusionum dico quarto libertatem in actu primo esse posse remotam, & proximam, & utramque requirere indifferentiam potentie activæ, servata proportionem: nam remota libertas requirit indifferentiam potestatis activæ in facultate formaliter libera secundum se, & nude spectatæ; proxima autem libertas in actu primo requirit indifferentiam activam in facultate ipsa agendi expedita, & proposita cum omnibus requisitis agendum. Divisio hæc ex generali doctrina potentie activæ nota est, eamque attigit Scot. in 4. distinct. 49. quæst. 6. sub §. *Dico ergo ex doctrina Aristotel. 9. Metaph. capit. 12.* ubi ait, eum, qui habet solam potentiam operativam, & non habet alia requisita ad operationem, solum secundum quid, & quantum est ex parte sui esse potentem ad operandum. Sicut dicitur potens ad videndum qui habet visum, etiam si lumine careat. Simpliciter vero dicitur potens, qui ita est dispositus ad operandum, ut sine immutatione ulla, vel in se, vel in passio, vel in objecto, vel in aliquo alio potest actionem emittere. Priorem itaque statum vocamus potestatis remotæ, posteriorem autem potestatis proximæ. Hi ergo duo status locum habent in potestate libera, ut per se notum est, & ipsi libertati recte accommodantur; nam qui dormit, libertatem habet in actu primo, remote tamen, quia multa immutatione indiget, ut libertate utatur: qui vero vigilat, & actu considerat volendum sit nec ne, dum nihil eligit, liber est tantum in actu primo, sed proxime, quia immediate sine interventu alicujus actionis, aut mutationis potest velle, vel nolle.

4. Assert. Libertas remota, & proxima requirit indifferentiam potentie activæ.

14. Atque hinc facile patet prior pars assertionis, nimirum in utroque statu requiri immunitatem a necessitate actionis in ea potentia, quæ est formaliter libera, seu indifferentiam potentie activæ tali statui accommodatam. Quod quidem in statu remoto per se notum est: nam ideo qui dormit, vel non considerat, liber nihilominus est, quia voluntatem retinet, quæ de se est facultas potens operari sine necessitate. Si enim talem potentiam, vel illam proprietatem ejus amitteret, jam nullo modo dici posset liber. Immo interdum non videtur esse satis solam potentiam retinere, nam puer ante usum rationis, vel amens non

dicatur habere libertatem, etiam si potentiam de se liberam habeat, quia est intrinsece impotens, & indifpositus ad multa prævia, & necessaria ad usum libertatis. Dicit tamen potest habere naturam de se liberam, vel habere libertatem in actu primo remotissimo. Qui autem est intrinsece aptus ad usum libertatis non tantum ex parte voluntatis, sed etiam ex parte aliarum potentiarum, & extrinseca dispositione organorum, licet actu sit impeditus, verb. gr. per somnum, minus remotam facultatem habet utendi libertate, & ideo communis usu liber vocatur, quia & facultatem habet de se indifferentem ad agendum, & non agendum, & intrinsece impeditus non est ad usum illius, licet quoad cætera requisita adhuc illa libertas remota sit.

Cardo cōcordiæ gratiæ, & lib. arb.

15. Altera pars de libertate proxima in actu primo, & quasi immediato est difficilior, est tamen verissima, & valde necessaria, & fortasse est quasi cardo totius concordiæ gratiæ cum libero arbitrio, & ideo diligenter probanda est. Primo ergo probatur, quia illa etiam est potestas vere libera; ergo in illo etiam statu retinere debet indifferentiam activam in operando, quia hæc est de intrinseca ratione libertatis, ut ostensum est. Secundo, quia alias nunquam potentia libera in actu primo remoto esset proxime libera ad agendum, vel non agendum, quod est contra omnem rationem potentiæ activæ, & plane contra usum libertatis. Explicatur sequela, quia potentia per se, ac formaliter libera in re non utitur, nec valet uti sua libertate, & indifferentia, nisi proxime disposita ex parte sua, & ex parte intellectus, & objecti, & ex omni alia parte necessaria ad opus; ergo si postquam est proxime disposita, jam non manet cum plena indifferentia, profecto nunquam in re ipsa libere operatur, nec utitur innata libertate. Tercio probatur, quia libertas formalis, & quasi essentialis voluntatis duplicem potestatem inadæquatam, seu ratione distinctam includit circa idem objectum, eodem modo hic & nunc propositum, una est potestas volendi, alia est potestas non volendi, seu nolendi illud. Si ergo voluntas jam expedita, & proxime disposita ad operandum circa tale objectum, non est indifferens ad utranque partem illius potestatis, sicut erat per se præcise, ac remote, & nude spectata; ergo ad unam partem illarum manebit proxime, & simpliciter potens, ad alteram vero non nisi remote, ac subinde proxime impotens; ergo de facto voluntas tunc non operatur tanquam domina utriusque potestatis, sed perinde se habet, ac si alteram tantum potestatem haberet, ac proinde libere operatur. Ut declaremus, & probemus consequentiam, constituamus, & consideremus voluntatem dicto modo proxime dispositam, ac præparatam, seu applicatam ad primum usum libertatis suæ, prius natura, quam libertate utatur. Aut ergo etiam tunc retinet indifferentiam ad utranque partem, & hoc est, quod intendimus; aut alteram tantum potestatem exercere potest, verb. grat. volendi, & tunc profecto sequitur, ut sit hic, & nunc simpliciter, & proxime impotens ad nolendum, quia ut posset nolle, deberet aliter præparari, seu disponi, quod jam non est in potestate illius, nec antea fuit, quia nondum usa fuerat libertate sua, ut supponitur: ergo illa libertas remota nunquam ad usum liberum applicatur. Atque hic discursus, & assertio ex capite sequenti amplius confirmabitur.

C A P U T III.

Utrum recte describatur potestas libera esse, quæ positis omnibus prærequisitis ad agendum potest agere, & non agere.

1. Punctum hoc tractavi in l. 1. de Auxiliis, quia illius resolutionem, & declarationem ad intelligendum usum libertatis, & concordiam ejus cum gratia cenfeo esse valde necessariam, & ob eandem causam iterum hic præmittendum esse judicavi, quia nonnulli moderni, licet descriptionem, seu propositionem illam simpliciter negare non audent: illam limitant variis modis, prout unicuique ad proprias sen-

tentias in aliis punctis defendendis commodum videtur. Has ergo limitationes hic expendere necesse est, ut postea cum solido fundamento procedere valeamus. Ut autem intelligantur limitationes, sciendum est, verbum illud *potest*, in descriptione positum, duobus modis accipi solere, scilicet, in sensu composito, vel diviso, id est, vel ut cum illis omnibus prærequisitis stare simul possit, tam agere, quam non agere: vel ut stantibus illis prærequisitis potentia retineat integram libertatem suam, non tamen possit ut illa ad non agendum, nisi aliquid ex dictis prærequisitis auferatur.

Verbum, potest, in sensu composito & diviso accipitur.

2. Primus ergo modus interpretandi, vel limitandi illam descriptionem est, ut si verbum, *potest*, accipiat in sensu composito, limitanda sit ad prærequisita ex parte causarum secundarum, ut intellectus, objecti, & phantasie, & si quid est aliud simile, non tamen extendantur ad prærequisita ex parte Dei; tum quia præviis concursus est necessarius ex parte Dei, & tamen illo posito non potest voluntas agere, & non agere, sed tantum agere; tum etiam quia voluntas, quæ Deus vult liberum arbitrium operari, est necessaria, ut arbitrium operetur, & est ex prærequisitis, quia præcedit ipsum actum, & determinationem voluntatis creatæ: & posita illa Dei voluntate, non obstat voluntatem creatam liberam non operari; ergo necessario ab illa descriptione excipienda sunt prærequisita ex parte primæ causæ. Ita opinatur Alvarez disput. 115. Ledes. art. 10. §. *Sed antequam*, post 7. concl. & alij.

Prima limitatio aliorum.

3. Secundus modus limitandi descriptionem illam est, ut si intelligatur de omnibus prærequisitis, tam ex parte Dei, quam ex parte aliarum causarum, vel conditionum necessariarum, verbum *potest*, accipiendum sit in sensu diviso, non in composito, respectu utriusque actus agendi, & non agendi, etiam divisi, seu sigillatim sumpti. Ita ut sensus sit, illam potentiam esse liberam, quæ positis omnibus requisitis, adhuc in se retinet potestatem non agendi, etiam si stantibus illis omnibus prærequisitis, cum illis conjungi non possit, ut non agat, sed oporteat aliquid ex illis prærequisitis auferri, ut potentia libera sua potestate non agendi utatur. Et simili modo quando talis potentia non agit, aut non vult, potestatem retinet agendi, & ideo libera est, non potest tamen conjungere actionem, vel volitionem cum solis illis prærequisitis, quæ tunc concurrunt, quando non vult, nisi aliquid, quod deest, addatur, & ordine naturæ, seu causalitatis præcedat. Et hunc etiam modum dicendi approbant dicti auctores: in quolibet autem alio sensu illam descriptionem rejiciunt, quam etiam dicunt, non esse ab Arist. D. Th. Magistro, vel aliquo gravi doctore traditam, sed ab Almain. & quibusdam Nominalibus inventam: & ita facile omnia contemnunt, quæ de illa descriptione in l. 1. de Auxil. diximus.

1. assert. vera est definitio libertatis in titulo posita.

4. Nihilominus iterum dicimus descriptionem illam optimam esse, & a gravissimis Auctoribus traditam, vel eisdem, vel æquivalentibus verbis. Immo existimo, ante nuperas controversias circa auxilium efficax gratiæ exortas, descriptionem illam fuisse a Doctoribus, & in scholis communiter probatam, ut affirmat Victor. Relect. de homine veniente ad usum rationis qu. 1. propos. 3. ubi etiam ipse illam supponit, licet ad usum liberi arbitrii amplius requirat. Eandem supponit tanquam communem Valent. 2. tom. disp. 8. qu. 5. Punct. 4. §. 4. ubi ait in hoc consistere essentialiter libertatem actionis. Eandem ponit, ut receptam sententiam Cord. in l. 1. Question. qu. 55. dub. 9. & 10. & sumitur ex Nemefio l. de Natur. hom. c. 35. dicente, *Esse autem liberum si eisdem positis causis in nobis esset aliquando appetere, aliquando refugere, &c.* & ex Scot. 2. d. 25. q. unic. in fine, & ibi Gabr. n. 3. dub. 3. & 4. & in 1. d. 48. cap. 3. & ibi Occam, & quodl. 1. qu. 16. & Marf. 2. q. 16. art. 4. & Dion. Cist. 2. d. 25. artic. 2. concl. 2. & artic. 3. con. 4. Henr. quo. 1. question. 16. Herv. quest. 1. quest. 1. Sor. lib. 1. de Natur. & Grat. c. 16. ubi ponit illam, ut receptam definitionem liberi arbitrii. Et novissime consentit Curiel. Contr. 2. Epist. 2. D. Petr. num. 234. Denique ex Arist. ac Div. Thoma paulo post illam comprobabimus: ratio

ratio autem potissima est, quia per illa verba optime declaratur internum dominium voluntatis in actiones suas, & proxima potestas operandi, & non operandi, vel operandi contrarium, quæ vix potest aliis verbis commodius explicari.

Pronun-
ziata lib.
nabit.

5. Assumptum declaratur in primis per varias definitiones liberi arbitrii ab aliis traditas breviter discurrendo. Quinque sumi possunt ex Illustri. Bellarmino lib. 3. de Gratia & liber. arbitr. & ipse addit sextam, quæ tamen propriè definitiones non sunt, sed quædam sunt simplices assertiones aliquarum proprietatum liberi arbitrii. Tale enim est, quod liberum arbitrium sit *rationalis voluntas*, vel quod sit *potestas servandi rectitudinem propter ipsam rectitudinem*. Aliæ quodammodo involvunt definitum in definitione, ut cum dicitur arbitrium esse *liberum de ratione iudicium*, ut ex Philosophis refert D. Thomas 1. 2. quæstione 17. artic. 1. ad 2. cum Magist. in 2. distinct. 25. in principio, vel esse *habitu animi liberum sui*, vel esse *consensum ob inamissibilem animi libertatem*, vel *liberam potestatem eligendi, aut acceptandi, & respondendi*. Ut enim omittam alios defectus, qui in his locutionibus, si ut propriæ definitiones accipiantur, notari possunt: quoties nomen, *liberi*, vel *libertatis*, in definitione ponitur, definitio involvit definitum, & æque obscura manet, quia cum liberum arbitrium definiendum proponitur, maxime declarari desideratur, quid significet illud *liberum*, vel quid sit illa libertas, unde liberum denominatur, hoc autem in illis descriptionibus non declaratur, sed reperitur, & ideo dico in illis definitum involvi. E contrario vero cum Magist. in 2. distinct. 24. dicit liberum arbitrium esse *facultatem voluntatis, & rationis, quæ bonum, vel malum eligitur*, nec adequate explicat facultatem illam: quia libertas non solum in electione, sed etiam in aliis actibus voluntatis, nec solum in electione inter bonum & malum, sed in electione inter plura bona exerceri potest: neque etiam declarat, quid sit electionem aut consensum, vel volitionem esse liberam, quod maxime desideratur. Unde D. Thom. 1. 2. q. 1. ar. 1. non definiendo, sed asserendo dixit, *liberum arbitrium esse facultatem voluntatis, & rationis*, & quasi tacite complens descriptionem addidit illam facultatem esse *per quam homo est dominus suorum actuum*. Per hoc insinuans, libertatem potentie consistere in dominio sui actus, Dominium autem est facultas utendi, & non utendi, seu faciendi, & non faciendi, & ideo moderni aliqui liberum arbitrium dicunt esse *facultatem voluntatis, & rationis ad utrumlibet*, id est, agendum, vel non agendum, & agendum unum, vel alterum. Quod quidem vere dictum est, & ex Aristotele desumptum, 9. Metaphysic. capite 3. alias text. 12. & ex Divo Thoma 1. 2. quæst. 6. artic. 2. ad 2. & quæst. 13. & 1. p. qu. 83. ut autem illud sit proprium liberi arbitrii, debet intelligi de potentia proxima, alias non erit illud proprium potentie formaliter liberæ; ergo ad hoc explicandum necessarium est addere particulam in dicta descriptione positam, *positis omnibus prærequisitis ad agendum*.

Dominium
quid sit.

Ex æqui-
paratione
ad intel-
lectum
probatur.

6. Utrumque declarare possumus intellectum cum voluntate comparando: nam etiam intellectus habet facultatem agendi, & non agendi, ut credendi, & non credendi, vel etiam dissentendi, & assentiendi, & nihilominus non est formaliter liber, sicut voluntas: ergo necesse est hoc discrimen in definitione liberi arbitrii explicare, quod sine illis particulis non fit. Supponimus enim, liberum arbitrium non esse plures potentias divisi sumptas, nec collectionem earum sed unam solam, quæ sit domina suorum actuum: esse autem facultatem agendi unum, & oppositum, vel agendi, & non agendi, non uni tantum, sed multis potentiis convenit, ut dictum est de intellectu, & suo modo convenit etiam appetitui sensitivo, & multo magis voluntati: ergo per hanc facultatem ad utrumlibet generatim, & indistincte sumptam non explicatur proprietas illius unicæ, ac simplicis potentie, quæ est liberum arbitrium, nec propria ratio, per quam in ratione potentie formaliter liberæ constituitur. Ergo ad hoc explicandum merito additur, esse potentiam, quæ habet facultatem agendi, & non

Suarez. Tom. VI.

agendi positis omnibus prærequisitis ad agendum. Per hanc enim ultimam particulam optime explicatur vis intrinseca liberæ potentie ad eliciendum, vel sustinendum actum sola sua potestate, & non ex defectu alicujus conditionis necessarie ad agendum, vel non agendum.

7. Unde quia hic modus operandi soli voluntati convenit, ideo illa est formaliter libera, & liberum arbitrium. Intellectus autem non habet hanc facultatem intrinsecam ita indifferentem, ut sese possit determinare ad actum, vel suspendere illum, aut ad oppositum se determinare. Nam si objecti veritas sit evidens, & sufficienter proponatur, ex necessitate naturali præbet assensum: si vero non sit evidens, sed probabilis, vel credibilis appareat, non potest sese determinare, nisi intercedente voluntate (ut in fide Christiana certum est, & idem est cum proportionem in humana.) Et tunc nunquam intellectus, positus omnibus requisitis ad agendum, potest agere, & non agere, quia unum ex prærequisitis ad agendum est, ut moveatur a voluntate, & posita tali motione non potest non agere, illa autem non posita, necessario non agit, non tam ex potentia non agendi, quam ex impotentia agendi. Voluntas autem positis omnibus requisitis ad agendum, sicut potest agere ex interna facultate se determinando, sine motione alterius potentie, ita ex eadem interna facultate potest non agere, suspendendo suum influxum ex interna vi, & dominio, vel etiam ex eadem facultate aliud, seu contrarium agendo, si ex parte objecti sufficiens propositio ad utrumque facta sit. Per illam ergo particulam optime completur descriptio liberi arbitrii, non excludendo, vel reprobando alias, sed explicando, de qua potestate agendi intelligi debeant, ut bonæ sint, utique de potestate proxima, quæ per se ad utramque partem flecti possit sine mutatione status, ut sic dicam, per quam scilicet mutationem impotens ad agendum, vel non agendum fiat.

Sola vo-
luntas pot-
est effice-
re, & sus-
pendere
actum po-
sitis omni-
bus requi-
sitis.

8. Secundo hinc dicimus, descriptionem illam in sensu composito esse intelligendam, sicut ab omnibus auctoribus, qui illam attigerunt, est intellecta. Et probatur facile, quia positis omnibus prærequisitis ad agendum, posse non agere in sensu diviso, id est retinere potestatem ad non agendum, ablata aliqua conditione ex prærequisitis, non est proprium potentie liberæ, sed cuilibet naturaliter agenti convenit. Nam solentiam ita illuminat, cum omnia requisita concurrunt, ut possit non illuminare, si fenestree claudantur, & oculus videt objectum imprimens speciem, & aptus est ad eandem visionem, si auferatur species: & intellectus ipse dum credit a voluntate motus, potens est ad non credendum, si voluntas aut non moveat, aut in contrarium actum inclinet: non enim suam potentiam in actu primo, quam innatam habet ad utrumque actum, amittit, quando ad credendum per voluntatem applicatur: ergo positis omnibus requisitis est potentia non credendi, vel dissentendi in sensu diviso: ergo id non est satis ad potentiam formaliter liberam: vel dicendum est, intellectum esse potentiam formaliter liberam, quod nec verum est, neque a dictis auctoribus admittitur: ergo ut illis verbis formalis libertas voluntatis explicetur, necesse est, ut in sensu composito accipiantur.

2. assert.
Descriptio liber-
tatis in se
su composita
est intelligenda.

9. Idem argumentum sumi potest ex ipsa voluntate: nam in beatitudine non libere, sed necessario beatus amat Deum, quia positis prærequisitis ad illum amorem, non potest non amare in sensu composito, & nihilominus ibi etiam retinet potestatem non amandi in sensu diviso: nam si visio ad illum amorem requisita auferatur, poterit voluntas ab illo amore cessare, sicut in Paulo contigit, si in raptu Deum vidit. Neque refert, quod illa necessitas aliunde proveniat, nimirum ex vi objecti, & visionis, quia nihilominus sub illa manet potestas ad non amandum in sensu diviso, & in hoc tantum fit æquiparatio. Deinde voluntas in actibus indeliberatis, quales sunt etiam motus gratiæ excitantis, ex necessitate, & sine libertate operatur: quia positis præviis requisitis ad illum actum, non potest actum continere, cum tamen in sensu diviso possit ab illo cessare, ut constat. Quin potius

Probatur
ex volun-
tate bea-
ta.

Idem in
brutis
probat.

etiam in brutis idem genus indifferentiæ inveniretur, possunt enim sponte sua, & moveri & quiescere, & ad unam partem, & ad oppositum moveri. Propter quod dixit Aristot. 8. Phys. text. 40. habere in seipsis moveri, & non moveri, & ideo quando positis omnibus requisitis aliquid appetunt, potestatem retinent ad cessandum ab illo appetitu, & ad contrarium appetendum in sensu diviso, id est, si aliquid ex illis prærequisitis auferatur, vel aliud diversum adhibeatur. Et nihilominus, quia positis prærequisitis ita ad unum determinantur, ut in sensu composito, id est, illis stantibus, nec aliud appetere, nec ab illo appetitu cessare valeant, ideo sine libertate operantur. Unde D. Tho. q. 24. de Verit. ar. 2. *In brutis (ait) est quadam similitudo liberi arbitrii, in quantum possunt agere, vel non agere unum, & idem, secundum suum iudicium, sed quia eorum iudicium est determinatum ad unum, per consequens eorum appetitus, & actio ad unum determinatur: & in solut. ad 2. & 3. dicit esse in brutis quandam indifferentiam actionum, quia eorum potentia motiva non magis inclinatur ex se ad unum motum, quam ad alium, & idem suo modo esse in appetitu eorum, & tamen non esse libertatem, quia posita apprehensione, & iudicio phantasie, ad unum determinantur. Ex quibus verbis colligimus, necessarium esse ad libertatem, ut stante eodem iudicio cum talibus prærequisitis tam actio, quam non actio sit in potestate agentis, nec satis esse, quod in eo sit potestas ad agendum, & non agendum, variato iudicio: nam hanc etiam potestatem habent bruta: eadem autem ratio est de cæteris prærequisitis, ut mox dicam.*

Ratio cõ-
vincens.

10. Ratio denique hanc partem convincit, quia non quilibet potestas agendi, & non agendi ad libertatem sufficit, sed illa, quæ est ex interna potestate, & eminenti virtute, ac dominio (ut in præcedenti capite declaravi) at vero ita operari positis omnibus requisitis ad agendum, ut solum possit facultas ab operatione cessare in sensu diviso, id est, sublato aliquo ex requisitis, non est posse cessare ex interna potestate, & dominio actionis: ergo non satis est ad libertatem. Minor probatur, quia tunc non cessatur ex potestate non agendi, sed potius ex impotentia agendi, quia nimirum nulla causa agere valet, nisi positis omnibus requisitis ad agendum, Et confirmatur, quia alias postquam voluntas positis omnibus prærequisitis velle incepit, non poterit sua sponte ab actuali voluntate cessare, stantibus iisdem prærequisitis, sed oportebit aliquid illorum auferri, ut ipsa cesset, hoc autem est, & contra experientiam, & contra usum libertatis: ergo. Sequela probatur, nam eadem est ratio de inceptione actus, & de perseverantia in illo: imo aliqui existimant magis necessariam esse continuationem, quam inceptionem, saltem pro brevi morula, quod nec verum est, nec nostra nunc refert: satis enim est, quod æqualis ratio intercedat. Si ergo voluntas stantibus omnibus prærequisitis ad perseverandum, potest sua sponte, & interna vi ab amando cessare, componendo simul illam cessationem cum illis prærequisitis, eadem profecto, vel majori ratione poterit non inchoare amorem, stantibus omnibus prærequisitis, negationem agendi cum eisdem prærequisitis simul componendo, vel si hoc posterius non potest, profecto nec illud prius potest. Unde ulterius confirmatur a contrario, quia si positis illis prærequisitis non relinquatur potestas non agendi in sensu composito: ergo ex potentia sic constituta cum omnibus prærequisitis necessario sequitur actio: ergo talis actio non est libera, cum ex necessitate sequatur ad potentiam antecedenter ad omnem usum libertatis ita dispositam, ut cum tali dispositione non possit actionem continere, & sine illa præparatione non possit illam elicere.

Ultima
confirma-
tio, ex
absurdo
oppositæ
sententiæ.

11. Tandem confirmatur, quia ex altera sententia sequitur, voluntatem nunquam habere potentiam proximam agendi, & non agendi: consequens est contra libertatis usum: ergo. Sequela probatur, quia ut recte dixit Capr. in 2. distinct. 28. quæstion. 1. artic. 3. ad 2. & 3. contra quartam conclusionem, potentia in solo sensu diviso solum est potentia remota, & potentia proxima includit omnia requisita ad actum, ut supra ex Scoto retulimus. Et probatur clare, quia illa

quæ dicitur potestas solum in sensu diviso, non potest immediate reduci ad actum, sed oportet, ut præcedat aliqua dispositio, aut mutatio, qua potentia redatur proxima, acquirendo aliquid necessarium ad actum, vel tollendo impedimentum actus, ut homo carens lumine gloriæ dicitur potens ad videndum Deum, non in sensu composito, sed diviso, id est ablata illa carentia, & ideo illa potentia est remota: idemque in universum invenietur in omni actu possibili in sensu tantum diviso. Si ergo voluntas positis omnibus prærequisitis ad agendum, potest non agere tantum in sensu diviso, non est tunc potentia proxima ad non agendum, sed tantum potentia remota. Et e contrario quando non habet omnia prærequisita ad agendum, non est potentia proxima ad agendum, sed tantum remota, nunquam ergo est potentia proxima ad agendum, & non agendum, sed ad alterum tantum. Minor autem, seu falsitas consequentis probatur, quia hoc modo tollitur in effectu verus usus libertatis: quia potestas remota revera non exercetur nec reducitur in actum, nisi in statu proximo constituta, ut potestas, quam habet album, ut sit nigrum, non reducitur in actum, nisi ablata albedine, & quamdiu illa potentia est sub albedine, non exercet actum alterius potestatis, & sic de aliis: ergo si voluntas nunquam est in potentia proxima ad utrumque actum agendi, & non agendi, vel agendi hoc, aut illud, nunquam exercet potestatem liberam, quia solum eam partem exercet, ad quam proxime est præparata. Quod maxime urget, rem moraliter considerando: quia non datur usus libertatis, nisi quando operanti imputari potest carentia actionis, & e converso: at verò ad hoc non satis est potentia remota, quæ non potest ad proximam reduci per ipsam voluntatem, qualis est illa potestas in sensu diviso: quia positis omnibus prærequisitis ad agendum, quæ antecedunt libertatem, non est in potestate hominis cum illis componere carentiam actionis: ergo non potest illi imputari, quod tunc non abstineat a tali actione: ergo nec actio ipsa illi potest tribui, tanquam libera, id est, tanquam procedens ex dominio agendi, & non agendi, ut ergo per illam descriptionem vera libertas explicetur, oportet, ut in sensu composito intelligatur.

12. Dico tertio, descriptionem intelligendam esse de omnibus prærequisitis sive ex parte Dei, sive ex parte aliarum causarum, & nisi ita intelligatur, non satis definitur libertatem, ut in actum liberum in ipso usu prodire possit. Hæc assertio solum ponitur propter priorem partem: nam de altera non est controversia. Est autem juxta mentem antiquorum doctorum, qui descriptionem illam tradiderunt, vel ut certam supposuerunt: quia nec Dei concursus, aut voluntatem ab illa excipiunt sed putant, vel non pertinere ad illa prærequisita, vel si aliquo modo pertinet, cum illa, & aliis, ut antecedunt, posse componi tam agere, quam non agere divisim sumpta, ut videre licet in Corduba supra, & aliis, quos ipse refert, & propterea dicere etiam solet non posse eundem effectum esse simul evitabilem in ordine ad causam secundam, & evitabilem in ordine ad primam, ut sensit Cajetan. 1. par. quæstion. 21. artic. 4. & Vualden. libr. 1. Doctrinal. fidei, capit. 28. Occam in 1. distinction. 38. quæstion. 1. Gregor. quæst. 22. art. 3. Gabr. art. secundo. Et propterea cum tota controversia versetur circa concursus, vel motionem divinam, in illa sola limitare generalem assertionem, videtur esse quadam petitio principii, vel aperta destructio, ac negatio illius axiomatis. Ratione idem ostenditur, quia omnia, quæ generaliter diximus de prærequisitis ad agendum æque procedunt de omnibus, & singulis prærequisitis, sive ex parte Dei, sive ex parte aliarum rerum, vel causarum necessaria sint, & sive dicantur esse aliquid requisitum in ipsa voluntate, sive in intellectu, sive in alia quacunque re, quæ ipsam voluntatem moveat ad agendum, & sive talis motio dicatur esse propria causa efficiens volitionem, sive sit necessaria conditio sine qua non stet fieri talem actum, & illa posita, non stet non fieri, dummodo sermo semper sit de solis, & propriis prærequisitis, id est, ita requisitis, ut omnino præcedant aliquo modo causalitate, & ordine natura

Tertia as-
sert. sub-
terfugia
p. clauda

turæ in causalitate fundato usum liberum voluntatis: nam de concomitantibus, quæ involvunt liberum usum, non loquimur, ut cap. sequenti declarabimus. Assumptum ergo sic declaratum probatur, specialiter de illo requisito ex parte Dei, quod a generali descriptione excipitur, & vocatur motio Dei. Nam si illa motio est unum ex prærequisitis, & simpliciter necessaria, ut voluntas operetur, & illa posita non manet in voluntate potestas ad non operandum, nisi in sensu diviso: ergo, illo prærequisito posito, non est voluntas in potentia proxima ad non operandum, sed tantum in remota, quia oportet prius illam motionem auferri ab illo, qui illam posuit: nam ipsa voluntas non potest illam auferre, quia sicut non fuit facta ab illa, ita neque ab illa pender, nisi ut a subiecto recipiente, in cuius potestate non est duratio passionis, sicut nec inceptio ejus, ut cap. 2. probatum est: ergo illa potentia in sensu diviso non est potestas ad liberum usum sufficiens, quia liber usus non est nisi a potestate proxima, ut etiam probavi. Ergo in voluntate sic mota non manet libertas non agendi, & consequenter neque ipsum operari liberum est. Et eadem ratione quamdiu illa ratio non datur voluntati, solum est in potentia remota, & ex parte receptiva ad agendum, quia oportet, ut prius recipiat illam motionem, quæ non est in potestate ejus activa, sed receptiva tantum: ergo tunc non est in potestate libera non agendi, sed in necessitate, & impotentia agendi. Ergo ut salvetur libertas, etiam respectu divinæ motionis præviæ requisitæ, necessarium est, ut, illa etiam posita cum aliis prærequisitis, maneat potentia in sensu composito ad agendum, & non agendum.

13. Confirmatur, & explicatur a simili de potentia, v. g. scribendi, quæ est in manu: illa enim de se est etiam potentia non scribendi, & nihilominus libera non est, quia nec potest scribere sine actione voluntatis, nec posita motione voluntatis, potest in sensu composito non scribere, licet in sensu diviso, & remote possit, utique si voluntas motionem auferat: ergo simili modo si voluntas non potest velle nisi mota a Deo, & posita motione non potest cum illa componere carentiam volitionis, licet in sensu diviso, id est, ablata motione, possit non velle, non magis est potentia libera, quam potentia motiva, quæ est in manu. Simile est de intellectu quoad potentiam assentiendi & dissentendi per fidem: nam in hoc non est formaliter liber, quia nec assentit nisi motus a voluntate, neque si ab illa moveatur, potest non assentire in sensu composito, sed in diviso: quæ divisio (ut sic dicam) non est in ejus activa potestate. Ergo si ita comparatur voluntas hominis ad motionem Dei præviā, ut sine illa non possit velle, & illa posita non possit non velle nisi in sensu diviso, qui non est in ejus potestate activa, profecto non est magis libera voluntas, quam intellectus, quia non potest ipsa active tollere motionem Dei, sicut non potest eam parere. Quid enim interest, quod una motio sit a voluntate creata, & alia ab increata? profecto hæc magis officit libertati: quia motio voluntatis increata efficacior est, & intimior, magisque per se influens in effectum.

14. Respondenti constituendo discrimen, quia voluntas creata licet sit mota a Deo, retinet intrinsicam potestatem non eliciendi talem actum, si velit, quod non habet intellectus, nec alia potentia naturaliter agens. Sed hoc non potest satisfacere. Primo, quia illa potestas intrinseca ad non eliciendum actum, quæ dicitur manere in voluntate mota a Deo, vel est ad non eliciendum actum in sensu composito, id est, sustinendo actum non obstante motione, & illa simul stante: & in hoc sensu optimum est discrimen, tamen per illum datur nobis, quod intendimus. Vel illa potentia est tantum in sensu diviso, & sic eadem profecto est in potentia motiva, & in intellectu, quia si motio voluntatis cesset, ex intrinseca natura talium potentiarum est, ut actum non eliciant, quia natura sua ita subordinantur voluntati quoad tales actus, ut si ab illa non applicantur, illos non eliciant, multo autem magis dicitur pendere voluntas hominis ab actuali applicatione, & præmotione Dei: ergo sub illa motione non magis habet potentiam intrinsicam

non volendi, quam intellectus, vel manus sub motione voluntatis. Unde fit, ut sicut non posita motione voluntatis, non solum potest intellectus non assentiri, vel manus non moveri, sed etiam necessario non assentit, nec movetur, ita juxta illam sententiam non posita motione Dei, voluntas necessario non vult; ergo non vere dicitur in sensu diviso, id est, ablata motione, posse non operari, si velit, sed dicendum est ablata motione necessario non operari. Nam sicut non potest componi carentia operationis cum motione, ita non potest componi operatio cum carentia motionis. Declaratur a simili: nam ablata cognitione non recte dicitur voluntas posse ab intrinseco carere volitione, si velit, sed dicendum potius est, non posse velle, & necessario non velle: sed non minus necessaria est (juxta illam sententiam) ad volendum motio Dei, quam motio intellectus: ergo in illo sensu diviso, id est, si motio Dei desit, non habet voluntas potestatem non operandi, si velit, sed est in potentia necessario non volendi: quæ (ut supra dicebam) est quædam impotentia volendi. Quapropter illa particula. *Si velit*, nullo modo potest ibi locum habere, quia ablata motione Dei, non potest homo velle: ergo cum dicitur, *Si velit*, ponitur conditio impossibilis. Aut enim illud, *Si velit*, intelligitur de voluntate directe per actum positivum volendi suspendere alium actum, & hoc dici non potest, quia neque id est necessarium ad non agendum libere, ut est probabile, nec illud est possibile in illo sensu diviso, id est, ablata motione Dei: vel intelligitur de voluntate indirecta, & tunc supponi debet proxima potentia volendi, quæ non est sine motione Dei, quia adhuc voluntas est ex parte in potentia tantum receptiva: ergo tunc non habet locum conditio, *Si velit*, quia non voluntarie, sed necessario caret voluntatis actu, quia a Deo non movetur.

15. Est igitur eadem ratio de quolibet requisito ex parte Dei, quæ est de aliis causis. Nam si tale est requisitum ex parte Dei, ut cum illo non sit potentia non agendi nisi in sensu diviso, revera non est potentia suspendendi volitionem per intrinsecum dominium in illam, sed per quandam impotentiam, quia si auferatur illud requisitum, sine illo non potest velle, sicut non potest operari sine concursu Dei. Et similiter potentia illa in sensu diviso, etiam si sit respectu præmotionis necessaria ex parte Dei, est tantum potentia remota, quia debet prius auferri motio Dei, ut talis potentia reducat in actum non volendi, & auferre illam motionem non est in potestate ipsius voluntatis, quia ad illam solum passive se habet. Unde etiam hic habet locum illa ratio, quod nec possit imputari homini carentia volitionis, quando non recipit motionem Dei, quia ante motionem non est in potentia proxima, & non habet in sua potestate motionem, per quam in proxima potentia constituatur, sed solum est ad illam in potentia passiva, & ita non potest illi imputari, quod illam non habeat, & post motionem non potest voluntati moraliter tribui, quod actum non suspendat, vel quod suum influxum non contineat, quia posita motione non potest, & illa motio ponitur sine influxu ejus. Ergo ad veram libertatem salvandam sensus compositus universaliter, & sine exceptione necessarius est respectu omnium, quæ proprie sunt prærequisita ad agendum, sive ex parte causarum secundarum, sive ipsius Dei.

16. Ad fundamentum contrariæ sententiæ, negamus priorem partem de concursu prævio, sufficit enim simultaneus, qui ut in re ipsa datus non est ex prærequisitis ad volendum, sed est concomitans, & cum illo involvitur usus libertatis. Ut vero est tantum in actu primo, est ex prærequisitis: verumtamen cum illo in eo statu posito, seu oblato ex parte Dei, potest simul componi carentia actus, ad quem supponitur concursus in actu primo oblatus. Et eodem modo dicendum est ad alteram partem de voluntate Dei. Concedimus enim aliquam voluntatem Dei esse præviā ad volitionem hominis, & nihilominus dicimus cum illa posse simul componi, tam non agere, quam agere, quia non oportet, ut sit voluntas absoluta, quod talis actus fiat, & in rerum natura ponatur, ut recto dixit

A simili
Confirmatio.

Adversarium
responsio.

Impugnatur.

Opposito
fundamento
fit satisfactio.

chxit Soto 1. de Natura, & gratia cap. 16. sed sufficit voluntas concurrenti cum libero arbitrio hominis ad hunc, vel illum actum, si ipse cooperari velit, quod semper relinquitur in manu, & potestate ejus: unde merito graves Theologi dixerunt, licet voluntas Dei ex æternitate antecedar, nihilominus volitionem ejus, ut determinatur ad volendum concurrere cum voluntate creata ad talem actum, non esse voluntatem præcedentem sed concomitantem. Hæc autem concomitantia videtur consistere in objecto illius voluntatis divinæ, qua vult concurrere cum humana, quia per illam volitionem, non vult actum voluntatis humanæ simpliciter, & absolute, sed ut efficiendum ab eadem voluntate humana & quasi sub conditione, si voluntas ipsa humana velit cooperari, & ideo talis voluntas Dei nihil operatur per se sola, neque prius, quam voluntas creata, simul efficiat, & ita facile intelligitur, quomodo illæ duæ voluntates simul conjungantur ad eandem actionem, nam voluntas divina ex æternitate est quasi præparata, & habet applicatam potentiam suam ad coagendum cum voluntate humana. Unde quando in tempore voluntas humana pro libertate sua conjungitur divinæ, simul efficiunt.

C A P U T I V.

Utrum voluntas exposita cum omnibus prærequisitis ex parte intellectus ad libere volendum possit a Deo ita moveri, ut ex necessitate, & non libere velit?

1. **H**Ujus quæstionis resolutio ad declarandam amplius rationem libertatis, & ad explicandam postea concordiam libertatis cum motionibus gratiæ multum conferre potest, & ideo illam hoc loco præmittere visum est. Loquor de voluntate habente ex parte intellectus actum propositum objectum eo modo, quo ad libere volendum necessarius sit, & ex natura rei sufficiat: nam si intellectus perturbetur, aut subito, & sine sufficiente judicio, ac deliberatione rapiatur, non est dubium, quin voluntas possit ex necessitate, sine libertate moveri non solum miraculose, aut per gratiam, sed etiam ex interno impetu, ut in motibus primo primis juxta communem doctrinam contingit. Deinde necesse est, ut per integrum intellectus judicium proponatur objectum de se indifferens, id est, quod nec repræsentetur elare, ut summum bonum homini simpliciter necessarium, neque etiam ut bonum, quod ad finem actum intentum simpliciter necessarium sit. Et per hoc excluditur tam absoluta necessitas ab intrinseco, quæ potest esse in actu voluntatis circa summum bonum elare visum, quam necessitas ex suppositione, quæ potest esse in volitione mediæ necessarii ex intentione finis, quamvis hæc non sit absoluta necessitas, nisi etiam intentio finis absolute necessaria sit. Denique per hoc excluditur omnis necessitas, quæ ab intrinseco ex natura illius provenit. Unde quæstio solum est de necessitate ab extrinseco, id est, an stante tali judicio rationis, quo voluntas libere ex se moveretur, fieri possit, ut ab aliquo agente extrinseco in tale objectum sic propositum ita impellatur, ut non libere sed necessario illud amet, vel aversetur. Et quoniam de fide certum est nullam causam creatam spiritualem, vel cœlestem habere hanc vim in voluntatem, de solo Deo quæstio tractatur.

2. Distinguenda præterea est necessitas a coactione, nam, ut supra dixi, coactio addit ultra necessitatem, quod sit motus contra internum appetitum vitalem, & quia sub hac ratione repugnat actui voluntatis, cum intrinsece, & per se voluntarius sit, ideo communiter docent Theologi non posse voluntatem ad actus elictos cogi: nam eo ipso, quod illos elicit, voluntarii simpliciter sunt, quia non potest velle, quin velit, nec potest nolle, quin implicite velit nolle. Denique distinguenda est necessitas quoad exercitium a necessitate quoad specificationem: nam de hac posteriori nulla est quæstio, quia facile potest Deus necessitare voluntatem quoad specificationem, negando concursum ad omnem aliam speciem actus præter ipsam: sicut etiam dici potest necessitare voluntatem

quoad individuationem, non offerendo concursum, nisi ad unum individuum. Et ratio est, quia hæc posterior necessitas non est absolute agendi, aut volendi, sed conditionata agendi hoc, si voluntas agere velit; unde absolute est necessitas non agendi aliquos actus, quæ facile potest esse in voluntate creata ex voluntate divina, non solum quoad has, vel illas species actuum, sed etiam absolute ad omnes, quia potest Deus negare voluntati concursum ad omnem actum, & tunc ex necessitate nullum eliciet, sicut ignis ex necessitate non calefacit, Deo negante suum concursum. Eodem ergo modo potest Deus, negando voluntati concursum ad alias species actuum, coactare illam, ut solum in una specie possit elicere actum, si velit, & hoc est necessitare illam quoad specificationem: quæstio ergo nostra est de necessitate quoad exercitium.

3. Prima opinio negat, posse Deum necessitare voluntatem, stante judicio rationis, quo ita proponatur objectum, ut voluntas sibi relicta illud amare, vel non amare, aut etiam odisse potuisset. Hanc sententiam intendit Bannez 1. part. quæst. 19. art. 10. dub. 1. in fine §. *Sed dices*. Nam, licet illam sub dictis specialibus verbis non tradat, comprehendit sub generalibus, quibus ex eo, quod libertas voluntatis oritur ex indifferentia judicii rationis, sic insert. *Ex prædictis colligimus corollaria. Primum est: Quotiescunque actus voluntatis oritur ex prædicta radice judicii, semper eris liber. Underursus colligo: Quidquid anteceperit, vel comitabitur, vel supervenerit ad actum voluntatis, si non tollat judicium illud mediæ circa finem, non destruet libertatem operationis*. Ubi nihil excipit, etiam si hæc a Deo proveniant, imo statim expresse ita rem explicat, & ex illo principio dissolvendas putat omnes difficultates, quæ in concordia libertatis nostræ cum providentia & gratia divina concurrere solent. Et hanc doctrinam sequutus est Cumelius in eodem art. 10. in appendice de libero arbitrio, concl. 2. & P. Alvarez disput. 126. concl. 5. expresse declarans, Deum non posse necessitatem inferre voluntati, stante judicio rationis de se indifferente, eandem sententiam tradere videtur P. Vazquez 1. part. disput. 99. cap. 8. & alibi sæpe: excipit tamen voluntatem humanam naturæ hypostatice unitæ Deo, & ex diverso fundamento procedit, ut videbimus.

4. Priores ergo auctores concedunt posse Deum, stante judicio mentis ex se indifferente, ita præmove-re voluntatem, & efficaciter ad unam partem determinare, ut illa non possit resistere, nihilominus tamen dicunt, non necessitare illam necessitate contraria libertati, ac proinde non posse illam necessitare: quia si posset, posset maxime illo modo: sed illo modo non necessitat: ergo. Minor probatur primo, quia non obstante illa motione, actus elicitur a voluntate eum indifferentia rationis, & judicii: sed in hoc salvatur definitio libertatis; ergo ille actus libere fit. Secundo probatur idem, quia libertatem actus non excludit nisi necessitas absoluta: sed illa necessitas non est absoluta, & simpliciter, sed tantum secundum quid, & ex suppositione: ergo non repugnat libertati. Tertio, objectum voluntatis est bonum cognitum: ergo impossibile est, voluntatem ex absoluta necessitate amare objectum non cognitum, ut necessarium bonum ex necessitate amandum: ergo quamdiu judicium intellectus proponit objectum, ut bonum indifferens, impossibile est, quod voluntas medio illo judicio tendat in illud objectum ex necessitate absoluta, & non libere. Quarto, voluntas cogi non potest ex sententia omnium Theologorum, sed si necessitaretur, cogeretur: ergo nec necessitari potest. Probatur minor, quia illud cogitur, quod contra inditam sibi naturam, & conditionem moveretur: sed si voluntas necessitaretur circa tale objectum sic cognitum, moveretur contra inditam sibi naturam, & conditionem, ut constat, quia indita natura voluntatis est cum indifferentia, & dominio moveri circa tale objectum: ergo. Major patet, quia quod est contra inditam proprietatem naturæ, est etiam contra inclinationem internam, ac proinde est violentum, seu coactum. Quinto argumentari solent, quia non potest Deus facere, ut potentia non libera ex natura sua

Quæstio-
nis declaratio.

Vazquez
1. p. d. 68.
c. 5. disp.
90 c. 2. nu.
8. disp. 98.
c. 5. n. 31.

Duplex
necessitas

sua libere per miraculum operetur; ergo nec potest facere, ut potentia natura sua libera necessario operetur: videtur enim eadem ratio, & proportio.

Confirmatur.

5. Possumus in confirmationem huius sententiae afferre Augustinum lib. 3. de Lib. arb. cap. 3. ubi inter necessitatem, & voluntatem ita distinguit, ut neget fieri voluntate, quod fit necessitate. *Si enim* (inquit) *necesse est, ut velit unde volet, cum voluntas non erit.* Et infra, *voluntas igitur nostra nec voluntas esset, nisi esset in nostra potestate, porro quia est in potestate libera est nobis.* Et infra. *Nec voluntas esse poterit si in potestate non erit, ergo & potestatis est praeiudicium.* Simili modo Bernar. lib. de Grat. & liber. arbitrii. a principio loquens de consensu voluntatis ait, *Non cogitur, non extorquetur. Est quippe voluntatis, non necessitatis.* Et hoc ita esse verum, ut aliud repugnet, indicat, dum subdit. *Alioquin si compelli valet invitus, violentus est, non voluntarius, ubi autem voluntas non est, nec consensus. Non enim est consensus nisi voluntarius, ubi ergo consensus, ibi voluntas, ubi autem voluntas, ibi libertas,* sentit ergo repugnare esse voluntatis consensum, & esse necessarium. Denique allegatur D. Thomas in 1. 2. quæst. 17. art. 1. ad 2. & 1. part. quæst. 83. art. 1. quia his locis docet, ideo voluntatem libere moveri, quia ratio potest diversas conceptiones boni, & mali habere, & de objecto cum indifferentia quadam judicare. Ergo sentit: stante hac indifferentia iudicii, non posse actum voluntatis esse necessarium.

2. Opinio.

6. At vero altera sententia P. Vazquez in hoc fundari videtur, quod voluntas habens præsens objectum indifferens, & ut tale iudicatum, non potest ab extrinseco ita determinari ad unum, ut resistere non possit, & influxum suum cohibere. Hoc autem fundamentum non invenio ibi probatum, sed suppositum. Nam ex eo quod voluntas nostra necessitari non potest in via ab objecto, quamdiu usus rationis sine perturbatione manet, juxta doctrinam D. Thom. prima secundæ quæst. 10. artic. 2. inferri immediate ille auctor, stante illo iudicio, non posse libertatem voluntatis impediri, quæ illatio nulla est, nisi supponatur tale impedimentum non posse ab extrinseca causa provenire. Videtur autem Vazquez hoc fundamentum supponere ex his, quæ contra Gregorium dixerat disput. 38. cap. 5. Ibi autem non invenio probatum, esse impossibilem omnem modum necessitandi voluntatem circa tale objectum, sed solum de facto non dari motionem prædeterminantem, quia si daretur, læderet libertatem, quod longe diversum est.

7. Posset autem suaderi hæc sententia isto modo, quia nulla prævia motio ex parte Dei intelligi potest, quæ talem necessitatem inferat voluntati. Aut enim illa motio esset res distincta ab ipsomet actu quem voluntas elicit, vel esset ipsemet actus secundum aliquam rationem spectatus: neutrum dici potest: ergo. Minor quoad priorem partem probatur, quia illa motio facta a solo Deo non potest esse nisi productio alicujus qualitatis, quæ insit voluntati per modum actus primi, quia cum ab illa non fiat, non potest esse actus secundus: sed talis qualitas non potest necessitare voluntatem ad actum secundum: tum quia non tollit dominium ejus, nec minuit potentiam agendi, & non agendi; tum etiam, quia hac ratione habitus infusi, quantumvis perfecti non possunt necessitatem inferre voluntati circa objecta indifferentia, seu non simpliciter necessaria: ergo illo modo non potest voluntas necessitari a Deo. Altera item pars probatur, quia in ipso actu voluntatis sive libero, sive necessario nulla ratio considerari potest, quæ a solo Deo fiat, ut nunc suppono: ergo talis motio, ut est a Deo, non est antecedens, sed concomitans, quia simul fit a voluntate: ergo semper ex hac parte est subiecta dominio voluntatis, quia semper est potens dare, vel non dare suum influxum.

8. Verumtamen quidquid sit de huius sententiae veritate, non video, cur excipiat voluntatem creatam unitam hypostatice divinæ personæ. Primo, quia si ratio facta est alicujus momenti, eodem modo procedit in voluntate Christi, quia, non obstante hypostatice unione, in intellectu Christi præsentatur objectum amabile, quale ipsum est, & ideo si non est ne-

cessarium judicatur indifferens, sine ulla mentis perturbatione, vel deceptione, aut inconsideratione: ergo voluntas etiam tendit in illud libere, quantum est in se, nec potest necessitari, vel per motionem distinctam ab actu, vel quæ sit idem cum illo, propter easdem rationes factas, quæ eodem modo applicari possunt. Secundo, quia unio hypostatice per se ipsam formaliter non est principium activum, aut motivum voluntatis, ut nunc tanquam certum suppono: ergo non potest necessitare voluntatem per seipsam: ergo si necessitat, oportet, ut id faciat per aliquam mutationem factam in voluntate; ergo in illa etiam voluntate habet locum dilemma factum, vel si in illa non est efficax, neque in aliis erit. Unde accedit tertio, quod nullum donum creatum potest tribui naturæ unitæ hypostatice Verbo, quod non possit tribui naturæ create in propria persona existenti, neque actio ulla, vel modus physicus operandi potest communicari naturæ assumptæ, qui non possit puris hominibus communicari, quia personalitas divinæ communicata naturæ create, licet illam sanctificet, & deificet quoad dignitatem personalem, & substantialem, non dat capacitatem, vel potestatem physice operandi, sed moraliter dignificat actiones: at vero modus operandi voluntatis libere, vel necessario, est modus physicus, & realis: ergo si voluntas unita est capax necessariæ operationis, non obstante indifferentia objecti, etiam voluntas non unita illius erit capax: vel e contrario si in nostris voluntatibus id reperitur impossibile, non est, cur hypostatice unionem excipiamus. Itaque de priori opinione quid sentiam breviter in hoc capite explicabo, de posteriori autem in sequenti dicam.

9. Dico ergo Deum posse ita movere voluntatem, stante integro iudicio rationis de objecto ex se indifferente, seu non necessario, ut motu non libero, sed simpliciter necessario in illud feratur. Hanc assertionem expresse docuit Divus Thomas quæstione 22. de Veritat. articulo 8. ubi in principio corporis dicit. posse Deum necessitate voluntatem, non cogere. Et aliis locis solum negat posse Deum cogere voluntatem, & sine alia limitatione adjungit posse illam immutare, & ab uno bono ad alium actum transmutare, prout voluerit, ut patet ex 1. 2. quæstione 6. articulo quarto ad 1. Et sub illis verbis comprehendere potestatem necessitandi voluntatem sine coactione exponit Conradus in eadem 1. 2. quæstione 80. articulo tertio ad 1. allegando priorem locum, & tanquam manifestum id supponit Capreolus 1. distinctione. 45. ad 1. contra quintam conclusionem. Et hoc modo loquuntur multi ex scholasticis antiquis in 2. distinct. 25. Expresse vero id tradit Gabriel articul. 3. dub. 1. conclus. quarta, & Palac. disputat. unic. dub. ultim. Ocham quæstione 19. ad 2. Hi vero auctores in hoc fundantur; quod potest Deus solus efficere actum volendi in voluntate, quo ipsa velit necessario, etiam si ipsum non eliciat. Quod fundamentum nos non admittimus, nunc vero necessarium non est de illo disputare. Unde sine illo fundamento tenet eandem sententiam Marsil. in 2. quæst. 16. articul. 5. dub. penultim. conclus. 9. & 10. Scotus in 4. distinct. 49. quæst. 6. §. Dico ergo, Almain. tractat. 1. Moral. capit. 2. Eandem opinionem tenet Sot. lib. 1. de Natur. & grat. cap. 16. Medina 1. 2. quæst. 6. articul. 4. conclus. 1. Valent. disput. 2. quæst. 1. punct. 3. ad 2. & quæst. 5. punct. 4. & optime Bellarmin. lib. 4. de Grat. & libero arbitrio, cap. 11. §. Tertio est observandum, & latius capit. 14. in impugnatione tertiæ sententiæ, ubi expresse sententiam Bannez refert, & confutat illo innominato. Denique eandem sententiam sequitur dicens esse communem Theologorum Cumel. in opusculis tom. 3. discurs. 2. assertio. 4. quamvis enim ibi duos modos involvat huius necessitatis, scilicet, ex parte potentie, vel objecti, utrumque tamen suis rationibus probat, licet non satis consequenter loquatur, ut ex alio loco allegato constat. Eandem sententiam tenet Cabrera 3. part. quæst. 18. articul. 4. disput. 1. in principio, ubi præter morem doctrinam nostram approbat, quam vero constanter in cæteris loquatur, postea videbimus, & idem tenet Alexand. Pefant. 1. part. quæst.

Vera sententia.

quæst. 19. art. 8. disput. 1. ubi contrariam sententiam dicit esse contra omnes Theologos.

10. Secundo possumus assertionem hanc ex Patribus hoc modo confirmare: nam hæretici, qui dixerunt Deum non solum posse, sed etiam semper necessitare voluntatem hominis in omnibus volitionibus suis, non negabant habere hominem iudicium rationis, quo cognoscat, & discernat bonitatem uniuscujusque objecti, & an sit necessarium, nec ne, sive in ratione medii. Neque etiam dicebant Deum necessitate voluntatem auferendo illud iudicium, aut intellectum hominis perturbando, sed solum sua voluntate, vel præscientia ita præmovendo voluntatem, ut illam necessario faciat operari, ut constet tam ex antiquis erroribus Manichæi, & Abailardi, quam ex novis Calvinii, Lutheri, &c. At vero si, stante iudicio rationis integro, non posset voluntas necessitari per quamcunque motionem, vel efficientiam Dei in ipsam, facillimum fuisset Patribus, & Catholicis impugnantis eos redarguere, eo quod per solam motionem extrinsecam dicerent voluntatem necessitari, cum ea non obstande ex iudicio rationis de se indifferente, operetur, quod ad libertatem sufficit. At Patres nunquam ita respondent, vel impugnant errores illos, sed supponunt potius necessitandam fore voluntatem per talem motionem, si daretur, non obstande iudicio rationis. Et ideo negant dari talem motionem necessitantem, non quia impossibilis sit, sed quia Deus sapienti sua providentia ita gubernat, ut talem motionem (utique de lege ordinaria) illi non imprimat.

11. Atque hoc modo colligitur assertio ex Conciliis Trident. & Sen. definientibus contra Calvinum, qui prædicto modo erravit, & tamen Concilium Tridentinum sess. 6. cap. 5. & canon. 4. hunc errorem damnat, non quia ille modus necessitandi sit impossibilis, sed quia hæreticus ille asseruit de facto voluntates nostras ita semper moveri, & operari. Et ideo Concilium ad contradicendum illi errori, præter iudicium rationis, requirit usum libertatis, ut talis motio necessitans in voluntate non præcedat, & hoc est, quod ait. *Ita ut rangente Deo cor hominis, possit dissentire, si velit, & illam inspirationem, seu motionem abjicere.* Et Concil. Sen. decrevit. 15. fidei dixit. *Nec denique tale sit huiusmodi trahentis Dei auxilium, cui resisti non possit,* & hoc docet esse necessarium, ut libero arbitrio non præiudicet; ergo senserunt Patres horum Conciliorum ad libertatem actus non sufficere iudicium rationis, sed impediri posse per motionem aliquam ex parte ipsius voluntatis. Potest etiam sic induci Chrysostom. homil. 4. 2. ad Popul. *Nostras non prævenit voluntates, ne nostram terminet libertatem.* Ubi non negat prævenientem gratiam, ut postea videbimus, sed efficientiam ita prævenientem voluntatem, ut illam determetur necessario, & ex modo illo loquendi constat sensisse Chrysostomum non esse impossibile Deo prævenire illo modo voluntatem, sed ob convenientem providentiam non id facere. Sic etiam dixit Damascenus lib. 2. de Fide cap. 30. non prædestinare Deum seu prædefinire illa, quæ in nobis sunt, quia nec vitium (ait) admitti vult, nec virtuti vim affert, utique necessitatem inferendo, ubi quidem negat Deum inferre hanc necessitatem, non quia non possit, sed quia non est consentanea providentiæ, ita enim de prædefinitione necessitante exposuit illum locum Divus Thomas 1. part. quæst. 23. art. 1. ad 1.

12. Præterea Hieronymus Epistol. 146. ad Damasum de fil. prodig. sic exponit dedisse Deum homini mentis propriam libertatem, *ut viveret non ex imperio Dei, sed obsequio suo, id est, non ex necessitate, sed ex voluntate,* ubi per imperium Dei non intelligit legem, vel præceptum moraliter impositum, sic enim & falsa esset prior propositio negans, & inepta expositio subiuncta, quia tale præceptum non infert necessitatem, nec excludit libertatem. Loquitur ergo Hieronymus de illo absoluto imperio omnipotentis Dei, quo ipse dixit & facta sunt, ipse mandavit, & creata sunt. Sentit ergo posse Deum hoc imperio voluntatem necessitare, non tamen facere, *ut virtus haberet locum,* sicut statim subiungit. Est etiam opti-

mum Augustini testimonium libr. 1. de Liber. arbit. cap. 11. & lib. tertio, cap. primo. Ubi ait, naturam illam, quæ hominis mentem excellit, non cogere, id est, necessitare voluntatem hominis ad libidinem; non quia non habeat potestatem illam cogendi, sed quia iusta est, inferiorem autem naturam propter infirmitatem, & impotentiam non posse voluntatem hominis servam libidinis facere. Ergo sentit Augustinus non deesse in Deo potentiam ad necessitandam voluntatem.

13. Tertio probatur assertio ratione fundata in omnipotentia Dei, & in sententia Augustini in Enchirid. cap. 98. dicentis posse Deum, quia omnipotens est, mutare voluntatem hominis, quando voluerit, & ubi voluerit: nam ad eandem omnipotentiam spectat posse illam mutare, quomodo voluerit, si in modo nullam appareat implicatio contradictionis; ergo non solum potest mutare voluntatem, servando ejus libertatem, sed etiam necessitando illam, & liberum usum impediendo. Probatur hæc ultima consequentia, quia nulla major repugnantia in uno, quam in altero modo invenitur. Imo difficilius videtur voluntatem mutare efficaciter, salva ejus libertate, quam eam necessitando: quia in priori modo oportet in eadem actione conjungere potestatem non agendi cum infallibilitate agendi, quod videtur difficile: in modo autem posteriori cessat illa difficultas, quia si motio inducit necessitatem, consequenter habebit infallibilem effectum. Aliunde vero ex parte ipsius voluntatis creatæ nulla est specialis repugnantia, quia licet habeat duplicem potestatem, agendi scilicet, & non agendi, potest per omnipotentiam Dei secundum alteram suam operari, & secundum alteram impediri, ne suammet operationem possit suspendere; tunc autem operatio erit necessaria, & non libera quoad exercitium, quia libertas in operatione non est sola entitas actus, vel modus intrinsecus ejus, sed est denominatio a potestate agendi, & non agendi, utique ad utrumque expedita, seu non impedita; ergo tunc actus carebit tali denominatione & consequenter erit necessarius: neque in eo, quod Deus impediatur usum illius potestatis in voluntate creatæ, aliqua repugnantia cogitari, vel inferri potest. Quia cum omnis potestas causæ secundæ sit subdita potestati causæ primæ, facile potest per illam impediri, ne suamet potestate utatur, & oppositum videtur multum derogare omnipotentia Dei, & ejus eminentia super omnem potestatem creatam: unde hac ratione potest efficacissime impedire, ne voluntas velit, negando illi suum concursus, & consequenter necessitando illam ad non volendum; ergo etiam potest impedire usum potestatis ad suspendendum actum, & sic illam necessitare ad agendum.

14. Quarto hoc possumus evidentius ostendere respondendo fundamentis aliarum opinionum, quod longe facilius est in priori, quam in posteriori sententia. Nam prior supponit posse Deum motione sua præveniente usum humanæ libertatis ita efficaciter, ac physice prædeterminare voluntatem hominis, ut non possit voluntas illi resistere: ex quo principio ad hominem convincere possumus, posse etiam necessitare. Primo, quia illud ipsum prædeterminare illo modo est necessitare, ut communiter sentiunt Doctores hujus temporis impugnantes Calvinum: tamen quia hoc negant auctores illius sententiæ, & de illo est specialis controversia tractanda fusc lib. 5. ideo nunc hanc probationem omittimus. Secundo igitur ad hominem argumentor: nam voluntas stante iudicio integro intellectus prius natura, quam determinetur a Deo ad unum volendum, est de se indeterminata, & indifferens ad plura, & nihilominus dicitur prædeterminari a Deo, simulque sub illa determinatione retinere suam indifferentem potestatem ad suspendendum actum, quantum est ex se; ergo eadem ratione non repugnat, quamvis voluntas, stante iudicio intellectus, de se sit libera, nihilominus impediri omnino ab usu libertatis, & necessitari ad unum. Probatur consequentia, quia nulla est major repugnantia, quod facile ostendimus discutendo per singulas probationes illius sententiæ.

Confir-
matur ex
Patribus.

Rationis
probatio.

Solutio
argumen-
torum
conclusio
probatur.

Quid per
imperium
Dei intel-
ligat D.
Hierony-
mus.

15. Prima supponit novam, & defectuosam definitionem actionis liberæ, scilicet, ut sit actio a voluntate elicitæ circa objectum per iudicium rationis indifferens propositum. Nullus enim, quod ego viderim, ante Dominum Bannez illam definitionem liberæ actionis tradidit. Nam de ipsa potentia in optimo sensu dici potest voluntatem esse liberam, quia operari potest cum indifferentia integri iudicii rationis, quod erit verum, etiam si voluntas necessitetur stante simili iudicio, quia ipsa de se potens est ad operandum cum dominio circa tale objectum, etiam si hic, & nunc impediatur. Inde vero non sequitur talem potentiam nunquam posse impediri ab usu libero circa objectum iudicatum de se indifferens, quia cum objectum sic iudicatum non necessitet voluntatem, potest aliunde voluntas superari, & extrinseca necessitas illi imponi, ut ostensum est. Loquendo autem de actu, de quo argumentum procedit, nego definitionem actus voluntatis liberi esse, ut sit actus voluntatis cum iudicio rationis indifferente elicitus. Nam licet hoc sit necessarium non sufficit, quia illud iudicium est origo libertatis in actu voluntatis; ergo non est ipsa formalis libertas ipsius actus. Antecedens est D. Thom. 1. part. quæst. 83. & receptum in ejus schola, unde neque ab illis auctoribus negatur. Consequentia vero probatur primo, quia radix alicujus formæ non est ipsamet forma: nam idem non est radix sui ipsius. Secundo, quia in illo iudicio duo possunt considerari, scilicet actus, & objectum ejus, ex quibus actus non est formaliter liber, sed naturalis prout antecedit voluntatem; ergo non potest esse forma denominans liberum actum voluntatis. Objectum autem illius iudicii licet secundum se sit indifferens, non tamen esse potest forma, a qua ipsum velle humanum denominetur liberum, quia formalis libertas non est proprietas objecti, sed est intrinseca proprietas hominis operantis voluntati inhærens; ergo præter indifferentiam objecti, quæ supponitur ut fundamentum libertatis, requiritur intrinseca indifferencia ipsius potestatis, & per habitudinem ad illam actus proxime denominatur indifferens, seu liber.

16. Unde etiam de divina voluntate dixit D. Thom. in 2. d. 25. q. 1. artic. 1. ad 1. in Deo servari liberum arbitrium, quia ejus voluntas neque est natura sua determinata ad bona extra se, nec determinatur ab alio, sed a se. Sic ergo in voluntate creata ad libertatem actus non sufficit indifferencia objecti, nisi potentia ipsa habens plenum dominium sui actus cum integra, & proxima potestate indifferente motum suum agere sinatur: sicut de causis secundis generatim dixit August. 7. de civit. cap. 30. & de libertate ad peccandum lib. 2. cap. 1. & in Enchirid. cap. 95. & 96. Nam hoc ad suavem, & ordinariam providentiam Dei spectat. Inde vero non sequitur, stante tali iudicio rationis Deum necessario sinere voluntatem operari, prout velit, potest enim non sinere, sed ita illam impedire, ut unum tantum possit, & hoc est illam necessitare. Peccare ergo argumentum illud non distinguendo duplicem necessitatem, unam ab intrinseco, aliam ab extrinseco; argumentum enim probat actum a voluntate elicitum cum indifferentia iudicii non esse necessarium ab intrinseco, ac subinde fore liberum, nisi ab extrinseco necessitas inferatur voluntati; hanc vero inferri non posse illo argumento non probatur.

17. Ad secundum, quod illa necessitas non sit absoluta, sed ex suppositione, respondetur in primis, illa duo non semper repugnare, nam si suppositio antecederet omnem usum libertatis, & ex illa sequeretur necessitas cum impotentia simpliciter resistendi, illa duo non repugnant simul, sed est necessitas absoluta, etiam si sit ex suppositione, non enim dicitur necessitas absoluta, quia nihil supponat, imo nulla est necessitas in creaturis, quæ causam aliquam non supponat, unde oriatur: & ipsa necessitas, quæ in amore beatifico, est ex suppositione visionis Dei, & necessitas, quæ est in motibus gratiæ excitantis, supponit talem cognitionis modum, vel efficaciam virtutis divinæ ita animum moventis. Ergo necessitas non dicitur absoluta, quia nullam sui causam supponat, sed quia talis est, ut excludat potestatem resistendi, præveniando omni-

no liberum usum. Quod si fortasse nomine necessitatis absolute intelligatur necessitas ab intrinseco ex innata determinatione potentiae ad unum, sic falsum est solam hanc necessitatem absolutam repugnare libertati quantum ad usum ejus, quia etiam necessitas ab extrinseco immixta illi repugnat: non enim est minor necessitas, quæ ab extrinseco inferitur sine potestate resistendi, quam sit interna, imo illa prior ultra necessitatem aliquid de violentia participat. Quid enim prodest voluntati habere potestatem ad utrumlibet cum interna indifferentia, si in facto ipso non sinitur uti integra sua facultate, sed ad unum ab extrinseco ita necessitatur, ut non possit resistere, nec suo actui dominari?

18. Ad tertium de objecto cognito respondetur, ut voluntas necessitetur a Deo, non oportere, ut ipsa velit necessitari, sed solum quod necessitetur, ut velit, sicut quando voluntas libere vult, non oportet, ut modum ipsum libere operandi directe velit, sed ut in actu exercitò libere velit. Unde fieri potest, ut quis libere velit, & id ignoret, imo erret credens non libere operari, ut hæretici errant. Et similiter e converso potest quis a Deo necessitari ad volendum, ipso neque sciente, neque volente, sed solum directe volendo objectum propositum, & ideo nihil refert, quod objectum non supponatur cognitum, vel iudicatum necessarium. Neque propterea voluntas feretur in incognitum, quia non fertur in necessitatem actus, vel objecti, sed in ejus bonitatem. Neque etiam indifferentia cognita in objecto obstare potest necessitati actus ab extrinseca motione proveniente, quia licet sit indifferens iudicium objecti cogniti, per efficaciam extrinseci agentis impeditur voluntas, ne actum circa tale objectum suspendere possit, tendendo necessario in bonitatem objecti, nihil curando de indifferentia ejus.

19. Potestque hoc ad hominem confirmari, & retorqueri argumentum contra dictos auctores: nam ipsi dicunt, stante indifferentia iudicii, & indeterminatione innata voluntatis, voluntatem prædeterminari absolute prædeterminatione ad unum, contra quod idem fieri potest argumentum, quia voluntas non fertur, nisi in bonum cognitum; ergo non potest prædeterminari, nisi bonum illud iudicatum sit ut determinate amandum; ergo quamdiu iudicium est indifferens ex parte objecti, id est, proponens objectum ut aptum eligi, vel respui, non potest voluntas ad unam partem prædeterminari; ergo erit impossibile, mediante illo iudicio, voluntatem tendere in illud bonum ex prædeterminatione: est enim eadem forma argumenti, & eadem ratio, neque immerito, quia illa prædeterminatio non est, nisi vera necessitas. Nec possunt illi aliter respondere, nisi negando consequentiam, quia prædeterminatio non provenit ab objecto, sed aliunde, neque oportet cognosci ab eo, qui prædeterminatur; idem ergo nos de necessitate dicimus.

20. Ad quartum responder Bonavent. in 2. d. 25. art. 1. q. 5. & ibi alii communiter, licet voluntas ex necessitate fiat de nolente, vel de non volente volens, non cogi absolute loquendo, quia eo ipso, quod sit volens, jam non violenter fertur, sed voluntarie: quod simpliciter verum est. Nihilominus tamen illamet necessitas, quatenus præternaturalis est, videtur esse aliqua ex parte violenta, quia privatur voluntas naturali dominio, quod habet in suum actum, & impeditur, ne uti possit naturali potestate suspendendi illum. Sicut etiam, si Deus illam necessitaret ad non volendum, negando illi concursus, vim quandam illi inferret, negando illi, quod secundum naturæ ordinem debitum est, contra naturalem illius inclinationem. An vero illa vis dicenda sit coactio, quia non est contra appetitum elicitum, & an sit dicenda violentia, quia sit a Deo, cui creatura subicitur secundum potentiam obedientialem? quæstiones sunt tantum de modo loquendi, & præfenti instituto nihil inserviunt, & ideo illas omitto in 1. 2. q. 6. art. 4. ubi tractari solent. Solumque adverto, hujusmodi necessitatem folere a Patribus per verbum cogendi explicari, vel quia non est aliud verbum latinum, quo proprius effectus ille explicetur, vel quia illa necessitas, nisi adhibendo vim aliquam inferri non potest.

Responsio
tertiæ.

Retor-
quetur
argum.

Bonavent.
respondet
ad 4.

In quo
peccet
Argumentum.

Solutio
secundæ.

Quæ sit
necessitas
absoluta.

21. Ad quintum respondeo negando consequentiam, primo, quia potentia non libera in actu primo non potest fieri in se libera, & ideo non potest illi conferri, ut libere operetur: nam actualis operatio libera essentialiter pendet a potentia formaliter libera, quoniam actualis libertas solum consistit in actus emanatione a potentia formaliter libera, & denominatione ab illa. E contrario vero potentia de se libera retinens suam libertatem in actu primo, potest habere plures actus necessarios propter conditionem objecti, vel propter impedimentum ex defectu deliberationis, & ideo sine repugnantia potest necessitari, quia per hoc non mutatur natura ejus, sed tantum impeditur, ne secundum suam integram potestatem operetur. Deinde explicatur hoc amplius, quia operatio, ut libere eliciatur, duas condiciones essentialiter requirit; una est, ut sit per se voluntaria, quia alias non posset potentia de se indifferens per illam determinati ad agendum, ut libr. 3. dicam: altera est, ut feratur in objectum cognitum cum indifferentia rationis. Hinc ergo fit, ut inferiores potentia non possint elevari ad libere operandum, quia feruntur in objectum, vel omnino non cognitum, ut potentia mere naturales, vel non cognitum per rationem; ut potentia sensitiva, vel quia actiones earum non sunt per se voluntariae, ut reperitur etiam in intellectu. E contrario vero illae duae condiciones licet ex parte causae secundae sufficiant, oportet, ut potentia sinatur connaturali modo operari; potest tamen in illo modo impediti, & ex hac parte non repugnat necessitari.

22. Unde facile responderetur ad testimonia Augustini, & Bernardi, illi enim loquuntur de voluntate secundum se, & secundum naturam suam spectata, secundum quam indifferens est in suis operationibus, ex qua indifferencia denominata est voluntas, quia quod vult, eligit, & operatur, si facultas adsit. Et in hoc sensu de ipsa potentia dicitur illud, *aut voluntas non est, aut libera dicenda est*. De actu vero non potest id dici, nisi per antonomasiam, quatenus nomine voluntatis significatur etiam voluntaria, ac libera determinatio, & electio, quae nomine etiam consensus proprie significatur. Generalius autem loquendo, non est dubium, quin possit esse volitio, & voluntaria motio, quamvis non sit libera, ut patet in amore Dei erga se ipsum; vel videntium ipsum, & in affectibus indeliberatis in hac vita elicitis, qui veri actus voluntatis, & necessarii sunt: sicut ergo in his non repugnat interna necessitas cum voluntario, ita etiam potest esse necessitas ab extrinseco proveniens, cooperante tamen voluntate, a qua habet actus, ut sit intrinsece voluntarius, & consequenter vera voluntas. Ad D. Thom. responderetur, in illis locis assignare radicem libertatis, non tamen dicere id satis esse ad libertatem formalem actus, nec dicere non posse hominem impediti, ne cum tali iudicio libere velit, sed necessario. Neque ex illo principio id sequitur.

C A P U T V.

Quibus modis possit Deus facere, ut voluntas necessario velit objectum actuali iudicio rationis indifferenter propositum.

1. **I**N hoc capite de posteriori sententia in praecedenti capite relata dicendum est, ejusque fundamentum est satisfaciendum; in quo recte sumebatur duos tantum esse modos, quibus haec necessitas possit a Deo inimiti voluntati. Unus est per antecedentem mutationem factam in voluntate, distinctam realiter ab ipso actu amandi, seu volendi, qua ita voluntas impellatur in suum actum, ut necessario illum eliciat. Alter est, si Deus per se ipsum immediate faciat voluntatem necessario velle, non per aliquid praeivum distinctum ab ipso velle, sed per actionem ipsam imbibitam in ipso velle, quae, ut est a Deo, habet rationem auxilii, seu concursus simultanei cooperantis cum ipsa voluntate. Ultra hos autem duos modos non potest alius cogitari, quia, praeter antecedentem, & comitantem motionem, solum potest dari aliqua motio subsequens ad operationem voluntatis;

haec autem sive subsequatur tempore, sive tantum natura, non datur propter actum, quem supponit, sed propter alium posteriorem effectum; quia talis motio subsequens jam supponit actum factum, & consequenter etiam supponit illum libere factum, si nulla alia mutatio praecesserit, quae voluntatem necessitaverit. Ergo per motionem subsequentem non potest voluntas necessitari ad productionem sui actus. Dico autem ad productionem, quia licet actus libere sit productus, poterit per subsequentem motionem voluntas necessitari ad perseverandum in tali actu, tamen jam illa motio erit praecedens, vel concomitans ad ipsam continuationem actus, & ita necessitas nunquam nisi ex antecedente, vel comitante mutatione provenire potest. Utrumque autem modum istorum impugnabimus, pro contraria sententia argumentando; Scotus vero in 4. dist. in 49. quaest. 6. §. *Dico ergo*, significat priorem modum necessitandi voluntatem per aliquid illi impressum, quod non subdatur in usu potestati voluntatis, esse contra libertatem ejus, *Quia ipsa* (inquit) *non esset voluntas, nisi esset causa prior respectu habitus sui, & ita nata uti suo habitu, & determinare illum, &c.* Alterum autem modum admittit esse possibilem, quia non est contra naturam potentiae liberae, quod impediatur ab actione, vel determinetur a causa priori se, cujusmodi est voluntas divina. Nos autem credimus, utrumque modum esse Deo possibilem, quia neuter sufficienter ostenditur impossibilis, quod satis est, ut dicamus per divinam omnipotentiam fieri posse,

2. Primo ergo dicimus probabile esse posse Deum imprimere aliquid voluntati distinctum realiter ab actu volendi, necessitans illam ad volendum objectum, etiam si per iudicium rationis, ut ex se indifferens propositum sit. Hanc conclusionem in re ipsa (ut nobis videtur) admittunt auctores prioris sententiae, capite superiori tractatae, licet verbum necessitandi catholice negent. Fatentur enim posse Deum imprimere talem motionem praeivam voluntati, quae illius potestati non subiaceat, quantum ad usum, sed potius illam sibi subiciat, & obsequentem faciat, ita ut non possit voluntas illi impressioni resistere, nec se continere, qui velit, stante tali impressione, seu praevia motione; & nihilominus negant hanc esse necessitatem (ut sic rem explicem) voluntatis, sed vocant illam praedeterminationem. Nos tamen inter haec duo nescimus distinguere, quod infra in lib. 3. & 5. late tractandum est, & ideo dicimus auctores illos in re ipsa admittere, quod in hac conclusione nos intendimus, nimirum, possibilem esse praemotionem illam, licet in assertione quoad verbum necessitandi non consentiant. Alii praeterea Doctores, qui negant dari de facto talem praedeterminationem, non negant esse possibilem, sed solum de facto dari, quia necessitaret voluntatem, quos nunc in librum 5. remitto. Probatur autem assertio, quia nulla apparet contradictio in hoc, quod Deus imprimat voluntati aliquam entitatem effectricem actus ejusdem voluntatis cum tam intrinseca, & naturali determinatione ad exercitium actus, ut ei obistere non possit voluntas; quae est enim haec repugnantia?

3. Triplex certe tantum potest cogitari. Prima sit de genere, vel specie talis entitatis, quia non apparet qualis esse possit: aut enim est pura motio, aut est qualitas; primum non est intelligibile, secundum autem videtur repugnare, quia talis qualitas erit solum actus primus, & ita de se erit separabilis ab actu secundo, & consequenter non inferet necessitatem voluntati. Sed haec difficultas facile solvitur, omnia enim sententia dicentium esse posse puram motionem, quam infra lib. 3. reprobabimus, dicimus illam futuram esse qualitatem, & per modum actus primi, cum fiat a solo Deo, ut supponitur, & detur ad efficiendum actum secundum cum voluntate. Negatur autem inde necessario sequi esse separabilem ab actu secundo, quia ponitur esse determinata ad agendum ex intrinseca, & efficacissima inclinatione, & ideo non separatur ab actu secundo, saltem positis omnibus requisitis ad agendum, ut jam explico.

4. Secunda difficultas esse potest, quia talis qualitas nec

Ad Patrum
testimonia
solutio.

Assertio

Alvar.
disput. 82.
ad 1. &
tota disp.
87.

Triplex
excogitata
repugnantia.

Solutio
prima
difficultas.

Quo modo
necessitas
se
consequatur
sententiam.

2. Difficultas.

nec permanens esse potest natura sua, nec transiens, & ita nullo modo videtur possibilis, quia inter illa duo membra nullum est medium, opponuntur enim per immediatam contradictionem: voco enim qualitatem permanentem, quæ sine actuali operatione perseverare potest in actu primo; transeuntem autem, quæ solum dum operatur, durat. Probatur ergo prior pars anteceden- tis, quia si illa sit qualitas permanens, non differet ab habitu, qui circa idem objectum, & eundem actum versetur, quia erit qualitas de se permanens per modum actus primi, ac subinde difficile mobilis, sicut habitus definiri solet, & sumet speciem suam ab eodem actu, & objecto, nihil ergo differet ab habitu; repugnat autem habitum necessitare voluntatem ad agendum, ergo e contrario repugnat talem qualitatem esse habitum; ergo & esse qualitatem permanentem. Altera pars probatur, quia illa qualitas, si detur, erit spiritualis, & non consistit in actuali operatione, nec pendet ab influxu potentie creatæ; ergo esse debet natura sua permanens: nam dependentia a sola voluntate Dei non obstat, quia omnes res permanentes illam dependentiam a Deo habent.

Enodatur
2. difficultas.

5. Sed hæc etiam difficultas non cogit. Nam in primis defendi facile potest, qualitatem illam posse esse permanentem aliquo modo, quia solum ponitur, ut necessitet voluntatem, positis omnibus requisitis ad agendum, & ideo licet non possit separari ab actuali operatione, durante illa suppositione omnium prærequisitorum ad agendum, nihilominus esse poterit talis naturæ, ut perseveret in potentia, quamvis aufertur, verbi gratia objectum, vel concursus Dei simultaneous, & ideo ab actuali operatione cesset. In hoc enim nulla involvitur repugnantia, quia cum illa qualitas detur tanquam principium operationis, ab illa non pendet, per se loquendo, & alioqui quælibet qualitas, quamvis ab intrinseco determinata ad necessarium agendum, potest cessare ab operatione ex defectu alicujus conditionis requisitæ, & nihilominus in suo esse perseverare, sicut patet in luce solis; imo & in lumine gloriæ, vel charitate patriæ, quæ omnino determinantur ad suos actus, & ex natura rei necessario illos eliciunt, & quasi necessitant potentias, ut secum illos efficiant, & nihilominus si Deus negaret eis concursum ad efficiendum, cessarent ab operatione, & non propterea statim esse desinerent ex natura rei, & per locum intrinsecum, ut sic dicam. Ad hunc igitur modum potest illa qualitas esse permanens, & quasi habitus, distingueretur autem a propriis habitibus, qui nunc acquiruntur, vel infunduntur, in modo operandi, & trahendi voluntatem, qui modus ad diversitatem essentialem, & quasi genericam inter illas qualitates sufficit. Addo etiam alteram partem esse probabilem, quod sit illa qualitas natura transiens, id est, ex natura sua non postulans conservari in esse, nisi quamdiu potest operari, ad modum impetus lapidi impressi: quia licet in qualitate spirituali non tam facile hoc intelligatur, non tamen in eo apparet aperta repugnantia, propter quam dicamus non posse a Deo fieri qualitatem talis naturæ, ut sit veluti instrumentum conjunctum divinæ virtutis ad necessitandam voluntatem, quæ natura sua non postulet durare, nisi quamdiu ad illum effectum deferuit.

Tertia
difficultas.

6. Tertia difficultas est, quia per hanc qualitatem superadditam voluntati non minuitur in aliquo intrinseco potestas voluntatis; ergo non potest per illam auferri potestas, & dominium voluntatis ad non influendum in talem actum; ergo quantumvis illa qualitas sit naturaliter determinata ad efficiendum talem actum, poterit voluntas non cooperari illi, & sua potestate uti ad suspendendum actum, ac subinde non privabitur sua libertate per talem qualitatem. Declaratur exemplo, & confirmatur hæc ratio: nam inde Theologi ostendunt, per multiplicationem peccatorum nunquam posse voluntatem privari potestate, & libertate ad non consentiendum similibus peccatis, quia peccata multiplicata non minuunt intrinsecam potentiam voluntatis per subtractionem (ut sic dicam) facultatis, vel alicujus partis ejus, sed solum per additionem impedimenti, vel inclinationis. Ita

ergo in presenti argumentamur, qualitatem creatam inditam voluntati non posse illam omnino privare libertate ad aliquem actum, quia non minuit illius potentiam, aliquid illi detrahendo, sed ad summum addendo inclinationem ad talem actum; tamen quia sub illa semper manet integra potestas voluntatis, semper etiam poterit suum influxum continere. Secundo confirmatur, quia actus, qui fit a voluntate post inditam sibi talem qualitatem, est ejusdem rationis cum actu, qui circa idem objectum fieri posset ab eadem voluntate sine tali qualitate; ergo influxus voluntatis in ipsum est etiam ejusdem rationis; ergo non minus cadit sub dominium voluntatis; ergo cooperatio illius qualitatis non potest privare voluntatem usu libertatis suæ circa talem actum. Denique voluntas a solo Deo immutari potest in suo connaturali modo operandi, nam quia a solo Deo creati potest, ideo illi soli subjicitur in immediata transmutatione sua, ut sæpe Divus Thomas reperit; ergo non potest qualitas creata immutare naturalem modum agendi voluntatis.

7. Hæc quidem non carent probabilitate, nihilominus non satis ostendunt repugnantiam; quod satis est, ut non facile asseramus divinam omnipotentiam non extendi ad imprimendam qualitatem voluntati, quæ illam sibi subji- ciat (ut sic dicam) in agendo, eamque secum rapiat ad determinatam actionem necessario exercendam, positis aliis requisitis ex parte intellectus, & ex parte concursus divini necessariis ad agendum. Potestque hoc in hunc modum declarari, quia virtus voluntatis ad sustinendum suum actum finita est; ergo potest vinci per contrariam virtutem efficacior, & trahi necessario ad consensum, non per diminutionem facultatis voluntatis in se spectatæ, sed per majorem efficaciam, sicut gravitas lapidis vincitur ab impetu, quando sursum projicitur, licet gravitas ipsa in se non minuatur. Non est autem, cur repugnet qualitatem creatam participare hanc majorem vim supra voluntatem, cum vis ipsius voluntatis finita sit, ut dixi: nam cum tota essentia, & perfectio creatæ voluntatis finita sit, omnem etiam ejus proprietatem, & efficaciam finitam esse necesse est. Deus autem infinitis modis potest qualitatem imprimere voluntati, & illam efficere alterius rationis ab omni habitu, & a modo agendi voluntatis, & cum majori, ac majori efficacia in infinitum: non apparet ergo repugnantia, quominus possit efficere qualitatem necessitantem voluntatem.

Contra-
ria sen-
tentia
centur.

8. Et ita non procedunt objectiones in contrarium factæ. Ad primam enim negatur consequentia, quia licet tota potentia voluntatis in se maneat integra, tamen sub illa qualitate manet, quasi ligata omnis alia potestas non agendi, vel agendi aliud impossibile cum effectu illius qualitatis, quia per illam superatur voluntas, & necessario ad secum cooperandum trahitur. Ad primam confirmationem negatur similitudo exempli, nam per multiplicationem peccatorum solum potest acquiri habitus in ipsa voluntate, qui semper subditur potestati ejus, etiam si in infinitum augeatur, quia hæc est natura habitus; proportionatur enim actibus liberis, a quibus causatur, vel propter quos datur, secus vero esset de illa qualitate, quia ponitur esse alterius naturæ longe diversæ, & subdens sibi voluntatem in agendo. Unde ad secundam confirmationem responderetur, actum ipsum, prout est qualitas quædam, esse posse ejusdem rationis factum libere a sola voluntate, vel factum necessario ab eadem voluntate tali qualitate affecta: nihilominus tamen necessarium esse, ut actio ipsa ad talem qualitatem sit distincta sive specie, sive numero (hoc enim nunc non refert) quia dicit intrinsecam habitudinem ad diversum principium, quæ diversitas intelligi non potest sine distinctione in re inter ipsas actiones. Hæc ergo distinctio sufficit, ut influxus voluntatis in una sit liber, & in altera necessarius, ut mox in simili explicabo. Ad ultimum responderetur, voluntatem effective solum immutari a Deo, vel a se ipsa: & hoc est, quod Divus Thomas, & Theologi docent, formaliter autem immutari potest a qualitatibus creatis illi immixtis, & hoc modo immutari potest

Objectiones
elucida-
ntur.

potest in modo agendi ab illa qualitate, & tunc etiam effective a solo Deo inmutatur, quia solus Deus illam qualitatem imprimit. Ita ergo fit satis probabilis assertio posita. Obiter tamen adverto, difficultates positas eodem modo procedere in qualitate, seu motione prædeterminante, atque in necessitante, quia motio prædeterminans physice etiam extrahit voluntatem a sua naturali indifferentia: & ideo qui prædictis rationibus in eam sententiam ducitur, ut existimet non posse necessitari voluntatem per inhærentem qualitatem, profecto idem dicere cogetur de qualitate, vel motione prædeterminante. Præsertim cum inter illa duo distinguere difficillimum sit, ut postea videbimus.

9. Dico secundo. Deus etiam potest immediate per se ipsum necessitare voluntatem ex parte ipsius potentie, nulla facta mutatione ex parte iudicii, seu objecti, nec in aliis conditionibus physice, vel moraliter requisitis ad libere volendum. Hæc assertio sumi potest ex Divus Thoma dicta questione vigesima secunda, de Veritat. articulo octavo, quatenus ibi ait posse Deum inmutare voluntatem ab una inclinatione actuali in aliam, vel per formam præviam voluntati inditam, vel per se ipsum. Nam, ut dixi, cum absolute, & sine restrictione de immutatione loquatur, recte potest intelligi de omni modo mutationis, sive liberæ, seu necessariæ. Et ita potest idem confirmari ex illo Proverb. vigesimo primo. *Cor Regis in manu Dei est, & quocunque voluerit, vertet illud.* Quod testimonium ibi citat Divus Thomas in argumento primo, & juxta doctrinam articuli illud exponit. Nam etiam illa verba Sapientis sunt absoluta, & sine limitatione sunt intelligenda de quocunque modo, quo Deus voluerit mutare voluntatem. Et sic etiam induci possunt, quæ de omnipotentia Dei in voluntate inmutanda tradit Augustin. in Enchirid. cap. nonagesimo quinto usque ad nonagesimum nonum: ratio vero sufficiens illa est, quia quidquid Deus operatur causas secundas, potest se solo operari, quod in genere efficientis causæ est in universum verum, sed dictum est posse Deum necessitare voluntatem media qualitate creata: ergo etiam sine illa poterit id facere sua efficacissima virtute increata. Probatur consequentia, quia licet in hoc sit diversitas, quod illa qualitas informat voluntatem, & consequenter determinet illam intrinsece in actu primo, quod non potest per se ipsum facere, vel supplere Deus, nihilominus illa informatio non est per se necessaria ad necessitatem actus secundi, quia talis necessitas provenit ab illa qualitate effective tantum, non formaliter. Et confirmatur, ac declaratur: nam in qualitate creata duo intelligimus, scilicet informare voluntatem, & efficere actum tanto pondere, & efficacia, ut secum ferat voluntatem: ex quibus illud prius non potest a Deo suppleri, hoc autem posterius potest efficacius fieri: voluntas autem per se non necessitatur ex primo, sed ex secundo, necessitatur enim in ipsa actuali efficientia: hanc autem efficaciam potest Deus per se ipsum præstare, quam per qualitatem: ergo si per qualitatem impressam potest necessitare voluntatem, multo magis per se ipsum.

10. Unde possumus ulterius addere, quod licet esset impossibilis qualitas inferens voluntati necessitatem, nihilominus Deus per suam voluntatem posset immediate illam inferre; tum quia multa potest Deus facere in creatura, vel cum creatura per se ipsum, quæ fortasse non potest facere per qualitatem creatam, vel per creaturam, ut potest per se facere unionem hypostaticam, & gratiam habitalem, & fortasse non per creaturam, & (quod verisimilius est) saltem non potest facere qualitatem, quæ habeat vim connaturalem ad similes effectus. Sicut etiam verisimile est posse Deum elevare immediate per se ipsum creaturam, ut sit instrumentum creationis, & tamen non potest facere qualitatem, cui hoc sit connaturale. Sic ergo licet admitteremus non possedari qualitatem creatam inditam voluntati, quæ illam per vim sibi connaturalem sibi subjiciat, & priver sua libertate in agendo, nihilominus non esset neganda hæc efficacia divina voluntati per se ipsam, quia efficacia divinæ vo-

luntatis longe altior est, nam est infinita simpliciter, & habet naturale dominium supremum in ipsam hominis voluntatem, & habet absolutam omnipotentiam ad omne id, quod non repugnat, & in hoc nulla apparet repugnantia. Quia non minus subjicitur voluntas nostra voluntati divinæ, quam membra nostri corporis nostræ voluntati subduntur, sed voluntas nostra habet efficaciam movendi ex necessitate manuum, quo vult, etiam si nihil prævium in illam imprimat: ergo idem potest facere Deus per efficacem voluntatem suam circa hominis voluntatem. Item potest elevare creaturam, seu creatam potentiam ad agendum aliquid supernaturale, nihil prævium illi imprimendo, sed tantum supernaturalem concursum simultaneum illi tribuendo, ut in materia de Sacramentis, & de Incarnatione late dixi, & infra libr. 3. dicam: ergo eodem modo potest necessitare voluntatem, faciendo immediate, ut modo præternaturali operetur.

11. Sed difficultas est in explicando modo, quo Deus potest hoc facere. In quo unum est certum, scilicet necessarium esse, ut Deus efficaci, & absoluta voluntate excludente omnem conditionem contingentem ex parte voluntatis humanæ, & antecedentem ad consensum hominis velit facere, ut homo hic, & nunc, & circa objectum sic propositum consentiat, seu talem actum voluntatis eliciat. Nullum enim aliud decretum voluntatis Dei potest habere efficaciam necessitandi voluntatem creatam, quia per nullum aliud applicat Deus omnipotentiam suam simpliciter, & absolute ad operandum: ideoque de huiusmodi tantum decreto intelligunt Theologi locutiones illas sacræ Scripturæ. *Nemo est, qui possit resistere voluntati tue. Omnia quæcunque voluit Dominus fecit. Operatur omnia secundum consilium voluntatis sue,* & similes. Dubium vero est, an hoc decretum, ut necessitet voluntatem, aliquid in illa efficiat, quod non efficit, quando cum illa libere operante concurrat? Ratio dubitandi est, quia non potest intelligi, quid aliud efficiat: supponimus enim nihil prævium efficere: ergo nihil facit, nisi actum ipsam volendi, & non facit illum Deus solus (ut contra Nominales supponimus) ergo facit illum cooperando simultaneous cum voluntate: at hoc ipsum facit, cum concurrat ad liberum actum voluntatis: neque etiam ipsi actus sunt diversi, quia actus liber, & necessarius non sunt per se distincti in entitate, sed solum per denominationem a potentia: ergo in tali efficientia nihil diversum ex parte actus potest intelligi. In contrarium vero est, quia immutatio illa voluntatis humanæ in modo agendi est aliquis effectus ad extra: ergo non potest intelligi, quod per divinam voluntatem fiat, quin aliquid ad extra operetur: at vero si in voluntate creata nihil diversum sit ab eo, quod libere operando facit, nihil sit ad extra ex vi illius specialis voluntatis Dei, quod sine illa non fiat: ergo non potest per illam modus naturalis operandi voluntatis inmutari: ergo nec potest voluntas humana per solam illam voluntatem divinam necessitari.

12. In hoc puncto aliqui dicunt Deum duplici decreto voluntatis suæ posse concurrere cum humana voluntate ad agendum, scilicet per decretum concurrenti includens conditionem, si voluntas humana non resistat, seu si suum influxum adjungat, vel per decretum omnino absolutum, quo vult absolute hominem in tali occasione consentire: & primum decretum dicunt sufficere ad liberam actionem nostræ voluntatis, quod etiam nos, ut verum supponimus. De secundo vero ajunt sufficere, ut eo ipso nostram voluntatem necessitet, etiam si per illud non aliter cum illa Deus concurrat ad extra, quam per prius decretum, fere propter rationes factas. Quia actus liber, & necessarius non necessario distinguuntur in sua entitate, vel modo reali intrinseco, ut patet in motu subito voluntatis, qui per solam advertentiam rationis sit liber: ergo similiter, ut noster actus sit necessarius, sufficit, ut diverso modo a divina voluntate procedat: ergo sine diversa mutatione physica in nostra voluntate per solam mutationem moralem poterit per divinam necessitari, quia actus necessarius,

Duo h e
habes
unum cer-
tum,

Esther 13
Psal. 114.
Ad t. ph. 1
Alterum
dubium.

Alioquin
placitum
de decre-
to condi-
tionato
& absolu-
to,

rius, & liber non physice, sed moraliter differunt. Secundo, quia actio facta in utroque casu a nostra voluntate est ab eodem principio, scilicet voluntate nostra, Deo coagente, & tendit in idem obiectum, ut supponimus; & in eundem terminum intrinsecum, qui est actus ipse, ut est qualitas quædam: ergo est una, & eadem actio physice spectata, quia actiones non possunt distingui, nisi ex aliquo istorum principiorum: ergo nihil physice distinctum potest ibi inveniri ex parte Dei. Tertio, postquam voluntas libere elicit actum, potest necessitari ad perseverandum in illo per solam voluntatem Dei absolutam, qua decrevit non suspendere illum concursum, & suspendere omnem alium ad quemcumque actum, quo voluntas possit reniti: ergo tunc idem actus libere elicitus continuabitur necessario sine mutatione physica in voluntate facta; ergo idem posset ab initio fieri. Quarto possumus hoc confirmare exemplo supra posito, nam potentia animæ nostræ natura sua subordinatæ voluntati, & non impeditur, si voluntas nostra absolute velit, efficaciter, ac necessario applicantur ad opus, non quia voluntas in illis, vel in actionibus earum faciat aliquid distinctum ab his, quæ naturaliter ab ipsis fieri possunt, sed tantum propter subordinationem, & naturalem sympathiam inter ipsas: sed magis subordinatur nostra voluntas divinæ, magisque illi volenti obedit: ergo propter hanc solam subordinationem voluntas nostra necessario prodibit in actum, volente Deo efficaciter, etiam si nihil novum, & reale in nostra voluntate, vel in ejus actione fiat.

Refellitur.

Duplex decretum efficax distinguitur

13. Hanc vero sententiam censeo falsam, & impossibilem. Et in primis distinguere soleo in divina voluntate duplex decretum efficax, unum per modum intentionis tantum, seu interni propositi, nihil per se ipsum, & immediate ad extra operans, quam voco internam prædefinitionem Dei: aliud per modum usus, seu executionis, quia per illud efficaciter Deus ad extra operatur, quod vult, & immediate, quantum est ex parte voluntatis. Quam distinctionem aliqui ex modernis impugnare tentarunt, sed in casum & sine efficacia, ut in l. 5. iterum dicam. Loquendo ergo de primo decreto absoluto voluntatis Dei, certissimum mihi est, non satis esse, ut actus voluntatis necessario fiat a nobis, quod a tali decreto procedat ex parte Dei; nam multi actus nostræ voluntatis sic prædefiniti a Deo sunt a nobis libere, & meritorie, ut capite sequenti attingam, & latius in l. 5. dicam. Ergo solum illud decretum per se non sufficit ad necessitandam nostram voluntatem. Et ratio clara est, quia illud decretum per se non influit in nostram voluntatem, ut supponimus, sed ex vi illius Deus applicat media congruentia, ut nostra voluntas infallibiliter velit, & suum decretum impleatur, quod potest fieri absque necessitate voluntatis humanæ; ergo ex vi illius decreti non necessitatur voluntas. Ut ergo illa sententia aliquam speciem probabilitatis habeat, necesse est, ut de posteriori decreto loquatur.

Humana voluntas non mutatur solum extrinseca denominatione Dei.

14. Veruntamen etiam loquendo de potestate Dei absoluta, dico non posse voluntatem divinam necessitare humanam per solam extrinsecam denominationem, ac propterea necessarium esse, ut aliquo reali, vel physico modo Deus immutet voluntatem creatam, vel actionem ejus, ut faciat illam cum necessitate operari. Probatur primo a posteriori, quia si denominatio extrinseca sufficeret, quælibet prædefinitio Dei sufficeret ad necessitandam voluntatem humanam: consequens autem non est probabile, nec verisimile, ut in lib. de Auxill. late dixi, & in l. 5. iterum dicam: ergo nulla denominatio tantum extrinseca a divina voluntate absoluta sufficit ad illum effectum necessitandi voluntatem, nisi physica efficientia voluntatis divinæ in humanam intercedat. Major probatur, quia quælibet voluntas absoluta, quæ Deus vult, & prædefinit, ut voluntas humana consentiat, aut velit aliquid, denominat actum voluntatis humanæ absolute, & efficaciter volitum a Deo, & infallibiliter futurum ex vi illius voluntatis divinæ: ergo si nulla alia efficientia necessaria est, omnis hujusmodi prædefinitio divina infert humanæ voluntati necessitatem, & tollit ejus libertatem.

Suarez, Tom. VI.

15. Præterea probatur a priori, primo, quia actus nostræ voluntatis immediate denominatur liber per respectum ad ipsam voluntatem hominis, ut est in proxima potentia volendi, & non volendi, cum illa elicit actum: ergo quamdiu voluntas hominis elicit actum habens utramque potestatem, seu utramque partem suæ potestatis agendi, & non agendi expeditam, & proxime applicatam ad opus, actio ex illa manans non potest non esse libera, quia non potest non habere eundem respectum, & eandem denominationem a tali potestate. At vero per solam voluntatem Dei extrinsecam, & nullum alium influxum tribuentem homini ad suam operationem, præter illum, quem ad libere operandum præbere solet, non mutatur, nec impeditur potestas voluntatis nostræ, quantum ad illam utramque partem agendi, & non agendi: ergo nec mutari potest denominatio actionis ex libera in necessariam. Ergo nunquam potest actio voluntatis humanæ esse necessaria, & non libera in se propter solam denominationem extrinsecam ab actu voluntatis divinæ: ergo ut voluntas efficax Dei necessiter humanam non satis est, quod illam denominet volitam, sed necesse est, ut aliquid ad extra efficiat in ipsam voluntatē.

Argum. a priori.

16. Responderi potest voluntatem quidem divinam non necessitare creatam, nisi efficiendo in illam, non tamen efficere aliud, quam ipsummet actum volendi ejus, neque efficere illum, nisi per eundem concursum, per quem efficit actum liberum, sed in hoc solum differre, quod per voluntatem absolutam, & efficacem Dei vehementius, & immutabilius imprimatur voluntati humanæ ille concursus divinus, quam per ordinariam voluntatem, qua Deus vult concurrere cum voluntate, quasi indifferenter, & relinquendo illam, ut libere cooperetur. Sed contra hoc insto, quia hoc totum non excedit denominationem extrinsecam, & ideo satis esse non potest vel ad necessitandam voluntatem, vel ad efficiendum, ut ille concursus immutabilius, vel firmitus voluntati imprimatur.

Excogitata responsio.

Instantia.

17. Probatur, quia si concursus Dei in sua entitate, & modo intrinseco est omnino idem, quando procedit a voluntate absoluta, seu determinata Dei, & quando a conditionata, seu indifferente; ergo quod procedat ab hac, vel illa voluntate, tantum est denominatio extrinseca respectu talis concursus, ergo per illam solam non potest vel firmitus adherere, vel fieri immutabilior. Secundo id amplius explicatur, quia concursus Dei non potest firmitus, vel immutabilior fieri, nisi in quantum voluntas creata privatur potestate suspendendi suum influxum; sed hac potestate non potest privari per solam extrinsecam voluntatem Dei sine alio impedimento; ergo nec per concursum eundem, solum quia procedit a voluntate efficaci Dei: Major clara est: nam concursus qui nunc offertur, vel datur nobis ad libere volendum, ideo dicitur indifferens, vel mutabilis, stante eadem voluntate Dei, quia in nostra potestate est non adhibere nostrum concursum, sine quo divinus ille concursus nunquam potest in te ipsa poni: ergo non potest aliter fieri immutabilis ex parte hominis, vel omnino determinatus quoad exercitium, nisi privando voluntatem hominis potestate continendi suum influxum, vel (quod proinde est) impediendo illam, ne tali potestate uti valeat: nam si voluntas hac facultate utatur, consequenter cessabit concursus Dei; ergo quamdiu voluntas potuerit suspendere concursum suum, non potest concursus Dei firmari (ut sic dicam) per solam voluntatem Dei. Minor autem probatur eodem argumento, quia voluntas creata non potest privari illa potestate proxima suspendendi suum influxum per solam denominationem extrinsecam voluntatis Dei, ibi autem nullum aliud impedimentum illi ponitur, nisi talis extrinseca denominatio. Nam si concursus Dei ad extra illi datus, præcise, & prout intrinsece potest existere in ipsa voluntate, consideretur, in potestate voluntatis est non adjungere illi suum influxum, & consequenter impedire, ne illum recipiat: Ergo ex parte rei, quam in se voluntas recipit, nunquam impeditur, ne possit suum influxum continere: ergo impeditur per solam denominationem extrinsecam additam,

Instantia probatur & excluditur.

B

quod

quod perinde est, & æque apparet impossibile.

Expositio
a simili.

18. Tertio declaro a simili, quia ignis habens virtutem calefaciendi intrinsece sufficientem, & non impeditam, & passo disposito applicatam aliis conditionibus requisitis ad agendum, & habens ex parte Dei concursum sufficienter paratum in actu primo, non potest impediri, & contineri, ne calefaciat, per solam Dei voluntatem extrinsecam, quantumvis efficax, vel absoluta concipiatur, quia illa voluntas nisi ad extra aliquid mutet, non potest naturalem proprietatem ignis immutare, aut impedire. Unde omnes Doctores dicunt, posito igne cum omnibus requisitis ad agendum, non posse Deum actionem ejus impedire, nisi suspendendo suum concursum: & e contrario inde colligunt, ignem, solem, & alias causas indigere concursu Dei ad agendum, quia potest illas privare actionibus suis, etiam positis omnibus aliis prærequisitis ad agendum, quod tamen non posset facere, nisi suo concursu aliæ causæ indigerent. Quod non est contra efficaciam divinæ voluntatis, non enim pertinet ad hanc efficaciam simul velle, vel facere repugnantia, quæ involverentur, nisi Deus vellet dare igni concursum, & nollet, ut ageret. Igitur hæc efficacia est virtualiter transiens, & ideo non convenit actui immanenti, ut pure immanens est, si nihil ad extra operatur juxta exigentiam effectus, ideoque si Deus absoluta voluntate vult ignem non agere, id efficaciter perficit, nolendo etiam absolute dare igni concursum necessarium ad agendum, vel aliud ex prærequisitis auferendo, vel aliquod aliud impedimentum apponendo, neque aliter intelligi potest efficacia talis voluntatis.

Simil. ap-
plicatur.

19. Sic igitur in nostro casu, cum voluntas humana, positis omnibus requisitis ad agendum, & habens ex parte Dei paratum concursum ad operandum, sit potens ad non agendum, non potest hac potestate privari, seu impediri per solam extrinsecam voluntatem, quæ nihil amplius ponat, aut tollat ab ipsa hominis voluntate. Unde etiam repugnantiam involvit, quod Deus per suam voluntatem simul velit dare voluntati creatæ illum tantum concursum, cui ipsa potest ex innata facultate non cooperari, & consequenter impedire, ne talis concursus ad extra fiat; & nihilominus simul Deus efficaciter velit, ut eadem voluntas creata non possit in eo momento concursum suum suspendere, nullo alio impedimento in ipsa posito, neque aliter illam immutando. Et declaratur, quia si consideremus in Deo nunc duas voluntates, unam, quæ vult offerre voluntati creatæ concursum ad volendum tale objectum si velit, & aliam absolutam, qua velit, ut voluntas eadem creata non possit suspendere talem actum, vel ut infallibiliter, ac necessario ex vi talis decreti non suspendat suum influxum, plane inveniemus non minus esse repugnantes, quam illas, quas circa concursum, & carentiam actionis ignis explicuimus: perinde autem est dicere, quod Deus velit necessitate voluntatem per solum concursum, cui potest voluntas creata vi sua naturali, qua non privatur, non adjungere influxum suum. Declaratur tandem, quia voluntas humana ad continendum suum influxum, ne actio sequatur, non indiget concursu Dei, quia illud non est agere, sed non agere: suppono enim ad suspendendam actionem non esse necessarium, ut voluntas positivo actu velit non agere, sed satis esse suspensionem actus voluntariam interpretative, ut communiter Theologi docent: ergo non potest per solam Dei voluntatem extrinsecam impediri, ne suspendat suum actum circa objectum de se indifferens: sicut ignis si non indigeret concursu Dei ad agendum, non posset impediri ab agendo per solam voluntatem Dei extrinsecam, ut dixi: ergo sicut in igne est necessaria oblatio concursus, ut privetur actione, positis cæteris prærequisitis, ita e contrario, ut voluntas privetur libera suspensione actus necesse est, ut in se aliquam actionem, vel concursum Dei recipiat, cui non possit resistere, nec cum illa suum influxum continere.

Vera re-
solutio.

20. Dico ergo, quando Deus efficaci, & absoluta voluntate exequente, & operante ab extra vult hominis voluntatem velle objectum alias indifferenter propositum, efficere illum actum voluntatis humanæ quodam speciali concursu alterius rationis, & naturæ

abordinario concursu simultaneo, in quo efficacius Deus applicat suam virtutem activam, & independenter (ut sic dicam) a libertate voluntatis creatæ. Quod a posteriori est signum evidens alicujus discriminis in re ipsa inter utrumque concursum: nam unus est talis, ut voluntas per innatam libertatem possit illi non cooperari, alter vero talis est, ut quinime possit voluntas per innatam libertatem illi resistere. Sine hac enim diversitate non potest intelligi, quod per unum necessitetur voluntas, & non per alium, ut probatum est, quia sola habitudo ad actus voluntatis ratione distinctos non potest sufficere ut probatum est. Et potest de novo confirmari, quia vel habitudines ex parte ipsorum concursuum sunt reales, & in re ipsa diversæ, vel tantum sunt habitudines rationis, aut extrinsecæ denominationes. Si primum datur, i. quod intendimus: si autem dicatur secundum, præcedunt omnia dicta, quia id non satis est ad effectum physicum adeo diversum, qualis est privare voluntatem creatam dominio in suum actum & proxima potestate suspendendi influxum suum. Aliunde vero nulla est repugnantia, nec difficultas in intelligenda distinctione talium concursuum, ut respondendo ad contraria argumenta patebit.

21. Ad primum respondetur, duobus modis posse contingere actum de se aptum fieri libere, fieri necessario; uno modo ab intrinseco, ex naturali modo operandi, nulla impressione facta ab extrinseco in ejus voluntate, sed ex intrinseca dispositione, vel indispositione prævia hominis operantis: alio modo stante eadem dispositione prævia de se sufficiente ad actum liberum, sed extrinseco agente necessitante. Inter quod modos est aliqua convenientia, & aliqua differentia. Convenientia est, quod in utroque modo non potest actus liber transire in necessarium, vel e contrario, sine aliqua physica mutatione in ipso homine facta. Differentia vero est, quia in priori modo necessitatis ab intrinseco mutatio illa sufficienter fit ex parte intellectus, in posteriori autem modo oportet fieri in ipsa voluntate, vel in actione ejus, & ideo respectu voluntatis actus liber, & necessarius ab intrinseco possunt differre solum moraliter, quamvis ex parte intellectus supponant diversitatem physicam: actus autem liber, & ab extrinseco tantum necessarius in se ipsis differre debent non tantum moraliter, sed etiam physice, saltem quoad actiones, per quas sunt.

22. Declaro singula, eorumque rationem reddo. Nam actus voluntatis nunquam est necessarius quoad exercitium, nisi quia voluntas privatur potentia proxima suspendendi influxum suum, vel (quod perinde est) impeditur omnino, ne illa uti valeat. Hoc autem impedimentum, quando est ab intrinseco, non est nisi ex parte intellectus: nam si ratio sufficienter vigilet, & proponat objectum, ex parte voluntatis non potest inveniri intrinsecum impedimentum, quod illam privet dominio sui actus, cum semper maneat integra virtus ejus, & objectum ejus supponatur illi sufficienter applicatum. Ergo ille diversus modus operandi, quando est ab intrinseco, ex diversa dispositione intellectus nascitur: ergo in intellectu necessario debet præcedere mutatio physica, quia maior, vel minor advertentia rationis, seu clarior, vel obscurior cognitio non fit sine mutatione physica intellectus. Hæc autem mutatio in intellectu facta sufficit, ut facultas voluntatis ad suspendendum actum suum sit expedita, vel impedita, & ideo sine mutatione physica ex parte ipsius voluntatis, potest actus ex necessario fieri liber, & e converso, per solam moralem mutationem ex parte objecti provenientem. Patet hoc in exemplo posito de motu subito voluntatis, qui necessario fit, & nunquam fiet liber, si ratio in eadem actuali dispositione duret, cum autem attendit, actus incipit esse liber sine mutatione physica in voluntate facta. Et ratio est, quia sicut voluntas non habet proximam potestatem operandi, nisi supposita cognitione objecti, ita non habet potestatem moralem, & proximam suspendendi actum, nisi circa objectum sufficienter propositum ut circa illud operetur, si velit; ideoque quamdiu in ratione deest huiusmodi ad-

Voluntas
necessita-
tur a Deo
concursu
alterius
rationis.

Ad 1. arg.
m. 12.
respondetur.

Dr. Arg.
1. respondetur
declarat.

vertentia, deest etiam in voluntate potestas suspendendi actum, & ideo actus fit necessarius: posita autem advertentia, completur potestas proxima suspendendi actum, & ideo si homo illa non utatur, sed in actione perseveret, jam libere perseverat, sine mutatione physica in voluntate. Aliud exemplum clarum est in homine viatore eliciente libere amorem Dei ex charitate: nam ille actus non potest fieri necessarius ab intrinseco sine aliqua mutatione physica ipsius hominis, illa vero necessaria est in intellectu, scilicet, ut cognitioni abstractivæ Dei clara visio succedat: quia sola visio privat voluntatem potestate suspendendi actum illum amoris, & ideo potest ille amor fieri necessarius sine alia physica mutatione voluntatis.

23. At vero quando homo ex parte intellectus semper manet in eadem dispositione actualis iudicii, & considerationis, cum qua voluntas nata est libere operari, non potest voluntas privari potestate proxima suspendendi actum suum, nisi intercedat aliqua intrinseca mutatio, & physica in ipso homine, quia illa potentia physica est, & intrinseca, & non potest aliter impediri, ut probatum est: ergo nec potest ab extrinseco necessitari, nisi per aliquam actionem, vel mutationem physicam, quia non necessitatur, nisi quatenus dicta potestate proxima suspendendi actum privatur, ut etiam ostensum est. Cum ergo talis mutatio non fiat in intellectu, ut supponitur, necesse est, ut in voluntate, vel in actione ejus fiat. Est ergo vera, & necessaria differentia, juxta quam ad argumentum negatur antecedens, si universaliter sumatur de omni actione libera, & necessaria, quod solum differant moraliter, si autem sumatur indefinite, negatur illatio, quia ex particularibus non recte fit: nec exemplum, quod adducitur de moribus subitis est simile, ut jam explicatum est.

Respondetur in forma ad primum.

ad argum. solutio.

24. Ad secundum respondetur, cum voluntas a Deo necessitatur dicto modo, actionem esse distinctam ab illa, qua voluntas libere agere finitur. Et quamvis ad utramque actionem concurrant tantum voluntas, & Deus, ramen Deus influit longe diverso modo, & per virtutem suam efficacius applicatam, quod satis est ad actionis diversitatem. Cum enim Deus eminentissimam virtutem agendi habeat, potest ad eundem effectum in termino producendum magis, vel minus influere pro sua libertate, & hoc satis est, ut varietur actio, quam efficit cum causa secunda, etiam si fortasse actus, seu qualitas per tales actiones producta eadem sit. Non est enim dubium, quin una & eadem res possit per varias actiones, seu dependentias fieri, vel specie distinctas, quod in præfenti non refert, quia satis nobis est, quod in ipsa actione sit aliqua diversitas, qualiscumque illa sit.

Ad 3:

25. Ad tertium dicimus potius inde confirmari assertionem, quia si homo libere elicit actum, ex vi illius actualis efficientiæ non privatur potestate suspendendi suum influxum, & ideo sicut libere incepit, ita libere continuat actum pro quocumque vel minimo tempore, ut plures, & meliores Theologi sentiunt contra Gregorium ponentem necessariam continuationem actus pro aliqua morula, cujus assertio sufficienter improbatum illa ratione, quod voluntas in instanti, quo elicit actum, habet potestatem natura priorem ad non eliciendum illum, eliciendo autem actum non privatur illa potestate secundum se, & in sensu diviso, & ideo immediate post, & semper potest illum actum suspendere: semper ergo durat libere, quamdiu voluntas non privatur illa potestate; non potest autem privari illa potestate per solam voluntatem extrinsecam Dei, nisi per eam aliqua mutatio in voluntate creata fiat, ut ostensum est: ergo non potest Deus necessitare voluntatem ad continendum actum nisi aliquo modo mutet ipsam actionem, seu dependentiam, qua cum voluntate illum actum conservat.

Greg. 2. d. 3. q. 1. 2. 2. ad 4. Vide Salas 1. 2. tr. 5. dif. 4. p. 34. & 35

Ad 4

26. Ad quartum sumptum a simili ex subordinatione potentiarum animæ ad motionem voluntatis, respondetur negando similitudinem: nam licet efficacitas voluntatis divinæ longe major sit, quam humanæ, & subordinatio, ac subiectio hujus voluntatis ad illam major sit, quam subiectio potentie motivæ ad ipsam voluntatem creatam: nihilominus modus subje-

ctionis, & naturalis proprietates potentie subiectæ sunt longe diversa, & inde provenit, ut modus etiam movendi, seu determinandi potentiam subiectam sit longe diversus. Nam in primis potentie animæ, quæ per voluntatem applicantur ad exercitium actus (ut notius cernitur in potentia loco motiva in membris corporeis existente) non habent internam vim suspendendi actum suum, positis requisitis ad agendum, sed habent quandam naturalem impotentiam inchoandi, seu exercendi suam actionem, nisi per appetitum, seu voluntatem applicentur; & ideo cum applicantur, non privantur aliquo usu alicujus potestatis naturalis, sed solum veluti complentur in conditione, quam naturaliter præquirunt, ut operentur, & ideo ex hac parte non indigent aliqua immutatione in connaturali modo agendi. Voluntas autem humana habet innatam potestatem ad suspendendum suum influxum, nec potest necessitari, nisi impediatur, ne illa potestate uti valeat, & consequenter ex ea parte a connaturali modo agendi extrahatur, si aliqui ex parte intellectus sit sufficienter exposita voluntas ad usum illius facultatis, & ideo ex hac parte est necessaria mutatio aliqua physica in ipsa voluntate, vel modo actionis ejus, ut per divinam voluntatem necessitetur. Et tunc major efficacia divinæ voluntatis non in eo posita est, quod nihil speciale ad extra agendo in voluntate hominis, illam ad præternaturali modo operandum cogat, hoc enim repugnantiam involvit; sed in eo posita est, quod ita potest in voluntate operari, ut modum operandi illi connaturali immutet, quod non potest facere voluntas creata in potentiis sibi subiectis.

7. Deinde est alia differentia, quod subordinatio potentie, v.g. motivæ ad voluntatem non provenit ex virtute per se agendi unius potentie in aliam, sed ex radicatione talium potentiarum in eadem anima cum tali consensione earum inter se, sicut etiam excitatur voluntas ad intellectus cognitionem sine efficientia potestatis, & physica intellectus in voluntatem, sed per sympathiam. At vero subordinatio voluntatis creatæ ad divinam fundatur in virtute per se activa voluntatis divinæ, quia ibi non intercedit radicio in eadem essentia, & consequenter, nec modus ille consensionis inter voluntatem divinam, & humanam invenitur sine propria efficientia physica. Sicut etiam fieri non potest, ut scientia increata Dei exciter voluntatem per modum illius sympathie, quod in Christo omnes Theologi docent, quia licet scientia increata Christi, & voluntas creata ejus sint in eodem supposito, non sunt, nec radicanantur in eadem essentia, & natura, sine qua radicatione non potest intelligi illi modus motionis, quia in illa intrinsece fundatur. Idem ergo est de motione voluntatis creatæ per divinam, debet enim esse effectiva, & per se, & sine illa efficientia, mutationem aliquam in modo connaturali operandi voluntatis creatæ per divinam voluntatem fieri, intelligi non potest.

Aliud diff. crimen similitudinis.

28. Tunc vero superest solvenda ratio dubitandi, qua præcipue moti sunt, qui negarunt posse Deum immediate per se ipsum necessitare voluntatem creatam stante indifferentia iudicii, quia nihil præcedit in voluntate creata a solo Deo, ut supponitur, unde solum relinquatur concursus simultaneus, qui non videtur sufficere, cum ille in actionibus etiam liberis reperitur. Dico tamen in ipso concursu simultaneo posse diversos gradus, & modos inveniri, quia in hoc nulla ostenditur repugnantia, ut ostendi, & consequenter potest dari aliquis concursus, seu aliquis modus actionis Dei, qui ex parte humanæ voluntatis requirat concomitantiam necessariam, id est, non subiectam potestati naturali quam eadem voluntas habet ad suspendendum suum influxum, qui concursus sit extraordinarius, & non debitus voluntati, sed potius sit repugnans naturali ejus conditioni. Unde alius concursus Dei esse potest requirens concomitantem influxum voluntatis potestati ejus subiectam. Et per priorem poterit necessitari voluntas: licet cum posteriori libere operetur. An vero idem dicendum sit de quolibet auxilio gratiæ adjuvantis, seu concomitantis, in libr. 5. videbimus.

Solvitur fundamentalis ratio dubitandi.

CAPUT VI.

Quæ necessitas antecedens, vel consequens, seu in sensu composito, vel diviso repugnet libertati, aut illi non noceat?

1. **V**era hujus divisionis, & terminorum ejus intelligentia est maxime necessaria ad concordiam gratiæ cum libertate explicandam, & cum his, quæ diximus, connexa est, facileque ex illis intelligi potest, & ideo est hoc loco præmittenda. Prius vero supponemus ea, in quibus conveniunt authores, deinde punctum controversiæ expendemus.

2. Primo ergo videtur certum, & ab omnibus admittendum, aliquam necessitatem operandi aliquem effectum, & impotentiam faciendi simul alium post aliquam suppositionem posse consistere cum libertate tam potentiæ, quam actus ejus, aliquam vero aliam necessitatem etiam ex suppositione repugnare libertati, vel usui ejus. Hæc veritas sumitur ex Augustino, Anselmo, D. Thoma, & aliis auctoribus statim referendis. Et prior ejus pars notissima est; nam præscientia divina, prædestinatio, & voluntas Dei ex necessitate inferunt effectum liberum præscitum, prædestinatum, aut absolute a Deo volitum, ita ut impossibile sit effectum sic præscitum, aut prædestinatum non invenire: & tamen illa suppositio non obstat, quominus actus præscitus libere fiat. Imo ex illa suppositione æque inferitur, libere futurum esse, ac futurum esse, quia præscitum est, ac prædestinatum est, libere fieri, ideoque ad veritatem scientiæ, & efficaciam prædestinationis non minus necessarium est, ut libere fiat, quam ut fiat; quæ est doctrina Anselmi lib. de Concor. cap. 1. & 2. in principio, & vulgaris apud D. Thomam 1. p. qu. 19. art. 8. qu. 22. art. 4. & 1. cont. gent. cap. 85. & sæpe alias. Item posita absoluta intentione finis, sequitur necessario electio medii unici, & necessarii, & nihilominus illa necessitas stat simul cum libertate si intentio libera sit. Denique voluntas in eo momento, in quo actum elicit, libere operatur, & tamen dum operatur unum, non potest contrarium simul operari, nec in eodem momento non operari, utrumque simul ponendo, quia hoc involvit repugnantiam, & quia res, quando est, necesse est esse, ut Arist. dixit. 1. Perier. c. 6. ergo aliqua necessitas ex suppositione stat simul cum libertate.

3. Altera item pars probatur exemplis, quia beaticus amor in Patria eam habet necessitatem, quæ libertatem excludat, & tamen illa necessitas non est sine aliqua suppositione saltem visionis Dei. Item motus voluntatis, qui dicuntur primo primi, sunt necessarii simpliciter, id est, non liberi, quamvis non sine aliqua suppositione ex parte cognitionis illam necessitatem habeant. Et simili modo actus gratiæ excitantis sunt ita necessarii in nobis, ut non sint liberi, & tamen non sunt necessarii, nisi ex aliqua suppositione divinæ motionis, seu immissionis efficacis, vel ex parte subitæ apprehensionis: ratio vero est, quia non obstante naturali libertate potest voluntas multis modis necessitari, ita ut non sinatur libere operari: ergo potest aliquid supponi ad volendi actum, quod ejus libertatem impediatur: ergo est aliqua suppositio, quæ tollat libertatem, & consequenter necessitas aliqua in sensu composito esse poterit contraria libertati.

4. Secundo fatemur omnes, distinctionem duplicis necessitatis in sensu composito, & diviso in legitimo sensu explicatam optimam esse, & ad plures difficultates circa liberum arbitrium explicandas necessariam. Ita sumitur ex Augustino, Anselmo, & D. Thoma locis infra citandis: nam licet verbis illis formalibus non utantur, rem eandem docent, & omnes antiqui, & moderni Theologi illa distinctione utuntur cum Magistro in d. 38. & seq. Dicit autem Ledesma articul. 12. ad 9. modernos Theologos, qui non sunt (ait) ex schola Div. Thomæ, irridere illam distinctionem acceptam a Patribus, & Scholasticis, quos oportet venerari. Per quos Modernos non nisi Scriptores Societatis JESU intelligit, præcipue vero Molinam, Vazquez, & me, quos nominat. Sed nullum

locum affert, ubi illa distinctio, ut a Patribus, & Theologis data est, a nobis reproberetur. Imo citat loca in quibus illa utuntur, Molina in Concord. quæst. 14. disp. 38. in fine Vazquez 1. part. disp. 66. cap. 3. & Suar. disp. 14. sect. 9. Unde quia aliquando reprobamus falsam aliquam explicationem illius divisionis, ideo nobis attribuant, quod illam reiiciamus, vel irrideamus, quod ego admonui lib. 1. de Auxil. cap. 3. num. 9. & 10. quem locum, & verba mea refert dictus auctor, & nihil respondet. Quapropter si non majori fundamento me vocat alienum a doctrina D. Thomæ, quam illius distinctionis impugnatorum, nihil profecto nomini nostro, aut doctrinæ officere potest. De illa ergo distinctione absolute sumpta nulla est inter nos controversia, sed de vero sensu illius, ex quo ejus ratio pendet.

1. Terrio addimus, quod licet duo actus inter se simul repugnent, & sint impossibiles, nihilominus non repugnat unam, & eandem facultatem simul esse potentiam ad utrumque actum, ita ut particula, *Simul*, non ad actus inter se componendos, sed ad potentiam simul utriusque existentem referatur. Ita est ab omnibus receptum, imo per se evidens primo in potentiis receptivis: nam idem lignum habet potentiam, quæ simul est potentia ad recipiendum calorem, & frigus divisim, licet non possit simul utrumque recipere, & eadem materia simul est potentia ad omnes formas, licet non possit pluribus formis simul informari. Secundo in potentiis activis, intellectus enim simul habet vim activam assensus, & dissensus, non tamen, ut utrumque simul faciat, & idem est in voluntate, vel potentia motiva secundum locum, servata proportionem. Et ratio est, quia inter actus ipsos est repugnantia, in ipsa vero potentia nulla est oppositio: imo una eminens indivisibilis facultas potest esse capax, vel effectrix utriusque actus per se, ac divisim spectati.

6. Atque hinc quarto supponimus, quando talis facultas capax contrariorum actuum, vel ad utrumque potens, unum illorum efficit, vel recipit, non amittere potentiam illam quasi radicalem, & fundamentalem, quam ad alterum actum habet, id est, quando intellectus, verb. grat. credit, non amittit vires naturales, quas habet ad dissentiendum; illas enim retinet sub priori actu, licet non possit illas exercere, quamdiu priorem actum retinet. Et similiter superficies alba eandem potentiam integram retinet ad recipiendam nigredinem, quam ex se habet licet illam exercere non valeat in ordine ad nigredinem, quamdiu albedine actuatur. Hoc ergo modo etiam de voluntate certum est, quando est sub uno actu, sub illo habere potestatem sibi innatam ad suspendendum talem actum, vel faciendum contrarium, etiam si non possit hac facultate uti, simul perseverando in priori actu. Quando ergo actus sunt inter se repugnantes, potentia de se apta ad utrumque, & sub uno existens ratione potestatis, quam retinet, dicitur posse alium actum facere, vel recipere in sensu diviso, quia si presens actus auferatur, per eandem potentiam, quam nunc habet, poterit recipere alium, non tamen in sensu composito, quia manens sub hoc actu non potest simul habere alium. Et in hac etiam explicatione sensus compositi, & divisi nulla est contentio. Sed difficultas est, quales debeant esse ipsi actus inter se repugnantes respectu ejusdem voluntatis liberæ, ut impossibilitas illa, vel necessitas in sensu composito non repugnet libertati? vel quando actus erunt tales, ut necessitas unius proveniens ex suppositione alterius, libertati repugnet?

7. Ultimo supponenda est doctrina Anselmi, quam etiam alii Doctores negare non audent; quamvis aliter, quam nos, illam intelligant. Anselmus ergo in lib. de Concordia c. 1. & 2. sæpe, & lib. 2. cur Deus homo c. 18. Duplici distinguit necessitatem. *Unam* vocat præcedentem, quæ facit rem esse: alteram subsequenter, quam facit ipsemet operans, & priorem dicit repugnare libertati, non tamen posteriorem. Similique modo distingui potest duplex sensus compositus: unus, qui sit ex suppositione præveniente, alius, qui ex subsequenti: & quan-

Prima
suppositio
omni-
b. admit-
tenda,
quæ ha-
bet duas
partes.

Prior
pars sup-
positi.

2. pars
suppositi.

3. suppositio
prior.

3. suppo-
sitio.

In quo
posita sit
difficul-
tas.

5. 18. & ult.
suppositio
certa.

& quando necessitas est in sensu composito priori modo, per talem compositum sensum non salvatur libertas, quia illa suppositio inducit necessitatem simpliciter, & libertati contrariam, juxta doctrinam Anselmi: quando vero suppositio est consequens, tunc optime accommodatur distinctio sensus compositi, & divisi, quia necessitas in tali sensu composito non repugnat libertati, juxta eandem doctrinam. Idemque dicendum est de alia duplici necessitate consequentis, & consequentiæ, quæ sumitur ex Div. Thom. 1. p. qu. 14. art. 13. & qu. 19. art. 8. in solutionibus argumentorum, & qu. 22. art. 4. & quest. 23. art. 2. ad 3. nam prior necessitas dicitur contraria libertati, quia est absoluta necessitas rei, posterior vero dicitur non tollere libertatem. Est autem notanda differentia, quia primum membrum est simpliciter, & universaliter, & (ut sic dicam) positive verum. Secundum autem membrum solum negative, & permissive, seu indefinite accipiendum est, ut sit verum. Aliqua enim necessitas consequentiæ repugnat libertati, qualis est hæc, homo videt Deum: ergo amat illum. Sensus igitur illius membri est necessitatem consequentiæ non semper repugnare libertati, vel solum necessitatem consequentiæ non satis esse, nisi adjungatur necessitas consequentis. Et ideo membrum illud subdistingendum est, juxta distinctionem Anselmi. Nam si consequentia est necessaria ex suppositione antecedente, repugnat libertati; si vero sit ex suppositione consequente, non erit libertati contraria. Totum ergo hoc negotium eo revolvitur, ut intelligamus, quæ suppositio antecedens dicatur, quæ consequens, quod statim videbimus.

8. Prima ergo sententia est, nullam suppositionem inducentem necessitatem in sensu composito excludere libertatem ab actu, vel facere necessitatem simpliciter, præter illam, qua posita voluntas ab intrinseco, & natura sua determinatur ad unum, & ad exercitium actus, omnem vero aliam suppositionem, quantumvis antecedentem, & positam sine usu libertatis, ac inducentem necessitatem in sensu composito, seu (quod id est) habentem impossibilitatem cum carentia actus, esse repugnantem libertati, aut facere necessitatem simpliciter, sed tantum secundum quid, seu necessitatem consequentis, seu consequentiæ. Priori modo determinatur voluntas in patria, media visione beatifica, & in via in motibus primo primis, vel in somno, pueritia, aut amentia, & ideo necessitatur simpliciter, quia supposito tali modo cognitionis, naturaliter, & ab intrinseco, determinatur. At vero extra hunc modum suppositionis nulla est necessitas simpliciter, quia nihil potest illo modo determinate voluntatem ab intrinseco, nisi ex parte intellectus præcedat judicium determinatum, quia voluntas non movetur connaturali modo, nisi medio judicio intellectus, & ideo non potest ab intrinseco ex parte sua determinari ad unum, nisi ex parte judicii procedat determinatio, vel ratione objecti, vel ratione modi proponendi illud; tum quia sicut voluntas non fertur, nisi in cognitum, ita non determinate fertur ab intrinseco, nisi in id, quod determinate judicatur ut omnino volendum; tum etiam, quia indifferentia judicii est radix indifferentiæ voluntatis: ergo si ex parte judicii non præcedat determinatio non potest voluntas ex se, & ab intrinseco determinari. Unde ulterius inferunt hujus sententiæ auctores, ut supra dicere cœpi, nullam suppositionem antecedentem ex parte voluntatis, quæ judicium rationis non immutat, inducere necessitatem contrariam libertati, quantumvis inducat necessitatem in sensu composito talis suppositionis. Ac tandem inferunt ad libertatem actus sufficere potestatem non eliciendi illum in sensu diviso, id est, talem potestatem, quæ licet sub tali suppositione existens non possit reduci in actum suspensionem actus, dese tamen ad id sit potens, & ablata suppositione, exerceri etiam possit. Hæc opinio manifeste sequitur ex alia opinione Bannez, quam tractavimus cap. 4. Eamque ex professo defendunt Alvar. disp. 94. tota, & disp. 22. ad 9. cum suis confirmationibus, & in 18. 23. 25. & 115. & Ledesm, dicta quest. univ. art. 12. ad 9.

Suarez Tom. VI.

9. Fundatur hæc opinio præsertim in particulatibus exemplis, primo de scientia Dei, vel prophetia, quæ est suppositio antecedens inferens necessitatem in sensu composito, & non tollens libertatem. Secundo de voluntate Dei prædestinante, seu prædestinante, quæ etiam antecedit nostram voluntatem, & infert similem necessitatem, & non tollit libertatem. Tertio de concursu prævio. Quarto de auxilio efficaci prædeterminante, vel congruo. His exemplis addunt testimonia Div. Thomæ, quia ubique ita expedit difficultates ex his principiis provenientes. De scientia. 1. p. qu. 14. art. 13. ad 2. & 3. & qu. 2. de Verit. art. 12. ad 4. De voluntate. 1. p. qu. 19. art. 8. ad 3. & qu. 22. art. 4. De prædestinatione. q. 23. art. 6. ad 3. & q. 6. de Verit. art. 3. ad 7. & 8. De concursu, 1. 2. qu. 10. art. 4. ad 3. De Auxilio efficaci. 1. 2. qu. 112. art. 3. A priori non afferunt rationem, nisi, quæ sumitur ex illo fundamento, quod stante judicio rationis voluntas non potest necessitari. Item, quia non obstante quacumque suppositione extrinseca proveniente, voluntas retinet potestatem simpliciter non eliciendi actum, si velit, quia integra ejus potestas manet sub illa suppositione: ergo hoc satis est, ut actus sit liber, non obstante necessitate in sensu composito talis suppositionis.

10. Secunda vero sententia, quam nos amplectimur, est, suppositionem inducentem necessitatem in sensu composito, si talis sit, ut per usum libertatis fiat, vel illum usum liberum involvat, seu comitantem habeat, inducere tantum necessitatem consequentiæ, & secundum quid, & ideo non pugnare cum libertate. Si vero talis sit suppositio, ut omnino antevertat usum libertatis, & necessitatem operandi in voluntatem inducat ex tali suppositione, & in sensu composito, ita ut impossibile sit componi simul in voluntate talem suppositionem cum carentia actus, talem suppositionem inducere necessitatem simpliciter, & contrariam libertati. In priori parte hujus sententiæ nulla est controversia cum prioribus auctoribus: nam illam a fortiori admittunt. Et inductione est evidens, quia voluntas in eo instanti, in quo libere operatur, licet prius natura, quam eliciat actum, sit indifferens ad utrumque & ideo neque actus, nec carentia ejus habeat ullam necessitatem, tamen supposito, quod elicerit actum, jam non potest in eodem instante carere actu, sed habet illam necessitatem, de qua dixit Aristoteles, res, quando est, necesse est esse: illa ergo non repugnat libertati, cum in quocumque actu libero necessario inveniatur. Idem est de concursu Dei concomitante inhibito in actu libero nostræ voluntatis, nam si ille esse supponitur, impossibile est, quin voluntas etiam humana operetur, quia involvit secum operationem voluntatis, ut lib. 3. explicabitur, & ideo cum ille supponitur, eo ipso usus libertatis supponitur, ideoque necessitas composita inde sequuta non repugnat actui libertati: ratio denique in promptu est, quia usus libertatis non destruit libertatem respectu ejusdem, nihil enim destruit se ipsum: ergo necessitas, quæ sequitur ex ipso usu libertatis, non potest esse contraria eidem libertati.

11. Posteriores partem nostræ sententiæ, in qua est controversia, credimus esse de mente omnium illorum Theologorum, qui ad libertatem actualem voluntatis requirunt, ut positis omnibus prærequisitis ad agendum, possit agere, & non agere, etiam in sensu composito, ut supra explicavi, & allegavi, nam inde aperte sequitur, quoties suppositio omnino præcedit, & inter prærequisita ad agendum ponitur, & talis est, ut illa stante, voluntas tantum possit agere, vel tantum non agere compositive (ut sic dicam) illam suppositionem impedire usum libertatis in agendo, vel non agendo. Deinde tribuimus eandem sententiam illis Catholicis scriptoribus, qui hac ætate hæresim Calvinii impugnant, eo quod negaret libertatem nostrarum actionum, quamvis ille non aliam necessitatem tribuat actibus nostræ voluntatis, nisi ex quadam suppositione antecedente, & extrinseca, & non immutante judicium rationis. Neque illum errasse credunt, quia putaverit illam necessitatem sufficere ad tollendam libertatem, sed quia talem necessitatem induxerit, supponendo eam repugnare libertati.

Hujus sententiæ fundamenta.

Secunda, & nostra sententia,

Prior pars evidens.

2. Pars de qua controversatur.

rati. Id constat ex Stapletonio, Bellarmino, & aliis quos lib. 3. & 5. referemus. Denique ex Modernis auctoribus tractantibus presentes controversias de gratia, quæ inter Catholicos versantur, præter auctores Societatis, tenet hanc sententiam insignis Theologus, & primarius in Salmanticensi Academia Joannes Alfonso Curiel. ad epist. 2. B. Petri. controverf. 2. alias 4. in ordine, præsertim num. 175. 178. & 180. ubi ad libertatem docet esse necessariam potestatem componendi, tam agere, quam non agere cum omni suppositione prævia, & antecedente per modum principii. Item Lorca, quem etiam Alvar. allegat. 1. 2. quæst. 111. articul. 3. in fin. seu disput. 21. de Grat. in appendice. §. ult. & Alexand. Pefant. 1. part. quæst. 19. artic. 3. disp. 1. & Francisc. Dorialevis. in 1. p. sui opus. cap. 3. & sequentibus.

Probatio Anselmi. 11. Probaturque auctoritate Anselmi locis supra citatis ubi distinguendo duplicem necessitatem antecedentem, & consequentem, nostram sententiam docet, nam generaliter statuit necessitatem antecedentem repugnare libertati. Inde enim aperte fit, necessitatem in sensu composito provenientem ex antecedenti suppositione esse necessitatem simpliciter excludentem libertatem. Ad hoc vero testimonium responderet Alvar. dicta disp. 2. ad 9. duobus modis. Primus est Anselmum per necessitatem antecedentem intellexisse necessitatem absolutam, seu naturalem, quæ facit causam secundam operari sine proprio consensu, & absque propria deliberatione rationis. Idque ex eo colligit, quod Anselm. ponit exemplum in motu cæli, qui est necessarius ex influxu causæ superioris. Per necessitatem autem consequentem dicit intellexisse Anselm. necessitatem consequentiam. Et hanc expositionem exemplis a longe petitis suadere conatur: sed frustra, & ideo illa omitto. Sensus enim Anselm. non aliunde, quam ex verbis ejus petendus est. Ipse autem quid intelligat per necessitatem consequentem his verbis declarat in d. c. 1. Concord. Cum dico, si Deus præscit aliquid, necesse est illud esse futurum, idem est, ac sic dicam, si erit, ex necessitate erit; sed hac necessitas non cogit, nec prohibet aliquid esse, aut non esse: Ideo enim quia ponuntur res esse, dicuntur ex necessitate esse. Illam ergo vocat necessitatem consequentem, quæ sequitur ex ejusdem rei positione, quæ quidem vere dicitur esse necessitas consequentiam, sed non cujusvis consequentiam, nec ex quocunque antecedente, sed ex illo, in quo res ipsa supponitur esse, ita ut sit illatio quasi identica formaliter, aut virtualiter, qualis est illa Aristotelis. Res quando est, necesse est esse. Unde subjungit idem Sanctus: Nam cum dico, si erit ex necessitate erit; hic sequitur necessitas, quæ rei positionem non præcedit. Omnem ergo necessitatem, quæ rei positionem præcedit, vocat antecedentem, quæ vero sequitur ex rei positione vocat consequentem.

**Aliter e-
volvitur
Alvar.** 12. Aliter etiam id declarat inferius, constituendo differentiam inter actum, seu opus factum ex motione voluntatis, & ipsum actum elicitum a voluntate libera, quia in actu elicitum, ut est ipsum velle, invenitur tantum necessitas consequens, quia quod vult libera voluntas potest non velle, & necesse est, eam velle, cum vult. Potest namque non velle, antequam velit, quia libera est, sed cum vult, non potest non velle, sed eam velle necesse est, quoniam impossibile illi est id ipsum simul velle, & non velle. Ubi respectu ipsiusmet velle explicat necessitatem antecedentem, & consequentem, ut illa sit consequens, quæ sequitur voluntatem jam volentem; antecedens vero, quæ præcedit, utique causalitate, & natura, seu efficientia. Ideoque de actu imperato ait: Bisarium est necessarium, quia & voluntate cogitur fieri, & quod fit, non potest simul non esse. Quia motio manus est necessaria ex suppositione voluntatis, & ideo respectu potentiam motivæ est necessaria non tantum necessitate consequente, sed etiam antecedente, quia volitio est suppositio antecedens respectu potentiam motivæ, quia est causa efficiens ejus, quæ posita necessario sequitur actio: & nihilominus respectu hominis illa actio est simpliciter libera, quia, ut subdit: Has necessitates facit voluntatis libertas, quæ priusquam sint, eas cavere potest. Ubi virtute definit, illam necessitatem consequentem esse, quam facit voluntatis

libertas, & sic iterum subdit: non repugnare, id, quod nulla necessitate cogente fit, necessario esse futurum ea necessitate, ait, quam supra dixi fieri a libera voluntate. Est ergo ex mente Anselmi necessitas consequens, quæ sequitur ex aliquo usu ipsius libertatis, & ideo dicitur fieri a libera voluntate. Antecedens ergo necessitas erit, quæ in voluntate fit, & ab ipsa libertate ejus non fit, sed antecedit usum libertatis ejus. Et eandem doctrinam habet dict. lib. 2. Cur Deus homo c. 18. ubi generaliter dicit. Est namque præcedens necessitas, quæ causa est, ut sit res: & est necessitas sequens, quæ res facit. Et infra necessitatem consequentem etiam vocat, nihil efficientem, & e contrario necessitatem provenientem ex priori causa, censet antecedentem, & simpliciter absolutam.

Frustrâ ergo limitatur doctrina Anselmi ad causam præmoventem naturaliter, id est, ad operandum sine cognitione rationis. Quod præterea confirmo, quia descriptio illa necessitatis consequentis, quod sit illa, quæ a libera voluntate fit, est præcisa, & adæquata: omnis ergo alia necessitas, quæ a libera voluntate non fit, comprehenditur sub alio membro necessitatis antecedentis, siue fiat cum cognitione rationis ejus, cui operandi necessitas imponitur, siue absque illa, alias partitio non esset adæquata, contra sufficientiam doctrinæ, & contra mentem Anselmi. Unde in cap. 2. ait: Quædam præscita, & prædestinata a Deo non evenire ea necessitate, quæ præcedit rem, & facit: sed ea, quæ rem sequitur, sicut supra (inquit) diximus. Ubi partitionem ponit, ut adæquatam, & omnem necessitatem, quæ ita præcedit rem, ut non supponat illam, sed tantum faciat, antecedentem esse docet, & a consequente illam distinguit. Secundo quia alias esset impertinens illa distinctio ad rem, de qua agebatur; tractat enim Anselmus de actibus voluntatis, qui cum judicio rationis fiunt, & de his vult ostendere, habere quandam necessitatem in præscientia, & prædestinatione divina, cum qua consistit libertas, & respectu talium actuum illa distinctio utitur: ergo non loquitur tantum de necessitate naturali, quæ esse potest sine cognitione rationis, sed simpliciter de necessitate antecedente, vel consequente tales actus, ut a libero arbitrio procedunt. Tertio quia motivum ad illam expositionem ex uno exemplo sumptum debilissimum est; tum quia non est necesse exemplum esse simile in omnibus; tum etiam quia in locis proxime citatis ponit etiam exemplum in seditione futura, & in peccato; tum denique quia in ultimo loco excludit a necessitate consequente non solum causam naturalem, sed absolute omnem causam efficientem, & necessitatem inducentem. Ideoque cum dixisset: Quoniam vera fuit fides ejus (id est Virginis) necesse erat ita futurum esse sicut credidit, subjungit. Quod si te iterum perturbat, quod dico, necesse erat momento, quia veritas fidei Virginis non fuit causa, ut ille moretetur, sed quia hoc futurum erat, vera fuit fidei.

15. Addit vero prædictus Auctor aliam expositionem, quam dicit esse forte clariorem. Nimirum necessitatem ex voluntate Dei provenientem non esse antecedentem, quia licet antecedit causam secundam, seu voluntatem creatam, non antecedit causam primam, ejusque voluntatem, sed consequitur illam. Unde infert, sicut necessitas voluntatis hominis in suum actum non tollit libertatem actus ejus, sed facit ita necessitatem provenientem ex antecedenti influxu voluntatis divinæ non impedire libertatem, sed potius causare illam in ipsamet voluntate humana, quia vehementius influit, & operatur, quam ipsamet voluntas humana. Et ad hoc confirmandum inducit verba Augustini libr. de Corrept. & grat. cap. 14. Ubi exaggerat potestatem voluntatis divinæ in humanam.

16. In hac vero responsione neque expositio verborum Anselmi, nec doctrina ipsa probari potest. Ratio prioris partis est, quoniam Anselmus aperte loquitur de necessitate antecedente, vel consequente respectu illius voluntatis, a qua debet actus libere, vel necessario procedere. Unde in lib. de Concord. expresse loquitur de voluntate humana, cum dicit, necessitatem consequentem esse, quam ejusdem volun-

Argumentum ab adæquata divisione necessitatis.

3. Evasio Alvar.

illa expositio nihil præstat.

ratis libertas facit, antecedentem vero, quam prior causa facit. Et sub priori causa Deum etiam includit, nam ob eam rem conatur etiam ex parte ipsius antecedentem necessitatem tollere. Ac propterea dicit scientiam, & voluntatem Dei pertinere ad consequentem necessitatem, non quia respectu ipsius voluntatis divinæ necessitas illa sit consequens, sed quia ipsamet scientia Dei non antecedit simpliciter usum liberum ipsius voluntatis humanæ, sed illum includit. Et inde etiam dicit voluntatem Dei non inducere necessitatem antecedentem, *quia non prædestinat, nisi sicut est in præscientia*, ut expresse dicit in cap. 2. In altero vero loco lib. 2. *Cur Deus homo* princ. c. 17. declarat, quomodo Deus nihil ex necessitate simpliciter faciat, quia nulla necessitas præcedit eius velle, sed ab eius voluntate procedit. Postea vero in c. 18. eodem modo cum proportionem loquitur de voluntate humana ut libere operante, & respectu illius vult necessitatem debere esse consequentem, ut cum libertate subsistat.

Ratione
fulcitur
nostra
sentia

17 Ratione item id convinci potest, quia simul improbat illa doctrina in se spectata: nā actus hominis non est liber per ordinem ad voluntatem Dei, sed per ordinem ad voluntatem hominis, sicut non est vi ralis actus hominis, quia procedit a Deo, sed quia procedit ab intrinseco principio vitæ hominis: ergo ut actus sit liber homini, oportet, ut non sit necessarius eidem homini per necessitatem antecedentem liberum influxum eius, nec satis est, quod illa eadem necessitas sit consequens respectu Dei: inde enim solum fiet, quod actio vel effectus sit liber Deo, non vero homini. Nam si necessitas est illi antecedens ex influxu Dei, iam ipse non ex sua libertate, sed ex immixta necessitate operabitur, ac subinde non erit illi actio libera, sed Deo. Confirmatur, quia Deus potest necessitate voluntatem humanam, ut supra est ostensum, & tamen tunc etiam necessitas illa est consequens respectu voluntatis Dei, non enim fit, nisi quia Deus vult, & nihilominus necessitat voluntatem hominis, quia ad illam antecedit: ergo necessitas in sensu composito ex suppositione antecedente voluntatem hominis, licet consequatur voluntatem Dei, tollit usum libertatis in homine, licet illum in Deo supponat. Sicut etiam e contrario necessitas, quæ est in amore beatorum in patria, est consequens respectu voluntatis Dei, nam ipse libere præbet concursum ad illum amorem, nec est illi necessarius ille concursus, nisi quia vult, vel promittit illum dare, & ideo ipsi Deo effectus ille liber est, & nihilominus est necessarius homini amanti, quia respectu illius necessitas illa est antecedens, eo quod non fiat per liberam voluntatem, sed positis omnibus prærequisitis ad amandum, ex necessitate sequitur. Ergo necessitas antecedens, & consequens consideranda est respectu eiusdem voluntatis, cui effectus est liber, vel necessarius, non respectu alienæ voluntatis. Neque ad hoc refert, quod voluntas divina sit superior, & efficacior, quia libertas non consistit in independentia, aut efficacia, sed in indifferentia illiusmet causæ, quæ dicitur libere operari: unde si vehementia illa influxus divini tanta esset, ut induceret in voluntate hominis necessitatem antecedentem, procul dubio usum libertatis eius impediret. Sed mirabilis sapientia Dei est, quod licet vehementius influat, ita se accommodat, ut necessitatem antecedentem non inducat: imo sine tali necessitate voluntatem hominis mutari facit, prout vult. Et hæc est doctrina Augusti. in citato loco, quam in l. 5. late tractabimus.

Resp. Al-
var. im-
probatur

18 Ex quo etiam facile improbat alia responsio, quæ ex eodem Auctore in eadem disput. ad 8. desumi potest, ubi proposito simili argumento non fundato in Anselmi auctoritate, sed in ratione, quia si suppositio ita antecedit voluntatem, ut non sit in potestate eius illam ponere, vel tollere, & ex tali suppositione necessario sequitur actus, talis actus non potest esse liber. Respondet, hanc propositionem esse veram, quando suppositio se tenet ex parte alicuius causæ creatæ distinctæ ab ipsa voluntate humana, non vero si teneat ex parte primæ, & universalissimæ causæ. Probatque hanc partem posteriorem exemplis, quia

Suarez Tom. VI.

prædictio negationis Petri fuit suppositio antecedens, quam Petrus non potuit sua voluntate tollere, aut ponere, & illa posita necesse fuit sequi negationem Petri, & nihilominus non abstrulit libertatem. Similiter promissio conversionis gentium fuit suppositio antecedens eodem modo, quæ posita non potuit non impleri, & non obstitit, quominus conversio illa libere fieret. Rationem etiam adhibet, quia sola prima causa potest immutare voluntatem humanam efficaciter, & in se ipsa, & servato modo operandi eius naturali. Et ad hoc allegatur Div. Thom. 1. p. q. 22. art. 4. & 3. contra gent. c. 148. Iuxta hanc ergo doctrinam posset ad Anselmum responderi, eius distinctionem limitando, quoad membrum de necessitate antecedente, ut intelligatur, quando talis necessitas antecedens provenit a causa creata, non vero quando provenit a causa prima.

Alv. res-
ponso

19 Sed neque expositio, neque doctrina est probabilior, quam præcedens. Nam in primis Anselmus illis locis tractat de necessitate proveniente a Deo, nimirum a scientia, voluntate, vel prædestinatione Dei, & ad salvandam libertatem hominis, etiam respectu ipsius Dei, putat esse necessariam distinctionem illam de necessitate antecedente, & consequente: ergo non habet locum in doctrina, & mente Anselmi illa limitatio. Quin potius ipse aperte supponit, etiam respectu Dei, non subsistere libertatem cum necessitate antecedente, etiam si a Deo ipso proveniat, ac subinde neq; salvari libertatem per distinctionem sensus compositi includentis talem suppositionem antecedentem, & a Deo ipso proveniente. Unde Vvald. loco infra citando recte intellexit, Anselmum loquutum esse de necessitate, quam ipse vocat *necessitatem extraneam voluntati*, quia provenit ab extrinseca causa, & maxime ait excludere necessitatem prævenientem, quæ a Deo possit provenire.

Alv. non
assentitur
D. Ansel.

20 Deinde doctrina ipsa impugnatur ex his, quibus supra probavimus, ut operatio sit libera, necessarium esse, ut stantibus omnibus prærequisitis ad agendum etiam ex parte Dei, voluntas possit agere, & non agere, & componere, tam ipsam agere, quam ipsum non agere cum omnibus illis prærequisitis. Nam ex illa doctrina necessario sequitur omnem suppositionem antecedentem in sensu a nobis explicato, si necessitatem inducat, impedire usum liberum, etiam si a Deo proveniat. Probatur, quia talis suppositio, si detur, erit unum ex prærequisitis ad agendum, & illo posito non poterit voluntas aliud agere, nisi id, quod ex tali suppositione necessario sequitur; ergo illa necessitas etiam si a Deo proveniat, repugnabit libertati. Eo vel maxime, quod si necessitas illa antecedens repugnat libertati, est propter formalem repugnantiam, & contradictionem, quam cum illa involvit, nimirum quod voluntas subdatur illi suppositioni, & actioni ex necessitate, & quod simul cum vera libertate, & indifferentia talem actionem eliciat; ergo undecunque proveniat illa necessitas, five a Deo, five aliunde, repugnabit libertati, quia quod proveniat a Deo non tollit dictam repugnantiam, nec quicquam ad servandam libertatem refert. Unde recte Vvald. l. 1. Doctrin. fid. c. 28. impugnando eandem doctrinam in quibusdam, qui dicebant, necessitatem ab inferioribus causis repugnare libertati, non vero inditam a causa superiori, inquit, *Undecunque ab extra intuleris necessitatem, quæ derogat potestati, statim præiudicas libertati*. Quod ex doctrina Augusti. lib. 3. de Lib. arb. cap. 3. & aliorum Patrum confirmat.

Doctrina
Alvar. et
cetera de
distinctione
libertatis

12 Neque ratio differentie, quam Alv. adiungit, quicquam iuvat, tantum enim probat solum Deum posse per se, & directe immutare voluntatem: hinc autem non sequitur posse illam immutare per motionem præviam necessitatem in sensu composito talis motionis, salva eius libertate: nam eo ipso quod sic movet, non finit illam connaturali modo operari: & hoc confirmant, quæ supra diximus de potestate Dei ad necessitatem inferendam voluntati. Unde licet ad omnipotentiam & providentiam Dei pertineat, ita disponere effectus liberos, ut & infallibiliter, & libere eveniant, sicut ab ipso providentur, quod in citatis locis Div. Thom. docet: non tamen pertinet ad

Alvar. ra-
tio non
cogit

Quid ad
angelicū
D. quid ad
prædi-
ctionem
dicamus.

Ex Ansel.
necessitas
amica li-
bertati, &
illi ad-
versa ad-
struitur.

ejus omnipotentiam, vel providentiam facere, ut effectus eveniat ex necessitate antecedente simpliciter & quod libere eveniat, neque in citatis locis D. Th. hoc docet, neque docere potuit, cum repugnantiam involvat. Exempla vero de prædictione, vel promissione Dei, eadem sunt, quæ de præscientia, & præstinatione, de quibus Ansel. expresse docet pertinere ad necessitatem consequentem, non ad necessitatem antecedentem, quod verissimum esse partim in Proleg. 2. partim in l. 3. & 5. ostendimus.

22. Doctrina ergo generalis Ansel. est, necessitatem in sensu composito tunc solum recte componi cum libertate arbitrii, quando ipsa suppositio sit per usum liberi arbitrii, vel saltem illum supponit, aut concomitantem includit; necessitatem autem ex suppositione omnino antecedente ad usum liberi arbitrii, etiam si dicatur ex suppositione, & in sensu composito, esse necessitatem simpliciter, & non posse cum vera libertate componi. Atque ita intellexerunt, & probarunt illam distinctionem Anselmi Alenfi. i. p. quæ. 24. memb. 4. & 5. Albert. in r. d. 38. art. 4. Richard. q. 6. & gravissime omnium Uvald. lib. i. Doctrin. fid. antiq. c. 25. ubi etiam addit, doctrinam illam Anselm. sumptam esse ex Aug. l. 5. de Civit. c. 10. ubi, licet non eisdem verbis, in sententia illam insinat: distinguit enim duas necessitates, unam, quæ libertati repugnat, aliam, quæ optime cum illa subsistit. Priorem dicit esse illam, quæ non est in nostra potestate, sub qua comprehendit Augustin. illam omnem, quæ ab extrinseco provenit, etiam nobis nolentibus, quæ profecto pertinet ad antecedentem necessitatem. Unde sub alio membro comprehendere videtur August. omnem necessitatem, quæ est sine extrinseca vi; nam duo exempla illius ponit, scilicet necesse esse Deum semper vivere; & omnia præscire, quorum prius est absolute necessarium, posterius tantum ex suppositione objecti. Et ideo de hoc membro posteriori ait August. non repugnare libertati, quia quatenus suum objecto supponit, est in nostra potestate, & hoc est quod ait: *Non propterea nihil est in nostra potestate, quia Deus præscivit quid futurum esset in nostra voluntate. Non enim qui hoc præscivit, nihil præscivit. Porro si aliquid præscivit, profecto & illo præsciente est aliquid in nostra voluntate*: unde in fine concludit: *Non ideo homo peccat, quia Deus illum peccaturum præscivit, sed ideo non dubitatur ipsum peccare dum peccat, quia Deus illum peccaturum esse præscivit, qui si nolit, utique non peccat, sed si peccare noluerit, etiam hoc ille præscivit*. Per quæ omnia aperte indicat necessitatem consequentem, id est, usum ipsiusmet libertatis supponentem, Deinde sic concludit Waldensis. *Necessitas ergo præcedens non compatitur arbitrii libertatem, & ideo ipsa non convenit humanis effectibus. Periculose ergo, ut mihi videtur, quidam magni viri necessitatem istam præcedentem ponunt in humanis operibus, etiam & quod fluat a voluntate Dei, maxime cum antiquis Patribus nihil consonans reperire possunt, cum conantur*. Quæ verba ideo dixit, quia non credidit aliter Wiclepho resistere, & valde notanda sunt hoc tempore ad tuendam fidei causam contra Calvinum.

23. Eandem doctrinam reperit, & gravissimis verbis confirmat idem Auctor eodem lib. i. c. 28. ubi non solum Ansel. sed etiam D. Th. hanc sententiam tribuit dicens: *Venerabilis Anselmus, & S. Thomas clarissimè ore dicunt, non esse ibi necessitatem aliquam præcedentem, sed consequentem, quæ nihil efficit*. Quia vero nullum D. Th. testimonium in particulari allegat, nonnulla a nobis recensenda sunt, quia quod ille ibidem refert, hodie etiam sit, & D. Th. imponitur, *quod necessitatem ponat præcedentem, quæ rem obliget ad eventum*: Contrarium autem ipsum cum Ansel. docuisse ostenditur primo ex verbis eius l. 1. Perhier. lect. 15. in l. 5. ubi explicans axioma Aristotelis: *Omne, quod est, quando est necesse esse*, dicit fundari illo principio est. *Impossibile est idem simul esse, & non esse*, nam inde fit, ut quod est, necesse sit esse, quando est. *Et hæc est* (inquit) *necessitas non absoluta, sed ex suppositione*. Et inferius in §. 2. ait. *Illud quod non est absolute necessarium fieri necessarium ex suppositione ejusdem*. Ex quibus colligo juxta mentem, ac sententiam D.

Thomæ verum sensum compositum excludentem necessitatem absolutam contingentiam, seu libertati contrariam debere fundari in suppositione ejusdem rei, cui attribuitur necessitas, & virtualiter debere includere illud principium, *Impossibile est, idem simul esse, & non esse*. Ergo hic etiam sensus servandus est in sensu composito, in quo dicitur actus liber necessario evenire, utique ut in sua hypothesis includat actum ipsum libere factum, vel futurum: quæ est necessitas consequens ab Ansel. tradita. Unde omnes Theologi in hac materia utuntur sensu composito in illo sensu, in quo traditur ab Aristotele citato loco, & a D. Thoma exponitur. Atque ita colligimus ex mente Divi Thomæ (quamvis expresse eam ibi non declararet) omnem necessitatem, quæ non est ex suppositione ejusdem rei, sed ex alia priori, esse antecedentem, & absolutam, seu simpliciter, quia non fundatur in illo principio: *Impossibile est idem simul esse, & non esse*; quia si non supponitur res ipsa, sed causa rei, etiam si posita causa non sequatur effectus, non sequitur idem esse, & non esse: sed sequitur simul esse posse talem rem, quæ est causa, & non esse rem, quæ est effectus, quod longe diversum est. Unde idem D. Th. l. 2. Physicor. lection. 15. in principio, distinguendo duplicem necessitatem, absolutam, & ex suppositione, generaliter pronuntiat: *quod necessitas illa, quæ pendet ex causis prioribus est absoluta*, quod in tribus causis materiali, formali, & efficiente declarat, & adjungit. *Quod autem habet necessitatem ab eo, quod est posterius in esse, est necessarium ex conditione, vel suppositione*, quæ est manifesta declaratio distinctionis Ansel. in sensu a nobis tradito.

24. Quia vero declarando illud prius membrum in causa efficiente, exemplum ponit in motu solis, respondent moderari, qui se discipulos ejus maxime profitentur, illum loqui de causis naturalibus, seu inferioribus, non de causa prima. Sed hoc est in primis contra generalitatem priorum verborum, quæ non limitantur propter unum exemplum, quia non oportuit in omnibus speciebus causarum efficientium exempla ponere, nam illud tanquam notius positum est. Deinde obstat vis rationis, quæ non est minor in prima causa, quam in aliis, ut paulo antea dictum est. Præterea obstat definitio primi membri, quæ, ut sit adæquata, non admittit necessitatem secundi modi, nisi ubi non ex priori aliquo, sed ex posteriori sequitur. Unde illi Doctores ut suam opinionem D. Th. adferbant, illius doctrinam mutilant, & partitionem, vel declarationem ejus insufficientem reddunt. Accedit, quod idem D. Th. 3. p. q. 46. art. 1. cum dixisset, *quandam esse necessitatem ex aliquo exteriori, quod si sit causa efficiens, vel movens facit necessitatem coactionis*, ad excludendam hanc necessitatem a passione Christi, addit, non habuisse illam ex parte Dei: ergo intelligit, sub illa violenta necessitate proveniente ex aliquo exteriori principio, includi etiam illam, quæ a Deo provenire potest.

25. His consonat alia doctrina ejusdem Doctoris S. q. 6. de Mala. ubi generaliter docet ad libertatem actus voluntatis quoad exercitium necessarium esse, ut ab extrinseco principio, etiam a Deo ipso, non necessitetur, utique ex aliqua suppositione antecedente, & prævia: unde sic inquit: *Deus cum omnia moveat secundum rationem mobilium, levia sursum, & gravia deorsum, etiam voluntatem movet secundum eius conditionem, non ut ex necessitate, sed ut indeterminate se habentem ad multa*. In quibus verbis obiter notari potest pro aliis questionibus postea tractandis, Deum ratione concursus generalis, & concomitantis dici movere omnia, sic enim, & non aliter, movet levia sursum, & gravia deorsum: ita ergo ratione ejusdem concursus intelligendus est D. Th. hic & in multis aliis locis, cum dicit Deum movere voluntatem. Item in hoc ipso movendi genere dicit movere voluntatem secundum ejus conditionem, in qua conditione illa duo, tanquam opposita, contraponit, scilicet, ut ex necessitate, & ut indeterminate se habente, sentitque D. Th. (quod ad præsens spectat) si motio etiam ipsius Dei præcedat determinando, induci sensum compositum repugnantem modo proprio operandi voluntatis & consequenter inferri necessitatem simpliciter, & non tantum secundum quid.

Angelicus
Doctor
omnino,
ut nos, &
sic cum
Anselm.

Male alie
lectiones
Th. se ex-
plicat.

Idem alie
bi.

Non solum
Ansel. sed
etiam so-
lida doct.
D. Th. no-
stra con-
solidatur.

Nostra
sententia
cum An-
selmo ra-
tione pro-
bat

26 Tandem ratione declaratur, & sensus Anselmi, & nostra sententia, quia quando suppositio est antecedens in sensu dicto, id est, non facta per usum libertatis, sed præveniens illum, si effectus est necessario connexus cum tali suppositione, talis necessitas non est fundata in illo principio, *Impossibile est idem simul esse, & non esse*, ut jam supra declaravi, quia non sunt idem id, quod supponitur, & quod necessario sequi dicitur: ergo fundatur in alio principio, videlicet, impossibile est poni talem causam sic affectam, & ex illa non sequi talem effectum distinctum ab ea conditione, vel affectione, quæ in causa supponitur, ergo hæc non est necessitas sensus compositi, de quo Aristoteles, & Anselmus, qui illum allegat, & D. Tho., qui illum exponit, & cæteri Theologi qui illum sequuntur, loquuti sunt: ergo illa non est necessitas tantum secundum quid, quæ dici solet consequentiæ sed est necessitas simpliciter, & consequentis, quia est necessitas effectus ex sua causa, quæ est propria necessitas physica, quæ in ipsa effectione rei invenitur: & non est tantum illationis, & quasi ex mentis comparatione, qualis est in necessitate eiusdem rei ex sui ipsius suppositione. Secundo, si suppositio illa antecedit omnino usum libertatis, in eius positione non intervenit exercitium libertatis humanæ, nec etiam intervenit in emanatione effectus a tali suppositione, quia fit cum tanta necessitate, ut non subdatur dominio eiusdem voluntatis, nec ipsa possit illam emanationem impedire: ergo ille effectus in re ipsa non fit cum usu libero voluntatis humanæ; ergo non est liber: ergo sensus compositus ex tali suppositione non sufficit ad salvandam libertatem.

27 Tertio posita huiusmodi suppositione voluntas, etiam spectata prius natura, quam operetur, tantum potest unum agere, illud scilicet, quod ex tali suppositione sequitur cum necessitate quoad exercitium: ergo non agit ut potens agere, & non agere positis omnibus prærequisitis ad agendum. Nec satisfacit responsio, quod voluntas etiam tunc agit, ut potens agere, & non agere, quia sub illa suppositione retinet totam suam potestatem ad utrumque indifferenter, ut in quarta suppositione admisimus. Hoc, inquam, non satisfacit, quia ut in superioribus cum Scot. & Capr. dixi, illa potestas est ibi quasi sopita, & impedita quoad omnia alia præter illud unum, quod ex tali suppositione necessario sequitur, & ideo est tantum potentia remota ad plura, non vero est potentia proxima qualis ad usum libertatis requiritur, ut supra explicando descriptionem liberi arbitrii probatum est: ergo sensus compositus ex tali suppositione revera non salvat libertatem. Deber ergo in illo accipi suppositio consequens, non antecedens, in sensu a nobis declarato. Eræ converso potentia in sensu diviso tunc deserviet libertati tuendæ, quando illa potestas intelligitur proxima in ipsa voluntate, prius natura, quam se ad alteram partem determinet, tunc enim diviso ipsa, ut sic dicam, est in potestate simpliciter ipsius voluntatis, alias si divisio non est in potestate voluntatis, id est, si aliquid in illa ponitur, quod ipsa impedire, aut removere non potest, ut alterum ex duobus operetur, tunc sensus ille divisus inutilis est ad libertatem tuendam, nam in potentiis naturaliter operantibus talis potestas in sensu diviso reperiri potest, ut in superioribus etiam argumentatus sum.

28 Neque contra hanc sententiam obstant motiva alterius opinionis: nam exempla, quæ adducuntur, omnia involunt suppositionem consequentem, non antecedentem. Nam scientia Dei, ut Anselm. docet, involvit, rem esse futuram, & ita licet antecedit æternitate, non est suppositio antecedens, quia secundum habitudinem, quam dicit ad tempus, in quo res est futura, non prius est, quam sit verum, rem esse futuram: imo ordine rationis supponit determinationem futuram per liberum usum libertatis, quia præscientia hæc futurorum, ut scientia visionis est, non est causa, vel ratio, quod res sit futura, sed pura intuitio rei futuræ, ut infra dicam, & ideo non mutat modum eius, ut etiam dixit Aug. l. 3. de Lib. arb. a principio. Eademque ratio est de prophetia, cum hæc

in præscientia Dei nitatur, & sit illa postetior. Secundum exemplum erat de voluntate Dei prædeterminante, seu prædefiniente, de qua in l. 5. ex professo dicturi sumus. Nunc breviter cum Anselm. lib. de Concord. e. 2. dicimus, *Dubitari non debet, quia eius prædestinatio, & præscientia non discordant, sed sicut præscit, ita quoque prædestinat*. Et infra. *Sicut præscientia, quæ non fallitur, non præscit, nisi verum, sed erit aut necessarium, aut spontaneum, ita prædestinatio, quæ non mutatur, non prædestinat, nisi sicut est in præscientia*. Itaque etiam voluntas divina, etiam si sit absoluta, efficax, & prædestinans, seu prædefinens, quatenus est de actibus liberis, & decernit non solum ut sint, sed etiam ut liberi sint, supponit aliquam præscientiam saltem conditionatam, ipsius liberi usus voluntatis futuri cum solo concursu comitante, si ceteræ præviæ conditiones necessarie ad volendum congrue voluntati præparentur, & quia voluntas illa prædefinens semper observat aliquo modo hunc respectum, ideo ex hac parte est suppositio consequens, & non antecedens. Et hoc modo efficacia divinæ voluntatis non obstat libertati voluntatis creatæ: imo illam munit, & dirigit, ut in lib. 5. ex professo explicaturi sumus. Tertium exemplum erat de concursu prævio, quod dicimus falsum supponere, ut in l. 3. ad finem ostendimus. Quartum erat de auxilio efficaci, ad quod dicimus, si intelligatur esse de se ita efficax, ut physice prædeterminet voluntatem creatam, falsum etiam supponere: si vero sit sermo de auxilio efficaci per vocationem congruam, sic non ita est suppositio antecedens, quin connotet habitudinem ad usum liberum præcognitum, ut aliquo modo, id est, sub conditione futurum, & ex eo capite non est suppositio antecedens, sed consequens, ut in l. 5. tractandum est.

29 Nec D. Thom. in locis, quæ ibi allegantur, aliquid in contrarium docet. Quia potius in dicta q. 14. l. p. art. 13. ad 2. ait, præscientiam Dei non tollere libertatem actus futuri, quia respicit illum ut præsentem, & ita ut necessarium ea necessitate, qua res, dum est, necesse est esse. Ubi aperte declarat necessitatem illam esse consequentem, & ex suppositione eiusdem rei, ut declaravimus. Et eandem doctrinam repetit in solutione ad 3. additque (quod notandum est) scientiam Dei esse extrinsecam rei scitæ, nullamque dispositionem ipsi inherenter illi imprimere, ideoque relinquere illam contingentem, sicut est, & ita etiam illam intueri, ut simpliciter liberam, seu contingentem, ut necessariam vero ea tantum necessitate, qua res, quando est, necesse est esse.

30 Neque in qu. de Veritate, ubi de eadem scientia Dei tractat, aliud docet. In aliis vero locis, ubi D. Thom. agit de voluntate divina, solum habet hanc verissimam doctrinam, quod efficacia, vel efficientia voluntatis divinæ non infert necessitatem simpliciter causis secundis liberis, vel contingentibus, cum potius ipsa sit prima radix effectuum liberorum, & ex ipsius dispositione proveniant, quia non solum voluit tales effectus, sed etiam modum eorum, & ideo causas utrisque accommodatas præparavit, easque secundum modum illarum movere. Ex qua doctrina respondet in illa qu. 19. l. p. art. 8. ad 3. ex voluntate Dei non sequi in actibus voluntatis creatæ necessitatem simpliciter, sed tantum secundum quid, & conditionatam, quia Deus non voluit eos habere maiorem necessitatem. Idemque repetit in q. 22. art. 8. toto, & toto etiam art. 6. qu. 23. ubi concordiam prædestinationis cum libertate remitti ad concordiam præscientiæ, & voluntatis. Et fere idem habet dicta q. 6. de Verit. art. 12. ad 7. ubi etiam de prædestinatione agit, additque, quod supra de scientia dixerat, & nobis postea inserviet, prædestinationem nihil ponere in prædestinato sicut nec præscientiam in præscito, & ideo non impedire, quominus res secundum se contingens, maneat contingens, etiam si infallibiliter futura sit, sicut est prædestinata. Quamvis autem hæc omnia verissima sint, in eis non explicatur in particulari modus, quomodo efficacia divinæ voluntatis coniugatur illa duo scilicet, quod effectus infallibiliter fiant,

S. Thom.
in opposi-
tis etiam
locis nobis
faveat

Obstaculum
nolū
nostræ
sententiæ
fundamē-
tum est
nobis in
D. Thomæ

Evasio
cum præ-
clusionē
eius

Opposita
motiva
declaran-
tur

fiant, & eo modo fiant, quo sunt voliti, scilicet libere. Nos autem dicimus hæc coniungi media aliqua præseientia, & ea ratione non includere suppositionem omnino antecedentem, quod Div. Thomas ibi non negavit, licet non expresserit, imo insinuat, dum eodem fere modo de voluntate, ac de scientia loquitur, & eas coniungit. Sed hæc latius in l. 5. remittimus.

D. Th. ex
D. Th. ref.
p. 6. d. 1. m. 5.

31 Quæ vero ad concursum pertinent in l. 3. tractanda sunt. Nunc autem ad locum illum l. 2. q. 10. art. 4. ad 3. respondemus D. Thom. loqui de Deo movente per concursum concomitantem, sicut paulo antea in simili notavimus ex q. 6. de Malo, & ex corpore eiusdem art. 4. idem colligi potest, dum enim ait, ex causis necessariis *per motionem divinam* sequi effectus necessarios, per illam motionem divinam nihil aliud quam concursum comitantem intelligit, ut l. 3. ostendam. Concursus autem simulaneus non est suppositio antecedens, sed eomitans, & necessitas inde secuta est tantum consequens, ut jam explicatum est. Alius vero locus de gratia efficaci l. 2. q. 1 l. 2. ar. 3. solum probat Deum interdum efficaciter intendere effectum pendentem ex libera cooperatione hominis, & habere modum, quo ita moveat hominis voluntatem,

ut infallibiliter, & libere consensum eius obtineat, quomodo autem id faciat Deus, Div. Thom. ibi non exponit. Nos autem dicimus id non fieri per suppositionem inducentem antecedentem necessitatem, sed consequentem, media aliqua præseientia Dei, & ita doctrinam illam non repugnare alteri, quam tradidimus, modum autem illum motionis in l. 5. explicaturi sumus.

32 Ad rationes respondetur, priorem falsum supponere, quia formalis libertas non consistit in iudicio rationis, & illo stante voluntas necessitari potest simpliciter, ut supra ostendimus. Ad alteram vero rationem dicitur, posita antecedente suppositione, quæ necessitatem in sensu composito eiusdem suppositionis inducat, manere in voluntate potestatem remotam, qua potest actuum suorum non dicere, si talis suppositio auferatur, hæc autem potestas non satis est, ut actus, quem nunc facit sub tali suppositione, sit liber, quia prius natura, quam illum eliciat, est ita affecta, ut simpliciter non possit illum non elicere, ideoq; talis necessitas antecedens simpliciter libertati repugnat. Sequebatur hic differendum, an in homine lapsa sit ista libera facultas, & usus eius? sed de hoc in Proleg. 4. cap. 7. & in lib. 5. cap. 4. dicemus.

Ad argu-
menta a
ratione
petita.

FINIS PROLEGOMENI PRIMII,

PROLEGOMENUM II. DE SCIENTIA, QUAM DEUS HABET DE LIBERIS ACTIBUS SUB CONDITIONE FUTURIS PRIUS RATIONE, QUAM ABSOLUTE FUTURA COGNOSCAT.

CAPUT I.

*Sensu, & statu controversiæ proposito varie
sententiæ cum suis auctoribus
referuntur.*

fuerint necessaria, & in eo præcipue insistam, ut examinem, quam sint firma, & probabilia, quæ postea de illa sententia scripta sunt,

*Prior sententiæ cum multiplici eius varietate
proponitur.*

Quare hic
appona-
tur scien-
tiæ condi-
tionata



QUIA in discursu huius operis maximo usui nobis futura est ad concursum divinum, efficaciam vocationis, seu prævenientis auxilii, & divinam prædeterminationem explicandam, & cum libertate arbitrii conciliandam, ideo ne ex fundamento nondum probato, vel non satis solido procedere videamur, conabimur in præsentia ostendere hanc scientiam non esse Deo denegandam. Nam licet de hac eadem controversia ante viginti annos proprium opusculum scripserimus, quod paulo post in lucem prodiiit: tamen postea moderni auctores, qui contendunt Deum ita movere causas secundas, etiam liberas, ad agendum, ut inevitabili quadam necessitate antecedente eas prædeterminet ad singulas actiones, totos nervos contenderunt, ut hanc scientiam impugnant, & e medio tollerent, quia, illa sublata, convincere se putant, nec prævenientis gratiæ efficaciam, nec perfectam Dei providentiam, præsertim prædeterminantem, posse subsistere: e contrario autem illa scientia subsistente, omnia fundamenta suæ sententiæ facile convelli vident. Et ideo necessarium nobis hoc loco visum est sententiam, quam veram credimus, stabilire, ut postea de auxiliis gratiæ eum fundamento disputare possimus. Non disputabo autem hic omnia, quæ de illa scientia in prædicto loco tractavi, sed quæ huic tantum loco

2 IN primis autem scire oportet modernos Theologos, qui necessitatem physicæ prædeterminationis introducere ceperant, absolute & sine distinctione negasse hanc scientiam conditionatam, quam mediam etiam vocant, in Deo: & scripturas omnes, ac sanctos qui de illa loquuntur, aliter interpretari conati sunt. Nunc autem illos inter se divisos esse reperio, nam primarii eorum Magistri, qui de hoc puncto novissime, & post multam inquisitionem, & disputationem scripserunt, in sententias omnino contrarias abierunt. Nam D. Alvarez l. 2. de Auxil. disp. 7. n. 8. supponit tanquam certum, & ex Scriptura, & Patribus satis probatum, Deum cognoscere aliqua futura conditionata, quæ de facto neque futura sunt, neque econditio, quam includunt, eventura est aliquando. Addit tamen Deum non cognoscere hæc futura ante decretum aliquod liberum, sed præcedere secundum rationem quoddam decretum conditionatum, in quo a Deo cognosci possint, ut in exemplo illo vulgari de prædictione Christi, *Si in Tyro, & Sidone, &c.* dicit habuisse Deum in sua æternitate ante scientiam illius futuri effectus hoc decretum conditionale. Si ego deerevissem, ut talia signa, & virtutes fierent in Tyro, & Sidone, ego efficaciter facerem, ut Tirii, & Sidonii crederent, & in hoc decreto cognovit certissime illam conditionem, si in Tyro, & Sidone factæ essent tales virtutes, poenitentiam egissent. Et hanc sententiam sequuti sunt postea aliqui

Primus
modus
adversus
tiorum

D. Alvarez

aliqui ex magistris, & lectoribus eiusdem familiæ, qui proinde non negat absolute scientiam hanc conditionatam, sed cum addito, videlicet, non esse possibilem talem scientiam, ut priorem omni decreto libero Dei, quod sit efficax respectu talis effectus, licet de facto non sit effecturum illum, quia non absolute ponitur, sed solum sub quadam conditione, quæ ex alio decreto Dei absoluta futura non est. Hanc opinionem, quoad hæc decreta conditionata, probabilem iudicavit tandem Cumel. in tom. 2. Opusc. disp. 1. in secunda eius parte de modo cognoscendi hæc futura concl. 5.

3. At vero P. Ledesma in disp. 2. de hac scientia, 2. p. seu difficultate principali, concl. 2. & 5. non solum asserit superiorem sententiam esse falsam, sed etiam improbabilem, tam quoad asseritionem talis scientiæ, quam quoad illum modum, quo haberi ponitur in decreto conditionato. Quam sententiam docuerat prius F. Cum 1. par. quæst. 14. art. 13. disp. 8. concl. 3. In qua dixerat, quod licet Deus cognoscat futura absoluta in suo decreto, ac prædeterminatione, conditionata vero non sic cognoscere, quia nihil de illis decrevit. *Sed respondent* (inquit) *nonnulli, quod licet Deus illa non decreverit absolute, nihilominus decrevit sub conditione; & addit. Ridicula sane responsio, quæ Deum imperfectum reddit.* Eandem sententiam tenuit Cabrera 3. par. disp. 1. §. 2. a. n. 338. ubi multis argumentis scientiam mediam, seu conditionatam impugnat, & in nu. 349. refert illum modum cognoscendi in divina prædeterminatione sub conditione, & ait. *Sed responsio frivola est, & in Deo imperfectionem constituit.* Inferius vero nu. 363. & 364. dicit idem auctor scientiam horum futurorum sub conditione infallibilem, & probabilem secundum exigentiam causarum posse communicari creaturæ, & fuisse in anima Christi. Quæ quomodo cohæreant, non video: nam si Deus non habet illam, quomodo communicavit eam creaturis, aut animæ Christi. Nam si solum contendit de nomine *scientia media*, satis frivola disputatio est: præsertim quia rationes eius ad rem ipsam evertendam tendunt, non nomen, maxime cum diserte neget habere Deum talem scientiam etiam in suo decreto conditionato. Fortasse tamen cum dicit, posse communicari creaturæ, & fuisse communicatam animæ Christi scientiam, *infallibilem, & probabilem*, non intelligit duos cognoscendi modos, ut verba ipsa præferunt, unum infallibilem in se, & alium probabilem in causa, sic enim esset repugnantia in dictis quoad primum membrum, sed intelligit unammet cognitionem, quæ absolute sit tantum probabilis, seu coniecturalis in causis, infallibilis vero non quoad veritatem rei in se, sed tantum quoad probabilitatem. Sed tam est impropius sensus, ut sit parum verisimilis. Alia etiam est notanda repugnantia in illo auctore; nam in n. 345. sentit potuisse Deum hæc futura cognoscere *quia intellectus divinus prævidit, ad quid divina voluntas se determinare debuisset.* Quod ut recte advertit Ledesm. non est consequenter dictum, cum non sit minus indifferens divina voluntas prius ratione, quam se determinet, quam voluntas humana. Eandem fere doctrinam tradit idem Auctor in q. 18. 3. p. art. 2. disp. 2. §. 8. nihil tamen addit.

4. Cum his etiam sentit Cabezudo 3. p. q. 62. art. 5. q. 2. quoad negandam scientiam hanc infallibilem, quoad decreta vero conditionata nihil clare dicit: nam in solutione ad 12. exponendo verba Christi, *Si in Tyro, & Sidone*, dicit per illa verba significasse Christum, quid contineretur in dispositione causarum, nimirum quod Iudæi erant indigni auxilio efficaci, & peiores, seu indigniores Tyriis, & Sidoniis. In solut. autem 13. ait, scivisse Christum, quod si Tyrii, & Sidonii illa exteriora reciperent, etiam reciperent auxilium efficax, in quo significat habuisse Deum illud conditionale decretum, quomodo enim posset illud aliter sciri. Non tamen propterea illi tribuo hanc opinionem, quia potuit illud dicere in sensu posito in priori solutione: nam prius dicit, jam esse explicata illa verba, & iuxta illa videtur intelligere, quod Christus illud scivit non certo, & in se, sed quantum erat ex minori repugnantia Tyriorum: vel

etiam potuit sentire, ut ex Cabrera proxime retuli, scivisse Christum, posita illa conditione habituros fuisse Tyrios auxilium efficax, non quia jam Deus id decrevit, sed quia tunc illud decrevisset. Ex professo etiam scripsit contra scientiam mediam, seu conditionatam Ripa in 1. p. q. 14. art. 13. dub. ult. qui nulla distinctione, vel limitatione adhibita, negat Deum cognoscere talia futura, nullamque facit mentionem conditionalium decretorum. Scripsit etiam his diebus peculiarem relectionem Blasius Verdu, in qua plurimis, & acerrimis verbis scientiam mediam insectatur, de conditionaris autem decretis nihil dicit. Affirmat quidem in 3. concl. Deum sua scientia naturali, seu simplicis intelligentiæ cognoscere determinate, & infallibiliter consensum determinatum possibilem in tali ordine, & præviis, ita ut hæc determinata cognitio non sit præcise in natura arbitrii comprehensi, sed in prævenientia, & prævia fiat, & in propositum Dei efficax volens movendo, seu permitrens. Hæc fere est assertio eius, quam magis declarans ait: Itaque asserimus præcognosci infallibiliter possibilem alterum consensum ex vi cognitionis eorum, quibus circumvenitur arbitrium absque libertatis iactura. Dum autem hanc scientiam dicit esse omnino naturalem, sentit profecto hanc scientiam antecedere secundum rationem omne decretum liberum, quod Deus ex æternitate habuerit, sed sufficere, ut sub conditione supponatur inclusum in his, quibus circumvenitur arbitrium.

5. Quamvis autem hi auctores in modo negandi, vel admittendi scientiam conditionatam futurorum contingentium inter se dissentiant, in uno puncto maxime conveniunt, nimirum non posse scire Deum determinate, ad quam partem inclinanda sit libere voluntas creata applicata ad agendum cum omnibus prærequisitis, nisi secundum rationem præcedat in voluntate Dei decretum determinandi illam, vel absolute, vel ex hypothesi, iuxta scientiæ qualitatem. Et quoad hoc allegant Scotum pro hac sententia, eo quod in 1. dist. 39. dixerit Deum cognoscere futuros actus voluntatis humanæ in absoluto decreto voluntatis suæ, nam videtur ponere illum modum præsciendi futura, vel ut unicum, vel ut ante omnem alium necessarium; & quasi fundamentum aliorum, si qui sunt: nam si hoc verum est in præscientia absolute futurorum, proculdubio eadem est ratio cum proportionem de conditionatis. Et eodem modo potest pro eadem opinione allegari Richardus in 1. d. 38. art. 1. qu. 5. quatenus etiam ait, Deum cognoscere futura absoluta in decreto suæ voluntatis, licet prius admittat scientiam illam in præsentia æternitatis. Et eodem modo allegari possunt, qui eiusdem sunt sententiæ in futuris absolutis. An vero constans sit illatio, infra videbimus. Solent etiam allegari Alensis, & Albertus, sed immerito, ut dicam. Addunt præterea auctoritatem negativam antiquorum scholasticorum; tum quia apud illos nulla mentio talis scientiæ invenitur: imo semper, dum de præscientia Dei tractant, ad illam decretum divinæ voluntatis absolute præordinans, ac prædefiniens effectum requirunt; tum etiam quia adquate dividunt scientiam Dei in scientiam simplicis intelligentiæ, & visionis, & ad neutram pertinet hæc scientia futurorum sub conditione, sive media, sive conditionata appelletur. Unde dicti moderni magnis probris, & convitiis in hanc scientiam invehuntur, vocant eam illam falsam novitatem, inutilem, levissimam, improbabilem evidenter contra Augustinum, & Div. Thom., & quam omnes Doctores antiqui negant, ait Alvarez disputat. 120. num. 4. & nostra sententia certum est non dari. Et hæc exaggeratio est, ut opinor, unum ex potissimis fundamentis huius sententiæ. Cui additur infamatio contrariæ sententiæ, dicendo, illam fuisse inventum Pelagianorum, & Semipelagianorum, qui illam invenerunt ad salvandam certitudinem divinæ providentiæ, quia necessitatem divini concursus & efficacis gratiæ negabant, hunc enim putant illi auctores esse potentiorum modum sententiam suam persuadendi. Addunt vero aliud fundamentum ex Philosophia, vel Dialectica mendicatum, scilicet, quod

Ledesma
aliter sen.
tit

Cabrera
cum ejus
doctrinæ
impugna-
tione

Citatur
etiam Na-
varrete 1.
p. b. 14. ar.
13. contr.
56. conc. 3.
Iansenius
c. 47. Con-
cor. Ca-
theri O-
pus. de
Præd. p. 2.
circa fin.
Roa de
Prov. &
Prædest.

In quo
conveni-
ant auc-
tores hu-
jus sen-
tentiæ

Alens. i. p.
q. 24. mē-
br. 7. ad 1.
Albert. in
1. d. 38. a. 3

Cabezudo
id id in
parte sen-
tiæ

quod in illis propositionibus, ut antecedunt ratione decretum Dei liberum, non est determinata veritas, nec cogitari potest modus, quo illa attingatur: ergo non possunt cadere sub scientiam, etiam Dei. Hoc vero fundamentum cum aliis, quæ alicuius momenti fuerint, postea expendemus, nam omnia, quæ hinc inde coacervantur, qualia sint, & facile a quocunque mediocri Theologo conspici potest, & in medium afferre prolixum, & inutile iudico.

Altera sententia contraria, & affirmans refertur,

6 **S**ecunda principalis sententia docet, cognoscere Deum in sua æterna præscientia hæc omnia futura prius ratione, quam aliquid de rebus ad extra producendis libere decernat, non per coniecturam, nec cognoscendo solum inclinationem, seu pronitatem voluntatis liberæ in actu primo completo constitutæ cum omnibus undique prærequisitis ad agendum, sed infallibiliter & determinatè præsciendo, quam partem sua libertate eliger, si non impediatur. Dum autem dicitur deesse in illa hypothese supponi voluntatem cum omnibus prærequisitis ad agendum, in primis supponitur concursus Dei generalis in illa hypothese inclusus, ut ex parte Dei sufficienter oblatus, ac subinde supponitur decretum Dei liberum concurrendi, quantum in se est, cum voluntate: nam hoc est unum ex maxime requisitis ad potestatem simpliciter operandi, seu volendi, ut in libr. 4. & 5. latissime ostendimus; non potest autem prævideri actus futurus, nisi prævideatur potentia simpliciter cum omnibus prærequisitis ad agendum, ut est per se notum: sicut etiam non potest actus prævideri, quin in eo prævideatur futurus concursus simultaneus intime in illo inclusus. Non est tamen necesse, ut supponatur decretum aliquod liberum, ut secundum rationem præexistens in voluntate Dei; hæc enim videntur ab auctoribus prioris sententiæ confundi, cum omnino sint distincta, & multum referat illa distinguere. Nam aliud est ponere in obiecto scientiæ voluntatem liberam Dei, aliud supponere illam in ipso Deo, quasi subiecto; quis enim dubitet per scientiam simplicis intelligentiæ præscivisse Deum in sua æternitate prius ratione, quam veller creare mundum, se posse voluntarie, ac libere creare mundum? quomodo enim posset velle illud creare, nisi præseiret se posse id facere, & voluntatem suam esse efficacem, ut si voluerit ad id determinare, id faciat? Illa ergo præscientia includit in suo obiecto volitionem liberam Dei sub illa conditione, si determinetur, licet nondum supponat illam determinatam. Sunt ergo illa duo valde diversa. Unde in præsentī sententia sensus est, prius ratione, quam Deus supponatur habere in se decretum liberum, ac determinatum, quod voluntas creata velit, præscire, quid hæc voluntas in tali opportunitate, aut circumstantiis, volitura sit, si Deus etiam ipse voluntate sua libera offerat sufficientem, ac necessarium concursum ex parte sua, etiamsi nondum intelligatur Deus habere tale decretum offerendi, vel non offerendi concursum.

7 Hanc sententiam sic explicatam docuerunt a quadraginta, vel pluribus annis Patres Societatis, & plures ex illis, qui per Dei gratiam & sanæ fidei, & prudentiæ, ac religionis, & non mediocris doctrinæ, ac eruditionis nomen, & auctoritatem non modicam obtinuerunt. Tenet illam expresse Cardinal. Tolet. super Luc. c. 10. annot. 18. Bellar. libr. 2. de Amiff. grat. c. 17. ad 1. & latius libr. 1. de Grat. & lib. arb. c. 12. & 13. & libr. 4. c. 15. Fonseca l. 6. Metaph. c. 11. q. 4. sect. 8. Molin. in Concord. disp. 17. ad art. 13. Valentia 1. p. q. 14. art. 13. punct. 1. & ibi Vazq. disput. 67. Lessius in Opus. de Auxil. c. 19. Benedict. Pereir. libr. 16. Genes. cap. 11. disp. 7. circa illa verba, *Non desisterent a cogitationibus suis*, Maldonat. Matth. 11. & D. Barradas ad eundem locum tom. 3. lib. 2. cap. 11. Albertinus in suis Corol. in 3. q. 3. Theolog. dub. 1. Ioan. Lorin. Actor. 16. ad ver. 6. Quibus ego fidenter adhæsi.

8 Nec vero in hac causa soli fuimus, alii enim gravissimi omnium ordinum viri, vel recentiores, vel

æquales eandem sententiam ut verissimam amplexi sunt. In primis Algarbi. Episcopus tractat. de Auxil. disp. 2. p. 3. n. 23. & disp. 3. part. 4. n. 6. Diotalevis in egregio opusculo de hac ipsa scientia. Et late Alexan. Pefantius 1. part. quæst. 14. art. 13. præsertim disp. 3. & ult. P. Lorca Theologiæ Primarius Complurensis. 1. 2. tom. 1. disp. 4. de Actib. human. §. *In secundo puncto circa finem*, & Ludovicus Tæna, prius in eadem Universitate Primarius super epist. ad Hebr. cap. 4. difficult. 6. nu. 12. Item Ioan. Alphonsus Curiel. Salmanticæ insignis Primarius Theologus in lib. Controversiar. in 7. alias 1. ad locum Sapient. 4. *Raptus est, &c.* quamvis enim dubium se ostendat, & non parum fundamenta nostræ sententiæ enervare conetur, tandem eam ut probabiliorem eligit, & in hoc etiam dicitur mutasse sententiam, quod hæcenus examinare non licuit. Ante hos vero docuit hanc sententiam Stapleton. In Antidot. Evangel. ad 11. cap. Matth. ubi etiam Molinam, & Gregorium de Valent. honorifice allegat. Idem habet in Antid. ad epist. ad Roman. cap. 9. ad versic. 12. §. *Deum altitudine, &c.* Eandem sententiam ex professo disputat, & affirmat Alphonsus Mendoca in Quodlib. 7. scholast. *Nulla ratio (ait) neganda est Deo certa, infallibilis, & determinata cognitio illorum eventuum conditionatorum, & oppositum, quia asserunt, plurimum derogant thesauris sapientiæ, & scientiæ Dei, & ipsius capacissimæ cognitionis immensitati.* Et licet postea inter varios modos huius scientiæ illum de cognitione in prævio decreto referat, & ut probabilem relinquat, non simpliciter illum approbat, sed alium addit postea, & plures antea posuerat, & certum eredit non limitari immensitatem divini intellectus ad prævium decretum. Eandem sententiam expresse tenet Corduba dicto lib. primo suarum questionum quæstione 55. dub. 10. §. *Sed nota 2.* ubi ait, Deum in æternitate sua non prius determinare suam voluntatem ad concurrentium in tempore cum voluntate creata ad talem actum particularem, quam prævideat, quod nostra voluntas sic applicata, & disposita se determinabit ad volendum, vel nolendum, seu ad producendum hunc, vel illum actum; *Tunc (ait) & non ante divinam voluntas se determinat ad volendum talem actum.* At futura determinatio voluntatis nostræ ad talem actum eliciendum contingens est; ergo ex sententia huius Auctoris præscit Deus illud futurum contingens ante absolutum decretum suæ voluntatis. Et reddit rationem, quia alias non posset concordari libertas voluntatis cum concursu divino. Præterea eidem sententiæ subscripsit Cameli, & quam attinet ad ipsam scientiam, tanta asseveratione illam affirmat, ut in 1. par. quæst. 14. art. 13. disput. 8. in concl. 1. dixerit non esse tutum negare infallibilem, & certam cognitionem contingentium conditionatorum in Deo. A qua sententia non recessit in Opusc. nam in dicta disp. 1. secundi tomī, addit, *Neque esse tutum neque ullo pacto ferendum*, præsertim de his conditionatis, quæ in Scriptura revelata sunt.

9 Antehos etiam, & ante nos omnes, hanc sententiam tueretur Soto libr. 3. summar. c. 8. lect. 3. & illam ponit inter prima Dialecticæ rudimenta, tanquam tem illo tempore communiter receptam, & extra controversiam existentem. Ita vero illam sententiam explicat, ut dicat, in his conditionalibus esse veritatem cognoscibilem ab ipso DEO, non in vi illationis, sed solum ex eo, quod de facto nunquam poneretur in re antecedens sine consequente. In quo plane supponit non cognosci in aliquo decreto, vel priori influxu prædeterminante, nam tunc veritas illa esset tantum ex vi illationis, quod ipse negat. Nec refert, quod de propositionibus promissivis, sub conditione loquar, quia in illis includitur hæc condicionalis, si ille impleverit conditionem, iste impleverit promissum, quæ est mere condicionalis contingens, quam ait Soto solum Deum nosse, an sit vera, vel falsa, quando conditio non est implenda, imo quod magis est, etiam quando conditio impleri non potest, ut aperte dicit in solutione ad 1. in fine.

10 Præterea magis theologice hac scientia conditionata futurorum ad explicanda divinæ gratiæ auxilia nostris

Viri gravissimi qui eandem amplectuntur sententiam

Secunda sententia declarata.

Ab hinc 40. annis cepit nostra sententia

Soto secunde sententiæ faveat

Driedo, &
alii hac
scientia
utuntur
ad expli-
canda di-
vina au-
xilia

nostris temporibus si sunt Driedo in Concord. p. 1. c. 4. ad 3. ubi exponendo verba quædam Ambrosii exponen-
tis illa verba *Miserebor, cum miserebor*, hoc est, *Mi-
sericordiam dabo, quem præscivi conversurum*, & illa,
*hoc est dare cui est dandum, & non dare cui non est dan-
dum, ut illum vocet, quem sciat obedire; illum autem
non vocet, quem sciat non obedire*, addit ipse Driedo.
*Vult Ambrosius obedientiam, seu cordis conversio-
nem prævisam a Deo esse finem vocationis, perinde at-
que finis gratiæ, seu vocationis est usus gratiæ*. Et addit.
*Quia rationabile, ac decens est Deum dare gratiam ei,
quem novit bene usurum gratiæ, idcirco dare illi, est
dare cui est dandum*. In quibus verbis supponit præsci-
re Deum, an homo sit bene usurus vocatione, prius
quam velit dare illam, quia non potest esse, nisi per
scientiam conditionatam. Et similiter tractans inferius
sententiam August., dicit, *Consensum liberi arbitrii
esse ex motione Patris celestis sic trahentis illum, qua-
liter aptum novit*. Quæ notitia conditionata etiam est,
ut constat; nec ab illo Auctore ponitur in prævio de-
creto Dei prædeterminante, nam illud sæpe negat, ut
in lib. 5. videbimus. Et ibidem paulo inferius ita expo-
nit verba similia Chrysostomi, quem constat etiam ap-
ud Adversarios illa decreta prædeterminantia ad ex-
tra liberum arbitrium non posuisse. Eodem modo hac
sententia utitur Ruard. ar. 7. ut latius in l. 5. videbimus,
ne sæpius eiusdem Authoris verba repetamus. Et ea-
dem ratione possunt pro hac sententia allegari omnes
catholici Doctores, qui putant omnem antecedentem
necessitatem factam voluntati, repugnare libertati
eius, & nihilominus salvant gratuitam Dei electio-
nem, & prædestinationem, & gratiæ, ac vocationis
efficaciam; hæc enim sine hac prævia scientia condi-
tionata subsistere non possunt, ut contra nos argumen-
tando, adversarii fatentur. Sic autem maxime potest
allegari Vualdens. in Doctrinal. fidei cap. 23. & 25.
ubi inter alia multa habet hæc notanda verba. *Certe
ille, qui facit concordiam in sublimibus, non faceret
illam concordiam inter necessitatem, quam Augustinus
appellat extrinsecam, & Anselmus præcedentem, &
liberum arbitrium*. Eodem modo potest referri Ros-
fens. art. 3. 2. §. *Nemo sane*, & sequentibus.

Antiqui
Theologi
qui pro
hac sen-
tentia al-
legari
possunt

10 Ex antiquis Theologis omisso pro nunc Div.
Thom., cuius mentem in speciali capite investigabi-
mus, allegari in primis possunt omnes, qui negant
Deum cognoscere futura libera in efficaci proposito
sux voluntatis, ut sunt Marsil. in 1. q. 4. Ocham. dist.
38. q. 1. & ibi Gab. q. 1. ar. 2. & præsertim Greg. qu. 2.
ar. 2. ubi contra Scotum dicit, tolli libertatem, si fu-
tura contingentia cognoscuntur a Deo, ut determina-
te vera in suo decreto. Et addit, in omni signo, quo
cogitur propositio de futuro ante decretum, esse de-
terminatè veram, vel falsam. Ex quo principio evi-
denter sequitur idem sensisse de illis futuris conditio-
natis, ut repræsentatis in intellectu divino per scien-
tiam simpliciter intelligentiæ ante omne decretum libe-
rum. In quo fundamentum contrariæ sententiæ ever-
tit, ut constat. Illa autem sententia inter antiquos
Theologos valde communis est, ut infra lib. 5. osten-
demus, referendo illos, qui negant, dari causas se-
cundis auxilium prævium prædeterminans illas, &
simultaneum non putant dari ex absoluta efficaci vo-
luntate antecedente, sed vel ex concomitante, vel ex
voluntate includente aliquam conditionem. Favent
etiam huic opinioni, qui dicunt aliquam præscien-
tiam ad prædestinationem supponi, ut Ægidius in 1.
d. 40. q. 2. ar. 2. Id enim non videtur posse intelligi,
nisi de hac præscientia conditionata: nam absoluta
vel sequitur prædestinationem, vel est ipsa prædestina-
tio. Et hoc modo merito potest pro hac sententia alle-
gari Ioannes Arboreus tom. 1. Theosoph. lib. 4. cap. 11.
ubi exponens vocationem, quæ ab Augustino vocatur
secundum propositum, dicit, *Hoc propositum ad præ-
scientiam, & prædestinationem Dei pertinet, nec
prædestinavit aliquem, nisi quem præscivit creditu-
rum, & sequenturum esse vocationem*. Hæc enim
præscientia, cum ponatur antecedere vocationem, &
propositum eius, non potest esse, nisi conditionata.
Denique favent huic sententiæ, qui dicunt effectum
contingentem posse certo cognosci ab eo, qui omnes

causas comprehenderit, & omnia, quæ possunt illas
impedire, vel non impedire: nam in hoc eadem est
ratio de effectibus futuris in tempore, & de futuris pos-
sibilit er, ut est manifestum; tenet autem id Argent.
in 1. d. 40. ar. 3. ad 6. contra 1. concl. & alii, ut infra
atingemus.

11 Hæc ergo sententia auctoritate Theologorum
non solum recentiorum, sed etiam antiquorum Scho-
lasticorum longe contrariam superat, dummodo con-
tra illam non stet D. Thom., quod nunc supponimus,
& infra ostendemus. Quia propter nullus potest illam
novam vocare, nisi qui vel antiquos non legerit, aut
de nominibus voluerit potius disputare, quam de re-
bus. Fundamentum autem huius sententiæ primario
nititur in auctoritate Scripturæ, & Patrum: quia
vero auctores utriusque partis illos in suum favorem
allegant, paulatim singula expendere necesse est, po-
stea vero vim rationum expendemus. Quia vero au-
ctores prioris sententiæ divisi sunt, nam, ut dixi,
multi eorum simpliciter negant talem scientiam cer-
tam, alii vero illam admittunt, limitant tamen il-
lam ad modum habendi illam post decretum liberum,
& in illo; ideo prius stabiliemus veritatem, & certit-
udinem talis scientiæ, nihil enim supponere volum-
us, ne aliqua ex parte rem infectam relinqua-
mus. Postea vero ostendemus modum illum talis præ-
scientiæ in proposito non solum esse alienum a Scri-
ptura, & Patribus, & sine fundamento excogitatum,
sed etiam absolute impossibilem.

Secunda
sententia
longe pri-
mam su-
perat au-
thoritate

C A P U T II.

*Deum habere certam, & infallibilem scientiam
futurorum contingentium conditionatorum
ex Scriptura, prout a Patribus intelle-
cta est, ostenditur.*

1 Nihil fere possum in hoc capite addere his, quæ
de eodem argumento in lib. 2. de scient. Dei
dixi, nec tamen omnia reperi, sed duo, vel tria
testimonia selectoria, quamvis vulgaria accuratius
ponderabo. Primum est illud Matth. 11. & Luc. 10.
*Va tibi corozain, va tibi Bethsaida, quia si in Tyro,
& Sidone factæ essent virtutes, quæ factæ sunt in vo-
bis, olim in cilicio, & cinere poenitentiam egissent*.
In his enim verbis continetur quædam propositio de
quodam futuro effectû sub conditione, qui nunquam
defacto fuit, quia conditio illa impleta non est, &
illa conditionalis propositio a Christo tanquam vera
dicta est; fuit ergo certissima, & infallibiliter vera:
ergo Christus, qui illam protulit, habuit scientiam
certam, & infallibilem illius contingentis futuri sub
conditione: ergo multo magis illam habet Deus.
Et qua ratione unum cognoscit, cognoscit omnia si-
milia, quia eadem est de omnibus ratio.

Prob. ex
Sacra
Scriptura

2 Duæ sunt evasiones. Prima est, illum Christi
sermonem non esse intelligendum tanquam propheti-
cum, & ex certa scientia profectum, sed altero e duo-
bus modis. Primo, ut non sit propria locutio asserti-
va, sed tantum figurata ad exaggerandum delictum
Iudæorum, juxta quendam vulgarem modum lo-
quendi, quo solent homines exaggerare factum ali-
quod per comparisonem ad aliud minus proportio-
natum; ut ad exaggerandam ingratitudinem amici
dicere solemus, si extraneo, vel inimico id fecissem,
magis gratus fuisset: & ad reprehendendum fidelis de-
lictum, Paganus hoc non fecisset, sicut dixit Paul. 1.
Corin. 5. *Invenitur inter vos fornicatio, talisque
fornicatio, qualis nec inter gentes*. Ita ergo dici potest
in præsentia. Quia non est novum in Scriptura accom-
modare interdum sermonem ad vulgarem modum lo-
quendi hominum, ut late Riber. Amos. 2. n. 19. Can-
tapretensis. lib. 9. Hipothipof. regul. 2. Et hic locus vi-
detur aptissimus, cum Evangelista dicat, ita fuisse
loquutum ad exprobandum Iudæis. Et hanc exposi-
tionem inter alias ponit Iansenius in Concord. cap. 47.
non approbat tamen illam, nec in ea figit pedem,
sed ut tolerabilem permittit. Neque negat, quin pos-
sint illa verba secundum veram, & propriam præscien-
tiam intelligi; imo refert illam ut expositionem Augu-
stini,

Prima re-
sponso

stini, eamque laudat, & defendit. Calvinus autem negavit constanter Christum loquutum fuisse ex præscientia, sed ad communem humanæ mentis captum (ait) sermonem suum accommodavit.

Secunda
responsio

3 Alius modus exponendi est, ut licet Christus asserendo, & affirmando id dixerit, non tamen ut certum, & infallibile, sed quantum ex dispositione talium hominum coniectari poterat. Quam expositionem indicavit etiam Calvin. relatus a Stapletonio ibi dicens, *Non disputat Christus, quid præscierit Deus, sed quid facturi fuerint alteri, quatenus ex re ipsa percipi poterat.* Unde Hilar. ibi canon. 11. quasi per paraphrasim dicens. *Forte illis credendi fuisset affectus si talium virtutum contemplatio contigisset.* Nam dicens, *Forte*, indicat non fuisse propheticam infallibilem revelationem ex præscientia. Quæ particula paulo post additur ab ipso Evangelista Matthæo in simili exprobratione, comparatione Sodomorum facta, & in Græco eadem particula reperitur. Adduntque aliqui Christum non dixisse omnes Tyrios, & Sidonios fuisse pœnitentiam acturos, sed absolute civitates illas, totum a parte nominans, quia plures essent credituri. Quod cum confuse tantum, & non de certis personis dixerit, certum esse poterat in causa, & in dispositione illorum populorum, quia non erant male affecti erga Christum. Denique hæc expositio sufficit ad exprobrationem, quam Christus intendebat, hoc enim solo titulo eos exprobrare voluit, quod essent magis indispositi ad credendum, quam essent Tyrii, & ideo dixit, Tyrios, & Sidonios levius esse puniendos, quam Iudæos, non certe, quia credituri essent, quia propter futura sub conditione tantum, nec augetur, nec minuitur pœna: ergo id dixit Christus, quia tunc Tyrii non erant tam male affecti, ergo in hoc tantum ponit vim exprobrationis, non in eo, quod infallibiliter crederent. Et hæc expositio placet maxime pluribus ex modernis defensoribus primæ opinionis secundo modo explicatæ. Et eam constanter defendit contra Stapletonium Curiel ubi supra n. 62. & sequentibus.

Nulla ne-
cessitas
ita expli-
candi

4 Hæ autem expositiones essent quidem tolerabiles, si essent necessariae, & si essent consentaneæ, vel non contrariæ traditioni Patrum, neutrum autem in eis invenio, & ideo verba Christi simpliciter, ut assertiva, & ut infallibiliter vera, & ut ex præscientia prophetica accipienda iudico. Nam in primis quod nulla sit necessitas confugiendi ad figuratas locutiones, id est, quod agimus, & in discursu probabitur, & id supponunt Patres locum interpretantes. Inter quos Augustinus de Bono perseverant. c. 9. ubi arguens Semipelagianos dicentes, homines iudicari secundum opera præscita sub conditione tantum, & nunquam futura, sic infert, *Nec damnarentur Tyrys, & Sidon, quamvis remissus, quam illa civitates in quibus non credentibus a Domino Christo mirabilia sunt facta: quoniam si apud illas facta essent, incinere, & cilicio pœnitentiam egissent, sicut se habent eloquia veritatis, in quibus verbis Dominus Iesus altius nobis mysterium prædestinationis ostendit.* In quibus verbis evidenter docet Augustinus, primo illa verba Christi non fuisse vulgarem exaggerationem propter reprehensionem, sed fuisse eloquia veritatis, quæ non sunt nisi propria, & assertiva rerum verarum. Secundo docet, illa verba esse adeo certa, & infallibilia, ut si per pœnitentiam sic præscitam absolvendi essent peccatores Tyrii, & Sidonii proculdubio, nec remissive punirentur: iudicium autem Dei non fit per coniecturas, vel humanas præsumptiones, sed per certam, & infallibilem scientiam: supponit ergo Augustinus talem fuisse illam scientiam, quam Christus habebat de tali pœnitentia. Tertio inde colligit Augustinus prædestinationis mysterium, quod etiam non satis colligeretur, nisi præscientia illa esset certa: unde subiungit. *Si enim queratur a nobis, cur apud eos tanta miracula facta sint, qui videntes illa non fuissent credituri, & apud eos facta non sint, qui crederent si viderent, quid respondebimus?* Ubi etiam pondo ram verum, & certum fuisse Augustino Tyrios, & Sidonios credituros fuisse, si talia vidissent, quam fuit certum Iudæos audientes non cre-

didisse. Denique postea expressioribus verbis id Augustinus testatur, illa tamen in caput sequens reservo, quia prior est locus.

5 Hinc idem Augustinus in Enchirid. cap. 95. *Tunc* (id est in die iudicii ait) *non latebit, cur apud quosdam non facta sunt virtutes, quasi facta fuissent, egissent illi homines pœnitentiam, & facta sunt apud alios, qui non fuerant credituri. Apertissime nanque Dominus dicit, Vati Corozain &c. ubi verbum apertissime, attentissime considerandum est, explicat enim quantam certitudine id crediderit Augustinus. Nec aliter videtur sensisse Ambrosius, nam eadem verba exponens in Luc. 10. ait. *Docet graviore pœna obnoxios fore, qui Evangelium non sequendum, quam qui legem iudicaverint solvendam; eo quod Tyrys, & Sidon, si tantarum virtutum cœlestium vidissent miracula, non despexissent remedium pœnitentiae.* Ubi considero Ambrosium absque ulla hæsitazione, vel formidine verbis Christi innixum dixisse, quod Tyrii, & Sidonii non despexissent pœnitentiam, si illis æque, ac Iudæis prædicata fuisset. Additque, ideo Iudæos gravius fuisse puniendos, quam Tyrios, & Sidonios, quia gravius peccabant, non credendo, quam isti naturalem legem violando. Quam rationem habent etiam Hieronymus, Chrysostomus, & alii; omnes tamen indicant præscivisse Christum futuram pœnitentiam Tyriorum. Maxime vero id declarat Anselmus, iuxta doctrinam Augustini, & ideo dicit. *Quamvis illos prævidebat Deus habiles ad conversionem, non fuisse iniustitiam illis talem vocationem negare, quia alias erant peccatores, & gentiles, quibus statuerat non prædicari Evangelium, donec Iudæis esset oblatum, & ab eis repudiatum, & addit. *Sed quare Deus negat gratiam* (utique abundantiorē libenter suscepturis, & gratie consensuris, non est nostrum scire: supponens profecto Tyrios, & Sidonios tales fuisse. Eodem fere modo loquitur D. Thom. ibi allegans Augustinum, in dicto lib. de prædestinatione sanctior. eiusque doctrinam sequens. Item de certa, & infallibili præscientia exponit illum locum Remigius, quem sequitur ibidem Abulensis q. 48. & in 51. dicit. *Christus testatur hic, quod si Tyrii, & Sidonii fuisset Evangelium prædicatum, pœnitentiam egissent.* Et in 52. explicans particulam, forte, positam in posterioribus verbis de comparatione Sodomorum dicit cum Remigio, positam esse, ut indicaretur, quod licet Deus certo id præscierit, & non sub dubio, non imponit hominibus necessitatem.**

6 His addere possumus similem locum apud Ezech. cap. 3. *Non ad populum profundi sermonis, & ignota lingue tu mitteris.* Et infra. *Et si ad illos mittereris, audient te.* Ubi Hieronymus, & Theodoretus illa verba interpretantur esse prophetice dicta ex vera, & infallibili præscientia Dei. Neque est, cur in eis fingamus exaggerationem, aut figuratum, & vulgare loquendi modum. Denique ad utrumque locum potest accommodari regula Augustini de interpretatione Scripturæ, ut proprietas verborum, & rigorosa veritas servetur, ubi vel auctoritas, vel necessitas non cogit aliter interpretari. Hæc enim regula non solum intelligenda est de singularum dictionum proprietate, sed multo magis de totius sententiæ proprio, & non figurato sensu literalī. Quod maxime locum habet ubi proprius, & rigorosus sensus magis deservit intentioni loquentis, quam figuratus, ut in præsentī considerare licet in verbis Christi; nam licet, iuxta alios sensus improprios aliqualis exprobratio possit subsistere, multo est maior, & efficacior, si intelligamus, Christum ex propria præscientia loqui, quia sic comparatio est ad confundendos, & convincendos Iudæos aptior. Denique hoc modo magis ostenditur in illis verbis divina Christi sapientia, & potentia virtutis eius, magnumque mysterium gratiæ, & prædestinationis eius. Non est ergo in hoc testimonio a verborum proprietate, & communi Patrum auctoritate recedendum, ut etiam moderni interpretes graviores communiter senserunt, Caietanus, Maldonatus, Toletus, & alii.

7 Neque aliud sensit Hilarius, sed particulam forte posuit, quia Matthæus illam posuerat, unde credendum

Probatum
2.º opinio

Hilarius;
& particu-
la for-
te secun-
dum Au-
gustinum
intelligenda.

dum est in eodem sensu illam posuisse, Matthæus autem non posuit illam propter dubitationem, aut incertitudinem cognitionis. Primo quidem quia probabile est, particulam græcam illi correspondentem *et*, magis esse expletivam, & confirmativam sermonis, quam dubitationis, ut late comprobatur ex Scriptura Salmeron in Proleg. 16. Et quamvis possit etiam esse potentialis, & ideo ab interprete vulgato in illo loco per particulam, forte translata fuerit, nihilominus servanda est regula Augustini tract. 37. in Ioan. *Forstā, dubitationis verbum est, quando dicitur ab homine ideo dubitante, quia nesciente, cum vero dicitur a Deo verbum dubitationis cum Deum nihil utique lateat, illa dubitatione arguitur infidelitas, non opinatur divinitas.* Et idem notat idem August. in Psal. 2. circa fin. & Chrysostr. hom. 78. in Matth. & Hieronymus, & Theodoretus in dictum locum Ezechiel. 3. & Ierem. 26. & Gregor. hom. 9. in Ezechiel. ubi ait vocem illam dubitationis usurpatam in eloquio divino aliquid aliud mysterium significare, scilicet, vel libertatem arbitrii, vel quod præscientia Dei non imponat humanæ voluntati necessitatem, vel quod in paucis contingere debeat id, quod prædicatur, vel quia non vult Deus homines in desperationem, vel nimiam securitatem inducere, quæ omnia in præsentī optime possunt accommodari. Quomocunque ergo illa particula ab Evangelista posita sit, nullo modo significat dubitationem, aut coniecturalem sermonem. Neque etiam existimandum est, eo quod Dominus simpliciter de Tyro, & Sidone loquutus sit, non designando certas personas, eas non cognovisse, sed in confusa tantum cognitione perstitisse: talis enim cognitio non caret imperfectione propter confusionem, nec potest esse omnino certa, cum in morali tantum conjectura fundetur: aut non tamen cognitio effectus, quam dispositionis causæ. Quæ omnia repugnant vel perfectioni Christi, vel proprietati verborum ejus, nam de ipso effectu, & satis in particulari loquitur, cum & modum, & tempus, seu accelerationem pœnitentiæ indicet, dicens, *Olim in cilicio, & cinere pœnitentiam egissent.* Non potest ergo de certitudine illius prophetiæ dubitari, nec quod fuerit a propria, & prophetica scientia profecta. De modo autem, quod pertinet ad aliam illorum verborum interpretationem, postea dicemus.

Aliud principale testimonium.

1. Reg. 13. 8 **S**ecundum, & potissimum fundamentum huius veritatis sumitur ex responsione Dei. 1. Reg. 23. Cum enim David fugiens Saulem, se in Ceilam recepisset, & Saul obsidere urbem, & illum comprehendere deliberaret, consuluit David Dominum dicens. *Si tradent me viri Ceilæ in manus? Et si descendet Saul, sicut audivit servus tuus, Domine Deus Israel indica servo tuo. Et ait Dominus. Descendet: Dixitq; David. Si tradent me viri Ceilæ, & viros, qui sunt mecum, in manu Saul? Et dixit Dominus. Tradent.* Postea vero fugiente David, nec Saul obsedit civitatem, nec Ceilæ tradiderunt David. Fuit ergo illa revelatio pure conditionalis, duasque contingentes propositiones conditionales continuit: Una fuit, *Si David perseveraverit intra Ceilam, Saul descendet ad obsidendam civitatem.* Altera est. *Si Saul descenderit, & obsederit civitatem, viri Ceilæ tradent David.* Optime ergo sciebat Deus veritatem illarum propositionum, alias non fuisset infallibile ipsius responsum.

9 Hunc locum, quamvis expressus satis videatur, duobus modis effugiant auctores contrariæ sententiæ. Prior est, ut illis verbis nihil de futuro eventu reveletur, sed tantum de præsentī voluntate Saulis, & Ceilitarum. Supponit enim hæc expositio, David non interrogasse Deum de futuro eventu, sed de voluntate, & deliberatione, quam jam tunc habebant, Saul, & viri Ceilæ. Nam, ut ille fugeret, satis illi erat, certo scire, quid machinabatur Saul, & quid cogitabant, & secum jam statuebant cives circa traditionem eius, quia vero neutrum sciebat, sed de adventu Saulis solum per famam audierat insidiaseius, ut ipse dixit, consulendo Deum, & de consiliis secretis Princi-

pum Ceilæ nihil nosse poterat, voluit de his per divinam revelationem certior reddi. Unde cum Dominus respondit; *Descendet, tradent.* Sensus est, hoc molitur Saul, & hoc cogitant viri Ceilæ. Nec expositio caret auctore, nam paraphrasis Chaldaica ita exponit interrogationes David, *Num cogitans descendere? num cogitantes tradere?* Et in responsione Dei addunt, *cogitat descendere, cogitant tradere.* Et Glossa Interlineal. ad verbum, *tradent*, hanc habet Glossam, *In voluntate habent, ut tradent*, & Matthias Thoringis replicator Lyræ ibi annot. 1. etiam dicit Deum solum revelasse, quæ Saul, & Ceilitæ habebant in corde, quia putat illam conditionalem non esse veram.

10 Nihilominus censeo hanc expositionem probandam non esse, multam enim vim infert Scripturæ verbis. Si autem licet verba Scripturæ propter privatas opiniones additionibus, & impropriatibus verborum corrumpere, nihil certum erit in eius revelationibus, & assertionibus: cum enim Scriptura expresse dicat, interrogasse David, *Si descendet? Si tradent?* Et Deum simpliciter, & pleno ore respondisse, *Descendet, tradent*, quæ omnia sunt verba futuri eventus, quis audeat dicere Deum nihil de futuro eventu, sed solum de præsentī cogitatione, aut deliberatione certiores fecisse David? Unde contra verba tam expressa nullius ponderis sunt Paraphrasis Chaldaica, vel Glossa interlin. Quod si addendo, & impropriando aliquid interpretandum est, exponantur potius hoc modo illi auctores, quam Scriptura. Cum enim significant revelasse Deum præsentem cogitationem, & voluntatem, pie exponi debent, quod & voluntas præsens, & perseverantia in illa usque ad effectum, si David non fugeret, fuerit revelata. Alioqui eorum expositio admittenda non est, quia multum repugnat veritati, & proprio sermoni Scripturæ: quod generaliter reprehensibile est, quoties sine causa, vel urgente auctoritate sit, ut sepe diximus. Maxime vero in historici narratione, quæ solet esse simplex, & omnino propria.

11 Accedit, quod ita intellexit verba illa Hieronymus lib. Question. in 1. Reg. Ubi verbum Dei *Descendet* exponit, *Ac si diceret, Si hic steteris, descendet.* Et in verbo, *Tradent*, ait, *Iste est sensus, Si descenderit Saul, & hic te inveniet, tradent.* Ex quibus Hieronymi verbis sumitur optimum argumentum, nam interrogationem David non solum de præsentī tempore, sed maxime de futuro, & addita, vel subintellecta conditione, vel una, ut in prima interrogatione, scilicet, si hic permanero, veniet Saul? vel duplici in altera interrogatione, videlicet, si hic perseveravero, & Saul venerit, tradent me? at vero interrogatio de sola præsentī cogitatione, aut voluntate non recipit conditionem, ut per se constat: ergo non fuit illa interrogatio David, & consequenter neque Deus in illo sensu respondit. Eiusdem sententiæ fuit Theodoret. lib. Question. in 1. Reg. n. 54. Ubi de David ait, *Divina Scriptura ostendit eius pietatem, semper enim Deum sciscitans, & aciem instruebat, & quiescebat.* Et addit, *Cum itaque rescivisset Saulem accedere, &c. Sciscitatus est, num eum essent tradituri, & cum ex eo didicisset eos esse dedituros, migravit in alium locum.* Expressius Lyra Dei verbum, *Descendet*, ita exponit. *Si manseris in civitate, descendet, & verbum, Tradent, ita. Si manseris in civitate, & Saul illuc venerit, tradent.* Itaque conditionalis est vera, quamvis neutrum evenierit. Quam sententiam defendit ibi Burgenfis, quia illa conditionalis vera est, & necessaria, ut subest scientiæ Dei, esto secundum se ex vi solius illationis non sit necessaria. Et idem tanquam certum supponit ibi Abulen. q. 13.

12 Alter modus fugiendi vim huius loci est, David quidem interrogasse de futuris eventibus, & Deum de eisdem respondisse, non tamen ex certa scientia, sed ex coniectura, non quod vel scientia Dei in se formaliter spectata sit tantum probabilis, nec dictum eius in eo sensu accipiendum sit, in quo sit fallibile, sed quod Deus evidentissime cognoscat præsentem dispositionem talium voluntatum, ratione cuius sunt magis propensæ in hunc effectum, & quantum est ex vi illarum, verisimilius est illum effecturas, quam aliam, ita

Responsio posita nō est admittenda

Literalis ac propria expositio

Secunda responsio Scripturæ inepta.

ut illud, *verisimilius*, ex parte obiecti accipiatur, non ex parte scientis. Et in simili sensu verba revelationis accipiantur, scilicet, *tradent*, subintelligendo, quantum ex proposito, & dispositione talium voluntatum coniectari potest. Et suadent hanc expositionem aliis Scripturæ exemplis, in quibus Deus absolute loquitur, & tamen revelatio non est absoluta, sed sub intellecta conditione, ut in Ninivitis Ionæ 1. & in Ezechia, cum illi Isaias cap. 38. dixit, *Morieris*. Et idem in comminatoriis prophetiis invenitur, ut observat Div. Thomas. 2. 2. q. 171. ar. 6. ad 2. & 1. par. quest. 19.

13 Hæc vero expositio partim convenit cum præcedenti, partim addit aliquid minus probabile. Convenit enim quatenus ait, Deum certo non revelasse David, nisi præsentem actum, vel dispositionem personarum; addit a. etiam revelasse, tales homines in ea voluntate permanens fuisse usque ad effectum, hoc tamen non absoluta assertione, sed subintellecta limitatione, quantum ex dispositione causarum iudicari poterat. Nos autem imprimis dicimus Deum nihil de præferti dispositione illorum hominum habitatorum Ceile revelasse, præcise enim dixit. *Tradent*, & fieri poterat, ut tunc non haberent tale propositum, nec aliam affectionem ad illum effectum vehementer inclinantem, & nihilominus postea ex sua libertate id facerent. Ergo sine fundamento in revelatione, vel in verbis Scripturæ cogitatur, quicquid de illo effectu dicitur. Deinde dicimus alienum valde esse a divina perfectione conjectura uti, & ex illa sola absolutum proferre sermonem, *Non enim opinatur divinitas*, ut Augustinus dixit. Nec refert dicere, illud non esse iudicium opinativum, sed certum de probabilitate effectus eventuri ex talibus causis, nam quod attinet ad imperfectionem cognitionis de tali effectu futuro, in idem redit, vel recurrendum est ad aliam responsionem, quod alia non est cognitio effectus ut futuri, sed tantum ut possibilis ex tali causa cum maiori propensione, quod jam reiectum est, quia est contra veritatem verborum, nisi illis magna vis fiat, & ad figuratos sensus transferantur. Limitare autem divinam scientiam, ut non possit de tali effectu, ut futuro, nisi coniecturalem cognitionem assequi, multum certe derogat divinæ perfectioni, & ideo hanc etiam limitationem voluit excludere Augustinus, cum dixit. *Non opinatur divinitas*.

14 Et præterea hoc etiam est aut contra perfectam veritatem Dei in loquendo, aut contra vim verborum dictæ revelationis: nam dubia pro certis affirmare contra veritatem est, ibi a. Deus simpliciter affirmavit, *Tradent*, & eo ipso, quam ipse dixit, certum esse voluit: ergo proprie accipiendo illa verba, contra veritatem erant, si illa revelatio ex sola coniecturali cognitione oriebatur. Si autem ad salvandam verborum veritatem, subintelligenda dicatur limitatio, quantum est ex parte causarum, hoc ipsum est miserum refugium contra verborum vim, & simplicem intellectum: unde non salvat simplicem veritatem. Quia absoluta locutio, quæ simpliciter sumpta est falsa, & solum per subintellectam additionem est vera, non est usurpanda a viro prudente, ne dum ab ipso Deo, nisi vel consuetudo loquendi id habeat, vel aliqua specialis causa, & necessitas id postulet; neutrum autem in presenti invenitur.

15 Et confirmatur, quia alias potuisset David dubitare, non obstante tali revelatione divina, an esse tradendus a Ceilitis, etiam veniente Saule, nec teneretur maiorem filem adhibere illi responsio Dei, quam si a dæmone datum esset, quantum est ex parte cognitionis: utramque autem videtur absurdum. Item fingamus in eo casu Ceilitas habuisse animum, & dispositionem magis propensam ad non tradendum David, cumque postea expectasse, & non fugisse, tunc, si vera est illa interpretatio, potuisset contingere, ut expectante Davide, & veniente Saule, viri Ceile pro suo arbitrio mutarent propositum, vel affectionem, & traderent David, quia hoc non esset contra revelationem Dei in illo sensu factam. At profecto non immerito conqueri posset David, quod esset a Deo deceptus, talisque eventus multum derogaret auctoritati Dei loquentis. Ergo non est verisimile, aut Deum con-

sulturum esse illo modo, si non speraret certam cognitionem de futuro, vel non futuro eventu sub tali, vel tali conditione recipere: aut Deum fuisse respondurum, si de re non sibi cognita loqueretur. Et simpliciter mihi videtur incredibile, & Deo indignum sentire, non posse illum absolutum, ac certum responsum dare de tali eventu, si de illo interrogaretur. Est ergo illa expositio contra factum ipsum, prout a Scriptura refertur, & contra summam Dei perfectionem, considerando ipsam ut possibilem, quicquid fuerit de facto.

16 Neque sunt similia exempla de aliis revelationibus comminatoriis, vel tacitam conditionem includentibus; tum quia in comminationibus est ille valde usitatus modus loquendi, quasi per se, & ex vi materiæ includens talem conditionem; tum etiam quia conditio subintellecta in aliis locutionibus non provenit ex impotentia (ut sic dicam) Dei ad certo cognoscendum id, quod affirmat, sed ex ipsamet voluntate Dei ab ipsamet in aliis locis revelata. Ut in comminatione includitur conditio, nisi penitentiam egeris, quam revelavit Deus aliis locis promittendo penitentibus remissionem, & dicens per Ieremiam cap. 18. *Repente loquar adversus gentem, & adversus regnum, ut eradicem, & destruiam; & disperdam illud; si penitentiam egerit gens illa a malo suo, agam & ego penitentiam super malo suo, quod cogitaveram, ut facerem ei*. Et similiter in prædictione mortis Ezechie, fuit conditio inclusa, nisi aliud a Deo impetraveris, quæ conditio continetur in promissione Dei, quod exaudiet orantes ad se, quando, & quomodo fuerit conveniens. Et ideo in illis, & similibus revelationibus nec periclitatur veritas, vel auctoritas Dei, nec vis insertur verbis secundum communem loquendi modum: Cuius signum est, quia non obstante tali comminatione, vel prædictione, potest qui audit, licite dubitare de eventu, iuxta illud Ninivitarum apud Ioannem, *Quis scit, si convertatur, & ignoscat Deus*. Et ideo Ezechias statim, ac audivit verbum Prophetæ, oravit ad Dominum, non credens prædictionem ut absolutam, & immutabilem, nam juxta alias promissiones eiusdem Dei credidit esse possibilem mutationem in effectu, seu in causis. At vero hæc non habent locum, ubi revelatio est absoluta, & non includit tacitam conditionem pendentem ex alia promissione, & voluntate Dei, sed solum ex illa conditione, quæ in ea exprimitur; tunc enim non licet de tali revelatione dubitare, nec aliquid addere solum eo prætextu, quod Deus non potuerit certius illa cognoscere, hoc enim contra vim verborum est, & contra usum Scripturarum, ac proinde contra verborum vim, & proprietatem.

17 Tertio expendi potest locus Ierem. 38. ubi varix sunt prophetice prædictiones conditionales Ieremie ad Regem Sedeciam: Una est; *Si dixerit ad Principes Regis Babylonis, vivet anima tua & civitas hæc non succendetur igni, & salvus eris tu, & domus tua*. Cumque Rex respondisset, *Solicitus sum propter Iudeos qui transferunt ad Chaldeos, ne forte tradar in manus eorum, & illudant me*. Adiecit Ieremias similem prophetiam: *Non te tradent*, utique *Si exieris, &c*. In hoc ergo loco prædicuntur multi effectus contingentes, & pendentes ex libertate Chaldeorum, & futuri sub conditione, quæ impleta non est, & ideo nunquam fuerunt. Profecta ergo est illa prophetia ex infallibili scientia Dei, & ad hoc significandum præmittit Ieremias. *Hæc dicit Dominus exercituum Deus Israel*, & inferius postquam dixit, *Non te tradent*, subiungit: *Andi quæ vo vocem Domini, quam ego loquor ad te*. Unde in tam perspicuo sermone non habet locum aliquis tropus, nec interpretatio de prædictione coniecturali in dispositione humanæ voluntatis; tum quia voluntates Chaldeorum potius erant aversæ, & dispositæ ad occidendum Iudeos; tum etiam quia alias non peccasset Sedecias non credendo, ac dubitando, & ob timorem ambiguum non exeundo. Atque ita hic locus videtur mihi convincere id, quod nunc agimus, quod dari possit hæc scientia. Nam te vera non potest ille locus non intelligi de vera, propria, & absoluta prophetia, quantum ad veritatem rei

in quo
convenit
secunda
responsio
cum i. dif-
ferat etiam
nobis

Coniectu-
ralis in-
terpreta-
tio contra
veritatem
& propri-
etatem

Confir-
matio ex
incommo-
dis, quæ
sequuntur
ex solut.

Comm-
nationib.
objectis,
satis fit
& nostra
sententia
confirma-
tur adhuc

Egregius
locus Jer.
38 nostræ
probat

rei revelatæ, & ita plane exponunt Theodoret. Divus Thomas, & Glossæ. Fortasse tamen quoad modum illius præscientiæ non convincit contra primam sententiam primo modo explicatam, de quo postea dicam.

Notra
sententia
pluribus
aliis
Scripturæ
testimo-
niis pro-
batur.

18. Quarto videtur satis efficax locus Actor. 22. ubi Paulus narrat vidisse se Dominum dicentem sibi : *Festina, & exi velociter de Jerusalem, quoniam non recipient testimonium tuum de me.* Quæ verba evidenter includunt conditionalem propositionem, *Si Hierosolymis prædicaveris, non recipient testimonium*, cum enim Paulus inde exierit, & non prædicaverit, ille effectus nunquam fuit absolute futurus: ergo fuit revelatus sub conditione. Quis autem audeat dicere illam non fuisse veram, & absolutam revelationem de tali effectu sub conditione futuro, aut Christum fuisse ex conjectura, aut non ex certa scientia loquutum? Quinto facit illud Exod. 3. *Ego scio, quod non dimittet vos Rex Egypti, nisi per manum validam.* Nam illa scientia de conditionali eventu erat, & ipsum verbum *scio*, satis indicat cognitionem certam, & evidentem, maxime conjunctum cum pronomine *Ego*, quod denotat, illam scientiam esse divinam, ac proinde omnino infallibilem. Et ita exponit ibi Theodoretus quæst. 8. Sexto addi potest illud tertii Regum 11. ubi refertur Salomonem adamasse mulieres alienigenas *de gentibus, super quibus dixit Dominus filiis Israel, Non ingrediemini ad eas, neque de illis egredientur ad vestras, certissime enim avertent corda vestra, ut sequamini Deos earum.* In loco autem Exod. 34. solum dictum fuerat. *Nec uxorem de filiabus earum accipies filiis tuis, ne postquam ipsa fuerint fornicata, fornicari faciant filios tuos in Deos suos.* In quibus verbis per se spectatis, ut indicavit D. Thomas 1. 2. quæst. 105. art. ad 6. solum significari videtur periculum, & occasio moralis, tamen per hoc non excluditur, quin fuerit tale illud periculum, ut in re ipsa ex illo esset futurus effectus, & ita in alio explicatur Deum certissima scientia novisse in pluribus, & in quibus ille effectus posita conditione implendus esset. Fateor tamen posse illam certitudinem referri ad effectus, & lapsus, quos Deus absoluta scientia futuros esse ob similem occasionem præcognovit. Denique induci potest illud Matth. 24. *Nisi breviati fuissent dies illi, non fuisset salva omnis caro.* Cui consonat illud Isai. 1. *Nisi Dominus reliquisset nobis semen, sicut Sodoma & Gomorra fuisset.* Et similes sunt aliæ locutiones in Scriptura: sed non omnes æque urgentes.

Judicium
istius
opinionis

19. Et ideo illis non obstantibus, aliqui dicunt non probari hanc scientiam efficaciter ex Scriptura. Qui si per efficaciter intelligant, id est, non convinci rem esse de fide certam, recte dicunt, quia Scriptura non tam evidenter loquitur, quin aliquam evasionem patiatur. Et cum Ecclesia nihil in hoc definierit, nec proprium sensum illorum testimoniorum declaraverit, per se non sufficiunt ad certam, & infallibilem fidem faciendam. Si autem negare velint, illa testimonia esse efficacia ad faciendam magnam fidem humanam, & intra latitudinem opinionis longe probabiliorum; immerito id dicunt; non video enim quæ majora testimonia, vel in numero, vel in verborum proprietate, & energia ad veritatem aliquam nondum de fide certam persuadendam desiderari possint. Maxime cum ille sensus talium testimoniorum sit consentaneus expositionibus Patrum, qui illa exponendo attigerunt. Cumque opposita sententia nullum in Scriptura habeat fundamentum, ut etiam defensores ejus fateantur, negari non potest, quin hæc sententia, quam defendimus, valde probabiliter ex Scriptura colligatur. Accedit tandem, quod contraria sententia nihil ex Scriptura, nisi quædam generalia principia, non ad suam opinionem suadendam, sed ad nostra fundamenta enervanda potest inducere. Quæ sunt, quod Deus interdum, ac sæpe loquitur de futuris effectibus juxta dispositiones causarum secundarum, etiam si aperte id non explicet, ut notat D. Thomas 1. part. quæst. 19. artic. 6. ad 2. ex Isai. 38. & 2. 2. quæst. 171. artic. 6. ad 2. ex Jonæ 3. & Jerem. 18. Et idem sumitur ex Jerem. 23. Ezechiele secundo, & tertio. Genes. 3. Exod. 23. Deuteronom. quarto, &

Suarez, Tom. VI.

septimo. Unde suadere volunt omnia allegata testimonia posse hoc modo exponi: præsertim cum addatur particula, *Fortè*, quæ licet in aliquibus locis non sumatur in significatione propria, nihil vetat in aliis proprie sumi, & consequenter ita posse in prædictis locis exponi.

Sed hæc, quæ (ut dixi) generalia sunt, non recte applicantur. Ut enim verum sit, Deum interdum loqui de futuris juxta dispositionem causarum secundarum, non est id pro libito applicandum ad quamcunque prædictionem futurorum, alias destruitur certitudo prophetica juxta doctrinam Augustini libr. de Unitat. Eccles. capite 9. & libr. 3. de Doctrina Christiana cap. 10. Oporteret ergo & locorum circumstantias, & doctrinas, ac expositiones Patrum observare. Illud ergo modum loquendi observat Deus, vel in prophetiis comminatoriis, vel in effectibus, qui a sua voluntate, & ex aliis promissionibus ab ipso factis pendent, ut supra declaravi. Sæpe item invenietur ille modus loquendi in verbis Dei, quæ non continent revelationem, sed admonitionem, consilium, aut reprehensionem, ut in multis ex locis allegatis viderelicet. Et in eis sæpe additur particula *forte*, in omni proprietate intellecta. Hæc autem non possunt accommodari ad testimonia a nobis adducta, tum quia in illis continentur revelationes divinæ cum absoluta asseveratione, & sine circumstantiis, quæ subintellectam conditionem, vel improprietatem indicent. Nec particula *forte*, semper addita est, & non est dubium, quin sæpe adjungatur ubi de rebus certissimis, & indubitatis sermo est, ut Psalm. 80. *Si populus meus audisset me, forsitan inimicos illorum humiliasset.* Et Jerem. 6. *Erudire Jerusalem, ne forte recedat anima mea ad te.* Et docent Patres supra citati, ex quorum doctrina hæc proprietates melius servatur in locis allegatis, ut ostensum est.

C A P U T I I I.

Plures ex sanctis, & antiquis Patribus scientiam conditionatam in Deo cognovisse, præsertim Augustinum, & nullum eorum illam Deo negasse.

1. **P**rimum omnium tributo sententiam hanc Augustino in lib. de Corrept. & grat. cap. 8. ubi probans perseverantiam esse ex gratuito Dei dono, illos adducit in exemplum, qui cum essent justi, *donum perseverantiæ non habent, sed ex bono in malum, deficiente bona voluntate mutantur*, & addit. *Respondent, si possunt, cur illos Deus, cum fideliter, & pie viverent, non tunc de vitæ hujus periculis rapuit, ne malitia mutaret intellectum eorum, & ne scilicet deciperet animas eorum.* Utrum hoc in potestate non habuit, an eorum mala futura nescivit? Nempe nihil horum, nisi perversissime, & insanissime dicitur. In quibus verbis illa, *an eorum mala futura nesciunt?* evidenter de scientia conditionata intelliguntur, quia loquitur Augustinus de scientia, qua supposita, posset Deus, si veller, rapere hominem, priusquam talia mala committeret, etiam in sensu composito talis scientiæ, sicut fecit cum illo, de quo Sapient. 4. dictum est: *Raptus est, ne malitia mutaret intellectum ejus.* At vero semel supposita in Deo scientia absoluta futurorum, non potest cum illa scientia locum habere antecedens mors, prius quam talia committantur peccata, quia supponitur jam prævisa vita usque ad illud tempus.

D. Augu-
verbis
probat.

2. Loquitur ergo Augustinus de scientia conditionata, & dici non potest, ipsum loqui tantum de probabili conjectura ob pericula hujus vitæ; tum quia expresse interrogat, *an eorum mala futura nescivit?* utique si viverent, de ipsis ergo futuris malis loquitur: tum etiam, quia sola pericula vitæ præcognita, nisi etiam lapsus occasione illorum futurum prævidetur, non poterant esse sufficiens ratio rapiendi justum, priusquam malitia mutaret illum, alias omnes justi statim, ac iustificarentur, rapi debuissent, quia omnes in tali periculo versantur. Quod si hoc restringatur ad speciale periculum, in quo lapsus probabilissima conjectura timeatur, & in tali causa cognoscatur; sic non potest

Non de
probabili
conjectu-
ra, sed de
certa sci-
entia est lo-
cus cita-
tus.

C doctri-

doctrina esse universalis: nam multi iusti cadunt, qui non habent specialia pericula, sed facillime occurrentibus tentationibus cedunt. Ergo non procedit illa conjectura specialis, quod essent lapsuri, si viverent, nam multi, & fortasse plures similes perseverant semper in gratia inter similia pericula, & similia etiam gratiæ præveniētia auxilia, ut inter religiosos maxime considerare licet; & nihilominus de illis verissime dicitur, quod Deus præsciens ipsorum lapsum, potuisset, si vellet, eos rapere, ne malitia mutaret intellectum eorum. Nam doctrina August. universalis est, & in omnibus, qui de bono in malum mutantur, & ita pereunt, locum habet. Eo vel maxime, quod est valde alienum a doctrina, & mente Augustini, scientiam conjecturalem Deo tribuere, ut ex tract. 35. in Joannem allegavimus. Loquitur ergo de certa scientia talium futurorum, quæ sola, & Deo digna est, & propria, nam aliam conjecturalem in causa etiam demon habere potest, imo si de omnibus periculis vitæ sermo sit, etiam nos illam habemus. At Aug. aliquam scientiam Deo attribuit singularem, & illi propriam, quæque ad altissimam ejus providentiam, & prædestinationem sufficiat. Igitur de inscitiâ huic scientiæ contraria æque, ac de impotentia ait August. *non nisi per-versissime, & insaniissime Deo attribui*. In quo ego nihil ex me assero, sed solum quod Augustinus dicit, refero: qui autem Deo illam nescientiam tribuunt, excogitent modum, quo sub Augustini censura, non comprehendantur cum exponentes altero ex duobus modis, quos impugnavimus.

August.
constans
semper
fuit in co-
ditionata
scientia.

3. Secundo allego August. in Epist. 49. quæst. 2. ubi inquirens, cur Incarnatio tali tempore facta sit, rationem reddit ex hac præscientia, dicens: *Tunc voluisse in hominibus apparere Christum, & apud eos prædicari doctrinam suam, quando sciebat, & ubi sciebat esse, qui in eum fuerant credituri*. Respondent aliqui retractasse August. locum hunc in lib. de Prædest. Sanct. cap. 9. Ego vero dico non solum non tractasse, sed potius confirmasse. Sunt enim in hac scientia duo distinguenda, quæ pro his, quæ dicemus, sunt valde notanda, scilicet eam esse, vel non esse, vel supposito quod sit, ea uti ad reddendas rationes aliquorum effectuum providentiæ Dei: nam licet verissime Deo talis scientia tribuatur, errari potest in usu ejus. Augustinus ergo in posteriori loco retractat aliquo modo priorem, quoad usum illius scientiæ, non quoad existentiam ejus in Deo, imo hanc iterum confirmat: verba enim ejus sunt. *Cernitis ne me sine præjudicio latentis consilii Dei, aliarumque causarum, hoc de præscientia Christi dicere voluisse, quod convincende paganorum infidelitatis, qui hanc obsecrant quæstionem sufficere videretur? Quid enim est verius, quam præscisse Christum, qui & quando, & in quibus locis in eum fuerant credituri?* In his ergo verbis recognoscit Augustinus Deum habere illam scientiam, & non solum verum id censet, sed etiam nihil verius judicat. Addit tamen potuisse etiam dici, *tunc voluisse hominibus apparere Christum, & apud eos prædicari doctrinam suam, quando sciebat, & unde sciebat esse, qui electi fuerant in ipso ante mundi constitutionem*. Per quæ verba non reprobat priorem sententiam de scientia Dei conditionata, imo nec priorem rationem simpliciter tractat, sed aliam altiorem addit, causamque assignat, cur illam omiserit.

De veri-
tate sci-
entiæ condi-
tionatæ,
non de
absoluto
decreto
sermo est.

4. Hinc vero sumunt occasionem respondendi, admisisse quidem August. in utroque loco illam scientiam sed in posteriori loco declarasse, talem scientiam fundatam fuisse in absoluto decreto voluntatis Dei, quo tales homines tali tempore futuros prædestinaverat. Sed de hoc puncto postea dicendum est, nunc n. non de modo, seu medio, quo scientia illa videt futura, sed solum de veritate ipsius scientiæ tractamus. Expeditum autem alia verba in eadem Epist. August. quibus illa responsio accommodari non potest: subiungit enim: *His enim temporibus, & his locis, in quibus Evangelium non est prædicatum, tales omnes in ejus prædicatione futuros esse præsciebat quales non quidem omnes, sed multi in corporalibus præsentia fuerunt, qui in eum, nec suscitatis ab eo mortuis credere voluerunt; at infra: Quid ergo mirum, si tam infidelibus plenum orbem terrarum Christus prioribus sæculis voverat; ut eis appare-*

re, aut prædicari merito nollet, quos nec verbis, nec miraculis suis credituros esse præsciebat? Et similia in fine repetit. At de his dicere possumus Christum noluisse venire, aut Evangelium prædicari, quando, vel ubi sciebat esse, quod ipse ante mundi constitutionem ad non credendum elegerat; tum quia Deus non subtrahit illis auxilium, qui non sunt illo bene usuri; tum etiam, quia Deus ex se neminem elegit ad non credendum, vel ut damnetur; ergo saltem hæc præscientia mali usus gratiæ, si detur, non potest resolvi in electionem Dei: ut cap. sequenti latius ponderabo.

5. Scio non desuturos, qui respondeant, reduci in non electionem; itaque eo ipso, quod Deus scivit, se non elegisse illos, scire potuit illos non consensuros, vel male usus vocacione gratiæ. Sed hoc non potest satisfacere, quia si sit sermo de electione inere negativa, illa non est Decretum Dei liberum, sed carentia decreti liberi, quæ non est operativa ad extra: unde non potest efficaciter determinare liberum arbitrium, ut propterea in ea infallibiliter sciatur, quid esset sub tali conditione futurum a libero arbitrio. Si vero sit sermo de positivo proposito non eligendi, illud etiam propositum cum solum habeat pro objecto negationem alterius propositi Dei, nihil etiam ad extra operatur, quia per illud nihil ad extra vult Deus, solum ergo quasi formaliter excludit a voluntate divina liberam electionem talium hominum: ergo de se relinquit æque indifferens liberum arbitrium eorum: ergo non potest in tali decreto infallibiliter cognosci futura determinatio libera voluntatis hominis. Necesse est ergo, ut dicant, eo ipso quod hominem non prælegit, vel vult non prælegere, velle efficaciter determinare illius voluntatem ad actum fidei, vel poenitentiae contrarium, aut certe velle ex se non dare illi prædeterminationem ad volendum credere, aut poenitere, sine qua impossibile est ipsum credere, aut poenitere in sensu composito. Quot vero incommoda hinc sequantur, in cap. seq. insinuabo, & ex professo in lib. 5. tractabo.

Respon-
sio impu-
gnatur.

6. Tertio assero August. in lib. de Dono persever. cap. 9. quem locum cap. præced. tractavi expendendo verba Matth. 11. *Si in Tyro, & Sidone, &c. Quæ de hac scientia manifeste exponit August. ultra id vero utitur ibi eadem scientia ad explicandum mysterium divinæ prædestinationis, & divinæ etiam permissionis circa multos, qui cum uno tempore iusti fuerunt, tandem damnantur, & in primis de illis ait, potuisse Deum vel non permittere, ut ita tentarentur, vel per gratiam ita illorum voluntates munire, ut tentationes superarent. Deinde vero addit: Ut ergo id non dicam, certe poterat illos Deus præsciens esse lapsuros antequam id fieret auferre de hac vita, ubi particula, præsciens, de conditionata scientia est intelligenda, scilicet præsciens esse lapsuros, si viverent, ut probavi, quia si præscientia absoluta supponatur, jam non potest retrocedi (ut sic dicam auferendo de vita, antequam peccet, eum, qui jam supponitur prævisus, & vivens, & peccans pro tali tempore. Deinde eandem præscientiam supponit ibi August. cum ait magna absurditate cogitari, *Judicari homines mortuos, etiam de his peccatis, quæ præscivit Deus perpetraturos esse si viverent*, ubi nunquam dicit, Deum non habere illam scientiam, sed illam supponendo, illum abusum reprehendit.*

7. Neque solum scientiam ipsam supponit, sed etiam expressis verbis affirmat, & verbis Christi probat dicens. *Nunquid possumus dicere Tyros, & Sidonios talibus apud se virtutibus factis credere noluisse, aut credituros non fuisse si fierent, cum illis ipse Dominus attestetur, quod acturi essent magnæ humilitatis poenitentiam, si in eis facta essent divinarum signa virtutum*, ubi jam non expendo sensum verborum Christi, sed solius Augustini sententiam propono, expresse enim testatur illum effectum sub tali conditione futurum infallibili scientia fuisse a Christo cognitum. Denique in cap. 10. refert evasionem eorum, qui dicebant præscivisse Deum non solum futuram fidem Sidoniorum, si vocarentur, sed etiam prævidisse postea negaturos fuisse fidem, & ne propterea gravius punirentur, ideo illos non vocasse. Ipse autem non negat talem scientiam, quod erat facilitum, si falsum esse crederet, quod illi supponebant, non tamen id facit, sed acute replicat; si Deus ex tali præscien-

Non ex-
plicatio
Evange-
lii, sed
sententia
proponi-
tur Aug.

præscientia non vocavit illos, ne tandem gravius punirentur, eo ipso sequi, Deum non judicare hominem ex malis, quæ facturus absolute non est, licet de illo præsciat, id fuisse facturum, si talis, vel talis conditio permetteretur: & ita semper invehitur in illum talis scientiæ abusus, nunquam autem in ipsam scientiam.

8. Quarto eandem scientiam attribuit Augustinus Deo in lib. de Grat. & lib. arb. cap. 23. ubi inter mysteria divinæ prædestinationis ponit, *illum baptizatum parvulum in hac vita relinqui, quem præscivit Deus impium futurum, alium vero baptizatum rari ex hac vita, ne malitia mutet intellectum ejus*: nam cum de illo priori dicit, præscivisse Deum impium futurum, necesse est intelligi de præscientia antecedente deliberationem (ut sic dicam) antalis parvulus relinquendus sit in hac vita, nec ne? Nam prius quam Deus decrevisset illi vitam concedere, jam præsciebat, illum futurum esse impium, alias nullum mysterium ad prædestinationem pertinens in eo inveniretur, quod Deus permetteret illum vivere, quia non cum præscientia peccati id decerneret, sed potius quasi ignorans pro illo signo, quid ille esset postea futurus: ita ut respectu scientiæ Dei quasi a casu sequatur peccatum ex tali vitæ concessione: ergo ut ibi sit admiratio prædestinationis, seu providentiæ divinæ, quam Augustinus suscipit, necesse est, ut loquatur de præscientia antecedente secundum rationem, decretum de concedenda vita tali puero: ergo necesse est, ut de præscientia conditionata loquatur: quia ante decretum de vita tribuenda non potest ipsa vitæ diuturnitas, seu duratio per absolutam scientiam prævideri, cum pendeat ex decreto Dei: ergo multo minus possunt per absolutam scientiam præsciri peccata in illo vitæ tempore committenda: ergo necesse est loqui de scientia conditionata, utique sub illa conditione, si in vita conservetur, & cum his, vel aliis auxiliis relinquantur.

9. Neque etiam hic potest dici, esse sermonem de præscientia periculi, & non ipsius impietatis futuræ, ut facile ostendi potest discursu facto in primo testimonio, quia si sit sermo de generali periculo, cum quo omnes nascimur, & vivimus, in eo nullum est peculiare mysterium, cum ratio generalis providentiæ postulet, ut non obstante illo periculo, homines juxta cursum, & exigentiam generalium causarum vivere sinantur. Si vero sit sermo de speciali periculo, illud non semper invenitur in omnibus baptizatis in pueritia, qui postea impie vivunt, & moriuntur cum solis communibus occasionibus, & periculis, & nihilominus in eis etiam habet locum admiratio Augustini. cur Deus prævidens eorum impietatem futuram reliquerit eos vivere: ergo necesse est, ut loquatur de præscientia certa ipsorum malorum, & effectuum in se, & non in solo antecedenti periculo. Omitto fugam illam alienissimam esse a mente Augustini, & aliorum sanctorum; qui ita loquuntur de hac præscientia Dei, sicut de præscientia omnium aliarum rerum absolute futurarum, ut in aliis locis citatis aperte declaravit Augustinus in tertio testimonio proxime citato.

10. Ultimo addo omnia loca Augustini, in quibus vocationem efficacem congruam, seu secundum propositum, altam, atque secretam per hanc conditionatam scientiam explicat, quia nimirum Deus prævidet, quæ inspiratio, seu vocatio tali voluntati ita congrua, & apta sit, ut ab ea sit infallibiliter acceptanda. Illa enim præscientia conditionalis est manifeste, nam antecedit voluntatem dandi vocationem, ut ipsemet Augustinus supponit, unde necessario includit hanc conditionem, si hæc voluntas ita vocata fuerit, consentiet, & ex suppositione talis præscientiæ Deus vult dare talem vocationem. Hæc doctrina habetur sæpius repetita, & fuscè declarata in Augustino quæst. 2. ad Simplicianum de Prædestinatione. Sanctior. cap. 16. & sequentibus. de Dono persever. cap. 8. & 14. de Spirit. & liter. cap. 34. Epist. 107. ante medium, & aliis locis in lib. 5. late tractandis.

11. Ad hæc testimonia respondet Magist. Curiel negando hanc vocationem, ut congrua sit, fundari in

Suarez, Tom. VI.

dicta præscientia, quia infallibilitas consensus futuri a voluntate sic vocata non potest provenire ex directione talis scientiæ, quod probat ad hominem contra nos, quia futurum sub conditione non ideo est futurum, quia Deus illud novit, sed potius ideo Deus illud novit, quia ipsum futurum est, ut nos postea dicemus: ergo non potest consensus infallibiliter conjungi cum tali vocatione ratione præscientiæ, nec potest provenire ex subordinatione principii proximi, scilicet liberi arbitrii sic vocati ad directionem hujus scientiæ. Probat consequentiam, quia alias dabitur vitiosus circulus, quia infallibilitas futuri consensus sub conditione talis vocationis erit ratio, vel conditio necessaria, ut talis scientia sit infallibilis, & e converso infallibilitas futuri consensus ejusdem consensus sub hac conditione, provenit ex directione talis scientiæ: unde addit hic auctor illam infallibilitatem provenire, aut ex vocatione ipsa, & aliquo modo speciali illius, aut ex efficaci voluntate, vel intentione Dei habentis ita sibi subordinatam, & subjectam humanam voluntatem, ut infallibiliter obsequatur modo suo, & salva libertate.

12. Sed in primis undecunque talis infallibilitas proveniat, negari non potest, quin ex sententia Augustini in dictis locis scientia conditionata talis consensus futuri a tali voluntate, si eitalis vocatio detur, omnino infallibilis, & certa præcedat in Deo secundum rationem ad voluntatem dandi homini talem vocationem, quod nunc solum tractamus. Nam de modo, aut medio, quo illa scientia potest esse infallibilis, postea dicturi sumus. Et quidem quod illa infallibilitas, si perfecta sit, ut in scientia Dei esse debet talis, ut implicet contradictionem illi subesse falsitatem, tanta (inquam) infallibilitas non potest in sola vocatione, sive sola, sive cum his, vel illis conditionibus antecedentibus ad consensus fundari; quia esset infallibilitas in causa, quæ non potest fundari in efficacia vocationis, & causæ ad determinandam antecedenter voluntatem ad unum, ita ut non possit resistere, & ita non potest non tollere libertatem, nec movere voluntatem modo suo, id est, modo libero, quia indifferentia libertatis cum tali determinatione antecedente repugnat, ut ex dictis in precedenti prolegomeno convinci potest, & in lib. 5. latius est ostendendum. Ubi etiam ostendimus ex eodem principio illam infallibilitatem futuri consensus, si talis vocatio detur, non posse fundari in proposito Dei antecedente, & omnino efficaci, quia quomodocumque cogitur infallibilis, & inseparabilis consecutio humani consensus ex illo proposito divino ex vi solius causalitatis, & efficaciæ talis propositi divini, non potest talis consensus libere ab homine præstari, sed tantum voluntarie, quod, ut dixi, in dicto lib. 5. longo discursu probandum a nobis est, & in sequenti capite aliquid necessario erit dicendum.

13. Relinquitur ergo necessario dicendum esse, locutum esse Augustinum de scientia, per quam Deus veritatem ipsam in omnibus rebus infallibiliter attingit, quam intuens gratis decernit dare suis electis vocationes illas, quas prævidet habituras esse effectum, id est, habituras effectum inducendi voluntatem electorum ad consensum, si illis tribuantur. Neque video, quam vim habet ad hominem contra nos objectio facta. Respondemus enim concedendo antecedens, nimirum Deum scire illam conditionalem esse veram, quia voluntas hominis cum tali vocatione ita determinanda est, & non e converso. Circa consequentiam autem advertimus committi equivocationem, quam statim explicabo: nam licet consecutio nostri consensus non fundetur in illa scientia, nihilominus in executione verum est, infallibilitatem divini propositi absoluti posse fundari in illa scientia non tanquam in causa, sed tanquam in conditione necessaria, ut divina voluntas, nec feratur in incognitum, nec sine certo, & infallibili medio absolute intendat aliquid; quod esset contra divinam sapientiam, & prudentiam. Unde attente est cavenda equivocatio, quæ in argumento committitur transiendo tacite a proposito absoluto Dei ad consensum humanæ voluntatis. Nos enim non dicimus consensum voluntatis.

Curiel respondet & ad hominem obijcit.

Scientia conditionata divinam etiam vocationem præcedit secundum rationem quod non inficiatur Curiel.

August. locutus de scientia quæ Deus infallibiliter omnes animarum eventus attingit, & gratis, quos vult eligi.

tatis humanæ infallibiliter esse conjungendum tali vocationi ratione præscientiæ, nam illa conjunctio semper supponitur futura ex parte objecti ex libera determinatione voluntatis creatæ cum divino auxilio in dicta conditione conclusio. Sed dicimus ex parte voluntatis divinæ requiri cognitionem illius futuri sub tali conditione, & quod cognitio illa sit infallibilis, ut possit voluntas Dei determinari absolute ad volendum, ut homo credat, & ut habeat auxilium, cum quo efficaciter operaturus est. Quapropter cum in argumento subinfertur; ergo non potest consensus infallibiliter conjungi vocationi ratione præscientiæ, nec ex directione illius facile potest totum concedi, quia non est contra nos, nec ad causam refert, quia nihilominus potest illa præscientia esse necessaria ad directionem suo modo voluntatis divinæ, ut possit dare congruam vocationem, cui vult, & quem vult prælegere ad credendum, verbi gratia, quia jam habet in sua præscientia medium infallibile, quo suum propositum exequi potest. Et ita nullus circulus committitur, quia infallibilitas futuritionis nunquam in re provenit ab hac scientia, sed solum secundum ordinem rationis absolutum decretum Dei provenit ab hac scientia tanquam a proponente voluntati divinæ objectum tali proposito accommodatum. Et hæc sine dubio fuit mens Augustini in citatis locis.

14. Secundo principaliter probatur eadem veritas ex alijs Patribus. Et inprimis affero, quos supra citavi circa testimonium Matth. 11. quibus addo Prosperum ad Excerpta Genueſ. responſ. 8. ubi sic ait: *De Tyrriis & Sidoniis quid aliud possumus dicere, quam non esse eis datum, ut crederent, quos etiam credituros fuisse ipsa veritas dicit, si talia qualia apud non credentes facta sunt, virtutum signa vidissent; & subdit inferius. Nos autem etiam firmitatem facti, & profunditatem indicii ejus penetrare non possumus, manifestissime tamen scimus & verum esse, quod dixit, & justum esse, quod fecit.* Neque video, quomodo ad tam clara verba Prosperi possint verisimiliter applicari evasiones, quas supra circa ipsa Christi verba retulimus, & refellimus. Et eodem modo possumus pro hac parte allegare Anselmum, Remigium, & Abulenſ. Matth. 11. nam exponentes verba Christi modo supra dicto, hanc scientiam in Deo esse supponunt. Item Anselmus Matth. 6. exponens verba illa orationis Dominicæ, de hac scientia loquitur, cum ait, *Deum per dulcedinem dare gratiam* (utriusque vocationis, vel auxilii) *ei, quem scit non consensurum.* Simili modo Beda Actor. 16. reddit rationem, cur Paulus, & socii vetiti sunt prædicare verbum Dei in Asia, ut ibi dicitur, *Quia sciebat* (inquit) *contempturos verbum Dei,* & quod ad præsentem causam attinet, similem rationem reddit Oecumen. dicens, *Quia præcivit contra Spiritum sanctum pugnantium hæresim ibi esse dominanturam.* Et similem doctrinam habet Gregorius homilia 12. in Ezechielem, & homilia 4. in Evang. & Origen. homil. 9. in Levit.

15. Præterea Neimæsius libr. de Natur. homin. cap. 44. §. Euripides in fine uti Deum hac scientia ad perfectam providentiam satis aperte docet, dicens: *Providentia res humanas non solum ex his, quæ sensibus notantur, sed etiam ex sua, & propria præcognitione administras.* Hoc autem intelligi de præcognitione conditionata, declarat dicens: *Cum enim Deus non nesciat bono viro expedire pauperem esse, ejusque sensum opes, si dentur, depravaturas, utiliter cum in paupertate finit vivere. Ac qui opulentus est, saepe importunior fore videns, si egeat (ad latrocinandum enim, aut alia quedam gravia facinora animum adjunget) potiri illum opibus permittit.* Et concludit. *Nos enim nihil rerum venientium præsentientes, & ea, quæ instant, tantum expectantes, non recte de his quæ in rebus humanis eveniunt, judicamus. At Deo etiam futura, tanquam præsentia sunt.* Quæ ultima verba de eadem præscientia conditionata, de qua expresse fuerat loquutus, sine ulla tergiversatione intelligenda sunt, & de eadem ait, longe esse ab hominibus, & ideo nos saepe amare illa, & procurare, quæ habita futura nobis sunt in ruinam, quia præscire non possumus, quid eventurum sit, si illa obtineamus, quæ

conditionata scientia est: de Deo vero ait, etiam hæc futura illi esse præsentia. Et revera hic videtur communis sensus, & conceptus hominum, præsertim de Deo, & de se ipsis. Nam, quia fideles ignorant, an divitiæ, vel scientia, vel dignitas, aut quid simile illis futura sit occasio peccandi, ad Deum accedunt orantes, ut si ea de causa peccaturi sunt, talem statum, vel conditionem ab eis avertat, supponentes profecto non ignorare Deum, quid ipsi acturi sint, si in tali munere, vel statu constituentur; neque ita orant præsumentes de Deo conjecturalem cognitionem, quam demon, vel etiam ipse homo ex parte habere potest, sed magna fiducia orant, nihil de certissima præscientia divina dubitantes. De præscientia (inquam) quæ præcedit absolutam futurarum rerum dispositionem, & quæ potest esse ratio sic, vel aliter de eventibus absolute futuris disponendi. Nam quia nos uti illa non possumus ad nostram providentiam, quia, ut dicitur Ecclesiast. 7. *Ignorat homo, quid conducat sibi in vita sua,* ideo ad Deum accurrimus, quem omnia talia futura scire non dubitamus. Inde enim videtur illa oratio profecta. Cum ignoremus, quid agere debeamus, hoc solum habemus residui, ut oculos nostros dirigamus ad te 2. Paralip. 20.

16. Præterea est egregium Cyrilli testimonium ad idem confirmandum lib. 9. in Joann. cap. 10. ubi varias movet quæstiones, cur Deus futurorum præscius hoc, vel illud faciat, quæ non possunt, nisi de præscientia conditionata intelligi. Prima est. *Si omnia scire Christus creditur, cur Judam, qui futurus erat proditor, elegerit, cui, multis alijs propositis, respondet, quia multa similia occurrunt, si de his, quæ a Deo facta sunt, ita velimus inquirere; unde ait: Quid n. prohibebit incusare Deum, ac dicere, cur in Regem Saulem elegisti, quem sciebas gratiam tuam esse speriturum: imo cur primum a terra hominem formasti, quem non ignorabas mandata tua non servaturum: Ascendet hac oratio etiam in superiora. Cur enim Angelorum naturam creasti, cum ut Deus prævideris futuram nonnullorum rebellionem?* Ad quas quæstiones non respondet negando talem scientiam in Deo, sed illam supponendo ex libertate arbitrii, & alijs causis divinæ providentiæ rationem reddendo. Illa autem præscientia non potest esse conjecturalis, vel in dispositionibus talium personarum. Quia in Angelis, & primo homine erant optimæ dispositiones ad bonum potius quam malum eligendum, nec erat in eis aliqua prava dispositio, vel inclinatio ad malum, in qua talis conjectura fundari possit; fuit ergo præscientia certa veritatis futuræ, & Deo præsentis. Atque eandem quæstionem de creatione malorum Angelorum cum præscientia peccati eorum movet D. Hieronym. Dialog. 3. contra Pelagian. non longe a princip. & respondet, vis audire rationem. *Deus præsentia judicat, non futura. Nec condemnat ex præscientia, quem noverit talem fore, qui sibi postea displiceat.* Quæ profecto non nisi de conditionata scientia vera simpliciter esse possunt. Item idem interrogat Damasc. Dialog. contra Manichæos, parum ante medium, & respondet. *Eximia quedam, ac singularis bonitas in causa fuit, cur eum procrearet. Sic enim secum loquutus est. Quandoquidem iste malus futurus est, omniaque, quibus eum afficio, bona perditurus, ego ne quoque eum bono prorsus spoliabo, ac delebo? Minime. Verum quamvis ipse improbus futurus sit, tamen eum non ita mulctabo, ut mei particeps non sit, verum bonum unum ipsi tribuam, nempe ut essentia ratione, me ipsi impertiam, hocque nomine, quod sit, in boni mei partem, vel invitus, veniat.* Per quæ verba evidenter affirmat Damasc. habuisse Deum hanc conditionatam præscientiam de peccato Angelorum prius ratione, quam haberet decretum creandi illos, & non obstante illa voluisse illos creare propter bonitatem suam, & quia non punit peccata, priusquam fiant, nec decernit pœnam propter illa, donec absolute futura esse prævideat, nec ejus bonitatem malum vincere potest, ut idem Damasc. dixit lib. 4. de Fide cap. 22. Et similis quæstio tam de Angelo, quam de homine in statu innocentie tangitur a Gregorio Nysseno in Oration. catechetica cap. 7. & nomine Chrysostomi in homil. de Adam, & Eva in tom. 1. ubi eadem præ-

Eadem
veritas
probat
ex alijs
Patribus.

Neimæsius
opime de
conditio-
nata sci-
entia nos
docet.

Cyrilli
subtiles
quæstio-
nes, de
præscien-
tia condi-
tionata.

D. Damasc.
sc. facis
aperte de
conditio-
nata sci-
entia loqui-
tur.

præscientiam supponere videtur, quamvis non tam clare, quin possit aliquis tergiversari. Denique similem questionem, seu objectionem a Marcione refert Tertullianus lib. 2. contra illum, cap. 5. & constanter contra illum hanc præscientiam cum bonitate, & potentia Dei conjunctam docet, ostendens non esse contrarium divinæ bonitati, imo illi valde consentaneum, non obstante præscientia peccati futuri in homine, si tali modo crearetur, illum creare, simul permittendo peccatum sub tali conditione prævisum; non potest enim totus ille discursus de alia præscientia intelligi. Unde cap. 7. expresse dicit. *Sed etsi præscierat male hominem institutione sua usurum, quid tam dignum Deo, quam gravitas, quam fides institutionum qualiumcunque.*

17. Ad hæc vero testimonia respondet quidam vir doctus hos Patres non loqui de præscientia conditionata, sed de absoluta, quia hæretici, vel ethnici, quibus respondent, de hac scientia loquebantur, non enim erant tam subtiles, ut de altera cogitarent, neque ad objectiones illorum erat necessaria; sic enim argumentabantur. Si Deus non præscivit peccatum Adæ, non est perfectus; si præscivit, non est Adæ imputandum peccatum, quia illud vitare non potuit; ita enim refert argumentum Hieronymus lib. 3. contra Pelag. circa principium, & optime intelligitur de absoluta scientia visionis. Unde Sancti respondent habuisse Deum præscientiam, & nihilominus Adamo juste imputari, quia præscientia illi peccandi necessitatem non imposuit. Hæc vero responsio diminuta est, & licet alicui loco possit accommodari, non tamen omnibus. Tribus enim modis fit illa objectio, vel questio. Primo in sensu prædicto, in quo sine dubio loquitur Hieronymus: & sine dubio intelligitur optime de absoluta scientia, & ideo nos illo testimonio, & similibus non utimur. Secundo fit illa interrogatio de præscientia peccati antecedente voluntatem creandi, non vero de futuro in effectu, sed de possibili, id est, cur Deus præsciens hominem peccare posse, illum creare voluit, & dare præceptum, exponendo illum tali periculo, & non præveniando illum, ne peccare posset: & in hoc sensu tractat questionem Basil. hom. 9. ex variis, quod Deus non sit auctor malorum, versus finem. Et sic etiam illa questio præsentis instituto non deservit, & ideo non allegavi illum locum Basilii: & in eundem sensum trahi potest Auctor homiliæ de Adam, & Eva. Tertio movetur questio de præscientia peccati non tantum possibilis, sed etiam futuri, & quæ secundum rationem antecedit in Deo voluntatem creandi hominem, & dandi præceptum, ac permittendi peccatum, & in hoc sensu evidenter procedit questio de scientia conditionata, ut satis ostensum, & prædictus auctor non negat, sed negat in hoc sensu esse vel propositam questionem ab ethnicis, vel admissam, & tractatam a Patribus.

18. Contrarium autem constat evidenter ex verbis Marcionis apud Tertullianum in dicto cap. 7. sic enim objiciebat. *Si Deus bonus, & præsciens futuri, & avertendi mali potens, cur hominem, & quidem imaginem & similitudinem suam, imo & substantiam suam per animæ scilicet censum, passus est labi de obsequio legis in mortem, circumventum a diabolo? Si enim & bonus, qui evenire tale quid nolle, & præsciens, qui eventurum non ignoraret, & potens qui depellere valeret nullo modo evenisset, quod sub his tribus conditionibus divina majestatis evenire non posset. Quod si evenit, absolutum est & contrario Deum neque bonum credendum, neque præsciens, neque potentem.* Ex quorum tenore verborum constat, ipsum loqui de præscientia peccati non possibilis tantum, sed etiam futuri, ut expresse dicit, & postea Tertullianus in toto discursu supponit, & admittit. Item constat loqui de præscientia antecedente voluntatem creandi hominem, & permittendi peccatum ejus, quia ex illa præscientia cum potentia, & bonitate inferebat hæreticus non debuisse Deum tale peccatum permittere. Unde ultimo constat illum non voluisse ex præscientia inferre, peccatum fieri necessario, ac proinde non esse peccatum: sed potius supponendo illud esse malum, & peccatum inferrebat; quandoquidem Deus illud non

evitavit, cum posset, & præsciret, illi esse imputandum, ac proinde non esse bonum. Et ad hunc sensum argumentationis respondet Tertullianus Deum esse summum bonum, etiam si præsciens futurum peccatum, & potens illud impedire, voluerit illud permittere; quia non Deo, sed voluntati hominis imputatur. Similis questio est apud Damascenum in dicto Dialogo: nam objectio Manichæi erat: *Quid autem affers, cur Deus, cum diabolum malum fore prænosset, eum procreavit?* Ubi constat non argumentari Manichæum ex præscientia contra libertatem arbitrii, sed contra bonitatem DEI volentis creare Angelum, quem præsciebat futurum malum; ergo loquebatur de præscientia antecedente voluntatem creandi Angelum. Et in hoc sensu respondet Damascenus, non quidem, quod præscientia tollat libertatem, sed quia non judicavit expedire privare Angelum omni participatione bonitatis suæ, etiam si prævideret illum male fuisse illa usurum, ut in verbis supra relatis manifestum est. Denique apud Cyrillum evidenter distinguuntur questiones, cur Deus elegerit Judam, quem præsciebat lapsurum; & cur Judæ ad culpam imputetur, quod vi præscientiæ faciebat. Et nos non sumimus argumentum ex posteriori questione, sed ex priori, quam necesse est intelligi de præscientia antecedente electionem, ac subinde esse conditionatam. Nec potest solum intelligi de electione quoad executionem ejus in tempore factam, sed etiam de æterno proposito, quia non loquitur de malo, quod jam Judas commiserat, quando vocatus est, sed de malo futuro post temporalem electionem, & ab æterno præviso ante propositum talis electionis, sub ea conditione, quod si eligeretur, tale malum esset commissurus. Præterquam quod ibi etiam adjungit Cyrillus interrogationem de Angelo, & homine, cur creati sint, etiam si præscirentur futuri mali? & ratio interrogationis non est, quia hoc repugnet libertati, sed quia repugnare videtur divinæ bonitati, & ideo dixit ibidem Cyrillus, quod hujusmodi interrogationes sunt quædam accusationes contra Deum, cujus sapientiam, & bonitatem defendit, quia ipse optime fecit constituendo Angelum, & hominem liberum, unde libertatem supponit, neque illam defendit, quia argumentum non fiebat contra illam ex absoluta præscientia. De his ergo, & similibus locis, quæ accurate distinguenda sunt, dubitari non potest, quin in eis sit sermo de præscientia conditionata.

19. Neque incredibile videri debet hæreticos scientiam illam cognovisse, in qua intelligenda, & defendenda nunc tanto labore insudamus. Nam in primis adversarii, ad infamandam hanc scientiam, dicunt ab hæreticis esse inventam, Pelagianis scilicet, vel saltem Semipelagianis, quid ergo mirum, quod antiqui etiam hæretici illam agnoscere, & ex illa argumentari potuerint: quanquam nos non sensum hæreticorum propter eorum sententiam investigamus, sed ut inde sensus Patrum intelligatur, quia eandem scientiam futurorum, quam hæretici supponebant, admittunt, & illa stante, objectionibus, vel interrogationibus eorum respondent. Deinde August. lib. 1. de Anima, & ejus orig. cap. 12. refert, Vincentium Victorem, contra quem scribit, in quodam libro disputasse adversus eos, qui dicunt, cur Deus hominem faciebat, quem, utpote præsciens, sciebat futurum non bonum. Quam questionem ille etiam Vincentius expediebat, non negando illam Dei scientiam, sed quia de perfectis operibus debet Deus hominem judicare, non de præcognitis, nec fieri aliquando permittis. In quo sententiam ejus probat Augustinus addens optimam rationem, quia alias Deus non natum judicaret si propterea creare nolisset, quia non bonum futurum præscisset. Unde considerare licet idem in illa contingere, quod in aliis attributis Dei, in quibus distinguenda est cognitio, an sint a cognitione, quid, vel quomodo sint: nam prior sæpe est facilis, & vulgaris, etiam inter homines parum subtiles, vel etiam indoctos, posterior est alia, & subtilis, & a paucis obtineri potest. Quamvis ergo hæc præscientia conditionata, quod modum suum, difficile intelligatur, & non sine multa doctrina, & subtilitate discernatur; nihilominus quoad questionem, seu cognitionem

Magist. Curiel supra nu. 14. & sequentibus.

Evidenter constat ex verbis Cyrilli.

Tollitur admiratio de ethnicis & hæreticis cognoscen- tibus in Deo conditionatam scientiam.

Ethnici, & hæretici propositam questionem allatam, cui conditionata scientia Patres respondunt.

tionem an sit, videtur esse valde communis, & vulgaris. Et ad hunc modum loquuti videntur de illa hæretici nescientes forte quid dicerent, nec discernentes inter præscientiam conditionatam, & absolutam, & nihilominus verum dicentes, & in re ipsa de præscientia conditionata loquentes. Et ut antea dicebam, etiam communis plebs fidelium sapissime orat Deum, hanc scientiam necessario supponendo, quavis de illa distincte, & (ut ita dicam) in actu signato cogitare nesciat. Quin potius etiam nostris temporibus legimus in Japonia, & India similes interrogationes ab ethnicis proponi prædicatōribus eis annūciantibus nostram fidem, qui veluti naturæ lumine ducti cognoscunt, vel supponunt Deum esse præscium omnium futurorum siue absolute, siue ex aliqua hyporhesi nondum intellecta, ut de facto futura. Unde quando interrogationes supponunt præscientiam conditionatam, facile declinantur, negando habere Deum talem præscientiam: nunquam autem id faciunt Evangelici prædicatores, magnum enim fuisset scandalum hominibus interrogantibus, neque etiam id fecerunt unquam Patres, ut vidimus.

CAPUT IV.

Neque in Augustino, neque in aliis Patribus aliquid contra perfectionem divinæ scientiæ conditionatæ reperiri.

Proponitur loca Augustini, quæ apparent contraria, & hæretici, qui conditionatæ scientiæ maxime suffragari videntur.

NON obstantibus omnibus Augustini testimoniis, quæ in præcedenti capite adduximus; defensores contrariæ sententiæ proclamant hanc scientiam rejectam esse ab Augustino, & Prospero, tanquam fundamentum Semipelagiani, Pelagiani erroris. Injunctum addunt aliqui, etiam Arianos illam scientiam adinvenisse ad suum errorem explicandum ex quadam Epistola Alexandri Episcopi Alexandrini ad Alexandrum Episcopum Constantinopolitanum, ubi Alexander refert Christum factum esse filium Dei eximium per gratiam, esseque in nostra potestate filios Dei fieri non aliter, atque ille factus est, *Scriptum namque esse, filios genui, & exaltavi*. Et addit. *At cum illis obijceretur sententia, quæ sequitur. Et ipsi spreverunt me, &c. ajunt, Deum cum præscientia, & præsentione prænovisse, ne utiquam ipsum aspernaturum, idcirco ex omnibus elegisse*. Sed si attente leguntur sequentia, & locus Psalmi, quem illi hæretici male allegabant, *Dilexisti justitiam, & odisti iniquitatem, propterea unxit te Deus, &c.* facile intelligitur loquutos fuisse illos hæreticos de præscientia absoluta futurorum operum Christi. Sed esto fuerint loquuti de conditionata, quid nostra interest, qui non solum istis, sed etiam pluribus hæreticis notam fuisse hanc scientiam, ut dixi, supra demonstravimus, neque propter illam isti damnantur, sed quia illa male usi sunt. Nec est sanum consilium prudentis alias viri, ut scientiam consentaneam divinæ perfectioni Deo negemus, ut hæreticis resistamus. Nam sicut non sunt facienda mala, ut eveniant bona, ita non est neganda una veritas, ut alia defendatur. Alioquin negetur scientia absoluta futurorum meritorum, quia Pelagiani dixerunt ex illa prædestinari homines; tollatur gratia efficax, quia Calvinistæ ad negandam libertatem illa usi sunt; essetque illud consilium potius adhibendum ad non introducendam prædeterminationem physicam, propter difficultatem maximam, quæ est in constituenda differentia inter illam, & efficaciam motionis necessitantis, quam ponit Calvinus. Igitur quidquid hæretici fenserint, videamus an Augustinus impugnando Semipelagianos a priori sententia circa hanc scientiam recesserit. Unus enim, vel alter locus est apud Augustinum, qui non nullam difficultatem habeat, quia contra Semipelagianos disputans non solum videtur eos reprehendere, quod hac scientia male uterentur, sed etiam quod ad suum tuendum errorem illam falso confingerent. Nam in lib. de Prædestinat. Sanctorum cum in cap. 12. & 13. impugnasset tantum illius scientiæ abusum, in cap. 14. etiam ipsam scientiam refellere videtur; exponens enim locum Sapient. 4. *Raptus est, ne malitia mutaret intellectum ejus, ait, Dictum est enim secundum peri-*

cula vitæ hujus, non secundam præscientiam Dei, qui hoc novit, quod erat futurum, non quod futurum non erat, id est, quod ei mortem immaturam fuerat largiturus, ut tentationum subteraberetur incerto, non quod peccaturus esset, qui mansurus in tentatione non esset. Et lib. 1. de Origin. anim. cap. 12. similem tractans questionem postquam argumentatus est contra abusum talis scientiæ, etiam si illa daretur, auget responsum, etiam scientiam ipsam refellendo, sic enim ait. *Quid, quod ipsa exinanitur omnino præscientia, si quod præscitur, non erit? Quomodo enim recte dicitur præsciri futurum, quod non est futurum? Quomodo ergo puniuntur peccata, quæ nulla sunt, id est, quæ nec vita ista nondum incipiente commissæ sunt ante carnem, nec morte præveniente post carnem?* Et simili modo videtur sensisse de hac scientia Prosper in Epistola ad Augustinum, ubi referens, ac reprehendens phantasiam Semipelagianorum, primum eos arguit, quod gratiam, etiam prævenientem, in præsentis subicerent meritis sub conditione futuris. Deinde addit. *Sed in tantum commentitiis meritis electionem Dei subijciunt, ut quia præterita non extant, futura, quæ non sint futura confingant, novoque apud illos absurditatis genere & non agenda præscita sunt, & præscita non acta sint*. Denique Damascenus etiam contra Manichæos in fine, de solis effectibus aliquando futuris dicit esse præscientiam. *Nam si facturi (inquit) non essemus, nec ipse quidem quod futurum esset, prænosceret*.

2. Respondetur totam hanc objectionem in æquivocatione unius vocis, *præscientia*, positam esse, nam quod ad rem attinet, verisimile non est illos Patres sibi fuisse contrarios, & Augustinum præcipue uno verbo obiter dicto voluisse destruere, quod tam expresse, tantaque asseveratione in aliis multis locis docuerat. Dicimus ergo verbum *præscindi* sumptum proprie, & in rigore dicere habitudinem ad rem in tempore futuram, dicit enim antecessorem æternitatis ad tempus. Ita docet Damascenus supra, definiens enim, quid sit prænotio, ait, *Prænotio est, quæ futura sunt, antequam in oritur prodeant, nosse*: nam in verbo prænosse, seu præscire illa particula, *præ*, non dicit habitudinem ad alios actus, vel ad res alias, sed ad objectum ipsum præscitum. Unde dicit antecessorem secundum existentiam realem aliquam futuram, quæ in Deo est antecessio æternitatis ad tempus. De præscientia ergo in hac proprietate sumpta dixit Augustinus in priori loco citato de Prædestina. Sanctorum, sententiam illam Sapientis, *Raptus est, &c.* intelligendam esse secundum pericula vitæ hujus, non secundum præscientiam, utique propriam, quæ est rerum aliquando futurarum: non excludit autem, quin possit, & debeat intelligi de his periculis vitæ, in quibus malitia mutaret intellectum hominis iusti. Nam (ut jam dixi) si talia non sunt pericula, sola ratio periculi non esset sufficiens ad exaggerandam præmaturam mortem, ut specialem gratiam, præsertim in omnibus iustis, qui in infantia, aut pueritia, vel intra quodcunque breve tempus rapiuntur. Nam in istis non est tantum periculum, quin suppositis communibus auxiliis gratiæ ex vi causæ, & libertatis sit æque contingens ad utrumlibet, quod iste muteatur, vel quod perseveret, & crescat in sanctitate. Ergo si anticipatio mortis solum est ex præscientia periculi, profecto etiam est cum contingentia majoris sanctitatis: ergo etiam erit contingens, quod illa mors, vel majus bonum, vel malum impediatur; ergo similiter est contingens, & incertum, an sit gratia nec ne; neque Deus ipse poterit hoc certo cognoscere, ac determinare, quomodo talis homo, vel puer vitam suam, vel illius reliquum tempus esset instituturus. Multo ergo melius locus ille de certa cognitione malitiæ futuræ sub conditione intelligitur, & saltem Augustinus hanc intelligentiam non excludit, sed solum veram, & propriam præscientiam respectu eorum, quæ nunquam futura sunt.

3. Potest autem hac expositio suaderi; tum quia est necessaria, ne Augustinus sibi ipsi contrarius sit, tum in aliis locis, tum in eodem libro in cap. 9. ubi illam scientiam ipse supponit, ut vidimus, & in cap. 16. & sequentibus per illam explicat vocationem congruam:

Æquivocatio præscientiæ tollitur, & quid sit verbum præscindi explicatur, quomodo ab Augustino acceptum hic.

Ex Augustino mens Augustini agnoscitur.

tum ex verbis, quæ statim subiungit Augustinus. *Non secundum præscientiam Dei, qui hoc præscivit, quod futurum erat, non quod futurum non erat, id est, quod ei mortem immaturam fuerat largiturus, ut tentationum subtraheretur incertitudo, non quod peccaturus esset, qui mansurus in tentatione non esset.* Quæ omnia pertinent ad præscientiam rerum, quæ aliquando futura sunt. Dices, juxta hanc expositionem vitiosum, & æquivocum esse processum Augustini contra Semipelag. Nam illi bene sciebant non præscire Deum aliquando esse futura opera, quæ puer mortuus in infania operaretur, si viveret; ergo non recte contra illos argumentatur ex eo, quod illa non sit vera præscientia, id est, absoluta. Respondeo in hoc errasse, & propriam vocem ignorasse Semipelagianos, quia in operibus nunquam futuris rationem meriti, & demeriti congingebant propter solam prænotionem eorum.

Præscientia operis nunquam futuri non sufficit ad meritum, vel demeritum.

Ad hoc ergo refellendum ait Augustin. illam prænotionem non esse propriam præscientiam, quæ ad meritum, vel demeritum sufficiat, quia meritum, & demeritum actuale (ut sic dicam, i. quod possit esse ratio fundandi præmium, vel pœnam per divinum iudicium conferendum, non potest fundari in opere absolute tantum possibili, etiam si cognoscatur ut futurum sub conditione, sed fundari debet in opere existente, vel saltem realiter futuro in aliquo tempore, quia si pœna, vel præmium absolute dandum decernitur, etiam opus malum, vel bonum absolute esse, vel futurum præsciri necesse est. Et ideo Semipelagiani admittentes verum meritum in objecto talis cognitionis, in re ipsa affirmabant esse veram præscientiam rei aliquando futuræ, licet id forte ignorarent, & ideo merito redarguuntur ab August. quod illa non sit præscientia proprie dicta, & ideo ad meritum non sufficiat. Et hoc est, quod etiam ait in alio loco de Animæ origine. *Exinanitur omnino præscientia, si quod præscitur non erit, Exinanitur* (ait) non quoad omnem rationem scientiæ, sed quoad propriam rationem præscientiæ, quæ necessaria est, ut in ejus objecto possit vera ratio meriti inveniri. Et ita etiam exinanitur quoad hoc, ut in illa possit ratio meriti fundari. Et ideo subdit. *Quomodo enim recte dicitur præsciri futurum, quod non est futurum.* Ubi pondero particulam, *Quomodo recte dicitur*, per quam significat, non improbari absolute, sed quatenus opus per illam præscitum, tanquam aliquid re vera futurum, æstinetur, utpote præmio, vel pœna dignum. Unde recte adjungit. *Quomodo ergo puniuntur peccata, quæ nulla sunt?* id est (ut exponit) *quæ nunquam committentur post carnem*, utique morte præveniente. Intentio ergo Augustini in illis locis est illam scientiam non quidem non esse, sed esse quandam simplicem intelligentiam, in cujus objectum nulla ratio meriti fundari potest, & ita non esse veram præscientiam, quæ interdum ad rationem meriti, & ad præmium anticipatum sufficit, interdum vero ad præjudicium, & prædefinitionem alicujus pœnæ.

Prosper, & Damasc. expl. cæantur.

4. Et per hæc responsum est etiam ad Prosperum, quem alibi hanc scientiam conditionatam in Deo cognovisse jam ostendimus; in alio ergo non scientiam, sed abusum ejus reprehendit, fundandi nimirum in ea *commentitia merita*, ut recte vocat, *congingendo futura, quæ non sunt futura*, id est, assignando illis meritum, ac si vere, & absolute futura essent, cum tamen simpliciter futura non sint, etiam si sub conditione sint futura. Et in eodem sensu infert tanquam absurdum, *quod non agenda præscita dicantur*, utique tanquam vera merita, ac subinde tanquam vere futura, ex quo etiam sequitur aliud absurdum, scilicet, *ut præscita non acta sint*: præscita nimirum sub eadem ratione, id est, ut vera merita, quia implicat sic præsciri, & non esse futurum aliquando; ut diximus. Damascenus autem nulla indiget expositione, quia ibi proposuit explicare proprietates harum vocum, *prædefinitio, prænotia*, & aliarum: & prænotionem ita descripsit. *Prænotia est, ea, quæ futura sunt, antea nosse*, ubi clare limitavit vocem illam ad scientiam, quæ antecedit duratione, vel æternitate rem in tempore futuram. De hac ergo præscientia loquens merito subiungit. *Si facturi non essemus, nec ipse quod futurum non esset, prænosceret.* Quanquam hæc

Suarez Tom. VI.

verba, si recte spectantur, cum proportionem in scientia conditionata verum habent: nam si voluntas sub tali conditione posita hoc factura non esset, neque illud futurum sub conditione cognosceretur. Sensus tamen Damasceni est, quem diximus. Atque hæc nunc sufficiant de sententia Patrum: nam de mente Divi Thomæ commodius dicemus, postquam alium sensum contrariæ sententiæ examinaverimus, quod in sequenti cap. præstabitur.

5. Sed adhuc nescio quo colore objicitur nobis August. lib. de Præd. Sanct. cap. 17. 18. & 19. quia in eis ex professo probat contra Pelagianos, & Semipelagianos propositum divinum eligendi prædestinatos ad gloriam, & sanctitatem non esse ex præscientia, sed potius præscientiam futuræ sanctitatis illorum esse subiectionem, quam Prosper in Epistola sua ipsam interrogaverat. Adduntur etiam verba August. in Epist. 107. ubi tractans verba Joann. 6. *Sciebat Jesus, qui essent credentes, & quis esset traditurus eum*, inquit. *Et ne quisquam existimet credentes sic ad ejus præscientiam pertinere, sicut non credentes, id est, ut eis non fides daretur, sed tantum voluntas prænosceretur, mox adjecit, Nemo potest venire ad me, &c.* Et Epist. 107. circa medium ait, Deum omnia opera sua futura in prædestinatione præscivisse. Sed hæc loca nullo probabilitatis colore ad præsentem causam accommodantur. Agit enim ibi August. de absolute præscientia meritorum, & probare vult sanctitatem, quæ a vocatione incipit, non dari ex meritis, sed ex gratia. Unde sic incipit. *Intelligamus ergo vocationem, quæ sunt electi, non qui eliguntur, quia crediderunt, sed qui eliguntur, ut credant*: unde postea concludit, *Electi sunt itaque ante mundi constitutionem eapredestinatione, in qua Deus sua futura facta præscivit.* Loquitur ergo aperte de absolute præscientia meritorum, quam sequi, non præcedere decretum electionis divinæ vetissime docet. Idemque prosequitur cap. 18. ubi refert sententiam Pelagii dicentis prænovisse Deum in sua æternitate, qui essent futuri sancti, & ideo eos elegisse. Et hoc impugnat ex verbis Pauli ad Ephes. 1. dicentis. *Elegit nos ut essemus sancti, non quia futuri eramus sancti*, quod late prosequitur, & concludit. *Elegit ergo nos Deus in Christo ante mundi constitutionem prædestinans in adoptionem filiorum, non quia per nos sancti, & immaculati futuri eramus, sed elegit, prædestinavitque, ut essemus, &c.* Et infra sic inquit. *Ex hoc proposito est illa electorum propria vocatio, quibus omnia operantur in bonum.* Quod propositum non est certe conditionatum sed absolutum, quo Deus statuit sanctitatem, vel vocationem congruam ad illam illis, quos gratuito elegit, ex quo proposito non conditionata, sed absolute præscientia sequitur secundum rationis ordinem. De hac ergo scientia Augustinus ibi loquitur, nec de conditionata verbum ibi habet, multoque minus decretum conditionatum insinuat. In cap. autem 19. doctrinam, quam contra Pelagianos tradiderat, contra Semipelagianos applicat. Hi enim dicebant elegisse nos, ut essemus sancti, quia prævidit, nos ex nobis futuros esse credentes. Ipse autem urget contra illos eadem testimonia, etiam elegisse nos Deum, ut essemus fideles, non quia prævidit credentes nostro arbitrio, sed ut sua gratia nos faceret credentes, & ita in suo proposito, & electione prævidit fidem nostram futuram, non ante illam.

Augustini adhuc videtur oppositus, at patet non esse quia non de conditionata, sed de absolute scientia loquitur.

6. Sed instare possunt, quia eadem ratio, & proportio, quæ est præscientiæ absolute ad decretum absolutum, est etiam præscientiæ conditionatæ ad propositum conditionatum; ergo licet Augustinus in illis locis loquatur de scientia, & decreto absolutis, inde sumitur efficax argumentum ad conditionata. Consequentia est clara, & antecedens probatur, quia ideo scientia absoluta supponit propositum, quia effectus præscitus debet esse effectus propositi, sed idem effectus etiam debet esse effectus propositi sub conditione: ergo est eadem ratio. Unde e contrario sequitur, si consensus, verbi gratia fidei, prævidetur sub conditione si detur talis vocatio, & ante omne propositum Dei, etiam conditionatum, non prævideri, ut effectum saltem physicum, & proprium voluntatis Dei, ac

Instans sumitur de proposita absolute scientiæ ad conditionatam.

subinde præsciri, ut effectum futurum ex sola voluntate hominis. Quod si hoc concedatur, sequitur alterius Augustinum nihil contra Semipelagianos effecisse, quia ille bonus usus futurus erit physice a sola voluntate hominis credituri, & ita poterit esse meritum, & ratio totius prædestinationis.

Rationis
disparitas

7. Ad replicam responderetur in primis, non esse eandem rationem de præscientia absoluta, & conditionata. Nam absoluta est de re futura in aliqua differentia temporis, & ideo necessario supponit in Deo liberum decretum proportionatum effectui prævisi, quia non potest esse futurum, nisi per voluntatem, aut cum voluntate Dei, & ita absoluta præscientia effectus absolute futuri necessario supponit in voluntate Dei determinationem ad talem effectum producendum. Futura autem sub conditione tantum, ut sic præcise spectata, non sunt de facto futura in aliqua differentia temporis, & ideo non necessario supponunt decretum eum actuali determinatione voluntatis Dei, quia illud futurum, ut sic, adhuc manet in statu possibilitatis. Secundo vero addimus, hanc scientiam conditionatam necessario includere in objecto suo adequato decretum Dei, non ut jam præexistens in voluntate Dei, sed ut comprehensum objective sub conditione illa, sub qua futurum illud proponitur. Ut verbi gratia cum dicimus Deum præscire, quod si homo ita vocetur ad fidem, consentiet, non est sensus, quod consentiet suis viribus solis, sed quod adjutus tali vocatione, & cooperante etiam physice gratia adjuvante, quæ cum illa offertur, & concurrente etiam Deo per influxum generalem gratiæ. Condicio ergo hæc omnia includit, & consequenter includit propositum Dei dandi, vel offerendi hæc omnia cum ipsa vocatione, & tunc dicimus præscire voluntatem hominis etiam esse cooperaturam, & sic præscire Deum sub tali conditione consensum hominis.

Nullum
inconve-
niens se-
quitur ex
posita
doctrina.

8. Unde non sequitur cognoscere Deum illam consensum, ut effectum voluntatis, & non gratiæ, nam præscitur, ut effectus futurus a voluntate præventa, & adjuvata gratia. Nec etiam sequitur sciri, ut effectum gratiæ solum in genere causæ moralis, quia licet futurus sit a gratia proveniente tantum moraliter, etiam præscitur esse futurus physice a gratia cooperante, seu adjuvante, quamvis non prædeterminante. Denique non sequitur inefficacem discursum August. ex testimoniis Scripturæ contra Pelagianos, & Semipelagianos. Cum enim tam sanctitas ipsa, quam initium sanctitatis, vel fidei, vel voluntas credendi sit effectus divine electionis, & propositi, optime infertur non posse esse causam ejus, etiam ut prævisam, quia ut prævisa per absolutam scientiam procedit ex vocatione data ex proposito, atque ita supponit gratuitum Dei propositum: ut prævisa autem tantum sub conditione non potest habere rationem meriti, ut in eodem lib. late probat idem August. contra Semipelagianos. Et præterea etiam, ut sic prævisa voluntas credendi non prævidetur, ut effectus solius liberi arbitrii, sed ut effectus vocationis dandæ ex proposito, non quia in Deo supponatur, sed in conditione ipsa includatur, ut declaravi. Unde tantum abest, ut ex illa doctrina Augustin. præscientia conditionata excludatur, ut potius necessaria consecutione inferatur. Nam in illis capitibus eo pervenit Augustin. contra dictos hæreticos, ut fides sit ex vocatione, & non e converso, & quod vocatio illa debeat esse ex proposito. In aliis autem locis ejusdem libri, & aliis supra allegatis docet vocationem ex proposito esse illam, quæ datur, prout Deus novit congruere homini vocato, ut vocantem non respuat: hæc autem præscientia conditionata est, & ante omne decretum Dei liberum præexistens in Deo ut probavi: ergo juxta discursum Augustin. non repugnat hæc præscientia prædestinationi, sed ad illam est necessaria. De qua re dicemus plura in l. 5. cap. ult.

August.
in duobus
aliis locis
de scientia
Dei ex
supposi-
tione lo-
quitur.

9. Neque efficaciora sunt alia duo testimonia ex Epistolis 105. & 107. nam evidenter in eis loquitur Augustinus de præscientia operum futurorum in tempore, atque adeo de præscientia absoluta, non de conditionata. Possumus autem illa testimonia retorquere, quatenus in eis, præsertim in priori, docet August. bona opera, quæ Deus speciali gratia facit in ho-

bis, præsciri a Deo, supposita ejus electione, seu prædestinatione, opera autem mala non ita cognosci. Si enim hoc verum est in absoluta præscientia, etiam erit verum in scientia conditionata: ergo saltem illa non possunt cognosci in decreto absoluto ex parte Dei: licet sit ex parte objecti conditionatum: quia neutro modo potest Deus ex se velle, aut prædestinare peccatum. Nec valet distinctio de peccato pro materiali, vel pro formali, quia Augustinus etiam de ipsa voluntate non credendi negat esse ex proposito Dei. Præterquam quod non potest habere locum illa distinctio ubi malitia est inseparabilis ab actione prædestinata, seu prædefinita, ut jam probatum est, & in l. 3. iterum est dicendum.

Testimo-
nia Aug.
retorque-
tur.

10. Quocirca ante præscientiam conditionatam futuri operis pravi non solum non est necesse, ut antecedat in Deo decretum, in quo possit tale decretum sic præsciri, verum etiam neque in conditione ipsa potest objective includi tale propositum. Quamvis enim necesse sit ibi includi aliquod decretum Dei, quia sine aliqua libera Dei determinatione non potest aliquis effectus esse futurus: nihilominus non potest illud decretum esse tale, ut in illo cognoscatur esse futurus, sive absolute, sive sub conditione, servata proportionem, & partitionem, quia neque ante, neque post scientiam conditionatam, neque in ipsa, seu objecto ejus potest dari decretum prædefiniens actum, sed permittens, & offerens generale concursum, in quo solo non potest cognosci futurus actus, nisi simul cognoscatur determinatio, & cooperatio libera voluntatis hominis, ut præfens objective vel simpliciter, vel sub conditione. In bonis autem licet ante scientiam conditionatam non possit antecedere propositum præfinitivum, & omnino absolutum ex parte Dei, ne libertas ledatur, tamen supposita conditionata scientia, potest optime antecedere ante absolutam præscientiam ejusdem futuri: quia cum sit de bono objecto non repugnat Deo, & cum supponat usum libertatis prævisum, non tollit illum, sed purificat conditionem, & illi accommodat vocationem, per quam infallibiliter, & libere compleatur, ut latius in libr. 5. dicturi sumus.

Ante con-
ditionatam
scientiam
pravi
operis,
vel in ip-
sa obje-
ctive non
datur in
Deo de-
cretum.

C A P U T V.

Deum habere conditionatam scientiam futurorum ante decretum liberum suæ voluntatis secundum rationis ordinem, nec posse talem scientiam in tali decreto fundari, ex eisdem Scripturæ, & Patrum testimoniis ostenditur.

1. **N**on possumus ratione confirmare sententiam nostram, nec modum, quo talis scientia in Deo est concipienda, explicare, nisi prius hoc punctum, in quo ab auctoribus prioris sententiæ, qui nobiscum in asserenda ipsa scientia conveniunt, dissentimus, diligenter expendamus, quod maxime ex eisdem testimoniis Scripturæ, & Patrum a nobis præstandum est, & obiter aliquas rationes attingemus. Dicimus ergo eisdem testimoniis tam Scripturæ, quam sanctorum Patrum posse sufficienter probati hanc præscientiam, quæ in Deo est, non fundari in decreto libero Dei, sed esse priorem illo secundum rationem, vel etiam secundum illum modum dependentiæ, vel independentiæ, qui inter actus solum ratione distinctos inveniri potest, quia nimirum potest talis præscientia esse sine tali proposito, vel omnino, vel saltem illo, ut priori, in quo fundatur.

Assertio
nostra.

2. Hoc probamus primo ex verbis illis Christi, *Sed in Tyro, & Sidone, &c.* nam supponendo quod sint dicta ex certa præscientia conditionata, ut illi auctores, cum quibus nunc disputamus, admittunt, nullum potest cogitari propositum Dei liberum, & secundum rationem antecedens, in quo illa nitatur. Respondent ante illam scientiam habuisse Deum propositum ex parte sua absolutum, & efficax, licet conditionatum ex parte objecti dandi hominibus Tyri, & Sidonis auxilium efficax ad agendam poenitentiam, si in eis talia signa fierent (quidquid tale auxilium efficax sit).

Probat
ex Evan-
gelio.

fit) & in illo proposito cognovisse illam conditionalem quia ratione illius habebat infallibilem veritatem, neque aliter illam habere potuisset. Sed, ut omittam, tum quia tale propositum conditionatum, & liberum in tali casu, & materia gratis confingitur; tum etiam quod ille modus præscientiæ repugnat cum contingentiæ veritatis cognitæ; de quibus in discursu capitis generalius dicemus: specialiter repugnat illa responsio intentioni Christi in illo loco, & circumstantiis prædictionis ejus. Quia sic immerito Christus exprobrasset Judæos comparatione gentilium, si isti essent convertendi per aliud auxilium, quo non dabatur Judæis, sine quo non stabat Judæos converti: sic enim Judæi justam responsionem habuissent, qua reprehensionem declinarent, & causam disparitatis in ipsam Christum rejicerent. Quin potius dicere possent frustra, & fecte tantam vim in signis, & virtutibus posuisse, etiam si conjunctas haberent inspirationes illis externis signis proportionatas, si alia Dei voluntas absoluta non accederet, per quam voluntas audientis determinetur, quia sine hac parum illa omnia valent, & hæc sine tot signis, & virtutibus sufficeret.

3. Igitur sistendum est in illis virtutibus, & prævenientibus auxiliis, quæ Judæis data sunt, ita ut illa verba Christi, *Si in Tyro & Sidone factæ essent virtutes, quæ factæ sunt in te*, præcise, & exclusive intelligantur: nam si aliquid aliud, & efficacius dandum Tyriis, & Sidoniis Christus subtrahit, non est sincere loquutus, nec justam objurgationem Judæis objecit. Sed ad hoc etiam respondent objurgatos comparatione gentilium, non quia non fuisset tunc majus, & efficacius internum auxilium dandum gentibus, sed quia Judæis indigniores ad illud recipiendum se reddiderunt. Hæc autem responsio textui, aut intentioni Christi consentanea non est: quia non de prioribus peccatis, sed de præsentī obduratione, & incredulitate eos objurgabat: neque reprehendit Judæos propter præcedentia peccata, ut prius commissa, sed propter duritiam cordis, & firmam ad sua peccata adhæSIONem voluntariam, quam tunc habebant, & quam non habuissent Tyrii, & Sidonii, si apud illos signa fierent. Præterquam quod illa evasio non potest accommodari ad auxilium efficax, quacunque ratione explicetur. Nam si consistat in physica Dei prædeterminatione, vel in sola absoluta Dei voluntate, neutra pendet ex dispositione hominis, ut lib. 5. ostendimus, & ideo nec datur propter dignitatem hominis, nec propter indignitatem negatur. Et quamvis aliquod auxilium ex se efficax negaretur propter præcedens peccatum, hoc ipsum revocandum erit, juxta illam sententiam, in præviam voluntatem, & determinationem Dei, quam pro solo suo arbitrio facit; a qua semper sumi posset sufficiens excusatio talis exprobrationis, ut in l. 3. late dicemus. Si vero auxilium efficax consistit in vocatione congrua, hæc supponit scientiam conditionatam, ut in superiori capite dicebam, & quando vocatio non est efficax, id non provenit ex Deo, sed ex homine, & non provenit formaliter (ut sic dicam) ex præcedentibus malis meritis, sed ex actuali repugnantia, quam homo præbet vocationi. Hanc ergo prævidit Christus non fuisse futuram in Tyriis, & Sidoniis, & ideo vocationem, si daretur, futuram fuisse in illis congruam. Sed de his latius in citato loco l. 5. ubi August. & aliorum Patrum auctoritate vim, & efficaciam hujus loci confirmabimus, & has evasiones vanas esse ostendimus.

4. Secundo argumentamur ex alio principali loco, & revelatione facta Davidi. I. Regum 23. de adventu Saulis in Ceilam, si David ibi expectaret, & traditione virorum Ceilæ, si Saul veniret, supponendo, ut etiam dicti Auctores nobiscum admittunt, illam fuisse revelationem certam, & infallibilem ex scientia certissima illarum conditionalium veritatum. Nam illa scientia non potuit fundari in decreto libero Dei, quandoquidem effectus non erat aliquando futurus vere, & secundum actualem existentiam, ut per se patet. Neque etiam potuit illa scientia supponere decretum conditionatum: quo nimirum Deus ex se simpliciter prædefinierat, ut si David expectaret, Saul veniret, & si Saul veniret, Ceilicæ traderent David. Nam,

ut omittam alia, quæ generatim dici possent de otiositate, ut sic dicam, & indecentia talium decretorum conditionalium, quæ neque in Scriptura, neque in effectibus divinæ providentiæ fundari possunt: in hoc particulari casu, & similibus est specialis repugnantia, & indecentia contra divinam bonitatem. Quia actiones illæ, vel Saulis veniendi ad capiendum David Ceilæ permanentem, vel Ceilitarum tradendi David in manus Saul, erant peccaminosæ, & contra justitiam: ergo contra bonitatem Dei est dicere, Deum ex se decrevisse movere Saulē, & Ceilitas, vel excitando, vel prædeterminando voluntates eorum, sive ad volendum obsidere civitatem in odium, & comprehensionem David, sive ad volendum tradere David obsessum in manus injustissimi persecutoris.

5. Respondere solent, hoc non esse inconveniens respectu illarum actionum pro materiali, quia non oportet, ut Deus illas præfiniat formaliter, quatenus peccaminosæ sunt, quod solum divinæ bonitati repugnat. Quia, ut dicti auctores censent, non solum sub conditione, sed etiam absolute prædefinit Deus omnes actiones liberas peccaminosas, quæ in quovis tempore fiunt, & voluntatem creatam ad illas prædeterminat, prout actiones reales, & libere sunt, licet non, ut sunt malæ, seu deficientes. Nos vero imprimis credimus repugnare hoc maxime divinæ bonitati, quia cum malitia sit inseparabilis a tali actione hic, & nunc circa talem materiam libere facta, impossibile est Deum ex se velle determinare voluntatem hominis hic, & nunc ad talem actionem circa talem materiam prohibitam, vel ex se recte rationi contrariam, quin consequenter, & moraliter velit quicquid cum tali actione necessario conjunctum est. Nam etiam naturalis philosophia docet, qui dat formam dare consequentia ad formam, & moralis docet eum velle malitiam, qui vult actum, a quo est inseparabilis malitia. Deinde credimus repugnare hoc Conciliis, & Patribus definientibus, Deum non prædestinare actiones pravas. Nam Concilium Arausican. can. 25. anathema dicit in eos, qui dicebant, aliquos esse ad malum prædestinatos a Deo. Quod de malo culpæ intelligendum est, & de prædestinatione ad illas actiones, per quas si fiant, inevitabiliter culpa committitur. Neque enim aliter poterat Deus homines ad malum prædestinare, nisi ad tales actiones eos prædestinando, & præparando, & ideo Prosper de ipsis actionibus, & affectibus liberis, quibus homines peccant, dicit ad object. Vincent. cap. 6. quod *sicut Deus non indidit malo Angelo illam voluntatem, qua in veritate non stetit, ita nec hominibus illum affectum, quo diabolus imitarentur, inseruit*, &c. 7. *nullo modo credendum esse hujusmodi homines in hanc desperationem ex Dei voluntate cecidisse*, &c. 10. inde probat Deum non esse auctorem alicujus malæ actionis, *quia ejus prædestinatio nunquam extra bonitatem, nunquam extra justitiam*. At certe actus peccati etiam pro materiali extra justitiam est: & infra alia afferemus.

6. Solent autem adversarii ad vitandam verborum invidiam, dicere præcognovisse Deum talem actum peccaminosum, si talis occasio occurreret, in sua permissione, seu in proposito, quod habuerat permittendi illum actum, & non dare auxilium efficax ad vitandum illum, si talis conditio impleteretur: & rationem reddit Bannez, quia voluntas creata, nisi a Deo efficaciter determinetur ad unum, infallibiliter deficiet circa quancunque honestam materiam. Sed hæc responsio de permissione mere negativa ex parte objecti talis divini propositi, id est, quod ad neutram partem velit de se determinare voluntatem, vel intelligitur de tali permissione, quæ supponat, seu includat positivam determinationem ad actum repugnantem præcepto, seu honestati. Si hoc secundum dicatur, hæc responsio non est alia a præcedenti, sed palliatur nomine permissionis, ne scandalizentur audientes, si dicatur Deum ex mera sua voluntate decrevisse determinare hominum voluntates ad actus peccatorum: unde illa, quæ dicitur permissio respectu malitiæ, revera non est permissio, sed virtualis volitio. Nam Deus juxta illum modum dicendi non tantum decrevit non dare

Assueti
respon.

Lenius re-
sponsum
excluditur
& impu-
gnatur.
Bannez 10.
p. 1. q. 4. ar.
13. ad 2.
contra 1.
& 4. c. 6. l.

2. probat,
ex veteri
apostamen-
to.
1. Reg. 23.

Nihil dā-
dū ethni-
cis quod
datum nō
ēi Judæis.

dare auxilium efficax ad honeste operandum, sed etiam decrevit dare motionem efficacem ad talem actum in tali materia, ex quo necessario resultat deformitas peccati: sequitur ergo per quandam connexionem, ac consecutionem ex illo decreto Dei: non est ergo sola permissio, sed virtualis prædefinitio ipsius malitiæ, & ideo mirum non est quod ex tali decreto, seu permissione cognoscatur infallibiliter peccatum futurum. At vero talis modus decreti, siue nomine prædefinitio- nis, siue nomine permissionis significetur, repugnat profecto divinæ sapientiæ, & bonitati. Sic enim dixit Prosper sentent. 14. ad Gallos, *Non esse catholicum dicere, quod qui non credunt Evangelicæ prædicationi, ex Dei prædestinatione & constitutione non credunt.* Multo profecto pejus est dicere, qui volunt, non credere ex Dei prædestinatione, & antecedente decreto efficaci habere illam voluntatem, etiam si dicant, malitiam illius voluntatis tantum esse permissam.

Alterum
distinguo-
nis mem-
brum re-
solvitur.

7. Si vero sit sermo de priori permissione negativa, in primis etiam illud est falsum, & quod Deus quando permittit peccatum ex se definiat non dare homini auxilium per se efficax, & necessarium ad vitandum peccatum. Repugnat enim hoc sufficientiæ gratiæ, & possibilitati non peccandi, & illi principio tradito a Patribus, & Concilio Trident. quod Deus neminem deferit, nisi prius deferatur ab ipso. De quo specialiter videri potest Chrysost. homil. 67. in Joann. præter ea, quæ in l. 3. & 5. de illo dicturi sumus. Deinde etiam posito illo modo permissionis, non potest in illa cognosci, quid faciat humana voluntas in tali eventu, sed solum quid non faciat. Probatur primo ad hominem, quia ut aliquid faciat, indiget prædeterminatione, & prædeliberatione Dei, sed Deus per illam negativam permissionem non deliberavit dare prædeterminationem ad oppositum actum, neque ad alterum oppositorum, ut supponitur: ergo ex vi illius decreti non potest cognosci, quid sit voluntas creata in tali occasione volitura. Secundo argumentor simpliciter, quia vel Deus in illa voluntate permittendi sistit omnino in negatione, ita ut solum velit non determinare ad actum bonum, neque ad malum, neque etiam offerre sufficientem concursum ad aliquem actum: & sic non solum non cognoscet in tali permissione aliquem actum futurum, sed potius cognoscet carentiam omnis actus non ut contingentem, sed ut necessariam; & consequenter non cognoscet futurum peccatum, quia talis carentia in tali homine non erit culpabilis, cum non sit in illius potestate habere actum; vel Deus permittendo non se habet adeo negative, quin quantum est ex se offerat concursum sufficientem quo voluntas aliquid velit arbitrari suo, & tunc impossibile est in tali permissione præcise spectata determinare scire, quid velit illa voluntas, quia illud decretum permissivum Dei tam indifferens est, sicut ipsa voluntas hominis, sed in voluntate hominis id non potest cognosci, ut maxime adversarii concedunt: ergo nec in tali decreto.

Magis im-
pugnatur
solutio
facta.

8. Et in hoc sensu falsum omnino est dicere voluntatem creatam infallibiliter determinari ad malum, nisi efficaciter prædeterminetur ad bonum: quia proinde est, ac dicere voluntatem creatam ex se, & natura sua esse determinatam ad malum, quod secundum fidem dici non potest. Sequela patet, quia vel voluntas non prædeterminata potest se ad aliquid determinare, vel non potest? Si non potest: ergo licet non prædeterminetur ad bonum, ex vi illius negationis non determinabitur ad malum, nisi ad illud prædeterminetur, sicut etiam e contrario licet non prædeterminetur ad malum, non determinabitur ad bonum, nisi ad illud prædeterminetur: ergo de se est indifferens ad utrumque: neque in sola negatione prædeterminationis ad bonum potest esse certa determinatio ad malum. Vel potest voluntas sine prævia determinatione ad aliquid libere determinari, & tunc etiam si non prædeterminetur ad bonum, poterit simpliciter ad illud determinari, & non ad malum, alias aperte sequitur illam de se esse ad malum determinatam, nisi per contrariam prædeterminationem deri- neatur, & quasi a sua naturali inclinatione extrahatur, quod dici nullo modo potest, nec ratione crea-

tionis ex nihilo, quia est contra bonam naturæ inclinationem: nec ratione peccati originalis in nobis, quia est incidere in errorem in præcedenti prolegomeno reprobato, quod peccatum originale abstulit libertatem ad operandum bonum.

9. Tercio possumus similem probationem sumere ex aliis testimoniis Scripturæ, quibus veritatem huius scientiæ confirmavimus. Ex quibus tertium omitto, quia in illo facile dici potest, decrevisse Deum tenere, & mutare cor Regis Babylonis, si Sedecias se illi dedisset: quamvis enim id probari non possit, neque etiam a nobis improbari potest, quia potuit Deus id decernere absolute, quia sine peccato fieri poterat, & postea posset idem facere sine læsione libertatis per aliquam motionem, & cogitationem congruam. Omisso ergo illo loco, alter ex Actibus videtur satis efficax, virtute enim continet conditionalem hanc propositionem a Deo revelatam, *Licet maneat, & prædicet in Hierusalem, non credent:* hæc autem non potuit cognosci in decreto absoluto, quo Deus ex se, & ante omnem præscientiam efficaciter decreverat, ut illi non crederent, etiam si illis Evangelium prædicaretur. Alio- qui veritas illius conditionalis redaceretur in voluntatem Dei, ut in causam propriam, & primariam, non in voluntates proprias talium hominum, atque ita vere dicere possumus: ideo Judæi Hierosolymis existentes non crederent, etiam si Paulus illis prædicaret, quia Deus decreverat, ut non crederent. Hoc autem nihil aliud est, quam dicere homines ex Dei prædestinatione non credere, quod a Prospero in sentent. 14. ad cap. Galior. supra citata damnatum est. Non ergo ideo Deus vidit illos non fuisse credituros prædicanti Paulo, quia ipse facturus erat, ut non crederent, etiam si Paulus prædicaret: non credere enim aut nolle credere non est opus Dei, nec objectum dignum divini decreti absoluti; prævidit ergo ante ullum tale decretum illos sua mera voluntate non fuisse credituros, si talis conditio poneretur.

Aliis Scri-
pturæ tes-
timoniis
nostra scien-
tiæ præ-
batur.

10. Scio hic etiam esse dicturos antecessisse decre- tum, non quo Deus voluit facere, ut non crederent, sed quo voluit non facere, ut crederent. Sed hoc vel nihil est, vel in idem revolvitur: nam si velle non fa- cere, ut credant nihil aliud sit, quam nolle dare ex- traordinarium auxilium, quod esset congruum, vel quod alio quovis modo faceret, ut crederent, non es- set tamen de se simpliciter necessarium ad credendum, sic facile admitti potest habuisse Deum tale decretum, tamen illud non sufficit, ut in eo infallibiliter prævide- ret Deus illos homines non fuisse credituros prædican- te Paulo, quia sine tali auxilio haberent homines suffi- cientem vocationem, & auxilium, quo posset cre- dere si vellent: ergo etiam si non essent habituri ma- jus auxilium ratione prædicti decreti, & illo stante adhuc erat contingens, & de se incertum, an illi es- sent credituri, nec ne: ergo in illo decreto non pote- rat incredulitas illorum infallibiliter prævideri. De- claratur, nam hæc conditionalis, si Deus decrevit non dare copiosius auxilium ad aliquem actum, quam sit ad illum necessarium, non fiet: non est vera ex vi il- lationis, quia non repugnat fieri cum solis necessariis, & quia ex negatione causæ non adæquatæ, seu non ne- cessariæ non sequitur negatio effectus. Ergo si illud de- cretum solum est de non dando auxilio extraordinario, seu copiosiori, quam sit necessarium simpliciter ad credendum, ex illo non inferitur per necessariam con- sequentiam negatio credendi: ergo nec potest in illo decreto infallibiliter videri. At si decretum illud fuit de non dando auxilio simpliciter necessario ad cre- dendum, profecto illud decretum fuit faciendi, ut illi homines non crederent, quia negatio actus non fit per positivam actionem per se loquendo, & ex vi ne- gationis, sed fit per ablationem causæ, vel influxus necessarij ad actum: ergo si Deus ex se supponitur ha- buisse decretum non dandi auxilium necessarium ad credendum plane supponitur decretum, quo statuit facere, ut non crederent eo modo, quo hoc factibile est. Quod si cum illa negatione jungitur voluntas non credendi, hæc non poterit prævideri in solo decreto pure negativo ex parte objecti, sed oportebit addere decretum determinandi voluntatem hominis ad vo- len-

Dilutio
impugna-
tur.

lendum non credere, quod plus est, quam velle facere, ut non credant, & magis Deo repugnare in praecedenti testimonio declaratum est.

Probat
nostra do-
ctrina ra-
tione ab
auctorita-
te Patrum
supra jam
cita.

II. Quarto ad hunc modum induci possunt caetera testimonia, non solum, quae ex Scriptura, sed etiam quae ex Patribus allegavimus; possumusque omnia ad hoc argumentum reducere. Omnis conditionalis propositio de futuro actu libero est de actu malo, aut de bono, & de utroque actu Deus habet talem praescientiam certam: sed malus non potest in decreto antecedente praesciri, & ut cognoscatur bonus, vel non est necessarium decretum, vel illudmet decretum, ne tollat libertatem, debet supponere conditionatam scientiam alterius veritatis. Majorem admittit adversarii, cum quibus nunc disputamus, & probata est omnibus testimoniis in duobus praecedentibus capitibus adductis. Minor, quoad primam partem de actibus malis, probata est in secundo, & tertio testimonio proxime ponderatis, quia tale decretum non potest esse mere permissivum, sed necesse est, ut sit praedestinativum, vel, quod idem est, praedefinitivum, saltem ipsius actus, qui vocatur materiale peccati, ut a me satis probatum est. Repugnat autem, ut decretum Dei sit praedestinativum actus mali, nam praedestinatio mali, etiam pro materiali, non potest Deo tribui, ut probavi. Et addi potest alia sententia Prosperi sexta ad Gallos, in qua dicit non esse Catholicum, qui asserit *praedestinationem in homine operari, sive ad malum, sive ad bonum*. Nam praedestinatio semper in bono est, quae peccatum *sola voluntate commissum, aut remittendum novit cum laude misericordiae, aut puniendum cum laude justitiae*. Unde recte dixit Fulgentius libr. 1. ad Monimum capit. 13. *Possit aliquod peccatum ex praedestinatione Dei, si posset aliquis homo iuste peccare*. Quod eleganter prosequitur usque ad capit. decimo septimo: & simili modo possemus nos dicere. Possit actus peccati ex praedestinatione Dei esse, si posset iuste fieri, cum tamen inseparabiliter habeat adjunctam malitiam, nullo modo potest ex praedestinatione fieri, & consequenter nec in praevio decreto cognosci.

Probatio
ex argum.
ad homi-
nem.

12. Et quamvis de hac re in libr. 3. & 5. ex professo dicturus sim, nunc ad hominem libet argumentari. Quia D. Alvarez de hac ipsa scientia conditionata disputans, duplex Dei decretum distinguit, unum formale, & aliud virtuale: formale per se satis clarum est: virtuale vero esse dicit, quod in alio virtute continetur, quia in objecto ejus virtute, seu implicite clauditur, sicut in voluntate (ait) comedendi carnes in die Veneris includitur virtute voluntas offendendi Deum. Cum ergo ipse supponat haec decreta virtualia in Deo, profecto negare non potest, quin si Deus absolute praedestinavit, ac voluit, ut in tali oportunitate, & occasione, si occurreret homo, haberet consensum in objectum, cui inseparabiliter est annexa malitia, negare non potest, quin habuerit virtuale decretum ipsiusmet malitiae, nam virtute continetur in illo objecto formaliter volito. Admittere autem talem voluntatem in Deo, etiam virtutalem ex certa scientia, & cognitione omnium proprietatum, quae in illo objecto virtute, seu implicite continentur, profecto multum derogat divinae bonitati: non sunt ergo talia decreta circa tales actus malos in Deo admittenda. Et quod de a libus positivis dicimus, intelligendum etiam est de omissionibus actuum, etiam voluntariis, ac liberis, quando tales sunt, ut in individuo, & libere cum tali scientia, vel negligentia contra praeceptum suo modo sunt, inseparabilem malitiam habent: tunc enim eadem ratio versatur, ut inveniendi facile patebit.

Urge-
mus ad.
hoc ex
Patribus.

13. Hoc ergo fundamento firmissimo supposito, optime argumentamur ex testimoniis omnium Patrum, qui in Deo ponunt hanc scientiam conditionatam, etiam circa peccatum, & actum malum, & circa omissiones etiam malas, non enim possunt talia testimonia intelligi de praescientia supponente decretum praedestinans huiusmodi actus, quia hoc, & aliis eorum sententiis, & veritati multum repugnat: ergo sicut illa testimonia cum aliis ex Scriptura adductis in capite secundo de actibus peccatorum, probant

dari in Deo hanc scientiam, ita probant, non fundari in antecedente decreto, quia permissivum purum non sufficit, nisi vel supponat aliunde eandem praescientiam, vel aliquam voluntatem absolutam, ac praedeterminantem includat, ut probavi. Similiter idem docet Augustinus ubicumque ait Deum velle hominem justum in vita conservare usque ad illud tempus, in quo praescit cum peccaturum, & similia ponderata in capite praecedenti, in quatuor prioribus testimoniis Augustini. Nam illa praescientia non potest supponere decretum efficax ex parte Dei, etiam sub conditione ex parte objecti, quia eandem indecentiam & repugnantiam cum divina bonitate includit. Idemque est de illa praescientia, quod homo non sit consensus, licet vocetur, de qua loquitur Anselm. Matthae. sexto, quia etiam illa resistentia, seu negatio consensus est peccaminosa, nec potest Deus ex se illam velle, maxime cum sit contraria generali ejus intentioni. Possumusque in hunc modum hanc partem confirmare, primo quia Patres admittunt, & supponunt hanc conditionatam praescientiam peccati futuri sub conditione, etiam in electis, in quibus non permittit conditionem impleri, ne peccatum sub conditione praevium impleatur, & hoc attribuunt magnae gratiae Dei: ergo supponunt illud peccatum non fuisse futurum ex decreto ipsius Dei, sed ex pura fragilitate ipsius hominis, cui subvenit gratia: nam homo ex se non indigebat illa gratia, nisi a Deo ipso in illo conditionato discrimine (ut sic dicam) constitueretur. Unde cum Deus in secundo illo signo determinat tollere homini vitam, ne peccet, non tam illi gratiam concedit, quam impedit ne maleficium, quod erga illum cogitaverat, compleatur: quod est satis violentum remedium, magisque Deo dignum fuisset non imponere illi hominitali necessitatem peccandi, etiam sub conditione. Non est ergo ille modus providentiae Deo consentaneus, ac subinde non est ille sensus Patrum, sed plane supponunt hominem ex se, & cum communi concursu de se indifferente fuisse peccaturum, si viveret, & ideo ex misericordia praeveniri, ut potius praemature moriatur, quam postea peccet.

14. Secundo potest ulterius declarari, quia sicut Deus multos rapit, quos praescit fuisse peccatos, si viverent: ita etiam multos in vitam conservat, praesciens similiter esse peccatos, quod evidenter docet Augustin. in eisdem locis de Corrept. & grat. capit. 8. & de dono persever. capite nono & aliis: ergo sicut primum cognoscit in decreto conditionato, ita etiam hoc posterius: ergo sicut Deus rapit illum, ne cadat, ita hunc conservat, ut cadat: hoc autem absurdissimum est, & contra Augustinum libr. primo contra Julian. capit. octavo in fine dicentem: *Non ideo creat pecora in armentis, & gregebis impiorum, ut demonibus immolentur, quamvis hoc eos noverit esse facturos*. Quod ideo verum est, quia Deus non decrevit, ut impii immolarent pecora demonibus, nec facit, ut id faciant: nam si hoc ex se, & absoluta voluntate decrevisset, profecto etiam crearet armenta, ut illa sua voluntas impleteretur. Sic ergo nos dicimus, si Deus praesciret hominem, si vivat, commissurum esse actum peccati, quia ipse Deus ita determinavit sub eadem conditione, quando postea vult antecedens impleri, id est, hominem vivere, velle, ut homo ille cadat, & efficaciam sui primi decreti in illo ostendat: est ergo indignum Deo talia decreta ipsi tribuere. Unde Augustinus in verbis citatis quamvis de praescientia absoluta loqui videatur, tamen & supponere videtur conditionalem, qua Deus voluit creare armenta, etiam si praesciret, quod si illa crearet, essent immolanda demonibus: & ipsam scientiam absolutam talium peccatorum supponit non esse in decreto, quo Deus ante illam praescientiam absolute decrevisset, ut homines talia facerent. Nam si crederet in Deo esse tale decretum, non esset cur negaret, imo negare non posset Deum creare armenta talium hominum, ut materiam haberent, ex qua suum primum decretum infallibiliter impleverent.

Probatum
magis, &
declara-
tur ex Aug.
gust.

15. Tertio sunt maxime ponderanda testimonia, in quibus Patres rationem inquirunt, cur Deus homi-

Conditionatum decretum re-
pugnat di-
vinae boni-
tati, & li-
bertati, &
menti san-
ctorum ag-
grium cur
Deus præ-
sciens ho-
minem vel
Angelum
peccaturum
ipsi crea-
verit.

nem, vel Angelum creavit, quem præsciebat peccaturum? Nam in tali præscientia fingi non potest antecedens decretum conditionale, in quo fundetur. Opponitur enim supponere Deum prius ratione, quam absolute decrevisset creare Angelum, secum ita statuisse, si talem Angelum, vel hominem creavero, illum peccare permittam, illa utique permissione, quæ includat absolutum decretum determinandi voluntatem talis hominis, vel Angeli ad actum habentem annexam inevitabiliter malitiam peccati. Hoc suppono tanquam manifestum in illa sententia, quia nullum aliud decretum cogitari potest in illa sententia, ex quo inferatur infallibiliter illa conditionalis illativa, seu ex vi illationis, ut in illa sententia supponitur necessarium. Talis autem cogitatio habet repugnantiam ad divinam bonitatem, quam satisfunderamus, & statim per se occurreret cuilibet attente rem consideranti. Habet etiam difficultatem de necessitate peccandi, quæ inde sequitur, & est contraria libertati, ut ex prolegomeno præcedenti facile potest intelligi. Sed hæc prætereo, & in auctoritate Patrum insisto. Est enim illa cogitatio evidenter aliena a mente Sanctorum illam questionem, vel rationem inquirentium, nam si præscientia peccati sub conditione futuri supponit decretum illud, in quo ejus veritas, & illatio fundatur, potius querenda esset ratio, cur Deus tale decretum habuerit, nam ibi esset tota ratio admirationis, & difficultatis, & sine dubio esset maxima, & iudicio meo inexplicabilis, quomodo Deus, cum sit summe bonus & sapiens, sola libertate, & nulla occasione sumpta ex determinatione creaturæ, talem determinationem absolutam ex se habuerit. At Patres nullam questionem de hoc moverunt, nec rationem talis decreti dare tentarunt: ergo signum est illam præscientiam, quam supponunt, esse simplicem scientiam quasi naturalem in ordine ad decreta libera divina, quia ante illam supponitur, & ea non obstante decrevit Deus libere hominem creare, & illi præceptum imponere, & suæ libertati eum committere. Et hoc est primum decretum liberum, quod Sancti circa creationem hominis, vel Angeli ponunt, & ideo de illo solo rationem reddunt, cur illa præscientia ei non obstitit, quia malitia (inquiunt) hominis illo modo futura non potuit vincere bonitatem Dei, nec debuit puniri antequam fieret. Quæ rationes nullo modo accommodari possunt ad illud conditionatum decretum, ut constat: est ergo ille modus explicandi dictam præscientiam in illo casu alienus a mente dictorum Patrum, & per se incredibilis, cum nulla auctoritate nitatur, & sit de re obscurissima pendente ex sola libertate Dei, & habente alias difficultates, & incommoda, quæ insinuavimus.

Præscientia
quæ ante-
cedit con-
gruam vo-
cationem
est condi-
tionata.
Aug. q. 2.
ad Simplicem
de Spir.
de Inter. c. 34.
de Don.
persever. c.
14. Chrysostomus
hom. 31.
& 65. in
Evangelio.

16. Venio ad alteram partem de hac præscientia, prout a Patribus esse dicitur de bonis actibus sub conditione futuris. In quo imprimis considerata est illa præscientia, quam Sancti Augustinus antecedere supponit ad congruam vocationem nimirum, quia præscit Deus, quis modus vocationis erit congruus alicui, ut vocantem non respuat. Quod etiam aliis locis allegatis dixit Chrysostomus Deum aliquos ex gratia tunc vocare, quando eos scit obtemperaturos. Nam illa præscientia, ut ostendi, non potest esse absoluta, cum hæc sequatur ad propositum sic vocandi, ut constat: est ergo scientia conditionata: & non potest fundari in conditionato decreto. Primo, quia non fundant Patres congruitatem vocationis in decreto, sed in quadam attemperacione vocationis ad talem voluntatem taliter affectam, & tali tempore cum talibus circumstantiis præcognitam, quam Deus infinita sua sapientia intime prospiciens intuetur in tali opportunitate esse obtemperaturam, ut videre licet in Augustino locis allegatis, & præcipue in dicto capite de dono persever. ubi ex eo, quod Deus aliquos vocat, prout novit eis expedire, infert esse in aliquibus naturaliter munus quoddam intelligentiæ quo præmovereantur ad fidem, si congrua suis mentibus, vel audiant verba, vel signa percipiant. In qua illatione aperte sentit, veritatem illius conditionalis, Si iste ita vocetur, consentiet, non fundari in antecedenti decreto Dei prædeterminante, illud enim quocumque ho-

mine cujuscumque conditionis, vel ingenii semper erit efficax; sentit ergo Augustinus illam præscientiam nullum supponere decretum, a quo habeat vocatio illam congruitatem, sed hanc sumi ex coaptatione ad tale ingenium cum aliis conditionibus, quibus perspicis, Deus suâ infinita scientia veritatem futuri consensus intuetur.

17. Secundo idem probamus ratione, quia hæc conditionata scientia, quam Augustinus, & alii Patres supponunt ante vocationem, præcedit secundum rationem ad propositum absolutum dandi vocationem: ergo nullum aliud decretum supponit vel absolutum, vel conditionatum. Major evidens est ex testimonijis, & statim amplius probabitur. Consequentia vero quoad priorem partem de decreto absoluto probatur, quia vel illud esset in Deo per modum intentionis dandi homini consensum liberum in fidem vel quid simile: vel esset per modum executionis, ita ut eadem volitio sit effectio ipsiusmet consensus humani, vel saltem motionis prædeterminantis ad illum. Prior actus non solum esse potest in Deo ante præscientiam absolutam futuri consensus, sed etiam est probabile semper præcedere in actibus bonis, & maxime in supernaturalibus, quia potest illos Deus prædefinire, & prædestinare, antequam absolute præsciat illos esse futuros. Nihilominus tamen hæc prædefinitio Dei supponit præscientiam conditionatam in Deo, qua novit, quod si hominem efficaciter moveat, aut vocet tali modo, infallibiliter convertetur. Quam præscientiam negare non possunt adversarii, cum quia est per se necessaria ad talem actum intentionis absolutum prudenter habendum, quia nemo potest specialiter intendere, seu absolute velle consequi aliquem finem, nisi media, quibus illum consequitur est, habeat præcognita; unde ut intentio sit infallibilis, necesse est, ut media præcognoscantur, ut infallibiliter efficacia ad consequendum finem: hæc autem præcognitio sistit in hac conditionali, si usus fuero his mediis consequar finem, & in præsentem revocatur ad istam; si ita hunc hominem vocavero, consentiet: tum etiam quia dicunt auctores contrariæ opinionis consensum infallibiliter sequi ex motione physice prædeterminante: ergo antequam Deus habeat intentionem salvandi illum credentem, habet scientiam hujus conditionalis; si dederò huic talem motionem salvabitur, vel credet. Atque hinc facile probatur altera pars de decreto exequente, quia omne volitum est præcognitum, etiam in Deo, sed Deus vult dare illam vocationem, vel motionem ut congruam, & efficacem; ergo præcognovit illam ut talem: ergo antequam velit illam dare, præscit, quod si illam dederit, habebit effectum: quod ut probavi, negare non possunt etiam adversarii: unde quoad hoc solum est differentia, quia nos ponimus illam scientiam non ex vi illationis ex tali conditione, ipsi autem debent illam admittre ex vi illationis. Et ita quantum ad hoc punctum revocatur dissentio ad questionem de prædeterminatione physica tractandam libr. 3. post medium, & latius in libr. quinto per totum. Jam vero probatur prior consequentia quoad decretum conditionatum liberum, quod in Deo præcedere debeat ad talem scientiam, & primo in sententia adversariorum est evidens, quia scientia illa, quam declaravi, habetur ex vi illationis; unde pertinet ad scientiam simplicis intelligentiæ omnino necessariam: ergo nullum supponit decretum liberum: sicut scientia hujus conditionalis, si sol creatus fuerit, illuminabit, vel si voluerò creare mundum, incipiet esse, & quælibet similis est in Deo ante omne decretum liberum: non est autem minus necessaria illa conditionalis, in vi illationis, si dederò huic homini motionem prædeterminantem, consentiet: ergo etiam illa non supponit decretum liberum conditionatum, sed potius in suo objecto includit illud, non ut jam existens, quoad liberam determinationem cum respectu rationis, sed ut possibile nostro modo concipiendi: sicut intelligimus nunc fuisse in Deo possibile decretum liberum creandi alium mundum, quod de facto non fuit. In nostra vero sententia probatur, quia vocatio non habet, quod sit congrua a physica prædeterminatione; neque ex immedia-

Ratione
probat
quod con-
ditionata
nec condi-
tionatum,
nec abso-
lutum de-
cretum, etiam
secundum
rationem
antecedentem

diata efficacia antecedente divinæ voluntatis: ergo congruitas vocationis, seu efficacia ejus, ut possibilis, non pendet ex aliquo decreto libero Dei, etiam conditionato: ergo nec scientia de efficacia talis vocationis, si detur, supponit secundum rationem antecedens decretum conditionatum. Antecedens probamus, quia ille modus efficaciæ repugnat libertati, juxta dicta in præcedenti prolegomeno, & latius dicenda in libr. 5. Consequentia vero prima est per se evidens, quia nihil aliud est, scire hanc conditionalem esse veram: si hæc vocatio detur, homo consentiet, quam scire hanc vocationem cognitam ut possibilem, cognosce etiam ut efficacem possibilem: ergo si vocatio non habet hanc efficacitatem ut possibilem a libero decreto Dei, sine illo, & ante illud præscietur, quia omne, quod est possibile, præcognoscit Deus ante omne liberum decretum. Et nihilominus in objecto illius scientiæ includitur aliquod decretum Dei sub conditione, non tamen prædeterminans physice, sed offerens concursum concomitantem, ut supra declaravi. Et ita quoad partem etiam revocatur tota differentia quæstionum ad contrariam de concursu Dei prævio, vel concomitante, & de præveniente gratia physice prædeterminante, vel moraliter alliciente, & physice tantum cooperante, & consequenter erit differentia in decreto incluso in objecto illius scientiæ, seu in ipsa conditione, quale sit. Quod autem hoc decretum, ut in re ipsa existens, in Deo supponatur ad talem scientiam, in nulla sententia dici posse videtur.

18. Ultimo possunt ponderari testimonia Patrum, quia sicut dicunt præscisse Deum hominem justum esse lapsurum, si vivat, & per mortem prævenire illum, ne peccet: ita dicunt, præscire Deum, hominem prævium fuisse acturum poenitentiam, si viveret & nihilominus non vult concedere ei vitam, sed permittere, ut in peccato moriatur. Illa enim præscientia conditionata de poenitentia nunquam futura non potest fundari in decreto absoluto, ut per se constat: conditionatum autem ibi superflue fingeretur, & sane præter intentionem Patrum, Nam tale decretum solum esset hujusmodi: Si darem huic vitam, darem etiam poenitentiam. Quia tale decretum nec continetur in aliqua universalis promissione, vel ordinaria lege Dei, neque est necessarium secundum communem cursum providentiæ ad aliquem effectum ejus, neque habet aliquam utilitatem, vel rationem: ergo & frustra ponitur, ac sine fundamento, & incredibile est Patres fuisse loquutos de illa præscientia ex suppositione talis decreti liberi, cujus fundamentum, in quo nec vestigium in Scriptura, vel in effectibus, aut revelationibus Dei invenitur. Quam rationem infra latius prosequemur, nunc enim solum ad ponderanda testimonia Sanctorum illam attigimus.

CAPUT VI.

Quid de hac scientia conditionata Divus Thomas senserit.

1. Quoniam Auctores contrariæ sententiæ (ut solent) auctoritate Divi Thomæ imprimis muniantur, ideo in potissimis punctis hujus materiæ, & maxime controversis summa diligentia ejus mentem investigare conabimur. Primo ergo Divus Thomas non agnovisse scientiam hanc conditionatam vel omnem, vel saltem, quæ divinum decretum antecedit, ex principiis ejus colligunt. Primo quia Divus Thomas adæquate dividit scientiam Dei in liberam, & naturalem: sed hæc scientia conditionata nec libera dici potest, quia est in Deo sine decreto libero ejus, nec naturalis, quia simpliciter posset non esse in Deo si voluntas creata aliter esset volitura, ut posset etiam posita tali conditione: ergo est terra scientia, quam Div. Thom. non agnovit. Pro majori citatur Divus Thomas 1. par. quæst. 14. art. 9. 3. par. quæst. 10. art. 2. ad 2. & quæst. 13. art. 1. ad 2. libro 1. contra gent. cap. 66. & 69. in fine, quæstion. 3. art. 3. quæstion. 8. de Verit. art. 4. quæstion. 20. artic. 4. ad 1. in 1. distinct. 38. quæstion. 1. in 3. distinct. 14.

quæstion. 1. art. 2. quæstion. 2. in 4. dist. 49. quæst. 2. artic. 5.

2. Secundo quia juxta doctrinam D. Thomæ nullus est modus, quo possit Deus habere talem scientiam. Probatur, quia 1. par. qu. 14. art. 13. unicam tantum viam esse dicit, qua possit Deus cognoscere futura contingentia, scilicet in præsentia æternitatis, sed conditionata futura non potest cognoscere in præsentia æternitatis, quia nunquam futura sunt, & æternitas non coexistit nisi his, quæ in aliqua differentia temporis existunt: ergo in doctrina Div. Thomæ futura conditionata contingentia non possunt subesse certæ, & infallibili cognitioni. Minor cum consequentia videtur clara. Major patet ex D. Thom. 1. par. qu. 14. art. 13. Ubi distinguens duplicem statum futurorum in se, & in causis suis, ait in causis nullo modo posse certo cognosci, sed ad summum per conjecturam, prout autem unumquodque illorum est actu in se ipso, sic subdi cognitioni certæ, & infallibili: & quia ita attinguntur per æternum Dei intuitum, ideo certo præsciri, quia ejus æternus intuitus fertur super omnia, ut suæ æternitati præsentia; in quo discursu manifeste omnem alium medium cognoscendi futura contingentia excludit. Idem docet 2. 2. quæst. 171. art. 6. ad 2. & libr. 1. contra gent. capit. 67. ubi in ratione prima hanc sumit propositionem, *Contingens certitudinem cognitionis non repugnat, nisi sit futurum est, non autem ut præsens est*. Declarat autem solum esse præsens pro tempore, pro quo est, quæ præsentia locum non habet in re nunquam futura, & in toto illo capite explicat præsentiam per actualem existentiam, quæ in futuris conditionatis, ut sic, non intervenit. Idem habet in 1. distinct. 38. quæstion. 1. art. 5. & quæstion. secunda de Verit. artic. 12. ubi generaliter concludit contingens, ut futurum est, per nullam cognitionem, etiam divinam posse infallibiliter cognosci. Quod etiam tradit qu. 16. de Malo, art. 7. & ubique addit particulam exclusivam dicens, non posse futura contingentia certo sciri, nisi tali modo, utique ut præsentia dicto modo: ergo.

3. Et confirmatur primo hoc testimonium D. Thomæ, quia si semel admitatur præscientia hæc conditionata, aperte sequitur posse etiam absoluta cognosci alio modo, quam per præsentiam æternitatis, nimirum in aliqua causa proxima, vel remota, quod est contra eandem hypothesin positam in doctrina Div. Tho. Sequela patet, quia si Deus ante omne decretum liberum per simplicem intelligentiam videt hanc conditionalem esse veram, si Petrus in tali occasione cum talibus circumstantiis constituitur, libere loquitur: & in posteriori signo addatur decretum liberum, quo vult Petrum constituere in tali occasione & circumstantiis, eo ipso videt Petrum libere esse loquutum in illis quibus præmissis sine discursu ex parte sua: ergo jam videt futurum absolutum alio modo, quam per præsentialem existentiam ejus. Idem argumentum potest contra me fieri: nam supposita illa conditionali scientia, dico posse Deum prædefinire actum liberum futurum, saltem per modum intentionis absolutæ: ergo jam cognoscit Deus per absolutam scientiam in illo decreto Dei illum actum esse absolute futurum, cum tamen in illo signo nondum videatur illud futurum in se, ut præsens, quia nondum intelligitur decretum absolutum Dei, quo & conditio verificetur, & fiat effectus, sine quo non potest talis effectus videri ut præsens in æternitate.

4. Et confirmatur secundo, quia Divus Thomas 1. par. quæstion. 14. art. 13. ad secund. dicit veritatem conditionalis propositionis consistere in bonitate illationis: sed in istis conditionalibus propositionibus, de quibus tractamus, illatio non est bona: nam si esset bona, esset necessaria, & si esset necessaria jam futurum non esset contingens, sed necessarium, quod est contra hypothesin, & contra contingentiam, seu libertatem talium effectuum: ergo illæ propositiones vel sunt falsæ, vel saltem non sunt cognoscibiles ut veræ: ac subinde, juxta Divi Thomæ principia, Deus non agnoscit illas, quia sicut Deus non potest facere quod de se est impossibile, ita non potest scire quod de se non est cognoscibile, quia verum non est. Et hæc fere

1. Quia futura conditionata non cognoscuntur in præsentia æternitatis.

Confr. 1.

2. Confr.

Poenitentia nunquam futura, præscire non potest fundari in aliquo decreto.

1. Argum. contra nos, D. Thom. non agnovit scientiam conditionatam. Nam contr. 16. vel 56. paragr. 3. contra præscientiam decretorum ad modum futurorum.

fere sunt testimonia, quæ Thomistæ in hac causa allegant.

Uti supra.

5. Tandem quod hæc præscientia saltem esse non possit ante decretum absolutum ex parte Dei cum conditione ex parte objecti, probatur argumento jam supra facto, quia eadem est proportio futuri conditionati ad decretum conditionatum, quæ est futuri absoluti ad decretum absolutum, sed futurum absolutum non potest a Deo sciri, nisi prævio absoluto decreto in voluntate Dei: ergo nec conditionatum sciri potest, nisi prævio conditionato decreto. Consequentia clara est, & Major ex paritate rationis videtur nota. Minor autem probatur ex D. Th. in 1. d. 39. q. 1. ar. 1. ad 5. ubi loquens de scientia absolutarum futurorum contingentium, ait, *Scire secundum rationem sequitur voluntatem*, & art. 2. ad 1. dicit, quod scire Deum est subjectum voluntati ipsius, unde supponit illam.

Vera assertio conditionata indicatur, & supponitur ab angelico Doctore, & nulli illi refragatur.

6. Nihilominus assero in doctrina D. Thom. nihil inveniri huic sententiæ contrarium, imo interdum illam indicare, vel supponere. Ut hoc ostendam, distinguo duo, quæ in hoc puncto semper sunt separanda, scilicet an sit talis scientia in Deo, & quomodo, seu quo medio sit. Priorem ergo partem, scilicet non ignorasse D. Thom. hanc scientiam simpliciter, & quoad an est colligimus ex 3. p. qu. 1. art. 5. ad 2. ubi tractans Div. Thomas rationem Augustini, cur Christus tali tempore voluit incarnari, & Evangelium prædicari, quia præcivit tunc fuisse plures in eum credituros, illius occasione attingit etiam locum Matth. 11. de Tyriis, & Sidoniis, & cum eodem Aug. 1. de don. persever. cap. 9. sentit verba illa Christi dicta fuisse per absolutam revelationem penitentiarum, quæ futura erat in Tyriis, & Sidoniis, si conditio illa in eis fuisset impleta: & occulto iudicio divinæ prædestinationis tribuit, quod, non obstante illa præscientia, non fuerint talia signa apud illos facta. Unde super c. Matth. 11. de propria præscientia exponit locum illum, unde infert ex illis Christi verbis convinci errorem dicentium, non salvari, nisi eos, quos præcivit, quia converterentur si prædicaretur eis. *Nam hoc* (inquit) *excludit dicens, quod Tyriis, & Sidoniis maluerit*, utique quamvis credituri essent, si audissent, *quia non iudicabit Deus illos ex his, quæ facerent, sed ex his, quæ fecerunt*, ut ibidem cum August. subiungit, Supponens semper non deesse Deo talium operum scientiam, sed in ipsius operibus deesse rationem meriti, & demeriti, nisi in aliqua differentia temporis futura sint. Potest etiam idem D. Thom. allegari in 3. p. q. 1. art. 3. ad 4. ubi dicit, *prædestinationem supponere præscientiam futurorum*, quod de hac præscientia optime intelligitur, nam absoluta præscientia futurorum potius sequitur ad prædestinationem, maxime juxta sententiam Thomistarum. Sed ille locus, ut ibi notavi, incertus est. Item allegatur D. Th. in eadem qu. ar. 2. & 6. ubi rationem decreti, quod Deus habuit, ut incarnatione nec statim in principio mundi fieret, nec in finem ejus reservaretur, sumit ex præscientia futurorum effectuum liberorum, qui essent in humano genere, si aliquo ex illis extremis temporibus Christus carnem assumeret, vel non sumeret. Quæ præscientia si rite dubio conditionata est, quia, & præintelligitur ante decretum de tempore futuræ incarnationis, & sub conditione si tali, vel tali tempore fiat, & multi ex illis effectibus de facto non evenerunt, quia conditio non est impleta, v. g. præcognovit Deus fidem esse penitus obolendam in mundo, si differretur incarnatio usque ad finem ipsius mundi, quod tamen postea non evenit, quia conditio impleta non est. Oportet etiam scientiam esse certam, alias providentia Dei, quæ in illa fundatur, non esset certa. Denique oportet præscientiam non esse confusam, sed distinctam, & claram, & ideo determinate & in particulari præcivit Deus in quibus, & quomodo tales effectus evenirent, si incarnatio ante ea, vel tardius fieret.

2. Probat. respondendo primo objectioni.

7. Secundo probatur nihil esse in doctrina D. Tho. quod huic scientiæ repugnet, quod fiet sufficienter respondendo ad primam objectionem contrariæ sententiæ, quæ in hoc sensu maxime procedit: reliquæ nam magis attingunt partem alteram de modo talis scientiæ. Primo ergo negamus repetiti in D. Thom. in lo-

cis, quæ ibi allegantur, divisionem scientiæ divinæ in naturalem, & liberam: non enim in D. Thoma verba illa inveniuntur. Sed dividit D. Thomas illis locis scientiam Dei in scientiam simplicis intelligentiæ, & visionis, sub quibus verbis in aliis locis quam plurimis eandem divisionem repetit, nunquam sub prioribus de scientia naturali, & libera. Arguens autem nomina mutavit, ut aliquam speciem difficultatis haberet objectio tacite supponens verba esse æquivalentia, cum tamen neque revera sint, neque ex doctrina Div. Thom. id probari possit. Admissa ergo divisione illa sub verbis D. Thom. negatur consequentia, nam illa adæquata est, & scientia conditionata, simpliciter loquendo, sub scientia simplicis intelligentiæ continentur, sive libera, sive naturalis appelletur, quia scientia simplicis intelligentiæ, formaliter non habet quod sit talis ex eo, quod sit libera, vel necessaria, sed ex eo, quod est de rebus possibilibus, seu abstractivibus ab existentia in aliqua differentia temporis futura, & ideo invenitur in Deo ante omne decretum liberum de rebus aliquando futuris. Et hoc totum convenit in conditionatam scientiam, quia licet per illam videatur effectus contingens non tantum ut contingens, sed etiam ut determinatus ad alteram partem ex hypothesi, tamen quia illa hypothesi nondum supponitur futura ex aliquo decreto Dei, totum id manet sub esse possibili, & ideo tota illa cognitio ad simplicem intelligentiam pertinet. Unde neque illi doctores, qui admittunt hanc scientiam conditionatam, saltem in decreto conditionato, loquuntur ad mentem Divi Thom. dum dicunt talem scientiam esse scientiam visionis, quia D. Thom. nunquam posuit scientiam visionis circa res nunquam futuras, neque in illa differentia temporis habituras existentiam, ut in locis citatis videri potest: at vero hæc scientia esse potest de rebus nunquam de facto futuris, ut de penitentia Tyriorum, de traditione Ceilitarum, & similibus. Igitur ex divisione illa, prout a D. Th. traditur, nullum argumentum sumitur.

8. Admissa tamen divisione sub illis verbis libera, & naturalis supponendum est scientiam Dei non posse dici liberam ex parte ipsius scientiæ, prout nostro modo intelligendi est quasi elicitus actus a Deo quia determinatio scientiæ Dei ad talem respectum, sub quo dicitur scientia hujus, vel illius rei, non subditur libertati Dei, sed supposito objecto, quasi resultat naturaliter. Quod ita declaratur ex his, quæ in nobis accidunt: nam actus tantum duobus modis potest esse liber, scilicet ut formaliter, seu elicitive, vel denominative ex imperio alterius actus: priori modo est liber actus voluntatis, non vero actus intellectus, sed ad summum posteriori modo. Sic ergo in Deo seclusa imperfectione elicientiæ, seu efficienciæ actus determinatio actus voluntatis Dei est per se formaliter libera, nam proposito eodem objecto, potest per se ipsam voluntas Dei ad illud determinari, vel non determinari: intellectus vero non est sic formaliter liber, nec potest etiam determinari ex motione voluntatis suæ, quæ circa ipsum intellectum versetur, quasi applicando illum ad talem determinationem, quia cum omnis scientia Dei sit clara, & evidens, & sit purissimus actus, neque quoad exercitium, neque quoad specificationem (ut more nostro loquamur) potest pendere ex motione voluntatis. Loquendo ergo de propria libertate actus ex parte operantis, nulla est in Deo scientia libera, sed ipsa etiam visionis est naturalis, non simpliciter, sed præsupposito objecto, sicut calefactio ab igne est naturalis, supposita tamen materia applicata, circa quam versari possit: & ita etiam non procedit argumentum. Quia vera objecta scientiæ divinæ quædam sunt necessaria, alia vero ex se non habent necessitatem, sed contingentiam, ideo ex parte objectorum admitti potest illa divisio. Inter objecta autem non necessaria, quædam sunt talia per se determinatam habitudinem ad voluntatem creatam, nullo supposito decreto libero voluntatis Dei. Potest ergo uno modo dici libera omnis scientia, cujus objectum de se non est necessarium, sed posset non esse, sive hoc habeat ex habitudine ad voluntatem creatam, sive ad voluntatem Dei, & sic omnis scientiæ.

Declaratur quomodo modo conditionata possit dici libera vel naturalis.

scientia contingentium, sive conditionata, sive absoluta, dicitur contingens, & a naturali distinguitur. Potest item restringi nomen scientiæ liberæ ad illam scientiam, quæ versatur circa objectum futurum ex libero decreto Dei, quia propriè non dicitur alicui liberum, nisi quod aliquo modo pendet ex voluntate ejus quoad esse, & non esse, & sic omnis scientia conditionata, quæ non pendet ex actuali decreto Dei libero, nec illud supponit, dicitur naturalis, id est, non libera, sed necessaria, saltem ex suppositione objecti, quod supponitur independentè a libero decreto Dei, quoad veritatem sub esse possibili, sicut creaturæ omnes sub esse possibili sunt scibiles independentè a decreto libero voluntatis divinæ, sub illis ergo contineri possunt, & veritates necessariae, & contingentes, & nihilominus omnium scientia est naturalis, & non libera ipsi Deo. Quæ doctrina in se vera est, & contra D. Thomam esse non potest, quia ut dixi, nunquam distinxit scientiam Dei in naturalem, & liberam, nec declaravit, unde illæ denominationes sumendæ sint.

9. Secunda obiectio retorqueri potest in eos, qui dicunt prævidere Deum hæc futura in prædeterminatione voluntatis creatæ facta a Deo per absolutum decretum: nam certe D. Thomas modum illum præcognoscendi futura contingentia nunquam docuit, nec antiqui Thomistæ ita interpretati sunt D. Thomam, sed ubique docent secundum D. Thomam non posse futura contingentia cognosci in causa, quantumvis præparata, & disposita ad effectum, sed solum in præsentia ipsius actualis determinationis, ut patet ex Capreolo in 1. distin. 38. quæst. 1. art. 2. per totum, præsertim ad argumentum Durand. contra 1. concl. Cajetan. 1. part. quæst. 14. artic. 13. circa responsum ad primum in fine, Hispalensi in 1. distin. 38. quæst. 1. artic. 4. ad 7. Ubi Aquarius in additionibus ad Capreol. conclus. 6. distinctus id tradit, omnes alios modos cognoscendi futura excludendo; affirmatque omnes Thomistæ antiquiores ita sensisse. Imo etiam alii Scholastici, qui sententiam illam D. Thomæ impugnaverunt, intellexerunt D. Thomam ita illum modum elegisse, ut omnes alios rejiceret, & in hoc sensu illam impugnaverunt, ut in Durando, Scoto, Aureol. & aliis in 1. distin. 38. & 39. videre licet. Hinc ergo argumentamur, quia cognoscere futura in decreto prædeterminante liberum arbitrium, non est cognoscere illa ut præsentia, sed ut futura, neque est illa cognoscere in se, sed in causa, utrumque autem repugnat certitudini cognitionis futurorum contingentium, juxta principia D. Thomæ; ergo. Minor autoritate sola nititur, & ideo videtur satis probata, & ex ipsis locis D. Thomæ, & ex aliis Doctoribus. Major autem probatur, quia prius natura, quam intelligatur effectus prodire a causa physice prædeterminata, cognoscitur in illa: ergo ut sic non cognoscitur ut præsens, sed ut futurum a tali causa, quia effectus non est præsens, donec a sua causa manet, tunc autem non cognoscitur, ut jam manans a causa: ergo ut emanaturus a causa sic affecta. Et inde etiam concluditur illo modo non cognosci effectum in se, sed in causa, quia nondum intelligitur emanasse a causa: ergo nec habere in se esse, ratione cujus possit in se cognosci: ergo in causa, ut ultimate completa, cognoscitur. Denique in conditionatis futuris id declaratur, quia juxta illam sententiam cognoscuntur in vi illationis, quia ex causa sic determinata necessario sequitur effectus, saltem necessitate consequentiæ, ut etiam adversarii loquuntur: ergo per talem scientiam non cognoscitur effectus contingens in se, sed in quadam causa cum qua habet necessariam connexionem, & illationem: hoc autem, ut dixi, repugnat futuris contingentibus, juxta doctrinam D. Thomæ: & infra ostendemus esse in hac parte verissimam. Nam ille modus cognitionis rerum contingentia repugnat.

10. Quocirca ad argumentum, quatenus sit contra nos, respondemus doctrinam illam D. Thomæ nobis non repugnare: quia etiam futura contingentia sub conditione non præsciuntur a Deo in causa, nec ut futura, sed ut in se sunt aliquo modo æterna scientiæ Dei. Quando enim Deus ante decretum liberum de

vocando tali modo Paulo, præcognovit, quod si Paulus sic vocaretur, esset consensurus, non id cognovit, quia viderit, ex voluntate sic vocata necessario sequi consensum etiam necessitate consequentiæ, & ita nec cognovit illum effectum in tali causa, nec propriè ut futurum, sed cognovit ab illa voluntate emanaturum fuisse consensum, videndo objective ipsammet emanationem, tanquam præsentem: supponimus enim, cum Deus dicitur videre, futurum contingens ut præsens, non intelligi de præsentia reali fundata in existentia actuali, quam res cognita extra Deum habeat, etiam in mensura æternitatis, id enim etiam in absolutis falsum censemus, & alienum a mente Divi Thomæ, ut Hispalensis supra rectè etiam sensit: intelligitur ergo de præsentia objectiva, quæ in hoc consistit, quod non cognoscitur effectus ut contentus tantum in causa, sed ut emanans ab illa pro sua duratione, quæ ita menti Dei præsentatur, ac si esset in re jam præsens. Et ad eundem modum res futura, etiam si non absolute, sed tantum sub conditione sit futura. Nam videndo in exemplo adducto voluntatem Pauli ex hypothesi, seu conditionaliter ita constitutam, & vocatam, videt ab illa dimanare consensum sub eadem hypothesi: & ita illemet consensus sic futurus videtur ut præsens, & in se, non ut futurus, & in causa, ut in sequenti capite latius exponemus. Unde non obstat, quod hæc futura conditionata, vel nunquam sint futura, vel quod cognoscantur prius ratione, quam sint absolute futura, quia nihilominus cognoscuntur, ut præsentia objective æternæ Dei cognitioni, quia non in causis, sed in se ipsis cognoscuntur, & quia æternus intuitus omnia complectitur, ut in sequentibus explicabimus.

11. Ad primam confirmationem respondetur post scientiam conditionatam alicujus futuri, duplex decretum posse intelligi in divina voluntate, quo illa cognitio transeat in absolutam, ut in eadem confirmatione tangitur. Unum est decretum executivum, quo Deus vult purificare conditionem illam, ut res illa sit absolute futura, ut v. g. dare vocationem, per quam novit voluntatem esse convertendam, si illi daretur, & tunc eo ipso videri talem conversionem in se ipsa, & ut præsentem in æternitate secundum illam existentiam, quam suo tempore habitura est. Quia ex vi illius decreti vult Deus non solum dare homini omne auxilium prævium ad talem conversionem, sed etiam omnem concursum, seu actuale influxum cooperantem ex parte sua necessarium ad talem effectum; quem concursum simul cum influxu voluntatis hominis intuetur ut terminatum ad talem consensum, & ita illa cognitio est intuitiva talis effectus in se ipso: Unde non est cognitio quasi per discursum virtualem; videlicet, si iste homo ita vocetur, consentiet, sed vocabitur: ergo consentiet: quia illa minor videtur in se, quatenus ipsa vocatio cum omnibus aliis necessariis jam est determinata ad esse, & non potest videri sine termino simili modo præsentem: ergo illa cognitio non est extra modum intuitionis rei in se, ut præsentis æternitati.

12. Major difficultas est in alio decreto, quod supposita illa præscientia conditionata potest Deus habere per modum intentionis, volendo immediate, & absolute, ut homo consentiat, verbi gratia, volendo credere, ex qua intentione vult dare illi talem vocationem: nam illud decretum, seu propositum dandi fidem prius est secundum rationem, quam voluntas executiva dandi vocationem: ergo in illo decreto scit Deus absolute effectum esse futurum, prius quam illum, ut absolute præsentem in æternitate intueatur, atque cognoscit prius futurum, ut futurum in causa, quam illum videat in re præsentem. Ad quod respondeo, non posse negari hunc præscientiæ modum, non tamen ita esse in causa, quin includat præsentiam in æternitate, quatenus illam supponit in præscientia conditionata, & ad illam dicit habitudinem virtuales. Non posset enim Deus habere tale decretum de futuro actu libero, nisi jam in thesauris sapientiæ suæ prænovisset vocationem, per quam potest infallibiliter executioni mandari, & ideo tale decretum dicit habitudinem ad illud objectum, ut jam condi-

Ad 1. confirmationem respondetur.

Posita conditionata, qua per decretum intentionis determinantur, etiam ut sunt præsentia æternitati cognoscuntur.

Secunda obiectio retorqueretur.

Ad 2. respondemus futura contingentia conditionata esse suo modo præsentia æternitati.

conditionaliter præfens æternitati, & virtute includit voluntatem dandi talem vocationem, & concursum, & ideo ille modus præscientiæ non excluditur ab illo modo, qui esse dicitur per præsentiam æternitatis, sed sub illo continetur, vel ad illum revocatur.

Ad 2. respondetur.
13. Ad secundam confirmationem respondemus D. Thomam in loco ibi allegato non loqui de omni genere conditionalium propositionum, sed tantum de illis, quæ fundantur in illatione, in quibus ad earum veritatem necessarium est, ut illatio sit necessaria. Non negat autem D. Thomas posse esse aliud genus conditionalium propositionum, quarum veritas non pendet ex formali illatione, ut sic dicam, sed tantum ex materiali, id est, ex actuali emanatione, quam de factotalis actus haberet a tali potentia, si talis conditio supponeretur, etiamsi ex vi antecedentis causæ posset non emanare. In quo sensu habent illæ propositiones veritatem, & possunt cognosci, ut in sequentibus dicemus. Nec D. Thomas ignoravit hoc genus conditionalium propositionum, cum sæpe alias de illis loquatur magis in actu exercito, quam in actu signato, ut sic dicam. Unde fortius potest hæc obiectio retorqueri in eos, qui admittunt in Deo hanc scientiam conditionatam, volunt tamen semper fundari in vi illationis, & ab illa pendere dicunt veritatem propositionis sic cognitæ, & ut bona sit illatio necessarium putant interponi, & antecedere decretum Dei, in quo bonitas illationis fundetur. Nam ex dicta sententia plane sequitur hæc futura non præciri ut præsentia, sed ut futura, & consequenter non cognosci ut futura contingentia, sed ut futura necessaria, quia cognoscuntur ex vi illationis necessariæ. Nec satisfacit vulgaris responsio, quod illa sit necessitas consequentiæ, quæ non repugnat contingentia, quia illud est verum, quando illatio fit ab aliquo posteriori, quod supponit jam factum contingentem effectum, ut si Deus scit, fiet. At vero quando illatio est ab aliquo priori, & a causa præcedente, tunc necessitas consequentiæ redundat in necessitatem consequentis, & consequenter tollit contingentiam, seu libertatem, juxta dicta in prolegomeno præcedente. Hoc autem modo ponitur necessitas illationis in his futuris, juxta dictam sententiam, nam bonitas, aut necessitas illius conditionalis illationis fundari dicitur in efficaci decreto, & prædeterminatione divinæ voluntatis, quæ est causa efficacissima talis effectus futuri tantam inducens antecedentem, & causalem necessitatem, ut implicet contradictionem effectum non sequi posita tali causa: ergo in illis futuris est necessitas simpliciter, ac subinde non cognoscuntur ut futura contingentia, sed ut necessaria, quod est contra hypothesim, & contra libertatem, & ideo nunquam D. Thomas talem modum cognoscendi futura contingentia nos docuit, sed absolute rejecit omnem præscientiam futurorum contingentium in causa, ut visum est.

Partim ad mittitur partim proportio negatur in ultima confirmatione posita. Propositio.
14. Unde ad ultimam confirmationem respondemus admittendo ex parte proportionem inter scientiam absolutam, & conditionatam in ordine ad decretum divinæ voluntatis, & ex parte negando illam. Duplex enim potest intelligi decretum voluntatis Dei ante præscientiam, scilicet absolutum, quod solet dici prædefinens, vel prædestinans: & includens aliquam conditionem, vel limitationem. Dicimus ergo ad neutram præscientiam supponi necessario decretum absolutum, & efficax ex parte Dei, in quo effectus futurus cognoscatur. De scientia conditionata ita in argumento supponitur, & nos id jam diximus, & iterum dicemus. De absoluta vero alibi est a nobis late tractatum, ubi contra Scotum docuimus non posse voluntatem Dei absolutam esse adæquatam rationem præsciendi omnia futura contingentia, neque primariam, & per se sufficientem cognoscendi aliqua. Non quidem adæquatam, quia peccata futura cognosci non possunt in aliquo decreto absoluto voluntatis Dei, quod secundum rationem talem scientiam antecedit, quia Deus ex se nullum tale decretum habet circa peccata, nec ut peccata sunt, nec ut actus sunt. Sed habet tantum voluntatem concurrendi ad illa, in qua voluntate per se spectata non potest cognosci effe-

ctum esse futurum, quia oportet simul cognoscere voluntatem humanam esse concursuram, quod in illo decreto Dei non est volitum, nec absolute definitum, & ideo non potest in illa cognosci. Neque etiam potest tale decretum esse prima, & unica ratio cognoscendi aliqua futura, videlicet actus bonos, & supernaturales, quia licet hos possit Deus prædefinire, & ea posita prædefinitione infallibile sit effectum esse futurum, nihilominus non potest Deus talem actum prædefinire salva libertate, nisi supponeret conditionatam scientiam medii, per quod posset facere, utile effectus libere, & infallibiliter fiat. Et ita, ut paulo antea dicebam, illa præscientia non est in solo decreto per se spectato, sed ut dicit habitudinem ad tale medium.

15. Sic ergo ad argumentum negamus absolutam præscientiam futurorum contingentium supponere necessitatem decretum absolutum, in quo solo sufficienter habeatur. Nec D. Thomas in locis in argumento citatis id dicit. Aliud est enim, quod præscientia absoluta futurorum supponat aliquod decretum liberum, aliud vero quod supponat decretum, in quo solo nitatur. Primum est verum, quia sine futura efficientia Dei nihil potest esse futurum: efficientia autem Dei esse non potest, nisi ex libero decreto voluntatis Dei, & ideo absoluta præscientia omnis futuri supponit aliquod decretum voluntatis Dei, & hoc solum est, quod D. Thomas docet citatis locis. Secundum autem est falsum, nec dicitur a D. Thom. in illis locis, sed solum, quod præscientia supponit aliquam voluntatem, quod universalius est, nam potest supponere voluntatem non omnino absolutam, nec prædefinitivam, in qua sola non satis cognoscitur futurum, ut declaratum est. Et ideo D. Thom. sæpe distinguit in Deo ipso certitudinem præscientiæ a certitudine prædestinationis, seu prædefinitionis, & dicit omnia, quæ præsciuntur a Deo esse certa priori modo, non tamen omnia posteriori modo, ut videre licet 1. part. quæst. 23. art. 7. & quæst. 6. de Veritat. art. 3. Et infra ostendimus non omnia præscita a Deo esse ab eodem prædefinita efficaciter ante præscientiam.

16. De alio vero decreto libero sufficiente ad agendum ad extra, licet non sit omnino absolutum, seu prædefinitivum, dicimus versati discrimen inter scientiam absolutam, & conditionatam, quia absoluta supponit in Deo aliquod huiusmodi decretum, ut dixi: conditionata vero minime. Et ratio est, quia scientia absoluta terminatur ad realem existentiam rei aliquando futuræ, & quia talis existentia pendet a voluntate Dei vel per se efficiente, vel cum causa secunda concurrente, ideo necessario talis voluntas libera supponitur tali præscientiæ absolutæ. At vero scientia conditionata non dicit habitudinem ad effectum aliquando futurum, & ideo ex hac parte non pendet a decreto libero, quod in Deo supponat: sed dicit habitudinem ad effectum sub conditione futurum, ad quod satis est, ut in conditione includatur decretum Dei, non quod jam sit, sed quod si ex parte Dei ponatur, sufficiet, ut voluntas humana operetur de facto, Deo cum illa concurrente, seu cooperante. Quia ergo conditionalis nihil ponit in esse, ideo nec supponit in esse (ut sic dicam) decretum Dei, sed tantum in conditione illud involvit, ac proinde ex his, quæ D. Thomas dicit de præscientia absoluta, non recte fit illatio ad conditionatam, quoad hanc partem, quia est ratio longe diversa, ut declaravi. Aliæ item difficultates possent hic obijci in doctrina D. Thomæ, sed in sequentibus capitulis commodius examinabuntur.

C A P U T VII.

Ratione a priori ostenditur dari in Deo conditionatam præscientiam, & principali fundamento contraria sententiæ occurritur, veritasque talium propositionum declaratur.

1. **U**T nostram sententiam ratione confirmemus, supponimus in primis certum esse debere omnibus catholicis, quod si in his propositionibus conditionatis

Aboluta præscientia supponit decretum absolutum, ut res sit, sed non ut in illo cognoscatur

Negata proportio

Si in conditionatis propositionibus

est veri-
tas illa
sine du-
bio co-
gnoscitur
a Deo

natis de futuro contingenti est aliqua veritas determi-
nata in alterutra parte contingentie, illam non igno-
rari a Deo: ratio est, quia omnis veritas de se scibi-
lis est, obiectum enim scientie est veritas, & e con-
verso omne verum participat aliquo modo rationem
entis, unde sub ea ratione scibile est. Si autem obie-
ctum est scibile, etiam scientia possibilis est, teste Phi-
losopho cap. de *Ad aliquid*, quia illa duo correlative
dicuntur: imo scibile dicitur a scientia, quæ erga ip-
sum versari potest. Si ergo tale futurum est scibile,
perfecto etiam scientia de illo est possibilis, si autem
illa scientia possibilis est, Deo maxime erit possibilis;
tum quia si est possibilis illa scientia, aliqua perfectio
est: ergo non potest Deo deesse; tum etiam, quia sic-
cut Deus est omnipotens, quia habet summam pote-
statem, ita est omnisciens, quia habet summam scien-
tiam: ergo sicut potentia eius se extendit ad omne
possibile, ita & scientia ad omne scibile, ergo si hæ
propositiones scibiles sunt, scientia illarum possibilis
est Deo. Ac denique si Deo est possibilis talis scientia,
actu, ac necessario illam habet, supposita veritate,
& scibilitate objecti, quia, ut supra tetigi, scientia
de se est perfectio necessaria, & naturalis, quia non
libere, sed ex necessitate terminatur ad omnia scibi-
lia, supposita capacitate ex parte objecti: ignorantia
enim, vel nescientia cuiuscunque rei scibilis imperfec-
tio esset in Deo. In his ergo omnibus non est, nec
potest esse dissensio. Tota ergo controversia ad hoc
revocatur, ut videamus, an illæ conditionales ha-
beant determinatam veritatem scibilem?

Prima
opinio
quod non
possit de-
termina-
ta veritas
in condi-
tionalib.,
nisi in de-
creto an-
tecedenti
cognosci
proponi-
tur

2 Primi ergo opinantes, qui hanc scientiam Deo
negant, in hoc maxime fundantur, quod in illis pro-
positionibus non est determinata veritas, nisi antec-
dat decretum Dei, quo causa determinetur. Et ideo
qui negant tale decretum, consequenter absolute, &
simpliciter dicunt talia conditionata non cognosci
certo, etiam a Deo: qui vero decretum conditiona-
tum ponunt, saltem negant ante illud posse cognosci.
Illud autem fundamentum, scilicet, in his proposi-
tionibus conditionalibus non esse determinatam veri-
tatem, ita suadere videntur. Quia res, antequam fiat,
non habet esse, nisi in causa sua: ergo nec potest ha-
bere esse futurum, nisi prout est in causa sua, quia
esse futurum includit esse: ergo vel in se, vel in causa:
non in se, ergo in causa. Et patet ex differentia inter
rem futuram, & præsentem, vel præteritam compa-
ratam: nam res dicitur præsens propter esse, quod
in se iam habet, præterita propter esse quod iam ha-
buit in se, & quod iam fuit extra causas: futura vero
nondum habuit esse in se, & ideo non potest denomi-
nari futura ratione proprii esse, quod in se habeat: er-
go solum quia habet esse in causa. Rursus non quodli-
bet esse in causa sufficit, ut res dicatur futura, sed oportet
ut habeat esse in causa determinata ad efficiendum,
quia res etiam habet esse possibile in causa sua, &
tamen non omne possibile est futurum, ut per
se constat: ergo aliquid addit esse futurum ultra hoc,
quod est habere esse in causa: nihil autem aliud addere
potest, nisi determinationem causæ ad agendum: ergo
si causa, in qua res est possibilis, non sit determina-
ta, sed indifferens, quia ipsa fuerit in illo statu, non
potest effectus eius determinatus esse futurus: ergo nec
propositio significans illum esse futurum potest esse vera
determinate: ergo nec scibilis. At vero per condi-
tionales propositiones, de quibus tractamus, signifi-
catur effectus determinatus futurus a causa secunda de
se indifferente, & indeterminata: ergo nisi præcedat
aliquod decretum causæ primæ, quo causa secunda ef-
fer determinanda in tali eventu, non potest illa propo-
sitiō habere determinatam veritatem, ac proinde nec
scibilis erit per certam, & infallibilem scientiam:
unde si tale decretum non datur, absolute nec erit
talis scientia, si vero datur, saltem non erit, anteq-
quam illud secundum rationem antecedit.

Assertio
nostra,
quæ affir-
mat pro-
positio-
nes condi-
tionatas
habere

3 Nihilominus dicimus in his propositionibus con-
ditionatis conceptis ante liberum decretum Dei in
ipso iam existens, esse determinatam veritatem, ra-
tione cuius & scibiles sunt, & a Deo sciuntur, non
in decreto suo, sed in se ipsis. Hanc assertionem late
tractavi in libro secundo de Scientia Dei, capite sex-
to, & septimo, & nihil fere hic addendum occurrit.

Quia vero moderni instant, & contendunt totam ve-
ritatem determinatam fuutorum contingentium esse
sumendam ex solo esse, & determinatione, quam ha-
bent in causa, ideo ad hanc falsam apprehensionem
excludendam, rem iterum breviter explicabo. Nam
nobiscum in assertionem consentiens, id tetigit late, &
subtiliter Dionalevius in dicto Opusc. capite sexto, &
brevius quidem, tamen etiam optime Pesantius 1. p.
quæst. 14. articul. 13. disputat. 5. Qui auctores re-
cte iudicant eandem omnino esse difficultatem, & ra-
tionem in præscientia Dei de futuris contingentibus
absolute futuris, quæ est de conditionatis, & ideo &
cognoscibilitatem ex parte objecti, & cognitionem
ex parte Dei in futuris conditionatis ad instar absolu-
torum esse explicandam: quæ sententia mihi valde
placet, videturque verissima, ut etiam in allegato
loco dixi, & ideo per discursum utrisque communem
rem totam breviter explicabo, & patilitatem inter illa
ostendam, & inde facile concludetur ratio a priori
nostræ sententiæ, & oppositum fundamentum facile
dissolvetur.

veritate
cognitam
a Deo an-
te decre-
tum

4 Primo ergo ad explicandam veritatem harum
conditionalium de futuro, declarandum prius est,
quid sit aliquid esse futurum proprie, & formaliter.
Aliqui enim dicunt esse futurum nihil aliud esse, quam
habere esse in causa aliquo modo determinata, & non-
dum habere, vel habuisse illud in se. Hoc ultimum
manifestum est ex distinctione futuri a præsentis, &
præteriti, & inde sequitur, scilicet, quod sit esse in
causa, quia esse futurum est aliquod esse, ergo debet
esse alicubi: ergo vel in se, vel in causa: sed non in
se, ergo in causa. Quia vero esse in causa, ut sic,
sufficit ad esse possibile, non vero ad esse futurum, ut
constat, quia multa sunt possible, quæ non sunt fu-
tura, & ideo additur, quod debet esse in causa deter-
minata ad agendum. Nam ex ipso, quod causa est po-
tens, & est determinata ad agendum, effectus eius fu-
turus est. Quæ doctrina videtur sumi ex D. Thoma
libro primo Peri. lect. 15. circa finem, ubi docet futu-
rum habere esse tantum in sua causa, & si sit ideo sim-
pliciter determinata ad unum, effectum eius posse
dici simpliciter futurum: si vero sit magis propensa ad
unam partem, effectum posse dici futurum, sed non
cum omnimoda certitudine: si vero causa sit indiffe-
rens, & non magis determinata ad unam partem,
quam ad aliam, effectum non posse dici futurum, vel
non futurum, sed possibile. Sed licet verum sit ef-
fectum, antequam sit, non habere esse, nisi in cau-
sa, nihilominus formalis denominatio futuri non su-
mitur ex eo, quod res habet esse in sua causa, quan-
tumvis determinata. Probatur, quia hoc ipsum, sci-
licet, rem habere esse in causa, non est futurum,
sed est præsens: ergo non potest in eo solo consistere
formaliter ratio futuri. Item quia alias cognoscere ali-
quid esse futurum, nihil aliud esset, quam cognoscere
talem rem habere esse in sua causa hoc vel illo modo
determinata, quod dici non potest, alias, & Angelus
posset cognoscere futura, quantum cognoscibilia sunt,
quia potest comprehendere esse, quod habet in causis,
vel Deus non posset cognoscere futura contingentia
cum certitudine, quia solum cognoscere habere esse in
causa vel indifferente, vel ad summum inclinata ad unā
partem, quod non satis est ad certam cognitionem, ut
D. Th. dixit, & per se constat. Deniq; ex ipsarum pro-
positionum, seu locutionum distinctione potest facile
intelligi, non esse formaliter idem, rem esse futuram,
& habere esse in causa determinata, id enim potest iux-
ta illam sententiam intelligi de causa determinata in
actu secundo, quia illa non est causa in potentia, sed in
actu, intelligitur ergo de causa determinata in actu pri-
mo: sic autem esse causam determinatam & effectū esse
futurum non sunt formaliter idem; tum quia illæ met-
duæ propositiones non sunt synonymæ, ac proinde in
ipsis significatis est aliqua diversitas; ac proinde quia
prius natura habet res esse in causa determinata, quam
si futura; tum deniq; quia potest causa non esse deter-
minata in actu primo, & effectus esse futurus: & e con-
trario potest causa secunda esse determinata simpliciter,
& effectus non esse futurus, ut ex dicendis constabit.

Aliquid
esse futu-
rum pro-
pie, &
formali-
ter quid
sit

1. opinio

3 opinio
futuri re
fertur &
impugna-
tur in fu-
turis a
causis na-
turalibus

5 Aliqui ergo addunt, rem esse futuram esse denominationem a voluntate efficaci Dei volente illam esse, antequam sit, ita ut rem possibilem esse futuram formaliter nihil addat, nisi denominationem extrinsecam a voluntate Dei. Ita Alexander Pefanti. supra, & fundatur, quia res possibilis non incipit esse futura, nisi per decretum liberum Dei: unde ipsum etiam futurum in causa naturaliter agente, ut verbi gratia, solem cras esse oriturum, non est simpliciter futurum in sola virtute solis, nisi adiungatur decretum Dei concurrendi cum sole. Sed mihi etiam hæc sententia non satisfacit universaliter loquendo: nam licet posset aliquo modo habere locum in rebus futuris per efficientiam solius Dei, & in futuris a causis naturalibus adiuncto decreto efficaci concurrendi Dei, & ablato omni impedimento, nihilominus etiam in his non videtur recte illo modo explicari formaliter ipsum esse futurum. Nam formaliter, & in rigore aliud est esse volitum, & esse futurum, nam illud est prius, & ratio, seu causa alterius; præsertim, si verum est potentiam Dei executivam esse ratione distinctam a voluntate. Item si loquamur de voluntate intentionis, per illam non potest dici res esse formaliter futura, sed magis remota, & quasi radicaliter. Præterea in effectibus, quos non Deus solus immediate, sed cum causis secundis facit, esse futurum non est a sola voluntate Dei, esto non sit sine illa: ergo licet demus rem esse futuram per denominationem a voluntate Dei, non esset ab illa sola, sed simul a concausa. Probatur, quia ab eadem causa habet res, quod sit futura, a qua habitura est esse, cum fuerit præsens; sed lumen, verbi gratia, cum est præsens, non habet esse a sola voluntate Dei, sed a sole simul cum voluntate Dei; ergo esse futurum in tali effectum non est denominatio a sola voluntate Dei, sed a tota causa.

3 opinio
refellitur
in effectibus
liberis

6 Maxime vero illa sententia est difficilis in effectibus liberis, supponendo, ut idem auctor supponit, voluntatem Dei non prædeterminare physice voluntatem creatam ad agendum, sed tantum concurrere concursu simultaneo, supposita sufficiente virtute in actu primo: nam hoc posito, ut consensus liber sit futurus, sufficit ex parte Dei voluntas concurrendi, & illud decretum non sufficit, ut effectus sit futurus: ergo esse futurum talis actus non est denominatio ab illo decreto. Consequentia est clara, quia si illud esse futurum consistit in tali denominatione, debet esse, & inseparabile ab illa, & sufficienter ab eadem in ratione formæ denominantis. Quod ostenditur probando minorem. Nam voluntas Dei concurrendi cum voluntate libera relinquit illam indifferentem, & potentem ad agendum, vel non agendum, etiam in sensu composito, & stante illo decreto Dei: ergo ex vi illius decreti nullus actus illius voluntatis habet, quod sit futurus. Quod maxime videre licet in actu peccati, quem Deus ex se non absolute vult, & ideo non potest habere quod sit futurus per denominationem a voluntate Dei. Responderi potest ex doctrina eiusdem auctoris, Deum prius ratione, quam velit concurrere cum voluntate creata ad determinatum actum, & prius quam det illi determinatum concursum, prævidere ipsam voluntatem creatam ex se talem determinatum actum esse operaturam, & ideo accedente voluntate concurrendi, statim ab illa denominari, & esse rem futuram. Sed contra hoc est, quia sicut voluntas non potest actu operari sine concursu Dei simul cum illa actu operante, ita non potest esse, vel intelligi operatura, quin intelligatur habitura concursum Dei; ergo si præscitur operatura, absolute intelligitur habitura concursum Dei: & consequenter præintelligitur in Deo voluntas dandi concursum in tali tempore, & cæp. Si autem solum præscitur operatura sub conditione, in ipsa conditione includi necessario debet voluntas concurrendi: ergo servata proportionem nulla ratione potest esse prius, voluntatem hominis esse operaturam, quam esse habituram concursum Dei: ergo nec potest Deus prius præscire absolute illam esse operaturam, quam velit cum illa concurrere, cum ab illa voluntate debeat manare concursus, qui in futuro

operatione creaturæ necessario imbibitur. Ergo decretum concurrendi Dei solum, ac præcise spectatum numquam denominat effectum liberum creaturæ absolute futurum, nisi cum illo decreto coniungatur determinatio creaturæ in actu secundo futura: & hac ratione præscientia futuri actus peccati non potest haberi in sola voluntate Dei, sicut neque esse potest in sola voluntate creaturæ: sed altior modus præscientiæ necessarius est, ut in libro primo de Scientia Dei latius diximus, & statim breviter attingemus.

7 Dico ergo esse rem futuram formaliter consistere in transitu quodam ab esse, quod habet in causa, ad esse, quod in se ipsa aliquando habitura est unde est quasi tendentia quædam ab esse in potentia ad esse in actu, quæ in re ipsa ponenda est. Loquimur enim de futuris realibus, & extra Deum, ut excludamus futura, quæ vel secundum ordinem naturæ considerari possunt in creatura pro eodem instanti prius natura, quam velit, vel secundum rationem in decretis Dei liberis spectari possunt, de quibus cum proportionem erit secundum ordinem rationis loquendum. Hæc ergo declaratio formalis rationis significatæ per propositionem de futuro probatur in primis a sufficienti partium enumeratione, quia exclusis alijs declarationibus, nulla alia occurrere potest, quæ formalem rationem futuri declarat. Deinde ex conceptu immediato, qui respondet propositioni significanti rem esse futuram, cum enim dicimus, Petrus peccabit, nihil aliud significamus, nisi peccatum, quod secundum se est possibile huic voluntati successu temporis, vel tali tempore esse actu futurum in illa, seu ab illa: ergo per hanc habitudinem, ut sic dicam, constituitur peccatum illud in esse futuri: idem autem est in reliquis: ergo formaliter in hoc consistit ratio futuri. Denique considerando futuram in ordine ad cognitionem nostram, licet interdum ex cognitione causæ cum morali veritate affirmemus, illa esse futura ex cognitione causæ, nihilominus tunc certi omnino reddimur de veritate propositionis de futuro, quando expectato eventu, videmus in actu positum, quod prius erat possibile, & futurum esse fuerat pronuntiatum; ergo omnes concipimus rationem futuri positam esse in illo transitu, & ab illo pendere realem (vrita dicam) seu physicam veritatem propositionis de futuro. Nam si est illi conformis, est vera, si minus, est falsa, quaecumque fuerit esse, quod habeat in causa.

8 Quocirca esse, quod effectus habet in causa, solum est fundamentum futuri esse, non ratio formalis eius, esse autem actuale ipsius pro sua mensura, seu temporis differentia est quasi terminus futuritionis; futuritio autem concipitur a nobis quasi habitudo quædam, seu transitus a tali fundamento ad talem terminum. Quia vero iste transitus non potest ignoscere nobis, nisi per causas, ideo concipimus, & loquimur iuxta exigentiam, & dispositionem causæ, & hoc modo loquutus est de futuris Divus Thomas in dicta lect. 13. lib. 1. Periher. Unde cum ait rem, quæ habet esse in causa de se propensa, & determinata ad talem effectum, quamvis impediri queat, posse dici futurum; intelligit profecto quoad modum loquendi humanum sine mendacio, quam vocamus nos veritatem moralem, seu formalem quoad intentionem loquentis ex humana coniectura. Nihilominus tamen id satis non est ad formale esse futurum, nec ad physicam, & realem veritatem locutionis, quam etiam materiale solemus in scholis appellare, si in re ipsa, & cum effectu res non evenit, sicut prædicta erat. Et hoc modo dixit Div. Thom. in 2. dist. 38. quæst. 1. ar. 5. non posse hanc propositionem esse veram, Petrus curret, & quod Petrus deficiat a cursu, id est, quod cursus numquam fiat, quia eo ipso propositio jam esset, & fuisset falsa. Unde ad tollendam equivocationem uti possumus distinctione frequenti apud eundem D. Thom. Nam duobus modis dici potest aliquid esse futurum, uno modo, quia ita erit, alio modo, quia ita est ordinatum, vel dispositum in causis, licet fortasse in re ipsa futurum non sit. Ita significat D. Thom. citato loco Periher. & 1. par. q. 19. ar. 7.

Resolvi-
tur diffi-
cultas, fu-
turum esse
se tendē-
tiam ab
esse in
potentia
ad esse in
actu ex-
plicatur,
& probat-
ur

Magis
expediunt
formalis
ratio fu-
turi

ad 2. & clarius quæst. 12. de Verit. ar. 10. ad 7. ubi ait. *Aliquid potest dici esse futurum non solum ex hoc, quod ita erit, sed quia ita est ordinatum in causis suis, ut sic sit futurum.* Et sic ait, quamvis medicus præiudicat sanitatem futuram, licet postea impediatur, non dixisse falsum, quia ita erat in causis ordinatum. Et allegat Aristot. 2. de Generat. capit. 1. r. tex. 64. dicentem fieri posse, *ut is, qui futurus est incedere non incedat.* Sed ut dixi, inter hæc duo illud est simpliciter, & absolute futurum, quod tale dicitur, quia ita erit, & talia sunt omnia, quæ Deus absolute, & simpliciter revelat esse futura, ut *Virgo pariet, Petrus peccabit.* Unde ad veritatem talis propositionis de futuro necessarium est, ut res eveniat, sicut futura esse cognoscitur, aut dicitur. Aliud vero, quod est futurum tantum in ordine aliquarum causarum, quæ tamen impediendæ sunt, revera non est simpliciter futurum, sed tantum secundum quid, id est, quantum ex vi talium causarum: unde prædictio illius in tantum est certa, in quantum non est absoluta, sed tantum conditionem, vel limitationem includens, scilicet erit, quantum est ex præsentis dispositione causarum, vel nisi impediatur. Aut certe si est absoluta prædictio, non erit materialiter, seu realiter, ut sic dicam, vera; & ideo nunquam esse poterit revelatio Dei, cuius veritas semper est, non tantum formalis, sed etiam materialis, id est, non tantum non mentitur, sed etiam in re ipsa nihil falsum dicit, & in eo hæc duo coincidunt, quia semper ex certa scientia loquitur. In homine autem, qui sæpe simpliciter affirmat, quod sibi tantum probabile, aut verisimile est, locutio illa de tali futuro, si absoluta sit, poterit quidem dici vera formaliter, id est, iuxta mentem loquentis, quia sic loquendo non mentitur, nihilominus tamen propositio ipsa in se falsa erit, quia non est conformis rei in se, de qua absolute profertur, & sic sæpe contingit aliquem dicere falsum, & non mentiri. Et hæc de ratione formali futuri.

9 Secundo declarandum est, quid addat, futurum contingens ultra rationem futuri. Aliqui existimant futurum contingens esse quod in se est indeterminate, & indifferens, ut eveniat, vel non eveniat, vel æqualiter ad utramque partem, vel inæqualiter. Sed hoc vel non est verum, vel magna indiget declaratione, & limitatione, nam iuxta illam rationem contingens sequitur contingens futurum revera non recte dici, nec esse futurum, quia si adhuc est in se indifferens, ut postea sit, vel non sit, profecto non magis dici potest futurum, quam non futurum. Item illud futurum contingens est vere futurum, quod Deus præscit futurum esse; sed illud, quod Deus præscit esse futurum, non est indifferens ad non esse futurum, quia Deus definite indicat esse futurum, & non esse futurum; ergo ita jam est in se determinate verum, ac futurum. Denique cum dicitur aliquid esse simpliciter futurum, significatur determinata habitudo esse potentialis ad esse actuale in aliquo tempore præsentialiter ponendum; ergo quantumvis sit contingens, si vere futurum dicitur, secundum illam habitudinem dicit determinationem ad esse, & excludit negationem essendi universalem pro omni tempore futuro. Igitur cum futurum dicitur contingens, per hoc additum non excluditur vera, & determinata ratio futuri, sed modus eius declaratur. Addit ergo contingencia supra rationem futuri indifferentiam potentialem, non actualem in ratione futuri, id est, per illam proprietatem significatur, quod licet ille effectus determinate futurus sit, nihilominus de se talis conditionis est, ut possit non esse futurus, quod provenit ex parte cause, quæ illum est effectura, nam talis est, ut posset impedi, licet de facto non sit impedienda. Quod ita breviter, & distincte explicatur. Nam futurum contingens non dicitur tale, quia erit, vel non erit, hoc enim disunctum non est contingens, sed necessarium, & inevitabile; oportet ergo alteram partem determinare; ergo futurum contingens positum dicitur, quod erit quamvis posset non esse; negativum autem dicitur, quod non eveniet, licet posset evenire.

10 Atque hinc intelligitur, quæ indifferentia sit

Swarae Tom. VI.

de ratione futuri contingentis, & quæ determinatio illi repugnet. Est enim de ratione eius aliqua indifferentia in causa in actu primo præcise spectata, quæ dici potest indifferentia potentialis: quæ indifferentia aliter est in causa libera, aliter in causa naturaliter agente, ut statim dicetur, & ideo solet generali modo illa indifferentia explicari per hoc quod causa sit impediibilis, ne producat effectum, nam tunc licet habeat in potentia effectum, nihilominus carere potest effectum, & ideo habet effectum hanc indifferentiam potentialem, ut possit esse futurus, & non esse. Non est tamen de ratione futuri contingentis indifferentia actualis in ipsa habitudine ad esse in se pro aliqua differentia temporis futuri; nam, ut dixi, in hoc habet determinationem, alioqui non est futurum. E contrario vero determinatio in causa secundum se, & in actu primo considerata repugnat contingentia futuri effectus, quia excludit indifferentiam illam, a qua talis effectus contingens denominatur. Nam hæc contingencia in effectu revera non est modus realis intrinsecus ipsius effectus, sed est denominatio a tali causa, & indifferentia eius, sicut libertas in actu voluntatis, non est modus eius intrinsecus, sed denominatio a tali principio habente talem indifferentem potestatem; ergo determinatio quasi potentialis in causa repugnat futuro contingenti, non vero repugnat illi determinatio actualis, quæ in ipsa habitudine ad terminum spectatur, ut declaravi; & intelligi potest in effectu contingentis præsentis: nam licet habeat determinationem actualem a causa, nihilominus est contingens simpliciter ex modo agendi, seu potestate cause; jam ergo effectus futurus potest esse determinatus quoad actualem habitudinem ad esse actuale, etiam si sit contingens in potentia, seu in modo agendi cause.

11 Contra hoc vero obijci potest doctrina Aristotelis lib. 1. Periher. ca. ul. dicentis in propositionibus singularibus de futuris contingentibus non esse determinatam veritatem, & falsitatem, & ideo vel nullo modo cognosci posse ut ea, quæ sunt omnino indifferentia ad utrumlibet, vel solum per coniecturam, ut in his, quæ ut plurimum eveniunt, vel ad quæ cause magis inclinant. De hac sententia Arist. dixi in l. 1. de Scientia Dei cap. 2. & ingenue fassus sum me in hac parte ab Aristotele dissentire, quia eius sententiam fidei veritati repugnare sentio. Postea vero Dialecticus Aristotelem ab errore excusare visus est, quia loquutus est, inquit, de futuris contingentibus formaliter ut futura sunt, id est, ut habent esse in causis suis, & ex illis cognosci possunt: non enim potuit de illis secundum aliquam rationem præsentialitatis loqui, quia non potuit illam præsentiam ratione naturali assequi, quam nos fides illustrati vix possumus concipere.

12 Sed hæc interpretatio non declarat quod Aristoteles non erraverit, sed quod ut homo erraverit, quia modum talis veritatis, & præscientiæ eius cognoscere non potuit. Supponendo enim futura contingencia non habere aliam veritatem, nisi quam habent in sua causa, & ex vi eius, ut talem effectum in potentia continet, consequenter forasse loquutus est, dicens non habere determinatam veritatem, nec subiacere certæ cognitioni. Tamen in illa suppositione erravit, sive per impotentiam naturalem assequendi altiore cognitionem contingentium, sive ex quacumque alia causa, id enim parum refert, cum de errore constet, quia futura, ut dixi, non ex sola causa, sed etiam ex determinatione futura, & ex eventu rei per illa significata habent veritatem. Et licet antequam sint non habeant realem præsentiam in propria mensura, habent nihilominus aliquam præsentiam, vel realem obiectivam in mensura æternitatis: & ideo illa eadem prius significata, ut futura, absolute, & determinate vera esse possunt per conformitatem ad suum terminum, etiam si in causis, prout sunt tantum in potentia, & actu primo, non habeant determinatam veritatem.

13 Quod si Aristoteles illam præsentiam, seu modum veritatis assequi non potuit, excusabitur ipse a culpa, sententiæ autem, quas inde intulit, non poterunt ab

De ratio-
ne contin-
gentis fu-
turi est
indifferen-
tia in cau-
sa, & non
in effectu
futuro: de-
terminatio e-
contra

Aristot.
obijciunt.

Solutio
erravit
Aristot.

Suppositio
falsa, licet e-
m, sequens
ostendit.

Placitum
aliquorum
de addi-
tamento
futuri con-
tingentis,
supra fu-
turum, ut
sic. impu-
gnatur

Veritas
declarat
futur

Triā er-
roneā ab
Aristote-
le illata
habes

errore excusari. Nam in primis intulit non esse alium modum veritatis in his propositionibus de futuris contingentibus, præter illam, quæ ex suis causis, & ab esse in potentia, quod in eis habent, cognosci potest, quod absolute verum non est, ut declaravi, & aperte repugnat præscientiæ Dei de his contingentibus. Unde secundo intulit hæc contingentia non habere talem veritatem, quæ infallibili, ac certa scientia cognosci possit. Nec limitat sermonem ad cognitionem humanam, vel divinam, quia certe videtur intellexisse in tali propositione non esse veritatem certo cognoscibilem a quocumque, in quo sensu falsa est omnino loquutio. Unde tertio probabilissimum est credidisse, nec Deum præscire in his futuris absolutam determinatam veritatem, ac subinde Deum non præscire certo hæc futura prius quam fiant. Quod illi multi antiqui Patres tribuerunt, & ex concessis a prædicto auctore necessario sequitur. Nam Aristoteles non cognovit futura posse cognosci, ut præsentia, & in causis censuit non esse certo cognoscibilia; ergo inferre debuit, neque a Deo ipso certo cognosci. Quamvis ergo Aristoteles recte philosophatus fuerit de his futuris præcise spectatis in ordine ad solas causas, & cognitionem, quæ ex illis sumi potest, absolute de ipsis futuris non recte sensit. Negari enim non potest quin habeant in re determinatam veritatem, vel falsitatem de se certo, & infallibiliter cognoscibilem, si ex parte intelligentis virtus intelligendi non desit, ut dicto libro I. latius dixi, & rationibus Aristotelis respondi.

Veritas
conting-
entis fu-
turi non
sumitur
ex deter-
minatione
re causæ
in actu
primo co-
stituitur

14 Ex hac autem doctrina Aristotelis, quam quoad hanc partem probat Div. Thom., colligimus, & tertio loco addimus duobus principiis positis veritatem determinatam, quæ inest propositionibus absolutis de futuro contingenti, non esse sumendam ex determinatione causarum, quasi in actu primo constitutarum ad agendum, sed aliunde. Loquor de determinatione in actu primo, ut excludam causam, ut jam determinatam in actu secundo, quia quando causa jam est, vel cognoscitur in tali statu, effectus ejus etiam si sit contingens, non cognoscitur ut futurus, sed ut præsens, quia determinatio illa in actu secundo non est aliud, quam ipsa actio, per quam effectus accipit esse, & ideo sic spectatus jam non ut futurus, sed ut præsens consideratur, & ideo, ut sic, potest veritatem sumere a causa determinata in actu secundo, & in ipsa determinatione cognosci tamquam in via, quæ in se ipsa, & tamquam præsens videatur. Futurum autem, ut futurum ante hanc determinationem considerandum est, ac proinde solum spectatur in causa, ut constituta in actu primo, & sic dicimus non habere veritatem certam, vel determinatam in illa. Et hoc optime probatur ratione Aristotelis, quia contingencia effectus futuri formaliter sumitur ex indifferentia causæ secundum se spectatæ: imo, ut dixi, effectum esse contingentem nihil addit, nisi denominationem a causæ indeterminata ad unum, vel ad agendum, vel impedibile, ut dicunt. Item ob hanc causam non potest effectus contingens, ut futurus, certo cognosci in causa, vel ex causa, ut Divus Thomas docet. 1. par. q. 14. art. 13. & in 1. d. 38. q. 1. art. 5. & q. 2. de Verit. ar. 12. & q. 12. ar. 1. & q. 16. de Malo ar. 7. & sæpe alias. Et hæc est potissima ratio, ob quam solus Deus potest sua virtute futura contingentia certo cognoscere, iuxta illud, *Annuntiate vobis futura, & dicemus, qui Dei estis vos*; nimirum, quia cognoscere futurum, tamquam præsens transcendit potentialitatem creaturæ, & cognoscere futurum ex causa est impossibile, quando causa est indeterminata, ut in futuris contingentibus esse debet; ergo est contra rationem talis futuri, quod habeat talem determinationem in causa. Denique quia in hoc maxime, & quasi adæquate differt futurum contingens a necessario, quod hoc habet determinationem in causa, quam illud non habet.

Conting-
entia ef-
fectus in
causa na-
turali in-

15 Ut autem hæc assertio melius intelligatur, fiatque evidentior, oportet advertere effectus contingentiam inveniri tam in causis naturaliter agentibus, quam in liberis, diverso tamen modo. Nam in causa naturaliter agente effectus non est contingens quasi

active respectu propriæ, & proximæ causæ ratione virtutis ejus, sed quasi passive ob imperfectionem ejus causæ, quæ impediri potest per aliam causam, vel rem aliam occurrentem, & ad impediendam virtutem alterius causæ, ne agat, sufficientem. In libera autem causa effectus est contingens per se, & ex interna virtute causæ, quia ita est sufficiens ad agendum, ut ipsa possit se impedire (ut loquutus est Capreol. in 1. dist. 38. q. 1. ar. 2.) id est, ut valeat actum suum suspendere, & ad hunc, vel oppositum determinare: quod etiam ex dictis prolegomeno præcedenti manifestum est.

ve nitor
passive, ia
liber. ve-
ro active

16 Et hinc sequitur alia differentia, quia effectus naturalis contingens habet in sua propria causa per se, ac præcise sumpta quandam determinationem ad unum, ratione cuius in illa cognosci potest, ut certo futurus certitudine quadam naturali, & inconcludente conditionem hanc, nisi impedimentum aliunde interveniat. Unde si effectus compareretur non ad solam causam per se, ac præcise spectatam, sed cum omnibus requisitis ad agendum, in quibus includitur impedimentorum ablatio, & quod concursus Dei sit paratus: in toto illo cumulo causarum habet talis effectus omnimodam determinationem ad unum, quia hanc habet per se ex propria causa, contingentiam autem per accidens ex impedimentis, vel effectibus aliarum causarum, quibus ablatis, ut in hypothesi supponitur, manet integræ determinatio, & ideo poterit in illo toto causarum ordine cognosci certissime effectus futurus, quia licet respectu propriæ causæ sit contingens dicto modo, nihilominus non cognoscitur, ut contingens, quia per concursum omnium causarum, & conditionum anteedentium ad talem actionem tollitur contingentia effectus, & resultat necessitas. Unde si Deus velit absolute decreto præfinire anferre a tali causa omnia impedimenta, in illo etiam decreto posset infallibiliter scire talem effectum esse futurum, tunc vero jam non scit illum ut contingentem, sed ut necessarium.

Effectus
naturalis
contingens

17 At vero effectus contingens ex libertate causæ non solum est contingens comparatus ad suam propriam & proximam, & per se causam præcise spectatam, sed etiam in ordine ad totum cumulum causarum, vel conditionum necessariarum, vel de facto concurrentium ex parte actus primi ad talem effectum. Et ideo nunquam potest talis effectus habere absolutam determinationem in causa, ut est in actu primo, sive in ordine ad solam proximam causam per se, ut est per se notum, sine ordine ad totum cumulum causarum, conditionum, aut circumstantiarum ex parte actus primi concurrentium. Quia si effectus esset determinatus in actu primo in cumulo causarum, &c. jam ut sic non esset contingens, & consequenter nec liber, esset enim omnino necessarius in causa, & positis omnibus prærequisitis ad agendum, quod repugnat libertati, ut ostensum est in superiori prolegomeno. Item in illo cumulo causarum necesse est includi voluntatem liberam; ergo non obstantibus omnibus, quæ illi coniunguntur in actu primo, illa sententia potest se impedire, ne agat, vel ne hoc agat, quia hoc habet per intrinsecam potestatem, vel si per conjunctionem aliarum conditionum, aut causarum, quæ illi coniunguntur in actu primo, illa est privata hæc potestate se impediendi, consequenter est privata libertate, & ita jam non contingenter operatur propria, & perfecta contingentia libertatis. Unde concluditur effectum libere futurum non solum non posse cognosci cum certitudine in determinatione in actu primo, quam habeat in causa proxima, verum etiam nec in ea, quam habeat in collectione omnium causarum ad illum concurrentium, prout in actu primo respectu talis effectus considerantur. Probatur, quia illa causa adæquata, ut constata ex omnibus concurrentibus, adhuc est indifferens, & retinet in se principium contingentia; ergo impossibile est in illa, quantumvis propensa, & inclinata sit in actu primo, infallibiliter cognosci effectum futurum, cum semper ab intrinseco possit talis effectus impediri per intrinsecam potestatem causæ proximæ, id est, poten-

Effectus
liber con-
tingens

potentia libera in illo cumulo causarum incluse. Confirmatur, quia effectus futurus a causa naturali, etiam determinata ad unum, si impediibilis sit, non potest in tali causa certo sciri futurus, nisi aliunde præsciatur talem causam non fore impediendam: at vero in causa libera hoc non habet locum, quia virtus se impediendi est intrinseca, & inseparabilis ab illa manente libertate; ergo quandiu in illo causarum cumulo includitur voluntas libera, & salva relinquitur eius libertas, nunquam potest in illa causa effectus esse omnino determinatus, ac proinde neque in illa infallibiliter cognosci, nisi aliunde præsciatur ipsam voluntatem non esse se impedituram.

18 Quarto ex his concludo, quoad contingentia absolute futura, & libera, de quibus in præsentia solum agimus; hæc, inquam, futura habere determinationem veritatis suæ ex actuali determinatione cause libere, quam tali tempore habitura est in actu secundo, ad quam determinationem, ut suo tempore præsentem, dicit habitudinem proposita illa, per quam eadem determinatio per modum futuri significatur, ita ut ille effectus non cognoscatur futurus a sua causa per modum illationis causalis, seu rationalis, quæ his verbis explicatur, quia talis causa sic est in actu primo disposita, ideo talis actus erit; vel istis verbis. Hæc causa erit tali modo applicata, vel præparata; ergo talis actus erit: sed cognoscitur per simplicem, vel copulativam propositionem de inesse, quæ his verbis significari potest. Causa hæc, seu voluntas tali tempore ita disposita hoc faciet, cujus propositionis veritas non in virtute cause, sed in se cognoscitur. Et hoc est, quod dixit D. Thom. futura contingentia, & maxime libera cognosci, ut præsentia in se ipsis, non in causis. Sensus enim est, non cognosci ex eo, quod in virtute cause cognoscitur certa consecutio futuri effectus, sed quia prævidetur causa, ut actu operans in tempore, quod est præsens æternitati, licet respectu prioris temporis sit futurum. Hæc autem præsentia secundum veram sententiam, non est per realem coexistentiam, quam res futura, antequam in suo tempore sit, habeat in æternitate; repugnat enim esse coexistentem alteri rem, quæ in se nondum existit, ut in dicto libro latius dictum est, sed est illa præsentia obiectiva respectu intuitus æterni divini intellectus.

19 Quæ est satis expressa sententia D. Thomæ 1. p. ubi supra, & 2. 2. q. 171. ar. 6. ad 2. ubi sic ait *Divina præscientia respicit futura secundum duo, scilicet secundum quod in se ipsis, in quantum scilicet, ipsa præsentia intuitur, & secundum quod sunt in suis causis, in quantum scilicet videt ordinem causarum ad effectum*. Ubi in priori parte satis declarat illam præsentiam non esse per coexistentiam divini intuitus, qui præsentia liter attingit ea, quæ in se nondum sunt, ita nimirum ea videndo ex æternitate, sicut ea videt postea, quando jam actu finit. Quia Deus non aliter videt rem, postquam est, quam antea, *alias ex eventibus rerum aliquid accresceret divine cognitioni*, quod repugnat immutabilitati Dei, ut recte argumentatur D. Thom. in 1. dist. 38. quæst. 1. ar. 5. Unde respectu divini intuitus non est antea, nec postea, sed semper est idem respectus in se omnino invariabilis, & ideo sicut rem existentem videt præsentem, ita etiam rem futuram præsentia liter intuitur, & hoc est esse præsentem æternitati, & ex hac præsentia liter sumitur infallibilitas cognitionis, non ex causis ut prioribus sua causalitate. Unde in altera parte non dicit D. Thom. *videri futura in suis causis determinatis*, ut quidam male allegant, addendo particulam, *determinatis*; nam D. Thom. præcise dicit *in suis causis*, & addidit explicationem dicens, *in quantum videt ordinem causarum ad effectum*: quod ordo in causis liberis potest esse propensionis, seu inclinationis, non determinationis. Et ideo subiungit. *Et quamvis contingentia futura, prout sunt in se ipsis, sint determinata ad unum, tamen prout sunt in suis causis, non sunt determinata, quin possint aliter evenire*. Ex quo ulterius colligit priorem modum cognoscendi esse omnino certum, & infallibilem quoad veritatem futuri eventus, posteriorem autem, licet sit infallibilis quoad cognitionem dispositionis, & ordinis causarum,

Suarez Tom. VI.

non tamen quo ad veritatem futuri eventus, qui per propriam propositionem de futuro significatur, ut diximus. Et hæc nunc nobis sufficiant de his contingentibus absolute futuris, quæ solum præmissa sunt, ut ab illis gradum faciamus ad futura conditionata, de quibus tractamus.

20 Quinto igitur ex dictis inferimus futura contingentia conditionata non esse vera in vi illationis ex causa, neque in illa cognosci posse infallibiliter, ut determinate vera, & certo futura, etiam si talis causa integra futura esse supponatur. Hæc assertio est directe contra eos, qui scientiam hanc conditionatam admittunt, non tamen, nisi post decretum Dei absolutum ex parte sua, & conditionatum ex parte obiecti. Nam hi consequenter dicere coguntur Deum cognoscere illa in vi illationis ex tali decreto, vel (quod perinde est) ex vi prædeterminationis futuræ in voluntate hominis ex tali decreto Dei, seu ex vi voluntatis humanæ, ut est sub decreto Dei, aut denique ex vi collectionis, seu conjunctionis utriusque voluntatis humanæ, & divinæ ad talem effectum producendum. Hæc enim omnia in idem redeunt, & æquivalentia sunt, quatenus eadem ratio in omnibus militat. Ad hoc enim tale decretum postulatur, ut ex illo infallibiliter inferatur sub conditione, quod Deus sub tali conditione decrevit: ergo juxta illam sententiam veritas illius conditionalis, quam non habet, nisi post decretum, in illatione fundatur, ac subinde quod talis effectus sit futurus ex illa hypothese in causa cognoscitur. Contra hoc ergo probatur assertio ex dictis defuturis absolutis: nam hæc non possunt cognosci in causa, neque habere in illa determinationem; ergo neque poterunt conditionata sic cognosci. Pater consequentia, quia militat omnes rationes factæ, quia idem genus ordinis, seu habitudinis habet causa actu existens ad effectum absolute futurum, quod habet causa sub conditione proposita, aut concepta ad effectum ex illa futurum, si conditio impleta fuerit. Unde sicut in absolutis habitudo cause ad effectum est indeterminata, & vel omnino indifferens, vel impediibilis etiam ab intrinseco in contingentibus liberis, ita prorsus est in conditionatis; sed propter eandem causam non possunt absoluta cognosci certo ex vi cause, sed ad summum coniecturaliter; ergo idem est de conditionatis. Atque ita tota doctrina, quam Div. Thomas tradit de scientia futurorum contingentium de se generalis est tam conditionatis, quam absolutis: ratio etiam a priori sæpe tradita eadem est, quia talis necessitas illationis ex causa determinata ad unum tollit contingentiam; ergo conditionalis sic cognita non cognoscitur ut contingens, sed ut necessaria; ergo neque effectus contingentiter, vel libere esset futurus a tali causa posita hypothese; hoc autem est contra id, quod in disputatione tota supponitur, quodque est omnino certum, scilicet, talia futura esse vere libera, & ut talia cognosci. Cum enim Christus prænovit Tyrios & Sidonios facturos fuisse penitentiam, si virtutes in illis fierent, sine dubio prænovit libere facturos fuisse penitentiam: & similiter de Saule præcivit Deus libere fuisse ascensurum Ceilam, si ibi permaneret David, & Ceililas libere fuisse illum tradituros, & sic de aliis. Sequela vero sæpius est a nobis probata, quia illa necessitas, licet per conditionalem illationem explicetur, re tamen vera non est necessitas solius illationis eiusdem effectus ex se ipso, ut est illa, quod est, quando est, necessario est, nec est illationis prioris ex posteriori, ut si homo loquitur, vult loqui: sed est necessitas causalitatis, & ex priori, & antecedenti hypothese independentem ab usu libertatis; talis autem necessitas illationis est necessitas simpliciter. Neque immorabor nunc in refutandis responsionibus, quia partim id actum est in prolegomeno præcedenti, partim fuit in lib. 5. agendum est.

21 Sexto concludimus ex dictis, nihilominus in his conditionatis contingentibus inveniri veritatem determinatam, quia non sumuntur in vi illationis, sed in vi actualis emanationis effectus a sua causa, quæ tali suppositione facta, vel concepta per modum præsentis cognoscitur ab illo intellectu, qui suo intuitu

Futura contingentia conditionata, nec esse vera ex vi illationis; nec in tali illatione cognosci ostendit.

Veritas in contingentibus conditionatis certa invenit-

ur, & in
vi ad qua
lis dima
nacionis
a sua cau
sa cogno
scitura a
Deo

atingit tanquam presentia ea, quæ futura sunt. Hæc assertio tam est contra eosdem, quatenus negant hæc conditionata esse scibilia ante decretum absolutum ex parte Dei, quam contra alios, qui absolute negant talia conditionata cognosci a Deo certa, & infallibili cognitione. Probatur autem ex eadem proportionem inter contingentia absoluta, & conditionata. Intellegendum est enim, quod sicut in absolutis causis supponitur tanquam existens ex hypothesi, & ut præsens in mente Dei ad modum existentis sub eadem hypothesi, ut in exemplo de David, supponitur David permanens intra Ceilam ita præsens in cognitione Dei ex hypothesi, ac si futurum aliquantum esset. Quod potest explicari ex modo, quo nos solemus aliquid supponere, ut discutimus, vel inquiramus, quod de illo consequenter dicendum esset. Deinde sicut in absolutis de causa existente, vel præsentem in intuitu Dei, ut existens vere affirmatur in eadem mente Dei, talem effectum libere esse dimanaturum ab illa, non quia in virtute causæ hoc videat Deus, sed quia intuitu suo videt causam illam, tamen liberam, tanquam influentem in illum effectum, ita in his conditionatis de causa ex hypothesi concepta, ut præsentem sub tali existentia possibili, potest vere affirmari, & cognosci in mente Dei, hunc determinatum effectum esse dimanaturum ab illa causa libere ex eadem hypothesi, non quia in virtute causæ talis effectus determinate continetur, aut videri possit, sed quia vere esset ad illum determinanda, & intuitus divinus propter suam infinitatem, & immutabilitatem intuetur causam illam sic ex hypothesi positam, tanquam præsentem influentem, & non in alium: ita ut propositio, quæ nostro modo concipiendi inde formatur, non sit hypothetica conditionalis propria, & illativa, sed simplex, & categorica, quæ dici recte potest de conditionato extremo: ergo sicut in futuris absolutis est veritas determinata per habitudinem immediatam causæ ad effectum de facto futurum, quem Deus propter vim infinitam intelligendi intueri potest, & ita infallibiliter præscribi talia futura, ita conditionatis contingentibus est veritas determinata per immediatam habitudinem causæ ad effectum ex hypothesi futurum, quam Deus per modum etiam simplicis intuitus propter eandem infinitatem certo cognoscere potest. Probatur hæc consequentia primo a paritate rationis, & proportionis, quia de causa aliquando vere futura, non alia ratione futurum aliquod cognosci potest ab habente vim intelligendi, & intuen di futura, nisi quia talis causa in re ipsa in actu secundo futura est, qui actus non potest esse certus, & determinatus, & ita ad illum dicitur habitudinem propositio de futuro, ut sit vera, & ad eundem terminatur intuitus Dei æternus, & infinitus; sed eodem modo causa ex hypothesi proposita, & apprehensa, ac si futura esset, consequenter transitura esset in actum secundum, qui in re non potest esse, nisi certus & determinatus; ergo positio de futuro dicens habitudinem ad talem effectum, in re erit vera, & ad eandem infinitatem, & immutabilitatem intuitus divini pertinet, ut illam attingat. Et deinde sicut caprum humanum superat intelligere, quomodo divinus intuitus, & intellectiva virtus hanc habeat efficacitatem in his conditionatis, ita plane in absolutis, neque est maior difficultas in his, quam in illis, si quis attente, & considerare rem inspiciat; ergo sicut illud prius non negatur Deo, ita neque hoc postea negari debet.

22 Denique ex hoc modo declarandi veritatem obiectivam, quæ his conditionatis futuris contingentibus in esse potest, & secundum quam cognoscibiles sint, satis constare potest nullam implicationem contradictionis assignari posse in huiusmodi obiecto scibili, vel in eius scientia; ergo hoc satis est, ut a nullo recte de Deo sentiente negari debeat, aut possit hæc scientia. Consequentia hæc probatur facile ex comparatione facta inter omnipotentiam, & omniscentiam Dei: æque enim sunt infinita; ergo sicut negari non debet, aut potest Deum posse aliquid, quod repugnantiam non involvit; ita nec potest negari eum scire quiddam non implicat contradictionem. Item ratione supra facta, quod si obiectum est cognoscibile,

scientia est possibilis, & si est possibilis, inest Deo: at si obiectum illud esse potest verum sine repugnantia, eo ipso cognoscibile etiam esse; ergo etiam est possibilis eius scientia, ac proinde Deo non neganda. Denique talis scientia ex proprio conceptu, si in ea non invenitur repugnantia, præ se fert magnam perfectionem, & dignissimam Deo, multumque extollit capacitatem (ut sic dicam) & amplitudinem divinæ intelligentiæ, ac scientiæ. Et ad extollendam divinæ providentiæ rationem & exactissimam prudentiam in suis operibus est accommodatissima: nam quo providentiæ ordo, ac dispositio ex ampliori cognitione, & presentia futurorum cuiuscunque ordinis, & rationis cogitari possint, eo prudentia excellentior, & perfectior intelligitur: multum ergo pertinet scientia hæc ad divinam perfectionem, si in ea implicatio non invenitur, ut in antecedenti sumebamus.

23 Illud autem antecedens vel ex ipso credibile est, quod talis scientia videtur esse necessaria ad summam perfectionem providentiæ, & prudentiæ, quæ in Deo semper cogitanda est, & ideo dixit alicubi Augustinus, non posse Deum non scire varios, & mirabiles, ac infinitos modos, quibus voluntates humanas moveat eo modo, quo novit eis convenire, ut convertatur, neque etiam posse ignorare, si aliquid tali, vel tali modo fieri permittat, infallibiliter esse eventurum, prius etiam ratione, quam illud permittat. Et præterea idem antecedens ex discursu facto videtur satis persuaderi, quia nulla repugnantia maior potest assignari in futuris conditionatis, quam in absolutis, supponendo, quod absoluta per se primo non habent veritatem determinatam ex decreto prædeterminante, sed ex presentia æternitatis, ut D. Thom. docet, & rationes factæ, tum de libertate, quæ aliter lædi videtur, tum de malis actibus, quorum prima origo in divinam voluntatem, iuxta illam sententiam, refunditur, videntur convincere. Secluso ergo tali fundamento veritatis, & præscientiæ futurorum liberorum, nulla profecto maior repugnantia potest assignari in veritate, & præscientia futurorum conditionatorum, quam absolutorum; at in absolutis nulla est, ut declaravimus ex fundamentis certissimis, maxime in doctrina D. Thomæ; ergo.

24 Denique, ut probemus hanc scientiam esse Deo possibilem sine repugnantia, satis nobis est, quod talis repugnantia non ostendatur. Nam omnis scientia, ut talis est, & per se spectata aliquid perfectionis importat. Unde qui dicunt hanc scientiam non esse in Deo, tenentur ostendere ipsam esse quid impossibile, & repugnans, & ideo non esse in Deo: hanc autem repugnantiam nobis non ostendunt, neque in ipsa scientia absolute, nec in eadem ut independente a decreto prædeterminante, seu a quocunque libero decreto secundum ordinem rationis præexistente in Deo; ergo. Minorem probamus nunc respondendo ad fundamentum, seu difficultatem in principio positam. Nimirum quod in his propositionibus non possit esse determinata veritas: procedit enim fundamentum illud ex falsa apprehensione talium propositionum; nam cogitantur, ac si affirmarentur, & cognitæ essent in vi conditionalium, & ex sola necessaria connectione cum tali causa posita ex hypothesi in tali, vel tali dispositione; in quo sensu verum est non habere determinatam veritatem, nec posse in vi illationis cognosci, imo id nos maxime contendimus. Addimus vero in alio sensu esse accipiendas, ut sint tantum de conditionato extremo, de quo per modum categoricæ, ac simplicis propositionis affirmatur, vel negatur, quid acturum sit, vel non sit, si supponatur esse præsens in hac vel illa temporis differentia. Et sic dicimus in illis esse determinatam veritatem non minus quam in propositionibus absolutis de futuro contingentibus, & veram contradictionem inter eas fieri, ita ut necessario altera determinate vera, altera determinate falsa esse debeat, ac proinde possit per certam scientiam comprehendere, & pro certo præcognosci. Ad probationem autem, si contra hunc sensum procedat, concedendum primum antecedens, nimirum rem, antequam fiat, non habere esse in se, sed in causa; & neganda consequen-

Ex hac
scientia
extollitur
divinæ
providentiæ
ratio

Repugn.
tia nullæ
in hac
scientia
ostenditur

Nulla est
ratio, cur
Dei con-
ditionata
denegetur

ria, scilicet non habere esse futurum, nisi prout illud esse est in causa. Nam licet verum sit, illud ipsum esse, quod nunc est tantum possibile, & in causa denominari futurum, & tale affirmari per propositionem de futuro, nihilominus non dicitur futurum prout est in causa, sed prout erit in se. Itaque ipsum esse possibile, quod res habet in causa, est quasi subiectum, quod denominatur futurum, non tamen est futurum, nec denominatur a modo essendi, quem habet in causa, sed a modo essendi, quem in se habebit a tali causa in aliqua futura duratione.

Argumenta adducuntur

25 Cum autem urgetur, quia illud esse futurum includit esse, quod res futura, quandiu est futura, non habet in se, sed in causa. Respondeo, includere illud esse ut subiectum denominationis futuri, non ut formam denominantem futurum, ut sic dicam, quia illud esse, prout est in causa, non est futurum, sed præsens. Forma autem illa, a qua illud esse possibile in causa denominatur futurum, non est causa ipsa, vel determinatio eius, ut toto illo argumento contenditur, nam hoc est tollere contingentiam effectuum, libertatem causarum secundarum: nec est aliqua res actu existens, cum supponatur res futura in esse tantum possibili: est ergo habitudo quædam, quam res, prout est in causa, habet ad se ipsam, ut erit præsens suo tempore. Qui ordo licet secundum compositionem mentis nostræ sit aliquid rationis, in mente Dei est obiectiva præsentia, quam illud esse habet in æternitate, ratione cuius veritas illa per modum præsentis cognoscitur, quamvis in ordine ad nos denominetur futura secundum varias temporis differentias. Dicitur, hæc quidem in futuris contingentibus absolutis locum habere, & necessaria esse, ut tamquam præsentia, salva contingentia, & non tamquam futura necessaria potius, quam ut contingentia præsciuntur: at vero futuris conditionatis non ita posse accommodari, quia in prioribus illa præscientia fundatur in existentia; quam res futura vere habebit in suo tempore, quod fundamentum in his conditionatis deest. Respondeo actualem existentiam aliquando futuram esse fundamentum veritatis absolutæ assertionis de futuro, eodemque modo servata proportionem existentiam actualem, quæ ex hypothese esset futura, esse fundamentum veritatis conditionatæ assertionis, & ideo utramque veritatem posse cognosci ad modum præsentis, quia Deus non accipit scientiam a rebus, ut ab actuali existentia obiecti pendeat. Et revera etiam in futuris absolutis res prius, quam suo tempore, & ad extra producat, non habet in se existentiam, sed intuitus divinus attingit illam, ut præsentem absolute; ita ergo in conditionatis attingit rem futuram per modum præsentis: unde illud discrimen valde materiale est respectu divini intuitus, & eminentis cognitionis eius. Et potest hoc ad hominem confirmari contra eos, qui saltem post decretum conditionatum Dei concedunt cognosci hæc futura, nam ut non videantur a Div. Thom. discordare, simul docent cognoscere Deum illa ad modum præsentium, cum tamen divinum decretum conditionatum non det veram existentiam rei futuræ, satis enim censetur, quod daret illam, si conditio impletur. Ita ergo nos dicimus, quod etiam absque tali decreto, & ante illud daret illam, si alia conditio impleretur: nam illud licet non videatur in causa, videri potest in se propter eminentiam divini intellectus.

Confirmatur ad hominem

CAPUT VIII.

Quæ decreta conditionata, & libera Deo attribuenda sint, & in illis non posse contingentia sub conditione futura præsciri.

1 IN superiori cap. ostendimus posse in his futuris conditionatis esse determinatam veritatem, etiam ut obiciuntur intellectui divino, prius secundum rationem, quam divina voluntas aliquod decretum liberum, & conditionatum habeat, quod satis est, ut præscientia talium futurorum Deo non negetur. Ex quo sufficienter improbat sententia generaliter negans Deo huiusmodi præscientiam; imo, ut dixi,

Sharsz. Tom. VI.

hæc est sola ratio a priori huius veritatis, quia si non ostendatur implicatio contradictionis in tali scientia, non est Deo neganda. Aliæ vero rationes, quæ addi possunt ex utilitate, vel necessitate talis scientiæ desumptæ, vel ad perfectissimam Dei providentiam, præsertim circa prædestinatorum electionem, liberorum actuum bonorum prædefinitionem, vel circa peccati permissionem cum infallibili eventu, vel denique ad explicandum auxilium efficax præveniens: hæc, inquam, rationes late in lib. de Scientia futuror. tractatæ sunt, quod ideo nunc facere omittimus, & quia hæc utilitas, vel necessitas huius scientiæ præcipue probanda est ex his, quæ postea in lib. 3. & 5. de Gratia efficaci contra motionem physice prædeterminantem, & de permissione peccati contra prædefinitionem eius dicenda sunt. Quia vero contra novam evasionem admittendi præscientiam horum futurorum sub conditione, ita tamen ut decreta conditionata præcedant, in quibus fundetur, pauca in aliis locis diximus, visum est in hoc capite inquirere, an, & quatenus talia decreta Deo tribuenda sint, ut ex discursu eius constet sine fundamento illa fingi, quæ ad dictam scientiam fundandam inventa sunt.

Status questionis.

2 Primo igitur observare oportet, duobus modis posse in Deo supponi conditionale decretum. Primo ut conditio ponatur ex parte ipsius voluntatis divinæ, ita ut sensus non sit, Deum habere, vel habuisse tale decretum, sed quod haberet illud, si talis, vel talis conditio poneretur. Quod duobus modis potest concipi, scilicet, vel ponendo ipsum conditionatum decretum pro antecedenti, seu subiecto in conditionali propositione, vel ponendo illud ex parte consequentis, seu prædicati. Exempla facile poni possunt in facto Tyrionum, ut decretum conditionale tale sit: Si Deus decrevisset, ut in Tyro signa talia fierent, illi agerent penitentiam: vel e contrario, si in Tyro, & Sidone factæ essent virtutes, Deus decrevisset illorum voluntatem ad consensum determinare. In neutro enim modo enuntiandi tribuitur Deo de præsentis aliquod decretum, quod jam habeat, sed affirmatur, quod jam habuisset. Est tamen diversitas consideranda inter illos duos modos. Nam cum decretum ponitur sub conditione ex parte subiecti, seu antecedentis, nullo modo attribuitur, vel affirmatur de Deo tale decretum sed tantum affirmatur, quid ex illo sequeretur, si poneretur. Et hoc modo deservire potest tale decretum sub conditione suppositum ad cognitionem multarum conditionalium contingentium de voluntate creata, ut ex dictis facile patere potest, & statim magis explicabitur. Quando vero decretum ponitur ex parte prædicati, seu consequentis, conditionalis pertinet ad sola decreta divina, quatenus per modum futurorum secundum rationem cognosci possunt, de quibus nunc nihil differere decrevi, quia ad punctum de gratia, quo tendimus, non referunt.

1. Modus conditionalis decreti in duplici conceptu acceptus

3 Alio modo possunt decreta conditionata esse in Deo, ita ut conditio solum ponatur in obiecto, actus vero, & actualis determinatio vere sit in Deo absolute, & de præsentis, ut si intelligamus, Deum intra se statuisse hoc modo: Decerno, quod si virtus & signa fierent in Tyro, darem Tyriis auxilium internum prædeterminans aut maius, vel specialius, quam Iudæis sum daturus. Et de his decretis conditionatis circa ea, quæ nunquam futura sunt, aliqui putant esse impossibilia, quia neque in Deo possunt ponere mutationem, ut per se notum est, neque etiam in obiecto faciunt mutationem, cum conditionalis nihil ponat in esse: impossibile autem videtur Deum habere decretum liberum sine aliqua mutatione, vel in ipso, vel in obiecto volito. Quia quando Deus habet decretum liberum, prius ratione intelligitur a nobis non volens, neque nolens, sed quasi indeterminatus, & in secundo signo rationis est volens per decretum suum, hoc autem intelligi non potest sine aliqua mutatione. Quod si hæc sententia vera esset, funditus rueret sententia ponens præscientiam conditionatam in decreto conditionato.

2. Modus conditionalis decreti. Aliquorum placitum

4 Sed nihilominus illam sententiam probate nunquam potui. Quia sicut falsum censo negare Deo præscientiam alicuius scibilis, sive absoluti, sive con-

Quid censensent.

ditionati, ita non minus cenſeo abſurdum negare Deo libertatem, ſeu poteſtatem volendi omne obiectum volibile honeſte, & ſecundum rectam rationem, ut noſtro modo loquamur. Unde conſidero differentiam inter ſcire, & velle, quod ſcire actualiter eſt ex perfectione ſimpliciter, ac neceſſaria, ſuppoſita veritate ſcibili & ex parte obiecti; at velle actu quodcumque obiectum creatum amabile etiam honeſtum, non pertinet ad perfectionem ſimpliciter, & nihilominus poſſe illud velle pertinet ad perfectionem poteſtatis libertatis: cum ergo obiectum conditionatum de ſe amabile ſit ſecundum rectam rationem, & nos poſſimus illud velle, non eſt hæc poteſtas neganda Deo, qui, non minorem habet libertatem in volendo, quam homo. Propter quod univerſaliter cenſeo poſſe Deum habere circa obiecta creata honeſte amabilia omnes actus liberos voluntatis, quos poteſt homo habere, ſcluſa imperfectione, & mutatione in ipſo Deo, quæ invenitur in homine etiam per efficientiam, & receptionem talium actuum. Nec videntur poſſe negari decreta omnia circa obiecta conditionata ſine multis incommodis. Nam Deus offert homini gratiam, & remiſſionem peccati, ſi convertatur, quod non poteſt intelligi ſine actu poſitivo voluntatis Dei, nec dici poteſt ſufficere actum, quo vult Deus dare auxilium ſufficiens ad converſionem, quia voluntas dandi gratiam diſpoſito, ſeu ſi diſponatur, diſtincta eſt a voluntate dandi auxilium; tum quia obiecta ſunt diſtincta, & poſſet Deus velle hoc ſecundum, & non velle; imo, & nolle primum: tum etiam promittere gratiam homini, ſi diſponatur, diſtincta promiſſio eſt a promiſſione auxilii, promiſſio autem in voluntate fundatur, & ab illa accipit vim obligandi. Similiter voluntas offerendi concurſum generalem vel gratiæ, vel naturæ, etiam ad actum nunquam futurum de obiecto conditionato eſt, & non poteſt negari eſſe in Deo, quia certiffimum eſt Deum de ſe talem offerre concurſum, quia alias non daret auxilium ſufficiens, non poteſt autem offerre ſine actu voluntatis, quia libere offert. Unde non eſt neceſſe, ut per omne decretum liberum Deo reſultet ſemper mutatio phyſica in re volita, ut aliis locis late dixi, ſatis eſt enim, quod reſultet phyſica mutatio, vel moralis, vel obiectiva, ſeu rationis, quatenus ex tali decreto habet res, ut obiecta menti aliam habitudinem ad eſſe exiſtentia, quam prius ratione ex ſola poſſibilitate haberet. Sic enim per decretum, quo Deus ſtatuit non creare alium mundum poſſibilem, intelligitur habere ad ſuum eſſe relationem nunquam futuri immutabilem, ac perpetuam. Admittimus ergo utrumque genus conditionati decreti poſſe eſſe in Deo, nunc breviter circa utrumque explicandum eſt, an ſit de facto, & quatenus admittenda ſint.

Dubium
de r. mo.
do loquen-
di.

5 De primo ergo genere decreti ſub conditione interrogari poteſt, quæ ratione poſſit in Deo concipi, ita ut ex eo poſſit a nobis formari conditionalis propoſitio de futuro contingenti, quæ ſit determinate vera, & a Deo ſciatur? Et ratio dubitandi eſt, quia illud non eſt, cum conditionalis nihil ponat in eſſe; ergo ex illo nihil determinatum poteſt cognosci. Item impoſſibile videtur Deum in ſe ipſo cognoscere, vel apprehendere tale decretum ſub conditione, cum ſemper cognoscat omnia decreta ſuæ voluntatis, tanquam præſcientiam. Sed nihilominus dicendum eſt, & poſſe concipi in Deo non ſolum a nobis, ſed etiam ab ipſo Deo, & illo poſito ex hypotheſi aliquem effectum contingentem ſciri etiam poſſe ſub conditione futurum. Utrumque breviter declaratur, quia Deus prius ratione habet ſcientiam ſimplicis intelligentiæ, quam habeat decreta libera, ſive abſoluta, ſive conditionata ex parte obiectorum. Probat, quia in Deo naturalia, ſeu neceſſaria ſunt priora liberis, ut eſt vulgare, apud Theologos; ſcientia a ſimplicis intelligentiæ naturalis eſt: ergo antecedit ſecundum rationem decreta libera, præterquam quod cognitio antecedit voluntatem circa idem; ergo cognitio creaturarum, quæ eſt per ſimilem intelligentiam antecedit omne decretum Dei liberum, cum tale decretum non, niſi circa creaturam cognitam verſari poſſit. In illo ergo ſigno rationis cognoscat Deus creaturas

eſſe poſſibiles, quocumque modo poſſibiles cogitentur, ſive per non repugnantiam ex parte ipſarum, ſive per denominationem a ſua potentia, quam per eandem ſcientiam comprehendit; ergo etiam per illam ſcientiam comprehendit decretum liberum creandi, ſaltem ut poſſibile; ergo per eandem ſcientiam præcognoscat aliqua futura conditionata, ponendo decretum in conditione, ut ſi decrevero creare mundum, fiet; ſi decrevero ut filius fiat homo, incarnabitur, & ſimilia: nam hæc cognitio intrinſece connexa eſt cum priori cognitione comprehenſiva omnipotentia Dei, & modi operandi eius circa omnes creaturas poſſibiles.

6 Addendum vero eſt, non omnes effectus eiſmodi decreti poſſe infallibiliter cognosci in tali decreto ſic conditionato. Nam quidam ſunt effectus ſolius Dei: & illi optime cognoscuntur, quia voluntas Dei eſt ſufficiens, & adequata cauſa talis effectus, & per decretum ſupponitur ex hypotheſi determinata ad talem effectum, & ita infallibiliter, & inevitabiliter inferretur effectum. Quia propter conditionales propoſitiones huiusmodi veræ ſunt ex vi illationis. Neque hoc repugnat contingentia talium effectuum in ordine ad voluntatem Dei, quia illa hypotheſis ſupponit liberam Determinationem Dei in ſuo decreto, & per conditionalem ſolum explicatur efficacia, & immutabilitas talis decreti, quæ non repugnat libertati, ideoque illa neceſſitas eſt puræ conſequentiæ ex ſuppoſitione conſequentæ ad uſum libertatis, nam illum ponit in hypotheſi, & ideo non repugnat libertati Dei, nec contingentia effectuum eius, ut ab illa tales denominentur. Denique licet illatio ſit ſuppoſitio neceſſaria, ſemper pendet ex libertate Dei, & ideo effectus ſemper eſt abſolute contingens. Alii vero ſunt effectus, quos non facit Deus ſolus, ſed cum cauſis ſecundis, quarum coſcientiam decretum aliquo modo includit. Et hi ſunt in duplici genere, nam quidam ſunt a cauſis naturaliter agentibus, & in his etiam facile intelligimus conditionalem de certo, & infallibiliter ex vi illationis, quia tales effectus, vel non ſunt contingentes reſpectu cauſæ proximæ, ſolumque habere poſſent indifferentiam, ſeu contingentiam in ordine ad decretum; hoc autem in hypotheſi ſupponitur, & ideo reſiſquitur illatio omnino neceſſaria. Vel certe ſi tales effectus habent aliquam contingentiam extrinſecam, quia cauſæ proximæ illorum poſſent ab aliis impediri: tunc oportebit in hypotheſi includi decretum, & concurrere, & auferendi omnia impedimenta, ut in ſuperioribus declaratum eſt.

7 Alii denique ſunt effectus, quos Deus facturus eſt cum cauſis ſecundis liberis, & in his etiam poſſunt illæ propoſitiones conditionales formari a nobis, & apprehendi ut repræſentatæ obiective in mente Dei in illo primo ſigno rationis. Sed de illarum veritate aliter iudicatum eſt juxta ſententiam admittentem decreta prædeterminantia actuum liberorum, vel juxta opoſitam ſententiam. Nam juxta priorem habent tales propoſitiones veritatem determinatam, & infallibilem in vi illationis ex tali decreto, & ita Deus in illo primo ſigno rationis, & per ſolam ſcientiam ſimplicis intelligentiæ, ac mere naturalem, ſeu neceſſariam cognoscat in tali decreto conditionali ſuæ voluntatis quidquid voluntates humanæ eſſent futuræ in omni occaſione, ſi ipſe tale, vel tale decretum prædeterminans circa illas haberet, & quid non eſſent facturæ, ſi tale decretum ipſe non haberet. Unde cum illud decretum ſit vera cauſa antecedens omnem aliam cauſam, videtur per illum modum omnis contingentia tolli reſpectu voluntatum creaturarum, & poni in eis quoddam inevitabile ſarum, ſolumque reſpectu divinæ voluntatis poſſe talia futura dici contingentia, ſeu libera, quatenus hypotheſis, in qua ponitur tale decretum ex Dei libertate pendet. Ad evitandum ergo hoc inconſuetum, nos talia decreta antecedentia omnem ſcientiam futurorum contingentium tam abſolutam, quam conditionatam non admittimus, ſed ſolum concomitantia, ſeu offerentia concurſum ex parte Dei, de quibus etiam poſſunt formari propoſitiones conditionales in mente Dei: ſi ego decreviſſem dare concurſum tali voluntati in tali occaſione hoc faceret:

Effectus
ſolius Dei
& etiam
cauſæ natu-
ralis in
eiſmodi
decreto a
Deo infal-
libiliter
cogno-
ſcuntur

Effectus
creatus
liber non
cognoſci-
tura Deo
in ſolu
decreto
concomi-
tante ſed
in ſe in
actu 2.
Quid a
licet opi-
nio.

Quid no-
ſtra alle-
git

faceret: ut per se patet. Dicimus autem illas non habere veritates determinatas in solo decreto, neque in illo posse cognosci, quia effectus pendet ex alia causa indifferente, quæ propter tale decretum ad unum non determinatur. Unde etiam dicimus tales propositiones non esse determinatas in integra causa, prout scilicet ex voluntate creata quasi conflatur, quia etiam tota illa est indifferens in actu primo, etiam ex parte voluntatis creatæ, & conjunctæ, seu compositæ cum tali decreto, quia alias effectus non esset liber. Et nihilominus addimus habere tales propositiones veritatem determinatam, & habuisse illam in illo primo signo æternitatis, non in virtute, seu actu primo sue causæ, sed in se, & in ipsa determinatione in actu secundo ita presente objective menti Dei, ut usque illam penetraret æternus ejus intuitus, ut jam explicatum est. Et ad hunc modum sunt a Deo præscite omnes istæ conditionales in illo primo signo rationis, quod omnem liberam determinationem voluntatis divinæ ut exercitam, & quasi in re positam antecedit. Et hæc de conditionatis decretis prioris ordinis.

8. Circa secundum autem genus decreti conditionati, quoniam talia decreta variis modis cogitari possunt, dubitari potest in primis, ac possit cum probabilitate affirmari habuisse Deum ab æterno circa omnem voluntatem creatam, & creabilem omnia decreta conditionata ratione distincta, vel quod perinde est, unum simplex infinita virtute complexens, determinando modum, quo moveret, seu determinaret omnes, & singulas voluntates possibiles in omnibus actibus earum, & in omnibus circumstantiis, & occasionibus, quæ in quibusvis modis combinari possunt. Aliqui enim sentiunt habuisse Deum talia decreta. Potestque in hunc modum intelligi: nam post illud primum æternitatis signum, in quo Deus omnia possibilia, & omnia futura possibiliter (ut sic dicam) præscivit, in secundo signo, prius, quam aliquid absolute vellet facere habuit decretum quoddam liberum absolutum ex parte actus, conditionem includens in objecto, per quod statuit apud se, quid esset facturum circa omnem voluntatem creatam, vel creabilem in omni possibili opportunitate. Quod decretum nos ratione distinguimus in ordine ad diversos actus, vel voluntates, in se tamen unum simplicissimum est, & infinitum, & omnia conditionata, quantumvis infinitis, & infinitis in infinitis modis cognoscibilia comprehendit. Atque hoc modo opinantur aliqui ex his, qui nec Deo negare audent scientiam omnium contingentium futurorum sub conditione, nec volunt illam esse ante decretum liberum Dei. Nam hinc sequitur necessarium esse ponere in Deo talia conditionata decreta circa aliqua futura sub conditione, quæ de facto nunquam erunt; non apparet autem ratio admittendi hæc decreta circa quædam futura potius, quam circa alia, ergo admittenda erunt circa omnia possibilia. At vero possibilia ordine rationis priora sunt, quam futura; ergo illud decretum conditionatum adæquatum his omnibus conditionatis possibilibus ratione antecederet absoluta decreta de futuris. Et confirmatur hæc ratio, quia si Deus non habeat tale decretum adæquatum, multas conditionales propositiones similes ignorabit, illas scilicet, circa quas tale decretum non habuit, quod juxta illam etiam sententiam admittendum non videretur.

9. Nihilominus hæc sententia parum probabilis apparet. Primo, quia de divinis decretis, & voluntatibus liberis nihil asserere cum fundamento possumus, nisi quod vel revelatum est, vel ex revelatis, aut ex effectibus divinis sufficienter colligi potest, sed illud decretum liberum est, & neque est revelatum, neque ex revelatis, aut aliis effectibus colligi potest; ergo non possumus cum probabilitate affirmare habuisse Deum tale decretum. Major certa est, quia decreta libera non ponunt in Deo perfectionem, & ideo ex perfectione divina infinita non innotescunt: nulla superest via illa cognoscendi, nisi vel revelationis, vel ex effectibus. Minor autem quoad revelationem certa est, vel ostendatur revelatio; quoad effectus vero patet; tum quia illud decretum nullum habet effectum ad extra, quia conditionalis nihil ponit in esse; tum etiam quia sine tali decreto per absoluta decreta sufficien-

ter producit Deus res omnes, quæ in alia temporis differentia sunt; ergo ex effectibus non potest tale decretum vel probabiliter colligi.

10. Unde argumentor secundo, quia tale decretum adæquatum, vel decreta ratione distincta circa omnia conditionata possibilia sunt otiosa, & sine ullo fructu; ergo frustra, & sine probabilitate in Deo cogitantur, vel finguntur. Antecedens probatur, quia talia decreta nec Deo perfectionem addunt, nec in creaturis aliquid efficiunt, nec ad effectus divinæ providentiæ, aut prædestinationis aliquid conferunt, sunt ergo prorsus inutilia, & otiosa. Consequentia vero probatur, quia voluntas Dei est ordinatissima, & ideo nihil frustra, vel otiose vult: nam in homine prudenti reputarentur tales actus otiosi, & vani, ac proinde alieni a recto usu prudentiæ, quomodo non est multo magis ita de Deo sentiendum. Confirmatur primo, quia Deus nihil vult circa creaturas, nisi ordinando illas in aliquem finem; at per illud decretum præcise spectatum in nullum finem creaturæ ordinantur: est ergo ille modus decernendi, & volendi alienus a divina sapientia, & prudentia. Confirmatur secundo, quia si Deus absolute decrevisset nihil creare, non haberet illud decretum conditionatum circa possibilia, quia esset vanum, sine fructu, & per se non pertinens ad perfectionem Dei: ergo non minus superfluum est tale decretum, licet sit conjunctum cum alio decreto absoluto. Patet consequentia, quia etiam hoc modo est otiosum, & sine fructu. Dices eadem ratione probaretur scientiam omnium conditionatorum esse Deo otiosam. Respondetur negando consequentiam, quia scientia illa nunquam potest dici otiosa, aut infructuosa, tum quia omnis scientia per se ad perfectionem simpliciter spectat, & ideo talis scientia, ut supra dixi, est perfectio necessaria, & mere naturalis supposito objecto scibili, volitio autem, seu determinatio libera non est perfectio Dei, & ideo non est illi tribuenda sine fructu: tum etiam quia alias in ordine ad perfectionem providentiæ est illa scientia utilissima, ut in omnibus possit Deus ex certâ præscientia omnimodo perfecta, & possibili disponere, quod non habet locum in illo decreto libero, ut ostensum est.

11. Tertio possumus argumentari, quia in actibus divini intellectus, & voluntatis non invenitur ordo rationis prioris, & posterioris, nisi quatenus ex parte objectorum invenitur aliquis ordo, vel dependentia, sed inter decretum conditionatum, & absolutum nullus talis ordo, nec fundamentum ejus invenitur; ergo sine fundamento assignatur talis ordo, & fingitur decretum conditionatum, tanquam necessario præmittendum ante absolutum. Major supponitur ex communi sententia Theologorum, quæ in hoc merito fundatur, quod decretum voluntatis in se simplicissimum est, & ideo sicut in illo ex parte sua non est distinctio, ita neque ordo, neque debet a nobis gratis, & sine fundamento cogitari, vel potius fingi: solum ergo potest in ordine, vel dependentia objectorum fundari. Probatur ergo minor, quia vel tale decretum conditionatum comparatur ad absolutum in ordine ad objecta diversa, videlicet quatenus conditionatum est circa futura, quæ nunquam erunt, & absolutum circa illa, quæ aliquando erunt. Et sic nullus est ordo inter objecta illorum, ut per se patet, quia impertinenter se habent, nec futurum esse unius pendet ex esse possibili alterius, nec e converso: ergo neque inter tales actus est ordo. Vel illa decreta comparantur ad unum, & idem futurum, quod prius sub conditione, postea absolute futurum decernitur, & sic minus potest ordo intelligi: nam licet possibile, ut sic, sit prius, quam futurum, quia potest esse sine futuro, & non e contrario, tamen in futuro sub conditione non potest hic ordo considerari juxta illam sententiam, nam illa supponit, quod res habeat utramque rationem futuri tam conditionati, quam absoluti a decreto divino: cum ergo utraque ratio futuri non sit nisi per denominationem a libero decreto Dei ita præiniente, ut sit ordo aliquis in re ipsa sic, vel sic futura, debet supponi ordo inter ipsa decreta, in decretis autem esse non potest nisi ratione objectorum; ergo committitur circulus, & impossibilis ostenditur talis ordo. Quod

Adæquatum decretum circa conditionata possibilia iterum rejicitur.

Tertia superioris decreti impugnatio.

In 2o modo decreti conditionati dubium, & aliquorum placitum.

Decretum virtute complexens infinita argumentum rejiciuntur.

etiam patet, quia neutrum decretum alterum necessario supponit, etiam secundum nostrum intelligendi modum, potest enim Deus habere unum decretum sine altero, & e contrario, ut facillime potest ab unoquoque considerari. Ergo frustra cogitur ordo inter talia decreta. Præterquam quod frustra inducuntur etiam concomitanter circa eadem futura, ut alia argumenta ostendunt, & nunc amplius explicabitur.

12. Potest enī ulterius dubitari, esto non asseramus habuisse Deum decretum conditionatum circa omnia futura possibilia, & sub omni conditione, & combinatione possibili, saltem habuerit illud circa aliquos actus liberos sub conditione futuros. In qua interrogatione, supposita resolutione negativa dubii præcedentis, consequenter videtur dicendum, non habuisse Deum talem actum circa creaturas rationales, seu voluntates tantum possibiles, id est, quæ nunquam futuræ sunt. Probat, quia ostensum est non habuisse tale decretum circa omnia possibilia præintellecta, & nondum absolute futura; ergo dicendum consequenter est circa nullam voluntatem consideratam tantum ut possibilem habuisse talem actum, ac proinde circa illas voluntates, quæ nunquam futuræ sunt sed manserunt sub solo esse possibili, non habuisse Deum tale decretum. Probat consequentia, tum quia eadem est ratio de singulis, quæ est de omnibus simul sumptis: tum etiam quia rationes factæ in præcedenti puncto eandem efficaciam habent in singulis voluntatibus tantum possibilibus, ut facile consideranti, & applicanti patebit. Superest ergo, ut de voluntatibus hominum, & Angelorum, qui creati; vel creandi sunt, videamus. In illis autem duos actuum ordines distinguere possumus, unus est actuum liberorum, qui sunt aliquando futuri, quatenus prius ratione considerari possunt ut possibiles, quam ut absolute futuri: alius est actuum possibilium, qui absolute non sunt futuri, ut fuit Tyrionum penitentia.

13. De his futuris contingentibus, quæ aliquando futura sunt, aliqui probant non habere Deum circa illa conditionatum decretum, quia hæc futura nunquam præsciuntur ut futura sub conditione: ergo neque sub conditione præsciuntur. Antecedens probatur, quia ex æternitate præsciuntur absoluta scientia simpliciter futura: ergo non possunt simul sub conditione præsciri, quia jam est purificata conditio. Prima vero consequentia probatur, tum a paritate rationis; imo si præscientia, quæ est suo modo naturalis, & necessaria, non datur conditionata circa talia absolute futura, multo minus dabitur conditionatum decretum, quod nec necessarium est, nec ad perfectionem per se pertinet: tum etiam quia si daretur tale decretum conditionatum, eo ipso posset in illo subsistere conditionata præscientia ejusdem futuri sic prædefiniti. Hoc vero fundamentum non est solidum. Nam antecedens ejus falsum est: supra enim ostendimus peccatum Adæ, v.g. prius fuisse sub conditione prævisum, si permitteretur, quam fuerit permissum, & consequenter prius etiam quam fuerit absolute prævisum, quia ante præscientiam absolutam præcedit voluntas permittendi. Et similibus exemplis, variis testimoniiis ostendimus supra circa eandem futuram præcedere in Deo secundum rationem conditionatam præscientiam ante absolutam. Neque contra hoc obstat, quod præscientia absoluta sit æterna, quia etiam præscientia conditionata æterna est, & in ipsa æternitate una scientia est prior ratione, quam alia, quando ex parte objecti est fundamentum. Unde licet posterius ratione purificetur conditio, & ideo sequatur absoluta scientia, nihilominus prius ratione potest conditio intelligi ut nondum definita, vel impleta, & ideo esse potest locus conditionatæ præscientiæ, ut videre licet in futuris necessariis sub conditione: nam prius præsciuntur in objectis possibilibus, licet in alio signo rationis præsciantur absolute futura, ut prius vidit, quod si sol crearetur, illuminaturus esset, & postea vidit solem illuminatum. Idem ergo intelligitur facile etiam in contingentibus. Quapropter non repugnat simul, & ex æternitate habere Deum præscientiam conditionatam, & absolutam ejusdem futuri conditionati. Imo semper ante præscientiam absolutam

conditionata præcedit quatenus ad simplicem intelligentiam pertinet, & ante libera decreta præcedit, ut dictum est. Nihilominus tamen non est eadem ratio de decretis conditionatis, illa enim cum nullo modo necessaria sint, sed libera, nisi ex effectu, vel alio certo principio inferantur, non sunt gratis fingenda, ut dixi. Unde circa res absolute futuras non videntur admittenda decreta conditionata, cum absoluta sufficiant.

14. Veruntamen hoc non obstante, in hoc puncto varii sunt dicendi modi. Nam qui putant præscientiam Dei de futuris actibus liberis præsupponere semper decretum prædefiniens, & prædeterminans talem actum, in quo fundetur, simulque admittunt Deum certo præscire hæc futura sub conditione prius ratione, quam illa cognoscat, ut absoluta futura, consequenter dicunt habere Deum circa futura decretum conditionatum prius quam habear absolutum: quod solum asserunt, ne cogantur vel negare in his omnibus conditionatam præscientiam, vel illam sine prævio decreto admittere. Sed nihilominus rationes supra factæ contra hanc sententiam vim habent: quia revera otiosum est, & inutile tale conditionatum decretum, si effectus futurus est per absolutum, & prædefinitivum. Quod explicatur exemplo illo de peccato Adæ, nam postquam

Deus per simplicem intelligentiam prænovit tale peccatum futurum fuisse in tali occasione, si ipse voluntatem Adæ ad materiale actum determinaret, & ita peccatum permitteret, statim decrevit voluntatem Adæ sic determinare: ergo inutiliter, & gratis fingitur, ante hoc decretum absolutum habuisse Deum aliud conditionatum, quo statuit, quod si talis occasio occurreret, seu poneretur in rerum natura, determinaturus esset voluntatem Adæ ad talem actum: quia in ordine ad providentiam Dei circa tale peccatum, nihil confert tale decretum, quia ex vi illius Deus nihil ad extra operatur: item quia nulla est ratio ordinis, etiam secundum rationem, inter decretum illud conditionatum, & aliud absolutum & concomitanter esse non possunt, quia posito actu, absoluto purificatur conditio, & consequenter obiectum decreti conditionati tollitur: item quia solum videtur fingi tunc tale decretum, ut possit præcedere conditionata præscientia ante decretum absolutum, seu ante permissionem absolutam talis peccati: hoc enim Patres supra allegati supponere videntur. At vero hoc est contra mentem eorundem Patrum, ut supra visum est, loquuntur enim de præscientia, quæ præcedat omne decretum liberum Dei, alias frustra quærent, cur Deus præsciens futurum peccatum, illud permiserit, si jam illa præscientia esset ex priori permissione. Inde igitur potius probatur illam præscientiam non fundari in decreto, quam quod sit tale decretum propter præscientiam: imo si præscientia illa non posset haberi, nisi in simili decreto, tam esset impertinens illa præscientia, quam ipsum decretum: quia ad nullum effectum providentiæ, nec ad conciliandam libertatem cum prædefinitione, nec ad reddendam rationem, cur Deus permittat peccatum, quod præscit futurum, deserviret. Ac denique cum illud decretum ex parte Dei sit prædefinitivum, licet ex parte objecti conditionem includat; augeret absurditatem, quæ in eo cernitur, quod Deus ex se præscinat actus malos, quasi non satis illi sit, eos absolute decernere, sed etiam in illis sub conditione præsciendis quasi complacere, & otiose delectari. Quæ ultima ratio est propria malorum actuum; alia vero etiam in bonis locum habent: & ideo omne decretum prædefinitivum sub conditione circa actus liberos absolute futuros impertinens est, etiam si ex decreto absoluto prædefiniendo futuri esse supponantur.

15. At vero aliqui auctores, licet negent facere Deum in nobis actus liberos per decreta prævia prædeterminantia, nihilominus ponunt in Deo duplex decretum, unum absolutum, & aliud conditionatum circa hos actus, quos voluntas humana libere facit, vel est aliquando factura. Nam quia hi actus fieri non possunt sine concursu Dei simultaneo, necesse est, ut ex parte Dei antecedat decretum, & voluntas offerendi concursus hujusmodi: quam voluntatem dicunt esse generalem, nimirum offerendi concursum ad plures actus,

Idem qui-
dem di-
cendum
de decre-
to circa
aliquos a-
ctus libe-
ros sub
conditio-
ne futu-
ros.

1. Dico-
di modus
concedes
conditio-
natum de-
cretum.

Impugna-
tur.

Opinio a-
liorum
non ha-
bere De-
um con-
ditionale
decretum
circa ea,
quæ ali-
quando
futura
sunt.

Relicuitur.

Proponi-
tur 2. mo-
dus con-
cedendi
decretum
conditio-
nale, si-
mul cum
absoluta.

actus, inter quos potest voluntas in tali occasione de-
liberare, seu eligere, quia hoc necessarium est, ut ho-
mo sit potens ad quemlibet eliciendum, & consequen-
ter est etiam ad actum liberum necessarium, unde et-
iam concludunt decretum illud voluntatis Dei esse con-
ditionatum, quia non habet effectum, nisi cooperan-
te libero arbitrio hominis, quæ est conditio intime in-
clusa objecto talis decreti: inde enim fit, ut licet hæc
voluntas Dei ad plures actus divisim offerat concur-
sum unum tantum operetur. Ita ergo ad hos actus li-
beros decretum conditionatum antecedit. Quia vero
conditionatum decretum non videtur sufficere, ut ef-
fectus in re fiat, ideo dicunt dicti auctores necessarium
esse aliud decretum absolutum, & particulare, quo
Deus simpliciter vult, ut hic, & nunc talis actus a ta-
li voluntate circa tale objectum fiat. Quod decretum
vocant concomitans, & non prædefiniens, quia est
de effectu simul efficiendo cum libero arbitrio, & non
aliter, & quia non vult absolute Deus liberum arbi-
trium sic operari, nisi quia supposito priori decreto
conditionato, & universali, prævidet liberum ipsum
arbitrium fore ad illum actum determinandum, potius
quam ad alium. Ita sentit Corduba l. 1. q. 55. dub. 8. 9.
& 10. & multi alii ex modernis.

16. Ego tamen nunquam intelligere potui, cur ne-
cessarium sit, vel quomodo satis intelligi possit, quod
concurfus Dei simultaneus procedat immediate ab hoc
decreto particulari, quo Deus absolute vult istum ac-
tum fieri nunc a tali voluntate humana. Nam sup-
pono priorem actum non ita esse, aut dici generalem,
ut solum in confuso versetur circa actum liberum in
communi, vel possibilem circa tale objectum hic, &
nunc, quia vel Deus non habet huiusmodi actus con-
fusus, qui ex parte cognitionis, seu apprehensionis
objecti imperfectionem videntur supponere: vel cer-
te quia talis actus non est necessarius, nec sufficit ex
parte Dei ad agendum aliquid ad extra, cum actiones
sint circa particularia, & ad illas etiam particularia
decreta sufficiant: neque etiam ex parte liberi arbitrii
est necessarium tale decretum confusum, quia per
decretum particulare sufficienter ei providetur, ut jam
declaro. Dicitur ergo illud conditionatum decretum
generale, quia per illud non offertur concursus ad u-
num tantum actum, sed ad plures, vel etiam ad om-
nes, quos liberum arbitrium circa objectum sic pro-
positum potest hic, & nunc exercere. Ad omnes (in-
quam) non in individuo possibles, sed in specie,
non tamen confuse, sed in particulari ad determina-
tum, & singularem actum sub speciebus singulis, ut
ad talem actum amoris, odii, consensus, vel dissen-
sus, & similes: per hoc enim non impeditur libertas
etiam, quoad specificationem, cum voluntas man-
eat indifferens ad actus diversos, & contrarios effi-
ciendos. Imo per illud decretum quodammodo com-
pletur libertas, quia voluntas creata non potest ex
sua sola libertate determinate individuationem sui ac-
tus, & ideo ut operari possit, & eligere, necesse est,
ut habeat paratum concursum ad determinatos actus
in omnibus speciebus, inter quas potest eligere. Sic
ergo necessarium est decretum commune ad plures ac-
tus, licet sit etiam ad singulos in individuo. Est au-
tem tale decretum quasi conditionatum, quia, ut sal-
vetur libertas quoad exercitium, non determinatur ta-
le decretum simpliciter ad agendum, sed coagendum,
utique si arbitrium creatum coagere voluerit.

17. Sic ergo explicato illo generali decreto condi-
tionato, dico per se, & ex vi concursus simultanei non
esse necessarium aliud decretum absolutum particulare
circa actum illum, qui in tempore fit, vel futurus est
a libero arbitrio creato. Primo quia illud prius decre-
tum etiam est particulare, ut declaravi; unde ex hac
parte habet sufficientem determinationem, ut opere-
tur ad extra: neque enim obstat, quod de se extendat-
ur ad alios actus posibles, seu (quod perinde est)
quod Deus habeat plura decreta similia ratione distin-
cta, quibus offert concursum ad varios actus: nam
potest nihilominus agere per unum potius, quam per
aliud, non ex parte ipsorum decretorum Dei, sed ex
parte arbitrii creati, quod pro sua libertate uni decre-
to potius, quam alteri cooperatur: ergo ex hac parte

sufficit quodcumque ex illis decretis ad operandum ad
extra. Aliunde vero non obstat quod sit conditiona-
tum, quia quantum est ex parte Dei est absolutum;
quia revera Deus, quantum est ex se, paratus est ad
efficaciter concurrendum, tam ad hunc, quam ad il-
lum actum: ergo hoc satis est, ut efficiat illum ad
quem coagendum liberum arbitrium inclinatur. Et
declaratur, nam si potentia executiva, seu activa Dei
ad extra est distincta ratione a voluntate, & per hanc
applicatur ad agendum, per illum actum quasi condi-
tionatum manet applicata, & exposita ad influendum
ad talem actum, si ei voluntas creata adjungatur. Si
vero ipsa voluntas est ipsa potentia immediate ad extra
efficiens, satis illi est ad efficiendum ita velle, sicut
effectura est. At vero non est effectura actum liberum
voluntatis creatæ se sola, sed simul cum voluntate crea-
ta, si ipsa velit: ergo satis est, ut hoc ipsum velit, si-
cut revera illud vult per illud decretum conditiona-
tum, quia per illud præcise vult coagere voluntati, li-
cet non prædeterminando illam ad agendum: er-
go illud idem decretum sufficit, ut voluntas Dei ac-
tum voluntatis humanæ coefficient, quando hæc ipsi
adjungitur.

18. Unde etiam videtur concludi, non solum fru-
stra poni aliud decretum ratione posterius, & absolu-
tum, sed etiam poni non posse, salva integra liberta-
te creatæ voluntatis. Primo quidem, quia illud poste-
rius decretum est simpliciter necessarium ad concur-
sum ad extra præstandum, vel non est necessarium.
Si necessarium non est, superflue ponitur. Si vero est
necessarium: ergo per illud prius decretum non offert-
tur sufficienter voluntati humanæ concursus necessa-
rius ad alios actus, quos non facit, & consequenter
non libere illos omittit, sed ex defectu concursus. Se-
quela patet, quia non habet homo concursum quasi in
actu primo, nisi quatenus illum habet paratum per vo-
luntatem Dei: ergo non habet illum sufficienter, do-
nec per sufficientem Dei voluntatem sit oblatus, ita ut
non sit necessarium expectare aliud decretum Dei, ut
in re ipsa ponatur ad extra talis concursus, nec ut vo-
luntas hominis illi cooperetur, si velit. Secundo quia
si illud decretum absolutum est necessarium, non erit
in potestate hominis, quod Deus habeat, vel non ha-
beat tale decretum, & consequenter cum illud non
supponitur, neque etiam effectus ejus erit in hominis
potestate. Hæc posterior sequela manifesta est. Prior
vero probatur, quia sic esset in potestate hominis,
maxime quia supponit in Deo præscientiam sub condi-
tione illius actus in particulari, ad quem est determi-
nanda voluntas creata cum concursu oblato per prius
decretum generale, & conditionatum; at hoc invol-
vit repugnantiam in illa sententia; ergo. Major pa-
tet ex ejusdem sententiæ declaratione. Minor proba-
tur ex ejusdem principiis. Quia concursus non potest
dari ad extra per conditionatum decretum, donec ac-
cedat absolutum: ergo nec potest sub conditione præ-
videri, quid sit operatura voluntas, si illi offeratur
concurfus per solum conditionatum decretum, quia
cum illo solo nihil potest operari ad extra; & ut fu-
turum sub conditione prævideatur, necessarium est,
ut ex parte causæ ponantur omnia necessaria ad effe-
ctum immediate influendum, qui debet prævideri ef-
fectus in se, & ut manans a causa, quod est impossi-
bile, nisi supponatur quidquid necessarium est ad a-
gendum ex parte causæ proximæ. Propter quod exi-
stimo, vel illum modum præscientiæ esse impossibilem,
vel posterius decretum non esse necessarium ad concur-
sum ad extra tribuendum. Unde arguuntur ter-
tio, quia tale decretum posterius, vel non potest non
esse prædefinitivum, ac prædeterminativum volunta-
tis humanæ, vel non potest non esse aliquo modo con-
ditionatum. Probatur quia vel Deus per illud decre-
tum non solum vult concurrere, sed etiam absolute
vult concurrere, nihil de concursu voluntatis absolute
disponendo, sed quasi permittendo, Priori modo de-
cretum Dei est prædefinitivum, & non tantum con-
comitans, quia & est absolutum de actu ipso, & de
ipsomet voluntatis humanæ conatu, & (ut ostendi)
non potest esse ex præscientia ejusdem actus ut futuri
sub

Posterius
decretum
si daretur
oblaret
libertati.

2. Argum.

3. Argum.

Bellar-
m. l. 4. de
Grat. &
lib. arb. c.
16.
Vazq. su-
pra Dio-
tales su-
pra. Pe-
santius
supra.

Explica-
tur 2. mo-
dus acci-
piendi de-
cretum
conditio-
natum

Non est
necessa-
rium ali-
ud particu-
ulare
decretum
absolutum
distinctum
a supra
dicto.

sub conditione, nisi in ipsamet conditione hoc idem decretum prædefiniens includatur, quod & libertati repugnat, & a dictis auctoribus non conceditur. Posteriori autem modo decretum semper includit conditionem in objecto suo, utique concausationem liberi arbitrii, quam non determinat, sed suæ libertati permittit, & ita supersuum est tale decretum, quia quoad hanc partem coincidit cum priori decreto conditionato, solumque cum priori conjunguntur alia decreta, quibus concursus ad alios actus offertur, quæ non obstant, quo minus per illud prius decretum concursus ad extra non solum offeratur, sed etiam comitante libero arbitrio conferatur.

Sufficit
ad simul-
taneum
concursum
decretum
quo Deus
ad hunc
ad hunc in
peculiari
concurrit.

19. Quapropter dicendum cenſeo, propter solum simultaneum concursum non esse necessaria duo decreta, sed sufficere illud, quo Deus, quantum est ex se, offert concursum voluntati ad hunc actum in particulari, licet simul offerat similem concursum ad alios actus. Imo credimus de actibus malis, etiam ut actiones reales sunt, non habere Deum aliud decretum magis absolutum, quo illos esse velit, quia nec illos præfinit, neque in eis complacet simpliciter, sed tantum secundum quid, scilicet, prout ab ipso Deo sunt seu quoad generalem concursum, quem ad eos præbet: prout vero sunt ab homine, simpliciter displicent Deo, & illos ad pœnam ordinat. In quo est aliquod discrimen in bonis actibus; nam illos absolute vult Deus, sicut voluntate consequente, & complacentie, & præfinit actus supernaturales, & gratiæ. Nam præter voluntatem antecedentem, qua Deus non solum vult ad illos actus concurrere, sed etiam cupit illos fieri, & ideo illos consiliat, inspirat, &c. habet erga illos absolutum complacentiæ affectum consequentem: nam videns liberum arbitrium cum gratiâ determinari ad actum bonum, in illo complacet non solum prout est a se, sed etiam prout est ab homine, seu quatenus in se est honestus, & suæ voluntati conformis. Et fortasse semper, vel sæpius tales actus prædefinit per modum intentionis, licet non per modum executionis, ut l. 5. in fine explicabimus. Illa vero prædefinitio supponit scientiam conditionatam priorem omnino decreto prædefiniente sub eadem conditione, quia tale decretum supervacaneum est, ut ostendimus; cum nec ad præbendum concursum, nec ad alium effectum providentiæ circa tales actus sit necessarium. Imò neque esset possibile, salva libertate actus, ut d. l. 5. ostendimus.

Contro-
versia
præcipua
in quo sit
decreto.

26. Superest dicendum de ultimo membro, scilicet de voluntatibus creatis, vel aliquando futuris quoad actus futuros sub aliqua conditione, qui nunquam futuri sunt, quia conditio nunquam est eventura, ut fuit pœnitentia Tyrionum, & traditio Ceilitarum, & similes, de quibus est præcipua controversia cum adversariis, qui propter Scripturæ testimonia fatentur habere Deum præscientiam talium futurorum certam, & infallibilem, & quia manifestum est Deum non habuisse circa hæc futura absoluta decreta, consingunt conditionata decreta prædefinitiva, & particularia circa talia futura: nullam vero illorum decretorum rationem assignant, vel utilitatem; sed tantum a posteriori, quia Deus illa futura revelavit, fatentur illa prævidisse, & quia alias supponunt non posse futura præsciri, nisi in decreto prædefiniente, concludunt talium decretorum necessitatem. Vocatur autem tale decretum prædefinitivum, licet sit conditionatum, quia tale est, ut posita conditione, ex vi illius Deus efficaciter prædeterminaret voluntatem hominis ad talem actum, ut voluntatem Tyrionum ad pœnitentiam, si vidissent signa; & voluntates Ceilitarum ad tradendum David, si Saul ascendisset, & civitatem obsideret.

Multiplex
de-
cretorum
conditio-
natorum
acceptio.

21. Nos vero dicimus distinguenda esse hæc decreta, & ut doctrina sit generalis, & integra, extendere possumus sermonem etiam ad effectus, quos Deus esset factururus, si aliqua conditio impleveretur. Quædam ergo decreta conditionata esse possunt de rebus, quas Deus esset factururus, si hoc, vel illud accideret: alia de his, quas homines libere essent facturi, si talis conditio poneretur. Item quedam ex his continentur sub generalibus legibus providentiæ diviniæ ut particu-

lare sub universali: alia vero cogitari possunt ita specialia, ut in generalibus principiis providentiæ, gratiæ, vel naturæ non contineantur. Item conditio ipsa interdum talis est, ut a Deo solo sit implenda pro suo arbitrio, interdum ab homine futura postulatur. Exempla quoad decreta ipsius Dei, seu de effectibus, quos ipse esset factururus, si talis conditio impleveretur, possumus adhibere ex Scriptura. Dicitur enim Psalm. 80. *Si populus audisset me, Israel si in viis meis ambulasset, pro nihilo forsitan inimicos eorum humiliasset.* Ubi sub conditione asserit Deus, quid ipse esset factururus, si populus Israel recte circa eum se gessisset: quæ prædictio potest fundari in generali lege providentiæ Dei, qua statuit, & sæpe promittit illum populum ab inimicis defendere, si obedisset legi ejus. Particula vero *forsitan*, non propter dubitationem addita est, sed forte ad denotandum illam conditionem deuisse perfecte impleri, ut locum haberet infallibilis ejus consecutio, ac promissionis adimpletio. Simili modo cum Elisæus 4. Reg. 13. dixit ad Joas Regem Israel. *Si percussisses quinquies, aut sexies sive septies percussisses Syriam usque ad consumptionem*, prædixit sub illa conditione aliquid, quod Deus factururus fuisset, si talis conditio fuisset impleta, illa enim victoria divina virtute futura fuisset: illa ergo prædictio fundata sine dubio fuit in decreto conditionato Dei, quo id facere statuerat, si Rex quinquies, &c. percussisset terram. Quod decretum non potest dici esse contentum in aliqua lege, vel permissione generali Dei, ut per se notum est, sed videtur fuisse ex speciali providentia circa factum illud ex solo consilio voluntatis suæ. Ille enim effectus sine dubio non erat per se connexus cum illa conditione, nec conditio illa percutiendi multoties quicquam conferebat ad effectum; voluit tamen Deus expectare tale signum, aut symbolum, & non aliter conferre vires, & potentiam ad consummatam victoriam obtinendam. Simili modo intelligi potest locus Jerem. 38. supra c. 2. allegatus: *Si profectus exieris ad Principes Regis Babylonis, vivet anima tua.* Ibi enim prædicitur aliquid, quod Deus ipse promittebat tanquam sua virtute, & speciali auxilio, ac providentia implendum, promittere autem illud voluit sub tali conditione ex sua speciali dispensatione, & non alio modo, ut Rex ille se humiliaret, & ob alias causas Deo notas. Ad hoc denique genus pertinent conditionales omnes propositiones de futuro, quæ in promissionibus divinis sub conditione factis hominibus fundantur. Ut si homo se disposuerit, Deus illi gratiam conferet, si oraverit, sicut oportet, impetrabit, & similes.

22. De his ergo conditionatis decretis nulla nobis est controversia, tum quia sufficienter sunt revelata; tum etiam quia vel ad generalem, vel ad specialem providentiam gratiæ, vel naturæ necessaria sunt. Unde quando decreta sunt generalia, in multis habent effectum, quia in eis subsistit conditio, in aliis vero, in quibus non impletur, Deus ex parte sua paratus est ex vi sui decreti effectum conferre, licet postea non faciat ex defectu conditionis, quod satis est, etiam in specialibus decretis, ut non sint otiosa, aut superflua, sed ad ordinem providentiæ pertinentia: Ex quo etiam fit, quod attente considerandum est, in omnibus hujusmodi decretis conditionatis semper postulari conditionem ex parte hominis libere operantis ad aliquem effectum, ut in exemplis allatis videre licet. Nunquam vero invenietur promissio effectus sub conditione pendente a solo beneplacito Dei, quæ ob defectum solius conditionis non impleatur; quia talis promissio vana esset, & nullius utilitatis, quia semper tota promissio penderet ex solo arbitrio promittentis, & ideo perinde est, ac si non fieret, ut si ego alicui promitterem, si voluero dabo tibi centum, vel si quis ita promittat, si venero, hoc faciam, cum proposito nunquam veniendi frustranea esset promissio, maxime si propositum illud esset immutabile. Ita ergo esset, si Deus promitteret alicui, v.g. Si te vocarem, prædeterminarem ad consensum, & aliqui haberet absolutum decretum nunquam vocandi; nam cum vocatio a sola Dei voluntate penderet, & decretum illud sit immutabile, otiosa, & frustratoria esset talis promissio:

Horum
decreto-
rum reve-
latio ne-
cessariaq;
patet,
quando
non adim-
pletur
est ex de-
fectu con-
ditionis
que ex
parte ho-
minis ap-
ponenda
erat.

& si-

& similiter vanum est tale decretum conditionale, in quo possit talis promissio fundari, ideoque non est Deo tribuendum: nam de illo omnes rationes paulo antea factæ procedunt.

Exempla vero, quæ pertinent ad effectus contingentes, quos ipse homo esset factururus, si talis conditio impleretur, manifesta sunt in pœnitentia Tyriorum, & facto Ceilitarum. Inter quæ differentiam considero: nam in priori effectu conditio proxime pendebat ex divina voluntate, in posteriori vero ex humana, ut facile consideranti patebit. Ex qua differentia aliam infero: nam in priori effectu, qui futurus esset a voluntate hominis, si poneretur conditio pendens ex sola voluntate Dei, non potest veritas conditionata de futuro contingenti fundari in decreto prædeterminante conditionato Dei, quando tale futurum sub conditione nunquam est absolute futurum. Quia si Deus habuisset tale decretum conditionatum de prædeterminanda voluntate creata ad talem effectum subsistente tali conditione, oportuisset, ut ex vi talis decreti esset Deus paratus ad prædeterminationem illam conferendam: alioqui vanum, & sine utilitate ulla esset tale decretum, ut in aliis argumentari sumus: at Deus in eo casu non est paratus ad dandum tale auxilium, quia, si esset paratus, daret illud, cum ab homine non penderet; ergo nec habuit tale decretum. Item conditio illa, ut supponitur, pendet ex sola voluntate Dei, & aliqui Deus ex se decrevit non ponere talem conditionem, quia supponitur nunquam futura; ergo non potest paratus esse ad dandum aliud auxilium, quod illam conditionem impletam necessariò requirit. Denique in facto Tyriorum, & Sidoniorum res aperte declaratur. Nam conditio, sub qua prædicta fuit eorum pœnitentia, fuit, *si tales virtutes factæ essent in te*, quæ conditio ex sola Dei voluntate fuit dependens: at vero per absolutum ejus decretum præfinitum fuit, ut tales virtutes in illis civitatibus non fierent; ergo Deus non habuit decretum determinandi ad pœnitentiam homines illarum civitatum, si tales virtutes in illis fierent. Probatur consequentia, quia tale decretum fuisset de re pendente a sola voluntate Dei, & sub conditione ab eadem voluntate sola pendente, & ex decreto absoluto ejusdem voluntatis nunquam implenda, tale autem decretum conditionatum est profus otiosum, & frustraneum, quia per illud revera nihil Deus contulit Tyriis, vel Sidoniis, nec paratus fuit conferre, nec continet promissionem ullam, nec sub ulla generalitate divinæ providentiæ, nec ad illam aliquid confert. Frustra ergo Deo tribuitur, nec potest fundari in Scriptura: nam considerando circumstantias illius particularis loci Matth. 1. potius illi repugnat, ut supra ostendi; in nullo vero alio Scripturæ loco simile aliquod decretum invenitur, aut insinuatur, quod ego invenire potuerim.

24. At vero quando effectus futurus esset a voluntate hominis, & conditio etiam pender ab hominis voluntate, distinguendum videtur inter effectum futurum a malo, & peccaminoso actu voluntatis, vel a bono; nam in priori non potest futuritio conditionata fundari in decreto Dei conditionato, quia oportere per tale decretum esse paratam divinam voluntatem ad inducendam voluntatem humanam ad actum malum, si talis conditio impleretur, ut jam declaratum est: hoc autem repugnat divinæ voluntati, sine illa inductio intelligatur per modum inspirationis, aut cogitationis a Deo immixtæ, sive multo magis per modum physicæ prædeterminationis, ut l. 3. manifestum fiet, & talis est casus de Davide, & Saule, & Ceilitis, ut supra visum est. At vero quando effectus contingens posset esse ab humana voluntate sine culpa, tunc non repugnat Deo tale decretum conditionatum, dummodo ad ordinem, & consilia divinæ providentiæ aliquid conferat: quia tunc licet effectus esset futurus proxime ab humana voluntate, posset esse principaliter per operationem Dei facientis illam velle, sive per determinationem, sive per congruas inspirationes, & cogitationes (hoc enim ad præsens punctum non refert) & ideo non repugnat talem prædictionem in tali Dei promissione, seu decreto sub conditione fundari. Exemplum adhibere possumus in aliis verbis sumptis

ex Jer. 38. *Si exieris ad Principes Regis Babylonis, non te tradent transfugas Judæis*, nam in eis prædicitur effectus pendens a voluntate Principum Chaldeorum, & supponens conditionem pendentem a voluntate Regis Sedecie, & nihilominus continent illa virtutem promissionem Dei, & consequenter ostendunt voluntatem Dei determinatam ad dirigendas voluntates Chaldeorum Principum, si Sedecias ad illos exiret, ut infallibiliter illum non traderent Judæis. Tale ergo decretum conditionatum in Deo esse potest, & non est frustra, sed ad dispositionem suæ providentiæ pertinere potuit.

25. His ergo modis videntur vel admittenda, vel reiicienda conditionata decreta libera in voluntate Dei ita ut neque illa negentur, quæ in Scriptura, & ordine providentiæ fundantur, neque illa fingantur, quæ utroque fundamento, omnique utilitate carent. Unde tandem concluditur, per hæc decreta conditionata non satis defendi præscientiam certam omnium futurorum sub conditione. Nam licet ea futura sub conditione, quæ pendet ex sola voluntate Dei, possint ex vi decreti conditionati præsciri, quia per ipsum decretum habent immediate, quod essent futura: nihilominus alia futura, quæ proxime pendet a voluntate humana, & in Scriptura revelantur, non potuerunt præsciri ex vi talis decreti, quia ex aliis decretis Dei, vel ex rei inutilitate, & ex modo ipso loquendi Scripturæ satis colligitur Deum tale decretum non habuisse, ut explicatum est. Et de conditionatis decretis, & de fundamentis scientiæ conditionatæ hæc nobis sufficere videntur. Nunc aliquibus objectionibus satisfaciendum superest.

C A P U T IX.

Nonnullis objectionibus occurritur, earumque occasione doctrina data magis declaratur, & veluti in summam redigitur.

I. **P**robando sententiam nostram præcipua fundamenta contrariæ sententiæ dissolvimus, ut vero nihil consideratione dignum prætermittamus, nonnullas alias objectiones proponemus, ex quarum solutione veritas ipsa magis elucescet. Prima obiectio est, quia ex nostra sententia sequitur esse aliquam creatam veritatem necessario futuram absque voluntate Dei: consequens videtur valde absurdum; ergo. Sequela pater, quia si Deus ante omne suum decretum liberum prævidit Adam constitutum in tali statu, & occasione, ac tentatione fuisse peccaturum, talis effectus vere fuit futurus independenter a libertate Dei, quia ante omne decretum suum liberum fuit futurus, unde post talem præscientiam non potuit Deus impedire, quominus, posita illa hypothesi, peccatum illud esset futurum. Et idem est in omnibus similibus. Consequens autem hoc esse absurdum videtur ostendi, quia si hoc verum esset, non haberet Deus absolutum, & universale dominium omnium futurorum eventuum, nec haberet omnipotentiam faciendi, ut a tali causa tali modo se habente proveniret, vel non proveniret talis effectus, quia necessario eventurus est, qui per scientiam conditionatam prævisus est futurus. Unde confirmatur difficultas, quia sicut in absolute futuris verum est illud. *Omnia quæcumque voluit fecit*, & e contrario etiam verum est, nihil fieri, vel futurum esse, nisi quod ipse vult, aut libere permittit: ita in conditionate futuris verum esse debet, nihil fuisse, vel esse posse sub aliqua conditione futurum, nisi quod ipse sub conditione, saltem libere, decernit, aut permittit; est enim eadem proportionalis ratio, & utrumque pertinet ad supremam, & universalissimam potestatem Dei; ergo non est illi denegandum. Præsertim quia nihil repugnat habere Deum hæc conditionata decreta, cum in ordine providentiæ sæpe sint necessaria, ut nos etiam fateamur: nam Deus offert generalem concursum, quo voluntas sæpe non est usura, quod non potest esse, nisi per conditionatum decretum, & similiter paratus est iustificare peccatorem, quem nunquam iustificabit, & sic de aliis.

2. confir-
matio.

2. Confirmatur secundo hæc difficultas, quia divina veritas est Deo ratio cognoscendi omnes veritates extra se, sicut divina bonitas est ratio volendi omnia bona extra se: non posset autem divina veritas esse ratio cognoscendi veritates has conditionatas, si illæ essent independentes a decreto Dei, quia tunc non haberent veritatem a Deo, & ita nec veritas Dei posset esse ratio cognoscendi illas: ergo impossibile est, quod habeant veritatem cognoscibilem ante decretum Dei. Tandem confirmatur, quia si Deus cognosceret hæc contingentia, ut determinate vera ante decretum voluntatis suæ, cognosceret illa, ut ex se omnino necessaria: vel revocanda erunt in aliquam aliam causam extrinsecam, & infallibiliter determinantem voluntatem hominis: consequens autem omnino est falsum: ergo. Sequela declaratur: nam constituamus verbi gratia Petrum, & Paulum prævisos sub esse possibili cum tali vocatione, & omnibus circumstantiis ejus, & ex vi libertatis de utroque prævideri in quodam priori signo rationis, posse consentire, vel dissentire, in posteriori autem signo, & ante decretum Dei Petri videri consensurum, & Paulum non consensurum: petro unde provenire possit hæc diversitas? non enim ex Deo, cum supponatur non habuisse decretum, nec ex ipsis voluntatibus humanis, cum sint æque indifferentes de se, nec ex objecto, cum supponatur esse idem, & licet esset diversum, non efficaciter movet: ergo oportet id referre vel in aliquam constellationem, vel aliquid simile. Quam vero absurdum hoc sit facile paret, quia & repugnat libertati, cum illa necessitas sit antecedens, & quasi fatalis, cum non sit ex decreto Dei, nec ex decreto hominis libero, sed quasi ex naturali determinatione. Et in operibus pietatis repugnat maxime divinæ gratiæ, ut constat. Multa argumenta his similia ab auctoribus contrariæ sententiæ prolixè satis multiplicantur. Sed illa omitto, quia ex eisdem principiis, & æquivocationibus terminorum procedunt; imò hæc etiam excusari possent, quia ex principiis positis facile possunt a quocumque dissolvi: tamen ut omnibus satisfaciamus, & majoris claritatis gratia, quæ diximus de veritate cognoscibili in his conditionatis, & modum præscientiæ illorum, quasi per recapitulationem amplius explicemus.

Ultima
confirmatio
exemplum
illud
est.

3. Multa ergo ex similibus argumentis ex eo procedunt, quia non distinguitur inter decretum Dei, ut præcedens ordine rationis in ipso met Deo, vel ut objective inclusum in hypothese futuri eventus conditionati. Hæc autem diversa esse, & supra tactum est, & est per se manifestum. Nam Deus per scientiam simplicis intelligentiæ, quæ omne decretum liberum præcedit, scit, quod si ignis applicetur ligno, calefaciet illud: in ea vero hypothese necessario includitur decretum Dei volentis concurrere, quia sine illo non posset sequi talis effectus, etiam posita conditione; ergo in illa includitur, si ignis applicetur, & Deus suum concursum non suspenderit, quæ non exprimitur, quia supponitur quasi inclusa ex naturali debito. Et in operibus liberis, etiam gratiæ, præcognoscit Deus per eandem scientiam, quod si talis homo talem inspirationem cum tali, vel tali motione, tali tempore habeat, consentiet: quia scientia antecedit omne decretum liberum in Deo ipso, non tamen excludit decretum liberum ad modum possibilis, & inclusum in objecto. Et in hoc sub his verbis necesse est, ut adversarii conveniant, quoniam talis præscientia necessaria est, ut Deus possit velle, & eligere media efficacis prædestinationis: sed differentia est in modo decreti, vel motionis: nam adversarii volunt in illa hypothese debere includi motionem prædeterminantem voluntatem creatam, vel hanc conditionalem: si ego voluero efficaciter, talem voluntatem consentire, & ex hac voluntate illam vocavero, &c. Nos autem dicimus, tale decretum sic inclusum in illa conditione non esse necessarium, sed sufficere decretum concurrenti simul tanee post talem vocationem, ita ut sensus conditionalis sit iste: Si dederò huic talem inspirationem, seu vocationem, & voluero illi offerre meum concursum, seu concomitans auxilium, talis actus sequetur. Unde fit, nunquam talem actum cognosci futurum sub conditione, sine aliquo decreto libero Dei, etiam si

2. An
madver-
tendum
non esse
necessa-
rium
quod de-
cretum in
condicio-
ne inclu-
datur, sed
sufficere
quod sit
post: vo-
cationem

modo nostro cognoscendi, & loquendi prius sit in Deo talis præscientia, quam sit quasi elicitum tale decretum liberum Dei.

4. Unde est secundo considerandum, sæpe confundi decretum liberum Dei generatim sumptum cum decreto prædeterminante efficaciter, seu prædeterminante: & quia dicimus Deum præcognoscere futura ante decretum prædeterminans, vel posse etiam esse futura sine tali decreto statim infertur, vel nobis tribuitur, quod asseramus futura conditionata præsciri independentem a decreto voluntatis Dei, quæ non est bona illatio, quia est a particulari ad universale negative. Et defectus potest facile deprehendi, quia peccatum præscitum futurum non solum ante decretum prædeterminans, aut absolute prædefiniens, seu (quod idem est) prædestinans etiam actum ipsius peccati, & tamen non erit futurum sine aliquo decreto voluntatis Dei, juxta illud Augustini in Enchirid. c. 95. *Non fit aliquid, nisi omnipotens fieri velit, vel sinendo, ut fiat, vel ipse faciendo, ut fiat, vel ipse faciendo.* Dicimus ergo ad cognoscenda futura conditionata, necessarium esse, ut in ipsa conditione ponatur aliquod decretum Dei, non tamen ita absolutum, ut prædeterminet voluntatem creatam: nam necessitas talis decreti repugnaret libertati voluntatis creatæ quoad usum liberum aliorum actuum, seu quoad liberam omissionem, v. l. (quod perinde est) quoad libertatem quoad specificationem, & respectu ejusdem actus futuri ex vi talis decreti repugnet libertati ejus quoad exercitium, neque præsciretur ut contingens, sed ut necessario consequens ex antecedenti suppositione. Præter absurditatem, quæ de peccatis sequitur, quod in simili decreto præscirentur futura, saltem quoad ipsos actus, a quibus est inseparabilis malitia, quæ quidem absurditas quanta sit, sæpe inculcatur a nobis, & millies repetetur, ac latissime in discursu hujus operis tractabitur, quia res est summæ considerationis, & quæ huic materiæ magnam lucem affert.

2. An
madver-
tendum
inque in-
ferri ex
nostra do-
ctrina fu-
tura præ-
sciri ab
sque de-
penden-
tia decre-
ti volun-
tatis Dei.

5. Ex quo advertimus tertio (quod supra jam tactum est) auctores contrariæ sententiæ reducere totam rationem præscientiæ divinæ circa futura contingentia ad necessariam illationem actus liberi ex hoc decreto divino prædeterminante: nam sine illo putant non posse esse veritatem determinatam in his propositionibus de futuro. Hoc enim est totum suæ sententiæ fundamentum in hoc puncto de præscientiæ conditionata. Unde duo ex illis sequuntur incommoda, unum in re ipsa, & contra doctrinam certam: aliud in sua schola, & contra principia in ea recepta ante hanc controversiam. Primum est, quod revera Deus non habet præscientiam contingentium, sed necessariorum, quia ut illa futura præscire possit, quæ ex se, & in ordine ad causam proximam essent contingentia, facit, ut necessario eveniant, ut sic illa præscire possit. Unde quidam ex dictis Theologis non dubitavit dicere, Deum non minus evidenter cognoscere futurum effectum in voluntate creatâ a se prædeterminatâ, quam in causâ naturaliter agente: at hoc dici non potest: ergo neque primum audiendum est. Consequentia cum minori sunt notæ. Major autem satis probata est ex dictis in præcedentibus capitibus, junctis his, quæ in præcedenti prolegomeno dicta sunt; & iterum est late probanda in lib. 9. Secundum incommodum est, quod si vera est illa sententia, frustra laboravit D. Th. in explicando modo, quo Deus præscit futura contingentia absoluta per præsentiam æternitatis, immo itaque dixisset, non posse cognoscere illa in causâ: nam licet non cognoscat in causâ proxima nude sumpta, quia sic non est causâ completa: cognoscit tamen in causâ completa per determinationem impressam a causâ primâ, quam determinationem futuram esse in sua voluntate cognoscit. Nec esset ulla differentia in cognoscendis futuris, quæ a sola Dei voluntate pendent, & quæ pendent a voluntate creatâ; nam omnium cognitio ad solam Dei voluntatem resolvitur. Hæc autem omnia, quam sint nova in doctrina D. Thomæ ex locis supra allegatis, & ex veteribus Thomistis, quos etiam allegavimus, satis constat.

2. An
madver-
tendum
illatione
actus li-
beri ex
hoc de-
creto, ex
qua duo
incom-
moda se-
quuntur.

6. Quarto advertimus, in his objectionibus, & aliis

4. an i
madver-
sio de di-
stinctione
determi-
nationis
in his
continge-
ntibus in
se, vel in
causa.

aliis, quæ ab istis auctoribus sunt, non distingui in his futuris contingentibus determinationem futuri effectus in causa, vel in se, quam nos etiam vocavimus determinationem in actu primo, vel in actu secundo. Hinc enim ex eo, quod effectus futurus non habet determinationem in actu primo in voluntate creata absque decreto prædeterminante, juxta eorum sententiam, inferunt non habere determinatam veritatem quia nimirum, supponunt nullam esse posse determinationem talis effectus, in qua veritas determinata propositionis de futuro nitatur. At vero D. Thom. in absolute futuris aliam determinationem effectus agnoscit, nimirum præsentia litatis in æternitate, quæ non est in causa, sed in ipso effectui in se ipso, & consequenter includit determinationem causæ ad illum producendum in actu secundo, ut præsentem æternitati, & per ordinem ad illam determinationem, & præsentiam, habent propositiones sub modo de futuro prolata determinatam veritatem. Ad hanc autem determinationem actualem, etiam ut præsentem æternitati, non oportet supponere causam ad unum determinatum in actu primo, sed satis est supponere illam completam omni modo in actu primo non ad unum tantum effectum, sed ad plures cum indifferentia, nam a tali causa potest prodire determinatus effectus pro ejus libertate, & de necessitate aliquis prodibit, considerando actum, ut futurum, quamvis non hic, vel ille determinate ex vi dispositionis causæ in completo actu primo, sed confuse aliquis: considerando autem actum, ut præsentem æternitati, necessario futurus est certus, & determinatus actus in specie, & individuo, & ad illum potest supponi concursus ex parte Dei ad hæc omnia determinatus, ac sufficiens, & simultaneus, qui satis est, ut effectus possit esse determinate præsens æterni intuitui divinæ præscientiæ sine alia prædeterminatione, quæ libertatem lædat. Et ideo D. Th. illum modum cognitionis, ut necessarium ad salvandam libertatem, & conciliandam cum illa præscientiam excogitavit, vel potius ex antiquioribus Patribus hausit. Idem ergo modus determinationis intelligendus est in futuris conditionatis in ordine ad præscientiam, illa enim etiam potest intueri, ut præsentia ex hypothesi, seu ad modum præsentium, & potest intueri causam non solum quoad dispositionem, & virtutem completam in actu primo, sed etiam quoad actualem habitudinem, & determinationem per actualem influxum in talem effectum, quem Deus infinita efficacia intelligendi intueri potest per modum præsentis. Nam eadem est habitudo inter talem causam, & actum ejus, apprehensis, ut præsentibus, & in se existentibus ex hypothesi, quæ intelligitur esse inter illa, ut præsentia æternitati: nam etiam hæc præsentia est objectiva, & non est de re vere, & realiter in se existente ab æterno, sed de re, quam Deus ita prorsus intuetur ac si vere in se existeret, vel sicut, intuetur illam nunc, quando in se jam existit, & ideo de illa intuetur non solum quid potest operari, sed etiam quid operatur, ex efficacia, & infinitate sui æterni intuitus. Ex eadem ergo simili modo intuetur emanationem futuram talis effectus a tali causa supposita ex hypothesi per modum præsentis: nam est eadem ratio, & nulla major invenitur repugnantia. Et tota hæc excellentia cognitionis meritiissime recognoscitur in infinitæ Dei scientiæ thesauro.

7. His positis facile est ad singulas objectiones respondere. Ad primam, in qua inferebatur aliquid esse futurum saltem sub conditione sine voluntate Dei, responderetur negando sequelam: quia licet illa scientia conditionata non supponat decretum aliquod liberum quasi præexistens in Deo, includit in ipsa hypothesi decretum liberum ponendum in re, ut ab illo esse possit effectus, qui dicitur sub conditione futurus, quia ab illo essentialiter pendet. Quod necesse est fateantur, qui dicunt Deum per suum concursum determinare voluntatem, quia consequenter negare non possunt, quin Deus per scientiam simplicis intelligentiæ & cognoscat, quod si voluntas hominis cum tali objecto, & cognitione creetur, & ipse Deus velit cum illa concurrere ad talem actum, illud efficiet. Solumque est inter nos & ipsos differentia, quod ipsi dicunt

illum concursum esse prævium, & prædeterminativum voluntatis creatæ, & ideo consequenter dicunt in illo, si dandus sit, cognosci infallibiliter futuram determinationem creatæ voluntatis: nos autem dicimus concursum non esse prædeterminantem, seu concomitantem, & ideo in decreto dandi illum, aut per modum illationis ex illo non cognosci liberam determinationem voluntatis futuram, sed cognosci in seipsa præsentia litate ex vi, & efficacia divini intuitus. Unde si argumentum coarctetur ad voluntatem Dei prædeterminantem, ita ut illatio sit, sequi ex nostra sententia, aliquid esse futurum sine voluntate Dei prædeterminante, concedimus sequelam: est enim consequens verissimum non solum in conditionatis futuris, sed etiam in absolutis, ut satis nos docent actus peccatorum, etiam ut tales actus sunt, & libere sunt. Neque hoc est contra Dei omnipotentiam, vel absolutum dominium, quia talis effectus non est futurus sine influxu omnipotentis Dei, nec sine voluntate sua, qua vult, & voluntatem creatam sinere libere operari, & cum illa concurrere. Possetque si vellet illum actum impedire, aliter se habendo cum voluntate creata. Si autem vult illam indifferentem sinere, necesse est, ut quod voluerit ipsa, operetur, & consequenter etiam necesse est, ut ipse Deus præsciat, quid ipsa voluntas creata, sic constituta, operatura, & volitura sit.

8. Unde facilis est responsio ad primam confirmationem: concedimus enim æquiparationem, quæ in illa sit inter futura absolute, vel sub conditione quantum ad hoc, quod sicut nihil est absolute futurum, nisi quod Deus aut vult fieri, aut vult sinere, ut fiat: ita in conditionatis nihil est futurum ex hypothesi, nisi quod Deus aut vellet fieri, aut vellet sinere, ut fieret. Discrimen autem est, nam respectu absolute futurorum illud velle Dei supponitur præexistens in Deo ante præscientiam absolutam respectu vero futurorum sub conditione non ita supponitur, sed solum includitur in conditione, tanquam conjungendum cum illa, si in ipsa poneretur. Et ratio discriminis est clara, quia scientia absoluta terminatur ad effectum secundum actualem existentiam præsentem absolute æternitati Dei, & ideo necessario supponit in Deo actuale decretum æternum, a quo dimanaturus sit concursus ad talem effectum. At vero conditionalis non ponit in esse, unde per scientiam illius non videtur effectus, ut absolute futurus, sed tantum sub conditione, & ideo necesse non est, ut decretum Dei in re ipsa supponatur, sed sufficit, ut in conditione includatur. Quod vero in illa confirmatione additur, non repugnare, quod sint in Deo aliqua decreta conditionata, jam declaratum est in capite præcedenti, quatenus id verum sit, & quomodo id non sufficiat, ut tota scientia futurorum sub conditione ad talia decreta conditionata, tanquam ad unicum, & necessarium fundamentum, revocetur. Nam ut talia decreta præcise spectata sint ratio sufficiens præsciendi futura, oportet, ut ex parte Dei sint absoluta, & prædefinitiva: imo & efficaciter prædeterminativa voluntatis creatæ, ut in tali decreto possit esse infallibilis futura cooperatio creatæ voluntatis. At vero respectu malorum actuum non sunt possibilia decreta prædeterminantia, quia repugnant divinæ bonitati, & sapientiæ, sive illa sint absoluta ex parte objectorum, sive conditionata, quia eadem est utrorumque ratio, si ex parte Dei sint absoluta, & prædeterminantia. Respectu autem bonorum actuum repugnant talia decreta libertati ipsorum, si efficaciter sint prædeterminativa quoad executionem, ut supponitur. Si vero solum sint prædefinitiva secundum ordinem intentionis, necesse est, ut supponat scientiam conditionatam, ne libertatem tollant, & ideo non possunt esse sufficiens talis scientiæ fundamentum. Quæ omnia infra in lib. 5. late probanda sunt de absolutis decretis, & ideo nunc longiori probationi superfedemus, supponendo, quod certissimum est, eandem in hoc esse rationem de decretis conditionatis, quæ de absolutis. Accedit præterea, quod multiplicatio talium decretorum conditionatorum supervacanea est, & inutilis, ac otiosa, & sine fundamento introducta, ut probavi. Sola

ergo

Ad 1. con-
firmatio-
nem in
conditio-
natis in-
cludi de-
cretum in
absolutis
præscie
respondetur.

Ad 1. ob-
jectionem
solutio
est nega-
tio seque-
ntia.

ergo illa conditionata decreta admittenda sunt, quæ divinæ providentiæ, ut versatur circa res aliquando futuras, consentanea, & utilia inveniuntur, & in generalibus principiis ejus fundari possunt. Hæc autem ita sunt conditionata, ut etiam ex parte Dei non sint omnino absoluta quoad executionem effectus, & prædeterminationem causæ secundæ. Quod si respectu contingentium absolute futurorum aliqua sunt decreta simpliciter absoluta, & prædefinitiva ex parte Dei, de se includunt virtutem conditionem, & ideo necesse est, ut supponant illam quasi purgatam per scientiam conditionatam, ut simpliciter, & absoluta esse possint, ut in l. j. c. ult. latius declarabo.

Ad rationem
firmam.
dicimus
veritatem
Dei esse
rationem
cognos-
cendi
veritates
creaturarum
ex parte
principii,
non vero
ex parte
termini.

9. Ad secundam confirmationem responderetur, duplicem posse distingui rationem cognoscendi, scilicet, vel per modum principii, vel per modum termini, seu ex parte cognoscentis, aut ex parte rei cognoscendæ. Dico ergo veritatem Dei esse rationem cognoscendi omnes veritates creatas, & creabiles ex parte principii, seu ex parte ipsius Dei, non vero ex parte termini, seu objecti, ad quod ultimæ (ut sic dicam) terminatur scientia Dei, ut est creaturarum scientia. Et sic quamvis Deus per se ipsum sciat omnia possibile fieri ab ipso, nihilominus supponit ex parte objecti veritates necessarias, ut hominem esse animal rationale, & similia. Et similiter supponit illa scientia veritates posibles, ut hominem posse peccare, aut bene agere. Et cum eadem proportionem supponit veritatem cognoscibilem in futuris contingentibus tam absolutis, quam conditionatis, quamvis per se ipsum & per suam veritatem in cognoscendo, id est, per suam infinitam, & certissimam scientiam, & per suas ideas, ut rationes cognoscendi omnem aliam veritatem intuetur. Cum vero obicitur, quia Deus non potest hoc modo per se cognoscere veritatem futuram, si ab ipso non pendeat, concedimus assumptionem: singamus aut subsumptionem, nimirum futura conditionata non pendere a Deo, si non supponant in Deo decretum, satis enim est, quod in conditione illud includant, quia propter essentialem dependentiam necessario includi debet, ut declaravi, neque oportet, ut tale decretum sit prædeterminans, neque quod sit adæquata ratio veritatis futuræ, quando talis est, ut non solum ab illo, sed etiam a libero arbitrio pendeat, tanquam a concausa simul in suo genere concursura, quæ dependentia, ut futura non potest in solo decreto cognosci, sed in se, ut jam declaravi.

Ad ult.
confirm.
sequela
negatur.

10. Ad ultimam confirmationem negatur sequela, nimirum si Deus cognoscat talia futura, ante suum decretum prædeterminans sub conditione sequi, ut illa cognoscat, vel ut per se necessaria, vel ut futura ex aliqua alia causa extrinseca prædeterminante hominis voluntatem. Neutrum enim sequitur, non quidem primum, quia licet hæc sint contingentia futura, habere possunt determinatam veritatem, non quia per se necessaria sit simpliciter, sed quia ita futura est, unde ad summum resultat necessitas suppositionis, quæ dicitur id, quod est, necessario esse: sic enim etiam quod futurum est, necessario erit. Neque etiam sequitur secundum, quia voluntas humana, ut se determinet, non indiget causa extrinseca determinante, neque alia extrinseca causa, propterea, & physice cooperante præter Deum: unde ad exemplum in argumento propositum de duabus voluntatibus v.g. Petri, aut Pauli conceptis sub esse possibili, & applicatis cum eisdem subjectis, & circumstantiis ad operandum, de quibus in quodam priori rationis signo æque præcitur posse consentire, & dissentire, & in alio signo rationis posteriori de una præcitur esse consensuram, & de alia esse dissensuram, cuius diversitatis, & præscientiæ ratio non creditur reddi posse, nisi ex aliqua causa extrinseca prædeterminante. Veruntamen non ita est. Aut enim postulat ratio diversi eventus, aut ratio præscientiæ illius ex parte Dei. Prior ratio propria, & proxima est libero arbitrio, vel solum in malis, vel adiutum in bonis. Neque contra hoc obstat, quod illæ voluntates in priori signo sint æque indifferentes: nam potius ex hac ipsa indifferentia nascitur, ut unus sic, alius sic operetur pro suo arbitrio, quam contrariis

omnibus antecedentibus existentibus paribus, quia hoc ipsum postulat libertatis dominium, ut in prolegomeno præcedenti ostensum est. Frustra ergo obicitur, vel cogitur esse necessarium recurrere ad constellationem, vel individuationem, seu complexionem, nam liberum arbitrium his omnibus dominari potest, si velit: ex intrinseca ergo potestate illius futura esse poterit illa diversitas. Supposito autem, quod sit futura, non oportet ex parte Dei aliam rationem reddere, ut cognosci possit, nisi quia infinitam vim habet cognoscendi, & omnem veritatem in se ipsa intuenti sine ullo discursu formali, vel virtuali, sed per solam simplicem veritatis contemplationem.

C A P U T X.

Alteri objectioni occurritur, & an scientia visionis sit causa futurorum explicatur.

1. IN fine hujus prolegomeni necessariam visum est, de causalitate præscientiæ divinæ circa futura contingentia pauca præmittere; tum quia resolutio hæc necessaria nobis erit ad auxilia divinæ gratiæ explicanda: nam hac ratione hoc tempore valde agitata est hæc controversia: tum etiam quia ad occurrendum objectioni, quæ contra præcedentem resolutionem fieri potest, videtur necessaria. Nam perinde comparari debet scientia conditionata ad contingentia sub conditione futura, sicut comparatur præscientia absoluta ad res aliquando futuras: sed per absolutam præscientiam est causa illorum: ergo ut præsciantur futura sub conditione, oportebit, ut eadem præscientia sit causa futuritionis illorum. At hoc esse non potest: ergo nec potest dari talis præscientia. Minor (cetera enim nunc supponuntur) probatur; tum quia Deus non habet causalitatem circa futura tantum sub conditione, cum illa revera futura non sint, & quatenus talia sunt, sub latitudine entium possibilem permanant: tum etiam, quia licet in illis velimus conditionatam causalitatem considerare, hæc non potest scientiæ attribui, alioqui oportebit in ipsa hypothesi, seu conditione eandem scientiam involvere, sicut diximus, in illa conditione includi decretum voluntatis Dei sufficientis ad causalitatem talis futuri: hoc autem est impossibile, alioqui circulus committeretur, seu sensus identicus fieret, perinde enim esset, ac si diceretur, si virtutes in Tyro fierent, & voluntas Dei cum præscientia futuri consensus concurreret, Tyrii penitentiam agerent: hoc autem frivolum est & absurdum, ut constat: ergo repugnat dari talem scientiam, si ipsa scientia est causa futuritionis rerum: ut hæc igitur obiectio dissolvatur, necessarium est expendere, an id, quod supponit de causalitate scientiæ visionis verum sit. Et consequenter tractandum erit, an hæc causalis propositio vera sit. *Quia Deus præscit hoc esse futurum, ideo futurum est.* Per occasionem vero, & quasi necessariam consecutionem in fine videbimus, an altera causalis vera sit, *quia hoc futurum est, ideo Deus illud præscit.*

Obiectio
contra
præceden-
tem resolu-
tionem.

2. Est ergo prior sententia affirmans illam causalem. *Hoc est futurum, quia Deus præscit, illud esse futurum*, esse veram, quod est dicere, scientiam visionis, ut talis est, esse causam futuritionis, vel præscientiæ objecti sui. Hæc enim duo in idem redeunt, & ideo de illis indifferenter loquimur. Hanc sententiam defendunt hoc tempore moderni Thomistæ supra allegati, eamque antiquis scholasticis tribuunt cum Magistro in 1. d. 39. & in speciali refertur Albert. art. 3. Bonav. art. 1. q. 1. & 2. Maxime vero probatur in primis auctoritate D. Thomæ 1. p. q. 14. art. 8. ad 1. ubi referens Origenem dicentem: *Non propterea aliquid erit, quia id scit Deus futurum, sed quia futurum est, ideo scitur a Deo, antequam fiat.* Exponit priorem partem intelligendam esse, considerando rationem scientiæ non habentis adjunctam voluntatem, posteriorem autem partem accipiendam esse in ratione consecutionis, seu illationis, non secundum propriam rationem causalitatis. Et in solutione ad 3. ait objectum scibile non comparari ad scientiam Dei ut mensuram ejus, sed e converso scientiam

1. sent.

nam Dei esse mensuram ejus, quia est scientia artificis, quæ est mensura artefacti: & ar.16.dicit Deum de rebus a se factis habere scientiam practicam, quæ non est nisi scientia visionis.

3. Secundo videtur hæc expressa sententia August. nam l.6.de Trin.c.10.& l.15.c.13.expressè dicit. *Creaturas non quia sunt, novit Deus, sed ideo sunt, quia novit.* Et l.5.de Civit.c.9.de creaturis ait. *Quidquid valent & quidquid factura sunt, certissime valent, & factura sunt, quia valituras atq; facturas ille præscivit, cujus præscientia falli non potest.* Similia fere verba habet Greg.1.20. Moral.c.23. alias 24.dicens. *Quæcumque sunt non ab æternitate ideo videntur, quia sunt, sed ideo sunt, quia videntur.* Eandem sententiam videtur late docere Boetius l.5.de Consol. profa vult. circa finem, ubi etiam Dion.Carth.ita exponere videtur, & illius verba postea referamus.

4. Tertio suaderetur hæc sententia rationibus. Prima, & præcipua est, quia scientia visionis non est speculativa, sed practica: ergo est causa rerum: consequentia clara est. Antecedens probatur, quia scientia simplicis intelligentiæ est tantum speculativa: ergo scientia visionis est practica: nam sicut scientia visionis, & scientia simplicis intelligentiæ adæquate dividunt scientiam Dei, ita etiam practica, & speculativa, & ideo si scientia simplicis intelligentiæ speculativa est, necesse est, ut scientia visionis sit practica. Secundo probatur idem antecedens, quia scientia visionis non supponit objectum suum, sed illud operatur: ergo est practica. Consequentia clara est, antecedens vero probatur, quia scientia Dei non contemplatur res existentes, nisi ut presentes æternitati, & ut a se factas: ergo non possunt objecta illius scientiæ antecedere causalitatem ejusdem scientiæ, sed causando illa, intueretur illa quasi terminum suæ causalitatis. Secunda ratio est, quia aliqua scientia Dei est causa rerum, sed scientia simplicis intelligentiæ non est causa rerum: ergo scientia visionis est causa illarum rerum, quæ per illam videntur. Consequentia supponitur ex sufficientia participationis divinæ scientiæ in visionis, & simplicis intelligentiæ. Major item ut certa relinquatur. Minor autem patet, primo, quia nulla scientia antecedens determinationem voluntatis Dei potest esse causa rerum, quia, ut sic non est ordinata ad opus: hæc enim ordinatio per voluntatem fit, nec potest esse causa, nisi prout ordinatur ad opus. At vero scientia simplicis intelligentiæ, ut talis est, antecedit decreta libera divinæ voluntatis, ut per se constat: ergo ut sic, non est causa. Et confirmatur primo, quia scientia, ut sit causa, debet esse practica, ut per se notum est: at scientia simplicis intelligentiæ non est practica, sed speculativa, teste D.Th.1.p.q.14. a.16. & ibi Cajet.ergo. Et confirmatur secundo, quia scientia quæ est causa rerum, est libera, potuit enim non esse causa, sicut res potuerunt non esse: at scientia simplicis intelligentiæ non est libera, sed sola scientia visionis. Tertia ratio sit, quia si scientia visionis non esset causa futuri, futurum esset causa scientiæ visionis. Hoc autem secundum dici non potest, quia temporale non potest esse causa æterni: ergo primum dicendum est, Major sumitur ex D.Th.q.2.de Veritat. artic.14.ubi simili discursu probat scientiam Dei esse causam rerum, quia omnis scientia vel est causa objecti, vel causata ab illo, vel utrumque ab uno tertio: scientia autem Dei nec ab objecto, nec ab aliquo tertio causatur, unde necesse est, ut sit causa sui objecti: hæc autem ratio æque ad scientiam visionis applicari potest.

5. Nihilominus dicendum est, scientiam visionis, quatenus ratione distinguitur ab omni alia scientia Dei ac præcise spectata secundum respectum, quem scientia visionis, ut talis est, denotat, non esse causam objecti sui, sed supponere illud, ideoque in rigore, & proprietate causalis notæ, falsam esse illam propositionem, quia Deus præscivit, hoc esse futurum, ideo futurum est. Hanc sententiam docui prius in l.3.de Auxil.c.13.n.15.& in l.1.de Scient.Dei, cap.5.n.9. & postea in l.p.l.3.de Attributis Dei positivis, cap.4.n.10. & seqq.ubi auctoritate, & ratione confirmata est: Suarez Tom.VI.

propter novas autem impugnationes aliquid addere necessarium visum est. Animadvertimus autem sermonem esse de scientia visionis, seu rerum existentium, aut futurarum formalissime, ac præcise ut talis scientia est. Nemo enim dubitat, quin scientia Dei sit causa omnium actuum futurorum, quatenus boni sunt, sed quia illa scientia, quæ in se unica, & simplicissima est, sub diversis rationibus spectatur a nobis, ideo dicimus præcise consideratam, ut est scientia visionis, & intuitionis rerum, non esse causam, sed supponere causalitatem, & intueri, quod ab ipsa media voluntate, & omnipotentia sua factum est, juxta illud Genes.1. *Vidit Deus cuncta, quæ fecerat, & erant valde bona.* Ex quo non immerito argumentari possumus, quia illud verbum non potest nisi de scientia visionis intelligi, & verbum *fecerat* satis aperte indicat, illam visionem supposuisse res jam factas, ac proinde, ut talis visio est, non fecisse illas, sed eas per omnipotentiam a voluntate applicatam, & per alium modum scientiæ, vel artis directam jam factas vidisse, & in eis, tanquam bonis, complacuisse. At vero scientia, quæ supponat rem factam, non est causa ejusdem, quatenus talis scientia ejus est: ergo nec scientia visionis est causa rerum factarum.

6. Secundo probatur auctoritate Patrum dicentium, res non esse futuras, quia Deus scit illas esse futuras: hæc enim negatio in nullo proprio sensu potest esse vera, si scientia visionis est causa futurorum, quia si est causa, est vera, imo & realis, ac physica causa, sed per illam causalem locutionem nihil aliud significatur, nisi hujusmodi causalitas: ergo Patres negantes illam propositionem causalem, dictam plane causalitatem negant. Sunt autem illi Orig. Hieron. Justin. Chrys. Beda, Cyrill. & Damasc. quo dicto l.1. de Auxil.c.13. retuli, ex quibus solius Damasc. verba hic expendere visum est. Ille in Dial. contra Manich. prope finem, sic inquit. *Deus ea, quæ voluntarie a nobis futura sunt, hoc est, ea, quæ in potestate nostra sita sunt, nimirum virtutem ac vitium præsciens, ea demum definit, quæ in arbitrio nostro minime consistunt.* *Ac quidem vis Dei præsciens a nobis causam habet, at vero ut ea quæ facturi sumus præsciat, a nobis præsciscitur. Nam si facturi non essemus, ne ipse quidem, quod futurum non esset, prænosceret. Et quidem Dei præscientia vera, quæ inviolabilis est, verum ipsa hæc quæquam causa est, cur omnino fiat id, quod futurum est, quin potius quia hoc, vel illud facturi sumus, idcirco prænoscit Deus.* Quod testimonium adeo est expressum, & luculentum, ut nec declaratione indigeat, nec tergiversationibus habesse posse videatur. Solum adverto eleganter declarasse Damascenum, Deum non accipere scientiam a rebus futuris, seu suæ æternitati præsentibus, sed ex se habere vim præsciendi, & nihilominus quod illa scientia terminetur ad hoc, vel illud objectum a nobis pendere, quatenus in nobis est ponere, vel non ponere objectum, ad quod terminanda est illa præscientia, & ideo voluntas nostra causa est, quod hoc, vel illud futurum sit. *Ad quod prænoscat Deus (ut infra reperit) id vero præscienti ipsius potentia adscribendum est.* Et hoc in sensu diserte negat scientiam Dei, quæ prænoscit futura, esse causam, cur omnino fiat id, quod futurum est. Ubi particula *omnino*, emphasis habet ad significandum, scientiam Dei non esse causam determinantem talem eventum futurum, sed futuritionem ejus supponere. Et in eodem sensu subdit, *quia hoc, vel illud facturi sumus ideo prænoscit illud Deus, ubi causalis nota non dicit causam ex parte Dei, sed rationem, vel conditionem, quæ supponi debet ex parte objecti.*

7. Similiter Eusebius libro sexto de Præparat. Evangel. capite 9. ut declaret præscientiam Dei necessitatem actibus liberis non imponere, ita concludit. *Deus cum uniuscujusque voluntatem prævideat hunc perperam, illum recte acturum non ignorat. Non ergo præcognitio futurorum causa: nec enim ullo pacto ad peccandum Deus quæquam impellit, aut movet, sed e contra. Dicam enim, etiam si absurdum multis fortasse videatur id, quod futurum est, ut Deus eventurum illud prævideat: non ergo ideo fit, quia præscitur sed quia futurum erat, præscitur.* In quibus verbis profecto non

Patres autem juncti res non esse futuras, quia Deus scit, & cetera ubi causalitas negatur.

Eusebius plane vulgarem solutionem expellit.

habet locum vulgaris expositio, quod illa particula causalis solum significet consecutionem, seu illationem unius ex alio: tum quia si in hoc sensu loqui voluisset Eusebius, profecto non timuisset, ne sua sententia multis forsitan absurda videri possit: tum etiam quia immerito negasset priorem partem, scilicet, rem fieri, quia præscitur: nam secundum illationem certissimum est, rem esse futuram, si præscita est. Item in illo sensu etiam in peccatis vere diceretur, Petrus peccabit, quia Christus prædixit, utique secundum necessariam illationem, seu consecutionem. At hoc etiam Eusebius negat: loquitur ergo in proprietate causalis in aliquo sensu, & ideo etiam ad probandum, scientiam non esse causam, addit: *Non enim Deus quenuquam ad peccandum movet, aut impellit.* Et hunc modum concordandi præscientiam Dei cum libertate arbitrii, & declarandi, quomodo Deus, licet præsciat peccatum futurum, non sit causa ejus, sequuti sunt ceteri Patres præsertim Hier. dial. 3. contra Pelag. ubi contra Marcion. ait. *Non ideo peccavit Adam, quia Deus hoc facturum noverat, sed præscivit Deus, quasi Deus, quod erat propria voluntate facturum.* Et similiter dixit Leo P. serm. 16. de Passione Domini: *Non impias furentium manus immisit in se Dominus, sed admisit, nec præsciendo, quod faciendum esset, coegit, ut fieret.*

8. Tercio ad locum Cyrilli supra allegatum addi potest aliud, ubi de Juda ait: *Non ideo quia de illo scriptum est, quod periturus esset propterea eo nequitia processit, & c. verum quoniam malignitate sua periturus omnino erat, idcirco id omnino futurum esse Scriptura prædixit, quam falsum quicquam dicere possibile est, Deus enim ipse per Scripturam loquitur, & c.* Quod prosequitur, ostendens plane idem esse de præscientia Dei. Et quamvis ibi de peccatis loquatur, tamen quia hoc fundat in ratione libertatis, scilicet, quia Deus suo præiudicio, ac præscientia non determinat voluntatem liberam, sententia ejus in omnibus futuris locum habet, sicut illam tradiderat. 1. 9. c. 10. Et sic potest allegari quarto loco Gaud. tr. 3. in Exod. ad Neophit. ubi similiter ait. *Synagoga Judeorum quod erat crudeliter factura, prædictum est, quia prædictum est, non iustum. Nec ideo factum est, quia prædictum erat, sed ideo prædictum erat, quia erat futurum, ut præscientiam Deus in his, quæ per libertatem hominum futura erant, ostenderet.* In quo ultimo verbo declarat sententiam ad omnes actus liberos extendi, eandemque in divina præscientia locum habere.

9 Quinto eodem modo divinam præscientiam explicat Aug. lib. 3. de Lib. arb. cap. 4. ubi ait, necessariam connexionem, quæ invenitur inter præscientiam Dei, & rem futuram, non provenire ex eo quod scientia Dei est: nam si ponamus hominem esse, qui præscit futurum, eadem necessitate inferretur eventurum esse, quod præscitum est, & inde e converso colligit, quod sicut præscientia hominis non induceret necessitatem contrariam libertati, ita nec illam inducit præscientia Dei. Qui discursus efficax non esset, si scientia futurorum Dei esset causa futuritionis illorum: nam tunc non esset bona æquiparatio ad præscientiam hominis, quia hæc non esset causa futuri præcogniti, ut per se constat. Unde longe alia connexio esset inter effectum futurum, & præscientiam Dei, quam inter eundem, & præscientiam hominis, nam illa esset causalis, ut sic dicam, & non ista, & consequenter illa necessitas, quæ sequitur futurum ex præscientia Dei, non esset ex illa præscientia, ut præscientia est, sed ut præscientia Dei est, quia non omnis præscientia habet causalem connexionem cum re futura, sed sola præscientia Dei, & ita ruit tota responsio, & declaratio Augustini. Igitur sententia ejus est, quod sicut præscientia hominis non est causa futurorum, etiam si illa præscire ponatur, ita nec præscientia Dei, ut est scientia visionis futurorum, est causa illorum. Unde concludit. *Sicut itaque non sibi adversantur hæc duo, ut tu præscientia tua noveris quod alius sua voluntate facturus est, ita Deus neminem ad peccatum cogens, prævidet tamen eos, qui propria voluntate peccarunt.* Et infra subinfert. *Hinc ergo jam intellige, quæ iustitia Deus peccata puniat, quia quæ novit futura non facit.* Diceret forsasse aliquis id esse speciale in peccatis, quia De-

us illa non facit neque per scientiam visionis, neque per aiam, neque per voluntatem. Sed contra hoc est, quod prior discursus Augustini generalis est ad omnes actus liberos futuros tam bonos, quam malos, & ideo licet in malis ponat exemplum, non ideo coarctat sententiam. Eo vel maxime, quod statim arguitur ab actibus bonis ad malos, quia Deus dat præmium bonis actibus, etiam si præsciat illos, ergo etiam dabit supplicium pro malis, licet illos præsciat. Supponens profecto ex vi præscientiæ futurorum non magis facere Deum bonos actus, quam malos, licet per voluntatem, & alias virtutes, seu attributa sua efficiat bonos actus, & non malos, ut mali sunt. Unde addo, ex vi discursus Augustini, Deum præsciendo actum malum futurum, non magis efficere illum per ipsam præscientiam quoad actum materiale, quam quoad formalitatem peccati, quia etiam ad materiale actum non cogit præscientia, nec inducit, sed illum supponit, & quasi extrinsece ad eum comparatur, sicut visio, vel scientia hominis ad rem visam, vel scitam: tum quia non aliter videt Deus malitiam peccati, quam videndo actionem ipsam cum objecto, & modo, ac circumstantiis, quibus fit, nam inde videt malitiam resultare, & ideo ignitur: tum etiam quia alias non satis responderet dicentibus Deum præsciendo peccatum, cogere ad illud, quia illi de actionibus ipsis loquebantur, & in eis ponebant necessitatem a præscientia provenientem, quam non aliter Augustinus excludit, nisi negando præscientiam esse causam actionis.

10. Atque similem doctrinam habet Aug. l. 5. de Civ. d. 10. ubi prius in generali loquitur dicens. *Non propterea nihil esse in nostra voluntate, quia Deus præscivit quid futurum esset in nostra voluntate, & postea subdit. Nec enim ideo peccat homo, quia Deus illum peccaturum esse præscivit.* Ubi certe non solum de peccato pro formali, sed etiam de actione peccati loquitur: nam si de ipsa actione dici posset, ideo Petrus negavit Christum, quia Christus id prædixit, vel præscivit, consequens profecto esset, ut de peccato idem dici posset, cum talis actio hic, & nunc libere facta, non possit a malitia separari. Præter rationem factam, quod aliter non satisfaceret August. difficultati, accedit, quod idem sentit de voluntate non peccandi, cum adjungit, etiam si Deus præscierit hominem esse peccaturum, nihilominus si ipse nolit, non peccat, sed si peccare noverit (inquit) etiam hoc ille præscivit, plane sentiens, hoc etiam non fieri ex vi præscientiæ, sed supponi futurum, ut præsciatur juxta regulam ejusdem August. l. 4. Genes. ad liter. cap. 32. *Neque enim cognitio fieri potest nisi cognoscenda præcedant.* Quæ regula, ut universalis sit, non de antecessione objecti secundum actualem existentiam, sed secundum veritatem, & secundum esse objectivum intelligenda est. Et non in eo fundatur, quod cognitio a rebus sumitur, quia hoc in solis hominibus verum habet, sed quia cognitio conformatur rei cogniti, ut vera sit, unde supponit in illa objectivam veritatem.

11. Sexto addimus Anselmum, qui toto lib. de Concord. hoc præcipuum jacet fundamentum concordiæ, præscientiæ, prædestinationis, & gratiarum cum libero arbitrio, quod præscientia futurorum non est suppositio antecedens futurum, ut futurum est, sed consequens illud. Declarat autem, quid intelligat per antecedentem suppositionem, dicens, *esse illam, quæ facit rem futuram*; ergo ex sententia Anselmi præscientia Dei non facit rem esse futuram, alioqui esset suppositio antecedens, quod ipse negat: ergo talis scientia non est causa futuri, ut futurum est: solum enim esse posset causa in genere efficientis, utique faciendo, ut sit futurum: unde in actibus liberis futuris a Deo præscitis ait, solum esse necessitatem illam, quam ipsa voluntatis libertas facit: unde concludit: *Hæc omnia Deus, qui scit omnem veritatem, & non nisi veritatem scivit, sicut sunt spontanea, vel necessaria videt, & sicut videt ita sunt: & infra: Quamvis necesse sit fieri, quæ præsciuntur, quadam tamen præscita (scilicet futura libera) non eveniunt ea necessitate, quæ præcedit rem, & facit.* In quibus verbis, & in toto discursu illius operis hoc agit, ut a scientia

Impugnatio ex Aug.

Magis explicatur & probatur ex D. Aug.

D. Cyrill. explicat optime in prodito. re Juda.

Aug. explicat similitudinem de homine præscientie futura, cujus præscientia non est causa rei futurae ergo.

Anselm. approbat quia non est suppositio antecedens, sed causa rei futurae ipsa præscientia.

entia visionis causalitatem rei futuræ excludat, sed ad illam supponi doceat, tanquam veritatem, quæ non aliunde habet necessitatem, quam ex eo, quod futura esse supponitur. Atque eodem modo hanc præscientiam declarat Beda in l. Var. quæst. q. 13. ubi utitur exemplo scientiæ, seu visionis hominis, quo usus est August. nam sicut homo, ait, videndo hominem jacentem non facit illum jacere: ita nec Deus præsciendo hominem operaturum facit illum sic operari: ergo sicut visio hominis non est causa effectus, quem videt, ita nec ista scientia intuitiva est causa ex horum Partum sententia.

12. Ultimo, quia non defuit Theologus, qui ausus fuerit dicere Boetium contrariam sententiam expresse docuisse: contrarium verissimum esse paulo diligentius ostendam, Ille igitur l. 5. de Consolat. profa. 3. cum argumentum proposuisset ex præscientia futurorum contra libertatem subjungit. Neque enim illam probationem, quæ se quidam credunt hunc questionis nodum posse dissolvere. Ajunt enim, non ideo quid esse eventurum, quoniam id providentia divina futurum esse prospexit, sed e contrario potius, quoniam quid futurum esset, id divinam providentiam latere non posse. Deinde vero in tota illa prosa contra dictam responsionem argumentatur. Postea vero in prosa 4. ita responderet in persona Philosophi. Quæro cur illam solventium rationem minus efficacem putes, quæ quia præscientiam non esse futuri causam necessitatis existimat, non impediri præscii arbitrii libertatem putat? Postea vero rationem illam declarando, & defendendo ad hoc imprimis ita colligit. Etenim positionis gratia, ut quid consequatur advertas, statuamus nullam esse præscientiam, num quæ ex arbitrio eveniunt, ad necessitatem coguntur? In qua positione aperte supponit, futurum non esse a præscientia, tanquam a causa, alias positio secum pugnaret, nihilque ad rem declarandam deserviret: quia vero non est causa, recte infert. Statuamus iterum esse, sed nihil rebus necessitatis injungere: manebit, ut opinor, eadem voluntatis integra atque absoluta libertas. Deinde quia ipse Boetius, quasi argumentando, vel subterfugiendo, dixerat in prosa 3. quod licet præscientia non sit causa, inferet necessitatem, pergit Philosophus sic urgendo. Sed præscientia inquit, tamen si futuris necessitas non est, signum tamen est ea necessario esse eventurum, contra quod replicat, quia hoc modo, etiam si præcognitio non fuisset, necessarios futurorum exitus esse constaret. Omne enim signum, quod sit, ostendit, non vero efficit, quod designat. Unde in toto discursu ad salvandam contingentiam futurorum, supponit præscientiam non esse causam eventuum eorum, sed solum signum, seu notitiā.

13. Postea vero prosequitur declarando, quomodo earum rerum, quæ necessarios exitus non habent, possit esse certa prænotio: & in summa in hoc rationem constituit, quod omne, quod cognoscitur, non secundum suam vim, sed secundum potius cognoscentium comprehenditur facultatem. Quod principium optimo discursu declarat tota illa prosa 4. & 5. & deinde in 6. ascendit ad divinam æternitatem, ut inde colligat Deum omnia prænoscere modo suo, & iuxta suam vim, & naturam, non secundum ordinem rerum cognitarum, ac proinde futura quasi jam gerantur in simili cognitione considerat. Qui sane discursus optimus est, & si attente consideretur, non minus ad futura conditionata, quam ad absoluta applicari potest. Deinde vero revertitur ad concludendum quomodo præscientia non lædat libertatem, quia sicut non causat, ita neque immutat, quæ videt. Sumitque argumentum ex nostra cognitione, dicens: Quid igitur, ut necessaria fiant, quæ divino lumine lustrantur, cum nec homines quidem necessaria faciant, quæ vident? Quæ ratio nullius esset momenti, si præscientia, ut talis est, causa esset, sicut supra circa August. dicebamus. Unde subjungit: Si est divini, humanique presentis digna collatio, utique vos vestro hoc temperario presenti quedam videtis ita ille omnia suo cernit æterno. Quare hæc divina prænotio naturam rerum, proprietatemque non mutat. Denique eandem concordiam præscientiæ cum libertate distinguendo secundum necessitatem absolutam, & conditionatam, seu consequentem, & antecedentem declarat & tandem ita concludit. Quam comprehendendi omnia, videndique præsentia non ex futurorum proventu rerum, sed ex propria Deus simplicitate sortitus est. Ex

Suarez Tom. VI.

quo illud quoque solvitur, quod paulo ante posuisti, indignum esse, si scientiæ Dei causam futura nostra præstare dicantur. Hæc enim scientiæ vis præsentaria notione cuncta complectens, rebus omnibus modum ipsa constituit, nihil vero posterioribus debet. Quæ cum ita sint, manet intemerata mortalibus arbitrii libertas. Ex quibus verbis colligere voluerunt, Boetium tribuere præscientiæ causalitatem practicam, quia dicit, rebus omnibus modum ipsam constituere. Sed non satis perspecto, & considerato contextu, & sensu loquentis hoc intulerunt. Nō enim sibi est contrarius, nec uno verbo evertit, quæ tam longo discursu confirmaverat. In his ergo verbis solum infert Deum non accipere scientiam a rebus, nam & scientiam, & modum scientiæ ex se, & ex sua simplicitate habet, & ideo non videt res successive, sicut illæ fiunt: Sed præsentaria notione cuncta complectens, rebus omnibus modum ipsa constituit. Non quia quatenus scientia visionis, sit causa illarum, sed quia eadem est scientia, quæ omnibus rebus modum imponit, dirigendo voluntatem, & quæ postea res intuetur: unde præsciendo, & intuyendo illas, non mutat modum, quem circa unamquamque ordinavit. Vel certe ipsamet præscientia, ut talis est, constituere dicitur rebus modum, non contingentiam, vel necessitatis, sed præsentialitatis æternæ. Illam enim quasi constituit, vel complet Deus sua præscientia, & ideo nihil posterioribus debet. Et inde recte concluditur, quod manet intemerata mortalibus arbitrii libertas, non quia præscientia, ut talis est, rebus conferat modum contingentiam, vel necessitatis, sed quia non aufert, sed unamquamque rem videt, prout futura est, & illam non immutat: hic enim sensus est consequens ad omnia, quæ dixerat.

14. Tertio principaliter argumentatur rationibus Theologicis fundatis in principiis, vel communibus Theologorum, vel ab his, cum quibus disputamus admissis. Prima ratio sit: quia Deus ita efficit res per intellectum, & voluntatem, ut immediatius ad extra efficiat per voluntatem, quam per intellectum, sive voluntas immediate per suum actum ad extra efficiat, sive per potentiam executivam ratione distinctam, quod ad præsens nihil refert: sed scientia visionis est ratione posterior, quam voluntas illa, per quam Deus ad extra operatur: ergo talis scientia non est causa rei ad extra, sed supponit jam productam per voluntatem, vel potentiam exequentem. Consequentia nota est, & minor maxime defenditur ab adversariis. Ut autem majorem probemus, supponimus sermonem esse de propria efficientia, ut distinguitur ab exemplari causalitate. Nam hoc posteriori modo potest scientia divina esse immediate causa operum Dei per suas ideas, seu exemplaria, quatenus per illa dirigit actiones omnipotentiam, ut effectus talibus exemplaribus conformes evadant, ut in Metaphys. disp. 30. sect. 17. declaravi. Sed illa causalitas est alterius rationis, & magis pertinet ad specificationem actus, quam ad exercitium actionis, propriamque efficientiam, de qua loquimur. Sic ergo intellecta major probatur ex D. Th. 1. part. quæst. 19. artic. 4. ad 4. ubi ait quod scientia, & voluntas sunt causa ejusdem operis, sed scientia ut dirigens, & voluntas ut imperans. Et in hoc comparat Deum cum homine per artem operante, in quo ars, per quam concipitur forma operans, dirigit voluntatem, voluntas autem imperat, & movet potentiam exequentem. Constat autem in artifice humano voluntatem immediatius concurrere ad executionem operis, quam artem. At vero in intellectu artificis, præter conceptionem formæ exemplaris, & judicium movens, ac dirigens voluntatem, quod antecedit voluntatem ut exequentem, intelligi non potest alius actus intellectus posterior voluntate, qui habeat rationem causæ respectu exterioris actionis, seu executionis, sed post executionem sequitur in eodem artifice visio ipsius artefacti, quæ non est causa, sed pura cognitio.

15. Sic ergo in Deo servata proportione, scientia antecedit dirigendo voluntatem per modum prudentiæ, & artis, neque habet scientia alium immediatum influxum ad extra, sed ille est vel immediate a voluntate, vel ut movente, & applicante potentiam exequentem, si illa est ratione distincta, ut est satis pro-

E 2 babi.

Rebus omnibus modum constitucere, non est causare res, sed se scientiam verum habere.

Vide Ge. 1 d. 28 q. 2 in fin.

Ratione Theologica non probatur sententia.

Boetius in nostra est sententia minime vero in opposita.

Boetius meus amplius patet.

Applicatur ratio supra factis.

habile, & D. Thomas in illo loco indicat. Ergo scientia, quæ subsequitur post talem influxum voluntatis, & potentia, non est causa rei ad extra: talis autem est scientia visionis, ut constat. Eandemque doctrinam tradit D. Th. 1. p. q. 25. a. 1. ad 4. ubi ratione distinguendo illa tria scientiam, voluntatem, & potentiam, ait potentiam exequi quod voluntas imperat, & ad quod scientia dirigit; ubi etiam solum tribuit scientiæ in hac causalitate directionem voluntatis, & potentie quæ directio & remotior est, quam voluntatis motio, & nullo modo tribui potest scientiæ visionis, quæ voluntatem jam directam supponit. Et quamvis D. Th. ibi quoad distinctionem potentia a scientia, & voluntate, sub distinctione addat: *Vel dicendum, quod ipsa scientia, vel voluntas divina, secundum quod est principium effectivum, habet rationem potentia, nunquam tamen tribuit scientiæ aliam causalitatem præter directionem: & in ipso ordine numerandi prius ponit scientiam, quam voluntatem.* Et postea art. 5. ad 1. reperit quod in causalitate Dei potentia intelligitur ut exequens, voluntas ut imperans, intellectus, & sapientia ut dirigens. Unde etiam secundum eam sententiam, quæ potentiam exequentem ab aliis attributis non distinguit, probabilius tribuitur voluntati, quam scientiæ. Quod etiam sensit ibi Cajetanus, dum ex illa solutione colligit, *duobus modis suscipi potentiam activam in Deo, vel ut sit potentia executiva intellectus, & voluntatis, vel ut sit ipsa voluntas consultans effectum.* Per quæ verba immediatam efficaciam ad extra tribuit voluntati consultæ, utique ab intellectu, in quo aperte sentit intellectum remotius concurrere. Quod etiam est consentaneum Div. Thomæ in 1. distinct. 38. quæst. 1. articul. 1. ut infra referam.

Imperare
intellectu
res ad extra
factas
Thomist.
opponitur

16. At vero his non obstantibus moderni Thomistæ contendunt, ad effectus ad extra intellectum divinum non tantum concurrere dirigendo voluntatem, & potentiam exequentem, sed etiam imperando: quod imperium dicunt esse actum intellectus ex D. Thom. 1. 2. q. 17. & illud dicunt esse posterius actu voluntatis, a quo imperio dicunt immediate fluere effectus ad extra, & ita intellectum esse ipsam potentiam exequentem per hoc imperium, juxta illud Genes. 1. *fiat lux, fiant luminaria, &c.* Contra hanc vero responsionem argumentor secundo, quia imprimis difficillimum est explicare hunc actum imperii respectu rerum ad extra, qui sit distinctus a voluntate. Et ideo Divus Thomas in locis citatis imperium Dei, prout est effectivum ad extra, tribuit voluntati. Deinde idem D. Thomas in 1. 2. loco citato licet ponat imperium in intellectu respectu voluntatis, nihilominus in ordine ad executionem non illi imperio, sed voluntati tribuit efficaciam immediatam per activum usum, & seipsam, & alias potentias applicat ad agendum. Verumtamen de illo actu latius disputavi: nunc vero ulterius progredior, quia etiam posito illo imperio ut immediate exequente actionem Dei ad extra non potest negari, quin illud imperium sit ratione distinctum a scientia visionis, & quod ibi intervenit, sit prius illa. Primum videtur per se notum ex terminis, quia videre rem præsentem, vel futuram non est imperare; ergo illa duo distinguuntur ratione cum magno fundamento in re. Antecedens patet, quia Deus videt per scientiam visionis decreta libera suæ voluntatis, & tamen non facit, neque imperat illa: ergo videre, ut sic, non est imperare, nec facere: ergo licet conjungantur, ratione semper distinguuntur: nam videre, ut sic, semper est ejusdem rationis, seu modi circa omnia visibilia. Item est simile argumentum, quia Deus videt peccata, & non imperat illa: ergo etiam in actibus bonis videre illos, esto circa illos utrumque actum Deus habeat. Quia (ut dixi) videre, ut sic, ejusdem rationis est tam in bonis quam in malis: & certe ex terminis, & ex ipso communi omnium hominum sensu videre non est imperare. At per scientiam visionis Deus tantum videt ea, quæ sub illam scientiam, quatenus talis est, cadunt: ergo per illam scientiam, ut talis est, non imperat, ac proinde nec facit. Et confirmari optime potest ex Gen. 1. ubi prius dicitur: *Dixitque Deus, fiat lux, & postea subditur: Et vidit*

Forum
impugnans
10, & a.
ratio.

Deus lucem, quod esset bona, ubi imperare, & videre tanquam distincta, saltem ratione, ponuntur, & imperare idem est, quod facere, aut efficaciter velle: videre autem idem est, quod intueri rem factam, quod sine dubio ad scientiam visionis spectat, & ideo verbum, *fiat*, ponitur ut præcedens, verbum vidit, ut subsequens, quia nimirum, prius est rem facere, posterius vero rem factam intueri. Quamvis ergo hæc in Deo idem sint, tamen cum non sint synonyma, ratione saltem distinguuntur: fietque hoc ex sequenti discursu evidentius.

17. Tertio igitur argumentor in hunc modum, quia Deus causat res ad extra per scientiam simplicis intelligentiæ, ut applicatam & determinatam per voluntatem: ergo non per scientiam visionis. Antecedens est expresse D. Thomæ 1. p. quæst. 14. art. 8. Estque valde notandus discursus illius articuli ad veritatem, quam tractamus, intelligendam, & suadendam. Ad declarandum enim, quomodo scientia Dei sit causa rerum, hanc propositionem sumit. Sic scientia Dei se habet ad omnes res creatas, sicut scientia artificis se habet ad artificia: unde sicut scientia artificis seu ars est principium, quo artifex ad extra operatur, ita scientia Dei est principium, quo Deus res ad extra producit. Hæc autem æquiparatio evidenter procedit de scientia simplicis intelligentiæ, in illa enim sunt rationes omnium rerum, & illa est divina ars, non solum factorum, vel sciendorum, sed etiam omnium factibilium. Quod evidenter etiam patet ex similitudine, & discrimine, quod statim D. Thomas adjungit inter formam naturalem, & intellectualem: conveniunt enim, quia utraque operatur, prout inclinatur, seu determinatur ad opus: differunt vero, quia forma materialis a natura inclinatur, & determinatur, forma vero intellectualis, determinatur per voluntatem. Et rationem addit, quia illa forma est indifferens ad opposita, & ideo nihil agere potest, nisi per appetitum determinetur. Ex quo discursu evidenter constat illam scientiam, de qua D. Tho. ibi loquitur, non esse scientiam visionis, sed esse scientiam simplicis intelligentiæ: tum quia scientia simplicis intelligentiæ est vere indifferens ad opposita, scientia autem visionis minime est indifferens, sed determinata ad ea, quæ futura sunt: tum etiam quia ars illa, vel scientia, aut forma intelligibilis, quæ determinanda est per voluntatem, antecedere debet liberum decretum voluntatis, quo determinatur, sic autem præcedit scientia simplicis intelligentiæ, non autem scientia visionis, quia hæc sequitur decreta Dei libera, ut ipsi etiam docent: ergo scientia, de qua D. Thomas in illo articulo loquitur, & quæ per voluntatem determinatur, est ipsamet scientia simplicis intelligentiæ, quæ secundum se, & ut præcedit, ita vocatur, ut verò determinata est, & applicata per voluntatem ad agendum, proprium nomen accipit, & scientia approbationis dicitur, ut ibidem D. Tho. notavit.

Scientia
simplicis
intelligē.
tæ causæ
res ad ex-
tra per
volunta-
tem ap-
plicatæ.

18. Postest denique ratione ostendi antecedens in argumento assumptum, quia per illam scientiam Deus ad extra operatur, quæ est illi principium, quasi in actu primo ad operandum: sed hujusmodi principium ex parte intellectus est ipsa scientia simplicis intelligentiæ: ergo. Major patet, quia omnis res operatur per eam formam, quæ illam constituit in actu primo ad agendum, ut inductione in omnibus agentibus constat, & ratione, quia inter principium agendi proximum, & completum non mediat, nisi actio: agens autem proprie agit per illam formam, a qua per se, & immediate manat actio: illa autem forma est, quæ constituit agens in actu primo ad agendum. Minor vero, scilicet in Deo hoc principium ex parte intellectus esse scientiam simplicis intelligentiæ, manifesta est; tum quia nunc Deus est sufficienter constitutus in actu primo ad producendum omnia visibilia, quæ nunquam actu produceret: tum etiam quia artifex per ipsammet artis suæ conceptionem actualem est constitutus in actu primo sufficiente ex parte intellectus ad artificiose operandum, & tantum deest applicatio voluntatis, & potentia executivæ, ut per illud principium ad extra operetur. Deus autem per scientiam simplicis intelligentiæ constituitur supremus

Ratione
ostendi-
tur res
Deum ad
extra o-
perari
simplici
intelli-
gentia
scientia.

mus artifex in actuali conceptione omnium faciendorum, & factibilium: ergo per illam scientiam est constitutus quasi in actu primo ad operandum ad extra. Unde propter hanc causam dixit D.Thom.1.p.q.14. art. 16. ad 1. *Scientia Dei esse causam rerum, quorundam quidem actu aliorum autem virtute, scilicet eorum, quæ potest facere, & tamen nunquam faciet.* Hæc autem posterior scientia eorum, quæ nunquam faciet, est scientia simplicis intelligentiæ, per illam ergo constituitur Deus ex parte intellectus in actu primo ad efficiendas creaturas possibiles, & per eandem est causa earum, quas aliquando facit. Et in q.15. art.3. ad 2. dixit id Sanctus Doctor, *Eorum quæ neque sunt, neque erunt neque fuerunt, Deum non habere practicam cognitionem, nisi virtute tantum.* Ergo scientia simplicis intelligentiæ, quæ talium rerum est, practica est, scilicet virtute, id est in actu primo, & quantum est ex se: ergo ipsa est principium operandi, & quando Deus vult aliquid operari, per illam tanquam per principium agendi, illud operatur: & ideo idem D.Th. d. art. 16. non absolute negat scientiam speculativam esse practicam, sed cum addito, scilicet, *Secundum quod scientia practica dicitur a fine.* Deus enim non habet illam scientiam propter operationem ad extra, tanquam propter finem, nec etiam per voluntatem suam ordinavit illam ad operationem, & secundum hanc rationem dicitur non esse practica. At vero secundum virtutem, & vim cauſandi est maxime practica multo excellentius, quam quælibet ars; unde cum denominatur practica ex applicatione voluntatis ad opus, nihil additur in ratione scientiæ, nec in virtute cauſandi, sed additur quasi denominatio extrinseca ex actu voluntatis quasi approbantis, & eligentis operationem hujus effectus potius, quam alterius. Tandem potest hæc doctrina confirmari ex doctrina ejusdem D.Thom. in dicto art.3. quæst.15. ubi docet easdem ideas in mente divina esse principia cognitionis & factionis, & ut sunt principia cognitionis, vocari rationes rerum, prout vero sunt principia factionis, vocari exemplaria, & ideo habere Deum rationes omnium rerum possibilibus: exemplaria vero tantum earum rerum, quas aliquando facit, vel facturum est. Ex hac enim doctrina aperte constat, in intellectu divino idem esse principium faciendi res, & cognoscendi illas ut possibiles sunt: nam rationes rerum sunt in scientia simplicis intelligentiæ, sunt autem de rebus possibilibus, & eadem dicuntur constitui in esse exemplarium, quando per voluntatem applicantur ad opus: ergo eadem scientia simplicis intelligentiæ, ut applicata per voluntatem est illa scientia, per quam Deus ad extra operatur, & consequenter est causa omnium, quæ sunt, vel futura aliquando sunt. Et ita satis probatum est antecedens in ratione assumptum.

19. Prima vero consequentia non minus evidenter ostendi potest, nimirum Deum non agere ad extra per scientiam visionis, ut talis est. Et primo expendo ipsummet D.Thomam in dicto articul. 8. quæstio. 14. ubi querit, an scientia Dei sit causa rerum: nam quia non agit de causa virtuali (ut sic dicam) id est in actu primo, seu in potentia, sed de causa actuali, i.e. actu agente, non dixit solam scientiam simplicis intelligentiæ esse causam, sed addidit: *Secundum quod habet voluntatem conjunctam.* Er addit: *Unde scientia Dei secundum quod est causa rerum, consuevit nominari scientia approbationis,* non dixit visionis, quod certe fuisset clarius, & notius, si vel esset idem secundum rationem, vel si scientia visionis, ut sic, esset causa rerum. Ne autem in nomine scientiæ approbationis committatur æquivocatio, est advertendum scientiam, quæ approbationis dicitur solum addere supra scientiam affectum aliquem voluntatis ad rem scitam: unde fit, ut tam scientia simplicis intelligentiæ, quam visionis possit scientia approbationis denominari. Sic enim dici potest Deus habere de se ipso scientiam approbationis, quia complacet in se videndo se, & sic etiam scientia visionis, prout est de bonis, quæ facit ipse Deus potest dici approbationis, quia videndo opera sua complacet in illis, non jam affectu cauſativo, & operativo, sed solum affectivo, & quasi cujusdam

Suarez Tom.VI.

gaudii. Aliter vero se habet voluntas divina cum adjungitur scientiæ simplicis intelligentiæ, volendo, & determinando quid ex his, quæ per illam prænovit, factura est: tunc enim approbat id, quod vult per decretum, quo vult illud efficere, & cauſare, & tunc scientia sic terminata per voluntatem approbationis etiam dicitur, & in hoc sensu loquutus est D.Thom. in dicto loco, cum dicit talem scientiam esse causam rerum, & sic etiam nos de illa in hoc discursu loquimur.

20. Hoc ergo posito, probatur secundo prior consequentia, quia scientia approbationis est ratione distincta, & prior quam scientia visionis, sed scientia Dei secundum quod est causa rerum est scientia approbationis, ut D.Thom. expresse docuit, & reliqui Theologi infra citandi, ergo. Major quoad priorem partem probatur, quia scientia approbationis ultra scientiam simplicis intelligentiæ non addit aliquid in ratione scientiæ, sed tantum addit applicationem, & determinationem voluntatis, ut D.Thomas dixit; at scientia visionis nostro modo intelligendi addit aliquid pertinens ad cogitationem, nempe peculiarem respectum ad res creatas, ut visibiles intuitive secundum actualem, & exercitam existentiam, & ex parte voluntatis per se nihil addit: ergo plane distinguitur ratione cum fundamento in se scientia visionis a scientia approbationis. Et ita illas doctæ distinctio noster Ægidius a Præsentatione 1.2.q.2.art.4.§.4. *Sed ut hæc melius intelligantur advertendum est, duplicem scientiam poni in Deo, unam visionis, quam vocant speculativam, alteram approbationis, quam practicam appellant quia est rerum causa.* Neque propterea quis existimet diminutam reddi divisionem scientiæ in simplicis intelligentiæ, & visionis, quia (ut dixi) scientia approbationis nihil addit scientiæ simplicis intelligentiæ quod ad rationem scientiæ pertineat, sed solum aliquid pertinens ad rationem cauſæ, ac subinde pertinens ad voluntatem per denominationem ab actu illius, ut declaravi. Et hinc facile probatur altera pars ejusdem Majoris, scilicet, quod scientia visionis sit ratione posterior, quam scientia approbationis, quia scientia simplicis intelligentiæ prior est, ut constat & immediate illi adjungitur voluntas ordinans, & determinans in scientia tales ideas, ut sint exemplaria rerum futurarum, & per hoc ipsum quasi formaliter seu denominative transit prior scientia in scientiam approbationis, & practicam, & nondum intelligitur scientia visionis, quæ ad res procedentes a scientia approbationis terminatur: est ergo posterior, & nullo modo potest esse causa. Tertio potest idem declarari; quia scientia visionis per se, & proprie non subiacet applicationi, & determinationi liberæ voluntatis ex parte ipsius scientiæ, ut sic dicam, sed solum ex parte objecti, quatenus a voluntate Dei pender, ut res fiat, vel non fiat, supposito enim, quod sit futura, vel quod sit, non pender ex voluntate Dei, quin eam videat, sicut est, vel futura est, sed necessario eam videt, & ideo Deus necessario videt mala, si futura sunt, & determinationes liberas ipsius voluntatis divinæ, quæ supponuntur quidem ex parte objecti, non ex parte scientiæ, quasi applicando illam: at vero scientia simplicis intelligentiæ ex parte ipsius Dei applicatur ad opus per voluntatem liberam, & ab illa quasi pender nostro modo loquendi, & per hanc applicationem scientia approbationis denominatur. Dices etiam scientiam simplicis intelligentiæ non pendere a voluntate in sciendo, sed in cauſando. Sed contra, nam hinc potius augetur vis rationis judicio meo evidenter. Unde argumentor quarto: nam illa scientia quæ est causa rerum, in Deo supponitur ut necessaria in ratione scientiæ, & cauſe in potentia, & applicatur per voluntatem in ratione cauſe actualis ad extra, quia libere cauſatura est, & utrumque optime convenit in scientiam simplicis intelligentiæ, ut est scientia simpliciter, & ars operativa, vel scientia approbationis, & cauſat actu: at vero scientia visionis, ut talis est, non potest supponi in ratione scientiæ ante decretum liberæ voluntatis, & illo decreto supposito, necessario sequitur: imo in illo præcipue habetur juxta aliam sententiam, & postquam completa est

Præbatur consequentia quod scientia visionis &c.

3. Probatio & declaratio.

Objectioni sit tacite quoque evidenter probatur consequentia & Probatio.

1. Probatur consequentia & expenditur, D. Th.

in ratione talis scientiæ, non potest per voluntatem applicari ad causandum suum objectum, quia jam non habet in illo quid causet: ergo talis scientia non potest esse scientia approbationis. Quinto scientia approbationis prius ratione est scientia indifferens, quam per voluntatem determinetur, & quasi approbetur in ordine ad causalitatem actualem: scientia autem visionis non est scientia indifferens, sed determinata ad id, quod futurum est: & ita non est capax determinationis, quam a voluntate recipiat, sed supponit determinationem factam a voluntate in objecto talis scientiæ, & postquam completa est in ratione talis scientiæ, non potest ulterius determinari, vel applicari: ergo non est propria scientia approbationis, nec per voluntatem Dei constituitur in ratione scientiæ actualis.

6. Probatur quia scientia visionis non est scientia practica.

21. Unde argumentor sexto in hoc puncto, quia scientia approbationis, & quæ est causa rerum, est scientia practica: sed scientia visionis non est scientia practica: ergo. Major est D. Th. dicto art. 8. & 16. q. 14. Minor patet ex dictis, quia scientia Dei constituitur in esse practicæ ex parte finis per determinationem voluntatis, & ut sic possit constitui, supponitur in esse scientiæ practicæ virtualiter, seu in potentia: utrumque enim probatum est manifeste ex doctrina Divi Thomæ, & per se videtur clarum, quia nisi scientia supponatur, tam in esse scientiæ, quam in esse artis, seu virtutis activæ in suo genere, quomodo poterit per voluntatem ad aliquid faciendum applicari? non potest ergo practice applicari, nisi supponatur practica virtute. At scientia visionis non potest constitui per voluntatem in ratione practicæ actualiter, & ex parte finis, quia postquam scientia visionis in sua ratione completa est, nihil circa objectum ejus operandum relinquitur, nec potest amplius per voluntatem applicari: ergo in se nullo modo est practica in virtute, seu in actu primo, sed est quasi mera contemplatio rei factæ. Et ideo Patres supra citati merito illam comparant visioni nostræ, qua rem præsentem intuemur quæ non immutat rem visam, neque aliquid agit in illam. Et similiter D. Thomas rem hanc explicat exemplo artificis humani, qui per artem est potens ad agendum, per voluntatem applicat artem, ut actualiter operetur, dirigendo potentiam exequentem, postquam vero imaginem, v.g. operatus est, videt, & contemplatur illam, quæ visio nullo modo practica est, nec jam potest applicari, sed est mera contemplatio, & in sola cognitione consistit. Sic ergo scientia Dei simplicis intelligentiæ est ars, per quam Deus operatur, applicatur autem per voluntatem, & postquam sic applicata operata est, sive per se, sive per voluntatem, sive per potentiam executivam ratione distinctam, sequitur secundum rationis ordinem scientia visionis per modum intentionis simplicis: nullo ergo modo potest intelligi ut causa.

Visionis scientia res præsentis æternitati videt non facit.

22. Quarta ratio principalis sumi potest ex alio principio maxime recepto præsertim in Schola D. Th. verissimo, si convenienter intelligatur, nimirum Deum per scientiam visionis intueri res ut præsentis æternitati, quod etiam de præsentia secundum realem coexistentiam dicti moderni Thomistæ volunt intelligi: ergo coexistentia illa in æternitate supponitur ex parte rerum ad scientiam visionis Dei: ergo non facit illam, nec est causa illius, sed supponit illam & ratione illius omnes intuetur. Quod eodem modo procedit, etiam si præsentia illa ut prævia ipsi scientiæ objectiva tantum sit in actu primo. Et declaratur ex discursu D. Th. in 1. p. q. 14. art. 13. ubi inquit rationem ex parte objecti necessariam, ut Deus cognoscat futura contingentia, & quia non potest esse nisi res ipsa, vel prout est in causa, vel prout in se est, docet ad certam præscientiam non sufficere cognoscere contingentia in causis, sed oportere illa cognoscere in se ipsis, & sic dicit Deum præscire futura, quia ejus intuitus fertur ab æterno supra omnia, prout sunt in sua præsentia. Et addit. Unde manifestum est, quod contingentia infallibiliter a Deo cognoscantur, in quantum subdantur divino respectu secundum suam præsentialem. Ubi etiam Cajet. dub. 1. & 2. ait, præsentiam illam in æternitate abstrahere a præsentia cogniti

formaliter loquendo, & supponi ad scientiam Dei, ut ex parte objecti sit capacitas terminandi scientiam certam, & infallibilem, ut §. Et confirmatur, & ad 2. aperte declarat. Ergo juxta D. Thomæ, & antiquorum Thomistarum doctrinam, scientia visionis, ut sic, non facit rem, sed factam intuetur: non est ergo causa propria futurorum. Et confirmatur, quia si hæc scientia esset causa, a qua habet res contingens ut si futura, non oportuisset D. Thomæ adeo laborare in explicanda ratione ex parte objecti, qua possint hæc futura cognosci, unica enim esset ratio, scilicet efficacia ipsiusmet scientiæ, quæ facit, ut futura licet contingentia, infallibiliter eveniant. Si enim ego efficacia meæ visionis possem facere præsentem hic rem, quæ Romæ existit, facile effectum rationem reddere, cur ego hic existens possem videre rem Romæ existentem, nimirum, quia ut ego illam hic videam, non esse necesse, ut supponatur hic præsens, quia ego visione mea possum illam facere hic præsentem: ita ergo ratiocinandum esset in Deo. At vero nec D. Thom. nec fere ullus antiquorum Theologorum hanc causam reddidit ob quam Deus præsciat futura, & revera non satis mente concipitur, quomodo visio, ut visio intuitiva, faciat objectum suum esse.

23. Potestque amplius declarari, & urgeri hæc difficultas ex alia, quam tractare solent Theologi de productione Verbi divini: quærent enim, an procedat a Patre ex cognitione intuitiva sui ipsius, mirumque in modum laborant in explicando, quomodo possit ex scientia intuitiva sui ipsius produci, & solum propter altitudinem mysterii, & quia productio illa mere naturalis est, credendo magis, quam intelligendo illam admittunt. Quomodo ergo credibile est, per scientiam visionis, per quam rem sibi præsentem intuetur, Deum facere illam sibi præsentem, ut eam intueatur? vel quid est, quod nos in has angustias cogat, cum sit in Deo alia scientia, per quam intelligimus rem fieri, & deinde sic factam per scientiam visionis videri? Tandem isto modo optime, & juxta sententias Patrum conciliantur futura contingentia cum divinæ præscientiæ, quia mera intuitio non mutat modum existentie, vel effectus rei visæ: at vero si illam scientia est causa futuri vix potest intelligi concordia, quia scientia illa non est indifferens de se, seu determinata ad unum, nam per illam ex duobus contradictoriis, vel contrariis unum determinate futurum videtur, si autem hæc scientia facit objectum suum, non determinatur ab illo, sed determinans illud: repugnat autem actioni libere ab extrinseco agente ad unum determinari, ut infra libro quinto ostendimus. Deinde ut scientia Dei determinet effectum futurum, oportet illam esse determinatam: peto igitur, unde scientia visionis determinetur ad faciendum, ut hoc contingens potius, quam oppositum sit sibi præsens. Aut enim habet hanc determinationem ex natura sua, & præcisa a voluntate: & sic omnia eveniunt ex necessitate quadam naturali, quia scientia illa necessario agit id, ad quod est ex natura sua determinata. Aut habet illam determinationem a voluntate Dei, & hoc etiam dici non potest: tum quia voluntas divina non potest determinare intellectum ad actum scientiæ, nec quoad exercitium, quia est purus actus, nec quoad specificationem, quia est evidens cognitio: tum etiam quia sic voluntas divina media scientia visionis determinaret ad unam voluntatem creatam, & sic non libere, nec cum indifferentia se determinaret. Concludimus ergo scientiam visionis, ut talis est, non esse causam futuri, quod per eam videtur, ac proinde causalem illam falsam esse. Quia Deus videt hoc esse futurum, ideo futurum est, si in propria vi causalis accipitur, licet in vi illationis optima sit consecutio.

24. Tandem possumus hanc partem auctoritate Scholasticorum confirmare, quam in hunc ultimum locum refervari, quia ex principiis, & rationibus Theologicis mens Theologorum in hoc puncto præcipue colligenda est. Et sic in primis tribuimus hanc scientiam Divo Thomæ, quia ex principiis ejus ita colligitur, ut non videantur aliter posse consistere, ut declaratum est de illo principio. Quod futura præsciuntur

Ab archana processione Verbi a Patre ex cognitione intuitiva sui ipsius. In hoc Verbi improbat contrariæ sententiæ.

Scholasticæ veritas ab scholasticis confirmatur.

Principia
verbis D.
Th. confir-
mantur

tur a Deo, ut sunt præsentia æternitati, & ex illo, quod scientia simplicis intelligentiæ, ut transit in scientiam approbationis per determinationem voluntatis est causa rerum. Item ex illo, quod illam scientia simplicis intelligentiæ est de se practica virtualiter, & per adjunctam voluntatem constituitur practica actualiter, quod scientiæ visionis non competit. Item ex eo, quod illa scientia, quæ est causa rerum, supponitur voluntati operativæ, & habet illam adjunctam, ut applicantem illam ad opus, quod etiam non potest scientiæ visionis adaptari. Et hoc confirmant optima verba D. Th. in secundo dist. 22. qu. 1. art. 1. Sic enim ait: *Sciendum est, quod scientia secundum rationem scientiæ non dicit aliquam causalitatem, alias omnis scientia causa esset, sed in quantum est scientia artificis operantis res, sic habet rationem causæ respectu rei operata, unde sicut est causalitas artificis per artem suam, ita consideranda est causalitas divinæ scientiæ.* Unde inferius colligit: *Quod principalitas causalitatis consistit penes voluntatem, quæ imperat actum.* Et infra addit, scientiam Dei esse causam bonorum, *secundum quod consequuntur formam divinæ artis, & finem, non tamen quod respectu horum dicat perfectam causalitatem nisi prout illi adjungitur voluntas.* Quæ omnia, & singula verba mirum in modum confirmant rationes a nobis factas, ac subinde assertionem. Nam prima propositio, quam D. Thomas de scientia profert, potest sub eadem forma ad scientiam visionis applicari, nam scientia Dei secundum rationem scientiæ visionis non dicit aliquam causalitatem, alias omnis scientia visionis causa esset, quod falsum est, ut patet in scientia actuum liberorum ipsius Dei, & scientiæ peccatorum. Ergo ut sit causa, oportet, ut id habeat sub alia ratione ex aliquo adjuncto: neutrum autem dici potest. De primo patet, quia si alia ratio cogitari potest, maxime ratio artis, ut in verbis proxime subjunctis addit D. Thom. at ratio artis non convenit scientiæ visionis, ut videtur per se notum: tum quia ratio est naturalis Deo, & antecedit omnia decreta libera Dei: tum etiam quia scientia visionis terminatur ad ipsum artefactum. De secundo probatur ex ultimis verbis Divi Thomæ, quia scientiæ ad causandum non adjungitur nisi voluntas Dei: at voluntas Dei ut operativa, & determinata ad operandum ad extra, non adjungitur scientiæ visionis, sed potius visio adjungitur illi, & supponit, ut etiam adversarii maxime contendunt, & omnes fateamur, licet in diverso sensu, ut supra explicatum est: ergo nullo modo secundum doctrinam D. Thomæ potest tribui scientiæ divinæ, ut est visio rei futuræ, quod sit causa, cur illa futura sit. Neque D. Thom. in 1. p. aliud dixit, ut respondendo ad argumenta dicam.

Magist.
probat
visionis
scientiam
non esse
causam
factorum
& sequen-
tes.

25. Præterea Magister in 1. d. 38. c. 4. sic ait. *Dicimus scientiam vel præscientiam Dei non esse causam eorum, quæ sunt, nisi talem, sine qua non sunt, sita- men scientiam ad notitiam tantum referamus.* Quæ verba simpliciter non nisi de scientia visionis vera esse possunt: nam licet de scientia simplicis intelligentiæ, ut separata a voluntate, verum habeant, quoad rationem causæ actualis, nihilominus, in potentia, & virtute etiam illa scientia secundum se, & ut est quædam ars, est causa, seu causativa; scientia autem visionis, nec est ars, nec est aliud, quam mera notitia, non est ergo causa secundum Magistrum. Unde Sanctus etiam Bonaventura, ibi art. 1. quæst. 1. ait, posse sermonem esse de præscientia, quantum ad rem significatam, prout illo nomine significatur; vel quantum ad rem ipsam secundum se, & priori modo dicit non habere rationem causæ, posteriori autem modo esse causam. At vero per præscientiam ut significatam illo nomine, non videtur nudum nomen intelligendum, sed res ipsa, ut subest alicui præcisæ rationi significatæ per nomen præscientiæ, quæ non est alia, nisi scientia visionis. Nam quia hæc scientia in re non est alia, nisi ipsa scientia naturalis Dei, clarum est, rem importatam per illam vocem esse causam, tamen ut est præscientia, seu scientia visionis addit peculiarem respectum, & sub hac ratione, non habet rationem causæ, sed tantum scientiæ. Addit vero Bonaventura (quod pro præsentis controversiæ notandum est) respectu futurorum, quæ

Deus causat cum causa secunda, scientiam Dei etiam prout est causa futurorum, non esse totam causam, sed simul cum causa secunda, cui cooperatur. Unde fit solam præscientiam, etiam si sub illa ratione causa esset, non tamen dici posse totam causam talium futurorum, seu futuritionis illorum, ut auctores contrariæ sententiæ intendere videntur. Expressius docet hanc sententiam Greg. eadem distinct. 38. qu. 2. art. 3. ad tertium principale, ubi dicit causalem hanc propositionem, quia Deus præscit, ideo res futuræ sunt, si sit causalis, & non æquivalens præcisè conditionali, absolute negandam esse, quia præscientia non est causa, & utitur exemplis Augustini, & Boetii de scientia nostra, & prædictione rei futuræ. Marcellus vero qu. 40. articul. 2. in ultima ejus parte licet non attingat in terminis quæstionem hanc de causalitate scientiæ visionis, tamen in suppositione 2. causalitatem tribuit scientiæ, quam vocat dispositionis, seu approbationis, quam dicit supra scientiam simplicis intelligentiæ solam voluntatem addere, & postea subjungit præscientiam, & loquens de futuris a causa libera, dicit in suppositione quinta præsciri æternaliter, *ex immensitate scientiæ divinæ prævidentis quid, qualiter, & quomodo, & quando cujuslibet creata voluntas se debeat bene, & male determinare.* Quia ita se habet, ut sentit, scientia visionis ad futura, quæ videt, sicut scientia simplicis intelligentiæ ad possibilia, scilicet ut pura scientia, & non ut causa: unde etiam comparat illam cognitioni nostræ respectu præsentium, in quibus per scientiam nostram nullam mutationem facimus. Eodem modo loquitur Egidius in eadem dist. quæst. 1. ubi inter alia dicit, Dei voluntatem esse immediatam causam productionis rerum, & scientiam non esse causam, nisi media voluntate, & prout per illam extenditur ad praxim, quæ non possunt scientiæ visionis applicari, & in d. 40. quæst. 2. art. 3. dicit, præscientiam esse suppositionem consequentem, non antecedentem. Ex quo principio aperte sequitur non esse causam, ut supra declaratum est. Multo magis idem sequitur ex sententiâ Durandi in eadem dist. quæst. 1. dicentis, solam potentiam Dei executivam esse proximam causam effectuum, & illam proxime applicari a voluntate, scientiam vero solum remote concurrere, dirigendo per modum prudentiæ, vel artis. Denique non immerito allegatur pro hac parte Alensis in 2. quæst. 24. memb. 2. Nam inquirens, an præscientia Dei sit causa rerum, responder, ut est scientia simplicis notitiæ, non esse causam, ut vero est approbata ratione approbationis posse dici causam. Ex qua responsione constat, nomine præscientiæ non intelligere scientiam visionis, cum sub illa comprehendat scientiam simplicis intelligentiæ. Loquitur ergo absolute de scientia Dei & illi, ut conjunctæ voluntati, tribuit totam causalitatem. Et similem doctrinam habet qu. 32. membr. 3. Unde tacendo semper de scientia visionis, illam profecto omittit, tanquam omnino a causalitate alienam, & consequentem secundum rationem post totam causalitatem Dei circa id, quod per illam præscitur. Imo si præscitum sit futurum a voluntate creata, non solam causalitatem voluntatis increatæ, sed etiam causalitatem creatæ voluntatis ut futuram, seu coexistentem æternitati talis præscientia præsupponit. His addo Wald. libr. 1. Doctrin. cap. 25. num. 10. ubi referendo Hieronymum, ait. *Non ex eo, quod Deus scit futurum aliquid, ideo futurum est.* Et similiter huic sententiæ consentit Joannes Arbot. approbando dictum Orig. tom. 1. Theosop. l. 4. c. 11. circa finem. Denique ex modernis auctoribus præter nostros scriptores omnes, hanc sententiam constanter docet Ferdinand. Mascare. l. de Auxil. disp. 2. p. 6. n. 13. & Alexand. Pefant. 1. p. q. 14. art. 8. Et eandem sententiam (quamvis punctum non disputet) supponit plane Diotaleu. in sua disp. de Scient. conditionata. In qua simul explicat rationem, & modum cognoscendi omnia futura contingentia, etiam absoluta, semperque supponit res futuras secundum suum esse supponi ut productas ante scientiam visionis, quod esse non potest, nisi scientia visionis est causa earum. Imo in capit. 6. in propositione 3. de futuris contingentibus absolutis docet,

Greg. ex-
pressius
docet.

præscientiam visionis horum futurorum adeo esse independentem, & quasi alienam a causalitate, ut si per impossibile actus voluntatis nostræ liber non penderet a divina voluntate, si Deus haberet eandem perfectionem intelligendi, quam nunc habet, eodem modo intuitus ejus æternus actum futurum videret, ut suæ æternitati præsentem, quam propositionem late prosequitur, & in doctrina Div. Thomæ putat esse verissimam. Ex illa vero aperte sequitur, scientiam visionis, ut talis est, valde alienam esse a ratione causæ, & hoc sensisse illum auctorem, quod nunc solum intendimus, quicquid sit de illa hypothetica propositione.

Optima
ex sup-
rioribus
illatio.

26. Per hæc igitur existimo: satis esse demonstratum, propositionem illam causalem, *Quia Deus præscit futura ideo futura sunt*, intellectam de scientia visionis, ut talis est, falsam esse, idque magno pondere rationis; & auctoritatis fundatum esse. De altera vero causali, *quia res futura est, Deus illam præscit*, dicam in ultimi argumenti solutione. Solum ergo superest, ut alterius sententiæ motiva expendamus.

Ad prima
opinionis
auctores
præfer-
tum in
Alber. il-
lustratio.

27. Primum sumebatur ex auctoritate Scholasticorum, ex quibus Magister, & Bonav. nostræ sententiæ non repugnant, imo favent, ut ostendimus. Alber. autem in d. a. i. obscurius loquitur, nam distinguendo præscientiam a scientia dicit, præscientiam esse causam aliquorum futurorum, quamvis non omnium, quia non est causa malorum, sed bonorum. Sed licet non cogamur ejus auctoritatem sequi, quia vero non loquitur expresse de scientia visionis, ut talis est, dicere possumus loquutum esse de illa materialiter ut est scientia approbationis. Eadem enim scientia simplicis intelligentiæ, adjuncta voluntat, induit rationem scientiæ approbationis, & actualis causæ, per quam habet res, quod sit futura, & inde resultat statim proprius respectus, secundum quem illa eadem scientia visionis appellatur. Illam ergo scientiam, ut jam est sub voluntate, vocavit Albertus præscientiam. Sicenim distinxit. *Scientia Dei potest esse duplex, scilicet simplicis notitiæ, & approbationis*, & priorem dicit, non esse præscientiam, quia non respicit futurum, posteriorem autem sub præscientia comprehendit, & ideo illi causalitatem tribuit.

D. Th. sua
implemet
doctrinæ
se explicat.

28. De D. Th. autem sententia satis dictum est: quæ vero in contrarium inducuntur ex i. p. q. 14. parum obstant illi parti, seu propositioni, quam nunc disputamus. Nam in art. 8. ad 1. in priori parte ejus, quia Origen. dixit scientiam Dei non esse causam futurorum, exponit eum loquutum esse secundum rationem scientiæ, & addit: *Cui non competit ratio causalitatis nisi adjuncta voluntate*, & ita videtur exponere Origenem de scientia simplicis intelligentiæ. Sed quicquid sit de expositione Origenis (nam fortasse potius de scientia visionis, ut tali, loquutus est) Div. Thom. ibi non scientiæ visionis, sed scientiæ approbationis causalitatem futurorum tribuit. De altera vero parte illius solutionis infra dicam. In solutione vero ad 3. de eadem scientia approbationis loquitur, de qua in articulo fuerat loquutus, considerat enim illam ut artem, per quam Deus operatur, non ut simplicem intuitionem rerum factarum. Et de eadem scientia loquitur in art. 15. cum dicit scientiam Dei esse practicam. Nam scientia visionis, cum supponat rem factam in æternitate, non potest esse practica respectu ejusdem, sed simplex intuitio, sicut est respectu malorum in quo respectu eadem profecto est ratio etiam bonorum.

Aug. Ma-
gister ex-
plicat lo-
qui de
scientia
simplicis
intelligentiæ.

Pesantius
supra.

29. Ad Augustinum Magister, & alii dicunt Augustinum esse loquutum de scientia approbationis. Et in primo quidem loco non loquitur August. de rebus futuris, sed de rebus creatis. Sic enim loquitur: *Non enim hæc creata sunt ideo sciuntur a Deo, quia facta sunt, ac non potius ideo facta sunt, vel mutabilia, quia immutabiliter a Deo sciuntur*. Non ergo loquitur de rebus futuris, ut futuris, sed materialiter (ut aliqui loquuntur) de rebus ipsis, quæ aliquando fiunt. Unde non loquitur de scientia visionis, sed de scientia simplicis intelligentiæ, ut ex antecedentibus constat: loquitur enim de Verbo divino, quod est perfectum, & cui nihil deest. *Et ars quædam* (ait) *omnipotentis, atque*

sapientis Dei plena omnium rationum incommutabilium; & infra: *ibi novit omnia Deus, quæ fecit per ipsum, &c.* Ipsam ergo naturalem scientiam Dei dicit esse causam, per quam facit omnia. Atque eodem modo exponendum est, quod in secundo loco ait de creaturis: *Ideo sunt, quia novit*, vel, *quia sciuit, creavit*, semper enim de naturali scientia loquitur, unde addit: *Non enim nesciuit, quæ fuerat creaturis*. Loquitur ergo de illa scientia, quæ supponitur ut necessaria ad creandum: intelligit autem esse causam de se in actu primo, in actu autem secundo adjuncta voluntate. Ac propterea Magister exponit: *Ideo sunt, quia novit, id est, quia scienti placuit, seu quia sciens disposuit*. Scientia autem, quam voluntas supponit ut de futuris disponat, scientia est simplicis intelligentiæ, non visionis. In tertio vero testimonio magis videtur loqui Augustinus de præscientia futurorum, nam & utitur præscienti verbo, & præmittit verbum volendi. Sic enim ait, *Voluntates nostræ tantum valent, quantum Deus eas valere voluit atque præscivit*. Posset tamen etiam exponi de scientia simplicis intelligentiæ, quæ lato modo solet etiam dici præscientia, quia etiam præcedit res, ut futurae vel etiam, quæ præsupponitur voluntati. Unde cum postea subdit voluntates nostras tantum esse valituras, quia Deus id præscivit, subintelligendum est, & voluit. Præscivit enim Deus vires omnes, & virtutes, quas illis conferre poterat, & tales, ac tantas dare voluit, & ideo tantum valituras sunt. Aut si velimus de propria præscientia causalem illam intelligere, non dicit causalitatem respectu rei in futuro esse, sed respectu certitudinis veritatis de futuro. Dixerat enim August. *Quidquid valent certissime valent, & quicquid facturae sunt, omnino* (id est indubitanter) *facturae sunt*, quia ita præscitæ sunt, & præscientia Dei non potest non esse certissima, & ab illa recte denominantur res certissime futurae; certitudo enim in rebus, formaliter loquendo, non est nisi denominatio ab aliqua certa scientia.

Yazquez
supra.
Greg. ex-
plicatur.

30. Ad verba Gregorii aliqui respondent, Gregorium non loqui de existentia rerum, sed de præsentia, ita ut sensus illius causalis sit, Deum non ideo cognoscere res, quia illi sunt præsentis, sed potius quia cognoscit illas, eas habere præsentis, præsentia utique objectiva, quam habent in æternitate. Docet enim ibi Greg. in Deo non tam esse præscientiam futurorum, quam scientiam: *Quia Deo, inquit, futurum nihil est, quia omne, quod nobis fuit & erit, in ejus conspectu præsto est*; & infra: *Præscius dicitur, quamvis nequaquam futurum prævideat, quod præsens videt*; & statim adjungit: *Nam & quæque sunt non ab æternitate ejus, ideo videntur, quia sunt* (utique in sua reali existentia) *sed ideo sunt* (utique in æternitate præsentia) *quia videntur*. Qui est satis probabilis sensus, intelligendus tamen est de præsentia, ut ita dicam, actuali: nam aptitudinalis ex parte objecti supponitur, ut supra dixi. Dici etiam optime potest, Gregorium solum voluisse docere, Deum non accipere scientiam a rebus, sed ex se, & ex sua infinitate, & eternitate habere, ut omnia eodem modo intueatur, quia eadem scientia, quæ res omnes producit, easdem intuetur, & in hoc sensu dicit, *Ideo sunt, quia videntur*, non quia visio, ut visio, sit ratio causandi illas, sed quia eademmet scientia, quæ est visio, est causa illarum: de Boetio jam satis dictum est.

31. Ad primam rationem negatur antecedens, & in contrarium retorquetur, quia scientia visionis, ut talis est, non est practica, sed speculativa, ut ostensum est, & ideo non est causa sui objecti, & per modum artis, quia supponit objectum factum per scientiam Dei, tanquam per artem rerum factibilium. Dico autem *sui objecti*, & *per modum artis*, quia si præscientia unius rei comparatur ad alium effectum, potest dici causa ejus, non impediata, nec per modum artis, nec ut proprium principium physice effectus, sed remore, & per modum prudentiæ, vel potius experienciæ, quæ interdum prudentiæ ministrat, ut nostro modo res divinas explicemus, subintelligendo semper imperfectionibus remotis. Sic enim præscientia peccati, v.g. inducit iudicium, & consequenter voluntatem puniendi illud, & hac ratione illa scientia culpæ dici potest causa punitiois, neque ad hoc refert quod sit speculativa, quia, ut dixi, est per modum experien-

Ad præ-
cipuam
rationem
respici-
tur.

petentia, quæ ad praxim, & prudentiam utilis est. Nam iudicium practicum in aliquo speculativo fundatur. Hic autem loquimur de scientia visionis respectu sui proprii obiecti, illius enim non est causa, nec practica cognitio, sed mera intuitio. Ad probationem primam negatur assumptum, sc. scientia simplicis intelligentiæ esse speculativam, & non practicam. Hæc posterior pars falsa est: nam si scientiam simplicis intelligentiæ secundum se, ac præcise spectetur, ut præcedit actum liberum Dei, sic est practica in actu primo respectu effectiōis ad extra, quia est ars rerum factibilium, omnis autem ars practica est, saltem in actu primo, seu virtute, ut D. Thom. dicit, quod perinde est: si vero consideretur, ut substantia voluntati liberæ exequenti productionem rerum ad extra, sic est practica in actu secundo, quia simul cum voluntate concurrit, dirigendo tanquam exemplar rei faciendæ. Altera vero probatio in æquivocatione versatur: nam ex scientia Dei absolute argumentatur ad scientiam visionis, quæ potest dici argumentatio ab universali ad particulare affirmative, seu ex puris particularibus, seu materiali ad formale. Itaque in forma respondetur negando antecedens: nam scientia visionis opponit suum obiectum, quod etiam probatione ibi addita convincitur, quia intuetur res ut præsentem æternitati; ac subinde ut factas in eadem æternitate; supponit ergo causalitatem earum, ad quam quidem suo modo operatur scientia Dei, non tam ut est visionis, sed ut est scientia approbationis. Quia tamen utraque scientia in re una est, & indivisibilis, eadem scientia Dei causando res illas intuetur, nihilominus tamen illa duo respectus ratione distinctos dicunt, & ratio visionis supponit rationem causæ, non constituit.

32 Secunda ratio ex dictis soluta est: jam enim ostendimus, quo modo scientia simplicis intelligentiæ sit causa rerum, vel in virtute, seu actu primo, si præcise spectetur, vel in actu secundo, si coniuncta voluntati in scientiam visionis transeat. Unde licet scientia Dei adequate dividatur in simplicis intelligentiæ, & visionis, illud maxime verum est in ratione scientiæ: nam in ratione causæ actualis additur scientia approbationis; vel ipsamet scientia simplicis intelligentiæ subdividitur quasi duos habens status ante, vel post decretum liberum voluntatis. Ad primam vero confirmationem jam dictum est ex eodem loco D. Thomæ ibi allegato scientiam simplicis intelligentiæ ex se practicam esse virtualiter, seu in actu primo, compleri autem per voluntatem, per quam ad operandum actu applicatur. Ad secundam confirmationem dicimus primo, scientiam simplicis intelligentiæ non esse liberam a ratione scientiæ, esse autem liberam in ratione causæ, & hoc solum in illa confirmatione probari. Deinde addimus scientiam visionis, neque in se esse formaliter liberam, cum non sit actus voluntatis, neque etiam denominative esse liberam ab actu voluntatis quasi moyente, vel applicante intellectum ad illam scientiam, ut declaravi. Solum ergo dici potest libera quasi antecedenter, quia obiectum, circa quod versatur, liberum est. Hic autem modus libertatis nihil confert, ut possit esse causa rerum, quia potius supponit rem libere futuram, & inde nostro modo loquendi, necessario quasi resultat respectus, qui connotatur in scientia Dei, cum visionis appellatur scientia autem, quæ est libera in ratione causæ debet ita denominari a voluntate applicante illam ad causandum, quod optime convenit in scientiam simplicis intelligentiæ, seu approbationis, non in scientiam visionis, ut declaravi.

33 Tertia ratio postulat alteram partem, quam

proposui de alia propositione, quia res sunt futuræ præsciuntur a Deo, an possit admitti in vi causalis, & non tantum in vi illationis. Nam D. Thom. supra simpliciter illam negat in priori sensu, & Originem illo modo loquentem in posteriori sensu exponit. Augustinus etiam, & Gregorius absolute illam negant, quos Magister in 1. d. 38. sequitur, & Albertus ibi art. 3. Et ducuntur, quia omnis scientia Dei est increata, immutabilis, & æterna, & ideo non potest habere causam, præsertim creatam, mutabilem, & temporalem. At vero D. Hieronym. Origen. Damascen. & alii Patres supra citati illam causalem simpliciter admittunt. Nec videntur sufficienter exponi secundum illationem tantum, ita ut causalis illa ad conditionalem reducat, nam in illo sensu etiam altera propositio, *quia Deus scit rem futuram, ideo futura est*, esset admittenda, quia in sensu conditionati verissima est. At vero dicti Patres unam admittunt, & alteram negant: ergo loquuntur in sensu plusquam conditionato. Et ita illam admittunt Bonavent. Gregorius, & alii Doctores supra citati. Ratio autem reddi potest, quia per illam causalem propositionem non denotatur causa physica scientiæ Dei, sed tantum ratio obiectiva, quæ non repugnat Deo: nam etiam in scientia simplicis intelligentiæ Deus scit tales creaturas, quia possibiles sunt, & non ideo sunt possibiles, quia scit illas. Et in divina voluntate etiam datur ratio obiectiva, amat enim seipsum, quia est bonus, imo & creaturas amat propter bonitatem suam.

34 In hoc puncto existimo controversiam esse in modo loquendi: nam posteriores auctores solum intendunt ad scientiam visionis necessarium esse, ut præsupponatur obiectum scibile, & verum secundum aliquam determinatam veritatem, unde quia hæc scientia de rebus futuris necessario supponere debet, quod sint futuræ, quia nisi hoc supponatur, non erit obiectum scibile, & consequenter nec poterit esse scientia. Si autem id supponatur necessario resultat talis scientia, ut nostro modo loquamur. Neque aliud genus causalitatis tribuunt futuris respectu scientiæ Dei, optime enim norunt, nec Deum accipere scientiam a rebus sicut homines, neque fieri aliquod augmentum reale in scientia Dei ex eo, quod res sint futuræ, sicut fit in Angelis, quando effectus contingentes vident: nam licet ab illis non accipiant scientiam, crescunt saltem in actuali scientia. Deus autem non ita, sed eadem simplicissima, & naturali scientia sine ulla additione reali videt res, si supponantur futuræ, & sine ulla diminutione non videret illas, si non essent futuræ, ut recte attigit Hugo de Sancto Victore lib. 1. de Sacrament. p. 2. cap. 14. 16. & 18. Hæc ergo doctrina vera est, quam D. Thomas, & alii Patres non negarent, sed quia illa nota causalis aliquid amplius indicare potest, modum loquendi simpliciter non approbant. Et in rigore melius dicitur, rem esse futuram supponi ordine rationis ad scientiam visionis, vel ut conditionem necessariam, sicut dixit Magister, vel ut terminum, quo posito cum fundamento, resultat relatio, & ideo sicut in relativis non dicimus, unum referri ad terminum, quia terminus existit, sed existente illo, aut non sine illo, ita in præsentem melius dicemus, ut Deus præsciat futura, necessarium esse, ut supponantur futura: nam si non essent futura, non præscirentur, ut dixit Hugo supra. Et in hoc sensu reducitur illa causalis ad conditionalem, non quantumque, sed talem, quæ fundetur in hypothesi necessario præsupponenda, & ideo altera causalis, *quia Deus scivit, hoc erit*, etiam in hoc sensu non admittitur, quia scientia visionis nullo modo supponenda est, ut res sit futura.

FINIS PROLEGOMENI SECUNDI.

PROLEGOMENON III. DE COMMUNIRATIONE GRATIÆ, ET VARIIS MODIS, SEU MEMBRIS, AUT SIGNIFICATIS EJUS.

CAPUT I.

*An gratia, de qua in presenti agitur, sit
donum Dei gratuitum?*



Ost explicationem liberi arbitrii, quod est veluti gratiæ fundamentum, duo de gratia ipsa præmittenda videntur. Unum est, quid nomine gratiæ in presenti intelligatur, magis quid nomen significet, quam quid res ipsa sit, declarando. Aliud est, varia genera

gratiarum distinguere; tum ut nonnullas gratias, quæ ad præsentem doctrinam non pertinent, separemus; tum etiam ut terminos varios explicemus, quibus postea nobis utendum est, ut ita sit expeditior disputatio. Tum denique ut hæreticorum deceptiones vitemus, qui sub variis huius vocis amphibologiis suos errores introducere conantur.

Quid hic
nomen
gratiæ ip-
telliga-
tur

2 Prima igitur vocis, gratiæ, etymologia ex co sumpta videtur, quod gratis datur. Significavit hoc Aristotel. lib. 2. Rhetor. ad Theodect. cap. 7. dicens, gratiam esse, *per quam dicuntur rogati gratis aliquid facere, non pro re aliqua, neque ut sibi quicquam, qui faciunt, subveniant, sed ut cui faciant.* Et, quod caput est, hanc gratiæ proprietatem supponit Apostolus ad Roman. 11. cum dixit. *Si autem gratia, jam non ex operibus, alioquin gratia jam non est gratia, quia nimirum, si ex operibus esset, non gratis daretur, ac subinde gratia non esset: est ergo de ratione gratiæ, ut gratis detur.* Unde etiam cap. 4. dixit: *Ei, qui operatur, merces non deputatur secundum debitum, utique quia quod solvitur ut debitum, non gratis datur.* Unde etiam est illud Augustini tract. 3. in Ioan. *Quid est gratia? gratis data. Quid est gratia? donata, non reddita,* & serm. 61. de Verb. Domini cap. 1. *Ideo gratia, quia gratis datur; & similia habet in Psalm. 49. in fine, & alibi sæpe, dicta testimonia Pauli expendens. Eandemque gratiæ etymologiam notavit Isidor. libro septimo. Etymolog. cap. 3. Qui etiam ob hanc causam in Comment. ad lib. 1. Reg. cap. 10. gratiam lactis matris comparat, Quia lac, inquit, est in carne gratuitum, ubi mater non querit accipere, sed satagit dare: hoc mater gratis dat, & contristatur, si desit, qui accipiat. Quomodo autem hæc etymologia, seu denominatio gratiæ per quandam excellentiam, seu antonomasiam in propriam Dei gratiam, de qua tractamus, conveniat, in discursu materiæ, & præsertim in lib. 4. explicandum est.*

Gratia, t-
donum
gratum
datum,
quod ad
duo redu-
citur si-
gnificanda

3 Ex hac etymologia colligimus primum, & quasi genericum gratiæ significatum esse idem, quod donum gratis collatum. Quia vero hæc dona multiplicia esse possunt, ideo diversa esse possunt genera gratiarum, de quibus ait Paulus 2. Corin. 9. *Potens est autem Deus, omnem gratiam abundare facere in vobis,* & c. 12. *Divisiones gratiarum sunt,* & c. Ad duo vero capita omnes gratiæ reducuntur, pertinentque ad duo prima significata ex tribus, quæ posuit D. Thom. 1. 2. q. 110. art. 1. Primum enim gratia significat amorem, nam est primum donum, quod ab aliquo alteri conferri potest, soletque non solum gratis exhiberi, sed etiam esse radix aliorum donorum, ac beneficiorum, quæ gratis donantur, ut ibidem D. Th. notavit. Et sumitur ex illo Ioan. 3. *Sic Deus dilexit mundum, ut filium suum unigenitum daret.* Hinc ergo nomen gratiæ significare solet in Scriptura amorem,

ut in illis locis, in quibus dicitur homo invenisse gratiam apud Deum, ut de Noe dicitur Genes. 6. & de Moyse Exod. 23. Et de Virgine Luc. 1. Et in eis etiam, in quibus unus homo dicitur gratiam apud alium invenire, ut Genes. 30. *Inveni aut gratiam in conspectu tuo,* Et Exod. 3. *Dabo populo huic gratiam coram Aegyptiis,* & apud Latinos sunt phrasæ similes in usu, sic enim dicitur qui inire gratiam cum aliquo, vel recipi, esse, aut restitui in gratiam illius, id est, in benevolentiam, vel amicitiam eius. Secundo vero significat gratia dona, quæ ex amore gratis dantur, quæ significatio est frequentissima in Scriptura Ephes. 4. *Unicuique nostrum data est gratia secundum mensuram donationis Christi* Rom. 5. *Non sicut delictum, ita & donum, si enim unius delicto multi mortui sunt, multo magis gratia Dei, & donum in gratia unius hominis Iesu Christi in omnes abundavit,* & cap. 12. *Habentes donationem secundum gratiam, quæ data est vobis,* & c.

4 Occurrit autem notandum circa has duas significationes, ex prima ortum videri, ut proprietas, vel conditio personæ, quæ illam reddit amabilem seu illi amorem, ac benevolentiam conciliari, gratia vocetur, ut pulchritudo, seu elegantia, & corporis ornatus gratia dici solet, iuxta illud Proverb. ult. *Fallax gratia, & vana est pulchritudo,* & c. Et similiter orationis venustas gratia vocari solet, iuxta illud Ecclesiastici 6. *Verbum dulce multiplicat amicos, & lingua eucharis (id est gratiosa) in bono homine abundat,* & Psalm. 44. *Diffusa est gratia in labiis tuis.* Cui consonat illud Luc. 4. *Mirabantur in verbis gratiæ, quæ procedebant de ore ipsius.* Quamvis etiam possint verba gratiæ dici, quæ aliis proficiunt, & ad eorum salutem sunt utilia, iuxta illud ad Ephes. 4. *Sit sermo bonus ad edificationem fidei, ut det gratiam audientibus.* Hic autem locum habet differentia inter amorem divinum, & humanum, quam Div. Thom. supra notat, quod amor humanus supponit in objecto bonitatem quam amat, & ideo illa bonitas, seu pulchritudo, quæ in una persona supponitur, ut alterius amorem sibi conciliet, non potest dici proprie gratia respectu illius, quia nullo modo est donum gratis ab illo collatum, sed solum ita vocatur per quandam analogiam, quia est incentivum quoddam amoris, & complacentiæ, quæ est quædam gratia proprie dicta in prima significatione superius posita. At vero amor divinus non supponit obiectum bonum, sed facit, ideoque donum illud, quod hominem reddit amabilem Deo, propriissime dicitur gratia secundo modo supra posito, scil. quia est donum gratis a Deo collatum, de quo maxime intelligitur illud Ioan. 1. *Plenum gratia & veritatis,* & illud, *Gratia & veritas per Iesum Christum facta est,* & c. & similia. Et hæc est gratia, de qua potissime in hac materia tractamus, sub qua tamen multa comprehenduntur, quæ in sequentibus distinguemus.

Id quod
amorem
gignit a-
nalogica
gratia vo-
catur

5 Prius autem notare oportet tertium nominis gratiæ significatum a Div. Thom. supra traditum, & a præcedentibus derivatum: nam quia beneficium gratis collatum gratia est, & beneficii acceptio gratitudinem postulat, ideo gratitudo etiam ipsa, seu gratiarum actio gratia vocata est, quasi gratia pro gratia. Atque hoc modo dixit David 2. Reg. 2. *Rebuet quidem vobis Dominus misericordiam, & veritatem, sed & ego reddam gratiam,* & c. Et cap. 15. *Ostendisti gratiam & fidem.* Et hoc etiam modo videtur sumi a Paulo ad Coloss. 3. dicente. *In gratia cantantes in cordibus vestris Deo,* id est, in gratiarum actione, ut exponit Anselmus, & consonant D. Thom., & Adam. Item ex Corin. 10. ibi. *Si quid ego cum gratia participo,* id est, cum gratiarum actione.

Gratitudo
do gratia
dicitur

actione. Et hinc ortum est illud Sophoclis, *Gratia gratiam parit*, quia beneficium gratis collatum gratitudinem postulat, & inde etiam apud Latinos ortæ sunt phrasæ, illæ *habere gratiam*, vel *referre*, aut *agere*. Et in eadem significatione ipsam virtutem gratitudinis gratiam appellavit D. Thom. 2.2.q. 106. art. 1. cum Ciceron. lib. 2. de Invent. prope finem, & Augustino l. 83. Quæstion. q. 31. ubi sic ait. *Gratia est, in qua amicitiarum, & officiorum alterius memoria, & remunerandi voluntas continetur.*

Deus gratia dare, sed accipere minime potest

6 Inter has vero gratiæ significationes, seu significationes ipsa ad Deum comparata, est obiter notanda differentia, quod gratia priori modo sumpta pro dono gratuito habet locum in Deo active, non passive; accepta vero posteriori modo habet locum in Deo passive, seu obiective, non active, id est, Deus potest gratiam facere, id est, gratuitum donum donare, non vero recipere. Prior pars prioris membri nota est, quia Deus est primum principium bonorum omnium, quæ in omnibus aliis rebus inveniuntur, & consequenter est fons omnium gratiarum, ut in sequentibus sæpius ostendetur. Posterior vero eiusdem membri pars etiam est certa: nam (ut ait Paulus ad Roman. 11.) *Quis prior dedit illi, & retribuetur ei?* Nemo enim potest beneficium gratuitum facere Deo, sed obsequium pro priori beneficio accepto reddere. *Quoniam ex ipso* (ait Paulus) *& in ipso, & per ipsum sunt omnia.* Et ideo qui aliquid Deo tribuit, ab ipso habet, ut tribuat, & consequenter non tribuit, sed retribuit, & propterea donum Deo collatum non potest habere rationem gratiæ, quam homo Deo faciat, id est, beneficii gratuiti, sed retributionis, & obsequii debiti. Quia semper ad illum dicere possumus, & debemus: *Tua sunt omnia, & que de manu tua accepimus, dedimus tibi.* 1. Paralip. 29. Item benefactor, propriam gratiam facit, sub ea ratione superior est recipiente, nam est causa alicuius boni illius; Deus autem sub nullo respectu potest esse homine inferior: ergo non potest ab illo recipere beneficium, sed illi conferre. Denique ideo nulla est in nobis virtus, quæ inclinet ad beneficium præstandum Deo, sed ad colendum, & honorandum, & gratias agendum illi debitas pro beneficiis acceptis: & eadem ratione ipsummet amorem, tanquam debitum illi reddimus, neque in divino obsequio potest unquam homo facere aliquid ultra debitum saltem ob gratitudinem, vel religionem. In quo multum semper differt inter Deum, & hominem, etiam si homo ut Dominus ad servum suum comparetur. Ac propterea Deus nunquam est capax recipiendi gratiam, sed præstandi.

Gratiæ dñe Deus accipit, sed non eas

7 Et hinc facile probatur alterum membrum quoad utramque eius partem. Prior enim, scilicet Deum esse capacem gratiæ posteriori modo acceptæ, per se nota est, & ex dictis manet probata, quia illi maxime gratiæ debentur pro acceptis beneficiis, & ita hæc gratia ad Deum est unus ex potissimis actibus Religionis, ut suo loco diximus cum Div. Thoma 2.2.q. 83. art. 17. & q. 106. art. 1. ad 1. At vero e converso, seu active Deus non est capax gratiæ, seu gratitudinis, aut gratiarum actionis, ut ex dictis etiam concluditur. Quia Deus non est capax gratiæ, id est, beneficii gratuiti recipiendi, ut ostensum est; ergo nec est capax gratitudinis, seu gratiarum actionis. Pater consequentia, quia ut D. Thom. dixit 2.v.q. 10. art. 1. ad 1. ex beneficiis gratis ab uno exhibitis gratiarum actio in alio confurgit; ablato ergo fundamento, & quasi obiecto, non potest habere locum actus. Unde licet Deo aliæ virtutes tribuantur, ut misericordia, iustitia, charitas, &c. gratitudo nunquam illi tribuitur, neque in Scriptura, neque a Patribus, neque a Theologis. Unde fit, obligationem, quam Iurisperiti antidoralem vocant, non habere locum in Deo, illa enim ex beneficio accepto oritur, eique opponitur, & ideo antidora dicitur in l. *Sed etsi* 27. §. *Consuluit*. ff. de Petit. hered. Cum ergo Deus non sit capax beneficii recipiendi, nec antidoralem donationem facere potest, licet ut supremus gubernator præmia pro meritis retribuat, ut infra dicitur.

8 Denique animadverti potest, quod licet gratia, prout gratitudinem, vel gratiarum actionem signifi-

cat, non conveniat Deo, ut gratiam alteri exhibenti, sed homini Deo gratias agenti, nihilominus illam virtutem, qua homo agit gratias Deo, & ipse actus hominis Deo gratias agentis est Donum Dei. Unde fit, ut unum, & idem donum secundum diversos respectus, sit gratia in utraque significatione prædicta: nam ut est ab homine, & respicit Deum, ut obiectum, seu terminum, ad quem tendit, est gratitudo, non Dei ad hominem, sed hominis ad Deum, ut vero est a Deo, ut a benefactore donante ipsammet gratitudinem ad ipsum, & est donum in homine receptum, habet rationem gratiæ Dei, id est, doni gratuiti a Deo collati. Hic ergo non consideramus gratiam prout gratitudinem etiam ad ipsum Deum significat: sic enim est peculiaris virtus, vel specialis actus virtutis religionis, de quo quatenus specialem rationem virtutis habet, in opere de Religionis virtute tractatum est: prout vero illa ipsa gratia in nobis est donum Dei, eadem ratio est de illa, quæ de cæteris donis gratiæ, de quibus in præfenti est consideratio. Et ita gratia, de qua tractamus, recte dicitur donum gratis collatum.

In quo differant gratia, & gratitudo

C A P U T II.

Utrum omne donum gratuitum sit vera gratia Dei, & Christi.

1 **R**atio dubitandi est, quia omnia beneficia naturalia sunt dona Dei, ut per se notum est, & gratis conferuntur: nam in bonis naturalibus maxime locum habet illud. *Quis prior dedit illi, & retribuetur ei?* nam ante naturæ dona, quæ per creationem inchoantur, nihil erat homo, unde nec poterat aliquid operari, nec mereri; ergo beneficia naturæ gratis a Deo donata sunt; ergo sunt vera gratia. Nam sicut Paulus dixit, *Si autem gratia, jam non ex operibus*, ita nose converso dicere possumus. Si non ex operibus; ergo ex gratia. In contrarium vero est, quia gratia distinguitur a natura, beneficia autem naturalia sub natura comprehenduntur; ergo non sunt gratia. Item quia gratia Dei communicatur nobis per Christum, iuxta illud ad Ephes. 1. *Benedixit nos omni benedictione spirituali in cælestibus in Christo.* At vero beneficia naturalia non dantur nobis per Christum, quia, ut dixit August. epist. 105. *Christus non pro nullis, ut homines conderentur, sed pro impiis mortuus est, ut iustificarentur;* ergo beneficia naturalia non dantur nobis a Deo propter Christum; ergo non sunt vera gratia Dei.

Ratio dubitandi

2 Duo puncta in hac ratione dubitandi attinguntur. Unum est, an sub appellatione, & significatione propria nominis gratiæ dona naturæ comprehendantur. Aliud est, an omnis gratia Dei sit etiam gratia Christi, seu per Christum. Circa primum Pelagius, ut suum errorem occultaret, & gratiam, quam re ipsa negabat, verbis saltem confiteri videretur, ipsam naturam rationalem, & liberi arbitrii donum, gratiam appellabat. Nec videtur hæc nominis gratiæ acceptatio aliena a modo loquendi Scripturæ, & Patrum, præsertim, si nomen gratiæ ad sola naturæ dona non limitetur, sed generatim extendatur ad omnia divinæ providentiæ beneficia. Sic enim dicitur Sapient. 16. *Propter hoc omnium nutrici gratiæ adservebat*, ubi vel ipsam Dei providentiam, vel omne beneficium gratis ab illa proveniens nutricem gratiam Sapiens appellat. Unde etiam August. distinguere solet duplicem gratiam, unam creationis, alteram salvationis. Sic enim dixit Ps. 144. in fine, Deum gratia sua nos fecisse, & refecisse, quorum primum ad gratiam creationis, atque adeo ad naturalia beneficia, secundum ad gratiam sanctificationis, ac subinde supernaturalem pertinet. Sic etiam Hieronymi. epist. 139. ad Cyprian. *Homo (ait) a principio conditionis suæ Deo utitur adiutore, & cum illius sit gratiæ, quod creatus est: illius misericordiæ, quod subsistit, & vivit, nihil boni agere potest absque eo, qui ita concessit liberum arbitrium, ut suam per singula opera gratiam non negaret.* Eandem divisionem indicavit idem Hieronymus lib. 1. contra Pelagian. & Africani Patres cum August. in epist. 93. divisionem illam insinuat, dum aiunt, *beneficium creationis non im-*

Rationes quæ apparent ut natura gratia dicatur

pro-

probanda ratione posse gratiam appellari, quia videlicet omne liberale beneficium potest gratia vocari. Denique ita senserunt Theologi, qui gratiam in naturalem, & supernaturalem donum distinxerunt, ut Richard. in 2. dist. 4. art. 2. quæst. 2. Bonavent. pr. 1. q. 2. Gabr. q. 1. ar. 2. Marsil. in 2. q. 4.

3 Nihilominus dicendum est secundum Scripturarum usum cum sermo est de gratia Dei, quam ipse hominibus communicat, vocem illam non significare donum naturæ, seu libertatis naturalis, sed superius donum, quo Deus sanctificat naturam, eique ad bene operandum, & vincendum peccatorum auxilium præstat. Hoc adnotarunt dicti Patres Africani cum Augustino dicta epist. 95. ut occurrerent Pelagio, qui ad evertendam veram gratiam, solam naturalem libertatem beneficio Dei acceptam, vel legem etiam, & doctrinam nomine gratiæ intelligebat, ut testis est Hieronymus dialog. 1. contra Pelagian. & epist. 193. ad Cyprian. in fine, & August. epist. 105. ad Sixtum, & 107. ad Vitalem, & lib. de Natur. & grat. cap. 11. § 4. & 71. & lib. 1. de Grat. Christi cap. 31. 37. & 47. & lib. 2. de Peccat. origin. cap. 8. 9. 16. 17. & 18. & optimè lib. de Prædestinat. Sanctorum c. 5. ubi sola illa dona, quæ dantur ad discernendum bonos a malis, vult proprie ad gratiam pertinere, non vero illa, quæ bonis, & malis communia sunt. Sicque allegari Patres in hoc impugnant Pelagium, docentque communi usu Scripturæ gratiam Dei significare donum superadditum naturæ. Et ratio reddi potest, nam gratia dicta est, quia gratis datur naturæ jam existentis, sed sola supernaturalia dona omnino gratis a Deo conferuntur comparatione naturæ; nam quæ naturalia sunt, illi aliquo modo sunt debita; ergo gratia proprie supernaturale donum significat.

4 Declaratur assumptum, nam licet prima creatio, qua homo ex nihilo fit, ratione quadam generalissima dici possit donum gratuitum, tamen secundum Scripturæ morem gratia significat donum homini collatum, & ita in rigore illius creationem supponit. 1. Corinth. 1. *Gratias ago Deo semper pro vobis in gratia, quæ data est vobis in Christo Iesu.* Et ad Ephes. 1. *Gratificavit nos in dilecto filia sua.* Et ibidem hæc gratificatio vocatur adoptiva filiatio, quæ quidem supponit personam, non facit. Qua propter gratia propriissime sumpta supponit personam, vel naturam, cui fit, & ideo prima hominis creatio secundum Scripturæ plurimam, non dicitur proprie gratia, quia nihil supponit, sed primum esse confert. Proprietates autem resultantes ex natura, & subsidia, quæ ex vi ipsius naturæ illi debentur, gratiæ etiam in rigore non sunt, ut notavit D. Thom. 1. 2. quæst. 111. art. 1. ad 2. quia cum dentur ex aliquo debito naturæ, non omnino gratis dantur, quod etiam notavit Driedo. de Grat. & liber. arbit. tract. 2. c. 2. p. 1. Et eadem ratione concursus generalis Dei debitus libero arbitrio, & ipsius libertatis donatio, & conservatio non veniunt nomine gratiæ, sed naturæ, ut bene consideravit Soto lib. 1. de Natur. & grat. cap. 3. & Stapleton. lib. 4. de Grat. & liber. arbit. capit. 2. Ex alio Augustini principio, quod hic concursus communis est bonis, & malis: igitur gratia Dei simpliciter dicta, & Theologico, vel potius Apostolico more loquendo, donum supra naturam, & super omne debitum naturæ collatum significat; quod per antonomasiam solet a Paulo donum Dei vocari, ut ad Ephes. *Gratia estis salvati per fidem, & hoc non ex vobis Dei enim donum est, ut ne quis gloriatur, ut optime Augustinus exponit lib. de Grat. & liber. arbit. cap. 8.*

5 Neque Theologi antiqui, aut Patres priori loco citati aliquid diversum ab hac doctrina senserunt, nec Pelagianis aliqua ex parte cesserunt. Aliud est enim loqui de gratia secundum Scripturæ morem, aliud vero secundum latinam, & generalem nominis significationem. Hoc enim posteriori modo verum est, nomen gratiæ de se universalius esse, quam sit priori modo quasi per antonomasiam sumptum. Et ita sumpta gratia in illi generalitate recte dividi potest in gratiam naturalem, & supernaturalem, quia per hoc non tollitur vera gratia Dei, & Christi, sed adscri-

tur: ita tamen, ut liberalitas Dei in donis etiam naturæ recognoscatur, licet maiori in altioribus gratiæ donis intercedat. Pelagius autem loquebatur de gratia secundum morem Scripturæ, & illam volebat intelligi esse naturam ipsam gratis per creationem collatam, vel etiam ipsam arbitrii libertatem, vel ad summum legem, aut doctrinam, vel remissionem peccatorum tantum, in quibus solis volebat gratiam Domini nostri Iesu Christi, quæ in Scripturis prædicatur, consistere.

6 Igitur ad hunc errorem vitandum interrogatori propositæ simpliciter respondendum est, non omne Dei beneficium gratis collatum esse gratiam absolute dictam, de qua loquuntur Scripturæ, sed propriam gratiam esse beneficium naturæ superadditum, ipsique non debitum, per quam ultimam particulam excludimus a ratione gratiæ simpliciter dictæ tam naturam ipsam, quam beneficia illi coniuncta, ut ipsi connaturalia, & secundum naturæ ordinem ei debita, ut jam declaravi. Et quod hæc significatio sit frequentissima in Scriptura notissimum est, præsertim in novo testamento, in quo gratia gratis dari dicitur in ordine ad vitam æternam consequendam: *Ut iustificati gratia ipsius, heredes simus secundum spem vitæ æternæ, ad Tit. 3. Actor. 15. Per gratiam Domini nostri Iesu Christi credimus salvari.* In veteri autem testamento minus frequens est usus huius vocis, quia tunc etiam rarior, & occultior erat hæc gratia. Tamen ita etiam sumitur Ps. 73. cum dicitur. *Gratiam & gloriam dabit Dominus, & Prov. 3. Ipse deludet illos, & mansuetis dabit gratiam,* vel iuxta versionem 70. *Dominus superbis resistit, humilibus autem dat gratiam.* Quem locum ita etiam referunt Iacobus cap. 4. & Petrus 1. canon. cap. 5. qui aperte de donis gratiæ supernaturalis, quibus Deo grati efficiuntur, loquuntur. Imo in allegato etiam loco Sapient. 16. nomen *nutricis gratiæ* non tam ordinariæ, generalive providentiæ, quam singulari benevolentiae amoris Dei, a quo supernaturalia beneficia procedunt, accommodatur. Loquitur enim Sapientis de operibus mirabilibus, quæ Deus in favorem populi sui operatus est, & præsertim de manna, quod omnibus satisfacerebat, uniuscuiusque voluntati deserviens. Quod certe ex naturali qualitate habere non poterat, sed quia nutrice gratiæ Dei, id est, singulari Dei dilectioni, ac voluntati obediebat; unde subiungit: *Ut scirent filii tui, quos dilexisti Domine, quoniam non nativitate fructus pascent homines, sed sermo tuus hos, qui in te crediderunt, conservat.* Nomen ergo gratiæ in usu Scripturæ, & Ecclesiæ gratuitum donum ordinem naturæ superans, & a Deo gratis collatum ex speciali benevolentia significat.

7 Addendum vero est, duobus modis posse divinum donum, seu beneficium ordinem naturæ superare, primo in se, & absolute spectatum, quod solet dici in sua substantia, vel entitate (qualiscunque illa sit) supernaturale, & hoc dicitur absolute supra naturam, quia per nullam vim connaturalem creaturæ fieri potest, cuiusmodi est incarnatio, Eucharistia, virtus per se infusa, & similia. Secundo potest dici beneficium supra naturam, quod secundum institutionem naturæ, & communem causam, ac virtutem creaturarum causarum fieri non potest, confertur autem ex superiori Dei providentia, ut est sanitas miraculosa, virtus per accidens, infusa, & similia. Et utrumque donum comprehenditur proprio nomine gratiæ, etiam secundum Scripturæ usum, ut ex dictis intelligi potest, & ex sequentibus capitibus evidentiis fiet; & ideo etiam in propria gratia locum habet illa distinctio, quod quædam est gratia naturalis ordinis, alia supernaturalis, quia utraque esse potest beneficium naturæ non debitum, & a Deo gratis collatum, quod satis est ad rationem gratiæ. Unde e contrario quodcunque bonum, quod non solum in se naturale est, sed etiam ex solo cursu naturæ, semel dispositæ, & institutæ sequitur, gratia non est, quia inter dona ex vi naturæ debita computatur. Sive tale bonum naturaliter inveniat in tptā aliqua specie, sive tantum in hoc, vel illo individuo, supposita eius complexione, & communi cursu naturalium causarum: nam hoc est satis, ut tale bonum sit debitum tali individuo secundum

Gratia solum signi-
ficat su-
perius do-
num natu-
ræ sancti-
ficatis

Gratia
supponit
naturam
& est su-
pra omne
eius de-
bitum

Secundū
Scripturæ
morem do-
num su-
perius na-
turæ gra-
tia dicitur

Questioni
satis fit in
1. eius
parte

Supernatu-
rale in
substantia
& in mo-
do, namque
ram su-
perat

zundum communem cursum naturæ, ac proinde a Deo proveniat, ut auctore naturæ, non ut auctore gratiæ. Dicitur etiam potest talis proprietas debita simpliciter speciei, etiam si non sit debita illi absolute in omni eius individuo, & hoc est satis, ut gratiæ nomen non mereatur, iuxta Scripturæ phrasin, ut supra etiam Soto sentit. Quia quantum de ratione naturalis debiti participat, tantum a ratione gratiæ deficit, ut latius in lib. 1. & 2. exponemus.

Opinio-
xistiman-
eum dari
gratiam
Dei, quæ
non sit
gratia
Christi

8 Ultimo superest exponendum alterum dubium propositum, videlicet an omnia dona divina, quæ proprie sunt gratia Dei, sint etiam gratia Christi. Aliqui enim volunt gratiam Dei latius patere, & universaliorē esse, non solum de possibili, quod est certum, sed etiam de facto. Et ideo gratiam Dei distinguunt in aliam quæ simul est gratia Christi, seu per Christum, & quæ est solius Dei sine respectu ad Christum, nam e contrario nulla potest esse gratia Christi, quæ non sit principaliter gratia Dei, ut per se constat. Primum membrum certissimum est de tota gratia redemptionis hominum. Secundum autem modum gratiæ Dei, & non Christi inductione ostendo. Primo in Angelis, Secundo in hominibus in statu innocentie. Tertio in hominibus lapsis quoad aliquas gratias, quæ non conferunt ad salutem animæ, nec ad honestatem morum sed vel ad scientiam naturalem, vel ad aliam utilitatem. Ut si Deus peculiari gratia Aristotelem juvit, ut naturalem scientiam assequeretur, vel si artem pingendi specialiter Appellem docuit, vel quid simile, talis enim gratia, ut aiunt, non est data per Christum, quia non venit Christus, ut boni Philosophi, vel artifices, sed ut boni, & sancti homines efficeremur. Propter quod illa gratia, quæ datur a Deo non ad recte vivendum, non datur per Christum, ut sentit Augustinus cum Patribus Africanis epist. 90. 91. & 105. & ideo licet sit gratia Dei, non potest dici gratia Christi. Quarto addere possumus ipsum Christum, nam gratiam Dei habuit, quam ipse non meruit, & sic per Christum ipsum non fuit. Ex quo inferunt huius sententiæ Auctores, cum Concilia doctrinam de gratia tradunt, non loqui absolute de gratia Dei, sed de gratia Dei per Christum. Imo ad limitandum sermonem Conciliorum, & Augustini, illam distinctionem abhibent.

Notæ
sententiæ
qua fit
tit. 2. p.
quæ. quia
de facto
omnis
gratia per
Jesum Chri-
stum datur
N. datur

9 Nobis vero distinctio illa necessaria non videtur. Nam in primis gratia per Christum non est alia, vel in suo esse, vel in sua efficacia, nisi gratia Dei, solumque per illam particulam *per Christum* denotatur habitudo ad Christum, tanquam ad causam meritoriam, propter quam illa gratia cæteris datur in laudem, & gloriam Christi domini, ut docuit Paulus ad Ephes. 1. & ad Colossens. 1. & 1. Corinth. 1. *Gratias* (inquit) *ago Deo meo semper pro vobis in gratia Dei, quæ data est vobis in Christo Jesu.* Deinde quamvis de possibili verum sit, potuisse Deum dare gratiam suam sine ullo respectu ad Christum, tamen de facto, & secundum legem statutam verius esse credimus omnem gratiam per Christum dari, sive Angelis, sive puris hominibus in quocumque statu. Quod quidem de Angelis tractavi sufficienter in 1. tom. tertiæ partis disp. 42. De hominibus vero in statu innocentie eodem tomo circa qu. 1. ar. 3. De hominibus autem lapsis quoad veram gratiam gratum facientem in eod. tom. disp. 41. Et ex citato loco. 1. Cor. 1. evidenter convincitur.

Gratia
gratis
data etiam
per Chri-
stum do-
natur

10 Idemque censendum est de omni dono supernaturali, & gratis collato, quod solet peculiariter accomodatione gratia gratis data appellari, ut infra videbimus. Quia licet talis gratia non semper detur ad sanctificationem recipientis, satis est, quod ad spirituale Ecclesiæ Christi utilitatem, vel splendorem, atque ad gloriam eiusdem Christi referatur, ut propter ipsius meritum dari censeatur. Maxime quia totum hoc donum non solum optime cadit per modum præmii sub infinitum Christi meriti, & sic excellentiori modo confertur, verum etiam comprehenditur sub perfecta exaltatione sui nominis, quam Christus per mortem sibi promeruit. Quoniam ad illam pertinet, ut nulla gratia hominibus ab ipso redemptionis communicetur, nisi per ipsum: nam hoc amorem hominum erga ipsum magis conciliat, no-

menque ipsius gloriosius reddit. Et ita Ecclesia quidquid a Deo petit, sive spirituale sive temporale esse videatur, per Christum petit; supponit ergo omne simile beneficium Dei esse etiam per Christum. Denique certum est omne donum supernaturale, vel supernaturali modo datum ordinari ad aliquam spirituale utilitatem vel recipientis, vel aliorum, & aliter non contineri sub communi ratione gratiæ, sive gratis datæ, sive gratum facientis, ut infra videbimus: ergo omne tale donum non solum est gratia Dei, sed etiam est per Christum, iuxta illud ad Ephes. 1. *Benedixit nos omni benedictione spirituali in cælestibus in Christo;* ergo omnis gratia Dei est gratia per Christum, & superflua est distinctio, præsertim respectu hominis in hoc statu naturæ lapsæ.

11 Quo circa mihi dubium non est, quin Augustinus, & concilia generatim, & simpliciter loquantur de gratia, abstrahendo a particularibus opinionibus Theologorum. Unde etiam in ipsis Angelis, & in statu innocentie docent gratiam fuisse necessariam, ut postea videbimus. De gratia vero ipsi Christo data hic non est sermo, quia respectu Christi simpliciter loquendo, & secundum primariam etymologiam gratiæ, sola gratia unionis fuit gratia, non tam Christo, quam eius humanitati facta, nam illi omnino gratis data est, ad illam altiori modo sanctificandam, & ad omnium salutem, & ita eminentissimo modo fuit gratia, & gratum faciens, & gratis data. Illa autem supposita omnis alia gratia fuit connaturalis Christo, ideoque sub præsentis sermone non comprehenditur, quia magis data est Christo per modum naturæ, quam per modum gratiæ.

De hypo-
thetica u-
nitione quæ
humani-
tati Chri-
sti gratia
fuit, hic
non est
sermo.

CAPUT III.

Utrum gratia non solum creatum donum, sed etiam increatum significet, nec solum internum, sed etiam externum?

1 Explicuimus, quid gratia Dei, & Christi sit, saltem quoad generalem descriptionem quid nominis, nunc quid sub illa generali ratione, & significatione gratiæ comprehendatur, declarandum superest, non tam de rebus ipsis exacte inquirendo, quod in discursu totius materiæ agendum est, quam verborum significationes, quibus postea utendum est, distincte proponendo: quod per divisiones aliquas gratiæ, quæ a Theologis traduntur, facilius expediemus. Prima divisio gratiæ esse solet in creatam, & salvantem: sed hæc coincidit cum illa, quæ capite præcedenti data est de gratia donorum naturalium, sed quæ secundum ordinem naturalem debentur, & gratia supernaturalium beneficiorum, quæ nullo modo naturæ debita sunt, priora enim ad gratiam creatam pertinent, posteriora ad salvantem, ut videre licet in epistolis August. 90. 91. 95. & 105. Ideoque in præsentis sermo est de gratia salvante, iuxta ea, quæ in superiori capite conclusimus, ubi etiam alteram divisionem, seu subdivisionem gratiæ salvantis insinuavimus: nam sub illa comprehenduntur non tantum dona in se supernaturalia, sed etiam omnia beneficia, quæ licet in se naturalis ordinis sint, modo supernaturali, & ex providentia omnino gratuita, & non debita conferuntur. Utenim dixit Anselmus libro de Concord. part. 3. *Cum omnia subiaceant dispositioni Dei, quidquid contigit homini, quod adiuvat liberum arbitrium ad accipiendam, vel servandam rectitudinem, sua gratia imputandum est,* utique quociescunque illud tale est, ut ex speciali Dei favore, & dispositione proveniat, & non tantum ex generali cursu naturalium causarum, & inferius in lib. 1. & 2. dicemus, ubi hanc partitionem latius explicaturi sumus. His ergo divisionibus prætermis, duas alias in hoc capite tractandas proponimus.

Prima
gratiæ di-
visio vi-
delicet in
creantem
& salvan-
tem

Secunda
divisio
substantiæ
lis gratiæ
& super-
naturalis
modi

2 Prior, seu tertia in ordine est, quæ gratia in creatam, & incretam dividitur. Quam quidem supponit Magister in 1. dist. 17. dum docet inter dona gratiæ charitatem esse donum increatum, alia vero esse dona creata, ubi aliqui Theologi eandem distinctionem admittunt, licet in speciali opinione de dono chari-

Tertia di-
visio cre-
atæ, & in-
creatæ
gratiæ,

charitatis a Magistro dissentiant. Expresse Alens. 3. parte, quæst. 61. memb. 1. alias quæst. 69. memb. 1. art. 1. & Marfil. in 2. quæst. 17. art. 1. Dionys. Cisterciens. in 2. dist. 27. art. 1. Sumitur etiam ex D. Thom. dicta quæst. 110. art. 1. ubi amorem, & benevolentiam Dei dicit esse primum gratiæ significatum, quia est primum donum gratuitum: amor ergo divinus, quo Deus nos diligit, erit gratia Dei; amor autem ille increatus est; erit ergo gratia increata. Ab illo autem amore procedere dicit in hominem aliquem effectum pertinentem ad gratiam creatam, ut ibi, & in art. 2. explicat. Eandem distinctionem ponit Abulens. Matth. 19. quæst. 178. ubi gratiam increatam dicit esse voluntatem Dei moventis hominem ad bonum. Latius prosequitur eandem distinctionem Gaspar Casal. lib. 1. de Quadripart. iust. cap. 4. & Salmer. 1. tom. super epist. Pauli lib. 1. Progm. parte 2. disp. 7. Bellarmin. lib. 1. de Gratia, & liber. arbitr. cap. 2. in principio.

3 In qua partitione nulla est difficultas quoad membrum de gratia creatâ, ut statim explicabitur, & ex discursu totius materiæ constabit. Aliud vero membrum aliqui non admittunt, & ideo improbant partitionem solum propter auctoritatem Augustini lib. de Prædestinat. Sanctior. cap. 10. distinguentis gratiam a prædestinatione, quia *prædestinatio est gratia preparatio*, quæ est æterna, *gratia vero ipsa donatio*, quæ temporalis est. Ibi enim significat Augustinus gratiam solum significare effectum Dei temporalem, & consequenter aliquid creatum. Sed nihilominus negari non potest, quin nomine gratiæ dona etiam increata proprie significantur. Et in primis omnes Theologi ponunt gratiam unionis increatam in Christo; nam ipsamet personalitas divina gratis communicata humanæ naturæ gratia facit infinita & increata, licet communicata non fuerit sine aliquo dono creato unionis hypostaticæ. Hoc enim non excludit, quin Verbum ipsum increatum humanitati unitum gratia veræ, & proprie dicatur. Et quamvis in præsentî de illa gratia non tractemus, sed de gratiis, quæ personis creatis communicantur, nihilominus per quandam proportionem ad illam intelligimus aliquod increatum donum posse in nobis veram habere rationem gratiæ.

Trinitas sanctissima, & divinus Paracletus vere gratia est

4 Unde ipsa persona Spiritus Sancti, atque adeo tota Trinitas vera est gratia increata, quatenus peculiari modo iustis confertur, iuxta illud Ioann. 14. *Ad eum veniamus, & mansionem apud eum faciemus*, & illud Roman. 8. *Charitas Dei diffusa est in cordibus nostris per Spiritum Sanctum, qui datus est nobis*. Ex quibus, & aliis locis in lib. 12. de Trinit. cap. 5. ostendi, iustis non solum dari dona increata, sed etiam ipsammet personam Spiritus sancti, qui donum Dei per antonomasiam appellatur Actor. 8. Omne autem donum gratuitum propriissime appellatur gratia; ergo sicut illud donum increatum est, ita etiam est gratia increata. Quod his verbis tradidit Augustinus ferm. 61. de Verbis Domini cap. 1. *Gratia quippe Dei, donum Dei est, donum autem maximum ipse Spiritus Sanctus est, & ideo gratia dicitur*. Et Isidor. lib. 7. Etymolog. cap. 3. cum dixisset: *Spiritus Sanctus ideo donum dicitur, eo quod datur*, subdit inferius; *Ipse est gratia, quæ quia non meritis nostris, sed voluntate divinæ gratis datur, inde gratia nuncupatur*. Et de hac gratia increata specialiter loquitur Alensis supra. Unde licet Magister erraverit, negando charitatem creatam habitalem, tamen in hoc verum dixit, quod cum charitate creata etiam increata donatur. Sicut ergo persona Verbi est gratia increata, respectu humanitatis assumptæ, ita Spiritus Sanctus respectu iustorum, diverso tamen modo: nam Verbum est gratia per unionem substantialem, Spiritus per accidentalem. Unde etiam Verbum personaliter, & omnino proprie habet, quod fit talis gratia, Spiritus autem Sanctus solum appropriate, nam commune est toti Trinitati iustis donari, & in eis habitare.

Amor, prædestinatio, & voluntas Deirecte gratia dicitur

5 Deinde etiam ipsa voluntas Dei, amor & prædestinatio rectissime dicitur gratia increata, & æterna. Ita sentit Div. Thomas supra, & non est alienum a doctrina Augustini: nam ipse hæref. 33. distinguit

gratiam Dei, qua prædestinati sumus in adoptionem filiorum, & qua cruiamur de potestate tenebrarum, quarum prior increata est, posterior creata. Et eodem modo de gratia, qua prædestinamur, loquitur idem Augustinus cum aliis Patribus Africanis in epistol. 95. Idem probatur, quia amor Dei est summum Dei beneficium, & radix aliorum, ut sumitur ex illo Ioann. 3. *Sic Deus dilexit mundum, ut filium suum unigenitum daret*, & ex illo Pauli ad Ephes. 2. *Deus, qui dives est in misericordia, propter nimiam charitatem suam, qua dilexit nos, cum essemus mortui peccato, convivificavit nos Christo*. Quibus verbis ostendit, ipsam Dei charitatem erga nos esse primum donum, & maxime liberale ex sola misericordia, iuxta illud 1. Ioan. 4. *Non quia non prius dilexerimus Deum, sed quia prius ipse dilexit nos*: ipse ergo amor gratuitus Dei dici potest gratia. Possetque de hoc dono non male intelligi quod dicitur Sapient. 16. *Gratiam Dei nutrire omnia*, nam amor Dei omnia fovet, & nutrit; amor autem Dei in se increatum quid est. Et licet suo modo posset hæc significatio extendi ad amorem, & providentiam naturalem, iuxta dicta capite præcedenti: nihilominus proprie ac simpliciter dicitur de supernaturali. Et ita prædestinatio, & electio Dei gratuita est maxima gratia increata: nam est singularis benevolentia gratuita Dei omnino indebita, nomen autem gratiæ maxime proprie benevolentiam gratuitam significat, iuxta usum omnium Latinorum, & iuxta D. Thom., & Theologos, ut dixi. Et ita D. Thom. 3. p. q. 7. ar. 13. ad 1. exponit Augustinum lib. de Prædestinat. Sanctior. cap. 15. *Quod gratiam nominet gratuitam Dei voluntatem gratiæ beneficia largientem*. Et similiter videtur Div. Thom. exponere illud Pauli ad Ephes. 1. *Prædestinavit nos secundum propositum voluntatis sue in laudem gloriæ gratiæ sue*, id est, gratiæ voluntatis suæ, & clarius dicitur Rom. 4. *propositum gratiæ sue*, & cap. 11. *electio gratiæ*, id est, gratuita electio, ut ibi communiter exponitur. Illud vero ad Heb. 2. *Videmus Iesum gloriam, & honore coronatum, ut gratia Dei pro omnibus gustaret mortem*, omnino videtur intelligi de gratuito Dei, & supernaturali amore, a quo provenit, ut Christus pro omnibus gustaret mortem. Præterea in superioribus ostendi, ubicumque in Scriptura dicitur aliquis invenisse gratiam apud Deum, per gratiam significari singularem Dei amorem, & complacentiam, in aliquo omnino gratuitam, & ex benigna Dei voluntate conceptam, quæ complacentia in Deo aliquid increatum est, licet ponat in creatura effectum creatum, quod illam sibi gratiam reddit, ut tactum etiam est, & infra latius dicetur.

6 Concludo igitur nomine gratiæ, non solum creatâ dona, sed etiam increata significari. Inter quæ ultra differentiam, quam verba ipsa præ se ferunt, notari potest alia, quod dona creatâ omnia in tempore donantur, quia non possunt prius donari, quam sint; non sunt autem, nisi in tempore; ergo neque donantur, nisi in tempore, ideoque omnis gratia creata temporalis est, utique quoad inchoationem, nam quoad durationem in futurum aliquæ gratiæ creatæ erunt æternæ, nam & ipsa vita æterna gratia appellatur ad Roman. 6. At vero gratia increata, licet in se sit æterna, in ratione gratiæ, seu doni esse potest æterna, & temporalis, quod breviter exponendum est, quia utrumque videtur difficile. Nam considerata huiusmodi gratia videtur non posse esse, nisi æterna, quia quod est increatum, non accipit esse in tempore, unde non videtur esse posse temporale. Considerata vero ista gratia ex parte eius, cui donatur, videtur non posse esse, nisi temporalis, quia ille, cui donatur, non est nisi in tempore, & illa non habet rationem gratiæ, nisi cum sit, seu donatur.

Gratia creata in tempore datur. Dubium de increata proponitur

7 Nihilominus certum est aliquam gratiam increatam esse æternam: nam dilectio Dei, & prædestinatio inter hæc gratias increatas computatur, & tamen sunt gratiæ æternæ, dicente Paulo ad Ephes. 1. *Elegit nos in ipso ante mundi constitutionem, ut essemus sancti, & immaculati in conspectu eius in charitate*. Qui prædestinavit nos in adoptionem filiorum per Iesum Christum secundum propositum voluntatis sue in laudem gloriæ suæ. Et Roman. 9. de Iacob ait, *Cum nandum*

Increata gratia est æterna, quo solvitur dubium in 1. eius parte.

nondum nati fuissent, aut aliquid boni existerent, aut mali, &c. (idest, ex æternitate) *Iacob dilexi*, fuit ergo æterna illa dilectio, quæ maxima fuit gratia . Neque huius gratiæ æternitas repugnat ex parte eius, cuius fit, quia non fit ad extra per realem inhaesionem, aut effectiorem, sed per solam obiectivam terminationem, quæ licet dicat habitudinem ad rem in tempore futuram, non tamen supponit existentiam eius in re, sed tantum in intellectu diligentis, & prædestinantis. Deinde etiam est certum, aliquam gratiam increatam esse temporalem, quoad talem denominationem. Quod a simili declarari potest in gratia uniõnis, quæ increata quidem est in se, & tamen non nisi in tempore data est. Sic enim Spiritus Sanctus, licet in se sit æternus, non nisi in tempore, datur, propter quod dicitur venire ad eum, qui diligit, quod in tempore fieri incipit, & habitare in iustis, non vero in peccatoribus, etiam si imperfectam contritionem habere incipiant, ut loquitur Concil. Trid. sess. 14. c. 4. Ergo Spiritus Sanctus, licet in se sit gratia increata, tamen ut peculiari modo donatur homini, illique coniungitur, est gratia in tempore communicata, ac subinde temporalis. Neque hoc repugnat æternitati ipsius doni, qualia licet ab æterno sit donabile (ut sic dicam) non nisi in tempore donatur, & sic habet rationem gratiæ temporalis.

8 Et hinc colligimus primo, priorem gratiam increatam, & æternam concedi homini sine mutatione aliqua in illo facta, posteriorem vero increatam gratiam non concedi homini in tempore sine intrinseca ejus mutatione, quia gratia ipsa increata non potest in se mutari, & ideo non incipit denuo habitare in homine, nisi per aliquam ejus mutationem: sicut gratia unionis non est in tempore facta humanitati Christi, nisi per mutationem aliquam in ipsa humanitate factam. Unde fit secundo, ut prior gratia increata in re ipsa, ac duratione separetur a gratia creata, & illam antecedit, ac propterea esse possit gratia æterna. Posterior autem gratia increata non recipit propriam denominationem gratiæ, nisi ut coniuncta aliquæ gratiæ creatæ, seu mediante illa, quia increata persona, vel divinitas ipsa nobis non datur denuo, ut specialis gratia, nisi quatenus mediante aliquo dono gratiæ creatæ incipit novo modo esse in nobis, vel quatenus in ordine ad specialem effectum gratiæ nobis unitur, ut in dicto lib. 12. de Trin. explicavi, & in sequentibus iterum, atque iterum occurrer. Atque hinc fit tertio, ut quoties in Scriptura dicitur per gratiam iustificari, vel sanctificari, licet formaliter intelligendum sit de gratia increata, nihilominus non excluditur increata gratia, quæ simul cum creata datur, imo sæpe cum illa expresse coniungitur: ut ad Tit. 3. cum ait Paulus, *Non ex operibus iustitiæ, quæ fecimus nos, sed secundum misericordiam salvos nos fecit per lavacrum regenerationis, & renovationis Spiritus Sancti, quem effudit in nos abunde* (ecce gratiam increatam) *per Iesum Christum Dominum nostrum, ut iustificati gratia ipsius, (utique creata)* *Heredes simus secundum spem vitæ æternæ.* Sic etiam ad Roman. 5. dicit. *Charitas Dei diffusa est in cordibus nostris per Spiritum Sanctum, qui datus est nobis*

9 Hinc delique fit, ut nomine gratiæ simpliciter dictæ, & quasi per antonomasiam significetur gratia temporalis, in qua significatione maxime usus est illa voce Augustinus disputans de gratia contra Pelagianos, ut eam a prædestinatione distingueret. Nam quia prædestinatio, & donatio gratiæ in re ipsa distincta sunt, ideo oportuit eas etiam vocibus discernere, ut de utraque clare, & sine ambiguitate loqui possimus, & ideo licet prædestinatio ipsa generali modo gratia sit, nihilominus Aug. eius effectibus specialiter nomen gratiæ accommodavit, & appropriavit, & in hoc sensu priori loco gratiam a prædestinatione, tanquam temporale quid ab æterno distinxit: & de gratia in hac significatione in præsentī tractamus. Nam de prædestinatione, electione, seu dilectione Dei æterna in proprio loco tractatum est, quamvis Dei sint illa duo coniuncta, ut dum altera ex professo tractatur, non possit alia omnino omitti, & ideo aliqua etiam in sequentibus de divinis prædestinationi

bus, & æternis decretis attingemus, breviter tamen, & solum quatenus ad temporalem gratiam explicandam fuerit necessarium. Atque eodem modo agentes de gratia temporali, præcipue, & quasi per se dicendum est de gratia creata tanquam de proprio, ac immediato huius materiæ objecto, quia persona increata non habet prædictam gratiæ rationem, nisi veluti per denominationem extrinsecam a mutatione aliqua, quæ per gratiâ creatam in nobis fit, & ideo explicando mutationes gratiæ creatæ, quæ in nobis per Spiritum Sanctum sunt, simul declarabimus, quomodo ipse Spiritus Sanctus per modum doni increati moventis, vel inhabitantis nobis tribuatur, præterquam quod in dicto loco de Trinitate tractando de Missionibus Spiritus Sancti explicuimus, quomodo idem Spiritus Sanctus, tanquam speciale gratiæ donum nobis in tempore donetur.

ro Altera divisio gratiæ, seu quarta in ordine, est in gratiam internam, & externam, quam partitionem cum præcedente coniungimus, quia in aliquo sensu est illi æqualis, & ad illam magis explicandam inservit. Sumitur autem divisio hæc per respectum ad ipsum hominem, cui gratia fit, quia licet omnis gratia fiat in ordine ad aliquam internam perfectionem hominis, nihilominus non omnis gratia interne hominem afficit, & ideo recte dividitur gratia in externam, & internam. Hæ autem voces varias habent significationes, iuxta quas duobus modis accipi potest hæc divisio. Nam in primis externa gratia dici potest omne donum Dei gratuitum conferens ad salutem, quod ipsi homini non inhæret; sicut in rebus humanis dicitur bona externa pecuniæ, & alia bona fortunæ, quæ formaliter ipsum hominem non perficiunt; & sumpta hoc modo gratia externa, illi opponitur gratia, quæ ipsi homini inhæret, & consequenter illa sola gratia interna dici poterit. Atque ita in hoc sensu omnis gratia interna est creata, quia non potest homini inhære, nisi quod creatum est. Externa autem gratia distingui poterit in incretam, & creatam. Increta enim sive ex æternitate, sive in tempore data, homini non inhæret, & ita sub illo membro comprehenditur omnis gratia increta in superiori capite declarata. Sub creata vero gratia externa multa comprehenduntur, quæ statim enumerabimus.

II Alio modo potest dici gratia interna omnis, & sola illa, quæ & spiritualis est, & ipsi spirituali, ac rationali animæ, aut potentiis eius intime unitur quovis modo, & sic etiam respective, ac servata proportionem gratia externa dicitur: vel spiritualis non est, sed quæ aliquo modo sensibilis, vel licet in se sit spiritualis, animæ hominis non infunditur, nec intime unitur. Et iuxta hunc sensum sub utroque membro internæ gratiæ, & externæ potest tam increata gratia, quam creata repetiri. Et primo inter increatas gratias illæ, quæ sunt æternæ, ut prædestinatio, electio, prædefinitio, ac dilectio, licet in se maxime spirituales sint, & quodammodo sint intra hominem, quatenus sunt ipsa essentia Dei, quæ est intime in homine per essentiam, præsentiam, & potentiam, nihilominus semper sunt gratiæ externæ, quia secundum propriam rationem non uniuntur ipsi animæ, neque dicunt respectum temporalem ad illam, unde illa etiam præsentia quasi localis, quam in anima habent, cum temporalis sit, veluti accidentaria est ad proprias earum rationes, & solum ratione identitatis cum essentia illis convenit: præterquam quod illa præsentia non pertinet ad dona gratiæ, sed omnibus rebus communis est.

12 At vero illa gratia increata, quæ in tempore homini datur, id est, ipse Spiritus Sanctus, quatenus est donum homini intus, & incipiens esse in illo ut specialis habitator, rector, adiutor, & motor, dici merito potest gratia interna, non inherens, sed inhabitans, & intus assistens, quia non solum est in se spiritualis gratia, sed etiam intus penetrat spiritum hominis, eique specialiter unitur, iuxta illud. *Qui adheret Domino, unus spiritus est.* 1. Cor. 6. Et infra, *Membræ vestra templum sunt Spiritus Sancti, qui in vobis est, quem habetis a Deo, & cap. tertio. Nescitis, quia templum Dei estis, & Spiritus Dei habitat in vobis* quod Rom. 8. & aliis innumeris locis Paulus repetit.

Quanta
gratie di-
vino in
externā
& internā

Accept. l.
externæ
gratiæ,
prout di-
stingu-
tur ob in-
terna.

2. Accept.
gratiam.
ternæ
prou ab
externa
distingui-
tur.

Spiritus
Sanctus .
est gratia
interna
non inherens , sed
inhabitan-
s, &c.

Po-

Potestque duobus exemplis explicari. Unum de humanitate Christi, & divinitate illi personaliter unita, & prædestinatione, & dilectione æterna, qua fuit ille homo ad tantam gratiam electus. Nam gratia talis prædestinationis, semper est gratia extrinseca illi humanitati, & nihilominus filiatio ipsa increata dici potest gratia illi intrinseca, quia illi est in tempore intime unita, non per inherentiam, sed alio ineffabili modo. Secundum quam rationem ita persona Verbi est gratia specialis illius humanitatis, ut illa ratio gratiæ in personam Patris, & Spiritus Sancti non conveniat, quia non sunt ita humanitati unitæ, licet mediate, & secundum aliam quandam denominationem in illa peculiari modo habentem, qui est etiam modus quidam gratiæ, necessatio tamen coniunctus cum gratia unionis. Ad hunc ergo modum ipsemet Spiritus Sanctus, ut nobis speciali modo datus, & unitus per gratiam, potest dici gratia interna, etiam si increata sit, & nobis non inhaereat. Semper tamen est observanda inæqualitas in exemplo adducto: nam Verbum unitur humanitati substantialiter: Spiritus Sanctus autem unitur iustis tantum accidentaliter, hoc tamen non obstat, quo minus in suo gradu ad gratiam internam sufficiat. Unde est aliud exemplum quoad hoc magis accommodatum, quia in beatitudine eo modo, quo vita æterna est gratia, & gloria, est gratia consummata, non solum visio beatifica, sed etiam lumen gloriæ est quidam interna gratia, & pari modo ipsa essentia divina, quatenus unitur intellectui per modum speciei intelligibilis, potest dici gratia increata, & interna, quia & est supernaturale, ac increatum donum, & quodam intimo spiritali modo intellectui coniungitur ad se illi manifestandum, quæ unio accidentaliter est, & non per inherentiam, sed altiori modo, qui satis est, ad rationem interioris gratiæ: idem ergo cum proportionem intelligi potest in via de Spiritu Sancto, ac tota Trinitate in nobis per gratiam speciali modo inhabitante.

Creata gratia interna est, quæ animæ eiusque potentis spiritalibus inhaeret, ac quævis alia extrinseca dicitur.

13 Facilius utrumque membrum in gratia creata explicatur. In quo ordine illa maxime dicitur gratia interna, quæ vel substantiæ animæ, vel potentis eius spiritalibus, intellectui scilicet, & voluntati inhaeret. Quia illam spirituale esse oportet, ac subinde maxime internam, quia alias non posset in spiritali subiecto inesse. Neque etiam potest intelligi gratia creata, quæ ipsa animæ, vel potentis eius aliter, quam per modum inhaerentis formæ, uniatur. Atque hæc gratia est, de qua potissimum in hac materia disputatur, ideoque illam nunc esse supponimus, qualis autem, & quoruplex sit, postea videbimus: in discursu vero materiæ hanc præcipue nomine internæ gratiæ intelligimus. Omnis autem alia gratia creata, quæ hoc modo rationali animæ, ut spiritalis est, non inhaeret, dici potest gratia externa creata. In illa vero est magna latitudo, plures enim sunt gratiæ magis, vel minus extrinsece. Et inter eas proxime videntur ad internas gratias accedere immutationes aliquæ supernaturales, quæ in sensibus internis, vel in appetitu sentiente possent, & solent fieri, ut infusio, vel excitatio phantasmatum, vel specialis aliqua operatio ipsiusmet phantasie, seu cogitativæ potentiæ, aut affectio aliqua, vel delectatio sensibilis: hæc enim, & proxime iuvant ad actus mentis, & interna suo modo sunt, & ideo possunt etiam quodammodo gratiæ internæ vocari, magis tamen ad externas pertinent, quia, & spiritalia dona non sunt, & per sensus externos, ac obiecta sensibilia ordinarie comparantur. Unde secundum gradum in hoc ordine habent actus externorum sensuum, & species ad illos deservientes, quatenus ad bonos actus mentis, & supernaturales ordinantur, & conducunt, & ex providentia supernaturali proveniunt, nam, ut sic, beneficia sunt gratuita, & modo aliquo supernaturali, id est, naturæ non debito, nobis donantur, & ideo sub vera gratia comprehenduntur. Et licet, ut nobis inhaerent, aliquem modum internæ gratiæ participare videantur, simpliciter sub gratia externa continentur, quia & in se materiales res sunt, & sensibiles, & a sensibus, ac externis causis, & obiectis proxime procedunt.

14 Atque hinc ulterius sub hac gratia externa com-

prehenduntur causæ, & obiecta externa, quæ sensibus nostris exterioribus species tribuunt, quibus tandem animus ad res divinas, & supernaturales excitetur, & sic externa prædicatio, & propositio divinæ legis, vel doctrinæ fidei inter divinas gratias computanda est, iuxta illud Psal. 118. Oclon. 14. *Lucerna pedibus meis verbum tuum, & lumen semitis meis*, & in Oclon. ul. *Iudicia tua adiuvabunt*. Quanquam enim Augustin. lib. de Grat. Christi, & alibi sæpe, ut detegat tergiversationes Pelagiorum, gratiam a lege, & doctrina distinguat, ostendatque præter legem, & doctrinam esse necessarium spiritum gratiæ, ipsiusque adiutorium, quia externa gratia sine interna non sufficit, ut late docet super Pl. 87. nihilominus non negat, quin loquendo generatim de gratia, etiam lex, & doctrina, eiusque propositio speciali modo a Deo data, & provisa sint veræ gratiæ, licet extrinsece: unde idem Aug. lib. de Spirit. & lit. cap. 34. inter opera gratiæ ponit suasiones ad bonum per æternæ obiecta visibilia, & per Evangelicas exhortationes, & mandata legis: & similem doctrinam habet lib. 83. Quæstio. quæst. 68. & quæst. 2. ad Simplician. & lib. 1. de peccat. capit. 22. inter magna beneficia gratiæ computatione eo loco nasci, ubi quis possit in doctrina fidei erudiri. Et idem late prosequitur in id Pl. 134. *Educens nubes ab extremo terre*. Eandemque doctrinam habet Prosper, contra Collator. cap. 14. Et ratio reddi potest, quia externum verbum Dei est veluti divinum instrumentum, quo maxime ad internæ gratiæ beneficia conferenda Deus utitur, ut eleganter idem Augustinus exponit lib. 50. Homiliar. in 56. & optime Chrysostom. lib. 4. de Sacerdotio post medium; ergo ipsius etiam divini Verbi prædicatio quædam est beneficiorum gratiæ inchoatio, ac subinde vera gratia, licet externa. Unde est illud Gregor. Homil. 12. in Ezechiel. *Magna omnipotentis Dei est gratia, cum inique agentibus durus a Doctoribus sermo increpationis proferatur*. Et idem hanc vocat, *gratiam doctrinæ*, & infra ait, homines interdum privati hac gratia propter peccata sua, quod late prosequitur, tum ibi, tum etiam hom. 17. in Evang. & lib. 17. Moral. cap. 11. *Hoc* (inquit) *quod Spiritus sanctus agit intrinsecus, non exterius ministerio vocis adiuvamus*.

15 Unde etiam intelligimus, ad hoc genus gratiæ exterioris pertinere omnem effectum divinæ providentiæ supernaturalis ad salutem hominum ordinatum, seu institutum, sive in generali pro universitate hominum, sive in speciali pro alicuius privatæ personæ spiritali salute, aut commoditate, sive promovere bonum, sive removere malum. Et hoc modo ipsamet Christi redemptio potest externa gratia dici, iuxta illud Isai. 52. *Gratis venundati estis*. Hæc autem tam excellens gratia est, ut gratiam unionis includat, & ex ea parte, nec omnino externa sit, nec omnino creata, dicitur autem externa, quatenus exterius consummata est, & visibiliter verbum ipsum nobis apparuit, & creata dicitur, quatenus in natura creata perfecta est. Et in eodem sensu Christus ipse est quædam gratia, quam Deus nobis contulit. *Sic enim dilexit mundum, ut filium suum unigenitum daret*, Ioa. 3. Dedit autem illum nobis iuxta illud Isai. 9. *Parvulus datus est nobis, & filius datus est nobis*. Sic etiam sacramenta ipsa sunt quædam gratiæ, quatenus eorum institutio fuit magnum beneficium gratuitum in se continens salutarem gratiam. Maxime vero sacramentum Eucharistiæ per antonomasiam vocatur bona gratia, quia ipsum gratiæ auctorem in se vere, ac realiter continet, & internam gratiam in nobis nutrit. Occasionem etiam bene operandi a Deo specialiter preparatæ inter has gratias externas merito computantur, quia licet nihil in homine formaliter ponant, neque interdum per se efficiant, inviant moraliter ad salutem, & ita rationem beneficii gratuiti participant. Ad denique etiam auferre occasiones peccandi, ut obiecta, quæ possent ad libidinem excitare, vel similia, gratiæ quædam sunt. Unde Augustin. lib. 50. Homiliar. in 23. hæc gratiæ Dei tribuit dicens, *Regebam te mihi servabam te mihi: ut adultarium non committeres, suasor defuit, ut suasor deesset, ego feci, locus, & tempus defuit, ut hoc deesset, ego feci*.

Et

Gradus exterioris gratiæ

Secundus gradus

Tertius gradus

Quartus gradus

Eucharistia cur bona gratia

Et concludit, *Agnosce ergo gratiam, &c.* Et similia habet in Soliloquiis cap. 15. & 16. Hæc autem tanta varietas externarum gratiarum, ad præsentem materiam, & considerationem secundum proprias earum rationes non pertinet, nam de Christo, ejusque redemptione, ac sacramentis ejus in propriis locis disputatur: hic ergo solum illas externas gratias attingemus, quæ internæ gratiæ annexæ sunt, & ad internos actus gratiæ aliquid conferunt, & operantur.

C A P U T I V.

De divisione gratiæ in gratis datam, & gratum facientem.

5 Celebris gratiæ divisio, in gratis datam gratumque facientem.

1. **A**lia est divisio celebris gratiæ, quæ in ordine potest esse quinta, in gratiam gratis datam, & gratum facientem, quam tradit D. Thomas 1. 2. quæst. 111. artic. 1. & nonnulli ex Scholasticis in 2. d. 28. licet non omnes in eodem sensu, ut jam dicam. Prius enim tollenda est vocum ambiguitas, videri enim potest unum divisionis membrum cum diviso converti. Dividitur enim donum gratiæ proprie sumptum respectu illius personæ, cui datur, ut est specialis perfectio, vel operatio ejus. De ratione autem talis doni est, ut gratis detur, ut supra dictum est: ergo divisum ipsum cum altero membro recurrit. Item consequenter videri potest, aut membra inter se posita non esse, aut alterum membrum diviso repugnare, quia ea gratia, quæ a gratis data distinguitur, non dabitur gratis, & ita non erit gratia. Sed hoc per solam vocum interpretationem facile dissolvitur. Est enim quædam gratia, quæ hanc solam proprietatem gratiæ habet, quod gratis detur, & hæc per antonomasiam vocata est gratia gratis data, generali nomine (quod consuetum est) ad speciem minus perfectam specialiter applicato. Alia vero est gratia, quæ ita gratis datur, ut hominem Deo gratum, & amabilem aliquo modo reddat. Hanc enim supra inter nominis gratiæ significationes posuimus, ut rei perfectio, quæ illi aliorum amorem, & benevolentiam conciliat, gratia vocetur. Unde est illud Ecclesiast. 26. *Gratia super gratiam mulier sanctæ, & pudorata.* Illa igitur dona Dei, quæ homini dantur, ut ipse bonus, & sanctus fiat, & ita sit Deo gratus, per quandam excellentiam sub gratia sanctificante, seu gratum faciente comprehenduntur, & a gratiis gratis datis distinguuntur, non quia ipsa non gratis dentur, sed quia non tantum ex eo capite habent rationem gratiæ, sed etiam ex alio nobiliori, a quo speciale nomen acceperunt. Atque ita neutrum membrum cum diviso convertitur, quia divisum est gratia, ut abstrahit a dono gratuito faciente, vel non faciente hominem gratum, gratia vero gratis data specialiter dicitur donum, quod licet gratis detur, non reddit ex se personam gratam. Et hoc membrum opponitur alteri, non in hoc, quod est gratis dari, nam in hoc sub diviso conveniunt, ut objectio probat, sed in eo, quod per se non reddit hominem gratum.

Nonnullorum placitum de naturali dono liberaliter oblati

2. Hinc vero nonnulli Theologi gratiam gratis datam vocant omne donum a Deo liberaliter datum, quod animam non sanctificat, etiam si naturale sit, sicque naturales proprietates, & virtutes, & concursus, etiam generale ordinis naturalis gratiam gratis datam appellarunt aliqui Scholastici, ut Dionys. Cisterciensis in 2. distin. 27. artic. 1. in principio, & sic etiam Albert. in 2. distin. 27. & 28. artic. 1. ad ult. distinguit gratiam gratis superadditam naturæ a gratia gratis data cum natura, quarum prior supra naturam est, unde posterior esse non potest, nisi vel proprietas naturalis, vel generalis concursus ordinis naturalis. Imo etiam D. Thomas ibi quæst. 1. artic. 3. voluntatem Dei gratis in nobis omnia causantem, etiam naturalia opera, gratiam gratis datam appellat. Et similiter Abulensis in cap. 19. Matth. quæst. 174. ad 1. dixit, sine donis gratuitis, id est, superadditis naturæ posse aliquid boni ab homine fieri, *Non tamen sine Deo gratis donante*, quam etiam *gratiam* vocat, utique gratis datam, vel potius gratis dantem. Nonnulli vero ex modernis Theologis licet non omnia dona naturæ debita vocent gratias, nihilominus gratias gratis datas appellant omnia

Suarez Tom. VI.

nia beneficia, quæ licet ordinis naturalis sint, modo præternaturali & non debito naturæ dantur, si non propter sanctitatem, vel morum honestatem, sed propter aliam corporis commoditatem, vel animi ornatum dentur, ut sunt sanitas extraordinario modo concessa, perfectio aucupus artis, aut scientiæ naturalis peculiari auxilio data, etiam si tantum propter privatam perfectionem, & non propter communem utilitatem detur. Nam publicæ utilitatis intentionem non putant semper, sed regulariter, esse ad gratiam gratis datam necessariam.

3. Nos autem supponimus, divisum hujus divisionis esse veram & propriam gratiam creatam. Unde ab utroque membro excludimus naturalia dona, naturæ aliquo modo debita, quia illa neque animam sanctificant, nec possunt dici simpliciter gratis data. Et hac ratione illa excludit ab hac divisione tota D. Thomas dicta quæst. 111. artic. 1. ad 2. Deinde excludimus dona ordinis naturalis, si ad spirituales salutem non ordinentur, etiam si modo præternaturali, seu naturæ non debito tribuantur. Ratio est, quia etiam tale donum non meretur nomen gratiæ secundum Ecclesiasticum morem, juxta doctrinam Patrum Africanorum dicentium in Epistol. 95. & 105. Augustini, veram gratiam solam esse illam, *qua prædestinati vocamur, justificamur, &c.* Omnis ergo gratia esse debet ex providentia supernaturali, ac subinde propter spirituale finem, vel recipientis, vel aliorum. Unde addo (omissa potentia absoluta) secundum ordinariam providentiam non dari hominibus naturale donum supernaturali modo, quod non propter spirituales utilitatem, vel suam, vel aliorum detur: ratio est, quia quoties Deus sic operatur, non agit ut causa ordinis naturalis, sed supernaturalis; ergo propter finem supernaturalem; nam quæ a Deo sunt, ordinata sunt, & finis esse debet proportionatus principio, omne ergo supernaturale beneficium est propter spirituales utilitatem, quæ si sit tantum propria recipientis, pertinebit ad auxilium gratiæ gratum facientis, ut mox dicemus: si vero sit ab bonum aliorum, pertinebit ad gratias gratis datas. Et ita illa sententia modernorum loquendo secundum præsentem providentiam, falsum supponit, loquendo autem de potentia absoluta, etiam gratia data propter solam honestatem naturalem non esset gratum faciens, sed gratis data.

Placitum aliorum de eo quod formaliter sanctificat, & non.

4. Alii vero Theologi licet veram, & supernaturalem gratiam hic dividi supponant, nihilominus nimis restringunt gratiam gratum facientem ad solum illud donum, quod formaliter instum, & charum hominem Deo reddit, sive sit charitas, sive alia forma gratiæ: omne autem donum supernaturale, quod potest esse in peccatore, vel quod non formaliter sanctificat animam, vocant gratiam gratis datam: Ita loquitur de his gratiis Bonavent. in 2. distin. 26. dub. 2. literaliter, & clarius distin. 28. artic. 2. quæst. 1. & Marsil. in 2. quæst. 17. artic. 1. notab. 1. Et hunc modum loquendi magna ex parte sequutus est Vega. quæst. 6. de justificat. quamvis fateatur in usu Conciliorum, & Augustini gratiam sanctificationis plura complecti. Quod nos etiam nunc supponimus, & capite sexto id ostendimus: ac propterea dicimus sub gratia gratum faciente, quæ eadem est cum gratia sanctificationis, non solum habitum charitatis, vel gratiæ, sed plura dona comprehendi, quæ ad suam sanctificationem homini tribuuntur. Hinc ergo D. Thomas alio modo illam divisionem explicavit, eumque sequuti sunt ejus expositores 1. 2. quæst. 111. artic. 1. & Bellarm. lib. 1. de Grat. & lib. arbitr. cap. 2. & sine dubio ad rationem ac sufficientiam divisionis reddendam, & ad usum terminorum in hac materia aptior existit.

Vera resolutio supponitur.

5. Advertendum est ergo ex D. Thoma dicto loco, omnem veram, & supernaturalem gratiam dari hominibus, vel ad sanctificationem ejus, cui datur, vel ad utilitatem utique spirituales aliorum. Nam quia homo non sanctificatur, nisi quatenus Deo conjungitur, & unitur, & si adultus sit, non salvatur sine cooperatione propria, ideo ad hominis salutem primum omnium necessaria est gratia, quæ ipsum hominem Deo jungat, eumque ad se sanctificandum juvet, & hæc tota gratia dicitur sanctificans, justificans,

Donatur gratia, et in ordine ad se, vel in ordine ad alium.

seu gratum faciens, de qua frequens est sermo in Scriptura, ut Actor. 15. *Per gratiam Domini nostri Jesu Christi credimus salvari*, & Roman. 3. *Iustificati gratis per gratiam ipsius*, & ad Ephes. 1. *Benedixit nos omni benedictione spirituali*, & infra. *Ut essemus sancti, & immaculati in conspectu ejus in charitate*; & infra. *In laudem gloriae gratiae suae in qua gratificavit nos in dilecto filio suo*. Et ad Tit. 3. *Ut iustificati gratia ipsius, heredes simus secundum spem vitae aeternae*. Quia vero suavis providentia Dei quosdam homines per alios ad fidem, & salutem promovet, ideo quibusdam peculiariter gratias confert ad aliorum utilitatem, quem finem principaliter respiciunt, etiam si accipientes per illas non sanctificentur, & haec vocantur gratiae gratis datae, de quibus loquitur Paulus 1. Corint. 12. *Divisiones gratiarum sunt, idem autem Spiritus*. Et infra. *Unicuique autem datur manifestatio spiritus ad utilitatem*, & ad Roman. 12. *Habentes donationes secundum gratiam, quae data est nobis, differentes, sive prophetiam, &c.* Et de eodem genere gratiae videtur esse sermo. 1. Petr. 4. cum dicitur: *Unusquisque autem sicut accepit gratiam, in alterutrum illam administrans, &c.*

2. Differentia utriusque gratiae.

6. Atque ex his nonnullas convenientias, & differentias inter has gratias colligere possumus. Primo enim conveniunt, quia utraque est aliquid supernaturale, seu praeternaturali auxilio divino in nobis factum ultra omne id, quod sola natura, quasi debitum postulat. Hoc jam probatum est, quia hoc pertinet ad propriam rationem gratiae. Secundo conveniunt, quia utraque gratia datur propter spiritualem salutem vel propriam, vel aliorum: quia hoc necessarium est ad veram rationem gratiae, ut declaratum est. Et quia Deus omnia convertit ad se, & ita quando supernaturaliter operatur, propter se ut finem supernaturalem operatur. Tertio conveniunt, quia utraque propter Christum datur. De sanctificante, seu gratum faciente id certum est, ut supra tetigimus: non videtur tamen minus certum de gratis data, quia haec datur propter spiritualem utilitatem Ecclesiae, pro qua Christus mortuus est, ut illam exhiberet sine macula, & tuga; ergo meruit illi omnem gratiam, quae propter ejus utilitatem alicui conceditur.

7. Differunt autem in primis haec gratiae ex fine, quia una ad privatam sanctitatem, alia ad communem utilitatem per se primo ordinatur. Nam sicut in corpore humano quaedam potentiae ordinantur ad bonum habentis, aliae ad speciei conservationem, seu individuum propagationem, vel sicut in membris corporis aliquae sunt facultates unicuique parti deservientes ad propriam utilitatem, aliae vero, quibus quaedam membra in alia influunt ad eorum utilitatem, ita in corpore Ecclesiae quaedam gratiae dantur ad singulorum personarum sanctificationem, aliae vero ad sanctificationem totius Ecclesiae, & ut quaedam membra aliis prodesse possint: priores ergo sub gratia gratum faciente comprehenduntur, posteriores nomen gratiae gratis datae retinuerunt. Atque ita illa duo membra ex fine potissimum distinguuntur, quia gratia gratum faciens ad recipientis bonum, gratis vero data ad aliorum utilitatem confertur. Quod docuit Clemens Roman. lib. 8. Constitut. cap. 1. dicens, haec charismata prius data esse Apostolis, deinde aliis esse communicata, *Non quidem ad illorum utilitatem, qui charismata illa operantur, sed ut qui non credunt ad credendum adducantur*; & infra: *Neque enim expellendis demonibus utilitas nostra agitur, sed eorum, qui ab eis eripiuntur*, & addit, ideo dixisse Christum, Luc. 10. *Nolite gaudere, quod spiritus subjiciuntur vobis, sed gaudete, quod nomina vestra scripta sunt in caelo*. Nam illud (inquit) sit potestate Dei, hoc efficitur nostra in Deum benevolentia, & studio, atque adjuvante Deo. Ad idem vero est gratiam gratum facientem ita dari in bonum recipientis, ut possit etiam, & debeat in aliorum utilitatem redundare, & exerceri: & e converso gratiae gratis datae licet ad aliorum utilitatem dentur, nihilominus qui eas recipit, potest, & debet per earum usum propriam spiritualem utilitatem, & profectum procurare. Sed hoc pertinet ad secundariam, & quasi extrinsecam intentionem, & diligentiam hominis operantis, secundum fines autem proprios, & quasi

intrinsecos ipsarum gratiarum sumitur distinctio data modo explicato, & a D. Thom. intento.

8. Ex hac differentia oritur secunda, scilicet quod gratiae gratis datae communes sunt peccatoribus & iustis, gratia vero gratum faciens propria est iustorum. Primum enim, quod gratiae gratis datae possint esse in iustis, manifestum est, illas enim habuerunt, & Christus, & Apostoli, & insigniores sancti, quamvis non omnibus iustis etiam perfectis conferantur. Quia non est necesse ad communem Ecclesiae utilitatem, ut iusti omnes ministrent aliis, vel ut per specialem gratiam ad operandum ad aliorum utilitatem subleventur. Nam ut ait Clemens: *Non est necesse omnes fideles expellere demones, aut suscitare mortuos, aut linguis loqui, sed eos, qui causa quapiam utili charismate dignati sunt ad aliorum salutem*. Imo addit August. lib. 8. Quæst. 9. 79. *Ideo non omnibus sanctis ista tribuuntur, ne perniciosissimo errore decipiantur infirmi existimantes, in talibus factis majora dona esse, quam in operibus iustitiae, quibus aeterna vita comparatur*.

9. Deinde quod ipsae gratiae possint esse in peccatoribus, docet D. Thom. 2. 2. quæst. 172. art. 4. ubi de Prophetia specialiter loquitur, in solutione vero ad 1. ad operationes virtutum, & ejectionem demonum id extendit ex sententia Hieronymi, Matth. 7. Idemque confirmat de gratia miraculorum in quæst. 178. artic. 2. Et eandem doctrinam habet Gregor. homil. 17. in Ezechiel. in fine, ubi id confirmat ex verbis Christi Matth. 7. *Multi dicent mihi in illa die, Domine Domine nonne in nomine tuo prophetavimus, & demonia ejecimus, & in nomine tuo virtutes multas fecimus? & tunc confitebor illis, quia nunquam novi vos, discedite a me, qui operamini iniquitatem*. Simili modo induci possunt verba Pauli 1. Corint. 13. *Si linguis hominum loquar, & Angelorum, &c. Si habuero prophetiam, si habuero omnem fidem, ita ut montes transferam, charitatem autem non habuero, nihil sum*. Ubi Paulus supponit, posse aliquem habere praedictas gratias gratis datas, & carere charitate, ac subinde esse in peccato, quibus verbis ad hoc propositum mittitur Anastasius Sinait. lib. 6. Examer. in fine dicens, non in ejiciendis demoniis, vel miraculis faciendis Deum perfectionem hominis definire, sed in charitate, quae sine illis signis, & haec sine illis esse possunt. Exemplis idem etiam ostenditur, in Caipha Joann. 11. & in Balaam, qui cum esset ariolus, & idololatra, nihilominus donum habuit prophetiae, ut pater Numer. 22. 23. & 24. Ex quo loco ulterius potest colligi, non solum sine gratia gratum faciente, sed etiam sine fide posse aliquem prophetare, vel miracula facere, vel demones expellere in honorem nominis Christi, ut tradit Augustinus lib. 83. Quæst. quæst. 79. & videti potest Maldonat. Matth. 7. in fine.

10. Ratio vero est, quia opera spectantia ad gratias gratis datas non pertinent per se ad voluntatem, nec illius rectitudinem postulant & ideo non pendunt ex se a gratia gratum faciente, possunt ergo separari ab illa, & a peccatoribus fieri, si Deus velit: nam cum hoc in re ipsa non involvat repugnantiam, neque indecentiam aliquam, potest a Deo pro suo beneplacito fieri. Assumptum declaratur in primis in prophetia, in qua duo possunt considerari, scilicet vel exterior praedictio, vel interior cognitio rei futurae, ex quibus illud prius si a posteriori separaretur, potest fieri non solum ab homine pravo, & infideli, sed etiam ab homine actu peccante, & ex infidelitate proferente illa eadem verba, quibus nesciens, & nolens prophetat. Ita enim in Caipha contigit, illa enim verba, *Expedi*, &c. in sensu, quem ipse intendebat, erant verba odii, & invidiae, & infidelitatis, qua profitebatur Christum esse purum hominem, & malefactorem; & nihilominus in sensu intento ab Spiritu Sancto erant prophetica, & ex speciali directione Spiritus Sancti. Et ita erat aliqualis gratia, licet in ordine minima, ita ut non propria prophetia, sed instinctus propheticus appelletur a D. Thoma 2. 2. quæst. 78. artic. 4. Interior item, & vera prophetia, cum ad intellectum speculativum pertineat, per se non requirit bonitatem accipientis, imo aliquando fieri potest sine consensu voluntatis ejus, quia intellectus cogitur ad assentiendum,

2. Differentia. Sanctificans gratia iustis, alia peccatoribus, cui datur.

D. Thom. auctoritate probatur gratia gratis data in peccatoribus esse posse.

Scilicet ratione id ipsum.

dunt, & inter dum lingua ad loquendum, sicut de Baalam dicit Abulenſis Numer. 4. quæſt. 3. Quod ſi cognitio Prophetæ eſt evidens, ut eſt probabile, non requirit voluntatem nec rectitudinem ejus, ac proinde nec gratiam gratum facientem. Præterea in operatione virtutum, ſeu miraculorum id patet, quia in miraculo Deus eſt, qui principaliter operatur; poteſt autem Deus uti instrumento, quo voluerit, etiamſi ſit homo peccator, vel infidelis, ſicut uſitit homine peccatore, vel infideli, ſacramentum Baptiſmi miniſtrando. Et idem in cæteris gratiis gratis datis poteſt ſimili diſcurſu facile oſtendi.

11. Dices recte hac ratione probari, hoc ex parte rei non repugnare; videtur autem non eſſe contentum ſapienti providentiæ Dei: nam ipſe has gratias Eccleſiæ ſuæ contulit ad fidem confirmandam, ut patet Marci ultimo, hæc autem fidei probatio, & confirmatio enervatur, ſi per malos, vel fideles talia ſigna Deus efficiat. Item Eccleſia ex miraculis a Sanctis factis argumentum ſumit ad eorum ſanctitatem probandam; hoc autem argumentum fallax eſt, ſi a malis poſſunt miracula fieri. Hanc objectionem accurate tractat, & diſſolvit Anaſtaſ. Niſſen. in Quæſtionibus Scripturæ quæſt. 23. tomo primo Biblioth. & inprimis ait, miracula non eſſe certa ſigna ſanctitatis hominis operantis illa, & inter alia aſſert, quod Judas etiam ſigna efficiebat, & dæmones cum aliis Apoſtoliſ ejiciebat, Et Saul etiam poſtquam malus eſſe cœpit, prophetabat: non ergo ſufficiunt ſigna ſine morum ſanctitate, ideoque Chriſtus dixit, *Ex fructibus eorum cognoscetis eos*, Matth. 7. Neque Eccleſia ſola miracula conſiderat ad ſanctitatem alicujus probandam, ſeu proprie vitam, & mores, quibus ſi miracula conjungantur, ſunt magnum ſignum probitatis vitæ. Nam licet Deus ſecreto conſilio interdum per hominem hypocritam miraculum faciat, vel extra ordinarium beneficium concedat, id rarium eſt; ordinariæ vero non, niſi per juſtos, & bonos talia ſigna operatur, & ideo quando vita non diſcordat, non ſolum vitam bonam, ſed etiam excellentem gradum ſanctitatis indicant, præſertim ſi frequentia ſint, & aliunde nullum indicium deceptionis, aut ſimulationis conjunctum habeant.

12. Unde ulterius addit allegatus Pater, quando contingit ſignum fieri, aut beneficium ſanctitatis, vel aliud ſimile extraordinario modo per hominem peccatorem obtineri, tunc fidem potius ejus, qui accedit, quam ejus, ad quem accedit, ſignum operari, ideoque accurate diſcernendum eſſe, & ex aliis indiſciis obſervandum, cui ſit miraculum attribuendum. Et ſimile eſt, quod ſæpe miraculum ſit ad confirmandam ſanctitatem operantis, & tunc non fiet ab homine peccatore, quia Deus non præbet teſtimonium falſitati: aliquando vero ſit ad confirmationem fidei, & doctrinæ, & tunc nunquam quidem fiet in confirmationem falſæ doctrinæ: fieri tamen poterit ab homine peccatore, quia tunc non operatur ad oſtenſionem ſuæ juſtitix, ſed ut miniſter verbi ad confirmationem ejus, ſicut de Juda dicebamus. Denique advertit, quando ſigna ſunt ab homine infideli, vel hæretico, ordinariæ, ac ſere ſemper non eſſe vera, ſed apparentia, vel talia, quæ naturali virtute dæmonum fieri poſſunt, ut variis exemplis Anaſtaſius confirmat. Quod non ſolum non derogat firmitati fidei, ſed potius ad ejus probationem, & ſolidiorem confirmationem a Deo permittuntur. Ideoque nunquam talia ſunt, vel apparent, quin ſi attente mente, & recta fide conſiderentur, cum omnibus circumſtantiis, quibus fieri ſolent, eorum falſitas, & deceptio percipi poſſit, ut in ſignis Magorum Ægypti videre licet. De qua re videri etiam poſſunt, quæ in ſecundo tomo tertiæ partis diſput. 3. ſect. 2. tractavi.

13. Superſt dicendum de altera parte assignatæ differentix, nimirum quod gratia gratum faciens propria ſit juſtorum: quod ex terminis videtur manifeſtum, quia formalis effectus non ſeparatur a forma, ſed gratia dicitur gratum faciens, quia formaliter reddit hominem gratum Deo, quod eſt eſſe juſtum: ergo hæc gratia eſt ita propria juſtorum, ut extra illos reperiri non poſſit. Ut hoc autem explicetur, & in

Suarez Tom. VI.

vero ſenſu accipiat, obicitur contra illud, quia ſequitur multas eſſe gratias, quæ non ſunt gratis datæ, nec gratum facientes, quod eſt contra ſufficientiam prædictæ divisionis. Sequela probatur, quia fides, & ſpes mortuæ ſunt quædam gratiæ, & non ſunt gratis datæ, quia dantur ſingulis ad eorum utilitatem, & non tantum aliorum: nec etiam ſunt gratum facientes, quia ſunt in peccatoribus: ergo vel gratia gratum faciens non eſt propria juſtorum, vel diviſio adæquata non eſt. Idemque argumentum ſumi poteſt ex omnibus donis gratiæ, quæ non ad communem utilitatem, ſed propriam & privatam ſingulis peccatoribus conferuntur.

14. Ad hoc, qui gratiam gratum facientem ad habitualem gratiam ſanctificantem contrahunt, cum alias etiam dicant, gratiam gratis datam eſſe illam, quæ ad aliorum utilitatem datur, neceſſe eſt, ut fateantur diviſionem non eſſe adæquatam. Unde Soto lib. 2. de Natura, & gratia cap. 3. in principio, tria in hoc puncto dicit. Primum eſt, unam eſſe ſpecialem gratiam, quæ ab effectu denominatur gratum faciens, quia nos formaliter reddit Deo gratos, reliquas vero retinere genericum nomen gratiæ gratis datæ. Secundum eſt, gratias gratis datas, quæ diſtinguuntur a gratum faciente, eſſe illas, quæ ad aliorum utilitatem dantur, poſſuntque eſſe in malis hominibus. Tertium eſt, concurſum gratiæ, vel ſubſidia gratiæ prævenientis, licet inter gratias gratis datas connumerentur, habere tamen peculiare nomen auxilii ſpecialis, ſeu gratuiti. In quo ſignificat, ſi gratia gratis data in ſua proprietate, & ut adæquata illi fini communis utilitatis ſumatur, diviſionem non eſſe adæquatam, ſed addendum eſſe tertium membrum auxilii ſpecialis. Sed hoc non placet; tum quia D. Thomas illam diviſionem nobis tradidit, ut adæquatam, diſtinguendo membra per oppositionem contradiſtoriam, inter quæ medium non datur, qualia ſunt, gratum facere, vel non facere, ſuppoſita genericæ ratione doni gratuiti. Idemque eſt, ſi diſtinguantur per poſitivos fines utilitatis propriæ, vel aliorum, quia inter hos etiam fines non eſt facile medium invenire, cum non detur gratiæ donum propter nullius utilitatem; tum etiam, quia alias neque addito illo membro auxilii ſpecialis ſolvitur difficultas tacta de fide, & ſpe mortuæ, præterquam quod ipſum auxilium ſpeciale commune eſt utriusque gratiæ: nam interdum datur ad opera gratiæ gratis datæ, interdum vero ad opera gratiæ gratum facientis, ut per ſe conſtat.

15. Dico ergo, gratiam gratum facientem, ut eſt membrum adæquatum illius diviſionis non coarctari ad ſolam formam perfecte juſtificantem animam, & excludentem ſtatum peccati mortalis, ſed includere omnia dona gratiæ, quæ homini in ordine ad propriam ſanctificationem conferuntur: hanc enim Concilia Milevitan. Arauſican. & Tridentinum, necnon etiam Auguſtinus, & alii Patres gratiam ſanctificantem, ſeu ſanctificationis, vel juſtificationis appellant, eadem autem eſt gratia gratum faciens, quæ ſanctificans ſeu juſtificans: ergo gratia gratum faciens omnia illa complectitur. Et hoc probat ratio facta de adæquata oppositione membrorum dictæ diviſionis, ex eo, quod gratia in propriam, vel aliorum utilitatem datur, ſeu recipitur, alterum enim horum in omni dono gratiæ reperitur, ut notum eſt. Ad difficultatem autem propoſitam reſpondetur, cum gratia gratum faciens dicitur eſſe propria juſtorum, aut non poſſe ſimul eſſe cum peccato mortali, intelligendam eſſe differentiam, vel de utraque gratia collectivè ſumpta, aut comparando maximum, ad maximum utriusque membri, non vero applicando differentiam ad ſingulas gratias utriusque ordinis, vel denique intelligendam eſſe hanc proprietatem gratiæ gratum facientis cum proportionem accommodatam. Itaque omnes gratiæ gratis datæ poſſunt, ut etiam ſumma, & perfectiſſima illarum taleſſe eſſe in homine peccatore: gratia autem gratum faciens, vel tota collectivè ſumpta, vel id, quod eſt ſupremum, & maximum in illa, non poteſt eſſe in peccatore, ut patet, ſaltem de charitate, & habituali gratia (loquimur enim ex natura rei, quidquid de abſoluta potentia ſit) quamvis neceſſaria non ſit,

Tria docet Soto quibus haud eſſe adæquatam diviſionem ſignificat

Solutio, omnia dona in ordine ad propriam juſtificationem habent gratia ſanctificantem veniunt.

Opponitur obiectio.

Solutio:

Amplius idem Anaſtaſ. explicat.

Propria ſolum juſtorum eſt gratia gratum faciens.

sit, ut singulæ gratiæ sub hoc membro contentæ repugnent cum peccato, & ita cessat objectio facta. Addimus vero etiam in hoc esse differentiam, quod gratiæ gratis datæ sicut omnes non perficiunt justificationem, ita singulæ non inchoant, vel promouent illam, nec propter hunc finem dantur, dona vero gratiæ gratum facientis, sicut perfectam justitiam conferunt, si sint consummata, ita singulæ aliquo modo inchoant justitiam, & ita non sunt, nisi in homine, vel simpliciter iusto, vel habente aliquod justitiæ fundamentum, vel initium: & ita fides secundum se est donum gratiæ gratum facientis, quia est fundamentum justitiæ: imo & vocatio ad eundem ordinem gratiæ pertinet, quia est exordium justitiæ, & sic de cæteris.

Tertia
differentia
non ne-
cessaria.

Aludisp.
70. nu. 4.

16. Atque ex his facile potest ferri judicium de aliis differentiis, quæ inter hæc membra solent assignari. Tertia est, quod gratia gratum faciens datur per modum habitus, seu qualitatæ permanentis, gratia vero gratis data per modum actus, seu motionis transeuntis; quæ differentia tribuitur Div. Thomæ in locis statim citandis. Verumtamen difficile est differentiam illam accommodare: nam si utrumque membrum sumatur distributive, seu exclusive, falsum, vel incertum invenitur: si vero sumatur indefinite, seu permissive, utrumque erit verum, nulla tamen erit differentia. Utrumque breviter declaro, quia de gratia gratum faciente sumpta per antonomasiam, pro forma gratiæ justificantis, verum est, esse permanentem per modum habitus, & hoc est, quod docet D. Thom. 1. 2. quæstion. 110. articulo 2. & 3. Non est autem verum, quod omne donum gratiæ sanctificantis sit habitus, nam etiam actualia auxilia, & eorum actus sunt gratiæ suo modo gratum facientes, saltem inchoative, seu dispositive, ut jam declaravi. E contra ratio vero communiter receptum est, aliquas gratias gratis datas non infundi per modum habitus, ut de prophetia & operatione virtutum testatur Div. Thomas 2. 2. quæstion. 171. art. 2. & qu. 178. art. 2. ad primum, quod vero nulla illarum sit habitus non est certum: imo contrarium fortasse est probabilius, ut ex capite sequenti patebit. Quapropter incerta est hæc differentia, & non necessaria.

Quarta
differentia
non placet.
p. Cor. 12.

17. Quarta differentia assignatur quia gratia gratum faciens unius tantum est rationis, seu speciei: gratiæ autem gratis datæ plures sunt. In qua differentia hæc posterior pars certa est ex Paulo 1. Corinth. decimo secundo, & capite sequenti declarabitur. Prior autem pars licet a multis Scholasticis, etiam antiquis supra allegatis, asseratur, supponit tamen gratiam gratum facientem, ut est membrum illius divisionis, solum accipi pro habituali gratia sanctificante, quod nos non admittimus, & ideo non putamus differentiam hanc eo modo, quo assignatur, esse necessariam. Nam etiam sub gratiâ gratum faciente includuntur plura dona specie distincta, quæ capit. 6. recensuimus, & pro loci opportunitate breviter explicabimus. Solum in hoc potest assignari discrimen, quod gratiæ gratis datæ ita sunt inter se diversæ, ut neque sint inter se connexæ, neque una ad alteram ordinetur, ut patet de prophetia, & operatione miraculorum, & in cæteris fere est eadem ratio: nam licet omnes ad fidem aliquo modo ordinentur, non tamen inter se, quia una non est propter aliam, per se loquendo. At vero dona gratiæ gratum facientis aliquam connexionem vel habitudinem inter se observant: nam in primis omnia respiciunt gratiam illam, quæ per antonomasiam dicta est gratum faciens, estque forma quædam simplex reddens animam Deo gratam, & acceptam. Nam omnes aliæ gratiæ illius ordinis, vel sunt aliquales dispositiones ad illam gratiam, vel sunt quasi potentia, vel operationes ejus, aut auxilia, vel concursus illi debiti, connaturalitatis debito, & ita secundum habitudinem omnes illæ gratiæ una dici possunt, non tamen essentia, & specie, ut postea late videbimus.

Quinta
differentia
altioris
ordinis est
sanctificans
gratia,
quam gra-
tis data.

18. Denique hinc potest facile assignari, & explicari quinta differentia, quia gratia gratum faciens altioris ordinis, & perfectionis est, quam gratiæ data. Ita docet D. Thomas dicta quæstion. 111. art. 5. & optime probat ex Paulo 1. Corinth. 12. ubi postquam de

gratiis gratis datis loquutus fuerat, subjungit: *Adhuc excellentiorem viam vobis demonstro*, utique viam charitatis, quæ est gratum faciens, de qua statim cap. 13. sermonem inchoat. Et idem sentit August. dict. q. 79. in l. 83. Quæstionum, ubi dicit, non omnibus iustis fidelibus concedi gratias gratis datas, ne in errorem, quem perniciosissimum vocat, inducantur, existimantes, *in talibus factis majora bona esse, quam in operibus justitiæ, quibus æterna vita comparatur*: & subjungit. *Propterea Dominus prohibet hinc gaudere discipulos*, cum ait Luc. 10. *In hoc nolite gaudere, quoniam nomina vestra scripta sunt in celis*; ubi etiam indicat rationem ex fine sumptam, quam D. Th. confirmat; quia gratia gratum faciens immediate nos conjungit ipsi summo bono, & fini ultimo, quod non præstat gratia gratis data: ergo illa est nobilior. Item illa est major participatio divinitatis, juxta illud 2. Petr. 1. *Magna, & pretiosa nobis promissa donavit*, &c. Denique secundum rectum ordinem charitatis magis tenemur amare, & procurare gratiam gratum facientem, quam gratiæ datam: ergo signum est esse meliorem. Dices: gratiæ gratis datæ ordinantur ad bonum commune, quod est divinius, quam proprium, ad quod ordinatur gratia gratum faciens. Respondet optime D. Thomas gratiam gratum facientem immediatius ordinari ad ipsum bonum per essentiam, quod est Deus, eique immediate homines conjungere, & inde habere majorem perfectionem.

19. Sed quæret aliquis, an hoc intelligendum sit comparando has gratias solum ex genere suo, vel etiam comparando singulas unius ordinis ad omnes alterius ordinis. Nam in priori sensu resolutio posita clara est, & indubitata, quia id, quod perfectissimum est in ordine gratiæ gratum facientis, sine dubio est perfectius, & melius, quam omnis gratia gratis data, quantumvis in illo ordine perfecta cogitentur. Nam virtus charitatis est major omnibus, ut convincit testimonium Pauli, & de gratia per se, ac formaliter sanctificante idem probat testimonium Petri, & ratio facta: & hoc satis est, ut gratia gratum faciens dicatur ex suo genere perfectior. At vero si comparatio fiat inter singula, videtur res esse dubia, quia non videtur major fides, quam prophetia, quoad internam cognitionem: imo si prophetia sit per lumen supernaturale evidens, videtur perfectior, quia excedit in claritate & in certitudine, non est minus perfecta, unde si sit obscura, saltem erit æqualis, vel fortasse in essentia non distincta a fide. Imo inter ipsas gratias gratis datas numeratur fides, quæ videtur aliquam perfectionem addere communi fidei, quæ sub gratia gratum faciente continetur. Item suscitatio mortui esse potest opus gratiæ gratis datæ, & tamen videtur esse perfectius, quam multæ operationes, vel motiones gratiæ gratum facientis.

Dubitatur
an hoc sit
intelligē-
dū obiectū
dō gratiæ
gratis da-
tæ scō grō-
tis gratiæ
facientis

20. Dicendum autem videtur, hanc ipsam comparisonem posse fieri, vel in perfectione pertinente ad genus moris, vel tantum in genere entis. Priori modo omnia, & singula dona gratiæ gratum facientis meliora sunt, quam opera gratiæ gratis datæ secundum se spectata, quantumvis in suo ordine magna videantur. Probatur ratione facta, quia dona gratiæ gratum facientis de se, & ex intentione dantis referuntur ad uniendam animam cum Deo, quod est optimum in genere moris: gratiæ autem gratis datæ de se non hoc conferunt: imo si interdum habent aliquam perfectionem moralem, est in quantum ab aliqua virtute, vel actione gratiæ gratum facientis procedunt, vel imperantur. Declaratur etiam in illa comparisonem fidei, & prophetiæ, nam si prophetia sit evidens, ut sic, non habet assensum liberum, sed necessarium, & propterea in genere moris melior est fides, per quam libere captivantur intellectus in obsequium Christi. Si vero cognitio prophetica sit obscura, assensus ejus erit voluntarius, & ex eo capite habet moralem perfectionem a pia voluntatis affectione, quæ ad ordinem gratiæ gratum facientis pertinet. Usus autem exterior prophetiæ propter Ecclesiæ utilitatem (idemque est de sermone scientiæ, Sapientiæ, &c.) in tantum habet moralem perfectionem, in quan-

Diluitur
quia in ge-
nere mo-
ris semper
sanctificans
præcellit,
is in phy-
sico quid,
quid de
uno vel
altero a-
ctu sit.

tum, ex charitate imperatur, vel alia virtute morali religionis, vel misericordiæ, &c. Et ita in genere moris in omni actu gratia gratum faciens semper habet primatum. Si vero comparatio præcise fiat in genere physico, aut entis, sic, licet gratia gratum faciens ex genere excedat, non est inconveniens, quod aliquis actus gratiæ gratis datæ sit perfectior, quam aliquis actus gratiæ gratum facientis, ut actus evidens prophetiæ, quam actus obscurus fidei, vel quidpiam simile: nihil enim occurrit, cur hoc repugnet, & ratio facta id confirmat.

C A P U T V.

Quot sint gratiæ gratis datæ, & quid unaquæque earum sit?

I. DE his gratiis non est iterum a nobis in discursu hujus materiæ tractandum, & ideo visum est operæ pretium aliquam earum a noticiam legentibus hoc loco tribuere, quasdam earum, quæ faciliores sunt, integre declarando, alias vero, quæ longiores requirunt disputationes, quantum ad usum, & cognitionem earum fuerit oportunum, breviter explicando, magis exactam illarum cognitionem in alia loca Theologiæ, ad quæ propriè pertinent, remittendo. D. Thomas ergo in dicta quæst. 111. artic. 4. novem gratias gratis datas ex Apostolo colligit 2. Corint. 12. in illis verbis. *Alii per spiritum datur sermo sapientie, alii sermo scientie secundum eundem spiritum, alii fides in eodem spiritu, alii gratia sanctorum, alii operatio virtutum, alii prophetia, alii discretio spirituum, alii genera linguarum, alii interpretatio sermonum. Hæc autem operatur unus, atque idem spiritus, dividens singulis prout vult.*

2. Prima itaque gratia vocatur *sermo sapientie*, secunda, *sermo scientie*, de quibus in particulari tractat D. Thomas 2. 2. quæst. 177. Et in primis potest de illis queri, an immediate versentur circa cognitionem, vel circa sermonem? Prima sententia utramque refert ad cognitionem. Ita videtur D. Thomas interpretari has gratias in 1. 2. dicta quæst. 111. artic. 4. ubi per sapientiam intelligit cognitionem divinorum, conclusionem ex principiis eliciendo: per scientiam vero cognitionem eorumdem per effectus, exempla, &c. Et in assertionem consentit Ambrosius ibi, licet aliter explicet singula membra: nam per sapientiam intelligit prudentiam, *Non ex literis, sed ex conversatione Spiritus Sancti, ut cor habeat illuminatum, & prudens, & discernat, quæ vitanda sunt, quæ sequenda.* Sermonem autem scientiæ dicit esse scientiam rerum divinarum. Nec videtur ab hac sententia alienus August. lib. 13. Confess. cap. 18. dum ita exponit: *Alii datur sermo sapientie, tanquam luminare majus propter eos, qui perspicua veritatis luce delectantur. Alii autem sermo scientie, tanquam luminare minus: & infra. Sermo scientie, qua continentur omnia sacramenta, quæ variantur temporibus, tanquam luna, & ceteræ notitiæ donorum, quantum differunt ab illo candore sapientie, quo gaudet predictus dies; ubi aliter quidem explicat sapientiam, quam Ambrosius; in hoc vero convenit cum illo, quod has gratias ad cognitionem refert. At vero juxta hanc sententiam hæc duo non pertinent ad gratias gratis datas, sed magis ad dona Spiritus Sancti, quæ sunt gratiæ gratum facientes, ut postea videbimus: unde August. in lib. 12. 13. & 14. de Trinitate nihil fere distinguit inter Sapientiam, & scientiam, prout inter dona Spiritus S. & inter gratias gratis datas numerantur.*

3. Secunda sententia est Chrysostomi, qui homil. 9. in 1. ad Corinth. scientiam videtur referre ad solam cognitionem mysteriorum fidei, quam communiter habent fideles, *Qui non possunt docere, facile aliis enuntiare, quæ sciunt.* Sapientiam vero addere sentit peritiam docendi, qualem Paulus, Joannes, & alii Apostoli habuerunt, & ita pertinere propriè ad sermonem, licet etiam in mente perfectiorem cognitionem supponat. Unde Theophylactus sibi sequens Chrysostomum, ait; *Sapientia namque docet, perspicuitas quedam existens, quæ operta recludit, obscuraque clara reddit.*

Suarez Tom. VI.

Theodoretus autem eandem sententiam sequens utramque hanc gratiam in cognitione ipsa supernaturali ponit, quæ tunc vocatur scientia, quando ad prædicandum aliis non sufficit: tunc vero sapientia, quando potens est ad docendum alios, concionandum, &c. Et in eadem sententia est Occumenius. Veruntamen in hoc etiam deficit hæc sententia a nostro instituto, quia juxta illam sermo scientiæ non pertinebit ad gratias gratis datas: quia non dabitur ad aliorum utilitatem, imo nec distinguetur a fide, quia scientia divinorum, quam communiter habent fideles idiotæ, non est, nisi cognitio fidei.

4. Est ergo tertia sententia D. Thomæ in 2. 2. ubi supra, qui has gratias per se primo dicit dari ad prædicanda, & docenda mysteria fidei, unde utramque sub una generali ratione comprehendit, quam vocat gratiam sermonis, per quam *Deus dat verbum evangelizantibus virtute multa.* Psalm. 67. Et videtur hæc expositio in primis valde consentanea verbis Pauli: non enim dixit, *alii datur sapientia, alii scientia, sed alii sermo sapientie, & sermo scientie*, ubi juxta proprietatem verborum, non sapientiam vel scientiam, quæ in cognitione consistunt, sed sermonem earum vocat gratiam, quando sit ex speciali dono Spiritus Sancti, & cum de utraque eodem modo loquatur, non est, cur una ad loquelam, alia ad cognitionem referatur. Unde Hieronymus ibi, *Sermo (inquit) sapientie est, sapienter, apte, atque rationaliter loqui; & infra: Qui ex dono habet Sapientie sine suo conatu loquitur, & labore, &c.* Et infra de sermone scientiæ ait. *Ut sciat legis mysteria explanare.* Secundo est optima ratio D. Thomæ, quia gratiæ gratis datæ dantur ad aliorum utilitatem, unus autem homo prodest aliis in spiritualibus medio sermone, qui ut sit efficax ad instruendum, delectandum, & movendum hominem, necessarium est peculiare auxilium Spiritus Sancti, cujus divinum Verbum est instrumentum: ergo merito inter gratias gratis datas ponitur gratia sermonis, utique ad convenienter, & apte loquendum de divinis ad aliorum utilitatem. Quare eandem expositionem Anselmus primo loco ponit, licet alias adjungit. Et eandem sequitur ibi Salmeron, Cajetanus, & alii. Potest tamen hæc posterior D. Thomæ sententia ita cum priori conciliari, ut quia humana loquutio non sit sine conceptione mentis, per has gratias intelligatur etiam cognitio mentis dirigi, quantum necesse est ad convenientem sermonem sapientiæ, & scientiæ, ut statim amplius explicabitur.

5. Ulterius enim interrogari potest, quomodo illæ duæ gratiæ differant: nam D. Thomas in 1. 2. ubi supra, nullam distinctionem declarat, imo de illis tanquam de una gratia sermonis loqui videtur. Ipsa tamen verba Pauli cogunt, ut distinctionem aliquam in illis cognoscamus, juxta sententiam Augustini libro duodecimo de Trinitate, capite decimo quarto, dicentis: *Ubi Paulus dixit, Alii quidem per Spiritum datur sermo sapientie, alii sermo scientie secundum eundem Spiritum: hæc utique duo sine dubitatione distinguuntur, licet non ibi explicet, quid intersit, & unde possit utrumque dignosci.* Quod iterum repetit lib. 13. cap. 19. & lib. 14. cap. 1. Hæc vero distinctio inter has gratias, ut ad sermonem spectant, supponit distinctionem donorum scientiæ, & sapientiæ, de quibus postea in libro 2. & 6. dicendum est. Nam sermo sapientiæ vocatur sermo aptus ad explicandam mentis sapientiam, sermo autem scientiæ erit aptus ad explicandam mentis scientiam.

6. Unde si sapientia, & scientia mentis distinguantur, tanquam scientia æternorum, & temporalium, vel tanquam cognitio per æternas causas, seu propria fidei principia, & per effectus, exempla, & alia similia inferiora, seu temporalia media: sermo etiam sapientiæ dicetur specialis favor Spiritus Sancti, quo dirigit linguam hominis ad explicanda altiora, seu diviniora mysteria fidei; scientiæ autem sermo, quo lingua ditigitur ad explicanda inferiora, & temporalia mysteria. Vel etiam sermo sapientiæ, & scientiæ dici possunt auxilia, quibus lingua, vel calamus Doctoris Ecclesiæ a Spiritu Sancto specialiter gubernatur, ita ut illi occurrant verba apta ad explicanda

Insentio

3. Sententia de sermone sapientie, & scientie.

Quæ distinctio sit inter has gratias.

Amplius explicatio

3. Sententia

eadem mysteria per sua propria principia, & rationes divinas, vel per exempla, & effectus, &c. Et fortasse ob hanc causam Divus Thomas 1. 2. has gratias in ipsa cognitione declaravit, & distinxit, quia inde tanquam ex radice habent distinctionem suam, neque sermo ipse dirigi potest, nisi media cognitione. Sed in hoc est diversitas, quod hæc directio, ut ad gratiam gratis datam pertinet, licet immediate versetur circa mentem semper, id est, in ordine ad sermonem, quia per illas gratias nec datur, nec per se intenditur, ut ille, cui talis gratia datur, doctior, aut sapientior fiat, sed ut ea, quæ scit, vel sapit, ita concipiat ut convenienter ad aliorum utilitatem illa exprimere valeat. Possent etiam istæ duæ gratiæ distingui ad modum doctrinæ sacræ speculativæ, & affectivæ, ita ut gratia sermonis scientiæ sit auxilium ad recte docendam doctrinam fidei, illuminando tantum intellectum: sermo autem sapientiæ sit auxilium ad docendum movendo affectum.

Quomodo
dantur hæ
gratiæ.

Lorca
disput. 22.
de Gratia
opinatur.

Nostra
opinio.

7. Tercio inquiri potest, an hæc gratiæ transeunt tantum dentur, vel permanenter per modum effectus. Quidam dicunt esse habitus, sine ulla probatione, sed quia videntur supponere has gratias in cognitione consistere, & ita non videntur illas distinguere a sapientia, & scientia, quæ sunt dona Spiritus S. Nos vero supponimus ita ab illis distingui, sicut gratias gratis datas a gratum facientibus. Deinde supponimus dari per se primo propter convenientem usum loquutionis, & sermonis: unde inferimus non dari per habitus, sed per actualem Spiritus S. motionem. Quod declaro per illa verba Sapientis Proverb. 16. *Homini est animam præparare, & Domini gubernare linguam*, quorum simplex, & literalis sensus (licet interdum Augustinus aliter exponat) est, hominem posse apud se disponere, cogitare, ac præparare, quæ loquuturus est, non tamen id satis esse, ut apte, & convenienter loquatur, nisi Dominus specialiter linguam dirigat, quia ejus est linguam gubernare, vel, ut Hebræi habent, quia a Domino est responsio linguæ, id est, quia Deus suo auxilio facit, ut sermo apte menti, & præparationi hominis respondeat. Hæc autem gubernatio linguæ non potest homini tribui per habitualia dona, quia totum id, quod est in habitu, vel memoria, pertinet ad illam priorem partem, *homini est præparare animam*, quæ non sufficit, ut lingua, & actualis sermo apte respondeat, nisi Dominus dirigat illam, hæc ergo directio est per actualem Dei motionem, vel directe excitando mentem, & faciendo, ut verba apta occurrant, & modi loquendi congruentes, & efficaces, vel auferendo impedimenta, quæ mentem distrahere, aut perturbare possent. Quod si hoc divinum regimen etiam in ordinariis sermonibus humanis, vel semper, vel frequenter necessarium est, multo certe magis in sermonibus divinis, & in eis præcipue, qui ad aliorum spiritualem fructum ordinantur. Gratia ergo gratis data ad sermonem pertinens, per quam Deus gubernat linguam Doctoris, vel prædicatoris Evangelii, est gratia actualis.

Obiectio.

Dilutio.

8. Dices: hæc gratia actualis supponit habituales scientiam, vel sapientiam illius doctrinæ, quæ per sermonem scientiæ, vel sapientiæ tradenda est. Respondeo, illam scientiam, vel sapientiam interdum esse posse acquisitam ex principiis fidei cum humana diligentia, sicut nunc acquiritur scholastica Theologia, vel positiua. Et quamvis hæc non acquiritur sine speciali auxilio gratiæ, illud vel reducit ad auxilium gratiæ gratum facientis, quatenus de se est auxilium ad quandam bonam, & piam operationem, ut in lib. i. videbimus: vel si detur ad proficiendum in illa doctrina in ordine ad aliorum utilitatem, erit gratia gratis data, & ad fidem reducitur, ut statim dicam. Interdum potest illa scientia, & sapientia consistere in donis Spiritus S. valde perfectis, quæ in se sunt dona gratiæ gratum facientis, usus autem illorum ad aliorum utilitatem potest ad gratias gratis datas pertinere. Denique potest illa esse aliqua scientia per accidens infusa, quæ si ad aliorum utilitatem detur reducitur ad fidem, ut statim dicam. Quamvis ergo gratiæ sermonis supponant aliquem habitum gra-

tiæ, non videntur formaliter conferri per habitus, sed per actualem motionem, & directionem Spiritus S. Unde hæc gratiæ non sunt supernaturales in substantia sua, sed in modo, ut indicavit D. Thomas dicta quæst. 177. artic. 1. ad 1. ubi ait per has gratias Spiritum S. perfectiori modo facere, quod ars posset naturaliter operari.

9. Tertia gratia gratis data a Paulo numerata est fides: quam idem Divus Thomas variis modis explicare visus est. Nam in prima secundæ quæstion. 111. artic. 4. nihil aliud per fidem intelligit, nisi certissimum assensum principiorum fidei catholicæ, quem in Evangelico Doctore supponi oportet. Quam interpretationem sequitur Lyra 1. Corinth. 12. & juxta illam hæc gratia non est distincta a fide infusa, & catholica: nam tota certitudo fidei quantumcunque magna cogitur, ad eandem virtutem fidei spectat; hoc autem videtur inconveniens, quia hæc fides donum est gratiæ gratum facientis, ut capite præcedenti declaravi. Dicit vero potest, non esse inconveniens aliquem gradum perfectionis simul esse gratiam gratum facientem, & gratis datam diversis respectibus: vel melius fortasse diceret, illam certitudinem non esse in formali assensu credendi, sed in alia cognitione antecedente, vel comitante ipsum, ut mox explicabo.

Placitum
1. de ter-
tia gratia
fides.

10. At vero idem S. Doctor in secunda secundæ quæst. 178. artic. 1. ad 5. videtur hanc fidem exponere de fide miraculorum, quæ fuit sententia Chrysostomi, & Græcorum 1. Corinth. 12. & habetur in Commentariis Hieronymo, & Ambrosio attributis, & eam sequitur Cajetan. & Salmeron ibi, & Vazquez prima secundæ in notat. ad dictum artic. Quia de eadem fide videtur loqui Paulus cap. 13. cum ait. *Si habuerim omnem fidem, ita ut montes transferam, &c.* Item quia hæc fides distincta est a fide dogmatum, per quam justificamur, ut infra tractando de justificatione videbimus: ergo non pertinet ad gratiæ gratum facientem: ergo ad gratis datam. Responderi vero potest, illam fidem esse quidem gratiam gratis datam, comprehendere autem sub operatione virtutum, & sanctorum: unde hujus expositioni obstat videtur, quod juxta illam fidem non fuisset distinguenda ab operatione virtutis. Ad hoc vero respondet tacite Divus Thomas supra, quod sicut sermo scientiæ, & sapientiæ distinguuntur a fide, quia licet ab illa procedant, sunt gratiæ externæ ad propagationem fidei internæ ordinatæ: ita operatio virtutum ponitur, ut distincta gratia exterior, quia licet a fide procedat secundum quandam rationem, & perfectionem ejus, aliunde ad illius confirmationem ordinatur, & propriam gratiam requirit, quæ licet per fidem impetretur, diversum auxilium est, & ideo ponitur specialis gratia. Imo talis fides abstrahit ab operatione signi externi, nam per illam impetrari possunt alia extraordinaria dona, etiam interna.

2. Placi-
tum.

11. Alii per fidem intelligunt fidei constantiam. Ita dicit Cajetanus in 2. 2. loco citato circa dictam solutionem ad 5. D. Thom. quem interpretatur. Et fuit expositio Glossæ interlinealis, & sequitur Anselmus ibi, qui clarius exponit, quid per constantiam fidei intelligat, dicens. *Alii fides, id est, constantia fidei, ut quamvis alios prædicando nesciat instruere, tamen recte, & firmiter credat, nulloque metu, vel pudore fidem suam ore confiteri emittat.* At enim hæc constantia fidei non ad gratias gratis datas, sed maxime ad gratum facientem pertinet, quia per se non ordinatur ad aliorum utilitatem, & ad propriam sanctitatem maxime necessaria est. Alii per fidem sermonem fidei exponunt, quæ fuit altera expositio glossæ interlinealis, & illam tertio loco posui, tom. 1. in 3. part. disp. 21. sect. 2. & explicui esse peculiare Spiritus S. donum, quo ministri Ecclesiæ, vel alii etiam fideles, qui apti non sunt ad publice docendum, vel prædicandum doctrinam fidei, juvantur ad instruendos alios in fide, doctrinam fidei simpliciter proponendo, & accommodatè, ut ab ignorantibus etiam, & rudibus percipi possit. Nam quod hic modus auxilii gratuiti possibilis sit, & Ecclesiæ utilis, non videtur dubium: potest ergo optime sub nomine fidei comprehendere; quamvis verum sit, Paulum

3. Placi-
tum.

Quartum.

in hac tertia gratia non loqui de sermone fidei, ut in duabus prioribus, sed de fide. Nihil tamen vetat, & in prioribus comprehendere non solum sermonis directionem, sed etiam quicquid interius necessarium est, ut sermo exterior dirigatur, & in hac tertia gratia sub fide intelligi quicquid ad illam simpliciter aliis tradendam, etiam in modo illam exterius proponendi, & explicandi utile est.

12. Præter hos quatuor modos explicandi hanc gratiam fidei occurrunt duo alii, qui videntur probabiles, licet ab aliis auctoribus non tradantur. Unus est, ut per hanc fidei gratiam intelligamus non simplicem fidei assensum, vel aliquam intrinsecam, & quasi intensivam certitudinem ejus, sed quasi extensivam perfectionem cognitionis fidei quoad modum concipiendi, persuadendi, & defendendi doctrinam fidei. Nam hæc fidei perfectio nomine fidei, vel plenitudinis fidei significari optime potest, & intelligi, ut cum de Stephano Actorum 6. dicitur. *Elegerunt Stephanum virum plenum fide, & Spiritu Sancto, &c.* Estque hujusmodi instructio in fide Ecclesiæ valde utilis: imo necessaria in ministris verbi Dei: & quamvis studio, & diligentia humana acquiri possit, tamen illa potest parum prodesse, nisi speciali auxilio Spiritus Sancti juvetur, quod auxilium ad gratiam gratis datam pertinet. Et sæpe Spiritus Sanctus hanc perfectionem vel sine humano studio, vel ultra vires illius confert, interdum fortasse per modum habitus, sæpius vero juxta occurrentes occasiones per actualia auxilia. Quod frequentius contingit, quando ratio fidei reddenda est, vel sapienter, ac erudite illam confiteri oportet, juxta promissionem Christi, *Cum autem tradenti vos, nolite cogitare, quomodo, aut quid loquamini, non enim vos estis, qui loquimini, sed Spiritus Patris vestri, qui loquitur in vobis.* Matth. 10. Atque ad hunc sensum trahi potest sententia Glossæ, & Anselmi, ut per hanc fidem intelligatur constantia in fidei confessione, ut non tantum intelligatur quoad moralem perfectionem (ut sic dicam) constanter, & fortiter perseverandi in confessione fidei, sed quoad modum confitendi fidem cum singulari eruditione, & doctrina imbibita in ipsa confessione fidei. Non oportet tamen limitare hanc gratiam hoc modo intellectam ad tempus, seu occasionem confitendi fidem coram tyranno, optime enim ampliari potest ad omnem occasionem confitendi, vel proponendi fidem altiori modo, quoniam sine tali gratia posset homo id facere per eam doctrinam, vel eruditionem, quam sua diligentia, & industria posset acquirere, vel jam habet acquisitam. Hæc enim totum optime comprehenditur sub nomine fidei, ut dixi, & sæpe esse potest necessarium ad Ecclesiæ commodum, ut per specialem gratiam gratis datam conferatur.

13. Ultimo explicari potest hæc gratia de fide particularium revelationum, quæ personis aliquibus Ecclesiæ privatim fiunt. Non est enim dubium, quin tales revelationes sæpe fiant, ut nunc supponimus, & supponit Concilium Tridentinum sessio. 6. capit. 12. & canon. 16. nec minus certum est, vel quoties fiunt, vel frequentius propter aliquam communem Ecclesiæ utilitatem fieri, pertinent ergo ad gratias gratis datas: ergo merito dici possunt ad gratiam fidei pertinere, cum tales revelationes ad aliquam fidem pertineant. Quam fidem Theologi privatam vocant, & multi illam a fide Catholica secundum essentiam distinguunt: unde oportet, ut inter gratias gratis datas comprehendatur. Et licet verius sit, talem fidem quoad ipsum habitum, qui est principium assentiendi rei sic revelatæ, & quoad assensum non esse specie distinctam a fide Catholica, nihilominus ratione materiæ, & specialis revelationis est quædam manifestatio Spiritus ad utilitatem, unde merito censeri debet specialis gratia gratis data. Video dici posse, talem fidem sub prophetia contineri: nihilominus tamen multum modis potest hæc gratia prophetiæ constabit. Igitur omnes isti modi explicandi hanc gratiam fidei probabiles sunt, nam in omnibus illis considerari potest aliquid gratiæ specialis peculiari titulo ad fidem pertinens, & ad communem utilitatem per

Suarez Tom. VI.

se primo ordinatum, & sub aliis gratiis gratis datis non comprehensum. An vero Paulus hæc omnia, vel quid illorum præcipue intenderit, incertum esse credimus.

14. Unde si inquiratur, an hæc gratia fidei sit habitus, vel auxilium, seu motio actualis, & transiens, juxta varias explanationes traditas diversimode respondendum erit, ut lector facile ex dictis poterit intelligere. Absolute autem loquendo, videtur dicendum, fidem, ut habet peculiarem rationem gratiæ gratis datæ, in actuali motione Spiritus Sancti consistere: nam licet fortasse habituale lumen fidei, vel habituales species, vel habitus aliquis scientiæ, seu doctrinæ sacræ usui comparatus possit esse principium hujus actus fidei quoad substantiam, nihilominus talis actus non habet rationem gratiæ gratis datæ, nisi in quantum ex speciali motione Spiritus Sancti accipit aliquem peculiarem perfectionis modum, aut quia ex peculiari revelatione procedit ut in ultima explanatione, vel quia cum singulari certitudine, fiducia, aut meliori modo concipiendi, & proponendi res fidei exercetur, ut in aliis explanationibus declaratum est. Quomodo vero talis habitus possint etiam inter gratias gratis datas numerari, & ad hanc reduci, dicam in sequentibus.

15. Quarto loco ponit Paulus gratiam sanitatam, & in quinto operationem virtutum, quas duas sub gratias faciendi miracula comprehendit D. Thom. 2. 2. quæst. 178. Quia collatio sanitatis non pertinet ad gratiam, nisi quatenus aliquo modo virtutem naturalem superante sit: quia aliter facta neque est proprium opus Dei, neque ad confirmandam fidem potest esse efficax, cum etiam peritus medicus possit sanitatem efficere & multo magis demon interdum possit veram sanitatem ita conferre, ut facta miraculose appareat, cum tamen miraculum non sit, quia per solam virtutem causarum naturalium, scientia, & virtute demonis applicatarum fiet. Vera igitur gratia sanitatis miraculose operatur sanitatem: ergo comprehenditur sub generali gratia faciendi miracula. Operatio autem virtutum, si in tota sua generalitate sumatur, idem est, quod gratia miraculorum. Nam ut ibi dicit D. Thom. art. 1. ad 3. miracula dicuntur virtutes, quæ sunt per virtutem superantem facultatem causarum naturalium: ergo operatio virtutum, & miraculorum eadem est: ergo comprehendit sub se operationem miraculosam sanitatis. Duobus autem modis possunt considerari hæc opera, primo ut sunt prodigia quedam, seu effectus supernaturales in modo, quo fiunt: & hoc modo non distinguitur gratia sanitatis ab aliis miraculis formaliter, seu in communi ratione operis superantis naturam, sed materialiter in re effecta, vel secundum magis, & minus in excessu naturalium facultatum. Secundo modo considerari possunt in ratione signi, seu in utilitate, quam habent ad confirmandam fidem: & in hoc gratia sanitatum hoc habet speciale, quod præter operationis, seu effectus admirationem confert utilitatem recipientibus, & ex hac parte animum conciliat, & affectum inducit, quod multum ad doctrinam suadendam juvat.

16. Dices: Etiam expulsio demonis est magnum beneficium, & utilitas ejus, a quo ejicitur, & resuscitatio mortui est multo majus bonum, quam sanitas, & tamen hæc non separantur ab operatione virtutis, sed in eis maxime ponunt exempla Oecumenius, Ambrosius, Anselmus, & Hieronymus ibi. Verumtamen necesse non est exactam rationem in his omnibus servare, nam fortasse Paulus sine speciali mysterio illa enumeravit, quæ tunc occurrerunt, & ad rem conferebant, & sufficiebant, etiam si potuissent aliis modis commemorari. Dici vero potest, sub gratia sanitatum comprehendere omnia beneficia corporalia, quibus homo a quacunque vexatione, vel miseria corporis liberatur, & ita ibi comprehendere etiam resuscitationem mortuorum, & expulsionem demonum: sub operatione autem virtutum indicari supplicia, vel nocumenta visibilia, quæ miraculose interdum operatur fidei magister, ut ad verbum Petri mortui sunt Ananias, & Saphira, Actor. 5. & ad verbum Pauli excreatus Elimas Actor. 15. ut Chrysostomus, & Greci

Fides hæc in actu consistit.

Gratia sanitatum, & operatio virtutum proponuntur sub gratia faciendi miracula a D. Tho.

Convenientia, & discrimin.

Oastaculum.

Respondetur tripliciter.

ibi interpretantur. Verisimilius autem est, gratiam sanitatum solum significare, quod verbi proprietates præ se fert, curationes miraculosas a morbis corporis, sub operatione autem virtutum omnia alia opera miraculosa, quæ aliquo modo supernaturalia sint, & vel circa homines, vel circa res alias sensibiles fiant, Apostolum comprehendisse, solumque sanitatem ab aliis operibus distinxisse, & in propria specie (ut sic dicam) illam nominasse, quia & frequentior, & notior, magisque sensibilis existit.

17. Potest item alia ratio reddi, quia gratia sanitatum interdum permanenter, & per modum habitus solet aliquibus concedi, ut habet Ecclesiæ traditio, & morale experimentum, operatio autem aliarum virtutum, vel signorum non ita conceditur, sed transienter in occurrentibus occasionibus prout Deus vult. In qua differentia est advertendum, duobus modis posse intelligi has gratias dari per modum habitus, seu permanenter, uno modo physice, ac per se, quod tunc fieret, quando daretur homini aliqua permanens qualitas, quæ esset principium per se sanationis, vel operationis miraculose: alio modo potest id intelligi tantum moraliter, seu ex decreto, ac stabili deputatione Dei. Non est ergo differentia illa priori modo intelligenda, quia neutra istarum gratiarum potest illo modo dari permanenter, ut D. Thomas dicto art. 1. docet, & in loco statim citando late disputatum a nobis est. Intelligitur ergo posteriori modo, quia Deus aliquibus concedit gratiam conferendi sanitatem, vel indefinite, vel in aliquibus specialibus morbis, ut decreverit ad tactum illorum, vel aliam similem actionem sanitatem mirabiliter operari. Itaque licet virtutem intrinsecam non conferat, paratus est ad præbendum semper auxilium necessarium ad talem effectum: ad alia vero miracula faciendâ non solet esse ita paratus, nec in arbitrio hominis illa constituere. Non quia hoc repugnet, sed quia noluit Deus, neque necessarium reputavit hanc gratiam illo modo puris hominibus præbere. Dico autem *puris hominibus*, quia Christo, ut homini, seu humanitati ejus etiam hoc modo data est permanenter operatio virtutum, quia libera sua voluntate poterat miracula operari, quoties opportunum judicaret, & ad hoc semper habebat paratum necessarium divinitatis concursus, etiam si humanitati nulla esset qualitas permanentis indita, quæ physicum principium esset miraculorum, ut in 1. tom. 3. part. disput. 3. sect. 2. & sequentibus late tractatum est.

18. Dices, non tantum gratiam sanitatum, sed etiam miraculorum communicatam esse permanenter, saltem posteriori modo supra declarato, Apostolis, & primis prædicatoribus fidei. Nam Luc. 9. Christus Dominus etiam ante mortem suam convocatis duodecim Apostolis dedit illis virtutem, & potestatem super omnia demonia, & ut languores curarent, & Matth. cap. 10. addit dixisse Christum ad Apostolos, *Infirmos curate, mortuos suscite, leprosos mundate, demones ejicite, gratis accepistis, gratis date*. Ubi liberalis usus illius potestatis, & gratiæ illis commendatur: ergo supponitur accepisse illos illam gratiam gratis datam permanenter, & suo arbitrio subiectam. Et hoc significavit Petrus Actor. 3. cum dixit claudo. *Argentum, & aurum non est mihi, quod autem habeo, hoc tibi do, in nomine Jesu Christi surge, & ambula*. Quæ verba plena sunt dominii, & permanentis potestatis. Item hæc potestas data videtur Moysei ad mirabilia faciendâ Exod. 3. & 4. eodem permanenti modo, nam usus ejus positus fuit in ejus libera facultate, & ideo dixit ad illum Deus, *Vade ut omnia ostensa, quæ posui in manu tua facias coram Pharaone*.

19. Respondeo, negari non posse, quin aliquo modo fuerit operatio virtutum posita in potestate, & arbitrio Apostolorum: nam sicut Moysei data est ad stabiliendam legem veterem, & educendum populum de Ægypto, majori ratione excellentior, ac major potestas faciendi miracula, data est Apostolis ad fidem Evangelicam in mundum introducendam, & ideo de illis scriptum est Marc. ultim. *Euntes prædicaverunt ubique, Domino cooperante, & sermonem confirmante sequentibus signis*. Nihilominus tamen sem-

per usus illius potestatis pendebat ex actuali motu prævia Spiritus sancti: non enim poterant Apostoli miracula facere pro arbitrio suo, sine ulla limitatione, sed quando judicabant, miraculum fore opportunum, & conveniens ad utilitatem Ecclesiæ, & confirmationem fidei, ideoque non inter fideles, sed inter infideles miracula faciebant, ut nomine Augustini notatur in libr. Quæst. novi testament. quæst. 63. Unde quoties faciendum erat miraculum, oportebat, ut Spiritus Sanctus mentes eorum specialiter moveret ad judicandum miraculosum effectum expedire, ut dixit D. Thomas dicta quæst. 178. artic. 1. ad 1. tam generaliter, quam in particulari de Apostolis loquens. Hoc vero ipsam Spiritus Sancti motionem quasi ex certa lege, & promissione habebant, quoties occasio illam postulabat.

20. Hæc vero tam permanens gratia, & frequentia miraculorum in principio Ecclesiæ fuit necessaria, postea vero cessavit, quia confirmata fide, jam non est ita necessaria, licet in corpore Ecclesiæ suo modo permaneat, non quidem in determinatis personis, sed quibus talis actualis gratia conceditur, quando, & quomodo Spiritus Sanctus vult, ut notavit Augustinus libr. de Utilit. credend. cap. 16. & libr. de Vera relig. cap. 25. & libr. 1. Retract. cap. 13. & 14. & optime libr. 22. de Civitat. cap. 5. & 8. & D. Gregorius homil. 29. in Evangel. In hoc autem ipso potest aliquod discrimen inter gratiam sanitatum, & operationem virtutum agnosci, quia gratia sanitatum permanent per modum habitus usque nunc durare videtur in Ecclesia, & interdum communicari aliquibus certis personis, non autem potestas faciendi miracula, fortasse quia effectus illius gratiæ non solum animis, sed etiam corporibus utilis est, & ad multorum hominum fragilitatem sublevandam, vel adjuvandam conveniens, quavis hæc, quæ ad factum pertinent ex libera Dei voluntate pendeant. Multa alia, quæ de hac operatione miraculorum desiderari poterant, in dicto 1. tom. in 3. part. disput. 3. 1. a nobis infra tractata sunt, de fide autem miraculorum, quæ cum hac gratia vel coincidunt, vel conjuncta est, dicemus aliqua de justificatione tractantes, & plura, Deo dante, in tractatu de virtute fidei.

22. Sexta gratia ab Apostolo posita est prophetia, quæ est una ex potissimis, & antiquissimis gratiis gratis datis, & qua Deus maxime usus est ad fidem suam stabiliendam. Disputatio autem de hac gratia latior est, quam de cæteris, eamque tradidit D. Thomas 2. 2. a quæst. 171. usque ad 175. Nos vero in tractatum prædictum de virtute fidei illam disputationem reservamus: prophetiam enim cum fide in scholastica doctrina conjungere soleo, tum quia multum cum illa convenit, & ad instar illius explicanda est; tum etiam, quia fides ipsa per prophetiam maxime tradita, & confirmata est. Nunc autem ut hujus gratiæ notitia habeatur, nonnulla breviter advertemus. Primum, prophetiam hic proprie sumi pro cognitione per divinam revelationem habitam de rebus abditis, & occultis, quæ naturaliter ab homine cognosci non possunt, ut sunt futura contingentia, & ea maxime, quæ ex libera Dei, aut hominis voluntate pendunt. Solet enim vox *prophetia*, vel *propheta* latius in Scriptura sumi. Interdum enim prophetare idem est quod concionari, seu interpretari mysteria ad ædificationem fidei, ut 1. Corinthior. 14. Aliquando vero prophetare idem est, quod divinas laudes in spiritu canere, quomodo multi intelligunt ea, quæ de Saul inter Prophetas pallente narrantur, 1. Reg. 10. & 19. Propriissime vero prophetia est futurorum præcognitio, & aliquando extenditur ad præterita, quorum nec memoria, nec certa signa extabant, & ad præsentia loco distantia, & occulta, & ad internas cordium cogitationes: ita ut proprius propheta sit, qui divinitus cognoscit ea, quæ longe distant a sensu, & naturali cognitione hominum, & ea potest prædicere. Et de hac prophetia loquitur Paulus ex omnium sententia, & maxime de præcognitione futurorum, ut mox amplius explicabimus. Et ita intellexit hanc gratiam D. Thom. 1. 2. & 2. 2. locis allegatis, & super Paulum, ubi etiam expostores omnes.

Alia discriminis ratio inter hæc.

Enucleatur amplius, & cum alio discrimine.

Obiectio ex sacra Scriptura.

Responsio.

Prophetia proprie sumi, proprie, & minus proprie accepta.

Apprehensio revelata assensus intus illustratus prophetiæ opus est.

22. Secundo adverto, ad hanc gratiam duo requiri, unum est apprehensio, seu conceptio rei, quæ per prophetiam cognoscenda est: aliud est assensus, & iudicium de veritate rei sic propositæ, seu apprehensæ. Ad primum necessaria est revelatio veritatis prophetandæ, quam necesse est fieri per aliquas species intelligibiles, & per locutionem internam, quæ in mente fiat, sive incipiat a sensibus, sive non. Ad secundum vero, id est, ad assensum, necessarium est lumen internum, vel virtus aliqua, quæ juvet intellectum ad præbendum assensum veritati revelatæ. Supponimus enim hunc assensum supernaturalem esse, quia excedit omnem naturalem rationem cognoscendi, & ideo per virtutem supernaturalem fieri necesse est. Utrumque igitur horum ad hanc gratiam necessarium est, quia posterius necessario pendet a priori, nemo enim potest iudicium de re aliqua ferre, nisi illam, & rationem, seu medium assentiendi illi, sufficienter apprehendat: prius autem, licet separari possit a posteriori, ad hanc gratiam non sufficit, quia prophetia non consistit tantum in sola apprehensione, sed etiam cognitionem, & iudicium rei revelatæ requirit: & ideo neque Pharaon. Genes. 41. neque Nabuchodonosor, neque Balthasar Daniel. 2.4. & 5. veri prophetæ fuerunt, licet aliquam inchoationem prophetiæ habuerint, neque etiam Caiphas Joannis 11. dicens verba habentia sensum propheticum, quem non intelligebat, propriam gratiam prophetiæ habuit, sed quendam instinctum ejus, ut supra attigimus. Quæ est sententia Augustini libr. 12. Genes. ad lit. capite nono, Epiphani. contra hæres. 48. Gregorius libr. 11. Moral. cap. 12. & D. Thomas 2. 2. quæst. 171. art. 1. & sequentibus, & quæst. 173. articulo. 3. & 4.

Nō est habitus propheticus vera sententia.

23. Tertio loco ex his potest breviter colligi, quid sentiendum sit in dubio hujus loci proprio, an hæc gratia sit habitus, aut saltem sit permanens ad modum habitus, vel solum sit per modum transeuntis motionis. In quo vera, & recepta sententia est, non dari per modum habitus, nec permanentem, sed solum quamdiu durat actualis locutio, & motio Spiritus Sancti. Ita docet D. Thom. 22. qu. 171. art. 2. & late Abul. 1. Reg. 10. quæst. 5. & Math. 23. qu. 59. & Scholastici communiter, & aliqui eorum censent esse hanc sententiam de fide certam. Quia Scriptura sæpissime docet, prophetam non habere vim prophetandi, neque cognitionem ad hoc sufficientem, nisi quando Spiritus Domini ei actu loquitur, & inspirat; ergo supponit non habere cognitionem propheticam quasi habituales, quia cognitionem habituales habet homo in manu sua, habitibus enim utimur, cum volumus. Antecedens autem patet ex variis locis Scripturæ, in quibus docemur, prophetas non semper potuisse adsequi veritatem, nec respondere ad interrogata, donec vel Deus illis loqueretur, vel ipsi consulerent Dominum, ut Exod. 33. libro 1. Reg. capit. 16. libro 2. capite 19. libro 4. capite 3. Daniel. 2. & 4. & in aliis locis. Propter quæ loca, & similia tradunt etiam sententiam hanc Hieronym. in capite 28. Hierem. & in 35. Ezechiel. & epistol. 125. ad Damas. quæstion. 3. & Gregorius homil. 1. in Ezechiel. & libr. 2. Dialog. capite 21.

Curiel 1.2 Controv. in 1. id ad Hebr. Multifariam, multisque modis.

24. Ut autem, & certitudo hujus veritatis, & efficacia fundamenti ejus clarius innotescat, duo, quæ diximus esse ad prophetiam necessaria, distinguenda sunt, scilicet, locutio, seu revelatio Dei, quæ in mente prophetæ fit per conceptus apprehensivos veritatis propositæ, & assensus, vel virtutem assentiendi, seu lumen, quod ad assentiendum præbetur. Deinde oportet distinguere statum prophetæ vel antequam revelationem habeat, vel postquam illam semel accepit. Item loqui possumus vel de eadem materia prophetiæ semel revelata, vel de aliis. Denique distinguere oportet de prophetia per cognitionem, & assensum obscurum, & certum vel per assensum non solum certum, sed etiam evidentem, saltem in attestante. His positis, aliquæ sunt assertiones certæ, & aliquæ esse possunt sub opinione.

Purus homo non habuit propheticum habitum.

25. Primo certum est, nullum purum hominem habuisse cognitionem propheticam in habitu, vel in manu sua, priusquam actualem revelationem, & mo-

tionem acciperet, per inspirationem, ac locutionem divinam. Hoc maxime affirmant Hieronymus, & Gregor. & ex dictis Scripturis aperte habetur. Loquor autem de puro homine ad excipiendum Christum Dominum, qui ex vi unionis habuit etiam in via scientiam beatam, & inditam, per quam cognovit omnes veritates revelabiles hominibus per prophetiam, & ita potuit ex propria habituali, seu permanente scientia prophetare, nulla expectata revelatione, vel locutione divina. Et ita illum expresse excipit Hieronym. de quo plura in dicto tom. 1. in 3. p. disp. 21. section. 1. diximus. Alii vero homines cum non habeant connaturalem cognitionem rerum illarum, circa quas propria prophetia versatur, non possunt inchoare propheticam cognitionem, nisi a revelatione, & locutione divina. Unde si qui forte in Scriptura vocantur prophetæ, priusquam actualem revelationem recipiant, non ita vocantur, quia jam tales sint, sed secundum anticipationem, & præordinationem divinam, quia jam a Deo ad tale munus designati sunt. Et hoc modo de Jeremia dicit Deus Hierem. 1. *Priusquam te formarem in utero novi te, & Prophetam in gentibus dedi te*, ut exponit D. Thom. dicta qu. 171. art. 2. ad 2. Quando vero nobis non constat de tali præordinatione, vel designatione divina, non vocatur aliquis propheta, donec incipiat Deus ad eum loqui: & sic Samuel dicitur 1. Reg. 3. *Cognovit universus Israel, quod fidelis Samuel Propheta esset Domini, scilicet, quoniam revelatus fuerat Dominus Samueli*. Maxime vero dicebantur eo tempore aliqui Prophetæ, quasi permanentes in habitu, non quia locutionem Dei semper audirent, aut prophetiam semper actu reciperent, sed quia frequenter ad eos Deus loquebatur, & inde credebantur esse a Deo quasi ad illud munus deputati, quod insinuat in loco proxime allegato, cum additur. *Crevit autem Samuel, & Dominus erat cum eo*: & infra. *Et addidit Dominus, ut appareret Samueli in Silo, &c.*

26. Secundo est certum, nullum Prophetam (Christum semper excipio) quantumvis insignem, & in statu, vel munere prophetandi constitutum, & qui plures propheticas revelationes acceperit, ita recepisse in habitu donum prophetiæ, ut quaecunque rem occultam cognoscere, aut de illa suo arbitrio prophetare posset. Hanc etiam censeo de fide certam, quia evidenter colligitur ex Scriptura, & Patribus allegatis, & quia nullus Prophetarum fuit, vel Apostolorum, qui non multum ignoravit, præsertim cogitationes cordium, & futuros eventus ex divina dispositione, vel libertate arbitrii pendentes: ratio etiam est clara, quia res istæ, quæ per prophetiam cognoscuntur, non sunt inter se connexæ, ut revelata una, aliæ necessario revelentur, neque omnium præcognitio, aut revelatio est singulis Prophetis necessaria; ergo talis cognitio habitualis non est cur omnibus vel alicui particulati Prophetæ conferatur.

27. Tertio dico, maxime certum esse, Prophetas non habuisse hanc habituales vim prophetandi de quacunque re occulta, quia non obstante divina revelatione unius, vel aliquarum rerum occultarum, de aliis nullam habebant divinam locutionem, vel testificationem, & consequenter carebant propositione, & apprehensione objecti, a qua cognitio prophetica inchoanda est. Hoc probat ratio facta, ideo enim multa a Prophetis ignorabantur, quia nec naturaliter illa cognoscere poterant, neque illis revelabantur. Unde dixit Eliseus 4. Reg. 4. *Dominus celavit a me, & non indicavit mihi*: & capit. 3. cum prius ignoraret quid responderet Regibus, jussit adduci psalterium, *Cumque caneret psalter (ait scriptura) facta est super eum manus Domini, & ait. Hec dicit Dominus*: nihil ergo aliud fuit, fieri super Eliseum manus Domini, nisi Deum loqui ad illum, nam ideo statim ipse dicere potuit; *Hec dicit Dominus*, & simili modo ideo antea ignorabat, quid diceret, quia Dominus ei non loquebatur. Et similiter 1. Reg. 16. cum esset Samuel missus a Deo ad ungendum in regem aliquem ex filiis Isai, antequam Deus de aliquo loquutus esset, interrogavit de Eliab, *Num coram Domino est Christus ejus?* conjectans forte ex vultu, & statura ejus illum esse a Deo

Deinde, nullum ad hoc tam & ad quodvis occultum præcognitum prophetandi habitum accepisse.

Tertium assertum.

electum, & ideo dixit illi Deus, *Ne respicias vultum ejus, neque altitudinem stature ejus, &c.* ac subinde de cæteris intellexit, non fuisse electos, quia nihil de illis a Deo audivit, donec de Davide dixit illi Deus, *surge, unge eum, ipse est enim.* Et idem observari potest in cæteris Scripturæ locis. Denique cognitio prophetica nititur essentialiter in reificatione divina, juxta illud 2. Petr. 1. *Non voluntate humana allata est aliquando prophetia sed Spiritu Sancto inspirati loquuti sunt sancti Dei homines,* & illud Paul. ad Hebr. 1. *Olim Deus loquens Patribus in Prophetis.* Et ipsimet Prophetæ sæpe id testantur, & in hoc distinguunt veros a falsis Prophetis, ut patet Jerem. 23. 26. &c. ergo si Deus non loquitur ad Prophetam de omnibus rebus occultis, propter unius, vel alterius revelationem non potest in illo permanere habitualis cognitio omnium rerum occultarum, ita ut in potestate illius sit, illas cognoscere, vel de omnibus prophetare.

Lumen ad
assentiendū,
esse ali-
quid per-
manens
probabile
est.

28. Dico quarto. Non est certum, principium assentiendi, & judicandi esse veram sibi conceptam per revelationem propheticam, non esse aliquod habituale lumen, sed potius est probabile, aliquando saltem esse lumen permanens, vel præexistens ante revelationem propheticam, vel in illa infusum. Et in primis quod non sit certum, hoc lumen non esse habituale, probatur, quia ex ignorantia, quam Prophetæ habent de his rebus occultis, de quibus non habebant revelationem, non colligitur, non habuisse lumen habituale de se sufficiens ad assentiendum, & judicandum de illis, si revelarentur; sed ad summum probant, non habuisse, species illarum rerum, vel non habuisse medium sufficienter propositum, quo de illis possent judicium ferre; nullum autem est aliud principium, ex quo possit colligi, caruisse etiam habituali lumine sufficiente ad tale judicium ferendum, si divina locutio, seu revelatio proponeretur. Explicatur a simili, nam in lege veteri, aut naturæ fideles ignorabant communiter mysterium Trinitatis, quia illis non erat revelatum, neque propositum, & nihilominus habebant habituale lumen fidei de se sufficiens ad cognoscendum, & credendum illud mysterium, si sufficienter proponeretur; ergo ex ignorantia, vel carentia revelationis non recte inferitur carentia habitualis luminis. Et nunc parvulus baptizatus educatus in sylvis perveniens ad usum rationis carebit notitia actuali, & cognitione fidei, & nihilominus retinebit habitum fidei; ergo ex sola ignorantia non recte colligitur carentia habitualis luminis.

Certum.

29. Et confirmatur hæc pars, probando alteram de probabilitate hujus luminis. Nam cum omnes Doctores catholici fateantur, assensum propheticum esse certum, dubitant tamen, an sit evidens, vel obscurus, & quidam affirmant, esse evidentem; alii esse obscurum. Ego vero utriusque generis esse posse propheticam revelationem sentio: & quibusdam personis, vel de quibusdam rebus fieri revelationem cum evidentia veritatis revelatæ; in aliis vero fieri sine evidentia veritatis cum sufficienti propositione ad certum assensum. Censeoque hæc duo genera prophetiæ esse inter se specie distincta, & illam, quæ est evidens, esse etiam specie distinctam à cognitione fidei infusæ: alteram vero, quæ est obscura, non differre specie a fide, sed in materia, vel in modo accidentario revelationis. Quæ nunc suppono, & probationem in proprium tractatum de fide remitto. Jam ergo probatur intentum quia si Prophetæ non cognoscit evidenter rem sibi revelatam, non indiget alio lumine ad assentiendum, nisi lumine fidei; at hoc lumen habituale est, sed est probabile illam cognitionem sæpe esse obscuram, & ejus assensum non esse specie diversum a fidei actu; ergo etiam est probabile, lumen illud, quo Prophetæ utitur, habituale esse, ac permanens, solumque indigere actuali motione gratiæ auxiliantis, & revelationis gratis datæ per infusionem, vel compositionem, aut aliam similem motionem specierum intelligibilium, per quam res sufficienter proponatur; tanquam a Deo reificata, ut verb. grat. cum Deus dixit Abraham, *Suspice cælum, & numera stellas si potes, sic erit semen tuum.* Valde probabile est, illam fuisse obscuram, licet propheticam revelationem, cui Abraham

præbuit assensum per habituale lumen fidei, quod jam habebat cum actuali auxilio, & revelatione. Et ita hoc lumen communiter supponebatur in Prophetis ante actualem revelationem, posset vero primo infundi, si homini non habenti fidem, talis fieret revelatio, quæ ad assentiendum efficaciter induceretur, & tunc transacta revelatione actuali lumen permaneret, quia de se est habitus permanens, ut constat. Neque contra hoc obstat, quod Prophetia sit gratia actualis, quia illud lumen, ut permanens, sine actuali revelatione non habet rationem prophetiæ, nec per se ordinatur ad aliorum utilitatem, ut magis statim explicabimus.

30. At vero si prophetia fiat per revelationem, & cognitionem evidentem, vel quoties ita sit, tunc cessat ratio facta, quia talis cognitio non fit per lumen fidei, & tunc probabilissimum est, verumque esse existimo, ad talem assensum, & cognitionem non infundi habituale lumen, quod transacta revelatione, & cognitione actuali per modum habitus permaneat. Hoc non potest efficaciter probari ex Scriptura, & Patribus; tum propter dicta, quia ex Scriptura, & Patribus solum probatur, Prophetas non accipere cognitionem aliarum rerum, præterquam earum, quæ actualiter eis revelantur, quod vero illarum rerum, de quibus semel illuminantur, non retineant lumen per modum habitus, nullibi in Scriptura, vel Patribus, quod ego sciam, legitur; tum etiam quia Scriptura, & Patres eodem modo loquuntur de Prophetis, sive obscuram, sive evidentem notitiam recipiant. Neque etiam ratione convinci potest, quia non repugnat, tale lumen esse evidens, & esse permanens, licet non sit lumen gloriæ, sicut est lumen scientiæ infuse abstractivæ. Nihilominus sententia communis probabilior est, & ratio ejus reddi potest ex differentia inter utrumque genus prophetiæ, quia quando est obscura, in substantia est cognitio fidei, & ideo lumen a quo procedit, est habituale, non quia hoc per se sit necessarium ad propheticam cognitionem ex generali ratione sua, sed quia alioqui lumen illud de se tale est, & essentialiter pertinet ad ordinem gratiæ gratum facientis. At vero quando cognitio Prophetæ est evidens, non est a lumine fidei, nec ab aliquo habitu, qui per se pertinet ad ordinem gratiæ gratum facientis, & ideo non fit per aliquod principium creatum permanens per modum habitus, quia solum datur ad aliorum utilitatem, & ideo tantum datur in ea occasione, & opportunitate, in qua ad hujusmodi finem illius usus necessarius est. Unde quia ille usus non est ordinarius, sed raro, & juxta dispositionem divinæ providentiæ confertur, ideo congruentius est, ut ad illum habituale lumen non infundatur.

31. Accedit, quod tale lumen esset quædam scientia per se infusa: hæc autem secundum ordinariam legem non infunditur permanenter viatoribus, sed ad summum in quodam raptu, vel actuali mentis elevatione, quod etiam est utile ad ostendendam gratiam Dei, & conservandam hominis utilitatem. Ac denique Deus non infundit scientiam ex parte luminis, nisi etiam infundat species, & usum talis luminis homini concedat, sicut in scientia Christi videmus, quia opera Dei perfecta sunt, & utilia. Cum ergo Deus non concedat Prophetæ permanenter reliqua requisita ad usum illius luminis, ut declaratum est, credendum est, neque ipsum lumen permanenter tribuere. Statim vero occurrebat tractandum, an illud lumen actuale, quod in actu prophetiæ cognitionis confertur sit aliquid creatum distinctum ab ipso actu, quo Prophetæ videt clare rem sibi revelatam: vel sit tantum speciale auxilium Dei, seu ipsemet actus, ut ab ipsa virtute Dei immediate procedens. Item si est aliquid creatum distinctum ab actu, an sit transiens cum actu ex natura sua, vel solum quia Deus non vult amplius illud conservare. Sed hæc dubia ejusdem rationis sunt cum similibus, quæ de aliquibus motibus gratiæ sanctificantis infra tractanda sunt, & ideo illa nunc omittimus: nam si in prophetia aliquid habent speciale, ad proprium tractatum de fide, & prophetia spectat.

Explicatur & roboratur iterum.

31. Ultimo dicendum est, post acceptam revelationem

Aliquid per modum habitus manens in Propheta perfecta revelatione.

tionem propheticam, & transactam actualem cognitionem, & iudicium de illa, manere in Propheta aliquid per modum habitus, quo possit eandem rem cognoscere, eique assentire cum voluerit. Hoc ostendit experientia, nam Prophetæ recordabantur eorum, quæ prophetaverant, & postquam ea verbo prædicaverant, poterant ea scribere. Imo interdum priusquam verbis illa proferrent, eorum revelationem accipiebant, & post aliquod tempus illa enunciabant; ut v.g. cum Genes. 59. dixit Jacob filiis suis, *Congregamini, ut annuntiem, quæ ventura sunt vobis in diebus novissimis.* Certe est valde verisimile jam antea habuisse cognita, quæ postea illis prædixit: & 1. Reg. 9. expresse dicitur de Samuele: *Dominus autem revelaverat auriculam Samuelis ante unam diem, quam veniret Saul, dicens, hac ipsa hora, quæ nunc est, cras mittam virum ad te, &c.* & quia his verbis non revelaverat ei personam particulari, de altera die additur. *Cumque aspexisset Samuel Saulem, Dominus dixit ei, ecce vir, quem dixeram tibi.* Retinebat ergo Samuel in memoria revelationem sibi factam, & ideo prævenit interrogationem Saul, dicens: *Omnia, quæ sunt in corde tuo indicabo tibi,* usque ad illud: *Et cuius erunt optima quæque Israel? nonne tibi, & domui Patris tui?* & postea dixit: *Ecce quod remansit, pone ante te, & comede, quia de industria servatum est tibi;* ostendens, ex præcedenti revelatione jam ante operatum fuisse, & postea indicavit ei verbum Domini, quod antea audierat, & mente, ac fide retinebat. Et similiter 3. Reg. 14. Ahias Propheta prius edoctus est a Domino, quam ad illum accederet uxor Jeroboam, & postea illi futura prædixit. Non est ergo dubium, quin revelationes propheticæ non sint ita transeuntes, quin aliquo modo in Propheta durent, & transacto actu permaneant, tum quoad memoriam verborum, vel signorum, quæ Propheta vidit, vel audivit, tum quoad intelligentiam significationis eorum, tum denique quoad fidem, vel assensionem veritatum sibi revelatarum.

Obiectio.

Solutio.

33. Dices, asseritionem hanc repugnare superioribus, quia non potest prophetia permanere quoad hæc omnia in mente Prophetæ sine aliqua forma in illo relicta per modum habitus, & consequenter prophetia non erit tantum motio transiens, ut dictum est. Respondeo, sicut visio, vel auditio est aliquid actuale, quia non manet per modum habitus, & nihilominus relinquit aliquid in memoria, quo recordamur vidisse, vel audisse, & hæc memoria esse potest ratio, seu inmedium credendi, vel assentiendi rem esse, aut fuisse, vel futuram esse talem, qualem illam vidimus, vel audivimus. Ita propria gratia prophetiæ, cum in actuali revelatione, ac locutione ex parte Dei, & auditione ex parte hominis consistat, non habet esse permanens per modum habitus, sed cessat eo ipso, quod cessat illa visio, vel auditio, quam tempore prophetiæ homo percipiebat, & nihilominus potest inde manere in mente aliquid per modum actus primi, ac subinde per modum habitus, quo Propheta postea recordatur revelationis sibi factæ. Ut autem intelligatur, quid illud sit, tria illa distinguenda sunt, scilicet, memoria signorum, aut verborum, itemque memoria significationis eorum, & firmus assensus veritatis revelatæ. Hæc enim distincta sunt: nam in primis sicut potest quis videre res significatas, vel audire verba, & non intelligere, quid significant, sicut accidit Pharaoni Genes. 41. & aliis Regibus Daniel. 2. 4. & 5. & postea recordantur signorum sine intelligentia: ita licet in ipsa visione data esset intelligentia signorum, posset postea manere memoria materialium signorum, & non significationis eorum: in Prophetis autem utrumque in memoria permanet, ut ex assensu facile probatur. Nam in Propheta manet memoria revelationis sibi factæ, quæ ad cognoscendam, & credendam veritatem sibi revelatam sufficit, ut probatum est: ad hoc autem necesse est recordari non tantum materialium signorum, sed etiam significationis eorum: nam per hanc significationem, & cognitionem ejus mente concipitur veritas, quæ credenda est: ergo hæc tria manent in memoria Prophetæ.

34. Primum ergo, scilicet memoria signorum,

manet per species impressas relictas in mente ex vi signorum, aut verborum præcedentium, quæ species vim habent representandi illa signa non tantum materialiter, ut res sunt, sed etiam formaliter, ut signa sunt, & ideo per easdem species permanet secundum, scilicet memoria rerum per talia signa representatarum: sicut enim ego audiens verba alterius ænigmatica, & interpretationem eorum ab ipso mihi traditam, postea recordor non tantum verborum materialium, sed etiam significationis eorum; vel sicut Apostoli audientes parabolam a Christo, & significationem ejus ab ipso declaratam, utrumque memoria retinebant, ita Propheta v.g. Daniel cap. 7. vidit quatuor bestias, &c. & postea significationem, & interpretationem audivit: *Hæc sunt quatuor regna, &c.* ita postea tam bestiarum formas, & numerum, quam interpretationem, & significationem eorum recordabatur, nimirum, per species impressas ab illis imaginibus, quas viderat, & a verbis, quæ audierat, quæ species supposita priori ostensione naturaliter fieri poterant, quia imagines illæ sensibiles, licet modo supernaturali essent formatae, naturalis ordinis erant, & poterant sui speciem relinquere, & idem est de quocumque mentis conceptu quoad illam primam apprehensionem, seu representationem.

35. At vero tertium, quod est iudicium, & assensus de veritate signorum in tali significatione, & quod perinde est, de veritate talis rei revelatæ per talia signa in tali significatione sumpta, hoc, inquam, tertium necesse est fieri vi alicujus luminis intellectus permanentis in Propheta, ut per se manifestum est. Et quidem si cognitio prophetica a principio fuit obscura, consequenter etiam fuit in virtute luminis fidei, ut dixi, & ita facile intelligitur, per quod lumen postea Propheta eidem revelationi fidem habeat, nimirum per efficaciam ejusdem luminis fidei; sicut Isaias v.g. qui per revelationem prophetican prius credidit Christum nasciturum ex Virgine, postea toto suæ vitæ tempore per eandem fidem id credidit, prædicavit, ac scripsit. Si vero illa revelatio, & cognitio in eo momento, in quo facta est, fuit evidens in seipsa, & in suo ordine, postea non potest esse ita evidens, quia non capitur ab eisdem signis, vel effectibus evidenter cognitis, sed sit mediis quibusdam speciebus abstractivæ, & imperfecte representantibus priora signa, & eorum effectus; sicut si Paulus vidit divinam essentiam in raptu, licet postea retinuerit aliquam memoriam eorum, quæ viderat, & illa vera esse judicaret, non tamen poterat hoc iudicium esse ita evidens, sicut fuit prior visio: & nos cum recordamur aliquid oculis vidisse, non habemus tam evidentem cognitionem rei visæ, sicut in ejus præsentia. Et hinc fit, hanc cognitionem non manere in Propheta ex vi ejusdem luminis evidenter, quod prius fortasse habuit, quia ille actus, quem postea habet, est longe alterius rationis, & speciei. Et hinc confirmatur quod supra dicebamus, illud lumen quando est evidens, non esse permanens: sicut Paulus post raptum non assentiebatur rebus, quas viderat per lumen gloriæ, sed per aliud inferius principium: ita ergo est in prophetis quoad hoc genus prophetiæ. Si autem quærat a quo principio sit ille actus ex parte luminis intellectus, respondeo duobus modis haberi posse. Primo ab ipso naturali lumine intellectus adjuto memoria prioris evidenter cognitionis, & inde elicente quasi assensum theologicum virtute hujus syllogismi: quod Deus semel revelat, semper ita est, vel futurum est, sicut cognitum fuit per evidentem revelationem, sed hoc mihi revelatum fuit: ergo ita est, vel ita futurum est. Secundo potest ille assensus esse postea assensus fidei, quia jam est obscurus, & potest immediate inniti auctoritate Dei attestantis eo tempore, aut modo, quo non est evidens ejus attestatio. Atque hæc nunc de hac gratia sufficiant.

36. Septima gratia gratis data ponitur a Paulo discretio spirituum, quæ duobus præcipue modis exponitur. Primus est, ut hæc sit cognitio cogitationum cordium. Ita exponit D. Thom. 1. 2. dicta quæst. 111. art. 4. dicit enim hanc gratiam, & præcedentem ordinari ad confirmationem doctrinæ fidei, *Manifestando ea, quæ solius Dei est scire. Et hæc* (inquit) *sunt*

Memoria signorum materialis, & formalis manet.

Judicium de signorum veritate fit vi luminis intellectus permanentis in Propheta per.

Curial supra art. 2. diff. 1. nu. 162.

Discretio spirituum declarat. 1. modo a D. Tho.

contingentia futura, & quantum ad hoc ponitur prophetia, & etiam occulta cordium, & quantum ad hoc ponitur discretio spirituum. Potest hæc sententia suaderi, quia hæc cognitio sine dubio est ex gratia, quæ aliquibus communicatur, & non propter sanctificationem eorum, quia ad hoc per se non confert: ergo ad utilitatem aliorum: est ergo gratis data. Et optime, ac satis proprie significatur illis verbis, *Discretio spirituum*, quia nomine spirituum, significari solent in Scriptura interni motus animi, juxta illud *Probate spiritus, an ex Deo sint*, 1. Joann. 4. nullo autem modo melius discreturuntur spiritus, quam ipsos internos cordis motus cognoscendo. Objici vero potest, quia hoc modo discretio spirituum sub prophetia comprehenditur, ut ex generali ratione prophetiæ supra data constet, & omnes communiter docent. Respondetur autem, sicut gratia sanitatum distinguitur ab operatione virtutum ob specialem considerationem, etiam si alias sub generali ratione gratiæ miraculorum comprehendendi posset: ita hic licet revelatio cogitationum cordis posset comprehendendi sub generali appellatione prophetiæ, nihilominus per antonomasiam prophetiam dictam esse de cognitione futurorum, nam hæc solet communi usui maxime significari nomine prophetiæ, & specialiter positam esse discretionem spirituum, quia magnam vim habet ad commovendum hominem, & ad persuadendum illi si occulta cordis ejus in confirmationem doctrinæ ipsi revelentur, ut 1. Corinth. 14. idem Paulus (quamvis aliq. de re agens) significavit.

Notatur
differen-
tia inter dis-
cretionem
spirituum
& prophetiam

37. Hac ergo interpretatione supposita, licet hæc gratia dicto modo sit distincta a precedenti, multum cum illa convenit, & juxta ea, quæ diximus, explicanda est. Solum est notandum discrimen, quia prophetia de futuris contingentibus, vel non est evidens, vel ad summum potest esse evidens in testificante, juxta probabiliorē sententiam. Hæc autem discretio spirituum, quæ per cognitionem internarum cognitionum datur, potest esse certa non solum per revelationem obscuram, neque solum evidens in attestante, sed etiam per claram intuitionem cognitionum cordium, quæ revelantur. Nam cum illæ cogitationes sint jam existentes in seipsis, solumque sint occultæ, vel ex defectu principiorum cognoscendi specierum scilicet, & luminis, vel in nobis ex dependentia cognitionis nostræ a phantasmatibus, potest facile hæc impotentia suppleri per infusionem specierum, & luminis, vel per auxilium Spiritus Sancti, quo intellectus hominis, etiam conjunctus, eleveur ad intellectualiter operandum sine dependentia a phantasmatibus: hoc enim facile posse a Deo fieri, tanquam manifestum suppono. Unde etiam si, ut hæc cognitio hoc modo communicata facile possit infundi per modum habitus, quia non pender ex locutione, & testificatione divina actuali, sed ex speciebus, & lumine, quæ postulent concursum, & auxilium connaturale ad operandum circa talia objecta sine dependentia a phantasmatibus: hæc autem principia facile possunt communicari a Deo per modum habitus, sicut data sunt animæ Christi Domini per scientiam infusam. Atque hoc modo de aliquibus sanctis refertur, habuisse virtutem habituales cognoscendi aliorum cogitationes pro arbitratu suo, vel quod majus est, ad intuendum, ut anima alterius sit in statu gratiæ, vel culpæ, quæ profecto si datur, major discretio spirituum est, quam sit in cognitione cogitationum. Sed hæc, quæ ad factum pertinent, incerta sunt, & fortasse probabilius est, nemini extra Christum datam esse hanc gratiam per modum habitus, licet aliquibus tam frequenter data fuerit, ut quasi in habitu illam habuisse viderentur, sed re vera non videtur fuisse absolute in eorum potestate, quia nec est verisimile potuisse videre omnes omnium cogitationes, nec etiam aliquas suo arbitrio sine ullo prævio recursum ad Deum per orationem, vel mentis elevationem, quasi expectando ab ipso illam cognitionem, quæ ad ejus gloriam, & aliorum utilitatem magis expediret.

Modus secundus explicandi

38. Altera explicatio hujus gratiæ est, ut sit peculiare donum Spiritus Sancti ad discernendum inter varios motus, a quo spiritu proveniant, mala ne, an

bono, quando vel ad mores, vel ad doctrinam excitantur, sive interius, & indivisibiliter, sive exterius per homines docentes, aut consulentes, vel per Angelos sensibilibiter loquentes, vel apparentes. Ita exponit hanc gratiam Chrysostom. dicta homil. 29. dicens: *Quid est discretio spirituum? Nosse quis sit spiritualis, & quis non spiritualis, & quis impostor.* Et sequuntur Theophyl. Theodor. & Oecumen. & idem habent commentaria Hieronymi, & Ambrosii. Item Glossa ordinat. & interlineal. & Anselmus, & D. Th. ibi, & Salmer. disp. 20. in illam epistolam. Et sane hic videtur sensus ad litteram a Paulo intentus; quia hæc etiam gratia valde necessaria est Ecclesiæ Dei, nam ut Anselmus dixit, *Discretio difficillima est*, quia nimirum Angelus malus transfigurat se in Angelum lucis, & ideo *discerni non potest*, sine dono Spiritus Sancti, ut idem Anselmus ait.

39. Nihilominus tamen advertere oportet, duobus modis posse hanc discretionem fieri, uno modo per humanam, vel potius Christianam prudentiam, utendo regulis ab Ecclesia traditis, vel probatis ad discernendos malos spiritus a bonis. Nam si hoc non caderet sub diligentiam humanam, non moneret Paulus: *Omnia probate, & quod bonum est, tenete, ab omni specie mala abstinete vos*: & Joann. 1. canonic. cap. 4. *Nolite omni spiritui credere, sed probate spiritus, an ex Deo sint.* Hæc autem probatio, & discretio, ut dixit etiam Anselmus, non est difficilis, quando doctrina, consilium, vel internus impulsus discordat a communi, & orthodoxa regula fidei, & morum. Nam hæc regula quoad doctrinam est Ecclesia Catholica, vel Scriptura sacra, ut ab Ecclesia recepta, & intellecta, vel traditio Apostolica eodem modo ab Ecclesia probata: in moribus vero est, vel eadem fidei doctrina, vel recta ratio, quæ a Catholica fide non discordat. Unde quando per hanc regulam potest verus Doctor a seductore, vel bonus spiritus, aut impulsus a malo discerni, illa sufficit, nec tunc est necessaria specialis gratia gratis data, sed fides cum auxilio gratiæ gratum facientis sufficit, quod auxilium erit necessarium majus, aut minus juxta majorem, vel minorem gravitatem tentationis, aut periculi, considerata etiam conditione personæ, aliisque circumstantiis.

40. At vero quando spiritus non discordat manifeste a regula fidei, & recte rationis, sed res est anceps, & involuta, tunc habet locum, quod prius dixit Anselmus discretionem hanc esse difficillimam: nihilominus tamen tunc etiam est diligentia adhibenda ex parte hominis, ut probet spiritus, & motiones internas, vel consilia externa, an ex Deo sint. Neque expectanda semper est specialis gratia gratis data, hanc enim non promittit Deus omnibus, nec semper illam præbet, sed quibus, & quando vult: & nihilominus omnes possunt cum morali, & practica certitudine prudenter judicare, & discernere inter hos spiritus. Neque Deus ad hoc negat auxilium sufficiens, si homo cum divina gratia, quod in se est, faciat, & ideo ad discernendum inter hos spiritus, non solum inter verum, & falsum, bonum, & malum (quod ordinarie minus est difficile) sed etiam inter bonum, & melius, inter securum, & periculosum (quod est difficilior) variæ regulæ traduntur a doctis, & spiritualibus viris, quas præ manibus habere oportet eos, qui aliorum sunt duces, & magistri, indocti enim in hujusmodi eventibus aliorum consilio debent uti ad discernendos spiritus. Hæc ergo discretio spirituum ad gratiam gratis datam per se non pertinet.

Alio igitur modo fieri potest hæc discretio per specialem instinctum, & motionem Spiritus Sancti, & hæc est propria gratia gratis data, de qua Paulus loquitur, quæ non omnibus datur, sed solet dari aliquibus spiritualibus, & sanctis viris ad discernendum spiritus, non solum in se ipsis, sed etiam in aliis, ad communem Ecclesiæ utilitatem, & eos, qui hanc gratiam habent, videtur vocare Paulus spirituales viros, 1. Corinthiorum 14. cum ait. *Si quis videtur Prophetia esse, aut spiritualis, cognoscat, quæ scribo vobis, quia Domini sunt mandata.* Consistit ergo hæc gratia in peculiari motione Spiritus Sancti ad discernendum per judicium rationis rectum inter spiritum bonum, &

Christiana
na princi-
pia p. 1. &
habentibus
discretio.

Quando res
est anceps
humana
certitudo
gratia est
operta

Vide quod
refert Lo-
rian. Joann.
in princ.
& quæ la-
te tradit
Salm. eo-
dem loco.

Propria
discretio
spirituum
gratis da-
ta specialis
spiritus
instinctus
fit.

malum. De hoc autem iudicio multa quæri possunt, quæ ad hujus gratiæ intelligentiam videri possunt necessaria, ea tamen breviter percurram. Primo inquiri potest, quæ sit propria materia hujus gratiæ, quidve nomine spirituum significetur. Ad priorem partem respondendo, materiam hujus gratiæ esse omnem humanæ mentis excitationem, impulsus, aut motionem inducentem ad aliquid credendum, vel agendum, quod in specie ita apparet verum, ut sit incertum, vel tale apparet bonum, ut occultum sit, vel dubium, an sit vere bonum, vel tantum apparens, vel si constet esse verum, an ad aliquam falsitatem ordinetur, vel denique si sit indifferens, an ad aliquid turpe viam sternat. Nam si materia inspirationis, aut motionis sit clara, vel in falsitate contraria fidei, vel in turpitudine rationi, aut fidei contraria: non habet locum proprietas gratiæ discretionis spirituum, quia per regulas certas, & notas potest dijudicari: oportet ergo, ut materia sit occulta, & dubia, sub qua comprehenduntur privatæ revelationes, apparitiones, aut visiones sensibiles, vel imaginariæ, & novæ doctrinæ, præsertim occulte traditæ. Item internæ motiones, & inspirationes, quæ ad aliquid extraordinarium, vel superstitiosum sub specie religionis incitant, vel aliquid supra vires hominis sub fiducia alicujus miraculi, vel extraordinarii auxilii, vel ad aliquam mutationem a bono, & perfectio statu sub specie majoris perfectionis, vel e contrario moventes sub specie boni, & pietatis ad aliquid impediens perfectionem, & similia, quæ quotidie hominibus probis, & Deo servientibus eveniunt, & in eis discernendis anxii sunt. Quia & bono spiritui, divino scilicet, vel Angelico, vel immediate, vel homine aliquo intercedente, vel a malo spiritu demonis per se etiam, vel per mundum, & prævios homines loquente provenire possunt. Et isti sunt spiritus, inter quos hæc gratia discernit, dijudicando inter verum Angelum lucis, & Sathanam, qui se in eum transfiguratur, & per iudicium discernendo, a quo horum spirituum morio, revelatio, impulsus, vel alia similis inspiratio procedat; hæc ergo est materia, & hoc hujus gratiæ munus.

42. Secundo inquiri potest, quale sit hoc iudicium, per quod hæc discretio fit, id est, an sit omnino evidens, vel obscurum? certum, vel incertum, fallibile, vel infallibile? Et quidem non videtur esse evidens, quia nec habetur per evidentiam rei in se, seu in causa, quia per hanc evidentiam non conceditur clara visio illius spiritus, a quo talis effectus procedit, sive bonus, sive malus sit, ut est per se manifestum: nec etiam per evidentiam ab effectu, vel ab aliquo signo, quia supponimus, talem esse effectum, ut causa sit occulta: nam si ex signis, vel effectibus posset evidenter cognosci, non esset ad tale iudicium specialis gratia gratis data necessaria. Unde etiam constat, talem evidentiam non esse naturalem, at vero neque supernaturalem, quia esset per scientiam infusam: hæc autem secundum ordinariam providentiam hominibus viatoribus non communicatur: non est ergo illud iudicium evidens. Unde consequenter fieri videtur non esse certum, quia alias esset assensus fidei, cui proprium est, esse certum, & obscurum, non videtur autem esse assensus fidei, quia vel esset assensus fidei Catholicæ, vel quidam assensus Propheticus, neutrum autem dici potest cum probabilitate. Videtur neque concludi, esse assensum obscurum, & incertum, ac subinde fallibilem, quod videtur etiam inconveniens, tum quia non est consentaneum infallibili veritati, & auctoritati Spiritus Sancti moventis hominem ad hoc iudicium, tum etiam quia tale iudicium esset conjecturale, hoc autem sine speciali gratia potest humano discursu comparari.

43. In hoc puncto dico breviter, hoc iudicium non esse evidens, ut rationes factæ probant. Deinde assero illud iudicium non esse formaliter, & proprie certum ex motivo, seu ratione assentiendi, quando autem in re ipsa est ex motione Spiritus Sancti, esse certum materialiter vel potius infallibile ex materiali objecto, & directione Spiritus Sancti. Probat, & declaratur hoc ex quadam doctrina D. Thomæ 2. 2. quæstion. 171. art. 5. ubi ait, Prophetas quædam cogno-

scere per expressam revelationem, & tunc recipere veram gratiam prophetiæ: de cuius ratione est, ut nuntietur in divina veritate, & auctoritate: alia vero cognoscere per instinctum divinum sine expressa revelatione. In priori ergo cognitione (ut idem Sanctus docet) certissimus est Propheta de veritate revelata, quia certissime cognoscit Deum esse, qui revelat, & testificatur: in posteriori autem non est ita certus, quia non est certus, Spiritum Sanctum esse, qui illum instigat & dirigit: quia ille instinctus est quid imperfectum in genere prophetiæ, & solum est a Deo effective, non objective, & ita non certo cognoscitur Propheta Deum esse, qui instigat: ut nec de rebus iudicium certum proferat, nec infallibile, quia interdum in his decipi contingit, teste Gregor. hom. 1. in Ezechiel. & Richard. Vict. 2. par. cap. 33. in Cantic. Hanc ergo doctrinam in præsentia applico, quia hæc discretio spirituum non pertinet ad expressam prophetiam, ut probat objectio facta: ergo ad instinctum quandam Spiritus Sancti, qui non cognoscitur cum certitudine a recipiente, quia non fit illi revelatio expressa, quod Spiritus Sanctus sit, qui movet: alioqui jam esset expressa revelatio, & prophetia, quod non ita esse patet, quia qui discernit hoc modo spiritus, neque fide certa credit, Deum esse, qui ipsum movet ad ita iudicandum, nec illud proponit alteri, ut de fide credendum. Hoc ergo modo dicimus, illud iudicium non esse formaliter certum, quia ex parte objecti, & rationis assentiendi non nititur in Dei testimonio, nec in alio medio infallibili, sed in conjecturis, & regulis prudenter applicatis ad talem materiam cum talibus circumstantiis.

44. Et confirmatur, quia per talem gratiam gratis datam, nunquam fit discretio spirituum sine discursu ex generalibus principiis fidei applicatis magna diligentia, & circumspectione omnium circumstantiarum, simul etiam invocata Spiritus Sancti directione, & impulsu, ut constat ex usu, & ex his, quæ de hac probatione spirituum viri experti, & eruditi tradiderunt: ergo signum est, non fieri hanc discretionem per revelationem expressam, sed per instinctum, interveniente ex parte mediæ, & rationis assentiendi cognitione, & iudicio ex effectibus, signis, & aliis conjecturis: ergo tale iudicium ex vi sui formalis objecti nunquam est certum, & infallibile. In hoc vero aliqui constituunt discrimen inter eum, qui de se, vel de alio iudicat. Nam discretio spirituum minus certa est in iudicio ferendo de his, quæ in alio sunt, quam de his, quæ aliquis in se experitur, quando alioqui lumen, & ars, seu peritia discernentis spiritus est eadem, vel æqualis. Ita notat Gerson. 1. par. tractat. de Probat. Spirit. Alphab. 17. liter. R. & S. quia nemo certo cognoscit in alio infallibili certitudine illa, quæ in se ipso potest per experimentalem notitiam deprehendere: unde infert, posse aliquem certum iudicium ferre probando proprium spiritum, quando per *inspirationem intimam, & internum sorem, ac spiritua-lem dulcedinem, vel illustrationem a montibus æternis effugantur tenebra omnis dubietatis*. Non tamen posse ita experiri motionem alterius, & ideo neque posse per infallibile iudicium probare spiritum in alio. Sed requiritur, ait, *donum Spiritus Sancti, quod Apostolus nominavit discretionem spirituum*. Existimo tamen utrumque esse intelligendum de quadam morali certitudine, seu infallibilitate, quæ cæteris paribus, est major per propriam experientiam in se ipso, quam in alio. Adverto tamen, affectum ad res proprias posse aliquo modo flectere, vel inclinare intellectum ad unam partem, & ex hac parte regulariter securius probari spiritus per alium, quam per seipsum.

45. Addidi vero, hoc iudicium, quando est ex motione gratiæ, esse infallibile materialiter (ut sic dicam) quia Spiritus Sanctus non movet speciali instinctu, nisi ad id, quod in re verum est, aut bonum, vel melius, aut magis homini conveniens secundum ordinem providentiæ suæ, & ideo quoties in re ipsa discretio fit per gratiam gratis datam, iudicium ex parte principii moventis est infallibile, ac subinde materialiter certum: quamvis ipsum hominem nunquam reddat simpliciter certum, quia nunquam omni certitudi-

Confirm.

Quid sit materialiter certum explicatur.

De iudicio discernendi, quæstio, ejusque responsio.

Quæstio 2. de rationibus dubitandi de evidentia & certitudine de iudicio discretionis.

Duplici conclusione quæ solvitur.

tudine assequitur, vel cognoscit, iudicium esse ex directione, & motione Spiritus sancti. Atque ita non est contra veritatem, aut auctoritatem Spiritus sancti, quod iudicium procedens ex gratuita motione illius secundum se, ac ex formali motivo spectatum infallibile non sit: quia ille assensus ita formaliter spectatus, non nititur in auctoritate Spiritus sancti, sed in aliis motivis, & conjecturis, quas ex parte potentiae juvat instinctus Spiritus sancti, & tunc satis est, quod ex ea parte assensus sit in re ipsa infallibilis, quia si ex tali motione procedat, nunquam potest esse falsus. Et in hoc differt hic assensus ab illo, qui per solum discursum, & conjecturas comparari potest. Præterquam quod ipsa directio, & instinctus Spiritus sancti efficit maiorem certitudinem moralem, vel faciendū, vel signa, & indicia plura, & maiora occurrant, vel ut melius, & modo magis congruenti ad inducendum intellectum considerentur.

Hæc gratia non est habitus.

46. Ex quibus etiam facile intelligitur non communicari hanc gratiam per modum habitus, quia licet lumen habituale, & scientia, vel experientia multum possint ad hanc discretionem conferre, non erit ex peculiari gratia gratis data, nec participabit inde certitudinem aliquam, vel infallibilitatem, nisi actualis motio Spiritus sancti intercedat, ut ex dictis satis declaratum est. Unde etiam colligi facile potest, hanc gratiam regulariter non tribui malis, imo nec quibuscumque medioeriter bonis, sed viris spiritualibus ac sanctis; quoniam Spiritus Sanctus, qui suaviter omnia disponit, non præbet hanc gratiam, nisi his, qui possint per aliquam experientiam spiritualium rerum de qualitate Spiritus conjecturam facere. Quamvis autem hoc regulare sit, interdum potest Spiritus Sanctus ad ostensionem potentiae, & gratiae suae donum hoc etiam peccatori homini conferre, & fortasse interdum id facit propter bonum aliorum, maxime quando ratione inuneris, vel doctrinae hæc discretio per eum fit, qui bonus, vel spiritualis reputatur etiam si apud Deum talis non sit.

Linguarum donum utile in consilio nascentis Ecclesiae.

47. Octava gratia vocatur a Paulo *genera linguarum*; communiter vero donum linguarum appellatur. De quo dono scimus communicatum esse Apostolis in die Pentecostes, & aliquibus aliis fidelibus per aliquod tempus in principio nascentis Ecclesiae Actor. 2. & sequentibus. Utilitas autem, vel necessitas ejus præcipua fuit, ut Apostoli, & eorum discipuli sine impedimento possent ubique prædicare, & ab omnibus nationibus intelligi: consequenter vero, quia Ecclesia ex omnibus gentibus congreganda erat in ejusdem mystici corporis unitatem, convenientissimum fuit, ut Doctores ad ceteros loqui, & se invicem intelligere possent, ut sic facilius & melius in unam societatem cogerentur. Denique inde etiam factum est, ut Spiritus S. gratia, & fidei veritas plurimorum confirmaretur, & quasi publice innotesceret.

Hoc donum vel potest fieri infundendo loquenti ignotas linguas, quasi loquatur regionibus diversis, vel ut uno idiomate ab omnibus percipiat.

48. Duobus autem modis cogitari potest hæc gratia communicari fidelibus, uno modo ex parte audientium, alio modo ex parte loquentium. Prior erit, si prædicator una tantum verborum prolatione, & in solo idiomate proprio loquens, simul ab omnibus audientibus diversarum linguarum intelligatur. Quod potest dupliciter accidere, scilicet vel quia omnes verba ejusdem idiomatis audientes significationem eorum percipiunt, vel quia licet concinator unus linguæ verba proferat, in auribus audientium multiplicantur, quia quando ad singulorum aures verba perveniunt, in unoquoque imprimuntur species verborum audientis, non vero loquentis, & quot sunt auditores diversi idiomatis, tot effectus, seu conceptus diversarum rationum generat idem verbum in auribus, & mentibus eorum. Erit quidquid in hac gratia est supernaturale, sit ex parte audientium, non ex parte loquentium. Alter principalis modus est, si loquenti infundantur species, & notitiae diversarum linguarum, deindeque ei facultas loquendi in omnibus illis, non simul, & ejusdem vocis formatione (id enim impossibile est, simul fieri in ore loquentis) sed successive, & juxta occurrentes occasiones. Et in hoc modo gratia conceditur loquenti: ex parte autem audientium nullum est miraculum, vel supernaturale opus,

quia tunc loquente prædicator in una lingua, qui illam norunt, naturaliter intelligent, alii vero non percipient sensum, donec in eorum lingua loquatur.

49. Dubium ergo est, quo istorum modorum communicetur hæc gratia. Priori modo exponit Carthusian. Actor. 2. & probari potest ex Cypriano, vel Actor. de Cardinal. Christi operibus. cap. ultim. de Spiritu Sancto, dicente. *Spiritus Sanctus ad instar prioris seculi universitatem fidelium unius labii esse voluit, ut quorum erat cor unum, & anima una, una esset & lingua, nec posset impedire intellectum credentium aliqua diversitas verborum, seu evangelica doctrina propria lingua prolata ad omnium auditum eandem efficientiam obtineret.* Quod magis exponens posteriorem partem prioris modi indicat, dicens: *Hi omnes dum Hebraea lingua Apostoli prædicarent, locutio Judaica enunciationis articulos cursu consueto evolvens, nullo exponebatur interprete sed verborum per Spiritum Sanctum inerat virtus, & gratia, ut habitantes Pontum, & Asiam, suam esse dicerent linguam, quam audiebant.* Alludens ad verba illa Lucæ, Actor. 2. *Quomodo nos audivimus unusquisque linguam nostram, in qua nati sumus?* Eriturum: *Audiebat unusquisque lingua sua illos loquentes.* Et infra: *Audivimus eos loquentes nostris linguis magnalia Dei.*

Contra 1. modum dubium.

50. Ex quibus verbis evidenter refellitur primus modus priori modo explicatus, nam apertissime dicitur non omnes audivisse eandem linguam, & illam intellexisse, sed singulos audivisse linguas suas: ergo non erat hæc gratia interna in mentibus audientium, sed exterius erat varietas verborum in auribus eorum, quibus verbis auditis sine nova gratia singuli intelligere poterant significationem verborum, quæ audiebant. Et ita etiam exponit hanc gratiam Basilius Seleucia Episcopus in serm. de Innocent. apud Sur. die 28. Decemb. ubi ita explicat hoc donum: *Quando rore spiritus, qui e caelis fluxerat, in lingua Apostolorum accepto, congregatarum gentium auribus distribuit oris operationem, unusquisque vocem ad omnium gentium sensus accommodante, & adaptante gratia: adeo ut fluentem sermonis quod profundeabatur ex labris, fieret familiare omnium auribus a Spiritu Sancto transformato in id, quod erat cognatum vocis unusquisque eorum, qui audiebant.* Eandemque sententiam indicat Oecumenius Actor. 2. dicens, Apostolos novisse quæ dicerent, quibus autem linguis dicerent, non novisse, sed unusquisque audientium scivisse, quod sua lingua loquerentur. Quod profecto, si verum est, inde proveniebat, quia loquens unum idioma sibi notum proferbat, quod in auribus audientium multiplex fiebat. Et ita videtur accidisse, quando Petrus unica concione tria millia audientium diversarum linguarum, & nationum convertit Actor. secundo, quomodo enim id fieri poterat, nisi quia una vocis prolatione loquentem omnes in suis linguis audiebant, & intelligebant?

Amplius improbat 1. modum explicandi hoc donum.

51. Posterior autem modus intelligendi hoc donum ex parte loquentium est magis probatus, & receptus, nimirum in hoc consistere, ut uni, eidemque personæ detur omnium linguarum peritia, & facultas illa utendi. Hanc sententiam ita docet D. Thomas in 2. 2. qu. 176. art. 1. ut in solutione ad 2. priorem omnino rejicere videatur, & sequitur Cajetan. Actor. 2. & Viguier. in institut. capit. 9. §. 1. vers. 8. Eundem modum approbant Beda, & Glos. Actor. 2. & Anselm. 1. Corinth. 12. Nazianz. item orat. 44. expressius dubium præfert. Et potest probari primo ex Actor. 2. ubi homines plurium linguarum dicebant. *Audivimus eos loquentes nostris linguis magnalia Dei:* nam, ut notat Nazianzenus, illa verba, *nostris linguis*, non cum solo verbo, *Audivimus*, sed cum participio *loquentes* conjungenda sunt, ita ut ideo isti audirent suis linguis, quia Apostoli eorum linguis loquebantur. Et ita videtur intellexisse illa verba Ecclesia, cum in officio Pentecostes canit, *Loquebantur variis linguis Apostoli magnalia Dei.* Idem sentit Cyprianus in Expositione Symboli in principio ibi. *Ut loquelis diversis, variisque loqueretur,* & Augustinus tract. 32. in Joan. *Omniuntque (inquit) linguis loquenti sunt.* Et cum postea in-

Approbat 2. modum explicandi hæc gratiam gratis datam.

terroget: *Quare nunc nemo baptizatus loquatur linguis omnium gentium*, responderet: *Quia jam ipsa Ecclesia omnium gentium linguis loquitur*. Sicut ergo nunc Ecclesia illis loquitur, ita primitus singuli eisdem loquebantur, ut idem diserte exponit sermon. 11. de Verb. Domin. capit. 17. & sermon. 59. capit. 7. & sermon. 9. de Verb. Apostoli capit. 3. Et idem aperte docet Chrysostomus homilia 35. in 1. ad Corinth. & homil. Quod Christus sit Deus. Præterea hoc videtur de se expresse affirmare Paulus. 1. Corinth. 14. dicens: *Gratias ago Deo meo, quod omnium vestrum lingua loquor*. Idemque de aliis fidelibus ejus temporis supponit, cum ait: *Volo autem omnes vos loqui linguis*, & capit. 12. vocat hoc donum *genera linguarum*; tum quia per illud datur recipienti, ut multis linguis loquatur; tum etiam quia non est donum audientium, sed loquentium, quibus datur, ut variis linguis loquantur. Et fortasse ob hanc causam dixit Hieronymus ad Ephes. 1. *Quod in fabricatione turris linguarum unitas scissa in Actibus Apostolorum portendebat dona linguarum*, & Sophon. 3. non longe a fine *Apostoli* (inquit) *universis linguis loquuti sunt, & veteri errore sublato, unum confessionis redditum est labium*, & ad hunc modum loquuntur, sive alii Patres in sermonibus de Spiritu Sancto, seu de Pentecoste.

In quæst. 68. si has donum linguarum? 52. Quocirca in hoc puncto certum mihi videtur, hoc donum linguarum consistere in facultate divinitus alicui data ad loquendum variis linguis, quas antea ignorabat. Hoc probant omnia posteriori loco adducta, quia neque Scriptura, neque Patres possunt proprie, & sincere aliter explicari. Item ratio Nazianzeni fundata in verbis Pauli est optima, quia si gratia hæc solum operaretur in audientibus, non fuisset data Apostolis, nec fidelibus, qui Spiritum Sanctum recipiebant, & linguis loquebantur, sed audientibus, quod est contra vim verborum Scripturæ. Item est optima ratio D. Thomæ, quia hoc donum non fuit necessarium tantum, ut audientes intelligerent prædicatores loquentes, sed etiam ut prædicatores intelligerent alios, etiam infideles, sibi loquentes, quia ad illorum conversionem, non solum erat necessarium ad illos loqui, sed etiam interrogationibus eorum respondere, difficultates solvere, & confessiones audire; ergo hoc donum per se, & proxime (ut sic dicam) instruit accipientem, seu docentem, licet propter aliorum utilitatem detur. Augetur hæc ratio, quia hoc donum non solum dabatur in principio Ecclesiæ propter disciplinam audientium, sed etiam propter societatem, & unitatem fidelium, ad quam necessarium erat, ut secum conversari, & mutuo intelligere, ac loqui possent. Unde obiter colligitur, donum hoc, licet ad loquendum detur, immediate tribui ad cognoscendum non res, sed verba, & significationes eorum, quia datur ad loquendum humano, & rationali modo, in quo ex præcognitione assumuntur verba, quæ sint notæ, seu signa conceptuum, & rerum, quas exprimere volumus. Propter quod verisimile non est, quod Oecumenius ait, Apostolos non cognovisse in qua lingua singulis loquerentur, alias non humano, & rationali modo loquerentur ad illos, nec potuissent unicuique loqui modo illi accommodato, & prout singulis expedire judicabant, quod imperfectissimum est, & alienum a suavi Spiritus Sancti providentia, & efficacia.

Prior modus licet Scripturæ incongruus possibilibus, & Petri concioni accommodari potest. 53. Ex dictis ergo duobus modis posterior certus est, & nullo modo negandus, sive prior admittatur, sive non. Non est enim dubium, quin etiam ille prior modus fuerit possibilis, non est tamen sufficiens vel ad intelligendam Scripturam, vel ad finem, & effectus hujus gratiæ. Crediderim etiam illum priorem modum primo modo explicatum nunquam fuisse in usu, quia nullum est fundamentum ad id affirmandum, & quia alias hæc gratia ante fidem communicaretur infidelibus, ut concionantem possent intelligere: unde etiam posteriorem modum declaratum, arbitror, regulariter non fuisse in usu fidelium in primitiva Ecclesia, quia nec illius ordinaria necessitas apparet, neque ex his, quæ de hoc dono traduntur, colligi potest. Quod autem in aliquo casu raro, seu extraordinario illud etiam donum, seu miraculum factum fuerit, facile de-

fendi potest. Et de illa prima concione Petri Apostoli videtur esse verisimile. Quamvis dici possit, vel illa tria millia hominum fuisse ex Judæis habitantibus Hierusalem, & per Judæam, qui linguam Hebræam, vel Syriacam (si forte illa concionatus est Petrus) intelligebant: vel non fuisse omnes conversos in una concione facta in eodem loco, & in eadem hora, sed in diversis, factis in diversis locis civitatis, & distinctis horis diei, & fortasse non in eadem, sed in distinctis linguis, nec forte per solum Petrum, sed etiam per alios Apostolos, quia Scriptura solum dicit: *Et appositæ sunt in die illa anime circiter tria millia*. Verisimile enim est, non solum Petrum, sed etiam alios Apostolos eodem die aliquos convertisse, quia de omnibus dicitur: *Nonne isti, qui loquuntur Galilæi sunt?* &c. & de omnibus dicebant: *Audivimus eos loquentes magnalia Dei*. Possunt ergo illa verba de conversione trium millium hominum referri ad conciones omnium Apostolorum eo die factas. Præterquam quod idem Petrus ponit in illa concione nunc in una lingua loqui, nunc in alia, prout audientibus expedire prospiciebat. Propter quæ non cogimur illum priorem modum exponendi hanc gratiam, etiam in illo facto admittere: nihilominus tamen satis probabile est, hoc fuisse concessum Petro in illa concione ad facilitiorem modum prædicandi simul diversarum linguarum hominibus, & fortasse in aliis opportunitatibus simile miraculum factum est per Apostolos, vel alios Evangelii prædicatores. Nam hoc etiam nostra ætate, vel non multum ante illam aliquibus sanctis viris esse concessum testantur Bozius lib. 6. de Signis Ecclesiæ cap. 5. & Lorin. Actor. 2.

54. Ex his facile responderi potest interrogationi, an hoc donum datum fuerit per modum habitus, vel per modum actus? Dicendum est enim, si aliquando concessum est illo priori modo, scilicet, ut una vox loquentis, a multis in diversis idiomatibus audiat, id nunquam esse concessum per modum habitus, sed solum per actualem Dei mutationem in verbis factam, quando ad aures audientium perveniebant, quia nullus habuit, vel facultas loquentis potest habere tam mirabilem virtutem, ut est per se notum; unde non minus certum est, tale opus non posse fieri ex habitu, quam alia miraculosa opera. Proprium autem donum linguarum, quod a nobis explicatum est, facile dari potest per habitum per accidens infusum: nam sicut habitus unius lingue usu acquiritur, ita potest a Spiritu Sancto per accidens infundi; eadem autem ratio est de multis, seu de omnibus linguis, quæ de una. Ac denique ita de facto esse datum in primitiva Ecclesia docet D. Thom. 2. 2. qu. 176. art. 2. ad 3. idque recte colligit ex verbis Pauli citatis 1. Corinth. 14. *Gratias ago Deo meo, quod omnium vestrum linguis loquor*, id est, scio, & valeo loqui, non enim tunc omnium linguis actu loquebatur. Neque hoc indicat majorem perfectionem in illo dono, ut recte ibidem attigit D. Thom. sed potius quia est inferioris ordinis, & actio ejus, supposito habitu, est mere naturalis, & ad ordinatum convictum, & societatem hominum inferui, ideo data est per modum habitus. Nunc vero quia non est tanta necessitas, fortasse non ita infunditur, licet per occasionem interdum transitorie, & per modum actualis motionis aliquando concedatur.

55. Actualis gratia gratis data vocatur ab Apostolo interpretatio sermonum, de qua quid sit, & quomodo etiam a præcedentibus differat, variis modis exponitur. Duo autem modi videntur esse præcipui, & probabiliores. Unus est, ut interpretatio sermonum ad significationem verborum referatur, alius est, ut de sensibus, & mysteriis in verbis inclusis intelligatur. Priori modo interpretari sermonem, est, verba unius idiomatis per alterius verba exponere, quod potest fieri vel scripto, vel voce. Priori modo vocamus septuaginta interpretes eos, qui vetus testamentum ex lingua Hebræa in Græcam primitus transtulerunt: posteriori modo vocamus confessionem per interpretationem illam, quæ fit ab homine, cujus linguam confessor ignorat, intercedente alio, qui verba pœnitentis in idioma confessoris transferat. Sic ergo interpretatio sermonum est ad utilitatem fidelium necessaria,

Gratia hæc priori modo explicata non cõceditur per modum habitus, sed per mutationem in verbis factam.

Duo modi gratiæ interpretatiõis sermonũ, de vocibus & sententiis cum exemplis in 1. modo.

faria, & fuit etiam in primitiva Ecclesia, primo ad interpretandas epistolas, vel canonicas, quas Apostoli scribebant, & alias quæ ad ædificationem Ecclesiarum ad illas mittebant Episcopi, ut Clemens, Ignatius, & similes. Secundo ad interpretandam concionem in una lingua factam, aliquibus fortasse adstantibus, qui linguam illam intelligebant.

Obiectio. 56. Dicer fortasse aliquis propter neutram causam fuisse illo tempore necessariam hanc interpretationem, quia donum linguarum erat tunc commune toti Ecclesiæ; dabatur enim non tantum Doctores, sed universis fidelibus: ergo omnes intelligebant quamcunque linguam; ergo non indigebant illa interpretatione. Antecedens colligitur ex Actor. 10. ubi prædicante Petro gentibus congregatis cum Cornelio. *Cecidit Spiritus Sanctus super omnes visibiliter: Audiebant enim (ut subjungitur) illos loquentes linguis, & magnificantes Deum:* & similiter cap. 19. cum Paulus venisset Ephesum, & quosdam baptizari jussisset, *cum imposuisset illis manus Paulus, venit Spiritus Sanctus super eos, & loquebantur linguis, & prophetabant.* Et conjectura fit verisimile illud antecedens, quia donum linguarum non dabatur tantum ad loquendum, sed etiam ad intelligendum, neque dabatur solum propter doctrinam, sed etiam propter societatem, & unionem; ergo non dabatur solis prædicatoribus, sed etiam cæteris fidelibus, ut in se invicem intelligere, & in unum melius sociari possent.

Solutio. 57. Respondeo negando assumptum: nam potius videtur certum etiam in primitiva Ecclesia plebem Christianam communiter non habuisse donum linguarum, neque omnes linguas intellexisse. Id aperte probatur ex Paulo 1. Corinth. 12. dicente. *Numquid omnes Apostoli? Numquid omnes Prophetæ? numquid omnes Doctores? numquid omnes virtutes? numquid omnes gratiam habent curationum? numquid omnes linguis loquuntur? numquid omnes interpretantur?* Ubi de dono linguarum dicit non fuisse omnibus commune, eodem modo, quo nec cæteræ gratiæ. Quod si non fuit commune omnibus quoad locutionem, profecto neque quoad intelligentiam, quia eadem est utriusque ratio, imo primo, ac per se dabatur propter sermonem. Et ideo in cap. 14. monet Paulus eum, qui habet donum linguarum, ut illo non utatur ad loquendum linguam, quam audientes communiter non intelligunt, quia hoc jactantiæ potius, & vanitatis esset, quam utilitatis, & confusionem potius, quam ædificationem pareret, non solum apud infideles, sed etiam apud fideles inereditos, quos ibi *idiotas* vocat, ut Anselmus, D. Thomas, & Cajetanus indicant: & Theodoretus addit, laicos eo nomine appellasse. Supponit ergo, non omnes fideles intellexisse tunc peregrinas linguas, & ideo necessarium fuisse illis loqui in propria lingua, vel interpretari alienam, si aliquid in ea dicebatur, vel legebatur.

Exponitur locus sacre veritatis. 58. Unde licet in dictis locis Actor. 10. & 19. donum linguarum datum fuerit aliquibus ad sermonem Petri, vel manus imponente Paulo, non inde sequitur datum esse omnibus fidelibus, neque id commune fuisse in omni baptismo, vel omni manuum impositione, sed in aliquibus occasionibus, juxta divinæ providentiæ dispositionem, & occurrentes occasiones; ut in priori casu id concessum videtur Cornelio, & sociis ad confirmandam vocationem gentium, quia tunc primum cepit illis ex professo prædicari Evangelium: In alio vero casu id fuit opportunum ad ostendendam virtutem baptismi Christi, & differentiam ejus a baptismo Joannis, & ad confirmandos fideles in fide Spiritus Sancti. Et fortasse etiam tunc non omnibus indiscriminatim datum est linguarum donum, sed his, qui postea futuri erant Doctores, vel Pastores populi, & spirituales viri dicebantur, ut notat Irenæus lib. 5. cap. 6. Neque denique tale donum necessarium fuit dari omnibus plebibus fidelium propter Ecclesiasticam societatem, & unitatem, quia hæc unio, & societas proxime (ut sic dicam) & per se fit inter fideles, & pastores, seu prædicatores eorum, & in illis uniuntur plebes spirituali, seu Ecclesiastica unitate. Neque nationes diversæ habent inter se aliam humanam societatem, sed aliquam communicationem,

vel per literas, vel quando unus in alieno solo peregrinatur, propter quam non erat necessarium hoc donum, alias etiam hodie dandum esset; non datur autem, quia sufficit interpretatio, vel humana cruditio: præterquam quod illa communicatio naturalis est, & non perficitur per dona gratiæ.

59. Hinc vero potest secundo obijci, quia interpretatio sermonum in illo sensu non est gratia distincta a dono linguarum, sed est quidam usus ejus, qui naturaliter sequitur, seu fieri potest, si habitualiter donum supponatur: sicut comparata per infusionem Spiritus Sancti peritia linguarum, loqui illis, vel eas intelligere, non est specialis gratia, sed usus connaturalis prioris gratiæ; ergo nec interpretatio sermonum in eo sensu erit specialis gratia. Propter hoc dicendum videtur, interpretationem hanc sermonum non esse simplicem, & puram versionem unius lingue in aliam sola industria humana factam, supposita utriusque lingue notitia, siue acquisita, siue per accidens infusa: sic enim argumentum convincit, non esse specialem gratiam. Addit ergo hoc donum peculiare auxilium, ad servandam fidelitatem, & assequendam veritatem sensus, ita ut verba in aliam linguam translata eandem sententiam referant. In hoc enim errare facile potest etiam is, qui utriusque lingue habet peritiam, & ideo ultra donum linguarum utilissima esse poterat specialis gratia interpretandi sermonem, ne in his, quæ ad mysteria fidei pertinebant, in interpretatione erraretur. Cum enim in congrua interpretatione necessarium sæpe sit, non verbum de verbo transferre, sed sensum observare, ut late Hieron. epist. 101. docet, ideoque difficile sit in hujusmodi interpretatione sensum, & veritatem absque ullo errore attingere, multoque difficilius in rebus divinis, & maxime in Scriptura Sacra, ubi & ordo verborum, & verba ipsa mysterium habent, ut ibidem dixit Hieronymus; merito ad hujusmodi interpretationem specialis gratia gratis data a notitia idiomatum distincta desideratur. Quæ gratia tunc erit maxima, quando ita direxerit mentem transferentis, ut infallibiliter a mente Spiritus Sancti, seu principalis auctoris nunquam discrepet, ut aliqui putant, datum esse in Scriptura septuaginta interpretibus, vel vulgato interpreti. Pertinet etiam ad hanc gratiam, ut interpretatio non solum vera sit, & fidelis in sensu, sed etiam ut sit clara, quantum ad utilitatem audientium necesse fuerit, maxime in concionibus ad populum locum habere potuit in primitiva Ecclesia, & nunc etiam concedi credimus, præsertim inter eos, qui circa infidelium conversionem occupantur.

60. Venio ad alium modum hujus interpretationis, qui non sistit in idiomate verborum, nec est propter illos, qui idioma ignorant, sed datur ad docenda mysteria, quæ in verbis latent, & sæpe non intelliguntur ab his, qui significationem verborum non ignorant, vel certe datur ad explicandas profundius, vel distinctius res per verba significatas. Et de hac interpretatione sermonis putamus loqui Paulum in dicta enumeratione gratiarum, & 1. Corinth. 14. ubi hoc genus interpretationis prophetiam lato modo vocat, & illam præfert dono linguarum, quia est cognitio rerum, & non tantum significationis verborum, & est utilior accipienti, & Ecclesiæ, ut late declarat D. Tho. 2. 2. q. 176. a. 2. & per se manifestum est, hanc scientiam, seu peritiam necessariam esse in Ecclesia, multi enim norunt optime latinam linguam, qui non possunt Scripturam sacram, etiam latine scriptam, in proprio sensu exponere, vel ad ædificationem fidelium interpretari, sed peculiari studio, & doctrina ad id opus est. Hoc ergo dabatur olim pastoribus, & doctoribus Ecclesiæ per gratiam interpretationis sermonum, & fortasse aliquibus sanctis postea data est absque humano eorum studio, ut de Bernardo, & similibus creditur, & frequenter concedi creditur aliis concionatoribus, doctoribus, & scriptoribus Ecclesiasticis, non ut humanam diligentiam in suis ministeriis temere omittant, sed ut in illa proficere, & ea convenienter uti valeant. Et de hac gratia aliqui intelligunt verba Pauli 1. ad Timoth. 4. *Noli negligere gratiam, quæ in te est, quæ data est tibi per prophetiam, cum impositione*

2. obiectio.

Respondetur, & ostenditur quid peculiare sit in hoc dono.

Secundus modus est ad abstrusum subtilius, & distinctius interpretanda.

manuum presbyteri. Nam hoc genus gratiæ, & prophetiæ quatenus ad cognitionem, & intelligentiam pertinet, concedi solet per modum habitus, ut licet detur immediate ad actus, per illos acquiritur habitus, qui postea ad eandem interpretationem juvat.

Ultima
objectio.

61. Una superest objectio, quia Apostoli habebant donum linguarum, & erant sapientissimi in intelligentia, & interpretatione Scripturarum, & mysteriorum fidei, & nihilominus indigebant interpretibus; nam Petrus Marco interprete utebatur, teste Papiæ apud Euseb. l. 3. hist. c. 1. & l. 5. c. 8. ex Iren. l. 3. c. 1. Idemque habet Hieron. de Scriptur. Ecclesiasticis in Marco, Epist. 150. ad Hedibiam qu. 11. ubi similiter dicit Titum fuisse interpretem Pauli; ergo illa interpretatio aliquid aliud erat præter translationem ex uno idiomate in aliud, & præter expositionem doctrinæ fidei, vel Scripturæ, nam ad hæc non indigebant Apostoli interprete. Ad hoc tacite respondet Hieronymus supra dicens de Paulo, *quod licet haberet scientiam sanctorum Scripturarum, & sermonis, diversarumque linguarum gratiam possideret, divinorum sensuum majestatem digno non poterat Græci eloquii explicare sermone*, & ad hoc ait: *Habebat Titum interpretem, sicut Petrus Marcum*, quæ doctrina Hieronymi declarari potest ex altera Div. Thomæ 2. 2. q. 176. ar. 1. ad 1. dicentis, *Paulum & Apostolos instructos fuisse in linguis omnium gentium, quantum requirebatur ad fidei doctrinam, sed quantum ad quedam, quæ superadduntur humana arte adornatum, & elegantiam locutionis Paulum instructum, fuisse in propria lingua, non in aliena.* Ergo hac ratione potuit uti eloquentia Græca ad interpretanda divina mysteria.

2. solutio.

62. Et juxta hanc sententiam Hieronymi hæc interpretatio reducit ad priorem modum: nam ejusdem rationis est, in eadem lingua eandem sententiam simplicibus verbis dictam elegantioribus interpretari, quod ab una lingua in aliam transferre. Addo vero, hunc etiam usum interpretationis potuisse habere locum in Apostolis: nam in una concione Paulus, verbi gratia, in una tantum lingua concionabatur, & contingere poterat, ut multi audientes linguam illam ignorarent; propter illos ergo utilis esse poterat interpretes, ut eis in propria lingua concionem declararet, & Apostoli laborem levaret. Denique etiam quoad rerum ipsarum, & mysteriorum interpretationem poterat Paulus indigere interprete, non quia non posset ipse copiose, & perfecte omnia exponere, sed quia poterat uno contextu, & stylo sermonis alta, & profunda mysteria prædicare, quæ non omnes audientes percipere, aut penetrare potuissent, munus autem interpretis postea esse potuit, ad captum singulorum ea distribuere, & magis accommodare; ne Apostolum postea in hoc occupari oporteret. Qui plura de hoc puncto desiderat, legat Baronium. 1. Anno Domini 45. trigésimo secundo, & sequentibus. Nobis enim hæc satis fuerit dixisse de novem gratis gratis datis a Paulo numeratis, quæ visum est hoc loco expedire, quia in hac materia nihil amplius de illis dicturi sumus.

Ratio D.
Thomæ de
numero
harum gra-
tiarum con-
gruæ eas
declinat,
licet non
cogit, nec
plures, nec
pauciores
esse.

63. Solum superest advertendum circa numerum harum gratiarum, D. Thomam in dicto art. 4. accurate studuisse rationem illius numeri reddere, ac si gratiæ gratis datæ neque plures, neque pauciores numerari possent. Verumtamen licet illa congruentia, quam adducit, optime declararet, quam convenienter, & apostolice potuerit Apostolis gratias illas distinguere, & tanquam sufficientes numerare, nihilominus non cogitur dicere, aut illas omnes necessario esse distinguendas, aut non posse, vel easdem in plures distinguere, vel illis aliis adjungi. Nam idem D. Thomas in 2. 2. ad pauciora membra illas revocasse videtur, nimirum prophetiam, donum linguarum, gratiam sermonis, & gratiam miraculorum. Imo etiam Paulus in eodem capite sub uno Doctorum nomine eos comprehendit, qui sermonem scientiæ, vel sapientiæ, vel fidem habent. Er sub nomine Prophetarum videtur etiam discernentes spiritibus complecti. Aliunde vero ex variis interpretationibus istarum gratiarum, quas retulimus, non obscure colligitur, sub aliquibus earum plures contineri, quæ ut distinctæ possunt recenseri. Nam

Suarez Tom. VI.

gratia sapientiæ, & scientiæ ut ad cognitionem spectat, & ad aliorum utilitatem datur, posset distinguere a gratia sermonis utriusque membri, & singuli modi fidei, quos explicuimus, quatenus, & in se veri sunt, & distincti, licet æquivoce nomine fidei significantur, possent in plures gratias distinguere, si propria singulis nomina imponerentur. Gratiam item sanctorum paulo post vocavit Paulus gratiam curationum, quia varia sunt dona curationum, & euidam datur virtus contra unam morbi speciem, alteri contra aliam, & ab hac gratia, & ab operatione virtutum potestas ejiciendi demones separari posset, cum in Ecclesia unus gradus ministrantium exorcistarum nominetur. Ac denique eadem interpretatio sermonum varios modos complectitur, qui fere solo nomine conveniunt, & re ipsa distinguere possunt.

64. Præter hæc item multa sunt alia dona supernaturalia, quæ per se non dantur propter sanctitatem recipientis, sed propter Ecclesiæ utilitatem, quæ sub prædictis non videntur comprehendi, cum tamen illas esse gratias gratis datas negari non posse videatur, cum illis definitio hujus gratiæ conveniat; hujusmodi in primis est character ordinis. Nam character baptismi merito ad gratiam sanctificantem reducit, quia non ordinatur per se ad aliorum utilitatem, sed ad propriam sanctificationem, saltem ut potentia ad recipiendam illam per sacramenta. Idemque cum proportionem de characteris sacramenti confirmationis dici potest, datur enim solum in ordine ad fidei confessionem, ad quam unusquisque debet esse armatus, & paratus, non propter aliorum utilitatem, sed propter propriam sanctificationem, & quasi ex personali debito pugnandi pro fide. Character autem ordinis solum datur ad utilitatem Ecclesiæ propter ministeria spiritalia, & publica in illa necessaria, quæ maxime ordinantur ad publicum Dei cultum, & ad fidelium sanctificationem. Est enim ille character potestas quædam activa supernaturalis; ergo est gratia, nam gratis datur. Et licet detur certa lege recipienti tale sacramentum, & consensum, seu intentionem postulet recipiendi sacramentum, hoc nihil derogat rationi gratiæ, nam gratia sacramentalis vera gratia est; imo maxime gratuita, cum detur præter opus operantis, etiam si detur ex lege volenti recipere sacramentum. Non datur autem illa potestas ordinis in bonum recipientis, sed propter utilitatem fidelium; optime ergo dici potest gratia gratis data.

Ordinis,
non baptis-
matis,
& confir-
mationis,
character
est gratia
gratis data.

65. Secundo idem dici potest de potestate jurisdictionis, præsertim in foro interno: nam illa est supernaturalis donum gratuitum ad fidelium spirituale commodum ordinatum. Neque est necesse, ut ad confirmationem fidei conferat, quia Paulus non dixit, has gratias dari solum ad confirmationem fidei, sed absolute *ad utilitatem*: ergo satis est, quod data sit propter fidelium sanctificationem. Fateor autem hæc dona, quæ ad sacramenta ministranda Ecclesiæ relicta sunt, posse ad gratiam sanctificantem reduci, quatenus, & adjunctum habent ex vi sacramenti ordinis auxilium gratiæ sanctificantis, ut indigne ministrentur, & ad causas gratiæ sanctificantis pertinent, quæ causæ sub illo respectu ad ordinem gratiæ gratum facientis revocantur, ut infra videbimus. Tertio dici potest gratia gratis data illa, quæ datur Pontifici, aut generali Concilio ab ipso approbato ad definiendas rei fidei, quæ in Pontifice clavis scientiæ appellatur. Nam illa sine dubio est supernaturalis donum gratis datum propter Ecclesiæ utilitatem. Potest autem non immerito reduci ad gratiam prophetiæ, vel interpretationis sermonum: nam si interpretatio Scripturæ non authentica, sed utilis Ecclesiæ, facta ex speciali auxilio, est gratia gratis data: cur non multo magis erit ex gratia authentica interpretatio? Erit ergo vel interpretatio sermonum, vel participatio quædam Prophetici spiritus, seu instinctus.

Jurisdi-
ctionis
potestas
etiam gra-
tis data
gratias est.

Idem clavis
scientiæ.

66. Quarto Paulus in eodem cap. 12. iterum recensens dona data Ecclesiæ ponit *Apostolos, Opitulaciones, gubernationes*, & licet non dicat hæc pertinere ad gratias gratis datas, simul illa conjungit cum aliis gratiis gratis datis, ut sunt *Propheta, Doctores, virtutes, gratia curationum, genera linguarum, & interpretatio sermonum*, quæ

Aliæ gra-
tiæ gratis
datæ.

quæ superioribus conjunctæ eundem numerum novenarium reddunt: cum tamen illa tria priora non videantur a gratis gratis datis omnino condistincta, nec sub priori novenario comprehensa. Nam licet idem Apostolus in principio capitis tria distinxit, scilicet gratias, ministeria, & operationes, nihilominus hæc (ut notat Chrysostomus Homilia 29.) nominibus distinguuntur, non rebus, nam *ministratio*, inquit, *donum est gratuitum, sed significatum nomine laboris, ne fortasse doleat, qui illud non recipit*. Idemque de operatione subjungit, adducens illud Galat. 2. *Qui operatus est Petro in Apostolatu, Operatus est mihi inter gentes*. Igitur ex sententia Chrysostomi Apostolatus etiam est charisma, seu donum gratuitum, ac subinde gratia gratis data: nam sine dubio propter utilitatem Ecclesiæ datum est. *Opitulationes* videntur esse curationes infirmorum, distributiones elemosynarum, & similia ministeria, quæ sine jurisdictione exercentur, & illis Ecclesiæ membra invicem juvantur, & quatenus ex dono gratuito Spiritus Sancti fieri possunt, inter charismata a Paulo numerantur. Denique *gubernationes*, seu ministeria ex jurisdictione speciali concessa Ecclesiæ ad spiritualem suam gubernationem, quæ jurisdictio donum gratuitum est, & ad communem utilitatem. Sunt ergo istæ suo modo gratiæ gratis datæ Ecclesiæ, quamvis in priorum numeratione omissæ sint, vel quia specialiter gratiarum nomine illarum operationes significatæ sunt, quæ in ipso opere vel modo operandi aliquid habent supernaturale, vel quæ non pertinent ad ordinariam gubernationem Ecclesiæ, sed extraordinarie pro re nata, & juxta occasionem occurrentes conferuntur.

CAPUT VI.

Quotuplex sit gratia sanctificationis, seu gratum faciens, & de variis nominibus hujus gratiæ significationibus.

Titulus
questionis
enodatur.

I. **G**ratia gratum faciens propter excellentiam suam simpliciter nomen gratiæ obtinuit, & in ea potissimum significatione in titulo hujus tractatus sumitur, est enim proximum objectum ejus, ac primum. Sub hac autem generali appellatione multa gratiarum genera continentur, quæ licet in discursu hujus materiæ tractanda, & explicanda sint, hic sunt saltem quoad nominum significationem distinguenda, ut de rebus ipsis distincte disputare, & unicuique gratiæ necessitatem, essentiam, causas, & effectus, ac proprietates explicare valeamus. Nam de hac gratia in sua generalitate sumpta non possunt hæc omnia, nisi valde confuse, & imperfecte declarari.

Sermo de
creata
gratiatur
que crea-
ta nuncu-
petur.

2. Solum ergo in communi supponimus, loqui nos de gratia gratum faciente, quæ in anima aliquid creatum sit, eique inhæreat. Creatum appellamus, licet per propriam creationem ex nihilo non fiat, sed aliquo modo sitens participatum a natura, & persona increata distinctum, & animæ inditum, sive in essentia, sive in potentiis, de hoc enim postea videbimus. Ita enim supra divisionem gratiæ in creatam, & increatam variis Scripturæ testimoniis probando, dari nobis creatam gratiam, quæ nobis intrinseca sit, & non tantum extrinseca, ostendimus. Et ex eisdem locis illam ad ordinem gratiæ gratum facientis maxime pertinere convincitur: nam per illam dicimur fieri sancti, & Spiritum Sanctum nobis infundi, ut ad recte operandum adjuvemur. Et simili modo hanc gratiam probant omnia Scripturæ, Conciliorum, & Patrum testimonia, quæ docent gratiam Dei, quæ sanctificamur, & ad operandam justitiam juvamus, nobis donari, infundi, in nobis fieri, augeri: nam hæc vel non habent locum, nisi in rebus creatis, ut fieri, augeri; vel saltem sine creatis donis fieri non possunt, ut donari, infundi; vulgaria loca sunt ad Romanos 5. ad Ephes. 1. & 4.2. Corinth. 1. & similia, quæ postea suis locis tractabimus, & optima sunt verba illa Psalmi 50. *Cor mundum creavit me Deus*, quibus David & gratiam sanctificantem postulabat, & per quandam creationem dandam esse supponebat. Et ideo Paulus ad Ephes. 4. hominem

justum *novum hominem* vocat, qui secundum Deum creatus est.

3. Hoc ergo supposito, gratia hæc gratum faciens in habitualem, & actualem distinguitur. Nam, ut supra dixi, gratia sanctificans, quæ eadem est, quæ gratum faciens, utrumque genus donorum includit: Dicunt vero aliqui, nunquam Augustinum, vel alios Patres antiquos contra Pelagianos de gratia disputantes, per gratiam intellexisse habitualem, sed auxiliantem tantum, quia de hac fuit illis contentio cum Pelagio, non de habituali gratia, ut significat Augustinus epistol. 105. dicens, non satis esse, si Pelagius admittat gratiam remissionis Peccatorum, quia per hoc non posset defendere gratiam sine meritis, quia nec ipsa remissio datur sine aliquo merito. Alii vero Scholastici, ut supra retuli, solam gratiam habitualem volunt esse gratum facientem, qui consequenter illam distinctionem non admitterent, utique sub illo diviso. Sed hæc diversitas est in usu verborum, nam rem ipsam, id est, verumque genus illius gratiæ nullus Catholicus negat, sive hoc, sive illo nomine illam appellet. Nos autem addimus etiam quoad usum verborum utramque gratiam a Patribus antiquis esse traditam, & sub gratia sanctificante, quæ eadem est cum gratum faciente, comprehensam. Eademque doctrina sumitur ex D. Thoma, q. 27. de Verit. art. 5.

Vasq. 1.2.
dist. 193.
c.3. A. sua
lis, & ha-
bitualis
gratia sub
sanctifica-
te, & gra-
tu faciente
a Patribus
explicata-
tur.

4. Et in primis manifestum est, remissionem peccatorum ad gratiam sanctificantem pertinere: illum autem vocat gratiam remissionis peccatorum Augustinus dicta epistola 105. & eam distinguit a gratia fidei in hoc, quod gratia fidei non cadit sub merito, quia non supponit aliam fidem, per quam impetretur: aut vero gratia remissionis peccatorum cadit sub aliquo merito, quia per fidem impetretur. Per hanc autem gratiam remissionis peccatorum, sanctificantem intellexisse Augustinum ex eodem sumi potest primo retract. capit. 24. & 25. ubi recognoscens quod in epistolis ad Rom. & ad Galat. exponendo illa Apostoli verba, *Gratia vobis & pax*, dixerat, *gratiam esse in dimissione peccatorum, pacem vero in reconciliatione Dei*, seu *gratiam esse, qua nobis condonantur peccata, ut reconciliemur Deo, pax autem, qua reconciliamur Deo*, adjungit. *Sic accipiendum est, ut tamen sciamus etiam utrumque ad generalem Dei gratiam pertinere*. Per hanc autem generalem gratiam sine dubio intelligit sanctificantem gratiam, de qua illi erat cum Pelagio contentio, & ad illam maxime pertinet pax reconciliationis cum Deo, ut est per se notum: ergo ad eandem spectat gratia remissionis peccatorum, & per utramque significatur habitualis gratia, quia illa duo, scilicet remissio peccatorum, & reconciliatio cum Deo, licet distinguantur, tanquam duo beneficia, revera sunt ab una gratia sanctificante, quæ præcise concepta in ordine ad illos duos effectus illas duas denominationes recipit.

Remissio
peccatorum
ad sancti-
ficantem
pertinet.

5. Unde in eadem expositione inchoata epistolæ ad Rom. idem August. subjungit. *Cum enim per gratiam remissis peccatis, absumptæ fuerint inimicitie, restat, ut pace adhareamus illi, a quo nos sola peccata dirimebant*. Illam vero esse unam gratiam, & illam esse habituale donum, paulo inferius declarat. Quærens enim rationem, cur Paul. dixerit. *Gratia vobis, & pax a Deo Patre nostro, & Domino Jesu Christo, & Spiritum Sanctum omiserit*, ait: *Non mihi alia ratio videtur, nisi ut ipsum donum Dei Spiritum Sanctum intelligamus. Gratia porro, & pax quid aliud est quam donum Dei, unde nullo modo dari hominibus gratia potest, qua liberamur a peccatis, & qua reconciliamur Deo, nisi in Spiritu Sancto*. Igitur longe aliter posuit Augustinus gratiam remissionis peccatorum, quam Pelagius; tum quia Pelagius per gratiam remissionis non intelligebat donum aliquod infusum, sed extrinsecam condonationem peccatorum, sicut August. indicat lib. de Grat. de lib. arb. c. 14. cujus contrarium ipse docet; tum etiam, quia licet illam vocaret gratiam, ponebat aliquod ejus meritum in solis liberi arbitrii viribus fundatum, & ita non poterat in remissione peccatorum salvare veram rationem gratiæ: Augustinus autem licet ponat aliquod meritum hujus gratiæ, docet illud esse fundatum in priori

August.
aperte &
elegant
de habi-
tuali lo-
quis.

priori gratia, & ideo non esse gratiæ contrarium. Et ita Patres disputantes cum Pelagio de gratia, & contentendentes non dari ex merito, etiam de hac gratia disputarunt. Si ergo Patres sub gratia sanctificante veram gratiam remissionis peccatorum comprehendunt, negari non potest, quin habitualia dona sub illa gratia complectantur, quod pluribus in lib. 6. cap. 1. comprobabimus. Hæc enim solum hic præmitto, ut constet, quid sit apud Augustinum gratia remissionis peccatorum, quod eodem fere modo exposuit D. Thom. 1. 2. q. 110. ar. 1. ad 3.

Auales gratiæ sub gratiæ faciente continentur. 6. Deinde non minus certum est, in usu Sanctorum Patrum sub gratia sanctificationis, seu gratum faciente comprehendere actuales gratias, quibus ad remissionem peccatorum obtinendam, & ad rectam operationem homo juvatur. Id constat in primis ex Concilio Milevitano capit. 3. dicente. *Quicumque dixerit, gratiam Dei, in qua iustificamur per Jesum Christum Dominum nostrum ad solam remissionem peccatorum valere, quæ jam commissa sunt, non autem ad adiutorium, ut non committantur, anathema sit.* Et in cap. 4. declarat, ad eandem gratiam pertinere omnia auxilia, quæ vel ad fidei veritatem cognoscendam, vel ad Deum diligendum nobis donantur: & in cap. 5. similiter definit, gratiam justificationis esse necessariam, ut præcepta implere possimus, quod maxime propter actuales gratias dictum esse, ex dicendis in lib. 1. & 2. constabit. Et eadem repetuntur in Concilio Africano sub Bonifacio canon. 78. 79. & 80. Et ex Concilio Carthagini. referuntur, & approbantur in epistol. Cælestini. 1. & ad Episcop. Galli. capit. decimo. Sic in epistol. 90. inter epistolas Augustini, quæ est Concilii cuiusdam Carthagini. ad Innoc. Papam, *Gratia, qua Christiani sumus, complecti dicunt omnia auxilia, quibus ad bene operandum juvamus, constat autem gratiam, qua Christiani efficiamur, maxime illam complecti, quæ nos Deo gratos reddit.* Et in epistol. 95. quæ est quinque Episcoporum Augustino ad eundem Innocent. eandem vocant, *gratiam qua iustificamur ab iniquitate, & qua salvamur ab infirmitate, & infra dicunt, ad hanc gratiam spectare, quidquid per subministrationem in Spiritu Sancti pertinet ad concupiscentias, tentationesque vincendas, quem ditissime effudit in nos, qui ascendit in cælum, & captivam duxit captivitatem, & dedit dona hominibus.* Dat autem Christus per subministrationem Spiritus Sancti non tantum habitualia dona, sed etiam auxilia omnia, quibus contra concupiscentias dimicamus; omnia ergo illa ad gratiam pertinent, qua iustificamur. Et in hac significatione loquitur Augustinus de divina gratia in omnibus suis operibus, ut legenti facile constabit. Recte ergo hæc gratia in habitualement, & actualem dividitur, utraque enim necessaria est ad nostram justificationem, & illam Deus operatur inchoando, vel perficiendo illam. Unde si nomen gratiæ gratum facientis quasi collectivè sumatur, utraque gratias complectitur, tanquam partes illius collectionis: si vero proprius sumatur, ut generale nomen sub se plura dona complectens, sic per modum generis in species, in habitualement, & actualem gratiam dividitur, & in hac significatione in præsentia sumitur.

Subdivisio gratiæ sanctificantis in gratiæ viæ, & præmiæ. 7. Uterius vero utrumque membrum breviter subdividendum est. Et primo gratia sanctificans dividi solet in gratiam viæ, & patriæ, seu inchoatam, & consummatam, quæ divisio utrique membro præcedentis divisionis accommodari potest. Nam omnia dona gloriæ, gratiæ quædam sunt, & ad omnia, & singula potest accommodari illud Romanor. 6. *Gratia Dei vita æterna*, & si respectivè ad dona viæ comparentur, se habent ut perfectæ, & consummatæ respectu eorum, quæ inchoata fuerant, vel ex parte data. Sic comparatur visio Dei ad fidem, & cognitionem viæ, juxta illud 1. Corinth. 13. *Ex parte cognoscimus, cum autem venerit, quod perfectum est, evanescit, quod ex parte est, &c.* Sic etiam possessio beatitudinis comparatur ad spem, & charitas patriæ licet sit eadem in substantia, in statu, modo, & gradu esse consummata, respectu sui, prout in via fuerat inchoata. Nam hic semper est imperfecta, ibi autem erit plena, juxta illud ad Philipp. 3. *Non quod jam acceperim, aut quod jam per-*

Suarez Tom. VI.

fectus sim, sequor autem, si quo modo comprehendam. Eademque est de cæteris actibus, & donis, seu virtutibus, & de ipsa gratia habituali, quæ ibi, & non ante consummabitur. Ad quam consummationem omnes hujus viæ gratiæ, & ministeria conferuntur, dicente Paulo ad Ephes. 4. *Ipse dedit quosdam Apostolos, &c. ad consummationem Sanctorum in opus mysterii, in edificationem corporis Christi, donec occurramus omnes in virum perfectum, &c.* Verumtamen licet gratia consummata in suo esse sit perfectior respectivè, nihilominus ratio gratiæ simplicius, & perfectius invenitur in gratia viæ; quia gratia patriæ jam est corona justitiæ, & inde habet rationem gratiæ, quod ex meritis fundatis in gratia viæ procedit, & ideo de illa exponit Augustinus illud Joann. 1. *Gratiam pro gratia* tract. 3. in Joan. & in Enchir. c. 7. de Grat. & lib. arb. cap. 8. & de Corrept. & grat. c. 13. Et hinc nomine gratiæ simpliciter intelligitur gratia viæ, & gratia patriæ gloria vocatur, juxta id Psalm. 83. *Gratiam, & gloriam dabit Dominus.* Atque ita de gratia nunc loquimur, nam ea, quæ sunt propria gratiæ consummatæ, in tractatu de Beatitudine considerantur.

8. Gratia igitur viæ habitualis dividi potest in eam, quæ est in essentia animæ, & eam, quæ est in potentiis. De priori intelligi optime possunt illa testimonia, *Iustificati gratis per gratiam ipsius.* Roman. 3. & : *In laudem gloriæ gratiæ suæ, in qua gratis fecit nos in dilecto filio suo,* ad Ephes. 1. De posteriori sunt illa testimonia Roman. 5. *Charitas Dei diffusa est in cordibus nostris,* & ad Ephes. 1. *Gratia estis salvati per fidem, & hoc non ex vobis, donum enim Dei est.* Sed quia utriusque ordinis testimonia sunt ambigua, & varias habere possunt expositiones, ideo subdivisio hæc, & illud primum membrum præcedentis divisionis in lib. 6. ex professo nobis probanda sunt. Nunc solum advertimus, longe certius esse, gratiam gratum facientem habitualiter infundi, quam quod aliquod donum in essentia animæ immediate recipiatur, vel (quod perinde est) quod sit distinctum ab habitibus virtutum, quæ sunt proxima principia operationum: id tamen nunc tanquam probabilius supponimus: & juxta hanc hypothesin semper loquemur. Nam hac subdivisione supposita, illa gratia, quæ in essentia animæ immediate infunditur, quasi per anonymam inter Scholasticos, & præsertim in schola Divi Thomæ nomen gratiæ sanctificantis, seu gratum facientis obtinuit, ut ab aliis habitibus per se infusis, qui virtutes, vel dona vocantur, distinguatur. Nam quia illa gratia perfectior cæteris censetur, & nomen sanctificantis gratiæ perfectionem magnam indicat, ideo simpliciter dictum ad perfectissimum gratiæ donum significandum accommodatum est, & in hac significatione frequentius, & ordinarie in hoc tractatu loquemur, cætera vero de hac divisione in dictum librum 6, remittimus.

9. Gratia item gratum faciens actualis multipliciter subdividi potest. Primo quidem, seu proxime illam partitur in actus supernaturales, & auxilia, seu motiones Dei, quibus nos ad illos efficiendos promover. Supponimus. n. dari in nobis aliquos hujusmodi actus supernaturales. Ex qua hypothesi duo manifeste auferuntur, unum est, illos esse dona Dei non debita naturæ. Unde dixit August. in Enchir. c. 7. Deum præmium his actibus dando, *remunerare dona sua*, quod latius confirmat lib. de Grat. & lib. arb. c. 6. sunt ergo gratiæ, & sub gratum faciente continentur, ut dixi, quia per illos iustitia vel acquiritur, vel augetur, & consequenter sunt gratiæ actuales, quia non permanent, nisi dum fiunt. Aliud quod inferitur, est, hujusmodi actus non posse fieri sine speciali, seu aliquo modo supernaturali auxilio Dei, quia si opus supernaturale est homini, profecto vires ejus naturales superat; ergo oportet, ut per auxilium Dei defectus ille suppleatur: ergo etiam illud auxilium est gratia aliquid ad propriam sanctificationem conferens, ac subinde sub generali gratia gratum faciente contenta. Distinguitur autem hæc gratia ab ipso actu, vel tanquam via ad illum, vel saltem ut motio influens in illum, & ideo non transcendit ordinem gratiæ actualis; recte igitur actualis gratia in illa quo membra distinguitur.

Aualis gratia sanctificans sunt actus supernaturales, & Dei concursus ad illos requiritur.

Prima
partitio
actualis
gratiæ.

10. Ulterius vero gratia hæc actualis, ut ad actus ipsos pertinet, multiplex est, & breviter notari possunt tres præcipue partitiones. Prima est, quia duobus modis esse potest actus supernaturalis, scilicet in sua entitate, & dicitur supernaturalis quoad substantiam, vel solum in modo, quo fit, nimirum, quia tunc fit per speciale Dei auxilium, quando per naturales causas, vel fieri non posset, vel infallibiliter non fieret, quam partitionem in toto l. 1. & 2. explicaturi sumus,

Secunda.

Secunda est, quia hi actus interdum sunt perfecte humani & liberi, & sufficienti consideratione rationis elicit; alii vero sunt sine libertate facti ex necessaria motione Dei, & absque sufficienti consideratione, & deliberatione hominis elicit, ad eum modum, quo contingit esse in nobis motus cogitationum, vel appetitionum indeliberatos, ac naturales, qui dicuntur primo primi. Priores actus perfecte humani spectant proprie ad primum membrum gratiæ actualis, quod supernaturales actus continet; cum quia isti sunt proprie, & perfecte nostri, quia illorum sumus domini; cum etiam, quia alii actus necessarii sub auxiliis actualibus continentur, & ita semper loquimur. Quia licet in illis actibus naturalibus distingui possit, & ratio actus vitalis integri, & consummati in sua ratione, & ratio viæ, seu tendentiæ ad illum, illa distinctio solum est physica, & ad moralem gratiæ considerationem parum confert. Tertia veluti subdivisio illius membri supernaturalium actuum humanorum esse potest, quia quidam illorum antecedunt habituales iustitiam vel tempore, vel saltem natura, alii subsequuntur, priores solent esse dispositiones ad iustitiam, posteriores vocantur fructus iustitiæ, & ita uno vel altero modo ad gratiam sanctificantem pertinent. His addi possunt divisiones secundum varias virtutum species, de quibus in lib. 2. dicendum est.

Tertia.

Multiplex
actualis
auxiliæ
gratiæ
acceptio.

11. Tandem hæc etiam gratia actualis, ut de auxiliis dicitur, multiplex est, tamen quia illorum auxiliorum varietas in l. 3. & sequentibus ex professo tractanda est, hic tantum ad usum nominum præ oculis habendum tria breviter prænotabimus. Primum est, novem esse præcipuas voces, quibus hæc actualis gratia nuncupari solet. Primo enim dicitur hæc gratia, vel morio *præveniens*, quia tempore, vel natura præcedit vel meritum, vel actum, vel influxum liberi arbitrii, & ita hominem prævenit, & in idem redit, si vocetur *præmotio* gratuita, sive auxilium *præmovens*, nam commune est omni actuali gratiæ spiritualiter movere animam, ideo enim actualis dicitur, quia in actuali motione consistit: cum ergo dicitur *præmotio*, significatur antecessio temporis, vel naturæ, quam etiam nomen *præveniens* significat. Secundo dicitur *concomitans*, seu *comitans*, quia simul cum ipso libero arbitrio influit in actum, & ab aliquibus vocari solet *auxilium simultaneum*. Tertio dicitur *subsequens*, quia supponit vel aliam gratiam, vel aliquem actum liberum ex gratia factum, ratione cuius datur. Quarto vocatur *excitans*, quia hominem non attendentem, & quasi dormientem a somno excitat, mentem actualiter illuminando, vel cor ejus tangendo. Quinto dicitur *adjuvans*, quia ipsum hominem, ut actu operantem juvat. Sexto dicitur *operans*, quia solus Deus per illam in homine operatur, solus, inquam, id est, sine libera hominis cooperatione. Septimo dicitur *cooperans*, quia cum ipso libero arbitrio actu operatur. Quibus adduntur nomina gratiæ sufficientis, & efficaciæ, quæ easdem gratias significant, easque fere omnes subdividere possunt: & nunc perfunctorie possunt ita exponi, ut sufficiens dicatur ratione virtutis, & potestatis, quam habet ad operandum: efficax vero ratione actualis effectiōis, quam vel ex se, vel ex modo, quo datur infallibiliter habet. Ratio autem prædicti numeri non est alia, nisi quia illæ voces sunt usitate a Patribus ad significandas gratias actualium auxiliorum, & illæ sufficienter significant omnes divinas motiones necessarias ad opera gratiæ, saltem sub generalibus rationibus, & habitudinibus earum, ut in libro 4. capit. 3. dicturi sumus.

Admitti
non debet
vox, quæ
& aliquam

12. Quamobrem non sunt facile aliæ voces in hac materia admittendæ, vel introducendæ, nisi aliquas species prædictarum motionum significant, & in usu

Sanctorum Patrum inveniantur. Sæpiissime enim significatur aliquæ ex prædictis gratiis nomine *vocationis, illuminationis, inspirationis, & tactus cordis*, ut in Concilio Trident. sess. 6. & in Arausicano, & aliis videre licet, sed per hæc omnia significantur eadem gratiæ, quæ secundum alias considerationes, aut respectus dicuntur prævenientes, excitantes, aut operantes. Nam gratia actualis movet hominem ad sanctam voluntatem, & operationem, unde necesse est, ut ab intellectu incipiat, ut recte notavit Augustinus de Prædestin. Sanctorum c. 2. & qu. ad Simplician. & ideo prima gratia, quæ hominem prævenit, & excitat, recte dicitur *vocatio*, quia hominem vocat ad bene operandum, & dicitur *illuminatio*, quia aliquid manifestat intellectui, & omne quod manifestatur, *lumen* est, ut dixit Paulus, & ab Augustino supra, & sæpe vocatur sancta cogitatio. *Inspiratio* vero dicitur, vel quia venit ab Spiritu Sancto, qui ubi vult spirat, vel quia voluntatem etiam excitat, & movet, unde actus cordis merito appellatur: nomine enim cordis voluntas significari solet, juxta illud *Diliges Dominum Deum tuum ex toto corde tuo*, quamvis possit etiam ad totam mentem, & intellectum referri juxta illud, *Ut quid cogitatis mala in cordibus vestris?*

13. His aliqui addunt gratiam *præoperantem*, solum quia illa voce semel usus est Prosper in epistol. ad Augustinum, sed illa coincidit cum gratia operante, & illa particula *Præ* solum indicat operantem gratiam esse etiam prævenientem, ut infra suo loco dicam. Addunt præterea nomen *prædeterminantis* gratiæ, seu auxilii, nos vero nunc ab hac voce abstinemus, quia nec in Scriptura, vel Conciliis, nec in Augustino, aut aliis Patribus, vel antiquis Theologis illam invenimus ad significandam aliquam gratiam usurpatam. Et potest esse ambigua, nam prædeterminatio, interdum significat internum propositum personæ prædeterminantis, & sic in donis gratiæ pertinet potius ad gratiam prædestinationis, vel electionis Dei, quam ad internam gratiam, de qua nunc agimus. Potest etiam significare internum impulsum immisum voluntati ad determinandam illam, & sic potest vox illa falsum sensum inducere, ut in l. 5. videbimus.

14. Facilius admitti posset vox *præparantis* gratiæ, quia frequenter Augustinus utitur in hac materia illis verbis, quæ secundum 70. leguntur Proverb. 8. *Præparatur voluntas a Domino*, utique per gratiam; datur ergo gratia præparans. Sed hæc etiam vox ambigua, vel multum generalis est, quia interdum significat præparationem extrinsecam, quæ fit per propositum Dei, & sic dixit Augustinus de dono persever. c. 14. *Prædestinatio est præscientia, & præparatio beneficiorum Dei*, & in hoc sensu non spectat ad gratiam, de qua loquimur, sed ad gratiam increatam, & extrinsecam. Alio modo significat *præparatio* intrinsecam subiecti dispositionem, & præparationem, & sic multis etiam modis potest voluntas per gratiam præparari. Interdum enim ita præparatur, ut ipsa se præparet, & tunc illa vox non tam significat auxilium, quam actum humanum perfectum, quo voluntas se disponit cum Dei auxilio ad ulteriorem gratiæ perfectionem. Aliquando vero præparatur a solo Deo, & tunc gratia præparans eadem est, quæ gratia præveniens, aut excitans, vocando, illuminando, &c. In hac vero significatiōe vox illa præparantis gratiæ usitata non est. Idemque fere est de gratia *prædefinitionis*, quam aliqui inter auxilia ponunt, imo & prædestinationem, & præscientiam. Sed hæc non pertinent ad gratiam intrinsecam, & creatam, de qua nunc tractamus: nec proprie dicuntur auxilia, quia per se non operantur in nobis, nec nobiscum, ut postea videbimus. *Concursus* etiam divinus, qui ad hæc operatur, inter has gratias actuales numeratur, quod in bono sensu verum est, & sub adjuvante gratia comprehenditur. Quomodo autem intelligendum sit, in fine libri tertii dicemus.

15. Secundo circa idem genus gratiæ actualis, & auxiliantis, & omnia membra ejus, quæ explicuimus, oportet advertere, sicut de actibus ipsis diximus, quodam esse in entitate supernaturales, alios in modo; ita etiam hoc donum gratiæ auxiliantis esse posse vel in se supernaturale absolute, vel solum ratione ordinis,

ex dictis
non signi-
ficet vel
in Patri-
bus &c.

Cur præ-
determina-
tio di-
ctis non
substat?

Præpara-
tis, & præ-
definitionis
vox exclu-
ditur.

Aliter, in
Præmi:

Hoc auxi-
liantis gra-
tiam donum
est super-
naturale
in substan-
tia, vel in
modo.

nō, seu modi, scilicet, quia in entitate sua naturalis est ordinis, datur tamen per modum beneficii gratuiti. Et primum dici potest supernaturale quoad substantiam, maximeque datur ad opera supernaturalis ordinis, quæ supernaturalia quoad substantiam esse dicuntur. Secundum dici potest supernaturale quoad modum, daturque maxime ad actus morales in substantia etiam sua naturales, licet interdum dari etiam possit, ut aliquo modo juvans ad actus per se infusos efficiendos. Quæ partitio veram doctrinam continet: non possumus autem hoc loco illam exacte declarare, præsertim quoad membrum primum ejus, quia pendet ex cognitione ipsorum actuum, qui supernaturales quoad substantiam dicuntur, de quibus in secundo libr. dicturi sumus, & ideo in tertio libr. illud genus auxilii exacte declarabimus. In altero vero membro solum est cavendum, ne illud genus auxilii cum motionibus, vel concursibus Dei mere naturalibus confundatur contra dicta in secundo capite hujus prolegomeni.

Motio naturalis gratia dicitur cum non debito modo consequatur.

16. Ut ergo hoc explicemus, advertimus tertio, ut motio ordinis naturalis inter auxilia gratiæ computetur, in primis necessarium esse, ut non sit debita naturæ ex vi naturalis dignitatis, seu conditionis suæ, & consequenter neque ex vi naturalis providentiæ Dei

secundum legem ordinariam ipsi naturæ consentaneam, quia, ut dixi, quidquid hujusmodi est, non pertinet ad ordinem gratiæ, sed naturæ; nec potest secure dici, gratiam sanctificantem, & gratum facientem aliquo modo esse debitam naturæ, proprium autem auxilium gratiæ inter gratias gratum facientes computatur, ut ostendimus: oportet ergo ut non sit naturæ debitum. Deinde, & consequenter necessarium est, ut, vel in re, vel in modo aliquid in illo præstando Deus exhibeat præter id, quod pertinet ad communem cursum naturæ, id est, ultra virtutem, & efficaciam causarum secundarum, prout cursus, & actus suos facere sinuntur cum generali concursu Dei. Nam quidquid hoc præciso modo sit, in substantia, & in modo mere est naturale, & sit ex virtute, & concursu debitis naturalibus causis, in quo nihil gratiæ invenitur. Ergo ut motio aliqua ordinis naturalis gratia sit, oportet, ut aliquid speciale Deus in ea conferat, vel mutando communem causarum ordinem, vel illas aliter applicando, quam per se possent, vel alio simili modo non debito concurrente in ordine ad supernaturalem finem. Tunc autem ratio gratiæ sufficienter in tali motione salvari potest. Quod ex dicendis in libro primo clarius intelligitur.

FINIS PROLEGOMENI TERTII.

PROLEGOMENON IV. DE STATIBUS HUMANÆ NATURÆ.

CAPUT I.

An possit homo in statu puræ naturæ creari, in ordine ad finem supernaturalem?

I. Status quid hic sit, & quomodo in civili, & canonico jure usurpetur.



Explicatis nominibus gratiæ, & liberæ naturæ, varios ejusdem naturæ status distinguere necesse est, quoniam licet talis natura semper ope gratiæ indigeat, multo vero magis, pluribusque titulis, ac modis in uno, quam in alio statu, ut omnes fere Theologi animadvertunt. Prius vero declarare oportet, quid nomine status in præsentī significetur. Aliter enim hæc vox in moralibus, seu civilibus rebus, aliter in præsentī accipitur. Status enim in jure civili significare solet conditionem personæ, prout est sui juris, vel alieni, servus, vel ingenuus, quomodo sumitur in titulo. ff. de Statu hominum. In jure autem Ecclesiastico, & Theologia morali, status significari solet rationem aliquam vivendi cum obligatione aliqua, vel immobilitate, sicut appellatur status matrimonii, vel religionis, aut episcopatus, ut videre licet in D. Tho. 2. 2. qu. 183. sequentibus. In præsentī vero non his modis proprie sumitur, sed per quandam proportionem, ut dicit conditionem, seu modum se habendi totius humanæ naturæ in ordine ad suum ultimum finem secundum divinæ providentiæ ordinem. Et sic potest ac commodari definitio Scoti in 1. distinct. 3. quæst. 3. artic. ult. *Status est stabilis permanentia, legibus divinæ sapientiæ firmata.*

Viz, & patriæ status.

2. Sicque in genere duplex distinguitur a Theologis status humanæ naturæ, scilicet, viæ, & termini, id est, status hujus viæ, qui est beatitudinis acquirendæ, & status patriæ, qui est beatitudinis jam possessæ, & per antonomasiam nomen status meretur, quia solus ille est omnium bonorum aggregatione perfecte

Status naturæ integræ, & lapsæ. ut ex D. Th. 1. 2. qu. 109. tota, Gabriele in 4. dist. 1. q. 2. & aliis sumitur. Verumtamen hæc divisio data est statibus, quos in diversis temporibus de factō habuit humana natura; supponimus autem, neutrum illorum esse statum puræ naturæ. Nam, ut infra contra hæreticos, & aliquos catholicos ostendemus, uterque illorum aliquid addit ultra id, quod pura humana natura ex se postulat: & ideo Cajetan. & moderniores Theologi tertium considerant statum, quem pure naturalium appellaverunt, qui licet de factō non fuerit, ut suppono, & infra juxta sanam doctrinam ostendam, cogitari tamen potest, ut possibilis, & illius consideratio ad aliorum intelligentiam necessaria est, quia revera hic status est veluti aliorum fundamentum; ideoque de illo in primis dicendum est, postea vero de aliis duobus, & de variis membris, in quæ subdividi possunt, differemus.

Status naturæ integræ, & lapsæ.

Status puræ naturæ.

3. Status ergo puræ naturæ duo includit, & requirit, alterum positivum, nimirum ut in eo habeat natura humana cum perfectione essentiali omnes naturales facultates, & concursus, ac providentiam Dei sibi naturaliter debitam; alterum negativum, ut videlicet, ut nihil habeat naturæ superadditum, ei non debitum, sive malum, sive bonum, hoc est, ut nec peccatum habeat, nec, quod est consequens, reatum peccati, neque etiam affecta sit aliquibus gratiæ donis, aut perfectionibus naturæ non debitis. Quod ergo spectat ad priorem partem de positiva perfectione nulla est quæstio, clarum est enim posse hominem cum omni perfectione suæ naturæ debita creari; imo in omni ejus statu hanc perfectionem habere supponitur, ut per se notum est, & insequentibus sæpius dicetur. Disputatio ergo est de altera parte negativa, ab illa enim natura denominatur pura, puritas enim solam negationem dicit.

Unū positivū, aliq. rō negativū. vñ status puræ naturæ posulat.

Potest
homo in
pura na-
tura con-
di a Deo
sine pec-
cato, &
ita futu-
rus est, si
immedia-
te creetur
ab ipso.

4. Et de hac etiam parte, ut clarum statuimus, posse hominem creari purum a peccato, quin potius necessario talem esse futurum, si immediate a Deo creatus sit, & ab alio homine peccatore originem non trahat, nec ipse se peccatorem constituat. Quia non potest Deus esse author peccati, & ideo concedendo naturam non infundit culpam, sed necessarium est, ut vel ab alia radice infecta deriveretur, ut contingit in peccato originali, vel a voluntate ipsa creata nascatur: quod an possit contingere in ipso instanti creationis? alia questio est, quæ de angelis tractari solet, & de homine a Deo creato, disputari potest. Sed ad præsens non refert, quia cum de potestate tractamus, ut homo possit purus a culpa existere, satis est, quod possit a Deo immediate creari, & in illo statu, in quo creatur, non peccare, quod etiam de facto ita accidisse certissimum est. Imo etiam probabilius est, aliter fieri non posse secundum convenientem providentiam, & maxime in homine, qui in momento non deliberat.

De quo
procedat
questio
explica-
tur, &
duplex
donum
naturæ su-
peranti.

5. Superest ergo inquirendum de puritate naturæ quoad carentiam donorum supra ordinem talis naturæ existentium, an scilicet potuerit homo in tali puritate naturæ creari? Ubi etiam non est questio de absoluta Dei potentia, sic enim clarum est, hoc non repugnare, cum Deus absolute loquendo, libere conferat huiusmodi dona: sed quærimus de ordinata potestate, operante, & providente tali naturæ, juxta id, quod naturaliter exigit. Dona vero, quæ supra ordinem talis naturæ esse dicimus, duplicia cogitari possunt, quædam perfectientia hominem solum in ordine ad connaturalem finem, & ad operationes ordinis naturalis, & de his dicemus capite sequenti. Nam per talia dona constituitur status integræ naturæ, de quo statu in dicto capite tractaturi sumus, & ideo ibi etiam videbimus, an possit homo in statu connaturali esse sine talibus donis, & consequenter inde constabit, quomodo status integræ naturæ a pura natura differat. Alia vero sunt dona perfectientia hominem in ordine ad supernaturalem finem, & ad operationes supernaturales, qualia sunt propria dona gratiæ, & virtutum infusarum, &c. & de carentia horum donorum in præsentia tractamus. Non est autem limitanda questio ad solum tempus creationis, seu inceptionis hominis, sic enim clarum est, posse hominem creari sine his donis; imo ita creatum esse dixerunt aliqui, quod in sequentibus videbimus: sed vel amplianda est questio ad totum tempus, seu statum hujus vitæ, vel intelligenda est de potestate proxima, & cum sufficienti providentiæ ad comparanda hæc dona. Dico autem, proxima, quia capacitas remota, quæ obedientialis dicitur, inseparabilis est ab humana natura, juxta doctrinam Augustini de Prædestinatione Sancto cap. 5. Proximam autem potestatem vocamus illam, quæ includit media necessaria, & convenientia ad obtinendam aliquando horum donorum perfectionem, operationes, ac finem. Et ita quærimus, an possit humana natura ita pura creari, ut his donis supernaturalibus, & potestate proxima ad illa comparanda omnino careat?

Pre parte
negativa
rationis
momenta.

6. Ratio autem dubitandi est, quia non potuit Deus non condere hominem propter ejus ultimum finem, sed hic finis in se supernaturalis est; ergo non potuit hominem condere sine ordinatione ejus ad finem supernaturalem; ergo nec sine gratia, ac proinde non in puris naturalibus. Major per se nota videtur, quia nihil Deus potest agere, nisi propter finem, quæ intentio finis sistere debet in aliquo ultimo, qui est ipsemet Deus, nam omnia operatur propter semetipsum, & ideo *alpha*, & *omega* dicitur. Minor autem probatur, quia finis ultimus hominis est beatitudo ejus; beatitudo autem est visio beatæ, quæ supernaturalis est, ut nunc ex fide suppono, & traditur 1. parte, questione 12. & 1. 2. questione 3. Consequentia autem videtur clara, quia non potest homo creari propter illum finem, nisi recipiat media, quibus illum consequi possit, illa autem media sunt dona gratiæ. Et augetur difficultas ex opinione multorum Theologorum assertentium habere hominem appetitum naturalem, & innatum ad videndum clare Deum. Quam docuit Scotus in questione 1. Prologi,

6. *Ad primum licet procedat*, & in 4. distinct. 49. questione 9. & 10. Durand. questione octava, Palud. questione septima, articulo primo, Major questione 6. & latius Soto questione 2. artic. 1. §. *Nihilominus prima conclusio*, & lib. 1. de Natur. & Grat. cap. 4. & favet interdum D. Thomas, ut 1. part. quest. 12. quest. 3. art. 8. & quest. 5. art. 3. ad 3. Ex hac ergo opinione sequitur, non potuisse hominem etiam de potentia absoluta creari sine appetitu innato, seu pondere naturæ ad videndum Deum: nam hic appetitus, seu pondus naturæ non est in re aliquid distinctum ab ipsa natura: non ergo potest condi natura sine illo. Item non est distinctum aliquid a capacitate naturæ: capacitas autem illius finis, seu visionis non est separabilis a natura, ut dixi. Denique ex hac intrinseca capacitate hominis nascitur, ut extra Deum non satietur, nec quiescat, juxta illud Augustini 1. Confession. cap. 1. *Fecisti nos Domine ad te, & inquietum est cor nostrum, donec perveniamus ad te*; ergo non potuit homo condi, nisi ordinatus ad illum finem, quem propterea Scotus naturalem vocat: ergo nec condi potuit (saltem, juxta debitam institutionem naturæ) sine gratia necessaria ad illum finem; non ergo in puris naturalibus.

Nonnulli
errores
referun-
tur, &
machina-
ta opinio.

7. Possent in hoc loco referri variae sententiæ, vel hereticorum, vel Catholicorum, ex quibus sequitur, non solum posse hominem in puris naturalibus creari, sed etiam de facto creatum esse, vel in principio, vel etiam nunc creari, seu generari, ut Pelagiani negantes gratiam, & originale peccatum, necessario dicere debuerunt. Sed has sententiæ omitto, quia in sequentibus capitulis ex professo tractandæ, & pro hujus loci opportunitate refutandæ sunt. Illis ergo sententiis prætermis, cogitari potest alia extreme contraria, nimirum, servata providentiæ humanæ naturæ debita, non potuisse hominem in puris naturalibus creari, etiam in ordine ad superna naturalem finem. Quam quidem non invenio ab aliquo auctore catholico expresse traditam. Inter assertiones autem Michaelis Baji aliquas invenio, ex quibus colligi potest, illum sensisse vitam æternam esse homini connaturalem, & quasi jure naturæ debitam. Hinc enim dixisse videtur, ad meritum vitæ æternæ non esse necessariam gratiam adoptionis, sed solum ut homo legis opera faciat, ut in 6. Prolegom. cap. 2. patebit in ejus propositione 14. & sequentibus, ubi non solum id affirmat, sed etiam dicit ad Pelagianum errorem pertinere gratiam adoptionis postulare. Et videtur deceptus quibusdam locis Augustini, in quibus reprehendit Pelagianos, qui dicebant, parvulis esse necessarium baptismum ad gratiam adoptionis, non ad remissionem peccati: nam eos impugnando significavit Augustinus, parvulis, si peccato carerent, per se, & naturæ suæ vitam æternam deberi. Unde idem diceret de quocunque adulto, si in pura natura absque peccato crearetur. Videatur Augustinus lib. 6. contra Julian. cap. 4. alias cap. 9. & 10.

Ex prin-
cipio que-
dam pro-
biti pot-
est.

8. Præterea videtur hæc sententiæ sequi ex alio principio a nonnullis scholasticis admissum. Principium illud est, quod beatitudo æterna, propter quam homo est creatus, est naturalis finis ultimus ejus, quod Scotus, & alii, ut dixi, senserunt. Nam inde sequi videtur, Deum clare visum esse unicum finem ultimum ejusdem naturæ humanæ: nam finis ultimus esse non potest, nisi unus. Distingui vero solet finis ultimus quoad consequutionem, vel quoad intentionem, seu appetitionem, & ita dicitur esse duplex quoad consequutionem, quia unus naturaliter, alter non, nisi supernaturaliter obtineri potest, licet uterque sit naturalis quoad appetitionem. Sed in hoc duplicem repugnantiam invenio, una est, duplicem esse finem ultimum quoad appetitionem. Nam si appetitus naturæ humanæ non sistit in aliquo bono naturali, sed ultra tendit ad supernaturale, profecto nullum naturale bonum est finis ultimus ejus: nam finis ultimus includit negationem tendentiæ in ulteriorem finem, alioqui alter finis non est ultimus, si ibi non sistitur. Et sumitur aperte ex Aristotele 1. Ethicor. capite septimo, dicente felicitatem non appeti propter aliud, sed tantum propter se. Altera repugnantia est, quod finis supernaturalis quoad conse-

consequutionem, sit naturalis quoad appetitionem, cum appetitus naturalis non fundetur, nisi in naturali potestate, ut in Metaphysica latius tractatur, & in materia de Beatitudine dictum est. Unde si beatitudo patriæ est naturalis quoad tendentiam, & intentionem naturalis appetitus, etiam erit naturalis quoad aliquam perfectionem naturalem. Ex quo fit, ut supra argumentabamur, non potuisse hominem non creati propter illum finem, & sub providentia illi beatitudini proportionata, quæ est providentia gratiæ.

9. Nihilominus suppono, beatitudinem æternam, propter quam homo creatus est, & quæ illi promittitur, ut merces meritum, simpliciter, & absolute supernaturalem esse. Hoc existimo esse necessarium fundamentum ad evitandum errorem Pelagii, & ad reddendam solidam rationem plurimum dogmatum de divina gratia. Et ita cenfeo esse certum, & sufficienter probari ex verbis Pauli 1. ad Corinth. secundo, & Isai. 64. *Oculus non vidit, DEUS, absque te, quæ preparasti expectantibus te*: vel ut ait Paulus 1. Cor. 2. *Nec oculus vidit, nec auris audivit, nec in cor hominis ascendit, quæ preparavit Deus iis, qui diligunt illum*. Hoc enim bonum, quod Deus hominibus præparavit, non est, nisi æterna felicitas, quæ in Scriptura Matth. 25. Marc. 10. & Luc. 18. & sæpe alibi, & in Symbolo dicitur *vita æterna*; illa ergo supra naturam hominis est, & ex supernaturali providentia præparatur. Deinde hæc felicitas in clara Dei visione posita est, ut constat ex 1. 2. quæstione 3. At visio Dei clara supernaturalis est, ut passim traditur in Scriptura, sufficitque illud 1. ad Timoth. 6. *Lucem habitat inaccessibilem, quam nemo hominum vidit, sed nec videre potest*, utique suæ naturæ viribus, ut late tractavi 1. part. tractat. 1. libr. 2. capit. 8. Idemque est certissimum de amore patriæ, nam si amor viæ supernaturalis est, a fortiori patriæ, quia est ejusdem charitatis, quæ nunquam excidit 1. ad Corinth. 13. & in eo ordine est perfectissimus, ut constat. Illa ergo beatitudo supra naturam hominis existit, ut est quædam formalis hominis perfectio, & consequenter etiam, ut est finis ultimus, supernaturalis est: nam beatitudo, & finis ultimus idem sunt.

10. Hinc Divus Thomas variis in locis duplicem finem ultimum hominis distinguit, unum naturalem, ad quem tendit homo ex vi, & impetu suæ naturæ; alium excedentem naturam, ad quem ordinatur homo per gratiam; ita habet 1. parte, quæstione 23. artic. 1. loquens de Angelis, & 1. 2. q. 5. ar. 5. & q. 62. ar. 13. & q. 109. ar. 5. ad 13. Unde Thomistæ communiter hanc distinctionem admittunt, Cajet. 1. p. q. 62. ar. 1. & Soto lib. 1. de Natura, & grat. cap. 3. & in 4. dist. 49. qu. art. 2. concl. 3. quatenus dicit, aliquam beatitudinem naturalem viribus naturæ comparari posse. Idem indicat Scot. quæst. 3. Prologi, ad argumenta primæ quæstionis in fine. Ratio vero ejusdem distinctionis ex fundamento posito reddenda est. Quia necesse est, omnem naturalem substantiam habere aliquem finem ultimum connaturalem, in quem tendat, qui finis in natura intellectuali vocatur beatitudo. Quod etiam naturales philosophi agnoverunt, præsertim Arist. libr. 1. & 10. Ethicorum: ergo cum visio beata non sit hujusmodi finis naturalis respectu hominis, ut ostensum est, necessarium est dari aliquem alium finem naturalem talis naturæ. Quis autem ille sit, & an in hac vita, vel solum in futura obtineri possit? non est tractandum hoc loco, cum in materia de Beatitudine proprium habeat.

11. Atque ex his principiis ulterius sequitur, sicut cœlestis beatitudo est supernaturalis, ita ordinari hominem ad illam consequendam, non esse ex naturæ debito, sed ex gratuita dilectione, & voluntate Dei. Et hoc significavit nobis Paulus 1. ad Timoth. 2. dicens, *Deus vult omnes homines salvos fieri*, illam enim voluntatem pertinere ad gratuitum amorem Dei, omnes Patres intelligunt: unde proprii effectus ex illa voluntate procedentes ad gratiam spectant, ut est illud Joann. 1. *Illuminat omnem hominem venientem in hunc mundum*: & illud Roman. 8. *Quos prædestinavit, hos & vocavit, quos vocavit, & hos justificavit, &c.* & ad Ephes. 1. *Elegit nos, ut essemus sancti, & immaculati*.

Suarez Tom. VI.

lati: ratio vero clara est, quia si finis non est debitus etiam debito proportionis, seu connaturalitatis; neque ordinatio ad talem finem potest esse debita, quia est ejusdem rationis, & (ut sic dicam) accipit speciem a fine. Item quia si ordinatio ad finem esset debita naturæ, etiam media essent debita, quia vel in eis consistit talis ordinatio, vel ex vi illius debentur; ergo talia media non essent gratia, prout de illa loquuntur Scriptura, & Concilia, quia gratiæ repugnat tale debitum, ut supra dixi ex Divo Thoma 1. 2. quæst. 111. art. 1. ad 2.

12. Tandem ex eodem principio sequitur, adoptionem hominis ad vitam æternam esse gratiam respectu hujus naturæ secundum se spectatæ, & sine peccato. In quo graviter erravit Michael Bajus, qui contrarium videtur posuisse ut suæ doctrinæ fundamentum, ut ex ejus propositionibus infra referendis manifeste colligitur. Veritas autem illius consequentis aperte colligitur ex Paulo in locis citatis, & ad Roman. 6. dicente: *Gratia Dei vita æterna*, & capit. 8. *Qui spiritu Dei aguntur, hi sunt filii Dei*, utique adoptivi, non naturales, ac proinde per gratiam non per naturam, & de illis subdit: *Sis filii, & hæredes*, utique vitæ æternæ: & propterea ad Ephes. 1. ipse Spiritus Sanctus dicitur *pignus hereditatis nostræ*, quia scilicet illa non est hæreditas naturæ debita, sed gratiæ, juxta illud ad Tit. 3. *Ut justificati gratia ipsius hæredes simus secundum spem vitæ æternæ*. Igitur sola natura, etiam sine peccato creata, non esset per se hæres vitæ æternæ, nisi ei addatur adoptionis gratia, sicut etiam nunc justificationem non tantum aufert peccatum, sed etiam confert gratiam, per quam justificati adoptantur, ut postea videbimus. Neque in hoc Augustinus unquam Pelagianos reprehendit, sed in eo, quod cum concederent, parvulos indigere baptismo propter adoptionem, nihilominus negabant, indigere baptismo propter remissionem peccati; unde in citato loco partem illam expresse approbat, & solam secundam reprehendit, & ex illa eos redarguit, quia si parvuli non nascerentur in peccato, non esset cur eis denegaretur adoptio, quam Deus de se paratus est omnibus dare.

13. His positis dicendum est primo, de facto nullam creaturam intellectualem fuisse aut extitisse unquam in puris naturalibus conditam cum solo ordine ad connaturalem finem, imo neque esse posse secundum legem ordinariam a Deo statutam. Totam assertionem existimo certam, ejusque primam partem probabo inductione. Nam Angeli creati fuerunt in gratia juxta doctrinam Patrum, præsertim Augustini. 1. 2. de Civit. cap. 9. ubi de Deo creante Angelos dicit, *Simul erat in eis condens naturam, & largiens gratiam*. Quod etiam habet fundamentum in Scriptura, & latius tractatur. 1. part. quæstione 62. articulo 3. De natura vero humana idem ostenditur, quia in Adamo statim in creatione sua gratiam recepit, & non obscure docuit Concilium Tridentinum sess. 5. in decreto de peccato originali, dum ait, *Adamum peccando amisisse sanctitatem, & justitiam, in qua constitutus fuerat*. Quamvis enim non dicat, fuisse in illa constitutum a primo instanti creationis, tamen recte colligi potest, cum non sit major ratio de uno tempore, seu momento, quam de alio. Et idem confirmant verba sapientis Ecclesiastes 7. *Fecit hominem rectum*, ut sentit Augustinus de Corrupt. & grat. c. 10. & latius Div. Thomas 1. p. qu. 95. art. 1. ratio vero potest breviter reddi, quia ut alias dixit Ambros. *Nescit tarda molimina Spiritus Sancti gratia*: unde cum in instanti fiat, non oportuit differri, sed in ipso instanti creationis dari. De cæteris vero hominibus non oportet probationem addere, quia, & in peccato concipiuntur, ut est de fide, & nihilominus in eo statu ad hoc ordinantur, ut & illius peccati remissionem, & supernaturalem finem assequi possint: unde qui ab illo peccato præservatus est, ut Beatissima Virgo, gratiam simul cum natura adeptus est.

14. Addo Præterea, licet satis certum sit, Angelos, & primum hominem creatos fuisse in gratia, longe tamen certius esse, non fuisse creatos in puris naturalibus in ordine ad ultimum finem, quia esto non habuissent in primo instanti gratiam habitualement, nihilominus

1. Assertio

Certum angelos & Adam conditos in gratia, certius vero non fuisse in puris naturalibus conditos.

Æterna vita, ad quam homo est creatus supernaturalis est.

D. Th. naturalem & supernaturalem finem docet.

Ordinatio beatitudinis supernaturalis est.

hilominus negari non potest, fuisse creatos ad finem supernaturalem consequendum, ac subinde habuisse paratum auxilium, & cum illo potentiam proximam, ad consequendam gratiam, se disponendo ad illam. Unde saltem indubitatum est, non solum sanctos Angelos ante terminum Patriæ, sed etiam Angelos malos, priusquam peccarent, habuisse gratiam, qua potuissent, & non peccare, & gloriam mereri, si voluissent, sicut boni fecerunt. Et similiter de Adamo certius est, habuisse gratiam ante lapsum, quidquid fuerit de primo instanti creationis, id enim evidenter testatur Concilium Trid. dicta sess. 5. & traditur latius 1. par. qu. 95.

Secunda
addi
pars pro
batur ra
tione.

15. Atque hinc manifesta est ultima pars assertio-
nis. Quia imprimis Deus nullam creaturam intelle-
ctuallem condidit, nisi propter æternam beatitudinem,
ut suppono ex propria materia tanquam de fide cer-
tum. Hoc autem ipso talis creatura non creatur in pu-
ris naturalibus, quia elevatur ad finem altio-
rem, quam suæ naturæ debeat. Deinde omnis creatura in-
tellectualis, quam Deus immediate condidit, in gra-
tia creata est; dona autem Dei sunt sine pœnitentia,
ut inquit Paulus Roman. 11. & ideo nulla creatura se-
mel habens gratiam, illa privatur a Deo, nisi peccan-
do se illa priveret: unde est illud axioma catholicum,
Iustus non deseritur a Deo, nisi prius ipse deserat Deum;
non potest ergo esse transitus a statu gratiæ, ad statum
puræ naturæ, sed solum ad statum culpæ. Rursus et-
iam e converso nec a statu culpæ transiri potest ad sta-
tum puræ naturæ. Nam licet de absoluta Dei potentia
id non repugnaret (juxta Scoti sententiam, & multo-
rum) tamen de lege ordinaria, de qua loquimur, id
fieri non potest, quia Deus non remittit culpam mor-
talem, nisi infundendo gratiam, juxta illud, *Justifi-
cati gratis per gratiam ipsius*, ad Roman. 3. & definit
Trid. sess. 6. c. 7. Igitur de lege ordinaria non potest es-
se creatura rationalis, nisi vel in gratia vel in peccato,
non ergo in puris naturalibus.

2. Affert
homo po-
tuit a Deo
in puris
condi na-
turalibus.

16. Secundo dicendum est, potuisse Deum creare
hominem in puris naturalibus respectu finis ultimi,
non immutando naturam ejus, vel aliquid ei natura-
liter debitum negando. Assertio, ut opinor, com-
munis est Theologorum, licet eam magis supponant,
quam disputent, distinguendo varios status humanæ
naturæ, & illos inter se conferendo, ut ex discursu se-
quentium capitum patebit. Præsertim vero attigit as-
sertionem Cajetan. 1. 2. quæstione 85. articulo 3. &
quæstione 109. articulo primo, & ibidem Medina in
præfat. ad materiam de Gratia, & dicta quæstione 85.
art. 3. ubi etiam Conrad. & Soto 1. de Natur. & grat.
capit. 3. & communiter recentiores. Et primo potest
generaliter ostendi, quia quidquid Deus contulit ho-
mini ultra puram naturam, est gratia; ergo potuit il-
lam non dare, servatis alias legibus naturæ; ut enim
recte dixit Cyrillus lib. 1. in Joann. c. 13. *Creatura, cum
serva sit, nutu solum, & voluntate Patris ad superna-
turalia elevatur.*

Discursus
probat.

17. Deinde probatur ratione, quia cum finis ulti-
mus hominis duplex sit, ut diximus, potuit Deus crea-
re hominem ad solam beatitudinem naturalem, nihil
præcipiendo, vel promittendo de supernaturali, nec
de mediis, quæ ad illam conferunt; sed si ita fecisset,
non ordinasset hominem ad supernaturalem finem,
neque ob eam rem aliquid denegaret homini debitum
naturæ ejus; ergo ex hac parte non repugnabat creati
hominem in puris naturalibus. Consequentia evidens
est ex dictis. Major etiam per se nota videtur, quia
nihil est, quod potuerit necessitatem Deo imponere ad
elevandam naturam hominis ad finem supernatura-
lem, eo ipso quod ipsam creabat. Quamvis enim ne-
cessario creet illam propter aliquem ultimum finem,
quia, cum perfectissimo modo operetur, omnia, quæ
creat, in aliquem finem ordinat (nam in hoc consi-
stet ratio providentiæ ejus, & cum in finibus non pro-
cedatur in infinitum, necesse est in aliquo ultimo sisti)
hilominus non oportet, ut ille finis ultimus sit super-
naturalis, quia naturalis sufficit. Et similiter licet
Deus creando intellectualem naturam, illam faciat
propter se ipsum, non tamen ex necessitate propter se
clare vitium, nam etiam omnia alia propter se ipsa

operatur, unumquodque secundum suam capacita-
tem. Potest autem Deus perficere solam capacitatem
naturalem, si velit, & nihil conferre, quod in sola
capacitate obedientiali habeat fundamentum; ergo li-
cet Deus necessario creet hominem propter ultimum
finem, potest in fine naturali sistere.

18. Superest probanda subsumpta propositio, quæ
duas continet partes, una est, in eo casu non creati
hominem in ordine ad supernaturalem finem; quæ est
per se evidens, quia non crearetur propter illud obti-
nendum, non enim illi provisorio esset de mediis, qui-
bus illum consequi posset. Altera pars erat, nihil fa-
cturum Deum, præter id, quod humanæ naturæ est
debitum, etiam ad visionem beatam illam non ordi-
nasset, quod sane certissimum esse censeo, & necessa-
rium contra Pelagii errorem, fundamentum. Quia
gratia non est naturæ debita, ut recte D. Thomas di-
xit, quia alias sub beneficio creationis comprehende-
retur, contra Augustinum, & alios Patres Epist. 95.
& alia supra dicta, & multa, quæ de hac re in seque-
ntibus afferemus; sed ordinari ad æternam vitam su-
pernaturalis beatitudinis est gratia, & omnis gratiæ
radix in suo genere; ergo non potest esse naturæ debi-
ta; ergo licet humana natura illa careret, nulla re si-
bi debita privaretur. Minor (cætera enim clara sunt)
probatur primo ex illo Roman. 5. *Gratia Dei vita æter-
na*; nam si ipsa vita est gratia, ordinari ad illam gra-
tia est. Imo est gratia per Christum; tum quia ibi ad-
ditur, *in Christo Jesu Domino nostro*; tum etiam quia
est quædam benedictio spiritualis circa bona cœlestia;
omnis autem talis benedictio in Christo data est, ut
dicitur Ephes. primo: gratia autem, quæ per Christum
data est, non est naturæ debita, ut supra vidimus.
Ratione etiam patet, quia homo non ordinatur ad fi-
nem supernaturalem, nisi per actum divinæ volunta-
tis, quo vult naturæ humanæ providere de mediis,
vel efficacibus, vel saltem sufficientibus ad vitam
æternam consequendam, sed omnia illa remedia non
sunt debita naturæ, sed pura gratia, ut infra ostende-
mus; ergo licet Deus omnia illa negaret, non nega-
ret humanæ naturæ aliquid ei debitum; at tunc illam
non ordinaret in illam beatitudinem; ergo illam crean-
do sine tali ordinatione, non ageret contra debitum
naturæ.

Tunc non
creatur
homo in
ordine ad
finem super-
naturalem.
Nec Deus
faceret ob-
jectum nature
debitum.

19. Ad rationem dubitandi patet responsio ex di-
ctis. Nam est quidem verum, hominem non posse
connaturali modo creati, nisi propter aliquam beati-
tudinem, & finem ultimum, negamus vero necessario
fuisse creandum propter beatitudinem, quæ consistit
in visione clara Dei, nam illa supernaturalis est, &
non deest alia beatitudo naturalis, propter quam homo
in pura natura creati posset, ut ex 1. 2. q. 3. suppono.
Ad replicam autem, seu confirmationem de appetitu
naturali ad videndum Deum, qui illum admittunt,
fortasse responderent, non posse quidem hominem
creari sine illo appetitu, tamen ex vi illius non recipere
aliquid, præter puram naturam, quia ille appetitus
naturalis est. Et licet satiari non possit, nisi superna-
turaliter, non esse necessarium, ut Deus satiet omnem
appetitum naturæ, quando est ad objectum, quod natu-
raliter comparari non potest.

Dubio sit
satis, &
confirmati-
oni.

20. Hoc vero (mea sententia) non dicitur conse-
quenter; tum quia appetitus naturalis non est frustra,
& ideo ad authorem naturæ pertinet, providere me-
dia, quibus ille appetitus satiari possit; ergo hoc ge-
nus providentiæ esset debitum tali naturæ; tum et-
iam quia ille appetitus est ad bonum; ergo ad finem,
quia bonum simpliciter, id est, propter se diligibile,
cum sine convertitur; constat autem illud bonum
esse propter se diligibile; imo esse ultimum, ad quod
omnia debent deferri: ergo illud bonum esset finis ul-
timus unicus talis naturæ, quia in illo solo quiesceret
appetitus naturalis talis naturæ: ergo non ordina-
ri ad illum, esset contra providentiæ connaturali-
ter debitam tali naturæ. Responderi potest, finem
dicere ordinem ad media, & licet illud bonum sit
quoddam appetibile naturale, non tamen esse finem
naturalem, quia media non sunt naturalia. Sed in hoc
cernitur repugnantia: nam si bonum propter se ap-
petibile est naturale, eo ipso postulat media consen-
tanea

Impugnatur.

tanea eodem modo ipsi naturæ, id est, naturaliter appetibilia ab ipsa, & consequenter debita ex naturali exigentia, & recto ordine naturæ.

Vera re-
solutio.
Nō datur
visionis
beatæ na-
turalis
appetitus

21. Respondeo igitur, non dari in homine talem appetitum naturalem innatum, seu pondus naturæ, ut plane sentit D. Thomas, ubicunque distinguit duplicem ultimum finem hominis, naturalem, & supernaturalem, nam unus ex alio sequitur, ut statim ostendam. Idemque sumitur ex eodem D. Thom. quæst. 22. de Veritat. art. 7. Capreol. quæst. 1. Prologi, Cajetan. 1. part. quæst. 1. art. 1. & quæst. 12. artic. 1. Ferrac. 1. Contra gent. cap. 5. latius lib. 3. cap. 51. Medin. 1. 2. q. 3. art. 8. Et ratio a priori est, quia in homine non est potentia activa, nec passiva naturalis ad visionem ipsam beatam, neque ad gratiam respectu cuius illa visio est finis connaturalis; appetitus autem naturalis sequitur ex potentia naturali, nam obedientialis non sufficit, est enim quasi potentia neutra. Quis enim dicat, naturam humanam habere appetitum ad unionem hypostaticam, etiamsi habeat capacitatem obedientialem ejus? Ergo eadem ratione non habet anima humana naturalem appetitum ad gratiam sanctificantem; ergo neque ad virtutes per se infusas; ergo nec ad actus earum, multoque minus ad actum visionis Dei, qui est supremus finis ultimus connaturalis gratiæ. Confirmatur, quia non appetit homo naturaliter modum cognoscendi angelicum, scientiam per se infusam abstractivam Dei, vel aliarum rerum: ergo minus appetet naturaliter modum cognoscendi divinum, nec ut est per visionem beatam. Consequentia videtur a fortiori evidens. Antecedens autem patet, quia non minus repugnat animæ humanæ, angelico modo intelligere, quam corpori humano volare; sicut ergo corpus non appetit naturaliter volatum, ita nec anima angelicam intelligentiam.

Ab incon-
venienti
explica-
tur.

22. Declaratur tandem ab inconvenienti illato, aut enim humana natura habet aliquem finem ultimum præter visionem beatam; atque adeo omnino naturalem, vel non habet illum. Si habet talem finem naturalem, profecto in illo sistit appetitus naturæ, quia natura non tendit ultra ultimum terminum suum. Et ideo non videntur mihi consequenter loqui Scotus, Soto, & alii, qui ponentes talem appetitum, admittunt illam distinctionem duplicis finis ultimi. Si autem non habet homo finem ultimum naturalem præter visionem beatam, profecto creati non posset connaturaliter, nisi cum sufficiente ordinatione ad illum finem, ut mihi satis probant rationes factæ. Propter quas censeo, non satis consequenter loqui, qui ponentes illum appetitum, negant esse homini connaturaliter debitum creati propter illum finem: hoc autem concedere, censeo esse magnum inconveniens, & ideo talem appetitum, dari nego.

C A P U T II.

Utrum potuerit homo in statu puræ naturæ creari in ordine ad naturæ integritatem, & consequenter, an potuerit cum illa integritate creari.

1. Opinio
de inte-
gritate
naturæ.

1. **H**Æc duo inter se sunt connexa, & ideo simul tractanda sunt ab integritate naturæ initium sumendo. De qua tres possunt cogitari sententiæ. Prima est integritatem naturæ nihil aliud esse, nisi substantiam naturæ cum omnibus facultatibus corporis, & mentis sine ulla diminutione, vel in numero, vel in perfectione intensiva illarum, neque in aliqua alia conditione, quæ ex natura rei ex hominis essentia manet. Et consequenter non posse hominem in pura condi natura, quin statum etiam integræ naturæ recipiat. Ita opinatur Durand. in 2. distin. 28. quæst. unde concludit, eo ipso, quod homo sine gratia, vel culpa, aut pœna creetur, in statu puræ naturæ constitui quod ad intrinsecam compositionem, & perfectionem naturæ spectat. Et suaderi hoc potest, quia omnis res in pura natura sua constituta necessario habet integritatem suæ naturæ; ergo & homo, nam est eadem ratio in illo, quæ in aliis. Antecedens patet inductione in angelis, cœlis, brutis, elementis, &c. & ratio est,

quia natura pura in qualibet re includit essentiam, & facultates omnes naturæ debitas absque ullo defectu: ergo est integra natura. Quæ ratio etiam in homine locum habet, quia loquimur de homine adulto, & in perfecta ætate constituto, ut possit ratione uti; ille ergo in pura natura includit corpus integræ quantitatis cum omnibus membris, & organis, ac facultatibus externis, & internis sensuum, & cum sanitate, & viribus corporis, & ex parte animæ non recipit diminutionem, nec in substantia, nec in potentiis; ergo si homo habet puram naturam, necessario habet etiam integram naturam. Et confirmatur ex ipso nomine, quia si homo in puris naturalibus non habet integritatem naturæ: ergo habet naturam non integram: ergo diminutam, & quasi mancā, quia si est non integra, aliquid necessarium ad integritatem illi deest, & hoc est esse mancā, & diminutam; at hoc repugnat puræ naturæ, quia si natura est pura, habet omnia naturalia sine diminutione, & solum excludit ea, quæ supra naturam sunt: ergo.

2. Hæc opinio singularis est inter Theologos Catholicos, & simpliciter falsa, si recte, & juxta communem usum, & sensum Theologorum terminis utamur. Quod ideo adverto, quia quæstio potest in uno sensu esse de re, & in alio de solo nomine. Ad quod explicandum suppono, statum integræ naturæ includere omnia, quæ status puræ naturæ, scilicet animam cum suis spiritualibus potentiis, & corpus integrum cum omnibus facultatibus sensitivis, & earum naturalibus inclinationibus, cum dispositione corporis, & organorum ad liberum illorum usum. Ex qua compositione humanæ naturæ nude spectata oritur necessitate quadam naturali, illa difficultas in operatione virtutis, quæ ex rebellionem inferioris appetitus, & ex corporis infirmitate nascitur, quam nos experimur, & de qua Apostolus conqueritur ad Roman. 7. Igitur quæstio de nomine erit, an natura humana sic condita cum ista contrarietate, & repugnantia appetituum sit dicenda integra, propter integritatem, ut sic dicam, corporis, & animæ quoad vires omnes, & facultates connaturales, vel potius sit dicenda non integra propter imperfectionem illam connaturalem repugnantiam appetituum carnis, & spiritus. In quæstione igitur de voce non est immorandum, nam constat naturam sic conditam posse vocari integram, id est, non monstrosam, neque imperfectam privative (ut sic rem explicem) id est per carentiam perfectionis debitæ naturæ, etiam si negative sit imperfecta, id est, sine perfecto ordine, & concordia potentiarum, & appetituum, cujus natura illa est capax, licet non sit illi debita. Et hoc solum probat ratio, & fundamentum pro sententia Durandi propositum.

Censura
dictæ opi-
nionis.

3. Nihilominus tamen præter hunc statum consideratur in homine alius, in quo ultra omnes naturales facultates habeat homo quandam specialem perfectionem, quæ consistit in carentia fomitis, & effrenatæ concupiscentiæ, seu in perfecta subjectione appetitus sentientis ad rationalem, ita ut inferior appetitus contra superiorem moveri, aut rationem prævenire non permittatur. Et hic status vocatur proprie integræ naturæ secundum Theologorum usum, ut constat ex Cajetano, Conrado, Medina, & aliis in principio hujus materiæ, & Soto lib. 1. de Natur. & Grat. cap. 5. Nam quia humana natura pure spectata, prout capite præcedenti proposita est, quasi divisa est in suis naturalibus affectibus ad diversa tendentibus, & quasi manca ad recte ambulandum in suis moribus, ideo quando in suis propriis facultatibus internam pacem, & concordiam recipit, quasi integrati censetur, & ita perfici, ut convenienter in moribus progredi possit. Ac proinde vox illa, *status integræ naturæ*, accommodata visa est ad illam perfectionem significandam.

Status in-
tegræ na-
turæ pro-
prie in
appetitus
subjectione
sistit.

4. De illo autem statu supponimus, non solum esse possibilem, quod videtur per se notum, cum nullam involvat repugnantiam, sed etiam datum esse primis parentibus in sua creatione, ut Theologi statim allegandi communiter sentiunt cum D. Augustin. lib. 14. de Civitat. cap. 10. & 17. & lib. 4. contra Julian. cap. 13. & aliis locis, quæ statim referam. In quibus docet, primos Parentes non sensisse, nec sentire potuisse motum libidi-

Primi pa-
rentes in-
tegræ na-
turæ statu
assecuti
in condi-
tione sua,

libidinis ante peccatum, eamque perfectionem, (quod pertinet ad rationem status) semper conservaturos fuisse, si non peccarent. Idque aperte docet Concilium Trident. sess. 5. ubi in hoc sensu definit, concupiscentiam ortam fuisse ex peccato, & ita exponit Paulum, qui interdum appellat concupiscentiam peccatum, *Quia ex peccato est*, ait Concilium, & ad peccatum inclinatur. Habetque hæc veritas fundamentum in Scriptura Ecclesiastic. 5. *Deus fecit hominem rectum*, quod de rectitudine removen- te concupiscentiam exposuit Hieronymus lib. 1. contra Jovinian. & Sapient. 2. dicitur: *Creavit Dominus hominem interminabilem*. Item de perfectione, ac virtute ejus multa dicuntur Ecclef. 17. Et Genes. 2. de eisdem primis hominibus dicitur, non vidisse se esse nudos, donec peccarunt, non quia cæci essent, sed *quia non tangebantur illo visu*, ut recte dixit August. lib. 9. Genes. ad liter. cap. 10. & lib. 11. cap. 31. & Gregor. lib. 26. Moral. cap. 12. alias 13. Ratio autem in primis est, quia voluit Deus perfectionem illam hominibus a se conditis conferre, & ita decuit sapientissimum artificem, sicut postea eandem perfectionem contulit humanitati Christi Domini, & B. Virgini in Conceptione sua propter singulares eorum dignitates, ut alibi dictum est.

5. Præterea supposita dicta vocis significatione, non minus clarum est, potuisse Deum humanam naturam sine illa integritate creare, ut cæteri Theologi affirmant, & Durand. ipse non negat. Quia integritas naturæ dicto modo explicata est donum re ipsa distinctum ab essentia hominis, & ab omnibus physicis facultatibus ejus: ergo potuit a Deo condi cum suis membris, & facultatibus omnibus naturalibus, sine illo dono, quia nulla potest ostendi repugnantia. Item nunc de facto creantur homines sine illa integritate in pœnam culpæ: ergo etiam absque culpa posset Deus hominem sine illo dono creare. Probatur consequentia, quia vel illud donum non est connaturale homini, nec suæ naturæ debitum, vel etiam si sit, Deus, ut supremus Dominus, posset hominem cum illo defectu creare, sicut etiam posset cæcum, vel claudum condere.

6. De homine igitur sic condito sine speciali dono integritatis, duo interrogari possunt, quæ ad rem maxime spectant. Unum est, an talis homo censeri posset integer, seu habere integritatem naturæ, saltem quoad vires sufficientes ad servandam constanter, & perseveranter totam legem naturæ, & ad vitandum, etiam collective, omnem lapsum contra illam, saltem gravem, seu deliberatum. Et in hoc sensu loquitur aperte Durand. loco allegato, dum ait, hominem conditum in sola natura sine culpa, vel gratia habere naturam integram, etiam ad dictum effectum servandi constanter totam legem naturæ, suis naturalibus viribus, quod variis rationibus suadere nititur. In hoc vero sensu resolutio illa falsa est, urbane notavit Her. quodl. 6. quæstion. 11. quia in homine sic condito esset eadem repugnantia concupiscentiæ, quæ nunc est, cum qua non potest homo integre operari bonum sine superiori adjutorio, ergo talis homo non potest dici integer, seu in statu naturæ integræ secundum illum respectum. Consequentia nota est ex declaratione facta. Minor autem ostenditur late in libro frequentis, ubi solvemus rationes Durandi. Et de Majori dicemus infra in hoc libro, eamque (ut existimo) non negaret Durandus, quia illa repugnantia appetituum tam intrinsece sequitur ex naturalibus conditionibus eorum non impeditis, sicut corruptibilitas sequitur ex mixtione elementorum, vel sicut fames, & sitis sequitur ex corpore humano mortali. In quæstione igitur hoc sensu proposita nulla superest difficultas, quæ ad hunc locum pertineat.

7. Ex hac vero resolutione sequitur altera interrogatio magis hujus loci propria, videlicet, an homo innocens sine illo dono integritatis conditus, & alias etiam carens gratia, & ordinatione ad supernaturalem finem, censendus sit creatus in statu puræ naturæ, vel potius in statu naturæ quasi monstroræ? & e converso, an homo habens dictam naturæ integritatem posteriori modo explicatam possit vere dici habere puram naturam? quod est querere, an illa integritas sit

humanæ conditioni naturalis; & ideo non excedat puram naturam. In qua quæstione fuit secunda sententia Michael Baji, qui inter alia, quæ de gratia docuit in quodam art. 26. sic ait: *Integritas primæ conditionis non fuit indebita humanæ naturæ, sed naturalis ejus conditio*. In quibus verbis aperte sentit, naturæ integritatem humanæ naturæ secundum se spectatæ debitam esse. Unde ultima ejusdem authoris propositio fuit: *Falsa est Doctorum sententia asserentium, primum hominem potuisse a Deo creari, & institui sine justitia naturali*. Per quam naturalem justitiam intelligit non solum innocentiam a peccato, de hac enim nemo dixit, potuisse hominem sine illa condi a Deo in prima institutione, cum potius omnes doceant, non potuisse creari in statu culpæ, ut supra dixi: intelligit ergo naturæ integritatem, sine qua putat, non potuisse naturam humanam institui, saltem secundum legem naturæ debitam. Fundamentum ejus esse potuit, quia sine dicta integritate non posset homo, alias carens etiam donis gratiæ, servare legem naturalem, vel honeste vivere: ergo non potuit naturali, & debito modo sine illo dono creari. Probatur consequentia; tum quia, cuicumque naturæ debetur illa integritas, quæ ad actum sibi connaturalem præstandum necessaria est: tum etiam, quia alias necessitas illa peccandi, quæ ex tali defectu oriretur, in Deum talis naturæ authorem refunderetur, quod esse non potest: ergo est debitum naturæ hominum, ut creetur cum integris viribus, quibus possit vincere peccatum, & servare legem naturæ. Alias Deus deficeret in necessariis, & illi tribueretur culpa, quia necessitatem illius cum natura contulisset: quia homo sine integritate naturæ non habet vires sufficientes ad vitandum peccata, ergo integritas hæc est debita ipsi naturæ. Unde ob hanc causam dicitur homo læsus in naturalibus, quando illud donum amisit. Confirmatur, quia hoc est medium necessarium ad beatitudinem hominis naturalem assequendam: ergo debetur tali naturæ.

8. Sed nihilominus est tertia, & vera sententia, donum speciale integritatis naturæ non esse connaturale homini, ideoque & statum hominis in natura integra diversum esse a statu puræ naturæ, & in hoc statu potuisse hominem sine tali naturæ integritate creari. Prima pars mihi certa est; prius vero, quam probeatur, alia terminorum æquivocatio auferenda est. Solet enim interdum vocari naturale quidquid homo habet simul cum natura, juxta illud: *Eramus natura filii ire*, & sic dici potest integritas naturæ fuisse connaturalis Adamo, quia fuit illi concreata. At nunc non ita loquimur, quia hoc modo etiam gratia potest dici connaturalis Angelis, & primo homini, neque proprie loquendo, vocatur naturale, quidquid naturæ datur in instanti creationis, nisi aliquo modo ex vi ipsius naturæ detur. Alio item modo solet dici naturale quidquid perficit naturam in ordine ad naturales actus, vel ad supplendum aliquem defectum naturalem. Quo sensu solet interdum integritas naturæ, seu originalis justitia dici naturalis, ut notavit Vega lib. 2. in Trident. cap. 12. quia naturales quosdam defectus supplebat, & sanabat, quod facere potuisset sine elevatione naturæ humanæ ad finem supernaturalem, vel ad proprium ordinem gratiæ, ut statim dicam. Et neque hoc modo hic sumitur illa vox, *Naturale*, sed quatenus tertio, ac propriissimo modo naturale dicitur, quod ex principiis naturæ oritur, eive debetur secundum connaturalem ordinem, & providentiam, & hoc sensu dicimus, donum illud integrans naturam non fuisse naturale.

9. Atque ita conclusio posita a Theologis communiter recipitur. D. Thom. 1. part. quæst. 95. artic. 1. indicat rationem a posteriori, quia si illud donum naturale esset, post peccatum mansisset, quia peccatum non tollit naturalia dona, teste Dionys. cap. 4. de Divin. nominibus Divo Thoma 1. 2. quæst. 85. artic. 6. & quæst. 89. art. 3. & 4. contra gent. cap. 52. ubi significat, esse doctrinam fidei. Idem sumitur ex eodem 1. part. quæst. 100. artic. 1. & in 2. distinct. 20. quæst. 2. artic. 3. & quæst. 4. de Malo art. 2. ad secundum, & quæst. 5. art. 1. ad 13. Idem sentiunt Scot. in 2. distinct. 29. §. *Ad primum argumentum*, & Gabr. distinct. 30. & ibi Durand in d. 20. quæst.

2. Opinio cum suo auctore & fundam. mento.

Tertia & vera opinio status integræ, diversa a puræ naturæ statu donum ille, & in hoc potest etiam homo creari.

Patres, & Scholastici passim nostram conclusionem docent.

Ex Patri- bus hoc late confirmat Coccius in The- sauri tom. 4. art. 3.

Sine præ- fata integritate potuit homo a Deo condi.

De quæ- stione 6.

An inno- cens in pura na- tura con- datur.

quæst. 5. Mart. in 2. quæst. 18. Capteol. distin. 30. quæst. 1. art. 2. Cajetan. Soto & omnes Thomistæ. Estque sententia Patrum, quos late refert Bellarm. lib. 1. de statu primi hominis cap. 5. Interdum enim donum illud vocant *Cæleste donum*, ut Chrysostomus homilia 15. in Genes. aliquando vocant *gratiam*, ut Cyrill. 1. in Joannem capite nono, & sumi potest ex Ambros. libr. de Paradis. cap. 5. & 14. Clarius ex Augustin. 4. contra Julian. cap. ultimo dicente: *Gratia magna erat, quod terrenum, & animale corpus bestialem libidinem non habebat. Qui ergo vestitus gratia non habebat in nudo corpore, quod pueret, spoliatus gratia sensit, quod operire deberet.* Et 1. retract. cap. 5. contrarios effectus naturales vocat. Tandem contraria sententia reprobata est a Pio V. & Gregor. 13. in Bulla contra Michael. Bajum.

10. Ratione tandem declarari potest, quia potentia, ex quibus nascitur difficultas, & repugnantia, sunt homini connaturales, voluntas nimirum, & sentiens appetitus: ex hominis enim essentia, quatenus ex spiritu, & carne constat, naturaliter dimanant, ideoque necessarium est, hominem in omni statu utraque facultate præditi esse. Hæ autem potentia inclinationes habent naturales, ex quibus difficultas bene operandi, & repugnantia oritur, quam describit Apostolus Romanorum septimo: ergo repugnantia est tam connaturalis homini, sicut corporis corruptibilitas, vel sicut difficultas, & lassitudo in motu progressivo, quæ ex corporis gravitate nascitur. Præterea homini naturale est, ut a sensu cognoscere incipiat, appetitusque sensitivus hoc habet peculiare, quod naturaliter movetur ab objectis sensu perceptis, & ex natura rei nihil potest inveniri in homine, quod inclinationem ejus tollat, aut minuat, neque etiam per aliquid connaturale homini potest impediri appetitus inferior, ne superiorem præveniat, quia est naturale agens, & naturaliter immutatur: ergo donum impediens hos motus non potest esse naturale.

11. Declaratur præterea, quia duobus modis intelligi potest, appetitum fuisse frænatum, primo quia præveniebatur, ne objecta illi occurrerent, quæ illum possent ad malum incitare, vel quia præsentato objecto detinebatur, ne exiret in actum, donec voluntas velleret. Prior modus plane non cadit sub humanam providentiam, cum antecedit deliberationem, & cognitionem rationis, quæ incipere debet a sensibus. Et ideo Divus Thomas prima parte, questione nonagesima quarta, articulo quarto, ad quintum, & questione nonagesima septima, articulo secundo, ad quartum, agens de re simili, illam tribuit divine providentiæ peculiari, quæ nulla probabili ratione dici potest debita naturæ, cum valde extraordinaria sit. Alter vero modus omnino est præter naturam, nam solum esse potest, vel quia DEUS negat concursum appetitui, ne moveatur (quod difficilius est) quia infundit appetitui qualitatem aliquam, vel habitum, qui ipsum impedit, ne moveatur, donec ratio præcipiat. De quo habitu etiam controvertitur, an possibilis sit, ut in prima parte disputatur, & in tertia parte aliquid tetigimus tractando de Sanctificatione Beatæ Virginis: esto vero sit possibilis, sine dubio neque ex natura nascitur, ut per se constat, neque naturæ debitus esse potest: cum modus ille operandi ex necessitate naturæ, stante sufficiente motione objecti, naturalis sit. Est ergo donum illud supra naturam in sensu explicato. Et confirmatur, quia alias natura humana nunc esset monstruosa, quia careret perfectione debita suæ naturæ: consequens est falsum, quia Deus ordinarie non punit peccata tollendo proprietates naturales, utique statuta lege, & ordinaria, ac universali, juxta sententiam Dionysii supra allegatam, & communiter receptam, de qua iterum in capite nono hujus libri dicemus. Ergo concupiscentia hæc, & fomes, quem patimur, licet sit pœna peccati, non est aliquid monstruosum in humana natura, ergo nec opposita perfectio est illi debita.

12. Atque hinc facile probantur alix duæ partes hujus sententiæ, nimirum statum integræ naturæ diver-

sum esse a statu puræ naturæ, quia includit omnia, quæ ad naturam pertinent, & addit aliquid ei non debitum. Et hinc etiam fit, ut illi status ita sint separabiles, ut possit homo in statu puræ naturæ, & sine prædicta integritate creari, quia carentia illius integritatis præcise spectata non est contra naturæ puritatem: cum non privet illam aliqua perfectione connaturali, seu naturæ debita. Et illa ablata haberet homo in pura natura creatus duplicem appetitum sibi connaturalem, sine illis enim, vel nullo modo existere potest, vel non, nisi monstruose, & præter naturam, ut ex dictis patet: potest autem Deus creare hominem sine tali defectu, ut per se constat, & sine dono superaddito, & naturæ non debito, quia hoc pendet ex sola liberalitate Dei; ergo homo sic conditus esset in pura, & non in integra natura.

13. Ad fundamentum autem contrariæ sententiæ concessio primo antecedente, nimirum hominem destitutum naturæ integritate, non posse viribus suis totam naturæ legem sine lapsu servare: negatur consequentia, videlicet donum integrans naturam esse naturæ debitum. Quia in physico rigore solum debentur naturæ intrinsecæ facultates cum generalis concursus cause primæ influentis, & causas secundas, & cum illis juxta exigentiam illarum, & generalis ordinis universi. Quod autem in tali natura sic composita, nempe humana ex corpore, & spiritu constante, inde oriatur naturalis repugnantia inter facultates appetendi, quasi contrarie in suis motibus, naturalis hominis imperfectio est, quam non tenetur author naturæ tollere, vel impedire, & ideo non potest esse tali naturæ debitum, ut Deus illos motus impediat vel quod naturales inclinationes auferat, sed potius postulari ordo mere naturalis, ut generalem concursum illis appetitibus non denegeret, suosque motus illos agere sineret. Sicut habere corpus corruptibile, & morti obnoxium, imperfectio quædam est, ita vero naturam consequens, ut status immortalitatis, quem homo habuit ante peccatum, non potuerit esse connaturalis, nec ex naturæ debito, sed potius ex liberalitate Dei præter debitum naturæ.

14. Unde ad primam consequentiæ probationem responderetur, debitum quidem esse unicuique naturæ principium, & concursum consentaneum actibus naturalibus, non tamen esse debitum, ut tollantur omnia impedimenta, quæ ex aliarum causarum communi cursu accidere possunt. Unde ad alteram probationem responderetur, negando sequelam, nam licet ex illo intrinseco defectu naturæ contingat sequi peccatum, non potest Deo attribui, quia illa occasio mere naturalis est; consummatio autem culpæ semper est voluntaria, & libera proximo operanti, a Deo autem non est intenta, sed juste permessa, quia non tenetur omnes defectus creaturarum supplere, aut impedire. Ideoque merito dixit Augustinus 1. Retract. capite nono, licet ignorantia, & difficultas essent a principio in natura, non ideo Deum culpandum, sed laudandum fuisse. Eo vel maxime, quod homo sic institutus cum solis auxiliis naturæ debitis, interdum, ac sæpe posset honeste operari, licet non semper, ut libro sequenti dicam. Quia vero per donum integritatis, quando datur, natura ipsa juvatur, & aptior redditur ad ipsas naturales actiones perficiendas, ideo homo quando tale donum semel acceptum peccando amisit, dicitur fuisse in naturalibus læsa, ut cum Beda Theologi loquuntur, & infra explicabimus.

15. Ad ultimam autem confirmationem, quæ attingit difficultatem, quomodo posset homo in puris naturalibus conditus naturalem beatitudinem assequi? non possumus hoc loco ex professo satisfacere, nam pertinet ad materiam de Beatitudine 1. 2. questione quinta, & ideo breviter dico, integritatem naturæ non fuisse medium simpliciter necessarium ad naturalem beatitudinem consequendam. Nam in primis in anima separata posset beatitudo illa obtineri ab aliquibus, qui in hac vita non peccarent, ut maxime essent, qui ante usum rationis decederent. Pro adultis vero in hac vita peccantibus posset Deus modum aliquem illi statui proportionatum, quo a culpa libera-

Duæ alix conclusionis partes ratione probantur.

Fundam. si oppos. solutio.

Primæ, & secundæ probationis satisfactio.

Solutio. brevis confirmationis.

Ratiocinatione ex appetitu, & voluntate roboratur.

Amplius additur duobus modis.

rentur, statuere, ut attingit in materia de Pœnitentia, & in disensu præsentis libri iterum occurret. Denique posset etiam Deus tunc juvare homines ad non peccandum per moralia auxilia non attingentia supernaturalem ordinem. Quod si tunc ita se gereret DEUS cum humana natura; non proprie extraheret illam ultra statum puræ naturæ, quia neque ordinaret illam ad finem supernaturalem, neque propriam gratiam illi donaret, quia hæc non reputatur talis, nisi in ordine ad veram sanctitatem, & supernaturalem beatitudinem obtinendam, nec denique daret illi integritatem naturæ, ut dixi. Illa igitur esset quædam moralis providentia consentanea naturæ rationali, quæ mutabilis est non solum physice, sed etiam moraliter. Neque posset dici illa providentia debita ex parte ipsius naturæ, sed solum veluti ex naturali misericordia Dei, quia talis natura esset indigens, & omnino divinæ Sapientiæ, ac liberalitati consentaneum esset, ut illi provideret. Atque hinc posset definiri alia questio de statu puræ naturæ in ordine ad auxilia gratiæ ad operationem honestam aliquando perficiendam: quæ pender ex dicendis in libro sequenti, & ideo breviter in sequenti capite illam expediemus, graviolem disputationem in librum sequentem omittendo.

C A P U T I I I.

Utrum status innocentie, seu originalis justitiæ ultra statum puræ, & integræ naturæ aliquid addat?

I. Explicuimus, quomodo status integræ naturæ a statu puræ naturæ differat, nunc ad perfectam ejusdem status cognitionem, oportet de justitiâ originali aliquid dicere, & illam cum integritate naturæ comparare. Suppono autem statum innocentie, & originalis justitiæ juxta usitatum horum verborum significationem, eundem esse, ut mox declarabo. De comparatione autem illius ad statum integræ naturæ videtur esse aliqua controversia inter Theologos. Aliqui enim non distinguunt statum integræ naturæ ab statu innocentie, vel originalis justitiæ, ut constat ex Divus Thoma 1. 2. quest. 109. artic. 1. & 2. & Soro libro primo de Natur. & grat. cap. 5. & 6. quem alii sequuntur. Alii vero distinguentes hos status dicunt, statum originalis justitiæ solum addere ultra naturam integram, pactam, & promissionem Dei transfundendi in posteros donum illud integritatis naturæ, si primus homo, qui illud recipit, illud peccando non amitteret. Ita ut status ille dicatur integræ naturæ respectu cujuscunque personæ cum ea perfectione conditæ, etiam si pro se tantum illud donum accipiat; originalis vero justitiæ dicatur solum quando datur veluti pro toto genere, seu per originem transfundenda, si per primum recipientem non steterit. Sed hæc differentia parva est, & valde extrinseca, nam in ordine ad effectus privilegii (ut sic dicam) idem est, & solum differt in ordine ad subiecta quibus conceditur; secundum quam duplicem habitudinem, seu considerationem, potest quidem integritas naturæ vocari personalis, si pro una tantum persona deatur, ut fuit in Beata Virgine, & potest dici originalis, si pro tota progenie concedatur, proprie autem non dicitur status naturæ, nisi quatenus pro ipsa specie aliquo modo confertur, saltem sub conditione non peccandi. Hoc autem modo etiam justitiæ illa, quam originalem vocamus, posset concedi uni personæ pro ipsa tantum, vel simul pro posteritate, & ita nulla relinquitur distinctio, nisi in nomine. Aliter ergo Cajetan. in dicto articulo secundo distinguit inter dictos status, quia justitiæ originalis addit supra integritatem naturæ indefectibilem ordinem, & corporis sub anima, & inferioris appetitus sub superiori, quamdiu superior est subditus Deo. Quod amplius non declarat. Duas tamen videtur in illis verbis includere conditiones status originalis justitiæ, una est, quia solum est datus sub illa conditione, ut solum duraret, quamdiu voluntas servaret debitam subjectionem ad Deum, & in hac non credo differre ab statu integræ

naturæ, nam hæc etiam data est de facto sub eadem conditione, quantum ad durationem ejus: de possibili autem posset Deus utrumque statum donare sine tali limitatione. Altera conditio est, quod justitiæ originalis includebat indefectibilem ordinem corporis sub anima, quam integritas naturæ non includit. Et differentia verè mihi videtur, longiori tamen declaratione indiger.

2. Ut ergo rem totam explicem, adverto in primis duobus modis posse aliquem statum dici innocentie, seu justitiæ originalis, quos oportet distinguere, ne propter solam vocum ambiguitatem controversia oriatur, ut illos distinxit Henric. quodlib. 6. quest. 1. 1. Primo enim innocentia, ut sic, tantum significat earentiam culpæ, & hoc modo omnis persona a Deo immediate creata, in statu innocentie creature, & quia talis innocentia ex tali origine, & emanatione a Deo provenit, qui non potest esse auctor peccati, ideo innocentia illa dici potest originalis. In hac ergo significatione homo proxime creatus a Deo, sive in natura integra, sive in pura natura dici potest creatus in innocentia originali, & quamdiu non peccaverit, dici potest, in illa innocentia originali stare seu permanere. Eademque innocentia dici potest, quædam originalis justitiæ non supernaturalis sed naturalis, quatenus rectus ordo, quem natura bene instituta ad suum habet authorem, quandam participationem, seu imaginem justitiæ præ se fert. Jam vero altiori modo sumitur innocentia, seu justitiæ originalis, a qua statu innocentie, seu originalis justitiæ denominatus est. Per innocentiam enim intelligimus non solum earentiam culpæ præteritæ, vel præsentis, sed etiam futuræ, quantum est ex vi status, qui sub tali conditione, & perfectione consideratur, ut sit aptissimus ad innocentiam servandam, & secum nullam culpam compatiatur, imo nec defectum aliquem ex his, qui nunc sunt effectus culpæ. Et hic status per autonomiam vocatur status innocentie, vel etiam dicitur status justitiæ originalis: justitiæ quidem, vel quia innocentia est quædam justitiæ, ut dixi, vel quia talis status semper supponit supernaturalem justitiam, ut mox dicemus: originalis autem, quia & in ipsa origine concreata fuit cum homine, & quia si homo in illo statu perseverasset, justitiæ illa per originem ad postereros dimanasset.

3. Ad considerandam autem hunc statum in humana natura occasionem sumpserunt Theologi ex his, quæ Deus contulit primo homini a se condito, quæ in 1. part. latius considerantur, hic autem breviter supponenda sunt, ut questio proposita intelligi, ac definiti possit. Dicimus ergo præter perfectiones spirituales supernaturalis ordinis, quas Deus primo homini a se creato contulit, & præter scientias naturales, vel alios habitus ordinis naturalis, quos infudit per accidens, seu præternaturalem modum productionis, quem postulant, quatuor proprietates alias, seu prærogativas illi contulisse. Prima est immunitas ab errore, seu deceptione, quamdiu non peccaret. Hoc, non ut certum, sed ut probabilius asserimus cum D. Thom. 1. part. quest. 94. artic. 4. ubi Cajetan. & alii, & nonnulli ex Scholasticis in 2. distinct. 23. ubi Bonavent. quest. 2. Durand. quest. 3. Etque clara sententia Augustini lib. 3. de Lib. arbit. cap. 18. ubi sic inquit, *Illam enim peccati pœna justissima, ut qui recte facere, cum posset, noluit, amittat posse, cum velit: nam sunt re vera omni peccanti anime duo ista pœnalia ignorantia, & difficultas.* Idem sumitur ex eodem Augustino in Enchirid. cap. 24. Ratio vero reducenda est in dispositionem divinæ providentiæ, quæ illum statum cum tanta perfectione constituere voluit, ut homo pœnale aliquid non pateretur, prius quam culpam aliquam committeret; error autem, & deceptio, imo & ignorantia eorum, quæ sciri debent, malum quoddam pœnale est.

5. Secunda prærogativa sub eadem probabilitate est, immunitas a culpa veniali, & incompatibilitas cum mortali. Declaratur, quia ille status non tollebat possibilitatem peccandi mortaliter, ut est de fide certum, & effectus ostendit: non poterat tamen durare cum illo, quia per peccatum mortale amissus est, &

Varia signa di discrimina inter originalis justitiæ, & naturæ integræ statum.

Primus innocentie modus.

Alter excellentius innocentie modus.

Prima excellentia homini collata in statu innocentie est error & immunitas.

Excellentia a immunitas a peccato veniali, & incompatibilitas cum lethali.

& per quodlibet aliud grave amitteretur, ut nunc supponimus, licet aliqui aliud senserint, quibus in 1. part. responsum, & satisfactum est. Sic ergo dicimus, statum illum fuisse incompatibilem cum peccato mortali. Per veniale autem non est verisimile, fuisse perdendum illum statum, & ideo probabilius credimus, statum illum fuisse immunem a culpa veniali, id est, non potuisse hominem sic conditum venialiter peccare, nisi prius peccando mortaliter statum illum amitteret. Quæ est sententia D. Thom. 1. 2. quæst. 89. art. 3. ubi interpretes, & nonnulli Scholastici in 2. distin. 21. Et sumitur ex August. 14. de Civit. cap. 10. & sequentibus usque ad 27. Ratio vero propter dictam providentiam divinam est, quia si homo peccasset venialiter, eo ipso esset dignus aliqua pœna; ergo vel omnino amitteret illum felicem statum præter solum peccatum veniale, quod durissimum est, vel durante statu pœnalitatem aliquam esset luiturus, quod statui repugnat.

5. Tertia immunitas, est a morte, quia si homo illum statum non amitteret, non moreretur. Et hæc est certa de fide, ut sensit August. Epist. 105. & 106. & de Fide ad Pet. cap. 25. & fere in omnibus libris contra Pelagium, qui oppositum errorem docuit, contra quem dixit etiam Prosper lib. 1. de Vocat. gent. cap. 7. *Inde præstata mortalitas, Inde multiplex corporis animique corruptio.* In Concilio Milevit. & Araus. damnatus est, & in Tridentino sess. 5. Quæ definiunt, mortem esse pœnam peccati, juxta comminationem a Deo factam Genes. 2. Et ideo per peccatum introducta est mors in orbem terrarum, teste Paul. ad Roman. 5. & 1. Corinth. 15. Et explicatur optime Sapient. 1. ubi hac ratione dicitur, *Deus mortem non fecit*, quia non fecit peccatum, per quod solum introduci potuit, ergo status hominis ante peccatum fuit a morte immunis; ergo hæc immunitas pertinet ad statum innocentiae, ut latius D. Thomas 1. part. quæst. 97. art. 1. & alii Scholastici in 2. distin. 21.

6. Qui etiam addunt, neque vestigium mortis (ut sic dicam) fuisse in illo statu, id est, neque dolorem, neque tristitiam, neque passionem aliquam ex his, quæ malum supponunt. Quæ est quarta prærogativa illius status, non quidem tam certa, sicut præcedens, longe tamen probabilior, quam contraria, ut sumi potest ex Augustino locis citatis, & lib. 6. Genes. ad litteram a cap. 19. & Bernard. serm. 1. de Annuntiati. & serm. ad milites templi cap. 11. ratio autem est eadem, quia hæc omnia sunt mala pœnæ, quæ ex suavi Dei ordinatione in natura intellectuali supponunt culpam; unde Eccles. 7. omnes humanæ miseriæ peccato tribuantur, illi autem affectus quacunque ratione affligentes animum, merito inter humanas misérias computantur. De his autem immunitatibus, seu effectibus originalis justitiæ, quomodo, & per quæ dona fierent, longa est disputatio, sed illa ad primam partem proprie pertinet, in præsentem autem loco sufficit, quod illi omnes effectus sine aliquo dono superante naturam fieri non poterant, ut per se ex sola ipsorum enarratione est manifestum, & ex dictis in duplici præcedenti capite sufficienter probari potest; nam quæ ibi dicta sunt cum proportionem possunt in præsentem applicari.

7. His ergo positis, facile est positam quæstionem definire, dicendum enim est primo, statum justitiæ originalis multum differre a statu puræ naturæ. Patet, tum quia includit integritatem naturæ; tum etiam, quia omnes effectus, seu privilegia numerata nullo modo possunt dici connaturalia homini; quia nec ex principiis naturæ oriuntur, neque sunt debita puræ naturæ, ac nude spectatæ. Neque in hoc apparet difficultas. Solum invenio Henricum dictam quæst. 1. 1. qui æquiparare voluerit statum puræ naturæ, & statum justitiæ originalis in mortis immunitate, quia homo in statu justitiæ originalis non erat ita immortalis, ut non posset mori, sed ita ut posset non mori, non peccando, peccando autem fieri posset mortalis: hoc etiam est tribuendum homini in pura natura, quia non peccando posset non mori, neque moreretur, si non peccaret, quia posset pœnam incurere sine culpa. Sed hoc non recte dicitur; tum quia licet homo in pura natura existens non peccaret, posset mori, imo ne-

cessario moreretur, nisi per aliquod donum, vel providentiam naturæ non debitam præservaretur. Neque tunc mors esset pœna, sed esset defectus quidam naturalis, sicut fames, & sitis; tum etiam, quia ut idem Henric. fatetur, homo relictus in pura natura, non ita posset conservare innocentiam naturalem, quin aliquando graviter caderet, & sic etiam non posset non mori ex vi naturæ, etiam si ad mortem necessarium esset peccatum. In statu autem justitiæ originalis constitutus homo posset nunquam peccare per vires liberi arbitrii, teste Anselm. de casu Diaboli cap. 2. & diceretur latius in sequentibus, & ita simpliciter posset non mori ex vi talis justitiæ. Est ergo in his magna differentia inter utrumque statum.

8. Dico secundo. Status innocentiae, seu originalis justitiæ statum integræ naturæ includit, & illi aliqua privilegia superaddit, & ita in ordine ad effectus physicos multum differunt; in ordine autem ad moralem potestatem bene operandi fere nihil, aut parum differunt. Priorem partem docet Cajetan. dicta quæst. 109. art. 2. §. *Ad evidentiam*, quem moderni sequuntur. Et est clara ex dictis. Constat enim integritatem naturæ, quæ in superioribus explicata est, esse separabilem ab his privilegiis justitiæ originalis, quæ in hoc capite proposuimus. Imo de facto Beatissima Virgo habuit illam integritatem naturæ per carentiam foeminitis, & tamen non habuit omnia dicta privilegia, nimirum ea, quæ pertinent ad immortalitatem, & ad impossibilitatem pœnarum corporalium: quod suo modo etiam in humanitate Christi Domini inventum est: & ratio est, quia isti effectus ve ipsa distinguuntur, & ideo possunt separari. Unde etiam ex privilegiis originalis justitiæ potest unum, & non aliud communicari, juxta dispositionem divinæ providentiæ: & ita potest quis constitui in statu inchoato, vel dimidiato justitiæ originalis, sine complemento illius, quia nullam involvit repugnantiam, & potest habere congruentem rationem, ut in eisdem exemplis Christi, & Virginis videre licet: semper tamen originalis justitiæ, imo & singula privilegia ejus supponunt naturæ integritatem, non quia impossibile sit Deo, hæc privilegia communicare sine integritate naturæ: sed quia hæcenus factum non est, neque attempto convenienti rerum ordine videtur fieri posse consentaneæ ad rerum naturas, & ideo dici potest suo modo impossibile secundum ordinariam legem. Et ita videbimus in sequentibus, neminem, qui non fuerit factus a fomite immunis, præservatum esse ab omni culpa, etiam veniali, & consequenter nec a corporis mortalitate, & aliis imperfectionibus. Sic ergo constat, statum originalis justitiæ supponere, seu includere statum integræ naturæ, addere vero prædicta privilegia, & effectus eorum, quos constat esse physice, & re ipsa diversos, a sola naturæ integritate, prout supra explicata est.

9. Posterior pars assertionis declaratur in primis ex communi modo loquendi Theologorum, qui de statu naturæ integræ, & originalis justitiæ, tanquam de uno, frequentius loquuntur, ut patet ex D. Thoma quæstione centesima nona Soto, & aliis allegatis. Quod quidem esse non potuit, quia non intellexerunt, illos effectus esse distinctos, & separabiles, sed quia vel considerant omnes esse necessarios ad perfectam naturæ integritatem, & ita illam confundunt cum originali justitiæ, quod pertinet tantum ad æsum vocum, vel quia in ordine ad potestatem moralem operandi bonum, eadem videtur esse ratio utriusque status, quod magis pertinet ad rem ipsam, & ideo amplius declarandum est. Nam in primis sicut status naturæ integræ præcise spectatus non includit necessario ordinem ad finem supernaturalem, ita neque status originalis justitiæ: posset enim Deus omnia dicta privilegia conferre homini non elevato ad supernaturalem finem, ut per se notum videtur. Deinde sicut in natura integra non posset homo efficere supernaturales actus sine gratia superioris ordinis, ita neque in statu originalis justitiæ, ut docent Theologi, Divus Thomas supra, & alii cum Magistro in secund. distinctione vigesima nona, capite primo, & in sequentibus videbimus.

Originalis justitiæ status naturæ integræ includit, & illi aliqua privilegia superaddit, & ita in ordine ad effectus physicos multum differunt; in ordine autem ad moralem potestatem bene operandi fere nihil, aut parum differunt.

Secunda assertio- nis pars probatur.

Moralis
potestatis
in utroq;
statu ad-
huc quasi
identitas
declara-
tur.

10. Et eadem ratione sicut potest esse homo integer dicto modo sine gratiæ sanctificante, ita etiam potest esse in statu innocentiae, seu originalis iustitiæ. Imo ita de facto fuisse censuerunt Theologi allegari capite quinto, decepti tamen sunt, quia si integritas naturæ sine gratiæ sanctificante communicata non est, ut ostendimus, multo minus originalis iustitia, cum hæc non detur sine integritate naturæ. Denique sicut homo in natura integra potest bene moraliter operari, cavendo omnia peccata, non solum mortalia, sed etiam venialia collective, ita idem potest in originali iustitia. Quanquam in hoc potest constitui aliqua differentia; tum secundum maiorem, aut minorem facilitatem; nam hæc videtur esse major in homine habente omnia privilegia iustitiæ originalis, quia ex parte intellectus, & corporis est melius dispositus, ut ex dictis constat: tum secundum quendam ordinem, quia homo in solo statu integræ naturæ existens posset prius venialiter peccare, quam mortaliter, quia nihil haberet, quod illum impediret præternaturaliter, & ex natura rei id non repugnat, & ita posset facilius peccare; homo vero in originali iustitia constitutus, non posset prius venialiter peccare, quam mortaliter, ut supponitur ex speciali dono, & ideo facilius etiam posset non inchoare peccatum. Propter hæc ergo dixi, esse inter hos status parvam, aut nullam differentiam quoad moralem potestatem, & ob eandem causam in sequentibus de illis, ut de uno loquemur, quia in ordine ad absolutam gratiæ necessitatem, eandem rationem induunt.

C A P U T I V.

Qualis sit gratiæ status, & quomodo cum aliis conjungi, vel ab eis separari possit?

Duo gra-
tiæ status
extrinse-
cus, & in-
trinsecus.

1. **S**tatus gratiæ duobus modis accipitur. Primo large quatenus naturæ addit solam ordinationem ad gratiam internam, seu ad finem ejus per sufficientiam media, divina providentia preparata: nam hæc ordinatio gratiæ quædam est, & supernaturale beneficium ratione finis supernaturalis. Est autem gratia extrinseca tantum, quia per se nihil formaliter in homine popit, licet radix omnis gratiæ intrinsece dici possit. Alio autem modo magis proprio dicitur status gratiæ ille, qui per intrinsecam formam inhaerentem personæ, & sanctificantem illam constituitur. Priori modo improprie dicitur ille status gratiæ, quia secundum illum loquendi modum diceretur esse in statu gratiæ, etiam homo ille, qui est in peccato, si ordinatus est ad supernaturalem finem, quod tamen non est in usu, quia status solum dicit extrinsecam ordinationem generalem Dei, & non petit intrinsecam formam, vel perfectionem personæ, quæ ad bene operandum vires præbeat. Proprius autem gratiæ status intrinsecam formam requirit; quam per antonomasiam gratiam sanctificantem appellamus, cum donis, quæ illam consequuntur, de quibus postea dicemus: sed licet hoc verum sit, nihilominus illa duo membra quasi per analogiam distinguimus, ut proposita quaestio plene possit explicari.

Impro-
prius sta-
tus cum
statu puræ
omnino
naturæ
compati-
bilis non
est, bene
tamen cu
statu viæ.

2. Comparando igitur priorem modum status ad alios supra numeratos, in primis inveniemus, cum omnibus conjungi posse, præterquam cum natura omnino pura. Dixi, omnino puram, quia potest esse pura ab integritate, & a iustitia originali, & donis supernaturalibus gratiæ, & a culpa, & nihilominus esse ordinata ad finem supernaturalem per alia media, seu auxilia divinitus preparata, licet nondum sint collata, quia in hoc nulla est repugnantia. De facto autem nunquam ita inventa est, ut ex dictis facile constare potest, & magis ex sequentibus patebit. At vero in aliis omnibus statibus humanæ naturæ inveniri potest hæc elevatio, & de facto invenitur in statu viæ. Quia & homo in natura integra ordinatus fuit ad illum finem, & post lapsum non amisit illam habitudinem, & ideo medium redemptionis, quo posset, non obstante communi lapsu, finem illum consequi, Deus illi misericorditer providit. Et inde est, ut dicebam, ut homo

lapsus, etiam dum jacet sub peccato, illum statum retineat, quia semper potest comparare gratiam, quamdiu in hac vita durat. Deinde manifestum ex dictis est, putam naturam separabilem esse ab hoc statu, quia potuit ad supernaturalem finem non ordinari, ut satis in cap. 3. probatum est. An vero idem dicendum sit de natura integra, vel in originali iustitia constituta videndum superest.

3. In hoc enim puncto aliam invenio Michaelis Baji propositionem, ordine 21. in qua sic inquit: *Humane naturæ exaltatio, & sublimatio in consortium divinæ naturæ debita fuit integritati primæ conditionis, ac proinde naturalis dicenda est, non supernaturalis*, ubi manifeste sentit, naturæ integræ debitum esse statum gratiæ, ac proinde non potuisse ab illo, saltem secundum legem ordinariam, separari. Fundamentum autem, quo ductus fuerit, apud ipsum non legi, quia nec ejus opera videre potui, nec ab aliis refertur. Quare suspicor, authorem illum fuisse, gratiam esse humanæ naturæ debitam, si per aliquod peccatum non impediatur: unde per integritatem primæ conditionis nihil aliud intellexisse videtur, quam naturæ innocentiam, cui sensit esse connaturalem elevationem ad divinæ naturæ consortium. Potest etiam pro hac opinione adduci D. Thom. 1. part. quæst. 95. art. 1. ubi probat, hominem primum fuisse in gratia creatum, quia per gratiam subdebatur superior voluntas Deo, & inferior appetitus superiori, in qua subjectione integritas naturæ consistit. Nam hinc sequitur, integritatem illam fuisse effectum gratiæ, ac subinde non posse ab illa separari. Est tamen discrimen, quia juxta hanc sententiam Divi Thomæ non erit gratia debita integritati naturæ, ut Bajus dicebat, sed potius integritas erit debita gratiæ in ipsa naturæ institutione eidem collata. Utroque autem modo sequi videtur, statum integræ naturæ non esse separabilem a statu gratiæ.

Prima
sententia
affirmans
statum
gratiæ de-
bitum sta-
tui natu-
ræ integræ

4. Nihilominus contraria sententia omnino vera, & certa est, quæ sumitur ex Doctoribus precedenti capite allegatis, præsertimque ex Cajetano & modernis in 1. 2. quæstion. 109. in princip. & ex Alense, & aliis, quos statim referam. Ad illam igitur explicandam statuo in primis, statum integræ naturæ, vel originalis iustitiæ, ut supra explicatus est, per se non ordinare, vel sublevare hominem ultra naturalem finem, sed solum addere donum liberaliter datum ultra totum naturæ debitum, conferens rectitudinem quandam in ordine ad honestatem, & consummatam perfectionem naturalem. Hæc assertio communis est apud authores allegatos, & statim referendos & quoad utramque partem facile potest ex dictis probari, Ratio ergo prioris partis, quia per hoc donum solum subvenitur illi imperfectioni, & infirmitati, quæ nascitur ex naturali inclinatione appetitus sentientis, & ex naturali modo cognoscendi hominis, incipiendo a sensibilibus objectis, quæ naturaliter movent sentientem appetitum, & ex aliis corporis defectibus, sed tota hæc imperfectio potest impediri, sanari, ac componi sine ordinatione hominis ad finem supernaturalem: ergo integritas naturæ per se, ac præcise spectata non includit illam ordinationem. In hoc ergo convenit status naturæ integræ præcise sumptus cum statu puræ naturæ, quod uterque includit debitum ordinem ad Deum, vel finem naturalem, neuterque eorum ordinationem hominis ad ulteriorem finem requirit.

Opposita
& vera
sententia.

5. Et hinc infertur, statum integræ naturæ distinctum esse a proprio statu gratiæ, & separabilem ab illo. Probatur, quia status gratiæ intrinsece includit habitudinem ad Deum, ut supernaturalem finem: imo & proportionem intrinsecam connaturalem ad visionem ejus: sed status naturæ integræ per se non postulat illam habitudinem, nedum intrinsecam proportionem: ergo non requirit statum gratiæ: unde etiam constat, esse separabilem ab illo, quia est inferioris ordinis, & non est, unde habeat talem connexionem cum statu superioris ordinis. Adde statum gratiæ posse separari ab statu integræ naturæ, ut patet in hominibus iustis, qui sunt in hoc statu naturæ lapsi. Eademque, vel majori ratione potuisset Deus si voluisset,

Status
gratiæ in-
trinsecam
habitudi-
nem ad
Deum di-
cit, secus
naturæ
integræ.

set, creare hominem innocentem, & in statu gratiæ, & sine integritate naturæ, id est, cum fomite, & concupiscentia naturali, non pœnali, quia perfectio gratiæ per se non requirit illam integritatem, tum quia est diversus ordinis, & rationis, tum quia in homine ex Adamo genito sine illa invenitur. Nec etiam imperfectio fomitis necessario supponit culpam aut carentiam gratiæ, sed, ut naturalis proprietas, relinquit a principio posset in homine iusto. Totum ergo hoc pendet ex libera Dei voluntate, ac dispositione; ergo a fortiori e contrario separari potest status naturæ integræ a statu gratiæ.

6. Quin potius de facto separatim fuisse in Adamo in initio suæ creationis multi Theologi docuerunt, ut Alens. 2. part. quæst. 91. memb. 1. art. 3. & 4. part. quæst. 4. memb. 7. artic. 3. ad argumenta, Altisiodor. lib. 2. sum. 2. cap. 3. quæst. 2. Bonavent. in 2. distin. 29. art. 2. quæst. 2. & ibi Scot. & Marsil. in 2. quæst. 16. artic. 6. Hugo autem Victor. lib. 1. de Sacrament. part. 6. cap. 17. in fine, rem dubiam esse censet, etiam de toto tempore illius status ante peccatum Adæ, licet in cap. 10. aperte dixisset, Adam in primo statu habuisse charitatem. Quod est omnino certum, ut supra dixi. Unde etiam multo probabilius est, a principio fuisse conjunctos illos status naturæ integræ, & gratiæ, quia nulla est necessaria mora, & quia hoc magis decet divinam liberalitatem, & quia ipsa integritas naturæ propter facilitatem gratiæ custodiendam data est, & quia omnia, quæ Scriptura dicit de creatione primi hominis magis huic parti favent, ut tradit D. Thom. 1. part. quæst. 95. ubi de hoc latius. Et ita etiam sentiunt Hieronym. lib. 1. contra Jovin. Augustin. 4. de Civitat. cap. 11. & 27. & lib. de Correctione. & grat. cap. 10.

7. Ad fundamentum autem, quod Bajum insinuate diximus, respondemus in primis falsum esse naturam integram ultra naturalem perfectionem humanæ naturæ nihil addere, nisi carentiam culpæ, seu innocentiam, hanc enim habere potest etiam pura natura: integra vero addit speciale donum continens inferiorem appetitum sub superiori, ut declaratum est. Deinde dico, falsum etiam esse, naturæ humanæ innocentiam, siye integræ, siye non integræ, deberi sublimationem in consortium divinæ naturæ: nam hæc est mera gratia longe altioris ordinis, quæ mere gratiæ, & ultra omne naturæ debitum data est, & ideo nec naturalis dici potest, nec habere connexionem conaturalitatis, ut sic dicam, cum ipsa natura, quantumcunque intra suum ordinem immaculata, seu perfecta sit. Ad D. Thomam capite sequenti respondebimus.

C A P U T V.

An status gratiæ, & originalis iustitiæ per eandem formam constituantur, ac subinde quomodo separari possint?

1. **H**UIC quæstioni occasionem nobis præbuit Divus Thomas supra allegatus in 1. part. quæst. 95. art. 1. ubi sentit rectitudinem status originalis iustitiæ fuisse gratiæ sanctificantis effectum. Nam hæc gratia est forma proprium gratiæ statum formaliter conferens; ergo una est, eademque forma utrumque illum statum constituens: quomodo ergo poterunt inter se separari, cum forma non possit suo adequato effectui catere? Quam difficultatem attingens Soto lib. 1. de Natura, & gratia cap. 5. in eam inclinat sententiam, quæ affirmat, gratiam non distingui a iustitia originali, ac subinde ipsammet gratiam sanctificantem formaliter contulisse primo homini integritatem naturæ. Ex quo plane sequitur, eandem esse utriusque status formam, solumque differre, quia gratia quando dabit naturæ integritatem, erat *robustior*, & *fortior* (ut ait) quam nunc sit, quando solum confert sanctitatem sine integritate.

2. Hæc vero sententia (nisi fortasse abutatur vocibus in significatione neque usitata, neque ab auctore suo declarata) intelligi sane non potest: quia effectus formalis formæ, neque impeditur; neque variatur, manentem eadem formam informantem subiectum. Cum er-

go gratia nunc sit in nobis, totumque suum formalem effectum nobis conferat, & non der integritatem, profecto nunquam potuit illam formaliter dare. Neque verba illa *robustior*, aut *fortior*, possunt aliquid significare formaliter existens in gratia primi hominis, ratione cujus potuerit formaliter conferre illum effectum. Nam in simplici qualitate, qualis est gratia sanctificans, intelligi non potest alius vigor, nisi intensio, neque aliud robur intrinsecum, nisi quod nascitur ex majori intensione, & radicatione in subiecto, sola autem major intensio non sufficit ad illum effectum formalem, ut constat. Eo vel maxime quod gratia sepe intensior est in homine nunc lapsa, quam fuerit in primo homine ante peccatum, juxta illud, *Ego veni, ut vitam habeant, & abundantius habeant*. Declaratur tandem, quia vel loquimur de gratia prout præcise est in essentia animæ, & sic impossibile est, ut formaliter det integritatem: nam hæc integritas formaliter est in potentiis, seu ad illas pertinet: gratia vero, ut sic spectata, totum suum formalem effectum habet in sola animæ essentia, quia ibi inhaeret, & consequenter totam entitatem suam ibi haber collocatam. Vel loquimur de gratia, prout includit habitus infusos operativos, & ab illa manantes, & sic etiam integritatem dare non potest, etiam si illi habitus in potentiis sint: quia illi habitus solum elevant potentias ad novum genus operationum superantium totum ordinem naturæ. Et inde est, ut nunc etiam in nobis tales habitus, licet interdum sint valde intensi, formaliter non diminuunt appetitus passionem, ut nunc suppono: ergo multo minus poterunt formaliter dare naturæ integritatem.

3. Vera igitur sententia est, statum gratiæ secundum legem Dei ordinariam comparari ad statum innocentiam, seu integræ naturæ, tanquam fundamentum ejus, statum vero innocentiam formaliter aliquid addere ultra statum gratiæ, quod per se, ac formaliter in hoc non includitur, nec per dona gratiæ sanctificantis confertur. Hanc sententiam sumo ex D. Thoma 1. part. quæst. 100. artic. 1. ad 2. & 1. 2. quæst. artic. 2. & Cajetan. 1. part. quæst. 95. art. 1. ubi hoc modo intelligit D. Thom. ibi, qui in eodem sensu exponendus est, ubi, cum de hac materia loquitur, ut in 1. part. quæst. 97. & 1. 2. quæst. 83. & in 2. distinct. 32. Et declaratur breviter, nam licet integritas nature formaliter consistat in aliqua perfectione quam gratia formaliter non confert, nihilominus Deus non dedit perfectionem illam alicui homini, nisi iusto, & sibi grato, ut inductione constat, juxta superius dicta, tam in primis patetribus, quam in Christi humanitate, & B. Virgine. Non legimus enim nec credimus donum illud communicatum esse alteri homini viatori, omnes autem illi cum dono illo sanctificantem acceperunt: ergo signum est, ex lege ordinaria, seu desinita Dei providentia hæc duo habere aliquam connexionem inter se: ergo oportet intelligere, gratiam esse aliquo modo fundamentum alterius status, seu perfectionis. Probatur hæc ultima consequentia: primo, quia recta nature constitutio postulat, ut prima ejus institutio, & ordinatio sit in finem ultimum, & supremum; talis autem ordinatio respectu finis supernaturalis, propter quem natura humana instituta est, per gratiam perficitur, & intrinsece constituitur: ergo inter omnes perfectiones superantes naturam, quas Deus homini contulit in sua creatione, gratia fuit tanquam fundamentum cæterarum. Confirmatur, nam juxta doctrinam Augustini, & D. Thomæ in statu innocentie hic ordo constitutus est, ut pars inferior esset perfecte subiecta superiori, & superior Deo, ita ut non posset inferior insurgere contra superiorem, nisi hæc averteretur a Deo: ergo primum fundamentum illius status, & a quo omnia pendebant, erat perfecta conversio, & subiectio ad Deum: hæc autem sit per gratiam: ergo illa erat fundamentum reliquorum. Denique illa integritas data non est tanquam debita nature: ergo data est, ut gratiæ inserviret, & naturam illi perfecte obediendam redderet: ergo.

4. Unde obiter intelligitur, non dici gratiam fundamentum originalis iustitiæ, quantum ad propriam perfectionem suam, vel quia talis perfectio physice resul-

Gratiæ status est basis, cui aliquid addit integritas naturæ statum, qui declaratur, & probatur.

Originali iustitiæ gratia eorum gratuitatis

Quid non vere nonnulli sentiant.

Veritas.

Dupliciter lapsus Bajo respondetur.

Dubitas: di ratio sumitur ex Divo Thomæ.

Impugnatur Soto.

non nec
essentia
fundamē-
tum est.

resulter ex gratia, vel quia ei connaturaliter debeatur. Nam licet utrumque horum de habitibus per se infusus sentiri possit probabiliter, non vero de illa naturæ perfectione, quia est diversi ordinis, solumque ob indigentiam subiecti simul data est cum gratia. Et ideo in angelis non habuit locum, quamvis in eis gratia cum omnibus proprietatibus sibi connaturalibus perfecta fuerit. Dicitur ergo fundamentum originis iustitiæ, vel integritatis naturæ, quia secundum convenientem ordinem supernaturalis providentiæ divinæ illo modo dari debuit, ut satis explicatum manet: unde gratia respectu originalis iustitiæ dici potest fundamentum non necessitatis, sed congruitatis. Nam licet humana natura non esset per gratiam ad consortium divinæ naturæ sublimata, nec subiecta Deo, ut fini supernaturali: nihilominus esse posset recte ordinata, & subiecta Deo, ut auctori, & fini naturali, quæ subordinatio satis esset, ut naturæ integritas, & immunitas a corporis defectibus ei addi posset. Nunc vero, quia ad ulteriorem finem creata est, debuit primo conjungi per gratiam, ut huic tanquam primo fundamento omnis alia perfectio adderetur.

2. Alter-
gionis
pars pro-
batu-.

5. Atque hinc facile patet altera pars assertionis, nimirum, statum innocentie addidisse perfectionem formaliter distinctam a gratia, quod satis etiam probant, quæ contra Sorum diximus. Ab effectu etiam id patet, & optime declaratur, quia in nobis est gratia sine illa perfectione, quam addebat originalis iustitia, quia nimirum fundamentum interdum esse potest sine superaddita perfectione. Id autem in nobis contingit, non quia dona Dei sint cum poenitentia, sed quia illa est iuxta poenitentiam originalis peccati, Deus enim non, nisi innocentibus perfectionem illam communicare, iustissime decrevit.

Solvitur
ratio du-
bitandi
cum altera
quærit.

6. Ex quo facile expeditur ratio dubitandi supra tacta, & resolvitur alia quæstio, quæ solet fuisse tractari, & videtur esse de nomine, an iustitia originalis includeret formaliter gratiam. Duobus enim modis potest accipi originalis iustitia. Primo, ut includebat totam rectitudinem hominis, & in se, quoad omnes potentias, & partes suas, & in ordine ad Deum, ut finem ultimum cuiusque ordinis, & hoc modo sine dubio iustitia includebat gratiam, tanquam basim, & radicem omnium illorum bonorum. Alio vero modo sumi potest iustitia originalis præcise pro illa integritate, seu perfectione, quam addebat ultra gratiam, & sic clarum est, non includere illam formaliter, sed fundati in illa, ex ordinatione divina potius, quam ex intrinseca rei natura. Unde fit consequens, idem esse dicendum de omnibus donis, & virtutibus per se infusis, quæ gratiam sanctificantem consequuntur tanquam proprietates ejus, elevantes potentias hominis ad finem, & actus superioris ordinis, quam elevationem ut dixi, status naturæ integræ per se, & intrinsece non requirit: ergo nec iustitia originalis formaliter includit hos habitus, vel eorum aliquem. Et hoc modo loquuti sumus de hac iustitia capite precedenti, & loquimur in sequentibus, sicut etiam videtur loqui D. Thomas, quoties declarat, quid possit natura integra absque gratia. Et idem sentit Cajetanus, prima parte, quæst. 95. art. 1.

Iustitia
originalis
iustius, &
strictè ap-
pellatur
gratia.

7. Jam vero solum erit de nomine quæstio, an iustitia originalis dicenda sit gratia, nec ne? Unde dicendum est breviter, hoc donum per se non esse gratiam simpliciter dictam, prout dicit ordinem ad gloriam, seu supernaturalem sanctificationem, latius vero posse dici gratiam, id est, gratuitum donum non debitum naturæ. An vero hoc donum consisteret in aliquo habitu per accidens infuso, vel in qualitate aliqua inhærente habente virtutem præternaturalem continentis appetitum, vel solum in speciali protectione Dei, vel multa ex his includeret in 1. parte, tractatu de Statu innocentium, dictum est.

Conve-
nientia
puræ, &
integræ
naturæ
status.

8. Unde tandem infero, homines in statu integræ, vel puræ naturæ convenire in necessitate, & indigentia gratiæ ad efficiendos actus supernaturales, non solum collectivè, sed etiam distributivè, id est, quoad singulos, quia in neutro statu includit vires supernaturales, nec per se postulat principium intrin-

secum supernaturalium actuum, nec auxilium, aut providentiam ordinis supernaturalis. Ulterius etiam conveniunt illi duo status in æqualitate virium per se ad efficiendos quoscunque actus bonos ordinis naturalis, quia facultates intrinsecæ, & per se, seu physice requisitæ ad huiusmodi actus, sunt eadem in utroque statu. Nam integritas naturæ non addit novam naturalem facultatem, sed ad summum facilitatem utendi facultate naturali, & ablationem aliquorum impedimentorum. Ex quo non sequitur augmentum potestatis per se, & quasi physice in operando, sed tantum sequitur major potestas per accidens per ablationem impedimentorum, quæ moraliter esse potest absolute major ad constantius, & perseverantius operandum, ut in sequenti libro latius explicabitur.

9. Unde occurrebat statim hic quæstio, an saltem gratia adjuvans ad bene operandum moraliter, sit necessario conjuncta cum statu iustitiæ originalis, seu integræ naturæ. Theologi enim, qui docent naturam intellectualem, eo ipso, quod libera est, & prævia cogitatione honesta, & congrua indiget ad recte operandum, indigere auxilio speciali divinæ gratiæ ad singulas operationes honestas recte efficiendas: si consentaneæ ad naturalem conditionem talis naturæ, & ad perfectionem divinæ providentiæ loqui velint: fateri profecto debent, non potuisse naturam humanam, sive integram, sive integritate carentem creati modo connaturali, nisi sub providentia gratiæ auxiliantis, etiam si talis gratia in sua substantia, & gradu supernaturalis non sit. Quia non potuit Deus, iuxta debitum providentiæ modum, hominem creare omni auxilio necessario ad bene operandum destitutum: si ergo tale auxilium est vera gratia, necessitate quadam debiti connaturalis connexa est creatio talis naturæ cum providentia gratiæ: ergo non potuit in dictis statibus creati sine alicujus gratiæ adjectione, seu provisione.

Quæstio
& pars
affirmans
proponit-
ur.

10. Ego vero fundamentum illud falsum esse censeo, ideoque absolute assero, potuisse naturam humanam creati seclusa speciali providentia alicujus propriæ gratiæ: maxime vero in natura integra, quia sufficiens principium est ad operandum multo tempore honeste, sine peccato, cum communi cursu naturæ sic institutæ, & cum concursu primæ causæ. Nam seclusa integritate specialior providentia Dei esset necessaria ad constanter honeste operandum, tamen etiam illa non mereretur propriam gratiæ appellationem, ut capite sequenti attingam, & in sequenti libro latius dicetur, ibi enim fundamenta, & principia utriusque sententiæ expendenda sunt, & ideo nunc longiori hujus puncti disputatione super sedeo.

Negativa
pars quæ-
stionem
solvit.

C A P U T V I.

Quis, & qualis sit status hominis in natura lapsa?

1. S Upponimus, hominem non denominari lapsum, nisi ab aliqua culpa, seu peccato, quia sola culpa aufert innocentiam ab homine, & constituit illum in quodam deteriori statu, quam in prima sua conditione habuerit, & ideo per solam culpam tolli dicitur. Imo non quælibet culpa appellatur simpliciter lapsus hominis, seu constituit illum in statu naturæ lapsæ, sed talem esse oportet, ut per illam avertatur a Deo ultimo fine suo, indignusque ipsius amicitia, ac æterna beatitudine fiat, quod facit solum peccatum mortale. Veniale enim, sicut non est peccatum, nisi secundum quid, ita non esset sufficiens ad hunc statum naturæ lapsæ constituendum: status ergo naturæ lapsæ idem est, quod status ex peccato contractus.

Homo a
lethali
culpa dñi
taxat lap-
sus deno-
minatur.

2. Unde fit, hunc statum non tantum in homine ordinato ad finem supernaturalem, vel prius creato in iustitia, seu integritate naturæ, sed etiam in homine creato in puris naturalibus inveniri posse, quia peccare posset, ut per se constat. Tunc autem homo lapsus post statum puræ naturæ non differet a seipso in amissione alicujus doni superantis naturam, sed tan-

Naturæ
lapsæ sta-
tus inve-
niri pot-
est in ho-
mine, qui
jam cōdi-
tus fuisset
in quovis
statu ex
prædictis.

tum in additione culpæ, & obliquitatis rectæ rationis, ut capite sequenti declarabimus. Posset etiam alia conditio in eo notari, quod ille lapsus hominis in pura natura constituti esset personalis tantum, non capitalis, seu totius naturæ, quia hoc requirit aliquem statum ultra exigentiam naturæ. Quin potius hæc proprietates etiam in homine constituto in natura integra, sive ordinato, sive non ordinato ad finem supernaturalem, inveniri posset. Denique posset reperiri in una, vel altera persona humana, & non in aliis. Quia si solum conderetur homo ut privata persona, lapsus ejus esset personalis tantum, sicut in angelis uniuscujusque lapsus personalis tantum fuit. In hoc ergo differt lapsus Adami ab illo, quem in tali homine considerare possumus, quia lapsus Adæ non tantum fuit personalis, sed etiam capitalis, quia fuit in illo non tantum ut persona privata, sed etiam ut in capite totius naturæ, ita constituto ex speciali ordinatione divina, & ideo lapsus ejus fuit lapsus totius humanæ naturæ. Arque hoc modo sumitur in hac materia, quoties de homine lapsio fermo est.

Lapsus totius humanæ naturæ quis dicatur.

3. Præterea considerandum est, hominem constitutum in natura lapsa hoc posteriori modo, & prout de facto talis status introductus est, dupliciter spectari posse, primo secundum illum statum, in quo relictus est ex vi peccati originalis, vel scilicet, vel cum aliis personalibus culpis: secundo ut jam est sanatus per gratiam. Nam sicut supra distinximus statum gratiæ, ita hic distinguere possumus statum naturæ lapsæ. Duobus enim modis dicitur esse homo in tali statu, primo quia secundum præsentem justitiam est in statu peccati, sive actualis, sive habitualis, vel originalis: secundo, quia propter peccatum præcedens caret originali justitia, & integritate naturæ, licet fortasse secundum præsentem justitiam sit in statu gratiæ, & hæc posterior acceptio est maxime usitata, & in sequentibus illa frequenter utemur, distinguendo hominem lapsum in peccatorem, & justum, hæc enim distinctio locum non haberet, si status naturæ lapsæ semper includeret statum peccati, vel culpæ in homine permanentis. Non ergo illum includit, sed defectum integritatis naturæ, qui ex culpa aliquo modo propria præcesserit.

Origenes fuit Adæ, & posteri ob lapsu omnibus prærogativis status originalis in statu, & gratia etc. etc.

4. Omissio ergo pro nunc statu naturæ lapsæ jam reparatæ per gratiam, de quo postea late dicendum est, de ipso statu naturæ lapsæ secundum se unum est certum, nimirum ex vi hujus lapsus, tam primum hominem, quam ejus posteros omnes mansisse privatos omnibus donis status justitiæ originalis, quæ supra enumeravimus, & a fortiori gratia, & sanctitate, quantum erat ex vi originis. Quod est de fide certum & definitum in conciliis Milevit. & Arausic. ac præsertim in Trid. sess. 5. & latius traditur a Doctoribus in materia de peccato originali, & maxime videri potest Augustinus libris Contr. Pelagian. & libr. 13. de Civit. cap. 13. & 14. & libro decimo quarto, capite decimo & sequentibus. Prosper libro primo de Vocation. gent. capite septimo. Fulgentius libro de Incarnation. & grat. capite decimo tertio. Divus Thomas prima secunda quæstione octuagesima prima, & sequentibus, & ibi interpretes omnes, & alii Scholastici cum Magistro in 2. distinctione decima octava, trigesima &c.

Peccato originis non Adamus sed posteri de spoliis fuere.

5. Estque valde notandum hoc peccatum originis, non solum sanctitate, sed etiam fide posteros Adæ privasse, licet enim concipiuntur nunc ex vi originis, qui ex Adamo ordinatio modo generantur, ut nunc tantum certum supponimus, & colligitur ex eisdem Conciliis. An vero ipse Adam fidem etiam peccando perdidit, nec refert, nec pertinet ad hunc locum. Fulgentius autem supra simpliciter affirmat. Et Prosper contr. Collation. capite decimo nono, & vigesimo primo & alii, quos refert Pereira libro sexto, in Genes. disputatione de Decept. Adæ, putant habuisse actum fidei contrarium. Quod tamen in Scriptura non legitur, nec ex ea colligitur, & potius in Paulo legimus Adam non fuisse seductum prima ad Timotheum secundo, & de sola Eva id affirmatur

Suarez, Tom. VI.

2. Corinthiorum undecimo. De cujus deceptione adhuc dubitari potest, an fuerit per propriam infidelitatem, sed in prima parte remittimus. Et id de ipso Adam probabiliter credimus, quoad suam personam non fuisse privatum fide propter peccatum, quia non peccavit errando contra fidem, & per alia peccata actualia non amittit fides semel habita, quoad posteros vero totam gratiam, ipsamque fidem amisit, vel potius, ne ipsis infunderetur, obicem posuit.

6. Ex his ergo facile declarari potest, quomodo hic status naturæ lapsæ ad reliquos ejusdem naturæ status comparatur. Et primo, si comparatur cum statu puræ naturæ, constat ex dictis non differre in pœnali aliqua privatione intrinseca, seu alicujus boni intrinsece, quia peccatum non diminuit bonum mere naturale per se, & intrinsece, sed per accidens, vel impediendo bonum aliquod juvans naturam, vel primum habitum inducendo, juxta doctrinam Div. Thomæ, 1. 2. quæstione octuagesima quinta, articulo primo, & secundo, & Alensis secunda parte, quæstione nonagesima quinta, & aliorum doctorum in secundo, distinctione trigesima tertia, & trigesima quinta. Et ratio clara est, quia peccatum non potest intrinsece immutare, augere, vel minuere naturales vires animæ, ut capite sequenti magis declarabo. Igitur in statu puræ naturæ peccatum actuale, quamdiu duraret, per se impediret rectam operationem, & hominem a Deo averteret; postquam vero cessaret, relinqueret voluntatem moraliter averfam a Deo, non tamen impediret boni operationem, sed ad summum posset nonnullam difficultatem afferre circa aliquod bonum, generando habitum inclinantem ad contrarium malum, vel quantum in se erat, morale impedimentum apponendo divinis beneficiis, si quæ fortasse liberaliter in eo statu conferrentur, quæ omnia ex dicendis in capite sequenti declarabuntur amplius.

Comparatio status lapsæ cum statu puræ naturæ.

7. Secundo est etiam facilis comparatio, si status naturæ lapsæ ad statum gratiæ comparatur. Nam si natura sumatur, & spectetur, ut jacens, & durans in peccato, in quod lapsa est, & comparatur ad proprium & intrinsecum statum gratiæ, sic formaliter opponitur illi, nec potest simul esse cum illo, ut infra tractabitur, & sic dicitur homo nunc concipi, & nasci in statu naturæ lapsæ, id est, peccati. Si vero comparatur ad statum gratiæ late sumptum pro extrinseca ordinatione ad finem, supernaturalem, sic status naturæ lapsæ non repugnat cum tali statu, ut patet in eodem infante genito in natura lapsa, qui nihilominus nascitur in statu ordinationis ad gratiam, & gloriam. Et ratio est, quia homo non privatur propter peccatum mediis de se sufficientibus ad gratiam & gloriam consequendam, neque talis pœna imposita est a Deo pro lapsu naturæ secundum ordinariam legem, licet de potentia absoluta imponi potuerit. Unde ulterius, si natura dicatur lapsa præcise propter defectum integritatis ex peccato contractum, sic non repugnat status naturæ lapsæ cum statu gratiæ, etiam intrinseco, & proprio, sic enim puer baptizatus in statu quidem gratiæ constitutus est, & nihilominus simul esse dicitur in statu naturæ lapsæ, quia licet sit sanatus quoad infirmitatem culpæ, non est reintegratus (ut sic dicam) quoad læsionem naturæ: & ratio propria est, quia status naturæ lapsæ hoc posteriori modo sumptus, non est status culpæ, sed fomitis, & pœne contractæ ex culpa, & ideo non repugnat esse simul cum statu gratiæ. Quapropter status naturæ lapsæ, sicut & integræ, recte in duos subdividi potest, videlicet in statum naturæ lapsæ sanatæ per gratiam, vel jacentis sub lapsu, ut bene notavit Molina in Concord. q. 14. a. 13. disp. 3.

Gratiæ & naturæ lapsæ status comparantur.

8. Tertio intelligitur ex dictis, quomodo comparatur status naturæ lapsæ ad naturam integram, seu in justitia originali constitutam. Dicendum est enim, in primis de potestate absoluta, potuisse integritatem naturæ manere quoad compositionem potentialium inter se amissa innocentia, & recto ordine voluntatis ad Deum. Eademque ratione potuisse manere in homine lapsio omnia privilegia originalis justitiæ,

Integritas naturæ lapsæ comparatur. Et quid de potentia absoluta dicendum.

H

non

non manente formalitacione iustitiæ, quatenus per peccatum corrumpitur. Probatur, quia nulla est repugnantia. Nam illa læsio naturæ vel privilegiorum amissio non sequitur ex peccato formaliter, imo nec proprie effectus, ut per se constat, sed sequitur, ut pœna digna talis culpæ: non cogitur autem Deus talem pœnam imponere, & multo minus cogitur statim illam exequi: ergo posset conservare illa dona, non obstante culpa.

9. Addimus vero ulterius, de facto, & secundum legem ordinariam in natura lapsa nunquam statum illum permanisse. Quæ sententia sumitur ex Divo Augustino libro de Correctione & gratia capite 11. D. Thoma 1. parte, quæstione 100. articulo primo & secundo. Probatur, quia amissa gratia amittitur etiam status ille secundum ordinariam legem, sed per naturæ lapsu amissa est gratia, ut constat: ergo amittitur etiam status naturæ integræ, & originalis iustitiæ. Major constat ex dictis, quia ostensum est, gratiam fuisse fundamentum iustitiæ originalis, & integritatis naturæ ablato autem fundamento, ruunt reliqua, quæ super illud ædificata sunt. Unde quoad integritatem naturæ est optima congruentia, quia qui deserit Deum peccando, & non obediendo ei, iuste deseritur, ut caro, & portio inferiori spiritui, ac parti superiori non cediatur: sed natura peccando amittit rectum ordinem ad Deum, neque illi perfecte subiicitur: merito ergo amittit integritatem, & perfectam subjectionem sui appetitus inferioris ad superiorem, & ad rationem & inde etiam extenditur congruentia ad originalem iustitiæ, tum quia hæc supponit naturæ integritatem, ut dixi, & ideo hac amissa, etiam illa perditur: tum etiam quia per peccatum fit homo reus pœnæ, & doloris, quæ repugnant, cum statu originalis iustitiæ, ut etiam declaratum est.

10. Contra hoc vero est vulgaris objectio, quia Eva peccando non statim amisit originalem iustitiæ: imo in illa jam lapsa mansit naturæ integritas, & originalis iustitiæ. Probatur, quia illa peccavit priusquam Adam: & tamen in illo tempore intermedio inter suum, & peccatum Adæ non sensit concupiscentiam, nec erubuit, quod nuda esset, nec aperti sunt oculi ejus, ut suam nuditatem videret: ergo signum est permanisse tunc in naturæ integritate. Et similiter non sensit calorem, vel frigus: vel aliam alterationem corporis passibilis: ergo signum est, etiam retinuisse iustitiæ originalem, quia hi sunt effectus proprii talis doni, & status. Antecedens patet, quia si sensisset huiusmodi novos effectus, evidenter agnovisset suum lapsum, & deceptionem, & non esset ultra progressa ad invitandum virum. Propter hoc Abulensis in cap. 3. Genes. q. 6. & 7. & Catherin. opuscul. de Peccat. orig. n. censent, personalem lapsum potuisse simul esse, & fuisse cum donis integræ naturæ, & iustitiæ originalis seclusa gratia. Idem in re tenet Cajetan. 1. parte, quæst. 95. art. 1. licet aliis verbis. Dixit enim Evam peccando ante Adam non statim amisisse iustitiæ simpliciter, id est, totaliter, amisisse autem quoad aliquid. Quod non amplius explicat, significat autem amisisse quasi jure, & debito, quia statim metu it illam amittere, de facto tamen non statim illi ablatam esse, donec Adam peccavit.

11. Nihilominus magis placeat sententia proposita, & consentaneæ ad illam respondeo, Evam statim, ac peccavit, amisisse originalem iustitiæ, & naturæ integritatem, ac subinde statim habuisse naturam læsam, sicut & lapsum. Ad argumentum autem respondeo, non oportuisse, ut statim sentiret inordinatos motus naturæ lapsæ, quia non semper eorum occasiones sese offerunt, vel non vacat his attendere. Deinde dico, verisimile esse habuisse statim Evam aliquos motus appetitus sentientis magis inordinatos, quam integritas naturæ permetteret. Potuit enim statim sentire, & fortasse sensit voluptatem majorem in aspectu cibi, majoremque illius concupiscentiam, præsertim quia jam per internam superbiam similitudinem Dei, & scientiam boni, & mali inordinate desideraverat, nam hæc ipsa animi affectio appetitum etiam inferiorem magis inclinabat. Non tamen advertebat

Eva, hunc motum esse effectum lapsæ naturæ, quia vel quibus donis antea esset prædita, vel unde illi motus provenirent, ignorabat, vel certe quia de hoc non cogitavit, neque reflexe (ut sic dicam) ad motus attendit, ut eorum radicem investigaret. Et ob eandem causam potuit facile non erubescere, nec videre nuditatem suam prius, quam vitæ caderet, quia interjectum tempus breve fuit, & in eo solum de marito invitando, & inducendo ad esum cibi cogitabat. Et optimum argumentum est, nam statim experiri potuit, se esse deceptam a serpente, quia nullam scientiam boni, vel mali per esum cibi adeptæ est, & tamen id non consideravit, sed solum ad vitum se convertit, & de illo invitando sollicita fuit.

CAPUT VII.

Utrum homo in statu naturæ lapsæ careat libertate, quam in sua pura natura haberet?

1. Quæstiones in hoc, & seq. cap. tractandæ ad explicandas vires liberi arbitrii in homine lapsæ necessariæ sunt, quod in lib. 2. fuisse tractaturi sumus, & ideo in præsentia illas præmittimus. Potest autem voluntas hominis lapsi comparari, & ad voluntatem hominis in statu innocentie, seu integræ naturæ, & ad statum puræ naturæ. Item potest fieri comparatio, vel in absoluta libertate, vel in viribus, & perfectione ejus: & hanc quidem posteriorem quæstionem cum Catholicis tractabimus, hic solum priorem cum hæreticis disputamus: & ideo addidi in titulo quæstionis, an homo nunc careat libertate, quam in pura natura haberet: quia non inquiri de illa, quam in statu naturæ integræ habuit, id est, de perfecto statu libertatis sine ullo corporis gravamine, vel impedimento concupiscentiæ. Sic enim certum est ex dictis, & ex si dei principiis, hominem lapsum carere illis prærogativis (ut sic dicam) & viribus libertatis, quas in statu innocentie haberet, ac subinde vires liberi arbitrii ad operandum bonum debilitatas esse plurimum in humana natura per lapsum Adæ, & originale peccatum. Solus enim Pelagius, & eius sectatores, qui peccatum originale negarunt, & Adamum in pura natura creatum esse asseruerunt, consequenter etiam dixerunt, nullo modo fuisse debilitatas in posteris Adæ vires ad operandum bonum, ut capite 12. dicam, & constat ex Augustino lib. de Natur. & gratia cap. 19. ubi errorem illum impugnans ex illo Ps. 40. Domine miserere mei, sana animum meum, quia peccavi tibi, ait: *Quid sanatur, si nihil est vulneratum, nihil sanciatum, nihil debilitatum, atque vitiatum?* Et hic error Pelagii damnatus est in Concilio. A. 1. a. 1. c. 1. Trid. sess. 5. decreto de Peccat. orig. Valent. cap. 6. sequiturque ex principio fidei, quod peccatum originale transfunditur ad posteros, per illud enim peccatum naturam infirmior facta est, & consequenter imbecillior, ut recte dixit Chrysostomus. 30. ad Popul. juxta verbum Christi Matth. 9. *Non est opus valentibus medicis, sed male habentibus*, quod explicans addit, *non veni vocare iustos, sed peccatores*. Solum ergo superest quæstio de substantia, seu indifferentia libertatis an manserit in homine lapsæ, saltem secundum intrinsecam rationem, secundum quam est naturalis homini, essetque in homine in pura natura.

2. In hoc ergo puncto valde errant hujus temporis hæretici. Nam Lutherani dicunt, per peccatum Adæ non solum diminutam fuisse, sed etiam omnino perditam naturalem hominis libertatem, præsertim ad operandum bonum. Quem errorem Calvinus, & alii sequuti sunt, ut late refert Bellarminus lib. 1. de statu primi hominis in principio, & latius in Præfat. ad libros de Gratia, & libero arbitrio. Duobus autem modis hæc sententia intelligi posset. Prior erit, si supponatur humana natura ex vi suæ essentiae, & facultatum naturalium non habere libertatem, recepisse autem illam per dona status innocentie, & ideo amittendo illa dona per peccatum, etiam libertatem amisisse. Juxta quam intelligentiam non sequeretur, homi-

Quæstio explicatur quæ contra hæreticos procedit duarum ab

De ordinaria lege naturæ integræ & lapsæ status nunc quam si mul sit tere.

Obiectio de Eva lapsa in integritate stante, usque ad lapsum Adam

Negativa responsio

Ad singularem responsionem datur in forma.

hominem per peccatum factum esse deterius conditionis quoad libertatem, quam esset in natura pura, sed potius rediisse ad naturalem conditionem, quam ex se haberet, si per iustitiam non fuisset in paradiso immutatus. Veruntamen non est hic sensus hereticorum, ut ex his plane constat, quæ idem author refert, & supra attigimus: nam illi potius sentiunt hominem in sua creatione in pura natura fuisse conditum, unde cum dicant, fuisse tunc liberum, aperte concedunt libertatem esse proprietatem naturalem hominis non lapsi. Deinde illa positio in illo sensu repugnantiam involvit. Qui enim fieri potest, ut animal natura sua non liberum, per dona superaddita fiat liberum? Profecto non minus id repugnat, quam animal natura sua irrationale fieri ratione utens per dona superaddita, vel quam brutum elevari ad libere operandum. Et præterea contra suppositionem illam superest tota disputatio pro naturali, & intrinseca hominis libertate, quæ hic tractanda non est sed supponenda, tanquam omnibus nota.

3. Alius igitur modus asserendi errorem illum, & fortasse ab hæreticis intentus est, hominem natura sua esse liberum, & ita fuisse conditum, & peccando amisisse arbitrii libertatem naturalem. Juxta quam propositionem aperte sequitur, in natura lapsa, non solum esse debiliores vires, quam in pura natura, sed etiam nullas esse ad opera humana, seu moralia efficienda, ne dum bona, quia sine libertate nullum est morale opus, neque homini imputari potest quidquid facit. Hic autem error damnatus est in Concil. Trid. sess. 6. c. 5. & est non solum contra Sacram Scripturam, Patres omnes, & experientiam, & contra omnia, quibus libertas naturalis arbitrii ostendi solet, sed etiam contra evidentem rationem naturalem, qua facile ostendi potest, illam mutationem, vel transformationem, seu metamorphosin hominis per peccatum esse impossibilem. Quia duobus modis potest intelligi, hominem peccando amisisse liberum arbitrium, scilicet ab intrinseco, vel ab extrinseco.

4. Prior modus erit, si quis fingat, ipsas potentias hominis fuisse ita per peccatum intrinsece mutatas, vel debilitatas, seu impeditas, ut nec bene, nec libere operari valeant. Quod sensisse Lutherum refert Stapleton. l. 2. de Corrupt. nat. cap. 3. Veruntamen talis immutatio potentiæ intelligi non potest, cum illa naturaliter dimanet ab anima. Nisi quis forte afferat hominem peccando factum esse amentem ex aliqua læsione phantasie. Nam in anima secundum se non potest intelligi talis mutatio, quia nec substantia animæ, nec voluntas, nec intellectus diminui possunt in entitatibus suis, quæ indivisibiles sunt, ut est per se clarum, & iterum statim ostenditur. Idemque est de potentis sensuum internorum & externorum, si secundum suas substantias considerentur. Si ergo supponemus, homines post peccatum habere integros sensus, & organa illorum apta, & recte disposita ad suas operationes præstandas sine ulla læsione interna in organorum dispositione, & sine impedimento extrinseco, intelligi non potest, quin talis homo lapsus ratione utatur, sicut illa uti posset in pura natura, quia habet eandem virtutem connaturalem: unde consequenter fit, ut etiam utatur libertate, quia hæc intrinsece sequitur ex usu rationis, quatenus naturalis est homini: ergo non potuit homo intrinsece ita mutari, ut hanc libertatem amitteret, nisi per dementia ex læsione organorum sensuum provenientem; hanc autemingere in homine lapso satis magna dementia esset, indigens magis sensu, & experientia, quam rationis discursu.

5. Ab extrinseco autem posset amitti hæc libertas, si Deus statuisset, non relinquere hominem in manu consilii sui, nec præbere concursum aptum ad usum libertatis, sed motionem ita impellentem, ut necessitate illi inferat ad singulos actus. Er hoc videntur sentire Calvinus, & quicumque sequuntur. Nam hinc eo progrediuntur, ut Deum faciant omnium peccatorum authorem, & alia proferant absurda: & ideo in hoc errore refutando immorari nunc non oportet, nam postea disputando de efficacia gratiæ id præstabit.

Suarez, Tom. VI.

mus, quantum pro presenti materia necessarium est, & in opusc. de Auxiliis satis multa de hoc puncto diximus. Hic solum animadvertendum occurrit, etiam supposito illo errore, quod Deus ab extrinseco necessitatem inferret humanæ voluntari in singulis actibus illius, non recte dici, humanam naturam lapsam pati hanc necessitatem ratione peccati, aut in hoc esse deterius conditionis, quam in puris naturalibus esset, quia eandem necessitatem extrinsecam in illa subitura esset. Probatur, quia si vera esset talis necessitas, ex efficacia divinæ voluntatis, & ex dependentia voluntatis humanæ in omnibus actibus suis a motione divinæ voluntatis proveniret, at hæc necessitas eadem esset in puris naturalibus, quia esset eadem dependentia: ergo.

6. Quocirca sicut fingi non potest, quod talis dependentia voluntatis humanæ a divina in operando sit pœnalis, sed naturalis, & necessaria, etiam in statu integræ naturæ: ita cogitari non potest, quod ex hac parte amissa sit libertas arbitrii per peccatum. Unde non solum respectu puræ naturæ, verum etiam nec respectu naturæ integræ invenitur talis mutatio in natura lapsa. Fortasse tamen hæretici in hoc constituunt discrimen, quod licet in omni statu voluntas humana ex necessitate operetur propter divinam motionem, nihilominus si esset pura, vel integra, semper determinaretur ex necessitate ad bonum. Per lapsum autem meruit necessitari semper ad peccandum, nisi propter Christum interdum necessitetur ad bonum. Sed neque mihi constat hanc fuisse mentem hæreticorum, neque aliud confert ad eorum excusationem. Neque præter errorem contra libertatem arbitrii, & contra Dei bonitatem, convinci potest contradictionis, & falsitatis. Quia juxta illum errorem voluntas humana in omni statu operatur cum necessitate ex motione Dei: ergo voluntas etiam Adami sic mota est, ut peccaret: ergo non ratione peccati necessitatem illam falsa est, sed ut peccaret, cum adhuc esset innocens, mota est a Deo ad peccandum ex necessitate: ergo falso fingitur & inconstanter, illam necessitatem ad malum esse pœnam peccati. Quod autem talis necessitas non sequatur ex dependentia voluntatis humanæ a divina, & quod talis motio repugnet divinæ sapientiæ, & bonitati, etiam in pœnam peccati, in sequentibus ostenditur, nam de hoc puncto plura in capite 17. dicemus.

7. Neque video, quid potuerit hos hæreticos in hunc errorem inducere, nisi spiritus contradicendi, & inducendi homines in desperationem virtutis. Nam alioqui error ille repugnat omni rationi naturali, ac morali philosophiæ: & non habet fundamentum, nec vestigium ejus in Scriptura, sed potius illi evidenter repugnat. Nam de mutatione facta in natura humana per communem lapsum ejus solum legimus Ecclesiastes 7. *Deus fecit hominem rectum, ipse autem se immiscuit multis questionibus.* Et ad Roman. 5. & 8. legimus, mortem introductam esse per peccatum, & idem de concupiscentia sumimus ex 6. & 7. ad Romanos. Ex his autem nulla apparenti ratione potest colligi amissio libertatis, ut per se patet, & Concilia, ac Patres docuerunt. Nihil ergo video, quod illo errore posset ita apparenter induci, ut speciali responsione indigeat.

8. Posset tamen quis obicere aliquos Patres dicentes, per peccatum amisisse hominem similitudinem ad Deum, ratione cujus dicitur factus ad imaginem ejus: nam hæc imago maxime in libertate arbitrii consistit: ergo amisit homo libertatem arbitrii. Primam propositionem affirmat Augustinus 6. Genes. ad liter. cap. 27. & 28. & lib. 83. qu. 67. & lib. contra Adimant. cap. 5. & Origen. hom. 1. in Genes. Posteriori autem propositionem tradidit Damascenus lib. 2. cap. 13. & Bernard. tract. de libero arbitrio. Unde Augustinus sæpe indicat, per peccatum Adæ amissam fuisse libertatem, nam l. de Nat. & grat. cap. 65. tractans locum Hieron. l. 2. contra Jovin. dicentis, Deum nos condidisse liberi arbitrii compotes, ut neque ad virtutem, neque ad vitia necessitate trahamur, exponit Augustinus Hieronymum loqui de libero arbitrio.

H 2 quale

Libertas arbitrii per peccatum non deperditur.

Refutatur

Quid in his angustis hæreticos inducere non appareat.

Obiectio ex Patribus.

Exploditur.

Mens secundæ erroris ab hæreticis intenta improbat.

1. Modus amittendi libertatem impugnatur.

2. Errandi modus in tollenda libertate ejusque appendici.

quale fuit in homine a Deo condito, non quale relictum est per peccatum. Et in lib. Proposit. epistol. ad Rom. cap. 17. *Liberum* (inquit) *arbitrium perfecte fuit in primo homine, in nobis autem ante gratiam non est liberum arbitrium, ut non peccemus, sed tantum ut peccare nolumus.* Et lib. 14. de Civit. c. 11. *Arbitrium voluntatis tunc est vere liberum, quando vitiis, peccatisque non servit. Tale datum est a Deo, quod amissum, nisi a quo potuit dari, non potest reddi.* Et est sententia 52. apud Prosperum. Quin etiam ad 5. objectionem Vinc. dixit. *Liberum arbitrium libertatem, quam libertate perdidit, nisi Christo liberante, non recipit.* Multa etiam in hac sententiam habet Fulgentius l. de Incarn. & grat. cap. 19. dicens. *Ex quo primus homo voluntarie naturam suam vitia vit, & oppressit infirmitas, nisi divina gratie medicamento preventum in unoquoque homine sanetur, atque adiuvetur indefinenter liberum arbitrium, est quidem liberum, non tamen sanum, &c.* Statim autem exponit esse liberum a iustitia, id est, carens illa, unde inquit. *Quarto magis a bonitate, rectitudine, sanitate, iustitiaque liberum, tanto magis malitia, perversitatis, infirmitatis, atque iniquitatis mortifera servitute captivum.* Et cetera, quæ in eandem sententiam late prosequitur.

Responsio.

9. Sed quod ad Origenem attinet, facile concedi posset in illa sententia errasse hunc enim errorem in eo notavit Epiphanius in epistol. ad Joannem Hierosolymitan. Episcopum, Augustinus autem ipse se explicuit libro primo Retract. cap. 26. non ita id esse accipiendum, quasi totum amiserit homo, quod haberet *imaginis Dei*, quod magis explicans libro 2. cap. 24. ait. *Non sic accipiendum est, quasi in eo (utique in homine) nulla (supple. imago) remanserit, sed quod tam deformis, ut reformatione opus haberet.* Et ita sicut non amisit imaginem, ita nec liberum arbitrium, licet vires, & robor ejus emiserit. Et ita etiam posset exponi Origenes loco citato, nam verba ejus sunt. *Adhujus (id est, Verbi divini) imaginem factus est homo, & propterea Salvator noster, qui est imago Dei, misericordia motus pro homine, qui ad ejus similitudinem factus fuerat, videns eum deposita sua imagine, maligni imaginem induisse, ipse imagine hominis assumpta, venit ad eum, &c.* Dici enim potest homo deposuisse imaginem Dei, non quia illam destruxerit, sed quia illam deformavit.

10. Addi etiam potest, a multis distinguere imaginem a similitudine: nam ad imaginem dicitur homo factus ratione intellectualis naturæ, & convenientiæ cum Deo in gradu intellectuali, & consequenter in ratione, & libertate, ut communiter Patres exponunt. Similitudo autem refertur ad gratiam, per quam imago ipsa efficitur Deo similior, ut sensit Magister in 2. distinctione decima sexta & sumitur ex Dionysio, 2. capite de Ecclesiastica Hierarchia in principio dicente: *Hoc omnes conamur, ut per gratiam similes Deo efficiamur.* Et Author libri de Ecclesiastic. dogma. ca. ultimo hoc significavit, cum dixit: *Similitudinem in moribus inveniri.* Sic ergo dici potest amisisse similitudinem Dei, quia gratiam amisit, & consequenter imaginem deformasse, privando illam divina forma, & aliis donis, quæ illam comitabantur. Ex quo habemus, hominem non amisisse libertatem, quam in pura natura haberet, sed amisisse supernaturales vires ejus, quibus etiam in pura natura careret. Et hoc est, quod uno verbo dixit Prosper libro primo de Vocat. gent. cap. 7. *Cum homo spoliaretur, non voluntate, sed voluntatis sanitate privatus est:* idem fere l. contr. Collat. c. 19.

Solutio
omnium
Patrum.

11. Augustini autem sententia de libero arbitrio hominis post lapsum tam est clara, & sæpe ab ipso repetita, & sollicitè observata, ut impudensissimum sit, propter unum, aut aliud verbum ejus, illam velle obnervare, ac pervertere. Id constat ex toto libro de Gratia, & liber. arbitrio; Epistola quadragesima sexta, & quadragesima septima, ut alia loca omitram. Cum ergo dicitur liberum arbitrium hominis lapsante gratiam non esse liberum, æquivocatio est in voce, *liberum*. Aliquando enim opponitur servi-

luti, & hoc modo dicitur liberum arbitrium hominis lapsi non esse liberum sine gratia, quia est servus peccati, ut loquitur Augustinus in ultimo loco. Et de eadem potest intelligi Prosper, & apertius Fulgentius. Hinc etiam liberum interdum opponitur necessitati peccandi, non in singulis actibus, sed absolute, & disjunctim, seu confuse, & hoc modo dicitur homo lapsus gratia destitutus, non esse liber ut nunquam peccet, & de hac necessitate loquitur Augustinus in prioribus locis: illa vero necessitas non excludit propriam libertatem indifferentiam, quæ opponitur determinationi ad unum in singulis actibus definite sumptis, ut dicemus late in libro secundo. Hæc autem libertas indifferentiæ est, quæ constituit liberum arbitrium, vere liberum pro singulis actibus, & de hac nunquam Augustinus, vel alii Patres dixerunt, esse per peccatum amissam. Unde Bernardus libro de Gratia, & libero arbitrio distinguens propriam libertatem a necessitate, & libertatem a servitute peccati, dicit Christum venisse, ut nobis conferret hanc posteriorem libertatem, quam amiseramus peccando, non priorem, quæ per peccatum non amittitur, nec amitti potest: *Manet enim (inquit) libertas voluntatis, ubi est captivitas mentis, tam plena quidem in malis, quam & in bonis, sed in bonis ordinatior; & infra: Sive Dei sumus, sive diaboli, non tamen similiter desinimus esse nostri. Manet enim libertas arbitrii, per quam manet, & causa meriti.* In sermone autem octuagesimo primo in Cantic. latius declarat, cum libertate naturali, quæ post peccatum mansit, contractam esse quandam necessitatem peccandi, nisi gratia subveniat, quia corpus, quod corrumpitur, aggravat animam, &c. Et de hac necessitate loquitur, ut dixi, Augustinus. Sæpe etiam dicitur homo amisisse libertatem ad amandum super omnia Deum, & alia supernaturalis iustitiæ opera facienda, quia nimirum amisit ipsam iustitiam, quæ est principium talium operum, & factus est indignus omnibus donis ejus, sine quibus illam operari non potest: & ideo in eo statu non est liber ad tales actus, quia est impotens. Hæc autem libertas recuperatur per gratiam Christi quæ dat potestatem bene operandi, ut in discursu materiæ videbimus. Et hæc nunc sufficiant contra hæreticos.

C A P U T VIII.

Utrum in statu naturæ lapsæ homo sit intrinsece debilior ad operandum bonum, quam esset in statu puræ naturæ?

1. Sequitur controversia cum Catholicis, in qua fuit sententia Gregorii, naturam lapsam per peccatum factam esse magis propensam ad malum, debilioremque ad bonum, etiam morale, & naturæ consentaneum, quam esset in pura natura. Ita tenet Gregorius in secund. distinctione trigesima questione prima articulo secundo ad tertio. Fundatur præcipue in illa communi sententia Theologorum, quam acceperunt ex Ambrosio libro septimo in Lucam, Augustino libro de Natura, & gratia capite septimo, Beda in capite decimo Lucæ, qui circa parabolam de illo, qui descendebat ab Hierasalem in Jerico, dicunt naturam humanam per peccatum fuisse spoliatam gratuitis, & vulneratam in naturalibus, quod non esset verum, nisi in viribus ipsis aliqua diminutio facta esset. Videturque hæc opinio originem ducere ex alia ejusdem authoris, & aliorum quorundam dicentium per originale peccatum imprimi homini quandam morbidam qualitatem. Nam si hoc verum est, mirum non erit, quod qualitas illa possit ad malum inclinare, & boni operationem difficiliorem reddere. Videtur autem interdum Augustinus ira loqui de languore, & mala qualitate hominis lapsi, ut patet ex libro primo de Nuptiis capite vigesimo sexto & libro sexto contr. Julianum capite septimo.

2. Hanc opinionem aliqui moderni Theologi tenent.

Recentiorum
sententia.

rant defendere, non quidem ex illo principio morbidæ qualitatæ, sed ex alio. Afferunt n. humanæ naturæ vires ad bonum morale, & naturale præstandum debiliores esse in natura lapsa, quam essent in pura natura, solum quia nunc est averfa a Deo, & vere in peccato, quod non haberet in pura natura. Ita tenet novissime P. Didac. Alvar. in opere de Auxiliis libr. 6. disp. 45. & 47. dicitque quàm plurimos Thomistas illam sententiam docere, licet eos non referat. Tribuit etiam S. Thomæ 1. 2. quæst. 85. art. 1. quia dicit, naturalem inclinationem hominis ad bonum rationis, humanæ naturæ proportionatam, minui per peccatum. Probat primo ex Conciliis Arausico. & Trident. dicentibus, hominem per peccatum originale secundum animam, & corpus fuisse in deterius commutatum; & ex Patribus asserentibus, fuisse non tantum gratuitis privatum, sed etiam in naturalibus viciatum. Quærit non intelligi sufficienter per comparationem ad vires hominis, quas habebat in statu innocentie ratione iustitiæ originalis, sed intelligenda necessario esse etiam comparatione puræ naturæ & virium ejus, quia alias nullum vulnus in se suscepisset humana natura per peccatum, nec homo relictus esset semivivus, quia in pura natura nullum esset vulnus, nec homo in eo statu constitutus dici posset semivivus relictus, licet concupiscentiæ rebellio nem haberet.

Probat
2. præfata
sententia.

3. Secundo probat, quia peccatum diminuit naturalem inclinationem hominis ad bonum rationis, humanæ naturæ proportionatam: ergo idem fecit peccatum originale in nobis: ergo in hoc statu sunt vires arbitrii debiliores, quam in pura natura. Antecedens est D. Thomæ dicta qu. 85. artic. 1. & 2. & commune Theologorum ibi, & in 2. dist. 24. & 35. & videtur experientia hoc constare. Consequentia probatur, quia peccatum originale est verum peccatum, & ita non est minor ratio de illo, quam de aliis. Possumusque consecutionem illam ita declarare, quia si homo conditus in puris naturalibus postea peccaret, debilior fieret post peccatum ad operandum bonum morale: quam antea fuisset, juxta dictum axioma: sed ita homo maneret tunc in peccato originali, sicut ille homo maneret tunc in peccato habituali, transacto actuali: ergo.

2. Probat.

4. Tercio probat, quia per originale peccatum averfa est natura humana a suo ultimo fine, non tantum supernaturali, sed etiam naturali: ergo facta est debilior ad bene operandum. Antecedens probatur, quia homo ad supernaturalem gratiæ finem ordinatus, non potest averti a Deo, ut fine gratiæ, seu supernaturali, quin avertatur consequenter ab eodem, ut est finis naturalis: nam oppositum involvit repugnantiam. Consequentia vero probatur, quia præcipua bonitas moralium operum pendet ex ultimo fine, tanquam a prima regula bene operandi, & ideo necesse est, ut voluntas averfa a tali fine debilior facta sit ad bene operandum, sicut intellectus male instructus circa prima principia, & quasi averfus ab illis, minus bene dispositus est ad discurrendum circa verum. Quarto probat inductione, quia homo in puris naturalibus posset diligere Deum, ut authorem, super omnia, saltem aliquo actu, vel momento, & vincere quamcunque tentationem gravem modico tempore: homo autem lapsus hæc non potest: ergo signum est debilitatem esse factum.

Commu-
nis & ve-
ra sententia.

5. Nihilominus communis, & vera sententia est, naturales vires hominis, vel liberi arbitrii quoad gradum, seu perfectionem, quam in statu puræ naturæ haberent, non fuisse diminutas in natura lapsa ex vi solius peccati originalis; sed solum quoad robur, & integritatem, quam a iustitia originali accipiebant. Hæc sine dubio est sententia D. Thomæ, & communis antiquorum Theologorum, ut statim declarabo. Eam vero distinctius, quam cæteri explicaverunt Conradus, & Cajet. 1. 2. quæst. 85. art. 3. & quæst. 109. art. 2. §. *Secundum dubium*, quos sequutus est Soto libr. 1. de Natur. & grat. c. 13. & Medin. 1. 2. qu. 85. artic. 3. *Secundo infertur*, quæ eam sumit ex D. Thomæ ibi, additque hanc esse veram, divinamque Theologiam, quam docent universi Theologi. Eandem optime do-

Suarez Tom. VI.

cer Marsilius in 2. quæst. 18. art. 1. Idem tenet Gregorius de Valent. 2. tom. disp. 6. quæstione 15. puncto 1. qui addit Scotum in 2. distinctione 29. quæst. unic. in fine, & distinctione 33. quæstione 1. Gabriel in 2. distinctione 25. articulo 3. dubio 3. Durandus in 2. distinctione 20. quæstione 5. capite 2. & distinct. 30. quæst. 1. art. 1. Isti autem auctores in tantum hanc docent sententiam, in quantum dicunt, corruptionem, seu lesionem factam per peccatum originis in humana natura, tam quoad supernaturalia, quam quoad naturalia, non esse factam per ablationem aliquis perfectionis naturalis, sed per ablationem donorum, quæ tam ad elevandam dictam naturam ad supernaturalia, quam ad roborandam, & componendam illam in naturalibus divinitus illi erant superaddita. Ex hoc enim principio satis clare infertur, vires, quas homo haberet in pura natura, non fuisse per peccatum diminutas. Et item sentiunt Cardinalis Bellarminus libro 4. de Stat. primi hominis cap. 5. Albert. Pighi, controvers. 1. Vegalibr. 2. in Trident. cap. 6. & 11. & lib. 3. in Trident. capit. 11. Ruard. ar. 2. contra Luther. Driedo libro 1. de Grat. & liber. arbit. cap. 3. p. 4. & tract. 4. cap. 1. Episcopus Lucensis, Ferd. Vellozillo in advertent. Theolog. qu. 9. ad 1. to. D. Chrysof.

5. Atque eodem modo sine dubio est hæc sententia D. Thomæ: nam 1. part. quæstione 95. artic. 1. ait, naturalia mansisse in homine integra post peccatum, & in hoc æquiparat hominem angelis lapsis, de quibus dixit Dionysius capite 4. de Divinis nominibus in eis naturalia mansisse integra post peccatum. Respondent, non dicere D. Thom. naturalia mansisse integra quoad omnia, sed cum moderatione, scilicet, *quoad bonum primum naturæ, quod est esse, vivere, & intelligere*. Ita enim exponit Dionysium idem D. Thom. 1. a quæstione 85. artic. 1. ad 1. At vero Divus Thomas in citato loco 1. parte expresse loquitur de bono illo, quod consistebat in perfecta subjectione corporis ad animam, & inferioris appetitus ad superiorem, probatque non fuisse naturalem, quia alias permansisset post peccatum, juxta sententiam Dionysii: ergo intelligit illam de omni bono naturæ. Idemque argumentum fieri potest de quocumque bono, in quo dicitur, naturæ humana diminuta per peccatum, nimirum inferendo, non esse naturæ debitum, nam si fuisset, permansisset, juxta regulam Dionysii. Et potest hic sensus illius regulæ confirmari, quia juxta usitatum loquendi modum in doctrina tradenda, indefinitum loquutio sine ulla exceptione æquivalere universali: alioqui ambiguus esset sermo, & voluntatis tergiversationibus expositus: Dionysius autem absolute dixit, naturalia mansisse integra post peccatum: ergo intellexit, tam de ipsa natura, quam de omnibus quæ intrinsece fluunt ab ipsa natura, seu naturali vinculo sunt illi connexa. Et ita illud axioma intellexerunt, & sequari sunt Scholastici communiter. Et præterea non est major ratio de vita ipsa, & vi intelligendi, quam de quacumque alia vi naturaliter operandi, ut in discursu monstrabimus. Nec Divus Thomas aliam declarationem adhibuit in illa solutione ad 1. nam se remittit ad illud primum bonum naturæ, de quo in corpore articuli loquutus fuerat, sub quo dicit includi *principia naturæ, & proprietates, & potentias animæ, & alia hujusmodi*. Et præterea in eodem articulo primo, secundo & tertio declarat, corruptionem naturæ solum factam esse per ablationem donorum dantium naturæ integritatem, quam ex se non haberet, sicut mortalitas corporis etiam inducta est per solam iustitiæ originalis amissionem, & quæstione octuagesima septima, articulo septimo dicit hominem amisisse iustitiam originalem, & *sue naturæ fuisse relictum*. Quid quæso, est, relictum esse naturæ, nisi relictum esse cum omnibus viribus, & perfectionibus, quas seclusa iustitia originali humana natura ex se, seu ex naturali conditione postulat, & habere potest? Hæc autem omnia, & sola sunt, quæ homo in pura natura posset habere: ergo ex sententia D. Th. in hoc est æqualitas inter hominem lapsum, & purum.

Ex Conc
& pr. pro-
batur af-
fectio.

7. Unde ulterius potest hæc veritas ex Conciliis, & Patribus eodem argumentandi modo probari. Ubi-que enim mutationem in Adamo, & in naturæ integritate per peccatum factam, & ad nos simul cum culpa per originem transfusam, positam fuisse docent in amissione illius doni naturæ humanæ, ultra omnem perfectionem ei debitam, additi, quo bene in se constituta, & ordinata, recte, ac constanter bonum posset operari. Ita exponit mutationem illam, seu vulnerationem naturæ, Concilium Tridentinum sessione quinta in decret. de Peccato originali dicens: *Primum hominem Adam, cum mandatum Domini in paradiso fuisset transgressus, statim sanctitatem, & iustitiam, in qua constitutus fuerat, amisisse.* Et inde concludit, incurrisse iram, & indignationem Dei, mortem, & captivitatem sub potestate dæmonis, ac denique hoc modo secundum corpus, & animam in deterius commutatam fuisse. Tota ergo illa commutatio posita fuit in amissione sanctitatis, & iustitiæ, & perfectionum, quæ ab illis proveniebant, quibus omnibus etiam homo in puris naturalibus caruisset. Et hac ratione dixit optime Chrysostomus homilia de Cruce Domini, tomo tertio, hominem peccando privatum esse donis, quibus antea ornatus fuerat, & relictum esse nudum. Unde exponendo illud, *Adam ubi es?* ait, *Non quod ignoraret Deus, sed quia post persuasionem diaboli, qui ei promiserat Deitatem, & invenit nuditatem, dixit ei, ubi es? Hoc est, de qua dignitate ad quale dedecus deductus es? Quia manducasti de ligno scientiæ boni, & mali, remansisti homo, utique nudus, seu nudatus propter prævaricationem, ut statim subiungit. Et sic etiam homilia decima sexta in Genes. *Cognoverunt, ait, quod nudi essent. Nudati propter peccatum supernæ gratiæ amictu, & sensibilibus suæ spoliationis sensum acceperunt.* Idem homilia decima septima late, & Ambrosius libro secundo de Jacob, & vita beat. capite quinto dixit, fuisse Adam spoliatum, atque ita fuisse nudum inventum. Idem libro de Elia, & Jesu. capite quarto, & de Isaac, & anima capite quinto. Augustinus libro nono Genes. ad liter. capite decimo, & libro undecimo capite trigésimo primo, ubi etiam per ablationem, & desertionem divinæ gratiæ explicat defectum lapsum naturæ. Et Prosper contra Collat. capite decimo nono, *Natura humana (inquit) in prima prævaricatione nec substantiam amisit, nec voluntatem, sed lumen, & decorem virtutum quibus fraude invidentiis exuta est.**

Ratio
conclu-
sionis.

8. Tandem probatur hæc sententia ratione. Prima sit, quia intrinseca diminutio perfectionis, aut virium alicujus rei, vel naturæ, aut potentiæ solum potest duobus modis fieri. Unus est per subtractionem alicujus realis, ac physicæ perfectionis talis naturæ, sive illa sit ablatio integra alicujus qualitatis, sive remissio, sive nimia intensio per quam ægritudo fiat, seu similis convenientis dispositionis aut temperamenti dissolutio. Alter modus esse potest per additionem alicujus habitus, vel qualitatis disconvenientis naturæ, inclinantis illam ad malum ejus, vel quid simile: in homine autem lapso, neutrum horum reperitur, comparatione facta ad hominem in puris naturalibus; ergo nullo modo habet diminutas vires ad bene operandum, magis, quam essent in homine puro. Major traditur a Divo Thoma prima parte, questione quadragesima octava, articulo quarto, in corp. & ad 3. & 1. 2. questione octuagesima quinta, articulo primo & secundo, ubi duobus tantum modis ait, posse peccatum diminuer bonum naturæ, scilicet, per subtractionem, & per appositionem. Et per se videtur evidens, non posse ultra hos modos alium realis mutationis cogitari, quia sunt immediate oppositi, cum omnis mutatio, aut positiva, aut privativa, seu ablativa necessario futura sit. Unde sit aliquem ex illis necessarium esse, ut vires minuantur, quia intelligi non potest, ut natura vires amittat, vel in totum, vel in partem, sine aliqua sui mutatione. Et ideo merito docuerunt Concilia, Adamum peccando in deterius fuisse commutatam, ut Concilium Tridentinum sessione quinta dixit. Deinde quia vires illæ

reales sunt, & physicæ: nam est realis potestas operandi, vel resistendi contrario, ideo diminutio illarum etiam fieri debet per mutationem physicam, & realem: ergo per subtractionem, vel alicujus rei, vel realis modi, ut intensiois vel realis proportionis, ac perfectionis: ergo sine aliqua hujusmodi mutatione non potest intelligi diminutio virium bene operandi.

9. Probantur jam singulæ partes minoris propositionis. Et primo per peccatum non esse factam in homine diminutionem per subtractionem alicujus perfectionis, quæ in puris naturalibus in eo invenitur, facile ostendi potest. Quia nec substantia animæ, nec intellectus, nec voluntas, nec aliæ facultates naturales per subtractionem diminui possunt in se ipsis, quia indivisibiles sunt, & remitti non possunt. Nec etiam fieri potest in aliqua forma intrinsece eis inherente, quia in puris naturalibus nulla talis forma est in substantia animæ, vel ejus potentiis, nam de intellectu dixit Aristoteles, esse tanquam tabulam rasam, & idem est cum proportionibus de cæteris. Et ideo licet ab homine propter peccatum subtractæ fuerint multæ formæ accidentales perficientes, & ornantes animam, & potentias ejus, illa subtractio non fuit diminutio in his, quæ ad statum puræ naturæ, sed ad statum gratiæ, & innocentie pertinerent. Deinde neque corpus in suo temperamento, aut organis sensuum, vel aliarum virium naturalium ex vi solius peccati originalis alterationem aliquam passum est, per quam vires ejus ad aliquid operandum diminutæ fuerint, vel immutatæ in debita proportione, & dispositione accommodata ad operandum eo modo, quo pura natura postulat. Quia licet corpus hominis factum mortale sit, & consequenter etiam suo modo alterabile sit effectum, tamen ipsum peccatum per se non habet vim ad talem alterationem in corpore efficiendam, ut est per se notum, & statim in simili puncto declarabitur.

10. Nec probabiliter cogitari potest, Deum ipsum, vel per se, vel per angelos malos talem mutationem in Adamo in pœnam peccati effecisse, & quotidie facere in hominibus ex Adamo nascentibus, hoc enim nec in Scriptura, nec in doctrina Ecclesiæ habet fundamentum, nec ratione aliqua probabili ostendi potest: & ideo nec ab aliquo assertum scio, & si temere dicatur, contemnendum est. Unde licet verus sensus illius axiomatis, quod naturalia manserunt integra post peccatum, utique quoad omnes naturales facultates, perfectiones, dispositiones, ac proprietates corporis, & animæ, quas natura humana spectata in sua pura essentia continet formaliter, vel per naturalem emanationem ab illa profluunt, vel tanquam præviæ dispositiones tali naturæ convenientes necessario supponuntur, & per generalem cursum causarum cum divino concursu fieri solent. Nam hæc etiam Deus lege ordinaria non immutat propter peccatum originale, sed *solem suum oriri facit super bonos, & malos, & pluit super justos, & injustos.* Constat igitur in natura lapsa non fuisse diminutas vires naturales ad operandum bonum per subtractionem alicujus physicæ, seu realis perfectionis, quæ ad puram naturam pertineat.

11. Deinde probatur altera pars Minoris, nimirum, diminutionem hanc non esse factam per additionem alicujus qualitatis, vel entitatis positivæ, quia nec fingi potest qualis sit, nec unde proveniat, seu quam habeat causam efficientem extra Deum. Quia nec ex natura intrinsece nascitur, ut discursus in precedenti puncto factus probat. Neque peccatum illud actuale, quod fuit in Adamo, potest esse causa physica talis qualitatis, quia jam præterit, & nunquam habuit illam virtutem, ut per se constat. Neque etiam nascitur ex peccato originali, pro ut existit in unoquoque homine, quia illud peccatum non est res positiva, sed mera privatio: unde illa opinio de qualitate morbida, ut impossibilis, incredibilisque, ac sine fundamento ficta, antiquata est, & ab omnibus relicta. Quia si illa qualitas credebatur esse ipsum peccatum

Diminutio in natura humana per peccatum in aliqua naturali perfectione facta non fuit.

Deus nec etiam nequam spiritus reus, tam diminutionem facit.

Qualitates facultates naturales minues addita minime est.

tum originale, talis opinatio necessario faciebat Deum autorem peccati, præter alia absurda, quæ inde inferri facile possunt. Si vero fingatur ut pœna peccati, effectio illius nulli causæ creatæ attribui potest, ut dixi: nihil enim est, vel extra hominem, vel in homine, quod possit esse principium efficiens illam positivam entitatem, quam nunc impugnamus. Neque etiam ipsi Deo attribui, potest; tum quia nullo fundamento Scripturæ, vel Patrum hoc nititur; tum etiam quia non solet Deus propter alia peccata tales qualitates infundere: tum denique, quia talis effectus non est consentaneus divinæ Sapientiæ, & bonitati. Probatur hoc ultimum, quia talis qualitas non posset esse, nisi pravus habitus inclinans ad malum (quid enim aliud excogitari potest?) infundere autem huiusmodi habitus, non est bonitatis Dei, qui *intentator malorum est*. Et hic possunt applicari testimonia Sanctorum dicentium, Deum non operari positive, & directe ad hominum obdurationem, seu excæcationem, sed tantum permissive, negando aliqua dona sua, ut in lib. 2. de Auxiliis late tractavi. Denique propter hanc causam dixerunt Theologi supra allegati, hominem lapsum, & constitutum in pura natura solum differre, ut nudum, & spoliatum, seu per modum negationis, & privationis, quia in re ipsa eandem naturam uterque habet, & sub carentia eorundem donorum gratuitorum, sed hæc carentia in pura natura fuisset mera, & perpetua negatio, in natura vero lapsa est privatio donorum, quæ aliquando habuit hæc natura in suo capite.

Obiecto. 12. Ad hanc rationem responderi potest, juxta fundamentum prioris sententiæ, vires hominis lapsi fuisset diminutas non tantum per subtractionem donorum, sed etiam per additionem quandam, non alicujus rei physicæ, sed per additionem ipsiusmet peccati quoad culpam, quia ipsum peccatum per se sufficit difficiliorem reddere operationem virtutis, & ita diminuit vires ad operandum bonum, & vitandum malum, impedimentum quoddam apponendo. Sed hoc facile improbat, primo, quia peccatum originale nihil positivum est, sed mera privatio, quoad formalem rationem culpæ, ut constat ex Divo Thoma 1. 2. quæstione 82. articulo tertio, & ex iis, quæ ibi tractantur, ergo additio talis culpæ non est additio alicujus rei, sed potius ablatio. Nec etiam illa privatio potest formaliter diminueri naturales vires operandi, quia nihil naturale subtrahit, sed tantum gratiam, & justitiam, ergo propter solam additionem talis culpæ non potuerunt diminui vires naturales magis, quam futuræ essent in pura natura. Secundo, peccatum originale in sola aversione a Deo consistit, & non addit conversionem ad bonum commutabile, sicut peccatum actuale, ut expresse tradit D. Thomas quæst. 5. de Malo art. 2. & quæst. 24. de Verit. art. 12. ad 2. & suo loco ostendendum est. Ergo per se, ac formaliter non auget difficultatem bene operandi intra ordinem naturæ, quia nec minuit inclinationem ad bonum honestum, cum non minuat potentias ipsas in se, nec auget inclinationem ad contrarium, quia hæc non augetur, nisi per conversionem positivam ad aliquod bonum inferius, & commutabile. Unde etiam de peccato actuale dixit Div. Thomas supra dicta quæstione 85. non minueri bonum naturæ per solam privationem, sed addendo aliquam inclinationem virtuti contrariam, quando, scilicet, aliquem habitum inducit. Et similiter peccatum omissionis, si esset purum, non minueret bonum naturæ quoad vires operandi, sed in tantum minuit, in quantum includit aliquem actum, qui male afficit potentiam: ergo peccatum originale, quod nec actum in nobis includit, nec voluntatem convertit ad creaturas magis, quam ex natura sua esset, non potest per se solum minueri vires naturales, aut difficiliorem reddere operationem virtutis, quam in pura natura futura esset.

Exemplo declaratur, & probatur. Denique peccatum etiam mortale actuale, si nihil positivum post se relinqueret, non redderet difficiliorem operationem virtutis. Explicatur in exemplo supra posito de homine creato in puris naturalibus, & postea semel tantum peccante mortaliter: nam si tran-

sacto illo peccato, nullum habitum in voluntate, vel in appetitu, nullamve pravam dispositionem positivam relinqueret, neque in intellectu, vel phantasia aliquam speciem, vel memoriam peccati præteriti, quæ posset postea affectum excitare, nullo modo per illud peccatum semel commissum, naturæ bonum quoad vires operandi bonum naturale minueretur, vel difficilius redderetur, quia peccatum præteritum, si nullam pravam dispositionem reliquit, non potest obstare aliquid, neque impedimentum apponere. Nec satis est, quod relinquat maculam, vel reatum, vel aversionem habitualem. Nam hæc omnia moralia tantum sunt, per quandam habitudinem rationis, seu moralem ad peccatum commissum, & non retractatum: illa autem moralitas non minuit physicas vires operandi, nec impedimentum aut difficultatem per se potest asferre, quia neque est activa, neque inclinatur aliquo modo ad opus dum habitum, vel dispositionem realem post se non relinquit.

14. Ultimo argumentor in hunc modum, quia omnis difficultas interna bene operandi ex peccato originali suborta, provenit, vel ex ignorantia intellectus, vel ex concupiscentia fomitis, vel ex corporis mortalitate, seu corruptibilitate, hæc tria non sunt majora in natura lapsa, quam essent in pura natura, licet diversam originem in hoc statu habeant, quam in illo. Ergo nec difficultas bene operandi est major, sed solum erit ex diversa radice, & sub distincta ratione. Major clara est ex doctrina Div. Thomæ, 1. 2. quæstione octingentesima quinta, articulo tertio, & ex præsentis discursu magis constabit. Minor probatur quoad singulas partes, & primo de ignorantia, quia per peccatum originale nulla ignorantia pravæ dispositionis in nos transfunditur, sed sola ignorantia negationis, & privationis, quatenus nascitur sine fide, & sine ullo habitu per se, vel accidens infuso, & sine ulla specie, vel principio cognoscendi præter nudam potentiam intelligendi, eandem autem ignorantiam, vel nescientiam haberet homo creatus in puris naturalibus: ergo in hoc est æqualitas. Eademque considerari potest ex parte sensuum, vel objectorum, quatenus ex illis cognitionem, & scientiam sumimus: nam in utroque statu esset eadem sensuum dispositio, idemque objectorum sensibilium influxus: ergo in his omnibus non est major causa ignorationis, vel erroris in uno statu, quam in alio. Secundo de concupiscentia idem facile probatur, quia nunc per peccatum originale solum ablati sunt omnes habitus, & omnia Dei auxilia, quibus appetitus sensitivus, vel continebatur, ne rationem præveniret, vel confortabatur per majorem inclinationem ad bonum honestum additam potentie per habitus virtutum, & donorum, sine quibus nunc concipimur: ipsa vero facultas appetitus, sive irascibilis, sive concupisibilis in se immutata non est, nec intensior, aut remissior facta, neque illi sunt additi aliqui habitus pravi, vel augentes inclinationem ad sensibilia, ut probant rationes supra generaliter factæ de additione positiva: & supponunt omnes Theologi supra allegati, & specialiter D. Thomas quæst. 4. de Malo art. 2. præsertim ad 4. At vero in pura natura idem esset appetitus sensitivus, eademque carentia donorum omnium, ac subinde eadem inclinatio ad sensibilia objecta, idemque modus naturaliter operandi, & præveniendi rationem per motionem talium objectorum, a quibus humana cognitio in utroque statu incipit: ergo neque ex hac parte maior esse potest difficultas in utroque statu, neque maior rebellio carnis ad spiritum, si respectu eiusdem persone habentis eandem complexionem, seu idem temperamentum fiat comparatio, & nulla in utroque supponatur consuetudo, vel equalis. Denique idem fieri potest discursus de corporis mortalitate, vel passibilitate. Nam hæc sine dubio non est maior in lapsa natura, quam esset in pura: quia in utroque statu est eadem compositio corporis humani ex inferiori materia contrariis qualitatibus affecta, & ex partibus Etherogeniis, & interno calore agente in humidum, &c. ex quibus mortalitas, & passibilitas corporis proveniunt: & in neutro statu habet, vel maiorem causam corruptio-

Altera ratione probata conclusio probatur.

nis, vel maiorem resistentiam, aut defensionem a contrariis. Ergo ex nullo istorum capitum potest esse maior difficultas, vel minor facultas operandi bonum in statu naturæ lapsæ, quam in puris naturalibus inveniretur.

Evasio.

15. Dicit aliquis, non solum ex his capitibus provenire difficultatem operandi studiose, sed etiam ex intrinseco defectu ipsius voluntatis, ut libera est. Dicit enim Concilium Arausic. cap. 1. animæ libertatem læsam fuisse in homine per peccatum primi parentis, & damnat dicentes illam per mansisse, & cap. 25. dicitur, *liberum arbitrium fuisse viribus attenuatum, & inclinatum*. Quod etiam tradit Tridentinum sess. 6. c. 1. Igitur ipsa læsio liberi arbitrii per se sufficit ad minuendas vires bene operandi: licet in aliis tribus non sit major læsio, quam esset in pura natura. Sed contra hoc est, quia præter formalem culpam, quæ inest animæ, quod ad vires operandi attinet, non magis fuit per peccatum vulnerata voluntas, quam intellectus, vel appetitus, proportionem servata per comparationem ad uniuscuiusque facultatis objectum, & actus: omnes enim vulneratæ fuerunt per solam subtractionem originalis iustitiæ, juxta doctrinam D. Tho. 1. 2. quæstion. 85. art. 3. & probant rationes supra factæ. Quocirca libertas voluntatis non aliter læsa est intrinsece circa boni operationem: nisi quia fuit privata charitate, & virtutibus inclinantibus ad bonum: ex parte item intellectus diminuta est libertas, quasi in radice, quatenus mens hominis privata est sapientia, & prudentia, ex accidenti autem læsa est libertas ex parte concupiscentiæ, quæ sibi relicta, & ablato freno iustitiæ, difficiliore multo reddidit usum libertatis ad resistendum malo, & sequendum bonum. Totam autem hæc læsio libertatis est per comparationem ad naturam integram, & iustitiæ vestitam, non vero per comparationem ad naturam puram, & nudam. Eandem enim carentiam perfectionis haberet illa natura in intellectu, & voluntate, & eandem effraenatam concupiscentiam, quam nunc habet lapsa natura. Ergo neque propter illam læsionem libertatis potest esse discrimen inter utrumque statum. Quod amplius respondendo ad argumenta aliarum opinionum, confirmabitur.

Læsis libertatis respectu naturæ in segræ & non puræ naturæ.

Fit superadditio qualitas.

16. Igitur ad Gregorii fundamentum quatenus in secunda opinione repetitur, statim respondebimus: quatenus vero innititur in positione morbidæ qualitatis, vel alius habitus pravi superadditi potentis animi, iam responsum est, fictam esse, & improbabilem opinionem illam, nec Divus Augustinus in locis ibi allegatis aliquid de tali qualitate docuit, sed ipsam originalem culpam animi vitium appellat, & interdum ipsam potentiarum deordinationem vocat animi infirmitatem, & effraenem concupiscentiam, ac morus eius, noxiam qualitatem, & languorem animi appellat, ut constat ex libro decimoquarto de Civitat. ca. 19.

D. Th. in quo oppo. sita ppi. nio erit. batur.

17. Ad fundamenta vero secundæ opinionis dico imprimis, immerito sententiam illam tribui D. Thomæ, cum non solum ex aliis locis, quæ allegavimus, sed etiam ex illo eodem, in quo pro illa opinione citatur, contrarium facile ostendi possit. Nam imprimis in illo articulo primo, quæstione octuagesima quinta, 1. 2. non tractat in particulari de peccato originali sed in genere de peccato querit, an diminuat bonum naturæ? Distinguit autem triplex bonum naturæ, quæ sunt, natura ipsa, & proprietates, quibus constituitur: inclinatio ad virtutem, & donum iustitiæ originalis quatenus perficiebat naturam. Et de primo negat diminui per aliquod peccatum, de ultimo affirmat tolli omnino per peccatum primi parentis. De medio verò, seu inclinatione virtutis ait, diminui per peccatum, quod statim explicat de peccato actuali, dicens, *per actus enim humanos fit inclinatio ad similes actus*, &c. quæ ratio solum in peccato actuali locum habet. Neque enim peccatum originale aliquem actum humanum includit, neque aliquis dicit, peccatum originale inducere inclinationem ad similes actus, utique peccato actuali Adæ, cum nec filii Adæ illum actum, vel similes exerceant, neque habitum aliquem per peccatum originale acquirant.

18. Imo nec de peccato actuali utcumque spectato, D. Thomas loquitur, sed quatenus potest inducere habitum ad similes actus inclinantem, ut ex citatis verbis constat, & aperte ipse declarat in solutione ad 3. dicens, per peccatum diminui bonum naturæ quatenus per actiones voluntarias causatur aliquid, vel aufertur ab homine sic operante, ut supra (inquit) dictum est cum de generatione habituum ageretur. Et apertissime in solutione ad 4. dicit, *peccatum diminuit bonum naturæ formaliter, in quantum pertinet ad ordinationem actus sed quantum ad inordinationem agentis* (inquit) oportet dicere, quod talis inordinatio causatur per hoc, quod in actibus animæ est aliquid activum, & aliquid passivum, &c. Non potest autem dici, in peccato originali esse aliquid activum, cum sit mera privatio quasi habitualis; ergo non potest diminui bonum naturæ, quantum ad inordinationem agentis, illud minus potens, vel habile reddendo ad naturale bonum operandum. Et eodem modo explicat hanc diminutionem in art. 2. & in 3. ubi in solutione ad primum specialiter ait, malitiam, quæ numeratur inter vulnera ex peccato inducta: *Non sumi pro ipso peccato* (utique formaliter) *sed pro quadam pronitate voluntatis ad malum secundum quod dicitur Genes. 6. Proni sunt sensus hominum ad malum ab adolescentia sua*. Quæ pronitas non est, nisi concupiscentiæ, vel etiam voluntatis, prout natura sua inclinatur etiam ad sequendum appetitum, quæ inclinatio pronior relicta est per peccatum non per additionem, sed per subtractionem, ut supra dictum est, & in eodem articulo Div. Thom. docet, dicens, in tantum naturam esse vulneratam, in quantum fuit iustitia destituta, nam ipsa (inquit) *destitutio vulneratio dicitur nature*.

Angeli-
cus Do-
ctor am-
plius ex-
plicatur.

19. Et per hæc verba Divi Thomæ satisfat primæ probationi ex Conciliis, & Patribus desumptæ, quatenus dicunt, fuisse hominem vulneratum, etiam in naturalibus, & debiliorem factum in corpore, & animo: utrumque enim est verum ratione illius destitutionis, seu ablationis iustitiæ, quam dixit D. Tho. esse vulnerationem naturæ. Et ratio metaphoræ est clara ex dictis: nam iustitia originalis pacem, & unionem inter appetitus hominis constituerebat, quæ unio per peccatum dissoluta est, ablata iustitia, & ita factum est vulnus in natura, sicut fit in corpore per dissolutionem continui. Atque eodem modo fuit læsus homo in naturalibus, non quia donum amissum fuerat naturale, sed quia naturalem defectum auferebat, seu illi subveniebat. Item eodem modo fuit liberum arbitrium læsum, vel extenuatum, & totus homo secundum corpus, & animam in deterius commutatus, quia in utraque parte, & potentiis ejus vulneratus est.

Concilia
& Patres
ex plican-
tur loqui-
de desti-
tutione
iustitiæ q.
originalis.

20. Ad instantiam autem, quæ fiebat, quia in pura natura non esset vulnus, nec homo esset semivivus relictus, responderetur de his vocibus metaphoricis ita loquendum esse, sicut Theologi loquuntur de illis, *nudus*, vel *nudatus*, *privatus*, vel *non habens*. Nam homo in statu puræ naturæ eandem carentiam indumenti iustitiæ, quam habet nunc homo lapsus, haberet, ac subinde eandem nuditatem: quia vero in statu puræ naturæ illam semper habuisset, non diceretur nudatus, sed nudus, nunc autem dicitur nudatus, quia fuit aliquando vestitus. Et similiter nunc dicitur privatus, tum propter eandem rationem, tum etiam, quia censetur habere proximam capacitatem illius iustitiæ iuxta divinæ providentiæ institutionem: in pura vero natura solum dici posset carere, vel non habere iustitiā, quasi per simplicem negationem, & remotam capacitatem. Sic etiam tunc eandem quidem dissolutionem, seu divisionem inter appetitus haberet, illa vero non habuisset rationem vulneris, quia nunquam habuit contrariam unionem, & quasi copulationem: vulnus autem dicit proprie relationem ad præcedentem unionem. Nam significat terminum vulnerationis, vulnatio autem non fit, nisi per actionem, qua dissolvuntur, quæ prius unita fuerant. Et eadem ratio est de metaphora semivivi. Nam propter vulnera dicitur homo sauciatus, & *semivivus relictus*, qui etiam vox illa, *relictus*, declarat, prius

Metapho-
rica locu-
tiones ex-
plican-
tibus, semivivus, &c.

prius habuisse hominem pleniorē, & saniorē vitam, quam per culpam, & subsequētia vulnera ita perdidit, ut semivivus relictus esse dicatur, quod non haberet locum in homine creato in puris naturalibus quia nec in illo praeceisset illa vitæ perfectio, neque peccatum ex vi illius status. Quod manifeste constat in corporis mortalitate, quæ certe non est maior in natura lapsa, quam in pura, & tamen nunc habet rationem vulneris, & ratione illius potest dici homo semivivus relictus, etiam in corporali vitæ, quia ut dixit Gregorius, vitæ sub tali corruptionis onere mors est potius dicenda, quam vitæ: in pura autem natura, nec haberet rationem vulneris, nec dici posset homo propter infirmitas plagas semivivus esse relictus, sed esse creatus semivivus, vel quid simile.

Satisfit
secundæ
probatip.
ni.

21 Ad secundam probationem jam dictum est, peccatum actuale minuere bonum naturæ, etiam puræ, per additionem pravi habitus, vel dispositionis, & non alio modo, & inde potius convinci, peccatum originale solum, seu per se ipsum non posse talem diminutionem efficere, & ita, declaratione ibi facta recte perpenſa, ut jam illam etiam expendimus, contrarium concluditur. Ad tertiam probationem dico in primis, valde probabile esse, peccatum originale contractum ex Adamo, sicut non convertit hominem ad bonum commutabile, iuxta sententiam Div. Thom., ita nec avertere a bono incommutabili, ut est finis naturalis, quia hæc aversio non potest fieri per puram privationem, sed per contrariam conversionem. Et ita non procedit argumentum, quia dicitur peccatum originale solum avertere a Deo sine supernaturali, & ita non minuere naturalia, quantum ad id, quod ex se habent, sed solum quoad perfectionem, quæ ex conversione ad Deum finem supernaturalem & dona gratuita, quæ ratione illius dabantur, illis adiungebatur. Ut vero ab hac disputatione nunc abstrahamus, dato Antecedenti, scilicet, quod peccatum originale avertat etiam a fine naturali, negatur consequentia, quia illa aversio non est aliqua forma physica, nec privatio realis alicuius perfectionis, connaturalis naturæ, sed est vel quædam relatio ad præcedentem actum pravam, vel moralis quædam habitudo, & quasi denominatio ab illo, quæ moralitas licet hominem reddat invisum Deo, & odio dignum, non tamen auget, vel minuit per se inclinationem ad bonum, vel malum, sed solum quatenus habitum, vel realem aliquam dispositionem relinquit, ut satis explicatum est. Ad ultimam probationem negatur antecedens, quia in eo assumitur quod probandum erat: unde dicimus, vel in utroque statu posse hominem actum dilectionis elicere, & gravitationi ad breve tempus resistere, vel in neutro posse: quid autem horum verius sit, in sequenti libro disputabitur.

C A P U T I X.

Utrum in statu naturæ lapsæ debiliior sit homo ad bonum operandum, quam in pura naturæ, saltem ob causas extrinsecas?

Dubio
externi
auxilii
modi, de
quibus in-
quiri po-
test, expli-
catur

1 **P**rius intrinsecas vires, quibus homo indiget ad bene operandum in quocunque statu naturæ, requirit etiam auxilium aliquod extrinsecum, saltem ex eo, quod causa creata, & finita est, ideoque ex eo capite potest fieri peccatum debiliior ad operandum, licet intrinsece non minuat. Potestque illud auxilium duplex cogitari, unum per se influens cum homine in opus eius, aliud per accidens, tanquam removens prohibens. Prius necessarium est homini, saltem ex eo capite, quod causa secunda, & particularis est, quæ non potest sine influxu aliarum causarum, & præfertur primæ operari, & quatenus est causa indifferens, & libera, censetur peculiari modo indigere hoc auxilio, ut videbimus. Posterior autem modus esse etiam potest, vel necessarius, vel utilis, quia causa finita, & libera potest multis rebus extrinsecis impediri, & ideo si impedimenta extrinseca multiplicentur vel minuantur cause remove-
tes

illa, potest ex hoc capite fieri homo debiliior ad operandum, etiam si internæ vires eius diminuatæ non sint. Videndum igitur sapere est, an aliquo ex his duobus modis homo in statu naturæ lapsæ deterioris conditionis factus sit, quam in statu puræ naturæ esset futurus.

Recentio-
ri opinio
refertur

2 Circa priorem modum moderni quidam opinantur, hominem lapsu esse impotentiorē ad operandum bonum, quam esset in puris naturalibus, non per intrinsecum augmentum, vel diminutionem alicuius facultatis naturalis, vel additionem alicuius qualitatis, quæ non esset in homine in pura natura constituto: sed per mutationem moralem in ordine ad providentiam Dei, sine qua non potest homo bonum aliquod libere operari. Explicaturque in hunc modum, quia in neutro statu potest homo aliquid bene operari sine præveniente cogitatione accommodata ad bene operandum, quæ cum præcedat voluntatem, non potest esse libera, neque est in potestate hominis, & ideo ab extrinseco per divinam providentiam provenire debet. Hæc igitur cogitatio esset debita naturæ puræ per modum providentiæ, vel concursus naturalis, vel saltem non esset indebita, sed esset beneficium consonum innocenti naturæ: & ideo ex hac parte homo in pura natura esset absolute potens ad aliquod morale bonum operandum. In statu autem naturæ lapsæ censent sic opinantes esse in hoc debiliorem factum.

Funda-
mentum
rationis

3 Ratio est, quia talis cogitatio congrua per peccatum fit homini indebita: imo ex vi peccati debitum est homini, ut tali cogitatione privetur, & de facto privaretur illa in pœnam peccati, nisi per gratiam redemptionis obtineretur; ergo ex hac parte impotentior est ad operandum bonum homo lapsus, quam purus. Antecedens patet, quia homo lapsus ex vi primi peccati constitutus esset in termino damnationis, nisi repararetur per Christum, sed damnatus in pœnam peccati privatus manet omni cogitatione congrua ad honeste operandum; ergo & homo lapsus ex vi talis status caret cogitatione necessaria ad operandum bonum, & ex hac parte est impotentior. Potestque hoc confirmari ex Augustino libro Propositionum in epistola ad Roman. ubi in 18. dicit: *Liberum arbitrium perfectum fuit in primo homine, in nobis autem ante gratiam non est liberum arbitrium, ut non peccemus*. Clarius Fulgentius libro de Incarnatione, & gratia cap. 13. *Peccans ille qui sine peccandi necessitate creatus est, in eo, quod animæ sanitatem delinquendo perdidit, etiam cogitandi, quæ ad Deum pertinent, amisit protinus facultatem*. Et infra. *Expositius vestimento fidei, carnaliumque concupiscentiarum vulneribus sauciatus sic iacuit oppressus ditione peccati, ut nullatenus aliquod bonæ voluntatis initium habere potuisset, nisi hoc Deo gratis donante, sumpisset*. Idemque videtur sumi posse ex Prospero libro primo de Vocatio. gentium cap. 7.

Opposita
opinio
videtur

4 Nihilominus dicendum est, hominem in natura lapsa non minusabilem esse ad bene operandum, cogitandum, & iudicandum de agendis ex parte divinæ providentiæ generalis, & naturæ consentaneæ, quam esset in statu puræ naturæ, si in eo conderetur. Ita sentiunt communiter Theologi capite præcedenti allegati, dum indistincte de utroque statu loquuntur, & quidquid in uno admittunt, alteri tribuunt. Significat Div. Thomas. 1. 2. tota quest. 109. Clarius vero in 2. distinct. 28. quest. 1. ar. 1. & 5. & ibi Ægidius dubio primo, quest. 1. post secundum articulum, & Gabriel ar. 2., conclus. 1. Medin. 1. 2. quest. 109. ar. 1. conclus. 1. Valentia disp. 8. quest. 1. punct. 2. in ultima parte eius, Bellarmin. lib. 3. de gratia, & libero arbitrio cap. primo, & secundo, Stapleton. lib. 2. de Iustification. cap. ultim. & alii, quos libro sequenti referemus. In quibus adverto duo. Unum est, nullum eorum facere differentiam inter hominem lapsum, & conditum in pura natura; sed omne id, quod est possibile per naturæ vires homini non lapso in pura natura, putant esse possibile homini lapso: inveniuntur enim facultatem naturalem hominis lapsi ex facultate naturali hominis in pura natura conditi. Aliud est, nullum eorum differentiam constituere inter facultatem

tem internam hominis secundum se spectatam, vel ut subest providentiæ Dei; sed quidquid potest homo per intrinsecam facultatem, simpliciter dicunt posse, supponentes non deesse possibilitatem ex parte providentiæ Dei.

5 Possumus præterea ex Patribus multa congerere, in quibus non aliter loquuntur de homine lapsa, quam natura rationalis secundum se spectata exigat, sed illos omisso; tum quia a dictis auctoribus, præsertim Bellarmino, Stapler. & Valent. late referuntur; tum quia in sequentem librum propriam de hac re disputationem reservamus, ubi inquirimus, quid illud sit, quod homo in utroque illo statu naturaliter possit? hic enim solum generatim tractamus, an idem possit? quidquid illud sit. Solum noto verba Prosperi dicto lib. primo de vocatione gentium cap. 7. ubi post explicatum miserum statum hominis lapsi, subdit. *Quia etsi fuit, qui naturali intellectu conatus sit vitii relinquitur, huius tantum temporis vitam sterilitate ornavit, ad veras autem virtutes, æternamque beatitudinem non profecit.* In quibus verbis solum pondero illa, *naturali intellectu*, nam aperte supponunt, honesta cogitatione, seu iudicio morali id posse hominem lapsum, quod homo purus per naturalem potest, ac denique aliquid posse, licet parum. Idem sumi potest ex Augustino, ut respondendo ad argumenta dicam. Item testimonia præcedenti puncto adducta hoc etiam confirmant.

6 Ratione probatur hæc sententia, quia si facultas intrinseca hominis lapsi, & puti ad moralia opera eadem est, etiam ex parte Dei modus providentiæ est æqualis, ac subinde facultas quasi proxima, & ut subest providentiæ Dei, erit æqualis. Posterior consequentia evidens est. Prior vero probatur, quia Deus non punit peccatum, etiam originale, negando homini providentiæ naturalem. Nam illud axioma Theologorum supra positum, naturalia mansisse integra post peccatum, non magis verum est de naturalibus intrinsecis ex parte hominis, quam de naturalibus, seu connaturalibus ex parte divinæ providentiæ; quia hæc servant inter se proportionem, neque Deus propter peccatum relinquit naturam sine concursu proportionato, ac debito tali naturæ. Et confirmatur primo: nam licet peccatum de se sit dignum tali, vel tali pœna, tamen de facto non omnis naturæ incommoditas possibilis est pœna peccati, sed hoc pendet ex lege Dei, eiusque voluntate libera taxante talem, vel talem pœnam pro culpa. Posset enim Deus iuste in nihilum redigere peccatorem, vel illum morte afficere statim, ac peccat, vel privare usu rationis, vel habitu fidei, etiam si peccatum non sit illi contrarium, sed tantum demeritorium eius; & tamen secundum legem ordinariam non sunt hæc pœnæ correspondentes peccatis, quia Deus illas non taxavit. At vero non potest cum fundamento affirmari, statuisse Deum pro pœna originalis peccati, ut homo nunquam habere possit cogitationem honestam, & congruam ad bene operandum naturaliter; ergo id asserendum non est, neque est credibile. At vero seclusa pœna, in reliquis omnibus est æqualitas inter hominem lapsum, & purum, quoad facultatem operandi, de qua tractamus, & quoad Dei influxum, ut auctores etiam contrariæ sententiæ supponunt, & videtur per se notum; ergo simpliciter sunt æquales.

7 Minor principalis rationis, in qua vis eius consistit, patet primo, quia talis pœna in Scriptura habet fundamentum, nec in Conciliis, aut Patribus explicatur, neque (quem ego viderim) ab aliquo Theologorum antiquiorum docetur; ergo non potest cum fundamento asseri. Ea enim, quæ pendent ex libera Dei dispositione, & ex effectibus non possunt investigari, non possunt sine gravi auctoritate affirmari. Præsertim quod talis pœna valde aliena videtur ab ordinatione divinæ providentiæ, & a statu, in quo homines lapsi generantur. Quamvis enim per originale peccatum reatum æternæ damnationis incurrint, non tamen nascuntur damnati; ergo ex vi peccati originalis non nascuntur obstinati in malo; ergo nec ex vi peccati originalis incurritur pœnam pri-

vationis communis providentiæ, & naturalis adiutorii necessarii ad habendam honestam cogitationem, ira congruam ad honeste operandum, sicut illam habere possent in statu purorum naturalium, si in eo creati fuissent. Et confirmatur, quia alias sequitur infantes, qui sine baptismo, seu in peccato originali decedunt, ita futuros esse obstinatos in malo, ut nunquam possint habere honestas operationes, nec cogitationem congruam ad illas. Probatur sequela, quia nullo illi modo participant redemptionem Christi; ergo luunt omnem pœnam peccati originalis absque ulla remissione; sed privatio omnis boni honesti, & concursus congrui ad illud cogitandum, & exequendum est pœna originalis peccati, ut illa sententia dicit; ergo illi infantes sunt omnino privati tali concursu, & habent impossibilitatem talis cognitionis, & operationis honestæ. Consequens autem est per se incredibile, & videtur contra bonitatem Dei, quia cum illi infantes non pariantur pœnam ignis iuxta probabilioris sententiam, nec vivant in aliorum damnatorum societate, & tormentis, nihil esse videtur, quod possit eorum voluntatem ita prave disponere, ut incapax sit honestæ motionis, & cogitationis congruæ ad illam habendam. Unde non videtur possibilis illa obstinatio, nisi ex speciali providentia, & industria ex parte Dei, quod a divina bonitate plane videtur alienum. Quæ ratio etiam nunc in viatoribus habet non parvam vim, ut in sequenti libro latius dicam.

8 Atque hæc assertio magis confirmabitur respondendo ad fundamentum contrariæ sententiæ. Negamus enim privationem cogitationis congruæ esse pœnam inflictam, & impositam propter originale peccatum. Aliud enim est, peccatum illud de se potuisse esse dignum illo nocumento; aliud vero est de facto esse pœnam inflictam, seu designatam pro illa culpa. Nam primum solum dicit potentiam, quæ latius patet, & fortasse totum id cadit sub gravitatem peccati originalis, quæ illud solum constituit capax talis pœnæ. Secundum autem dicit actum, scilicet, quod de facto omnis homo incurrit talem pœnam, nisi propter Christum remittatur: & hoc censeo esse falsum, & sine fundamento assertum, & alienum a recto ordine providentiæ Dei, ut probavi. Unde multo magis falsum censeo, quod in probatione dicitur, hominem ex vi peccati originalis nasci in termino damnationis, nisi per Christum eripiat: nascitur enim in reatu damnationis, non proprio statu, seu termino; nec per redemptionem Christi liberantur homines a termino damnationis, si jam in illo sunt constituti, sed liberantur a reatu, & a via, qua ad talem terminum pervenitur. Quod si propositio non sit absoluta, sed tantum conditionalis, scilicet, quod homines ex vi peccati originalis constituerentur in termino damnationis, nisi per Christum redimerentur. Dicimus in primis, hoc parum referre ad causam, quia per illam conditionalem non explicatur præsens providentia, sed quæ fuisset, si aliter res constituerentur. De facto ergo homo lapsus non nascitur in termino damnationis, sed in statu viæ, & ideo ex vi peccati originalis non incurrit illam pœnam, quæ magis pertinet ad terminum ultimum rigorosæ damnationis, quam ad statum viæ.

9 Deinde dico, assertionem illam conditionalem non posse, nisi divinando affirmari, nullo enim fundamento nititur. Nam licet Deus decrevisset non redimere homines per Christum, posset illos, licet lapsos, creare in statu viæ, & non in termino damnationis, & providere illis aliud genus remedii, quo posset ab illo statu liberari. Et licet nullum daret medium ad expellendum originale peccatum, & recuperandum statum gratiæ, posset illos in hoc mundo multiplicare, & conservare, & secundum naturam viverent, & tunc non negaret illis concursum ad bene operandum, vel congrue de honesta operatione cogitandum. Neque hoc esset contra reatum originalis peccati, neque aliquam remissionem pœnæ illi debitæ contineret, ut in infantibus decedentibus in peccato originali explicavi, & ad sapientiam, & bonitatem Dei pertinere ostendi. Unde ultimo addo, si mente

Authoritas indicatur

Notitia ratio

Secundo confirmatur oppositum fundamentum

Evangelio

1. Confutatio

Amplius solentur ratio facta

2. Confutatio evan- gelis

mente cogitemus divinam institutionem, & ordinationem circa humanum genus, ut conditum in Adamo in innocentia statu sub tali lege, & pacto, ut illum pro se, & posteris conservare posset, vel amittere, dicendum esse, ante absolutam præscientiam peccati Adami, & ex vi illius providentiæ, & institutionis nihil decrevisse Deum circa modum puniendi genus humanum, si in parente suo cecidisset, præter id, quod in Genesi legimus: *In quocunque die comederis ex eo, morte morieris*, sub qua pœna includitur privatio iustitiæ originalis quoad omnes immunitates eius, & felicitis status, ac loci, quem tunc homo possidebat, ut rei probavit eventus. Quidquid autem ultra hoc dicitur de pœna definita, & statuta ratione illius lapsus, gratis, & sine fundamento dicitur.

10. Ex quo ulterius ad hoc magis explicandum distinguere possumus in mente, & providentia divina circa genus humanum quendam veluti ordinem per signa rationis, ut est frequens apud Theologos. Prius enim secundum rationem intelligimus, voluisse Deum creare homines in primo parente cum talibus donis, tali pacto, & præcepto sub promissione, & comminatione conditionali, si perseverasset, vel caderet, & neutrum horum intelligitur prævisum absolute ante illud decretum, etiam si sub conditione prævideretur. In secundo ergo signo intelligimus præscientiam peccati, & in tertio decretum redemptionis. Dico ergo in illo primo signo nondum disposuisse Deum de hominibus, si in statum peccati inciderent, quod procreandi essent in statu termini, seu damnationis desperatæ, & ultimæ; sed vel statuisse potius, ut procrearentur viatores, vel saltem pro illo signo neutrum statuisse. Quod enim in illo signo non decreverit Deus, ut si homines caderent, eo ipso nascerentur in termino damnationis, certissimum est. Nam si esset id decretum, non potuisset mutari; at de facto non ita creantur; ergo non fuit contrarium dispositum, seu positive decretum in illo signo; ergo necessario dicendum est, vel in illo signo nihil de hoc decrevisse Deum, vel si quid decrevit, statuisse potius, ut, non obstante peccato, crearentur homines viatores, licet de modo illis providendi pro tali statu nihil in illo signo definitum intelligamus usque ad decretum redemptionis.

11. Ex his autem duobus verisimilius est, statuisse jam Deum in illo signo, ut in omni eventu homines in hoc mundo pro aliquo tempore versarentur viatores, sive caderent, sive non; tum quia hoc est magis consentaneum conditioni humanæ naturæ, quæ non adheret immobiliter suis electionibus, sed facile mutatur; tum quia in omni eventu, sive innocentie, sive lapsus producendi erant homines via, & ordine naturali, ut in hoc mundo crescerent, & multiplicarentur, illique præessent, eoque fruerentur pro tempore consentaneo statui, in quo permanerent. Ita enim futurum erat ex vi primi decreti, etiam in statu innocentie, si duraret: idem ergo cum proportionem credendum est, fuisse decretum pro statu peccati originalis, si eveniret, quia est eadem ratio, & quia generalis ratio providentiæ divinæ circa totum universum id postulat.

12. Unde ulterius ex hoc discursu concludimus, quod licet Deus post prævisum originale peccatum statuisset non redimere homines per Christum, vel omnino illos non restituere ad felicitatem supernaturalem, neque ad gratiam, nihilominus (quantum cogitari potest) non crearet illos destitutos debita, & convenienti providentia naturali, neque hoc esset debitum originali peccato; sed potius illos relinqueret in hoc mundo tanquam viatores in ordine ad conservationem, & propagationem naturæ, & ad comparandum in hoc mundo Dei cognitionem, & virtutem, & consequenter ad obtinendum post mortem, saltem in anima separata, aliquem statum naturalem, vel felicem in suo ordine, & gradu, vel saltem carentem speciali dolore, & pœna sensus, si nova peccata non committerent. Ergo ex vi talis providentiæ non privaret illos omni cogitatione honesta, nec obduraret illos, vel quasi obstinatos in malo illos crea-

ret. Nam hoc nullo modo consentaneum est humane conditioni, neque est pœna imposita propter originale peccatum, nec divinæ providentiæ consentanea. Ergo nunc de facto quoad naturalia servat Deus cum homine illum providentiæ modum, ac subinde ex parte divinæ providentiæ naturalis ita potens est homo lapsus in moralibus operibus, sicut esset in statu puræ naturæ.

13. Neque contra hoc obstat aliquid locus ex Augustino citatus ex proposito. 18. ad Romanos, nam post illa verba, *In nobis ante gratiam non est liberum arbitrium, ut non peccemus*, addit, *sed tantum ut peccare nolumus*, ubi desiderium aliquod, seu affectum non peccandi tribuit homini ante gratiam, licet efficaciam, & potestatem non peccandi homo lapsus non habeat ante gratiam, nec per illum affectum illam possit emereri. At ille affectus non peccandi honestus est, & ex cogitatione pravitatis peccati, vel honestatis virtutis procedit, & quando procedit, cogitatio ralis congrua est; ergo intellexit August. talem etiam cogitationem haberi posse ante gratiam. Quod autem Augustin. ait, ante gratiam non esse hominem lapsu liberum ad non peccandum, non ideo dictum est, quia homo nunc sit minus liber, quam esset in puris naturalibus, sed quia est impotens sine gratia ad exequendam illam libertatem, non peccando simpliciter, & omnino, quam impotentiam haberet homo, etiam in puris naturalibus; gratia vero dat hanc potestatem, & ideo dicitur quasi restituere illi libertatem. Ad Fulgentium autem respondeo, loqui de facultate cogitandi ea, quæ ad Deum pertinent, id est, quæ ad veram pietatem erga Deum, & sanctitatem spectant, talis enim cogitatio sine gratia haberi non potest. Signum autem huius sensus est; tum quia non loquitur solum de cogitatione congrua, sed absolute de cogitatione sufficiente eorum, quæ ad Deum pertinent: tum quia statim addit: *Oblitus est enim manducare panem suum, & spoliatus vestimento fidei, &c. ut nullatenus bonæ voluntatis initium habere potuisset, nisi hoc gratis, Deo donante, sumpsisset*. Constat enim secundum modum loquendi Sanctorum, bonam voluntatem simpliciter non dici, non fieri, nisi per veram sanctitatem; & initium bonæ voluntatis idem esse, quod initium salutis, quod supernaturale est, ut infra videbimus. Denique ita concludit. *Et ideo a iustitia factus est alienus qui sponte dominio est iniquitatis addictus*. De qua re latius in seq. lib. dicturi sumus.

14. Superest dicendum de alio modo difficultatis provenientis ex causis extrinsece impediuntibus facultatem bene operandi, vel non temerariis causis, aut occasiones male operandi. Et in his causis potest magna varietas cogitari, quæ ad duo capita revocatur, quæ sunt mundus, & demon: tres enim numerari solent hostes animæ; ex quibus isti duo sunt; tertius vero est concupiscentia, quæ ad internas hominis vires pertinet: recte igitur omnia extrinseca impedimenta ad illa duo capita reducuntur. Sub mundo autem comprehenduntur & parvi homines, & mala eorum consilia, vel exempla, & cætera obiecta sensibilia concupiscentiam excitantia. De hoc autem toto capite nihil est, quod dicamus, nam ex illo præcise spectato, & secluso alio de infestatione demonis, nulla differentia potest inter statum puræ naturæ, & lapsæ cum fundamento constitui. Nam in puris etiam naturalibus futuri essent pravi homines, eorumque prava consilia, & exempla. An vero in hoc statu maior fuerit morum corruptio, maiorve Dei ignoratio, quam futura in statu purorum naturalium, nullus potest, nisi divinando affirmare. Quia nec revelatum est, nec probabili coniectura potest definiri, cum ostensum sit, in pura natura futuram esse tantam pronitatem ad malum, tantamque internam infirmitatem, quantam nunc in lapsa natura experimur.

15. Quin potius si consideremus paternam traditionem, quæ in hoc statu naturæ lapsæ melior, & sapientior esse potuit, quam in statu puræ naturæ, ex ea parte minor esse debuit cæcitas, & corruptio in hoc statu naturæ lapsæ, quam in pura natura. Nam in præsentis statu Adam etiam post peccatum maiorem habuit Dei, & moralium virtutum cognitionem, quam

Ad Aug. & Fulg. verba resp. pontio

Obstantia externa duo

In quo superat lapsa puram naturam

Signis rationis explicatur posita doctrina

In omni eventu homines futuri erant viatores

Ex illatis quod concluditur

si in puris naturalibus conditus fuisset, & ideo melius potuit filios instruere in Dei cognitione, & moribus, quam si fuisset in pura natura conditus, etiam si in illa nondum peccasset; ergo ex hac parte aliquod maius auxilium habuit natura humana, ut non tam facile depravaretur, quam habuisset in illo statu, in quo primus homo in puris naturalibus conderetur, & ab eo sic creato ceteri procrearentur. Quocirca si non obstante Adami instructione, atque etiam eius vita honesta, & iusta post lapsum, & poenitentiam posteris facile declinaverunt, unusquisque in viam suam, & fere omnes exccati sunt, multo facilius, & generalius credendum est, id fuisse in pura natura eventurum. Ex hoc ergo capite, vel non est differentia, vel si aliqua est, in natura pura esset maior quædam facilitas peccandi. Est autem valde notandum, quod si quæ maior occasio, vel facultas bene operandi, ex hac parte inventi potuit in hoc statu, non proveniat ex natura, sed ex reliquiis gratiæ, vel gratuitorum donorum, quæ post peccatum in natura lapsa relicte fuere, ut fuit cognitio Dei, & virtutum communicatio Adami, & memoria promissionum, & communicationum Dei, & prioris status, & præteriti lapsus, quæ in eo mansit, & vocatio ad poenitentiam, & virtutem, quæ illi postea data est, & promissio Christi cum spere redemptionis eius, quæ omnia per traditionem ad posteros dimanarunt. Et ita persistendo præcise in naturalibus nullum inter hos status discrimen in hac parte invenitur.

Homo
peccato
torquetis
demonis
captivus
factus

16 De altero vero capite, quod dæmonum impugnationem continet, unum est certum, nimirum hominem per lapsum præter amissionem gratiæ, & iustitiæ, peculiarem dæmonis servitutem contraxisse, & sub eius captivitate, & potestate speciali titulo redactum esse. Ita de Adami definit Concilium Trident. sess. 6. cap. 5. dicens, *Cum morte incurrisset captivitatem sub eius potestate, qui mortis habebat imperium, hoc est, diaboli.* Et de omnibus Adæ posteris ait sess. 6. cap. 1. *Servierant peccato sub potestate diaboli, ac mortis.* Hoc autem intelligi potest de dæmone, vel ut tortore, vel ut tentatore, & sub utraque ratione est intelligendum; nam ita videtur

esse a Concilio intellectum. Nam homo peccando factus est reus æternæ pœnæ, ac subinde subiure dæmonis constitutus, ut si in hac vita culpam non expiaverit, sub eius potestate in æternum permaneat, & puniatur. Et hoc autem præciso respectu non contraxit homo novum impedimentum ad bene operandum in hac vita, neque propensionem aliquam, aut incentivum mali, quia reatus pœnæ neutrum ex his effectibus inducit. Neque etiam ad hoc refert, quod executor illius pœnæ futurus sit dæmon, ut per se constet.

17 Præter hoc vero servitutis genus, fuit etiam homo obnoxius persecutioni, & tentationibus dæmonis in hac vita. Nam licet permissio tentandi hominem non sit demoni facta ratione peccati, antea enim illum tentavit: nihilominus quia illum tentando vicit, ius quoddam, vel potius licentiam obtinuit liberius tentandi illum, & homo in pœnam iustam, quoad hoc, etiam potestati dæmonis traditus, seu permissus est. Atque ex hoc capite verisimile est, difficiliorem esse homini lapsi bonam operationem, etiam moralem, & naturalis ordinis, quam si esset innocens, & in puris naturalibus. Hæc autem comparatio, si attente res consideretur, neque cum sufficienti fundamento, neque cum debita proportionem fieri potest, quis enim dicere potest, si homo crearetur in puris naturalibus, an pugnaturus esset cum dæmone, vel dæmon permittendus esset illum tentare? Nam hoc providentiæ genus videtur esse superioris ordinis, & ad puram naturam non pertinere. Eademque ratione incertum est, si in illo statu Deus illam pugnam permetteret, quale adiutorium proportionatum daturus esset homini, non solum omnino liberaliter, sed etiam ex titulo naturalis providentiæ creaturæ rationali in tali statu, & discrimine constitutæ consentaneæ. Unde proportione servata, fortasse nulla est etiam in hoc differentia: si tamen aliqua est, illa magis est ex modo providentiæ pertinentis, ad ordinem supernaturalem, & ad gratiam, & iusticiam Dei in illo ordine operantis, quæ ex sola statuum differentia oritur, ideoque nihil ad præsentem disputationem conducit.

Aliud
servitutis
genus cum
obligatio.
ne

FINIS PROLEGOMENI QUARTI.

PROLEGOMENON V. DE VARIIS ERRORIBUS DIVINÆ GRATIÆ CONTRARIIS.

CAPUT I.

De Iudeorum errore circa veram Christi iusticiam, & gratiam.

Prolego-
meni par-
titio



Explicatis statibus humanæ naturæ, quorum cognitio ad intelligendam gratiæ necessitatem in præsentis statu visa est necessaria, nunc notitiam præcipuorum errorum, qui contra gratiam Dei, & Christi fuerunt, præmittere opportunum iudicavi, ut faciliore paretur via ad Scripturas, & testimonia Conciliorum, & Patrum intelligenda, quæ sunt huius materiæ fundamenta. Tria ergo videntur esse errorum capita circa gratiam divinam, nimirum Iudei, Pelagiani, quibus Semipelagianos, tanquam Pelagianorum reliquias adiungo, & Lutherani, sub quibus comprehendimus omnes huius temporis sectarios, eisque antiquos hæreticos Manichæos, & similes, qui ar-

bitrii libertatem, ac subinde gratiæ fundamentum negarunt, coniungimus. De his ergo tribus capitibus sigillatim dicemus; postea vero scripta canonica, vel ecclesiastica, quæ contra illos auctoritatem habent, proponemus.

2 Iudeos igitur non solum in sua duritia perseverantes, sed etiam in Christum jam credentes, de illius gratia male sensit ex Actis Apostolorum, & epistolis Pauli manifestum est. Notavitque Tertullianus contra Iudeos in princip. & August. epist. 95. dicens, de Iudeis dictum esse, *Ignorantes Dei iusticiam, & suam volentes statuere, iustitiæ Dei non sunt subiecti. Quia per legem iustificari se arbitrabantur, sufficiente sibi ad eam custodiendam libero arbitrio, hoc est, iustitiæ suæ prolata ex natura humana, non donata ex gratia divina, propter quod iustitiæ Dei dicitur, & similia habet sermone 13. de Verb. Apost. capit. 4. Duo autem præcipui errores in eis distinguuntur, unus fuit, gratiam Christi ad salutem non sufficere sine legis veteris observatione. Quem errorem etiam aliis Christianis ex gentibus conver-*

Primus
Iudeorum
error

sis persuadere cœperunt, primum Antiochiæ, deinde in Galatia, & aliis fortasse locis. Qui autem ita sentiebant ante Concilium Apostolorum Actor. 15. non erant hæretici, quia nondum erat veritas satis declarata, & ab Ecclesia definita. Qui vero post illud Concilium in eadem sententia pertinaces fuerunt, in hæresim lapsi sunt. Cuius defensores præcipuum fuisse Cherintum hæreticum Hebræum, eumque maxime excitasse turbas contra Petrum, & Paulum pro defendenda observantia legis veteris (de quibus Actor. 15. & 21. author est Epiphanius contra hæreses. 24.

3 Ad impugnandum autem errorem hunc principaliter scripsit Paulus epistolam ad Galat. ut in initio expositionis eius Hieronymus, & Augustinus, & post illos reliqui expositores adnotantur, & ex initio eiusdem epistolæ satis constat. *Miror (ait) quod sic tam cito transierimini ab eo, qui vos vocavit in gratiam Christi, &c.* Erat enim error ille gratiæ Christi contrarius, quia Cherintus, & alii prædicabant, fidem Christi cum tota lege Evangelica non sufficere ad salutem, sed necessariam esse circumcisionem cum aliis veteris legis observantiis, eo quod putarent legem perpetuam esse, eiusque opera per se, & sine Christo potuisse iustificare. Inde enim inferebant, etiam post Christi adventum illam efficaciam, & necessitatem obtinuisse, quia non ex Christo, nec propter Christum, sed ex se, & ex libertate operantis illam habebant. Paulus autem contratio demonstrat, legem illam per se salutem non contulisse, nec potuisse homines iustificare, neque ad hoc fuisse datam, sed propter transgressionem, ut sub illa tanquam sub pædago continerentur homines, donec veniret semen, qui est Christus. Atque in hoc sensu distinguit sæpe ibi Paulus fidem a lege, dicens in cap. 2. *Non iustificari homines ex operibus legis, sed per fidem Iesu Christi*, & cap. 3. *ex fide iustificat gentes Deus*. Per fidem enim non tam actum credendi, quam doctrinam fidei Evangelicæ creditam, & observatam intelligit. Et ideo ait in eodem cap. 3. *Prius quam veniret fides, sub lege custodiebamur, conclusi in eam fidem, quæ revelanda erat*. Fides enim, quæ revelatur, non est, nisi doctrina, seu verbum fidei, ut idem Paulus ait ad Romanos. 10. quod etiam in cap. 1. vocat *Evangelium*, dicitque esse *virtutem in salutem omni credenti*.

4 Hoc ergo maxime est præ oculis habendum in hac materia, ut intelligamus, quoties in illa epistola Paulus distinguit legem a fide, non de omni lege, nec de solo actu credendi loquitur. Nam per legem, solum legem veterem intelligit, & ita cum excludit necessitatem operum legis, solum loquitur de propriis operibus legis veteris, prout ab illa necessitate aliquam, vel specialem obligationem habebant. Per fidem autem intelligit totam Evangelicam doctrinam, & illam dicit iustificare, non ut creditam solum, sed ut creditam, & observatam, seu opere completam. Et utrumque satis explicuit in c. 5. eiusdem epistolæ ad Gal. dicens: *Qui in lege iustificamini a gratia excidistis; nos enim spiritu ex fide spem iustitiæ expectamus. Nam in Christo Iesu neque circumciso aliquid valet, neque præputium, sed fides quæ per charitatem operatur*; & infra: *Vos in libertate vocati estis fratres*, utique a iugo legis veteris, ut declarat subiungendo, *Tantum ne libertatem in occasionem detis carnis, sed per charitatem servite invicem*. Si ergo scopus illius epistolæ præ oculis habeatur, non erit difficile uti in vero sensu testimoniis eius in hac materia, quod nunc nobis propositum est.

5 Alter Iudæorum error fuit, gratiam Evangelii non esse communem omnibus gentibus, sed specialiter datam esse Iudæis propter legis veteris observantiam. Ideoque gentes non esse Iudæis in Christi Ecclesia æquiparandos, sed hos esse illis præferendos. Ita colligitur clare ex discursu Pauli in epistola ad Romanos. ut ibi expositores, & Patres notant, & singulariter Augustinus. in expositione inchoata illius epistolæ, in cuius initio sic ait. *In epistola, quam Paulus Apostolus scripsit ad Romanos, quantum ex ejus textu intelligi potest, quæstionem habet talem, utrum Iudæis*

solis Evangelium Domini nostri Iesu Christi venerit propter merita operum legis, an vero nullis operum meritis præcedentibus, omnibus gentibus venerit iustificatio fidei, quæ est in Christo Iesu.

6 Quærit vero non immerito potest, an hic error sit distinctus a præcedenti, non enim parum hinc pendet intelligentia utriusque epistolæ ad Romanos, & ad Galat. quæ in hac materia de Gratia maxime necessaria est. Videri autem potest, non esse distinctos errores, sed unum, quia non poterunt aliqui Iudæi asserere, gentes non esse ad gratiam Evangelii admittendas, etiam si circumciderentur, & cum effectu prius circumciderentur. Quia quilibet gentiles poterant fieri profelyti, si vellent, & ab ipsis Iudæis non solum admittebantur, sed etiam inducebantur, ut ex Matth. 23. constat. Deinde etiam erat certum, illos profelytos servantes legem numerari inter filios Abraham, & ideo ad illos etiam pertinere promissiones Abraham factas; ergo negare non poterant, gentiles circumcisos admittendos esse ad Evangelium; ergo solum potuit esse controversia, an gentiles essent capaces gratiæ Evangelicæ absque circumcisione, vel solum mediante illa. Et in hoc errant illi, contra quos scripsit Paulus in epistola ad Galat. ergo non potuit esse alius error, quem impugnat in epistola ad Romanos. Quia Iudæi, qui insultabant contra gentes, & negabant illis esse communicandam gratiam Evangelii, necessario id intelligebant de gentibus in præputio manentibus, nam si circumciderentur, jam illos inter Iudæos computabant. Et hoc videtur sensisse Hieronymus in Præfatione epistolæ ad Galatas, cum dicit, eandem esse utriusque epistolæ materiam, & in utraque antiquæ legis cessationem, & novæ introductionem specialiter contineri, solumque differre, quod in epistola ad Romanos. *altiori sensu, & profundioribus Paulus usus est argumentis.*

7 In hoc puncto dicendum breviter est, errores illos parum quidem in re ipsa differre quoad ea, quæ in ipsis vel negantur, vel affirmantur, nihilominus vero multum distare, vel in fundamentis, vel etiam in primaria utriusque erroris intentione, & assertionem. Declaratur: nam probabilius videtur, ut discursus factus ostendit, nullos Iudæorum in Christum credentium absolute, & simpliciter dixisse, non esse concedendam gentibus salutem, aut gratiam Evangelii, aut vocationem ad Christi Ecclesiam, sed tantum sub ea conditione, *nisi circumciderentur*, vel (quod idem est) *si in præputio manerent*. Quod quidem de primo errore manifestum est ex Actor. 15. & 21. & epistolæ ad Galat. in quibus locis præcipue fit illius mentio. De hoc vero posteriori constare potest ex Actor. 10. & 11. nam cum in priori capite narraffet Lucas visionem Petri, & initium prædicationis Evangelii ad Gentes in Cornelio, & qui cum eo audiebat a Petro verbum Dei, quando Petro, adhuc loquente, *cecidit Spiritus Sanctus super eos*, additur, *Et obstupuerunt ex circumcisione fideles, qui venerant cum Petro, quia & in nationes gratia Spiritus Sancti effusa est*. Existimabant ergo Iudæi etiam Christiani, & fideles usque ad illud tempus, gratiam Christi non fuisse communicandam gentibus, utique in præputio manentibus: unde additur c. 11. cum Petrus ascendisset Hierosolimam, eosdem, qui ex circumcisione erant, adversus illum disceptasse dicentes: *Quare introisti ad viros præputium habentes, & manducaisti cum illis*. Non ergo scandalum patiebantur in hoc, quod ad homines ex gentibus natos accederet, sed *ad præputium habentes*, si enim circumciderentur, non scandalizarentur. Atque ita utrique Iudæi putabant, sine circumcisione non posse gentes salvari, neque ad penitentiam, vel Evangelium recipi, cum illa vero posse, & consequenter circumcisionem cum Evangelio esse coniungendam, neque fidem Christi sine circumcisione sufficere ad salutem: sic ergo in re ipsa, & in assertionibus, vel negationibus suis multum conveniebant.

8 Potuit autem esse diversitas; quia hi posteriores putabant, non esse prædicandum Evangelium gentibus nondum circumcisis, sed prius fuisse inducendos ad circumcisionem, & postquam essent circumcisi, illis fuisse prædicandum Christum, & Evangelium.

Et

In quo distinguitur prædicti errores. Ratio duobus ostenditur.

Errorum illorum convenientia.

Etiam diversitas

Impugnatur a Paul. ad Galat. 2.

Apost. ad Galat. c. 5. de lege loquitur: de Moisa cum de fide, de leg. Evæg. credita, & observata intelligit.

Iudæorum alter error

Et hoc significatur Act. 11. cum dicitur, eos, qui dispersi fuerant a tribulatione, quæ facta erat sub Stephano, perambulasse usque ad Antiochiam, *Nemini loquentes verbum, nisi solis Judæis*. Moveri autem potuerunt, quia putabant, Christum, eiusque gratiam solis filiis Abraham fuisse promissam, filios autem Abraham esse debere, aut naturales, & ab eo originem ducentes, aut saltem adoptatos per circumcisionem, ideoque nemini fuisse Christum prædicandum, vel baptismum Christi conferendum prius, quam circumcideretur. Porritque hic error in hoc sensu intellectus perseverare in Judæis, qui Romæ habitabant, quando Paulus ad Romanos scripsit.

9 Alii vero, qui priorem errorem Galatis persuadebant, fortasse non negabant, gentibus, etiam non circumcis, prædicari posse Evangelium, sed solum contendebant, non esse separandum a circumcisione, sive simul sive quocumque ordine Evangelium cum lege, & baptismus cum circumcisione coniungantur. Act. enim 15. Iudæi, qui Antiochiam pervenerant, & viderant Ecclesiam ex gentibus congregatam (ut dicitur c. 14.) non reprehenderunt Paulum, aut Barnabam, eo quod gentes præputium habentes baptizassent: sed solum super seminarunt zizaniam dicentes: *Nisi circumcidamini secundum morem Moysi, non poteritis salvari*. Et postea in Concilio Apostolorum idem Iudæi solum dicebant: *Quia oportet circumcidi eos, præcipere quoque servare legem Moysi*. Et in eodem errore perseverabant illi, de quibus dictum est Paulo Act. 21. *Vides frater, quot millia sunt in Judæis, qui crediderunt, & omnes emulatores sunt legis*. Imo ex his, quæ ibi subiunguntur, colligi potest aliud discrimen. Nam priores, quos in epistola ad Romanos Paulus impugnat, omnibus hominibus dicebant, legem esse necessariam, neque gratiam Christi sine illa sufficere. Alii item legis æmulatores licet fortasse in principio idem dicerent, postea ad hoc pervenisse, & hoc tantum contendisse videntur, ut saltem a Iudæis conversis ad fidem lex observaretur, ut ibi significatur, cum ad Paulum ita Iudæi loquuntur. *Audierunt autem de te, quia discessionem doceas a Moysæ eorum, qui per gentes sunt, Judeorum, dicens, non debere eos circumcidere filios suos*, ubi ostenditur, non de gentibus, sed de solis Iudæis æmulationem fuisse.

10 Denique potissimum discrimen, quodque nostro instituto magis deservit, esse videtur in fundamento, & intentione erroris. Nam isti æmulatores legis, & defensores primi erroris præcipue intendebant, legem observandam esse a Christianis, vel omnibus, vel saltem ex Iudæi conversis ad fidem, quia credebant legem illam latam esse a Deo, ut per se sufficientem, ac necessariam ad salutem, ac subinde ut perpetuo duraturam, & obligatam. Ideoque licet admittendum cederent Evangelium, non tamen, ut per se sufficiens, saltem Iudæis, neque ut excludens legem, sed ut miscendum cum illa, seu coniungendum.

11 Alii vero fautores posterioris erroris præcipue nitebantur in merito operum suorum, dicebantque solis Iudæis communicandam esse Christi gratiam, quia per iustitias suas, & observationem legis illi soli eam meruerant, gentiles vero utpote idolorum cultores, tanto bono esse indignos. Et hoc discrimen maxime ostendit discursus Pauli in epist. ad Galatas, & ad Romanos. Nam in epist. ad Galatas præcipue confutat priorem errorem, ostendendo legem veterem non propter se, nec in perpetuum datam esse, sed tantum ut pædagogum ad separandum populum illum a gentium ritibus, & idololatria, *donec veniret semen, quod est Christus*. In epistola vero ad Romanos præcipue confundit Paulus præsumptionem Iudeorum, demonstrando, gratiam Christi non dari ex operibus legis, sed ex sola Dei misericordia. Et quia gentiles etiam contemnebant Iudæos eo quod Christum crucifixissent, illorum etiam peccata, & morum corruptionem Paulus commemorat, ut eos etiam humiliet, & confundat. Et hac occasione de peccato originali, quod totam naturam humanam infecit, omniumque peccatorum eius origo fuit, doctrinam tradit, ut ita concludat, omnes indiguisse redemptione Christi, eiusque gratiam omnibus gratis offerri.

12 Atque ita in priori errore duo sunt propriæ, & directe contra gratiam Christi. Unum est, legem ante Christi adventum per se iustificasse, & ad salutem sufficientem fuisse. Alterum etiam post Christi adventum esse necessariam, saltem Iudæis, ac subinde fidem Christi non sufficere illis ad salutem. Quod porrit Iudæis cogitari, vel quia de Christi redemptione, eiusque sufficientia non recte sentiebant, vel quia putabant, legem illam datam esse a Deo, ut perpetuo servetur. Et quoad hoc posterius fundamentum impugnat hic error in materia de Legibus. Quoad prius vero in materia de Incarnatione, multa contra illam dicuntur, & insequentibus impugnabitur. Alii vero Iudæi non solum errabant, asserentes legem potuisse per se iustificare, sed etiam quia credebant legem sibi datam esse ex meritis suorum parentum, & Evangelium ipsis tantum esse missum propter suum meritum, Unde in hoc posteriori errore multi contra divinam gratiam continentur, a quibus orti sunt omnes, qui postea inventi sunt, ut videbimus. Primus est, gratiam Dei propter opera nostra dari: secundus est, homines posse totam legem implere suis viribus, ut gratiam consequantur. Unde sequitur tertius, hominem non indigere gratiæ adiutorio ad bene operandum, sicut oportet ad iustitiam apud Deum obtinendam, cum quo alius connectitur, nimirum gratiam Dei, & Christi non esse adiuvantem, seu auxilientem ad recte vivendum, sed vel ad remissionem peccatorum, vel ad iustitiæ incrementum. Imo addit Chrys. hom. 6. in epist. ad Rom. Iudæos errasse dicentes gratiam Christi non esse sibi necessariam, quia in sola lege satis iustificabantur. Quod intelligendum existimo de Iudæis non conversis ad Christum, sed in sua perfidia obduratis: Iudæi enim facti Christiani non potuerunt negare gratiam Christi, potuerunt autem errare destruendo rationem gratiæ, suis meritis illam tribuentes, quod præcipue confutare intendit Paulus in dicta epistola: inde vero ulterius dicit sequi, gratiam Christi necessariam non fuisse, si ex lege esset iustitia, ac subinde gratis Christum mortuum esse, ut ad Galatas 2. scribit. Et ita omnes prædicti errores ex dictis epistolis Pauli sufficienter confutantur, ut postea videbimus: nunc enim hæc solum præmittimus, ut origo errorum in hac materia, & prima occasio Paulo oblata ad gratiam Dei prædicandam præ oculis habeatur.

C A P U T II.

De errore Pelagii contra divinam gratiam.

1 POST Iudæos primus, qui inter hæreticos male de gratia Dei sensit, fuit Pelagius circa ann. Domini quadringentesimum, de illo enim ait Vincentius Lyrinensis cap. 34. *Quis unquam ante profanum illum Pelagium tantam virtutem liberi præsumpsit arbitrii?* & cap. 14. Pelagianos introduxerat dicentes, *Nobis viatoribus, nobis principibus, nobis expostoribus, damnate, quæ tenebatis*, &c. Et idem sentit Augustinus lib. de Hæresib. in 88. & lib. de Bono persev. cap. 21. & sæpe alias. Verum hoc de tota hæresi intelligendum est: nam inchoationem eius præcessisse sentit Hieronym. in Proëm. Dialog. contra Pelagium, dicit enim, illum Ioviniani hæresim excitasse. Additque ibidem, Evagrium eodem laborasse errore, & Rufinum adiungit lib. 4. in Jerem. in Præfat. & sumitur ex August. lib. 2. de Peccat. orig. De quibus videri potest late Baron. ann. 410. n. 6. & sequentibus. Addi etiam potest ex Clemente Alexand. lib. 5. Strom. in principio Basilidem Valentinum, & Marcionem dixisse, fidem esse naturalem, ac subinde hominem per naturam salvari, contra quos ipse arguit more Pauli, quia sic supervacaneus fuisset adventus Salvatoris. Veruntamen hic error illis temporibus, vel non satis fuit declaratus, vel statim extinctus est. Pelagius vero principaliter eum docuit, & ex professo declaravit, ac persuadere conatus est, & ideo illi tanquam authori tribuitur. Et quamvis fuerit Pelagius natione Britannicus, professione tamen monachus in Oriente fuit.

Ab his duobus erroribus universi pullulant.

Perissimum discrimen errorum

Err. Pelag.

fuit, ibique cepit hæresim seminare ut ex Chrysostomo colligi potest, qui epist. 4. ad Olympi. in ultimis verbis sic ait: *De Pelagio monacho magis dolore affectus sum. Cogita igitur quot, quantisque coronis digni sunt, qui forti animo in acie steterunt, cum viros tam pie ac sancte tantaque cum tolerantia viventes abripi atque in fraudem impelli videamus*, ubi de Pelagio, tanquam de homine in illis regionibus cognito, & fama virtutis illustri loquitur, errorem autem eius non declarat. Ex Oriente vero in Occidentem transiens Pelagius, habens socium Cælestium, & fautorem Iulianum, Romæ suum errorem seminare cepit, ut late Baro. ann. 411. num. 52. ex Augustino l. de Peccat. orig. c. 21. & alibi sæpe.

Error Pelag. exponitur ex Fau. & August.

2 Quis autem fuerit error Pelagii summariim comprehendit Faust. lib. 1. de Gratia Dei cap. 1. his verbis, *Dicit Pelagius, quod ad obtinendam salutem natura hominis sibi sola sufficiat*. Distinctius Augustinus lib. de Hæresib. in 88. ait, Pelagium, & Cælestium adeo fuisse inimicos gratiæ Dei, per quam diffunditur charitas in cordibus nostris, & fides per dilectionem operatur, ut sine hac posse hominem credant, facere omnia divina mandata. Unde inferius ait, licet Pelagius postea coactus fuerit gratiam Dei fateri, non tamen veram gratiam, neque veram eius necessitatem unquam fuisse confessum: nam solum liberum arbitrium vocabat gratiam necessariam ad bene operandum. Addebat vero adiuvantem gratiam, qua facilius posset liberum arbitrium bonum velle, non sine qua non posset illud & velle, & perficere. Et illam præterea gratiam, qua liberum arbitrium ad facilius bene operandum juvatur, tantum dicebat esse divinam legem, & doctrinam, quæ ad hoc tantum datur ut discamus, quid facere, & sperare debeamus, non vero ut quæ didicerimus esse faciendam, per donum Spiritus Sancti faciamus. Hæc fere ibi Augustinus, qui fusius refert errores Pelagii in epist. 106. in duodecim propositiones illos distinguens, quæ in Concilio Palæstino damnatæ fuerunt. Multæ autem ex illis propositionibus ad præsentem materiam directe non spectant, ut infra referendo Acta illius Concilii adnotabimus.

Articuli quidam ex damnatis a Concilio Palæstino unde Pelag. error aperitur

3 Nunc vero ut radicem, & sensum illius erroris aperiamus, in primis notandi sunt quatuor primi articuli, in quibus ait Adamum non contraxisse pœnam mortis ex peccato, sed ex se, & a principio fuisse mortalem, in quo plane significat, idem sensisse de concupiscentia, aliisque defectibus, ut sunt fames, sitis, & similia, quæ homini connaturalia sunt, ideoque nullum ex his defectibus credidit contraxisse Adamum peccando, præter averisionem, & inimicitiam DEI, cum reatu pœnæ vitæ futuræ, nisi respuisset. Unde secundus articulus in dicto Concilio relatus est Adamum peccando, sibi, non posteris, nocuisse. Et consequenter dicebat in tercio: infantes nunc nasci in eo statu, in quo Adam creatus fuit, & in quarto, mortem in nobis non esse pœnam culpæ sed conditionem naturæ. Ex quibus persuasum semper mihi habui, Pelagium nihil altius de humana natura, vel de statu, virtutibus, aut actibus eius in hac vita cogitasse, quam de pura hominis natura Philosophus quispiam gentilis recta ratione utens cogitare potuisset. Exceptis nonnullis Dei beneficiis, sub quibus abutendo nomine gratiæ, & adiutorii divini, errorem suum occultabat, ut sunt lex, revelatio, seu doctrina. Et ideo ad intelligendum hunc errorem, & Pelagii tergiversationes cavendum, duo sunt distincte explicanda: unum est, quam gratiam vere, & in re ipsa negaverit: aliud est, quam gratiam verbis admisit, seu sub quibus verbis errorem suum occultare studuerit. Ut autem illud prius explicemus, omnia gratiæ dona ad tria capita revocemus, quæ sunt actus, habitus, & auxilia, de quibus suo ordine dicemus.

Supernaturales actus negavit, vel ignoravit Pelagius

4 Primum ergo Pelagius, quantum ex dictis colligi potest, vel negavit, vel omnino non agnovit, fieri a nobis virtute divinæ gratiæ aliquos actus liberos vere supernaturales, id est, vires naturales liberi arbitrii superantes. Ita sumitur ex citato loco Augustini

hæres. 88. ubi ait, asseruisse Pelagium, posse hominem solis viribus liberi arbitrii, sine fide, vel charitate infusa implere omnia præcepta, quantum ad salutem necessarium est, & sufficit: ergo censuit omnes tales actus esse omnino naturales, etiam ipsos actus fidei, penitentiae, vel amoris, quibus iustificamur, & a fortiori omnes alios, ac subinde nullum esse supernaturalem. Deinde id colligitur ex septimo articulo Pelagii damnato in Concilio Palæstino, qui erat, *gratiam Dei non dari ad singulos actus*, nisi constituendo gratiam in libero arbitrio, lege, vel doctrina. In quo supponit, posita lege, vel obiecto per doctrinam, omnem actum a solo arbitrio fieri, ac subinde omnino esse naturalem. Quod etiam plane ostendit articulus undecimus, in quo *negabat, esse liberum arbitrium, si Dei indigeret auxilio*. Credidit ergo repugnare, actum liberum talem esse, ut a solo libero arbitrio viribus suis fieri non possit, quod est negare, posse actum liberum esse supernaturalem. Unde quia præcepta Dei non sunt de impossibilibus actibus, ideo consequenter asserere debuit, neque fidei revelationem, neque præceptum Dei, quantumvis ultra, vel supra naturam additum videatur, obligare ad actum vires naturales liberi arbitrii superantem.

5 Ex quo ulterius colligo probabiliter, non agnovisse Pelagium internam animi renovationem, & sanctificationem per habitalem gratiam, præsertim quoad virtutes infusas. Nam hæc dona habitualia propter actus supernaturales dantur, & ideo ablatis actibus reliqua tolli necesse est. Unde licet non legamus, Sanctos Patres cum Pelagio de his donis expresse contendisse, vel quia doctrina de his donis non erat tunc ita declarata, ut contraria tanquam hæretica damnanda esset, vel quia Pelagius de his donis expresse non tractavit: nihilominus ex principiis ejus, ut dixi, satis colligitur, non agnovisse, imo supposuisse, nulla talia dona nobis communicari. Et hinc in Adamo ante peccatum nullum Dei donum agnovit, præter naturalia: ideo enim dixit, nos nunc generari in eodem statu, in quo Adam fuit conditus. Deinde licet in parvulis non negaverit gratiam adoptionis, propter quam illis est necessarium baptisma teste August. lib. 6. contra Iulian. cap. 5. alias 9. tamen & in adultis non putavit hanc esse gratiam, sed præmium meritorum; neque in parvulis videtur credidisse illam adoptionem per internam, & inhærentem gratiam fieri. Hinc denique loquendo sæpe de gratia Dei, ad alias improprias & generales significationes gratiæ divertitur. Veram autem gratiam supernaturalem, & infusam nunquam constituitur, ut ex sequentibus amplius patebit. Unde August. lib. de Gratia Christi c. 2. ait, sensisse Pelagium, nos salvari adiutos, *non aliqua subministratione virtutis, sed viribus propriæ voluntatis*.

Ignoravit item sanctificationem internam

6 Tertio hinc concluditur, negasse Pelagium omnem veram gratiam interius iuvantem, seu auxiliantem quæ necessaria sit, ut principium, vel adiutorium proprium efficiendi actus bonos, & Deo gratos, vel meritorios apud Deum, aut aptos ad hominem iustificandum, & sanctificandum. Quia cum tales actus liberi sint, censuit etiam esse naturales, ut dixi, & consequenter negavit, ad illos esse necessarium auxilium aliquod extra liberum arbitrium: imo putavit repugnare cum arbitrii libertate. Hoc enim argumento maxime contra Augustinum utebatur, quia si gratia prævenit liberum arbitrium, & ex nolentibus volentes facit, destruitur libertas arbitrii, ut idem Augustinus sæpe refert lib. 2. contra duas epistolas Palagianor. cap. 5. & lib. 4. contra Iulian. cap. 8. Unde non solum prævenientem gratiam, sed absolute necessitatem divini auxilii libertati arbitrii repugnare sensit, ut ex art. 10. Concilii Palæstini. supra probatum est, & refert etiam Hieronymus epistola ad Cresiph. Atque ita constat, negasse Pelagium omnem veram gratiam Dei, saltem ut ad salutem necessariam. Quod addo, quia inter alias novas controversias orta questio est, an Pelagius tandem admisit aliquam veram gratiam internam auxiliantem, saltem ad facilius

Et auxilium Dei gratuitum ad singula opera bona supernaturalia

lius operandum, de quo puncto statim dicam. Prius enim oportet cetera, quæ proposuimus, integre explicare; nam si fortasse aliquam veram internam gratiam auxiliantem agnovit, in eo non erravit, nec propterea reprehensus est, sed quia de necessitate talis gratiæ non catholice sensit, ut dicam.

7 Adde igitur in hoc tertio puncto, non solum errasse Pelagium circa veram gratiam interius auxiliantem, quia negavit necessitatem eius ad singula opera ut dixi, sed etiam quia eandem negavit dari ad servanda omnia mandata, & ad vincendas omnes tentationes, ideoque in art. 11. relato in dicto Concilio Palæstino. aiebat, *Victoriam nostram non ex Dei adiutorio esse, sed ex libero arbitrio*. Quibus verbis simpliciter adiutorium gratiæ negare visus est. Notat autem Augustinus dicta hæres. 88. illum postea a fratribus increpatum, quod nihil tribueret adiutorio gratiæ Dei, dixisse, *Ad hoc illud dari hominibus, ut quæ facere iubentur per liberum arbitrium, facilius possint implere per gratiam*; ubi dicendo *facilius*, ut ponderat idem Augustinus, satis indicavit se sentire non esse necessariam. Idemque testatur sæpe Augustinus contra Pelag. ut lib. 2. contra duas epist. Pelag. cap. 8. *Pelagius, ait, facilius dicit impleri, quod bonum est, si adiuvet gratia. Quo additamento significat, hoc se sapere, quod etiam si Dei defuerit adiutorium, potest, quamvis difficilius, implere bonum per liberum arbitrium*. Idem lib. 1. de Gratia Christi cap. 7. & epist. 105, 106. & 107. Item ex hoc principio negavit necessitatem orationis ad vincendas gravissimas etiam tentationes, aut sine peccato vivendum, vel de commissis penitendum, ut intelligimus ex Concilio Milevitano cap. quinto, African. cap. 80. & Augustinus dicta epistola centesima sexta.

8 Unde fit, ut etiam erraverit negando adiutorium gratiæ quoad verum esse supernaturalis gratiæ, & causæ, vel ut ita dicam, quoad veram gratiæ entitatem, & causalitatem. Patet, quia non intellexit dari adiutorium, quo voluntas possit aliquid supra suas vires operari, nec in substantia actus, nec in modo, sed ad summum, ut facilius possit, qui modus non est supernaturalis, sed ex multis causis naturalibus provenire potest, nimirum ex habitu acquisito, seu consuetudine, ex meliori dispositione, vel temperamento corporis, ex bono aliquo consilio, vel morali exhortatione, etiam humana, ex bono exemplo, & aliis huiusmodi causis. Unde fit, ut negaverit etiam Pelagius verum auxilium supernaturale internæ gratiæ excitantis; tum quia ut dixi, nullam veram supernaturalem gratiam agnovit; tum etiam, quia putavit repugnare libertati internam motionem illam prævenientem, & ad volendum inducentem, quia talis inductio non fieret sine coactione, aut necessitate repugnante libertati. Et in hoc sensu dixit Augustinus lib. 2. contra duas epist. Pelagian. cap. 5. & sequentibus, doctrinam Pelagii fuisse, *gratiam adjuvare uniuscujusque bonum propositum, non tamen reluctanti studium virtutis immittere*. Aliudque illius fundamentum fuisse dicit, *quia personarum acceptio non est apud Deum*. Et lib. 1. contra eandem epist. cap. 19. clarius dicit: *Vos autem in bono opere sic putatis adjuvari hominem Dei gratia, ut in excitandis ejus ad ipsum bonum opus voluntate, nihil eam credatis operari*. Quocirca licet fortasse Pelagius aliquando confessus fuerit, Deum juvare, vel etiam excitare voluntatem aliquo peculiari modo providentiæ suæ, nunquam tamen intellexisse videtur, illud fieri per internam excitationem elevantem voluntatem supra suas vires naturales. Alioqui talè auxilium esset simpliciter necessarium ad tale opus præstandum, quod illè non admittebat. Sic ergo dicimus, negasse Pelagium auxilia gratiæ tam quoad esse, seu entitatem, quam in ratione causæ, seu principii naturalis.

9 Tandem vero addimus etiam negasse veritatem auxilii gratiæ in ratione doni gratuiti, seu in propria denominatione gratiæ. Probat, quia a principio docuit, gratiam propter merita nostra dari. Hic enim est octavus articulus ejus in dicto Concilio Palæstino damnatus. Quem etiam refert Augustinus dicta epi-

stola 106. & quamvis subdole illum retractaverit in dicto Concilio, re tamen vera semper illi adhæsit, ut ex eodem Augustino colligitur epistol. 36. 37. 105. & sequentibus, & lib. 1. de Grat. Christi cap. 31. ubi de Pelagio dicit, *quamlibet sentiat gratiam, ipsis Christianis secundum merita dari dicit*, & cap. 37. & toto lib. 2. de peccat. orig. cap. 5. & aliis locis frequenter hoc repetit. Et lib. 2. contra duas epist. Pelagian. cap. 8. & 9. idem colligit ex aliq. Pelagianorum principio, quod initium salutis sit ex nobis, *Ut hujus cepti meritum (inquit) perficiendi gratia consequatur*. Ex quo principio alibi contra Iulianum lib. 1. cap. 18. & lib. 4. cap. 3. infert, hominem esse priorem in dando, ut retribuat ei. *Eoque modo (inquit) gratia non sit gratia, quia non est gratuita*. Et lib. 3. Hypognostic. & epist. 107. & aliis locis frequenter hoc repetit, ut in cap. etiam 2. notavimus. Et ideo diximus, ita Pelagium admisisse adiutorium gratiæ, ut in illo rationem gratiæ, id est, gratuiti doni, unde gratia nomen accepit, destrueret, quia docebat esse ex meritis, ac proinde non esse adiutorium gratuitum.

10 Superest, ut aliud, quod proposuimus, explicemus, nimirum, quibus modis vocabulo gratiæ ad errorem suum occultandum abuteretur. In principio enim palam, & sine furo gratiæ adiutorium simpliciter negavit, postea vero a Palæstinis Patribus restrictus, & (ut Augustinus sæpe ait) timore compulsum, ne in ipsum anathema diceretur, gratiam confiteri cepit, sub ea tamen voce naturalia quædam dona, quatenus ex Dei beneficio nobis conferuntur, intelligebat. Et primum omnium naturale donum libertatis cum cæteris, quæ ad usum illius facultatis natura concessit, ut est vis intelligendi, consulendi, & cum ratione judicandi, gratiam appellabat, teste Augustino epistola nonagesima quinta, & dicta hæres. 88. & Hieronymo epistola centesima trigesima nona & aliis locis citatis supra capite secundo. Et de hac sola gratia intelligebat, dari sine præcedentibus meritis, & ab illa esse potestatem bene operandi. Hanc vero fraudem esse Scripturæ contrariam, & patet a Patribus ita damnatam esse, in dicto capite secundo diximus. Addiditque postmodum Pelagius, hanc (ut sic dicam) naturalem gratiam juvari, etiam per gratiam illi superadditam, ac divinitus concessam. Illam vero gratiam esse divinam legem; quæ est veluti lucerna viam ostendens, quæ de se juvat liberum arbitrium ad bene operandum. Postea vero cum argueretur, quod gratiam in sola lege poneret, ipse respondit (ut est apud Augustinum lib. 1. de Gratia Christi capite secundo) *Christum ad non peccandum nobis dedisse adiutorium, quia juste vivendo, justeque docendo, nobis reliquit exemplum*, & capite 7. refert Pelagium dicentem, *Nos imperitissimi homines putant, iniuriam divinæ gratiæ facere*. Et infra, *Quam nos (utique gratiam) non, ut tu putas, in lege tantummodo, sed & in Dei adiutorio esse confitemur*. Explicando vero huiusmodi adiutorium, subiungit: *Adjuvat enim nos Deus per doctrinam, & revelationem suam, dum cordis nostri oculos aperit, dum nobis ne presentibus occupemur, futura demonstrat, dum diaboli pandit insidias, dum nos multiformi & ineffabili dono gratiæ cælestis illuminat*. Ubi, ut Augustinus statim notat, licet adiutorium gratiæ Dei multis verbis ornare, & commendare videatur, solam revelationem, & doctrinam per gratiam intelligere declaravit. Et ideo a Patribus damnatur, non quia hæc dona gratiam vocaret, ut enim supernaturaliter data sunt, inter dona gratiæ merito computantur: sed quia præter hæc nullam gratiam interius adiuvantem admittebat. Et simili modo his addebat promissionem futuræ gloriæ, ut in eodem lib. 10. cap. 10. Augustinus refert, & per illam dicebat operari Deum in nobis velle, quod bonum est, & velle, quod sapientum est, dum nos tantummodo presentia diligentes futuræ gloriæ magnitudine, & premiorum pollicitatione succendit. Contra quod ait August. ca. 11. *Nos eam gratiam volumus, isti aliquando fateantur, quia futura gloriæ magnitudo non solum promittitur sed etiam creditur, & speratur*.

Vnde gratia malitiose utitur, pabatur, intelligendo naturalem libertatem, & quæ ad ipsam concurrunt.

11 Denique gratiam remissionis peccatorum agnovisse, ac ita nominasse colligi inprimis potest ex Can. 3. Concil. Milevitan. in quo damnantur dicentes: *Gratiam Dei, in qua justificamur per Jesum Christum Dominum nostrum, ad solam remissionem peccatorum valere, quæ commissa sunt, non in adjutorium, ne committantur.* Est autem ille Canon contra Pelagianos, ergo fatebatur Pelagius remissionem peccatorum sub nomine gratiæ. Præterea refert de illo Augustin. Epist. 94. dixisse: *Necessariam nobis esse remissionem peccatorum, quia ea, quæ a nobis in præteritum malefacta sunt, insecta facere non valeamus, cavendis autem futuris peccatis sine adjutorio gratiæ Dei humanam sufficere voluntatem.* Ergo ad remissionem præteritorum peccatorum gratiam necessariam esse fatebatur, alias non haberet locum distinctio, seu contrapositio; & Epistol. 95. sic ait, *Sive dixerit gratiam esse liberum arbitrium, sive gratiam esse remissionem peccatorum, sive gratiam esse legis præceptum, nihil eorum dicit, quæ per subministrationem Spiritus Sancti pertinent ad concupiscentias, tentationesque vincendas: ubi licet magis supponendo, quam asserendo loqui videatur, & ideo possit quis loquutionem illam ut conditionalem, non ut absolutam assertionem interpretari: tamen verisimile non est, alia de causa Augustinum in illis tribus exempla posuisse, nisi quia illis omnibus tergiversationibus Pelagius utebatur: & cum de primo, & tertio exemplo constet, a Pelagio fuisse usurpata, non est cur de secundo dubitemus.* Præsertim cum in dicto libr. de Grat. Christi cap. 2. & 37. expresse dicat August. de Pelagio: *Etsi gratiam Dei, qua Christus venit in mundum peccatores salvos facere, in sola remissione peccatorum constituat.* Denique idem Augustinus in Epistol. 105. contra eundem Pelagium argumentatur, non potuisse per gratiam remissionis peccatorum se excusare, aut tueri gratiam sine meritis, quia etiam remissio peccatorum, non sine merito aliquo datur, nam per fidem obtinetur: quam fidem non ponebat Pelagius esse ex gratia, sed ex libero arbitrio; & ideo longe inferius in eadem Epistola subjunxit Augustinus contra Pelagium: *Ab originali, vel actuali peccato non liberat, nisi gratia per Jesum Christum Dominum nostrum, non solum remissione peccatorum, sed prius ipsius inspiratione fidei, & timoris Dei.* Unde in dicto Concilio Palentino duodecimus articulus Pelagii refertur: *Quod poenitentibus venia non datur secundum gratiam, & misericordiam Dei, sed secundum meritum, & laborem eorum, qui per poenitentiam digni fuerint misericordia.* In quo articulo videntur contraria, seu repugnantia conneri, quia in eo remissio peccati negatur, & affirmatur dari ex misericordia, & consequenter negatur, & affirmatur esse gratia: hoc tamen inde provenit, quod Pelagius etiam dona non gratis data, nec in priori gratia fundata gratiam vocabat, ut visum est, & ita in præfenti remissionem peccati negat esse gratiam, id est, sine merito datam, & nihilominus vocat misericordiam, ac subinde gratiam, quia licet præcedat meritum, nihilominus est peculiare beneficium Dei misericordia collatum. Veruntamen etiam hoc modo abutebatur nomine gratiæ; tum quia ubi meritum præcedit non fundatum in priori gratia, nulla vera ratio gratiæ relinquitur, ut ostensum est.

C A P U T III.

Circa dictum Pelagii errorem nonnulla dubia expenduntur.

1. **Q**UAMVIS omnia, quæ de hoc errore diximus ex Augustini locis sumpta sint, in aliis tamen ejusdem Augustini locis inveniuntur aliquæ Pelagianorum loquutiones, quæ superius dictis contradicere videntur: ex quibus nonnullæ insurgunt difficultates, quas expendere, & ad veritatem in omnibus tenendam necessarium est, & ad doctrinam postea tradendam, & confirmandam erit utilissimum. Est ergo prima dubitatio, quid Pelagius senserit de gratia, ut gloriam interdum significat, id est, an senserit, beatitudinem illam, ad quam creati sumus, esse benefi-

cium Dei omnino supernaturale, & consequenter amcognoverit, fuisse peculiare, ac gratuitum beneficium Dei, ordinari, & elevari ad talem beatitudinem, ac proinde ordinationem illam fuisse veram gratiam, licet extrinsecam, sicut est divina prædestinatio, ac supernaturalis providentia. Nam ex proxime dictis videtur colligi, Pelagium non ignorasse, hominem esse creatum ad supernaturalem beatitudinem, quam in regno cælorum expectamus quid enim aliud est, quod ait, Deum futura gloriæ magnitudine, & præmiorum pollicitatione nos ad virtutem accendere? gloriæ namque magnitudo non est, nisi in supernaturali beatitudine: alludere enim visus est in verbis illis ad illa Pauli: *Quod momentaneum est, & leve tribulationis nostre, æternum gloriæ pondus operatur in nobis.* Deinde Pelagius distinguebat regnum cælorum a vita æterna, dicebat enim parvulos non baptizatos consequuturos quidem esse vitam æternam, non tamen regnum cælorum ingressuros, ut testis est Augustinus hæres. 88. & Epist. 106. post medi. & libr. 1. de Peccatorum merit. & remiss. capit. 18. & 20. ne verbis Christi contradicere videretur, dicentis Joann. 3. *Nisi quis renatus fuerit ex aqua, & Spiritu Sancto non potest introire in regnum Dei:* unde videtur Pelagius per vitam æternam naturalem felicitatem intellexisse: per regnum autem cælorum supernaturalem beatitudinem, quo enim alio modo illa duo distinguere valebat? Unde videtur sensisse, humanum genus in primo parente fuisse ad regnum cælorum ordinatum, & per illius peccatum clausum fuisse non solum Adæ, sed etiam in posteris: per Christum autem fuisse omnibus refferatum, ad hunc tamen effectum baptismum applicari; & ideo agebat, baptismum omnibus ætatibus necessarium esse, ut refert Augustinus lib. 2. contra duas Epistolas Pelagianorum, capite 5. & libro Origin. anim. capite nono, & libro tertio, capite 13. Ergo in cognitione beatitudinis supernaturalis, & in ordinatione gratuita humanæ naturæ ad illam, non videtur errasse Pelagius.

Apparet supernaturalem beatitudinem Pelagius non velle.

2. In contrarium vero est, quia si Pelagius cognovit duplicem hominis beatitudinem, naturalem, & supernaturalem, necesse est, ut cognoverit vitam illam quam habituri sunt homines in regno cælorum, naturales eorum vires excedere, & consequenter visionem beatam esse actum supernaturalem: hoc autem difficile creditum est, nam si cognovit, hominem esse capacem supernaturalis visionis, quomodo negare potuit, hominem in hac vita esse capacem supernaturalium actuum, & mediorum, quibus illum finem promereri & obtinere valeat? Vel si hanc etiam capacitatem cognovit, cur necessitatem talium actuum negasset, vel cur tam acriter contra gratiam Dei pugnasset?

Oppositæ ex ejus dictis arguitur.

3. In hoc puncto breviter dico, mihi incertum esse, quid Pelagius per regnum cælorum a vita æterna distinctum intellexerit: nam quod attinet ad verba, non minus in illa distinctione erravit, quam in negando originali peccato, quia Scriptura non minus docet, Christi redemptionem esse necessariam ad vitam æternam obtinendam, quam ad ingrediendum in regnum cælorum. Juxta illud Joann. 6. *Qui manducat meam carnem, & bibit meum sanguinem, habet vitam æternam:* & illud: *Nisi manducaveritis carnem filii hominis, & biberitis ejus sanguinem, non habebitis vitam in vobis.* Vita ergo æterna non minus divina, & supernaturalis est, quam regnum cælorum: imo non est alia vita, nisi qua in regno cælorum beate vivitur, ut late per Augustinum lib. 1. de Peccat. mer. cap. 18. & 20. quod vero ad rem spectat, necessarium, ut per vitam æternam, quam Pelagius a regno cælorum distinguebat, & beatam esse dicebat, intellexerit naturalem quandam beatitudinem, ab omni pœna, & dolore, seu læsione corporis, aut animi immunem: in qua hæstione, & secundum rectam rationem naturalem homo perpetuo vivere, & suis viribus naturalibus recte uti possit, & usus sit sine aliquo proprio dono gratiæ: hoc enim est, quod Pelagius præcipue intendebat, quia naturam humanam in parvulis integram, & innocentem esse putabat: ideoque non esse suam naturali felicitate privandam. Imo non defuerunt aliqui

Resolutio dubii.

aliqui Catholici, qui simile vitæ genus parvulis sine baptismo decedentibus non negarunt, etiam si peccatum originale, & poenam damni in eis perpetuo manentem cum fide Catholica consueantur: de quo puncto nunc non tractamus, quia cum illa moderatione non est contrarium gratiæ Dei, an vero aliis rationibus damnandum sit, vel suaderi possit? in materia de Peccat.orig. dicendum est,

Cælorum
regnum
in quo ab
æterna vi-
ta distin-
guere po-
tuit Pelag-
ius.

4. Hinc vero fit consequens, ut Pelagius intellexit in regno cælorum habituros esse homines altiore felicitatis modum, & genus quoddam vitæ superantis naturalem hominis facultatem, Nam si supra naturam non esset, non minus danda esset parvulis propter integritatem, & innocentiam naturalem, quam alia vita beata, ut ipse putabat. Quid autem ille senserit de vita illa regni cælorum, mihi non constat. Cogitare namque potuit, regnum illud differre ab altera vita beata, primum in situ loci, quia illud regnum vere supra cælos erit: hæc autem vita erit in terra, deinde in majori Dei cognitione, & amore per speciales illustrationes, & revelationes, & consequenter in excellentia voluptatis, & gaudii, & in societate angelorum, & similibus. Existimare autem potuit, hæc omnia ibi etiam fieri per solam applicationem objectorum seu doctrinam, & revelationem tantum: actus autem ipsos semper esse naturales, & ita media hujus vitæ, qualia ipse cogitabat esse proportionata illi fini, Vel denique si credidit felicitatem regni cælorum in visione Dei clara consistere, eamque esse homini supernaturalem, existimare potuit, ideo illum actum esse posse supernaturalem, quia necessarius est & quasi a Deo immissus, actibus autem liberis credit repugnare conditionem illam. Unde quia vita illa cælestis per actus liberos ab adultis hominibus comparanda est, ideo existimavit, non per actus altioris gratiæ, sed per solas vires liberi arbitrii obtineri,

3. Dubi.

5. Aliud dubium circa doctrinam Pelagii est, quomodo potuerit gratiæ necessitatem negare, cum concesserit, per gratiam confecti nobis, ut possimus bene operari, licet non detur, ut velimus, vel ut faciamus. Nam illa gratia, quæ dat posse, necessaria profecto est ad operandum, quia potestas operandi necessaria omnino est ante operationem, ut per se constat: ergo si Pelagius gratiæ necessitatem negavit, non potuit admittere gratiam dantem posse bene operari: vel e converso si hanc concessit, illam necessariam esse ad operandum concessisse oportet. Quod autem Pelagius concesserit gratiam dantem posse, testari videtur Augustinus libro de Gratia Christi cap. 5, ubi distinguens tria in nobis, scilicet, posse, velle, & agere, ait, Pelagium admisisse gratiam, quæ adjuvet possibilitatem voluntatis, atque operis, non vero quæ ipsam voluntatem, & actionem juvet, id est, ipsum velle, aut agere. Nam secundum Pelagium, ait, *Posse Deus posuit in natura, velle, & agere nostra esse voluit, & ideo non adjuvat, ut velimus, non adjuvat, ut agamus, sed tantummodo adjuvat, ut velle, & agere valeamus*, & cap. 14. sic argumentatur contra Pelagium: *Si tantum posse nostrum hac gratia juvaretur, ita diceret Dominus: Omnis, qui audit a Patre, & didicit, potest venire ad me: non autem sic dixit, sed, omnis, qui audit, & didicit, venit ad me*. In quo argumento plane supponit Augustinus, Pelagium confessum esse gratiam, quæ dat posse. Imo in cap. 47. dicit, in hoc esse totam differentiam inter se, & Pelagium: *nam si consenserit (inquit) nobis, non solum possibilitatem in homine etiam si nec velit, nec agat bene, sed ipsam quoque voluntatem, & actionem divinitus adjuvari, ut sine illo adiutorio nihil bene velimus, & agamus, &c. nihil de adiutorio (quantum arbitror) interno controversa relinquatur*.

Sententia
moderato-
rum in hoc
dubio.

6. Propter hæc aliqui moderni dicunt, licet Pelagius in principio hanc gratiam dantem posse non cognoverit, random disputationibus Augustini, & aliorum Patrum communium admisisse gratiam interiorem dantem posse, quam dicunt esse internam excitationem voluntatis. Et ita distinguunt tres status hujus erroris sub eodem Pelagio. Primus est, in quo absolute gratiam negavit. Secundus, in quo verbis illam admisit, sed male illam explicabat modis supra declara-

tis. Tertius, in quo tandem confessus est veram gratiam internam dantem posse, non tamen velle, aut agere, id est, ut ipsi videntur explicare, dantem sufficiens, non tamen efficax auxilium.

Vera re-
solutio.

7. Nihilominus dicendum censo, Pelagium semper negasse veram gratiam, quæ det nobis posse bene operari, aut malum vitare. Probatur primo, quia nunquam Augustinus in citatis locis dixit: Pelagium admisisse gratiam, quæ tribuat posse, sed solum dixit, concessisse gratiam, *quæ juvet possibilitatem voluntatis, atque operis*: longe autem minus est, juvare possibilitatem, quam dare, ut ex terminis constat; & similiter dicit Augustinus dicto cap. 5. de Grat. Christi, posuisse Pelagium gratiam, *quæ tantummodo adjuvet, ut velle, & agere valeamus*; & semper ita loquitur in discursu illius libri, nunquam vero dicit, Pelagium admisisse gratiam, quæ nobis det posse operari: quin potius in cap. 14. ait: *Pelagium in natura posuisse posse venire, & addit, vel etiam, ut modo dicere cepit, in gratia, qualem libet eam sentiat*; non vero ait Augustinus, Pelagium retractasse unquam priorem asserptionem, sed addidisse nescio quam gratiam, quæ potestatem jam in natura existentem juvaret: unde statim contra Pelagium probat, *non tantum posse nos, sed etiam per gratiam juvari*.

Corrobo-
ratur.

8. Denique Pelagius nunquam recessit ab illa sententia, qua dixit, gratiam, qualiscumque illa sit, tantum dari, ut facilius homo operetur, quod de ipso Pelagio etiam authores prioris sententiæ fateantur: at vero gratia, quæ tantum dat facilius operari, distinguitur ab illa, quæ dat posse, ut supponit Augustinus argumentando contra Pelagianos libro secundo contra duas Epistolas Pelagianorum capite octavo, & alijs locis supra citatis. Et eodem modo Scholastici in hoc distinguunt habitus dantes facilius operari ab habitibus dantibus posse operari: nam priores non sunt necessarii ad operandum, & ita non dant posse, posteriores vero sunt per se necessarii, nisi aliunde suppleantur, & ideo dant posse, vel si desint, loco illorum requiritur aliquod auxilium, quod det posse. Et ratio facta id convincit, quia si auxilium tantum est ad facilius, non est necessarium simpliciter; ergo sine illo potest fieri opus; ergo tale auxilium supponit posse, seu potestatem agendi: ergo non dat posse. Ergo Pelagius, qui solum posuit gratiam juvantem ad facilius, non potuit ponere gratiam dantem posse: unde etiam ostenditur, non admisisse Pelagium verum auxilium sufficiens gratiæ, quod omnibus, vel offeratur, vel datur secundum doctrinam fidei, quia illud auxilium ita est sufficiens, ut sit etiam necessarium ad posse, quia sine illo non solum difficilis, sed etiam impossibilis esset operatio pietatis.

3. Dubi.

9. Hinc vero nascitur tertia difficultas, quomodo potuerit Pelagius admittere adiutorium ad posse, & non ad velle, vel operari: quia illud auxilium tantum credidit adjuvare ad facilius: non potest autem intelligi, quomodo sic adjuvet ipsum posse, quin adjuvet velle, & agere, quia non adjuvat ipsum posse, nisi quia cum tale auxilium supponat integram potestatem, conjunctum cum illa sit unum principium facilius operans, & ita quando ab illo fit, opus facilius fit: ergo non potest tale auxilium juvare ipsum posse, quin juvet ad facilius volendum, vel agendum: hoc autem est juvare ad velle, & agere. Sicut habitus acquisitus, qui dat potentie facilitatem operandi, adjuvat illam ad facilius assentiendum, vel resistendum tentationi, & cætera. Accedit, quod ipse Augustinus libro secundo contra duas Epistolas Pelagianorum capite octavo inquit expresse: *Pelagius enim facilius dicit impleri, quod bonum est, si adjuvet gratia: implere autem, quod bonum est, non fit per solum posse, sed per velle, & agere*: ergo secundum Pelagium facilius homo vult, & agit, si adjuvet gratia. Ergo illo modo quo Pelagius posuit adiutorium gratiæ, non tantum illud posuit ad posse, sed etiam ad velle, & agere.

10. Propter hoc dicunt prædicti moderni, omne illud adiutorium, quod datum voluntati potest in ea manere quasi in actu primo sine consensu libero, & actio-

Quid sen-
tiant re-
sentiores
in hoc 3.
dubio.

actione ejus, vocari ab August. auxilium ad posse tantum, quia potest esse sine actu secundo illius potestatis, seu voluntatis: auxilium autem ad velle, esse illud tantum, quod infallibiliter secum affert velle. Quod ideo dicunt, ut suadeant totam controversiam August. cum Pelagianis tandem revocari esse ad questionem de auxilio efficaci, nam Pelagiani semper illud negarunt, etiam si admitterent, ut ajunt, verum auxilium sufficiens, & aliqui eorum post Pelagium etiam faterentur ad aliquid esse necessarium. Quae sententia intellecta generatim de auxilio efficaci potest habere fundamentum in August. dicto lib. de Gratia Christi cap. 11. dum sic de Pelagianis loquitur: *Nos eam gratiam volumus aliquando fateantur, qua futurae gloriae magnitudo, non solum promittitur, sed etiam creditur, & speratur, nec solum revelatur sapientia, sed etiam & amatur, nec suadetur solus omne, quod bonum est, verum & persuadetur*; quod certe pertinet ad gratiam efficacem: unde subjungit: *Quorum autem sit fides & quibus persuadeatur ut ad eum veniant, satis ipse demonstravit, ubi ait: Nemo venit ad me, nisi Pater, qui misit me, traxerit eum*; & concludit: *Hanc debet Pelagius gratiam confiteri, si vult non solum vocari, verum etiam esse Christianus.*

Vera sententia.

11. Dico vero in primis, licet daremus, hanc fuisse Augustini mentem, nihil ob stare opinionibus variis catholicorum de auxilio efficaci, quia inter Catholicos recte sentientes non est controversum, an efficax auxilium detur volentibus, & credentibus, sed quale illud auxilium sit. E converso autem licet controversia Augustini cum Pelagianis fuisset de auxilio efficaci, non tamen fuit de modo intelligendi, & explicandi tale auxilium: de quo in illis locis Augustinus non tractat. Unde addo, nec Pelagium, neque Augustinum in illo sensu fuisse loquutos, quem illi moderni intendunt, de efficacia gratiae de se inducentis, & determinantis voluntatem, quia nec de hoc erat controversia, nec Augustinus cum fundamento diceret, non posse aliquem esse Christianum, nisi gratiam illam confiteatur. Itaque Pelagius ideo dixit, gratiam juvare ipsum posse tantum, & non velle, vel agere, quia solum putavit esse quandam gratiam extrinsecam applicantem objectum, & ostendentem illud, non tamen dantem ipsi voluntati virtutem volendi, vel agendi aliquid, vel dantem aliis potentis vim agendi, & operandi. Et ita gratia secundum Pelagium, non influit in ipsum velle, vel in actionem ipsam liberam, non solum quando voluntas non vult consentire, sed etiam quando vult, & operatur, quia sola sua innata potestate agit, & vult. Et hac ratione dicebat, illam gratiam non juvare ipsum velle, juvare autem posse, quia juvat ad facilius apprehendendum objectum, vel applicandam materiam, circa quam possit voluntas per se operari, si velit. Augustinus autem contra illum contendit, veram adjuvantem gratiam dare vires voluntati ad volendum, & ita cum voluntas pie vult, gratiam juvare ipsum velle, quia in illud influit inducendo, & juvando voluntatem. Hoc est enim quod in dicto libro de Gratia Christi cap. 47. concludit Augustinus: *Si ergo consenserint nobis, non solum potestatem in homine, etiam si nec velit, nec agat bene, sed ipsam quoque voluntatem, & actionem divinitus adjuvare, ut sine illo adjutoria nihil bene velimus, & agamus, eamque esse gratiam Dei per Jesum Christum Dominum nostrum, in quo nos sua, non nostra, justitia justos facit, ut sit vera nostra justitia, qua nobis ab illo est, nihil de adjutorio gratiae Dei (quantum arbitror) inter nos controversia relinquatur.* Controversia ergo inter illos erat, an gratia juvet ipsum velle, & agere, hoc enim negabat Pelagius; si autem id concederet, consequenter dicere debuisset, voluntatem quando vult, & quoties vult, indigere hoc adjutorio ad ipsummet velle, & gratiam non solum dare posse, sed etiam velle, & ita nulla controversia relinqueretur.

12. Ut autem hoc amplius declaratur, quarta dubitatio tractanda est, nimirum, an Pelagius posuerit illud gratiae adjutorium per verum, & internum auxilium gratiae excitantis voluntatem, vel cooperantis cum illa. In quo puncto moderni allegati affirmant, Pelagium tandem confesum esse veram internam gratiam per Spiritus Sancti inspirationem, & illuminationem intellectus, & excitationem voluntatis. Idque colligunt ex his, quae de Pelagio Augustinus refert in libro de Gratia Christi: nam cap. 7. refert Pelagium dixisse, *Nos Dei gratiam non in lege tantum modo, sed & in Dei adjutorio esse confitemur*: explicando autem hoc adjutorium addidisse: *Adjuvat enim nos Deus per doctrinam, & revelationem, dum cordis nostri oculos aperit, dum futura demonstrat, dum diaboli pandit insidias, dum nos multiformi, & ineffabili dono gratiae caelestis illuminat.* In quibus verbis videtur clare confiteri Pelagius gratiam divinae illuminationis internae, nam oculi cordis, non nisi interna illuminatione aperiantur: & ineffabile donum gratiae caelestis illuminantis, non est, nisi interna illuminatio. Et cap. 10. refert ex Pelagio, operari in nobis velle bonum Spiritum Sanctum, *dum nos, premiorum pollicitatione succendit, & cum revelatione sapientiae in desiderium Dei stupentem suscitatur voluntatem, & dum nobis suadet omne, quod bonum est, ubi aperte confiteri videtur internam excitationem, & suasionem.* Et cap. 24. supponere videtur, Pelagium admisisse, fieri in nobis veras revelationes. Et cap. 41. ait Augustinus, Pelagium posuisse gratiam in lege, ac doctrina, *quam nobis fateretur, ait, Sancto Spiritu revelari, propter quod & adonandum esse concedit.* Utique, quia, ut Deus, interius loquitur, inspirat, & revelat. Unde infra refert, per orationem petendum esse, ut nobis doctrina, divina etiam revelatione, aperiat. Propter haec ergo censent dicti authores, Pelagium saltem in fine ita sententiam correxisse, ut in explicanda interna gratia praevieniente vera, & sufficiente, nihil a catholica doctrina discrepaverit, praeter hoc, quod illam non posuerit ut necessariam, sed tantum ad facilius operandum, aut volendum. Potestque haec sententia juvari verbis Augustini Epist. 107. versus finem: *Quomodo dicitur gratia Dei in natura esse liberi arbitrii, vel in lege, atque doctrina cum & istam sententiam Pelagius ipse damnaverit, procul dubio confitens, gratiam Dei ad singulos actus dari, eis utique qui jam libero arbitrio utuntur.*

Modernorum illos inter se praeterea tunc Pelagii, nihil facit ad controversiam cum illo.

13. De hac vero interpretatione sententiae Pelagii in primis dicimus, esto ita sit, nihil ad controversias de gratia, quae nunc sunt inter Catholicos, salva fide, referre: neque inde veram intelligentiam, & explicationem catholicae doctrinae de auxiliis gratiae impediri. Nam si Pelagius veram internam gratiam praevientem fassus est, in eo non fuit haereticus, nec erravit: neque enim necesse est, ut omnia, quae haeretici dicunt, falsa sint, vel erronea: sufficit enim unus error contra fidem cum pertinacia ad constituendum haeticum. Erit ergo Pelagius haereticus, quia negavit necessitatem illius gratiae, vel quia cooperantem non admisit, non quia veram excitantem fassus est, si illam, saltem ut utilem, cognovit. Deinde addimus, ex verbis citatis, & relatis ex Augustino, non colligi, Pelagium cognovisse gratiam internam, quae legem, & doctrinam excederet: imo verisimilius esse, illam ignorasse, seu negasse. Quod nullo modo melius, quam verbis ejusdem Augustini probamus. Ille enim in multis libris contra Pelagium nos admonet, caute esse legenda verba Pelagii, *quia tanto fullit occultius, quanto ea exponit versutius.* Nam sub ambigua generalitate gratiae, quid sentiret, abscondebatur, & sub encomiis gratiae invidiam fugiebat, ut ait idem Augustinus. dicto libro de Gratia Christi cap. 37. & lib. 2. de Peccato origin. cap. 8. 9. 16. & 17. & lib. de Grat. & lib. arbit. cap. 11.

14. Et quod amplius est, hoc ipsum in eisdem locis in contrarium allegatis adnotavit Augustinus; nam in dicto libro de Gratia Christi cap. 2. dicit, licet Pelagius professus aliquando fuerit, gratiam ad singulos actus dari, nihilominus nunquam id de vera interna gratia, quae datur per administrationem spiritus internam, id intellexisse, sed quia in singulis momentis, & actibus potest homo juvari memoria exempli, & remissionis praeteritorum peccatorum, & promissionis aeterni praemii, in quibus ille gratiae adjutorium constituebat, ideo agebat ad singulos actus posse juvare. Et in cap. 7. post verba Pelagii ex illismet colligit Augustinus, *eum illam gratiam confiteri, qua demonstrat, & revelat Deus, quid agere debeamus, non qua donat, & adjuvat, ut agamus.* Et in cap. 10. convincere vult, ex

Notanda
verba
August.

verbis Pelagii cum non admisisset aliam gratiam præter doctrinam, quia ad doctrinam pertinet etiam, quod sapientia revelatur, ad doctrinam pertinet, cum suadetur omne, quod bonum est. Et cap. 13. habet verba notanda. Si gratia doctrina dicenda est, certe ita intelligatur, ut alius, & interius credatur, Spiritum Sanctum illam infundere, non solum per eos, qui plantant, & rigant extrinsecus, sed etiam per se ipsum, qui incrementum ministrat occultius, ita ut non ostendat tantummodo veritatem, sed etiam imperiet charitatem. Et ideo Augustin. in eodem lib. cap. 31. & 41. ex illa eadem Pelagii confessione, quod Spiritus Sanctus nobis legem & doctrinam revelat, concludit ipsum in lege, & doctrina constituisse illud auxilium, quo possibilitatem naturalem perhibebat adjuvari. Quia nunquam recedit ab illa verborum ambiguitate, quam Discipulis suis ita posuit exponere, ut auxilium gratiæ credant, quæ naturæ possibilitati adjuvetur, nisi in lege atque doctrina.

Excitantem gratiā Pelagiū
semper
negavit.

15. Præterea lib. de Prædestin. Sanctior, cap. 1. refert August. Massilienses agnovisse veram excitantem gratiam: dicit, in eo a Pelagio discessisse: ergo sentit, Pelagium illam etiam veram gratiam negasse. Denique in l. 1. contra duas Epistol. Pelagianorum cap. 18. cum Julianus dixisset, hominem propria voluntate, aut bonum facere, aut malum: in bono vero opere a Dei gratia semper adjuvari, in malum vero diaboli suggestionibus incitari, illum acute redarguit August. dicens. Vos in bono opere sic putatis adjuvari hominem gratia Dei, ut in excitanda ejus ad bonum opus voluntate nihil sum credatis operari, quod satis ipsa tua verba declarant. Cur enim non dixisti, hominem Dei gratia in bonum opus excitari, sicut dixisti, in malum Diaboli suggestionibus incitari? Ergo ex sententia August. Pelagiani nullam ponebant gratiam, per quam Deus ad excitandam voluntatem ad bonum operetur. Quocirca licet Pelagius fateretur dari hominibus divinam revelationem, siue externam, siue internam, eamque nomine gratiæ, illuminationis, & aliquando excitationis, vel suasionis appellaret, nihilominus veram internam gratiam excitantem, quam peculiari modo, & proprietate inspirationem, & illuminationem appellamus, nunquam agnovit, nec confessus est.

Præter
donū re-
velationis,
necesse-
sarium est
donum
bonæ vo-
luntatis
quod Pe-
lag. nega-
bat.

16. Quod ut intelligatur, oportet advertere, nomine revelationis solum comprehendere sufficientem objecti credendi propositionem, quæ siue per externam prædicationem, siue operationem, siue per solam internam fiat, inter dona gratiæ computanda est. Est tamen donum pertinet ad legem, vel doctrinam, præter quod requiritur donum voluntatis bonæ, per quam, & cœlestis doctrina discitur, ut sic dicam, seu recipitur, & lex impletur. Pelagius ergo admittebat prius donum, & in illo solo ponebat gratiam Dei, siue illud nomine legis, siue nomine doctrinæ, aut revelationis, aut illuminationis cordis, vel adjutorii gratiæ significaret. Et de hoc convincitur ab Augustin. in locis allegatis. Unde nemo negat, admisisset Pelagium revelationem divinam fidei, tam externam, quam internam, quatenus se tenet ex parte objecti, & pertinet ad illius applicationem, seu sufficientem propositionem. Nam hæc revelatio, non solum in angelis, sed etiam in hominibus, qui ante Christi adventum immediate a Deo didicerunt, necessaria fuit. Postquam autem novissime loquutus est nobis in filio, raræ sunt hujusmodi revelationes mere internæ, præsertim ad communem fidem pertinentes, nam verbo suo Christus fidem prædixit, & Apostolicam Ecclesiam docuit, & per Ecclesiam singulos fideles instruit, & Ecclesiæ definitio virtutem habet ejusdem revelationis.

De donū
illo bonæ
voluntatis,
id est
gratiæ ex-
citante, &
auxilian-
te agitur
contra
Pelagiū.

17. Parum vero refert ad gratiæ auxiliantis necessitatem, quod revelatio fidei tantum interius, vel per sensus exteriores fiat, semper enim præter revelationem objecti, necessaria est nova gratia juvans intellectum ad doctrinam revelationem convenienti modo concipiendam, & eum inclinatione, & affectione voluntatis acceptandam, & suscipiendam, & hanc vocavit Augustinus gratiam, per quam sanctificamur, & iustificamur, & quia Deus in nobis facit bonas voluntates. Eamque distinguit in excitantem, & adjuvantem, ut infra videbimus, ubi etiam ostendemus, hanc ipsam gratiam posse esse non tantum efficacem, sed etiam suf-

ficientem: & utramque esse necessariam ultra doctrinam, & revelationem ex parte objecti. In quo etiam Pelagius erravit, nam solum revelationem, & doctrinam dicebat sufficere, ut possit homo credere, & bene operari, si velit. Aiebat enim, ut refert August. Epist. 107. Per legem suam, & per Scripturam suam Deum operari, ut velimus; & infra: Operatur quippe ille, dicitis, quantum in ipso est, ut velimus, cum nobis nota sunt, ejus eloquia, sed si eis acquiescere nolumus nos, ut operatio nihil in nobis proficit, efficimus. Solam ergo notitiam eloquiorum Dei putabat esse sufficientem gratiam, ut homo posset credere, & operari quodcumque bonum, si velit: aliam ergo gratiam, quæ sit propria gratia internæ vocationis, & inspirationis, non agnovit, neque ut necessaria, neque ad facilius volendum, nec dari posse putavit, vel sine læsione libertatis, vel sine acceptione personarum.

18. Denique ex scriptis Pelagii, quæ Augustinus aliquando commemorat, solum habemus Epistolam ad Demetriadem, quæ in 2. tom. operum Augustini in Appendice est 17. & in illa magis, quam in aliis libris visus est Pelagius gratiam confiteri, ut ex eodem August. sumitur lib. 1. de Gratia Christi cap. 22. 27. & 37. usque ad 40. Et nihilominus in illa Epistola nullum verbum invenitur, in quo veram, & internam gratiam adjuvantem, aut moventem declararet, aut satis indicet. Nam in primis totus in hoc incumbit, ut vim naturæ in virtutum actibus ostendat, ut ex cap. 4. 18. & aliis colligitur, & ideo cap. 16. reprehendit eos, qui dicunt, non possumus, homines sumus, fragili carne circumdamur, quia Deus impossibilia non jubet, nec quisquam melius, quid possimus, intelligit, quam qui ipsam virtutem nobis nostri posse donavit. Deinde cum multa documenta ad perfectionem comparandam Demetriadæ tradat, sæpe inculcat scripturarum scientiam, & lectionem, præceptorum Dei memoriam & considerationem. Unde cap. 23. sic inquit, Quæ paranda sunt memoriæ penitus inferre, & æque jugi meditatione conservare, quæ maturanda sunt frequenter revolvere, ut divinum hoc studium, cœlestis Scholæ, & mores simul Virginis ornent, & sensum, tradantque tibi cum sapientia Sanctorum. Quod totum pertinet ad doctrinam, & studium humanum, supposita revelatione per scripturas. Quo etiam pertinet illud cap. 26. Propter quod maxime Sanctorum tibi Scripturarum studium, &c. Ad auxilium autem per exempla pertinet illud cap. 23. Nunc te ordo instruat cœlestis historia; & infra: Nunc Angelica, & Apostolica perfectio te Christo in omnium minorum sanctitate conjungat. Cap. autem 38. addit, Ne dicas, grandis labor est, sed respice quod promissum est, Quæ documenta recte intellecta, & servata, bona quidem sunt: tamen quod in eis humana industria, & diligentia sufficere credatur, hoc in eis reprehenditur: unde vix necessitatem, vel utilitatem orationis inter illa documenta posuit, nam licet semel, aut iterum orationem consulat, utilitatem tamen ejus non in petitione divini auxilii, sed in illo studio divinæ doctrinæ, vel recordatione præceptorum, aut promissionum Dei constituit. Unde in cap. 25. ait resistendum esse diabolo, faciundo Dei voluntatem, ut divinam mereamur gratiam, quæ facilius nequam spiritui auxilio Sancti Spiritus resistamus. Explicans autem hoc auxilium in e. 27. ait. Tunc senties, quantum ad ejus amorem adjuvet te sapientia, & quantum sit in te divine legis auxilium, in quibus omnibus nullum judicium veri interni auxilii reperitur.

19. Atque ex his etiam intelligitur, quod licet in specie verborum Pelagius magis erraverit circa efficacem gratiam auxiliantem, quam circa sufficientem: in re tamen æque in utramque impegisse, & utramque de medio sustulisse. Efficacem enim gratiam, quæ Deus ita interius suadet, ut persuadeat, vel ita movet sensum, ut accomodat assensum, quam August. vocat efficacem, altam, & secretam: hanc, inquam, gratiam efficacem omnino Pelagius negavit, non solum ut necessariam, sed etiam ut possibilem, quia putavit esse contrariam libertati, gratiam autem sufficientem verbis admittere visus est, quatenus dicebat, Deum suâ revelatione, doctrina, vel lege suadere hominem, & sufficienter ostendere viam salutis, ut possit homo consentire, si velit, vel dissentire, si nolit. Unde ut absolute velle possit, nihil aliud, præter legem, & doctrinam requirebat,

In scriptis
Pelagiū
prædictæ
gratiæ
mentio
non est.

Verbote-
nus Pelagiū
circa effi-
cacem ma-
gis quam
sufficientem
gratiam
erravit, &
re ipsa
utramque
sustulit.

tebat, & ita in re ipsa veram gratiam sufficientem internam negabat, nam hæc non est lex, nec doctrina, sed divina inspiratio, & spiritualis illuminatio, ut recte docuit Concil. Trident. ut infra videbimus.

20. Accedit, quod etiam de illa, qualicunque gratia, quam putabat Pelagius esse sufficientem, non credidit esse necessariam, sed tantum utilem. In quo non immerito aliquis hæere poterit, si illa gratia non erat aliud, quam revelatio objecti fidei, vel divinæ legis, quomodo potuerit Pelagius negare esse necessariam, quid enim magis necessarium ad credendum, quam veritatis credendæ revelatio, vel magis necessarium ad bonum operandum, quam notitia legis? Sed esto verum sit non ignorasse Pelagium revelationem esse necessariam ad credendum, & notitiam legis ad servandam illam, nihilominus existimo dixisse, illam gratiam esse tantum datam, ut homo facilius possit legem naturalem servare, & non peccare, & esse sanctus, & innocens, quia licet nullam revelationem haberet homo, ac proinde non crederet, posset per rationem naturalem Deum cognoscere, & licet non haberet divina præcepta positiva specialiter tradita, posset, ut putabat, servare naturalem legem, per quam iustificaretur apud Deum, quia *factores legis iustificantur*, ad Rom. 2. Et consequenter per easdem vires naturales posset consequi vitam æternam: nam hæc promissa est servantibus mandata, 1. Matth. 19. Ad hos ergo effectus dicebat, etiam illam suam gratiam non esse necessariam, sed ad facilius operandum juvare. Et præterea licet revelationem putaret necessariam ad credendum, & notitiam legis divinæ ad illam servandam, præter illam, nullam aliam gratiam requirebat, vel ut homo possit, vel ut velit credere, aut servare legem: imo neque de facto putat dari aliam gratiam ad fidem, vel legis divinæ observationem etiam facilius præstandam, præter revelationem, & doctrinam, ut declaratum est. Atque in his consistere videtur proprius error Pelagii contra divinam gratiam: in quo vero etiam cum Semipelagianis senserit in cap. 16. explicabo,

C A P U T I V.

An Pelagius non solum auxilii gratia, sed etiam generalis Dei concursus necessitatem ad humanas actiones negaverit?

1. **Q**Uæstionem hanc apud antiquos Doctores disputatam non invenio, moderni vero illam agitare cœperunt. Et quanquam per se spectata ad disputationes de gratia pertinere non videatur, ad intelligendum, quo sensu Patres loquentes contra Pelagium generales aliquas loquutiones proferant, conferre potest, & ideo breviter inquirenda est. Est in primis nullum apparet sufficiens fundamentum, ut hunc errorem Pelagio tribuamus. Nam D. August. accurate referens illius errores, nunquam dixit, Pelagium generalem Dei efficientiam cum omnibus causis negasse: ergo non est, cur dicamus illam negasse; ergo neque verisimile est, illam in operibus liberi arbitrii negasse. Antecedens notum erit legenti August. lib. de Hæres. in 88. ubi dicit, Pelagium negasse veram gratiam, qua salvamur, concessisse vero gratiam liberi arbitrii, seu creationis, & sub ea errorem suum occultare voluisse ut latius dicit Epist. 95. & 105. Unde in Conciliis etiam nunquam de hoc errore damnatus est, sed solum quod veram gratiam, quæ per Christum datur, negasset. Consequentia prima probatur, quia si in hoc Pelagius errasset, neque August. omisisset, neque Concilia sine damnatione relinquerent. Specialiter autem probatur 2. consequentia, quia non est major ratio dependentiæ a concursu Dei in aliis agentibus, aut facultatibus creatis, quam in creata voluntate: ergo si Pelag. in cæteris causis, seu effectibus Dei concursum non negavit, non est verisimile specialiter in operibus liberi arbitrii negasse. Eo vel maxime, quod August. nec generaliter de omnibus causis secundis, nec specialiter de voluntate creata hunc errorem in Pelagio notat. Et confirmatur, quia August. aliis locis illum errorem sine ulla mentione Pelagii confutat, ut libr. 5. Genes. ad liter.

Suarez, Tom. VI.

cap. 20. Ex quo etiam constat antiquiorem esse errorem Pelagii, & ab illo diversum: unde confirmatur, quia licet Durand. in eo errore fuerit in 2. distin. 1. quæst. 5. nec Pelagianus propterea censetur, nec simpliciter hæreticus: ergo error ille nec fuit Pelagii, nec est damnatus a Conciliis inter Pelagii errores. Tandem confirmatur, quia alias ex definitionibus Conciliorum contra Pelag. non habereimus veræ gratiæ necessitatem, omnes enim eludi possent, de adiutorio Dei per generalem concursum illas interpretando.

2. At vero contrarium tenet, & Bellar. l. 4. de Grat. & lib. arb. cap. 4. & Abul. Marth. 19. q. 178. ad 6. non solum docet, Pelagium negasse necessitatem generalis concursus Dei ad bona opera liberi arbitrii, sed etiam illum concursum comprehendere nomine gratiæ, ut etiam ait q. 179. ad 7. quia gratis a Deo datur, unde sentit Concilia definitia contra Pelagium, nomine gratiæ, hunc etiam concursum comprehendere. Omnia vero nunc hac posteriori parte priorem indicat etiam Paulus Oros. Apolog. de Lib. arb. circa medium, dum ait, Pelagium constituisse gratiam in solo libero arbitrio generaliter hominibus concessio, & de aliis causis dixisse: *Deum custodire naturam, quam semel bene disposuit, & elementariis cursibus constitutis, indeficere Deum, quæ facit*. Citatur etiam Hieron. qui in Epist. ad Ctesiph. his verbis refert Pelag. errorem: *Dei est gratia, quod propriæ nos condidit voluntatis, & libero arbitrio contenti sumus, neque ultra ejus indigemus auxilio, ne si indigerimus, liberum frangatur arbitrium*. Et infra dicit, *Dei potentia factos se esse jactant, qui nullius ope indigent*. Et iterum ait, Pelagianos ita posuisse gratiam in libero arbitrio, ut non per singula opera Dei nitamur, & regamur auxilio: ubi nomine auxilii etiam generalem concursum comprehendere videtur, ac subinde asserere, illum etiam Pelagium negasse. Nam statim inducit Pelagium sacrilege (ut ipse ait) interrogantem, *Nunquid si voluero curvare digitum, movere manum, ambulare, &c. Semper mihi auxilium Dei erit necessarium?* Similem interrogationem habet l. 1. contr. Pelag. circa principium, cui cum Atticus, id est, Hieron. respondisset, *Juxta meum sensum non posse, perspicuum est*, scilicet, hominem movere manum, aut calamus temperare sine adiutorio Dei. Replica: Critobul. id est Pelagius: *Si absque Deo, & nisi per singula ille me juverit, nihil possum agere, nec pro bonis me operibus juste coronabit, neque affliget pro malis, sed in utroque suum, vel recipiet, vel damnabit auxilium*. Ubi clare loquitur de auxilio bonis, & malis operibus communi, quod non est, nisi generalis concursus. Obiciente autem Attico: *Non ita esse datum nobis liberum arbitrium, ut per singula opera Dei tollatur adminiculum*. Respondet Critobul. *Non tollitur Dei adiutorium, cum creatura in semel dati liberi arbitrii gratia conservetur*. Ex quibus verbis satis constat, negare Pelagium omnem alium Dei concursum, præter liberæ voluntatis conservationem.

3. Præterea August. nonnullis in locis vult, etiam bona opera naturalia divino adiutorio esse tribuenda: imo licet male ab homine fiant, quatenus ipsa in se bona sunt, Deo authore fieri. Sic l. 4. contr. Julian. c. 3. circa finem cum dixisset, misericordiam Dei per se ipsam naturali compassione bonam esse, illo tamen bono male uti, qui infideliter utitur, & hoc bonum male facere, qui infideliter facit, adjungit: *Etiam ipsa opera quæ faciunt infideles, non ipsorum esse, sed illius, qui bene utitur malis, ipsorum autem esse peccata, qui bona male faciunt*. Talia autem opera, ut bona sunt, non sunt a Deo, nisi per generale auxilium, seu concursum: ergo sentit Augustin. Pelagianos negasse, talia opera esse a Deo ac subinde negasse generalem Dei concursum. Et circa principium ejusdem capituli agens de naturalibus virtutibus, & facultatibus bonis, dicit ad Julianum: *Quanto satius hæc ipsa in eis dona Dei esse fatereris, cujus occulto iudicio alii tardissimi ingenii, & ad intelligendum quodammodo plumbei, alii obliviosi, alii acuti, memoresque nascuntur, &c.* quæ prosequitur ut concludat: *Quanto ergo tolerabilius illas, quas dicis in impiis esse virtutes divino muneri potius, quam eorum tribuere tantummodo voluntati?* Priora vero bona natura non alia ratione sunt dona Dei, nisi propter generalem concursum:

1 3 ergo

1. Confir.

2. Confir.

Pars affirm. auctoritate fulcitur.

Pars negans suas ducit.

ergo saltem hoc modo vult Augustinus concludere contra Julianum virtutes morales esse dona Dei; ergo supponit, Julianum negasse, hoc etiam modo esse a Deo, sed a nostra sola voluntate. Confirmatur hoc ex eodem Augustino Epistol. 130. dicente: *Licet Polemoneshortatu Xenocratis a vitio libidinis revocatus, non Deo fuerit acquisitus, sed tantum a dominatu luxurie liberatus, tamen ne ipsum quidem, quod in comelius factum est, humano operi tribuerim, sed divino. Ipsius namque corporis, quod est infimum nostrum, si qua bona sunt, sicut forma, & vires, & salus, & si quid ejusmodi est, non sunt, nisi ex Deo creatore, ac perfectore nature, quanto magis animi dona donare nullus alius potest.* Hæc autem corporis bona a Deo solum sunt per generalem concursum: ergo hoc saltem vult concedi Augustinus de bonis moribus naturalibus; ergo e converso hoc etiam videntur negasse Pelagiani, dixisseque Deum esse factorem humanæ naturæ, non vero perfectorem. Et hoc etiam indicat libr. de Grat. Christi, cap. 3. & 6. ubi refert, Pelagium solam possibilitatem dixisse habere nos a Deo, non voluntatem, vel actionem, quia non credebatur, Deum esse cooperatorem nobiscum.

4. Ratione potest hæc sententia suaderi, quia hoc est consentaneum generalibus verbis Pelagii, & aperte sequitur ex fundamento erroris ejus. Utrumque ostenditur ex decimo ejus articulo damnato in Concilio Palæstino, *Non est liberum arbitrium, si Dei indiget auxilio.* Hæc enim verba absoluta, & indefinita liberum arbitrium, tam in rebus divinis, quam in moralibus, & naturalibus operans comprehendunt: imo tam bene, quam inle operans: ergo in omnibus negavit necessitatem auxilii divini, & nomine *auxilii* omnem Dei influxum, omnemque cooperationem, etiam per generalem concursum, comprehendit, quia in naturalibus, & præsertim in malis, nullum aliud auxilium creditur necessarium: unde cum in eodem articulo subiungit: *Quoniam in propria voluntate habet unusquisque facere, vel non facere:* exclusivam notam subintellexisse videtur, utique in sola propria voluntate, quæ in suo velle libero non potest ab alio dependere, nam hic sensus necessarius est, ut ex illa causali propositione altera pars inferatur: unde fundamentum illius fuit, dependentiam ab auxilio alterius, etiam ipsius Dei, repugnare libertati arbitrii. Quod fundamentum, si verum esset, æque procederet in omnibus operibus voluntatis, etiam naturalibus, & malis quia servata proportione, similis est dependentia naturalium voluntatum a concursu generali, dependentiæ supernaturalium a concursu gratiæ: unde fere eadem difficultas in conciliando usu libero morali cum præscientiâ, & providentiâ, & concursu generali, quæ in concordia gratiæ cum libero arbitrio invenitur, ut postea videbimus: ergo si Pelagius hac difficultate superatus negavit gratiam, vel libertatem negaret, eadem etiam negavit concursum generalem cum libero arbitrio, ne illud in naturalibus actibus tollere videretur.

5. Hinc ergo ulterius potuit, & debuit Pelagius progredi, & eandem independentiam a Dei concursu in actionibus naturalium causarum ponere. Nam licet ratio libertatis in aliis non invenitur, aliunde potest sufficiens æquiparatio fieri. Si enim voluntas creata, etiam si sit causa secunda, non pendet in sua operatione ab actuali influxu causæ primæ in suam actionem, recte sequitur, causam secundam habentem proximam virtutem sufficientem in suo ordine ad suum effectum, posse illum efficere sine actuali concursu causæ primæ in eandem actionem, quia licet voluntas propter usum libertatis putetur magis indigere hac exemptione (ut sic dicam) si tamen illam habet, non est, quia est libera, sed quia virtutem habet sufficientem ad suam actionem; unde non minus in naturalibus actibus, seu necessariis, quam liberis illam habebit: ergo etiam aliæ causæ secundæ licet naturaliter agant, quia virtutem proximam sufficientem habent in suo ordine, eandem independentiam habebunt: ergo verisimile est, ita de omnibus causis secundis Pelagium sensisse, earum nimirum actiones non esse immediate a Deo, sed tantum mediate, quatenus dedit virtutem agendi, & illam conservat, sicut Durand. sensit.

6. In hoc puncto dicunt aliqui Pelagium ad actus ordinis naturalis non negasse influxum Dei cooperantis, seu concurrentis cum causis secundis propter ea, quæ priori loco posuimus. Addunt vero negasse, esse necessarium Dei adiutorium, quo præmover, & operatur, seu præoperatur, ut operemur, ita enim loquuntur. Et hoc posterius colligunt ex verbis Hieronymi in dicta Epistola ad Ctesiphont. ubi Pelagium introducit adversus Deum se extollentem, & dicentem. *Recede a me, quia mundus sum, non habeo te necessarium: dedisti enim mihi semel arbitrii libertatem, ut faciam quod voluero, quid rursum te ingeris, ut nihil possim facere, nisi tu in me tua dona compleveris:* Intellegunt enim his verbis voluisse negare Pelagium, non concursum concomitantem, sed quoddam prævium adiutorium, quo Deus virtutem creati arbitrii, etiam in naturalibus, complet, & applicat ad exercitium actus. Et ad hunc sensum trahunt verba Hieron.

7. Veruntamen si solum illud complementum ad actus naturales negasset Pelagius, non esset cur in eo reprehenderetur, quia verum quidem est, illam præviam applicationem, seu complementum non esse necessarium in causis secundis naturaliter operantibus ut principalibus causis proximis suorum effectuum, nam ad illos habent sufficientem, & completam virtutem in suo ordine causarum secundarum, solumque indigent generali influxu, & cooperatione Dei, ut in lib. 1. & 2. de Auxiliis ex professo probavimus, & infra in libro tertio iterum dicemus. Nec etiam voluntas ratione sue libertatis indiget illo complemento ex parte suæ virtutis naturalis ad actus illi proportionatos, quia neque propter libertatem habet in suo ordine virtutem minus completam, quam aliæ causæ naturaliter agentes, nec illud complementum per modum applicationis ad exercitium inservit usui libertatis, sed potius illum impedit, ut eodem libro dicemus. Nec ex verbis Pelagii, quæ Hieronymus refert, sensus ille colligitur, ut statim ostendam. Neque testimonia Scripturæ, quæ Hieronymus inducit ad illud dictum Pelagii impugnandum illi sensui deserviunt, ut est illud Psalm. 24. *Oculi mei semper ad Dominum, quoniam ipse evellet de laqueo pedes meos,* & illud Hieron. in decimo. *Non est in homine via ejus, & a Domino gressus ejus dirigentur,* ut etiam dicitur Psalm. 36. Hæc enim, & similia a nemine intelliguntur de complemento virtutis ad agendum, quo indigeant causæ secundæ, sed de peculiari gubernatione divina, quæ omnia, quæ creavit, gubernat, & administrat, & specialiter res humanas regit, aut prævenit, ordinando, aut permitiendo, & cum omnibus, juxta operis qualitatem, concurrento. Et hæc est maxima dependentia, propter quam oramus, & petimus, ut nos Deus regat, & dirigat maxime in operibus bonis, & in cavendis malis, eorumque occasionibus, & causis etiam extrinsecis præveniendis, & tollendis. Hoc autem genus providentiæ, & dependentiæ nostrarum actionum ab illa necessarium omnino est, sive illud adiutorium, seu prævium complementum virtutis naturalis ponendum sit, sive non. Nam etiam si illud admitteretur, daretur per modum generalis concursus & tanquam debitus singulis agentibus hoc, vel illo modo applicatis: unde non aliter esset necessaria oratio propter illud, quam propter concursum concomitantem, neque magis propter unum, quam propter aliud diceretur Deus actiones nostras dirigere, aut regere. Denique ad hoc regimen necessarium non est illud genus auxilii per modum complementi virtutis propriæ, ac per se, & physice activæ in naturalibus, sed ut intrinsicum, & connaturale ipsis causis secundis, earumque virtutibus dari potuit.

8. Mihi ergo inprimis videtur, si Pelagius negavit necessitatem auxilii divini physice, & proprie coefficientis in nobis, vel nobiscum actus naturales, non aliud, quam concursum generalem ad actus naturales liberi arbitrii negasse: neque hoc esse alienum a verbis ejus, licet incertum. Probo singulas partes, & primam quidem ex dictis probatam suppono, quia ad singulos actus ordinis naturalis voluntatis non est necessaria alia efficientia Dei, propriæ, & per se in ipsam voluntatem, vel actum ejus, præter efficientiam Dei

Didari
Alv. & a-
liorum e-
opina so-
de Pelag.
in hoc
puncto.

Refellit
Ruf.

Ratione
etiam
fulgetur.

De cetero
ris etiam
causis se-
cundis sen-
sit Pelagius
videtur non
egere co-
cursu pri-
mæ.

Quæstio-
nis expe-
ditio.

Dei cum voluntate ejusdem actus, & actionis, in qua consistit concursus generalis, & simultaneus: ergo si Pelagius aliquam talem efficientiam negavit, esse necessariam ex parte Dei, de illo concursu intellexit. Quod etiam indicant verba, quibus Hieron. Dialog. 1. cont. Pelag. parum a principio hanc eorum argumentationem refert. *Si in hominibus ille cooperatur, non est meum sed ejus, qui adjuvat, &c.* ubi verbum cooperandi auxilium simultaneum indicat. Et ex patre sequenti hæc confirmabitur.

9. Altera ergo pars probatur, quia Pelagii verba, *Nisi tu in me tua dona compleveris*, non solum intelliguntur de complemento virtutis in actu primo, ut sic dicam, sed maxime de complemento donorum in actu secundo, seu per actualem efficientiam ipsiusmet voluntatis, seu volitionis: nam alia verba, *Recede a me*, omnino remouent Deum tanquam necessarium ut voluntas compleatur, siue in virtute volendi, siue in ipso velle. Item illa, *Non habeo te necessarium*, conjuncta sequentibus, *ut faciam quod voluero*, plane excludunt omnino Deum, siue ut cooperantem, siue ut consummatorem virtutis volendi. Nam si Pelagius cederet, ad volendum esse necessarium Deum, saltem ut coagentem voluntati: non posset absolute dicere Deo, *recede a me*, aut *non habeo necessarium*, aut *quid rursus te ingeris*? Ergo cum Hieron. tradat, Pelagium ita exclusisse necessitatem divini auxilii, ut verba illa, virtute saltem protulerit, profecto non est improbabile, ita sententiam illius intellexisse. Et ita cum subdit, Pelagium quasi irridendo dixisse: *Si voluero curvare digitum, movere manum, &c. semper mihi auxilium Dei necessarium erit*; de omni auxilio etiam per modum generalis concursus id intellexisse videtur; unde in Epist. ad Demetriad. ait, *homines sine Deo operando, virtute ostendere, quales a Deo facti sunt*. Quasi sola sua virtute sine ullo Dei concursu id faciant. Eodem modo August. dicta Epist. 106. circa finem refert hunc errorem: *Non esse liberum arbitrium, si Dei indiget auxilio, quoniam in propria voluntate habet aliquis facere, vel non facere*. Inferius vero contra Pelagium ipse subdit. *Fateatur esse liberum arbitrium, etiamsi divino indiget adjutorio*. Et lib. de Gratia Christi cap. 3. de Pelagio inquit. *Voluntatem, & actiones nostras esse asserit, atque ita nobis tribuit, ut non, nisi a nobis, esse contendat*. Et in cap. 6. ait, Pelagium negasse Deum cooperari homini, cum operatur. Idem significat Paulus Orosius lib. de Arbitrii libertate, quem contra Pelagium Augustini, & Hieronymi temporibus scripsit: nam circa medium illius ait, illum negasse non solum illam gratiam, quam Deus largitur Ecclesie sue, sed etiam generalem cooperantem gratiam, quam Deus quotidie per dies, & momenta cunctis, & singulis ministrat, ita enim appellat generalem concursum. Denique D. Thom. etiam in 2. distin. 28. quæst. 1. artic. 3. in corp. ait, si gratia sumatur pro divina voluntate gratis in nobis omnia bona causante, non posse hominem sine illa implere præceptum, etiam quoad substantiam. Quod intelligit D. Thom. de concursu Dei generali, ut in artic. 1. aperte declaraverat. Et tamen subdit in eodem art. 3. *Et ideo Pelagius erravit, qui simpliciter impleri præcepta legis posse sine gratia posuit*. In quibus verbis aperte sentit, Pelagium etiam concursum Dei generalem negasse: unde probabilis satis est hæc sententia. Est tamen incerta, tum propter argumenta priori loco posita; tum quia ille error Pelagii non confutatur a dictis Patribus ostendendo necessitatem generalis concursus Dei, sed ostendendo necessitatem liberarum actionum a regimine divinæ providentiæ gratiæ, & voluntatis circa singula opera: potuit autem Pelagius negare necessitatem hujus specialis auxilii, etiamsi generalem concursum non negaverit. De hoc ergo puncto, & quid Pelagius de generali concursu senserit, nihil definite asserimus, quia ut dixi, non satis constat, neque etiam ad veram doctrinam de gratia tradendam censo esse necessarium.

10. Ne tamen aliquisumat occasionem errandi in exponendis Patrum, vel Conciliorum definitionibus, adverto, eos dum contra Pelag. pugnant pro necessitate gratiæ, de propriissima gratia, ut est supernaturale donum, non debitu naturæ, loqui, non proprie,

Suarez. Tom. VI.

ac per se de concursu generali. Hoc patet ex dictis supra cap. 3. & ex testimoniis Scripturæ, quæ contra Pelagium Patres, & Concilia adducunt. Quapropter si generalius interdum exponantur, ita sunt accommodanda concursui generali, ut gratia propria non excludatur. Hoc declaro ex D. Thom. in 2. d. 28. qu. 1. art. 1. ad 3. ubi tractans verba August. *Nemo potest aliquid bonum velle, nisi juvetur a Deo* 1. ad Bonif. cap. 3. illa in primis explicat de adjutorio generalis concursus dicens: *Quod Deus non tantum nos juvat ad bene agendum per habitum gratiæ, sed etiam interius operando in ipsa voluntate sicut in qualibet re operatur*, licet postea etiam explicet de auxilio gratiæ, & bono meritorio. Idemque D. Thom. Joann. 15. lect. 1. cum partitione accommodata exponit verba illa: *Sine me nihil potestis facere*. Opera enim (inquit) nostra aut sunt virtute naturæ, aut ex gratia divina. Si virtute naturæ, cum omnes motus naturæ sint a verbo Dei, nulla natura ad aliquid faciendum moveri potest sine ipso. Si vero virtute gratiæ, cum ipse sit author gratiæ, nullum opus meritorium sine ipso fieri potest. Et aliqui Theologi ita intellexerunt canon. 7. Concil. Araus. ut ibi Carranza refert in Summa Conciliorum, quod ille non teprobat licet aliam expositionem magis probet, de quo canone infra videbimus.

11. Possumus etiam in exemplum asserre decimam propositionem in Conc. Palæstin. definitam contra Pelag. *liberum esse arbitrium, etiamsi divino indigeat adjutorio*: illa enim universalis est, & cum proportionem ad naturale, & supernaturale adjutorium in diversis operibus liberis applicanda; tum quia verba generalia sunt; tum etiam, quia propositio lata est in sensu contratio & proportionato ad refellendam propositionem Pelag. Præterea Hieronymus supra contr. Pelagium objicit verba Jacobi 4. *Ecce nunc qui dicitis, Hodie, aut crastinum ibimus in illam civitatem, &c. pro eo, ut dicatis, si Dominus voluerit*, ubi clare loquitur Jacobus de dependentia, quam a Dei voluntate, & providentia habemus, etiam in naturalibus operibus, quæ solum ex generali concursu, ac providentia pendent. Sic etiam dicere solent Patres, pluviam esse donum Dei, juxta illud: *Et pluit super justos & injustos*, cum tamen donum illud ordinarie sit ex generali providentia, & cum generali concursu causarum, licet interdum, ac sæpe possit ex speciali Dei voluntate fieri, etiam cum immutatione generalis concursus causarum. Quoties igitur verba Patrum generalia sunt, cum proportionem possunt ad actus naturales, & supernaturales, & concursum generalem vel specialem applicari. Quando vero de auxilio gratiæ tractant, cum proprietate de vera gratia, & speciali beneficio intelligenda sunt, juxta superius dicta. Idemque est quando in particulari loquuntur de Spiritus S. inspiratione, illuminatione, vocatione, vel similibus terminis, qui speciales modos, seu species propriæ gratiæ significant, ut in discursu materiæ latius dicemus.

C A P U T V.

Quæ fuerit sententia, errorve Semipelagianorum, & qui ejus auctores, vel sectatores?

1. Hujus erroris notitiam primi omnium Prosper Aquitanus, & Hilarius Arelatensis in Epistolis ad Augustinum nobis tradiderunt. Cum enim Augustinus in libris contra Pelagium pro gratia Dei pugnando, non solum necessariam esse ad pie, & sancte vivendum, sed etiam omnino gratis dari, nullumque humanum meritum illam antecedere docuisset, eo tandem pervenit, ut ad solam divinam electionem, & prædestinationem totum humanæ salutis negotium revocare videretur. Unde factum est, ut aliqui occasionem sumpserint errandi, & dicendi, per prædestinationem, & reprobationem sublatum esse liberum arbitrium, & ideo solam gratiam sine diligentia, vel labore ex parte hominis, sufficere ad illius salutem. Aiebant enim, nec pie viventibus prodesse opera, si reprobat sint, nec prava opera obesse peccantibus, si sint prædestinati, ut refert Sigibert. in Chron. ann. 415. ubi etiam ait, hos sumpsisse occasionem erran-

Exemplo probatur prædicta regula.

Unde supersint Semipelagiani errandi occasionem, narratur.

Regula ad Sanctos Patres exponendos, dum de gratia loquuntur contra Pelag.

Proponi-
tur eorum
error.

errandi ex scriptis Augustini contra Pelagianos. Hanc ergo hæresim, quæ Prædestinatorum dicta est, simul cum Pelagiana abhorrentes multi catholici in Gallia, ut mediam viam inter utramque tenerent, necessarium putarunt, aliquid tribuere soli libero arbitrio in quo prædestinatio, totusque gratiæ effectus initium, & fundamentum haberet: unde qui sic senserunt, cum in aliis a Pelagio discederent, in hoc illi adhæserunt, quod initium gratiæ sit ex libero arbitrio, ac subinde: quod prima gratia ex aliquo merito liberi arbitrii proveniat. Ideoque licet ad perfectam salutem consequendam, & ad proficiendum in bonis operibus gratiam esse necessariam admitterent, nunquam tamen eo pervenerunt, ut eam gratis dari concederent, sed ex aliquo bono usuli liberi arbitrii, quem ponebant, vel in naturali affectu credendi, vel in desiderio salutis, vel in aliqua humana oratione, vel alia simili humana diligentia, inquisitione, aut labore, ut sumitur ex Epistolis Hilarii, & Prosperi ad Augustinum, & ex eodem Augustino libro de Prædestinatione Sanctorum ubi prius narrat ea, in quibus isti a Pelagio discrepabant, confitendo lapsum humani generis in primo parente, & necessitatem redemptionis per Christum & gratiæ ejus ad veram iustitiam recuperandam, ejusque opera perficienda. Postea vero lapsum eorum ac convenientiam cum Pelagio in hoc tantum ponit, quod ponentes initium fidei ex nobis esse, necessariò convincuntur dixisse, gratiam propter humanum meritum dari.

Cur Semi-
pelagiani
dicantur
reliquæ
Pelagia-
norum,
quos etiam
simpliciter
Pelagianos
vocat D.
Thomas.

2. Hinc ergo isti dicti sunt Semipelagiani, vel reliquæ Pelagianorum, quia partim a Pelagio discedebant, partim cum illo sentiebant, & ita ab illo exorti sunt, quia particulam erroris ejus retinuerant. Cum enim Pelagius negaret necessitatem auxilii gratiæ ad quæcunque salutis opera, multo magis negavit, esse necessarium ad initium salutis. Et ideo D. Thomas hos Semipelagianos, sub communi nomine, Pelagianos appellat, 2.2. quæst. 6. artic. 1. & 3. contra gentes, cap. 152. in fine, ubi dicit, Pelagianos posuisse initium fidei ex nobis. Et 1. part. quæst. 23. art. 5. addit, Pelagianos posuisse initium bene faciendi ex nobis, consummationem autem ex Deo. Idem lib. 3. contra gentes, cap. 149. in fine, ubi ait, Pelagianorum errorem fuisse, auxilium merentis gratiæ esse ex merito nostro, ac proinde initium justificationis esse ex nobis, consummationem autem ex Deo. Quibus locis Pelagianorum nomine Semipelagianos sine dubio comprehendit: imo de illis præcipue loquitur, ut ipse distinctius explicat quodl. 1. art. 7. dicens, *Pelagius docuit hominem non indigere auxilio Dei ad bene operandum, sed tantum lege, ac doctrina. Quia vero hoc nimis parum videbatur, ideo postea Pelagiani posuerunt, quod initium boni operis est homini ex se ipso.* Et infra concludit, *Ad Pelagianum errorem pertinet dicere, quod homo possit se ad gratiam præparare sine auxilio gratiæ.* Et propterea dixit Augustinus, se impugnasse hunc errorem, prius, quam Semipelagiani exorti essent, nimirum in lib. 1. ad Simplician. quæst. 2. ut ipse refert lib. de Prædestinat. Sanctorum cap. 4. Quod etiam præstiterat in Epist. 47. quæ præfigitur lib. de Corrept. & grat. quem commemorat Prosper in sua Epistola, & idem Augustinus lib. de Bono persey. cap. 21. ubi mentionem etiam facit Epistol. 105. & 106. & concludit, *Unde recolant, adversus hæresim Pelagianam jam ante aliquot annos ista dicta esse, atque conscripta, que nunc eis displicere mirandum est.*

Semipelagianismum
autem
fuisse ante
Masilien-
ses,
suadetur.

3. Quapropter merito dici potest, fontem hujus erroris fuisse Pelagium; quia vero ille nunquam docuit errorem illum ab aliis separatim, ideo queri potest, quis primo fecerit discessionem illam a doctrina Pelagii, illum tantum articulum retinendo? quod est querere, quando post Pelagium Semipelagianismus cœperit, & a quibus? Videri enim potest multo ante tempora Massiliensium, quorum perturbationes referunt Prosper, & Hilarius, incepisse. Nam Augustinus in Epistol. 105. (quæ, ut notavimus, antiquior est) sic de quibusdam Pelagianis scribit, *Jam conclamantium religiosorum, & piorum vocibus pressi, ita fatentur ad habendam, vel faciendam iustitiam divinius hominem juvari, ut sui præcedat aliquid meriti, &c. suo putantes præire merito illum, de quo audiunt,*

quis prior dedit illi, & retribuetur ei. Ex lib. 2. contra duas Epistolas Pelagianorum, qui etiam est antiquior cap. 28. & sequentibus de auctoribus illarum Epistolarum Cœlestino, scilicet, & Juliano: sensisse indicat gratiam dari ad perfectionem boni operis, dari tamen gratiam illam propter initium boni propositi, quod est a solo libero arbitrio. Et eodem modo lib. 4. contra Julian. cap. 3. eum reprehendit, quod dixerit, hominem juvari per gratiam ad capeffendam perfectionem: *Utique (ait) volens intelligi, eum per se incipere sine gratia, quod perficit gratia.*

4. Existimo nihilominus, hos antiquos Pelagianos etiam si fortasse, vel in re, vel saltem in modo loquendi, sententiam Pelagii moderati sint, longe a posterioribus Semipelagianis distasse. Nam illi non discesserunt a præcipuis erroribus Pelagii, videlicet, homines non nasci in peccato originali, esse æque potentes ad legem servandam, sicut fuit Adam ante peccatum, posse suis viribus esse perfectos, & similia, quæ in eis impugnat Augustinus libris contra Julian. & contra duas Epistol. Pelagian. & lib. de Perfect. Iussit. a quibus tamen erroribus posteriores Semipelagiani longe absuerunt. Imo etiam de illa gratia, quam ad perfectionem operum admitterent Julianus, vel Cœlestinus, non constat, qualis fuerit, neque an illam ut necessariam postularent, nam de hoc etiam dubius est Augustinus, ideo enim dicto lib. 2. contra duas Epistol. Pelagian. cum retulisset illos docuisse perficiendi gratiam consequi ad meritum bene incipiendi, addit conditionalem, *si tamen hoc saltem volunt.* Et infra cum dixisset, Pelagium admisisse gratiam solum ad facilius, adjungit: *Sed istis permittamus, cum suo libero arbitrio esse liberos, vel ab ipso Pelagio, quia fortasse aliquam necessitatem gratiæ agnoverunt, saltem ad perfectionem operum.* Non tamen id iussit, sed permittit, & sub dybitationis voce, *fortasse.* Itaque isti primi sectatores Pelagii, non Semipelagiani, sed Pelagiani habiti sunt.

5. Magis videtur semipelagianismum inchoasse Vitalis ille, contra quem August. Epist. 107. scripsit. Ille enim in cæteris a Pelagio discedens, solam fidem dicebat esse ex libero arbitrio, & non ex motione gratiæ, neque esse donum Dei, sed esse in nobis a nobis, id est, a propria voluntate, quam Deus non operatur in nobis, qui est proprius Semipelagianorum error. Sed in primis mihi non constat, quando ille Vitalis fuerit vel Augustinus illam epistolam scripserit. Deinde licet verisimile sit, ante libros de Prædestin. Sanctorum fuisse scriptam; tamen in ea Augustinus referens illum Vitalis errorem, non affirmat, illum discessisse a Pelagio, sicut de Semipelagianis dicit in principio libri de Prædest. Sanctorum. Denique ille Vitalis in Africa errare cœpit, & fortasse illius error statim condemnatus est, ideoque licet affinis fuerit errori Semipelagianorum, inter eos non numeratur, sed initium hujus sectæ Gallis, seu Massiliensibus tribuitur, & ab eo tempore cœpisse creditur, quo in Gallia turbati cœperunt quidam catholici, & presbyteri, & contra Augustini doctrinam insurgere, ut ex citatis Epistolis Hilarii, & Prosperi constat. In eis tamen nominum personarum racentur, dicit tamen Prosper, *Claros, & egregios omnium virtutum studiosos viros fuisse.* Et adjungit, *Ad auctoritatem talia sentientium non sumus pares, &c.* Nihilominus ex his, quæ vel historiæ referunt, vel in aliquorum libris reperuntur, solet hic error aliquibus gravibus auctoribus tribui, quibusdam jure, ac merito, aliis vero sine causa: & ideo ut veritas magis elucescat, & error ipse magis intelligatur, operæpretium duxi, de præcipuis sectatoribus, vel auctoribus hujus erroris aliquid in particulari dicere, præcipue de Cassiano, & Fausto, quorum scripta habemus, ex quibus etiam verus erroris sensus melius colligi potest.

5. De Joanne Cassiano.

6. Primus hujus doctrinæ author, vel defensor est Joannes Cassianus, qui eodem tempore vixit, quo perturbationes illæ in Gallia ortæ sunt, & in favorem hujus doctrinæ scripsisse videtur in lib. 12. de Institut. renunc.

Non ad-
mittitur
prædicta
suasio Jo-
quendo de
viro pri-
mo a se
semipel-
agianis.

Vide-
potius 52.
semipela-
gianismum
a Vitali
inchoatum.

Vide Ba-
roo. 207.
419 quæst. 4
& 207.
426. 137

Cassianum
a nota Se-
mipelaga-
nismi
eximunt
aliqui.

renunc. cap. 11. & sequentia, & collat. 13. a. c. 8. per multa capita, quæ impugnat Prosper lib. contra Collatorem. Nihilominus tamen non desunt, qui Cassianum ab errore vindicare studuerint. Nam Gennadius in lib. de Vir. illustr. quam paulo post illa tempora scripsit, agens de Cassiano, scripta ejus narrat, & laudat, nullumque in eis errorem notat. Postea vero c. 84. sic de Prospero scribit, *Legi & librum adversus opuscula, suppresso nomine, Cassiani, quæ Ecclesia Dei saluaria probat, illa infamat nociva. Re enim vera Cassiani, & Prosperi de gratia, & libero arbitrio sententiæ in aliquibus inveniuntur contrariæ.* Ubi aperte sententiæ Cassiani sententiæ Prosperi proferre videtur. Cassianum vero ab erroneo sensu excusare studuit Henricus Cuykius in quibusdam annotationibus ad illum, quæ habentur in editione Antuerpiæ ann. 1578. Nam in secunda, quæ est ad lib. 12. de Instir. c. 14. quod Cassianus dicit, nostrum esse, bonæ voluntatis occasionem Deo præbere, ut sua munera largiatur. Henricus exponit, cum loqui de hominibus jam fidelibus, qui fide, & auxiliis gratiæ adjuti eam occasionem Deo præbent, & ita posset explicare alia loca. In annotat. autem 20. quæ est ad Collat. 13. c. 8. & sequentibus fateatur, doctrinam hæreticam continere, excusat autem Cassianum, quod illam non asseruerit, sed tantum retulerit. At vero Petrus Ciaccon. in annot. ad eundem Cassianum additis in editione Romana ann. 1588. doctrinam etiam illius collationis excusat dicens, intelligendam esse de dispositione remota ad gratiam, credens non pertinere ad errorem Semipelagianorum, talem dispositionem ex vitibus naturæ admittente. Et potest hoc suaderi ex verbis ejusdem Cassiani, qui in collat. 13. c. 3. sic inquit, *Ex dictis colligitur, non solum actum, verum etiam cogitationum bonarum ex Deo esse principium, qui nobis, & initia sanctæ voluntatis inspirat, & virtutem, atque opportunitatem eorum, quæ recte cupimus, tribuit peragendi, & cap. 6. pronunciat, Fragilitatem humanam nihil, quod ad salutem pertinet, per se solam, id est sine adiutorio Dei, posse perficere.*

Cassianus
revera Sc.
mipela-
gicus.

7. Nihilominus negari non potest, Cassianum fuisse unum ex præcipuis illius erroris defensoribus. Per quod non intendimus ejus damnare, vel onerare personam, nondum enim erat illa sententia hæresis, vel erroris damnata ab Ecclesia, ut Prosper in fine libri contra Collatorem aperte docet, Cassianumque inter Catholicos numerat. Solum ergo de doctrina ipsa tractamus, Libros itaque illos semper fuisse de Pelagiana doctrina infamatos, præter Prosperum constat ex diligentia Eucherii, Victoris, & Cassiodori in illis expurgandis, quæ refert Baron. annot. 433. nu. 27. & sequentib. & attingit Ado. in Chron. ann. 425. ubi monet, opera Cassiani cautiissime esse legenda, præsertim de gratia, & lib. arb. Indicat autem Baron. nu. 30. libros Cassiani, prout tunc circumferuntur, esse satis purgatos, & inde fuisse deceptos, qui Romæ voluerunt excusare Cassianum, putantes nunquam fuisse morbosum librum illum, qui nunc sanus apparet. Verum tamen non ita sensit Dionysius Carthus. qui in sua paraphrasi totam illam partem collationis 13. expunxit, & sanam doctrinam loco illius posuit. Unde licet forte opera illa aliis pluribus in locis fuerint expurgata, & emendationes, vel non admixtæ, vel non retentæ fuerint, prout nunc geruntur, morbosæ sunt, ut Prosper ostendit. Eritque perspicuum consideranti varios ejus loquendi modos, qui in Semipelagianis a Conciliis notantur, & damnantur.

Mane Cass.
nam dete-
gunt.

8. Nam Cassianus semper requirit gratiam ad perfectionem, & consummationem justitiæ, non ad initium: item ad eandem perfectionem requirit nostrum laborem cum gratia, tamen ante gratiam admittit etiam nudum laborem humanum, quem ipsemet ita explicat, *id est, sine adiutorio Dei*, dist. 1. 12. c. 11. & de hoc labore semper loquitur, cum dicit, illum non sufficere ad perfectionem acquirendam sine Dei adiutorio, neque esse condignum ad præmium gratiæ obtinendum. Unde similiter de eodem labore dicit, esse aliquale meritum primi auxilii gratiæ, & occasionem, quam Deus expectare solet ad gratiam inchoandam. Et sic ait c. 14. *Sicut conatus humani non sufficiunt per se ad perfectionem capeffendam, ita laborantibus tan-*

rum atque suadentibus misericordiam, gratiamque conferri. Et infra subjungit, gratiam dari petentibus, pullantibus, & querentibus, quia licet nostra petitio non sit condigna: *misericordia Dei præsto est, occasione sibi tantummodo a nobis bona voluntatis oblata.*

Excusatur
Cass. sed
excusat.

9. Dices in cap. 6. confiteri Cassianum, neque hos ipsos nostros conatus ad bonum posse nos efficere, *sine divina protectionis auxilio, inspirationisque ejus, & casigationis, atque exhortationis gratia, quam cordibus nostris, vel per alium solet, vel per semetipsum nos visitans, clementer infundere.* Sed audi quomodo c. 18. gratiam hanc interpretetur, dicit enim, gratias esse Deo agendas, non solum pro aliis donis naturæ, gratiæ, aut scientiæ, *sed etiam pro his, quæ erga nos quotidiana ejus providentia conferuntur.* Quod scilicet, ab adversariorum nos insidiis liberat, quod cooperatur nobis, ut carnis vitia superare possimus, quod a periculis nos etiam ignorantes protegit, quod a lapsu peccati communit quod adjuvat nos, & illuminat, ut ipsum adiutorium nostrum (quod non aliud quidam interpretari volunt, quam legem) intelligere & agnoscere valeamus. Ubi expendo verba illa in parenthesi posita, nam videntur continere doctrinam Pelagianam, & tacite approbare, dum non reprehenditur; vel certe videntur ibi Cassianus tacite carpere Augustinum, qui ita interpretari solet similia verba Pelagii, per quod satis indicat Cassianus, se non aliter illam gratiam intellexisse, quam Pelagius intelligebat.

10. Sæpius vero in collat. 13. eandem doctrinam inculcat, licet aliis verbis ambiguus illam interdum occultare nitatur. Unde c. 7. incipiens ordinem divinæ providentiæ in exhibenda gratia explicare, ait, *DEI benignitas cum bonæ voluntatis in nobis quantulamcunque scintillam emicuisse perspexerit, vel quam ipse, tanquam de dura silice nostri cordis excusserit, confortat eam, & excuscat, suæque inspiratione confortat: & c. 8. Cum in nobis ortum quendam bonæ voluntatis inspererit, illuminat eam conquestum, atque confortat, incrementum tribuens ei, quam vel ipse plantavit, vel nostro conatu viderit exersisse.* Ubi expresse initium bonæ voluntatis dicit præcedere ante divinam illuminationem, & inspirationem, & sæpe saltem esse a nobis, non a Deo. Unde c. 9. conciliando varia Scripturæ loca, in eis dicit commendari gratiam, & libertatem arbitrii. *Et quod etiam suis interdum motibus homo ad virtutum appetitus possit extendi, semper vero a Domino indigeat a liuviri.* Et infra dicit, *initium bonæ voluntatis interdum oriri ex naturæ bono, quod benescio creatoris accipimus, & quod gravius est, ita exponit illud Pauli ad Rom. 7. Velle adjacet mihi, perficere autem non invenio.*

Ex variis
capitulis
collat. 13.
conv. p. 1.

11. Præterea c. 11. expresse proponit questionem, utrum quia bonæ voluntatis initium habuerimus, miseretur nostri Deus, an quia Deus miseretur, consequamur bonæ voluntatis initium. Et in summa respondet, interdum nos incipere, & mereri gratiam, interdum Deum misericordia sua prævenire nos. Et prioris membri exempla ponit in Zachæo, & latrone, *Qui desiderio suo vim quandam regnis cælestibus inferentes, specialia vocationis monita prævenierunt.* Et circa finem ait: *Cum viderit nos Deus ad bonum velle deflectere, occurrit, dirigit, & confortat: & ita exponit illud Psal. 49. Invoca me in die tribulationis tuæ, & c. & Isai. 30. Ad vocem clamoris tui statim ut audierit, respondebit tibi.* Ac si hæc promissiones factæ sint invocationi pure humanæ, ac tandem subjungit. *Et si nos nolle, vel intepuisse, perspexerit, adhortationes salutiferas admovent cordibus nostris, quibus voluntas nostra, vel conformetur, vel reparetur in nobis.* Sentiens in his adhortationibus consistere gratiam, qua interdum Deus nostras prævenit voluntates.

Rursus
conv. acci-
tur ex ca-
pit. 11.

12. Capite vero 12. addit tertium exemplum prioris membri, de David, quando cogitavit, & in suo corde de templo Deo ædificando tractavit. 3. Reg. 8. Nam illam cogitationem, & voluntatem bonam fuisse, clarum est. Probat autem non fuisse ex inspiratione Dei, cum ipse negaverit effectum ejus, unde concludit, & *bonam ex homine fuisse.* Et infra, ut iterum probet voluntatem nostram interdum prævenire Deum, inducit illa Scripturæ loca, *Mane oratio mea præveniet te.* Psalm.

Psalmi. 18. & similia: & in c. 13. addit quartum exemplum de poenitentia David, quam significat, fuisse ex sola libertate arbitrii, præmissa tantum admonitione Prophetæ, *Quæ divinæ (inquit) dignationis fuit gratia: & c. 14. adjungit quintum exemplum Job, de quo ait, non Dei, sed suis viribus vicisse Daemonem.* Imo addit etiam fidem Centurionis dicentis, *Domine non sum dignus, &c.* non fuisse Christi donum, sed bonus liberi arbitrii usus, quia alias non fuisset dignus laude, nec dixisset illi Dominus, *non inveni tantam fidem*, sed, nemini dedi tantam fidem. Similique ratione subiungit, fidem Abraham, quam Deus probare voluit præcepto sacrificandi filium, non fuisse illam, quam ei Dominus inspiraverat, sed illam, qua vocatus semel, & illuminatus a Domino, per arbitrii libertatem poterat exhibere, & similia repetit in cæteris capitulis, usque ad finem collationis.

Concluditur Cassianum non solum tolli tenuisse, sed & ipsam de Semipelagianismo.

13. Ex quibus evidentissimum est in collatione illa non solum tradi Semipelagianorum doctrinam, sed etiam multum extendi, & ampliari. Primo, quia non solum imperfecta fides, sed etiam perfectissima, ut fuit Centurionis, & Abraham, nec solum imperfectum desiderium, sed etiam efficax voluntas, qualis fuit in Zacharæ procurante videre Jesum, & in David volente ædificare templum Domino, gratiæ subtrahitur, & libero arbitrio tribuitur. Deinde quia etiam perfecta poenitentia, & proxima dispositio ad peccati remissionem, qualis in David, & latrone fuit, naturali libertati adscribitur. Terrio quia etiam gravissime, & multiplicis, ac diuturnæ tentationis perfecta victoria, qualis fuit in Job, ab homine solo fuisse dicitur, & non a Dæi gratia, nisi hoc solum, quod Deus non permisit, illam fuisse majorem, vel quia, ut ait, *hoc tantum procuravit Deus, ne violentissimus inimicus animæ ejus amentem faciens, & impotem sensu, impari eum, atque iniquo certaminis pondere prægravaret.* Quæ omnia re vera sunt absurdissima, & ideo in eis interpretandis, & ad probabilem sensum revocandis frustra laborat Ciacon. in Annotationibus ad Cassianum. Neque minus incongruæ sunt expositiones Scripturæ, quibus testimonia, quæ de orationibus Sanctorum loquuntur, de humanis invocationibus Cassianus intelligit, & quæ desideria, & bonas voluntates ex fide, ac promissione divina procedentes in hominibus commendantur, ex gratia propria esse negat, solum quia a voluntate libera procedunt, quæ ratio est frivola est, & totum Pelagianum errorem effuscat.

14. Nec denique minus frivola est illa conjectura, quod Deus voluntatem ædificandi templum David non inspiraverit, quia illius executionem negavit, cum frequenter, soleat Deus propositum sanctum, vel desiderium perfectum inspirare propter bonum ejus meritum, licet propter alias rationes providentiæ suæ nolit ejus effectum, ut in Abrahamo videri potest. Nullo ergo modo excusari potest illa doctrina. Quapropter licet Gennadius recte censuit in ea, quod dixit, Prosperi, & Cassiani contrarias esse sententias: graviter vero peccavit dicens, Ecclesiam scripta Cassiani, tanquam salutaria probasse, & Prosperum illa infamasse. Nam Gelasius Papa in suo decreto de libris authenticis, opuscula Cassiani inter apocrypha ponit, non ob aliam causam, nisi quia in his, quæ ad liberum arbitrium, & gratiam pertinent, a Prospero reprehenditur, ut notavit Trithemius in Cassiano. Immerito ergo dicit Gennadius, Ecclesiam scripta Cassiani, præsertim in hac parte, probasse. Potuitque Gennadius facile habere notitiam decreti Gelasii, cum eodem tempore vixerit, & ad eum scripta sua miserit, ut postea attingemus. Erravit etiam graviter Gennadius Prosperum infamando, quod Cassianum infamaverit, cum ipsemet fateatur, sententias Prosperi, & Cassiani de gratia, & libero arbitrio in aliquibus inveniri contrarias. Nam hinc fateri cogitur, Prosperum nihil de Cassiano dixisse, quod Cassianus ipse in scriptis suis publice non prodiderit, Prosper autem impugnando quod falsum, & Ecclesiæ nocivum judicavit, non Cassianum infamavit, sed sanæ doctrinæ consuluit.

15. Neque excusari potest Cassianus, eo quod in Collationibus non ex propria sententia loquutus fuerit,

sed Charemonis doctrinam retulerit, ut Henricus insinuat; tum quia si hæc excusatio locum haberet, nihil ex sententia Cassiani in omnibus collationibus Patrum haberemus, quod est contra communem sensum; tum etiam, quia vel in hoc esset valde reprehendendus Cassianus, quod doctrinam falsam retulisset, sine ulla lectionis admonitione, si eam periculosam, vel perniciosam esse credidisset. Tacuit ergo quia illam probavit; imò suam fecit, ut satis in fine collationis indicavit, dicens, *Hoc nos B. Charemon confirmatos cibo labore fecit tam inviti utinam non sentire;* tum etiam quia doctrina illius collationis consonat cum doctrina ejusdem Cassiani in libris de Institutis renunciantium, & utrobique eodem loquendi modo semper utitur, quod *gratia adjuvet conatus nostros*, quo etiam utitur in Præfatione ad decem primas collationes, & in præfatione ad septem sequentes, ait, eas scribere, *ut illis ea, quæ de perfectione in præteritis opusculis obscurius forsitan erant comprehensa, vel prætermissa, suppleantur.* Quibus verbis aperte declarat se totam illam doctrinam ut propriam tradere, & ideo merito dixit Prosper contra Collator. c. 2. in illa collatione virum quendam sacerdotalis ordinis Abbatem quendam introducere de gratia Dei, & libero arbitrio dissonantem, *cujus se ostendit per omnia probasse, ac suscepisse sententiam.*

16. Nec denique alia excusatio Ciaconii locum habet, aut permittenda est, quia jam ostendimus, non solum circa dispositionem remotam, sed etiam circa proximam, qua remissio peccatorum obrinetur, Cassianum errasse: item quia ad errorem Semipelagianorum pertinet, admittere aliquam naturalem operationem bonam, sola liberi arbitrii facultate factam, quæ sit dispositio remota ad gratiam sanctificantem, & consequenter sit proxima ad aliquam auxiliantem, ut postea videbimus. Ad verba autem, quæ ex Cassiano citavimus, respondet Prosper c. 4. & sequentibus, cito authorem definitionis suæ oblitum a sententia discessisse, vel certe quod prius generaliter dixerat, postea ad partem, seu ad quosdam coarctasse; vel etiam dici potest, ibi ambigue, & latenter loqui de inspiratione, adiutorio, & protectione divina, sub illis comprehendens doctrinam, & admonitionem, & quamcunque extrinsecam exhortationem, vel custodiam, nam ita rem fere postea declarat, ut vidimus.

17. Putant vero aliqui, Cassianum hujusmodi doctrinam ex Chrysostomo præceptore suo desumpsisse, volentes eandem Chrysostomo attribueret. Et quia Marcus Eremita ejusdem temporis author, ejusdemque Chrysostomi discipulus fuit (teste Nicephoro l. 14. Hist. cap. 53.) socium, & sectatorem ejusdem doctrinæ illum efficiunt. Sed hos duos Patres ab hac nota vindicavimus, & ex eorum libris, longe ab hac doctrina fuisse, ostendimus in 1. par. tract. 2. libr. 2. c. 8. Aliqui vero licet de Chrysostomo recte sentiant, nihilominus authorem operis imperfecti, quod sub nomine Chrysostomi circumfertur, suspectum tenent, quia in Homil. 18. & 32. in Martii videtur loquutionem Semipelagianorum imitari; dicens, gratiæ adiutorium dari orantibus, & pulsantibus, id est, opera orationibus addentibus, &c. Sed ille in hom. 18. aperte loquitur de orantibus, & operantibus ex fide, & gratia, ut patet ex illis verbis: *Deinde si opera justitiæ non facis, id est, non impulsas, nec orare ex fide potes,* & alia, quæ columna 3. prosequitur, per quæ exponenda sunt, quæ in homil. 32. dicit circa illa verba, *Non omnes capiunt hoc verbum, sed quibus datum est.*

18. Solet præterea Cassiano annumerari Vincentius Lirinensis catholicus scriptor, & Cassiano æqualis, & in monasterio insulæ Lirinensis insignis monachus, ac validissimus contra hæreticos disputator, ut de illo Gennadius scribit. Unde aliqui existimarunt, hunc esse Vincentium illum, cui Prosper respondet in libro ad objectiones Vincentianas: & ideo unum esse crediderunt ex his, qui in Gallia contra doctrinam Augustini cum Mafsilienfibus disseruerunt. Sed hæc suspicio in primis nullum habet in opusculo Vincentii Lirinensis contra prophanas vocum novitates, quem solum ex scriptis ejus habemus, fundamentum. Nam potius in cap. 34. vehementer damnat Pelagium, eo quod nece-

Rejicitur excusatio Henrici et Cassiani.

Ciaconius quoque excusatur, exploditur.

Chrysostomus & Marcus Semipelagianorum non fuerunt.

Negat Vincentius Lirinensis.

Error Gennadii adimponentis ecclesiæ quod scripta Cassiani probaverit.

necessitatem gratiæ juvantis nos in singulis actibus negaverit, & cap. ult. iterum in eum invehitur, ibique magna cum veneratione recipit Epistolam Cælestini, quæ contra Semipelagianos, & in defensionem Augustini scripta est, ut postea videbimus. Deinde ex libro Prosperi colligi non potest, quis fuerit ille Vincentius, a quo objectiones, quas refutat, Vincentianæ nominatæ sunt; cur ergo suspicabimur, illum fuisse insigniorem Vincentium, qui eo tempore vixit? Maxime cum Prosper in præfatione dicat, eum confinxisse quarundam blasphemiarum prodigiosa mendacia, eaque Augustino, & Prospero, ad invidiam concitandam tradidisse: quod certe incredibile est de Vincentio Lirinensi, qui vir religiosissimus fuisse perhibetur, & dicto libro suo talem se ostendit. Quapropter Baron. ann. 431. n. 188. Vincentium Lirinensem ab hac nota vindicat, asseritque illum, cui Prosper respondet, esse alium presbyterum ejusdem nominis Gallum, quem Gennadius fere eodem tempore vixisse refert, & in Psalmos scripsisse. Sed hoc etiam mihi est incertum, quia nec Gennadius, nec Trithemius id indicant, & potuit esse eodem tempore in Gallia alius presbyter ejusdem nominis, qui inter catholicos scriptores non numeretur, parumque interest indicare, quis ille Vincentius fuerit, dummodo gravissimo scriptori contra hæreticos talis injuria non inferatur.

§ De Fausto.

19. Superest dicendum de Fausto Rhegiensi Episcopo, qui septuaginta fere annis post Cassianum vixit, duosque libros de gratia, & libero arbitrio scripsit, quorum doctrinam expendere oportet, ut magis hunc errorem penetremus. Aliqui ergo Faustum excusare, & libros ejus ad catholicum sensum trahere conati sunt. Nam Gennadius illi æqualis in libr. de Vir. illustr. de Fausto dicit, scripsisse egregium opus de gratia Dei, qua salvamur, & libero humanæ mentis arbitrio, quo salvamur. *In quo opere (ait) docet gratiam Dei semper invitare & præcedere & juvare voluntatem nostram. Et quidquid ipsa libertas arbitrii pro labore pia mercedis acquisierit, non esse proprium meritum, sed gratia donum.* Et infra de illo dicit, *Viva voce egregius doctor, & creditur, & probatur.* Deinde Trithemius de Fausto ait, prius fuisse Pelagianum errore fædaturum, postea vero a Fulgentio conversum scripsisse volumen egregium de gratia Dei, quod inter opera ejus circumfertur. Unde videtur loqui de hoc volumine, quod nunc habemus in duos libros divisum, quia nec aliud circumfertur, nec illius mentionem in antiquis Doctoribus invenimus. Censuit ergo Trithemius, illum librum esse catholicum, & authorem, quando illum scripsit, a Pelagianis omnino discessisse. Quod vero refert, Faustum prius fuisse Pelagianum, & a Fulgentio ab errore revocatam, unde sumpserit, invenire non potui.

20. De libris item Fausti recte videntur sensisse Collectores Bibliothecæ Sanctorum Patrum, nam illos posuerunt in quarto tomo inter tractatus contra hæreses, & consequenter etiam Faustum inter catholicos Patres recensent. Et in Chronologiis Ecclesiasticis aliquando solet inter scriptores catholicos, & Ecclesiasticos recenseri, ut videre licet in primo tomo Canisii in principio. Denique Driedo de captivitate & redempt. gen. hum. tract. 4. c. 2. par. 4. Faustum, & ejus libros ab errore defendere conatur. Quia non contra Augustinum scripsit, ut quidam illi tribuunt, nam illum cum magna reverentia allegat l. 1. c. 6. & l. 2. c. 7. ubi & beatissimum appellat: sed scripsit contra Lucidum presbyterum Gallum, qui ex doctrina Augustini male intellecta, varios errores hauserat, nimirum, hominem sola gratia salvari sine voluntaria obedientia, vi solius prædestinationis; imo & peccatores eodem modo damnari vi præscientiæ, & reprobationis. Et similia, quæ in tomo 4. Bibliothecæ Sanctorum ante libros Fausti præferuntur. Contra illos ergo errores scripsit Faustus, prius damnans Pelagium, & postea errorem extreme contrarium; ipse autem media via incedere proficitur, necessitatem gratiæ prædicando, & illi necessitatem laboris, & obedientiæ adjungendo, quam-

vis labor hic, & obedientia non sit, nec fuerit in lege naturæ sine occulto aliquo auxilio gratuito, ut Driedo Faustum interpretatur.

21. Videturque hæc excusatio fieri verisimilis ex multis verbis ejusdem Fausti, nam imprimis in epistola ad Lucidum, cui Concilium quoddam Episcoporum subscripsit, inter alia dicit. *Nos autem per illuminationem Christi veraciter, & confidenter asserimus, & eum, qui perit per culpam, salvum potuisse esse per gratiam, si gratia ipsius famulatus, laboris obedientiam non negasset.* Ubi famulatum gratiæ appellat subjectionem debitam gratiæ, & ita ponit obedientiam hominis, ut subsequenter, & cooperatricem gratiæ; unde subjungit: *Nos igitur per medium Christo duce gradientes, post gratiam, sine qua nihil sumus, laborem officiosa servitutis asserimus: & infra: Qui hanc veritatis mensuram, gratia præcedente, & conatu assurgente non sequitur, dignuserit, ut a sacris liminibus arceatur.* Deinde quod ad confirmandam hanc doctrinam Faustus scripserit, colligitur ex præfatione operis, quam vocat professionem suæ fidei ad Leontium, ubi inter alia dicit: *Studium asserende gratiæ competenter, & salubriter suscipit, qui obedientiam famuli labori adjungit, tanquam si patrono, vel domino inseparabiliter pedisequus minister inhæreat,* quod multis, & elegantibus verbis, & exemplis declarat.

22. Denique in utroque libro, & absolute gratiam prædicat necessariam, & illi primatum tribuit; ergo per illud prius discernitur a Pelagio, & per posterius a Semipelagianis. Prima pars constat ex libr. 1. capit. 1. ibi: *Ego arbitror, quod libertas arbitrii sibi sola sufficere sine gratiæ præsidio non potuerit, etiam antequam privilegium illius transgressio violaret.* Altera vero pars patet ex eodem libr. c. 5. ibi. *Opera legis evacuuntur, quæ secundum litteram sunt, & ea, quæ post gratiam, comitante gratia gerenda sunt, asseruntur: & cap. 6. Vide quomodo ad gratiæ donum semper adjungit laboris obsequium: & c. 11. Qui vel initium operis sibi præsumit arrogare, vel finem ad illum merito dicitur. Nisi Dominus edificaverit domum in vanum laboraverunt, qui edificaverint eam.* Quæ verba ipsam prorsus Augustini doctrinam continere videntur: & c. 13. habet illam celebrem sententiam, *gratiam neminem deferre, nisi prius deferatur ab homine,* & cap. 15. sunt valde notanda illa verba, *Adverte, quia hoc ipsum ad baptismum venire, & desiderare salutem jam fidei est.* Nam ita videtur interpretari alia, quibus dicere solet, desiderantibus, & pulsantibus adjutorium gratiæ dari, utique desiderantibus ex fide, & c. 17. ait, Deum omnes per gratiam vocare, & attrahere etiam resistentes, utique quantum est in se: *Licet enim (inquit) non omnes obedientiam exhibitueros esse prænosceret, omnibus tamen & velle, & posse donaverat.* Quibus verbis fatetur & velle, & posse in bonis operibus pietatis esse ex gratia, licet velle possit per liberum arbitrium impediri, sicut etiam potest præstari. Unde subjungit: *Hoc loco sollicitius requiratur, utrum quisque attrahi velit, an nolit, utique cum effectu: Si non vult, absolute attrahentis benevolentiam non meretur, si autem vult, ecce jam cum Deo hominis consensus operatur: & infra: Sicut gratia est, quod attrahitur, ita obedientia probatur esse quod sequitur: & l. 2. c. 2. De suo (ait) est, quod dat gratiam, de tuo est, quod prænoscit offensam: & c. 5. Quod credunt, gratia largitas est, quod professionem creditis non accommodant, mentis improbitas est.* Ac denique c. 8. *Nihil hic (ut opinor) redolet, cum & hoc ipsum incessabiliter asserimus, quod Deo ipsam debeam voluntatem, præsertim cum in omnibus ejus motibus ad opus gratiæ referam, vel inchoationis initia, vel consummationis extrema: & infra: De Dei bonitate est, quod vocatur, de propria voluntate, quod promptus obsequitur.* Quæ sane omnia videntur habere catholicum sensum, ac subinde per illa satis authorem illum ab erroris nota liberari.

23. Nihilominus libri Fausti suspecti semper in Ecclesia fuerunt, statim enim ac scripti fuere, ab Orthodoxis Patribus impugnati sunt, quia licet in eis Faustus profiteatur, se media via inter Pelagium, & Lucidum incedere: nihilominus a Pelagio non omnino recedit, sed cum Semipelagianis plane sentit. Unde Ado in Chron.

Verisimilitas prædictæ excusationis

Probatum amplius eadem veritatem

Celebris sententia, & notanda pro Fausto.

Qui Faustum excusant:

Aliorum excusatio.

Vera censura de Fausto.

Chron. ann. 492. in fine, *Faustus* (inquit) apud Regem Gallie Episcopus, Pelagianum dogma destruere conatus, in errorem labitur: unde qui ejus sensus in hac parte catholicos predicant, sicuti Gennadius, omnino errant: quia nimirum, ut subjungit, ita liberum Christianum arbitrium docere conatur, ut illuminatio ejus, virtus, & salus non a Christo, sed a natura sit. Et statim refert contra eum scripsisse lucidissimam fide Beatum Avitum Viennensem Episcopum, ejus redarguendo errorem, & Joannem Antiochiæ presbyterum. Sed & eodem tempore multi contra libros Fausti scripserant, inter quos primo loco ponit Cæsarium Baron. ann. 490. nu. 12. & sequentibus. Sed de hoc opere Cæsarii dicam latius infra cap. 23. Scripsit enim Fulgentius, ut ibidem ex Isidoro libro de Scriptoribus Ecclesiasticis cap. 13. referam: unde constat, etiam Isidorum eandem opinionem de Fausto, & ejus libris habuisse.

24. Præterea inter opera Fulgentii extat liber Petri Diaconi de Incarnat. & grat. in cujus cap. ultim. sic inquit: *Anathematizamus simulque Julianum, & qui illis similia sapiunt. Præcipue libros Fausti Galliarum Episcopi, qui de monasterio Lyrinensi proventus est, quos contra prædestinationis sententiam scriptos esse, non dubium est. In quibus non solum contra Sanctorum Patrum, sed etiam contra ipsius Apostoli contradictionem veniens, humano labori subjungi: gratiæ adjutorium: atque totam omnino evacuans Christi gratiam, antiquos Sanctos non eâ gratia, qua nos, secundum quod docet Beatissimus Petrus Apostolus, sed naturæ possibilitate, salvatos impie proficitur.* Fulgentius autem in sequenti libro de Incarnat. & grat. licet a cap. 12. usque ad finem, veram de gratiæ initio doctrinam confirmet, & fere omnes sententias, & argumenta Fausti proferat, & impugnet, de illo autem, vel illius libris nullam mentionem facit: tacite tamen Petro consentire videtur.

25. Maxime vero contra illos libros Fausti invehitur Joannes Maxentius in responsione ad Epistolam Hormisdæ Papæ ad possessorem sub finem, ubi assumitur onus probandi, illos libros esse hæreticos, idque late ostendit eo fere modo, quo nos statim idem præstabimus. Interim adverto, Maxentium in hac parte non esse magnæ auctoritatis; tum quia, licet non in hoc puncto, ipse tamen inter hæreticos Scythiæ monarchos Eutychiana hæresi infectos censetur: tum etiam, quia illam Epistolam Hormisdæ, sub prætextu, quod ejus non esset, vehementer impugnatur. Quem tamen prætextum vanum esse, & fictæ, aut per affectatam ignorantiam prætextum, existimat Baronius late ostendens, Epistolam illam fuisse Hormisdæ, & vix potuisse in temporibus Maxentium de hoc dubitare, quia totius causæ, & aliarum epistolarum Hormisdæ notitiam habebat: ut late prosequitur ann. 520. num. 22. & sequentibus.

26. Et quod mirandum est, Hormisdæ audeat Maxentius facere Pelagianum, quia dixit in illa Epistola: *Nos fixis decet insistere vestigiis, proficimus inter adversantes propriis bonis si erroribus non involvamus alienis.* Nam quia dixit, *Propriis bonis*, arguit illum Maxentius, ac si dixisset, *propriis viribus*, sic inquit: *Superbissima Pelagiana perfidie involutum erroribus te cunctorum oculis anteponis, qui inter adversantes non Dei munere, sed propriis bonis proficere posse tumida elatione confidis, quia si propriis bonis, non Dei auxilio, proficere posset humana natura, nunquam oraret Prophetia: Perfice gressus meos, & cætera quæ late prosequitur.* Quibus manifeste falsum sensum imponit Hormisdæ, ille enim non dixit, *propriis bonis*, ad divinum auxilium excludendum, sed ut illa bona ab erroribus alienis distingueret; sic enim ait, *Proficimus propriis bonis, si erroribus non involvamus alienis.* Propria enim bona appellat fidem veram, & sanctitatem, quæ bona propria dicuntur, non quia a nobis sunt, sed quia a Deo donata sunt nobis, & in illis proficimus, dum tentati alienis erroribus, illis non involvimur. Hoc autem, nunquam dixit Hormisdæ posse sine gratia Dei fieri: unde cum subdit, *Probat enim virtutis sue validum robur, qui, cum impellitur, non movetur, non naturæ, sed fidei virtutem, & robur commendat, in quo possumus om-*

niatela nequissimi ignea extinguere, ut ad Ephes. sexto, Paulus dixit.

27. Denique in fine Epistolæ cum consultus Hormisdæ de Fausti libris, illos non recipiat, & doctrinam, quam Ecclesia de gratia recipit, in libris Augustini contineri dicat; audeat Maxentius authorem Epistolæ reprehendere, eo quod libros illos ut hæreticos non damnet. Veruntamen vel hoc ipso conjectare posset, responsionem illam Pontificiam fuisse, non privati Doctoris, qui in re obscura, & ambigua facile profert sententiam. Hormisdæ vero Pontificia auctoritate solum responderet, illos Fausti libros non esse in auctoritate habendos, quia in his, in quibus discordant a doctrina Ecclesiæ, quæ in Synodis, & in libris Augustini habetur, probandi non sunt, & quia in hoc saltem suspecti sunt, ideo Ecclesia Romana eos non commendat. In quo etiam alludit Hormisdæ ad decretum Gelasii, qui in suo decreto de librorum Ecclesiasticorum auctoritate libros Fausti inter apocryphos numerat.

28. Ex his ergo intelligitur, illos libros semper fuisse, vel damnatos, vel valde suspectos: & profecto qui illos attente legerit, facile intelliget, authorem eorum Semipelagianorum errore infectum fuisse. Nam licet ambiguis, & æquivocis locutionibus studeat Faustus occultare sensum suum erroneum, ut ex allegatis in principio constat: tamen in multis aliis manifeste se prodit: quod initium fidei, vel salutis tribuat libero arbitrio, & illi veram gratiam subjungat, tanquam subsequenter bonum, & meritum usum liberi arbitrii, non tanquam præcedentem. Sic cap. 7. cum dixisset, *Tempus gratiæ quo redempti sumus, merita hominum non expectavit, opera penitus non quesivit*; statim adjungit: *sola Deus fidei nostræ devotione contentus fuit*, ubi non potest loqui de devotione, quæ sit ex gratia, alias etiam priora verba de meritis, & operibus ex gratia factis intelligenda essent, & sic hæreticum esset dicere, Deum tempore gratiæ opera (utique ex gratia facta) non requirere: unde consequenter adjungit: *Justum ex fide vivere asseruit, quia ei fidem, & justitiam quærenti, contulisse se meminit*: & infra circa id Pauli, *Inquirentibus se remunerator sit*, inquit, *sicut ad Dominum largitio remunerandi, ita ad hominem devotio respicit inquirendi*: & in fine, *Fidem*, inquit, *expectat a parvulis* (id est a nondum justificatis) *opera etiam cum fide a confirmatis requirit, ita tamen, ut credulitatis affectum proficientibus augeat, & laborantibus adjutor quotidianus adsistat*. Unde credulitatis affectum sentit præcedere gratiam fidei, & laborem humanum gratiam operum, quod capite nono confirmat, & capite decimo magis exponit dicens, dedisse Deum homini libertatem, ut si malum vellet appetere, sibi esset permittum. *Si autem bonum cuperet, actionem, & perfectionem ejus a conditore deprecaret, ad mercedem vero illius officiosa devotio pertineret. Et ideo hominis formator, & rector bonæ voluntatis, homini deputavit usum, sibi reservavit effectum*, ubi initium ponit in boni cupiditate, cujus bonum usum soli libero arbitrio, Deo autem perfectionem, & consummationem tribuit, & in eodem sensu dicit inferius: *Orantibus, & vigilantibus, misericordie benignitate succurritur, quæ utique pulsantibus, magis ex devotione, id est, ob bonum affectum, quam ex prædestinatione defertur*, ubi incipit impugnare gratuitam prædestinationem, illam enim vult esse ex merito solius liberi arbitrii, quod hic vocat ex devotione. Et ita gratiæ, & prædestinationi solum tribui effectum, & consummationem, ut repetit capite undecimo circa finem; & clarius capite duodecimo de filio Prodigo loquens, ait: *Sicut sui criminis est, quod longe pii parentis refugit oculos, ita suæ est devotionis, quod per insitum sibi bonum deliberans, & adsurgens, ad paternos recurrit amplexus, ubi particula, Per insitum bonum, satis declarat, quo sensu devotionem appellet affectum ex sola libertate procedentem, quod iterum, atque iterum repetit.*

29. Potest autem quenquam decipere, quod in eodem loco hæc verba interponit, *Gratia, quæ pulsaverat peregrinantem, ipsa suscipit reverentem*, & ita videtur

Hormisdæ
libros
Fausti non
recipit.

Cap. Sancta
Roma.
na d. 15.
to. 1. Epist.
Pontif.
sub finem
Epistolæ,
Gelasii.

Error
Fausti cō-
cluditur
ex illis
scriptis.

Maxentius
in Fausti
doctrinam
invehitur

Maxentius
Hormisdæ
supponit.

Quod re-
cte dicere
Fausti vi-
deatur,
male ex-
plicat.

videtur fateri, gratiam præire, quod capite septimo multis verbis astruere videtur. Verutamen ibidem suum sensum aperit, omnemque ambiguitatem tollit, & nomine gratiæ pulsantis, vel attrahentis solam externam prædicationem, & doctrinam, seu objecti propositionem intelligit, ut patet ex illis verbis Fausti: *Quid est autem attrahere, nisi prædicare, nisi Scripturarum consolationibus excitare, increpationibus deterere, desideranda proponere, intentare metuenda, judicium comminari, premium polliceri?* Ubi aperte non aliter gratiam prævenientem, quam Pelagius interpretatur; unde subjungit: *Sicut gratia est, quod attrahitur, ita obedientia probatur esse quod sequitur.* Ubi dupliciter errat, nam veram gratiam interius attrahentem non agnoscit, & ad obediendum externæ prædicationi voluntatem per se sufficere sentit, saltem inchoative, ut sic dicam, *ut per quandam voluntatis ansulam* (sicut subjungit) *comprehendi, & attrahi valeat* (utique cum effectu) *qui vocatur:* & in eodem sensu dicit in eodem capite: *Assistenti, & vocanti Domino, famulus manum fidei, qua attrahatur, extendit, & dicit, Credo Domine, adjuva infirmitatem meam.* Ubi hunc ordinem constituit inter gratiam, & liberum arbitrium, ut præcedat vocatio aliqua per externam prædicationem, vel alio simili modo, & tunc intelligitur Deus, non ut adjuvans, sed ut assistens, & quasi expectans, ut deinde incipiat homo credere imperfecte, & invocare sua libertate, ac tandem Deus incipiat per gratiam ad perfectum adjuvare; unde subjungit: *Et ita se duo ista conjungunt; attrahentis virtus, & obedientis affectus: quomodo si æger aliquis assurgere conatur, & facultas animum non sequatur, & propterea sibi porrigi dexteram deprecatur, clamat voluntas, quia sola per se elevari nescit infirmitas, ita Dominus invitat voluntatem, attrahit desiderantem, erigit adnitentem.* Imo cum statim explicet, attractionem non esse, nisi prædicationem, ut antea retuli, videtur indicare, etiam prædicationem ipsam esse ex merito aliquo propriæ voluntatis desiderantis, & invocantis. Verutamen vel duplicem attractionem ponit, aliam externam tantum, & sufficientem ad volendum per solam libertatem, saltem imperfecte, aliam perfectiorem, & cum effectu, & hanc dicit esse ex humano merito: vel certe potius sentit, attractionem illam externam interdum dari etiam indignis, & sine prævio merito, interdum vero dignis ex merito humano, quod præcedit aliquando ante prædicationem Evangelii, vel revelationem supernaturalem, per bonum usum legis naturæ.

30. Atque hanc eandem doctrinam magis inculcat, & declarat toto libro secundo. Nam in capite tertio ex professo probat, prædestinationem esse ex præscientia alicujus meriti humani, & ideo ait, *voluntatem esse, que meretur auxilium, sicut voluntas est, que operatur delictum,* & in capite quarto eundem ordinem inter usum libertatis, & gratiæ ponit, & ideo inter alia dicit: *Ad obedientiam pertinet labor, fructus autem laboris ad gratiam,* ubi necesse est loqui de obedientia, quæ viribus propriis fit, cum illam a gratia distinguat. Et capite sexto post multa, quæ de prædestinationis causa tradit, de Abel dicit in fine: *Sed & Abel divinis studuit placere conspectibus per insitum a Deo generaliter bonum, id est, per propriam meruit voluntatis affectum:* & cap. 7. dicit: *legem naturæ esse primam gratiam, per quam multi vestibula salutis intraverunt, per Christum ad vita penetralia perducendi.* Loquiturque de hominibus, qui fuerunt ante legem scriptam; & idem consequenter sentit de his, quibus nondum fuit exterius prædicata fides. Unde generaliter ait: *Nisi voluntariam devotionem, & intentionem quæret, remunerationem homini non deferet, & nisi ei aliquid proprium, unde posset placere, tribuisset.* Ac denique capite vigesimo sexto inter alia dicit: *Hoc solum nostrum est, ut qui pro fragilitate idonei non sumus, saltem querendi, & pulsandi importunitate placeamus.* Hoc autem vocat nostrum, quia nos ad id sumus idonei, utique absque gratia; unde addit tandem notanda verba, *Nisi fuerit obedientia præmissæ devotio, gratiæ vilescit oblatio.* Ex quibus loquutio-

nibus si una tantum vel altera in hoc opere inveniretur, posset pie ad bonum sensum trahi, explicando, verbi gratia necessitatem laboris, & obedientiæ, de illa, quæ cum Dei adjutorio præstatur. Verutamen in tanta multitudinem sententiarum, & tot modis illas explicandi contra doctrinam Augustini, nulla pia interpretatio locum habet; præsertim, quia simul conatur ille author refellere testimonia Scripturæ, quæ veritatem fidei confirmant, ad peregrinos, & erroneos sensus illa detorquendo, & postea confirmando fidei doctrinam attingemus.

31. Quapropter in prioribus locis, quæ in contrarium adduximus, prima verba Epistolæ, quæ sunt a toto Concilio probata, catholicum possunt habere sensum, & in illo credendum est, fuisse a Patribus Concilii ibi subscribentibus recepta, ut Baronius recte notavit. In aliis vero, quæ sunt propria Fausti, sub nomine gratiæ comprehendit externam prædicationem, revelationem, doctrinam, imo etiam legem naturæ, ut vidimus. Et ita quoties dicit initium bonæ voluntatis esse ex gratia, vel a Deo esse inchoationis initia, & consummationem, & gratiam esse, quæ attrahit, & ante obedientiam præcedit, & similia; solum loquitur de gratia externa per legem, vel doctrinam, aut prædicationem; ita enim se in aliis locis declarat, nec in alio sensu potest consecutio doctrinæ consistere. Et ita etiam notavit Maxentius in dicta responsione circa finem.

32. Unde licet in eisdem libris reperiantur eadem voces, quibus catholica fides utitur, nimirum, gratiæ vocantis, attrahentis, adjuvantis, ac cooperantis, nihilominus eorum significatio, & usus longe sunt diversa. Nam per vocationem solam externam prædicationem, vel objecti propositionem, aut naturalis legis dictamen, aut aliquid simile intelligit, ut ipse explicat, & hanc interdum primam gratiam, & attractionem. Per adjutorium autem gratiæ, vel cooperationem intelligit gratiam aliquam subsequenter ad humanum meritum, & promoventem aliquo modo liberum arbitrium ad ulteriorem perfectionem. Ac proinde in capite decimo, libro secundo sic inquit: *Ipsam adjutorii vocabulum duos indicat, operantem, & cooperantem;* quæ verba inveniantur etiam in Augustino, sed in sensu longe diverso. Augustinus enim gratiam ipsam esse vult operantem, & cooperantem simul cum libero arbitrio, ut infra suis locis ostendemus. Faustus vero per operantem intelligit hominem, & cooperantem vult esse Deum, vel gratiam, non simul, sed post hominis prævium meritum: unde post dicta verba *operantem, & cooperantem*, subjungit, *Perentem, & promittentem, pulsantem, & aperientem, querentem, & retribuentem.* Et ita neque gratiam veram operantem agnoscit, nec cooperantem ad idem omnino opus, vel ad eundem hominis affectum, sed cooperantem vocat, licet detur ad novum effectum, solum quia subjungitur priori actioni, & merito hominis, ut illum ad ulteriorem perfectionem adjuvet. De quo etiam subsequenti adjutorio, quale sit, nunquam satis ab illo autore explicatur, ut sequenti capite dicam. Et hæc de hujus erroris authoribus, quorum sententias fuscè explicare volui, ut plena notitia ipsius erroris habeatur, quam his temporibus existimo necessariam, & ideo in capite sequenti pluribus modis erit locupletanda.

33. Prius vero lectorem admonitum velim nonnullos alios ejusdem temporis illustres viros hoc errore aliquando maculatos existimari, fortasse sine causa, vel sine sufficienti probatione. Unus est Severus Sulpitius, qui vitam B. Martini, & alia insignia opera scripsit, & inter sanctos recensetur die 29. Januarii in Martyrologio Romano, quia Gennadius in Catalogo virorum illustrium de illo in fine dicit, in senectute fuisse a Pelagianis deceptum, postea vero resipuisse, & poenitentiam usque ad mortem egisse. Cui fidem præbet Baronius ann. 431. num. 189. & sequentibus. Sentit autem non toto errore Pelagii fuisse infectum, sed tantum doctrina Semipelagiana denigratum: simulque conjectat, autoritate Epistolæ a Cælestino

Adducta pro Fausti tel. nuntur.

Faustus fidei consonat in voce, dissonat in sensu.

De hoc errore non tantur Sulpitius, & Gennadius sine sufficienti tamē fundamento.

Tam multa inculcat Faustus pro Semipelagianismo, ut illum pie exponere non liceat.

conscriptæ contra obrectatores Augustin. fuisse com-
motum & ita ad saniores mentem rediisse. Ego vero
in hac re valde sum dubius, rationem autem meæ du-
bitationis statim aperiam. Alius enim a Scriptoribus
Ecclesiasticis de hoc errore suspectus esse dicitur Gen-
nadius, ut sæpius idem Baronius testatur ann. 433. nu-
mer. vigesimo octavo ubi Gennad. vocat ejusdem fati-
næ cum Cassiano, & numer. trigésimo dicit, Genna-
dium aequè Pelagianum Cassianum excusare, & Pro-
perum damnare. Idemque colligi potest ex eo, quod
Faustum etiam, & ejus libros laudat, ut mox videbi-
mus. Item ex eo, quod in eodem libro de Ecclesiasti-
cis Scriptoribus, Rufinum vehementer laudat, & in
fine illum Hieronymo præfert, cum tamen etiam ipse
Rufinus de Pelagiana hæresi suspectus sit, & ideo ope-
ra ejus inter apocrypha a Gelasio censentur, quia hoc
in eis Hieronymus annotavit. Unde tandem affirmat
Baronius 490. numer. quadragésimo quinto Genna-
dium fuisse unum ex Gallicanis presbyteris, de quibus
Prosper, & Hilarius apud Cælestinum conquesti sunt
propter Semipelagianorum doctrinam contra Augu-
stin. Idemque affirmat author censuræ ad librum de Ec-
clesiast. dogma. in 3. to. operum Augustin. in Appendi.
in princip. Qui etiam addit, etiam in illo libro haberi
nonnulla, in quibus latet Semipelagiana doctrina, &
ideo caute legenda esse.

Argumentum
autem cur Se-
verus in-
ter Semip.
annome-
rari non
debet.

34. Hinc ergo dubium mihi oritur de his quæ Gen-
nadius de Sulpitio Severo refert; qui enim fieri pot-
est, ut Severum deceptum dixerit, sequendo erro-
rem, quem ipse approbabat? aut quomodo in laudem
illius ponit, quod peccatum illud penitentia delere
studuerit, cum ipse in Cassiano, & Fausto illud pec-
catum non damnaverit, sed defenderit. Respondebit
forte aliquis cum Baronio in posteriori loco allegato,
Gennadium ipsum etiam respicisse, quia ipse in ulti-
mo capitæ sui libri de Scriptor. Ecclesiast. de se refert,
inter alia opera scripsisse librum quendam de sua fide,
eumque ad Gelasium Pontificem misisse, quod est si-
gnum fidelis, & Catholici Scriptoris. Imo conjectat
Baronius illum librum fuisse, qui nunc extat de Eccle-
siasticis dogmatibus, & a Gelasio fuisse correctum, &
emendatum, & authorem in meliorem frugem fuisse
mutatum, factumque plene Catholicum, & ad Mas-
siliensem episcopatum promotum. Nam Adrianus Pa-
pa in epistola ad Carolum Magnum pro defensione se-
cundæ Synodi Nicenæ in capit. quinquagesimo quinto
illum sub nomine Sancti Gennadii Episcopi Massilien-
sis allegat.

Refutatio
evangelis.

35. Sed hoc imprimis non expendit difficultatem:
nam certe si Gennadius Semipelagianus fuit, in eo-
dem errore perseverabat, quando librum de viris illu-
stribus scripsit, quandoquidem Cassianum, Faustum,
& alios illius erroris sectatores defendit: quomodo ergo
in eodem opere Severum Sulpitium ejusdem erro-
ris notat, illumque laudat, quod tandem respiceret?
Deinde caput illud ultimum de viris illustribus, in
quo dicitur Gennadius de se loqui, deest in eo libro
prout habetur in fine primi tomi operum Sancti Hiero-
nyimi. Præterea author censuræ ad lib. de Ecclesiast.
dogmat. in 3. tom. operum August. negat Gennadium
fuisse Episcopum, sed tantum presbyterum. Quod si
in hoc major fides adhibenda est epistolæ Adriani, ut
revera est, potius ex illa colligitur, Gennadium nun-
quam fuisse Pelagianum, quia si fuisset hæreticus, et-
iam si respicisset, non tanto honore ab Adriano Papa
ad fidei dogma confirmandum allegaretur. Fieri ergo
potuit, ut ea, quæ de Cassiano, & Fausto scripsit,
non per errorem in doctrina, sed per ignorantiam San-
cti dixerit, quia in bono sensu illorum sententias, &
loquendi modos interpretatus est. Cum enim nunc ali-
qui catholici id facere tentaverint, & non propterea in
hæresis suspicionem veniant, quid mirum, quod idem
potuerit Gennadio accidere?

36. Et sane ita de illo sentire videtur Platina, cum
in vita Symmachi circa finem dicit: *Hujus* (id est
Symmachi) *tempore Ecclesiam Dei multum juvit Gen-
nadius Massiliensis Episcopus, qui diligens Augustini
imitator, & librum de dogmatibus composuit, & quid
cunque ad salutem necessarium esset, declaravit.* Quod

si hoc verum est, facile expenditur dubitatio posita;
nam fortasse Severus Sulpitius a Pelagianis deceptus
aliquo tempore ipsorum errores aperte professus est.
Si vero fateamur, Gennadium aliquando aperte con-
tra Augustinum cum Semipelagianis sensit, necessa-
rio fatendum est, cum de Severo loquitur, gravio-
rem in illo errorem Pelagianum notare, quam in Mas-
siliensibus fuerit. Verumtamen etiam illa narratio de
Severo mihi est valde incerta, quia in Martyrologio
Romano die vigesima nona Januarii Sulpitius Severus
discipulus Sancti Martini; & Episcopus Bituricensis
inter Sanctos numeratur, & virtutibus, ac eruditio-
ne conspicuus dicitur, nullaque lapsus illius sit men-
tio, At vero in die 26. ejusdem mensis dicitur, *ejus
vitam, & mores pretiosam gloriosis miraculis com-
mendari.* Unde Guibertus Abbas in Compendio Apo-
logiæ pro Severo dicit: *Nusquam, nisi in solo Genna-
dio legi, fuisse Severum a Pelagianis seductum: qui
nescio, utrum hoc ipse alicubi legerit, an ex sola fama,
que facta, infectaque docet, didicerit.* De his ergo
duobus Severo, & Gennadio nihil certo Statuere pos-
sumus, nisi quod in Catholica doctrina decesserint;
quales autem aliquando fuerint, ad doctrinam postea
tradendam non refert.

C A P U T VI.

*Nonnullis propositis dubiis Semipela-
gianus error amplius ex-
plicatur.*

1. PRIMUS, ac præcipuus error Massiliensium, ac præcipuus
cæterorum fundamentum fuit: *Gratiam Dei
secundum merita hominum dari*, ut ex Augustino libr.
de Prædest. Sanctior. Prospero, & Hilario in epistolis ad
ipsum sumitur, & optime declaravit idem Prosper in
epist. ad Rufinum initio. Unde operæ pretium est,
exponere, in quibus actibus liberi arbitrii illud meri-
tum ponerent: quale, & quam necessarium existi-
marent esse illud meritum ad gratiam obtinendam,
quid comprehenderent sub illa gratia, quæ propter ta-
le meritum datur; ac subinde an sincere, & proprie
nomine gratiæ uterentur, vel etiam palliate Pelagia-
norum more, quæ omnia sequentibus dubiis explica-
tius differemus.

*In quibus actibus, seu in quo usu liberi arbi-
trii hoc meritum Semipelagianis
collocaverint.*

Dub. I.

2. ALIQUI existimant, posuisse hoc meritum in so-
la voluntate credendi, quam a solo libero ar-
bitrio esse credebant, vel etiam in fide quadam imper-
fecta, & naturali, quæ statim ex illa voluntate effica-
ci oriretur. Ita significat Augustinus libr. de Prædestin.
Sanctorum, ubi hac ratione totam disputationem
contra Semipelagianos ad hoc reducit, ut fidem, &
initium fidei non ex solo libero arbitrio, sed ex gratia
Dei esse ostendat, ac proinde, si quod est in fide meri-
tum, non esse mere humanum, sed esse ex gratia.
Neque etiam ipsam fidem, voluntatenive credendi esse
posse ex merito humano; tum quia alias non esset
gratia; tum etiam quia ipsa fides est omnis meriti ini-
tium & consequenter fidei initium est initium totius
gratiæ, & sanctificationis, ut idem Augustinus dixit
epist. 107. in fine.

1. Sententia
in propo-
sito dubi.

3. Sed quamvis verum sit, Semipelagianos posuisse
hoc meritum in voluntate credendi, & fide natura-
li, non tamen in sola illa. Quia Augustinus non po-
nit exclusivam, licet disputationem ad illud caput,
tanquam ad principale, revocet, quia illo secluso, fa-
cile cætera ruunt: & alii Patres alios actus numerant,
qui etiam in his, quæ ex Cassiano, & Fausto retuli-
mus, evidentissime continentur. Sic enim ajunt, *de-
siderantibus, petentibus, pulsantibus, & querentibus
gratiam dari.* Et ideo Concilium Arausic. canon. 3.
specialiter loquitur de invocatione humana, & canon.
quarto de voluntate salutis, quæ gratiam præcedat, &
can.

2. Sententia
tenenda.

canon. sexto: *Si quis sine gratia Dei, credentibus, volentibus, desiderantibus, vigilantibus, studentibus, querentibus, pulsantibus, &c.* quæ omnia recenset, quia in his omnibus illud meritum gratiæ ponebant Semipelagiani, quæ interdum a Cassiano explicantur, interdum sub nomine *laboris humani* omnia comprehenduntur, ut constat ex libr. decimo secundo, de Institution. renunciant. capit. decimo quarto, & Prosper in dicta epistol. ad Rufinum ex sententia Semipelagianorum ait, Deum expectare homines, *quo unusquisque secundum voluntatis suæ motum, si quaesierit, inveniatur, si petierit, recipiat, si pulsaverit, introeat: & infra: ut qui voluerint credant, & qui crediderint, justificationem merito fidei, & bonæ voluntatis accipiant.*

Uterius
interroga-
tio in ap-
pulo dubio
principalis

Respons.

4. Sed quæri ulterius potest, an isti posuerint hoc meritum in his operibus, tantum, quæ ante justificationem usque ad fidem præcedunt, vel etiam in omnibus bonis actibus, aut operibus, vel laboribus post quamcunque gratiam, vel justificationem factis, etiam si sola facultate liberi arbitrii absque cooperatione gratiæ efficiantur? Respondetur dubium non esse, quoniam de omni bono usu naturali liberi arbitrii, sive antecedit, sive comitetur, sive sequatur fidem, non tantum imperfectam, sed etiam perfectam in suo genere, locuti fuerint. Nam de antecedentibus, & comitantibus res est clara, de subsequentibus autem patet in primis exemplis a Cassiano adductis. Nam in hoc ordine ponit penitentiam David, qui jam fidem habebat, & satis perfectam, & robustam, idemque censet de voluntate ædificandi templum, quam David habuit, non solum post fidem, sed etiam post justificationem. Idemque constat ex exemplo de victoria Job, & similibus. Deinde probatur, quia Cassianus in illis locis non solum tractat de gratia, quæ datur post fidem ad primam justificationem consequendam, sed etiam de adiutorio gratiæ necessario ad perfectionem spiritualem in castitate, & in omni genere virtutis, & pace, ac munditiâ cordis obtinenda, & hoc etiam adiutorium dicit dari hominibus ex merito laboris humani; manifestum autem est hunc laborem exhiberi a viris, non tantum jam perfecte credentibus. Præterea idem aperte tradit Faustus lib. primo capit. septimo, & alijs, cujus verba jam retulimus. Ratio denique suaderi potest, quia si voluntati hominis nondum illuminati per fidem, vel nondum confirmati per perfectam fidem, tantam vim, & facultatem tribuebant, quomodo non majori ratione eandem, vel ampliorem admitterent in voluntate, & opere hominis jam quidem credentis, vel iusti, propriis tantum liberi arbitrii viribus operantis.

hæc dicitur

5. Dices, licet fortasse hoc dixerint Massilienses, in eo non errasse, neque illud pertinere ad reliquias Pelagianorum, Nunc enim opinio aliquorum Theologorum est, bona opera moralia, quæ a iustis fieri possunt, ex solis viribus liberi arbitrii meritoria esse gratiæ, seu augmenti ejus, quæ opinio non erronea, sed probabilis reputatur. Respondeo, quidquid sit de censura illius opinionis, de qua inferius suo loco dicemus, in duobus præcipue errasse Massilienses. Primo quia multa præclara opera dicebant fieri posse per solas vires liberi arbitrii, quæ revera etiam a credentibus, vel a iustis sine speciali Dei favore, & gratia fieri non possunt, ut sunt penitentia de peccato, quæ veniam statim obtineat, victoria gravissimæ, & perseverantis, imo etiam multiplicis tentationis, vigilijs, jejunijs, & orationibus, perseveranter insistere, & similia. Secundo quia his operibus ex libero arbitrio factis, non ratione fidei, vel gratiæ in persona existentis, sed solum ratione boni usus naturalis libertatis meritum donorum gratiæ tribuebant. Ita ut intuitu solius huiusmodi usus Deus ulteriorem gratiam concedat. Utrumque enim aperte sumitur ex sententijs Cassiani, & Fausti allegatis, & utrumque ad reliquias Pelagii pertinet, ut postea ostendemus. Præterquam quod etiam est falsum dicere, opera mere

humana ex solis viribus liberi arbitrii facta in homine fideli, vel iusto esse meritoria gratiæ, ut in fine hujus operis tractabitur.

6. Tandem vero in hoc puncto interrogari potest, an Massilienses posuerint etiam hoc meritum in operibus, vel affectibus supernaturalibus, non quatenus sunt ex gratia, sed quatenus sunt ex conatu liberi arbitrii. Aliqui enim Theologi etiam hunc numerant inter errores Semipelagianorum. Referunt enim, eos dixisse, in ipsomet consensu libero, quem nostra voluntas præbet gratiæ vocanti, licet ad illum gratia etiam comitante concurrat: tamen nostrum conatum, & influxum liberum esse naturæ priorem, & illum expectare Deum, ut per gratiam suam adjuvet voluntatem nostram ad consentiendum, & ita etiam quoad hoc posuisse initium salutis ex nobis, quia initium illius consensu est a nobis, & ratione illius, ut præcise est a libero arbitrio, Deum hominem dicebant adjuvare. Et hoc modo intelligendum putant canonem quartum, Concilii Arausici, ubi damnantur dicentes, *Deum expectare voluntatem nostram, ut a peccato expurgemur.* Et eodem modo intelligent, Semipelagianos subjecisse gratiam libertati, & fecisse illam pedisequam liberi arbitrii in concursu, quem ad eundem supernaturalem actum habent. Ac denique sic etiam interpretabantur, quod Prosper in epistol. ad Augustin. eosdem dixisse refert: *Libertatem tunc juvandam Dei auxilio, si, quod Deus mandat, elegerit: & quod subiungit, obedienciam esse priorem, quam gratiam,* & quod ait Hilarius, *Neque alicui operi curationis eorum adnumerandum putant, exterrita, & simplici voluntate egrotum vel- le sanari.*

Ultima
interroga-
tio in eo-
dem dubio
principalis
Respons.

Rejicitur
responsio.

7. Verumtamen hæc tam subtilis distinctio, & speculatio non habet fundamentum, vel in dictis Cassiani, aut Fausti, vel in his omnibus, quæ ex Concilio Arausico, aut ex Sanctis Augustino, Prospero, aut Hilario de hoc errore colligi possunt, sed potius contrarium; quia Concilium Arausican. canon. tertio, sexto, & septimo, & sequentibus per initium salutis, aut fidei non explicat solum concursum, vel conatum voluntatis cum operante, & cooperante gratia, sed aliquem actum, vel affectum humanum sine his gratiis factum, qualis est invocatio humana, desiderium aliquod salutis, electio, labor, & similia: & e contrario in canon. quinto, per initium fidei intelligit credulitatis affectum, qui ex inspiratione divina concipitur. Neque comparat in eodem actu conatum voluntatis ad concursum Dei, sed unum actum ad alium, vel alios distinctos, & damnat dicentes, actum naturalibus viribus factum, esse rationem obtinendi gratiam, aut fidem. Neque damnat dicentes talem actum fieri sine concursu Dei, aut prius elici a voluntate, quam fiat a Deo, quia nimirum, neutrum legimus dixisse Massilienses, sed damnat eos, qui cum dicerent, tales actus fieri solis viribus liberi arbitrii (quod non excludit generalem concursum Dei) dicebant esse causam, & principium salutis, & fidei, seu gratiæ, quæ esset res distincta a tali actu, & effectus illius meriti.

8. Et ideo etiam Concilium Tridentinum sess. sexta, capit. quinto, volens tradere doctrinam contrariam Semipelagianorum errori, docet initium salutis sumi a vocatione antecedente omnia merita, & re ipsa distincta a concursu libero voluntatis. Ponebant ergo Massilienses hoc principium, vel meritum in aliquo actu, qui a nobis fiat cum solo Dei concursu, nec comparabant illa duo inter se, nec de hoc fuit unquam controversia inter illos, & Patres. Quod etiam aperte ostendunt verba Augustini libr. de Prædestination. Sanctorum capit. secundo, quibus explicat punctum controversiæ, in quo Galli nondum a Pelagianis discedebant. Et ex verbis Prosperi, & Hilarii, qui semper referunt huiusmodi actus, *velle credere, credere, invocare, velle sanari,* & similia, quæ significant actus ipsos, quos dicebant fieri a libero arbitrio

Secunda
responsio.

bitio sine adiutorio gratiæ, & in illis ponebant tale meritum; & gratiam retributam talibus actibus ponebant in alio nobiliori effectu, vel dono ab ipsis actibus distincto ad quod recipiendum dicebant, preparari voluntatem prioribus actibus naturaliter elicitis. Et hoc ipsum evidenter declarant Cassianus, & Faustus in suis sententiis, & quicquid aliud eis attribuitur, voluntarie excogitatum est.

Præcedens
responsio
accepta-
tur, & pro-
batur.

9. Unde etiam constat, neque Massilienses ita distinxisse in ipso voluntario consensu conatum liberi arbitrii a cooperatione Dei, ut illum dicerent esse priorem, & rationem alterius, & ideo illum vocaverint initium salutaris ex parte nostra. Nam præterquam quod nihil tale in eorum scriptis reperitur, nec de illis relatum invenitur, illud ipsum etiam ipsi naturali luminis rationis repugnat, ut infra suis locis ostendemus, ideoque sine magno fundamento, & evidentiā verborum illis attribuendum non esset. Quocirca a Patribus non arguuntur dixisse, initium salutis vel fidei esse ex nobis, quia dicerent, influxum liberi arbitrii in consensum esse priorem cooperatione Dei, sed quia dicebant, illum actum fieri a nobis, id est, sine prævia interna gratia, & inspiratione, ac illuminatione divina præparatione voluntatem. Et e contrario Concilium Tridentinum per initium salutis non explicuit cooperationem Dei ad illum consensum, sed vocationem per tactum Dei, & præviā illuminationem, & inspirationem. Et ob eandem causam Augustinus sæpe docet, Deum inchoare nostram salutem operando in nobis sine nobis, quod facit per veram & internam vocationem omnino gratuitam, & omne meritum nostrum antecedentem, quam non admittebant Massilienses, & ideo errabant. Ergo in illo prævio merito, quod ponebant, multo minus ponebant propriam cooperantem gratiam, sed solum generalem influxum naturæ. Ac proinde non ponebant tale meritum in actu libero in re ipsa facto ex gratia, sic, vel sic considerato, sed in solis quibusdam bonis actibus mere naturalibus. Et hoc modo subiciebant gratiam bono usus libertatis puro (ut sic dicam) id est, omnem influxum gratiæ in re ipsa excludentem, seu mero conatui humano, id est, non elevato per ullam gratiam ad superiorem ordinem, qualis est conatus, quem voluntas adhibet in actibus, quos sine cooperante gratia non facit.

Quæ scilicet
Semipel.
locuti
sunt, atque
a Conc.
Arausico
damnatur.

10. Denique hinc intelligitur, quo sensu dixerint, Deum expectare voluntates nostras, & quo etiam sensu id a Concilio Arausico damnetur. Intelligebant enim Deum expectare voluntatem hominis, ut se præpararet suis viribus, ut ad fidem, vel penitentiam vocetur per gratiam, vel (quod gravius) ut ipsam salutem gratiæ, & perfectionem recipiat. Et hoc est, quod damnatur in dicto canon. quarto, Concil. Arausico. Cum enim intenderet reliquias Pelagianorum extinguere, ut infra videbimus, in sensu illis contrario loqui debuit. Et hoc etiam manifestat Concilium in omnibus canonicis sequentibus. In quibus eisdem verbis, quibus Semipelagiani suum declarabant errorem, illum damnat, & contrariam veritatem docet. Quocirca sicut Semipelagiani hinc constituentes hominem cum nudo libero arbitrio, & inde Deum largiorem totius divinæ gratiæ a prima usque ad ultimam, dicebant expectare Deum, ut homo inchoet bonum opus liberi arbitrii prius, quam ipse incipiat opus gratiæ: Ita Concilium in eodem sensu damnat dicentes, Deum expectare hominis voluntatem, ut a peccato purgari velit, docetque Deum incipere infundendo spiritum gratiæ, & per illum voluntatem salutis in homine efficiendo: quod pertinet ad primam vocationem prævenientem consensum, non ad cooperationem ipsius consensus.

Salus a
Deo man-
nat: illi
homo res-
pondet.

11. Quod etiam patet ex testimoniis Scripturæ, quibus suam doctrinam confirmat. Unum est illud, *Preparatur voluntas a Domino*. Quod de præparatione, quam solus Deus facit, intelligit Augustinus quæstion. secunda, ad Simpli. Nam hominis et-

iam est *preparare cor*, ut dicitur Proverb. decimo sexto; unde nobis dicitur, *Preparate corda vestra Domino*. 1. Reg. septimo, hæc autem præparatio secunda sit ab homine cum Deo, & gratia ejus cooperante: illa vero prior, quæ antecedit, sit a solo Deo per gratiam excitantem, seu vocationem, ut ibidem ait Augustinus, & libr. de Prædestinat. Sanctor. capit. sexto, & decimo sexto, & contr. duas epistol. Pelagianor. capit. octavo, & nono, & libr. secundo de Peccator. merit. & remis. capit. decimo octavo. De hac ergo præparatione per solam Dei prævenientem gratiam loquitur illud Concilium, cum docet, Deum non expectare hominem. Aliud testimonium est illud ad Philippen. secundo: *Deus est, qui operatur in vobis & velle, &c.* quod etiam facit Deus per congruam vocationem, ut eisdem locis Augustinus exponit: præsertim dicta quæstion. secunda, ad Simpli. itemque libr. de Bon. per. capit. decimo tertio, & libr. de Grat. & liber. arbit. capit. decimo sexto, & decimo septimo. Hominem ergo nondum vocatum non expectat DEUS, ut illum vocet (ut infra, contra hunc errorem Semipelagianorum ostendemus: nunc enim solum illum explicamus) hominem autem jam supernaturaliter excitatum, & vocatum expectat Deus, ut libere consentiat, & ad ulteriorem gratiam se disponat, ut infra cum de gratia efficaci tractaverimus, declarabimus, & ostendemus.

*Quam gratiam intellexerint Semipelagiani
dari nobis a Deo, intuitu boni
usus naturalis libertatis.*

Dub. 2.

1. Circa secundum principale dubium de entitate videlicet prædictæ gratiæ, Augustinus libr. de Prædestination. Sanctorum capit. secundo, solum refert ex sententia Pelagianorum, fidem inchoari a nobis ex nobis, ex merito autem illius initii augeri a Deo. Et de hoc ipso augmento non explicat, quale sit, potest autem intelligi, vel de augmento essentiali, vel intensivo, vel etiam de perfectione, quam accipit fides ex conjunctione charitatis; Prosper autem in epistol. ad Ruffin. justificationem absolute ponit sub illo merito ex sententia Massiliensium: *Ut qui voluerint, inquit, credant, & qui crediderint, merito fidei, & bonæ voluntatis justificationem accipiant*. Per justificationem autem intelligere videtur non solum, sanctificationem per infusionem gratiæ habitualis, & remissionem peccatorum, sed etiam totum progressum a fidei conceptione usque ad illum terminum, & ita includit tam habitum infusionem, quam donationem actuum supernaturalium, & auxiliorum, quæ ad illos actus necessaria sunt. Et ita in alia epistola ad Augustinum: *Ad hanc, inquit, gratiam, qua in Christo renascimur per naturalem facultatem petendo, querendo, pulsando perveniri dicunt*: & in sequentibus dixisse refert, se *auxilium gratiæ, & salvantem gratiam merito suæ credulitatis accipere*. Idemque sentit Hilarius dicens: *Ut eo merito, quo crediderint, se posse sanari, & voluerint, & ipsius fidei augmentum, & totius sanitatis suæ consequantur effectum*: & infra: *Ut adjuvetur qui caperit velle*. Omne ergo genus gratiæ, sive habitualis, sive actualis, seu auxiliantis huic merito tribuisse videntur. Quod etiam ex sententiis Cassiani, & Fausti non obscure sumitur, cum etiam totam perfectionem spirituales huic humano merito supponere videantur. Nam licet fateantur, sine gratia Dei non posse comparari, sentiunt tamen præire semper laborem humanum; & gratiam subsequi, ut ulterius homo semper progrediatur.

13. Quocirca in hoc dubio exploratum quidem videtur, Semipelagianos totam gratiam subiecisse aliquo modo humano labori, ejusque merito: de modo autem quo id intellexerint, non ita constat. Duobus enim modis intelligi potest, aliquam gratiam

Dupliciter
intel-
ligi po-
tuit gra-
tiæ
conferri
humano

merito, ut
volebant
Semipela-
giani

tiam dari merito illius humani affectus, aut fidei, vel operis, scilicet, vel proxime, vel saltem remote, seu partim proxime, partim remote. Loquendo ergo posteriori modo, clarum est, totam salutem nostram posuisse Semipelagianos in illo, vel ab illo merito humano, quia per illud sufficienter distinguebant prædestinatos a reprobis ut constat ex citatis epistolis; ergo sentiebant, totam salutem dari aliquo modo propter illud meritum, ergo vel proxime, vel saltem remote, & radicaliter. Deinde hoc ut minimum probant testimonio adducta. Ac tandem declaratur, quia dicebant per voluntatem credendi, verbi gratia acquiri fidem aliquam inchoatam, & propter hanc tribui perfectionem fidei, & per hanc impetrari auxilium ad ulteriorem perfectionem; ergo ita progrediendo, tota salus, & omnes gratiæ ad illam necessariæ ab illo humano merito proveniunt.

Nam si de
posuerint
singuli do-
na gratiæ
dari pro-
xime pro
aliquo
merito
humano

14 Difficultas autem est, an etiam senserint, omnia, & singula gratiæ dona proxime, & immediate dari propter aliquod humanum meritum. In quo puncto mihi non est certum, quid illi senserint, vel an omnes in eadem sententia quoad hoc punctum convenerint. Hinc enim difficile creditur videtur, eos asseruisse, vel primam gratiam sanctificantem cum remissione peccatorum, & aliis virtutibus, & donis infusis dari proxime, & immediate propter aliquem laborem humanum, seu propter actum mere naturalem, & solis viribus liberi arbitrii factum, vel actus ordinis supernaturalis omnes dari immediate propter aliquod bonum meritum naturale; ergo non oportet, hæc illis attribueretur, cum ea non expresserint, nec necessario ex eorum dictis sequantur: satis enim est, quod dixerint mereri homines auxilia supernaturalia, vel aliquod primum, quo bene operando supernaturaliter, ulteriora auxilia, & dona consequantur. Sed licet ex vi meriti primi auxilii gratiæ, quod ponebant, nihil aliud consequi, aut necessarium esse videatur: nihilominus eorum scripta attente considerando, multo plura dona gratiæ censebant, retribui labori, & merito humano. Nam in primis Cassianus, ut vidimus, propter penitentiam conceptam ex solo bono usu liberi arbitrii censuit retributam fuisse Davidi peccati sui remissionem. Et latroni propter naturalem fidem statim repromissum esse paradisum, & Abraham propter fidem, quam per libertatem arbitrii exhibuerat, iustificatum esse. Et ita quoad remissionem peccatorum verisimile est eos sensisse, immediate obtineri per naturalem penitentiam ex solo bono usu liberi arbitrii conceptam. Quid autem illi de habitibus infusis senserint, an scilicet infundantur cum remissione peccatorum, & cum interna animæ renovatione: quidve de actibus supernaturalibus existimaverint, an scilicet necessarii sint, nec ne, exploratum non est, nec illis temporibus expresse controvertatur, & ideo de his certo dicere non possumus, an crediderint, hæc dari propter tale meritum: Solum enim peccatorum remissionem, & gratiæ adiutorium aperte dixerunt, dari propter tale meritum. Hoc autem non tantum intelligebant de uno primo auxilio, per quod reliqua obtinebant, sed etiam de multis aliis, quæ per vitæ decursum possunt homines usu suæ libertatis, suoque humano labore, ad perseverandum, & crescendo in iustitia promereri.

Probabile
est censui-
se singulis
gratiæ do-
nis respd-
dere pro-
portiona-
tum meri-
tum hu-
manum

15 Atque ita non cuilibet actui, seu merito humano omnia dona gratiæ immediate attribuerunt, neque in solo uno actu, vel in illis solis, qui antecedunt perfectam fidem, ponebant hoc meritum, sed per totam vitam durare posse, & debere censebant. Unde consequenter (ut opinor) sentiebant, singulis gratiæ donis, correspondere proportionatum meritum humanum; ut verbi gratia propter naturalem voluntatem credendi dari fidem, seu auxilium ad credendum, vel propter voluntatem credendi cum fide imperfecta; quæ ad illam voluntatem necessario sequitur dari per-

Suarez Tom. VI.

fectam fidem, seu augmentum fidei; per invocationem autem humanam dari id, quod petitur, & propter desiderium salutis dari auxilium, saltem ad inchoandam illam, & propter aliud simile desiderium progrediendi, dari adiutorium aliquod illi proportionatum, & per conatum humanum ad resistendum tentationi, dari auxilium ad victoriam illius perfecte obtinendam, & sic cum proportionem de cæteris virtutibus singulis. Quæ omnia facile sibi persuadebit, qui ea, quæ ex Cassiano, & Fausto capite præcedenti retulimus, attente legerit. Hac enim ratione dicunt, petenti (utique per invocationem humanam) dari, quod petitur, pulsanti aperiri, quærentem invenire, & similia: ut declarent, humano merito respondere effectum, seu præmium labori, & industriæ humanæ proportionatum. Sic etiam Cassianus dicta collation. cap. octavo. *Cum Deus in nobis ortum quandam bonæ voluntatis inspexerit, illuminat eam confestim, atque confortat, & incitat ad salutem incrementum tribuens ei, quam ipse plantavit, vel nostro conatu viderit emeruisse.* Ubi non solum loquitur de hominibus ante fidem, vel iustitiam, sed generaliter de omnibus, & unicuique initio bonæ voluntatis suum augmentum, & peculiare adiutorium quasi pro mercede correspondere sentit, & cap. II. circa finem, & fere in omnibus capitibus sequentibus multa similia repetit. Et similiter Faustus libro primo, capite septimo dicit, Deum expectare ab incipientibus fidem, a proficientibus opera, utique humana, *ita tamen ut credulitatis affectum proficientibus augeat, & laborantibus adiutor quotidianus adsistat.* Ubi hoc meritum & quotidianum esse supponit, & per partitionem illam cum proportionem remunerari significat. Quod etiam in sequentibus capitulis, & locis supra designatis prosequitur, & declarat.

Cujusmodi intelligerent Semipelagiani esse illud adiutorium gratiæ, quod ratione proprii laboris confertur homini? Dub. 3.

16 **H**inc vero nascitur 3. principale dubium de qualitate, ut ita loquamur, prædicti adiutorii gratiæ, in quo multa interrogari possunt. Primum, an illud sit aliquod beneficium gratiæ, quod a solo Deo fiat in homine bene utente sua libertate sine nova cooperatione ejusdem hominis vitali (ut sic dicam) sive libera, sive naturali, & necessaria, an vero sit aliquis actus perfectus, seu perfectior, quam fuerit prior, qui a nobis fit? Deinde si tale donum consistit, vel semper, vel aliquando in actu secundo, & perfectiori, qui a nobis fiat, an ille sit in se, ac proprie liber, vel necessario sequatur ex priori actu, ac subinde non sit liber nova libertate, sed tantum per denominationem a libertate prioris boni usus, ratione cuius perfectior ille actus confertur? Denique si actus ille, ad quem juvatur homo ratione prioris meriti, non tantum sit intellectus, aut voluntatis perfectius operantis, sed etiam liber, an adiutorium, quod ad illum confertur, sit per modum auxilii tantum insufficientis, quod suo effectu privari solet, an per modum auxilii efficacis, quod infallibiliter suum effectum consequitur? Quæ omnia si a nobis exacte, & cum sufficienti fundamento resolvimus, & affirmari possent, utilissimum quidem esset; tum ad cavendum ipsum errorem in tradenda vera de gratiæ doctrina; tum ad illum certius, & efficacius impugnandum; difficile tamen id est, neque a Cassiano aut Fausto hæc satis explicantur, neque etiam a Patribus distincte referuntur. Nihilominus tamen quia conjectura assequi possum, breviter explicabo.

17 Quod ergo ad primam interrogationem attinet, existimo Cassianum, & alios sensisse, mercedem proximam, & immediatam hujus laboris humani sæpe esse aliquod supernaturale beneficium, quod a Deo solo fit in homine, vel circa hominem, sic bene de se

Prima in-
terrogatio
in hoc 3.
dub. prin-
cipale

2. Inter-
rogatio

3. Interro-
gatio

Interro-
gationi
primæ re-
spondet

merentem, licet possit, etiam frequenter esse aliqua perfectior actio, quæ ab ipso homine fiat peculiariter adjuto, & moto a Deo. Prior pars ostenditur imprimis in remissione peccatorum, quam sentit Cassianus interdum dari propter bonum usum naturalis libertatis in detestatione, vel dolore de peccatis commissis, nam remissio illa beneficium est a Deo solo concessam supposita hominis dispositione. Unde si cum remissione peccati intellexit infundi justitiam, & renovationem internam per habitualia dona infusa, consequenter etiam dicere debuit, dari hæc omnia intuitu boni affectus naturalis, ac subinde hoc præmiū laboris a solo Deo fieri in nobis, sine nobis post tale meritum, quia illa dona a solo Deo fiunt. Et certe non est alienum ab hoc sensu Faustus lib. 1. cap. 12. ubi de Filio Prodigio loquens ait, *Sicut sui criminis est quod longe patris parentis refugit oculos, ita sue est devotionis, quod per insitum sibi bonum deliberans, & assurgens, ad paternos refugit amplexus, sed gratia, quæ pulsaverat peregrinantem, suscipit revertentem.* Nam, ut jam admonui, nomine gratiæ pulsantis, solam vocationem externam intelligit, post quam sequitur bonus usus liberi arbitrii, ratione cujus Deus suscipit hominem revertentem, jubet ferre stolam primam, & induere illam, quæ internam renovationem significat.

18. Utæret hæc autem intrinseca dona, sunt beneficia magis extrinseca, quæ a Deo sine nobis circa nos fiunt, & ad gratiæ adiutorium suo modo pertinent, de quibus isti etiam sentiebant, dari a Deo intuitu humani meriti. Hujusmodi sunt prævenire, & præcavere, ne nobis tentationes, vel occasiones peccandi occurrant, quæ nos vincerent, nisi averterentur, aut e contrario externas occasiones bene operandi nobis providere, & impedimenta auferre, ac similia quæ sine dubio magna sunt divinæ providentiæ beneficia, quæ hominem præveniunt sine illius cooperatione, vel re cogitatione. Et hæc dicebant etiam dari in retributionem boni usus liberi arbitrii ad perfectam castitatem, vel similes virtutes acquirendas, ut constat ex Cassiano dicto libro duodecimo, capite 16. & tota collat. 13. Idemque ex Fausto sumitur. Et in hoc certe loquuntur consequenter; tum quia si Deus propter hoc humanum meritum conferat interna dona, quid mirum, si hæc etiam externa conferat beneficia? tum etiam, quia ipsi dicebant, Deum conferre bene inghnoanti pugnam sua libertate adiutorium necessarium ad consequendam victoriam, vel laboranti, ad progrediendum, & perseverandum, vel ad effectum, & consummationem consequendam, sed ad hos fines necessaria est illa Dei protectio; ergo consequenter asserunt, hæc dari homini propter prædictum bonum usum libertatis.

19. Jam vero non solum hæc bona extrinseca, neque sola intrinseca, quæ dantur per modum actus primi: sed etiam actus secundos, & vitales, eorumque perfectionem, & consummationem propter hujusmodi meritum dari, illos auctores credidisse, ex eorundem verbis colligere possumus. Nam dicebant, propter affectum fidei, vel fidem imperfectam dari homini fidei augmentum, & perfectionem, Quod certe non intelligebant de augmento habitus fidei, nec de illo aliquando loquuntur, nec illum genitum, aut infusum supponebant per solum effectum credendi, vel fidem imperfectam: intelligebant ergo de fide actuali, quam dicebant, firmiorem, & perfectiorem fieri per gratiæ adiutorium, quam per solas vires liberi arbitrii fieri potuisset; ergo intelligebant aliquem actum perfectioris fidei, vel saltem aliquam actualem perfectionem fidei dari intuitu prioris boni usus libertatis naturalis. Idemque cum proportionem censi potest in alijs actibus virtutum, præsertim, Spei, Charitatis, Penitentiae, & Religionis, & in victorijs temptationum. Deinde Cassianus dicta collation. cap. 7. dicit, *quantumque scintillam ex corde nostro emicuisse conspexerit, eam fovet, suæque inspiratione confortat, & cap. 8. cum ortum bonæ voluntatis inspexerit, illuminat eam confestim:* inspiratio autem, & illuminatio actus vitales sunt intellectus, & voluntatis; sentit ergo Deum infundere aliquos similes actus intuitu præcedentis humani meriti. Verum quidem est, hos au-

thores valde ambigue, & æquivoce his verbis uti: verisimile nihilominus est, eos, quando loquuntur de propria gratia, quam Deus præbet ultra proprias vires liberi arbitrii, & ultra bonum illarum usum, & propter illud, proprietatem loqui de inspiratione, & illuminatione. Et idem sentit Faustus, cum ait, propter bonum affectum dari actionem bonam, & propter bonum desiderium dari effectum, & complementum ejus, quod sæpe in aliquo perfecto actu dilectionis, vel contritionis, aut alio simili consistit. Et hæc de prima interrogatione.

20. Circa secundam vero supponere oportet, per divinam gratiam interdum fieri in nobis aliquos actus vitales intellectus, & voluntatis sine nobis moraliter, & libere operantibus, quos prævenientem inspirationem, & illuminationem appellamus, præter hos vero dari in nobis actus gratiæ liberos, & morales, seu perfecte humanos. Supponendum item est, secundum ordinariam Dei providentiam priores actus non liberos antecedere, & inducere posteriores, si voluntas nostra non resistat, quod pro sua libertate facere potest, & ideo priores actus dantur per modum auxilii, seu adiutorii gratiæ ad posteriores actus, ut infra suis locis operosius explicaturi sumus. De priori ergo genere actuum facile credi potest, admissum esse a Massiliensibus cum eadem proprietate, & perfectione alium actuum, quod nos agnoscimus, hac tantum interveniente differentia, quod fides docet dari hos actus sine prævio merito solius liberi arbitrii, instantem dicebant, dari quidem in nobis tales actus gratiæ ad nos juvandos, sed intuitu alicujus præcedentis boni usus nostræ naturalis libertatis, Ita enim loquitur Cassianus de illuminatione, & inspiratione, quæ datur a Deo aliquid boni in nobis vidente, quod ut dicebam, non est, cum ad improprios sensus transferatur. De posteriori autem genere actuum non possum certo affirmare, nec satis conjectare, quid senserint isti auctores; nunquam enim declarant, dari hoc adiutorium ad novos actus humanos, & liberos perfectiores eliciendos: sed generatim dicunt dari ad augmentum perfectionis, & ad effectum salutis obtinendum, quod potest intelligi de perfectione, & effectui, quem operatur Deus in nobis, sine novo actu libero nostro. Ut, verbi gratia, quia cognare potuerunt, illam eandem fidem, quæ ut erat tantum ex discursu, & effectui naturali, erat imperfecta, accedente Dei illuminatione, & inspiratione formaliter perfici sive per concomitantiam illius adiutorii, sive per aliquam perfectionem, quæ inde naturaliter, ac necessario resultat in actum fidei, qui antea erat imperfectus: idemque cum proportionem in cæteris bonis actibus existimare potuerunt. Et hoc certe insinuat Faustus libro primo, capite nono cum de Deo dicit, *Bonæ voluntatis homini deputavit usum, sibi reservavit effectum.* Nam sicut primum soli homini, ita secundum soli Deo tribuit.

21. Imo in hoc maxime videntur errasse hi auctores, quia non intellexerunt eundem actum posse esse a voluntate libera, & a gratiæ adiutorio necessario ad illum actum efficiendum, ideo enim prærequirunt aliquem bonum usum solius voluntatis, in quo salvetur libertas. Ergo intelligebant, perfectionem, quæ adjungitur ex gratia, jam non fieri a nobis propria libertate, sed a solo Deo adjungi, nobis vero solum attribui, quatenus per priorem bonum usum liberum illam comparamus. Et ob hanc causam nullo modo admittere volebant prævenientem gratiam, qua Deus facit, ut velimus, & in hoc reprehendebant doctrinam Augustini, tanquam libertati contrariam, ipsi vero agebant, ut constat ex Prospero, Hilario, & eorum scriptis, relictam esse libertatem, qua quis possit obedire, vel aliter se præparare, ut libere, & ex proprio merito salus unicuique conferatur. Quod sane non solum in uno, seu primo actu modo jam explicato, sed etiam in toto progressu virtutis, vel perfectionis intellexisse videntur. Nam homo sic adjutus, & confortatus a Deo in priori actu facilius redditur ad secundum in alia opportunitate libere eliciendum, tunc autem etiam sua libertate incipiet alium usum sui arbitrii, quem Deus majoribus beneficiis perficiet, vel

Interrogationi 2. satisficit.

Item tentationes a Deo præveniri, ne vincant: propter laborem casti & Faustus dicebant.

Item augmentum virtutum etiam sine libero arbitrio.

Perfectionem humanam liberi adiutorium ex gratia a solo Deo fieri putabatur semipelag.

vel majorem aliquam suavitatem, aut illuminationem addendo, vel alio simili modo, & ita potest procedi in toto discursu spiritualis vitæ. Et hoc certe significare videtur Prosper, cum in illa epist. ad August. de Semipelagianis scribit. *Ad gratiam qua in Christo renascimur, pervenire hominem dicunt per naturalem facultatem, petendo pulsando, quarendo, ut ideo accipiat, ideo inveniat, ideo introeat, qui bono nature bene usus, quia ad istam salvantem gratiam initialis ope gratiam meruit pervenire*, ubi initialem gratiam, eis condescendens, ut infra dicam, vocat ipsam libertatem, sub gratia vero salvante includit non tantum habitualement, sed maxime gratiam auxiliantem, nec solum primam, sed omnem, quæ ad salutem adjuvat, ut expressius declaravit Hilarius supra dicens: *Ut eo merito, quo voluerint, totius sanitatis sue consequuntur effectum*. Tota autem sanitas animæ non obtinetur, nisi multis actibus, & toto vite progressu. Ergo in toto illo ita componebant Semipelagiani gratiam cum libertate, ut in singulis actibus utilis ad salutem, antecederet actus sola libertate factus, & illi, ac propter illum adjungatur gratia, qua perficiatur a solo Deo, & fiat aptior, & utilior ad salutem.

Libet
actus cum
adjutorio
gratiæ ag-
novisse
Massilien-
ses indi-
cium ali-
quod est

22 Veruntamen licet hic modus explicandum sensum hujus erroris, tam in Cassiani, & Fausti verbis, quam in his, quæ referunt Prosper, & Hilarius, magnum habeat fundamentum, nihilominus non omnino convincimur ad credendum, eos non agnovisse actus liberos intellectus, vel voluntatis factos libere a voluntate cum adjutorio gratiæ, distinctos ab illis actibus liberis mere humanis, in quibus meritum præcedens gratiam collocabant. Potuerunt enim, cum dicebant, augeri fidem propter meritum boni affectus ad illam, vel propter fidem imperfectam, intelligere, propter illud meritum elevari, & confortari hominem per gratiam ad efficiendum libere meliorem actum fidei, quam possit solis viribus liberi arbitrii facere, & sic de reliquis virtutibus, seu actibus earum, tam in initio sanctificationis, quam in progressu ejus. Nunquam enim invenimus, aut legimus hoc ab eis fuisse expresse negatum, neque ex eorum dictis videtur necessario sequi. Nam licet posuerint prævium bonum usum solius libertatis ante gratiam, fortasse non fuit, quia putaverint, non posse actum esse liberum, si ad illum eliciendum est necessaria gratia, sed quia non esset justa nec rationabilis distributio gratiæ, nec discretio inter salvandos, & non salvandos, nisi illud meritum præcederet. Nam contra rationem putabant, eam partitionem, vel distributionem pro sola Dei voluntate esse factam, ut Augustinus vult. Si autem dicatur, talem libertatem remansisse, qua sola possit quis saltem velle bonum incipere: *De compendio* (aiebant) *rationem reddi electorum, & refectionem, in eo, quod unicuique meritum propria voluntatis adjungitur*, ut Hilarius refert. Et simili modo, ait Prosper, ideo Massilienses negasse, Dei voluntatem merita hominum prævenire, ne cogerentur concedere, Deum sola sua voluntate inter salvandos, & reprobos discrevisse. Eandemque rationem multis verbis inculcat Faustus lib. 2. cap. 7. & 26. quæ supra retulimus. Quod si verum est, Massilienses agnovisse actus humanos, & liberos perfectioris rationis, seu ordinis gratiæ, dicendum est illos consequenter existimasse, hos actus esse posteriores bono usu solius liberi arbitrii, & ratione illius dari prædictos actus, non immediate, & in se, sed media aliqua illuminatione, & inspiratione, qua excitetur, & elevetur potentia ad talem actum quasi in præmium prioris boni usus naturalis arbitrii. Quod per se clarum est, magis autem explicabitur in sequenti dubio.

Senserintne Semipelagiani gratiæ adjutorium pro humano labore collatum esse sufficiens tantum, an etiam efficax. Dub. 4.

24 Statim enim occurrit tertia interrogatio supra proposita n. 16. quod merito esse potest quartum principale dubium in hoc capite, nimirum, cum Semipelagiani dixerint, adjutorium gratiæ ad perfecte operandum dari ex merito humano, an id intellexerint de auxilio sufficiente tantum, vel etiam de efficaci, id est, an senserint, in præmium præstii laboris dari auxilium, quod semper habeat effectum, vel quo possit effectu frustrari? In quo aliter loquendum est juxta priorem modum explicandi istorum sententiæ de actibus per gratiam perfectis, aliter vero juxta posteriorem. Et ideo ut utrumque breviter declarem, suppono sententiam Massiliensium fuisse omnibus hominibus præsertim adultis, de quibus nunc loquimur, dari gratiam, & auxilium sufficiens, ut omnes possint salvari, verumque sit, *Deum velle omnes homines salvos fieri*. Et quamvis in hoc ab aliquibus reprehendantur, & Augustinus interdum aliter conetur explicare illa verba, *Deus vult omnes homines salvos fieri*; nihilominus illa sententia per se spectata, & quoad illum articulum, error non continet, sed potius vera est, licet in modo illam intelligendi, & explicandi possit error misceri, ut in lib. de Prædest. late dixi, & infra suo loco attingam. Isti autem Semipelagiani in hoc errabant, quod hoc auxilium sufficiens non ponebant in aliqua vera gratia, sed partim in naturali lege, & libertate, partim in externa lege, prædicatione, seu doctrina, ut cap. præcedenti in sententiis Cassiani, & Fausti notatum est, & infra in ultimo dubio magis explicabo. Unde hoc auxilium sufficiens fatebantur dari dignis, & indignis, ac subinde non dari ex aliquo merito humano, sed ex liberali beneficentia Dei. Quod præcipue intelligendum est quoad legem naturalem, & liberam volendi facultatem. Nam quoad divinam revelationem, & legem, ac doctrinam, seu prædicationem Evangelii dicebant, dari propter meritum humanum, & non negati, nisi propter aliquem maium usum libertatis, vel in re existentem, vel a Deo prævisum, saltem sub conditione, nimirum, quia cognovit Deus, quod licet aliquibus prædicaretur Evangelium, non essent credituri. Quamvis enim Cassianus, & Faustus hoc posterius non ita expresse attingat, a Prospero, & Hilario refertur, & ab Augustino citatis locis impugatur. Quia vero totum hoc genus auxilii sufficientis non est vera gratia, de qua tractamus, & quia evidens est, non dari ex meritis sive in re futuris, sive sub conditione prævisis; tum quia indifferenter omnibus offertur, quantum est ex parte Dei; tum quia ad indignos pervenit, & interdum ac saepe, ad illos, qui restituri sunt, & aliquando non datur illis, qui credituri essent, at latius in materia de prædestinatione diximus.

25 Hoc ergo supposito, si loquamur de adjutorio gratiæ in superiori sensu explicato, id est, quod datur ad perficiendum actum, cujus intuitu datur secundum Massiliensium sententiam, & consequenter adjuvat ad bonum usum ejusdem libertatis in futurum, sic duplicem respectum oportet in tali adjutorio distinguere: unus est ad præsentem actum, qui & est meritum talis auxilii, & per ipsum perficitur: alius est ad futuros usus liberi arbitrii. Priori respectu intelligebant Semipelagiani dari per modum auxilii, non solum efficax, sed etiam necessario habentis suum effectum, propter quem proxime datur. Hoc ex dictis probatur relinquitur, quia tale auxilium secundum Semipelagianos vi sua perficit actum independentem a novo consensu voluntatis, & ideo dicebant, hominis esse bonum velle, Dei autem esse perficere, seu dare effectum voluntatis bonæ: & hominem eo merito, quo voluerit, consequi suæ voluntatis effectum, utique solius Dei munificentia, & largitione. Aiebant etiam per illud meritum interdum conferri ipsam peccati remissionem, & animæ salutem, vel perfectionem abque novo usu liberi arbitrii, hæc autem non dantur nisi per efficaciam divinæ voluntatis.

Tertie in-
terroga-
tionis, quæ
4. princi-
pale dubi-
um consti-
tuit, sa-
tis fit

Auxilium
gratiæ po-
nebant Se-
mipe-la-
giani effi-
cax, & ne-
cessarium
respectu
proxime
preceden-
tis meriti.

Idem auxi-
liū for-
ge pua-
bant esse
tantū suf-
ficiens re-
spectu fu-
turi boni
usus liber-
tatis

26 Si vero tale adiutorium consideretur per res-
pectum ad futurum tempus, id est, ad perseverandum
in illo bono usu libertatis, similes bonos affectus li-
beros concipiendo, vel ab uno ad alium progredien-
do, sic existimo, posuisse illud adiutorium ut suffi-
ciens, non ut efficax; quamvis in manu, & potesta-
te voluntatis esse crederent, pro sola sua libertate il-
lum effectum, seu novum bonum opus præstare.
Utrumque facile pater. Primum quidem, quia illi
audire non poterant Augustinum dicentem, Deum
voluntate sua, & vocatione occulta, atque secreta
conyeteret hominis voluntatem, quo voluerit, &
quando voluerit, quia putabant esse libertati contra-
rium; ergo consequenter in sua sententia loquendo,
non poterant admittre tale adiutorium, datum etiam
ex priori proprio merito, quod de se futurum bonum
nisi liberæ voluntatis secum efficaciter traheret.
Secundum autem est valde consequens ad illorum sen-
tentiam dicto modo explicatam, quia putabant,
illum etiam bonum usum liberi arbitrii solis intrinse-
cis viribus ejus fieri, & per gratiam solum juyari, ut
perseveranter, vel sine impedimenti fiat; ergo po-
tita sufficientia ex parte auxilii, dicere cogeantur,
solum arbitrium viribus suis posse præstare effectum
ejus. Et ita Semipelagianorum doctrina, in hac par-
te communis Pelagianis fuit; Deum non operari, ut
velimus, nisi quantum in se est, voluntatis autem
solius esse, vel irritam facere Dei gratiam, vel ef-
fectum per eam intentum consequi, ut sumitur ex
epistola 107. Augustini in principio, & ex aliis
locis citatis.

Massili-
ensium mē-
s de auxi-
lio præve-
niente &
sufficiente
ad virtu-
tum actus
efficiēdos

27 Quocirca etiamq; admittamus ex sententia
Massiliensium illud auxilium, quod datur ex prævio
humano merito, dari nobis, ut per illud perfectiores
actus fidei, vel alterius virtutis libere efficiamus, di-
cendum est, illos etiam esse loquutos de auxilio suffi-
cienti, non de efficaci per se, & natura sua, ita ut
non possit frustrari voluntatis effectum, sed solum in
dicto sensu, quod liberum arbitrium potest per illud
auxilium operari, si velit, & interdum operatur, &
interdum non operatur, pro sua libertate: & quando
non operatur, non consequitur salutem, quia solum
illud prius meritum humanum, sine novo usu perfe-
ctiori libertatis ad illam non sufficit; & ita gratia da-
ta ratione talis meriti sit irrita ad defectum liberi ar-
bitrii. Si autem liberum arbitrium cum illa gratia
cooperetur, salutem consequitur, quæ tribuitur prio-
ri merito, tanquam primæ radici, & causæ ex parte
hominis; proximè vero tribuitur posteriori actui li-
bero, qui per se, ac perfectius ad salutem operatur.
Atque hanc fuisse mentem Gallorum, facile pater ex
dicto principio, quod semper constanter negarunt
illud genus gratiæ prævenientis, quæ ita faciat nos
velle, ut non possimus ei resistere, quia credebant re-
pugnare libertati: ergo si credebant illud adiutorium
dari ad novos actus liberos efficiendos, etiam super-
naturales, necesse est, ut admiserint tale auxilium so-
lum, ut sufficiens ex parte sua, ita tamen, ut cum
illo, & bono usu liberi arbitrii contingat consequi sa-
lutem; tum quia in universum ita sentiebant de quo-
libet genere auxilii sufficienter excitantis voluntatem;
tum etiam quia propter hanc causam dicebant, illud
prius meritum sufficere ad totam salutem, & ad di-
scernendum, salvandum a reprobo, utique si per
liberum arbitrium non steterit. Quantum vero in
hac sententia sic explicata Semipelagiani erraverint,
postea videbimus.

An Semipelagiani putarint meritum humanum
necessario præcedere gratiam.

Dub. 5.

28 Q Uantum dubium sit, an ex Semipelagianorum
sententia hoc prævium meritum humanum
sit omnino necessarium ad gratiam, ita ut Deus nulli
suam gratiam communicare incipiat, nisi prius in
illo tale meritum bonæ voluntatis inveniat. In quo
dubio, quantum ex citatis epistolis, & ex principiis
hujus erroris colligi potest, videntur sane auctores

Partem
affirman-
tem do-
cuisse Se-
mipelagi-
i in hoc
dubio

ejus credidisse, nemini adnito dari gratiæ adiutorium
ad salutem necessarium, nisi ex merito præcedente li-
beri arbitrii. Prosper enim ait, eos dixisse, *Ad hanc
gratiam perveniri per naturalem facultatem, &c. ut
ideo accipiat, &c. quia naturali bono bene usus, ad istam
salvamentem gratiam initialis gratia ope meruit perveni-
re.* Ubi initialem gratiam appellat, vel naturalem
libertatem, ut supra vidimus, vel certe legem & do-
ctrinam, ut statim dicam. Gratiam autem salvantem
appellat illam, quæ datur per veram Spiritus sancti
infusionem, & ad hanc posteriorem obtinendam vi-
dentur sensisse, viam necessariam esse meritum huma-
num, & per hoc distingui dignos electione ab indignis:
unde addebant: *Omnes per Evangelicam prædicationem
vocari, ut qui voluerint* (utique sola libertate natu-
rali) *fiant filii Dei, qui noluerint, fiant inexcusabi-
les, quia bonitas Dei neminem repellit a vita, sed in-
differenter universos vult salvari:* & infra: *Quan-
tum ad Deum* (dicebant) *omnibus paratam esse vitam
æternam, quantum ad arbitrii libertatem, ab his apprehendi,
qui auxilium gratiæ merito credulitatis acceperint.* Intelligebant ergo non aliter accipi hoc auxilium:
& ideo etiam dicebant, necessarium esse, ut obedientia
voluntatis gratiæ adiutorium præeat. Et eodem fe-
re modo sentit Hilarius, eos non aliam rationem red-
didisse, cur gratiæ adiutorium quibusdam conferatur,
& non aliis, nisi quia in uno præcedit hoc meritum,
& non in alio. Erinconveniens magnum esse puta-
bant, hanc discretionem in solam voluntatem divi-
nam referre, etiam ex parte eorum, quibus gratia da-
tur: ideoque quando non poterant rationem reddere
ex merito in tempore existente, & antecedente, recur-
rebant ad prævium futurum, saltem sub conditione,
si fortasse nunquam absolute futurum sit,

29 Denique expressis verbis hoc tradit Cassian. lib.
12. de Institut. renunciant, c. 14. ubi loquens de huma-
nis conatibus, & meritis ait: *Non mea, sed seniorum
sententia desinio, perfectionem quidem sine his omnino
capere non posse, his autem solis sine gratia Dei posse eam
a nemine consummari,* ubi aperte sentit, sicut per so-
lam gratiam potest salus consummari, ita solis cona-
tibus liberi arbitrii posse perfectionem, & sanctita-
tem inchoari: unde subiungit: *Ut enim dicimus, co-
natus humanos apprehendere eam* (utique perfectio-
nem) *per se ipsos sine Dei adiutorio non posse: ita pro-
nunciamus laborantibus tantum, ac desudantibus*
(utique per se ipsos) *miseri cordiam Dei, gratiamque
conferri.* Ubi etiam notanda est particula exclusivæ
tantum, nam ex illa constat postulasse hunc laborem
humanum, ut necessarium ad gratiam obtinendam.
Et hoc modo infra dicit: *Petentibus, pulsantibus, &
querentibus dari Dei misericordiam, & concludit:*
*Præsto est namque occasio sibi tantammodo a nobis bo-
næ voluntati oblata.* Hanc ergo semper ut necessariam
præviam requirit. Et eodem modo loquitur Faustus
in multis verbis supra citatis, quæ repetere non est
necesse. Præcipue vero necessitatem indicant illa ver-
ba: *Nisi fuerit obedientis prævisa devotio, gratia vi-
lescit oblatio.*

30 Nihilominus contrariam sententiam tradere
videtur idem Cassianus collat. 13. a cap. 12. usque ad
finem, præsertim cap. 13. ubi ait: *Nonnunquam Deum
conatus bonæ voluntatis ab homine vel exigere, vel ex-
pectare, ne otioso, vel dormienti videatur dona sua
conferre,* ubi particula, nonnunquam excludit neces-
sitatem & cap. 15. & 17. addit, inscrutabilia esse Dei
judicia, & varia, nam quosdam volentes ad augmen-
tum provehit, alios etiam nolentes attrahit, &c. Et ita
non omnibus, neque semper sentit esse necessariam
proprium arbitrii dispositionem, ut meritum ad gratiam
obtinendam. Unde Prosper cap. 5. contra Collat. in
hoc specialiter Cassianum reprehendit, quod utroque
pede claudicat, nec catholicam doctrinam teneat,
nec cum hæreticis consentiat. *Illi enim* (ait) *in omni-
bus iustis hominum operibus liberæ voluntatis timentur
exordia, nos bonarum cogitationum ex Deo semper cre-
dimus prodire principia,* & cap. 13. & sequentibus, &
33. & sequentibus, illum contradictionis redarguit, &
acriter impugnat.

Ex verbis
Cassian. &
Fausti do-
ctrina ex-
dem haud
obscurè
sumitur

Contra-
rius sibi
apparet
Cassian.
ac adeo
partem ne-
gantem in
proposito
dub. etiā
tradidisse

Ex di-
stinctione
gratiæ ge-
neralis, &
specialis
apud Se-
mipelag.
eorū am-
bigua di-
ctā com-
ponuntur

Gratia
generalis
apud Se-
mipelag.

Gratia
specialis

31 In hoc dubio tam ambigue, & obscure loquuntur Cassianus, & Faustus, ut vix possimus aliquid certum de illorum sententia statuere: unde multo magis incertum est, quid alii sectatores huius erroris in hoc puncto senserint, & an in eo una illorum omnium concors fuerit sententia. Quantum vero ex dictis auctoribus colligere possum, duplicem (ut supra adverti) Dei gratiam distinguebant, unam generalem omnibus hominibus bonis, & malis, salvandis, & damnandis, alteram specialiore, quæ non omnibus datur. Priorem non dicebant fundari in hominibus merito, sed in illa generali voluntate Dei, quæ vult omnes homines salvos fieri. Ita constat ex epistolis Prosperi, & Hilarii, & ex Fausto lib. I. cap. 17. ubi ponit quandam *attractionem*, quæ Deus omnes trahit, quantum in se est, & de illa intelligit verba Christi Ioann. 6. *Nemo potest venire ad me, nisi Pater meus traxerit eum.* Si quis autem attente hos auctores legat, intelliget, hanc gratiam generalem non esse, nisi vel legem naturalem cum libera facultate, vel externam prædicationem, aut doctrinam, vel quamlibet admonitionem, ut ex verbis Faustii supra ostendimus, & aperte sumitur ex Cassiano dicta collat. 13. cap. 8. paulo inferius iterum dicemus.

32 Omnem autem illam gratiam specialiore, id est, quæ non omnibus generaliter datur, sed quibusdam datur, aliis negatur, senserunt hi auctores, quibus datur, ex aliquo merito bonæ voluntatis dari, vel tanquam ex proximo merito, vel tanquam ex radice, modo supra explicato; quia necessarium putabant, dari ex parte hominis rationem aliquam illius diversitatis; ne divina providentia, & distributio iniusta, vel irrationabilis esse videatur. Hæc enim fuit eorum præcipua ratio, ut ex epistol. & scriptis allegatis aperte sumitur, quæ si vera est, in omnibus gratiis specialibus, & in omnibus hominibus locum habet. Quod adeo verum est, ut etiam in parvulis quoad gratiam baptismi, & in adultis quoad prædicationem Evangelii, quæ quibusdam concessa est, & non in aliis, eam invenire studuerint, & cum non inveniunt merita præterita, præsentia, vel aliquando futura, ad ea recurrunt, quæ futura essent, si parvuli viverent, vel ad usum rationis pervenirent, vel si adultis prædicaretur Evangelium, &c. Quamvis (ut dixi) hoc postremum in Fausto, vel Cassiano non reperitur. Inter hos autem hoc discrimen invenio, quod Cassianus de causa parvulorum nihil dicit: Faustus vero illam attingens nihil respondet, nec causam discriminis assignat, sed reprehendendo eos, qui occulta mysteria investigant, difficultatem fugit. In adultis vero Faustus nullam exceptionem proposuit regulæ, quia talis gratia ex merito humano conferatur, adhibet. Cassianus vero in ultimis locis allegatis exceptiones aliquas recognoscere videtur, ut in Mattheo, Paulo, & similibus, quos Deus supra omne illorum meritum specialiter vocavit. An vero id intellexerit, de sola vocatione externa, vel etiam de interna, mihi non constat: quocunque autem modo senserint, non est consequenter loquutus, ut illum Prosper allegatis locis convincit.

An semipelagiani senserint gratia donationem propter meritum humanum decretam esse a DEO certa lege nec ne?

Dubium 6.

Aliquorū
expeditio
in præsen-
ti dubio

33 Sextum dubium est, an isti Malsilienses posuerint, hanc gratiæ donationem propter meritum nostrum humanum esse statutam certa lege, ac promissione, ita ut habenti tale meritum infallibiliter detur talis gratia, vel sit ex quadam ordinata Dei misericordia, vel providentia, quam interdum occulto suo iudicio mutat, vel non servat, nullam specialem gratiam conferendo illi, qui suo libero arbitrio bene utitur. Quidam enim hoc posteriori modo sententiam Malsiliensium interpretantur. Videturque fieri verisimile, quia neque in Cassiano, neque in Fausto mentionem aliquam illius divinæ legis, vel promissionis invenimus. Item quia illi ita ponebant hoc meritum ex parte hominis, ut nihilominus in Dei retri-

Suarez Tom. VI.

butione veram rationem gratiæ defendere optaverint, & variis modis procuraverint: at vero hæc ratio gratiæ facilius servatur, si dicamus, non dari tale donum quasi ex obligatione, & necessitate: stante tali merito, sed ex misericordia, & ideo quibusdam dari, & aliis negari; ergo verisimilius est, ita sensisse Malsilienses. Denique quia illi non ponebant hoc meritum esse de condigno, ut mox videbimus: ergo nec credebant infallibilem esse illius mercedem.

34 Nihilominus verum existimo, mentem Semipelagianorum fuisse ex definito Dei decreto, ac subinde ex lege statuta, ac promissione, esse necessariam connexionem inter tale meritum, & gratiam, ita ut omni habenti tale meritum talis gratiæ portio, seu merces sit repromissa. Probatur primo ex verbis Prosperi in dicta epistola, cum enim dixisset, ex istorum sententia: *Gratia creatoris ita esse naturam humanam institutam, ut per discretionem boni, & mali, ad cognitionem Dei, & obedientiam mandatorum suam possit dirigere voluntatem, & ad Christi gratiam petendo, pulsando possit pervenire, & ideo accipiat, quia bono naturæ bene est usa,* subiungit: *Propositum autem vocantis gratiæ in hoc omnino definiunt, quod Deus constituerit, nullum in regnum suum, nisi per sacramentum regenerationis, assumere, & ad hoc salutare donum omnes homines vocari voluerit, ut qui voluerint (utique credere) fiant filii Dei, qui non crediderint, pereant: ut Dei bonitas in hoc appareat, quod neminem appellat a vita.* Et infra dicit, *quantum quis habet facultatem ad malum, tantam habere ad bonum, parique momento animum moveri ad vitia, & virtutem, quam (aiebant) bona apparentem gratia Dei foveat, mala sestantem damnatio iusta suscipiat.* Tantam ergo sentiebant esse connexionem, & consecutionem inter gratiam, & bonum usum liberi arbitrii, quantam inter malum usum, & penam: unde infra subiungit: *Quantum ad Deum pertinet, omnibus paratam vitam æternam, quantum ad arbitrii libertatem, ab his eam apprehendi, qui Deo sponte crediderint: & auxilium gratiæ merito credulitatis acceperint.* Utrumque ergo censabant aqualiter esse stabilitum, ac promissum certa lege Dei: at vita æterna sub conditione meritorum omnibus est promissa certa Dei lege: ergo pari modo censabant, gratiæ auxilium promissum esse bonæ voluntati naturali. Et cætera, quæ ibi refert, eundem sensum plane confirmant.

35 Nec minus idem ostendunt, quæ refert Hilarius ut ex illis verbis pater. *Quod dicitur, crede, & salvus eris, unum horum exigi asserunt aliud offerri, ut propter id, quod exigitur, si redditum fuerit, id, quod offertur, deinde tribuatur.* Ecce pactum expressum, & promissio sub conditione fidei, seu bonæ voluntatis credendi, vel salutis. Deinde ex hac certa lege rationem reddunt inter electos, & reiectos, & nolunt reddi ullo modo ex sola Dei voluntate. Unde ait: *Nec ad incertum voluntatis Dei duci se volunt, unde eis quantum putant, ad obtinendum, vel amittendum, evidens est quaecunque initium voluntatis, &c.* ergo ex duobus æque bene incipientibus libero arbitrio, non datur uni gratia, alteri negatur ex incerto divinæ voluntatis: ergo ex certa lege datur. Tandem certum est, in Scriptura promissam esse fidei, & orationi impetrationem, & penitentiae peccatorum remissionem, & ita ex certa lege conferri: at vero isti Semipelagiani loca illa Scripturæ intelligunt de fide propriis viribus concepta, vel saltem inchoata, ut vidimus, & de oratione humana, seu solis viribus humanis facta, ut ex Concil. Arausic. can. 5. & 6. aperte colligitur. Et similiter Cassian. dicta Collat. 13. c. 13. de David inquit, *Quod peccatū suum humiliatus agnoscit proprie libertatis est opus quod vero sub brevissimo temporis puncto indulgentiam tantorum criminum promeretur, Domini miserationis est donum.* Ergo ex istorum sententia retributio talis voluntatis ex certa, & infallibili lege conceditur.

36 Adde vero nihilominus, licet forte aliqui ex Malsiliensibus dicerent, non semper, neque omnibus habentibus tale meritum humanum dari gratiam, aliquibus autem vel sepe illam dari intuitu talis meriti, & in aliquam ejus retributionem, semper hoc ad

Resolutio
vera

Ad Semi-
pelagianismum
quoque spe-
ctat a se-
tere quod

datur qui-
busdam
gratia
pro meri-
to huma-
no, qui-
busdam
non datur

reliquias Pelagianorum pertinere. Ita probat late Prof-
per contra Collat. 13. cap. 33. & sequentibus Breviter
autem patet, quia qui ita senserint, necesse est, ut fa-
teantur, & naturam de se habere vires ad promeren-
dam aliquo modo gratiam, & gratiam aliquando &
aliquibus licet non semper, nec omnibus propter hu-
manum meritum dari, & initium salutis in aliquibus
esse a libero arbitrio, & non a gratia: & similiter in
multis gratiam esse pedissequam, non ducem liberi ar-
bitrii, quæ omnia ad errorem Pelagii pertinent, & in
Semipelagianis, quocunque sensu, quo in presenti du-
bitatione loquuti fuerint, damnata sunt. Nam divi-
na Scriptura non de quibusdam, sed de omnibus ait,
Quis prior dedit ei, & retribuetur illi? & Quid habes,
quod non accepisti? &: *sine me nihil potestis facere,* &
& similia quæ late Augustinus expendit lib. de Prædest.
Sanct. & Prosper supra, & tractabimus late inferius
de auxiliis prævenientibus differendo, ubi etiam osten-
demus, rationem gratiæ destrui vel in omnibus, vel
in pluribus, aut in paucis, si eis dicatur gratia dari pro-
pter tale meritum. Et ita facile expediuntur coniectu-
ræ in contrarium positæ.

De quo genere meriti Semipelagiani loquerentur.

Dub. 7.

Quod de
merito de
condigno
loquuti
non vi-
deantur

37 Propter ultimam vero conjecturam in fine n. 33.
adductam propono dubium septimum. An
Massilienses sententiam suam de merito perfecto, seu
de condigno, vel de imperfecto, quod impetratorium,
vel de congruo appellari solet, intellexerint? Illos
enim non fuisse loquutos de merito de condigno, colligi
inprimis potest ex illis verbis, quæ de Massiliensibus
profert Hilar. in sua epistola: *Nec negari gratiam, si*
dicatur talis voluntas præcedere, quæ tantum medicum
querat, non autem quicquam ipsa jam valeat. Quasi
dicat tam exiguum esse illud meritum, ut rationem
gratiæ in præmio non excludat: igitur non censebant
illud esse meritum de condigno. Multo vero clarius
id tradere videtur Cassianus lib. 12. de Institut. renun-
ciant. nam postquam ca. 11. multa in hanc sententiam
dixit, cap. 13. adjungit, *Quantuslibet jejuniorum, vi-*
gilarum, ac lectionis labor fuerit impensus, condignus
esse non poterit, qui hæc virtute sui laboris obtineat.
Nunquam enim divinum munus labor proprius, huma-
næ compensabit industria, nisi desideranti fuerit di-
vinæ miseratione concessum. Et addit cap. 14. *Dicimus*
secundum Salvatoris sententiam, dari quidem petenti-
bus, & aperiri pulsantibus, & a querentibus inveniri,
sed petitionem, & inquisitionem, & pulsationem no-
stram non esse condignam, nisi misericordia DEI id,
quod petimus, dederit, vel aperuerit, cum pulsamus,
vel illud, quod querimus, fecerit inveniri. Præsto est
enim occasione sibi tantummodo a nobis bonæ voluntatis
oblata, ad hæc omnia conferenda. Ubi aperte & con-
dignitatem operis, aut meriti negat, & solum per
modum occasionis a Deo expectari profitetur. Unde
in Collat. 13. cap. 13. ait, *Deum occasiones querere, qui-*
bus humane segnitia corpore discusso, non irrationabi-
lis munificentia sua largitas videatur, dum eam sub
colore cujusdam desiderii, ac laboris, & nihilominus
gratia Dei gratuita perseveret, dum exiguis quibusdam,
parvisque conatibus tantam immortalitatis gloriam,
tanta perennis beatitudinis dona inestimabili tribuit
largitate.

Suasio
opposita
ex Cass.

38 In contrarium vero est, quia meritum gloriæ
est meritum de condigno: at vero Semipelagiani ita
loquuntur de hoc merito laboris, seu conatus humani,
respectu gratiæ, sicut de merito gloriæ per hujus vitæ
opera, & labores: ergo. Minor patet ex Cassiani ver-
bis dicto lib. 12. cap. 11. rationem illius meriti, eiusque
exiguitatem reddens, inquit. *Quia totius bonitatis ef-*
fectus ab illius profuit gratia, qui tantam perennitatem
beatitudinis, & immensitatem gloriæ exiguae voluntati
brevique ac parvo cursui nostro multiplicata largitate
donavit. Et cap. 15. refert, & approbat suorum du-
cum, & spirituum magistrorum submissionem ani-
mi, ac humilitatem. Nam licet laborum meritum
necessarium esse dicerent, illud tamen magis gratiæ,
quam laboribus suis tribuebant, *Et idcirco* (ait)

futura vitæ stipendia non operum sperare se merito, sed
miser cordia Domini proclamabant, nihil sibi de tanta
circumspectione cordis aliorum comparatione donantes,
quippe qui hanc ipsam non suæ industriae, sed gratiæ di-
vinæ adscribebant. Ubi eadem regula metiuntur me-
ritum stipendii vitæ futuræ, & meritum perfectionis,
& gratiæ in præsentī vitæ. Et ita in Collat. 13. ca. 13.
explicat exiguitatem illius meriti humani laboris, vel
desiderii respectu gratiæ ex Pauli testimoniis dicentis:
Quod in presenti est momentaneum, & leve tribula-
tionis nostræ supra modum in sublimitate (vel ut ipse
legit) *absque comparatione, æternum gloriæ pondus*
operatur in nobis, 2. Corinth. 4. & illud Romanor. 8.
Non sunt condigna passiones hujus sæculi, &c. unde
subinfert: *Quantumlibet ergo enīsa fuerit humana fra-*
gilitas futura retributioni par esse non poterat, nec ita
laboribus suis divinum imminuet gratiam, ut non sem-
per gratuita perseveret. Equalem ergo rationem me-
riti ponebant in proprio labore liberi arbitrii, respec-
tu gratiæ, & gloriæ: at respectu gloriæ meritum
perfectum, quale esse potest in homine puro: ergo
idem ponebant in libero arbitrio respectu gratiæ. Ac-
cedit, non minorem rationem debiti, nec minorem
connexionem cum præmio in uno, quam in alio me-
rito posuisse; sicut ergo unum est meritum iustitiæ,
ita & alterum ex eorum sententia.

39 Sed in hoc dubio incertum mihi est, quid de
illo merito gloriæ senserint Semipelagiani: fortasse
enim nullam veram condignitatem in illo ponebant,
sed acceptationem Dei, eamque vocabant gratiam,
& misericordiam, quia est supra valorem operis, &
qualiscunque laboris humani, etiam si interdum tan-
tus, vel tam diuturnus sit, ut sine Dei gratia perfici
non possit. Unde Gennadius in vita Faustī refert,
eum docuisse: *Quidquid libertas arbitrii pro labore*
pæ mercedis acquiserit, non esse proprium meritum,
sed gratiæ donum. Et idem Faustus in epist. ad Luci-
dum, Totis (ait) *viribus desudantes, ne gratia*
evacuatur in nobis, quidquid de manu Domini susce-
rimus, donum pronuntiemus esse non pretium, scien-
tes laboris ipsius fructum officii rem esse, non meritum.
Sive autem ita senserint de merito gloriæ, sive non,
certum est, multo minorem rationem meriti cogita-
re potuisse in illo (ut sic dicam) initiali merito pri-
mæ gratiæ auxiliantis, quam in merito laboris postea
perfecti per gratiam, quia illud primum erat mere
humanum, ac subinde maxime imperfectum: hoc
vero est nobilioris ordinis ratione gratiæ, & ideo si
hoc posterius dicebant, non esse ex condignitate, sed
ex acceptatione, multo magis illud prius. Qua pro-
pter verisimilius absolute videtur, non posuisse me-
ritum de condigno in illo initio gratiæ, sed imperfec-
tum, & exiguum, quod Deo tantum quandam oc-
casionem gratiæ suæ communicandæ tribuat. Sic
enim de illo merito loquebatur Pelagiani, & pote-
rant etiam impetratorium vocare, ut interdum lo-
quitur Augustinus epist. 105. quia per invocationem
humanam, gratiam etiam impetrari dicebant.
Unde erat illud meritum aliquo modo simile illi,
quod nunc de congruo appellamus, de quo infra
suis locis dicemus. Quomocunque vero illi in-
tellexerint, dari gratiam propter tale meritum,
errarunt, & eorum sententia damnata est, ut infra
suo loco videbimus.

Incerta
est in præ-
sentī dubio
Semipe-
lagians
verisimi-
lius tamē
nō agno-
visse in
merito
humano
condigni-
tatem.

Quo pacto Semipelagiani rationem gratiæ, quam
verbis profitebantur, cum suo illo merito humano
conciliarent, præsertim addendo, etiam,
cogitationes sanctas a DEO esse.

Dub. 8.

40 Octavum, & ultimum dubium est, quomodo
cum illo humano merito veram gratiæ ratio-
nem Massilienses componerent, ac subinde an uno, vel
multiplici sensu de gratia loquerentur. Et huc etiam
difficultas alia spectat, quomodo non obstante illo
merito dicerent, non solum opera, sed etiam volunta-
tes, & cogitationes sanctas ex Deo habere princi-
pium, qui nobis initium sanctæ voluntatis inspirat.
Circa primum punctum tres modos invenio, quibus
Semi-

Ad 1. dubii propositum.
1. Concil.

Semipelagiani meritum illud cum gratia conciliare cupiebant. Primus est, distinguendo inter opera, & affectum salutis, & dicendo, affectum non computari inter opera, ideoque licet auxilium ad operandam salutem detur ex merito illius affectus, nihilominus verum esse, ad omnia salutis opera esse necessariam gratiam. Sic de illis refert Hilarius: *Neque alicui operi curationis eorum annumerandum putant, exterrita, ac supplicii voluntate unumquemque egrotum velle sanari.* Sed hæc sola evasio sufficere non poterat propter multa. Primo, quia negari non potest, quin desiderium salutis sit aliquod liberum opus voluntatis, & ad salutem non solum utile, verum etiam necessarium. Secundo quia illud desiderium supponit bonam, & sanctam cogitationem: ergo si ille affectus non est ex gratia, multo minus sancta cogitatio, quæ antecedit, erit ex gratia; hoc autem repugnat alteri eorum assertioni, qua dicebant, non tamen omne opus bonum, sed etiam omnes sanctas cogitationes esse ex gratia. Tertio quia esto desiderium illud non annumeretur operibus salutis, nihilominus si ob meritum ejus datur gratia ad cætera opera, seu cogitationes, jam illa non est gratia, quia si ex meritis, jam non est gratia. Neque refert, quod Paulus non dixerit, *si ex meritis*, sed *si ex operibus*; tum quia solum loquitur de operibus ratione meriti, quod in eis esse potest; tum etiam quia opera vocat omnes actiones humanas, ut sunt a solo libero arbitrio.

Refellitur tripliciter

2. Concil. Semipel.

41 Addebant ergo alium modum expediendi has difficultates, extenuando illud meritum, quod aliqui ita magnificabant, ut primariam rationem salutis obtinendæ, & distinguendi salvandos a damnandis in illo merito ponerent. Nihilominus tamen dicebant, meritum illud adeo esse exiguum, ut rationem gratiæ in auxilio, quod propter illud datur, non impediret. Ita ostendunt verba Hilarii. *Nec negari gratiam* (supple, dicunt) *si præcedat hominis voluntas, quæ tantum medicum querat, non tamen ipsa quidpiam in ea, scilicet sanitate, valeat.* Idemque colligi potest ex multis aliis, quæ in proxime præcedenti dubio allegavimus. Nihilominus hæc etiam evasio satisfacere non poterat. Primo quia permissio, & non concessio, quod aliquo modo rationem gratiæ tuerentur: nullo modo salvare poterant aliam assertionem, qua dicebant, omnem sanctam operationem, & cogitationem ex Deo habere principium, nam illud qualecunque meritum, in aliqua bona actione, vel operatione fundatum est, & aliquam sanctam cogitationem supponit, Deus autem nec illius operationis, nec cogitationis dicitur esse principium, ex Semipelagianorum sententia. Secundo quia re vera qualecunque fingatur illud meritum, si non est fundatum in gratia, destruit rationem gratiæ in illo præmio, seu auxilio, quod propter illud datur, ut recte tradit Augustinus. lib. de Prædestin. Sanctarum, capite secundo & infra late suo loco tractabimus.

Refellitur dupliciter

3. ex cogitata conciliatio

42 Tandem tertiam rationem cogitarunt, dicentes illud meritum non excludere rationem gratiæ, quia etiam illud fundatur in gratia liberalis, ac gratuita vocationis. Atque ita propositionem alteram etiam explicabant, & conciliabant, dicentes, gratiam esse initium omnis sanctæ operationis, & cogitationis, quia ante omnia præcedit gratuita vocatio. Unde dicebant, illos prædestinasse Deum, *quos gratis vocatos dignos futuros electione prævidit*, ut refert Prosper in epist. ad Augustinum, ratione cujus etiam dicebant, *ad incipiendum, proficiendum, & ad perseverandum in bono, necessariam esse homini Dei gratiam*, ut refert Prosper in epistola ad Rufinum. in initio, & latius contra Collat. cap. 3. ubi ex verbis Cassiani vocationem illam declarat per illa verba. *Cogitationum bonarum ex Deo esse principium, qui nobis initia sanctæ voluntatis inspirat.* Et infra. *Nostrum vero est, ut quotidie attrahentem nos gratiam Dei humiliter subsequamur*, &c. Quæ verba ipse laudat, & definitionem catholicissimam appellat, unque si in vero, & legitimo sensu traderetur. Sic enim August. q. 2. ad Simplic. rationem gratiæ revocat ad gratuitam vocationem. Et lib. de Prædestinat. Sanctar. & epist. 105. fateretur, nos per fidem mereri remissionem peccatorum, neque

Suarez Tom. VI.

id repugnare gratiæ, quia ipsa fides est donum Dei, a divina vocatione procedens, licet sine liberi arbitrii cooperatione non habeatur.

43 At vero Semipelagiani in sensu longe diverso loquebantur. Illam enim gratiam, seu vocationem antecedentem bonæ voluntatis, & sanctæ cogitationis initium, solum censebant esse prædicationem, aut legem, quam sufficere dicebant, ut voluntas pro sola libertate sua inciperet velle, credere, & desiderare salutem. Et ita nullum verum auxilium gratiæ ad illud meritum ponebant, ideoque neque in vero sensu dicebant, initium sanctæ cogitationis, & bonæ voluntatis esse ex Deo auxiliante per gratiam, nec veram rationem gratiæ in primo Dei auxilio salvabant, quia meritum illud non procedebat ex vera gratia interna. Ita verborum ambiguitatem aperuit Prosper dicta epistola ad Rufinum. ubi non de Pelagianus tantum, sed de Semipelagianis loquens ait: *Sed in hac professione quomodo vasa iræ moliantur irreperere, ipsa Dei gratia vasis misericordie revelavit. Intellectum est enim, saluberrime quæ perspectum, hoc tantum eos de gratia confiteri, quod quædam libero arbitrio sit magistra seq; per cohortationem, per legem, per doctrinam, per creaturam, per contemplationem, per miracula, per quam terrores extrinsecus judicio ejus ostendat, quo unusquisque secundum voluntatis suæ motum, si quæsierit, inveniat, si petierit, recipiat, si pulsaverit, introeat.* In quibus verbis indicat, Semipelagianos posuisse gratiam illam externam, non solum pro initio salutis, sed etiam pro toto progressu, quod est valde probabile, juxta modum explicatum in dub. 3. & 4. Multo autem certius est, hoc sensisse de illa gratia, quam dicebant esse initium primi humani meriti. Unde idem Prosper in epistola ad Augustinum. sic inquit. *Quidam vero horum in tantum a Pelagianis semitis non declinant, ut cum ad constituendam eam Christi gratiam, quæ omnia præveniat merita humana, cogantur, ne, si meritis redditur, frustra gratia nominetur: ad conditionem hanc velint, uniuscuiusque hominis pertinere, in qua eum nihil prius merentem, quia neque existentem liberi arbitrii, & rationales, gratia creatoris instituat, ut per discretionem boni, & mali, & ad cognitionem Dei, & ad obedientiam mandatorum ejus possit suam dirigere voluntatem, atque ad hanc gratiam, quia in Christo renascimur, pervenire.* Et infra expresse declarat, illam vocationem, quam ponebant Semipelagiani, fuisse, *vel per legem naturalem, vel per scriptam, vel per Evangelicam prædicationem.* Idemque valet, quod Hilarius refert, eos asseruisse, *inutilem esse exhortandi consuetudinem, si nihil in homine remansisse dicatur, quod correctio valeat excitare. Quod quidem inesse nature sic constituitur, ut hoc ipso, quod ignorantia veritas prædicatur, ad beneficium presentis gratiæ referendum sit.* Nullam ergo aliam internam gratiam, nec altiore excitationem præcedere sentiebant. Quod etiam ex verbis Cassiani, & Fausti in præcedenti capite animadvertimus.

Relinquitur 1. conciliatio

44 Ex quibus omnibus manifestum est, Massilienses ambigue, & æquivocose usos fuisse nomine gratiæ, & in hoc (inter alia) non omnino ab errore, seu fraude Pelagianorum discessisse, quod libertatem ipsam, vel legem, aut doctrinam gratiam vocarent, & sub hac gratiæ appellatione meritum gratiæ pure humanum introducere vellent. *Ut unusquisque bono naturæ usus ad salutem gratiam, initialis gratiæ merito perveniat*, sicut de illis Prosper refert. Atque ita per initialem gratiam salvabant, & rationem, seu appellationem gratiæ in salvante gratia: & alteram assertionem, quod initium omnis boni sit ex Deo. Sed frustra, & fraudulenter. Quia nec sola illa naturalis, vel externa gratia tollit, quin homo suis solis viribus gratiam salvantem mereatur, & consequenter definat esse gratia: nec initium totius salutis reduci- tur in Deum, ut salutis operatore, sed ut authorem, vel doctorem, aut legislatorem naturæ. Atque ita satis hic error, & omnes ejus latebræ investigatæ, & explicatæ videntur.

Semipel. cum Pel. giansc. venit in æquivocatione gratiæ.

45 Præter ea vero, quæ animadvertimus, solent alia multa in his Massiliensibus notari, quæ nos omit- timus, quia vel ad materiam de Prædest. pertinent, &

Recensentur & alio remittuntur cetera, quæ in Semip. notantur.

ibi tractata sunt: vel ad Semipelagianismum non spectant, nisi foras ab ipsis fuerint male intellecta, quod postea videbimus. In priori ordine ponimus omnia, quæ tradunt de causa prædestinationis ex parte hominis sola sua libertate operantis, vel ex parte operum, quæ nunquam erunt, & sub conditione prævidet Deus esse futura, si hoc vel illud fieret, & si quæ sunt similia. In posteriori ordine numeramus, quod dixerint, hominem per lapsum non amisisse iudicium rationis inter bonum, & malum, neque omnino amisisse facultatem naturalem bene operandi. Item in natura hominis esse innata quædam virtutis semina, quæ ad perfectionem, nisi per gratiam, pervenire non possunt. Hæc enim recte intellecta, catholicam doctrinam continent, an vero in eorum intelligentia aliquid excesserint Massilienses, non potest hoc loco expendi, donec res ipsæ tractentur. Aliqui etiam reprehendunt Semipelagianos, eo quod dixerint, Deum præscire omnia, non tamen omnia prædestinare, & præscire futura libera, quia futura sunt: non autem ideo esse futura, quia Deus illa futura præscivit. Sed hæc non pertinent ad Semipelagianismum, sed ad doctrinam Patrum, quos Ecclesia recipit, ac veneratur, ut alibi est a nobis ex professo tractatum, & in sequentibus per occasionem attingemus. Et ideo de hoc errore, quatenus ad præsens spectat, hæc sufficiunt.

CAPUT VII.

De errore Lutheri, & Calvini, & Sectariorum circa gratiam Dei, & liberum arbitrium.

Veterem Prædestinatorum hæresim Novatores excoriant.

Notavimus in cap. 5. sub finem vitæ Augustini, vel paulo post ejus tempora subortam fuisse hæresim Prædestinatorum, qui sub nomine, & specie gratiæ fatalem quandam necessitatem in humanis actionibus introducebant, dicentes, nec bona opera quidquam prodesse, nec mala obesse ad salutem quia prædestinatio DEI sola, quos elegit, salvat, & quos relinquit, damnat, quidquid homines operentur. Et hunc errorem ortum esse ex falsa intelligentia doctrinæ Augustini, ibi etiam retulimus, sumique potest ex epistol. 46. Augustini, quam scripsit ad sedandam turbationem in quodam monasterio ortam, eo quod quidam sic prædicarent gratiam, ut libertatem, & iudicium Dei secundum ipsorum operum qualitatem negarent. Referunt item Prosper, & Hilarius in principio turbatos fuisse Massilienses, quia credebant, vel timebant, hoc incommodum sequi ex doctrinâ Augustini: unde credibile est, Faustum, & alios ex Gallis sub colore impugnandi hunc errorem, doctrinam Augustini impugnasse. Hanc igitur hæresim hujus temporis novatores excitarunt, & cum Prædestinatorum insania in assertisque conveniunt, licet ex diversis principiis, & cum admittance plurimum errorum, quos in præfenti præmittere, & explicare necessarium est: nam catholica veritas inter hos extremos errores versatur, & ideo inter eos caute incedere peccesse est. Quia ut dixit August. in principio libri de Gratia, & libero arbit. lib. 2. de Peccat. merit. & remis. cap. 18. & tota epist. 46. obscurissima est de gratia, & libero arbitrio questio, & cum magno periculo in alterutram partem declinatur, ideo quem qui negant liberum arbitrium, ut gratiam defendant, quam quæ converso pro libero arbitrio contra gratiam pugnat, diligentissime cavendi sunt, & media via incedendum est, quam veritas catholica proficitur.

2 Primum ergo fundamentum Novatorum est, post peccatum non mansisse in homine liberum arbitrium. Qui error negantium liberum arbitrium longe est antiquior. Nam & a philosophis, & a Simone Mago duxit originem, & illum postea Priscilianistæ sequuti sunt, & alii, præsertim vero Manichæi, ut August. refert hæresi. 46. & Chrysost. hom. 45. in Ioann. & attingit Hieronymus in principio Dialogorum contra Pelagian. Illi tamen antiqui non negabant liberum arbitrium titulo defendendi gratiam, nec quia per peccatum amissum esse putarent, sed quia vel de pro-

videntiâ Dei, vel de hominis natura male sentiebant. Aiebant enim quorundam hominum voluntatem naturam suam esse ad malum, & peccatum determinata: aliorum ad bonum, & virtutem: nam quosdam a malo principio, alios a bono creatos esse fingeant. At vero Novatores sub specie tuendi gratiam, libertatem negant. Cum Pelagianis enim in hoc principio conveniunt, quod gratia repugnet libertati. Unde sicut Pelagiani sub specie defendendi libertatem, gratiæ necessitatem negabant, & defensores gratiæ Manichæos vocabant, ut testatur August. lib. 2. contra duas epistol. Pelag. in princ. lib. 3. cap. 9. & lib. 4. c. 12. ita Lutherani sub colore defendendi gratiam negant libertatem, & defensores liberi arbitrii Pelagianos appellant. Ac denique, ut supra cap. 10. notavi, non ponunt hanc carentiam libertatis ut naturalem, sicut Manichæi, sed ut effectum peccati: nam per originale peccatum putant, humanam naturam esse perditam. Et nihilominus isti hæretici hanc necessitatem potissime referunt in divinam prædestinationem, & efficacem motionem, sine qua nihil censent, posse efficere voluntatem nostram, quæ duo, ut supra etiam notavi, inter se consonant. Nam si Dei prædestinatio, & providentiæ necessitas inducit libertati contrariam, eandem profecto induxit in Adam: imo etiam in Angelis. Quia prædestinatio, aut motio divina non est per peccatum introducta, sed per se requiritur ob perfectionem divinæ providentiæ, & dependentiam naturæ creatæ a Deo. Ideoque si prædestinatio, aut motio divina necessitas illam inducit, non id facit in penam peccati, sed ex vi, & efficacia sua, quam ex sua natura, & perfectione ac potestate habet: ergo non minorem necessitatem induceret in statu innocentie, & imposuit Adamo ante peccatum, & Angelis, quam nunc inferat hominibus. Ergo frustra dicitur libertas per peccatum fuisse amissa.

3 Verumtamen in hac ipsa necessitate asserenda non omnino novi hæretici inter se consentiunt: Lutherus enim super Psal. 5. dixit, ideo voluntatem ex necessitate moveri, quia non agit suos motus, sed velut inanime quoddam illos recipit, ipsa passive tantum se habente. Quod profecto, si ita esset, naturale esset voluntati, ideo enim sic moveretur, quia esset potentia passiva, non activa, & quia non haberet alium motorem proportionatum, nisi Deum: nam si ipsa esset natura sua productiva suorum motuum, non privaretur a Deo suo naturali modo agendi. Atque ita sit, etiam ante peccatum fuisse voluntatem hominis passivam, ac proinde caruisse libertate. Nisi forte Lutherus sinxerit voluntatem, quæ antea erat suorum motuum effectrix, per peccatum amisisse suam activitatem, & ex potentia activa transmutatam esse in pure passivam. Quod quam sit absurdum, & præter caput humanum, per se statim apparet, & ex dictis in tertio prolegomeno satis constat. Potuit vero etiam dicere Lutherus, voluntatem nostram talem habere naturam, ut utroque modo possit moveri, scilicet, vel efficiendo motus suos, vel illos ab extrinseco agente recipiendo: & ante peccatum permixta esse priori modo operari, post peccatum vero, licet utramque facultatem in se retinuerit, nihilominus in penam commissi criminis solum passive moveri, nec aliter operari permitti, & ita libertatem peccando amisisse. Sed hic error, etiam sic explicatus, est per se absurdissimus, quia præterquam quod modus ille recipiendi sine activitate interna, repugnat motibus vitæ, quia homo vere intelligit, afficitur, timeret, &c. quæ sine efficientia interna intelligi non possunt: licet daremus, inodum illum de potentia Dei absoluta esse possibilem, est nimis violentus, & monstrosus. Et contra regulam illam, quod naturalia non sunt ablata, aut impedita propter peccatum, quam supra prolegomeno tertio ostendimus. Et præterea in motionibus peccaminosis repugnat modus ille bonitati, & iustitiæ divinæ: in bonis autem repugnat cum capacitate præcepti, consilii, meriti. Et præterea si hoc non obstat, talis motio, salutem afferret, tunc immerito vocaretur pena peccati, sed potius insignis gratia, & favor. Præter alia, quæ in sequentibus contra totum hunc errorem dicemus.

Proponitur modus quo necessitate arbitrium Lutheri, aliter, & expugnatur. Vide Theod. lib. 8. de St. Eccl. ar. 7 & 8.

Lutheri error, cuiusque explicandi modus ab his surdissimus.

Propo-
nitur mo-
dus Cal-
vini.

4. At vero Calvin. lib. 2. Institut. c. 5. §. 14. non negavit, voluntatem humanam, etiam post peccatum suos motus efficere, amando, volendo, & libenter, seu voluntarie operando: dixit tamen, ad illas actiones ita moveri a Deo, & ad unum determinari, etiam quoad exercitium operis, ut ex absoluta necessitate tales motus operetur voluntas: ideoque licet libertatem admittat a coactione, non tamen propriam libertatem a necessitate. Et hanc sententiam sequutus est Kemnicus, imo juxta illam Lutherum explicare conatus est, teste Stapleton. lib. 4. de Liber. arbit. cap. 1. Cur autem hunc modum necessitatis magis post peccatum in voluntate humana ponant, quam ante illud, non invenio a Calvino, vel aliis explicatum, ipsos enim legere non libuit, neque ab aliis relatum reperio. Fingere autem potuerunt, non quancumque prædestinationem Dei, vel motionem efficacem ejus inducere hanc necessitatem, sed specialem aliquam, qua Deus uti voluit post peccatum. Nam prius nondum talis modus prædestinationis, aut motionis efficacis fuerat inductus.

Prædictus
modus re-
solvitur.

Vide Sta-
pl. in
Prompt.
Cathol.
ser. 6. Heb.
1. quadra-
m. 4.

5. Hæc autem fictio vana cogitatio est, quæ nullo potest niti fundamento. Nam si efficacia divinæ motionis, & prædestinationis, vel præscientiæ non inducit hanc necessitatem ex natura sua, & ratione suæ perfectionis, unde ostendi potest, magis inducere illam in hoc statu post peccatum, quam antea, vel in natura humana potius, quam in Angelica? Et ideo omnes hæretici, qui ob divinam præscientiam, providentiam, aut prædestinationem libertatem abstulerunt, ut Manichæi, Priscilian, Albigeni, & Wiclephus simpliciter rerum contingentiam negarunt, & in omni creatura, & in omni statu, & in omni tempore necessitatem introduxerunt, & consequenter mentiti sunt, quia de omnibus est eadem ratio. Accedit, quia illa differentia inter Lutherum, & Calvinum, nullius momenti est ad morales, & humanas actiones tuendas, & ad salvanda merita, & demerita, præcepta, & prohibitiones, præmia, & pœnas: nam licet physice differant actio, & passio: si actio non est libera, ita est ad omnem moralem proprietatem inepta, sicut sola passio. Unde eadem argumenta fiunt contra Calvinum, quia si Deus ita necessitat voluntatem, ut illam agere compellat, in malis Deus erit auctor peccati, quod consequenter admittit Calvinus cum antiquis hæreticis, & Luthero: in bonis autem non tribuetur laus, vel meritum boni operis homini operanti, sed Deo moventi. Quod si talis motio spectetur, ut dicitur asferre homini commodum, sic non poterit veredici infundi propter peccatum, etiam quoad illum modum necessitatis. Latiusque contra hunc errorem in discursu materiæ pugnandum est.

Aliter
Novato-
rum pos-
tiones
variæ, &
damnae.

6. Alia item differentia inter modernos hæreticos in hoc puncto est, quod plures eorum dicunt, homines per peccatum amisisse libertatem in omni materia, tam politica, seu humana, quam morali, & tam in naturali, quam in supernaturali, seu pertinente ad salutem æternam, & meritum gloriæ. Item tam in actionibus bonis, quam in malis, seu peccatis, quæ Deo indifferenter attribuunt, ut est vulgare in sectariis ex Luthero a. 3. 6. a Leone X. damnato, & l. de Servo arb. Calv. l. 2. Inst. c. 36. & l. 3. c. 3. Melancthon de lib. arb. & super Rom. 4. Alii vero (qui molliores Lutherani appellantur, ut Stapleton. refert) in malis operibus admittunt libertatem, in bonis autem illam negant, vel universe vel saltem in operibus gratiæ, & salutis, & maxime in prima conversione ad Deum. Nam in operibus, quæ sunt fructus justitiæ, & procedunt a voluntate jam sanata per justitiam, aliqui ex moderatioribus Lutheranis aliquam libertatem agnoscunt, in prima autem conversione omnes negant. In hac autem varietate illud in primis advertendum occurrit, qui ex Novatoribus libertatem in malis actibus permittunt, loqui videri tantum de libertate intra species mali, seu inter particulares actus malos, Nam loquendo de malo in genere, eorum doctrina est, ita fuisse voluntatem hominis per peccatum originale depravatam, ut nihil omnino bonum agere possit, & nullam in partem se posse movere, quin peccet. Igitur, ex sententia istorum, non est in nobis libertas ad malum

in genere, sed necessitas, quum scholastice vocare possumus quoad specificationem. Igitur qui in malis libertatem admittunt, loqui videntur de libertate intelligendo, vel exequendo hoc, vel illud malum. Et isti consequenter attribuunt necessitatem illam originali peccato, libertatemque illam dicent, mansisse in natura ex ea parte, qua non fuit omnino per peccatum destructa: & in hac quidem posteriori parte non errant admittendo aliquam libertatem, in priori tamen contra fidem loquuntur: imo etiam contra rationem naturalem, ut supra c. 10. tactum est, & in seqq. latius ostendimus. Et simili ratione qui libertatem aliquam in bonis inferioris ordinis, seu politicis agnoscunt, in eo non errant, quia illa naturalis est, & dicere possunt, solum peccatum illam prorsus abolere non potuisse: in eo vero, quod libertatem in aliis materiis negant, prorsus errant.

Prædictæ
eorum
positi-
one er-
ror.

7. Præcipuus autem eorum error est, quod libertatem ad opera salutis negant decepti, nonnullis Augustini locis supra indicatis, in quibus ita loqui videtur, sed in sensu longe diverso. Mens enim & ratio Augustini fuit, quod peccatum privavit hominem omni gratia, & indignum reddidit omni supernaturali auxilio, sine quibus subsidii non potest nostra voluntas salutem operari, & ideo neque libertatem habet ad illa opera præstanda: nam libertas potentiam ad operandum includit. Quæ quidem ratio procedit de voluntate hominis lapsi non sanata, nec reparata, vel adiuta per gratiam, continetque verissimam doctrinam, quam contra Pelagianos Catholica fides docet, ut postea dicemus: Isti autem sectarii addiderunt, per peccatum ita periisse libertatem ad hæc salutis opera, ut nec per gratiam Dei possit homo lapsus talia opera libere efficere. Quomodo autem talis defectus libertatis ex peccato originali contrahatur, non invenio ab eis explicatum, nec video, qua rationis umbra niti possit. Nam hic defectus potius pertinet ad gratiæ impotentiam, quam ad corruptionem voluntatis. Si enim non obstante peccato, voluntas aliquid intra ordinem naturæ libere potest operari, quod per gratiam non possit elevari ad aliquid libere operandum, potius est defectus, & impotentia ipsius gratiæ quam voluntatis. Vel certe si hæc impotentia ex eo nascitur, quod voluntas non habet vim aliquam naturalem ad opera salutis sua virtute efficienda, & ideo oportet, ut cum elevatur a Deo, necessitetur: profecto eadem impotentia, seu necessitas esset ante peccatum, quia in omni statu voluntas creata est per se impotens ad illas actiones, nullâque naturalem vim ad illas inchoandas habet: ergo etiâ si fingatur in voluntate talis, ac tanta impotentia, ut etiam per gratiâ vinci non possit sine ablatione libertatis, non potest dici ex peccato contracta.

Conf. a.
sup.

8. Et fortasse ob hanc causam alii Lutherani magis moderati posuerunt hanc necessitatem in sola prima conversione, quia ante illam voluntas est nuda, & destituta omni virtute supernaturali, & ideo putant non posse elevari a Deo ad talem mutationem primam efficiendam, nisi per motionem aliquam, quæ illi necessitatem imponat, quia illa nuditas, & carentia omnis virtutis supernaturalis orta est ex peccato, ideo consequenter dicent, necessitatem hanc ortam esse ex peccato. Quia vero ad opera obedientiæ, & sanctitatis, quæ post justitiam fiunt, jam habet homo intrinsecam virtutem gratiæ talium operum effectricem, ideo in talibus operibus admittunt, ut virtute ipsius gratiæ libere fieri possint. Unde necesse est, ut qui ita senserint, non ponant necessitatem illam in prima conversione ex sola prædestinatione, aut voluntate extrinseca Dei, neque ex adiutorio cujuscumque gratiæ, sed tantum ex illa peculiari motione, qua indiget voluntas carens habitibus gratiæ, ut ad conversionem in Deum sublevetur. Et isti minus quidem errant, quam ceteri, tamen etiam in hæresim damnatam incidunt, ut postea videbimus.

Alia hæ-
resis re-
fertur.

9. Ex his autem omnibus colligere possumus, Novatores negando arbitrii libertatem, & fingendo monstrosam per originale peccatum naturæ corruptionem, eo tandem pervenisse, ut veram gratiam salvantem, verumque gratiæ adiutorium negaverint: hoc enim ex illo plane consequitur. Quia ut dixit August. epist.

Redar-
guantur
Novato-
res.

46. *Tolle liberum arbitrium, & non erit, quod salvetur, tolle gratiam, & non erit, unde salvetur.* Cum ergo isti tollant liberum arbitrium, penitus destruant subjectum indigens, vel capax salutis: ergo necesse est, ut gratiam etiam salvantem tollere cogantur, quamvis verbis illam fateantur. Pro gratia enim salvante ponunt non imputationem peccatorum, & imputativam Christi iustitiam. Re tamen verā etiam hæc non erat necessaria, saltem pro peccatis actualibus: si homo non est liberi arbitrii, quia eo ipso necesse est, ut peccatum illi non imputeretur, non ex gratia, seu liberalitate, sed ex iustitia, & naturali necessitate, quia actio non libera non potest operanti ad culpam imputari. Gratiam autem adjuvantem diserte negavit Calvinus, teste Stapler. Reprehendit enim Catholicos, eo quod dixerint, gratiam Dei ad studium sanctitatis homines adjuvare. Unde etiam dicit, *non fuisse CHRISTUM missum, ut ad iustitiam consequendam, vel perficiendam nos juvet, sed ut ipse sit nostra iustitia*; ut Apostolus dixit. Et hoc etiam sequitur ex negatione liberi arbitrii; nam ut August. dixit: *Nemo juvatur, nisi qui aliquid sponte conatur*, lib. 2. de Peccat. merit. c. 5. & ideo dixit epist. 89. q. 2. *Non tolli liberum arbitrium, quia juvatur sed ideo juvari, quia non tollitur.* Et ratione declaratur, quia si dicatur voluntas hominis mere passive se habere in operibus pietatis, profecto ad illa non cooperatur: ergo neque a Deo juvatur, sed Deus solus illa per se facit. Si autem voluntas physice operatur, non tamen libere, sed ex necessitate, etiam hoc modo ipsa moraliter non operatur, & consequenter nec juvatur, sed velut inanime instrumentum ad agendum applicatur.

10. His accedit alius intolerabilis error istorum circa divinam gratiam: non solum enim negant, fieri per gratiam posse, ut homo libere operetur, sed etiam dicunt hominem lapsum nullum opus posse per gratiam facere, quod sit undique bonum, seu quod pec-

catum non sit, vel mortale, ut rigidiores volunt, vel saltem veniale, ut molliores interpretantur. Quod aliqui dixerunt solum de homine nondum iustificato, alii vero etiam de iustificato idem sentiunt. Sed fortasse in re non discrepant. Nam opera ipsa in utroque statu sentiunt esse mala, & peccata, quia causam huius malitiæ dicunt esse concupiscentiam, quæ etiam post iustificationem manet: volunt tamen, ante iustificationem opera omnia, & esse peccata, & ad peccatum imputari: post iustificationem vero licet peccata sint, propter fidem tamen iustificantem non imputari. Atque in hoc sensu consequenter dicunt, per originale peccatum amisisse hominem libertatem bene operandi, quia ita factus est impotens ad omne opus bonum, ut etiam post regenerationem & iustitiam per nullam adjuvantem gratiam possit bonum opus perficere. Quia concupiscentia contracta per peccatum omnia opera ex necessitate commaculat.

11. Unde etiam intulerunt, non posse hominem in hac vita implere præcepta, etiam per gratiam, ac subinde præcepta Dei homini in hoc statu imposita, esse illi simpliciter impossibilia, quia nec per naturæ lapsæ vires, nec per gratiam, quæ concupiscentiam non tollit, impleri possunt. Quod vult esse extra controversiam Calvinus in Instit. lib. 2. c. 7. & fuit doctrina Lutheri, quam Melancthon, & alii sequuti sunt. Præter hos sunt multi alii Lutheranorum errores, qui non circa vires liberi arbitrii, vel necessitatem gratiæ, sed specialiter circa iustificationem, & necessitatem operum versantur, & ideo inferius in propriis locis eos referemus, & impugnabimus. Possent etiam hoc loco referri articuli quidam Michaelis Baii, quorum notitia in hac materia necessaria est, tamen quia ille vir catholicus fuit, & non cum pertinacia erravit, ideo non est inter hæreticos recensendus, sed in c. 2. sequentis prolegomeni ejus assertiones simul cum Bullæ Pii V. & Gregorii XIII. referemus.

Ex prædicto errore conclusio non minus generalis

Error intolerabilis profundum

FINIS PROLEGOMENI QUINTI.

PROLEGOMENON VI. DE SCRIPTIS PROBATAM DE GRATIA DOCTRINAM CONTINENTIBUS.

CAPUT I.

De Authoritate Pontificum Romanorum, qui gratiam defendunt.

Locis Scripturæ in quibus gratia commendatur ab Ecclesia explicanda.



Quamvis certissimum sit, veram de gratia doctrinam ex Scripturis divinis sumendam esse, nihil de illis præmittendum censuimus: tum quia teste Innocentio epistol. 93 inter epistolas Augustini: *In omnibus divinis paginis voluntati libera non nisi adiutorium Dei legimus esse restitutum, eamque nihil posse cælestibus auxiliis destituamur.* Et similiter Aug. Pl. 70. in principio *In omnibus* (inquit) *Scripturis Sanctis gratia Dei, quæ liberat nos, commendat se nobis, ut commendatos habeat nos.* Tum etiam quia hoc melius ipso usu ostenditur, singula dogmata de gratia Scripturis confirmando. Generatim ergo solum adverte, & veteri testamento maxime commendari gratiam in Psalmis, ut observat Innoc. P. epist. 30. inter suas epistolas, quæ est 91. inter epistolas Augustini, ubi expendens verba Psalm. 26. *Adiutor meus esto, &c.* inquit, *Adiutorem suum, & assiduum adiutorem Deum invocat, neque il-*

li sufficit, assiduum, sed ne illum derelinquat, orationibus pronus exoptat, & per corpus omne Psalterii hoc, & prædicat, & clamat. Idemque frequenter in suis libris contra Pelagium Augustinus inculcat, & in toto fere octavo tomo, in quo Psalmos exponit. In novo autem testamento licet frequenter divina gratia commendetur, maxime vero a Christo Domino Joan. 6. 15. & seqq. ut ibi August. & sæpe alibi exponit; & a Paulo in suis epistolis, ut ait Hormisdæ Papa epist. 67. ad Possessorem in ultimis verbis, specialiter vero in epist. ad Rom. teste Aug. ep. 105. in principio, & in epist. ad Galat. ut supra ex doctrina ejusdem August. c. 13. tractum est. Quia vero, & in his epistolis quædam sunt difficultates intellectu, quæ perversi homines depravant, ut Petrus dixit, maxime propter dogmata de fide, operibus, & gratia: & in cæteris etiam Scripturis magna est obscuritas, propter quam illis hæretici abutuntur, necessaria est authoritas Ecclesiæ, quæ Scripturas declaret, & errorum tenebras depellat, ideoque de hac potissimum authoritate dicemus, quæ ex decretis Pontificum, & Conciliorum, & doctrinis Sanctorum Patrum sumenda est, de quibus suo ordine dicemus.

2. Et quidem ante exortam Pelagii hæresim Apostolica Sedes nihil specialiter de divina gratia defini-
aut

Inn. I. do-
ctrina &
defensio
de gratia.

aut declaravit, sed de illa locuti sunt Pontifices eo modo, quo Paulus loqui solet. Pelag. vero errorem suum tempore Innoc. I. seminare cepit, & ideo Innoc. etiam fuit primus, qui veritatem catholicam contra illum stabilivit. Nam cum Africana Conc. contra Pelag. & Cælest. decrevisset, ab Innoc. postularunt, ut auctoritate Apostolicæ Sedis catholicam doctrinam confirmaret, & exortam hæresim damnaret, quod ipse gravissime, & vigilantissime præstitit; *ad omnia rescribendo, eo modo, quo faserat, & oportebat Apostolica Sedis Antistitem*, ut de illo scripsit Aug. epist. 106. ad Bonif. habenturque hæc decretalia responsa Innoc. in epist. 31. 32. 33. & 34. ejusdem Innoc. & in epist. 91. 93. 96. & 97. inter epist. August. In illis autem epist. nihil aliud docuit Innoc. nisi quod antiquitus Apostolica Sedes, & Romana cum cæteris tenet perseveranter Ecclesia, ut ait Aug. l. 1. contr. Julian. c. 4. Unde licet ibi non omnes errores Pelagii distincte referat, & damnet Innoc. nihilominus generatim approbat African. Episcoporum doctrinam, docetque capitalia dogmata de peccato originali, & de necessitate gratiæ ad salutem, & redemptionem a peccato, & ad recte, & sancte vivendum, & operandum, servandaque præcepta, & reformationes superandas, quæ dogmata, totum errorem Pelagii, prout tunc prædicari cœperat, sufficienter damnavit.

Ut fidei
definitio
accipien-
da est il-
la doctri-
na Innoc.

3. Tradit autem Innoc. illam doctrinam ut ad fidem Catholicam pertinentem, & ideo sententiam damnationis fert absolute in contrariam doctrinam, in personam autem Pelagii non omnino absolute, sed sub conditione, si contrariæ doctrinæ pertinaciter adhæreret, ut constat in ep. 32. seu 93. Nam quia tunc fama erat, fuisse Pelagium absolutum in quodam Conc. Palæstino quia in eo errorem sibi objectum, vel damnaverat, vel damnare simulaverat, vel ab eo se purgaverat, licet Innoc. valde suspicaretur, non ex corde, sed fide, & dolose Pelagium fuisse conversum, nihilominus quia nondum causam examinaverat, noluit de sententia Orientalium ferre judicium, ut in ep. 33. seu 96. ipse significat, & notat Aug. l. 2. de Peccat. orig. c. 8. Est ergo illa doctrina Innoc. tamquam fidei definitio suscipienda. Et ita illa utuntur Patres, præsertim Aug. cit. loc. & 1. Retract. c. 50. & aliis locis statim citandis, & Prosper contr. Collat. c. 10. cujus verba paulo post referam. Et optime Hier. in ep. 8. ad Demetriad. quam ut contra Pelagium, quieam suis pulsaverat literis, præmuniret, inter alia, inquit: *Quia vereor, imo rumore cognovi, in quibusdam adhuc vivere, imo & pullulare venenata plantaria* (id est, dogmata Origenis in Pelagio) *illud te pio charitatis affectu præmonendum puto, ut Sancti Innocentii, qui Apostolicæ Cathedræ, & supra dicti viri* (utique Anastasii) *successor, & filius est, teneas fidem nec peregrinam* (quamvis tibi prudens, callidaque videaris) *doctrinam recipias*. Et eodem sensu doctrinam illam sequentes Pontifices confirmant.

Zosimus
lenis
principio
semper
vero con-
sians ad-
versus Pe-
lagium.

4. Innocentio successit Zosimus, qui in principio sui Pontificatus cum Cælestio, & Pelagio lenius egisse visus est. Nam & Cælestium coram audivit, & a Pelagio literas accepit, & libellos, seu professiones suæ fidei ab utroque recepit, in quibus se Catholicos simulabant, & si quid per ignorantiam errasset, in omnibus se correctioni Sedis Apostolicæ submittere, ideoque damnari tunc non potuerunt. Quæ notat Baron. An. 417. n. 18. & seq. & indicantur ab Aug. l. 6. contr. Jul. c. 12. ubi ait: *Zosimus egisse prius lenius cum Cælestio, quia se, si quid displiceret, paratum esse dixerat corrigi, & Inn. literis consensurum esse promiserat*. Atq; hac Pontificis lenitate ita Pelagiani abusi sunt, ut Zosimum in errore suum aliquando concessisse, & pueros sine peccato nasci sensitse, obicere ausi fuerint. Propter quod Zosimus postea, & illos jam convictos, & ipsorum errores aperte damnasset, eum prævaricatorem appellabant, ut Aug. refert l. 1. contra Jul. c. 4. l. 2. contra duas epist. Pelagianor. c. 3. ubi Zosimum ab hac calumnia vindicat, ostenditque: *Quod intere a lenius actum est cum Cælestio, servata duntaxat antiquissima, robustissima fidei firmitate, correctionis fuisse clementissimam suasionem, non approbationem exitiosissima pravitatis*. Et quia ab eodem Zosimo Pelag. & Cælest. postea dam-

nati sunt paululum intermissæ ac necessario præferende ratione severitatis non prævaricationem prius cognita, vel novam cognitionem veritatis fuisse. Unde Baron. Ann. 417. a. n. 18. ubi varias Zosimi epist. refert, quibus hoc confirmat, quæ tamen in tom. epist. non habentur.

Zosimus
cum Inn.
concinet
in doctri-
na fidei.

5. Ex hac igitur facti narratione fit manifestum Zosimum eandem doctrinam de originali peccato, ac gratiæ necessitate cum Innoc. tradidisse, eisdemque errores, ipsumque Pelag. & Cælest. ut hæreticos condemnasse, ut Aug. in citatis locis testatur, & lib. 2. de Peccat. orig. c. 7. & 8. & l. 2. Retract. c. 50. & Paulin. Diac. in libel. ad Zosimum, quem refert Baron. Ann. 412. n. 22. & seqq. & Ann. 418. nu. 11. & seqq. & Prosper in Chron. & contr. Collat. c. 10. dicens: *Africanorum Conciliorum decretis beata recordationis Papa Zosimus sententia suæ rubor adnexuit, & ad impiorum detractionem gladiis Petri dexteris omnium armavit Antistitem*. Denique refert Gennad. de Vir. illust. c. 43. decretum damnationis in Pelagium, quia Inn. scriptam reliquerat, a Zosimo fuisse latius promulgatum. Et non solum Pelag. & Cælest. verum etiam Jul. eorum sectatorem præcipuum, cum illis damnasse, ex Aug. sumimus l. 1. cont. Julian. c. 4. dicente ad Julian. *Sed de hoc* (id est Zosimo) *interim taceo, ne animum, quem sanare potius cupio, quam irritare, laudibus tui damnatoris exulcerem*. Refert item Aug. epist. 105. fuisse literas ab Apostolica Sede ad Afric. missas de Pelag. & Cælest. damnatione, quæ quidem non extant, certum est autem a Zosimo P. fuisse conscriptas. Aliæ autem literæ (si tamen sunt aliæ) ejusdem Pontificis datæ ad universam Ecclesiam a Patribus commemorantur, quarum etiam exemplaria non habemus: ex illis autem referuntur illa verba Zosimi: *Nos autem instinctu Dei* (omnia n. bona ad authorem suum referenda sunt, unde nascuntur) *ad fratrum Coepiscoporum nostrorum conscientias universaretulimus*. Quæ verba valde commendantur Afric. Patres in rescripto ad Zosim. quia refert, & laudat Prosper d. c. 10. cont. Coll. & probatur a Verba in ep. ad Episc. Galliæ c. 8. Illius etiam ep. Zosimi, alia verba referendo, meminit Aug. l. 2. de Peccat. orig. c. 21. & ep. 157. versus finem. Item etiam Posidius in vita August. c. 18.

6. Post Zosimum sedit in Apostol. Sede Bonif. cujus etiam tempore Jul. Episc. Capuanus, Pelagianæ hæresis defensor, ac propugnator illam, & verbis, & scriptis defendere, & præcipue Aug. doctrinam impugnare, vel potius calumniari progressus est. Bonif. autem licet in eum, vel duces illius novam damnationis sententiam non tulerit, neque aliquid contra illum errorem, aut pro gratia Dei per se ipsum scripserit, nihilominus & constanter ei restitit, & per Aug. (ut sic dicam) contra illum scripsit. Sic. n. de illo scribit Prosper cont. Collat. c. 41. *Sanctæ memoriæ Bonifacius P. quando potissimum Imperatorum Catholica devotione gaudebat, contra inimicos gratiæ Dei non solum Apostolicis, sed etiam regiis utebatur edictis, & quamvis esset doctissimus, adversus libros tamen Pelagianorum B. August. Episcopi responsa poscebat*. Cum. n. tunc Julian. Pelag. duas ep. cont. sententiam catholicam scripsisset, & alteram Romam, alteram Thesalonicam misisset, & utraq; ad manus Bonif. pervenisset, eas per Alypium Aug. misit postulans, ut illis responsum daret, quia ipse accuratissime, & copiosissime præstitit in quatuor libris contra duas epistolas Pelagian. quos ad Bonif. inscripsit. Quæ omnia ex eodem Aug. discimus in eorundem librorum c. 1. Quia ergo Aug. catholicam veritatem satis illustraverat, ac propugnauerat, satis fuit Bonif. sine nova descriptione Aug. doctrinam tacite probare. Quia Julianus novam hæresim non induxerat, & a Zosimo jam damnatus fuerat, ut supra diximus, nova etiam ejus damnatio necessaria non fuit. Unde quamvis ipse Julian. non satis rem fuisse discussam conquereretur, & ad Conc. generale provocaret, superbia ejus irrita, & contempta est, ut Aug. contra duas illius epist. lib. 4. c. ult. his verbis memoriæ prodidit: *Vtrum istorum superbia, quæ tantum se extollit adversus Deum, ut non in illo velit, sed potius in libero arbitrio gloriari, hanc etiam gloriam captare intelligit, ut propter illos Orientis, & Occidentis Synodus congregetur Orbem quippe catholicum quoniam, Domino eis resistente pervetere nequeunt saltem commovere conantur, cum potius vigilantia, & di-*

Bonif. si-
militer
suorum
ancestorum
doctrinam
tradidit
per Aug.

Et diligentia Pastoralis post factum illis compotens, sufficientisq; iudicium, ubicumq; isti lupi apparuerint, contemendi sunt sive ut sanentur atq; mutantur sive ut ob aliorum salutem, atq; integritatem, vitentur. Quibus verbis contestatur Augustinus, quod valde notandum est, ad definiendam doctrinam fidei, & hæresim pro universa Ecclesia damnandam, necessarium non esse generale Concilium, ubi Apostol. Sedis iudicium interponitur.

Celestin.
deinde
gratiam
contra Pe-
lag. defen-
dit.

7 Bonifacio successit Celestinus, cui ad Catholicæ Ecclesiæ præsidium (Prosper. c. illo 41.) multa Dominus gratiæ sue dona largitus est. Et quamvis præcipue contra Nestorium, eiusq; blasphemias in Christum, & ejus Matrem, laboravit, nihilominus quantum occasio tulit, gratiam Dei contra Pelagium defendit. Nam in primis in Concil. Ephesino, quod contra Nestorium congregavit, etiam contra Pelagium decretum est, ut c. 20. videbimus. Deinde cum Pelagius insulam Britanniarum patriam suam, suo errore inficere cepisset, missis Paladio Diacono, & Germano Episcop. insulam a Pelagiano errore purgavit, & ad catholicam fidem reduxit, ut refert Prosper contra Collat. c. 43. & in Chron. Præterea cum Celestinus iterum audiri postularer, quasi nondum causa sufficienter esset excussa, eum totius Italiæ finibus iussit extrudi adeo & prædecessorum suorum statuta (ait Prosper) & decreta Synodalia in violabilitate servanda censebat: ut quod semel mœnerat abscindi, nequaquam admitteret retractari. Denique non Pelagianos tantum, sed reliquias etiam Pelagianorum omnino extinguere, & abolere curavit, & in hunc finem scripsit epistolam octavam ad Episcop. Galliarum, ut ex ejus initio colligitur. Refert enim Celestinus, Prosperum & Hilarium ad se recurrisse, de perturbatione contra August. doctrinam a quibusdam presbyteris in Gallia mora conquerentes: quam perturbationem non aliam, nisi Semipelagianorum fuisse manifestum est. Et fortasse quia Cassianus, & cum eo aliqui eiusdem ordinis presbyteri præcipui fautoresurbationis erant, ideo Celestinus presbyteris potius, quam Episcopis rumores illos attribuit, quamvis Episcopos reprehendat, quod tantam presbyterorum audaciam non comprimerent.

Pars 1.
Epistolæ
Celestini
refertur,
& appro-
batur.

8 Quoniam vero autoritate, & doctrina hujus epistolæ sæpius in sequentibus usuri sumus, duas illius partes distinguere necesse est, quia non æque indubitatae autoritatis a multis censentur. Prior pars continet in primis reprehensionem, quam diximus, quæ licet præcipua intentione in illos presbyteros tendat, qui contra lumen Ecclesiæ Augustin., & contra ejus de gratia doctrinam insurgere, & nova dogmata effutire auderent; ad Episcopos nihilominus proxime dirigitur, eo quod presbyteris inordinate loquentibus, ipsi tacerent, & potestate sua in illos non uterentur. Postea vero Augustin., ejusq; doctrinam valde commendat, dicens, a prædecessoribus suis inter præcipuos magistros habitum fuisse, eumque nunquam alicujus sinistrae suspicionis saltem rumorem aspersisse. Et hanc partem illis verbis concludit, *Deus vos incolumes custodiat fratres charissimi.* Quæ videtur esse totius epistolæ conclusio, & de hac parte certissimum est, fuisse a Celestino scriptam; nam & in tom. I. Conciliorum, & in primo tomo Epistolarum Pontifical. habetur. Et de eadem loquitur Phocius in Biblioth. cum ait scripsisse Celestinum ad Episcopos Galliarum de fide Sancti Augustini. Eandem allegat Vincentius Lyrinensis contra prophan. vocum novit. cap. ultim. illam maxime laudans sententiam qua Celestinus statuit, *ut desisteret novitas incescere vetustatem.*

Petulan-
tia hære-
tic. refert
Prosper
qui post
approba-
tionem
Pontif.
reprobare
eum sunt.

9 Eandem refert Prosper contra Collat. c. 46. ubi adjungit, non obstante illa Pontificis laudatione librorum Augustini, detractores ejus eam interpretari, & limitare voluisse, ut de anterioribus libris Augustini, non de posterioribus, de quibus erat controversia, sit intelligenda. Per posteriores autem libros intelligit libros de Prædestinatione. Sanctior. & de Bono perseverantia. Hos enim in fine vitæ August. scripsit, eosq; maxime Semipelagiani detestabantur, & calumniabantur, per anteriores vero libros intelligere videtur Prosper libros de Peccator. merit. & alios similes. Hanc vero perversam interpretationem validissima ratione Prosper confutat. Quia licet libri Augustini,

quos de Gratia scripsit, varii sint, omnium eorum maxime, quos post exortam hæresim Pelagianam scripsit, doctrina eadem est. Nam in anterioribus libris idem doctrina spiritus, eademque prædicationis forma præcessit, quæ in posterioribus magis, magisque roborata, & variis modis contra diversas quotidie inventas hæreticorum tergiversationes explicata est, nunquam tamē sibi dissona, aut discors invenitur: quapropter ait, *Apostolica Sedes, quod a præcognitis sibi non discrepat; tum præcognitis probat, & quod judicio jungit, laude non dividit.* Accedit, quod Augustinus in eisdem libris de Prædestinatione. & Perseveran. priores libros suos allegat, & eandem doctrinam continere ostendit, ut quæst. 2. ad Simplicianum, epist. 105. & 106. libros contra duas epistolas Pelagianorum; imo etiam in libris non scriptis contra Pelagianos, sed contra Manichæos de Libero arbitrio eandem doctrinam contineri ostendit, licet non ita explicatam, quia occasio scribendi id non postulabat. Denique si quid dissonum a posteriori doctrina ante Pelagium exortum Augustinus dixerat, ut de initio fidei in Proposit. circa epistolam ad Romanos ibi illud advertit, & corrigit: ergo in reliquis omnibus non novam de gratia, vel Prædestinatione doctrinam tradit, sed antiquam defendit.

9 Præterea ex eodem Prospero colligitur, ipsum, & Hilarium præcipue accessisse ad Celestinum, ut agerent pro his libris Augustini, qui a Gallis calumniabantur: ergo licet Celestinus libros illos in epistola non exprefferit, pro illorum defensione præcipue scripsit, ut hoc modo verum sit, quod de Celestino ait Prosper: *Per hunc virum intra Gallias istis ipsis qui sanctæ memoriæ Augustini scripta reprehendunt, malevolentia est adempta libertas, quando consultantium actione suscepta, & librorum, qui errantibus displicebant, pietate laudata quid oporteret de eorum autoritate sentiri, sancto manifestavit eloquio.* Unde etiam verisimile non est Celestinum istorum posteriorum librorum Augustini non habuisse notitiam; tum quia Prosper ait, *pro illis actum esse, utique a se, & Hilario;* tum etiam quia Augustinus quadriennio ante accessum Prosperi, & Hilarii ad Celestinum libros illos ultimos scripserat. Ergo dubitandum non est, quin illos in sua epistola Celestinus comprehenderit: præsertim cum ipsum Augustinum, ejusque doctrinam, & fidem simpliciter approbet, & ab omni sinistra suspitione immunem pronuntiet. Quem vero sensum habeat hæc approbatio, statim dicemus.

Amplius
1. pars e-
pistolæ
Celestini
probat
ex Prospe-
ro.

V. Baron.
Ann. 3. &
8. Celest.

11 Altera vero pars illius epistolæ capita quædam, in quibus doctrina de gratia catholica contra Pelagianos tenenda traditur, continet, quæ videntur potius epistolæ adiuncta, quam ab autore epistolæ conscripta: tum quia post illam epistolæ clausulam, *Deus vos incolumes custodiat fratres charissimi*, quasi novum opusculum inchoatur hoc modo: *Quia nonnulli, qui catholico nomine gloriantur, &c.* tum etiam quia ex modo loquendi intelligimus, scriptorem illius partis non fuisse Celestinum, nec aliquem Romanum Pontificem, ut patet ex illis verbis. *Quia nonnulli, &c. ea tantum probare profitentur, quæ sacratissima Petri Sedes per ministerium Præsulum suorum sanxit, necessarium fuit inquirere, quid Romana Ecclesia rectores de hæresi, quæ eorum tempore exorta fuerat, judicaverint.* Hæc enim non videntur verba Romani Antistitis, non. n. de Romana Sede, tanquam de propria loquitur, nec Romanos rectores vocat prædecessores suos, prout Pontifices consueverunt, nec tanquam habens ad definiendum autoritatem loquitur. Quapropter aliqui censent, illa capita fuisse a Prospero collecta, & illi epistolæ adjuncta, a qua sententia non longe abest Baron. Ann. 431. nu. 185. & est certe verisimilis, indicaturque in illis verbis, *Magistris nostris, tanquam necessarium modum excesserint, obloquuntur.* Hæc. n. verba in gratiam August. dicta sunt, magisque redolent Prosperum, quam Celestinum. Quamvis credendum videatur, Prosperi non sine scientia, & consensu Celestini id fecisse, & ideo etiam pars illa Celestini autoritatem semper obtinuisse videtur: cujus magnum argumentum est, quam Petrus Diaconus gravis auctor, qui non multis annis

Alter
pars epi-
istolæ
Prospero
consensu
Celestini
videtur
addita.

annis post Cælestinum, librum de Incarnatione, & gratia ad Fulgent. scripsit in c. 8. illam epist. usque ad ultimas ejus regulas nomine Cælestini allegat.

12. Utrumque vero sit, doctrina in illis capitibus contenta certa fide tenenda est, siue fuerit a Cælestino specialiter approbata, & denuo confirmata, siue non. Quia licet sint collecta a Prospero, non ejus tantum auctoritate, sed Pontificum, ac Conciliorum, a quibus desumpta sunt, nituntur, ut facile intuenti patebit. In eis n. solum continentur sequentes assertiones. Prima est de corruptione humanæ naturæ per originale peccatū. Secunda, neminem posse ab illa miseria, nisi per gratiā Christi liberari. Tertia, liberum arbitrium hominis lapsi, etiam per gratiam renovari ad vincendas concupiscentias carnis, & diaboli insidias non sufficere, nisi per quotidianum adiutorium Dei perseverantiam in bono acceperit. Quarta, neminem nisi per Christi gratiam libero bene uti arbitrio. Quæ sumptæ sunt ex duabus epistolis primis Innocentii. Quinta est, omnia merita SS. ad Deum esse referenda, quia nemo ei placet, nisi ex eo, quod ipse donaverit. Sexta, ita Deum in cordibus hominum, & in ipso lib. arb. operari, ut sancta cogitatio, pium consilium, omnisque bonus voluntatis motus ex Deo sit, quia per illum aliquid possumus, sine quo nihil boni possumus. Et hæc dux ex epist. Zosimi referuntur. Septima est, gratiam Dei, qua justificamur per J. C. non ad solam remissionem peccatorum, sed etiam in adiutorium, ut non committamur, valere. Octava est, hanc gratiam non in sola doctrina consistere, quæ ostendit, quod agere, aut vitare debeamus, sed etiam præstare, ut quod faciendum cognovimus, etiam facere diligamus. Nona est, gratiam non solum dari ut facilius, sed simpliciter, ut possimus divina implere mandata. Et hæc tres allegantur ex Conc. Carth. c. 3. 4. & 5. additur vero, eas fecisse suas Romanos Pontificum illas approbarunt. Quæ vero deinde adduntur in c. ult. & illius partis, non tam novum dogma continent quam probationem superiorum ex moribus, ac ritibus, seu traditionibus Ecclesiarum. In fine vero adduntur verba sequentia: *Profundiores vero, difficilioreque partes incurrentium questionum, quas latius pertractarunt, qui hereticis resistunt, sicut non audemus contemere, ita non necesse habemus adstruere. Quia ad conficiendam gratiam Dei, cuius operi, ac dignationi nihil penitus subtrahendum est, satis sufficere credimus quidquid secundum prædictas regulas Apostolica Sedis nos scripta docuerunt, ut prorsus non opinemur catholicum, quod apparuerit prefixis sententiis contrarium.* Quæ verba valde considerata sunt; tum ut ab illis regulis nullo modo directe, vel indirecte recedatur; tum etiam ut in hac materia, neque facile aliquid damnetur, quod illis regulis non fuerit contrarium, nec de fide esse prædicetur quod in illis non fuerit contentum, nisi postea inveniat definitum.

Sixtus
11. h. h. h.
acerre-
mus Se-
mipel.
extitit, &
liber Pe-
lag. con-
fessus fal-
so illi ad-
scribitur.

Videatur
Biblio-
theca Pa-
trum i.
editionis
Parisien-
sis col.
644. &
654. ubi
notatu
digna de
Sixto ha-
bentur, &
erronan-
tibus a
bolitur.
Videatur
& Bellar-
de scrip-
tæ ver-
bo Sixtus

13. De functo Cælestino, Sixtus Pontifex in eius locum successus est, de quo cum esset presbyter, rumor a Pelagianis sparsus est, quod suæ sectæ magnus patronus existeret. Verumtamen rumores illos falsos esse, ita dictis, & factis, seu scriptis ostendit, ut quo minus in Sede Petri collocaretur, nihil ei obstitit. Nam scriptis suis Pelagianos exagitavit, & gratiam Dei defendit, ut Aug. receptis ab eo literis, his verbis ad eundem rescribit ep. 104. *Quid gratius legi, vel audiri potest, quam gratia Dei tam pura defensio adversus inimicos ejus, ex ore ejus, qui eorundem inimicorum magni momenti patronus ante iactabatur.* Et in Ep. 105, ad eundem, de ipso refert, primum omnium (utique ex Romano clero) anathema contra Pelagium pronuntiasse, dicens: *Tristes eramus nimis cum fama iactaret, inimicis gratia Christi te favere. Sed ut hæc tristitia de cordibus nostris tergeretur, primo te priorem anathema eis in populo frequentissime pronuntiasse eadem fama non tacuit. Deinde cum literis Sedis Apostolica de illorum damnatione ad Africam missis tua quoque litera consequuta sunt, quæ tametsi breves erant tamen vigorem adversus eorum errorem satis indicabant.* Constat igitur, ante assumptionem ad Pontificatum Sixtum pro gratia Dei pugnassee, & contrarium errorem dampnassee. Unde ita colligit Prosper contra Coll. c. 44. *Confidimus Domini protectione præstandum, ut quod operatus est in Innoc. Zosi-*

mo, Bonif. & Cælest. operetur & in Sixto & in custodia gregis Domini hæc sit pars gloria huic reservata Pastori, ut sicut illi lupos abigere manifestos (Pelagianos) ita depellat ocultos, i. e. eorum reliquias. Et adjungit: *Illo auribus suis doctissimi Senis (i. e. Aug.) insonante sermone, quo collaborantem suum hortatus est, dicens sunt quidam iustissime damnati, &c.* Et ita probavit, nam hic etiam Pontif. quamdiu vixit, Pelagianos ita repressit, ut Juliano iactatissimo Pelagiani erroris assertori, spem correctionis præferenti nullum adiutorem parere permiserit, ut refert Prosper in Chron. *Et ita (inquit) catholicos omnes dejectione fallacis bestia gaudescit, quæ tunc primum superbissimam hæresim Apostolicus gladius detrunxisset.* Neque a Sixto jam Pontif. plura contra hanc hæresim facta, vel scripta esse invenimus aut legimus. Imo graviter, & docte admonet Hieron. ep. ad Ctesiphont, cavendam esse imposturam Rufini, qui librum Sixti Pirhagorei, in qua multa Pelagio consona inveniuntur Sixti Pontif. Rom. nomine prænotavit, ut qui philosophi esse nesciunt (inquit) bibant sub martyris nomine de calice Babylonis. Quæ inscriptio decipere potuit August. ut aliqua verba ejus libri Sixti Pontificis aliquando esse credidisset, non tamen potuit illum in errorem inducere, sed verba ipsa pie interpretatus est 1. de Natura & grat. c. 64. Postea vero forte admonitus scriptis Hieron. errorem in persona recognoscit 1. 2. Retract. c. 42. Notat etiam Baron. to. 5. in ultimis fere verbis, tres fuisse libros hac fraude attributos Pontifici, scilicet, de Divitiis, de Operibus fidei, & de Castitate, quos ipse ibi probat, Pelagiana hæresi esse infectos, & neque a Gennadio, neque ab aliquo antiquo scriptore Sixto esse attributos.

14. Tandem in Apostolica Sede post Sixtum sedit Leo Magnus, cuius tempore, & diligentia Pelagiana hæresis pene extincta fuit. Nam Leonem contrivisse Pelagianos testatur Prosper in Dimid. temp. c. 6. ipsumque Prosperum multum in eo negotio illi interfuisse affirmat Phocius in Bibliotheca, & videtur ipsemet Prosper in citato loco indicare, cum dicit: *In Italia quoque nobis apud Campaniam constitutis, dum venerabilis, & Apostolico honore nominandus Leo Papa Manicheos subverteret, & contereret Pelagianos, & maxime Julianum, &c.* Cum enim Prosper esset natione Aquitanus, & fuerit etiam Episcopus Rhegiensis, verisimile est, non alia occasione versatum eo tempore in Italia, & specialiter in Campania, ubi Julianus fuerat Episcopus, nisi quia ad hoc ministerium fuit a Leone vocatus, ut Juliano, & sectatoribus ejus resisteret. Imo diutius Prosperum cum Leone commoratum, illique in fidei negotiis expendendis interfuisse, ex Gennadio de viris illustribus sumimus, & ex Trithemio, qui de Prospero ait: *Hic B. Leonis P. magnus quondam notarius fuit, & multas in ejus persona epistolas distavit.*

Leo Pel.
hæresim
vicit.

15. Quid autem Leo contra Pelagianos fecerit, vel pro gratia Dei scripserit, non invenimus, præter epistolam ejus 74. alias 76. & alias 89. in tomo primo Epistolarum Pontif. Ad Nicætam Aquilein. Episcopum, aliam ad Metropolitanum Venerit, ut idem Leo refert in epistola sequenti in eodem tom. 3. est 83. in tom. 2. Conciliorum, & in aliis operibus 85. & est quædam summa, & confirmatio præcedentis. Ibi ergo graviter reprehendit Leo quosdam Episcopos, qui conversos a Pelagiana, & Cælestiana hæresi sine expressa retractatione, & detestatione erroris sui ad communionem admittabant. Præcipitque ut nulli in posterum recipiantur, nisi prius damnetur apertis professionibus sui erroris auctores, & quidquid in doctrinæ eorum universalis Ecclesia exhorruit, detestentur, omniaque decreta synodalia, quæ ad decisionem hujus hæreseos Apostolicæ sedis confirmavit autoritas, amplecti se, apertis, ac propria manu subscriptis protestationibus eloquantur. Quibus paucis verbis totam doctrinam de Gratia prædecessorum suorum Leo suam fecit, & iidem præcipua eorum dogmata, & fundamenta sub brevi compendio prosequitur. Insuper quoque non ita fuisse extinctum Pelagii errorem, quin multi latenter illi adhererent, saltem quoad illud principium, quod gratia ex meritis nostris detur, & quoad Semipelagianos, contra quos etiam scripsisse creditur quosdam Ecclesiasticas definitiones, ut jam explicabimus.

Leonis
scripta,
quibus
doctrinæ
de gratia
descendit.

Opinio
existimas
Conc. A.
rausican.
2 a Leone
congrega-
tum.

16. Multorum enim opinio fuit, opera Leonis congregatum fuisse, ipso vivente, Concilium secundum Arausicanum ad reliquias Pelagianorum evertendas. Ita habetur in Præfat. ad libros de Prædestin. Sanctorum Augustini ante epistolam Prosperi, & Hilarii in editione Anxuerpiana anni 1576. ubi prius refertur sinistra interpretatio Semipelagianorum ad epistolam Cælestini, & quomodo, illa non obstante, libros illos de Prædest. Sanctorum infectarentur, & additur: *Quo comperto Leo Pontifex, qui tertius a Cælestino Sixto in Pontificatu successerat, in Arausicana civitate Concilium celebrari iussit, quod est ejus nominis secundum, in quo renovata, & iterato confirmata est catholica, & Apostolica, eademque Augustini de gratia, & lib. arb. doctrina, canonibus ipsis ex B. August. libris passim decerpitis.* Idem sentit Auctor epistolæ ad Lectorem, præfixæ operibus Prosperi Duaci editis ann. 1577. ubi notat, Prosperum non interfuisse, nec subscripsisse in Synodo Arausicana, licet in Vasensi, & Carpentoracensi (inter quas fuit Arausicana) subscripsisse reperitur, causam vero esse conjectat: *Quod capitula ad Synodum Arausicanam, a Leone transmissa ejusdem Leonis jussu Prosper conceperat, sicut etiam Gennadius scribens de eo ait.* Hæc ibi, & in fine adjungitur operibus Prosperi dicta Synodus, & dicitur: *Circa tempora Leonis Papæ, &c.* Et idem habetur in fine septimi tomii Divi Augustini, & secundo tomo Conciliorum in collectione Surii, & omnes significant, fuisse hoc Concilium secundum Arausic. celebratum paulo post primum circa annum Domini 444. Vel 443. ut vult Onophris.

Opinio
Baron.
Haud cer-
ta.

17. Nihilominus Baronius Ann. 463. constituit illam synodum non sub Leone, sed sub Hilario illius successore, anno ejus. 3. Ea præsertim conjectura motus, quod illi synodo præfuit, & primus subscripsit Cæsarius Arelatensis Episcopus, cum tamen in prior synodo Arausicana primus subscripsit Hilarius Arelatensis Episcopus, & postea per aliquot annos vixerit, & habuerit duos successores, Ravennium, & Eonium ante Cæsarium. Sed hæc conjectura est satis incerta, quia, ea non obstante, invenitur idem Cæsarius subscripsisse in Synodo Arelatensi 3. quæ etiam tempore Leonis celebrata est, & non desunt, qui Eonium Arelatensem post Cæsarium constituent, cum inveniantur epistolæ Gelasii Papæ ad ipsum scriptæ. Quod si dicatur in his mendum aliquod irrepsisse, ut Baronius interdum ait, idem profecto dici poterit in altera subscriptione Cæsarii, vel certe hoc satis est, ut conjectura sit incerta. Eo vel maxime, quod Leo Papa per decem, vel undecim annos supervixit Hilario Arelatensi, unde licet illi duo Episcopi ante Cæsarium successerint, fieri potuit, ut Cæsarius fuerit Episcopus Arelatensis, vivente Leone, nam de Ravennio, & Eonio non constat, quantum vixerint. Atque ita licet daremus, conjecturam probare, non fuisse Arausicanum Concilium circa initium Pontificatus Leonis, ut alii volebant, potuit esse circa finem.

18. At vero idem Baronius in appendice ad Annales Eccles. (habetur in fine tom. 10.) non solum communem opinionem, sed etiam priorem suam retractat, docetque Arausicanam synodum, 2. celebratam esse sub Felice IV. & anno Pontificatus ejus 4. qui fuit 529. Domini. Unde censet communem opinionem errasse anteponendo Concilium illud 86. sex annis, ipsum vero errasse 66. annis. Movereturque tum eodem argumento de Cæsario, quem illo postremo tempore, non priori vixisse ibi sentit; tum etiam quia Liberius ille Galliæ Præfectus, cujus sit mentio in illo Concilio, quia illius occasione coactum est, illique subscripsit, vixit, & gubernavit Galliam tempore Athalari Regis, qui tempore Felicis IV. regnavit. Sed quia prolixum esset conjecturas omnes quæ hic cogitari possunt, expendere, nolumus de sententia hac definitum judicium ferre. Solum dicimus, ut illa subsistere possit, oportere in Conciliis illorum temporum multa mutare, quæ cum illa stare non possunt. Oportebit enim dicere, etiam Concilium Arelatense 3. non esse factum sub Leone Papa anno Domini 458. prout in tom. 2. Conciliorum significatur. Probatur, quia ibi subscripsit etiam Cæsarius, quem Baronius

ait pervenisse usque ad annum Domini, 554. Unde non potuit præsidere Concilio Arelatensi tempore Leonis, alias necesse est, ut in episcopatu vixerit per centum annos, quod incredibile est: vel si id creditur, non potuit etiam præsidere Concilio Arausicano tempore Leonis. Idemque argumentum sumitur ex Concilio Carpentoracensi, & Vasensi, quæ ante dictum Arelat. celebrata sunt, & in eis etiam Cæsarius præfuisse, & Prosper subscripsisse invenitur. At de Prospero etiam in Arausicano subscripsisse, affirmat Baronius (quod ego non invenio) dicit tamen non fuisse illum Prosperum Aquitanicum, qui tempore Leonis vixit, sed alium. At idem dicam de Cæsario, & Liberio. In re igitur adeo incerta satis videtur nihil in recepta Chronologia immutare, & præsertim quia tempore Felicis quarti nullam legimus de gratia fuisse controversiam, neque illo tempore Semipelagianismum revixisse. Nimirum fero remedium fuisset adhibitum, si post tot annos canones illius Concilii editi, vel promulgati fuissent. Eo vel maxime, quod verisimillimum est, a Prospero fuisse elaboratos, & ex Augustini sententiis, ac verbis concinnatos, juxta modum scribendi Prosperi in hac materia.

Baronius
opinione
variat.

19. Quapropter quidquid de exacta ratione temporis sentiat, negari profecto non debet principalem auctoritatem canonum illius Concilii, & in cujus auctoritate potissimum fundantur, esse Leonem Papam. Nam Patres illius Concilii in eius initio profitentur, sentiti auctoritate Sedis Apostolicæ, his verbis: *Unde & nobis secundum auctoritatem, & admonitionem Sedis Apostolicæ justum, & rationabile visum est, ut pauca capitula ab Apostolica Sede nobis transmissa, quæ ab antiquis Patribus de cæteris scripturarum voluminibus in hac præcipue causa collata sunt, ad docendos eos, qui aliter, quam oportet, sentiunt, ab omnibus observanda proferre, & manibus nostris subscribere deberemus. Quibus lectis, qui huc usque non sicut oportebat, de gratia, & libero arbitrio credidit, ad ea, quæ fidei catholice conveniunt, animum suum inclinare non differat.* Ergo verisimilius est, Leonem potius, quam Felicem, Hilarium fuisse illum Apostolicæ Sedis Antistitem, qui Episcopos Galliæ monuit, & ad eos canones dictos misit; tum quia de Leone legimus Pelagianos contrivisse, de Felice vero, aut Hilario nihil contra eos egisse legimus, neque mirum, quia tempore etiam Leonis creduntur extincti; tum etiam quia ex ipsis canonibus liquet, quandam Augustini doctrinæ summam, & compendium, & sententias eisdem verbis coagmentatas continere. Unde fit per se credibile, Prosperum insignem Augustini discipulum, & sectatorem jussu Romani Pontificis eos elaborasse, ac conscripsisse. At Prosper non legitur in hujusmodi ministerio interfuisse, nisi Leoni: ergo magna conjectura est, Leonem fuisse illius causæ Patronum, & architectum.

Synodus
2 Arau-
sic Leon.
nixa Pon-
tificia au-
thoritate

20. Hoc ergo posito parum refert, quod promulgatio illorum canonum facta ab Episcopis Gallis in Arausicano conventu, fuerit facta, vivente Leone, vel ejus successore Hilario, vel postea sub Felice. Præsertim quia non videntur illi Episcopi ad illam promulgationem auctoritate Apostolica vocati: imò neque ad id auveris ex primaria intentione coacti, sed ad alium finem, & per occasionem id etiam egisse, ut ipsi his verbis indicant: *Cum ad dedicationem Basilicæ, quam illustrissimus Præfectus, & Patricius filius noster Liberius in Arausica civitate fidelissima devotione construxit, Deo propitiante, & ipso invitante convenissemus, & de rebus, quæ ad Ecclesiasticam regulam pertinent, inter nos fuisset oborta collatio, pervenit ad nos, esse aliquos, qui de gratia, & libero arbitrio minus caute, & non secundum fidei catholice regulam sentire velint. Unde & nobis, &c.* ut supra relatum est. Videtur ergo Leo Papa misisse canones illos ad Episcopos Galliæ, non autem eis præcepisse, ut ad illorum promulgationem vel subscriptionem convenirent, sed ut unusquisque in sua diocesi eos servaret, & ut Semipelagianos iterum pullulare non permitterent. Ideoque fieri potuit, ut alia necessitate non

Non ob-
stat, et-
iam si Sy-
nodus ut-
que ad
Hilarium
vocata
non sit.

cogen-

cogente, de concilio ad illum finem congregando non tractaverint: occasione autem illius conventus oblata, ibique nova notitia repullulantis erroris comparata, ad illum iterum extirpandum, illo convenientissimo remedio uti fuerint, nam fortasse canones illi, & eorum auctoritas ad omnium notitiam non pervenerant. Et ita, licet forte dilatio illa fuerit usque ad tempora Hilarii, aut forte major, non refert.

Hil. Simp. & Felix Pontif. post Leonem in suis epist. de gratia, ut superiores Pont. sent. sicut.

21. Post Leonis tempora per aliquot annos cessasse videntur in Ecclesia publici rumores Pelagianæ hæresis, quamvis illius reliquæ per plures annos non omnino sopitæ, & extinctæ fuisse videantur. Nam tempore Leonis sine dubio jam vivebat Faustus in Monasterio Lyrinensi, quia paulo post Leonem mortuus est Prosper, cui in Episcopatu successit Maximus Abbas Lyrinensis monasterii, in cuius locum Faustus Abbas ejusdem monasterii factus est, & intra breves annos, mortuo Maximo, Faustus ad eundem Episcopatum Rhegiensem assumptus est, & in eo usque ad Felicem Papam, & ultra vixit. Fuit autem Faustus, ut vidimus Semipelagianismi fautor & doctor, habuitque in Gallia plures secum consentientes, vel discipulos. Et nihilominus ab Hilario, vel Simplicio Leonis successoribus nihil contra illum factum, aut scriptum legimus. Et causa forte fuit, quia ita simulate, ac latenter suum introducebat errorem, ut neque publice profiteretur doctrinam Augustini reprehendere, neque a multis prehenderetur; unde fieri potuit, ut ad aures dictorum Pontificum non pervenerit. De Felice autem Pontifice, qui Simplicio successit, refert Baronius, rejecisse, ac reprobasse scripta Faustide gratia, & libero arbitrio, & veram de gratia doctrinam confirmasse. Quia Cæsarius Arelatensis eodem tempore librum de Gratia scripsit, eumque ad Felicem Pontificem misit, qui sua epist. illum probavit, teste Gennadio de viris illustr. c. 86. Conjectat autem Baronius, librum illum Cæsarii fuisse contra Faustum scriptum, & inde concludit confirmationem libri Cæsarii fuisse reprobationem librorum Faustide, & totius Semipelagianismi. Sed hæc minus certa sunt, quia nec librum Cæsarii habemus, nec epistolam Felicis, nec dictum Gennadii est satis firmum, ut infra c. 21. iterum dicam. Et ideo de Hilario, Simplicio, & Felice post Leonem Pontificibus nihil aliud certo affirmare possumus, nisi catholicam de gratia doctrinam, quam semper Ecclesia Romana docuit, professos fuisse, & juxta illam, sicut antiquiores Pontifices, in suis epistolis semper locutos fuisse.

Gelasii gesta & scripta in gratia, ut solam.

22. Gelasius autem variis modis, & Pelagium, ac reliquias ejus iterato damnavit, & sanam doctrinam de gratia erudite docuit. Nam in primis in Decreto de libris authenticis, seu in cap. *Sancta Romana*, libros Rufini, quia nimium favebat lib. arb. & libros Cassiani, & Faustide, quia gratiam deprimebant, inter apocryphos numerat. Et libros Hieronymi, Augustini, & Prosperi approbat, & honorifice commendat. Deinde cum suo tempore non tantum Semipelagianismus occulte serperet, sed etiam integer Pelagianismus in Provinciis Dalmatiæ, & Piceni a quodam imperitissimo homine Seneca vocato, denuo renovari, & introduci cœpisset: hac occasione oblata Gelasius vigilantissime obstitit, ne malum cresceret. Et contra ipsum errorem eruditissimas epistolas scripsit. Nam in epist. 3. ad Honorium admonet illum, sibi esse nuntiandum, *in regionibus Dalmatarum quosdam recidiva Pelagianæ pestis zizania seminasse, &c.* Et de ipso errore statim subdit: *Estque error ipse nefarius tanto perniciosior ad subrependum, quanto ad fallendum verisimilitudinis colore versutior*; & infra subjungit: *Ab Apostolica dudum Sede, per B. memoria Innocentium, ac deinde Zosimum, Bonifacium, Cælestinum, Sixtum, & Leonem continuus, & incessabilibus sententiis fuisse prostratum.* In epistola vero quinta ad Episcopos per Picenum, refert, Senecam quendam rudem, & impium hominem in illa provincia, eandem hæresin iterum induxisse. Præsertim tres ejus errores, videlicet, Infantes non concipi originali peccato, eisdemque sine baptismo decedentes non damnari, sed vitam æternam consequi, & hominem per liberum arbitrium,

bono suffragante naturæ, beatum effici. Quos errores ipse postea confutat, & illa duo præcipua hujus doctrinæ fundamenta, quod gratia non detur ex meritis, & quod præcedat libertatis bonum usum, sitque principium salutis ex illa, non ex nobis, late confirmat. Post illas etiam epistolas adjungitur in eodem tomo epistolarum tractatus quidam Gelasii, in cuius prima parte multa de gratia Christi erudite tradit, specialiter vero tractat questionem illam, an in hac vita contingat aliquem vivere sine peccato, aut sine peccati fomine, cujus sententiam suo loco referemus.

23. Post Gelasium doctrinam catholicam de gratia confirmavit Hormisdas P. (nam de Anastasio II. de Symmacho, qui inter eos fuerunt, nihil invenimus) Hormisdas vero in epist. 67. ad Possessorem, occasione interrogationis ejus de libris Faustide breviter definitiones priorum Pontificum amplectitur, & confirmat: tum in eo, quod Faustide libros inter apocryphos rejecit, quia eos in auctoritate Patrum examen catholice fidei non recepit; quod propter decretum Gelasii de libris Ecclesiasticis dixisse videtur: tum etiam in eo, quod fixa dicit esse a Patribus, quæ fideles sequi debeant, instituta, a quibus qui exorbitat, errat. Quæ regula cum in tota materia fidei certissima sit, in hac specialiter ab Hormisdas commemorari videtur, propter illa, quæ de gratia Pontifices definierunt; unde subjungit: *De arbitrio libero, & gratia Dei, quod Romana, hoc est, catholica sequatur, & asseret Ecclesia, licet in variis libris B. August. & maxime ad Hilarium, & Prosperum, possit cognosci, tamen in scriptis Ecclesiasticis expressa capitula continentur, quæ si ibi desunt, & necessaria creditis, destinabimus, quanquam qui Apostoli verba diligenter considerat, quid sequi debeat, evidenter cognoscit.* In quibus verbis illa notanda sunt, & maxime ad Hilarium, & Prosperum. Agebat enim ibi Hormisdas de doctrina necessaria ad cavendum Semipelagianum errorem, qui in libris Faustide defenditur, quæ doctrina in illis libris Augustini maxime continetur: & ideo Hormisdas de illis maxime loquutus est. Simulque videtur illis verbis occurrere Semipelagianis. Illi enim libros Augustini de prædestinatione, & de Perseverantia nolebant includi sub generali laudatione librorum August. scripta, quia illos non expresserat, ut supra retuli: Hormisdas vero, ut tergiversationem eorum damnet, dixit catholicam doctrinam de Gratia in illis libris Augustini maxime contineri; illos enim, & non alios ad Hilarium, & Prosperum Augustinus scripsit.

Sum. Pontif. Hormisdas palam & liberos Bug. ad Hil. & Prosper. & gratia defendit.

24. Deinde adverto, capitula illa in scriptis Ecclesiasticis contenta, de quibus Hormisdas loquitur, non videri esse alia, nisi canones a Leone ad Episcopos Galliæ, quin Concil. II. Arausicano postea conveniunt, missos. Nam per se credibile est, illos in scriptis Ecclesiasticis conservatos esse, ac subinde de illis loqui Hormisdas, quia nullibi reperimus alia capitula de hac materia specialiter a sede Apostolica edita, & ad alias Ecclesias missa. Nam licet plures epistolæ decretales eandem doctrinam continentes a Pontificibus scriptas scimus, & non paucas illarum habeamus, non tamen scimus, nec habemus alia capita, quæ a Sede Apostolica emanaverint, & doctrinam de Gratia, præsertim contra Semipelagianos, contineant præter canones illius Concilii Arausicani, & ideo sine dubio est vehemens conjectura, de illis esse loquutum. Nec de auctoritate hujus epistolæ dubitare jam licet, cum ex veteri codice Vaticano, cum aliis editam habeamus, præter alia, quæ in illius defensionem congerit Baronius anno 250. num. 22. & sequentibus.

Canones Leon. ab Hormisdas referuntur qui sent. Concil. I. rau.

25. Ex his ergo omnibus satis constat, quam constanter Romani Pontifices hæreticis male de gratia Dei sententibus resistunt, quamque manifeste, & luculenter gratiam Dei prædicant. Post dictorum autem Pontificum tempora, usque ad Lutherum non invenimus aliquid denuo ab Episcopis Romanis de gratia traditum, quia necessarium non fuit, cum Ecclesia in magna concordia quantum ad catholicam de gratia doctrinam, generatim loquendo, fere toto illo tempore vixerit. Quod si interdum contrarius error reviviscere cœpit, statim per eandem Ro-

Tranquil. litas divi næ gratia

Romanam Ecclesiam sopitus est. Sicut in Oriente contigit tempore Gregorii. Nam cum Joannes Patriarcha Constantinopolitanus Pelagianam doctrinam inducere tentaret, statim Gregorius ejus errorem detexit, & expugnavit libro sexto, epistola tertia, & aliis, quæ capite vigesimo indicabimus. In Occidente vero cum in Scotia eadem hæresis reviviscere inciperet Severini, & Joannis Pontif. tempore, statim recognita autoritate Ecclesiæ Romanæ dissipata est, ut auctor est Beda libr. 2. Histor. Anglic. cap. 19. ubi ex epistola Joannis IV. ad Episcopos Scotiæ hæc refert notanda verba. *Cognovimus, quod virum Pelagianæ hæreses apud vos denovo reviviscit, quod omnino hortamur, ut a vestris mentibus hujusmodi venenatum superstitionis facinus auferatur. Nam qualiter ipsa quoque execranda hæresis damnata est, latere vos non debet, quia non solum per istos ducentos annos abolita est, sed & quotidie a nobis perpetuo anathemate sepulta damnatur, & hortamur, ne quorum arma sepulta sunt, eorum apud vos cineres suscitentur.* Postea vero duo præcipua dogmata contra Pelagium confirmat, nimirum dari peccatum originale, & necessariam esse gratiam ad vitanda peccata. Et ita finita omnino fuit antiqua contentio cum Pelagianis, & ideo sequentes Pontifices usque ad nostra fere tempora nihil de gratia scripserunt, nisi fortasse obiter, & per occasionem. Sic enim Leo Nonus in epistol. ad Petrum Antiochenum suam fidem profitendo, inter alia dicit: *Deum prædestinasse solummodo bona, præcavisse autem bona, malaque Gratiam Dei prævenire, & subsequi hominem credo, & profiteor, ita tamen, ut liberum arbitrium rationali creatura non denegem.*

Iterum rediit doctrina de gratia.

26. Post exortos vero Lutheranos, & Calvinistas necessarium fuit supremo Ecclesiæ Pastori eis resistere, veramque de gratia doctrinam iterum tradere, & amplius explicare. Quod in primis fecit Leo Decimus articulos Lutheri damnando, & postea Paulus Tertius, & Pius IV. Concilium Tridentinum cogendo, & confirmando. Est autem advertendum, priores Pontifices, quando occasione Pelagiani erroris de Gratia scripserunt, præcipue, & quasi ex instituto gratiæ necessitatem, & gratuitam ejus donationem tradidisse, ac definitivisse. Contra excessum vero eorum, qui gratiam ita exaggerabant, ut liberum arbitrium tollerent, ex professo non definierunt, quia nec ea restitue agebatur, nec necessaria erat, quoniam libertas arbitrii contra Manichæos satis erat a veteribus propugnata, & contra Priscilianistas a Leone Papa epistol. 91. & alias 93. & in tom. Pontif. epistola quarta capite undecimo qui necessitatem operum non ex gratia, sed ex syderibus ponebant, Pelagianique vero potius pro libertate pugnabant. Quia vero negabant, posse gratiam cum libero arbitrio conciliari, & ex libertatis assertionem gratiæ negationem inferebant, ideo iidem Pontifices allegati, præsertim Innocentius, Zosimus, & Cælestinus docuerunt, gratiam cum libertate posse, & debere conjungi. Nunc vero, quia non negatione gratiæ, sed potius illius exaggeratione negatur liberum arbitrium, ideo a posterioribus Pontificibus, & præsertim a Concilio Tridentino ex instituto damnata est illa nimia, & erronea gratiæ exaggeratio, & declarata, ac definita concordia inter gratiam, & liberum arbitrium, ut capite vigesimo dicam. Non defuerunt tamen in his temporibus qui (sine pertinacia hæretica) doctrinam ad utrumque errorem claudicantem introducere tentaverint, quibus novissime Apostolica Sedes per Pium Quintum, & Gregorium Decimum tertium se opposuit, quorum censuram hoc loco inferere, quia in sequentibus sæpius est usui futura, necessarium duximus, ut facilius ab omnibus hujus nostri laboris studiosis sciri, & legi valeat, ac intelligi.

De Censura Pii V. & Gregorii XIII. aliquarum assertionum, partim naturæ, partim gratiæ nimirum tribuentium, aut detrahentium.

1. **F**uit nostris temporibus in Lovaniensi academia Doctor quidam catholicus, & eruditus, cujus nomen cum Pontifices silentio præterierint, libenter racerem, nisi jam ex aliorum libris, & scriptis esset notissimum, scilicet, Michael Bajus. Ille igitur in aliquibus libris, quos de charitate, & rebus aliis scripsit, varios articulos, seu assertiones posuit, in quibus nunc ad Pelagianismum, nunc ad Lutheranismum, & Calvinismum inclinavit. Cumque esset expectatæ probitatis, & doctrinæ, ut in Bulla significatur, facile potuit autoritate sua plures in suam sententiam ducere, & academiam illam catholicam, & insignem corrumpere, aut perturbare. Cui malo, ut occurrerent dicti Pontifices, hanc Bullam ediderunt, in qua & assertiones Baji referunt, & illas adhibita generali censura reprobant, & sub gravissimis pœnis prohibent, cui censuræ auctor, ut catholicus paruit, & turbatio tota sublata est. Tenor autem Bullæ est qui sequitur.

Bulla Pii V. & Gregorii XIII. in qua nonnullæ propositiones de viribus naturæ, & gratiæ damnantur.

Gregorius Episcopus servus servorum Dei, ad futuram rei memoriam. Provisionis nostræ debet provenire subsidio, ut ea, quæ a prædecessoribus nostris emanarunt suadente maxime fidei catholica conservatione, ubicunque opus est, producantur: quare nos tenorem litterarum felicitis recordationis Pii Papæ V. prædecessoris nostri in ejus registro repertum, describi, & præsentibus annotari fecimus, qui talis est. Pius Episcopus, servus servorum Dei, ad futuram rei memoriam. Ex omnibus afflictionibus, quas in hoc loco a Domino constituti tam luctuoso tempore sustinentes, ille animum nostrum excruciat dolor, quod religio Christiana tantis jam pridem turbinibus agitata novis quotidie propositis opinionibus constitetur, Christiique populus antiqui hostis suggestionem dissectus in alios atque alios errores passim, & promiscue deferatur. Quantum vero ad nos attinet, totis viribus conamur, ut illi simul atque prosiliunt, penitus opprimantur. Magno etenim mœrore afficimur, quod plerique spectata alioqui probitatis, & doctrinæ in varias sententias offensionis, & periculi plenas, tum verbo, tum scriptis prorumpunt, deque eis etiam in scholis invicem controversantur, cujusmodi sunt sequentes.

1. Prima. Nec primi hominis adhuc integri merita recte vocantur gratia.

2. Sicut opus malum ex natura sua est mortis æternæ meritorium, sic bonum opus ex natura sua est vitæ æternæ meritorium.

3. Et bonis Angelis, & primo homini, si in statu illo permansissent usque ad ultimum vitæ, felicitas esset merces, & non gratia.

4. Vita æterna homini integro, & Angelo promissa fuit intuitu bonorum operum: & bona opera ex lege naturæ ad consequendam illam per se sufficiunt.

5. In promissione facta ab Angelo, & primo homini continetur naturalis justitiæ constitutio, qua pro bonis operibus sine alio respectu vitæ æternæ justis promittitur.

6. Naturali lege constitutum fuit homini, ut si in obedientia perseveraret, ad eam vitam pertransiret, in qua mori non posset.

7. Primi hominis integri merita fuerunt primæ creationis munera, sed juxta modum loquendi sacræ Scripturæ non recte vocantur gratia, quo fit, ut tantum merita, non & gratia debeant nuncupari.

8. In redemptis per gratiam Christi nullum inveniri potest meritum bonum, quod non sit gratis indigno collatum.

8. Dona concessa homini integro, & Angelo, forsitan non improbanda ratione, possunt dici gratia, sed quia secundum usum Scripturæ nomine gratiæ tantum ea munera intelli-

telligentur, quæ per Jesum male merentibus, & indignis conferuntur idconque merces, quæ illis redditur, gratia dici debet.

10. Solutionem pœnæ temporalis, quæ peccato dimisso, sape manet, & corporis resurrectionem proprie, non, nisi meritis Christi adscribendam esse.

11. Quod pie, & iuste in hac vita mortali usque ad finem conversati vitam consequimur æternam, id non propria gratia DEI, sed ordinationi naturali statim initio creationis constituta iusto DEI iudicio deputandum est.

12. Nec in hac retributione honorum ad Christi meritum respicitur, sed tantum ad primam justificationem generis humani, in qua lege naturali institutum est, ut iusto Dei iudicio obedientia mandatorum vitæ æterna reddatur.

13. Pelagii sententia est. Opus bonum citra gratiam adoptionis factum non est regni cœlestis meritum.

14. Opera bona a filiis adoptionis facta non accipiunt rationem meriti ex eo, quod sunt per spiritum adoptionis inhabitantem corda filiorum Dei, sed ex eo, quod sunt conformia legi, quodque per ea præstatur obedientia legi.

15. Opera bona iustorum non accipient in die iudicii ampliorē mercedem, quam iusto Dei iudicio merentur, alias, mererentur accipere.

16. Dicit rationem meriti non consistere in eo, quod qui bene operatur habeat gratiam, & inhabitantem Spiritum sanctum, sed in eo solum, quod obedit divinæ legi: quam sententiam sapius repetit, & multis rationibus probat fere toto libro.

17. In eodem libro sapius repetit, quod non est vere legis obedientia, quæ fit sine charitate.

18. Dicit sentire cum Pelagio, qui dicunt esse necessarium ad rationem meriti, ut homo per gratiam adoptionis sublimetur ad statum Deificum.

19. Dicit, opera catechumenorum, ut fidem, & pœnitentiam ante remissionem peccatorum factā, esse vitæ æternæ merita, quam vitam non consequentur catechumeni, nisi prius precedentium delictorum impedimenta tollantur.

20. Videtur insinuare, quod opera iustitiæ, & temperantia, quæ Christus fecit ex dignitate personæ operantis non traxerint maiorem valorem.

21. Nullum est peccatum ex natura sua veniale, sed omne peccatum meretur pœnam æternam.

22. Humane naturæ sublimatio, & exaltatio in consortium divinæ naturæ debita fuit integritati primæ conditionis, & proinde naturalis dicenda est, & non supernaturalis.

23. Cum Pelagio sentiunt, qui textum Apostoli ad Roma. 1. Gentes, quæ legem non habent, naturaliter, quæ legis sunt, faciunt: intelligunt de gentibus fidei gratiam non habentibus.

24. Absurda est sententia eorum, qui dicunt, hominem ab initio dono quodam supernaturali, & gratuito super conditionem naturæ fuisse exaltatum, ut fide, spe, & charitate Deum supernaturaliter coleret.

25. A vanis, & otiosis hominibus secundum insipientiam Philosophorum excogitata est sententia; hominem ab initio sic constitutum, ut per dona naturæ superaddita fuerit largitate conditoris sublimatus, & in Dei filium adoptatus.

26. Et ad Pelagianismum rejicienda est illa sententia, omnia opera infidelium sunt peccata, & Philosophorum virtutes sunt vitia.

27. Integritas primæ creationis non fuit indebita humane naturæ exaltatio, sed naturalis ejus conditio: quam sententiam repetit, & probat per plura capitula.

28. Liberum arbitrium sine gratia, & Dei adiutorio, non, nisi ad peccandum, valet.

29. Pelagianus est error, dicere, quod liberum arbitrium valet ad ullum peccatum vitandum.

30. Non solum fures hi sunt, & latrones, qui Christum vitam, & ostium veritatis, & vitam negant, sed etiam quicumque aliunde, quam per Christum in viam iustitiæ, hoc est, ad aliquam iustitiam, conscendi posse dicunt, aut tentationi B. ulli sine gratiæ ipsius adiutorio resistere posse hominem sic, ut in eam non inducatur, aut ab ea superetur.

31. Charitas perfecta, & sincera, quæ est ex corde puro, & conscientia bona, & fide non ficta, tam in Catechumenis, quam in pœnitentibus potest esse sine remissione peccatorum.

32. Charitas illa, quæ est plenitudo legis, non est semper conjuncta cum remissione peccatorum.

33. Catechumenus iuste, recte, & sancte vivit, & mandata Dei observat, & legem implet per charitatem, ante obtentam remissionem peccatorum, quæ in baptismi lavacro demum percipitur.

34. Distinctio illa duplicis amoris naturalis, ut, quo Deus amatur, ut author naturæ, & gratuiti, quo Deus amatur, ut beatorum, vana est, & commentitia, & ad illudendum sacris literis, & pluribus veterum testimonis excogitata.

35. Omne, quod agit peccator, vel servus peccati, peccatum est.

36. Amor naturalis, qui ex viribus naturæ exoritur, ex sola Philosophia, per elationem presumptionis humane, cum injuria Crucis Christi defenditur a nonnullis Doctoribus.

37. Cum Pelagio sapit, qui boni aliquid naturalis, hoc est, quod ex naturæ solis viribus ortum ducit, agnoscit.

38. Omnis amor creaturæ rationalis, aut vitiosa est cupiditas, quæ mundus diligitur, quæ a Joanne prohibetur, aut laudabilis illa charitas, quæ per Spiritum Sanctum in corde diffusa, Deus amatur.

39. Quod voluntarie fit, etsi in necessitate fiat, libere tamen fit.

40. In omnibus suis actibus peccator servit dominantī cupiditati.

41. Is libertatis modus, qui est a necessitate sub libertatis nomine, non reperitur in Scripturis, sed solum libertatis a peccato.

42. Iustitia, quæ iustificatur per fidem impius, consistit formaliter in obedientia mandatorum, quæ est operum iustitiæ, non autem in gratia aliqua anima infusa, quæ adoptatur homo in filium Dei, & secundum interiorem hominem renovatur, ac divinæ naturæ confors efficitur, ut sic per Spiritum sanctum renovatus, deinceps bene vivere, & Dei mandatis obedire possit.

43. In hominibus pœnitentibus ante sacramentum absolutionis, & in catechumenis ante baptismum est vera iustificatio, separata tamen a remissione peccatorum.

44. Operibus plerisque quæ a fidelibus sunt, ut mandatis Dei pareant, cuiusmodi sunt, obedire parentibus, depositum reddere, ab homicidio, a furto, a fornicatione abstinere, iustificancur quidem homines, quia sunt legis obedientia, & vere legis iustitiæ, non tamen iis obtinentur incrementa virtutum.

45. Sacrificium Missæ non alia ratione est sacrificium, quam generali illa, quæ omne opus, quod fit, ut sancta societate Deo homo inhaereat.

46. Ad rationem, & definitionem peccati non pertinet voluntarium, nec definitionis questio est, sed causæ, & originis, ntrum omne peccatum debeat esse voluntarium.

47. Unde peccatum originis vere habet rationem peccati sine ulla ratione, & respectu ad voluntatem, a qua originem habuit.

48. Peccatum originis est habituali parvuli voluntati voluntarium, & habitualiter dominatur parvulo, eique non gerit contrarium voluntatis arbitrium.

49. Et ex habituali voluntate dominante fit, ut parvulus recedens sine generationis sacramento, quando usum rationis consequutus erit, actualiter Deum odio habeat, Deum blasphemet, & legi Dei repugnet.

50. Prava desideria, quibus vere non consentit, & quæ homo invitus patitur, sunt prohibita præcepto, Non concupisces.

51. Concupiscentia, sive lex membrorum, & prava ejus desideria, quæ inviti sentiunt homines, sunt vera legis inobedientia.

52. Omne scelus ejus est conditionis, ut suum authorem, & omnes posteros eo modo inficere possit, quo inficit prima transgressio.

53. Quantum est ex vi transgressionis, non tantum meritorum malorum, a generante contrahunt, qui cum minoribus nascuntur vitiis, quam qui cum majoribus.

54. Definitiva hac sententia, Deum homini nihil impossibile præcepisse, falso tribuitur August. cum Pelagii sit.

55. Deus non potuisset talem ab initio creare hominem, qualis nunc nascitur.

56. In peccato duo sunt, actus, & reatus: transeunte autem actu, nihil manet, nisi reatus, sive obligatio ad pœnā.

citur, aut tationi universaliter, sed antiquum exēplar, quod Romæ habui ante triginta annos, habet, aut tationi ulli, & ita etiam habetur in exēplari ad iuncto ad librum P. Valq. a epistol. Pauli.

57. Inde in sacramento baptismi, aut sacerdotis absolutione proprie reatus peccati dumtaxat tollitur, & ministerium sacerdotis solum liberat a reatu.

58. Peccator penitus non vivificatur ministerio sacerdotis absolvantis, sed a solo Deo, qui poenitentiam suggerens, & inspirans, vivificat eum, & resuscitat, ministerio autem sacerdotis solum reatus tollitur.

59. Quando per eleemosynam, aliaque pietatis opera Deo satisfacimus pro pœnis temporalibus, non dignum pretium Deo pro peccatis nostris offerimus, sicut quidam errantes autumnant, nam alioqui essemus, aliqua saltem ex parte, redemptores, sed aliquid facimus, cuius intuitu Christi satisfactio nobis applicatur, & communicatur.

60. Per passiones sanctorum indulgentiis communicatas non proprie redimuntur delicta, sed per communionem charitatis, nobis eorum passiones impertuntur, ut digni simus, qui pretio sanguinis Christi a pœnis pro peccatis debitis liberemur.

61. Celebris illa Doctorum distinctio, divinæ legis mandata bifariam impleri, altero modo quantum ad præceptorum substantiam tantum, altero quantum ad certum quendam modum, videlicet, secundum quem valent operantem perducere ad regnum æternum, hoc est, ad modum meritorium, commentitia est, & explodenda.

62. Illa quoque distinctio, qua opus dicitur bifariam bonum, vel quia ex objecto, & omnibus circumstantiis rectum est, & bonum, quod moraliter bonum appellari consuevit, vel quia est meritorium regni æterni, eo quod fit a vivo Christi membro per spiritum charitatis, rejicienda putatur.

63. Similiter illa quoque distinctio duplicis justitiæ alterius, qua fit per spiritum charitatis inhabitantem, alterius, qua fit ex inspiratione quidem Spiritus Sancti cor ad poenitentiam excitantis, sed nondum cor inhabitantis & in eo charitatem diffundentis, qua divinæ legis justificatio impletur, odiosissima, & pertinacissima rejicitur.

64. Denique & illa distinctio duplicis vivificationis, alterius, qua vivificatur peccator, dum ei poenitentia, & vitæ novæ propositum per Dei gratiam inspiratur, alterius, qua vivificatur vere, & palmes in vitæ Christo efficitur, commentitia judicatur, & scripturis minime congruens.

65. Non, nisi Pelagiano errore admitti potest usus aliquis liberi arbitrii bonus, sive non malus, & gratiæ Christi injuriam facit, qui ita sentit, & docet.

66. Sola violentia repugnat libertati hominis naturali.

67. Homo peccat etiam damnabiliter, in eo, quod necessario facit.

68. Infidelitas pure negativa, in his, quibus Christus non est predicatus, peccatum est.

69. Justificatio impij fit formaliter per obedientiam legis, non autem per occultam communicationem, aut inspirationem gratiæ, que per eam justificatos faciat impere legem.

70. Homo existens in peccato mortali sive in reatu æternæ damnationis, potest habere veram charitatem, & charitas etiam perfecta potest consistere cum reatu æternæ damnationis.

71. Per contritionem, etiam cum charitate perfectâ, & cum voto suscipiendi sacramentum conjuncta non remittitur crimen extra casum necessitatis, aut martyrii sine actuali susceptione sacramentorum.

72. Omnes omnino afflictiones iustorum, sunt ultiones peccatorum ipsorum, unde Job, & Martyres, quæ passi sunt, propter sua peccata passi sunt.

73. Nemo præter Christum est absque peccato originali hinc B. Virgo mortua est propter peccatum ex Adam contractum, omnesque ejus afflictiones in hac vita, sicut & aliorum iustorum, fuerunt ultiones peccati actualis, vel originalis.

74. Concupiscentia in renatis relapsis in peccatum mortale, in quibus jam dominatur, peccatum est, sicut & alii habitus pravi.

75. Motus pravi concupiscentiæ sunt pro statu hominis vitiatum, prohibiti præcepto, Non concupisces, unde homo dissentiens, & non consentiens, transgreditur præceptum, Non concupisces, quamvis transgressio in peccatum non disputetur.

76. Quamdiu aliquid concupiscentiæ carnalis indiligente est, non facit præceptum, Diliges Dominum Deum tuum ex toto corde tuo,

77. Satisfactiones laboriosæ iustificationum non valent expiare de condigno pœnam temporalem restantem post culpam condonatam.

78. Immortalitas primi hominis, non erat gratiæ beneficium, sed naturalis conditio.

79. Falsa est Doctorum sententia, primum hominem potuisse a Deo creari, & institui sine justitia naturali.

Quas quidem sententias stricto coram nobis examine ponderatas, quanquam nonnullæ aliquo pacto sustineri possent, in rigore, & proprio verborum sensu ab assertore intento hæreticus, erroneas, suspectas, temerarias, scandalosas, & in pias aures offensionem immitcentes, respectu, & quæcunque super his verbo scriptoque emissæ præsentium autoritate damnamus, circumscribimus, & abolemus, deque eisdem, & similibus posthac quoquo pacto loquendi, scribendi, & disputandi facultatem interdici-

mus. Qui secus fecerint, ipso, omnibus dignitatibus gradibus, honoribus, beneficiis, & officiis perpetuo privamus; atque etiam inhabiles ad quæcunque decernimus, vinculoque anathematis eo ipso innodamus, a quo nullus Romano Pontifice inferior valeat ipsos, excepto mortis articulo, liberare.

Ceterum, ut jam commoti his de rebus tumultus, & contracta odia facilius comprimi possint, simulque animarum saluti plenius consulatur, dilecto filio nostro Antonio, tituli S. Bartholomæi in Insula Presbytero Cardinali, Granuelano nuncupato, per Apostolica scripta mandamus, ut ipse, quid ad perpetuam dictarum sententiarum, & scripturarum abolitionem, quid ad arcenda hujusmodi proloquia, & disputationes; quid denique ad unionem, & pacem cum communi omnium, & Ecclesiæ catholice satisfactione componendam facto opus sit, inprimis diligenter expendat.

Deinde in his omnibus, quæ pro communi salutem, tranquillitate, & honore optima judicaverit, salva semper Ecclesiastica potestate, & perpetua unitate, etiam per alium, seu alios, fide, doctrina, & religione præstantes ocus exequatur, faciatque quidquid decreverit, inviolate ab omnibus observari, contradicentes quoslibet per censuras, & pœnas prædictas, ceteraque juri, & facti remedia opportuna, appellatione postposita compescendi, invocato etiam ad hoc, si opus fuerit, auxilio brachii secularis, non obstantibus, quod interdicti, suspendi, vel excommunicari non possint per litteras Apostolicas, non facientes plenam, & expressam de verbo ad verbum dicti indulti prius mentionem, & quibuslibet aliis privilegiis, exemptionibus, indulgentiis, ac literis Apostolicis, specialibus, vel generalibus, quorumcunque tenorem existant, per quæ presentibus non expressa, vel totaliter non inserta, effectus præsentium impediri valeat quomodolibet, vel differri, & de quibus quorumque totis tenoribus de verbo ad verbum habenda sit in nostris litteris mentio specialis.

Nulli ergo omnino hominum liceat, hanc paginam nostræ damnationis, circumscriptiois, abolitionis, interdicti, decreti, mandati, privationis, & innodationis infringere, vel ei ausu temerario contraire: si quis autem hoc attentare præsumpserit, indignationem omnipotentis Dei, & B. Petri, & Pauli Apostolorum ejus se noverit incursurum.

Dat. Romæ apud S. Petrum Anno Incarnationis Dominicæ MDLXVII. VII. Kalendas Octobris, Pontificatus nostri anno II. Ceterum volumus, ut earundem litterarum tenori hic conferto illa ipsa omnino fides adhibeatur, ubicunque, & quomodocunque sive in iudicio, sive alibi ille fuerit exhibitus, vel offensus, sicuti illius originalibus litteris prædictis adhiberetur, si ipsæ exhiberentur, vel ostenderentur.

Nulli ergo hominum omnino liceat hanc paginam nostræ voluntatis infringere, vel ei ausu temerario contraire: si quis autem hoc attentare præsumpserit, indignationem omnipotentis Dei, ac B. Petri, & Pauli Apostolorum ejus se noverit incursurum.

Dat. Romæ apud S. Petrum Anno Incarnationis Dominicæ MDIX. IV. Kalendas Februarii, Pontificatus nostri anno VIII.

4. Circa materiam hujus decreti advertendum est, ex his assertionibus, quæ in eo notantur, plures non spectare ad præsentem materiam, nam multa in eis attinguntur de peccatis, alia de sacramentis, de sacrificio Missæ, de charitate, de poenitentia, satisfactio-

ne, & remissione peccatorum, de legibus, seu præceptis, quæ in suis materiis ex professo tractanda sunt. Aliæ item, quæ ad præsentem spectant, multiplices sunt, multæ enim attingunt materiam de merito, aliæ materiam de justificatione, aliæ denique ad vires

Notabile circa assertiones relatas.

vires liberi arbitrii, & gratiæ, vel naturæ in diversis ejus statibus: & hæc sine dubio sunt aliarum radix, & origo; hujusce materiæ vera fundamenta convellunt: propter quod necessarium fuit, in superioribus aliquas ex eis attingere, & in sequenti libro & in reliquis omnes fere in disputationem venient. Quamobrem in hujusmodi propositionibus notare oportet, quasdam esse, quæ contra gratiam nimium favent naturæ innocentis, & nondum per peccatum maculatæ; aliæ sunt, quæ nimium exaggerant corruptionem in humana natura per ejusdem naturæ peccatum factam, & inde libertatem arbitrii in statu naturæ lapsæ nimium deprimunt, & gratiæ necessitatem ultra veritatem exaggerant.

Quid de propositionibus, quæ cetera gratiam nimium favent naturæ, loqueretur Bajus.

5. Prioris ordinis sunt septem primæ propositiones, in quibus plane supponitur, vitam æternam esse angelis, & homini connaturalem, & debitam ex vi solius naturæ, & operum ab illa suis viribus operante præcedentium, si peccatum non intercedat, & naturam ipsam tanto bono, & meritis ejus indignam reddat. Et in hoc sensu Bajus dicebat, bonum opus, utique procedens a natura innocente, natura sua esse meritorium vitæ æternæ, æque ac malum opus natura sua est meritorium mortis æternæ. Atque hinc inferebat in Angelis sanctis gloriam esse mercedem, non gratiam, quia neque in se est gratia, cum detur ex meritis, nec procedit ex gratia, quia pro bonis operibus naturæ secundum se spectatis, & sine alio respectu merces illa promissa est. Unde etiam dicebat promissionem illam non gratiam, sed justitiæ naturalem continere, ac proinde merita illa non recte vocari gratiam, sed tantum merita. Quæ omnia eodem modo de primo homine, si in statu integræ naturæ perseveraret, asserēbat; & consequenter addebat, promissionem vitæ, in qua mori non posset, factam primo homini sub conditione perseverantiæ in Dei obedientia, fuisse ex lege naturæ, non gratiæ. Et huc spectat quod dicit in 22. exaltationem ad consortium divinæ naturæ fuisse debitam integritati primæ conditionis, ac proinde naturalem dicendam esse, non supernaturalem.

Falsa propositio aliam falsum moderari cogitatur.

6. Et quamvis in 9. Propositione hanc doctrinam videatur author moderari dicens, *Dona collata angelis, & homini forsitan non improbanda ratione dici gratiam*. Per hoc tamen non recedit a priori erronea doctrina; imo aliam introducit veris falsam, & periculosam. Primum patet ex illis verbis, *Non improbanda ratione*, &c. Quibus alludit ad modum loquendi Patrum Africanorum in epist. 95. Augustini dicentium, dona creationis non improbanda ratione gratiam posse appellari: & sic etiam dixit Bajus in sua propositio. 7. merita primi hominis in natura integra fuisse primæ creationis munera, juxta usum vero Scripturæ non recte vocari gratiam. Cum ergo postea dicit in 9. propositione, *dona illius status non improbanda ratione vocari gratiam*, intelligit aperte de illa ratione, qua dona creationis gratia vocantur. Ergo per hoc non recedit ab illo errore, quo, secluso peccato, nulla vera gratia in natura innocente recognoscitur. Secundum patet, quia in illa 9. propositione dicitur, in sacra Scriptura non vocari gratiam, nisi in munera, quæ per Jesum male merentibus, & indignis conferuntur. Quod falsum omnino est, & multorum errorum fundamentum. Nam Scriptura vocat gratiam omne donum naturæ non debitum, & gratis, seu sine merito, vel non ex operibus datum. Alioqui & beati Angeli non ex Deo, sed a se haberent, quod essent sancti, & in illis locum non haberent quod Paulus ait, *Quis enim te discernit? quid habes, quod non accepisti?* atque ita possent non in Domino, sed in se gloriari, quasi non acceperint, quod omnino falsum est, ut egregie docet Aug. lib. 12. de Civit. c. 9. eademque absurda cum proportionem in primo homine, si perseverare voluisset, sequuntur. Ex illo etiam fundamento evertitur totus ordo supernaturalium donorum gratiæ, quia ratio gratiæ nec requirit talia dona, nec per se illis convenit, sed solum ob indignitatem contrariam (ut sic dicam) id est, ex culpa contractam, & in suscipiente tale beneficium inventam, Atque hinc ortæ sunt assertiones 22. & 24. in quibus dicitur dona integritatis naturæ non fuisse supernaturalia, sed naturæ debita, & 25. in qua tan-

Suarez Tom. VI.

quam absurda rejicitur sententia catholica docens, primum hominem fuisse exaltatum donis supernaturalibus gratiæ. Et hanc sententiam reperit in 27. & per plura capita sui libri, ut in ea dicitur. Ac denique 78. & 79. in quibus dicit, non potuisse hominem creari sine justitia naturali, ac subinde immortalitatem illius status non fuisse gratuitum beneficium, sed naturalem conditionem. De quibus magna ex parte in tertio prolegomeno dictum est, & de cæteris in discussa operis suis in locis dicemus.

7. In posteriori ordine ponimus omnes illas propositiones, in quibus affirmat, vel non posse fieri obedientiam legis sine charitate, vel non posse aliquod bonum opus fieri in statu infidelitatis, aut peccati, aut sine auxilio gratiæ, aut liberum arbitrium hominis lapsi non, nisi ad peccandum, valere, cujusmodi sunt propositiones 17. 26. 28. & sequentes fere usque ad 40. & 65. cum aliquibus sequentibus. Oportet autem circa 26. notare, aliquod mendum irrepsisse videri in verbis ejus, sic enim habet. *Et ad Pelagianismum rejicienda est illa sententia: omnia opera infidelium sunt peccata, & Philosophorum virtutes sunt vitia*. Non est enim verisimile, ita fuisse a Bajo scriptum, aut probatum. Primum quia illæ duæ sententiæ non sunt Pelagianæ, nec commendant liberum arbitrium, sed potius deprimunt, nec repugnant gratiæ, sed ejus necessitatem exaggerant. Quapropter sunt potius Pelagiano errori extreme contrariæ, & ideo summa contentione impugnabantur a Pelagianis contententibus, infideles per liberum arbitrium perficere multa bona opera sine ullo peccato, & acquirere veritates, ut constat de Juliano apud August. l. 4. contra ipsum c. 3. & sæpe alias. Neque verisimile est, aut hoc ignorasse Bajum, aut contra Augustinum sine fundamento pronuntiare voluisse. Secundo quia Bajus non intendit damnare, sed potius probare illas sententias, ut ex 17. 23. 28. 29. & aliis multis similibus patet; ergo non potuit asserere, esse ad Pelagianismum rejiciendas, alias saltem hoc titulo illas damnare. Et ita potius ipsum Bajum damnari a Pontifice, quod diceret, opera infidelium esse peccata, dixit Vasquez 1. 2. disp. 191. c. 2. Unde suspicor, in illa propositione hypothetica deesse negationem aliquam, seu verbum negandi, sententiamque Baii fuisse, quam de Sectariis hujus temporis refert Bellarminus lib. 5. de Gratia, & liber. arbitr. capit. 9. Pelagianum esse negare omnium infidelium opera esse peccata. Et ita consonat huic propositioni quod idem Bajus ait in 23. *Cum Pelagio sentire qui textum Apostoli Rom. 2. gentes, quæ legem non habent, naturaliter ea, quæ legis sunt, faciunt, intelligunt de gentibus fidei gratiam non habentibus*. Quasi dicat, Pelagianum esse affirmare, infidelem naturaliter facere ea, quæ sunt legis naturæ, quia hæc non sunt, nisi per bona, ut ipse sentit in propositione 54. & aliis. Ergo in propositione 23. sensit, ad Pelagianismum pertinere negare omnia infidelium opera esse peccata. Ergo non potuit dicere, ad Pelagianismum pertinere id affirmare. Denique hac ratione illa propositio inter damnatas ponitur, ut suo loco in sequentibus dicemus.

8. Præterea circa censuram Pontificiam advertendum est, valde generalem esse, ideoque ambiguum esse, quomodo ad singulas assertiones sit applicanda. Sex enim membra censuræ continet, nam dictas assertiones dicit esse hæreticas, erroneas, suspectas, temerarias, scandalosas, & in pias aures offensiones immittentes, additurque *respective*, quia non omnes partes censuræ in singulas assertiones cadunt, sed cum proportionem, & proportionata distributionem. Quomodo ergo constabit, quali censura unaquæque assertio digna sit? Nam si uniuscujusque arbitrio hoc committitur, videtur multum minui hujus decreti, & censuræ autoritas. Nihilominus dicendum est, Apostolicam sedem non tam fuisse sollicitam de illa particulari applicatione censuræ quoad speciem, vel gradum ejus, quam de exterminanda, & abolenda tota illa doctrina, sicut statim fecit, illam damnando, & imposterum interdicendo. Ad hunc autem finem sufficiens fuit illa generalis censura, licet plura membra contineat, quia quælibet nota illarum sufficit, ut doctrina ipsa circumferretur, etiam si propria nota, & censura uniuscujusque

Propositiones exaggerantes corruptionem in humana natura factam. Mendum. 26. assertionis ratione collatur.

Dubium circa Pontific. censuram.

propositionis per regulas Theologiæ ad singulas applicanda, Doctoribus Theologiæ permittatur. Neque est novus hic modus damnandi pravam aliquam doctrinam, quæ plures continet. Nam simili modo damnavit Leo X. articulos Lutheri in sua Bulla, & Concilium Constan. articulos Joannis Wiclef, & Joannis Hus, sels. 8. & 15.

Alterum
dubium
pertinet
proponi-
tur.

9. Sed inquirer aliquis, utrum omnes propositiones, quæ in hac Bulla notantur, censi debeant notatæ aliqua parte hujus censuræ, saltem minori, seu minima, vel liceat aliquas ex illis excipere, & tanquam probabiles, vel etiam probabiliores defendere? Ratio dubitandi est, quia nonnullæ ex illis propositionibus sunt multorum Theologorum gravium, & antiquorum; non est autem verisimile, Pontifices graves & receptas opiniones Theologorum tam severa involvere censura: & ideo nonnullæ ex illis propositionibus etiam nunc defenduntur a modernis gravibus Theologis. Exempla sunt primo in propositione 23. quæ habet, cum Pelagio sentire qui locum Pauli ad Romanos 2. intelligunt de gentibus nondum ad fidem conversis. Quod si hæc propositio damnatur a Pontifice, consequenter approbatur illa expositio, & reprobat contrariæ, quæ est Augustini in multis locis. Secundo in 28. dicitur, *liberum arbitrium sine gratia Dei, non, nisi ad peccandum, valet*. Hæc autem non videtur potuisse in illa damnatione includi, cum similis habeatur in canon. 22. Concilii Arausiaci, qui videtur desumptus ex Augustino tract. 5. in Joannem in principio, & ex Prolegom. librorum de Doctrina Christiana, & similem habet Prosper in lib. sentent. in 121. & 323. Tertium exemplum est de hac sententia, *liberum arbitrium non valet ad aliquod peccatum vitandum*, quæ habetur propositi, vigesima nona. Quartum est de illa, Homo potest resistere alicui tentationi sine gratiæ divini adjutorio, quæ habetur in 30. Quintum sit de illa, nullum bonum morale, seu naturale potest fieri per vires naturæ sine gratia, quæ habetur ex propositione 30. 35. 36. 37. & 61. nam hæc omnes propositiones probabiliter defenduntur a gravibus Theologis, & non est verisimile fuisse sub censura comprehensas. Sextum exemplum esse potest de illa opinione, quod Beata Virgo contraxerit peccatum originale ex Adam. quam habet hic author propositione 69. & est ab Ecclesia permessa, ejusque censura prohibita.

Dubii 2.
resolutio.

10. Nihilominus contrarium suadent & verba Pontificis, & gravis ratio. Nam in primis Pontifex his verbis absolutis, & illimitatis profert censuram: *Quas quidem sententias, &c.* Quæ verba ita indistincte prolata omnes assertiones comprehendunt sine ulla exceptione. Alias magnam occasionem errandi nobis præberent. Accedit, quod Pontifex ipse excludit exceptionem, & responsum ad contraria exempla indicat, dum ait, *Quamquam nonnulla aliquo pacto sustineri possint: in rigore tamen, & proprio verborum sensu ab authoribus intento*, tales, vel tales, &c. Ergo nullam illarum prout ibi continetur, & in proprio, & rigoroso sensu permittit excipere. Unde subjungit distributionem: *Quæcumque super his verbo, aut scripto emissa damnamus*. Ratio etiam hoc suadet, quia injustum fuisset in tanta multitudine sententiarum aliquam veram, vel probabilem, aut nulla censura dignam involvere: sicut enim bonum ex integra causa, malum ex quocumque defectu, ita injusta esset, & falsa damnatio, si vel in una propositione ex damnatis locum habere non posset, quia quoad illam universalis damnatio falsa esset, & iniqua. Præsertim quia propositiones illæ ex libris integris authoris excerptæ sunt; cur ergo aliqua illarum excerptæ fuisset, & aliis annumerata, nisi censura digna fuisset? Denique alias inefficax, & fere inutilis redditur sententia Sedis Apostolicæ, ejusque autoritas in omnibus enervatur, quia unicuique licebit, quam velit excipere eo prætextu, quod a gravibus Theologis defenditur: cum tamen Pontifex non tantum de illis omnibus, sed etiam de similibus posthac quoquo pacto loquendi, aut scribendi vel disputandi (utque defensionis causa) facultatem omnibus interdicat.

11. Non omittam autem advertere, in Præfatio-

ne quadam ad hanc Bullam a quodam Theologo adnotatum esse, nonnullas ex dictis propositionibus Baji a posterioribus Theologis ad sensum a Baji non intentos iniquissime retorqueri. Quia cum libros Baji, ex quibus fragmenta illa propositionum decerpta sunt; eis legere non licuerit, non potuerunt ex totius doctrinæ tenore, ac ductu, & ex præcedentium, ac consequentium serie verum Baji, & Pontificum sensum assequi. Atque ita sola conjectura ducti Bajum in nonnullis opinionibus, de quibus nec uno quidem loco potest esse suspectus, fuisse judicaverunt. Unde factum consequenter esse necesse est, ut multas propositiones, seu opiniones aut veras, aut saltem multum probabiles a Pontificibus damnatas esse judicaverint, quod nimis absurdum, ac incredibile est, imo impossibile. Hactenus author illius præfationis.

Theologus quidam de quibusdam intentionibus præfationis Bullæ.

12. Hæc vero adnotatio ad introducendas, vel ruendas quasdam opiniones circa necessitatem gratiæ, & vires liberi arbitrii, & circa naturalem Dei amorem, ac res similes viam parat, de quibus postea dicturi sumus, an per hanc Bullam aliquid eis derogatum sit. Nunc vero præmonendum lectorem putavimus, ut a legitima hujus decretalis censuræ interpretatione non aberret. Nam revera adnotatio illa, seu prævia cautio, nec verbis, nec fini, aut gravitati hujus Bullæ consentanea videtur. Quia in primis Pontifices aperte, & sine distinctione declarant, illas sententias *in rigore, & proprio verborum sensu ab assertoribus intento* tali censura dignas esse. Quæ verba, si attente spectentur, duo continent, unum est, assertiones illas in proprio verborum sensu esse tali censura dignas; aliud est, illum sensum fuisse ab assertoribus intentum: hic enim est simplex, & proprius illorum verborum sensus, & quicumque alius excogitetur, fructum hujus definitionis evacuat. Quoniam alias unicuique liberum erit, proprium sensum, tanquam ab authoris intentione illis verbis assignare, & illi accommodare judicium Pontificis, ut propriam opinionem verbis magis consentaneam ab illa censura liberet: & ita declaratio illa Pontificia inutilis fiet, quia non ad certam doctrinam confirmandam, sed ad excitandas verborum contentiones deserviet. Quod quidem ita esse, ratio sequens magis declarabit. Nam si sensus omnium illarum sententiarum ab assertore intentus non posset ex verbis ipsis a Pontificibus relatis satis colligi sine operum ejusdem assertoris integra lectione, & antecedentium, ac consequentium nova collatione, consequenter etiam ipsa Pontificia decisio sine eadem diligentia certo colligi non posset, quia nesciremus, quo sensu illas sententias damnaverit: ac vero lectio illorum librorum nobis est prohibita, ut ex eodem Brevi in quo talia scripta damnantur, constat: ergo interclusa est nobis via, & ratio asequendi proprium sensum ab alio assertore intentum, & a Pontificibus damnatum, & sic non possemus ex illa Bulla firmum argumentum contra aliquam opinionem sumere, etiam si in illis assertionibus, & proprio earum sensu contineri videatur. Consequens est absurdum, utpote scopo, & gravitati tanti decreti repugnans. Atque etiam est contra morem posteriorum authorum, qui ad confirmandas non solum catholicas, sed etiam veriores theologicas opiniones autoritate illius Bullæ utuntur, ut videre licet in Cardinali Bellar. l. 5. de Justific. c. 12. & 1. 4. P. Azor. to. 1. lib. 4. c. 29. in fine, P. Vasq. 1. 2. q. 191. c. 2. ubi reprobans sententiam asserentem in infidelibus esse posse aliqua bona opera, addit, & quod caput est, opposita sententia videtur esse damnata in Bulla edita a Pio V. & Greg. XIII. Similia habet disp. 216. c. 1. & q. 113. ad ar. 7. D. Thom. Lorca in 1. 2. to. 2. sect. ult. disp. 3. memb. 4. & disp. 6.

Præmonitio rationis ne fundetur.

13. Ex his ergo concludo, propositiones has in proprio sensu, quem verba ipsarum præ se ferunt, damnatas esse, illumque sensum non aliunde, quam ex verborum proprietate regulariter sumendum esse. Dico autem *regulariter*, quia si verba sint ambigua, vel duplicem sensum proprium admittant, tunc necessarium est aliis uti indicibus ad definiendum sensum, in quo damnata est propositio. Duo autem indicia videntur esse præcipua, unum est, si verba in una significatione referant sensum non discrepantem a doctri-

Ab assertore intentum.

doctrina Ecclesie, & Theologorum, in alio vero novam, & inusitatam doctrinam contineant, tunc enim manifestum est, damnatam esse propositionem, prout continet peregrinam, & inusitatam in Ecclesia doctrinam, non vero in altero sensu a Catholicis recepto. Alterum indicium est, si unus sensus cohæreat cum aliis assertionibus in eadem Bulla damnatis, non vero alter, tunc enim clarum etiam est, propositionem in priori sensu assertam fuisse, ac proinde in eodem damnari. Et hanc conjecturam maxime spectandam, & præ oculis habendam moneo. Existimo enim tanta consideratione, & æquitate assertiones hæc ex libris illius Doctoris decerptas fuisse, ut si non tantum singulæ sed omnes etiam simul spectentur, facile possit intelligi sensus, in quo ab authore insertæ fuerunt. Neque sic decerptas, & a contextura fibrorum avulsas, alium referre sensum, præter illum, qui fuerit ab authore intentus, quique etiam collatione facta ad antecedentia, & consequentia in ipsis operibus recto iudicio colligi possit. Alioquin non fuisset æqua censura ad assertorem relata, & ad opera ejus, si assertiones damnandæ tali modo, verbisque ita præcisè formarentur, & alium sensum præ se referrent, quam in contextu ipso operis, vel sermonis continerent. Quod est incredibile, & ab Ecclesie usu & sincero iudicio alienum. Magnumque hujus veritatis argumentum est, quod neque ipse Michael Bajus de tali damnatione conquestus est, quod propositiones ita essent ex suis libris decerptæ, ut in verborum proprietate, & solitarie sumptæ alium sensum redderent, quam in libri contextura ipse intenderet, neque specialem illis declarationem adhibuit, sed ut catholicus, & obediens filius sententiam mutavit. Ita ergo de his assertionibus judicandum censeo, estque generalis doctrina servandam in similibus censuris interpretandis, ut in damnatione articulorum Joannis Wicleph, Joannis Hus, Lutheri, & similibus: nam & ratio facta æque in his omnibus procedit, & ex dictis exemplis ea, quæ in præsentis diximus, non parum confirmantur.

Oppositis
exemplis
factis sit.

14. Ad exempla ergo in principio objecta generalim respondemus, propter illa forrasse dixisse Pontificem, nonnullas ex illis propositionibus aliquo pacto sustineri potuisse, utique per se sumptas: nihilominus tamen de illis etiam intelligendum est, in rigore verborum, & in sensu ab authore intento sub eadem comprehendendi censura. Quis autem sit hic sensus in singulis, & in quo alio possent aliquæ a censura excusari in discursu materiæ per occasionem tractandum erit. Nunc vero generatim dici potest, has propositiones, quæ non apparent ita damnabiles propter nudam doctrinam; propter acerbicatem, & audaciam, quæ Bajus suas opiniones adstruebat, & contrarias notabat, rejectas esse a Pontifice, saltem ut scandalosas, quia illa Baji immodica exaggeratio scandalum generabat; quæ regula recte quidem ad primum exemplum accommodatur. Merito enim tanquam temeraria & scandalum pariens damnatur propositio dicens, Pelagianum esse expositionem testimonii Pauli de gentibus nondum conversis ad fidem, cum a Patribus, & expositoribus catholicis, vel probetur, vel non damnetur: licet aliis etiam modis locus ille exponatur. Item quia Bajus non damnabat expositionem, nisi quia Pelagianum esse putabat, dicere, gentiles ethnicos posse aliquid boni naturalis facere, quod esset, naturaliter ea, quæ legis sunt, facere, saltem ex parte, seu aliqua lege, & in aliquo actu ejus: temerarium autem erat, & scandalosum, sententiam illam Pelagianam existimare, & ideo saltem quoad hanc notam, & acerbicatem a Pontifice damnatur. Hæc vero regula solum potest accommodari illis propositionibus, quæ cum simili audacia, & acerba nota profertur, non vero aliis, quæ simpliciter asseruntur, ut sunt fere in aliis exemplis. Immo neque illa regula ad omnes propositiones similes, & hypotheticas extendenda est, sed consideranda est etiam doctrina; nam sæpe etiam in illam cadet censura; ut v. g. in 18. propositione dicitur, sentire cum Pelagio, qui dicunt esse necessarium ad rationem meriti, ut homo per gratiam adoptionis sublimetur ad statum Deificum. Quæ quidem propositio non solum damnabilis fuit propter

Suarez Tom. VI.

exaggerationem insolentissimam, sed etiam propter doctrinam, quamvis simpliciter proferretur.

15. Unde ad exemplum secundum fateor, illam propositionem simpliciter prolatam comprehendere sub hac censura, & nego esse eandem in Concilio Arausican. cujus rei expositionem remitto in librum sequentem. Idemque respondeo ad tertium exemplum. Ad quartum vero dici potest, in illa propositione plures pattes contineri, & necessarium non esse, ut propter omnes damnetur, præsertim quia illa propositio ex hypotheticis est, & cum intolerabili temeritate incipit: *Non solum hi fures sunt, & latrones, & cæter.* Sed de hac propositione, quæ ad victoriam tentationum pertinet, in sequenti libro disputaturi sumus, ubi plura de hoc exemplo dicemus. In quem locum etiam quintum exemplum remittimus, non enim desunt, qui propositionem illam simpliciter, ut in rigore verborum sonat, a Pontifice fuisse rejectam putent.

Cone. Arausic. testimonio cum nonnullis solutio applicatur

16. Ad ultimum exemplum dico, propositionem illam non damnari propter nudam assertionem de conceptione B. Virginis in originali peccato, sed propter generalem modum asserendi, omnes afflictiones, quas in hac vita B. Virgo passa est, fuisse ultiones peccati actualis, vel originalis: in hoc equiparando Virginem cæteris sanctis. In hac enim assertionem simul cum precedenti sexagesimæ octava, in primis temere dictum est, omnes afflictiones justorum, & martyrum, & iohannes etiam Job fuisse ultiones peccatorum suorum, quia non solum sine fundamento asseritur, sed etiam scripturis repugnat. Nam licet peccatum originale fuerit aliquo modo origo, & causa omnium poenalarum hujus vitæ, quatenus constituit hominem in statu passibili, non tamen omnes afflictiones hujus vitæ sunt propriæ poenæ illius peccati, præsertim postquam iustis remissum est. Neque etiam sunt poenæ actualium peccatorum: nam multæ afflictiones ordinantur a Deo, vel permittuntur speciali providentia, non propter peccata commissa, sed vel ad probationem patientiæ, sicut Tobie dictum est ab Angelo, & a fortiori contigit in Job, ut propter gloriam Dei, ut de cæco dixit Christus Joann. 9. ubi (ut Augustinus, & Chrysostom. advertunt) discipulos instruit, non omnes calamitates corporum esse poenas peccatorum, quod etiam docuit Hieron. epistol. trigesima tertia, ad Castrum, & contrarium putare, solidum esse, ait Ambr. epistol. 45. libr. 5. Deinde multo magis damnabile est, hoc attribuire Beatissimæ Virgini, & quod gravius est, sub disjunctione de illa dicere propter peccatum actuale, vel originale, quasi in dubium revocando, an peccatum actuale commiserit. Merito ergo illa propositio, ut jacet, damnata est, etiam si simpliciter affirmare, B. Virginem, originale peccatum contraxisse, damnabile non sit. Et hoc est attente in nonnullis aliis propositionibus considerandum, quæ plures partes involvunt, nam licet una pars præcise sumpta forsan non esset digna censura, prout ibi asseritur, & aliis conjungitur, damnabilem propositionem constituit.

Ad ultimum solutio. Unum, quæ attente notandæ.

C A P U T III.

De Concilio Diospolitano in Palestina contra Pelagium pro gratia Dei congregato, ejusque Actis, & autoritate.

I. Post auctoritatem Pontificum dicendum sequitur de Conciliis, quæ doctrinam de gratia, & libero arbitrio contra hereticos nobis tradiderunt. Et in primis occurrit Palæstina synodus, quam Diospolitana vocat Hieron. epistol. 79. ad Alypium, & August. a Diospoli civitate Palestinæ, in qua fuit congregata, ut notat Baron. an. 471. nu. 19. ejusdemque sæpius meminit August. vocatque Episcopali gesta in Syria Palestinæ celebrata lib. 2. Retract. cap. 47. Summus autem ab illa initium; tum quia prima omnium de persona Pelagii iudicium tulit, licet ante illam alia fuerit in Cælestium Carthagine congregata, ut capite sequenti videbimus; tum etiam, quia hujus Concilii Acta in tomis Conciliorum non habentur,

& ideo curandum nobis est ex variis scriptoribus, & præsertim ex Augustino illa colligere, quia ad melius intelligendos errores Pelagii, & veram doctrinam, quam Patres illius Concilii confirmant, operæpretium erit. Cum ergo Pelagius, ut c. 13. vidimus, in Oriente hæresim suam seminare incepisset, a fratribus catholicis, qui in ejus doctrina scandalum patiebantur, ad Episcopos delatus est: & hac occasione congregata est in Syria Palæstina hæc synodus, cui interfuerunt quatuordecim Episcopi, quorum nomina recenset August. l. 1. contra Julian. c. 5.

Orosius
Concilio
abfuit Ps
Iustinus

2. Addit P. Gabriel Vasq. l. p. to. 1. disp. 191. c. 9, & 1. 2. in Præfatuncula ad Acta illius Concilii, illi synodo interfuisse Paulum Orosium, ut ipse (inquit) testatur in *Apologia de libero arbitrio*. Mitum est autem, quod August. nunquam hoc insinuaverit, cum ad causam multum referret. Imo in d. c. 47. Retract. notat, catholicos fratres, qui libellum contra Pelagium dederant, Concilio non adfuisse, quia ad ejus diem occurrere non potuerunt. Quod aliis etiam multis locis notat, ut excuset Episcopos illius Concilii de absolutione Pelagii, quod maxime declaravit in lib. de Gestis Pelagii, quem in fine hujus Prolegomeni editum dabimus, ibi enim in c. 1. hæc habet verba. *Sed hoc Episcopi Græci homines, & ea verba per interpretem audientes discutere non curarunt, hoc tantum intuentes, quid ille, qui interrogabatur, sensisset se diceret: & iterum infra: Quod indiscussum iudices reliquerunt Latini sermonis signari, & ejus, qui causam dicebat, confessione contenti. Præsertim ubi ex adverso nullus adfuit, qui verba libri ejus exponendo, aperire interpretem cogeret, atque unde fratres non frustra moverentur, ostenderet.* Sentit ergo aperte August. in illo Concilio nullum latinum hominem catholicum, & eruditum, gratiaque defensorem, vel Pelagii impugnatorem adfuisse. Quod verum non esset, nec conjectura Augustini momentum ullum haberet, si Paulus Orosius illi synodo interfuisset, cum & Latinus esset, ac Hispanus, & non solum catholicus, & doctissimus, sed etiam Hieronymi, & Augustini studiosissimus discipulus, & Pelagii insectator acerrimus; ergo, illo præsentē, vix possent illi Episcopi Orientales aliquam de absolutione Pelagii excusationem habere. Unde Baronius Anno 416. nu. 4. licet dicat, Orosium eo tempore fuisse in Palæstina, & vidisse celebratam synodum Diospolitanam, non tamen dicit, illi interfuisse, sed potius significat, illo mense Decembri, in quo synodus agebatur, illum fuisse cum Hieronymo, ad quem missus ab Augustino fuerat, & ibi scivisse, quid actum esset in Concilio, hæc enim verba sunt Baronii: *Orosius profectus in Palæstinam ad sanctum Hieronymum, cum ibi esset, & mense Decembris celebratam viderit synodum Diospolitanam, in qua scisset, Pelagium, cum decerpisset involucri verborum Episcopos, ab eisdem fuisse absolutum, & in communionem acceptum, ipse hoc ipso anno, &c.* Denique non videntur necessariæ conjecturæ, nam ipse Augustinus dicto libro de Gestis Pelagii c. 13. alias 16. sic inquit: *Quid dixit Episcopus Joannes de absentibus fratribus nostris, sive Episcopis Hierotho, & Lazaro, sive de presbytero Orosio, sive de aliis, &c.* Ubi aperte inter eos, qui ab illo Concilio absentes fuerant, Orosium numerat.

Verba (Orosii)
non ex-
plicatur

3. Quocirca cum idem Orosius in Dialog. de Liber. arbit. in principio refert, se in conventu Episcoporum Palæstinae, præcipiente Joanne, confedissee, & ab eis rogatum fuisse, ut siquid super hæresi Pelagii, & Cælestii in Africa gestum esse cognosceret, fideliter, ac simpliciter indicaret, &c. profecto non loquitur de Concilio Diospolitano, sed alio conventu facto, non Diospoli, sed Hierosolymis, ut ipsemet Orosius his verbis declarat, *Latebam in Bethleem traditus a Patre Augustino, ut timorem Domini discerem sedens ad pedes Hieronymi, inde Hierusalem vobis accersentibus vocatus adveni, dehinc in conventum vestrum, &c.* Et statim exposuisse dicit in illo conventu, quid Concilium Carthagenense (utique primum) egisset contra Cælestium, quidque Augustinus contra Pelagium scripserat. Et nihilominus subjungit (quia hæc absente Pelagio agebantur) Joannem Episcopum, ut Pelagius intromitteretur, petiisse, & illum intromissum

in confesso Presbyterorum sedere præcepisse. Deinde solum refert, ibi tractatum esse cum Pelagio de una assertionē, scilicet, quod doceret, *hominem posse esse sine peccato, & mandata Dei facile custodire, si velit.* Quam propositionem Pelagius, se asseruisse fatebatur, & Joannes pro illo quodammodo causam agebat, cum excusans, quod dicebat, posse hominem esse sine peccato, non sine adjutorio Dei. Cumque Orosius, & alii non acquiescerent, tandem omnes convenerunt, ut ad *Beatum Innocentium Papam Romanum fratres, & epistola mitterentur, universi quod ille decerneret sequuntur, & ut Pelagius imposito sibi eatenus silentio conticeret, & ut nostri* (id est, ipse Orosius cum sociis) *ab insultatione confusi, convictique Joanni temperarent, & ita fuit conventus dissolutus.* Quæ Acta longe diversa sunt a gestis Diospolitanae synodi, ut paulo post videbimus: nam ibi multo plura a Pelagio asserta tractata sunt, & non est negotium ad Innocentium remissum, sed ab ipso Concilio expeditum.

4. Accedit, quod in eo conventu, cui adfuit Orosius præsidebat Joannes Episcopus, quantum ex narratione ejusdem Orosii colligi potest, in synodo autem Diospolitana videtur potius præsedisse Eulogius, quem Augustinus supra bis primo loco numerat, & in secundo Joannem. Quod etiam sentit Baronius dicto Anno 415. numero 19. Eulogium illum fuisse Episcopum Cæsariensis Ecclesiæ, totius provinciae Palæstinae Metropolitanum, & secundum ordine fuisse Joannem Episcopum Hierosolymitanum. Imo etiam suspicor, conventum illum Hierosolymitanum non fuisse provinciale Concilium, sed vel diocesanam synodum, vel privatam congregationem, seu consultationem factam a Joanne cum aliquibus presbyteris Hierosolymitanis, convocato simul Orosio, & fortasse aliquibus presbyteris catholicis, qui semper causam damnationis contra Pelagium urgebant. Cujus rei conjectura imprimis est, quia Orosius nullius alterius Episcopi, præterquam Joannis mentionem facit, & in singulari numerat Episcopum, cum rationem reddit, cur Pelagius permissus sit conventum ingredi, quod præfens, ait, *ab Episcopo rectius crederetur consultandus.* Et quoties in plurali loquitur, tantum nominat sacerdotes, ut in principio, *Beatissimi sacerdotes, vel presbyteros, ut infra, cum ait, Episcopus Joannes hominem laicum in confesso presbyterorum, reum hæreseos in medio catholicorum sedere præcepit; & infra: Tunc idem Episcopus nobis omnibus ait.* Quæ omnia, & similia plane indicant, nullum alium ibi adfuisse Episcopum, ac proinde illum fuisse privatam conventum clericorum cum Episcopo suo, vel ad summum diocesanam synodum. Cujus rei magnum etiam indicium est, quod illius conventus nulla facta est mentio in historiis, cujus rei non potest esse alia ratio, nisi quia non fuit Concilium Episcoporum.

5. Quando vero, vel qua occasione congregatus fuerit ille conventus, incertum est. Videri autem potest factus post Diospolitanam synodum in majorem Pelagii satisfactionem. Nam ille Joannes Hierosolymitanus multum diligebat Pelagium, eique favebat, ut ex Actis ab Orosio narratis manifeste colligitur, & indicat Augustinus epistola 252. ad eundem Joannem, dicens illi: *Pelagium, quem audio, quod multum diligis, hanc illi, suggero, exhibeas dilectionem, ut homines, qui eum noverunt, & diligenter audierunt, non ab eo tuam sanctitatem existiment falli: & iterum infra: Si diligitis Pelagium, diligat vos etiam ipse, imo magis se ipsum, & non vos fallat.* Cum ergo hæc esset communis opinio, & fama de Joanne, qui magnæ erat autoritatis; credibile profecto est, ejus etiam favori attributam esse absolutionem Pelagio concessam in Diospolitana synodo, & ob eandem causam fratres illos, qui contra Pelagium libellum dederant, & synodo interesse non potuerant, post dissolutam synodum coram Joanne iterum, atque iterum contra Pelagium instasse, & hac occasione adfuisse tunc Hierosolymis Pelagium, & vocatum fuisse a Joanne Orosium, & novam de tanto negotio consultationem fecisse. Ac denique inde etiam videtur factum, ut cum inter se convenire non possent Episcopus, & presbyteri, non ad Episcoporum synodum, cum jam facta esset,

Diocesa-
na syno-
dus fuit
ea, cui ad-
fuit Oro-
sius

Conventus
clericorum
quando
factus, ubi
Orosius
interfuit

esset, sed immediate ad Sedem Apostolicam negotium remiserint. Quae sane conjectura, priusquam attente legissem Augustinum in dicto libro de Gestis Pelagii, valde arridebat. At postea in dicto libro hæc verba animadverti. Merito, quod Gestis indicant, etiam hoc usus est testimonio sanctus Joannes Hierosolymitana Antistes Ecclesie, sicut interrogatus, quæ apud illum ante iudicium gesta fuerint a Coepiscopis nostris, qui simul in illo iudicio præsidebant, ipse narravit, ubi aperte dicit, ante iudicium Diospolitana aliqua fuisse gesta circa causam Pelagii apud Joannem, nimirum in aliquo privato confesso clericorum coram Episcopo Joanne, quem fuisse eundem, quem Orosius commemorat, verisimile est. An vero duo fuerint, unus ante, & alius post Concilium Diospolitano: incertum est. In aliquo autem hujusmodi adfuisse Orosium, & non in dicto Concilio, satis certum videtur.

Palaestina
Synodus
fines
Pelagii
non com-
probat.

6. In illa ergo Palaestina Synodo causa Pelagii acta est coram solis Orientalibus Episcopis sine præsentia alicujus Presbyteri catholici, & Latini, qui & verba Pelagii sincere interpretari, & simulationes ejus detegere posset. Et inde factum est, ut illius Synodi Patres, licet de gratia bene sentirent, & in fidei doctrina nihil erraverint, nihilominus in facto pertinente ad personam Pelagii, & ad crimen hæresis illius, ab illo decepti fuerint, & ideo absolverint, quem si probe cognoscerent, condemnare debuissent. Et ita defendit Acta illius Synodi Augustinus in multis libris contra Pelagium, præsertim libr. 1. de Gratia Christi c. 3. & sequentibus, & dict. libr. 2. de Peccat. orig. capit. 8. 9. 11. & 14. & epist. 105. 106. & 107. & Prosper cont. Collat. c. 10. ubi per ironiam dicit: Erraverunt Orientales Episcopi, in quorum iudicio Pelagius eos, qui dicunt, gratiam Dei secundum merita nostra dari, ut catholicus posset videri, anathematizare compulsi sunt. Et in carmine de ingratis c. 2. ait, post Sedem Romanam Episcopos Orientis coegisse Pelagium: *Commentum damnare suum, nisi corpore Christi abjungi, & sancto mallet grege dissociari*, &c. quæ profertur: & in eodem sensu loquutus est Hieronymus dicta epist. 79. cum dicit de Pelagio: *Quidquid in illa miserabili Synodo Diospolitana dixisse se denegat, in hac aperte confitetur*. Miserabilem enim vocat, non quia in fide erraverit, sed quia per errorem facti absolviendo Pelagium, in sinistra aliquam suspensionem venire potuit. Hæc autem omnia melius ex Actis ejusdem Concilii constabunt, si illa habuerimus, & ideo sicut Augustinus multo tempore illa desideravit, & petivit, ut constet ex dicta epist. 252. & ex libro, quem postea illis edidit: ita etiam nostra ætate aliqui diligentes, & eruditi viri illa inquiserunt, & ediderunt. Nam P. Vassq. in fine suæ 1. 2. illa typis mandari fecit, quæ dicit habuisse ex codice antiquo monasterii montis Cassini ab Antonio Aquinate viro Theologo, & illustri. Eadem vero omnino sunt, quæ refert Cardinalis Baronius in dicto Ann. 415. n. 21. & sequentibus, dicitque de se ea invenisse in collectione Cresconii recitata post epistolam Aurelii Episcopi Carthaginensis ad Episcopos provincie Bizacenæ. Quæ hic referre ad legitimum utilitatem, & commoditatem visum est.

Act. C86.
Palaest.

Incipiunt capitula excepta ex Gestis habitis contra Pelagium hæreticum, & alia de libellis ejus, quæ in Palaestina Synodo sibi objecta damnare compulsi sunt.

Quod ad Hierusalem volentem colligere filios suos, Dominus clamat: Hoc nos clamamus adversus eos, qui filios volentes Ecclesia colligi, nolunt: nec saltem post iudicium, quod de ipso Pelagio factum est, collegerunt: de quo damnatus exiisset, nisi objecta contra Dei gratiam dicta, quæ obscurare non potuit, ipse damnaasset. Præter illa enim, quoquo modo potuit, ausus est quæcumque ratione defendere: objecta sunt quedam, quæ nisi remota omni rergiversatione anathematizaret, ipse anathema sit factus.

Primo objectum est enim, cum diceret Adam mortalem factum; qui sive peccasset, sive non, mortuus esset. Secundo, quod peccatum ipsius ipsum solum læserit, & non genus humanum.

Tertio, quod infantes nuper nati, in illo statu sint, in quo Adam fuit ante prævaricationem.

Quarto, & quod per mortem, vel prævaricationem Adæ

Suarez Tom. VI.

non omne genus humanum moriatur: & quod non per resurrectionem Christi omne genus humanum resurgat.

Quinto, infantes etiam si non baptizentur, vitam æternam habere possunt.

Sexto, & divites baptizatos, nisi omnibus abrenuntiant, si quid boni visi fuerint facere, non reputari illis, nec eos habere posse regnum Dei.

Septimo, & gratiam Dei, atque adjutorium non ad singulos actus donari, sed libero arbitrio, vel in lege, atque doctrina.

Octavo, & gratiam Dei secundum merita nostra dari.

Nono, & filios Dei non posse vocari, nisi omni modo absque omni peccato fuerint effecti.

Decimo, & non esse liberum arbitrium, si Dei indigeat auxilio, quoniam in propria voluntate habet unusquisque facere aliquid, vel non facere.

Undecimo, & victoriam nostram non esse ex Dei adjutorio, sed ex libero arbitrio.

Duodecimo, & quod penitentibus venia non detur secundum gratiam, & misericordiam Dei, sed secundum merita, & laborem eorum, qui per penitentiam digni fuerint misericordia.

Hæc omnia Pelagius sic anathematizavit (quod satis Gestis ipsa testantur) ut nihil ad ea quoquo modo defendenda disputationis attulerit. Unde fit consequens, ut quisquis sequitur Episcopalis auctoritatem iudicii, & in ipsius Pelagii confessione tenere debeat, quæ tenuit Catholica Ecclesia.

Postea subjunguntur ea, quæ Synodus circa præcitos errores statuit, quæque Pelagium conficti,

& priores errores detestari coegit, ut anathema effugeret.

Primo, quod Adæ, nisi peccasset, non fuisset moriturus. Secundo, quod peccatum ejus non ipsum solum læserit, sed & genus humanum.

Series a-
rum Pa-
lestina
Synodi.

Tertio, quod infantes nuper nati non sint in illo statu, in quo Adam fuit ante prævaricationem.

Quarto ut ad ipsos etiam pertineat, quod breviter ait Apostolus: Per unum hominem mors, & per hominem resurrectio mortuorum, & sicut in Adam omnes moriuntur, ita & in Christo omnes vivificabuntur.

1. Cor. 15.

Quinto, quod infantes non baptizati non solum regnū cælorum, verum etiam vitam æternā non habere possint.

Sexto, ut confiteatur, divites baptizatos, etiam si divitiis suis non careant, & sint tales, quales ad Timotheum describit Apostolus, dicens, præcipe divitibus hujus mundi non superbe sapere neque sperare in incerto divitiarum suarum, sed in Deo vivo, qui præstat nobis omnia abundanter ad fruendum: divites sint in operibus bonis, facile tribuant, communicent, thesaurizent sibi fundamentum bonum in futurum, ut apprehendant vitam æternam, non eos regno Dei posse privari.

1. Tim. 6.

Septimo, ut fateatur, gratiam Dei, & adjutorium etiam ad singulos actus dari, eamque non dari secundum merita nostra.

Octavo, ut revera sit gratia id est gratis data per ejus misericordiam, qui dixit: Misereor, cui misertus ero, & misericordiam præstabo, cui misertus fuero.

Nono, ut fateatur filios Dei vocari posse illos, qui quotidie dicunt: Dimitte nobis debita nostra, quod utique non veraciter dicerent, si essent omnino absque peccato,

Decimo, ut fateatur esse liberum arbitrium, etiam si divino indigeat adjutorio.

Undecimo, ut fateatur, quando contra tentationes, concupiscentiasque illicitas dimicamus, non ex propria voluntate, sed ex adjutorio Dei provenire victoriam, non enim aliter verum est, quod Apostolus ait: Non volentis, neque currentis, sed misericordis est Dei.

Rom. 9.

Duodecimo, ut fateatur, secundum gratiam, & misericordiam Dei veniam penitentibus dari, non secundum merita eorum: quemadmodum etiam ipse penitentiam donatæ Dei dixit Apostolus, ubi ait: Ne forte det illis Deus penitentiam. Hæc omnia simpliciter sine ullis fateatur ambagibus.

2. ad Tim. 2.

Si quis contra auctoritatem catholicam, & ipsius Pelagii expressa Ecclesiasticis gestis verba consentit, atque in illa, quæ his sunt contraria, veraciter credit, anathema esse tenendum est; nisi quæ illis contraria sunt fido corde teneantur, & aperta confessione promantur.

Quædam
illius cõ-
fessio.

7. Hæc sunt, quæ tanquam Acta illius Synodi referuntur. Sed si quis attente illa consideret, revera non sunt propria Concilii Acta, sed excerpta quædam ex ipsis Gestis, ut ex inscriptione ipsa constat, quæ sic habet, *Incipiunt capitula quædam excerpta ex Gestis*. Deinde ex verbis illis, quæ in fine errorum Pelagii habentur, scilicet. *Hæc omnia Pelagius anathematizavit, quod satis constat ex Gestis*. Denique quia præter titulum omnia, quæ hic referuntur, fere ad litteram desumpta sunt ex Augustino epist. 109. circa finem ab illis verbis, *Quod ad Hierusalem*, &c. usque ad illa, *Et aperta confessione promantur*. Quæ brevius etiam recitavit lib. 2. de Peccat. orig. cap. 11. premittens in cap. 10. se id facere, ne pigeat lectorem ad ipsa Gesta recurrere, vel si ea non habet, etiam cum labore perquirere. Unde non est dubium, quin alia fuerint propria gesta illius Concilii, quæ ad manus August. deveniunt, quandoquidem ex ipsis hæc capitula decerpit. Et illa sine dubio sunt, de quibus peculiarem librum scripsit Augustinus, ut ipse commemorat l. 2. Retract. cap. 47. dicens: *Cum in manus nostras eadem Gesta venissent, scripsi eis librum, ne illo velut absoluto, eademque quoque dogmata putarentur iudices approbasse, quæ ille, nisi damnasset, nullo modo ab eis, nisi damnatus exisset. Hic liber sic incipit: Posteaquam in manus vestras*. Hic vero liber Augustini hæcenus in operibus ejus non invenitur: nuper autem in Bibliothecis magni Florentiæ Ducis, & Monasterii, seu Abbatie Sancti Bartholomæi Tescularum Canonicorum regularium Lateranensium, repertum esse scimus, ejusque integrum exemplar a quodam erudito viro, & omni fide digno accepimus. Qui liber eundem habet titulum, idemque initium, quod ab Augustino designatur, ejusque stylus, & dicendi ratio ita præ se fert ingenium, & linguam Augustini, ut nullum legentis dubium relinquat, quin ille idem sit, qui & ab Augustin. citato loco, & a Posidio in indiculo operum Augustini inter ea numeratur. Et quoniam, quod ego sciam, hæcenus typis mandatus non est, & ad controverfias, & disputationes hujus materie esse potest utilis, ideo in fine hujus Prolegomeni tanquam appendicem illum ponemus, nunc vero ut Acta Concilii Palæstini, quæ inquiremus, sola & sine interruptione legantur, hic ex eodem Augustini libro ea, omiffis ejusdem Augustini notationibus, continuata serie referemus.

Acta Synodi Diospolitane.

De libello, quem dederunt Sancti Patres, & Coepiscopi nostri Gallienus, & Lazarus, recitata sunt objecta Pelagio.

1. Propositio Pelagii objecta.
Responsio Pelagii.

§ Primum est, quod in libro suo quodam scribit, non posse esse sine peccato, nisi qui legis scientiam habuerit. Quo recitato synodus dixit, Tu hoc edidisti Pelagi? At ille respondit. Ego quidem dixi, sed non sicut illi intelligunt. Non dixi, non posse peccare, qui scientiam legis habuerit, sed adjuvari per legis scientiam ad non peccandum, sicut scriptum est; Legem in adjutorium dedit illis.

Definitio Synodi.

Hoc audito synodus dixit, Non sunt aliena ab Ecclesia quæ dicta sunt a Pelagio.

2. Adjecit Episcopalis synodus, & ait, legatur, & aliud capitulum; & lectum est in eodem libro suo. Potuisse omnes voluntate propria regi.

Quo lecto, Pelagius respondit. Et hoc dixi propter liberum arbitrium, cui Deus adjutor est eligenti bona, homo vero peccans, ipse in culpa est quasi liberi arbitrii.

Quo audito, Episcopi dixerunt. Neque hoc alienum est ab Ecclesiastica doctrina.

3. Item recitatum est, quod in libro suo Pelagius posuit, in die iudicii iniquis, & peccatoribus non esse parcendum, sed æternis eos ignibus exurendos.

Respondit Pelagius, hoc secundum Evangelium se dixisse, ubi dicitur de peccatoribus, Isti ibunt in supplicium æternum, iusti autem in vitam æternam. Et addidit Pelagius: & si quis aliter credit, Origenista est.

Non potuit autem iudicibus Evangelica, & Dominica displicere sententia, & ideo dixerunt, non esse alienum

ab Ecclesia, quod Pelagius dicebat. Eam sententiam intelligentes de peccatoribus in mortali peccato decedentibus, quorum pœnæ æternæ sunt, non temporales, ut volebat Origenes. Quid autem offenderit fratres in hac sententia Pelagii, in Augustino videri potest.

4. Objectum est, & illud Pelagio, tanquam in suo libro scripserit, malum nec in cogitationem venire.

Respondit autem, hoc non ita posuimus, sed dixi, debere studere Christianum, ne male cogitet. Quod Episcopi approbaverunt.

5. Recitatum est aliud, quod in suo libello scripsit, Regnum cælorum etiam in veteri testamento promissum.

Ad quod Pelagius, hoc & per scripturas probare possibile est, heretici autem injuriam veteris testamenti hoc negant. Ego vero Scripturarum auctoritatem sequutus dixi, quoniam in Propheta Daniele scriptum est, Et accipiet Sancti regnum Altissimi.

Qua ejus accepta responsione synodus dixit, Neque hoc alienum est a fide Ecclesiastica.

6. Post hæc objectum est, quod Pelagius in eodem suo libro dixerit, posse hominem, si velit, esse sine peccato, & quod scribens ad viduam adulatoris dixit, inveniat apud te pietas, quæ nusquam invenit locum, inveniat ubique peregrinante justitia, sedem veritas, quam jam nemo cognoscit, domestica tibi, & amica fiat, & lex Dei, quæ ab omnibus prope hominibus contemnitur, a te sola honoretur: & iterum ad ipsam: o te felicem, & beatam, si justitia, quæ in cælo tantum esse credenda est, apud te solam inveniat in terris. Et in alio ad ipsam libro post orationem Domini, & Salvatoris nostri, docens, quemadmodum debeant sancti orare ait. Ille ad Deum digne elevat manus, ille orationem bonæ conscientia effundit, qui potest dicere, Tu nostri Domine, quam sancta, & innocens, & munda sint ab omni molestia, & iniquitate, & rapina, quas ad te extendo manus, quemadmodum iusta, & munda labia, & ab omni mendacio libera, quibus offero tibi deprecationem, ut mihi miserearis.

Ad hoc autem Pelagius respondens ait, posse quidem hominem sine peccato esse, & Dei mandata custodire, si velit, diximus. Hanc enim possibilitatem Deus illi dedit. Non autem diximus, quod inveniat aliquis ab infantia usque ad senectutem, qui nunquam peccaverit, sed quoniam a peccatis conversus, proprio labore, & Dei gratia possit esse sine peccato. Nec per hoc tamen in posterum inconvertibilis. Reliqua vero, quæ subiecerunt, neque in libris sunt, neque talia unquam diximus.

His auditis synodus dixit, quoniam negas, te talia scripsisse, anathematizans illos, qui sic tenent. Pelagius respondit, anathematizo, quasi stultos, non quasi hereticos, si quidem non est dogma. Deinde judicaverunt Episcopi dicentes: nunc quoniam anathematizavit Pelagius insertum stultiloquium, recte respondens, hominem cum adjutorio Dei, & gratia posse esse sine peccato; respondeat & ad alia capitula.

7. Sequuntur objecta Pelagio quæ in doctrina Pelagii discipuli ejus referuntur inventa. Adam mortalem factum, qui sive peccaret, sive non peccaret, moriturus esset.

8. Quoniam peccatum Adæ ipsum solum laeserit, & non genus humanum.

9. Quoniam lex sic mittit ad regnum, quemadmodum Evangelium.

10. Quoniam ante adventum Christi fuerunt homines sine peccato.

11. Quoniam infantes nuper nati in illo statu sunt, in quo Adam fuit ante prævaricationem.

12. Quoniam neque per mortem, vel prævaricationem Adæ omne genus hominum moriatur, neque per resurrectionem Christi omne genus hominum resurgat.

13. Posse hominem sine peccato, si velit, esse.

14. Infantes, etsi non baptizentur, habere vitam æternam.

15. Divites baptizatos, nisi omnibus abrenuntient, siquid boni nixi fuerint facere, non reputari illis, neque regnum Dei posse eos habere.

Ad hæc sibi objecta Pelagius ita respondit. Posse quidem hominem sine peccato esse, dictum est superius de eo. Quod fuerint ante adventum Domini homines sine peccato, dicimus & nos, quoniam ante adventum Christi vixerunt quidam sancti, & iuste secundum scripturarum sanctarum traditionem. Reliqua vero & secundum ipsorum testimonium a me dicta.

* alias
propria
voce auge-
them.

* alias
suas.

dicta non sunt, pro quibus ego satisfacere non debeo, sed tamen ad satisfactionem sanctæ synodi anathematizo illos, qui sic tenent, aut aliquando tenuerint.

Post hanc ejus responsionem Synodus dixit. Ad hæc dicta capitula sufficienter, & recte satisfecit * præfens Pelagius, anathematizans ea, quæ non erant ejus.

16. Objectum est Pelagio, quod diceret, Ecclesiam hic esse sine macula, & ruga.

Sed ad hoc objectum vigilantibus circumspectione respondit: Dictum est a nobis ita, quoniam lavacro ab omni macula, & ruga purgatur Ecclesia, quam velit ita Dominus permanere.

Ad quod synodus dixit, Hoc & nobis placet.

17. Deinde objecta sunt de Cælestio, quid in unoquoque capitulo contineat magis secundum sensum, quam secundum verba, quæ quidem ille latius exequitur, sed tunc subicere omnia, qui libellum adversus Pelagium dederunt, se non potuisse dixerunt, ergo in primo capitulo libri Cælestii hoc scriptum esse posuerunt, quoniam plus facimus, quam in lege, & Evangelio iustum est.

Ad quod Pelagius respondet, hoc quasi nostrum posuerunt, dictum est vero a nobis secundum Apostolum de virginitate, de qua Paulus dixit: Preceptum Domini non habeo. Synodus dixit. Hoc & Ecclesia recipit.

18. Hinc jam obijciuntur Pelagio alia Cælestii capitula capitalia: In tertio, scilicet, capitulo scripsisse Cælestium, gratiam Dei, & adjutorium non ad singulos actus dari, sed in libero arbitrio esse, vel in lege, ac doctrina.

19. Et iterum Dei gratiam secundum merita nostra dari. Quia si peccatoribus illam det videtur esse iniquus. Et his verbis intulisset, propterea, & ipsa gratia in mea voluntate posita est, siue dignus fierem, siue indignus.

20. Si enim per gratiam omnia facimus, aliquando vincimur a peccato non nos vincimur, sed Dei gratia, quæ voluit nos adjuvare omni modo, & non potuit.

21. Et iterum ait si gratia Dei est, quod vincimus peccata, ergo ipsa est in culpa, quando peccato vincimur, quia omnino custodire nos non potuit, aut noluit.

Ad ista Pelagius respondit. Hæc utrum Cælestii sint, ipsi viderint, qui dicunt ea Cælestii esse. Ego vero nunquam sic tenui, sed anathematizo qui sic tenet.

Synodus dixit, Recepit te sancta synodus ita verba reproba condemnantem.

22. In sexto capitulo Cælestii libri positum objectum est, filios Dei non posse vocari, nisi omnimodo absque peccato fuerint effecti.

23. In septimo capitulo, oblivionem, & ignorantiam non subiacere peccato, quoniam non secundum voluntatem veniunt, sed secundum necessitatem.

24. In decimo capitulo, non esse liberum arbitrium, si Dei indigeat auxilio, quoniam in propria voluntate habet unusquisque aut facere aliquid, aut non facere.

25. In duodecimo capitulo Victoriæ nostram non ex Dei esse adjutorio, sed ex libero arbitrio, quod inferre dictum est ex his verbis: Nostra est victoria, quoniam propria voluntate arma suscipimus, sicut e contrario nostrum est, quando vincimur, quoniam armari propria voluntate contempsimus.

26. Et de Apostolo Petro posuit testimonium, divina nos esse consortes natura, & syllogismum facere dicitur, quoniam si anima non potest esse sine peccato, ergo & Deus subiacet peccato, cujus pars hoc est anima, peccato obnoxia est.

29. In tertio decimo capitulo dicit, quoniam poenitentibus venia non datur secundum gratiam, & misericordiam Dei, sed secundum merita, & laborem eorum, qui per poenitentiam digni fuerint misericordia.

His recitatis Synodus dixit. Quid ad hæc quæ lecta sunt capitula dicit præfens Pelagius monachus? Hoc enim reprobat sancta Synodus, sancta Dei catholica Ecclesia.

Pelagius respondit. Iterum dico, quia hæc & secundum ipsorum testimonium non sunt mea, pro quibus, ut dixi, satisfactionem non debeo, quæ vero mea esse confessus sum, hoc recte esse affirmo, quæ autem dixi, non esse mea, secundum judicium sanctæ Ecclesiæ reprobo; anathema dicens omni contravenienti sanctæ catholice Ecclesiæ doctrinis. Ego enim in unius substantiæ Trinitatem credo, & omnia secundum doctrinam sanctæ

catholicæ Ecclesiæ, si quis vero aliena ab hac sapit, anathema sit.

Synodus dixit. Hunc, quoniam satisfactum est nobis, prosecutionibus presentis Pelagii monachi, qui quidem piis doctrinis consentit, contraria vero Ecclesiæ fidei reprobatur, & anathematizat, communionis Ecclesiæ eum esse, catholice confitemur.

Hæc est series Actorum illius Concilii, quantum ex allegato libro Augustini colligere potui. Ex quibus imprimis intelliget lector, vera esse, quæ de erroribus Pelagii supra cap. 13. diximus, nam omnes illi, quos ibi recensuimus, in his Actis continentur, quamvis nonnulli alii hic commemorantur, qui ad doctrinam de gratia non spectant, & ideo magna ex parte omisi sunt ab Augustino in aliis locis, in quibus errorum Pelagii mentionem fecit. Oportet autem advertere, in discursu objectionum factarum a censoribus Pelagii, & responsionum ejus, ad cognoscendos errores Pelagii contra divinam gratiam, non tam esse habendam rationem eorum, quæ Pelagius dixisse negat, quam eorum, quæ illi objecta sunt; quoniam evidentissimum est, subdole multa negasse, quæ & antea dixerat, & postea pertinaciter docuit, ut Augustinus illum convicit; & constat ex his, quæ recensentur a numero 7. usque ad 14. in quibus continentur errores circa effectus peccati Adæ, & originale peccatum, & corruptionem in humana natura, per illud peccatum factam, quæ Pelagius anathematizavit, & negavit, se illa dixisse, cum tamen illud fuerit semper quasi fundamentum hæresis ejus. Idemque cerni potest in erroribus 18. & sequentibus usque ad 27. Ideoque licet in 18. illi fuerit objectum, quod dixerit cum Cælestio, gratiam Dei non ad singulos actus dari, sed in libero arbitrio esse, vel in lege, ac doctrina; & ipse postea propositionem illam cum aliis generaliter negat, & anathematizat, & consequenter verum gratiæ spiritum confiteri videatur, ut illum redarguit Augustinus: nihilominus putandum non est, illum a priori errore, & amphibologia verborum recessisse, cum ipsarum rerum eventus tam in hoc errore, quam in aliis contrarium evidenter ostenderit, ut ex superioribus dictis manifestum est. Ideo merito dixit August. lib. 2. de Peccat. orig. cap. 8. Pelagius fefellit judicium Palæstinum, & propterea ibi videtur esse purgatus: Romanam vero Ecclesiam, ubi cum esse notissimum scitis fallere usquequaque non potuit, quamvis & hoc fuerit utrumque conatus, sed, ut dixi, minime valuit: & Beda lib. 1. in Eldram cap. 4. sic inquit, Pelagius in Concilio Palæstino hæresim suam, quæ gratiam Dei acerrime impugnat confessione, & scripto, non ex animo anathematizavit, ne ipse a catholicis sacerdotibus anathematizatus, locum docendi in Ecclesia, ac suum errorem seminandi facultatem amitteret.

9. Tandem in illo Concilio duo sunt accurate distinguenda, unum pertinet ad doctrinam ipsam secundum se, aliud ad Pelagii damnationem, vel absolutionem; quoad primum satis manifestum ex Actis est, quam sincere de gratia Dei scripserint Patres illius Concilii; quod quidem Divus Augustinus in toto illo libro enixe defendere, ac ostendere conatur; non quia Concilium illud, licet in doctrina errasset, præjudicium posset catholicæ veritati afferre, cum fuerit tantum provinciale, sed quia revera non erravit, sed constantissime docuit fidei dogmata, & contraria anathematizavit. Et hoc exponere, magni momenti ab Augustino reputatum; tum propter auctoritatem Provincialis Concilii, quæ licet non sit infallibilis, est magna, ut capite sequenti dicemus; tum etiam, quia illorum Patrum judicium ostendit consensum antiquissimi universalis Ecclesiæ, tam orientalis quam occidentalis vera doctrina de gratia Dei tradenda; ideo enim insurgentem hæresim statim illi Episcopi communi consensu damnarunt, quia contrariam doctrinam, ut in Scriptura expressam, & a suis Patribus receptam, tanquam catholicam tenebant. Circa postum autem ad personam Pelagii pertinens, videri possunt Patres illius Concilii simpliciter, & breviter processisse, quam negotii gravitas postularet, nam sine ullo examine fidem illius dictis adhibebant, etiam in his, quæ ad dicta, vel facta præterita pertinebant.

Sententia Concilii.

Non negata a Pelagio, sed illi objecta sunt.

Duo distinguenda Palæstinæ Concilii. Patres de gratia recte sentientes.

* alias satisfecit.

* alia ex propria.

* alia hac

De judi-
cio circa
Pelagium
personam
&c.

nebant. Sed in hoc facile potest ab hominibus errari, quia non ad doctrinam, sed ad prudentiam, & humana iudicia pertinent. Neimo tamen propterea iudicare audebit, Patres illius Concilii imprudenter egisse, quia vel assumpserunt onus iudicandi de doctrina, non tamen de persona, nisi quatenus in illo Concilio pertinaciam ostenderet, vel potuerunt legitime rationes tunc occurrere, quæ ad suaviter procedendum cum Pelagio eos inuenerint, si secum in doctrina consentiret. Et ita Augustinus ubique illos Patres in facto excusat, in doctrina vero plurimum laudat, atque commendat.

C A P U T IV.

De conciliis Africanis, & Ephesino, quæ contra Pelagium pro Dei gratia pugnant.

1. **P**ost Palæstinos Episcopos primum omnium fuerunt solliciti pro gratia Dei tuenda contra Pelagium Episcopi Africani, qui varia Concilia provincialia in hunc finem congregarunt; & occasio fortasse fuit, quia sicut Pelagius in Oriente, ita Cælestius in Africa priusquam in aliis locis, suum errorem seminare cœpit: & forte apertius, ac liberius, quam Pelagius; ut ex Actis synodi Palæstini nuper relatis conjectare licet; & quamvis non omnium Conciliorum Africanorum Acta, vel canones habeamus, omnia nihilominus, quorum memoriam invenimus, recensimus, ut de serie, ac traditione omnium temporum magis constet. Primum ergo fuit quoddam Concilium Carthagenense, quod paulo ante Diospolitānum congregatum creditur, illius tamen exemplar non extat, illud vero indicant Patres Africani in Epist. ad Innoc. quæ est 90. apud August. cum dicunt. *Factum est, ut recensendum peteremus, quid ante ferme quinquennium super Cælestii nomine hic apud Ecclesiam Carthagenensem fuerit agitatum*, utique in alio Concilio, quod primum omnium super hac causa congregatum esse dicimus. Cujus definitio, seu iudicium statim in summa refertur in eadem Epistola cum adjungitur. *Quo recitato, sicut ex sequentibus advertere poterit sanctitas tua, quamvis iudicatio manifesta constaret, quia illo tempore Episcopali iudicio excisum hoc vulnus tantum ab Ecclesia videretur, nihilominus tamen communi deliberatione censuimus, huiusmodi persuasionis auctores anathematizare, nisi hac apertissime anathematizaverint.*

Ante Diospolitānum Concilium Carthagenense.

Dogmatis non dogmatizatus in Concilio Carthagenensi.

Verba 2. Concilii Carthagenensis.

2. Ex quibus verbis intelligi potest, in illo primo Concilio non fuisse actum contra personam Cælestii, sed contra pestiferum dogma, hoc enim indicant verba illa, *Quamvis illo tempore Episcopali iudicio excisum hoc vulnus tantum ab Ecclesia videretur*: nam vulnus nomine hæreticū dogma significatur, & illa dictio tantum excludit auctores erroris, ideoque subditur, nihilominus in posteriori Concilio deliberatum esse, huiusmodi persuasionis auctores anathematizare. Supponitur ergo in priori Concilio non esse actum contra auctores, sed contra dogma ipsum: nam quia tunc auctores aperte non prodebantur, convenientius iudicatum est, errorem damnare, & de persona tacere, sicut Augustinus libr. 2. Retract. cap. 33. de se ipso contra illam hæresim scribere incipiente, ait. *In his autem libris tacenda adhuc arbitratus sum nomina eorum, sic eos facilius posse corrigi sperans*: unde cum paulo post ibidem subdit, Cælestium Pelagii discipulum, jam propter tales assertiones apud Carthaginem in Episcopali iudicio excommunicationem meruisse, non loquitur, ut existimo, de hoc primo Concilio, sed de secundo, a quo missa fuit illa Epist. 90. ad Innocentium, ibi enim anathematizatus fuit Cælestius, non in priori Concilio, ut ex dictis verbis constat: nec refert, quod de illo Episcopali iudicio, in quo excommunicatus fuit Cælestius, ait Augustinus, *ubi ego non interfui*, quia etiam hoc convenit illi posteriori Concilio: nam inter Patres, qui in principio illius Epistolæ aut auctores ejus recensentur, non numeratur Augustinus. Numerantur autem solum 67. Episcopi in 1. tom. Concilior. inter Epist. 24. & 25. Innocent. & in primo tomo Pontifical. Epist. post 30. In operibus autem Augustini

numerantur 68. addito quidem. Quod vult deo, apud Baronium autem Ann. 416. num. 5. leguntur 77. Sed opinor esse literari mendosum, nam pro sexaginta positum est septuaginta. Itaque Augustinus ibi non interfuit, sed in Concilio Milevitano paulo post congregato, ut videbimus; neque de primo Concilio Carthagenensi aliquid aliud scriptum, vel memoria proditum præter ea, quæ in dicta Epistola referuntur, neque alibi mentionem ejus fieri, repetimus.

3. Secundum Concilium Carthagine congregatum contra eundem errorem est illud ipsum, quod Epistola illam ad Innocentium scripsit, quæ inter Epistolas Augustini est 90. quod Anno 416. coactum esse, optime conjectat Baron. eodem Anno in principio. Unde etiam recte colligit, prius Concilium, de quo diximus, Anno 412. celebratum fuisse. Hujus autem Concilii gesta non extant, præter dictam solam Epistolam: & fragmenta quædam, quæ refert Augustin. lib. 2. de Peccat. orig. cap. 2. & sequentibus, quæ desumptis dicit ex gestis Ecclesiasticis Carthagenensibus. Quamvis autem Baronius illa gesta tribuat priori Concilio Carthagenensi, mihi potius videntur ad hoc posterius pertinere: nam in illis nihil aliud agitur, nisi de coarguenda, & convincenda persona Cælestii, quod in posteriori potius Carthagenensi Concilio, quam in priori factum esse, jam ostensum est: unde ex sequentibus capitulis conjectare licet, paulo post illud Concilium Cælestium Romam adisse, ut absolutionem a censura sibi in eodem Concilio imposita impetraret, id enim sine dubio post hoc posterius Concilium, quod in fine Pontificatus Innocentii coactum est, contigit: nam & hoc Concilium ad Innocentium de persona Cælestii scripsit, non autem illud prius. Item quia Cælestius jam non cum Innocentio, sed cum ejus successore Zosimo de obtinenda absolutione egit, quam tamen obtinere non potuit, etiam si Innocentii literis ausus non fuerit resistere, ut ibidem August. cap. 7. dicit. In hoc ergo Concilio præcipue de damnatione Cælestii actum est, & contra illum duo præcipua dogmata fidei videntur fuisse stabilita, quæ in fine illius Epist. 90. recapitulantur. Unum est, naturam humanam ad vincenda peccata, & servanda divina mandata sibi sufficere non posse sine vera gratia Dei, qua Christiani sumus, & quam orando perit Ecclesia, & Sanctorum orationibus evidenter declaratur. Aliud est de peccato originali, ratione ejus etiam parvuli baptizantur in remissionem peccatorum. Quæ duo principia totum Pelagii errorem radicitus evellunt.

2. Concilium Carthagenense & ejus gesta referuntur.

Ann. 412. num. 23.

4. Tertium principale Concilium eodem fere tempore, id est, eodem anno, & post paucos menses (ut recte deducit Baronius) in Africa congregatum, fuit Concilium Milevitānum, ejus & canones habemus in 1. tomo Conciliorum, & Epistolam ad Innocent. quæ est 92. Augustini. Est autem advertendum, in primo tomo Conciliorum solum referri Acta unius Concilii Milevitani, quod celebratum dicitur Ann. Domini 402. & in eo ponuntur in principio novem canones ad materiam de Gratia pertinentes, & deinde alii practici, seu morales adjunguntur. Recte tamen & erudite advertit Baronius, Concilium illud Milevitānum, quod ad Innocentium Papam Epistolam synodalem scripsit, adeo antiquum esse non posse; quia Concilium Milevitānum, quod ad Innocentium scripsit, quod secundum Concilium Carthagenense in præcedenti §. relatum, celebratum est, ut ipsummet in sua Epistola declarat, quam ita concludit. *Hec ad Sanctitatem tuam de Concilio Numidie scripta direximus imitantes Carthagenensis provincie Episcopos nostros, quos ad Sedem Apostolicam, quam beatus illustras, de hac causa scripsisse comperimus*. Præcesserat ergo Carthagenense, quamvis per breve tempus, ut inde sit verisimile; quod utriusque Concilii Epistolam, simul, & per eundem nuncium accepit Pontifex: ut ipse in responsione ad Concilium Milevitānum testatur. At Concilium Carthagenense non potuit celebrari Anno Domini 402. quia, ut supra vidimus, ante quinquennium fuit aliud Concilium Carthagine celebratum, contra errores Pelagii, & Cælestii, quod non potuit contingere quinquennio ante annum 402. id est, Anno

Milevit. Conc. euj tempore celebratum.

Anno Domini 397. quia tunc nondum fuerat exortus Pelagianus error, aut vix nomen Cœlestii hæresiarchæ auditus fuerat, ut ex historiis est notissimum, & supra est notatum. Ergo nec Concilium hoc Milevitanum potuit Anno illo 402. celebrari.

5. Unde colligit Baronius, duo fuisse Concilia Milevitanæ coacta, unum illo Anno 402. aliud post quatuordecim Annos, ut ipse late probat dicto Anno 402. 412. & 416. nam quod aliquod Concilium Milevitanum fuerit Anno 402. vel circa celebratum, negari non potest. Ita enim habetur in omnibus editionibus Conciliorum, & Baronius id, ut certum, supponit, & colligit ex anno Consulatus Imperatorum Theodosii, & Honorii, qui in principio signatur, idemque potest ostendi ex Concilio Africano, ubi compendium hujus Concilii Milevitanum ponitur post cap. vigesim. quint. Et inde etiam intelligi potest, nihil in illo Concilio actum esse de gratia Dei, vel de erroribus Pelagii, quia ibi nulla ejus rei mentio fit, sed solum confirmantur Acta præcedentium synodorum, & quædam causæ Episcopales tractantur, & aliquæ leges Ecclesiasticæ præscribuntur, quæ omnia cum his, quæ de Concilio Milevitano referuntur in tom. I. Concilior. optime consonant, seclis canonibus de gratia Dei desinentibus, qui (ut statim videbimus) in eodem Concilio Africano alteri posteriori Concilio Milevitano tribuuntur; quod etiam confirmatur optime illa conjectura, quod eo Anno 402. vix Pelagiana hæresis pullulare inceperat; non est ergo verisimile, tunc fuisse editos canones Milevitanos contra Pelagium.

6. Hinc ergo aperte concluditur, post illum primum Milevitanum Concilium fuisse aliud congregatum, quod Epistolam synodalem ad Innocentium scripsit, nam illa Epistola scripta est post seminatum in Africa per Cœlestium Pelagianam hæresim, & sex fere annis post primam synodum Carthaginensem contra eandem Cœlestii doctrinam congregatam. Unde probabilissime conjectat Baronius, fuisse hoc Concilium Milevitanum coactum Anno Domini 416. quod etiam ex Consulibus notatis in Epistola Innocentii ad idem Concilium optime confirmat. Deinde Episcopi, qui illam Epistolam scripserunt, non sunt iidem, qui priori Concilio Milevitano adfuerunt; nam in priori dicitur adfuisse Xantippus Numidiæ Primas: in hoc vero posteriori alius fuit Primas Numidiæ, & Sylvanus nominatur. Item in priori numeratur Nicetius Mauritanie Primas, de illo vero nulla mentio fit in posteriori Concilio. Unde conjectare possumus, *Valentinum*, qui secundo loco in Epistola ponitur, fuisse tunc Mauritanie Primatem. Denique in priori Concilio primo loco recensetur, & loquitur *Aurelius* Carthaginensis, tanquam Concilio præsidens, in hoc vero posteriori ponitur *Sylvanus* primo loco, & deinde *Valentinus*, & postea *Aurelius*, unde colligi videtur (licet oppositum dicat Baronius) Aurelium in hoc Concilio non præsedisse; quod maxime confirmat superscripti responsalis Epistolæ Sancti Innocentii, quæ sic habet: *Innocentius Sylvano Seni, Valentino, & cæteris, &c.* Non est enim verisimile, omitendum fuisse Aurelium; sed potius in præcipuo loco numerandum, si esset superior cæteris, & præses Concilii; unde ille Aurelius, vel non erat famosus Carthaginensis Episcopus, nec ille interfuit huic Concilio posteriori, vel certe aliqua speciali ratione alii duo Primates Numidiæ, & Mauritanie ei tunc prælati sunt; cum autem hanc rationem vix cogitare possum, ad illud prius majori conjectura ducor.

7. Unde ulterius dubitari potest, an hoc Concilium posterius fuerit generale totius Africæ, sicut fuit prius, ut ex Actis ejus constat. Baronius enim Anno 402. num. 55. affirmat, & ideo consequenter dicit, utrique unum, eundemque Aurelium præfuisse, quod adeo clarum censet, ut nulla probatione id confirmet. Ex Actis autem videtur, satis probabiliter sequi contrarium, quia in posteriori Concilio Milevitano non præfuit Aurelius, ut ostensum est; ergo signum est, non fuisse generale totius Africæ, nam eadem fuisset præsidendi ratio, cum Aurelius Carthaginensis adhuc viveret, & prærogativa illi præsidendi in Conciliis

generalibus totius nationis Africane, etiam si extra Carthaginem fierent, non esset variabilis, sed dignitati semper adhereret. Deinde potest hoc confirmari ex his, quæ paulo ante cum eodem Baronio diximus de Concilio Carthaginensi, quod proxime, & eodem Anno celebratum est, quia non omnes Episcopi, qui uni Concilio adfuerunt, in alio inventi sunt; ergo signum est, neutrum illorum fuisse generale totius nationis, sed prius fuisse coactum ex Episcopis solius regionis Carthaginensis, seu totius territorii Primatus Carthaginensis Ecclesiæ; aliud vero ex Episcopis Numidiæ, & Mauritanie. Consequentia per se clara est. Antecedens vero probatur ex citatis verbis Epistolæ Concilii Milevitanum ad Innocentium: *Hæc ad Sanctitatem tuam de Concilio Numidiæ scripta dixerimus, imitantes Carthaginensis provincie Episcopos nostros, &c.* Nam his verbis clare significant, & in præcedenti proximo Concilio Carthagine coacto solum adfuisse Episcopos Primatus Carthaginensis, & illos non adfuisse in hoc Concilio Numidiæ, seu Milevitano, ac subinde non fuisse generale totius Africæ.

8. Deinde cum ostensum sit, hæc duo Concilia eodem anno fuisse celebrata, non est verisimile, Episcopos omnes, qui Carthagine fuerant congregati, iterum Milevium cum cæteris convenisse; quin potius cum in Epistola Carthaginensis Concilii sexaginta septem Episcopi numerentur, in altera Concilii Milevitanum solum sexaginta unus recensentur, verisimile non est, plures Episcopos in aliquo illorum Conciliorum interfuisse, quam ibi numerentur, cum præcise, & sine adjectione alicujus particulæ indicantis alios omitti, illi numerentur; neque sit ulla ratio, vel indicium ad fingendam in aliquo illorum Conciliorum majorem Episcoporum multitudinem. Inter Episcopos autem utriusque Concilii magna est varietas in omnibus, & in personis aliquibus cognoscitur aperta differentia: nam Augustinus non fuit in Concilio Carthaginensi, adfuit autem in Milevitano, idemque videtur clarum de Alipio, & Possidio, & per se est credibilis de omnibus, quorum nomina sunt diversa. E contrario vero licet aliqui in nomine conveniant, non est necesse, ut conveniant in persona, sicut de aurelio supra dicebamus: nam qui primo loco ponitur in Epistola Carthaginensis synodi, fuit sine dubio Primas Carthaginensis Ecclesiæ, qui autem tertio loco ponitur in altera Epistola, non videtur fuisse tantæ dignitatis, sed aliquis Episcopus provincie Numidiæ, qui postea cum Augustino, & aliis tribus Episcopis ejusdem provincie scripserunt familiarem Epistolam ad eundem Innocentium, quæ est 95. inter Epistolæ Augustini. Hæc ergo duo Concilia Carthaginense, & Milevitanum non videntur fuisse generalia totius Africæ; sed provincialia, ut significant aperte dicti quinque Episcopi in dicta Epist. 95. Augustini ad Innocentium, dicentes: *De Conciliis duobus provincie Carthaginensis, atque Numidiæ ad tuam Sanctitatem a non parvo Episcoporum numero scriptas literas misimus, &c.* Ita ergo apertius constat differentia inter duo Concilia Milevitanæ; nam prius generale fuit totius Africæ, posterius autem provincie Numidiæ.

9. Ex quibus tandem concluditur, octo illos canones de gratia Dei, qui ex Concilio Milevitano referuntur, non fuisse editos in priori Concilio Milevitano Anno 402. prout in 1. tom. Conciliorum referuntur, quia nihil de gratia Dei, nec de errore Pelagii in eo actum est, ut vidimus, & recte probat Baronius. Unde fieri videtur consequens, ut illi canones fuerint in hoc posteriori Concilio Milevitano confecti, ut concludit idem Baronius Anno 416. num. 10. Occurrit vero in hoc puncto non pretermittenda difficultas, quia in Concilio Africano sub Bonifacio, & post Synodum 7. Carthagine celebrato ante cap. 76. hic titulus proponitur, *Concilium contra hæresim Pelagii, & Cœlestii, &c.* & statim subiungitur: *Gloriosissimis Imperatoribus Honorio 12. & Theodosio 7. Augustis Consulibus, Kalendis Maji Carthagine in secretario Basilica Faustæ, cum Aurelius Episcopus in universalis Concilio consedisset, adstantibus Diaconis: placuit omnibus Episcopis (quorum nomina, & subscriptiones indita*

Provinciale fuisse de amplius probatur.

Difficultas proponitur.

Oppositum arguetur.

indita sunt) in sancta Synodo Ecclesia Carthagenensis constituitis, ut quicumque dixerit, Adam primum, &c. & subieciuntur consequenter octo illi canones, qui nunc habentur in Concilio Milevitano veteri (ut sic dicam) ergo illi canones non in aliquo Concilio Milevitano, sed in aliquo Carthagenensi editi sunt: nam licet Concilium illud, quod universale dicitur, utriusque totius Africae, dici etiam possit Concilium Carthagenense, id est, Carthagine celebratum, nihilominus non fuit aliquod ex duobus supra memoratis, sed quoddam aliud generalius tempore Zosimi congregatum, quod Africanum appellat Augustinus Epistola quadragesima septima, ubi dicit, Concilium illud ad Zosimum Papam scripsisse, & ab illo habuisse rescriptum a totius Orbis Episcopos missum, cuius idem August. meminit Epistol. 157. & de eodem Concilio loquitur Prosper ad 8. objectionem Gallorum, cum ait: *Et cum ducentis quatuordecim sacerdotibus, quorum constitutiones contra inimicos gratiae Dei totus mundus amplectus est, veraci professione, quemadmodum ipsorum habet sermo, dicamus, Gratiam DEI per JESUM CHRISTUM Dominum nostrum non solum ad cognoscendum, verum etiam ad faciendum iustitiam nos per singulos actus adjuvare.* In neutro enim priorum Conciliorum tantus fuit numerus Episcoporum. De eodemque Concilio loquitur libr. contra Collat. capite decimo, cum ait: *Erraverunt ducenti quatuordecim sacerdotes, qui in Epistola, quam suis constitutionibus praeulerant, ita Apostolica Sedis Antistitem B. Zosimum sunt alloquuti. Constituimus in Pelagium, atque Coelestium, &c.* Priora enim Concilia Carthagenensia, & Milevitana non potuerunt ad Zosimum scribere, cum vivente Innocentio inchoata, & finita sint, & ad illum scripserint. Hoc ergo fuit aliud Concilium tempore Zosimi congregatum, quod ad Zosimum scripsit, ut ex testimonio Prosperi satis probatur, licet Epistola non extet. Cum autem ait Prosper, Patres illius Concilii Epistolam illam *suis constitutionibus praeulisse*, per constitutiones illos canones octo contra Pelagium intelligere videtur, quos Zosimus probavit, ut infra in eodem libro cap. 41. significavit, dicens, Zosimum machinas Pelagianorum fregisse, *Quando Africanorum Conciliorum decretis sententiae suae robur adnexuit.* Denique quod illud Concilium Carthagenense fuerit, & sub eisdem Consulibus, expressius tradidit idem Prosper in Chronico dicens: *Quibus consulibus, Concilio apud Carthaginem habito ducentorum decem, & septem Episcoporum ad Pontificem Zosimum synodali decreta perlata sunt, quibus probatis, per totum mundum haeresis Pelagiana damnata est.* In quo parva est diversitas in numero Episcoporum, sed facile potuit mendum in altero loco irreperire, & fortasse hunc numerum ducentorum decem, & septem Episcoporum quispiam sumplit ex Concilio Africano, ubi in Epistola ad Bonifacium totidem numerantur, sed illud fuit aliud Concilium Carthagine etiam celebratum tempore Bonifacii, in quo multa ex prioribus Conciliis Africanis recapitulata sunt.

10. Ad hanc difficultatem inprimis dicimus, parum referre ad illorum canonum auctoritatem, quod in Milevitano, vel Carthagenensi Concilio sint editi, dummodo constet, in aliquo legitimo Concilio decretos fuisse; imo eum dictum Carthagenense Concilium nationale, seu generale totius Africae fuerit, major aliqua inde illis accrescit auctoritas, cum dixerimus, Milevitani tantum fuisse provinciale, quamvis addita confirmatione Apostolicae Sedis utriusque Concilii sit aequalis certitudo. Accedit, quod doctrina illorum canonum eadem est cum doctrina Epistolae Milevitani Concilii ad Innocentium, & tota reducitur ad explodendos errores, quibus & peccatum originale, & necessitas gratiae negatur, & extolliuntur potestas liberi arbitrii ad vivendum sine peccato, & ita commendatur status hominis post lapsum Adæ, ut in eo dicantur esse homines ita innocentes, ut non possint veraciter dicere: *Dimitte nobis debita nostra*, e contrario vero status hominis ante peccatum ita deprimatur, ut in eo asseratur fuisse mortalis, etiam ante peccatum. Solum ergo est diversitas, quia in Epistola solum doctrina vera traditur; in illis vero canonibus

contrarii errores distincte refelluntur, & anathemate feriuntur.

11. Addo denique fieri potuisse, ut illi canones prius fuerint editi in Concilio Milevitano provinciali, & postea fuerint repetiti in Concilio Carthagenensi, quod sentit Baronius Anno 418. num. 24. & videtur indicari a Prospero supra dicente, Zosimum sententiae suae robur *Africanorum Conciliorum decretis adjunxisse*, ideo enim videtur loqui in plurali, quia decreta illa in duobus Africanis Conciliis edita, vel probata fuerant. Sed in illa loquutione non solum illa Concilia, sed etiam superiora comprehenduntur. Nec satis ostendi, seu probari potest, illos canones in aliquo Concilio Milevitano coacto fuisse primum editos, nam sicut prius irrepsit error inserendo illos canones in Concilio Milevitano primo, seu antiquo, ita nunc incertum est, ex quo alio Concilio Africano desumpti sint, ut ibi insererentur. Aliunde vero testimonio Concilii Africani habemus, illos fuisse in Concilio Carthagenensi lectos, & probatos, & ex modo, quo id refertur, ibi etiam fuisse editos significatur. Quod autem prius jam fuerint editi in alio Concilio Milevitano, nullibi asseritur, nisi ubi per errorem inserti sunt. Est autem probabilis conjectura, errorem illum inde ortum fuisse, quod duo Concilia ejusdem nominis, ac civitatis, & sub eodem Pontifice coacta facile potuerunt per ignorantiam in unum confundi, & illi dictos canones attribui; unde cum postea intellectum sit, duo fuisse Milevitana Concilia, & non fuisse in antiquiori editos, per conjecturam posteriori attributi sunt. Sed, ut dixi, hoc non minuit istorum canonum auctoritatem, satis enim est, constat ab aliquo Concilio provinciali, vel nationali editos, & a Pontifice confirmatos fuisse.

12. His vero non obstantibus aliqui moderni illorum Canonum auctoritatem in dubium revocarunt, Primo quia non satis constat, fuisse in aliquo Concilio editos, ut ex discursu facto colligitur, unde suspicantur, vel omnes, vel aliquos eorum ex Gennadio libr. de Ecclesiast. dogmat. fuisse desumptos, & per errorem alicui Concilio attributos. Secundo, quia etiam de confirmatione Sedis Apostolicae non constat. Nam Concilium Milevitani solum legitur confirmatum in Epistol. vigesima quinta Innocentii ad illud. At Innocentius non confirmat illos canones, neque illorum mentionem facit: sed confirmat in speciali duos articulos, unum de peccato originali, alium de necessitate divini auxilii ad vitanda peccata, de quibus solis idem Concilium scribens ad Innocentium antecedentem Epistolam, mentionem fecerat; & quamvis in Epistola Coelestini Papae capite tertio dicatur, Apostolicam Sedem confirmasse definitiones Conciliorum Africanorum contra Pelagium, & in sequentibus capitulis aliqui ex dictis canonibus referantur, non tamen omnes, sed quinque primi, omittuntur autem alii tres, qui magis in dubium revocantur.

13. Sed haec novitas nullatenus audienda est, est enim sine fundamento ad introducendam specialem opinionem circa impeccantiam iustorum excogitata. Non potest tamen a gravi temeritate excusari: nec est major ratio dubitandi de tribus ultimis decretis, quam de primis; tum quia omnes habentur in dicto Concilio Africano, & non est major ratio tribuendi Gennadio hos, quam illos; tum etiam, quia communis consensu, & traditione recepta sunt, & ab omnibus Theologis, ut infallibilis auctoritatis allegantur: tum praeterea, quia frustra, & sine ullo fundamento tribuuntur Gennadio, cum potius ex discursu illius libri a capite vigesimo quarto, per multa doctrinam illam ex Epistola Coelestini, & ex Conciliis Africanis, & ex Augustino decerptam esse manifeste constat: tum denique, quia Augustinus saepe totam doctrinam illorum canonum, ut definitam in Conciliis Africanis nobis tradit, ut patet ex libr. de Bono perseveran. capite secundo, & ex Epistol. nonagesima quinta, quae est quinque Episcoporum ad Innocentium; & de tribus ultimis canonibus specialiter videbimus in libro nono, capite octavo. Quocirca licet non omnino sit certum,

Secunda
Solutio.

Prima
difficultas
est solutio.

certum, in quo Concilio Africano illi canones editi sint, satis est, quod constet fuisse in aliquo, seu in altero ex duobus editis, vel certe quod prius in Milevitano editi sint, & postea in Africano pleniori, & præsentibus legatis Apostolicis fuerint confirmati. Ex quo etiam, & ex Prospero satis de confirmatione constat; & quando de expressa confirmatione non constaret, satis essent perpetua traditione, & generali consensu canonizati.

In tribus Concil. Carthag. & 4. Milevit. vera de grat. doctr. contra Pelagium stabilita est. Afric. ad dicitur.

14. Ex his ergo habemus, quatuor Concilia, tria Carthaginensia, & unum Milevitani, in quibus vera de gratia doctrina contra Pelagium definita est; quibus addi potest quintum sub Bonifacio, quod generale nomen Africani retinuit, licet Chartagine etiam fuerit coactum, ut tradit Baronius Anno 419. num. 59. Nam in eo præsentibus etiam legatis Apostolicis priora decreta lecta, & confirmata sunt. Et de illo videtur loqui Augustinus Epistol. 47. cum post Concilium sub Zosimo addit: *Et quod posteriori Concilio plenarius totius Africa contra ipsum errorem breviter constituimus.* Quibus omnibus (ut visum est) accessit semper Apostolicæ Sedis autoritas, quæ prædicta approbando Concilia, eorum sententias suas fecit, ut dixit Cælestinus (vel certe Prosper) in Epistol. ad Episcop. Gallicæ cap. 23.

15. Et ob hanc Africanorum Episcoporum in detestando illo errore sedulitatem, & fidelem cum Apostolica Sede unionem, merito scripsit idem Prosper in carmine de Ingratis, cap. 2.

*Tu causam fidei flagrantius Africa nostra
Exequeris: tecumque suum jungente vigorem
Juris Apostolici solio, fera viscera belli,
Conficis, & lato prosterne limite victos.
Convenere tui de cunctis urbibus almi
Pontifices, geminoque senum celebrima catu.
Decernis quod Roma probet, quod regna sequantur.
Nec sola est illic synodorum exorta potestas:
Ceu quos non possent ratione evincere nostri,
Ut promerent: discussa artes, virusque reiectum est
Hæretici sensus: nullumque omnino relictum,
Docta fides quod non dissolveret, argumentum.
Condita sunt, & scripta manent, quæ de cataraëtis
Æterni fontis fluxere undante meatu,
Et de trecentis procerum sunt edita linguis.*

Et infra.

*An alium in sinem posset procedere sanctum
Concilium, cui dux Aurelius, ingeniumque
Augustinus erat, &c.*

In quibus dum geminum cœtum commemorat, loqui videtur de duobus Conciliis, quæ ad Sedem Apostolicam scripserunt, Carthaginensi, & Milevitano: in quorum altero dux, id est, præses fuit Aurelius, in altero vero Augustinus, licet non dux jurisdictione, & dignitate, fuit tamen ingenio, magisterio & doctrina. Vel certe, quia numerum trecentorum procerum indicat in his Conciliis adfuisse, fortasse ab illis verbis. *Condita sunt, &c.* loquitur de tertio Concilio Carthaginensi ampliori, & nationali, in quo & scripta leguntur præcipua decreta contra Pelagium, Præsede Aurelio, & præsentem Augustino tanquam totius cœtus ingenio. Ponit autem trecentorum numerum, vel ratione carminis ponendo numerum magnum certum pro incerto, vel perfectum pro imperfecto, quomodo numerus excedens ducentum, trecentenus dici potest: vel quia præter 214. Episcopos verisimile est, ibi adfuisse plures sacerdotes, qui numerum illum explerent, vel denique quia cum illis 214. Patribus conjungit præteritorum Conciliorum Patres, qui in eandem doctrinam conspiraverant, vel forte jam in Concilio Milevitano eosdem canones ediderant, ut diximus.

16. His Africanis Conciliis adjungimus Ephesinam Synodum, quæ paulo post tempora illorum Conciliorum celebrata est sub Annum Domini 430. & una ex quatuor primis generalibus fuit, & in ea superiorum Conciliorum doctrina confirmata est, & Pelagii hæresis damnata, Deo ita providente ad majorem Pelagii, & Cælestii confusionem, ne illorum damnationi universalis Concilii autoritas deesse videretur. Quoniam vero synodus Ephesina non contra Pe-

lagium, sed contra Nestorium celebrata est, ut intelligatur quid, & qua occasione contra Pelagianos egerit; sciendum est ex Cassiano libro quinto, & septimo, de Incarnation. Nestorianam hæresim in Pelagio prius fuisse conceptam, & e converso errorem Pelagii ex Nestoriano fuisse deductum. Refert enim Cassianus, Pelagium sensitse, Christum prius fuisse purum hominem, & ob vitæ innocentiam, quam suo arbitrio sine ullo peccato conservavit, Deificatum fuisse, indeque progressum Pelagium esse, ut diceret, etiam alios homines sine peccato vivere posse, si velint. Idemque sensit Prosper in Epitaphio Nestorianæ, & Pelagianæ hæresis, ante carmen de ingratis dicens.

Nestoriana lues successit Pelagiana.

Quæ tamen est utero pro generata meo.

Infelix misera genetrix, & filia nata,

Prodivi ex ipso germine, quod peperit.

Nam fundare arcem meritis prior orsa superbis,

De capite ad corpus ducere opus volui.

17. Hinc ergo factum est, ut cum ante Ephesinam Synodum Julianus, & alii Pelagiani ab Ecclesia essent ejecti, Constantinopolim ad Nestorium migraverint, graves querelas contra Cælestinum Papam ferentes, qui a Nestorio benigne recepti sunt, ut constat ex Epistol. quas pro illis ad Cælestinum scripsit, & ex rescripto Cælestini ad ipsum, in quo eum ut hæreticorum fautorem reprehendit, apud Baron. Ann. 430. num. 3. usque ad 24. Perseverantibus ergo Nestorianis in sui erroris pertinacia, etiam Pelagianis consentire cœperunt, saltem quoad articulum de originali peccato, & de primis parentis lapsu, atque ita Pelagiani, & Nestoriani Episcopi se mutuo fovebant. Quamobrem in fine Concilii post Nestorianorum damnationem etiam Pelagiani Episcopi, & eorum errores specialiter damnati sunt, ut in Epistola synodica Concilii Ephesini ad Cælestinum Papam, quæ est 12. inter Epistolas synodales Cyrilli, & habetur in novo Concilio Ephesin. tom. 4. cap. 17. his verbis declarant illius synodi Patres. Porro autem perlectis iis in sancta synodo, quæ de impiorum, Pelagianorum, Cælestii, Pelagii, Juliani, Persidii, Flori, Marcellini, Oxentii, reliquorumque eadem cum illis sententiarum depositione a pietate tua istis decreta, & constituta sunt, judicavimus & nos quoque, ea solida, firmaque permanere debere, sumusque omnes ejusdem sententia. Et hac ratione dixit Gregorius libr. 5. Epistol. 14. alias cap. 114. in Ephesina synodo damnatum fuisse Pelagium, & lib. 7. Epistol. 47. inde coarguit quorundam hæreticorum calumniam, qui Acta Ephesinæ synodi insertis quibusdam capitibus hæresis Pelagianæ corrumpere tentarunt, dicens: *Cum Pelagius, & Cælestius in eadem synodo damnati sint, quomodo poterant illa capitula recipi, quorum damnantur auctores?* Prosper etiam in dicto epitaphio una sententia utramque hæresim in illa synodo fuisse extinctam dicit, dum Nestorianam hæresim introducit dicentem:

Hæreticorum errores ab Ephesina Concilio anathematizantur.

Nestoriani Pelagianis favent.

Me tamen una dedit victam sententia letho:

Illam volens iterum surgere, bis cecidit,

Mecum oritur, mecum moritur, mecumque sepulchrum

Intrat, & inferni carceris ima subit.

C A P U T V.

De aliis Conciliis contra reliquias Pelagianorum, & alios gratia hostes celebratis.

1. **Q**UAMVIS Pelagianus error tantæ molis auctoritate prostratus, ac pene extinctus videretur, nihilominus, ut in superioribus vidimus, occasione alterius prædestinatorum erroris extreme contrarii, iterum commenta mali sopita resurgere in Semipelagianis cœperunt, ut dixit Prosper de Ingratis, initio. Contra has ergo Pelagii reliquias Concilium Arausicanum in Gallia, copiosius doctrinam de gratia, & præsertim de illius necessitate ad initium salutis, & fidei declaravit, editis 25. decretis, seu canonibus, ex quibus duo priores continent veram doctrinam de lapsu primi hominis, & peccato origi-

Arausicanum Concilium doctrinam, atque confirmationem.

Ephesinæ Concilii sequitur relata.

originali contra Pelagium. A tertio autem canone damnatur sub anathemate Semipelagianus error sub eisdem fere verbis, quibus a Cassiano, & Fausto explicatus est: & hac occasione plures sententiae de necessitate praevenientis, & comitantis gratiae, & de fragilitate liberi arbitrii ad bonum operandum, traduntur, quae virtute totam doctrinam de gratia, & libero arbitrio continent. Quamvis autem hoc Concilium provinciale sit, & non legamus fuisse confirmatum, subsequente (ut sic dicam) approbatione, nihilominus canones illi infallibilem fidei auctoritatem continent, quia antecederet (ut sic dicam) fuerunt auctoritate Pontificia confirmati, vel potius editi. Nam ut Patres illius Concilii professi sunt, illi canones non fuerunt ab ipsis facti, vel inventi, sed ab Apostolica Sede fuerunt ad illos transmissi, ut ejusdem Sedis auctoritate, & admonitione promulgarentur: & hac ratione Concilium illud antecederet ab Apostolica Sede confirmatum dici potest. Cetera vero, quae ad illud Concilium, ejusque Canones spectant, supra cap. I. tractatum de Leone Papa, dicta sunt. Peculiaris vero difficultates, quae circa nonnullos ex illis canonibus insurgere possunt, in discursu materiae de gratia tractabuntur.

2. Non solum autem Semipelagianorum error, sed etiam aliqua ex parte haeresis Praedestinatorum in illo Concilio damnata est, dum in canone ultimo definitur, nullum esse praedestinatum ad malum, & quemlibet baptizatum posse per Christi gratiam, quae ad salutem pertinent, operari, si velit, & debere id facere, si salvari velit. At vero hac definitione, & aliis non obstantibus, hic error Praedestinatorum vel postea durasse, vel post aliquos annos repullulasse videtur: nam illius occasione censetur congregatum Concilium Valentini in Gallia Anno Domini 855. in quo vera doctrina de gratia, & de praescientia, ac praedestinatione Dei traditur, quia in his omnibus Praedestinatiani errabant. Imo illo tempore quidam Scoti haeresim illam renovare tentabant, quos leves homines non pauci sequebantur, ut in capite sexto ejusdem Concilii insinuat, & ad resistendum illis renovata etiam est ibi vera de gratia doctrina. Brevissime tamen, & quasi remissive ad priorem Patrum & Conciliorum decreta, sic enim dicitur in capite sexto. *Item de gratia, per quam salvantur credentes, & sine qua rationalis creatura nunquam beate vixit, & de libero arbitrio per peccatum in primo homine infirmato, sed per gratiam Domini Jesu in fidelibus ejus redintegrato, & sanato, id ipsum constantissime, & fide plena fateamur, quod sanctissimi Patres auctoritate sanctarum Scripturarum tenendum nobis reliquerunt. Quod Africana, quod Arausica synodus professae est, quod Beatissimi Pontifices Apostolicae Sedis tenuerunt.* Similia fere habentur de praescientia, & praedestinatione in capite primo, ubi dicitur: *De praescientia Dei, & praedestinatione, & de questionibus, in quibus fratrum animi non parum scandalizati probantur, illud tantum firmissime tenendum credimus, quod ex maternis Ecclesiae visceribus non habuisse gaudemus.* Quod in cap. 2. & 3. magis in particulari declaratur, ut postea in suis locis adnotabimus. Quo circa licet hoc Concilium, eo, quod provinciale tantum sit, & non sit a Pontifice confirmatum, per se certam fidem non faciat, tamen quatenus priorum Conciliorum, & Pontificum definitionibus adhaerendum esse statuit, eorum infallibilem auctoritatem participat, in aliis vero magnam habet auctoritatem, licet non fidei, ut in sequenti puncto explicabimus.

3. Prius enim advertere oportet ex Baronio eodem Anno 855. in principio, & Ann. 448. numer. 3. & sequentibus, auctorem, seu instauratorem dictae haeresis Praedestinatorum fuisse Gothescalcum, contra quem ante paucos Annos congregatum fuerat Concilium quoddam Moguntinum tempore Rabbani, in quo Concilio ille damnatus, & perpetuo carceri additus est: verisimileque est in eodem Concilio doctrinam de gratia iterum confirmatam, & modo ad illam haeresim extirpandam accommodatam renovatam esse. Aeta vero illius Concilii non exant, & ideo nihil amplius de illo affirmare possumus. Meminit autem illius

Concilii Trithemius in Chronic. Monasterii Hirsaugiensis, & ex illo Surius. tomo tertio Conciliorum post synodum 2. Moguntinam sub eodem Rabbano, & Baronius Anno 848. ex Francorum annalibus a Pirtheo editis; & ex Hincmaro in Epistola ad Nicolaum Papam. Ex quo etiam refert aliquos articulos erroneos illius haeretici. *Primus est, quem antiqui Praedestinatiani (ait) etiam dicebant, quod sicuti Deus quosdam praedestinavit ad vitam eternam, ita etiam alios ad mortem eternam praedestinavit.* Quem errorem imponebant etiam Augustino Massilienses, quibus respondet Prosper ad objectionem 14. & 15. Gallorum, & notat Fulgentius libro primo ad Monimum cap. ultimum. Alter error notatur ab eodem Hincmaro in Gothescalco, nam agebat, *quod Deus non vult, omnes homines salvos fieri, &c.* De quo etiam notabant Augustinum Semipelagianum. Veruntamen illa propositio aequivoca est; & si intelligatur de voluntate beneplaciti omnino absoluta, seu efficaci, non est error, sed vera sententia, & in hoc sensu loquutus est Augustinus, ubi aliquando verba Pauli dicens, *Deus vult omnes homines salvos fieri*, de solis praedestinationis exposuit. Alio vero modo potest illa propositio negativa intelligi de omni Dei voluntate, etiam antecedente, seu conditionata, ita ut sensus sit, quod Deus non vult omnes homines salvos fieri, quantum est ex parte sua: & in hoc sensu propositio illa haeretica est, in quo videtur ille haereticus loquutus.

4. Colligi autem potest hic sensus ex alio ejus errore, quo asserbat: *Quod Jesus Christus Dominus noster, & Salvator non fuit crucifixus, neque mortuus est pro redemptione totius mundi, id est, pro redemptione, & salute omnium, sed tantum pro his, qui salvantur.* Quae est manifesta haeresis, ut ex toto novo testamento constat, & in materia de Incarnatione. latius tractatur. Fundatur autem hic error in priori, nimirum, quod nullo modo voluerit DEUS salvare eos, qui de facto non salvantur: nam quos DEUS salvare voluit, illos CHRISTUS redemit. Sicut autem ille in praecedenti puncto erravit, non distinguendo in Deo duplicem voluntatem, & ita in hoc posteriori deceptus est, non distinguendo redemptionem quoad efficaciam, vel quoad sufficientiam, seu quoad generalem oblationem a Christo factam, quantum erat ex parte suae voluntatis, & Dei. In hoc autem puncto notandum est caput quartum dicti Concilii Valentini, ubi tanquam error in quibusdam notatur, quod dicerent: *Christum mortuum fuisse, etiam pro illis impiis, qui a mundi exordio usque ad passionem Domini in sua impietate mortui, & aeterna damnatione puniti sunt;* & subjungit Concilium: *Illud nobis simpliciter, ac fideliter tenendum, ac docendum placet, juxta Evangelicam, & Apostolicam veritatem, quod pro illis hoc datum pretium teneamus, de quibus ipse Dominus noster dicit, oportet exaltari filium hominis, ut omnis qui credit in ipsum non pereat, sed habeat vitam eternam. Et Apostolus: Semel Christus oblatus est ad multorum exhaurienda peccata.* Veruntamen illi, contra quos hoc Concilium loquitur, non tantum de sufficientia, sed etiam de efficacia loquebantur; credentes, obtulisse Christum sanguinem suum, ut impios jam damnatos a poenis inferni liberaret, & ita de facto eos redemisse, & ab inferno eduxisse; & ideo dicit Concilium, hoc esse contra illud Propheticum, *mortuus tuus ero inferne*, quia vocabulum, *morsus*, significat, non omnes mortuos fuisse per Christum ab inferno liberandos, sed tantum fideles, & justos: unde consequenti ratione cetera, quae dicit Concilium illud de efficacia mortis Christi, intelligenda sunt.

5. Tertia synodus provincialis, quae nostris temporibus contra haereses in illis serpentes tradidit, modoque magis accommodato ad illas haereses consutandas declaravit, est Concilium Senonenses in Gallia celebratum Anno 1528. contra insurgentem Lutheranam haeresim, ut in initio ejus dicitur; unde primario intendit Concilium illud defendere liberum arbitrium, quod Lutherus (in hoc imitans Manichaeum) auferre conatus est. Quia vero Pelagius, ut idem Concilium in Praefatione dicit, *Erravit, consimiliter, dum aliud extremum secutus, ad vitam beatam comparandam mi-*

3. Haeresis damnata ab eodem Concilio Valentini, & censura alterius explicatur.

Senonense Concilium Pelagium ejus reliquias, & Lutherum damnat.

Concil. Arausic. & synod. Valent. Praedestinatorum iterum damnant haeresim.

Moguntina Conc. damnata, quae ab eo.

nime necessariam putat divinam gratiam: sed ad id sufficere censet liberum arbitrium, si modo adsit divine legis cognitio, ideo Concilium adjecit. Porro talia deliramenta respuens Ecclesia catholica hæc tria ad salutem requiri docet: fidem; bona opera, & divinam gratiam, neque absque his patere homini adulto viam salutis. Accedentem siquidem ad Deum oportet primum divine gratie munere adjutum credere, deinde bonis operibus intendere, in quibus efficiendis, & liberum arbitrium operatur, & gratia. Quapropter qui hominem bene operari, & salutem consequi arbitrat absque gratia, aut primum boni operis libero arbitrio adscribit, non gratia, Pelagianus censendus est. In quibus verbis licet Pelagius tantum nominetur, etiam Semipelagiani, & Lutherani comprehenduntur, & damnantur, dum & fides ipsa dicitur esse gratiæ donum, & præter fidem opera necessaria esse docentur, quæ & a libero arbitrio, & a gratia, primo tamen, & principalius a gratia procedant. Quomodo autem hæc duo, gratia nimirum, & voluntas libera, in operibus salutis efficiendis convenient, declarat copiose, & mirabiliter idem Concilium inferius in decretis fidei capite decimo quinto, qui locus est unus ex præcipuis, & maxime notandis in hac materia, illum tamen inferius disputando de auxiliis gratiæ ex professo tractabimus.

Temeritas nota detractoribus illius Conc. ascribitur.

6 Quia vero aliqui minus deferre solent hujus Concilii authoritati, eo, quod provinciale sit, & ab Ecclesia Romana non fuerit confirmatum; addendum hic est, licet non sit hæreticum sentire, aut dicere, Concilium illud in aliquo dogmate errasse, aut falsum esse aliquid ab ipso definitum, seu tanquam catholicum dogma declaratum; nihilominus non posse talem assertionem illi Concilio injuriosam a temeritatis nota excusari. Primo quidem, quia si Concilium provinciale legitime in suo ordine, & gradu congregatum sit ex catholicis Episcopis, debitamque subjectionem ad Ecclesiam Romanam profiteatur, & recta intentione, ac debito modo procedat ad fidei declarationem, aut defensionem juxta principia ab Ecclesia catholica recepta, talis Concilii autoritas magnam per se affert probabilitatem, quæ cujuslibet privati doctoris authoritati præferenda sit. Nam cum Christus promiserit, ubicunque fuerint duo, vel tres congregati in nomine ejus, ad futurum ipsum in medio eorum, credendum profecto est, licet Spiritus Sanctus non assistat Concilio Provinciali, ut infallibiliter veritatem definiant, specialius juvare plures Prælatos, & Doctores congregatos recta intentione, & in nomine ejus, ipsoque Spiritu Sancto specialiter invocato procedentes, quam quemlibet privatum doctorem, vel etiam plures casu in eandem sententiam convenientes. Deinde augeri potest Provincialis Concilii autoritas ex numero, qualitate & doctrina Patrum in illo convenientium, & ex majori concursu doctorum hominum omni diligentia veritatem inquirentium. Nam licet in Spiritus Sancti auxilio præcipue fidendum sit, nihilominus ipsemet Spiritus Sanctus etiam ex parte nostra cooperationem, & diligentiam requirit. Propter quod Actor. 15. ab ipsis Apostolis magnam conquisitionem factam esse legimus. Denique multo magis Concilii provincialis autoritas augetur, quando ejus doctrina nunquam in suspicionem erroris in Ecclesia venit, sed potius usu ipso, & tacito quodam universalis consensu probata est. Tunc enim temerarium profecto esset proprio, ac privato judicio tali Concilio contradicere, ut pie, ac docte noravit Cardinalis Ballam. lib. 2. de Conciliis cap. 10. in fine, nec dissentiit Cano lib. 5. de Locis, cap. 4. conclus. 6. Et ratio est, quia jam autoritas talis Concilii universalis Ecclesiæ autoritate multum roborata est. Et hoc modo Concilia provincialia in magna veneratione habita semper sunt, ut constat ex literis synodicis Theodori Patriarchæ Hierosolymitani, quæ referuntur in 7. synodo action. 3. in fine, & a tota synodo probantur.

Magna auctoritas Senonensis Concilii videtur.

7. In his autem omnibus prædicta Senonensis Synodus valde commendatur. Nam imprimis non ex una tantum provincia, seu metropoli, sed ex pluribus nationis Gallicæ, & Germanicæ congregata videtur,

Nam in ea præfedit Cardinalis Antonius a Prato Senonensis Archiepiscopus, qui Galliæ, & Germaniæ Primas dicitur. Unde verisimile est, pro causa tam gravi plures Episcopos ex illis nationibus congregasse, quamvis neque nomina, neque numerus eorum in Actis illius Concilii referantur. Deinde Concilium illud, vel totum, vel pro majori parte Parisiis celebratum est, ut constat ex primo generali decreto ejus in fine, & ex ultimo capite, & conclusionem totius Concilii. Unde clara conjectura sumitur, præter Episcopos adfuisse ibi omnes graves Theologos Parisiensis Academiæ, seu Collegii Sarbonici, & ad singula decreta fidei conficienda consilio, & doctrina cooperatos fuisse, sicut credendum est ad morales constitutiones edendas jurisperitos Doctores adjuvissse. Hac enim ratione in prædicto decreto generali, ait dictus Antonius Cardinalis: *Duximus habito suffraganeorum nostrorum consensu ac multorum divini, & humani juris interpretum consilio his tantis periculis salubriter, & celeriter providendum.* Ex hac ergo parte Concilium illud magna pollet humana autoritate, aliunde vero ex illius Actis, verbis, ac progressu constat, legitima autoritate, & ex gravissima, & honestissima causa fuisse congregatum, & magna prudentia, & pietate, & debita subjectione ad Romanam Ecclesiam, & antiqua Concilia, ac decreta processisse; ergo credendum omnino est, non defuisse illi singulare Spiritus Sancti auxilium, ut præsertim in doctrina fidei a veritate non aberraret. Denique cum illud Concilium fere ante nonaginta annos fuerit celebratum, & per universam Ecclesiam divulgatum, in magna autoritate, & sine ulla suspitione erroris apud catholicos semper fuit; & quod caput est, Concilium Tridentinum, quod post viginti annos celebratum est in sess. 6. (quam dicto tempore absolvit) virtute approbat totam doctrinam de Gratia, quam Concilium Senonense tradiderat, quia eandem fere, magis explicatam, ac locupletatam docet, ac definit. Igitur temerarium profecto esset, in hac parte aliquid in illo Concilio reprehendere, vel ab ejus sententiis discrepare.

8. Quarto his accedit Synodus Moguntina ultima, Anno 1549. sub Sebastiano Archiepiscopo celebrata. Nam in priori parte, quæ est de doctrina fidei per decem prima capita catholicam de gratia doctrinam optime complectitur, priusque contra Pelagium, deinde contra Lutherum, nulla eorum facta mentione, definit; & ad illius authoritatem fere applicari possunt, quæ proxime de Senonensi diximus. Est autem advertendum, Concilium Senonense congregatum fuisse ante Concilium Tridentinum, Anno scilicet 1528. Moguntinum vero post sess. 6. Concilii Tridentini celebratum est, Anno videlicet 1549. quo tempore Concilium Tridentinum intermissum fuerat, cum sessio sexta Anno 1547. fuisset celebrata, licet nondum confirmata esset. Hinc ergo hujus Concilii autoritas in hac parte maxime probata est, quod Concilium Tridentinum imitatum est, ejusque doctrinam in summam redegit. Quo circa sicut Concilium Senonense virtute est a Tridentino approbatum, quia eandem doctrinam tradidit, & illustravit, ita Moguntinum dici potest in hac parte antecederent a Tridentino probatum, quoniam ab illo doctrinam suam hausit, ideoque illius etiam autoritate, tanquam certa utemur.

Moguntinum ultimum Concilium.

9. Est autem animadvertendum, in aliquibus libris huic Concilio adjungi opus inscriptum *Institutio ad pietatem Christianam*. Veruntamen opus illud non fuit a Concilio editum, nec probatum, sed (ut in eadem inscriptione dicitur) solum fuit institutum illa in Concilio provinciali promissa. A quo autem postea fuerit edita, ignoramus. Unde certum est, solum habere privati scriptoris autoritatem. Idemque observandum est circa quoddam Enchiridion fidei editum in Episcopatu Colonienfi, quod ab aliquibus modernis Theologis sub nomine Concilii Colonienfis allegari solet, cumque in illo multa de gratia, & justificatione hominis tradantur, ea Concilio Colonienfi attribuunt. Re tamen vera illa non est doctrina aliqujus Concilii Colonienfis: sed privati scriptoris auctori-

De institutione a Concilio promissa, sed non edita, & de ejus auctoritate.

De En-
chirid.De Anti-
didag.

thoritatem habet, eamque non magnam; quia in expurgatorio Romano, & Hispano sub nomine Enchiridii Christianæ institutionis dicitur falso esse impostum Concilio Colonienſi, & in multis ad gratiam, & justificationem pertinentibus expurgatur. Similiter modo etiam opus aliud, quod *Antididagma* inferibitur, & a Canonicis Colonienſibus scriptum esse dicitur, privatam omnino auctoritatem habet, & utrumque opus in nonnullis rebus a multis reprehenditur, ut postea videbimus. Ideoque neque institutio Moguntina, neque Enchiridion Colonienſe illis Conciliis in tomis Conciliorum adjuncta sunt, neque in duobus modernis Conciliis Colonienſibus, quæ in quinto tomo Conciliorum habentur, aliqua doctrina de gratia traditur.

Omnia
simplex
Trid.
Synodus.

10. Post dicta ergo Provincialia Concilia (Moguntino excepto) celebratum est Concilium Oecumenicum Tridentinum, quod in sess. 5. 6. & 14. copiosius, & distinctius, quam præcedentia Concilia doctrinam de gratia, & libero arbitrio tradidit, ac definivit. Cum enim Concilium hoc errores omnium hæreticorum antiquos, & novos perſpectos habuerit, tam copiose, erudite, & distincte catholicam doctrinam tradidit, ut & errores omnes damnet, ac penitus extirpet, & quicquid præcedentia Concilia, & antiqui Patres, ac Pontifices de gratia, & libero arbitrio de quo hominis justificatione tradiderunt, gravissime, ac sapientissime confirmet. Est autem animadvertendum, Concilium hoc in sua doctrina tradenda optimo ordine processisse, nam prius in sessione quinta, doctrinam de peccato originali, & humanæ naturæ corruptione, seu in deterius mutatione per Adæ peccatum, primum contra Pelagianos, & consequenter etiam contra Lutheranos proponit. Deinde vero in sess. 6. de reparatione hominis lapsi, & consequenter de naturæ impotentia, & gratiæ necessitate ad bene, ac sancte operandum, & ad veram justiciam coram Deo obtinendam, catholicam doctrinam tradit. Ac tandem in sess. 14. quomodo possit justitia semel habita, & per actualia peccata postea perditâ, iterum recuperari, docet: idcirco in his omnibus locis veram de gratia, & sanctificatione hominis doctrinam inculcat, sed præcipue, magisque ex instituto illam in sess. 6. pradi. Quia vero contra Pelagium, ejusque reliquias multa decreta canonica jam antea edita fuerant, & novi hæretici innumeros errores circa Dei gratiam, & hominis libertatem, ac veram justificationem, remissionem peccatorum, operumque necessitatem, ac meritum multiplicaverant; ideo contra antiquos hæreticos tribus tantum canonibus, & totidem fere capitulis doctrinam prius præstringit: postea vero per plura capita, & alios triginta canones tam copiose, distincte, & efficaciter novos hæreticos insequitur, ut omnes eorum hæreses damnet, & evertat. Quæ omnia ex discursu totius materiæ evidenter fient: nam hujus Concilii decretis nostram doctrinam præcipue confirmabimus, & in illis elucidandis, & juxta veram Concilii mentem exponendis totis viribus incumbemus. Conduceret autem non parum ad ipsius Concilii intelligentiam, integra ejusdem synodi acta inspecta habere, illa tamen hætenus typis mandata non sunt, neque manu scripta ad manus nostras pervenerunt.

CAPUT VI.

De Patribus, qui veram de gratia doctrinam nobis tradiderunt, & contrarias hæreses confutavit.

Patres an-
te Pelagi-
um pauca
de gratia
tradiderunt.

1. Quoniam vera doctrina de gratia inter hæreses contrarias versatur, quarum altera libetum arbitrium, alia gratiam, ejusve necessitatem negat, ideo advertere oportet, hæresim negantem libertatem arbitrii antiquiorem multo esse errore Pelagi negantem gratiæ necessitatem. Unde factum est, ut Patres, qui Pelagium præceſſerunt, sæpe de libertate arbitrii ex professo disputent, & contrarias hæreses impugnent; de gratia vero Dei pauca tradant, & non ex instituto, sed obiter, & quasi aliud agentes. Et ideo

Pelagiani, multoque magis Semipelagiani Augustino objicere solebant, quod novam doctrinam, & non solum antiquis Patribus vel contrariam, vel saltem in-
visam, verum etiam ab ipso antea non traditam, ad impugnandum Pelagium induceret. Ita refert Hilarius Epist. ad Augustinum dicens: *Ad summam, faugatis omnibus nobis, ad id prosecutio eorum, vel potius quærela convertitur, consentientibus etiam his, qui hanc definitionem improbare non audent, ut dicant, quid opus fuit hujusmodi disputationis incerto tot minus intelligentium corda turbare? Neque enim minus utiliter sine hac definitione, ajunt, tot annis a tot tractatoribus, tot præcedentibus libris, & tuis, & aliorum, tum contra alios, tum maxime contra Pelagianos (qui enim hæc dicebant, Semipelagiani erant) catholicam fidem fuisse defensam.*

2. Eadem fuit Prosperi intentio in Epistola sua, cum dixit. *Illud etiam qualiter diluatur, quæsumus patienter, insipientiam nostram ferendo, demonstrare, quod retractatis priorum de hac re opinionibus, pene omnium par invenitur, & una sententia, qua propositum, & prædestinationem Dei secundum præscientiam receperunt: & ob hoc Deus alios vasa honoris, alios contumelia fecerit, quia finem uniuscujusque præviderit, & sub ipso gratia adjutorio, in qua futurus esset voluntate, & actione præscierit.* Nam licet hæc verba de prædestinatione potius, quam de gratia scripta sint, nihilominus quæstiones de gratia, & prædestinatione inter se connexæ habitæ sunt, ut quæ de gratia tota, seu de initio ejus dicuntur, de prædestinatione dicta esse credantur, & e converso: nam Augustinus unum ex aliis colligere visus est, & ab uno ad aliud sæpe transitum facere visus est argumentando, ac subinde ex eisdem Scripturæ testimoniis ambas de gratia, & prædestinatione quæstiones definire; & ideo Semipelagiani a tota illa doctrina abhorrebant, & tanquam novam vitandam censebant. Quod his verbis testatur Prosper Epistol. ad Rufin. *Ab hac autem confessione gratiæ Dei ideo quidam resiliunt, ne eam eam talem confessi fuerint, qualis divino eloquio prædicatur, & qualis opere suæ potestatis agnoscitur, etiam hoc necesse habeant confiteri, quod ex omni numero hominum per sæcula cuncta natorum certus apud Deum, definitusque sit numerus prædestinati in vitam æternam populi, & secundum propositum Dei vocantis electi. Quod quidem tam impium est negare, quam ipsi gratia contraire.* Cum ergo idem de gratia, quod de prædestinatione sentiunt Semipelagiani, in utraque Augustini sententiam, tanquam novam, respuebant. Unde Prosper in priori Epistola, ita de eisdem Semipelagianis ad Augustinum loquitur. *Scripta Beatitudinis tue validissimis, & innumeris testimoniis divinarum Scripturarum proferimus, ac secundum formam disputationum tuarum aliquid etiam ipsi, quo concludantur, adstruimus: obstinationem suam vetustate defendunt. Et ea, quæ de Epistola Beati Apostoli Pauli Romanis scribentis ad manifestationem divinæ gratiæ prævenientis electorum merita proferuntur, a nullo unquam Ecclesiasticorum ita esse intellecta, ut nunc sentiuntur, affirmant.*

3. Ut ergo Augustini doctrinam ab hac calumnia vindicemus, ostendamusque quanti sit ponderis in hac materia ejus auctoritas, tria tempora distinguere oportet, scilicet, ante Pelagium, exorto, & durante Pelagio, ejusque reliquiis, & post Pelagium, ejusque hæresim profus extinctam: & de singulis temporibus his breviter explicandum est, quid Patres illorum temporum de gratia senserint, quidve de illa scriptum reliquerint. De Patribus primi temporis, quod attinet ad controversiam de causa, vel merito divinæ electionis, aut prædestinationis ex parte hominis prædestinati in lib. 3. de Auxiliis cap. 18. ostendi, licet quæstio illa ante Augustinum non fuerit ex professo a Patribus tractata, quia temporum occasio illam non postulavit, nihilominus nihil Patres antiquos docuisse sententiæ Augustini contrarium. Quia ubi requirere videntur præscientiam meritorum ad prædestinationem, loquuntur de prædestinatione ex parte ultimi effectus ejus, qui est collatio gloriæ. Ubi autem de primo effectû, qui est Dei vocatio, vel de toto negotio salutis loquuntur, illud referunt in gratuita.

Tria tem-
pora per-
spicua-
tis causa
distin-
guuntur.

ruitam Dei voluntatem, ut ibi adnotavi. Hoc autem multo certius est de controversiis ad gratiam Dei spectantibus.

Patres
antiqui.
resclag.
nec Aug.
contrari
sed vera
gratiam
tunc mihi
ta je e
gunt

4. Unde duo dicenda sunt de Patribus Pelagio antiquioribus. Unum est, licet ex professo de gratia Dei non disputaverint, quia nondum in Ecclesia controversia illa exorta erat, nihilominus nihil doctrinae Augustini de gratia Dei contrarium docuisse, neque ullo modo Pelagii, aut sectatorum ejus, seu Semipelagianorum opinionibus fuisse. Aliud est, in his, quæ illi antiqui Patres, vel exponentes Scripturam, vel populum docentes, vel per aliam occasionem de gratia breviter docuerunt, virtute contineri veram doctrinam de gratia, quam postea Ecclesia contra hereticos declaravit. Utrumque horum ostendit late in lib. 2. de Predest. cap. 8. tum variis conjecturis, tum nonnullis Patrum testimoniis, tum ex dictis Pontificum, tum ex ejusdem Augustini responsionibus. Quibus nunc addo Paulum Orosium lib. Apolog. contra Pelag. in princip. dicentem: *Patres, & qui jam quieverunt martyres, & concordantes, Cyprianus, Hilarius, & quibus etiam nunc permanere adhuc in carne necessarium est, qui sunt columna, & firmamenta Ecclesiae catholicae, Aurelius, Augustinus, & Hieronymus multa jam adversus hanc nefariam haeresim absque designatione nominum hereticorum scriptis probatissimis ediderunt.* Sed de Hieronymo, & Augustino statim dicemus, de aliis vero antiquioribus intelligendum est, ut diximus, scripsisse contra Pelagium, non per se, & ex professo contra illum disputando, sed veritatem illi errori contrariam docendo, quod de illis tribus Patribus, quos Orosius commemorat, in d. capit. 8. breviter ostendimus. Nunc vero præter ea, quæ ex Cypriano breviter contra Semipelagianos refert Augustinus. libro de Predestinatione Sanctorum cap. 14. ex libro de Mortalitate. & de Bono perseverant. cap. 2. & 19. ex lib. de Orat. Dominic. & ex lib. 3. ad Quirinum. cap. 4. præter hæc, inquam, addenda nobis est epistola ejusdem Cypriani, quæ de gratia Dei inscribitur, ubi inter alia cum de conversione sua, & de efficacia baptismi erga se multa dixisset, notandam sententiam præfert, dicens: *In proprias laudes odiosa jactatio est, quamvis non jactatum possit esse sed gratum quidquid non virtuti hominis adscribitur, sed de Dei munere prædicatur, ut jam non peccare, esse cæperit fidei, quod autem peccatum est, fuerit erroris humani. Dei est, inquam, omne, quod possumus.*

Cypriani
Ambrosii
fisque de
gratia
verba.

Præterea id comprobare possumus alia insigni Ambrosii sententia in epistola 37. libro 5. ubi de epistola Pauli ad Ephesios ait: *Nulla epistola tantum benedictionis increpuit in plebem Dei, quantum ista, in qua non solum benedictos nos a Deo sed in omni benedictione benedictos & spiritali, & in celestibus significavit divine locuples gratia testis, & prædestinatos nos in adoptionem filiorum, in filio quoque Dei nos cumulat gratia.* Et infra: *Sorte nos in ipso constitutos, ut quæ sunt legis impleverentur in nobis, & quæ gratia.* Specialius vero tam præparationem, seu præventionem, quam cooperationem divine gratiæ verbis (ut sic dicam) Augustinianis declarat. i. in Lucam circa illa verba: *Visum est & mihi,* sic dicens: *Non ipsi soli visum est, non enim voluntate tantum humana visum est, sed sicut placuit ei (inquit) qui in me loquitur Christus, qui ut id quod bonum est, nobis quoque bonum videri possit, operatur. Quæ enim miseratur, & vocat. Et ideo qui Christum sequitur, potest interrogatus, cur esse voluerit Christianus, respondere, visum est mihi. Quod cum dicit, non negat Deo visum, a Deo enim præparatur voluntas hominum. Ut enim DEUS honoretur a Sancto, gratia DEI est.* Et tr. in Symbol. Apostol. cap. 4. inde divinitatem Spiritus Sancti ostendit, quod ubi vult, in quos vult, & quantos vult, & quantum vult inspirat sua propria voluntate. Repletque gratia sua quos vult, & quantos vult, & quantum vult sua propria voluntate. Quæ verba sunt profecto valde notanda pro gravioribus questionibus de efficacia divine gratiæ, & de divina electione, ac prædestinatione.

Nazianzen.
fundit
fina de
gratia lo
ca.

6. Neque multum dissimilia sunt verba Nazianzeni orat. 44. in sanctam Pentecostem, ubi hanc habet invocationem: *Ad spiritus mysteria explicanda spiritus ipse.* Suarez. Tom. VI.

se mihi adsit, tantamque dicendi facultatem tribuat, quantam cupio, aut si non tantam, at certe quæ huic festi celebritati par sit. Ac profecto aderit heriliter, non serviliter, nec jussum, aut imperium expectans. Spirat enim ubi vult, & super quos vult, quando, & quantum. Sic nos spiritus afflati, & cogitamus, & loquimur. Unde idem Nazianzen. orat. 19. §. *Sed inter omnia, enumeraturus varias Sanctorum virtutes, nimirum patientiam Job, Moysis mansuetudinem, & similes, hæc verba interponit: Pro ea, scilicet gratia, quam quisque a Deo consequutus est: Quibus verbis & gratiæ necessitatem, & efficaciam & voluntariam Dei distributionem docuit, ut ibi Elias notavit. Alium præterea locum ex dicta orat. 44. ponderavit Augustinus. lib. de Bonorum perfect. c. 19. quem his verbis refert: Unius Deitatis quæso vos confitemini Trinitatem. Si vero aliter vultis, dicite, unius esse naturæ, & Deus vocem dari vobis a sancto spiritu deprecabitur: id est, rogabitur Deus, ut permittat vobis dari vocem, quæ quod creditis, confiteri possitis. Dabit enim, certus sum. Qui dedit quod primum est, dabit & quod secundum, qui dedit credere, dabit & confiteri.* Unde colligit Augustinus sententiam Nazianzeni esse, non tantum fidei confessionem, sed etiam fidem ipsam, quæ est justitiæ fundamentum, esse donum Dei. Veruntamen locus ille aliter legitur in nova Billii translatione, scilicet, *Trinitatem o viri, unius Deitatis esse fateamini, aut si magis placeat, unius naturæ: atque hanc vocem, Deus, a spiritu vobis postulabimus, dabit enim profecto secundum, qui dedit primum.* Juxta quam lectionem per primum non intelligit fidem, nec per secundum confessionem fidei, sed per primum, & secundum intelligit unum & alterum modum confitendi Trinitatis fidem. Illi enim, ad quos loquebatur, ab Arianis jam dissentiebant, & Trinitatem unius naturæ, seu Deitatis esse fatebantur, adhuc tamen Trinitatem unum Deum esse, dicere verebantur. Ait ergo Gregorius, sperare se, ut qui primum dedit, si in eo perseverent, det etiam secundum: quem sensum etiam ibi Nicetas notavit. Nihilominus tamen etiam hoc modo Nazianzenus ibi fatetur, fidem esse unius Deitatis, atque unum Deum, donum Dei esse, non intelligit solum de confessione vocis, sed maxime de confessione mentis, hanc enim persuadere conabatur; ergo illam præcipue intelligit donari a Deo, & deinde modum etiam concipiendi, & explicandi tale mysterium.

Insignis
locus om
nes a
veritas
gratiæ
confun
deas.

7. Est etiam insignis locus apud eundem Nazianzenum oratio. 31. paulo post medium, ubi tractans illa verba Matt. 19. *Non omnes capiunt verbum hoc, sed quibus datum est,* dicit: *Cum audis, quibus datum est, adde, volentibus datum est, atque iis, qui ea animi propensione sunt. Etenim cum illud audis, non est volentis, neque currentis sed miserentis Dei, idem tibi existimandum censo. Quoniam enim nonnulli sunt, qui ob recte facta ita animis efferuntur, ut id totum sibi ipsis adscribant, nec quidquam Creatori, & sapientiæ eorum auctori, ac bonorum omnium suppeditatori acceptum ferant, his verbis docet Paulus, quod ipsum recte velle, divino auxilio indigeat; imo ut rectius loquar, voluntas quoque ipsa, & electio eorum, quæ recta, & cum officio conjuncta sunt, divinum quoddam beneficium est, atque a Dei benignitate manans.* In qua sententia optime convenit Nazianzenus cum Augustino, & non solum Pelagium, sed etiam Semipelagianos confundit. Addit tamen statim Gregorius expositionem illius testimonii Pauli: *Non est volentis, id est, non est solius volentis, sed etiam Dei miserentis.* Quæ expositio Augustino non probatur in questione secunda ad Simplicianum. Tamen quidquid sit de expositione verborum Pauli, (quod postea videbimus) in dogmate nulla est diversitas, nam quod Nazianzenus ait, Velle nostrum non ita esse solius Dei, quin etiam sit ipsius hominis, certissimum est, & faterur idem Augustinus supra, & in Enchiridione cap. 32. & lib. 1. de doctrina Christiana cap. 23. Quod vero Augustinus magis explicavit, velle nostrum tribui etiam Deo soli, quia non solum adjuvat, sed etiam præparat voluntatem, hoc non negavit Nazianzenus, sed indicavit potius, cum non contentus dixisset, quod velle nostrum Dei auxilio indigeat, addidit: *imo ut rectius loquar, voluntas ipsa, & recta electio a Dei benignitate manat,* significans, non so-

lum cooperationem, sed etiam initium bonæ voluntatis a Deo esse. Unde postea adiungit: *Ita quoniam velle quoque ipsum a Deo est, optimo jure totum Deo assignavit.*

Optatus
explica-
tus etiam
favet.

8. Præterea Optatus Milevitanus August. etiam antiquior (ut ex eodem August. constat libr. 2. de Doctrina Christiana c. 40. ubi eum tanquam jam mortuum allegat) Optatus (inquam) libr. 2. contra Parmenianum, versus finem, eundem locum Pauli tractans partim gratiæ suffragari videtur, partim refragari. Dum enim Parmenianum reprehendit, quod Donatianos defenderet, qui sibi sanctitatem, & innocentiam tribuebant, inquit: *Johannes Apostolus profiteri non audet, innocentiam, qui ait. Si dixerimus, quia peccatum non habemus, nos ipsos decipimus, & veritas in nobis non est.* Et adjungit, *Hoc qui dixit, sapienter se ad Dei gratiam reservavit. Est enim Christiani hominis quod bonum est, velle, & in Deo, quod bene voluerit currere, sed homini non est datum perficere, ut post spacia, quæ debet homo implere, resset aliquid Deo, ubi deficienti succurrat, quia ipse solus est perfectus, & perfectus solus Dei filius Christus, ceteri omnes semper perfecti sumus, quia nostrum est velle, nostrum est currere, Dei perficere: Unde Beatus Apostolus Paulus ait, non est volentis, neque currentis, sed Dei miserentis; ubi aliam expositionem horum verborum Pauli indicat, nimirum velle & currere posse ab homine in hac vita fieri, pervenire autem ad terminum, & ad perfectionem carentem omni macula, non esse opus hominis, sed solius Dei, nec vitæ præsentis, sed futuræ. Prætermissa vero nunc expositione, quod ad doctrinam attinet, cum dicit, velle, & currere esse hominis Christiani, non intelligit esse solius hominis, sed cum adiutorio gratiæ, quod Christianis hominibus etiam viatoribus datur, & ideo etiam dixit, hoc velle, & currere, esse in Deo, & peccati carentiam gratiæ Dei reservari.*

D. Ephræ
nondum
ortum Pe-
lag. con-
futavit.

9. Præterea Sanctus Ephrem, qui multo ante Pelagium scripsit, multa in suis operibus de divina gratia tradit, quæ cum definitionibus ab Ecclesia postea factis mire consentiunt. Nam in primo tomo opusc. 33. de Timore animi, omnia tribuit divinæ gratiæ, & amicorum preces postulat: *Ut divina (inquit) gratia in anima mea resplendeat, mentemque tenebris circumfusam illuminet, promptusque ac dignus efficiar, precibus vestris mediantibus, qui penitentiam agam, & veniam merear.* Et infra: *Exhilarant unde divinæ gratiæ, jubarque S. Spiritus nostra pectora, faciuntque, ut anima repente omnium rerum terrenarum, cupiditatumque carnalium, ac noxiarum obliviscatur, fovent igitur unde divinæ gratiæ intellectum simul, & animam; ac deinde comparat animam gratiæ affectum hortu suavisissimos fructus ferenti: Ita enim (ait) & divinæ gratiæ fructus, ac medicamenta nobis splendorem, dulcedinem, letitiamque præbent, quod late prosequitur. Et inferius opusc. 37. integrum habet tractatum, sequi concionem de divina gratia, in qua variis modis ejus necessitatem tam ad vincendas tentationes, quam ad bene operandum declarat, & inter alia dicit: *Iustar matris ubera præbebit tibi, & velut infantem ab infidiatoribus custodiet te, tanquam parvulum incantum gubernabit te, & in virum perfectum te formabit.* Quibus verbis initium, & consummationem, ac proinde totum virtutis progressum gratiæ tribuit. Rursusque serm. 1. de Comp. inter alia dicit: *Quanta nobis quotidie pro sua bonitate largiatur Deus, sedulo consideremus universi, semper ejus gratia corda nostra visitat, & si locum sibi paratum invenerit ingrediatur. Et infra: Cum ad nos visitandos gratia ingredi cupiat, cum introeundi, & quiescendi in nobis, sicut volebat, non invenit locum, ideo recedit. Verumtamen cor nostrum dulcedine luminis sui pulsatur, ut respiciat, & intromittatur ipsa, ut sic lucis dulcedine allectus homo ipsam inquirat, nequit enim penitus nos gratia deserere, a propria enim ipsius benignitate eo adigitur, ut omnium nostrorum miseretur.* Similia multa habet in tom. 2. in opusc. de Agone, seu luctamine spirituali circa finem, ubi inter alia inquit: *Facta est gratia tua servo tuo, refugium, & virtus, gloriatio, & protectio, & esca spiritualis suavitatis, & lumine plena.* Et in tom. 3. in sermone Alceico de Vita religiosa, versus finem inter alia inquit: *Absque gratia adminiculo non prævalet cor Deo placere viribus suis, verum ut ipsi placeat, ab eo accipit, & ex ejus**

vino potum eidem offert, &c. Et plura habet similia in serm. de Muliere peccatrice.

Seq. in
Macarius

10. Macarius item Ægyptius, qui fere æqualis fuisse creditur Ephrem, integram fere scripsit homil. de gratia Dei, quæ est 17. ex quinquaginta, quæ in tomo secundo Bibliothecæ nomine ipsius habentur, & e greco in latinum translata dicuntur ex Bibliotheca Regia Gallicana, ibi ergo inter alia in principio dicit, *Ob id, quod homo transgressus est mandatum, diabolus operuit universam animam caliginoso velamine, verum postea accessit gratia, & exiit plane velamine illo, &c.* Et infra: *Quemadmodum sine aqua piscis vivere non potest, nec ambulare quis sine pedibus, aut absque oculis videre lumen, vel loqui, cum lingua careat, aut audire sine auribus, sic sine Domino Jesu, & efficacia divine virtutis, non potest quisquam cognoscere mysteria, aut sapientiam Dei, aut esse dives, & Christianus. Nam qui dicuntur, & reguntur secundum interiorem hominem a potentia divina, ii sunt sapientes, milites fortes, & Philosophi Dei.* Multaque similia ex antiquis Patribus refert Coctius libr. 1. Thesaur. art. 4. In quibus oportet, ut prudens lector advertat, interea, quæ de gratia Patres dicunt, etiam de libero arbitrio miscere sermonem, & interdum aliquas proferre sententias, quæ nisi in debito sensu accipiantur, cum locutionibus Semipelagianorum affinitatem habere videri possunt. Veruntamen Patres eo tempore simpliciter, & fidenter loquebantur, quia nondum Semipelagiani exorti erant, neque pravus illorum sensus in suspicionem venerat. Retamen vera nunquam illi Patres tribuunt soli libero arbitrio meritum gratiæ, neque bonum, ac pium illius usum a gratia separant, sed solum docent, cum gratia esse necessarium, ut ex aliis eorum verbis, & sententiis manifeste constat, & in d. c. 8. libr. 2. de Prædest. latius explicavimus.

11. Sequitur dicendum de secundo tempore, in quo Pelagius errorem suum contra divinam gratiam seminare cepit, contra quem eodem tempore duo Ecclesiæ lumina, quæ tunc erant columnæ, & firmamenta Ecclesiæ, Hieron. & August. ut Orosius dicit, pro divina gratia pugnarunt, & accuratissime scripserunt. Quorum virorum tanta fuit semper autoritas in hac præsertim materia, ut ad obturanda hæreticorum ora sufficiat. Unde Gelasius in epist. 5. ad Episcopos per Picenum contra novum quandam hæresin Pelagianæ prædicatorem, sic inquit. *Adhuc majus scelus accrescit, ut sub conspectu, & præsentia sacerdotum beatæ memoriæ Hieronymum, atque August. Ecclesiasticorum luminum Magistrorum, musca moritura, sicut scriptum est, exterminans cleum suavitatis, lacerare contenderet.* Unde idem Gelasius Papa in cap. Sancta Romana, non solum Hieronymi opuscula ab Ecclesia Romana recipi, sed etiam in materia de gratia, & libero arbitrio ea se dicit sentire, quæ Hieronymus sentit, & liberos Rufini, qui a sententia Hieronymi in hoc discrepant, hoc maxime titulo suspectos habet, & apocryphos reputat. Ante Gelasium etiam Paulus Orosius cum ipso in Pelagio in sacerdotum conventu disputans, horum duorum virorum autoritate maxime illum confundit, dicens: *Hoc Augustinus Episc. scriptis suis, sicut audistis, exhorruit: hoc in ipsius nunc Pelagii scriptis sua responsione condemnat. Hoc & B. Hieron. cuius eloquium univ. Occidens, sicut ros in vellus expectat, in epistola sua, quam ad Cresiphontem scripsit, condemnavit. Similiter, & in libro, quem nunc scribit, collata in modum Dialogi altercatione confutat.*

De secun-
do tem-
pore &
auctori-
tate Hieron.
August.

Orosius
in apol.
contra
Pelag. de
arbitrio
liberatore.

12. Ex quibus verbis intelligimus, primum opus a Hieronymo scriptum contra Pelagianos fuisse epist. ad Cresiphontem, postea vero dialogos contra eosdem elaborasse eo tempore, quo Orosius apud ipsum Bethleem hospes erat, & ad pedes ejus sedens (ut ipse ait) timorem Domini discebat. Et quamvis Orosius unum tantum videatur dialogum contra Pelagianos commemorare, tamen sub illo totum dialogorum opus comprehendit. Quorum mentionem facit idem Hier. in Proem. l. 4. in Jer. ubi de Pelagio ait: *Non solum in Occidentis, sed & in Orientis partibus sibilare, & in quibusdam insulis præcipueque Sicilia, & Rodi maculare plerosque, & crescere per dies singulos, dum secreto docent, & publice negant. Cui respondere, diu tacet, & dolor & silentio devorans, crebra fra-*

Quæ cen-
tra Pelag.
Hieron.
docuit.

rum de postulatione compulsus sum: nec tamen hucusq; prorupi, ut auctorum nomina ponerem, malens eos corrigi, quam infamari. Nec enim hominum, sed erroris inimicus sum: qui mihi ut vicem talionis, & genuinum sui doloris illiderent, veteres magistrorum suorum calumnias concinnantes, in tantum elingues, & miseri demonstrati sunt, ut maledicere quidem suis verbis potuerint. Quorum tunc temporis editis adversus eos libris, nenia confutata sunt: quos qui legere voluerint, liquido pervidebunt cane eos, juxta Esaiam, esse mutos, qui latrare nesciant, habentes quidem voluntatem, & rabiem mentiendi, sed artem fingendi, & latrandi non habentes. Quibus loquar compendio. Aut bona sunt, quae docetis aut mala. Si bona, defendite libere: si mala, quid occulte miseros jugulatis errore? Ac tandem in fine sub conditione novum opus promittit, dicens: Verum haec in proprio, nisi ogo tacerint, opere plenius exequemur. Denique Prosper lib. de Ingratis c. 2. inter Patres, qui post Apostolicam Sedem, & Palæstinam synodum, Pelagianam doctrinam confutaverunt, ponit Hieronymum, de quo ita honorificentiissime scribit.

*Tunc etiam Bethlei praclari nominis hospes,
Hebraos simul, & Graio, Latioque venustus
Eloquio, morum exemplum, mundique magister
Hieronymus libris valde excellentibus hostem
Dissecuit: noscique dedit quo turbine veram
Vellent exortae lucem obscurare tenebra.*

12. Prius vero, quam de August. dicam, adverto, Prosperum eo loco statim post Hieron. ponere Atticum Constantinopolitanum inter praecipuos gratiae Dei defensores contra Pelagium, cujus meminit etiam Caelestinus P. in epist. ad Nestori. apud Baron. anno 430. nu. 14. his verbis: Sanctae recordationis Atticus Catholicae fidei magister, & vera, beati Joannis in ista successor, eos (i.e. Pelagianos) ita persecutus est, pro re communi, ut his nec standi illic copia praestaretur. Et infra dicit, tunc Atticum ad Romanam sedem misisse, quae contra Pelagianos ab ipso acta fuerunt. Sed haec Acta non extant nec scripta aliqua hujus sancti viri contra Pelagium; imo verisimile est, illum non scriptis, sed sermonibus Pelagianam haeresein impugnasse, potestate autem sua, & virtute illius authores, vel defensores Constantinopoli eiecisse, hoc enim significat Prosper supra dicens.

*Quid loquar? & cura magna, quam gessit in urbe,
Constantinopoli docto bonus ore sacerdos
Atticus, antiqua legatos haereticorum
Confutando fide.*

Ubi pondero verba illa docto ore, indicant enim non scriptis, sed disputationibus, & concionibus veram de gratia doctrinam defendisse. Quod ideo obiter adverto, ut constet, in Oriente non solum Hieron. ibi hospitum tantum, ac peregrinum, sed etiam Doctores ipsos Graecos & orientales in eandem doctrinam tanquam fidem antiquam conspirasse; ut merito Caelestinus in citata epist. dixerit, Eodem tempore Orientem, & Occidentem telis unitatis Pelagium, & Caelestium, & suae doctrinae sequaces profligasse. Quibus consonant, quae Prosper in eodem carmine refert, & Ephesum, & Siciliam, sed praecipue Africam contra Pelagianos pugnasce, & inter omnes praecipue Aug. de quo haec subiungit,

*Augustinus erat? quem Christi gratia cornu
Uberiore rigans, nostro lumen dedit ovo,
Accensum vero de lumine: nam cibus illi,
Et vita, & requie Deus est: omnisque voluptas
Unus amor Christi est: unus Christi est honor illi;
Et dum nulla sibi tribuit bona, fit Deus illi
Omnia: & in sancto regnat sapientia templo.*

14. Unde idem Prosper in ep. ad Rufinum in principio, cum Sedem Apostolicam, & Concilia Pelagium damnasse retulisset, subiungit, Beatus quoque August. praecipua utique in hoc tempore portio Domini sacerdotum (has haereticorum versutias) copiose, & pulchre in multis voluminum disputationibus destruxit, utpote inter multa Dei dona, quibus illum abundantissime spiritus veritatis implevit, habens etiam hanc scientiam, & sapientiam ex Dei charitate virtutem, ut non solum istam adhuc in suis detruncationibus palpitantem, sed etiam multas prius haereseis in victo verbi gladio debellarer. Et in fine epistolae sic monet Rufinum. Tu autem dile-

ctissime, & venerandissime mihi frater, si vere de his questionibus instrui desideras, sicut desiderare te convenit, ipsis beati August. disputationibus cognoscendis impende curam, ut in confitenda Dei gratia defecatissimam, ac saluberrimam Evangelicam, Apostolicamque doctrinam intelligentiam consequaris. Denique statim in proemio ad objectiones Gallorum, Sanctae (inquit) memoriae August. contra Pelagianos inimicos gratiae Christi, & lib. arb. decomptores per multos annos Apostolice asseruit literisq; mandavit. Ubi unica illa voce, Apostolice, auctoritatem librorum Augustini in hac materia eximie commendavit.

15. Non tamen dicit, August. Apostolice scripsisse, quia vel Scriptor canonicus fuerit, vel quia infalibilem habuerit Spiritus Sancti assistentiam in scribendo, sicut Apostoli habuerant: hoc enim aliud a sensu Prosperi, & totius Ecclesiae est, sed dicit Apostolice scripsisse, vel quia suam de Gratia doctrinam ex Apostolo Paulo praecipue sumpsit, & validissimis ejus testimoniis illam confirmavit, vel certe quia tam vere, ac fideliter de gratia scripsit, ut Apostolica Sedes Augustini doctrinam in his, quae ad dogmata pertinent, suam effecerit, ac probaverit. Nam Caelestinus P. in epist. ad Episc. Galliae, ut supra vidimus, August. doctrinam valde commendat: Quem nullum unquam sine suspitionis saltum rumor aspersit. Et illi epist. adjunguntur capitula ex Augustini doctrina desumpta, quae tanquam veram, & certam, ac necessariam de gratia doctrinam continentia omnibus proponuntur. Et similes sunt canones Concilii Arausiaci a Leone P. (ut creditur) missi, & auctoritate Apostolica confirmati, nam omnes etiam illi ex Aug. doctrina sumpti sunt. Et de illis loqui videtur Hormisdas Papa in epist. 67. ad Possessorem, cum dicit, in Scriiniis Ecclesiasticis contineri expressa capitula, in quibus expresse continetur, quid Romana, hoc est, catholica Ecclesia de gratia, & lib. arb. sentiat; ubi etiam addit, eandem doctrinam ex variis libris Augustini, & maxime ad Prosperum, & Hilarium, id est, de Praedestin. Sanctorum, & dono perseverantiae, posse cognosci. Quae magna laus est doctrinae Augustini. Denique Joannes II. in epist. ad Illustres quosdam Senatores, non de gratia, sed de mysterio Incarnationis contra Nestorium, & Eutichem disputans, allegaturus Augustinum praemittit: Item S. August. cuius doctrinam secundum praecessorum meorum statuta Romana sequitur, & servat Ecclesia. Ubi universe de Augustini doctrina loquitur, intelligit autem de doctrina dogmatica, seu quae ad fidei mysteria explicanda, & confirmanda pertinet. Hinc vero colligere nobis licet, hoc maxime habere verum in doctrina, quam Augustinus de gratia tradidit: nam illius ductum, iudiciumque sequuta Romana Ecclesia, inimicos gratiae Christi prorsus evertit, ac de illis triumphavit.

16. At vero forte aliquis obiiciat, hinc sequi, totam August. sententiam de gratia, esse de fide, neminemque posse in re aliqua in hac materia, ab August. discedere, quin a doctrina certa, & catholica deviare censetur. Respondeo in primis, hoc non simpliciter sequi de tota doctrina, sed de illa, quam Ecclesia probavit, ac definivit; tum quia in de epistola Caelestini post capitula omnia doctrinam fidei continentia adjungitur: Profundiores vero difficilioreque partes incurrentium questionum, quas latius pertractarunt, qui haereticis resisterunt, sicut non audemus contemnere, ita non necesse habemus astruere. Et redditur optima ratio. Quia ad constituendum gratiam Dei, cuius operi, ac dignationi nihil penitus subtrahendum est, satis sufficere credimus, quidquid secundum praedictam regulam Apostolica nos scripta docuerunt. Et simili modo Leo Papa dum certas regulas, seu capitula misit ad Episcopos Arausiaci Concilii, quae ex libris Augustini decerpit, eo ipso ostendit nolle se totam doctrinam de gratia indiscriminatim definire, seu tanquam de fide probate, sed ea tantum, quae praescriptis verbis, ac certis canonibus digesta misit. Hinc vero colligere possumus, quidquid Augustinus de gratia docet, quod cum illis Ecclesiae definitionibus sit necessatio connexum, omnino sequendum, & tanquam certum tenendum esse. Quia totum illud, licet non ex-

Explicatur Pro-
per in ea
quod dixit Aug.
Apostolice scripsisse.

Hab. tunc
t. 4. Dist.
& apud
Baron.
an. 534. n.
14.

Obiectio.

proesse, virtute est ab Ecclesia probatum. Unde si connexio sit evidens, & necessaria, etiam doctrina erit certa, saltem in ratione conclusionis Theologica: si vero sit tantum probabilis, in eo etiam gradu erit semper Augustini doctrina præferenda tanquam definitionibus Ecclesiæ magis consentanea, ut mox dicemus.

Vestigii
Aug. in
hac ma-
teria om-
nino in-
hærendi.

17. Etenim ulterius addimus, quidquid in hac materia Augustinus ut certum affirmat, & ad dogmata fidei pertinens, a quolibet prudente, & erudito Theologo esse tenendum, ac defendendum, etiam si non certo constet, esse ab Ecclesia definitum; tum quia, cum Ecclesia tantum in hac materia detulcrit Augustino, ut ejus doctrinam in damnandis erroribus gratia Dei contrariis sequuta fuerit, magna esset temeritas privati doctoris, qui Augustino aliquid de gratia Dei, tanquam orthodoxum docenti, contradicere auderet. Præsertim cum tot annis tanta sapientia, tanto ingenio, tanta diligentia, & instantia, & quod caput est, tot Dei donis, & auxiliis præditus pro divina gratia tuenda, & explicanda laboraverit. Unde a fortiori sit, credendum omnino esse nihil in doctrina de gratia Augustini inveniri, quod sano modo intelligi non possit, ita ut saltem probabile non sit, & catholicæ doctrinæ non adversetur. Hoc magis in particulari constabit ex discursu materiæ; nunc in generali ex eisdem principiis, eademque Ecclesiæ autoritate probatur. Nihil enim tam admirandum, & suspiciendum Ecclesiæ reddidit Augustinum, quam de gratia doctrina; at si in ea tradenda, & explicanda aliquando fuisset in errorem lapsus, multum labefactaretur ejus autoritas, immeritoque Ecclesiæ tam fidenter judicium ejus in hac doctrina tradenda fuisset sequuta, quod impium esset cogitare. Unde tandem concludo, non tantum in rebus, quas Augustinus certas existimat, sed etiam in his omnibus, quæ simpliciter tanquam vera, & probabiliora constanter, & ubique amplectitur, sententiam ejus esse præferendam, nisi communis Patrum, vel Ecclesiæ autoritas ob stare videatur, quod raro, vel nunquam continget. Nam si alicubi id occurrerit, explicandus erit Augustinus potius, quam reprobandus.

Doctrina
Aug. in q.
de præd.
quam vim
habeat.

18. Adverto tamen, hæc solum nunc a nobis traditur circa doctrinam de gratia, neque oportere ad questionem de Prædestinatione illa extendere, nam propter illas creduntur posita in epistola Cælestini verba illa, *Profundiores autem questiones*, &c. Distinguenda igitur sunt in materia de Prædestinatione duo questionum genera, quædam sunt necessario connexa cum doctrina de gratia, ut an prædestinatio fundetur in bono usu solius liberi arbitrii, an primum gratiæ auxilium sit ex gratuita prædestinatione, & similes. Aliæ vero sunt, quæ non tam necessariam connexionem habent cum principiis de gratia ab Ecclesia definitis, ut an electio prædestinatorum ad gloriam sit ex prævisis meritis, vel an præscientia conditionata boni usus liberi arbitrii cum gratia ad prædestinationem supponatur, & similes. In prioribus ergo questionibus sententia Augustini in materia prædestinationis tam certa est, sicut doctrina gratiæ, propter connexionem. In questionibus vero posterioris generis non potest esse tam certa, propter contrariam rationem, & quia Ecclesia directe, & per se nihil fere de prædestinatione definiit, nisi in generali, quod detur, & quod sit de bonis, non de malis, & quod in particulari sciri non possit, nisi per divinam revelationem. Nihilominus tamen etiam in his posterioribus de Prædestinatione questionibus autoritas Augustini maxima est, propter alias rationes supra factas, & ideo semper a nobis cæteris præferetur.

19. Opuscula autem Augustini de hac materia quam plurima sunt, & omnibus fere nota. Inter ejus vero epistolas præcipue observandæ sunt 47. 89. 92. 94. 95. 105. 106. 107. & 143. item in tertio tomo liber de Spirit. & liter. & in 4. liber. 1. ad Simplicium. quæstione secunda, quam ipse commendat in libr. de Prædestinatione Sanctorum capite quarto, & de Bono persever. capite vigesimo. In septimo vero tomo

tota posterior pars ejus, quæ incipit a libris de Peccator. merit. & remiss. usque ad finem est de hac materia. Ex illis vero opusculis antiquiora sunt contra Pelagium, Cælestium, Julianum, & alios, qui integrum Pelagii errorem sequebantur; contra quos scribere incepit in libris de peccator. merit. & remiss. nulla personarum facta mentione, quia nondum publice notæ erant, ut ipse dicit libro 3. Retract. cap. 33. postea vero non solum doctrinam impugnavit, sed etiam personas, ut caverentur, reprehendit, & damnavit, & ad eorum scripta, & objectiones respondit usque ad librum de Correctione, & gratia. Ultima vero opuscula, quæ sunt de Prædestinatione Sanctor. & Bon. perseverant. a Prospero, & Hilario excitatus contra Semipelagianos peculiariter scripsit. Et ideo illi duo libri, quos in ultima senectute scripsit, quasi testamentum Augustini habentur, & quandam majorem autoritatem habent; tum quia post summam, & diuturnam diligentiam, & meditationem illius materiæ fuerunt elaborati; tum etiam quia sicut error ille subtilior erat, ita majori quodam acumine sunt conscripti. In cæteris autem, tomis 8. & 9. & 10. sæpissime digreditur Augustinus ad confutandos Pelagianos, & veram de gratia doctrinam tradendam exponendo psalmos, tum in tractatibus super Joannem, tum etiam in Concionibus ad populum, ex quibus omnibus, suis locis, quæ opportuna iudicabimus, afferemus. Et quia liber de Gestis Pelagii, ex quo Acta synodi Palæstinæ supra decerpimus, nobis etiam usui futurus est, & typis non est mandatus; cum revera sit Augustini, illum tanquam appendicem ad hunc primum librum, ad communem utilitatem e-yulgabimus.

20. Post Hieronymum, & Augustinum ponimus Paulum Orosium ejusdem temporis scriptorem, quem tanquam eruditissimum virum laudat Gelasius Papa in cap. *Sanctæ Romanæ*, & præter historiam contra Paganos, alium librum contra Pelagium de libero arbitrio, & gratia edidit. Fuit autem Orosius Hispanus Presbyter, qui a quibusdam Hispaniæ Episcopis missus est ad Augustinum, ut contra Priscilianistas, & Origenistas doctrinæ auxilium ab eo postularer, ut constat ex eodem Augustino libro 2. Retract. cap. 44. & ex libello Augustino oblato ab eodem Orosio, qui præfertur libro ejusdem Augustini contra Priscilianistas, in quo interrogationibus Orosii Augustinus respondit. Illa vero oblata occasione Augustinus Orosium ad Hieronymum misit, ut ipse testatur in epistola 102. in fine dicens, misisse ad Hieronymum consultatoriam quandam disputationem de origine animæ: *Occasionem quippe (ait) cujusdam sanctissimi, & studiosissimi juvenis Presbyteri Orosii, qui ad nos ab ultima Hispania, id est, ab Occani littore, solo sanctarum Scripturarum ardore inflammatus advenerat, amittere nolui, cui ut ad illum, (id est Hieronymum) quoque pergeret persuasi.* Unde idem Orosius in dicto libro de liber. arbitr. circa initium sic inquit, *Latebam ego in Bethleem traditus a Patre Augustino, ut timorem Domini discerem, sedens ad pedem Hieronymi.* Hæc ergo occasione non solum Pelagii, qui tunc in Oriente versabatur, & omnium, quæ ibi contra illius errores, salva ejus persona, acta sunt, magnam habuit notitiam, sed etiam in Africam rediens, quæ gesta in Oriente fuerant, Episcopis narians, & allatis epistolis confirmans, occasionem præbuit cogendi Africana Concilia contra Pelagium, & ipse postea de eadem causa opus proprium scripsit.

21. Paulo post illa tempora, vivente adhuc Augustino, Pelagianis devictis, Semipelagianisque insurgentibus adversus Augustinum, Hilarius Arelaten-sis Episcopus, & Prosper Aquitanus contra illos pro gratia Dei, & pro Augustini doctrina pugnare cœperunt. Ex Hilario vero nullum opus de gratia, vel contra Pelagium extat, præter epistolam ad Augustinum, quæ habetur in septimo tomo ante libros de Prædestinatione Sanctorum. Extat alia epistola Hilarii ad Augustinum, quæ est 88. inter epistolas Augustini, in qua illum eccitat ad scribendum contra Pelagii errores, qui tunc Siciliæ disseminari cœperant: cu-

Hisp. O-
rosius le-
gitur
Gel. cap.
S. Roman.

De Hilar.

Opera
August. in
quibus de
gratia a-
git.

ius petitioni Augustinus in epistola octuagesima nostra satisfacit. Verumtamen an ille Hilarius unus & idem fuerit, vel distincta persona, mihi exploratum non est. Nam quod diversi fuerint, videtur fieri verisimile; tum quia hic ex Gallia, ille ex Sicilia scripsit ad Augustinum: tum etiam quia Hilarius Siculus multo ante Arelatensem ad August. scripsit: ille enim scripsit in principio Pelagianæ hæresis, quando Pelagius Romæ detectus hæreticus in Siciliam abiit, & inde Palæstinam; at vero Hilarius Arelatensis post decem, vel plures annos scripsit ad Augustinum fere jam extincta Pelagianæ hæresi, & Semipelagianismo inchoante, tum denique quia Hilarius ille, qui epistolam 88. scripsit ad Augustinum, aperte significat se non cognovisse de facie Augustinum; alter vero Hilarius in sua epistola, Augustini discipulum se aliquando fuisse, & cum eo conversatum esse aperte testatur, doletque quod a presentia Augustini exulare coactus fuerit, ubi salubribus ejus uberibus nutriebatur. Fateor tamen hæc indicia non cogere, ut duos Hilarios illos fuisse dicamus. Nam potuit idem, licet esset Gallus, in juventute Siciliam adire, ibique aliquandiu inhabitare, & inde Augustinum consulere circa errores Pelagianorum, postea vero recepto Augustini responso, desiderio audiendi illum in Africam transire, & aliquo tempore sub disciplina Augustini versari, ac tandem in patriam redire, ibique pro gratia Dei contra Semipelagianos pugnare, & ea occasione ad Augustinum scribere. Denique verisimile est, alia opera in eadem causa scripsisse. Nam de illo refert Ado in Martyrologio die 5. Maii: *Fuisse magnum Doctorem, & præclarissimum virum, & scripsisse varia opera ingenio immortalis ad multorum utilitatem.* Idemque fere habet Gennadius in libro de Viris illustribus in Hilario. Unde cum illo tempore defenso gratiæ contra Semipelagianos maxime esset necessaria, verisimile est, multa ex illis operibus de hoc argumento fuisse, quamvis cum multis aliis extenderint.

22. Prosperi autem præter epistolam, quam cum Hilario ad Augustinum scripsit, de qua multa in superioribus dicta sunt, alia multa opera de gratia Dei habemus, in quibus præcipue Semipelagianos exagitat, sed obiter, & a fortiori Pelagianos convincit, & confundit, nimirum libros duos de Vocat. gent. qui falso antea tribuebantur Ambrosio, libros quatuor responsionum ad objectiones contra Augustinum, Gallorem, Vincentii, Genuensium, & Cassiani. Item duas epistolas, unam ad Ruffinum, alteram ad Demetriadem, & librum senrentiarum, quas ex Augustini scriptis collegit, & carmen breve, quod epigramma Pelagianæ hæresis inscribit, & aliud prolixius de Ingratis. Præter alia, quæ ut minister Apostolicæ Sedis cum Cælestino præsertim, & Leone I. in defensionem Augustinianæ doctrinæ de gratia contra Pelagium, magno fidei zelo, magnoque ingenio, & diligentia elaboravit. Semperque fidelissimus Augustinianæ doctrinæ defensor, ac sectator fuit; ut ipse in Præfatione responsionum ad Gallos, & in epistola ad Ruffinum, & sæpe alias, & verbis constiterit, & factis exequitur.

23. Quapropter inter omnes Patres, qui post exortos Semipelagianos pro gratia Dei scripserunt, Prosperi maximam auctoritatem post Augustinum obtinuit, & sane merito. Tum quia eodem tempore, & a principio illius erroris, contra illius auctores adhuc viventes, Cassianum, & Vincentium scripsit, & acerrime, magnoque ingenio, & verborum pondere disputavit. Tum etiam quia Augustino valde affectus, & in ejus doctrina plurimum versatus non solum a vestigiis ejus non recedit, verum etiam illius affectum, & ingenium quodammodo videtur induisse; tum denique quia per plures annos hæc studio, & defensionis torus incubuit, idque (ut ipse testatur in Præfatione ad objectiones Vincentianas) ex *Apostolicæ Sedis auctoritate*, quod munus magna fidelitate, & diligentia exercuit. Accedit, quod ipsis Pontificibus maxime probatus fuit. Nam prius simul cum Hilario Cælestinum adiit, ut Augustinum propugnaret, & in ejus defensionem epistolam a Cælestino ad Episcopos Galliarum obtinuit, in cujus initio Cælestinus ipse

se studium Prosperi, & Hilarii laudat, & in fine quædam capitula de gratia illi epistolæ adjunguntur, quæ a Prosperi edita esse creduntur, & vel ab ipso Cælestino simul fuerunt probata, & missa, vel tacito consensu Ecclesiæ ita probata sunt, ut certam auctoritatem obtinuisse videantur. Postea vero Leoni Papæ in conscribendis epistolis decretalibus operam dedisse, plures auctores referunt. Unde, ut supra dicebam, Canones Concilii Arausiacani operam ejusdem Prosperi conscripti creduntur, quod etiam styluseorum suadet. Denique Gelasius Papa in cap. *Sancta Romana*, opera Prosperi inter ea, quæ Ecclesia recepit, numerat, eumque virum religiosissimum appellat.

24. Quamvis autem tempore Leonis Papæ, seu Prosperi, qui sex annis post Leonem mortuus est, Semipelagianus error extinctus esse legatur, nihilominus tamen sopitus potius, quam radicitus evulsus fuisse videtur. Nam statim Faustus Prosperi in Regiensi Episcopatu successor verbis, & scriptis errorem illum defendere aggressus est, ut supra vidimus. Hæc ergo occasione plures alii Patres illius temporis egregia opera de divina gratia ediderunt. Et in primis refertur Cæsarius Arelatensis, de quo Baronius Anno 490. n. 12. & seqq. ait, scripsisse librum de gratia, & lib. arb. ut ipse conjectat, occasione librorum Fausti, & ad confutandos illos. Refertque Gennadium ita de Cæsario c. 86. de Ritis Illustribus scribentem, *Cæsarius Arelatensis Episcopus doctrina celebris, sanctitate conspicuus, ad Felicem omnium Pontificem de Gratia, & libero arbitrio librum scripsit, quem agnitus ipse Felix non solum probavit, sed, & scripta de eo Epistola, confirmavit, vulgandumque ubique curavit: non extat ille quidem, sed quantus fuerit, ex Romani Pontificis addita illi epistola (quod de aliis hætenus non meminimus factum) possumus opinari. De eo enim apud Gennadium B. hæc leguntur. Cæsarius Arelatensis urbis Episcopus, vir sanctitate, & virtute celebris, scripsit egregia, & grata valde, & monachis necessaria opuscula. De gratia quoque & lib. arb. edidit testimonia divinarum Scripturarum, & sanctorum Patrum judiciis munita, ubi docet, nihil hominem de proprio agere aliquid boni posse, nisi eum divina gratia prevernerit. Quod opus etiam Papa Felix per suam epistolam roboravit, & in latius promulgavit. Quod quidem caput in cathalogo Gennadii, qui in fine tomi 1. operum Hieron. habetur, non extat, & ideo minus certum est, licet absque dubio ex alia editione Baronius illud retulerit. Item quod ibi Baronius conjectat, factum esse sub Felice III. postea in Appendice ad tom. 10. dicit factum esse sub Felice IV. fere post quadraginta annos. Quare non potuit ille liber scribi a Cæsario contra Faustum, quia jam diu præcesserat, & verisimilius est, eo jam tempore fuisse mortuum. Multoque minus id consistere poterit, si verum est, quod Trithemius putat, Cæsarium Arelatensem Ecclesiasticum scriptorem Anno Domini 670. floruisse, quod sequenti sunt author summi chronograph. in primo tomo operum Canisii, & author Præfation. ad Homilias Cæsarii in tomo secundo Biblioth. & sane consequenter, nam si illæ homiliæ Cæsarii sunt, necesse est; post 600. ann. floruisse; nam in 42. allegat Greg. & Isidorum. Sed cum ex Concilio Arelatensi 3. in quo Cæsarius præfedit, constet, illum vixisse tempore Leonis, & ex Concilio Agathensi, cui etiam præfuit, pateat vixisse sub Symmacho, inter quos Felix III. vixit, verisimilius est misisse librum, quem de gratia scripsit ad Felicem III. qui usque ad 491. vixit, quo tempore scripsit etiam Faustus, & ita optime potuit Cæsarius primus omnium de gratia contra Faustum scripsisse, ejus tamen opus, licet Trithemius dicat extare, ad nostra tempora non pervenit.*

25. Idem nobis contigit de libris septem, quos Fulgentius contra Faustum scripsit, ut in vita ejus c. 28. Felicianus Episcopus ejus successor refert, cujus verba, quia rationem optimam scribendi contra Semipelagianos declarant, hic adnotabo: ait enim: *Ita erat notior omnibus gentibus, ut duo libri quos Faustus Episcopus Galliarum contra gratiam subdolo sermone composuit, favens occulte Semipelagianis, sed catholicis*

Ado in Chronis. Gennad. de Vir illust. Trithem. in pro. Suerius die 25. Junii.

De Cæsario ejusque operibus, & auctoritate.

B. De scrip. ptorib. Eccl. 89.

De Fulgentio, ejus operibus, & auctoritate.

Prosperi & opera ejus.

Auctoritas Prosperi.

iamen volens videri, Constantinopoli offensi, a plurimis fratribus ad Beatum Fulgentium probandum dirigerentur, Quibus ne occultum serperet virus, septem libri ipse respondit; plus laborans exponere, quam convincere, quia dubios sermones ejus exponere, hoc erat delirantis argumenta convincere. Magnus plane hujus operis labor, mercedem debitam cito suscepit, protinus est longissima capacitatis catena desrupta. Quos libros se vidisse, & legisse testatur Isidorus de Viris Illustribus c. 14. dicens. Fulgentius Afer Ecclesie Ruspensis Episcopus, in confessione fidei clarus, in scripturis divinis copiosissime eruditus, in loquendo quoque dulcis, in dicendo, ac differendo subtilis, scripsit multa. E quibus legimus de Gratia Dei, lib. arb. libros responsionum septem, in quibus Fausto Gallie Regiensis urbis Episcopo Pelagiana pravitate consentienti respondens, obnitiitur eius profundam destruere calliditatem. Præter hos etiam referuntur alii libri de Gratia scripti a Fulgentio, addit enim Isidorus: Extant & quo ejusdem libri de veritate prædestinationis ad Episcopos missi, in quibus demonstratur: quod gratia Dei in bonis voluntatem humanam prevenit, & quod Deus quosdam prædestinationis sue munere justificans præeligit, quosdam vero in suis reprobis moribus occulto quodam indicio derelinquit. Et fortasse de eisdem libris loquitur Felicianus dicto c. 28. cum inquit: Testimonia quoque prædestinationis, & gratia differētiæ cupientem nosse salubriter disputans, docuit. Sed neque hi libri extant, nisi forte illi contineantur in libro 1. ad Monimum, qui totus est de Prædestinatione, & gratia. Præterea in epistolis suis doctrinam catholicam de gratia sæpe inculcat, præsertim in ep. 2. ad Gallian c. 20. & 21. & epist. 3. ad eandem capite 3. 20. & sequentibus, & epistola 4. ad Probam, fere per totam, præcipue capite 2. & 8. Proprie vero, & ex instituto disputavit de gratia contra Semipelagianos in l. de Incarnat. & gratia ad Petrum, a capite 12. quod opus unum est ex præcipuis contra Semipelagianos, & post Augustini, & Prosperi opera maximi ponderis, & auctoritatis mihi esse videtur, & ita illius sententiis frequenter utemur. Quamvis enim liber ille Fulgentio adscribatur, quia (ut creditur) ab illo fuit conscriptus, quod & stylus, & eruditio illius ostendit, nihilominus sub nomine quindecim Episcoporum, qui in ejus initio nominantur, missus est, unde ab omnibus fuit probatus, ut dici posset quandam Concilii provincialis vim, & auctoritatem habere.

Deus Fulgentii, quod post August. & Prosperi, maximi auctoritatem habet.

De Petro Diacono ejusque scriptis.

Maxentius quid scripserit

26. Fuerunt autem illi Africani Episcopi ad scribendum provocati, & rogati a Petro Diacono cum aliis viris Catholicis Orientalibus, qui ex Oriente Romanam missi fuerant, ut fidem suam de Incarnatione, & gratia contra Nestorianos, & Pelagianos proficerentur. Qui cum jam Romanam pervenissent, utile, & necessarium judicarunt ad Africanos Episcopos suam fidem de eisdem mysteriis mittere, & ab eis in eadem causa responsum postulare. Et hac occasione Petrus Diaconus, qui inter eos, vel præcipuus, vel doctor fuisse videtur, scripsit librum de Incarnatione & gratia, qui ante libros Fulgentii inter opera ejus habetur, in cuius tribus ultimis capitibus vehementer exagitat Semipelagianos, ut in superioribus attigimus, & veram de gratia doctrinam sapienter exponit ideoque inter graviores antiquos de Gratia Scriptores hic Petrus numeratur. Atque hi fuisse videntur antiqui Patres, quos omnes in secundo ordine supra posito collocamus, quia Pelagianis, & Semipelagianis insurgentibus, vel pullulantibus resisterunt, & contra illos scripserunt. Atque his aliqui annumerant Joannem Maxentium Orientalem Monachum, qui in prima sua professione fidei, & in responsione ad epistolam Hormisdæ ad Possessorem orthodoxe doctrinam de gratia explicat, & Semipelagianos acriter infestatur. Sed hic author a nobis prætermittitur: tum quia non catholicus, sed Eutichianus fuisse creditur; tum etiam quia in illa responsione ad Hormisdam graviter peccat contra Hormisdam Pontificem, licet in doctrina de gratia revera non errer, ut in superioribus, tractando de libris Fausti, satis adnotatum est.

27. Post illa vero antiqua tempora, in quibus con-

troverſia cum Pelagianis vixit, multi etiam gravissimi Patres eandem catholicam de gratia doctrinam, quidem breviter, & per occasionem in scriptis suis tradiderunt, alii vero ex professo propria de divina gratia opuscula relinquerunt. Inter priores ponimus in primis Isidorum, qui præterquam quod inter hæreses Pelagianam numerat, quia liberum arbitrium gratiæ præferret, & Fulgentium, & alios Patres contra Pelagium scribentes mitissime laudat, in libro 2. Sentent. capite 5. 6. & in lib. de Different. Spiritual. capite 27. summam catholicam doctrinam de gratia, & prædestinatione colligit. Illa vero loca quoad aliqua verba expositione indigent; quam postea suis locis trademus. Deinde notari potest insignis locus Damasceni libro secundo de Fide capite 29. & 30. ubi doctrinam de præscientia, prædest. & gratia breviter complectitur. Beda etiam in Præfatione ad Cantica, egregiam habet disputationem contra Julianum Pelagianum, qui eo prætextu librum Canticorum exposuerat, ut ab humano amore, & sœda voluptate illum discerneret, cum tamen revera ad suum errorem confirmandum id fecisset. Et in reliquis operibus suis passim sententiis August. utitur, & eodem modo scripturas exponit, quæ de gratia Dei loquuntur.

Uti Patrum & Augustinus qui gratiam & eandem de his

De Damasceno eius in his

Venerabilis Bedæ & Augustini

28. In posteriori ordine ponimus in primis Anselmum in libr. de Concord. prædestinationis, & gratiæ cum libero arbitrio, præter ea, quæ in aliis opusculis, & in expositionibus Epistolarum Pauli consentanea ad Augustinum docet. Deinde Bernard. lib. de Grat. & liber arbit. ut alios plures omittam, quos late refert Coccius tom. primo Thesaur. libro primo, articulo quarto. Solum hoc loco D. Thom. adjungimus, quia sicut in explicandis fidei mysteriis cæteris scholasticis Theologis antefertur, & primis Ecclesiæ Doctoribus comparatur: ita in illustrandis difficillimis de gratia, & libero arbitrio controversiis, ipsi Augustino eum supparem reputamus. Nam & illius doctrinæ sectator est, ac defensor acerrimus, & in rebus obscuris, & ambiguis mentis ejus est diligentissimus indagator, & fidelissimus interpres. Quapropter, cum in aliis lucubrationibus nostris, ac theologis disputationibus D. Thomam semper, tanquam primarium ducem, & magistrum habuerimus, ejusque doctrinam pro viribus intelligere, defendere, ac sequi conati fuerimus, in præsentī opere multo majori studio, & affectu id præstare curabimus; speramusque cum divino auxilio consequuturos esse, ut a vera ejus mente, atque sententia in nulla re gravi, aut alicujus momenti discedamus, non ex nostro capite, sed ex antiquis ejus expositoribus, ac sectatoribus, & ubi illi defuerint, ex variis ejusdem locis inter se collatis eam eliciendo. Quia vero ut homines interdum ab scopo errare possumus, quidquid in hoc opere dixerimus, Apostolicæ Sedis Judicio humiliter subicimus.

D. Th. Augustinus defensor

C A P U T VII.


De libro D. Augustini de Gestis contra Pelagium in Concilio Palestine, per 22. capitula distributo.

Monitum Lectorem volumus opus hoc de Gratia, editione posthumum, multo ante annum 1614. scriptum fuisse ab auctore, quod ergo hodie Augustini operibus Parisiis excussis prædicto Anno 1614. Liber de Gestis Pelagii insertus circumferatur, neque veritatem elevat eorum, quæ hoc in capite præfatur Suarius, neque deprimit utilitatem, sed potius mutuam sibi Parisiensis, Conimbricensisque editiones auctoritatem conciliant.

DE Actis in hoc Concilio multa tempore fuisse Augustinum sollicitum, eaque vehementer de fide.

siderasse, & petiisse, ex epist. ejus 252. ad Joannem Hierosolymitanum manifestum est; tandemque illa obtinuisse, & super illa librum quendam ad venerabilem Senem Aurelium scripsisse, ipse testatur lib. 2. de Peccat. orig. cap. 14. & in lib. 2. Retract. cap. 47. ubi causam addit, *ne illo (id est Pelagio) quasi absoluto, eadem quoque dogmata putarentur iudices approbasse, quæ ille nisi damnaasset, nullo modo, nisi damnatus, exisset*. Hic ergo liber hæcenus desiderabatur, quia inter opera Augustini typis mandata non continetur, ante paucos vero Annos primum inventus est in Bibliotheca manu scripta Abbatæ Sancti Bartholomæi Fesularum Canoniorum Regularium Lateranensium, & postea alius liber omnino similis inventus dicitur Florentiæ in Bibliotheca magni Ducis, ut a viro quodam nobili, docto, ac fide dignissimo accepi, de cujus manu exemplar habui, quod fidelissime transcripsi. Cumque illum attente legissem, non solum ex indicibus, ac coniecturis probabilibus, & ex gravi hominis auctoritate, sed etiam ex phrasi, & discursu libri, & Augustini opus esse, eiusque ingenium præ se ferre, & doctrinam continere, manifeste comperi.

Et quoniam ad hujus nostri operis perfectionem utilissimum, ac fere necessarium esse existimamus, & ab aliis promulgandus sit ignoramus, illum hoc loco præmittendum duximus, nihil omnino de verbis Augustini immutando. Quia vero in eodem exemplari variae interdum lectiones notabantur, quæ nobis magis placuerit, in textu ponemus, alias, ubi res clara videbitur, omitemus, ubi vero fuerit dubia in marginem reiciemus, & cur unam præ aliis eligamus, interdum proferemus. Ubi depravatus videbitur textus nihil immutabimus, illius tamen correctionem, quam aptiorem iudicaverimus, adnotabimus. Simili ratione cum in eodem exemplari liber hic in capita divisus sit, & divisio non videatur ab Augustino facta, quia multis in locis minus apta, minusque rationi consentanea nobis visa est, alio commodiori inodo capita dividemus, semper tamen antiquam divisionem in margine adnotabimus. Ac denique ubi opportunum videbitur, breve aliquod scholium literis A. B. & c. indicatum ad maiorem rei declarationem, aut confirmationem adiciemus. Liber igitur sic habet.



D. AUGUSTINI HIPPONENSI E P I S C O P I

LIBER AD S. EPISCOPUM AURELIUM,

A De gestis Pelagii contra adversarios gratiæ Domini nostri Jesu Christi.

A Ita habebat exemplar. Possidius vero in indiculo ita scribit. Contra gesta Pelagii liber unus. At liber non est contra Gesta, sed contra Pelagium. Unde Augustinus lib. de Peccato Orig. c. 14. titulum indicat de gestis Pelagii, & in idem redit, quod ait in c. 47. l. 2. Retract. Cum in manus nostras eadem gesta venissent, scriptum de his librum, &c.

* Sine dubio hæc lectio præferenda est, quia altera intentioni Augustini nihil inservit, ut facile consideranti constabit.



Ostquam in manus nostras * sancte Papa

Aureli, Ecclesiastica gesta venerunt, ubi Pelagius ab Episcopis 14. provinciæ Palæstinae catholicus est pronunciatus, cunctatio mea terminum accepit, quo differere aliquid plenius, atque fidentius de ipsa ejus defensione dubitabam. Hanc enim jam in quadam chartula quam mihi ipse miserat, legeram. Sed quia ejus cum illa nullas a se datas literas sumpseram, verebar, ne aliquid aliter in meis verbis inveniretur, quam legeretur in Episcopalibus gestis; atque ita forsitan negante Pelagio, quod ipse, mihi illam chartulam miserit; quoniam facile convinci uno teste non posset, ego potius ab iis, qui ei neganti faverent, aut suppositæ falsitatis, aut (ut mirius dicam) temerariæ credulitatis arguerer. * Hunc ergo pertractato, quæ gesta testantur, jam quantum mihi videbar, utrum pro se ille sic egerit dubitatione sublata, profecto, & de ipsius defensione, & de hoc opere nostro sanctitas tua, atque omnis qui legerit, facilius, & certius judicabit.

C A P U T I.

De prima propositione Pelagii objecta.

PRimum itaque Domino Deo rectori, custodique meo ineffabiles ago gratias, quod me de sanctis fratribus, & Coepiscopis nostris, qui in ea causa iudices confederunt, opinio non fefellit. Responsiones enim ejus non immerito approbaverunt, non curantes quo modo ea, quæ obiiciebantur, in opusculis suis posuerit, sed quid de his in præsentī examinatione responderit. Alia est enim causa fidei non sanæ, alia loquutionis incautæ. Denique *A* in his, quæ de libello, quem dederunt Sancti Patres, & Coepiscopi nostri Galienus, & Lazarus, qui propter gravem (sicut postea probabilius comperimus) uenius eorum ægritudinem, præsentēs esse minime potuerunt, recitata sunt objecta Pelagio, illud est primum, quod in libro suo quodam scribit: *Non posse esse sine peccato, nisi qui legis scientiam habuerit*. Quo recitato, synodus dixit: Tu hoc edidisti Pelagi? At ille respondit: Ego quidem dixi, sed non sicut illi intelligunt, non posse peccare, nisi

M 4 qui

Conciliū. qui scientiam legis habuerit, sed adjuvari per legis scientiam ad non peccandum, sicut scriptum est; legem in adiutorium dedit illis. Hoc audito, Synodus dixit: Non sunt aliena ab Ecclesia, quæ dicta sunt a Pelagio.

August. Plane aliena non sunt, quæ respondit: illud vero, quod de libro ejus prolatum est, aliud sonat. Sed hoc Episcopi Græci homines, & ea verba per interpretem audientes, discutere non curarunt, hoc tantum intuentes, quid ille, qui interrogabatur, sensisse se diceret, non quibus verbis eadem sententia in libro ejus scripta diceretur. Aliud est autem hominem per scientiam legis ad non peccandum adjuvari, & aliud est, non posse esse sine peccato, nisi qui scientiam legis habuerit: cum videamus, exempli gratia, & sine tribulis areas trituri; quamvis adjuvent, si adsint, & sine Pædagogis posse pueros pergere in scholam, quamvis ad hoc non sint inutilia pædagogorum adjumenta: & multos ab ægritudine sine medicis convalescere, quamvis manifesta sint adjutoria medicorum: & aliis Bsi-
ne cibis pane homines vivere, quamvis panis adiutorium valere plurimum non negetur. Et alia multa que nobis tacentibus, cogitanti facile occurrunt. Profecto admonemur, adiutoriorum genera esse duo; alia quippe sunt sine quibus illud, ad quod adjuvant, effici non potest, sicut sine navi navigat nemo, nemo sine voce loquitur, nemo sine pedibus graditur, nemo sine luce intuetur, & multa hujusmodi: unde est etiam illud, quod nemo sine Dei gratia recte vivit. Alia vero sunt adjutoria, quibus sic adjuvamus, ut etiam si desint, possit alio modo fieri, propter quod ea requirimus, sicut illa sunt, quæ commemoravi. Tribula ad fruges terendas, pædagogus ad puerum ducendum, medicamentum * humanitate confectum ad recipiendam salutem, & cuncta talia.

Quærendum est igitur, ex quo duorum istorum generum sit talis scientia, id est, quomodo adjuvet ad non peccandum? Si eo modo, ut sine illa hæc non possit impleri, non solum Pelagius verum respondit in iudicio, sed etiam verum scripsit in libro. Si vero eo modo, ut adjuvet quidem, si adfuerit, possit tamen illud, ad quod juvat, alio modo fieri, etiam si ista defuerit; verum quidem respondit in iudicio, quod merito Episcopis placuit, adjuvari hominem ad non peccandum legis scientia, sed non verum scripsit in libro, non esse hominem sine peccato, nisi qui scientiam legis habuerit, quod indiscussum iudices reliquerunt, latini sermonis ignari, & ejus, qui causam dicebat confessione contenti, præsertim ubi ex ad-

verso nullus adstat, qui verba libri ejus exponendo aperire interpretem cogeret, atque unde fratres non frustra moverentur, ostenderet. Paucissimi quippe sunt legis periti, multitudinem autem membrorum Christi usquequaque diffusam, & legis tam profundæ, ac multiplicis imperitam, simplicis fidei pietas, & spes firmissima in Deo, & charitas sincera commendat, quæ his donis prædita, gratia Dei se confidit a peccatis posse mundari.

Cap. 2.

Ad hoc si forte Pelagius responderet, hanc ipsam se dixisse scientiam legis, sine qua non potest homo liber esse a peccatis, quæ per doctrinam fidei a Neophitis, atque in Christo parvulis traditur, qua etiam baptizandi catechizantur, ut symbolum noverint. Non quidem ista intelligi solet, quando habere quisquam scientiam legis dicitur, sed illa, secundum quam legis periti appellantur. Veruntamen, si hæc verba, quæ pauca numero, sed magna sunt pondere, & more omnium ecclesiasticorum fideiiter baptizandis intimantur, scientiam legis nuncuparet, asserens, de hac re dixisse, non esse sine peccato, nisi qui scientiam Dei habuit, quæ necesse est, ut tradatur credentibus, antequam ad ipsam remissionem veniant peccatorum, etiam si circumdaret eum non disputantium, sed vagientium baptizatorum multitudo innumerabilis parvulorum, qui non verbis, sed ipsa innocentia veritate clamarent, quid est, quid est, quod scripsisti, non posse esse sine peccato, nisi qui scientiam legis habuerit. Ecce nos grex magnus agnorum sine peccato sumus, & legis tamen scientiam non habemus.

Nempe isti cum saltim lingua tacente, tacere compellerent, aut forte etiam confiteri, vel nunc se ab illa perversitate corruptum, vel certe hæc se quidem, & ante sensisse, quod nunc in Ecclesiastico dixit examine, sed ejus sententia non se circumspectata verba posuisse, & ideo fidem suam esse approbandam, librum emendandum. Est enim, ut scriptum est, qui labitur in lingua, & non in corde. Qui, si diceret, vel si dicat, quis eisdem verbis incautius, negligentiusque conscriptis, non facillime ignoscat, cum sententiam, quam verba illa continent, non defendat, sed cum discat, quam veritas probat. Hoc etiam pios iudices cogitasse credendum est. Si tamen hoc, quod in libro ejus latino est diligenter interpretatum, satis intelligere potuerunt; sicut ejus responsionem græco eloquio prolatam, & ob hoc facile intellectam, alienam non esse ab Ecclesia judicaverunt. Sed jam cætera videamus. Adjecit enim Episcopalis synodus, & ait.

* forte, humanitate

CAPUT II.

De secunda propositione obiecta Pelagio.

Cap. 3.
Concili-
um.

Pelagius

Legatur, & aliud capitulum; & lectum est, in eodem libro suo, potuisse omnes voluntate propria regi. Quo lecto, Pelagius respondit. Et hoc dixi propter liberum arbitrium, cui Deus adiutor est eligenti bona; homo vero peccans, ipse in culpa est, quasi liberi arbitrii. Quo audito, Episcopi dixerunt. Neque hoc alienum est ab Ecclesiastica doctrina.

August.

Quis enim condemnaret liberum arbitrium, vel negaret, cum quo Dei adiutorium prædicatur. Quapropter & sententia respondentis merito Episcopis placuit. Et tamen illud, quod in libro ejus positum est, Omnes voluntate propria regi, fratres, qui noverant, qui adversus Dei gratiam isti soleant disputare, proculdubio debuit permovere, sic enim dictum est: *Omnes propria voluntate, regi, tanquam Deus neminem regat, & frustra scriptum sit, Salvum fac populum tuum, & rege eos, & extolle illos usque in seculum.* Ne remaneant, utique si voluntate propria sine Deo reguntur, velut oves non habentes pastorem, quod absit a nobis. Nam procul dubio plus est agi, quam regi, qui enim regitur aliquid agit, & a Deo regitur, ut recte agat. Qui autem agitur, agere aliquid ipse vix* intelligitur, & tamen

* Hic forte quispiam ex mente Augustini colligat, quem Deus agit, non cum indifferentia agere, neque cum potestate non agendi, & resistendi motioni Dei. Hunc vero sensum excludit particula vix, quæ potius denotat, eum, qui a Deo agitur, aliquid agere, licet non a se, sed ex motione Dei. Unde de illa, qui sic motus bonum diligit, ait paulo inferius Augustinus: Non solum voluntas id agit, sed divinitus adiuvatur. Et rursus inferius: Se spiritu Dei agi, & regi gratulantur. Idem ergo est a Deo agi, quod regi, ac subinde sicut qui regitur aliquid agit, ita qui agitur. Quod alibi diserte Augustinus explicuit dicens serm. 13. de Verbis Apostoli. Quotquot spiritu Dei aguntur, hi filii Dei sunt. Dicit mihi aliquis, ergo agimur, non agimus. Respondeo; imo & agis, & ageris, & tunc bene agis, si a bono agaris, Spiritus enim Dei, qui te agit, agentibus adiutor est: ipsum nomen adiutoris præscribit tibi, quia & tu ipse aliquid agis. Nemo adiuvatur, si ab illo nihil agatur, quot-

* forte,
agenda.

committere. Ait enim de hoc ipso Sapientia Salomonis: *Sum quidem & ego mortalis homo similis omnium ex genere terreno illius, qui prior factus est; & cætera usque ad eum capituli finem, ubi legitur: Unus ergo omnibus introitus ad vitam, & similis exitus. Propter hoc optavi, & datus est mihi sensus, & invocavi, & venit in me spiritus sapientiae.* Nonne luce clarius apparet, quemadmodum iste considerata miseria fragilitatis humanæ, non est ausus se regendum sibi committere? sed optavit, & datus ei sensus, de quo dicit Apostolus: *Nos autem sensum Domini habemus, & invocavit, & venit in eum spiritus sapientiae.* Hoc enim spiritu, non viribus propriæ voluntatis reguntur, & aguntur, qui filii sunt Dei.

Nam & illud, quod posuit de Psalmo in eodem capitulum libro, ut quasi probaret, omnes voluntate propria regi. *Dilexit maledictum, & venit ei, & noluit benedictionem, & elongabitur ab eo.* Quis nesciat, hoc non vitium esse naturæ, sicut eam condidit Deus, sed voluntatis humanæ, quæ recessit a Deo? Veruntamen si non dilexisset maledictionem, & voluisset benedictionem, & in hoc ipso voluntatem suam divina gratia negaret adjutam, ingratus, atque impius sibi regendus dimitteretur, ut sine rectore Deo præcipitatus, non se a se ipso regi potuisse, pœnis experiretur. Sic etiam in illo testimonio, quod in eodem libro eidem titulo subdit: *Apposuit tibi aquam, & ignem, ad quodvis porrige manum tuam. Ante hominem bonum, & malum, vita, & mors, quod placuit dabitur illi,* manifestum est, quod si ad ignem manum mittit, & malum, ac mors ei placet, id voluntas hominis operatur; si autem bonum, & vitam diligit, non solum voluntas id agit, sed divinitus adiuvatur, sufficit enim sibi oculus ad non videndum, hoc est, ad tenebras; ad videndum vero lumine suo non sibi sufficit, nisi illi extrinsecus adiutorium clari luminis præbeatur.

Absit autem, ut ii, qui secundum propositum vocati sunt, quos præscivit, & prædestinavit conformes imaginis filii sui, suo ut pereant desiderio permittantur. Hoc enim patiuntur vasa iræ, quæ perfecta sunt ad perditionem, in quorum etiam ipsa perditione notas facit Deus divitias gloriæ suæ in vasa misericordiæ suæ. Propter hoc enim cum dixisset: *Deus, misericordia ejus præveniet me,* continuo subjecit: *Deus meus demonstrabit mihi inimicis meis.* Illis ergo sit quod scriptum est: *Tradidit illos Deus in desideria cordis eorum:* Non autem sic prædestinatis, quos regit spiritus Dei, quoniam inanis non est vox eorum. Ne tradas me Domine a desiderio meo peccatori. Quando quidem, & contra ipsa desideria sic oratum est, ut diceretur: *Aufer a me concupiscentias ventris, & desideria concubitus,*

cubitus, ne apprehendant me. Præstat hoc Deus illis, qui se idoneos ad se ipsos regendos putant, & præfidenti cervice propriæ voluntatis illum dedignantur habere rectorem.

Quæ cum ita sint, filii Dei, qui hoc noverunt, & se Dei spiritu regi, & agi gratulantur, quomodo * *non moveri, prout addebatur in margine Deest tamen negatio, dicendum est enim, quomodo non moveri potuerunt? nam sensus Augustini est, merito moveri potuisse.*

quæque dimitti? Et tamen quia interrogatus ab Episcopis, quid mali sonarent illa verba, persensit, responditque, hoc se dixisse propter liberum arbitrium, continuo subiiciens: cui Deus adjutor est eligenti bona, homo vero peccans, ipse in culpa est quasi liberi arbitrii. Hanc quoque sententiam pii judices approbantes, quam incaute, vel quo sensu illa in libro ejus verba sint posita, considerare, vel quærere noluerunt, sufficere existimantes, ita eum confessum esse liberum arbitrium, ut eligenti bona, Deus esset adjutor, peccans vero esset in culpa, ad hoc sibi sufficiente propria voluntate.

* *Ita legendum est in utroque loco, non regit, prout in margine addebatur. Nam sensus Augustini est, eos, qui regunt, quidquid regant, id est, sive alios, sive se ipsos, idcirco bene regere, quia Deus eos regit, eisque est adjutor, ut eligant bona.*

Ac per hoc Deus regit, quibus adjutor est eligentibus bona, & ideo bene * regunt, quidquid regunt, quoniam ipsi reguntur a bono.

CAPUT III.

De tertia propositione Pelagii.

ITEM recitatum est, quod in libro suo Pelagius posuit, in die judicii, iniquis, & peccatoribus non esse parcendum, sed æternis eos ignibus exurendos. Quod adeo fratres moverat, ut obiiciendum putaretur, quod ita dictum est, tanquam omnes peccatores æterno essent supplicio puniendi, non eis exceptis, qui fundamentum habent Christum, quamvis superædificent ligna, fœnum, stipulam, de quibus dicit Apostolus: si cujus opus exustum fuerit, detrimentum patietur, ipse autem salvus erit, sic tamen quasi per ignem. Sed cum respondisset Pelagius, hoc secundum Evangelium se dixisse, ubi dicitur de peccatoribus. *Isti ibunt in supplicium æternum, justi autem in vitam æternam.* Nullo modo potuit Christianis iudicibus Evangelica, & Dominica displicere sententia, nescientibus, quid in verbis de libro Pelagii prolatis moverit fratres, qui disputationes ejus, vel discipulorum ejus audire consueverunt, quando his absentibus, qui libellum contra Pelagium sancto Episcopo Eulogia dederunt, nullus urgebat, ut peccato-

res per ignem salvandi a peccatoribus æterno supplicio puniendis aliqua exceptione distingueret: & eo modo intelligentibus iudicibus, cur fuerit illud objectum, si nollet distinguere, merito culparetur.

Quod autem addidit Pelagius, & si quis aliter credit, Origenista est: hoc acceperunt iudices, quod re vera in Origene dignissime detestatur Ecclesia, idem * quod etiam illi, quos Dominus dicit æterno supplicio puniendos, & ipse Zabuius, atque angeli ejus post tempus licet prolixum, purgati liberabuntur, & sanctis cum Deo regnantibus societati beatitudinis adhærebunt. Hoc ergo synodus dixit, alienum non esse ab Ecclesia, non secundum Pelagium, sed potius secundum Evangelium, quod tales iniqui, & peccatores æternis ignibus exurentur, quales tali supplicio dignos judicat Evangelium, & quod detestabiliter cum Origene sentiat, qui dixerit, aliquando eorum finiri posse supplicium, quod Dominus dixit æternum.

De illis vero peccatoribus, quos dicit Apostolus, exusto eorum opere tanquam per ignem salvos futuros, quoniam nihil Pelagio de his evidenter objectum est, nihil judicaverunt. Quapropter qui dicit, iniquos, & peccatores, quos æterno supplicio veritas damnat, aliquando inde posse liberari, non inconvenienter Pelagius eum Origenistam vocat; sed rursus, qui nullum peccatorem in Dei iudicio misericordia dignum existimat, quod vult, ei nomen imponat, dum tamen & hunc errorem Ecclesiastica veritate non recipi intelligat, iudicium enim sine misericordia fiet illi, qui non fecit misericordiam. Quomodo autem fiat hoc iudicium, difficile in Scripturis sanctis comprehendere potest.

Modis enim multis significatur, quod uno modo futurum est: nanque aliquando dicit Dominus adversus eos, quos in suum regnum non recipit, ostium se clausurum, clamantibusque illis & dicentibus aperi nobis, in nomine tuo manducavimus & bibimus, & cætera, quæ illos dicere scriptum est, se responsurum, nescio vos qui operamini iniquitatem. Aliquando iussurum se commemorat, ut qui noluerunt eum regnare, sibi adducantur, & interficiantur coram illo. Aliquando venturum se dicit cum Angelis suis in maiestate sua, ut congregentur ante eum omnes gentes, & dividat eas, & alios ponat ad dexteram, quorum bona opera commemorat, & reportat in vitam æternam: alios ad sinistram, quibus bonorum sterilitatem imputans, eos æterno igne condemnat. Aliquando servo nequam, pigro, qui pecuniam ejus neglexit impendere, vel etiam hominem inventum in convivio non habentem vestem nuptialem, jubet ligatis manibus, & pedibus mitti in tenebras exteriores. Aliquando susceptis quinque prudentibus, ostium contra stultas alias quinque virgines claudit. Hæc, & siquid est aliud, quod

* Forte
nunc, vel
dele, non,
nam de-
struit sen-
sum

quod in presentiam non occurrit, de judicio dicuntur futuro, utique non in uno, vel quinque, sed in multis exercendo. Nam si unus esset, qui de convivio, quod non habebat vestem, iussus est mitti, non continuo sequeretur, & diceret, *multi enim sunt vocati, pauci vero electi*, cum potius uno proiecto, atque damnato, multi in domo remansisse videantur. Sed de iis omnibus * non quantum satis est disputare, perlongum est. Hoc tamen breviter possum dicere sine praejudicio, quod in pecuniariis rationibus dici solet. Mollioris discussionis unum aliquem iudicii modum, qui est inscrutabilis nobis, *Locus videtur corruptus, & videtur legendum*, quæ deus servat duntaxat in præmiis, & poenis pro diversitate meritorum, multis per Scripturas sanctas significari modis. Quod

autem huic causæ, de qua nunc agitur, satis est, si dixisset Pelagius, omnes omnino peccatores æterno igne, & æterno supplicio puniendos, quibus iudicium id approbasset, in se ipsum primitus sententiam protulisse. Quis enim gloriabitur, se mundum esse a peccatis? Quia vero nec omnes dixit, nec quosdam, sed, nec, indefinite posuit, & hoc secundum Evangelium se dixisse respondit. Vera quidem sententia Episcopali est confirmata iudicio. Sed adhuc ne aliquid sentiat Pelagius non apparet, & post hoc etiam Episcopale iudicium, non impudenter inquiritur,

CAPUT IV.

De Propositione quarta Pelagio obiecta.

Pelagius

Conciliū

Augustus

OBIECTUM est illud Pelagio tanquam in suo libro scripserit, malum nec in cogitationem venire. Respondit autem, hoc non ita posuimus sed diximus, debere studere Christianum, ne male cogitet. Quod, si cut decuit, Episcopi approbaverunt. Quis enim dubitat, malum cogitari non oportere? *A Hæc clausula corrupta videtur, & forte sic est restituenda.* Et re vera in suo libro ita legitur, malum nec cogitandum quod in hoc sensu intelligi solet, malum nec cogitari quidem debere. Unde intelligitur, quam puro, & sincero affectu veritatis Augustinus procedat, interpretando in bono sensu propositionem hominis hæretici, ubi verba commode id patiebantur, & nihilominus excusat delatores Pelagii, ut statim subiungit.

* Alius
etiā cum

* servat, duntaxat in præmiis, & poenis diversitate meritorum, multis per Scripturas sanctas significari modis. Quod

autem huic causæ, de

consensio non sequatur, cogitatio vero, quæ culpam contrahit, & merito prohibetur, consensione non caret. Potuit ergo fieri, ut mendosum codicem legerent, qui hoc ita obijciendum arbitrati sunt, tanquam Pelagius dixerit, malum nec in cogitationem venire, quod malum est. Quæ sententia profecto absurdissima est, cum enim mala reprehendimus, nisi cogitata verbis, enuntiare non possumus; sed illa, ut diximus, culpabilis appellatur cogitatio mali, quæ consensionem trahit; cum ergo & hanc Pelagii responsionem iudices approbassent.

CAPUT V.

De quinta propositione obiecta Pelagio.

Recitatum est aliud, quod in suo libello scripsit, Regnum cælorum etiam in veteri testamento promissum. Ad quod Pelagius, hoc & per Scripturas probare possibile est; hæretici autem in iniuriam veteris testamenti hoc negant. Ego vero scripturarum auctoritatem sequutus, dixi, quoniam in Propheta Daniele scriptum est: *Et accipient sancti regnum altissimi*. Quæ ejus accepta responsione synodus dixit, neque hoc alienum est a fide Ecclesiastica.

Nunquidnam ergo fratres nostros, ut etiam hoc inter cætera obicerent, sine causa verba ista moverunt? Non utique, sed veteris testamenti nomen modis duobus dici solet, uno modo secundum divinarum Scripturarum auctoritatem, alio secundum * vulgarissimam consuetudinem, Paulus namque Apostolus dicit ad Galatas: *Dicite mibi (& inquit) sub lege volentes esse, legem non vidistis? Scriptum est enim, quod Abraham duos filios habuit, unum de ancilla, alterum de libera, quæ sunt allegoria * hæc enim sunt duo testamenta, unum quidem in servitutem generans, quæ est Agar. Sina enim mons est in Arabia, quæ conjuncta est ei, quæ nunc est Hierusalem, serviens cum filiis suis: quæ autem sursum est Hierusalem, libera est, quæ est mater nostra. Cum ergo vetus testamentum ad servitutem pertineat, unde etiam dictum est, *Eiice ancillam, & filium ejus, non enim hæres erit filius ancillæ cum filio meo Isaac*. Regnum autem cælorum ad libertatem, quomodo etiam regnum cælorum ad vetus pertinet testamentum?*

Sed quoniam, ut dixi, etiam sic solemus loqui, ut Scripturas omnes legis, & Prophetarum, quæ ante incarnationem Domini ministrante auctoritate canonica continentur, nomine testamenti veteris nuncupemus quis Ecclesiasticis literis, vel mediocriter eruditus non ignorat, * Scripturis illis promitti potuisse regnum cælorum, sicut etiam illud testamentum novum, ad quod pertinet regnum cælorum, sicut etiam illud testamentum novum, ad quod pertinet regnum cælorum? certe enim in illis literis

aper-

Pelagius

Dan. 7

Conciliū

August.

* Alius
additur
loquendi
Ad Galat.
4.
a Super-
buit.

* Alius
additis
* Alius in
allegoria
Melius,
per allego-
riam,
ut habet
vulgata
Genesi. 22.

* Melius
ita.

apertissime scriptum est. *Ecce dies veniunt*, dicit Dominus, & consummabo domui Israel, & domui Iacob testamentum novum, non secundum testamentum, quod disposui Patribus eorum, in die, quâ apprehendi manum eorum, ut educerem eos de terra Egypti. Hoc enim factum est in monte Syna. Tunc autem Daniel Propheta nondum erat, qui dixerat. *Accipient sancti regnum altissimi*. His enim verbis primum non ^A veteris, sed novi testamenti propheta-
^A *Siquis attente conside-* bat, sicut ipsum Chri-
ret principia, & errores Pe- stum venturum, iudē
lagii, non immerito verebi- prophetæ prænutia-
tur, ne aliquis error lateat runt, cuius sanguine
sub verbis ejus, quæ in hoc dedicatum est testa-
capite expenduntur. Duo- mentum novum, cu-
bus enim modis intelligi jus testamenti mini-
potest, regnum celorum ef- stri Apostoli facti
se promissum in veteri lege, sunt dicente Beatissi-
uno modo ut promissio fa- mo Paulo. *Qui idō-*
cta intelligatur in virtute neos nos fecit ministros
legis scriptæ, seu veteris novi testamenti, non li-
testamenti, id est, operibus tera, sed spiritu, litera
legis factis virtute liberi enim occidit, spiritus
arbitrii, & consequenter, autem vivificat,
ut intelligatur promissum
tanquam conferendum in
statu illius legis. Alio mo-
do potest intelligi esse pro-
missum ut conferendum in
statu novi testamenti, &
ratione operum, quæ tunc
feri poterant virtute grā-
tia, quæ in fide Christi con-
ferrebat. Prior sensus ha-
reticus est, posterior ca-
tholicus, & verus, ut par-
vim in materia de Incar-
natione dictum est, partim
in sequentibus dicitur, Pe-
lagius vero, cum peccatum
originale neget, & meri-
tum tribuat operibus liberi
arbitrii ex sola virtute, &
merito illius, consequenter
cogitare potuit, & fortas-
se cogitavit, primum re-
gni celorum æque perti-
nuisse ad vetus testamen-
tum, sicut ad novum, imo
etiam æque ad legem natu-
ræ, sicut ad legem gratiæ.
Augustinus vero, licet hoc
recte præviderit, & hanc
ipsam distinctionem in ea,
quam aliis verbis decla-
rat, intendat, nihilomi-
nus Pelagio non tribuit er-
rorem, quem suis verbis
non satis explicuit, sed
veritatem ipsam secundū
se spectatam declarat. Et
ita est facilis tota doctri-
na Augustini in hoc capite,

Fili ergo carnis pertinent ad terrenam Hierusalem, quæ servit eum filiis suis, filiis autem promissionis ad eam, quæ sursum est, liberam matrem nostram in celis æternam. Unde perspicitur, qui ad regnum terrenum, & qui pertineant ad regnum celorum. * Ista distinctionem, qui etiam illo tempore pro Dei gratia intelligentes, filii promissionis effecti sunt, novi testamenti hæredes in occulto Dei consilio deputati sunt, etiam si vetus testamentum pro temporum distributione divinitus datum populo veteri, congruenter ministraverunt.

Quomodo ergo non merito commoverentur filii Hierusalem in celis æternæ, cum ista discretio Apostolica, atque catholica Pelagii verbis videretur auferri, & Agar quomodo Saræ crederetur æquari? Ille igitur hæretica impietate Scripturæ veteris testamenti faciat injuriam, qui eam ex Deo bono summo, & verò fonte sacrilegæ impietatis negat, sicut Marcion, sicut Manichæus, & si qua alias pestis hoc sentit. Quapropter ut de hac re, quod sentio, qua possum brevitate, complectar, sicut veteri testamento, si esse ex Deo bono, & summo negaretur, ita & novo fit injuria, si veteri æquetur. Sed cum Pelagius respondisset, cur dixerit in veteri testamento promitti regnum celorum, Danielis Propheta commemorans testimonium, qui Sanctos accepturos regnum altissimi apertissime prophetavit, non esse alienum hoc a fide catholica, merito judicatum est, non secundum illam distinctionem, qua in monte Sina promissa terrena ad vetus testamentum, proprie pertinere monstrantur; nec tamen improbe secundum hanc loquendi consuetudinem, qua universæ Scripturæ canonicæ ante incarnationem Domini * ministrata, veteris testamenti appellatione censentur. Non enim aliud est regnū Altissimi, quam Dei regnum, aut quicquam contendere audebit, aliud esse Dei regnum, aliud regnum celorum.

C A P U T VII.

De sexta Pelagii propositione, & aliis illis annexis.

POST hæc objectum est, quod Pelagius in eodem suo libro dixerit, posse hominem, si velit esse sine peccato, & quod scribens ad viduam adulatorie dixerit, inveniat apud te pietas, quæ nusquam invenit locum, inveniet, ubique * peregrinante sed me iustitia, veritas, quam jam nemo cognoscit, domestica tibi, & amica fiat; & lex Dei, quæ ab omnibus prope hominibus contemnitur, a te sola honoretur: & iterum ad ipsam: o te felicem, & beatam, si iustitia, quæ in cælo tantum

* Videtur deesse iustitia, vel quid simili

* In originali legebatur ministrante, & hæc alia lectio addebatur in margine. Sed sine dubio hæc proprium sensum continet, ab altera nullum congruum reddat, alibi etiam legitur stante.

* Alias Peregrinans etc.

tantum esse credenda est, apud te solam inveniatur in terris. Et in alio ad ipsam libro post orationem Domini, & Salvatoris nostri docens quemadmodum debeant sancti orare ait. Ille ad Deum digne elevat manus, ille orationem bona conscientia effundit, qui potest dicere, tu nosti Domine, quam sanctæ, & innocentes, & munda * sint ab omni * molestia, & iniquitate, & rapina, quas ad te extendo manus, quemadmodum iusta, & munda labia, & ab omni mendacio libera, quibus offero tibi deprecationem, ut mihi miserearis.

* Alias
Sunt.
* Alias
Malitia.

Pelagius Ad hoc autem Pelagius respondens, ait, posse quidem hominem sine peccato esse, & Dei mandata custodire, si velit diximus. Hanc enim possibilitatem Deus illi dedit. Non autem diximus, quod inveniatur aliquis ab infantia usque ad senectam, qui nunquam peccaverit, sed quoniam a peccatis conversus proprio labore & Dei gratia posse esse sine peccato. Nec per hoc tamen in posterum inconvertibilis. Reliqua vero, quæ subjecerunt, neque in libris nostris sunt, neque talia unquam diximus. His auditis synodus dixit: Quoniam negas, te alia scripsisse, anathematizas illos, qui sic tenent? Pelagius respondit, anathematizo quasi stultos, non quasi hæreticos, siquidem non est dogma. Deinde judicaverunt Episcopi dicentes. * Nunc quoniam anathematizavit Pelagius insertum stultiloquium, recte respondens, hominem cum adiutorio Dei, & gratia posse esse sine peccato, respondeat & ad alia capitula.

Concilii
Pelagius.

Concilii
* Alias
Propria
voce an-
themati-
zavi.

August. Nunquid hic poterant iudices, vel debebant incognita, & incerta damnare, quando nemo contra aderat, qui ea, quæ ad viduam reprehensibilia scripta dicebantur, Pelagium scripsisse convinceret, ubi profecto parum esset codicem ferre, & de scriptis ejus * hæc legere, nisi & * testes adhiberentur, si illa scripta sua esse, etiam cum recitarentur, negaret? Veruntamen in his quoque fecerunt iudices, quod facere potuerunt, interrogantes Pelagium, utrum anathematizaret illos, qui talia sentiunt, qualia se negavit scripsisse, sive dixisse quos ille * se tanquam stultos anathematizare respondit. Quid amplius de hæc iudices advesariis absentibus querere debuerunt?

* Alias
Hoc
* Alias
Quia.

* Alias
Ibi.

* Alias
abstulerunt.

An & illud fortasse tractandum est, utrum recte dictum sit, non tanquam hæreticos, sed tanquam stultos anathematizandos, qui ita sentirent, quoniam dogma non esset? Sed ab hac questione non levi, ubi queritur quatenus sit definiendus hæreticus, recte se in presentia iudices abstulerunt. * Non n. si quicumque v. g. dixerit aquilarum pullos paterno ungue suspensos, & radiis solis oblatos, si oculis palpitaverint, tanquam adulterinos in terram luce quodammodo convincente dimitti; si forte hoc falsum est, hæreticus judicandus est; & hoc quia in hominum doctorum literis invenitur; famaue vulgatum est:

nec stulte dici putandum est, etiam si verum non est, nec fidem nostram, propter quam fideles vocamur, aut creditum lædit, aut creditum juvat. Porro si ex hoc venit, A quod contenderit, animas rationabiles inesse volucris, ex eo, quod in eas revolvantur: tunc vero tanquam hæretica pestis ab auribus, animoque pellenda est, agendumque, & demonstrandum, etiam si hoc de aquilis verum est, si-

A Locus hic mendosus apparet, & verbum illud venit, vix legi poterat, sensus tamen esse videtur, licet ad hæresim non pertineat illa proprietatem aquilis tribuere, si tamen quis contendat, id provenire ex eo, quod animam rationalem habeant, id ad hæresim spectare. Alias pro dictione venit legitur, sentis.

* Alias
sanctis.

cut multa mira ante oculos nostros de apibus vera sunt, longe tamen ab huiusmodi irrationabilium animantium, quamvis * mirabili sensu distare rationem, quæ non hominibus, & pecoribus, sed hominibus, angelisque communis est. Multa vero etiam stulta dicuntur ab imperitis, & vanis, nec tamen hæreticis, qualia sunt eorum, qui de alienis artibus, quas non didicerunt, temere judicant, aut immoderato, & cæco affectu, vel laudant quos diligunt, vel vituperant, quos oderunt, & quicquid aliud in consuetudine sermonis humani non statuto dogmate sed passim, ut ad tempus occurrit, per stultitiæ levitatem, vel ore profertur, vel stylo etiam, literisque committitur:

Multos denique iis paulum admonitos talia dixisse mox poenitet * ita eo B non placito, quodnam fixa retinebant, sed quasi undecunque rapta, & non * considerant. Vix est autem, carere istis malis, & quis est, qui non labitur lingua, & offendit in verbo, sed interest quantum, interest unde, interest postremo utrum admonitus corrigat, an pertinaciter defendendo etiam dogma faciat, quod levitate, non dogmate dixerat. Cum igitur omnis hæreticus & consequenter stultus sit, non tamen omnis stultus continuo sit appellandus hæreticus; recte iudices insertum stultiloquium propria voce Pelagium anathematizasse dixerunt, quia & si hæresis esset, proculdubio, & stultiloquium est. Proinde quid illud sit, generalis vitii nomine appellaverunt. Utrum autem ex aliquo dogmate ista sint dicta, an vero non fixa, placitaque sententia, sed facile emendabili vanitate, quoniam ille, qui audiebatur, quomodo dicta essent, sua esse negaverat, discutiendum in presentia non putarunt.

B Hic locus subobscurus est & lectiones addita in margine obscuriorem illi reddiderunt, erit autem facilis, si ubi dicitur ita eo, legamus, ita ea, nam sensus est, multo de iis in quibus errabant, ideo facile poenitere si admoneantur quia ea, id est, errores illos non placito fixo, id est, firmo, & deliberato assensu retinebant, sed, &c.

* Alias
ita & non
placito
quoniam
fixi retinebant.
* Alias
desiderata

Nos sane cum hanc Pelagii definitionem in illa, quam prius accepimus, chartula, legeremus, aderant quidam sancti fratres, qui se Pelagii libros exhortatorios, vel consolatorios ad quandam viduam conscriptos, cujus

cujus nomen non est expressum, se habere dixerunt, & admonuerunt requirendum, utrum illic ista, quæ sua negavit, essent forte conscripta, quoniam hoc & ipsi se ignorare asserebant. Tunc vero cum iidem libri ab exordio legerentur, quæ sita, & inventa sunt. Affirmabant autem illi, qui protulerant codicem, ante quatuor ferme annos se istos tanquam Pelagii libros habere cœpisse, nec unquam utrum ejus essent, ab aliquo se audisse dubitari. Considerantes itaque optime nobis servorum Dei cognitam fidem de hac re non posse mentiri, restare videbatur, ut Pelagium potius in Episcopali judicio crederemus fuisse mentitum, nisi fieri potuisset cogitaremus, etiam ante annos tam multos aliquid sub ejus nomine, non tamen ab illo conscriptum. Neque enim isti eosdem libros ab ipso accepisse, vel quod ipsius essent, audivisse dicebant. Nam & mihi quidam fratres nostri nonnulla opuscula sub meo nomine in Hispaniam venisse dixerunt, quæ quidem ab eis, qui alia nostra legissent, non agnoscerentur, ab aliis tamen nostra esse crederentur.

C A P U T VII.

Expenditur eadem sexta propositio Pelagii, & qua gratia, & quomodo detur homini sine peccato vivere.

ILLUD sane, quod Pelagius suum esse confessus est, adhuc latebrosus est, sed puto, quod in istorum gestorum consequentibus partibus elucebit. Ait enim posse quidem esse sine peccato, & Dei mandata custodire, si velit. Diximus, * hanc possibilitatem Deus illi dedit; non autem diximus, quod inveniatur aliquis ab infantia usque ad senectam, qui nunquam peccaverit, sed quoniam a peccatis conversus proprio labore, & Dei gratia possit esse sine peccato, nec per hoc tamen in posterum inconvertibilis. In his verbis quam dicat Dei gratiam prorsus latet; & iudices quidem catholici nullam aliam intelligere potuerunt, nisi quam nobis plurimum Apostolica doctrina commendat. Hæc est enim, qua nos liberari posse speramus de corpore mortis hujus per Iesum Christum Dominum nostrum.

Cap. 7. Sed pro qua impetranda oramus, ne intremus in tentationem; hæc gratia non est legis scientia, sed ea est, de qua dicit Apostolus; *Non irritam facio gratiam Dei, Nam per legem iustitia; ergo Christus gratis mortuus est.* Et ideo non est litera occidens, sed spiritus vivificans, scientia quippe legis sine gratia spiritus operatur in homine omnem concupiscentiam. *Peccatum enim (inquit) non cognovi, nisi per legem, nam concupiscentiam*

nesciebam, nisi lex diceret; Non concupisces: occasione autem accepta per mandatum operatum est in me omnem concupiscentiam. Neq; * ista dicendo legem vituperat; imo etiam laudat, cum dicit: *Lex quidem sancta, & mandatum sanctum, & iustum, & bonum.* Quod ergo bonum est, inquit, mihi factum est mors? absit, sed peccatum, ut appareat * peccatum per bonum mihi operatum est mortem. Et iterum legem laudat dicendo: *Scimus enim, quod lex spiritualis est, ego autem carnalis sum, venundatus sub peccato; quod enim operor, ignoro. Non enim quod volo, hoc ago, sed quod odi, illud facio, si autem, quod nolo, hoc facio, consensio legi, quoniam bona est.*

Ecce jam legem monuit, * laudat, eique consentit, hoc est, eam bonam esse consentit, quoniam quod illa jubet, hoc & ipse vult, & quod illa vetat, & damnat, hoc & ipse odit, & tamen quod odit, hoc facit. Inest ergo legis sanctæ scientia, nec tamen sanatur vitiosa concupiscentia. Inest voluntas bona, & valet operatio mala. Hinc est, quod duabus inter se legibus colluctantibus dum legi mentis lex repugnat in membris, & captivat sub lege peccati, a confidente exclamatur, & dicitur: *Infelix ego homo, quis me liberabit de corpore mortis hujus?* Gratia Dei per Iesum Christum Dominum nostrum. Non ergo natuta, quæ sub peccato venundata, & vitio fauciata redemptorem, salvatoremque desiderat, nec legis scientia, per quam * sit concupiscentiæ cognitio, non * evictio liberat a corpore mortis hujus, sed gratia Domini per Iesum Christum Dominum nostrum. Ita est non natura moriens, nec litera occidens, sed spiritus vivificans. Iam enim habebat iste naturam cum voluntatis arbitrio, nam dicebat: *velle adjacet mihi: sed non habebat naturam cum sanitate sine vitio, nam dicebat: Scio, quod non habitat in me, hoc est, in carne mea, bonum.* Iam habebat cognitionem legis sanctæ, nam dicebat: *Peccatum non cognovi, nisi per legem.* Sed non habebat vires agenda, perficiendæque iustitiæ, nam dicebat: *Non quod volo, ago, sed quod odi hoc facio, & perficere bonum non invenio.* Ideo nec voluntatis arbitrium, nec legis præceptum, unde liberaretur de corpore mortis hujus, quia utrumque jam habebat aliud in natura, aliud in doctrina, sed gratiæ Dei poscebat auxilium per Iesum Christum Dominum nostrum.

Hanc itaque gratiam, quam in Catholica Ecclesia notissimam noverant Episcopi, crediderunt Pelagium confiteri, cum audirent, eum dicere, hominem a peccatis conversum proprio labore, & Dei gratia posse esse sine peccato. Ego autem propter illum librum, quem mihi refellendum servi Dei dederunt, qui discipuli ejus fuerunt, & cum eundem Pelagium valde diligenter, ejus esse dixerunt, ubi hæc quæstione sibi proposita, quia

* Alias ita.

* Alias apparet

* Alias novit

Cap. 8.

* Alias fit. * Alias e vitio

Cap. 10.

quia hoc in eo jam plurimos offenderat, quod adversus Dei gratiam loqueretur, aperitissime * expressit, hanc se dicere Dei gratiam, quod possibilitatem non peccandi natura nostra, cum conderetur, accepit, quoniam condita est cum libero arbitrio. Propter hunc ergo librum ego, plurimi autem fratres propter ejus disputationes, quas dicunt sibi esse notissimas, adhuc sumus de istorum verborum ejus ambiguitate solliciti, ne forte quid in ea lateat, atque se hoc dixisse sine præiudicio sui dogmatis exponat postea discipulis suis, ita differens: Dixi quidem proprio labore, & Dei gratia posse hominem esse sine peccato, sed quam dicam gratiam optime nostis, & legendo recolere potestis, * sic quod ea A in qua creati sumus a Deo cum libero arbitrio. Atque ita dum eum credunt Episcopi, eam dixisse gratiam, non qua homines creati sumus, sed qua in novam creaturam adoptati, hanc enim aperitissime gratiam divina Scriptura commendat, ignorantes hæreticum tanquam Catholicum absolverint.

Suspectum enim me facit illud, quod cum in eodem libro, cui respondi, aperitissime, dixerit, Abel justum nunquam omnino peccasse, modo ait. Non autem diximus, quod inveniat aliquis ab infantia usque ad senectam, qui nunquam peccaverit, sed quoniam a peccatis conversus proprio labore, & Dei gratia possit esse sine peccato, Abel quippe justum non a peccatis conversum in cætera vita dixit, factum esse sine peccato, sed quod peccatum ullum nunquam fecerit. Unde si ille * ipsius liber est, profecto ex ipsa responsione emendandus est. Nolo enim eum dicere modo fuisse mentitum, ne forte quod in libro illo scripserit, se dicat oblitum. Proinde cetera videamus; ea quippe consequuntur in Ecclesiasticis gestis, quibus, adjuvante Domino, possumus ostendere, etiam Pelagio, sicut nonnullis videtur, in illa examinatione purgato, & certe apud iudices duntaxat homines absoluto, hanc talem hæresim, quam ulterius progredi, & in pejus profiteri * nolumus, sine dubio esse damnatam.

C A P U T VIII.

De sex aliis propositionibus objectis Pelagio ex doctrina Cælestii, & quibusdam aliis.

Hic * enim sequuntur objecta Pelagio, quæ in doctrina Cælestii discipuli ejus referuntur inventa.

1 Adam mortalem factum, qui sive peccaret, sive non peccaret, moriturus esset.

2 Quoniam peccatum Adæ ipsum solum læserit, & non genus humanum.

3 Quoniam lex sic mittit ad regnum, quemadmodum Evangelium.

4 Quoniam ante adventum Christi fuerunt homines sine peccato.

5 Quoniam infantes nuper nati in illo statu sint, * in quo Adam fuit ante prævaricationem.

6 Quoniam neque per mortem, vel prævaricationem Adæ omne genus hominum moriatur, neque per resurrectionem Christi omne genus hominum resurgat. Hæc ita objecta sunt, ut etiam apud Carthaginem a Sanctitate tua A & ab aliis tecum Episcopis dicerentur audita, atque damnata. Ubi quidem, ut recolis, cum ipse non fuisset, postea cum venissem Carthaginem, eadem gesta recensui, ex quibus aliqua memini, sed nescio utrum ejus hæc omnia teneantur. Quid autem interest, utrum aliqua ibi non sint forte commemorata, & ideo nec damnata, cum constet esse damnanda.

7 Deinde objecta sunt & alia quædam capitula commemoratione mei nominis interposita, quæ mihi de Sicilia missa fuerant, cum ibi fratres catholici hujusmodi quæstionibus turbarentur, quibus per librum ad Hilarium B scriptum, qui ea mihi in epistola sua consulens miserat, satis sufficienter, ut mihi videtur, respondisse. * Ista sunt autem posse hominem sine peccato, si velit, esse; infantes, etsi non baptizentur, habere vitam æternam: divites baptizatos, nisi omnibus abrenuntient, si quid boni nisi fuerint facere non reputari illis, neque regnum Dei posse eos habere.

Ad hæc sibi objecta (sicut gesta testantur) Pelagius ita respondit. Posse quidem hominem sine peccato esse. Dictum est (inquit) superius de eo, quod fuerint ante adventum Domini homines sine peccato, dicimus & nos, quoniam ante adventum Christi vixerunt quidam sancte, & iuste secundum Scripturarum Sanctarum traditionem. Reliqua vero, & secundum ipsorum testimonium, a me dicta non sunt, pro quibus ego satisfacere non debeo, sed tamen ad satisfactionem sanctæ Synodi anathematizo illos, qui sic tenent, aut aliquando tenuerint. * Post hanc ejus responsionem Synodus dixit. Ad hæc quæ dicta capitula sufficienter, C & recte satisfecit præfens Pelagius anathematizans ea, quæ non erant ejus.

Videmus igitur, & tenemus non solum a Pelagio, verum etiam a sanctis Episcopis, qui illi iudicio præsidebant, mala perniciosissima hujus hæresis esse damnata. Adam mortalem factum, quod ut plenius exponeretur, quomodo dictum sit, additum est, qui sive peccaret, sive non peccaret, moriturus esset. Quod peccatum ejus ipsum solum læserit, & non genus humanum. Quod lex sic mittat ad regnum, quemadmodum, & Evangelium. Quod infantes nuper nati in illo statu sint, in quo Adam fuit ante prævaricationem. Quod neque per prævaricationem Adæ omne

* Alias fecit

A Id. 27. ab Aurel.

B Ep. epist. 89.

* Alias Responsum.

Pelagius.

* Alias tenentur Concilio C Adde continent

August.

omne genus hominum moriatur, neque per resurrectionem Christi omne genus hominum resurgat. Quod infantes etsi non baptizentur, habent vitam æternam. Quod divites baptizati, nisi omnibus abrenuntient, si quid boni * visi fuerint facere, ne illis reputetur, neque regnum Dei possint habere. Hæc certe omnia iudicio illo Ecclesiastico, anathematizante Pelagio, & Episcopis interloquentibus, constat esse damnata. His autem quæstionibus, & istarum sententiarum * contentiosissima, adsertionibus jam usquequaque ferventibus, multorum frangum perturbabatur infirmitas. Unde coacti sumus sollicitudine charitatis, quam erga Ecclesiam Christi per gratiam Christi nos habere convenit, etiam ad beatæ memoriæ Marcellinum, qui eos quotidie disputatores molestissimos patiebat, & me per literas consulebat de quibusdam istarum quæstionibus scribere, D & maxime de baptismo parvulorum, de quo etiam postea, te iubente in Basilica majorum, * gestans quoque in manibus epistolam gloriosissimi Martyris Cypriani, & de hac re verbum ejus recitans, atque pertractans, ut error iste nefarius de quorundam cordibus auferretur, quibus persuasa fuerunt, quæ in in his gestis videmus damnata, adjutus orationibus tuis, quantum potui, laboravi. Hæc sunt quæ nonnullis fratribus quidam talia sentientes ita persuadere conabantur, ut de Orientalibus comminarentur Ecclesiis, quod si * qui hæc tenerent, eorum * possent iudicio condemnari. Quatuordecim Antislites Orientalis Ecclesiæ in ea terra, cui Dominus præsentiam suæ carnis exhibuit, Pelagium non absolvent, nisi ea tanquam fidei catholicæ adversa damnaret. Unde si propterea est iste absolutus, quod anathematizaverit talia, proculdubio illa damnata sunt, quod multo cumulatius, atque clarius in consequentibus apparebit.

Unde nunc duo illa videamus, quæ nolit anathematizare Pelagius, quia etiam sua esse cognovit, sed ut illud, quod in eis offendeat, auferret, quomodo ea sentiret, exposuit. Possit * quidem hominem sine peccato esse, dictum est superius. Dictum sane, & nos meminimus: sed ideo mitigatum, & a iudicibus approbatum, quod addita est Dei gratia, quæ in illis * capitulis tacebatur. De hoc autem altera, quemadmodum responderit, diligentius intuendum est. De illo autem, inquit, quod fuerint ante adventum Domini homines sine peccato, dicimus & nos, quoniam ante adventum Christi vixerunt quidam sancte, & iuste, secundum sanctarum Scripturarum traditionem. Non est ausus dicere, dicimus & nos, quoniam ante adventum Christi fuerunt homines sine peccato, cum hoc illi de Cælestii dictis fuisset objectum, sensu enim, quam esset periculotum, & molestum, sed ait, dicimus & nos, quoniam ante adventum

Christi vixerunt quidam sancte, & iuste. Quis hoc negaverit? Sed aliud est hoc & aliud fuisse sine peccato, quæ & illi sancte, iusteque vivebant, qui veraciter tamen dicebant: *Si dixerimus, quia peccatum non habemus, ipsi nos seducimus, & veritas in nobis non est*, & hodie multi iuste, sancteque vivunt, neque tamen in oratione mentiuntur, cum dicunt: *Dimitte nobis debita nostra, sicut & nos dimittimus debitoribus nostris*. Hoc ergo iudicibus placuit, quemadmodum, ipse * diceret, * Melius se dicere, adseveravit Pelagius, non quemadmodum obiciebatur dixisse Cælestius, Nunc ea, quæ restant, pertractemus.

CAPUT IX.

De alia propositione objecta Pelagio, quod Ecclesia hic sit sine macula, & ruga.

OBIECTUM est Pelagio, quod diceret, Ecclesiam hic esse sine macula, & ruga: unde etiam Donatistæ diuturnum nobiscum habuerunt in nostra collatione conflictum, sed illos de permissione malorum hominum, tanquam palea cum frumentis propter aræ similitudinem potius urgebamus. Qua similitudine etiam istis respondere possumus, nisi Ecclesiam in solis bonis vellent fortasse intelligi, quos nullus omnino asserunt habere peccatum, ut possit Ecclesia hic esse sine macula, & ruga. Quod si ita est, eadem repeto, quæ paulo antea memoravi: quomodo sunt membra Ecclesiæ, de quibus verax clamat humilitas: *Si dixerimus, quoniam peccatum non habemus, ipsi nos seducimus, & veritas in nobis non est?* vel quomodo id, quod cum * Dominus docuit, orabit Ecclesia: *Dimitte nobis debita nostra*, si in hoc sacculo est Ecclesia sine macula, & ruga. Postremo ipsi de se ipsis interrogandi sunt, verum nec ne fateantur aliqua se habere peccata. Quod si negabunt, dicendum est eis, quod se ipsos decipiant, & veritas in eis non sit. Si autem peccatum se habere fateantur, quid aliud, quam de ruga, vel macula fatebuntur? Non sunt ergo isti Ecclesiæ membra, quia illa est sine macula, & ruga, hi autem cum macula, & ruga.

Sed ad hoc objectum vigilantibus circumspeditione respondit, quam sine dubio Catholici iudices approbaverunt. Dictum est, inquit, a nobis scilicet ita quoniam lavacro ab omni macula, & ruga purgatur Ecclesia, quam velit ita Dominus permanere. Ad quod Synodus dixit: Hoc & nobis placet. Quis enim nostrum negat, omnium in baptismo peccata dimitti, & omnes fideles sine macula, & ruga de lavacro regenerationis ascendere? Aut cui Christiano catholico non placet, quod & Domino placet, idque futurum est, ut Ecclesia permaneat sine macula, & ruga? Quandoquidem id nunc agitur Dei misericordia, & veritate, ut ad illam perfectionem, ubi sine

* Alias

* Alias
Fecit, nec
voluntas, &
adde, de
sententia, de
vel pro
pugnatio
ne, vel
quid simi
leD
Unique
bros de
peccator
merit, &
remit.* Alias
Majoria.

* Alias ni

* Alias
Fate* Alias
Fiquit* Alias
gullu

Cap. 12

* Forte
eamConciliū
August.

sine macula, & ruga in æternum mansura est Sancta Ecclesia, perduceret? * Sed inter lavacrum; ubi omnes præteritæ maculæ, rugæque tolluntur, & regnum, ubi sine macula, & ruga perpetuo manebit Ecclesia, tempus hoc medium est orationis, ubi necesse est dicat, Dimitte nobis debita nostra. Propter hoc objectum eos dicere, hic esse Ecclesiam sine macula, & ruga: utrum per hanc sententiam auderent prohibere orationem, qua diebus, & noctibus veniam peccatorum jam baptizata sibi poscit Ecclesia. De qua * medio tempore inter remissionem peccatorum, quæ fit in lavacro, & mansionem sine peccatis, quæ futura est in regno, cum Pelagio nihil est actum, nihil ab Episcopis pronunciatum, sed tantum hoc, quod breviter significandum putavit non se ita dixisse, ut videbatur objectum. Cum hoc * (ait) dictum est vobis, sed ita quid voluit videri, nisi non ita, quemadmodum dixisse ab his, qui objecerant, credebatur. Quid tamen sequuti sunt * iudices, ut dicerent, sibi hoc placere, id est baptismum, quo abluitur a peccatis, & regnum, ubi permanebit sine peccatis sancta, quæ nunc mundatur, Ecclesia, satis, quantum existimo, apparet.

C A P U T X.

De quadam objectione facta Pelagio ex libro quodam Cœlestii.

DEINDE objecta sunt de libro Cœlestii, quid in unoquoque capitulo contineat magis secundum sensum, quam secundum verba, quæ quidem ille latius exequitur, * sed tunc subicere omnia, quæ libellum adversus Pelagium dederunt, se non potuisse dixerunt. Ergo in primo capitulo libri Cœlestii hoc scriptum esse posuerunt, quoniam plus facimus, quam in lege, & Evangelio iussum est. Ad quod Pelagius respondit: Hoc quasi nostrum posuerunt, dictum est vero a nobis secundum Apostolum de Virginitate, de qua Paulus dixit. *Præceptum Domini non habeo.* Synodus dixit: Hoc & Ecclesia recipit.

Legi ego quo sensu id Cœlestius in libro suo posuerit, non * tamen eum suum esse negat. Dixit enim hoc, quo videlicet persuaderet, tantam * nos habere per naturam liberi arbitrii non peccandi possibilitatem, ut plus etiam, quam præceptum est, faciamus: quoniam perpetua servatur a plerisque virginitas, quæ præcepta non est, cum ad non peccandum præcepta implere sufficiat. Quod autem a Pelagio responsum est, ut approbarent iudices, non sic acceperunt, tanquam omnia legis, & Evangelii præcepta custodiant, qui virginitatem, quæ præcepta non est, insuper servant, sed ad hoc tantum, quod plus est virginitas, quæ non est præcepta, quam conjugalis pudicitia,

Suarez Tom. VI.

quæ præcepta est: custodire istam, quam illam, utique plus est, cum tamen neutrum eorum habeatur sine gratia Dei. Quandoquidem Apostolus de hac re loquens; ait: *Volo autem omnes homines esse; sicut me ipsum, sed unusquisque proprium donum habet a Deo, alius sic, alius autem sic, & ipsi Domino cum dixissent discipuli: Si ita est causa hominis cum uxore, non expedit nubere, vel quod latine melius dicitur, non expedit ducere. Non (inquit) omnes capiunt verbum hoc, sed quibus datum est.* Hoc ergo Episcopi Ecclesiam recipere pronuntiarunt, quod plus sit virginitas perseverans, quæ præcepta non est, quam nuptiarum castitas, quæ præcepta est. Quo autem sensu illud Pelagius, sive Cœlestius dixerit, * iudices nescierunt.

C A P U T XI.

De aliis capitalibus objectionibus ex libro Cœlestii excerptis.

HINC jam objiciuntur Pelagio alia Cœlestii capitula capitalia, & sine dubitatione damnanda, quæ nisi anathematizasset, cum his sine dubio damnaretur. In tertio capitulo scripsisse Cœlestium, gratiam Dei, & adjutorium non ad singulos actus dari, sed in libero arbitrio esse, vel in lege, ac doctrina. Et iterum Dei gratiam secundum meritam nostram dari, quia si peccatoribus illam det, videtur esse iniquus. Et his verbis intulisset, * propterea & ipsa gratia in mea voluntate posita est, sive dignus fierem, sive indignus. Si enim per gratiam omnia facimus, quando vincimur a peccato, non nos vincimur, sed Dei gratia, quæ voluit nos adjuvare omnimodo, & non potuit. Et iterum ait, Si gratia Dei est, quando vincimus peccata; ergo ipse est in culpa, quando a peccato vincimur, quia omnino custodire nos aut non potuit, aut noluit.

Ad hæc ita Pelagius respondit. Hæc utrum Cœlestii sint, ipsi viderint, qui dicunt ea Cœlestii esse, ego vero nunquam sic tenui, sed anathematizo, qui sic tenet. Synodus dixit. Recipit te sancta Synodus, ita verba reproba condemnantem.

De his certe omnibus, & Pelagii eadem anathematizantis manifesta responsio est, & Episcoporum ista damnantium absolutissima judicatio. Utrum ea Pelagius, an Cœlestius, an uterque, an neuter illorum, an alii, sive cum ipsis, sive sub nomine illorum senserunt, sive adhuc sentiant, sit dubium, vel occultum, satis tamen hoc iudicio declaratum est, esse damnatum, & Pelagium simul fuisse damnandum, nisi hoc etiam ipse damnaret. Nunc certe post hoc iudicium, quando contra hujusmodi sententias disputamus, adversus damnatam hæresim disputamus.

Dicam etiam aliquid latius. Superius mentionebam, cum diceret Pelagius, adjuvante gra-

* Forte perducatur.

* Forte 3^{us}.

* Alias cum enim ait, dictum est a nobis, scilicet, ita. * Alias siquid.

Cap. 1^{us}

* Alias exequitur

Pelagius.

Concilia.

Augustin. * Alias, si tamen eum suum esse non negat * Alias tantum.

Cap. 14.

* Alias inculcatur.

Pelagius.

Synodus.

Synodus.

Augustin.

gratia Dei, posse esse hominem sine peccato, ne forte eandem gratiam possibilitatem diceret esse naturæ a Deo conditæ cum libero arbitrio, sicut in libro est, quæ tanquam ejus accepi, cui respondi, & eo modo nescientes iudices falleret. Nunc vero † anathematizat eos, qui gratiam Dei, & adiutorium, non ad singulos actus dicunt dari, sed in libero arbitrio esse, vel in lege, atque doctrina; satis evidenter apparet, eam illum dicere gratiam, quæ in CHRISTI Ecclesia prædicatur, quæ subministratione Sancti Spiritus datur, ut ad nostros actus singulos adjuyemur: unde & oramus semper adiutorium opportunum, ne inferamur in tentationem. Nec illud metuo, ne forte ubi dixit, non posse esse sine peccato, nisi qui scientiam legis habuit, atque id ita exposuit, ut ad non peccandum in legis scientia poneret adiutorium, eandem legis scientiam Dei gratiam velit intelligi. Ecce anathematizat, qui hoc sentiunt, ecce nec naturam liberi arbitrii, nec legem, atque doctrinam vult intelligi gratiam, qua per actus singulos adjuyamur. Quid ergo restat, nisi ut eam intelligat, quam dicit Apostolus subministratione Spiritus Sancti dari? de qua dicit Dominus: *Nolite cogitare quomodo, aut quid loquamini, dabitur enim vobis in illa hora quid loquamini, non enim vos estis, qui loquimini, sed Spiritus Patris vestri, qui loquitur in vobis.* Nec illud metuendum est, ne forte ubi ait, omnes voluntate propria regi, idque exposuit, ideo se dixisse, propter liberum arbitrium, cui DOMINUS adiutor est eligenti bona, etiam hic per naturam liberi arbitrii, & per doctrinam legis adiutorem dixit. Cum enim recte anathematizaverit eos, qui dicunt, gratiam Dei, & adiutorium non ad singulos actus dari, sed in libero arbitrio esse, vel in lege, ac doctrina, profecto Dei gratia, vel adiutorium ad singulos actus datur, excepto libero arbitrio, & lege, atque doctrina; ac per hoc singulos actus, a Deo regimur, quando recte agimus, nec frustra orantes dicimus. *Itinera mea dirige secundum verbum tuum, ne domine- tur in me omnis iniquitas.*

Sed quod ita † sequitur, me rursus sollicitat. Cum enim de quinto capitulo libri Cœlestii huic fuisset objectum, quod affirmant, unumquemque hominem omnes virtutes posse habere, & gratias, & auferant diversitatem gratiarum, quam Apostolus docet, Pelagius respondit: Dictum est a nobis, sed maligne, & imperite reprehenderunt: non enim auferimus gratiarum diversitatem, sed dicimus donare Deum ea, qui fuerit dignus accipere omnes gratias, sicut Paulo Apostolo donavit. Ad hoc Synodus dixit: consequenter, & Ecclesiastico sensu & ipse sensisti de dono gratiarum, quæ in Sancto Apostolo continentur. Hic dicet aliquis. Quid ergo sollicitat? An tu negabas

† omnes virtutes, & gratias fuisse in Apostolo? Ego vero si illæ accipiuntur omnes, quas uno quodam ipse Apostolus commemoravit loco, quas & Episcopos intellexisse arbitror, ut hæc approbarent, & pronuntiarent sensu Ecclesiastico dictum, non eas † dubito habuisse Apostolum Paulum. Ait enim: *Et quosdam quidem posuit DEUS in Ecclesiam, primo Apostolos, secundo Prophetas, Tertio Doctores, deinde virtutes, deinde donationes sanitatum, adiutoria, gubernationes, genera linguarum.* Quid ergo? dicemus quod hæc omnia non habuit Apostolus Paulus? Quis hoc audeat dicere? Nam eo ipso, quod Apostolus erat, habebat utique Apostolatum, sed habebat & prophetiam. An non prophetia ejus est? *Spiritus enim manifeste dicit, quia in novissimis temporibus recedent quidam a fide, intendentes spiritibus seducto- ribus, doctrinis demoniorum.* Præterea † erat & Doctor gentium in fide, & veritate, & operabatur virtutes, & sanitates; nam mordentem viperam manu eussit illasā, & paralyticus ad verbum ejus, restituta continuo salute, surrexit. Adiutoria, quæ dicat, obscurum est, quoniam vis hujus verbi late patet. Quis tamen huic, & istam gratiam defuisse dicat, per cuius laborem salutem hominum sic constat adjutam? Quid vero ejus gubernatione præclarius est? Quando & per eum Dominus tunc tot Ecclesias gubernavit, & per ejus Epistolas nunc gubernat? Jam genera linguarum quæ illi deesse potuerunt, cum ipse dicat, *Gratias Deo, quod omnium vestrum linguas loquor?* Quia ergo istorum omnium nihil Apostolo defuisse credendum est, propterea responsionem Pelagii, omnes gratias ei donatas esse dicentis iudices approbaverunt.

Sed sunt & aliæ gratiæ, quæ hic commemoratæ non sunt. Neque enim quamvis esset Apostolus Paulus multum excellens membrum Corporis CHRISTI, nullas plures, & ampliores gratias accepit † ipsum totius corporis caput, siue in carne, siue in anima hominis, quam creaturam suam verbum Dei in unitate personæ suæ, & nostrum caput esset, & corpus ejus essemus, assumpsit. Et revera esse possent in singulis omnia, frustra de membris corporis nostri ad hanc rem data similitudo videretur. Sunt enim quædam communia omnibus membris, sicut sanitas, sicut vita. Sunt autem aliæ etiam in singulis propria, unde nec auris sentit colores, nec oculus voces, propter quod dicitur: *Si totum corpus oculus, ubi auditus? Si totum auditus, ubi odoratus?* Quod quidem non ita dicitur, tanquam impossibile Deo sit, & auribus præstare sensum videndi, oculis audiendi. Quid tamen faciat in Christi corpore, quod est Ecclesia, & quam diversitatem Ecclesiarum, velut per membra diversa, ut essent dona etiam singulis propria, significaverit Apostolus, incertum † est. Quapropter, & qua causa hi, † qui illud objecerunt, auferri noluerunt, distan-

tiam

† Forte
anathe-
matizans.August.
† Alias
Negabis.† Alias
Ecce.† Alias
Nempe.Aa. 28.
Aa. 14.Forte le-
gendum.
† Quam
ipsum, &c.† Alias
ita.

Pelagius.

Concilium.

† Alias
Sectum.
† Alias
His.

tiam gratiarum, & qua causa Episcopi propter Paulum Apostolum, in quo dona omnia, quæ loco uno commemoravit, agnoscimus, id quod respondit Pelagius, potuerunt approbare, jam clarum est. Quid est ergo, unde me de hoc capitulo sollicitum factum esse prædixi? hoc videlicet, quod ait Pelagius, donare Deum ei, qui fuerit dignus accipere omnes gratias, sicut Paulo Apostolo donavit. Nihil essem de hac ejus responsione sollicitus, nisi quod attinet ad hanc causam, cujus maxime cura gerenda est, ne scilicet, gratia Dei nobis tacentibus & tantum malum dissimulantibus, oppugnetur.

Cur ergo non ait, donare Deum, cui voluerit, sed ait, donare Deum ei, qui fuerit dignus accipere omnes gratias? non potui ^{† Alias} cum legerem, non esse suspectus. Ipsum quippe gratiæ nomen, & ejus nominis intellectus aufertur, si non gratis datur, sed eam, qui dignus est, accipit. An forte quis dicet, Apostolo me facere injuriam, quia eum gratia dignum fuisse non dico, imo tunc facio & illi injuriam, & mihi poenam, si quod ipse dicit, non credo. An ille gratiam non ita definivit, ut eam sic gratis appellatam, quo daretur, ostenderet? Nempe ipse dixit: *Si autem gratia, jam non ex operibus, alioquin gratia jam non est gratia.* Unde ita dixit: *Ei autem qui operatur, merces non imputatur secundum gratiam, sed secundum debitum.* Quisquis ergo dignus est, debitum est ei, si autem debitum est, gratia non est, gratia quippe donatur, debitum redditur, gratia ergo donatur indignis, ut reddatur debitum dignis, ipse autem facit, ut habeant, quæcunque redditurus est dignis, qui ea, quæ non habebant, donavit indignis.

Hoc forte dicet. Ego non ex operibus, sed ex fide dixi Apostolum dignum fuisse, cui tantæ illæ gratiæ donarentur. Non enim opera, quæ bona ante non habuit, sed tamen fides ejus hoc meruit. Quid enim putamus, quod fides non ^{† Alias} operaretur? imo ipsa veraciter operatur, quæ per dilectionem operatur. Quantumlibet autem opera infidelium prædicentur, ejusdem Apostoli sententiam veram novimus, & invictam: *Omne, quod non est ex fide peccatum est.* Ideo vero ipse dicit, non ex operibus, sed ex fide nobis justitiam deputari; cum potius fides per dilectionem operetur, ne quisquam existimet, ad ipsam fidem meritis operum perveniri, cum ipsa sit initium, unde bona opera incipiant, quoniam, ut dictum est, peccatum est. Hinc & Ecclesiæ dicitur in Cantico canticorum, ^{† Alias} Venies, & transies ab initio fidei. Quapropter quamvis bene operandi gratiam fides impetret, ipsam certe fidem, ut haberemus, ^{† Alias} nulla fide meruimus, sed in ea nobis danda, in qua Dominum sequeremur, misericordia ejus prævenit nos. An ipsam nobis nos dedimus, & ipsi nos ipsos fideles fecimus? Propter hoc etiam hic clamabo. *Ipsæ fecit nos, & non*

ipsi nos. Nihil [†] vero aliud Apostoli illa doctrina commendat, ubi ait: *Dico autem per gratiam Dei, quæ data est mihi, omnibus, qui sunt in vobis, non plus sapere, quam oportet, sed sapere ad temperantiam, sicut unicuique Deus partitus est mensuram fidei.* Hinc est quippe & illud. *Quid enim habes, quod non accepisti, quando & hoc accepimus, unde incipit, quidquid in nostris actibus habemus boni.* ^{† Alias}

Quid est ergo quod idem dicit Apostolus. *Bonum certamen certavi, cursum consummavi, fidem servavi, de cætero superest mihi corona justitiæ, quam reddet mihi Dominus in illo die justus judex.* An hæc non redduntur dignis, sed donantur indignis? Hoc qui dicit, parum considerat coronam reddere non potuisse digno, nisi gratia data esset indigno. Ait enim: *Bonum certamen certavi.* Sed idem ipse ait: *Gratia Deo, qui dedit nobis victoriam per Dominum nostrum Jesum Christum.* Ait: *Cursum consummavi.* Sed ipse idem ait: *Non volentis, neque currentis, sed misericordis est Dei.* Ait: *Fidem servavi.* Sed ipse idem ait: *Scio enim cui credidi, & certus sum, quia potens est depositum meum servare in illum diem.* Id est, commendatum meum. Nam codices nonnulli non habent, *depositum*, sed, quod est planius, *commendatum*. Quod autem commendamus Deo, nisi quod oramus, ut servet, in quibus, & ipsa [†] est fides nostra. Nam quid aliud Apostolo Petro Dominus commendavit, orando? Unde illi ait: *Ego rogavi pro te Petre, ne deficiat fides tua.* Nisi ut ejus Deus servet fidem, ne tentationi cedendo deficeret. Quo circa o beate Paule magnæ gratiæ prædicator dicam, neque timeam. Quis enim mihi minime succensebit ista dicenti, quam tu, qui dicenda dixisti, & docenda docuisti. Dicam, inquam, neque timeam, redditur quidem meritis tuis corona sua, sed Dei dona sunt merita tua. Redditur ergo debitum præmium Apostolo digno, sed ipsum [†] Apostolum indebitum gratia donavit indigno. An hoc me dixisse poenitebit? Absit: ejus enim testimonio ab hac invidia defensabor, neque me quisquam vocabit audacem, nisi qui fuerit ausus ipsum vocare mendacem. Ipse clamat, ipse testatur, ipse, ut in se dona Dei commendat, neque in se ipso, sed in Domino gloriatur. ^{† Alias}

Non solum nulla se habuisse dicit merita bona, ut Apostolus fieret, sed etiam mala merita sua dicit, ut Dei gratiam manifestet, & prædicet: *Non sum* (inquit) *idoneus vocari Apostolus.* Quod quid est aliud, quam non sum dignus? Nam hoc plerique codices Latini habent. Hoc est nempe, quod quærimus, nempe isto munere Apostolatus illæ omnes gratiæ continentur. Non enim [†] decebat, aut oportebat Apostolum non habere prophetiam, aut non esse doctorem, aut non clarescere virtutibus, donationibusque sanitarum, aut adjutoria non præbere, aut Ecclesias non gubernare, aut linguarum generibus non excellere. Omnia hæc

† Alias
Apostolus

dantia gratiarum, quas idem accepit † Apostolus, dignum fuisse, qui acciperet, cum ipse se non solum dixerit, sed & aliam causam reddens, probavit indignum, & eo ipso gratiam vere gratiam commendaverit? Sed si forte illud jam dudum a sancto Joanne narratum cogitare, vel meminisse non potuit, recentissimam suam responsionem respiceret, & quæ paulo antea de Cœlestio sibi objecta anathematizaverit, adverteret. Nempe enim inter illa est, quod objectum est, dixisse Cœlestium, Dei gratiam secundum merita nostra dari. Si ergo veraciter hoc Pelagius anathematizavit, quid est, quod dicit gratias omnes Apostolo secundum merita datas? An aliud est, dignum esse accipere, aliud secundum meritum accipere, & potest aliqua subtilitate disputationis ostendere dignum esse aliquem, sed non mereri.

† Alias
obedire

Verutamen Cœlestius, vel quis alius, cuius omnes superiores anathematizavit sententias, nec de hoc verbo eum nebulas ostendere, † atque in eis latere permittit. Urget enim, & dicit: & ipsa gratia in mea voluntate posita est, sive dignus fuerim, sive indignus. Si ergo hoc recte a Pelagio, veraciterque damnatum est, ubi dicitur Dei gratiam secundum merita, & dignis dari, quo corde cogitavit, quove ore protulit, quod ait dicimus: Donare Dominum ei, qui fuerit dignus accipere omnes gratias? Quis non, ista si diligenter adverterit, fiat de illius responsione, vel defensione sollicitus?

† Alias
ex omni-
bus.

Cur ergo, ait aliquis, hoc iudices approbaverunt? Fateor, idem jam ipse ambigo. Sed nimirum, aut breve dictum eorum audientiam, aut intentionem facile subterfugit, aut aliquo modo id recte posse accipi existimantes: cujus de hac re confessiones liquidas sibi habere videbantur, pene de uno verbo nihil ei controversiam commovendam † putarunt. Quod & nobis forsitan contigisset, si cum eis in illo iudicio sedissemus: si enim pro eo, quod positum est *dignus*, positum esset prædestinatus, vel aliquid ejusmodi, nihil certe scrupuli tangeret, atque angeret animum: & tamen si dicatur, eum, qui per electionem gratiæ justificatur, nullis quidem præcedentibus meritis bonis, sed prædestinatione dignum vocari, sicut electus vocatur, utrum vel certe, vel minima offensione intelligentiæ, dici possit? difficile judicatur. Nam quantum ad me attinet, ab hoc verbo facile transirem, nisi me liber ille, cui respondit, ubi omnino nullam dicit Dei gratiam, nisi naturam nostram cum libero arbitrio, de ipsius Pelagii sensu sollicitum redderet, ne forte hoc verbum non de negligentia loquutionis, sed de diligentia dogmatis curarit † miscere: Jam ea, quæ restant novissima, ita iudices commoverunt, ut ante responsionem Pelagii damnanda censerent.

† Alias
inferere.

C A P U T X I I I.

De aliis objectionibus factis Pelagio ex libris Cœlestii.

NAM in sexto capitulo Cœlestii libri positum objectum est; filios Dei non posse vocari, nisi omnimodo absque peccato fuerint effecti: unde secundum ipsum dictum est, neque Apostolum Paulum esse filium Dei, qui dixit: *Non quod jam acceperim, aut quod jam perfectus sim.* In septimo capitulo oblivionem, & ignorantiam non subiacere peccato, quoniam non secundum voluntatem eveniunt, sed secundum necessitatem, cum David dicat: *Delicta juventutis meae ne memineris, & ignorantia mea.* Et cum in lege sacrificia pro ignorantia sicut pro peccato offeruntur. In decimo capitulo, non esse liberum arbitrium, si Dei indigeat auxilio, quoniam in propria voluntate habet unusquisque aut facere aliquid, aut non facere. In duodecimo capitulo, victoriam nostram non ex Dei esse adjutorio, sed ex libero arbitrio, quod inferius † dictum est his verbis: nostra victoria quoniam propria voluntate arma suscipimus, sicut e contrario nostrum est, quando vincimur, quoniam armari propria voluntate contempsimus.

† Alias
inferre
dictus.

Et de Apostolo Petro posuit testimonium, divinæ nos esse consortes naturæ, & sylogismum facere dicitur, quoniam si anima non potest esse sine peccato; ergo & Deus subiacet peccato, cujus pars, hoc est anima, peccato obnoxia est.

In tertio decimo capitulo dicit. Quoniam poenitentibus venia non datur secundum gratiam & misericordiam Dei, sed secundum merita, & laborem eorum, per poenitentiam digni fuerint misericordia.

His recitatis Synodus dixit. Quid adhuc, quæ lecta sunt capitula, dicit præsens Pelagius monachus? Hoc enim reprobant sancta Synodus, & sancta Dei Catholica Ecclesia. Pelagius respondit: Iterum dico, quia hæc & secundum ipsorum testimonium non sunt mea, pro quibus, ut dixi, satisfactionem non debeo, quæ vero mea esse confessus sum, hæc recte esse affirmo: quæ autem dixi, non esse mea secundum iudicium sanctæ Ecclesiæ reprobant, anathema dicens omni contravenienti sanctæ Catholice Ecclesiæ doctrinis. Ego enim in unius substantiæ Trinitatem credo, & omnia secundum doctrinam sanctæ Catholice Ecclesiæ, si quis vero aliena ab hac sapit, anathema sit.

Concil. d.
Cap. 19.

Pelagius.

Synodus dixit. Nunc quoniam satisfactum est nobis persecutionibus præsentis Pelagii monachi, qui quidem piis doctrinis consentit, contraria vero Ecclesiæ fidei reprobant, & anathematizat, communionis Ecclesiæ eum esse catholicæ confitemur.

Concil. d.
Cap. 20.

C A P U T X I V.

*Minus sincere Pelagium sibi objectis
satisfecisse.*

metu potius Ecclesiastici iudicii corrigerentur homines, quam ipso iudicio punirentur. Nec libris igitur adversus mala illa differere, nec popularibus tractatibus cessabamus.

C A P U T X V.

*Quo modo Pelagius questionem de gratia
simulate solveret, & contrarium erro-
rem anathematizaret.*

CUM vero mihi etiam liber ille datus esset a servis Dei bonis, & honestis viris Timasio, † & Jacobo, ubi apertissime Pelagius objectam sibi a se ipso, tanquam ab adversario, unde jam grandi invidia laborabat, de Dei gratia questionem, non aliter sibiolvere visus est, nisi ut naturam cum libero arbitrio conditam Dei diceret gratiam aliquando id, † quod tenuit, nec aperte ei conjungens legis adjutorium, vel remissionem etiam peccatorum. Tum vero sine ulla dubitatione mihi claruit, quam esset Christianæ saluti venenum illius perversitatis inimicum, nec sic tamen operi meo, quo eundem librum refelli, Pelagii nomen inserui, facilius me existimans pro futurum, si servata amicitia, adhuc ejus verecundiæ parcerem, cum † literis jam parcere † non debere. Hinc est, quod nunc moleste fero, in hoc iudicio dixisse illum quodam loco: anathematizo illos, qui sic tenent, aut aliquando tenuerunt: suffecerat dicere, qui sic tenent, ut eum crederemus esse correctum: cum vero addidit, aut aliquando tenuerunt: primum quam injuste damnare immeritos ausus est, qui illo, qui sive aliis, sive ipso doctore, didicerant, errore caruerunt. Deinde quis eorum, qui eum ista non solum aliquando tenuisse, verum etiam docuisse novērunt, non immerito suspicetur, simulate anathematizasse, qui hæc tenent, cum eodem modo anathematizare non dubitavit, qui hæc aliquando tenuerunt, in quibus eum ipsum recordabantur magistrum? Ecce (ut alios taceam) Timasium, & Jacobum, quibus oculis, qua fronte conspiciet suos, aut dilectores, aut aliquando discipulos, ad quos librum a scripsi, ubi libro ejus respondi. Qui certe quemadmodum mihi rescripserint, tacendum, & prætereundum non putavi, sed exemplum literarum subter annexui.

C A P U T X V I.

Epistola Timasii, & Jacobi ad Augustinum.

DOMINO vere beatissimo, & merito venerabili Patri Episcopo Augustino, Timasius, & Jacobus in Domino salutem. Ita nos refecit, & recreavit gratia Dei ministrata per verbum tuum, ut prorsus Germane dicamus: *Misit verbum suum, & sanavit eos.* Domine beatissime, & merito venerabilis Pater, Sane ea diligentia ventilasse sanctitatem tuam textum ejusdem libelli reperimus, ut ad singulos apices

August.
Cap. 12.

† Alias
Quam in
scriptis.

† Alias
Cohibent
tiam.

† Alias
Arctius.

Cap. 22.
† Alias
Prius.

† Alias
Sicut no-
tis.

Cap. 23.

† Timasius
vel Pri-
masius.

† Alias
idque age
niter.

† Alias
cujus
† Alias
parere.

a utique
librum de
Natur.
& grat.

Cap. 24.

5 Alias
reddita.

utique
dolore
et forte
attigit.

4 Alias
Gloriasit.

4 Alias
President.

apices responsa debita † stupeamus, sive in his, quæ refutare, detestari, ac fugere debeat Christianum, sive in illis, in quibus non satis invenitur errasse, quamvis nescio, qua calliditate in ipsis quoque gratiam Dei credidit suppressendam. Sed unum est, quod nos in tanto beneficio afficit, a quia tarde hoc tam præclarum gratiæ Dei munus effulsit. Si quidem contingit, absentes fieri quosdam, quorum cæcitati tam perspicua veritatis illustratio deberetur: ad quos etsi tardius, non diffidimus, propitio Deo eandem gratiam pervenire, qui vult omnes homines salvos fieri, & ad agnitionem veritatis venire. Nos vero etsi olim spiritu charitatis, † qui in te est, docti, subjectionem ejus abjecerimus erroris, in hoc etiam nunc gratias agimus, quod hæc, quæ ante credidimus, nunc aliis aperire didicimus, viam felicitatis uberiores sanctitatis tuæ sermone pandente. † Et alia manu, incolumen beatitudinem tuam, nostrique memorem misericordia Dei nostri clarificet in æternum.

C A P U T XVII.

Pelagium urget, ut ex corde resipiscat.

Cap. 14.

SI ergo & iste confiteatur, ita in hoc errore se fuisse aliquando, ut hominem præoccupatum, sed nunc anathematizare, qui hæc tenet, quisquis ei non gratularetur, tenente jam illo viam veritatis, ipse amitteret viscera charitatis. Nunc vero parum est, quod se non confessus est ab ea peste liberatum, sed anathematizavit insuper liberatos, qui eum sic diligunt, ut etiam ipsum cupiant liberari, in quibus & isti sunt, qui benevolentiam suam erga illum significaverunt, his ad me datis literis suis. Nam & ipsum cgebant, cum dicerent, hoc se affici, quod tarde illum librum scripserim. Siquidem contingit, inquit, absentes fieri quosdam, quorum cæcitati ista tam perspicua veritatis illustratio deberetur, ad quos & si tardius inquit, non diffidimus, propitio Deo, eandem gratiam pervenire. Nomen quippe, vel nomina ipsi quoque adhuc tacenda putaverunt, ut vivente amicitia error potius moreretur amicorum.

Cap. 15.

At nunc si Pelagius Deum cogitat, si non est ingratus ejus misericordiæ, qui eum ad Episcoporum judicium propterea produxit, ut hæc anathemata defendere postea non auderet, jamque detestanda, & abijcienda cognosceret, gratius accipiet literas nostras, quando expressio nomine ulcus sanandum potius aperimus, quam illas ubi cum dolore † facere timeremus, tumorem, quod nos pœnitet, augebamus. Si autem mihi fuerit iratus, quam inique irascatur, attendat, & ut vincat iram tandem aliquando Dei postulet gratiam, quam in hoc judicio confessus est, singulis nostris actibus necessariam, ut veram consequatur illo adjuvante victoriam. Quid

Suarez Tom. VI.

enim ei profunt tantæ ejus laudes in Epistolis Episcoporum, quas pro se commemorandas, vel etiam legendas, atque allegandas putavit, quasi cum † hæc perversa sentiret, † omnes, qui vehementes, & quodammodo ardentes ad bonam vitam exhortationes ejus audiebant, facile scire potuerunt. †

4 Alias
Eum.
4 Alias
Sentire.
4 Alias
potuerunt.

C A P U T XVIII.

Epistola Augustini ad Pelagium cum illius declaratione.

ET ego quidem in Epistola mea, quam protulit, non solum ab ejus laudibus temperavi, sed etiam, quantum potui, sine ejus † commotione quæstionis de Dei gratia recte sapere admonui. Dixi enim † quippe in salutatione Dominum, quod epistolari more etiam non Christianis quibusdam scribere solemus, neque id mendaciter quoniam omnibus ad salutem, quæ in Christo est, consequendam, debemus quodammodo liberam servitutem. Dixi, dilectissimum & nunc dico, & si iratus † fuerit, adhuc dicam, quoniam, nisi erga eum dilectionem tenuero, illo irascente ipse mihi magis nocebo. Dixi desideratissimum, quoniam valde cupiebam cum præsentem aliquid colloqui, jam enim audiebam, contra gratiam, qua justificamur, quando hinc aliqua commemoratio fieret aperta eum contentione coerceri. † Denique literarum ipsarum brevis textus hoc indicat. Nam cum egissem gratias, quod me scriptis suis exhilarasset, certum faciendo de sua salute, ac suorum, quos utique si correctos volumus, etiam corporali salute salvos velle debemus. Mox & bona optavi a Domino retribui, non ad salutem corporis pertinentia, sed ea potius, quæ putabat esse, vel forte adhuc putat in solo arbitrio voluntatis, & propria potestate posita. Deinde, quia literis suis, quibus respondebam, talia quædam in me bona multum, benigneque laudaverat, etiam ibi petivi ab eo, ut pro me oraret, quo potius a Domino talis fierem, qualem me esse jam crederet, ut eum sic admonerem contra quem † ille sapiebat. Ipsam quoque justitiam quam in me laudandam putaverat, non esse volentis, neque currentis, sed miserentis Dei. Hoc est totum, quod brevis illa Epistola mea continet, eaque intentione dicta est, nam ita se habet.

Cap. 16.

4 Alias
Ullius.
4 Alias
cum.

4 Alias
virtus.

4 Alias
Conari.

4 Alias
quod.

C A P U T XXI.

*Domino dilectissimo, & desideratissimo
fratri Pelagio Augustinus in
Domino salutem.*

Cap. 17.

GRatias ago plurimum, quod me literis exhilarare dignatus es, & certum facere de salute vestra. Retribuet tibi Dominus bona, quibus semper sis bonus, & cum illo eterno

Cap. 18.

vivas in æternum, Domine dilectissime, & desideratissime frater. Ego autem etsi in me non agnosco præconia de me tua, quæ tuæ benignitatis Epistola continet, benevolo tamen animo erga exiguitatem meam ingratus esse non possum. Simul admonens, ut potius res pro me, quo talis a Domino fiam, qualem me jam esse arbitraris, & alia manu, memor nostri incolumis Domino placeas Domine dilectissime, & desideratissime frater.

Ep. 12. In ipsa quoque subscriptione quod posui, ut Domino placeat, magis hoc esse significavi in ejus gratia, quam in sola hominis voluntate, quando id nec hortatus sum, nec præcepi, nec docui, sed optavi. Quemadmodum vero si hortarer, aut præciperem, vel docerem pertinere hoc & ad liberum arbitrium demonstrarem, nec tamen Dei gratiæ derogarem: ita quia optavi, Dei quidem commendavi gratiam, non tamen arbitrium voluntatis extinxi. Ut quid ergo in hoc judicio protulit hanc Epistolam? secundum quam, si ab initio sapuisset, nullo modo fortassis, licet a bonis fratribus, sed tamen perversitate dispositionum † ejus offensis, ad Episcopale judicium vocaretur. Porro autem sicut ego rationem de hac mea Epistola reddidi, ita de suis, si esset necesse, redderent a quorum allegant dicentes, vel quid putaverint, vel quid ignoraverint, vel qua ratione scripserint. Proinde Pelagius de quorumlibet Sanctorum amicitia, se jactaverit, quorumlibet de suis laudibus literas legerit, quælibet purgationis suæ gesta protulerit, nisi ea, quæ contra Dei gratiam, qua vocamur, & justificamur, posuisse in literis suis idoneorum testium fide probatur, confessus anathematizaverit, ac deinde † contra ipsa hæc ipsa scripserit, & disputaverit, nequaquam his, quibus plenius notus est, videbitur esse correctus.

C A P U T X I X.

Falso gloriatur Pelagius ipsius dogma, posse non peccari per humanum laborem fuisse approbatum.

Ep. 30. **J**AM enim, quæ post hoc judicium consequuta sunt, quæ hanc suspicionem magis augeant, non tacebo. Pervenit in manus nostras nonnulla Epistola, quæ ipsius Pelagii diceretur scribentis ad amicum suum quendam Presbyterum, qui eum literis (sicut eadem Epistola continet) benigne admonuerat, ne per ejus occasionem aliquis a corpore Ecclesiæ separaretur. Ibi inter cætera, quæ inferre longum est, nec opus est, ait Pelagius. Quatuordecim Episcoporum sententia nostra definitio comprobata est, qua diximus, posse hominem sine peccato esse, & Dei mandata facile custodire, si velit. Quæ sententia (inquit) contradictionis hos confusione perfudit, & omnem in malum conspirantem facietatem ab invicem separavit. Sive ergo

istam Epistolam vere scripserit, sive sub ejus nomine a quocunque conficta sit, quis non videat quemadmodum hic error, & de judicio; ubi convictus atque damnatus est tanquam de victoria gloriatur? Sic enim posuit hæc verba, quemadmodum leguntur in libro ejus, qui capitulorum vocatur, non quemadmodum objecta sunt in judicio, vel etiam responsione repetita. Nam & illi, qui objecerunt, nescio qua injuria † minus posuerunt verbum, de quo non parva est controversia. Posuerunt enim eum dixisse, posse hominem, si velit esse sine peccato; de facilitate nihil est dubium. † Deinde ipse respondens ait, posse quidem hominem esse sine peccato, & Dei mandata custodire si velit, diximus, neque ipse dixit, facile custodire, sed tantummodo custodire. Ita alio loco inter illa de quibus Hilarius me consuluit, atque rescripsi, sic objectum est; posse hominem esse sine peccato, si velit. Ad quod ipse ita respondit, posse quidem hominem sine peccato esse dictum est superius. Neque hic ergo vel eis, qui objecerunt, vel ab ipso qui respondit, additum est, facile.

Superius etiam in narratione S. Joannis Episcopi, ita commemoratum est. Illis, inquit, instantibus, & dicentibus, quia hæreticus est, dicit enim, quoniam potest homo, si voluerit, esse sine peccato, & de hoc interrogantibus nobis eum, respondit. Non dixi, quoniam recepit natura hominis, ut impeccabilis sit; sed dixi, quoniam qui voluerit propria salute laborare, & agonizare, ut non peccet, & ambulet in præceptis Dei, habere eum hanc possibilitatem a Deo. Tunc quibusdam susurrantibus, & dicentibus, quod sine Dei gratia, dicente Pelagio, posse † hoc perfici, a culpam, inquit, superintuli, quia & Apostolus Paulus multum laborans, sed non secundum suam virtutem, sed secundum gratiam Dei dixit, amplius omnibus illis laboravi, non ego autem, sed gratia Dei mecum; &c. quæ jam commemoravi. Quid sibi ergo vult, quod in hac Epistola ita gloriari ausi sunt, ut non solum possibilitatem non peccandi; sed etiam facultatem, sicut in libro capitulorum ejusdem Pelagii positum est, judicantibus quatuordecim Episcopis, se persuasisse jactarent, cum toties eadem edicta gestis, atque repetita, nusquam hoc habere inveniantur? Quomodo enim etiam ipsi defensionis, & responsioni Pelagii non est hoc verbum contrarium, cum & Episcopus Joannes sic eum apud se respondisse se † dixerit, † & cum vellet intelligi, posse non peccare, qui voluerit pro salute sua laborare, & agonizare, & ipse jam † gestis a-

gens, seque defendens proprio labore, & Dei gratia

† Alias
Incuria.

† Alias
Dicitur.

† Alias
disputa-
tionum.

a Videtur
supervacu-
um
quorum
allegant.

† Alias
demonstrat.

† Alias
Potest.

† Alias
Differit.
† Alias
Ut cum.
† Alias
Id.

gratia dixerit, hominem esse posse sine peccato? Quomodo ergo facile fiat, si laboratur ut fiat? Puto enim, omnem sensum hominum nobiscum agnoscere, quod ubi labor est, facilitas non est. Et tamen in † Epistola carnalis ventositatis, & elationis volat, & gestorum tarditate procurata, celeritate præcedens, in manus hominum prævolat, ut quatuordecim Episcopis Orientalibus placuisse dicatur, non solum posse esse hominem sine peccato, & Dei mandata custodire, nec nominato Deo juvante, sed tantum, si velit, ut videlicet tacita, pro † qua vehementissime pugnabatur divina gratia, restet, ut in sola epistola legatur infelix, & se ipsam decipiens, velut victrix humana superbia. Quasi non hoc se dixerit culpasse Joannes Episcopus, & velut gigantos montes adversus super eminentiam gratiæ cœlestis stratos † tribus divinorum testimoniorum, tanquam fulminum, ictibus dejecisse.

At vero cum illo etiam cæteri Episcopi judices, vel mente, vel ipsis auribus ferrent Pelagium dicentem, *Posse quidem hominem sine peccato esse, & Dei mandata custodire, si velit, diximus.* Nisi continuo, sequeretur; *Hanc enim possibilitatem Deus illi dedit.* Quod nesciebant illi eum dicere de natura, non de illa, quam in Apostolica prædicatione novant, gratia. Ac deinde conjungeret. Non autem diximus, quod inveniat aliquis ab infantia usque ad senectam, qui nunquam peccaverit, sed quoniam a peccatis conversus proprio labore, & Dei gratia possit esse sine peccato. Quod etiam sua sententiâ declarant dicentes eum recte respondisse, hominem cum adjutorio Dei, & gratia posse esse sine peccato. Quid aliud metuentes, nisi ne hoc negando, non possibilitati hominis, sed ipsi Dei gratiæ facere videretur injuriam. Nec tamen definitum est, quando fiat homo sine peccato, quod fieri posse adjuvante Dei gratia judicatum est. Non est, inquam, definitum utrum in hac carne concupiscentiæ adversus spiritum fuerit, vel sit, vel futurus sit aliquis jam ratione utens, & voluntatis arbitrio, sive in ista frequentia hominum, sive in solitudine monachorum, cui non sit jam necessarium non propter alios, sed etiam propter se ipsum dicere in oratione; *Dimitte nobis debita nostra.* An vero tunc perficiatur hoc donum, quando similes ei erimus, quando videbimus eum sicuti est: quando dicetur, non a pugnantis; *Video aliam legem in membris meis repugnantem legi mentis meæ,* sed a triumphantibus; *Ubi mors victoria tua? Ubi est mors aculeus tuus?* Quod non inter catholicos, & hæreticos, sed inter catholicos ipsos fortasse pacifice requirendum est.

Quomodo igitur credi potest, Pelagium (si tamen hæc epistola ejus est) & Dei gratiam, quæ neque natura est cum libero arbitrio, neque legis scientia, neque tantum remissio peccatorum, sed ea, quæ in singulis nostris est actibus necessaria, veraciter fuisse

confessum, & veraciter anathematizasse, quisquis contraria * ista sentiret, quando in epistola sua, & facilitatem posuit non peccandi, de qua nulla in hoc judicio quæstio fuit, quasi iudicibus, etiam de hoc verbo placuerit, & gratiam Dei non posuit, * quam confitendo, & addendo pœnam Ecclesiasticæ damnationis evasit?

C A P U T XX.

Redarguitur, & vincitur Pelagius, quod errores Cœlestii sibi anathematizaverit.

EST & aliud, quod silere non debeo, in chartula defensionis suæ, quam mihi per quendam charum nostrum * Hypponensem civem, Orientalem autem diaconum misit, fecit aliquid, quod aliter se habeat, quam gestis Episcopalis continetur, quod autem habent gesta longe melius est, ac firmitus, & omnino enodatus pro Catholica veritate contra illius hæresis pestem. Nam cum eandem chartulam legerem, priusquam ad nos gesta venissent, nesciebam ea ipsa verba posuisse, quibus cum ibi * adesset, usus est in judicio, pauca enim, & non multum aliter se habent, de quibus non nimis curo.

Molestè autem ferebam, quod aliquarum sententiarum Cœlestii, quas cum gestis anathematizasse perspicuum est, servasse sibi defensionem potest videri. Nam earum quædam sua negavit esse, dicens tantummodo pro eis non se debere satisfactionem, anathematizare autem in eadem chartula voluit, quæ ista sunt. *Adam mortalem esse factum, qui sive peccaret, sive non peccaret, esset moriturus, quod peccatum Adæ solum ipsum nocuerit, & non genus humanum, quod lex sic mittat ad regnum Cœlorum, quemadmodum & Evangelium, quod infantes nuper nati in illo statu sint, in quo fuit Adam ante prævaricationem, quod neque per mortem, vel prævaricationem Adæ omne genus humanum moriatur, neque per resurrectionem Christi omne genus humanum resurgat. Infantes, etiamsi non baptizentur, habere vitam æternam. Divites baptizatos, nisi omnibus abrenunciaverint, si quid boni videntur facere, non illis reputari, neque habituros illos regnum Cœlorum.* Ad ista quippe in chartula illa ita respondit. Hæc omnia secundum ipsorum testimonium a me dicta non sunt, nec pro eis debeo satisfactionem. In gestis autem ad eadem ipsa ita loquutus est: secundum ipsorum a me dicta non sunt, pro quibus ego satisfacere non debeo, sed tamen ad satisfactionem sanctæ Synodi anathematizo eos, qui sic tenent, aut aliquando tenuerunt.

Cur ergo non ita & in illa chartula scriptum est? non multum, ut opinor, atramenti, nec literarum, nec moræ ne ipsi * chartulæ, si ita fieret, impenderetur. Sed quis non credat, id fuisse procuratum, ut tanquam pro gestorum illorum breviatione ista charta usquequaque discurreret, ubi non putaretur, non esse ablatam quamlibet earum sententiarum defen-

† Forte delenda particula in.

† Alias de.

† Alias stratos.

* Alias Contra.

* Alias Posuerit.

Cap. 32.

* Alias Vestrum.

* Alias Sibi.

Cap. 33.

* Alias Quod.

Cap. 34.

* Alias Ipsus.

* Alias deest particula non.

defendendi licentiam, quod ei tantummodo objecta, nec ei * approbata fuissent, non, tamen anathematizata, atque damnata?

Postea etiam de libro Cœlestii capitula sibi objecta in eadem chartula multa congeffit, neque his intervallis, quæ continent gesta, duas responsiones, quibus eadem in capitula anathematizavit, sed unam simul omnibus subdidit. Quod studio brevitatis factum putarem, nisi plurimum ad id, quod nos movet, interesse perspicerem, ita enim clausit. Iterum dico, quoniam ista & secundum eorum testimonium non sunt mea, pro quibus, ut dixi, satisfactionem non debeo, quæ autem mea esse confessus sum, hæc recte me dicere affirmo, quæ autem dixi mea non esse, secundum iudicium sanctæ Ecclesiæ reprobo, anathema dicens omni contravenienti sanctæ, & catholicæ Ecclesiæ doctrinis, similiter & his qui falsa fingentes, nobis calumniam commoverunt. Hunc ultimum versum non habent gesta, sed nihil ad rem, de qua solliciti esse debemus. Sint enim prorsus anathema, & hi, qui falsa fingentes eis calumniam commoverunt.

Sed cum primum legi, quæ ante dixi, mea non esse, secundum iudicium sanctæ Ecclesiæ reprobo, nesciens, quoniam hic tacitum est, & gesta non legeram, nihil aliud existimavi, quam eum fuisse pollicitum, hoc se de his senturum capitulis, quod Ecclesia non jam iudicasset, sed quandoque iudicaret, & ea se reprobatum, quæ illa non jam reprobasset, sed quandoque reprobareret, ut * huc pertinent etiam, quæ adjungit, anathema se * dicente omni contravenienti, vel contradicenti sanctæ Catholicæ Ecclesiæ doctrinis. Verumtamen ut gesta testantur, jam de his Ecclesiasticum iudicium ab Episcopis quatuordecim factum erat, secundum quod iudicium se dixit, ista omnia reprobare, & anathema dicere his, qui talia sentiendo, contra iudicium veniunt, quod jam factum fuisse gesta indicant. Jam enim dixerant iudices, quid ad hæc, quæ lecta sunt capitula dicit præsens Pelagius monachus. Hæc enim reprobat sancta Synodus, & sancta Dei Catholica Ecclesia.

Sed hoc, qui nesciunt, & istam chartam legunt, aliquid illorum licite posse defendi, tanquam non fuerit iudicatum catholicæ contrarium esse doctrinæ, paratumque se Pelagius dixerit, id de his rebus sapere, quod Ecclesia non iudicavit, sed iudicaverit. *a Est tamen obscurus locus, & videtur corruptus, forteque sic legendus.* Nam ita ipse scripsit in ea, de qua nunc agimus, chartula. *Et postea supplendum.* Et animadvertum a nobis est, ut cognoscatur, &c.

Non ita * sic scripsit, tamende qua nunc agimus chartula, ut cognoscatur, quod omnia scilicet, illa dogmata, quibus eadem hæresis proferrebat, & contentiosa convalescebat audacia Ecclesiastico iudicio, præfidentibus quatuordecim Episcopis esse damnata. Quam rem, si ut est, innotescere timuit, se potius corrigat, quam nostræ licet seræ vigilantia qualicumque succenseat. Si autem

hoc eum timuisse * falsum est, & sicut homines suspicamur, ignoscat, dum tamen ea, quæ gestis, quibus auditus est, anathematizata, & reprobata sunt, de cætero oppugnet, ne parcendo illis, non solum hæc antea credidisse, sed credere videatur.

CAPUT XXI.

Conclusio, & scopus totius libri.

Proinde istum librum in tam gravi, & grandi causa non frustra fortasse prolixum ob hoc ad tuam venerationem scribere volui, ut si tuis sensibus non displicuerit, autoritate potius tua, quæ longe major est, quam nostræ exiguitatis industria, quibus necessarium existimaverit, innotescat, ad eorum vanitates contentionesque opprimendas, qui putant, absoluto Pelagio, iudicibus Episcopis Orientalibus, illa dogmata placuisse, quæ adversum Christianam fidem, & gratiam, qua vocamur, & iustificamur, perniciosissime pullulantia, Christiana semper veritas damnat, & istorum etiam quatuordecim Episcoporum autoritate damnavit, quæ simul & Pelagium, nisi ab eo essent anathematizata, damnasset. Nunc jam quoniam reddidimus homini curam fraternæ charitatis, & de illo, ac pro illo nostram sollicitudinem fideliter promissimus * videamus breviter, quomodo possit adverti etiam illo (quod clarum est apud homines) absoluto, hæresim tamen ipsam divino iudicio semper damnabilem, etiam iudicio quatuordecim Episcoporum Orientalium esse damnatam.

CAPUT XXII.

Quomodo potuerint, absoluto Pelagio, dogmata illi objecta damnari?

Hæc est illius iudicii postrema sententia. *Cap. 35.* Synodus dixit: nunc quoniam satisfactum est nobis prosecutionibus * præsentis Pelagii monachi, qui quidem piis doctrinis contentit, contraria vero Ecclesiæ reprobat, & anathematizat communionis Ecclesiasticæ eum esse, & catholicæ confitemur. Duo quædam satis perspicua de Pelagio monacho sancti Episcopi iudices suæ sententiæ brevitate complexi sunt. Unum quidem piis eum consentire doctrinis. Alterum autem Ecclesiæ fidei reprobare & anathematizare contraria, Propter hæc duo communionis Ecclesiasticæ, & Catholicæ pronunciatus est. Quibus ergo verbis ejus, interim, quantum homines in præsentia de manifestis iudicare potuerunt, utrumque claruerit, omnia breviter recapitulando videamus. In his enim sibi objectis, quæ sua non esse respondit, dictus est reprobare, & anathematizare contraria. Breviter ergo totam istam causam ita si possumus, colligamus, quoniam necesse erat impleri, quod prædixit Apostolus Paulus. *Oportet & hæreses esse, ut probati manifesti fiant in vobis.* Post vete-

* Alias
Ejus.

* Alias
Teouille,

Cap. 34.

* Alias
Proapli-
mus.

* Alias
Ubi hæc
pertinet
etiam, quod
* Alias
p. 211.

* Alias
sequitur.

* Alias
Persecu-
tionibus.

veteres hæreses multæ etiam modo hæreses , non ab Episcopis, seu presbyteris, vel quibusque clericis, sed a quibusdam veluti monachis, a quæ contra Dei gratiam, quæ nobis est per Jesum Christum Dominum nostrum tanquam defendendo liberum arbitrium, disputant, & conantur Christianæ fidei fundamentum * evertere, de quo scriptum est. *Per unum hominem mors, & per unum hominem resurrectio mortuorum. Sicut enim in Adam omnes moriuntur, sic etiam in Christo omnes vivificabuntur.* Et in actibus nostris Dei adjutorium denegant, dicendo, ut non peccemus, impleamusque justitiam, posse sufficere naturam humanam, quæ condita est cum libero arbitrio, eamque esse Dei gratiam, quia sic conditi sumus, ut hoc voluntate possimus, & quod adjutorium legis, mandatorumque suorum dedit, & quod ad se conversis peccata præterita ignoscit. In his solis esse Dei gratiam de putandam, non in adjutorio nostrorum actuum singulorum. Possent enim hominem esse sine peccato, & mandata Dei facile custodire, si velit.

Ista hæresis, cum plurimos decepisset, & fratres, quos non deceperat, conturbaret, Cœlestius quidam talia sentiens ad iudicium Carthaginensis Ecclesiæ perductus Episcoporum sententia condemnatus est. Deinde post aliquot annos Pelagio, qui magister ejus perhiberetur, cum ista hæresis fuisset objecta, ad Episcopale iudicium etiam ipse pervenit. Recitatisque omnibus, quæ in libello contra eum dato Heros, & Lazarus Episcopi Galli posuerant: illis quidem absentibus, & de ægritudine unius eorum excusantibus, Pelagium ad omnia respondentem, quatuordecim Episcopi provinciæ Palestinæ secundum responsiones ejus alienum a perversitate hujus hæresis pronunciarunt: eam tamen hæresim sine ulla dubitatione damnantes. Approbaverunt enim secundum quæ ille ad ea, quæ objecta sunt, respondebat. Adjuvari hominem per legis scientiam ad non peccandum, sicut scriptum est. *Legem in adjutorium dedit illis.* Non tamen ex hoc eadem † legis scientia illam Dei gratiam esse judicaverunt, † de qua scriptum est. *Quis me liberabit de corpore mortis hujus? gratia Dei per Jesum Christum Dominum nostrum.* Nec ideo dixisse Pelagium omnes voluntate sua regi, ut non eos regeret Deus. Respondit enim hoc se dixisse propter liberum arbitrium, cui Deus adiutor est eligenti bona, hominem vero peccantem ipsum esse in culpa quasi liberi arbitrii. Approbaverunt etiam iniquis, & peccatoribus in die iudicii non esse parcendum, sed æternis eos ignibus puniendos, quoniam hæc se ille secundum Evangelium dixisse respondit, ubi scriptum est: *Isti ibunt in supplicium æternum, justi autem in vitam æternam.* Non autem dixerat, omnes peccatores ad æternum pertinere supplicium, ut merito contra Apostolum dixisse videretur, qui quosdam, salvos ait futuros. *Sic tamen quasi per ignem.* Regnum Cœlorum ideo approbaverunt, etiam in veteri testamento esse pro-

missum, quoniam testimonium dedit de Propheta Daniele, ubi dictum est. *Et accipient Sancti Regnum altissimi.* Hoc loco vetus testamentum intelligentes ab illo appellatum non illud solum, quod factum est in monte Syna, sed scripturas omnes canonicas ante adventum Domini administratas. Possent autem hominem esse sine peccato, si velit, non sic approbatum est, quomodo ab illo in libro suo positum videbatur † tanquam hoc in sola potestate esset hominis per liberum arbitrium. Hoc quippe arguebatur sensisse, dicendo, si velit, sed quomodo † nunc ipse respondit. Imo quomodo id brevius, & apertius iudices Episcopi sua interlocutione commemoraverunt, hominem cum adjutorio Dei, & gratia posse esse sine peccato. Nec tamen definitum est, quando istam perfectionem sancti assequuntur † sunt, utrum in corpore mortis hujus, an quando absorbebitur mors in victoriam.

Ex his etiam, quæ Cœlestium dixisse, vel scripsisse, tanquam dogmata discipuli ejus, sunt objecta † Pelagio, sua quædam & ipse cognovit, sed aliter se, quam objiciebatur, † sensisse respondit. Hinc est illud, quod ante Christi adventum vixerunt quidam sancte, & juste, Cœlestius autem dixisse perhibebatur, quod sine peccato fuerint. Item objectum est, dixisse Cœlestium, Ecclesiam esse sine macula, & ruga. Pelagius autem dixit, dictum a se quidem, sed ita quoniam lavacro ab omni macula, & ruga purgatur Ecclesia, quam † velit Dominus ita permanere. Item illud dictum a Cœlestio, quoniam plus faciamus, quam in lege, & Evangelio iustum est. Pelagius autem de virginitate se dixisse respondit, de qua Paulus dicit, Præceptum Domini non habeo. Item objectum est, affirmare Cœlestium, unumquemque hominem posse habere omnes virtutes, & gratias, ac sic auferri diversitatem gratiarum, quam Apostolus docet. Pelagius autem respondit, non se auferre gratiarum diversitatem, sed dicere, donare Deum ei, qui fuerit dignus accipere omnes gratias, sic Paulo Apostolo donavit.

Has ex nomine Cœlestii quatuor sententias non sic approbaverunt Episcopi iudices, sicut eas Cœlestius sensisse dicebatur, sed sicut de his respondit Pelagius. Videtur enim, quod aliud sit sine peccato esse, aliud sancte, ac juste vivere, sicut etiam ante adventum Christi quosdam vixisse Scriptura testatur. Et quamvis non sit hic Ecclesia sine macula, & ruga, tamen eam & lavacro regenerationis ab omni macula, rugaque purgari, & eam ita velle Dominum permanere: nam & ita permanebit, quia sine macula, & ruga, utique in æterna felicitate regnabit. Et quod perpetua virginitas, quæ præcepta non est, sine dubio plus sit, quam conjugal pudicitia, quæ præcepta est, quamvis in multis virginitas perseveret, qui tamen non sunt sine peccato. Et quod omnes eas gratias, quas loco uno commemorat, habuit Apostolus Paulus, quas tamen eum dignum fuisse accipere, aut non secundum me-

rita,

a Alias
invenire
sunt vel
quid jumi-
le.

* Alias
Firmamentum.

† Alias
Videbitur.

† Alias
Tunc.

† Alias
Assequuntur.

† Alias
Objici-
bantur.
† Alias
Objicie-
bantur.

† Alias
Quia.

† Alias
Eandem
legis sci-
entiam.
† Alias
Approba-
verunt.

rita, sed potius secundum prædestinationem aliquo modo intelligere potuerunt. Ipse enim dicit, non sum dignus, vel non sum idoneus vocari Apostolus, aut eorum intentionem subterfugit verbum, quod Pelagius quemadmodum posuerit, ipse viderit.

Hæc sunt, in quibus Episcopi Pelagium pronuntiaverunt, piis consentire doctrinis. Nunc similiter recapitulando illa, paulo attentius videamus, quæ illum contraria reprobare, & anathematizare dixerunt. In hoc enim potius hæresi ita consistit, † Exceptis ergo illis, quæ in adulatione nescio cuius viduæ in libris suis posuisse, dictus est, quæ ille neque in libris suis esse, neque talia unquam se dixisse respondit, & eos, qui talia saperent, non tanquam hæreticos, sed tanquam stultos anathematizavit. Hæc sunt quibus hæresis illius, dumeta pullulare, imò jam sylvescere debeamus. Adam mortalem factum, qui sive peccaret, sive non peccaret, moriturus. Quod peccatum Adæ ipsum solum læserit, non genus humanum. Quod lex sic mittat ad regnum, quemadmodum & Evangelium. Quod infantes nuper nati in illo statu sint, in quo Adam fuit ante prævaricationem. Quod neque per mortem, vel prævaricationem Adæ omne genus hominum moriatur, neque per resurrectionem Christi omne genus hominum resurgat. Quod infantes, etsi non baptizentur, habeant vitam æternam. Quod divites baptizati, nisi omnibus abrenuntient, si quid boni visi † fuerint facere, non eis imputetur, neque regnum Dei possunt habere. Quod gratia Dei, & adjutorium, non ad singulos actus detur, sed in libero arbitrio sit, & in lege, atque doctrina. Quod Dei gratia secundum merita nostra detur, & propterea & ipsa gratia in hominis sit posita voluntate, sive dignus fiat, sive indignus. Quod filii Dei non possunt vocari, nisi omnino absque peccato fuerint effecti. Quod oblivio, & ignorantia non subiaceat peccato, quoniam non eveniant secundum voluntatem, sed secundum necessitatem. Quod non sit liberum arbitrium, si indigeat auxilio Dei, quoniam propriam voluntatem habeat unusquisque aut facere aliquid, aut non facere. Quod victoria nostra ex Dei non sit adjutorio, sed ex libero arbitrio. Quod ex illo, quod ait Petrus, divinæ nos esse consortes naturæ, consequens sit, ut ita possit esse anima sine peccato, quemadmodum Deus. Hoc enim in undecimo capitulo libri, non quidem habentis authoris sui titulum, sed qui perhibetur esse Cœlestii, his verbis positum ipse legi. Quomodo quispiam, inquit, illius rei consortium suscipit, a cuius statu, & virtute esse extraneus definitur? Ideo fratres, qui hæc objecerunt, sic eum intellexerunt,

tanquam ejusdem naturæ animam, & Deum, & partem Dei dixerit animam. Sic eum † acceperunt, quod ejusdem status, atque virtutis eam esse cum Deo senserit. † In extremo autem objectorum positum est, quod pœnitentibus venia non detur secundum gratiam, & misericordiam Dei, sed secundum meritum, & laborem eorum, qui per pœnitentiam digni fuerint misericordia.

Hæc omnia, & si quæ argumentationes ad ea confirmanda interpositæ sunt, sua negantem, & anathematizantem Pelagium judices approbaverunt. Et ideo pronuntiaverunt, eum contraria Ecclesiasticæ fidei reprobando, & anathematizando, damnasse. Et per hoc quomodolibet ea Cœlestius posuerit, aut non posuerit, vel Pelagius senserit, aut non senserit, tanta mala tam novæ hujus hæresis illo Ecclesiastico judicio damnata, gaudeamus, & Deo gratias agamus, laudesque dicamus.

De his autem, quæ post hoc iudicium ibi a nescio quo cuneo perditorum, qui valde in perversum perhibentur Pelagio suffragari, incredibili audacia perpetrata dicuntur, ut Dei servi, & ancillæ Domini ad curam sancti Hieronymi presbyteri pertinentes sceleratissima cæde afficerentur, Diacon. occideretur, ædificia monasteriorum incenderentur, vix ipsum ab hoc impetu, atque incurfu impiorum, in Dei misericordia turris munitior tueretur, taceendum nobis potius video, & expectandum quid illic fratres nostri Episcopi de his tantis malis agendum existiment, quibus eos dissimulare posse quis credat? Impia quippe dogmata hujusmodi hominum a quibuslibet Catholicis, etiam qui ab illis terris longe absunt, redarguenda sunt, ne ubique nocere possint, quo pervenire potuerint. Impia vero facta, quorum coertio ad episcopalem pertinet disciplinam, ubi committuntur, ibi potissimum a præsentibus, vel in proximo constitutis, diligentia pastoralis, & pia severitate plectenda sunt. Nos itaque tam longe positi optare debemus, his causis talem illic finem dari, de quo non sit necesse, ubilibet ulterius judicare, sed quæ nobis potius prædicare conveniat, ut animi omnium, qui illorum scelerum fama usquequaque volitante graviter vulnerati sunt, Dei misericordia consequente sanentur. Unde jam hujus libri terminus iste sit, qui, ut spero, si sensibus tuis placere meruerit, adjuvante Domino utilis erit legentibus, tuo, quam meo nomine commendatior, & tua diligentia plurimis notior.

Explicit liber sancti Augustini ad sanctum Aurelium Episcopum de gestis Pelagii hæretici contra adversarios gratiæ Domini nostri Jesu Christi.

LIBER PRIMUS DE NECESSITATE GRATIÆ AD PERFICIENDA OPERA MORALITER

BONA ORDINIS NATURALIS, ET AD CONTRARIA
PECCATA VITANDA.

PRÆLUDIUM.



Duplex
necessitas,
videlicet
per se, aut
in ordine
ad aliquem
finem.

Necipimus tractare quæstionem, An gratia sit? quæ a Theologis omnibus præsertim Div. Thoma, & interpretibus 1. 2. qu. 109. ex illius necessitate inquiritur. Duobus autem modis aliquid esse solet necessarium, uno modo per se, & absolute, alio modo in ordine

ad aliquem finem: in præsentī ergo supponitur, gratiam non esse priorī modo necessariam, nec quæstionem in hoc sensu tractari. Quia gratia si increata sit, sub ea ratione est aliquid liberum in Deo, & consequenter non potest esse absolute necessaria, quia quod est liberum, non est necessarium. Si vero sit creata, eo ipso absolute necessaria non est, quia nulla creatura est per se necessaria. Neque etiam est gratia simpliciter necessaria humanæ naturæ absolute spectatæ, quia non est proprietas necessario consequens illam, & quia sine illa esse potest, & conservari. Necessitas ergo gratiæ consideranda est in ordine ad aliquem finem, & in hoc sensu quæstio tractatur.

Posterius
illud ne-
cessitatis
genus sub-
dividitur.

2. Ulterius vero hæc etiam necessitas duplex distingui solet, scilicet absolute, & simpliciter, quæ sola est vera necessitas; & secundum quid, seu ad melius esse, quæ proprius est utilitas: quam divisionem aliis verbis tradit Aug. lib. De Gestis Palæstin. c. 1. Igitur in præsentī priorī modo præcipue a Theologis sumitur; tum quia ex necessitate absolute efficacius concluditur existentia gratiæ; quia divīna providentia non deest hominibus in his, quæ simpliciter necessaria sunt ad finem consequendum; utiliora vero non semper confert: tum etiam quia sub necessitate simpliciter includitur utilitas, non autem e converso. Unde si gratia est simpliciter necessaria, etiam erit utilis, & dari poterit, vel ex ordinaria providentia, vel ex Dei liberalitate, & ita explicata necessitate, a fortiori utilitas gratiæ declarabitur.

Ad finem
hominis
superna-
turalem,
tum etiā
ad natu-
rale gra-
tiæ neces-
sitas.

3. Præterea oportet recolere, quod supra tradidimus, duplicem esse finem hominis, naturalem scilicet, & supernaturalem, respectu enim utriusque necessitas gratiæ spectari potest: nam ad utrumque consequendum potest esse gratia necessaria. Est autem consentaneum intellectuali naturæ, ut per operationes liberas, & morales finem suum assequatur, nam hæc tantum operationes dicuntur in homine viatore proprie humanæ, seu hominis, ut homo, vel ut intellectualis est, sub qua ratione in finem sibi proprium tendit, & ideo non nisi per huiusmodi operationes illum assequitur. Unde sit, necessitatem gratiæ in ordine ad finem ultimum hominis consequendum, eandem esse cum necessitate gratiæ ad bona opera exercenda, quibus finem illum consequi possit, & vitanda mala, quibus illum potest amittere. Quia igitur (ut supra dixi) finis ultimus duplex est, naturalis scilicet, & supernaturalis, & utrique respondent consentaneæ operationes, utique naturalis ordinis, vel supernaturalis, ideo gratiæ necessitas spectari potest vel in ordine ad operationes naturalis ordinis, vel supernaturalis. Et quoniam utraque necessitas copiosam habet materiam, & longe diversa principia, ideo distincte tractanda est, & incipiendo a notioribus, in hoc libro dicemus de necessitate gratiæ ad opera na-

turalia; in sequenti vero de ejusdem necessitate ad opera supernaturalia. Omnia vero moralia opera ad actus intellectus, & voluntatis revocantur, de his ergo dicemus, & quia radix hujus necessitatis non est eadem in omnibus statibus superiori libro explicatis, ideo de singulis dicere necessarium erit.

Hoc lib. de necessitate gratiæ ad opera naturalia agendum.

4. Denique quoniam hos actus sæpe naturales vocabimus, ne in nomine sit ambiguitas, oportet advertere, hic non sumi naturale, ut opponitur libero, sed ut a supernaturali distinguitur, nam potius supponimus, hos actus morales liberos esse, dicuntur autem naturales, tum ex regula naturalis luminis rationis, cui conformari debent, tum ex materia, in qua versantur, quia naturaliter cognosci potest, tum ex motivo, quod naturæ proportionatum esse solet, tum ex principio proximo, a quo per se fiunt, quod est potentia naturalis.

C A P U T I.

Utrum homini ad quamlibet veritatem naturalem cognoscendam gratia necessaria sit in omni statu, præsertim natura lapsæ?

1. Duplex est cognitionis species, quædam speculativa, quæ in sola veritatis contemplatione, & cognitione sistit, alia practica, quæ ad opus refertur inclinando, & inducendo affectum; in præsentī de priorī tractamus; de posteriori vero capite sequenti dicemus. Vocamus autem in præsentī naturalem veritatem omnem illam, quæ ad ordinem naturæ spectat, & per se loquendo sine revelatione speciali, ministerio sensuum acquiritur, & per species rerum quæ illis obijciuntur, proportionem habet cum lumine naturali intellectus, & sub objecto illi proportionato comprehenditur. De huiusmodi ergo veritatibus fuit quorundam opinio negans, posse hominem præsertim lapsum sine gratia aliquam ea his veritatibus pure, & sine errore consequi. Refert Div. Thom. in secunda distinctione, vigesima octava, quæstion. prima artic. quinto, tribuitur etiam Gregorio, & Capreolo, qui in alio sensu locuti sunt, quanquam ex eorum principiis hoc etiam sequi videatur, ut postea videbimus. Fundamentum hujus sententiæ esse potest primo, quia cujuscumque veritatis cognitio est donum Dei, alias haberet homo unde gloriari posset, contra Paulum. 1. ad Corinth. 4. *Quid habes, quod non accepisti? si autem accepisti, quid gloriaris, quasi non acceperis?* Secundo quia concilium Milevit. cap. 4. indicat, scientiam esse donum Dei, & affert illud Psal. 93. *Quis docet hominem scientiam, & Aurau. c. 22. ait, tam veritatem, quam justitiam esse ab illo fonte, quem in eremo sitire debemus.* Tertio quia homo lapsus contraxit ignorantie vulnus; ut ait D. Tho. 1. 2. qu. 85. art. 3. cum Beda Luc. 10. & August. lib. 1. Retr. c. 9. & lib. 22. de Civit. cap. 22. ergo minus potest veritatem naturalem cognoscere, quam in pura natura; ergo nullam veritatem potest per se cognoscere, Quarto quia alias sicut homo posset unam veritatem cognoscere; posset omnem, atque ita semper attingere veritatem ita, ut nunquam erraret, quia non est major ratio de una veritate, quam de omnibus. Consequens autem

Veritas
naturalis,
quæ?

1. Opinio.

tem

tem videtur plane falsum; ergo omnino dicendum est, non posse hominem sine gratia Dei ullam veritatem cognoscere.

Opin. 2. 2. Secunda opinio est aliorum, qui distinguunt inter gratiam Dei, & gratiam Christi, & affirmant sine gratia Christi posse hominem scire, seu cognoscere non tantum singulas, sed etiam omnes veritates naturales collective sumptas, ut ajunt, & sine errore; negant autem sine gratia Dei posse vel unam veritatem cognoscere, etiam si mere speculativa, & naturalis sit. Unde juxta hanc sententiam gratia Dei necessaria est ad omnes, & singulas veritates cognoscendas; gratia autem Christi, neque ad omnes, neque ad singulas. Ratio prioris partis est, quia ut homo perveniat in cognitionem cujuscunque veritatis, necesse est, ut convenienti modo præveniatur, & excitetur ab objectis, & aliis causis, ita ut inducant hominem in veram cognitionem, & non in errorem; potuissent autem hujusmodi cause ita homini occurrere, ut essent inducentes in errorem, neque est in manu hominis prævenire, ut hoc, vel illo modo objecta occurrant; ergo semper est deputandum gratiæ Dei, quod hujusmodi cause priori, & non posteriori modo offerantur. Probatur consequentia, cætera enim clara sunt, quia respectu Dei ille effectus non casu evenit, nec sine divina operatione, & voluntate, quia est opus providentiæ ejus, & non est debiti naturæ hominis: nam posset relinqui, ut deciperetur, maxime post originale peccatum, quod de se dignum est hujusmodi pœna: ergo est beneficium gratiæ, juxta superius dicta de hujus vocis significatione.

3. Fundamentum vero alterius partis hujus sententiæ est, quia hæc gratia non datur nobis propter Christum, atque ita non est gratia Christi: assumptum probatur, quia tantum illa gratia datur nobis propter Christum, pro qua obtinenda ille mortuus est: illa vero non est talis: quod probatur, quia Christus non est mortuus, ut philosophi, vel mathematici efficeremur, sed ut sanctificaremur, & glorificaremur, juxta modum loquendi Augustini epist. 105. Illa vero gratia non datur ad salutem animæ, sed tantum ad aliquam veritatem philosophicam, vel mathematicam, aut aliam hujusmodi cognitionem; ergo talis gratia non est ex Christo, neque pertinet ad ordinem gratiæ sanctificantis, sed est quidam gratia gratiæ data a Deo sine intuitu meritorum Christi. Quæ ratio non solum probatur de gratia necessaria ad singulas veritates, sed etiam ad omnes similes collective sumptas, & ideo non solum singulas, sed etiam omnes poterunt sine gratia Christi cognosci, non vero sine gratia Dei. Nam si una, vel altera non potest cognosci sine gratia Dei, multo minus omnes.

4. Ut autem veram, & communem sententiam declararem, suppono, hic non esse sermonem de habituali gratia, quæ sanctificat hominem, quia per se evidens est illam non esse necessariam ad effectum, de quo nunc tractamus, quia hic nullo modo attingit illum ordinem, neque per se requirit amicitiam cum Deo. Et hoc maxime probatur testimonium Augustini. 1. Retract. cap. 4. quod adducit D. Thomas 1. 2. quæst. 109. art. 1. in argument. *Sed contra*, ubi verba sunt, quod dixerat libr. 1. Solilo. 9. c. 2. in princip. *Deus, qui non nisi mundos verum scire voluit.* Hoc ergo non approbat in dicto loco, quia *respondere potest, multos non mundos multa scire vera*: sicut aliqui philosophi non solum iusti, sed etiam infideles, ut Aristoteles, & similes multa vera cognoverunt sine gratia sanctificantis. Verisimile autem est, eos fuisse a Deo peculiariter adjuvatos ad istarum veritatum cognitionem, quamvis sanctificantem gratiam non haberent. Est ergo quæstio de gratia auxiliante, quæ ut nunc breviter suppono, duobus modis juvare potest, scilicet, vel tanquam principium physicum, & per se nostri actus, ut juvat lumen fidei ad suos actus, vel tanquam principium accidentarium physicæ, per se autem morali, vel, ut sic dicam, artificiale, sicut magister juvat discipulos ad sciendum. Hæc autem posterior duobus modis adhiberi potest, scilicet, vel tanquam extrinsece, ut sit per humanam doctrinam, & per applicationem sensibilibus objectorum, vel etiam interius pe-

culiari modo illuminando, vel phantasmata dirigendo, vel ipsum intelligibile objectum melius applicando.

5. Dico primo: Ad cognoscendas veritates naturales divise, seu sigillatim sumptas non est necessaria specialis gratia Dei, vel Christi etiam in statu lapsæ naturæ. Hæc est communis sententia, ut referam latius in sequentibus, & sine dubio est sensus D. Thomæ locis citatis. Nam licet dicat esse necessarium auxilium Dei moventis ad singulas veritates cognoscendas, per illud auxilium intelligit concursum generalem Dei, ut Cajet. & alii omnes intelligunt, quia loquitur de auxilio necessario ex vi essentialis dependentiæ in operando causæ secundæ a prima, illud autem non est, nisi concursus generalis, qui ut datur ad actiones naturales, non est gratia, ut constat ex dictis in præcedenti libro capit. 1. & in sequentibus hoc latius ostendetur. Probatur ergo conclusio primo ex Paulo ad Rom. 1. & 2. dicente, etiam de Deo multa naturaliter cognosci posse, ut Patres ibi interpretantur: nec refert, quod ibidem ait Paulus, *Quod notum est Dei, manifestum est illis, Deus enim illis manifestavit.* Dicitur enim illis manifestasse non speciali revelatione, aut gratia, sed per creaturas, ut cum gloss. exponit D. Thom. ibi, & in 2. dist. 28. quæst. 1. artic. 5. ad 2. sic etiam Psalm. 18. dicitur, *Cali enarrant gloriam Dei*, & Act. 14. *Non sine testimonio reliquit semetipsum beneficiens de cælo, dans pluvias, & tempora &c.* & Sapient. 13. *Amagnitudine speciei, & creatura cognoscibiliter poterit creator horum videri.* Propter quæ graviter a Theologis reprehenditur opinio aliquorum Nominalium negantium naturalem cognitionem Dei, saltem quoad aliqua attributa ejus, quæ Paulus *notum Dei* appellat: De qua re in Metaph. disput. 28. & 29. dictum est, & tradi solet in principio primæ partis: & latè Cardin. Bellar. lib. 4. de grat. & libero arbitrio cap. 2. Igitur cum de Deo ipso naturaliter, & sine gratia cognosci possit aliqua veritas, multo magis de alijs rebus poterit. Præterea sumitur hæc sententia ex variis locis Augustini. 1. Confess. cap. 7. & de spirit. & lit. cap. 12. & Serm. 55. de Verbis Domini. Sed optimus locus est libr. 1. ad Simplician. quæst. 2. circa finem, ubi ait, non solum bonum ingenium, sed etiam honestas, & utiles disciplinas interdum comparari ante gratiam salutarem, id est, ante primam gratiam Dei excitantem, & adjuvantem: quidquid autem antecedit hanc primam gratiam, per vires naturales fit, quia ante primam gratiam auxiliantem non est alia prior; ergo.

6. Tertio argumentor, quia homo in puris naturalibus conditus naturaliter posset singulas veritates cognoscere; ergo etiam potest nunc homo lapsus. Consequentia nota est ex dictis in præcedenti libro, ubi ostendimus, hominem in natura lapsa habere æquales vires naturales cum homine in pura natura. Antecedens autem videtur quidem per se manifestum, quia unaquæque res habens vires naturales, quas naturaliter postulat, potest efficere actionem sibi connaturalem, quia ut operatio talis sit, oportet, ut naturales vires non excedat. Item quia objecta sensibilia, ex quibus naturales veritates cognosci possunt, per ordinem cursum causarum naturalium possunt homini offerri mediis sensibus, & intellectus agens potest naturaliter efficere species proportionatas huic cognitioni, & intellectus possibilis habet naturalem vim effectivam illius cognitionis, & naturalem capacitatem ejus; ergo habet homo naturalia principia sufficientia ad talem actum; ergo ad illum non est simpliciter gratia necessaria.

7. Quidam vero modernus Scriptor differentiam in hoc constituit inter naturam lapsam, & non lapsam, quod non omnes veritates naturales, quæ sunt proportionatæ humano intellectui in natura non lapsa, sunt proportionatæ intellectui hominis lapsi. Rationem reddit, quia in statu naturæ lapsæ intellectus est vulneratus, & ideo non habet proportionem cum omni cognoscibili per naturam, quod secus est in homine non lapsa: unde fit, ut homo in natura lapsa (ex illius auctoris sententia) non possit cognoscere omnes veritates naturales proportionatas naturali intellectui humano.

1. & communis assertio.

Probatur assertio ex Paulo.

Nom. opinio rejicitur.

Et ratio.

Non est homo hic de gratia sanctificante, sed de auxiliante.

Alvar. 1. 6. de Auxil. disp. 48. pu. 4.

2. Assertio
etiam co-
munis,
quod nec
collectio
omnium
veritatum
nec sine
aliquo er-
rore ha-
beri queat
abique
gratia.

mano per se spectato, & secluso peccato originali, non tantum omnes collectivè, quod est clarum, ut statim dicam, verum etiam nec divisivè, seu singulatim sumptas: & in hoc constituit differentiam inter hominem in statu naturæ integræ, & lapsæ, quod homo in naturâ integrâ potest cognoscere omnes veritates divisivè, licet non collectivè; in lapsa vero natura neque primum potest. Et licet eandem differentiam expresse non constituat inter hominem lapsum, & hominem in pura natura, tamen idem de illis intelligit, quia fundamentum ejus ibi habet locum. Nam etiam in pura natura homo non haberet intellectum vulneratum, sicut ipse prius dixerat. Hæc vero doctrinâ ex eisdem principiis rejicitur facile, quia homo lapsus eandem habet vires intellectus, quas homo purus haberet, ut supra ostensum est: unde omnes veritates, quæ singulatim sumptæ essent proportionatæ naturali ingenio hominis in pura natura, sunt nunc etiam proportionatæ homini lapsi. Et ratio in promptu est, quia homo per lapsum nullum habitum erroneum, aut pravum in intellectu acquisivit, nec intellectus ipse in se fuit diminutus, nec lumen ejus remissum, nec sensus exteriores, vel interiores fuerunt perturbati, aut aliquo modo impediti, ne ita possint ministrare intellectui, sicut in pura natura valent: ergo omnia objecta proportionata intellectui humano ante peccatum, sunt etiam proportionata post peccatum; nulla ergo est in hoc differentia, sed in utroque statu potest omnes has veritates singulatim sumptas naturaliter cognoscere. Neque obstat vulnus ignorantie, quia hoc tantum positum est in privatione fidei, & omnium donorum gratiæ ad intellectum pertinentium, & in privatione omnium donorum, vel auxiliorum, quibus specialiter juvaretur homo in statu naturæ integræ, etiam ad cognoscendas veritates naturales. His autem omnibus careret etiam homo in pura natura, sed tunc illa carentia esset negatio pura, nunc vero est etiam privatio, & ideo nunc est vulnus, & tunc non esset, non ramen propterea nunc magis impedit, vel minuit vires, ut latius in lib. I. declaratum est.

1. Assertio
signis am-
plior de-
claratio.

8. Denique assertio declaratur in hunc modum, quia vel gratia esset necessaria ut principium physicum, & per se talis actus, vel solum ex parte objecti applicando illud, aut tollendo impedimenta, aut alio modo illustrando objectum, nihil autem horum est verisimile; ergo. Probatur minor quoad priorem partem, quia in intellectu humano est ex parte potentie sufficiens vis activa in ratione principii proxime, & physici talis actus, & licet indigeat concursu objecti per speciem, illam potest naturaliter acquirere, ut constat; alio autem principio non indiget. Nam licet juvari possit per habitum, illud adjutorium non est simpliciter necessarium, ideoque secundum connaturalem modum operandi non supponitur habitus ad talem actum, sed potius e converso; quia talis habitus non comparatur, ut homo possit, sed ut facilius hoc præstet, ideoque necessaria non est aliqua alia virtus activa, quæ absentiam habitus suppleat. Non potest ergo cogitari aliquod principium physicum, quod sit necessarium intellectui ad eliciendum illum actum per modum causæ proximæ, nam de concursu causæ primæ nunc non dubitamus. Altera vero pars de gratia quasi per accidens adjuvante subdistingui potest: nam vel hæc est aliqua gratia interna, & hæc sine dubio necessaria non est, quia neque revelatio divina, neque aliqua interna illuminatio, quæ per objecta sensibilia fieri non possit, necessaria est, quia hæc supernaturalia sunt, modus autem cognoscendi naturales veritates est connaturalis homini; vel est solum exterior gratia, seu specialis providentia, quæ tollat impedimenta, & offerat convenientia objecta; & hoc etiam dici non potest, quia communis actio causarum secundarum, si Deus illarum motus ordinarium cursum tenere sinat, & cum eis concurrat, de se sufficere potest ad hujusmodi objecta proponenda, & impedimenta non semper occurrunt: ergo nulla gratia est simpliciter necessaria. Quod magis respondendo ad argumenta declarabitur.

9. Dico secundo: Ad cognoscendas omnes veritates naturales collectivè sumptas, & præsertim ad eas

cognoscendas sine admixtione erroris, vel deceptionis aliqua gratia, vel specialis directio, & protectio Dei in statu naturæ lapsæ necessaria est. Assertio communiter recepta est, & nullus potest de ea dubitare, qui fragilitatem hominis lapsi, & impedimenta corporis ad actiones mentis consideraverit. Unde potest probari primo experientia, quia adhuc non est inventus homo, qui omnes scientias naturalis simul fuerit assecutus, vel sipe falsis opinionibus tam in naturalibus, quam in moralibus. Quod argumentum non tantum probat hoc non posse fieri per solas vires naturæ, sed etiam ordinariè non dari gratiam, quæ ad effectum hunc sufficiat. Ratio autem prioris partis, seu de omnium veritatum cumulo est, quia hæc veritates sunt innumeræ: imo in Mathematicis in infinitum semper augeri possunt. Item nonnullæ illarum sunt difficillimæ ad inveniendum, & multæ indigent multo tempore, & labore, & alioqui vita hominis brevis est, magnamque illius, seu temporis partem sibi vendicant eæ, quæ sunt vitæ, vel proximis, vel communitati necessaria, & ultra hæc multa quotidie occurrunt extraordinaria impedimenta: ergo pensatis omnibus non potest homo suis viribus, & industria, vel diligentia omnes veritates assequi, etiam naturales. Ratio autem alterius partis de carentia erroris est, quia homo discursu suo naturali pauca cognoscit evidenter, & quam plurima probabiliter, seu verisimiliter, & regulariter per solam rationem probabilem, & authoritatem humanam profert definitum judicium; ergo tale judicium est expositum de se falsitari; ergo naturaliter fieri non potest, quin in tanta multitudine judiciorum non sæpe erret, nisi superiori auxilio custodiat: maxime, quia sæpe falsa sunt probabiliora veris.

10. Contra hanc assertionem referri solent Div. Thomas. 2. distinct. vigesima octava articul. quinto, & ibi Durand. quæstion. prima, & Cajetan. 1. 2. quæstion. 109. articul. primo, & ibi Medina dub. primo. Verumtamen Divus Thomas, & Durand. nihil contra hanc assertionem docent: tum quia non loquuntur de cognitione omnium veritatum naturalium collectivè sumptarum, & sine errore, sed indefinite de veritatibus naturalibus, vel ad summum distributive, & divisivè de quacumque: tum etiam quia non loquuntur generatim de quacumque gratia, sed de lumine infuso, vel de habitu superaddito naturæ; nos autem non requirimus hanc gratiam, etiam ad omnes has veritates cognoscendas, sed aliquod speciale auxilium providentiæ Dei. Medina vero tantum abest, quod repugnet, ut potius in eodem primo dubio ad secund. expresse dicat, necessarium esse speciale auxilium, ut homo cognoscat veritates naturales sine admixtione erroris. Solus Cajetanus videtur posse in contrarium induci, quia dicit, hominem peccando non incurrisse vulnus ignorantie quoad cognitionem speculativam virtutum naturalium: sed in hoc Cajetano non assentimur, ut infra dicam.

Falso ci-
tantur au-
ctores
quidam
contra as-
sertionem

11. Ex quo colligitur conclusionem hanc etiam in pura natura habuisse locum, quia ratio facta, & principium supra positum, quod in illo statu non haberet homo majores vires ad cognoscendum, quam nunc habet, eodem modo procedit. Dices: ergo necessaria fuisset homini gratia in illo statu, ut in naturalium veritatum cognitione non erraret: ergo danda illi fuisset ex vi providentiæ tunc debita, quod repugnat superius dictis. Probatur autem consequentia, quia pertinet ad providentiam authoris naturæ, ut illi non desit in necessariis sibi in tali ordine, & statu. Respondeo nihilominus negando secundam consequentiam, quia non oportet, talem hominem in hac vita vel numquam decipi, vel omnia naturalia cognoscere. Sed contra, quia homo habet naturalem appetitum ad cognoscendam veritatem, & hæc omnia naturalia: ergo posset hic appetitus satiari in homine existente in pura natura, alias videretur natura deficere in necessariis. Respondeo appetitum naturalem proxime esse ad singulos actus, & consequenter ad collectionem. Unde satis est, ut quilibet actus possit naturaliter haberi, & ut successio eorum du-

De statu
etiā puræ
naturæ
procedit
assertio.

ret,

ret, & consequenter scientia rerum naturalium augeatur, quantum & vitæ humanæ conditio tulerit, & naturales causæ ministraverint. Sicut materia prima est capax omnium formarum, & tamen naturaliter non omnes recipit, neque simul, neque successive.

Ratio pro
assertione
1. non re-
pugnat
contra se-
cundam.

12. Tandem objici potest ratio facta in priori assertionem, nam videtur huic repugnare, quia lumen naturale est de se principium sufficiens scientiæ, necessariæ tum ad totam hanc veritatum collectionem assequendam, tum etiam ad contrarium errorem vitandum. Respondetur, non esse parē rationem in collectione, quæ est in singulis, quia licet ex parte principii per se, quod est lumen intellectuale, sit æqualis ratio, ex parte phantasmatum, seu propositionis objectorum, & impedimentorum, quæ occurrere possunt, est valde diversa, quia circa unum, vel alium actum facile occurrit commoditas habendi illum, & impedimenta non in singulis occurrunt, quod secus est in tota collectione, ut per se constat. Et ex eadem radice provenit, ut omnem omnino vitare errorem difficillimum, & humano modo impossibile sit, etiam si in singulis illa difficultas non occurrat.

Procedit
similitudo
de statu
gratiæ
post lap-
sum.

13. Secundo ex dictis constat, etiam hominem lapsum in statu gratiæ constitutum non posse per vires naturæ hanc perfectionem cognitionis naturalis assequi: quia gratia sanctificans, nec per se auget virtutem naturalem cognoscendi, neque prædicta aufert impedimenta. Unde nec ordinaria providentia, vel auxilium gratiæ ad hoc sufficit, nisi homo alio extraordinario, & accommodato modo adjuvetur. Quod satis experientia constat: & ratio est eadem, quia gratia sanctificans, etiam cum ordinatio auxilii non faciat omnes infirmitates naturæ, neque aufert totum ignorantie vulnus, & (ut supra dicebamus) ex se non dat facilitatem ad actus ordinis naturalis, sed elevat potentias ad superiores actus. Manet ergo nunc in homine iusto eadem impotentia ad consequendas omnes veritates naturales, quæ in homine puro, vel in homine in peccato originali, aut mortali existente invenitur.

Status in-
nocentiæ
donum gra-
tiam con-
tinebat
quoad ca-
rentiam
omnis er-
roris, quo-
ad colle-
ctionem ve-
ro omniū
veritatum
etiam na-
turalium
res incer-
ta est, ve-
rū similior
que pars
negativa.

14. Sed quid de homine in statu innocentie, vel naturæ integræ? Respondeo, quod attinet ad carentiam erroris, jam supra diximus habuisse privilegium, ut durante illo statu, & iustitia, decipi non posset per assensum falsum, quod privilegium ostendimus fuisse gratuitum, ac subinde gratiam. Quod vero attinet ad cognitionem omnium veritatum naturalium collectivæ, incertum est, an Deus omnibus hominibus in eo statu daret omnes scientias harum veritatum infusas per accidens, ut vocant, eas enim dedisse Adamo probabile est, de posteris autem ejus nihil est certum; ramen si eas haberent per infusionem, scirent quidem omnia saltem in habitu, non tamen sine dono gratuito quoad modum habendi illas, sicut verisimilius est, animam Christi Domini novisse omnia etiam naturalia a principio conceptionis. Si vero homines tunc non haberent has scientias infusas, sed oporteret propria industria inquirendo, vel ab aliis discendo, eas acquirere; multo quidem plura cognoscere possent tunc homines, quam nunc valeamus, vel quam homines in pura natura, quia non haberent corruptibilibus corporis, & hujus vitæ impedimenta, & a parentibus per traditionem, & disciplinam possent, amplius juvari. Nihilominus verisimile est, non potuisse, unum hominem etiam in eo statu omnes scientias naturales simul perfecte assequi, quia in eis quodammodo in infinitum procedi potest, & tempus vitæ non esset tunc diuturnum, ut credi potest, & homines etiam tunc indigerent cibo, & somno, & exercitatione corporis, maxime vero si in Dei contemplatione, & rerum æternarum meditatione exercerentur; hæc autem omnia speculationem, præsertim rerum inferiorum impediunt. Unde Div. Thom. 1. p. 4. 101. artic. primo, solum dicit homines in statu innocentie non fuisse nascituros perfectos in scientia: *Sed etiam (ait) processu temporis absque difficultate acquisivissent inveniēdo, vel addiscendo.* Et ad 3. ait, potuisse in eo statu plenius scire universalia principia juris, & aliarum rerum; de plenitudine autem scientiarum nihil dicit. Alia vero ratio est de anima sepa-

rata; si enim inveniretur sine peccato, & in pura natura, credibile est, habituram fuisse omnem naturalem scientiam per species quasi connaturaliter inditas, de quo alias.

In tracta-
tu de Ani-
ma disp.
ultima.

15. Dico tertio: Quoties gratia specialis ad veritates naturales cognoscendas, vel deceptionem in ea materia vitandam, datur, propter Christum datur, unde non solum est gratia Dei, sed etiam gratia Christi. In hac assertionem de facto loquimur, non de possibili; hoc enim posteriori modo rei considerando, manifestum est, posse Deum hanc gratiam sine respectu ad Christum donare, sicut & quamcunque aliam. Unde in statu puræ naturæ, id est, in quo humana natura non esset ordinata ad finem supernaturalem, nec alia dona supernaturalis gratiæ reciperet, posset Deus illi conferre hoc donum scientiarum, vel auxilium speciale ad naturales veritates cognoscendas: & tunc non esset ex gratia Christi. Imo neque esset proprie gratia supernaturalis ordinis, sed esset donum gratuitum, & liberali ultra naturæ debitum, ordinatum tamen ad perfectionem mere naturalem, sicut de integritate naturæ supra dicebamus. Et similiter in statu innocentie potuit hoc donum dari sine respectu ad Christi meritum. Pro ut nunc vero datum est, vel dandum esset, si status ille duraret, ita de illo dono, vel speciali auxilio censendum est, sicut de gratia sanctificante, & de tota originali iustitia; tum quia esset velut pars, seu proprietas quædam iustitiæ originalis; tum etiam quia in eo statu datum est in ordine ad finem supernaturalem, & ut de se utile, & conferens ad perseverandum, & proficiendum in sanctitate supernaturali, ut mox explicabo. Ideoque qui censent, gratiam in illo statu non esse datam per Christum, idem dicent de hoc dono: ego vero contrarium censeo probabilius de prima gratia Adæ, & de tota iustitia, quæ in illo statu data est, vel danda fuisset, si durasset, ut in 3. par. probavi, & ideo consequenter idem existimo de hoc dono, servata proportionem ad præsentem statum.

16. Loquendo ergo de facto, & de præsentem statu naturæ lapsæ, adverto ulterius, donum illud dupliciter posse considerari, videlicet, in ratione gratiæ gratis datæ, vel in ratione auxilii, quod reduci possit ad ordinem gratiæ gratum facientis. Primum habet tale donum quasi ex se, quia donum hoc, seu speciale auxilium ad has veritates cognoscendas non est naturæ debitum, ut supra probatum est, est ergo gratia, & de se non est gratum faciens, ut proxime diximus; imo ex vi proprii, & immediati effectus non perficit hominem in ordine ad supernaturalem sanctitatem; ergo ex se non spectat ad ordinem gratiæ gratum facientis; ergo est gratia gratis data. Nihilominus tamen potest pertinere ad illum ordinem ex relatione conferentis, quia videlicet, ad hoc illud donat, ut per illud erefect recipiens in sanctitate, vel facilius peccata vitando, vel ex creaturarum cognitione Deum magis laudando, & amando. Sic enim etiam bona temporalia cadunt sub meritum, & inter auxilia gratiæ interdum computantur. Dico ergo, sub utroque respectu dari hanc gratiam propter Christum, & verisimilius esse, semper dari propter alterutrum, vel propter utrumque.

Assertio
procedit
in præfati
in ordine
superna-
turalis fi-
nis, quid-
quid sit, si
ad talē fi-
nem homi-
nem non con-
ducitur.

17. Primum patet, quia Christus Dominus non tantum meruit nobis gratiam sanctificantem, sed etiam gratis datam, ut clarum, & certum est de dono linguarum, gratia sanctorum, & similibus. Responderi potest, hoc esse verum de illis gratiis gratis datis, quæ ad commune Ecclesiæ bonum ordinantur, non vero de gratiis privatis (ut sic dicam.) Sed contra: nam etiam donum scientiarum dari potest propter commune bonum Ecclesiæ; imo existimo, si alicui datum est, propter hunc finem maxime collatum esse. Exempla esse possunt in dono scientiæ, vel artis dato Beseleel, & Oliab Exod. 35. & sequentibus, & de scientia infusa Salomoni. 3. Regum. 3. ubi videri potest Abulens. q. 10. Item aliquibus Sanctis verisimile est datum esse speciale auxilium ad scientias naturales perfectius ad discendas, propter bonum commune Ecclesiæ, imo de Aristotele aliqui existimant specialiter fuisse a Deo adjutum in ordine ad bonum Ecclesiæ futurum.

Auxilium
de quo lo-
quitur as-
sertio dari
per Chris-
tum, etiam
in ratio-
ne gratiæ
gratis da-
tæ, proba-
tur.

Quin etiam in universum credibile est, huiusmodi dona, quæ supernaturali modo dantur, licet in se sint naturalia, semper dari propter altius bonum, & commune, sicut de illuminatione cæci nati Christus dixit. Ergo longe verisimilius est, talia dona semper propter Christum dari, quia semper sunt propter finem gratiæ, & propter hominum salutem, præsertim ea, quæ supernaturali modo sunt. Unde Paulus ad fideles dicebat 1. Co. 3. *Omnia vestra sunt, vos autem Christi, Christus vero Dei*. Sentiens omnia hæc dona ad Christi gloriam nobis dari, licet cum Christo ipso omnia ultimate ad gloriam Dei referantur: ergo etiam in genere meriti omnia dantur propter Christum.

Probatur a fortiori dari etiam in ordine ad sanctitatem reprobis

18 Et hinc facilius probatur pars altera, quia omne auxilium speciale datum in ordine ad maiorem sanctitatem recipientis, est ex meritis Christi, ut in 3. p. late probatum est; sed hoc donum sub illo respectu spectatum est auxilium speciale ad propriam sanctificationem ordinatum; ergo est ex meritis Christi. Confirmatur, quia omnis occasio bene operandi specialiter a Deo provisa in ordine ad salutem æternam, est gratia per Christum; sed illud auxilium est plus, quam occasio bene operandi, & ut supponitur, datur propter propriam sanctificationem, & ut per illud homo excitetur ad maiorem Dei amorem, & laudem; ergo est ex Christo. Denique confirmatur, quia quicquid in hoc genere desiderari potest, recte, & convenienter per Christum petitur: sicut enim Ecclesia pluviam, & salutem per Christum petit, supponens, hæc omnia, ut cadunt sub providentiæ supernaturali, cadere etiam sub Christi merito. Neque obstat, quod homo interdum male utatur simili gratia Dei, quia hoc non impedit, quin per Christum, & propter finem supernaturalem detur, ut per se constat, & solvendo argumenta magis patebit.

Ad 1. fundamentum positum in 2. 1.

19 Ad primum ergo fundamentum prioris opinionis, quia de illo testimonio Pauli multa in sequentibus dicturi sumus, nunc dico breviter, nihil esse in homine, quod non sit a Deo, non tamen omnia eodem modo, nam quædam sunt ab illo ut auctore gratiæ, quædam ut auctore naturæ sine speciali liberalitate ultra naturæ debitum, & talis esse potest cognitio unius, vel alterius veritatis. Ad secundum dicitur, Concilia Milevit. & Arausi. loqui tum de cognitione practica, & operativa boni, tum de cognitione aliquo modo supernaturali ad veram iustitiam necessaria, vel utili, ut in sequentibus ostenderetur. Ad tertium respondetur; ignorantia vulnus non abstulisse potentiam cognoscendi veritates omnes naturales, sed abstulisse; tum supernaturalem cognitionem, tum etiam speciale auxilium, seu privilegium recte cognoscendi datum in statu innocentia ultra meram possibilitatem naturæ: unde hoc vulnus non reddit hominem lapsum impotentem ad cognoscendum, quam esset in pura natura, sed nunc est vulnus ignorantia, quod tunc esset pura nescientia, vel difficultas sciendi homini connaturalis.

Ad secundum.

Ad tertium

Relinquitur Cajetani distinctio

20 Addit Cajet. q. 109. art. 1. vulnus ignorantia fuisse respectu cognitionis practicae, non vero speculativæ. Sed neque est distinctio necessaria, neque bona, quia, ut statim ostendam, hoc vulnus non impedit, quominus etiam aliquas veritates practicas morales, & ordinis naturalis cognoscere possimus absq; gratia, licet non omnium collectionem; ergo est æqualis ratio in veritate practica, & speculativa. In neutra enim ablata est omnino per vulnus ignorantia veritatis cognitio, quatenus per discursum naturalem in uno, vel alio actu comparari potest, licet in utraque propter impedimenta corporis, & animi, non possit pura, & plena esse talis cognitio: ergo non solum est hoc vulnus in intellectu practico, sed etiam in speculativo. Confirmatur; nam approbare falsa pro veris pena est peccati, teste August. supra, ubi universaliter loquitur, ac proinde etiam in speculativo, ergo vulnus ignorantia omnem errorem, & difficultatem sciendi ex peccato contractam comprehendit. Sed obiicit Cajet. quia D. Thom. dicta q. 85. art. 3. dicit vulnus ignorantia esse in intellectu, in quo est prudentia, ille autem est intellectus practicus. Respondeo, non loqui D. Tho. reduplicative, aut exclusive. Nam etiam

Suarez Tom. VI.

dicit vulnus malitiæ esse in voluntate, in qua est iustitia, & non ideo dicit esse in solis operibus iustitiæ. Item infra dicit, vulnus ignorantia sequi ex peccato, *In quantum ratio per peccatum hebetatur ad bonum, præcipue in agendis*: non ergo in solis illis. Et lib. 4. contr. gent. 52. absolute dicit, debilitatem rationis, & difficultatem in cognitione veri ad hoc vulnus pertinere. Constat autem ex dictis hanc difficultatem, & debilitatem etiam in speculativo post peccatum inveniri. Item 1. p. q. 94. art. 1. & q. 101. art. 1. ait hominem in statu naturæ integræ juvandum fuisse per originalem iustitiam ad cavendos errores, etiam in scientiis speculativis, & ad earum perfectionem. Ergo earum imperfectiones, & errores, quæ nunc patiuntur, ex originali peccato proveniunt, ac proinde ad vulnus ignorantia pertinent. Et hinc responsum est ad quartum: jam enim facilis est differentia inter singulas veritates per se spectatas, & omnium cognitionem; est enim longe difficilior cognitio omnium, quam singularum, quia impedimenta, quæ in discursu vitæ offeruntur, non in singulis actibus occurrunt.

1. Pars fundam. sententia solvitur

21 Ad fundamentum secundæ sententiæ quoad priorem ejus partem de providentiæ necessaria, ut homo possit quamcunque veritatem cognoscere, respondeo, illam providentiæ pertinere ad ordinem naturæ, non gratiæ, etiam ordinis naturalis (ut alii loquuntur) quia re vera non est gratuita omnino, sed naturæ debita, & quoad aliquas veritates est physice necessaria; præsertim ad illas, quæ in individuo per experientiam cognoscuntur; ut hunc esse hominem, aut ignem, & similia. Illa ergo cognitio non est donum gratiæ. Alias nullum est donum naturæ, quod gratuitum non sit, & gratia dici debeat, etiam corporis sanitas, & integritas membrorum, & similia, quæ neque adversarii concedent, sunt enim absurda. Sed de hac re latius in sequentibus capitulis dicam.

Solvitur 2. pars dicti fundamenti

22 Ad alteram partem, in qua supponitur, nihil nobis Christum meruisse, nisi illud, pro quo mortuus est, respondeo falsum esse, quod assumitur: nam Christus Dominus multa habuit merita per alios actus distinctos a morte, & ex se independentes ab illa. Item meruit Angelis, etiam si proprie non sit mortuus pro illis, & idem est de gratia Adami in statu innocentia. Addo etiam, per ipsam mortem aliqua potuisse Christum mereri, propter quæ sola non moreretur, neque nunc proprie dici potest, propter illa mortuum esse. Sicut sibi meruit per mortem exaltationem nominis sui, quamvis propter suam gloriam mortuus non sit. Nam illa particula, *propter*, dicitur & occasionem, & proprium motivum, ex quo orta est mors Christi. Sic autem occasio tantum sumpta est ex lapsu hominis & propria ratio motiva fuit redemptionis ejus, non vero exaltatio nominis Christi, quam aliis actibus potuisset mereri, & de facto etiam meruit, licet ex ordinatione divina speciali modo illam per mortem meruerit. Postquam enim illa mors propter alium peculiarem finem ordinata est, meritum ejus valere, & ordinari potuit ad plures alios effectus gratiæ, qui per se fieri possent, etiam si peccatum hominis, & mors Christi non intercederet. Sic ergo dici potest de illa gratia gratis data ad veritates cognoscendas, maxime, quia, ut dixi, hæc ipsa gratia non datur sine aliqua relatione ad spirituale salutem lapsum hominum, quod satis est, ut possit esse effectus redemptionis, & mortis Christi.

C A P U T II.

Utrum ad omnem moralem cogitationem rectam, & honestam sit necessaria gratia?

1 Hæc questio tractari solet de cognitione practica vera in moralibus actionibus, & in re idem est sensus, tamen quia sub questione est, an voluntas possit moveri ad actum honestum per solum iudicium practicum, vel etiam per cognitionem speculativam, ideo non usi sumus illa voce, ut ab hac questione abstraheremus. Est ergo sensus questionis; an sine gratia possit intellectus iudicare, vel cognoscere aliquid

Expedir. sensus question.

aliquid eo actu, qui movere, & inducere voluntatem ad actum moraliter bonum efficiendum, sufficiat? Hunc ergo actum vocamus cogitationem rectam, & honestam, quæ ita denominatur, non quia in se habeat formalem bonitatem moralem, hoc enim ad voluntatem spectat, sed quia applicat objectum modo sufficienti, ut voluntatis actus honestus sit.

2 De hoc igitur actu est prima opinio, affirmans esse gratiam Dei necessariam ad quamcunque cognitionem huiusmodi, etiam si sit de objecto, & actu mere naturali. Ita tenet Greg. in 2. dist. 28. qu. 1. ar. 2. concl. 2. & d. 29. qu. 1. art. 2. Capreol. dist. 28. ar. 3. ad argument. contr. 1. Con. & in hoc sensu dicunt, ad cognitionem practicam esse necessariam gratiam. Non enim loquuntur de practico in omni materia, nam in materia artis constat, posse haberi cognitionem veram per solas vires naturales; nam est eadem ratio, quæ de cognitione speculativa. Loquuntur ergo de practico in materia morali. Item non loquuntur de hac cognitione universali, prout habetur per syndesim, & philosophiam moralem, nam illa etiam æquiparatur speculativæ cognitioni, quia re vera speculativa est. Loquuntur ergo de cognitione morali in particulari, & cum omnibus circumstantiis prout necessaria est ad honeste operandum. Et hoc sensu tenuit eandem sententiam Gaspar Cassalius lib. 1. de Quadrip. iustit. cap. 32. Probatum autem primo hæc sententia ex illo 2. Corint. 3. *Non sumus sufficientes cogitare aliquid ex nobis quasi ex nobis, sed sufficientia nostra ex Deo est.* Et Psal. 93. *Deus scit cogitationes hominum, quia vane sunt.* Illæ scilicet, quæ ex se, & sine gratia habent, & Gen. 6. *Videns autem Deus, quod cuncta cogitatio hominis intenta esset ad malum omni tempore.* Unde 2. Paralip. 20. dicitur, *Cum ignoremus, quid agere debeamus, hoc solum habemus residui, ut oculos nostros dirigamus ad te.*

3 Secundo afferuntur loca Conciliorum supra citata, quia de practica cognitione loqui videntur. Dicit enim Concil. Milevil. cap. 4. *Utrumque esse donum Dei, & scire quid agere debeamus, & diligere ut faciamus;* Similia habet Arausicanum cap. 9. & 22. ubi non solum iustitiam, sed etiam scientiam, quæ illam generat, dicit esse ex gratia. Tertio eodem modo loquitur sepe August. præterim epist. 105. *Nemo (inquit) recte sapit, recte intelligit, nisi qui donum intellectus, & consilii acceperit.* Similia habet lib. 1. de Gratia Christi, cap. 28. & sepe alias. Expressiusque videtur hoc docere de homine lapsa Fulgen. lib. de Incar. & Grat. c. 12. & 13. ait enim, *Hominem peccando, facultatem recte cogitandi amisisse.* Quarto adducuntur variæ rationes sumptæ ex necessitate orationis, & ex difficultate operandi bonum, de quibus latius in sequentibus. Una ergo tantum videtur ratio propria huius loci, quia talis cogitatio honesta est actus prudentiæ, non potest autem homo suis viribus sine divina gratia esse prudens, juxta verba divinæ Sapientiæ, Proverb. 8. *Meum est consilium, mea est prudentia;* ergo nec talem cogitationem habere.

4 Secunda opinio referri potest quorundam, qui in intellectu practico distinguunt duos actus, unum iudicii de re agenda, an expediat, nec ne? Alium imperii, quo intellectus efficaciter movet voluntatem, ut velit, dicuntque actum iudicii posse haberi sine speciali gratia, non solum proprie supernaturali, sed etiam ordinis naturalis, juxta explicationem superius datam, & propter rationes capitæ præcedenti adductas. De actu vero imperii contrarium docent, nimirum, non posse sine gratia haberi. Moveturque fortasse, quia existimant, voluntatem non posse efficere actum honestum per solam naturalem motionem & ideo inferunt, tale imperium debere esse ex gratia, quia posito tali imperio, necessario sequitur actus honestus voluntatis. Neque multum ab hac differt aliorum opinio, quæ hic potest tertio loco referri. Alii enim distinguunt de cogitatione practica honesta, nam quædam est tantum sufficiens ad voluntatem honestam; alia vero est etiam congrua. Inter quas hoc differt, quod prior, licet possit de se inducere voluntatem ad honestum actum, cum effectu illum non obinet, posterior vero semper illum conjunctum

habet. Priorem igitur cogitationem dicunt, posse haberi sine gratia propter dicta in capite præcedenti. Posteriorem autem dicunt, necessario esse ex gratia, seu esse gratiam saltem ordinis naturalis, quia non est debita naturæ. Aliqui tandem eo progressi sunt, ut neque honestam cogitationem solum sufficientem dicant esse posse in homine lapsa sine gratia Christi, quia omnis talis cogitatio de se potest esse initium salutis, quod sine gratia Christi esse non potest.

5 Vera tamen resolutio hujus questionis eadem est, quæ præcedentis in superiori capite tractata. Unde dicendum est primo, unam, vel alteram, atque adeo singulas practicas cogitationes honestas, & sufficientes ad actus bonos de objectis proportionatis naturali lumini regulariter haberi posse absque speciali gratia, hæc est communis sententia in 2. dist. 28. ubi Bonav. ar. 2. quest. 3. Alb. Scot. Richard. & Durand. quest. 1. Gabr. ar. 2. concl. 1. Egid. dub. 2. Soto lib. 1. de Natur. & Grat. cap. 20. & lib. 3. cap. 4. Vega in Opusc. de Iustificat. Dried. de Capti. & Redempt. gen. hum. tract. 2. cap. 1. Bellarm. lib. 5. de Grat. & lib. 4. cap. 1. & 2. Et sine dubio est sententia D. Thomæ in dicto art. 1. quest. 109. ut ibi docent fere omnes, & ex art. 2. idem aperte sumitur, ut videbimus in sequentibus. Et probatur primo ex illo Psal. 4. *Quis ostendit nobis bona?* Scilicet, quæ agenda sunt, & respondet, *Signatum est super nos lumen vultus tui Domine.* Quod licet varie soleat exponi, tamen de naturali lumine intelligit ibi August. & Cyril. libro primo in Ioann. cap. 4. & alii. Necessè est autem ibi sermonem esse de agendis in particulari; nam parum prodesset generalis cognitio, si non posset ad particularia descendere, cum actiones in particulari fiant. Et eodem modo recte probatur hæc veritas ex Paulo ad Romanos 1. & 2. dicente, gentes naturaliter facere ea, quæ legis sunt, & habere rectum dictamen conscientiæ de his, quæ agenda sunt, dictamen enim conscientiæ practicum est, & non posset accusare hominem, nisi esset honestum; sed de hoc loco, & qui nomine *Gentium*, ibi intelligantur, infra tractandum est. Quod vero subdit ibi Paulus, *Gentes fuisse inexcusabiles, quia cum cognovissent Deum, non sicut Deum glorificaverunt.* De infidelibus necessario intelligendum est, & tamen de illis docet habuisse cognitionem sufficientem ad id faciendum. Deinde hanc sententiam docent communiter Patres in his locis, & Hieronymus epistola 151. ad Algasiam quest. 8. Ambros. 1. de Abraham capite secundo, loquens de Rege Ægypti, qui ex dictamine naturali non est ausus attingere uxorem Abraham. Idem Chrysostomus homilia 54. in Genes. August. enarrat. in Psal. 57. Prosp. contr. Collat. cap. 22. ubi admittit prædictum sensum verborum Pauli, dicitque, *talem cogitationem ex natura a Deo conditam superesse reliquiis.* Et plura afferemus in sequentibus.

6 Rationes ad hoc probandum in primis adduci possunt omnes propositæ in capite præcedenti concl. 1. nam hæc etiam cogitatio practica est proportionata lumini rationis, & ex objectis naturali, & ordinario modo propositis per naturalem discursum accipi potest; cur ergo ad omnes, & singulos huiusmodi actus est necessaria gratia? Deinde argumentor ex principio ibi posito, nam hoc universale principium, *Honorandi sunt parentes,* sine gratia cognosci potest, quia ut ibi dixi, illa cognitio ex modo suo speculativa est, & naturalis; ergo quando in particulari occurrat occasio, hic, & nunc honorandi parentem, potest idem intellectus sine nova gratia dictare, illud esse faciendum, quod dictamen practicum est, & ad bene operandum sufficiens. Probatum consequentia tum quia ex illo principio applicata materia, seu objecto, illud dictamen particulare necessario sequitur; tum etiam quia nulla difficultas, vel impedimentum cogitari potest, quod semper, & ubique occurrat, & reddat illam cogitationem impossibilem sine gratia.

7 Unde argumentor tertio, inquirendo, si gratia est necessaria, qualis illa sit, aut enim est gratia interior, sive per modum principii physici, sive per modum specialis

1. Opinio
proponi-
tur & ex-
ponitur

2. Arg. ex
Scriptura

3. Arg. ex
Concil.

4. Ex Patr.

5. Ex va-
riis ratio-
nibus

6. Opinio
distingui-
ens de co-
gitatione
seu judi-
cio Pra-
dictæ, &
imperio.

7. Opinio
distingui-
ens de co-
gitatione
sufficiente
& congrua

4. Opinio
utramque
cogitatio-
nem equi-
parans

Vera so-
lutio c6.
muniquæ
sententia

Probatum
primo

Secundo

Tertio

specialis illuminationis, vel est tantum gratia exterior, quæ versatur circa propositionem obiecti, & ablationem impedimenti. Primum membrum elegisse, & asseruisse videntur Gregor. & Capreol. sed revera probabile non est, ut rationes factæ hic, & capite præcedenti demonstrant, & late probandum est in sequentibus. Aliud vero membrum affirmant moderni defensores tertie opinionis, quod de cogitatione sufficiente, vel solum de efficaci, & congrua intelligi potest. De hoc posteriori sensu dicam infra, nunc de sufficiente verisimile non est, ad illam esse necessariam specialem providentiam circa hæc exteriora obiecta, & quoad singulos actus, quia communis cursus causarum secundatum non impeditur sufficit, ut occurrant talia obiecta, quæ talem cogitationem excitare possint. Si vero ordinariam providentiam, gratiam appellent, abutuntur nomine gratiæ, & occasionem præbent Pelagianis eludendi omnia argumenta, quæ contra illos ex Scriptura sumuntur, ut in superioribus tactum est, & in sequentibus latius dicemus. Nulla ergo superest vera gratia, quæ ad singulas cogitationes huiusmodi necessaria esse possit.

Quartus

8 Tandem argumentor, quia sequitur, hominem non præventum gratia Dei non posse peccare in his moralibus, quæ pertinent ad legem naturæ; consequens est valde absurdum; ergo. Sequela patet, quia qui non potest habere cogitationem necessariam ad operandum bonum, non poterit illam habere ad cavendum malum; ergo non potest peccare, quia licet contingat facere quod malum est, non poterit illi imputari ad peccatum. Probatur hoc ultimum, quia tunc haberet homo ignorantiam invincibilem, vel inconsiderationem inevitabilem eius boni, quod operaturus est, hæc autem ignorantia, vel inconsideratio culpam excusat; ergo. Maior patet, quia qui caret gratia necessaria ad habendam cogitationem rectam, non potest ipsam cogitationem habere, quia non habet in potestate sua gratiam necessariam ad habendam illam, quia autem non potest habere talem cogitationem, habet ignorantiam, vel inconsiderationem invincibilem; ergo non potest peccare. Dices, habere hominem gratiam illam in potestate sua, & illi imputari, si non habeat. Sed hoc in primis non habet locum in pura natura, in qua nulla gratia ex necessitate homini præparatur, seu offertur. Deinde non potest intelligi illa potestas in hoc genere gratiæ, quia si cogitatio illa esset gratia, esset prima gratia movens, quæ si actu non datur, non est in hominis potestate, neque illi offertur. Item prima illa cogitatio omnino prævenit voluntatem, quomodo ergo erit in hominis potestate? Denique quid potest facere homo ut illam habeat? Maxime enim necessarium esset, vitare peccatum; at vero ad hoc ipsum requiritur prævia cogitatio honesta, & sufficiens, ergo ad hanc non potest homo libere præparari.

Amplius explicatur & per suadetur assertio

9 Unde intelligi non potest, ut homo habeat libertatem ad peccandum, & non peccandum, quin habeat cogitationem sufficientem ad habendum aliquem actum voluntatis honestum saltem hunc, *nolo peccare*, vel, *volo non me precipitare, sed rem magis considerare*. Qui actus honestus est, & necessarius ad non peccandum, supposita actuali occasione peccati, haberi autem non potest sine prædicta cogitatione; ergo illa haberi potest sine gratia, alias homo non præventus aliqua gratia, peccare non posset. Hoc autem consequens falsum esse patet, primo in homine in puris naturalibus, cui nulla esset danda gratia, ut supra probatum est, ergo non esset capax peccati, quod dicere absurdum est. Secundo patet etiam nunc in infidelibus nondum gratia præventis, nam illi etiam tunc peccare possunt. Nec dici potest, eos peccare, quia ponunt obstaculum gratiæ, non enim ponitur obstaculum, nisi peccando, prius autem, quam peccent, necessarium est, ut habeant potentiam peccandi, & consequenter bene cogitandi, hanc vero non habent sine gratia juxta illam sententiam; ergo nec potentiam peccandi habere possunt.

Suarez Tom. VI.

10 Dico ergo secundo. Intellectus humanus potest virtute naturali habere omnem actum practicum necessarium, & sufficientem ad aliquem affectum voluntatis, moraliter & secundum rationem naturalem honestum. Hanc conclusionem pono; tum ad improbandam secundam opinionem supra relata; tum etiam ad magis confirmandam præcedentem assertionem. Probatur ergo primo, quia in intellectu naturaliter præcedere potest cognitio, & iudicium de re agenda in particulari, & hic, & nunc secundum rectam rationem appetenda, sed hic actus sufficit, ut actus voluntatis sit rectus, & honestus, si voluntas velit illi obiecto, & iudicio conformari; ergo. Probatur minor contra illam secundam opinionem: nam si aliquid ultra requiritur ex parte intellectus, maxime imperium; sed hoc non distinguitur a iudicio practico in particulari dictante quid agendum sit; ergo. Probatur minor, primo quia in intellectu non est actus dirigens voluntatem, nisi per modum cognitionis, & iudicii, voluntatis enim solum requirit prævium intellectum, ut ostendat obiectum, & quidquid aliud fingitur, & sine fundamento excogitatur, & concipi non potest, ut 1.2. quæst. 17. ostenditur, & in lib. 1. de Prædestinatione, c. 16. multa de hoc dixi.

Assertio secunda avertens 2. opinionem & confirmans præcedentem assertionem

11 Et præterea occurrit hic specialis ratio, quia si imperium ponitur præter iudicium, solum est, ut illo posito voluntas non possit resistere, sed inevitabiliter obediat; hoc autem poni non potest ad primum actum voluntatis; ergo saltem respectu illius potest præcedere sufficiens iudicium, ut ille primus actus voluntatis honestus sit, quod satis est intentioni nostræ, præferim quia ex illo primo actu sequi potest imperium ad secundum actum, si necessarius sit. Maior constat ex assertione opinionis contrariæ, & quia seclusa ille necessitate, omnino superfluum est tale imperium. Minor autem probatur, quia alias destruitur libertas voluntatis. Nam si imperium antecedit primum actum voluntatis, non potest ipsum esse liberum, sed necessarium, quia actus intellectus non est liber, nisi ex motione voluntatis, quæ motio ante primum actum voluntatis esse non potest, ut constat. Per quid enim moveret? Ergo si posito illo imperio voluntas ex necessitate obedit, perit libertas; ergo ad primum actum voluntatis, ad intentionem scilicet liberam alicujus finis, non est necessarium tale imperium. Inde autem facile probari potest, neque ad subsequentes actus esse necessarium, quia sufficit iudicium participans vim movendi ex præcedenti actu voluntatis, sed de hoc plura in citatis locis. Denique addo in hoc puncto, esto esset necessarium tale imperium, non minus haberi posse ex vi naturalis luminis, quam ipsum iudicium, quia neque ex parte obiecti, seu materiæ, circa quam, neque ex circumstantiis, neque ex motivo imperandi magis excederet naturales vires, quam ipsum iudicium, imo, nec dari posset tale imperium, nisi juxta mensuram cognitionis, & iudicii; ergo omnibus modis stat veritas assertionis contra secundam opinionem.

Specialis ratio excluditur in præsentis imperium

12 Secundo probatur assertio contra 4. opinionem, quia ut cogitatio intellectus sit practice recta, & honesta ex parte sua, satis est, quod sit sufficiens ad inducendam voluntatem in actum honestum, ut autem ad hoc sit sufficiens, non oportet, ut voluntas actu cliciat volitionem honestam; ergo potest intellectus naturali virtute habere actum practicum honestum, & de se sufficientem ad inducendam voluntatem. Maior constat, quia ut actus intellectus sit practicus, non est necesse, ut voluntas actu opereatur, hoc enim pendet ex libertate ejus; satis ergo est, quod de se moveat, proponendo opus in particulari, & modum, quo fieri debet, ergo si hoc fiat circa materiam rationi naturali consentaneam cum debitis circumstantiis, ille actus ex parte intellectus erit honestus, & practice verus. Et inde etiam facile probatur minor, quia (ut paulo antea dicebam) iudicium præcedens (extra visionem beatam) non imponit necessitatem voluntati, quod pro comperto habent Theologi, saltem de necessitate quoad exercitium: ergo stat optime, iudicium intellectus ex se esse sufficiens ad inducendam voluntatem in actum honestum, & nihilo-

2. Probatur assertio contra 4. opinionem

minus voluntatem non velle : erit ergo (ut sic dicam) cogitatio aliqua honesta sufficiens ad movendum , licet non actu efficaciter moveat . Atque hoc sufficit ad probationem conclusionis , & novam improbationem prioris opinionis , quia non videtur posse negari , quin cogitatio saltem sufficiens possit haberi sine speciali gratia .

13 Dico tertio . Non solum cogitatio sufficiens ad bonum actum voluntatis potest haberi sine propria gratia , sed etiam cogitatio congrua . Hanc assertionem pono contra tertiam opinionem , eius autem probatio maxime pendet ex dicendis de gratia necessaria ad bonos actus morales voluntatis . Nam omnis cogitatio de operatione honesta , quæ cum effectu sit causa ejus , & illam fieri faciat , est cogitatio congrua ; sed operatio honesta potest interdum fieri sine gratia , ut ostendam : ergo & cogitatio congrua haberi potest sine gratia . Item cogitatio congrua non addit aliquid cogitationi sufficiens ex parte intellectus , nec ex parte sensuum , aut ex parte corporis , ut infra ostendam , sed addit solum respectum ad bonum effectum , seu opus cum effectu obtinendum , sed in operibus moralibus naturalis ordinis , quod hæc cogitatio habeat talem effectum , sæpe pendet ex solo usu liberi arbitrii naturalis , ergo per solum usum liberi arbitrii cogitatio potest fieri congrua : ergo sine gratia potest esse congrua . Dices : illa cogitatio licet in sua substantia , & congruitate viribus naturæ fiat , nihilominus opportunitas , & occasio habendi illam , ut præparata per divinam providentiam est beneficium gratuitum , & ut sic est quædam gratia . Respondeo non esse præparatam per speciales causas ad hunc effectum a Deo destinatas , sed per generalem providentiam , & cursum ejus , Deo ordinante singula , & ad ea cooperante , & ideo licet illud sit quoddam morale beneficium ordinis naturalis , non tamen esse proprium beneficium gratiæ . Sicut etiam providentiæ divinæ beneficium est , ut causæ , & circumstantiæ concurrentes in generatione Petri tales sint , ut in corporis membris , vel in potentiis integer & perfectus generetur , possent enim causæ aliter disponi : nemo autem illud computabit inter beneficia gratiæ sed inter beneficia naturæ : nisi addatur alius respectus ad supernaturalem finem , qui non est intrinsecus , nec per se necessarius , ut constat . Idem ergo est in cogitatione illa , de qua tractamus , ut magis ex infra dicendis comprobabitur .

14 Dico quarto . Ad cognoscendas omnes practicas veritates morales , & judicandum de agendis in particulari sine lapsu , & errore , necessaria est homini lapsu aliqua gratia , quæ gressus ejus dirigat . Hæc est communis , & certa doctrina . In hoc enim sensu docent Theologi , ad cognoscendas omnes has veritates , seu ad collectionem omnium necessariam esse gratiam , & probatur latius c. 26 . ubi ostendimus ad vitanda omnia peccata contra legem naturæ necessariam esse gratiam , nam est eadem ratio de lapsu voluntatis , & intellectus practici : quia regulariter saltem non cadit voluntas , nisi præcedente defectu in intellectu practico . Item quæ adduximus in simili conclusione præcedentis capituli , hanc probant a fortiori , quia vulgus ignorantia plus læsit intellectum practicum , quam speculativum , & quia omnes difficultates , quas patitur intellectus humanus in cognitione speculativa , occurrunt in cognitione practica , cum hæc frequentius ex speculativa pendeat . Et augetur hic difficultas ex parte affectus , qui sæpe obscurat iudicium intellectus : nam qualis unusquisque est , seu qualem habet affectum , talis finis , seu actio sibi videtur , ut Aristoteles scribit .

15 Loquutus sum autem in assertione de cogitationibus practicis in particulari , quia de principiis practicis , seu moralibus in universali non est ita certa conclusio . Aliqui enim existimant , posse omnia talia principia naturaliter , & absque auxilio gratiæ cognosci sine ignorantia , vel errore : quia talis cognitio universalis non est proprie practica , sed potius speculativa , quatenus ab effectu non pendet , ideoque ex hac parte non est difficilior , quam speculativa . Aliunde vero ex genere suo , & materia est minus difficilis ,

& minus ampla , seu pauciora principia complectens , quam naturalis Philosophia , Mathematica , & Metaphysica . Quæ sententia probabilis erit , si de solis principiis per se notis , & de aliquibus veritatibus illis proxime conjunctis intelligatur . Si vero ad omnes morales veritates , quæ ex illis principiis elici possunt , extendatur : multo probabilius videtur non posse omnes integre , & sine errore absque auxilio gratiæ cognosci . Quia etiam illæ sunt satis multæ , & inter eas plures sunt valde obscuræ , & difficiles sub naturali tantum lumine spectatæ , ut in materia justitiæ , usuram esse intrinsece malam , vindictam propria auctoritate esse iniustam , mendacium semper esse peccatum , etiam si sit maxime officiosum , & propter vitandum quodcumque malum . In materia castitatis , fornicationem simplicem esse grave peccatum . In materia matrimonii pluralitatem uxorum esse per se malam , vel non posse dissolvi , etiam ex mutuo consensu . Item circa modum amandi , & honorandi Deum , multa occurrunt satis obscura , & difficilia in solo naturæ lumine , & fere in omni materia virtutis plura similia inveniuntur . Unde nullus Philosophus naturalis fuit , qui omnia moralia sine defectu , vel lapsu cognoverit . Ergo signum est , etiam in illis positam conclusionem locum habere .

16 Hæc autem doctrina rati de homine in pura natura , quam de homine lapsu proponitur , quia in utroque locum habet ratio facta . Neque est mirum , quod humana natura ex propria conditione naturali hunc habeat defectum , etiam absque occasione culpæ , quia ex se imperfecta est , & ex contrariis composita . Nec etiam est illi debitum ex vi providentiæ naturalis , ut talis imperfectio impediatur , vel ut ab auctore suo ita juvetur , vel dirigatur , ut nunquam practice erret in moralibus , quia Deus ut est auctor , & provisor naturæ , solum debet concurrere necessarium singulis facultatibus naturalibus juxta earum capacitatem : quia si imperfectæ sint , potest permittere , illas imperfecte operari , & si contrariæ sint , potest similiter finire , ut se impedian , & interdum deficiant . Quod si vellet aliquid amplius juvare hominem in pura natura institutum , id est , sine ordine ad finem , & dona supernaturalis ordinis , id quidem facere posset per extraordinariam providentiam ejusdem ordinis naturalis , non tamen debitam , sed gratis datam , satis vero divinæ libertati , & sapientiæ consentaneam .

17 De statu vero innocentie alia est ratio , nam in illo non posset esse proprie ignorantia , utiq; de his , quæ unusquisque scire debet , & multo minus potuisset homo decipi in his veritatibus moralibus , quam in speculativis , nisi amittendo statum . Verum est tamen , illud non fuisse sine speciali dono Dei non debito naturæ secundum se spectatæ . Poterat autem illud donum dici quasi connaturale illi statui : ad illius enim perfectionem , & quasi ordinariam legem pertinebat specialis Dei providentia , qua fiebat , ut obiecta externa convenienter , & sine occasione erroris ex parte eorum proponerentur , quo beneficio supposito , existentibusque integris facultatibus animæ , & bene dispositis quoad omnia organa sensuum , & observato prudenti modo in ferendis de rebus iudiciis , facile fuisset homini non decipi in his , quæ naturali virtuti intellectualis hominis subiacerent .

18 Ad primum argumentum prioris sententiæ respondeo , Paulum , cum ait , *Non sumus sufficientes cogitare aliquid ex nobis* : præcipue loqui de cogitatione sancta , quæ ad veram justitiam , & sanctitatem per se conferat , ut ex antecedentibus , & sequentibus aperte constat ; dixerat enim , *Fiduciam autem talem habemus per Christum ad Deum* . Et tunc addit , *Non quod sufficientes simus cogitare aliquid* : utique ex quo talis fiducia nascatur , unde subiungit , *Sed sufficientia nostra ex Deo est , qui & idoneos nos fecit ministros* , &c . ubi aperte loquitur de providentiæ gratiæ , & de Deo , ut illius auctore , & ad hoc allegatur hic locus in Conc. Araus. 2 Can. 7 . & exponitur ab Aug. li. 1 . de Prædest. Sanct. c. 2 . Ut latius dicetur in sequentibus , David autem in Ps. 93 . loquitur de peccatoribus , & præfertim de infidelibus , qui de providentiæ , & scientia male sentiunt & tales cogitationes eorum dicit esse vanas , non tamen di-

Proxima
dicta x
lent in
pura na-
tura & sp
lapsu

Quid in
ca. 1 . i . q .
reg. 2

Ad 4 . arg.
prioris o.
pinionis
in num. 27

C A P U T I I I.

*Utrum homo lapsus possit honeste operari.
aliquando per quancumque virtutem,
sive naturæ, sive etiam
gratiæ.*

Præsentis
questionis
ratio &
declaratio

est nullam habere posse honestam, & rationi consensaneam. Et similiter locus Genes. exponi potest de cogitatione propria hominis, quam Hæbreæ lectio vocat *Figmentum cogitationis hominum*. Hæc enim in inalam partem accipitur, sicut voluntas propria, & ideo mala dicitur: vel certe facilius dicitur, ibi per amplificationem universaliter affirmari, quod ut plurimum accidit, ad significandam naturæ humanæ corruptionem. Sicut ibidem dicitur: *Omnis quippe caro corruperat viam suam*; cum tamen Noe, & nonnulli alii essent iusti. Verba autem Paralipom. sunt Iosaphat orantis ad Deum, ut se, & suos ab hostibus liberaret, quibus sine speciali Dei protectione resistere non poterant. Unde ipse dixit, *In nobis non est tanta fortitudo, ut resistere possimus huic multitudini, quæ irruit super nos*. In illa ergo occasione merito dixit, *cum ignoramus quid agere debeamus*, &c. Inde tamen non fit, ut semper id ignoremus.

Ad 2. ex
Concil.

19 Ad secundum eadem est responsio, quæ ad verba Pauli, nam Concilium Milevitanum evidenter loquitur de supernaturali cognitione, & de operibus supernaturalis iustitiæ: nam in Canone 3. dixerat, gratiam sanctificantem esse necessariam ad salutem, & statim subdit cap. 4. eandem gratiam esse necessariam non solum ad cognoscendum, quid agere oporteat, per revelationem, & intelligentiam mandatorum: sed etiam ad volendum. Loquitur ergo de pia voluntate, quæ ad iustitiam confert, & de cognitione illi proportionata. Et eodem modo loquuntur Concilium Arausican. & Augustinus, ut etiam infra magis constabit. Addo præterea (quod supra dixi) etiam cogitationem honestam naturalem, præcipue referendam esse in Deum, aliquando quidem tanquam in autorem gratiæ, quia peculiari modo ad illam adiuvat in ordine ad finem supernaturalem; per se autem, & ex necessitate solum esse ab illo ut ab autore naturæ. Possunt etiam aliqua testimonia, & præsertim illud Fulgentii intelligi de necessitate gratiæ ad procedendum sine errore, & sine defectu in his actibus, & iudiciis, juxta ultimam conclusionem positam, ut infra latius dicemus.

Ad 3. ex
parib.

Ad 4. ex
ratione.

20 Ad ultimam rationem respondetur, aliud esse habere unum, vel alium actum prudentiæ naturalis, aliud prudentem fieri. Primum dicimus esse possibile absque gratia, inde vero non sequitur secundum, quia ad prudentiam comparandam necessarius est affectus valde moderatus constanter, & quasi permanenter; necessarium etiam est frequenter, & ordinarie, & in difficilibus etiam occasionibus prudenter operari, quod sine gratia fieri non potest, juxta conclusionem ultimo loco positam, & juxta ea, quæ in cap. ultimo hujus libri dicemus. Ad fundamentum secundæ opinionis, quod positum est in distinctione impetii a iudicio, jam responsum est, tam negando assumptum, loquendo de iudicio practico, & in particulari, quam negando consequentiam, quia etiam si imperium esset actus distinctus, nulla esset ratio, ob quam semper vires naturales superaret. Ad tertiam vero opinionem respondetur in primis, licet cogitatio congrua absolute non sit debita huic, vel illi personæ, simpliciter esse debitam naturæ, & hoc satis esse, ut non sit gratia. Deinde dicitur, licet cogitationem esse congruam, non sit debitum, quia hoc pendet ex libero usu hominis, esse tamen debitum cuiusque ut possit suam cogitationem efficere congruam per naturalem facultatem, si cogitatio naturalis sit, & hoc est satis, ut talis cogitatio non sit gratia, & sit possibilis sine gratia. Ad ultimam denique sententiam negamus, cogitationem honestam mere naturalem esse posse initium salutis, idem enim est initium salutis, quod initium fidei, vel justificationis; initium autem fidei non sumitur a cogitatione naturali, sed ab Spiritus sancti illuminatione, & inspiratione, ut tradit Concil. Arausi. c. 4. & 5. initium vero justificationis sumitur a vocatione, ut docet Concil. Trid. sess. 6. cap. 3. & inferius latius tractabitur.

Quæstio
similiter

1 PRIUSquam de necessitate gratiæ ad recte operandum differamus, visum est operæ pretium de sufficientia gratiæ (ut sic dicam) ad operationem undique honestam, eliciendam dicere, quia si per gratiam non possent bona opera fieri, non solum necessaria esse non posset, verum etiam superflue daretur hominibus. Per actionem autem honestam illam intelligimus, quæ ex obiecto, seu fine, & aliis circumstantiis bona est: nam si aliquam habeat circumstantiam malam, jam erit mala, & ideo facile poterit ab homine fieri, etiam sine gratia, & in peccato existente: loquimurque indifferenter in quocunque actu bono, cuiusque ordinis, vel gradus sit. Ac denique tractamus de homine lapsio, quia de nullo alio statu hominis dubitatum est etiam ab hæreticis. Nam de statu primæ institutionis generis humani, seu innocentie, & integræ naturæ certissimum est, potuisse recte operari saltem cum gratia, an vero etiam sine illa, postea dicemus. In statu autem putæ naturæ vix habet locum quæstio, quia in illo supponitur non dari gratia, tamen si daretur eadem ratio esset de illo, quæ de statu naturæ lapsæ, juxta superius dicta, & infra ostendemus, etiam sine gratia potuisse hominem in eo statu bene aliquid operari. Igitur tantum de homine lapsio dicendum superest. Et loquimur indifferenter de gratia, sive sit sanctificans, sive auxilians, sive utraque simul, ita ut sensus sit: an homo lapsus sive iustus, sive peccator, possit cum quocunque auxilio gratiæ bonum aliquid operari?

2 De hac ergo quæstione in hoc sensu proposita nulla est controversia inter catholicos, nec existimo fuisse cum hæreticis usque ad tempora Lutheri, qui dixit, hominem in natura lapsa, quantumvis sanctum, & iustum, & a Deo adiutum nihil operari posse, quod peccatum non sit. Ita Luther. Calvin. & Melanct. & Kemmi. relati a Bellarmin. lib. 5. de Gratia, & lib. arbitr. cap. 4. & lib. 4. de iustific. a cap. 10. Veg. lib. 11. in Trid. a cap. 9. Castr. ver. Opera, hæres. 1. Soroli. 3. de nat. & grat. a cap. 3. Roffen. ar. 31. & 32. cont. Luther. Idem senserunt Jacob. Præpositi, & alii plures apud Præteol. Est autem advertendum, hos hæreticos interdum dicere, nullum opus hominis iusti, seu fidelis esse peccatum, item omnia esse peccata: sed utrumque in sensu hæretico, non inter se contrario. Dicunt enim opera ipsa revera in se mala, & peccata esse, si tamen ab homine fidei fiant, cum firma fide, & si fiducia quod a Deo non imputantur, nihil nocere, nec tanquam prava computari, & ideo dicunt non esse peccata in his, qui talem fidem habent, in aliis vero, qui illam fidem non habent (quos & peccatores, & infideles esse reputant) omnia opera, quantumcumque Deo adiuvante fiat, & esse peccata, & imputari. Omisso vero errore de non imputatione, de quo infra in materia de iustificatione redibit sermo, generalis eorum sententia est, omnia opera lapsorum hominum, quomodocumque fiant, in se esse vera peccata.

Et agita-
tur solum
cetera no-
tissimos
hæreticos
asserentes
omnia no-
stra opera
esse peccata.

3 Fundatur primo in quibusdam Scripturæ testimoniis male intellectis, ut est illud Ecclesiast. 7. *Non est homo iustus in terra, qui faciat bonum, & non peccet*. Psal. 13. *Non est qui faciat bonum, non est usque ad unum*, & similia. Secundo addunt testimonia Patrum, in iudicio Dei nullam esse iustitiam humanam puram & laudabilem, nisi Deus sua pietate conniveat, ex August. lib. 9. confess. c. 13. lib. 3. contra duas epist. Pelag. cap. 7. Greg. 9. Moral. c. 14. & lib. 35. cap. ult. Bernar. Sermon. 5. de verbis Isaie, & Ser. 1. de omnibus Sanctis. Tertio addunt rationem, quia homo peccando amisit potestatem operandi cum illa integritate, & rectitudine naturæ, quam habebat in sua prima conditione; ergo necessario semper peccat. Probatur consequentia, quia habet præceptum operandi in illa integritate, primo

1. Eorum
fundamē-
tum ex
Scripturis
male in-
tellectis.
2. Eodem
ex Patrib.

3. Fund. ex
ratione

quia hoc habuit a principio, & non debuit ab illo eximi peccando, secundo quia præceptum, *Non concupisces*, etiam motus fomitis prohibet; tertio quia nunquam potest homo lapsus diligere Deum super omnia, prout illi præcipitur, sine cuius præcepti observatione nihil boni agere potest. Unde illationem faciunt, hominem peccando amisisse liberum arbitrium ad bene operandum, quia non est in libertate, seu potestate ejus, non sentire, & pati effrenatæ concupiscentiæ motus. Et inde fit, ut nihil agere possit sine aliqua circumstantia prava, vel quia non potest diligere Deum super omnia ratione fomitis, & ita semper operatur ex inordinatâ concupiscentia, atque adeo peccatinoſe, vel quia semper a fomite retardatur, ne convenienti modo, & secundum virtutem operetur. Unde quia gratia hujus vitæ nunquam tollit fomitem, nunquam sufficit ad bene operandum sine peccato. Hic vero error non solum impiissimus est, sed etiam stultissimus, ac vanissimus ex sola malitia excogitatus, ut homines de bonis operibus non sint solliciti, sed contenti ea fide, qua credunt, sibi non imputari peccata, illalicerius committant.

4 Dicendum est ergo, gratiam aliquam Dei esse sufficientem, ut homo lapsus faciat aliqua bona opera sine ulla malitia, vel culpa. Est assertio de fide, definita in Conc. Trident. sessio. 6. canon. 7. quoad opera, quæ ante justificationem fiunt, & 18. 22. & 25. quoad opera justorum, quibus possunt & legem implere, & in gratia perseverare, & sepe sine culpa etiam veniali operari. Leo etiam X. damnavit articul. 31. 32. & 37. Lutheri huic dogmati contrarios, Præterea Scriptura passim consultat bona opera, & laudat illa præsertim in justis, & pro illis præmium promittit; supponit ergo esse possibile, saltem per gratiam Job. 1. *In omnibus his non peccavit Job*, &c. Psal. 118. *Beati immaculati in via, qui ambulant in lege Domini*, & toto Psal. 1. & 14. & aliis passim. Et in veteri testamento multi laudantur ut justi, & bene operantes saltem per fidem, quorum præcipuos recenset Paulus ad Hebr. 11. Præterea in novo testamento dicit Christus Matth. 5. *Sic luceat lux vestra coram hominibus, ut videant opera vestra bona*. Et 2. Petr. 1. *Satagite ut per bona opera certam vestram vocationem, & electionem faciatis. Hæc enim facientes non peccabitis aliquando*. Et 1. Corinth. 3. præcipit Paulus, ut unusquisque videat, quomodo superedificet, *quia unusquisque opus manifestum erit: dies enim Domini declarabit*. Supponens, posse esse bonum, dignumque mercede, & malum igne dignum, & capit. septimo, *Si acceperis uxorem, non peccasti*. Certe in illo maxime actu videtur posse habere locum fomes, & ideo addit: *Si nupserit virgo non peccabit, tribulationem autem carnis habebunt hujusmodi. Ego autem vobis parco*. Si ergo ille actus fieri potest sine peccato, quomodo non alii? Unde statim subdit de Virginibus, *Qui non jungit, melius facit*. Ad Ephesius quarto, & Psal. 4. *Irascimini, & nolite peccare*, & 2. Timoth. 4. de se ait Paulus, *Bonum certamen certavi, fidem servavi, in reliquo reposita est mihi corona justitiæ*. Quomodo hæc vera esse possunt sine bonis operibus? Et tamen eandem coronam justitiæ promissam esse dicit omnibus diligentibus Deum, Ex Patribus multa congerere supervacaneum duco, quia in singulis fere eorum paginis hæc veritas invenietur, & præsertim apud Augustinum libro de Gratia, & libero arbitrio & aliis contra Pelagianos; & Hieronymum dialogo contra eosdem, & in sequentibus sæpe afferemus Patrum sententias, quæ hoc supponunt, vel affirmant.

5 Ratio autem potest reddi multiplex. Prima, quia homo lapsus teneatur observare præcepta, & vitare peccata; ergo est hoc illi possibile, saltem de quolibet in particulari. Antecedens quoad priorem partem supponimus ex tota Scriptura sacra, & consensu totius Ecclesiæ, ipsaque ratione naturali evidenti, & late probatum est in materia de Legibus. Altera vero pars sequitur ex priori, quia servando legem, vitatur peccatum, omne enim peccatum est contra legem; ergo si tenemur servare legem, etiam vitare peccata. Imo eo ipso, quod ratio dicat aliquid esse peccatum, dicat esse vitandum. Consequentia vero

est etiam evidens, quia neque lex obligat ad impossibile simpliciter, ut in tract. de Legibus etiam ostensum est, nec imputari potest ad culpam, quod vitari non potest, saltem per Dei gratiam, ut etiam est per se notum, quia quod non est in hominis potestate, neque humanum opus est, nec morale, & ideo culpa esse non potest, ut in materia de peccatis latius traditur.

6 Secunda ratio a priori est, quia homo lapsus per originale peccatum non amisit naturalem rationem, nec voluntatem, neque factus est omnino incapax divini luminis, & adjutorii; cur ergo non poterit operari honeste, & secundum rectam rationem, sive libertate sua, sive per vires divinæ gratiæ? Nulla certe verisimilis ratio reddi potest, quia nec concupiscentia, nec dæmon, nec quælibet objecta occurrentia possunt absolutam necessitatem inferre voluntati, & licet possint magnam difficultatem, & interdum moralem impotentiam ingerere, potentior est divina gratia omnibus viribus creatis. Et declaratur, quia homo peccando solum amisit divinam gratiam, & amicitiam, & alia dona originalis justitiæ, quibus vel bene operandum juvabatur, sed Deus potest vel illa restituere, si velit, vel aliis modis æquivalentibus, vel efficacioribus hominem juvare. Hoc enim negare est contra omnipotentiam Dei, & contra infinitam Christi redemptionem, & contra omnem rationem; ergo. Tertia possunt aliæ rationes ab incommotis sumptæ multiplicari. Nam si homo semel lapsus amplius non potest bene operari, jam est obstinatus in malo, incapaxque omnis meriti; non ergo habet locum novum judicium de operibus ejus. Item non poterit in hac vita unquam mundari a peccato, & ita vel nullus esset homo justus, vel simul esset homo justus, & peccator, quæ omnia, & similia sunt absurdissima, & contra expressas Scripturas.

7 Unde addere secundo possumus, non solum esse possibile homini aliquod bonum interdum facere, sed etiam semper bene operari, vitando simpliciter omnia peccata, præsertim mortalia. Hoc a nobis nunc traditur de potestate absolute, ita ut gratiam includat. Et ita est certissima conclusio quoad constantem boni operationem, vitando saltem mortalia peccata. Est enim satis clare definita in dicto Conc. Trid. sess. 6. canon. 16. 18. & 22. Et probatur infra tractando de perseverantia justorum. Unde sic concluditur ratio, nam certum est, posse Deum justificare hominem lapsum, priusquam per proprium actum peccet, ut de facto sanctificat infantes omnes, qui baptizantur, potest etiam hominem semel justificatum perpetuo in gratia sua conservare; ergo potest facere, ut semper bene operetur, quantum necesse est ad conservandam gratiam; ergo ad non peccandum mortaliter. De continuo autem modo bene operandi, vitando etiam omnia venialia, licet sit certum, esse possibile ex gratia absolute loquendo, nihilominus etiam est certum secundum legem ordinariam non esse simpliciter possibile sine speciali privilegio, utrumque enim definit dictum Concilium supracan. 23. & infra late lib. 8., tractabitur. Nunc enim solum ostendere volumus, in toto hoc genere operationis non esse repugnantiam simpliciter, ac subinde per aliquas vires gratiæ esse possibile, sive illæ vires conferantur aliquibus, vel ex lege communis, vel ex privilegio; sive neutro modo dentur.

8 Quod autem id non repugnet, probant rationes factæ in priori assertione cum proportionem applicatæ. Quibus addimus, posse Deum sanare hominem lapsum non solum a culpa, sed etiam ab infirmitate fomitis, tollendo illum, vel impediendo omnes concupiscentiæ motus rationem prævenientes. Quid enim repugnat? Imo id jam fecisse in beatissima Virgine in 2. tom. 3. partis ostendimus; ergo saltem hoc modo potest homo lapsus semper bene operari sine ullo lapsu actuali, etiam levi, ut de beatissima etiam Virgine tenet Ecclesia. An vero fieri possit, ut non ablato, vel impedito fomite, homo innocenter vivat,

Illatio
eorundem
hereticorum
sum

2. Assertio
definitur
in Trid. &
2 Leo X.
et variis
error das
propter

2. Ratio
priori

3. Ratio
ab incommotis
modis

2. Assert.
possibile
est homi-
ni bene
semper
operari

2. Ratio
pro assert.
priori

Nihil esse
se quod
illi repu-
gnat

vivat, etiam quoad carentiam venialis peccati disputari posset, & infra suo loco tractabitur. Nunc breviter dico, id non ita repugnare, quin per potentiam divinæ gratiæ fieri possit, quia nulla implicatio contradictionis ostendi potest. Nihilominus tamen non credimus, id esse factum, neque esse satis consentaneum rebus ipsis, aut suavi providentiæ Dei, quia difficillimum est voluntatem, & rationem præveniri ab inordinatis concupiscentiæ motibus, & nihilominus ita semper, & continue resistere, ut nunquam vel leviter labatur, neque deliberare, neque per aliquam surreptionem, & ideo si Deus vult, hanc vim bene, & constanter operandi homini lapsio conferre, id facit impediendo, vel auferendo fomitem.

Ad funda-
mentum a he-
reticorū
in nu. 1.
Ad 2. ex
script.

9 Ad primum testimonium respondetur, Sapientem non dixisse, nullum esse justum, qui non semper peccet, sed qui non peccet, utique interdum, aut sæpius, sicut alibi scriptum est. *Septies in die cadit justus*. Proverbiorum 24. & alibi, *Non est justus qui non peccet*. 3. Reg. 8. 2. Paralip. 6. vel sicut dicitur, *Non justificabitur in conspectu tuo omnis vivens*. Psal. 141. vel sicut ait Ioannes. *Si dixerimus, quia peccatum non habemus, &c.* 1. canonic. capitulo primo. Quæ omnia solum significant, nullum esse, qui non aliquando, & sæpius peccet, interdum graviter, interdum leviter; inde verò non fit, ut in omnibus operibus peccet. Nec etiam sequitur, quin per gratiam Dei possit fieri, ut homo in hoc statu naturæ lapsæ nunquam peccet, licet sine speciali privilegio nemini de facto id concedatur.

Locus Pl.
13. late
explica-
tur, cum
expositio-
ne etiam
August. 4

10 Ad testimonium Psal. 13. particulam illam, *Non est usque ad unum*, August. exponit, id est, *Præter unum Christum*: & ita videri potest locus difficilior, quia exceptio firmat regulam in contrarium. Sed illa posita expositione adhuc dici posset, non esse sermonem de actibus, sed de personis, quia nullus est, qui bonum integre faciat, & qui non sæpius peccet, juxta priorem interpretationem. Quæ regula quantumvis universalis, nunquam excludit speciale privilegium. Nam Christus non ex privilegio, sed natura sua exemptus est ab illa regula, & ideo illa exceptio non excluderet aliam de speciali privilegio. Veruntamen licet doctrina sit vera, non est sensus Davidis: sed sensus est, *Non est neque unus*, Hæc enim est proprietas sermonis Hebraici, ut notant Genebrar. & Iansen. & contextus ipse postulat. Nihilominus tamen etiam in hoc sensu verum est, illa verba, *Non est, qui faciat bonum*, non intelligi, de omnibus, & singulis actibus, sed de personis, id est, non est, qui faciat bonum, id est justitiam, ita ut sit vere justus. Sic autem potest illa exaggeratio intelligi per hyperbolem, ad significandum rarissimos fuisse justos. Sicut Genes. 6. dicitur: *Omnis quippe caro corrumperat viam suam*; & tamen Noe familia justorum erat. Addo etiam, non loqui Davidem de omnibus hominibus, sed de stultis, & impiis dicentibus in corde suo, non est Deus, vel estimatione, ut Athei, vel opere, & affectu, ut impii, & iniquissimi, de quibus in toto illo Psal. loquitur, ut Basil. Theodor. & alii exponunt. Ad 2. fundamentum ex Patribus dicendum, eos tantum velle justitiam apud humanum judicium puram, sæpe talem non esse apud divinum, vel in se, quia re vera pura non est, vel in ordine ad finem supernaturalem, cum sit humanis tantum viribus exercita.

Ad 2 funda-
mentum ex
Patrib.

Ad 3. fun-
dam ex
positione

11 Ad rationem respondetur, integritatem naturæ non esse necessariam ad bonum aliquod opus faciendum, quod nulla circumstantia vitietur. Nam in primis præceptum illud conservandi justitiam originalem in nobis vane, & sine fundamento fingitur; imo neque in ipso Adamo fuit distinctum ab aliis præceptis, & præsertim ab illo, quo prohibebatur comedere de ligno scientiæ, sub tali conminatione, vel a lege charitatis, qua tenebatur, & diligere Deum super omnia, & habere curam salutis suæ, & suæ posteritatis. Postquam vero illa integritas per Adæ peccatum amissa est, neque carentia ejus imputatur nobis ad specialem culpam, præter originalem contractam ex peccato Adæ, ut fuit peccatum capitis, quod fuit solum peccatum edendi de ligno verito; neque etiam tenemur speciali præcepto ad recuperandum illum

Suarez, Tom. VI.

statum, seu naturæ integritatem, id enim non est in manu nostra, & præceptum non datur de re impossibili, neque ratio ulla, vel testimonium, aut vestigium talis obligationis dari potest: unde Christus Dominus Matth. 19. simpliciter dixit, *Si vis ad vitam ingredi serva mandata*, utique omnia, quia *qui in uno offendit, factus est omnium reus*: ergo non censuit esse nunc præceptum redeundi ad statum innocentie, alias vel dixisset viam salutis esse impossibilem, aut falso dixisset, necessarium esse servare omnia mandata ad salutem consequendam.

12 Ad primam ergo probationem illius præcepti quod in consequentia argumenti dari inferebatur, nego habuisse homines omnes in statu integræ naturæ hujusmodi præceptum speciale, quia in se non habuerunt, cum in illo statu non fuerint, neque in Adamo, ut declaravi; & licet habuissent illud in Adamo, fuisset tantum negativum, scilicet, nihil agendi; quo illum statum perderent, illo autem semel amisso, jam non potest obligare præceptum negativum, quia materia ejus non extat, & ad præteritum non est potentia. Neque affirmativum datur recuperandi illum statum in hac vita, vel aliquid agendi pro illo acquirendo, quia totum hoc impossibile est, & alienum ab ordinatione divinæ. Ad secundam probationem negatur antecedens, est enim hæreticum; quia præcepta non dantur de motibus non liberis, ut tales sunt: sensum ergo præcepti, *Non concupisces*, explicavit Sapiens Ecclesiast. 18. dicens, *Post concupiscentias tuas ne eas*. Ut notavit August. in lib. 1. contra Julian. cap. 3. dicens, inutile fuisse futurum sapientis consilium: *Si jam quisque reus est, quod tumultuantes, & ad malum trahere nitentes sentit concupiscentias*. Eodemque modo exposuit Paulus ad Rom. 6. dicens: *Non regnet peccatum in vestro mortali corpore ad obediendum concupiscentiis ejus*. Ut exposuit idem August. lib. 1. de Nuptiis cap. 26. & æquivalent verba Petr. 1. cap. 2. *Obsecro vos abstinere a carnalibus desideriis*, Ut notavit Clemens Alexand. lib. 3. Stromat. cap. 6. Accedit, quod non semper neque omnibus momentis motus concupiscentiæ insurgunt, ideoque etiam si mali essent, dum actu infestant, & turbant, posset homo interdum bene operari, dum quiescunt. Similiter respondetur ad tertiam probationem de dilectione Dei super omnia, primo falsum esse, non posse hominem lapsum in hac vita diligere Deum super omnia, cum hoc ei præcipiatur, & ad veram justitiam sit necessarium, quam homo in hac vita obtinere potest, ut infra dicitur. Unde David Psalm. 118. beatos vocat omnes, qui in toto corde suo exquirunt Deum, & Ezechias de hoc laudatur Isai. 31. & Ioan. 1. canonic. cap. 2. ait, *Qui servat verbum ejus, vere in hoc charitas Dei perfecta est*. Et idem supponit Christus Ioan. 14. & 15. & Paul. 1. Corinth. 13. & passim in Scriptura tradiunt, & infra ostendunt, saltem per gratiam Dei posse hanc dilectionem haberi. Addimus vero nunc, etiam sine tali dilectione posse interdum esse opera bona, ut de peccatore, & infideli mox dicemus.

2. Ratio
exponit.

Probatio
de dile-
ctione Dei
solvitur

Hæretico-
rum illa
ratio falsa

13 Ad illationem autem hæreticorum dicitur, tam falsum esse consequens, quantum est antecedens. Nam licet homo non sit liber ad non sentiendum concupiscentiæ motus, potest esse liber ad non peccandum, quia est liber ad non consentiendum illis, & secluso aliquo consensu illi non sunt peccata. Et quamvis interdum operetur homo, instante, & repugnante concupiscentiæ motu, non ideo peccat, imo fortasse plus meretur, & melius operatur, quia inordinatam concupiscentiam vincit, ac superat. Nec propterea impeditur, quin actu possit diligere Deum super omnia, quia hic amor non postulat, ut hos motus non sentiamus, sed ut illis non consentiamus, ideoque potius ex tali amore provenit, ut homo resistat concupiscentiæ, etiam si omnino illam cohibere non possit, ne motum aliquem inordinatum exerceat. Neque etiam ex tali motu, licet actu infestet, sequitur necessario prava circumstantia in opere de se bono, quia voluntas pro sua libertate, & præfer-

rim cum divina gratia, potest nullam talem circumstantiam admittere; imo interdum maiori conatu, & puriori intentione operari. Et quanquam interdum remissior sit operatio, non ideo sit mala, cum non teneamur cum certa quadam animi contentione operari. Igitur talis concupiscentiæ motus non potest alium bonum actum inficere; tum quia non est circumstantia ejus, sed tantum concomitanter se habet; tum etiam quia non est voluntarius, ut supponitur.

CAPUT IV.

Utrum ad omne bonum opus morale sit necessaria gratia sanctificans, & consequenter, an existens in statu peccati mortalis possit interdum bene moraliter operari.

Aperitur
questio

CUM dictum sit, lapsum hominem posse interdum bene moraliter operari, declarandum superest, quibus viribus id possit, vel quam necessaria sit gratia ad hujusmodi opus, quæ controversia his temporibus valde disceptata, & agitata est, & ideo diligentius est tractanda, incipimusque a statu naturæ lapsæ tanquam nobis notiori, postea vero ad ceteros status doctrinam accommodabimus. Loquimurque non de collectione bonorum actuum, nec de continuatione illorum sine defectu, nec de omnibus, & singulis actibus etiam perfectissimis, sed tantum indefinite, an saltem aliquis actus bonus, etiam minimus, virtutis saltem acquirat, possit a peccatore fieri, vel e contrario; universalis sit questio, distributio autem cadat super gratiæ necessitatem, scilicet, an gratia sit necessaria ad omnia, & singula opera bona, etiam minima, & naturalis ordinis, quæ nunc moralia simpliciter vocamus. Denique in hoc capite specialiter tractamus de gratia sanctificante, de aliis vero donis, vel gratiæ auxiliis dicemus in sequentibus.

Haereticorum error cum suis fundamentis in questione præsentis

2 Haeretici ergo superiori capite allegati, qui negant, posse hominem lapsum aliquid boni operari, a fortiori id ipsum dicunt de homine lapso, & in statu peccati existente. Nam de illo non solum dicunt, semper peccare, sed etiam peccatum semper illi imputari. Procedunt autem in suis principiis erroneis, putant enim hominem justificari per solam fidem particularem, qua credit firmiter, sibi non imputari peccata, & solam incredulitatem hujus fidei contrariam putant esse peccatum; ita ut imputetur, & ideo consequenter dicunt, hominem, si sit in statu peccati, necessario carere illa fide, & consequenter omnia ejus opera, quæ mala esse supponunt, illi etiam imputari. Nec aliam rationem novam habent ad hoc commentum afferendum, Illa vero duo fundamenta haeretica sunt, & stultissima. Nam primum de malitia omnium operum moralium hominis lapsi jam reprobatum est. Aliud vero de fide particulari, & non imputatione peccatorum, postea confutandum est, & ideo nulla ratio eorum superest, quam proponamus.

Item Mus error refertur. Conc. Const.

3 Aliter docuit hunc errorem Ioan. Hus dicens, omnia opera peccatoris esse peccata, quia peccatum in operante manens omnia ejus opera maculat. Ita refertur in Conc. Constant. sess. 15. estq; art. 16. illius; & cum aliis articulis damnatur. Afferrique solent ad confirmationem hujus erroris duo præcipue Scripturæ testimonia. Unum est Isai. 1. *Quo mihi multitudinem victimarum, &c.* Et infra. *Ne offeratis ultra sacrificium frustra, incensum abominatio est mihi, usque ad illud, cum multiplicaveritis orationem, non exaudiam, manus enim vestra sanguine plene sunt,* ubi Deus has omnes operationes de se bonas detestatur, solam quia a peccatoribus etiam fidelibus fiebant. Aliud testimonium est Matt. 7. *Non potest arbor mala bonos fructus facere;* nam voluntas a Deo averfa mala arbor est, ergo non potest facere fructum bonæ operationis.

Item error refertur, hatur quibuscumque a scholasticis

4 Ex scholasticis antiquis refertur pro hac sententia Dion. Cisterciensis a Vega lib. 1. in Trident. cap. 21. tribuit enim illi, quod dixerit, nullum præceptum posse impleri ab homine in peccato mortali existente. Non tamen designat locum, nec ego invenio. Quin potius idem Dion. in 2. dist. 25. q. 1. art. 2. refert opinio-

nem ejusdam Bravardini, qui dixit, quemlibet actum deliberatum voluntatis creatæ, existentis in peccato mortali esse malum, eamque impugnare. Pro illa tamen sententia pugnat vehementer Catherin. in c. 3. Gen. circa verba illa, *Adam ubi es?* Quatenus concedit, non posse actum esse moraliter bonum, nisi & ab habitu virtutis procedat, & in Deum super omnia dilectum ab ipso met operante referatur, vel actu, vel virtute, & his duabus rationibus maxime sententiam illam confirmat, nimirum, quia existens in peccato mortali, nunquam potest operari propter finem debitum. Tenetur enim referre omnia opera sua in Deum super omnia dilectum, quod in eo statu facere non potest, cum Deum non ita diligit. Item quia tenetur operari ex habitu virtutis, & ideo si actus non a virtute eliciatur, non erit absolute bonus, seu virtuosus, quia caret perfectione sibi debita. Assumptum probat, quia homo ab initio sic conditus fuit, ut justitiam habere posset, & deberet, & consequenter ex illa operari: unde sicut homo nunc nascitur in peccato, quia caret justitia, quæ habere deberet, ita quoties sine justitia operatur, licet bonum videatur operari, peccaminose operatur, quia, non sicut debet, operatur.

5 Ad hanc sententiam accessit Michael Baius; nam inter ejus articulos in Bulla Pii V. 35. est, *Omne, quod agit peccator, aut servus peccati, peccatum est.* Item in propositione 50. & 51. Dicit motus concupiscentiæ etiam involuntarios esse peccata, & in 74. addit, in homine etiam renato, & in peccatum lapso concupiscentiam esse peccatum, & in 75. ait, eundem motum esse transgressionem legis: *Non concupisces.* Et in 40. addit, *Peccator in omnibus suis actibus servit dominanti cupiditati.* Quibus omnibus propositionibus recte perpensis, & inter se collatis, aperte constat, Baium in hoc puncto non differre ab hæreticis. Accedit altera ejus propositio, quæ est 38. & sic habet: *Omnis amor creature rationalis aut vitiosa est cupiditas, qua mundus diligitur, quæ a Ioanne prohibetur, aut laudabilis charitas, quæ per Spiritum Sanctum in corde diffusa Deus amatur.* Quæ videtur esse basis ejus doctrinæ totius; nam subsumendo, peccatorem non diligere Deum illa laudabili charitate, plane sequitur, eum semper operari prava, quia omnis hominis operatio est ex aliquo amore; ergo in peccatore est ex vitiosa cupiditate a Ioanne reprehensa; ergo est peccatum. Advertendum autem ulterius est, hunc authorem habere aliam sententiam singularem, scilicet, posse interdum hominem habere veram gratiam, & charitatem infusam, & nihilominus simul esse in peccato, ut habet in proposit. 30. 31. 32. 71. &c. Ratio ergo illa maxime habet locum in peccatore carente charitate, quid vero senserit de hominibus charitatem habentibus, dicam in sequentibus.

Baius & eundem errorem accedit

6 Veritas ergo catholica in duabus propositionibus consistit. Prima est, homo existens in peccato mortali potest habere multos actus bonos, qui nullo modo peccata sint. Quæ assertio nunc ponitur abstrahendo ab actibus factis per auxilium gratiæ, vel sine illo. Et sic conclusio est de fide definita in Concil. Tridentino sess. 6. can. 7. ubi anathemate ferit dicentes, omnia opera, quæ ante justificationem sunt, esse peccata. Nam ante justificationem homo in peccato existit, quia vel in peccato est conceptus, si nondum ab originali justificatus est, vel in peccato actuali, seu habituali perseverat, si justitiam baptismalem amisit, & iterum justificatus non est: neutrum enim peccatum tollitur, nisi per justificationem, ut idem Concilium ibidem docet cap. 7. & sess. 5. Posset autem quis fugere dicendo, Concilium non definire, talia opera esse posse bona, sed tantum non omnia esse peccata, quod esset verum, si aliqua essent indifferentia, licet non omnia essent bona. At hoc alienum est a mente Concilii, sed loquitur juxta communem sensum, in quo non dicitur de aliquo opere non esse peccatum, nisi quando bonum est, quia moraliter non habetur ratio operum indifferentium, quæ in individuo vel nulla, vel rara sunt. Eo vel maxime, quod id maxime dicit Concilium propter dispositiones ad gratiam, quas bonas esse oportet, & in eodem sensu de illis statim definit, non peccari in illis propter vehementiorem conatum, cum

1. Propositio catholica

cum tamen c. 7. docuisset, tales dispositiones esse bonas, & quo ferventiores sunt, magis prodesse. Quod iterum docet session. 14. cap. 4. & canon. 5. Idemque sumitur ex Concilio Arausicano capit. 4. quinto, & sequentibus, ubi docet initium bonæ voluntatis, & alios bonos affectus, quibus homo paulatim ad iustitiam perducitur, esse Spiritus Sancti dona, & ex Spiritus Sancti auxilio tanquam bona opera, licet fiant ab homine adhuc peccatore.

Probatur
ex Scri-
ptura.

7. Unde potest eadem veritas probari ex omnibus illis Scripturæ locis, in quibus peccatores invitantur ad huiusmodi actus, quibus possint a Deo aliquid boni, vel meliorem statum impetrare, vel ad illum aliquo modo disponi. Sic oratio, non tantum iustis, sed etiam peccatoribus utilis est. Omnibus enim proponitur oratio Dominica, qua petant, *Dimitte nobis debita nostra*, & alia bona. Et similiter Christus omnes indifferenter hortatur ad orandum, etiam peccatores, & specialiter id significat Lucæ 11. & 18. ut latius dixi l. 1. de Orat. c. 12. & 25. Idem de elemosyna dicit Christus Luc. 11. *Date elemosynam, & ecce omnia munda sunt vobis*. Ubi ad peccatores loquitur, ut constet ex contextu, & ex omnibus Patribus, & non significat, elemosynam sufficere ad iustitiam, sed multum præparare ad illam, sicut Tobia 4. *Elemosyna a morte liberat*.

Amplius
probat.

8. Unde actor. 10. dixit Angelus Cornelio, *Orationes tuæ, & elemosynæ tuæ ascenderunt in memoriam in conspectu Dei*. Et tamen eo tempore nondum Cornelium fuisse iustum, sentiunt Chrysost. hom. de fid. leg. naturæ, & Spiritu Sancto in tom. 3. ubi opera illa Cornelii dicit fuisse bona, sed mortua. Idem orat. de Anima tom. 5. Sequuntur Theophylact. & Oecumen. Actor. 10. Qui etiam sentiunt, neque fidem habuisse tunc Cornelium, sed usum tantum rectum legis naturæ. Augustinus item, licet credat, Cornelium jam habuisse fidem Dei, sentit nihilominus nondum fuisse iustificatum in epist. 57. q. 2. Nam cum dixisset, Deum non inhabitare ut in templo, nisi in his, quos eruit a potestate tenebrarum, & transfert in regnum Filii charitatis suæ: addit nihilominus, aliquid virtutis interduci operari in his, in quibus nondum sic habitat, in exemplumque horum posteriorum adducit Cornelium. Et qu. 2. ad simpl. de eodem ait, fuisse tunc fidem in Cornelio: *Sed non tantam, quæ sufficeret ad regnum cælorum*. Idemque significat lib. de Prædestin. Sanctior. capit. 7.

Cornelii
exemplū,
ad alia
perutile
expendi-
puz.

9. Exemplum hoc de Cornelio aptum quidem non est ad assertionem confirmandam, est enim valde incertum ad rem certam comprobendam; quia vero ad multa alia, quæ in discursu materiæ occurrunt, utile est, breviter expendendum est. Triæ enim tempora in Cornelio distinguenda sunt. Primum est, quando ei Angelus apparuit; secundum est, quando Petrus ad illum venit, eumque veluti catechumenum in fide instruxit; tertium, quando baptizatus est. De hoc ergo tertio certum est, recepisse gratiam Baptismi, ac subinde fuisse iustificatum secunda, vel (ut sic dicam) tertia iustificatione. De secundo etiam tempore certum est, fuisse fidelem, & iustificatum, cum statim ante Baptismum Spiritum Sanctum visibiliter receperit. Illa vero duo tempora non referunt. Sed difficultas est, de primo tempore, & videtur res ambigua, nam quod nunc non fuerit iustus plane sentit Chrysost. & Oecum. & indicat Augustinus citatis locis, & maxime q. 33. in Num. ubi dicit, veniente Petro, fuisse Cornelium mundatum per Spiritum Sancti adventum. Nihilominus probabilius censeo, ipsum fuisse iustum, quando Angelus ei loquutus est. Nam quod habnerit fidem, negari non potest, cum orationes funderet, sicut oportet, quod non fit sine fide, ut lib. 1. de Orat. ostendi, & Augustinus probat ex illo Pauli Roman. 10. *Quomodo invitabunt eum, in quem non crediderunt?* Et notat D. Th. 2. 2. q. decima, art. 4. ad 3. Quod autem illa fides jam esset viva, probatur primo, generali, & (ut sic dicam) iuridica ratione, quia non est, cur credatur fuisse mortuus; ergo præsumendum potius est, fuisse vivam. Antecedens probatur, quia ex parte fidei iam sufficienter credebatur ad iustificationem, quia non erat tunc necessaria explicata fides Christi

gentibus, cum nondum illis prædicaretur Evangelium, unde si qui erant inter Gentiles credentes in verum Deum iustitiæ fontem, per illam disponi poterant, & ita iustificari; ergo nec ex parte voluntatis credendum est aliquid necessarium ad iustitiam ei defuisse. Probat hæc consequentia; tum quia unusquisque præsumitur bonus, si non probetur malus.

10. Maxime quia verba Lucæ hoc satis clare indicant, nam illum vocat *Religiosum*, id est, ex fide verum Deum colentem, *Timentem Deum*, id est, illum non offendentem, ille enim est verus timor Dei, qui homines ab illius offensione coninet, & ita etiam videtur iam vox illa communi usu usurpata. Addit præterea audivisse ab Angelo, *elemosynas suas, & orationes ascendisse in memoriam Dei*, utique ut illi placitas, quod non haberent, nisi essent ab homine iusto. Imo illud testimonium cum tam singulari favore, & providentia concessum, satis profecto indicat non parvam hominis pietatem, & iustitiam. Accedunt verba dicta Petro in visione: *Quod Deus purificavit, tu commune ne dixeris*: Et maxime dicta ab ipso Petro ipsi Cornelio, postquam visionem eius audivit: *In veritate comperi, quia non est acceptor personarum Deus, sed in omni gente, quæ timet eum, & operatur iustitiam, acceptus est illi*. Sentit ergo, Cornelium iam fuisse acceptum Deo, iamque fuisse operatum iustitiam, hoc est autem esse iustum.

Cornelius
jam ius-
tus erat,
cum ei
Angelus
apparuit
juxta D.
Lucam.

11. Neque ab hac sententia alienus est Chryl. ibi hom. 12. dicens: *Sic & dogmata, & vita illius recta fuerunt*: utique ante Angeli visionem. Apertius Beda ibi dicens, per fidem bene operatum esse, & placuisse Deo, & apud illum Evangelii prædicationem meruisse. Sumptique ex Gregorio, quem refert in hom. 19. in Ezechiel. ubi declarat, quod hom. 9. obscurius dixerat, antequam Cornelius fidelis esset, per bona opera meruisse audiri, per fidelem enim intelligitibi Christianum, sen explicite credentem in Christum, & baptizatum. Ita etiam de Cornelio videtur sensisse Hier. ad Galat. 3. in principio, dicit enim consequutum esse spiritum per fidem, & legem naturalem, sicut antiquos fideles. Nec Augustinus alienus est ab hac sententia, nam lib. 1. de Baptismo. c. 8. solum dicit, a Petro didicisse fidem Christi, & l. 4. c. 21. clarius comparat Cornelium catechumeno; *Divina charitate flagranti*, eumque dicit, *ante Baptismum Spiritu sancto fuisse repletum*. Sed hæc ad secundum tempus referri possunt. At inferius addit: *Non improbamus iustitiam hominis, quæ prius esse cœpit, quam conjungeretur Ecclesie sicut esse cœperat iustitia Cornelii, priusquam ipse esset in plebe Christiana*; loquiturque ante adventum Petri, nam subdit: *Quæ neque si improbaretur, dixisset ei Angelus, acceptæ sunt elemosynæ tuæ, &c. neque si sufficeret ad capeßendum regnum cælorum, ut ad Petrum mitteret, moneretur*. Ubi non dicit, fuisse necessarium ad iustitiam, vel remissionem peccatorum, sed ad capeßendum regnum cælorum, quia per se erat necessarius Baptismus, & iam venerat tempus, quo gentibus prædicari oportebat.

In idem
conten-
tuntur Pa-
tres.

12. Et hunc esse sensum Augustini patet ex dicta q. 2. ad Simplician. ubi ait, in Cornelio ante Baptismum non fuisse fidem, quæ sufficeret ad regnum cælorum, & idem dicit de catechumeno, & tamen constat ante Baptismum fuisse Cornelium iustum, ut ipse etiam affirmat q. 84. in Levit. & 33. in Nu. & idem sæpe contingit in catechumenis, & in l. 50. hom. in 45. alias 19. in appendice dicit: *Jam Deus mundaverat Cornelium, quando Petro in visione dixit, quod Deus purificavit, tu commune ne dixeris*. Dicit autem mandasse secundum certum quendam modum, quem modum ipse non explicat, videtur tamen intelligendus, vel quia iustificatus fuit quasi in voto Baptismi, saltem implicito, ut exposuit D. Thomas 3. p. qu. 69. art. 4. ad 2. vel quia illa non erat iustificatio omnino perfecta quoad plenitudinem gratiæ, & remissionis pœnæ, sicut postea perfecta fuit per adventum Spiritus sancti, & per Baptismum, & ita potest facile aliis locis exponi.

Pro eo d
alia Aug.
loca.

13. Præterea favet huic sententiæ Cyprianus in lib. de Orat. Domini, versus finem, cum ait, orationem Cornelii ex merito eius ascendisse ad Deum, quia ci-

FaVet et-
iam Cyp

10 orationes ad Deum ascendunt, quas apud Deum merita nostri operis imponunt. Et comparat illas orationes cum orationibus Sathæ, & Tobie, & verba Angeli loquentis ad Tobiam, Tobie 12. Denique in eadem sententia videtur fuisse Tertullianus lib. adversus Psychicos cap. octavo, in fine, ubi laudans ieiunium ait: *Cur triste, quod salutare? Docuit Dominus adversus diriora demonia jejuniis præliandum. Quid enim mirum, si eadem operatione spiritus iniquus educitur, qua sanctus inducitur. Denique ut in centurionem Cornelium, necdum tinctum dignatio Spiritus Sancti cum charismate in super prophetiæ festinasset, jejunia ejus legimus exaudita.* Ubi constat, loqui de illo, etiam pro illo tempore, quo illi apparuit Angelus, illam enim visionem vocat charisma prophetiæ, & tunc dicit, jam festinasse ad illum Spiritum sanctum.

14. Ex illo ergo exemplo nihil in præsentem probatur; Chrysostomus autem, & alii, qui existimant jejunia, & orationem Cornelii mortua fuisse, recte confirmant assertionem supponunt enim, in homine non justificationem posse esse opera bona, licet mortua, nam si non sint bona non erunt mortua, sed mortifera, & ita ex appellatione hac operum mortuorum etiam confirmatur assertio: constat enim dari talia opera, non solum ex communi consensu Theologorum, sed etiam ex toto cap. 2. & 3. Apocal. ubi id notat Ambros. cap. 3. dicens: *Qualiter bona mortua sunt, si charitas defuerit.* Idem significat Augustinus lib. 1. de Gratia Christi cap. 6. dicens, opera bona sine charitate facta non imputari, addit vero: *Si tamen bona dicenda sunt.* Quod infra explicabitur. Imo hic videtur esse sensus Pauli 1. Corinth. 13. dicentis: *Si dederim cibos pauperum, &c.* Et ita communiter exponitur.

15. Præterea est aliud principium, unde veritas eadem confirmatur, scilicet posse aliquem servare multa præcepta, licet unum transgrediat, ut indicavit Jacob c. 2. dicens: *Qui totam legem servaverit, offendat autem in uno, factus est omnium reus.* Utique quoad inimicitiam cum Deo: non quoad malitiam; ergo inimicus Dei potest aliqua præcepta servare; ergo & opus bonum facere, nam qui male operatur, jam transgreditur aliquod præceptum. Sic etiam dixit Basiliius hom. 7. in divites avaros, multos esse, qui cetera præcepta servant, & elemosynas non faciunt, & subdit: *Quid his cetera virtutum diligentia prodest, non propterea regnum Dei consequuntur.* Erant ergo peccatores multas virtutes operantes. Ratio denique assertionis est, quia potest peccatum esse habitualiter in anima, & non influere in actum, qui postea fit, sicut potest quis habere habitum intemperantiæ, & actum aliquem temperantiæ facere, & sic de aliis; ergo non est cur homo peccator non possit bonum opus facere. Item in puris naturalibus id posset, ut suppono, & peccatum habituale non minuit vires, ut probavi, nec influit in actum, quia hoc pendet ex libertate voluntatis, ergo.

16. Secunda propositio est, gratiam habitualement, vel charitatem non esse necessariam ad omne opus bonum. Est directe contra Bajum, & quidem etiam contra Catherinum. Et videtur mihi æque tradita in Tridentino. Nam opera ante justificationem intelliguntur a Concilio esse illa, quæ sunt ante infusionem virtutum, & donorum, sine quibus non fit justificatio. Item quia hæc dona non dantur sine remissione peccati, ut infra ostendimus: ratio autem propria est, quia duobus modis potest cogitari status gratiæ necessarius ad omne opus bonum, vel ratione principii efficientiis, vel in ratione finis, qui est principium quasi morale bene operandi, nec potest cogitari alia ratio necessitatis, quia solum impedimentum fomitis non obstat, pro singulis operibus, ut dixi, & per se clarum est, & sæpe in sequentibus dicitur. Sed ex neutro capite illorum datur talis necessitas; ergo. Probatur minor quoad primam partem, quia gratia, & sanctitas infusa non est principium efficiens per se requisitum ad bona opera omnia, dantur enim bona opera ordinis naturalis, quæ non procedunt ab habitibus infusis; ergo propter illa non sunt per se necessaria. Item talia opera possunt esse in homine in puris naturalibus, & in quo non essent tales habitus. Et

nunc homo justificatus potest facere talia opera non utendo habitibus infusis. Dantur præterea opera bona supernaturalia, quæ per auxilium & motionem Dei fieri possunt sine habitu, ut de metu gehennæ, & de contritione imperfecta Tridentinum supra definit. Et sic etiam communiter Theologi distinguunt opus procedens ab Spiritu sancto movente, & nondum inhabitante, vel procedens ab inhabitante Spiritu sancto, & est distinctio conformis Augustino, ut infra suo loco videbimus; ergo propter efficientiam boni operis non semper est necessaria gratia habitualis. Altera vero pars de finali causa, probabitur plenius in seqq. Nunc probatur breviter, quia non est de necessitate boni operis, ut fiat propter Deum summe dilectum per infusam charitatem, nullum enim est de hac re datum præceptum, ut probat D. Th. 1. 2. q. 100. art. 10. & nos tradidimus in lib. 2. de Legib. & patet breviter, quia tale præceptum nec positivum est, quia nullibi scriptum, aut traditum invenitur, nec naturale, quia nec mera ratio naturalis id dicit, cum non cognoscat dilectionem infusam, nec ipsam etiam naturalem dilectionem Dei super omnia, ut circumstantiam omnium bonorum præcipiat, ut paulo post ostendam. Nec etiam ratio fide illustrata illud dicit, quia etiam homo justificatus ad hoc non semper obligatur, ut est notum apud omnes, & ex sequentibus evidentius constabit.

17. Superest ad hæreticorum duo fundamenta seu loca adducta n. 3. respondere. Et in primis ad locum Isaie aliqui volunt, in sacrificii, & solemnitarum celebratione necessariam circumstantiam ad bonitatem morale esse, ut sacrificians in gratia sit, propter sanctitatem operis, quod ad Deum placandum, vel gratificandum, vel aliquid ab eo impetrandum offert. Sed hoc, licet locum habeat in sacrificio legis gratiæ propter singularem ejus sanctitatem, non tamen in sacrificio communi, & ex natura rei. Nam in oratione, de qua est eadem ratio, non est necessaria illa circumstantia, ut l. 1. de Orat. c. 24. & 25. dixi, nec est ulla ratio, unde illa specialis necessitas in sacrificiis legis veteris invenitur. Vera ergo responsio est, ibi non reprehendi sacrificia, sed sacrificantes, quia sacrificiis contenti, alia bona opera omittebant, totamque sanctitatem suam in illis sacrificiis collocabant ut late dixi tom. 3. disp. 73. sect. ult. & possemus nunc addere iuxta frequentem doctrinam Augustini non placuisse Deo illa sacrificia, quia non fiebant ex amore justitiæ, sed spiritu servili, & pure propter vitandam aliquam pœnam, sine cujus timore non fierent. Nam lib. 1. contra duas epist. Pelagianor. cap. 9. dicit August. Paulum, quamvis de se dicat, secundum justitiam legis fuisse sine querela, nihilominus potuisse non placere Deo in illis operibus, quia spiritu servili illa faciebat; ergo multo magis id credibile est de illis magnis peccatoribus, quorum sacrificia Deus abominatur. Nihilominus tamen si illa sacrificia offerrentur a peccatoribus sana intentione, & cum debitis circumstantiis, non essent mala, nec displicerent Deo ratione sui, vel in ordine ad aliquod supplicium, licet ratione personæ non essent accepta, nec fortasse fructuosa. Quod etiam per quandam exaggerationem, & ad incutiendum timorem potuit illis verbis indicari.

18. Ad testimonium Matth. 7. generalis responsio esse potest, sensum illius pronunciati Christi Domini: *Non potest arbor bona, &c.* esse formalem, quia si ut bona operetur, facit fructus bonos, & non malos; & e converso. At vero si arbor sit libera, ut est homo quia semper habet naturam bonam, potest, licet malus sit, non operari ut malus, sed ut habet voluntatem, & rationem de se bonam. In particulari vero juxta circumstantias loci applicanda erit regula, seu responsio ad varias arbores, ut in dicto loco Matth. 7. sermo est de fide, seu doctrina, & bona arbor dicitur sana doctrina, mala vero doctrina hæretica, seu falsa; tractat enim Christus de veris, & falsis prophetis & quia hi solent operari juxta fidem suam, ideo de illis dicitur, ex fructibus esse cognoscendos, quia fieri non potest, quin sæpe operentur juxta fidem suam, & tunc ex mente mala oriuntur actiones malæ, & ex bona bonæ. Aliquando vero arbor bona dicitur homo

Relucet
quandam
expositio
loci Isaie.

2. locus
ex Matthei
explicatur.

ratione voluntatis bonæ, & mala arbor ratione voluntatis vitioſe, ut in ſimili loco Matth. 12. ait Chriſtus: *Aut facite arborem bonam, aut facite arborem malam.* Supponens, hoc eſſe in libertate voluntatis, & tunc etiam optime applicatur regula, & ita eadem voluntas, quæ diverſis rationibus bona, & mala eſt, poteſt nunc bene, nunc male operari.

Replica.

19. Dices, ergo ſimpliciter verum non eſt, arborem malam non poſſe bonos fructus facere, nec etiam eſt verum, ex fructis cognoſci talem arborem, quia poteſt eſſe mala, & non ut mala operari. Reſpondet Maldonat. ibi, impoſſibile; ibi ſummi pro difficili, & illud ſignum eſſe probabile, & moralem conjecturam: non evidens principium, quod eſt probabile. Dici etiam poteſt illud *non poteſt*, non referri ad ſingulos actus, ſed ad integritatem vitæ, vel doctrinæ. Nam falſus propheta multa vera docebit, tamen ſi tota doctrina inſpiciatur, ſemper aliquid falſum miſcebit. Item hypocrita ſæpe bene operatur, & vere, tamen ſi obſervetur, tandem exhibebit fructum ſuæ hypocriſis. Et ſimiliter in noſtro puncto peccator interdum bene operari poterit; tamen ſi in eo ſtatu perſeveret, fructum malum proferet; & ratio eſt, quia licet cauſa libera ſiſſit diverſis modis operari, tamen ſi male affecta ſit, non poterit ſe continere, quin interdum ita operetur.

Ad utrumque Catharinum fundamentum reſponſio.

20. Ad Catharinum reſpondemus, falſum eſſe utrumque ejus fundamentum. Et de primo quidem, ſcilicet, de circumſtantia ultimi ſinis ſæpius in ſequentibus capitulis dicendum eſt, nunc breviter dicimus, ad bonitatem actus non eſſe neceſſarium, ut fiat ab homine referente ſua opera in Deum ſuper omnia dilectum per proprium actum præſentem, vel præteritum, alioqui peccaret etiam baptizatus, & juſtus aliquid operans ante actum dilectionis Dei ſuper omnia: peccaret etiam denuo peccator, qui ante juſtificationem & dilectionem Dei ſuper omnia attritionem, aut alium ſimilem actum pœnitentiæ, orationis, vel elemoſynæ efficeret. Unde neceſſarium non eſt ad bonitatem moralem actus, quod homo habitualiter diligat Deum ſuper omnia, alias eadem abſurda ſequerentur; ratio vero eſt, quia talis relatio, ſeu circumſtantia nec ex natura rei neceſſaria eſt, nec per legem Dei poſitivam invenitur præcepta, ſufficit enim, ut actus ſit de bono objecto propter honeſtatem ejus, & quod in eo ſinis ultimus non conſtituatur, nec alia prava circumſtantia addatur, ut ſit bonus ſimpliciter, & ut per ſe tendat in Deum ultimum finem, licet ab operante aliter non referatur. Alterum fundamentum ad Lutheranorum errorem accedit: nam ex illo inferri poteſt, vel omnia opera hominis lapſi eſſe peccata, vel ſaltem omnia opera hominis nondum juſtificati. Reſpondetur ergo, licet carentia juſtiæ, i.e. gratiæ habitualis, aliquo modo voluntaria, ſit peccatum, nihilominus non ſemper peccare, qui aliquo tempore permanet in illo ſtatu, & ideo, non etiam peccare, etiam ſi in illo ſtatu aliquid boni operetur. Addo, etiam juſtum ſæpe operari bonum non ex habitu, quia poteſt eſſe juſtus non habens habitus acquiſitarum virtutum, & operari actus ad illas tantum pertinentes; illi ergo actus non erunt ex habitu acquiſito, quia non eſt; neque ex inſuſo, quia non eſt principium talium actuum: ergo etiam illi actus eſſent mali, quod abſurdiſſimum eſt. Poſſunt autem illi actus dici fieri cum habitu, gratiæ, ſeu inſuſo, hæc autem nec eſt propria circumſtantia talis operis, nec conditio ad bonitatem ejus neceſſaria, quia nulla lege præcipitur, ut dictum eſt.

Ad Bajæ reſponſio.

21. Ad Bajæ etiam ex dictis facilis eſt reſponſio: nam in primis diſtinctio illa de peccatore ſimul juſtificato, vel carente juſtitia, ut erronea reiicienda eſt, quia non datur talis ſtatus, veram juſtitiam cum mortali peccato coniungens, & eſt impertinens, quia oſtenſum eſt, etiam ſine habitu gratiæ poſſe peccatorem interdum bene operari. Deinde omnes propoſitiones relatæ ante ultimam, ex dictis exploſæ ſunt, graviſſimosque continent errores, & plane voluntarios ſine ullo fundamento. Ultimæ etiam, ſeu 38. propoſitio, quod duplex tantum ſit amor, vitioſus, vel charitatis; falſa eſt quoad excluſionem, datur enim

etiam amor naturalis Dei. Item amor ſpei, ſeu ſanctæ concupiſcentiæ eiſdem Dei, item amor boni honeſti, vel in genere, vel in particulari, & omnes iſti amores ex genere ſuo boni ſunt, & poſſunt eſſe in peccatore ſine circumſtantia mala.

C A P U T V.

Quid Auguſtinus ſenſerit de operibus factis ab homine in peccato, ſeu charitate carente.

1. **C**ontra doctrinam capituli ſuperioris afferri poſſunt multa ex Auguſtini doctrina, in quibus Badius ſuam ſententiam fundat, quæ quia difficultate non carent, & ad ſequentia poſſunt eſſe utilia, & neceſſaria, diligentius tractanda ſunt. Primo ergo obſtare videtur, quod in l. r. retract. c. 15. ait: *Quantum eſt, quod valet voluntas ſub dominante cupiditate, niſi forte ſi pia eſt, ut oret auxilium.* Sentit ergo impiam nihil boni poſſe, unde addit: *In tantum libera eſt, in quantum liberata eſt, & in tantum appellatur voluntas.* Quid eſt autem eſſe liberatam, niſi eſſe iuſtificatam, loquitur enim Auguſt. de liberatione a peccato: unde ſubiungit, *Alioquin potius cupiditas, quam voluntas appellanda eſt*, dicitque, hoc eſſe vitium, a quo non ſanctum, niſi gratia Salvatoris. Et propterea ſolent ex hoc loco Auguſtini referri hæc verba: *Voluntas ſine charitate non eſt, niſi vitioſa cupiditas*, quæ in illo formaliter non invenio, licet aliquid ſimile ſignificaverit l. 3. de Doct. Chriſt. c. 10. de quo loco inferius dicam. Secundo, lib. de Mori. Eccleſiæ, cum c. 14. dixiſſet, eſſe beatum nihil aliud eſſe, quam *inherere ſummæ bono, quod eſt Deus ſolus, cui inherere non valemus, niſi dilectione, amore, charitate.* Subiungit capit. 15. *Quid ſi virtus ad beatam vitam nos ducit, nihil omnino eſſe virtutem affirmaverim, niſi ſummum amorem Dei.* Et hinc virtutes omnes inorales per Dei amorem poſtea deſinit.

Contra ſuperioris doctrinam variis Aug. locis. 2. Lege. 1. Lucas.

2. Tertium, & difficile argumentum eſt, quia interdum indicat Auguſtinus, non poſſe eſſe opus bonum, quod ſine charitate ſit, ut lib. de Grat. & lib. arb. cap. 18. ſic ait: *Præcepta charitatis tanta, & talia ſunt, ut quidquid ſe putaverit homo facere bene, ſi fiat ſine charitate, nullo modo fiat bene.* Et lib. 1. de Gratia Chriſti, cap. 26. *Quod boni faceremus, niſi diligeremus?* Et infra: *Ubi non eſt dilectio, nullum bonum imputatur, nec recte bonum opus vocatur, quia quod non eſt ex fide, peccatum eſt.* Ubi conſequutio litteræ perit, ut fidem vivam intelligat, & ideo ſubdit: *Et fides per charitatem operatur.* Et ſimili modo videtur loqui Proſper ad Demetria. non longe a fine, dicens: *Amare aliquid, quod non ex opere, & Spiritu Dei ſit, non eſt caſta dilectio.* Aliud etiam argumentum difficilius ſumi poteſt ex doctrina Auguſtini, qui non aliter ſentit de bonis operibus fidelium peccatorum, quam de bonis operibus infidelium, ſed in infidelibus nullum agnoſcit ſimpliciter opus bonum: ergo nec in fidelibus peccatoribus. Hoc autem argumentum pro capite 7. omittemus, quia ibi ex profeſſo de infidelibus tractandum eſt, & conſequenter dicemus, an vera ſit æquiparatio inter infideles, & fideles peccatores quoad operandi bonum, & quomodo intelligenda ſit.

3. Locus difficultas.

4. Locus ſive argumentum ex ejuſdæ Auguſt. doctrina.

3. Ad priora igitur teſtimonia primum generatim dico, duo præſertim intendere Auguſtinum in ſua doctrina, cum de operibus bonis loquitur, unum eſt, hominem non adiutum divina gratia vix, aut nullo modo poſſe aliquid facere, quod ſimpliciter bonum ſit, id eſt, quod nulla malitia careat. An hoc intelligendum ſit cum rigoroſa diſtributione, ita ut nihil omnino poſſit homo facere ſine gratia, quod peccaminofum non ſit, dicemus poſtea c. 6. & 7. Hic enim non eſt neceſſarium, quia de homine peccatore, & fideli nunquam cum tanto rigore loquitur Auguſtinus. Aliud eſt, opus, quod non ſit propter Deum, vel ex charitate Dei, non mereri nomen virtutis, aut boni ſimpliciter. In quo loquendi modo aliud eſt, opus non habere bonitatem aliquam ſine admixta morali malitia, aliud eſt, non mereri nomen boni ſimpliciter, ſeu

Pro locis Aug. exponendis notatio.

seu quasi antonomastice. Nam hic posterior loquendi modus non in hoc fundatur, quod necesse sit, opus habere aliquam moralem malitiam, ut illi non tribuatur nomen boni, aut virtutis simpliciter, sed satis est, ut opus non sit fructuosum ullo modo ad veram beatitudinem, ita ut neque proxime, neque remote ad illam conferat, neque ex se conferre possit, nisi aliqua bonitas altior illi addatur. Et hanc interpretationem sumo ex D. Thoma 1.2.q.65.art.2. ubi Cajetanus recte illam explicat, dicens, secundum moralem philosophiam censei virtutes, quæ sub lumine supernaturalis sapientiæ spectatæ non censentur virtutes simplices, nisi ultra suum gradum subleventur, idem enim est de operibus bonis. Et quamvis D. Th. non alleget prædicta loca Augustini, tacite illa exponit, & in fine ita declarat duriores loquutiones, quam Augustinus tribuit, circa illud: *Quod non est ex fide, peccatum est*, dicenti: *Ubi deest agnitio veritatis, falsa est virtus*: intelligit enim D. Thom. per falsam virtutem, non quæ sit ficta virtus, seu per hypocrisis, sed quæ est quasi umbra, & nihil respectu Christianæ virtutis. Sicut aurichalcum respectu auri, licet verum metallum sit, & suum valorem habeat, comparatione auri dicitur falsum aurum. Sicut etiam Paulus dixit, elemosynam sine charitate nihil esse, licet morali modo aliquid sit. Hoc autem modo in multis locis esse loquutum Augustinum sentit idem D. Th. 2.2.q.23.art.4.7.& 8. & ex dicendis hic & seq. cap. planum fiet.

Ad 1. locum Aug.

4. In primo igitur loco cum Augustinus interrogat, *Quantum est*, &c. Non indicat, nihil omnino esse, quod voluntas peccatoris potest, sed parum esse, ac fere nihil, nisi per gratiam saltem moventem, & auxiliantem juvetur, per quam ait, saltem orare posse, ut cetera possit. In quo potius indicat, aliquid posse, etiam si nondum per inhabitantem gratiam justificata sit. Unde cum ait: *Si pia est*, non oportet intelligi, id est, si sancta est, sed simpliciter, si ad pietatem evecta est, sive per integram sanctificationem, sive saltem per fidem. Nam per fidem potest orare, & ut August. in aliis locis docet, impetrare a Deo, ut sanctificationem, quam per eandem fidem inchoaverat, ipsemet perficiat. Nam infideles respectu fidelium, etiam peccatorum, solent impii vocari, omnes autem, qui per fidem cultum veri Dei profitentur, pii censentur; imo etiam Sancti in Scriptura interdum appellantur. Et eodem modo per *voluntatem liberatam*, potuit intelligere August. vel voluntatem jam sanctificatam & a servitute peccati plene liberam, vel etiam liberatam ex parte quoad illuminationem fidei, quæ licet non tollat culpam, liberat a cecitate, & ignorantia, quæ nunc est vulnus peccati. Et ideo recte dicit: *Voluntatem in tantum esse liberam*: Utique a servitute, & vulnere peccati: *In quantum est liberata*, Scilicet, vel inchoate, vel integre, & tanto etiam est validior, quanto magis liberata est. Quod autem ait, voluntatem nullo modo liberatam potius vocari cupiditatem, quam voluntatem, non est ita intelligendum, quasi voluntas a concupiscentia necessario feratur, neque quia non possit aliquid boni contra illam interdum agere, sed quia tam parum, id est, ut quasi nihil quoad denominationem reputetur. Quando enim duo contraria mixta sunt in eodem subiecto, illud simpliciter denominat, quod in potestate, & actione aliud vincit. Sic ergo de voluntate non sanata, & concupiscentiæ effrenatæ conjuncta August. philosophatur.

Ad 2. locum Aug.

5. In secundo autem loco evidenter loquitur de appellatione virtutis in significatione a nobis in secunda notatione declarata, neque aliter possent subsistere definitiones virtutum moralium, quas ibi tradit, ut per se notum erit intuitui. Alluditque illo loco ad verba Pauli 1. ad Corint. 13. *Charitas patiens est, benigna est, omnia suffert*, &c. Quæ omnia de operatione per imperium intelliguntur, ideoque Augustinus virtutes morales Christianas, & fructuosas per ordinem ad imperium charitatis definit, illudque ad earum absolutam perfectionem, & fructuosam requirit. Et ita exposuit D. Th. 2.2.q.23.art.4. ad 1. & ar. 7. ad 1. Simili fere modo potest exponi locus Prosperi, nam *casta dilectio* vocari potest illa, quæ est ex pura charitate, & propter Deum, & videtur ita se exponere Prosperi, cum

subdit: *De hac charitate sine dubio Apostolus loquebatur, & ipsius proprietates subtilissimis discretionibus explicabat, dicens. Si linguis hominum loquar*. Ubi constat sermonem Pauli esse de propriissima, & supernaturali charitate. Specialiter autem vocat Prosperi hanc *dilectionem castam*, quando excludit humanam præsumptionem, qua quis sibi attribuit talem dilectionem, & non gratiæ divinæ, & sic ait: *Amare aliquid non ex Spiritu Dei*, scilicet gratiæ, *non esse castam dilectionem*. Et sufficere, tentatori castas, & sublimes animas hac tentatione violasse.

6. Circa tertium & quartum locum paululum immorandum est, quia nonnulli exponunt Augustinum ut in illo, & similibus locis per charitatem intelligat amorem honesti, quæ honestum est, sive bonum virtutis ad Deum, sive ad proximum, sive ad operam pertineat. Hoc colligunt ex eo, quod in eodemmet loco dicit Augustinus: *Gratia nos efficit legis dilectores, lex sine gratia pravaricatores*. Ergo sentit, idem esse operari ex charitate, quod operari ex dilectione legis, quæ eadem est cum dilectione virtutis. Videturque multum indicare hunc sensum August. lib. 1. contra duas epist. Pelagianor. cap. 9. ubi solum illud opus bonum esse dicit, quod sit ex amore justitiæ, seu ex voluntate bene faciendi. Hanc ergo voluntatem vocavit alibi charitatem. Et hoc etiam modo distinguit operationem ex timore omnino servili, quod ita continet manum, ut animum non avertat, quia si impune posset, contra legem faceret. Similia habet 1.2. contra easdem epist. c. 9. & lib. 9. de Spir. & Liter. c. 32. Quod si hæc expositio August. vera est, facile explicantur loca citata, nam sensus erit, nullum esse bonum opus, nisi quod sit ex amore honesti, seu virtutis, nam si fiat propter bonum non honestum, eo ipso opus virtutis non est.

7. Verumtamen hæc expositio nullo modo accommodari potest priori testimonio ex 1. de Grat. & lib. arb. Nam cap. 16. incipiens de charitate loqui, ita explicat, quid per charitatem intelligat, dicens: *Istam charitatem, id est, divino amore ardentissimam voluntatem commendans Apostolus dicit. Quis nos separabit a charitate Christi*, &c. Et de hac consequenter explicat totum cap. 13. 1. ad Corint. & illud ad Gal. 1. *Per charitatem servite invicem*: & id ad Coloss. 3. *Super omnia autem charitatem habentes, quod est vinculum perfectionis*. Et alia quamplurima Scripturæ loca, in quibus evidenter sermo est de propria virtute charitatis, & de præceptis ejus, diligendi Deum, & proximum, & statim incipit in cap. 17. dicens: *Hæc omnia præcepta dilectionis, id est, charitatis, quæ tanta, & talia sunt, ut quidquid se putaverit homo facere bene, si fiat sine charitate, nullo modo fiat bene*. Hæc ergo præcepta charitatis inaniter darentur hominibus non habentibus lib. arb. sed quia per legem dantur, & lex sine gratia, littera est occidens, in gratia vero spiritus vivificans, unde est in hominib. charitas Dei, & proximi, nisi ex ipso Deo? Ergo ex hoc contextu planum est, August. ibi loqui de propriissima, & formalissima charitate suprema virtute Theologica. Quidquid ergo sit de aliis locis, de quibus statim, huic non potest accommodari illa expositio.

8. Neque juvat, quod infra dicit August. *Gratiam nos efficere legis dilectores*. Quia vel gratiam includit charitatem, quæ nos facit legis dilectores, imperando ejus observationem, vel si gratia pro auxilio gratiæ sumatur, dicitur, nos facere legis dilectores, quia facit, ut bene, i. e. ex dilectione Dei præcepta serventur juxta illud Joannis 14. *Si quis diligit me, sermonem meum servabit*: & iterum: *Si diligitis me, mandata mea servate*. Ubi constat, aliud esse diligere, aliud præcepta servare, licet plenitudo legis dicatur esse dilectio, vel quia in illa virtute continetur, vel causaliter, quia dilectio secum affert observantiam præceptorum: & ideo e contrario dicitur supra: *Qui habet mandata mea, & servat ea, ille est, qui diligit me*: ex effectu radicem colligendo, ut explicuit Joan. 1. canonic. cap. 5. dicens: *In hoc cognoscimus, quia diligimus natos Dei, cum Deum diligamus, & mandata ejus faciamus*. Ut Augustinus etiam eodem loco explicuit; in illo ergo loco, cum dicit, quod sine charitate sit, non bene fieri, necessario exponendum est

Ad 3. & 4. locum Aug. ut quidam respondet.

Non placet responsum prædicta.

Neque ei favet aliter Aug. locus.

juxta secundum documentum supra positum, ut Theologico, & Christiano modo intelligatur, i.e. non sit perfecte, & fructuose, plus enim est, quod Paulus de operibus sine charitate factis dicit, nihil prodesse, imo, & nihil esse.

Neque item loci alter.

9. Neque magis potest illa expositio quadrare alteri loco ex lib.1. de Gratia Christi. Nam in principio illius capituli conatur adducere Pelagium, ut fateatur, charitatem esse ex gratia Dei, & affert illud, *Scientia inflat, charitas edificat*, 1. Corinth. 8. ubi Paulus de propria charitate loquitur, neque enim ab illo vox sumitur, unde subjungit: *Si quis diligit Deum, hic cognitus est ab eo*. De eadem ergo loquitur Augustinus, ut etiam consequenter satis explicat, dicens: *Tunc scientia non inflat, quando charitas edificat: & cum sit, utrumque donum Dei est, unum minus, alterum majus*. Aludens ad locum Pauli 1. Corinth. 13. ubi charitatem præfert fidei. Deinde ut probet, hanc charitatem nulli merita antecedere, addit: *Nam quæ merita bona tunc habere poteramus, quando Deum non diligebamus?* Loquitur ergo de charitate, quæ in Dei dilectione consistit, & affert locum 1. Joan. 4. ubi de eadem charitate, & dilectione Dei aperte loquitur. Post hæc vero immediate interrogat August. *Quid autem boni faceremus, nisi diligeremus?* Quis ergo credat, in his verbis loqui de alia dilectione, quam in omnibus præcedentibus? Accedit, quod infra in confirmationem adducit Pauli verba ad Gal. 5. *Fides per dilectionem operatur*: quæ de propria charitate sine dubitatione intelliguntur. Denique concludit: *Ac per hoc gratiam Dei, quæ charitas Dei diffunditur in cordibus nostris per Spiritum S. qui datus est nobis, sic consecratur, &c.* Quid clarius? Si enim August. ipse sic explicat charitatem, de qua tractat, & in prioribus, & posterioribus verbis de illa loquitur, negari non potest, quin etiam in illa interrogatione de eadem dilectione loquatur.

¶ Et ex eo sensu ad locum August.

10. Quo sensu supposito, potest hic locus exponi juxta duo documenta in principio posita. Nam primo per illam interrogationem non est necesse significari, nihil boni fieri sine charitate, sed parum fieri: nam statim etiam interrogat: *Aut quomodo bonum non facimus, si diligimus?* Et tamen non omnes, qui diligit, semper bonum facit, tamen quia leve malum est, quod diligens, perseverando in dilectione facit, & bona magna facere potest, quantum est ex vi charitatis, ideo locum habet illa interrogatio. Vel etiam potest secundo modo exponi satis ad mentem August. in illo loco, ut, *quid boni*, idem sit, quod *quid fructuosum*, & conferens ad vitam beatam. Nam expressè infra concludit: *Sic consecratur gratiam, qui veraciter vult illam confiteri, ut omnino nihil boni sine illa, quod ad pietatem pertinet, veramque justitiam, fieri posse non dubitet*. Illa enim limitatio, & determinatio: *Quod ad pietatem, &c.* non sine causa additur ab August. sed ut restringat sermonem ad opera bona, quæ justitiam apud Deum continent, quæ facile concedere possumus, vel non esse in peccatore, si sermo sit de justitia, ut meritum perfectum includit, vel si aliquo modo sit, esse modo imperfecto, & ita etiam esse ex aliquo imperfecto amore, vel ejus inchoatione, aut pia supernaturali affectione. Unde etiam notari potest, non dixisse Augustinum ibi, sine charitate nullum bonum opus esse, sed *nullum bonum imputari, nec recte bonum vocari*. Utique quoad fructum, & secundum Theologicam existimationem, ut in secundo puncto notavi. Probatio autem, quam affert August. *Quia omne, quod non est ex fide, peccatum est*, habet specialem difficultatem, quam cap. seq. tractabimus, nunc enim licet fateamur, non esse efficacem, nihil præsentis instituto obstat.

Difficilis.

Solutio hæc pro solutione notatio.

11. Sed licet propter hæc testimonia non admittatur illa expositio, videndum est, an phrasis illa, & loquutio de charitate in illo sensu, sit admittenda in aliis locis Augustini, nam in sequentibus sæpe necessitas hujus resolutionis occurrer. Respondeo igitur, nunquam Augustinum vocare charitatem, communem amorem operandi bene propter honestatem cuiuscumque virtutis, siue naturalis sit, siue supernaturalis. Ut hoc probelem, suppono, charitatis nomen, & tribui dilectioni Dei ad nos, & nostri ad Deum, & hic de priori non tractari. Notare autem oportet,

non omnem amorem Dei ad nos, vocari in Scriptura charitatem, sed illum, quo nobis confert supernaturalia bona, vel ad illa nos diligit, ut ad Ephes. 2. *Propter nimiam charitatem suam, quæ dilexit nos, Deus Filium suum misit*. Roman. 3. *Commendat charitatem suam Deus, &c.* & Jerem. 3. *In charitate perpetua dilexite, ideo, &c.* & 1. Joan. 4. cum dixisset, *Deus charitas est*, subdit: *In hoc apparuit charitas Dei in nobis, quoniam Filium suum unigenitum misit*. Et ita nunquam charitas tribuitur Deo respectu irrationalium, sed tantum respectu intellectualium, & maxime hominum, ut legenti Scripturam facile constabit.

Quisnam amor in nobis sit charitas.

12. Simili ergo modo charitas, ut est in homine, non solet in Scriptura significare, præsertim in novo Testamento, nisi dilectionem supernaturalem vel ad Deum, vel ad proximum, ut constat fere ex omnibus Epistolis Pauli: *Charitas DEI diffusa est in cordibus nostris*. Rom. 5. *Major horum est charitas, &c.* 1. Corinth. 13. & sic de aliis. Item ex tota 1. & 2. Epist. Joannis, & 1. Petri 4. ac Prov. 10. *Charitas operit multitudinem peccatorum*. Itaque semper sumitur pro speciali dono, & supernaturali: & ad summum extenditur ad significandum effectum, vel signa hujus dilectionis, ut observationem mandatorum, 1. Joan. 5. *Hæc est charitas Dei, ut mandata ejus custodiamus*. Dixerat autem: *In hoc cognoscimus, quia diligimus natos Dei, cum Deum diligamus, & mandata ejus faciamus*. Sic etiam Joa. 15. dicitur: *Majorem charitatem nemo habet, quam ut, &c.* Ubi martyrium vocari videtur charitas magna tanquam signum, & effectus ejus. Et sic etiam eleemolyna solet vocari charitas, Hebræor. 10. 2. Thessal. 1. & 1. Joa. 3. Sed in his omnibus nota est vulgaris analogia, quæ nomen rei solet tribui effectui, signo, vel imagini ejus, proprie vero charitas supernaturalis, & specialem Dei amorem, vel propter Deum, significat in divina Scriptura.

13. Hinc ergo primam rationem sumo, quia illa acceptio charitatis pro communi dilectione veræ virtutis non est usitata in Scripturis, ubique enim pro dilectione super naturali Dei, aut proximi sumitur, & si aliquando attribuitur observationi præceptorum, vel actibus aliarum virtutum, ex circumstantia luteræ constat, intelligi causaliter, seu imperative, vel tanquam signo, ut est vulgaris, & communis sensus tam Patrum, & interpretum, quam Scholasticorum, & specialiter D. Thomæ 2. 2. quæst. 23. art. 1. juncto 4. Deinde non invenimus, aliquem ex Patribus usum esse nomine charitatis in alia significatione, neque apud antiquos Scholasticos talis distinctio in nomine charitatis invenitur; ergo non est verisimile, August. alicubi esse loquutum de charitate in illa acceptione. Præsertim cum neque alii autores ita August. intellexerint, neque ipse August. alicubi hoc significaverit; imo ubicumque de charitate loquitur, semper adjungat Scripturæ testimonia, quæ de propriissima, & formali Dei, vel proximi dilectione loquuntur, & non de quacumque dilectione, sed de supernaturali, & infusa ut patet libro de Nat. & Grat. c. 42. & 15. de Trin. c. 18. & sæpe alias.

Respondetur jam ad præcedentem difficultatem primo ex ratione.

14. Præcipue vero lib. 3. de Doctr. Christiana cap. 10. sic ait, *Charitatem voco motum animi ad fruendum Deo propter ipsum, & se, atque proximo propter Deum*. Et tamen ibidem dicit: *Scripturam nihil præcipere, nisi charitatem*. Non quia omnia præcepta sint formaliter de charitate, sed quia omnia in charitate radicantur, ut alibi dixit Gregorius. Et tract. 87. in Joan. ait idem August. *Charitas est fructus noster, hæc diligimus Deum, hæc diligimus invicem*. Et infra. *Unde Apostolus Paulus, cum contra opera carnis commendare fructum spiritus vellet, a capite hoc posuit, Fructus (inquit) spiritus est charitas; ac deinde cetera, tanquam ex isto capite exorta, & religata contexit*. Et infra concl. *Merito ergo Magister dilectionem sic sæpe commendat, tanquam sola præcipienda sit, sine qua non possunt prodesse cetera bona, & quæ non potest haberi sine ceteris bonis, quibus homo efficitur bonus*. Ubi adverto, non dixisse, sine qua non possunt esse, sed *non possunt prodesse*, & cum dicit, *Solam charitatem præcipi*: non excludere cetera præcepta, quia exclusivè non excludit concomitantia, sed exaggerare excellentiam charitatis, & virtua-

2. ex ipso August.

Item continentiam omnium, quia ut dicitur Sapient. 6. *Dilectio custodia legum est*. Sic etiam l. 14. de Civ. cap. 7. dicit expresse; in Scriptura dilectionem, seu amorem Dei, & proximi propter Deum charitatem vocari; quæ facit voluntatem bonam, & subdit infra: *Amor inhians habere quod amatur, cupiditas est, id autem habens, eoque fruens letitia, fugiens, quod ei adversatur, timor est, idque si acciderit sentiens, tristitia est*. Quod ideo adverto non esse novum apud August. loquendo de propria, & vera charitate, eam tribuere suis effectibus, non quia illos proprie significet, sed locutione causali, quia in eis virtute continetur.

Exponitur locus Aug. ex l. 1. contra duas ep. Pelag. al. Iacobi a. 6.

15. Unde non erit, ut opinor, difficile, inde ostendere, nullum esse apud Augustinum locum, ubi nomine charitatis in illa alia significatione utatur. Nam in primis in illo cap. 9. lib. 1. contra duas epistol. Pelagianorum, non utitur nomine *charitatis*, seu *dilectionis*, & *delectationis* *justitiæ*, & *voluntatis beneficiendi*, &c. Quam distinguit a voluntate faciendi opus de se bonum, & præceptum, ex timore servili, & serviliter (ut ajunt) qualis est, quando non fieret præceptum, si posset impune. Ideoque facile concedi posset, illum amorem justitiæ esse generalem affectum iustitiæ, prout est universalis virtus, ut propter ipsam iustitiam, & honestatem. Illa vero voluntas esse potest in peccatore, ut videtur esse actus in substantia naturalis, de se non pertinens ad specialem virtutem, si abstracte sumatur. Si autem sit particularis affectio ad honestatem huius, vel illius virtutis, ad specialem virtutem pertinebit, & tunc solum erit proprius charitatis, quando bonitas divina fuerit immediata ratio movens ad talem affectum, seu dilectionem. Unde posset etiam ille amor justitiæ intelligi de affectu ad justitiam infusam, quæ consistit in amicitia cum Deo, quæ est charitas, juxta vulgarem sententiam August. *Inchoata charitas, inchoata justitia est*, &c. de Natur. & Grat. c. 70. Et ita videtur exponere hunc amorem justitiæ idem August. libr. de Spirit. & Litter. cap. 32. dicens; illi, qui sub lege sunt, & timore pænæ justitiam suam facere conantur, non faciunt Dei justitiam, quia charitas ea facit, qua non libet, nisi quod licet: Et in fine capituli addit: *Hanc esse charitatem, per quam fides operatur, & quam Deus diffundit in cordibus*. Sic ergo ille amor justitiæ erit vera charitas, quia ipsa charitas se ipsa diligit, si perfecte diligitur, juxta doctrinam D. Thom. 2. 2. qu. 35. art. 3. ubi etiam addit, omnes virtutes posse ex charitate diligi, ut sunt aliquo modo bonum divinum & in Dei gloriam redundant. Sic ergo amor justitiæ erit charitas, quia est quidam Dei amor; talis autem amor proprie, ac formaliter sumptus non est necessarius ad bene operandum, ut infra contra Gregorium ostendemus.

Exponitur locus alter ex l. 1. ejusdem August. ad Justinum.

19. In altero vero cap. 9. lib. 2. contra easdem epistol. expresse dicit Augustinus: *Cupiditatem boni esse bonam*, & subdit probationem dicens: *Quid enim est boni cupiditas, nisi charitas?* Boni autem cupiditas non videtur esse aliud, quam intentio boni honesti, seu desiderium recte operandi, & hanc vocat Augustinus charitatem. Sed in primis dico Augustinum ibi etiam loqui de propria, & specifica charitate infusa, loquitur enim de illa, de qua Joannes 1. canonic. c. 4. (quem allegat) dicit: *Charitas ex Deo est*, de qua statim subdit: *Et omnis, qui diligit, ex Deo natus est*. Quod non convenit, nisi dilectioni infusæ, ac perfectæ ipsius Dei. Unde nihil vetat, quominus per cupiditatem boni ibi intelligamus cupiditatem summi boni, quod est DEUS, & talis cupiditas recte dicitur charitas, quia cum Deus amatur ardentius, tunc certo, & constantius gradum in optimam vitam, & beatissimam pergitur, ut idem August. dixit lib. de Morib. Eccl. c. 14. Et explicari potest ex his, quæ ibidem cap. 25. addit. *Summum bonum appetere est bene vivere, & nihil est aliud bene vivere, quam toto corde, tota anima, tota mente Deum diligere*. Sic ergo boni cupiditas idem est, quod summi boni appetitio, per quam super omnia amatur, & hoc modo talis boni cupiditas proprie dicitur charitas. Præterea si boni cupiditas latius sumatur pro cupiditate boni honesti, sic non dicitur illa cupiditas esse charitas, quia illa affectio universalis

sit propria charitas, quasi formaliter, & adæquate; sed quia in ipsa charitate per excellentiam, & antonomasiam invenitur illa affectio, & cupiditas boni. Et quia charitas ipsa est virtualis affectio, ad omne verum bonum honestum, & radix ejus. Nam sicut in aliis locis dicit, solam charitatem præcipi, & non excludit alia, ita hic, licet charitatem nominet, non excludit alios actus concupiscendi bonum, sed illum ponit ut fundamentum omnium, & inter omnia eminentem.

17. Quod vero inferius ait Augustinus: *Quando incipit fieri bonum non amore justitiæ, sed timore pænæ, nondum fieri bene*. Facillimum est, quocumque modo ex supra dictis ibi sumat amorem justitiæ, sive universaliter pro amore honesti, sive per antonomasiam pro amore justitiæ apud Deum, quæ est charitas. Nam aperte loquitur de timore omnino servili, qui non excludit pravum affectum voluntatis, & ita non sufficit ad bene operandum. Si autem loquamur de timore pænæ moderato, & honesto, ille sine dubio sufficit ad bene moraliter operandum, licet non ad bene, id est, perfecte, & meritorie per se, & quasi propria virtute. Ad alium denique locum ex libro de Spirit. & Litter. jam responsum est, & ostensum, ibi etiam loqui Augustinum de vera, & singulari charitate infusa, & merito illi tribuere affectum justitiæ, quia loquitur de justitia perfecta, & apud Deum, ut explicatum est. Alia vero difficultas restabat circa hæc loca Augustini, quia videtur omnia opera humana quasi adæquate dividere in ea, quæ sunt ex amore justitiæ, vel timore pænæ omnino servili, seu in ea, quæ sunt ex propria charitate, & ex inordinata concupiscentia, cum tamen hæc non sint adæquate. Sed de hoc puncto dicemus melius in c. 7.

Pars altera loci explicatur.

C A P U T VI.

Utrum gratia fidei sit necessaria ad quodlibet opus moraliter bonum, etiam ordinis naturalis faciendum?

I. DE necessitate fidei ad opera supernaturalis ordinis in lib. seq. dicturi sumus, quia vero etiam ad opera moraliter tantum bona ab aliquibus reputata est fides necessaria, saltem mortua, licet viva necessaria non sit, ideo quæstionem hanc proponimus, quæ in re coincidit cum alia, quæ in materia de fide tractari solet, scilicet an omnia opera infidelium sint peccaminosa; illius tamen fundamentum proprium est hujus materie, & ejus solutio necessaria ad sequentia, & ideo hic expedienda est. Duo ergo genera infidelium distinguere possumus, unum cognoscentium, & colentium unum verum Deum per lumen naturæ, vel traditione humana cognitum, ut sunt pagani, & poterunt esse aliqui naturales Philosophi, & in hoc ordine Judæos, & hæreticos numeramus; aliud ignorantium verum DEUM, & vel idola colentium, ut gentes, vel nullum cultum Religionis habentes, ut Athei. Juxta hæc ergo duo genera infidelium duplex fuit in hoc puncto sententia.

Consultatur auctor in tractatu de fide.

2. Prima est, nullum infidelem etiam cognoscentem Deum, posse actum bonum efficere, sive per vires naturæ, sive per auxilium gratiæ. Hæc sententia tribuitur Linconienti in sermone quodam de Adventu, quem videre non potui. Ex Scholasticis vero nullus tam generaliter loquutus est, præter Michaëlem Bajam, cuius 26. propositio fuit: *Omnia opera infidelium sunt peccata, & virtutes Philosophorum sunt vitia*. Lutherus autem, & sequaces a fortiori hoc dicunt, cum de fidelibus, imo & iustis id asserant. Fundari potest in illo Pauli Romanor. 14. *Omne, quod non est ex fide, peccatum est*. Quod de fide Theologica virtute, & de omni opere facto ab homine, illam non habente, sæpe intelligit Augustinus, cuius sententiam, & aliorum, qui illum sequuti sunt, capite sequenti expendemus. Citatur etiam pro hac sententia, & expositione Gregor. Nissen. libr. de Perfecti hominis Christiani forma. Sed in eo, quo utor, non inveni librum sub hoc titulo, sed tantum Epistolam Harmonium sub titulo, quid nomen, vel professio Christiana sibi velit,

1. Sent. Hæreticorum, & aliorum, &c.

lit, ubi nihil de hoc dicit. Additur præterea illud ad Titum 1. *Infidelibus nihil est mundum*. Et ad Hebr. 11. *Sine fide impossibile est placere Deo*; ergo nec bonum opus est, quia si opus esset bonum, placeret Deo.

3. Rationem pro hac sententia tam late sumpta, nullam fere invenio, quæ in homine infideli agnoscent e Deum locum habeat, & non in fideli peccatore: nisi fortasse, quod infidelis non potest ullo modo diligere DEUM propter seipsum, fidelis autem peccator potest aliquo modo diligere DEUM propter se, saltem amore affectivo imperfecto, quod satis est, ut referat suum opus in Deum modo sufficiente ad bonitatem morale operis; infidelis autem id non possit. Alia item ratio posset excogitari, si quis diceret, Deum ratione fidei preparare fidelibus etiam peccatoribus auxilia, seu cogitationes congruas ad bene operandum, quas non præparat infideli, quamdiu fide caret.

4. Secunda sententia distinguit infideles agnoscentes, & ignorantes Deum, duoque affirmat. Unum est infideles cognoscentes DEUM posse habere opera moraliter bona, saltem ex aliquo speciali auxilio Dei. Aliud est, infideles omnino ignorantes verum Deum, nullum opus morale omni ex parte bonum facere posse. Hæc fuit sententia Gregorii, in secunda dist. 39. quæst. 1. art. 2. corol. 3. cujus primum dictum nos libenter admittimus, quod infra probabimus. Secundum autem probatur ab eodem Gregorio, quia sine intentione bona non est opus bonum, & multo minus cum mala; sed in huiusmodi infideli non potest esse intentio bona; imo semper est mala; ergo & operatio semper est mala. Major constat ex illo Luc. 11. *Si oculus tuus fuerit simplex, totum corpus tuum lucidum erit, si autem nequam fuerit, etiam corpus tuum tenebrosum erit*. Ubi nomine oculi intentio significatur, ut omnes exponunt. Et ratio est, quia in moralibus finis dat speciem actui, & consequenter etiam bonitatem, & malitiam, ut Greg. supra late probat concl. 2. & nos nunc ut clarum, & verissimum supponimus ex 1. 2.

15. Probatur ergo minor quoad priorem partem, quia bonus requisitus ad bonitatem actus moralis non solum debet esse proximus, sed etiam ultimus, imo hic potissime, quia est causa prima in illo genere, & ideo maxime influit juxta doctrinam D. Thom. 1. 2. quæst. 1. art. 4. & 5. Sed infidelis ignorans Deum, non potest habere ipsum pro ultimo fine; ergo nec potest habere in suis operibus bonum ultimum finem. Consequentia clara est, quia ultimus finis honestus hominis tantum est Deus: nam summa perversitas est, finem ultimum in creaturis constituere, quia creaturis utendum est, non fruendum, ut sæpe docet August. de Doctrina Christiana lib. 1. cap. 4. 5. & 22. & lib. 9. de Trinit. cap. 8. & lib. 83. quæst. 30. & lib. 11. de Civit. cap. 25. Minor autem probatur, quia infidelis ignorans Deum, non potest aliquod opus suum referre in Deum tanquam in finem, quia intentio, seu relatio in finem supponit cognitionem. Ex qua probatione obiter constat, Gregorium loqui de relatione in finem facta per proprium actum ipsius operantis, sive relatio illa fiat per actum, qui simul sit cum opere relato, quæ solet dici relatio formalis, sive per præcedentem, quæ solet dici relatio virtualis, & in hoc sensu intelligit, quod in Majori sumit, relationem in ultimum finem bonum, esse necessariam ad bonitatem operationis. Quæ potest in eodem sensu suaderi, tum ex doctrina Augustini in locis proxime citatis, quia quoties aliquid amatur propter se, ita ut neutro modo ex dictis referatur in alium ulteriorem finem, eo ipso amatur ut finis ultimus, quia in eo sistit intentio operantis, & non ultra tendit, sed hoc modo amare creaturam, perversum est; nam est illa frui. Item quia est illi attribuere, quod est proprium Dei: solus enim Deus est ultimus finis verus, sicut solus est prima causa. Item quia alias liceret amare famam, divitias, & voluptates propter se, & non referendo illas in alium finem meliorem, quod est omnino falsum. Sequela vero patet, quia magis distat quælibet creatura a Deo, quam illa bona fortunæ distent a bonis honestis creatis; ergo si licet bona creata honesta propter se diligere, non referendo illa in Deum, licebit quodlibet bonum creatum diligere.

propter se, non referendo illud in aliud bonum creatum.

6. Nihilominus dicendum est primo. Ad bene operandum moraliter, & secundum rectam rationem sine ulla prava circumstantia, non est simpliciter necessaria fides, ideoque infideles bene possunt interdum bene moraliter operari. Hæc est communis sententia Theologorum, & certa. Divi Thomæ 2. 2. quæstione 10. articul. quarto, ibi Cajetani, & omnium, Magistri in 2. dist. 41. ubi Scolastici, Marfil. 1. quæst. 20. art. 3. Capr. in 2. dist. 28. quæst. 1. artic. 3. ad 8. cont. 2. conclus. Ubi idem admittit Gregor. quæst. 1. art. 3. ad 9. Soto lib. 1. de Nat. & Grat. cap. 19. & 20. Vega lib. 6. in Trident. cap. 11. & latius cap. 40. Probaturque potest ex doctrina Pontificum contra Bajum, nam licet solum damnet affirmativam propositionem: *Omnia infidelium opera sunt peccata*, tamen loquuntur in eodem sensu in quo supra explicui Concilium Tridentinum, nam est eadem ratio. Deinde probari potest ex Scriptura exemplo Centurionis, cujus elemosyna Deo placebant, antequam esset fidelis, ut Chrysostomus, Theophylactus, & Oecumenus capit. 3. citati exponunt. Verumtamen exemplum non probat, quia longe verius est, ut supra dixi, Cornelium tunc fuisse fidelem: valet tamen argumentum ad probandam assertionem testimonio dictorum Patrum, supponunt enim fieri potuisse, ut illa opera essent bona, & Deo placencia, etiam si ante fidem essent facta. Item ad Roman. 1. dicitur, Philosophos fuisse inexcusabiles non servantes legem naturæ, unde fit, potuisse aliquid boni sine fide facere, ut late deducit Fulgentius lib. de Incarn. & grat. cap. 26. Loquitur tamen de cognoscentibus Deum. Et hoc modo posset afferri exemplum de obstetricibus, Exod. 1. quæ ex pietate, & timore Dei reservarunt infantes Hebræorum, quorum opus in hoc bonum fuisse, sentit Gregor. lib. 18. Moral. cap. 2. & D. Th. 1. 2. qu. 114. art. 10. ad 2. & 2. 2. qu. 110. art. 3. ad 2. Et licet dicatur de illis sceminis, timuisse Deum, non constat, fuisse fideles; imo potius verisimile est, fuisse idololatrias, sicut erant Ægyptii & coluisse plures Deos, licet forte aliquo modo unum creatorem cognoscerent, vel ex conversatione cum Hebræis, vel ex motione interna Dei; qui horrorem eis immisit tanti facinoris, & timorem mortis, si illud committerent, ut Abulensis conjectat. Et licet hoc sit incertum, nam fieri potuit; ut vere crederent in Deum; tamen nihil etiam repugnat ita accidisse, ut sine fide vera illud bonum opus facerent, propter quod temporale præmium a Deo receperunt, ut Scriptura significat.

7. Simile exemplum est de facto Rahab recipientis exploratores. Nam licet Paulus Hebræ. undecimo illam numeret inter credentes, dicens: *Fide Rahab meretrix non perivit cum incredulis, excipiens exploratores cum pace*. Nihilominus verisimile est; quod ait D. Tho. Matth. 1. illam fuisse idololatram, quando accepit exploratores, & postea per eos divina gratia adjutam credidisse. Prius ergo bonum opus vel hospitalitatis, vel defensionis innocentum operari potuit, quam fidem conciperet. Præterea Daniel consilium dedit Nabuchodonosor, ut elemosynis redimeret peccata sua, Daniel. 4. Et licet verisimile sit, illum jam concepisse fidem Dei, ut ex cap. 3. in fine colligitur: fieri nihilominus potuit, ut illa non esset firma, & infusa fides, sed aliqualis opinio, & hac suppositione data, adhuc consilium Danielis erat optimum, & supposebat, tales elemosynas potuisse honeste fieri. Imo & ita accidisse, sentit Author Imperfecti homil. 26. in Matth. in fine dicens: *Si Rex ille idolorum cultor poterat elemosynis peccata redimere, cui non profuit elemosyna?*

8. Unde possumus generale argumentum facere, nam pagani, & hæretici, qui sine vera fide Deum cognoscunt, recte, & sancte consulere possumus, ut a Deo lumen veritatis postulent, & ut elemosynas faciant, ut a Deo misericordiam impetrent. Item isti infideles incitari recte possunt, & debent, ut parentes honorent, iustitiam faciant, & alia præcepta naturalia servent; ergo possunt illa honeste facere, alias ad malum inducerentur. Denique sicut peccatores fi-

1. Afferretur vera sententia, & Theologorum communis.

Probatur ex doctrina Pontificis

2. Probatur ex Scriptura exemplo Centurionis.

Et exemplo Rahab.

Probatur ex ratione.

Rationes quæ excogitari possent pro prædicta sententia.

2. Sententia Gregor. cit.

1. dictum libenter admittitur.

2. vero probat ipse Gregor.

Prosequitur probanda Gregor.

deles ordinarie non excitantur immediate, & subito ad veram contritionem, sed paulatim per dispositiones remotas, ita & infideles non immediate, & subito moventur ad voluntatem credendi efficacem, quæ statim impetret actum fidei infuse, sed paulatim etiam per dispositiones remotas trahuntur ad fidem per aliqua opera libera intellectus, & voluntatis, ut per aliquam persuasionem de Deo, & de animæ immortalitate, per piamque affectionem ad honestatem, & pietatem, &c. ergo sicut necessarium est in peccatore fidei, ut possit bonus actus efficere, quibus paulatim disponatur, ita suo modo in his infidelibus, etiam si tales actus fiant per gratiam auxiliantem, nunc enim abstracte loquimur de bonis actibus, quocumque auxilio fiant: ratio vero a priori est, quia fides non est circumstantia boni operis moralis, nec cognitio ejus est necessaria ad proponendum objectum talis operis, vel finem honestum ejus, quia non oportet, ut objectum moralis operis sit supernaturale, nec supernaturaliter cognitum. Quæ est enim hæc necessitas? Et hoc ex sequenti assertione evidentius fiet, ubi etiam ex Patribus illam confirmabimus.

9. Dico secundo. Non solum sine fide, sed etiam sine Dei veri cognitione potest infidelis bonum aliquem moralem actum perficere sine ulla circumstantia mala, licet raro fortasse id faciat. Hæc sententia minus certa est, quam præcedens, quia neque ex Scriptura aliquid de hoc certum habemus, neque in Conciliis. Nam Trid. sess. 6. canon. 7. solum damnat dicentes, omnia opera, quæ ante justificationem fiunt, esse peccata. Ubi per justificationem sine dubio non intelligitur totum cursum justificationis a prima vocatione, usque ad gratiæ sanctificationis infusionem, quia de tempore ante vocationem nunquam Concilium tractavit, nec erat necessarium ad doctrinam fidei, sed tantum docuit in c. 5. exordium justificationis a vocatione sumendum esse, & postea c. 7. nullam mentionem facit operum ante vocationem ad fidem, sed tantum dixit: *Disponuntur autem ad ipsam justitiam, dum excitati, & adiuti fidem ex aquâ concipientes, libere moventur in Deum credentes*, &c. Deinde licet Pius, & Greg. damnent universalem propositionem Baii: *Omnia infidelium opera esse peccata*: Subsistere potest doctrina Pontificum, etiam si isti infideles ignorantes Deum, nullum bonum opus facere possent, quia ut illa universalis assertio falsa sit in quocumque gradu, satis est, quod in eodem gradu sit verum, infideles cognoscentes Deum, posse sine peccato operari, vel clarius loquendo, posse aliqua bona operari.

10. Solet autem hæc assertio suaderi ex Genes. 12. ubi Pharaon restituit Abraham uxorem suam, quod fuit bonum opus ex dictamine rationis naturalis, ut sentit Ambros. l. 6. de Abraham, c. 2. tamen locus non cogit, nam idem Ambros. significat, non caruisse Pharaonem aliqua cognitione, & timore Dei. Adduci etiam solet factum quorundam Gentilium, de quibus dicitur 2. Reg. 17. obrulisse David, & sociis ejus frumentum, & alia necessaria ex pietate naturali, ut indicant illa verba: *Suspicati enim sunt, populum fame, & siti fatigari in deserto*. Deinde faciunt generalia verba Pauli ad Roman. 2. *Gentes, quæ legem non habent, naturaliter ea, quæ legibus sunt, faciunt*. Nam multi ea extendunt etiam ad idololatrias verum Deum ignorantes, ut Origen. lib. 2. ibi. Chrysost. hom. 5. & Græci. Item Hier. ibi, & multi alii. Et quamvis nonnulli expositionem non admittant quoad Pauli sensum, doctrinam tamen non negant.

11. Pro eadem sententia referri potest Gregorius Nazianz. orat. 28. post suum reditum, quatenus ibi dicit, homines fide carentes interdum propter hominum gloriam, interdum *ductu naturæ virtutem operari*: nam in his posterioribus verbis videtur plane virtutem sine malo sine agnoscere, nam ductus naturæ non est mala circumstantia operis. Sicut alter Greg. dixit hom. 27. in Evang. *Sunt nonnulli, qui proximos diligunt propter affectum cognationis, & carnis, quibus in hoc sacra eloquia non contradicunt; sed aliud est, quod sponte impenditur natura, aliud, quod ex charitate*. Quasi dicat, illud opus prius malum non esse, sed bonum, licet sit minus perfectum. Et uterque indifferenter lo-

quitur de hominibus, in quibus tales affectus esse possunt, sive fidem habeant, sive non, & sive Deum cognoscant, sive ignorent. Et eodem modo accipiendum est, quod dixit Chrys. hom. 67. ad popul. initio: *Nec malus potest omnino malus esse, sed evenit, ut & aliquid habeat boni*, utique operis: nam subdit: *Neque bonus esse omnino, sed & nonnulla solet habere peccata*. Et infra ait, malum hic accipere illorum paucorum bonorum retributionem.

12. Præterea idem Chrys. hom. de Fide, & lege naturæ, & Spiritu S. circa principium: *Offendes* (inquit) *multos, qui quamvis sermonem veritatis non acceperint, & foris sint, operibus tamen pietatis (ut apparet) sunt conspicui, inveniunt viros misericordes, compatiētes, justitiam vacantes: sed nullos facientes fructus operum, quia nesciunt opus veritatis*. Nam & hæc sunt opera bona. At necessarium est, ut precedat opus summum. Per quod intelligitur opus fidei, utique vivæ, ut statim exponit. Quia vero ibi addit Chrys. *Nihil, extra fidem, bonum, solet hic locus in contrarium citari*. Sed immerito, iam enim supra explicuit per opera bona intelligere bona fructifera: nam de operibus infidelium dixerat: *Non facere fructum*, utique spirituale: unde etiam subiungit: *Similes mihi videntur, qui operibus bonis florent, & Deum pietatis ignorant, reliquii mortuorum, pulchre quidem indutis, sensum autem pulchrorum non habentibus*. Quæ enim utilitas animæ mortuæ, Deo quidem mortuæ fide, & ratione bonis autem operibus vestite? Et ex sequentibus est hic sensus evidentior. Sic etiam Author Imperfecti in Matt. hom. 26. *Gentiles* (ait) *humanitatis causa recipiunt peregrinos, licet non propter Christum*. Et infra dicit, infidelem interdum operari bonum, cuius præmium hic accipit, non in alia vita. *Quia naturali bono motus fecit bonum, non propter Deum*. Quæ sunt optima verba contra Gregorium. Hieron. etiam ad Galat. 1. non longe a fine ait: *Multi absque fide, & Evangelio Christi, vel sapienter faciunt aliqua, vel sancte, ut parentibus obsequantur, ut inopi manum porrigant, non opprimant vicinos, non aliena diripiunt*. Videri tamen potest loqui de cognoscentibus Deum, quia prius dixerat: *Natura omnibus Dei inesse notitiam*. Sed re verâ generaliter loquitur etiam de illis: *Qui non credunt in eo, sine quo esse non possunt*, ut infra dicit, & exempla, quæ adducit, plane in omnibus locum habent: unde cum ait: *Omnibus in esse notitiam Dei natura*, si de vero Deo intelligatur, potentiam potius dicit, quam actum: nam constat, non omnes homines habere veri Dei cognitionem, & c. 5. ait: *Quomodo fides sine operibus mortua est, sic absque fide quamvis bona opera sint mortua computantur*. Idem affirmat Ezech. 29. in fine, ubi de omnibus infidelibus, aliqua ex parte legem naturalem implentibus loquitur.

13. Ratione potest inprimis hæc sententia probari a posteriori eodem modo, quo præcedens, quia alias nunquam posset gentilis ignorans Deum, induci ad aliquid operandum, etiam in ordine ad fidem consequendam, quia semper induceretur ad malum. A priori vero evidens ratio est, quia homo habens perfectum usum rationis naturalis, etiam si omnino Deum ignoret, potest operari aliquid bonum ex genere, ut dare elemosynam, obedire parentibus, &c. sed non necessario apponit malam circumstantiam, vel caret necessaria circumstantia ad bonitatem operis; ergo potest facere opus simpliciter bonum. Consequentia, & Major sunt notæ. Probatur ergo Minor quoad priorem partem, quia cum homo sit liber, nihil est, quod illum cogat ad circumstantiam pravam actui de se bono adiungendam. Præsertim si a Deo aliquo modo iuvetur, ut id non faciat, nunc enim abstracte loquimur de infideli operante, sive cum solo concursu generali, sive cum aliquo speciali; ergo absolute loquendo, potest talis homo operari honeste, non addendo pravam circumstantiam. Deinde inductione ostenditur, quia de nulla circumstantia prava in particulari id potest cum probabilitate affirmari, ut facile posset per singulas discurrendo ostendi. Sed quia de cæteris res est clara, id solum probatur de circumstantia personæ operantis, & de fine: nam si aliqua mala circumstantia esset necessaria, maxime altera ex his, nam de aliis nulla ratio dubitandi occur-

Assert. 9. Excluditur pro: habiones aliquot quæ pro eo assertio possent.

Quæ solent ant pro assertio ne adduci ex Scripturæ.

Quæ ex Scriptis.

Ratione tandem probatur assertio a posteriori inprimis. Deinde a priori.

Opus ex ratione naturali factum, non necessario vitatur ex circumstantia.

currit. De persona ergo operante patet; quia si ex parte illius daretur mala circumstantia, maxime quia est infidelis, & infidelitas est magna deformitas: at hæc conditio personæ operantis non est necessaria circumstantia operationis ejus, sed tantum concomitanter se habet, quia licet sit infidelis, non operatur ut infidelis, neque ex aliquo errore, sed ut naturali ratione utens. Sicut de peccatore fidei dicendum etiam est, licet malitiam habitualis peccati habeat, illam non esse circumstantiam boni actus, quia nullo modo in illum influit. Ex hoc capit. non datur necessario mala circumstantia.

Neque ne-
cessario
vitatur
ex fine.

14. Et hinc facile etiam probatur altera pars de fine, quia licet aliquis sit infidelis, non necessario refert actum ad finem infidelitatis, ut recte dixit D. Th. supra, sumens argumentum a contrario. Nam fidelis non necessario refert omnem actum suum ad finem fidei: ergo neque infidelis ad finem infidelitatis. Et declaratur amplius: nam licet infidelis sit idololatra, fieri potest, ut nullum habuerit actum universalem, quo retulerit omnia in idolum, nam hic actus liber est, & nihil est, quod necessiter gentilem ad habendum illum. Quin etiam fieri potest, ut non diligat idolum super omnia, sed modo imperfecto, & humano, vel tantum ex aliquo timore illum colat, vel etiam fieri potest, ut sit in alio peccato mortali, quo aliquam creaturam diligat plus, quam verum Deum, & plusquam idolum: ergo tunc non referet omnia sua opera in idolum, nec etiam referet in objectum talis peccati, quia non formaliter illud diligit super omnia, sed tantum impurative, neque habuit unquam formalem actum, quo omnia sua opera in illud retulerit. Sicut fidelis peccator licet conversus sit ad creaturam, non tamen omnia propter illam operatur, neque tamen talem relationem unquam habuit, & ideo operari potest sine formali, vel virtuali relatione ad objectum sui peccati: idem ergo est de infideli, in quo talis relatio non præcessit. Verumtamen etiam si præcesserit, non satis est, quia præcedens relatio universalis in aliquem finem non dat circumstantiam sequenti operi, nisi influat in illud per moralem aliquam connexionem cum illo, ita ut actio præsens pendeat aliquo modo ex fine præcedentis relationis; nam si non pender ab illo fine: ergo ille finis non est causa ejus: ergo non est finis: ergo non est circumstantia: ergo non dat malitiam præsentī actui, quantumvis finis ipse in se malus sit, quia in actum non influit. Necessaria est ergo connexio per virtutem aliquam relictam in aliqua intermedia motione, ut ex 1. 2. suppono, & in 3. to. 3. p. disp. 13. sect. 3. id breviter attingi. In præsentī autem licet talis relatio universalis præcesserit, fieri potest, ut nulla ejus memoria postea occurrat, nec maneat aliquis affectus ejus, in cuius virtute, vel ex cuius motione fiat; ergo fieri potest actus, cuius ille malus finis circumstantia non sit. Sicut iustus, qui prius retulit omnia opera sua in Deum, cum postea venialiter peccat, nullo modo ex vi prioris intentionis operatur; ergo non repugnat, infidelem habere actum bonum, cui circumstantiam pravam positive (ut sic dicam) non adjungat.

Prosecutio
infirmi
sui super
prioris.

15. Quod vero possit etiam talis actus fieri sine omissione circumstantiæ alicujus bonæ, & absolutam honestatem actus necessariam, probatur, quia si actus sit ex objecto bonus, potest etiam propter honestatem ejusdem objecti fieri; ergo si non referatur ad extrinsecum finem pravum, eo ipso habet intrinsecum finem bonum, & honestum: ergo ex parte finis non caret aliqua honesta, & debita circumstantia: sed ex aliis circumstantiis nulla fingi potest necessaria ad honestatem actus, & quæ illi necessario desit: ergo nulla est ratio cogitandi talem malitiam in tali actu ex defectu honestæ circumstantiæ necessariæ. Prima pars antecedens, per se manifesta est, quia honestas objecti est bonitas sufficiens ad movendam voluntatem. Unde si actu consideretur, ut per naturalem rationem fieri potest, poterit etiam voluntas libera propter illam moveri ad operandum, & tunc objectum illud dicitur finis intrinsecus operis, quia per se movet ad sui amorem, & non ex ordinatione ad alium finem, & ita formaliter propter se diligitur, & non propter aliud. Prima vero consequentia, in qua sola est difficultas probatur, quia species actus, quæ sumitur ex objecto honesto, seu sine intrinseco, quatenus honestus est, species est honesta, & veræ virtutis moralis, ut ex 1. 2. suppono, & sumitur ex Arist. 1. 2. ethic. c. 4. & aliunde nullum est

Suarez Tom. VI.

præceptum referendi omne tale bonum in alium finem meliorem, seu altiore, etiam ultimum, quia nulla ratione, vel testimonio ostendi potest tale præceptum: quia relatio formalis, seu actualis necessaria non est, ut Gregorius fatetur: nec de virtuali datum est præceptum, præter præceptum diligendi Deum super omnia, quod non obligat pro semper, & ideo prius quam per proprium actum impleatur, potest aliud opus fieri, quod ex objecto bonum sit, & neque amori sit contrarium, nec per illum referatur, quia non præcesserit; vel certe licet præcesserit, & per illum actum fuerit impletum naturale præceptum: potest nihilominus talis actus postea non influere in bonum opus subsequens, & ita nihil ad bonitatem ejus conferre. Confirmatur etiam ab inconvenienti, quia alias etiam fideles, & iusti frequenter peccarent ex defectu talis relationis, quod est absurdum, & sine majori probatione non est admittendum: & ex responsione ad argumenta Greg. hoc magis constabit. Igitur ex parte finis non caret talis actus aliqua circumstantia necessaria ad absolutam bonitatem moralem. De aliis vero circumstantiis res est clara, & non indiget probatione, quia nec Gregorius, nec aliquis catholicus de illis dubitat: contra hæreticos vero dicentes deesse circumstantiam necessariam integritatis naturæ, jam satis dictum est, nam est merum commentum sine fundamento.

16. Superest, ut argumentis aliarum opinionum respondeamus, & in priori proponebantur imprimis verba Pauli, *Omne, quod non est ex fide, peccatum est*. Circa quæ (omitto sensum Augustini: nam de illius sententia in sequenti capite dicam) duo explicanda sunt, unum est, quid ibi significet *fides*, aliud est, quid sit: *Non esse aliquid ex fide*. De utraque enim parte duæ sunt expositiones. Prior intelligit vocem *fides*, de propria fide, seu credulitate, negationem autem intelligit, non mere negative, sed contrarie, id est, quod repugnat fidei, vel quod ex infidelitate nascitur, peccatum est. Quem sensum videtur ibi probare Hieron. & D. Thom. non improbat. Et in eo testimonio illud nihil obstat nostre sententiæ; quia infidelis etiam si negative non operetur ex fide Christiana, potest non operari contra fidem, ut quando dat eleemosynam. Expositio tamen non quadrat intentioni Pauli, ut statim dicam. Et assertio ipsa limitatione indiget: quia aliquid potest fieri in se quidem fidei contrarium, quod si ignoranter fiat, peccatum non sit, ut si infidelis invincibiliter putet, usuram, vel fornicationem non esse malam, & putet, sine peccato fieri posse, aliquid quidem ager contra documenta, seu præcepta fidei, & tamen non peccabit. Oportet ergo intelligi, vel quia opus a fide dissonans in se peccatum est, sive imputetur operanti, sive propter ignorantiam non imputetur: vel quia sermo est de opere repugnantæ fidei ipsius operantis, & cognoscentis per fidem, opus esse contrarium divinis mandatis. At vero Cajet. ibi intelligens locum Pauli negative ut sonat, & de propria fide, restringit sermonem ad opera fidelium, & quæ debent per fidem regulari, quia materia subiecta talis erat: & sic etiam sententia est vera, quia opera, quæ ex fide pendent, ex illa regulari debent, quia si non ita fiant, non possunt recte fieri, tamen non est ad mentem Pauli, ut constabit.

17. Alia ergo, & vera expositio est, ut fides ibi non credulitate tantum, sed dictamen conscientie significet. Hanc enim esse Pauli mentem, ex discursu capitis facile intelliget, qui illud attente legerit. Nam in toto illo agit de modo sequendi dictamen conscientie sine lapsu proprio, & sine aliorum offensione, sumpta occasione a controversia, quæ tunc etiam inter Judæos, & gentes ad fidem conversos circa legalium observationem, præsertim in usu ciborum prohibitorum in lege veteri: unde in principio sic incipit: *Infirmum in fide assumite, non cum disceptationibus cogitationum*: ubi *infirmum in fide*, videtur vocare Judæum jam credentem in Christum, nondum tamen satis instructum de cessatione legis, qui dici potest infirmus in doctrina fidei, vel quia aliquid in ea ignorabat, vel quia per errorem habebat timorem, vel scrupulum conscientie, quia putabat, sibi non licere, quod jam non erat sibi prohibitum. Et de illo sic infirmo subdit Paul. *Qui infirmus est, olus manducet*: id est, abstineat juxta legem, unde consequenter dicit infirmus: *Scio, & confido in Domino Jesu, quia*

Ad 1. ecc
testimonium
adductum
nu. 2. ex
Rom. 14.

Relictæ
expositio

Vera ex
positio, si-
dei, id est,
conscien-
tie dicta-
men.

nihil commune, (id est, prohibitum, vel immundum) per ipsum, nisi ei, qui existimat, quid commune esse, illi commune est. Et postea monens Christianos gentiles, qui sciebant, & credebant, legem jam non obligasse, ut sua bona conscientia uterentur, sine offendiculo infirmorum fratrum, adjungit, *Omnia quidem sunt munda, sed malum est homini, qui per offendiculum manducat*. Ac tandem pro gentibus concludi: *Tu fidem habes; penes te metipsum habere coram Deo*. Pro Judæis vero: *Qui autem discernit* (id est, quosdam cibos reputat mundos, & alios immundos) *si manducaverit* (utique immundos) *damnatus est, quia non ex fide*: id est, non secundum conscientiam: & tunc subjungit: *Omne autem, quod non est ex fide, peccatum est*. Constat ergo nomine fidei conscientiam significasse: & significatio derivata est ex illa, qua fides pro fidelitate sumitur: nam operari contra conscientiam, videtur esse infidelitas quedam moralis, seu practicum mendacium, & e converso qui secundum conscientiam operatur, fideliter, & veraciter se gerit. Atque hoc modo altera particula *non ex fide*, non solum contrarie, sed etiam negative, ut sonat, accipi potest, quia tenemur non solum non agere contra conscientiam, sed etiam non operari, nisi ex certa conscientia, unde qui sine illa, vel cum conscientia dubia operatur, eo ipso male agit, propter periculum, cui se exponit. Et hæc expositio communior est Patrum, præsertim Chrysostomi, & Græcorum in Paul. & Ansel. & habetur etiam in Commentariis Ambrosii, & magis probat eam D. Thom.

18. Ad secundum testimonium ex Ep. ad Tit. 1. respondetur, Paulum loqui de operibus, quæ infideles, ut infideles sunt, operantur. Dixerat enim, fideles non debere intendere fabulis, & mandatis hominum aversantium se a veritate. Quod clare intelligit, quando mandata ex tali errore procedunt, nam statim capit. 3. admonet fideles omnes obedire Principibus, & Potestatibus, licet tunc essent infideles, ut statim indicat, & ad Roman. 13. Item Petrus 1. epist. capit. 2. servis præcipit obedire Dominis, etiam discoloris, utique quatenus possunt non male præcipere. Cum ergo Paulus ait: *Non esse attendendum mandatis hominum aversantium se a veritate*, intelligit, quando aliquid secundum illam aversionem præcipiunt, ergo in eodem sensu subdit: *Omnia munda mundis; coinquinatis autem, & infidelibus nihil est mundum*. Quando scilicet secundum suam sectam, & pravum errorem operantur, & ideo addit: *Sed inquinata est eorum mens, & conscientia*. Sicut etiam non sunt omnia munda mundis, nisi formaliter, id est, quando munda conscientia, & ex illa operantur. Atque ita exposuit Hieronym. ibi; & D. Thomas ibi, & ad Rom. 14. in fine, atque etiam August. 31. contra Faustum c. 4. Alter vero locus Pauli: *Sine fide impossibile est placere Deo*, præcipue intelligitur de persona, quæ non potest esse grata Deo, neque non aversa ab illo, sine fide. Si vero extendatur ad singula opera, intelligitur, opera sine fide facta non placere Deo in ordine ad meritum gloriæ, neque ad veram justitiam consequendam. Rationes denique pro illa opinione factæ nullius momenti sunt. Ad primam enim nego, non posse infidelem diligere aliquo modo Deum propter se, ut author est naturæ, ut in sequentibus ostendemus. Nego item, illum amorem esse necessarium ad bonam operationem, ut contra Gregorium statim dico. Ad secundam vero dicitur esse gratiæ excogitatum, & sine fundamento, quia Deus de se nemini negat auxilia consentanea naturæ, sed solem suum oriri facit super bonos, & malos, & pluit super justos, & injustos. Præsertim, quia ut infidelis ducatur ad fidem, sepe expedit, ut habeat congrua auxilia, quibus aliquid in ordine ad illum finem opereatur, quod esse debet bonum, & non malum, ut constat.

19. Ad rationem Gregorii responsio patet ex probationibus nostræ assertionis. Ostensum est enim actum moralem viribus naturæ factum posse habere bonum finem intrinsecum, nam hic est idem, quod objectum actus propter se intentum, potest autem tale objectum esse intentum propter solam honestatem. Ostensum etiam est, posse non habere malum finem extrinsecum, quia hoc pendet ex intentione operantis, quæ libera est, & potest illam non habere, neque formalem, ut per se patet, neque habituales, quia po-

test vel non præcessisse talis intentio mali finis, ut licet præcesserit, potest non influere in actum præsentem; imò per illum interrumpi. Sicut in homine justo, qui prius habuit voluntatem operandi semper propter Deum, & postea peccat venialiter, tale peccatum non refertur in Deum virtute prioris intentionis, sed potius per illud interruptitur; ita ergo e converso accidere potest in bono opere præsentis respectu pravæ intentionis universalis præcedentis. Neque etiam ille actus erit malus ex defectu relationis ad bonum finem ultimum, quia esto nec formaliter, nec virtute referatur ab operante, refertur (ut ita dicam) naturaliter, id est, actus ipse honestus natura sua tendit in Deum; & hoc sufficit, ut actus sit honestus. Quia nec ex natura rei est necessaria alia relatio operantis per actum præsentem, vel præteritum; nec etiam est specialiter præcepta. Nam quod Paulus dixit primo Cor. 10. *Omnia in Dei gloriam facite*; vel est consilium, vel impletur faciendo opus de se tendens in gloriam Dei, saltem ut est author naturæ, quale est omne opus ex objecto honestum, etiam si fortasse operans hoc ipsum ignoret, quia naturalis relatio non requirit cognitionem operantis, quia non est nisi intrinseca habitudo, & quasi innatus appetitus ejusdem actus.

20. Neque contra hoc urgent probationes Gregorii. Ad primam enim simpliciter negatur, objectum honestum propter se amatum, eo ipso, quod ab operante non refertur ad ulteriorem finem, amari ut ultimum finem, sed solum sequitur amari proxime propter se ipsum, quod potest sine peccato, & sine deceptione fieri circa objectum creatum, quatenus per se honestum est, & rationali naturæ conveniens; ut autem hoc magis declaretur: adverto, duobus modis posse finem dici ultimum, negative, scilicet, & positive. Priori modo dicitur ultimus, quando ita sistit actus in tali objecto, ut non ultra tendat in verum ultimum finem, qui est DEUS, non solum per relationem formalem, vel virtutalem operantis, verum etiam nec per naturalem tendentiam ipsius operis. Et hoc modo potest peccatum veniale dici sistere in suo objecto, tanquam in ultimo fine, saltem ipsius operis, quia talis actus nullo modo tendit in Deum, nec est ordinabilis in ipsum ut in ultimum finem, quod de bono opere dici non potest, ut declaratum est. Alio modo dicitur ultimus finis positive, quia non solum ipse non refertur in alium, sed omnia referuntur in ipsum, & hoc modo intendere objectum creatum ut ultimum finem, turpe est, & grave peccatum: hoc tamen multo minus convenit actui morali, qui versatur circa objectum honestum propter se ipsum, qui ex vi talis actus nec diligitur super omnia, neque etiam alia omnia diliguntur propter ipsum, ut facile constat ex ordinario modo operandi. Si autem contingeret, talem relationem addi ab ipso operante, tunc actus fieret malus. Nimirum si aliquis ita amaret objectum creatum etiam honestum tanquam summum bonum, & in illo ultimum finem constitueret, quod in ipsis etiam virtutibus moralibus pravum est, ut recte docet Augustinus libro decimo nono, de Civitate. capit. vigesimo quinto, sermon. 13. de Verbis Apost. capit. 7. Quibus locis reprehendit Stoicos tanquam superbos & elatos, eo quod in suis virtutibus moralibus, seu in se ipsis secundum rationem operantibus, suam beatitudinem constituerent, contempto summo bono, quo solo beati esse possunt: & ideo dicit, eorum virtutes non fuisse veras virtutes, sed potius vitia, quia inordinate suos actus, & eorum objecta diligebant. Hic autem modus constituendi ultimum finem in objecto honesto non contingit ex eo solum, quod propter se diligatur, nam re vera ita diligibile est secundum rectam rationem, ut idem Augustinus tradit lib. 83. questionum, q. 30. & 31. sed necesse est, ut adjungatur actus, quo vel excludatur relatio ad ulteriorem finem, vel quo bonum illud æstimeretur, & ametur tanquam summum, & sufficiens ad propriam beatitudinem, omni alio superiori contempto. At vero si talis actus non intercedat, & bonum virtutis propter se simpliciter ametur, & fiat, prout ratio dicitur, intrinsece includit quasi naturalem habitudinem ad Deum ultimum finem, ut dictum est, & bene Aug. d. q. 30.

21. Et hinc etiam patet responsio ad confirmationem

Que Gregorius in contrarium urgebat, dissolvitur.

Idem.

Ad confirmationem.

Ad 2. testimonium ex epist. ad Tit. eo. dem n. 2. allatum.

Ad 1. & 2. probationem respondetur.

Ad rationem Gregorii.

nem ultimam, negatur enim sequela, scilicet, posse quodlibet bonum creatum diligere propter se, sine aliqua culpa, sunt enim multa objecta creata, quæ per se spectata non sunt honesta, ac subinde nec propter se diligibilia, ideoque inordinatum est talia propter se diligere, & huiusmodi sunt fama, divitiæ, & cetera. Neque in hoc fit recte comparatio inter bona creata inter se collata, vel cum Deo: quia licet in gradu bonitatis (ut sic dicam) magis differt quodlibet bonum creatum ab increato, quam ab alio creato: nihilominus in ratione boni honesti, & propter se diligibilis, maiorem convenientiam habet aliquod bonum creatum cum Deo, quam cum alio bono creato: & ideo potest honeste diligere propter se unum bonum creatum, & non aliud, etiam si neutrum possit diligere, ut ultimus finis simpliciter, & positive, seu super omnia, quia hoc est proprium boni increati.

C A P U T VII.

De operibus infidelium quid Augustinus senserit?

Ex variis locis Augustini ostendi videtur ipsi putasse omnia infidelium opera esse peccata.

I. **M**ulti, & graves auctores affirmant Augustini sententiam fuisse, nullum opus bonum morale posse bene, & honeste fieri sine fide, ideoque omnia opera hominis infidelis, quantumvis bona ex objecto videantur, esse peccata: & res vera sunt varia loca difficillima, in quibus hanc sententiam tradere, lateque confirmare videtur. Præcipuus est in libr. 4. contra Julianum cap. 3. ubi latissime hoc punctum tractat, sæpeque reperit, virtutes, quæ in infidelibus esse videntur, non esse veras virtutes, & bona opera non bene ab eis fieri, & ideo simpliciter bona non esse, sed mala, & peccata. Idem habet l. 5. de civit. c. 12. & l. 19. c. 25. & l. 13. de Trinit. cap. ult. ubi negat, esse veras virtutes morales, nisi ad fidem referantur, quæ per charitatem operatur, & addit etiam illas non esse tales in hac vita, quia aliqua remissione indigeant: & lib. de Continentia c. 13. Absit (ait) ut continentiam, de qua Scriptura dicit, esse Dei donum, etiam eos habere dicamus, qui continent, vel erroribus serviunt, vel aliquas minores cupiditates ideo vincunt, ut alias expleant, quarum granditate vincuntur. Idem sentit l. 1. de Nupt. c. 3. ubi negat, pudicitiam conjugalem inter infideles conjuges esse bonam, & quod amplius est, negat esse Dei donum. Idem l. 1. de Gratia Christi c. 26. Latius Præfat. in Psalm. 31. ubi inter alia dicit: *Ea opera, quæ dicuntur bona ante fidem, quamvis videantur hominibus laudabilia, inania sunt. Ita mihi videntur esse, ut celerissimus cursus præter viam: & infra circa finem: Crede in eum, qui iustificat impium, ut possint, & bona opera tua esse bona, nam nec bona illa appellaverim, quæ non prodeunt de radice bona: & infra: Attendantur opera tua, & inveniuntur omnia mala: utique ante fidem; & infra: Nam quia fidem præcesserunt, nec bona vocanda sunt.*

Et ex variis ejus principijs idem concludi videtur.

2. Secundo potest ostendi, hanc fuisse mentem Augustini ex fundamentis ejus. Quæ primo sumuntur ex locis Scripturæ supra tractatis, videlicet, ad Rom. 14. *Omne, quod non est ex fide, peccatum est.* Quod de propria fide Theologi ubique intelligit: sentiens, nullum actum simpliciter bonum fieri sine fide; imo e contrario actum sine fide factum semper esse peccatum. Item ad Hebr. 11. *Sine fide impossibile est placere Deo.* Quod de actibus sine fide factis interpretatur, & inde colligit, non posse esse bonos, quia non possunt Deo placere, nam omne bonum, & honestum placet Deo: & Matth. 7. *Non potest arbor mala bonos fructus facere.* Nam per arborem malam intelligit voluntatem impiam, a qua nihil boni prodire potest; talem autem dicit esse voluntatem hominis infidelis. Quartus est Matth. 6. *Lucerna corporis tui est oculus tuus, si oculus tuus fuerit nequam, totum corpus tuum tenebrosus erit.* Subjungit enim Augustinus infidelem habere oculum nequam, quia habet pravam intentionem in suis operibus.

Et ex ple-riusque rationibus quas conficit.

1. Ratio.

3. Et ex hoc ultimo loco sumitur prima ratio, quæ utitur frequentius Augustinus, quia ut opus sit bonum, non satis est, quod sit de objecto bono, sed oportet, ut etiam sit propter bonum finem, sed infidelis non habet bonam intentionem in suis operibus, ergo. Majorem probat multis modis, præsertim cont. Julian. *Nam ad veram virtutem (ait) non tantum intuentum est, quid agatur, sed causa querenda est, cur agatur,*

Suarez Tom. VI.

quia virtus a vitio magis sine distinguitur, quam officio. Quod tanquam omnino verum supponimus. Minorem autem probat, vel quia infideles, & gentiles dum videntur operari virtutem, semper ducuntur aliqua humana concupiscentia, ut appetitu gloriæ, sicut de Romanis ait in libris de Civitate; vel affectu avaritiæ, vel timore alicujus pœnæ temporalis, ut in lib. de Continent. & sæpe alias dicit; vel quia infideles operantur in cultum, & honorem suorum Deorum; vel denique quia licet demus, operari interdum virtutem, propter se ipsam, etiam illud est superbum, ait, in ultimo loco de Civ. quia per talem virtutem non servitur Creatori.

4. Atque hinc oritur altera ratio, quam sæpe etiam urget, quia opus hominis infidelis saltem caret sine debito, & ideo malum est; sic ait contra Julian. *Virtutes, si quæ videntur esse in infidelibus, non esse veras, quia non ad suum referuntur auctorem.* Imo addit, illis utentes malos fieri, vel in hoc ipso peccantes, quod fidem non habentes, ad illum finem ista non referunt, ad quem referre debuerant: & similiter l. 5. de Civit. c. 12. *Non esse veram virtutem, nisi quæ refertur in illud bonum, quo melius non est.* Unde tertiam rationem insinuat contra Julianum, quia opus sine fide factum, nec refertur in Deum, nec ei tribuitur: ergo non potest esse bonum, quia illud operans, in se, non in Domino de illo gloriatur, eoque ipso malum est opus. Quarta ratio Augustini est, quia omnia opera infidelium sunt sterilia, & infructuosa: ergo non sunt bona. Antecedens constat, quia tale opus non potest dare vitam, nec ad illam conferre, quia *justus ex fide vivit.* Unde nec justitiam dare potest, nec facere bonum operantem: ergo est sterile opus: ergo non est bonum, quia fieri non potest (inquit contra Julianum) *ut steriliter boni simus, & ideo, quia quid steriliter sumus, boni non sumus.* Ubi talem rationem insinuat, quia homo tenetur nunquam steriliter operari, & ideo quoties steriliter operatur, non bene operatur.

5. Quinta ratio, quam maxime urget in libr. 1. de Nupti. & concu. c. 12. & dict. lib. cont. Julian. quia *non potest esse pudicus veraciter, qui non propter Deum verum fidem connubii servat,* tacite inde inferens, eandem esse rationem de quocunque bono opere morali. Antecedens probat, quia non potest corpus esse pudicum, quando animus a Deo fornicatur, sed animus infidelis a Deo fornicatur, juxta illud Psalm. 72. *Perdidisti omnes, qui fornicatur abs te;* ergo non potest infidelis esse veraciter pudicus. Probatur consequentia, quia pudicitia est in animo, & animus fornicarius non potest esse pudicus. Ergo (ait Augustinus) *aut in animo fornicante pudicitia esse potest, aut infideli pudicitia esse non potest.* Unde cum primum censeat omnino absurdum, secundum approbat.

6. Tertio principaliter ostenditur, hanc fuisse mentem Augustini, quia ita intellexerunt posteriores Patres illius sectatores, in primis Prosper lib. 1. de Vocat. Gent. c. 7. alias 3. ubi sic ait: *Et si fuit, qui naturali intellectu conatus sit, vitiis reluctari, hujus tantum temporis vitam steriliter ornavit, ad veras autem virtutes, æternamque beatitudinem non profecit. Sine cultu enim veri Dei, etiam quod virtus videtur esse, peccatum est, nec placere ullus DEO sine DEO potest. Qui vero DEO non placet: cui nisi sibi, & diabolo placet?* Et lib. contra Colla. cap. 22. *Nihil boni operis procedit ex mortuis, nihil justitiæ procedit ex impiis:* & infra loquens de infideli ait: *Bonis suis male utitur, in quibus sine cultu veri Dei impietatis, immunditiæque convincitur, & infra ait: Nullum esse bonæ voluntatis motum, nisi quem creaveris diffusæ per Spiritum Sanctum charitatis affectus, quia sine fide impossibile est placere Deo, & omne, quod non est ex fide, peccatum est, & in Christo Jesu neque circumcisio aliquid valet, nec nova creatura, sed fides, quæ per dilectionem operatur.* Idem c. 28. adhibens illam rationem, *Quia in his studiis (utique virtutum) non Deo, sed diabolo serviunt, utique infideles: unde concludit, In impiorum animis omnia opera esse immunda, atque polluta.* Fulgentius etiam libro de Incarnat. & Grat. c. 52. sentit, ante fidem non esse bona opera, & allegat illa duo loca, *sine fide impossibile est placere Deo, & quod non est ex fide, peccatum est.*

Secunda

Tertia.

Quarta.

Quinta.

Et ex nonnullis Patribus doctrinæ ipsius studiosis.

*Oppositum tamen re vera sensisse Augustinum
quatuor motivis ex ipso petitis
ostenditur.*

Primum
motivum
quod in
contrarium
allata ex
Aug. de
quolibet
peccatore
etiam fidei
absurde
procede-
rebit.

Idque five
confidere,
aut utro-
rūque ope-
rationis in-
dignitas.

Sive sine
propter
quos ope-
rantur.

7. **H**is vero non obstantibus, persuaderi non possum, Augustinum in ea fuisse sententia propter ea, quæ subijciam. Primo, quia Augustinus eodem modo loquitur de peccatoribus omnibus, quo de infidelibus, & rationes ejus æque de illis procedunt; sed non est verisimile sensisse, omnia opera hominis in peccato existentis, esse peccata, cum hic sit magnus error, & contrarium ipse sæpe doceat, ut c. 5. visum est; ergo nec de infidelibus id docuisse, credendum est. Consequentia est clara, quia in eisdem locis de utrisque loquitur, & non potuit in uno sensu loqui de his, & in alio de illis. De minori autem satis dictum est in cap. 4. & 5. Probatur ergo major, nam in dicto cap. 3. contra Julian. generaliter ait, *Ab-sit, ut in aliquo sit vera virtus, nisi vere sit justus.* Et inferius absolute negat, veram virtutem, veram sapientiam, veramque justitiam esse posse in infidelibus impiis, & in hominibus diabolo mancipatis, quales sunt omnes in peccato mortali existentes: & in fine addit, *sine Dei amore nihil esse bonum.* Quod si quis respondeat, ibi per *amorem Dei*, non intelligere Augustinum charitatem, sed amorem honestatis, & justitiæ cuiusvisque propter rectitudinem ejus, sic friget ejus discursus tam in fidelibus, quam infidelibus peccatoribus, quia etiam in infidelibus potest esse amor boni honesti propter honestatem, & æquitatem naturalem ex conformitate ad rectam rationem: ergo est par ratio in utrisque.

8. Denique ratio etiam sumpta ex fine æqualiter in utrisque procedit, nam etiam fidelis existens in peccato, non operatur propter DEUM, quantum est ex formali, vel virtuali intentione sua, quia non diligit DEUM. Quod si quis respondeat, posse diligere aliquo modo imperfecto. Contra hoc est, quia si ille modus tantum est implicitus in intentione boni honesti, etiam hoc modo possunt diligere Deum infideles; si vero sit sermo de amore formali ipsius Dei, vel intentione colendi DEUM, vel placendi illi: hæc in primis non est necessaria ad bonum opus, ut supra probatum est, & deinde etiam potest esse in infidelibus saltem hæreticis, & paganis, ac Philosophis verum Deum agnoscen- tibus. Denique si ratio illa Augustini, quod virtutes etiam propter se intentæ sunt superbiæ, ita intelligenda est, ut amor virtutum moralium, temperantiæ, misericordiæ, & similium propter se ipsas, non sit bonus, & etiam in homine fidei talis amor erit malus, & tales virtutes Christiani hominis dicendæ erunt, *Servire temporalibus commodis, aut nulli volentes servire, ac propterea vanas esse, & non veras virtutes, quia vere virtutes Deo servire debent, & propter ipsum operari.* Sicut de virtutibus infidelium loquitur Augustinus; at incredibile est, ita illum sensisse de talibus virtutibus Christianorum: ergo in alio sensu loquitur etiam de infidelibus. Idemque argumentum fieri posset de alia sententia, quam ibi habet Augustinus, scilicet, quia si virtutes non prosunt ad beatitudinem veram, quam fides per Christum promittit, non sunt veræ virtutes: quod etiam in peccatore Christiano procedit, quia etiam non prosunt peccatori suæ virtutes. Quod si dicatur, non prodesse actu ex impedimento personæ, de se autem fructuosas esse, & hanc esse mentem Augustini, contra hoc est, quia idem omnino est de virtutibus infidelium.

9. Secundo moveor, quia sequitur ex illa sententia, Augustinum sensisse, hominem carentem fide, esse incapacem boni operis, etiam per auxilium gratiæ Dei inspirantis bonum, & adjuvantis: consequens est incredibile: ergo. Minor videtur per se nota, quia ubique Augustinus magnifice sentit de divina omnipotentia ad trahendam hominis voluntatem, quo voluerit, quando voluerit, & quomodo voluerit, & eodem modo sentit de efficacia divinæ gratiæ: ergo non potuit sentire adeo esse infirmam, & im-

becillam, ut non possit hominem infidelem inducere ad aliquid bonum operandum, etiam si in infidelitate sua permaneat. Et præterea est optima ratio, quia alias nunquam posset Deus hominem infidelem movere specialiter ad aliquid operandum, etiam in ordine ad fidem, ut paulatim illum ad eam perducatur, quia moveret illum ad opus prævum: consequens est per se absurdum, & valde alienum a doctrina Augustini. Denique statim afferemus loca, in quibus Augustinus contrarium expresse docet. Probatur ergo sequela, quia si homo permanet in infidelitate, etiam si moveatur a Deo specialiter ad eleemosynam faciendam, nunquam illam faciet propter DEUM: quia ignorat se moveri a DEO, vel etiam ipsum Deum, ergo non bene operabitur. Item semper animus ejus fornicatur a DEO: ergo licet moveatur ad servandam pudicitiam conjugalem, nunquam erit vere pudicus. Item etiam si ex tali auxilio operetur, ejus opus erit sterile in ordine ad veram felicitatem consequendam, ad summumque deserviet, ut minus puniatur infidelis in die judicii, quod non satis esse ad opus bonum, indicat eodem loco Augustinus: ergo si verba ejus in hoc rigore sumatur, ut talia opera, moraliter bona non sint, & ad hoc tendant rationes ejus, dicendum est, idem sensisse de operibus infidelium factis ex auxilio gratiæ, quod, ut dixi, & falsum, & incredibile est.

10. Tertio moveor, quia si sententia illa in eo sensu accipitur, rationes Augustini frivole sunt, & tanto ingenio indignæ. Et imprimis loca Scripturæ parvi momenti sunt, jam enim in cap. quarto ostendimus, verum sensum illorum longe alium esse. Deinde prima ratio capite præcedenti soluta est, ibi enim declaravimus, quæ intentio bona sit necessaria, & sufficiens ad moralem honestatem boni operis, & quomodo esse possit in infidei, etiam non cognoscente DEUM. Neque oppositum probat inductio Augustini, quia imprimis non est necesse, ut operetur propter idolum, ut supra declaravi. Deinde intentio vanæ gloriæ, vel alterius similis cupiditatis inordinatæ, licet fortasse sæpius moveat infideles, non habet necessariam connexionem cum infidelitate, imo nec necessarium est, ut semper intercedat intentio commodi temporis proprii, sed potest honestas virtutis sufficenter movere. Quin etiam si intentio sit alicujus commodi temporalis, non ideo opus ex necessitate malum est, quia potest illa commoditas esse conveniens naturæ propter se ipsam, & per rectam rationem regulari, quod satis est, ut possit honeste intendi, ut proximus finis per se diligibilis, & ut actio per se tendat in Deum, licet ab operante non referatur: & ita solvuntur secunda, & tertia ratio de carentia relationis in debitum finem, vel in Deum, quia non debetur actioni morali aliud genus relationis operantis in beatitudinem, vel in DEUM, vel in alium extrinsecum finem, quando intrinsecus est per se appetibilis secundum rectam rationem.

11. Quod autem Augustinus significat, talem voluntatem esse superbam, simpliciter intellectum incredibile est, & alienum a sententia Augustini, sæpe docentis, esse honestum, propter honestatem, vel propter observantiam legis operari. Neque ulla umbra superbiæ in hoc ostendi potest, quia quod operans illud non referat in Deum, potest esse ex ignorantia, vel sola incogitantia, sine ulla specie superbiæ. Quod autem homo sibi tribuat tale opus, & de illo in se gloriatur, etiam non est necessarium, quia potest nihil de hoc cogitare, neque etiam scire, vel inquirere, qua virtute naturali, aut divina tale opus fiat. Et quando in hoc homo aliquid erraret, vel peccaret, esset per se novum peccatum, habens pro objecto, & materia, circa quam versatur, aliud opus bonum, non tamen esset circumstantia ejus, & ita non tolleretur ab illo bonitatem, ut ex generali doctrina de bonitate moralium operum constat.

12. Quarta item ratio de operis sterilitate, si intelligatur de sterilitate actuali (ut sic dicam) in ratione meriti

3. Motivum etiam ab absurdo, quia enervet essent Aug. rationes pro affirm. sententia ut jacet. solvitur ratio 1.

solvis. 2. & 3. ratio.

In carentia relationis in Deum non est superbia.

solvis. 4.

a. Motivum etiam ab absurdo, quia ex illa sententia inferretur sensisse, Aug. esse infidelem incapacem bene operandi, etiam ex auxilio gratiæ.

meriti vite æternæ, aut alicujus gratiæ supernaturalis, falsum est, quod assumit, sive intelligatur de merito condigni, sive de congruo, quia neutrum meritum actuale est de necessitate boni operis moralis virtutis acquiritiæ, seu ordinis naturalis; quia hæc ratio meriti est superioris ordinis, unde ex natura rei non requiritur ad bonitatem moralem ordinis naturalis, neque etiam datum est divinum præceptum speciale operandi semper cum aliquo tali fructu, vel merito boni operis, nullibi enim tale præceptum scriptum legitur, vel traditum refertur, & quamvis tale præceptum datum esset, posset ignorari invincibiliter, maxime ab infidelibus, & ita illo non obstante possunt interdum sine morali defectu operari. Si vero intelligatur ratio de sterilitate potentiali, ut sic dicam, quæ intelligitur esse in opere, quod non tantum non prodest ad vitam, verum nec prodesse potest, hæc sterilitas non invenitur, nisi in operibus malis, quæ a Theologis dicuntur mortifera late sumpto vocabulo, ut comprehendat etiam venialia peccata.

Quomodo
infidelium
opera ho-
nesta ste-
rilitate
carente

13. Nam si opus tantum est mortuum, licet tunc ex accidente impedimento non profit, de se posset prodesse, ideoque non potest dici sterile saltem quoad potestatem seu capacitatem. In hoc autem sensu facile negabitur, omnia opera infidelium esse sterilia, quia possunt esse aliqua bona, quæ de se possent esse utilia ad vitam æternam, si aliæ conditiones concurrerent. Imo etiam de facto possunt aliqua esse talia, ut remote saltem ad fidem disponant, vel aliquod impedimentum removeant, quæ non est parva utilitas. Denique si talia opera sint ordinis naturalis, ut habeant proportionatam honestatem, satis est, quod sint de se consentanea naturali felicitati, & apta, ut in gloriam Dei auctoris naturæ redundant, ac denique ut sint convenientia naturæ rationali, quatenus recta ratione utitur. Nam propter hanc etiam ratio, nempe sufficienter sunt laude digna, & apta ad aliquod meritum, nisi aliud obstat, juxta doctrinam Divi Thomæ prima secundæ, quæstione vigesima secunda; ergo talis actus non est ita sterilis, ut propterea possit mali reputari.

Solutio 5.

14. Quinta denique ratio æque procedit in fideli peccatore, ac in infideli, quia omnis peccans mortaliter, dici potest fornicari a Deo, & illa phrasi utitur Scriptura respectu omnium peccatorum, & maxime fidelium, qui magis tenentur fidem Deo servare. In omnibus vero ratio illa mirabilem continet verborum equivocationem, quia ex significatione propria *animi fornicarii* fit transitus ad metaphoricam, & ita syllogismus fit in quatuor terminis. Alia est enim carnalis fornicatio, alia spiritualis. Prior est in animo, & corpore impudico carnaliter, id est, committente talem speciem intemperantiæ. Posterior vero fit per omne peccatum mortale, quo peccans ita conjungitur creaturæ, ut propter illam deferat DEUM. Priori ergo fornicationi carnali opponitur pudicitia etiam corporalis, & hoc modo verum est, in animo carnaliter fornicante, pudicitiam illi oppositam esse non posse. Alteri vero fornicationi spirituali non semper opponitur pudicitia corporalis, sed spiritualis, quæ dici potest innocentia, aut munditia quædam apud DEUM. Et ideo non repugnat, animum esse fornicarium hoc modo spirituali, respectu Dei, & nihilominus esse pudicum corporaliter respectu conjugis. Sic ergo idololatra est fornicarius Deo, quin illi fidem non servat, & potest servare uxori torum inviolatum, & fidelem, & sic esse corporaliter pudicus. Et declaratur, nam licet omne vitium sit contrarium DEO, non omne vitium est omni virtuti contrarium; ergo licet animus per unum vitium fornicetur contra Deum potest in alia virtute non offendere Deum, vel proximum; ergo licet homo sit fornicarius Deo per infidelitatem, vel simile vitium spirituale, potest non carnaliter fornicari, neque in illa materia temperantiæ Deum offendere.

Quantum
motivum
dicitur o-
stendit ex
lectis Aug.
ipsi non
tenuisse

15. Quarto moveor, quia in multis locis Augustinus admittit aliquod bonum opus in homine infideli, licet dicat illud esse Deo ut principali auctori tribuendum, quod nunc non refert, quia non tractamus, *Sparez* Tom. VI.

quibus viribus possit fieri talis actus ab infideli, sed absolute an interdum fiat? Probat ergo assumptum, primo ex libro primo de Gratia Christi capite vigesimo quarto, ubi verba illa Esther decimo quinto, *Convertitque Deus spiritum Regis in mansuetudinem* (quæ dicta sunt de Assuero gentili, & idololatra) intelligit de efficacia divinæ potestatis, *ad operandum in cordibus hominum, non solum veras revelationes, sed etiam bonas voluntates*; ut in fine capituli concludit. Inde vero non satis probatur, illum affectum Assueri fuisse bonum ex omnibus circumstantiis, sed ex objecto solum. Potest enim Deus efficaciter convertere voluntatem hominis ad objectum bonum, etiam si præsciat, hominem adhibiturum in suo affectu malam circumstantiam. Est autem verisimile, in illo casu nullam fuisse ex parte Assueri, gratiæque & temere judicaretur ab aliquo, in eo actu peccasse.

illam sen-
tentiam
affirm.

16. Secundo idem probatur ex Augustino epistol. 130. ubi de quodam Polemone gentili, prius ebrioso, & luxurioso dicit, persuasione Xenocratis Philosophi mutatum esse ad temperantiam, & continentiam servandam, & in hoc fuisse meliorem factum, licet verum Deum non cognosceret: *Nam si illum cognosceret, & pie coleret* (ait Augustinus) *continentia illa non tantum ad hujus vite honestatem, sed etiam ad future immortalitatem illi valuisset*. In quo aperte significat, illam continentiam veteri fuisse bonam, & honestam, licet ad meritum æternæ vite non valeret.

Probat. 2.

17. Tertius, & similis locus est apud Augustinum libro de Patientia cap. 26. ubi dicit, si quis Schismaticus, ne abneget Christum, multa patiatur, nullo modo culpandum esse, nam illa patientia laudabilis est, & ad tolerabilius judicium sustinendum deservit, licet non ad vitam æternam: & ita exponit Paulum primo Corinth. 13. & idem intelligit de hæretico, qui per errorem separatur ab Ecclesia, & tamen aliquid credit, pro quo patitur, ut capit. 27. declarat. Et adeo censet, illam qualemcumque fidem, quam retinet, & patientiam motiendi pro illa esse bonam, ut dicat *esse donum Dei*, non quale est in justis, sed quale esse potest in malis, ut capit. vigesimo octavo declarat: Hæreticus autem infidelis est; ergo in infideli potest esse opus bonum saltem ex dono Dei. Et quamvis hæreticus Dei cognitionem habeat ex revelatione aliquo modo derivatam, nihilominus eadem ratio erit de infideli cognoscente verum DEUM quocumque modo. Imo etiam potest in quocumque infideli versari quæstio similis illi, quam ibi tractat Augustinus, scilicet, si quis non habens cognitionem veri DEI tormenta sustineat, ne fornicetur, vel ne falsum testimonium dicat, an illa patientia laudanda sit, nam sine dubio est laudanda, nam ille prudenter eligit mortem propter luxuriam, vel injustitiam vitandam, cum eligat minus malum ad vitandum majus. Unde consequenter potest etiam queri, an illa patientia sit donum Dei, & juxta principia Augustini ibidem, affirmandum est; ergo doctrina illa in omni homine recta ratione utente, quantumcumque infideli locum habet.

Probat. 3.

18. Quartus, & notandus est in lib. de Spiritu, & Litter. c. 27. ubi tractans Augustinus locum Pauli ad Rom. 2. *Gentes, quæ legem non habent, naturaliter ea, quæ legis sunt, faciunt*, prius illum interpretatur de gentibus jam conversis ad Christum, & postea subdit: *Si autem hi, qui naturaliter ea, quæ leges sunt, faciunt, non sunt habendi in numero eorum, quos Christi justificat gratia, sed in eorum potius, quorum etiam impiorum, nec Deum verum pie, veraciterque colentium, quedam tamen facta, vel legimus, vel novimus, vel audivimus, quæ secundum justitiæ regulam non solum vituperare non possumus, verum etiam merito, recteque laudamus*. Ubi licet quoad locum Pauli loquatur sub conditione, & priorem sensum ibi magis probet (de quo postea) tamen quoad rem ipsam aperte fatetur, in his impiis inveniri quædam opera laudanda, & nullo modo vituperanda, ac proinde omni ex parte bona; subjungit vero statim: *Quoniam si discutiatur, quo sine fiant, vix inventientur, quæ*

Probat. 4.

justitiæ debitam laudem, defensionemve mercantur. Verumtamen etiam hæc verba nostram sententiam confirmant, ex illis enim habemus, solum ex parte. si-
 pis ponere Augustinum defectum in operibus infidelium de se, & ex objecto bonis; & illum defectum ponere non ut perpetuum, & infallibilem, sed ut ordinarium, & regularem. Ad quod expendimus illam particulam *vix*: & cap. 28. non improbat dictam expositionem dictorum verborum Pauli, scilicet, in hominibus impiis non esse debitam naturam, *Et ideo dici posse, etiam in impietate vitæ suæ facere aliqua legis, vel sapere*. Præterea expendi potest, quod idem Augustinus ait lib. de Bono conjug. cap. 6. *Conjugalis concubitus filios procreandi gratia non habet culpam*. Quam sententiam generaliter profert, & vera est tam in infidelibus, quam fidelibus, possunt autem conjuges infideles etiam si Deum ignorent, propter illum finem conjungi, & ille finis sufficiens est ad honestandum illum actum, ut ex ipso Augustino dicto capit. 3. contra Julian. in fine sumitur; ergo nihil repugnat ex sententia Augustini fieri talem actum ab infidelibus sine ulla culpa. Denique l. 3. Hypognoſt. (si Augustini sit opus) c. 4. generaliter docet, posse hominem infidelem per lumen rationis aliqua opera hujus vitæ facere non tantum mala, sed etiam bona: & circa illa verba Psalmi 38. *Passer invenit sibi domum, & turtur nidum*, &c. docet Paganos extra Ecclesiam aliqua bona opera facere.

S. Augustinum sibi contrarium non fuisse in presenti questione.

19. **Q**uid ergo in aliis locis Augustinus sensit? Vel quomodo sibi contrarius non est? Ut hoc explicemus in primis præ oculis habendus est scopus Augustini in hujusmodi disputatione, qui fuit occurrere Pelagianis, qui ut gratiæ Dei necessitatem negarent, vires naturæ extollebant, & ad hoc inducebant exempla Gentilium, & Philosophorum, quos solo lumine naturæ ductos excellentia virtutum opera exercuisse, & veras, ac perfectas virtutes habuisse, dicebant. Augustinus autem, ut eos ad veram mentem reduceret, quando cum eis disputat, in contrarium extremum inclinare videtur, & interdum veras virtutes in eis fuisse negat, interdum vero dicit, nihil boni operari, & aliquando etiam semper peccare, aut totam eorum vitam esse peccatum: nunquam vero aliquid bonæ operationis moralis in eis admittit. Ut ergo mentem ejus explicemus, aliquæ propositiones ejus notandæ sunt, & sigillatim explicandæ. Prima est, in gentilibus, seu infidelibus non fuisse veras virtutes; quod duobus modis potest intelligi. Primo, ut loquatur de veris virtutibus more Christiano, & Theologico, id est, utilibus ad veram felicitatem consequendam, ut supra explicavi. Hic autem sensus indicatur ab eodem Augustino dicto capit. tertio, contra Julian. dum ait. *Si ad consequendam veram beatitudinem, quam nobis fides per Christum promittit, nihil profuit homini virtutes, non sunt veræ virtutes*. Et postea referens definitionem virtutis ex Cicer. libr. 2. de Invent. *Virtus est habitus nature, modo, & rationi consentaneus*: subjungit, *Sed quid sit consentaneum liberandæ, ac beatificandæ nature mortalium, nescierunt*. Et hanc expositionem habet Div. Thomas 1. 2. qu. 65. art. 2. ubi ita exponit quandam sententiam, quæ habetur in libr. sententiarum Properi, estque 106. *Ubi deest agnitio æternæ, & incommutabilis veritatis, falsa virtus est, etiam in optimis moribus*. Additque Div. Thomas vocari falsam, non quia actum vere bonum non efficiat, sed quia ad vitam æternam non conducit: & eandem fere doctrinam habet D. Thomas 2. 2. q. 23. art. 7. & est communis in schola ejus, imo etiam inter Scholasticos.

20. Alter vero Augustini sensus esse potuit, in infidelibus non esse veras virtutes, etiam intra latitudinem virtutum acquiratarum, quia nunquam possunt pervenire ad statum moraliter necessarium, ut aliquis bonus habitus, vel bona dispositio nomen absolutum veræ virtutis mereatur, ut in capit. ultimo hujus libri latius explicabo. Et hunc etiam sensum indicat Au-

gustinus in aliis sententiis suis: & ideo Julianum dicentem, posse infideles per liberum arbitrium esse misericordes, modestos, castos, & sobrios, reprehendit; quia non solum affectum, sed perfectionem virtutis illis tribuebat. Virtutem ergo veram appellat, quæ tam perfecta est, ut simpliciter talis possit denominari, & hanc negat Augustinus infidelibus, non tamen omnem affectum, inchoationemque virtutis. Et ideo etiam ait, virtutes infidelium, *utcumque fiant, illis tantum deserviunt, ut minus puniantur in die judicii*. In his enim verbis aliquas virtutes adnecat in infidelibus, & dicendo, *Utcumque fiant*, plane intelligit, siue cum integra bonitate ex objecto, & circumstantiis, siue cum aliquo defectu ex parte finis, indicans, utrumque modum esse possibilem, modo statim explicando.

21. Secunda sententia Augustini est, infidelem nihil boni operari. Hæc autem potest in primis exponi moraliter, & regulariter, ut statim dicam in simili: & ideo Augustinus adjungit, quod si forte talia opera sint in infidelibus, etiam sunt tribuenda divino muneri, saltem ut alia bona naturalia, ut bonum ingenium, memoria, lenis natura, & alia, quæ dicto capit. tertio enumerat. Secundo, & maxime ad mentem Augustini dicimus, eum loqui de bono pietatis, quod ad æternam felicitatem aliquo modo conferat. Hoc diserte exposuit dicto capit. tertio, contra Julianum circa finem, dicens: *Quoniam concedis, opera infidelium, quæ tibi videntur bona, non tamen eos ad salutem æternam perducere*: scito, non illum bonum hominem dicere, illam voluntatem bonam, illud opus bonum sine DEI gratiæ, quæ per unum mediatorem datur, nemini posse conferri, per quod solum homo potest ad æternum DEI donum, regnumque perducere: & cum infra dixisset: *Sine amore creatoris, nullum bene uti creaturis*, subjungit: *Hoc ergo amore opus est, ut bonum beatificum sit*. Dices, omne opus bonum eo ipso esse opus pietatis, & sanctum, & de se conducere ad vitam æternam. Respondeo, falsum hoc esse, & contra intentionem Augustini, tum loco citato, tum aliis multis, quæ in sequentibus capitulis asseremus, ubi hæc interpretatio amplius tractanda est, & illa limitatio operis boni declaranda. Non enim sine causa vel mysterio a Patribus additur, esset autem superflua, & nullius momenti, si omne opus bonum naturaliter, seu moraliter, eo ipso esset opus pietatis, in ordine ad felicitatem supernaturalem.

22. Tertia sententia Augustini est: *Omnia opera infidelium esse peccata, vel, omnem infidelium vitam peccatum esse*. Ut habetur dicta sententia 106. Properi, quæ tribus modis solet exponi. Primo, ut intelligatur de peccato late sumpto, pro actu factò in pessimo statu, in quo nihil potest prodesse ad vitam æternam. Ita respondent nonnulli. Sed mihi non placet, tum quia est nimis improprius, & inusitatus modus loquendi; tum quia sæpe Augustinus satis declarat, se loqui de proprio peccato, quia loquitur de actu, vel habente pravam circumstantiam, vel carente circumstantia debita, & in hoc ponit maxime malitiam talium actuum, quæ sufficit ad constituendum illud malum, & verum peccatum, & interdum etiam dicit, non esse a Deo, sed a demone, quod non potest, nisi ratione propriæ malitiæ moralis dici. Denique cum Paulus dixit, *Omne quod, non est ex fide, peccatum est*, certe de proprio peccato est loquutus; at Augustinus illo testimonio utitur ad suam sententiam confirmandam; ergo eodem modo de peccato loquitur.

23. Est ergo secunda responsio, Augustinum in his propositionibus loqui de infidelibus, ut infideles sunt, operantibus, id est, non ex regula rectæ rationis, sed ex regula erroris sui. Ita exponit D. Thom. 2. 2. q. 10. ar. 4. ad 1. & q. 23. a. 7. ad 3. Quæ expositio certe non est aliena a mente Augustini; nam in dicto cap. 3. contra Julianum versus finem, dicens Julianum: *Si gentilis nudum operuerit, numquid quia non est ex fide, peccatum est?* Respondet: *Prorsus quantum non est ex fide peccatum est*, & declarat, non quia per se ipsum factum peccatum est, sed de tali opere non in Domino gloriari, solus impius negat esse peccatum, ubi solum ex-

2. Propositio quæ dupliciter expeditur

2. propositio.

Primaque expositio. Non admittitur.

2. Expositio ex D. Thom.

Pro Augustini mente propositiones ex ipso habentur. vande. 1. Propositio, & ejus sententia.

Alter ejusdem propositionis sensus.

pendo illam negationem, *In quantum non est ex fide*, ab ipso explicari, non per solam negationem, sed per aliquam contrarietatem, & circumstantiam actus ex infidelitate causatam. Unde inferius iterum dicit. *Quod si & ipsa (misericordia) per ipsam naturali compassione, opus est bonum, etiam isto modo, bono male utitur, qui infideliter utitur, & hoc bonum male facit, qui infideliter facit.* Noranda est particula *infideliter*, quæ sensum reddit formalem de infideli, ut infidelis est, operante. Atque hoc magis declarat subiungens. *Ex quo colligitur, etiam ipsa bona opera (utique ex genere) quæ faciunt infideles, non ipsorum esse, sed illius, qui bene utitur malis: ipsorum autem esse peccata, quibus & bona male faciunt, quia ea non fidei, sed infideli, hoc est stulta, & noxia faciunt voluntate.* At dici non potest, ea, quæ sunt ex ductu solius rationis naturalis recte iudicantis, fieri stulta, vel noxia voluntate; Ergo loquitur Augustinus de infidelibus, ut tales sunt, operantibus.

3. Expositio
10. ex
Verga,
quæ præcedentem
reddidit præbabiliorē.

24. Hæc autem D. Thomæ expositio fiet probabilior, si addamus aliam, quam Vega dicta qu. 13. insinuat, & aliquid authoribus contrariæ sententiæ concedamus. Nimirum, sensisse Augustinum, regulariter, ac fere semper infideles operari ex infidelitate sua, vel ex aliqua prava intentione, ex ipsa infidelitate, vel occasione ejus concepta. Quia cum habeant naturalem rationem valde infirmam de se, & per errorem, & falsas traditiones debiliorem factam: & aliunde temporalia, & sensibilia objecta sunt propinquissima, & maxime moveant, inde fit, ut ordinariæ ex sola inordinata concupiscentia, & non ex pura regula rationis operentur. Hoc autem modo intellecta sententia Augustini, reducitur ad quæstionem de facto potius, quam de jure, vel de potestate (ut sic dicam) non enim voluit Augustinus, fidem esse simpliciter necessariam ad bene operandum: nec teneri homines aliquo jure, operari cum circumstantia aliqua honesta, quæ ex fide, vel ex cognitione Dei pendeat: & hanc voco quæstionem de jure; sed ad summum voluit, eos, qui carent hac cognitione, esse ita prave dispositos, ut vix aliquid boni faciant. Et quia parum ac rarum quasi nihil reputatur, moraliter loquendo, ideo interdum, cum illa exaggeratione, vel absoluta negatione loquitur. Tamen hanc esse mentem suam aperte constat ex loco allegato de Spirit. & Liter. ubi addidit illam particulam, *vix inveniuntur*, quæ æquivalet illi, raro inveniuntur, vel pauci sunt, qui recto sine operentur. Idem constat ex aliis locis, in quibus necesse est, ut aliquam exceptionem faciat ex illis regulis generalibus; ergo intellexit illam cum moderatione dicta. Atque eodem modo intelligendus est Prosper, qui phrasim Augustini imitatus est. Faciliusque exponitur Fulgentius, qui ad summum loquitur juxta secundam Augustini propositionem.

Juxta dæmonem expositionem vitantur absurda adducta a p. 7.

25. Tandem juxta hanc interpretationem vitantur incommoda, quæ contra Augustinum objiciebamus. Nam in comparatione, quæ fit inter infidelem, & fidelem peccatorem, est quidem æquiparatio in hoc, quod uterque male operabitur, si quatenus talis est, id est, vel ex errore suo, vel ex prava affectione sua operetur. Discrimen vero inter eos erit, quia fideles, licet peccatores, facilius, & frequentius possunt, & solent bene operari, quam infideles, ut per se constat, & ideo quoties videtur Augustinus damnare omnia impiorum opera, potius de infidelibus, quam de fidelibus loquitur. Et ita etiam loqui videtur Hier. Aggei 1. circa id. *Seminastis multum, & intulistis parum.* Aliud item incommodum de incapacitate infidelium ad operandum bonum ex divina gratia facile evitatur juxta interpretationem positam, quia Augustinus non loquitur de impossibilitate infidelium ad bene operandum, sed de morali difficultate, & de raro usu, & ita verum est, infidelem magis esse ind dispositum, quam fidelem peccatorem, ad recipiendum gratiæ auxilium, rariusque illud recipere. Solet autem Augustinus interdum indicare, ante fidem nullum gratiæ auxilium homini dari, sed a fide incipere, ut epist. 105. tamen sub fide comprehendit omnia, quæ ad fidem ordinantur, & sunt quasi remotæ dispositiones ad fidem: non enim ignorabat, infidelem prius vocari a Deo, quam credat, & illam vocationem ad auxilium gratiæ per-

Suarez Tom. VI.

tinere; & per illam posse infidelem aliquid bene operari. Hoc autem non potest dici rarum, aut insolitum; sed tam est usitatum, quam conversio ipsa adultorum infidelium ad fidem.

26. Præterea expositiones quas tribuit Scripturæ locis, quæ allegat Augustin. quidquid sit, an proprium, ac literalem sensum contineant, (non enim cogimur, omnes illas expositiones sustinere) saltem non continent falsam doctrinam, quod satis nobis est, ut locus Rom. 14. si de fide Theologici, seu Catholici, ut Augustinus sentit, exponatur, intelligitur non tantum negative, sed contrarie, ita ut, *esse non ex fide*, idem sit, quod esse ex infidelitate, vel esse dissentaneum fidei. Quod si negative sumatur, erit id verum moraliter tantum, & regulariter loquendo, juxta ea, quæ diximus. Illud autem ad Heb. 11. *Sine fide impossibile est placere Deo*, applicatum ad opera singula (ut interdum Augustinus vult) exponendum est juxta secundam ejus propositionem, de beneplacito Dei in ordine ad finem supernaturalem, & ad veram justitiam coram ipso, & in ordine ad verum meritum. Quod si extendatur ad omnem modum placendi Deo per modum dispositionis ad justitiam, vel aliquale meritum de congruo, extendendum etiam est, illud *sine fide*, ad omne id, quod fit sine auxilio ordinato ad fidem, seu sine vocatione ad fidem, ita ut sine fide fieri dicatur, quidquid fit sine initio fidei. Quamvis autem quod fit sine fide, non placeat Deo aliquo modo ex prædictis, non ideo displicet tanquam malum, neque omnino non placet, ut indifferens, sed potest placere, ut honestum naturaliter, & in suo ordine. Tertius locus de arbore mala Matt. 7. si de voluntate impia intelligatur, ut Augustinus sæpe vult, formaliter intelligendus est, de illa, ut impia est, operante, vel si absolute de illa voluntate intelligatur, limitanda est dicto modo, ut scilicet regulariter intelligatur, multi enim graves expositores ita putant, esse intelligendum illum locum, de impossibili pro difficili, ut supra vidimus. Denique in quarto loco de oculo sinistro, seu nequam, Matth. 6. verum quidem est, oculum esse intentionem, & ab intentione iniqua non prodire actionem bonam, sed inde non probatur, infidelem nunquam habere intentionem bonam sufficientem ad operis alicujus honestatem. Quando ergo hoc subsumit August. intelligendus est, morali modo, seu distributione regulari, & ut plurimum, sicut dictum est.

27. Et ita etiam constat sensus duarum primarum rationum Augustini, procedunt enim moraliter, ac regulariter loquendo, non vero de absoluta necessitate, quia nulla est talis, ut ostendi. Probationes vero Aug. in prima ratione adductæ ad summum probant ordinariam facti contingentiam. Quod vero dicit in ultima, esse superbum, operari virtutem moralem propter se ipsam, moderandum est, & intelligendum (ut supra dixi) de his, qui in tali operatione constituebant ultimum finem, & beatitudinem, sicut multi Theologi dicunt, Angelum peccasse, ita appetendo suam beatitudinem naturalem, ut omnem aliam contempserit, & ita se ipso contentum, in superbiam elatum, Deum, & alia superiora bona despexisse. Ita enim Philosophi Stoici sensisse videntur, contra quos ibi August. agebat, ut ibi late Ludov. Vives exponit. Et sic etiam accommodanda est tertia ratio Aug. dicitur enim infidelis operari sine fine debito, quia regulariter illum excludit, vel in modo operandi ponendo in suo opere ultimam perfectionem, vel extrinsecum finem pravum adhibendo, sed hæc ad summum procedunt quoad usum, & regulariter, non vero quoad potestatis defectum, vel absolutam necessitatem, & idem est sensus tertiæ rationis.

28. Quarta autem ratio August. videtur procedere juxta sensum secundæ propositionis ejus, quam proposuimus, nam operatio sterilis ad vitam æternam, non semper est peccatum proprie sumptum, potest autem dici non bona Theologice, id est, carens bonitate, quam debet habere, ut aliquid æstimeretur, unde a Paulo 1. Corinth. 13. *Nihil* esse dicitur. Neque Aug. umquam dixit, teneri homines ex proprio præcepto, nunquam steriliter operari in prædicto sensu, neque re vera datur tale præceptum, nec potest cum fundamen-

Ita a falso sensu manens allatæ Scripturæ in nu. 2.

Ita non procedunt priores duæ August. rationes in n. 3. & 4.

Procedit etiam tertia, in eod. n. 4.

Procedit & 4. ibid.

to fingi. Potest vero illud *Steriliter* distingui, scilicet vel negativè tantum de facto, vel etiam de possibili, quod est esse infructuosum contrariè, priori modo potest actus esse non malus, licet sit sterilis de facto, ex aliis conditionibus operantis: posteriori autem modo dicitur opus sterile, cui repugnat esse fructuosum ad vitam æternam, & hoc modo omne opus malum infructuosum est, quia solum ratione malitiæ potest illam repugnantiam habere. Non est autem necesse, ut omne opus infidelis sit infructuosum hoc posteriori modo, nisi forte regulariter, ut dictum est. Quinta vero ratio August. ne apertam æquivocationem committat, quam probat objectio facta, intelligenda est de vera pudicitia in sensu explicato in propositione prima, sic enim vera pudicitia, etiam si corporalis sit, debet esse conjuncta cum spirituali, qua anima Deo conjungitur ut summo bono, in quod omnia refert, & ideo repugnat, veram pudicitiam esse in animo fornicante a Deo, &c.

C A P U T VIII.

Utrum interna gratia specialis, præter Dei concursum naturalem humanæ naturæ debitum, sit necessaria simpliciter homini lapsò ad honeste operandum?

Procedit
zandem
ibid.

I. PROpono quæstionem hanc de homine lapsò, quoniam de aliis statibus nulla esse potest difficultas, supposita resolutione, quam de homine lapsò trademus. Igitur de homine in hoc etiam statu constituto, duo possumus ex dictis in præcedentibus capitulis tanquam certa colligere; unum est, nullam gratiam infusam per modum habitus esse necessariam ad honestam operationem. Pater, quia ostensum est, neque charitatem requiri, sed ante hos habitus, vel sine utroque illorum nullus est habitus infusus operativus, ut per se notum est; ergo nullus talis habitus necessarius est ad bene operandum. Deinde est ratio a priori, quia propter actum solum non potest requiri habitus proportionatus, & ejusdem ordinis; ergo propter actum honestum ordinis naturalis non potest esse necessarius habitus infusus. Unde etiam sit, neque necessarium esse habitum per accidens infusum ad moralem actum bonum, quia potius ex natura rei talis habitus generatur per actus, & alius modus infusionis extraordinarius est, & quasi miraculosus.

Neque in-
fusa in per
accidens.

Præmitti-
tur item
neque eide
ad id ne-
cessariam
gratiam a
ctuale su-
pernatu-
rale in sua
substantia

2. Aliud, quod ex dictis colligitur, est, ad opus bonum morale non esse necessarium auxilium ordinis supernaturalis quoad substantiam suam. Id constat, quia ante revelationem fidei nullum datur homini tale auxilium, & ante illam potest bene operari. Item quia nulla potest ostendi ratio talis necessitatis, unde quæ ostendunt habitus infusos non esse necesarios, probant, nullum principium supernaturale esse necessarium. Superest ergo dicendum de auxilio naturali extraordinario, seu non debito, quod aliqui vocant gratiam ordinis naturalis. Potestque ad varias opiniones explicandas subdividui. Nam quoddam auxilium potest intelligi, quod non solum sit in se quid reale, & additum præter omnia naturalia, sed etiam sit per modum principii physici actus moralis boni. Aliud vero esse potest speciale auxilium, quod in se sit realiter, ac physice aliquid supra omnem influentiam primæ causæ, tamen ad actum non juvet, nisi per modum principii moralis. Denique aliud esse potest, quia licet physice, & in se non sit aliquid majus, quam per ordinarias causas secundas evenire possit, nihilominus in ratione beneficii, & in opportunitate temporis pro quo confertur, sit speciale auxilium, & vere supernaturale, non quoad substantiam, sed quoad modum.

Multorum
opinio.

3. His ergo modis multiplicatæ sunt opiniones in hoc puncto: prius vero, quam speciatim illos referamus, quæstio generatim tractanda est. Est itaque multorum opinio, nullum opus morale bonum posse fieri ab homine lapsò sine speciali auxilio gratiæ. Pro hac sententia relictos invenio apud Vasquez 12, disp. 190, capit. 2. Leonar. Aret. Dialog. de Morib. Jacomel. lib. adversus fratrem Medensem, cont. error. 17. Anton.

Phantus. lib. de Prædestinat. & Gratia cap. 6. post medium, & lib. de Liber. arb. c. 6. post medium, Franc. Romæum libr. de Liber. & necessit. oper. verit. 14. & v5. & verit. 22. Hanc item sententiam ita generatim sumptam latissime defendit Gasp. Cassal. libro primo, de Quadrip. justit. cap. 10. & a capit. 20. usque ad 40. nunquam vero explicat modum illius gratiæ. Idem tenet Cather. Genes. 3. circa id, *Vocavitque Dominus Adam*, &c. Rationes autem ejus eo tendunt, ut probent, non posse hominem, justitiam, seu habitum virtutis, & charitate carentem bene moraliter operari, quod supra cap. 4. impugnavimus, & Catherino sufficienter respondimus. Eandem sententiam sequuntur Gregorius, & Capreolus, & nonnulli alij, variis tamen modis illam defendunt, & ideo illos postea referemus. Nos enim prius contra dictam sententiam, generatim veritatem trademus, postea vero per omnes modos auxiliorum gratiæ, qui a variis authoribus excogitati sunt, discurrendo, singulas opiniones confutabimus, & generalem conclusionem confirmabimus, tandemque generalia fundamenta omnibus contrariis opinionibus communia proponemus, & expendemus.

4. Dicimus ergo, posse hominem lapsum in uno, vel alio actu bene moraliter operari sine speciali, auxilio gratiæ. Explicatur assertio, nam in primis plus est, bene moraliter operari, quam actum moralem de se bonum facere, hoc n. posterius sit per actum ex genere suo, ut ajunt, seu ex objecto bonum, etiam si non recta intentione fiat, & ideo nemo unquam dubitavit, quin talis actus possit viribus naturæ fieri, nam etiam a pessimis hominib. fieri potest. At vero, ut quis bene moraliter operetur, necessarium est, ut actum faciat undique honestum ex fine, seu motivo, & omnibus circumstantiis, & de hoc actu procedit assertio. Unde sit, ut assertio locum habeat tam in actibus præceptis lege naturali, vel humana, quam in non præceptis, plus enim requiritur ad bene moraliter operandum, quam ad servandum præceptum naturale, vel humanum. Præceptum n. servari potest per actum de se bonum; imò aliquando per indifferentem, etiam si ex aliqua circumstantia peccaminose fiat, ut suppono: unde si liberum arbitrium potest facere actum undique bonum, a fortiori poterit facere actum impletivum naturalis præcepti. Rursus actus bonus latius patet, quam actus præceptus: sæpe n. homo potest bene moraliter operari, nullo urgente præcepto, & illum etiam modum operandi assertio complectitur, quia eadem est utriusque ratio, neque carentia præcepti auger difficultatem bene operandi. Quod si non de absoluto præcepto, sed de conditionato tractemus, sic in opere bene facto aliquod servatur præceptum, quia licet homo interdum non teneatur absolute aliquid operari, v. g. eleemosynam facere, si tamen illam facere velit, tenetur debito modo illam præstare, & ita quoties homo bene moraliter operatur, aliquod naturale præceptum observat, & ita utrumque in assertione includitur. Quæ etiam intelligitur per se loquendo, & consideratis virib. liberi arbitrii, & intrinseca conditione status lapsæ naturæ, nullaque tentatione extrinsecus urgente, nam quid de tempore tentationis dicendum sit, postea videbimus.

Assertio
Potest ho-
mo lapsus
sine auxi-
lio specia-
li aliquan-
do bene
moraliter
operari.

5. Conclusio ergo sic declarata communis est discipulorum D. Th. 1. 2. q. 109. a. 2. & 3. ubi Contr. Cajet. Medin. & Valent. Soto l. 1. de Natur. & Grat. c. 20. Alii Scholastici illam tenent in 2. dist. 28. Albert. Scot. Durand. Gabr. & Carthus. Idemque tenent moderni scribentes de grat. & lib. arb. contra hæreticos, quos cum multis aliis retuli in 1. p. l. 2. de Prædest. c. 9. 11. & 12. & infra tractando de victoria tentationum, alios referam. Et in illis oportet advertere, aliquos eorum sub nomine gratiæ dicere, requiri gratiam ad singula opera moralia; sed loquuntur late de nomine gratiæ, prout significat etiam generalem concursum primæ causæ, vel quodlibet beneficium generalis providentiæ Dei. Quomodo loquitur Bonavent. in 2. d. 28. art. 3. qu. 2. & ibi Vbert. art. 1. Eodemque modo loquitur Marsil. in 1. q. 20. art. 1. & 2. q. 17. & 18. art. 1. & Dionys. Cysteri. 1. d. 17. q. 18. q. 1. art. 2. & in 2. d. 27. q. 1. & Abul. in c. 9. Matt. qu. 174. ut facile legenti, & considerandi horum authorum verba patebit, nam plane fatentur ad ejusmodi

Primo au-
thoritate
Scholasti-
corum fir-
matur as-
sertio.

modi opus morale non requiri auxilium, quod sit præter naturæ debitum.

D. Thom.
quidam in
contrariū
citant.

6. De D. Thom. autem sententia, licet antiqui Scriptores, & plures ex modernis non dubitaverint, nonnulli ex recentioribus illum in contrariam sententiam adducere conantur, quia valde generaliter, ac proinde ambigue utitur nomine *auxilii Dei moventis*, sub qua voce in 1.2. quæst. 109. art. 1. & 2. dicit, ad omnem veri cognitionem, & boni etiam naturalis amorem honestum, esse necessarium auxilium Dei. Quod aliqui de speciali gratiæ auxilio interpretantur; tum quia in artic. 6. 7. & 8. dicit cum hoc auxilio posse hominem præparari ad gratiam, resurgere a peccato, & perseverare sine peccato, si natura esset integra; tum etiam, quia 2.2. quæst. 130. art. 1. ad 3. dicit, ideo non esse præsumptionem intendere cogitare, & facere bonum, quia id possumus cum auxilio divino, & loquitur de speciali: nam fundatur in testimonio Pauli, quod in argumento adduxerat: *Non sumus sufficientes cogitare aliquid ex nobis*. 2. Corinth. 3. tum præterea, quia 2.2. quæst. 136. artic. 3. ad 2. ait, bonum politicæ virtutis esse commensuratum naturæ humanæ, & ideo fieri posse sine auxilio gratiæ gratum facientis. *Licet non absque auxilio gratiæ Dei*; tum denique, quia quæst. 14. de Veritat. ad actus voluntatis bonos dicit non esse necessarium habitualem, sed requiri gratiam, prout dicit internam Dei motionem.

Sed immo:
fiso.

7. Sed nihilominus mens D. Thom. clara est, docet enim posse aliquod opus bonum fieri cum solo concursu Dei generali. Nam 1.2. quæst. 109. artic. 2. dicit naturam humanam ad volendum quodcumque bonum indigere auxilio divino ut primo movente: *Sicut* (inquit) *dictum est*, utique art. 1. ubi illud auxilium exposuerat de concursu Dei, quo omnis causa creata ad agendum indiget, & in artic. 3. eodem modo loquitur de eodem auxilio, & illud distinguit ab omni dono gratuito superaddito naturæ; & ab auxilio gratiæ naturam sanantis, quod non solum habitualia dona gratiæ, sed etiam dona actualia includit. Idemque in cæteris articulis illius questionis considerari potest. In artic. 6. ubi distinguendo auxilium ab habitu dicit, ut homo se præparet ad habitum gratiæ recipiendum, non indigere alio habitu, seu auxilio, non dixit præcise, *auxilio Dei moventis*, sed addidit, *auxilio gratuito Dei moventis interioris, seu inspirantis bonum propositum*, ut significaret, sermonem esse de auxilio altiori, quam sit concursus generalis, utique naturæ non debito, sed supernaturali, & interiori a Spiritu S. inspirato. Quibus verbis significare solent Patres auxilium supernaturale gratiæ, ut infra videbimus. Et artic. 7. expresse loquitur de auxilio gratiæ; loquitur enim in illa quæstione strictè, & proprie de gratia supernaturali, prout ratio disputationis propriè exigebat. Unde in art. 8. iterum loquens de concursu generali, non vocat illum auxilium gratiæ, sed vocat *auxilium Dei in bono conservantis, quo subtracto etiam ipsa natura in nihilum decideret*: ac tandem in art. 9. & 10. ultra auxilium gratiæ habitualis aperte distinguit auxilium actuale necessarium ex ratione generali concursus divini, de quo in primo & secundo articulo loquutus fuerat, & auxilium gratiæ ex speciali ratione necessarium, de quo ibi loquitur. Itaque in illa quæst. ubi D. Thom. rem ex professo tractavit, satis clara est ejus sententia.

Satis ap-
prietur
loci citatio
ex 22.

8. In priori autem loco 2.2. quæst. 130. artic. 1. ad 3. generatim loquitur de opere virtutis, seu de actu bono, ideoque, si utrumque in sua generalitate accipiat, debet cum proportionem intelligi, nam ad actum bonum naturalem, sperandum est auxilium naturale generalis concursus, ad bonum vero supernaturale, auxilium divinum supernaturale. Si autem loquatur de bono meritorio, ut testimonium Pauli exigit, & est usus Sanctorum, ut infra videbimus, nihil locus ille ad præsentem quæstionem pertinet. In altero vero loco ex quæst. 136. probabile est, usum est vulgari modo nomine *auxilii gratiæ Dei*, prout comprehendit etiam auxilium generale, ut de usu multorum Scholasticorum diximus, & expresse distinguit idem D. Thom. in 2. distin. 28. art. 1. ad 1. & art. 3. Dici etiam probabiliter potest, D. Thomam in illo articulo tertio, argu-

mento secundo, objecisse quibusdam gentilibus: *Qui sine gratia Dei multa mala tolerarunt, ne patriam perderent, vel aliquid inhonestum committerent*, & ideo respondisse, tolerasse illa sine gratia habituali, non vero sine auxilio gratiæ etiam propriè sumptæ, non quia tale auxilium necessarium sit ad singula opera bona etiam minima, sed quia est necessarium saltem ad opera insignia, & ad vincendas difficiles tentationes, seu difficultates, ut postea dicemus.

Suffragatur etiam
in locis
aliis.

9. Addo, eundem D. Thomam 2.2. quæst. 10. art. 4. dicere, infideles non posse facere bona opera, quæ sunt ex gratia, scilicet, opera meritoria, posse tamen aliquammodo facere bona opera, *ad quod sufficit bonum naturæ, quod in eis non est totaliter corruptum*. Et inde concludit, non peccare infideles in omnibus suis operibus. Unde necesse est, ut in prioribus verbis loquatur de bono opere bene facto, quia si non beneficeret, jam esset peccatum. Et in eodem sensu dicit in solut. ad 3. posse infideles per rationem naturalem facere aliquid opus de genere bonorum. Denique in quæst. de veritat. aperte docet, concursum Dei generalem posse ad aliquem actum bonum sufficere: declarat autem, in voluntate esse hoc auxilium necessarium, non solum ex parte potentia, sed etiam ex parte objecti excitantis, quod etiam dixerat in 1.2. quæst. 109. art. 2. ad 1. & est clarum, neutrum autem excedit necessitatem generalis concursus, ut in sequentibus latius explicabimus. Quibus addi etiam potest quod D. Thom. Joan. 15. lect. 1. tractans illa verba: *Sine me nihil potestis facere*, distinguit in nobis duplicia opera, alia, quæ sunt virtute naturæ, alia, quæ sunt virtute gratiæ, & priora, dicit, non fieri sine verbo influente generali concursu; posteriora vero non fieri sine Christo, ut est author gratiæ, & concludit: *Et ita manifestum est, quod nullum opus meritorium sine ipso fieri potest*; sentiens, opus bonum mere naturale, & non meritorium, sub illa regula non comprehendi, &c.

Secunda
affirmatio
assertio
authori-
tate Pa-
trum.

10. Est etiam hæc sententia valde communis apud sanctos Patres: nam qui Augustinum præcesserunt, passim ita loquuntur, ita ut interdum limitatione, & expositione indigere videantur, ut ex his, quæ diximus in lib. 2. de Prædestin. facile intelligi potest. Et ex Chrysost. homil. 67. ad popul. & homil. 26. in Matth. in Imperfecto, & Hieron. scribente etiam contra Pelagianos lib. 3. circa finem, & in cap. 1. & 5. ad Galat. ex August. vero, & Prospero, ac Fulgentio multa in sequentibus afferemus. Et videri potest Gregor. hom. 27. in Evang. & Damasc. lib. 3. de Fid. cap. 14. Denique ex Conciliis etiam, & scriptura idem deduxi in lib. 2. de Prædestin. cap. duodecimo, & sequentibus, additis etiam variis discursibus, & rationibus, tum a priori ex ipsa rei natura, & intrinseca facultate naturali naturæ humanæ, quæ post peccatum non fuit destructa, neque in internis potentiis diminuta, sed tantum privata possibilitate, quam per gratiam, & iustitiam ante peccatum habebat; tum etiam a posteriori ex variis incommodis, quæ ex contraria sententia sequuntur, quæ omnia hoc loco repetere supervacaneum est. Ut tamen ibi dictis aliquid addamus, liber hoc loco quendam locum Pauli ibi etiam tractatum hic diligentius, & accuratius expendere; tum quia fundamentalis est in hac materia; tum etiam, quia occasione illius ostendemus, quam recepta inter antiquos Patres, quamque rationi consentanea sit hæc sententia.

11. Primum autem omnium adverto ex Scriptura solum posse efficaciter probari, homines quantumvis peccatores, infideles, & impios, interdum boni aliquid moralis, & naturalis operari. Hoc enim convincunt ea, quæ de operibus infidelium cap. 6. adduximus. Et probant optime verba Christi Matth. 5. *Si dilexeritis eos, qui vos diligunt, quam mercedem habebitis, nonne & ethnici hoc faciunt?* Ubi necesse est, sermonem esse de dilectione bona, nam dilectio male exhibita, eo ipso non est digna mercede, ita, ut argumentum sit efficax, oportet, ut illa dilectio etiam in ethnicis bona sit, seu esse possit: alias nec argumentum cogeret, nec recte dicerentur ethnici, idem in eo genere facere, quod fideles etiam naturaliter faciunt. Et hoc ipsum significavit Christus Luc. 11. dicens: *Si vos cum sitis mali, nostis bona dare filiis vestris*, utique

Quid pro
eadem as-
sertio
ex
Scriptura
probari
possit.

utique ex affectu naturæ, & ductu rationis sine ulla turpitudine, nam si de largitione turpiter facta sermo esset, nihil mirum esset, quod fieri possit ab hominibus, licet sint mali. Hoc etiam supposuit Petrus, cum dixit, *Servi subditi estote Dominus non tantum bonis, & modestis, sed etiam discolis.* 1. Pet. 2. nam licet Domini infideles, & ethnici, de quibus præcipue loquebatur Petrus, non sint boni apud Deum, in modo humaniter tractandi servos, possunt esse boni, & per actus morales naturæ consentaneos, & simpliciter bonos, seu honestos id præstare.

Quid contra illam non possit.

12. Non possumus autem ex Scriptura efficaciter probare, infideles, & pravos homines hæc opera facere solo generali concursu, & sine aliquo majori adiutorio Dei, quia hoc in illa non expresse negatur. Sed in primis satis nobis est, quod neque oppositum asseritur, sed absolute talia opera dicantur fieri, etiam ab ethnicis: unde qui dixerit, tale adiutorium semper, & ad singula opera illis datum esse, oportet, ut aliunde id nobis persuadeat, alioqui merito verba Scripturæ, ut simpliciter sonant, accipimus. Præsertim, quia Christus in verbis supra citatis dixit, talia opera etiam ab ethnicis fieri, ut significaret, illa opera esse infirmi ordinis, & apud Deum non esse digna supernaturalis mercedis, quod adversarii non concedunt etiam de his operibus ex gratia factis. Accedit quod gratiæ auxilium ordinarie non conceditur infidelibus ad communia vitæ humanæ opera: hæc autem moralia opera præsertim mere humana, seu inter homines, ut est, obedientia ad parentes, amor ad filios, misericordia ad pauperes, sæpe possunt ab ethnicis bene fieri per ordinarium cursum providentiæ Dei. Denique ad hoc ponderari potest verbum illud *naturaliter* in verbis Pauli Rom. 2. *Gentes, quæ legem non habent, naturaliter ea, quæ legis sunt, faciunt*: nam idem videtur esse naturaliter, quod vi naturæ, & sine speciali ope gratiæ aliquid facere.

Tractatur ad rem præsentem proxime citatus locus Pauli, ac primo quoad illa verba, Gentes, quæ legem non habent.

13. **H**abet tamen locus hic varias interpretationes, quas hoc loco pro viribus expendam. Trium enim in illo loco indigent explicatione. Primum, de quibus *gentilibus* Paulus loquitur: secundum, quid nomine *legis* intelligat: tertium, quid sit *naturaliter* facere ea, quæ sunt legis?

Quid non re legis Paulus intelligat.

14. Et incipiendo a secundo, certum est, nomine *legis* ibi intelligi, vel legem scriptam, seu veterem, vel in universum legem Dei positam. Nam clarum est: Paulum non excludere legem naturalem, nullæ enim sunt gentes, quæ hanc legem non habeant, neque peccari potest sine hac saltem lege, nam ut capit. 4. addit Paulus: *Ubi non est lex, neque prævaricatio*, ubi legis nomen latius accipit, pro quacunque lege: in cap. autem 2. pro lege extrinsecus addita internæ legi naturali. Quo modo August. serm. 25. in Psalm. 118. illa duo loca Pauli inter se conciliat, & cum verbis ejusdem Psalmi, *Prævaricantes reputavi omnes peccatores terre*. Simpliciter autem considerando contextum Pauli in illo cap. 2. de lege scripta plane loquitur: æquiparat enim ibi Judæos, & gentes in hoc, quod utrique judicandi sunt a Deo secundum opera sua, etiam si Judæis data esset lex, utique scripta, & non gentibus. *Quia qui sine lege peccaverunt* (scilicet scripta) *sine lege peribunt, & qui in lege peccaverunt, per legem judicabuntur*. Eodem ergo sensu adjungit: *Cum enim gentes, quæ legem non habent, &c.* & ita exponit ibi Chrysost. homil. 6. Theophyl. *Gentes, inquit, legem non habentes: qualem? scriptam*. Theodor. *Gentes, ait, ante legem Mosaycam*. Oecum. *Qui lege padagogi non egent*. Et Orig. lib. 2. in ad Rom. significat, sermonem esse de lege Moy si non cæremoniali, sed morali, seu decalogi, nam opera hujus legis scripta sunt in cordibus hominum. Eandem expositionem habent Anselmus, & D. Thomas, & alii Latini, & habetur in commentariis Ambrosii attributis, circa illa verba: *Qui sine lege peccaverunt, sine lege, inquit Moy si*. Addit in Augustin. dicto serm. 25. in Psalm. 118, secundum hoc,

quod dictum est: *Qui sine lege peccaverunt*, dictum etiam esse: *Cum gentes, quæ legem non habent*. Quamvis autem hæc sit proprietates verborum Pauli, nihilominus sententia ex paritate rationis in omni lege positiva Dei locum habet: nam etiam illi, qui nullam hujusmodi legem habuerunt, sine lege peccaverunt, & potuerunt etiam naturaliter ea, quæ legis sunt, facere, ut in sequenti puncto dicemus.

Primo, veraque expositio sub nomine gentes, intelligi, quibus lex Moy si data non fuit.

15. Ex his colligere possumus circa primum punctum, cum Paulus dixit, *Gentes, quæ legem non habent*, omnes illos homines in hac appellatione videri comprehendisse, quibus lex Moy si data non est, nam omnes illi sunt gentes, id est, incircumcisi, & sunt legem Mosaycam non habentes, de qua, ut diximus, proprie locutus est Paulus. Sed cum sub tam generali gentium appellatione varii gradus, seu ordines gentium distinguere possint, quidam enim sunt gentes infideles, & idololatæ, qui & ante legem, & cum lege, & nunc etiam post legem durant: alii fuerunt gentes fideles, & iusti, qui & ante legem, & cum lege Moy si ante Evangelium fuerunt: alii denique sunt gentes fideles, & Christiani, quales jam erant multi tempore Pauli, & postea creverunt, & durant in Ecclesia ex gentibus congregata. Dubitant aliqui an tam ampla vocis, *Gentes*, expositio sit admittenda; an potius de aliquo gradu istorum Paulus in particulari loquatur.

16. Est ergo secunda expositio Augustini de Spirit. & Liter. capit. 26. & 27. de gentibus ad fidem Christi conversis locum hunc intelligi. Sequitur Prosper contra Collator. cap. 22. & Fulgent. de Incarnat. & Grat. cap. 25. Et quod gravius est, ibi significat, solos Semipelagianos locum illum de gentibus infidelibus intellexisse; sequitur Beda Rom. 2. Eademque expositio habetur in commentariis Ambrosii attributis. Et significant Anselm. & D. Thom. ibi, & 1. 2. quest. 109. art. 4. ad 1. & hanc interpretationem sequuntur graves moderni expositores Pauli, Adamus, & alii, & ex parte Toler. & Salmeron infra citandi. Pereira vero disp. 9. in illud cap. eam vocat, *solidiorem, sublimiorem, tutiorem, magisque theologicam*, quamvis non ita illam approbet, quin aliam infra tradendam, libenter amplectatur. Turtian. vero in lib. 7. constit. Clementis cap. 34. hanc absolute tradit.

2. Expositio Aug. & aliorum de gentibus in lege gratiæ.

17. Fundatur autem hæc expositio in aliis verbis Pauli, quæ proxime præcedunt in eodem loco: *Non enim auditores legis iusti sunt apud Deum, sed factores legis iustificabuntur*. Unde colligitur, illos gentiles, qui naturaliter ea, quæ legis sunt, faciunt, id faciendo, iustificari; ergo non possunt esse infideles, quia sine fide impossibile est placere Deo, & quia per fidem homines iustificantur: unde solet sumi aliud argum. & sit 2. Nam Paulus loquitur de gentibus servantibus totam legem naturæ, quod nemo præstare potest sine fide, & grat. Christi; ergo loquitur de gentibus conversis ad Christum. Major probatur primo, quia non dicitur quis facere, quæ legis sunt, eo quod unam, vel aliam particulam legis servet, si in aliquibus, & maxime si in pluribus legem violat: secundo, quia de his gentibus, quæ naturaliter ea, quæ legis sunt, faciunt, statim subjungit Paulus: *Qui ostendunt opus legis scriptum in cordibus suis, testimonium reddente illis conscientia ipsorum, & inter se invicem accusantibus, ac defendentibus in die, cum judicabit Deus peccata hominum*. Quibus verbis ostendit, illos gentiles sic facientes, quæ legis sunt, testimonio conscientiæ posse defendi apud Deum in die iudicii, non potuerunt autem sic defendi, nisi qui totam legem servaverint; ergo de his loquitur Paulus. Tertio fundari potest hæc sententia in aliis præcedentibus verbis: *Gloria, & honor omni operanti bonum* Judæo primum, & Græco, & ad hoc probandum inducit alia verba, *Gentes, quæ legem non habent, &c.* Ergo loquitur de gentibus, quæ apud Deum gloriam, & honorem merentur, istæ autem non sunt, nisi fideles. Quarto post prædicta verba circa finem capituli ab illis verbis: *Si præputium iustitias legis custodiat*, aperte loquitur Paulus de gentibus credentibus; ergo & in prædicta sententia; nam in eodem sensu illa voce utitur. Antecedens patet, quia multa illis tribuit, quæ sine fide, & gratia Christi.

Forum fundamentum.

Alterum argumentum pro eodem intellectu.

3. Argum.

4. Argum.

Christi fieri non possunt, ut sunt legem consummare, & esse in abscondito spirituales Judæum, & habere spirituales circumcissionem, & laudem non ex hominibus, sed ex Deo.

Prædictus
intellectus
per se
probabilis,
rationes
tamen
universa-
liter pro-
bant de
gentibus
non ido-
latrias.

18. Hæc expositio probabilis est, si tamen rationes ejus attente considerentur, non probant, Paulum tamen loqui de gentibus conversis ad fidem Christi post inchoatam Evangelii prædicationem, sed generatim de gentibus justis, & justificatis per fidem, quales fuerunt multi ante legem Moysi, & post datam legem ante adventum Christi, & post Christi adventum, ante auditum Evangelii, talis fuit Cornel. & potuerunt esse alii multi: nam de illis verum est, esse justificatos per fidem, & meruisse gloriam, & honorem apud Deum, & conservasse totam legem, & testimonio conscientia posse in die judicii defendi apud Deum. Ergo ex vi illarum rationum non possunt restringi verba Pauli ad gentiles baptizatos, seu conversos ad fidem Christi. Responderi potest ex August. ex illis verbis, *Qui ostendunt opus legis scriptum in cordibus suis*, colligi, sermonem esse specialiter de gentibus conversis ad Christum, quia illud est privilegium legis Evangelicæ, quæ promissa fuit in cordibus imprimenda, Jerem. 31. Sed hoc non cogit, nam illa verba Pauli optime intelliguntur de lege naturali scripta in cordibus ipso naturali lumine, atque ab ipso Deo, ut authore naturæ: lex autem nova altiori modo prædicta est, ut scribenda in cordibus spiritu Dei vivi per infusionem fidei, & gratiæ, ut dicitur 2. Corinth. 3. unde Cardinalis Tolet. ibi omnino censet, non esse restringenda illa verba ad gentiles factos Christianos, sed extendenda ad omnes gentes, quæ quocumque tempore fideles fuerunt, non tamen ad infideles, & idololatrias propter prioris expositionis fundamenta.

3. Expositio
Salmeron.
de gentibus
vivacibus
secundum
legem
naturæ.

19. At vero Salmeron. disput. 18. in ad Rom. excludendos etiam credit gentiles conversos ad fidem Christi, ac proinde Paulum loqui de gentibus, qui tempore legis naturæ, vel Moysi, servabant legem naturæ, fide tamen, & gratia adjuti. Et ita excludit gentes infideles propter fundamenta primæ sententiæ. Christianos vero ex gentibus venientes, excludit, quia tales gentes non possunt dici non habere legem, cum Paulus dicat, *gentes, quæ legem non habebant*. Assumptum patet, quia licet non habeant scriptam, habent Evangelicam, quæ positiva divina est, ratione cuius dici non potest de Christianis, *qui sine lege peccaverunt, sine lege peribunt*. Et plures alias conjecturas ad hoc adducit, quæ vel inefficaces sunt, vel nimium probant, ut est illa, quam ex proprietate illius vocis *naturaliter* sumit, quia non gratiam, nec fidem, sed facultatem naturalem significat. Nam si hæc ratio urget, etiam probat, non esse ibi sermonem de fidelibus gentibus cujuscumque ætatis, & per fidem, seu gratiam operantibus; sed de illa particula postea dicendum est. Veroque adducit pro hac sententia Anselmum ibi, ille vero licet interdum loquatur de gentibus reformatis per fidem, & gratiam, nunquam vero excludit Christianos. Citari etiam potest Theod. qui locum interpretatur de iis, qui ante legem Moysaycam fuerunt: *Et pii sunt (ait) uti sunt rationibus*. Indicat etiam Athanas. vel author quæstion. ad Antioch. quæst. 124. dicens: *Græcum vero non dicit idololatriam, sed pium, qui colat quidem Deum, verum neque credat in Christum, neque veterem legem teneat. Sed sine lege Deum colat, servetque virtutem aliquam*.

4. Expositio
Orig.
& aliorum
Gregoriorum
de gentibus
infidelibus.

20. Quarta sententia est contraria omnibus præcedentibus, nimirum, Paulum loqui de gentibus infidelibus, & idololatriis. Hanc expositionem tradit expresse Orig. lib. 2. in Epistol. ad Rom. paulo ante med. ubi inter alia exponens illud, *Gloria, & honor, & pax omni operanti bonum, Judæo primum, & Græco*, subjungit, *quod, ut ego capere possum, de Judæis, & gentibus dicit, utrisque nondum credentibus*. Quod de Judæis imprimis declarat, & deinde addit; *Sed & Græcus, i. gentilis, qui cum legem non habeat, ipse sibi est lex, ostendens opus legis in corde suo, & naturali ratione motus (sicut videmus nonnullos in gentibus) vel justitiam teneat, vel castitatem, vel prudentiam, temperantiam, modestiamque custodiat, iste licet a vita alienus videatur æterna, quia non credit Christo,*

& intrare non possit in regnum cælorum, quia renatus non est ex aqua, & Spiritu S. videtur per ea, quæ dicuntur ab Apostolo, bonorum operum gloriam, & honorem, & pacem perdere penitus non posse. Et paulo inferius ait, legem, quæ facit, ut omnis homo, qui peccat, in legem peccet, esse legem naturalem, & hanc esse legem scriptam in cordibus omnium hominum. De illa vero statim subdit, maxime convenire cum Evangelii lege, ubi cuncta referuntur ad naturalem æquitatem. Sentiens quidem, altiori modo esse ipsam naturalem legem impressam in cordibus Christianorum per Dei spiritum, & per illum impleri perfecte, non tamen excludens priorem sensum planum verborum, quem antea posuerat. Chrysost. etiam homil. 5. aperte exponit illa verba de homine sola ratione naturali utente, etiam si fidem non habeat, sic enim ait: *Per naturam autem verbum, naturales intelligit cogitationes, ac rationes, & infra: Ostendit (inquit) opus legis scriptum in cordibus suis, simul attestante ipsorum conscientia, sufficit enim loco legis conscientia, & cogitatio, utique naturalis, ut dixerat: unde subjungit: Per hæc rursus ostendit, Deum sic hominem finxisse, ut possit per se virtutem intelligere, ac vitam declinare*. Intelligit ergo per gentes, homines sola ratione naturali utentes, etiam si fidem non habeant; & ita intellexit Chrysost. Theophyl. & de naturalibus cogitationibus exposuit, nulla facta fidei mentione. Eodemque fere modo loquitur Oecumen. & in eundem sensum possunt facile accipi verba Athanasii supra citata, nam per pium hominem non videtur intelligere hominem justum, vel fidelem, sed quovismodo cognoscentem, vel colentem Deum, & aliquid boni facientem, ut indicant verba illa, *Servetque virtutem aliquam*.

21. Ex antiquis etiam Latinis Patribus ita hunc locum intellexisse videtur Tertull. libr. de Coron. milit. cap. 6. dicens: *Quæres igitur Dei legem, habens communem hanc in publico mundi, in naturalibus tabulis, ad quas & Apostol. solet provocare, ut cum ad Roman. natura facere dicens nationes ea, quæ sunt legis, & legem naturalem suggerit, & naturam legalem*. Ubi nationum nomine profecto intelligit gentiles omnes ethnicos, & cum dicit, Paulum ibi provocare ad naturales tabulas, plane sentit, loqui de gentibus, quæ sola ratione naturali ducuntur, etiam si fidem non habeant. Favet etiam Cypr. lib. 3. ad Quir. cap. 99. quatenus verba illa: *Qui sine lege peccaverunt, sine lege peribunt*, intelligit de his, qui ante legem peccaverunt, qui profecto potissime sunt gentes infideles. Paulum autem nomine gentium necessario comprehendere etiam illos, qui sine lege peccaverunt, statim ostendam. Amb. item lib. 5. Epist. 41. verba illa, *ostendunt opus legis scriptum in cordibus suis*, de lege naturali in cordibus non tam scripta, quam innata intelligit: *Quæ, inquit, non aliqua percipitur lectione, sed profuso quodam natura fonte in singulis exprimitur, & humanis ingeniis hauritur*; & similia multa habet lib. de Fuga sæcul. cap. 3. ergo consequenter intelligit, Paulum de gentibus hac lege utentibus, etiam si adminiculum fidei non habeant.

Suffragatur
etiam
expositio
n. Latini
Patres.

22. Author etiam commentariorum Ambrosio attributorum, licet circa hæc verba primam sententiam sequatur, attamen paulo superius circa illa verba: *Quicumque sine lege peccaverunt, sine lege peribunt*, hanc ultimam aperte docet his verbis: *Non credentes gentiles duplici genere fiunt rei, quia neque legi data per Moysen assenserunt, neque Christi gratiam receperunt, ideo dignum est, ut pereant*. Exponit ergo dicta verba de gentibus non credentibus; est autem evidens, de eisdem esse sermonem in verbis aliis, quæ nunc tractamus, ut statim ostendemus. Eo vel maxime, quod idem author in eandem sententiam incidit, dum adjungit. *Igitur qui sine lege peccat, peribit: & qui sine lege legem servat, justificabitur. Justitiam naturaliter servans, custos legis est. Si enim iustus non est lex posita, sed iniustus, qui non peccat, amicus legis est: huic sola fides deest, per quam fiat perfectus, quia nihil illi proderit apud Deum, abstinere a contrariis, nisi fidem in Deum acceperit, ut sit iustus per utramque, quia illa temporis justitia est, hæc æternitatis*. Ubi plane docet,

Commen-
taria quodam
que nomi-
ne Am-
brosii.

eundem gentilem infidelem, qui peccando sine lege peribit, non peccando, & faciendo opera legis, iustificari, iustitiam temporali, non æterna, & apud Deum, quæ sententia coincidit cum sensu aliorum verborum Pauli, quæ nunc tractamus.

Ea Hier.

23. Hieronym. præterea ad 24. cap. Isai. in princip. *Audiant (inquit) Iudei qui se solos legem accepisse gloriantur, quod universa primum gentes, totusque orbis naturaliter acceperit lege: & subdit inferius: De qua Apostolus loquitur, cum eniungentes, quæ legem non habent, &c.* ubi tacite exponit, Paulum loqui de gentibus, quæ a principio, & ante legem fuerunt, & quæ per totam orbem fuerunt, sive fidem haberent, sive non haberent. Et evidentiùs Matth. 22. exponens verba illa, *Ita ergo ad exitus viarum: Gentilium* (inquit) *populus non erat in viis, sed in exitibus viarum, ubi loquitur aperte de gentibus non conversis, sed infidelibus, de quibus mover quæstionem: Quomodo in his, qui foris erant inter malos, & boni aliqui sunt reperti?* Et respondet: *Hunc locum plenius tractat Apostol. ad Roman. quod gentes naturaliter facientes ea, quæ legis sunt, condemnent Iudeos, qui scriptam legem non fecerint; & addit: Inter ipsos quoque ethnicos est diversitas infinita, cum sciamus, quosdam esse proclives ad vitia, & ruentes ad mala, alios ob honestatem morum virtutibus deditos:* exponit ergo Paulum de gentibus ethnicis, quæ vox infideles significat. Quomodo autem cætera, quæ Hieron. indicat, intelligenda sint, postea videbimus, nunc enim solam expositionem verborum Pauli ponderamus. A qua etiam non discrepat idem Hieron. vel author commentariorum, quæ nomine eius inter illius opera ferantur in eodem loco ad illa verba: *Naturaliter ea, quæ legis sunt, faciunt, addens, sive de his dicit, qui naturaliter iusti fuerunt ante legem, sive etiam qui nunc boni aliquid operantur.* Ubi per hos posteriores non intelligit iustos, ac subinde nec fideles, sed ethnicos, qui boni aliquid operantur, & vel utrosque, vel certe maxime posteriores nomine gentium comprehendendi indicat.

August. etiam non est ab eo-
dem in
Iudeis
aus.

24. Neque Augustin. ab hac sententia omnino fuit alienus, ut Cardinal. Tolet. bene supra notavit: nam dicto libro de Spirit. & Liter. cap. 28. sic inquit: *Verumtamen, quia non usque adeo in anima humana imago Dei terrenorum affectuum labe detrita est, ut nulla in ea velut lineamenta extrema remanserint, unde merito dici possit, etiam in ipsa impietate vitæ suæ facere aliqua legis, vel sapere. Si hoc est, quod dictum est, quia gentes, quæ legem non habent, hoc est, legem Dei, naturaliter quæ legis sunt, faciunt, & quia huiusmodi homines ipsi sibi sunt lex, & scriptum opus legis habent in cordibus suis, id est, non omnimodo deletum est, quod ibi per imaginem Dei, cum crearentur, impressum est: etiam sic illa differentia non perturbabitur, quæ distat a veteri Testamento novum, eo quod per novum scribitur lex Dei in corde fidelium, quæ per vetus in tabulis scripta est: hoc enim illic scribitur per renovationem, quod non omnimodo deletum est per vetustatem.* Ubi licet non simpliciter affirmet, sed sub conditione loquatur, nihilominus clare sentit, hanc expositionem congruè posse sustineri, nihilque omnino errori Pelagii favere. Quod doctè notavit Staplet. libr. 2. de Iustific. seu de corrupt. naturæ cap. 14. ubi hanc dicit esse communem aliorum Doctorum, maxime Græcorum sententiam. Eodemque fere modo Prosper cont. Collat. cap. 22. utramque expositionem sub conditione ponit, dicens: *Si de his Apostolus loquitur, qui ex gentibus sunt vocati, & sunt credentes, &c.* Nihil inde Pelagianos sumere posse: *Si vero (subdit) quod magis vult hic disputator intelligi, de illis ista dicuntur, qui alieni a gratia Christiana, quadam ad similitudinem legalium mandatorum proprio iudicio faciebant, &c.* quis ambigat hanc sapientiam humano generi ad temporalis vitæ utilitatem ex natura a Deo condita superesse reliquiis. Utrumque ergo sensum admittit, & ab errore liberum esse ostendit; neque discrepat Anselm. in Paulum, nam licet dicat, gentes non salvari, nisi per gratiam non tamen dicit Paulum loqui de solis Gentilibus, qui salvantur, sed de omnibus, qui lege naturæ per rationem gubernantur; neque etiam D. Thom. in Paulum in ultima expositione alienus est ab

hoc sensu quantum ad hanc partem, ut statim explicando particulam *naturaliter* ostendemus.

Favet
denique
Pius V. &
Gregor.
XIII.

25. Denique huic sententiæ non parum faverunt Pius V. & Gregor. XIII. eam defendentes ab iniqua censura Michaelis Baji. Hic enim in sua proposit. 23. temere dixit, cum Pelagio sentire, qui hunc locum Pauli de gentibus fidei gratiam non habentibus intelligunt. Dicti autem Pontifices non minus hanc propositionem, quam cæteras, tanquam censura dignam rejiciunt; in quo licet non approbent illam expositionem, eam tamen ab omni suspitione erroris Pelagii, & sectatorum ejus liberam esse decernunt; quapropter non parum etiam excessit quidam eruditus D. Thomæ expositor, qui post illam Pontificum defensionem ausus est dicere, hanc expositionem nullum ex antiquis Patribus habere præter Cassian. collat. 13. cap. 12. Nam per hoc significatur, expositionem hanc otiam esse ex Pelagiano errore, quod sane, si verum esset, non parvam invidiam, & suspitionem illi conciliaret. Si tamen dictus author omnia, quæ ex Patribus adduximus, attente considerasset, non tam facile propositionem illam negativam, difficilissimam probationem habentem, protulisset, neque expositioni huic tam gravem notam inuulisset; neque potest defendi testimonio Fulgentii supra relato, nam ille non reprehendit Cassianum, quod primus, vel solus illam expositionem invexerit, sed quod illa contra divinam gratiam abusus fuerit. Melius ergo Benedict. Pereir. disp. 8. in cap. 2. ad Rom. post illud decretum Pii V. dixit de hac expositione: *Est vera, & catholica, & ab omni hæretica falsitatis non modo labe, sed etiam specie remota;* & addit, etiam esse textui consentaneam, sicut etiam censuerunt Cajetan. Soto, & Catherin.

26. Cum ergo doctrina, quam expositio recte intellecta continet, omnino catholica sit, & suspitione carcat, mihi etiam videtur esse maxime consentanea contextui, verbis, & intentioni Pauli. Ita vero illam intelligendam existimo, ut non putetur Paulus de solis gentilibus fide carentibus loqui, sed tantum illos non excludere, loquique indefinite, & absolute de gentibus, & de illis dicere, ductu naturæ facere ea, quæ legis sunt, sive fidem habeant, sive non habeant, ac proinde verba illa etiam de gentibus ethnicis vera esse, & intelligi, licet facilius etiam possint de gentibus credentibus, sive ante, sive post Evangelium, vera esse. Ut autem hunc sensum ex contextu ostendamus, discussum Pauli advertere oportet. Dixerat enim, Deum retribuere unicuique secundum opera sua, tribulationemque, & angustiam esse in omnem animam operantis malum; honorem vero, & gloriam super omnem operantem bonum, tam Judæum, quam gentilem, utrumque probaverat illis verbis: *Non enim est acceptio personarum apud Deum.*

Prædicta
4. exposi-
tio ita est
accipien-
da de gen-
tibus infi-
delibus,
ut non ex-
cludat his
deles ex-
tra legem
Moylis.

27. Hoc autem probat alia causali, duas partes continente, videlicet: *Quicumque enim sine lege peccaverunt, sine lege peribunt, & quicumque in lege peccaverunt, per legem judicabuntur.* Hæc ergo duo rursum probat duplici causali propositione sequente, & incipit a posteriori parte dicens: *Non enim auditores legis iusti sunt apud Deum, sed factores legis iustificabuntur.* Ad iustitiam enim non satis est, habere legem, vel recipere illam, sed necesse est, illam servare, & ideo qui legem habent, & illam non servant, per illam judicabuntur. Deinde probat priorem partem, simulque tacite objectioni responderi, dicens: *Cum enim gentes, quæ legem non habent, &c.* Obijci enim poterat, qui fieri posset, ut quispiam sine lege peccet, cum peccatum sit prævaricatio a lege, & ubi non est lex, nec possit esse prævaricatio a lege, ut idem Apostol. statim cap. 4. dixit. Responder ergo gentes, licet legem non habeant, utique scriptam, vel naturæ additam, non omnino carere lege, quia naturalem habent. Hoc autem probat, qui gentes, qui legem non habent, naturaliter ea, quæ legis sunt, faciunt, & per hoc ostendunt habere legem in cordibus scriptam. Intelligit autem facere ea, quæ sunt legis, ex testimonio conscientiæ, ut statim declarat, id est, faciunt judicantes se ad id teneri, & contrarium esse malum, quod testimonium est iudicium manifestum legis in corde

Id ostendit ex ipso Pauli contextu.

scriptæ.

scriptæ. Et hanc expositionem significat Anselmus in suo comment.& Salmer.disput.18.& magis in eo sensu persistit Pereir. disputat.8. Toletus autem annotat. 12. hanc connexionem refert, non tamen approbat, nullam vero rationem alicujus momenti contra illam objicit, nec meliorem sensum inducit. Imo postea in commentario ex parte illam sequitur, dicens, respondere Paulum illis verbis ad tacitam objectionem, quomodo possint Gentiles sine lege perire. Addit vero, etiam per illa verba explicare Paulum, quomodo possint Gentiles esse factores legis, si non fuere auditores. Sed hoc licet in se verum esse possit, non tamen videtur intentum a Paulo, quia ipse antea non dixerat, Gentiles esse factores legis, aut justificari, quia cum ageretur de lege scripta, ut ostendi, per auditores, vel factores legis Judæos tantum intellexit. Multoque minus verisimile est, Paulum illis verbis, *Cum gentes, quæ legem non habent*, &c. probare, gentes etiam justificari, impleendo legem naturalem, & a Deo esse æternam gloriam accipiendas, quia nihil horum in verbis illis Pauli continetur, nec ipse illa infert, sed solum, quod hujusmodi gentes habeant legem scriptam in cordibus; igitur illud tantum voluit illis verbis Paulus comprobare.

28. Quo sensu supposito, qui mihi videtur simplicissimus, & maxime consentaneus literæ, & discursui Pauli, inde ulterius ostendo, cum Paulus ait: *Gentes, quæ legem non habent, naturaliter ea, quæ legis sunt, faciunt*, non loqui tantum de gentibus credentibus, sed in universum de gentibus, etiamsi fideles non sint, sed sola ratione naturali ducantur. Nam illa verba priora, *quicumque sine lege peccaverunt, sine lege peribunt*, comprehendunt gentes fide carentes, in quibus eadem objectio locum habebat; quomodo scilicet peccare possint, si legem non habeant? Ergo ut ratio Pauli sit plena, & adequata, oportet, ut ostendat, etiam illos non omnino carere lege, quia naturalem habent; ergo illos etiam comprehendit sub illis verbis, *gentes, quæ legem non habent*, &c. Item de his etiam gentibus verum est, *quod ipsi sibi sunt lex, & habent opus legis scriptum in cordibus suis, testimonium illis reddente conscientia ipsorum*, &c. Ergo de illis etiam intelligendum illud est: *Gentes, quæ legem non habent, naturaliter ea, quæ legis sunt, faciunt*. Etenim si Paulus hoc intelligeret de solis operantibus per spiritum fidei, replicari contra illum posset, illos solos, qui fidem habent, ostendere opus legis scriptum in cordibus suis, ac subinde eos, qui nec legem scriptam, nec fidem habent, non posse peccare, quia legem non habent, neque foris, neque intus. Ergo vel claudicat probatio Pauli, si Gentiles infideles ab illa probatione excludantur, vel illi etiam non includantur sub priori regula: *Qui sine lege peccaverunt, sine lege peribunt*. Accedit, quod Paulus argumentum sumere voluisse videtur ab his, quæ præ manibus haberentur; & clara essent, & omnibus nota. Multo autem notius erat omnibus, gentiles, qui tunc erant ethnici, & similes, qui fuerant durante lege Moyfi, ductu rationis fecisse ea, quæ lex jubebat, utique quoad moralia, quam quod essent aliqui fideles, qui hoc ipsum facerent; ergo non est verisimile arctasse sermonem ad gentiles fideles, sed omnes comprehendisse. Denique verba ipsa simpliciter sumpta in sua proprietate hunc sensum postulant, ut patet ex illa determinatione negativa, *gentes, quæ legem non habent*, quæ amplissima est, & omnes comprehendit, & ex illa voce *naturaliter*, quam mox tractabimus; ergo non est, cur extra sensum hunc proprium verba trahantur, vel limitentur, cum nulla sit necessitas, ut respondendo ad fundamenta contraria patebit.

27. Ad primum enim sumptum ex prioribus verbis, *factores legis justificabuntur*, respondemus, verbum *justificandi* æquivocum esse, tres enim illius verbi significationes ibi D.Thom.notat, significat enim, vel exequi opus justitiæ, vel declarari, seu probari justum, vel justum fieri, seu comparare justitiam; addi etiam potest quarta significatio, scilicet justum esse, vel supponi, ex Augustino dicto lib. de Spir. & Liter. cap.26. Sed hæc ad duas primas significationes a D. Thom. positas reducitur, quamvis justificati interdum idem sit,

quod in justitia crescere, juxta illud: *Qui justus est, justificetur adhuc*. Apoc.cap.22.num.11. atque omnes hæ significationes locum habere possunt in prioribus verbis Pauli, non vero in posterioribus, quod nunc tractamus. In prioribus enim verbis loquitur Paulus de Judæis, & potest optime intelligi de implentibus non unum, vel aliud præceptum legis, sed simpliciter totam legem. ibi enim nomen *legis* quasi collectivum est, & totam legem complectitur, unde non dicitur *factor legis*, qui unum, vel aliud præceptum legis servat, sed qui totam legem observat. Et talis dicitur justificari, qui quia justitiam exequitur, ut D.Thom.vult, vel in operibus suis se justum ostendit, & probat, & ideo talis ab aliis reputatur; vel quia justus esse supponitur, quia non posset totam legem servare, nisi esset justus, ut ait August. vel certe quia per opera legis ex gratia Dei facta consequitur justitiam, vel quoad augmentum ejus, si jam erat justus, vel quoad infusionem justitiæ sanctitatis, disponendo se proxime, vel remote per gratiam auxiliantem ad illam recipiendam. At vero de gentibus, quæ legem non habent, & naturaliter ea, quæ legis sunt, faciunt, non dixit Paul. justificari per talia opera, sed solum *ostendere legem in cordibus scriptam*, quod longe diversum est; neque eos vocat *factores legis*, nec tales in rigore dici possunt, nisi totam legem observent, quod sine gratia facere non possunt: & tunc etiam justificabuntur modis explicatis. Secus vero est, si aliqua tamen faciant, quæ lex naturæ jubet, & alia transgrediantur, tunc enim nec factores sunt legis, nec simpliciter justificari dici possunt, sed ad summum dici poterunt secundum quid justificari primo modo, i.e. exequi justitiam, non infusam, sed naturalem, nec integram, sed ex parte, seu in aliqua materia, & consequenter etiam dici possunt justificari secundo modo, non simpliciter, sed secundum aliquid, quia in eo, quod bene operantur, reputantur justi, id est, immunes a peccato in tali opere: non in persona.

30. Unde ad secundum argumen. negatur major, & ad primam probationem negatur assumptum. Quia (ut bene notarunt Cijetan. Pereir. & alii) Paulus non dixit, omnia ea, quæ legis sunt, faciunt, sed indefinite dixit, *ea, quæ legis sunt*, quod verissime dicitur de his, qui aliqua legis præcepta observant, licet alia transgrediantur: unde considerandum est, plus significari per illud verbum *factores legis*, quam per hæc, *ea, quæ legis sunt, faciunt*: quia nomen *legis* absolute, & collective positum totam legem per modum unius complectitur, & ideo non dicitur in rigore, factor legis, nisi qui totam implet; at vero cum quis dicitur facere ea, quæ sunt legis, loquutio non est ita absoluta, nec quasi collectiva de tota lege, sed indefinita de præceptis legis, & ideo verissime dicitur de illo, qui aliqua, quæ sunt legis, facit, licet non faciat omnia. Neque verum est, hos, qui ea, quæ legis sunt, naturaliter faciunt, justos esse, aut iram Dei effugere, aut tanquam legis factores justificari, aut prædicta verba ad probationem vel illius prioris sententiæ, *factores legis justificabuntur*, vel alterius, quod justitia gloria a Deo coronabuntur, esse inducta. Nihil enim horum colligi potest ex verbis Pauli. Evidenter enim inducit illa verba, *Gentes, quæ legem non habent, naturaliter ea, quæ legis sunt, faciunt*, solum ut ostendat, gentes non omnino carere lege, & suis actibus ostendere, se habere illam scriptam in cordibus. Quod plane ostendunt, non solum qui totam legem observant, sed etiam qui aliqua præcepta ejus faciunt, nec de justificatione per talia opera aliquid ibi Paul. dixit, ut declaravimus, neque etiam de eorum remuneratione aliquid dicit, ut ostendemus. Quapropter sensus hic de indefinita locutione Pauli non solum consentaneus est verbis ejus, sed etiam intentioni Pauli magis deservit. Nam hoc modo fieri potest, ut idem gentilis, qui est transgressor legis, aliqua faciat eorum, quæ lex jubet, & hæc faciendū ostendat legem scriptam in corde, & testimonium contra se ferat, quod non omnino careat lege, licet scriptam non habeat, ac proinde merito damnetur propter ea, quæ contra legem naturalem facit.

31 Et hinc ad secundam ejusdem majoris probationem

Concluditur tamē verba illa gentes, quæ legem non habent, excludere solum eos quibus lex Moyfis data est, ac adeo i. expositio. p. 17. hanc.

Satisque arguente in p. 17.

Ad 2. argum. & ad primam probationem, tunc maioris probationem.

Ad secundam ejusdem majoris propositionem

non facilis est responsio. Nam etiam in gentibus infidelibus testimonium reddit illis conscientia ipsorum, & in eis inveniuntur cogitationes invicem accusantes, & defendentes, quæ etiam ipsos accusabunt, vel excusabunt in die, quando Dominus judicabit occulta cordium. Nam licet in illo judicio gentilis in sua infidelitate mortuus non possit defendi, seu excusari quoad omnes actiones suas, nec quod simpliciter caruerit peccato, potest tamen excusari quoad aliquas. Nam conscientia immediate accusat actum, quod bonus sit, vel malus, ut docet D. Thom. 1. part. quæst. 79. artic. 1. 3. & ita etiam homo damnandus in die judicii, poterit per conscientiam excusari, quod in uno, vel alio actu, non peccaverit, quia per ignorantiam invincibilem fecit, vel quod minus peccaverit, quia cum paucioribus pravis circumstantiis deliquerit, vel quod bene moraliter egerit in aliquibus actibus propter quos non damnabitur, sed minus punietur, licet propter illos actus præmium in illo judicio non sit recepturus. Quod aperte docuit August. lib. 4. cont. Julian. cap. 3. exponendo eadem verba Pauli, & nostram expositionem secundo loco ponendo ait: *Aut si fidem non habent Christi, profecto nec iusti sunt, nec Deo placeant, cum sine fide impossibile sit placere Deo, sed ad hoc eos in die judicii cogitationes sue defendent, ut tolerabilius puniantur, quia naturaliter, quæ legis sunt, utcumque fecerunt, scriptum habentes in cordibus opus legis habentes, ut aliis non facerent, quod perpeti nolent: hoc tamen peccantes, quod homines sine fide, non ad eum finem ista opera intulerunt, ad quem referre debuerunt.* Sed hoc ultimum, licet sæpe contingat, non est semper necessarium, ut supra dixi. Ideoque si contingat, aliquid sine peccato ab his fieri, solum excusabit illos conscientia ab omni pœna propter talem actum, & ita tolerabilius punientur pro omnibus vitæ suæ actionibus, licet pœna aliis actibus debita inde non minuat.

Ad 3. arg. Origenis responsio hæc potest sustineri,

32. Ad tertium argumen. sumptum ex verbis illis: *Gloria, honor, & pax omni operanti bonum*, quia non possunt de gentibus infidelibus veræ esse. Origenes supra, intelligens etiam hæc verba, de gentibus non credentibus, consequenter respondet, si illi aliquid boni operentur, licet vitam æternam non assequantur, nihilominus *bonorum operum gloriam, & honorem, & pacem penitus perdere non posse.* Quia (ut infra dicit) sicut is, qui malum operatur, condemnari meretur, ita si opereatur bonum, aliquam remunerationem accipiet. In qua expositione in primis consideranda est doctrina, quia ut vera sit, debet intelligi de aliqua remuneratione temporali, & ita verum est, omnes, qui aliquid boni operantur, etiam si alioqui mali sint, non privari aliquo temporali præmio, nam omne opus bonum eo ipso meritorium est, etiam apud Deum, juxta doctrinam D. Thom. 1. 2. quæst. 21. art. 3. Ideoque verisimile est, Deum omni operanti aliquid bonum, dare aliquod præmium, vel in futura vita, vel in præsentî, quando vel opus, vel persona non est capax melioris præmii. Unde August. 5. de Civit. capit. 12. censet, Romanos augmentum imperii, gloriam, honorem, ac pacem temporalem suæ reipublicæ propter bona opera a Deo accepisse, etiam si illa non simpliciter bona, sed ex objecto tantum, & non ex fine operantium esse viderentur. Non potest autem dici juxta doctrinam fidei, infideles, vel alios peccatores habituros aliquod præmium in die judicii, vel in vita futura propter bona opera, quæ in illo statu operantur. Quapropter non videtur illa doctrina posse præsentî loco Pauli accommodari, nam aperte loquitur de præmio æterno in extremo judicio Dei conferendo. Ait enim: *Thesaurizas tibi iram in die iræ, & iusti judicii Dei, qui reddit unicuique secundum opera ejus, iis quidem, qui secundum patientiam boni operis, gloriam, & honorem, & incorruptionem querunt, vitam æternam, &c.* ubi aperte loquitur de ultima retributione, & de gloria, & honore æternæ beatitudinis, quia non datur vita æterna querenti gloriam humanam, & temporalem, sed divinam, & æternam, & ideo illi statim adjunxit, *incorruptionem.* Ergo cum infra dicit: *Gloria, & honor, & pax omni operanti bonum, Judææ primæ, & Græcæ,* de eadem gloria lo-

quitur, & de retributione faciendâ in eodem ultimo judicio ut exposuit August. Epist. 47.

33. Fatemur ergo, Paulum ibi loqui de præmio æternæ gloriæ, cujus excellentes proprietates illis verbis indicat: *Gloriam, honorem, incorruptionem, & pacem.* Sed adverto, non dicere, hoc præmium dari omni operanti bonum, sed iis, qui querunt vitam æternam suis operibus. Hic enim est sensus valde probabilis illorum verborum, *iis qui secundum patientiam boni operis gloriam, & honorem, & incorruptionem, querunt vitam æternam,* cum verbo *querunt* construat, alii vero accusativi, *gloriam, honorem, & incorruptionem,* cum verbo *reddet*, quod præcessit, ut sensus sit, iis, qui secundum patientiam boni operis, querunt vitam æternam, reddet gloriam, honorem, & incorruptionem. Ita construunt, & exponunt Hieronym. Ambros. Occumen. Anselm. & D. Thom. ibi, & Gregor. 28. Moral. cap. 13. alias 6. Quamvis licet legamus, & exponamus, ut Chrysost. & Græci, multique Latini volunt, querentibus gloriam, honorem, & incorruptionem per patientiam boni operis, daturum Deum vitam æternam, idem significari debet, licet diverfis verbis. Necessario enim id intelligendum est de querentibus gloriam, & honorem immortalem, ac verum, qui non est, nisi apud Deum, & in æterna beatitudine, nam querentibus per sua opera temporalem gloriam, non dat Deus vitam. Atque ita etiam exponunt Chrysost. Theophyl. & Theodor. unde in re idem sensus reddit, nam idem præmium, seu terminus, aut finis bonorum illis verbis significatur, generalius nominibus gloriæ, honoris, & incorruptionis, specialiusque nomine vitæ æternæ.

Veræ responsioni via inveniatur.

34. Non ergo cuicumque operanti bonum, sed operanti illud ob supernaturalem finem, ait Paulus, redditurum Deum vitam æternam. Postea vero cum dicit: *Gentes, quæ legem non habent, naturaliter ea, quæ legis sunt, facere,* non dicit ea facere, querendo per illa vitam æternam, aut gloriam, quæ Sancti fulgebunt, sicut Sol, sed naturaliter facere, quia rationi sunt consentanea. Et ideo licet in utroque loco Paulus loquatur de gentibus in communi, tamen in prioribus gentes non credentes comprehenduntur sub his, qui operantur malum, quia licet aliquid boni operentur, non tamen cum conditionibus ad illud præmium requisitis, malum autem est ex quocumque defectu. Et ob eandem causam necesse non est, ut omnes, qui aliqua legis naturalis opera faciunt, præmium illud consequantur, quia ut bene Cajetan. notavit, non dixit Paulus meritorie facere, sed tantum simpliciter facere. Et quamvis illa regula generalis vera sit, quod Deus reddit unicuique secundum opera sua, nihilominus non propter omnia bona opera dat præmium vitæ, seu gloriæ æternæ. Nam multa opera bona moraliter possunt esse etiam in fidelibus; imo etiam in iustis, quæ non remunerantur illo præmio, ut infra suo loco videbimus. Idemque est de operibus supernaturalibus factis extra statum gratiæ, & de factis a iustis, qui postea in gratia non perseverant. Unde etiam pondero verbum illud Pauli, *per patientiam boni operis,* per hunc enim loquendi modum, ut Patres exponunt, circumscripsit, & comprehendit debitum modum operandi, ut tandem opus sit dignum præmio. Oportet enim, ut sit cum patientia, in vincendis difficultatibus bene operandi cum debitis circumstantiis, & perseverando sine lapsu usque ad finem, alias non obtinebitur præmium. Gentes autem fide carentes non possunt hoc modo metiri *secundum patientiam boni operis,* & ideo licet possint aliquid boni secundum rationem operari, non tamen possunt consequi præmium eorum, qui secundum patientiam boni operis vitam, vel gloriam æternam querunt. Ergo priora verba Pauli non obstant, quominus posteriora de gentibus etiam non credentibus intelligantur. Nec obstat, quod in verbis intermediis absolute dixit Paul. *Gloria, honor, & pax omni operanti bonum*, quia hæc intelligi debent juxta præcedentia, quorum fere sunt repetitio, & ita operari bonum intelligitur perfecte, & sicut oportet. Quamvis per accommodationem possit cum proportionem applicari ad omnem operantem bonum quodcumque, quia

Concluditur responsio.

quia etiam ille aliquod præmium, saltem temporale recipiet, quod videtur voluisse Origen. Imo & Hieronym. in cap. 66. Isai. ubi vulgata habet, *Judei primum, & Græci*, ipse legit, & *ethnici*, indicans illa verba etiam in ethnicis verificari, quod debet quidem intelligi quoad pœnam, & damnationem proprie, & simpliciter, quoad præmium vero solum secundum quid, & per quandam proportionem, seu accommodationem.

Ad 4. arg. 35. Ad quartum respondeo, illa quidem, quæ in fine capitis dicit Paulus, a solis credentibus, & gratia Dei adjutis impleri posse, inde tamen solum concludi, Paulum in hoc capite loqui de gentibus absolute, prout a Judæis distinguuntur, in quibus & credentes, & non credentes comprehenduntur. Ideoque in discursu capitis, quædam interdum illis tribuit, quæ non nisi per spiritum gratiæ fieri possunt. Interdum vero tribuit aliquid, quod ductu rationis fieri contingit, sicut etiam cap. 1. multa alia dixerat de gentibus, quæ non nisi ab infidelibus, & iniquissimis gentilibus commissa fuerunt. Cum ergo nomen gentium commune, & indifferens sit, in unaquaque propositione poterit juxta prædicatum determinari, an tantum ad infideles, vel tantum ad fideles determinetur, vel potius utrisque juxta mensuram, & capacitatem suam conveniat.

Tractatur particula tertia naturaliter ex loco Pauli.

36. **H**Oc ergo modo satis probabile sit, verba illa Pauli etiam in gentibus ethnicis locum, & veritatem habere, nondum tamen ostensum est, illo testimonio probari, posse hominem aliquod opus simpliciter bonum sine gratia facere: quia gentilis etiam infidelis potest interdum auxilium gratiæ ad bene operandum recipere. Et ideo necessarium est (quod tertio loco proposuimus) particulam illam *naturaliter* ponderare, & explicare. Tribus enim modis potest, & solet explicari verbum illud. Primo August. lib. 4. cont. Julian. cap. 3. ita id exponit, *ideo naturaliter, & sine lege, quia de illis loquebatur, qui ex gentibus venerunt ad Evangelium, non ex circumcisione, cui lex data est, & propterea naturaliter, quia ut crederent, in eis est correctæ natura*. Et idem latius declarat lib. de Spir. & Liter. cap. 26. & sequitur Prosper. dict. cap. 22. contra Collat. & latius Fulgent. dict. cap. 25. ubi sic incipit. *De his igitur, in quibus natura divino sanatur munere, ut in Deum credant, quique gratis per fidem justificati, etiam ad bene operandum auxilium gratiæ subsequenti accipiunt, Apostolus loquitur*. Cur autem dicat, *hominem naturaliter credere, licet ei divinitus donetur, ut credat*, in cap. 22. & 23. declarat, dicens, credere vocari naturale, quia homo naturaliter est capax fidei, & quia fides datur, ut per eam humana natura ex vetustate renovetur. Ad hunc sensum accedere videtur author commentar. Ambr. dicens, gentes *duce natura credere in Deum, & Christum*, quod fortasse dixit, quia licet credere sit supernaturale, ad illud pervenitur prævio judicio, quod talis fides sit consentanea rationi, vel quod tales res sint credibiles, quod judicium multi putant, esse ex dictamine rationis naturalis.

Et pro
habiles,
sed in ad-
equatæ,
distingui
ja.

37. Quæ quidem expositio est probabilis propter auctoritatem tantorum Patrum, potestque accommodari ad gentes fideles, & credentes in Deum, & Christum, non tamen potest esse adæquata, cum ostenderimus, Paulum de gentibus etiam non credentibus loqui. Deinde est nimis dura, quia quod per gratiam fit, valde improprie dicitur fieri naturaliter, quia per gratiam reformatur natura, vel quia natura ex se est capax gratiæ, alias etiam Judæi dici possent naturaliter fecisse, quæ legis erant, seu fuisse factores legis, quia non implebant legem, nisi adjuti gratia reformante naturam, cujus erant naturaliter capaces: & dicere possemus diligere Deum super omnia naturaliter, etiam dilectione charitatis, quia etiam illa dilectio fit a natura reformata per gratiam. Et præterea in Græco pro *naturaliter* legitur *φύσει*, i. natura. At Paulus in illa Epistol. naturam prorsus a gratia distin-

guit, ut naturæ infirmitatem, & gratiæ necessitatem ostendat: ergo difficile creditu est, nomine naturæ ad opus gratiæ significandum usum fuisse: nam in rigore idem est, natura aliquid fieri, quod facultate naturali, vel (ut Syriaca vertit) *ea natura sua, quifque facit*. Quia tamen August. expositio valde probabilis est, posset ad hanc ultimam objectionem responderi, non esse mentem Augustini, ibi sumi nomen *natura* pro gratia, nec tribui effectum supernaturalem gratiæ ipsi naturæ, sed solum dici, hominem naturaliter implere ea, quæ sunt legis naturæ, quia ipsa natura est principium talis operis, licet natura infirma id non possit præstare, nisi sanata per gratiam, ut magis in sequentibus expositionibus declarabitur.

38. Altera ergo expositio valde communis est, idem significare ibi *natura* *inter facere*, quod facere ductu naturæ, id est, per naturales cogitationes & ratiocinationes, ut dixit Chrysost. seu *rationibus a natura ductis*, ut dixit Theoph. vel, ut Oecum. *natura ratiocinationibus ad boni operationem utentes*. Denique per legem naturalem omnibus hominibus communem, sine legis scriptæ adminiculo, ut sentit Hieronym. Epistol. 151. ad Algas, quæst. 8. & idem sentiunt Anselm. D. Thom. Cajetan. & alii in Paulum. Juxta hanc ergo expositionem illud *naturaliter* non significat idem, quod solis naturæ viribus, ac proinde non opponitur gratiæ, aut illam negat, vel excludit, sed solum affirmat, regulam talis operis esse dictamen rationis naturalis, ut dixit Lyran. Atque hac ratione etiam hoc modo non probatur illis verbis, quod intendimus, nimirum posse aliquod bonum opus morale fieri sine viribus gratiæ. Nam ea, quæ sunt naturaliter quoad regulam rationis naturalis, possunt fieri ex gratia, imo etiam sæpe non possunt observari sine gratiæ auxilio, ut postea videbimus. Atque ita multi ex authoribus explicantibus vocem *naturaliter* hoc secundo modo, nihilominus dicunt, loqui Paulum de gentibus gratia adjutis.

39. Quæret vero aliquis, quænam sit hæc gratia, quam vox *naturaliter* non excludit. Nam in illa explicanda etiam est varietas in hac sententia. Anselm. enim ibi ait: *Naturaliter quidem, sed non nisi per gratiam, & fidem, quæ renovat imaginem Dei*. At vero hæc additio, & confundit hanc expositionem cum præcedenti, & supra dictis repugnat, quia si fides est necessaria, ut gentilis sic naturaliter operetur, nunquam poterit de gentili infideli verum esse, quod Paulus ait, ea, quæ legis sunt, facere; quod est contra dicta, & incidit in priorem expositionem. Deinde probatur, quia si fides est necessaria ad hunc modum implendi legem naturalem, jam tunc non operatur homo ductus ratione naturali, nec lege naturali ut per solam rationem naturalem manifestata, sed ductus spiritu fidei, & in virtute illius ut manifestantis illam legem, quod est contra Chrysost. & alios hujus expositionis authores, imo & contra vim argumentationis Pauli, ut supra argumentabamur. Præterea quod Paul. ibid. subdit: *Testimonium illis reddente conscientia ipsorum*, non solum est verum de conscientia fide illustrata, sed etiam de conscientia per naturalem rationem concepta. Quis enim neget, gentiles infideles accusari, & excusari conscientia, ut ita dicam, mere naturali? Vel quod eadem conscientia accusabit illos in die judicii, vel etiam excusabit modo supra dicto? Ergo ad illum modum naturaliter operandi ex dictamine propriæ conscientiæ, non est necessaria fides, sed ex parte intellectus ratio naturalis sufficit; ergo de isto modo operandi naturaliter Paulus loquitur.

40. Aliter dici potest, quamvis illud verbum naturaliter non requirat fidem, nihilominus non excludere necessitatem alicujus gratiæ, etiam ex parte intellectus, quæ ratio ipsa divinitus excitetur, & juvetur, saltem providendo, ut cogitatio illa accommodata sit ad movendum affectum. Quia non potest humanus affectus præsertim in homine lapso ad bonum moveri, nisi divinitus excitetur. Et ideo Nazianz. orat. 31. numer. 7. possibilitatem hominis naturalem comparat filici, quæ nisi percutiatur, ignem non producit. Et Prosper. contr. Collat. comparat ferro ignito, qui

2. Inter-
pretatio
communis.

Quæritur
juxta præ-
dictam in-
terpreta-
tionem,
cui gratia
contrapo-
natur vox
naturaliter?
Responsio
prima co-
fatur.

Altera
responsio.

flam-

flammam boni desiderii non elicit, nisi spiritu gratiæ excitetur; Excitatur autem per rationem; ergo necesse est, ut ipsa ratio dirigatur, & præveniatur, ut ita iudicet, sicut ad movendum affectum oportet. Sed in primis hoc non habet fundamentum in verbis Apostoli, qui solum loquitur de naturali lege impressa cordibus, non per gratiam, sed per conditionem naturæ, & per hanc dicit moveri hominem ad operandum ea, quæ sunt legis, & ideo naturaliter ea facere. Deinde quod statim addit, *Testimonium perhibente conscientia ipsorum*, profecto intelligitur de naturali dictamine conscientiæ, quod potest haberi ex vi luminis naturalis sine ulla prævia excitatione gratiæ, ut paulo antea declaravi: illud autem dictamen sufficit, quantum est ex parte intellectus, ad operandum aliquid secundum legem naturalem, quia per illud dictamen sufficienter applicatur, & quia illud dictamen sufficit ad accusandum eum, qui contra illud operatur. Denique ad formandum hoc conscientiæ dictamen, non requiritur semper supernaturalis excitatio, sed sufficientes naturales cogitationes, quod ex objectis occurrentibus excitantur, quod vero talis cogitatio sit congrua in ordine ad connaturalem effectum, non addit illi aliquam peculiarem proprietatem, quam necesse sit a gratia provenire, ut in sequentibus cap. ostendimus. Ergo cum Paul. dicit, gentes naturaliter operari ea, quæ legis sunt, si illud naturaliter referatur ad intellectum, ideo dictum est, quia lumen rationis, naturali modo operans, ad hoc sufficit, & ita plane intellexerunt Græci Patres supra allegati, & multi ex Latinis, & Hieronym. Epist. 151. ad Algas. quæst. 8. ubi ex hoc loco probat legem naturalem scriptam in cordibus, & tandem testimonium conscientiæ: *Quæ (inquit) omnes continent nationes, & nullus hominum est, qui hanc legem nesciat*, & sequitur D. Thom. 1. 2. q. 91. art. 2. in argumento, *sed contra*.

41. Alio ergo modo exponitur illud naturaliter, ut intelligatur ex parte intellectus, non excludat autem gratiam ex parte affectus. Priorem enim partem de intellectu indicant Græci: posteriorem vero addit ibi D. Thom. dicens: *Et tamen non excluditur, quin necessaria sit gratia ad movendum affectum*. Et sequitur Cathar. in id Genes. 3. *Adam ubi es?* Ratio autem reddi potest, quia longe difficilius est, velle, aut operari bonum, quam cognoscere esse faciendum. Quæ sententia non est aperte contra Paulum, quia non excludit expresse necessitatem gratiæ. Cum vero Paulus simpliciter dixerit, *naturaliter quæ legis sunt, faciunt*, qui dixerit hoc naturaliter intelligi ex parte intellectus, & non ex parte voluntatis, oportet, ut illud probet; alioqui si eadem ratio ex parte utriusque potentie reperitur, merito de utraque intelligimus Paulum, qui non de potentiis, sed de homine simpliciter loquitur, & ideo ex vi absolutæ loquutionis utramque potentiam excludit: præsertim quia (ut dixi) Paulus loquitur etiam de infidelibus Gentilibus, quibus ante fidem, & voluntatem credendi, probabile est, nullam infundi gratiam, vel gratiæ auxilium ipsi voluntati, nisi in ordine ad concipiendum affectum credendi, quod est initium omnis alterius bonæ, & piæ voluntatis. Vel certe si interdum aliquid aliud auxilium datur infideli, illud est extraordinarium beneficium, non ex ordinaria providentiâ, ut infra videbimus, at operari bonum morale aliquando ex dictamine naturalis conscientiæ contingit gentibus etiam infidelibus ex ordinaria providentiâ, & ideo naturalis conscientia eos jussit accusat, si non faciant. Nec Nazianz. supra citatus aliquid contra hoc dicit, imo hoc confirmat, dum ait, rationem esse, quæ aptitudinem naturæ excitat, ut natura in opus procedat, & quoad hoc comparat naturam silici, rationem ferro excitati, seu percutienti, Prosper vero loquitur de pio desiderio, ut postea videbimus.

42. Superest ergo ultima expositio illius vocis *naturaliter*, ut simpliciter, & ut sonat, intelligatur, id est, ductu naturæ, & per vires ejus, & ordinariam providentiam secundum naturæ concursus illi debitum. Et ita intellexerunt illum locum Scholastici communiter, & consonant alii Patres, nec dissentit Augustin. in locis allegatis, & quoad doctrinam ipsam

inferius ostendetur. Solum superest alia evasio, etiam in doctrina ejusdem Augustini. quia licet Paulus dicat, gentes naturaliter facere ea, quæ legis sunt, hoc sufficienter intelligitur quoad substantiam operis, vel præcepti, nam gentilis dans eleemosynam, re vera facit aliquid, quod lex naturalis dicat, & implet illam legem, etiam si non bene, nec recta intentione id faciat. Paulus autem solum dixit, gentiles facere ea, quæ sunt legis, non vero dixit, bene ea facere. Unde August. dicto lib. 4. cont. Julian. cap. 3. cum dixisset, licet gentiles interdum sine fide, & gratia naturaliter faciant, quæ legis sunt, & ideo excusari possint in die iudicii, ut tolerabilius puniantur, adjungit: *Hoc tantum peccantes, quod homines sine fide non ad eum finem hæc opera retulerunt, ad quem referre debuerunt*. Possumusque hoc confirmare ex alio loco Pauli ad Rom. 4. *Si Abraham ex operibus justificatus est, habet gloriam, sed non apud Deum*, ubi ex operibus intelligit non facta ex gratiâ, & illa dicit, non habere gloriam apud Deum, quia non sunt simpliciter bona, nec bene fiunt, & ideo solum apud homines merentur laudem propter apparentem bonitatem.

43. Verumtamen jam in superioribus ostensum est, non oportere, ut infidelis malum finem, vel aliam pravam circumstantiam operi suo adjungat, quando aliquid boni ex genere operatur, vel, quod perinde est, quando aliquod naturale præceptum implet, licet id sæpe, & ordinarie contingat, ut fortasse Augustin. voluit, & explicasse videtur dicto lib. de spir. & liter. cap. 27. addendo particulam *vix*, ut cum Stapletonio capit. 7. num. 24. notavimus, & ponderat etiam Valent. disput. 8. quæst. 1. punct. 2. Quare cum Paulus simpliciter dicat, gentiles interdum naturaliter facere, quæ legis sunt, gratis limitatur ejus sermo ad observationem legis quoad substantiam, non quoad bonum modum moralem. Præsertim cum fere eadem sit utriusque ratio, nam si sit sermo de omnibus præceptis legis naturæ, non potest gentilis naturaliter omnia facere, quæ sunt legis etiam quoad eorum substantiam, si vero sit sermo de uno, vel alio opere sicut non excedit facultatem naturalem, unum vel aliud opus quoad substantiam facere, ita nec in uno, vel alio opere debitum moralem modum tenere, & pravas circumstantias vitare, Et aliunde etiam conscientia naturalis accusat pravam modum, & potest etiam illum interdum excusare; non est ergo cur sententiam Pauli limitemus.

44. Neque obstant alia verba cap. 4. imo potius juvant, nam cum Paulus ait opera solius naturæ, etiam si bona sint, habere gloriam, sed non apud Deum; revera loquitur de bonis, & honestis operibus secundum naturalem rationem factis, ut exponunt Chrys. homil. 8. Oecum. suo cap. 5. Theod. & Theoph. Ambros. Anselm. D. Thom. & latius Cajetan. & Toletan. & Salmer. disputat. 30. & sequuntur Turrian. & Staplet. locis supra citatis. Qui omnes dicunt, Paulum loqui de bonis operibus, quæ Abraham ante fidem habuit, virtute quadam naturali, quæ apud Deum non erant meritoria, nec poterant justificare, & ideo dicuntur non habere gloriam apud Deum, licet alioqui apud homines essent digna laude, non falsa, sed ea, quæ ex natura rei bonitatem quamcumque operis moralis comitatur, ut tradit D. Thom. 1. 2. quæst. 21. artic. 2. Est enim homo dignus laude eo ipso, quod bene operetur, nam si operatio sit ex sola natura, licet libere fiat, laus illa pertinere potest ad quandam gloriam humanam, non tamen ad habendam gloriam apud Deum, & ita verba illa assertionem nostram potius confirmant, quam oppugnant.

Comprobatur jam Assertio hujus capituli posita in num. 4. ex loco Pauli hætenus explicato.

45. Uta hanc ergo satis probabilem, ac receptam, valdeque planam, verbisque Pauli coherentem expositionem, multum quidem suadet, ac confirmatur assertio posita. Quæ simul autoritate Patrum comprobata est, omnes enim, qui hanc expositionem approbant, & præferunt aliis, a fortiori doctrinam

Præiudicatur proxima evasio

Verba apostoli Pauli non obstant, sed profunt veræ resolutioni.

Confirmatio assertionis ex Rom. 4

Refellitur.

Partia responsio.

Non adducitur.

Quarta, & vera responsio.

nam ipsam tanquam veram supponunt. Augustin. vero, qui alteram expositionem anteponit, fatetur, hanc expositionem esse probabilem: & sine ulla suspitione Pelagiani erroris defendi posse, quod esse non posset, nisi doctrina ipsa vera esset. Augustin. item in hoc sicut in aliis imitatus est Prosper. Fulgent. vero licet in eo capit. ubi exponit locum Pauli, nihil de huius nostræ expositionis probabilitate dixerit, nihilominus statim cap. 26. doctrinam ipsam constituit: nam loquens de iniquis hominibus, qui vel cognoscentes Deum, non sicut Deum illum glorificant, & qui in operibus suis aliquid bonitatis servant, ad finem vero charitatis illud non referunt, adjungit. *Quibus aliqua quidem bona, quæ ad societatis humana pertinent æquitatem, inesse possunt, sed quia non charitate Dei sunt, prodesse non possunt.* Præterea obiter auctoritate Pontificia ostensum est, nullam in hac expositione esse suspensionem Pelagiani erroris. Quod iterum confirmant iidem Pontifices, Pius, & Gregorius, damnando 29. propositionem Baii, in qua dicebat: *Pelagianum esse errorem, dicere, quod liberum arbitrium valet ad ullum peccatum vitandum, & 36. in qua dicebat, cum Pelagio sentire, qui boni aliquid naturalis, hoc est, quod ex solis naturæ viribus ortum ducit, agnoscit.* Cum enim istæ propositiones Baii sint hypotheticæ, Pontifices illas reiiciendo, in rigore potuerunt illas damnare solum propter excessum notandi doctrinam illam Pelagiani erroris. Ergo ut minimum decernunt Pontifices, nostram sententiam esse ab omni suspitione Pelagianismi immunem. Hoc autem satis est, ut sit contrariæ præferenda, & tanquam simpliciter vera defendenda, cum alias sit magis consentanea Scripturis, & Patribus, & ratione fere evidenter ostendatur, ut statim dicemus.

Ex censura contra propositiones Baii,

46. Accedit, quod idem Michael Bajus in propositione 37. simpliciter, & sine censura, vel alia exaggeratione docet, omnem amorem naturalem creaturæ rationalis, qui non est ab Spiritu S. infundente charitatem, esse vitiosam cupiditatem, quod & in aliis propositionibus, præsertim 34. & 35. iudicaverat; & tamen Pontifices eadem generali censura illam doctrinam condemnarunt; ergo ad minimum censent, hanc nostram sententiam esse adeo probabilem, ut temerarium, vel scandalosum sit, ut peccaminosum damnare omnem naturalem voluntatis affectum, seu amorem, qui ex gratia Spiritus S. non proficiatur: in quo sine dubio multum huic sententiæ favent. Quod etiam inde confirmatur, quia cum idem author proposit. 28. sine censura etiam, vel exaggeratione dixerit: *Liberum arbitrium sine gratiæ Dei adiutorio non nisi ad peccandum valet,* sub eadem censura a Pontificibus reiicitur, quia revera his temporibus propter Lutherianorum errores talis loquendi modus Catholicos offendit. Ergo virtute approbant contradictoriam propositionem, scil. liberum arbitrium sine gratiæ adiutorio aliquid potest facere, quod peccatum non sit. Ex quo facile infertur, posse etiam aliquid facere, quod bonum morale sit. Neque audienda est evasio quorundam dicentium, ad tuendam sententiam Pontificum satis esse, quod possit liberum arbitrium facere aliquid indifferens. Hoc (inquam) frivolum valde est, quia secundum August. & D. Th. sententiam communius a Theologis probant, non datur in voluntate libere operante actus indifferens in individuo, & ideo secundum veram Theologiam recte sequitur, si liberum arbitrium potest sine gratia non male operari, posse etiam bene. Et quamvis hæc illatio non sit evidens propter contrariam opinionem de actu indifferente in individuo, quæ non caret sua probabilitate; nihilominus verisimile non est, Pontifices damnaſſe illam propositionem Baii fundatos in tali opinione de indifferente actu possibili; vel propter illius probabilitatem.

Confirmatio inde arguenda ab actu indifferente.

47. Præterea est manifesta ratio, quia si liberum arbitrium sine adiutorio gratiæ valet ad faciendum actum, qui peccatum non sit, sed indifferens, etiam valere poterit ad faciendum aliquem actum moraliter bonum: quia si potest facere actum indifferenter; ergo potest velle aliquid indifferens sine malo sine, & sine mala circumstantia, nam si actus in specie in-

differeus fieret propter malum finem, jam non esset in individuo indifferens, sed malus; ergo etiam poterit facere actum ex objecto bonum sine pravo fine; ergo potest facere actum bonum moraliter. Probatur consequentia, quia si voluntas potest pro sola libertate velle objectum indifferens, propter aliquam naturalem commoditatem indifferenter, cur non poterit velle objectum honestum propter naturalem honestatem. At vero actus ex objecto bonus, & carens malo sine, simpliciter est bonus: nam in aliis circumstantiis, minus periculi deformitatis, vel malitiæ invenitur; ergo si liberum arbitrium potest non facere actum malum propter indifferens objectum, poterit etiam facere actum bonum propter objectum moraliter bonum, nullam ei addendo circumstantiam malam.

48. Et hinc concluditur ratio a priori huius veritatis, quia talis actus non est per se impossibilis libero arbitrio gratia destituto, nec semper est in individuo propter extrinseca impedimenta adeo difficilis, ut ad vincendam difficultatem sit semper, & in singulis huiusmodi actibus adiutorium gratiæ necessarium: ergo non est, cur interdum fieri non possit a libero arbitrio sine adiutorio gratiæ. Antecedens quoad priorem partem evidens est, quia talis actus est in substantia naturalis, quia est de objecto materiali, & formaliter proportionato, & inclinationi, ac viribus naturalibus liberi arbitrii, & cognitio talis objecti, iudiciumque conscientiæ sufficiens ad talenti actum efficiendum etiam est naturale, & proportionatum naturali lumini intellectus, ac principiis, quæ homo ex objectis sensibilibus, & per species ab illis acceptas naturaliter cognoscere potest; ergo ex nullo capite actus ille est per se impossibilis naturalibus viribus liberi arbitrii. Altera vero pars non indiget probatione, quia experimento satis constat: sæpius enim contingit, nullam occurrere difficultatem peculiarem in exercendo aliquo actu virtutis, vel misericordiæ ad inopem: reverentiæ vel obedientiæ ad parentes, &c. Immo interdum homo, vel ex generali conditione naturæ, vel ex peculiari, & individua inclinatione, vel ex consuetudine, & bona educatione est satis propensus in huiusmodi actus, & alioqui cum impedimenta sint accidentaria, & contingentia non semper occurrunt. Ergo nulla ratio reddi potest tantæ impotentiae, vel difficultatis in omnibus, & singulis actibus huiusmodi, ut nunquam possit aliquis sine auxilio speciali gratiæ per liberum arbitrium fieri.

Et ratio ne a priori.

49. Atque hic discursus probat generaliter tam in statu naturæ lapsæ, vel puræ, quam in statu integræ naturæ, de quo assertio multo magis communis, & recepta, & cum maiori ampliatione, ut in sequentibus videbimus. Nunc vero quoad præsens punctum de aliquo, vel aliquibus actibus, ab statu naturæ integræ ad lapsam sumitur efficax argumentum, quia difficultates, & impedimenta bene operandi, quæ ex lapsu naturæ humanæ ortæ sunt, non semper, & in singulis actibus operis difficultatem adeo augent, ut propter illam solam necessarium simpliciter sit auxilium gratiæ ad singula moralia opera ordinis naturalis, ut ostensum est. Quia vero hic discursus diversis modis eluditur iuxta diversos modos explicandi auxilium gratiæ ad hos actus necessarium, ex quibus etiam ortum est, ut aliqui non tantum in statu naturæ lapsæ, sed etiam integræ: imo non solum in humana natura, sed etiam in Angelica, auxilium gratiæ ad singulos bonos actus requirant: ideo ad plenioris assertionis probationem, & eius discursus confirmationem per singulos modos & opiniones affirmantes necessitatem talis auxilii discurrendum est, & quam sine fundamento loquantur, ostendendum.

Ac denique arguendo ab statu naturæ integræ ad lapsam.

CAPUT IX.

In nullo statu esse necessariam homini ad honestam operationem moralem ordinis naturalis specialem motionem, vel qualitatem ipsi voluntati a Deo impressam, quæ & physice actum efficiat, & voluntatem ad illum efficiendum omnino determinet.

1. sens. & opinio tractatur.

Primus modus explicandi gratiam necessariam ad singula bona opera moralia fuit Gregorii 2. d. 28 q. 1. concl. 1. & 3. maxime ad 12. Qui dixit, existente cogitatione, & iudicio practico hominis de objecto bono honesto presentato voluntati, non posse hominem solo libero arbitrio cum concursu generali Dei se determinare ad bonum illud bene, seu virtuose volendum, sed necessariam esse specialem Dei motionem gratis a Deo impressam voluntati, quæ sit qualitas quasi transiens, vel alia similis entitas, quæ & physice cum voluntate talem actum efficiat, & voluntatem ipsam ad illum studiose præstandum juvet, atque determinet, ita ut sine illo adiutorio non possit voluntas facere talem actum, & ibi posito non possit aliter operari. Distinguit autem Gregor. hanc motionem a generali concursu; tum quia non est generalis, sed specialis tantum ad opera bona, & libera; tum quia in re ipsa concursus non distinguitur ab actione creaturæ, hæc autem motio est res ab illa distincta; tum quia per solum concursum facit Deus actum liberi arbitrii, non tamen determinat voluntatem creatam, nec facit, ut faciat, ut patet in actibus malis: per hanc autem motionem determinat voluntatem hominis ad actum bonum, & facit, ut faciat illum. Unde concludit hanc motionem non esse debitam, quia non est simpliciter necessaria ad operandum, ac subinde esse specialem gratiam. Nam Deus solum debet generalem concursum: ergo quando addit hanc motionem, gratis illam confert tanquam speciale donum, est ergo gratia, & speciale beneficium saltem quoad modum. Atque hanc opinionem sequutus est Capreol. in eadem d. 28. art. 1. concl. 2. & art. 3. ad argumenta contra illam, & Hispanens. art. 3. notab. 1. & 2. Videturque idem sequi Dionys. Cisterci. in 1. dist. 17. q. 1. artic. 1. concl. ult. latius in 2. d. 25. q. 1. art. 2. dicit enim, liberum arbitrium non sufficere ad aliquam bonam actionem, sicut sufficit ad malam, sed indigere speciali auxilio: non vero explicat modum istius auxilii, refert tamen Gregorium, & ita videtur ejus sententiam sequi. Quam etiam tenet Mai. 2. d. 28. quæst. 1. concl. 2. & 3. ubi eodem modo loquitur. Sic etiam refertur pro hac sententia Romæus lib. de libert. oper. verit. 14. & 15 & alii, qui ut opinior, in aliis sensibus locuti sunt, ideoque eorum sententiam in sequentibus capitulis tractabimus.

Ratio propria sententia proposita

2. Habet hæc sententia quædam fundamenta cæteris opinionibus, quas non probamus, communia: quæ ab autoritate sumuntur, eaque post nostræ sententiæ confirmationem, & aliarum opinionum confutationem, expendemus. Unica ergo videtur esse ratio Gregorio maxime propria, quæ jam est facta in superioribus: quia non potest actus esse bonus, nisi in debitum finem referatur, non potest autem referri in finem sine gratia: nam debitus finis est, ut propter gloriam Dei fiat, ad Coloss. 3. hic autem finis naturam superat: ergo. Atque hæc ratio habet fundamentum in Augustino libr. 1. de Gratia Christi capit. vigesimo sexto.

Reiicitur d. 1. quia de auctoritate sacro.

3. Hæc vero sententia communiter refellitur ab auctoribus, quos in sequentibus capitulis referam: & mihi displicet, falsaque videtur. Primo quia rem oculissimam, & obscurissimam affirmat sine ullo velotitatis, vel antiquitatis fundamento, quod vel ex Scholasticis Theologis, qui Gregorium præfesserunt, vel ex Augustino, aut aliis Patribus, vel Conciliis sumi possit. Quod patet: nam etiam ad actus supernaturales talem modum gratiæ non requirunt, sed excitantem, & adjuvantem gratiam, quæ longe diversæ

sunt; ergo multo minus ad naturales. Consequencia evidens est, de antecedenti vero multa dicenda sunt infra, tractando de gratia efficaci. Secundo, destituta est illa opinio omni ratione fundata intrinseca natura rei. Quæ enim reddi potest causa hujus necessitatis magis ad actum bonum, quam ad actum malum? Nam hæc causa non potest sumi ex subordinatione, quam voluntas nostra habet ad Deum, tanquam causa secunda ad primam; nam eandem subordinationem, & essentiali dependentiam habet in eliciendo actum malo, quam habet in eliciendo bono, juxta catholicam doctrinam Theologorum omnium, uno excepto Durando, ejus sententia tanquam erronea reiicitur in 1. 2. quæst. 79. Neque potest illa causa sumi ex libertate, & indifferentia voluntatis, ratione cuius videatur indigere determinari ad aliquid definite volendum: nam eandem indifferentiam, & libertatem habet respectu actus mali, & tamen ad illum determinatur, cum vult sine determinante extrinseco secundum Gregorium; ergo est par utriusque ratio. Nec denique reddi potest causa ex ipsa differentia actuum, quia licet sit unus melior alio, tamen uterque continetur sub naturali ordine, & habet talem proportionem ad naturales vires voluntatis, ut non excedat illas in ratione principii proximi, alioqui non esset actus naturalis, de quo tractamus, sed supernaturalis: nam in hoc fere consistit ratio supernaturalis actus, ut infra videbimus. Neque video, quod aliud caput ex cogitari possit, unde illa differentia nascatur; ergo nulla ratione fundatur.

4. Tercio habet illa sententia duas difficultates, quas in hac materia sæpe inculcare soleo, & in sequentibus late urgebo. Prima est, quia si illa motio est necessaria ad volendum bene, & alicui non datur, ut non raro evenit, quomodo quæso habet libertatem ad talem bonum actum eliciendum? Nam si ego non habeo necessaria principia volendi, nec est in manu mea, ut obtineam principium aliquod necessarium ad talem actum, profecto nec velle possum, neque simpliciter potestatem habeo, multoque minus moralem, in eo autem, quod non possum, liber non sum, quia libertas dicit potestatem ad utrumque. Nec responderi hic potest, licet non habeam illam motionem, posse illam habere, & per me stare, quo minus habeam. Quid enim faciam, ut habeam motionem, quæ mihi non datur? Maxime enim deberem aliquid boni facere; at vero ad illud indigeo ipsa, vel alia motione, juxta hanc sententiam, at nulla datur, ut supponimus: erit ergo impossibilis homini & actus bonus, & motio ad illum, quando ex se Deus illam non dat, ut plane contingit, in omnibus qui actu peccant. Secunda difficultas est, quomodo is, cui datur hæc motio, habeat liberalem quoad exercitium in actu illo efficiendo? Quia nec impedire potest motionem, si Deus illam dat, nam in illa recipienda mere passive se habet, neque illa recepta, potest non agere, nec suspendere influxum suum, utrumque enim Gregorius fatetur. Ex illis autem duobus principiis sequitur necessitas simpliciter, quia est inevitabilis per liberum arbitrium, & antecedens cooperationem ejus. Quæ nunc sufficiat attigisse, infra enim in graviore disputatione de gratia efficaci copiosius tractanda sunt.

5. Concludo igitur, voluntatem humanam posse bene moraliter intra ordinem naturæ operari, sequendo dictamen aliquod rationis naturalis, sine speciali principio physico addito naturalibus potentiis hominis, & distincto a generali Dei concursu. Hæc est communis sententia Theologorum, quos infra referam, & iudicio meo vincitur secunda, & tertia ratione contra Gregorium factis. Eamque latius probavi, 1. p. tr. 2. l. 2. c. 15. & ideo nihil addere necessarium iudico, præferri quia ex dicendis contra alias sententias hæc pars amplius confirmabitur.

6. Neque ratio Gregorii vim habet, quia illi satisfactum est in capitulis præcedentibus, ubi ostendimus, relationem ad finem supernaturalem, vel supernaturaliter cognitam, non esse necessariam ad honestatem moralem operis naturalis ordinis. Imo nec propria relatio operis in Deum formaliter, vel virtute facta per

2. quia de auctoritate ratione.

3. a b in. conveni. enti duplicis difficultatis. Prima difficultas.

2. Difficultas.

Vera sententia insinuat.

Ad ratio. nem pro Greg. in n. 2.

per actum elicited ipsius operantis, necessaria ad honestatem moralem operis, & licet esset, posset intra ordinem naturæ sufficere, ut dixi. Alia vero Gregorii argumenta aliis opinionibus communia sunt, & in seqq. tractabuntur, ut dixi.

An præd. motio sit possibilis, & utilis, esto de facto non dicitur. Respon. affirm. si motio possit natur. sub. recta usus libero.

7. Quæri autem potest, an illa motio, quam ponit Gregorius, esto necessaria non sit, possit a Deo cum utilitate accipientis tribui. Respondeo, duobus modis cogitari posse motionem illam, primo subjectam libero usui voluntatis, secundo ita dominantem voluntati, ut illi non possit resistere. Priori modo non videtur dubium, quia sit possibilis, & utilis. Possibilis quidem, quia nulla ostenditur repugnancia, seu implicatio contradictionis, siue talis impressio fiat per modum habitus, siue per modum qualitatis transeuntis, ut est vulgaris opinio, de qua nunc non disputo, in sequentibus enim locus commodior occurreret. Utilis autem erit talis motio, quia inclinabit voluntatem ad honestum, & augebit efficacitatem ejus, & non tollet libertatem, quia ponitur subiecta usui ejus, quæ subjectio in hoc consistit, ut illa posita, sit in manu voluntatis, elicere, vel non elicere actum, ad quem illa inclinatur. Cum enim illa ponatur distincta ab actu, & principium ejus, nihil obstat, quo minus illa posita, non sequatur actio voluntatis, propter libertatem ejus. Gregorius vero alio modo posuit motionem illam, scilicet, ut necessariam ad bonum opus, & ut necessitatem quandam compositam (ut vocant) & antecedentem, inferentem voluntati, quia illa motione posita necesse est, ut consentiat. Hoc autem modo censeo, illam non esse possibilem cum utilitate morali, quia censeo tollere libertatem, a qua omnia moralis utilitas pendet, ut constat. Motionem autem illam inferentem necessitatem antecedentem, libertatem tollere probatum est in tertia ratione contra Gregorium, cui nihil hactenus responsum est, quod intelligi satis possit, ut iterum in sequentibus ostendam. An vero sit possibilis talis motio, saltem tollendo libertatem actus, & moralem utilitatem, necessitatem inferendo voluntati, in prolegom. I. c. 4. & 5. disputatum est.

Necus vero sita subiecta non pō. natur.

CAPUT X.

Ad singula opera bona moraliter, non esse necessariam cogitationem, vel inspirationem in sua entitate majorem, seu meliorem, quam sine auxilio gratia haberi possit.

Opinio contraria assertioni capituli.

TRactanda sequitur altera opinio, quæ ad omnes, & singulos actus morales naturalis ordinis requirit specialem gratiæ motionem divinitus additam intellectui, vel voluntati, ultra omnem cogitationem, & præviā motionem, quæ per causas fieri possit. In quo convenit hæc sententia cum præcedenti, & præterea in hoc, quod ponit hanc motionem, ut distinctam ab actu libero voluntatis consentientis, & a concursu generali Dei, qui in ipso actu essentialiter includitur, & non censetur pertinere ad gratiam, sed esse debitum naturæ. Differt autem hæc sententia in multis a præcedenti. Primo quia ponit hanc præviā motionem in aliquo actu vitali intellectus vel voluntatis, quæ sit vel cogitatio boni intellecti, vel aliqua specialis illuminatio circa talem cogitationem, vel suavitas aliqua indita voluntati per modum simplicis affectus. Gregorius autem non ponebat motionem vitalem (ut sic dicam) sed impulsum quandam a solo Deo voluntati sine efficientia ejus impressum. Secunda differentia est, quia Gregorius ponebat illum influxum, ut per se efficientem physice actum bonum voluntatis, hæc autem opinio non tribuit hanc physicam efficientiam illis actibus præviis, quia censet voluntatem cum concursu generali esse sufficiens principium physicum talis actus, sed requirit illam motionem ut moraliter inducentem, & attrahentem voluntatem. Tertio differunt, quia hæc opinio non dicit, voluntatem determinari omnino ab illa motione ex natura ejus, sicut Gregorius de sua motione fingebat.

Suarez. Tom. VI.

2. Hanc ergo specialem motionem moralem requirit hæc opinio ad singulos actus bonos, quia licet precedat in intellectu aliqua naturalis cogitatio boni honesti, particularis, & practica, a sensibilibus objectis cum concursu generali Dei excitata, & de se alliciens voluntatem ad tale bonum amandum, nunquam voluntas talem amorem, vel actum bonum sine aliqua morali culpa eliciet, nisi Deus speciali modo, & ultra naturalem activitatem externorum objectorum intellectum illuminet, aut dirigat, vel efficacius excitet, vel voluntati specialem boni dilectionem, vel affectionem imprimat, & tollat impedimenta, quæ determinationem voluntatis possent impedire. Et ideo vocat hæc opinio hanc motionem specialem gratiam adjuvantem, necessariam ad singulas operationes honestas, ita ut voluntas, si illa gratia careat, infallibiliter peccet. Dicit autem potest illa gratia naturalis in substantia, seu ordinis naturalis; tum quia per se nec ad supernaturalem finem ultimum, aut proximum, neque ad supernaturalem actum ordinatur; tum etiam, quia non repugnaret fieri per causas naturales, si ad illum effectum fuissent dispositæ, & applicatæ. Et nihilominus vocari potest gratia supernaturalis quoad modum, quia & datur sine proprio debito, quod in ipsa natura, vel in dispositione causarum naturalium precedat, & consequenter datur modo præternaturali, quia tunc non occurrebant causæ secundæ, a quibus effici possent. Neque est dubium, quin hoc gratiæ sit possibile, & si detur, fore valde utile ad bene operandum; quod vero sit etiam necessaria ad singula bona opera moralia in præsentis statu naturæ lapsæ, prædicta opinio affirmat, intelligi autem debet, nisi Deus altiore modo auxilii, & gratiæ ad eadem opera efficienda conferre velit, ut per se clarum est.

Opinio ex plana.

3. Hæc sententia tribui solet Marfilio 1. qu. 20. a. 3. Sed si attente legatur in dubio 1. tota conclus. 4. præsertim in versiculo: *Ad hanc rationem*, & tota conclus. 5. solum requirit illud speciale auxilium ad operandum honeste semper, vel regulariter, & vincendum graves tentationes, non vero ad singula opera. Immo respondendo ad rationem quandam factam contra necessitatem talis auxilii, inquit: *Quamvis ita sit, sicut assumitur quoad aliquam scilicet, quod Deus, dando naturam animæ intellectivæ, simul dat lumen naturæ ad desiderandum, & assentiendum vero, & inclinationem ad bonum, Deo dirigente per influxum communem, &c.* Post peccatum vero (dicit infra) non sufficere hunc influxum communem, quia natura lapsa, non est tam potens in naturalibus sicut integra: *Alias* (inquit) *posset nunc resistere omni tentationi, sicut antea poterat.* Non ergo loquitur de singulis operibus, nec totus discursus ad hoc deducit.

Tribuitur Marfilio, sed in merito.

4. Magis videtur huic sententiæ assentire Clithov. in Damasc. l. 2. de Fid. c. 30. Dicit enim cum Leonardo Aretino, Dial. de Moribus, quem citat, *omne opus bonum a Deo esse ut præcipio auctore*: Quod sane, cum distributione accommodata, verissimum est; postea vero videtur explicare de Deo ut specialiter illuminante, & adjuvante per gratiam. Idem clarius Roffen. art. 36 contra Luther. §. *Neutrum sane potest*, & §. *Verboſus*, & §. *Quamquam*; quia putat, alias sequi, posse hominem sine gratia per solum lib. arb. ad gratiam præparari, saltem remote, & de congruo. Quod tamen non sequitur, ut 1. p. dixi, & in sequentibus latius est ostendendum.

Tribuitur Clithov. & Roffen. qui tamen, explicatur.

5. Eandem sententiam sequitur Castro contr. Hæz. verb. *Gratia*; hæz. 1. ubi hanc conclusionem 3. ponit, quam catholicam appellat: *Librum hominis arbitrium, ex sola sua potestate, addita etiam illi communi, & generali Dei concausatione, non potest sine aliquo Dei speciali auxilio bonum aliquod operari: quoniam semper circa illud præcedit quedam munitio, & attractio, aut inspiratio, vel aliquod donum naturæ superadditum, quod ipse Deus, quibus illi placet, donat*; ubi sine dubio loquitur de singulis operibus, & videtur etiam loqui de homine simpliciter, & in quocumque statu, nam ratio ejus ita procedit. In probationibus autem confuse valde loquitur, nam æque procedit de supernaturalibus, vel meritoriis operibus, quam de naturalibus. Unde non improbabili- ter dici potest, solum de prioribus sententiā protulisse; tū quia viro sapiente, mē censetur esse consuetanea pro-

Tribuitur denique Castro, cuius mēs aperitur.

bationib. tum quia solum docere intendit, quia catholicum est, & necessarium ad confutandum errores alias immerito conclusionem illam catholicam vocaret; tum quia in discursu declarat, liberum arbitrium non posse sine speciali Dei motione operari aliquid *vere bonum*, in quo videtur alludere ad modum loquendi Augusti. supra indicatum, & interius amplius explicandum. Et ne quis dicat, per *vere bonum*, solum intellexisse opus ita bonum, ut nullam habeat circumstantiam malam, inferius ait, sine gratia non posse hominem bonum opus facere: *quod ad vitam perducit eternam*.

6. Fundamentum hujus sententiæ sumitur precipue ex testimoniis Augustini, & Patrum, ac Conciliorum, quæ post illum de hac materia loquuti sunt; hæc vero, quia generaliter pro omnibus sententiis, quæ diversis modis hoc speciale auxilium requirunt, afferuntur, postea tractabuntur; ratio vero sola est, quæ resultat ex difficultate bene operandi post peccatum originale, quæ partim oritur ex fomite, & concupiscentia, quæ semper infestat; partim ex ignorantia vulneris, ratione cujus homo vel ignorat, quid agere expediat, vel leviter illud considerat, cumque objecta sensibilia, & corporalia bona propinquius, & vehementius moveant, difficillimum est, practice recte, & efficaciter judicare, & imperare operationem honestam, & puram ab omni macula, ideoque nisi Deus specialiter regat, & dirigat gressus hominis, & illum ad bene operandum adjuvet, nunquam poterit actum undique bonum efficere. Aliæ rationes, quæ hic afferri possent, communes sunt aliis opinionibus, & ideo illas nunc differo.

7. Ex hoc vero fundamento sequitur, authores hujus sententiæ idem esse dicturos; si consequenter loquantur de homine in statu purorum naturalium creato, quia in illo per se loquendo, non esset minor ignorantia, nec major difficultas ex parte concupiscentie, ut supra probatum est: procederet ergo tunc eadem ratio, eademque necessitas locum haberet. Procedit etiam illa sententia non tantum in homine lapsio in statu peccati originalis, aut mortalis existens, sed etiam in homine lapsio justificato, quia soli habitus infusus parum, vel nihil minuant difficultatem fomitis, nec juvant ad illam vincendam, nisi actu operentur, vel aliquod actuale auxilium illis addatur. Secus vero esset in statu naturæ integræ, vel justitiæ originalis, siye includentis gratiam, siye non includentis, quia donum justitiæ originalis, vel integritatis tolleretur dictam difficultatem, & ita cessaret ratio facta, & consequenter necessitas, quæ ex sola illa oriri dicitur. Nam si affirmatio est causa adæquata affirmationis, negatio erit negationis, quod a fortiori constabit ex dicendis.

8. Nihilominus dico sicut in titulo aperui non esse necessarium tale auxilium speciale dicto modo explicatum ad omnes, & singulas operationes bonas bene moraliter faciendas, absque ulla circumstantia mala. Imo e contrario posse hominem lapsum per rationem, & liberum arbitrium cum communi concursu Dei sine alio auxilio specialis inspirationis, aut majoris motionis, quam sit naturæ debita, aliquod opus morale simpliciter honestum operari. Hæc est communis sententia aliorum auctorum, quos supra retuli, & videtur mihi omnino vera. Fundamentum est, quia prædicta sententia ratione est destituta, & nulla supernaturali auctoritate fulcitur, hæc autem assertio, & ratione naturali efficaciter ostenditur, & est magis consentanea Scripturæ, & Patribus; ergo. Minor quoque prior partem probatur, quia unum opus morale honestum, non excedit lumen rationis naturalis, nec efficacitatem naturalem voluntatis liberæ, ergo possunt tales potentia convenienter, & recte intra ordinem naturalem, operari cum communi influenza primæ causæ. Antecedens evidens est. Consequentia vero probatur, quia non semper, in omni tempore, loco, & occasione occurrunt impedimenta, quæ cogant, vel rationem ad judicandum practice, vel voluntatem ad eligendum cum aliquo defectu erroris, vel malitiæ, ut explicabitur respondendo ad fundamentum contrariæ sententiæ.

9. Atque hæc ratio valde confirmatur in homine in statu puris naturalibus, quia incredibile est, non posse in illo statu facere aliquod opus naturæ suæ proportionatum, cum omnes res naturales hoc possint cum generali concursu; ergo cum eodem concursu idem posset homo: tum quia non est peioris conditionis; tum etiam quia ille status non ita postulat gratiam, sicut honestam operationem, quia operatio est debita secundum intrinsecam facultatem, & inclinationem naturæ; gratia vero minime, sed extrinsecus advenit, non solum quando est supernaturalis ordinis, sed etiam ut esse potest speciale donum non debitum naturæ, illi additum intra eundem ordinem, ut ex dictis in proleg. 4. constat. Deinde potest idem confirmari ex dictis c. 1. & 2. de cognitione veri speculativi, & practici. Nam rationes, quæ probant aliquam veritatem naturalem tam practicam, quam speculativam posse cognosci per naturales vires intellectus, cum proportionem probant bonitatem aliquam honestam ordinis naturæ posse fieri per naturales vires voluntatis, quantum est ex parte difficultatis. Quia licet regulariter frequentius occurrat difficultas in operando bonum, quam in cognoscendo verum, non tamen semper; imo aliquando difficilius est, cognoscere aliquod verum, quam aliquod bonum operari, & nihilominus vis rationis, & diligentia humana interdum superat illam difficultatem in veteri cognitione; ergo etiam poterit superare aliquam, quæ sepe levis est, in volitione alicuius honesti boni.

10. Ultimū confirmatur ex fundamento contrariæ sententiæ, ejusque responsione. Nam difficultas fomitis, quæ in eo consideratur, non est talis, quæ singulos actus reddat moraliter impossibiles; ergo non potest inducere necessitatem gratiæ ad singulos actus. Antecedens videtur evidens ipsa experientia, præsertim si sumamus actus honestos parum, aut nihil repugnantes appetitui, ut sunt v.g. honorare aliquando parentem, dicere aliquam veritatem, parvam eleemosynam facere, & similes. Et licet appetitus repugnet, non semper cum vehemēti affectu, magnave repugnantia: aliunde vero etiam voluntas habet naturalem, & majorem inclinationem ad honestum: ergo pensatis omnibus, nulla est ibi impossibilitas moralis. Immerito autem queritur, cur debeat voluntas fieri in objectum honestum? Quia honestas est ratio sufficiens, & si attente consideretur, ut potest, multum movet voluntatem. Prima autem consequentia probatur, quoniam illa duo quasi correlativa sunt. Quia necessitas adjutorii specialis fundari non potest, nisi in impossibilitate actus respectu principii tali adiutorio destituti. Igitur licet illud genus gratiæ utilissimum sit, & ad supernaturales actus necessarium; respectu naturalium non habet necessariam connexionem quoad singulos actus. Quod autem hæc sententia sit etiam doctrinæ Patrum consentanea; in sequentibus ostendetur.

C A P U T XI.

Proponitur tertia sententia, tertiusque modus explicandi auxilium gratiæ ad singula opera moralia necessarium.

Post authores in tribus præcedentibus capitibus allegatos. P. Vasq. 1. 2. disp. 190. latissime defendit sententiam asserentem esse necessarium proprium auxilium gratiæ, per Christum, datum ad singula moralia opera naturalis ordinis. Et quamvis pro sua sententia referat omnes authores a nobis pro aliis opinionibus relatos, ipse tamen novo quodam modo explicat hanc gratiam, quem ab alio antiquiore scriptore traditum non invenio. Nam ipse non requirit in voluntate gratiam aliquam, vel motionem, seu actionem specialem Dei ad talem actum voluntatis præter concursum generalem, quia in primis refutat motionem determinantem a Gregorio propositam. Deinde nec aliud principium per se physicum, præter voluntatem, docet esse necessarium, quia voluntas habet sufficientes vires causæ proximæ, & principalis respectu talis actus. Neque etiam postulat affectum aliquem

Testimonium sacra pro hac sententia quia generaliter loquuntur hic non urgent. Ratio propria sumpta ex difficultate ad bonum in natura la. pfa.

Præcedens ratio consequenter valet in statu puræ naturæ.

Et in homine lapsio in statu naturæ lapsæ.

Non vero in statu naturæ integræ.

Vera sententia ex suo fundamento.

2. Confer.

3. Confer. ex opposito fundamento in n. 6 ejusque solutione.

Vasquez nove explicat gratiam necessariam ad singula opera moralia.

aliquem simplicem, quem præcedere in voluntate simpliciter necessarium sit? & merito, quia cum voluntas per se sit sufficienter proportionata tali actui, potest illum immediate efficere, si objectum illi convenienter sit per cogitationem, & iudicium intellectus propositum.

In cogitatione sancta gratiam prædictam ponit.

2. Totam ergo hanc gratiam ponit in cogitatione sancta, seu boni honesti: nam hæc necessario præcedere debet actum honestum voluntatis, cum nihil sit volitum, quin præcognitum: ideoque non est in hominis voluntate illam sibi præparare, cum antecedit hominis voluntatem, ideoque debet ab extrinseco agente provenire, a solo autem Deo præparari potest, & ideo illi tribuenda est. Quod etiam cognovisse videtur Aristot. lib. 7. Ethic. ad Eudemum circa finem, ubi querit, an fortuna causa sit, ut quid, & quando oporteat concupiscatur. Respondetque affirmando, & declarando, causam illius fortunati effectus, non esse nisi Deum. Et primum probat, dicens: *Neque enim consultans consultavit, & hoc consultavit, sed principium est quoddam, neque cogitans cogitavit id prius cogitare, atque in infinitum ejusmodi fiat progressio. Neque igitur considerandi, junctum principium, neque considerandi, consilium. Quid igitur aliud, nisi fortuna.* Secundum autem probat dicens. *Patet autem sic esse, quemadmodum in universo est, & vicissim cuncta in illo, moventur enim omnia ab inexistente in nobis numine. Rationis autem non ratio, sed præstantius quoddam est principium, quid autem scientia præstantius est, nisi Deus.*

Etque sit prima in quovis opere hominis.

3. Ex quibus verbis intelligi potest hoc procedere de prima tantum cogitatione, a qua consultatio, de actu honesto efficiendo incipit, siue in principio rationalis vitæ, seu usus rationis, siue in cuiusque diei initio, vel quotiescumque homo aut a somno excitatur, aut de quacumque speciali deliberatione incipit cogitare, talis enim prima cogitatio revera non est in potestate voluntatis, & ideo necesse est, ut a principio extrinseco proveniat, ut cum Aristotele docuit D. Th. 1. 2. q. 9. a. 4. Nam intellectus potest moveri sine prævia motione voluntatis, voluntas autem, non potest moveri sine prævia cognitione intellectus, & inter cognitionem, & volitionem non potest esse processus in infinitum, ideoque necesse est sistere in prima cogitatione, quæ non sit a voluntate. Post primam autem cogitationem sufficientem, ut voluntas libere moveatur, jam tunc potest homo se ipsum movere ad aliam cogitationem, vel iudicium, & consequenter ad alios actus bonos; nihilominus tamen quia in huiusmodi progressu prima cogitatio præit primam voluntatem, & hæc prima voluntas applicat intellectum ad secundam cogitationem, ex qua nasci potest secundus actus voluntatis, & sic deinceps; ideo omnes huiusmodi actus intellectus, & voluntatis, tandem ad Deum tanquam ad primum motorem reducuntur. Et simili ratione, si prima illa cogitatio pertinet ad Dei gratiam, etiam secunda bona cogitatio, licet proxime sit ex applicatione voluntatis, nihilominus etiam est ex gratia, quia illa prima voluntas, quæ applicat intellectum ad cogitationem sanctam, donum gratiæ est, & ideo 2. etiam cogitatio est gratia pro gratia, & sic de cæteris. Ideoque dicti authores totam hanc rationem gratiæ ad primam cogitationem sanctam, quæ in nostra potestate non est, revocant.

Potest tamen mediantibus causis secundis.

4. Secundo est considerandum, non esse necessarium: ut Deus immediate per se ipsum illam primam cogitationem immitrat: nam potius in his actibus ordinis naturalis id rarum est, quia ordinarie hos naturales effectus operatur Deus per causas secundas, quando commode fieri potest. Regulariter vero potest hæc bona cogitatio honesta, & naturalis excitari per objecta sensibilia, naturale lumen intellectus moventia mediis sensibus, ipsa vero objecta interdum sensibus externis occurrunt per ordinarium cursum rerum, & causarum naturalium, & interdum per homines, vel Angelos possunt applicari, aliquando fieri potest hæc motio, media sola imaginatione, mota a phantasmatibus internis, excitatis etiam, seu applicatis vel per aliam causam naturalem humores corporis moventem, ut idem Vasquez generaliter explicat 1. 2. disp. 38. cap. 3. & specialiter de honesta cogitatione in Suarez, Tom. VI.

dicta disp. 190. cap. 12. & in disp. 189. capit. 15. & 16. Quia vero & cursus ipse causarum secundarum, & ordo, ac dispositio earum, a quo procedit hæc excitatio intellectus ad honestam cogitationem, provenit etiam ex dispositione divinæ providentiæ, & non sit sine actuali influxu ipsius Dei, ideo illi tanquam primatio fonti illa cogitatio tribuitur. Hæc autem necessitas tota reducitur ad generalem concursum primæ causæ cum secundis, & ad providentiam etiam generalem Dei circa res omnes universi. Unde etiam sit, ut illa prima cogitatio honesta, in suavitatem naturalis sit, & per ordinarium cursum naturæ cum generali influxu, & providentia fiat, nihilque aliud requirit nisi aliquid speciale in ea inveniat.

5. Unde est tertio considerandum, non ad omnem honestam cogitationem proponentem objectum voluntati, ut recte velit, sequi statim actum voluntatis bonum & studiosum, sed interdum sequi, interdum non sequi, pro libertate voluntatis: unde fit, ut cogitatio honesta interdum esse possit congrua, interdum non congrua: congrua vocatur, quando habitura est effectum bonæ voluntatis: non congrua vero, quando stante illa non sequitur effectus. Unde fit, ut ad eliciendum actum bonum moraliter, non quilibet honesta cogitatio satisfaciat, sed requiratur congrua, & accommodata, ut cum effectu determinet lib. arb. de se indifferens. Nam cum contingit, habere cogitationem honestam, & sufficientem ad operandum bonum, & non velle illud, ut diximus, profecto ad operandum cum effectu bonum actum, necessaria est cogitatio congrua. Talis autem cogitatio est donum Dei, quia non potest in nobis fieri sine operatione divina, & non est donum naturæ debitum, quia multis non datur sine ullo miraculo, & nihil immutando naturalem ordinem; ergo est donum Dei gratis datum, & hoc est gratia.

item potest sancta cogitatio non esse efficax aliquando.

6. Fundamentum præcipuum ex ipsa rei natura sumptum, & quasi necessario discursu elicited, est illud quod ex ipsa declaratione opinionis statim patet. Et declaratur amplius ex differentia, quam D. Th. qu. 4. de verit. art. 14. considerat inter agentia naturalia, & libera; quod naturalia sunt determinata ad unum, & ideo ex parte Dei solum requirunt ad suas actiones Dei cooperationem per generalem concursum, seu instantiam in ipsummet effectum, & actionem naturalis agentis. Agentia vero libera & rationalia, quia indifferentia sunt, indigent ante suam actionem, & præter concursum ad illam, aliqua causa movente voluntatem, quæ causa necessario esse debet extrinseca ipsi voluntati, quia ejus motio antecedit omnem voluntatis actionem; ergo talis causa non est nisi Deus, vel immediate movens mentem, vel saltem per causas externas. Ulterius vero motio illa antecedens, etiam est (ut sic dicam) indifferens, saltem generatim sumpta, quia interdum est congrua, interdum non congrua, quod autem talis, vel talis sit, non provenit ex industria, seu electione ipsius hominis bene operantis, quia illa motio antecedit ejus voluntatem, & consequenter industriam, & electionem ejus, nec etiam provenit casu, saltem respectu Dei; ergo provenit ex divina providentia ita ordinante causas secundas ut homines congrue moveant ad operandum bonum recte, & omnino honeste. Hæc autem providentia non est homini debita ex vi creationis, quia salvo creationis beneficio, & toto ordine naturalis providentiæ posset homo nunquam excitari congrue, sed ad summum sufficienter: ergo talis cogitatio est beneficium divinum non debitum, sed præter debitam providentiam, & hoc est beneficium gratiæ.

Fundamentum 1. & naturale, quod ex dictis elicitur.

7. Huic autem fundamento additur aliud Theologicum, quod in hac materia primarium est, & prædictum auctorem induxit ad illum modum gratiæ admittendum. Illud vero est, quia necessario fateri debemus, omne opus bonum morale, cuiuscumque ordinis, gradus, seu qualitatis existat, esse ex gratia Dei, & in natura lapsa esse ex gratia Redemptionis Christi: sed pro singulis bonis operibus moralibus ordinis naturalis, non invenimus, nec cogitari potest alius modus gratiæ, qui verisimili ratione offendatur necesse.

Fundam. 2. & Theologicum.

cessarius, ut probant adducta contra priores sententias: ergo necessario est dicendum, & illam cogitationem congruam esse veram gratiam, & esse necessariam ad bene operandum. Consequentia cum minori patet ex dictis. Major autem probatur multis testimoniis, & rationibus ex illis deductis, quæ in seq. capitulis expendemus, ut illis etiam satisficiamus, quia nonnulli iuniores conqueruntur, quod in 1. par. quasi illorum testimoniorum efficacitatem timendo, unico fere verbo illa expediverimus.

8. Ex hac vero assertione sic explicata inferunt primo defensores ejus esse necessariam hanc gratiam specialem ad omnia opera moralia: non solum in homine lapso, sed etiam in puris naturalibus, & in homine lapso sanato per gratiam habituales, & in statu naturæ integræ, & originalis justitiæ, imo etiam in Angelicâ naturâ: ratio est, quia fundamentum necessitatis hujus gratiæ commune est omni naturæ intellectuali creatæ, & locum habet in omni statu ejus: quia illud fundamentum non est nisi necessitas præmotionis voluntatis liberæ, quæ moveri potest cogitatione congrua, & incongrua, quæ indifferentia, & necessitas communis est omni naturæ rationali, & omni ejus statui, nec potest determinari quoad congruitatem antecedentis cogitationis, nisi a Deo, seu per ejus providentiam, quæ nulli naturæ, vel statui viatoris est debita. Quia semper rationalis natura in omni statu est capax cogitationis congruæ, & incongruæ, & non potest alterutram sibi eligere, vel præparare, ergo gratis a Deo donatur, & ita est gratia.

9. Constituitur autem differentia in primis inter naturam rationalem ordinariam a Deo ad finem supernaturalem, vel tantum ad finem proportionatum naturæ. Quia si natura recipiens illud beneficium cogitationis congruæ non sit ordinata ad supernaturalem finem, cogitatio quidem illa erit gratia gratis data, distincta a beneficio creationis, quia non est debita ratione illius. Est tamen naturalis, quia neque in se, neque per ordinem ad finem ultimum, vel ad aliquem effectum excederet naturalem ordinem, sed solum in ratione indebiti beneficii, & ideo dicitur gratia naturalis. At vero in natura ordinata ad finem supernaturalem, & maxime in justificata, illa cogitatio esset gratia supernaturalis, simpliciter loquendo, non ratione substantiæ nec alicujus entitatis, aut modi physici, ut ex dictis est evidens, quia in sua entitate, vel modo intrinseco nihil habet, quod non pertineat ad ordinem naturæ, & per naturales vires intellectus moti per species naturales fieri possit; sed dicitur supernaturalis gratia quoad quendam moralem modum; tum quia datur in ordine ad salutem æternam, & supernaturalem finem; tum quia esse potest principium vel supernaturalis meriti, si sit in homine justo, vel aliqualis iustitii, & dispositionis ad gratiam supernaturalem, si sit in homine peccatore. Quæ differentia, & ratio ejus, iam in Angelo creato in pura natura propter suum finem naturalem, vel ordinato ad supernaturalem beatitudinem, quam in homine existente in natura integra pura ex parte finis, vel ordinato ad eandem supernaturalem beatitudinem, & creato in supernaturali iustitia, vel sine illa, intercedit; ut facile constat ex dictis.

10. In homine autem lapso, prout nunc nascitur ex Adamo semper illa cogitatio congrua habet rationem gratiæ supernaturalis, quia talis homo, licet sit iniustus, ordinatus est ad finem supernaturalem, & ita omnis talis cogitatio propter eundem finem datur, & habitura est effectum conferentem aliquo modo, sive per modum meriti, sive per modum remotæ dispositionis ad consecutionem illius finis; vel supernaturalis salutis. Ultra hanc vero rationem gratiæ est alia specialior in homine lapso, quæ neque in statu puræ, vel integræ naturæ, vel innocentie, neque in Angelis invenitur. Nam per originalem lapsum tota natura humana facta est indigna omni cogitatione congrua bene operandi, & constituta est de se, in termino damnationis, ubi nihil bene operaretur, nisi per gratiam redemptoris præventâ esset, ne in termino illo relinqueretur. Et ideo auxilium talis cogitationis non tantum ad gratiam Dei, sed etiam ad gra-

tiam redemptionis pertinet, quia nisi propter Christum remitteretur illa pœna, vel indignitas ex originali peccato contracta, non daretur talis cogitatio. Atque ita & in ratione gratiæ est specialior, quia non solum est concessio beneficii indebiti, sed etiam est remissio supplicii debiti, seu concessio boni, cuius carentiam homo merebatur: & in ratione etiam beneficii supernaturalis est specialius, quia est fructus redemptionis, quæ maxime supernaturalis est, & ideo omnis gratia Christi, quæ nunc datur hominibus, supernaturalis censetur.

11. Hæc autem differentia, quæ in homine lapso consideratur, in Angelo locum non habet, quia post lapsum redemptionem non habuit, sed ad terminum damnationis immediate post lapsum transiit, in quo termino nullam congruam cogitationem bene operandi habet, quia nihil boni operatur, ut suppono. Posset autem differentia illa locum habere, & considerari in homine lapso, post puram tantum, vel integram naturam, i.e. in homine non ordinato ad finem supernaturalem, sed ad solum finem naturalem, qui post statum, in quo conditus est, mortaliter peccavit: ille enim etiam fieret indignus omni bona cogitatione congrua ad honeste operandum, consequenter loquendo in illa sententia, quia est eadem ratio. Et ideo cogitatio congrua, si postea illi daretur, esset specialis gratia intra ordinem naturalem, quia non solum esset non debita sed potius ejus carentia esset debita, & præterea de se ordinaretur ad remissionem prioris culpæ, & esset aliqualis via, vel dispositio ad illam, & ita esset gratia aliquo modo non naturalis, quia remissio peccati moralis de se est opus non naturale; unde beneficium illud in se naturale, ordinatum ad finem aliquo modo supernaturalem, etiam esset specialior gratia in ratione supernaturali, quam si daretur homini puro, vel integro nondum lapso. Et hæc tenus de hac opinione quoad exactam declarationem ejus.

Non intelligitur de lapsis Angelis differentia proxime data.

C A P U T XII.

An cogitatio honesta, quæ habet effectum bonæ voluntatis, sit semper melior, quam illa cogitatio, quæ illum effectum non consequitur.

¶ Quia superior opinio multa includit, ex quibus aliqua vera esse censemus, alia distinctione indigere, alia vero non placent, & inter ea, quædam possunt de solis vocibus, alia de re ipsa dissolutionem continere; ideo priusquam in principali puncto nostram sententiam proponamus, operæ pretium duximus omnia prædicta diligenter expendere, & non solum rem, sed etiam verba, & eorum usum exponere, quoniam ad intelligendam doctrinam Patrum & Conciliorum, de necessitate gratiæ multum referre existimamus. Cum ergo præcedens opinio totam necessitatem gratiæ in cogitatione honesta, naturali, & congrua constituat, de illa prius in hoc capite considerabimus, qualis in se sit, & quomodo a Deo procedat, quatenus congrua est; in sequenti autem videbimus, an veram rationem gratiæ habeat, vel habere possit. Primo ergo certum esse statuimus, Deum non solum operari ad actus honestos naturales voluntatis, cooperando cum illa, id est concurrente ad ipsam actionem volendi honestam, per modum causæ primæ, sed etiam antecedenter, movendo voluntatem medio obiecto honesto, per convenientem cogitationem proposito. Itaque sicut infra de operibus propriis gratiæ supernaturalis dicemus, requiri ad illam excitans, & cooperans auxilium, ita cum proportionem intelligi debet ad honestum velle, necessarium esse, & convenientem concursum, & præviam motionem medio intellectu, per cogitationem ejus.

Deus excitat cogitationem congruam mediante obiecto honesto.

2. Hoc aperte tradit D. Thomas quæst. 109. art. 1. & quæst. 24. de Verit. artic. 1. 4. Capreol. in 2. distinct. 29. artic. 1. Hispalens. distinct. 28. quæst. 1. art. 3. notab. 2. & sequentibus. & Abulens. in cap. Matth. 19. quæst. 178. ad 6. Ubi recte advertit, illa duo, scilicet cooperationem,

14. ostenditur auctoritate.

& præ-

& præmotionem Dei ex diversis principiis esse necessaria, & ideo etiam diverso modo in Deum reduci. Nam cooperatio Dei est necessaria ob dependentiam essentialem, quam omnis entitas participata habet ab ente per essentiam, & hinc est, ut illa cooperatio necessario sit immediate ab ipso Deo in genere causæ primæ, quia dependentia illa essentialis dicit immediatam habitudinem ad Deum. Unde etiam fit, ut necessario conveniat omnibus, & singulis bonis operibus voluntatis. At vero præmotio Dei, quæ est per cogitationem honestam, non fundatur in essentiali dependentia actuum voluntatis a Deo, sed in naturali ordine facultatum intellectus, & voluntatis, qui provenit ex naturali conditione voluntatis, quæ non potest moveri, nisi ab objecto præcogitato ab intellectu.

etiam in intellectu, non tantum practico, sed etiam speculativo. Nam etiam intellectus est ex se expositus ut ad veram, & falsam apprehensionem & ad cogitationem intensam, vel remissam, & ad verum, vel falsum assensum moveatur & ex causis a divina providentia dispositis provenit, ut uno modo potius, quam alio moveatur; ergo speciale Dei beneficium est, quod potius ad verum, & cum intensione, & efficacia moveatur, quam alio modo. Quin potius non solum in superioribus potentiis, sed etiam in inferioribus potest cum proportionem considerari huiusmodi beneficium. Nam licet appetitus sensitivus non sit liber, est tamen capax diversorum actuum convenientium, vel disconvenientium naturæ hominis quoad corporalem vitam, vel statum ejus, & ad illos affectus movetur per phantasiam. Unde fit, ut non tantum pendeat in actibus suis a Deo quoad concomitantem concursum, sed etiam quoad præviam motionem phantasie, quæ etiam excitatur per exteriora objecta, & causas secundas, cum quibus etiam concurrat Deus, non solum intrinsece cooperando, sed etiam sua providentia ita illas disponendo, & ordinando: ut inde etiam tanquam a prima radice proveniant motiones sensuum exteriorum, & interiorum, & ipsius appetitus, convenientis non solum ad virtutem, vel scientiam, sed etiam ad vitam, & salutem, & ad convenientem corporis, & animi dispositionem. Ergo quoties causæ ita occurrunt, ut ad convenientes affectus moveant, potius quam ad alios, in Dei beneficium est referendum. Addo etiam servata proportionem, & ratione simile genus beneficii posse considerari non solum in motionibus animi, sed etiam in ipsa hominis generatione, complexionem, constitutionem, ut omittam etiam in brutis animalibus, & rebus aliis spectari posse. Quia quidquid boni creaturæ provenit, & per quascumque causas proveniat, est beneficium Dei: ergo quotiescumque causæ secundæ possunt diversis modis occurrere, & disponi ad agendum in aliud subiectum, convenienter, vel disconvenienter illi, in Dei etiam beneficium referendum est, quod potius ad convenientem effectum, seu motionem fuerint per divinam providentiam dispositæ, quam ad oppositum.

6. Quam doctrinam indicavit August. lib. 4. contra Julian. cap. 3. parum a principio, ubi Iuliano dicenti, gentiles ex se habuisse veras virtutes morales: primum negat illas habuisse, de quo supra dictum est: deinde addit, etiam si illas habuissent, Deo potius, quam ipsis esse tribuendas. Argumentaturque in hunc modum. *Sub Dei occulto iudicio, neque injusto, alii fatui, alii tardissimi ingenii, & ad intelligendum quodammodo plumbei, alii oblivisi, alii acuti, memores veniuntur, alii naturales, alii levissimi causis, ira facillima ardentes, alii inter utroque mediocres; alii ita frigidi, ut vix omnino moveantur, alii libidinosissimi, &c. Nec eorum, quæ commemoravi aliquid instituto, ac proposito sed natura. Unde medici audent ista tribuere temperationibus corporum, quod etsi probari sine ulla questione potuissent, nunquid sibi quisque corpus condidit, & hoc ejus tribuendum est voluntati, quod mala ista naturalia magis, minusve patiat, nec fas est, ut ei, qui se finxit, quis dicat quare me fecisti sic?* Unde concludit: *Quanto ergo tolerabilius, illas quas dicis, in impiis esse virtutes, divino muneri, quam eorum tantummodo tribueres voluntati.* Igitur ex sententia August. hoc genus beneficii divini, non solum in bonis moralibus, & libetis actibus voluntatis, sed etiam in aliis bonis naturalibus ex divina providentia convenientibus invenitur. Semper tamen hæc intervenit differentia, quod naturalia bona ita sunt a Deo, ut non possint ipsi recipienti ullo modo attribui, actus autem virtutum, licet sint Dei beneficia, etiam ipsi operanti tribuuntur, quia in illorum determinatione suas habet partes, licet non nisi auctore Deo, ita operetur. Et in his non videtur esse dissensio inter nos, & dictos auctores.

7. Ulterius vero inquirendum superest, an cogitatio honesta ex hoc præcise, quod habitura est effectum, ac subinde sit efficax, seu congrua, sit maius Dei beneficium, quam similis cogitatio sufficiens, & ex obie.

Motio prævia cogitationis ad actum voluntatis, tam in bonis, quam in malis actibus reperitur.

3. Ex quibus intelligitur, necessitatem huius motionis præviæ respectu actus voluntatis ultra intrinsecum concursum cooperantem Dei, non esse propriam actuum bonorum, sed in malis etiam reperiri. Quia etiam volitio turpis procedit ex cogitatione aliqua, quæ voluntatem inducat ad talem actum; nam voluntas non minus in malis actibus, quam in bonis pendet a cogitatione intellectus, quia non magis potest ferri in malum non præcognitum, quam in bonum. Hæc vero intervenit differentia, quod cogitatio excitans ad actum moraliter bonum, esse debet de bono honesto, sub tali ratione boni, cogitatio vero excitans ad pravam actum est de malo sub ratione alicujus boni inferioris; neque necesse est, ut turpiter annexa actualiter consideretur; quia voluntas non fertur in malum sub ratione mali, neque actus ejus est pravius solum, quando fertur in objectum consideratum ut pravius, sed satis est, ut feratur in objectum, quod est pravius, sive actu consideretur ut tale, sive non, considerari autem possit, & ex negligentia, vel industria omittatur, ut liberius possit voluntas in illud ferri. Atque ex hac differentia nascitur, ut cogitatio bona movens ad honestum actum tribuatur Deo tanquam auctori ejus, quia non solum ad eam concurrat ut prima causa, sed etiam illam per se intendit, & per suam divinam providentiam causas ita disponit, ut illam bonam cogitationem excitent, & cum illa etiam per se concurrat ad movendam voluntatem ad bonum actum, quia illa etiam motio bona est, & per se ab honesta cogitatione causatur. Cogitatio autem turpis, licet etiam sit a Deo, ut a prima causa concurrente ad illam, non tamen illi tribuitur ut auctori, quia non ab eo intenta, nec propter illam alias causas disponit, sed permittit, eam sequi, licet prævideat securitatem ex talibus causis, propter alios fines ita dispositis. Multoque minus est a Deo illa cogitatio; ut movens ad malum, seu motio ejus ad malum, quia revera non movet ad malum, ut tale est, sed ad bonum, quod solum est a Deo; reliqua vero quæ ex defectu hominis inde sequi possunt, tantum sunt a Deo permissa.

4. Ex quo ulterius sequitur, cogitationem honestam esse peculiare Dei beneficium non solum, quia per generale concursum ab eo fit, sed etiam quia ipse providit, & disposuit causas, ex quibus illa sequitur, hoc etiam Deo intendente, & volente. Quod non solum est verum, quando illa cogitatio habitura est effectum bonæ voluntatis, sed etiam quando illam non est consecutura. Quia excitari ad bonum, de se commodum est homini, & ipsamet cogitatio honesta per se est magna beneficium hominis; ergo est beneficium Dei, a quo confertur, sive habitura sit ulterio-rem effectum, quem Deus ex se cupit, sive ex parte recipientis impediendus sit talis effectus, hoc enim Deo non tribuitur. Item homo de se expositus est, & malis, & bonis cogitationibus, quod autem potius ad bonas, quam ad malas moveatur, magnum bonum illius est, sed hoc provenit ex divina providentia ita causas adaptante, & disponente: ergo est Dei beneficium peculiare. An vero sit maius beneficium, quando cogitatio est congrua, quam cum est tantum sufficiens, paulo post dicam.

5. Hinc vero inferimus, hoc genus beneficii non solum habere locum in voluntate, & actibus ejus; sed

Swarez, Tom. VI.

Id ostenditur ex Aug.

Cogitatio honesta est peculiaris Dei beneficium

Sive cogitatio

Proponitur præcipua quæ huius capitis.

est æqualis. Debet autem fieri præcisa comparatio, nam in eo, in quo cogitatio est congrua, adiungitur cogitationi honestus actus voluntatis, qui non est in alio, in quo cogitatio est tantum sufficiens. Unde clarum est, illum, in quo cogitatio habet effectum bonæ voluntatis, recipere a Deo maius, vel plura beneficia, quia cogitatio simul cum voluntatis actus honesto, est maius beneficium Dei, quam sola cogitatio in alio, quia etiam actus voluntatis est beneficium Dei, cum ab ipso Deo libere fiat in suo genere. Præcise igitur comparando cogitationes: dicunt aliqui, non esse maius Dei beneficium cogitationem efficacem seu congruam, quam suffICIENTem, seu incongruam. Ratio est, quia cogitatio non habet de se, quod sit congrua, sed ex eo, quod voluntas se illi accommodat, eique obedit: ergo illa cogitatio non est congrua, prout antecedit actum voluntatis, sed ex conjunctione illius: ergo secundum se non est maius beneficium, sed solum prout illi coniungitur actus voluntatis.

8. Idemque est de altera denominatione, si cogitatio illa dicitur efficax, quia duobus modis potest ita denominari. Primoratione efficacitatis in actu primo, scilicet, quia potest generare in voluntate actum honestum, & hoc etiam habet cogitatio sufficiens, unde in hoc sunt æquales. Alio modo potest cogitatio dici efficax in actu secundo, i.e. influens, seu actualiter efficiens in voluntate actum honestum, & sic denominatio illa, qua cogitatio dicitur efficax, extrinseca est respectu intellectus, & proveniens ab actu voluntatis: ergo non addit novum, vel maius beneficium, nisi quatenus actui intellectus coniungitur actus voluntatis: ergo in præciso actu intellectus, nullus est excessus. Idem patet ex actu cogitationis non habentis effectum bonæ voluntatis, nam id non provenit ex aliquo defectu ipsius, sed præcise ex voluntatis defectu: unde illa cogitatio non potest dici incongrua de se, sed ex sola denominatione voluntatis, non se accommodantis illi: hoc autem est quid posterius, & accidens tali cogitationi: ergo non diminuit rationem beneficii in illa secundum se, ac præcise spectata. Idemque est de denominatione efficacis, nam illa de se est efficax quoad potestatem, quia hoc necessarium est, ut sit sufficiens: quod autem actu non efficiat, solum est carentia denominationis cuiusdam extrinsecæ, quæ non diminuit bonitatem, vel æqualitatem beneficii ex parte ipsius.

9. Et confirmatur, nam si fingamus, Deum in eo signo, in quo disponit causas secundas tali modo, ut in duobus hominibus causent illam cogitationem, non præscire, in uno esse habituram effectum bonæ voluntatis, & non in alio: tunc non possemus intelligere, uni facere maius beneficium, quam alteri ex vi præcisæ cogitationis, quia æquale bonum vult utrique conferre, & paratus est cum utroque concurrere ad ulteriorem actum voluntatis, si uterque velit, & de utroque nescit in illo signo quid operaturus sit. At multi censent, Deum in eo signo, nondum habere illam præscientiam, quia esset conditionata de futuris contingentibus, quam alioqui negant: ergo saltem in illa sententia, non est maius beneficium una cogitatio, quam alia. Et ulterius adhuc posita illa scientia, non videtur augeri beneficium, quia ratio beneficii sumitur ex voluntate dantis, & bonitate rei datæ, sed præscientia non facit, rem esse maiorem, vel minorem, neque etiam auget Dei voluntatem, quia Deus æquale bonum vult utrique dare efficaciter, scilicet, talem cogitationem, & de se utrique etiam cupit bonam voluntatem, & paratus est, cum utroque ad illam concurrere: ergo quod præsciatur effectus futurus in uno, & non in altero, non auget beneficium in ipsa præcisa cogitatione, sed ad summum in additione alterius effectus, honestæ utrique voluntatis.

10. Alii vero in alio extremo sentiunt, cogitationem congruam spectatam præcise, semper esse in se maius beneficium, quia etiam ut antecedit actum voluntatis, aliquid in se habet, ratione cuius est congrua, quod deest alteri cogitationi, quæ incongrua reputatur. Quia semper cogitatio congrua, vel est cum maiori claritate, conatu, aut advertentia, vel

est magis expedita, & libera a contrariis impedimentis, quia, scilicet, contingit haberi eo tempore, quo non occurrit aliquid excitans ad contrarium affectum neque diminuens mentis attentionem, nec retardans affectum voluntatis, vel certe est magis accommodata complexionem hominis, ex qua proportionem sit interdum, ut cum illa insurgat aliquis motus naturalis affectionis, qui multum juvet ad voluntatis deliberationem, & ita semper includit conditionem aliquam, quæ augeat in illa rationem beneficii.

11. Fundamentum huius sententiæ est, quia fieri non potest, ut stante æquali consideratione boni honesti, & mali contrarii, & æque ablatis omnibus impedimentis ad bene eligendum, unus homo honeste eligat, & alter prave, vel unus, & idem homo in uno tempore prave eligat, & in alio bene: ergo semper cogitatio antecedens actum honestum voluntatis, est maior in aliqua reali conditione antecedente, sive sit intentio, sive ablatio impedimenti, sive aliquid simile, & ita semper est maius beneficium. Antecedens probatur, quia alias posset quis peccare voluntate, nullo defectu erroris vel inconsiderationis præcedente in intellectu: consequens est falsum, ergo. Sequela patet, quia is, qui ita cogitat honestum, ut illud eligat, non habet errorem, nec inconsiderationem defectuosam in intellectu: ergo si cum simili cogitatione omnino æquali potest male eligere, cum id facit, eligit per voluntatem male, sine prævio defectu intellectu. Falsitas autem consequentis probatur, cum quia est contra Aristot. 7. Ethic. cap. 2. & Augustin. libr. 2. de Peccator. merit. & remiss. cap. 17. & D. Thomam 1. 2. quæst. 77. artic. 2. cum etiam quia videtur contra naturam voluntatis, quia nata est moveri, ac regulari per intellectum: ergo fieri non potest, ut erraret, vel deficiat, si intellectus non errat, vel deficit, item quia voluntas sicut non fertur in aliquid, nisi sub ratione boni, ita nec fertur in unum præ alio: nisi sub aliqua ratione maioris boni: ergo fieri non potest, ut cum eadem cogitatione intellectus, modo unum eligat, modo aliud.

12. Inter has sententiæ mihi media placet. Dico enim in primis, cogitationem congruam honesti, ut antecedit usum liberum voluntatis, non semper excidere incongruam in aliqua reali conditione, vel positiva, vel formali ipsius actus, qualis est intentio, attentio, claritas, &c. vel privativa, seu ablativa alicujus impedimenti, ut est carentia concomitantis cogitationis prave, vel considerationis alicujus maioris difficultatis, vel quid simile. Probatur, quia sine ulla difficultate in his omnibus potest eadem cogitatio non esse congrua, & postea, vel in alio homine esse non congrua, id est, in uno habere effectum, & non in alio. Probatur ex ipsa libertate voluntatis, quæ aliter salvari non potest. Nam posita in Petro cogitatione honesta, sufficiens ad eligendum bonum cum illa, nullaque conditione addita, vel mutata, poterit Petrus bonum eligere, & bene, quia alias cogitatio non esset sufficiens in suo genere ad talem effectum, ut supponitur. Item quia si aliquid ultra requiritur, vel illud est in potestate voluntatis, & ab ejus libertate pendet, vel non? Primum dici non potest, quia hic agimus de prærequisitis ad primam voluntatem liberam, & de cogitatione sufficiente, ut antecedit omnino usum liberæ voluntatis: si vero dicatur secundum sequitur, illam cogitationem esse insufficientem ad volendum, nec posse voluntati imputari, si non velit, quia non habet omnia prærequisita, ut velle possit: igitur quoties cogitatio honesti est sufficiens ad actum honestum, voluntas potest cum effectum honeste velle. Peto ergo ulterius, an stante illa cogitatione, possit etiam voluntas non velle? Nam si non potest non elicere actum honestum cogitationi conformem, profecto ex suppositione talis cogitationis necessario illum eligit: ergo cum cogitatio ipsa necessaria sit, ut supponitur, actus etiam voluntatis erit simpliciter necessarius, & ita destruitur libertas. Ergo fatendum est, posse voluntatem cum eadem omnino cogitatione nunc velle, cum quæ prius noluit, & e contrario: ergo eadem omnino cogitatio, seu æqua-

Ratio
quo ad
denomi-
nationem
efficacis.

Confirm.
ex hypo-
thesi im-
possibili.

Principio
affirm.

Etiam sup-
ponitur.

Opinio-
nis me-
diz, &
vera Af-
fectio i.
cogitatio
congrua
non im-
peditur
ratione
incongrua
physice.

æqualis potest esse alicui congrua, vel incongrua pro sola libertate voluntatis volentis hoc, vel illud cum solo generali Dei concursu, (loquimur enim nunc intra ordinem naturæ) nam si voluntas consentit, cogitatio est congrua, si dissentit, denominatur incongrua.

Probat
etiam de
diversis
pp. eodem
tempore

13 Unde simili modo argumentor, comparando duos æquali cogitatione excitatos, & cum eisdem impediementis, vel æqualiter carentes talibus impediementis. Nam si alter illorum ductus ab illa cogitatione, recte operatur, quia vult, etiam potest alius non operari, quia non vult; ponatur ergo in esse hoc, quod possibile est, quia nullum inde sequeretur inconveniens, vel impossibile; ergo tunc erit una cogitatio congrua; & altera incongrua, nulla præcedente conditione reali, in qua una alteram excedat. Confirmatur, primo quia stante in me cogitatione honesta, etiam intensa, possum ego non operari pro mea libertate; sed hoc non tollit ab alio habente similem cogitationem, potestatem consentiendi illi, & bene operandi; ergo stat, ut altero non operante, alter operetur cum æquali cogitatione; ergo stat, ut cogitatio æqualis in uno sit congrua, in altero vero incongrua. Confirmatur secundo, quia si necessarium est, ut is, qui elicit actum honestum voluntatis semper cogitationem habeat maiorem, vel meliorem, quam alius, qui non vult; interrogo, an illud, in quo prior excedit, sit necessarium simpliciter ad talem actum voluntatis, vel non sit? Nam si est necessarium, profecto is, cui non datur, non potest habere voluntatem honestam, quia deest illi aliquid necessarium, quod non est in potestate ejus, nam cogitatio prima, quæ antecedit voluntatem non est in potestate hominis, & ad primam cogitationem revocanda est disputatio, ut dixi. Si vero ille excessus, qui esse dicitur in illa cogitatione non est necessarius ad talem actum voluntatis; ergo sine illo esse potest; ergo præcedentibus æqualibus cogitationibus in duobus, potest unus habere actum voluntatis honestum, quamvis alius non habeat, & consequenter ex duabus cogitationibus æqualibus potest una esse congrua, altera incongrua.

Probat
pluribus
utrumque
simul, id
est, de ea-
dem cogi-
tatione
pro diver-
sis dura-
tionibus,
vel de di-
versis pro
eodem

14 Denique declaratur in hunc modum assertio, sive pro una persona in diversis temporibus, sive pro diversis personis in eodem momento. Nam duobus modis potest unusquisque excitari bona cogitatione, scilicet, vel sola illa sine alia opposita sollicitante in contrarium, vel simul a contraria. Quando sit priori modo, voluntas quidem non potest immediate uti libertate quoad specificationem exercendo actum contrarium, quia non potest ad hoc moveri, nisi prævia cogitatione contraria; potest tamen uti libertate quoad exercitium, & ita potest vel affici, vel non affici secundum illam cogitationem, pro sua libertate, quod satis est, ut illa eadem cogitatio possit congrua, & incongrua fieri. Item potest stante illa cogitatione, vel statim consentire, sine majori deliberatione ex parte intellectus, vel etiam potest applicare intellectum, ut de contrario cogiter, & ut ab illa cogitatione bona avertatur, & sic etiam contrarium actum habere. Et hoc satis est, ut eadem cogitatio nunc sit congrua, & postea, vel in alio fiat incongrua sine inæqualitate in prima cogitatione naturali, quæ sola consideratur ut præveniens beneficium, ex Dei providentia proveniens. Quando autem prima cogitatio honesta simul concurrat cum alia contraria, dicunt alicui, si voluntas immediate eligat, necessario sequi efficaciorum, vel suæ dispositioni magis accommodatam, vel magis expressam; posse tamen non immediate eligere, sed avertere mentem a cogitatione efficaciori, & tunc sequi alteram, applicando, si opus fuerit, magis intellectum ad considerationem ejus. Sed in primis hoc sufficit, ut eadem, vel æqualis cogitatio in uno sit congrua, & non in alio, etiam si in utroque efficacior de se sit, quam opposita, quia potest unus immediate eligere secundum illam, alius autem avertere mentem, & ita tandem eligere contrarium. Unde etiam fit, ut congruitas cogitationis non possit esse mere naturalis, sed pendens ex libertate voluntatis, quia quantumcumque honesta cogitatio naturalis sit

efficax, & accommodata voluntati, potest voluntas non statim eligere, sed avertere mentem ab illa cogitatione, & ad contrariam efficaciam illam applicare; & sic tandem oppositum eligere. Et præterea ille modus libertatis, & necessitatis gentis ponitur in voluntate. Cur enim libera est immediate quoad exercitium, non obstante efficaciori cogitatione, & non etiam quoad specificationem, si simul habet sufficientem cogitationem ad oppositum? Item si est libera, ut sine novo dictamine avertat intellectum a cogitatione efficaciori, & applicet ad minus efficacem magis perficiendam, multo magis id poterit facere cum novo dictamine de hac ipsa applicatione, etiam si remissum sit: quod si potest voluntas illud sequi, quasi eligendo illam applicationem, vel aversionem intellectus, cur non poterit immediate, etiam inter objecta proposita eligere, quod voluerit?

15 Qua propter longe probabilius est, libertatem voluntatis ad hoc extendi, ut positis objectis, seu mediis omnino æqualibus, & æque consideratis possit voluntas pro sua libertate unum assumere, & aliud relinquere; ergo ex actu voluntatis bono non potest inferri inæqualitas in cogitatione, quæ ex parte intellectus præcedat. Consequentia evidens est. Antecedens autem videtur nobis necessarium ad veram tuendam libertatem, & dominium voluntatis in actus suos. Nam si posita ex parte intellectus meliori representatione objecti, voluntas, si operatur necessario fertur in illud, & quando est æqualitas ex parte intellectus, suspensa manet; neque aliquid velle potest pro sua libertate, profecto nunquam est libera ex intrinseco dominio. Quod si dicatur esse libera, solum quia potest applicare intellectum ad cogitandum unum magis, quam aliud. Profecto necesse est, ut hoc etiam faciat sub aliqua ratione boni, quam oportet, esse aliquo modo cognitam, & tunc redibit questio, an illa ratio boni efficacius proponatur, vel maior judicetur, & an hoc sit liberum, vel naturale; & sic vel totum sit ex naturali connexionem cum aliquo principio naturali, & destruitur libertas, vel sistendum est in indifferentia libertatis ad eligendum inter ea, quæ non proponuntur ut necessaria, etiam si magis, vel minus utilia, vel magis, aut minus efficaciter cogitentur. De qua iterum redibit sermo disputando de auxiliis gratiæ.

Probat
tandem
assertio
ostenden-
do volun-
tatem se-
qui posse
cogitatio-
nem mi-
nus effi-
cacem

16 Dico secundo. Nihilominus fatendum est, esse peculiare Dei beneficium recipere cogitationem naturalem honestam tempore opportuno, quando habita est bonæ voluntatis effectum, etiam si non ex majori efficacia sua, neque ex aliqua conditione antecedente, sed voluntate libere cooperante cum generali Dei concursu illum effectum habeat. Hæc assertio tractanda est infra latius, de vocatione congrua inter auxilia gratiæ, nunc per æquiparationem ad illam probari potest, quia vocatio congrua est majus Dei beneficium, quam sufficiens tantum; ergo similiter cogitatio congrua in ordine naturali. Nam licet fortasse in aliquo sit major ratio de auxiliis gratiæ, quia sunt magis gratuita, & ex peculiari ordine prædestinationis proveniant; nihilominus hic invenitur aliqua ratio æqualis, quæ ad aliquod augmentum beneficii sufficiat. Probat, quia respectu scientiæ divinæ non provenit contingenter, id est, casu, illa inæqualitas in effectu bonæ voluntatis; suppono enim Deum optime præscire, quis sit operaturus bene cum tali cogitatione hic, & nunc excitata, & quis non sit operaturus cum alia, licet omnino æquali, quod in 1. p. monstratum est, tractando de scientia futurorum contingentium, & infra necessario attingetur. Deinde illa inæqualitas in effectu non provenit sine divina voluntate, quæ illis duobus non æqualiter favet; nam in altero permittit incongruitatem, in altero affectat, & vult congruitatem; ergo est major quidam affectus ex parte voluntatis Dei respectu illius, qui congrue excitatur per cogitationem illam; ergo hoc respectu illa cogitatio est majus beneficium in illo. Quia, ut Div. Thom. 2. 2. q. 106. art. 5. & 6. ex Seneca tradit, beneficii quantitas non ex sola rei magnitudine, sed maxime ex animo donantis attenditur; itemque ex

2. Assertio
superat
tamen se-
per cogi-
tatione con-
grua in-
congruam
moraliter

V. 23 q. 1. 2.
disp. 67.
n. 4.

opportunitate, & occasione, in qua donum confertur. Sicut eleemosyna rei minuta solet ex circumstantiis magna censeretur, ut idem D. Thom. tradit 2. 2. quæst. 32. artic. 3. ad 3. Ita ergo in præsentia licet cogitatio in se æqualis sit, vel fortasse minor, tamen quia in meliori opportunitate, & ex majori affectu datur, ideo simpliciter majus beneficium censeretur. Dico autem, semper talem cogitationem esse majus Dei beneficium, non vero dico, esse majus auxilium, quia hoc necessarium non est, quia non semper magis excitat voluntatem, nec est in se quid melius, aut pauciora habet impedimenta, ut ex priori conditione constat.

17 Ad fundamentum ergo primæ sententiæ respondeo, dupliciter posse cogitationem congruam considerari, scilicet, secundum ordinem executionis, vel intentionis, seu prout in re ipsa habet, & exercet congruitatem suam, vel prout illam præhabet in præscientia, & in affectu Dei immitentis, seu operantis talem cogitationem. Priori modo verè sunt omnia, quæ in argumento assumuntur. Nam re vera cogitatio per se spectata, & ut antecedens omnino liberum usum voluntatis, non est congrua efficaciter, & est congrua sufficienter, ut ibi recte probatur. Nihilominus tamen in eo, qui prævidet, quæ cogitatio habitura est affectum, & cui est accommodandum liberum arbitrium, si in tali occasione, vel tempore detur, talis cogitatio est antecedenter congrua in præscientia, & intentione donantis, & ideo potest dari ex meliori affectu, & ut majus beneficium: unde ad confirmationem fatemur, sine hac præscientia non posse intelligi hanc inæqualitatem in tali beneficio: posita autem præscientia optime intelligi. Et ad replicam responderetur, ex parte doni satis esse, quod detur in meliori opportunitate, & quando majorem fructum allaturum est, ut ex eo capite beneficium censeatur majus, quando illam erit opportunitas, & utilitas est prævisa, & intentio: unde ex parte affectus etiam est excessus, cum Deus hanc etiam commoditatem intendat in uno, & non in altero. Nec refert, quod Deus ex se vellet, ut etiam in alio cogitatio esset congrua, & paratus sit suum ad hoc præstare conclusum ex vi generalis providentiæ, & intentionis, quam Deus habet perducendi homines ad finem suum. Hoc (inquam) non obstat, quia Deus non sistit in universalis intentione, sed ad singularia omnia descendit, distinctissime volendo, & distribuendo dona sua, & ideo dum eligit illarum rerum, & causarum dispositionem, quæ cum effectu huic magis debet congruere, quam alteri, efficaciori, & gratiori affectu illum diligit, quamvis antecedenti voluntate alium æqualiter diligit: hæc enim duo inter se non repugnant, ut constat.

18 Ad fundamentum alterius sententiæ respondetur, licet ordinarie cogitatio congrua ad aliam non congruam comparata major sit in aliqua proprietate sua, vel in carentia impedimentorum, nihilominus non esse id simpliciter necessarium, ut probavi, sed ex sola libertate voluntatis posse contingere, ut uni sit congrua hæc, & nunc cogitatio, quæ alterum non movet, & consequenter non est illi congrua. Ad probationem autem dicitur, falsum esse assumptum. Non est enim impossibile simpliciter, cum æquali cogitatione in uno tempore honeste velle, & in alio rursus, cum Dominium voluntatis in hoc consistat, ut possit suo arbitratu eligere inter ea, quæ necessaria non judicantur. Et ad inconveniens, quod possit esse defectus in voluntate, sine defectu in intellectu, responderi potest in primis, moraliter id non accidere, quia voluntas semper avertit considerationem intellectus, quando vult præcipitari, ut facilius operetur, & sine conscientie reprehensione, & hoc forte voluerunt Doctores ibi allegati. Nihilominus tamen absolute non repugnat, stante integra consideratione intellectus, voluntatem ferri in minus bonum, ut in delectabile, omisso honesto.

19 Deinde potest negari sequela. Quia nunquam est prava electio voluntatis sine aliquo defectu in intellectu, quia semper deest aliqua perfectior consideratio, quæ tunc adhibenda esset ad continendam vo-

luntatem in officio, vel ad minus deest iudicium practicum, *Hoc faciendum est*, vel iudicium actuale comparativum, *Hoc præ illo eligendum est*; hic autem defectus intellectus non semper est radix defectus voluntatis, sed potius ipsa voluntas est causa formalis, vel virtualis ejus, quia non vult applicate intellectum, vel potius avertit illum. Et ita si sermo sit de defectu antecedente, & omnino naturali, seu involuntario, sic verum est, non oportere, ut talis defectus præcedat in intellectu ante defectum voluntatis, neque in illo sensu loquuntur auctores allegati. Neque refert, quod voluntas nata sit regulari per intellectum, quia non ita regulatur, ut obediat despotice, sed politice, & ideo potest non conformari superiori regulæ intellectus, sed inferiori. Quia licet hoc videatur voluntatis propensione contrarium secundum unam rationem, secundum aliam est illi conforme, quam voluntas pro sua libertate sequi potest. Neque etiam oportet, ut voluntas cogatur eligere majus bonum, etiam si non possit aliquid velle nisi sub ratione boni, quia cum eligit unum præ alio, non oportet, ut id faciat sub ratione melioris simpliciter, sed sub ratione facilioris, aut magis delectabilis, vel alia simili, vel certe ad illam comparisonem sufficit, ut hoc velle possit, quia in eo aliquam boni rationem invenit, & aliud possit non velle, quia sibi necessarium esse non judicat.

20 Ex his sequitur primo, cogitationem honestam sufficientem ad movendam voluntatem ad actum honestum, esse necessariam ad omnem voluntatis actum, necessitate antecedente; cogitationem autem congruam, ut talis sit, solum esse necessariam necessitate consequente, seu concomitante: quos terminos infra latius declarabimus. Nunc breviter: antecedens necessitas est illa, quæ est ex parte causæ ad opus necessariæ: necessitas vero consequens est illa, quæ sequitur ex suppositione ipsiusmet operis, quæ etiam potest dici concomitans, quatenus simul est cum ipso opere. Dico ergo ad honestum velle necessariam esse cogitationem honestam sufficientem necessitate antecedente, quia talis cogitatio est causa, sine qua talis actus esse non potest, & non habet ab ipso actu voluntatis vim sufficientem movendi ad illum, sed hæc supponi debet aliunde in ipsomet intellectu; est ergo illa necessitas antecedens. Hæc autem necessitas (ut in simili tetigit August. lib. de Corrupt. & Grat. cap. 11. & 12.) non est necessitas, ut actus voluntatis sit, id est, inferens necessario ad actum honestum voluntatis, alias tolleretur ejus libertatem, cum talis cogitatio sit antecedenter necessaria: sed est necessitas, ut actus voluntatis esse possit, seu sine qua esse non potest, & ideo stante illa cogitatione potest non sequi actus voluntatis, quamvis hic sine illa esse non possit, & quoad hoc dicitur illa necessitas antecedens.

21 Altera vero pars probatur quia cogitatio congrua non est necessaria, ut actus esse possit, sed est necessaria, ut actus sit, illumque infallibiliter inferat, neque ab eo separatur. Nam eo ipso, quod voluntas non sequitur cogitationem, hæc non est congrua, neque efficax: igitur si cogitatio est congrua, inferat statim effectum bonæ voluntatis. Hanc ergo necessitatem dicimus esse consequentem, non antecedentem, quia cogitatio non constituitur in esse congrua, nisi quia voluntas ex sua libera determinatione illi coniungitur; est ergo congruitas consequens actum voluntatis, non antecedens illum. Item licet cogitatio congrua sit causa actus, non tamen est causa quia congrua est, sed potius quia est causa non solum in actu primo, sed etiam in actu secundo, ideo congrua nominatur, hæc autem est necessitas consequens, seu concomitans. Denique si talis cogitatio ut congrua esset necessaria necessitate antecedenti, tolleretur libertatem voluntatis, quia præveniret consensum ejus, & necessario inferret illum. Est ergo hæc necessitas consequens, sive consideretur in re ipsa, seu in executione, sive in præscientia Dei: nam Deus præscit cogitationem esse congruam, quia habitura est effectum, cooperante libera voluntate, non quia secundum se spectata illa cogitatio necessario inferat talem voluntatem. Et in hoc convenit nobiscum Vasquez in 1. 2. loco

Solvitur
sententiæ
argumen-
tum, in
num. 7.

Ad confir-
mationem
in num. 9.

Ad fund.
3. opinio-
nis in num. 10.

Responde-
tur etiam
alteri.

1. Coroll.
honestæ
cogitatio
sufficiens
est neces-
saria an-
teceden-
ter ad
actum vo-
luntatis

Congrua
vero est
necessaria
consequen-
ter

loco citato, licet in .i. p. aperte supponant, in cogitatione congrua necessitatem antecedentem, ponendo in illa aliquam conditionem antecedentem, in qua excellere debet cogitationem, quæ congrua non est.

2. Coroll. voluntas sine cogitatione congrua potest bene agere in sensu diviso; non in opposito. Probatur de diviso.

22 Secundo sequitur ex dictis, simpliciter, & proprie loquendo, posse hominem bene moraliter operari sine cogitatione congrua, licet secundum quid, & in sensu composito dicatur, non posse bene operari sine cogitatione congrua. Prior pars ex dictis facile probatur, quia non est necessaria cogitatio congrua, ut aliquis possit bene operari: nam ad hoc satis est cogitatio bona sufficiens, ut ostensum est; ergo absolute verum est hominem sine cogitatione congrua posse bene operari. Item homo non habens cogitationem congruam, cum sufficiente est proxime liber ad bene operandum; ergo est etiam potens, quia sine potestate non est libertas; ergo simpliciter potest bene operari. Item homo cum sola cogitatione honesta sufficiente, peccat contra illam operando; ergo poterat non sic, sed honeste operari; ergo sine cogitatione congrua simpliciter potest. Item qui habet cogitationem honestam sufficientem, potens est facere, ut illa sit congrua, alias congruitas non esset conditio consequens, sed antecedens; sed non aliter potest facere cogitationem illam congruam, nisi consentiendo illi; ergo hoc etiam potest, licet id non sit facturus. Denique hinc sumitur ratio a priori, quia posse est prius, quam operari; unde vere aliquid possumus, licet id non sumus facturi; ergo licet homo non sit consensurus cogitationi honestæ, simpliciter, & propriissime potest illi consentire; ergo sine cogitatione congrua potest bene operari.

23 Altera vero pars etiam constat, quia non possunt simul ista duo conjungi, scilicet, quod homo bene operetur, & cogitationem congruam non habeat, quia ipsa bona operatio est effectus cogitationis honestæ, per cuius causalitatem constituitur in esse congruæ; ergo in sensu composito repugnat bene operari sine cogitatione congrua, quia sensus compositus cadit in prædictam conjunctionem incongruitatis cogitationis cum effectum bonæ operationis, sicut dicimus repugnare, prædestinatam damnari, vel reprobam salvari, in sensu composito, id est, repugnare, illa simul conjungi. Hæ igitur duæ partes manifestæ sunt ex dictis, neque in illis potest esse controversia nisi de nomine.

24 Nihilominus ad intelligendum Patres, & Concilia, ac divinam Scripturam, multum refert, diligenter advertere, quando in uno, vel alio sensu loquantur. Existimo vero quotiescumque homo dicitur impotens ad aliquid operandum, sine tali cogitatione, aut auxilio, sermonem esse de impotentia simpliciter, & in priori sensu diviso, ac proprio, nisi ex circumstantiis loquutionis aliud manifeste constet. Nam homo non dicitur impotens, nisi ex defectu virium, & propriæ facultatis: nam ex eo solum, quod sit male operaturus, vel quod prævideatur male operaturus, non dicitur impotens ad bene operandum; dicitur ergo impotens ex defectu virium. Et ideo propter defectum solius cogitationis congruæ, non potest homo dici simpliciter impotens ad bene operandum, quia cogitatio congrua non dat vires bene operandi, ut congrua est, sed solum ut honesta, & sufficiens est. Atque eadem ratione quoties agitur de necessitate divini auxilii ad bene operandum, necessitate (inquam) fundata in hominis fragilitate, vel impotentia, talis necessitas antecedens esse solet, & non tantum consequens, & impotentia illa esse solet in sensu diviso proprio, & non in sola suppositione aliqua consequente: quia hæc non sufficit, ut homo denominetur impotens, sicut declaratum est. Quæ omnia notanda sunt pro his, quæ dicemus, & ex discursu materiæ fiet clariora.

C A P U T X I I I.

An cogitatio honesta naturalis congrua, sit vere gratia, in homine non elevato ad supernaturalem finem, sive in pura, sive in integra natura constituta absque peccato?

1 **U**T distinctius procedamus, per singulos hominis status breviter discurremus, incipiendo a statu puræ naturæ, quia cum illo maxime videtur gratia repugnare, quæ vero de illo statu dixerimus, a fortiori habebunt locum in statu integræ naturæ non elevatæ ad finem supernaturalem, ut per se notum est, & ex dicendis patebit. Duobus autem modis dici potest gratia respectu naturæ, uno modo quia est supra ordinem naturæ, alio modo quia est supra debitum naturæ. Priori modo manifestum est, cogitationem congruam honestam solum secundum conformitatem ad rationem naturalem respectu hominis in statu puræ naturæ non esse gratiam supra ordinem naturæ. Probatur quia homo in pura natura non esset ordinatus ad finem supernaturalem; ergo nec cogitatio illa daretur illi in ordine ad illum finem: ergo ex parte finis non esset supra ordinem naturæ. Nec etiam ex parte objecti, vel regulæ, vel effectus, vel modi esset supra eundem ordinem: ergo nullo modo. Probatur minor quoad omnes partes, quia objectum talis cogitationis esset bonum honestum ordinis naturalis, id est, consentaneum naturæ rationali secundum solam perfectionem naturalem spectatæ, unde regula proxima illius objecti esset recta ratio naturalis, radicalis vero, & remota esset ipsa natura rationalis: effectus vero esset actus quidam voluntatis honestus pertinens secundum speciem, & substantiam suam ad ordinem virtutum acquiratarum, quæ ad ordinem naturæ pertinent. Denique nullus modus excedens ordinem naturæ in tali cogitatione spectari potest, quia neque modus intensiōis, expressiōis, aut claritatis, quia supponimus in his omnibus non excedere vires, & efficacitatem naturalis luminis intellectus. Neque etiam modus causalitatis, quia etiam supponimus, fieri per causas secundas naturales sine aliqua peculiari mutatione in illarum cursu, aut dispositione facta, & Deum cum illis tantum generali influentia concurrere sine alio speciali modo; ergo non superest modus, quo illa cogitatio supra naturæ ordinem reputari possit.

2 At vero de gratia supra naturæ debitum controversia est. Nam Vasquez plane sentit, etiam tunc talem cogitationem futuram fuisse veram gratiam. Sufficiensque argumentum esse creditur, quia hæc cogitatio congrua non omnibus datur: quod autem est naturæ debitum omnibus datur: ergo hæc cogitatio non est naturæ debita: ergo est gratia, quatenus gratia significat omne donum naturæ non debitum. Item si Deus daret homini cogitationem sufficientem tantum, satisfaceret naturæ debito: ergo si præparat congruentiorem gratiam facit ultra naturæ debitum. Unde consequenter infert, hoc genus gratiæ esse necessarium ad operandum quodlibet opus honestum, non solum in pura hominis natura, sed etiam in statu naturæ integræ, etiam si absque gratia sanctificante, & absque ordinatione ad finem supernaturalem intelligatur. Idemque consequenter dici in Angelica natura secundum se spectata, propter indifferentiam cuiuscumque creaturæ naturæ intellectualis ad cogitationem congruam, & incongruam, quia Deus satisfaceret, ut sic dicam, suo muneri creatoris, dando cogitationem sufficientem; ergo si det congruam, facit specialem gratiam ultra talis naturæ debitum.

3 Nihilominus censeo respectu puræ naturæ hoc donum cogitationis congruæ non esse computandum extra beneficium creationis, id est, extra illa dona, quæ ad primam creationem consequuntur quasi ex naturali debito: ac subinde non esse propriam gratiam, etiam naturalis ordinis, & supra omne naturæ debitum. Probatur, & declaratur in hunc modum, quia hoc debitum potest considerari, vel in ordine ad

Affert. 1. cogitatio congrua de qua tractatur non excedit ordinem ipsius naturæ puræ. Id ostenditur ex parte finis. Item ex parte objecti, & c.

An vero prædicta cogitatio sit supra debitum naturæ affirmat Vasq.

2. Affert. Cogitatio congrua non est supra debitum naturæ.

Probatur
primo nõ
esse supra
debitum
humanæ
speciei

ad naturam specificam, vel in ordine ad individua sub specie contenta; utroque autem modo cogitatio congrua est interdum debita naturæ; ergo. Minor probatur inprimis respectu specificæ naturæ, quia omnibus aliis speciebus rerum debitum est tale genus divinæ providentiæ, quo interdum opera connaturalia convenienter, ac recte secundum capacitatem suam naturalem faciunt; ergo idem est debitum humanæ, seu intellectuali naturæ; sed operatio recta, & consentanea tali naturæ, est operatio honesta; ergo est illi debita naturalis providentia, qua interdum talem operationem perficiat.

Pergit
probatio
arguendo
ab aliis
speciebus
ad huma-
nam

4 Probatur prima consequentia; tum quia alias inferior esset intellectualis creatura, quacumque alia minus perfecta in obtinenda ab auctore suo providentia ad rectam operationem necessaria, quod incredibile, & præter omnem rationem videtur; tum quia etiam inferiores naturæ habent quandam indifferentiam ad rectam, & obliquam, seu defectuosam operationem suæ capacitati consentaneam, quæ quidem non est indifferentia libertatis, sed capacitatis, seu naturalis contingentie & vario concursu causarum, & impedimentorum provenientis, sic enim animal interdum potest recte videre, interdum oblique, & bene ambulare, aut claudicare, & sic de aliis; ergo si propter indifferentiam non est debita naturæ intellectuali recta operatio, etiam inferioribus naturis non erit debita, nam quod illa indifferentia sit libertatis, vel naturalis contingentie, parum refert, quia semper determinatio ad rectum actum potius, quam ad obliquum, pendet ex libera Dei providentia ita disponente seriem causarum, ut tandem sequatur operatio recta potius, quam obliqua. Si ergo respectu aliarum rerum, non obstante illa varietate eventuum possibilem, ipsa ratio sapientis, & debite gubernationis universalis postulat, ut causæ universales, &ordo rerum universi ita disponantur, ut in unaquaque natura possint esse, & de facto inveniantur operationes naturæ convenientes, recto, & debito modo factæ, cur non idem dicatur respectu intellectualis naturæ secundum se spectatæ?

Item per-
a. argu-
endo a
sufficiencia
ad con-
gruam

5 Declaratur præterea in hunc modum, quia naturæ humanæ debita est cogitatio honesta sufficiens ad recte operandum; ergo & congrua. Antecedens probatur quia alias nunquam impartiretur homini, si non recte operaretur, nec esset illi debita facultas proxima ad eligendum libere inter honestum, & turpe, quod manifeste repugnat ordini consentaneo divinæ providentiæ, quam nobis proposuit Sapiens Ecclesiast. 15. dicens, *Ante hominem vita, & mors, bonum, & malum, quod placuerit ei dabitur illi, quoniam multa sapientia Dei*; repugnat etiam cum proxima libertate naturali, quam homo habet ad peccandum. Quia nisi homo habeat considerationem actualem boni honesti sufficientem ad volendum illud, vel saltem illam habeat in manu sua, si velit attendere, non habet libertatem proximam ad peccandum, quia non potest sufficienti consideratione eligere inter bonum, & malum, neque habere proximam indifferentiam ad utrumque; ergo si homini non est naturaliter debita cogitatio honesti sufficiens ad movendum affectum, vel quod perinde est, non sit homini naturaliter debitum auxilium sufficiens ad habendam talem cogitationem, etiam proxima libertas ad peccandum non erit naturalis voluntati, nec poterit in illa inveniri, nisi supposito aliquo dono gratuito, & non debito naturæ. Consequens est absurdum, & a nullo doctore catholico, quod ego sciam, assertum est. Unde cum Pelagius sæpius contenderit, hanc libertatem esse homini naturalem, in hoc nunquam illi Patres contradixerunt, sed illi libertati gratiam, qua gubernetur, necessariam esse adjunxerunt: ideoque semper reprehenderunt Pelagium, quod nomine gratiæ ipsum liberum arbitrium intelligeret. Supponebant ergo esse in ipsa natura, quicquid ad illam libertatem necessarium est, saltem ad eligendum inter bonum, & malum proportionatum naturæ, inter quæ unum est cogitatio honesta sufficiens. Unde etiam Vasq. disp. 189. c. 15. n. 126. & nu. 127. fatetur, cogitationem honestam sufficientem ad movendam voluntatem non esse

donum gratiæ, sed naturæ saltem intra gradum minimum, licet de qualibet alia vehementiori, seu maiori dicat esse donum gratiæ, etiam si congrua non sit. Quamvis in disp. 190. n. 119. & sequentibus rationes afferat ad probandum, cogitationem congruam esse veram gratiam, quæ si essent valida, etiam de sufficienti procederent. Sed profecto hoc potius ostendit illas esse invalidas, quod infra etiam expendemus. Nunc ergo satis probatum est, honestam cogitationem sufficientem tantum, non esse gratiam, sed debitam humanæ naturæ.

6 Jam vero probatur prima consequentia, nempe idem esse de cogitatione congrua, quia si cogitatio sufficiens debita est humanæ, seu intellectuali naturæ; vel est debita sufficiens tantum, seu incongrua, vel sufficiens congrua, vel sufficiens indifferens, seu incommuni. Primum incredibile est, nam contra omnem rationem est, cogitare, homini in natura pura debitam esse providentiam, qua semper infallibiliter peccet, licet possit non peccare. Quæ enim ratio talis debiti, vel determinationis cogitari potest? Secundum etiam non dicitur, quia plus est, quam id, quod intendimus, & nulla ratione fulcitur; imo aperte repugnat cum ordinaria Dei providentia, quam experimur. Tertium ergo necessario dicendum est, Posita autem illa generali, & quasi indifferente providentia causarum, veluti naturali necessitate sequitur, ut cum illa cogitatione sufficiente aliqua voluntates liberæ bene operentur, & faciant illam congruam, quia non est morale, ut quamplurimæ causæ de se indifferentes ad hoc, vel illo modo operandum, semper eodem modo determinentur, & peiorem partem semper eligant sine ulla exceptione. Ergo eo ipso, quod tali naturæ specificæ debetur sufficiens cogitatio honesta, & quod ex parte Dei non impediatur, sed libere operari sinatur, naturaliter sequitur, ut interdum effectus bonæ voluntatis sequatur talem cogitationem; ergo etiam est debita huic naturæ illa providentia, ex qua cogitationes congruæ interdum consequantur.

Probata
sufficiens
probatur
jam con-
grua

7 Confirmatur, nam sicut congrua cogitatio potest separari ab aliquo homine, ita & sufficiens, nam absolute non repugnat hominem aliquem nunquam excitari ad cogitationem honestam, etiam minimam, sed hoc non sufficit, ut cogitatio honesta sufficiens, sit propria gratia, cum sit naturale beneficium manans ex creatione naturæ sub tali ordine naturalium constitutæ: ergo idem cum proportionem est de congrua cogitatione. Unde constat, sub beneficio creationis comprehendi non solum ea, quæ a natura semel creata separari non possunt sine miraculo, vel sine quadam veluti violentia naturali, sed etiam quæ secundum ordinarium causarum secundarum cursum possunt ab ea fieri, & sæpe fiunt cum generali primæ causæ influxu. Hac enim ratione cogitatio sufficiens saltem minima comprehenditur sub beneficio creationis, quia solo cursu, & viribus naturæ interdum sequitur cum generali concursu, supposita prima rerum dispositione in ipso universo, & patribus ejus, quæ etiam pertinet ad beneficium creationis, ut de facto collatum est. Quia non aliter conjuncta est naturaliter cogitatio honesta, etiam tantum sufficiens cum beneficio creationis, & ordine universi, nam absolute loquendo, posset Deus aliter res disponere, quo posito talis cogitatio non excitaretur, ut jam satis explicuimus. Eodem autem modo sequi potest, & frequenter sequitur cogitatio vehementior, quam minima, & nihilominus sine fructu, seu non congrua. Et similiter frequenter contingit, ut cogitatio sit congrua, licet alioqui sit in se minus vehemens, vel etiam minima, & in his omnibus semper sistitur intra ordinem naturæ; ergo sub beneficio creationis omnes istæ cogitationes bonæ comprehenduntur.

Confir-
matur
proxima
probatio

8 Ultimo declarat res tota, quia considerata pura natura humana sub sola generali providentia naturæ consentanea, huiusmodi cogitationes congruæ nata sunt sequi ex generali cursu, & concursu rerum, & causarum secundarum, tum naturaliter, tum libere agentium cum generali concursu primæ causæ, quia talis effectus non transcendit virtutem talium causa-

Probatur
a. principa-
liter as-
sertio, loc-
quendo
adhuc de
humana
specie

rum,

rum, nec potest fingi ratio, ob quam ex illis sequi non possit, & sæpe sequatur. Atque hic effectus ad primam universi, totiusque naturæ institutionem, & causarum ordinem, & continuam successionem a Deo libere factam, & conservatam reducitur. Effectus autem, qui ex naturali cursu, & operatione talium causarum in unaquaque rerum specie sequi potest cum solo generali concursu Dei; dici potest, & debet tali naturæ debitus, saltem secundum rationem specificam; ergo etiam cogitatio congrua computari debet inter effectus naturales tali speciei debitos. Probatur consequentia, primo quia prima institutio universi sub tali ordine rerum, & causarum, licet non possit esse alicui debita, sicut neque creatio, quia nihil supponit, nihilominus non est beneficium gratiæ, sed naturæ, nec est aliquid distinctum a beneficio creationis, & quidquid postea ex illis causis sequitur, licet conservationem, & generalem Dei concursum libere a Deo dandum, includat; nihilominus non est gratia a beneficio creationis distincta, sed sub illo includitur, quia provenit ex solo influxu, & ordine naturali debito rebus sic institutis, & intra illum ordinem proceditur usque ad cogitationem congruam; ergo etiam illa provenit ex beneficio creationis, cum aliis naturaliter consequentibus ipsum. Secundo quia licet Deus sola libertate elegerit hunc ordinem rerum, & causarum naturalium potius, quam alium, non poterat (quantum prudenter cogitari potest) eligere alium ordinem causarum universi, sub quo humanam naturam crearet, ex quo non sequerentur multæ cogitationes honestæ, ex quibus aliqua fierent congruæ, si ab ipso Deo specialiter non impedirentur, quod fieri nunquam potest; ergo licet hæc, vel illæ cogitationes congruæ non sint debita puræ naturæ, nihilominus confuse loquendo, debitum illi est, ut interdum habeat tales cogitationes, sub quocumque providentiæ ordine instituatur.

Probatur
deinde as-
sertio per
respectum
ad indivi-
dua,
ac primū
Angelica.

Idem

9 Venio ad alteram partem de comparatione hujus beneficii ad individuas personas; & in primis initium sumo ab Angelica natura. Nam si vera est sententia Div. Thomæ dicentis, in unaquaque specie Angelica tantum esse unum suppositum, & cogitatio congrua pro aliqua occasione, vel momento debita est unicuique speciei Angelicæ, necessario sit consequens, ut sit etiam debita illi Angelo, qui unicus in sua specie creatus est. Deinde etiam si plures, vel omnes Angeli essent ejusdem speciei, est per se valde credibile, & consentaneum alteri opinioni D. Thomæ, & communi Theologorum, debitum illi esse ex providentiæ naturali, ut saltem prima cogitatio naturalis, & antecedens omnem usum libertatis Angelicæ congrua sit ad honeste volendum. Quia proprium est Angelicæ naturæ, ut primam cogitationem habeat immediate a Deo movente, tanquam a proxima, & principali causa. Quia prima cogitatio Angelica, neque ab intrinseca voluntate esse potest, neque intellectus Angelicus potest ab alia causa extrinseca immediate moveri, nisi a Deo, ut nunc suppono; decet autem maxime, ut prima cogitatio data ab ipsomet authore naturæ, cum ipsa natura, sit congrua ad recte operandum. Et hoc est consentaneum communi opinioni affirmanti Angelum in primo instanti suæ creationis peccare non posse, licet ponatur in pura natura creatus, illius enim opinionis fundamentum quod (iudicio meo) probabilius excogitari potest, esse debet, quod cum Angelus tunc a solo Deo moveatur immediate, debet moveri per cogitationem congruam, ne defectus ad aliam cogitationem consequens, in Deum aliquo modo refundi posse videatur. Ergo juxta hanc probabilissimam doctrinam aliqua cogitatio congrua debetur unicuique Angelorum ex vi suæ creationis, & convenientis providentiæ ad illam consequentis.

A cogita-
tione suf-
ficiente
debita sin-
gulis An-
gelis ar-
guitur ad
congruam
in plerisq;
sicut in
n. 6. argue-
batur

10 Ulterius vero si Angeli sint plures in una specie, sive tantum in uno genere, & licet nulli eorum sit debita cogitatio congrua, etiam in primo instanti creationis, saltem debetur omnibus cogitatio sufficiens: & inde naturali quadam necessitate sequitur, ut in multis eorum, vel fere in omnibus sit congrua, sistendo in ordine naturali, propter rationem factam,

Quia illa congruitas consummatur per usum liberum, & in Angelis in pura natura spectatis longe facilior est honestus usus, quam turpis, adeo ut multi crediderint, eos esse impeccabiles in naturalibus puris; ergo ex sufficiente motione facta in omnibus, evidens fere est, in multis, vel in pluribus futurum esse bonum consensum liberum, & consequenter cogitationem esse congruam, & ut talem a Deo prævideri, & donari. In quo quidem majus confert beneficium illis, qui consensuri prævidentur, tamen illud non est distinctum a beneficio creationis, sed consequens illud eo ipso, quod Deus vult regem Angelum creare. Quia neque Deus debuit negare cogitationem consentaneam naturæ talis Angeli, eo quod præviderit, illam futuram esse congruam; hoc enim non erat consentaneum bonitati Dei, nec illa congruitas orra est ex alio beneficio, quam ex libertate recepta munete creationis, & bono usu ejus prævisto, ut futuro ex eadem libertate naturali, supposita tali cogitatione, etiam naturali; ergo ad talem voluntatem honestam nulla propria gratia in Angelica natura præcedit.

11 Præterea si consideremus humanam naturam etiam puram ut a Deo creatam, semper quidem necessarium fuit, in aliquo determinato individuo a solo Deo immediate fieri, ut est per se notum, quia nec primus homo potest esse non factus, nec ab alio priori generari, cum non possit esse prior primo, neque in infinitum procedi, nec etiam potest per alias causas secundas produci, debet ergo hæc natura in aliquo determinato individuo immediate a Deo creari, in quocumque statu fiat. Item considerata talis naturæ conditione, necessario creari debuit in ætate adulta, ut posset se ipsum regere, nutrire, & conservare. Unde hoc etiam potest dici debitum tali naturæ, & tali individuo ejus, supposito, quod Deus velit illum potius immediate creare, quam alium, quod licet sit peculiare beneficium, illi potius, quam aliis factum, non est tamen distinctum a beneficio creationis. Ad hoc autem beneficium est ulterius consequens ex naturali providentiæ, vel debita, vel certe valde consentanea ipsi naturæ secundum se spectatæ, ut talis homo creetur cum aliqua cogitatione congrua honesta, ut in illo momento, in quo a Deo creatur, bonus esse incipiat, propter rationem in Angelis factam, quæ in homine videtur esse magis necessaria, quia infirmior est, & ad intelligendum tardior, & in illo initio est sub authoris sui providentiæ tanquam infans sub cura parentis, & ideo ad providentiæ Dei spectat, non solum honestam, sed etiam congruam cogitationem illi immittere, sive per se, & immediate, sive creando illum sub tali rerum dispositione, & objectorum applicatione, in qua ad hujusmodi cogitationem excitaretur.

Probatur
similiter
assertio
per respec-
tum ad
individua
humana
primorū
parentum

12 Denique cum Deus conderet hujusmodi hominem, ut per eum conservaretur diu species humana, ultra sociam ad generandum necessariam, debuit etiam necessario creari sub aliqua serie, & ordine causarum universi apta ad conservationem tam speciei, quam individuum per continuam seriem generationum; & ideo totum hoc dici potest naturæ debitum, & sub beneficio creationis comprehensum. Ergo licet dispositio rerum, & causarum universi varia, & multiplex esse potuerit, & Deus pro sua libertate hanc potius, quam aliam elegerit; nihilominus hac electione supposita, talis dispositio, & quidquid ratione illius quasi naturali consecutione a Deo sit, ad beneficium creationis spectat: quia neque excedit ordinem creationis, & conservationis naturæ, nec potest aliter a Deo fieri creatio, quam eligendo libere unum dispositionis modum ex variis, & infinitis, quos posset efficere, & ideo electio ipsa dici potest quodammodo debita, & licet determinatio ad hunc, vel illum modum sit Deo voluntaria, & libera, semper tamen sistit inter res ejusdem ordinis; ideoq; semper dispositio universi, quam Deus eligit, pertinet ad universale beneficium creationis.

Progre-
ditur pro-
batio

13 Hinc ergo ulterius progrediendo ad reliquos homines, qui ex illis primis succederent: in illis quidem cessat illa ratio de prima cogitatione immediate a Deo recipienda, quia non immediate ab ipso produ-

Item quo
ad indivi-
dua que-
dam alia
cun.

tuntur, nec in ætate adulta, sed paulatim post generationem ad usum rationis perveniunt, & ab objectis tunc occurrentibus excitari incipiunt. Unde si causæ, & res universi suum cursum naturalem agere smantur sub generali providentia Dei, fieri potest, ut in quibusdam hominibus cogitatio sit turpis, vel ut sit honesta, interdum incongrua, & interdum congrua: quia ex vi causarum tam naturalium, quam liberarum hæc omnia sunt contingentia, & ideo ablatō omni impedimento ex parte Dei, & relictis rebus omnibus cum generali influxu primæ causæ, non sequi per fieret ille effectus moralis cogitationis uno modo, quia contingentia ipsa hoc non patiuntur, moraliter, ac naturaliter loquendo. Ergo ex vi illius ordinis causarum cum generali concursu aliquæ essent in hominibus cogitationes congruæ, essentque in his hominibus potius, quam in illis, non ex aliqua speciali providentia, aut causalitate Dei, sed ex vi ordinis causarum, supposita primæ illarum dispositione, & adiuncto libero usu humanæ voluntatis: ergo cogitatio congrua, in quocumque homine existeret, licet esset divinum beneficium, non esset distinctum a beneficio creationis. Probat hanc ultimam consequentia (cætera enim omnia ex dictis satis sunt nota) quia supposita primæ rerum institutione, & dispositione causarum universi, reliqua omnia naturali cursu sequuntur cum solo generali influxu Dei usque ad talem cogitationem honestam sufficientem in tali, vel tali persona excitatam, & ideo talis cogitatio debita est nature: quæ omnia satis constant ex dictis. Rursus vero quod talis cogitatio sufficiens huic sit congrua, ex ejus libero usu cum generali concursu Dei tantum provenit, ut etiam probatum est, & ille concursus etiam est naturæ debitus: ergo talis cogitatio congrua etiam est debita, supposita primæ institutione.

14 Dices: supposita præscientia Dei de congruitate futura talis cogitationis, fuisse speciale Dei beneficium, & naturæ non debitum, creare res sub tali dispositione, & ordine. Respondeo concedendo totum, & addendo, illud beneficium non esse ita distinctum a beneficio creationis, quin sit cum illo connexum, quia, jam probatum est, liberam Dei electionem de tali ordine rerum, & causarum universi potius, quam alterius, esse beneficium speciale, non tamen distinctum a beneficio creationis, & ideo quidquid est debitum, ex suppositione illius primæ dispositionis, & quidquid naturali consecutione inde sequitur, non est beneficium distinctum a beneficio creationis, quantumvis speciale videatur. Si ergo generalis illa universi dispositio ad generale beneficium creationis pertinet, etiam conservatio, ac cursus ejus sunt debita, facta priori suppositione, & inde etiam per naturalem connexionem sequuntur reliqui effectus in tali persona usque ad talem cogitationem cum tali usu libertatis: ergo omnia illa continentur sub beneficio creationis. Et confirmatur primo, quia ipsamet generatio talis hominis potius, quam alterius est speciale beneficium Dei, comparatione facta ad alium hominem possibilem, qui posset generari, & de facto generaretur, si Deus a principio universi causas aliter disposuisset, nunc autem non generabitur aliquando: & nihilominus generatio talis hominis non est beneficium non comprehensum in beneficio creationis, quamvis supponat primam rerum institutionem, & dispositionem libere factam a Deo, qui optime novit, inde eventurum, ut tandem generetur talis homo: ergo idem est de effectu bonæ cogitationis futuræ congruæ in tali homine, qui prævidetur bene usurus tali cogitatione.

15 Confirmatur secundo exemplo supra allato ex Augustino, quia ex simili causarum serie, & naturali, vel libero earum cursu suæ naturæ relicto, & supposita primæ institutione sequitur, ut talis homo generetur in optima constellatione & consequenter cum optima complexionem, sanitate, & integritate membrorum, & dispositionem sensuum apta ad ingenii acumen, &c. Et nihilominus hæc omnia, licet specialia sint, comprehenduntur sub beneficio creationis, quia licet potuerit Deus ordinem naturæ alio modo instituere, quo posito contrarii effectus fortasse sequerentur, &

ideo illa dispositio rerum ita nunc facta, & relata ad alios effectus prævisos in tali persona fuerit speciale beneficium ejus: nihilominus totum id comprehenditur sub beneficio creationis, prout de facto collatum est: ergo idem est de cogitatione, & de quocumque alio simili effectu. Et ideo dici cum probabilitate non potest, bonam indolem, vel ingenium ad virtutem aptum esse donum gratiæ indebitæ naturæ, vel individuo: ergo nec cogitatio pendens ex solis causis naturalibus potest dici gratia dicto modo, solum quia dictam institutionem libere, & cum præscientia Dei factam supponat, est enim eadem ratio. Confirmatur tertio, quia alias etiam bruto fieret gratia, cum causæ ita cum illo concurrunt, ut sit perfecta, & non monstruosa generatio.

16 Ad hæc vero, & similia duobus modis solet responderi. Primo gratiam supponere subjectum, cui fiat, & ideo supponere etiam subjectum, consummatum, & perfectum suis omnibus potentiis, ideoque beneficia, quæ pertinent ad productionem perfectam, & consummatam subjecti non vocari gratiam, secus vero esse de actionibus, quæ jam perfectum supponunt. Sed hoc in primis est ad libitum uti vocibus ad fugiendas difficultates. Si enim nomen gratiæ in illa amplitudine sumatur, non est cur magis supponat rem, cui fit, quam nomen beneficii, cum gratia non sit, nisi beneficium gratuitum, seu beneficium non debitum, & possit beneficium non debitum fieri rei, quæ per illud fit. Sicut prædestinatio, seu æterna electio Dei est gratia, licet non supponat rem esse, sed tantum esse possibilem, & sit ratio ordinandi illam, ut sit. Deinde esto nomen gratiæ in aliquo usu magis proprio, & rigoroso supponat rem, cui fit, cur supponat illam consummatam, & perfectam in omnibus potentiis, &c. cum hæc supponant existentiam substantiæ, & possint impediri, sitque beneficium speciale, quod non impediatur, quod certe negari non potest. Unde si esset etiam indebitum secundum naturæ ordinem, sine dubio esset gratia, ut opponitur debito naturali. Denique homo ad generandum supponitur omnino perfectus in suis potentiis, & nihilominus potest monstruose generare, vel aliter operari propter impedimenta occurrentia; ergo ablatio illorum impedimentorum ex providentia Dei est gratia respectu illius, non minus, quam sit respectu hominis cogitatio bona sine impedimentis bonæ operationis. Et quod de actione generandi dicimus, potest etiam considerari in actibus immanentibus, vel quasi immanentibus brutorum, ut in motu perfecto sine claudicatione, vel visione, aut estimatione sine deceptione, & similibus.

17 Alia responsio est, distinguendo inter gratias physicas, seu naturales, & morales, & concedendo gratiam physicam posse esse communem brutis, non vero moralem. Sicut de homine etiam dicunt, ad quamcumque veram cogitationem speculativam physicæ, vel metaphysicæ, indigere gratia physica, non vero naturali, quæ ad solos morales actus requiritur. Sed non est contendendum de vocibus ad libitum excogitatis. Non est enim dubium, quin possit Deus physica beneficia, ultra naturæ debitum, quibus voluerit, conferre, & tunc quæstio erit de nomine, an illa omnia sint vocanda gratiæ. Nos vero dicimus, gratiam in usu sanctorum Patrum nunquam hoc modo sumi. Propterea enim dixit August. solam intellectuale naturam esse gratiæ capacem lib. 4., contra Iulianum cap. 3. Item dicimus, Deum ordinaria providentia sua non conferre brutis beneficia non debita secundum naturalem cursum causarum universi, & ideo non posse talia beneficia gratiam vocari. Quod si inter dum Deus aliquid circa res naturales ultra cursum naturæ operatur, id semper est in ordine ad bonum hominū, & respectu illorum est gratia non tantum physica, sed etiam moralis, quia ex parte Dei ad bonos eorum morales ordinatur. Naturales vero effectus, & actiones eorum, quæ nullo modo excedunt ordinarium cursum naturæ, licet sint Dei beneficia, non sunt gratiæ, neque physicæ, neque morales, quia nullo modo excedunt naturale debitum, & sicut in aliis rebus hoc verum est, ita etiam in homine in pura natura spectato, sive cogitatio, vel actio ad scientiam puram

Oppositio
solvitur.
Quod se
quitur ex
creatione
non est
distinctum
beneficium
ab ipsa

Confirmatio
rationis

Confirmatio

Confirmatio

Quorundam
responsio
ad supra-
dicta pro-
xime

Resolvitur

Responsio

Impugnatur

ram pertineat, sive ad honestos mores naturales, rationes enim factæ universales sunt.

C A P U T XIV.

Objectionibus contra discursum capitis superioris satisfit.

P. Vafq.
disp. 189.
c. 11. nu.
18.

Obje. 1.

P Ræcipua obiectio sumitur ex fundamento contrariæ sententiæ, quod ita fere exponitur. Qui negat cogitationem congruam esse gratiam, consequenter tollit divinæ providentiæ attribui concursum illum causarum secundarum, ex quo solet provenire cogitatio ita congrua, ut nullum impedimentum illi occurrat, quod effectum bonæ voluntatis valeat impedire. Consequens est absurdum, & in atheismum inclinatur, ergo. Sequela probatur. Nam si hæc motio, & applicatio causarum, & remotio impedimentorum non sit sine Deo, omnia providente, ac disponente, quomodo negari potest, congruam cogitationem esse a Deo specialiter provissam & ultra omne debitum creationis, & conservationis? Quia posset Deus, salva rerum vocatione, & conservatione aliter res disponere, ut ex eis congrua cogitatio non proveniret: nunc autem ex voluntate efficaci dandi talem cogitationem congruam, & bonam operationem ad illam consequentem, talem rerum, & causarum ordinem disposuit, ergo vel non potest negari, hunc effectum esse ex gratia, vel negandum est, esse ex divina providentia.

Confirmatur 1.

2 Confirmatur primo, quia si cogitatio congrua esset debita, omnibus daretur, ita enim nos de vocatione congrua argumentamur in libro secundo, de Prædestin. cap. 2., nu. 5., non datur autem omnibus, ut constat, ergo non est debita; ergo est gratia saltem ut significat favorem ultra beneficium creationis. Confirmatur secundo, quia alias etiam posset homo sine gratia servare totam legem naturæ, & Deum super omnia diligere, & quamcunque gravissimam tentationem superare, quia ad hæc omnia sufficit cogitatio congrua. Denique confirmatur, quia eodem modo inferri posset, in ordine actuum supernaturalium vocationem congruam non esse maiorem gratiam, quam incongruam, nec gratiam efficacem, quam sufficientem, nec donum perseverantiæ, quam auxilium, quod datur posse perseverare, quæ omnia sunt absurda, ut constat, & contra nostram sententiam. Sequela vero patent, quia omnia illa proveniunt ex congruitate vocationis, quæ congruitas non addit etiam in ordine supernaturali speciale donum physicum, nam in re congruitas etiam in illo modo consummatur per bonum usum liberi arbitrii cum adiutorio ejusdem gratiæ, qui bonus usus quasi naturaliter sequitur in aliquibus ex prioribus gratiis.

Solvitur obje. 1.

3 Prima obiectio nihil nos movet, quia contra nos non procedit, qui fatemur, tunc vocationem esse peculiare Dei beneficium, quamvis propria gratia non sit. Et licet posset aliquo modo urgere illos, qui in hoc genere providentiæ non agnoscunt speciale Dei beneficium, nihilominus illis etiam immerito imponitur, vel suspicio atheismi, aut quod tam male sentiant de providentia Dei, ut illa reprehensione sint digni. Nam illi, aut in eo fundantur, quod negant habere Deum ante suam providentiam præscientiam futurorum contingentium conditionatorum, aut in hoc, quod Deus non præfinit speciali, & efficaci modo actum bonum moralem in particulari, sicut nec malum, sed solum intendit bonum, quantum est ex se; malum autem solum permittit, & postquam prævidet absolute unum vel alterum, in bono complacet, & non in malo. At vero prius fundamentum negans scientiam conditionatam, licet falsum sit, a multis Theologis defenditur, qui non negant, providentiam divinam circa omnes actus in particulari, licet illam non satis perfectam, & divinæ sapientiæ consentaneam explicare possint. Secundum item fundamentum a multis etiam Theologis defenditur, non solum in actibus ordinis naturalis, sed etiam in supernaturalibus, & licet in istis sententia illa, non solum non possit probari, verum etiam nec tolerari, ut in-

fra dicam, in præfenti non habet tantam absurditatem. Quia non est improbable, Deum non præfinit omnes, & singulos actus morales in particulari, & in se ipsis, sed solum in causis sufficientibus; & consequenter non aliter velle cogitationem, futuram alicui congruam ex libero bono usu ejus, quam aliam de se omnino æqualem, futuram in alio tantum sufficientem ex libera repugnantia ejus. Quia utramque vult Deus ex antecedenti tantum voluntate, & ut uterque homo bonum operetur, & ex voluntate dandi utrique talem cogitationem propter illum finem, & prævidendo in altero congruitatem, & acceptando illam, & in altero repugnantiam, & permittendo illam. Quam differentiam solum, non existimant hi auctores sufficere ad inæqualitatem beneficii, cum per Deum non steterit, quin alterius cogitatio etiam esset congrua, quam ipse etiam æque libenter acceptaret. Et per hunc modum putant sufficienter salvari perfectam Dei providentiam omnium, & singulorum actuum in particulari.

4 Neque contra hunc dicendi modum aliquid probat prædicta obiectio, tum quia fieri potest, ut cogitatio non congrua æque careat impedimentis antecedentibus usum libertatis, & ut habeat concursum causarum æque favorabilium, ac cogitatio congrua, ita non negatur, quin hæc omnia proveniant ex perfectissima providentia Dei. Congruitas autem, vel incongruitas, juxta hanc sententiam, est ex providentia antecedente tantum, & quasi conditionata, vel permissiva, consequenter vero ex providentia approbativa unius, & non alterius, quod non censetur sufficere ad inæqualitatem beneficii: Contra hanc ergo opinionem solum urgere potest ratio, quam nos in secunda assertione fecimus, quæ supponit scientiam futurorum contingentium sub conditione, qua supposita, non potest negari, quin præparatio cogitationis congruæ sit ex voluntate Dei absoluta & efficaci; unde fit ut sit speciale beneficium, procedens ex quadam majori Dei benevolentia, & ita hoc damus illi obiectiioni, quæ aliud non probat.

5 Neque inde sequitur beneficium illud esse gratiam propriam, & distinctam a beneficio creationis, quia per naturalem connexionem sequitur ex creatione rerum, & ex illarum prima dispositione ad creationem universalem pertinente, cum naturali cursu causarum secundarum sub generali influentia primæ causæ, ne ex discursu paulo antea facto manifestum est. Unde etiam non negamus, potuisse Deum aliter res omnes, & causas universi creare, conservare, ac disponere, prævidendo, inde non eventuram cogitationem congruam talibus personis, sed incongruam. Inde vero solum sequitur, beneficium ipsum universalis creationis, & dispositionis universi favorabiliorem nunc fuisse talibus hominibus, quam in alio casu fuisset, quod non concedimus. Negamus vero, inde sequi aliquod beneficium gratiæ non debitum creationi, nam ex suppositione illius generalis beneficii creationis, reliqua consequuntur, ut debita naturæ in individuo, ut satis explicatum est. Neque est novum, distinguere intra latitudinem beneficii creationis, unum favorabilius alio sine propria gratia, nam id satis clare docuit August. dicto lib. 4. contra Iul. c. 13. & in aliis donis naturæ extra cogitationem congruam, non solum in hominibus, sed etiam in inferioribus rebus manifeste comprobatur.

6 Unde ad primam confirmationem responderetur, in naturalibus donis non esse bonam illationem illam; *Ad 1. Conf. in nu. 2.* *Non omnibus datur talis perfectio; ergo est gratia, tanquam donum non debitum*, ex vi creationis, & dispositionis universi, ut patet clare in acumine ingenii, in longitudine vitæ, & similibus: ratio vero est, quia licet talis cogitatio non sit absolute debita tali personæ, id est, nulla suppositione facta, tamen supposito solo universali beneficio creationis (licet favorabiliore) debita est talis cogitatio ex solo generali cursu causarum secundarum cum communi etiam concursu causæ primæ. Et hoc modo dixi lib. 2. de Prædestin. c. 15. n. 17. non esse necessarium, ut talis cogitatio congrua ex speciali auxilio Dei proveniat, quia generale sufficit, supposita prima rerum creatione, & generali

Cogitatio congrua etiam ex prævisione præparata, non est nova gratia a beneficio creationis

nerali causarum universi dispositione, ac conservatio-
ne. At vero in vocationibus gratiæ supernaturalis
(de quibus in illo cap. 2. de Prædestinat. loquebamur)
optima est illa consequutio; non omnibus datur voca-
tio congrua, ergo non est debita, sed est gratia specialis.
Ratio differentiæ est, quia vocatio supernaturalis non
provenit ex causis naturalibus, sed ex speciali disposi-
tione divina supra totum naturæ ordine. Imo etiam
ordinarie non provenit ex sola providentia generali
in ipso ordine gratiæ, sed ex speciali, & nova gratia.
Et licet interdum provenire possit ex generali provi-
dentia gratiæ, & tunc possit dici debita ex suppositio-
ne talis generalis dispositionis causarum gratiæ, ni-
hilominus jam supponit specialem favorem, non tan-
tum creationis, sed gratiæ, & postea est debita tan-
quam gratia pro gratia, & non tam est debita ipsi re-
cipienti, quam divinæ prædestinationi, & ordinationi.
Propter quod in illo ordine gratiæ etiam vocatio tantum
sufficiens, licet omnibus detur, est vera gratia, quia li-
cet sit aliquo modo debita ex generali providentia gra-
tiæ, supposita dispositione causarum generalium ad
ordinem gratiæ pertinentium: nihilominus datur tan-
quam gratia pro gratia, & ita non est debita recipienti,
quia non est debita ex vi naturæ, etiam supposita prio-
ri ordinatione divina, sed est debita priori gratiæ di-
vinæ præordinationis talis naturæ ad supernaturalem
finem. Et per hoc etiam responsum est ad tertiam con-
firmationem, ut latius infra explicaturi sumus, tra-
ctando de gratia sufficienti, & efficaci. Ubi propter
hanc causam dicemus, vocationem congruam semper
esse majorem gratiam in ratione beneficii gratuiti,
non tamen semper esse majus auxilium, quia non sem-
per dat majores vires, sed interdum solum excedit,
quia in meliori opportunitate datur.

7 Ad secundam confirmationem negatur sequela,
nimirum, posse hominem sine gratia servare diu to-
tam legem, aut opera difficiliora ordinis naturæ sine
ulla gratia facere. Et ad probationem, scilicet, quia
hæc omnia fiunt per cogitationem congruam, respon-
deo, vel notabilem equivocationem in hoc committi:
vel qui sic arguitur non satis sentire de gratia
Dei necessaria ad hujusmodi effectus arduos intra or-
dinem naturæ. Dupliciter enim intelligi potest, ali-
quam cogitationem moralem esse congruam, uno
modo sine peculiari favore Dei prævenientis actum li-
berum voluntatis, vel præparantis intellectum, ut
congrue voluntatem moveat, sed relinquentis illum,
ut secundum communem cursum causarum natura-
lium moveatur, & prævidentis fore, ut cum illa sola
cogitatione voluntas recte moveatur, & consequen-
ter cogitationem futuram esse congruam. Alio modo
potest cogitatio fieri congrua ex speciali favore, &
protectione Dei, ut si prævideret Deus voluntatem
hominis relictam cum sola cogitatione bona nata ex-
citari a talibus causis occurrentibus, non esse consen-
suram, ac subinde talem cogitationem non esse futu-
ram congruam, ideoque ipse provideat modum, quo
illa cogitatio efficacior fiat, vel interius specialiter ex-
citando, vel rem aliquam præter communem cursum
exterius applicando, & ita prior congruitas potest di-
ci consequens, posterior vero etiam antecedens, bo-
num usum liberi arbitrii.

8 Nos ergo supponimus, priorem modum cogita-
tionis congruæ sufficere ad aliquod opus bonum mo-
rale, commune, & facile præstandum, & ideo dici-
mus, illam cogitationem congruam non recte vocari
gratiam. Si igitur arguens putat similem cogitatio-
nem congruam sufficere ad vincendam gravem tenta-
tionem, vel ad amandum Deum super omnia, vel ta-
lem cogitationem posse esse continue congruam, ad
naturalem legem totam servandam, sine alio auxilio
gratiæ Dei, non satis sentit de gratia ad hos effectus
morales necessaria, & dum verbis confiteri videtur,
gratiam esse necessariam ad hos effectus, re ipsa negat.
Quia necessitas gratiæ in illis occasionibus est, ut sup-
pleat defectum virium liberi arbitrii. At vero si cogi-
tatio sit congrua priori tantum modo, non sit congrua
per speciale auxilium gratuitum, sed per solum bonum
usum libertatis, hoc autem est absurdum quia liberum
arbitrium solis viribus suis cum generali influentia

non potest semper, vel in illis occasionibus bene in-
tali cogitatione, cujus contrarium objectio supponit,
& ideo dicit, posse Deum prævidere, tales cogitatio-
nes futuras esse congruas sine novo auxilio gratuito,
quæ præscientia plane supponit, arbitrium cum sola
communi influentia bene esse usum tali cogitatio-
ne, non obstante objecti, vel occasionis arduitate.
Hoc autem nos falsum esse censemus, & infra proba-
bimus. Et ideo negamus sequelam argumenti, quia
non sunt æquales naturales vires voluntatis in ordine
ad omnes actus liberos etiam naturales & ideo neque
idem modus cogitationis congruæ in omnibus sufficit.

9 At vero si arguens admittat duos illos modos co-
gitationis congruæ, æquivocationem committit in
probatione sequelæ; nam licet semper bona operatio
procedat ex cogitatione congrua, tamen una prævi-
detur futura congrua sine aliquo speciali auxilio gra-
tiæ, alia vero non item, & prior sufficit ad commu-
munia opera, posterior vero est necessaria in arduis,
quia nisi Deus specialiter præpareret vocationem, &
illam accommodet voluntati, in illis deficiet, & ita
cogitatio mere naturalis semper esset incongrua, quæ
omnia in sequentibus amplius declarabuntur.

C A P U T X V.

*An cogitatio congrua ad bene moraliter operan-
dum, sit vera, & supernaturalis gratia
respectu hominis ad finem super-
naturalem elevati?*

1 H Actenus de pura, & integra natura dictum
est, nunc de natura humana ad supernatu-
ralem finem elevata aliquid addere necesse est. Quia
in illa specialis ratio versatur, eo quod moralis ejus
operatio, licet in se naturalis sit, ad supernaturalem
finem ordinari, & utilis esse potest, & quantum est
ex parte divinæ voluntatis, ac providentiæ, propter
illum finem tribuitur. Quoad hoc ergo in hujusmodi
homine elevato ad finem supernaturalem omnis bona
operatio moralis aliquo modo supernaturalis est; ergo
saltem hac ratione non poterit sine gratia fieri. Que
ratio procedit in homine ad finem supernaturalem or-
dinato, in quocumque statu consideretur, id est, si-
ve fingatur creatus sine ullo dono intrinseco superante
naturam, sed cum sola ordinatione ad supernatura-
lem finem ultra puram naturam, si-
ve spectetur in na-
tura integra sine supernaturali iustitia, si-
ve cum gra-
tia, & iustitia, si-
ve in homine lapsa permanente in
peccato, vel jam justificato. In omnibus enim his
statibus sola ordinatio actus moralis ad finem super-
naturalem, facit illum aliquo modo supernaturalem,
ac subinde gratia indigentem. In homine vero lapsa
preter dictam rationem potest considerari alia contra-
dicta ex indignitate peccati, de qua in posteriori parte
hujus capituli dicemus, prius de sola ordinatione ad fi-
nem supernaturalem dicendum est.

2 Et pro resolutione adverto, duobus modis
posse opus bonum morale esse ordinatum ad finem
supernaturalem: uno modo ex relatione aliqua ip-
sius operantis; alio modo ex sola relatione, &
intentione Dei. Ut actus sit ordinatus priori mo-
do ad supernaturalem finem, non satis est, ut ipse
homo operans sit a Deo creatus propter illum
finem, sed necesse est, ut per aliquem priorem
actum ipsiusmet hominis subsequens actus mora-
lis, vel formaliter, vel saltem virtualiter in illius
finem ordinetur. Quia actus ipse moralis per se,
& natura sua spectatus non tendit in supernatu-
ralem finem, sed ad summum in naturalem beati-
tudinem hominis, seu in Deum ut elicit author, &
finis naturæ; ergo non potest in supernaturalem
finem tendere, nisi vel ab aliquo extrinseco agente,
vel saltem ab ipsomet operante per alium actum,
vel virtutem ejus in talem finem ordinetur; ergo
si operans non habuit alium actum, quo talem
moralem actum retulerit in supernaturalem finem,
non potest dici in eum finem relatus, ut procedit
a proximo operante, sed ad summum per deno-
tationem ab intentione, seu ordinatione Dei.

3 Dico

Ad 3.
conf. in
eod. n. 2.

Alio e
duobus
modis
moralis
cogitatio
est con-
grua

Prior mo-
dus non
est gratia

Nec suffi-
cit ad
vincendas
omnes ten-
tationes
etiam ec-
tra legem
naturæ.

Admissio
duplici il-
lo modo
cogitatio-
nis con-
gruæ, æ-
quens æ-
quivoco
procedit

Omnis
moralis
operatio
videtur
gratia in
quocumq;
elevato
ad super-
naturalem
finem

Ex rela-
tione ope-
rantis, &
intentione
Dei opus mora-
le ad su-
per natu-
ralem fi-
nem ordi-
nari pot-
est.

Assert. 1.
ad referen-
dos actus
bonos
moraliter
in finem
supernat.
requiritur
gratia.
Probatur.

3. Dico ergo primo, cum actus bonus moraliter ita fit ab homine ordinato ad finem supernaturalem, ut ab ipso met homine in eundem finem referatur, tunc necessarium est auxilium gratiæ ad illum actum, ut statutum sub illa relatione, quia relatio illa aliquid est supernaturale, seu a forma supernaturali provenit, voluntas enim operandi propter supernaturalem finem supernaturalis est; ergo ad illam relationem necessaria est gratia. Hæc autem gratia non est sola cogitatio congrua naturalis necessaria ad tale opus morale, sed est auxilium supernaturale necessarium ad priorem actum, quo homo se, & actus suos etiam naturales in Deum finem supernaturalem refert. Sicut ad actum studendi, aut sciendi logicam propter Dei gloriam, necessaria est gratia, non tamen alia, quam ea, quæ ad illam relationem postulat, nam opus ipsum, quod tali relationi subternitur a natura esse potest, saltem ubi specialis difficultas non occurrit. Non procedit autem conclusio de actu morali, acquisito, ut talis est, quia non sumitur ut pure moralis, sed ut affectus circumstantia supernaturali, ad quam gratiæ auxilium postulat, & sic magis pertinet hæc assertio ad necessitatem gratiæ ad opera supernaturalia, de qua in sequenti libro dicturi sumus, quam ad necessitatem gratiæ ad opera moralia naturalia, ut talia sunt, de qua in præfati tractamus.

Assert. 2.
hipartita
de homi-
ne nõ or-
dinante
opus mo-
rale ad fi-
nem su-
pernat. nõ
ipse sit a
Deo ordi-
natus.
Probatur
2. pars.

4. Dico ergo secundo. Ut opus morale studiose fiat ab homine ordinato ad finem supernaturalem, non ordinante opus in illum finem, non est necessarium proprium auxilium gratiæ, nec vera gratia intrinseca, sed ad summum extrinseca prædestinatio, seu præordinatio extrinseca Dei, quæ potest dici extrinseca gratia, quatenus ad supernaturalem providentiam spectat. Probatur prior pars, quia hoc opus non est melius, neque difficilius in homine ordinato ad finem supernaturalem, quam in non ordinato: ergo non requiritur minores vires, ut fiat ab homine in illo statu, quam in isto, quia vires ad operandum solum postulantur propter excellentiam, vel perfectionem effectus: ergo sicut in uno statu non requiritur auxilium gratiæ ad tale opus in omni suo individuo, ita neque in alio, nam auxilium gratiæ solum est necessarium, ubi vires naturales non sufficiunt. Consequentia sunt claræ, & antecedens etiam videtur notum ex dictis. Quia licet homo sit conditus propter supernaturalem finem, opus morale non ordinatur ab ipso homine in eum finem, nec formaliter, nec virtute, ut supponitur; ergo ille finis personæ non est illo modo circumstantia operis: ergo nullam honestatem, vel difficultatem illi adjungit. Non est ergo ad illud necessarium auxilium gratiæ, & consequenter neque vera gratia interna, quia sufficit cogitatio honesta moralis, quæ non est gratia, etiam si sit congrua, ut in præcedenti capite declaratum est.

Objeçtio
ejusque
solutio 1.

5. Dices: illa cogitatio congrua in tali homine ordinatur ad supernaturalem finem, & ex hac parte gratia dici debet. Respondeo inprimis, fortasse non esse necessarium, ut talis cogitatio, vel opus ab illa procedens ordinetur etiam a Deo ipso ad finem supernaturalem, quia fieri potest, ut tale opus nullam utilitatem afferat operanti ad supernaturalem finem, quia nec est meritum ejus etiam imperfectum, neque dispositio ad gratiam, etiam remota, ut infra dicemus. Et ideo fieri potest, ut etiam quatenus est a Deo, non proveniat ex intentione finis supernaturalis, sed tantum ex generali fine providentiæ naturalis, ut Deus tanquam prima causa inferiores causas suos naturales motus tam liberos, quam necessarios agere sinat. Dices: semper talis actus affert aliquam utilitatem ad finem supernaturalem, quia saltem removet impedimentum, quod tunc per aliquod peccatum addi posset. Respondeo hanc utilitatem communem esse actibus indifferentibus, & indeliberatis: imo & naturalibus, ut somnus etiam removet pro tunc impedimentum novi peccati & tamen non propterea est necessaria gratia ad hæc omnia. Neque etiam est necesse, ut illa qualis cumque utilitas sit intenta propter supernaturalem finem, sed tantum prævisa ex generali cursu naturæ, & admissa per divinam voluntatem ex generali etiam intentione providentiæ suæ. Quod maxime verum esse potest, quando in effectu nihil est profuturum tale opus

Suarez. Tom. VI.

ad finem supernaturalem, quia nimirum, licet pro tunc impediat adjectionem impedimenti, nihilominus nihil conferet ad aliquam gratiam obtinendam, neque ad eum finem ordinatur.

6. Addo vero ulterius, licet Deus det talem cogitationem congruam, & bonum opus morale ab ea manans propter supernaturalem finem, inde solum probari posteriorem partem assertionis, videlicet illud beneficium provenire ex prædestinatione, vel providentia supernaturali, quæ dici potest extrinseca gratia: sine alio interno auxilio gratiæ a quo actus fiat. Declaratur inprimis exemplis: nam etiam creare naturam propter finem supernaturalem, & conservare illam propter eundem finem, est beneficium aliquo modo superans naturam, & tamen non propterea dicemus, influxum, quo Deus conservat naturam esse gratiam, sed solum illam ordinationem ad supernaturalem finem a quadam extrinseca gratia provenire. Et simili modo bona complexio, ingenium, conveniens educatio; imo & origo ex talibus parentibus in tali loco, vel tempore sunt media conducentia ad salutem, ac subinde sunt ex divina prædestinatione, & electione ordinata: & tamen in se non sunt gratiæ, sed solum per denominationem extrinsecam ab electione, & prædestinatione gratuita, ita ergo est in præfati: pro quo discussu videri possunt, quæ dixi lib. 3. de Prædest. cap. 7.

7. Unde non potest talis cogitatio dici auxilium gratiæ in tali homine; quia auxilium gratiæ, seu speciale, esse debet principium aliquod addens vires ad operandum, vel saltem specialis Dei cooperatio, quo naturam ad operandum magis adjuvet, quam ei, ex providentia consentanea naturæ debeatur. At vero in eo casu, in quo loquimur, Deus non adjuvat speciali modo ad talem cogitationem, vel operationem, sed solum intra ordinem naturalis concursus; seu auxilii eligit illum modum, & ordinem, quem homini scit esse magis accommodatum, eumque ad finem superiorem ordinat: ergo non confert majus auxilium, sed ad summum majus beneficium intrinsece naturale, supernaturale vero solum per denominationem extrinsecam a prædestinatione, vel ordinatione supernaturali. Et potest hoc declarari, quia etiam inter supernaturales vocationes, vel prævenientes gratias, congrua vocatio, vel excitatio non semper est majus auxilium; licet sit majus beneficium, & simpliciter major gratia, non physice, sed moraliter, ut infra ostendemus; ergo a fortiori in præfati, cogitatio naturalis, ex eo, quod congrua sit, vel quod ad finem supernaturalem ordinetur, non est in se majus auxilium, esto possit vocari gratia per extrinsecam denominationem a supernaturali relatione prædestinationis, ut in prima etiam parte loco allegato dixi.

8. Dico tertio. Cogitatio congrua ad bene moraliter operandum in uno, vel alio actu, sine relatione ad finem supernaturalem propria ipsius operantis, etiam in homine lapsa non est auxilium gratiæ Dei, vel Christi, quamvis ex intentione Dei propter finem supernaturalem detur. Probatur, quia in homine lapsa solum additur demeritum peccati originalis, sed hoc non satis est, ut illa cogitatio sit in tali homine speciale auxilium gratiæ; ergo. Probatur minor primo, quia cogitatio sufficiens ad simile bonum in tali homine non est specialis gratia vel auxilium; ergo neque congrua. Consequentia probatur ex dictis, quia cogitatio congrua ultra sufficientem non addit rationem specialis auxilii, ut ostensum est. Item quia congruitas in executione consummatur per bonum usum liberi arbitrii, maxime in his operibus naturalibus; in præordinatione autem, seu prævia providentia Dei non requiritur aliquid speciale præter communem cursum causarum, quem Deus, immutare non debuit propter originale peccatum. Primum vero antecedens & ab adversariis conceditur, & videtur per se evidens, quia illa cogitatio sufficiens per generalem concursum naturalem habetur, & ex communi ordine providentiæ necessario sequitur, peccatum autem originale non meruit carentiam naturalis concursus Dei, nec immutationem generalis providentiæ, ut supra tactum est, & videtur per se notum.

Probatur
2. pars,
seu decla-
ture exam-
plis.

Auxilium
speciale
quod nam
sit,

Assert. 3.
de cogita-
tione co-
grua a
Deo data
homini
etiam la-
pso propter
finem
supernat.
propter
quæ tamẽ
homo nõ
operatur.
Probatur
ratione.

Confr. 1.
ex eo,
quod con-
gruè co-
gitationis
sit per
Christum.

9. Declaratur prætera, nam si ponamus, Deum post peccatum originale prævisum, non decrevisse humanam naturam redimere per Christum, vel alio modo, sed tantum relinquere homines in via, tunc non mansissent obstinati in malo propter peccatum originale solum, nec privati omnibus cogitationibus honestis, vel sufficientibus, vel congruis; ergo quod nunc non priventur illis, non est proprius effectus redemptionis Christi, quia non est remissio alicujus pœnæ propter peccatum originale debitæ. Dicere autem, ex vi peccati originalis relinquendam fuisse naturam in malo obstinatum, ac subinde in termino damnationis, & nullo modo in via improbable est, ut supra dixi, & contra conditionem naturæ humanæ, quæ in hoc distinguitur ab Angelica, quæ statim per unum actum constituitur in termino, ut est vulgare.

Confr. 2.
ex eo,
quod ca-
rentia co-
gitationis
congruæ
non pro-
veniat ex
originali.

10. Et explicatur amplius, quia etiam nunc animæ puerorum sine remissione peccati originalis decedentium, non sunt obstinatæ in malo, nec privantur cogitationibus naturalibus honestis, & sufficientibus, & congruis, ut suppono tanquam certum ex communis sententia; ergo signum est, non esse illam pœnam præcisæ, & quasi positive impositam propter originale peccatum, quia illis infantibus nulla ex parte remissum est originale peccatum, aut pœna ejus, neque Christi redemptio illis est applicata efficaciter per aliquod medium; ergo talis cogitatio in illis, neque est gratia, neque effectus redemptionis Christi. Ergo idem est dicendum de illis hominibus non baptizatis, qui pervenientes ad usum rationis incipiunt habere cogitationem bonam, & honestam vel sufficientem, vel congruam, nam est eadem ratio, & consequenter idem erit in reliquis, præcisè sistendo in entitate, & intrinsicis conditionibus talis cogitationis. Nam si addatur relatio, & utilitas aliqua ad finem supernaturalem, secundum id erit effectus redemptionis, & rationem gratiæ participabit solum per extrinsecam denominationem, ut explicavi; hoc autem eodem modo contingeret absque peccato originali, quod ad rationem gratiæ attinet.

Confr. 3.
ex locu-
tionibus
Patrum
contra
Pelagium.

11. Unde confirmatur tandem, quia licet daremus, hanc cogitationem habere aliquam rationem gratiæ in homine lapso, quatenus daretur cum remissione alicujus pœnæ, adhuc non esset gratia auxilians, de qua tractamus, & tractant Patres, quando contra Pelagium requirunt gratiam bene operandi, sed pertineret ad gratiam, quam Augustinus vocare solet, remissionis peccatorum, nam sub illa includitur omnis gratuita remissio tam culpæ, quam pœnæ. Quod vero non esset gratia auxilians, patet argumentis factis, quia etiam cogitatio sufficiens non esset gratia auxilians, licet esset cum remissione alicujus pœnæ, & quia congruitas non addit per se aliquid auxilii prævenientis, vel adjuvantis, & in cogitatione morali nullum principium adjuvans supponit præter id, quod inere naturale est, sive in facultate intrinseca, & concursu illi debito, sive in applicatione, & excitatione objectorum per communem cursum causarum cum generali concursu, supposita prima institutione generali, quæ neque pertinet ad auxilium speciale, etiam si sit aliquod beneficium, vel gratia extrinseca quæ antecedit peccatum originale, nec propter illud immutari debuit.

C A P U T XVI.

*Proponitur contraria sententia fundamentum
ex Patrum loquutionibus desumptum,
ut retorqueatur.*

Proponi-
tur funda-
mentum
adversa-
riorum.

1. **H** Actenus ratione, & discursu tantum egimus contra tertiam sententiam supra relatam, quia vero illa præcipue fundatur in loquutionibus Augustini, & aliorum Patrum, vel etiam Conciliorum, quæ illum postea imitatus sunt, ideo loquutiones illas in hoc capite objiciemus, in sequentibus vero non solum illi sententiæ non favere, sed potius illam improbare ostendemus. Proprium igitur illius sententiæ fundamentum, ex Augustino sumptum est, ipsum ad confutandos Semipelagianos reduxisse initium bonæ

operationis ad sanctam cogitationem, quam dicit esse specialem gratiam, & inde concludit, omne opus bonum esse ex gratia. Talem autem cogitationem specialem gratiam esse solum ostendit Augustinus ex illo principio, quod non est in potestate nostra illam nobis procurare, ideoque a Deo debeat præparari; sed omnis cogitatio boni honesti inducens cum effectu ad honestum actum virtutis moralis, est hujusmodi, ut constat ex dictis, nam loquimur de prima cogitatione; ergo ex sententia Augustini omnis talis cogitatio sancta, etiam in ordine moralis boni consentanei luminis naturæ, est vera gratia, & ratione illius omnis actus moralis pender essentialiter a gratia.

2. Prima propositio assumpta probatur ex variis locis Augustini. Primus est lib. 2. contra duas Epistol. Pelagian. capit. 8. ubi inde probat, nihil boni posse ab homine perfici, vel inchoari, quia nec cogitatio talis boni, quæ necessario præcedit omnem bonum affectum haberi potest a nobis ex nobis, sed ex Deo, dicente Apostolo 2. Corinth. 3. *Non sumus sufficientes cogitare aliquid a nobis quasi ex nobis, sed sufficientia nostra ex Deo est.* Et eodem fere modo ponderat eadem verba libr. de Grat. & liber. arbitr. cap. 7. & de Bono persever. cap. 8. Et illis adjungit verba Ambrosii, libr. de Fuga sæcul. cap. 7. *Non est in potestate nostra cor nostrum, & nostra cogitationes.* Quæ verba iterum refert cap. 19. & illis addit, *Nec ipse facta, & dicta præterit, non enim est dictum factumve hominis, quod non ex cordis cogitatione procedat.*

Pro addo-
lo fundam-
mento
Primum
locus ex
August.

3. Alter principalis locus apud Augustinum est in lib. 2. de Peccator. merit. cap. 17. ubi initium pravæ voluntatis ait esse, quia bonum, vel later, vel non delectat: unde contrario initium bonæ voluntatis esse dicit ipsius boni notitiam, & de illo voluptatem, & quia delectatio supponit cognitionem, fit, ut ad cognitionem totum hoc initium revocetur, Subjungit autem, & ad hoc probandum inducit illud Jeremiæ 10. *Scio Domine, quia non est in homine via ejus, nec viri est, ut ambulet, & dirigat gressus suos.* Quod profecto maxime dictum videtur, propter prævias cogitationes bonas, quas sibi ipse homo præparare non potest, nisi prius Deus incipiat, Estque similis locus Augustini in quæst. 2. lib. 1. ad Simplic. circa finem, ubi, ut ostendat initium boni esse ex Deo, ait: *Quis habet in potestate tali viso attingi mentem suam, quo ejus voluntas moveatur ad fidem?* Et eodem modo dicere posset, quo ejus voluntas moveatur ad bonum actum, & addit. *Quis autem omnino amplectitur aliquid, quod cum non delectet? Aut quis habet in potestate, ut ei occurrat, quod cum delectare possit.* Et post multa concludit: *Restat ergo, ut voluntates eligantur, vel voluntas ipsa nisi aliquid occurrerit, quod delectet, atque invitet animum moveri nullo modo potest.* Hoc autem ut occurrat, non est in hominis potestate.

2. Locus
ex eodem
August.

4. Præterea faciunt illa testimonia, in quibus Patres ajunt, omnes cogitationes bonas esse a Deo & ex gratia Augustin. vel potius Gennadius de Eccles. dogmat. cap. 82. *Mala cogitationes (inquit) non semper a demone sunt, bona autem semper sunt a Deo.* Et ferm. 171. de Tempore habet Augustinus dignam illo sententiam: *Quidquid boni cogitaverit homo subito corde percussus, sciat quia hospes veniat illi de cælo: quem hospitem paulo superius gratiam esse explicaverat.* Deinde Fulgentius libr. de Incarnat. & Grat. cap. 12. 13. & 19. dixit per gratiam Christi fieri: *Ut sanctæ cogitationis possibilitatem recuperemus, quam in primo homine perdidimus.* Et Prosper contr. Collat. cap. 10. & ad objectionem 8. Gallorum, ait a ducentis quatuordecim Sacerdotibus definitum esse, *Gratiam Dei per Jesum Christum non solum ad cognoscendam, sed etiam ad faciendam justitiam per actus singulos adjuvare, & a Concilio Africano traditum esse, utrumque Dei donum esse & scire, quid facere debeamus, & diligere ut faciamus.* Quæ verba habentur in Concilio Milevitan. cap. 4. & in African. cap. 79. & fere similia habentur in Arausicano cap. 7. ubi definit, *Per naturæ vigorem nihil boni cogitare homine posse, ut expedit, id est, ita ut ad aliquid boni operandum sufficiat, & cap. 9. ait: Divini est muneris cum & recte cogitamus, & pedes nostros a falsitate, & injustitia tenemus.*

3. Locus
ex ipso
etiam
August.
& Patri-
bus ajunt.

Quæ

Quæ est etiam 22. sententia Augustini apud Prosperi; ergo ex sententia Patrum omnis honesta cogitatio est gratiæ donum per Christum, ac subinde saltem hac ratione ad omne opus bonum est aliqua gratia necessaria.

4. Locus ex Patribus nonnullis, ac Pontificibus.

5. Tertio faciunt testimonia, quæ probant illam cogitationem dari nobis ex meritis Christi: quæ sumi possunt ex Epistolis apud Augustinum a 90. usque ad 105. Ibi enim docent Augustinus, & Africani Patres, & consentiunt Pontifices, ad vincendas tentationes, & vitando peccata etiam contra legem naturæ, & ad bene, sancteque vivendum esse necessariam Christi gratiam; sed illa cogitatio congrua, & honesta, quæ est efficax ad aliquod virtutis opus, etiam est efficax ad vitandum peccatum, & vincendam aliquam tentationem; ergo est ex Christi meritis; ergo est vera gratia. Hæc ultima consequentia probatur, quia Christus non meruit nobis dona naturæ, seu creationis, sed gratiæ, quia ut ait Augustinus Epist. 105. *Christus non pro nullis ut homines conderentur, sed pro impiis mortuus est, ut justificarentur.*

C A P U T XVII.

Ex eorumdem Patrum sententiis, cogitationem naturalem congruam non esse verum gratiæ auxilium demonstratur.

1. **V**erumtamen si quis attente legat has Patrum sententias, & alias, in quibus Pelagium reprehendunt, quod solam libertatem, legemque, vel doctrinam gratiam appellaret; facile intelliget, quam sit interpretatio hæc a sensu Patrum aliena. Dico ergo ex sententia Patrum, cogitationem honestam mere naturalem, & ex cursu naturalium objectorum per lumen rationis naturalis conceptam, etiam si habeat actum voluntatis consequentem, & ideo congrua sit, non esse veram gratiam, qua nostra justificatio fit, vel inchoatur. Probatur primo, quia *beneficium creationis, licet non contemnenda ratione possit dici gratia*, non tamen est illa gratia, de qua Scriptura loquitur, & de qua dicit Paulus: *Non irritam facio gratiam Dei, nam si per legem iustitia; ergo gratis Christus mortuus est*, ad Galat. 2. Sed hæc cogitatio honesta comprehenditur sub gratia creationis; ergo. Major est Concilii Carthag. Epist. ad Innoc. 95. inter Epistolas Augustini, & satis declarata est in proleg. 3. Minor probata est fuisse in præcedentibus cap. declaraturque in hunc modum: nam gratia creationis intelligi potest, vel solum beneficium creationis præcise sumptum, vel ut includit quidquid est ex natura rei debitum, seu consequens ad ipsam creationem. Pelagius ergo, cum dicebat, posse hominem suo arbitrio, & labore iuste vivere adjutum gratia, per gratiam intelligebat, non solum creationem animæ, sed etiam potentiarum ejus, & conservationem cum communi influentia, & providentia, & si forte generale concursus Dei non negabat, etiam illum sub gratia illa comprehendebat. Nam, ut referunt Patres Concilii Carthaginens. dicta Epist. 95. ad Innocent. per *gratiam* intelligebat illam, qua datum est nobis, non solum ut homines essemus, sed etiam ut sentiremus, & intelligeremus, quæ & bonis, & malis communis est; ergo sub hac gratia etiam illam cogitationem comprehendebat, non quidem ignorans in creatione sic sumpta includi plura beneficia inter se distincta, & separabilia invicem, quod est per se evidens, sed omnia comprehendens, sub gratia naturali (ut sic dicam) seu creationis, quia omnia pertinent ad beneficia suo modo naturæ debita, & quæ viribus naturæ comparantur, supposita generali dispositione causarum universi. Item supra ostensum est, sub libertate proxima ad peccandum includi cogitationem honestam saltem sufficientem, hanc ergo comprehendebat Pelagius sub nomine gratiæ, & Patres sub beneficio liberi arbitrii, quia libertatem ad peccandum sub creatione comprehendebant; ostendimus autem eandem esse rationem de congrua cogitatione, quæ de sufficienti; ergo.

Probatur 2.

2. Secundo principaliter idem ostenditur hoc modo: nam Pelagiani, & Semipelagiani admittebant

Suarez. Tom. VI.

beneficium generale collatum omnibus in dispositione causarum naturalium, & in generali doctrina, & prædicatione fidei miraculis confirmata, & consequenter ignorare non poterant, cogitationes honestas ex his objectis, vel causis extrinsecis in hominibus insurgentes, in quibusdam habere effectum bonæ voluntatis, in aliis autem non habere, ac proinde tales cogitationes in quibusdam esse, in aliis non esse congruas. Dicebant præterea, ratione illius generalis beneficii creationis, & dispositionis rerum illam bonam voluntatem esse ex gratia communi, quæ in uno homine effectum habet propter bonum usum libertatis, in alio vero male operante illum non habet propter malum usum ejusdem libertatis. Neque etiam ignorabant, Deum prævidisse hanc varietatem eventuram in diversis voluntatibus, & nihilominus talem dispositionem rerum voluisse. Et ita sub illa gratia comprehendebant illam cogitationem, quæ habitura est effectum; & fortasse non negarent, in eo, qui bene operaturus est, esse majus quoddam beneficium Dei, & gratiam in suo ordine. Nihilominus tamen, quia non admittebant gratiam internam dantem vires voluntati, & speciali Dei beneficio immixtam, de errore, ac deceptionis calumnia redarguuntur a Patribus: non est ex sententia Patrum cogitatio illa naturalis non ergo vera gratia, quæ ad bonam voluntatem ab eis postulatur. Consequentia quidem per se evidens est, & ex Patrum sententiis statim clarius fiet.

3. Assumptum vero quoad Pelagium, & damnationem ejus, constat ex supra dictis Proleg. 5. cap. 3. de errore Pelagii, & ex Epist. 90. & sequentibus inter Epistolas Augustini, & specialiter ex Augustino lib. 1. de Grat. Christi fere per totum, cujus varia loca ibi expendimus. Item ex Prospero Epistol. ad Rufin. in principio, ubi in summa dicit, gratiam tantum positam esse a Pelagio ut *magistram liberi arbitrii per cohortationem per legem, per doctrinam, per creaturas, per contemplationem, &c.* Quid est, quæso, contemplatio, nisi bona cogitatio ex illis causis suborta? Hanc ergo etiam comprehendit sub gratia a Pelagio admissa, quam etiam dicebat esse ut *Doctorem, cui circa omnes homines per universum mundum commune, & generale sit studium, ut qui voluerint, utique bonum, vel malum, amplectantur.* Pelagius ergo teste Prospero, cogitationem illam honestam ex naturali lumine cum communi cursu objectorum, & causarum secundarum subortam, etiam cum ad effectum bonæ operationis pervenit, ac subinde congrua est, gratiam appellabat, & nihilominus statim subdit, sedem Apostolicam, & Concilia Africana, & Augustinum versutum Pelagii deprehendisse, & reprobasse. Idem ostendi potest ex Paulo Orosio in suo dialog. circa medium, ubi inter alia dicit Pelagium posuisse gratiam in *solo naturali bono, & in libero arbitrio, & in hoc ordine, quem natura bene instituta custodit.* Nam *hoc modo Deus elementariis semel cursibus constitutis, facit inde, quæ facit.* Ex quibus verbis constat, omnem cogitationem honestam, quæ ex ordinario, & naturali cursu causarum oriri potest, comprehensam fuisse a Pelagio sub gratia. Et addit Orosius in hoc errasse, quod non cognoverit altiorum gratiam, quam Deus communicat altiori largitate.

4. Deinde Semipelagianos etiam illud genus gratiæ admisisse, & eo colore errasse, clarissime colligitur ex Prospero Epistol. ad Augustinum de erroribus Semipelagianorum, de quibus sic inquit: *Cum ad confitendam Christi gratiam, quæ omnia præveniat merita humana, cogantur, ad conditionem hanc velint uniuscujusque hominis pertinere, in qua cum nihil prius merentem, quia neque existentem, liberi arbitrii, & rationalis gratia creatoris instituat, ut per discretionem boni, & mali, & ad cognitionem Dei, & ad observationem mandatorum ejus suam possit dirigere voluntatem.* Ex quibus verbis aperte constat, Semipelagianos cogitationem naturalem discernendi bonum, & malum, quæ cum effectū dirigat voluntatem ad bene operandum, sub gratia creationis comprehendisse. Idemque sumitur evidentiis ex eodem Prospero capit. 28. contr. ubi contra Cassianum sic inquit: *Denique ut videretur aliquid gratiæ tribuisse, ad perfectionis, ait, incrementum semina hæc pervenire non*

Progreditur 2. probatio quoad Pelagium.

Progreditur 2. quoad Semipelagianos.

poterunt, nisi opitulatione Dei fuerint excitata, ut scilicet, opitulatio Dei sit cohortatio, atque doctrina, mens autem, quæ virtutum est opulenta seminibus utatur facultate, quam possidet: ad hoc tantum iuvanda, ut earum virtutum apprehendat culmina, quarum sibi scit inesse principia. Præterea Hilarius Epistol. ad August. de Semipelagianis refert, posuisse in bona voluntate naturali initium salutis ante gratiam, additque, eodem etiam dixisse, prædicari Evangelium his gentibus potius, quam aliis, quia prævidit Deus, qui essent credituri. Ex quibus colligimus, posuisse Semipelagianos cogitationem naturalem congruam ad obtinendum bonum affectum, & illius occasionem a Deo esse prævisam cum præscientia congruitatis, seu effectus futuri, & illam fuisse sufficientem ad aliquod meritum, quod non excluderet rationem gratiæ. Unde verisimile est, etiam illam cogitationem inter gratias computasse.

Probatur
8.

5. Tertio declaratur idem ex alia communi Patrum doctrina: nam cogitatio illa quantumvis honesta, quæ ita est naturalis, ut per solas causas naturales, seu per objecta ordinario cursu naturæ sensibus occurrentia, & per naturale lumen intellectus comparari potest, profecto non excedit rationem legis aut doctrinæ; ergo non est illa gratia divinæ illuminationis, & inspirationis, quam Sancti ad bene vivendum requirunt. Consequentia evidens est, quia Patres postulant ad bene vivendum talem gratiam, quæ aliquid sit ultra doctrinam, & legem, & det vires ad legem implendam, & ad amandum quod per doctrinam cognoverimus. Antecedens autem probatur primo, quia in cognitione, quæ per solam inventionem acquiritur, creaturæ, aliqua objecta extrinseca, a quibus, mediis speciebus sensibilibus, intellectus doctrinam accipit, habet locum præceptoris docentis scientiam, vel prædicationem Dei proponentis, juxta illud Psalm. *Cæli enarrant gloriam Dei, &c. & non sunt loquelæ, neque sermones, quorum non audiantur voces eorum, & posita: Lex Domini immaculata convertens animas, &c.* Quod de lege naturali, quæ per creaturas cognosci potest, optime intelligitur, & hoc confirmat illud Pauli ad Roman. 1. *Revelabitur ira Dei super omnem impietatem, & injustitiam eorum, qui veritatem Dei in injustitia detinent, quia quod notum est Dei, manifestum est in illis Deus enim illis manifestavit, utique docendo illos veritatem per creaturas.* Nam ut subdit, *Invisibilia ipsius per ea, quæ facta sunt, intellecta conspiciuntur, & infra: Ita ut sint inexcusabiles.* Quatenus ergo intellectum instruunt, ad doctrinam pertinent, quatenus vero inexcusabiles reddunt eos, *Qui cum cognovissent Deum non sicut Deum glorificaverunt, legem profecto ostendunt.*

Probatur
4.

6. Atque hoc recte declarant Augustini verba libr. 10. Confessionum cap. 6. dicentis, *Cælum, & terra, & omnia, quæ in eis sunt, ecce undique mihi dicunt, ut te aſsem, nec cessant dicere omnibus, ut sint inexcusabiles. Alius tamen tu misereberis, cui misertus eris, & misericordiam præstabis, cui misericors fueris. Alioquin cælum, & terra surdis loquuntur laudes tuas.* Ergo tota illa cogitatio, seu inventio per creaturas ad doctrinam tantum, & legem spectat. Idem ergo est de omni alia cogitatione boni honesti ex objectis occurrentibus vi naturalis luminis desumpta: nam ex parte objectorum excitantium intellectum tantum pertinet ad doctrinam, & legem: unde quantumvis illa cogitatio futura sit congrua, non est a Deo ut adjuvante naturam ad bene operandum, neque ut subministrantes vires volenti, sed ut a docente hominem per creaturas, & per eandem legem naturalem promulgante, vel applicante; ergo illa cogitatio non habet rationem veræ gratiæ, quam Scripturæ, & Sancti docent, sed palliatæ gratiæ, quam Pelagius prædicabat, vel certe quando illa cogitatio congrua existit, potius dici potest doctrina, vel lex congruo tempore lata, seu applicata, quam gratia, congrua.

Probatur
4.

7. Quarto probatur, quia hæc cogitatio honesta moraliter sæpissime, seu a pluribus acquiritur, vel excitatur, non per inventionem, sed per disciplinam humanam, docente, vel exhortante alio homine, & cum tali cogitatione sæpe contingit, hominem ab alio

edoctum, vel excitatum operari aliquod bonum morale per liberum arbitrium, ac proinde esse congruam sine alio interiori spiritu gratiæ, sed tunc talis cogitatio tantum habet rationem doctrinæ, seu disciplinæ, aut exhortationis humanæ; ergo non est vera gratia Christiana, de qua Patres loquuntur. Major est clara ex dictis in capitibus præcedentibus; tum quia illa cogitatio de se est sufficiens ad actum naturalem, qui per se tantum pendet a libero arbitrio, & ideo moraliter necessarium est, ut ex multis, & pene infinitis hominibus habentibus talem cogitationem, aliqui consentiant illi pro libertate sua, saltem aliquando, & in rebus facilioribus; tum etiam, quia cogitatio illa per disciplinam acquisita ejusdem rationis, & virtutis est cum simili cogitatione per propriam inventionem comparata: ergo æque potest esse congrua, nam æque potest voluntas libera illi consentire. Unde cum frequentius, & in pluribus hominibus talis cogitatio excitetur per doctrinam, & vocem humanam, etiam inter infideles, nam inter illos etiam filii a parentibus instruuntur, ipsos honorare, veritatem loqui, & similia, fit, ut hæc cogitatio congrua sæpissime per doctrinam humanam sufficienter excitetur. Et hinc sufficienter probatur subsumpta propositio: nam quidquid resultat in mente audientis ex vi solius vocis hominis instruientis, vel proponentis, aut consulentis alteri circa operationem virtutis, habet tantum rationem doctrinæ, aut legis propositæ, vel ad summum, humani cujusdam adjutorii moralis, ex quo aperte concluditur, ut sic non pertinere ad internam spiritus gratiam. Unde ulterius concluditur idem esse dicendum de cogitatione, quasi per inventionem excitata: nam in se ejusdem rationis sunt, & uterque modus acquirendi illam est naturalis, & humanus, & a divina providentia ordinatus, differentia vero inter illos valde accidentaria est ad rationem gratiæ.

8. Quinto hoc aperte confirmant verba Pauli 1. ad Corinth. 3. *Neque qui plantat, est aliquid, neque qui rigat, sed qui incrementum dat Deus.* Unde colligunt Patres, quidquid exterius fit per homines (& idem est de quibuscunque creaturis) ad cogitationem, vel operationem boni, solum esse plantare, & rigare, & ita non pertinere ad propriam internam gratiam, quæ dat vires operandi, nam illud incrementum dat solus Deus. Ergo moralis cogitatio naturalis, quantumvis congrua, quatenus est ab objectis extrinsecis, vel ab hominibus, tantum ab eis plantatur, vel rigatur: ergo ut sic non est gratia, sed doctrina, vel propositio legis. Quatenus autem interius fit a Deo, non fit per influxum gratiæ, sed per generalem concursum primæ causæ, in quo differt multum a sancta cogitatione, quæ pertinet ad proprium, & internum gratiæ auxilium: ergo etiam sub illa ratione talis cogitatio non est gratiæ inspiratio, sed est donum quoddam naturale. Neque vero etiam ut est congrua, est a Deo per specialem efficientiam gratuitam, quia illa congruitas non semper est aliquid speciale in ipsa cogitatione, sed est quasi actualis influxus in effectum bonæ actionis voluntatis, vel denominatio a tali influxu, qui etiam non fit a Deo, nisi per generalem concursum primæ causæ, & ideo nullo modo est speciale auxilium, licet sit speciale beneficium intra latitudinem beneficii creationis, ut supra explicatum est.

9. Sexto testimonium hoc, & omnes rationes factæ confirmantur valde verbis Augustini, & aliorum quinque Episcoporum in Epist. 95. ad Innocent. ubi sic urgent Pelagium: *Illam confiteatur apertissime gratiam, quam doctrina Christiana demonstrat, & prædicat esse propriam Christianorum, quæ non est natura, sed quæ salvatur natura, non auribus sonante doctrina, vel aliquo adjumento visibili, sicut plantatur quodammodo, & rigatur extrinsecus, sed sub ministratione spiritus, & occulta misericordia sicut facit ille, qui dat incrementum Deus.* Ubi ponderanda sunt illa verba, *non auribus sonante doctrina, vel aliquo adjumento visibili:* nam ibi comprehendit duos modos recipiendi per creaturas cogitationem sanctam, seu honestam, scilicet, per inventionem propriam, vel per disciplinam, de quibus in tertia, & quarta ratione diximus. Est autem sciendum, non repugnare, qui per doctrinam

Probatur
6.

nam extrinsecus, vel per aliquod visibile adjumentum vera interna gratia sanctæ cogitationis excitetur in nobis: nam potius hic est ordinarius modus internæ vocationis Dei per verbum Evangelicæ prædicationis, vel per exempla, aut alia sensibilia objecta ad pietatem moventia, utrumque enim modum attigit August. de bono persever. cap. 14. dicens, *habere aliquos in ipso ingenio divinum naturaliter munus intelligentiæ, quo moveantur ad fidem, si congrua suis mentibus vel audiant verba, vel signa conspiciant.* Utroque ergo modo potest divinitus immitti sancta cogitatio. Quod latius declarat Prosper contra Collat. c. 14. & 30. enarrans varios modos, quibus Deus trahit corda hominum per creaturas visibiles, vel per verbum prædicationis, aut lectionis, aut alios affectus; in his autem omnibus ait, *operari unum, & eundem spiritum sine cuius interna actione nihil exteriora objecta perficerent.* Igitur ex horum Patrum sententia nunquam erit vocatio, seu cogitatio gratiæ, si interior nihil operetur Deus, præter id, quod per solum naturale lumen intelligentiæ concipi, cogitari, & judicari ab homine potest cum solo generali influxu Dei: quia tunc extrinseca objecta, vel verba plantant, & rigant, incrementum autem dant virtus naturalis luminis, ut causa proxima principalis, & Deus ut causa prima, & creator, ac moderator naturæ. Et ideo dixerunt dicti Patres, gratiam, qua salvatur natura, debere fieri subministratione spiritus, & occulta misericordia, ut patet ex August. lib. 1. de Grat. Christi, cap. 24. & fere per totum: & lib. 1. de Vocat. Gen. cap. 2. & ad 5. cap. Gallorum, & cap. 13. & 14. contr. Collat. Cum ergo cogitatio illa naturalis, quantumvis congrua, fiat priori tantum modo sine alia occulta misericordia, vel ministratione spiritus, proculdubio non est ex vera gratia salvante, seu per se conferente ad æternam salutem, de qua loquuntur Patres, cum dicunt, ad singula bona opera gratiam spiritus esse necessariam.

Probat
7.

10. Septimo hoc confirmat Augustinus, frequenter docens, in vanum ædificare externum prædicatorem, nisi Deus interior ædificet singulari modo, & auxilio. Sic loquitur de omnibus operibus gratiæ, & de ipsa fide lib. de Prædest. Sancto, cap. 7. dicens. *Si ad ædificium pertinet fides, in vanum laborat prædicando ædificans fidem, nisi eam Dominus miserando intus ædificet.* Idemque a fortiori intelligit de quolibet bono opere, qui proficitur ex gratia, & ad ædificium salutis pertinet. Unde inferius c. 8. explicans vocationem congruam gratiæ per modum doctrinæ, inquit: *Valde remota a sensibus carnis est hac schola, in qua Pater auditur, & docet, ut veniatur ad Filium, & infra. Multos venire videmus ad Filium, quia multos videmus credere in Christum, sed ubi, aut quomodo a Patre audierint hoc, & didicerint, non videmus; nimirum gratia ista secreta est, & occulte humanis cordibus divina largitate tribuitur.* Profecto hæc, & similia nullo modo applicari possunt naturali cogitationi, quæ vi tantum externorum objectorum, aut signorum naturali virtute intellectus cum solo Dei generali concursu excitatur. Quoniam cogitatio illa, quam sensibilia objecta, vel voces excitant, non potest dici valde remota a sensibus, sed potius cum illis ex natura rei conjuncta, nec illam, vel per illam solam ædificat Deus speciali auxilio interno, sed solo generali concursu primæ causæ: nec denique dici potest gratia talis cogitationis alta, & secreta; aut ignotum esse, ubi aut quomodo Pater illam doceat, vel immittat, cum constet, per sola sensibilia objecta, & generali modo operando illam tribuere. Ergo cogitatio sancta, ad quam Augustinus disputatione de gratia, seu initium justificationis revocat, altioris rationis est, & peculiarem internam Dei operationem postulat præter externam doctrinam, & cogitationem, quæ ex vi illius cum solo generali concursu interioris resultat. Unde est illud Augustini lib. de Grat. Christi, cap. 13. *Hæc gratia, si doctrina dicenda est, certe sic dicatur, ut altius, & interior eam Deus cum ineffabili suavitate credatur infundere, non solum per eos, qui plantant, & rigant, sed etiam per se ipsum.* Ergo e contrario cogitatio, quæ fit per eos solum, qui plantant, & rigant exterius, neque altiori modo a Deo interior fit, quam concurrente cum naturali lumine intellectus generali modo, non potest dici gratia, sed mere naturalis doctrina, & in toto illo ca-

Suarez Tom. VI,

pire, & sequenti, imo fere in toto illo libro explicat veram gratiam per interiorē motionē Dei, quam exteriora objecta per se non possent efficere, ut per hoc detegat veritatem Pelagii.

11. Octavo ab inconvenienti ostendere possumus cogitationem illam congruam non esse veram Christi gratiam, de qua Patres loquuntur, quia alias sequeretur, posse hominem mereri de congruo fidem, vel primam gratiam internam, & supernaturalem per opus bonum morale factum ex illa cogitatione congrua naturali, quia si illa est vera gratia, jam est opus gratiæ, & consequenter potest fundare meritum alterius gratiæ. Posset quidem negari illatio, ut infra videbimus, tamen nunc ad hominem argumentamur. Nam id consequenter concedit Vasquez locis citatis. Consequens autem esse alienum a sententia Augustini, & vix posse a Semi-pelagianorum sententia re ipsa a nobis distingui, licet verbis differre videatur, infra disputando de auxiliis gratiæ ex professo tractandum est. Nunc vero declaratur ex verbis Pauli 1. ad Thessal. 2. *Gratia estis salvati per fidem (& hoc non ex vobis, donum enim Dei est) (utique ipsa fides) non ex operibus, ut ne quis gloriatur; ubi a fide distinguit opera, quæ a fide non procedunt, nam quæ procedunt a fide, jam non sunt ex nobis, cum fides sit Dei donum: ergo opera, quæ procedunt ex cogitatione honesta naturali, censet Paulus esse ex nobis, & non esse meritoria salutis, ne quis possit in se ipso gloriari; talia autem opera, si fiant, non possunt non esse ex cogitatione congrua; quia in eo ipso, quod habet effectum, est congrua: ergo (teste Paulo) non est gratia, nam si esset gratia, qui in illa gloriaretur, non in se, sed in Deo gloriaretur. Et simili ratione non potest fundare meritum gratiæ, alias haberet homo, unde in se gloriaretur, cum illud meritum non sit ex vera gratia, sed ex opere humano; & hic est sine dubio sensus Pauli, ut ipsum exposuit Augustinus de Prædest. Sancto, cap. 7.*

12. Potestque optime confirmari ex Conc. Arausico, cap. 16. dicente: *Nemo ex eo, quod videtur habere, gloriatur, tanquam non acceperit, aut ideo se putet accepisse, quia littera extrinsecus, vel ut legeretur, aperuit, vel ut audiretur, insonuit.* Cogitatio ergo, quæ naturaliter excitatur per extrinseca objecta, aut verba, non computatur a Concilio inter dona gratiæ accepta divinitus ultra naturam, sed inter ea, quæ homo habet a natura, & ideo si quis in tali cogitatione gloriatur, & in ea fundet meritum, non gloriatur in acceptis, nec recte dicit accepisse, utique per gratiam, quod non altiori modo habet; & quia illa cogitatio non excedit rationem legis, aut doctrinæ, ut supra dicebamus, ideo Concilium suam sententiam probat dicens: *Nam sicut Apostolus, ait, si per legem iustitia; ergo gratis Christus mortuus est. Et in eodem sensu addit in cap. 21. Sicut Paulus dixit, si ex lege iustitia, &c. Sic & his, qui gratiam, quam commendat, & præcipit fides Christi, putant esse naturam, verissime dicitur, si ex natura iustitia; ergo gratis Christus mortuus est; ubi nomine naturæ videtur intelligere naturalem legem, ut naturali ratione propositam, sicut enim distinguit naturam a lege, atque ita sub natura comprehendit, non solum substantiam, & potentiam, sed etiam actum, vel cogitationem naturalem, per quam lex naturæ proponitur, sive sufficiens tantum sit, sive etiam congrua, nam loquitur de natura ut includit observationem legis, quod non fit sine aliquo actu, seu effectu bonæ voluntatis, cui necessario correspondet cogitatio congrua. Hic vero occurrebat objectio, quia hinc sequitur ante fidem, vel voluntatem credendi, vel sanctam cogitationem supernaturalem, quod credere oporteat, nullam antecedere veram gratiam: unde ulterius sequitur, ante fidem nullum antecedere posse meritum, etiam imperfectum, & de congruo alicujus præmii supernaturalis. Sed hanc objectionem in prædictum locum de auxiliis reservamus. Nunc fatemur ante primam cogitationem supernaturalem, id est, quæ communi concursu naturæ haberi non possit, nullam esse gratiam supernaturalem, neque illius meritum; quæ autem, & qualis illa sit, ibi declarabimus.*

Confir-
matur ex
Concil.
Arausico.

CAPUT XVIII.

Destructo alterius sententiæ fundamento, veritas amplius confirmatur.

1. **U**ltimo confirmatur hæc nostræ sententiæ, & antiquorum Patrum esse ostenditur eisdem testimoniis, quæ in argumentis capite ante præcedenti factis in contrarium objiciebantur, quod in hunc modum propono, & declaro. Nam prima cogitatio sancta, quæ est prima gratia in toto ordine justificationis, & quæ non potest cadere sub aliquod meritum, quia est inchoatio, vel fundamentum totius meriti, est cogitatio fidei, vel generandæ, quia ad fidem introducendam, per se ordinatur, vel exercendæ, quia ab ipsa fide elicitur, ut contingit in homine baptizato, cum primum incipit de divinis rebus per fidem cogitare: & de hac prima cogitatione loquuntur Patres, quoties contra Semipelagianos ostendere volunt, initium justificationis, & fidei non posse cadere sub meritum; ergo non solum immerito allegantur, quod asserant, cogitationem naturalem honestam, quantumvis congruam esse gratiam inchoantem justificationem, verum potius contrarium ex illis testimoniis sufficienter ostenditur. Consequentia quoad priorem partem manifesta est, quia naturalis cogitatio, quantumvis honesta, & congrua, neque est cogitatio fidei, neque est supernaturalis, id est, quæ viribus naturæ elici non possit. Nam cogitatio honesta præcisa congruitate naturalis est, ut etiam author contrariæ sententiæ fatetur, & in cap. 2. hujus libri ostensum est. Congruitas autem non addit cogitationi entitatem aliquam, nec realem modum intrinsecum, ratione cujus requiratur supernaturales vires, ut eliciatur, ut in superioribus capitulis late ostensum est. Altera vero consequentis pars, etiam est evidens, quia non est duplex cogitatio prima, quæ sit vera gratia, & possit esse fundamentum meriti, nec possit cadere sub meritum, quia repugnantiam involvit. Si enim duplex esset talis cogitatio; neutra per se esset prima, sed ex accidenti contingeret nunc ab una incipere, & nunc ab altera; ergo quælibet illarum posset cadere sub meritum, quoties altera præcederet; ergo si aliqua est sancta cogitatio, quæ nunquam possit cadere sub meritum, illa est unica tantum, seu unius rationis, & omnis alia, quæ illam antecedit, non est cogitatio vere sancta, id est, inchoans veram sanctificationem, & justitiam apud Deum; & ita Patres citati semper loquuntur de hac cogitatione tanquam de una, & unico justificationis initio.

2. Superest, ut probemus minorem propositionem in principali argumento subsumptam, quam ostendo, discurrendo per testimonia in objectionibus allegata? Nam in primo citatur Augustinus libr. 2. contr. duas Epistol. Pelagian. cap. 8. ubi probare intendit, Deum non solum perficere, sed etiam incipere in nobis omne opus bonum ex Paulo ad Philippens. 1. & addit: *Loquimur enim nunc de boni cupiditate, quam si volunt a nobis incipere, a Domino perfici, videant, quid respondeant Apostolo dicenti. Non quia idonei sumus cogitare aliquid a nobis quasi ex nobis, sed sufficientia nostra ex Deo est* 2. ad Corinth. 3. ubi duo ponderanda sunt, unum est quid Augustinus intelligebat per boni cupiditatem quod ipse statim cap. 9. declarat, dicens: *Quid est enim boni cupiditas, nisi charitas, de qua sine ambiguitate Joannes Apostolus loquitur, dicens, Charitas ex Deo est.* Qui locus evidenter intelligitur de charitate infusa; de hac ergo loquitur Augustinus, & de cogitatione, quæ possit esse initium ejus, quæ non est, nisi cogitatio supernaturalis, & fidei. Alterum ponderandum, est testimonium Pauli, quo Augustinus suam sententiam confirmat: *Non sumus sufficientes cogitare aliquid ex nobis, &c.* Nam hæc eadem verba aliis locis Augustinus explicat de cogitatione supernaturali, & fidei, præsertim libr. de Prædestin. Sanctor. cap. 2. dicens: *Quod ergo pertinet ad religionem, atque pietatem, de qua loquebatur Apostolus (utique in citato loco, quem proxime allegaverat) Si non sumus sufficientes credere aliquid, quasi ex nobismetipsis,*

quod sine cogitatione non possumus, sed sufficientia nostra, qua credere incipiamus, ex Deo est. Per pietatem autem, & religionem aperte intelligit Augustinus Religionem Christianam, quæ in fide fundatur, de qua etiam, & de cogitatione, per quam fides inchoatur, in verbis proxime præcedentibus loquutus fuerat, & vocaverat: *Gratiam, quæ non datur secundum aliqua merita, sed efficit omnia bona merita, & exemplo conversionis Pauli illam declaravit.*

3. Et eodem modo exponit idem testimonium libr. de Bono persever. cap. 8. ubi ait, a Deo habere homines potestatem, ut fiant filii Dei; *Ab ipso quippe accipiunt eam, (utique potestatem) qui dat cordi humano cogitationes pias, per quas habeat fidem, quæ operetur per dilectionem, ubi clare loquitur de his cogitationibus interius in corde infusis, & ad fidem pertinentibus, & adjungit: Ad quod bonum sumendum, & tenendum, & in eo perseveranter usque in finem proficiendum non sumus idonei cogitare aliquid quasi ex nobismetipsis, sed sufficientia nostra ex Deo est, incujus est potestate cor nostrum, & cogitationes nostre.* Et similiter dicto libr. de Grat. & libr. arbit. cap. 7. exponit eundem locum de cogitatione, quæ est fundamentum meriti supernaturalis, quod semper reducit ad fidem, vel sanctam fidei cogitationem, quod etiam in toto illo libro præcipue intendit, ut ex cap. 5. & sequentibus facile intelligi potest. Et eodem modo intellexerunt verba illa Prosper libr. 1. de Vocat. gent. cap. 24. dicens: *Item idem (scilicet Apostolus) in 2. ad Corinth. dicit, quod nec ad cogitandum quidem, quod spirituale est, idonei sumus, nisi per gratiam Dei, & Fulgentius libr. de Incarnat. & Grat. cap. 17. nam cum dixisset, Deum justificare impium, & infidelem, gratia suæ bonæ voluntatis fidem, quæ per dilectionem operatur, inspirando, subdit: Vide quod ad bene cogitandi attinet facultatem testatur Apostolus, quia non sumus sufficientes cogitare aliquid a nobis quasi ex nobis, &c. ut alios expositores in eundem locum omittam.*

4. Præterea in libr. 2. de Peccat. merit. cap. 17. etiam loquitur Augustinus de divina gratia adjuvante, sine qua homo facere non potest, quod justum est, opus autem justum intelligit, quod ex charitate Dei fit. Unde etiam tractat de gratia Dei, qua homo potest vivere sine peccato, quæ certe non est naturalis cogitatio congrua, sed specialis excitatio, & directio Dei, per quam dirigit gressus hominis, & hanc dicit esse medicinam, quæ cælitus venit, & gratiam claram, & in Christo manifestam; cum ergo addit, per hanc gratiam manifestari bonum, quod latebat, & suave fieri, quod non delectabat, loquitur de bono sanctitatis, & justitiæ coram Deo, & de suavitatis, quam efficit charitas, ab subinde de manifestatione per sanctam cogitationem divinitus infusam, & ad fidem pertinentem. De qua evidentius loquitur in dicta quæst. 2. ad Simplicianum, cum ibi expresse declararet, loqui de cogitatione, quæ voluntas hominis moveatur ad fidem. Præterquam quod in tota illa quæstione, præcipue agit de gratuita Dei electione, & vocatione, & de initio fidei ante omne meritum, & ipse etiam affirmat libr. de Prædestin. Sanctor. cap. 4. unde etiam in eadem quæstione ostendit, nullum posse esse meritum ante sanctam cogitationem ad fidem inducentem: de hac ergo loquitur in ea quæstione, quoties de prima sancta cogitatione loquitur, & de illa dicit, quod gratia Dei inspiratur, & quod per eam ad Deum proficimus, quibus modis solet ab Augustin. vera, & interna gratia supernaturaliter indita declarari.

5. Atque eodem modo exponendæ sunt aliæ loquutiones, quibus absolute dicitur omnis cogitatio a Deo proficisci. Quanquam si sermo sit ita generalis, ut est in verbis Gennadii, possit recte intelligi cum partitione accommodata, nam omnis quidem cogitatio bona a Deo est, tamen ea, quæ naturali tantum est, procedit a Deo ut authore naturæ per generalem concursum, & providentiam, quæ autem est vera gratia, altiori modo, & magis liberali a Deo existit, & ad altiorem sanctitatem ex se ordinatur, & ideo simpliciter divina, & sancta vocatur. Quo modo interduam D. Thomas explicat Scripturam dicentem, hominem nihil boni posse facere sine Deo, sub eadem distinctione.

Loci in c.
16. contra
nos non
militant.

Prædictus
locus ab
ipso etiam
Augustino
exponitur.

Speciatim
jam expedietur
locus Augustini
adductus in
num. 1.

Expeditur
dein de locus
altere just.
dem Augustini
adductus
in num. 3.

Pondera-
tio 2.

Expeditur
adductus
in num. 4.

distinctione, ut si bonum sit naturale, non fiat sine Deo generaliter concurrente, si vero sit altius bonum, fiat sine Deo per gratiam operante, ut latius capit. sequenti videbimus. Ordinarie vero loquuntur Patres de cogitatione data homini a Deo ultra communem concursum naturæ, & de illa loquitur aperte Augustinus in citato sermon. 171. ut patet ex verbis antecedentibus, & ex proprietate illorum verborum, *Quid quid boni cogitaverit homo subito corde percussus*, utique per internam inspirationem ab Spiritu Sancto infusam.

6. Et de hac etiam loquitur manifeste Fulgentius, ut patet, quia loquitur de sancta cogitatione, qua per fidem incipimus liberari a peccato, vel ad illius remissionem obtinendam disponi. Et hoc modo ait in cap. 12. *Per gratuitam gratiam Christi datum esse humano generi, ut etiam cogitationis sanctæ, amissa pridem in homine primo per hominem secundum reciperetur facultas*. Hæc autem facultas non est naturale lumen intellectus, neque objectum extrinsecum occurrens, nam quod possit honestam cogitationem excitare, nam hæc non fuerunt amissa per peccatum: est ergo fides, vel quoad habitum, vel quoad auxilium, quod illam in nobis inchoat. Denique eodem sensu loquitur Prosper, nam illa cognitio, vel scientia, de qua Prosper & alia testimonia ibi citata loquuntur, & per Christum dari dicunt, non est cognitio mere naturalis, sed divinitus infusa, quæ est fidei, vel quæ dat fidei initium, ut aperte sumitur ex Prospero contra Collator. cap. 29. & Fulgentio lib. de Incarnat. & Grat. cap. 26 & 27. in principio.

7. Et hinc etiam constat, cætera testimonia, quæ in ultima objectione proponebantur, recte intelligi de hac eadem cogitatione ad fidem pertinente, nam illa maxime per Christum datur. Non nego tamen, quamcumque bonam cogitationem etiam naturalem dari propter merita Christi, si aliquo modo ad vitam æternam conducatur, sive per se, sive per acciden-removendo prohibens, seu impediendo peccatum, quia talis cogitatio in prædestinatis est effectus prædestinationis, in reprobis vero potest esse effectus generalis providentiæ supernaturalis, & ideo etiam est effectus prædestinationis Christi, juxta ea, quæ dixi 1. part. lib. 3. de Prædestin. & 1. tom. 3. part. disput. 41. Neque inde sequitur, talem cogitationem esse proprium auxilium gratiæ, quia Christus Dominus non solum meruit nobis propria dona naturæ prout ad spiritualem salutem conferre quoquo modo possunt, ut eisdem locis tractavi,

CAPUT XIX.

Proponitur universalis obiectio ex Patribus afferentibus nullum opus bonum posse fieri sine gratia.

1. **H**Actenus nostram sententiam stabilivimus, & per cæteras sententias discurrendo, quasi a sufficienti partium enumeratione ejusdem probationem hunc fere in modum conclusimus: Ad singula opera bona moralia ordinis naturalis, non est necessaria gratia, quæ sit peculiaris motio, vel determinans voluntatem, vel dans illi physicas vires necessarias ad talem actum, vel quæ sit perfectior, aut excellentior cogitatio, quam per lumen naturale intellectus mediis sensibus per communem cursum causarum, & objectorum naturalium possit congrua cum generali concursu, neque est cogitatio congrua, quæ ratione solius congruitatis sit vera gratia supernaturalis, aut verum auxilium gratiæ; ergo nulla gratia vera est simpliciter necessaria ad quemlibet hujusmodi actum. Et procedendo in hoc discursu, ad propria fundamenta singularum opinionum responsum est. Nunc ad alia, quæ omnibus opinionibus communia sunt, superest respondendum. Et in hoc capite duplicis generis testimonia afferemus, eisque capite vigesimo, & vigesimo primo satisfaciemus, tum in 23. rationes expendemus.

2. Primo ergo afferri solent testimonia Scripturarum, Conciliorum definitiones, & sanctorum Patrum.

Ex Scriptura vero afferuntur vulgaria loca, in quibus dicitur, nihil nos posse sine gratia, ut Joann. 15. *Sine me nihil potestis facere*, & ad Philip. 1. *Confidens hoc ipsum, quoniam qui cepit in vobis opus bonum, ipse perficiet*, & cap. 2. *Deus est, qui operatur in vobis velle, & perficere*. Ad Ephes. 2. *Creati in operibus bonis*. Jacob. 1. *Omne datum optimum, & omne donum perfectum de sursum est*. Omnis autem actus undique studiosus inter hæc bona computatur. Definitiones autem Conciliorum præcipue sunt Concilii Arausiaci dicentis cap. 9. *Divini est muneris cum & recte cogitamus, & pedes nostros a falsitate, & injustitia tenemus*. Quoties enim bona agimus, Deus in nobis, atque nobiscum, ut operemur, operatur. Et cap. 18. *Debetur merces bonis operibus si fiant, sed gratia præcedit, ut fiant*. Et 20. *Multa in homine bona sunt, quæ non facit homo, nulla vero facit homo bona, quæ non Deus præstet, ut faciat homo*. Et cap. 25. *Hoc salubriter confitemur, & credimus, quod in omni opere bono nos non incipimus*. Huc etiam spectat, quod dixit Innocent. Epistol. 26. ad Concilium Carthag. *Voluntati liberæ non nisi adiutorium Dei esse necessarium, eamque nihil posse cælestibus præfidiis destitutam*. Et Cælestin. Epistol. 1. ad Episcop. Galliarum cap. 7. *Sine cælesti auxilio nihil boni nos posse*, ait, & quod nemo nisi per gratiam libero bene utatur arbitrio, quod refertur ex Innoc. supra, & alia ex Zosimo, & Concilio Africano in cap. 8.

3. Quæ sententiæ, & similes frequentissime sunt apud Augustinum; imo ab eo sumptæ sunt, ut videre licet lib. 2. contra duas Epistol. Pelag. cap. 8. de Spirit. & Liter. cap. 28. Epistol. 106. ubi adeo necessariam dicit esse gratiam ad singula opera, ut propterea dixerit Paulus: *Non ego, sed gratia Dei mecum, quia nihil boni ageret, si gratia eum non juvaret*. Et Epistol. 107. circa med. & circa finem ait, gratiam non tollere liberum arbitrium, sed potius per eam, ad bona eligenda fieri liberum, Unde serm. 13. de verbis Apostoli, *Adiutorium*, ait, *Spiritus Sancti prorsus si defuerit, nihil boni agere poteris*. Similia multa habet lib. 4. contr. Julian, cap. 3. ubi inter alia docet, ante gratiam nihil boni in homine reperiri. Et quod gravius est, lib. de Hæres. cap. 28. & in lib. de Gestis Concilii Palæstini contra Pelagian. sæpe, & præsertim in ultimo capite, & in Epistol. 106. & 107. & aliis locis maxime probat resolutionem Orientalium Patrum, qua damnant negantes, gratiam Dei ad singula opera esse necessariam. Cui resolutioni concordat Hieron. lib. contr. Pelag. versus finem, contra Pelagium dicens: *Qua sententiæ temeritate auferens omne Dei præsidium, dum gratiam ejus non ad singulare refert opera, sed ad conditionis, ac legis, & liberi arbitrii potestatem*. Multaque habet similia in Epistol. ad Ctesiphontem. Et his etiam consenserunt alii Patres, horum vestigia sequuti.

4. Et in primis Prosper Epistol. ad Ruffin. ait, liberum arbitrium hominis non renati, id est, nondum per gratiam sanatum, sibi permissum non nisi in suam perniciem moveri. Et ad 3. objectionem Gallor. ait: *Sicut bona opera ad inspiratorem eorum Deum, ita mala ad eos sunt referenda, qui peccant*: Et lib. contr. Collator. hoc præsertim conatur ostendere, initium omnis bonæ voluntatis esse ex Deo. Unde in cap. 3. sentit, non posse hominem bonum aliquid facere: *Nisi prius per divinam illuminationem bonorum conatum acceperit facultatem*; & in c. 19. *In natura humana post peccatum, ait, quid remansit, nisi quod ad temporalem pertinet vitam, quæ tota est damnationis, & pænæ*. Unde in cap. 22. addit: *Nihil boni operis ex mortuis, nihil justitiæ procedit ex impiis, tota ipsorum salus gratia est*. Ideoque contra Cassianum subiungit. *Quid iste impiam infidelium libertatem naturalibus instruit bonis, & propriis vult justificare principis*? Quibus verbis tacite infert Prosper, si aliquid bonum opus fieri potest sine gratia, justificationem fieri, vel inchoari propriis naturæ principis, & addit. *Quasi nullus sit bonæ voluntatis motus, nisi quem creaverit diffuse per Spiritum S. charitatis afflatus*; & cap. 28. reprehendit dicentes, sine ullo opere gratiæ naturaliter omni animæ semina inesse virtutum, quia de istis seminibus volunt ostendere quedam germina præcedentium Dei gratiam pullulare meritorem. Si autem virtutum semina naturaliter non in-

1. Genus testimoniorum pro adversariis; probationum quodvis opus morale fieri non posse absque gratia speciali. Ex script. Ex Conc. Arausiac. & summis Pontific.

Ex Aug.

Et Hier.

Ex Prosp.

Collectio ratiocinationis quod ad singula opera moralia non requiratur gratia

sunt homini, profecto neque aliquod opus potest a sola natura proficisci.

Ex Fulg.

5. In eandem sententiam Fulgentius de Incarnat. & Grat. cap. 16. *Quomodo* (inquit) *de possibilitate solius liberi arbitrii* (si non præveniat a gratia Dei) quantumcumque sibi bonæ voluntatis exordium repromittit? Et capit. 19. *Liberum arbitrium*, dicit, quamdiu per gratiam non liberatur, captivum esse, & servum peccati, & subinfert: *Quamdiu est peccati servus, non nisi ad serviendum peccato reperitur idoneus*; & infra addit: *Nemo potest habere bonam voluntatem motu proprio, nisi mens ipsa, id est, interior homo noster renovetur ac reformetur ex Deo*. Idem sentit Petrus Diacon. de Incarnat. & Grat. cap. 6. dicens: *Sine gratia posse hominem cogitare, & velle humana, non tamen divina*, & infra addit: *Fidem esse omnium bonorum fundamentum, & originem*, & cap. 8. ait: *In bonis quibusque voluntatis humane singulis motibus magis illius valere non dubitemus auxilium*. Idem Paul. Orosi. in dialog. de liber. art. 6. Adde Cyrillum Alexand. lib. 9. in Joannem cap. 45. dicentem: *Impossibile est quicquam boni a nobis peragi, nisi gratia Spiritus muniti*.

Ex Ansel.

6. Anselmus etiam lib. de Concord. part. 3. colum. 4. dicit: *Cum omnia subiaceant dispositioni Dei, quid quid contingit homini, quod adjuvat liberum arbitrium, ad accipiendum, vel servandum hanc, de qua loquimur, rectitudinem, sua gratia imputandum est*. Et in fine illius partis ait, voluntatem hominis per Adæ peccatum ita defecisse affectionem justitiæ, & captivam factam esse affectionis proprii commodi, ut nihil possit ex se velle, nisi ex illa affectione, ac proinde non possit opus aliquod honestum sine gratia facere, nam ad opus honestum necessarium est velle rectitudinem propter se ipsam, quod non potest talis voluntas sine gratia. In eandem sententiam subscitibit Bernard. lib. de Grat. & liber. arbitrii. ubi cum dixisset, *Velle inest nobis ex libero arbitrio*, adjungit, *non dico velle bonum, aut velle malum, sed tantum velle: velle enim bonum profectus est, velle malum defectus, velle vero simpliciter ipsum est, quod vel proficit, vel deficit*. Porro ipsum ut esset, creans gratia fecit, ut proficiat, salvans gratia facit, ut deficiat, ipsum se dejicit. Itaque liberum arbitrium nos facit volentes, gratia benivolos. Ex ipso nobis est velle, ex ipsa bonum velle. Quod latius prosequitur, & iterum concludit. *A Deo igitur velle, quomodo & timere, quomodo & amare accepimus in conditione natura, ut essemus aliqua creatura. Velle autem bonum, quomodo & timere Deum, & amare Deum accepimus in visitatione gratiæ, ut simus Dei creatura*. Et in ferm. 1. de Annunciat. *Neesse est* (ait) *primum omnium credere, quod remissionem peccatorum habere non possis, nisi per indulgentiam Dei, deinde quod nihil prorsus habere possis operis boni, nisi & hoc dederit ipse*; & infra: *De operibus bonis certum omnino est, quod nemo hac habeat a se ipso*. Et affert difficilem probationem, quam statim proponam. Denique Joannes Maxentius in prima Fidei Catholica professione in fine sic inquit: *Liberum arbitrium naturale ad nihil aliud valere credimus, nisi ad discernenda tantum, & desideranda carnalia, seu secularia, que non apud Deum, sed apud homines possunt fortassis videri gloriosa. Ad ea vero, que ad vitam æternam pertinent, nec cogitare, nec velle, nec desiderare, nec perficere posse, nisi per infusionem, & inoperationem intrinsecus Spiritus Sancti*. Et ideo in responsione ad Hormisdam Papam impugnans Semipelagianos, præcipue Faustum, sentit ante fidem non posse in nobis præcedere aliquod bonum opus, quod sit a natura. His addi potest Isidorus lib. de differentiis spiritualibus cap. 27. ubi etiam dicit, initium boni operis semper esse ex gratia. Idem latius lib. 2. sententiarum cap. 5.

2. Genus
scilicet
pro
sistens ad
versarius
proban-
dum per
vires ar-
bitrii non
nisi pec-
catum
fieri.

7. Ultimo ne aliquis has Patrum sententias ad aliquod speciale genus boni limitare velit, ut hoc modo non omne opus bonum morale sub illis concludatur, addimus alias, in quibus expresse Patres excludunt omne opus morale ab illo genere operum, quæ a solo libero arbitrio sine gratia fieri possunt. Affirmant enim nihil nisi peccatum ab arbitrio humano suis viribus relicto fieri posse; ergo excludunt omne opus bonum, cujuscumque ordinis, vel generis sit. Consequentia

evidens est, quia nullum opus potest esse peccatum, & esse opus bonum cujuscumque generis, vel ordinis. Nam bonum ex integra causa, & malum ex quocumque defectu: ergo si omne opus solis viribus arbitrii factum est peccatum, nullum opus bonum cujusvis ordinis ab eo factum solis viribus sine auxilio gratiæ, potest esse bonum. Ergo et converso ad quodcumque bonum opus efficiendum indiget auxilio gratiæ.

Ex Conc.
Arausie.

8. Probatum ergo antecedens, primo ex Concilio Arausie. cap. 22. dicente: *Nemo habet de suo, nisi mendacium, & peccatum*. Etque sententia 323. apud Prosperum in libr. Sententiarum Augustini, & desumpta creditur, vel ex tract. 5. in Joan. ubi Augustinus ait: *Tunc ea, que dicimus, & nobis, & vobis utilia sunt, quando ab ipso Domino sunt. Quæ autem ab homine sunt, mendacia sunt. Sicut ipse Dominus dixit. Qui loquitur mendacium, de suo loquitur; nemo habet de suo, nisi mendacium, & peccatum. Si quid autem homo habet veritatis, atque justitiæ, ab illo fonte est, ad quem debemus stare in hac eremo*. Vel ex prologo librorum de Doctrina Christiana. in fine, ubi ait: *Nemo debet aliquid habere, quasi suum proprium, nisi forte mendacium: nam esse verum ab illo est, qui ait, Ego veritas*. Sic etiam dixit idem Augustinus in expositione Psalmi 142. in principio. *Rectus eris, quando quod male feceris, tibi, quod bene feceris, Deo imputaveris*; & infra. *Ad me enim cum respicio, nihil aliud mecum, quam peccatum invenio*. Idem sermon. 23. de Verbis Apost. cap. 10. *Nisi illerogat, cadis, nisi ille regat, jaces*, & cap. 11. agens de adjutorio Dei, ait, *Prorsus si defuerit, nihil boni agere poteris. Agis quidem illo non adjuvante libera voluntate, sed male. Ad hoc idonea est voluntas tua, que vocatur libera, & male agendo fit damnabilis ancilla. Cum dico tibi, sine adjutorio Dei nihil agis, nihil boni dico, nam ad male agendum habes sine adjutorio Dei liberam voluntatem*, & Epistol. 89. quæst. 2. *Valeat liberum arbitrium ad opera bona, si divinitus adjuvetur. Desertum vero divino adjutorio qualibet scientia legis excellat, nullo modo habebit justitiæ soliditatem, sed inflationem impie superbiæ*. Et Epistol. 106. improbat Pelagium eo quod diceret potestatem voluntatis aliquantum ad non peccandum valere. *Quod si ita est* (inquit) *nullus locus adjutorio gratiæ reservatur, sine qua nos dicimus ad non peccandum nihil voluntatis arbitrium valere*. Denique lib. 2. de Peccat. mer. & remiss. cap. 18. tradens adæquatam divisionem voluntatis in bonam, & malam, dicit bonam semper esse Deo tribuendam, & solam malam propriæ libertati.

Ex eodem
Prospero.

9. Eodem modo hanc rem explicarunt Prosper dicta sentent. 323. & Epistol. ad Ruffin. circa medium. *Multa laudabilia, atque miranda possunt in homine reperiri, quæ sine charitatis medullis habent quidem pietatis similitudinem, sed non habent veritatem*. Et in fine agens de libero arbitrio impiorum: *Quod, inquit, cum solum esset, sibi que permixtum, non nisi in suam perniciem movebatur, ipsum enim se excœcaverat, & ipsum se illuminare non poterat. Nunc autem* (id est, post justificationem) *idem arbitrium conversum est, & non eversum, datumque est ei aliter sapere, aliter agere*, &c. Et ad 3. objectionem Gallorum tantum duo genera operum distinguit bonorum, & malorum, & bona ad inspiratorem eorum Deum, mala ad eos, qui peccant, dicit, esse referenda. Similiter Fulgentius dicto libr. de Incarnat. & Grat. cap. 19. *Homo quamdiu est peccati servus, non nisi ad serviendum peccato reperitur idoneus*. Et similiter Bernard. dicto ferm. 1. de Annunciat. *Certum est*, ait, *ad suam originem universa quantum in eis est, tendere, & in eam semper partem esse procliviora, sic & nos, qui de nihilo creati sumus, constat, quia si nobis ipsis relinqueretur, in peccatum semper (quod nihil est) declinamus*.

10. Simili modo Anselmus dicto libr. de Concordia in 3. ejus part. circa finem, voluntatem, dixit, sibi relictam semper operari ex affectu commodi potius, quam ex affectu justitiæ. Et quamvis ibi dicat, affectionem commodi non esse semper malam, intelligit quidem ex specie sua esse indifferentem. Et ita in individuo, si non operetur aliquo modo ex affectu justitiæ, saltem ut imperante, vel ordinante affectum commo-

di,

di, semper erit mala, quia juxta veriore sententiam non datur opus perfecte humanum, & liberum indifferens in individuo, & præsertim secundum partitionem Augustini dicto libr. de Peccator. merit. cap. 18. Unde etiam Maxentius supra, libero arbitrio sibi permissa sola opera carnalia tribuit, quibus solum opponit opera, quæ ad vitam æternam pertinent, id est, quæ a gratia fiunt, sentiens illa sola esse bona, nam certe carnalia, & sæcularia opera non sunt bona. Præterea D. Gregor. lib. 22. moral. cap. 10. alias 5. in fine de sanctis viris sic loquitur: *Quidquid mali sibi inesse cogitant, de mortali propagine sentiunt meritum, quidquid vero in se boni inspicunt, immortalis gratiæ agnoscunt donum*, &c. Nec inter hæc duo medium constituit. Richard. autem Victor. tract. 1. de statu interioris hominis p. 1. c. 33. tria genera operum distinguere videtur, scilicet, bonum, quod est ad meritum, & malum, quod est ad reatum, & aliud, quod neque est ad meritum, neque ad reatum, quod ipse vocat commodum, & posset etiam vocari indifferens. Et ita non videtur agnovisse bona opera moralia, quæ solo arbitrio fieri possint, nam ea, quæ sunt ad meritum, expresse dicit, non posse fieri sine gratia.

C A P U T XX.

Patrum testimonia, quæ omnia bona opera gratiæ tribuunt, exponuntur.

1. **U**T vero apertissime constet, hæc omnia testimonia nihil nostræ, vel potius communi, & antiquæ sententiæ officere, præ oculis habendum est, illa omnia dicta esse contra Pelagium ut ex dictis in proleg. 6. circa Conciliorum, & Patrum testimonia, constat: & ex sequentibus fiet etiam manifestum. Ostensum autem a nobis est sententiam Theologorum, quod aliquod bonum opus morale fieri possit viribus liberi arbitrii sine gratia, nihil commercii habere cum errore Pelagii. Imo etiam monstravimus, id fuisse a Pio V. & Gregorio XIII. virtute declaratum, dum enim propositiones Baji 23. 36. & alias, in quibus notam illam illi sententiæ inurere tentavit, omnino reprobant, atque damnant; satis clare significarunt neque sententiam, quam defendimus, ad Pelagium pertinere: neque sanctorum Patrum mentem fuisse aliquid contra eam docere. Et magna quidem ratio; nam cum post illas Patrum sententias, ac definitiones ab Scholasticis Doctoribus, sanctitate, & sapientia insignibus, sententia illa communi fere consensu recepta, & tot sæculis ab Ecclesia non solum tolerata, sed etiam longe probabilius existimata fuerit, verisimile non est, aut ad Pelagium accedere, aut a Patribus discordare. Hæc enim duo in hac materia conjunctissima sunt: & ideo qui putant illa testimonia nostræ sententiæ esse contraria, consequenter putant, nostram sententiam Pelagii errorem involvere, quod Pontifices saltem ut scandalosum, & temerarium damnant. Et e converso, quam certum est, nostram sententiam esse omnino tutam, & ab illo errore liberam, tam est certum illa testimonia frustra contra eam coacervari.

2. Ad priorem ergo partem testimoniorum paucis quidem verbis respondet D. Thomas qu. 24. de Verit. articul. 14. ad argumenta secundo loco proposita, dicens: *Adeæ, quæ sunt in contrarium, patet solutio, quia vel procedunt de bono meritorio, vel ostendunt, quod sine operatione Dei homo bonum facere potest*. Quæ verba duas responsiones continent, vel unam bimembrem; nam testimonia illa vel loquuntur de opere bono generaliter, & sine ulla determinatione, seu limitatione, & sic non possunt omnia intelligi de gratia proprie dicta, nec de Deo autore gratiæ, sed abstracte etiam, & generatim: quia omne opus bonum in Deum tanquam in principalem autorem, provisorum, & cooperatorem refundi debet, sed non omne opus bonum eodem modo. Nam si bonum opus sit pure, ac præcise ordinis naturalis, est a Deo ut autore naturæ, & ab ejus gratuita providentia, & influentia, & ita est a gratia generatim, seu large dicta, hoc est (ut Sancti loquuntur) a gratia condente, non

a gratia salvante. Si vero opus bonum sit altioris ordinis, seu attingat aliquo modo finem supernaturalem, vel ab ipsomet operante ad illum ordinetur, tunc non fit sine proprio auxilio gratiæ salvantis, proceditque a Deo, ut autore principali gratiæ, & a Christo ut redemptore, vel justificatore.

3. Quæ doctrina verissima est, quam aliis etiam locis insinuavit D. Thomas, ut Joann. 15. lect. 1. & 1. 2. quæstione 109. articulo 1. ad 1. & in 2. distinct. 28. Ut tamen notavit Conrad. 1. 2. quæstione 107. articulo secundo, circa argumentum, *Sed contra*, non potest hæc responsio ad omnia testimonia accommodari, quia licet nonnulla possint abstracte, & generatim intelligi de divina influentia, præcindendo a naturali, vel gratuita, & a gratia proprie, vel large sumpta: nihilominus in multis clarum est, sermonem esse de gratia propria, & salvante, seu auxiliante per Christum. Imo frequentius, ac fere semper loquuntur Patres de proprio influxu, & auxilio gratiæ in locis citatis, ut attingendo singula statim patebit. Ideoque Doctores communiter aliam partem responsionis D. Thomæ sequuti sunt, ut Sancti in locis allegatis, non de quocumque actu bono, sed cum aliqua determinatione restringente actum ad habentem, vel participantem aliquo modo bonitatem supernaturalem loquuti sint. Ita Cajetan. dicta quæstione 109. artic. 2. dub. 3. & ibid. Conrad. Soto lib. de Natur. & Grat. capite 21. Veg. opuscul. de Justificat. quæst. 12. Ruard. articul. 7. de Justification. §. *Et quia articulus*, Rosen. articulo 36. §. *Augustinus plane*, & Olus in Confess. capit. 73. patum a princ. Dried. libr. 1. de Grat. & liber. arbit. tractat. 2. capit. 2. par. 2. in principio, Stapleton libr. secundo, de Corrupt. naturæ capit. 12. & 13. At vero isti Authores variis modis explicant limitationem hanc, vel quasi specificationem bonorum actuum, de quibus Sancti loquuntur, cum gratiæ auxilium ad illos efficiendos requirunt, & non omnes possunt ad omnia testimonia applicari, nisi vel ad eundem sensum reducantur, vel non singuli modi ad omnia testimonia applicentur, nam id fieri non poterit, sed singula singulis juxta illorum exigentiam. Quod breviter ostendemus per singula verba Doctorum discurrendo.

4. Primus ergo modus explicandi dicta testimonia est, ut loquatur de opere meritorio. Ita D. Thomas locis citatis, quem sequuntur Conrad. & alii moderni expositores, & Stapleton. dicto capit. 10. ex parte Almain. tractat. 1. Moral. capite 16. in fine, & Torenf. in Confess. Augustin. libr. 2. cap. 3. §. 10. Potestque sumi ex Cælestino Papa epistol. ad Episcop. Galliæ capit. octavo, dicente: *Quod omnia studia, & omnia opera ac merita Sanctorum ad Dei gloriam, laudemque referenda sunt, quia nemo aliunde ei placet, nisi ex eo, quod ipse donaverit*. In qua sententia aperte sermo est de operibus, quæ ita Deo placent, ut sint etiam sancta merita. Et in illius probationem inducitur altera sententia Zosimi Papæ in epistola ad totius orbis Episcopos: *Nos autem instinctu Dei (omnia enim bona ad autorem suum referenda sunt, unde nascuntur) ad Fratrum, & Coepiscoporum nostrorum conscientias universa retulimus*. Quæ verba Patres Africani venerati sunt valde, & ideo sic dicta fuisse intellexerunt, ut ibidem refertur, *quia preparatur voluntas a Domino, & ut boni aliquid agant, paternis inspirationibus suorum ipse tangit corda fidelium*, ubi aperte loquuntur Patres Africani de operibus precedentibus a fide, & a gratia interna superioris ordinis, quam iidem Patres vocant *subministrationem Spiritus, & occultam misericordiam*, epist. 95. ad Innocent.

5. Unde subjungunt in priori loco probationem ex illo Romanor. 8. *Quotquot spiritu Dei aguntur, hi sunt filii Dei Ut nec nostrum (ajunt) deesse sentiamus arbitrium, & in bonis quibusque voluntatis humane singulis motibus illius valere non dubitemus auxilium*. In qua verborum serie in primis manifestum est, in illorum fine vocari absolute bonos voluntatis motus, qui in principio dicti fuerunt bona studia, & merita Sanctorum, ad quæ *Deus preparat voluntates suorum tangendo corda fidelium*. Deinde pondero particulam illam, *Fidelium*, quia per illam indicatur, tantum de illo.

Quæ licet in se veras non tamen omnibus testim. satisfaci.

Responsio- nis D. Thomæ restrictior eligitur, quod prædicta testimonia procedant de opere modo alt. quo supernaturali.

Modum illum supernaturalem explicant aliqui ut sit opus meritorium. Suadet explicatio.

Suadet amplius.

Illorum bonis operibus similes sententias esse intelligendas. Non quia in infidelibus nulla possint esse bona opera, sed quia non sunt in illis bona merita. Quod apertius explicatur in eadem Epistola Cælestini cap. 12. his verbis. *His Ecclesiasticis regulis, & ex divina sumptis autoritate documentis ita adjuvante Domino conformati sumus, ut omnium bonorum affectuum, atque operum, & omnium studiorum, omniumque virtutum, quibus ab initio fidei ad Deum tenditur, Deum fateamur authorem.* In quibus verbis supponitur quidem, etiam ante initium fidei posse esse aliquos bonos voluntatis affectus, & opera, alias non fuisset necessaria illa restrictio *ab initio fidei*, & nihilominus de his, quæ sunt ab initio fidei, dicitur Deus speciali modo author, utique ut est author gratiæ, & donorum supernaturalium. Quia videlicet illi tantum boni affectus, & opera, quæ sunt ab initio fidei, sunt meritoria. Unde subjungitur: *Et non dubitemus ab ipsius gratia omnia hominis merita proveniri, per quam fit, ut aliquid boni, & velle incipiamus, & facere.* Ubi etiam constat, idem vocari simpliciter bonum, quod vocatum fuerat meritum.

6. Hæc autem interpretatio intelligi potest, vel de riguroso merito de condigno, vel generatim de quovis merito perfecto, vel imperfecto, seu de congruo, aut impetratorio, dummodo sit verum meritum alicujus gratiæ, vel doni supernaturalis. Aliqui ergo restringunt illas loquutiones ad prius rigorosum meritum. Pro qua sententia allegari possunt, qui dicunt, Sanctos non appellare simpliciter bona merita, nisi illa, quæ ex charitate fiunt, quia opus bonum sine charitate mortuum est, & ideo nihil reputatur, juxta modum loquendi Pauli 1. Corinth. 13. Et ideo quando Sancti loquuntur de operibus bonis, quæ fieri non possunt sine gratia, illa intelligunt, quæ in charitate fiunt, ac subinde sunt propriissime meritoria. Quod sentiunt Almain. & Torrensi. supra, & pro eadem sententia citatur Soto supra ad 2. sed ibi agit de victoria tentationum, de qua postea videbimus, neque idem sentit de quolibet bono opere, ut constat ex solut. ad 3. Potest tamen illa interpretatio confirmari ex Augustino lib. 2. contra duas Epistolas Pelagian. nam cap. 8. dicit, ad incipiendum opus bonum, & ipsam boni cupiditatem opus Dei esse necessarium, quoniam si boni cupiditas inciperet sine gratia, illa esset meritum gratiæ, & sic gratia non esset gratia. Et tamen addit cap. 9. *Quid est boni cupiditas, nisi charitas? Ergo loquitur de merito perfecto in charitate.*

7. Præterea lib. de Grat. & liber. arbitr. cum cap. 7. multa de charitate magna & parva dixisset, addit in 18. *Hæc omnia præcepta dilectionis, id est, charitatis, quæ tanta, & talia sunt, ut quidquid se putaverit homo facere bene, si fiat sine charitate, nullo modo fiat bene.* Et ideo ait non posse bene fieri sine gratia, quia *charitas ex Deo est, & quia Deus preparat voluntatem,* &c. ut capit. 17. latius dixerat. Item Epistola 106. in princip. cum dixisset: *Opera ex gratia, non ex operibus gratia,* rationem adjungit, *Quoniam fides, quæ per dilectionem operatur, nihil operaretur, nisi ipsa dilectio Dei diffunderetur in cordibus nostris per Spiritum Sanctum, qui datus est nobis. Nec ipsa fides esset in nobis, nisi Deus unicuique partiretur mensuram fidei.* Quæ ratio supponit, bona opera supponere fidem per charitatem operantem; unde inferius adjungit: *Si quis dixerit, quod gratiam bene operandi fides mereatur, negare non possumus; imo vero gratissime confitemur. Hanc enim fidem volumus habeant, qua impetrent charitatem, quæ sola vere bene operatur.* Et serm. 15. de Verb. Apost. cap. 5. ait, charitatem nobis dari, ut possimus bonam operationem habere.

8. Unde Prosper, & Fulgent. per omnia Augustiniani, ita etiam videntur bonum opus explicare. Prosper enim Epistol. ad Ruffin. circa medium tractans locum Pauli 1. Corinth. 13. ubi scientiam, studia, & labores sine charitate nihil prodesse testatur, adjungit rationem: *Quia multa laudabilia, atque miranda possunt in homine reperiri, quæ sine charitatis medullis habent quidam pietatis similitudinem, sed non habent veritatem.* Et contra Collator. cap. 22. *Quasi nullus sit (inquit) bonæ voluntatis motus, nisi quem creaverit*

diffuse per Spiritum Sanctum charitatis afflatus. Fulgentius vero libr. de Incarnat. & Gratia cap. 26. in eadem sententiam sic inquit: *Quod si quibusdam cognoscentibus Deum, nec tamen sicut Deum glorificantibus, cognitio illa nihil profuit ad salutem, quomodo hi poterunt justi esse apud Deum, qui sic in suis moribus, atque operibus bonitatis aliquid servant, ut hoc ad fidem Christianæ fidei, charitatisque non referant.* Quibus aliqua quidem bona, quæ ad societatis humane pertinent equitatem, inesse possunt; sed quia non charitate Dei fiunt, prodesse non possunt. Potest denique hæc interpretatio fundari in illa Theologica, & Augustiniana doctrina, quod charitas est forma omnium virtutum, & quod sine charitate nulla est vera virtus, & in Epistol. 52. late Augustinus ostendit, nam in eodem sensu, & in eodem loquutionis genere, sine motione, vel aliquo influxu charitatis nullus est actus veræ virtutis, & consequenter neque est simpliciter bonum. Ergo cum Patres dicunt, ad bona opera requiri gratiam, recte de opere simpliciter bono, id est, charitate formato, ac subinde meritorio de condigno intelligi possunt.

9. At vero licet hæc interpretatio ad aliqua loca sanctorum Patrum accommodari possit, ut ea, quæ allegavimus, convincere videntur; nihilominus in omnia testimonia superius adducta nullo modo convenire potest. Quia evidens est, cum Augustinus, & alii Patres dicunt, esse gratiam necessariam ad omnia opera, non semper loqui de gratia habituali, seu sanctificante, nec de gratia dilectionis Dei super omnia, sed absolute de auxilio gratiæ, quod non solum ordine naturæ, sed etiam tempore potest præcedere charitatem. Sic enim Concilium Arausic. definit, ad voluntatem credendi esse necessarium gratiæ auxilium, & Trident. sess. 6. cap. 3. dixit, sine auxilio non posse fieri actus, qui sunt dispositiones ad gratiam justificationis, utique habituales. Et Augustinus sæpissime probat, initium fidei, & salutis esse ex inspiratione Spiritus Sancti, cum tamen certum sit, initium fidei, & voluntatem credendi posse tempore præcedere charitatem. Præterea non solum docent Patres contra Semipelagianos, non posse hominem solis viribus liberi arbitrii mereri de condigno primam gratiam, sed etiam nec de congruo, nec merito impetratorio; ergo cum dicunt, nullum opus bonum fieri posse sine gratia, non possunt loqui semper de solo bono opere meritorio de condigno, alias ex vitalium definitionum posset præcedere sine gratia opus meritorium primæ gratiæ saltem de congruo, quod quam sit falsum, inferius videbimus. Denique juxta illam interpretationem non esset definitum, ad omnes actus bonos, qui justificationem, & infusionem charitatis præcedunt, esse necessarium gratiæ auxilium, quod esse falsum, per se notum est. Ut ergo verum sit, Patres tractantes de necessitate gratiæ ad actus bonos, interdum specialiter loqui de actibus bonis ex charitate, vel in charitate factis, ut Pelagium dicentem simpliciter, omnes actus justitiæ posse fieri solis viribus liberi arbitrii, ex re clariori evidentius convincant; nihilominus dici nullo modo potest generaliter, de illis solis actibus loqui Patres, ubicumque ad bene operandum gratiam exigunt, ac defendunt, ac subinde per bonum opus non possumus universè interpretari opus meritorium de condigno.

10. Alio ergo modo intelligenda est illa sententia D. Thomæ, & communis de opere meritorio abstracte, sive de condigno, sive impetratorio, sive de congruo, sive quovis alio nomine vocetur, dummodo sit meritum alicujus auxilii, seu doni supernaturalis, quod per modum præmij aliquo modo debiti propter tale opus conferatur. Et hoc modo est illa expositio verissima, & valde consentanea loquutionibus Sanctorum. Nam, ut vidimus in multis locis, includunt sub illis operibus quæcumque perfecta merita ex charitate facta. Deinde in aliis multis explicant, se loqui de bonis operibus, quæ ex fide fiunt, vel sunt initium ipsius fidei, & ipsamet fides. Hoc constat primo ex verbis allegatis ultimo loco ex Epistola Cælestini, ibi, *Ab initio fidei*, quod inclusive intelligendum est quoad ipsam fidei initium, ut ex ipsa, & ex aliis locis constat.

Prædicta explicatio de opere bono, id est meritorio de condigno, non quadrat omnibus testimoniis.

Item ex eodem August. in locis aliis

Aitque ex ejus auctoritate Prosper & Fulg.

Vera intelligentia Patrum de quovis merito, modo sit ex auxilio supernaturali.

stat. Virtute autem excludit, quidquid antecedit illud initium: quia non sine causa restringit sermonem ad opera facta ab initio fidei; & hanc fuisse mentem Augustini, quamvis sufficienter proberetur eodem testimonio Cælestini, quod Prosperi etiam esse multi censent, qui Prosper optime intellectam habuit Augustini mentem, ostendi etiam potest ex variis Augustini locis.

Probat
ex D. Aug.
locis.

11. Primo ex quaestione secunda ad Simplicium in principio, ubi ait, Paulum præferre fidem operibus: *Non ut opera extinguat, sed ut ostendat, non esse opera præcedentia gratiam, sed consequentia.* Quomodo autem opera gratiam consequantur, explicans addit: *Ut scilicet, non se quis arbitretur, ideo percepisse gratiam, quia bene operatus est, sed bene operari non posse, nisi per fidem percepit gratiam.* Ecce illud intelligit esse bene operari, quod est ex fide; & infra dicit: *Cornelius jam credidisse, cum se dignum majori vocatione elemosynis, & orationibus præbebat; & infra, neminem posse bene operari, nisi justificatus ex fide,* quod intelligo de justificatione saltem inchoata: unde infra dicit: *Nisi vocando præcedat misericordia Dei, nec credere quisquam potest, ut ex hoc incipiat justificari, & accipiat facultatem bene operandi;* unde concludit: *Ergo ante omne meritum est gratia, ubi, & facultatem bene operandi, fidem ipsam appellat videtur, & quod prius vocaverat bene operari, postea vocat meritum;* & inferius addit: *Unde admonemur, nec ipsis operibus misericordia quemquam oportere gloriari, & extolli, quod eis quasi suis Deum promeruerit, quandoquidem ipsam misericordiam ille præstitit, qui misericordiam præstabit, cui misericors fuerit.* Ut autem declararet, se loqui de misericordia ex fide operantis subjungit: *Quod si eam, (id est misericordiam) credendo se meruisse quis jactitat, noverit eum sibi præstitisse, ut crederet, qui miseretur, inspirando fidem.* Hinc etiam lib. de Spirit. & Liter. cap. 33. tractans verba Pauli ad Ephes. 2. *Deus qui operatur in vobis velle, & operari,* dicit, *Hæc gratia jam est, quam fides impetrat, ut possint esse hominis opera bona,* addit tamen, *quæ per dilectionem operatur, sed subintelligi debet, illa maxime;* & infra subjungit: *Quisquis crediderit, habebit ex ejus gratia opera bona, ex quibus bonis æternis satietur.* Hæc enim sunt formalia verba Augustini, licet brevitatibus causa, multa intermedia omissa sint, quæ sensum non mutant.

Loca alia.

12. Præterea lib. 15. de Civitat. cap. 20. ait, non esse opus bonum: *Nisi quod præcedit ex fide summi Dei,* quod necesse est intelligi de opere meritorio, ne omnia opera infidelium putentur esse peccata, ut supra dictum est. Et similem doctrinam habet lib. de Continent. cap. 12. unde in Epistol. 107. prius dicit, dæmonem, quos ex gentibus decipere amplius affectat, aliqua velut opera bona, de quibus laudentur habere sinere, omnibus autem modis curare, ut non credant, ne per talia opera, vel Deo placeant, vel ad salvatorem valeant pervenire. Ubi opera antecedentia finem non appellat simpliciter bona, non quia mala sint, ut supra vidimus, sed quia ad meritum coram Deo nihil valent; ergo e converso opera bona appellat, quæ possunt habere aliquod meritum saltem ex fide. Unde paulo inferius subjungit: *Quapropter, ut Deum credamus, & pie vivamus, non est volentis, neque currentis, sed Dei misericordis, utique vocando homines ad fidem, ut statim exponit, & in fine Epistolæ concludit: Hæc & alia testimonia divina, quæ commemorare longum est, ostendunt, Deum gratia sua auferre infidelibus cor lapideum, & prævenire in hominibus bonarum merita voluntatum.* Ubi quod sæpe dixerat de necessitate gratiæ ad singula bona opera, explicat per bonarum merita voluntatum, quæ a fide incipiunt, & ideo dicit ad hunc effectum auferre Deum infidelibus cor lapideum; & in fine de Pelagianis ait: *Ille quippe omnia ad fidem, piamque vitam hominum pertinentia ita tribuunt libero voluntatis arbitrio, ut habenda ex nobis, non a Domino, putent esse poscenda.* Ergo in contrario sensu dicunt Patres, fidelia (ut sic dicam) & pia opera ex gratia esse. Et statim addit de Vitali, ad quem scripsit: *Tu autem (scilicet ea, quæ de te audio, vera sunt) initium fidei, ubi est etiam initium bonæ, piæque voluntatis, non vis donum esse Dei.* Ecce clare vocat bonam volun-

tatem illam, quæ ab initio fidei incipit, nam de illa erat controversia cum Semipelagianis, nam de aliis religiøsæ vitæ operibus, quæ procedunt ex fide, jam illi fatebantur esse ex gratia, ut ibidem adjungit.

Item loca alia.

13. Simili modo idem Augustinus in toto libr. de Prædestin. Sanctior. in eodem sensu de bonis operibus loquitur. Cum enim in illo libro præcipue intendat contr. Semipelagianos ostendere, initium salutis, aut fidei non esse ex nobis, reducit omne meritum ad fidem tanquam ad fundamentum, & ostendit, nec fidem, nec fidei initium, quod est sancta, & supernaturalis cogitatio, esse in nobis, nisi ex dono Dei, & ita concludit, nullum meritum apud Deum esse in nobis, nisi ex præveniente, & adjuvante gratia, & ex eodem principio infert, nullum bonum opus esse in nobis nisi ex gratia, quæ illatio non esset bona, nisi per bonum opus intelligeret illud, quod etiam est bonum meritum apud Deum. Quod verbis satis expressis ipse in cap. 2. declaravit, dicens: *Quod ergo pertinet ad Religionem, atque pietatem, de qua loquebatur Apostolus, si non sumus idonei cogitare aliquid, quasi ex nobismetipsis, sed sufficientia nostra ex Deo est, profecto non sumus idonei credere aliquid quasi ex nobismetipsis.* Et inde concludit, in omni opere bono, & incipiendo, & perficiendo sufficientiam nostram ex Deo esse, & in cap. 7. addit, ideo justificari hominem ex fide, & non ex operibus, quia ipsa prima datur, ex qua impetrentur cetera, quæ proprie opera nuncupantur, in quibus justè vivitur, justitia utique supernaturali, & divina, hæc enim est, quæ in fide fundatur. Sic etiam dixit de bono persever. cap. 13. *Quod attinet ad pietatis viam, & verum Dei cultum non sumus idonei cogitare aliquid tanquam ex nobismetipsis, sed sufficientia nostra ex Deo est.* Et cum eadem proportionem loquitur de operibus bonis, quia cogitantes (inquit) credimus, cogitantes loquimur, cogitantes agimus. Ergo per bona opera intelligit illa, quæ ad pietatis viam; verumque Dei cultum spectant, quæ etiam sunt bona merita.

Item alia ex eodem.

14. Eodemque fere discursu utitur libr. de Grat. & liber. arbit. cap. 7. ubi primum supponit, bona merita esse Dei dona, hoc autem probat fere hoc modo, quia bona merita sunt bona opera, quæ non essent bona, nisi illa præcessissent cogitationes bonæ, de quibus ait Apostolus: *Non sumus sufficientes cogitare aliquid ex nobis, &c.* Ergo per bona opera intelligit illa, quæ in supernaturalibus cogitationibus fundantur, & ideo sunt bona merita; de quibus infra in eodem cap. dicit, Paulum dixisse: *Non ex operibus, non quia evacuavit opera bona, sed quia opera sunt ex fide, non ex operibus fides, ac proinde ab illo sunt nobis opera justitiæ, a quo est fides, quia justus ex fide vivit.* Ergo apud Augustinum, cum agit de necessitate gratiæ, idem sunt bona opera, quod bona merita apud Deum, & ideo etiam sæpe illa vocat opera pietatis, & opera justitiæ, quas particulas sæpe addit ad suam mentem declarandam. Ut præter citata loca videre licet in eodem libro de Gratia, & liber. arbit. cap. 17. ibi, *Sine illo vel operante, ut velimus, vel cooperante, cum volumus, ad bonam pietatis opera nihil valeamus.* Et lib. 2. contra duas Epistol. Pelagianor. cap. 5. dicens, Liberum arbitrium hominis lapsi ad bene, pieque vivendum non valere, & libr. de Gratia Christi cap. 26. *Gratiam Dei sic confiteamur, qui vult veraciter confiteri, ut omnino nihil boni sine illa, quod ad pietatem pertinet, veramque justitiam fieri posse non dubitet.* Et similia fere verba habet Epistol. 106.

15. Unde quia omne meritum apud Deum ex sententia Augustini fundatur in fide, ut cap. 14. versus finem probatum est, & latius in sequentibus dicitur, ideo solum illud opus bonum, quod ex fide procedit, solet ab Augustino bonum simpliciter vocari, de quo multa supra diximus, tractando de operibus infidelium. Et eadem ratione sermon. 13. de verbis Apostol. cap. 12. ait, cum dixit Christus, *Sine me nihil potestis facere,* loquutum esse de bonis operibus, id est, de sacramentorum, & palmitum fructibus, id est, de operibus in Christo factis, & fructuosis ad vitam æternam. Idemque habet de Spirit. & liter. cap. 29. dicens: *Deus operatur in homine per fidem Jesu Christi, qui finis est ad justitiam omni credenti,* id est, per spiritum incor-

Accedunt denique alia non vulgaria: Opus bonum simpliciter secundum Augustinum est quod ex fide procedit.

incorporatus factusque membrum ejus, potest quisque illo incrementum intrinsecus dante operari justitiam, de cuius operibus etiam ipse dixit: Sine me nihil potestis facere. Denique disertis verbis hoc explicat l. 4. contra Julian. c. 3. in fine; nam cum ille diceret opera bona fieri ab infidelibus, licet sine fructu vitæ æternæ, ipse ad illum sic loquitur: *Quoniam saltem concedis opera infidelium, quæ tibi eorum videntur bona, non tamen eos ad salutem sempiternam, regnumque perducere: scito nos illud bonum hominum, dicere illam voluntatem bonam, illud opus bonum sine Dei gratia, quæ datur per mediatorem Dei, & hominum nemini posse conferri, per quod solum homo potest ad æternum Dei donum regnumque perducere.*

Ita Aug. comment. sunt Prosper & Eugenius. 16. Eodem modo Augustinum intellexerunt, & sententiam suam explicarunt Prosper, & Fulgentius, ille enim ad capitula Gallorum respons. 8. sic inquit: *Cum ducentis quatuordecim Sacerdotibus, quorum constitutione contra inimicos gratiæ Dei totus mundus amplexus est, veraci professione quemadmodum ipsorum habet sermo dicamus gratiam Dei per Jesum Christum Dominum, non solum ad cognoscendam, verum etiam ad faciendam justitiam nos per actus singulos adjuvare, ita ut nihil sanctæ, veræque pietatis sine illa habere, cogitare, aut agere valeamus;* ubi non solum dictam limitationem expresse adhibet, & optime explicat, sed etiam ab Africanis Patribus ita fuisse declaratam illam sententiam, significat. Fulgentius vero libr. de Incarnat. & Gratia cap. 19. apertius hoc explicat, dicens: *Quod libertas (utique a peccato) quæ non ex humano arbitrio nascitur, sed gratuita Dei miseratione confertur, a bona voluntate sumit exordium, & per fructum sanctificationis in vitam æternam plenum sui sortitur effectum;* ubi aperte declarat, per bonam voluntatem intelligi illam, quæ ad sanctificationem aliquo modo confert, & de hujus bonæ voluntatis exordio c. 16. loquutus fuerat: & similiter in c. 21. in eodem sensu dixit *neminem sine gratia aliquid boni velle, quod pertinet ad vitam æternam.* Quod etiam August. dixerat epist. 47. scilicet, *neminem debere tantum tribuere libero arbitrio, ut sine gratia Dei valeat aliquid facere, ut ad bonum sempiternum perveniat.* Nam illud opus dicitur valere ad vitam æternam, seu bonum sempiternum, quod vel illud præmium potest immediate mereri, vel saltem mediate, utique merendo, vel impetrando alia media, quibus ad illam vitam pervenitur, ut Fulgentius dicto cap. 19. exposuit.

Affertitur Pet. Diac.

17. Atque eodem modo dixit Petrus Diaconus lib. de Incarn. & Grat. c. 6. dicens: *Per gratiam dari homini ea cogitare, & desiderare, quæ pertinent ad vitam æternam;* & addit: *Sine hac igitur gratia potest quidem cogitare, & desiderare humana, non autem potest cogitare, aut velle seu desiderare divina.* Omnia enim, quæ ad vitam æternam profunt, merito divina vocantur; opera autem moralia, etiam si honesta sint, si ad æternam vitam nec ordinantur, nec profunt, inter bona mere humana merito computantur: & similiter in c. 7. loquitur de bono velle, *quod pertinet ad vitam æternam,* & c. 8. ad idem adducit verba supra citata ex Cælestino Papa de Bonis meritis, quæ ipse per errorem confundit cum verbis Innocentii in epist. ad Concilium Milevitanum. In eodem præterea sensu dixit Anselm. lib. de Concordia p. 3. *Liberum arbitrium naturale sine adiutorio gratiæ nihil valet ad salutem:* & paulo inferius, *Corda, inquit, humana sine doctrina sine studio sponte quasi germinant cogitationes, & voluntates, nihil utiles saluti aut etiam noxias, illas vero sine quibus ad salutem animæ non proficimus nequaquam sine generis sui semine, & laboriosa cultura concipiunt, & germinant:* & de his infra intelligit illud. *Næque qui plantat, est aliquid, neque qui rigat, sed qui incrementum dat Deus.* Quibus addi potest Isidor. l. 2. Sentent. c. 5. ubi cum dixisset: *Omnia bona a Deo nobis gratia præveniente donantur,* statim reddit rationem: *nam nihil boni operis dedimus, per quod confessionem fidei mereremur;* ubi aperte loquitur de opere meritorio, & illud simpliciter vocat bonum opus, & inde probat, non posse antecedere fidem, quia non potest esse meritum ejus, & hoc est initium boni operis, quod negaverat esse posse sine gratia in l. 2. de Different. spirituali lib. c. 27. nam inferius in 30. dicit: *Bona opera inchoari*

ex fide, quia ante fidem nihil potest homo operari; quod pertineat ad salutem.

18. Deinde, quod maxime considerandum est, hanc limitationem addiderunt, & addendo approbaverunt sacra Concilia Arausicanum can. 7. *Si quis per naturæ vigorem bonum aliquid, quod ad salutem pertinet vitæ æternæ, cogitare ut expedit, aut eligere, &c.* Ubi duplicem limitationem adhibet, una est, ut bonum cogitandum, vel faciendum ad salutem pertineat vitæ æternæ, alia est, ut tale bonum cogitur, eligatur, aut fiat, *ut expedit*, id est, propter illum finem, & modo illi consentaneo. Et ad tale bonum requirit Concilium illuminationem, & inspirationem Spiritus Sancti: quæ verba nec significant impulsus determinantem voluntatem, neque naturalem cogitationem, sed altiore internam gratiam, ut supra tactum est, & infra tractando de auxiliis latius ostendetur: & in eodem sensu addiderat idem Concilium in can. 6. particulam illam: *Sicut oportet,* & in c. 25. ita inquit, *ut nullus aut diligere Deum sicut oportet, aut credere in Deum, aut operari propter Deum, quod bonum est, possit, nisi gratia ei, & divina misericordia prævenierit;* & in omnibus his locis juxta hunc sensum explicat omnia testimonia divinæ Scripturæ. Constat autem ex dictis, nihil aliud per illas particulas voluisse Concilium Arausicanum, nisi limitare prædictam sententiam, juxta sensum ab Augustino explicatum. Unde Concil. Tridentin. sessio. 6. canon. 3. addendo illam particulam: *Sicut oportet* totam doctrinam, & explicationem Concilii Arausicani amplexum est: & ideo canon. 2. solum definit, gratiæ auxilium non solum esse necessarium, ut homo facilius possit juste vivere, & vitam æternam promereri, sed simpliciter ut possit, nam sub *justa vita*, & merito vitæ æternæ includit omne bonum opus meritorium aliquo modo spiritualis gratiæ. His addendum est Concilium Moguntinum sub Sebastiano in Decretis fidei capit. 5. ubi de hominibus lapsis dicit: *Per libertatem arbitrii (quæ exigua, & infirma in his residet) nondum adiuti gratia Dei, ea, quæ sunt Spiritus, & ad salutem conferunt, nec agnoscere, nedum appetere queunt.*

Probatundeinde dicta vera intelligenda ex Cde. Arausic.

19. Ad hæc tandem omnia dicunt contrariæ sententiæ defensores, omnia opera moralia esse opera pietatis, quia hac ratione opera misericordiæ vocantur communiter pietatis opera, ut tradit Augustin. 10. de Civit. capit. 1. & ideo serm. 45. ad Fratres in eremo, sub nomine pietatis omnes virtutes morales enumerando, quinque pietatis gradus complectitur. Item dicunt omnia opera bona moraliter, esse meritoria, quia hæc est proprietas intrinsece annexa bonitati morali, & esse meritoria apud Deum, quia sunt illi placita, non enim potest non placere illi, quod honestum est, & ad illum pertinet, unicuique reddere secundum opera sua. Unde etiam dicunt, hæc opera conferre ad salutem æternam, vel per se, propter rationem proxime factam, vel saltem per accedens, removendo peccata, quia saltem dum fiunt, impediunt, ne homo peccet, quod aliqua est utilitas ad salutem, & ideo Job. 28. dicitur, recedere a malo, pertinere ad sapientiam, seu intelligentiam.

Adversariorū evasio tripartita.

20. Respondetur, Patres in citatis locis, cum loquuntur de operibus pietatis, & veræ religionis, loqui de Religione Christiana, seu de pietate, quæ a fide divina, & supernaturali sumit initium, ut manifeste patet ex illis verbis August. in epist. 107. *Quapropter ut in Deum credamus, & pie vivamus, non est volentis, &c.* & illis: *Omnia ad fidem, piæque vitam pertinentia:* & evidentius ex illis: *Initium fidei, ubi est etiam initium bonæ piæque voluntatis:* item ex verbis ejusdem in dict. c. 2. de Prædest. Sanctior. *Fides, unde pietas exordium sumit, donum Dei est, &c.* Quocirca licet opera misericordiæ soleant more vulgi opera pietatis appellari, quia specialiter a Deo commendantur, ut August. dict. c. 1. l. 10. de Civit. dicit, nihilominus propria ratio pietatis consistit in vero cultu Dei, ut idem Augustinus tradit l. 12. de Trinit. c. 14. & l. 14. c. 1. & lib. 4. de Civit. cap. 23. & l. 5. c. 15. & 20. & ideo in eodem lib. 10. c. 6. dicit, ipsam misericordiam, quæ hominibus præstatur, si propter Deum non sit, non esse sacrificium: & quamvis non negemus posse dari aliquam pietatem naturalem, & honestam ad verum Deum

Excluditur i. evasio, ex Augustino.

ut au-

ut authorem naturæ, nihilominus Augustinus, & cæteri Patres loquentes ad fideles, & instruentes illos in ordine ad finem supernaturalem, illam vocant simpliciter pietatem ad Deum, quæ in fide fundatur, ut patet ex eodem Augustino epist. 29. & lib. 2. de Civit. c. 39. & aliis locis allegatis.

Quobus
aliis locis
August.
fruitur.

21. Et in præfenti materia evidentius constat, Patres, & Concilia in hoc sensu loqui de operibus pietatis, quæ propterea etiam vocant opera iustitiæ, quæ in fide fundantur. Ad quod ostendendum possent multa ex Augustino adduci, duo vero tantum loca indicabo, unus est libr. de Spir. & liter. capit. 28. ubi cum de Gentilibus, & Judæis dixisset: *Nam, & ipsi homines erant, & vis illa naturæ inerat eis, qua legitimum aliquid animæ rationalis, & sentit, & facit*, subiungit: *Sed pietas, quæ in aliam vitam transfert beatam, & æternam, legem habet immaculatam convertentem animas, ut ex illo lumine renouentur, fiatque in eis signatum est super nos lumen vultus tui Domine*: In quibus verbis pietatem, seu piam vitam distinguit ab operatione, quæ ex vi luminis, & rationis naturalis legitime fieri potest, in hoc, quod per pietatem pervenitur ad beatitudinem, & vitam æternam, ad quam lex sola naturæ perducere non potest. Alter, & optimus locus in epistol. 130. ubi loquens de quodam Polemone gentili, qui ex luxurioso fuerat continens factus, non ita gentilica superstitione, inquit: *Polemo ergo si ex luxurioso continens factus, ita sciret cuius esset hoc donum, ut cum abjectis superstitionibus gentium pie coleret, non solum continens sed etiam veraciter sapiens, & salubriter religiosus existeret, quod ei non tantum ad præfentis vitæ honestatem, verum & ad futuræ immortalitatis valeret*. In quibus verbis aperte distinguit continentiam, quæ potest esse in homine gentili ab illa, quæ cum vera pietate, & religione potest esse conjuncta, & priorem dicit tantum valere ad honestatem hujus vitæ, posteriorem vero etiam ad æternam vitam; hæc ergo est sine dubio mens Augustini. Sermo autem 45. ad Fratres, &c. non creditur esse Augustini, & nihilominus potest exponi, quod latiori modo de pietate loquutus sit: præterquam quod omnes illi modi pietatis, qui ibi numerantur, intelligi possunt de similibus actibus Christiano modo factis, & in fide fundatis.

Excludi-
tur a. eva-
lio.

22. Ad secundam partem responderetur, actum bonum moraliter mere naturalem placere quidem Deo auctori naturæ, sicut illi placent cætera bona naturalia, unumquodque juxta gradum suum. Et simili modo probabile est talem actum esse de se meritum alicujus præmii ejusdem ordinis, & hoc ad summum suaderi objectione, seu evasione proposita. At vero talis actus per se spectatus non ita placet Deo, ut ad remunerationem aliquam supernaturalem illum acceptet, quia de se non habet cum tali præmio proportionem. Sicut enim dixit Paulus ad Hebr. 11. *Sine fide impossibile est placere Deo*, utique in ordine ad veram iustitiam, & æternam vitam, ita & nos dicere possumus, opus, quod non est ex fide, non posse placere Deo, utique perfecto modo jam explicato. Unde licet Paulus in illis verbis de persona tantum loqui videatur, nihilominus ad actus personæ illa verba extendit Prosper contra Collator. c. 22. dicens: *Quasi nullus sit bona voluntatis motus (utique meritorius) nisi quem creaverit diffusa per Spiritum Sanctum charitatis afflatus, sine fide enim impossibile est placere Deo*.

Excludi-
tur a. eva-
lio.

23. Ad ultimam denique partem responderetur in primis, bonum opus mere naturale, præsertim solis viribus arbitrii factum, per se non conferre ad remissionem præcedentium peccatorum, neque ad spiritualem animæ salutem, neque ad vitam æternam, quia neque hominem ad hæc bona disponit, neque illa meretur, aut impetrat, ut latius infra contra Semipelagianos dicetur. Per accidens autem, negare non possumus, actum bonum pro eo tempore, quo fit, juvare impediendo ne homo actu peccet, hoc tamen non solum per actum bonum, sed etiam per actum indifferentem (si forte modis) fieri potest, imo etiam per somnum, & aliis modis fieri contingit: & ideo nullum inde argumentum sumitur, illud esse opus gratiæ; alioqui omnia media, quæ impediunt actualem pec-

catum, essent proprii effectus gratiæ, & ita neque opus indifferens fieri posset sine gratia. Et quamvis Augustinus gratiæ Dei imputandum dicat, quod plura peccata non committimus, id intelligendum est de gratia cujusdam providentiæ, & protectionis extrinsecæ, quæ supernaturalis providentiæ erit; imo etiam prædestinationis medium, quan. ad effectum consequendæ salutis ordinata fuerit, & aliquo modo conduxerit. Sic enim jam diximus, bonum actum moralem posse interdum esse effectum prædestinationis, etiam si absque auxilio gratiæ fiat. Patres ergo loquentes de actibus conducentibus ad salutem, & vitam æternam sine dubio loquuntur de actibus per se influentibus (ut sic dicam) seu tendentibus in illum finem, ut ex his, quæ diximus, satis est manifestum, & ideo actus mere naturales sub illis verbis non comprehendunt.

Ad antea
ritates al-
latas c. 19.
a. n. 2. ulq.
ad 6.

24. Ex his ergo satis responsum est ad testimonia Scripturæ, Conciliorum, & Patrum: nam quæ aliquibus locis sine limitatione, vel declaratione dicere videntur, per alia, in quibus per determinationem, & expositionem addunt, interpretanda sunt. Non enim poterant in singulis locis eadem verba repetere, nec necessarium erat; tum quia ex totius doctrinæ serie, & ex testimoniis Scripturæ, quæ allegant, id facile poterat intelligi; tum etiam quia loquuntur ad fideles, & credentes in Christum, & eos docent, quibus viribus & auxiliis vitam æternam, veramque iustitiam consequuturi sint, & quam gratis eis conferatur gratia, qua salvantur. Neque oportet ad singula testimonia in particulari respondere, quia omnium est eadem ratio, & si in nonnullis eorum aliqua superest difficultas, pertinet ad alteram partem testimoniorum, de quibus statim dicemus sequenti capit.

Predicta
authori-
tates nobis
potius
favent.

25. Unde ultimo inferre possumus, prædicta testimonia non solum receptam sententiam non expugnare, verum potius confirmare. Nam Patres non frustra, neque sine magna causa addunt limitationes illas: *Sicut oportet, ab initio fidei, opus pietatis, iustitiæ, vel religionis, vel conducent ad vitam æternam, vel ad salutem, aut remissionem peccatorum, aut denique opus meritorium*. Nam si per hæc omnia solum voluissent excludere, ne opus habeat circumstantiam malam, supervacanea profecto fuisset tanta diligentia, & tam accurata, & repetita circumspectio; quia loquendo de actibus simpliciter bonis eo ipso intelligendi erant saltem de actibus nullam habentibus malitiam ex aliqua circumstantia, quia hoc est de ratione operis simpliciter boni, nam malum est ex quocumque defectu. Eo vel maxime, quod non tantum loquuntur de actibus bonis, sed etiam illos distinguunt a malis, & peccaminosis. Ergo etiam hoc titulo essent superflua omnes illæ declarationes, & modificationes actuum bonorum, si nihil aliud dicere voluissent, nisi quod ad actum bonum ex objecto, & circumstantiis sit gratia necessaria; ergo sine ullo dubio declarare voluerunt, se postulare gratiam ad actus peculiare, ad æternam salutem conferentes. Quod in aliis locis apertissime declarant, dicentes, se loqui de actibus a fide procedentibus, vel per charitatem operante, vel vi sua impetrante. Ergo tacite, vel (ut sic dicam) per argumentum e contrario, vel ab speciali supponunt, opera bona inferioris ordinis, & modi posse esse interdum a libero arbitrio sine gratia.

26. Et inter alia, non parum nostram sententiam juvat, quod in sess. 6. canon. 1. dicit Concilium Tridentinum, per opera hominis, quæ vel per humanæ naturæ, vel per legis doctrinam absque gratia fiunt, non posse illum justificari. Nam Concilium supponit, talia opera fieri posse, ita ut non sint peccata, alias superflua esset definitio; ergo sentit, licet possint esse bona, non esse ad justificandum sufficientia, & hoc modo directe contradicit Pelagio; contra quem canon ille editus est. Et in eodem sensu dixerat in cap. 8. ideo dici hominem gratis justificari, quia nihil eorum, quæ justificationem præcedunt, sive fides, sive opera justificationem non merentur, ubi probabile est, loqui Concilium de toto negotio justificationis ab initio usque ad consummationem ejus. Et nihilominus supponit

Confirm.
Concil.
Trid.

ponit autem totam justificationem posse præcedere opera, utique bona, nam de malis quis diceret, esse meritoria justificationis? Merito ergo asserimus ex mente Conciliorum, & Patrum posse dari aliqua talia opera ante illud auxilium gratiæ, quod Patres requirunt ad singula opera justificationis, vel, quod idem est, ab initio fidei.

C A P U T XXI.

Liberum arbitrium sine auxilio non nisi ad peccandum valere, quo sensu interdum a Conciliis, vel Augustino dicatur?

Barisist a-
his testi-
monial.
latus c. 19.
a. 64. 7.

Falsq est
in rigore
ill. pro-
positio:
Liberum
arbitrium
de se nihil
valet, nisi
ad peccan-
dum.

1. **S**uperest, ut ad alteram partem testimoniorum, quibus in cap. 19. a nu. 7. usque ad finem, contra prædictas interpretationes instabatur, respondeamus. Summa vero omnium erat, quia Patres non solum dicunt, liberum arbitrium indigere gratia ad bene operandum in singulis actibus, sed etiam affirmant, peccare in singulis, si solum, & sine auxilio gratiæ relinquitur. Ad quod imprimis dicimus, sententiam hanc: liberum arbitrium hominis post lapsum suis viribus relictum non nisi ad peccandum valere: in rigore, & proprietate intellectum falsam simpliciter esse, & non posse ab ullo Theologo defendi. Nam eandem affirmavit Michael Bajus in 28. assertionem his verbis: *Liberum arbitrium, sine gratiæ Dei adjutorio non nisi ad peccandum valet.* Et tamen Pius, & Gregorius Pontifices eam simpliciter reprobant, & sub censura sua generali comprehendunt: quia juxta intentionem authoris in proprietate verborum asserbatur, nec dici potest, reprobatam esse, eo quod cum aliqua exaggeratione, aut censura, quæ aliis scandalum asserere posset, ab authore proferretur: nam ex tenore verborum constat, simpliciter, & sine ulla censura contrariæ sententiæ, proponi: & nihilominus tanquam falsam, & censuram dignam cum aliis refutari. Et revera multum faveret hæreticis hujus temporis, qui nimiam quandam, & monstruosam corruptionem in humana natura lapsa consingunt: nam inter alia dicunt, hominem lapsum, & gratia destitutum semper peccare, nihilque agere posse, quod malum moraliter non sit, non solum quia sine malo positive, aut saltem privative, id est, non propter debitum finem, operetur, ut quidam Catholici docuerunt (quos ipsi male curiosos vocant) sed etiam propter depravationem naturæ. Quæ tamen nimia depravatio falso conficta est, & nec in Scripturis, vel Patribus fundamentum habet, & contra omnem rationem est, ac plane intelligibilis. Alioqui etiam homo in pura natura eandem haberet depravationem, quod est contra bonitatem naturæ, & authoris ejus. Consecutio autem tenet ex superius dictis, ubi ostendimus, non minores esse vires liberi arbitrii natura lapsa, quam in pura, nec in statu, & potestate bene, vel male operandi inter se differre. Item ex illa assertionem sequitur, omnia infidelium opera esse peccata, quod facile hæretici concedunt; imo idem dicunt de homine in statu peccati existente: quam vero utrumque falsum sit, supra est ostensum.

1. exposit.
juxta quã
dicta pro-
positio ad-
mitti pot-
est, nã ra-
men uni-
versum.

2. Cum ergo hæc ita sint, credendum sine dubio est, Augustinum, & sequaces in locis allegatis non fuisse in hoc sensu loquutos, ut quidquid liberum arbitrium sine auxilio gratiæ operatur, aut operari potest, eo ipso vere, ac proprie peccatum sit. Prima ergo expositio est, ut tale opus dicatur peccatum, non quia veram malitiam moralem habet, sed quia nullum meritum, vel utilitatem habet ad vitam æternam, in quo multum a bonitate Christiana deficit, & propter hunc defectum large vocatur peccatum, quia in hoc æquiparatur peccato. Ita respondent Soto, Vega, Ruard, & Osius supra; quæ expositio non est contemnenda, nam & aliquibus locis adaptari potest, & habet aliquod fundamentum in Augustino dicente, *Impius etsi bona videatur facere, tamen quia facit sine fide, nec bona vocanda sunt.* Præfat. ad Psalm. 31. in fine, & multa similia habet in locis allegatis hic, & supra capit. 7. tractando de necessitate fidei ad bonos actus morales. Nihilominus si generatim intelligatur, &

tanquam adequata tribuatur, non nobis supra placuit, tractando de actibus infidelium propter motiva ibi proposita.

3. Alia ergo expositio ex ibidem dictis desumi potest, opera sine gratia facta non solum inutilia esse ad vitam æternam, sed etiam raro esse omni ex parte bona, & præsertim ex intentione finis, & maxime in infidelibus, & ideo ab Aug. prætermitti in enumeratione, & partitione operum liberi arbitrii quia quæ tam rata sunt, & tam parvi momenti, tanquam nulla reputantur. Per hoc tamen non excludit Augustinus, quod aliis locis fatetur, posse esse in homine omni gratia carente aliquod opus morale in suo ordine simpliciter bonum, sed quia illud rari est, & ad disputationem contra Pelagianos nihil refert, illud prætermittit. Unde cum Augustinus, vel alii Patres ex doctrina ejus, dicunt simpliciter omnia opera liberi arbitrii sine gratia facta esse peccata, intelligunt regulariter loquendo. Quæ responsio sustineri potest, & illustrari his, quæ dicto c. 7. de mente Augustini circa actiones infidelium diximus: & præcipue ex libr. de Perfection. just. c. 19. & libr. de Spir. & Liter. c. 28. ubi ait, in homine carente superiori lumine vix inveniri honestum opus ex fine, nam particula *vix* indicat esse rarum, non tamen nullum.

2. exposit.
quæ sim-
pliciter
sustineri
potest.

4. Tertia expositio esse potest, Patres loqui juxta materiam subjectam, & errorem, quem impugnant. Pelag. enim cenfebatur, hominem suis viribus posse ita operari, ut & veram justitiam, & vitam æternam, consequatur. Patres ergo cum illum impugnant, de homine loquuntur ut tendente ad vitam æternam, & de operibus ejus ut conducentibus ad illum finem, vel ab illo avertentibus, aut retardantibus, & quia hæc non fiunt, nisi per opera justitiæ, & gratiæ, vel per peccata, ideo non considerant medium inter opera conducentia ad illum finem, & ab illo avertentia. Et ita comparando, hæc duo extrema, dicunt, non habere liberum arbitrium de se, nisi peccatum, quia si quid boni operatur in ordine ad illum finem, non suis viribus absque Dei gratia id facere potest. Per hoc autem non intendunt excludere a voluntate humana absolute spectata omne aliud genus operis. Nam etiam adversarii admittunt in voluntate actus indifferentes, quorum ratio non habetur, quia nec conferunt, nec impediunt vitam æternam: idem autem est de bonis operibus mere naturalibus, nam in ordine ad illum finem quasi indifferentia reputantur.

3. exposit.
etiam pro-
batur.

5. Addo vero ulterius, quoties Patres distinguunt actiones liberi arbitrii in bonas, & malas, & dicunt, bonas referendas esse in Deum, malas ipsi libero arbitrio tribuendas; partitionem ita posse accipi, ut sit adequata, nimirum, si sensus illius sit, omnem actionem bonam in Deum tanquam in principalem auctorem esse referendam, malam vero non in Deum, sed in solum liberum arbitrium, quia liberum arbitrium virtutem bene agendi ex Deo habet; ex se autem deficit, juxta illud, *Perditio tua ex te tantummodo, ex me auxilium tuum.* Cum ergo August. ait, liberum arbitrium ex se non habere, nisi mendacium, & peccatum, non ideo dicit, quia homo nihil per naturales vires liberi arbitrii agere possit, nisi mendacium, & peccatum, sed quia peccandi defectum ex se habet, & non a Deo, qui solum malitiam permittit, quod vero aliquid boni operari valeat, a Deo habet, & non sine auxilio, & positiva Dei providentia id facit.

4. Expositio.
tio.

Ofex. 13.

6. Et in hoc est notanda differentia inter canonem 22. Concilii Arauscani, & articulum 28. Michaelis Baji: Concilium enim dixit: *Neminem habere de suo, nisi mendacium & peccatum*, addendo enim illam particulam *de suo* (quam etiam addidit Augustinus in locis allegatis, & libr. de Perfection. justit. capit. 12.) per illam insinuat, se loqui de libero arbitrio per se spectato, & quasi condistinguendo illud a Deo. Et sic dicit, a se tantum habere peccatum, quia peccatum, ut peccatum est, non est a Deo, sed a solo homine. Imo etiam quod liberum arbitrium sit defectibile, seu peccandi principium, non habet ex illo, quod a Deo recipit, sed ex eo, quod habet a se, nempe, quod sit ex nihilo, nam inde habet, ut peccare possit, sicut dixit Augustinus 12. de Civitat. capit. 1. & capit. 6. ex

Differentia
Concil.
Arausc.
ab errore
Baji.

pro-

professo probat, peccatum non habere aliam causam, nisi voluntatem creatam, non quatenus a Deo bona est, sed quatenus ex nihilo facta est. Idemque habet Greg. lib. 25. Moral. c. 4. Et consequenti ratione quod liberum arbitrium actu peccet, illi soli tribuitur, non Deo, quia Deus nullo modo est author malitiæ, nec vult illam, licet ab homine fieri permittat. Hac ergo ratione dicitur homo non habere de suo, nisi mendacium, & peccatum; quæ ratio non habet locum in bonis actibus, cuiusmodi quæ ordinis sint, ut statim dicemus. At vero Michael Bajus alio sensu dixit, liberum arbitrium sine gratiæ adiutorio non nisi ad peccandum valere, quia scilicet voluntas humana etiam per illam bonitatem, & libertatem naturalem, quam a Deo habet, non potest aliquid boni operari, cum concursu Dei, & ideo abstulit illam particulam *de suo*, & de libero arbitrio simpliciter loquutus est. Et hac ratione propositio Baji a Pontificibus rejecta est, etiam si propositio Concilii sit verissima.

7. Ex qua sic intellecta consequenter sequitur, quidquid liberum arbitrium operatur, quod peccatum non sit, non habere illud de suo, sed a Deo, cui principaliter tribuendum est omne bonum. Non oportet tamen hoc universim saliter intelligere ex parte boni, & contrae, ac limitate ex parte Dei, videlicet, sententiam illam explicando de omni bono actu tam naturali, quam supernaturali, & de Deo per gratiam Christi auxiliante, id enim nunquam ita dixerunt, vel explicarunt Patres. Loquendo ergo, ut supponimus, de omni bono cum partitione accommodata, Deo tribuendum est, nam bona opera naturalia tribuuntur Deo ut authori naturæ, per se loquendo, supernaturalia vero ut authori gratiæ, Sic D. Th. in 2. d. 28. q. 1. a. 1. ad 3. explicando locum August. l. 1. contra duas epist. Pelag. c. 3. ubi dicit, Deum esse adiutorem ad omne bonum, respondet, vel intelligi de bono meritorio, vel si de bonis naturalibus actibus voluntatis intelligatur, etiam Deum juvare ad illos, *interius operando in ipsa voluntate sicut in qualibet re operatur, & exterius occasione, & auxilia præbendo ad bene agendum, nam sine his omnibus nullus benefacere potest.* Et ita sentit, mentem Augustini esse, omnia bona opera esse ex Deo, vel per auxilia naturalis, seu generalis providentiæ, si opera sint inferioris ordinis, vel per auxilia gratiæ, si altiora sint.

8. Quam sententiam aperte satis docuisse videtur August. in epist. 130. ubi agens de Polemone gentili, qui ex luxurioso continens factus est, non dimissa superpositione gentili, ait, nihilominus illam continentiam fuisse donum Dei: *Quid enim superbius (ait) vel ingratus cogitare potest humana recordia, si putaverit, cum carne pulchrum faciat Deus hominem, animo castum ab homine fieri?* In qua comparatione indicat, sicut pulchritudo corporis est donum Dei, ut authoris naturæ, ita continentiam illam fuisse a Deo ut authoris, & provisoris naturæ: unde addit; *Polemo si de luxurioso continens factus, ita sciret, cujus esset hoc donum, ut eum abjectis superstitionibus gentium pie coleret non solum continens, sed etiam veraciter sapiens, & salubriter religiosus existeret, quod ei non tantum ad præsentis vitæ honestatem, verum etiam ad future immortalitatem valeret.* Per hæc significans, illam continentiam non valuisse Polemoni ad aliquid spiritualis salutis, sed tantum ad huius vitæ honestatem, ac proinde non fuisse donum Dei tanquam veram gratiam, sed tanquam beneficium naturale generalis providentiæ.

9. Eandemque sententiam satis clare docet lib. 4. contra Julian. c. 3. dicens: *Ex quo colligitur, etiam ipsa bona opera, quæ faciunt infideles non ipsorum esse, sed illius, quæ bene utitur malis.* Quod si quis dicat, Augustin. ibi loqui de boni operibus ex genere, etiam si non bene fiant; inde a fortiori sumimus argumentum: nam illa opera, quæ simpliciter non sunt bona, sed tantum secundum quid, dicuntur esse opera Dei, quantum ad illud bonitatis, quod participant, multo magis, illi alicud opus simpliciter bonum a gentili fiat, si illud erit a Deo tribuendum, & utrumque erit a Deo authore naturæ majus, vel minus beneficium in illo ordine conferente. Eo vel maxime, quod Augustinus non negat, tale opus posse esse simpliciter bonum in gentili, licet non sit bonum bonitate meritoria, &

Christiana, ut sæpe dictum est. Denique in hoc videtur dixisse Concilium Moguntinum novissimum in primo decreto fidei. *Hunc Deum conditorem, conservatorem, & gubernatorem esse rerum omnium, in pœnis, & vindictis justum simul, & misericordem, in donis liberalem, omnis quidem boni, sed nequaquam mali, culpæ authorem;* ubi aperte loquitur de omni bono tam naturæ, quam gratiæ, & de Deo ut gubernatore in utroque ordine, ac subinde singula bona esse a Deo gubernante naturam, vel in ordine ad naturalem bonum, vel in ordine ad supernaturale, servata uniuscujusque boni proportionem. Hoc ergo modo quando Patres dicunt, hominem de se nihil posse per liberum arbitrium, nisi peccatum, nam omne bonum a Deo habet, non ideo significant, arbitrium sine vera gratia Christi nullum bonum actum agere posse, sed significant, non ita illum habere a se, sicut peccatum: quia illum habent ex Dei beneficio non tantum creatis naturam, vel docentis per creaturas, ut dicebat Pelagius, sed etiam in particulari omnia providentis, & interius etiam operantis, saltem per generalem concursum, quod negabat Pelagius. Hæc ergo interpretatio licet non possit ad singula testimonia accommodari, quia sæpe Patres loquuntur de propria dependentia a Deo ut operante per auxilia supernaturalia gratiæ, nihilominus habet locum in aliis, ubi generalius loquuntur. Præsertim vero accommodatur optime hæc interpretatio ad loca Augustini, ex quibus notavimus potuisse desumi canonem 22. Concilii Arausiaci, scilicet tract. 5. Joan. Prolegom. de Doct. Christ. exposit. in Psal. 142. & serm. 3. de Verb. Apoft.

10. Ultimo occurrit addendum, divisionem illam voluntatis in bonitate supernaturali, & malam simpliciter; aliquando tradi potius de ipsa potentia liberi arbitrii, seu de ipso homine, quam de actibus voluntatis, & sic esse adæquatam loquendo de lege, & secundum statutam Dei providentiam, omnis enim voluntas aut est bona per gratiam, aut mala, si careat gratia. Nam quia nunc voluntas instituta est, ut Deo per gratiam, & virtutes infusas uniatur, non potest esse simpliciter bona, si illis virtutibus careat, quia bonum ex integra causa, & quia non potest carere gratia, & virtutibus, nisi voluntarie, vel voluntate propria, vel saltem primi parentis, ideo non potest fieri, quin illa carentia in ea peccatum sit, & consequenter in eo statu voluntas sit mala. Et ita loquendo de voluntate ipsa non est medium inter voluntatem bonam, utique bonitate gratiæ, & supernaturali, & voluntatem malam simpliciter, sive malitia opposita bonitati supernaturali, sive etiam naturali. Atque ita in ipsa potentia est illa divisio adæquata, licet in actu ejus non sit, nam inter actum bonum meritorie, & actum malum simpliciter seu peccatum, datur medium, nimirum actus bonus non meritorius gratiæ, & alii volunt, dari etiam actum indifferentem. Hinc autem fit, ut actus procedens a voluntate mala sua sola virtute operante, non possit esse ita bonus, ut faciat ipsam voluntatem bonam, vel illam simpliciter bonam denominet, quia non potest voluntas se suis viribus facere bonam, quod maxime Patres contra Pelagium intendunt. Ille enim, quia negabat originale peccatum, non putabat voluntatem esse malam ex carentia gratiæ, in qua nascitur, & ideo aiebat suis viribus fieri posse bonam. Patres autem, cum ex Paulo didicissent, omnes nos nasci natura filios iræ, secundum fidem docent, non posse hominem ita suis viribus operari bonum, ut suam voluntatem faciat bonam, nisi per Dei gratiam justificetur, & ideo semper voluntatem hominis esse malam, si neque in Christo renascatur, neque per ejus gratiam, sed solis viribus liberi arbitrii operetur. Et ita dicunt, non posse per se bene operari, ita scilicet, ut bonus fiat, neque ita ut perseveranter bene operetur, & integre, ac subinde semper peccare, non tamen pro semper, ut sic dicam, id est, non in singulis actibus, sed in tali statu, & in multis actibus, & fortasse frequentius. Quomodo aliqui exponunt illud Pauli: *Sine fide impossibile est placere Deo*, utique personam, vel vitam, quia nec potest quis sine fide aut a se excludere peccatum, aut

Accedit
Concil.
Mogunt.

Ultima
expositio
est de lib.
arb. ex se
malo, id
est, natu-
raliter in
constantia
in bono.

Sicque a-
jubi. Idem
Aug. Eva-
ng. enser-
vatur.

sine

sine peccato vivere, quamvis necesse non sit, ut in singulis actibus Deo displiceat. Sic potest intelligi, quod Arausicanum Concilium dixit: *Non habere hominem de suo, nisi peccatum*; quia sibi relictus, & gratia destitutus non potest non esse in peccato, licet non semper novum faciat peccatum.

11. Sæpe etiam juxta hanc doctrinam loquitur Augustinus, ut epistol. 47. dicens: *Quantum possumus, egimus cum istis, & vestris, & nostris fratribus, ut in fide sana catholica perseverent. Quæ neque liberum arbitrium negat, sive in vitam malam sive in bonam: neque tantum ei tribuit, ut sine gratia Dei valeat aliquid sive ut ex malo convertatur in bonum, sive ut in bono perseveranter proficiat, sive ut ad bonum sempiternum perveniat.* Nam si recte verba attendantur, solum requirit Augustinus gratiam ut necessariam quoad operandum bonum, ut sit conferens ad sempiternum bonum obtinendum, quoad exclusionem vero mali, ut homo vel a se ipso excludat peccatum, & de peccatore fiat justus, vel ut a sua vita excludat, quoad fieri possit, peccatum, perseveranter bene vivendo, non tamen requirit gratiam tanquam simpliciter necessariam ad singula peccata in singulis temporibus, & occasionebus vitanda. Præterea juxta hanc doctrinam recte intelliguntur illa verba ferm. 13. de Verbis Apostoli: *Nisi ille regat, cadis*, utrique aliquando sæpe, & frequentius, non tamen semper, & in singulis actibus, si locus ille de regimine per gratiam intelligatur. Nam si latius sumeretur, ut includeret etiam regimen generalis providentiæ, sic posset etiam de singulis actibus liberis intelligi, & ad naturales, vel supernaturales cum proportionali partitione accommodari. Prior tamen est sensus Augustini juxta testimonia Scripturæ, quæ allegat, & discursum quem sequitur. Hoc autem supposito sensu, quod subdit, agis illo non adjuvante, libera voluntate, sed male: necessario intelligendum est dictum per amplificationem, propter id, quod frequentius accidit juxta secundam expositionem superius positam. Quod vero dicit epistol. 89. liberum arbitrium gratia non adjutum non habere justitiæ soliditatem, sed inflationem impiæ superbiæ, optime intelligitur, quia per se non potest habere veram justitiam, potest autem habere, & frequentius habet impiam superbiam, quod non obstat, quominus in uno, vel altero actu possit non peccare. Et similiter quod ait in epistola 106. de potestate ad non peccandum, intelligendum est de non peccando simpliciter, id est, constanter, & per totam vitam, hanc enim potestatem tribuebat Pelagius libero arbitrio, dicebat autem *aliquantum* hoc esse in potestate voluntatis, non quia esset potestas ad unam, vel aliam occasionem peccandi, sed quia solam voluntatem difficile hoc posse dicebat, cum gratia vero facilius, & hoc sensu ait August. ad non peccandum nihil voluntatis arbitrium per se valere.

12. Maxime vero hæc ultima interpretatio videtur sensum Augustini attingere in c. 18. lib. 2. de Peccator. merit. & remis. in quo omnia illa, quæ Augustinus dicit, ut ostendat quidquid boni est in voluntate nostra, esse ex Deo non tantum ut creante naturam, & voluntatem, sed alio specialiori modo, quo mala opera voluntatis non sunt a Deo, possunt quidem juxta doctrinam præcedentis responsionis intelligi de omnibus operibus bonis tam ordinis naturalis, quam supernaturalis, quia omnia sunt accepta a Deo, vel ut auctore naturæ, vel gratiæ. Hoc enim & non aliud in rigore probat discursus Augustini, ut patet ex illis verbis: *Nam si nobis libera quedam voluntas ex Deo est, quæ adhuc esse potest vel bona, vel mala, bona vero voluntas ex nobis est, melius est, quod a nobis, quam quod ab illo est.* Quæ illatio fundatur in eo, quod antea dixerat, præter liberum arbitrium esse in nobis voluntatem bonam, quæ jam in eis bonis est, quorum esse usus non potest malus, & ideo dicit esse quid melius, ac subinde: *Nisi ex Deo, nobis esse non posses*, hoc autem dici potest de qualibet virtute morali, & de quolibet actu morali intrinsece honesto, nam ita est bonus, ut malus esse non possit, & ideo sine dubio a Deo est, ut a principali auctore, & longe aliter, quam sint actus mali, nam licet quoad bonitatem materialem etiam a

Deo fiant, longe tamen aliter, quam actus boni naturales, ut supra diximus. Quamvis autem probabilis sit hæc interpretatio, nihilominus probabilius est, Augustinum in illa priori parte illius capitis loqui de voluntate bona per veram justitiam apud Deum, & de voluntate mala per carentiam ejus, seu per malitiam illi justitiæ contrariam. Nam testimonium Pauli, in quo fundatur argumentum ejus, de bonis supernaturalibus, proprie intelligitur. Procedit autem prius Augustinus argumentando contra Pelagium, etiam permixta suppositione ejus, nimirum quod detur in homine voluntas libera prius in quodam statu neutro, in quo nec bona sit, nec mala dicto modo apud Deum, quæ potest suis operibus fieri bona, vel mala. Nam hoc etiam posito necesse est, ut cum sit bona a Deo recipiat illam bonitatem justitiæ apud ipsum, quæ melior est, quam ipsa voluntas, ne Deo tribuamus bonum, quod minus est, & negemus, quod est melius. Postea vero aliter arguit destruendo suppositionem Pelagii, cum ait. Quanquam voluntas, mirum est, si possit in medio ita consistere, ut nec bona, nec mala sit. Et ita non loquitur de actu, sed de voluntate ipsa, seu de homine, probatque, non posse esse in statu medio, quia non potest esse nisi justus, vel injustus. Et ita per voluntatem bonam intelligit voluntatem justam apud Deum, & bonitatem ejus vocat ipsam justitiam, ut patet ex verbis illis: *Restat, ut bonam voluntatem habeamus ex Deo, alioqui nescio, cum ab eo justificamur, quo alio munere ipsius gaudere debeamus.* Et infra voluntatem bonam esse declarat, quæ ad Deum se convertit, utique conversione perfecta & secum afferente justitiam: & ita ex illo non colligitur, liberum arbitrium gratia destitutum semper operari malum, seu peccatum, sed tantum semper esse malum, id est, in statu peccati, & aversionis a Deo.

13. Denique eisdem modis, seu regulis intelligendi sunt Patres, qui sequuti sunt Augustinum, nam sicut ejus doctrinam, ita etiam verba, & sensus imitati sunt. Cum ergo Prosper ait, quæ sunt sine charitatis medullis, habere pietatis similitudinem, non veritatem, non dicit non habere bonitatem moralem, sed non habere pietatem, quæ vox significat bonitatem altioris ordinis, ut jam declaravimus. Imo potius dicit, non habere pietatis veritatem, quod potest intelligi de pietate ex fide, non quacumque, sed viva, & efficaci ad proprium meritum vitæ æternæ. In quo sensu non solum dici potuit illa sententia de bonis actibus moralibus sine auxilio gratiæ factis, sed etiam de actibus procedentibus ab auxilio supernaturali factis ab homine non habente charitatem, nam sicut illi actus dicuntur mortui, ita etiam dici possunt, non habere pietatis veritatem. Cum autem dicit Prosper, liberum arbitrium solum non nisi in suam perniciem moveri, non ideo dicit, quia semper, & in omni opere peccet, sed quia potest facere, & frequentius facit ea, quæ sibi sunt in perniciem, & si aliquando quidpiam boni naturalis facit, nihil sibi ad salutem prodest, & ideo subdit, *ipsum enim arbitrium se excacaverat, & se illuminare non poterat.* Quam expositionem necessario acceptare debent, qui in hujusmodi arbitrio opera indifferentia admittunt, nam illa etiam non sunt in perniciem, licet inutelia sint. Quod autem in c. 3. ad Gallos distinguit Prosper opera in bona tantum, & mala, & bona tribuit Deo, mala autem libero arbitrio, intelligi potest juxta dicta in quarta expositione; quia vero dicit, bona opera referti ad inspiratorem eorum Deum, videtur mihi probabilius, loqui de bonis operibus meritoriis, & gratiæ, & omnis opera naturalia, vel bona, vel indifferentia, aut quia rara sunt ante omne auxilium gratiæ, aut quia sunt inutilia, & (ut ita dicam) nihil pertinentia ad finem supernaturalem, neque ad illum conducentia, neque illum impediencia. Denique quod prius allegatum fuerat ex capit. decimo nono, contra Collator. in humana natura post peccatum nihil remansisse, nisi quod ad temporalem vitam pertinet, recte intelligatur, ut sub his, quæ ad temporalem vitam pertinent, comprehendatur etiam quæ ad meram bonitatem moralem pertinent, sic enim Augustin. epistol. 130. dixit, continentiam hominis gentilis ad præsentis vitæ honestatem pertinere. Quod etiam sensit idem Augustinus de Spiritu,

Suadetur
ex Conc.
Araus.

Item ex
locis qui
baldam.
D. Augu.

Juxta ex
posita ex
D. Aug.
procedit
etiam
Prosp. illo
c. 19. n. 9.
adductus.

ponderatur
alia
August.
verba.

Spirit. & Liter. cap. 27., dicens, talia opera esse laude digna, seu merito laudanda. Imo idem Prosper contra Collator. cap. 26., dixit. *Ille corporis, & animi bona, quæ manent in homine post prævaricationem, præsentem vitam honestare, non tamen æternam conferre*: ergo sub bonis temporalibus hujus vitæ comprehendit etiam actus moraliter bonos. Et simili modo intelligendum est, quod in cap. 22., dicit, actus justitiæ, & prudentiæ, qui ad gubernandam rem publicam etiam in hominibus alienis a gratia Christiana inveniuntur, ex naturæ a Deo conditæ reliquiis superesse in humano genere a temporalis vitæ utilitate. Ad illam enim multum sine dubio conferunt morales actus acquiratarum virtutum. Quia vero de hac temporali vita addit Prosper, *Quæ tota est damnationis, & pœnæ*, id intelligendum est, vel per amplificationem, quia sine gratia fere nihil est in ea boni, etiam moralis, & si quid est, neque a damnatione liberat, nec minuit penam, & ideo tota vita hominis lapsi, & gratia destituti dicitur esse damnationis, & pœnæ: vel quia si aliquid boni habere potest, quod non sit culpa, nec pœna, tam parum est, & leve, ut pro nihilo reputetur. Eo vel maxime, quod bonum opus morale, quatenus bonum est, non possit dici pœna hujus status; ramen quatenus sit sine ullo merito gratiæ, vel gloriæ, & sine ulla relatione ad supernaturalem finem, aliquid participat de misera conditione præsentis status, nam verisimile est, in statu innocentia nunquam fuisse hominem tam imperfecte operaturum. Denique quod cap. 27. ejusdem libri videtur Prosper negare, mansisse in homine post peccatum naturalia semina virtutum: vel cum proportionem intelligendum est de virtutibus, quibus ordinatur homo ad vitam æternam, vel certe intelligit non manere naturaliter semina virtutum, quæ adolere possint, seu fructificare in vitam æternam, nisi per gratiam Dei subleventur; cujus contrarium Cassianus, & Semipelagianii docebant.

Similiter
Fulg. ib.

14 Simili modo intelligendus est Fulgentius: nam omnia, quæ dicit de bona voluntate, & ejus initio, intelliguntur de bona voluntate sufficiente ad meritum, seu initium justitiæ apud Deum, juxta ea, quæ circa priora testimonia diximus, quæ vero dicit de impotentia vitandi peccatum per liberum arbitrium sub statu peccati, intelligitur non quoad singulos actus, sed quoad ipsum statum, & hoc modo dicit, *Quandiu homo est peccati servus non, nisi ad serviendum peccato reperitur idoneus*, quia nec potest ab illo statu sua se virtute eximere, nec potest non servire peccato, quia licet fortasse unum, vel alium actum virtutis faciat, fere in reliquo vitæ cursu servit peccato. Atque in eodem fere sensu dixit Bernard. serm. 1. de Annuntiati. hominem sibi relictum in peccatum semper declinare. Illud enim *semper* non est rigore intelligendum pro semper (ut sic dicam) id est, in omnibus, & singulis actibus, sed vel dixit semper, quia non contingit, hominem sibi relictum vivere sine peccato, vel quia tam frequenter peccat, ut tota vita possit peccaminosa vocari. Et hic sensus constat ex ratione, quam adhibet, scilicet, quia universa quantum in eis est, ad suam originem tendunt, & in eam semper partem sunt procliviora. Hæc enim ratio ostendit, frequentius hominem sibi relictum operari juxta defectuosæ originis propensionem, non tamen semper, & in omnibus actibus necessario ita operari. Quod vero in alio loco de libero arbitrio dixit liberum arbitrium, proficere per gratiam salvantem, deficere autem per se ipsum, intelligendum est, ut sit adæquata partitio, de libero arbitrio quoad statum suum, non quoad singulos actus, juxta ultimam responsionem datam, quia semper aut per gratiam proficit, aut jacet sub peccato, quamvis in illo statu sibi relictum non semper in singulis actibus peccet. Vel certe si illa duo membra ad singulos actus referantur, dicitur deficere, quoties sibi relictum operatur, non semper proprio defectu culpæ, sed defectu ordinis, & utilitatis ad suum verum ultimum finem.

Item An-
selmus in
num. 8.

15 Partitio autem Anselmi de operatione ex affectu commodi, vel ex affectu justitiæ, si in illa duo illi termini, *commodum*, & *justitia* in sua generalitate su-

Suarez Tom. VI.

mantur, esse poterit adæquata. Videtur autem intelligere veram, & perfectam justitiam apud Deum, & sic verum est, neminem operari ex affectu justitiæ sine gratia: Nihilominus tamen operatio ex affectu commodi proprii non semper est peccatum, ut ipsemet Anselmus dixit; imo potest esse honesta, si recta ratione reguletur. Et ita operatio ex affectu commodi non solum includit actiones peccaminosas, & indifferentes, sed etiam actiones morales honestas, quibus commoditas propria secundum regulam rectæ rationis intenditur, etiam si non fiant propter Deum perfecte dilectum, quæ est propria affectio justitiæ. Altera præterea partitio Petri Diaconi dicentis, hominem sine gratia posse cogitare, & velle humana, non tamen divina in eodem sensu, & cum adæquatione accipienda est. Nam per *divina* sine dubio intelligit omnia, quæ ad Deum finem supernaturalem conducunt, nam de his bonis ibi loquitur, quæ in fide Christi fundantur, & quæ per revelationem, & infusionem Spiritus Sancti cognoscuntur, & amantur. Sub *humanis* autem comprehendit bonos etiam morales actus: nam illi, & humanis viribus proportionati sunt, & ex rationibus humanis, quamvis rectis, & honestis fiunt, sicut Concil. Arausic. can. 3. invocationem Dei sine gratiâ factam, humanam vocat, & canon. 6. labores, vigiliis, & studia solo libero arbitrio facta, vocat obedientiam humanam.

Mens Pe-
tri Dia-
coni 19.
n. 5. citati

16 Difficilius quidem ad hunc sensum trahuntur verba Ioanni. Maxentii, cujus autoritas, licet magni facienda non sit, quia, ut creditur, vir non fuit catholicus, sed schismaticus, nihilominus in hac materia non est contemnenda, quia in illa non erravit, sed sequutus est August. ut in 1. lib. dixi. Ille igitur duo tantum genera operum distinxit. Quædam, quæ ad vitam æternam pertinent, quæ sine dubio sunt aliquo modo supernaturalia, & ideo dicit, *non fieri, nisi per infusionem, & operationem intrinsecus Spiritus Sancti*; quæ verba internam, & supernaturalem gratiam significant, ut supra ostensum est, & ex Conc. Arausic. can. 5. 6. & 7. imo ex verbis antecedentibus, & subsequentibus ejusdem Maxentii satis constat. Ab his autem operibus solum distinguit opera, quæ carnalia, vel secularia appellat, & ad illa sola præstanda dicit valere liberum arbitrium: unde videtur præteritis bona opera moralia, quia hæc non proprie dicuntur carnalia, aut secularia. Quod si fortasse ita est, non est credendum id fecisse, quia nulla omnino esse possint talia opera, sed quia & parva, & rara sunt, & quia in ordinem ad finem supernaturalem neque profunt, neque obsunt, ut diximus. Verisimilius autem est, etiam hæc opera *secularia*, vel *carnalia* vocasse, non quia ex affectu carnis semper procedant, sed quia ex se solum honestant hanc vitam mortalem, sicut etiam ob hanc rationem inter bona temporalia computantur.

Item Max-
entius
ibid.

17 Denique cum Gregor. ait, Sanctos sibi tribuere mala, quæ faciunt, bona autem divinæ gratiæ, absque dubio loquitur de bonis ad vitam æternam conducen-
Item ib.
tibus, hæc enim sunt, quæ sancti viri divina gratia præventi, & adiuti faciunt, de quibus ipse ibi loquebatur. Hisque opponit mala, quæ ab eodem sine aliquo modo avertunt. De bonis autem mere naturalibus, & solo arbitrio factis mentionem non facit, non quia in sanctis viris nulla esse possint, sed quia ibi non assumptis provinciis dividendi exacte opera, quæ in hominibus esse possunt, sed solum monere voluit sanctos viros, quomodo circa bona, & mala opera, quæ vitam æternam merentur, vel impediunt, se gerere, & sentire debeant. Ar vero Richard. sub illa partitione non tantum videtur comprehendere opera libera, sed etiam mala, quæ necessario patimur: nam sub illis ponit concupiscentiam, de qua dicitur, *quod nolo malum, id ago*, nihilominus tamen quatenus illa partitio pertinere potest ad opera libera, sub tertio membro operum, quæ nec sunt ad reatum, nec ad meritum, non solum indifferentia, quæ fortasse in individuo nulla sunt, sed multo magis bona honesta pure humana comprehendit, ut patet ex testimonio, quod in exemplum adducit ex verbis Christi, *Si vos cum sitis mali, nostris bona dare filiis vestris*.

Item ib.

S

Hoc

Hoc enim potius est ex objecto bonum, quam indifferens. Atque ita Richardus potius doctrinam datam confirmat.

C A P U T XXII.

Rationibus generalibus aliarum opinionum satisfi.

1 Prima ratio, quam Gregor. Arimin. proposuit, omnibusque contrariis sententiis favere potest, sumitur ex æquiparatione actus boni, & mali, quia si actus bonus cum solo generali concursu fieri potest; sequitur, non aliter, neque amplius operari Deum in actu voluntatis honesto, quam in malo, quia ad utrumque concurrit ut causa universalis; ergo si non plus habet in actu bono, est æqualitas: consequens autem videtur damnari ab Aug. lib. 1. de Grat. Christi c. 25. & lib. 2. de Peccat. merit. c. 18. & aliis locis frequenter. Et patet, quia bonum opus verissime tribuitur Deo, non autem malum; ergo aliquid amplius habet Deus circa bonum actum; illud ergo est gratia. Respondetur, in aliquo feryari similitudinem, non vero in omnibus, & ideo simpliciter negandam esse sequelam: est enim similitudo in hoc, quod sicut Deus non determinat physice voluntatem ad malum sola sua actione, sive activitate ejusdem voluntatis, ita nec determinat ad bonum, quia utraque est determinatio libera. Item in actibus mere naturalibus fervatur in hoc æquiparatio, quia ad utrosque actus physice concurrit Deus solo concursu generali ex necessitate. Nihilominus est diversitas, quod in bonis actibus per illum concursum Deus attingit physice bonum actum, quatenus bonus est, id est, efficiendo ipsam honestatem; in peccato vero, licet efficiat actum, non efficit malitiam ejus, quæ privatio moralis est. Deinde est in morali modo differentia, nam actum bonum efficit Deus intendendo illum, malum autem permittendo. Denique est etiam diversitas in morali causalitate, nam actum bonum, vel præcipit, vel consulit, vel approbat, vel etiam ad illum excitat; malum autem minime, sed tantum non impedit, nec negat concursum suum, & ideo simpliciter est author actus boni, non mali.

2 Secunda ratio, quæ obiicitur est, quia si posset homo aliquid boni moralis sine gratia operari, haberet aliquid, unde posset in se, & non in Domino gloriari, consequens est contra illud Pauli 1. ad Cor. 4. *Quid habes, quod non accepisti si autem accepisti, quid gloriaris, quasi non acceperis?* Ubi Paulus reprehendit eos, qui suis viribus aliqua bona tribuebant, & ita de illis gloriabantur, ut aliis præferri vellent. Paulus autem eos redarguit, quia nihil habebant, quod non accepissent, utique per dona gratiæ, de quibus a principio capitis loquutus est; ergo sentit esse contra beneficium gratiæ, gloriari de aliquo bono actu, tanquam non accepto per gratiam. Et confirmatur hæc ratio ex Concilio Arausicano canon. 16. dicente: *Nemo ex eo, quod videtur habere, gloriatur, quasi non acceperit, aut ideo se putet accepisse, quia litera extrinsecus, vel ut legeretur, apparuit, vel ut audiretur, insonuit;* quasi tacite exponat istud vocari a Paulo acceptum, quod per gratiam accipitur, & nihil boni esse in homine, de quo ut non sic accepto possit gloriari. Hinc etiam dixit Augustin. lib. 1. ad Simplic. q. 2. ante medium: *Unde admonemur, nec de ipsis operibus misericordie quemquam oportere gloriari, & extolli, quod eis, quasi suis Deum promeruerit, quandoquidem, ut haberet ipsam misericordiam, ille præstitit, qui misericordiam præstabit, cui misericors fuerit:* & statim subiungit verba Pauli, *Quid habes, quod non accepisti.* Et eadem applicat ad opus continentię, ut nemo de illo gloriatur, quasi non acceperit, & generaliter illud pro omni bono opere uterque lib. 2. de Peccat. merit. cap. 18. & de dono perseveran. cap. 4. & 7. ubi allegat Cyprianum dicentem, *In nullo gloriandum, quia nostrum nihil est,* idque ex illo testimonio confirmantem lib. 3. ad Quirin. capite quarto. Unde est etiam illud Gregor. lib. 22. Moral. cap. 5. alias 10. in fine.

Ego mea opera tamquam mea non profero, quia authoris sui gratiam negare convincitur, quisquis sibi tribuit, quod operatur.

3 Ad hæc vero omnia respondere possumus juxta doctrinam datam in capite præcedenti, Paulum loqui de donis supernaturalibus, ut evidenter ex contextu constat, & similiter Patres loqui de bonis operibus meritoriis aliquo modo salutaris, ut eadem loca expendendo ibidem ostendimus. Gloriari ergo de his bonis tamquam de non acceptis per gratiam, superbia, & arrogantia est, & si per judicium intellectus fiat, supponit ille affectus Pelagianam hæresim. Qui autem existimat, moralem actum naturalis ordinis posse fieri sine auxilio gratiæ, non tribuit naturæ aliquid, ad quod ipsa non sufficit, neque dat homini occasionem gloriandi se in aliquo bono supernaturali tamquam in non accepto per veram gratiam, & gratis donatam, quod Paulus, & alii Sancti proprie reprehendunt. Dico vero ulterius, etiam de bonis naturalibus non debere, nec posse hominem gloriari tamquam de non acceptis, quia a Deo manant, ut authore naturali, & licet per se non pertineant ad gratiam salvantem, pertinent ad gratiam creatantem, conservantem, & providentem, ideoque magna esset arrogantia, & ingratitude, gloriari de bonis naturalibus, ut de pulchritudine, ingenio, scientia, & similibus tamquam de non acceptis, nam omnia hæc, & similia tamquam Dei dona recognoscenda sunt, ut recte argumentatur August. 4. contr. Iul. capite 3. Quod si hoc verum est in bonis naturalibus, quibus possumus bene, aut male uti, multo magis id verum erit de actu morali bono, qui intrinsece includit bonum moralem usum, ut in simili argumentatur August. lib. 2. de Peccat. merit. c. 18. Atque ita etiam in his bonis actibus cum proportionem dici potest homini, *quid gloriaris quasi non acceperis?* Si non recognoscat, habere illum actum ex Deo influente in illum, ut fortasse Pelagius sensit, vel etiam, si non recognoscat peculiare Dei beneficium esse, quod oblata fuerit occasio congrua ad similem actum exercendum; non est autem necesse, quod recognoscat illud tamquam beneficium gratiæ, sed naturæ, ut ex Augustino epist. 130. ponderavimus. Quod si quis recognoscens hæc beneficia divina simul intelligat, illud opus factum esse a se suo libero arbitrio, hæc non est vana gloriatio, nisi homo in aliquo excedat, vel tribuendo sibi plus aliquid, quam re vera habeat, vel exponendo se periculo alicujus relationis, aut inter tot peccata, quæ quotidie committit, propter unum minimum opus se extollendo, vel sibi propter talem actum meritum primæ gratiæ tribuendo. De qua re, & simili objectione iterum dicturi sumus infra tractando de efficaci auxilio.

4 Tertia ratio, quam magni faciunt authores contrariæ sententiæ, est, quia grandis est Deus, ut nos adjuvet in singulis actibus moralibus, ut honeste, & sine ulla malitia unumquemque faciamus: quis enim hoc audeat negare? At vero ex oratione colligitur clare necessitas gratiæ ad illum effectum, seu actum, ad quem postulatur; ergo. Minor constat ex Conciliis & Patribus, qui hoc argumento maxime utuntur ad probandam gratiæ necessitatem. Diceretur forte, non esse necessarium petere auxilium pro singulis actibus moralibus, sed solum esse utile, ut melius, ut securius fiant, & ut Deus non permittat occurrere impedimenta bene operandi, quæ contingentia sunt, & facile occurrere possunt. Sed contra hoc obstat, quia hæc responsio videtur favere Pelagio, qui dicebat, gratiæ auxilium non conferre posse bene operari, sed facilius operari, unde consequenter diceret, orationem esse utilem ad bene operandum, non tamen necessariam, & per illam peti auxilium, non ut necessarium, sed ut utile, & ad melius, & facilius posse. Patres autem impugnant Pelagium dicto argumento, quia nemo ab alio postulat, quod per se ipsum facere, vel habere potest, & inde concludunt, nos indigere gratia ad singulos actus bonos, non solum ut facilius illos faciamus, sed absolute, ut illos faciamus; imo etiam ut illos facere possimus. Quod argumentum sæpissime repetit August., maxime vero illud prosequitur ep. 107. & Hierony.

hony mus contra Pelagium, & illud etiam urgent Patres Concilii Carthag. in epist. ad Innoc. & approbat Innocentius in rescripto. Ergo eadem ratione idem dicendum est de adiutorio necessario ad singulos actus morales.

Resp.

5 Respondeo in primis, veram, & Christianam orationem, de qua Patres loquuntur, esse tantum illam, quæ ex fide procedit. Nam sicut ostensum est cap. precedenti, eos loqui de operibus pietatis, ita etiam loquuntur de oratione pia, cuius prima conditio est, ut a fide procedat sicut ostendi to. 2. de Relig. tract. 1. li. 1. c. 24. Et sufficienter ostenditur ex Paulo ad Rom. 10. dicente. *Quomodo invocabunt, in quem non crediderunt?* Unde colligit Aug. de Prædest. Sancto. c. 7. orationes Cornelii, quæ ascenderunt in conspectum Dei, Actor. 10. non esse fufas sine aliqua fide: *Nam quomodo* (inquit) *invocabat, in quem non crediderat?* Concilium etiam Arausican. c. 3. petitionem non ex fide factam invocationem humanam vocat, non orationem, & definit, illam non impetrare gratiam, sed potius gratiam facere, ut Deus invocetur a nobis, utique sicut oportet, & per veram orationem, idemque de petitione, & pulsatione apud Deum dicit in canon. 6.

Progreſſi.
huius cepta
ſolutio

6 Ex quo fundamento infero, si loquamur de homine, vel in pura natura spectato, vel nunc fide, & omni supernaturali gratia carente, in illo non habere locum argumentum factum, quia in illo, vel non potest esse ulla invocatio veri Dei, quia forte illum non agnoscit, vel si eum aliquo modo cognoscat, poterit ad summum humano modo invocare illum, quæ invocatio per se nihil valet ad aliquam gratiam impetrandam a Deo, ut Conc. Araus. definit. Unde ad summum valere posset ad obtinendum aliquod beneficium naturale, non ex promissione aliqua Dei, nulla enim est facta tali invocationi, ut in dicto lib. de Relig. latius dixi, nec esse potest debita ex sola naturali providentia, quam solum Deus exhibet, vel suo modo debet, antequam gratis conferat gratiam. At vero loquendo de homine fideli, ille quidem jam potest orare Deum, ut in singulis operibus bene se gerat, si autem ad hoc veram gratiam postulet, jam non postulat tantum ut bene moraliter, & humano (ut sic dicam) modo bona opera faciat, sed etiam ut modo Christiano, & in ordinem ad vitam æternam fructuose illa faciat, & ideo de illa petitione etiam non procedit ratio facta, nam de illis actibus fatemur, esse ad singulos gratiam necessariam. Et sine dubio de hac oratione Sancti loquuntur, & ita est a nobis orandus Deus, si fideliter, & sicut oportet oretur: ideoque ex tali oratione recte colligunt Sancti necessitatem gratiæ ad singulos actus bonos meritorios, & ordinatos ad vitam æternam: inde autem non potest argumentum extendi ad actus mere naturales.

Obſectio

7 Dicit aliquis, etiam posse fideles petere a Deo bonos actus mere naturales, & hoc satis esse, ut ex tali oratione colligamus, gratiam esse necessariam ad singulos huiusmodi actus, propter eandem rationem, quia nemo petit id, quod per se facere potest. Antecedens patet, quia possumus fideli, & Christiana oratione a Deo petere salutem, scientiam, pluviam, & alia bona temporalia; ergo & virtutes morales acquisite, & actus earum, in illis præcise sistendo. Respondeo concedendo hanc orationem esse possibilem, & in rigore non esse peccaminosam, quia tacite includit conditionem, vel moderationem, ut talia bona vel profint, vel saltem non obſint vitæ æternæ, quæ conditio facilius includitur in petitione bonorum actuum moralium naturalium, nam illi de se non possunt obſeſse vitæ æternæ, esto ad illam positive non conducant. Eſſet tamen ille modus orationis imperfectus, quia non parva imperfectio est, sistere in bono non fructuoso ad vitam æternam. Imo existimo, talem orationis modum non esse in usu fidelium credentium per sua opera esse consecuturos vitam æternam. Nullus enim est, qui cupiat bene operari, qui non simul eandem operi sibi ad salutem proficere maxime desideret: unusquisque autem petit id, quod desiderat. Quamvis autem demus petitionem talium bonorum operum posse fieri, ex illa non licet inferre, esse necessariam gratiam ad talia opera sic facta; tum

Suares Tom. VI.

quia illa oratio non est necessaria, & est valde imperfecta; tum etiam quia per illam orationem non id petimus ut bonum gratiæ, sed ut bonum naturæ. Sicut quando petimus pluviam, vel sanitatem, non petimus in rigore gratiam, sed naturalia beneficia. Quod si in eo genere petimus aliquid ultra concursum debitum ex generali providentia, non postulamus illud, ut simpliciter necessarium, ut effectus fieri possit, sed quatenus potest esse necessarium, ut effectus fiat, ut in dicto lib. de oratione latius explicui, & ad præsentem materiam possunt ibi dicta melius, & facilius applicari.

8 Nam licet gratia, vel extraordinarius favor non sit simpliciter necessarius ad singulos actus honestos, considerando rem ipsam secundum se, nihilominus nullus est actus, ad quem, ut in individuo recte fiat, non possit esse necessaria gratia, vel specialis favor, secundum divinam præscientiam. Quia licet possit homo cum solo ordinario concursu Dei, hic, & nunc efficere bonum actum in quacumque designata occasione, nihilominus contingere potest, ut Deus præsciat, hominem cum his solis subsidis non esse bene operaturum, nisi amplius adjuvetur. Cum ergo homo nesciat, quando & quomodo occurrere possit illa necessitas, merito semper petit auxilium etiam tamquam necessarium, ut effectus certo fiat, quia contingere potest, ut sit necessarium ad facere, licet non sit ad posse. Eo vel maxime, quod licet homo possit unum, vel alium actum facere, tamen si cum sola illa generalitate relinquatur, fere semper faciet male, & vis aliquando bene, & ideo etiam intra ordinem nature postulandum est auxilium Dei, ut necessarium simpliciter ad bonos mores absolute loquendo, & ad singulos actus contingenter, modo explicato.

Locupletatur pro-
xima dis-
ſolutio

9 Quarta ratio adjungi solet, quia ex nostra sententia sequitur, non debere nos agere gratias Deo, quando bonum aliquod morale ex solo naturali motivo honesto facimus: consequens est falsum; ergo. Sequela patet: nam pro his, quæ in potestate nostra sunt, & nostra virtute facimus, non est, quod alteri gratias agamus. Et ideo Patres ex obligatione gratias agendi Deo pro fide, vel bonis moribus, necessitatem gratiæ colligunt, ut patet ex Aug. ep. 107. & lib. de Prædest. Sancto. c. 19. & Prosp. l. 1. de Vocat. genti. c. 23. alias 8. Minor autem & repugnat gratitudini Deo debitæ pro bonis omnibus, quorum ipse est author, & Paulo dicenti 1. ad Theſſ. 5. *Sine intermissione orate, in omnibus gratias agite, & ad Ephes. 5. Gratias agentes semper pro omnibus.* Et est contra August., qui lib. 2. Confess. c. 7. non minus gratias Deo agit pro peccatis non commissis, quam pro remissione eorum, quæ commisit, *Gratiæ* (inquit) *tue deſuto, quod peccata mea tamquam glaciem ſolvisti; gratia tue deſuto & quæcumque non feci mala, quid enim non facere potui, qui etiam gratuitum facinus amavi. Et omnia mihi dimiſſa eſſe fateor, quæ mea ſponte feci mala, & quæ te duce non feci.* Si ergo pro peccato non commissio gratiarum actio debetur, multo magis pro quocumque actu virtutis naturalis, quia hoc aliquod majus beneficium est, quia dum fit, non solum peccatum vitatur, sed etiam aliquid boni fit.

Arg. 4^o

10 Hoc vero argumentum idem fere est cum præcedenti, & ita eandem habet solutionem. Nam gratiarum actio pars quædam est orationis generaliter sumptæ, si vero sit sermo de oratione prout specialiter significat petitionem, sic oratio respicit beneficium faciendum, gratiarum actio jam factum. Nam, ut recte dixit August. supra dicta epist. 107. *Qui est orandus, ut faciat, illi est gratiarum actio reddenda, cum fecerit, & ita Paulus interdum pro infidelibus orat, ut convertantur 2. ad Theſſ. 3. interdum gratias agit pro his, qui jam crediderunt, ad Ephes. 1. Sicut ergo diximus, quod cumque opus bonum morale etiam naturale esse beneficium Dei, ut gubernatoris naturæ providentiæ occasiones bene operandi, & ad bonum opus cooperantis, saltem generali concursu, ita pro quocumque simili opere gratiarum actio Deo debita est. Et ita simpliciter negatur sequela argumenti, quia non solum pro bonis gratiæ, sed etiam pro bonis naturæ gratiæ Deo debentur, quamvis pro prioribus bonis multo*

Solvitur

ampliores, & excellentiores debeantur, ut recte declarat August. lib. 5. de Civit. cap. 31. & lib. 1. Confess. cap. ult. Neque huic gratiarum actioni obstat, quod opus fiat sine auxilio gratiæ, satis est enim, quod non sit sine auxilio, & providentia Dei.

Promove-
sur solus
tio

11 Quando autem Sancti ex gratiarum actione colligunt auxilium gratiæ, loquuntur de operibus, quæ ad providentiam naturalis ordinis non pertinent, ut est fides, & quæ ad illam consequuntur; quod aperte constat ex August. & Prospero in locis citatis. Unde etiam loquuntur de gratiarum actione ex eadē fide profecta, quæ altioris ordinis est, ut dixi, quam quæ pro naturalibus bonis debetur, & lumine naturæ cognosci potest. Cum autem Paulus pro omnibus dicat esse gratias agendas, generaliter loquitur tam de bonis naturæ, quam de bonis gratiæ, ut per se manifestum est. Et similiter August. cum gratiæ deputat omne peccatum non commissum; vel generatim loquitur de gratia, prout comprehendit omne liberale beneficium Dei, non enim tunc contra Pelagianos disputabat, ut cum eo rigore de gratia Dei loqueretur; imo verisimile est, cum illa scripsit, nondum Pelagianos fuisse exortos, quantum colligi potest ex lib. 2. Retract. cap. 6. Vel certe specialiter loquitur de illis peccatis, quæ post vocationem, & ex illa tanquam ex radice, & fonte non commisit, ut indicant illa verba, *Omnia mihi dimissa esse fateor, quæ te duce non commisi*: ponderanda est enim illa particula, *te duce*, quæ proprie significat peculiare gratiæ regimen, quod a vocatione incipit, ut est vulgare apud ipsum Augustinum.

Tria alia
argumen-
ta propo-
nuntur
tribus se-
quentibus
capitulis
resolven-
da

12 Præter hæc argumenta, sunt alia ab incommo- dis; quia si morale opus bonum fieri potest sine gratia, etiam si tentatio urgeat, fieri etiam poterit sola libertate, quia tentatio non mutat speciem actus, nec motivum operandi, sed solum addit aliquam difficultatem, quæ non reddit actum simpliciter impossibilem. Item si vel unus actus bonus fieri potest sine gratia, eadem ratione quilibet actus ordinis naturalis, quantumvis excellens, poterit fieri sine gratia, quia nunquam superat facultatem naturalem voluntatis, licet fortasse difficilius fiat. Denique inferitur, qui sua potestate facit unum opus bonum, eadem posse facere omnia, quæ longo tempore occurrunt sine defectu, quia sicut singula, ita etiam omnia subsunt eidem facultati, & sunt ejusdem ordinis, & non simul, sed sigillatim, & successu temporis occurrunt. Hæc vero argumenta postulant graves quæstiones, quæ in sequentibus capitulis tractandæ sunt.

C A P U T XXIII.

Utrum ad singulas tentationes legi naturali repugnantes superandas singulare gratiæ auxilium necessarium sit?

Facilis
materia

1 IN superioribus simpliciter loquuti sumus de bonis actibus moralibus, & indefinite diximus, posse interdum sine auxilio gratiæ fieri, quod maxime locum habere potest, ubi peculiaris difficultas in opere non invenitur, & ideo nunc inquirendum superest, quid dicendum sit, quando illa occurrat. Non loquimur autem de difficultate, quæ est quasi per se in actu, qui naturæ ordinem transcendit, & supernaturalia præcepta concernit (nam hic solum de his, quæ ad naturæ ordinem pertinent, disputamus) sed agimus de difficultate quasi per accidens ex tentatione occurrente proveniente. Est enim tentatio, quoties eo tempore, quo bonum faciendum est, occurrit motivum aliquod humanum ab illo bono animum averrens, vel cum malum vitandum est, instar aliquod incentivum, quod ad illud faciendum inducit, & quia hæc omnia contingenter, & accidentaliter occurrunt, ideo difficultatem hanc accidentariam voco. Quæ considerari potest vel in quocumque actu bono determinate in quovis gradu occurrat, vel prout in aliquibus specialiter invenitur cum magno excessu, seu gravitate: vel denique prout in multis actibus per longum temporis cursum inveniri potest. Et in universum omnis difficultas boni operis, quæ oritur ex con-

cupiscentia, & corruptione naturæ lapsæ, potest dici per accidens, quia revera est actui extrinseca, & aliquo modo ex tentatione provenit. Aliquando vero crescit ex actus excellentia, ut in amore super omnia Dei authoris naturæ, vel in exponenda vita pro republica, & de his omnibus dicemus; a generalioribus autem incipimus, ut expeditior & facilior sit doctrina.

2 Est igitur in primis animadvertendum inter tentationes quasdam esse leves, alias autem graves, seu gravissimas, & vehementes. Non dicuntur autem graves ex materia, id est, quia inclinant ad peccatum leve, vel grave, quia hæc distinctio (quamvis alias dari posset) in præsentii non deservit; dicuntur ergo tales ex modo, juxta illud Pauli 1. Corinth. 10. *Tentatio vos non apprehendat, nisi humana: fidelis autem Deus, qui non patietur vos tentari supra id, quod potestis*, ubi tentationem levem (juxta Chrysostom. Theodoret. & Theophyl.) vocat humanam, id est, homini f. agili attemperatam, & indicat esse alias graviore, & gravissimas, cum ait, Deum non permittere, ut sint supra vires. Igitur tentatio levis dicitur, quæ vel ex parte intellectus parvam, vel inefficacem habet suasionem, vel ex parte appetitus debilem inclinationem, vel etiam est levis, quæ ad momentum, seu brevissimo tempore durat, quamvis alioqui intensa, seu vehemens videatur; gravis intem dicitur, quæ pertinaciter suadet multo tempore, constanter, ac moleste, poteritque hoc titulo censeri, etiam si pro singulis temporibus non sit admodum vehemens, dummodo aut suasio sit per se magna, aut cum passione aliqua, & inclinatione sit conjuncta. Hi autem gradus tentationum non possunt certa regula, vel gradu desiniri, sed prudenti arbitrio pensandi sunt, & maxime considerandi sunt per comparisonem ad eum, qui tentatur. Nam aliqua tentatio erit gravis uni, quæ alteri esset levis propter varias eorum complexionones, ingenia, mores, vel doctrinam, quæ omnia ponderanda sunt.

Notat. 1.
Tentatio
levis, ac
gravis
quæ

3 Præterea modi tentationum varii sunt, communiter vero ad tria genera reducuntur, quæ a tribus animæ inimicis proveniunt, carne, mundo, & dæmone: ex quibus prima dici potest ab intrinseco, aliæ duo ab extrinseco, scil. secunda ab hominibus, tertia a dæmonibus: ab Angelis enim Sanctis, vel Deo nulla est tentatio inducens ad malum, teste Iacobo c. 1. sed sola illa tentatio, quæ probationis, vel tribulationis dicitur, a Deo est. Igitur tentatio quædam est veluti ab intrinseco, & quasi connaturaliter, ut est illa, quæ nascitur ex complexione, & appetitu hominis, mediis tantum his sensibilibus objectis, quæ vitare non possumus, de qua Paulus, *Sentio aliam legem in membris meis repugnantem legi mentis meæ*, &c. Aliæ est tentatio, quæ a mundo esse dicitur, id est, quæ nascitur ex consortio aliorum hominum per mala consilia, vel prava exempla. Tertia denique oritur ab extrinseco, ut a dæmone, quæ dici potest quodammodo ultra, vel præter naturam, quia hoc bellum cum dæmonibus non est mere naturale, sed ex altiori providentia, aut permissione divina introductum. De quo Paulus loquitur dicens: *Non est colluctatio nobis adversus carnem, & sanguinem*, &c. ad Ephes. 6.

Notat. 2.
Tentatio
& tentan-
tia va-
rietas

4 Deinde oportet præmittere, variis modis posse tentationem vinci. Primo non solum non peccando, sed etiam proficiendo aliquo modo in ordine ad salutem, & vitam æternam, qui est proprius victoriæ modus, ut notant D. Th. in 2. dist. 28. q. 1. a. 2. ad 6. & ibi Bonav. & Richar. qui volunt, hanc solam esse propriam victoriam tentationis, & illam solam hac voce debere significari, juxta Aug. lib. 21. de Civ. c. 16. dicentem, *Tunc victa vitia deputanda sunt, cum Dei amore vincuntur*. Secundo modo contingit superari tentationem, nihil omnino peccando, neq; in ordine ad salutem proficiendo, sive quia homo negative se habet suspendendo actum (ut quidam fieri posse existimant) sive, quod magis morale est, eliciendo actum ordinis naturalis propter aliquam honestatem moralem tentationi contrariam, quod D. Thom. supra dicit proprie esse resistere potius, quam vincere, quo modo loquendi brevitate causa uremur, licet communiter uterque modus superandi tentationem victoriæ ejus

Notat. 3.
Tentatio-
nes vin-
cendi mo-
di varii

eius vocetur. Est vero tertius modus vitandi unius peccati tentationem, incidendo in aliud peccatum, ut cum quis vincit tentationem avaritię ex affectu luxurię, aut quid simile. Et de hoc tertio modo nulla est controversia, quia Deus non juvat ad peccandum, & quia illa revera non est victoria peccati, quia non vitatur, ut vitetur malitia, sed ut ad aliud pravum obtinendum conducatur. Unde optime dixit Aug. l. 3. cont. duas ep. Pelag. c. 4. *Cardinalis cupiditas qua peccatum augetur, cupiditate alia non sanatur*. De primo vero modo vincendi tentationem controversia olim fuit cum Pelagianis, ut jam dicam, nunc vero nulla est inter Catholicos, igitur de secundo modo est noster in presenti sermo.

5 Unde supponendum est ulterius, quęstionem solum procedere, quando tentatio non perturbat rationem ita, ut impediat libertatem sufficientem ad peccatum mortale. Nam si tanta sit perturbatio rationis, ut libertas tollatur, contingere quidem poterit, ut homo non possit vitare illum actum materiale, ad quem tentatio inclinatur, juxta doctrinam D. Th. 1. 2. q. 80. a. 3. Tunc autem tollitur potentia peccandi, & non habet locum quęstio. Interdum vero contingit auferri libertatem perfectam, seu necessariam ad peccandum mortaliter, relinqui tamen aliquam, quę satis sit ad peccatum veniale, quod ex subreptione vocant, & tunc quodammodo aufertur potestas saltem moralis vincendi omnino tentationem illam, & ideo illos indeliberatos actus hic non consideramus, sed tamen illos, quos non obstante tentatione, potest animus cum sufficienti deliberatione, vel committere, vel vitare.

6 Deniq; cum de necessitate gratię inquiremus, non limitamus sermonem ad gratiam habitualement, & sanctificantem: quia inter catholicos extra controversiā est, hanc gratiam non esse necessariam ad singulas tentationes vincendas. Nam sicut supra ostendimus, posse hominem sine hac gratia aliquod bonum opus facere: ita est certum posse aliquam tentationem vincere, nam est eadem ratio, ut etiam ex dicendis constabit, & ideo quęstio de proprio gratię auxilio proposita est.

7 Fuit autem in hac materia error Pelagii, qui absolute asseruit, victoriam tentationum non adjutorio divino, sed libero arbitrio esse tribuendam. Qui error simpliciter damnatus fuit in Conc. Palęst., & in Milevitano cap. 3. & Arausico. cap. 9. ut in proleg. 5. satis ostensum est. Quo autem sensu damnatum fuerit, inter catholicos disputatur. Duo vero sunt extra controversiam, unum est, errasse Pelagium, quia putavit, victoriam quarumcumq; tentationum per quodcumque vitę tempus, & ut loquitur Hieron. dialog. 2. *Cum absoluta impeccantia*, esse in potestate soli liberi arbitrii. Secundum est, quia ponebat illam victoriam non solum quantum ad carentiam culpę, sed etiam quantum ad fructum salutis ex eisdem virib. liberi arbitrii. Quoad hęc ergo duo certum est, damnatam esse illam heresim, & de primo puncto dicemus ca. seq. Pro secundo vero faciunt adducta in c. 15. & in libro seq. jacienda sunt fundamenta illi errori contraria, nunc opiniones inter Catholicos tractandę sunt.

8 Prima opinio est, hominem sine adjutorio gratię nullam omnino etiam minimam tentationem posse ita vincere, quin aliquo modo peccet. Ita tenent Greg. & omnes, qui negant, posse fieri bonum opus sine auxilio gratię, & est plane consequens, quia vincere hoc modo tentationes, bonum opus est, quia sine aliquo opere, seu positivo actu moraliter non fit. Unde si victoria sine ulla culpa obtinetur, oportet, ut per actum bonum fiat, vel fieri possit, quia vel non datur actus indifferens in individuo, vel per illum solum raro vincitur tentatio ad peccatum inducens. Deinde sæpe tentatio est contra affirmativum præceptum, quę non potest vinci sine actu consentaneo præcepto; ergo si quis non potest facere actum illum simpliciter, & sine ulla tentatione spectatum, multo minus poterit facere urgente tentatione. Itaque illi authores consequenter loquuntur. Refertur etiam pro hac parte Petrus Soro in Instit. Sacerd. lect. 16. de Penit. sed ibi de hac re non disputat, unum autem verbum, quod incidenter dicit, eundem sensum habere, quem sententię Patrum statim referendę, & in sequentibus tractandę de amore Dei, id explicabimus. Adduci-

Suarez Tom. VI.

tur etiam Abulens. in c. 19. Matt. q. 178. sed ille disputat hanc materiam late a quęst. 174. per sequentes, & sine dubio eandem doctrinam docet, quam infra trademus: interdum vero communem cursum, & & auxilium providentię generalis lato modo vocat gratiam, quia liberaliter datur, distinguendo tamen illam ab speciali gratia, quę docetur necessaria ad salutem, ut supra etiam notavimus. Cardinalis etiam Bellarm. videtur huic sententię annuere lib. 5. de liber. arbit. c. 7. licet prius concefferit, posse fieri actum bonum morale sine gratia, sed ipse alia via procedit, de qua in fine dicemus.

9 Fundamenta hujus sententię sunt eiusdem generis cum his, quę adduximus in præcedenti controversia. Nam in primis afferuntur loca Scripturę, in quibus victoria tentationum Deo adscribitur Psal. 27. *In te eripiar a tentatione*, & Psal. 29. *Avertisti faciem tuam a me, & factus sum conturbatus*. Item illa, in quibus oratur Deus pro victoria tentationum, quę oratio est frequentissima præsertim in Psalmis, & Christus Dominus illam posuit in sua formula orandi Matth. 6. *Et ne nos inducas in tentationem*. Quam exponens Cyprian. de orat. Dominica, dixit id fecisse Christum, ne possit homo in aliquo superbire. Unde Luc. 22. & Matth. 26. monuit idem Dominus: *Vigilate, & orate, ut non intretis in tentationem*. Quę verba expendens Hieronym. contra Pelag. dialog. 2. ait: *Si libertas arbitrii satis esset ad vincendam tentationem, non fuisset Christus dicturus, vigilate, & orate*: sed attendite, & resistite per liberum arbitrium. Præterea de tentationibus carnis dicit Paulus Roman. 7. *Sentio aliam legem in membris meis*; & infra: *Quis me liberabit a corpore mortis hujus? Gratia Dei per Iesum Christum*. De tentationibus mundi solet intelligi illud 1. Corint. 10. *Fidelis Deus, qui non patietur vos tentari supra id, quod potestis, sed faciet cum tentatione proventum, ut possitis sustinere*, utique tyrannorum, & mundi persecutiones, & tentationes, & sic etiam dicitur 1. Ioan. 5. *Hęc est victoria, quę vincit mundum fides nostra*. De tentationibus vero dæmonis dicitur 1. Pet. 4. *Cui resistite fortes in fide*, & ad Ephes. 6. *Induite vos armaturam Dei, ut possitis stare adversus insidias diaboli*, &c., & infra: *In omnibus sumentes scutum fidei, in quo possitis omnia tela nequissimi ignea extinguere*.

10 Secundo in eadem sententiam allegantur Pontifices, & Concilia: nam Innocent. 1. in epist. 25. ad Concilium Carthaginens. & 26. ad Milevit. alias 91. & 93. inter epistolas Augustini, inter alia inquit: *Nisi magnis precibus gratia in nos implorata descendat, nequaquam terrena labis, & mundani corporis vincere conemur errores, cum pares nos ad resistendum, non liberum arbitrium, sed Dei solum facere possit auxilium*, & infra de Christo Domino ait: *Quamvis hominem redemisset a præteritis ille peccatis, tamen sciens iterum posse peccare, ad reparationem sibi, quemadmodum posset illum & post ista corrigere, multa servavit, quotidiana præstans illi remedia: qui nisi freti, confisque nitamur, nullatenus vincere poterimus errores. Necesse est enim, ut quo auxiliante vincimus, eo iterum non adiuvante vincamur*. Quę verba allegat Cælestinus in sua epistola cap. 6. ex eis colligens, neminem sine Dei adiutorio idoneum esse ad vincendas quotidianas carnis, & dæmonis tentationes, & cap. 9. cum dixisset, *Superbum esse, ut quidquam sibi humana natura præsumat*, ut maxime hoc propter victoriam tentationum dictum intelligatur, subiungit loca Pauli allegata, Ephes. 6. & Rom. 7. Idem Concilium Carthaginens. in epistola ad Innocent. 90. apud Augustinum, de Pelagianis dicit, e medio tollere illam partem orationis Domini- cę, *Et ne nos inducas in tentationem*, si absque auxilio gratię tentationes vinci possunt. Idem sumi potest ex Concilio Milevit. cap. tertio, quatenus damnat dicentes gratiam non dari in adiutorium ad cavenda peccata, nam peccata non caventur, nisi tentationes vincendo. Sic etiam Conc. Arausican. cap. 4. dixit, *Divini esse muneris, quoties pedes nostros a falsitate, & iniustitia tenemus*, quod profecto faci-

Arguunt pro opinione hæc ex Scripturę pluraz

2. Arguitur ex Pontific. & Conc.

Notat. 4. De tentatione per turbante omnino iudicium non agitur

Notat. 5. de cuius gratię necessitate procedat quęstio

Error Pelagii in hac materia quoad duo con-

Inter Catholicos. 5. opi. affir.

mus, quoties alicui tentationi resistimus, & cap. 14. *Nullus miser de quacumque miseria liberatur, nisi qui Dei misericordia prevenitur.* Concil. item Palæstin. damnavit propositionem Cœlestii, quod victoria peccatorum, quando illa non committimus, non sit ex gratia, sed ex libero arbitrio.

11 Tercio his accedunt testimonia Patrum, & ex antiquioribus Cyprianum, & Hieronymum jam retulimus, quibus addo Basilium in Moral. Regul. 62. cap. 3. & 4. in singulis tentationibus ait gratiæ auxilium esse postulandum: & de eodem argumento habet integram Homiliam, post librum de Baptismo. Quod sine divina virtute, & gratia resistere Satanae non possit quisquam. Item Chrysostom. licet alias multum tribuat libero arbitrio circa operationem moraliter honestam, de victoria tentationum dicit, totam esse tribuendam Deo, Homil. 62. ad Popul. & Homil. 24. in 1. ad Corinth. interrogans, ad quas tentationes sit necessaria gratia, respondet, *Ad omnes, ut ita dicam.* Et Theophylact. ibi. *Quavis tentatio vires nostras exuperat, nisi ille auxilietur nobis.* Item Ambros. in Pl. 43. circa id, *Quoniam humiliasti nos in loco afflictionis. Quis (inquit) est tam fortis, ut nequaquam in tentatione moveatur, nisi Dominus adjutor ei assistat.* Quod majori cum exaggeratione dixit August. sermo. decimo tertio, de Verbis Apostoli cap. 9. *Hæc est (inquit) malitia nostra in hac agone cum confingimus, Deum habemus spectatorem, in hac agone cum laboramus, Deum poscimus adiutorem, si enim non ipse nos adjuvat, non dico vincere, sed nec pugnare poterimus.* Idem late confirmat epist. 89. quæst. secunda, princip. urgens varia Scripturæ loca, præcipue illum 1. Corinth. 10. *Faciet cum tentatione proventum, ut possit sustinere.* Ut quid (inquit) dixit, *Deum facere, si hoc sine ipsius adjutorio in nostra est potestate?* Idem habet cum aliis Patribus Concil. Milevit. in epist. 92. ad Innocent. & cum aliis quatuor Episcopis epist. 65. ad eundem, ubi ad tentationes, concupiscentiasque vincendas, ait, *esse necessariam gratiam, quæ per subministrationem Spiritus, & occultam misericordiam conferat ille, qui dat incrementum Deus,* & ibid. declarat, hanc gratiam esse necessariam ad singulas tentationes vincendas. Et quod gravius est, in epist. 106. dicit ad vitandum peccatum nihil voluntatis arbitrium valere sine gratia. Eandemque doctrinam repetit. lib. 1. de Gratia Christi cap. 26. 27. & 47. & lib. de Perfect. justitiæ respons. 9. & lib. 50. Homil. 23. & in Soliloq. cap. 15. & 16. ubi eleganter describit modum divini auxilii in vincendis tentationibus, & cum illo Prosper contra Collator. præsertim cap. 35. & Paulus Orosius lib. de Liber. arbitrii. contra Pelag. Greg. lib. 9. Moral. c. 29. alias 37. & in Pl. 3. Pœnit. Cyril. lib. 9. in Ioan. c. 45. in fine.

12 Rationes vero pro hac sententia sumuntur, vel ex necessitate rationis, vel ex gratiarum actione, quæ Deo agenda est in victoria cujuscumque tentationis, etiam minimæ, vel ex arrogantia, quia alias haberet homo, unde gloriari posset. Item quia si homo per se posset aliquam tentationem vincere, posset etiam quamlibet licet gravem, imo & omnes quovis tempore, quia omnes sunt ejusdem ordinis, & omnes vincuntur per actus ejusdem rationis, & ex illis circumstantiis solum additur difficultas, quæ non reddit effectum impossibilem, sed difficilem. In explicanda vero propria ratione, ex qua hæc necessitas oritur, invenitur diversitas inter authores quoad tres modos de bonis actionibus supra explicatos, quos hic non est necesse repetere. Additur vero hic quartus modus, qui hoc modo explicatur. Nam si tentatio est gravis, eo ipso vinci non potest sine gratia Dei: si vero est levis, hoc ipsum est gratia Dei; ergo semper victoria tentationis est gratia, vel consequenter (ut sic dicam) vel antecederet facta comparatione ad tentationem. Et ideo dixit Ambros. lib. 4. in Luc. circa id, *Et consummata omni tentatione,* non debemus tentationes sæculi proimalis timere, sed magis rogare contemplatione conditionis humanæ, ut eas tentationes subeamus, quas ferre possumus. Et huic etiam spectat dictum August. cap. superiori tractatum ex lib. 2. Confess. cap. 7. gratiæ Dei tribuendum esse omne peccatum, quod non com-

mittimus, quia si ejus occasio, vel tentatio occurrir, gratia Dei facit, ut non veniat, & lib. 10. cap. 31. *Ebriosus (inquit) nunquam fui, sed ebriosos a te sobrios factos ego novi; ergo a te factum est, ut hoc non essent, qui nunquam fuerunt, a quo factum est, ut hoc non semper essent, qui fuerunt.* Idem lib. 5. Homil. in 23. c. 6. *Hic multa commisit, & multorum debitor factus est. Ille gubernante Deo pauca commisit. Cui deputat ille, quod dimisit, huic & iste deputat, quod non commisit. Adulter non fuisti in illa tua vita præterita plena ignorantia, nondum illuminatus, nondum bonum, malumque discernens, nondum credens in illum, qui te nescientem regebat. Hoc tibi dicit Deus tuus: regebam te mihi, servabam te mihi. Ut adulterium non committeres suasor defuit: ut suasor deesset, ego feci. Locus, & tempus defuit: & ut hæc deessent, ego feci. Affuit suasor, non defuit locus, non defuit tempus, ut non consentiret, ego terrui. Agnosce ergo gratiam ejus, cui debes, & quod non admisisti. Mihi debes, quod factum est, & dimissum vidisti, mihi debes & tu quod non admisisti. Nullum est n. peccatum, quod fecit homo, quod non possit facere alter homo, si desit rector, a quo factus est homo.*

13 Nihilominus dicendum est, non esse necessarium speciale gratiæ auxilium, ad quancumque tentationem in particulari vincendam, quia homo sua libertate utens potest vincere singulas tentationes seu quancumque illarum secundum se spectatam. Hanc assertionem in specie docent Bonavent. in 2. dist. 28. art. 2., quæst. 2., Ægid. dub. 4. & 5. 5. *Ad primum.* & ibi etiam Gabriel, & melius lect. 78. in canonem dub. 5. Henricus quodlib. 5. quæst. 20., & ex modernis Soto 1. lib. de Natur. & Grat. cap. 21., & 22., & Vega opus. de Justific. quæst. 12. & 13. Medina in 1. 2. locis citatis, & quæst. 10., art. primo, eamque supponunt Ruardus, Stapletonius, & alii capite sequenti citandi.

14 Probari potest primo ex illo Pauli 1. ad Cor. 10 *Fidelis Deus, qui non patietur vos tentari ultra id, quod potestis,* quia nimirum succurrit per gratiam, ubi natura non sufficit; ergo supponit Paulus aliquid nos posse, nam dicit, *Ultra id, quod potestis.* Ergo saltem minores, & leves tentationes possumus aliquo modo superare saltem non consentiendo. Sed hic locus non concludit, quia Paulus non dicit, *ultra id, quia potestis per liberum arbitrium:* unde optime intelligitur, *ultra id, quod potestis ejusdem adjutorio,* sicut Conc. Trid. cum sess. 6. c. 11. dixit, *Deus impossibilia non jubet, sed jubendo monet, & facere, quod possit, & petere, quod non possit, & adjuvat, ut possit,* non supponit in primo membro hominem per se, & sine gratia posse facere aliquid, quod jubet Deus: nam quod ait, *Facere, quod possit,* potest optime intelligi per gratiam aliquam jam acceptam, quæ in principio solet dari parva, ut per illam possimus majorem mereri, seu impetrare. Et hoc videtur sentire Concilium, cum supponat, hominem jam esse in statu, in quo possit petere, & impetrare quia sine aliqua gratia saltem fidei, & spei facere non potest. Et in hoc sensu loquutus est August., cujus est illa sententia lib. de Natur. & Grat. c. 43. Ita ergo recte exponi potest Paulus loco allegato, sumique potest ex Prosper. contr. Collat. cap. 35. Quapropter ex Scriptura non potest efficaciter probari assertio, quia licet Scriptura sæpe dicat, posse hominem vincere tentationem, nunquam declarat, posse aliquando id facere per solas vires liberi arbitrii. Licet ex alio loco ad Rom. 1. possit id probabiliter colligi ut cap. seq. notabimus.

15 Similiter neque ex Conciliis, vel Patribus potest sufficienter probari. Potest tamen efficaciter probari, non esse contra eorum doctrinam, imo ab eis interdum indicari. Primum probatur ex Bulla sæpe allegata Pii V. & Greg. XIII. nam inter propositiones Michaelis Baii trigesima est, *Non solum fures hi sunt, & lairones, qui Christum viam, & ostium veritatis, & vitam negant, sed & quicumque aliunde, quam per Christum in viam justitiæ, hoc est, ad aliquam justitiam conscendi posse dicunt, aut tentationi ulli sine gratia ipsius adjutorio resistere hominem posse sic, ut in eam non incidat, aut ab ea superetur.*

2. Opinio
negativa
& vera

Locus ex
Paulo citatus
pro hac
sententia
urgens

Patres, scilicet
que Concilia
huic
sententiæ
non ad
veritatem

Tercio ex
Patribus

Rationes
pro eadem
opinionem
summam
attinentur

Hæc ergo propositio inter alia damnatur a dictis Pontificibus, in quo aperte declarant, & definiunt, sententiam illi assertioni contrariam, scilicet, posse liberum arbitrium resistere alicui tentationi sine speciali gratia, ad Pelagianismum nullatenus pertinere. Quamvis enim dici possit, Pontifices non damnavisse assertionem propter doctrinam, sed propter modum proponendi illam, & exaggerationem, quidquid de hoc sit (quod non constat) hoc satis est, ut Pontifices declaraverint, sententiam propositam nullatenus ad Pelagianum errorem declinare. Nam si hæc doctrina ad Pelagianismum aliquo modo pertineret, iniuriosa esset gratiæ Christi, ac proinde non immerito dici posset fur, & latro, qui illam doceret; ergo Pontifices damnantes hanc censuram, evidenter affirmant, in hac doctrina nullam esse suspensionem Pelagiani erroris. Ergo consequenter etiam docent, Concilia, & Patres loquentes contra Pelagium non esse ita intelligendos, ut huic sententiæ contrarii sint. Idemque consequenter est de Scripturis dicendum majori ratione. Et hoc factis est ad magnam hujus sententiæ probabilitatem, nam seclusa autoritate contraria, ratio sufficienter illam convincit, ut statim videbimus.

16 Accedit, ut dicebam, quod ipsimet Patres aliis locis generales loquutiones moderantur, & hanc sententiam indicant. Et in primis ponderari potest modus ille loquendi Chrysostomi supra citati ex Hom. 24. in 1. ad Corinth. videl. *Ad omnes tentationes, ut ita dicam*, nam illa correctio, *ut ita dicam*, posita videtur ad declarandum illud esse dictum cum quadam exaggeratione, quia pauca, & levia potest homo in hoc genere, & quod amplius est, sine victoria in ordine ad salutem æternam, nisi adsit gratia. Ita invenio locum hunc ab aliquib. ponderatum, & fortasse aliqua translatio antiqua (originalem enim linguam consulere non potui) illo modo vertebat. Gentianus autem aliter illa verba interpretatur, scilicet, ad omnes tentationes, ut semel dicam, & ita potius illa verba continentem absolutam affirmationem, & distributionem, eodemque modo videtur illa legisse, & imitatus esse Theophylactus. Addit autem statim Chrysostom. alia verba, quibus magis suam mentem declarat, distinguit enim ex mente Pauli duplices tentationes leves, quas, ut ipse exponit, Paulus humanas vocat, & graves, quæ nostram superant potestatem: ita de his posterioribus absolute sentit, non posse vinci sine auxilio gratiæ, de humanis vero dicit, *Neque humanas licet facile ferre absque divino auxilio*. Significans, in his in rigore non deesse potestatem libero arbitrio ad illis aliquando resistendum. Præterea Hieronym. lib. 3. contra Pelagianos, qui dicebant, post peccatum mansisse in homine libertatem, ut ad bonum, & malum possit extendere manum, ipse respondet: *Hoc & nos dicimus, posse hominem non peccare, si velit, pro tempore, pro loco, pro imbecillitate corporea, quamdiu intentus est animus, &c.* Et infra. *Humana conditio, si paululum se remiserit, discit fragilitatem suam, & multa se non posse cognoscit*. Ubi sentit, non omnino nihil posse liberum arbitrium: nam licet multa non possit, tamen pro tempore, & loco aliquid leve, & fragilitati accommodatum illi concedit, sicut inferius iterum repetit. *Hoc est, quod tibi in principio dixeram, in nostra esse positum potestate, vel peccare, vel non peccare, &c.* & infra: *Sed hoc pro modo, & tempore, & conditione fragilitatis humane, nec quia ad breve possum, cogis me, ut possim jugiter*. Ex August. etiam ponderari potest, quodlib. de Perfect. iustit. cap. 2. ratiocin. 3. ait, *In natura vitiatum parum esse ad non peccandum voluntatis arbitrium*. Ubi parum dixit, quasi limitans, quod alibi dixisse videtur, liberum arbitrium hominis lapsi ad non peccandum nihil valere: nam hoc non de singulis momentis, occasionibus, & actibus intelligendum est, sed simpliciter ad non peccandum, id est, ad servandam innocentiam. Alioqui vero ait parum valere, quia ad summum in uno, vel alio actu potest tentationem leviorem vincere, ut non peccet.

17 Atque hinc potest assertio confirmari, quia Pius V. & Gregor. XIII. etiam reiiciunt vegeſimam octavam propositionem Baii, *Liberum arbitrium sine adiutorio gratiæ non, nisi ad peccandum valere*. Ad quam

Suarez. Tom. VI.

videtur proxime accedere, qui negat, posse liberum arbitrium aliquam levem tentationem vincere, quia vix occurrit tempus, vel occasio operandi cum perfecta libertate, ubi necesse non sit aliquam vel levem tentationem vincere, ut opus liberum honeste, & sine ulla malitia fiat. Quia vel dæmon perpetuo vigilat, vel materia virtutis, seu operationis repugnat concupiscentiæ, vel certe quia fere semper occurrit finis aliquis humanus movens ad operandum propter ipsum potius, quam propter virtutem. Si ergo per originale peccatum tam infirmum factum fuisset liberum arbitrium, ut nullam, vel minimam tentationem naturali virtute vincere posset, utique ad non peccandum, non esset vitia hominis natura, sed extincta, ut in simili argumentatur Prosper cont. Collat. c. 22. Ut ergo simul cum Pelagianis Lutheranorum extremum vitemus, convenienter dicitur, sicut non est extinctum liberum arbitrium, quoad bonum operandum, ita ut nullum bonum naturaliter facere possit, nec quo ad malum vitandum, ut non nisi peccare possit, ita neque est extinctum quoad resistendum tentationibus, ideoque aliquas saltem leves vi suæ libertatis vincere potest.

18 Ultimo possumus argumentari ratione a priori, quæ eadem fere est, quæ de bona operatione, & dupliciter etiam potest explicari. Primo generatim, & ostensive, quia victoria unius tentationis levis prout præcise necessaria est ad non peccandum, seu non consentiendum, aut resistendum tentationi, solum addit supra actum bonum nonnullam difficultatem moralem, propter illam autem non est simpliciter necessarium auxilium gratiæ; ergo simpliciter ille effectus cadit sub potestate physicam, & moralem liberi arbitrii cum solo concursu generali. Consequentia nota Major declaratur, quia occurrente morali occasione faciendi eleemosynam sine ulla tentatione ex parte dæmonis, vel alicujus hominis, neque etiam ex interna concupiscentia, ut facile contingit in homine naturaliter propenso ad liberalitatem, & compassionem, tunc bonus actus dici potest non solum possibilis, sed etiam facilis secundum rectam rationem, & libertatē arbitrii. Addamus ergo tali homini proponi finem faciendi illud opus, ut videatur ab hominibus, quæ est tentatio quædam non retrahens ab opere, sed inclinans, ut male fiat, quæ inclinatio non solum non cogit, sed etiam potest esse valde remissa; ergo solum potest nonnullam, & parvam difficultatem bene operandi facere; ergo tentatio solum addit actui bono nonnullam difficultatem. Et quod in hoc exemplo declaratum est, intelligi potest in tentatione, quæ fit per contrariam suasionem, vel per aliquā repugnantiam appetitus, quæ parva interdum esse potest, & nihilominus est aliqua tentatio parvam adjungens difficultatem.

19 Quod vero hæc difficultas (quod in minori sumebamus) non necessario postulet auxilium gratiæ, ut vincatur, præcise quoad resistendum tentationi, probatur, quia hæc resistentia sufficienter sit, vel eodem actu bono naturali, quem voluntas potest facere sua facultate naturali, vel nolendo extrinsecum finem pravum occurrentem, quod non minus est in libera facultate voluntatis. Et ex parte intellectus potest etiam esse naturalis consideratio confortans voluntatem adversus oppositam suasionem, vel repugnantiam. Neque in tali resistentia intervenit aliquid supernaturale, vel in substantia, vel in modo, quia supponimus ex nullo motivo supernaturali id fieri, quo posito nullus modus supernaturalis ibi cogitari potest, quia sola libertas actionis cum consideratione ad illam necessariam, non excedit naturalem modum operandi, ut per se notum est, & ex dictis de operatione boni actus, satis convincitur. Denique parva illa difficultas parum etiam obesse potest, quia multo majores difficultates solet homo vincere sua libertate, & quia honestas actus tentationi contrarii attente considerata potest plus movere, quam levis tentatio; potest autem saltem pro brevi tempore ita considerari honestas non obstante tentatione, cum levis tentatio fere nihil perturbet.

20 Secundo argumentari possumus discurrendo per omnes modos, quibus hæc gratia necessaria ad vincendam quamcumque tentationem explicari potest.

Imo illa
indican

Ratio
pro eadē
opin. neg.

Pregred.
tur ratio

Conclu-
ditur con-
firmatio
ex Ponti-
ficibus
citatis

Ratio
impugnans
modos
fun-
dandi
ne-
cessitate
de qua
disputa-
tur.
Impugna-
tur i. me-
dus

Nam in primis tres modi supra tractati de actibus bonis eisdem rationibus refelluntur. Nam quod attinet ad motionem determinantem, quam Greg. ponebat, profecto argumenta contra illam facta eodem modo in præsentia urgent. Quia loquimur de resistentia temptationis libera, & cum dominio voluntatis, ostendimus autem, posita tali determinatione jam non libere operari, vel resistere eum, qui illam recipit, & e converso, qui non recipit illam non posse resistere, si ad resistendum illa necessaria est. Præterquam quod nulla ratio talis determinationis, quæ sit specialis pro tempore levis temptationis, nec autoritas, in qua fundetur, reddi potest. Unde etiam concluditur, ad hunc effectum non esse necessariam gratiam per modum principii physici adjuvantis voluntatem, per se efficiendo cum illa, quia ille effectus non est proprius alicujus virtutis per se infusus; ergo neque est ab aliquo speciali auxilio, seu principio, quod alicujus virtutis, vel habitus infusi activitatem suppleat; ergo nulla ratio relinquitur, ob quam novum principium physicum additum voluntati necessarium sit, etiamsi illud non ponatur tanquam determinans voluntatem ad exercitium actus.

Impugnatur
2o

21 Secundo dici potest necessaria gratia moraliter adjuvans voluntatem, quæ sit superioris ordinis, & consistat, vel in inspiratione supernaturali quoad substantiam, vel excedat vires intellectus, & voluntatis, vel causarum omnium, a quibus naturaliter excitari possunt. Et hic etiam modus rejicitur, quia licet hæc gratia possit esse utilissima, & in urgentibus occasionibus necessaria, ut statim dicam, tamen ubi levis est tentatio, non est tanta necessitas, quia inest libertate absoluta potestas, quæ illo tempore sine magna difficultate possit ad actum reduci, cui potestati repugnat illa necessitas; quia necessitas non opponitur difficultati præsertim parvæ, sed impossibilitati, unde necessitas excludit potestatem ad oppositum, etiam cum nonnulla difficultate; ergo si absque tali auxilio voluntas pro sua libertate est physice, & moraliter potens ad operandum, non obstante illa difficultate, profecto tale auxilium non est necessarium, vel si illud est necessarium, voluntas non est potens, cujus contrarium probat ratio facta. Nam sine illa difficultate parvæ temptationis voluntas potest cum effectu facere talem actum, ut supra de bono actu simpliciter sumpto ostensum est, sed illa parva difficultas non facit impossibile id, quod antea erat possibile; ergo.

Impugnatur
ter-
tius

22 Tertius modus est de gratia, quæ dicitur esse per modum congruæ cogitationis. Sed hic etiam refellitur, quia illa cogitatio, ut supra late argumentatus sum, non semper excedit generalem ordinem providentiæ, nec est vera gratia, de qua Sancti, & Concilia loquuntur. Hic vero specialiter considerandum est, etiam auctores contrariæ sententiæ negare non posse, cogitationem sufficientem ad vincendam talem temptationem posse sine gratia haberi, alioqui per solam potestatem naturalem, & seclusa gratia non haberet quis libertatem ad peccandum, quia non haberet sine gratia potestatem ad resistendum tali tentationi; ergo simpliciter verum est, sine gratia alicujus specialis cogitationis habere hominem potestatem ad vincendam temptationem. Sicut in supernaturalibus, qui gratiam habet sufficientem ad vincendam temptationem, simpliciter potest illam vincere, etiamsi non habeat efficacem; ergo idem est in præsentia cum proportionem; ergo si illa sufficientia non est per gratiam, sed per naturam absolute potest homo vincere talem temptationem. Quod autem de facto non vincat illam temptationem, nisi habeat cogitationem congruam; cum illa congruitas sit omnino consequens, & pendens ex solo usu naturalis libertatis, & alioqui non sit necesse, ut illa cogitatio proveniat ex speciali Dei providentiâ, sed ex generali cursu naturalium causarum provenire possit, non solum non pertinet ad speciale auxilium gratiæ, verum etiam nec ad speciale beneficium gratiæ, sed naturæ. Ergo neque isto modo vere defenditur necessitas auxilii gratiæ ad vincendas singulas tentationes.

23 Quartus modus, quo victoria temptationis semper dicitur tribuenda gratiæ, est, quia semper est be-

neficium gratiæ, quod tentatio sit levis, vel non gravior. Nam si Deus permitteret, dæmon urgentius tentaret; ergo quod Deus id non permittat, beneficium gratiæ est; ergo illi debet imputari victoria; ut si duobus inter se pugnantis, tertius impediatur alterum illorum, ne tot armis, vel tot viribus contra alterum utatur, & ideo alius vincat, profecto iste, qui vincit, illi tertio, qui dicto modo eum juvit, debet tribuere, & acceptam refert victoriam. Sed in primis non video, cur hoc titulo dicatur gratia necessaria ad singulas tentationes vincendas, & non ad singula bona opera. Nam vel bonum opus sit urgente temptatione, & sic includit victoriam temptationis, & consequenter non fiet sine gratia juxta dictam sententiam: vel sit bonum opus, quando nulla tentatio in contrarium pulsatur, & hoc ipsum etiam erit ex gratia, ac subinde tale opus non fiet sine aliqua gratia. Quia si moderari temptationem, seu non permittere, ut sit gravior, est gratia Dei, profecto maior erit gratia facere, vel non permittere, ut in tali occasione ulla pulset tentatio, quia sicut dæmon est paratus ad tentandum gravius, ita est paratus ad semper tentandum, & præcipue illis temporibus, in quibus homo potest occasionem bene operandi habere: ergo e contrario, si hoc non obstat, quo minus bonum opus fieri possit sine gratia, nec etiam obstat, quominus possit alicui tentationi resisti sine gratia. Nam si quis dicat, carentiam temptationis solum per accidens se habere ad bonum opus tanquam removens prohibens, per se autem fieri per vires liberi arbitrii, & ideo illi tribui sine viribus gratiæ, similiter in præsentia dicitur, carentiam gravioris temptationis solum esse remotionem impedimenti. Per se autem talis, ac tanta tentatio, quæ sola nunc instat, sola libertate superatur, sine alia gratia adjuvante: ergo simili ratione dicendum est talem, ac tantam temptationem posse vinci sine gratia, & ad hoc sufficere vires liberi arbitrii, undecumque illa tentatio habeat, ut tanta, & non maior sit. Deinde esto illud censendum sit peculiare beneficium Dei, tamen si gratia dicenda est, non est gratia interna divinæ inspirationis, & adjutorii, sed est quedam gratia externæ protectionis: hic autem agimus de priori gratia, de qua loquuntur Patres, quando disputant contra Pelagium, ut maxime videri potest in epist. 95. Augustini, & illam requirunt ad victoriam temptationum, & hoc sensus dicimus, illud non posse intelligi de omnibus, & singulis tentationibus, etiam levibus, unde si attente considerentur, hæc sunt distincta dona, seu beneficia, adjuvare ad vincendum, & prævenire, ne sit pugna, vel ne tam gravis sit; sicut donum innocentiae, & donum remissionis peccati, utrumque est donum gratiæ, tamen distinctum, ita etiam non pulsari temptatione, vel illam vincere, postquam vexat, distincta sunt dona gratiæ: quod autem sit levis tentatio, & non gravis, quando est ex gratia, pertinet ad primum genus gratiæ non permittendi temptationem, non autem proprie ad victoriam temptationum: de qua nunc tractamus, & ad quam diversa gratia requiritur, quando necessaria est.

24 Præterea assero, etiam illud genus protectionis, seu providentiæ Dei, quo fit, ut tentatio sit levis, licet semper sit ex beneficio providentiæ divinæ, non esse necessarium, ut semper in particulari sit ex speciali providentiâ gratiæ, sed interdum sufficere generalem providentiæ cursum. Quod ita declaro, nam vel loquimur de temptatione proveniente, tantum ab intrinseco cum objectis sensibilibus ordinario cursu humanarum rerum occurrentibus, vel specialiter consideramus temptationes dæmonis, & vires ejus ad tentandum, quibus humanæ non possunt comparari, Job. 4. t Priori modo potest facile evenire, sepeque contingere, ut tentatio occurrens sit levis. Nam interdum accidere potest, ut nulla sit, quia non occurrit, nisi objectum honestum, & fieri potest, ut non repugnet sensui: ergo eadem ratione potest contingere, ut ex vi naturalium causarum levis tentatio sit, & non maior. Denique non est, cur hoc repugnet, quia isti effectus in se contingentes sunt, & æque provenire possunt ex communi cursu causarum cum generali consensu Dei, unde licet non eveniant sine præscientia,

Impugnatur
quarta
de
tentatio-
ne levi

Levis tenta-
tio ex
causis na-
turalibus
etiam ve-
nire po-
test

& approbatione, vel permissione Dei, nihilominus ex generali providentia sufficienter eveniunt.

Tentatio
non sem-
per est a
dæmone.

25. Si autem loquamur de tentatione dæmonis, de qua maxime videntur loqui alii authores, in primis illud tentationis genus, ut supra dicebam, quasi præternaturale est, unde si homo in puris naturalibus consideretur, vel non videretur subiiciendus illis tentationibus, quia tunc tam quoad malum, quam quoad bonum, deberet constitui in pura natura, vel certe, si Deus etiam tunc permetteret pugnam alicujus hostis invisibilis, deberet etiam providere adiutorium proportionatum, ut custodiam angelorum, vel aliquid simile: atque ita utrumque pertinet ad generalem providentiam illius status. Nunc vero, quia homo est elevatus ad ordinem gratiæ, major fortasse licentia data est dæmoni ad tentandum, ut virtus gratiæ magis innotescat: & fortasse in natura lapsa liberius permittitur dæmon, homines tentare in penam originalis culpæ, & ideo quoties Deus specialiter prohibet illum, ne vehementius tentet, beneficium gratiæ est per Christum collatum. Nihilominus non videtur hoc speciale beneficium in omnibus tentationibus necessarium. Quia non est, cur cogitemus, vel dicamus, dæmonem in singulis momentis, & occasionibus inducitur esse hominem in gravissimam tentationem, nisi a Deo speciali gratia impediatur. Nam in primis Deus non inducit dæmonem positive ad tentandum, quia hoc non est consentaneum bonitati divinæ, propter quod intentator malorum dicitur; unde etiam non inducit, ut tentet hoc; vel illo modo, sed tantum permittit. Deinde verisimile est, in hac permissione esse aliquam universalem limitationem ex generali providentia, ex qua non permittitur dæmon facere suo arbitrio quidquid potest, alias magna ex parte posset ordinem universi perturbare; ergo etiam ex hac generali providentia potest sæpe evenire, ut non graviter tentet absque speciali beneficio gratiæ. Imo talis esse potest dispositio hominis, & occasio operandi occurrens, ut non valeat dæmon, etiam si velit, graviter tentare hominem in illa materia, supposita sufficienti advertentia rationis, quia nimirum tale objectum cum his circumstantiis non potest graviter excitare hominem.

Imo nec o-
mnis a dæ-
mone est
gravis

26. Ac denique accidere potest, ut ipsemet dæmon sua libertate, & prava intentione temperet aliquando, & abstineat a gravi tentatione, ut hominem eo gravius peccare faciat, quo liberius ceciderit, vel certe ut permittendo nunc aliquam victoriam, in elationem, vel aliam graviorem culpam inducat, vel ut hominem securum reddat, & ita vel facilius postea illum decipiat, vel in statu alicujus peccati quietus permaneat. Qua ratione dixit Gregorius 24. Moral. cap. 7. alias 12. *Dæmon eos pulsare negligit, quos quieto jure possidere sentit.* Quamvis ergo hæc moderatio tentationis sæpissime sit speciale beneficium gratiæ, semperque esse possit, ideoque semper postulandum sit, nihilominus in aliquibus actibus, & occasionibus potest evenire ex generali providentia, qua Deus relinquit dæmonem pro suo arbitrio, & malitia operari, & prævidet illum non nisi tali modo tentaturum, & ideo non esse hominem in tali occasione superaturum. Relinquitur ergo, ut nullum gratiæ auxilium sit semper, & in singulis tentationibus necessarium ad tentationi resistendum, quia præter dictos modos nullus alius excogitatus est, nec facile fingi potest.

Ad ratio-
nem sum-
mam ta-
ctam in
§ 2.
§ solutio.

27. Fundamentum contrariæ sententiæ auctoritatibus Scripturæ, Conciliorum, & Patrum præcipue nititur, quæ eisdem sensus habent, quos cap. 17. & 18. dedimus similibus sententiis, quibus ad bene operandum gratia requiritur. Primo ergo dicendum est, frequentissime loqui de victoria Christiana (ut sic dicam) seu ad vitam æternam comparandam fructuosa. Quod quidem legenti singula testimonia facile constabit; tum quia disputant contra Pelagium, qui hanc etiam victoriam tentationum soli libero arbitrio tribuebat; tum etiam quia eisdem locis, & eodem modo de bona operatione, & de victoria tentationis loquuntur; tum denique quia sæpe requirunt auxilium fidei, imo & charitatis. Unde est illud Augustini lib. de Perfectio. justitiæ c. 20. *Potest homo, si Deus adjuvet,*

cui dicitur, adiutor meus esto, ne derelinquas me. Non utique ad corporalia bona capeffenda, & mala cavenda, sed ad gerendam, perficiendamque justitiam, propter quod dicitur. Et ne nos inducas in tentationem. Nominine autem justitiæ intelligit Augustinus illam, quæ est apud Deum, & in fide fundatur, ut sequentia verba indicant: *Adjuvatur autem, si invocatur, si credit,* &c. Et in dicto c. 18. hoc latius ostendimus. Secundo dicimus, plures ex illis loquutionibus Patrum esse indefinitas, ex quibus non licet colligere universalem sermonem ita rigorosum, ut ad omnes, & singulas, cujuscumque gradus tentationes vincendas extendatur; satis enim est, si plures earum, & frequentius sine gratia vinci non possint. Sic Cyrillus dicto lib. 9. in Joan. c. 45. cum dixisset, impossibile esse, nisi gratia spiritus munitos perturbationes animi superare, statim addit: *Neque acres diaboli laqueos evitare,* ubi addendo illam particulam *acres*, satis indicavit, non loqui de omnibus animi perturbationibus, aut tentationibus etiam levibus.

28. Quin potius addo ulterius, etiam si interdum videantur simpliciter loqui de universis tentationibus, recte intelligi morali modo de tentationibus alicujus gravitatis, & momenti, quia quæ leves sunt, quasi nihil moraliter reputantur, vel quia etiam in his vincendis, si homo sua libertati, & humanæ diligentie permittatur, frequentius est negligens, & labitur potius, quam resistat, ideoque moralis sermo moraliter intellectus verus esse potest, etiam si interdum non desit potestas in voluntate ad aliquam tentationem vincendam. Unde quod interdum etiam dicunt Patres præsertim Innocentius, & Cælestinus in dictis epistolis, indigere nos singulis temporibus, & momentis auxilio gratiæ, ne tentatione vincamur; eodem morali modo intelligi potest, quia frequentissime in ea necessitate versamur. Quamvis etiam dici possit, in singulis momentis nos indigere hoc auxilio, non quia in singulis ita tentemur, ut sine auxilio non possumus stare, sed quia semper ita tentari possumus, & ideo semper nobis necessarium est, paratum habere Dei auxilium. Sicque dixit Gregor. in Pl. 3. Pœnit. in fine: *Quia sancta anima omni tempore intelligit sibi imminere pericula, etiam momento temporis non potest esse secuta, & ideo Deum precatur, ut nec ad horam ab illa discedat.*

solutio
proxima
promove-
tur.

29. Ad præterea potest sæpe dicere Patres non posse nos victoriam tentationis obtinere nostris viribus, quia non valemus ita constanter resistere, quin si tentatio aliquantulum duret, cadamus, vel graviter vel leviter pro materie qualitate. Et ideo licet aliquantulum resistamus, non potest appellari victoria; sicut qui cum hoste congreditur, licet semel, aut iterum illum percutiat, si tandem ab illo occidatur, non victor, sed victus absolute censetur. Ita ergo dicitur homo non posse tentationes vincere sine gratia, quia non potest sine peccato in tentationibus persistere. Et ita videntur loqui sæpe Patres impugnantes Pelagium, qui aiebat, liberum arbitrium ita posse vincere tentationes, ut nunquam peccet. Ut videre licet in Hier. dial. 3. contr. Pelagian. & August. lib. 1. de Gratia Christi c. 26. & seqq. Et hoc videtur expressius extendere ad leviores tentationes Prosper contra Collator. c. 35. ubi ait, etiam ad leviores tentationes vincendas esse gratiam necessariam: nisi forte leviores vocet, non quæ absolute leves sunt, sed quæ comparatione facta ad tentationem Jobi, de qua ibi tractabat, tales sunt, quamvis per se, & absolute spectatæ graves esse possint. Tandem vero dicimus, etiam cujuscumque tentationis victoriam, licet interdum sine propria gratia obtineatur, referendam esse in Deum, saltem ut auctorem, & gubernatorem, & provisorum naturæ; tum quia si victoria illa sit per actum bonum, ille principaliter est ab authore naturæ, ut supra diximus; tum etiam, quia ex Dei providentia provenit, ut tentatio in tali occasione occurrat, in qua simul possit homo & sufficienter advertere, & illi resistere prius, quam augeatur. Et juxta hunc etiam sensum videntur aliquando, licet rarius, loqui Patres, præsertim Hier. & Paulus Orosius contra Pelagianos.

solutio 3.

30. Et hinc facile responderetur ad rationes sumptas ex

2. solutio.

Ad ratio-
nes alias
in eodem
2. 12.

ex oratione, gratiarum actione, & ex arrogantia, seu vana gloriatione cavenda. Nam hæc omnia eandem rationem habent in victoria unius tentationis, quæ in effectione unius boni operis, & ideo applicanda sunt, quæ diximus capite præcedenti, nec ea temere necesse est. Ad aliam vero rationem sumptam ab incommodis de victoria gravium tentationum, vel omnium, negatur utraque sequela, quia illa difficultas, licet non reddat effectum physice impossibilem, reddit moraliter, ut insequentibus capitulis fuisse explicabimus. Ad ultimam vero rationem, quod semper est gratia non gravius tentari, jam dictum est, hanc non esse propriam gratiam auxiliantem, de qua loquimur, & ideo non obstante illo favore verum esse, talem tentationem sic occurrentem vinci per libertatem resistendo sine auxilio gratiæ. Et præterea dictum est, illum favorem non semper esse beneficium gratiæ, sed interdum ex generali providentia cum præscientia Dei provenire. Quod optime quadrat loco Ambrosii. Et similiter, cum Augustinus quidquid non peccamus Deo tribuit, in hac amplitudine loquitur de beneficio Dei, sive sit beneficium propriæ gratiæ, sive generalis providentiæ. Cujus signum est, quia non solum fidelibus, sed etiam infidelibus dicitur auctori conferri hoc beneficium, ut patet ex dicta hom. 23. Et ita intelligenda sunt, quæ ex illa recitavimus, neque enim aliter sensum commodum habere posse videntur.

C A P U T XXIV.

Utrum ad vincendas singulas graves tentationes contra legem naturalem in statu naturæ lapsæ necessarium sit speciale gratiæ auxilium.

Semipelagianorum hæresis.

HIC tractanda est opinio extreme contraria alteri, quam capite præcedenti impugnavimus. Illa enim agebat, nullam omnino tentationem, etiam in materia morali, & naturali, posse vinci sine gratia; hæc vero asserit, nullam esse adeo gravem in tali materia, quæ per se, & sigillatim spectata non possit vinci per liberum arbitrium absque auxilio gratiæ in statu lapsæ naturæ, de hac enim præcipue agimus; nam de integra dicemus in capite sequenti. De statu autem in puris naturalibus fere eadem est ratio, ut sæpe dictum est. Hanc ergo sententiam tenuerunt Semipelagiani, ut constat ex Cassiano coll. 13. c. 14. ubi de tentationibus Job specialiter loquitur; & eandem sequuntur aliqui Catholici, diverso tamen modo, nam Semipelagiani victoriam etiam perfectam talis tentationis, & fructuosam ad vitam æternam dicebant, obtineri posse per solum arbitrium sine auxilio gratiæ, in quo merito damnantur cum Pelagianis; at vero Catholici solum dicunt, posse liberum arbitrium resistere huic tentationi, ita ut non peccet, etiamsi in hoc nihil mereatur, absque auxilio gratiæ. Et ita tenet hanc sententiam Ruard. a. 7. cont. Luther. §. *Tractantur*, vers. *Hæc confirmantur*, & Stapler. l. 2. de Justif. c. 4. & 13. Tribuitur etiam Molina in concordia q. 14. a. 13. disp. 19. Sed ille forsitan, non discrepat a communis sententia, ut infra videbimus. Solet etiam allegari D. Th. 1. 2. q. 109. a. 4. & 8. quia in priori dicit, posse hominem implere mandata legis naturalis quoad substantiam actus sine gratia, & quia in posteriori dicit, posse hominem sine gratia vitare singula peccata contra legem naturæ. Sed immerito allegatur D. Thom. quia in priori loco dicit indefinite posse hominem præcepta naturalia aliquando servare, in posteriori vero licet dicat, singula præcepta posse impleri sine gratia, non tamen dicit, in omni occasione, & omni tempore, nec considerat ibi vim tentationis, sed solum qualitatem præcepti, & substantiam actus, & eodem modo loquuntur Thomistæ his locis. Magis videtur favere D. Th. 1. 2. q. 77. art. 7. & q. 80. art. 3. quatenus docet, nullam tentationem concupiscentiæ, aut demonis tollere libertatem sufficientem ad non consentiendum. Sed aliud est loqui de libertate, aliud de absoluta potestate ad resistendum tentationi, ut infra videbimus. Indicat eandem sententiam Richardus in 2.

dist. 38. art. 2. q. 2. & 3. re tamen vera in qu. 2. solum tractat de evitando peccato per se, & præcise, non spectata vi tentationis, de qua tractat in qu. 3. & solum indefinite concludit, posse hominem sine gratia vincere aliquam tentationem, ut patet ex corpore questionis, & ex fine solutionis.

2. Magis favet huic opinioni Egidius in 2. dist. 38. quest. 1. art. 4. post dub. 1. literale ad 1. ubi sic inquit. *Quantumcumque delectatio sensibilium nobis conaturalis inclinet ad illicita, non obstante hujusmodi inclinatione, si ex toto conatu volumus illa agere, possumus recte illa facere, sed non omnia, nec diu possumus consistere tali conatu sine gratia nos adjuvante.* Guilielmus etiam de Rubione in eadem dist. §. *Quantum ad tertium* non solum ait, posse hominem resistere cuiusque tentationi contra præceptum negativum sine gratia assistente, sed etiam sine prima causa generaliter influente, quia ad resistendum tali tentationi satis est non agere, quia non agendo servatur præceptum negativum, ad non agendum autem neque concursus generalis necessarius est. Si quis autem velit positive resistere, volendo non agere contra tale præceptum, dicit tunc quidem necessarium esse generalem concursum, non tamen gratiæ assistentiam. Unde idem consequenter sentit de quacumque tentatione contra præceptum naturale affirmativum, ob eandem rationem. Multi etiam Theologi in illa dist. 28. dixerunt, posse hominem per solas vires liberi arbitrii servare omnia præcepta naturalia, & vitare omnia peccata illis contraria diu, ac perseveranter, seu collective, ut ajunt, qui profecto merito possunt pro hac sententia citari; tum quia id fieri non potest sine victoria plurium tentationum gravium, quæ in diuturno tempore deesse non possunt; tum etiam quia difficilius est longo tempore inter ordinarias tentationes sine peccato vivere, quam uni gravi tentationi minori tempore resistere. Quantum vero isti authores decipiantur postea videbimus. Alii etiam Theologi, qui simpliciter dicunt, posse hominem per liberum arbitrium servare singula præcepta naturalia, & vitare omnia peccata illis contraria divisim sumpta, licet non conjunctim, solent pro hac sententia allegari, sed illis infra dicam. Solet denique pro hac sententia citari Anselm. libr. de Liber. arbit. cap. 5. & 6. cujus mentem postea expendemus.

3. Ratio hujus sententiæ est, quia posita quacumque tentatione gravi cum advertentia rationis, homo consentiendo peccat moraliter, si materia etiam gravis sit; ergo potest & physice, & moraliter ex vi liberi arbitrii illi tentationi non consentire saltem non peccando, quod nunc solum intendimus. Probatur consequentia, quia illa potestas in libertate necessaria ad peccandum graviter, includitur. Unde Aug. l. 3. de Liber. arbit. & de Spirit. & Litera c. 3. *Illud* (inquit) *est in nostra potestate, quod si volumus, facimus.*

4. Ad rationem hanc responderi solet, posse nos quidem potius, quoties tentamur, non peccare, quia gratia Dei præsto adest; & id possumus simpliciter, quia per amicos, ut ajunt, possumus. Hæc vero responsio impugnatur, quia gratia non habet necessariam connexionem cum natura hominis secundum se spectata, posset enim conditi in pura natura; tunc ergo non haberet paratam gratiam, quia illi non debetur; & supponimus nihil ei dari, nisi quod est debitum, & nihilominus in illo statu haberet libertatem ad peccandum etiam graviter, non obstante quacumque tentatione; ergo etiam tunc haberet libertatem ad non peccandum; ergo etiam haberet potestatem resistendi, at tunc non haberet illam ex gratia, quia tunc non esset illi præparata; ergo ex vi solius libertatis. Atque hæc ratio eandem vim nunc habet in homine lapsa, si supponamus eum habere invincibilem ignorantiam gratiæ, & per illam nondum esse præventum, nam ille homo si tentetur, potest simpliciter non peccare, & tamen neque actu habet auxilium gratiæ, nec potest aliquid facere, quo illud obtineat, quia non potest se præparare ad primam gratiam auxiliantem, ut nunc suppono; ergo illa potestas est ex sola libertate.

5. Et potest hæc confirmari ex Paulo ad Rom. 1. dicentem.

Fundatur sententia.

Diffidens Catholici

Confirm.
a. proxima
imougnat.
tio.

cente, gentiles fuisse inexcusabiles, &c. & reddit rationem solum, *quia cum cognovissent Deum, non sicut Deum glorificaverunt*; ergo perfectum iudicium rationis naturalis cum libertate voluntatis reddit hominem inexcusabilem, quoties in materia naturali non obstante quacumque tentatione labitur, ut ibi exponit Chrys. hom. 3. & docet Iren. lib. 4. contr. Hæres. c. 9. & sentit Aug. Concion. 25. in Pl. 118. Ergo illud etiam sufficit ad potestatem resistendi, nam si hanc homo non haberet, profecto esset inexcusabilis. Confirmatur secundo, quia tentatio non infert voluntati necessitatem quoad exercitium; ergo simpliciter potest suspendere actum; hoc autem sufficit ad vitandam tentationem, saltem quando est contra præceptum negativum. Et quamvis necessarium esset elicere aliquem actum voluntatis, sufficeret naturalis, & juxta probabilem opinionem sufficeret indifferens, vel ad summum honestus naturaliter, seu moraliter; sed hic actus potest haberi sine gratia, ut diximus: ergo.

Confirmat.

6. Præterea potest confirmari ex August. de Spir. & Liter. c. 14. & 17. dicente, legem, sive naturalem, sive scriptam positam sine spiritu gratiæ, esse legem peccati, & mortis, quia obligat, non dat vires, neque etiam aufert potestatem peccandi: imo efficitur occasio multiplicandi peccata, quia arbitrium posita lege, per se sufficit ad peccandum, etiam si gratia careat, ut aliis locis August. tradit, præsertim de gratia, & lib. arb. c. 2. & contr. duas epist. Pelagian. c. 5. epist. 95. & 11. de Civ. c. 5. Quæ omnia procedunt etiam eo tempore, quo legis observatio est gravis, & difficilis propter tentationes, vel alia impedimenta occurrentia: tum quia tentatio non aufert legis obligationem; tum etiam quia lex non est occasio peccandi, vel virtus peccati, ut loquitur Paulus, quando facile servari potest, tunc enim voluntas sine speciali gratia ad illam observandam sufficit: ergo maxime tempore tentationis sit lex mortis, si spiritus gratiæ desit. Ergo tunc etiam est in homine absoluta potestas ad servandam legem, & non peccandum, & consequenter etiam ad vincendam tentationem, quia nisi hanc potestatem habeat nec potestatem peccandi habere posset. Accedit, quod homo lapsus jam iustificatus, etiam si non habeat specialem gratiæ motionem potest per solum liberum arbitrium vincere similem tentationem, quia in illo jam est sanata natura per habitalem gratiam: ergo idem poterit absque illa gratia. Probatur consequentia, quia sola habitualis gratia, si actu non operetur, & moveat, non affert, nec minuit difficultatem, quæ in vincenda tentatione intervenire potest.

Confirmat.

Confirmat.

7. Quarto confirmatur hæc sententia vulgari argumento, quia homo sæpe propter honorem, vel aliam concupiscentiam humanam libera voluntate, & sine gratia eligit difficiliora, quam sit interdum gravis tentatio, & ita illam difficultatem vincit: cur ergo non ita poterit vincere gravem tentationem contra præceptum naturale. Simile argumentum est, quod hæreticus mortem sustinet, vel pro suo errore, vel etiam pro aliqua veritate Catholica, quam retinet; unde sicut primum facit sine gratia, ita & secundum: cur ergo non poterit idem facere Catholicus pro eadem Catholica veritate; quod si id faciat, vincit profecto tentationem gravem sine gratia. Ultimo afferri potest argumentum Rubionis supra, quia ad vincendam tentationem gravem, sæpe non est necessarium aliquid agere, sed solum non agere, ut quando tentatio est contra præceptum negativum: ergo tunc neque generalis concursus necessarius est: ergo multo minus erit necessarium speciale auxilium.

Vera sent.
& commun.
alis.

8. Nihilominus dicendum est, ad vincendas graves tentationes, & unamquamque earum, necessarium esse speciale gratiæ auxilium, liberum namque arbitrium illo destitutum sine dubio succumbet. Ex antiquis Theologis pauci sunt, qui assertionem hanc distincte explicaverint, aut asseruerint, illam tamen satis indicat Bonavent. in 2. dist. 28. art. 2. qu. 2. & ibi Aureol. quæst. unic. art. 2. Vega clarius & fusius qu. 12. de Justificat. & sequentibus, Soto lib. 1. de Grat. capit. 21. ad 2. Medina 1. 2. quæst. 10. art. 3. & quæst. 109. artic. 2. ad 4. Bellarm. lib. 5. de Justificat. cap. 5. & 7. Valentia. 2. part. disput. 8. & jam est inter Theologos

hæc sententia communiter recepta. Ut autem distincte, & sine æquivocatione proberur, advertere oportet, variis modis posse nos loqui de una, seu de singulis tentationibus. Primo de singulis in specie, ut de tentatione concupiscentiæ, avaritiæ, &c. Et in hoc sensu est conclusio longe certior, ut sentiunt auctores allegati. Quia de tentatione contra castitatem id affirmant, & colligunt ex Sap. 8. *Nemo potest esse continens, nisi Deus dederit*, juxta expositionem Augustini, qui vult, ibi esse sermonem de castitate, & de dono gratiæ, lib. de Continent. c. 1. & epist. 89. 95. & 130. Et magis faver illud ad Roman. 7. *Quis me liberabit a corpore mortis hujus?* Præterea de rectitudine, vel peccato linguæ idem colligitur ex Jacobo c. 3. dicente: *Linguam nemo hominem domare potest*, ut expendit Paulus Oros. lib. de Lib. arb. & tradit August. lib. de Natur. & Grat. cap. 15. & 16. Potest etiam dici una tentatio quasi collectivæ, quæ in uno certamine posita est. Quo modo Prosper contra Callator. capit. 32. & sequentibus loquitur de tentatione Job tanquam de una, & gravissime, & merito reprehendit Cassianum, quod victoriam illius tentationis nudo libero arbitrio tribueret. Sic de una tentatione loquendo, certissima est assertio, quia illa revera non est una tantum, sed collectio plurium, de qua re in cap. sequenti dicturi sumus.

9. Proprie igitur una tentatio dicitur, quæ determinate, & in individuo una, seu continua est, & in hoc sensu intelligitur assertio, quia non solum ad integram victoriam ejus cum spiritali fructu, & merito, sed etiam ad resistentiam, & carentiam lapsus, auxilium gratiæ Dei necessarium est. Quæ assertio non potest quidem ex Scriptura, vel Patribus efficaciter probari, quia omnia quæ in illius confirmationem adduci possunt, in his, quæ in præcedenti capite pro sententia priori allata sunt, continentur, & responsiones, quas de levibus tentationibus dedimus, ad graves etiam applicari possunt. Nam Patres fere semper generatim loquuntur: unde sicut ad leves tentationes requirunt gratiam, ut cum fructu vincantur, ita etiam dici potest de gravibus: vel sicut in illis loquuntur de victoria integra, quæ hominem servet non tantum ab hoc, vel illo peccato, sed simpliciter a peccato, ita de gravibus dici potest, ut latius, & discurrendo per aliqua testimonia prosequitur Molina in d. disp. 19. membr. 5.

De una atque individua tentatione proprie hic sermo est:

10. Nihilominus duo possunt in prædictis testimoniis ponderari, quæ non parum favent huic sententiæ. Unum est testimonium illud Apostoli 1. ad Corint. 10. *Fidelis Deus, qui non patietur vos tentari ultra id, quod potestis*, nam inde intulit Chrysostomus hom. 24. *esse aliquas tentationes, quæ ferri non possunt*, utique sine auxilio, & ope Dei: ergo hoc maxime dictum est propter graves tentationes. Hæc posterior consequentia nota est. Prior vero, quam intulit Chrysost. probatur, quia si Deus pateretur, seu permetteret, gravius tentaretur homo, quam posset sustinere; ergo remota speciali providentia Dei, tentatio potest esse tam gravis, ut non possit homo sua facultate sola illi resistere. Quod si quis obiiciat, cum Paulus dicit *ultra id, quod potestis*, non intelligere de potestate per solum lib. arb. sed per gratiam adiutum, juxta doctrinam Prosperi contra Collator. cap. 35. hinc fortius sumitur argumentum. Quia si aliqua tentatio potest esse tam gravis, ut liberum arbitrium etiam adiutum aliquo minori auxilio gratiæ, non possit illam sustinere, nisi amplius juvetur a fortiori, poterit aliqua tentatio, etiam minus gravis superare vires liberi arbitrii gratia destituti. Aliter vero dici potest, Paulum non loqui determinate de una, & eadem tentatione, sed simpliciter dicere: *Non patietur, vos tentari*; utique de tentationibus, & tam continuis, ut sit ultra id, quod potestis. Sed licet hæc expositio probabilis sit, nihilominus magis respexisse videtur Paulus ad acerbitatem tentationis, præmiserat enim, *tentatio vos non apprehendat* (vel apprehendit) *nisi humana* id est parva; ergo huic opponit tentationem, quæ est supra id, quod homo potest. Et de hac præcipue intelligi potest oratio Dominica: *Ne nos inducas in tentationem*; per illam enim non tam petimus, ut non tentemur,

Sua dicitur primo ex 1. Cor. 10

temur, quam ut non desituamur gratia necessaria, ut a tentatione non superemur, & sic etiam dixit Christus: *Vigilate, & orate, ut non intretis in tentationem.* Ex quibus locis, & ex aliis supra citatis valde probabiliter colligitur esse aliquem modum tentationis etiam unicæ, & singularis, quam sine auxilio gratiæ evadere non possumus juxta illud Ps. 17. *In te eripiar a tentatione.*

ex Con-
cil & Pa-
trum lo-
cutioni-
bus.

11. Secundo potest in loquutionibus Conciliorum, & Sanctorum ponderari, quod interdum sunt universales negative de omnibus, & singulis tentationibus, ut est illud Theophyl. 2. ad Cor. 14. *Quævis tentatio vires nostras exuperat, nisi ille auxilietur nobis,* ubi Oecum. *Quævis tentatio vos everteret, nisi Christus auxiliaretur.* Ut omittam similes locutiones August. Prosperi; imo & Pontificum, & Conciliorum supra relatas, quas necesse est, saltem de gravioribus tentationibus intelligi. Nam si quælibet tentatio gravis posset sine gratia sola libertate vinci, profecto neque in rigore, neque moraliter tales locutiones absolutam veritatem continerent. Accedit, quod Chrysostom. dicta Homil. 24. de humanis tentationibus dixit, non facile posse vinci sine gratia, per humanas intelligens leviores; ergo de gravioribus intellexit simpliciter vinci non posse absque gratia. Et Cyrillus dicto libro nono, in Joan. capite 45. de acrioribus tentationibus loquutus est, cum dixit, non posse evitare sine gratia. Denique Patres scribentes contra Pelagium ita exaggerant fragilitatem hominis lapsi ad cavenda peccata, ut interdum dicant, nihil in hoc posse, alibi vero parum posse: resistere autem gravi tentationi, ita ut homo non peccet, nec nihil profecto, nec parum est. Ergo ex mente Sanctorum Patrum non est tanta fortitudo, seu potestas in lib. arb. hominis lapsi.

Ratio
quorundam
pro eadē
sent. ab in-
commodo

12. Rationem vero ab inconvenienti aliqui sumunt ex eo, quod si in vincendis tentationibus nullæ determinate occurrerent, quæ propter gravitatem suam per liberum arbitrium vinci non possent, nulla esset etiam multitudo tentationum, etiam confuse, seu collective sumpta, quam non posset homo sua libertate effugere absque peccato, & ita posset homo longo tempore servare totam legem naturæ, & cavere omnia peccata illi contraria sola libertate sine auxilio gratiæ, quod juxta sanam doctrinam admitti nullo modo potest, ut infra videbimus. Sequela probatur, quia in tota collectione non includuntur, nisi singulæ tentationes, & non occurrunt simul, sed successive, & victoria primæ tentationis non aufert libertatem circa secundam; imo nec minuit, sed potius auget potestatem, quia primus actus bonus inclinat ad secundum, & ideo ulterius procedi potest a secunda tentatione ad tertiam, & sic usque ad ultimam. Idem argumentum fieri potest de temporis duratione, & facile applicari potest.

Ita tamē
invalida.

13. Hæc vera ratio, licet in forma argumentandi habeat apparentem difficultatem, tamen revera est invalida, ut in Dialogis contra Pelagianos sæpe inculcat Hieronymus, & exemplis potest breviter declarari; quia leves tentationes sigillatim vincere possumus, & tamen totum cumulum earum per longum tempus non possumus ita superare, ut non interdum leviter cadamus. Unde certum est, non posse nos sine auxilio gratiæ vitare diu omnia peccata venialia collective, etiam deliberata; imo nec cum generali gratia, nisi specialior detur: & nihilominus singula per se sumpta vitare possumus, vel per libertatem in materia naturali, vel per commune adiutorium gratiæ in quacumque materia. Illa ergo consequentia in materia morali defectuosa est, quia difficultas collectionis habet diversam rationem, ut infra explicabo, & intelligi potest ex verbis Christi Domini Matt. 18. *Necesse est, ut veniant scandala,* quod verum est, licet nullum scandalum in particulari de necessitate veniat, sed liberare: est ergo in illo objecto confuso quidam necessitatis modus, etiam si in nullo singulari actu inveniantur. Et similiter dixit Luc. c. 17. *Impossibile est, ut non veniant scandala,* quod de nullo singulari dici poterat. Ita ergo in singulari responderi posset.

14. Sed instant secundo, quia impossibilitas illius generis tantum est quædam difficultas moralis, quæ si

non reperitur cum eadem impossibilitate in aliquibus actibus singularibus, nunquam dabitur in tota collectione, seu multitudine tentationum: ergo ut sit impossibile resistere omnibus tentationibus sine gratia, oportet, ut sit eodem modo impossibile resistere alicui vel aliquibus tentationibus certis, ac definitis: ergo maxime hoc dicendum est de gravibus tentationibus. Assumptum declaratur, & probatur, quia gratia non datur ad illud objectum confusum, neque ad collectionem, nisi in quantum datur ad hunc, vel illum actum in particulari: ergo nunquam datur ut necessaria ad tale objectum confusum, nisi fateamur dari actus in particulari, quos liberum arbitrium per se, & sine gratia præstare non potest: ergo illi maxime sunt, quando tentationes graves occurrunt etiam sigillatim sumptæ.

Instant idem pro-
ratione
prædicta,

15. Verumtamen prior illatio patitur eundem defectum, quem prior objectio, & eisdem exemplis everti potest. Nam etiam est impossibile vincere tentationes omnes leves collective, seu vitare simpliciter peccatum, seu innocentiam vitæ constanter servare sine gratia, etiam si in discursu illius temporis non occurrat gravis tentatio determinata, propter quam gratiæ auxilium necessarium sit. Ergo non recte probatur ex illo principio necessitas gratiæ ad singulas tentationes graves. Et ratio a priori est, quia seclusa difficultate gravis tentationis particularis in ipsa perseverantia bene vivendi, & constanter vincendi omnes tentationes ordinarias, & frequenter occurrentes, quas leves appellamus, est quædam moralis impossibilitas, propter quam superandum est necessarium speciale gratiæ auxilium, ut cap. sequenti videbimus, ideoque necessitas ad singulas graves tentationes per se non colligitur ex necessitate ad omnes simul, licet fortasse per quandam proportionem explicari debeat, ut dicemus.

Hæc est
instantia
invalida
est.

16. Ut ergo rationem propriam assertionis explicemus, prius declarare necesse est, quæ sit hæc gratia, quam dicimus esse necessariam. Deinde vero, quæ sit, & unde oriatur necessitas illius, & inde facile constabit, quomodo hæc necessitas non obstat naturali libertati. Primum ergo supponimus, hanc gratiam non debere cogitari, qualem illam ponebat Gregorius ad bonos actus, seu ad omnes tentationes vincendas, quia rationes supra factæ necessitatem: talis motionis universaliter improbant. Deinde statuimus, hanc gratiam non esse necessariam per modum principii physici, & per se concurrentis ad eliciendum actum, quo vincenda est tentatio, hoc enim etiam probant rationes factæ in superiori capit. quia actus ille ordinis est naturalis, & non includit in objecto aliquid, quod per se, & physice excedat naturalem facultatem voluntatis. Unde etiam sit, ad hunc effectum non esse necessariam gratiam habitualement, seu sanctificantem. Probatur, quia nec ex natura rei, ac per se necessaria est, quia habitus gratiæ operativi solum sunt necessarii ad actus supernaturales quoad substantiam eliciendos, ut postea videbimus. Nec etiam est necessaria gratia sanctificans ex aliqua ordinatione divina, qua statuerit non dare simile auxilium ad vincendam gravem tentationem homini in peccato existenti. De tali enim lege divina non constat, neque aliquo iudicio, aut autoritate ostendi potest, nec est verisimilis, quia multa alia beneficia gratiæ confert Deus peccatoribus: & frequenter supponunt Theologi disputantes de martyrio, posse hominem existentem in peccato resistere tyranno cogenti illum negare fidem, quæ gravis tentatio est. Item quia alias, quoties homo vinceret tentationem gravem, posset scire se esse in gratia tam certo, quam certus fuerit de resistentia tentationis sine peccato. Deinde incredibile est, peccatorem non posse vincere tentationem gravem, nisi prius iustificetur: cum possit interdum facere aliquem actum difficilem virtutis, ut dare vitam pro patria ex honestate, & pietate naturali.

1. punctum
ad solidam
probationem
quæ
gratia sit
necessaria

17. Nilominus tamen addo ulterius, hanc gratiam non sufficienter explicari per providentiam extrinsecam antecedentem, qua Deus non permittit tentationem esse majorem. Quia jam supponitur tentatio esse gravis; ergo licet Deus præciserit, hominem fuisse

Non tamē
sufficiens
causa extrin-
seca Dei
providen-
tia.

fuisse vincendum a graviore, & ideo illam non permiserit, nihilominus si præsentem tentationem vincit sine alio adiutorio gratiæ, jam illa victoria tribuitur soli libero arbitrio, & ita plane sequitur liberum arbitrium solis suis viribus naturalibus vincere tentationem gravem. Quod maxime cernitur in gravitate tentationis quasi intensiva, nam gravitas quasi extensiva, quæ ex duratione accrescit, optime potest a Deo præveniri, non permittendo hominem diutius tentari, tunc vero si per durationem non pervenit ad statum gravis tentationis, in hac sola negatione gratiæ illa consistit: non erit tamen proprium auxilium ad vincendam gravem tentationem. Quia ut supra dicebam, victoria propria est in resistentia, quæ sit supposita tanta, & tali tentatione. Unde cum Cassian. collation. 13. cap. 14. de Job. dixerit, vicisse tentationem suam libertate, & nihilominus addiderit, gratiam non in totum illi defuisse, explicaveritque illam gratiam per hoc solum, quod Deus non permisit, eum in tentatione plus urgeri, quam ab eo præviderit propria virtute superari: in hoc graviter reprehenditur a Prospero contra Collator. c. 35. quod victoriam tribuisset soli libertati, & ideo ait, verius dictum fuisse, Deum non permisisse, tentationem crescere ultra virtutem, quam ipse ad vincendum illam dedecet.

Nec sola congrua cogitatio excitata naturali ser.

18. Hinc præterea addo, non satis explicari hanc gratiam per solam cogitationem congruam, si talis sit cogitatio, quæ per externam objectorum propositionem mere naturalem, id est, cum solo concursu, & generali providentiâ Dei comparari possit, si talis cogitatio omnino libertatis usum anteverrat, & ex sola extrinseca providentiâ adveniat, si vel aliqua ex parte libera sit, quia nimirum ad illam consummandam, & perficiendam potuit voluntas applicare intellectum, & cum effectu applicuit. Probatur primo ex supra dictis, quia illa cogitatio revera non est gratia, & ita si illa sufficit ad vincendam tentationem gravem, sine gratia vincitur, atque ita veritas de necessitate gratiæ ad hunc effectum, quando illo solo nomine defenditur, potius eluditur, quam defendatur. Deinde suppositis, quæ diximus, est evidens argumentum, quia eadem cogitatio necessaria est ad vincendas minimas tentationes; ergo nulla est differentia, & consequenter ex parte Dei non esset necessarium majus adiutorium ad vincendas graves, quam ad vincendas leves tentationes, quod est contra sententiam omnium, qui specialiter requirunt gratiam ad vincendas graves tentationes. Unde etiam multi Theologi talem constituunt differentiam moralem, & notandam, quod in levi tentatione non tenetur homo ex præcepto ad orandum, & petendum auxilium, in gravi autem tentatione tenetur; ergo aliquid amplius ex parte Dei requiritur.

Item probatur ex emplō.

19. Denique hoc etiam convincit exemplum positum de Job, nam Cassianus fatebatur, illum habuisse cogitationem congruam ex divina providentiâ, quam ipse gratiam appellabat, quod patet, quia dicebat, non fuisse permillum tentari ultra quam vincere poterat, scilicet, efficaciter, & cum effectu, sicut fecit, & sicut Deus præsciebat futurum. Et nihilominus ex sententia Prosperi, non gratiæ, sed viribus lib. arbitrii tribuebat victoriam, & ideo Prosper illam quidem providentiam requirit ad gratiam efficacem, ita tamen ut supponat vires datas a Deo, & non solam libertatem. Loquutus autem sum de cogitatione mere naturali, quæ per causas naturales excitari, vel per propriam hominis industriam comparari possit; tum quia de hac tantum procedunt rationes factæ, & omnia superius dicta; tum etiam quia si Deus peculiari modo excitet mentem plus quam naturaliter possit, ut hoc modo det vires sufficientes ad vincendam tentationem, jam illa cogitatio non est mere naturalis, sed præter, vel supra naturam, & sic esse poterit vera gratia. Et nihilominus de tali cogitationem, non recte dicitur dare vires ad vincendam tentationem, quia est congrua: nam potest dare has vires, & non esse congrua, sed tantum sufficiens, multi enim non resistunt gravi tentationi, qui possent resistere, etiam per vires gratiæ sufficientis. Et quamvis verum sit, nunquam de facto vinci tentationem, nisi quando illa cogitatio

congrua est. hoc tamen non est intelligendum de congruitate, quæ consistit in sola conformitate ad usum liberum futurum, sed de congruitate, quæ provenit ex illa peculiari motione, vel excitatione, quam Deus addit ultra causas naturales, a quo habet illa cogitatio, ut sit speciale gratiæ auxilium, licet etiam fuerit speciale beneficium dare illud in eo gradu, & modo, quo præscitur habiturum effectum, & conformitatem cum futuro usu libertatis.

20. Dico ergo, hanc gratiam consistere in aliqua interna motione Dei aliquo modo supernaturali, quæ juvat imbecillitatem nostram, ut tali tentationi valeamus resistere: nam quæ hæcenus diximus, hoc saltem necessarium esse ostendunt, ut sit verum auxilium gratiæ. Quod autem hoc sufficiat probatur a sufficienti partium enumeratione, nam suppositis, quæ diximus, nihil aliud superest, quod esse possit. Deinde ita loquuntur Episcopi Africani in epistola 95. August. ad Innocent. & Innocentius in Rescript. & Celestin. in epist. 1. ad Episc. Galliæ ad finem, & in universum hoc vocant Concilia adiutorium Dei, quod per internas illuminationes, & inspirationes datur, ut declarat Aug. 1. 2. de Peccatorum merit. & remiss. c. 17. & aliis locis supra allegatis. Est ergo hæc motio, quæ hic breviter dicam, vel illuminationis intellectus, quæ melius, & fortius representatur objectum, quam per communem cursum causarum possit, vel motus aliquis voluntatis, quo Deus facit suavem illam resistentiam, vel terret ab illo malo, ut Aug. dixit in hom. 24. ex 50. Dixi autem motionem dari debere aliquo modo supernaturalem, quia ad effectum, de quo tractamus, non semper est necesse, ut sit supernaturalis in entitate sua, quia effectus non est adeo excellens. Sufficit ergo, ut modo supernaturali conferatur: consistit autem ille modus in hoc, quod talis, ac tanta consideratio, vel affectio, aut inordinatio in tali occasione, & puncto fieri non posset per communem cursum naturalium causarum, vel per humanam industriam eius, qui tentationem patitur, comparari. Et ideo illa motio habet veram rationem gratiæ, præsertim si detur in ordine ad finem supernaturalem, sicut nunc datur.

Authoris judicium quæ gratia sit necessaria.

21. Sed statim occurrit secundum punctum propositum. Nam licet per se satis notum sit, hoc genus motionis divinæ esse possibile, & utilissimum, quod autem sit necessarium, & videatur cum naturali libertate pugnare, & alioqui nulla sufficiens ratio tante necessitatis apparet. Duo igitur extrema in hac necessitate explicanda invenio. Primum est eorum, qui dicunt hanc necessitatem provenire ex absoluta impotentia lib. arb. ad resistendum tali tentationi in quocumque puncto, & in momento urgeat. Ita fuit opinatus Michael Bajus, qui consequenter assererat, deficiente spiritu gratiæ necessitari voluntatem ad consentiendum tali tentationi. Soletque pro hac sententia referri Gregorius in 1. distinct. 1. quæst. 2. art. 2. ad tertiam quandam probationem. Sed ille loquitur de motibus doloris, aut tristitiæ, qui per modum passum excitantur in voluntate ex notitia objecti nocivi præsentis, non vero loquitur de libero consensu volendi, vel nolendi. Refertur etiam Medin. 1. 2. quæst. 10. artic. 3. in fine. Sed ille non dicit, aliquando passionem vehementem inferre necessitatem voluntati, ut consentiat, vel dissensiat absolute, sed ait esse posse tam vehementem passionem, ut sit necessarium auxilium speciale ad vincendam illam, quod longe diversum est. Ideoque absolute dicit, assertionem ibi a D. Thoma positam esse de fide, scilicet, nullam passionem quantumvis vehementem necessitare voluntatem, si judicium rationis non absorbeat. Unde nullum invenio authorem catholicum, qui aperte dixerit, gravem tentationem necessitare voluntatem ad actum peccari. Neque ullo modo id sustineri potest, tum quia nullum objectum creatum necessitare potest voluntatem, si ratio vigilare possit, quia semper invenire potest rationem nolendi illud; tum etiam quia licet tanto sit gravis, si homo consentiat, peccat; ergo signum est, non necessitari.

a puncto unde dicta necessitas.

Placitum Bati in hoc 2. puncto.

Explodi-tur.

22. Respondet Bajus negando consequentiam, quia homo culpa incidit in illam necessitatem, & ita intelligit, necessitatem peccandi esse per originale contra-

Evasio Bati.

tractam, ut interdum loquitur August. lib. de Perfect. justitiæ ratiocinat. 9. cap. 4. & lib. 7. de Natur. & grat. cap. 22. & 28. & simili modo loquitur Prosper lib. 3. de Vita contemplat. cap. 2. & contra Collator. c. 19. in diverso tamen sensu. Illa itaque sententia gravem continet errorem, videlicet posse esse peccatum, quod necessario sit, hoc enim consequenter ille auctor concedebat; damnatur autem a Pontificibus Gregorio XIII. & Pio V. in Bulla contra illum. Item sequitur ex illa sententia, motus primos concupiscentiæ esse peccata, etiam non consentiente voluntate; quod ille concedebat, quia licet necessarii sint, ex peccato Adæ trahunt originem. Illud autem in Concilio Tridentino sessione 6. & a dictis Pontificibus damnatum est, & a Theologis antea rejectum cum Augustino dicente lib. de duabus animab. capit. 12. *Peccati reum teneri aliquem, quia non fecit, quod facere non potuit, summe iniquitatis, & infamia est.* Et lib. Retract. cap. 9. *Malum, quod caveri non potest, peccatum non est.* Neque satis est, quod illa impotentia fuerit per originale contracta. Quia si illa talis est, ut in præsentis tempore, & occasione tollat libertatem actus, qui nunc sine libertate sit, non potest esse novum peccatum, id est (ut tollatur questio de nomine) non potest imputari ad novam culpam propter præcedentem actum, ut ex materia de Peccatis nunc suppono, & ex sententia Augustini 22. contra Faust. cap. 44. dicente. *Qui in ebrietate committit incestum, culpandum esse, non quantum incestus, sed quantum ebrietas meretur,* consideratis utique omnibus circumstantiis, quibus commissa est. At vero in præsentis quando homo lapsus consensit alicui tentationi, novum peccatum committit: & novam pœnam meretur: imputatur ergo ex præsentis libertate, non ex præterita, quæ in Adamo fuit, alioqui non esset peccatum, sed pœna peccati.

23. Oporteret ergo hanc impotentiam voluntatis ad resistendum tentationi gravi talem esse, ut libertatem ad peccandum non excludat etiam si liberum arbitrium omni auxilio gratiæ destituatur, quod est in tota hac disputatione præ oculis habendum, ne in æquivoco laboretur, & difficultates eludantur potius, quam solvantur. Et ideo non recte defenditur libertas in hac materia naturali, etiam urgente tentatione, per hoc, quod voluntas potest consentire tentationi sua libertate, & resistere per auxilium gratiæ, quia per hoc non salvatur libertas naturalis, posita tentatione. Nam si necessaria est gratia, ut potentia in illa occasione maneat libera ad dissentiendum: ergo remota gratia, & posita tentatione, non erit voluntas libera ad dissentiendum: ergo necessitabitur quoad exercitium. Item tunc remoto auxilio gratiæ non peccaret voluntas consentiendo tentationi, quia necessitaretur omnino ad consensum, & ita auxilium gratiæ non esset necessarium ad non peccandum: imo talis auxilii denegatio certior esset peccati excusatio. Hæc autem omnia sunt contra intentionem Pauli, & Sanctorum Patrum dicentium, legem sine gratia augere potius peccatum, quam tollere, vel impedire, ut in argumentis primæ sententiæ dicebamus. Unde nullo modo negari debet, quin homo consentiendo tali tentationi peccet juxta materiæ qualitatem, quamvis cum solo concursu generali relinquatur, quia simpliciter libere cedit tentationi, cum tentatio non necessitet voluntatem, quamdiu judicium rationis non absorber, ut est communis Theologorum consensus cum D. Thom. 1. 2. quest. 10. art. 2. & 3. & est sententia Anselmi loco supra citato, & illam etiam probant Augustini testimonia adducta in prioris sententiæ confirmationem. Eodemque modo ait lib. de Spirit. & Liter. cap. 31. non obstante extrinseca vi, aut suasionem, esse in potestate voluntatis facere, & non facere. Idem qu. 24. in Numer. Ita ergo defendenda est necessitas gratiæ ad vincendam gravem tentationem, ut ante gratiam supponatur vera libertas ad peccandum, ideoque dum liberum arbitrium tentatione vincitur, peccare, licet absit gratiæ auxilium. Et hic revera est sensus Patrum, alioqui non satis contradicerent Pelagio, nec postularent auxilium ad non peccandum, sed ut non necessitetur voluntas. Quod etiam satis probant omnia, quæ adduximus.

24. Hinc ergo dixerunt alii, hanc necessitatem gratiæ ad vincendam tentationem gravem non esse impotentiam antecedentem in voluntate, sed consequentem & coexistentem in Dei præscientia, id est, indigere voluntatem tali auxilio, non quia absolute non posset tentationem vincere, sed quia adeo debilis est ad præstandum id, quod potest, ut Deus præsciat, non esse id facturam, nisi juvetur, quæ est necessitas, vel impossibilitas consequens. Vel ut alii loquuntur, non est necessitas, quæ opponatur intrinsecæ insufficientiæ ad resistendum, sed efficiæ actualis resistentiæ, quia licet lib. arb. sufficiat, de facto non est id effecturum, nisi Deus auxilio gratiæ illi subveniat, & quia hoc præscivit Deus, ideo in ejus præscientia auxilium illud necessarium est. Atque hoc modo dicunt, lib. arb. non posse sine tali auxilio tentationem vincere.

25. Hæc vero sententia dum studet in concordiam redigere libertatem arbitrii cum hac necessitate, revera destruit assertionem positam, quam ipsam certam esse asserit. Probatur assumptum, quia ex illo responso sequitur, liberum arbitrium per se, & sine gratia sufficere simpliciter ad vincendam tentationem gravem: ergo simpliciter potest, sive sit effecturum, sive non, quia potestas solum dicit principium sufficiens. Sicut homo habens auxilium gratiæ sufficiens, simpliciter potest, licet non habeat efficaciam. Sic n. illa necessitas juxta hanc sententiam non excludit sufficientiam; ergo est principium sufficiens in solo lib. arb. ad vincendam gravem tentationem, antequam intelligatur habere auxilium gratiæ: ergo est simpliciter potens. Consequens autem est contra assertionem, in qua non de actu tantum, sed de potestate tractamus. Est etiam contra Concilia, & Patres contendentes contra Pelagium, lib. arb. ad resistendum tentationibus, ita ut non peccet, nihil, vel parum posse.

26. Præterea est in illo modo explicandi hanc impotentiam alia difficultas, quia si liberum arb. simpliciter est potens, & antecedenter nullo modo est impotens ad vincendam tentationem sine auxilio gratiæ absque fundamento dicitur nunquam id facturum, & Deum ita præscire, & consequenter gratis, & sine fundamento ponitur illa impossibilitas consequens. Probatur assumptum, quia si principium est simpliciter sufficiens ad talem effectum absque gratia; ergo simpliciter possibile est, & contingens, ex tali causa prodire talem effectum; ergo etiam potuit contingere, ut Deus præsciverit voluntatem in tali occasione suæ libertati relictam non fuisse consensuram pro sua libertate, quæ ad hoc erat sufficiens; ergo necessitas illa non est universalis, neque ulla ratione, vel fundamento ostendi potest, infallibile esse, ut nunquam contingat oppositum; ergo, nec est necessarium, ut Deus præsciat, nunquam illam sufficientiam transiuram esse in efficaciam ex sola libertate voluntatis, si revera illi nude sumptæ non deest potestas sufficiens ad illum usum.

27. Hic vero occurrunt auctores ponentes hanc gratiam in sola cogitatione congrua, & habente congruitatem ex sola præscientia, propter futurum effectum, quam supra etiam congruitatem tantum consequentem appellavimus. Occurrunt (inquam) & fatentur, posse quidem contingere, ut liberum arbitrium restitutum sit in aliqua occasione per vires solius liberi arbitrii honesta aliqua cogitatione naturali excitati, & tunc id præscire Deum. Et nihilominus resistantiam illam non fieri sine gratia, quia jam illa cogitatio est congrua, & gratis datur. Verumtamen jam revolvimur in id, quod sæpe dictum est, hoc modo defendi gratiam nomine, non re, neque secundum mentem Patrum, sed magis Cassiani, & sequacium, quia illa cogitatio sola, si est mere naturalis, & ex generali cursu causarum, non est gratia, sed doctrina congrua, & consequenter si cum illa sola potest cum effectu vinci tentatio, licet hoc Deus præsciat, profecto scit vincendam esse viribus naturæ, non gratiæ, sicut Prosper dixit contra Cassianum. Si vero cogitatio illa aliquid amplius habet ex speciali adiutorio Dei, ruit responsio, nam hujus gratiæ necessitas inquiritur. Ex præterea habet hic locum argumen-

Censura
allata e-
vo Leonis,
& impu-
gnatio.

Placitum
aliorum
in eodem
puncto.

Relictum

Relictum

Evasio de
cogitatio-
ne con-
grua reli-
quitur.

Arbitrium
etiam si-
ne gratia
libere
peccat.

rum supra factum, quod hæc præscientia etiam in minimis tentationibus, & in quocumque bono actu habet locum, & ita nulla differentia inter graves, & leves tentationes constituitur, nisi forte, quod frequentius id contingit in levibus, quam in gravibus, quod pertinet ad maiorem, vel minorem difficultatem, non ad maiorem impotentiam. Item est simile argumentum, quod non solum in statu naturæ lapsæ, sed etiam in natura integra, imo & in natura Angelica habet locum illa præscientia, & consequenter illa necessitas, seu impotentia; nihil ergo erit peculiare quoad hoc in homine lapsæ, quod dici non potest juxta doctrinam Augustini libr. de Corrupt. & grat. cap. 11. & 12. & juxta ea, quæ dicemus capit. sequenti.

Decisio
authoris
ind. pug.
ct. 2.

28. Dico ergo necessitatem divini auxilii ad vincendas tentationes graves in natura lapsæ provenire ex aliqua impotentia liberi arbitrii in tali statu constituti. Quæ quidem non est impotentia physica ad volendum, vel nolendum, contra tentationem, seu ad continendum actum volendi, quem tentatio extorquere conatur. Alias tentatio tolleretur libertatem, & induceret necessitatem quoad exercitium, durante judicio rationis, quod est impossibile, & contra dogma receptum in Theologia. Est ergo illa impotentia moralis, id est, debilitas quædam mentis, & voluntatis ad constanter operandum, proveniens radicaliter ex peccato originali, & proxime ex tribus defectibus infirmitate, & ignorantia, & captivitate relictis ex peccato. Nam appetitus vehementer inclinatur ad sensibilia, quæ ex se fortius & facilius movent, tanquam magis propinqua & proportionata sensui. Intellectus vero suis viribus relictus vix consequitur, & remitte, ac tarde considerat superiores rationes, quibus voluntas movenda est ad tentationem sine peccato superandam. Quibus duobus impedimentis adjungitur instigatio dæmonis, cui fortasse ratione lapsus humanæ naturæ, major quædam licentia in homines data est. Ex his ergo omnibus præsertim simul sumptis, quando graviter urgent, oritur in homine quædam impotentia resistendi constanter tentationi, nisi a superiori juvetur. Ita rem hanc explicat Bellarm. libr. 5. de Grat. & lib. arb. c. 5. ad 3. in prima solut. quæ sine dubio melior est. Sic sentit Vega dicta q. 12. & in reidem dicit Molina.

Scilicet Pa.
res pro
dictione.

29. Estque consentaneum antiquis Patribus, qui & libertatem ad non peccandum urgente tentatione in voluntate etiam carente spiritu gratiæ admittunt, & impotentiam resistendi simul illi tribuunt, ut constat ex locis Chrysost. & Prosperi supra adductis. Et in hac debilitate ex peccato originali contracta fundantur, quoties dicunt si Deus in tentatione hominem deserat, necessario ruere, ut ex Innocentio supra retuli, & idem habet Gregorius in Psalm. 3. Pœnitent. in fine. Item non solum in homine destituito gratia, sed etiam in minus adjuto, quam gravitas tentationis requirat, eandem impotentiam agnoscunt, ut ex Prospero cap. 35. contra Collator. supra notavimus, & sumitur ex illo dogmate, quod etiam homo justificatus non potest cum communi auxilio constanter resistere tentationibus præsertim gravibus. Quod tradit Cœlestinus dicta Epist. cap. 6. ubi licet indefinite loquatur de tentationibus, tamen indicat in singulis salutem gravibus esse auxilium necessarium, & ideo quotidianum requiri, esseque postulandum, sicut in oratione Dominica petitur.

Quæstio
contra
decisionem.

30. Contra hanc vero explicationem obstat, quia quod non est physice impossibile, sed tantum moraliter, non est simpliciter impossibile, sed potius difficile, unde contingere potest, contrarium interdum evenire. Ita enim Aristotel. 1. de Cælo cap. 11. distinxit impossibile dupliciter dici, aut quia fieri non potest, aut quia non facile, nec cito, nec bene fieri potest. Illud autem dicitur impossibile priori modo alicui causæ, quod in ejus potentia physica non continetur. Quando ergo talis potentia non deest, licet dicatur moraliter impossibile, revera solum est difficile, & ideo oppositum interdum evenire non simpliciter repugnat: ergo si impotentia voluntatis ad vincendam tentationem gravem solum est moralis, solum est dif-

ficultas quædam. Quod quidem coactus vi argumenti videtur fateri Anselmus libr. de Liber. arbit. cap. 6. & libro de Concordia p. ult. versus finem. At vero hoc nullatenus videtur concedendum, quia inde sequitur, aliquando posse totam aliquam tentationem gravem vinci, ita ut homo non peccet, sed integre servet preceptum sine auxilio gratiæ: sequitur etiam, gratiam non esse necessariam simpliciter, ut possit vinci tentatio, sed ut facilius possit: utrumque autem videtur accedere ad Pelagianum errorem, esseque parum consentaneum Conciliis, & Patribus damnantibus Pelagianum. Quamvis enim non expresse loquantur de singulis, & determinatis tentationibus etiam gravibus, nihilominus si omnia, quæ dicunt attente considerentur, illas etiam includi censent sub impotentia liberi arbitrii lapsi ad vincendas tentationes.

Solutio ex
Ansel. non
facis factu.

31. Dico ergo etiam in latitudine impotentia moralis aliquid esse posse de objecto simpliciter impossibili, id est, quod nunquam contingat, a tali causa bi permixta evenire. Unde non semper impossibile physice, & moraliter in hoc distinguuntur, quod illud nunquam evenit, hoc autem interdum accidere contingit, sed formalis differentia in præsentia materia est quia ad primum impossibile non est in agente potentia physica: ad posterius autem impossibile non deest physica potentia, & nihilominus effectus, seu objectum tot potest esse difficultatibus affectum, ut nunquam fiat a tali potentia uniformiter, & sine defectu, nisi vel potentia juvetur, vel difficultates tollantur. Et quando tale est hoc impossibile, ut nunquam a tali causa sic affecta eveniat, dicitur simpliciter impossibile respectu illius, quia absoluta possibilitas non dicitur respectu causæ physice nude sumptæ, sed ut spectatæ cum circumstantiis, sine quibus nunquam ita operabitur.

Vera solutio.

32. Possumus exemplis rem hanc declarare. Primum sit supra positum, quia juxta Christi sententiam impossibile est, quin scandala aliquando eveniant. Cum autem scandalum non detur, nisi per actionem liberam, & peccaminosam, ut verba a Christo subjuncta declarant: *Va autem homini illi, per quem scandalum venit*; sit, ut non desit potentia physica ad vitandum quodlibet scandalum; ergo necessitas illa, per quam veniunt scandala, & impotentia illi opposita est tantum moralis, & nihilominus talis est, ut nunquam deficiat. Hier. etiam in epist. ad Cresiphontem, illud censet esse simpliciter impossibile, cujus oppositum nunquam evenit, etiam si per actus physice posibles, & liberos evitari posset, ut est hominem nunquam peccare. Quod repetit Hier. libr. 3. contra Pelagian. parum a principio, exemplisque confirmat, dicens: *Hoc & nos dicimus posse hominem non peccare, si velit*; ecce physicam potestatem; de morali vero impotentia subjungit: *Pro tempore, pro loco, pro imbecillitate, &c.* Usque ad illud: *Sicut humana conditio, si paululum remiserit, dicit fragilitatem suam, & multa se non posse cognoscit*. Ecce impossibilitatem moralem, de qua iterum in fine cum dixisset: *in nostra esse potestate peccare, vel non peccare, ad bonum, vel malum extendere manum*, subdit: *Nec quia ad breve possum, utique etiam moraliter, coges me, ut possim jugiter, utique moraliter: Possum jejunare, vigilare, &c. Nunquid in perpetuum?* Sic ergo multa absolute, seu indefinite sumpta sunt simpliciter impossibilia, non quia desint causæ physice, a quibus provenire possunt, sed quia nunquam a talibus causis integre, ut sic dicam, & totaliter eveniunt propter inconstantias earum, vel impedimenta, quæ in una, vel alia occasione non desunt. Sicut etiam non deest in manu potentia physica, ut describendo circum, perfectum illum faciat, nunquam tamen ita illum perficit, nec est possibile simpliciter loquendo, quin in una, vel alia parte deficiat: item non est impossibile physice loquendo, sapius jactari talis, seu tesseri, eodem semper numeros reddere, seu eandem figuram, est tamen moraliter impossibile simpliciter, id est, quod nunquam ita contingat, quia conditio rei contingentis, & fortuitæ id non patitur.

Exemplis
declaratur

33. Ad hunc ergo modum dicimus, esse moraliter impossibile vincere tentationem gravem sola libertate in hoc

Applicatio
exemplorum.

in hoc statu naturæ lapsæ, quia licet libertas non desit, etiam si gratia deserat hominem, nihilominus ita impotens est ad sic resistendum gravi tentationi, ut non contingat constanter & sine peccato id facere. Quod imprimis colligimus ex testimoniis adductis, nam hæc doctrina maiori ex parte autoritate nūtur: deinde accedit experientia, & communis omnium fidelium sensus. Quis enim est, qui in se ipso non experietur, quam facile tentationibus succumbat, præsertim gravibus, si suis viribus relinquatur? Aut quis est, qui adeo de se præsumat, ut in tentatione gravi, si illam vincere cupit, non statim ad Deum recurrat, & auxilium tanquam sibi necessarium ad resistendum postulet? Denique potest ratione declarari, quia licet voluntas libera sit, pendet tamen multum in usu libertatis ex consideratione, & attentione intellectus, & ex inferioris appetitus affectione, quæ multum movet, & post se trahit voluntatem, & hinc fit, ut urgente tentatione, & homine sibi relicto, vel intellectum non satis applicet, ut attendat, & consideret, sicut moraliter necessarium est ad resistendum, vel certe ut licet aliquando attendat, non multum in eo iudicio insistet, sed tepide se gerat, propter impetum passionis, & aliquando potest tanta esse passio, ut etiam contra actuale dictamen rationis voluntas eligat. Gravis autem tentatio omnibus his modis solet urgete, & ideo finiet, infallibiliter hominem gratia non adiutum dejiceret.

34. Explicabiturque hoc facilius, & melius, si attendamus, omnem tentationem gravem includere aliquam temporis moram, & perseverantiam, nam si uno tantum momento temporis tentatio durer, non estimabitur simpliciter gravis, quantumvis intensa videatur, dummodo potestatem, & physicam, & moralem considerandi, & deliberandi reliquat. Nam si hanc potestatem auferat, vel perturbando usum rationis, vel omnino præveniēdo ejus advertentiam, vel saltem impediendo perfectam deliberationem, & moralem potestatem illam habēdi: in his casibus non poterit quidem voluntas tentationi resistere, contra illam actu absoluto nitendo, verum in hoc, vel nihil peccabit, vel saltem non graviter, quia sine potestate morali deliberandi, motus voluntatis non potest esse peccatum mortale, sed vel erit motus primo primus, si nulla adsit advertentia, nec potestas deliberandi, & ita nullum erit peccatum, vel ad summum erit motus secundo primus, & culpa venialis, si aliqua advertentia rationis intercedat sine potestate morali sufficienter advertendi, & deliberandi. In præsentem autem agimus de tentatione, quæ relinquit sufficientem advertentiam rationis ad plane deliberandum, si homo velit mentem applicare, & de hujusmodi tentatione dicimus, tollere potestatem moralem illi resistendi sola libertate, sine auxilio gratiæ, quamvis non tollat libertatem ad non consentiendum pro quolibet determinato instanti illius temporis, in quo tentatio durat, quando quidem in quocumque momento homo consentiat, graviter peccat, ut ostensum est. Et ideo talis tentatio non tollit potestatem physicam, vel moralem pro singulis instantibus, quia in nullo illorum necessestatur voluntas quoad exercitium, ut est etiam probatum. Nec impotentia moralis potest spectari respectu alicujus instantis determinati; tum quia nulla est proprietas in voluntate, unde illa impotentia proveniat pro singulis instantibus per se consideratis; tum etiam, quia alias in tali casu auxilio gratiæ destituta non peccaret mortaliter cedendo tentationi, quia ad peccandum moraliter necessaria est potentia moralis virandi peccatum, saltem pro eo tempore, vel momento, in quo peccatur, quia debet actus esse humanus.

35. At vero respectu totius tentationis, licet potentia physica non desit, nihilominus de potentia morali est longe diversa ratio, quia lib. arb. natura sua est valde mutabile, & ideo tentatio, & passio contraria faciunt, ne perseveranter possit attendere quantum oportet ad resistendum. Atque hæc necessitas sufficit, ut simpliciter non possit homo totam illam tentationem vincere. Atque hunc modum explicandi hanc impotentiam colligo ex Basil. Homil. *Quod sine divina gratia resistere Satana nemo possit*, quæ habetur

post librum de Baptismo, ubi in principio sic ait: *Frustra in flatu putant libero se arbitrio peccati occasiones innanire posse, quod per solum crucis mysterium cassatur. Liberum enim illud, quod in potestate hominis est, arbitrium, in eo situm est, ut velis, vel nolis resistere diabolo, non enim ut omnino hoc possit potentiam habes, qua affectionibus carnis domineris. Nisi enim Dominus custodierit civitatem, &c.* quod late prosequitur semper ostendens impossibilitatem hanc consistere in constantia, & perseverantia resistendi. Hoc videntur sensisse omnes Theologi, qui asserunt, posse hominem servare vi libertatis quodcumque præceptum legis naturæ, & vitare peccatum illi contrarium ad breve tempus, licet non omnia, neque longo tempore, & loquuti sunt indistincte, sive tempore tentationis, sive extra tentationem ut gentem, quia ratio libertatis, in qua pitebantur, & quæ procedit in omnibus peccatis in particulari sumptis in utroque tempore. Sed est valde considerandum, unum tempus esse breve, quando non est tentatio vehementer, quod erit longum ad perseverandum, interveniente forti tentatione, & ideo licet modico tempore, vel pro certis instantibus possit arbitrium resistere, nihilominus si tentatio ira duret, ut simpliciter estimari possit gravis, non poterit lib. arb. sine gratiæ auxilio illi simpliciter, & sine lapsu resistere, quod in sequentibus capitulis tractando de multitudinis præceptorum, & de dilectione Dei amplius explicandum est.

36. Tandem ex his non erit difficile ad ea, quæ in favorem contrariæ sententiæ adduximus, respondere. Nam ex authoribus, qui pro illa allegantur, illi valde errant, qui absolute asseruerunt, posse hominem lapsum vivere longo tempore sine peccato mortali contra legem naturalem solis viribus liberi arbitrii, contra quos cap. 20. disputavimus. Illi vero, qui dixerunt, posse hominem vincere tentationem gravem sine gratia, loquuti sunt de tentatione gravi intensive (ut sic dicam) nulla alia duratione in ea spectata, quam nos simpliciter gravem non reputamus, vel loquuti sunt comparatione tantum facta ad singula momenta determinate sumpta, non vero de victoria totius tentationis simpliciter, & absolute, ut clarius, quam alii, Molina declaravit. Anselmus autem, si attente legantur, quæ in utroque loco dicit, loquitur de lib. arbitr. non nudo, sed ut adiutus per gratiam ad operandum bonum, & ideo nihil ad præsentem causam facit.

37. Ad rationem autem principalem responderetur, eam solum probare, etiam secluso auxilio gratiæ, manere lib. arb. ad non peccandum tempore tentationis, non tamen probat, habere etiam potestatem ad constanter, & strenue dimicandum toto tentationis tempore: & hoc etiam solum probant tres confirmationes ibi adductæ, & quæ in illis citantur. Solum quod in fine tertiæ confirmationis dicitur de homine existente in gratia habituali declaratione indiget, nam in illo etiam est libertas contra tentationem, non tamen moralis potestas pro gravi tentatione, nisi actualiter juvetur, ut infra tractabitur. Quomodo autem hæc impotentia moralis non consideratur respectu determinati effectus, vel momenti, pro quo necessitetur voluntas, sed absolute respectu totius tentationis confuse sumptæ, cum tamen libertas non confuse, sed in puncto definito exerceatur. Unde hæc impotentia non est per determinationem potentia ad unum, quæ opponitur libertati, sed per inconstantiam, & infirmitatem operantis, quæ non libertati, sed constantia, & fortitudini opponitur.

38. Ad ultimam confirmationem responderetur negando consequentiam, est enim valde diversa ratio inter motiva sensibilia, & humana, quæ interdum homo sibi proponit ad toleranda alia mala, vel superandas difficultates propter talia bona vel obtinenda. vel conservanda, & ea motiva, quæ idem homo suo discursu, & sine juvamine gratiæ ad vincendam tentationem inducentem ad peccatum, potest efficaciter considerare, & sibi proponere. Quam differentiam notavit Aug. lib. de Patientia c. 17. cum enim in 16. eandem objectionem fecisset, respondit. *Quia hæc dicunt, non intelligunt, & quemque iniquorum tanto esse ad*

Ad oppositæ sententiæ auctores n. 1. 2. 3.

Solutio rationis oppositæ in n. 4. & confirmationum in n. 5.

Ad quartam confirmationem in n. 6.

Solutio 4.

Snadet experientia.

Progreddi. aut expl. natio, quod momentane tentatio non sit gravis.

Longius tamen potentia moralem resistendi superat;

quæcumque mala perferenda duriorem, quanto in eo major est cupiditas mundi, & quemque iustorum tanto esse ad quæcumque mala perferenda fortio- rem, quanto in eo major est charitas Dei: Sed cupiditas mundi initium habet ex arbitrio voluntatis, progressum ex iucunditate voluptatis, firmamentum ex vinculo consuetudinis: charitas autem Dei diffusa est in cordibus nostris per Spiritum Sanctum, &c. Et hinc infert, patientiam mundi esse ex nobis, patientiam vero iustorum esse ex Deo: & inde sumptus videtur canon. 17. Concilii Arauscani, 2. Fortitudinem gentium mundana cupiditas, fortitudinem Christianorum charitas Dei facit, &c. Sic ergo nos dicimus, victoriam tentationis, vel alicujus mali propter aliud temporale bonum posse esse ex nobis, quia cupiditas illius boni ex nobis incipit. & humana consuetudine radicitur, victoriam autem tentationis solum propter non peccandum, non posse esse ex nobis, quia affectus ille non peccandi non potest esse in nobis perfectus, & efficax, nisi ex Spiritu Sancto.

39. Dicit forte aliquis, licet affectus efficax non peccandi simpliciter, non possit esse nisi ex charitate, nihilominus, affectum non peccandi in hac occasione, & hoc genere peccati esse posse absque charitate, & absque alio motivo supernaturali ex solo affectu alicujus naturalis virtutis, ut castitatis, vel iustitiæ, qui potest a nobis esse, sicut dictum est de bono actu naturali; ergo quoad hoc procedit objectio, & discrimen non assignatur. Respondeo, etiam in hoc versari cum proportionem discrimen positum, quia affectio voluntatis ad temporalia, & sensibilia bona propter humanum commodum incipit a cupiditate sensibili, & fit suavis ex dilectione etiam sensibili, & ideo facile firmatur consuetudine, nam, ut dixit idem Augustinus eodem libro cap. 24. *Quando voluntas sua cupiditate rapitur, quanto iucundius aestimat, quod habere, vel conservare appetit, tanto tolerabilius perferit, quod minus sibi est ad perferendum, quam aliud ad patiendum.* Quidquid enim (inquit) illud est, ex creatura est, cujus nota voluptas est, quodammodo enim familiari contactu, atque connexu ad experiendam ejus suavitatem adjacet amanti creature amata creatura: & prosequitur in cap. 25. dicens: *Voluntas autem creatoris, de qua scriptum est: Et torrente voluptatis tue potabis eos, alterius generis est, &c.* Idem ergo nos dicimus de voluntate vitandi peccatum in gravi tentatione ex affectu honestatis, nam talis affectio non incipit ex sensu, nec voluntas honestatis sensu percipitur, imo ordinarie sensui repugnat, & ideo rara est talis affectio ex vi solius naturæ, & non firmatur consuetudine, nec fit suavis sine interventu auxilii gratiæ, ac proinde per se non sufficit ad vincendam gravem tentationem sine ejusdem gratiæ auxilio: & hanc rationem indicavit sæpe Augustinus. ut videre licet lib. 2. de Peccator. merit. cap. 17. & lib. 2. contra duas epist. Pelagian. capit. nono, & de Spirit. & liter. capit. 3.

40. Denique ad exemplum de hæretico, qui mortem sustinet pro aliqua veritate fidei, quam suo modo credit, respondeo, etiam si fortasse id faciat ex libertate sua absque auxilio gratiæ, nullum inde argumentum sumi ad eum, qui cum sit catholicus, martyrium sustinet pro eadem veritate. Alioqui illo argumento probaretur, non solum posse liberum arbitrium sine gratia vincere tentationem gravem contra præceptum naturale, sed etiam contra præceptum supernaturale, quod Pelagianum est. Est autem clarum discrimen, nam hæreticus ita moritur pro veritate fidei, quam credit, sicut pro suo errore, & ita non suffert mortem pro veritate catholica, ut catholica est, sed ut ab ipsa creditur propter aliqua humana motiva, vel propter pertinaciam in proprio judicio, quod præfert aliis humanis incommodis, etiam morti propter firmatam consuetudinem, etiam pravam ex parte modi, licet ex parte materiæ contingat, non esse malam. Catholicus autem quando pro una veritate moritur, virtute totam fidem catholicam proficitur, quia non potest id facere sine firmo affectu supernaturali ad catholicam veritatem. Et ideo hic fere versatur idem discrimen, quod proxime ex Augustino notatum est; unde

Suarez Tom. VI.

de addimus, si contingat, hæreticum ex aliquo pio affectu ad Deum, vel ad aliquam rem divinam mori pro aliqua veritate fidei, quam credit, etiam illud non facere sine auxilio speciali gratiæ, quia & illud habere potest, licet sit hæreticus, & ille affectus concipi non potest ex sola ratione, & libertate humana: & sic dixit Augustinus. lib. de Patient. capit. 27. Si hæreticus credat, qui negaverit Christum, æterno supplicio esse puniendum, & pro ista fide supplicium perferat, bene agere, ac proinde, ait, *negandum non est hoc esse donum Dei.* Quale autem sit, hoc donum non declarat, sed solum ait: *Intelligendum est, alia esse Dei dona filiorum illius Hierusalem que sursum libera est, mater nostra, in quo significat, non esse auxilium supernaturalis ordinis, licet sit supra communem cursum naturæ, & ex speciali providentia datum.*

41. Ad ultimam confirmationem in primis nego, posse aliquam tentationem gravem, etiam contra præceptum negativum vinci sine actu positivo voluntatis volentis non facere id, ad quod tentatio inducit; tum quia probabile est, non posse dari puram omissionem perfecte voluntariam sine actu positivo, quod saltem moraliter verum est; tum maxime, quia tempore gravis tentationis, si voluntas nolit superari, necesse est, ut aliquid faciat, vel directe se opponendo tentationi per affectum contrarium, vel recurrendo ad Deum per orationem, vel applicando intellectum ad sanctas cogitationes, quæ contineant affectum, ne tentationi consentiat. Alioqui si voluntas tunc veluti dormitaret, & nihil ageret, eo ipso videretur se morali periculo exponere, & consequenter peccaret. Præterquam quod videtur plane impossibile habere, tunc firmum affectum resistendi, & non consentiendi, & nullo modo illum explicare, aut exercere. Igitur talis resistentia non fit sine auxilio generali, & ita cessat objectio. Secundo responderi potest, dando, vel permittendo antecedens, nimirum, quod voluntas possit resistere solum non agendo, quo posito, necessario sequitur, ut possit resistere sine concursu generali requisito ad volendum, vel positive nolendum, quia ad non agendum, ut sic, non est necessarius concursus generalis: nam potius ad non agendum necessaria est carentia actualis concursus, cum ille nihil aliud sit, quam eadem actio, ut a Deo procedens. Hoc ergo permissio, adhuc neganda est consequentia, quia auxilium speciale necessarium ad vincendam tentationem, est, antecedens, seu præveniens voluntatem, ut non consentiat. Unde si voluntas non consentiat, positive volendo non operari, tunc speciale auxilium ad non consentiendum prius datur, quam concursus generalis ad illam voluntatem, ideoque licet fingamus, voluntatem contineri per puram suspensionem actus, adhuc necesse est, ut præcedat auxilium speciale, quod absolute datur ad confortandum hominem, ne consentiat, quocumque modo id facere, seu non facere possit, aut debeat. Illud autem auxilium potest esse sine concursu, aut per aliam negationem, scilicet, non permittendo ut tentatio crescat, vel etiam per positivam actionem ex parte intellectus, immittendo efficacem aliquam considerationem, quæ contineat voluntatem, vel in voluntate ipsa immittendo timorem, vel quid simile, quod non sit proprius actus humanus, sed quasi passio quædam immissa a Deo apta ad continendam voluntatem, quocumque modo consensum suum contineat.

C A P U T XXV.

Utrum homo in statu naturæ integræ totam naturæ legem in quacumque occasione, & omni tempore sine auxilio gratiæ servare, omnique gravia peccata vitare potuisset?

I. Supponimus quætionem esse de lege mere naturali, & de modo implendi illam consentaneo rationi tantum naturali, ut excludamus omnem modum supernaturalem, qualis est, implere ex charitate,

Solvitur denique quantum ad argumentum Rubionis.

Quæstio- nis sensus.

rate, vel meritorie, vel alio simili: in modo autem illo, quem naturalem vocamus, includimus, non solum agere bona, sed etiam bene moraliter ex circumstantiis ex eadem lege naturæ ad honestatem actus necessariis. Unde non tractamus de Victoria temptationum perfecta, & fructuosa ad vitam æternam, sed solum de sufficienti ad non peccandum, quam alii resistentiā appellant: sic igitur tria in titulo quæstionis includimus scilicet, facere, quæ lex naturalis jubet, & non peccare contra illam longo tempore, & omnes tentationes illo tempore occurrentes vincere. Quia vero hæc videntur involvere perseverantiam, est consequenter advertendum, nunc non esse sermonem de perseverantia in gratia, neque de dono ad hoc requisito, sed solum de perseverantia in honestate naturali. Et quia hæc quæstio in omnibus statibus naturæ humanæ locum habet, & in singulis habet proprias difficultates, sigillatim de illis tractatur.

2. Igitur de homine in natura integra dixerunt aliqui, non potuisse longo tempore vitare omnia peccata contra legem naturæ sine superaddito auxilio gratiæ. Solet pro hac sententia referri Gregorius in 2. distinct. 29. quæstion. 1. artic. primo, tamen si attente legatur in fine conclusionis secundæ, respondendo ad objectionem incidentem, & conclus. 3. aperte docet contrarium. Dicit enim in illo statu non fuisse illam motionem necessariam, quam in homine lapsō posuerat in distinction. 28. Addit vero indiguisse gratia habituali hominem in illo statu, etiam ad servandam legem naturæ; quod potest habere sensum bonum, ut infra dicam. Refertur etiam Abulensis in capit. decimo nono, Matth. quæst. 178. tamen, ut supra dixi, ille ambigue utitur nomine gratiæ actualis, & potius videtur in sententiam extreme contrariam inclinare, ut de homine lapsō dicam. Proprie ergo sententiam hanc videtur docere Capreolus in secund. distinct. 29. quæst. 1. art. 1. conclus. 3. & 4. respondendo ad argumenta contraria, & Hispanensis ibid. artic. 3. notab. sexto: qui hanc gratiam in illo statu explicare videntur per specialem inspirationem, & illuminationemque, non per physicam motionem supra impugnatam. Hos autores imitari proficiuntur aliqui Moderni, sed re vera solum in voce cum illis conveniunt, quia tantum requirunt congruam cogitationem, alioqui mere naturalem.

3. Fundamentum hujus sententiæ præcipue sumitur ex Concilio Arausico. capit. 29. dicente, etiam in statu innocentie indiguisse hominem gratia ad perseverandum. Idem supponit Gelasius Papa in Scripto contra Pelagian. hæresim, quod habetur tom. 1. Epistol. Pontific. inter Epistol. 5. & 6. Gelasii, ubi sic inquit: *In ipsis primis hominibus, dum sua nimium felicitate confidunt, & tantam Dei gratiam in vacuum recipientes, non orando, quod utique nusquam fecisse referuntur, nec de perceptis gratiis referendo, nec ut eadem intemperate durarent, simpliciter implorando, incolumes constare nequiverunt.* Idem tradit Augustinus epistol. 106. & libro de Correptis. & grat. capit. 11. & sequent. & lib. de Natur. & grat. capit. 48. quod etiam sentit Prosper contr. Collator. capit. 18. dicens, tale recepisse Adam liberum arbitrium, ut si auxiliantem sibi Dominum non desereret, posset in bonis, quæ naturaliter acceperat, perseverare, quia vellet, ubi auxiliantem Dominum requirit. Imo in hoc etiam loquendi modo Faustus imitatus est Augustinum lib. 1. de Grat. & lib. arbit. capit. 1.

4. Secundo quia alias potuisset Adam vincere tentationem serpentis suo libero arbitrio absque auxilio gratiæ; consequens est falsum; ergo. Sequela probatur, quia præceptum illud naturale erat, id est de actu, vel potius omissione, & abstinentia mere naturali. Minor colligitur ex Gelasio Papa in loco allegato quatenus dicit, fuisse Adamo necessariam orationem ad vincendam illam tentationem, & ideo cecidisse, quia de se confusus ad Deum non recurrit. Eandem gratiam postulat August. in Enchirid. capit. 106. & epistol. 106. & 14. de Civit. c. 27. & simili modo loquitur de casu Angelorum l. 12. c. 9.

5. Tertio, quia quantumcunque esset natura integra, semper ex parte intellectus esset exposita variis co-

gitationibus, quæ interdum poterant efficacius ad malum, quam ad bonum inclinare, & consequenter poterat habere adjunctam sufficientem inconsiderationem ad peccandum. Ex autem cogitationes non sunt in potestate hominis etiam in natura integra, quia anteverterent libertatem; unde nisi esset aliquis, qui illas dirigeret, interdum in una, vel alia occasione ad peccatum traherent; ergo necessaria erat gratia Dei humanas cogitationes dirigentis, & gubernantis.

6. Nihilominus assero, in integra natura potuisse hominem facile, diuque servare totam legem naturæ absque ullo lapsu, illi soli contrario. Hæc est communis sententia Theologorum in 2. dist. 14. ubi Magist. c. 4. & D. Tho. q. 1. a. 4. ad 1. Bonav. a. 1. q. 2. Rich. c. 1. q. 1. & alii tum ibi, tum etiam dist. 28. præsertim Durand. q. 3. & Gab. Item Alens. 2. p. qu. 90. in 2. Sumitur etiam aperte ex D. Th. d. q. 109. a. 4. & 8. Cajet. & Contr. & aliis eiusdem locis, Soto 1. de Nat. & grat. c. 6. Vega l. 12. in Trident. c. 21. & Bell. l. 1. de Grat. primi hominis.

7. Probatur primo, quia difficultas, vel impossibilitas servandi legem naturæ absque gratia, quæ nunc est, ex peccato originali orta est; ergo in statu naturæ integræ non fuisset, nam si affirmatio est causa affirmationis, etiam negatio negationis. Agimus enim de causa adæquata. Sic enim recte inferimus secundum fidem, in statu innocentie fuisse potestatem numquam moriendi, quia mors per peccatum introducta est, ad Roman. 5. Antecedens autem habetur ex Concilio Arausico. capit. ultimo, ubi dicitur, per peccatum fuisse ita attenuatum, & inclinatum liberum arbitrium, ut neque diligere Deum, sicut oportet, neque propter Deum operari possit. Maxime vero id docet Augustinus lib. de Perfect. iust. capit. 4. respons. 9. & lib. de Corrept. & grat. capit. 10. ubi ait, facile fuisse homini in illo statu perseverare sine peccato, & c. 11. dicit, non indiguisse illo adiutorio, quo indiget, qui nunc clamat: *Quis me liberabit a corpore mortis huius*, & capit. 13. dicit amissam quodammodo fuisse libertatem non peccandi, quæ tunc erat: *Et ideo*, ait, *majoribus donis remansit adjuvanda infirmitas*: & lib. de Bono persever. capit. 7. clare constituit differentiam, quia tunc posset non peccare per liberum arbitrium, quod nunc non potest & lib. de Natura. & grat. c. 50. & 55. & lib. 14. de Civitate c. 11. & lib. 1. Hypogno. sic in eodem sensu dicit, amissam esse per peccatum Adæ possibilitatem non peccandi. Similem doctrinam habent Prosper ad 5. object. Vincent. & in lib. Sentent. regul. 152. Fulgent. lib. de Incarnat. & grat. capit. 12. & 13. & Bernard. lib. de Grat. & liber. arbit. Quæ quidem omnia licet variis modis ab aliis authoribus explicentur, re vera non possunt habere alium legitimum, & accommodatum sensum; quia libertas ad non peccandum in quocumque actu per se spectato, vel in quocumque determinato momento non est amissa per peccatum, nec necessitas opposita est contracta per illud; ergo oportet intelligi de necessitate respectu totius legis, & de impotentia ad vitandum omnia peccata contra illam, vel vincendas similes tentationes absque gratia; ergo erat illa potestas ante peccatum in libero arbitrio saltem respectu legis naturalis.

8. Ratione probatur tam assertio, quam hæc doctrina Patrum, quia in natura integra non deficiebat principium per se necessarium, ac sufficiens ad servandam totam legem naturæ, & deinde non erant impedimenta, quæ notabiliter difficilem redderent illam observantiam absque peccato pro diuturno tempore; ergo erat simpliciter possibilis per vires liberi arbitrii. Consequentia profecto per se nota videtur, quia quod per se, & ex propriis principiis est possibile, & ex impedimentis, aut hostibus extrinsecis non fit nimis difficile, aut grave, facile potest, non solum fieri, sed etiam durare, & longo tempore frequentari, talis autem erat in illo statu observantia mandatorum naturalium, & victoria temptationum, seu peccatorum contra illa, ut in antecedente sumptum est; ergo de illatione dubitari non potest. Major item evidens est, quia tota lex naturæ observatur per actus naturalis ordinis, quorum principium per se sufficiens

ex par-

Negativa
positiva.

Fides ff.
positiva.

Secunda.

Tertium.

Assertio
communis
asser.

Ejus 1.
Probatur.

2. Probatur.

ex parte intellectus, est naturale lumen rationis, quod in illo statu erat perfectum, & ex parte voluntatis est naturalis facultas, & libertas ejus; ergo ex hac parte non erat defectus. Minor autem probatur, quia in primis, neque ex parte fomitis, neque ex corruptione corporis esset tunc infirmitas illa, quæ nunc ingerit maximam difficultatem honeste operandi. Deinde ex parte intellectus non esset propria ignorantia, nam hæc etiam est pœna peccati. Et quamvis esse posset aliqua inconsideratio actualis, liberum tamen, & facile esset homini non consentire, vel operari sine plena advertentia, quia non moveretur cum animi perturbatione, neque haberet motus involuntarios trahentes ad objectum malum non satis consideratum; ergo nihil erat intrinsecum, quod magnam ingereret difficultatem. Extrinseca vero suggestio demonis, si persisteret in sola materia naturali, non posset magnam difficultatem inferre, cum non posset perturbare appetitum, vel phantasiam absque voluntatis consensu, neque etiam considerationem intellectus impedire, si homo velle attendere, prout facile posset. Multoque minus posset dæmon hominem positive decipere ante culpam, ut in Prolegom. 4. dictum est. Ac denique tantum posset tunc dæmon hominem per suggestionem tentare, non vero passionem aliquam excitare, aut aliam internam difficultatem ingerere.

Adversarios
evangelio.

Rejicitur
quæ præ-
supponitur.

9. Dicit vero aliquis, quod licet ex objectis sensibilibus non possent tunc esse tentationes, vel difficultates graves bene operandi, nihilominus ex objectis spiritualibus esse posset gravissima tentatio superbiæ, quæ sola superaret omnes, quæ nunc sunt. Ita enim dixit Joannes Vincent. in relectione de Gratia Christi, qu. 6. & ex hoc principio deduxit, durante statu innocentie, plures fuisse homines damnandos, quam salvandos; ergo eadem ratione inferri potest, non potuisse homines in eo statu omnes similes tentationes vincere per liberum arbitrium sine auxilio gratiæ. Sed in primis non recte id colligitur ex perfectione hominis in illo statu. Alias posset etiam inferri, plures fuisse Angelos reprobos, quam salvos, quia major superbiæ occasio erat in Angelis, quam in hominibus integris. Deinde sententia illa est aperte contra D. Thom. 1. p. q. 95. a. 4. ad argumenta, ubi absolute dicit, fuisse in illo statu multo facilius vincere quam nunc rationem, quam in hoc. Præterea non semper major excellentia infert majorem superbiæ tentationem, si lumen sit majus, & affectus sit pacatus, ut fuisset in integritate naturæ: optimumque exemplum habemus in B. Virgine. Denique persistendo in objectis mere naturalibus, non apparet, unde insurgeret tunc major superbiæ tentatio, quam nunc patimur; imo neque æqualis, quia licet bona naturalia tunc essent majora, etiam author illorum melius cognosceretur, & facilius sine ulla perturbatione consideraretur. Hæc ergo tentatio non multum impediret tunc possibilitatem non peccandi contra legem naturalem.

Alia alio-
rū evan-
gelio.

Impugna-
tur.

10. Aliter alii respondent, ad priorem rationem, recte quidem probare non fuisse futuram in natura integra necessitatem antecedentem peccandi interdum ex defectu principii sufficientis, etiam pensatis omnibus impedimentis; nihilominus tamen fuisse futuram necessitatem aliquam consequentem in aliqua occasione, in qua vidit Deus, hominem non fuisse usurum suam possibilitate. Verumtamen hæc responsio satis impugnata est ex dictis in capitibus præcedentibus. Nam illa necessitas tantum consequens non excludit absolutam potestatem, de qua disputamus. Et præterea gratis asseritur debuisse hujusmodi necessitatem intervenire in omnibus hominibus illius status, ut respondendo ad tertium argumentum iterum dicam. Denique quamvis Adam fuerit tentatus in ea occasione, in qua Deus præcivit illum consensurum, non ideo dici potest illum non valuisse resistere, sive per libertatem solam, sive per gratiam sufficienter adjuvantem. Ergo similiter licet in homine creato in integritate naturæ sola sine alia gratia, vel cognitione supernaturali, Deus præcivisset peccatum fuisse in tali occasione per liberum arbitrium, non inde infertur, non potuisse resistere; imo potius sequitur, potuisse saltem

Suarez. Tom. VI.

physice: & quia de multis etiam potuit Deus præscire, non fuisse peccaturos in simili occasione, recte etiam colligitur, omnes potuisse etiam moraliter sine ulla propria gratia adjuvantem omnia peccata legi naturali contraria vitare.

11. Argumenta vero in contrarium faciliem habent solutionem. Nam testimonia, quæ in primo afferuntur, tractant de adjutorio necessario ad perseverandum, in gratia, quod nos fatemur, etiam in illo statu verum, gratiæ adjutorium esse debuisse, quale autem futurum esset, seu sufficeret, suo loco dicemus. Hic vero agimus de sola observantia præceptorum naturalium, de qua est longe dissimilis ratio. Nam perseverantia in gratia non fit sine aliquo effectu supernaturali, ad quem est necessaria gratia, sola autem observatio legis naturalis, & carentia culpæ contrariæ non includit effectum supernaturalem, & ideo propriam gratiam non requirit. Si autem sermo esset de influxu Dei moventis, seu concurrentis, & de beneficiis Dei ex generali ordine provenientibus: sic verum est, etiam in statu integræ naturæ perseverantiam in quocumque bono, & victoriam cujuscumque mali Deo ut principali auctori esse tribuendam, ut sæpe dictum est.

12. Ad secundum de tentatione Adami, ejusque victoria, in primis dico, præceptum impositum Adæ, licet materialiter (ut sic dicam) & ex parte rei præceptæ fuerit de actione quadam, seu omissione naturali, seu corporali, nihilominus formaliter fuisse supernaturale, quatenus pendebat ex fide, & obedientia debita Deo ut gubernanti naturam supernaturalem modo, & ex hac parte non poterat servari sine gratia. Deinde tentatio illa non fuit primo, & per se de solo esu cibi prohibiti, sed de appetitu similitudinis divinæ in scientia boni, & mali; imo etiam involvebat, tentationem circa fidem debitam verbis Dei, & ejus comminationi, ideoque mirum non est quod ad vincendam illam tentationem fuerit necessaria gratia. Neque illud pertinet ad rem, de qua tractamus, quia tentatio illa ad superiorem ordinem gratiæ, quem dæmon per illam evertere conatus est, pertinuit. Accedit, quod Patres ibi citati de perseverantia in gratia loquuntur, seu ad retinendam justitiam, ut Augustinus loquitur: & similiter loquuntur de perfecta victoria, & ad vitam æternam fructuosa. Ut patet ex verbis Augustini d. c. 27. 14. de Civit. *Adam sic erat institutus, ut si de adjutorio Dei fideret, bonus homo malum angelum vinceret: & intra: Meritum bonum habens in adjuta voluntate recta, malum vero in deserente Deum voluntate perversa, quia, & ipsum confidere de adjutorio Dei, non posset sine adjutorio Dei.*

13. Ad tertium concedimus potuisse hominem in natura integra habere cogitationem inclinantem ad peccatum contra legem naturalem, proveniente, vel ex suggestione demonis; vel alterius hominis, vel ex aliquo objecto externo excitante illam. Verumtamen talis cogitatio, quatenus esset de se intensa, & fortis, posset facile per bonum usum libertatis repelli, vel ad considerationem meliorem intellectum applicando, vel per voluntatem objectum pravum sic præsentatum respuendo, quia ante aliquem pravum voluntatis consensum non poterat passio, vel concupiscentia inordinata insurgere, quæ illum voluntatis liberæ usum difficilem, ne dum impossibilem redderet; nec refert, quod talis cogitatio antevertere posset usum libertatis etiam in illo statu, quia anteverteret sine passione appetitus, & ideo semper maneret integra facultas voluntatis ad sustinendum actum, & applicandum intellectum ad saniores cogitationes, & ita semper maneret integra potestas vitandi similia peccata.

14. Verumtamen hoc non obstante concedimus, potuisse hominem in illo statu, & occasione consentire malæ cogitationi pro sua libertate. Hinc vero non sequitur fuisse gratiam necessariam in eo statu ad tale peccatum vitandum, non solum semel, sed etiam semper in una, & eadem persona, quia ille affectus erat contingens, & fortasse in paucioribus, quantum erat ex parte causarum, ideoque facile potuisset in una, & eadem persona, vel etiam in multis nunquam evenire: quia semper non solum physica, sed etiam mor-

T 2 ralis

Ad 1. fun-
damentu
nu. 3.

Ad 2. in
nu. 4.

Ad 3. in
n. 5.

Procedit
proxima
responsio.

alis integra perseverabat. Probabile autem est, in magna hominum multitudine numquam fuisse defectum aliquem, qui a tali bono deficeret, & ita respectu totius multitudinis hominum probabile etiam est, fuisse necessarium speciale gratiæ, & providentiæ adiutorium, ut ex magna hominum multitudine nullus naturalem legem unquam violaret. Et hoc ad summum illa ratio suadet, estque valde consentaneum mutabilitati humanæ, libertati suæ commissæ etiam cum illa integritate, quæ non excluderat contingentiam, ad quam veluti necessitate quadam illa varietas in affectibus sequi solet.

C A P U T XXVI.

Utrum homo lapsus possit omnia præcepta naturalia diu servare, vitando omnia peccata, & tentationes omnes illis contrarias sine speciali auxilio gratiæ?

Exponit
questio.

Qui affirmantem
partem
trahant.

1. SERMO est de peccatis mortalibus vitandis, nam de venialibus res est certissima etiam cum ordinario auxilio gratiæ non posse omnia simul vitari, ut in libris sequentibus dicemus. Præterea tractatur questio præcipue de adiutorio actuali Dei, quoniam illud est, quod proxime dat vires ad operandum, an vero habitualis etiam gratiæ necessaria sit, in fine capitis dicemus. Aliqui ergo ex Scholasticis antiquis dixerunt, posse liberum arbitrium vitare sine gratia omnia peccata contra legem naturæ, etiam collective sumpta. Ita loquuntur Durand. in 2. d. 28. qu. 3. & 4. & Gabr. qu. 1. & Scotus qu. unica, quos aliqui interpretantur de gratia habituali, ita ut non excludant necessitatem auxilii actualis. Verumtamen frustra ita excusantur, quia licet indistincte de gratia loquantur, & principaliter de habituali questionem proponere videantur, nihilominus in discursu necessitatem omnis gratiæ excludunt, & soli naturali libertati post deliberationem intellectus hunc effectum tribuunt; ut patet ex discursu Scot. contra sententiam. D. Thom. & ex Gabriele, qui non solum dicit, gratiam non esse necessariam, sed etiam sufficere naturales vires: & idem sentit Durandus. Rationes etiam, quibus hi auctores utuntur, eo tendunt, ut non sit major gratia ad collectionem necessaria, quam ad singulos actus, ut maxime in Scoto videre licet: constat autem, eos non postulare gratiam actualem ad singulos actus. Eandem sententiam tenet Almaynus tractat. 1. Moral. cap. 16. Nam licet indistincte tractet de actibus bonis, in ultimis verbis loquitur de omnibus, & Scorum sequitur, Abulen. etiam in q. 178. in c. 19. Matth. dum non maiorem gratiam requirit ad collectionem, quam ad singulos actus, in hanc sententiam inclinat, quamvis, ut dixi, ambigue de gratia loquatur; sicut etiam D. Th. in 2. dist. 28. qu. 1. art. 2. & 3. ubi hanc sententiam probasse videtur.

Quibus
Scripturæ
locis sua
deant.

Ratio.

2. Solent ad hanc sententiam suadendam quædam Scripturæ testimonia induci, quæ parum momenti habent. Unum est illud ad Rom. 2. *Naturaliter ea, quæ legis sunt, faciunt*. Sed jam supra dixi, Paulum non dicere, facere omnia, sed indefinite, seu confuse, satisque vera erit propositio, si aliqua faciant. Aliud testimonium est illud 1. ad Corinth. 10. *Fidelis Deus, &c.* Sed hoc potius probat, dari nobis adiutorium gratiæ, ut possimus. Aliud est illud Deut. 30. *Mandatum, quod præcipio tibi, non supra te est*. Sed quia ibi est sermo de præcepto dilectionis, dicam de illo commodius in capit. 29. Præter hæc testimonia afferuntur rationes sumptæ ex possibilitate mandatorum naturalium, & ex libertate arbitrii, & præcipue urgetur illa ratio c. 18. insinuata, quia ex discursu per singulos actus, & occasionem, in quibus vitari potest peccatum, concluditur tota collectio, quæ omnia in superioribus tacta, & soluta sunt, & in capit. sequenti dicendo de homine in puris naturalibus aliquid addimus.

Quo pacto
sibi
contrariæ
objectioni
occurrit.

3. Quod si contra sententiam hanc objiciantur Conciliorum decreta damnantium Pelagium, eo quod diceret, posse hominem sola libertate absque auxilio gratiæ totam legem servare, & sine peccato diu vivere. Responderi potest primo loqui Patres de tota lege,

quæ ad vitam æternam consequendam necessario servanda est. Hæc autem lex non solum moralia præcepta legis naturæ, sed etiam fidei, spei, charitatis, & penitentiae includit, & totam illam sic intellectam dicebat Pelagius, posse absque gratia servari, & omnia peccata, ac tentationes omnes contra illam vitari, seu superari posse; hoc ergo est, quod damnant Concilia, & Patres; non vero, quod sola lex naturalis, quantum ad moralia secundum se spectata, possit absque gratia servari. Secundo, & consequenter responderi potest, Pelagium asseruisse, non solum posse liberum arbitrium sua virtute vincere omnes tentationes quoad vitandum longo tempore peccatum, sed etiam quoad consequendum fructum vitæ æternæ, & hoc etiam modo posse totam legem naturæ servare non solum quoad substantiam, sed etiam quoad modum, id est, meritorie, & ex charitate, & hoc etiam est, quod Patres, & Concilia damnant. Dicit autem Scholastici expresse distinguunt observationem quoad substantiam tantum, vel etiam quoad modum, & priorem tantum tribuunt libero arbitrio, & ita rejiciunt errorem Pelagii: eorum ergo sententia prædictis definitionibus non damnatur, nec comprehenditur.

Vera sententia negans.

4. Nihilominus vera sententia est hominem lapsum, gratiæ viribus distinctum non posse longo tempore resistere omnibus tentationibus, nec vitare omnia peccata mortalia contra legem naturalem, atque adeo necessariam esse illi gratiam ad observanda omnia præcepta legis naturæ, etiam quoad substantiam eorum. Ita docet D. Tho. 1. 2. q. 109. art. 4. & 7. & qu. 14. de Verit. ar. 12. Cajetan. Conrad. & alii scribentes in 1. 2. ubi supr. Magist. in 2. d. 26. 27. & 28. ubi frequentius Theologi, Bonav. Egidi. Richard. Greg. & Capreol. Henric. quod lib. 5. q. 20. & quod lib. 6. q. 11. Soto 1. de Natur. & grat. c. 22. Veg. q. 13. de Justific. & l. 12. in Trid. c. 21. & 22. & omnes moderni, qui contra Lutheranos scribunt.

Probat
1. Pauli
testimonium.

5. Probat 1. ex Paulo, nam ubi docet necessitatem gratiæ ad vincenda peccata, & servandam legem, sæpe mentionem facit legis naturalis, & difficultatem, & impossibilitatem servandæ illam magna ex parte constituit in lege fomitis, & concupiscentiæ, quæ certe præceptis moralibus, & naturalibus resistit. Hoc videre licet in epist. ad Rom. præsertim a c. 3. unde c. 7. ait: *Sentio aliam legem in membris meis repugnantem legi mentis mee*; per legem mentis plane intelligens legem naturalem; unde quod addit: *Et captivum me ducentem in legem peccati*, etiam intelligitur de peccato legi naturali contrario, nam lex peccati, quæ est fomes, ad hoc proxime inclinat. Ac tandem exclamat: *Quis me liberabit?* &c. & respondet: *Gratia Dei per Jesum Christum Dominum nostrum*; præterea c. 8. subjungit: *Quod impossibile erat legi, in quo infirmabatur per carnem*. Nam hæc infirmitas carnis observantiam legis naturalis proxime impedit, & ob hanc causam solet Paulus dicere, legem fuisse occasionem peccati. Imo 1. ad Cor. 15. ait: *Virtus vero peccati lex*, & subjungit: *Deo autem gratias, qui dedit nobis victoriam per Jesum Christum*, attribuens gratiæ victoriam concupiscentiæ: & in eodem sensu dixit: 2. ad Cor. 3. *Litera occidit, spiritus autem vivificat*, per literam legem intelligens, per spiritum gratiam, ut late exponit Aug. toto lib. de Spirit. & liter.

Alia ejusdem
testimonia
ab
Augustino
exposita;

6. Unde c. 14. & sequentibus optime declarat, prædictas sententias Pauli intelligi non solum de lege veteri, sed etiam de lege naturali, docens, ad quamlibet earum implendam esse impotens liberum arbitrium post lapsum, auxilio gratiæ destitutum. Primo, quia sæpe reducit Paulus impotentiam illam ad legem, *Non concupisces*, prout generaliter includit omnem concupiscentiam irrationalem, & hoc modo attribuit gratiæ Christi victoriam concupiscentiæ. Secundo quia quod Paulus dixit ad Galat. 2. *Si ex lege justitia; ergo gratis Christus mortuus est*, non minus concludit, si addas: *Si ex lege naturali justitia*; ergo gratis Christus mortuus est, quam si de lege veteri illud intelligas. Tercio, quia Paulus in epist. ad Rom. non solum Judæis, sed etiam gentibus ostendere voluit, gratiam Christi esse necessariam, & ideo utroque convincit, quod suam legem observare non valuerint, sed peccatis, & concupiscentiis corruptissimi fuerint; ergo necesse est, ut sub
lege

lege non solum scriptam, sed etiam naturalem comprehendit, quoties dicit legem non iustificare, vel hominem per se non sufficere ad implendam legem. Eandemque doctrinam habet August. epist. 86. q. 2. & libr. de Natur. & grat. cap. 2. & sequentib. & libr. de Grat. Christi c. 8. & de Grat. & lib. arb. cap. 4. & sæpe alias, & expresse Hieronymus epist. ad Ctesiphontem parum a medio.

Probatur
2. Conci-
liorū Pa-
trūque
testimo-
nio.

7. Hinc etiam efficaciter probatur nostra sententia testimoniis Conciliorum, & Patrum, quæ supra c. 22. generaliter adducta sunt ad probandum, victoriam tentationum esse ex gratia. In illis enim (ut ibi etiam diximus) solum docent Concilia non posse liberum arbitrium hominis lapsi inter tot peccandi occasiones, quot in hac vita occurrunt, se immunem a peccato servare, etiam in his, quæ ad legem naturæ spectant, tum quia ad hæc maxime inclinat concupiscentia, & infirmitas ex peccato relicta, ex qua huius auxilii necessitatem colligunt, ut capite præcedenti allegavi; tum etiam quia loquuntur eodem sensu, quo Paulus, ut ex verbis eorum intelligi potest. Nam Concilium Palæstinum, in undecimo articulo cogit Pelagium fateri, victoriam tentationum ex adiutorio Dei provenire, ut supra relatum est ex Augustin. epist. 106. loquitur autem illud Concilium de victoria quoad vitandum peccatum, ut constat ex aliis gestis ab Augustino relatis in proprio lib. art. 21. a nobis relato supra lib. 6. capit. 20. & ex Concil. Milevitan. capit. 3. ubi docet, gratiam esse necessariam ad non peccandum. Verum est, hæc Concilia non dicere expresse esse necessariam ad non peccandum contra legem naturalem, nihilominus tamen multum favent huic sententiæ; tum quia non loquuntur de solis fidelibus, sed etiam de infidelibus, qui ordinarie non peccant, nisi contra legem naturalem, & in illis maxime locum habent prædictæ definitiones; tum etiam quia fundantur sæpe illa Concilia non in hoc, quod peccata aliqua sunt contra legem supernaturalem, sed in lapsu naturæ humanæ, & in infirmitate, quam inde contraxit ad non peccandum, & ad resistendum dæmoni, etiam in his rebus, & materiis, quæ sunt contra legem naturalem, & concupiscentiæ sensibili conformes. Et hoc modo confirmat eandem veritatem Concilium Trident. sess. 6. cap. 11. & 13. & Hieronym. Dialog. 3. contra Pelagian. Aug. epist. 143. & lib. de Grat. & lib. arbit. c. 11. & sequen. usque ad 16. & optime Prosper lib. 2. de Vocat. gent. cap. 28. alias 9. in fine, & Fulg. lib. de Incarnat. & grat. c. 16.

Concilia
de Ethni-
cis etiam
verba fa-
ciunt.

Rejicitur
3. evasio
in nu. 3.

8. Atque ex his satis impugnata, & explosa est prior evasio in favorem prioris sententiæ. Nam ostensum est, licet interdum Patres loquantur de lege tota, ut includit præceptum fidei, & charitatis, nihilominus etiam loqui sæpe de illa parte illius legis, quæ pertinet ad solam legem naturalem; imo interdum non de illa integra, sed etiam de particulari præcepto ejus, ut de castitate, fortitudine, & similibus. Et simili modo redarguitur ex dictis posterior evasio, quia Paulus, Pontifices, Concilia, & Patres citati non solum loquuntur de observatione legis per bonos actus, in quibus locum habere posset interpretatio de bonis actibus pietatis, vel habentibus modum consentaneum fini supernaturali, sed loquuntur etiam de necessitate gratiæ ad non peccandum contra legem naturalem, ut ostendimus, & specialiter sumitur ex epistola Concilii Carthaginen. ad Innocent. & ex rescripto Innocentii, & Concilio Milevit. capit. tertio, & ex locis Hieronymi; & Augustini, & aliorum Patrum, requirunt enim gratiam ad servandam legem naturæ, ita ut sufficiat ad non peccandum contra eandem legem naturalem: ad hoc autem sufficiunt actus naturales, quibus fiat substantia præcepti, vel omittatur, quod lex vetat.

Rejicitur
2. ibid.

Probatur
3. oratio-
nibus om-
nium fide-
lium.

9. Confirmari præterea potest hæc veritas ex communi consensu fidelium, quem in suis orationibus declarant, a Deo petendo, ne peccatis, vel tentationibus etiam contra legem naturalem consentiant, ut patet ex oratione Dominica, quam Cyprianus, & alii ita exponunt: ergo omnes sentiunt, se indigere auxilio gratiæ ad non peccandum contra legem naturalem, & vincendas tentationes illi contrarias. Quo

Suarez Tom. VI.

argumento utuntur Augustinus, Prosper, Fulgentius Hieronymus, & Africani Patres, & Pontifices in locis, & epistolis sæpe citatis. Habetque argumentum hoc peculiarem vim in præsentis puncto; tum quia ex oratione recte colligitur necessitas: ergo oportet, ut hæc gratia sit necessaria saltem ad integram observantiam præceptorum, vel ut dici solet, ad totam collectionem actuum, quando ad singulos necessaria non est; unde supra dicebamus, ideo in singulis esse orandum, quia saltem in singulis est periculum, & incertum est, ubi erit necessitas; ergo signum est, saltem ad totam collectionem omnino esse gratiam necessariam; tum etiam quia non solum gratia, sed etiam oratio necessaria est, & in præcepto, ut possimus sine peccato perseverare; ergo signum est, per illam postulari gratiam necessariam ad talem effectum, sicut supra de gravibus tentationibus argumentabamur. Quod si quis objiciat, hanc rationem non habere locum in infidelibus, cum orare non valeant, quamdiu infideles sunt. Dicendum est, imo hac ratione probari, eos in illo statu non posse implere totam legem naturalem, quia nec orare possunt, sicut oportet, ad obtinendum auxilium, quo legem impleant: neque hoc est inconveniens, quia ex parte Dei paratum habent auxilium, & illis non deest libertas in singulis actibus, qua possint legem implere.

10. Tandem ratio propria hujus necessitatis est, quæ de tentationibus gravibus data est. Nam ex illa resolutione sequitur hæc, quam nunc tradimus, quia tentationes graves contra præcepta legis naturæ non possunt homini mortali in hac vita deesse longo tempore, nisi peculiari Dei auxilio protegatur: sed non potest homo sine gratia, vel unam gravem tentationem ita vincere, ut peccatum sola libertate evitet: ergo multo minus poterit totam legem naturalem diu sine peccato servare. Verumtamen licet hæc ratio plane convincat, supposita conditione generali præsentis vitæ, quæ est, inter graves tentationes versari, nihilominus non est adequata. Nam licet in longo tempore non occurreret ulla tentatio tam gravis, quæ per liberum arbitriumvinci non posset; nihilominus inter ordinarias tentationes occurrentes militans homo per solum liberum arbitrium, & rationem naturalem sine auxilio gratiæ non posset diu omnes illas vincere, quin sæpe peccaret, & ita nec posset totam legem naturalem in illo tempore servare, nec omnia peccata contra illam vitare, ut notavi caput. 18. Et ratio est, quia licet tunc non esset in singulis peccatis vitandis absoluta impossibilitas moralis, esset nihilominus non parva difficultas, in his maxime, in quibus tentatio saltem mediocri urget: & inde insurgeret impossibilitas simpliciter, licet moralis, in perseverantia, & uniformitate operandi longo tempore cum eadem integritate cavendi malitiam, & operandi honestatem. Unde ratio facta de unaquaque gravi tentatione cum proportionem, & majori vi potest hic applicari; quia multitudo, & varietas occasionum, & tentationum mediocrium, quæ longo tempore occurrunt, magis auget difficultatem constanter operandi honeste, & sine lapsu toto illo tempore, quam unius, & ejusdem tentationis acerbitas continua per aliquod mediocre tempus eandem difficultatem ingerat, quia illa diuturna perseverantia, & circumscriptio in tantarum difficultatum varietate magis repugnat immutabilitati, & infirmitati liberi arbitrii effrenatæ concupiscentiæ conjuncti. Ergo si victoria unius tentationis gravis superat moraliter vires liberi arbitrii, magis illas superat diuturna illa innocentia inter tot tentationes, etiam mediocres, de qua ratione dicemus iterum capite sequenti.

11. Dices: Ergo saltem ille homo, qui nec mediocres tentationes contra legem naturalem multo tempore pateretur, posset sola potestate liberi arbitrii peccata omnia contra legem naturæ vitare, eamque integre servare. Respondeo, data hypothese, & loquendo de solis peccatis mortalibus, posse sine incommodo consequens admitti, quia causa adequata illius impotentia est, quod præcepta legis naturæ non implentur, nec peccata contra illam vitantur sine bello, & pugna contra tentationes præsertim internæ concupiscentiæ.

Probatur
4. ratio.

Excludit
objectionem.

piſcentiæ, vel ſuperbiæ, quas demon ſua induſtria auget: ergo ceſſante hac cauſa, nihil mirum eſt, quod ceſſet actus. Illa tamen hypotheſis ſupponit ſingularem gratiæ protectionem, ſine qua impoſſibile eſt homini mortali, & ratione utenti ſine tentationibus vivere, & ita illa obſervatio legis naturæ, & peccatorum fuga non eſſet ſine gratiæ Dei protectione, quam donum perſeverantiæ etiam includit. Dixi autem, loquendo de peccatis mortalibus, quia licet nulla eſſet tentatio graviter, vel mediocriter inducens ad peccatum mortale, etiam inter leves tentationes contra præcepta, non poſſet homo ſuis viribus diu abſtinere a venialibus negligentis, & defectibus, qui ſunt veluti connaturales homini mortali, & reſpectu talium peccatorum nunquam deſſe poſſunt graves, imo & graviffimæ tentationes, ut in libro ſequenti latius dicturi ſumus. Et ita nihil ſuper eſt reſpondendum ad fundamenta contrariæ ſententiæ, præter ea, quæ capite ſequenti addemus.

12. Solet autem interrogari, quam ſit certa hæc aſſertio. In quo omnes Theologi, præſertim moderni, docent, eſſe certam, & indubitaram, quia contrarium multum accedit ad errorem Pelagii. Difficultas autem eſt, an ſimpliciter ſit de fide, aliqui enim affirmant propter teſtimonia Pauli, & Conciliorum, quæ adduximus. Ita ſentit Medina ad art. 4. & 8. Divi Thomæ ſupra citatos, quem nonnulli moderni imitantur. At vero Soto dicto cap. 21. non putat eſſe de fide, quia teſtimonia adducta habent aliquam interpretationem non omnino improbabilem, & ſequitur Torrenſ. libro 2. Confessionis Auguſtinian. capite 3. & indicat etiam Valent. 2. tom. diſput. 8. quæſtione 1. puncto 5. §. 2. quia ſolum ut opinionem Theologicam illam tradit. Et mihi etiam videtur, non eſſe ſimpliciter de fide, quia non invenio expreſſam, & ſpecificam Eccleſiæ definitionem huius dogmatis, ſub his terminis poſiti, ſcilicet de obſervatione omnium præceptorum legis naturæ ſolum quoad vitanda peccata illis contraria. Definitiones autem generales ſupra adductæ habent evaſiones ſupra etiam poſitas, quæ licet ſufficiens reſellantur, non tamen ita evidenter, ut certum de fide ſit, hoc particulare dogma ſub illa generali definitione contineri. Ideoque ſatis eſt, dicere, doctrinam hanc eſſe conſuſionem Theologicam adeo certam, ut contraria non ſolum jam temeraria ſit, ſed etiam errori proxima. Supererat hoc loco cum Lutheranis diſputandum, an homo lapſus poſſit cum Dei gratia ſervare præcepta moralia, nullum grave peccatum contra illa committendo. Sed in hoc nulla eſt controverſia inter catholicos, nam fides docet, non ſolum poſſibile, ſed etiam facile eſſe vitare omnia hæc peccata per auxilium divinæ gratiæ, & juxta meſuram ejus ſervare præcepta: contra hæreticos vero contrarium ſentientes videri poſſunt Bellarm. lib. 4. de Juſtificatione cap. 10. uſque ad finem, & Valent. 2. tom. diſput. 8. quæſt. 1. punct. 5. §. 3. & Stapleton. de Juſtificatione lib. 6. de Perfect. juſtitiæ, & in ſequentibus aliqua de hoc puncto dicemus, de dono perſeverantiæ diſputando in lib. 10.

C A P U T XXVII.

Utrum ad ſervandam legem naturalem, & vitanda omnia peccata illi contraria longo tempore ſit neceſſaria habitualis gratia, vel fides, aut ſufficiat auxilium actuale, & quale illud eſſe oporteat.

1. IN hoc puncto ſupponimus neceſſariâ eſſe gratiam actualis auxilii, vel motionis divinæ per internam aliquam inſpirationem, & illuminationem, ita ut ſine hoc auxilio, nec gratia ipſa habitualis ſufficiat. Probatur primo, quia de hac gratia maxime loquuntur Concilia, & Sancti in præſenti materia, ut ſupra oſtenſum eſt, & in teſtimonijs allegatis videre licet. Secundo, quia etiam in homine juſtificato ultra habitualem gratiam requiritur ſpeciale auxilium divinæ motionis & protectionis, ut homo cuſtodiat integre totam legem naturæ non ſolum quoad modum ſuper-

naturalem, ſeu meriti, ſed etiam quoad vitandum omnem lapſum, ut aperte tradit Cæleſtinus in Epift. ad Gallos cap. 6. dicens: *Hominem etiam baptiſmatis gratia renovatum idoneum non eſſe ad ſuperandas diaboli inſidias, & ſuperandas carnis concupiſcentias, niſi per quotidianum Dei adjutorium perſeverantiam bonæ converſationis acceperit.* Idem ſumitur ex Concilio Tridentino dicto cap. 11. & 13. & infra tractando de dono perſeverantiæ dicitur; ergo a fortiori requiritur actuale auxilium ad prædictum effectum in quolibet homine non juſtificato. Tertio, quia quæ homines inducunt ad peccandum contra legem naturæ, actum movent, & impellunt, vel ſuadent, quia ſine his non eſt propria tentatio, quæ actu fiat, quia non niſi per huiusmodi actus animæ inferitur. Ergo e contrario ſoli habitus non ſatis juvant ad vincendam tentationem ſine actuali motione, & influxu divinæ gratiæ.

2. Et hinc obiter inferitur, gratiam neceſſariam ad hunc effectum, non poſſe eſſe ſolam habitualem, quia hæc non dat vires, nec per ſe inclinatur ad actus naturales. Dices: Sanat animam; ergo hoc ſatis eſt, ut det vires bene operandi. Reſpondeo, formaliter ſanat animam in ordine ad Deum tollendo culpam, non tamen ſanat læſionem inductam per ſonitem, & eſtrænatam concupiſcentiam, & ita non tollit per ſe proximè inſirmitatem bene, & conſtanter operandi, ſed indiget auxilio actuali. Secundo inferitur, hanc gratiam neceſſariam ad hunc effectum non poſſe conſiſtere in ſola cogitatione honeſta per ordinarias cauſas, & objecta naturalia excitata, quæ tantum conſequenter ſit congrua per habitudinem ad futurum conſenſum, quem liberum arbitrium ſuis viribus præſtabit. Quia, ut oſtendi, illa non eſt gratia internæ inſpirationis, & illuminationis; imo nec eſt propria gratia, aut beneficium, quod rationem legis, & doctrinæ naturaliter debet, & comparatæ excedat. Item quia omnes rationes factæ in ſuperioribus capitulis hic procedunt, quia illo modo nec inſirmitas naturæ agnoſcitur, nec Pelagio contradicatur, quia non ponitur neceſſitas peccandi, quæ ex peccato originali manet, & ſit antecedens in ipſa cauſa defectibili, & inſirma, ſed ad ſummum ponitur neceſſitas conſequens in præſcientia Dei, quæ etiam in natura integra eſſe poſuiſſet.

3. His ergo poſitis, primum dubium eſt, utrum gratia habitualis ſit etiam neceſſaria ad prædictum effectum. In quo prima ſententia eſt affirmans. Videturque eſſe D. Thom. 1. 2. qu. 109. art. 4. & 8. requirit enim gratiam habitualem ſanantem naturam, ut homo poſſit omnia præcepta implere, & omnia peccata vitare. Teneat Vega quæſt. 13. de Juſtificatione ubi etiam addit, non ſufficere auxilium ſupernaturalis ordinis, ſi gratia ſanctificans, & charitas deſit. Et hanc ſententiam nunc frequentius ſequuntur Theologi. Videturque ſummi ex Auguſtino de Spirit. & liter. cap. 14. & ſequentibus, ubi ex profeſſo probat, fidem, quæ per dilectionem operatur, eſſe neceſſariam ad ſervanda omnia præcepta decalogi, & ſine hac gratia etiam legem decalogi eſſe literam occidentem; at fides, quæ per charitatem operatur, eſt fides viva per charitatem, quæ non eſt ſine gratia ſanctificante; ergo hanc gratiam vult eſſe neceſſariam ad ſervandum decalogum. Et idem ſentit lib. 1. de Grat. Chriſt. cap. 8. ubi ait ad legem implendam neceſſariam eſſe gratiam, & juſtitiam, quæ, Deo donante, diligendo teneatur; & de Corrept. & grat. cap. 2. ſimiliter requirit charitatem, & in Epistol. 95. cum alijs Episcopis ſcribit, ad non peccandum non ſatis eſſe liberum arbitrium, niſi juvetur per gratiam, quam dixerat, non eſſe legem, ſed gratiam, qua juſtificamur ab iniquitate, & qua ſalvamus ab inſirmitate. Multaque alia de illa gratia dicit, quæ non, niſi in gratiam ſanctificantem conveniunt.

4. Præterea hunc modum loquendi Auguſtini imitantur Concilia, nam Patres Carthagin. Epistol. 90. *Per gratiam, qua Chriſtiani ſumus, dicunt, liberum arbitrium a concupiſcentiarum dominatione liberari.* Concilium etiam Milevit. cap. 3. dicit, gratiam Dei in qua juſtificamur, dari non ſolum in remiſſionem peccatorum, ſed etiam in adjutorium, ut non committantur, & in canone 4. explicat modum, quo adjuvat, præſtando nimirum,

1. Illatio ex dictis.

2. Illatio.

Dub. 1. in titulo poſitum, an requiratur etiam gratia habitualis - 1. Sententia affirm.

Ei ſevere videntur Auguſt.

Item Concilia.

Quam certa ſit ſententia comprobata.

Præmittitur innotuit, & probatur requiri actuale auxilium.

animum: ut quod faciendum noverimus, etiam facere diligamus, & addit inferius: *Ut edificante charitate, scientia non possit inflare*; ubi satis declarat, gratiam illam esse justificantem, quia charitatem includit: & cap. 5. definit, gratiam justificationis esse ad hunc effectum simpliciter necessariam. Concilium etiam Arausic. c. 13. dicit, arbitrium voluntatis in primo homine infirmatum, nisi per gratiam baptismi, non posse reparari.

3. ratio
pro eadē
sententiā.

5. Ex quibus verbis, cæterisque testimoniis hæc sumitur ratio, quia infirmus, nisi prius sanitatem recuperet, non potest firmiter, & constanter ambulare; ergo nec liberum arbitrium per peccatum infirmatum potest constanter bene operari, servando totam legem, & vincendo concupiscentias, & tentationes omnes, omniaque peccata contraria vitando, nisi prius sanetur; non sanatur autem, nisi per gratiam sanctificantem, ut dixit Concilium Arausic. ergo neque potest illa omnia perficere sine tali gratia. Secunda ratio sit, qua utitur D. Thomas, nam homo carens gratia sanctificante est in peccato mortali; ergo non habet cor suum firmatum in Deo tanquam in ultimo fine; ergo non potest constanter bene uti creaturis, nec convenienter ordinare omnes actiones suas, ita ut in illis non sæpe cadat, & ad creaturam potius, quam ad Deum, tanquam ad ultimum finem convertatur. Quia ad finem ultimum regulari debent actus humani, ut boni sint, qui autem ab illo fine est aversus, non potest bene, & constanter illa regula uti, & ideo necesse est, ut sæpe deficiat, faciendo actus illi fini contrarios: & hoc confirmat illud Gregorii Homil. 1. in Evangel. *Peccatum, quod per penitentiam non deletur, suo pondere in aliud trahit*: & author Imperfecti in Matth. Homil. 37. *Si semel (ait) peccantes obligaverimus nos operibus diaboli, jam nostra virtute evadere non possumus: Sed sicut navis, fracto gubernaculo illuc ducitur, ubi tempestas voluerit, sic & homo divina gratie auxilio perditio per peccatum, agit, quod non vult (id est velle debet) sed quod diabolus vult*.

2. ratio.

6. Tertia ratio esse potest, quia qui implet totam legem naturalem, justus est apud Deum; ergo gratiam sanctificantem habet: ergo e contrario qui hanc gratiam non habet, non servat legem totam naturalem, ac subinde hæc gratia est necessaria ad non peccandum din contra illam legem. Antecedens sumitur ex illo Pauli ad Romanos secundo: *Factores legis justificantur*, quod exponens Augustinus de Spirit. & liter. capit. vigesimo sexto, dicit: *non esse ita intelligendum, tanquam per opera, non per gratiam justificentur, sed ita intelligendum esse, factores legis justificantur, ut sciamus, alter eos non esse factores legis, nisi justificentur, ut non justificatio factoribus accedat, sed ut factores legis justificatio precedat*. Loquitur autem aperte de lege naturali: & potest declarari, quia si in Decalogo considerentur præcepta primæ tabulæ, includunt dilectionem Dei super omnia, quæ non est sine gratia sanctificante: si vero spectentur præcepta secundæ tabulæ, includunt amorem proximi, juxta illud Roman. 13. *Non adulterabis, non homicidium facies, &c. In hoc instauratur, diliges proximum tuum, sicut te ipsum*. Hæc autem dilectio sine vera charitate perfecte haberi non potest, quia ut ibidem dicitur: *Qui diligit proximum, legem implevit, & dilectio proximi malum non operatur*.

Secunda
sententiā
negans.

7. Nihilominus multi Scholastici docuerunt ad solius legis naturalis observationem quoad omnia ejus præcepta quoad substantiam, & ad vitandum longo tempore peccatum contra illam vincendo omnes tentationes occurrentes, non esse necessariam gratiam sanctificantem, sed sufficere divinum auxilium. Ita sentit Richard. 2. d. 28. art. 1. qu. 3. ubi hanc gratiam vocat gratiam datam, distinguitque illam tam a generali concursu, quam a gratia gratum faciente. Non tamen satis explicat, an loquatur divisive tantum de præceptis legis naturæ, vel etiam collective, utrumque vero insinuat: & idem sentit Bonav. ibi ar. 1. q. 3. & ar. 2. q. 2. Marfil. in 2. q. 18. art. 2. per varias conclusiones, in quibus confuse de præceptis naturalibus, & supernaturalibus loquitur. Item Abulens. in cap. 19. Matth. qu. 178. & 179. qui in hoc excedit, quod per

Suarez Tom. VI.

gratiam gratis datam nihil aliud, quam motionem Dei per generalem concursum, & ordinariam providentiam videtur intelligere. Illum tamen moderni aliqui Theologi imitantur.

Ejus, sup.
damentum.

8. Fundamentum generale hujus sententiæ esse potest, quia gratia habitualis per se non dat vires necessarias ad efficiendos actus, quibus lex naturalis servatur, & consequenter nec ad vitanda peccata vincendo tentationes; ergo nec est ad hunc effectum simpliciter necessaria. Antecedens declaratur, quia gratia habitualis, vel est in essentia animæ, & illa non est operativa, saltem ut proximum principium, & virtus operandi, & ita per se non dat vires: vel sunt alii habitus infusi fidei, charitatis, & isti licet dent vim ad efficiendos actus supernaturales, tamen ad eliciendos actus naturales non sunt necessarii; lex autem naturalis tota actibus naturalibus sufficienter impletur; ergo neque illi habitus gratiæ sunt necessarii ad prædictos effectus. Ergo nullo modo est necessaria gratia habitualis ad prædictos effectus. Probatur consequentia, quia non dantur alii habitus gratiæ, per se loquendo. Quamvis enim habitus acquisiti possint per accidens infundi, & sic vocari gratia habitualis, tamen neque illi sunt necessarii, neque ita ordinarie infunduntur, neque pertinent ad habitualem gratiam, de qua est sermo, quæ omnia per se notissima sunt. Neque etiam habitus solent requiri, nisi propter suos actus, neque hic possunt alio titulo postulari, cum de necessitate gratiæ ad bene operandum tractemus. Et confirmatur, quia de facto Deus confert hoc adjutorium per actuales motiones, quæ non juvantur per se ab habitibus, & dari possunt a Deo, etiam illis, qui non habent habitus gratiæ, quid enim repugnat? Ergo per illas motiones gratuitas potest homo peccator carens gratia, servare diu omnia præcepta legis naturæ sine novo peccato, & sine acceptione gratiæ habitualis, quia potest nullos supernaturales actus efficere, sine quibus gratia habitualis, vel remissio peccati non comparatur, ut postea videbimus.

9. Accedit quod testimonia in contrarium adducta non omnino cogunt. Primo quia aliud est loqui de gratia, sine qua homo non salvatur, aliud de gratia, sine qua non impletur lex naturalis: nam licet prior includat posteriorem, quia nemo salvatur, nisi per gratiam juvetur ad vitanda peccata, tamen e converso non est necesse, ut qui juvatur ad legem solam naturalem servandam, salvetur. Patres autem cum explicant, se loqui de gratia justificante, loquuntur de priori gratia, sine qua homo non salvatur, non tamen dicunt, illam esse necessariam ad implendam solam legem naturæ, non sufficientem enim ad salutem, legem naturalem servare, nisi servetur etiam lex fidei, & charitatis. Unde cum Augustinus loquitur de præceptis Decalogi, ibi includit amorem charitatis Dei super omnia: unde secundo dici possunt multa intelligi de observatione præceptorum perfecta, & ex dilectione Dei, sic enim loquitur Augustinus in prioribus locis, & Concilia Carthagin. & Milevitan. Arausicanum vero solum dicit, non reparari liberum arbitrium lapsum absque gratia baptismi, quod verum esset, etiam si absque illa gratia ei daretur, ut totam legem naturalem servaret, quia hoc, ut dixi, ad absolutam reparationem liberi arbitrii non satis est. Denique etiam si loquantur de observatione legis naturalis quoad substantiam, & vitando culpam; sub gratia justificationis includunt non solum habitus, sed etiam motiones gratiæ, & omnes inspirationes, & illuminationes, quæ ad justitiam coram Deo obtinendam, servandam, vel promovendam nobis conferuntur. Hæc autem motiones non solum dantur hominibus justis, sed injustis, & peccatoribus, & ideo per illas solas potest homo juvari ad non peccandum longo tempore, etiam si habitus gratiæ non habeat, & nihilominus dicitur juvari per gratiam justificationis, quia ad illam pertinent dicta auxilia, etiam si per se sola hominem non sanctificent. Et tunc etiam dicitur hic effectus fieri per gratiam sanantem, non quoad ablationem culpe jam commissæ, sed quoad reficiendas aliquo modo vires liberi arbitrii, quæ licet non sit sanitas perfecta,

Accedit
quod in
contrariū
allegatur
n. 3. & 4.
facile ex-
plicatur.

est inchoata, & via ad consummatam, ideoque sub gratia sanante comprehenditur.

Confirm.
superior
explica-
tio.

10. Et confirmantur hæc omnia, primo quia non aliter loquuntur Concilia de victoria omnium tentationum, seu peccatorum committendorum, quam de gravi tentatione superanda, sed dici non potest ad gravem tentationem superandam esse necessariam habitualem gratiam, & Concilia sufficienter explicantur de motione actuali gratiæ, ut supra c. 18. ostensum est; ergo idem est dicendum de peccatis longo tempore contra legem naturæ. Confirmatur 2. quia alias homo in puris naturalibus non posset servare præcepta omnia naturalia longo tempore, quia per vires naturæ non posset, & gratiam sanctificantem non haberet. Consequens autem est falsum, ut supponimus, & infra dicitur; ergo necesse est, per motiones divinas posse hominem in eo statu perficere hunc effectum: idem ergo nunc est dicendum.

Tertia sen-
tentia as-
sertur.

11. Propter quas duas rationes dixerunt aliqui, non solum non esse necessariam gratiam habitualem ad hunc effectum, verum etiam nec interna auxilia proprie supernaturalia in sua entitate, qualia ad actus fidei, spei, & charitatis dantur, esse necessaria, sed sufficere motiones ordinis naturalis datas modo præternaturali, id est, ultra vires naturales tam ipsius hominis, quam omnium causarum naturalium, quæ illum tunc possent ad servanda naturalia præcepta excitare, sicut de gravi tentatione in eodem capit. decimo-octavo dicebamus. Est enim eadem ratio, quia hic effectus non requirit principia supernaturalia, quæ per se, ac physice efficiant actus necessarios ad servandam legem naturæ, sed solum requirit, ut moraliter moveant, & fortiter, & ut mentem illuminent, ac suavem reddant operationem virtutis; hæc autem omnia per dictas motiones extraordinarias sufficienter fieri possunt. Et confirmatur hoc, quia in homine infideli potest Deus hunc facere effectum, & tamen in illo locum non habent motiones supernaturales ordinis, quæ a fide incipiunt, ut supra vidimus; ergo fieri potest sufficienter per extraordinarias motiones ordinis naturalis.

Nota pro
decisione.

12. In hoc puncto distinguendum est, aliud esse loqui ex natura rei, aliud ex lege Dei. Natura spectanda est juxta qualitatem, & conditionem propriam illius affectus, & internam deordinationem hominis lapsi, & improprietatem ac insufficienciam, quam ex se habet ad perficiendum suis viribus talem effectum, nam illud adjutorium infimi ordinis, quod fuerit sufficiens ad supplendam illam imbecillitatem liberi arbitrii, dicitur ex natura rei sufficiens. Deus autem sua voluntate potuit statueri non facere illum effectum per tale auxilium, quod infimum vocare possumus, sed per aliud perfectius. Item potuit statuere non dare hoc adjutorium, nisi habenti hunc, vel illum statum, aut gratiæ, & justitiæ, aut fidei aut aliquid simile, & quidquid hoc modo fuerit necessarium, dicitur tale non ex se, sed ex lege Dei.

Assertio.

13. Dico ergo primo: Si res hæc ex natura rei, & internis principiis consideretur, nec gratia habitualis, nec fides, nec motio supernaturalis in substantia est necessaria ad hunc effectum, sed sufficit gratia motionis divinæ, quæ licet sit ordinis naturalis, supernaturaliter confertur. Hanc assertionem mihi probant fere omnes rationes factæ pro secunda sententia, & præsertim duæ confirmationes ultimæ in numer. 10. cum alia, quam in fine numeri 11. tradidimus, quod infidelibus posset hæc gratia præstari, illud enim verum est de potentia absoluta, & de intrinseca necessitate divini auxilii, sola indigentia talis causæ, & natura talis effectus spectata, quidquid sit de potentia ordinata, juxta legem a Deo statutam. Dices: ergo ex natura rei sufficeret etiam sola cogitatio congrua ad prædictum effectum. Respondeo, negando sequelam, quia, ut supra dixi, si cogitatio dicatur congrua mere consequenter ex cooperatione, seu adfensione liberi arbitrii ad cogitationem mere naturalem, & comparatam per ordinarium cursum causarum naturalium cum solo naturali influxu Dei, talis cogitatio nec est gratiæ beneficium, multoque minus est gratiæ auxilium. Unde impossibile est, dari talem cogitationem,

quæ de se, & sine alio adjutorio Dei sit congrua ad servanda omnia præcepta naturalia longo tempore sine peccato. Alias revera talis effectus fieret solis viribus liberi arbitrii, nam ipsum solum est, quod reddit talem cogitationem congruam. Item si talis cogitatio, seu potius cogitationum multitudo in quibusdam est congrua, quia consentiunt illi, in aliis, qui non consentiunt, erit sufficiens; ergo illi per se habent sufficientes vires ad illum effectum, quod est contra Concilia, quæ non solum requirunt gratiam, ut fiat talis effectus, sed etiam ut fieri possit, & ut homo ad id sufficiat. Si autem cogitatio hæc, ut sit congrua ante assensionem liberi arbitrii, requirat aliquam specialem motionem, tunc, etiam si non sit congrua, esse poterit gratia sufficiens ad illum effectum, nam congruitas, per se loquendo, non addit sufficientiam, seu vires operandi, sed efficientiam actualem; ergo cogitatio congrua priori modo spectata non est sufficiens, imo nec esse potest; posteriori autem modo sumpta non est necessaria, & quando est congrua, non habet ex congruitate vim sanctificandi, & sanandi liberum arbitrium, sed potius, quia est fortior motio, quam per naturam esse possit, & ideo semper quantum est ex parte Dei, est accommodata ad illum effectum, & si arbitrium cooperari velit, erit etiam congrua.

14. Dico secundo: Quamvis non repugnet, hanc gratiam sufficientem ad vitanda diu omnia peccata contra legem naturæ dari infidelibus, nihilominus valde probabile est, ex lege Dei non dari nisi solis credentibus, seu fidelibus. Prior pars nota est ex præcedenti assertionem, & ex confirmationibus, quibus illam suavisimus. Et quia nulla implicatio contradictionis in hoc ostendi potest, quia nulla est connexio per se, & ex natura rei necessaria inter illud genus auxilii, & fidem; quia omnis illatio mentis, quæ per illud auxilium confertur, est inferior fidei, fieri enim potest per motiva honesta, & cogitationes a malo retrahentes, fortiores quidem, & frequentiores, quam per naturales vires, vel causas fieri possent, non tamen in assensu fidei fundatas. Et ex parte affectus dari similiter posset hoc adjutorium per affectiones, & voluptates, vel terrores proportionatas dictæ illuminationi absque superiori fidei; ergo absolute non repugnat adjutorium hoc dari infidelibus.

2. Assertio bipartita: Ostenditur prior pars.

15. Nihilominus probatur altera pars, quia gratia, quam Scriptura, & Patres docent necessariam esse ad vitanda peccata, & resistendum tentationibus contra legem naturæ, est gratia fundata in fide; ergo requirit fidem; ergo saltem ex lege Dei non datur, nisi fidelibus. Consequentia sunt per se evidentes. Antecedens patet ex discursu Pauli in epist. ad Rom. nam ut ostendat fidei necessitatem, declarat prius, omnes gentes, & Judæos plenos peccatis fuisse, quia illi sua naturali sapientia, & libertate de lege sua confisi, concupiscentias vincere non valuerunt, & inde concludit fidei necessitatem ad vitanda peccata contra legem naturæ; unde in c. 3. subinfert: *Ubi est ergo gloriatio tua? Exclusa est: Per quam legem? Factorum? non, sed per legem fidei*, id est, ait August. de Spirit. & liter. c. 13. *Quod operum lex minando increpat, hoc fidei lex credendo impetrat: & infra: Lege operum dicit Deus, fac quod jubeo, lege fidei dicitur Deo, da quod jubes.* Denique fides gratiam includit, quia ea ipsa, quæ non poterant impleri per legem, per fidem impleta sunt, ut ait idem August. lib. Proposit. in epist. ad Rom. in 19. ergo gratia, per quam servanda est lex naturalis, est gratia fidei, seu fundata in fide, aut per fidem impetrata: & de hac loquitur Paul. ad Rom. 7. dicens: *Quis me liberabit de corpore mortis hujus? Gratia Dei per Jesum Christum*; quæ autem sit hæc gratia declarat statim cap. 8. dicens: *Lex spiritus vitæ in Christo Jesu liberavit me a lege peccati, & mortis: Lex autem spiritus vitæ eadem est, quæ lex fidei*, quæ per internam virtutem spiritus concupiscentias vincit; unde etiam dixit idem Paulus ad Galat. 3. *Conclusit Scriptura omnia sub peccato, ut promissio ex fide Jesu Christi daretur credentibus*: sub promissione enim non tantum intelligenda est æterna hæreditas, vel perfecta sanctitas, sed etiam fortitudo, & virtus ad vincenda peccata, & ideo ipsemet Christus Dominus dixit Joann. 15. *Si quis in me non manserit* (uti.

Posterior pars probatur.

(utique per fidem) *mittetur foras, sicut palmes, & arescet*, peccata utique multiplicando.

Probatur
2.

16. Deinde assertionem hanc confirmant Patres Africani in Epistolis sæpe citatis, nam in 90. dicunt, per gratiam illam, qua Christiani efficiuntur, vere liberari liberum arbitrium, ne concupiscentiis obediat. Gratia autem prima, qua Christiani efficiuntur, & fundamentum Christianæ justitiæ, est fides, & non obedire concupiscentiis, est legem naturæ servare; ergo auxilium necessarium ad legem naturæ sine peccato servandam supponit fidem, & in ea fundatur. Idemque probant alia testimonia, quæ supra in prima opinione adduximus; tandem idem indicant Patres, quando dicunt, veram gratiam auxiliantem ad sancte vivendum, & cavenda peccata incipere a vocatione ad fidem, ut tradit Concilium Arausic. cap. 4. & ult. Augustinus Epistol. 105. & sæpe alias. Prosper contra Collator. cap. 22. 26. & 29. Fulgent. de Incarnat. & grat. cap. 16. & 17.

Probatur
3.

17. His testimoniis addi possunt optimæ congruentiæ, propter quas expedire potuit, Deum hanc legem statuere. Prima, quia decrevit Deus, ut gratia, quæ dat vires ad liberandum arbitrium a servitute concupiscentiæ, non daretur hominibus nisi propter Christi merita; ergo non debuit etiam dari, nisi media fide Christi explicita, vel implicita; ergo non datur nisi fidelibus ex lege ordinaria. Secunda, quia ad manifestationem gratiæ Dei, & ad superbiam hominum reprimendam, oportuit, ut agnoscerent, sine fide, & gratia Christi non posse legem sive naturalem, sive scriptam servare, nec diu a peccato abstinere, quam rationem indicat sæpe Paulus in locis citatis. Tertia, quia motiva fidei sunt fortiora ad continendum hominem a peccatis, sive timore terreatur, sive amore inducatur, & ideo de lege ordinaria motiones, & auxilia, quibus ad illum effectum juvatur, sunt in fide fundata, unde est illud Petri: *Cui resistite fortes in fide*. Quarta, quia licet auxilium bene operandi, & cavendi peccata, ex gratia futurum sit, tamen Deus sua lege statuit, ut hæc gratia per orationes impetraretur, & non daretur, saltem abundanter, & plene ad vitanda peccata mortalia, nisi petentibus, congruenter; at vero oratio impetrans non fit, nisi ex fide: ergo eadem lege Dei cautum est, ut tale auxilium non nisi credentibus detur.

2. Assertio

18. Dico tertio, Probabilius etiam est, ex lege Dei non dari auxilium hoc proxime sufficiens ad vitanda omnia peccata longo tempore, nisi hominibus iustificatis; atque hoc modo gratiam habitualemente necessariam ad vitanda diu peccata contra legem naturalem, non ut proximum auxilium ad id necessarium, sed ut principale fundamentum, & ratio obtinendi tale auxilium. Sic explicatam amplectimur primam sententiam; quæ licet non sit tam certa, sicut præcedens assertio, est nihilominus longe probabilior, eamque valde persuadent testimonia in illius confirmationem adducta. Quibus non fit satis responsionibus adductis in num. 9. quia licet uni, vel alteri loco possint aliquæ earum adaptari, non tamen omnibus simul sumptis. Nam sæpe requirunt charitatem Dei veram, & infusionem, non solum ut perfecte, & cum fructu homo servet legem naturæ, sed etiam ut simpliciter eam servet, ita ut contra illam non peccet: unde Augustin. libr. de Catechizand. rudib. cap. ult. dicit: *Non implere legem, nisi qui Dominum acceperit Spiritum Sanctum Patri, & Filio equalem*. Accipitur autem Spiritus Sanctus per gratiam habitualemente, & per infusionem charitatis; ergo ex sententia Augustini, ut homo impleat legem, necessarius est internus habitator Spiritus Sanctus, qui hominem iustum in suis actionibus regat. Verum est tamen, Augustinum in hoc ultimo loco, & de Spirit. & Liter. cap. 26. & sæpe alias tractare de tota lege prout includit perfectum Dei amorem, & proximi: quo modo clarum est, non posse totam legem sine gratia habituali impleri; quia nemo diligit Deum super omnia, ita ut impleat charitatis præceptum, quin habeat gratiam habitualemente, quia in principio, seu in prima infusione sequitur ad illam dilectionem tanquam ad ultimam dispositionem, postea vero, ut homo diu servet omnia præcepta, necesse est, ut talis

observatio ab Spiritu Sancto inhabitante procedat; unde in rigore non satis probatur assertio ex illo loco, & similibus, quia non agimus de observatione totius legis, ut includit præcepta fidei, & charitatis, sed præcise de lege naturali.

19. Instant vero aliqui, quia etiam lex naturalis præcipit suo modo diligere Deum super omnia, quod sine gratia impleri non potest; ergo hoc satis est, ut gratia sit necessaria ad implendam totam legem naturæ. Sed neque hæc ratio sufficiens est, quia etiam incertum est, an ad hanc dilectionem sit necessaria, quod mox disputabimus. Secundo, quia licet demus, requiri gratiam, eadem ratione dicitur, sufficere gratiam auxilii sine gratia sanctificante. Tertio, & maxime, quia illud præceptum cum sit affirmativum non obligat pro semper; imo potest transigi longum tempus, pro quo non obliget; ergo pro illo tempore sine gratia poterit observari lex naturalis, non eliciendo in toto illo tempore dilectionem Dei super omnia, neque aliquid contra illam peccando. Hoc ergo erit satis, ut dicatur homo posse implere totam legem naturalem longo tempore sine gratia, quantum necesse est ad vitanda omnia peccata longo tempore, quod solum in præsentī tractamus. Hic enim non inquirimus, an omnes, & singuli actus legis naturalis possint fieri sine gratia, neque an omnes actus, quos lex naturalis præcipit, possint fieri sine gratia, nam hoc esset confundere quæstionem de necessitate gratiæ ad dilectionem Dei naturalem, vel alios actus difficiles, cum quæstione de necessitate gratiæ ad non peccandum longo tempore contra legem naturalem: quod fieri non debet. Nam si in illo sensu tractetur quæstio, ut includatur in ea dilectio Dei, & supponatur haberi non posse sine gratia, non solum erit verum, hominem non posse diu servare totam legem naturæ sine gratia, verum etiam nec brevissimo tempore, quia in illo non potest juxta illam sententiam dilectionem Dei habere sine gratia. Non debet ergo misceri quæstio de dilectione Dei, sed quidquid de illa sit, probandum est, non posse hominem diu esse constantem in observatione legis naturalis, utique exequendo præcepta omnia affirmativa, quæ pro illo tempore obligaverint, & quod caput est, non violando præcepta ejus negativa, in quo Paulus, & ex illo Augustinus, & alii Patres difficultatem hujus observantiæ posuerunt, reducendo illa præcepta ad illud generale, *non concupisces*.

Alia quorundam probatio pro assertionem tripliciter rejicitur.

20. Aliter ergo ex illis locis colligimus assertionem, nimirum, quia licet hæc observatio legis naturæ, cavendo diu illa peccata, non includat formaliter actum charitatis Dei, ita ut necessarium sit per proprium, & formalem actum elicitum Deum super omnia diligere intra illud tempus, nihilominus protectio, & auxilium Dei necessarium ad illam observationem legis naturalis non datur nisi illi, in quo Spiritus Sanctus per gratiam inhabitat. Hoc autem præcipue credimus, quia Patres in locis citatis ita sentiunt; si omnia loca, ut dixi, simul sumantur, & inter se conferantur. Et similiter id insinuat Scriptura in locis allegatis, & ostendit experientia, quia nemo etiam fidelis in peccato mortali jacens, diu ab aliis peccatis abstinet, vel contra omnes concupiscentias fortiter dimicat. Cum autem hoc non fuerit necessarium ex natura rei, solum possumus hujus divinæ dispositionis congruentis rationes reddere. Prima est, quia hæc protectio Spiritus Sancti, qua homo custoditur, ut concupiscentias vincat, & non peccet longo tempore, est insigne beneficium, quo sunt indigni etiam fideles, qui in statu peccati mortalis permanent, & alioqui est paternalis providentia quasi connaturalis gratiæ Dei, quæ homines filios Dei constituit: ergo illis solis promissa est, & solis illis datur juxta illud Pauli ad Romanos 8. *Qui spiritu Dei aguntur, hi sunt filii Dei*. Dicuntur agi spiritu Dei, non solum, qui iustificantur, sed etiam qui ita reguntur ab ipso, ut peccata omnia vitare possint: unde verba illa Christi supra allegata: *Si quis in me non manserit, mittetur foras, & arescet*, non tantum intelliguntur de iis, qui per infidelitatem a Christo separantur, sed etiam de illis, qui dilectionem ejus deferunt, & per fidem vivam in ipso non manent, nam illo etiam mittuntur, & arescunt non tantum

Legitima probatio ex divina dispositione sumpta ac in Patribus ex Scripturis fundata.

1. Congruentia dicta dispositionis

tantum in fine, cum desperanter separabuntur, si in illo statu persevererent, sed etiam statim, ac per peccatum separantur a Christo, quia extra protectionem singularitatem ejus supt, & in dies magis, ac magis ardescunt, si in eo statu persevererent.

Altera
congruentia.

21. Altera congruentia est, quam insinuat D. Thom. quia is, qui nec actu, nec habitu diligit Deum, est de se valde indispositus, ut a concupiscentiis, & aliis occasionibus peccandi diu abstinere, & ideo nisi poenitentiam agat, non se disponit ad recipiendum auxilium, quo a Spiritu Sancto contra tentationes carnis, & demonis protegetur; quæ ratio elucidatur optime verbis Pauli ad Rom. 8. *Qui secundum carnem sunt, quæ carnis sunt; sapiunt, qui vero secundum spiritum, quæ sunt spiritus, sentiunt*: unde infra concludit: *Qui in carne sunt, Deo placere non possunt*: Omnes autem qui carent Dei gratia in carne sunt, juxta ejusdem Pauli sententiam, qui adjungit: *Vos autem in carne non estis, sitamem spiritus Dei habitat in vobis*. Declarari præterea potest in hunc modum; nam ut quis possit diu a peccatis mortalibus cavere, necesse est (moraliter loquendo) ut habeat firmum propositum, nunquam peccandi mortaliter, nam qui non est hoc generali proposito munitus, & in singulis occasionibus privatus motivis, & rationibus ducitur, vix potest in singulis prævalere, nedum contra omnia, quæ varia, & multiplicia sunt, constans esse, & eleganter describit Cyprian. libr. de Mortalitat. non longe a principio. Oporteret ergo habere cor firmatum per propositum contra omne peccatum, quod sine gratia non fit, ideoque illud habere non potest, qui in aliquo peccato jacet; ergo ob eandem gravam dispositionem non datur ei specialis protectio Spiritus Sancti, qua concupiscentiis omnibus resistat, & non peccet contra totam legem naturalem; sicque procedit dictum Gregorii: *Peccatum, quod per poenitentiam non deletur, suo pondere in aliud trahit*.

3. Congruentia.

Dubium
alterum
principale
ex po-
strema ti-
tuli parte.
Ius quo-
rundam
religio-
rum & proba-
tio.

22. Ex his ergo colligitur, ad hujusmodi effectum necessarium esse fidem, & charitatem, saltem habituales, & ultra habitus gratiæ necessariū esse actuale auxilium Dei regentis, & protegentis justum. Declarandum vero superest, an necessarium sit, ut hoc auxilium actuale sit supernaturalis ordinis, vel sufficiat ordinis naturalis. Aliqui existimant, necessario requiri auxilium supernaturalis ordinis, ac proinde in substantia sua supernaturale: nam ex secunda assertione id colligi videretur: quia requiritur auxilium fidei, seu ex fide, hoc autem auxilium supernaturale est; si- cut & fides est supernaturalis: ergo etiam auxilium necessarium ad servanda præcepta legis naturæ est auxilium supernaturale. Idem argumentum sumitur ex eo, quod Patres requirunt gratiam justificantem, quæ vox, ut extenditur ad auxilia actualia non significat, nisi motiones illas, quæ ad actus justitiæ supernaturalis excitant, & adjuvant.

Expendi-
tur dicta
probatio,
& præci-
pua ex
parte reji-
tur.

23. Verumtamen observare oportet, aliud esse loqui de principio proxime adjuvante ad observationem præcepti naturalis, aut resistendum tentationi illi contrariæ: aliud vero esse loqui de via, seu ratione obtinendi tale auxilium. Ratio ergo facta solum probat, hoc posteriori modo requiri gratiam, vel auxilium gratiæ ordinis supernaturalis, quia obtinendum est mediante fide impetrante, & ratione filiationis divini, quam gratia habitualis confert. Hinc autem non sequitur auxilium ipsum, quod immediate datur ad illum effectum, necessario habitum esse supernaturalitatem ejusdem ordinis. Nam multa per fidem impetramus, quæ ordinis naturalis sunt, ut sanitatem, scientiam, & multa etiam beneficia justis conferuntur, quia iusti sunt, quæ similiter naturalia sunt, juxta illud, non vidi justum derelictum, nec semen ejus quærens panem. Maxime vero impetrantur hæc, vel ratione prioris gratiæ donantur, quando ad finem ejusdem gratiæ utilia sunt, vel esse possunt, & ad illum finem ordinantur. Sic ergo potest impetrari per fidem auxilium, quod & sit gratia, quia gratis datur, & aliquo modo supernaturale, quatenus est effectus fidei, & orationis, & nihilominus sit naturalis ordinis, quia ad effectum, propter quem datur, ut proximum principium, non est magis necessarium. Nam

si singuli actus, propter quos datur, considerentur, motio naturalis ad illos sufficit, ut supra probatum est; si vero attendatur collectio, & multitudo similium actuum, ad illam multiplicationem, & collectio similium motionum, & auxiliorum propter eandem rationem satis erit. Et si per fidem, vel gratiam sanctificantem obtineantur, habebunt omnia, quæ Concilia requirunt, nam & sunt auxilia ex fide, & ad gratiam justificationis pertinent, quatenus non peccare contra legem naturæ magna pars est justitiæ; ergo talia auxilia sufficiunt, nec habemus fundamentum, propter quod amplius requiramus.

24. Dico ergo ut hæc observatio legis naturalis, & victoria tentationum contra illam, fiat cum aliquo fructu, vel merito conferente aliquo modo ad vitam æternam, necessarium esse auxilium supernaturalis ordinis, saltem quoad modum, seu circumstantiam aliquam operationis. Quod non solum est verum de longo tempore, sed etiam de brevi; imo non solum de collectione actuum, sed etiam de singulis, quia in singulis reperitur illa proprietas, seu conditio propter quam tale auxilium est necessarium, ut in tractatu de merito late diceretur. At vero si auxilium solum inducat ad observandam legem naturalem, quoad substantiam, & ad cavendam culpam contrariam, constat ex dictis, ex natura rei sufficere auxilium ordinis naturalis datum ultra ordinem, & virtutum causarum naturalium. Unde non video, cur non possit tale auxilium per fidem impetrari, & interdum habere suum effectum in homine iusto, poterit ergo etiam ex lege sufficere. Verisimile autem est, regulariter hoc fieri per auxilia superioris ordinis; tum quia sunt magis proportionata ipsi gratiæ, & fidei; tum quia sunt efficaciora, & magis fructuosa; vel certe, quia hæc auxilia ad totam collectionem non dantur, nisi adjuvando ad singulos actus, verisimile est, totum hoc adjutorium nunc ex his, nunc ex illis constari. Nam fidelis justus interdum implet naturale præceptum, vel vincit contrariam tentationem ex consideratione tantum honestatis naturalis, & affectione illi proportionata, & tunc verisimile est juvari solis auxiliis naturalis ordinis: aliquando vero & sæpius justus resistit tentationibus, sumendo securum fidei, seu fortis factus in fide, & moris altioribus, & æternis motivis, & nunc recipit auxilia divini ordinis. Dat ergo Deus hæc auxilia, vel prout vult, vel prout prævidet magis expedire illi, quem a peccatis præservare vult. Quæ doctrina consentanea est Augustino; nam in libris contra Pelagium præcipue loqui videtur de auxiliis supernaturalibus in substantia, in aliis vero locis non semel alia commemorat, quæ licet in se naturalia sint, a Deo occultis suis modis procurantur, quorum exempla videri possunt lib. 9. Confess. cap. 8. 9. & 10.

25. Sed oriuntur ex dictis difficultates, quibus satisfacere necesse est. Prima est, quia ex dictis sequitur, non solum ad omnes tentationes vincendas, sed etiam ad singulas graves necessarium esse fidem: & quod difficilior est, gratiam justificantem: consequens non est credibile; ergo. Sequela probatur, quia eisdem modis loquuntur Patres, & eandem gratiam requirunt ad tentationes graves sine lapsu tolerandas, & superandas, quam postulant ad vivendum diu sine peccato: imo vix de his loquuntur separatim, sed promiscue tanquam de uno dogmate, seu tanquam de eadem necessitate: ergo si propter illa testimonia requiramus fidem, & sanctitatem personæ ad cumulum tentationum, idem de gravi quacumque tentatione sentire debemus. Minor autem probatur, quia sequitur, infideles ac peccatores non posse lege ordinaria vincere tentationes graves, nisi vel illi ad fidem veniant, vel hi ad poenitentiam, & remissionem peccatorum disponantur: utrumque autem est creditu difficillimum, quia non est verisimile negare Deum auxilium tam frequenter necessarium omnibus his hominibus. Imo nonnulla leguntur exempla, ex quibus contrarium intelligimus, nam de quodam infideli Polemone, refert Augustinus Epist. 130. fuisse sermone Xenocratis a dominatu luxuriæ liberatum: *Quod (ait Augustinus) non humano operi tribuerim, sed divino*: ubi licet expresse non asserat, illud factum esse a Deo speciali munere

Vera de-
cisio supe-
rioris du-
bii.

Ex proxi-
ma deci-
sione alia
suboritur
difficultas.
1. Diffi-
cultas 2.

nere gratiæ, nihil tamen prohibet fieri potuisse, ut Deus per sermonem Xenocratis excitaverit peculiari modo mentem Polemonis, ut a vitio illo emendaretur; & libr.de Patient.cap.27.dicit esse donum Dei, quando hæreticus pro veritate aliqua fidei mortem sustinet. Quod multo certius est de fideli peccatore, qui rapitur ad martyrium priusquam habeat tempus considerandi suum statum, aut se ad iustitiam disponendi.

26. Secunda, & similis difficultas est, quia sequitur, infideles carere auxilio sufficienti ad non peccandum longo tempore, & consequenter esse illis simpliciter impossibile servare omnia præcepta: & nihilominus propter eorum transgressionem damnari, quod durum est. Idemque sequitur de fideli peccatore, qui longo tempore jacet in peccato. Unde sequitur aliud incommodum, scilicet, teneri eum qui peccat, statim agere poenitentiam de peccato commisso, alioqui peccatum novum committeret, quia se exponit periculo novi peccati. Tertia est, quia videtur in hoc aliqua differentia constituenda inter peccatorem fidelem, & infidelem; nam infidelis non habet principium impetrandi a Deo auxilia, & ideo mirum non est, si illis careat; fidelis autem etiam si sit in peccato, habet principium illa impetrandi, quia ad hoc sufficit fides mortua, ergo licet infidelis careat his auxiliis, peccator fidelis, si velit, poterit illis non carere. Ultima difficultas est, quomodo hæc doctrina in statu puræ naturæ locum habere potuisset, cum tamen eadem videatur esse ratio de homine in illo statu, quæ de homine lapsa.

27. Ad has difficultates dicendum imprimis est de infidelibus nullum esse inconveniens, quod careant omnibus propriis auxiliis prævenientis, & adjuvantis gratiæ in ordine ad bene moraliter operandum, & vincendas tentationes non solum quoad omnium collectionem longo tempore, sed etiam quoad singulas graves; tum quia his gratiis indigni sunt; tum etiam, quia in istis primum gratiæ initium est per vocationem ad fidem, & donec huic vocationi respondeant, non recipiunt specialia auxilia ad vitanda alia peccata, vel ad bene operandum; neque hinc sequitur aliquod absurdum, quia nihilominus illi sunt liberi, & absolute possunt tentationi non consentire, saltem potentia physica, & moralis pro singulis actibus, vel momentis, & ideo peccant in particulari actu, licet respectu collectionis, seu perseverantiæ necessitate quadam etiam moraliter peccent. Quamvis autem hoc regulariter ita sit, nihilominus probabile est, & pie credi potest, Deum interdum juvare specialiter infidelem ad aliquam gravem tentationem vincendam, quia hoc est consentaneum misericordiæ Dei, & nullo sufficienti testimonio ostenditur lex illa adeo immutabilis, ut non liceat credere, interdum Deum præter illam operari ex altissimo consilio providentiæ, vel prædestinationis. Quoties enim id fecerit Deus, vel erit in ordine ad salutem ipsius infidelis, si est ex electis, ut illa via minus sit indispositus ad fidem, & tunc illa gratia ad vocationem ad fidem quodam modo pertinet, vel erit propter aliquod commune bonum Ecclesiæ, ut in exemplo de hæretico, quem Deus juvat, ut pro veritate fidei moriatur, credibile est, id facere Deum propter honorem ipsius fidei, vel propter fidelium salutem, ut tali exemplo confortentur. Sicut etiam dixit Augustinus lib.de Gratia Christi cap.24. Deum speciali auxilio convertisse voluntatem Assueri in favorem Hester, & filiorum Israel, illud ergo auxilium datum est infideli Regi in gratiam fidelium.

28. Addo vero hoc non esse extendendum ad auxilium, quo longo tempore vitantur peccata, & vincuntur tentationes contrariæ legi naturali, nam hoc donum nemini credo communicari ante fidem, & in hoc constituo differentiam inter auxilium ad singulas graves tentationes vincendas, vel ad omnes superandas, & non peccandum longo tempore, quod prius interdum datur sine fide, posterius vero nunquam. Et ita quoad hanc partem ad primum dubium respondeo negando sequelam. Et quamvis hæc differentia non tradatur expresse a Patribus, non tamen negatur: imo in illis habet fundamentum; quia ad vincendas concupiscentias simpliciter, ita ut in peccatum mortale ho-

minem non pertrahant, requirunt expresse, & frequentius auxilium ex fide, de gravibus autem tentationibus nunquam hoc in particulari dicunt. Paulus etiam sæpe docet, infideles semper esse oneratos peccatis, quod autem nunquam juventur ad unam gravem tentationem vincendam non dicit. Habet etiam illud discrimen fundamentum in ipsa re, quia longe excellentius donum est diuturna vita innocens a peccato, quam victoria unius vel alterius tentationis gravis: & infidelis ipse multo est indignior priori dono, magisque indispositus ad illud recipiendum, & vix potest expedire ad dei honorem, vel commune bonum, ut sine his communicetur alicui vitæ innocentia, & ita non est utriusque doni eadem ratio.

29. At vero de fideli existente in peccato longe aliter censetur quoad multa, nam imprimis multo frequentius, & facilius potest habere auxilium necessarium ad vincendam gravem tentationem in particulari, quam infidelis, propter illam rationem, quod per fidem, & rationem potest impetrare tale auxilium, etiam si ad remissionem peccati non se disponat; & ideo dixi in tom.4.de Pœnit.disput.15.sect.6. in homine existente in statu peccati raro esse necessarium medium ad vincendam tentationem gravem, contritionem elicere, & se proxime disponere ad iustitiam, quia impetrando auxilia actualia, potest per illa vinci tentatio, nisi tam extraordinaria sint, ut propria iustorum esse censeantur, qualia possunt existimari, quæ ad martyrium constanter subeundum requiruntur.

30. Deinde potest fidelis, etiam si gratia, & charitate careat, aliquo tempore vitare omnia peccata contra legem naturalem; imo & contra supernaturalia præcepta per auxilium divinum actuale sine infusione habituum, dummodo pro eo tempore specialis obligatio diligendi Deum super omnia, aut habendi contritionem non occurrat. Hoc mihi etiam probant rationes in secunda assertione adductæ, probant enim aliqui amplius posse fidelem, etiam si peccator sit, quam infidelem, in hoc negotio resistendi tentationibus tam carnis, quam demonis, nam fides de se est quasi proximum principium hujus resistentiæ, juxta illud Petri. *Cui resistite fortes in fide*, & illud Pauli: *In omnibus sumentes scutum fidei*. Ergo aliquo majori tempore potest fidelis peccator sine novo peccato perseverare, si recte velit, sicut facile potest, fide sua uti; tum considerando altiores rationes ad non peccandum, etiam contra legem naturalem, quas infidelis non assequitur, tum orando, & petendo auxilium, per fidem, & per Christum, quod infidelis facere non potest. Quo circa licet hoc tempus, pro quo fidelis peccator potest totam legem servare per auxilium gratiæ, absolute spectatum breve, aut mediocre dici possit, comparatione vero facta ad infidelem, est multo longius; e contrario vero comparatione facta ad fidelem iustum est breve tempus.

31. Atque ad eundem modum intelligenda est tertia assertio posita. Nam in ea ulterius considerandum est, hominem etiam justificatum simpliciter, & absolute non posse perseverare diu sine peccato cum solis ordinariis auxiliis gratiæ, ita ut illa moraliter satis sint ad perseverandum cum effectu, nisi Deus majora subministret, quæ non negat iusto facienti, quod in se est per generalia gratiæ auxilia, ut infra videbimus. Et nihilominus per illa ordinaria auxilia aliquo tempore potest totam legem sine lapsu servare, quod quidem tempus in se quidem, & comparatum ad totam vitam, seu ad tempus illud, pro quo sunt necessaria specialiora auxilia, breve est, & modicum, & nihilominus comparatum ad tempus, pro quo fidelis existens in statu peccati sine novo peccato conservari potest, longum est, quia uberiora sunt auxilia ordinaria fidei vivæ, quam mortuæ, ut per se notum est.

32. Et per hæc satis responsum est ad tres priores difficultates. Nam ad primam jam ostensum est, non esse eandem omnino rationem de resistentia unius gravis tentationis, quæ est de perseverantia diuturna sine peccato, ideoque licet fateamur communi lege non dari infidelibus gratiam necessariam ad vincendas singulas tentationes graves, nihilominus vel ex pura misericordia Dei circa particularem personam, vel ex aliis

s. Difficultas.

Tertia.

Quarta.

Respondetur generaliter ad positas difficultates imprimis quoad infideles.

Deinde respondetur ad easdem difficultates quoad peccatores fideles quibus magis auxiliatur Deus, quæ infidelibus.

Promoveatur proxima responsio.

Et adhuc magis iustis, quam iniustis fidelibus.

Limitatur proxima dicta pro infidelibus.

Respondetur jam specialiter ad 1. difficultatem in num. 25.

Ad 7. in
num. 26.
quoad 1.
partem.

aliis universalis providentiæ rationibus interdum illi credamus dari simile auxilium sufficiens, vel efficax ad resistendum alicui tentationi. Ad secundam etiam, quoad eam partem, quæ ad infideles pertinet, jam ostensum est, quomodo non obstante defectu talis auxilii peccent interdum succumbendo tentationi; tum quia in eo actu, & momento, quod id faciunt, sufficienti libertate physica, & morali id faciunt; tum etiam, quia si vellent ad fidem disponi, possent, quia paratum a Deo habent auxilium. Quæ posterior ratio in eis, qui habent aliquam fidei notitiam, & vocationem, locum habet; ad eos vero qui habent ignorantiam invincibilem fidei recte accommodari non potest; prior ergo ratio sufficit.

Ex quoad
2. partem.

33. Ad alteram vero partem de fidelibus peccatoribus dico, posse aliquo tempore mediocri per auxilia gratiæ sine peccato conservari; & ideo non tenentur statim, ac semel peccant penitentiam agere peccati commissi, ne se exponant morali periculo aliud committendi. Nam tale periculum non statim instat, neque certo fieri potest, quando incipit esse necessaria ad non peccandum; imo in particulari actu, & tempore fieri semper potest præsumi, non esse tale periculum morale ex illo capite, & ideo nunquam propter illum titulum obligat præceptum penitentiae, nisi alioqui gravissima tentatio simul urgeat, ut in dicta disput. 15. de Penit. sect. 5. dixi. Et eadem ratione non potest fidelis fieri certus, quod sit in statu gratiæ, eo quod aliquo tempore conscientiam peccati mortalis non habuerit; tum quia illud tempus, in quo potest homo fidelis extra statum gratiæ conservari sine novo peccato mortali, non est certum, ac definitum, nec fortasse in omnibus hominibus est æquale, nam pro diversitate statuum, & multitudine, vel paucitate occasionum, vel tentationum occurrentium potest hoc tempus esse longius in uno homine, quam in alio; tum etiam, quia nunquam homo est satis certus, quod in toto aliquo tempore non peccaverit mortaliter, saltem per consensum, vel culpabilem negligentiam, semper enim occurrunt dubia, vel scrupuli, quæ sufficiunt, ut homo de sua gratia non sit certus, ut in sequentibus ex professo dicemus. Quod vero spectat ad tertiam difficultatem jam explicatum est discrimen inter fideles, & infideles, quod in illo desiderabatur. Quarta vero declarationem longiorem postulat, quam in sequenti capite trademus.

C A P U T XXVIII.

Utrum homo in puris naturalibus conditus possit innocentiam diu conservare, non peccando mortaliter per vires rationis, & liberi arbitrii, sine speciali Dei adiutorio?

Ratio
pro affirm.
ativa
parte.

1. Ratio dubitandi posita est in capite superiori, quia ex resolutione præcedenti sequitur, hominem etiam creatum in puris naturalibus, & suis viribus commissum non posse diu vitare peccatum contra legem naturæ; consequens est falsum; ergo. Sequela probatur ex alio principio posito in Proleg. 4. quod homo lapsus non habet nunc majorem defectum virium liberi arbitrii, quam haberet in pura natura; ergo si hæc vires nunc non sufficiunt ad vitandum peccatum dicto modo, neque in pura natura sufficerent. Falsitas autem consequentis probatur. Primo, quia alias in illo statu naturæ esset homini simpliciter impossibile, servare legem naturæ, quia sine gratia non posset, & gratiam non haberet: consequens autem videtur contra illud dogma a Hieronymo, & Augustino traditum, & Concilio Tridentino sess. 6. cap. 11. confirmatum, Deus impossibilia non jubet.

Hieron.
Dialog. 1.
contra
Pelagian.
ante med.
Augustin.
100. libr.
de Grat.
& lib. arb.
& de Cor.
rept. &
grat. c. 11.

2. Responderi potest argumentum recte probare, observantiam uniuscujusque præcepti sigillatim sumpti esse possibilem, saltem in singulis individuis occasionibus, nihilominus tamen servare totam collectionem fuisse absolute impossibile in illo statu. Sed contra; nam sicut est alienum a divina providentia uno præcepto mandare rem impossibilem, ita etiam videtur contra eandem prudentem providentiam imponere homini tot præcepta, ut impossibile simpliciter ei sit,

illa omnia implere, & non providere modum, quo implere possit, quia non solum quilibet lex, sed etiam onus legum debet esse portabile. Et confirmatur, quia repugnat auctori naturæ ordinare aliquid ad finem naturalem, & non dare potestatem ad consequendum illud; si autem homo purus non posset ita servare legem naturalem, quin aliquando graviter peccaret non posset naturalem beatitudinem assequi, damnandus enim esset juxta legem justitiæ divinæ propter tale peccatum: esset ergo miserabilior cunctis creaturis, nam reliquæ omnes possunt a suis fines propter quos creantur, pervenire.

Confir-
matur 1.
insti vlt.

3. Præterea augetur difficultas illo vulgari argumento, quod si talis homo haberet libertatem, & vires ad servanda singula præcepta, procedendo ab una in aliam occasionem, servando præceptum, & vitando peccatum, posset etiam totam collectionem exequi. Quia collectio nec tota simul occurrit, nec simul servatur, sed successive, faciendo unum actum post alium, & posterior, seu secundus, & tertius actus optime fieri potest, non obstantibus præcedentibus; imo potest ab illis juvati ratione consuetudinis, & licet novæ difficultates possint occurrere, nunquam reddunt actum in particulari impossibilem; ergo nec collectio tota impossibilis est. Confirmatur hoc, quia in puris naturalibus non essent tam graves difficultates, & tentationes in singulis actibus, sicut nunc sunt; tum quia non esset natura corrupta per peccatum, & ideo non esset adeo infirmata; tum maxime, quia tunc non essent tentationes daemonis, quæ nunc reddunt observationem legis naturalis difficiliorem in singulis, & in omnibus sine gratia Dei impossibilem.

Confir-
matur 2.

Confir-
matur 3.

4. Nihilominus dicendum est in primis, hominem in illo statu per solas vires naturales rationis, & libertatis, secluso omni peculiari adiutorio Dei, non potuisse diu servare totam naturalem legem absque gravi lapsu. Hæc assertio sequitur ex doctrina data, nam in libro præcedenti dictum est, non esse infirmiores hominem lapsum quoad vires intrinsecas facultatum naturalium, & quoad repugnantiam, & dissidium eorum inter se, quam esset homo in pura natura, & hic dictum est, ex hac infirmitate provenire, ut non possit homo lapsus servare diu omnia præcepta naturalia sine lapsu; ergo eadem impotentia esset in homine puro. Potest autem duplex differentia inter hos status considerari, ratione quarum videri potest, majorem esse impotentiam hominis lapsi, quam puri. Prima est ex parte difficultatis, quæ provenit ab extrinseco ex tentatione demonis, quia hæc non videretur futura in pura natura, quia, ut supra dicebam, videtur præternaturalis, vel certe si in eo statu Deus permitteret extrinsecas tentationes, eadem ratione ex vi suæ providentiæ conferre deberet adiutorium etiam extrinsecum, & proportionatum utique per bonorum Angelorum protectionem, qua fieret homo potens ad resistendum, & pugnandum cum extrinseco inimico. Ad hoc vero respondemus, etiam si hoc tantum concedatur, nihilominus ex vi intrinsecæ repugnantiae corporis, & appetitus, & ex defectu naturalis cognitionis, & aliis imperfectionibus quasi inseparabilibus ab humana conditione, & societate, sequi prædictam impotentiam, etiam si extrinseca impugnatio deesset, quamvis hinc multum augeatur. Sicut enim in naturalibus ex compositione ex contrariis sequitur corruptibilitas, cui naturaliter resisti non potest, ita in moralibus ex compositione contrariorum affectuum sequitur infirmitas moralis, cui resistere humano modo impossibile est.

Assertio
negativa.

5. Alia differentia est, quod nunc homo lapsus est vere, & proprie in inimicitia Dei, & indignus omni extraordinario adiutorio ejus, & ideo de se est impotens omni modo, id est, tam ab intrinseco, quam ab extrinseco ad servandam totam legem; at vero homo purus non esset inimicus, neque indignus positive (ut sic dicam) sed tantum non dignus peculiari aliqua ratione, vel merito. Veruntamen etiam ex hac doctrina non excluditur impotentia extrinseca, sed ad summum infertur potuisse tunc hominem sine impedimento habere adiutorium Dei, quod est probabile, ut jam dicam. Adverto autem circa hanc differentiam, aliud esse

Nec obs-
tac. 1. dif-
ferentia.

tempore id posse nunc hominem in lapsa natura, quam in pura natura, & e converso in pura natura posse vitare omnia peccata longo tempore, comparatione facta ad hominem lapsum, licet in se tempus illud breve esset, & absolute, & comparatione ad eundem hominem aliquo modo a Deo adjutum. Veruntamen licet supposito illo discrimine, hæc subterfugia probabiliter excogitari possint; nihilominus qui discrimen illud confingit, vel admittit, nullam rationem reddere potest, cur homo purus sit potentior lapsus, in tanto gradu, vel quoad talem, aut talem effectum longi temporis intra ordinem naturalium effectuum persistendo. Quapropter solidior, & omnino vera doctrina est, intrinsece non esse potentiores hominem in uno statu, quam in alio. Atque ita conclusionem positam nisi a paritate rationis in doctrina Conciliorum, & Patrum, & firma ratione de repugnancia concupiscentiæ, & corporis imbecillitate, quæ in statu puræ naturæ æquales essent. Atque ita in hoc puncto docent Sot. 1. de Natur. & Grat. cap. 4. & Medin. 1. 2. quæst. 109 art. 2. dub. penul. & alii.

Affertio &
difficulta-
tibus ini-
tio positæ
nonnihil
cōcedens

10. Item est valde consentaneam divinæ sapientiæ , & providentiæ . Quia ad authorem naturæ pertinet , ita suis creaturis providere , ut finem suum assequi possint , & licet illud adjutorium in rigore esset ultra concursus naturæ debitum , non esset ultra providentiam consentaneam , tum magnificentiæ , & providentiæ Dei ; tum excellentiæ humanæ naturæ pure , ac præcise spectatæ . Sic enim homo in puris naturalibus majorem dependentiam in omnibus actionibus suis a Deo recognosceret . Item posset ab illo petere , & suo modo orare excitationem bonarum cogitationum , & affectuum , præcipue in necessariis occasionibus , & temporibus opportunis , sicut petere posset pluvias , & alia bona temporalia . Item quia consentaneum est , ut Deus unicuique naturæ provideat juxta modum suum , & ut rationalium creaturarum majorem curam habeat , etiam intra ordinem providentiæ naturalis , quam brutorum . Item hoc modo homines haberent , unde magis timerent , & amarent Deum , si crederent , non solum illis providere per causas secundas , conservando ordinem earum , quem semel constituit , sed etiam aliquando vel eas aliter applicando per se , vel per Angelos , vel immediate internas hominum species frequentius , & efficacius excitando . Denique ad excellentiam naturæ humanæ pertinet , ut Deus immediate creet animam , ubi virtus ipsius naturæ defuit , & universo provideat Deus movendo aquam sursum ad replendum vacuum ? cur ergo idem Deus ut author naturæ non præberet homini indigenti , hoc altius providentiæ genus , præbendo illi adjutorium prout expedire censeret . Unde illud adjutorium non esset tam propria gratia , sicut nunc est simile auxilium datum homini lapsò . Nam hoc auxilium prout nunc datur fidelibus , etiam peccatoribus , ordinarie est supernaturale , vel saltem per media supernaturalia obtineretur , nimirum , fidem , & orationem , ex illa , ut dictum est . In statu autem puræ naturæ tale auxilium solum daretur per inspirationes , cogitationes , affectionesque honestas liberaliori modo immis-

3. D. Hæc.
tia posita
ab Alvar.
lib. 4. de
Auxil.
disput. 47.
et 54.
vertitur as-
sertione.

constituit quidam modernus scriptor, ut in Proleg. 4. allegavi docens absolute non esse æquales vires internas ad operandum bonum etiam naturale, & vitandum malum contrarium in homine lapsō, & puro, sed majores futuras fuisse in homine puro. Quo fundamentoposito, ruit discursus a nobis factus, & consequenter dicere quis potest, hominem in puris naturalibus posse solis viribus liberi arbitrii servare diu totam legem naturæ absque peccato, & vincere omnes tentationes, quæ naturaliter occurrere possent, etiam gravissimas. Probatur sequela, quia in primis hæc assertio non est formaliter contra omnia Concilia & Patres, quia de homine lapsō loquuntur, & ideo definitiones eorum extendi non debent, nec possunt ad hominem in meliori statu constitutum, in quo non haberet infirmam, nec vulneratam naturam. Deinde si semel admittimus, hominem in puris naturalibus habiturum majores vires, profecto non est, unde illas meriti possumus, aut limitare, ut ad alios effectus sint majores, non vero ad effectum servandi totam legem naturalem absque peccato; ergo consequenter loquendo, potest optime etiam hæc differentia constitui inter utrumque statum. Tandem confirmatur ad hominem, quia idem author ait, hominem in puris naturalibus potuisse diligere Deum super omnia viribus liberi arbitrii, licet in natura lapsa non possit: ergo eadem ratione posset perseverare sine peccato longo tempore in uno statu, licet non possit in alio.

7. At nihilominus idem author nunquam ausus est simpliciter concedere, posse hominem in puris naturalibus servare diu omnia præcepta naturalia sine peccato viribus solius liberi arbitrii, sed in prioribus disputationibus, quas indicavi, punctum hoc prætermittit, in disput. vero 54. in quadam solut. ad 2. solum ait, quod in puris naturalibus posset homo servare brevis aliquo tempore omnia mandata naturalia, sicut posset diligere Deum super omnia pro eodem tempore. Unde sentit in natura lapsa nec pro brevi tempore posse hominem servare omnia mandata naturalia, quod profecto absolute falsum est, & præter mentem omnem Theologorum, qui de homine lapso solum controversant, an longo tempore possit omnia præcepta servare, supponentes brevi tempore posse, & id esse extra controversiam constitutum. Si ergo homo in puris naturalibus majores habet vires, plus etiam in hoc genere poterit, ac subinde non tantum brevi tempore, sed etiam longo posset omnia præcepta servare.

8. Video dici posse in ea sententia, quod nos supra de fidei, & infidei peccatore dicebamus, breve, & longum tempus dici posse & absolute, & comparate, & ita in statu puræ, & lapsæ naturæ solum brevi tempore posse hominem suis viribus servare omnia præcepta, tamen comparate multo minori, seu breviori

Subterfu-
gium præ-
cluditur.

fas, utique ultra communem cursum externarum causarum.

Respon-
detur ta-
men inter-
rogationi
de discrimi-
ne au-
xili in-
fidelium,
& status na-
turæ pure

11. Quod si nunc consideretur tale auxilium respectu infidelium, jam dictum est, nunquam eis dari. Veruntamen licet daretur, haberet in eis majorem rationem gratiæ, quia ratione peccati originalis indigni sunt, etiam illa gratia; in statu autem puerorum naturalium ex parte hominis non esset illa indignitas, seu demeritum talis beneficii, quod nunc est ratione culpæ originalis, & ideo quidquid nunc datur ultra generalem concursum, peculiarem rationem gratiæ habet. Secundo, quia tunc non daretur illud adjutorium in ordine ad supernaturalem finem, sed tantum propter beatitudinem naturalem, nunc autem omne auxilium speciale datur propter supernaturalem finem. Tertiò fieri potuit, ut in illo statu adjutorium illud non omne gratis daretur, sed juxta hominis dispositionem, & cooperationem, nam ratio præstii, & meriti, ut sumitur ex D. Thom. 1. 2. quæst. 21. etiam in ordine providentiæ naturalis locum habet, sicut culpa, & supplicium. Deinde esset aliqua proportio inter naturale opus honestum, & hoc naturale adjutorium, & ideo verisimile est, quod Deus non daret illud, nisi hominibus bene utentibus prioribus occasionibus bene operandi, quas ipse naturalium causarum cursus offerret. Quod tamen hunc locum non habet, sed prima auxilia omnino gratis dantur, quia vel supernaturalia sunt, & naturalia opera non habent cum illis proportionem in ratione meriti, vel dispositionis, ut infra dicitur. Vel si auxilia sint ordinis naturalis, opera ipsa moralia hominis lapsi, & infidelis deficient a propria ratione meriti propter personæ indignitatem, quod non habent opera hominis in pura natura, priusquam peccaret, ut notavit Medina loco allegato.

Ad 1. ra-
tionem in
Bam. 1.

12. Atque ex his facilis est responsio ad priores rationes dubitandi. Ad primam enim recte ibi dictum est, quodcumque præceptum naturale per se possibile, quod satis est, præjustransgressio ad peccatum imputetur. Quæ est expressa responsio Hieronymi tractantis de homine lapsio in dicto Dialog. 1. contra Pelagian. Est autem quoad hoc eadem ratio de homine puro. Unde quod Augustinus dixit libr. de Correctione. & Grat. cap. 11. *Si adjutorium, quo posset permanere, si vellet, vel angelo, vel homini, cum primum facti sunt, defuisset, quia non talis natura facta erat, ut sine divino adjutorio posset permanere si vellet, non utique sua culpa cecidisset.* Hoc (inquam) intelligendum esse existimo de adjutorio ad vitandum illud speciale peccatum, in quod lapsi fuerunt, si enim non haberent adjutorium, quo illud vitare possent, si vellet, non libere peccassent, ac proinde nec peccassent. Non est autem eadem ratio de adjutorio, sine quo non potest homo vitare peccatum longo tempore, etiam si velit, vel desideret, quia licet homini in principio denegaretur tale adjutorium, nihilominus maneret liber in singulis actibus, & potens aliquo modo sufficienti ad vitandum unumquemque lapsum, ideoque illi imputaretur. Veruntamen, quia non procedente ex parte hominis culpa, illa esset nimis dura, & insuavis providentia Dei, ideo primum hominem a se creatum per donum justitiæ originalis adjuvat, & dedit illi absolutam potestatem ad servandam naturalem legem quocumque tempore: & verisimile est, si creasset hominem sine illo dono in pura natura, adjutorium fuisse illi alio ad non peccandum contra legem naturæ, & ut id simpliciter posset longo tempore.

Ad repli-
cam in
Bam. 2.

13. Unde ad replicam de multitudine præceptorum dicendum est, illud onus non esse ab extrinseco superadditum naturæ humanæ; sed esse veluti proprietatem consequentem naturam, quam Deus impedire non debuit. Oritur autem a natura hominis secundum eam partem, quæ spiritualis est, respectu cujus secundum se considerata facile esset omnia illa præcepta servare, tamen quia illa spiritualis pars corruptibili corpori conjungitur, inde nascitur difficultas in ea lege servanda. Quapropter sicut mirabilis est compositio ex rebus adeo distantibus, & quasi contrariis, ita mirandum non est, quod in ea natura sint multa præcepta naturalia cum interna difficultate ad illa observan-

da: quæ nisi per majus adjutorium authoris naturæ, quam sit solus concursus universalis, servari non posset. Idemque fere est de consequutione beatitudinis naturalis, de qua procedebat prima confirmatio, ad quam per secundam assertionem responsum est.

Ad 1. con-
fir. in co-
dem n. 2.

14. Ad ultimam vero confirmationem, quæ procedere potest contra utramque assertionem, aliqui respondent, deficiente illo peculiari adjutorio Dei, necessarium esse, ut homo perveniat interdum ad occasiones certas, in quibus non possit legem naturæ servare sola arbitrii libertate. Sed licet hoc verum sit quando interveniunt determinatæ tentationes graves, tamen quando illæ deficiunt, id non est necessarium, & nihilominus etiam tunc esset adjutorium necessarium ad servandam totam legem naturæ longo tempore, & sine lapsu gravi. Et ideo responderi potest primo negando consequentiam: est enim a divisa, seu determinata designatione singularum ad confusam collectionem, quæ non est formalis, nec bona, ut cum Hieronymo in Dialogis contra Pelagian. supra exemplis monstratum est. Et ratio etiam est supra tacta, quia impossibilitas, quæ reperitur in tota collectione, est diversæ rationis a possibilitate, quæ in singulis actibus, vel momentis determinate sumptis reperitur. Et ideo non sunt contrariæ, neque ab una ad alteram est bona illatio. Nam potentia vitandi singula peccata, provenit ex naturali indifferentia liberi arbitrii, quæ non tollitur ab objecto creato cum quibuscumque determinatis circumstantiis per rationem applicato: impotentia vero respectu collectionis provenit ex impedimentis occurrentibus, & inconstantia naturali, ac mutabilitate liberi arbitrii. Et hinc fit, ut licet unaquæque occasio servandi præceptum, & possibilis, & facilis appareat, nihilominus in illatum continuatione, & frequentia est peculiaris difficultas, quæ naturaliter superari non potest, & hæc omittitur, & non consideratur in argumento, & ideo collectio non recte fit.

15. Neque obstat, quod unus actus bonus, quo præceptum impletur, vel vitatur peccatum, de se inducat dispositionem ad alium similem; tum quia in ipsis tentationibus, & occasionibus est varietas, ideoque sæpe dispositio relicta ex uno actu non juvat in alia occasione occurrente; tum etiam, quia multo major est difficultas, quæ ex mole corporis, & fatigatione sensuum est, & naturali quodam tædio persistendi in eodem modo operandi nascitur; tum denique, quia illa dispositio, quæ per unum, vel alterum actum inducitur, debilissima est, & parum juvat, & ipsamet infirmitas, & fragilitas humana, si gratia destituatur, non sinit illam dispositionem crescere, nam statim per plures actus perdit, quod per unum acquisierat, ut de acquisitione virtutum paulo inferius dicemus. Aliter etiam posset in forma responderi, negando antecedens cum proportionem sumptum, cum enim dicitur, post primum actum vitandi peccatum, potest homo facere secundum, & post secundum tertium, & sic deinceps; licet hoc antecedens sit verum de potentia physica, & morali præcise spectata in ordine ad unumquemque actum determinate, non tamen simpliciter est verum respectu potentie moralis considerata in ordine ad totam illam actuum successionem. Secundum quam potentiam totum id, quod in antecedenti sumitur, non potest simpliciter fieri, quia in aliquo necessario deficit, licet non possit designari aliquis definitus actus, vel determinatum tempus, pro quo illa necessitas reperitur. Et ita quod mente cogitatur, proponiturque ut constanter faciendum, per successionem unius post aliud, non potest in re executioni mandari cum illa uniformitate, nisi flexibile arbitrium, & tot hostibus circumseptum adjutorio gratiæ confortetur. Tertia confirmatio solum ostendit difficilius adhuc nunc abstinere a peccatis sine gratia, quam fieret in pura natura: non tamen ostendit illud tunc fuisse moraliter possibile.

Progredi-
tur proxi-
ma respō-
sio secun-
da cōfīr-
mā.

Ad 3. con-
fir. 1.

C A P U T XXIX.

*Utrum homo lapsus possit elicere solis viribus
liberi arbitrii sine auxilio gratiæ aliquem
actum dilectionis Dei, saltem ut
author est, & finis naturalis.*

Introdu-
citur q. i.
notatio
duplicit
confide-
rationis
de Deo.

I. **D**iximus de bonis actibus, quibus ex accidenti aliqua difficultas adjungitur, nunc dicendum sequitur de nonnullis, qui præter dicta impedimenta, ex objecto gravem aliquam difficultatem habent. Inter quos primum locum tenet amor Dei, propter excellentiam objecti, & ideo de illo specialiter moventur quæstionem D. Thom. dicta quæst. 109. art. 3. & cæteri Theologi in 2. distin. 28. ut autem clarius procedamus, oportet supponere communem distinctionem de Deo ut prima causa naturalis est, & finis ultimus connaturalis homini, ut in pura sua natura spectato: vel ut est author supernaturalis, & gratiæ, ac objectum beatitudinis supernaturalis. Nam priori modo censetur Deus bonum naturale hominis, ac proinde per se loquendo naturaliter diligibilis, posteriori autem modo spectatur Deus ut bonum excedens hominis naturam, ac proinde illi supernaturali. In præsentem ergo non tractamus de amore Dei, ut est supernaturali bonum hominis, nam de hoc dicturi sumus in libro sequenti, nunc autem supponimus, illum amorem non pertinere ad ordinem naturæ, ideoque non posse fieri sine auxilio gratiæ, saltem si perfectus sit, an vero aliquis imperfectus ejusdem materialis objecti sine viribus gratiæ haberi possit, ibi disputabitur, hic ergo solum de Deo, ut auctore naturæ, ejusque amore tractamus.

Notatio
duplicit
amoris
perfecti
& imper-
fecti, &
utriusque
explicat.
312.

2. Deinde prætermittenda est distinctio hujus amoris Dei, nam generatim loquendo potest esse aut perfectus, aut imperfectus, sub qua verborum generalitate multæ distinctiones hujus amoris comprehenduntur. Quia in hoc amore multæ perfectiones spectari possunt, & ob carentiam cujuscumque illarum potest dici amor imperfectus, quia imperfectum dicitur ex quocumque defectu, ideoque potest hic amor multipliciter esse imperfectus. Prima igitur perfectio hujus amoris est, ut sit benevolentia, quo amore amatur Deus propter se ipsum, id est, vult homo Deo aliquod bonum, solum ut ei bene sit, vel ut Deo placeat, aut in ejus gloriam redundet. Ab hac autem perfectione deficit amor concupiscentia, quo diligit homo Deum sibi, ut ipse homo bene sit, de qua divisione dicemus statim plura, & alia cap. sequent. Deinde amor ut sit perfectus debet esse absolutus, ut explicatur hac voce *volo obedire Deo*, vel gloriam ejus querere; imperfectus autem erit, si solum in actu conditionato consistat, qui explicatur verbo *vellem*. Altera perfectio amoris est, si non solum sit absolutus, sed etiam super omnia appetitative, ut ajunt, id est, ut per amorem ita voluntas feratur in rem amatam, ut propter nullam aliam velit ab ea dimoveri: unde e converso amor Dei, qui non attingit hunc gradum, dicitur simpliciter imperfectus. De hac partitione dicemus in cap. 35. ubi etiam de perfectione intensiōis, & imperfectione remissionis: item de perfectione constantis amoris, qui etiam efficax dici solet, & de imperfectione inconstantis, seu inefficacis amoris aliquid attingemus. Denique ad perfectionem amoris, & maxime Dei pertinet, ut sit simpliciter bonus moraliter; nam si aliquam moralem malitiam habeat adjunctam, non solum imperfectus erit, sed etiam vix nomen amoris Dei merebitur. Quapropter cum in præsentem capite de amore Dei loquamur, abstrahendo ab aliis perfectionibus, vel imperfectionibus, quo ad hanc ultimam non abstrahimus, sed loquimur de amore Dei omnino puro, & honesto; nam si aliquis est amor Dei impurus, & malus, ille non solum non fit per auxilium gratiæ, sed potius non magis est a Deo, quam cætera peccata. Talis autem erit, si quis velit honorare Deum, ut ab eo auxilium, & favorem ad suas concupiscentias explendas, vel vindictam de inimico sumendam obtineat, de quo pravo amore recte intelligitur quod Augustinus dixit libr. Octuaginta trium

quæstionum quæst. 30. perversum esse, uti rebus, quibus fruendum est.

3. His positis fuit quorundam sententia, nullum amorem Dei sive perfectum, sive imperfectum, sive naturalem, sive supernaturalem posse haberi sine auxilio gratiæ. In qua sententia cum exaggeratione asserenda excessit Bajus in opere de Charitate, ex quo in assertionibus supra Proleg. 6. cap. 2. relatis, & a Pontificibus damnatis notatur 34. in qua refellitur distinctio duplicis amoris, naturalis videlicet, quo Deus amatur ut author naturæ, & gratuiti, quo Deus amatur, ut beatorum est, quam distinctionem dicit esse vanam, & commentitiam, & ad illudendum sacris literis, & plurimis veterum testimoniis excogitatum. Et in 36. dicit, amorem naturalem (utique Dei) qui ex viribus naturæ exoritur, e sola Philosophia per elationem præsumptionis humanæ cum injuria Crucis Christi defendi a nonnullis Doctoribus. Ac denique in 38. generaliter sic inquit: *Omnis amor creature rationalis aut vitiosa est cupiditas, qua mundus diligitur, que a Joanne perhibetur, aut laudabilis illa charitas, quæ per Spiritum Sanctum in corda diffusa, Deus diligitur*. Si ergo præter charitatem Dei nullum studiosum amorem ille author agnoscebat, consequenter etiam respectu ipsius Dei nullum admittebat amorem, præter charitatem, quæ non viribus liberi arbitrii, sed per solam infusionem Spiritus Sancti sit.

4. Fundamentum hujus sententiæ in generali sumitur primo ex Scriptura, in quo non fit mentio alterius amoris Dei, nisi charitatis, quæ dicitur esse ex Deo 1. Joan. 4. & a Deo Patre, ad Ephes. 6. & per Spiritum Sanctum diffundi ad Roman. 5. & ad Galat. 5. inter fructus Spiritus numeratur. Neque in divina Scriptura reperitur alia dilectio Dei commendata, nisi quæ est charitas: unde sub hac voce comprehenditur quæcumque dilectio Dei, sive ut finis naturalis, sive ut supernaturalis. Et ideo impletio præceptorum moralium, quæ est proprius effectus dilectionis Dei, etiam ut est author naturæ tribuitur charitati 1. ad Corinth. 13. *Charitas patiens est, benigna est, &c.* At nulla charitas sive perfecta, sive imperfecta haberi potest sine auxilio gratiæ, quia simpliciter in Scriptura tribuitur Spiritui Sancto. Unde sicut fides sive inchoata, sive imperfecta non est ex viribus naturæ, sed ex auxilio gratiæ, quia simpliciter dicitur esse donum Dei, ita majori ratione de charitate, seu dilectione dicendum est.

Ejusdem
sententiæ
in univer-
sum spe-
ctat fun-
dam. 1. ex
Script.

5. Secundo adduci possunt Concilia præsertim Arauscanum canon. 25. dicens: *Prorsus donum Dei est, diligere Deum*, ubi particula *prorsus*, excludit omnem distinctionem dilectionis Dei, nam quæcumque illa sit, Dei donum esse dicitur, & subjungit rationem, quia Spiritus Patris, & Filii infundit charitatem cordibus nostris. Quæ ratio confirmat quod dicebamus, omnem Dei dilectionem esse aliquam charitatem. Et non parum juvat, quod idem Concilium ait canon. 11. *Nemo quidquam Domino recte voverit, nisi ab illo acceperit*. Si enim recte vovere Deo sine ejus auxilio nemo potest, multo minus poterit recte amare Deum, Favet etiam Concilium Milevit. cap. 4. dicens: *Utrumque donum Dei est, & scire quid facere debeamus, & diligere ut faciamus*. Et Concilium Trident. sess. 6. cap. 7. etiam initium dilectionis Dei inspirationi Spiritus Sancti tribuit.

1. Fund.
ex Conc.
Arauscan.
ex Augu-
tra 102.
in Joann.

Ex Aug.
lib. 17. de
Civ. c. 4.

6. Præterea variis modis ostendi potest, hanc esse Augustini sententiam, nam in primis canones citati Concilii Arauscani sumpti sunt ex August. ut notatum est. Deinde in multis locis supra citatis cap. 9. significat, quod Bajus dicebat, omnem effectum, qui non est ex charitate, esse vitiosum, seu vitiosum cupiditatem. Unde lib. 14. de Civit. cap. 9. dicit, omnes bonos motus, & rectos affectus amoris proximi de sancta charitate venire; ergo multo magis sentit, quemcumque affectum erga Deum ex charitate provenire, ac proinde non nisi ex gratiæ auxilio haberi posse. Hinc etiam lib. 4. contra Julian. cap. 3. *Amor*, inquit, *Dei quo pervenitur ad Deum, non est nisi a Deo*; & statim explicat, se loqui de amore creatoris. Quid est autem creator, nisi author naturæ? Et similiter ferm. 15. de Verb. Apost. dixit: *Deus non amatur, nisi de Deo*. Item lib.

3. Fund. 1
ex Augu-
doctrina.

lib. de Grat. & liber. arbit. cap. 17. dicit, etiam parvam charitatem esse ex auxilio gratiæ, & cap. 18. docet, charitatem, seu dilectionem, quæ præcipitur illo præcepto: *Diliges Dominum Deum tuum, &c.* esse ex dono Dei: illo autem præcepto, cum naturale sit, non tantum præcipitur dilectio Dei authoris supernaturalis, sed etiam authoris naturæ: unde ait, *præcepto admonitum esse liberum arbitrium, ut quæret Dei donum*, & subiungit: *Quod quidem sine suo fructu prorsus admoneretur, nisi prius acciperet, aliquid dilectionis, ut addi sibi quæret, unde quod jubebatur, impleat*; quibus verbis aperte docet, etiam imperfectam dilectionem, quæ ad perfectam tenditur, esse donum Dei. Ac denique Epist. 107. habet illam celebrem sententiam: *Liberum arbitrium ad diligendum Deum primi peccati granditate perdidimus*; ubi non dicit ad diligendum super omnia, vel ad diligendum hoc, vel illo modo, aut titulo, sed simpliciter ad diligendum Deum. Dicit autem, amissum esse liberum arbitrium ad diligendum, utique suis viribus, nam cum gratia liberi sumus ad diligendum Deum.

7. Ratio etiam pro hac sententia addi potest, quia nullus actus pietatis fieri potest sine auxilio gratiæ, ut supra ostensum est, sed omnis dilectio Dei est actus pietatis erga Deum, nam est quidam Dei cultus, teste Augustino Epistola 29. ad Hieronymum. Item quia unit animam Deo; ergo non potest haberi sine dono gratiæ. Et confirmatur, quia omnis dilectio Dei quantumvis imperfecta, est dispositio ad perfectionem, & consequenter vel proximæ, vel remotæ est dispositio iustitiæ: ergo non potest haberi viribus naturæ, juxta ea, quæ contra Semipelagianos libro sexto dicimus. Quibus tandem addi potest, quod Augustinus, Prosper, & Fulgentius quoties admittunt aliquod bonum opus, quod possit fieri ab homine lapsa sine gratia, semper id explicant de operibus, quæ versantur circa bona temporalia hujus vitæ, & illos etiam imitatur D. Thomas dicta quæst. 109. artic. 2. In quo plane significant, in operibus pertinentibus ad Deum, & præsertim in amore ipsius, liberum arbitrium per se nihil posse.

8. Præter hæc fundamenta, quæ generalia sunt, possunt alia specialiora cogitari juxta varios modos, quibus hæc sententia defendi potest, quos oportet distinguere, & eorum fundamenta expendere, ut de tota sententia judicium ferre possimus. Primus modus asserendi hanc sententiam est, quia nullus dari potest actus amoris Dei, qui sit in substantia sua, vel simpliciter naturalis. Et hoc modo videtur tenuisse hanc sententiam Michael Bajus, qui propterea distinctionem illam amoris Dei in naturalem, & supernaturalem tam acriter rejecit. Quid vero in hanc sententiam Bajum impulerit, non satis scio, quia opera ejus legere non potui, & ex his, quæ in dictis assercionibus referuntur, solum conjectare possum, illum fuisse quibusdam testimoniis Augustini male intellectis hallucinatum, de quibus, & in sequentibus capitibus dicemus. Unde vix aliquod hujus sententiæ probabile fundamentum invenio, potest tamen utcumque suaderi in hunc modum, quia omnis amor Dei est aut concupiscentiæ, aut benevolentiae: prior licet naturalis esse possit, non tamen bonus, & honestus, ac proinde non est amor Dei, de quo tractamus: posterior vero est semper supernaturalis, ut aliqui volunt: ergo nullus superest amor Dei honestus, qui naturalis sit. Sed hoc etiam fundamentum parvi momenti est, nam utraque pars minoris est falsa.

9. De amore enim concupiscentiæ, licet Durandus in 1. distin. 1. quæst. 2. & in 3. distin. 26. quæst. 2. & distin. 29. quæst. 2. num. 6. fenderit, non posse habere Deum pro immediato objecto, si rectus, & honestus sit, quia per talem actum amaretur Deus propter creaturam, scilicet, propter ipsum hominem amantem, quod inordinatum est; nihilominus vera, & communis sententia Theologorum est, posse Deum honeste amari amore concupiscentiæ, quod aperte supponit D. Thomas 2. 2. quæst. 17. artic. 8. & probat egregie Cajetan. ibi artic. 5. quia Deus ipse est summum bonum nostrum, quod solum potest nos beatos reddere: unde etiam est denarius diurnus, seu summum præmiu-

nostorum meritum, & merces nostra magna nimis: amor autem, quo nobis amamus verum bonum nostrum, de se rectus est, & honestus; hic autem est amor concupiscentiæ: ergo hic amor etiam de DEO ex genere suo honestus est. Et confirmatur, quia spes ad amorem concupiscentiæ pertinet, ut D. Thomas supra affirmat, & sumitur ex Augustino in Enchirid. cap. 8. dicente: *Spes non nisi bonarum rerum est, nec nisi futurarum, & ad eum pertinentium, qui earum spem gerere perhibetur*. Ergo quidquid honeste speratur, honeste etiam amatur amore concupiscentiæ: nam talis amor est fundamentum spei. *Qui enim sperat* (ut D. Thomas ait) *aliquid sibi obtinere intendit*: ergo etiam illud sibi amat. Speramus autem Deum ipsum studiose, & per virtutem Theologicam; ergo etiam sancte illum nobis amamus. Neque in hoc est aliqua inordinatio, quia quando Deum nobis amamus, non amamus illum propter nos, tanquam propter finem, sed potius amamus illum, ut ultimum finem nostrum, & nos ipsos amamus, ut in illo simus beati, seu ut illo tanquam ultimo fine perfruamur, & ita non uiuimus Deo, sed fruimur, ut latius in materia de Spe tractandum est. Ex hoc ergo capite non repugnat, amorem Dei esse naturalem, si aliunde Deus spectetur, ut bonum naturale, seu proportionatum naturæ humanæ secundum se, nam sic erit etiam objectum proportionatum naturalis amoris concupiscentiæ, quem omnes alii Theologi admittunt. De amore autem benevolentiae Dei, quod ex suo genere naturalis esse possit, in cap. sequenti ostendemus.

10. Est ergo illa sententia ita explicata omni probabili fundamento destituta, ideoque falsa est, & incredibilis. Primo, quia distinctio illa duplicis amoris Dei naturalis, & supernaturalis, communis est omnium Theologorum, ut videbimus, & Pontifices damnantes 34. propositionem Baji illi distinctioni contrariam, illam distinctionem teneant saltem a censura Baji, qua reprobata, distinctio satis manet auctoritate omnium Theologorum comprobata. Præterquam quod per se bona statim apparet, si termini intelligantur. Nam Deus ratione naturali cognoscitur, ut summum hominis bonum, sine quo non solum non potest homo bene esse, verum etiam nec esse; ergo cognoscitur ut bonum proportionatum naturæ humanæ; ergo ut naturaliter amabile saltem ipsi homini, nam ut Aristot. dixit, amabile bonum, unicuique autem proprium; Deus autem ita est commune omnium bonum, ut sit etiam proprium, & speciale hominis, etiam secundum puram naturam spectari; ergo aliquis amor Dei potest esse homini naturalis, quia si objectum est ejusdem ordinis cum potentia, non est, cur non etiam actus esse possit. Deinde si in intellectu potest esse actus naturalis cognitionis Dei, cur non poterit etiam esse naturalis affectus? Atque ita D. Thom. 2. 2. quæst. 171. artic. 2. ad 3. dixit, amorem, & cognitionem Dei, ut relucet in speculo creaturarum, esse naturales quoad substantiam.

11. Atque hæc omnia de amore recto, & honesto procedunt, ac vera sunt. Primo, quia altera propositio Baji, quod omnis amor creaturæ rationalis vel est charitas, vel vitiosa concupiscentia, si intelligatur de charitate infusa, incredibilis est, & intolerabilis; quia amor parentum mere naturalis, non est vitiosa cupiditas, neque etiam amicitia humana recta ratione moderata, & similes affectus, etiam si non sint ex charitate, vitiosi non sunt. Secundo, quia ille amor est consentaneus propensioni naturali voluntatis perfectissimæ in suo genere, quæ vocari solet amor metaphoricus, quem omnes in voluntate supponunt, tanquam naturalem, quia natura sua ita est ad eum propensa, ut extra illum quiescere non possit, juxta illud Augustini lib. 1. Confess. cap. 1. *Fecisti nos Domine ad te, & inquietum est cor nostrum, donec perveniamus ad te*. Ergo amor elicitur ex vi hujus propensionis per se, & ex genere suo honestus est. Dari ergo potest aliquis actus amoris Dei naturalis, & honestus, sicut etiam potest dari actus, & cultus Dei honestus, & naturalis, est enim eadem ratio. Ergo ex hac parte non repugnat, aliquem honestum amorem Dei solius liberi arbitrii viribus fieri posse.

Durandi
motive
satis sit.

Rejicitur
amplius
idem spec
ialis mo
dos multi
pliciter.

A. fund.
ex ratio-
ne.

Primus
specialis
modus
ejusdem
sententiæ
asserendi
est paden-
dis.

Rejicitur.

Communi-
sido Ari-
na contra
Durand.
posse Deū
honeste
amari a
mo: e con-
cupiscen-
tia.

Secundus
specialis
modus
proponit.

12 Alius modus defendendi illam sententiam esse potest ex illo principio, quod nullum bonum voluntatis fieri potest sine prævia cogitatione congrua, quæ ad auxilium gratiæ pertineat: ergo multo minus amor Dei, qualiscumque sit, dummodo sit rectus, & honestus fieri poterit sine cogitatione congrua gratis data, quia ille amor, etiam si imperfectus sit, est quoddam bonum opus voluntatis, & ex suo objecto, & genere excellentius, quam sint boni actus virtutum moralium. Sed hic modus explicandi hanc sententiam, & fundamentum ejus facile refellitur ex dictis supra de eodem principio generali. Fatemur enim, talem amorem nunquam esse posse sine cogitatione congrua. Veruntamen cogitatio illa naturalis est, & per solas vires naturalis luminis intellectus ex creaturæ cum communi concursu Dei, & causatum secundum comparari potest, ut in cap. primo, & secundo hujus libri ostensum est, & in sequenti etiam capite in puncto difficiliore ostenditur. Quod autem illa cogitatio sit congrua, & bono usu libertatis habetur, etiam si Deus nihil speciale addat illi cogitationi præter id, quod ex principiis naturalibus cum generali concursu habet; ergo talis cogitatio non pertinet ad proprium auxilium gratiæ, & ita in hoc actu amoris procedunt omnes rationes, quas de bono actu morali adduximus.

3. Modus

13 Tertio modo potest hæc sententia intelligi, & fundari; quia licet aliquis amor Dei ordinis naturalis sit, & ideo, quantum est ex se, naturalibus viribus fieri possit, si natura humana esset integra, nihilominus in natura lapsa fieri non potest absque auxilio gratiæ propter concupiscentiam, & alia impedimenta, quæ ex peccato contraximus. Et certe si testimonia Augustini aliquid huic sententiæ faverent, hæc explicatio, & ratio, ac modus fundandi illam sententiam magis esset illi consentanea, ut patet ex illa sententia, in qua dicit, per peccatum primi parentis amissam esse libertatem ad amandum Deum. Nihilominus tamen fundamentum hoc licet quoad amorem Dei perfectum & super omnia (de quo forte Augustinus loquitur) magnam habeat probabilitatem, ut cap. 31. videbimus, tamen loquendo absolute de amore Dei quocunque, parum est verisimile, nihilque profecto urget; tum quia repugnantia concupiscentiæ, & alia impedimenta orta ex peccato, non in omnibus temporibus, & actibus nos infestant, ut supra de boni operatione in genere dicebamus; tum etiam quia aliquis potest esse amor Dei tam facilis, & suavis cognoscenti ipsum, ut fere sine ulla extrinseca difficultate fieri possit, ut est simplex complacentia, qua quis amat Deo felicitatem ejus, vel amor concupiscentiæ, qua volo Deum esse, ut sicut me creavit, me conservet, & omnia mihi commoda per causas secundas efficiat: in hos enim, & similes actus nulla fere difficultas ex lapsa natura redundat. Cum ergo naturales sint, & cogitatio ad illos prævia, & necessaria sit etiam naturalis, & a causis extrinsecis, & naturalibus excitari possit, cur non poterit aliquis ex dictis actibus per vires arbitrii sine speciali auxilio gratiæ fieri?

2. sentent.
affirmat.
& communis

U. de
probat.
primo

Probat. 2.
ex Scrip.

14 Quia ergo prædicta opinio rationis caret fundamento, & autoritates, quæ in ejus favorem adducuntur, neque in generalitate loquuntur, nec in dicto sensu intelligendæ sunt; ideo est communis Theologorum opinio, posse hominem lapsum aliquem amorem Dei authoris naturæ saltem imperfectum naturaliter, & viribus liberi arbitrii facere. Ita tenet D. Th. q. 109. art. 3. & reliqui Theologi, quos in duobus capitulis sequentibus referemus, & mihi videtur vera sententia, & sufficienter probata discursu facto a sufficienti partium enumeratione. Uterius vero persuaderi potest ex illo Pauli ad Rom. 1. ubi de gentibus ait, *Quod natum est Dei, manifestum est in illis, Deus enim illis manifestavit*, utique per creaturas, ut omnes exponunt, & subdit inferius, esse inexcusabiles, *quia cum cognovissent Deum, non sicut Deum glorificaverunt*. Supponit ergo, potuisse, per illam cognitionem aliquo modo glorificare Deum, quia si non potuissent, profecto excusabiles essent. Et quamvis Paulus non dicat, potuisse sine auxilio gratiæ, ta-

Suarez. Tom. VI.

men cum loquatur de gentibus infidelibus, & eos convincere velit, quo graviter peccaverint, male utendo naturali cognitione Dei, profecto illam cum libertate arbitrii sufficientem esse supponit, ut excusari non possint. Et idem indicavit Actorum decimo quarto ubi cum dixisset, Deum in præteritis generationibus dimisisse gentes ingredi vias suas, subiungit; *Et quidem non sine testimonio reliquit semetipsum, benefaciens de cælo, dans pluvias, & tempora, &c.* Nam licet hoc testimonium non sit satis ad salutem, est tamen satis, ut homines non possint excusari, & ut ipsis, & non Deo imputetur, *si perierint nationes, quas Deus fecit*, ut dicitur Sap. 12. ut late prosequitur Prosper in lib. 1. de Conversion. gentium cap. 5. & 6. & in epist. ad Ruffin. circa medium. Quamvis ergo illa cognitio neque ad salutem, neque ad initium salutis sufficiat, satis est, ut homo per aliquem affectum saltem imperfectum ad Deum assurgere possit, & ad aliquam glorificationem Dei, & gratiarum actionem, propter beneficia recepta, quæ gratiarum actio sine aliqua dilectione benefactoris non existit.

14 Potestque hoc confirmari ex Basilio in regulis suis disputatis in responsione ad interrogationem secundam, dicente, *Simulatque confititur homo, insita ei naturalis etiam quedam rationis est via, quæ in se ipsa amandi necessitudinis initia continet*. Et infra: *In ipso, ait, ortus nostri initio vim quandam nascimur, per quam nostra sponte ad ipsum diligendum impellimur*. Ubi licet de appetitu innato loqui videatur, tamen inde colligitur, etiam aliquis elicitus saltem imperfectus, & plane omnia, quæ longo discursu ibi prosequitur, de amore elicitio procedunt. Quod etiam dixit Greg. Homil. 27. in Evangel. *Sunt nonnulli, qui diligunt proximos, sed per affectum cognationis, & carnis, quibus in hac dilectione sacra eloquia non contradicunt, sed aliud est, quod sponte impenditur nature, aliud, quod præceptis Dominicis ex charitate debetur obedientiæ*. Hoc, inquam, æque potest ad Deum acco nmo luri, nam amor proximi, teste Gregorio, etiam honestus potest esse naturalis, nam si non esset honestus, illi sacra eloquia contradicerent; ergo etiam amor Dei potest esse naturalis, nam sicut proximus amari potest ex affectu cognationis, ita Deus potest diligere ex naturali vinculo, & conjunctione (ut sic dicam) quam cum illo habemus per naturalem emanationem, & dependentiam ab ipso. De illo autem amore proximi sentit Gregor. posse haberi sine influxu gratiæ, nam de illis, qui sic proximum diligunt, subiungit, *illa sublimis dilectionis premia non assequuntur, quia dilectionem suam non spiritualiter, sed carnaliter impendunt*. Cur ergo aliquis amor Dei non poterit etiam haberi per vires liberi arbitrii, cum Deus cognosci possit, ut majus, & magis necessarium bonum, & in se pulchrius, & nobis commodius, & alioqui possit esse talis amor, cui affectus concupiscentiæ non resistent, ut explicatum est?

Probat. 2.
Patribus

15 Denique ratio a priori est eadem, quam de bono morali actu supra fecimus. Nam Deus sicut sub aliqua ratione veri est objectum naturale intellectus, ita sub aliqua ratione boni, est objectum voluntatis humane, & illa ratio potest in Deo naturaliter cognosci, quia non solum cognoscimus naturaliter Deum esse, sed etiam esse benefactorem nostrum: ergo etiam aliquis amor Dei est homini naturalis. Deinde talis amor est bonus ex objecto, ut per se constat, & ex fine, quia quo Deus magis ut finis diligitur, eo melius diligitur, neque aliqua alia circumstantia mala illi ex necessitate adjungitur: ergo potest homo, per se loquendo, suis viribus naturalibus aliquem actum hujusmodi amoris erga Deum elicere, nisi aliunde impediatur, quod valde accidentarium est. Unde hæc ratio primo, ac evidentius concludit de homine in statu innocentie, seu integræ naturæ. Deinde habet magnam vim in statu puræ naturæ, quia non est verisimile tam miseram, & imbecillum esse humanam naturam in sua pura conditione spectata, ut nullo modo posset suis viribus autorem suum diligere. Denique procedet etiam in homine lapso; tum quia in viribus comparatur homini in pura natura condito; tum etiam

Probat. 4.
ratione
a priori

quia (ut supra dicebam) impedimenta, quæ hunc amorem reddant difficilem, neque in omni amore, neque in omni tempore occurrunt: ergo.

16 Ad testimonia Scripturæ in primis responderi potest Scripturam semper postulare ab homine dilectionem Dei ex charitate, per quam vocem proprie significatur dilectio supernaturalis, & infusa ut tradit D. Thom. 1. 2. q. 26. ar. 3. & magis explicat. 2. 2. q. 3. a. 1. quia charitas significat dilectionem, & amicitiam non quamcunque, sed excellentem, & fundatam in singulari communicatione divinæ beatitudinis. Quia ergo divina Scriptura per dilectionem Dei promovete intendit homines ad illam beatitudinem, ideo de dilectione charitatis semper loquitur. Et quamvis non semper illa voce utatur, sed etiam nomine amoris, aut dilectionis Dei, aut proximi, nihilominus quædam loca ex aliis explicando, satis intelligitur hic sensus ejus seu quod veluti per antonomasiam loquatur de dilectione, quæ per se confert, & necessaria est ad vitam æternam. Et ideo prædicta testimonia parum ad præsentem questionem spectant.

17 Eadem fere responsio locum habet in Conciliis, & August. loquuntur enim absque dubio de amore infuso, qui est charitas: tum quia supra ostendimus, cum loquuntur de bona operatione, seu voluntate, loqui de illa, quæ per se conducit ad vitam æternam: ergo multo magis cum loquuntur de amore Dei, loquuntur de amore per se conferente ad vitam gratiæ, & æternæ beatitudinis, ad quam naturalis amor etiam Dei, nihil confert, sed amor superioris ordinis: tum etiam, quia ipsa Concilia addiderunt illam particulam, *Sicut oportet*, ad justificationem, ut patet ex Conciliis Arausicano, & Tridentino locis citatis: addendo autem illam particulam potius significant, aliquem inferiorem amorem Dei sine auxilio gratiæ fieri posse: addo etiam Concil. Trident. dicta sess. 6. c. 6. addidisse ex parte objecti illam particulam, *illumque*, (id est Deum) *tamquam omnis justitiæ fontem diligere incipiunt*, per quam particulam limitat dilectionem ad eam, quæ ad Deum ut authorem gratiæ, & supernaturalis justitiæ se extendit: tum denique quia in cap. 5. late ostensum est, Augustinum in locis allegatis loqui de vera charitate infusa. Ubi etiam explicavimus, quo sensu intelligat affectum, qui non est ex charitate, esse vitiosum: loquitur enim non de affectu ad Deum, sed generatim, & intelligit, vel esse vitiosum, id est inutilem, non semper, sed frequentius, vel esse vitiosum, id est, inutilem, & infructuosum, ut ibi latius declaravimus.

18 Unde quod allegatur ex lib. 14. de Civit. Omnes bonos motus esse ex charitate, plane intelligitur de bonis moribus conferentibus ad vitam æternam. In loco autem contra Iulianum ipsemet declarat, sermonem esse de amore Dei, *quo pervenitur ad Deum*. Nec refert, quod de Deo creatore loquatur, nam Deus etiam ut creator diligitur charitate infusa, ut nunc tanquam clarum suppono. Et eodem modo loquitur in dicto sermon. 15. de Verbis Apost. de amore charitatis: nam Patribus familiare est, nomine dilectionis Dei simpliciter prolato perfectam dilectionem charitatis significare, sicut Bonavent. lib. de Diligendo Deo scripsit, & idem August. in lib. de disciplina Christian. cap. 5. cum interrogasset, *Quid est charitas?* absolute respondet, *dilectio*. Unde de eadem propria charitable loquendo verissimum est, quod ait August. in alio loco de gratia, & libero arbitrio, non solum magnam, sed etiam parvam, seu imperfectam charitatem esse ex speciali infusione Spiritus Sancti. De dilectione autem illa, qua Deus præcipit diligi ex toto corde, infra dicitur. Tandem de eadem dilectione charitatis intelligenda est celebris illa sententia Augustini, *Libera arbitrium ad diligendum Deum primi peccati granditate perdidimus*, intelligitur enim ad diligendum sicut oportet. Ad hoc autem amissimus, non solum facilitatem, sed etiam potestatem, quia & charitatem habitualem perdidimus, quæ dat potestatem sic amandi & indigni facti sumus omni auxilio, quo valeat illa potestas suppleri. Gratiæ autem Salvatoris restituit nobis illam potestatem, & ita etiam restituit libertatem respectu talis amoris. Quod si quis velit, sen-

rentiam illam etiam ad amorem naturalem Dei extendere, non in quolibet, sed ad summum in amore super omnia permitti potest; quo autem sensu id intelligi debeat infra dicitur.

19 Ad rationes etiam ex eadem doctrina facilis est responsio, nullus enim amor Dei naturalis etiam in illo ordine perfectissimus, est meritorius gratiæ, nec propria dispositio ad illam, nec unit animam Deo, sicut oportet, & ideo non computatur inter illa opera pietatis; quæ ad propriam religionem, & justitiam infusam spectant, de quibus est sermo cum dicitur, nullum opus pietatis fieri posse sine auxilio gratiæ. Nam si loquamur de pietate prout significat quemlibet cultum Dei, vel parentum honorem, sic constat, aliqua opera pietatis esse naturalia, & per discursum rationis fieri posse. Quod vero ultimo loco addebatur ex Patribus, qui dum concedunt aliqua bona opera libero arbitrio, id declarant de operibus moralibus ad hanc temporalem vitam pertinentibus. Hoc, inquam, facile habet responsum, quia id non faciunt ad limitandam sententiam, sed ut exempla adhibeant in rebus, aut facilioribus, aut etiam frequentioribus. Accedit, quod homo gratia destitutus, si aliquid boni operatur erga Deum, id ordinatæ facit intuitu alicujus boni hujus vitæ.

C A P U T XXX.

Utrum homo in aliquo statu possit diligere Deum authorem naturæ amore benevolentia per liberum arbitrium sine auxilio gratiæ?

IN hoc cap. tractanda est sententia Patris Vazq. 1. 2. disp. 195. c. 2. ita distinguentis amorem concupiscentiæ, & benevolentia Dei, ut priorem dicat semper esse naturalem, posteriorem vero semper supernaturalem in substantia sua, id est, qui suapte natura superioris ordinis principium, & habitum per se infusum postulet. Utramque autem harum partium intelligit, sive amor versetur circa Deum, ut finem naturalem, sive ut supernaturalem. Quod ergo attinet ad priorem partem libenter illam admittimus quoad amorem concupiscentiæ Dei, ut est finis naturalis, illam enim omnes Theologi supponunt, & probant ea, quæ capite præcedenti dicta sunt, & a fortiori illam confirmabunt, quæ in præsentem dicemus. Quod vero spectat ad amorem concupiscentiæ Dei, ut est finis supernaturalis, illa sententia valde difficilis nobis est, dicimus autem de illa in lib. seq., quia ad illum spectat. E converso autem in posteriori parte de amore benevolentia facile admittimus, si talis amor sit de Deo sine supernaturali, esse ordinis supernaturalis in sua substantia, & principio, id vero etiam hic omittimus, quia ad librum sequentem pertinet.

2 Solum ergo hic tractamus de amore benevolentia Dei, ut est author, & finis naturalis. De illo dictus author affirmat, esse in substantia sua supernaturalem, ita ut neque homini in ullo statu, neque Angelo possit esse naturalis, nec per principia naturalia elici possit. Cujus sententiæ meminit D. Tho. quodlib. 2. ar. 8. præsertim ad 3. Videturque fuisse opinio Alex. Alenf. in 2. p. q. 30. memb. 1. §. 2. in solutionibus priorum argumentorum, maxime ad 1. & ult. Citatur etiam pro hac sententia Albert. 2. p. tract. 4. q. 14. memb. 4. ar. 2. Sed hoc opus Alberti non habeo, nec videre potui. Citatur etiam Alaisio. lib. 2. summ. tract. 1. c. 4. Sed ibi contrarium docet, licet in c. 6. male id explicet, ut infra dicam. Item adducitur Scotus, sed ille potius vix cognoscit amoris Dei in se supernaturalem, ut infra ostendam. Præterea ex Modernis allegatur Bannez 2. 2. q. 23. art. 1. Sed ille dicit amorem Dei naturalem non sufficere ad amicitiam cum Deo, non tamen negat esse benevolentiam. Refertur etiam Bellarm. libr. 6. de Grat. & lib. arbitr. Sed ille de solo amore super omnia disserit. Denique citatur Alphonsus Vives. Philippi. 2. cont. Lutherum, quem videre non potui.

3 Pro hac sententia in primis sumitur argumentum negativum ex Scriptura, & Patribus, quia ubicque con-

Ad 1. p. 6. dam. in. n. 6.

Expediuntur, vel alio remittuntur questiones nonnullæ alios

Circæ præsentem questionem sententia Vazq. negans

Probat. 1. auctoritate negativa.

Ad 1. fundament. in sum.

Ad 2. fundament. in n. 5.

Ad 3. fundament. in n. 6.

commendant, & laudant maxime amorem Dei propter se ipsum, & illum absolute dicunt, esse amorem charitatis Dei nunquam vero distinguuntur inter Deum dilectum, ut finem naturalem, vel supernaturalem. Specialiter vero Augustinus in id Psal. 53. *Voluntarie sacrificabo tibi*, ait amorem gratuitum ad Deum esse, quo propter se, & non propter aliud diligitur; ergo talis amor non potest esse naturalis. Nam ibidem dixerat, amari Deum ex charitate, idem esse, quod *Gratuito amari*. Deinde adduntur rationes. Prima est, quia amor benevolentiae est amor amicitiae; amicitia autem cum Deo est charitas, nec potest esse naturalis inter hominem, & Deum, ut cum Aristotele sentit D. Thom. 2. 2. quæst. 23. art. 1. ubi omnes interpretes idem docent: ergo neque benevolentia ad Deum potest esse naturalis, ac subinde, nec sine gratia Christi potest haberi. Secunda ratio est, quia talis benevolentia est supra inclinationem naturæ, quia natura inclinatur ad bonum, ut sibi conveniens; unde est illud Aristot. lib. 8. Ethicor. ad Nicomach. cap. 2. *amabile bonum, unicuique autem proprium*, & inde etiam appetibilia ad alterum dicuntur oriri ex appetibilibus ad se ex 9. Ethic. capit. 8. ergo amare Deum propter se in eo sistendo, quod est benevolentia proprium, non ex natura, sed ex gratia oriri potest.

Accedit ratio 1.

Ratio 2.

Ratio 3.

Ratio 4.

Sententia autem, & communis assertio 1.

4. Tertia, & præcipua ratio est, quia amor benevolentiae ad Deum tantum unus esse potest; sed certum est, quendam amorem benevolentiae ad Deum, esse supernaturalem, & charitatis, quæ sine Spiritu Sancto haberi non potest; ergo nullus superest amor benevolentiae Dei mere naturalis. Consequentia quidem evidens est, supposita minori, quæ nunc supponitur. Major ergo probatur, quia tunc amatur ex benevolentia Deus, quando propter suam intrinsecam bonitatem amatur, illam ei volendo, & alia propter illam; ergo hæc bonitas Dei est, quæ amori benevolentiae speciem tribuit. At illa Dei bonitas unica est; ergo tantum esse potest una species illius amoris, quia actus sumit speciem ab objecto formali, quod in voluntate est motivum volendi, seu bonitas, propter quam res amatur. Nec refert, quod talis bonitas possit cognosci diversis modis, quia cognitio diversa, si applicat eandem rationem amandi, non variat speciem amoris, quia solum est conditio, sine qua non. Sicut fides & visio clara non variat speciem charitatis, sed est eadem in via, & in patria.

5. Quarta ratio sumitur ab incommodis, unum est, quia sequeretur, hominem existentem in statu peccati mortalis, posse ex benevolentia diligere Deum, quod absurdum videtur; nam talis amor est amicitiae, vel ad illam pertinet: unde tolleretur peccatum, quod est inimicitia ad Deum, & cum amicitia esse non potest. Augereturque difficultas per aliud incommodum, quia si amor benevolentiae Dei posset esse naturalis, etiam amor super omnia esse posset naturalis: consequens est falsum; ergo. Sequela probatur, quia diligere Deum super omnia, nihil aliud est, quam diligere illum propter suam bonitatem, præcise quatenus est suprema bonitas excedens omnem aliam; hoc autem habet amor Dei eo ipso, quod est pura benevolentia ipsius; ergo. Unde sequitur tertium inconveniens, quia talis amor esset proxima dispositio ad gratiam, & iustitiam, quia nulla potest esse propinquior, quam sit amor Dei super omnia, vel per se spectatus, vel adjuncto dolore de peccatis ex eodem amore, qui facile posset eisdem naturæ viribus concipi, si amor ille naturalis esset.

6. Nihilominus assero, dari posse in hominibus aliquem amorem benevolentiae Dei naturalem in substantia sua, seu in ordine suo. Hæc est sententia D. Thom. in dicto quodlibet. & in præsentia materia q. 109. art. 3. & idem docuit de Angelis in 1. p. q. 60. art. 5. in corpore, & ad 3. Et illam ex professo docuit Alenf. 2. p. quæst. 90. memb. 1. art. 1. in solut. argumen. tractans de statu primi hominis ante peccatum: ubi videtur priorem sententiam retractasse. Eandem docet expresse de Angelis Alber. de quatuor coæquiv. p. 1. q. 5. art. 17. Ac denique est communis Theologorum, quos in capite sequenti referam. Nam etiam illi, qui dicunt, amorem super omnia esse ultra vires naturales hominis lapsi, non ne-

Suarez Tom. VI.

gant in universum omnem amorem benevolentiae esse naturalem. Item omnes admittunt distinctionem illam duplicis amoris Dei, naturalis, & infusi, ut cadit in amorem benevolentiae, ut ex ibidem dicendis patebit. Ideoque existimo in eodem sensu Bajum illam distinctionem negasse, ac proinde non parum favere nostræ sententiæ Pontifices in Bulla sæpe allegata. Ex Scriptura vero, Conciliis, & Patribus non potest hæc sententia probari, quia illi indistincte loquuntur de amore Dei, & directe solum docent, non posse haberi, sicut oportet, sine auxilio gratiæ, ut vidimus. Quid autem dicendum sit de amore Dei, qui non attingit gradum illum, vel modum per illam particulam: *Sicut oportet*, explicatum, & qualis possit ille amor esse, non definiunt, sed disputationi Theologorum relinquunt.

7. Probatur ergo ratione assertio, quia vel hic amor excedit ordinem naturæ ex eo præcise, quod benevolentia est, vel quia Dei est; neutrum dici potest; ergo. Probatur minor quoad priorem partem; quia amicitia inter homines honesta naturalis est, quam cognoverunt, & commendarunt omnes Philosophi; hæc autem amicitia includit amorem benevolentiae, nam qui amat alterum in suum proprium commodum, tantum deficit a virtute, & perfectione amicitiae, quantum ab amore concupiscentiæ trahitur, ut dixit D. Thom. 1. 2. quæst. 26. art. 4. ad 2. Imo Aristot. 8. Ethicorum cap. 3. & 4. dixit, solam benevolentiae amicitiam esse per se, ac simpliciter amicitiam, alias vero esse per accidens, & secundum quid. Hæc autem amicitia maxime est consentanea naturæ rationali ex inclinatione, ac dictamine ejus, ac proinde est simpliciter naturalis; ergo & amor benevolentiae, quo necitur, naturalis est. Confirmatur experientia, nam mater amat filium amore benevolentiae, quamvis nullum commodum ab illo expectet: ergo benevolentia, ut sic, neque est contra, neque supra inclinationem naturæ. Imo ait D. Thomas pertinere ad rectitudinem naturæ, quia non esset bene instituta, nisi hanc inclinationem haberet. Et declarari potest, quia natura humana socialis est, & ad suam conservationem humana societas indiget: non potest autem humana societas etiam in naturalibus recte subsistere, si omnes se ipsos tantum amarent propter se: ergo inclinatio ad amandos alios ex benevolentia, est naturalis. Denique etiam in rebus inanimatis est quædam participatio hujus inclinationis, sicut est in sole ad illuminandum, & bruta etiam illam participant. Unde recte notavit D. Thomas in illo quodlibeto, ad ultimum licet inclinatio ad recipiendum sit naturalis, pertineatque ad amorem concupiscentiæ, nihilominus inclinationem ad agendum, licet ad amorem benevolentiae pertineat, non minus naturalem esse; ergo præcise ex illa ratione generali non est hic amor supra inclinationem naturæ.

Ratione probatur assertio.

8. Quod autem ex tali objecto, seu termino benevolentiae, nimirum, quod sit, Dei, non habeat benevolentia esse supra inclinationem naturæ, probat D. Thom. ex eo, quod Deus est bonum universale, & quasi commune, seu quasi bonum totius, unde sicut pars naturaliter inclinatur ad bonum totius propter ipsum, interdum etiam cum nocumento proprio, ita voluntas naturaliter inclinatur ad Deum propter se ipsum tanquam universale bonum, de qua ratione latius in capite sequenti. Nunc aliter probari potest, quia divina bonitas cognosci potest naturali lumine tanquam summa in ordine naturæ, & propter se amabilis: ergo ratio ipsa naturalis dictat, esse honestum amare Deum propter se, id est, velle illi bonum, solum ut ei bene sit, quod est amare ex benevolentia: ergo hic amor est ordinis naturali. Sed hoc incredibile est, & ex se, potest ex naturali virtute, & propensione illum elicere, quia hæc propensio libera voluntatis est veluti adæquata rationi, seu dictamini naturali.

Deinde ostendendo talen benevolentiam nimirum erga Deum non esse ultra inclinationem naturalem.

9. Unde contrariæ sententiæ Auctores non poterunt vim hujus rationis effugere, nisi negando hoc dictamen, *author naturæ est propter se diligendus*, esse possibile ex mera ratione naturali. Sed hoc incredibile est, & nulla ratione ab adversariis ostenditur. Deinde evidens est, Deum esse summum bonum: ergo evidens est, esse honestum, & rationi consentaneum, & com-

Adversariis riorum responsio expugnatur.

placere de bonis ejus intrinsecis, velleque vel gaudere, quod illa habeat, & optare illi bona extrinseca honoris, & laudis, non alia ratione, nisi quia illorum dignissimus agnoscitur: ergo isti affectus de se maxime naturales sunt, cum tamen ad amorem benevolentiae pertineant, ut per se notum est. Et declaratur amplius, quia creatura rationalis cognoscit naturaliter, Deum autorem suum esse dignum hoc amore, nam de homine studioso, & bono cognoscit esse amabilem hoc benevolentiae amore: ergo eadem rationalis creatura judicat naturaliter, creatorem ita esse a se diligendum per benevolentiam, quia neque in hoc invenit repugnantiam, neque aliquid discrepans: imo maxime consentaneum rectæ rationi: ergo affectus benevolentiae consentaneus huic judicio ex suo genere, & obiecto naturalis est, potestque per illud judicium, quantum in ipso est, sufficienter excitari. Idemque argumentum potest de Angelis fieri, de quibus incredibile est non posse virtute naturali hoc agnoscere, & amare: & tamen dicti authores eodem modo coguntur loqui de Angelis, quo de hominibus, quia Angelus etiam est capax charitatis, & amicitiae supernaturalis ad Deum, ex quo principio inferunt, benevolentiam ad Deum non cadere sub dictamine rationis naturalis, nec sub facultate naturali voluntatis.

Confir-
matur ita-
dem ex-
pugnatio.

10 Denique confirmatur, quia ratio naturalis dicitur, colendum esse Deum, & gratias illi esse agendas, ut supra ex Paulo dicebamus, & videtur esse consensus Theologorum omnium: nam prima tria praecepta Decalogi moralia, & naturalia sunt, quatenus circa Deum autorem naturæ versari possunt, alias idololatria non esset contra praeceptum naturale. Si ergo cultus Dei est de se ordinis naturalis, quia est ex dictamine rationis naturalis, a fortiori dicendum idem est de amore benevolentiae Dei. Probatur consequentia, quia verus cultus nititur in excellentia, & dignitate personæ secundum se spectatæ sine ordine ad bonum colentis, per se loquendo, & ita in hoc æquiparatur amor benevolentiae, & ut recte fiat, in illo fundatur. Maxime vero gratiarum actio, vel gratitudo videtur intine includere benevolentiae amorem. Nam licet amare aliquem propter respectum ad futura beneficia, sit concupiscentiæ, tamen amare propter beneficia jam recepta, quod est gratitudinis, ad benevolentiam pertinet. Quia in hac actione gratiarum jam non respicitur commodum proprium, tamquam motivum proximum ejus, sed solum ut fundamentum quasi remotum, proxime autem ad illum inoyer benevolentia alteri debita illo titulo. Sicut ergo aliqua gratitudo ad Deum naturalis est, ita etiam aliqua benevolentia.

Affert. 2.
bipartita

Ostendit
prior pars
affertio-
nis

11 Ex hoc infero, & dico secundo, hominem in statu innocentiae, seu integræ naturæ potuisse habere hunc amorem absolute perfectum sua perfectione naturali per liberum arbitrium sine speciali auxilio gratiæ. In naturâ autem lapsa (idemque est de pura) posse illum habere pro aliquo tempore, & aliquo modo, seu in aliquo gradu imperfecto, etiam intra terminos naturalis amoris. Prior pars de homine in natura integrâ sumitur ex sententia communi Theologorum cum D. Tho. d. q. 109. a. 3. ubi ait, hominem in statu naturæ integræ potuisse diligere super omnia Deum, ut autorem naturæ, ut cap. seq. exponemus, ubi etiam explicabo, quid sit diligere Deum super omnia; nunc satis est illis verbis explicati summam perfectionem substantialem (ut sic dicam) quam habere potest amor Dei naturalis absolute perfectus, & ideo si homo in illo statu potuit habere amorem super omnia, potuit etiam habere amorem simpliciter perfectum naturali perfectione, sicut in conclusione dixi. Sequitur denique hæc assertio ex priori, suppositis, quæ supra dicta sunt de statu integræ naturæ. Nam ostensum est, hunc amorem esse ordinis naturalis, & ex motivo naturali; sed ratione perfectionis naturalis non transcendit hunc ordinem naturalem; ergo etiam cum illa perfectione est de se actus naturalis, & commensuratus viribus voluntatis. Sed in statu innocentiae nulla erat difficultas operandi, quidquid esset commensuratum viribus voluntatis; ergo.

Ostendit
posterior
pars

12 Altera vero pars de homine lapsa declaratur; quia amor benevolentiae potest esse duplex, scilicet, imper-

fectus, & perfectus. Assertitur ergo posse hominem lapsum saltem imperfectam benevolentiam erga Deum ut autorem naturæ habere sine gratiæ auxilio. Probatur, quia talis actus est naturalis, & de se non excedit vires naturales voluntatis, ut ostensum est; ergo ex hac parte possibilis est. At vero in usu, seu exercitio illius non semper, & in omni occasione occurrunt impedimenta, quæ illum actum reddat nimis difficilem, etiam in hoc statu naturæ lapsæ, quia non semper graves tentationes occurrunt, neque infirmitas moralis corporis, vel fomitis concupiscentiæ semper actu movet: ergo neque semper impedit: ergo neque ex hac parte est moraliter impossibilis talis actus sine auxilio gratiæ: ergo est simpliciter possibilis. Et declaratur amplius, quia hic actus imperfectæ benevolentiae non habet formalem repugnantiam cum omnibus peccatis, nec includit observantiam omnium præceptorum: ergo non est cur non possit interdum fieri solis viribus liberi arbitrii. Consequentia patebit ex cap. seq. quia nulla alia difficultas invenitur in amore super omnia. Antecedens autem patet, quia duplici modo potest esse imperfectus hic amor benevolentiae Dei, primo ex parte obiecti adæquati quasi naturalis, secundo ex modo ipsius actus. Priori modo est imperfecta illa benevolentia Dei, quæ est per modum simplicis complacentiæ de bonis internis Dei: nam potest homo velle Deo bona illa, quæ in se habet, & de illis complacere, & nihilominus velle in alijs rebus appetitum suum explere: ergo actus ille, nec opponitur omnibus peccatis, neque habet, unde sit semper valde difficilis: imo de se videtur suavis, & facilis. Similis est actus, quo quis vult Deo propter se ipsum honorem, & gloriam, quæ per cognitionem illius veram, & religionem illi exhibetur, non tamen vult in omnibus illi obedire, quia hæc duo non repugnant, & tamen illa sine dubio quædam benevolentia Dei est.

Ex primis
modo

13 Posteriori modo est imperfectus actus benevolentiae, qui licet ex parte obiecti se extendat ad omne bonum divinum, in modo volendi est imperfectum desiderium, non absolutum decretum, sed per simplicem complacentiam, seu actum conditionatum, vellem Deo placere in omnibus: hic n. quidam affectus benevolentiae est, non tamen movet efficaciter ad observantiam omnium præceptorum, sed potius cum illo potest esse peccatum etiam actuale. In hoc ergo actu cessat illa difficultas, ac subinde non est, cur repugnet, ut sine auxilio interdum eliciatur, Quod enim Vasq. disp. 194. n. 36. obiicit, per hæc verba, *Vellem, &c.* non significari actum qui in presenti habeatur, sed qui haberetur, si talis conditio impleteretur, falsum est, quia etiam illo verbo explicatur præsens affectus inefficax, & conditionata voluntas, qualis fuit in Christo, quando orabat, *Pater, transeat a me Calix iste*, & quando voluit latere, & non potuit, ut late ostendi 1. tomo de Incarn., disp. 38. sect. 2. Et similem voluntatem habet piger, cum ita vult, ut nolit, propter quod de eo dicit, *Proy. 13 Vult, & non vult*. Similemque actum volendi habet, qui præ timore projicit merces in mare invitus, ut dicitur, secundum quid, sicque interdum fidelis negat Christum in tormentis, quem noller negare; in illo ergo est voluntas inefficax honorandi Christum, quæ illi peccato non satis opponitur. Sic igitur etiam circa Deum ut obiectum naturale potest esse talis amor.

Ex secunda
modo

14 Superest, ut ad argumenta respondeamus, & imprimis ad auctoritatem negativam Scripturæ, Concilii & Patrum, jam supra responsum est, Scripturam præcipue instruere homines ad diligendum Deum ex fide, & sicut oportet ad vitam æternam, & ideo fere semper indifferenter loqui de charitate, & de dilectione Dei perfecta, quæ est dilectio Dei ut finis supernaturalis, & ideo semper tribuit gratiæ amorem Dei, & præcipue illum, qui ad benevolentiam spectat. Numquam tamen Scriptura negat Deum, sicut potest per rationem cognosci debere etiam diligere naturali dilectione benevolentiae; imo id interdum significat, ut ex Paulo adduxi. Eademque est responsio ad Concilia, & Patres: nam sicut supra ostendimus, cum loquuntur de bonis operibus, ordinarie loquuntur de illis, quatenus ad salutem conferunt, ita multo majori ratione tractant de amore fructuoso, & in fide fundato, nam verus amor funda-

Adi. pro-
bationem
in contra-
rium in
num. 3.

tus in solâ ratione naturali, & rarus est, & per se non inferens salutem. Et hoc modo loquitur Aug. in loco ibi allegato. Cum enim David dicebat, *Voluntarie sacrificabo tibi*, certe de sacrificio ex vera fide, & voluntate specialiter a Deo donata loquebatur, & illud exponit Aug. de sacrificio laudis, juxta illud Psal. 49. *Sacrificium laudis honorificabit me*. Et similiter exponit, tale sacrificium voluntarie offerri, quando grâtiâ amatur, quod laudatur. Unde ait, *Laudetur voluntate, ametur charitate gratuitum sit, & quod amatur, & quod laudatur*. Ubi gratuitum amorem sine dubio appellat amorem propter solam Dei bonitatem consentaneam ab verba sequentia. *Et confitebor nomini tuo, quoniam bonum est*. Talem autem gratuitum amorem dicit esse amorem charitatis, non quia nullum vestigium illius amoris (ut sic dicam) possit esse in natura, sed quia ad perfectum amorem, seu laudem ex illo profectam fideles exhortabatur. Et ita etiam D. Thom. 1. parte, quæst. 60. art. 5. ad quartum, tacite exponit Aug. 12. de Civit. Dei, cap. 9. dicentem, dilectionem Dei in principio creationis etiam Angelis fuisse infusam per Spiritum Sanctum, qui datus est eis. Dicit enim loqui de dilectione perfecta Dei, ut est objectum beatitudinis supernaturalis.

Ad 1. rationem in eodem n. 2.

15. Ad primam rationem responderetur, fundati-
tatum in verbi æquivocatione: nam amicitia interdum late sumitur, ut distinguitur ab amore concupiscentiæ, & sic omnis amor benevolentia potest dici amicitia, sicut supra illos amores distinximus cum communi doctrina. Aliquando vero significat peculiare vinculum inter amicos, & ut sit perfecta, & simpliciter ita nominetur, ultra benevolentiam requirit plures condiciones, scilicet, quod mutua sit, & cum redamatione, quæ non lateat amicos, & ut inter eos sit conveniens proportio, & communicatio, ut Aristotel. tradit lib. 8. Ethicorum cap. 2. & sequentibus. Loquendo ergo de amicitia hoc posteriori modo, verum fortasse est, inter Deum, & hominem in puris naturalibus non potuisse veram amicitiam intercedere, quod disputatur latius in tractat. de Charitate, ad præsens enim nihil refert. In hoc ergo sensu dato antecedente, negatur consequentia; Aristoteles enim nono Ethicorum, c. 5. dixit benevolentiam quidem esse similem amicitiæ, non tamen esse amicitiam, quia nimirum benevolentia potest consistere in simplici actu voluntatis sine aliis conditionibus amicitia, & ita posset esse ad Deum in homine in puris naturalibus. Vide D. Thomam 2. 2. quæst. 27. art. 2.

Ad 2. rationem ibi.

16. Ad secundam rationem responder Div. Thom. 1. parte, quæst. 60. art. 5. ad 1. & clarius 2. 2. quæst. 26. art. 3. ad primum, & secundum, illa axiomata præcipue procedere in bonis particularibus, non vero respectu boni universalis, in quo totum bonum continetur, & a quo omne bonum particulare pendet, ut est Deus. Unde cum dicitur, amabile bonum, unicuique autem proprium, dupliciter id potest intelligi, primo quod semper ratio amandi aliquod bonum sit, quia est proprium, ita ut necesse sit, naturalem amorem semper reflecti, & terminari ad ipsum amantem, & hic sensus est falsus, & alienus a mente Aristotelis, cum ejus doctrinæ repugnet, ut ostensum est. Secundo intelligi potest, neminem amare bonum alicui, nisi illud, cui bonum amat, tamquam quid proprium, & sibi conjunctum, & quasi unum secum reputet; & sic verum, unumquemque amare bonum proprium, sic enim mater amat filium, & unusquisque amat sibi conjunctos, vel sanguine, vel consuetudine, vel similes, &c. Et sic etiam amor naturalis tendit ad Deum, qui ita est commune bonum, ut unusquisque sit magis, quam proprium, propter dependentiam, quam ab ipso habemus. Aliud vero axioma, quod amabilia ad alterum procedunt ex amabilibus ad se, alium sensum habet, nimirum, benevolentiam, quam exhibemus aliis, commensurari, & quasi habere pro regula benevolentiam ad se ipsum, nam illa bona debemus aliis velle, quæ nobis rationabiliter cupimus. Et hæc regula vera est inter personas particulares, sicut de amore ad proximum dicitur, debere unumquemque proximum diligere, sicut se ipsum. Et in hoc sensu loquutus est Aristoteles; illa vero regula non habet locum, ut dixit D. Thom., in

Suarez. Tom. VI.

Deo, qui est universale bonum, nam ibi potius dilectio ipsius Dei est regula diligendi se ipsum, ut amor sit honestus, & secundum rectam rationem naturalem. Et hinc etiam est, ut possit hic amor Dei esse benevolentia, imo & super omnia intra latitudinem amoris naturalis, ut in seq. capite dicam.

17 Tertia ratio non potest in præsentia plene, & exacte dissolvi, quia in ea petitur, qualis sit differentia inter amorem Dei naturalem, & infusum, quæ pendet ab exacta cognitione utriusque extremi, nondum autem tractavimus de amore infuso, & ideo usque ad librum sequentem non possumus discrimen illud perfecte declarare. Nunc solum advertimus, Aristodorensem citato loco c. 6. concedere, amorem charitatis, & naturalem esse ejusdem speciei quoad substantiam, & entitatem actus, quam sententiam amplectuntur Scot. Durand. Gab. & multi alii Scholastici antiqui; imo etiam Cajet. & Soto in locis allegandis in duob. cap. seq. Juxta quæ sententiam, si vera esset, facilis esset responsio ad argumentum: nam ex unitate objecti formalis solum potest inferri unitas specifica utriusque amoris quoad substantiam actus, & nihilominus poterit servari discrimen inter amorem infusum, & acquisitum secundum aliquem alium modum, ut dicti authores volunt. Alii vero e contrario putant, actum naturalem, & supernaturalem posse esse in substantia sua specie diversos, etiam si idem habeant objectum formale prout ex motivo amandi sumitur, quia possunt differre ex modo tendendi, seu ex principiis proximis, a quibus præcedunt.

Ad 3. rationem in n. 4. respondetur 1. ex sententia aliorum

18 Hos autem modos dicendi refero, non quia mihi probentur (illos n. in lib. seq. refellam) sed ut declarem, quamvis ad fidem spectet, dari actum aliquem charitatis Dei, qui per vires liberi arbitrii fieri non possit sine auxilio gratiæ; nihilominus ad doctrinam fidei non pertinere quomodo ille actus, vel in entitate, vel in objecto formali distinguatur a dilectione Dei naturali. Nos autem admittimus distingui, & in specie, ac substantia sue entitatis, & in objecto formali. Quod quidem in actu naturali benevolentia imperfecto comparato ad amorem charitatis super omnia facillime intelligitur, quia simplex affectus, & voluntas conditionata specie differre potest a voluntate efficaci, & perfecta ex modo tendendi, etsi circa idem bonum versentur. Item facile intelligitur benevolentia naturalis ad Deum, quæ amatur Deo aliquod bonum ordinis naturalis, ut v. g. laus ex sola ejus naturali cognitione profecta, vel quia hoc modo colatur, & honoretur ab hominibus, quod objectum ut ratione naturali regulatum, naturale est; & distinctum ab objecto charitatis infuse; hoc ergo satis nunc est ad distinctionem hujus amoris, quantum ad defensionem assertionis positæ desiderari potest: nam de distinctione harum dilectionum, si utraque sit super omnia, multo plura dicenda sunt in lib. seq.

Respondetur 2. ex sententia auctoris

19 Quarta ratio sumebatur ab incommodis. Et imprimis dico, nullum esse inconveniens, quod peccator, & infidelis, si verum Deum aliquo modo cognoscat, illum etiam amet aliquo affectu benevolentia imperfecto, & diminuto. Imo credimus, id esse frequentissimum, quia talis amor per se non repugnat cum statu peccati, non est n. amicitia, sed simplex quedam benevolentia, de qua recte potest intelligi illud Matth. 7. *Non omnis, qui dicit mihi Domine, Domine, intrabit in regnum celorum, sed qui facit voluntatem Patris mei, &c.* Deinde neque secundum inconveniens in rigore sequitur, scilicet, quia amor Dei super omnia sit etiam naturalis: nam potest dari amor benevolentia supernaturalis, qui non sit super omnia, sed solum affectivus, vel diminutus, ut seq. cap. explicabo, & latius in lib. seq. Idemque cum proportionem verum est in amore naturali, nam ex eo, quod imperfectus actus sit possibile per vires naturæ, non sequitur etiam perfectum esse possibilem. Veruntamen etiam si illatio non sit bona; nihilominus credimus, consequens esse verum, nimirum, dari posse actum naturalem dilectionis Dei super omnia, ut cap. seq. ostendemus. Unde ad tertium inconveniens negatur sequela, quia propria dispositio ad gratiam est infusa dilectio charitatis, quæ est longe excellentior, non autem naturalis dilectio, quæ intra ordinem benevolentia imperfecta est, hujus autem rationem in c. 26. reddemus.

Ad 4. rationem ibi n. 5.

CAPUT XXXI.

Utrum diligere super omnia Deum ut autorem naturæ sit actus ita in substantia, & ordine suo supernaturalis, ut excedat vires naturales liberi arbitrii creati, & ideo sine auxilio gratiæ elici non possit?

HÆC quæstio communiter tractatur solum de amore benevolentia, habet tamen etiam locum in amore concupiscentia Dei, nam quidam, ut refert D. Th. quodlib. 1. art. 8. dixerunt, posse hominem diligere Deum plusquam se ipsum, ac proinde super omnia amore concupiscentia, licet non benevolentia, seu amicitia. Eandemque opinionem de Angelis refert idem D. Th. 1. q. 60. art. 5. Prius vero tractabimus quæst. de amore benevolentia, juxta iustitiam, & difficiliorem, magisque necessarium sensum, & in fine pauca de amore concupiscentia addemus. Oportet autem advertere non esse eandem quæstionem, an actus hujus dilectionis naturalis sit, & an possit fieri a lib. arb. sine gratia in hoc vel illo statu: nam, ut ex superioribus cap. constat, aliqui actus sunt ordinis naturalis, qui propter difficultates occurrentes interdum a lib. arb. fieri non possunt sine gratia, quam supra vocavimus impossibilitatem moralem, seu accidentalem: nam si actus naturalis non sit, tunc erit per se, & physice impossibilis lib. arb. gratia destituto, & hoc est, quod in presenti inquirimus.

2. Prima sententia est, hujusmodi actum dilectionis esse in se omnino supernaturalem. Ita videntur sensisse illi Theologi, qui (ut D. Th. refert) dixerunt, etiam Angelum non posse viribus naturalibus diligere Deum, super omnia, etiam ut autorem naturæ, non enim alia ratione moveri poterunt, nisi, quia illum actum tantæ perfectionis esse putaverunt, ut omnem ordinem naturalium rerum excedat, & videtur D. Thom. referre voluisse Alensem in 2. p. q. 30. memb. 1. a. 2. §. 2. præsertim ad 2. ubi & de Angelis, & de dilectione naturali super omnia loquitur, & pro eadem sententia referuntur alii pro prima opinione allegati c. præcedenti, cum tamen præcipue defendit Vazquez disp. 190. per totam, & disp. 195. c. 2. & 5. Fundamentum ejus est, quia non possunt distinguere duæ dilectiones benevolentia Dei super omnia, una supernaturalis, & alia naturalis; sed est certum esse quandam dilectionem Dei super omnia supernaturalem, & per se infusam, quam charitatem appellamus; ergo nulla est dilectio Dei super omnia naturalis. Major probatur 1. eisdem argumentis, quibus cap. præc. probatur non dari duplicem benevolentiam Dei naturalem, & supernaturalem, sed illis jam ibi satisfactum est. Nunc vero specialiter probare oportet illud, *super omnia*, addere actui perfectionem excedentem ordinem, & vires naturæ, ac proinde amorem ita perfectum, quodcumque modo nitatur in bonitate Dei propter se ipsam non posse esse naturalem. Probatur autem 1. ex Arist. 1. 9. Ethic. c. 8. ubi quæstionem similem proponit, utrum oporteat seipsum amare maxime, an aliquem alium, & in summa concludit, amore honesto studiosum hominem se ipsum magis diligere, nam licet studiosus multa faciat in gratiam amicorum, aut patriæ, semper id facit, quia sibi honestum est, & ita illo etiam amore se ipsum maxime diligit. Et inde sumptum est illud axioma, quod amabilia ad alterum regulantur ex amabilibus ad se, cui consonat illud aliud ex lib. Ethic. c. 2. *Amabile bonum, unicuique autem proprium*. Ex hoc ergo principio colligitur, amare Deum propter se ipsum, & super omnia, esse supra naturalem inclinationem hominis, vel Angeli, quia juxta naturalem inclinationem mensura amoris sumitur ab ipso diligente, ut in unoquoque genere illud amet, quod sibi bonum est, vel honestum, vel delectabile, vel utile; ergo impossibile est, ut naturaliter inclinetur ad amandum aliquid supra se ipsum: ergo talis amor etiam respectu Dei excedit vires cujuscumque voluntatis creatæ, quia vires naturales appetitui, seu inclinationi naturali commensurantur.

3. Secunda ratio sit, quia si amor Dei super omnia naturaliter concipi posset ex cognitione bonitatis Dei, ut authoris naturæ, etiam proposita bonitate Dei, ut authoris gratiæ, posset voluntas suis viribus prodire in actum dilectionis Dei super omnia propter eandem bonitatem, & ita amor etiam perfectissimus charitatis Dei posset viribus naturæ fieri, quod est contra fidem. Probatur sequela, quia quo bonitas Dei proponitur ut excellentior, eo magis movet ad suam amorem. Nec refert, quod Dei bonitas, ut est principium gratiæ, proponatur nobis per fidem, ut sit supernaturalis, quia si bonitas Dei ad Deum ipsum compareretur, non est supernaturalis ipsi, sed maxime conaturalis: si tamen nobiscum conferatur, quacumque ratione spectetur, etiam ut est principium naturalium rerum, infinite superat, & excedit humanam naturam: ergo si hoc non obstante possumus diligere Deum super omnia dilectione naturali, propter bonitatem ejus, inferiori modo (ut ita dicam) spectata, poterimus etiam naturali dilectione illum diligere propter eandem bonitatem excellentiori modo consideratam, quia hæc major excellentia non retardat affectum, sed potius magis impellit.

4. Tertia ratio sit, quia sequitur talem actum dilectionis, vel esse sufficientem dispositionem ad gratiam, vel saltem posse esse in homine simul cum peccato mortali: utrumque autem est inconveniens; ergo Sequela patet, quia si talis actus est naturalis, poterit esse in homine peccatore, vel etiam in infideli, qui Deum cognoscat ut autorem naturæ, & summum bonum in illo ordine, quia quilibet actus naturalis, poterit fieri sine gratia, saltem habituali. Vel ergo talis homo eliciens illum actum per illum justificatur, & sic actus ille erit ultima dispositio ad gratiam, quod dici non potest: vel non justificatur, & sic permanebit homo simul in peccato, & diligens Deum super omnia, quod videtur absurdum, nam amor Dei super omnia est perfecta amicitia ad ipsum; non potest ergo simul esse cum peccato, quia inimicum Deo hominem constituit. Unde addi potest confirmatio, seu quarta ratio, quia sequitur, hominem etiam in statu naturæ lapsæ posse viribus solius lib. arb. diligere super omnia Deum ut autorem naturæ, quia ex parte actus non est repugnantia, unde neque ex parte voluntatis est impotentia per se, id est, carentia physica facultatis, seu activitatis, difficultas autem accidentaria ex impedimenti extrinsecis non semper occurrit: ergo poterit homo in hoc statu interdum suis viribus elicere hunc actum, quod non videtur concedendum.

5. Nihilominus contraria sententia est communis Theologorum: distinguunt enim duplicem dilectionem Dei super omnia, unam Dei, ut naturaliter cogniti, alteram Dei, ut per fidem revelati, vel unam Dei, ut authoris naturæ, & ultimi finis proportionati naturæ, & aliam Dei, ut authoris gratiæ, & ultimi finis excedentis naturam, & priorem dicunt esse naturalem, posteriorem vero infusam, & supernaturalem. Ita docet D. Thomas 1. 2. q. 109. art. 3. & tractando de Angelis 1. parte, quæst. 60. artic. 5. & quodlib. 1. artic. 8. & aliis plerisque locis, & sequuntur omnes Thomistæ Conrad. Cajetan. Medina, & alii dicto artic. 3. & Soto lib. 1. de Natur. & Grat. cap. 22. & ex antiquis Theologis eandem distinctionem, & doctrinam tradidit Altfiodor. lib. 2. Summ. tract. 1. cap. 4. & Alensis, vel sibi contrarius, vel se magis declarans secunda parte, quæst. 3. 1. memb. 3. & latius quæst. 91. memb. 1. artic. 1. ad septimum, Bonavent. in 2. distin. 3. artic. 3. quæst. 1. ad 3. & Richard. ibi artic. 7. quæstione 1. in corpore, & ad 1. & dist. 28. art. 1. quæst. 1. & idem tenent Scotus in 1. dist. 17. q. 2. & in 2. dist. 28. q. 1. & communiter alii Scholastici, quos cap. sequi referemus, quia non solum dicunt, hunc amorem esse naturalem, sed etiam elici posse sine auxilio gratiæ ab homine in natura lapsa. Eandem sententiam late docet Antonin. 4. part. titulo 6. capitulo 3. §. secundo, tertio, & quarto, Abulensis capitulo decimo nono, Matthæi, quæstione 177. Et hanc sententiam veram existimo; nam licet a Patribus non tradatur, non est tamen illis contraria, ut cap. præced. tactum est, & colligi potest ex Bulla supra citata Pii V. quatenus

Expositur quæstio.

Nu. 29. & seq.

Opinio statuens omnem amorem Dei super omnia esse supernaturalem.

p. Ratio pro prædicta opinione sumpta ex Arist.

Communis, & vera assertio distinguens amorem Dei super omnia in naturalem, & supernaturalem.

nus ab oppugnatione Baii defendit distinctionem duplicis amoris Dei, naturalis, & supernaturalis. Nam licet ibi non addatur particula super omnia, nihilominus Bajus præcipue in hoc amore illam distinctionem reprobabat, ideo enim dicebat hunc amorem Dei naturalem non defendi sine injuria crucis Christi. Deinde quoties Patres dicunt, amorem charitatis esse consentaneum naturali inclinationi voluntatis, quia natura sua est propensa ad Dei amorem, indicant prædictam distinctionem, & esse aliquem amorem Dei metaphoricum innatum ipsi voluntati per naturale pondus ad Deum, & consequenter esse aliquem amorem elicitem Dei naturalem, & commensuratum huic appetitui innato voluntatis: nam cum voluntas sit universalis appetitus perfectus, & vitalis, potest per actum elicitem naturalem amare, quidquid metaphorice amat per naturalem inclinationem.

Probat. 1. 6. Et hinc ulterius inferitur, hunc actum naturalem amoris Dei esse posse super omnia, quia est conformis, & quasi adæquatus naturali appetitui voluntatis, sed naturalis appetitus, seu pondus voluntatis ad Deum super omnia tendit; ergo & actus ipse naturalis dilectionis. Et hoc discursu sæpe utitur D. Thom. in citatis locis, 2.2.q.26.art.4. ubi minorem propositionem ostendit; tum ex rectitudine naturalis inclinationis; nam cum sit data ab authore naturæ, esse debet optimo modo instituta; tum etiam exemplo, quia manus movetur naturaliter ad defendendum caput, etiam cum periculo suo; ergo signum est inclinari magis ad universale bonum totius, quam ad proprium; ergo cum Deus sit universale bonum, voluntas magis inclinatur ad illud, quam ad reliqua. Scoto vero, & aliis non placet illud exemplum, quia ille motus manus non est ex impetu naturæ, sed ex motu voluntatis, vel appetitus media phantasia. Sed hoc non ignoravit D. Thom. tamen quia illa motio valde naturalis est, inde recte intulit, illam esse secundum inclinationem partis ad bonum totius. Atque hac ratione dicitur amor charitatis esse consentaneus naturæ, quia non destruit inclinationem ejus, quod faceret (ut notavit Alenf.) si natura inclinaret ad diligendum se, plusquam Deum, & charitas ad diligendum Deum, plusquam se. Non ergo ita est, sed utraque est ad Deum super omnia, & in hoc est charitas conformis naturæ, quamvis altiori modo illam elevet, ac perficiat. Et hac ratione dixit Basil. in regulis fufius disputatis, interrogat. 2. in natura esse vim instam, quæ in se ipsa amandi necessitudinis initia continet. Et inde etiam infert Bernard. in lib. de Diligendo Deum, inexcusabilem esse omnem infidelem, si non diligit Deum ex toto corde, quia *clamat innata, & nota rationi iustitia, quæ ex toto se illum diligere debet, cui se totum debere non ignorat.*

Probat. 2. 7. In quibus verbis alia ratio communis in hac materia indicatur, quia præceptum diligendi Deum super omnia, est præceptum morale, pertinens ad legem naturæ; ergo actus ille, de quo datur tale præceptum, naturalis est, quia lex naturalis non datur de supernaturalibus actibus. Neque locum habet communis responsio, ut actus præcipiatur, satis esse, ut sit possibilis per gratiam, quia quod per amicos possumus simpliciter possumus. Hæc, inquam, responsio non recte in præsentem accommodatur, quia nondum inquirimus, quibus viribus possit fieri talis actus, sed cujus ordinis, & naturæ ipse sit. Sic autem evidens est, naturalia præcepta non dari de actibus excedentibus naturæ ordinem, & physicam virtutem (ut ita rem declarare) naturalium potentiarum, quia lumen naturale nihil de his actibus assequi potest, nec de illis aliquid dictare, præcepta autem naturalia sunt ex dictamine rationis naturalis.

Altera re. solutio. 8. Sed forte quis dicat, rationem naturalem dupliciter considerari, scilicet, vel per conformationem ad puram naturam rationalem, vel per conformitatem ad naturam rationalem elevatam per gratiam, præceptum autem hoc non esse naturale priori modo, sed tantum posteriori, id est, non dictari per nudam rationem fundatam in solo lumine naturali intellectus, sed per rationem, ut elevatam, & illustratam lumine fidei. Sed hæc doctrina, quatenus negat, esse hoc

Suarez Tom. VI.

præceptum naturale, etiam per comparisonem ad puram naturam rationalem, est contra communem sententiam Theologorum, & contra sententias Parrum, quas adduximus, & sine dubio est falsa; tum quia incredibile est, hominem, vel Angelum in pura sua natura creatum non fuisse habituros præceptum diligendi Deum propter se, & supra se ipsos, quia hic amor est debitus Deo, & ratione suæ eminentissimæ bonitatis, & ratione creationis, præsertim quia nos fecit ad similitudinem, & similitudinem suam; tum etiam quia hoc præceptum est fundamentum omnium præceptorum Decalogi, & maxime necessarium ad instituendam moralem vitam honestam: at præcepta Decalogi continent legem mere naturalem, etiam per comparisonem ad puram naturam rationalem, ut est indubitatum apud omnes, & fere per se notum; ergo etiam præceptum diligendi Deum super omnia, est naturale ejusdem ordinis. Consequentia optima est, quia alias in pura natura ablato illo fundamento non subsisterent alia præcepta. Major item facile probari potest, quia sicut præcepta secundæ tabulæ Decalogi fundantur in amore proximi, ita præcepta primæ tabulæ fundantur in amore Dei. Deinde ipse amor proximi, & præceptum ejus, in amore Dei fundatur; imo in ipsius præceptis moralibus amor Dei imbibitur. Ideo enim transgressionibus talium præceptorum sunt peccata mortalia, quia Dei amorem excludunt. Unde si in pura natura non esset præceptum dilectionis Dei super omnia, nullum esset peccatum mortale præsertim contra proximum, quia nec contineret odium Dei, neque a Deo averteret. Et ideo etiam dixi, si ne præcepto dilectionis Dei non posse moralem vitam recte institui, quia non possent cætera præcepta moralia habere integram, & perfectam vim obligandi: hæc autem omnia valde sunt contraria ipsi naturæ rationali, secundum se, ac pure sumptæ; ergo e contrariio fatendum est, aliquam dilectionem Dei super omnia esse de præcepto legis mere naturalis, ac proinde aliquam talem dilectionem esse actum naturalem.

9. Ultimo, ut rem ipsam, & rationem magis a priori explicemus, declarare oportet, quid significet illa particula, *super omnia*, vel quid addat amoris benevolentie Dei minus perfectæ. Nam cum ostensum sit amorem benevolentie Dei ex vi hujus præcise rationis non esse supernaturalem actum, si illud, quod addit particula, *super omnia*, non est aliquid supernaturalis ordinis, perfectio non est cur talis amor naturalis esse non possit. Particulam ergo illam, *super omnia*, declaravi quantum valui in tom. 4. de Pœnitentia, disput. 3. sect. 9. & disput. 4. sect. 4. & quæ ibi de contritione diximus, ad amorem cum proportionem applicari possunt. Potest ergo dici, vel cogitari, amorem Dei dici super omnia, ratione intensiōis, quia est maxima, vel respectu conatus possibilis voluntati, sicut de contritione opinatus est Adrianus, vel respectu cujuscumque amoris creaturæ, sicut de eadem contritione Bonavent. Petrus Soto, & alii opinati sunt. Verumtamen si intelligatur, hoc esse necessarium ad amorem super omnia, falsa est sententia, quia verus amor Dei etiam ex charitate neque excessum in intensiōe, neque certum aliquem gradum intensiōis requirit, vel ex natura sue, vel ex obligatione alicujus præcepti, ut ibi late probavi. Deinde, quia hæc intensiō, licet necessaria non sit amori, ut sit super omnia, non tamen illi repugnat, ut per se constat, etiam tunc non extrahit actum ab ordine suo, quia non est altioris ordinis intensiō actus, quam entitatis eius. Quapropter licet daremus amorem constitui super omnia per gradum intensiōis, sive absolutum, sive comparatum, non infereretur, ut dilectio sit supernaturalis actus, quia illa intensiō, ut dixi, esset ejusdem ordinis cum substantia actus, & voluntas posset totum suum conatum ad illam adhibere, vel in amore aliarum rerum minorem conatum apponere.

10. Alio ergo modo communiter explicatur illa particula, ut denotet excessum amoris non intensivum, sed appetitativum, ut vocant, id est, ut Deus ametur tanquam bonum, quod in maiori pretio, & æstima-

Pro 3. r. 2.
tione for-
mida ex
ponitur
particula
super om-
nia.

1. expostio

2. expostio

tionem habetur, quam cætera omnia, quæ amantur. Quæ expositio generatim sumpta, & recte intellecta vera est. Oportet tamen exponere, quando amor censetur tendere in Deum cum illo pretio, & æstimatione. Videtur enim non posse haberi ille modus amoris super omnia, sine actuali consideratione intellectus conferentis bonum divinum cum aliis, & præponentis illud cæteris, idque offerentis voluntati tanquam diligibilis reliquis, & consequenter ex parte etiam voluntatis necessarium esse ad amorem super omnia, ut voluntas actu feratur in Deum, ut comparatum ad reliqua bona, proponendo illum cæteris omnibus præferre, & quodlibet malum pati, ne ab illo separetur. Sed licet hic modus amandi non sit impossibilis, imo possit esse utilis ad exercendum, & perficiendum amorem, nihilominus affirmari non potest, esse necessarium ad amorem super omnia. Quia nullum nobis datum est præceptum faciendi hujusmodi comparationem, neque ex natura rei est necessaria, quia unusquisque actus, vel habitus potest perfecte tendere in objectum suum absolute, & simpliciter propositum. Immo sæpe talis consideratio, & collatio potest avertere voluntatem, & ideo interdum est cavenda propter periculum, ut in dicto loco de Pœnitentia. latius dixi. In præsentem vero addo, etiam si in dilectione super omnia Dei ut authoris naturæ illa comparatio expresse fiat intra terminos naturalis cognitionis, inde etiam non elevari actum ad ordinem supernaturalium actuum, quia licet illa comparatio explicite non sit necessaria, virtute includitur in amore super omnia modo statim explicando, & ideo illud explicite non addit aliquid supernaturale supra implicitum. Item quia ex vi naturalis rationis comparatio illa fieri potest, vel ad omnia bona creata, quæ naturaliter cognosci possunt, vel ad mala illi amori contraria, & hoc satis est ad naturalem amorem super omnia Dei, ut est finis naturæ; ergo etiam sic explicando particulam, *super omnia*, nihil supernaturale additur actui amoris.

11. Est ergo tertia expositio, ut amor Dei dicatur per omnia appetitativæ, quando amor tendit in Deum propter solam bonitatem ejus, complacendo in illa ex solo affectu ad eundem Deum, quia cum bonitas illa superet omnia bona, si in illa sola nitamur ad amandum Deum, & complacendum in illo, eo ipso talis amor est super omnia ex vi sui objecti formalis. Sicut assensus fidei propter authoritatem Dei, eo ipso est supra omne credibile ex vi objecti, & adoratio Dei propter excellentiam ejus est supra omne adorabile ex vi objecti, licet actuales comparationes non fiant. Quæ explicatione admissa, etiam particula, *super omnia*, potest non addere aliquid supernaturale, nam etiam bonitas Dei, ut authoris naturæ, & ut reluctet per creaturas, est excellens quædam bonitas de se sufficiens ad firmandum affectum in Deum supra omne amabile præter ipsum, vel ipsi repugnans: amor autem naturalis Dei fundatur in bonitate Dei sic spectata, quæ sub tali ratione sub naturali objecto adæquato voluntatis continetur: ergo modus ille super omnia non magis est supernaturalis, quam sit ratio illa motiva, seu objectiva amandi Deum propter se, & complacendi in ipso.

12. Verumtamen in illa explicatione superest scrupulus, quia ille modus complacendi in bonitate, & de bonitate Dei invenitur in amore benevolentiae Dei, qui non est super omnia. Unde duplex solet distingui, & merito amor Dei, unus affectivus tantum, quo voluntas complacet in Deo propter suam infinitam bonitatem, & perfectionem, vultque & gaudet, tantam bonitatem inesse Deo: non tamen extenditur hic amor ad omnia, quæ amanda sunt Deo, & propter Deum. Alius est amor, qui obedientialis dicitur, quia non solum vult Deo bonum, quod in se habet, sed etiam vult Deo placere in omnibus, & consequenter vel formaliter, vel virtute fugit quidquid divinæ bonitati, voluntati, aut honori contrarium est. Primus ergo amor revera est benevolentia ad Deum, quia vult Deo bonum propter se, est etiam aliquo modo summus amor, utique objective, ut ajunt, quia vult Deo summam quandam bonitatem, & ita dici etiam potest aliquo modo super omnia, quatenus nullus

potest esse amor benevolentiae, qui rei amatæ tantam, vel talem bonitatem velit, & ita homo per illum amorem vult Deo majorem bonitatem, quam cæteris rebus. Et nihilominus amor ille non est simpliciter super omnia, quia potest esse simul cum peccato mortali; imo etiam cum actuali affectu contrario Deo, & amicitiae ejus. Et ideo licet ille amor sit benevolentiae, non potest dici amor amicitiae, quia per se non excludit, neque vitare facit omnem offensam rei amatæ, quod ad amicitiam spectat.

13. Igitur amor super omnia Dei esse debet amor obedientialis, quo voluntas velit Deo non solum bonitatem, quam in se habet, sed etiam propter illam velit Deo placere in omnibus, & fugere omnia contraria, solum ut ei complaceat; nam hic amor inprimis nititur in summa Dei bonitate propter se ipsam, & ita ex hac parte est summus. Deinde complectitur omne bonum divinum, non solum intrinsecum, sed etiam extrinsecum, & ex hac parte est etiam super omnia, videlicet, quæ possint Deo displicere; aut ab illo quacumque ratione avertere. Denique de se est amor amicitiae, quia perfecte unit voluntatem amantis voluntati Dei, & de se excludit omnem Dei offensam saltem gravem, quod ad amicitiam necessarium est, & sufficit. Et hac ratione talis amor habet repugnantiam cum actuali affectu peccati, & includit formalem, vel virtutalem voluntatem servandi mandata, juxta verbum Christi Joan. 14. *Qui diligit me, mandata mea servabit*, cum similibus; unde etiam ad hunc amorem super omnia necessarium est, ut sit per absolutum decretum, seu propositum voluntatis, quod explicatur hac voce: volo Deo omne bonum ejus, seu illi placere in omnibus, quia sola velleitas vix meretur nomen amoris, præsertim ubi actus perfectus est in potestate voluntatis. Sic ergo satis explicatum est, quid sit amorem esse super omnia, seu quid per particulam illam importetur.

14. Ex hac vero declaratione non minus concluditur ratio intenta, quam ex aliis, si advertamus, illam particulam, *super omnia*, non esse cum æqualitate accipiendam in amore infuso, & naturali, sed cum proportionem: nam in utraque includit omnia, quæ repugnant tali dilectioni, tamen respectu dilectionis naturalis omnia illa continentur in naturali ordine: supernaturalis autem dilectio includit absolute omnia, cujuscumque ordinis sint. Quod declaratur in hunc modum, quia dilectio naturalis Dei super omnia includit voluntatem servandi omnia præcepta, non simpliciter, sed naturalis ordinis, & consequenter de se tantum vult vitare omnia mala contraria his præceptis, quia illa sola naturaliter apprehendi possunt, ut amori Dei contraria: at vero dilectio supernaturalis includit voluntatem servandi omnia præcepta etiam supernaturalia, & ita universalius est super omnia Deo, ejusve voluntati contraria. Hinc ergo intelligitur particulam, *super omnia*, ut pertinet ad naturalem dilectionem, non includere aliquid excedens ordinem rerum naturalium: nec superans vires, seu potentiam physicam liberi arbitrii creati, quia totum hoc, scilicet, servare omnia præcepta naturalis ordinis, & nihil in tot naturali ordine amare, quod a Deo possit avertere, hoc, inquam, totum naturalis ordinis est, & de se potest cadere sub absolutum propositum voluntatis creatæ, si alia impedimenta extrinseca, non obstant; ergo talis amor simpliciter naturalis esse potest.

15. Hinc vero obiter intelligitur, hanc dilectionem super omnia, quæ tantum naturalis est, comparata ad dilectionem charitatis, non simpliciter (ut ita dicam) esse super omnia, sed secundum quid, quia cum sit inferioris ordinis, non extenditur ad ea, quæ sunt superioris ordinis, sed tantum ad ea, quæ sunt ordinis naturalis. Amor autem infusus, cum sit superioris ordinis complectitur omnia, etiam quæ sunt naturalis ordinis, quatenus possunt a Deo quocumque modo avertere, vel ad ipsum ordinari, & in hoc sensu dico, hunc amorem esse super omnia simpliciter, illum vero secundum quid. Quod est in hac materia valde notandum, quia hinc expediuntur facile multa, quæ in objectionibus tanguntur, ut statim videbimus.

Quis sit proprie amor Dei super omnia.

Ex proxima, veraque ex positione quousque ratio tertia formari debeat pro assertionem

1. coroll. Amor autem amicitiae naturalis est super omnia secundum quid, supernaturalis autem simpliciter.

2. Coroll.
Angelus,
& homo
in statu
integræ
naturæ
posse
illum a-
morem
naturæ
elicere

16 Ex dictis etiam concluditur, tam Angelum in sua pura natura, quam hominem in statu innocentie, & integræ naturæ potuisse viribus liberi arbitrii sine auxilio gratiæ hunc actum dilectionis Dei naturalis elicere cum omni perfectione illi ex natura sua debita. De Angelis id docet D. Thom. 1. p. q. 60. ar. 5. in corpore, & specialiter explicat ad 4. & eum sequuntur ibi fere omnes expositores, & communiter Theologi in 2. dist. 3. & 4. Altiſſod. lib. 2. Sum. tract. 1. cap. 4. & 6. Alenſ. 2. p. q. 31. memb. 2. Et ratio est clara ex dictis, quia actus ille connaturalis est Angelo, & ipse habet naturalem propensionem ad illum, & sufficientem virtutem physicam ad eliciendum illum, ut causam proximam principalem, quæ omnia constant ex dictis. At vero in Angelo ex natura rei nullum erat extrinsecum impedimentum, neque etiam intrinsecum, quod exercitium, & usum talis actus redderet difficilem, nedum moraliter impossibilem, quia Angelus neque habet internum bellum concupiscentiæ, neque aliæ difficultates, quæ occurrunt hominibus, in Angelis locum habent; ergo ex nullo capite est illi necessarium auxilium gratiæ ad talem actum eliciendum. Imo sunt qui dicant, adeo esse naturalem hunc actum Angelo, ut sit etiam illi necessarius quoad exercitium. Ex quo aliqui addunt, etiam in Angelis malis esse hunc amorem. Sed hoc posterius improbable est de amore amicitiae, quidquid sit de amore concupiscentiæ. Cum enim amor amicitiae, & super omnia includat voluntatem placendi Deo in omnibus, & servandi ejus præcepta, quomodo potest in demonibus manere? Quamvis ergo illi Angeli velint Deum, quatenus sine illo ipsi esse non possunt, nec operari, nullo vero modo illum diligunt ex benevolentia naturali, cum potius illum odio habeant. Neque est aliquid, quod cogat dicere, illum amorem naturalem esse necessarium quoad exercitium, etiam in Angelis bonis, seu non malis attenda sola rei natura, quamvis secluso impedimento peccati, & obstinationis, verisimile sit, raro, aut nunquam ab illo actu cessare, de quo in propria materia latius.

Improbatur vero quoad concupiscentiam

Rursus id ostenditur de homine in dicto statu D. Thom. explicat

17 De homine in natura integra idem docuit D. Thom. dicta q. 109. ar. 3. ubi ait, potuisse hominem in natura integra diligere Deum super omnia sine gratia, licet non sine auxilio Dei moventis. Quod aliqui exponunt, sine gratia habituali, non vero sine auxilio speciali per motionem gratiæ. Sed hanc expositionem jam supra exclusimus, & ostendimus, D. Thom. excludere omnem gratiam, vel (ut ibi loquitur) omne gratuitum donum. Quæ vox in rigore comprehendit quamcumque motionem gratiæ. Omnem ergo illam excludit, & solum generalem concursum, quem nomine auxilii Dei moventis intelligit, requirit. Et in hoc puncto est hic sensus manifeste necessarius; tum quia D. Thom. ibi commemorat doctrinam de Angelis, quibus hominem in natura integra in hoc æquiparat; tum etiam, quia in hoc constituit differentiam inter hominem integrum, & lapsum: si autem homo integer indigeret speciali auxilio, nullum esset discrimen, quia etiam homo lapsus potest elicere hunc actum sine habitu gratiæ cum auxilio speciali. Atque ita intellexerunt, & sequuti sunt D. Th. Conrad. Cajet. Medin. & Valentia, & idem docent Bonavent. 2. d. 3. ar. 3. q. 1. & d. 29. q. 1. ad 2. Alenſ. 2. p. q. 96. memb. 1. & reliqui Theologi communiter, quos in sequenti cap. latius allegabimus. Hoc etiam probat ratio facta de Angelis, quam D. Thom. paucis verbis complectitur, quia diligere Deum, est quiddam connaturale homini: homo autem in statu naturæ integræ poterat operari virtute suæ naturæ bonum, quod est sibi connaturale, absque superadditione gratuiti doni, & ideo non indigebat tali dono ad diligendum Deum naturaliter super omnia, sed id virtute suæ naturæ facere poterat. Quæ ratio immediate concludit, quoad intrinsecam facultatem, & potentiam physicam, supponit autem in eo statu non fuisse futura impedimenta, quæ nunc sunt in natura lapsa, & ideo simpliciter de potestate physica, & morali recte concludit. De homine vero in natura lapsa, atque etiam in pura est specialis difficultas, quam in sequenti cap. commodius tractabimus.

18 Contra hanc vero assertionem citatur Gregor. in 2. d. 29. q. 7. in princip. conclus. 2. quatenus ait, Adam non potuisse facere opus morale bonum sine auxilio speciali. Citatur & Abul. Matth. 19. q. 177. & sequentibus. & Alphonsus Virvesius contra Luther. Philippica 5. Veruntamen Gregor. paulo post explicat illud auxilium non distinguere a donis, quibus natura integra, & vires ejus illas constabebantur. Quæ expositione non contentus, paulo infra addit gratiam habitualement, dicitque fuisse sufficientem absque alio speciali auxilio ad bene operandum, unde in illo statu non postulat illam specialem motionem, qua Deus applicet voluntatem ad volendum bene, quam in statu naturæ lapsæ requirit, ut ibidem exponit. Cur vero postulet habitum gratiæ, si illa non influit in actum, nec Deus per specialem motionem, non video: cum habitus ipsi, præsertim infusi non operentur, parum, aut nihil juvent. Solum ergo potuit requiri gratia in illo statu, quatenus fuit fundamentum justitiæ, & integritatis naturæ, ut supra vidimus, & ita revolvimur in priorem expositionem, quæ fuit Magistri. Nos autem non negamus adjutorium illorum donorum, sed dicimus, ultra illa, non fuisse necessariam specialem gratiæ motionem, quod etiam Gregor. fatetur, Abulenſis autem loquitur de auxilio generali, ut sæpe dixi, & fortasse de eodem loquitur Virvesius, quem videre non potui, quamvis horum autoritas, etsi contrarium sentirent, receptissimæ assertioni obstare non posset.

Contra probatam assertionem immerito citantur Gregor. Abulenſ. & Virves.

19 Ultimo ex dictis concluditur, posse liberum arbitrium per se spectatum, & sine impedimento peccati diligere Deum super omnia, etiam amore naturali concupiscentiæ eo modo, quo ille amor esse, aut dici potest super omnia. Hoc ex hypothesi probatur facile, quia longe difficilius est, amare Deum amore amicitiae, quam concupiscentiæ: ergo si liberum arbitrium non infirmatum per peccatum potest naturaliter amare Deum per benevolentiam perfecto modo, & super omnia, a fortiori poterit amorem naturalem concupiscentiæ Dei habere perfecto modo, ac proinde super omnia, quantum amor ille capax fuerit.

Assertio altera de amore concupiscentiæ

20 Difficultas autem est in explicando, quomodo amor ille possit esse super omnia. Et ratio difficultatis est, quia amor concupiscentiæ ad Deum, est amor benevolentiae hominis ad se ipsum, & ita illo amore magis se amat homo, quam Deum, quia in omni concupiscentia plus amatur persona, cui concupiscitur bonum, quam ipsum bonum concupitum: quia cui bonum amatur, simpliciter & per se amatur, ipsum autem bonum, quod illi amatur, non simpliciter, sed solum ut sit bonum alterius. Unde D. Thom. 1. 2. q. 26. ar. 4. illum vocat amorem simpliciter, hunc secundum quid.

Quomodo & super omnia & concupiscentia, amor esse possit

21 Nihilominus dicendum est, etiam amorem concupiscentiæ Dei esse posse in suo genere super omnia. Ita refert D. Thom. 1. p. q. 65. ar. 5. & dicto quodlibet. 1. ar. 8. & quoad hanc partem non improbat. Et ex parte idem sentit Alenſis 2. part. quæst. 30. memb. 1. art. 2. §. 2. Et declaratur breviter, nam in primis si comparatio fiat ad omnia alia bona, quæ homo sibi concupiscit, magis debet diligere Deum amore concupiscentiæ, quam cætera bona, quia Deus est majus bonum hominis, quam cætera bona creata, etiam ipsi homini intrinseca, quia non solum bonum divinum nobilius in se est, sed etiam est majus bonum ipsius hominis, quia neque ipsum esse posset esse bonum hominis, nisi Deus ipse esset ejusdem hominis bonum. Deinde homo amat sibi Deum tamquam ultimum finem, quo frui appetit, non autem sic appetit cætera bona; imo nec se ipsum, quia magis vult Deo frui, quam se, si recte amat Deum etiam amore concupiscentiæ, & sub hac ratione etiam diligit homo Deum hoc amore plus quam se. Atque hinc habet etiam hic amor aliam perfectionem, propter quam potest dici super omnia, si sit efficax, nam secum affert intentionem efficacem acquirendi beatitudinem, quæ in Deo consistit: unde etiam includit voluntatem absolutam servandi præcepta Dei, & cavendi peccata, quæ ab illo avertunt, quamvis non propter ipsum, sed

Vera resolutio de claratur

sed propter bonum appetentis, hoc autem satis est, ut in suo ordine talis amor sit super omnia, id est, super omnia bona, quæ illi bono beatifico etiam intra naturalem ordinem possent repugnare.

Ad difficultatem
in D. O.

22 Neque obstat, quod homo diligat Deum sibi, ut propterea dici possit eo amore plus se diligere, quam Deum. Quia, ut Alensis supra dixit, illa non est duplex dilectio, sed una, quæ simul ad Deum, & hominem terminatur, & ideo non recte fit comparatio, nam respectu utriusque potest dici maxima in suo ordine, scilicet respectu Dei, ut boni concupiti, & respectu sui ut subiecti, cui concupiscitur illud bonum. Et hanc etiam responsionem attigit D. Thom. 1. 2. q. 2. ar. 7. ad 2. unde ex illa comparatione solum concluditur, per illum actum hominem amare se, amore amicitie, Deum vero solo amore concupiscentiæ, quod non est inconveniens, quia satis est, quod alio actu perfectiori possit homo diligere Deum amore amicitie, & quod id faciat, quando oportuerit, neque enim tenetur semper perfectissimum amorem exercere. Preterea quia eo modo, quo potest fieri comparatio, illa doctrina D. Thomæ, quod amor benevolentie est amor simpliciter, & concupiscentie secundum quid, habet locum in bonis creatis, non vero in bono increato, quod est Deus, ut dixi disp. 23. Metaphysicæ sect. 2. n. 8. & idem dixit Medina. 1. 2. q. 2. a. 7. in fine. Ratio autem optima est, quia quando homo amat Deum sibi, licet in uno genere referre videatur Deum ad se, non tamen ut ad finem, sed ut ad subiectum perficiendum tali bono, ut recte notavit Cajet. 2. 2. q. 17. ar. 5. & nihilominus eodem amore virtute refert homo se ipsum ad Deum, tamquam ultimum finem, quo frui appetit, quæ habitudo multo perfectior est, & ideo etiam illo amore magis diligitur Deus simpliciter loquendo. Quæ omnia cum proportionem applicata in naturali amore concupiscentiæ Dei locum habent.

Ad rationem
quæ ad
gratiam
in
supra.

23 Superest, ut ad rationes contrariæ sententiæ in principio factas respondeamus. Ad primam jam capite præcedenti ostensum est, illud dictum Aristotelis habere totum in bonis privatis, seu respectu amicorum, qui sint particulares personæ, non vero respectu Dei, cuius amor esse debet regula, & mensura cuiuscumque amoris creaturæ, etiam sui ipsius. Et quamvis verum sit, fieri non posse, quin talis amor Dei, & quidquid ex illo sit, non sit per se honestum, ac proinde sit etiam magna perfectio ipsius diligentis, nihilominus hæc ipsa perfectio non est directe amata per talem amorem, sed quasi reflexe, saltem virtualiter, quatenus qui directe amat aliquod bonum, necessario amat ipsum amorem, ideoque hoc non impedit, quominus Deus ipse per talem amorem directe propter se diligatur. Instabit forte aliquis, quia si ille amor non esset honestus, non ita amaretur Deus; ergo non magis diligitur Deus, quam honestas talis amoris. Hæc vero obiectio etiam fieri potest contra amorem charitatis, est autem parvi momenti, quia conditionalis illa est ex hypothesi impossibili, quæ destruit obiecti diligibilitatem, nam si amor super omnia Dei non esset essentialiter honestus, nec Deus esset ita diligibilis secundum rectam rationem, & ideo conditionalis illa nihil obstat, quominus talis amor Dei sit super omnia, quia potius hinc habet, quod sit honestissimus, & quod hæc perfectio ab ipso inseparabilis sit.

Instantia
excludit.

Ad 2. rationem
in n. 3.

24 Ad secundam rationem, quæ est Scoti, respondetur negando consequentiam, quæ ex parte obiecti fiebat, a Deo cognito ut authore naturæ, ad Deum cognitum ut authorem gratiæ. Quæ illatio, si esset alicujus momenti, potius probaret, dilectionem charitatis non esse in sua specie, vel substantia supernaturali, quam quod dilectio Dei ut auctoris naturæ supernaturalis sit, & ad hoc inducitur argumentum illud ab Scoto, ut libro sequenti videbimus, ad quem locum hæc difficultas magis spectat. Defectus autem illationis est, quia quando Deus proponitur amandus ut author, & finis supernaturalis, non proponitur sub ratione excellentioris boni ejusdem ordinis, sed sub ratione boni alterius ordinis, & principium, a quo, ut sic spectato natura non pendet, neque cum illo ha-

bet necessariam connexionem, aut communicationem talis ordinis, & ideo natura per se est insufficiens ad Deum sub tali ratione propositum amandum, præsertim propter se, & super omnia. Quod a posteriori declaratur, quia amor Dei sub tali ratione includit propositum servandi omnia præcepta supernaturalia, quod est omnino supra vires naturæ, ut postea latius dicemus. Atque ita cognitio Dei per fidem, vel per rationem naturalem multum confert ad distinctionem harum dilectionum, non tam propter diversum modum cognoscendi evidentem vel obscurum, sed propter diversam rationem obiecti, quam fides credit, & ratio non potest attingere. Et ob eandem rationem, quamvis bonitas, vel perfectio Dei quomodocumque apprehensa, & ad Deum comparata, ipsi connaturalis sit, nihilominus comparata ad nostram voluntatem sub una ratione pertinente ad authorem gratiæ, est bonum illi supernaturali, sub alia vero pertinente ad authorem naturæ, est bonum in suo genere nobis connaturale, quia licet infinite excedat nostram naturam, hæc nihilominus habet quandam intrinsicam necessitudinem cum illo, quia est quædam participatio illius, & ab illo essentialiter pendet, & ad illum tamquam ad ultimum finem naturaliter propendet, quæ conjunctio est sufficiens fundamentum ad naturalem amorem, nam servatur sufficiens proportio inter obiectum, & potentiam, ut satis declaratum est.

25 Ad tertiam rationem, in qua iterum infertur illud inconveniens de dispositione ad gratiam, & remissionem peccati, iterum etiam negatur consequentia. Nam quoad eam partem de remissione peccati, in primis non habet locum in Angelis, in quibus nulla fuit unquam peccatorum remissio. Neque etiam habet locum in homine innocente, sive in natura integra, sive in puris naturalibus, quia licet diligeret Deum super omnia, non se disponeret ad remissionem peccati, cum supponatur illud non habere. Quid a. de homine lapsa respondendum sit, cap. seq. dicam. De dispositione autem ad gratiam facile reddi potest ratio, cur illatio non valeat, quia gratia est supernaturalis forma, hæc a. dilectio est actio, aut qualitas naturalis, atque ita est inferioris ordinis, dispositio autem ad formam, debet esse ejusdem rationis cum forma, & ideo illa dilectio nullo modo est dispositio proportionata ad gratiam. Et declaratur amplius, quia illa dilectio sistit in Deo ut fine naturali, & radicitur in naturali essentia animæ media voluntate; at gratia est quasi nova natura, seu forma altiori modo participans divinam naturam, & ipsa est radix altioris amoris media altiori virtute, quæ est charitas, ideoque amor ille naturalis nullo modo est dispositio ad hujusmodi formam. Alia vero difficultas de homine lapsa in sequenti capite tractabitur.

Ad tertiam
in n. 4.

C A P U T XXXII.

Utrum in statu nature lapsæ possit homo diligere Deum, ut authorem nature super omnia, solis liberi arbitrii viribus, absque speciali auxilio gratiæ, & sententia affirmans refertur, & fundatur.

HOC est præcipuum punctum hujus controversiæ de dilectione Dei naturali, ratioque dubitandi oritur ex dictis: nam in homine lapsa liberum arbitrium est sufficiens principium physicum talis actus, & aliunde potest ad illum sufficienter excitari per media naturalia aliquo tempore, & occasione, in qua non occurrant impedimenta, quæ illum actum reddant impossibile ipsi voluntati; ergo simpliciter potest per voluntatem liberam effici sine speciali auxilio. Diximus enim tantum duobus modis posse aliquid actum esse impossibile libero arbitrio sine auxilio gratiæ, scil. physice propter defectum propriæ virtutis per se, ac physice efficientis: vel moraliter, propter magnam difficultatem ortam ex tentationibus, & impedimentis occurrentibus: ergo si utraque impotentia cessat in actu dilectionis, nullo modo erit impossibilis, ac subinde absolute fieri poterit viribus naturæ.

Arguitur
pro affirm.
parte

naturæ. Iam ergo probatur antecedens, cuius prior pars nota etiam est ex dictis, quia ille actus dilectionis in se spectatus naturalis est, & ideo ad illum efficiendum non deest virtus physica in humana voluntate, unde illam habuit in statu innocentie: ergo eandem retinet in statu naturæ lapsæ, quia voluntas in sua integritate integra mansit, & ideo quoad intrinsicas, & physicas vires non fuit imminuta ut proleg. 4. ostensum est: ergo non deest in homine lapsosufficiens principium physicum talis actus. Et inde probatur altera pars de sufficienti exercitativo; tum quia huiusmodi est naturalis cognitio Dei, quæ ex creaturis desumi potest, ut ex Paulo Actor. 14. & Rom. 1. supra ostendimus; tum etiam quia dictamen hoc, *Deus est diligendus super omnia*, naturale est, & naturalem obligationem inducit: ergo de se etiam sufficienter mover; tum denique quia in statu innocentie hoc fuit sufficiens ad excitandum: ergo etiam nunc de se sufficit, si extrinseca impedimenta non obstant. Denique probatur ultima pars antecedentis ex ipso rerum eventu, non enim semper, & in omni brevissimo tempore occurrunt graves tentationes, & impedimenta, imo aliquando potest homo lapsus vacare naturali considerationi bonitatis Dei, & beneficiorum ejus, & nihil actu sentire, quod impediat excitationem amoris ejus: ergo tunc saltem poterit voluntas pro sua libertate in talem actum prodire.

Arguitur
supra

2 Augetur difficultas, quia non est minus potens homo in natura lapsa, quam esset in puris naturalibus, sed in puris naturalibus posset sola libertate Deum super omnia diligere: ergo etiam nunc. Minor probatur, quia tunc haberet homo obligationem sic diligendi Deum: ergo posset, & non per auxilium gratiæ, quia in illo statu non daretur: ergo sua facultate cum concursu generali. Quia præceptum non datur, nisi de actu simpliciter possibili. Item quia homo tunc veniens ad usum rationis, posset honeste instituere vitam suam, alias miserimus esset sine culpa, quod repugnat suavi, & sapienti providentiæ: ergo posset sibi proponere Deum ut ultimum finem, in eumque omnes actiones suas dirigere, & proponere illi placere in omnibus: nam sine hoc proposito non potest esse recta vitæ institutio: ergo totum id per vires liberi arbitrii, ac rationis naturalis facere potuisset, in illis autem includitur hic amor super omnia: ergo. Confirmatur tandem, quia anima pueri decedentis in solo originali peccato, potest diligere Deum authorem naturæ super omnia, & tamen est in statu naturæ lapsæ: ergo & nunc homo potest, quia eadem ratio: solum enim est differentia, quod in anima separata cessant concupiscentia, & alia impedimenta, sed hæc differentia non pro omni tempore versatur, ut jam proposui.

Prædictæ
partes af-
firm. sub
scribunt
quidam

3 Propter hæc, & alia multæ graves Theologi huic subscribere sententiæ, affirmantes posse nunc hominem diligere Deum authorem naturæ amoræ benevolentie perfectæ, & super omnia. Ita tenent ex discipulis D. Thom. Cajetan. tom. 1., opusc. tractat. 4. quæst. 1. qui etiam in hoc excedit, quod nihil distinguit ex parte Dei, sed absolute circa Deum tam ut naturalem, quam ut supernaturalem finem talem amorem quoad substantiam concedit. A qua sententia non recedit Soto lib. 2. de Natur. & Grat. c. 14. ubi generaliter ait, omnem actum, qui per gratiam fieri potest, posse a peccatore fieri per vires naturæ quoad substantiam actus. Et sic etiam in 4. dist. 17. q. 5. ad 1. idem affirmat de contritione quoad substantiam actus cum proposito placendi Deo in omnibus. Neque ab illa sententia discrepant Cano. relect. de Penit. p. 5. §. Tertio etiam, & nonnulli alii Thomistæ, quos infra referam. Huius sententiæ fuit Henric. quodlib. 4. q. 1. circa finem, ubi expresse dicit, posse hominem non solum in statu naturæ integræ, sed etiam in statu naturæ corruptæ diligere Deum dilectione naturali benevolentie, & super omnia.

Visibile
auctoritas
Scot.

4 Scotus etiam multis in locis eandem docet sententiam, Nam in 1. d. 17. q. 1. & 2. supponit, actum charitatis esse naturalem quoad substantiam, & posse fieri a sola voluntate tamquam a principio activo proximo cum generali concursu, quamvis non possit sic

fieri cum quadam speciali perfectione, quam habet ab habitu charitatis, de quo postea dicitur lib. sequenti. Et quamvis verum sit, ibi non excludere verbis expressis speciale auxilium (quomodo illum excusare voluit Vega lib. 6. in Trident. cap. 28. & quæst. 10. de Iustific.) nihilominus aperte sentit, fieri a sola voluntate ut principio proximo, nam excludit omne principium proximum coagens cum voluntate, præter habitum: & plane docet, illum actum esse naturalem in substantia sua, & in 2. d. 28. in resolutione quæstionis sentit, præceptum illud, *Diliges Dominum Deum tuum*, posse impleri per liberum arbitrium, quamvis non sine gratia, quæ consequatur ad illam dilectionem tamquam ad proximam dispositionem, non vero tamquam principium ipsius dilectionis. Sed in illo etiam loco non excludit expresse auxilium speciale. Verumtamen si titulus quæstionis, & intentio ejus attente consideretur, aperte loquitur de libero arbitrio propriis tantum viribus operante. Et in 4. d. 14. q. 2. §. De secundo principali, in simili quæstione de dispositione ad gratiam habitualement, & remissionem peccati, dicit fieri ex naturalibus cum communi influentia. Quod ægre exponitur de communi influentia gratiæ, quæ est per auxilium speciale; tum quia nunquam talem sensum indicavit; tum quia tunc non recte diceretur actus fieri ex naturalibus, nam potius fit ex gratuitis. Ac denique quodlib. 17. §. De tercio, juncto §. Contra conclusionem, dicit, dilectionem naturalem, & charitativam Dei, non differre specie in substantia sua, & naturalem vult fieri per vires naturales, quamvis de charitativa, ut talis est, fateatur non posse fieri sine influxu habitus. Quo sensu dicit in principio illius quodlibeti, non posse voluntatem efficere actum perfectissimum circa ult. finem, ex se, seu per solam naturam, ut in lib. sequenti latius tractabimus.

In eadem
parte as-
serenda
excedunt
alii

5 Et in hac sequuntur Scotus Gabriel in 3. d. 27. art. 3. dub. 2. proposuit. 1. quam in 3. & 4. in sensu dicto satis declarat. Idem Aliaco ibi, & Almai. q. 1. dub. 2. proposuit. 1. & tract. 2. Moral. c. 9. & Anr. Andr. 2. d. 28. q. 1. Qui authores excedunt: tum quia non solum admittunt naturalem Dei dilectionem super omnia fieri posse ab homine peccatore, sed etiam quia idem censent de dilectione charitatis Dei, ut est author gratiæ, quoad substantiam ejus; & præterea censent, talem dilectionem per naturam factam esse sufficientem dispositionem ad gratiam. Quæ omnia quam sint falsa in libris sequentibus videbimus. Nunc solum ex his authoribus referimus, quod ad præsens punctum pertinet. Et cum illis citatur Major in 2. dist. 1. q. 5. dub. 3. in fine, sed nihil ibi invenio, nec sententia illa consonat cum doctrina ejusdem Major. 2. d. 28. q. 1.

6 Præterea tenent eandem sententiam Durand. in 3. d. 29. q. 2. n. 13. & sequentibus, distinguens duplicem dilectionem amicitie, & super omnia erga Deum, naturalem, & supernaturalem; & dicens, priorem esse ex præcepto naturali, ac proinde fieri posse ab homine lapsos ex solis naturalibus juxta generale regulam, quam posuerat in 2. d. 28. q. 4. & in 1. d. 17. q. 2. ad 1. & 2. dicit, charitatis habitum non esse necessarium ad substantiam actus dilectionis Dei, sed ad meritum de condigno, dixerat autem in argumento, *Sed contra*, n. 4. omnem actum, qui fit sine gratia, & charitate, esse mere naturalem, quod postea non reprobatur, sed admittit. In eadem sententia esse videtur Marsil. in 2. q. 18. art. 2. in confirmatione secundæ conclusionis, ubi de Philosophis ait, potuisse ratione naturali cognoscere, Deum esse super omnia diligendum, & huic cognitioni voluntatem etiam absque gratia conformare: nisi forte de sola habituali gratia loquatur, juxta ea, quæ ex alio loco statim referemus. Thomas etiam de Argentina in 3. d. 29. q. 1. art. 2. dub. ult. docet quidem dari posse dilectionem Dei naturalem amicitie super omnia, ad quam non sit necessaria charitas, nunquam tamen satis declarat, an fieri possit sine auxilio gratiæ præsertim ab homine lapsos, in hoc tamen sensu procedere videtur. Multo vero clarius, & liberius id docet Adam. in 1. d. 1. q. 10. ad argum. contra 1. concl. imo addit, illam dilectionem

Pro eadem
faciunt
Durand.
& alii

nem

nem naturalem esse ejusdem speciei cum dilectione charitatis, licet non sit ita perfecta. In quo sensit cum Scoto, & aliis supra citatis, & antea id docuit Alaisiod. supra c. 6.

7 Fundamenta denique horum authorum sunt, quæ in principio tetigimus, & quæ precedenti capite ad probandam dilectionem naturalem allata sunt. Nam semel admissa possibili dilectione naturali, consequi necessario putant, etiam homini lapsæ esse possibilem. Addi tandem potest, hanc sententiam nullo modo favere errori Pelagii, si secludamus ea, quæ Scotus, Gabriel, & alij addere videntur de sufficienti dispositione ad gratiam, & remissionem peccati, vel de merito talis dilectionis, vel de identitate specifica hujus naturalis dilectionis, & infusæ charitatis, de quibus postea dicemus. His (inquam) seclusis longe abest hæc opinio ab errore Pelagii. Nam Concilia ipsa, quæ definiunt, ad diligendum Deum esse necessariam gratiam, non simpliciter loquuntur, sed cum illo addito, *Sicut oportet*, ut sæpe ex Concilio Arausicano, & Tridentino notavimus, quod videntur apposuisse, ut ab hac opinione Theologorum abstraherent, sentiunt ergo illam nihil habere commune cum errore Pelagii. Quod si ita est, cum videatur ratione urgenti probari, videtur probabilior iudicanda. Idemque argumentum ex Bulla Pii V. & Gregor. XIII. sumi potest.

C A P U T XXXIII.

Refertur, & fundatur opinio negans, posse hominem lapsum diligere super omnia Deum, ut auctorem naturæ sine auxilio gratiæ.

Nihilominus secuta, & sana sententia est, quæ negat, hominem in statu naturæ lapsæ posse absque auxilio gratiæ diligere super omnia Deum, ut auctorem naturæ, illa nimirum dilectione, quæ posset diligere in natura integra sine speciali auxilio. Ita docet D. Thom. dicta quæst. 109. artic. 3. & sequuntur ibi Cajetan. Contrad. Medin. Valent. & alij recentiores. Eandemque opinionem se defendere proficitur Sorò in locis allegatis. Tenuit etiam Vega quæst. 10. de iustit. 10. d. 1. latius Bellarm. lib. 6. de Grat. & lib. arb. cap. 7. & 8. Et ex antiquis Bonav. 2. d. 3. ar. 1. q. 3. ad 1. Ægid. 2. dist. 28. quæst. 1. ar. 4. dub. ult. literaliter in solutionibus argumentorum, & ibi Richard. ar. 1. q. 1. Abulens. in c. 19. Matth. inclinatur etiam Marfil. in 1. q. 20. ar. 3. concl. 5. tota, quatenus de Philosophis dicit potuisse ex auxilio gratuito Deum super omnia amare, ubi videtur auxilium illud ut necessarium postulare, licet non satis declarat.

2 Ad confirmandam autem hanc sententiam afferuntur varia Scripturæ, & Conciliorum, & Patrum testimonia, in quibus dilectio Dei dicitur esse donum ejus, & idem quod charitas. Dicitur item dilectio esse plenitudo legis, etiam naturalis, ut constat Rom. 13. impletio autem legis naturalis est donum Dei, nec esse potest sine gratia, ut supra vidimus; ergo & dilectio est donum gratiæ Dei. Unde August., Fulgentius, Prosper, & alij Augustini sectatores damnant dicentes dilectionem Dei posse esse ex nobis, & non ex Deo, ut patet per August. de Grat. & lib. arb. c. 18. 12. de Civit. cap. 9. & lib. 21. cap. 16. 4. contra Julian. cap. 3. tract. 10. 2. in Ioan. Loquuntur autem August., & alij Patres de hominibus in hoc statu naturæ lapsæ viventibus, & ideo in hoc puncto habent majorem vim hæc testimonia.

3 Sed revera hoc genus probationis est infirmum in præsentij; tum quia omnia illa testimonia reduci debent ad sensum Conciliorum Arausicani, & Tridentini, in quibus additur illa particula *sicut oportet*, qua omnia illa testimonia enervantur, quia dilectio naturalis, quantumvis sit efficax, & super omnia, non est sicut oportet. Et sæpe ostensum est, Scripturam; & Patres loqui in prædictis locis de dilectione Dei perfecta, & quæ sit super omnia simpliciter, & in omni ordine. Unde loquuntur de actu dilectionis, quo possit homo justificari, seu præparari, ut iustitiam consequatur, ut expresse dixit Concil. Tridentinum

cum Arausican. Item loquuntur de dilectione, quæ implet totam legem Christi, vel Dei, quæ non tantum includit præcepta naturalia, sed etiam supernaturalia, ad quæ dilectio naturalis non extenditur; & ideo dicebamus supra, esse secundum quid super omnia: dilectionem autem infusam esse simpliciter super omnia, quia omnia complectitur. Unde non refert, quod dilectio dicatur esse plenitudo legis etiam naturalis; tum quia dilectio infusa illam etiam implet, licet non solam; tum etiam quia implet illam non solum quoad substantiam, sed etiam quoad modum fructuosum ad vitam æternam, quo modo etiam loquuntur Patres de impletionem legis, & bonis operibus, ut supra visum est. Adde, quod Patres non tantum de amore hominis lapsi, sed etiam de amore Angelorum, & Adami ita loquuntur: in illis autem non possunt intelligi, nisi de amore charitatis, ut supra notatum est: ergo signum est, eodem modo de nobis loqui.

4 Instant vero aliqui, quia Pelagius quando dixit, dilectionem super omnia Dei, haberi posse ex viribus naturæ, de dilectione naturali loquebatur, nunquam enim dixit, dilectionem supernaturalem, aut quæ elicitur ab habitu infuso, posse fieri per naturam, quia hoc neque a Patribus refertur, neque cadere potest in mente alicujus: loquebatur ergo de dilectione naturali, & in hoc improbat a Conciliis, & Patribus: ergo de eadem dilectione naturali Patres loquuntur. Respondetur facile, Pelagium directe errasse circa dilectionem, quæ in re est supernaturalis; existimavit enim, illam esse omnino naturalem, & ideo illam soli libero tribuit arbitrio, & in hoc damnari a Patribus, qui proinde loquuntur de dilectione supernaturali. Declaratur hoc, nam Pelagius asseruit ad amandum Deum, etiam sicut oportet ad salutem, sufficere vires liberi arbitrii, ac proinde dilectionem illam esse naturalem. Patres autem definiunt, ad diligendum Deum sicut oportet ad salutem, esse necessariam gratiam, in quo etiam docent illam dilectionem esse supernaturalem; ergo in ipsa damnatione Pelagii de dilectione supernaturali loquuntur, nam dilectio sicut oportet supernaturalis est. Vel aliter, dicebat Pelagius, dilectionem illam Dei, quæ est charitas, quæ in cordibus diffunditur per Spiritum Sanctum, esse naturalem, quia nullam credebatur esse supernaturalem; ergo in re ipsa asserbat, dilectionem infusam, ac proinde supernaturalem fieri viribus naturæ, nesciens quidem, quid diceret. Et ita convincitur a Patribus, non posse illam dilectionem fieri viribus naturæ, id est, esse naturalem; si quidem infunditur nobis a Deo per Spiritum Sanctum, qui datus est nobis, loquuntur ergo de dilectione charitatis, & supernaturali. Omissa ergo auctoritate, rationibus agendum est, quæ vel simpliciter ex natura rei, vel ex aliis principiis fidei procedant.

5 Quidam ergo rationem sumunt ex eo, quod talis amor esset actus pietatis, qui non potest fieri sine gratia: item ex eo, quod talis dilectio disponderet ad gratiam vel proxime, vel saltem remote, quia qui sic diligeret Deum, profecto quodammodo obligaret illum, saltem ex gratitudine, ut illi daret dona gratiæ, & hoc est esse dispositionem saltem remotam ad justitiam; sed hæc ratione sæpius refutata sunt. Nam prior, vel æquivocationem committit, vel coincidit cum posteriori, jam n. supra dixi, actum pietatis, ad quem dicitur esse necessaria gratia, non denominari a particulari virtute pietatis ad Deum, quæ est religio, cujus actus potest etiam esse naturalis, & interdu fieri absque gratia; sed denominari a pietate prout dicitur de Religione Christiana in fide fundata, seu prout significat quicquid ad veram sanctitatem, & justitiam coram Deo pertinet. Unde si dilectio naturalis Dei super omnia dicatur actus pietatis prior modo, parum refert, negatur n. consequentia; si vero sumatur posteriori modo, negatur assumptum, quia est idem cum fundamento posterioris rationis. Unde ad illam negatur sequela, talis n. dilectio, nec proxime disponit ad gratiam habituales, quia non convertit perfecte animum ad Deum ut supernaturalem finem, nec includit voluntatem servandi omnia præcepta.

Quibus
fundamē-
tis pita-
tur

Opinio
tota ne-
gans

Quib. te-
stimoniis
alii utan-
tur pro
hæc sen-
tentia

Infini-
tudo in
præsentij

Alvar. li.
6. de aux.
disp. 51. n.
7 pro e-
nervatis
testimo-
niis oc-
currit
inefficaci-
ter

Rationes
etiam
nonnullæ
parum
firmæ ex-
cludunt.

præcepta etiam supernaturalia: neque etiam disponit remote ad eandem gratiam, quia ad nullam gratiam actualem disponit proxime, nec illam meretur etiam de congruo, quia est ordinis inferioris, & nullo modo elevat hominem ad superiorem finem. Nec Deus tenetur propter illum actum tale præmium retribuere, nec titulo gratitudinis, quæ in Deo locum non habet, ut in proleg. 4. cap. 2. dixi, nec titulo iustitiæ, aut fidelitatis, quia illud non promissit, nec ex congruenti providentia, quia hæc potius postulat, ut operi naturali retributio ejusdem ordinis correspondeat, non vero ut supernaturalis ordo in tali homine inchoetur. Accedit, quod si illæ rationes essent validæ, etiam in Angelo in principio suæ creationis, & in homine in natura integra locum haberent, quia etiam illi indiguerunt gratia ad opera pietatis, & licet non indigerent dispositione ad remissionem peccati, potuissent tamen disponi per talem dilectionem ad auxilia primæ gratiæ recipienda, quod æque falsum est in illis, ac in nobis.

Alia quoque ratio non adhibetur

6 Alia ratio afferri solet, quæ supra tacta est, scilicet, quia homo lapsus est aversus a Deo, & conversus ad bonum commutabile; ergo non potest suis viribus elicere actum dilectionis super omnia, alias vel maneret simul aversus, & conversus, vel per illum actum tolleretur aversio, & culpa. Sed hæc ratio ex una parte non est universalis, quia saltem sequitur, hominem lapsum jam iustificatum posse postea diligere Deum super omnia solis viribus liberi arbitrii, sine auxilio gratiæ, quod tamen falsum est juxta hanc sententiam, quam tractamus, quæ simpliciter loquitur de homine lapsio viatore, in quocumque statu sit, sive in peccato, sive in gratia, ut ex sequentibus patebit. Aliunde vero illa ratio nimium probaret, si valida esset. Sequeretur enim peccatorem, etiam per auxilium gratiæ actualis non posse elicere actum hunc dilectionis naturalis super omnia, nam idem inconueniens sequitur, scilicet, vel manere simul aversum, & conversum, vel per talem actum statim remitti peccatum, quod dici non potest. Item sequitur, animam separatam pueri decedentis sine baptismo, non posse diligere Deum ut autorem naturæ super omnia, quod esse falsum, infra ostendam. Et sequela facile pater eodem modo, quia est in peccato, & consequenter aversa a Deo; ergo non potest suis viribus converteri, alias vel viribus suis iustificabitur, vel simul erit conversa, & aversa. Unde dicendum est, quomodocumque contingat, peccatorem habere talem actum, per illum quidem non iustificari, nec tolli maculam culpæ ullo modo, & ita non obstante illa actuali, & physica conversione, manere habitualement, & moralem aversionem, quia illa conversio est imperfecta, & diminuta, & neque est per se sufficiens ad tollendam moralem, seu habitualement aversionem peccati, neque illam meretur ullo modo, nec Deus illam promissit sic diligenti. Et patet a simili, nam qui peccavit accipiendo alienum, conversus manet ad bonum commutabile, & nihil ominis potest postea actu naturali averti ab illo bono creato, & nihilominus moraliter manet semper conversus, donec remittatur peccatum. Denique illa ratio non declaratur, quomodo vires liberi arbitrii ad eliciendum illum actum diminutæ sint per peccatum, quia sola macula culpæ illas non minuit, ut in primo libro ostensum est.

Ratio D. Thom.

7 Aliam ergo rationem reddit D. Thom. dicto ar. 3. quia in natura lapsa appetitus rationalis sequitur bonum privatum propter corruptionem naturæ; ergo non potest diligere Deum super omnia propter se ipsum, nisi prius sanetur per gratiam. Quæ conclusio probari potest, quia natura infirma prodire non potest in actionem perfectissimam nisi prius sanetur, dilectio autem Dei est perfectissima actio. Ex quo discursu videtur probari, gratiam habitualement esse necessariam ad hanc dilectionem in natura lapsa, quia natura non sanatur, nisi per hanc gratiam, & ita concedunt aliqui; sed oppositum probatum est, & statim iterum dicetur. Unde melius respondebitur, negando sequelam, quia licet sanitas corruptæ naturæ perfecte fiat per gratiam habitualement, quæ delet culpam, nihilominus sanitas inchoata, quæ vires reficiat, seu defectum virium suppleat, potest dari per solum actua-

le auxilium sine habitu gratiæ, quia habitus per se parum, aut nihil juvat ad naturales actus; ergo de hac sanitate ad summum procedit ratio, & ita illam tacite interpretantur Richard. supra, & Conrad. in dict. ar. 3. Aliud vero ob stare videtur efficaciæ hujus rationis, nam licet natura lapsa propensa sit ad bonum privatum ratione appetitus sensitivi, nihilominus per liberum arbitrium non semper appetit illud bonum, sed potest conformari dictamini rationis naturalis. Sic enim potest homo lapsus restituere alienum per solam arbitrii libertatem, etiam si illud non pertineat ad bonum privatum, id est proprium, nec sit secundum propensionem appetitus, sed illo potius repugnante. Ergo idem dici poterit de dilectione Dei; illa ergo ratio, licet ostendat illum actum esse difficilem in natura lapsa, non tamen esse impossibilem per arbitrii libertatem. Præsertim quia brevi tempore fieri potest, & transire; hoc autem modo non repugnat, naturam ægram efficere actum perfectum per facultatem, quæ non obstante ægritudine in se integra manet, solumque facta est impotens ad usum ejus perfectum ratione aliquorum impedimentorum, quæ non semper occurrunt.

8 Denique ratio magis recepta in hoc puncto, & quæ præcedentem magis explicat, est, quia dilectio Dei super omnia in unoquoque ordine includit observationem omnium præceptorum illius ordinis; ergo dilectio super omnia Dei ut finis naturæ, est plenitudo totius legis naturalis, & omnium præceptorum Decalogi, prout ad ordinem naturæ præcise spectant, juxta illud Pauli ad Rom. 13. *Non occides, non adulteraberis, non furtum facies, in hoc verbo instauratur, diliges proximum tuum*, quod a fortiori verum est de dilectione Dei; ostendimus autem supra, non posse hominem lapsum sine auxilio gratiæ servare totam legem naturalem; ergo multo minus poterit Deum super omnia diligere, quia in hoc eminentiori modo observantia totius legis naturalis continetur. Et confirmatur, quia amor super omnia vincit omnia peccata mortalia, vel in effectu, si occurrant, quando ipse durat, vel in affectu, quia includit propositum de se efficax vitandi omne id, quod tali amoris est contrarium: at vero impossibile est homini lapsio vincere omnia peccata legi naturæ contraria sine speciali gratiæ auxilio, ut supra ostensum est; ergo impossibile etiam illi est, suis viribus habere dilectionem Dei victtricem omnium talium peccatorum vel in effectu, vel etiam in affectu per propositum efficax cavendi illa, quia non potest homo efficaciter, & naturaliter proponere id, quia est sibi naturaliter impossibile. Et declaratur amplius, quia dictum est supra, non posse hominem lapsum vincere tentationem gravissimam sine auxilio gratiæ; ergo nec potest sine gratiæ auxilio habere propositum efficax vincendi similem tentationem: ergo multo minus potest diligere Deum super omnia, nam amor Dei includit, non solum propositum vincendi unam, vel alteram, sed etiam absolute vincendi omnes tentationes repugnantes tali amoris, imo & vitandi perpetuo omnes occasiones, & voluptates, quæ possunt hominem inducere in similem tentationem, cumve in morali periculo peccandi mortaliter constituere.

Magis accepta ratio ex qua præcedens convalescit

CAPUT XXXIV.

Exponitur, ac defenditur mens D. Thomæ de auxilio gratiæ necessario ad dilectionem Dei in statu lapsæ naturæ.

EX fundamentis hujus sententiæ sola ultima ratio est probabilissima, eamque maxime intendit D. Thom. in dicto ar. 3. juncto ar. 8. & ita videtur eum exponere Cajetan. dicto ar. 3. Soto lib. 1. de Natur. & Grat. c. 22. & illa utuntur alii moderni Thomistæ. Sed adhuc non quiescit mens, quia licet ratio illa recte probet, non posse hominem lapsum suis viribus esse ita constantem, & perseverantem in hac dilectione, quin aliquando contra illam peccet, non tamen probat, non posse hominem pro brevi tempore, vel pro aliquo momento exercere talem actum, qui sit absolutus propositus, & affectus, quamvis postea non sit futurus efficax

Difficile dubium contra ultionem superioris capituli

in effectu. Accedit, quod tentatio, vel difficultas gravis, quæ possit talem actum impedire, nec semper actu occurrit in presenti, ut est per se manifestum, quia sæpe potest aliquis, quando nulla tentatione pulsatur, de Deo cogitare, & se ad Deum diligendum excitare, nec possibilis tentatio gravis, aut difficultas futura in perseverantia illius amoris cogitatur explicite, quoties ille amor exercetur, nulla enim ratione hoc est necessarium, quia ut supra dicebam, non est necesse facere explicite comparationem, sed solum absolute velle placere Deo in omnibus propter bonitatem suam. Ex quo resultat ratio sæpe a nobis facta, quia actus hic secundum se naturalis est, ut in præcedenti cap. dictum est; ergo in ratione, & voluntate hominis lapsi est tota virtus per se necessaria ad eliciendum hunc actum cum concursu generali Dei, quia naturalis virtus potentiarum non est diminuta per peccatum, ut supra etiam dictum est. At vero impedimenta, quæ possent hanc virtutem impedire, ne efficiat talem actum, non semper occurrunt, ut ostensum est: ergo non semper est impossibilis talis actus: ergo potest aliquando elici ab homine lapsio ex solis naturalibus sine auxilio gratiæ. Confirmatur, quia ut amor sit super omnia, satis est, quod quamdiu durat, faciat servare omnia præcepta, sed homo potest servare omnia præcepta naturalia pro aliquo brevi tempore sine auxilio gratiæ: ergo pro eodem poterit habere talem actum dilectionis.

Propter hanc difficultatem nonnulli Theologi, etiam ex discipulis Div. Thom. concedunt posse hominem lapsum diligere aliquo modo super omnia Deum ut finem naturæ suis naturalibus viribus, quavis amor ille semper sit imperfectus, & inefficax, quamdiu ab auxilio speciali non procedit, & ita D. Thom. interpretantur de amore super omnia perfecto, & efficaci, ne illi contradicere videantur. Ut autem non reducaturs controversia ad sola verba, oportet distinguere de qua perfectione, vel imperfectione actus sit sermo: iam n. supponimus, omnem amorem Dei mere naturalem quantumque in suo ordine super omnia, & efficacem sit, simpliciter esse imperfectum comparatione facta ad amorem charitatis, non possunt ergo dicti auctores loqui de hac imperfectione. Sic n. etiam homo in statu integræ naturæ, & Angeli non potuerunt diligere Deum super omnia, nisi imperfecto amore: oportet ergo, ut loquatur de imperfectione opposita perfectioni, quam hic amor intra suum ordinem habere potest. Veruntamen etiam intra illum ordinem potest actus multipliciter esse imperfectus, & a perfecto distingui.

3 Primo enim dici potest amor imperfectus, quia non habetur per actum absolutum, *volō* placere Deo in omnibus, sed per actum conditionatum, seu simplicem affectum, *vellem*. Et hoc modo vix est, qui dubitet, posse hominem lapsum amare Deum affectu inefficaci, seu conditionato, desiderando placere ei super omnia, ut expresse tradunt Medina, & alii infra referendi. Nec invenio aliquem contradicentem, præter unum P. Vasquez, cui jam satis responsum est. Sed hic amor non potest dici super omnia, quia una ex conditionibus ad amorem super omnia requisitis est, ut voluntas toto suo affectu feratur in Deum, præferendo illum rebus omnibus amicitia ejus repugnantibus, qui autem solum conditionate vellet placere Deo, eo ipso non amat illum, præferendo illum omnibus, nam aliquid subtrahit, ratione cujus conditionem apponit. Unde quoad hoc applicari potest vulgaris objectio, quod is, qui tantum vellet, sed de presenti non vult placere Deo in omnibus, eo ipso non amat Deum super omnia, non quia nullum affectum habeat ad Deum, nam revera cupit, & desiderat ipsum amorem Dei super omnia, non tamen exercet illum, licet exerceat alium imperfectum ad Deum & amorem ejus.

4 Secundo dici potest amor super omnia imperfectus quoad extensionem aliquam ex parte objecti. Sic enim Cajetan. dicto ar. amorem Dei super omnia distinguit: unum esse dicit, quo amans tantum refert in Deum omnia referibilia in ipsum, alium, quo simpliciter omnia in Deum refert, inter quos ponit

discrimen, quod prior consistere potest simul cum aliqua actuali culpa saltem veniali, licet non cum mortali, posterior vero utramque omnino expellit, quia nulla culpa est referibilis in Deum. Unde prior amor imperfectus dici potest respectu secundi ex parte objecti, quia non refert in Deum omnia simpliciter, seu non vult Deo placere in omnibus, sed cum quadam limitatione, scilicet in omnibus, sine quibus non potest amicitia subsistere, non vero excludit omnia, quibus potest amicitia taperscere, vel augmentum ejus retardari. Proprius autem diceretur, prior amorem tantum referre in Deum omnia, quæ ex necessitate simpliciter (ut sic dicam) referenda sunt in ipsum, ut amicitia possit subsistere: posterior autem amor absolute refert in Deum omnia, quia in omnibus, etiam minimis cupit placere Deo. Et ita quantum est in se vult, ut nihil fiat ab homine, quod non sit referibile in ipsum, quod tamen prior amor permittit.

5 Hac ergo distinctione posita, quæ optima est, & in amore etiam charitatis locum habet, dicere quis potest, hominem in natura lapsa posse diligere Deum authorem naturæ super omnia, & propriis viribus priori amore imperfecto propter rationem supra positam. Non tamen posteriori amore perfecto, quia in homine lapsio non potest esse amor, qui excludat omnia peccata venialia. In quo servatur differentia inter hominem integrum, & lapsum, nam homo integer, cum facile posset omnia peccata venialia vitare pro sua libertate, pro eadem poterat posteriori modo perfecto authorem naturæ diligere. Nec videtur Cajetan. ab hac sententia alienus, licenim inquit, *Licet homo in statu naturæ corruptæ, quantum est ex sufficientia sua, possit ex puris naturalibus diligere Deum super omnia referibilia in ipsum, quæ tunc sunt in sua potestate, ut ratio probat, non tamen potest diligere Deum super omnia simpliciter, quia non potest peccare*, utique saltem venialiter; hunc enim sensum postulat ille discursus, & modus, quo solvit rationem dubitandi a se positam, scilicet, quod homo in hoc statu potest ex puris naturalibus cognoscere Deum, ut super omnia diligendum tanquam authorem, & finem naturæ, & ideo potest etiam suis viribus per dilectionem huic cognitioni se conformare. Ipse autem respondet concedendo illationem solum cum illo addito, ut possit homo diligere Deum super omnia referibilia in ipsum, de quo amore dixerat, repugnare cuicumque peccato mortali, quia cum illo amore Dei non potest aliqua creatura amari ut ultimus finis. Ergo cum dicit, alium amorem, quem vocat super omnia simpliciter, non posse haberi ab homine lapsio per vires naturales, quia non potest vitare omne peccatum, necesse est, ut id dicat ratione venialium, alioqui nec discursus subsistit, nec consentaneæ loquitur. Nec mirum est, quod Cajetan. hic admittat priorem amorem super omnia in homine lapsio, cum id ex professo doceat in opusculis, ut allegavi.

6 Hæc vero sententia, cujuscumque sit, non est ad mentem D. Thom., nec vera, nec sibi constans. Probaturs primo, quia D. Thom. eam dilectionem naturalem Dei super omnia, quam negat posse fieri ab homine lapsio non sanato per gratiam, concedit fieri posse ab homine sanitatem gratiæ consequuto: sed homo etiam justificatus non potest vitare omnia peccata venialia: ergo nec potest diligere Deum super omnia simpliciter, sed tantum quoad referibilia in ipsum, ut loquitur Cajetanus; ergo de homine nondum sanato per gratiam negat D. Thom. posse diligere Deum super omnia, etiam quoad referibilia in ipsum. Deinde sicut homo lapsus non potest suis viribus vitare omnia peccata venialia, ita nec potest eisdem viribus vitare omnia mortalia; ergo si propter priorem impotentiam non potest diligere Deum super omnia illo secundo modo perfectiori, etiam propter posteriorem impotentiam non poterit diligere Deum priori modo, seu quoad omnia referibilia. Neque refert, quod impotentia vitandi peccata venialia sit major, quam mortalia, quia cum utraque sit impotentia simpliciter; magis, vel minus variat, nam etiam inter venialia

p. Sentent.
rationem
D. Thom.
intelligi
de amore
super omnia
perfecto,
etc., quod
proxima
difficultas
solum est
vincit, non
autem de
imperfecto.
Prædicta
tamen sententia
per
imperfectum
amorem
non debet
intelligi
se ex parte
super
naturalitate

Nec item
garentem
absoluto
proposito

Nisi tantum
illo
quod extenditur
ad vitanda
venialia

Prædicta
tamen ex
positio non
est ad mē.
item D. Thom.

venialia major est impotentia vitandi quædam, quam alia. Unde si propter impotentiam vitandi venialia non potest homo suis viribus diligere Deum super omnia perfecto modo, ideo est, quia non potest absolute velle, quod sibi est impossibile; ergo eadem ratione non potest amare priori modo, quia non potest absolute velle omnia mortalia peccata vitare, quia hoc etiam est simpliciter impossibile per vires naturæ. Et ita incidimus in fundamentalem rationem supra adductam pro sententia D. Thom. Et sine dubio omnes qui illam sententiam tuerentur de illo naturali amore Dei loquuntur, qui mortalem lapsum contra divina præcepta naturalia excludat, etiam si non omnia venialia vincat, & illum putant esse impossibilem per vires naturæ. Imo & Cajetanus ipse in fine illius dubitationis illum amorem, quo in statu naturæ corruptæ nihil contra Dei amicitiam admittimus, Deumque diligimus super omnia solum, quoad referibilia in ipsum tribuit gratiæ sananti naturam per charitatem, intelligitque hoc esse necessarium etiam respectu præceptorum tantum naturalium. Quomodo autem hoc cohærat cum his, quæ prius dixerat, non satis video.

Alii exponunt rationem D. Thom. de amore perfecto, id est, qui cum effectu vitat mortalia, non de alio quam cumvis absoluto, qui brevi succum-
bit

7 Tercio modo dicitur naturalis amor perfectus, vel imperfectus quoad efficaciam. Et sic distinguunt aliqui duplicem Dei dilectionem, una est, quæ in affectu, & proposito etiam absoluto vult placere Deo in omnibus, & servare mandata ejus, & nihilominus non est efficax, quia neque in effectu postea servat præcepta, neque sola sufficit ad resistendum omnibus contrariis, quæ in discursu temporis occurrunt; alia vero dilectio Dei est non tantum in affectu, sed etiam in effectu, quia & amat placere Deo, & id facit in omni occasione, contraria impedimenta superando. Prior dilectio consistit in uno simplici actu, qui in momento, aut brevissimo tempore habetur, ac transit: posterior vero non consistit in solo simplici actu, sed includit successionem plurium formalium, vel virtualium, quibus cum effectu mandata servantur. Priorem ergo dilectionem vocant aliqui imperfectam, & inefficacem, & de illa affirmant, posse fieri ab homine lapso sine auxilio gratiæ respectu Dei finis naturalis, & quando tentationes, & difficultates extrinsecæ absunt, & hoc modo expediunt difficultatem supra propositam. Posteriorem vero dilectionem vocant perfectam, & efficacem, quam potuit homo habere in statu innocentie, non vero in natura lapsa. Et ita interpretantur D. Thom., quia hoc solum probat ratio ejus prout supra explicata est.

Et Molina proxime datam expositionem amplectitur

8 Atque hoc tandem modo putant posse Theologos conciliari, exceptis illis Doctoribus, qui dicunt, posse hominem lapsum servare diu omnia præcepta naturalia propriis viribus, nam illi utramque dilectionem viribus liberi arbitri concedunt, quod absurdissimum & perniciosissimum est. Cum illa ergo distinctione, & moderatione amplexus est illam sententiam Molina in Concordia quæst. 14. art. 13. disputatio. 14. memb. 3. quæ in illo ab aliquibus modernis Theologis inter alias notata, & exaggerata est, Sed perfectio non fuit Molina primus, neque ultimus, qui illam tenuit opinionem. Nam (ut Cajetanum, & alios antiquiores omittam, qui simpliciter, & sine distinctione admittunt dilectionem naturalem super omnia in homine lapso viribus naturæ operante, qui non possunt cum majori moderatione explicari) tandem fere distinctionem retulit Soto li. 1. de Natur. & Grat. cap. 22. quam non reprobatur, sed potius declarat, & confirmat. Neque etiam negat, hominem lapsum posse diligere Deum priori modo viribus naturæ, sed potius illum simplicem actum admittit, quamvis neget illum esse vocandum amorem super omnia. Sic enim inquit: *Hoc argumento conficiunt nonnulli posse a nobis diligere Deum super omnia naturaliter. Quod revera & absolum est Christianis auribus, & præter rationem collectum. Nam esto haberi ille actus naturaliter possit, etiam ab eo, qui est in peccato mortali, nequaquam dicendus est amor Dei super omnia.* Non ergo dissentit in re, nam actum admittit, etiam absolutum, nam his

verbis illum explicaverat, *volo Deo in omnibus, & per omnia placere.* Negat tamen illi actui denominationem, seu conditionem super omnia, quia non excludit quicquid est contrarium divinæ amicitiae.

9 Infra vero ait, non posse hominem lapsum naturaliter omnia uno actu mentis velle refelle in Deum, siquidem absque speciali auxilio non potest non incidere in culpam, quæ sit contra divinam amicitiam. Sed neque istud secundum cum priori satis comiterere, neque illa ratione recte probati videtur. Nam eo modo, quo vult aliquis illo actu placere Deo in omnibus, & per omnia, eodem modo vult omnia referre in ipsum, saltem prout id esse potest in præcepto, vel ut ad placendum Deo fuerit necessarium, quia hoc includitur in universali objecto illius actus: ergo sicut absolutum affectu amat Deum, ita etiam in affectu omnia refert ad ipsum. Quod vero, qui sic amat, necessario, aliquando postea peccet suis viribus relictus, pertinet ad effectum, non vero tollit, quin ille affectus fuerit universalis, etiam quoad referendum in Deum omnia referibilia. Imo quia peccatum contra legem naturæ postea commissum, est contrarium illi priori actui amoris, & virtualis retractatio illius, inde satis colligitur, illum amorem virtute comprehendisse relationem omnium referibilium in Deum. Denique hæc relatio continetur in substantia amoris Dei super omnia cum proportionem ad genus amoris naturalis, & supernaturalis; sed idem Soto lib. 2. cap. 14. in fine dicit, quemcumque actum potest habere homo, qui est in gratia, eundem posse etiam elicere peccatorem ex puris naturalibus. quoad substantiam operis, & affirmat, se pro viribus hoc probasse priori lib. cap. 20. & duobus sequentibus; ergo non potuit consequenter negare posse peccatorem ex puris naturalibus diligere Deum eo amore, quo referat omnia in ipsum, quia hoc ad substantiam actus pertinet. Cur ergo ille simplex actus amoris non dicitur super omnia, licet fortasse sit inefficax.

10 Præterea ab eadem sententia non videtur discrepare Medina dicta q. 109. ar. 3. Nam de dilectione naturali loquens in 2. conclus. de homine condito in puris naturalibus, ait, posse aliquo modo diligere Deum super omnia. Hoc autem explicat, & probat, quia *in primo instanti usus rationis potest se convertere in Deum, & proponere studiose agere*, quæ verba absolutum actum significant, quem statim explicat dicens, *in eodem instanti potest habere hunc actum efficacem, volo placere Deo, & in nullo displicere.* Et nihilominus in 3. conclus. addit, non posse talem hominem diligere Deum dilectione perfecta. Per dilectionem autem perfectam declarat illam, quæ servat omnia præcepta. Nec potuit aliam perfectionem intelligere, quia si prior est ejusdem objecti & cum eadem universalitate, & efficax, ut ipse ait, id est, *absoluta*, ut Molina loquitur, quæ alia perfectio illi addi potest, nisi perseverantiæ, & actualis efficacis? Unde ratio, quæ ibi probat, talem dilectionem non posse esse perfectam, vel intelligenda est de hac perfectione, vel nullius est momenti, sic enim argumentatur. Voluntas efficax finis includit voluntatem efficacem mediorum, quæ sunt necessaria ad finem; ergo si homo diligit Deum super omnia (utique perfecte) consequens est, quod possit omnia præcepta adimplere sine gratia. Hæc autem ratio solum probat, posse hominem implere omnia præcepta quamdiu dilectio illa durat, vel si in illa perseveret, ex quo ad summum colligitur, illam dilectionem per solas vires naturæ non posse esse perseverantem diu, quia etiam impleat cum effectu omnia præcepta, quod facere non potest. Ergo solum hoc addit hæc dilectio perfecta supra aliam, & si plus intendatur, illa ratione nullo modo probatur, quia voluntas efficax finis solum includit voluntatem efficacem mediorum, quamdiu durat, potest autem mutari, & tunc potest etiam media contemni; loquitur ergo de dilectione, quæ sit stabilis, & perseverans. Et ita in virtute ponit eandem distinctionem, & eandem assertiones. Eademque statim etiam poni de homine lapso, quas necesse est, eodem modo intelligere, cum ipse

Soto parum sibi cohærens impugnat.

Eandem illam expositionem approbat, se Medina ostendit.

ipse alias doceat, vires liberi arbitrii easdem esse in homine lapso, quæ in puris naturalibus fuissent.

Ad eam
quoque
Bannez
accedit

11 Eodem fere modo loquitur de puero perveniente ad usum rationis Bannez 1.2. q. 10. ar. 1. dub. 2. ad 4. ubi ait, non esse impossibile homini in statu naturæ corruptæ per vires ejusdem naturæ implere præceptum naturale convertendi se in Deum, proponendo per totam vitam secundum rectam rationem agere, idque volendo, quantum in se est. Hæc autem conversio continet amorem Dei super omnia, nam præceptum naturale de hoc amore datur, & illa conversio est ad Deum ut ad ultimum finem, & cum amore obedientiali, cum dicatur includere dictum propositum recte vivendi: ergo est amor Dei super omnia per unum actum simplicem, qui in uno instanti esse dicitur. Addit vero idem author, illud propositum revera inefficax esse propter naturæ corruptionem. Non potuit autem intelligere esse inefficax, quia sit tantum per modum velleitatis, seu voluntatis conditionatæ, quia præceptum naturale non est de hujusmodi velleitate, quæ vix meretur nomen amoris Dei, sed de vero amore per absolutam voluntatem, cum vero proposito illi placendi, nam illa velleitas revera non est verum propositum, neque ita solet appellari. Loquitur ergo de inefficacia quoad effectum, ut statim ipse declarat, dicens, non posse hominem lapsum per totam vitam, neque per longum tempus sine gratia omne bonum morale adimplere. Videtur ergo juxta prædictam distinctionem loqui, & simplicem actum absolutum amoris Dei, & propositi dicto modo inefficacis, admittere in homine lapso suis viribus operante.

Similiter
Cumel.

12 Idem sumi potest ex Cumel. 1.2. quæstion. 109. art. 4. disp. 2. concl. 2. quatenus ait, posse hominem non tantum potentia physica, sed etiam morali implere omnia præcepta pro brevi tempore, prout in eo occurrunt, etiam in natura lapsa, quia alias non tantum lapsa, sed extincta esset per peccatum, & addit, omnes Theologos ita sentire. Cum ergo dilectio naturalis Dei non censeatur impossibilis homini lapso, nisi propter observantiam omnium præceptorum naturalium, quam includit, juxta prædictam sententiam non erit impossibilis pro illo brevi tempore, pro quo observatio omnium mandatorum impossibilis non est. Præsertim quia illo eodem tempore potest occurrere præceptum naturale amoris Dei sufficienter propositum per rationem naturalem. Denique novissime Lorca 1.2. disp. 5. de Grat. circa fin. fatetur, præmissa præfata distinctione amoris, nullo argumento probari, dictum simplicem actum esse impossibilem, ideoque *satis probabile* existimat, hunc posse elici sine speciali Dei auxilio, quamvis dilectio diuturna, & effectiva impossibilis sit, & de hac posteriori dilectione D. Tho. interpretatur. Et in quæstionis decisione sentit, sub illa generali regula multorum Theologorum, quam D. Tho. etiam art. 4. docet, scilicet hominem lapsum posse singula præcepta legis naturæ uno vel alio actu pro parvo tempore implere, sub hac, inquam, regula etiam præceptum amandi Deum comprehendendi. Non est ergo singularis illa opinio Molinae, neque potest ulla censura notari; imo nec improbabilis judicari.

Ac 14ndæ
Lorca

Data ex-
positio
Molinae
nec notā
quidem
improba-
bilitatis
meretur

Ad mentē
tamen D.
Tho. non
esse pro-
batum.

13 Nihilominus tamen in eam sententiam induci non possum, ut existimem, illam fuisse mentem D. Tho. nam in primis non sine causa distinctas quæstiones proponit, unam de dilectione, & alteram de observantia præceptorum legis. Et in hac posteriori utitur illa restrictione de observatione præcepti quoad substantiam actus, vel quoad modum, qua non utitur in priori quæstione, sed absolute definit, non posse hominem in natura lapsa ex solis naturalibus diligere Deum super omnia; ergo intelligit, specialem impotentiam habere hominem circa dilectionem naturalem Dei super omnia, nam illam nec quoad substantiam potest homo lapsus efficere sine gratia. Loquitur ergo de quolibet actu dilectionis singulari, & divisim sumpto, & non tantum conjuncto cum diuturna observantia omnium mandatorum, alioqui nulla esset differentia inter dilectionem, & observantiam mandatorum, neque potuisset quæstiones illas distincte tractare.

14 Quod etiam confirmari potest ex simili quæstione, quam de Angelis mover 1. p. q. 60. ar. 5. an naturali dilectione diligant Deum, plusquam se, & responder affirmando, idque probat; tum ex morali præcepto diligendi Deum supra se; tum ex inclinatione naturali voluntatis. Ibi n. evidenter loquitur de dilectione, ut est singularis actus, ad quem est specialis, & maxima inclinatio voluntatis, & de quo datur speciale præceptum, & qui in momento fieri potest, ut factus est ab Angelis. In prædicto autem art. 3. doctrinam quam ibi tradit, explicat per aliam, quam de Angelis tradiderat, & illam applicat ad hominem in natura integra, & ab illa excipit hominem lapsum: ergo sicut affirmat, Angelum, vel hominem integrum posse elicere suis viribus specialem actum dilectionis Dei super omnia, ita id negat de homine lapso. Denique ubicunque D. Tho. aliis locis hanc quæstionem tractat, de singulari actu dilectionis loquitur, ut videre licet quodlib. 1. ar. 8. in 2. d. 28. q. 1. ar. 2. & d. 33. quæst. 2. ar. 2. ad ult. ergo immerito ille articul. tertius ad sensum peregrinum, & plane violentum traducitur. Etenim talem esse instituiusmodi sensum, ratione etiam ostendere possumus.

Probat. 2.

Probat. 3.

15 Ratio autem est, quia diversa sunt operari bonum, & perseverare in bene operando, & ideo, licet ad perseverandum requiratur gratia, non ideo dici potest etiam ad operandum requiri, quia perseverare difficilius est, quam operari; ita ergo aliud esse diligere, aliud in dilectione perseverare; nec quia ad perseverandum in dilectione sit necessaria gratia, bene inferatur esse necessariam ad diligendum, sed aliunde hoc probari necesse est. At vero dilectio, quæ vocatur efficax in effectum, quia in re ipsa potest consequi effectum servandi omnia præcepta longo tempore, non est sola dilectio, sed est dilectio cum perseverantia. Quomodo enim dilectio faciet servare præcepta longo tempore, nisi ipsa dilectio eodem tempore perseveret? Ergo quamvis homo non possit hanc dilectionem facere per vires naturæ, non sequitur, non posse diligere, sed non posse perseveranter diligere, quod longe diversum est. D. Tho. autem in illo artic. & alii Theologi in hoc puncto non tractant de necessitate gratiæ ad perseverandum in dilectione, sed ad diligendum.

Probat. 4.

16 Et confirmatur, ac declaratur a simili, nam simpliciter verum est, fidelem per ordinarium auxilium gratiæ posse diligere super omnia, & vera dilectione charitatis Deum ut supernaturalem finem, quia potest simplicem actum hujus dilectionis elicere, quamvis illa dilectio cum solo illo auxilio non sufficiat ad servanda omnia præcepta, & vitandum omne peccatum longo tempore, quia auxilium ordinarium gratiæ, quod sufficit ad sic diligendum, non sufficit ad perseverandum diu in tali dilectione, nisi amor, & specialior protectio Dei in natura lapsa homini conferatur. Ergo similiter, si vires naturæ sufficiunt ad eliciendum unum actum omnino absolutum dilectionis Dei super omnia, quamvis per solas illas sine majori auxilio non possit homo perseverare in illo amore, servando diu totam legem, nihilominus simpliciter dicitur amare Deum super omnia per vires naturæ. Deinde in supernaturali amore unus actus dilectionis absolutus est etiam efficax de se ad servandam totam legem, quantum est ex parte sua, & efficaciter avertit voluntatem a peccato, & convertit ad Deum, nam propterea est sufficiens dispositio ad justitiam; ergo similiter actus naturalis dilectionis est de se efficax, si est simpliciter absolutus, est enim eadem proportio. Et ratio utriusque est, quia amor non denominatur efficax observationis totius legis, quia illam de facto operetur multo tempore, quia neque amor supernaturalis hoc semper facit, & multa efficaciter proponimus, quæ postea non facimus. Dicitur ergo efficax, non quia facit, sed quia de se aptus est facere, seu non in effectum, sed in affectum, & quia ille actus quamdiu durat, non admittit secum aliquid contrarium divino præcepto, ergo si homo potest viribus naturæ talem actum elicere, simpliciter dicendum est, posse diligere Deum super omnia per vires naturæ. Et hoc est, quod D. Thom. & alii auctores negant.

Probat. 5.

Vera re-
solutio
difficul-
tatis pos-
ita in n. 1.

17. Igitur defendendo secundam opinionem superiori cap. contentam, quæ sine dubio probabilior est, ad difficultatem positam contra principale fundamentum ejus dicendum est, non solum non posse hominem lapsum viribus naturæ cum effectu perseverare longo tempore servando mandata, sed etiam non posse uno simplici actu, qui brevi tempore, vel etiam in momento haberi potest, absolute, & de se efficaciter velle diu servare omnia mandata. Et inde est, ut non possit simili actu omnino absoluto, & efficaci diligere Deum super omnia, quia hic amor, vel formaliter, vel virtute illud propositum includit. Ratio autem prioris partis est, quia eo ipso, quod diuturna observatio totius legis naturalis prout in executione successive fit, est impossibilis per vires naturæ, etiam simul apprehensa per modum unius objecti amandi, seu proponendi, est objectum simpliciter impossibile viribus naturæ: quia voluntas non potest per vires suas naturales efficaciter velle, quod præstare per easdem vires est sibi impossibile, efficaciter, inquam, etiam ex parte affectus, & per propositum absolutum, ut sumitur ex doctrina Aristot. 3. Ethic. cap. 2. & D. Thom. 1. 2. quæst. 13. art. 5. & in lib. sequenti in multis actibus supernaturalibus declarabitur, & aliquid etiam in cap. seq. dicemus. Igitur ex impossibilitate executionis, quæ dici potest effectiva, oritur impossibilitas objectiva respectu propositi omnino absoluti. Et inde consequenter est, ut supposita fragilitate hominis lapsi ad servandum diu integram legem naturalem, sit impossibilis absoluta dilectio Dei super omnia per easdem vires naturales, quia quod non potest fieri sine gratia, non potest etiam sine gratia absolute, & efficaciter proponi. Ex quo intelligitur facile differentia inter statum naturæ integræ, & lapsæ, & quomodo aliquid potuerit voluntas per vires naturæ in illo statu, quod in præsentia non potest, cum tamen voluntas in sua entitate diminuta non sit, & consequenter nec virtus ejus naturalis activa fuerit remissa. Dicendum est enim, hoc provenire ex mutatione objecti, & ex diminutione potentie executivæ saltem ex parte impedimentorum: nam in Adamo objectum illud servandi semper omnia naturalia præcepta proponi voluntati poterat ut possibile, & facile per vires naturæ, quia nulla erant impedimenta, hunc autem factum est impossibile propter contrariam rationem; illud autem objectum, ut sæpe dictum est, includitur in amore absoluto, & super omnia, sine limitatione enim extendi debet ad placendum Deo semper, & in omni occasione, &c.

Objectio
contra
proximam
resolutionem.

18. Dices. Ergo homo viribus naturæ solum poterit diligere Deum per velleitatem quandam placendi illi, non vero per actum aliquem, vel propositum, quod hoc verbo explicetur, *volo*, consequens autem videtur falsum, & contra experientiam, quia non solum fideles peccatores, sed etiam impii, Judæi Pagani, vel gentiles, qui verum Deum agnoscunt, illum interdum diligunt majori amore. Cujus signum est, quia sæpe ex tali amore moventur ad aliqua opera bona moraliter: velleitas autem non movet ad opus, sed absoluta intentio. Neque dicere possumus cum fundamento, illos infideles habere hujusmodi amorem per auxilia gratiæ, quia hæc incipiunt a fide, ut supra diximus, illi autem solum motivo, & affectu naturali dicuntur.

Finis eno-
datus.

19. Responderetur ad argumentum negando sequentiam, nam inter illam velleitatem, & absolutum amorem super omnia, potest dari aliquis amor medius (ut sic dicam.) Nam potest esse amor Dei absolutus, non tamen universalis, sed particularis. Sicut fidelis peccator vult honorare Deum, credendo in ipsum, & illi soli cultumtribuendo, quamvis non velit, male parta restituere, & sæpe ex affectu ad Deum odit blasphemiam, vel in se, vel in alio, quamvis non amet Deum integrè (ut sic dicam) & universaliter. Aliquem ergo hujusmodi amorem Dei possunt habere infideles, & ex illo moveri ad aliquod opus bonum, quamvis in peccatore fideli sæpius ille amor, licet imperfectus, sit ex gratia, & ideo perfectior. Deinde etiam in amore universali potest inveniri medium inter puram velleitatem, & amorem omnino absolutum. Nam potest esse voluntas per modum propositi ex parte absoluti, & ex parte conditionati, absoluti quidem, quia revera est

Suarez, Tom. VI.

per modum intentionis inducentis ad opus: conditionati vero, quia non omnino excluditur aliqua veluti limitatio, seu determinatio modificans actum.

20. Ad hunc modum explicui in lib. 4. de Prædestin. cap. 2. voluntatem, quam Deus habet salvandi reprobos, quam dixi, esse per modum intentionis inducentis ad conferenda media sufficientia ad salutem, & nihilominus non esse voluntatem omnino absolutam de salute reprobos, sed cum hac modificatione, *quantum in me est*, quæ includit hanc conditionem, *si ipsi velint*. Et fere ad eundem modum explicui actum potentie in tom. 4. disput. 3. sect. 3. Ita ergo in præsentia potest intelligi dilectio Dei aliquo modo absoluta, licet aliqua ex parte conditionem includat, qualis explicatur per hæc verba, *volo, vel propono facere, quod in me fuerit, ad placendum Deo, vel id procurare, quantum potuero*. Nam hic actus non includit repugnantiam, & de se movet ad observationem mandatorum; non potest tamen dici simpliciter absolutus, nam illa modificatio involvit hanc conditionem, *si potuero*. Et ideo fortasse hic actus non repugnat haberi, licet raro, & difficulter per vires naturæ, non potest tamen dici absolutus amor Dei super omnia.

Simili
alia do-
ctrina lo-
cupletur.

21. Potestque hoc magis explicari exemplo voluntatis, seu propositi vitandi omnia peccata venialia per totam vitam, quod per ordinarium auxilium gratiæ potest justus habere. Nam illud propositum prout est simplex actus, qui in instanti fit, est quidem aliquo modo absolutum, quatenus revera homo vult adhibere diligentiam, & facere quod potuerit, & ad id movetur ex vi talis actus, & nihilominus non potest esse omnino absolutus, nam cum includat omnia peccata venialia tam ex surreptione, quam deliberata, ejus executio est simpliciter impossibilis justo per ordinaria auxilia gratiæ, & ideo semper includit hanc modificationem, *quantum in me fuerit*, quæ includit conditionem, *si potuero*, per quam suo modo tollitur impossibilitas in objecto. Ita ergo intelligi potest amor naturalis Dei, qui inducat hominem ad proponendum servare legem naturæ quoad potuerit, non vero omnino absolute, & efficaciter.

Item ex
plo alio.

22. Et fortasse non aliud dicere voluit Molina, & expressius Bannez indicavit dicens, non esse impossibile, quod homo nitatur, & proponat, *quantum in se est*. Et eandem particulam addidit Medina dict. art. 3. ad 5. Verumtamen quod ipsi dicunt, posse hominem ethnicum in primo instanti usus rationis habere illum amorem, & propositum per vires naturæ, saltem cum illa determinatione, quantum in me est: physice quidem verum est, moraliter vero non credo esse ita possibile, ut ad effectum pervenire valeat, & in re ipsa exerceri. Quia ad hujusmodi actum concipiendum, præsertim ex pura benevolentia Dei, magna cognitio Dei, magna que consideratio bonitatis ejus requiritur, quam vix potest homo longo tempore obtinere, nedum in primo instanti usus rationis: quin potius etiam post multum tempus usus rationis existimo esse posse rarissimum illum actum per solas vires liberi arbitrii, quia licet perveniri possit ad illud judicium satis clarum, & de se practice inducens affectum, nihilominus ex parte appetitus erit semper actus ille moraliter impossibilis, vel difficillimus, quia postulat affectum multum liberum a passionibus, quod profecto esse non potest post multum tempus usus rationis, nisi fuerit gratia præventus. Atque ita concludimus, amorem absolutum simpliciter, esse simpliciter impossibile ex parte objecti; amorem vero secundum quid absolutum, id est, includentem illam limitationem, in reliquis vero universalem, & super omnia, esse difficillimum, & ideo vel nunquam, vel rarissime solis naturæ viribus adhiberi posse.

Eadem
mens vi-
detur fusi-
se Molina
Bannez,
& Medina

23. Adhuc vero superest una difficultas, & instantia, quia prædicta ad summum procedunt, quando is, qui Deum diligit, cognoscit imbecillitatem suam ad servandam semper naturalem legem, & impotentiam inde provenientem actu considerat. Sæpe autem contingere potest, ut aliquis hanc impotentiam ignoret; imo existimet, se posse voluntatem illam erga Deum servare, & præcepta omnia legis naturæ suis viribus custodire, si velit; quid enim mirum, si hoc existiment

Instantia.

X Pagani,

Pagani, quandoquidem Judæi, & Pelagiani in hoc fuerunt errore? Imo aliqui etiam Catholici, & Theologi existimant, loquendo de sola lege naturali, hunc non esse errorem: ergo, qui ita existimaverit, poterit simpliciter habere illum amorem, & propositum sine ulla conditione, vel limitatione. Quin potius, etiam sine errore sola consideratio illius difficultatis inducentis in objecto moralem impossibilitatem, sufficit, ut voluntas feratur in illud absolute, & sine ulla conditione, quia tunc objectum solum offertur tanquam bonum, & possibile, non cogitando de difficultate, nec discernendo an illa possibilitas sit tantum physica, vel etiam moralis. At vero in his, qui amant Deum per simplicem, & momentaneum actum, vel proponunt in generali honeste vivere, regulariter intercedit hæc inconsideratio, ferunturque ex sola pulchritudine, vel honestate objecti: ergo.

Solutio.

24. Respondeo in priori casu de ignorantia per errorem, amorem habere quidem formam, & speciem absoluti actus, re tamen vera semper involvere conditionem, quæ illum inefficacem reddit. Declaratur, quia ideo talis actus tunc videtur habere formam absoluti, quia operans putat conditionem ex parte objecti necessariam ad talem actum in re subsistere, & ita semper includit dependentiam a tali conditione, ideoque cum vere, & in re ipsa non sit impleta, actus semper est virtute conditionatus, & inefficax. Idemque est servata proportionem in alio casu de inconsideratione, quia sicut amat, & proponit propriis viribus, ita ex parte objecti includit respectum ad proprias vires, atque ita semper includit virtutalem conditionem. Quod non invenitur in actu supernaturalis amoris Dei, nam sicut concipitur ex viribus gratiæ, ita ex parte objecti, & quoad executionem ejus habet respectum ad vires gratiæ, quæ ex parte Dei semper dantur sufficientes etiam inoraliter, omnibus ex vera charitate diligentibus ipsum.

Ultior
Solutio.

25. Ex quo tandem considerari potest alia ratio inefficiæ in illo actu amoris naturalis, quantumvis ex errore, vel inconsideratione per modum absoluti concipitur, semper enim est de se infirmus, ac debilis ad vincendas difficultates. Ideo enim quis in talem amorem prorumpit, quia vel non intelligit, vel non cogitat, quam arduum habeat objectum, ex quo fit, ut occurrente postea difficultate, facile a tali proposito recedatur, quia revera, qui sic afficitur, nunquam voluit Deum talibus difficultatibus præponere, sicut qui vult aliquid per ignorantiam, non censetur id voluisse, quia ignorantia involuntarium causat. In quo etiam diversa est ratio de amore charitatis, nam ille fundatur in fide, & spe divini auxilii de se sufficientis ad superandas difficultates amoris contrarias, & ideo etiam comparando unum simplicem actum amoris ad alium, multo efficacior est amor infusus in suo ordine, quam amor naturalis in suo, quia & ex perfectione sua longe potentior est ad vincenda contraria, & ex parte objecti executio est illi possibilis ratione auxilii divini, illi quasi connaturaliter debiti, quod non habet amor naturalis, ut explicatum est.

Exten-
duntur
dicta ad
amorem
concupi-
scentiæ.

26. Unde ulterius si quis consideret rationem, ob quam dicimus hunc amorem non posse fieri viribus naturæ, intelliget, assertionem non solum esse veram de amore benevolentiae, sed etiam de amore concupiscentiæ Dei, ut est nostrum bonum beatificum naturale, si sit in sua specie perfectus, & super omnia modo in cap. precedenti explicato. Probatur, quia etiam amor includit propositum servandi omnia præcepta naturalia, & vitandi omnia peccata auctori naturæ contraria. Quia licet non includat hoc propositum sub ratione tam perfecta, quam est ratio amoris benevolentiae, nihilominus absolute includit illud, sicut intentio effiçax finis propositum mediorum includit. Quia observantia omnium præceptorum naturalium est medium necessarium ad consequendum bonum sic amatum, non enim potest esse beatus, etiam naturaliter, qui authorem suum offensum habuerit: ergo eadem ratio impotentiae est in homine lapsa ex parte hujus propositi ad hunc amorem, quæ est ad amorem benevolentiae. Probatur, quia difficultas illius propositi non est posita in hoc, quod sub hac vel illa

ratione magis, vel minus perfecta habeatur, sed in substantia (ut sic dicam) absoluti propositi, quia executio ejus quoad observanda omnia præcepta etiam quoad substantiam eorum est impossibilis homini lapsa per vires naturæ, & ideo talis executio objective proposita est objectum impossibile, ac subinde incapax naturalis propositi absoluti. Hæc autem ratio eodem modo procedit in tali proposito sub quacunque ratione naturali proponatur. Ob hanc ergo causam credimus assertionem propositam tam esse veram de amore concupiscentiæ Dei super omnia, quam benevolentiae. Et licet authores hoc discrete non explicaverint, tamen vel indistincte loquuntur, vel qui unum affirmant, aliud non negant, uno, vel alio excepto, qui alio fundamento ducitur, scilicet, quod omnis amor benevolentiae sit supernaturalis, quod supra refutatum est.

C A P U T XXXV.

Quæ gratia sit necessaria in statu naturæ lapsæ ad diligendum amore naturali super omnia Deum ut authorem naturæ?

1. **D**UAS difficultates in cap. 32. num. 1. & 2. in solutione relinquimus, quibus in hoc, & sequenti capite satisfaciendum est. In priori postulatur, utrum ad habendum hunc actum in hoc statu, necessaria sit habitualis gratia sanans naturam quoad ablationem culpæ. Ita enim nonnulli affirmant, credentes esse sententiam D. Thomæ dicta quæst. 109. art. 3. quoniam dicit, hominem in statu naturæ corruptæ ab hac dilectione deficere, nisi sanetur per gratiam Dei. Gratia autem sanans naturam non est nisi gratia habitualis: Potestque hoc quoad mentem D. Thomæ confirmari, quia eadem gratia requiritur ad diligendum Deum super omnia, quæ ad servanda omnia præcepta naturalia longo tempore, juxta dicta in capite præcedenti; sed D. Thomas in artic. 4. docet, non posse hominem implere omnia mandata sine gratia sanante, & clarius artic. 8. dicit, non posse vitare omnia peccata sine gratia habituali sanante; idem autem est, vitare peccata, & servare præcepta, quia non peccatur, nisi contra præceptum, unde nec vitantur peccata, nisi servando mandata; ergo cum D. Thom. dicit, requiri gratiam sanantem ad servanda omnia mandata, de gratia habituali loquitur; ergo in eodem sensu dicit, requiri gratiam sanantem ad diligendum Deum. Secundo potest eadem mens D. Thom. colligi ex dicto artic. 4. ad 3. quatenus dicit, non posse hominem lapsum implere præceptum de dilectione Dei ex puris naturalibus, secundum quod ex charitate impletur, quod interpretandum videtur causaliter, scilicet, quia illud præceptum naturale non impletur in hac vita, nisi secundum modum charitatis; sed ad implendum quodlibet præceptum secundum modum charitatis est necessaria gratia habitualis, quæ a charitate non separatur; ergo eadem gratia requiritur in hoc statu ad diligendum super omnia Deum, etiam ut finem naturæ. Atque ita sentit Conrad. in dicto artic. 3. & insinuant alii recentiores Thomistæ, & plures Theologi, licet ex aliis principiis, ut statim referam.

1. Opinio.

2. Ut fundamentum, & veritatem hujus sententiæ expendamus, oportet advertere, duobus modis cogitari posse, hanc dilectionem non posse elici ab homine lapsa sine gratia habituali, scil. vel consequenter ordine saltem naturæ, licet concomitanter duratione temporis, vel antecedenter, sive ordine temporis, sive saltem naturæ. Priori modo existimant aliqui Theologi antiqui, necessario esse conjunctam virtutalem gratiam, cum hac dilectione, quia est sufficiens dispositio ad gratiam, & ita si non præcedit gratia, saltem consequitur ad illam. Hæc sententia tribuitur Scoto locis citatis cap. 32. Veruntamen cum Scotus in tali dilectione, ut sit ultima dispositio ad gratiam, certam quandam durationem ejus requirat, potius supponit, in tempore breviori posse dilectionem illam esse sine habituali gratia. Tribuitur etiam Cajetano a nobis etiam citato in cap. 32. nu. 3. Sed ille potius docet expresse, posse hunc amorem aliquo tem-

1. Opinio
alluens
amorem
prædi-
ctum, &c.

pore esse informem, id est, non formatum charitate, & consequenter sine gratia. Magis inclinant in hanc opinionem Gabriel, & Almainus, qui cum dicant, illum amorem esse sufficientem dispositionem, & certam ejus durationem, aut intentionem non postulent, consequenter dicere coguntur, illum actum non esse sine habituali gratia. Veruntamen fundamentum hujus sententiæ reprobum est, & erroneum, quia de fide certum est, nullum actum solis viribus naturæ elicitum esse sufficientem dispositionem ad gratiam, ut infra ostendimus. Et hinc aperte concluditur, ratione concomitantia, seu necessaria consecutionis non esse necessariam gratiam habitualement ad habendum hunc actum, quia nulla alia ratio illius concomitantia cogitari potest, præter rationem dispositionis ultimæ.

3. Dices, hoc recte concludere contra prædictam opinionem, quæ assererat, illum actum dilectionis Dei fieri viribus naturalibus: posse autem aliquem dicere illum actum elicitum per auxilium gratiæ esse sufficientem dispositionem ad habitualement gratiam, & ita nunquam separari ab illa, saltem consequenter: sic n. hæc sententia non repugnat alteri dogmati, quod actus elicitus solis viribus naturæ non est sufficiens dispositio ad gratiam. Respondeo, etiam in hoc sensu illam sententiam non esse probabilem, sed omnino falsam: suppono enim sermonem esse de actu dilectionis naturalis, ut per se, & ex natura sua elici potest per solas vires liberi arbitrii, licet ex accidenti in natura lapsa, vulnera, & impedimenta ejus, hoc impediant. Unde etiam supponimus, sermonem esse de dilectione, quæ præcise terminatur ad Deum ut authorem naturæ, & solum includit observantiam præceptorum naturalium. Quod adverto, quia potest aliter dici, in hoc statu dilectionem Dei etiam ut est author naturæ, nunquam elici, nisi per actum verum charitatis, & sub altiori ratione, qui modus dicendi est omnino distinctus ab opinione, quam nunc tractamus, & paulo post examinabitur, a num. 13.

4. His ergo positis dico, talem actum, etiam ut elicitum per auxilium gratiæ non esse dispositionem, præsertim ultimam ad habitum gratiæ, saltem per se loquendo, & extra sacramentum. Hoc enim nunc satis est, ut talis actus etiam sic factus non habeat necessariam conjunctionem cum habitu gratiæ, ut per se constet. Probatur autem assumptum primo, quia infra ostendam, nullum actum naturalem habentem eam tantum perfectionem, quæ de se viribus naturæ fieri potest, esse dispositionem ad gratiam, solum quia fit ex aliquo auxilio gratiæ, quia extrinsecum principium efficiens, si non reddat actum in se meliorem, & perfectiorem, non reddit illum magis aptum, ut ad gratiam disponat. Secundo magis in particulari, quia illa dilectio non convertit hominem ad Deum secundum supremam rationem ultimi finis supernaturalis, & consequenter non potest esse fundamentum propriæ amicitia divina, quæ in supernaturali communicatione fundatur. Item non includit propositum servandi omnia præcepta supernaturalia, & consequenter nec dolorem de peccatis contra eadem præcepta, neque de aliis ut avertunt a fine supernaturali, & ideo non potest esse sufficiens dispositio ad justitiam, seu gratiam habitualement, neque ad remissionem peccati, quod a Deo, ut sine supernaturali hominem avertit. Tertio probatur ex Concilio Tridentino sess. 6. cap. 6. ubi describens dispositionem ad justitiam, amorem Dei authoris supernaturalis justitiæ requirit, & sess. 14. cap. 4. dicit, tunc contritionem ad justificationem sufficere, quando est charitate formata. Igitur manifestum est, dilectionem Dei in se naturalem, quantumvis ex auxilio gratiæ procedat, non esse dispositionem ultimam, ac proinde hoc titulo non habere consequenter, seu concomitanter gratiam habitualement sibi conjunctionem.

5. Alii ergo dixerunt, gratiam habitualement esse necessariam ad hunc actum dilectionis antecedenter; illius autem necessitas duplici modo explicatur. Primo, ut gratia habitualis prærequiratur tanquam prævia dispositio necessaria, ut homo in hoc statu sit capax talis amoris, quia homo in peccato existens, ac permanens est incapax illius, sed in hoc statu non potest esse

sine gratia, aut peccato; ergo nisi præcedat gratia, & tollat peccatum, impossibile est habere talem actum. Consequentia patet ex dictis in primo puncto, quia hic actus nec sufficit ad tollendum peccatum, neque proxime ad gratiam disponit; si ergo homo existens in peccato, illum actum eliciat, inanebunt simul dilectio, & peccatum. Quod autem hoc repugnet, patet, quia alias talis homo simul esset averfus, & conversus ad Deum, item esset conversus simul ad Deum, & ad creaturam ut ad ultimum finem. Nam peccator diligit creaturam ut ultimum finem, & qui diligit Deum super omnia, eum etiam diligit ut ultimum finem. Hoc autem repugnat; tum quia nulla esse potest conventio lucis ad tenebras, Christi ad Belial; tum etiam, quia non potest homo simul habere duos fines ultimos diversos, nedum repugnantes, juxta doctrinam D. Thom. 1. 2. quæst. 1. art. 5.

6. Hæc vero ratio, ut jam supra tetigit, non probat intentum, quia peccatum originale, vel habituale, & hic actus amoris naturalis non habent inter se formalem repugnantiam. Quod probo primo, quia anima separata pueri decedentis sine remedio peccati originalis potest diligere Deum, ut authorem naturæ super omnia, & tamen est in peccato originali, quod post hanc vitam non tollitur, maxime per actum merenaturalem; ergo ibi manent simul peccatum originale, & dilectio actualis, atque ita in illo exemplo manifeste deficit discursus illius rationis. Probatur ergo major, primo ex D. Thom. in 2. distinct. 33. quæst. 2. artic. 2. ad 5. ubi ait, pueros decedentes sine baptismo, quamvis sint separati a Deo quantum ad conjunctionem gloriæ (adde etiam gratiæ) non tamen esse penitus separatos, quia sunt conjuncti per participationem naturalium bonorum. Et ita (inquit) de illo gaudere poterunt naturali cognitione, & dilectione. Unde plane concedit quod in argumento sumperat, illos pueros sicut naturalem cognitionem Dei habebunt, ita posse Deum naturaliter diligere, ubi licet non addat particulam, super omnia, tamen loquitur de tota dilectione Dei per se possibili per vires naturæ. Et ita intellexit, & securus est D. Thom. Soto libr. 1. de Natur. & grat. cap. 14. & probat optima ratione, quia naturalis ratio eo inclinat, & ibi cessat impedimentum ponderis carnis: quam rationem nos statim urgebimus, additque per multos tenere illam sententiam, quam etiam sequitur Medina dicto artic. 3. in 4. conclus. de dilectione naturali, ubi etiam ita intelligit D. Thom.

7. Ratione etiam tacta videtur convinci, quia hic actus est possibilis per vires intrinsecas voluntatis, quæ in pueris illis integræ manent, & in eis non est inordinata concupiscentia, nec futura est aliqua gravitatio, ut suppono; ergo possunt illi pueri integræ, & adæquate exercere vires sui arbitrii, diligendo Deum, nam sola culpa, seu privatio gratiæ non potest impedire usum facultatis naturalis, ut in 1. libr. late probavi. Et confirmatur, quia puer existens in solo originali post hanc vitam, vel anima ejus potest implere omnia alia præcepta naturalia viribus naturæ propter rationem factam, quod ibi cessant impedimenta concupiscentiæ, & similia hujus vitæ, unde quoad hoc assimilatur ille status statui naturæ integræ gratia carentis; ergo potest etiam diligere Deum super omnia, quia qui potest exequi suis viribus observantiam totius legis naturalis, potest etiam illam absolute, & efficaciter proponere, quod solum desiderabamus in homine lapsæ, ut posset hunc actum dilectionis super omnia elicere.

8. Secundo est ratio a priori, quia actus, & habitus non opponuntur formaliter, ideoque simul esse possunt circa contraria objecta, ut ex Philosophia constat; peccatum autem originale quasi habituale est, sicut & personale, quatenus reatu manet, actu transacto, & ideo actus dilectionis naturalis non opponitur formaliter habituali peccato. Ac proinde ex hac parte non repugnat, actum naturalis dilectionis Dei simul esse cum peccato originali, vel alio habituali. Imo etiam de dilectione supernaturali, & charitatis diximus in materia de Incarnat. & de Pœnitent. non excludere formaliter culpam habitualement, licet per illam expel-

rem gratiam habitualement. 1. Modus explicandi hanc opinionem.

Prædictus explicandi modus impugnatur. Primo.

Proceditur proxima impugnatio.

Impugnatur 2. a priori.

Fius fundamentum.

Reprobatur dicta opinio cu fundamentum eo ipsius.

Est vero falsa dicta opinio. est dicta dilectio amoris naturalem cu auxilio speciali crei.

Accessio contra præcedentem opinionem.

Probatur.

Secundo.

Tertio.

2. Opinio Alvar. lib. 6. de Auxil. disp. 1. n. 8. requirens ad prædictam amorem.

Jatur talis culpa, quatenus disponendo proxime ad gratiam, efficaciter impetrat remissionem culpæ. Dilectio autem naturalis non sufficienter disponit ad gratiam, & remissionem peccati, ut ostensum est, & ideo neque isto modo repugnat cum habituali peccato. Accedit, quod conversio illa, vel aversio originalis, vel habitualis peccati præter privationem gratiæ habitualis non est aliquid physicum, sed morale, & ideo minorem habet repugnantiam cum actuali conversione contraria, & physica, ideoque de potentia absoluta non repugnat, habitualement culpam simul esse cum actu charitatis, ut in materia de Pœnitent. docui, & inferetiam dicam. De potentia autem ordinaria hoc non habet locum, quando amor Dei est perfectus, & charitatis, quia est plena conversio ad Deum, & integra retractatio peccati. Hoc autem non habet dilectio naturalis, ut satis explicui, & ideo etiam de potentia ordinaria non repugnat talem dilectionem esse simul cum originali, vel habituali peccato.

Obje. 510. 9. Dices, quævis illa dilectio non plene convertit voluntatem ad Deum, nec avertat ab omni peccato, saltem convertit sufficienter ad Deum ut finem naturalem, & avertit ab omni peccato contrario legi naturali; ergo saltem sufficit, ut remittatur macula peccati ex ea parte, qua avertit hominem a fine naturali, quia non repugnat, hominem esse aversum a fine supernaturali, & non a naturali, nam de originali peccato ita multi sentiunt, & in quocumque fieri posse docuit Cajetan. 1. 2. quæst. 113. art. 2. Respondetur, quidquid sit, an de potentia absoluta sit possibilis dimidiata venia, seu remissio peccati quoad culpam, de lege ordinaria, & juxta divinam institutionem, certum est non ita remitti culpam peccati. Itemque certum est, naturalem actum non esse sufficientem ad tollendam, vel minuendam culpam, quia aversio moralis a Deo ut fine naturali, quando sit, seu contrahitur, semper est conjuncta cum aversione a fine supernaturali, & ideo nunquam tollitur sine dispositione, vel forma, quæ ad finem supernaturalem hominem convertat. Præterquam quod, licet Deus illo modo remitteret aversionem tantum a fine naturali, id non faceret, infundendo gratiam, nec justificando hominem, & ideo etiam tunc talis dilectio non supponeret gratiam, neque illam necessario conjunctam haberet; ergo multo minus nunc illam prærequirit, quando ille actus non sufficit ad culpam ullo modo tollendam aut minuendam.

Alterme-
cus expli-
candi 1. 0.
pinionem
10. Alio ergo modo dicitur necessario præsupponi gratia ad hujusmodi actum dilectionis, quia est veluti principium, seu fundamentum ejus. Non quidem quia gratia, vel charitas, sit proprium principium, aut virtus talem actum eliciens, nam virtus infusa non elicit actum acquisitum, seu naturalem: sed quia talis dilectio non fit, nisi per auxilium gratiæ sanantis; hoc autem auxilium non datur, nisi iustis, quia non datur, nisi ratione ipsius gratiæ habitualis sanantis animam. Nam illi soli debetur, & non est cur gratis detur homini indigno, & peccatori, cum actus ille non sit necessarius, imo neque per se ordinatus ad remissionem peccati, vel ad justitiam obtinendam.

Probabi-
lis prædi-
cta opi-
nio, si re-
quirat
habitualement
gratiam
non ex
natura rei
sed Dei
esse.
11. Ex hac vero ratione, seu declaratione inprimis sumo, ex natura rei non esse necessariam gratiam habitualement ad eliciendum hunc actum, quia illa, nec per se, nec per habitus suos elicit hujusmodi actum; ergo sine illis habitibus potest dari voluntati sufficiens adjutorium ad efficiendum illum actum; hoc autem adjutorium non est per se connexum cum tota habituali gratia, neque ex natura rei illam necessario supponit, hoc enim neque ratione facta probatur; neque ulla occurrat, qua possit fieri verisimile. Ergo ad summum relinquitur, gratiam habitualement prærequiri ad hunc actum dilectionis ex lege, & ordinatione divina, non ex necessaria rerum connexione, sed quadam morali congruentia. Sicut supra dicebamus, ad non peccandum diu contra legem naturæ necessariam esse in hoc statu gratiam habitualement, non ex natura rei, sed ex lege divina. Idem ergo erit in præsentī, quia dilectio super omnia habet annexam observationem omnium mandatorum, & illi æquiparatur juxta superius dicta.

12. Atque hic modus dicendi sic expositus probabi-

lis est, sed mihi valde incertus. Primo, quia quod Deus peccatoribus præsertim fidelibus nunquam det sufficienter auxilium ad hujusmodi actum, nisi prius se disponant ad justitiam, pendet ex divina voluntate, quæ vel autoritate debet nobis innoscere, vel ex effectibus sufficienter colligi. In præsentī autem nulla est autoritas, vel testimonium, quo de tali divina voluntate constet, nullum enim assertur, neque ego illud invenio. Neque etiam ex effectibus colligitur, quia multi diligunt Deum, qui nesciunt, an amore, vel odio digni sint, qui etiam ignorant, an dilectio illa, quam experiuntur, sit naturalis, vel supernaturalis, perfecta, vel imperfecta; ergo ex effectibus cognosci non potest, an peccator recipiat auxilium ad eliciendum actum naturalem dilectionis Dei, nec ne? ergo nulla via ostendi potest, Deum non dare hoc auxilium, nisi tantum iustis. Neque etiam conjectura ad id persuadendum adducta, est magni momenti, quia licet hoc auxilium non sit debitum peccatori, potest nihilominus illis gratis donari, sicut multa alia dona, & auxilia gratiæ ei conferuntur. Et licet actus naturalis dilectionis non sit necessarius ad conversionem peccatoris, potest tamen esse utilis, quod satis est, ut auxilium ei conferatur. Sicut etiam iusto non est necessarius hic actus, sufficit enim illi amor charitatis, imo melius ei esset, hunc semper exercere: & nihilominus Deus pro admirabili, & varia suæ providentiæ dispositione, interdum tribuit auxilium ad hunc amorem, interdum ad perfectiorem, prout ei placet, vel prout occasiones occurrentium causarum postulant, quibus ipse accommodat quoad auxilia gratiæ, quantum, & quomodo vult. Neque etiam est necessaria illa comparatio inter actum dilectionis, & diuturnam observantiam mandatorum, quia hæc consistit in executione, quæ successu temporis, & multis actibus fit, ideoque ad illam necessaria est specialis Dei protectio, & perseverantiæ donum, vel integrum, vel magna ex parte, quæ sunt propria filiorum: at vero dilectio consistit in uno actu simplici, quæ objective tantum includit observantiam mandatorum, utique in proposito, & ideo ad illum sufficit unus, vel aliud auxilium, quod etiam solet peccatoribus communicari. Quapropter probabilius existimo, etiam ex hoc cap. non necessario præsupponi gratiam habitualement ad hunc actum, ac proinde posse hunc actum inveniri in peccatore, præsertim fidei, quid vero de infidei sentiendum sit, paulo post dicam.

13. Præter dictas sententias invenio aliam viam fundandi necessitatem gratiæ habitualis ad diligendum Deum, ut authorem naturæ super omnia, nimirum quia in hoc statu non diligitur Deus etiam ut author naturæ per actum naturalem, sed solum per infusum, & supernaturalem. Unde quia amor supernaturalis Dei non est nisi amor charitatis, quæ semper est conjuncta gratiæ tanquam radici, & principali fonti, ideo talis dilectio nunc semper gratiam prærequirit. Hanc opinionem indicat Conrad, dict. art. 3. in fine corporis, ubi notat differentiam inter hominem in hoc statu, & in natura integra; quod nunc *sanatus per gratiam, non diligit Deum naturaliter, sed gratuito amore, homo autem in natura integra diligit naturaliter, id est, ex natura tantum, exclusa gratia gratum faciente, Deum super omnia*. Quæ differentia non videtur posse in alio sensu intelligi. Et videtur illi favere D. Thom. in secundo loco supra allegato, ubi significat hanc dilectionem semper nunc esse secundum modum charitatis. Ratione potest etiam hæc opinio suaderi, quia homo lapsus non resumit vires (ut ita dicam) ad diligendum Deum, nisi mediante fide, quæ est totius justitiæ fundamentum, sed per fidem non movemur ad diligendum Deum, nisi ut objectum supernaturalis amoris; ergo in hoc statu nunquam diligitur Deus super omnia, ut est author naturæ, quin eodem actu diligatur ut objectum supernaturale, ac subinde amore charitatis.

14. Veruntamen neque ista sententia vera mihi videtur, neque ad mentem D. Thom. Ille enim in dicto art. 3. sicut in Angelis, & in homine integro, ita etiam in homine lapsa duos actus amoris docet inveniri posse, naturalem scilicet, & supernaturalem, differentiam autem in hoc solum constituit, quod in Angelis, & homine

2 Assertio
prædicta
opinio est
omnino
incesta.
Probatur
1.

Probatur
2.

Conjectu-
ra pro ea
in nu. 10.
diluitur.

Opinio 1.
principa-
lis.

Ejus ratio

Assertio 3
contra
proximam
opinionem.

mine integro poterat liberum arbitrium cum solo generali concursu elicere talem actum, in statu autem naturæ lapsæ non potest, nisi juvetur, ita vero adjutum possit illum actum ejusdem speciei, & naturæ elicere, alias falsum esset, posse hominem lapsum elicere talem actum, etiam cum adjutorio Dei. Atque ita intellexerunt, & secuti sunt D. Thomam Cajetan. Soto, Medina, & alii authores. Et idem supponunt Theologi antiquiores, sive enim sentiant, hunc actum naturalem posse fieri ab homine lapso per vites arbitrii, sive cum auxilio gratiæ, omnes supponunt, posse esse in illo sine modo charitatis, & ejusdem speciei, cujus esset in homine puro, ut loquitur Divus Thomas quodlibet. 1. art. 8.

Probat
ratione.

15. Et ratione probatur, quia homo lapsus præter cognitionem fidei potest habere cognitionem naturalem Dei, & ad illam in suo ordine obtinendam, & ad judicium ferendum, quomodo sit diligendus Deus sic cognitus, potest a Deo specialiter juvari, non confundendo naturale judicium cum judicio fidei, neque illi adjungendo peculiarem modum fidei in certitudine, vel aliam similem proprietatem, sed tantum juvando, ut in proprio ordine judicium naturale perfectum sit; ergo simili modo potest voluntas in hoc statu sequi intellectum amando Deum solum ut propositum per naturalem cognitionem, & judicium, & similiter juvari a Deo ad amandum illud objectum super omnia prout præcise proponitur, ac subinde dilectione naturali sine elevatione, vel confusione cum amore charitatis. Antecedens videtur profecto per se notum, quia ille modus providentiæ non solum non includit repugnantiam; verum etiam non excedit debitum ordinem, & suavitatem providentiæ Dei cum hominibus hujus status. Unde non solum illud intelligimus de potentia absoluta, sed etiam de ordinata; imo credimus, hoc auxilium sæpe datum esse a Deo Philosophis etiam infidelibus ad naturalem Dei cognitionem verius obtinendam, maxime ad speculativam. Cur ergo non interdum id faciet in practica? Consequentia vero probatur a paritate rationis, & quia nulla probabilis apparet, ut hunc modum providentiæ, & usum ejus negemus. Alias eadem ratione dici posset, Deum non juvare hominem lapsum ad habendum aliquem amorem ipsius Dei in hac vita, nisi ad supernaturalem, & infusum, & consequenter quoties aliquem Dei amorem in nobis experimur, certum nobis esset talem amorem esse supernaturalem, & charitatis, quod certe incredibile est, & parum consentaneum aliis dogmatibus fidei, præsertim illi, quod non possumus esse certi de nostra justitia.

Excludi-
tur unus
sensus as-
sercionis
3.

16. Quocirca tribus modis intelligere possumus, hominem lapsum diligere super omnia Deum ut finem naturalem. Primo amando unico simplici actu Deum ut authorem omnium bonorum gratiæ, & naturæ. Ubi particula, *ut*, non rationem, sub qua tendit actus in tale objectum, sed in quam tendit, demonstrat. Tunc autem ratio authoris naturæ non est in illo objecto adequata, sed in adequata modo nostro intelligendi respectu talis amoris. Nihilominus tamen non potest sic diligi, nisi modo supernaturali, quia totum illud objectum supernaturale est, & bonitas illa naturalis non amatur, nisi ut inclusa in una eminentissima bonitate, quæ omnia complectitur. Quapropter de hoc actu verum est, esse proprium amorem charitatis, & non posse haberi sine habitu gratiæ, vel præexistente, quando ille actus elicitur ab habitu charitatis, vel saltem consequente secundum ordinem naturæ, ut in primo actu, qui non elicitur ab habitu, sed ad illius infusionem disponit. Sed tamen nunc de hoc actu non tractamus.

Excludi-
tur alter
sensus.

17. Secundo modo potest diligi Deus ut finis naturalis in ratione objecti formalis, quod amatur, ita ut illa præcisa ratio sit adequata objecto illius amoris, quia præcise sub ea ratione consideratur, & voluntati proponitur. Potest autem sic proponi, & considerari per solam fidem, nam sicut hæc veritas, quod Deus sit author naturæ, licet possit cognosci ratione naturali, altiori modo cognoscitur, & creditur per fidem, ita etiam sine interventu rationis naturalis potest fides proponere voluntati Deum ut finem naturalem tan-

Suarez Tom. VI.

quam super omnia diligendum; potest ergo etiam a voluntate sic amari. Tunc autem amor ille, si procedat ex conformitate illius ad regulas fidei, & prudentiæ infusæ, in se est supernaturalis, & specie distinctus ab actu mere naturali, sicut de aliis etiam actibus moralium virtutum infusarum lib. sequenti dicemus. Ideoque ad habitum charitatis pertinet, & ut connaturali modo fiat, illum, & consequenter etiam gratiam prærequirit. Nihilominus tamen ille actus esse potest ante habitum gratiæ ex solo auxilio divino, non tantum ordine naturæ, quod est fere certum, sed etiam duratione temporis, quod est valde probabile, quia ille actus, etiam si charitatis sit, non est ita perfectus, ut sit sufficiens dispositio ad gratiam, quia non perfecte convertit animam ad Deum, & ad omnium præceptorum ejus observationem, ut ex supra dictis intelligi potest. Sed de hoc latius in materia de Justificatione, nam etiam nunc non de isto actu tractamus, quem supernaturalem esse supponimus.

18. Tercio ergo modo diligitur Deus ut author naturæ secundum eam præcise rationem per naturale lumen consideratus tanquam dignus, ut diligatur super omnia secundum rectam rationem, sicut diligitur ab Angelo, vel potuit diligi ab homine integro ex puris naturalibus. Et hunc actum dicimus esse posse in homine lapso a Deo convenienter adjuto, & nihilominus esse ejusdem speciei, & substantiæ, cujus esset in natura integra, sicut observatio aliorum præceptorum naturalium est ejusdem speciei, licet fiat cum adjutorio gratiæ. Unde etiam sit, talem actum in natura lapsa de se non postulare habitum infusum; imo neque fidem, quantum est ex natura ejus, quia per se non procedit ex fide. Atque ita concludimus, habituales gratias non esse necessarias ad eliciendum hunc actum in natura lapsa; ostendimus enim, hujusmodi necessitatem nulla ratione sufficienti, aut fundamento niti, sine ratione autem non est talis necessitas asserenda. Eo vel maxime, quod etiam exemplo, & ratione ostendimus, inveniri hunc actum sine gratia habituali, si ve antecedente, si ve consequente. Et hanc sententiam supponit Cajetan. 1. 2. quæst. 1. 13. art. 2. nam propterea dixit posse hominem esse aversum a Deo ut sine supernaturali, & conversum ad eum ut finem naturæ. Sequitur Medina quæst. 109. art. 3. circa finem. Soto in 4. distin. 17. quæst. 2. art. 5. §. *Contra hæc*. Vega quæst. 10. de Justificat. & idem sentit Marfil. in 1. quæst. 20. & in 2. quæst. 18. & faver D. Thom. in 2. distin. 33. quæst. 2. art. 2. ad 5. quem locum supra num. 6. tractavimus. Et bene explicat Molin. in Concord. quæst. 13. artic. 13. d. 19. memb. 6. ratione 6. & disp. 33. & 36.

19. Neque contra hanc resolutionem obstat, quæ proponebatur: nam inprimis quod D. Thom. dixit art. 3. de homine lapso propter corruptionem naturæ, nisi sanetur per gratiam, etsi intelligatur de gratia habituali, & de sanitate a culpa, referenda est, non solum ad actum dilectionis, sed etiam ad executionem ejus per observantiam diuturnam omnium præceptorum naturalium. Et hoc sine dubio intendit D. Thom. in illa parte rationis suæ. Cum vero concludit de actu dilectionis, non dicit esse necessariam gratiam sanantem, sed *auxilium gratiæ sanantis*, quod certe minus est, & sæpe dati solet ante gratiam ipsam sanantem, ut per illud homo paulatim ad habituales gratias disponatur. Et hac ratione merito ita vocatur, etiam si antecedit, quia propter illam datur, vel quia per illud incipit debilitas naturæ sanari, & ita communiter appellatur. De hoc ergo auxilio loquitur D. Thom. in conclusione illius artic. 3. neque in hoc admittenda est æquiparatio inter singularem actum dilectionis, & diuturnam observantiam mandatorum, ut jam dictum est, & ratio differentiæ est assignata.

20. In alio vero loco artic. 4. ad 3. non loquitur D. Thom. de præcepto dilectionis Dei ut ad puram naturam pertinet, & per actum naturalem impleri potest, sed de præcepto integro dilectionis Dei, prout Deut. 6. & Matth. 22. propositum est, quod ex charitate, seu cum modo charitatis impleri debet. Et similiter loquitur de illo præcepto D. Thom. 1. 2. q. 100. art. 10. ubi hac ratione ad 3. dixit, præceptum charitatis non impleri sine gratia, quod etiam de habituali verum est.

3. Sensus
in quo as-
sertio 3.
procedit.

Ad locum
D. Thom.
in contra-
rium ad-
ductum
in num. 1.

Ad locum
alterum
in eodem
num. 1.

Nunquam tamen dixit D. Thomas præceptum illud, prout nascitur ex pura natura, non posse fieri in natura lapsa per actum naturalem, aut non posse observari sine modo charitatis infusæ. Neque obstat, quod in dicta solut. ad 3. artic. 4. cum dixisset, præceptum illud secundum quod ex charitate impletur, non fieri ex solis viribus naturalibus, adjungit, ut ex supradictis patet, id est, ex dictis in artic. 3. ut notatur in margine, ubi de puro actu dilectionis naturalis aperte loquitur. Non, inquam, hoc obstat, quia fortasse non refert artic. 3. sed ea, quæ proxime dixit in corpore articuli, ubi docuerat, nullum præceptum impleri quoad modum charitatis sine gratia, vel referatur artic. 3. addendum est, in solut. ad 1. ubi dixerat, charitatem eminentius diligere Deum, quam natura diligit. Nam in corpore articuli nihil dixerat de modo charitatis, sed de solo actu dilectionis naturalis, & ad illum requirit auxilium gratiæ, non propter modum charitatis, sic enim eadem esset ratio in Angelo, & in homine integro, sed propter naturæ lapsæ corruptionem. Nisi velimus loqui de modo charitatis, non secundum adæquationem, sed secundum proportionem; quia sicut dilectio charitatis Dei est super omnia simpliciter, ita dilectio naturalis est super omnia in suo ordine. Sic autem ille modus non requirit gratiam ex se, & ex objecto suo, sed tantum per accidens in lapsa natura propter debilitatem ejus, quæ per auxilium sine habitu adjuvari potest.

Assertio 4.
In ordine.
Auxilium
naturale
sufficere
ad dictum
amorem.

21. Occurrit autem ulterius inquirendum, quale sit hoc auxilium, id est, an sit necessarium auxilium ordinis supernaturalis, vel sufficiat aliquod auxilium naturalis ordinis. Videri enim potest, esse necessarium auxilium supernaturalis ordinis, quia non datur, nisi mediante fide, quæ est fundamentum totius iustitiæ, & omnium, quæ ad illam conducunt. Unde per illam etiam impetrantur omnia auxilia, quæ in hac vita ad bene vivendum dantur, inter quæ non immerito numerandum est hoc auxilium. Nihilominus dicendum est, auxilium præcise necessarium ad habendum hunc actum in natura lapsa, esse ordinis naturalis. Probat, quia auxilia suapte naturæ ordinis supernaturalis solum sunt per se necessaria ad actus ejusdem ordinis, ut sunt actus virtutum infusarum, & donorum; at vero hic actus dilectionis non est ordinis supernaturalis, neque elicitur a virtute infusa charitatis, ut explicatum est; ergo de se non requirit auxilium ordinis supernaturalis. Aliunde vero ad supplendum defectum ex naturæ corruptione contractum sufficienti auxilia ordinis naturalis, quibus, vel imago illustratur intellectus in naturalibus, vel voluntas in eodem ordine confortetur; ergo. Et declaratur amplius, quia hoc auxilium non postulatur tanquam principium per se necessarium talis actus, quia jam ostensum est, voluntatem habere sufficientes vires naturales, quibus sit principium proximum, & per se huiusmodi actus, nisi ex corruptione naturæ esset impedita. Postulat ergo hoc auxilium solum ad tollenda impedimenta, vel ad augendam cognitionem naturalem, quatenus præcise potest excitare voluntatem, aut ad augendam ipsam inclinationem voluntatis per habitum aliquem per accidens inditum, vel per motionem proportionatam: hæc autem omnia pertinent ad ordinem naturalem, & per providentiam gratuitam ejusdem ordinis fieri possunt; ergo ad hunc effectum auxilium ordinis naturalis sufficiens est.

Ad rationem dubitandi præcedentem.

22. Unde ad rationem dubitandi responderetur, fundamentum fidei non esse necessarium ad hoc auxilium, ex natura rei. Nam cum hoc auxilium ad effectum mere naturalem ordinetur, id est, ad naturalem dilectionem per fundatam in cognitione naturali, non est cur ad illam sit necessaria aliqua supernaturalis cognitio, saltem ex natura rei. Unde capite sequenti dicemus, posse hoc adiutorium dari homini in puris naturalibus, in quo nulla sit fidei cognitio. An vero in natura lapsa statuerit Deus, non dare hoc auxilium infidelibus, incertum est, quia pendet ex voluntate Dei; quæ nobis non est revelata, nec per discursum, aut effectus potest satis investigari. Conjectura enim facta non probat, pendere hoc auxilium a fide, sed

probat solum non posse impetrari sine fide, quod verum est, posset tamen Deus illud gratis dare. Neque ex eo, quod infidelis juvetur ad talem actum, & illum eliciat, sequitur aliquod absurdum, quia talis actus nec pars esset iustitiæ, nec initium ejus, nec meritum alicujus auxilii supernaturalis ordinis, sed solum sequitur, quod talis actus possit esse simul cum peccato habituali, quod judicamus, non esse incongruens prout ostendimus. Et nihilominus probabile est, Deum non dare hoc auxilium hominibus infidelibus, quia in suo ordine est valde perfectum, & insigne beneficium, quo infideles in eo statu sunt prorsus indigni, non solum ratione culpæ, sed quia illis esset quasi inutile, quia neque ad felicitatem, neque ad fidem comparandam illis deserviret, unde esset veluti sanctum dare canibus. Quanquam quia rationes divinæ providentiæ plures sunt, quam nos assequi possimus, satius est, hoc ejus dispositioni committere.

23. Ultimo potest in hoc puncto interrogare aliquis, an ad hunc actum sufficiat spes, ut ita dicam, obtinendi auxilium in futurum ad servanda omnia præcepta longo tempore, vel requiratur aliud auxilium, quod tunc detur, quando elicitur talis actus dilectionis. Quod enim hoc sufficiat, hoc discursu videtur probabile fieri, quia diximus, totam impotentiam habendi hunc actum in natura lapsa per proprias vires, oriri ex impotentia hominis lapsi ad observandam diu totam legem viribus suis. Ponamus ergo hominem credere, & sperare fore adjuvandum a Deo ad observationem diurnam totius legis per specialem providentiam, & protectionem ordinis naturalis, vel supernaturalis, sicut nunc fideles credunt, & posset infidelis, v. g. hæreticus, aut etiam Judæus, idem credere per fidem humanam, & consequenter etiam sperare per fiduciam quandam tali fidei proportionatam. In homine ergo ita disposito propositum absolutum, & efficax servandi omnia præcepta non est de objecto impossibile, quia id simpliciter possumus, & ideo quando tale adiutorium speratur, objectum merito judicatur, & proponitur ut simpliciter possibile; ergo ipsum propositum de tali objecto etiam est possibile per vires naturales voluntatis. Nam quod illa observantia mandatorum fiat possibilis per auxilium, non sufficit, ut objectum illud in ordine ad propositum excedat vires voluntatis, quia semper est objectum naturale, & sub ratione alicujus honestatis naturalis proponitur, sicut aliqui peccatores absolute, & efficaciter proponunt facere, quod tantum cum auxilio demonis facere possunt. Est etiam optimum exemplum de Adamo, qui ratione iustitiæ originalis, si in ea perseverasset, legis mandata servare potuisset, & ideo in statu illo integræ naturæ potuit suo arbitrio habere absolutum propositum servandi mandata, quia jam habebat adiutorium sufficiens, quo posset illa servare; quamvis id non esset facturus sine adiutorio Dei naturæ non debito. Ipsum enim donum iustitiæ, seu integritatis naturæ erat donum Dei non debitum naturæ, & erat adiutorium ad servanda mandata. Ergo similiter in proposito, quamvis auxilium ad servanda mandata futurum sit gratuitum, & ex suppositione illius facta per fidem, & spem, poterit liberum arbitrium tale propositum concipere. Unde ulterius sit, ut etiam possit Deum super omnia amare, quia tota difficultas, vel impotentia amoris in difficultate, vel impotentia illud propositum concipiendi consistere dicebatur.

24. Et declaratur ulterius, nam si suppositio vera sit, & Deus postea conferat adiutorium speratum, poterit amor ille esse efficax, etiam quoad perseverantiam, & executionem; ergo eadem ratione potuit esse efficax in proposito, & absoluta voluntate. Nec tamen in eo casu sit amor sine aliquo adiutorio Dei naturæ non debito. Nam adiutorium illud, quod dandum speratur ad implendam totam legem, ut prius oblatum, est quoddam adiutorium ad amorem illum eliciendum, non solum, quia excitat voluntatem per modum beneficij, promissi, sed etiam quia hic actus dilectionis non requirit auxilium physicum ex parte potentis, ut eliciatur, quia naturalis est, & de se proportionatus viribus arbitrii, ut supra dictum est, sed indiget auxilio, quod ita in re postea juvet ad executionem amoris,

Videtur pro prædicto auxilio sufficere spem obtinendi a Deo adiutorium ad servanda præcepta naturæ in futuro.

Explicatio superius dictæ.

amoris, ut prius apprehensum, & ut futurum repræsentatum reddat objectum amoris possibile, ac subinde amabile amore absoluto, & efficaci; unde etiam fides ipsa, & fiducia de tali auxilio futuro multum juvat, ut voluntas ad talem amorem eliciendum confortetur. Nam hoc adiutorium, ut etiam dixi, non est necessarium ut principium physicum, & per se talis actus, sed ut moraliter juvet, tollendo impedimenta, & erigendo arbitrium, fides autem illa, & fiducia hoc optime præstat, ut per se clarum videtur. Eo vero melius juvabunt, quo fides illa, & fiducia certior, & firmitior fuerit. Ideoque etiam fides, & spes Christiana optime possunt ad illum actum juvare, nam sæpe actus supernaturales, etiam ad naturales juvant. Oportet tamen, ut non obstante illa fide, & spe supernaturali, amor feratur in objectum sub limitata ratione naturali, alioqui amor non erit naturalis, de quo loquimur, sed supernaturalis, & per fidem, & spem indigebit proprio principio supernaturali physice adjuvante potentiam ad illum eliciendum, quod ad amorem naturalem non est necessarium, ut dixi. At vero si fides de adiutorio futuro sit tantum humana ex aliqua probabili ratione, vel humana autoritate concepta, necesse est etiam, ut fiducia sit infirma, & formidans, ne credulitas illa falsa sit, & postea subsidium speratum desit, & tunc etiam amor consequenter erit minus efficax, & absolutus, & de se virtutalem conditionem includens, si adiutorium non desit, & si vera sit promissio, & ex hac parte amor erit imperfectus, etiam si aliunde super omnia, & secundum præsentem dispositionem de se efficax, & absolutus esse videatur.

C A P U T XXXVI.

Quid sentiendum sit de potestate hominis in puris naturalibus ad amandum Deum finem naturæ super omnia?

1. **H**Æc difficultas, quæ in cap. 32. num. 2. posita fuerat, ex dictis in superioribus est satis expedita; ut tamen melius res ipsa intelligatur, & quædam opinio, quæ mihi nova visa est, diligenter examinetur, duo breviter tractabo. Primum est, an homo creatus in puris naturalibus posset per solas vires liberi arbitrii diligere Deum super omnia. Aliud est, si non potuit viribus arbitrii, an per aliquod speciale Dei adiutorium posset. Circa primum quidam Modernus, & gravis Scriptor de Auxiliis divinæ gratiæ affirmat, potuisse hominem in illo statu ex facultate naturæ pro aliquo brevi tempore producere actum dilectionis Dei super omnia. Dicitque, hanc esse aliorum Thomistarum sententiam, nullum tamen in particulari refert. Fundamentum ejus est, quasi a posteriori, vel extrinseco signo, quia homo in illo statu, haberet præceptum diligendi Deum super omnia, ut est author naturæ; ergo posset illud implere, quia præceptum non datur de actu impossibili; tunc autem non posset implete per amicos, hoc est, per vires gratiæ, quia illas non haberet, nec Deus esset paratus ad dandum eas, quia supponimus creasse illum in puris naturalibus, cui statui non solum non debentur vires gratiæ, verum etiam illi repugnant: nam includit carentiam donorum gratiæ, quam particula illa, *in puris*, indicat, ut Prolegomen. quarto visum est; ergo oportet dicere, potuisse hominem in illo statu implere suis viribus præceptum diligendi Deum super omnia, saltem per unum, vel alium actum, vel tempore brevi. Quia vero idem author in eadem disputatione negaverat, hominem lapsum posse habere suis viribus similem actum, coactus est dicere, naturales vires debiliores esse in homine lapsso, quam essent in puris naturalibus. Et ita ratio a priori hujus sententiæ erit, quia in putis naturalibus humana natura non esset vulnerata, & ideo haberet naturales vires sufficientes ad eliciendum quemcumque actum sibi connaturalem, & consentaneum dictamini naturalis rationis, & inclinationi naturali ipsius voluntatis; in natura autem lapsa non semper hoc potest, quia est vulnerata. Potestque pro hac sententia allegari D. Thomas, quodlibeto primo, articulo octavo, nam

Suarez. Tom. VI.

ibi expresse tam de homine in puris naturalibus, quam de Angelo docet, potuisse naturaliter Deum super omnia diligere. Idem habet Abulens. Matthæi decimo nono, quæst. 177.

2. Contrariam sententiam cenſeo veram in hoc sensu intellectam, quod homo creatus in puris naturalibus non magis posset per solas vires arbitrii diligere super omnia Deum ut finem naturæ, quam nunc possit homo lapsus. Unde sicut non potest pro brevi tempore, aut momento elicere nunc unum actum dilectionis omnino absolutum, & efficacem in sensu supra explicato, & sicut nunc potest elicere aliquem actum imperfectum, ita tunc posset, & non perfectius diligeret. Hanc opinionem tradit Medina in introductione ad materiam de gratia in §. *Dubitat ergo*, & in art. 3. §. *De dilectione Dei naturali*, quem dictus author allegat, sed omittit, sumpsisse Medinam hanc opinionem ex Cajetano ibi artic. 2. & Soto lib. 1. de Natur. & grat. cap. 2. & 3. & expresse idem docet Corad. dicto artic. 3. circa finem corporis, versic. *Nota tamen*; ubi ait, cum dicimus naturam integram posse diligere Deum super omnia, intelligendum id esse non de natura sibi relicta: *Quia & illa (inquit) esset ad se recurvata propter inordinationem sensualitatis naturalem, & propter compositionem naturæ humanæ ex ratione, & sensualitate*. In quibus verbis clare sentit, ex hac compositione, & repugnantia appetituum, ut naturalis esset, seclusa culpa, non minus sequi illam impotentiam diligendi Deum super omnia, quam nunc sequatur ex eadem rebellionem carnis, quæ est pœna peccati.

3. Unde tacite inducit Conradus D. Thom. pro hac sententia, quia ratio D. Thom. æque de illo statu procedit. Et est quidem probabile, Divum Thomam nihil dixisse de homine in puris naturalibus, quia illum sub homine lapsso comprehendit secundum rationis paritatem. Neque enim credendum est, vel illum statum hominis ignorasse, vel incompletam doctrinam tradidisse; comprehendit ergo illum sub altero membro hominis integri, aut lapsi, non autem sub priori, alioqui cum articulo quarto, & octavo dicit, hominem integrum potuisse servare totam legem naturæ, & vitare omnia peccata illi contraria, idem de homine puro intelligeret, quod absurdissimum est; ergo dicendum est in his quæstionibus, & quoad hos effectus idem sensisse de homine in puris naturalibus, quod de homine lapsso. Quod aliter confirmatur, quia si affirmatio est causa adæquata affirmationis; negatio est causa negationis; sed ratio adæquata, ob quam homo in statu innocentie poterat diligere Deum super omnia, & servare omnia mandata, erat naturæ integritas, & debita subordinatio appetituum; ergo carentia hujus integritatis est causa, ut non possit homo suis viribus servare omnia præcepta, & diligere Deum super omnia; sed in putis naturalibus homo careret illa integritate; ergo etiam careret illa potestate. Unde in citato quodlibeto de homine in statu naturæ integræ Divus Thomas loquitur, quem considerat separatim a statu gratiæ, & in illo sensu vocat, *purorum naturalium*. Et in eodem sensu loquitur Abulensis.

4. Ratio denique hujus sententiæ est directe contraria fundamento principali alterius sententiæ, nimirum, vires naturales liberi arbitrii ad operandum bonum, non fuisse futuras majores in statu purorum naturalium, quam sint in natura lapsa, vel quod perinde est, in statu naturæ lapsæ non esse minores, quam fuissent in pura natura non integra, quod principium satis, ut opinor, in Proleg. 4. ostensum est. Ex illo autem evidenter colligitur, non posse hominem suis viribus efficere perfectiorem amorem Dei in uno statu, quam in alio, quia æqualis causa potest, si vult, æqualiter operari, nec potest intelligi, quod vires sint æquales non solum physice, sed etiam moraliter, & spectatis omnibus, quæ operationem possint impedire, vel juvare (ita enim loquimur) & quod aliquis effectus sit possibilis per tales vires in uno statu, & non in alio; ergo. Et confirmatur præterea, quia tota ratio, ob quam non potest nunc homo lapsus diligere Deum super omnia, est, quia non potest longo tempore servare omnia præcepta naturalia; sed homo etiam in

Vera dicitur
et puncti
resolutio.

Medina
& alii
Thomistæ
non consentiunt.

Imo &
ipse D.
Thom.

Accedit
ratio de
fruend.
fundam.
tum op.
positum
in num. 6.

Notandum.

1. Fundam.
hujus cap.
de quo
Alvar.
Ep. & disp.
sunt dub.
p. 100.

puris naturalibus non posset diu servare omnia præcepta naturalia; ergo nec potest Deum simpliciter super omnia diligere absoluto, & efficaci actu. Consequentia tenet ex identitate rationis, quam supra ad objectum reduximus, & hic potest eodem modo applicari. Minor autem certa videtur, si ad præcipuam causam illius impotentia, quæ est caro concupiscens adversus spiritum, respiciamus. Unde quod Paulus ait: *Quis me liberabit a corpore mortis hujus*, &c. suo modo cum proportionem locum haberet in statu puræ naturæ. Et ita minor illa communiter recepta est, eamque non negat, sed potius supponit dictus author, dum ait, posse hominem in puris naturalibus brevi tempore elicere actum dilectionis super omnia. Dicens enim, *brevi tempore*, indicat longo tempore non potuisse, & consequenter etiam non posse longo tempore servare omnia præcepta: nam profecto, si longo tempore posset servare cætera omnia præcepta simul, eo ipso sine difficultate posset eodem tempore diligere Deum super omnia.

Evasio-
nes præ-
cluduntur

5. Dicitur fortasse, ad diligendum Deum super omnia modico tempore satis esse modico tempore servare omnia præcepta. Sed contra, quia si hoc ita est, etiam in natura lapsa potest homo servare modico tempore omnia præcepta, ut omnes pro comperto habent, quia fieri potest, ut modico tempore non occurrant gravestimationes contra præcepta negativa, neque tot occurrant affirmativa, ut sine magno gravamine servari non possint; ergo illo brevi tempore poterit homo lapsus æque Deum diligere, ac homo in puris naturalibus, quod idem author negat. Quod si fortasse dicat hominem in utroque statu posse servare omnia præcepta modico tempore, tamen in natura lapsa illud tempus rarius est, & brevius. Hoc inprimis gratias dicitur: unde enim hoc sciri potest, aut quomodo potest fundari? Et deinde non potest dici consequenter, nam idem author simpliciter negat, posse hominem lapsum habere talem amorem per minimum tempus, etiam per instans. Unde sicut in homine lapsa, non satis est posse non peccare per breve tempus, ut in illo tempore possit habere perfectum amorem Dei super omnia, quia amor simpliciter, & absolute super omnia non sistit in tempore, pro quo daret, sed extenditur ad totum futurum tempus per absolutum propositum servandi semper præcepta, quod habere non potest suis viribus, qui non potest diu servare omnia præcepta; ita in hoc æqualis ratio de homine in puris naturalibus intercedit.

Fundamē-
tum con-
trarium
in num. 1.
retorque-
tur in pri-
mis in au-
thorem.

6. Argumentum autem sumptum ex præcepto naturali inprimis retorquetur hoc modo. Ponamus hominem in puris naturalibus creatum, priusquam ullum actum dilectionis Dei elicere, peccare mortaliter, verbi gratia, per futurum, certe ille homo propter peccatum non fuit liberatus ab obligatione præcepti naturalis diligendi Deum; imo tunc potest instantius obligari propter offensam commissam; quæro ergo de illo homine post illud peccatum, an posset diligere Deum super omnia, nec ne? Nam consequenter non potest id affirmari, quia si homo lapsus nunc non potest, cur posset ille jam lapsus, cum peccatum ejus de se non minus lædat naturam, quam peccatum originale? Nam quod nunc præcesserit justitia, & integritas naturæ, quam abstulit peccatum originis, nihil refert, quia eandem auferet peccatum puti hominis, si in subiecto invenisset, in reliquis vero æque avertit a Deo, & maculat animam; ergo incredibile est, illum hominem jam lapsum potuisse perfectius diligere Deum suis viribus, quam nunc valeat homo lapsus. Ut omnitem, rationes a nobis factas de homine lapsa, posse ad illum facile applicari. Ratio autem qua movetur idem author ad id sentiendum de homine lapsa, scilicet, quia dilectio super omnia repugnat cum peccato mortali, illum etiam cogit, ut idem dicat de homine creato in puris naturalibus post lapsum ejus. Si autem ille homo jam lapsus non potest diligere Deum super omnia, jam obligabitur præcepto, quod non potest implere; idem ergo dici poterit de eodem homine ante lapsum. Quod si quis dicat ad præceptum satis fuisse, quod in principio esset possibile, quamvis per culpam hominis factum sit impossibile, contra hoc

est, quia semper repugnat, præceptum obligare ad id, quod in præsentia est simpliciter impossibile, etiam si per culpam impotentia successerit, ut obligari non potest ad recitandum, qui caret oculis, etiam si voluntarie, & per culpam eos sibi eruerit; ergo vel ille homo jam non manet obligatus tali præcepto, quod incredibile est, vel retinet potestatem servandi illud, si eam prius habuit, quod est per se longe verisimilius, quia solum unum furtum non potuit ab homine auferre potestatem naturalem diligendi Deum, maxime cum posset iterum displicere ipsum furtum, & nullum relinqui habitum, qui boni operationem difficiliorem in futurum reddat.

7. Ad argumentum ergo inprimis dici posset, præceptum naturale diligendi Deum prout affirmativum est, solum obligare ad elicendum actum dilectionis, juxta mensuram naturalium virium liberi arbitrii, ita ut homo pro aliquo instanti, vel momento faciat, quantum possit ad diligendum Deum super omnia, & tunc faceret quidem actum aliquo modo absolutum, licet non omnino, neque simpliciter efficacem, sicut de homine lapsa explicuimus, & nihilominus sufficienter implet præceptum, quia facit, quod potest, & nihil amplius tenetur. Hanc responsionem attigit Medina dicto artic. 3. in fine, & illam non reprobatur, & nihil videtur in rigore quoad hanc partem sufficiens. Nam quod statim addit Medina, posse illum hominem implere hoc præceptum, diligendo Deum super omnia, cum primum pervenit ad usum rationis, si intelligat de dilectione perfectiori, id est, omnino absoluta, & efficaci, sibi ipsi contradicere, non enim haberet homo in puris naturalibus majorem potestatem diligendi Deum in primo instanti usus rationis, quam in reliquis, ut per se clarum est. Si vero loquatur de dilectione imperfecta, eadem est responsio. Quam etiam multi putant, etiam in homine lapsa posse aliquandò esse necessariam. Nam fieri potest, ut omnino ignoret fidem, & totum ordinem gratiæ, etiam invincibiliter, & quod per scientiam, & humanam traditionem veri Dei naturalem cognitionem affectus sit, & in aliqua opportunitate obligari præcepto naturali diligendi Deum, etiam si nullum gratiæ auxilium tunc habere supponatur, nec possit ad illam se præparare, aut illam inquirere, & nihilominus non obligatur ad impossibile, quia diligendo prout potuerit, præcepto satisfaciet. Et hoc insinuat Banez 2.2. quæst. 10. art. 1. ad quoddam 4. argumentum. Si vero consideretur præceptum dilectionis, quatenus includit præceptum negativum nunquam committendi aliquid divinæ amicitiae contrarium, sic non est præceptum speciale elicendi actum dilectionis, quam generale inclusum in omnibus præceptis, quorum observantia necessaria est ad perseverandum in dilectione. Et sic incidimus in aliam difficultatem omnibus communem, & supra cap. 28. tractatam, quomodo possit lex naturalis obligare hominem in puris naturalibus constitutum tot præceptis, ut non possit naturalibus viribus omnia illa per totum vitæ cursum implere, quam ibi prout potuimus, expeditimus, & ex ibi dictis colligi potest, quod in præsentia dicendum sit.

8. Unde etiam potest facile expediti secundum punctum supra positum, & simul aliter responderi ad difficultatem de præcepto dilectionis. Dicimus enim; licet homo in puris naturalibus non potuisset solis viribus arbitrii perfecte, & efficaciter Deum finem naturalem super omnia diligere, nihilominus potuisset id facere cum aliquo adjutorio Dei illi statui proportionato, quod (ut verisimiliter credimus) non fuisset Deus denegaturus, non tam per modum gratiæ, quam per modum alicujus naturalis retributionis. Hoc sequitur consequenter ex dictis in capite 28. nam ibi diximus, non de futurum tunc auxilium accommodatum ad servandam totam legem naturæ longo tempore. Eadem autem est ratio de dilectione Dei super omnia; imo eo ipsa, quod ille homo speraret tale adjutorium ad servanda præcepta, posset absolute id proponere, & consequenter etiam amare, juxta dicta in fine capitis præcedentis. Deinde si Deus juvaret tunc ad servanda omnia præcepta, etiam juvaret ad vincendas graves tentationes concupiscentiæ, quia regulariter non aliter servantur præcepta;

cur

Respon-
sio in for-
ma ad
prædictam
fundam.

Ad 2. pon-
tum hujus
cap. possum
in num. 4.

cur ergo non etiam juvaret ad sui dilectionem? Præterea si homo sic conditus, & innocens faceret, quod in se est, diligendo Deum saltem imperfecte, profecto congruentissimum esset, & naturali providentiæ consentaneum, ut Deus aliquod bonum ejusdem ordinis pro tali amore retribueret, & ita absolute fateretur Medina dicta q. 109. art. 2. circa finem §. penult. & art. 3. circa finem ad 5. Nullum autem præmium cogitari potest magis proportionatum illi amori, quam adjutorium ad perficiendum, & constanter exequendum illum, quia hoc adjutorium per se non est ordinis supernaturalis, ut supra vidimus, neque oporteret dari per fidem, sed per naturalia media, vel dispositiones illi statui proportionatas; quæ omnia maxime procedunt de illo homine priusquam peccaret. Veruntamen etiam si peccasset, & postea converteretur ad Deum saltem imperfecte, & prout posset, pie credi potest, non fuisse illi defuturum Deum, vel remittendo offensam, vel juvando ad perfectiorem diligendum, & se disponendum ad talem remissionem, ut in materia de Pœnit. disp. 3. sect. 7. notavimus, & notavit Medina d. 2. circa finem.

Progre-
di-
tore expli-
cacio e-
jusdem
pudi.

9. Quamvis ergo concedamus, naturale præceptum de dilectione Dei de se obligare ad absolutum, & efficacem amorem Dei super omnia, posset ab homine constituto in puris naturalibus impleri, non per solas vires naturæ, sed cum aliquo adjutorio Dei modo explicato. Neque hoc excedit statum purorum naturalium, vel illum destruit, nam ille status, ut in lib. 1. dixi, excluderet ordinationem ad finem supernaturalem, & consequenter etiam omnia dona gratiæ supernaturalis excluderet, non tamen esset aliena ab illo statu ornatissima Dei providentia, qua & reddit convenientia præmia bene operantibus, sicut reddit supplicia peccantibus, & subvenit indigentibus, præsertim facientibus, quod in se est, & unicuique creaturæ providet juxta suam capacitatem. Neque n. putandum est, in naturali providentia, etiam secluso ordine gratiæ, non fuisse futurum discrimen inter rationalia, & irrationalia, nam quod Paul. dixit. *Numquid de bobus cura est Deo*, utique comparatione hominis, verum est, non solum de hominibus per providentiam gratiæ gubernatis, sed etiam de illis sub solo ordine providentiæ naturalis, & ordine ad solum finem naturalem constitutis; quia ad sapientiam, & providentiam optimi gubernatoris pertinet, non omnibus eodem modo, sed singulis juxta uniuscujusque capacitatem providere. Unde etiam Philosophi cognoverunt, Deum perfectiori modo habere curam hominum, quam brutorum, & inter homines peculiari benevolentia prosequi colentes se, & honeste viventes. Igitur intra latitudinem hujus providentiæ contineretur adjutorium illud ad diligendum Deum perfecte intra ordinem naturæ, & ad alia media præstanda, sine quibus naturalis beatitudo obtineri non posset. Quibus consentanea est illa sententia Aristot. 1. Ethic. capit. 9. *Si aliquid aliud Deorum est munus hominibus, consentaneum est rationi, felicitatem ab iis ipsis dari, & eo magis, quo ceteris humanis bonis est præstabilius.*

C A P U T XXXVII.

Utrum sit aliquis alius actus virtutis naturalis, seu acquisitæ præter amorem Dei, qui propter difficultatem suam fieri non possit sine gratia in statu naturæ lapsæ?

1. **H**æc quæstio locum non habet in natura integra, nam cum dictum sit, in eo statu potuisse hominem suis viribus diligere Deum autorem naturæ super omnia, & potuisse omnia præcepta naturalia servare quovis tempore, & omnia peccata contraria vitare; manifestum est, nullum posse signari opus virtutis naturalis, quod in eo statu fieri non posset viribus liberi arbitrii, quia extrinsecæ difficultates graves, seu insuperabiles alienæ erant ab illo statu, difficultas autem intrinseca in nullo actu major reperti-

ri potest, quam in amore Dei super omnia, & absoluto proposito servandi omnia præcepta. Statum autem purorum naturalium statui naturæ lapsæ quoad hoc æquiparamus, ut satis ostendimus, & ideo de solo statu naturæ lapsæ in hoc puncto tractamus: ratio ergo dubitandi esse potest, quia D. Thom. singulariter de solo actu dilectionis Dei super omnia dixit, non posse fieri ab homine lapso sine gratia; ergo sensus, hoc esse singulare in illa propter specialem difficultatem ejus. Præsertim, quia statim in art. 4. & 8. docet, singula præcepta naturalia servari posse, seu vitari singula peccata illis contraria, licet non omnia collective, sine gratia, nullumque excipit, seu quasi supponit exceptionem factam de sola dilectione; ergo exceptio firmat regulam in contrarium, ut propter nullum singularem actum sit necessaria gratia. Accedit tandem, quod in ipso amore difficillime ostenditur tanta difficultas, quæ morale impossibilem inducat; & ratio, qua tandem illam ostendimus, in solo amore super omnia locum habet; ergo signum est, hanc necessitatem propriam esse illius amoris.

Arguitur
pro parte
negat. ex
D. Thom.

2. In contrarium autem est, quia multi, & graves authores extendunt hanc necessitatem ad quæcumque opera virtutis mediocrem difficultatem habentia, quod præsertim indicant Bellarm. Vega, & alii supra allegati circa victoriam gravium tentationum: numerarique solent actus sequentes. Primo actus pœnitentiæ, qui sit perfecta detestatio de peccato, præsertim propter Deum, nam hic actus haberi non potest sine gratia, cum sit quædam contritio; nam etiam attritio, & dolor ex timore non potest sine gratia fieri, ut docet Concilium Tridentinum session. 6. capit. septimo, & session. 14. c. 4. ergo multo minus detestatio ex amore Dei poterit fieri sine gratia. Secundus est actus amoris proximi, quem ex præcepto naturali renemur diligere, sicut nos ipsos, quod valde difficile est, quia hic amor includit illa duo præcipua, *quæcumque vultis, ut faciant vobis homines, hos facite illis*, Matth. 7. & *Quod tibi non vis, alteri non facias*, Tobie 4. in quibus lex fere tota posita est, ut Christus dixit: propter quod dixit Paulus ad Roman. 13. *Qui diligit proximum, legem implevit*. At vero nemo potest implere legem sine gratia; ergo neque hanc dilectionem habere.

Pars affir-
mat. va-
riis exem-
plis sua-
decet.

1. Exempla
de actu
pœnitentiæ

2. De actu
amandi
proximum
absolute.

3. Tertius, & difficilior actus est dilectio inimicorum: nam cum illam commendaret Christus Matth. 5. dicit illam non carituram mercede apud Patrem; significans semper esse actum dignum mercede supernaturali, ac subinde ex gratia; unde subjungit: *Si diligatis eos, qui vos diligunt, quam mercedem habebitis, nomine, & ethnici hoc faciunt?* quasi dicat, dilectionem amicorum posse ab ethnicis fieri, quia est accommodata naturæ, dilectionem autem inimicorum adeo esse difficilem, ut per naturam fieri non possit, & ideo in ethnicis, & publicanis non inveniri. Unde Hieronymus ibi dixit, *multos imbecillitate sua non sanctorum viribus præceptum illud astimantes putare illud esse impossibile, quia diligere inimicum plus est, quam humana natura patiatur*. Quibus ipse virtute respondet: *Christum non impossibilia, sed perfecta præcipere*: quod exemplis Sanctorum confirmat. Unde virtute concedit, illud tantum esse possibile per vires sanctorum, quæ sunt vires gratiæ. Amor autem inimicorum moralis, & naturalis est, & cadere potest sub præceptum mere naturale.

3. De spe-
ciali actu
amandi
inimicos.

4. Quartum exemplum esse potest de observatione continentiae, de qua Sapient. 8. dixit Sapiens: *Scivi, quoniam aliter non possum conveniens, nisi Deus det, & hoc ipsum erat sapientia, scire cujus esset hoc donum*. At continentia moralis actus est, nam de continentia castitatis intellexit illum locum Augustin. lib. de Continent. cap. 17. & epist. 89. qu. 2. & epist. 95. & 130. ergo aliquis specialis actus moralis est impossibilis sine gratia. Quinto augetur hæc difficultas in custodia virginitatis, quæ licet non sit sub præcepto, nihilominus est actus moraliter bonus, & ex objecto suo naturalis, & nihilominus haberi non posse sine gratia, significavit Paul. 1. ad Cor. 7. dicens esse donum Dei, & Christus Matth. 19. dicens: *Non omnes capiunt hoc*

4. De cu-
stodia ca-
stitatis.

5. De spe-
ciali cu-
stodia vir-
ginitatis.

verbum, sed quibus datum est, ut ponderavit Augustin. in libr. de Continent. capit. primo, & lib. de Gestis Palæstinis capit. decimo alias decimo tertio. Sexto adjungi etiam hic potest confessio paupertatis voluntariæ, quæ etiam est actus naturalis, & moralis, licet non sit sub præcepto, sed sub consilio, quod ratione naturali cognosci potest, & nihilominus fieri potest per naturales vires, nam propter illud dixit Christus Matthæ. decimo nono: *Apud homines impossibile est, apud Deum autem omnia possibilia sunt*. Tandem asserri potest in exemplum actus dandi vitam pro non violando uno præcepto naturali: nam hoc ipsum est consentaneum rationi naturali ac subinde est actus ex suo genere naturalis, & nihilominus fieri non potest sine auxilio gratiæ, ut videtur indubitatum.

6. De actu
proficisci
paupertatem.

7. De profusione
vitæ pro
non peccando
contra legem
naturalem.

Assertio
generalis
bipartita.

5. In hoc puncto breviter dico, aliquos esse posse actus morales, & ordinis naturalis, qui propter difficultatem suam fieri non possint cum pura, & integra honestate morali sine auxilio gratiæ, hanc vero difficultatem semper reduci ad alteram ex duabus supra tractatis, quæ sunt aut difficultas ex gravi tentatione proveniens, aut diuturna perseverantia cum uniformitate bene operandi, vel in executione facta, vel objectiva proposta, ut actu absoluto, & efficaci ametur. Si vero neutrum ex his impedimentis interveniat, non erit necessaria gratia ad aliquem singularem actum naturalem, & moralem bonum, aliquando, vel saltem pro brevi tempore faciendum. Priorem partem de actu difficili altero ex illis duobus modis probant, quæ supra de necessitate gratiæ ad vincendam tentationem gravem, & ad diligendum Deum finem naturæ actu perfecto, diximus: & eam confirmant exempla adducta, ut magis statim declarabimus. Posteriores vero partem suadent priores rationes dubitandi: & præterea quia actus naturalis non est per se impossibilis viribus naturæ, sed ex accidenti propter impedimenta occurrentia, ut supra ostensum est: hæc autem impedimenta nulla esse possunt, nisi aut tentationes graves ortæ, vel adjunctæ ab inordinata concupiscentia, aut tanta continuitas, & perseverantia bene operandi, ut moraliter excedat vigilantiam, & constantiam humanæ diligentiae in corpore mortali, & suis viribus relicto, neque alia radix hujus difficultatis hætenus est ratione investigata, aut exemplis ostendi potest. Imo si quis recte consideret, etiam posterior difficultas, quæ est in diuturna boni operatione, provenit quodammodo ex tentationibus occurrentibus, quæ vel affectum, vel considerationem ab honestate avertunt; solum est differentia, quod prior difficultas provenit ex singulari tentatione gravi, posterior vero potest esse sine hujusmodi tentatione gravi, licet non contingat sine successione plurium mediocrium, quarum victoria ipsa continuitate gravis, & difficilis redditur. Quæ omnia discurrendo per exempla adducta clariora fient.

Unde pro
beur pos-
terior,
que sim-
pliciter
asserenda
est.

Discenti-
v. ex-
empli
de penit.
in n. 2. al-
latum.

Alvar.
disp. 51.
& 52.
Vasq. ta-
cito Mo-
linæ no-
mine 1. 2.
disp. 194.
c. 4. n. 29.
& sequent.

6. Primum erat de actu contritionis, vel attritionis, quem in substantia esse naturalem, si ex naturali motivo concipiatur, & ideo viribus naturæ sine auxilio gratiæ fieri posse, multi Theologi docuerunt, ut tractavi in 4. tom. disp. 3. section. 6. quorum sententiam defendere, & approbare visus est Molina in Concordia quæst. 14. articul. 13. disp. 14. fere per totam, quem in hac parte acriter moderni impugnarunt. Verumtamen quia de hoc puncto dixi in citato loco de Penitent. section. 7. & quia non habet novam difficultatem ad hunc locum pertinentem, brevissime illud expediam. Primo enim supponimus, non esse sermonem de actu penitentiae, qui esse possit sufficiens dispositio ad gratiam, seu (quod perinde est) qui fiat, *sicut oportet*, ad justificationem consequendam. Nam de hoc actu certum est, esse ita supernaturalem, ut non possit fieri sine auxilio gratiæ, id enim aperte definit Concil. Tridentin. session. 6. capit. 5. & canon. 3. & session. 14. capit. 4. & probatum est late dicta disp. 3. section. 6. Quod aliqui limitant ad illum actum, qui est sufficiens dispositio ad gratiam extra sacramentum, quæ sola est perfecta contritio. Verumtamen longe verius est, etiam actum penitentiae, qui tantum est sufficiens dispositio ad gratiam in sacramento, quam Concilium vocat contritionem imperfectam, & nos

vocare possumus attritionem Christianam, haberi non posse ex viribus arbitrii sine speciali Spiritus S. auxilio. Id enim multo magis est consentaneum Concilio Tridentin. session. 14. capit. 4. & sequitur ex generali principio, quod nullum opus conducat ad salutem fieri potest sine auxilio gratiæ: & præterea hoc late disputatum est, & probatum dict. 4. tom. disput. 5. section. 1. & 2. Quomodo autem hi actus sint supernaturales, & an circa eadem objecta materialia, vel formalia possint fieri aliqui actus naturales sine auxilio gratiæ, tractandum est in libro sequenti. Hæc ergo omnia ad præsentem disputationem non referunt, sed præmittenda necessario fuerunt, ne quis nominibus contritionis, & attritionis confundatur, & ad damnandas probabiles, vel etiam veras opiniones moveatur.

7. In præsentem ergo solum tractandum est de penitentia, seu detestatione peccati, quatenus præcise est contra legem naturæ, & quatenus ex aliquo modo naturali potest displicere: tunc enim tam materiale, quam formale objectum naturalis ordinis est. Sic autem communis opinio est dari posse actum naturalem penitentiae sine auxilio gratiæ, ut probavi in dicto to. 4. disp. 3. sect. 7. quia non est major ratio de hoc actu generatim sumpto, ut loquimur, quam de communibus actibus aliarum virtutum acquiratarum: & præter antiquiores Scholasticos, qui fortasse in hoc excesserunt, ex modernis id pro comperto habent Cajetanus, Soto, Cano, & alii, quos citato loco retuli. In hoc autem ordine naturalis penitentiae distingui potest quædam perfecta, & alia imperfecta. Perfecta erit, detestatio absoluta peccati propter Deum summe dilectum, omnis vero alia ex alio motivo, vel alio inferiori modo concepta, erit imperfecta. Priorem vocant aliqui naturalem contritionem, seu acquisitam ut Soto in 4. d. 17. qu. 2. art. 5. & ita etiam videtur loqui Molina supra. Alii vocant attritionem, ut Scotus, & Cajetanus; sed priores loquuntur per comparationem ad naturalem penitentiam imperfectam, & nomina actuum penitentiae infusæ accommodant cum proportionem ad actus penitentiae acquisitæ; posteriores autem generaliter vocant attritionem omnem dolorem peccati, qui non formatur charitate infusa vel habituali, vel actuali, re tamen vera prout illæ voces nunc significant dispositiones ad gratiam, actus ille nec contritio est, neque attritio, neque ita est vocanda simpliciter, sed cum addito *naturalis*, seu *acquisita attritionis*, quamvis inter doctos, ubi de re constat, non sit de vocibus contendendum.

1. propo-
siti-
circa
dictum
exemplum
penitentie.
Unde pro
beur.

8. De hac ergo penitentia perfecta in ordine naturali dicendum est, esse actum naturalem, & per se non excedere vires physicas liberi arbitrii. Hoc facile probatur ex dictis de amore, nam hic actus est effectus illius amoris per se necessarius, ut amor sit verus, & efficax, si præcessit Dei offensa. Unde sicut intentio, & electio finis sunt ejusdem ordinis, & virtutis, ita etiam hic dolor de peccato propter amorem Dei est ejusdem ordinis naturalis cum ipso amore, ac proinde per se cadit sub naturali facultate voluntatis: & quoad hoc vera est communis opinio Theologorum de contritione acquisita, seu naturali, si tantum consideretur in ordine ad principium proximum per se, seu physicum: nam de hoc principio ratio facta convincit. At vero si sermo sit de possibilitate morali, quæ sit etiam in homine lapsa, sic idem sentiendum est de hac penitentia, quod de amore naturali. nam ut sit in suo ordine perfecta, debet includere propositum numquam amplius offendendi Deum, ejus mandata violando, & ideo sine auxilio speciali non potest esse magis absoluta, & efficax, quam ipse amor, sed ad summum haberi potest cum illa conditione, seu limitatione, *propono vitare peccata, quantum in me est*, &c. Et hoc solum videntur sentire Authores supra citati, præsertim recentiores, ut Medina, Bannez, atque etiam Molina.

2. propo-
sitionum.

9. Aliqui vero, qui impugnant Molinam, etiam hujusmodi actum sic limitatum negant fieri posse per vires naturæ, quia impossibile est, quin sit efficax ad observanda omnia mandata, & vitandum omne peccatum, saltem pro illo instanti, quo talis actus sit, prædictis vel

Alvar. 1. 6
disp. 52. in
probatio-
nibus. 1. con-
clus. im-
merito in
prædictis

Molinam vel pro tempore quo durat ipse, aut virtus ejus. Sed hoc nullum inconueniens est; quis enim negavit unquam, posse hominem lapsum per rationem, & liberum arbitrium vitare omne peccatum pro aliquo instanti, aut brevi tempore, præsertim, quando nulla gravis tentatio urget? Quicumque enim bene operatur, quamdiu sic operatur, non peccat; potest autem homo lapsus interdum bene operari per suam libertatem, & consequenter bene tunc non peccare, quid ergo mirum, quod dum quis dolet de peccato propter Deum naturaliter dilectum, necessario pro tunc non peccet? Nullus ergo negat, quin talis dolor sit efficax ad impediendum peccatum, quamdiu ipse durat. Sed quia hæc efficacia est tantum ad instans, vel ad breve tempus, pro quo talis actus, vel virtus ejus durare possit, ideo non dicitur simpliciter efficax, neque omnino absolutus, ut satis supra de amore declaratum est.

3. pronuntiatum. Supradictum. 10. Et hinc a fortiori constat, poenitentiam ex motivo naturali imperfecto, vel minus perfecto posse fieri viribus naturalibus. Hoc patet rationibus factis, quia si motivum naturale est, species actus est naturalis, & ex hac parte possibilis physice per vires naturæ: aliunde vero potest esse actus talis, ut in eo propter imperfectionem ejus esset moralis difficultas, vel impossibilitas; ergo talis actus erit simpliciter possibilis: & inductione declaratur, nam potest esse dolor de peccato adulterii, v. g. solum propter turpitudinem, quam habet contra rationem naturalem, quod motivum naturale est, & potest asserri eo tempore, quo homo actum non sentiat repugnantiam, nec propensionem ad talem actum; cur ergo non poterit talis actus fieri aliquando per vires liberi arbitrii, sicut potest fieri alius actus moraliter bonus? Neque enim talis actus esset sufficiens dispositio ad gratiam, etiam cum sacramento, quia non esset attritio Christiana, seu ex motivo supernaturali, de qua Concilium loquitur, ut in citato loco explicavi. Idem a fortiori verum est de dolore minus perfecto ex inferiori motivo, ut si quis doleat de peccato propter infamiam, ægritudinem, vel alia damna inde contracta: nam hic dolor, licet ex objecto formali videatur indifferens, potest bene moraliter fieri ex honesto fine, idemque est de similibus.

Limitatur proxime dictum. 11. Solum oportet advertere, etiam in hoc ordine imperfectæ poenitentia naturalis posse esse aliquem actum, qui sit absolutus, & efficax, includatque propositum non violandi amplius legem naturalem, ut hæreticus fide humana credens pœnas inferni, si illas etiam naturaliter odio habeat, & fugiat ex vi naturalis amoris, quem ad se habet, etiam poterit detestari peccatum ex timore illarum pœnarum, quæ detestatio, si esset efficax, includeret absolutum propositum amplius non peccandi. Hunc autem gradum perfectionis, etiam in illa specie, attingere non potest sine auxilio gratiæ, propter ea, quæ supra diximus, de amore, non tantum amicitia, sed etiam concupiscentia, eadem enim ratio in præsentem locum habet. Unde tandem concludimus, nullum actum poenitentia naturalis esse absolute impossibilem sine viribus gratiæ, nisi in quo eadem difficultas, quæ in amore Dei naturali, & super omnia invenitur, propter inclusum propositum non violandi amplius legem naturalem.

Expenditur exemplum de amore proximi in eodem par. 2. 12. Secundum exemplum erat de amore proximi, quod eadem proportionem expediendum erit. Nam dilectio proximi, quædam est supernaturalis, qua tenemur diligere proximum, ut consortem ejusdem beatitudinis supernaturalis; quæ dilectio ad multo plura se extendit, quam dilectio mere naturalis, & ideo certum est, non posse haberi sine auxilio gratiæ, & de illa maxime loquuntur Scriptura, & Patres; illa vero dilectio non pertinet ad præsentem disputationem, quia supernaturalis est, ut in sequentibus dicam. Aliæ vero est dilectio proximi ordinis naturalis, quæ proprie præcipitur lege naturali. Quoniam sit controversia, an præceptum naturale in rigore obliget ad internum actum dilectionis erga proximum, generatim volendo illi bonum, vel satis sit quandocumque necessitas occurrerit, bene facere proximo, vel illi non nocere, &c. Quidquid vero sit de præcepto, certum est illum actum dilectionis esse possibilem, & ho-

De prædicto amore proximi pronuntiatum. nestum. De illo ergo dicimus in primis, actum illum physice possibilem esse per vires liberi arbitrii, quia est in sua entitate, & specie naturalis, & elicitur ex motivo humano proportionato rationi naturali. Deinde dico, hunc amorem sæpe esse non tantum possibilem, sed etiam facilem naturali facultati. Quod non intelligo de amore impudico, vel alia ex causa irrationabili, sed de amore honesto, & rectæ rationi consentaneo, ut patet in amore inter parentes, & filios, vel inter fratres, aut alios consanguineos, vel de amore inter amicos, de quo etiam Christus loquitur, cum dicit, etiam ethnicos, & publicanos diligere diligentes se Matth. 5. & similiter dixit Gregor. hom. 27. in Evang. hujusmodi amorem sponte naturæ impendi. Cum ergo natura juvet, & ratio non repugnet, imo etiam idem dicitur, mirum non est, quod possit & naturaliter, & facile haberi, etiam honeste, quia non semper occurrit occasio, vel gravis tentatio, quæ ad excessum, vel defectum in hoc amore inclinet.

3. pronuntiatum. restrictio prædictæ. 13. Tandem addo, aliquando posse hunc amorem esse tam perfectum, vel difficilem, ut sine auxilio speciali gratiæ haberi non possit. Hoc probant quæ n. 8. & 10. in simili de amore Dei naturali indicata sunt. Nam imprimis potest hic amor esse universalis ad proximos, & cum proposito servandi omnia præcepta naturalia ad illos pertinentia: hoc autem propositum efficax, & absolutum non potest per vires naturæ fieri; ergo nec amor perfectus illud propositum includens, juxta illud Pauli Roman. 13. *Qui diligit proximum, legem implevit*. Minor probatur, quia non potest homo lapsus suis viribus implere totam legem Decalogi, etiam quoad præcepta secundæ tabulæ præcise, & collective sumpta, nam occasiones peccandi sæpius in illis occurrunt, & concupiscentia, & amor sui illis præcipue repugnat. Unde impossibilitas hujus amoris reducitur ad illam, quæ est in amore Dei, præsertim quia amor integer erga proximum vix potest etiam in ordine naturali servari vel sine amore Dei, vel saltem sine tanto amore ad naturalem honestatem propter se ipsam, ut possit juvare ad vincendas omnes difficultates, quæ in amore erga proximum occurrunt. In quo etiam considero, in hoc amore sæpe quidem peccari propter defectum, minus diligendo, quam ratio postulet, non raro vero etiam peccari per excessum, & ideo propositum honeste, & cum debita mensura amandi proximum tantam perfectionem, & difficultatem includit ex parte objecti, ut in natura lapsa sine auxilio gratiæ haberi non possit.

Expenditur exemplum in n. 3 ad instar præcedentis. 14. Idem dicendum cenfeo de amore inimicorum, de quo tertium exemplum proponebatur. Nam si sit sermo de amore inimicorum in universali cum dicta perfectione volendi ad inimicum servare omnem dilectionem, & beneficentiam, quam lex naturalis jubet, hic actus includit fere totam difficultatem explicatam in amore proximi, & addit illam, quæ oritur ex inimicitia, & appetitu vindictæ; qui appetitus, moraliter loquendo, inducit semper tentationem gravem illi amori contrariam, & ita hæc difficultas ad duo capita supra memorata revocatur. Si vero loquamur de amore hujus, vel illius inimici in particulari, tunc considerare oportet & gravitatem inimicitia, & modum amoris, ut de possibilitate ejus possit ferri iudicium. Nam si inimicitia sit levis, id est, in causa minoris momenti fundata, interdum poterit sine magna difficultate propter rationes humanas, sive honestatis, sive commodi sola libera voluntate deponi: si vero inimicitia sit in gravi injuria fundata, illud erit longe difficilius, & regulariter fieri non potest sine auxilio gratiæ, si fiat propter solam honestatem, quia illa est quædam victoria gravis tentationis, præsertim si amor sit integer, & absolutus, nam si esset solum in aliquo particulari, & levi beneficio, poterit non reputari gravis victoria, sed modica, quæ interdum haberi potest sine speciali auxilio gratiæ; quæ omnia procedunt de amore inimici ex solo motivo naturali; nam si inimicus ametur propter Deum, jam amor erit supernaturalis, & per se ad ordinem gratiæ pertinet, & in illo etiam ordine, propter circumstantiam inimicitia, specialius auxilium postulabit: & de hoc amore inimicorum Scriptura, & Patres præcipue loquuntur.

Circa 4.
exemplū
an n. 4. po-
sitū, tria
expedien-
da per va-
ria etiam
prouidū-
ta.
v. de uno
vel altero
continen-
di actū.

15. Quartum exemplum erat de continentia, & in eo potest esse sermo, aut de uno, vel altero actu singulari continentia, aut de perpetua observantia continentia sine gravi peccato contra castitatem, aut de uno singulari actu propositi absoluti, & efficacis servandi perpetuam castitatem. De primo nulla est hic nova difficultas: nam hic est quidam actus moraliter bonus, & sequitur regulam aliorum. Nam si occurrat occasio ejus sine gravi tentatione, aut difficultate, fieri poterit talis actus sine speciali auxilio gratiæ; si vero adjungatur gravis tentatio, non poterit. Solum est peculiare in illa materia, quod in ea frequentiores solent esse tentationes, & graviores propter internum concupiscentiæ fomitem.

a. de ob-
servantia
perpetua.

Id tamen
efficaciter
non pro-
batur in
eo Sapiē-
t.

16. Unde in secundo puncto Augustinus in locis ibi citatis aperte sentit, non posse continentiam illo modo diu servari sine auxilio gratiæ, & idem habet Prosper contra Collator. c. 36. quam sententiam etiam moderni auctores sequuntur Soto lib. 1. de Nat. & Grat. c. 21. Vega l. 11. in Trid. c. 20. & q. 12. de Justific. & Bellarm. l. 5. de Grat. & lib. arb. c. 5, & 7. Qui fundantur in loco Sapientie 8. supra relato. Sed hic locus alias habet expositiones, propter quas non satis probat illam sententiam. Augustinus enim sæpe illum exponit de continentia, non in sola materia castitatis, sed generalius in omni materia, ad quam extenditur concupiscentia, quæ in honoribus, in vindicta sumenda, & aliis similibus versatur: unde includit victoriam totius concupiscentiæ, & fomitis peccati, & observantiam omnium præceptorum naturalium saltem secundæ tabulæ, ideoque de tali continentia certissimum est, *neminem esse continentem, nisi Deus dederit*, quod Sapiens dixit, & de hac continentia exponitur ab August. 10. Confess. c. 29. sic enim ait: *Da quod jubes, & jube quod vis. Imperas nobis continentiam, & cum scirem (ait quidam) quia nemo potest esse continens, nisi Deus det, & hoc ipsum erat Sapientia, scire cujus esset hoc donum. Per continentiam quippe colligimur, & redigimur in unum, a quo in multa defluimus, minus te amat, qui tecum aliquid amat, quod non propter te amat, ubi aperte exponit de continentia ab omni inordinato amore creaturarum: unde subjungit in c. 30. Jubes cerce, ut continent a concupiscentia carnis, & concupiscentia oculorum, & ambitione sæculi, quod prosequitur per totum caput 31. & eandem expositionem indicat l. 4. cont. Julian. c. 3. & l. 3. de Peccator. meritis. cap. 5.*

Literalis
sensus loci
prædicti.

17. Accedit, quod si in rigore verba Sapientis ad litteram exponamus, non videtur ibi Sapiens loqui de virtute continentia sive speciali, sive generali, sed de dono conservandi, & retinendi sapientiam semel adeptam. Continere enim interdum significat idem, quod abstinere, seu moderate, ac temperate agere, aliquando vero significat idem, quod obtinere, & compotem fieri rei desideratæ, sicut dicitur Ecclesiast. 6. *Investiga illam (scil. sapientiam) & manifestabitur tibi, & continens factus, ne derelinquas eam: & c. 15. Qui continens est justitia, apprehendat illam.* In hac ergo significatione posteriori videtur loqui Sapiens in alio loco; explicaverat enim, quanto desiderio quæreretur sapientiam, dicens: *Circuibam quarens, ut mihi illam assumerem: & postea subjungit, ut scivi, quia non possum esse continens*, utique ejusdem sapientia, nam de castitate, vel concupiscentia nullus præcesserat sermo: & verba etiam sequentia hoc declarant: *Et hoc ipsum erat Sapientia, scire cujus esset hoc donum, utique sapientia.* De quo item subjungit adiisse Dominum ad petendum illud, petitio autem fuit quæ c. 9. subiungitur. *Da mihi Domine sedium tuarum assitricem sapientiam.* Itaque hic est sine dubio sensus literalis communiter iam receptus, ut ibi notat Lorinus.

Locus al-
ter Ecce-
stic.
magis li-
teralis ad
justitu-
gum.

18. Nihilominus tamen sententia ipsa applicata ad donum pudicitia vera est, & fortasse melius comprobatur ex illa oratione Sapientis Ecclesiast. 23. *Aufer a me ventris concupiscentias, & concubitus concupiscentia ne apprehendant me*, ut illum locum expendit Augustinus lib. de Gratia, & liber. arbitr. cap. 16. & ratio est, quia, ut dicebam, materia illa exposita est tentationibus gravibus externis, & internis, valde familiaribus diuturnis, ac frequentibus; ergo ita est obser-

varu difficilis, ut sine auxilio gratiæ per multum tempus integre servari non possit. Veruntamen hoc maxime locum habet in hominibus non conjugatis, nam qui matrimonium contraxerunt, & illo uti facile possunt, jam habent remedium contra concupiscentiam, non tam resistendo illi, quam ei sine peccato consentiendo, & ideo in illis fortasse contingere potest, ut aliqui possint ex sola honestate naturali castitatem conjugalem conservare. Nihilominus tamen regulariter, & moraliter loquendo, existimo esse necessarium auxilium gratiæ ad servandam illibatam castitatem conjugalem, tum corpore, tum etiam mente, quia vix potest contingere, ut in illo etiam statu graves tentationes saltem ad internum desiderium, vel morosam delectationem inclinantes, non occurrant. Et hoc etiam suadent verba Sapientis supra allegata, & verba Pauli 1. ad Corinth. 17. *Unusquisque proprium donum habet ex Deo, unus sic, alius vero sic*, id est, unus in castitate conjugali, alius in virginali, de hoc enim ibi ad litteram loquebatur. Nec recte dici potest, ibi donum Dei non significare donum gratiæ, sed vel donum naturæ, vel abstractæ quodcumque donum Dei, quia non solet hæc esse phrasis Pauli, neque ita intelligitur a Patribus, sed de dono gratiæ, ut patet ex Augustino lib. de Grat. liber. arbitr. c. 9. & Prosper contra Collator. cap. 36. Verum est Paulum loqui de castitate, ut a Christianis servatur propter salutem æternam, sub qua ratione est opus pietatis, & ideo manifestum est, non fieri sine auxilio gratiæ. Veruntamen difficultas, & arduitas ipsius operis suadet, etiam secluso ordine ad vitam æternam, auxilium gratiæ postulare, ut propter puram honestatem naturalem fiat.

19. Atque ex his facile expeditur, quod tertio loco positum est de absoluta voluntate, & proposito servandi; perpetuam castitatem. Dicendum est enim tale propositum, si sit in suo ordine perfectum, id est, omnino absolutum, & efficax, non posse haberi sine auxilio speciali, quia in illorum proportionem locum habet ratio facta de amore super omnia, quia in suo objecto includit aliquid moraliter impossibile, ut patet ex proxime dictis. Atque idem cum proportionem dicendum est de virginitate, nam virginitas quædam perfecta castitas est, & non significat unum actum particularem, vel limitatum ad observantiam virginitatis pro aliquo parvo tempore (hoc enim fieri forte potest aliquando sine auxilio speciali) sed includit absoluta virginitas perpetuitatem quandam, quæ nec perseveranter servari potest sine auxilio speciali, neque etiam potest efficaciter proponi simili, & proportionato adjutorio: & in hoc sensu loquitur Christus Matth. 19. & Paulus 1. ad Cor. 7. Et hoc modo quintum exemplum expeditum est.

3. de ab-
soluta
proposito
efficaciq;
castitatis.

De 5. ex-
plo in n. 1.

20. Sextum erat de consilio paupertatis de quo cum eadem proportionem loquendum est. Nam paupertas voluntaria non significat unum, vel alium actum particularem, & ad breve tempus limitatum, sed includit perpetuitatem, & propositum efficax vivendi semper sine proprietate bonorum temporalium. Imo perfecta Evangelica paupertas includit obligationem servandam talem paupertatem, quæ res est sine dubio valde ardua, & difficilis, & ideo mirum non est, quod sine speciali auxilio gratiæ fieri non possit. Hæc autem difficultas reduciatur ad illam, quæ est in perseverantia bene operandi in quacumque materia honesta multum repugnante concupiscentiæ, & naturali inclinationi, ac humanæ consuetudini; quæ difficultas per modum unius objecti proposita reddit actum efficacis intentionis ejus impossibilem moraliter sine auxilio speciali. Est autem hoc longe certius de paupertate, de qua Christus loquebatur Matth. 19. quæ consistit in abrenuntiatione omnium propter Evangelicam perfectionem obtinendam, ad quod sine dubio magnum auxilium gratiæ necessarium est, quia est insignis actus pietatis. Quanquam non recte ad hoc inducantur illa verba Christi: *Apud homines hoc impossibile est, apud Deum autem omniaabilia sunt*, quia Christus non hoc dixit propter observationem paupertatis, sed potius propter divites, de quibus proxime dixerat, vix posse salvari, & ideo admirantibus discipulis, dixit illam generalem sententiam, ut specialem gratiæ necessarii.

De 6. ex-
plo ibid.

cessitatem ad vitandas occasiones peccandi, quas divitiæ afferunt, significaret.

De 7. ex-
pio in fine
du. 4.

21. Ultima objectio erat de martyrio (ut ita dicam) naturali, id est, de sustinenda morte pro vitando aliquo peccato contra legem naturæ, de quo actu, si re vera fiat propter solam virtutem, & honestatem naturalem, videtur mihi, non posse fieri sine speciali Dei dono, & auxilio, etiam si propter Dei amorem expresse non fiat: ratio est, quia illa est quædam gravissima tentatio contra bonum virtutis, quæ, ut ostendimus, sine speciali auxilio vinci non potest. Item quia est quædam dilectio, vel Dei, si propter illum expresse fiat, vel saltem honestatis supra omne id, quod illi repugnat, etiam si sit grave malum, multumque pugnans naturæ; hic autem amor præsertim eo ipso tempore, quo urget gravis tentatio, excedit vires solius liberi arbitrii, juxta Patrum doctrinam supra comprobata. Dixi autem, si actus fiat propter solam honestatem, nam si adjungatur aliquod malum, vel temporale motivum, ut appetitus honoris, vel famæ, aut aliquid hujusmodi, interdum sustineri potest mors per vires arbitrii, nam etiam peccando id interdum fit, quia hæc sensibilia objecta plus movent ad hujusmodi difficultates superandas, quam pura honestas, ut cum August. in lib. de Continentia in superioribus explicuimus.

C A P U T XXXVIII.

Utrum homo lapsus, vel in puris naturalibus constitutus naturales virtutes possit suis viribus sine auxilio gratiæ acquirere?

1. **O**Mnia, quæ in hoc libro hæcenus diximus, ad boni operationem, & actuale malum evitandum spectant. Unde superest, ut in hoc capite de virtute permanente, seu habituali, quæ ex actibus generari solet, paucadicamus. Neque est, quod in præfati tractemus de homine in natura integra, nam in illo statu de facto homo habuit omnes naturales virtutes per accidens infusas, & ideo per actus, & vires arbitrii postea non acquirerentur, non ex defectu virium liberi arbitrii, vel actuum ejus, sed quia actus jam tunc procederent ab habitu, & verisimile est, tam perfectas fuisse virtutes, ut per actus non ulterius intenderentur. Est item valde probabile, illas virtutes juxta convenientem providentiæ modum pertinuisse ad donum integritatis naturæ, prout in statu innocentie hominibus datum est. Unde fit consequens, si status ille innocentie duraret, etiam fuisse has virtutes infundendas hominibus, qui ex Adamo non peccante nascerentur.

2. Verumtamen quocumque modo ponatur homo conditus in natura integra sine habitibus naturalium virtutum per accidens infusis, certum est, potuisse talem hominem per vires naturales acquirere habitus illarum virtutum cum ea perfectione, quam intra ordinem naturæ possit habere. Quod addo ad excludendum ordinem charitatis, & vitandam verborum æquivocationem, vel contentionem, de qua statim dicam. Clarum est enim, si habitus virtutum acquisitarum acquirunt aliquam perfectionem, vel aliquod esse virtutis ex conjunctione ad charitatem, non potuisse hominem, etiam in statu naturæ integræ habere illam perfectionem virtutis suis viribus, quia non poterat per naturales vires charitatem habere. Secluso ergo hoc respectu, & omni alio supernaturali, posset homo integer non habens has virtutes, illas acquirere in suo esse virtutis perfectas. Probatur, quia hæc virtutes acquiruntur per actus; homo autem in illo statu posset semper recte operari absque peccato, ut supra dictum est, quam facultatem haberet in quacumque materia virtutis, & pro sua libertate posset illam exercere totis suis viribus; ergo posset per actus suos has virtutes acquirere. Et confirmatur, nam posset homo in eo statu naturales scientias satis perfectas acquirere, ut supra c. 1. ostendimus, & eadem ratione posset de omnibus agendis prudenter judicare, & ita prudentiam acquirere, juxta d. in c. 3. ergo simili modo posset acquirere habitus aliarum virtutum moralium.

Imo has virtutes potuisset quodammodo perfectiores acquirere, quam scientias; tum quia materiæ scientiarum amplissimæ sunt, unde & veritates scibiles naturaliter ita multiplicantur, ut probabile sit, non potuisse ab homine integro in statu viæ exhaustiri; materiæ autem virtutum moralium sunt magis limitatæ, & brevi tempore potest homo in omnibus se exercere; tum etiam quia scientiæ multum perficiuntur per extensionem ad varias materias, quia in eis & veritates, & media cognoscendi multiplicantur, virtutes autem morales parum augentur propter extensionem ad varias materias, intra eandem rationem virtutis, nisi materiæ sint, aut valde dissimiles, aut in difficultate impares, quia in unaquaque virtute ratio motiva honestatis est semper eadem, & ita varietas materiæ valde accidentaria est, ideoque potest esse virtus perfecta, quamvis non in omnibus materiis suis, sed in præcipuis, & difficilioribus exercita, seu acquisita fuerit: & ita circa statum naturæ integræ nulla superest controversia, vel difficultas.

3. Superest ergo dubium propositum de homine in statu naturæ lapsæ, vel purorum naturalium, hosenim in his effectibus semper æquiparamus. In quo aliqui negant, posse ab homine lapsso acquiri aliquam veram virtutem moralem, seu naturalem, idque probant ex Aug. l. 4. contra Jul. c. 3. ubi ex professo probat, non esse in aliquo veras virtutes, etiam morales, nisi justus sit. Unde cum non possit homo esse justus suis viribus naturalibus, plane sequitur, non posse acquirere veras virtutes solis naturæ viribus; unde idem August. lib. 1. Retract. c. 3. retractat, quod dixerat 1. de ordine c. 3. Philosophos non verapietate præditos virtutis luce fulsisse, sentiens virtutem sine vera pietate esse non posse. Adducunt etiam D. Th. 1. 2. q. 65. a. 2. & 2. 2. q. 43. art. 7. quibus locis docet, sine charitate nullam esse veram virtutem, etiam moralem, quia nec facit bonum habentem, cum sine charitate sit in peccato, nec facit opus ejus bonum, quia actus sine charitate factus nihil prodest, ut dicitur 1. ad Cor. 13. Imo addunt, etiam in ordine ad finem naturalem actum talis habitus non esse vere bonum, & veræ virtutis, quia non potest ordinari ad Deum super omnia dilectum, etiam ut finem naturæ.

4. Sed in his probationibus manifeste committitur æquivocatio, de qua supra dicebam, vel controversia reducitur ad questionem solam de modo loquendi. Notum est enim, charitatem more Theologico loquendo, esse formam virtutum etiam acquisitarum, ut virtutes Christianæ (ut sic dicam) efficiantur, & apta principia operum conducentium ad vitam æternam. Unde loquendo in hoc sensu deesse virtutis Christianæ, seu quoad statum meriti, nullus catholicus unquam dixit, veras virtutes morales posse acquiri sine gratia, sed quia Pelagius hoc dixit, nam & charitatem ipsam, & omnia principia merendi, putavit esse naturalia, ideo August. in sensu contratio dixit, in peccatoribus, vel infidelibus non esse veras virtutes, Paulus autem proprius, & rigorosius dixit, non prodesse. De hoc ergo non est controversia, nam in his virtutibus prout charitate formatis oportet duo distinguere. Unum est realis habitus moralis virtutis, qui est qualitas quædam ordinis naturalis independens in suo esse reali, & intrinseco a charitate, & ex suo objecto essentialiter honestus, atque ita in suo ordine essentialiter virtus acquisita. Aliud est relatio illa, vel potius denominatio, quæ illi adjungitur ex conjunctione ad charitatem. Quantum ergo ad hoc secundum, clarum est, neque posse obtineri sine auxilio gratiæ, neque posse permanere sine habituali gratia, & charitate, ac proinde virtutes acquisitas non posse secundum hanc rationem virtutis inveniri in homine existente in peccato morali. Neque de hoc est in re dissensio inter Theologos, licet in eo esse soleat, quod multi negant, denominationem illam, quam virtutes acquisitæ accipiunt ex conjunctione ad charitatem, quidquam referre ad esse virtutis earum, quod fortasse ad modum loquendi tantum pertinet.

5. Punctum ergo præsens est de primo, id est, de virtutibus moralibus acquisitis secundum esse reale, & intrinsecum earum. Nam de illis ita spectatis, certissimum

De homi-
ne lapsso,
vel in pu-
ris condi-
to.
i. opinio
negans.
Alvar.
disp. 50.
& 112.

Judicium
præcedē-
tis opinio-
nis per di-
stinctionē
virtutis
moralis
Christianæ,
vel Philoso-
phicæ.

i. Assert.
Virtus
moralis
Christiana,
nec obtinetur
nec retinetur
absque gratia.

3. Assert.
Virtus
moralis

Philosophica
seculi
acqui
sita
retri
netur,
absque
spe
ciali auxi
lio.

num est, posse manere sine gratia habituali, & charitate. Nam si quis iustus habens has virtutes, mortaliter peccet, non amittit illas, quantum ad inritum esse earum, ut est constans apud omnes, quia habitus acquisitus non amittitur per unum actum contrarium. Unde necesse est, ut etiam maneant in suo esse essentiali specifico, quia hoc esse est inseparabile a quacumque entitate, dum manet. At vero extra vitale esse, habent illi habitus quod sint virtutes philosophicæ (ut sic dicam) seu mere naturales, quia secundum illud inclinant ad bonum honestum, ut honestum est, & usus illorum habituum ita est bonus, ut nemo possit illis male uti. Unde etiam necessario faciunt bonum habentem in suo ordine, & gradu, quia non est de ratione virtutis, ut faciat habentem sanctum, aut simpliciter bonum in omni genere, sed ut faciat bonum in sua specie, & ordine, id est, temperantia facit bonum, id est, temperatum, iustitia iustum, & sic de aliis. Neque repugnat, aliquem esse sic moraliter bonum in habitu eo tempore, quo est iniustus, & in peccato mortali. Imo etiam potest esse bonus in actu, bene operando ex habitu virtutis, & consentaneæ ad finem ultimum naturalem, ut in superioribus explicatum est. De virtutibus ergo sic acquisitis est difficultas, an possint acquiri sine gratia, & sine auxilio gratiæ.

De ejusdem
Philosophicæ
virtutis ac
quisitione
opinio
Marfilij
parata.

6. In hoc ergo puncto Marsilius in 2. qu. 20. art. 3. concl. 5. sentit, has virtutes posse acquiri sine gratia habituali, non vero sine aliqua gratia gratis data. Priorem partem probat, quia gentiles acquisiverunt has virtutes, cum tamen nec gratiam, nec fidem habuerint. Antecedens probat testimonio Hieronymi in epist. ad Demetriad. dicentis: *Multos Philosophorum audivimus, & legimus, & vidimus ipsos castos, patientes, benignos, modestos, liberales, abstinentes, iustitie amatores, non minus, quam sapientia. Unde quaeso, hominibus a Deo alienis ista, quæ Deo placent?* Ab hominibus ergo a Deo alienis, ac subinde gratia ejus carentibus virtutes istæ acquiruntur. Posteriores vero partem probat ex principiis supra positis, quod homo lapsus non potest sine auxilio gratiæ resistere tentationibus occurrentibus, nec constanter bene operari, supponit autem hoc esse necessarium ad acquirendos habitus.

Rejicitur
& satisfit
probatio
nibus.

7. Si autem vera sunt, quæ supra diximus de necessitate gratiæ ad non peccandum contra legem naturalem, hæc duo inter se pugnant, saltem de facto, & secundum ordinariam providentiam. Nam hoc modo diximus, gratiam habitualemente esse necessariam ad constanter bene operandum in moralibus virtutibus, quia licet hoc fieri possit per solum actuale auxilium speciale, illud de facto non datur, nisi hominibus iustis, & Deo gratis; ergo si ad virtutum habitus acquirendos necessarius est ille modus bene operandi constanter, & universaliter, sicut non possunt virtutes sine speciali auxilio acquiri, ita neque sine gratia habituali. Præterea nihil est, quod nos cogat ad dicendum gentiles habuisse veras virtutes morales, etiam secundum esse virtutis habitibus intrinsecum; nam testimonium illud, quod ex Hieronymo citatur, re vera non est Hieronymi, sed Pelagii, supra enim ostendimus epistolam illam esse Pelagii. Potuissetque Marsilius eandem contra secundam partem suæ assertionis allegare: nam post illa verba: *Unde quaeso, hominibus alienis a Deo ista, quæ Deo placent?* subjungit: *Unde autem illis bona, nisi de natura bono?* Ecce, non Deo specialiter auxilianti, sed naturæ tantum illas virtutes tribuit; unde inferius ait: *Quod si etiam sine Deo homines ostendunt, quales a Deo, facti sunt, vide, quid Christiani facere possint, quorum in melius per Christum vita, & natura instructa est, & qui divina quoque gratiæ juvantur auxilio.* In quibus verbis totus error Pelagii latet; nam in primis, cum ait, sine Deo ostendisse gentiles, quales a Deo facti essent, omne auxilium Dei excludit; imo & omnem Dei concursum negare videtur, sed naturam semel conditam, & conservatam per se ita operari. Deinde tantum Christianos sentit juvari a gratia ad virtutes acquirendas. Neque mirum, quia cum non aliam gratiam, nisi doctrinam, promissiones, & exempla fateretur, consequenter dixit, solos Christianos illa gratia juvari, &

illam etiam non ut necessariam ad virtutes acquirendas, sed ut utilem agnoscebat, adeoque sine illo auxilio illas virtutes in Philosophis prædicabat, & extollebat. Potuisset ergo Marsilius ex his posterioribus verbis suspectum habere prius testimonium; nam licet Philosophi aliqui exteriora opera harum virtutum exercuisse videantur, non inde fit, veras virtutes morales habuisse, nam verisimilius est, non ex pura intentione virtutis, & honestatis, sed vel ex aliqua humana cupiditate honoris, aut gloriæ vanæ, vel propter aliquam temporalem commoditatem ita vixisse. Nam, ut supra ostendimus, moralis operatio undique bona difficilis est, & raro sine gratia habetur; ergo verisimile non est, in hominibus impiis illam exterioris vitæ moderationem ex pura intentione virtutis fuisse profectam, prout necessarium esset ad acquirendas veras morales virtutes.

8. Ex hoc ergo principio recte colligi videtur, virtutes etiam morales naturalis ordinis non posse acquiri, nisi ex gratiæ auxilio, ita speciali, ut non detur nisi iustis, & gratiam habitualemente habentibus. Duo autem possunt huic resolutioni obviare. Unum est, quia diximus, has virtutes posse esse simul cum peccato mortali, ac subinde sine gratia habituali; ergo sine illa etiam poterunt acquiri. Aliud est, quia hæc virtutes generantur per actus, sed sine gratia habituali, imo & sine auxilio speciali potest homo facere actus istarum virtutum: ergo potest etiam acquirere habitus, vel aliquos, vel etiam omnes, quia omnium virtutum actus possunt per liberum arbitrium fieri; sed illud prius facile solvitur, nam difficultas isti habitus acquiruntur, quam conserventur, acquiruntur enim per actus, difficultas autem virtutis est in actuali operatione, & ideo ad illam difficultatem vincendam, est necessarium auxilium gratiæ. Postquam autem habitus est acquisitus, jam non pendet in conservari a præcedentibus actibus, & consequenter neque ab actuali influxu gratiæ, sed solum a generali influxu Dei ut authoris naturæ. Et ideo postquam homo iustus cum Dei auxilio has virtutes acquisivit, quamvis mortaliter peccet, eas retinet, quia Deus propter peccatum non negat generalem influxum ad earum conservationem necessarium. Addendum vero est, ut hæc virtutes in perfectione sua conserventur longo tempore, necessarium esse, intra breve tempus ad statum gratiæ redire, & a Deo specialiter adjuvari, quia isti habitus per contrarios actus corrumpuntur, & hi actus in statu peccati, si diuturnus sit, facile multiplicentur, & ideo necesse est, ut in eo statu paulatim corrumpantur.

9. Ut vero ad posteriorem objectionem respondeamus, tria in habitibus harum virtutum distinguere oportet, primum est substantia ipsius habitus, seu initium, & fundamentum ejus, secundum est status intrinsecus ipsius habitus, qui necessarius est, ut nomen virtutis in suo ordine mereatur, qui consistit in intentione sufficiente ex parte subjecti, & simili extensione ex parte materiæ, ut circa totam illam faciem reddat habentem: tertium est status extrinsecus, per ordinem ad alias virtutes ejusdem ordinis. Qui status distinctus quidem est ab illo, quem supra dicebamus, habere hos habitus per conjunctionem ad charitatem; nam hæc qualiscumque perfectio ad ordinem supernaturalem pertinet; hic autem status, de quo modo loquimur, intra ordinem naturalem acquisitarum virtutum continetur, & in hoc consistit, ut una virtus sit cum aliis connexa. Quem statum aliqui putant esse ita necessarium ad denominationem virtutis, ut sine illo ceaseant, non mereri nomen virtutis simpliciter, etiam philosophice, ac pure moraliter loquendo, quod sensisse videtur D. Tho. 1. 2. qu. 65. ar. 1. Alii vero id negant, dicuntque solum requiri hunc statum ad extrinsecam perfectionem virtutis. Quæ dissensio fortasse solum est in modo loquendi, & in præsentia parum est necessaria. Nam quod ad rem pertinet, negari non potest, quin virtutes connexæ, id est, simul in eodem homine existentes frequenter sese mutuo juvare possint, ita ut in multis occasionibus, quælibet illarum facile, & prompte operetur propter alterius confortium, quod non ita facile præstare posset quælibet illarum virtutum, si solitaria esset. Item cum omnes vir-

Assert. 3.
in ordinem
negative
respondens
titulo.

1. Object.

2. Object.

Solutio 2.

Pro 2. ob-
jectione
tria distin-
guuntur
in habitu
virtutis.

utes morales voluntatis pendeant a prudentia, ratione illius maxime est necessaria hæc connexio, quia iudicium prudentiæ in materia unius virtutis pendet sæpe ex materia alterius virtutis, & ita oportet habere rectum affectum circa utramque ad uniuscuiusque electionem dirigendam.

10. Loquendo ergo de habitu virtutis primo modo præcise spectato, concludit objectio, posse entitatem habitus (ut sic dicam) acquiri sine speciali auxilio gratiæ. Quia auxilium solum requiri potest, ut fiat actus, nam quod actus semel factus faciat habitum, non est opus gratiæ, sed naturæ, quia neque effectio illa est libera, sed necessaria, supposito actu, nec ille effectus transcendit naturalem activitatem actus. At vero ad efficiendum actum moraliter bonum non est necessaria gratia, ut diximus; ergo neque ad acquirendum habitum quoad entitatem, & essentiam ejus. Hæc consequentia evidentior est juxta opinionem asserentem per primum actum acquiri habitum, nam si id verum est, etiam infidelis, vel peccator faciens unum actum virtutis moralis sine gratia, acquirere habitum ejus, in quo erit essentia, & species virtutis. Veruntamen etiam si quis contendat requiri plures actus ad productionem habitus, idem dicendum erit, quia non est verisimile, plures actus requiri, quam possint per vires naturæ fieri in brevi tempore. Hinc vero solum habemus, posse acquiri per vires naturæ habitum virtutis in statu valde imperfecto, in quo habitus a Philosophis vocatur potius dispositio, quam habitus, quia est facile amissibilis, & ita habet modum dispositionis potius, quam habitus. Quod maxime verum est in homine auxilio gratiæ destituto, quia facile multiplicabit contrarios actus, quibus illa dispositio obruatur, vel deleatur.

11. Unde dicimus ultetius, habitum virtutis naturalis in perfecto statu intrinseco constitutum moraliter acquiri non posse sine auxilio gratiæ. Probatur in primis, quia ad hunc statum requiritur, quod habitus sit valde intensus, & radicans, quo modo non acquiratur, nisi per frequentiam actuum, qui & in intentione crescant, & sine interruptione contrariorum actuum fiant, hoc autem moraliter non contingit in aliqua virtute sine adjutorio gratiæ, propter impedimenta lapsæ naturæ, & tentationes occurrentes, ut experientia ipsa docet, & sæpe declaratum est. Similis ratio sumitur ex perfectione extensiva: nam perfecta virtus debet dare promptitudinem in tota sua materia, vel in majori parte ejus, & præsertim in materia ardua, & difficili, quæ perfectio habitus acquirenda est per actus; non potest autem liberum arbitrium suis viribus in tota illa materia constanter studiose operari, cum non possit gravem tentationem vincere: ergo neque potest virtutem aliquam in eo statu acquirere sine auxilio gratiæ.

12. Et hinc a fortiori concluditur, non posse hominem acquirere virtutem aliquam in statu perfecto, secundum rationem extrinsecam provenientes ex connexione virtutum. Probatur primo, quia hic status supponit priorem: ergo si prior non comparatur sine viribus gratiæ, multo minus hic posterior. Deinde hic status postulat acquisitionem omnium virtutum moralium collectivè, ita ut simul habeantur omnes, & singulæ in statu intrinsecæ perfectionis: sed non est minus impossibile acquirere omnes virtutes simul, quam implere integre totam legem naturæ, quia acquisitio omnium virtutum non fit sine magno, & diuturno usu bene operandi sine defectu in materiis omnium virtutum: ergo status ille, seu connexio virtutum sine auxiliis gratiæ acquiri non potest. Et in his duobus ultimis punctis erravit Pelagius in dicta epistol. ad Demetriad. ubi postquam de Philosophis dixit: *Vidimus ca-*

stos, patientes, &c. subdit: *Cum omnia, quæ dixi, vel omnia in uno, vel singula in singulis haberi videamus, cum omnium natura una sit, exemplo suo invicem sibi ostendunt, omnia in omnibus esse posse.* Nam in primis gratis fingit, aliquem Philosophum habuisse omnes virtutes simul, vel singulos habuisse singulas, quia neque unum habuisse unam in statu intrinseco, & vero esse virtutis, potest cum fundamento affirmari. Deinde licet ita esset, quod aliquis habuisset omnes, vel singuli singulas; immerito hoc tribueretur soli naturæ, quia potuisset Deus alicui, vel aliquibus juxta occultas rationes providentiæ suæ, auxilium ad id præstare, quod ita credendum est, si exemplum admittatur, ut bene Marsilius docuit.

13. Tandem adverto, quod sicut per conjunctionem ad charitatem infusam censentur virtutes omnes peculiarem statum virtutis acquirere per quendam respectum ad finem ultimum supernaturalem, ita etiam considerando virtutes acquisitas in ordine ad param naturam, si conjunctionem etiam habeant dilectionem Dei naturalem super omnia, inde censeretur posse habituras peculiarem statum virtutis moraliter nobiliorem, & diversæ rationis ab eo, quem per mutuam connexionem acquirunt. Unde quia homo lapsus, vel in puris naturalibus non potest diligere Deum super omnia suis viribus, inde etiam fit, ut non possit acquirere virtutes in hoc statu sic perfecto. Verum est tamen quoad hoc non omnino esse æqualem rationem inter amorem naturalem, & charitatem, nam homo virtute charitatis destitutus nullo modo diligit Deum ut finem supernaturalem, neque amore elicitio, neque innato, homo autem in natura pura spectatus, etiam si non eliciat amorem super omnia, neque ejus habitum acquirat, nihilominus diligit Deum ut autorem naturæ super omnia amore innato, id est, naturali pondere voluntatis. Et hoc satis est, ut quacumque ratione virtutes morales in homine puro simul existant, sive per accidens infusæ, sive cum speciali Dei adjutorio acquisitæ, etiam si nullus habitus amoris Dei adjungatur, vel actus elicitus supponatur, habent perfectum statum virtutis, etiam per relationem ad ultimum finem naturalem, quia præterquam quod ipsæmet virtutes naturaliter tendunt ad eundem finem, sicut de earum actibus supra diximus, etiam ipsa voluntas est naturaliter propensa ad referendas omnes illas in eundem finem ultimum. Atque hoc satis est ad dictum statum virtutis, præsertim si talis persona non sit in statu peccati: nam si macula mortalis culpæ interveniat, quodammodo deordinat, & consequenter destruere videtur illum statum virtutis. Quanquam & hoc etiam magis sit secundum moralem considerationem, quam secundum rationem physicam, si per culpam habitus virtutum realiter non minuantur. Est etiam alia differentia inter amorem Dei supernaturalem, & naturalem, & quod homo viribus suis nullo modo potest diligere super omnia Deum ut supernaturalem finem nec perfecte, nec imperfecte, potest autem diligere super omnia Deum ut finem naturæ, amore etiam elicitio, saltem imperfecto, & inefficaci, & aliquam conditionem includente. Ille autem satis est, ut quamdiu durat ipse, vel virtus ejus, reliquæ omnes virtutes in eundem finem ultimum referantur. Et ita ex hac parte non est simpliciter necessarium speciale auxilium gratiæ ad hoc quaecumque esse virtutis, seu perfectionem statum ejus. Quamvis, ut hic status sit magis stabilis, & perfectiori modo acquisitus per proprium actum ipsius hominis, illud peculiare auxilium necessarium sit, quod ad amandum simpliciter, ac perfecte super omnia Deum autorem naturæ in hoc statu, & in puris naturalibus postulatur.

Virtutum naturalium societas ab amore naturali quodammodo elevatur.

Respondet jam ad 2. objectionem, & li. 3. assertio 3.

Progreditur solut. 2. objectionis, & probatur assertio 3. juxta statum intrinsecum virtutis.

Itæ juxta statum extrinsecum

LIBER SECUNDUS DE NECESSITATE GRATIÆ

AD ACTUS DIVINI ORDINIS ELICIENDOS,

SERVANDA SUPERNATURALIA PRÆCEPTA, ET PECCATA
ILLIS CONTRARIA VITANDA.

P R Æ L U D I U M.



ACTENUS dictum est de necessitate gratiæ ad actus ordinis naturalis, quæ tota necessitas ex vulnere peccati originalis orta est, & ideo quasi extrinseca, & adventitia reputari potest. Nam licet homo in pura natura eandem gratiæ necessitatem haberet, saltem ad

non peccandum, & honeste vivendum, nihilominus secundum præsentem Dei institutionem, necessitas illa sublata fuerat, nisi lapsus naturæ intervenisset. Præter hanc vero necessitatem invenitur alia magis intrinseca, & per se consequens ad quamcunque intellectualem naturam creatam, ut ad beatitudinem naturam superantem, per opera illi proportionata tendere possit, quæ opera vocamus actus divini ordinis, de quibus per se primo dantur supernaturalia præcepta: & ad illos est necessaria gratia creaturæ rationali, non ratione alicujus lapsus, vel vulneris naturæ, sed per se propter excellentiam talium actuum, & ideo hæc necessitas tam in Angelis, quam in homine in natura integra inventa est. In homine autem creato in puris naturalibus non consideratur, quia licet in illo esset impotentia ad eliciendos illos actus propriis viribus, tamen cum non esset ordinatus ad supernaturalem finem, illis actibus non indigeret, ideoque absolute non esset illi talis gratia necessaria.

2. Nunc autem in statu naturæ lapsæ utraque necessitas ad hos actus convenienter eliciendos concurrat, quia & natura per se est impotens ad efficiendos actus superioris ordinis, & vulnere peccati non tantum bonum ipsum naturalium virium impediunt, sed multo magis supernaturalium. Verumtamen impedimentum hoc proveniens ex peccato, fere ejusdem rationis est in operibus supernaturalibus, quæ in naturalibus, & ideo ad hanc indigentiam, ac necessitatem facile applicari possunt dicta in superiori libro. Quapropter in hoc libro de intrinseca gratiæ necessitate ad actus superioris ordinis dicemus, & quia hæc necessitas in peculiari natura talium actuum fundatur, ideo quantum generalis doctrina permiserit, illam explicabimus, si qua vero difficultas bene operandi etiam his actibus ex originali peccato accreverit, ob quam major gratia ad illos necessaria sit nunc, quam ante peccatum, illam etiam declarabimus.

3. Suppono vero hos actus, qui per se postulant gratiæ auxilium, præcipue esse intellectus, & voluntatis, nam per has potentias homo attingit Deum in se, estque capax ejus ut objecti beatitudinis supernaturalis, & ita illæ potentiæ sunt, quæ objecta supernaturalia, ut talia sunt, attingere possunt. Ac propterea etiam supernaturalia præcepta per se primo de his actibus dantur; de externis vero non nisi quatenus ab his internis pendent, & ab illis solis, sicut oportet, imperari possunt. Ex quo facile quis intelliget, materiam hujus libri conjunctissimam esse cum materia de virtutibus insus, præsertim de fide, spe, & charitate, & ideo non posse tractari, quin attingantur aliqua, quæ de illis virtutibus disputari solent. Verumtamen ad hunc locum sola ea pertinent, quæ generalia sunt, & ideo quoad fieri possit, in illis tantum versabimur, ex his vero, quæ sunt propria singulorum virtutum ea

tantum attingentes, sine quibus generalia explicari non possunt, & dicemus prius de his, quæ ad intellectum pertinent, quia prior potentia est, deinde de his, quæ ad voluntatem spectant, & obiter de inferioribus potentiis, quatenus aliquid gratiæ participare possunt, delibabimus.

C A P U T I.

Utrum gratia divina revelationis, ad Deum in hac vita cognoscendum, sicut ad salutem operet, fuerit necessaria?

1. Diximus in superiori libro, divinam revelationem per se non esse necessariam ad veritates naturales cognoscendas, ideoque in homine non requiri necessario ad aliquam veritatem in particulari, ac definite, licet ad cognoscendas omnes sine errore, vel diminutione necessaria sit homini præsertim lapsus. Nunc vero de veritatibus altioris ordinis tractamus, & duo inquiruntur, quæ in titulo insinuantur, unum est, an sint aliquæ veritates, quæ sine revelatione cognosci non possint. Aliud est, an illa revelatio, & cognitio sit ad salutem necessaria: quia vero utrumque in materia de fide, & in aliis locis Theologiæ ex professo disputatur, ideo in præsentī breviter, & per summa capita expeditur.

2. In primis ergo suppono, aliqua divina mysteria, hominibus esse ad cognoscendum proposita, quæ sine divina revelatione cognosci non possent. Hoc certissimum est, traditurque a Theologis tractantibus de Trinitate, Incarnatione, Eucharistia, Vita æterna, seu Visione beata, & aliis potissimis mysteriis fidei, de quibus nos etiam in suis locis diximus. Nunc ergo breviter probatur primo ex illo Matth. 16. *Beatus es Simon Barjona, quia caro, & sanguis non revelavit tibi sed Pater meus: & ex Paulo ad Rom. 1. Quod notum est Dei, manifestum est in illis, Deus enim illi manifestavit*, utique per creaturas, ut ex contextu constat, & omnes exponunt. Significatque Apost. esse aliud, vel alia in Deo non ita manifesta, sed altiora mysteria, quæ nisi revelentur, cognosci non possunt a creaturis, de quibus idem Paulus 1. Cor. 2. ait: *Sapientiam loquimur in mysterio, quæ abscondita est: & infra: Nobis autem revelavit Deus per Spiritum suum. Spiritus autem omnia scrutatur, etiam profunda Dei*; ratio autem, cur hæc non possint naturaliter ab homine cognosci, est, quia imperfecte, & per sensus sumit cognitionem, Si vero universalis de omni creaturæ intellectuali loquamur, ratio, ob quam multa non possunt ab ulla creatura naturaliter cognosci, est, quia aliqua mysteria Dei per solos effectus naturales non manifestantur, ut mysterium Trinitatis. Omnis autem creatura vi suæ naturæ solum potest cognosceret Deum, quatenus per effectus naturales investigari potest. Alia vero mysteria, quæ supra naturæ ordinem a Deo sunt, priusquam fiant, non possunt cognosci ut futura, nisi per revelationem, quia ex libera Dei voluntate pendent, nec postquam facta sunt, quia neque per se cadunt sub objectum intellectus creati, nec per effectus manifestantur, ut latius de Angelis tractatur 1. par. quæst. 57. art. 5.

1. Punctum
hujus capitis.
2. Punctum.

Pro 1.
puncto.
1. Suppositio.
2. Punctum.

Doctrina
de necessi-
tate ex-
trinseca
eadem pe-
ne ad u-
triusque
actus.

De quibus
1. præcipue
actibus
tractatio
instituta
est.

2. Suppo-
sicio pro
2. puncto,

3 Secundo supponendum est, cognitionem horum mysteriorum, quæ per solam revelationem notificantur, esse necessariam ad salutem. Hoc etiam est certum, & latius probatur in materia de fide. Nunc breviter colligitur ex illis verbis Christi Ioan. 17. *Hæc est vita æterna, ut cognoscant te solum Deum verum, & quem misisti Iesum Christum.* Ubi in verbo *cognoscant*, subiungendum est, non solum in vita futura, sed etiam in præsentia, nam hoc modo ait Christus clarificasse Patrem, & manifestasse ipsius nomen hominibus. Si ergo vita æterna sumatur in rigore pro cælesti vita, sic cognitio huius vitæ dicitur esse vita æterna, non formaliter, sed causaliter, quia est radix, & origo illius, ut dixit Cyrillus lib. 11. in Ioan. cap. 16. & indicat August. tract. 105. Si autem ipsamet cognitio huius vitæ dicitur formaliter vita æterna, intelligitur inchoative, ut ait Euthym. ibi. Et in utroque sensu ostenditur ex illo loco, cognitionem Patris, & Filii incarnati, & consequenter etiam Spiritus Sancti, esse tam necessariam in hac vita, ut sine illa neque vita æterna in cælo obtineri, neque hic prout expedit, participari possit.

D. Aug.
meas

4 Verum est, Aug. sæpe tam verbum *cognoscant*, quam *vitam æternam*, referre ad visionem Dei claram, ut pater lib. de Spirit. & Liter. cap. 33. & lib. 2. de Liber. arbitr. cap. 2. ubi advertit, ideo non dixisse Christum, ut credant, sed ut *cognoscant*, quia de altiori cognitione loquebatur. Et in hoc sensu, qui est probabilis, testimonium illud non probat intentum, tamen ibidem fatetur Augustinus, unam cognitionem esse præmium alterius, & consequenter cognitionem viæ esse radicem alterius: & Christus in toto illo capite satis clare loquitur de cognitione viæ. Sed ulterius hoc confirmant verba Christi Ioan. 6. *Omnis, qui audit a Patre, & didicit, venit ad me.* Audimus autem a Patre per revelationem divinam, juxta illud, quod ibid. Christus allegat, *Erunt omnes docibiles Dei*, ex illo Isai. 54. *Ponam universos filios tuos doctos a Domino*, utique per Christum, & prædicatores ejus, quibus ipse dixit Mat. ult. *Ite, docete omnes gentes*, hæc enim doctrina quædam revelatio est, ut infra dicam. Ratio vero, cur ad salutem sit necessaria cognitio illarum rerum, quæ non nisi per revelationem haberi potest, est ex ordinatione divine providentiæ, habet tamen fundamentum quasi conaturale in fine, ad quem natura intellectualis ordinata est. Ille n. est supernaturalis beatitudo, in qua beati visuri sunt etiam profunda Dei, & ideo oportuit, ut in via aliquo modo ea præcognoscerent, & quasi paulatim addiscerent. Item quia hæc cognitio talium mysteriorum necessaria ad salutem, est cognitio fidei, ut jam dicam, *Fides autem est ex auditu, auditus autem per verbum Christi*, ut dicitur ad Rom. 10. Unde etiam Trident. sess. 6. c. 6. dixit, *Disponuntur ad iustitiam divina gratia excitati, & adiuti fidem ex auditu concipientes*: nomine autem auditus, & verbi Dei omnis divina revelatio comprehenditur ut statim explicabo.

3. Suppo-
sicio atti-
mens ad
utrumque
punctum

5 Tertio igitur suppono id, quod proxime dixi, hæc cognitionem viæ ad salutem necessariam esse cognitionem fidei, nam licet possit Deus aliis modis se manifestare hominibus, non solum in patria per speciem, sed etiam in via per scientiam infusam, vel per prophetiam, tamen hi modi extraordinarii sunt, & ad salutem singulorum non necessarii, & ideo de illis non tractamus, & quia si ad fidem est necessaria gratia, multo magis ad altiores cognitiones Dei. Quod ergo cognitio fidei ad salutem necessaria sit, de fide est, ex Paul. ad Heb. 10. *Sine fide impossibile est placere Deo.* Et ad Rom. 10. *Quomodo invocabunt eum, in quem non crediderunt.* Et hoc etiam probant illa verba Christi Matth. ult. *Qui crediderit, & baptizatus fuerit, salvus erit*, significans tam necessariam esse fidem ad salutem, sicut est Baptismus. Ratio est, quia hæc mysteria non possunt cognosci per scientiam naturalem, scientia autem infusa nec debuit, nec convenienter potuit omnibus dari, & ideo postulata est cognitio quæ omnibus viatoribus communis esse possit, & ideo quandiu hic peregrinamur, per fidem ambulamus. Item oportuit intellectum captivari in obsequium Dei & ut credendo se disponat ad videndum, & quodam

Suarez. Tom. VI.

particulari modo per fidem visionem mereatur, ut latius in propria materia tractatur.

6 Ex his ergo concluditur, ad cognoscendum Deum in via, sicut oportet ad salutem, necessariam esse gratiam divinæ, & supernaturalis revelationis. Assertio est de fide, quam tradit Concil. Arausicanum can. 8. ubi definit, *neminem posse sine revelatione Dei mysterium salutis conquirere.* Et Trident. dicto cap. 6. *Disponuntur (ait) ad iustitiam fidem ex auditu concipientes: & infra, credentes vera esse, quæ divinitus revelata sunt.* Sumiturque hæc veritas ex testimoniis sacræ Scripturæ paulo antea allegatis. Item ex illo Matth. 11. *Abcondisti hæc a sapientibus, & prudentibus, & revelasti ea parvulis,* & paulo inferius: *Nemo novit Filium, nisi Pater, nec Patrem quis novit, nisi Filius, & cui Filius voluerit revelare,* & Ioannis primo: *Unigenitus, qui est in sinu Patris, ipse enarravit:* & c. decimo quinto; *Vos autem dixi amicis, quia omnia, quæ audiivi a Patre meo, nota feci vobis;* & infra: *Si non venissem, & loquutus eis fuisset, peccatum non haberent;* & infra: *Spiritus veritatis ille testimonium perhibet de me, & vos testimonium perhibebitis.* His enim omnibus modis divinæ revelationis necessitas declaratur, & sexcenta similia in Scriptura passim occurrunt. Unde neque Pelagius necessitatem huius beneficii divini negavit; imo illud solum, vel maxime gratiam appellabat, ut ex Augustino hæres. 88. & epist. 95. & lib. de Gratia Christi cap. 31. & lib. 2. cap. 26. & aliis frequentibus locis constat. Ratio item est ex dictis, quia ad salutem necessarium est cognoscere mysteria, quæ per rationem naturalem cognosci non possunt: ergo oportet, ut cognoscantur per cognitionem divinitus datam; hæc autem cognitio debet esse fidei divinæ, ut ostensum est, & magis infra probabitur, quæ fides nititur in divina revelatione, propter quod dixit Paulus: *Fidem esse argumentum non apparentium*, ad Hebr. 11. ergo divina revelatio est in primis necessaria ad prædictam cognitionem.

Assertio
principa-
liter intell.
ta, & de
fide.
Prob. au-
thoritate

Accedit
ratio

7 Dices: multa credimus de Deo in hac vita, quæ naturali etiam ratione cognoscimus, nam Paulus dixit, *Accedentem ad Deum oportet credere, quia est,* &c. Deum autem esse naturaliter cognoscimus; ergo salté de his non est necessaria revelatio. Respondemus, ad cognoscenda hæc per rationem naturalem, non fuisse per se necessariam revelationem, saltem respectu singulorum, tamen ut cognoscantur per fidem Christianam, eorum revelationem necessariam esse. Quia cognitio fidei præstantior est, & certior, & ideo indiget altiori medio. Unde quamvis hæc possint de Deo naturaliter cognosci, tamen quia illa sunt veluti fundamentum eorum, quæ supernaturaliter cognoscuntur, ideo necesse fuit, illa etiam supernaturali modo cognosci, & revelari, quia non potest supernaturalis fides in iudicio, & certitudine cognitionis naturalis per se fundari, ut tractatu de Fide latius declarabitur.

Obiecto
propositi-
& diluitur

8 Sed quæret aliquis primo, quid nomine revelationis intelligamus. Respondeo breviter, intelligi omnem sufficientem fidei propositionem, sive interior tantum fiat, sine per exteriorem prædicationem. Ut hoc autem magis intelligatur, adverto, ad cognitionem fidei duo esse necessaria, unum est apprehensio rerum credendarum, quatenus homini proponuntur ut dicta a Deo, & consequenter ut credibilia ex testimonio divino: aliud est assensus ad res propositas, in quo proprie fides ipsa consistit, juxta illud Aug. *credere est cum assensione cogitare*, lib. de Prædest. Sanctor. c. 2. Interdum ergo solet revelationis nomine hoc ipsum iudicium comprehendere, in quo sensu accipi potest, quod Christus Dominus Petro dixit Matth. 16 *Caro, & sanguis non revelavit tibi sed Pater meus, qui in cælis est.* Et c. 11. *Cui voluerit Filius revelare.* Hic vero non ita loquimur de revelatione, sed priori modo, quatenus ad iudicium fidei necessario præsupponitur, sic enim contingit multis revelari fidem, qui non credunt, quamvis sine prævia revelatione nemo credat.

Dubium 1
& ejusre-
solutio

9 Secundo inquiri potest, an revelatio hoc modo sumpta sit gratia. Et ratio dubitandi esse potest, quia Pelagius fatebatur ad fidem esse necessariam gratiam, per gratiam revelationem intelligendo, & tamen in

Dubium 2
& dubitandi
ratio

Y

hoc

hoc graviter reprehenditur ab Augustino, quod dolo-
se de gratia loqueretur, ut veram gratiam negaret,
ut patet ex dicta hæresi 88. & ex toto lib. de Gratia
Christi, & ex epist. 106. & lib. 2. de Peccat. merit. c. 11.
Et confirmari potest ex Ioan. 1. ubi gratia distinguitur
a lege, *Lex per Moysen data est, gratia per Christum
facta est*, Lex autem doctrinam, & revelationem
comprehendit, ut illi æquiparatur.

10 Dicendum vero est gratiam generatim sumptā
recte attribui revelationi fidei, nam omne beneficium
non debitum naturæ, & conferens aliquo modo ad
vitam æternam, gratia merito dici potest, ut ex supe-
rioribus constat; hæc autem revelatio est magnum
Dei beneficium, ut per se notum est, & non est debi-
tum naturæ, & est necessarium ad salutem, ut dictum
est; ergo est quædam gratia Dei. Quod aperte sumi-
tur ex Conc. Milevit. c. 4. dicente. *Qui dixerit, gra-
tiam Dei per Iesum Christum Dominum nostrum propter
hoc tantum nos adjuvare, quia per ipsam nobis revela-
tur, quid agere debeamus, & aperitur intelligentia
mandatorum Dei, & non etiam quia nos juvat, &
anathema sit. Utrumque enim donum Dei est, & scire,
quid agere debeamus, & diligere, ut faciamus.* Ergo et-
iam ipsa revelatio est gratia, & donum Dei, & ita ex-
plicat Concilium, in quo Pelagius erraverit, & inde
sumitur, quomodo intelligendus sit Augustin. Repre-
hendit enim Pelagium, non quia revelationem diceret
esse gratiam, sed quia præter illam, nullam gratiam ve-
re adjuvantem, & operantem confiteretur. Et ideo
ad tollendam verborum elusionem, solet Aug. distin-
guere gratiam a doctrina, loquiturque de gratia stricte
pro illa, qua juvatur, quæ solet dici gratia inspiratio-
nis, & adiutorii. Altera vero dici potest gratia revela-
tionis. Et hoc modo etiam lex supernaturaliter data a
Deo, habet rationem gratiæ, & beneficii divini, de quo
Paulus ad Rom. 3. loquitur, cum dicit, fuisse Dei bene-
ficiū Iudæis collatum, *quia credita sunt eis eloquia
Dei.* Estque hæc doctrina Aug. in expositione mystica
Ps. 134. circa illa verba: *Educens nubes ab extremo
terra,* ubi per nubes prædicatores verbi Dei intelligit,
per quos Deus mentes excitat, vel ad timorem,
vel ad penitentiam, & gratiam. Et libr. 50.
Homiliar. in 23. dicit esse gratiam Dei, non habere
suasores ad malum; ergo multo magis habere ad bo-
num. Et lib. 1. de Peccator. merit. c. 22. inter singu-
laria gratiæ beneficia ponit habere prædicatores verbi
Dei. Idem docet Greg. 20. Moral. c. 10. & late Pros-
per fere toto lib. de Vocat. gent.

Sub 3.
in quore-
solvendo
erravit
Pelag.

11 Tertio inquiri potest, an hæc revelatio ita sit
gratia, ut sit etiam gratis data. In hoc enim etiam Se-
mipelagiani errasse videntur, nam hominis meritis
tribuebant, quod ei revelaretur, seu prædicaretur fi-
des, & quoniam sæpe contingit hominibus, nulla prio-
ra habentibus merita, fidem prædicari, & quod magis
est, etiam baptismum dari, ut aperte patet in infan-
tibus, dicebant, hoc ipsum beneficium conferri propter
futura merita prævisa, quia prævidit Deus illos
fuisse bene usuros illo beneficio, ut sumitur ex Prospe-
ro, & Hilario in epist. ad August. antelibr. de Præde-
stinat. Sanctior. & August. eodem libro. Movebantur
autem illi, ut Deum defenderent ab acceptione per-
sonarum.

Resolutio
pætholica

12 Vera tamen, & certa fides est, hoc beneficium
esse gratuitum, id est, mere gratis, & sine ullo merito
datum. Probat in primis ex Paulo ad Galat. 1. *Cum
autem placuit ei, qui me segregavit ex utero matris meæ,
ut revelaret filium suum in me.* Est ergo hoc beneficium
ex solo beneplacito Dei. De quo etiā Christus Matth.
11. cum dixisset, *Confiteor tibi Pater, usque ad illud,
Et revelasti ea parvulis, concludit. Ita Pater, quoniam
sic fuit beneplacitum ante te,* quia non ex hominis me-
rito, sed ex divino, ac puro beneplacito tantum bonum
confertur. Facit etiam quod Act. 14. & 16. gratiæ
Dei tribuitur, attendere ad ea, quæ dicebantur a Paulo
& quo Isai. 65. dicitur. *Inventus sum a non querentibus
me, & palam apparui iis, qui me non interrogabant.* Ve-
ritas etiam hæc in illis Conciliis intelligitur definita,
& in illis locis a Patribus tradita, ubi statuunt initium
fidei, & salutis gratia nobis dari, & non ex merito.
Arausic. cap. 5. Trident. cap. 5. Augustin. toto lib. de

Prædestinat. Sanctior. & q. 2. ad Simplic. & aliis locis
infra tradendis, Prosper lib. 1. de Vocat. gent. ca. 23.
& 24. Nam licet per initium fidei intelligant, vel vo-
luntatem credendi, vel vocationem ad fidem per in-
ternam inspirationem, profecto si hoc initium non
cadit sub meritum, ante illud nullum est meritum.
At prædicatio, seu auditus, ac revelatio fidei in hac
vocatione includitur, vel ad illam antecedit: ergo
multo minus potest cadere sub meritum. Confirma-
tur, quia si tale meritum antecedere posset, illud non
esset ex gratia, nam ante fidem nullum est proprium
gratiæ meritum, ut supra actum est, & infra contra
Semipelagianos dicetur, ergo necesse esse potest ante
revelationem fidei; esset ergo per naturæ vigorem, &
multum conducirer ad salutem vitæ æternæ, quæ a
revelatione fidei pendet; hoc autem repugnat Concil.
Arausic. cap. 7. & 8. ergo. Item jam haberet homo
aliquid, de quo gloriaretur tanquam de non gratis ac-
cepto, sed merito proprio sui liberi arbitrii comparato,
contra regulam Pauli 1. Corinth. 4. *Quid habes,
quod non accepisti?* Item jam sancta aliqua cogitatio
esset ex nobis, & non ex divino munere gratuito, con-
tra Arausic. c. 9. de quo multa alia supra retulimus l. 2.
cap. 2. Unde ratio a priori est, quia sola natura non
potest aliquid supernaturale mereri, ante revelatio-
nem autem nihil est, nisi sola natura. Præterquam
quod ex ipsis effectibus est hoc fere evidens. Quæ
enim ratio ex parte hominum gentilium reddi potest,
ob quam iis potius, quam illis Evangelium annun-
tiatur, & aliis citius, aliis tardius? Profecto nulla,
cum omnes essent impii, & iniqui, & sæpe ad illos
prius perveniat prædicatio, qui peiores sunt. Non est
ergo hic meritum, sed gratia divina, & beneplacitum,
ut late probat Prosper lib. 1. de Vocat. gent. c. 13.
& sequentib., & lib. 2. cap. 3. & sequentib.

13 Quod vero Semipelagiani dicebant de futuris
meritis sub conditione prævisis, multa continent ab-
surda, quæ in discursu materiæ confutanda sunt, nunc
duo indicare sufficiet. Prius est, quod Deus præmiat,
vel puniat opera, quæ nunquam erunt, solum qui
sub conditione prævidetur, quod falsissimum, &
impiissimum esse convincit Aug. lib. de Prædestinat.
Sanctor. cap. 12. ex illo Pauli ad Rom. 14. *Omnes sta-
bimus ante tribunal Christi, ut unusquisque referat, pro-
ut gessit in corpore sive bonum, sive malum:* & ratio est
evidens, quia quæ nunquam futura sunt, neq; possunt
homini imputari. Item quia ad gratiam Dei pertinet,
ut auferat occasionem, vel etiam vitam eo loco, aut
tempore, in quo prævidet Deus fuisse hominem pecca-
turum, si talis occasio occurreret, vel si tali tempore
viveret, juxta illud Sap. 4. *Raptus est, ne malitia mu-
taret intellectum ejus.* Denique quia de eodem homi-
ne prævidet Deus peccaturum uno tempore, & alio
recte operaturum, si vivat, cur ergo potius præmio,
quam pena illum afficiat, si neutrum absolute facturus
sit? Est ergo evasio erronea, & contra omnem ratio-
nem. Alius error Semipelagianorum erat, quia er-
iam posita illa præscientia, falsum asseruisse convin-
cuntur ex verbis Christi Matth. 11. *Va tibi Corozain, va
tibi Bethsaida, quia si in Tyro, & Sidone factæ essent
virtutes, quæ factæ sunt in vobis, olim in cilicio, & cine-
re penitentiam egissent.* Ex hac enim Christi sententia
constat prædicatum esse Evangelium cum signis, &
virtutibus iis, qui non fuerunt credituri, & non esse
prædicatum his, qui credidissent, si eis prædicaretur,
ut notavit Aug. in Enchirid. c. 95. & lib. 2. de persever.
c. 9. & 10. & Prosper ad excerpta Genuen. respon. 8.

Ad Semi-
pel. in n.
11. ad ult.

C A P U T I I.

*Utrum ad credendum revelatis specialis gratia
Dei sit necessaria.*

1 **E**Rror Pelagianorum, & Semipelagianorum
fuit, fidem non esse donum gratiæ Dei vere
adjuvantis ad credendum, inspirando liberam credendi
voluntatem, non tamen eodem modo in hoc errarunt.
Quod ut intelligatur, sciendum est, actum credendi,
cum liber sit, duos actus includere. Unus est intelle-
ctus, scilicet, assentii veritati propositæ: alius est vo-
lunta-

Quid in
hoc erra-
verint &
Pelag.
Semipel.

luntatis, nimirum velle assentiri. Pelagiani ergo dixerunt, utrumque actum posse viribus naturæ fieri, facta sufficienti revelatione, & propositione objecti, sine alio divinæ gratiæ adiutorio pro sola credentis libertate. Et ante Pelagium fuit in illo errore Trianus, ut Aug. refert lib. 3. de Doctr. Christiana. c. 33. Postea vero Semipelagiani dixerunt, post revelationem, seu propositionem credibilium factam, in sola libertate positum esse velle credere, sicut velle non credere: ad credendum autem, sicut oportet, necessarium esse novum gratiæ adiutorium. Et in hoc sensu dicebant, ad fidei actum esse necessariam gratiam, non vero ad voluntatem credendi. Quamvis aliqui eorum etiam aliquam fidem minus perfectam dicerent, esse ex nobis sine gratia, quam per gratiam perfici necesse sit, nisi forte ipsammet voluntatem credendi fidem imperfectam vocaret. Ex quo tandem inferebant hanc gratiam, quæ ad recte credendum datur, non mere gratis dari, sed ex merito illius voluntatis credendi, vel illius fidei imperfectæ. Hæc omnia constant ex dictis in Prolegom. 5. & ideo ea latius explicare, aut probare non est necessarium; neque etiam illorum errorum fundamenta referre, quia solum movebantur, vel ut fidem liberam esse defenderent, vel ut Deum a personarum acceptione liberarent. De quibus sæpe iam dictum est, & de primo ex professo dicitur, tractando de concordia gratiæ, & liberi arbitrii. De secundo vero in materia de prædestinatione late dictum est, in gratuita donatione propriorum bonorum pro sola voluntate, nullam esse personarum acceptionem.

Quid etiam Luther.

2. At vero Lutherani, & alii Novatores, cum in sola fide iustitiam nostram collocent, facile ponunt in hoc puncto non errare, agnoscendo fidem esse donum Dei, & sine gratiæ auxilio non fieri. Veruntamen nihil certum in hoc dicere possum, & veritius credo, nil supernaturale de fide cogitasse præter extrinsecum favorem, vel acceptionem; quia voluntatem credendi negant fieri posse a nobis libere, sed vel a solo Deo fieri in nobis, vel per voluntatem Dei nostram necessitari ad volendum credere. Unde nullum aliud auxilium putant esse nobis necessarium ad illam voluntatem propter dictam efficaciam divinæ voluntatis, quam in omnibus actibus humanis requirunt. Unde nihil aliud de voluntate credendi, vel de ipso actu fidei cogitasse videntur. Eo vel maxime, quod cum dicant omnia nostra opera esse peccata, idē necesse est, ut de voluntate credendi sentiant; quomodo ergo possunt ad talem fidem verum gratiæ auxilium postulare? Sed fundamenta huius erroris in sequentibus tractanda sunt, & ideo illum omitimus.

Prima assertio de fide, & probat. 1. ex Script.

3. Dico ergo primo. Ad credendum sicut oportet ea quæ divinitus revelantur, necessarium est ex parte intellectus speciale gratiæ adiutorium a revelatione, seu sufficienti objecti propositione distinctum. Est de fide, probaturque primo ex Scriptura. Nam Ioan. 6. dicit Christus, *Nemo potest venire ad me, nisi Pater meus traxerit eum.* Statim vero exponit, quid sit venire dicens: *Sunt quidam ex vobis, qui non credunt*, credete ergo est venire; quid autem sit trahi explicat, dicens: *Propterea dixi, nemo potest venire ad me, nisi ei datum fuerit a Patre meo*: unde inferius subdit, *hoc est opus Dei, ut credatis in ipsum.* Diciturque specialiter *opus Dei*, propter speciale adiutorium, nam per concursum generalem omnia sunt opera Dei. Atque ad hunc fere modum expendit hoc testimonium Augustin. tract. 29. in Ioa. & lib. 1. contra duas epistolas Pelagian. cap. 19. idem probatur ex verbis Christi Ioann. 15. *Sine me nihil potestis facere*, ubi loquitur Dominus de operibus fructuosis ad salutem, de quibus statim subdit, *Qui manet in me, & ego in eo, hic fert fructum multum*, & loquitur de se non tantum, ut est Deus, sed etiam ut est homo, & redemptor, ut patet ex illis verbis: *Ego sum vitis vera, & Pater meus agricola est*, ut intelligamus, virtutem & auxilium gratiæ ab ipsius meritis proveniens necessarium esse ad hæc opera, ut videri potest in Augustino ibi tract. 80. & Hilario lib. 9. de Trinit. & sumitur ex Tridentin. cap. 6.

Accedunt loca alia ex Paulo

4. Præterea hæc assertio est principaliter intenta a Paulo in epist. ad Rom. in qua præcipue ostendit ju-

Snarez Tom. VI.

sticiam esse ex spiritu fidei, & non ex lege: unde ait cap. 3. *Ex operibus legis non iustificabitur omnis caro eorum illo*, docens, non esse satis doctrinam, aut revelationem, nisi accedat spiritus, & gratia Christi, quæ est per fidem; unde subiungit, *iustitia autem Dei per fidem Iesu Christi*: & ideo concludit, iustitiam veram non esse per legem factorum; sed per legem, & spiritum fidei, de quo ait c. 12. *Unicuique sicut Deus divisit mensuram fidei.* Expresse ad Ephes. 2. *Salvati estis per fidem, & hoc non ex vobis, donum enim Dei est ne quis gloriatur*, cui consonat illud 1. Cor. 4. *Quid habes, quod non accepisti*, & c. 7. *Misericordiam consequutus sum, ut sim fidelis*, non dicit, quia sum, sed ut sim, ut intelligatur misericordia prævenire, ut considerat sæpe Aug. Unde ad Phil. 1. *Vobis donatum est pro Christo, non solum ut in eum credatis, &c.* deinde Actor. 13. *Crediderunt quotquot præordinati sunt in vitam æternam.*

5. Præterea definita est hæc veritas contra Pelagium in Conciliis Milevitan. cap. 4. & 5. generatim de operibus pietatis, & in Africano canon. 17. & 18. Araus. cap. 5. & 6. & Trident. sess. 6. canon. 1. 2. & 3. & tradita a Cælestino in epist. 1. ad Episcop. Galliar. cap. 10. Leone Papa epist. 84. alias 86. & ab Innocent. 1. in epist. ad Episcop. Africa 25. & sequentibus, & apud August. 93. Et de hac veritate videri potest Augustinus ultra citata loca in lib. de Spirit. & liter. cap. 31. & sequentibus, & q. 2. ad Simplic. & epist. 90. & sequentibus, & toto lib. de Prædest. Sanctor., & de Bono perseverant. in principio, & cap. 19. & lib. 1. de Grat. Christi, & alia loca statim referam. Et Fulgentius lib. de Incarn. & grat. c. 17. & sequentibus, & lib. 1. ad Moni. cap. 15. & Prosper lib. 1. de Vocat. gent. c. 8. & 9. alias 23. & 24. & contra Collator. cap. 6. ut alia omitam, quæ vulgaria sunt, solum proponam optima verba Isidori lib. 3. Sentent. cap. 10. *Doctrina sine adjuvante gratia, quamvis infundatur auribus, ad cor nunquam descendit, foris quidem perstrepat, sed interius nihil proficit. Tunc autem Dei sermo infusus auribus ad cordis ultimam pervenit, quando Dei gratia mentem interius, ut intelligat, tangit.*

Probat. 21 ex Concil. & Pontificibus, & patribus

6. Ut autem ratione probetur hæc assertio, statuedum prius est, adiutorium Dei non esse necessarium tantum ad facilius credendum, ut Pelagius, & Cælestius dicere ausi sunt, sed esse necessarium simpliciter ad credendum, ac proinde hanc non esse necessitatem ad melius esse, quæ potius est utilitas, sed esse necessitatem simpliciter, quia sine illo auxilio non solum ægre possumus, sed potius omnino non possumus credere, sicut oportet. Quod eadem fide certum est, & in terminis definitum in prædictis Conciliis, præsertim in Milevitano cap. 5. & Trident. cano. 3. *Si quis dixerit sine præveniente Spiritus Sancti inspiratione, & adiutorio posse hominem credere sicut oportet, anathema sit.* Et idem habent Pontifices citati. Probantque adducta Scripturæ testimonia. Nam Christus dixit, *Sine me nihil potestis facere.* Et Paulus, *Quid habes, quod non accepisti*, & 2. ad Corinth. 3. *Non sumus sufficientes, &c.* Non enim poterant clarius nostram impotentiam explicare. De qua late August. toto lib. de Prædest. Sanctor. & lib. 2. contra duas epist. Pelagian. cap. 8. & lib. 1. de Grat. Christi cap. 29. Prosper, & Fulgentius in locis vulgatis.

Ut ratione probetur subditur 2 minus principalis assertio.

3. Atque hinc etiam constat, necessitatem huius auxilii esse ad singulos actus, ita ut nec minimus actus fidei, si sit fidei Christianæ, & sicut oportet, haberi possit ab homine sine hoc gratiæ adiutorio. Hæc etiam propositio æque certa est, ac præcedentes, & de operibus pietatis generaliter definita est in Conciliis Palæstin. & Milevit. & tradita ab August. epist. 107. & multa alia retuli libro præcedenti cap. 15. quæ in hunc modum explicavi, & ita confirmant hanc veritatem. Quam etiam colligo in hunc modum ex definitione Concilii Trident. statuit enim, non posse hominem credere, sicut oportet, sine Spiritus Sancti gratia; ergo nullum actum fidei potest homo facere, sicut oportet, sine gratia. Nam qui vel unum actum veræ fidei elicit, jam credit, sicut oportet; imo ibi implicite credit omnia, quia ratio credendi universalis est, propter hoc e contrario, qui vel in una parte fidei

3. quoque obicitur assertio

non credit, nihil vera fide credit. Accedit, quod eadem difficultas essentialis, ut sic dicam, est in quolibet actu fidei, & ideo si unus posset fieri viribus naturæ, quilibet fieri posset. Denique eodem modo ibi dicitur, neminem posse diligere, sicut oportet, unde recte colligitur, neque unum actum dilectionis, sicut oportet, posse facere hominem sine gratia, alias sine gratia posset salvari, quia per unum actum fidei, & dilectionis, sicut oportet, potest homo salvari.

8 Hinc ergo sumenda est ratio principalis assertionis, scilicet auxilium hoc requiri ex intrinseca naturalis actus, quæ superat naturalem potestatem intellectus humani ad aliquid efficiendum. Unde fit, hanc necessitatem non esse ex accidenti (ut sic dicam) vel ex intrinseco impedimento, sed per se, & ex natura rei. Declaratur, incipiendo ab hoc ultimo, quia hæc gratia non solum est necessaria ad credendum in statu naturæ lapsæ, sed etiam in statu naturæ integræ; imo non solum in natura humana, sed etiam in Angelicæ; ergo signum est, hanc necessitatem provenire per se, & ab intrinseco ex natura talis actus. Idem colligitur ex eo, quod paulo antea dicebam, hanc necessitatem esse ad singulos actus; ergo signum est, esse per se, & non ex accidenti: nam ea, quæ sunt per accidens, variantur, & interdum deficiunt, ut supra dicebamus de actibus ordinis naturalis. Præterea est ratio a priori, quia actus fidei fundatur per se in sola autoritate divina obscure revelante, & ad illam reducit omnia principia credendi, tanquam ad rationem formalem, propter quam firmissime, & tanquam omnino infallibile creditur, quidquid hac fide tenetur, hic autem modus credendi superat naturales vires intellectus, quia proprio lumini commensurantur: ergo per se, & ex propria ratione talis actus fieri non potest sine viribus gratiæ. Qualis autem sit supernaturalitas illius actus, infra dicam. Denique est optima ratio a posteriori, quia per fidem impetramus alia dona gratiæ, juxta illud Iacob. 1. *Postulet in fide nihil hesitans*, & docet Aug. epist. 103. ergo oportet, ut ipsa sit donum gratiæ, nam per dona naturæ non meremur gratiam, ut Concilium Arausican. definit, & infra trademus. Alias initium salutis esset ex nobis, quod est damnatum, ut dicemus. Similiter per fidem resistimus tentationibus, juxta illud Petri: *Cui resistite fortes in fide*; ergo pertinet ad illam gratiam, per quam nobis datur tentationum victoria. Tandem fides est fundamentum justitiæ. Rom. 3. & ad Heb. 11. & exponit Trident. sess. 6. cap. 8. ergo oportet, ut sit ejusdem ordinis cum ipsa justitia, ac subinde supernaturalis, & ex gratia.

C A P U T III.

Utrum ad initium fidei sit necessaria gratia?

1 IN superiori capite Pelagianorum errorem refutavimus, hic contra Semipelagianos breviter agendum est. Et ne de voce initii fidei sit ambiguitas, advertendum est, illa voce significari posse quidquid post revelationem fidei, & ultra illam ex necessitate antecedit in intellectu, aut voluntate, antequam intellectus proprium assensum fidei eliciat. Hoc autem sic prævium ad assensum fidei duplex cogitari potest, scilicet, voluntas credendi, & interna vocatio, & excitatio ad volendum credere, hæc enim duo per se necessaria sunt. Nam quia fidei propositio, seu revelatio, cum non sit evidens, intellectui necessitatem non infert, nec illum omnino determinat, necesse est, ut antecedat voluntas illum determinans, ut ostendit D. Thom. 2. 2. q. 4. art. quia *fides* (ut dixit Clemens Alex. lib. 5. Stromat. in princ.) *est animæ rationalis libero arbitrio utentis assensio*; cum ergo intellectus liber non sit, se ipsum determinandum est. Ante voluntatem autem necesse est, ut præcedat sufficiens inductio, & preparatio. Præter hæc vero si quid aliud interdum antecedat, erit per accidens, utrumque autem illorum potest initium vocari. Nam Conc. Arausic. cap. 5. voluntatem credendi vocat initium fidei. Juxta doctrinam Concil. Trident. sess. 6. capit. 5. vocatio ad

fidem, quæ per internam prævenientem gratiam in nobis fit ante voluntatem credendi, dici etiam potest initium fidei, Nam licet Concilium ibi non loquatur specialiter de initio fidei, sed de exordio justificationis, nihilominus cum fides sit justificationis fundamentum, clarum est, similem vocationem ad fidem, esse etiam fidei exordium. Et ita illud deferbit idem Concilium statim cap. 5. dicens. *Disponitur autem ad ipsam justitiam, dum excitati divina gratia, & adjuti, fidem ex auditu concipientes, libere moventur in Deum*. Est ergo duplex fidei initium, quorum prius vocare possumus proximum, & aliud remotum, vel cum fides partim sit in intellectu, partim in voluntate, unum est principium fidei prout in intellectu consummatur, aliud est initium fidei prout in voluntate inchoatur, & de utroque breviter dicendum est.

2 Dico ergo primo. Post auditam fidem Evangelii, vel revelationem acceptam, neminem habere posse absolutam voluntatem credendi, sicut oportet, seu modo Christiano, nisi per gratiam Dei excitantem, & adjuvantem. Assertio absolute, & in terminis sumpta est de de fide, nam definita est a Conc. Araus. can. 5. *Si quis sicut augmentum, ita etiam initium fidei, ipsumque credulitatis affectum, &c.* In quibus verbis obscurum est, quid per augmentum, quidve per initium fidei intelligat, quid autem sit affectus credulitatis non est obscurum, sed clarum. Affectus enim credendi plane idem est, quod voluntas credendi, illa enim vox, *affectus*, non significat quamcunque inchoatam, aut simplicem complacentiam ad res fidei, sed efficacem affectum, quo (ut statim ibi adjungit) *in eum credimus, qui justificat impium, & ad regenerationem baptismatis pervenimus*. Hoc autem non fit, nisi per efficacem voluntatem, ut constat; de hac ergo definit, esse per inspirationem Spiritus Sancti *corrigentem voluntatem nostram ab infidelitate ad fidem, ab impietate ad pietatem*. Per initium autem fidei fortasse intellexit Concilium hanc eandem voluntatem, nam cum dicit, *initium fidei, ipsumque credulitatis affectum*, hæc posterior pars non videtur addere tertium membrum, sed explicationem proxime præcedentis, unde in t. 2. Concilior. omissa conjunctione que, sic legitur, *initium fidei ipsum credulitatis affectum*, subintelligendo particulam, *id est*, vel aliam similem, quam nonnulli codices habent hoc modo, *initium fidei, hoc est ipsum credulitatis affectum*. Et hunc verborum illorum sensum in principio capitis supposuimus. Quo posito per augmentum fidei sufficienter intelligimus ipsam fidem, prout est in intellectu; tum ne illa videatur in illa definitione omissa, cum de illa præcipue probationes ibidem afferantur; tum etiam quia opponit augmentum fidei, ejus initio, quod in voluntate credendi consistit, & quasi augetur, vel potius completur, quando in intellectu motione sua efficit assensum. Et hac declaratione tanquam faciliiori, & probabiliori utemur.

3 Potest tamen alia expositio illorum verborum considerari, ut per augmentum fidei intelligatur, quod in rigore verba sonant, aliquod comparatæ jam fidei incrementum, & per initium fidei ipsummet actum credendi, prout primum in nobis fit, & esse incipit, ac denique per affectum credendi, ipsam voluntatem credendi. Et sic quoad doctrinam, quam intendimus, nulla est diversitas, sed additio, quia sic expresse definitur, etiam augmentum fidei esse ex Spiritu Sancti inspiratione, quod verissimum est. Et expositio videtur non parum consentanea Augustin. libr. de Prædestinatione Sanctorum cap. 2. Aliter etiam posset illa duo distingui initium fidei, & affectus credendi, ut per initium intelligatur vocatio ad fidem, ad quam sequitur voluntas credendi, quæ causa est actus fidei, qui per augmentum fidei significatur juxta primam expositionem. Et hoc modo confirmat ille canon non solum præsentem assertionem, sed etiam sequentem, & aliam, quam cap. præcedenti stabilivimus. Et omnibus modis canon ille intentam a nobis veritatem comprobatur. Quam Concilium probat tribus Scripturæ locis. Primus est generalis ad Philip. 1. *Qui cepit in vobis bonum opus, ipse perficiet*.

Alia

Afertur
jam ratio
prioris as-
sertionis
principalis

Assert. i.
de Fide

Credulitatis
affectus
quid
in citato
Concilio

Quid item
initium fidei

Quid etiam
augmentum
fidei

Initium
fidei quid
& quomodo
propter

Consule
authorem
in tractatu
de fide
dist. 6.
sect. 6.

Expositio
alia præ-
dictorum

Alia vero sunt specialia de fide, scilicet eodem Philip. 1. *Vobis donatum est pro Christo, non solum ut in eum credatis, &c.* Et ad Ephes. 2. *Gratia salvati estis per fidem, donum enim Dei est.* Quæ testimonia, quia de fide simpliciter loquuntur, & fides est voluntaria, ac libera, tacite explicantur a Concilio, ut non solum de actu intellectus, sed etiam de voluntate credendi intelligantur, estque expositio conformis August. libr. de Prædest. Sanctor. cap. 2. & 7.

Ratio e. justitiam Concilii subobscure exponitur
4 Addit denique Concilium in fine canonis rationem subobscure ab inconvenienti sumptam dicens, *Qui enim fidem, qua in Deum credimus, dicunt esse naturalem, omnem eos, qui ab Ecclesia Christi alieni sunt, quodammodo fideles esse definiunt?* Non est enim facile deducere hoc inconvenienti ex Semipelagianor. sententia. Cur enim idololatraz erunt aliquo modo fideles, etiam si fides in nobis esset ex viribus naturæ, quia de facto non est in illis, etiam si, juxta illum errorem, vires habeant, quibus possent credere, si eis prædicaretur Evangelium. Sed videtur illatio intelligenda de his, qui extra Ecclesiam in Deum aliquo modo credunt, ut sunt hæretici, Judæi, & Pagani, illi enim aliquam naturalem, seu acquisitam fidem habent, & ideo si nostra etiam fides naturalis esset, quodammodo illi fideles, vel Christiani essent. Quæ ratio tanquam ex abundanti addita est a Concilio tanquam coniectura, & manu ductio quædam, ad significandum fidem Christianorum altioris rationis esse ab omni fide, qua extra Ecclesiam nonnulli credunt in Deum, ac subinde, licet hæc sit voluntaria voluntate naturali, nihilominus voluntatem credendi modo Christiano, opus esse divinæ gratiæ.

Refertur interpretamentum quorundam allati canonis
5 Non deservit autem qui hanc definitionem de fide viva interpretati fuerint, ita ut non quilibet affectus credendi, sed ille, quo aliquis vult credere in Deum super omnia dilectum ex gratia esse definiatur. Possentque jvari illis verbis, *Corrigentis voluntatem ab infidelitate ad fidem, & ab impietate ad pietatem*, id est, ad sanctitatem. Item inducere possunt verbum illud, *Qui enim fidem, qua in Deum credimus, naturalem esse definiunt.* Nam fides, qua in Deum credimus, est fides viva, seu formata, juxta vulgarem expositionem D. Thomæ; ergo de illa sola loquitur Concilium. Quam quidem sententiam typis mandatam non invenio: audi vi autem virum satis doctum, & gravem illam publice in quadam Academia docuisse, consequenterque dixisse voluntatem credendi, quæ charitate præcedit, posse sine viribus gratiæ per liberum arbitrium haberi. Quæ sententia valde mihi displicet, quia censeo in hoc canone esse damnatam, & ideo breviter ostendam, expositionem illam omnino falsam, & contra verba, & mentem Concilii esse.

Reiciit. 1.
6 Primo quia per illud decretum intendit Concilium damnare errorem Semipelagianorum, qui dixerunt, licet perfecta fides sit ex gratia, initium fidei esse ex nobis, maxime voluntatem credendi, ut constat ex Aug. libr. de Prædest. Sanctor. cap. 2. & sequentibus, & Prospero, & Hilario in epistol. ad ipsum; ergo Concilium non loquitur de voluntate charitatis, seu contritionis, sed de illa voluntate, de qua, seu circa quam Semipelagiani errabant. Secundo idem probatur ex verbis Concilii, quia charitas, quæ informat fidem, & facit illam esse vivam, non potest dici initium fidei, sed potius ejus perfectio: neque amor charitatis, quo fides vivit, est affectus ipse credendi, sed est amor Dei super omnia, qui longe diversus affectus est. Unde hic etiam amor, seu affectus diligendi Deum non mutat hominem ab infidelitate ad fidem, potest enim fieri hæc mutatio sine infusione charitatis, sit autem per affectum credendi, ergo sermo est de isto affectu, quatenus præcise ad fidem terminatur, per quem transfertur homo ab impietate ad pietatem, id est, a falso cultu ad verum cultum veri Dei, hoc enim proprie illa verba significant.

Reiciit. 2.
7 Tertio hoc evidentiis vincunt verba ejusdem Concilii in canon. 7. dicentis: *Si quis per naturæ vigorem bonum aliquod quod ad salutem pertinet vitæ æternæ, cogitare ut expedit aut eligere sive salutari, id est, Evangelicæ prædicationi consentire posse confirmat, absque illuminatione, & inspiratione Spiritus Sancti, qui*
Suares, Tom. VI.

dat omnibus suavitatem in consentiendo, & credendo, veritati, hæretico fallitur spiritu, non intelligens vocem Dei in Evangelio dicentis: *Sine me nihil potestis facere.* Et illud Apostoli: *Non quod idonei sumus, cogitare aliquid a nobis, quasi ex nobis, sed sufficientia nostra ex Deo est.* Ubi pondero verbum, *Consentire prædicationi*, nam consentire actus voluntatis est, quem statim ab actu credendi distinguit Concilium, dicens, *dat suavitatem in consentiendo, & credendo*, ille autem consensus non est, nisi voluntas credendi, quæ antecedit charitatem, & sine illa esse potest: infidelis enim consentiendo prædicationi convertitur ad fidem; etiam si nondum amet super omnia Deum, nec penitentiam agat: ergo ad illum etiam consensum requiritur gratia Concilium. Præsertim quia etiam illa voluntas est quædam electio conferens multum ad vitam æternam, & ita etiam comprehenditur sub prioribus verbis ejusdem Concilii. Idemque sumitur ex can. 25. & aliis generalibus decretis. Et tandem confirmatur ab inconvenienti, quia alias fides secundum se non esset ex gratia, sed tantum ut viva per charitatem, consequens est omnino erroneum, quia etiam fides informis, & ut tempore separatur a justificatione, est donum Dei, ut constat ex Conc. Trid. sess. 6. & 14. & ex omnibus dictis in præcedenti capite. Sequela vero patet, quia Concilium Aransic. eodem modo requirit gratiam ad fidem, & ad initium fidei; ergo vel in utroque loquitur tantum de fide viva, & sequitur inconveniens dictum, vel in utroque loquitur de fide secundum se, etiam ut antecedit justiciam, & sic concluditur, quod intendimus.

8 Quarto veritas ipsa, & assertio posita confirmatur ex doctrina Concil. Trident. sess. 6. cap. 6. ubi describendo justificationem, inquit. *Moventur autem ad justiciam, dum divina gratia excitati, & adjuti libero moventur, in Deum credendo, &c.* ubi aperte loquitur de fide, quæ antecedit cæteras dispositiones ad gratiam, etiam remotas, & imperfectas, ut sunt timor, &c. & tamen dicit illam fidem, quatenus libera est, esse ex gratia excitante, & adjuvante, est autem fides libera ratione hujus voluntatis; ergo ad hanc voluntatem requiritur gratia excitantem, & adjuvantem. Et juxta illam doctrinam intelligendus est canon. 3. ubi ad fidem dicit esse necessariam illuminationem, inspirationem, & adjuvantem gratiam, nam sub fide comprehendit hanc voluntatem, quia loquitur de illa, ut actus liber, & humanus est. Quinto hoc probant testimonia Scripturæ, quibus eadem Concilia utuntur, ut vidimus, quibus addi potest illud Act. 16. *Cujus Dominus aperuit cor, intendere iis, quæ dicebantur a Paulo.* Et idem probant cætera jam adducta, quæ generaliter loquuntur de operibus pietatis: nam sub illis merito comprehenditur hæc voluntas, quia per se multum confert ad salutem, & pietatem, & est actus maxime necessarius ad salutem. Unde si homo a se haberet illam voluntatem, multum haberet, unde gloriari posset; imo initium salutis posset sibi tribuere, quia ab hoc actu illud magna ex parte incipit.

9 Sexto propter hæc, & similia Augustinus, qui aliquando fuit in illa sententia, in quadam expositione epistol. ad Rom. proposit. 62. illam sub nomine erroris retractavit. Retractat. c. 23. & lib. de Prædest. Sanct. cap. 3. dicens, se fuisse aliquando in illo errore. Et in illo lib. late hoc persuadet, tum ex variis Scripturæ testimoniis, tum etiam argumentis desumptis ex orationibus, quibus aliis hanc voluntatem credendi petimus, & pro simili voluntate nobis, vel aliis data gratias agimus, & ut in ea perseveremus, postulamur; tum ex eo, quia alias si initium fidei, seu voluntas credendi esset ex nobis, per illam possemus mereri fidem, & per fidem cætera, & ita simpliciter initium salutis esset ex nobis, & vicissent Semipelagiani, & destrueretur ratio gratiæ, quia jam non gratis, sed ex meritis daretur. Quæ argumenta late prosequitur tum ibi, tum q. 2. ad Simplicianum, & lib. 2. contra duas epistol. Pelag. cap. 8. & seq. Prosper contra Collat. cap. 6. & in epistol. citata, & ad excerpta Genuens. dub. 5. & lib. 1. de Vocat. gent. cap. 22. alias 7. Fulgent. de Incarn. & grat. cap. 18. & optime de fide ad Petrum cap. 32. & Petr. Diacon. lib. de Incarn. & grat. cap. 6. in fine.

4. Contra fidem interpretamentum arguitur pro assertionem ex Trid.

Arguit 5.

Arg. 6. ex Patrib.

Ultimo
ex ratio-
ne

10 Tandem ratio Theologica hujus assertionis eodem modo explicanda est, quod id fecimus in præcedenti capite. Nam hæc necessitas non est accidentaria ex difficultatibus, vel impedimentis extrinsecis, sed est per se, ut probant omnia adducta. Unde in omni statu intellectualis creaturæ, atque adeo in omnibus, & singulis actibus volendi credere talis necessitas invenitur, quod eodem modo probandum est; ergo provenit hæc necessitas ex supernaturalitate ipsiusmet actus. Hæc autem declarari potest ex ipso actu credendi intellectus, vel quatenus est effectus, vel quatenus est objectum hujus voluntatis. Nam voluntas per hunc affectum efficaciter movet intellectum, & captivat illum in obsequium fidei, illa autem motio intellectus supernaturalis est; ergo & voluntas non potest per solas vires naturæ efficaciter movere intellectum ad operandum supra naturam. Item honestas, quæ invenitur in ipso actu credendi, quam voluntas amat per illum actum suum, supernaturalis est: ergo & ipse affectus est supernaturalis: qualis autem hæc supernaturalis sit, in sequentibus explicabimus.

Scotus
sensisse
videtur
contra as-
sertionem

11 Contra hanc vero sententiam sensisse videtur Scotus in 3.d.25.q.2. ubi directe contra D. Th. contendit, non esse necessarium in voluntate habitum infusum, qui sit principium voluntatis credendi. Consequenter vero id probat, quia ad credendum non est necessaria voluntas credendi, quæ ex gratia fiat, ac subinde quæ supernaturalis sit, quia ad credendum ex fide infusa, vel nulla voluntas necessaria est, sed sufficit, ut voluntas non contradicat, vel esto, inquit, requiratur motio positiva voluntatis, etiam sufficit voluntas ad sic movendum in puris naturalibus, per quæ verba non solum habitum, sed etiam principium supernaturale, omneque speciale auxilium excludit. Potestque hæc sententia vulgari objectione suaderi, quia interdum movetur homo ad fidem per voluntatem peccaminosam: talis autem voluntas non potest esse ex gratia: ergo non oportet voluntatem credendi semper esse ex gratia. Minor videtur per se nota, quia mala voluntas non potest esse ex inspiratione divina. Gratia enim Dei (ut Aug. lib. de Grat. & lib. arb. c.15. dixit) semper est bona, & per hanc fit, ut homo sit bone voluntatis. Et ideo etiam lib.2. contra duas epist. Pelag. dixit, Cupiditas boni, a Deo non esset, nisi bona esset. Majorem autem propositionem indicat August. lib. de Catechizand. rubic. c.17. dum dicit aliquos fieri Christianos propter humanum honorem, vel aliam temporalem cupiditatem, qui actus malus est.

Ad Scotum
quid in-
primis
dicendum

12 Ad Scotum respondemus, in primis ejus resolutionem procedere ex quibusdam fundamentis parum consentaneis veris de gratia principiis, ille enim opinatur, fidem infusam supponere fidem acquisitam: imo actum fidei infusæ esse eundem in substantia, & entitate, solumque differre in aliquo modo, quem actus fidei Christianæ habet ab habitu infuso. Hinc ergo in citato loco dixit Scotus, ad fidem acquisitam articulos fidei sufficere voluntatem naturalem moventem intellectum, post illam vero fidem vel non esse necessarium voluntatis actum, ad credendum fide infusa, vel esto requiratur, eandem voluntatem ex puris naturalibus elicere sufficere. Hæc autem doctrina probanda non est, quia sapit Semipelagianum errorem. Unde quidquid sit, an actus fidei infusæ, & acquisitæ differant in substantia actus, quod postea videbimus, & an acquisitus ad infusum supponatur, quod ad præsens non refert, & in propria materia tractandum est: ut certum supponimus, ad credendum fide infusa necessariam esse positivam motionem voluntatis per affectum credendi. Nam hoc aperte supponitur in dicto canone Concilii Arauscani, dum affectum credendi initium fidei vocat, vel saltem cum numerat ut necessarium conjunctum cum actu credendi. Denique idem docet sæpius Aug., præsertim de Prædestinat. Sanctior. cap.5. & in fine quæst.2. ad Simplician. & tract. in Ioann. quem locum late expendit, & defendit Prosper ad Excerpta Genuens. c.4. Idemque supponit Fulgen. de Incarnat. & grat. cap.17. Bernard. lib.5. de Considerat. cap.6. Hoc ergo posito certum est, illam voluntatem debere esse divinitus inspiratam, ac subinde non posse haberi ex

puris naturalibus, ut probatum est. An vero possit Scotus aliquo modo excusari, paulo inferius dicam.

13 Ad objectionem vero aliqui putant, posse eundem actum ex obiecto bonum fieri malum ex relatione ad prævum finem, retenta bonitate, quam ex obiecto habet. Juxta quam sententiam consequenter dici potest, eandem voluntatem credendi, etiam si ex gratia sit, & inde habeat bonitatem sui ordinis, posse accidentaliter male fieri ex relatione ad malum finem. Ego veto sententiam illam in universum falsam esse censo, maxime vero in actibus supernaturalibus a voluntate elicitis, quos ab omni macula puros esse necesse est, quia revera non possunt ex malo sine imperari, de quo latius in 1.2.q.18.

Deinde
ad obie-
ctionem
pro illo
quid non-
nulli res-
pondeant

14 Respondeo ergo negando minorem, nam si voluntas movens ad credendum, sit ex motivo humano, non sufficit ad credendum, sicut oportet, nam illud motivum non solum debile est, sed etiam potest inducere ad non credendum. Unde agebat Christus Ioan. 5. *Quomodo potestis credere, qui gloriam invicem accipitis?* vel certe potius inducit ad fingendum, quam ad credendum. Unde Aug. dicto lib. de Catechizand. rubic. cap.5. *Qui aliquid (inquit) expectando ab hominibus, quibus se aliter placiturum non putat, aut aliquid ab hominibus incommodum evitando, quorum offensiones, aut inimicitias reformidat, vult fieri Christianus, non fieri vult sed potius fingere: fides enim non est salvandi corporis sed credentis animi.* Unde licet dicto cap.17. in principio dicat, esse aliquos, qui propterea volunt esse Christiani, ut promereantur homines, a quibus aliqua temporalia expectant, aut ne offendant, quos timent: paulo inferius indicat, eos irridere Christianum nomen, & simulato corde intrare in Ecclesiam. Ideoque eos distinguit ab aliis, qui meliore spe, & ex timore Dei volunt fieri Christiani, simul vero id faciunt, ut feliciores sint in rebus terrenis, quam illi, qui non colunt Deum, de quibus ait, *meliori spe esse*, quia vere, & non fictæ sunt Christiani, *sed non cum minori periculo*, quia si postea temporalia non consequantur, & alios impios videant in temporali felicitate excellere, perturbantur, & facile a fide deficiunt. Hi enim non moventur ad fidem primario ex intentione temporalium, sed tantum concomitanter, & secundario, & ideo potest in eis esse voluntas bona, & supernaturalis credendi conjuncta alteri, vel prævæ, vel indifferenti.

Progre-
di-
tur proxi-
ma res-
ponso

15 Denique accidere etiam potest, ut sine fide vera & Christiana velit quis vere, & non fictæ baptizari, vel ad summum credendo fide quadam humana. Et tunc, cum ille non credat, sicut oportet ad salutem, non oportet, ut ex voluntate supernaturali, & honesta veniat ad baptismum, & nihilominus vere fiat Christianus quoad characterem, quia ad hoc sufficit, quod voluntatem habeat recipiendi baptismum, nam qualiscunque sit illa voluntas, sacramentum erit validum. Adde præterea sermonem esse de voluntate credendi, quæ determinet intellectum quoad specificationem actus, eumque reducat ab infidelitate ad fidem, ut Arausic. Concilium dixit. Nam si loquamur de homine jam credente, & assuescente ad exercendum actus supernaturales, accidere potest, ut ex humano tantum motivo applicetur ad considerandum de rebus fidei, & quod tunc liceat actus veros, & supernaturales fidei ex usu, & habitu, etiam si tunc non habeat in voluntate peculiarem actum supernaturalem, & hoc modo posset excusari Scotus in loco supra citato. Nam aperte loquitur de homine habente jam habitum fidei infusæ, & de illo ait, posito credibili præsentis posse per habitum fidei infusæ credere, vel non contradicente voluntate, vel per naturalem voluntatem applicantem intellectum ad intelligendum, dummodo, inquit, *in intellectu sit habitus inclinans intellectum in illud*. Tunc enim illa voluntas non est proprius affectus credendi, de quo loquuti sumus, sed est generalis voluntas operandi circa materiam, quæ jam supponitur credita, & ideo inferioris rationis esse potest.

16 Dico secundo. Non solum voluntatem credendi, sed etiam initium voluntatis esse ex gratia, seu potius esse peculiarem gratiam Dei gratis omnino collatam. Hæc

Hec assertio etiam est contra Semipelagianos, nam licet forte aliqui eorum sentirent, illam voluntatem credendi esse ex auxilio gratiæ, semper dicebant, præcedere ex parte nostra aliquod initium illius auxilii, ratione cuius principij illa voluntas sit in potestate nostra, sive illud principium sit aliquod humanum desiderium, petitio, vel aliquid ejusmodi, ut ex Augustino, Prospero, & Hilario ex dictis in li. 1. satis constat. Contra hos vero definita est assertio in can. 5. Concilii Arausiacani, si initium de quo ibi est sermo, ab actu, & voluntate credendi distinguatur. Quia vero probabilius videtur, ibi Concilium voluntatem credendi vocasse initium fidei, & consequenter de eo, quod præcedit voluntatem illam, ibi nihil dixisse, ideo ulterius ponderandum est in eodem canone definiri, voluntatem illam fieri in nobis, *per gratia donum, hoc est, per inspirationem Spiritus Sancti corrigentem voluntatem nostram, &c.* Ergo intelligit Concilium, inspirationem illam esse principium illius voluntatis: illa autem non ex est nobis, sed ex Spiritu Sancto. Item dum ait, esse gratiæ donum, aperte docet, non esse ex ullo merito nostro, quia si ex merito, jam non est gratia. Et in canon. 6. & 7. evidentius ostendit, gratiam illam, per quam fides, vel affectus ad illam, in nobis gignitur, non dari nobis propter humanam invocationem, vel aliquid simile, ac subinde quidquid præcedit per se conferens ad talem affectum ex gratia esse. Expresse etiam Concilium Tridentinum sess. 6. cap. 5. dicit exordium justificationis sumi ex vocatione divina, loquitur tamen de tota justificatione, ut a fide incipit, ut patebit statim ex cap. 6.

Illustratur am-
pliusque
fondetur
assertio

17 Præterea declaratur assertio ex re ipsa, nam hoc initium voluntatis credendi nihil aliud est, nisi gratia vocationis, & non tantum externæ, sed etiam internæ, per quam & intellectus suadetur, & voluntas paulatim attrahitur, ut velit, quam interdum vocat Augustinus internam doctrinam, sæpius vero gratiam vocationis, quam ubique plurimum commendat, & exaggerat, præsertim dicta quæst. 2. ad Simplician. & lib. de Prædestin. Sanctor. At vero illa vocatio est ex pura gratia Dei, imo est ipsa prima gratia auxilians; ergo initium voluntatis credendi est gratia, & ex gratia, seu gratuita voluntate Dei. Quod optime confirmat August. lib. de Prædestin. Sanctor. cap. 2. & illo 2. Corinth. 3. *Non sumus sufficientes cogitare aliquid ex nobis, quasi ex nobis*, aliquid scilicet, ad salutem conferens, sed principium illius voluntatis est aliqua pia, & sancta cogitatio multum saluti proficua, quia credere, inquit, *est cum assensione cogitare, & quia nemo credit, nisi prius cogitet, esse credendum*, ergo illa cogitatio, seu illud principium voluntas credendi non est ex nobis, sed ex Dei gratia. Et in cap. 4. idem confirmat ex illo 1. Corinth. 4. *Quid habes, quod non accepisti?* nam illud initium aliquid est, & magni momenti. Nam ante prædictam voluntatem necesse est, habere hoc iudicium, *credendum est*, vel *expedit credere*, hoc autem aliquid est, & magni momenti ad negotium salutis: est ergo gratia, seu ex gratia. Item cum voluntas per illum affectum eleveatur supra totum ordinem naturæ, necesse est, ut præcedat in intellectu illuminatio sufficiens: illa ergo non potest esse ex natura, sed ex gratia. Hic autem incurrerant gravissimæ difficultates de illo iudicio, quale, & quomodo sit supernaturale, & ad quam virtutem pertinet: sed hæc pertinent ad materiam de fide. Item occurrebat difficultas, quomodo illud initium sit in potestate hominis, & an detur facienti, quod in se est per vires naturæ. Hæc vero in lib. 4. explicabitur.

C A P U T I V.

An actus fidei sit in se, & in substantia supernaturalis, & tractatur prima sententia.

1 **N**on possumus convenienter exponere, qualis sit gratia ad actum fidei necessaria, seu qualis, & quanta sit hæc necessitas, nisi prius qualis sit supernaturalitas actus fidei declaremur. Et ideo ab hac quæstione initium sumimus. Quæ quidem versari potest

Suarez Tom. VI.

de omnibus actibus in se supernaturalibus quales sunt actus omnium infusarum virtutum, unde posset merito quæstio in genere disputari, habet tamen in singulis generibus, seu speciebus peculiarem difficultatem, & ideo commodius visum est, speciatim in singulis, prout materia postulaverit, illam tractare. Quia vero fides prima est harum virtutum, circa illa attingimus ea, quæ omnibus generalia sunt, & quæ propria fidei esse videbuntur; de cæteris autem brevius, quæ ad singula peculiariter pertinerint, expediemus.

2 Prius autem ne de nominibus sit controversia (ut in hoc puncto specialiter esse solet) explicare oportet, quid per substantiam, quid vero per modum actus intelligamus, & consequenter quid sit, actus in substantia, vel tantum in modo distingui. Potest enim per substantiam actus, vel generalis aliqua ratio in tali actu inventa, vel tota species, ac entitas actus significari. Priori modo dicere possumus, substantiam charitatis esse, quod sit amor; posteriori autem modo dicemus substantiam charitatis non in amore tantum, sed in tali specifico, ac perfecto amore positam esse. Atque eadem proportionem modus actus dici potest, vel modus essentialis, quia per differentiationem specificam genus contrahit, & quasi modificatur, vel modus accidentaliter, quia additur entitati actus in sua specie jam plene constituti. Si ergo substantia actus pro genere sumatur, clarum est, actus supernaturales non esse in substantia supernaturales, sed ea potius cum actibus naturalibus convenire, nimirum in genere cognitionis, vel assensus, vel amoris, vel spei, vel in alia simili. Et enim si hanc convenientiam non haberent, non possent esse actus elicit a nostris potentiis, quia potentiæ non possunt elevari extra sua objecti saltem universalissima, & consequenter neque ad actus, qui his generibus non contineantur. Ut recte notavit Cajet. 2. 2. q. 171. ar. 2. circa ad 3. Si autem sumpta substantia actus, dicentur hi actus supernaturales quoad modum, quatenus differentia specifica dicitur modificare genus. Accipi autem vulgo solere actum quoad substantiam, pro actu considerato secundum rationem generalem assensus, vel amoris circa tale objectum, notat Molina in Concordia q. 14. art. 13. disp. 15. §. Tertium.

Prima & vulgaris acceptio actus quoad substantiam, & quoad modum

3 Hic autem non in hoc sensu loquimur, sed illos actus quoad substantiam supernaturales vocamus, in quibus genus cognitionis, vel amoris contrahitur essentialiter per differentiationem superioris ordinis, id est, quæ ad quandam rerum gradum, ordinem naturalem superantem pertinet, ideoque ad illum elevat ipsos actus. Unde fit, ut nec a nostris potentiis, nec ab Angelicis, nec fortasse ab ullo intellectu creabili, per vires naturales elici possint. Tunc autem talis actus totus est supernaturalis quoad substantiam, id est, quoad suam entitatem, quia (ut dixit) differentia specifica elevat genus cognitionis, vel amoris ad supernaturalem ordinem, & ita tota entitas est supernaturalis, quia in re non est distinctio actualis inter genus, & differentiationem, & indivisibilis entitas non potest esse in diversis ordinibus, naturali, & supernaturali. Quo fit, ut genus cognitionis, vel amoris de se nec naturale sit, nec supernaturale, sed abstrahens, quia contrahi potest per differentiationem utriusque ordinis, sicut substantia abstrahit a spiritali, & materiali.

Acceptio altera & hujus loci propria actus quoad substantiam

4 Et hinc facile declaratur, quid sit, actum esse naturalem quoad substantiam, & supernaturalem quoad modum. Dicitur enim actus naturalis, non prout naturale distinguitur a libero, nam actus etiam ordinis naturalis liberi esse possunt, imo tales esse debent, ut sint morales, sed naturale hic a supernaturali distinguitur. Unde tunc actus est in substantia naturalis, quando constituitur essentialiter per specificam differentiationem ordinis naturalis: nam inde fit, ut actus in tota sua physica entitate, & in re ipsa naturalis sit, & consequenter sit aptus elici a naturali potentia per vires naturales ejus. Quoad modum vero esse potest supernaturalis, vel in fieri tantum, quia scilicet, sit modo præternaturali, seu ab alia causa, quam a naturali, seu non servato ordine naturalium causarum, sicut est oculus restitutus cæco miraculose, & homo resuscita-

Et quoad modum

scitatus; vel potest esse effectus supernaturalis quoad modum in facto esse, & in termino, videlicet, quando naturali entitati actus additur modus, qui non possit, nisi supernaturaliter fieri, tunc enim actus tali modo affectus, dicitur in se supernaturalis quoad modum, seu in facto esse. Hic autem modus tunc est proprius, & realis, quando est intrinsecus actui, & illi in re ipsa quasi adhærens accidentaliter, ut est, verbi gratia, intensio actus, vel si qua alia similis proprietas in his actibus inveniri potest. Præter hunc autem intrinsecum modum, excogitatum est aliud genus modi extrinseci, seu moraliter tantum convenientis actui quasi per extrinsecam denominationem, ut est honestas aliqua, vel supernaturalitas per relationem ad finem extrinsecum, vel ratio meriti proveniens tantum ex extrinseca Dei acceptione, vel ordinatione: nam si proveniat ex interna dignitate actus, jam illa erit, vel substantia, vel realis proprietas, & intrinseca ipsi actui.

5. His ergo positis, fuit olim sententia ab Scholasticis Theologis valde recepta actum fidei Christianæ esse in substantia sua naturalem, ita ut si entitas actus præscindatur ab omni alio modo, possit ab intellectu produci suis viribus naturalibus, & similiter voluntas credendi possit a sola voluntate pro sua libertate fieri, præmissa tantum sufficienti propositione objecti, absque alia illuminatione, inspiratione, aut excitatione gratiæ, præter eam, quæ ex tali propositione externa objecti naturaliter potest in interioribus potentiis resultare. Solet hæc sententia Scoti tribui, ex alio universali principio, nimirum, quia creditur, in prima quæst. Prologi dixisse, nullam esse formam in se supernaturalem secundum entitatem suam. Ita illum intellexit Cajet. 1. p. qu. 1. ar. 1. & to. 1. Opuscul. tract. 3. de Potentia neutra. q. 2. quem aliqui Moderni sequuntur. Ex quo universali principio optime sequitur, fidei actum, cum sit forma quædam creata, non esse in se, & in substantia supernaturalem.

6. Veruntamen nec Scotus illud principium universale posuit, nec potest cum doctrina ejus in aliis locis subsistere. Primum pater, quia in illa quæst. 1. in §. *Antequam*, vers. *Ad propositum*, solum dicit actum, seu formam dupliciter posse dici supernaturalem, scilicet, vel respectu agentis, vel respectu recipientis, & priori respectu fateatur posse esse supernaturalem, quia potest præter cursum naturalium causarum fieri, ac subinde supernaturali modo. Respectu vero recipientis dicit, omnem formam posse dici naturalem, si naturalem potentiam respiciat, quia, & potentia naturaliter inclinatur ad quamcunque perfectionem suam, & forma naturaliter perficit ipsam. Et in eodem sensu dicit ibidem in particulari de actu cognoscendi, comparando intellectum possibilem ad notitiam actualem, nullam esse cognitionem supernaturalem intellectui respectu illius, quia omni cognitione perficitur, & ad omnem inclinatur, ac proinde solum esse posse cognitionem supernaturalem respectu agentis. Unde cum fides sit cognitio quædam, idem necesse est, de illa sensisse. At vero ex his non sufficienter colligitur, ex sententia Scoti, nullum actum intellectus esse in se supernaturalem, aliqui etiam visio beatifica non esset supernaturalis forma intellectus, quod non solum est in se omnino falsum, sed etiam contra doctrinam ejusdem Scoti in 4. dist. 49. qu. 1. Deinde etiam habitus fidei infusus non esset in se, & in substantia sua supernaturalis, contra doctrinam ejusdem Scoti in 3. dist. 23. qu. unica §. *Ad questionem*, & d. 27. qu. unic. §. *De tertio dico*, ubi etiam refert, quæ dixerat in 1. d. 17. q. 2. §. *Ad solutionem*, ubi docet dari habitum supernaturalem, per quem homo justus formaliter acceptatur a Deo. Idemque dicit de gratia sanctificante, generatim loquendo, esse scilicet formam supernaturalem, & per se infusam, in 2. d. 27. qu. unic. §. *Ad questionem*.

7. Præterea Scotus non negat actum amandi, vel cognoscendi, prout oportet ad salutem, esse in se supernaturalem, saltem quoad aliquem modum factum in ipso actu, qui non posset fieri per vires naturæ; nam in loco citato in 1. dist. 17. quæst. 2. §. *Ad solutionem*, in fine dicit, habitum infusum non solum dari

ad animæ ornatum, & pulchritudinem, sed etiam ad efficiendum actum intensiorem, quam posset viribus naturæ fieri, & nihilominus de actu sic intenso comparato ad potentiam recipientem dicit Scotus (juxta priorem doctrinam in Prologo datam) esse naturalem, quantum ad naturalem inclinationem potentiæ ad ipsum, & quantum ad informationem, & perfectionem potentiæ. Igitur ex illa distinctione non potest colligi, negasse Scotum omnem formam, vel actum in entitate, aut intrinseco modo supernaturalem. Quantum ergo ex collatione omnium locorum conjicere possum, Scotus non negat, dari posse entitatem, aut formam supernaturalem, id est, quæ per causas creatas naturalibus viribus earum fieri non possit, neque sit connaturalis alicui substantiæ creatæ, vel naturali potentiæ ejus, sed data tali forma, nihilominus de illa docet, potentiam, in qua recipitur, ad illam naturaliter inclinari, & talem actum naturaliter perficere potentiam, & secundum hunc duplicem respectum quamcunque formam posse dici naturalem, etiam si in se supernaturalis sit: & hac ratione in 3. distinction. 17. quæstion. 1. §. *Contram primam viam*, negat distinctionem, duplicis beatitudinis naturalis, & supernaturalis, quia idem finis, qui est supernaturalis quoad consecutionem est naturalis quoad inclinationem humanæ naturæ in ipsum, juxta doctrinam suam de appetitu naturali ad videndum Deum, quam tradit in quæstione prima Prolog. §. *Ad primum*: & §. *Ad questionem*, & in quarta distinctione 59. qu. 9. & 10.

8. Quamvis autem illa disputatio de primo illo respectu naturalis inclinationis ad formas supernaturales, non sit hujus loci, credimus tamen falsum esse, intellectum naturaliter inclinari ad visionem beatam, vel animam naturaliter inclinari ad gratiam, vel alios habitus supernaturales, quod supra libro primo tetigimus, in materia vero de beatitudine latius probandum est. De alio vero respectu naturaliter perficiendi potentiam dicendum est, si illud, naturaliter, referatur ad ipsam formam, verum esse, quia gratia, & omnis forma connaturaliter inclinatur ad subjectum, cujus est proprius actus, & connaturale illi est, perficere potentiam, in qua recipitur. Neque hoc repugnat supernaturalitati formæ: nam licet ipsa forma in se sit supernaturalis; nihilominus habet propriam essentiam, quæ est natura ejus, & secundum eam potest habere proprietates sibi connaturales, quarum una est, informare, & naturaliter perficere subjectum. Si vero illud, naturaliter, referatur ad potentiam recipientem, sic falsum est naturaliter perfici per talem formam, perficitur enim supernaturaliter, quia illa perfectio non est ibi connaturalis, nec naturalis debita, neque ad illam habet potentiam naturalem, sed obedientialem, ut recte Cajetan. dixit. Neque Scotus potest eam negare, cum potentia neutra, quam ipse ponit, suo modo, & servata proportionem, obedientialis dici possit. Quidquid vero sit de modo loquendi quoad potentiam receptivam, satis in præsentia est, quod actus sit super vires naturales potentiæ activæ, ut supernaturalis dicatur, quia hic tractamus de viribus gratiæ necessariis ad operandum. Hoc ergo modo non negat Scotus formam, seu gratiam in se supernaturalem. Aliter tamen videretur loqui de habitibus gratiæ, aliter de actibus secundis: nam de habitibus sentit esse simpliciter in sua entitate, & specie supernaturales, de actibus vero non ita sentit, sed solum quoad intensionem esse supernaturales, ut ex citatis locis constat.

9. Eandem sententiam eodem modo tenent Gabriel in 3. distinct. 23. quæst. 2. articulo 1. in fine, & art. 2. conclus. 2. ubi ait, fidem infusam non esse necessariam propter substantiam actus fidei, sed propter solam intensionem: firmitatem autem, seu certitudinem etiam vult esse naturalem, ac per se dependentem a fide acquisita, tanquam a causa partiali. Referturque in eandem sententiam Ochamum quodlibet tertio, quæstione 7. & idem de intensione tenet Paludanus in 3. distinct. 23. quæstione 3. in fine, & idem Almain. quæstione 3. Durandus etiam ibi quæstione 6. numer. octavo, licet dicat, habitum fidei esse infusum, statim addit,

Quædam apud Scotum minus vera non arguunt negat entitates supernaturales.

Alii prædicant sententiæ auctoritates.

a. sentent. de actu fidei quod sit in substantia sua naturalis.

Cajetan. hanc opinionem tribuit Scoto. Vtq. 1. p. dist. 24. c. 1. & 1. d. 187 c. 1.

Præliis opinionem de actu fidei Scotum ostendit. Ex 1. cap.

Ex 2. cap.

addit, illum infundi, non quia sine illo non possumus credere verum supernaturale, *sed quia non ita prompte & facilliter, ut determinatum est* (inquit) in 2. videlicet distin. 18. quæst. 1. ubi num. 7. addit, fidei habitum conferre ad firmiter, & discrete assentiendum, in quæst. 2. addit modum meriti, & similia habet in 1. distin. 17. quæst. 2. ad secundum. Semper tamen sentit, substantiam actus fidei posse fieri per naturalem facultatem intellectus. Expressius vero in 3. distin. 31. quæst. 4. num. 11. dicit, visionem Dei esse supernaturalem essentialiter, & ideo non convenire in genere proximo cum aliquo actu viæ, etiam fidei. In quo aperte docet, nullum actum viæ esse supernaturalem quoad substantiam, seu in specie sua, & ita concludit, fidem secundum essentiam posse fieri per vires naturales. Solet etiam allegari Major in 2. distin. 1. quæst. 5. Sed ibi nihil invenio, tamen in 3. distin. 26. artic. 4. 2. alias 3. id plane significat, dum ait, eundem actum fidei posse successive esse verum, & falsum, & quando est verus, esse fidei infusæ, & postea esse tantum fidei acquisitæ. Et simili proportionem opatur de actu charitatis quoad bonitatem, vel malitiam. Sed de hoc postea. Nam etiam hic possunt allegari omnes, qui tenent actum charitatis esse naturalem quoad substantiam, quoniam a fortiori debent idem opinari de fide, quia minus perfecta est, quam charitas, sed illos postea suo loco referemus.

10. Similiter eandem sententiam sequuti sunt plures ex antiquioribus Thomistis, nam præter Paludanum, quem jam retuli, Capreol. in 1. distin. 17. quæst. 1. art. 3. ad argumenta Aureoli contra primam conclus. circa finem, & ad argumenta Gregorii contra secundam concl. generaliter sentit, habitus infusos non requiri propter substantiam actuum, sed propter modum, quem appellat promptitudinem, delectabilitatem, & acceptabilitatem. Expressius hoc docuit Cajetan. 2. 2. quæst. 171. art. 2. circa ad 3. ubi sentit, actum fidei sine gratia non fieri *laudabiliter*, unde solum propter hunc modum videtur ponere necessitatem auxilii gratiæ, ad credendum. Item 1. 2. quæst. 109. artic. 4. sentit omnes actus virtutum infusarum esse naturales quoad substantiam, & de contritione in tom. 1. Opusculorum tract. 4. quæst. 1. Eandem sententiam sæpius docuit Soto lib. 1. de Natur. & gratia cap. 23. & lib. 2. cap. 14. in fine, & cap. 16. ad 1. & 2. & in 4. distin. 17. quæst. 1. art. 1. Soletque attribui hæc S. Thomæ 2. 2. quæstio. 171. artic. 2. ad 3. Sed ibi non loquitur in hoc sensu, ut infra videbimus. Dicti ergo authores conveniunt in hoc, quod actus fidei in substantia sua est naturalis, & ideo si præcise fiat in sua entitate, & esse specifico, possit fieri per solas vires naturales. Sic autem factum ajunt non sufficere ad iustitiam, ut sit fundamentum ejus, sed debere perfici aliquo modo supernaturali. In explicando autem illo modo non conveniunt dicti authores. Scotus enim requirit modum majoris intensiois. Alii augmentum certitudinis. Cajetanus laudabilem, seu aliquam specialem honestatem. Alii requirunt acceptabilitatem, vel acceptionem, ut in dicto Opusculo indicat Cajetanus, ubi etiam solum requirere videtur modum supernaturalem quoad fieri, i. quod actus fiat ex auxilio speciali, etiam si in se melior non fiat.

11. Omissa vero hac varietate circa modum supernaturalitatis (quæ vix potest habere aliquod fundamentum, ut paulo post dicam) generalis assertio de substantia hujus actus fundari potest primo in hoc, quod actus fidei non fit a sola gratia, sed fit ab intellectu proprie, & vitaliter; actus autem in substantia supernaturalis non potest hoc modo fieri a potentia naturali; ergo oportet dicere entitatem talis actus esse naturalem. Major supponitur, non solum ut certa Philosophice ex generali doctrina actuum vitalium, sed etiam ut certa Theologicæ; tum ex Concilio Tridentino sess. 6. dicente, hominem active concurrere ad hos actus; tum quia Scriptura divina passim exigit a nobis fidem tanquam opus a nobis efficiendum. Minor vero probatur, quia naturalis potentia non potest efficere actum supernaturalem in substantia per virtutem connaturalem, quia non potest transcendere ordinem suum. Neque etiam potest id facere per virtu-

tem superadditam, quia alias (ut objicit Scotus) illa virtus non esset habitus, sed potentia, quia daret posse operari. Et ita actus non eliceretur proxime a potentia intellectiva, sed ab altera illa addita, ac subinde actus non esset vitalis, quia non esset proxime elicitus a potentia vitali. Quod si quis dicat, ipsum intellectum elevari, ut immediate influat in talem actum: contra hoc est, quia hæc elevatio ad summum potest sufficere ad instrumentalem effectioem, quæ non sufficit ad actum vitalem, ut talis est, quia oportet, ut proxime procedat a principio intrinseco tanquam a propria, & principali virtute agendi. Atque hæc ratio videtur maxime movisse Durandum in dicta distin. 31. tertii, quæst. 4. nam cum de visione beata non fuerit ausus negare, esse supernaturalem quoad substantiam, consequenter de illa dicit, non fieri ab intellectu, sed a sola essentia divina, *objective*, inquit, & *effective*.

12. Secundo videtur similis ratio magis urgere in actu voluntatis credendi, vel quocunque alio formaliter libero, quod non habet actus intellectus, qui supposita voluntate necessario sequitur, & ideo in illo posset aliquo modo intelligi, quod intellectus elevatus a Deo influat in actum supernaturalem quoad substantiam, quia in actu necessario potest intelligi motio Dei elevantis intellectum ad operandum supernaturaliter per modum instrumenti. In actu vero libero videtur hoc repugnare, quia ad libertatem actus necesse est, ut ipsamet voluntas se determinet ad talem actum; huic autem determinationi repugnat præmotio principalis agentis elevantis instrumentum, quia instrumentum sic elevatum non a se, sed ab agente determinatur. Cum ergo voluntas credendi sit libera, ut supponimus, videtur impossibile, quod eliciatur a potentia voluntatis, tanquam ab instrumento elevato per motionem gratiæ: ergo voluntas credendi non potest esse in substantia supernaturalis.

13. Tertia ratio principalis est, quia non est impossibile, intellectum, vel voluntatem elicere circa talia objecta actus quoad substantiam naturales, quibus per divinam gratiam addatur modus aliquis supernaturalis; sed hoc satis est, ut sint vera omnia, quæ de necessitate gratiæ actus Concilia docent, & est facilius ad intelligendum, & ad defendendum fidem contra omnes errores, & præsertim ad conciliandam gratiam cum libero arbitrio: ergo quamvis daremus esse possibiles supernaturales actus quoad substantiam, non est, cur asseramus illos esse necessarios ad salutem, vel propter illos esse necessariam gratiam. Major quoad priorem partem probatur; quia objectum fidei, sive ad intellectum, sive ad voluntatem comparatum, est nostris potentiis proportionatum, & sub generali propensione utriusque potentiæ ad suum adæquatum objectum comprehensum: ergo utraque potentia potest circa illud actum naturalem quoad substantiam elicere. Antecedens patet, quia intellectus naturaliter fertur in omne credibile, & tanto magis propendet, quanto magis apparet credibile: objectum autem fidei proponitur ut maxime credibile. Nec refert, quod proponatur ut credibile ex testimonio Dei, quia hoc non est ultra naturale objectum, & inclinationem intellectus, nam ratio naturalis cognoscens Deum, etiam cognoscit, Deum esse fide dignissimum, si aliquid attestetur: ergo ex hac parte potius est major naturalis inclinatio intellectus ad tale credibile. Aliunde vero cum in particulari proponitur objectum credendum, ratio ipsa naturalis judicat secundum prudentiam, esse valde credibile, dictum esse a Deo id, quod proponitur; ergo potest intellectus circa tale objectum naturalem actum elicere quo credat, & hoc esse dictum a Deo, & ideo etiam credat esse verum, hic autem est actus fidei naturalis quoad substantiam.

15. Idemque argumentum magis urget in voluntate, quia illud objectum ut credibile, & credendum, proponitur tanquam quidpiam honestum, & ideo volendum, & amandum: voluntas autem naturaliter inclinatur in honestum, & in illud magis, quod ut honestius representatur. Acceditque, quod illam honestas regulatur per rationem naturalem, nam proposito objecto fidei antequam homo credat, habet dictamen

2. Argum.
a simili de
actu vo-
luntatis cre-
dendi cre-
dere.

3. Argum.
quod non
sint im-
possibiles
actus illi
naturales
in substan-
tia.

Probatur
deinde de
actu vo-
luntatis

Idea de
cre.

Argum. 1.
quod sub-
stantia
actus fi-
dei sit na-
turalis.

etiam rationis naturalis, honestum esse credere id, quod ostenditur adeo credibile, per quod iudicium voluntas illa regulatur, & excitatur: ergo potest esse voluntas illa naturalis quoad substantiam, & per vires solas naturales voluntatis elicitæ.

16. Quod vero illis actibus possit addi supernaturalis modus per gratiam, probatur ratione communi, quod multa sunt supernaturalia quoad modum, licet in substantia sint naturalia: nam humanitas Christi ens naturale est, & tamen ut unita Verbo est supernaturalis quoad modum, & ut existens sub speciebus Eucharistiæ est aliter supernaturalis quoad alium modum, & accidentia Eucharistiæ naturalia sunt, habent tamen supernaturalem modum: cur ergo non idem faciet Deus per gratiam in actibus quoad substantiam naturalibus. Præsertim quia multi modi supernaturales præter substantiam eorum a Theologis in his actibus excogitati sunt, ut videbimus.

17. Denique quod hic modus sit facilior, & aptior ad concordiam gratiæ cum libertate, & cum propria efficientia nostrarum potentiarum, due priorum rationes satis ostendunt; ita enim optime intelligitur, voluntatem, & intellectum cooperari partialiter efficiendo id, quod est naturale in his actibus, Deum autem per gratiam suam supernaturalem modum eis adungere. Quod denique hoc sufficiat ad fidei doctrinam sustinendam, patet ex illo additamento, *ad credendum, vel volendum, sicut oportet*, quod posuit Concilium Arausicanum canon. 6. & Concilium Tridentinum sess. 6. canon. 3. nam per illud verbum nihil aliud significatur, nisi hos actus debere fieri certo quodam modo ut fiant, sicut expedit ad salutem, ut etiam dixit idem Arausicanum canon. 7. Quod vero ille modus substantialis, vel essentialis esse debeat, hoc non dixerunt Concilia; ergo cum accidentalis modus possit sufficere, non est, cur de substantiali interpretemur, & doctrinam fidei obscuriorem reddamus. Eo vel maxime, quod etiam docent Concilia esse necessariam gratiam, ad servandam totam legem naturæ sicut oportet, id est, sine peccato gravi, & nihilominus ibi actus non sunt supernaturales quoad substantiam, sed quoad modum ratione talis gratiæ. Dicunt etiam, initium salutis non esse ex nobis, sed ex gratia, & tamen non oportet illud initium esse supernaturale quoad substantiam, fit enim, ut dicit Concilium Tridentinum, per Spiritus Sancti inspirationem, & illuminationem, quæ licet sint naturales quoad substantiam, possunt fieri ex gratia, quatenus præter cursum naturalium causarum possunt specialiter a Deo fieri, interius peculiari modo ordinante species intellectus, & affectum excitante: ergo idem dici potest de omnibus humanis actibus,

C A P U T V.

Actum fidei, & voluntatem credendi esse actus quoad substantiam supernaturales.

1. **H**is non obstantibus, dieo actum fidei Christianæ, quo intellectus debita certitudine credit, quod Deus revelavit, supernaturalem in substantia esse, ideoque alium similem in entitate specifica fieri non posse per solas vires naturales intellectus. Hæc sententia est communis in Schola Theologorum, illam indicavit Conrad. 1. 2. quæst. 109. art. 4. ubi etiam idem sentit Medina. Imo in quæst. 62. art. 2. significat esse dogma fidei: nam dicit, esse de fide, hunc actum, & alios duos Theologicos spei, & charitatis differre in genere naturæ, & secundum substantiam a similibus actibus acquisitis, *ad hunc (inquit) sensum, quod non differunt tantum quoad modum*. Quia de fide est, ut ait, auxilium gratiæ esse necessarium non tantum ad modum credendi, sed etiam ad credendum. Postea vero dicit, non esse hæreticum, dicere, hos actus fidei infusæ, & acquisitæ tantum differre in genere moris, ac proinde non differre in genere naturæ, nam hoc excludit illa particula, *tantum*. Et ita videtur hæc assertio repugnare priori. Nam esse moris tantum, est quidam modus accidentalis actui in esse na-

turæ, quia actus secundum suam entitatem naturalem potest manere sine tali esse morali; ergo si non est hæreticum dicere actum fidei infusæ, & acquisitæ solum differre in esse morali, profecto non est hæreticum dicere, tantum differre in modo: ergo non est de fide, quod differant in genere naturæ, & secundum substantiam, neque etiam est de fide, auxilium gratiæ requiri ad hos actus ratione tantum substantiæ eorum, & non tantum ratione modi: nam Concilia solum dicunt, requiri ad credendum, sicut oportet. Quo testimonio ipse probat, non esse contra fidem dicere, solum requiri auxilium propter esse morale, idem autem dici potest de quocunque esse modali. Imo illud de esse morali, habet majus inconveniens in actu fidei, quia esse morale in tali actu non est nisi denominatio extrinseca ab actu voluntatis, & ita assensus intellectus, ut sic, posset fieri sine auxilio, dummodo ponatur auxilium necessarium in voluntate, ut bene moraliter velit talem actum, hoc autem dicere valde absurdum est, ut infra ostendam.

2. Omissis ergo exaggerationibus, & censuris, melius dicit in conclus. 4. verisimilius esse, & divinæ Theologiæ magis consentaneum, hos actus differre in esse naturæ, & secundum substantiam. Idem sentit Bannez 2. 2. quæst. 5. art. 2. & quæst. 6. art. 1. & quæst. 24. ubi refert Canum. Idem sentit Viger. ibi in instit. cap. 10. §. 3. vers. 16. Alvar. disput. 67. ad 4. dicens contrariam sententiam non esse probabilem. Sed (ut dixi) satius est, ab his exaggerationibus abstinere. Eandem opinionem sequitur Azor. 1. part. Institut. moral. lib. 3. cap. 24. quæst. 2. nam licet clarius de habitibus loquatur, idem tamen sentit de actibus. Ejusdem opinionis existimo fuisse Molinam, quamvis soleat in contrarium allegari, nam in Concordia quæst. 14. artic. 13. disput. 15. §. Tertium, ubi loquens de his actibus, qui conferunt ad vitam æternam, vel iustitiam, tanquam dispositiones, vel merita, cum dixisset, Concilia, & Patres de illis docuisse non posse fieri sine auxilio gratiæ, subjungit: *Utrum ejusmodi dispositiones formales haberent supernaturales, ut re ipsa habent, an solum supernaturali ope essent elicitæ, in re vero essent res naturales, neque erat satis cognitum, neque forte in controversiam vocatum*. Ubi adverto particulam illam, *ut re ipsa habent*, nam per illam fateretur, hos actus in re ipsa habere rationes formales supernaturales, utique essentielles, nam de aliis non poterat dubitare, cum omnis alia ad modum actus pertineat, & necesse sit, actum saltem quoad modum esse supernaturalem. Præterea paulo inferius in eodem §. dicit, actus, quibus hæretici credunt aliquos articulos, solere vocari fidem quoad solam actus substantiam, ut secernatur ab actibus Christianæ fidei, ubi per substantiam actus clare intelligit solam communem rationem credendi tales res, actus vero ipsos semper indicat in sua entitate esse distinctos. Hoc vero evidentius declarat in disput. 7. ubi tam in titulo quæstionis, quam in initio explicat, quid intelligat per actum fidei, quoad substantiam tantum productum, & non qualis ad justificationem est necessarium. De quo actu naturali dicit infra §. Nostram, esse tantum opinionem, & fidem humanam, & specie distinctam a supernaturali, & Christiano assensu, qui per spiritum fidei infusæ elicitur.

3. Præterea Cajetanus 3. quæst. 76. art. 7. §. *Adevidentiam*, in hanc sententiam inclinare videtur, dum dicit, naturale, & supernaturale esse differentias entis, & differentias modi faciendi, & in priori genere ponit charitatem, lumen gloriæ, & similia, quæ, inquit, *differentia a virtutibus naturalibus, & aliis, quæ entia naturalia vocamus, penes naturalem, & supernaturalem, quantum ad ipsa entia: sunt enim hæc ex suo genere supernaturalia entia, quia nulli enti possunt fieri connaturalia*. Ubi aliqui putant Cajetanum retractasse sententiam, quam de his actibus aliis in locis docuerat. Sed ego valde dubito, nam de charitate habituali, & virtutibus per se infusis, loquitur, de quibus ipse nunquam dubitavit esse entia supernaturalia, de actibus autem nullam mentionem facit, de quibus contrarium docuit, non obstante supernaturalitate habituum. Idem vero Cajetan. 2. 2. quæst. 17.

Authores
alii hujus
sententiæ.

Anseps
Cajetanus
in hæc
parte.

art. 5. in principio reprobatur Scoti, & Durandi opinionem, dicentem, habitum infusum solum dari ad promptius, firmitus, seu perfectius operandum, ipse vero docet, habitus infusus dari, ut determinent potentiam ad actus supernaturaliter bonos, & objecto supernaturali proportionatos. In quibus verbis videtur sentire, hos actus esse ex objecto supernaturales, & consequenter in substantia sua, & essentiali specie, nam hæc est, quæ ab objecto sumitur. Ipse vero non explicat hunc sensum, nec declarat, qualis sit illa bonitas supernaturalis, & post illa verba scripsit alia, quæ ex quæst. 171. retulimus, & ideo vereor, ne hoc etiam loco de aliqua bonitate accidentali, & præter substantiam actus loquutus sit. Clarius ergo hanc docet sententiam Richard. in 3. distin. 23. artic. 3. quæst. 1. ubi aperte ait, actus virtutum infusarum esse ejusdem ordinis cum illis, cum de habitibus tanquam clarum supponat, esse secundum se supernaturalis ordinis, quod ibi specialiter docet de fide. Idem tenet Alenf. 3. part. quæst. 64. memb. 2. in corpore, & ad penult. ubi distinguit fidem acquisitam ab infusa tanquam a forma per se supernaturali, & loquitur tam de actu, quam de habitu, & similem doctrinam habet eadem 3. part. quæst. 27. memb. 4. art. 2. §. 2. quibus in locis ita exponit Damasc. lib. 4. de fide cap. 11.

Apertius
aliu.

Imò, &
D. Thom.

4. Denique dubitari non potest, quin hæc fuerit sententia D. Thom. nam ubique ponit virtutes infusas, tanquam per se postulantes illum modum productionis, quem postulant, quia sunt supernaturalis ordinis, & ideo semper conatur eis assignare objecta formalia supernaturalia, ut videre licet 1. 2. quæst. 62. art. 1. & quæst. 63. art. 3. & 4. ubi in solut. ad 3. expresse dicit, non esse supernaturales quoad modum, sed secundum se. Est autem manifestum in doctrina ejusdem D. Thom. actus elicitos ab his virtutibus, esse ejusdem ordinis cum ipsis: imò ad hoc constituere has virtutes, ut potentias ad similes actus elevent, ut patet ex dicta quæst. 62. art. 1. & in particulari de charitate 2. 2. quæst. 23. art. 2. & quæst. 24. art. 2. de qua plura in sequentibus videbimus. De fide autem sic inquit eadem quæst. 62. artic. 3. ad 2. habere fidem & spem de his, quæ sunt supra facultatem naturæ humanæ, excedit omnem virtutem homini proportionatam: ubi aperte loquitur de actuali fide, & ideo 2. 2. quæst. 5. art. 2. & 3. semper distinguit secundum substantiam, & speciem ab omni actu fidei, qui per vires naturales haberi potest, sive ab homine, sive ab angelo.

Locus
quidam
ejusdem
D. Thom.
asseritur
in contra-
rium.

Exponi-
tur.

5. Solum ingerit difficultatem, quod 2. 2. quæst. 171. art. 2. ad tertium, dixit, donum gratiæ interdum elevare hominem ad aliquid, quod est supra naturam humanam quoad substantiam actus, ut donum prophetiæ, interdum vero solum elevare quoadmodum actus, non autem quantum ad substantiam ipsius, & addit: *Sicut diligere Deum, & cognoscere eum in speculo creaturarum, & ad hoc datur donum gratiæ habituale*. Responderi potest, D. Thomam ibi non vocare substantiam actus essentiali entitatem, & speciem ejus, sed genus commune cognitionis, vel amoris, juxta notationem positam in principio quarti capituli. Obstat vero huic objectioni, quia in hoc sensu nulla esset differentia inter fidem, & prophetiam, quam D. Thom. ibi assignare intendit, nam etiam prophetia convenit cum naturali cognitione Dei in genere cognitionis rerum divinarum, & ita etiam per prophetiam solum elevabitur intellectus quoadmodum cognoscendi, non quoad substantiam. Respondeo, addendo, non quamcunque convenientiam actuum in ratione communi vocasse D. Thom. substantiam actuum, sed illam, quæ est intentio ad idem objectum materiale secundum eandem communem rationem tendendi, sicut amor naturalis, & charitatis tendunt in Deum, ut bonum, & fides humana, & infusa in Deum, ut credibilem. Prophetia autem non ita se habet ad intellectum humanum, sed elevat illum ad cognoscenda futura, quæ antea nullo modo attingebat; & ideo dicit D. Thomas elevare illum quoad actus substantiam, ut statim amplius explicabo.

6. Interrogari enim potest, cur non simili modo exponamus scholasticos antiquos, quos pro præcedenti opinione citavimus? Respondeo; ita aliqui sonan-

tur eos interpretari, sed frustra, est enim longe diversa ratio. Nam D. Thomas sepe aliis in locis, & ubi ex professo rem tractavit, satis suam sententiam explicuit, declarando supernaturalitatem horum actuum ex objectis, & ex comparatione ad actus naturales similes, & circa easdem res materiales, & ex modo productionis eorum, & propter illos ponendo habitus per se infusos ejusdem rationis, seu ordinis. Solumque in illo loco, & per occasionem illo modo loquendi usus est, ut rationem redderet, cur ad prophetandum non datur habitus, & datur ad credendum. Et illam tribuit, quia prophetia elevat intellectum quoad substantiam actus, non autem fides. Quæ ratio non esset bona, si intelligeretur in sensu, quo nunc loquimur, nam potius in hoc sensu inferendum esset, ad prophetiam dari habitum supernaturalem, potius quam ad fidem, quia magis necessarius est habitus ad actum supernaturalem in sua entitate, quam ad actum supernaturalem tantum in modo. Non loquitur ergo D. Thomas in hoc sensu. Sed consideravit prophetiam esse de rebus, quæ nullo modo cadunt sub cognitionem humanam, & ideo cognitionem illarum supernaturalem, seu prophetiam, non esse necessariam ad ordinarium cursum vitæ, & actionum humanarum, ideoque non communicari per modum habitus, sed transeunter, juxta occurrentes opportunitates; objectum autem fidei, & amoris, quod principaliter est Deus, cadit aliquo modo sub cognitionem humanam, estque maxime necessarium ad convenientem, & ordinariam directionem vitæ, & actionum humanarum, & ideo ad operandum supernaturaliter circa talem materiam elevarunt potentia per habitus, hoc ergo est, quod D. Thomas explicare voluit per illa verba, *quoad substantiam, vel quoad modum*. Alii vero scholastici non obiter, sed ex professo rem tractantes, & non solum sub illo termino quoad substantiam, vel modum, sed etiam sub nomine speciei, & essentiali dicunt esse hos actus naturales, vel posse produci per vires naturæ, vel non differre ab actibus acquisitis, nisi in modo, assignando semper aliquem modum accidentalem, & ideo non possunt ad meliorem sensum trahi.

1. Ratio
pro asser-
tione po-
sita.

7. Nostra autem assertio, quia supernaturalis est, probanda est supernaturalibus mediis, & quia non est expresse definita, ex principiis revelatis colligenda est. Primum ergo principium sit, quod Christianæ fidei habitus fidelibus infunditur, ut nunc suppono ex his, quæ in quarto libro dicemus, ubi de virtutibus infusis ostendam esse in entitate sua supernaturales, & specie diversas ab omnibus virtutibus acquisitis, id enim in præfati probare non est necesse, quia Scotus, Durandus, Cajetan. & alii, qui de actibus hoc negant, de habitibus negare non sunt ausi. Ex hoc ergo principio sic colligimus: habitus non datur, nisi propter actus: ergo si habitus est in substantia supernaturalis, actus ejusdem substantiæ esse necesse est. Probatur consequentia; tum quia principium servat proportionem cum effectu, & e converso; tum etiam, quia alias habitus acquisitus sufficere posset ad ejusdem ordinis actum.

8. Responderi potest ex Scoto in 1. distin. 27. quæst. 2. & in 3. distin. 23. habitum infusum non poni propter efficientiam, sed propter convenientem dispositionem subjecti, ut actus ejus sint acceptabiles, vel proportionati ad vitam æternam. Sed hoc in primis est contra ipsam rationem habitus, seu virtutis, deinde si illud intelligatur de dispositione morali, quæ consistat in dignitate personæ, ad illam sufficeret unicus habitus infusus, nimirum gratia sanctificans, quæ constituit hominem participem divinæ naturæ, & dignum æterna beatitudine; ergo ad dignificandam personam non erant alii habitus virtutum necessarij. Neque etiam intelligi potest, quomodo habitus dignificet moraliter actum intellectus, si non reddit illum meliorem in ratione cognitionis, nam in ratione actus moralis, & humani totam dignitatem accipit ab actu voluntatis. Si vero dictum illud intelligitur de dispositione physica, ita ut ratione illius actus sit in se melior, intelligi non potest, quomodo habitus ita disponat potentiam, nisi dando illi aliquam virtutem agendi.

Evasio ex
Scoto.

Rejicitur
1.

Cur expo-
sicio pro
D. Thom.
in gratiã
1. opinio.
authorum
aliorum
non addu-
citur.

di. Et ita tandem concludit Scotus dicens, ut actus sit acceptabilis, non satis esse decorem personæ operantis, nisi actus sit in se melior ratione inditæ virtutis, aliquid conferentis ad efficientiam actus.

9. Atque hoc maxime confirmatur ex illo principio fidei, quod ad hunc actum fidei, & alios Theologicos efficiendum, est necessarium aliquod principium supernaturale, dans vires potentæ, ad eliciendum huiusmodi actum, quia intellectus de se est impotens ad huiusmodi assensum fidei salutarem, ut in cap. 2. ostensum est. Nam hinc concluditur, habitum infundendi, tanquam principium activum talis actus fidei, ut est fides Christiana, & sufficiens fundamentum salutis. Quando enim deest habitus, hoc principium datur per aliquod auxilium, vel specialem influxum Dei (si verum est, interdum fieri hunc actum, non concurrente habitu, quod postea videbimus.) Illud porro auxilium est a Deo, ut assistente, seu est principium transiens, habitus vero datur loco illius, ut sit principium permanens, & magis connaturale ipsi actui; ergo necesse est dicere, actum esse ejusdem ordinis, & supernaturalitatis cum habitu; ergo sicut entitas habitus tota est supernaturalis in substantia sua, ita etiam entitas actus. Accedit, quod si entitas actus in substantia est naturalis, & modus tantum esset supernaturalis, consequens esset, ut homo solus faciat actum quoad substantiam, & gratia, sive sit auxilii, sive habitus (quoad hoc enim eadem est utriusque ratio) faciat solum modum supernaturalem in actu, si tamen aliquid in illo sit, nam si nihil ei addat, nullam profecto efficientiam poterit habere gratia.

Progre-
di-
tur supe-
rior ratio.

10. Probatur ergo assumptum, quia vel auxilium gratiæ, aut habitus efficit substantiam actus fidei, vel in illam non insuit. Si dicatur primum, plane sequitur quod intendimus, actum illum esse supernaturalem quoad substantiam, nam ideo fit a gratia, quia non potest fieri per vires naturales potentæ, & consequenter non est naturalis illi. Assumptum patet, quia eo modo, quo gratia concurrat ad illum actum, concurrat ut principium necessarium, ita enim Concilia definiunt contra Pelagium, gratiam dari, non ut homo possit facilius credere, sed ut absolute possit credere; ergo si gratia datur propter substantiam actus, profecto talis est illa entitas, ut simpliciter non possit fieri per vires naturales, & hoc vocamus esse supernaturale quoad substantiam. Si autem habitus, vel auxilium non concurrat effective ad substantiam actus, plane sequitur, actum fidei Christianæ quoad totam substantiam suam fieri per solas vires voluntatis, hoc autem videtur absurdum, & parum consentaneum definitionibus Conciliorum: nam talis actus ex vi suæ substantiæ est motus fidei in Deum, & convertit hominem ab infidelitate ad veritatem fidei: hæc autem, & similia, dicunt Concilia, non posse fieri sine viribus gratiæ. Et hoc incommodum ex sequentibus magis patebit.

C A P U T V I.

Actum fidei non esse tantum supernaturalem in fieri, sed in facto esse.

An pri-
mus mo-
dus super-
naturali-
tatis sit
verus?
Opin. as-
sermans.

1. **U**T plenius ostendamus, hos actus esse in sua substantia supernaturales, neque posse recte explicari necessitatem, & efficientiam gratiæ per solum modum supernaturalem, discurrendum est per varios modos positos supra cap. 4. num. 4. in quibus juxta diversas opiniones, hoc esse supernaturale assensus fidei positum est. Primus est, ut modus supernaturalis consistat tantum in fieri talis actus, seu in causis ad illum concurrentibus, non in aliqua proprietate addita ipsi actui in facto esse. Supponimus enim ex Philosophia, hos actus esse qualitates, ideoque in eis considerari posse, & qualitatem factam, & modum, quo fit. Sicut ergo in illuminatione cæci nati, visus ei constitutus non est supernaturalis qualitas, neque in se recipit aliquem modum supernaturalem in facto esse, sed tantum modus effectiōis est supernaturalis, quia est præter ordinem naturalium causarum, ita in præsentia dicit hæc opinio, actum fidei in se non fieri me-

liorem per gratiam, quam per naturam fieri posset; sed tantum fieri supernaturali modo, & inde supernaturalem denominari. Et hic modus dicendi videtur sumi ex Cajetano in dicto Opuscul. qui specialiter loquitur de amore Dei super omnia, & de contritione, sed a foriori idem procedit in fide, & aliis.

2. Hæc autem sententia nullo modo permittenda est, quis enim audeat dicere, tam perfectum actum fidei fieri posse per vires naturæ, sicut fit per gratiam? Et tamen id aperte sequitur ex illa sententia, ut patet ex eodem exemplo adducto: nam tam perfectus visus potest fieri per naturam, sicut restituitur per miraculum; imo fieri potest, ut idem numero restitatur, qui fuerat perditus, sicut Lazarus resuscitatus non habuit perfectius esse hominis per resurrectionem, quam antea haberet. Item superiori libro dictum est, sæpe actum virtutis acquiri v. g. elemosynæ fieri ex speciali auxilio gratiæ; sub ea ergo ratione actus ille poterit dici supernaturalis in fieri, non in facto esse, & ideo talis actus in se non est perfectior, quam fieri possit per vires naturæ, si natura integra esset, vel absque impedimentis. Ita ergo in præsentia si actus fidei in se non est excellentior, sed tota supernaturalitas est in modo effectiōis, poterit esse æque perfectus factus per vires naturæ, si ablatis impedimentis, liberum arbitrium sinatur operari, quantum potest. Consequens autem est valde absurdum, nam inde sequitur, posse hominem tam bona, pia, ac firma voluntate velle credere omnes veritates fidei, & tam certo, & infallibili assensu illis assentiri per vires sui liberi arbitrii, sicut alius credit per auxilium gratiæ. Item sequitur, posse per solas vires arbitrii diligere Deum super omnia, etiam ut finem supernaturalem, scilicet in natura integra; quæ profecto Pelagiana sunt.

Rejicitur
proxima
opinio in-
primis ab
absurdis.

3. Tandem sequitur fidem, vel dilectionem sic conceptam ex viribus naturæ esse sufficiens iustitiæ fundamentum ex parte fidei, & sufficientem dispositionem ad gratiam ex parte dilectionis, quod etiam Pelagianum est. Sequela vero patet, quia Scriptura promittit iustitiam, & remissionem peccati credenti, & diligenti super omnia, seu ex toto corde, ille autem sic credit, & diligit, quandoquidem tam bene credit, & diligit, sicut is, qui ex auxilio gratiæ credit, vel diligit. Respondet Cajetanus, illos actus non acceptari, nisi fiant ex gratia. Sed hoc est, quod dicimus repugnare Scripturis, si actus in se sunt æquales. Quia Deus non promittit gratiam suam, nisi credenti, & amanti perfecte, quod si, ut opus acceptetur, requiritur gratia, non est nisi quia, ut perfecte fiat, necessaria est gratia. Nam profecto si tam perfectam fidem haberet unus homo viribus suis, quam alius ex auxilio gratiæ, alienum a ratione, & iusta providentia esset, acceptare fidem credentis ex auxilio, & non credentis ex propriis viribus, cum iste æquale bonum faciat, & alioqui plus de suo conferre videatur, sine auxilio alterius operans. Unde etiam illud consequens repugnare videtur Conciliis definiētibz contra Pelagium, & ejus reliquias, non posse hominem credere suis viribus sicut oportet: nam illud, sicut oportet, ad qualitatem, vel perfectionem ipsius actus referendum est, non ad principium, a quo fit actus; tum quia alias esset petitio principii, seu identica repetitio, & inutilis definitio, nam sensus illius particulæ, sicut oportet, esset, id est, modo supernaturali in fieri. Unde perinde esset, ac si diceretur, esse necessariam gratiam ad credendum ex gratia, vel e contrario non posse actum fieri ex gratia sine gratia, quod profecto ridiculum est; tum etiam, quia illa particula videtur addita contra Semipelagianos dicentes, actus naturales esse meritorios gratiæ, vel dispositiones ad illam, & ideo Concilia dicunt, actus hos non posse fieri per vires naturæ, sicut oportet, ut gratiam mereantur, vel ad illam disponant; hoc autem habent actus ex eo, quod talis qualitatis, vel perfectionis sunt, idem ergo significat, sicut oportet, accipere, accipere, cum ea perfectione actus, quæ necessaria est ad dictos gratiæ effectus. Atque ita in fide assensum esse, sicut oportet, nihil aliud est, quam esse ita in divino testimonio fundatum, ut sit omnino certus, & infallibilis, & habens alias perfectiones, quas

Absurdū
aliud.

Cajetani
evasio im-
pugnatur.

quas in sequenti capite explicabimus; ergo si has potest habere per vires naturæ, per illas fieri potest, sicut oportet contra Concilia.

4. Præterea occurrit alia ratio consideranda contra illam sententiam. Quodcumque enim entitas naturalis modo supernaturali sit, semper habet alium modum, quo connaturaliter fiat, qui modus illi per se convenit, supernaturalis autem productio est illi quasi accidentaria. Et ideo si Deus infundat virtutes, quæ possunt per actus naturales acquiri, vocantur a Theologis infusæ per accidens, quia alter modus naturalis productionis eis per se convenit. Habitus autem gratiæ dicitur infusus per se, quia illa qualitas natura sua postulat illum modum productionis, & ita est connaturalis illi, seu respectu illius, quamvis respectu subjecti sit supernaturalis, quia talis forma non est illi debita, neque illam connaturaliter postulat. Productio vero animæ rationalis, licet a solo Deo fiat, ultra virtutem effectricem causarum creatarum, nihilominus non est supernaturalis, quia ille modus productionis est connaturalis tali formæ, neque alium postulat, neque etiam respectu subjecti est supernaturalis, quia materia naturaliter est capax, & appetit talem formam, & supposita tali dispositione, illi connaturaliter debetur. Jam ergo si actus fidei quoad substantiam totam est naturalis, & solum denominatur supernaturalis, quia supernaturali modo fit, profecto habet alium modum productionis magis per se illi convenientem; illa autem erit productio per vires naturales liberi arbitrii; ac subinde sequitur illum actum solum esse per accidens infusum, non per se, ut pater ex declaratione facta. Hoc autem alienum profecto est a modo, quo Scriptura loquitur de fide, spe, & charitate non dicens fieri in nobis, nisi per infusionem Spiritus Sancti: loquitur autem Scriptura præcipue de actibus, quamvis etiam si de habitibus loquatur, statim redit argumentum supra factum, quod si habitus sunt per se infusi, etiam actus; servata solum necessaria differentia: nam actus, quia vitalis, non fit sine cooperatione potentiæ, habitus vero, quia non vitaliter fit, a solo Deo infunditur.

5. Accedit, quod si actus fidei solum illo modo est supernaturalis, non aliter esset ad illum necessaria gratia, quam ad actus ordinis naturalis: consequens est falsum; ergo. Sequela probatur, quia etiam ad actum naturalem virtutis acquisitæ est interdum necessaria gratia ratione solius effecttionis, non ut actus in se perfectior evadat, quam posset fieri per vires naturæ ablatis impedimentis. Pater in dilectione super omnia Dei authoris naturæ, & in actu castitatis contra gravem tentationem urgentem: tunc enim actus ille etiam est supernaturalis quoad modum in fieri; est ergo æquiparatio. Falsitas autem consequentis patet; si enim necessitas gratiæ ad credendum, vel amandum, sicut oportet, non esset per se, sed per accidens, quia natura talis actus non illum modum postulat, sed potius magis connaturaliter fieret per vires naturæ, quod profecto est per se incredibile, cur enim Deus postulat illud extraordinarium, & quasi miraculosum modum efficiendi talem actum, si cum tota perfectione requisita ex parte actus posset alio modo connaturali fieri per vires naturæ? Necessè est ergo fateri, quod Concilia, & Patres aperte docent, hanc gratiæ necessitatem provenire ex impotentia hominis ad faciendum talem actum.

6. Vel ergo hæc impotentia est physica, ex defectu virtutis activæ in ipsis potentiis intellectus, vel voluntatis, & sic necessitas est simpliciter, & per se, & ad singulos actus, & in omni statu, inde vero optime inferitur, actum esse supernaturalem quoad substantiam, quia est supra vires physicas, & naturales potentiarum. Vel illa necessitas est tantum moralis, & per accidens ex impedimentis, & sic plane sequitur, non magis esse supernaturalem actum fidei, quam actum castitatis, qui fit urgente tentatione gravi, nec magis esse necessariam gratiam ad unum, quam ad alterum. Quod nullo modo videtur admittendum: nam inde ulterius sequeretur, actum fidei, vel charitatis posse fieri sine auxilio gratiæ in natura integra, vel Angelica, quia in illis non essent impedimenta, vel

difficultates extrinsecæ, & aliunde dicuntur actus illi non excedere vires per se, ac physice requisitas ex parte potentiarum. Sicut ergo ob hanc rationem dicimus, actum amoris naturalis posse esse in illo statu per vires naturæ, ita dicendum erit de actu charitatis, aut fidei, nam æquiparantur juxta illam sententiam, ut ostensum est.

7. Unde ulterius sequeretur, in natura etiam lapsa posse actum fidei Christianæ haberi sine viribus gratiæ, saltem quando proposito sufficienter articulo fidei, nulla difficultas extrinseca in credendo occurrit, præter rei propositæ excellentiam, & supernaturalitatem materiale (ut sic dicam) seu in esse entis, nam in esse credibilis ex quocumque motivo dicitur esse objectum proportionatum viribus naturalibus; ergo nihil tunc obstat, quominus per illas solas credi possit. Quod si quis contendat, ad hoc ipsum esse necessariam gratiam, ut objectum sine aliis difficultatibus proponatur, ad summum id poterit defendi de gratia extrinseca providentiæ, aut protectionis, non vero de gratia internæ inspirationis, & illuminationis, de qua Concilia loquuntur: nam sufficere illa interior excitatio, & illuminatio, quæ ex vi externæ prædicationis causatur, quam etiam Pelagius ponebat.

8. Potest vero aliquis inter actum fidei, & actum moralem ordinis naturæ, quatenus ex gratia fiunt, discrimen constituere, distinguendo prius duo, quæ intrinsece in his actibus reperiuntur, scilicet, qualitas facta, & actio, quæ per se fit: & dicendo, qualitatem in utroque actu omnino naturalem esse sine additione alicujus perfectionis, vel modi in ea facti: nihilominus tamen in actu fidei, vel alterius virtutis theologicæ actionem illam, quæ intrinsece fit, fieri modo supernaturali, & per se oriri ex aliquo principio activo supernaturali, imo in hoc ipso consistere modum illum: actum vero naturalem virtutis moralis, non solum in se naturalem esse, sed etiam intrinsece fieri per actionem mere naturalem, quæ per se fit a solo principio naturali. Atque hac ratione gratiam magis intrinsece, & per se requiri ad actum fidei, quam ad alium actum, nam ad hunc solum requiritur gratia, ut moraliter excitans, & adjuvans & tollens impedimenta, vel contra illa, morales vires præbens: ad actum vero fidei sic factum magis intrinsece, & physice necessaria est.

9. Sed hæc differentia, licet in re vera sit propter supernaturalitatem actus fidei in substantia ejus, tamen hac sublata, juxta illam sententiam, frustra, & non consequenter fingitur talis differentia. Cur enim una actio intrinseca est magis supernaturalis, quam alia, si terminus unius tam est naturalis, sicut alterius? Nam quod unus terminus sit perfectior alio in illo ordine, non satis est, cum etiam una actio possit esse perfectior alia in eodem ordine. Item si actus fidei in esse qualitatis est mere naturalis, in intellectu est virtus naturalis sufficiens ad illam eliciendam; ergo etiam est naturalis via, seu actio, per quam fit; ergo frustra, & gratis fingitur alia actio superioris ordinis, & per se pendens a principio supernaturali. Multoque impossibilius est, rationem reddere, cur talis actio sit necessaria: nam si id tribuatur extrinsecæ ordinationi Dei ita volentis, jam hoc impugnatum est, & sicut in uno actu fingitur, ita etiam potest fingi in alio, semperque differentia est prorsus voluntaria.

C A P U T V I I.

Actum fidei non esse supernaturalem ex modo accidentali actus solum extrinsece illum denominante.

1. IN hoc cap. tractabuntur variæ sententiæ statuentes supernaturalitatem actus in aliqua extrinseca denominatione. Quem modum in primis in sola ratione meriti posuit Durand. supra, & sequitur Gabriel, qui in hoc magis loquitur de amore, quam de fide. Et in idem fere inclinatur aliquando Cajetanus in dicto quodlibet. dum ait, contritionem informem, & acquiritam, quæ secundum ipsum potest tempore antecedere charitatem per solam infusionem habitus charitatis

Progre-
ditur ad hoc
proximū
membrū.

Evasio ex
discrimi-
ne quodā.

Refelli-
tur.

Discuti-
tur alter
modus su-
pernatu-
ralitatis
ex addu-
ctis in c. 4.
n. 4. i. opi-
nio con-
stituens
illum in
ratione
meriti.

Deinde
ratione
confute-
tur eadem
opiu.

Procedit
ulterius
ratio.

Est dilem-
mate ur-
getur.
Ejus mē-
brum 1.

2. membr.

tatis fieri contritionem perfectam, quamvis ex hac infusione solum redderet in talem actum denominatio extrinseca a dignitate personæ desumpta. Imo de ipso met actu sentit, eundem, qui tempore præcessit gratiam habitualement, fieri ultimam dispositionem ad illam, *solum quia Deus per gratuitam dilectionem dignatur uti nostra acquisita contritione ad suum proprium opus, quod est charitas habitualis*. Et hanc Dei dilectionem vocat etiam *gratuitam Dei motionem*, quamvis non immutet intrinsece ipsum actum naturalem. Unde si per illam motionem intelligat, quod ille met actus incipiat esse, vel conservari per aliquod auxilium speciale, coincidit cum sententia præcedenti cap. jam impugnata. Si vero intelligat solam acceptationem per gratuitam dilectionem Dei, quod magis indicat, sic coincidit cum præsentis sententia. Nam, ut illa sit universalis, debet intelligi non de solo merito de condigno, alioqui solum haberet locum in his actibus prout tempore, vel natura subsistentur infusione habituum, non vero ut præcedunt, quia ut sic non sunt meritorii de condigno, quamvis supernaturales sint: intelligi ergo debet de quocunque merito, sive de condigno, sive de congruo, sive impetrativo, sive (ut ita dicam) dispositivo, id est, quod sit dispositio proxima, vel remota ad iustitiam.

2. Hæc autem sententia vel repugnat assertioni cap. 5. vel omnino falsa est, tribus enim modis intelligi potest differre actum meritorium a non meritorio. Primo ex parte ipsorum actuum, quia unus per se spectatus est dignus tali præmio, & proportionatus illi, non vero alius. Et sic verum quidem est, actum de se meritorium supernaturalis præmii quocunque modo, differre a non meritorio, tanquam supernaturalem a naturali: nam hæc differentia posterior est ratio prioris, licet per illam a posteriori declaratur. Illa enim differentia versari non potest inter actus intrinsece omnino similes, necessarium est enim ut actus ille, qui per se spectatus est meritorius, sit in se dignior, & nobilior, & consequenter ut ratione suæ substantiæ, vel alicujus modi intrinseci fundet illam rationem meriti, vel dispositionis. Non potest ergo illa sententia intelligi de hoc modo meriti; quia modus ille supponit intrinsecam differentiam inter actus in conditione gratuita, & supernaturali, quæ in uno est, & non in alio, & ideo illum reddit proportionatum ad meritum, & non alium. Et hanc differentiam nos dicimus esse fundatam in substantia actus supernaturalis, vel si consistit in modo, assignandus est alius præter meritum, qui sit intrinsecus actui; hæc ergo expositio non congruit illi opinioni, quia involuit repugnantiam cum illa.

3. Secundo ergo modo potest differre actus meritorius a non meritorio ex parte personæ operantis, quia una est sancta, & in statu gratiæ, alia vero in statu peccati, & inimicitiae Dei. Et hæc etiam differentia non sufficit ad explicandam supernaturalitatem istorum actuum. Primo quia non est universalis, habet enim locum in merito de condigno, non vero in merito de congruo, quia hoc posterius potest esse etiam sine habituali gratia, juxta sententiam August. Epist. 105. & de Prædestin. Sanct. cap. 5. quam infra suo loco tractabimus. Responderi potest, quamvis meritum de congruo possit esse sine gratia sanctificante, non tamen sine aliquo habitu infuso, saltem fidei. Quia fides est, quæ impetrat cætera, & ita si quod meritum impetratorium, seu de congruo antecedit charitatem, in fide maxime fundatur. Ut autem actus fidei hanc vim habeat, oportet ut sit quasi firmatus per habitum infusum fidei, per quem persona sit quasi permanenter, & (ut sic dicam) connaturaliter fidelis. Et ita Durand. 2. distin. 28. quæst. 2. etiam habitum fidei dicit infundi propter modum meriti. Imo Cajetan. 2. 2. quæst. 171. art. 2. ad 3. ait, ad actum fidei requiri habitum infusum, ut laudabiliter habetur.

4. Sed hoc profecto gratis dicitur, & sine fundamento, nam si habitus fidei infusæ nihil influit in actum physice, & realiter, nullo modo reddit illum magis laudabilem, vel acceptabilem, quia nec physice reddit illum meliorem, nec moraliter, quia non est circumstantia ejus, nec per se constituit personam

in statu, in quo possit conferre actui congruitatem ad meritum, cum non obstante habitu fidei, peccator sit inimicus Dei. Unde argumentor secundo: nam ea vis impetrandi, quæ est in fide, non est propter ipsum actum fidei infusæ secundum suam essentialem rationem, & conditionem spectatum, ut aperte sentit August. locis citatis: ergo non sit sic meritorius per conjunctionem ad habitum. Tertio primus actus fidei in eo, qui ante baptismum ad fidem convertitur, non est elicitus ab habitu, juxta probabilior sententiam infra tractandam, & tamen ut sit prius natura, vel, ut aliqui volunt, etiam tempore, est impetratorius etiam ipsius habitus fidei, ad quem disponit proxime, ut est probabilius; ergo hoc meritum non fundatur in habitu, sed in ipso actu, ut procedit a divino auxilio. Ac proinde non differt actus fidei in esse meriti impetratorii a naturali actu fidei, ex sola conditione habituali personæ operantis, sed ex aliqua reali proprietate, quam tale meritum supponit in actu, propter quam est necessarium auxilium ad talem actum, & propter cujus defectum actus naturalis fidei non est sic meritorius, nec est dispositio ad infusionem habitus.

5. Secundo principaliter est illa differentia insufficiens ad explicandam supernaturalitatem actus fidei, quia juxta illam non esset necessarium auxilium gratiæ actuale ad faciendum actum fidei, neque etiam ad constituendum illum in esse meriti. Consequens est aperte contra Scripturam, Concilia, & Patres; ergo. Sequela patet, quia illud meritum non est aliquid reale in actu, nec supponit in illo aliquid, quod non possit fieri viribus naturæ, si enim credenti per vires naturæ, Deus infundat habitum fidei, vel gratiæ, eo ipso sit ille actus meritorius de congruo, vel de condigno; ergo nullum actuale auxilium gratiæ est necessarium ad credendum, etiam meritorie, sed solum quod homo credat suis viribus, & Deus infundat, vel jam infuderit habitum. Sicut in opinione eorum, qui dicunt, actum virtutum acquiratarum in homine iusto esse meritorium de condigno, licet nullo alio modo supernaturali fiat, nullum actuale auxilium requiritur ad tale meritum, sed tantum status gratiæ. Falsitas autem consequentis satis constat ex vulgaribus testimoniis. *Non sumus sufficientes cogitare aliquid ex nobis, quasi ex nobis, sed sufficientia nostra ex Deo est*, ubi licet sit sermo de cogitatione pia, & salutari, tamen ad illam dicitur homo insufficiens, non solum ut per eam mereatur, sed etiam ut eam faciat, juxta illud, *Sine me nihil potestis facere*: & hac ratione dicitur Deus aperire cor ad credendum. Et hoc convincunt alia testimonia cap. 2. adducta, & plura similia afferemus infra de auxiliis gratiæ, & de merito tractantes. Hic ergo modus meriti non satis est ad supernaturalitatem actus fidei, vel cujusvisque virtutis infusæ.

6. Tertio ergo modo intelligi potest hoc meritum per solam acceptationem extrinsecam Dei, ita ut actus fidei naturalis, & Christianus solum differant, quia Deus non acceptat priorem; posteriorem autem acceptavit, fidesque Christiana solum addat supra fidem naturalem, quod Deus illam acceptaverit. Quod si inquiras, cur acceptaverit unum actum, licet naturalem, eumque acceptando in esse fidei Christianæ illum constituerit, non vero alium similem? Respondent, id esse ex beneplacito Dei, quia in actibus potest nulla esse inæqualitas. Et hunc dicendi modum indicat valde Durandus, & de dispositione ultima ad gratiam idem videtur sentire Cajetanus. Utrumque autem continet doctrinam omnino vitandam, & contra illam maxime urget ratio proxime facta, quod tota operatio ut est necessaria ad meritum vel de condigno, vel de congruo, vel ut sit dispositio ad gratiam, & remissionem peccati, sit sufficienter per solas vires naturæ: & tota gratia consistit in liberalitate Dei extrinsece acceptantis. Hoc autem repugnat Scripturis, & definitionibus Conciliorum, ut dixi. Destruit etiam veram rationem meriti, repugnatque Concilio Trident. quod ad meritum requirit actualem gratiæ influxum sess. 6. cap. 16. ut suo loco videbimus.

7. Præterea per illum dicendi modum non receditur a Pelagio, qui (ut supra vidimus) etiam admittere

r. Sensus prædicti meriti rejicitur.

Sensus aliter illius meriti excluditur primo.

Evasio.

Proxima evasio improbat multiplicem.

Excluditur a prædictis scilicet.

2. Cor. 3.

Joan. 6. Act. 14.

3. Sensus prædicti meriti.

Expugnatur 1.

Expugnatur 3.

bat

bat extrinsecam gratiam Dei acceptantis nostram poenitentiam quoad remissionem peccatorum, damnatur autem, quia dicebat, ipsum actum sufficientem, ut acceptetur, nostris viribus fieri. Item necessario inciditur in errorem Semipelagianorum, quia licet nostra salus dicatur consummari per acceptationem, necessario inchoabitur a nobis facientibus ipsos actus, quantum necesse est, ut acceptentur a Deo. Quod evidentius sequitur, si hæc acceptatio sit ex lege certa: si vero dicatur fieri pro arbitrio Dei, & uni concedi, alteri vero æque operanti non concedi. Per hoc non evitatur, quin is, cui sit talis gratia acceptationis inchoet salutem suam, quia re vera ille actus acceptetur propter bonitatem, quam habet, & aliunde sequuntur absurda gravissima, & præcipuum est, quod illa inequalitas repugnat regulis Scripturæ dicentis, unumquemque referre, prout gessit, & Deum unicuique reddere secundum opera sua. Ergo per solam rationem meriti non satis explicatur supernaturalitas istorum actuum, nisi forte a posteriori, in quantum in ipsis actibus supponit aliquam proprietatem realem fundamentum meritum ex parte actus, & de ista conditione inquirimus, quid sit, si non est substantia actus.

9. Atque hæc, quæ contra has sententias diximus, universaliter procedunt, & convincunt contra quemcunque alium modum extrinsecum, qui in talibus actibus consideretur, aut fingatur. Nam illud principium, quod ad hos actus necessaria est gratia efficiens cum nostris potentiis actus ipsos, concludit universaliter aliquid debere fieri, & esse in ipso actu, quod non possit viribus naturæ fieri, possit autem fieri viribus gratiæ, & ideo supernaturalitatem actus non consistere in denominatione ab extrinseco favore, vel gratia, sed in reali proprietate ipsius actus. Imo ex eodem principio colligitur, necessarium esse, actum supernaturalem ab homine fieri, etiam quoad ipsam supernaturalitatem, cooperantibus nostris potentiis cum auxiliis gratiæ. Probatur ex eodem principio, quia ideo ad actus requiritur principium efficiens supernaturale, & gratia, quia homo non potest operari actum, sicut oportet; ergo cum auxilio gratiæ operatur illum, sicut oportet; ergo ille actus, etiam ut talis est, qualis esse oportet, ac subinde ut supernaturalis, est a nobis cum auxilio. Dices, ad credendum, sicut oportet, esse necessarium auxilium, non quia intellectus noster efficiat in actu illam conditionem, quam particula, *sicut oportet*, indicat, sed quia intellectus facit actum, & gratia facit, ut sit *sicut oportet*.

9. Sed contra hoc sunt in primis loquutiones Patrum dicentium in his actibus supernaturalibus, qui libere a nobis fiunt, totum esse a Deo, & totum a nobis, nec Deum operari in tali actu aliquid sine nobis, nec nos sine Deo. Deinde obstat, quia alias actus, ut supernaturalis, non esset liber, quia non sit libere, nisi quod sit active a nobis; ergo si id, quod est supernaturale in actu, non sit a nobis, non est pendens a libertate nostra; ergo neque actus ut supernaturalis libere fit: consequens videtur absurdum, quia talis actus non est meritorius, nec dispositio ad gratiam, nec medium proportionatum ad vitam æternam, nisi ut supernaturalis; ergo si ut talis non est a nobis, nec pendet ex libertate nostra, etiam ut meritorius, vel ut dispositio, non erit a nobis. Dices, supernaturalitatem actus esse nobis liberam non immediate, sed mediate quatenus a nobis pendet substantia liberi actus cui Deus adjungit supernaturalem modum. Sed ex hoc inciditur in alia incommoda. Nam si lex illa sit infallibilis, ut Deus addat supernaturalitatem operi mere naturali, incidimus in inconveniens illatum, quod principium salutis in actibus liberis sit a nobis solis viribus naturæ operantibus, & merentibus, ut Deus addat supernaturalitatem actui. Si vero non est infallibilis lex, jam non est supernaturalitas actus in libertate nostra, quia etiam posito nostro actu, pendet ex sola libertate Dei, nec erit in potestate nostra conari ad actum supernaturalem, nec illum facere, sicut oportet ad salutem, sed hoc pendeat ex sola liberalitate Dei, etiam supposita tota cooperatione nostra post prævenientem gratiam. Necesse est ergo fa-

teri, totum id, quod est supernaturale in actu libero, esse a nobis cum Deo cooperantibus, ac subinde non posse esse modum extrinsecum in actu.

10. Unde etiam facile excluditur aliorum opinio, qui dixerunt, supernaturalitatem actus consistere in esse quodam morali virtutis, seu honestatis supernaturalis, quod dicunt, non pertinere ad substantiam actus, sed esse modum ejus, sine quo potest interdum tota substantia actus fieri, ac proinde ut sic fieri posse sine gratia, quia est mere naturalis, licet cum tali esse virtutis non possit fieri sine gratia, quia ut sic est supernaturalis. Quam sententiam refert Medina 1. 2. quæst. 62. ubi supra, & licet illam non approbet, minus improbabilem, quam cæteras censet. Sed in primis non potest hæc opinio ad actum fidei prout est in intellectu applicari: nam actus ille præcise spectatus non est actus virtutis morales, sed intellectualis, cuius perfectio, seu esse virtutis intrinsecum est, & inseparabile ab actu, quia consistit in infallibili certitudine, & veritate, quam habet ex vi objecti formalis, a quo sumitur substantialis, & intrinseca species actus. At vero assensus fidei sub ea ratione intellectualis virtutis est assensus supernaturalis, ut supra ostensum est; ergo ejus supernaturalitas non potest consistere in illo esse morali accidentali. Confirmatur, quia si in assensu fidei, præter rationem intellectualis virtutis consideremus honestatem moralem, hæc dupliciter potest in eo considerari, scilicet, vel objective, vel denominative, & quasi formaliter. Priori modo illa honestas est intrinseca, & inseparabilis ab actu fidei, nam ex eo ipso, quod est actus virtutis intellectualis talis ordinis, habet, quod sit honeste appetibilis, unde illa honestas, vel est ipsa substantia actus, vel ad summum distingui potest ratione, eo modo, quo transcendentalis bonitas distinguitur ab ente, unde necesse est, ut sit ejusdem ordinis cum ipsa substantia actus. Posteriori autem modo in actu intellectus est per denominationem ab actu voluntatis, & de hoc esse morali judicandum est ex actu, a quo sumitur illa denominatio: & ita verum est in actu fidei etiam illud esse morale, esse supernaturale, quia provenit a voluntate credendi, quæ supernaturalis est. Nihilominus tamen non potest in illo esse consistere proprie supernaturalitas assensus fidei, ut intellectualis est, quia non potest hæc supernaturalitas consistere in denominatione extrinseca, ut generaliter probatum est. Alias etiam actus fidei humanæ imperatus ab aliqua voluntate supernaturali, esset tam supernaturalis, sicut assensus fidei infusæ, quod falsum esse constat.

11. Deinde non potest illa opinio ad fidem quoad voluntatem credendi accommodari. Duobus enim modis contingit, actum voluntatis esse actum honestum, & virtutis, scilicet ex objecto intrinseco, vel ex relatione ad extrinsecum finem honestum. Prior honestas ex objecto non est modus accidentalis in actu interiori voluntatis, sed est differentia essentialis, & specifica illius. Quamvis enim moralitas, prout dicit denominationem libertatis non sit essentialis actui quoad ejus specificam entitatem, tamen ratio virtutis, & tendentia in objectum honestum, ut tale est, est differentia essentialis, & constitutiva talis entitatis, ut suppono ex 1. 2. quæst. 18. Et declarari potest in actu charitatis Dei, nam ex proprio objecto intrinseco honestus, & studiosus est. Unde eadem charitas est in via, & in patria, & eandem honestatem habet, licet in via libere exerceatur, & in patria necessario. Constat autem ex supra dictis, voluntatem credendi esse honestam ex objecto intrinseco, etiam si per aliam imperantem voluntatem ad extrinsecum finem non ordinetur. Ergo si est supernaturalis, ut re vera est, ratione hujus honestatis, plane in specie sua essentiali, & non tantum in modo accidentali supernaturalis est. Quod si ultra hanc honestatem ponamus, addi aliam ex intentione finis extrinseci: aut finis ille est naturalis, & sic erit impertinens, quia ex tali relatione non redundabit in actum aliquod esse supernaturale, etiam per denominationem extrinsecam; si vero finis extrinsecus est supernaturalis, sic quidem intentio ejus erit actus supernaturalis in specie sua, quia illa intentio habet pro objecto suo immediato talem finem,

2. Opinio consistens modum supernaturalitatis extrinsecæ rationis honestatis. Impugnatur 1. in actu fidei.

Confirmatur impugnatio.

Impugnatur 2. in actu voluntatis credendi.

Procedat impugnatio.

Convincitur ex rationibus factis quibus aliis modis extrinsecæ supernaturalitatis.

Refugiū.

Destruitur.

nem, & ita erit actus charitatis, vel spei, aut alius similis, & ita erit per se necessaria gratia operans, & cooperans ad talem actum ratione substantiæ ejus, & modi intrinseci dantis propriam speciem illi entitati. Species autem accidentaria, seu denominatio, quæ potest inde redundare in voluntatem credendi, quatenus a tali intentione imperatur, est quidem modus supernaturalis accidentalis, & extrinsecus illi voluntati, sed non ab illo habet propriam supernaturalitatem, propter quam gratiam sui effectricem, tanquam principium proximum requirit. Et hic discursus applicari potest ad omnes actus voluntatis, qui per se sunt supernaturales, & infusi, quia non possunt illam supernaturalitatem habere a fine extrinsecus, nam etiam actibus virtutum acquisitarum communicari potest, sed oportet, ut ex objectis suis illam habeant, ideoque non potest esse denominatio extrinseca, sed intrinseca, & specifica honestas, quæ ex objecto sumitur, ac propterea substantialis, & essentialis actui esse debet.

12. Tandem hinc facile refelli potest alius modus gratiæ, vel supernaturalitatis, qui in his actibus excogitari potest, nimirum, quia procedunt a cogitatione congrua cum ordine ad finem supernaturalem. Quem modum a nemine assertum, vel insinuat inveniunt quoad fidei assensum: quoad voluntatem autem credendi insinuat illum P. Vazq. disput. 186. num. 20. §. *Valeant*, ubi licet loquatur sub disjunctione dicens, *sive asseramus esse supernaturalem quoad substantiam, sive acquisitum, &c.* Satis vero indicat hunc posteriorem modum esse sufficientem, & illo supposito ait, ad illum requiri gratiam congruam cogitationis eo modo, quo ad alios actus bonos virtutum acquisitarum illam exigit. Unde in disput. 187. de solo assensu fidei dicit esse supernaturalem in substantia.

13. Hæc tamen sententia facile ex principiis positis refutatur. Quia si illi actus tantum vocarentur supernaturales, quia haberi non possunt sine cogitatione congrua, solum essent supernaturales quoad fieri, non quoad esse intrinsecum ipsorum, quod generaliter refutatum est. Et de assensu intellectus dici nullo modo potest, alias habitum per se infusum non postulat, est autem eadem ratio de voluntate credendi, quia debet esse ejusdem ordinis, & ad illam in Concilio Arausico æque gratia postulat. Item quia, ut supra ostendi, illa cogitatio non est verum gratiæ auxilium; imo nec propria gratia; tum quia alias non esset magis supernaturalis in ea sententia voluntas credendi, quam voluntas temperate comedendi; tum etiam, quia alias eadem ratione dici posset, assensum ipsum fidei non aliter esse supernaturalem, quam ratione illius cogitationis congruæ, & voluntatis, a qua assensus imperatur. Unde etiam fieret, voluntatem credendi res fidei ex autoritate parentum, vel traditione humana, si honesta sit, ut facile esse potest, non solum in catholico, sed etiam in hæretico quoad articulos, quos retinet, esse æque ex gratia, ac subinde æque supernaturalem, ac voluntatem credendi fide Christiana, quia etiam illa erit ex cogitatione congrua.

14. Imo addo, non satis esse, quod illa cogitatio congrua sit ex revelatione, vel prædicatione verbi Dei supernaturalis concepta, si alioqui sit solis naturæ viribus formata, media talium objectorum propositione, quia tota illa cogitatio non transcendit rationem extrinsecus revelationis, & doctrinæ, & non est propria gratia excitans, quæ necessaria est ad voluntatem credendi. Unde concludo, non minus esse actum supernaturalis ordinis voluntatem credendi, quam ipsum assensum credendi, quia omnes rationes factæ æque in utroque procedunt, ideoque in utroque est necessarium, ut illud, quod constituitur in esse actus supernaturalis, sit aliquid intrinsecum, & reale, vere, & physice constituens, seu peticiens talem actum.

C A P U T VIII.

Actum fidei non esse supernaturalem ex accidentali modo intrinsecus, seu illi inherente, & vera assertio concluditur.

1. Superest videndum, an esse supernaturale talis actus, sit aliquis modus realis, extra speciem substantialem actus, eumque intrinsece afficiens. Nam hoc etiam a multis tentatum est, variis tamen viis, quia in nulla satis probabilis ratio inventa est. Primo ergo dixit Scotus, quem Gabr. Palud. & alii sunt sequuti, hunc modum esse intensionem fortasse majorem, quam homo possit suis viribus efficere in tali actu, ut significat Scotus. Sed non potest subsistere, primo quia in actibus necessariis ad salutem, nulla certa intensio est necessaria, sed actus quantumvis remissus sufficit, dummodo infusus sit, sicut de contritione alibi ostendi, & est eadem ratio de cæteris. Et de habituali gratia infusa est res notissima, eadem autem ratio est de dispositione ad illam; at vero modus ille, quem significant Concilia, quando dicunt, *sicut oportet*, est necessarius ad salutem; ergo non est intensio. Præterea intensio actus est ejusdem ordinis cum actu, quod in omni qualitate verum est: ergo si substantia actus est naturalis, etiam intensio naturalis est: ergo sicut ad substantiam actus non est necessaria gratia, ita etiam nec ad illum modum erit. Quod si quis dicat, illam intensionem esse majorem, quam ille actus natura sua postulet. Hoc imprimis voluntarium est, & præterea per majorem conatum naturalem cum majori concursu ordinis naturæ posset talis intensio fieri, habitus autem supernaturalis parum, aut nihil deserviret ad illam intensionem: ergo supernaturalitas actus non consistit in illa intensione.

2. Huic similis erit modus durationis, si quis fingat, ad credendum, sicut oportet non satis esse, elicere actum; sed etiam durare, vel perseverare in illo, & hanc durationem non posse viribus naturæ fieri, ideoque ad illam esse necessariam gratiam, & actum cum tali modo supernaturalem censeri. Similem enim opinionem habuit Scotus de actu contritionis; videtur autem esse eadem ratio de reliquis. Veruntamen sicut in contritione falsa est illa opinio, ita etiam in fide, & in quolibet actu virtutis infusæ, potestque facile argumentis proxime factis impugnari. Primo, quia duratio actus non est necessaria ad salutem, neque ad justificationem, ut de contritione late suo loco ostendi, quia vel actus, cum primum fit, est, sicut oportet ad salutem, & tunc statim habet effectum suum, vel justificationis, vel meriti argumenti gratiæ, vel gloriæ. Si vero actus in instanti, quo fit, non est, sicut oportet, etiam si per annum duret, nunquam erit, sicut oportet, nisi in se melior fiat, quia ratione solius durationis non fit melior, nec convertit animam melius in Deum. Et præterea hic magis urget secunda ratio supra facta, quia duratio est tam naturalis, sicut substantia actus; imo in re nihil addit actui, sed solum dicit perseverantiam, seu conservationem ejusdem entitatis. Unde ex hac parte nullum augmentum in virtute activa requirit, sed solam perseverantiam ejusdem virtutis. Hæc autem perseverantia non fingitur diuturna multiplicando actus, & vincendo difficultates longo tempore occurrentes, hoc enim neque in ipsa contritione cogitatum est, nec potest in ullo actu cogitari, quia quæstio de perseverantia illo modo sumpta, est longe diversa, & non est de bono actu, sed de plurium multiplicatione, & de victoria contra varias tentationes insurgentes, de qua re nunc non tractatur, sed de singulis actibus, & de uniuscujusque duratione, seu continuatione per aliquod tempus, ideoque qui talem durationem requirunt, non dicunt, esse longi temporis, sed alicujus brevis morulæ, quæ non potest actui tantam addere difficultatem, ut propter illam sit semper necessarium auxilium speciale gratiæ ad singulos actus, ut illud Concilia postulant.

3. Alii ergo dixerunt, illum modum esse facilitatem

2. Opinio de modo supernaturalitatis extrinsecus accipitur.

Impugnatio.

Augetur impugnatio.

1. Opinio explicans dictam supernaturalitatem. Rejicitur.

2. Opinio aliter explicans.

Rejicitur.

3. Opinio.

tem actus, nam ad hunc modum solet dari habitus, & gratia, vel est habitus, vel aliqua motio supplens activitatem ejus. Ita dixit Durandus agens de fide, in 3. distin. 23. quæst. 6. alibi vero alios modos addit. Capreolus etiam dixit, habitum infusum requiri propter promptitudinem, quod fere idem est. Hæc vero opinio, si exclusive, & præcise intelligat, solam facilitatem esse modum, propter quem gratiæ operatio ad hos actus necessaria est, omnino rejicienda est: nam & in Theologia, & in Philosophia continet errorem. Primum patet, quia Pelagius etiam admittebat gratiam ad facilius operandum, & nihilominus ab Augustino, & Concilio damnatus est: quia Christus non dixit: *Sinem difficilius potestis facere, sed nihil potestis facere*, & Paulus, *Non sumus sufficientes*: ergo gratia non solum dat facilitatem operandi, sed etiam potestatem. Et hanc differentiam agnoscunt communiter Theologi inter habitus acquisitos, & infusos; quod priores dant tantum facilitatem, posteriores vero dant etiam potestatem. Error autem philosophicus declarat magis hunc, quem Theologicum vocamus; consistit autem in hoc, quod illa opinio supponit facilitatem actus esse aliquem modum realem & absolutum intrinsecum ipsi actui, quod profecto intelligi non potest, quia in his actibus immanentibus, qui in instanti fiunt, facilitas non consistit in majori velocitate, sed in hoc solum, quod cum paucioribus impediementis, vel cum majori virtute activa sit actus, & hoc modo habitus acquisitus dat facilitatem, quia supponit sufficientem potestatem ad actum, & augeat illam addendo activitatem ejusdem ordinis: gratia vero non supponit sufficientem potestatem ad actum fidei, sed dat illam, & ideo non augeat virtutem activam naturalem, sed elevat illam. Idem ergo facit auxilium gratiæ, quando supplet vicem habitus. Ergo modus actus, propter quem datur tale auxilium, non est, ut facilius fiat, sed est aliquis alius, ad quem faciendum est simpliciter necessarium gratiæ auxilium. Accedit tandem, quod si actus in se est naturalis, etiam facilitas ejus ad ordinem naturalem pertinebit, & ita posset illa facilitas per frequentes actus naturales comparari, & sic non esset gratia simpliciter, & per se necessaria etiam ad illam facilitatem, nec etiam habitus infusus erit necessarius, quia habitus acquisitus ad facilitatem sufficit. Nec refert, quod primi actus cum aliqua difficultate fiant: nam etiam nunc, licet cum gratiæ auxilio fiant, non sine magna difficultate sepiissime fiunt.

Opinio.

4. Tandem dici potest, hanc modum non esse ejusdem rationis in omnibus actibus, sed in quocunque reperiri juxta capacitatem ejus, & ita in fide esse magnam quandam certitudinem, in dilectione vero, quod sit super omnia, & sic de aliis. Et sic de fide sentit etiam Durandus in 2. distin. 28. quæst. 1. Gabr. in 3. distin. 23. Capreol. & Hispalens. 3. distin. 24. qui etiam cum Durando addunt modum discretere assentiendi, id est, recte discernendi inter veritates credendas, & errores. Veruntamen quod ad finem pertinet, hic modus aut accidentalis esse non potest, sed essentialis, aut ad rem declarandam nihil deservit. Probatur primo de certitudine: nam vel est sermo de sola certitudine ex parte subjecti voluntarie adherentis tali assensui, & hæc certitudo de se supernaturalis non est, nisi supponat aliam meliorem, nam ut supra declaratum est, hæreticus habet illam certitudinem in articulis, quod credit, pro quibus etiam mori paratus est: imo etiam interdum in suis erroribus habet similem pertinaciam. Oportet ergo, ut sit sermo de certitudine, quam actus ex se habet ratione motivi, in quo fundatur: talis autem certitudo essentialis est, & inseparabilis a tali actu, quia fundatur in primario, & formali objecto ejus. Idem plane est de modo discretere assentiendi. Nam illa discretio, prout intelligitur in ipso actu assentiendi per fidem, non aliter convenit illi, nisi ratione objecti formalis, quod est prima veritas, propter quam non potest illi assensui subesse falsum, in quo consistit, quod ille actus sit semper ab omni errore discretus. Si autem intelligatur illa discretio antecedens ad assensum, illa non est modus intrinsecus ipsius fidei, sed provenit vel ex voluntate

Suarez, Tom. VI.

credendi, quæ si sit, sicut oportet, id est supernaturalis, & ex auxilio, ac directione Spiritus Sancti, semper recte eligit objectum sufficienter propositum sub divino testimonio, & ideo semper eligit veram fidem, vel certe pertinet ad illam prudentiam, & discretionem, quæ antecedit voluntatem credendi, & dirigit illam, ne errorem pro veritate eligat: quod judicium semper est etiam supernaturale ratione aliqujus illuminationis, & inspirationis divini, & naturalis ordinis, ut ex definitione Concilii Arausiacani supra relata colligitur, & ex frequentibus locis Augustini, præsertim libr. 1. de Grat. Christi cap. 24. & libr. 1. contra duas Epist. Pelagian. cap. 34. & 35. & tract. in 6. cap. Joan. ubi sic ait: *Hæc si ab hominibus audierunt, tamen quod intelligunt, intus datur, intus corrumpat, intus revelatur*. Et similia habet Prosper lib. 1. de vocat. gent. cap. 2.

5. Relinquitur ergo nullum esse modum accidentalem in actu fidei, quo possit in esse supernaturali primo constitui, ac proinde esse supernaturalem per suam primam, & essentialem entitatem. Idemque probatum manet de voluntate credendi, idemque ob easdem rationes infra dicemus de actibus spei, & charitatis. Et ratio omnium est, quia formalia motiva, in quibus hi actus nituntur, superant ordinem naturæ, & vires naturales liberi arbitrii, ut cap. 6. late explicavimus.

6. Atque ex hac veritate sic demonstrata colligitur 1. qualis sit necessitas gratiæ ad hos actus, est enim necessitas per se, & non tantum per accidens. Quæ verba nota esse possunt ex dictis in præcedenti libro. Ibi enim diximus, necessitatem auxilii gratiæ ad actus ordinis naturalis, esse quasi accidentariam ex defectu naturæ lapsæ, seu ex rebellionem concupiscentiæ, & aliis difficultatibus, quæ ad corpus corruptibile consequuntur: in his autem actibus non est hujusmodi, sed per se est necessaria gratia, quia liberum arbitrium creatum per se est impotens ad hos actus, & ita necessitas gratiæ fundatur in intrinseca substantia, & natura talium actuum. Ideoque invenitur in omni statu, & in omni natura creata, ut ex dictis satis constat.

7. Secundo inferitur, gratiam requiri ad hos actus ut principium per se, & physicum illorum, in quo etiam est magna differentia inter hos actus, & naturales. Nam ad naturales gratia solum juvat moraliter, illuminando intellectum, & excitando affectum, & tollendo impedimenta; ad hos autem actus majus adjutorium necessarium est. Ratio autem est clara ex dictis, quia ad actus naturales habent potentiæ efficientes vires physicas, ad hos autem actus minime, & ideo indigent superiori principio elevante illas, & dante vires ad eos eliciendos, etiam per se, & physice. Unde necesse est, ut ad hos actus Deus per se concurrat, non tantum ut prima causa agens per concursum generalem, sed etiam ut causa particularis, & principalis, vel immediate, vel saltem infundendo aliquod principium proximum per se, & physicum talium actuum simul cum intellectu, vel voluntate, ut infra tractando de auxiliis latius dicetur. Per hoc autem non excluditur concursus etiam Dei ut primæ causæ ordinis etiam supernaturalis, qui hic semper est necessarius propter dependentiam essentialem omnis entitatis creatæ a Deo, ut dicitur libr. 5. Denique non etiam excluduntur morales concursus gratiæ per illuminationem, & inspirationem supernaturalis ordinis, nam hic modus adjutorii gratiæ necessarius est, ut definiunt Concilia, & fundatur etiam in supernaturali substantia talium actuum, quia non potest intellectus noster, aut voluntas ad illos conari, nisi per hujusmodi auxilia divina excitetur, ut tradunt Concilia, præsertim Concilium Trident. sess. 6. canon. 3. & inferius tractando de auxiliis latius explicandum est. An vero gratia habitualis semper debeat præcedere saltem ordine naturæ ad hujusmodi actus, postea disputabitur. Nunc quod ad fidei actum pertinet, certum est, gratiam habitalem sanctificantem non esse necessariam, quia fidei actus potest esse in peccatore, de habitu autem fidei simul cum aliis, infra suo loco generaliter dicendum.

Concluditur veritas contra modum quemcunque accidentalis, &c.

1. Coroll. ex dicta veritate.

2. Corollarium.

Impugnatur primo in actu intellectus.

8. Tandem ex hac solutione colligimus, non posse eundem actum numero esse acquisitum, & infusum, vel simul, vel successive, cujus oppositum sentiunt omnes fere authores, qui putant, actum infusum esse naturalem quoad substantiam, præsertim Gabriel, & Ochamus. Qui loquentes de actu fidei dicunt eundem actum simul esse fidei infusæ, & acquisitæ, eumque prius esse posse solius fidei acquisitæ, seu mere naturalem, & non infusum. Loquunturque consequenter, quia potest esse substantia actus sine modo accidentali, unde fit etiam, ut possit esse simul naturalis, & infusus, quia potest habere substantiam cum modo: non tamen dicere possunt, dari actum pure infusum, quia non potest esse modus accidentalis sine substantia, & aperte Gabr. explicat, non posse esse fidem infusam sine acquisita. Eademque sententia sumitur ex Scoto, & Cajetano loquente de contritione. At in nostra sententia hoc ultimum non solum contingere potest, sed etiam est necessarium in actibus per se infusis, nam in illis substantia eorum, & prima, ac essentialis species est supernaturalis, & ideo omnis etiam modus, qui ad illam sequitur, est supernaturalis, & ita totus est tantum supernaturalis. Duo autem prima sunt possibilia, ut in corollario diximus. De primo patet, quia non potest eadem entitas simul esse in duabus speciebus substantialibus, sed fides acquisita essentialiter est in tali specie entis pertinentis ad ordinem naturæ; fides autem infusa essentialiter est in altiori specie, & ordine rerum; ergo non potest simul idem actus numero quoad entitatem simul esse in utraque specie. Unde fingi non potest, quod intellectus simul, & uno actu assentiatur eidem veritati ex motivo fidei infusæ, & acquisitæ, quia non potest idem actus accipere ex illis motivis duas species æque primas, quia hoc repugnat, ut dictum est, nec unam essentialem, & alteram accidentalem; tum quia non est major ratio de una quam de altera; tum etiam, quia utrumque motivum sufficit constituere suam speciem entis.

Probatum
positum
corollarium

Progre-
ditur
proxima
probatio.

9. Et eadem ratione non possunt quasi conjungi simul ad dandam unam speciem actui, quia sunt objecta primo diversa, & distincti ordinis, & non conjunguntur ad constituendum unum formale objectum, a quo possit una species actus sumi. Nec etiam potest una simplex entitas simul esse naturalis, & supernaturalis in specie substantiali. Vel ergo illa species est naturalis, & sic supernaturale motivum, ut tale est, nihil illi confert, vel est supernaturalis, & tunc naturale motivum illam non attingit, nec supernaturalis fides a tali motivo potest per se pendere; nullo ergo modo potest simul idem actus esse in utraque specie acquisitæ, & infusæ fidei, seu virtutis. Et eadem ratione nec successive potest id contingere in actibus per se infusis, quia mutata specie essentiali, & substantiali, mutatur tota entitas actus. Item quia si idem actus posset transire a naturali in supernaturalem, vel e contra, oporteret aliquam entitatem subterni utrique rationi; ergo illæ rationes essent accidentales actui, quod est contra hypothesein, qua statuimus, actus per se infusos substantialiter esse supernaturales. Et præterea de illa entitate substrata inquiremus, in qua specie sit, & unde illam sumat, seu ex quo objecto, & an sit naturalis, vel supernaturalis, nihil enim in his omnibus potest dici probabiliter: est ergo impossibilis talis entitas actus, quæ successive fiat naturalis, & per se infusa.

C A P U T I X.

Fundamentis prioris sententiæ satisfit.

1. Superest, ut argumentis prioris sententiæ in cap. 4. a num. 11. positis respondeamus. Primum erat, quia repugnat, actum esse vitalem, & esse quoad substantiam supernaturalem. De quo puncto multa dixi in 1. part. tract. 2. lib. 2. cap. 8. tractando de visione. De qua dubitari non potest, quin sit actus quoad substantiam supernaturalis: hoc enim nec illi Theologi, qui de actibus viæ aliter sentiunt, negare ausi sunt, ut supra ex Durand. retuli, & videre licet

Ad 1. arg.
in cap. 4.
num. 11.

in Cajetan. 2. 2. quæst. 17. artic. 1. ad 3. & Soto in 4. distin. 49. quæst. 2. artic. 2. conclus. 5. & communis sententia Theologorum docet, visionem illam ita esse in se supernaturalem, ut nulli intellectui creato possit esse connaturalis. Et nihilominus visio illa actus vitalis est, cum constituat beatum videntem, & cum in illa consistat vita æterna, juxta verbum Christi: *Hec est autem vita æterna, ut cognoscant te solum Deum verum.* Non ergo repugnat actui vitali esse in substantiam. Unde etiam non repugnat, hujusmodi actum elici a potentia vitali: nam etiam illa visio ab intellectu elicitur, ut contra Durandum, & nonnullos alios cum D. Thoma, & aliis gravioribus Theologis eodem loco docui, quia influxus activus potentiæ vitalis est de intrinseca ratione actus vitalis, ut vitalis est, & omnino necessarius, ut formalem effectum suum tribuat potentiæ vitali. Sicut ergo in illa visione possunt illa duo conjungi, ita etiam poterunt in actu fidei, vel amoris viæ. Idemque argumentum fieri potest de actu prophetiæ, de quo D. Thom. 2. 2. quæst. 171. artic. 2. ad 3. dixit, esse supernaturalem quoad substantiam, manifestum tamen est, esse actum vitalem. Idemque est de actu scientiæ infusæ animæ Christi, nam ab illo vitaliter fiebat, licet esset alterius rationis a scientia acquisita, ac subinde in sua entitate supernaturalis respectu animæ Christi, ut suppono ex doctrina D. Thomæ 3. part. quæst. 9. art. 2. & 3. præsertim ad 2. & 3. juncta rota, quæst. 111.

1. Ratio vero est, quia nulla est implicatio contradictionis, quod potentia naturalis eleveatur ad agendum ultra vires suas naturales divina virtute, & servato modo agendi, quem ratio vitalis actus requirit; ita ut quamvis supernaturaliter agat, nihilominus in intrinseco modo agendi servetur proportio juxta naturalem conditionem talis potentiæ. Sive potentiæ nostræ habeant inchoatam virtutem naturalem ad influendam in hos actus per modum principii proximi principalis, saltem partialis, sive influant per potentiam obedientialem per modum instrumenti a Deo elevati, de quibus modis aliqua in citato loco dixi, & plura in tomo primo, 3. partis, disput. 31. sect. 6. ad 4. & alia dicam inferius tractando de habituali gratia. Nunc vero satis est, quod tam priori, quam posteriori modo possit elici actus vitalis, nihil enim repugnat vitaliter influere, & instrumentaliter, quia potest facultas elevari juxta modum agendi naturæ illius proportionatum. Neque oppositum aliqua ratione in argumento probatur, vel ex ratione actus vitalis inferri potest, quia licet potentia ut instrumentum eleveatur, semper agit ut principium internum, & immanens, seu intra se agens cum capacitate, ut in se recipiat formalem effectum talis actus, qui talis est.

Datæ so-
lutionis
ratio.

3. Quod vero in eodem argumento tanquam in convenienti inferebatur, quod virtutes infusæ non essent habitus, sed potentiæ, nullius est momenti, nam, ut infra dicemus, nec sunt puri habitus, nec puræ potentiæ, sed utramque rationem eminenti modo participant. Sunt enim habitus, quatenus supponunt potentiam, quæ est proximum principium operationis, & illam informant, & ad operandum adjuvant, nec possunt sine illius influxu operari: sunt vero potentiæ aliquo modo, quatenus non dant solam facilitatem operandi, sicut puri habitus, sed etiam dant, vel complement potestatem. Non possunt autem dici simpliciter potentiæ, quia non sunt totum principium proximum agendi, quia necesse est, ut ipsæ potentiæ animæ immediate influant in actum, alioqui actio non esset vitalis. Vocantur autem simpliciter habitus, ut distinguantur a propriis potentiis, quibus superadduntur, & quia sine potentiis nihil agere possunt; potentiæ autem absolute agere possunt sine tali habitu, si Deus per aliquod auxilium vicem ejus suppleat, ut lib. 4. latius dicemus.

Ad inco-
modum
in eodem
argum.
illatum.

4. Et ex solutione hujus argumenti potest confirmari nostra sententia: nam actus supernaturales, quia a nobis in via postulantur, sunt dispositiones ad ultimum, & consummatam perfectionem animæ, & quasi motus quidam ad ultimum terminum, qui in visione beata consistit. At visio beata in substantia,

Ex datæ
solutione
confirma-
tur vera
sententia.

& entitate sua est ordinis divini, & supernaturalis, ut dictum est: ergo etiam actus supernaturales viæ per se ordinati ad illum terminum, esse debent ejusdem ordinis cum illo, ac proinde quoad substantiam supernaturales. Probatur consequentia, quia media debent esse proportionata fini, & dispositiones formæ. Quæ ratione solent Theologi probare, habitus infusos esse in se supernaturales, ut videti potest in Durando in 3. distinct. 23. quæst. 5. num. 5. quæst. 6. num. 8. multo autem magis procedit de actibus, quia per illos immediatius, & quodam modo perfectius ordinantur ad beatitudinem supernaturalem, & ad comparandum Dei gratiam, quam per habitus. Eo vel maxime, quod ut supra dicebamus, habitus sunt propter actus, & per illos ordinant, & ducunt hominem ad finem supernaturalem; ergo si illi infunduntur supernaturales, ut proportionentur fini, actus etiam esse debent simili modo supernaturales, quia etiam ipse finis magis in actu, quam in habitu consistit, & potest simul esse supernaturalis, & vitalis: idem ergo de actibus viæ censendum est.

Ad 2. arg.
in eodem
cap. 4. n. 12

5. Superest respondendum ad aliam conditionem libertatis, quæ videtur repugnare cum supernaturalitate actus quoad substantiam, in qua secundum argumentum fundabatur. Et in primis contra hoc sumere possumus argumentum ex actu charitatis patriæ, qui ejusdem substantiæ, & speciei est cum actu charitatis viæ, juxta magis probabilem, & receptam sententiam, & consentaneam verbis Paul. 1. ad Corinth. 13. *Charitas nunquam excidit*. Idem ergo charitatis actus, qui in patria est supernaturalis, & necessarius, potest in viâ esse supernaturalis, & liber; ergo libertas non repugnat cum supernaturalitate actus. Accedit, quod si ratio illa aliquid valeret, non solum probaret, actum non posse esse supernaturalem quoad substantiam, verum etiam, nec quoad modum intrinsecum, quia voluntate ut libera pendeat, & fiat, ac proinde actum non esse supernaturalem per aliquid liberum, & elicito a nobis, sed per modum extrinsecum, vel a solo Deo additum, quod absurdissimum est, ut ostendimus; ergo in omni sententia probabili necessarium est confiteri, actum supernaturalem moralem, & humanum esse liberum etiam quoad esse supernaturale talis actus, quidquid illud sit. Hoc ergo nos dicimus de substantia actus, etiam si supernaturalis sit. Ratio vero eadem fere est, quæ de actu vitali, quia Deus elevat unamquamque potentiam modo illi accommodato. Et declarari potest, quia libertas consistit in potestate agendi, & non agendi, vel etiam in potestate agendi unum aut oppositum ejus. In his vero actibus, licet voluntas non habeat potestatem agendi illos nisi elevata, nihilominus de se habet potestatem non efficiendi illos, vel efficiendi alios dissimiles, & repugnantes, Deus autem ita movet, & elevat potentiam ad agendos hos actus supernaturales, ut non auferat innatam potestatem ad non agendum illos, vel ad efficiendum repugnantes, ideoque non obstante elevatione manet integra libertas, & dominium voluntatis circa influxum, quem præbet ad hujusmodi actus, ut latius inferius dicemus tractando de habitibus, & de auxiliis, & concursu eorum cum libero arbitrio.

Ad 3. arg.
in du. 13.

6. Ad tertium ex probationibus assertionis patet responsio. Duo enim principia in illo argumento sumuntur, unum est, possibile esse, actum esse naturalem quoad substantiam, & supernaturalem quoad modum, aliud est, hoc sufficere ad veritatem omnium locutionum Conciliorum, & patrum de necessitate gratiæ ad hos actus efficiendos. Primum autem ex his principiis distinguendum est: nam potest intelligi, vel de modo solum in fieri, vel de modo addito actui in facto esse: priori modo fatemur, posse actum naturalem esse supernaturalem quoad modum, i. e. posse supernaturaliter fieri, sicut potest habitus naturalis fieri modo supernaturali, i. e. per infusionem, quamvis in termino, seu in facto esse nullum modum supernaturalem recipiat. Si ergo prior illa propositio de hoc modo intelligatur, sic negatur aliud principium: nam hic modus non sufficit ad omnia, quæ de his actibus Scriptura, & Concilia docent, explican-

da, ut late probatum est, quia cum Scriptura, & Concilia docent, Deum infundere fidem, charitatem, &c. præcipue loquuntur de actibus, & licet intelligantur de habitibus, consequenter etiam comprehenduntur actus, propter quos dantur habitus. Dum autem dicuntur *infundi*, intellectum a Theologis, & ab universa Ecclesia est, illum esse modum productionis connaturalem, & necessarium in his actibus, & habitibus propter eorum excellentiam, & perfectionem, & ideo dici solent per se, & non tantum per accidens infusi. Igitur non sunt supernaturales propter solum modum, quo sunt, sed potius, quia ipsi supernaturales sunt, ideo supernaturali modo fiant.

7. Si autem prior propositio intelligatur de modo addito actui in termino, & in facto esse, iterum subdistingui potest juxta superius tractata. Nam vel est sermo de modo extrinseco, quem moralem vocare possumus, cum re vera solum consistat in aliqua extrinseca denominatione, seu relatione rationis, vel de modo intrinseco, & physico, atque in re ipsa addito, & conjuncto actui. In priori sensu gratis damus, posse actum naturalem aliquo modo supernaturali extrinsece affici, seu denominari. In hoc vero sensu negamus posteriorem propositionem, quia hic modus non sufficit ad propriam excellentiam horum actuum, quam Ecclesia docet, & Scriptura satis indicat, ut longo discursu probatum est. Et præcipue, quia vel ad illum modum non essent necessaria auxilia gratiæ, quæ vires præbeant ad agendum, quia illa denominatio non sit ab ipso homine operante: vel si contingat, unum actum naturalem voluntatis imperari, vel referri, & consequenter denominari ab alio actu supernaturali ejusdem voluntatis, tunc supernaturalitas tota est in actu imperante seu denominante, & ad illum sunt per se necessarie supernaturales vires, & auxilia, ideoque esse supernaturale illius non potest in sola denominatione extrinseca consistere.

8. In posteriori autem sensu de modo intrinseco, & reali, negamus illam priorem propositionem, non enim potest intelligi modus intrinsecus, & realis, & supernaturalis accidentaliter adjunctus actui naturali, ratione cujus vires gratiæ postulentur, & qui ad salutem sit necessarius, quod etiam late probatum est; quia modus majoris intensiōis, vel alius similis, si fortasse cogiteretur; & sive possibilis sit, sive non sit, certum est ad salutem non requiri, & ideo propter illum vires gratiæ non requiri. Necessè est ergo, ut propter substantiam talium actuum virtus gratiæ necessaria sit, & hoc est esse supernaturales quoad substantiam. Et ideo etiam non sufficit modus majoris facilitatis, aut promptitudinis, vel similis, quia & omnes isti, vel consistunt tantum in fieri, vel sunt extrinseci, & quod caput est, Concilia expresse declarant, gratiam non tantum propter talem modum esse necessariam. Et ita facile responderi potest ad exempla de modis supernaturalibus unionis hypostaticæ, vel Christi, & accidentium in Eucharistia, nam illi juxta modum entitatis, quam habent, sunt in sua substantia supernaturales, & adduntur rebus naturalibus ex speciali operatione, & institutione divina. Ad aliam vero partem, qua probabatur, objectum debere esse naturale, & viribus naturæ accommodatum; respondemus, negando assumptum. Nam omnia illa, quæ in argumento adduntur, solum probant de propositione, & applicatione illius objecti, quæ sit modo naturali, quamvis non sine directione Spiritus Sancti interius mentem gubernantis. Sub illa vero propositione applicantur motiva credendi, & volendi credere omnino supernaturalia, ut dictum est, & in cap. 10. magis explicabitur.

Pergit
solutio
proxima.

Abso-
lutur
prædi-
cta solu-
tio.

Exempla
optima.

CAPUT X.

Utrum possit homo assentiri mysteriis supernaturalibus revelatis a Deo, aliquo naturali assensu sine auxilio speciali gratiæ?

Ratio dubitandi esse potest, quia mysteria fidei totam naturæ facultatem excedunt; ergo nemo potest sola facultate naturali illis assensum præbere. Probatur consequentia, quia non potest potentia virtute sua naturali attingere rem superioris ordinis, nisi elevetur a superiori agencie, alias naturaliter tenderet extra objectum suum naturale, & extra spheram suæ activitatis ageret. Secundo unus ex erroribus Pelagii fuit, sufficienter propositis mysteriis fidei, factisque credibilibus per Evangelicam prædicationem, hominem sua libertate posse illis assentiri sine speciali auxilio gratiæ. Quem errorem August. sæpissime detestatur; Epistol. 106. & lib. 3. de Doct. Christ. cap. 33. & lib. de Grat. Christi. Imo cum ipse aliquando in eo errore fuisset, illum retractavit lib. 1. retract. cap. 23. & latius lib. de Prædest. Sanct. cap. 3. ergo ad hunc errorem pertinet, quamcunque fidem naturalem supernaturalium mysteriorum admittere, ad quam gratia revelationis necessaria sit, & nulla alia. Quod si quis dicat, Pelagium fuisse loquutum de fide perfecta, fidem vero acquisitam fore semper imperfectam, & ideo licet concedatur naturæ absque auxilio gratiæ, non pertinere ad errorem Pelagii.

2. Contra hoc instatur tertio, quia Semipelagiani ita distinxerunt fidem imperfectam, & perfectam, & dixerunt imperfectam esse ex nobis, perfectam vero ex gratia, ut constat ex supra dictis Proleg. 5. explicando sententiam Cassiani, & Fausti. Et nihilominus illam sententiam damnata est, eo quod diceret, fidem imperfectam esse ex nobis, & illam ex professo impugnatur August. toto lib. de Prædest. Sanct. ut alia loca omittam, & Prosper, ac Hilarius in Epist. ad Augustinum eundem notant errorem, eumque impugnatur Prosper toto libr. contra Collat. & aliis locis sæpe citatis, & Fulgentius de Incarnat. & grat. cap. 17. & sequens, ergo admitti non potest ulla fides naturalis, quantumvis imperfecta istorum mysteriorum, Ac tandem argumentor quarto, deducendo ad errorem Massiliensium, nam si homo posset aliquam fidem adhibere mysteriis revelatis a Deo, per illam fidem mereretur fidei augmentum, & perfectionem, & sic nulla fides esset donum gratiæ, non quidem prior, sive imperfecta, quia sit sine auxilio gratiæ, nec etiam posterior, id est perfecta, quia datur ex merito prioris fidei, & sic jam non est gratia. Consequens autem est contra dicta in capit. 2. & 3. & contra definitionem Concil. Arausicani, & Tridentini. ergo. Sequela probatur ex sententia August. lib. de Prædest. Sanct. cap. 2. dicentis, *Quis dicat, cum, qui jam capit credere, ab illo, in quem credit, nihil mereri?* Item quia ille facit, quod in se est circa sibi revelata: ergo meretur juvari a Deo, ut fidem, sicut oportet, perficiat.

3. In hoc puncto aliquid est inter Theologos communiter receptum, & aliquid in controversiam nunc a Modernis vertitur. Primum est, circa mysteria fidei revelata posse dari aliquem assensum fidei acquisitæ solis naturæ viribus: & consequenter posse esse aliquam voluntatem credendi illi fidei proportionatam, ac subinde acquisitam, & elicitam sine speciali auxilio gratiæ. Ita docet D. Thom. 2. 2. quæst. 5. artic. 3. & ibi omnes expositores. Theologi etiam antiqui superiori capite allegati iam illi, qui putant, actum fidei Christianæ esse naturalem quoad substantiam, ut Capr. in 3. distinct. 24. quæst. unic. ad argumenta Scorini contr. secundam conclus. Item Scotus, Gabr. Durand, Almain. & alii in 3. distinct. 23. Cajetan. 1. 2. quæst. 109. artic. 1. & 4. Soto lib. 2. de Natur. & grat. cap. 8. 14. & aliis locis sæpe allegatis, quam illi, qui tenent fidem infusam esse assensum supernaturalem quoad substantiam, ut Alenf, Ricard. atque etiam D. Thomas, & idem docent Moderni Medin. & alii supra allegati, & Bannez 2. 2. quæst. 5. artic. 2. & quæst. 6. artic. 1. & Azor,

tom. 1. lib. 3. cap. 24. quæst. 2. & optime Bellarm. lib. 6. de Grat. & liber. arbitr. cap. 3. in generali responsione ad objectiones.

5. Potestque hoc probari primo ex illo Jacob. *Dæmones credunt, & contremiscunt*, constat enim, dæmoniorum fidem non haberi viribus gratiæ, quæ illis non dantur. Verum est, illam fidem non voluntariam esse, sed necessariam, ac subinde procedere ex aliquibus principiis evidentibus parim ex naturali lumine, parim experientia, quæ reducitur ad evidentiam in attestante, quam posse habere Angelos de rebus fidei, communis opinio ferri, quamvis quæstio fere de nomine sit, an illa dicenda sit fides, nec ne; Jacobus autem absolute ita illam appellat, nam credere non sit, nisi per actum fidei. Homines vero possunt ad illam evidentiam pervenire, quod si aliqui ut Apostoli, vel alii, qui miracula conspiciere, & ponderare potuerunt, illam assecuti sunt, credo non potuisse illam acquirere sine Spiritus Sancti auxilio præparantem voluntatem eorum, ut pie susciperent, quæ dicebantur, & ut vim motivorum, & miraculorum ponderare, & penetrare possent, ideoque ille modus fidei, quamvis naturalis quoad substantiam sit, non potest (ut opinor) obtineri ab homine lapsso, vel in pura natura constituto sine speciali Dei adjutorio. In quo non est homo dæmonibus comparandus, nam dæmones facillime cognoscunt virtutes signorum, etiam evidenter, & ex illis possunt evidenter cognoscere, Deum esse, qui per hominem loquitur, quod hominibus longe difficilius est, & ex multa circumspeditione, & affectione pendet, quæ non potest in re tam difficili, & aliena a sensibus, & affectibus humanis, moraliter loquendo, solis viribus propriis adhiberi.

5. Nihilominus tamen alia fides voluntaria, & libera ex humano discursu, & libera voluntate haberi facile potest. Id constat exemplo in hæretico, qui aliqua mysteria credit, & non fide infusa, quia illam non habet, nec etiam auxilio speciali gratiæ, quia credit humano, & non divino motivo, & quia gratis diceremus, dari eis speciale auxilium gratiæ ad quandam fidem, quæ nihil illis ad salutem prodest. Idem dici potest de Judæis, nam etiam illi aliquas veritates fidei credunt ex suorum majorum traditione, ut verus testamentum esse verbum Dei, & esse vera, quæ in illo continentur, hoc enim credunt, licet in particulari in illarum interpretatione errent. Imo, & Christiani non semper dum credunt, actus supernaturales, & infusos exercent, sed sæpe duci possunt ex testimonio parentum, vel humana quadam consuetudine. Ratio vero non est alia, nisi quia hæc veritates fidei re vera non asseruntur tantum testimonio divino, sed etiam humano, & ita potest homo pro sua imperfectiōne, & libertate duci ex testimonio humano, & tunc actus est naturalis, & facilis, & quantumvis materiale objectum altissimum sit, & hoc confirmant exempla gentilium, qui ex traditione parentum, portenta quædam credunt, in quibus plus difficultatis est, quam in veritatibus fidei, quia interdum convinci possunt esse falsa, & contraria rationi, quod de veritatibus fidei ostendi non potest.

6. Et hinc etiam constat, voluntatem sic credendi, non esse supernaturalem, neque ad illam esse necessariam gratiam, quia est mere naturalis, & in ea potest non esse difficultas ex quadam consuetudine, vel licet si aliqua, affectus ad proprium discursum, & judicium interdum sufficit ad illam vincendam, ut in hæretico est manifestum. Solum illi authores, qui omnem occasionem, vel cogitationem congruam cognoscendi aliquod verum, vel volendi aliquod bonum, gratiæ auxilium appellant, dicunt consequenter hanc voluntatem credendi aliquid fidei, etiam humano modo, si honesta sit; non posse haberi sine auxilio gratiæ, neque ipsum assensum talis fidei, quatenus est de objecto vero, esse sine simili gratiæ adjutorio. Veruntamen hoc generatim supra satis rejectum est, & in particulari de illa fide manifestum est, solum supponere gratiam doctrinæ, & revelationis, quæ non est proprium gratiæ adjutorium, quod inquirimus. Accedit, quod illa occasio audiendi res fidei, & judicandi de credibilitate earum, & cogitan-

Probatur
1. de fide
necessaria
demonum.

Probatur
2. de fide
libera homi-
num.

Confir-
matur ratio-
ne.

1. Ratio
pro neg.
parte.

2. Ratio.

3. Ratio.

4. Ratio.

5. Assertio
communis
quod de-
tur aliqua
fides na-
turalis de
revelatis.

Item de
actu vo-
lendi cre-
dere.

di de illa, ita congrue, ut inducatur voluntas ad volendum sic credere, hoc totum potest provenire ex generali providentia gratiæ, & non ex peculiari intentione salutis ejus, quia sic credit. Nam fieri potest, ut talis fides non solum nihil proficiat sic credenti ad salutem, verum potius sit illi occasio majoris damnationis; ergo talis cogitatio congrua, nec per se habet rationem gratiæ, nec ex intentione Dei dantis illam per generalem concursum, & providentiam, illam rationem participat. Ad hanc ergo fidem, & voluntatem sic credendi, per se nulla gratia necessaria est.

7. Hoc posito, inquirendum superest, qualis, & quanta esse possit hæc fides sine auxilio gratiæ acquisita. In quo nos supponimus illam esse specie diversam a fide Christiana ad salutem necessaria. Nam licet ex antiquis Theologis pauci hoc senserint, nihilominus verissimum est, & his temporibus communiter receptum, & inter alios id asseruit Molina in Concord. quæst. 14. arr. 13. disput. 7. §. *Nostram*, in fine, sequiturque evidenter ex dictis capitibus præcedentibus: nam actus fidei Christianæ est supernaturalis in substantia, i. e. est essentialiter supernaturalis in sua specie; hæc autem fides, de qua modo loquimur, est mere acquisita, & quoad substantiam suam est naturalis, fierique potest per vires nature: ergo differunt specie. Item habitus illis correspondentes specie differunt, nam unus est per se infusus, & alter acquisitus: ergo & actus eorum.

8. Atque hinc sequitur, omnes proprietates fidei altiori, & excellentiori modo inveniri in actu fidei Christianæ, quam hujus acquisitæ. Probatur, quia hæc proprietates, vel sunt essentielles, vel sequuntur speciem, & essentiam rei: sed species, & essentia fidei altior, & excellentior est in fide infusa: ergo & proprietates siue essentielles fidei, siue consequentes illam intrinsece sunt excellentiores in fide infusa, quam in hac acquisita. Hæc autem proprietates esse videntur *certitudo, infallibilitas, pietas, firmitas, & universalitas*. Certitudo ad intellectum pertinet, assentientem sine ulla formidine partis oppositæ, quam certitudinem maxime postulat Christiana fides. Infallibilitas est radix certitudinis, & respicit objectum, ita verum, ut desicere non possit, neque assensus possit non esse illi conformis, quod est infallibiliter verum, & hanc proprietatem perfectissime habet fides Christiana ex prima veritate, cui credit. Pietas pertinet ad voluntatem subjicientem intellectum Deo, etiam in his rebus, quæ humanam rationem superant, & in quodam credendi modo plane divino, ut paulo post explicabo. Et inde oritur firmitas, quatenus ad voluntatem omni rationi, & omni contrariæ opinioni fidem præferentem, spectat. Universalitas pertinet ad materiale objectum fidei: nam vera, & Christiana fides omnia credit, si sufficienter proponantur, quæ omnia ex materia de fide supponimus quoad fidem infusam. Nunc explicandum est, quomodo fides acquisita possit, vel non possit has proprietates in illo gradu attingere, & ita declarabitur simul, qualis, & quanta esse possit.

9. Primo ergo inquiremus, an hæc fides possit esse certa, i. e. an homo sine auxilio gratiæ possit credere res revelatas assensu certo. Aliqui affirmant, illum assensum posse esse certum ex parte credentis, præsertim Scot. in 3. distin. 23. ubi indicat, non minus certum esse posse, quam sit assensus fidei infusæ, quia qui sic credit, ita firmiter adheret, ut non dubitet, nec dubitare possit, stante fide, licet illam mutare possit; non est autem major certitudo in fide infusa, nam etiam deferri potest, licet dum est, non permittat dubitare. Quod argumentum tam efficax illi visum est, ut concludat: *Et si velitis dicere, fidem infusam requiri propter aliquam majorem certitudinem, solvatis argumentum factum*. Aliqui etiam tribuunt hanc opinionem Molina in Concordia disput. 7. sed ibi nihil hujusmodi affirmat: imo in §. *Nostram*, in fine concludit, hunc assensum non esse, *nisi opinionem, fidemve humanam*.

10. Mihi ergo videtur non repugnare, quin assensus hujus fidei acquisitus certus sit, licet non æque, ac assensus fidei infusæ; ut utrumque probemus, distinguamus duplicem certitudinem, unam per se conve-

nientem actui, seu quam actus postulat ex vi sui objecti formalis, qualis est certitudo scientiæ ex vi mediæ demonstrativi: alteram accidentariam ex adhæensione, ac voluntate assentientis, qualis est interdum in aliquo ita suæ opinioni adhærente, ut illam evidentem esse denuntiet, eique sine ulla formidine assentiat. Distinguere oportet duplicem fidem naturalem mysteriorum fidei, unam obscuram simpliciter, ac subinde voluntariam, & liberam, aliam evidentem in testificante, qualis est in dæmonibus, & potest esse in homine, ut declaravi. Prior nunquam est certa ex parte objecti, quia ut ostendam capite sequenti, reducitur ultimatè in fidem humanam, & acquisitam, quæ nunquam est certa ex parte objecti, cum non fundetur in medio infallibili. Aliquando vero potest talis fides esse certa ex voluntaria adhæensione credentis, ut esse solet in hæretico dante vitam pro aliqua veritate catholica, quam retinet. Nunquam tamen illa certitudo æquabitur certitudini fidei infusæ, quia in fide infusa invenitur certitudo per se, & ex vi objecti, quia innititur Deo, qui nec falli, nec fallere potest. Et inde fit, ut de se potentior sit ad firmandam mentem, & animum in assensu talis veritatis, ita ut difficilior ab eo removeatur. Nam licet dicat hæreticus, se credere, quia Deus dicit, revera non in eo innititur, sed in sua privata opinione, ut infra declarabo.

11. At vero si assensus fidei acquisitæ sit evidens in testificante, potest esse certus per se, & ex vi objecti formalis, seu mediæ, quia suo modo innititur medio evidenti, evidentia autem per se infert certitudinem. Et hoc modo est certa fides dæmonum. Et in hominibus doctis in rebus, & motivis Christianæ fidei fieri potest ut tam evidens illis sit, hæres, quis fides proponit, esse a Deo revelatas, sicut evidens, Romanum esse. Unde si ex vi illius evidentie, quæ in substantia naturalis est, assentiantur per proprium discursum rebus fidei, habere poterunt assensum certum, tametsi naturalem, & acquisitum in eo saltem gradu, in quo certo credimus, Romanum esse, & similia. Quamvis homines, ut dixi, non perveniant in hoc statu ad illam evidentiam sine juvamine gratiæ, non quia actus in se sit supernaturalis, sed quia est adeo difficilis propter multa, quæ ad illum necessaria sunt, ut sine aliquo adjutorio Dei, & ipsius fidei infusæ, non possit difficultas illa superari. Et nihilominus hæc etiam certitudo, quamvis ex evidentia nascatur, nunquam erit æqualis certitudini fidei infusæ, per se de utraque loquendo. Quia talis evidentia semper nititur in aliqua humana experientia circa objecta creata, & per media creata, in qua evidentia tota certitudo illius fidei fundatur. Certitudo autem fidei infusæ nititur in Deo ipso, & in verbo ejus per se, & propter se credito, quæ multo major est. Item hac ratione certitudo fidei major est, quam certitudo scientiæ naturalis, ut in proprio tractatu ostendetur; ergo nunquam certitudo fidei acquisitæ, quantumvis evidētis potest pervenire ad certitudinem fidei infusæ. De certitudine autem ex parte credentis non est curandum, quia illa extrinseca est, & per accidens, unde non mutat naturam actus, nec cadit sub scientiam. Satis ergo est, quod secundum rectam prudentiam, etiam adhæsiō ex parte credentis debet esse major, quando fide infusa credit, quia habet majorem causam, & rationem infallibilitatis.

12. Neque contra hoc obstat argumentum Scoti, tum quia falsum assunt, si generaliter intelligat, fidem acquisitam nullam secum admittere dubitationem, quia etiam timor falsitatis, ac deceptionis formido potest simul esse cum fide acquisita, saltem quamdiu non est aliquo modo evidens, illa autem formido genus quoddam dubitationis est, quam fides infusa secum non admittit, saltem cum deliberatione, & consensu: fides autem, quam habet hæreticus, posset illam admittere; imo necessario sequeretur ex modo credendi ejus, si constanter sentire, & loqui vellet, cum suo arbitrio unum ex revelatis credat, & non aliud, & ita de utroque potest æque formidare. Deinde etiam si loquamur de fide acquisita, in qua hoc judicium, *Deus hæc revelavit*, seu *dixit*, sit evidens ex signis, & testimoniis humanis: & de illa fateamur,

Duplex
naturalis
fides

Certitudo fidei
acquisitæ
minor est
certitudi-
ne fidei
infusæ.

Scoti arg.
in num. 9.
dissolvi-
tur.

excludere omnem dubitationem, & formidinem, non inde sequitur, non posse fidem infusam esse certiorum, quia causa certitudinis ejus major est, majusque absurdum sequeretur, si illi posset subesse falsum, quam si alteri fidei acquisitæ subesset, nam hinc solum sequitur, potuisse hominem decipi in eo, quod videbatur humano modo evidens, illinc vero sequeretur, Deum esse testem falsum, quod longe impossibilis est.

13. Ex his facile definiri potest, quid de infallibilitate dicendum sit. Aliqui enim simpliciter negant, actum fidei acquisitæ de mysteriorum revelatis esse infallibilem, quia nullus assensus est infallibilis, nisi sit evidens per lumen primorum principiorum, aut scientiæ, vel sit elicited per lumen supernaturale fidei, aut prophetiæ, neutrum autem horum habet fides hæc acquisita; ergo. Sed distinctione opus est, Actum enim esse infallibilem nihil aliud est, quam actum non posse esse falsum, ut vox ipsa præfert, Hoc autem dupliciter contingit, utrique materialiter, aut formaliter, id est, vel ex vi propositionis creditæ per se spectatæ, quæ necessariam habet veritatem, vel ex vi motivi, & rationis credendi, quando talis est, ut cadere non possit, nisi in rem veram. Fides ergo mysteriorum revelatorum a Deo, est priori modo infallibilis ratione materiæ, in quam cadit, talis enim assensus materialiter, seu entitative, & individue sumptus non versatur, nec terminari potest ad aliam propositionem, nam eo ipso, quod materia mutaretur, jam esset alius assensus, & alius actus, ac denique non esset fides acquisita mysteriorum supernaturalium. Actus autem terminatus ad hanc materiam, seu propositionem non potest esse falsus, ut per se constat, quia est conformis propositioni necessario veræ; ergo materialiter est infallibilis. Confirmatur, quia per talem fidem acquisitam regulariter creditur, Deum revelasse talem propositionem, ut capite sequenti magis explicabo, & ex vi talis fidei acquisitæ de ipsa revelatione creduntur reliqua esse vera; ergo creduntur, ut infallibilia, quia quod a Deo revelatum est, necessario verum est, & in hoc sensu dicitur infallibile; ergo & talis fides est infallibilis saltem ex materiali objecto.

14. Aliter vero loquendum est de infallibilitate formali, in qua est etiam constituenda differentia inter fidem acquisitam dæmonum, & hominum ordinario modo credentium, seu inter fidem coactam, seu non liberam ratione alicujus evidentiæ, & liberam propter invidentiam, & obscuritatem. Nam hæc posterior fides (de qua præcipue hic loquimur, quia illa est in communi usu, & quia de illa fuit controversia cum Pelagianis) sine dubio est fallibilis ex vi objecti formalis. Nam ultimate tandem resolvitur in humanam auctoritatem, quæ fallibilis est. Probatur, quia illa fides non transcendit perfectionem opinionionis, & fidei humanæ, ut D. Thom. recte docet secunda secundæ quæst. 5. artic. 3. & Molin. supra expresse, & omnes, qui recte sentiunt; at fides humana, & opinio ex vi formalis rationis suæ fallibilis est, licet materialiter contingat, aliquam opinionem de aliqua veritate esse infallibilem ratione materiæ. Sic ergo est in præsentia. Unde contingere potest, fidem aliquam ejusdem speciei cum hac fide acquisita rerum fidei esse falsam, ut in hæretico credente, Deum esse Trinum, & Spiritum Sanctum non procedere a filio, unus est verus, & infallibilis materialiter, & alter est falsus, & tamen esse possunt ejusdem speciei in tali homine, nam utrumque credit, quia sibi videtur esse revelatum a Deo; & ita actus in essentia sunt ejusdem speciei, quæ non a materiali objecto, sed a motivo sumitur, & nihilominus unus est falsus, & alius verus; ergo uterque est de se fallibilis ex vi suæ naturæ, & rationis formalis, licet quasi per accidens seu materialiter, aut in individuo contingat, talem actum cadere super materiam veram, & necessariam, & alium super impossibilem. Atque hæc est potissima differentia quoad infallibilitatem inter fidem intuitam, & acquisitam, etiam si sint ejusdem objecti materialis.

15. At vero si assensus fidei acquisitus fuerit evi-

dens in attestante, ita ut vere necessitet intellectum, vel simpliciter, vel morali modo, talis actus est infallibilis etiam ex vi medii sui, ac subinde ex objecto formali, quia etiam ille assensus procedit ex principiis evidentibus, qualia sunt: *Quod Deus dicit, est infallibilis, & Deus hoc dicit.* Nam primum est notum scientia naturali, secundum autem supponitur cognoscisci evidenter ex signis experimento cognitis, juvante etiam discursu rationis in nobis, & in Angelis efficacia sui luminis naturalis. Ergo assensus in illis principiis fundatus est infallibilis, quatenus nititur medio evidenti; ergo non tantum ex materiali objecto, sed etiam ex formali, seu ex medio cognoscendi est infallibilis. Unde non procedit contra hanc partem fundamentum prioris sententiæ. Quia vel hæc fides, quatenus est evidens, potest dici suo modo scientia a posteriori, seu potius per medium extrinsecum: vel si ita vocetur fides, ut omnino negetur esse scientia; respondemus, sumpta scientia in illo rigore, falsum esse illum tantum assensum esse infallibilem, qui vel est scientificus, vel ex principiis scientiæ propriæ procedit: satis est enim quod procedat ex principiis evidentibus quocunque modo, cum evidenti illatione. Unde juxta gradum evidentiæ principiorum, erit etiam gradus infallibilitatis fidei. Nam assensus hujus propositionis, *Roma est*, moraliter est infallibilis, non metaphysice, quia principium, in quo nititur, scilicet, *quod tot homines tanto, & tam diuturno consensu, ut testes oculati affirmant, non potest esse falsum*, hoc (inquam) principium moraliter verum est, & evidens, non metaphysice; at principium: *Quod Deus dicit, est verum*, est evidens simpliciter, & in se prorsus necessarium, & infallibile, unde si altera propositio, scilicet. *Deum esse, qui hoc testificatur*, fiat etiam simpliciter evidens, ut fieri potest saltem quadam naturali evidentiā, simili modo fides inde genita erit evidens, & infallibilis; & nihilominus nunquam perveniet ad infallibilitatem fidei infusæ, & assensus ejus; quia hæc ex parte formalis objecti sui, nititur in sola veritate Dei dicentis totum id, quod creditur, quæ veritas Dei infallibilior est omni evidentiā, & lumine naturali, quia multo magis illi repugnat falsitas, quam omnibus illis signis, & motivis creatis, in quibus evidentiā illa in testificante fundari potest, ut latius in propria materia dicendum est.

16. Tertia proprietas dicebatur esse pietas, quæ proprie convenit fidei, ut voluntaria est, ideoque fides naturalis, ad quam intellectus per aliquam evidentiā cogitur, hanc proprietatem non participat. Sumitur ex doctrina D. Thomæ 2.2. quæst. 5. artic. 2. in corpore, & ad secundum, ubi ait, *fidem, quæ est donum gratiæ, inclinare hominem ad credendum secundum aliquem affectum boni, etiam si sit informis.* Quod secus esse dicit in fide dæmonum: nam illi, vel inviti credunt, & contremiscunt, & ideo fides illa nullo modo ex pietate procedit. Et licet interdum in viatore fides evidens in attestante, quæ supposita principiorum evidentiā est necessaria, possit esse non coacta, sed appetitui conformis, ac subinde voluntaria obiective, seu volita, non tamen est voluntaria causaliter, id est, a voluntate determinante intellectum ad speciem actus, & ideo non est fides pia, seu ex pia affectione procedens. Quamvis usus illius, si sit liber quoad exercitium, possit ex pia voluntate procedere, quod accidentarium est, & invenitur etiam in scientia. Præterea fides acquisita supernaturalium mysteriorum, quando est obscura, licet voluntaria sit, per se tamen non habet, quod sit pia, sed potest ex prava voluntate procedere, ut in Judæo credenti mundi creationem manifestum est, id enim credit pertinaci voluntate, quæ etiam credit, venturum adhuc Messiam, & idem est de hæretico, qui id credit, quod vult, proprio judicio confusus, & ideo licet contingat verum aliquod credere, non bene, nec pie credit. Denique licet contingeret, aliquem credere, quæ prædicantur, ex quadam naturali prudentia, quia sunt probabilia ex testimoniis humanis, quia videtur esse rationi consentaneum illa credere, adhuc illa fides non est pia eo modo, quo fides Christiana esse debet pia, quia per illam voluntatem non captivatur intellectus

An hæc fides naturalis sit infallibilis? Sentent. negans.

Vera resolutio.

Hæc fides est materialiter infallibilis.

Hæc fides formaliter est fallibilis.

Hæc fides evidens in attestante, etiam formaliter est infallibilis.

Solvitur fundamentum neg. sententiæ in num. 12.

Pietas assensum fidei invidentem sequitur, non vero evidenter.

Fidem acquisitam obscuram per accidens tantum pietas sequitur.

lectus in obsequium fidei, nec subicitur Deo, sed ad summum rectæ rationi, & humanæ prudentiæ. Et hac ratione diximus, fidem naturalem differre ab infusa non solum in assensu, sed etiam in voluntate assentiendi, quæ longe altioris rationis est in fide infusa.

17. Et hinc etiam intelligitur, quo sensu quarta proprietas, quæ dicebatur esse firmitas, singulariter in fide infusa invenitur. Firmitas enim sæpius refertur ad intellectum, & sic non differt a cæritudine, neque aliud de illa dicere oportet. Aliter vero pertinet ad voluntatem, & ita ibi sumitur, significatque magnam quandam adhæsiorem voluntatis ad fidem. Et in hac etiam proprietate excedit fides infusa acquisitam adeum modum, quo amor super omnia excedit inferiorem amorem: nam qui animo Christiano credit, vult credere supra omne credibile, & ita est affectus ad eam fidem, ut paratus sit propter nullam rem mundi illam relinquere: qui autem credit fide naturali, & acquisita, non est sic affectus ex vi voluntatis naturalis credendi; tum quia credit tantum ex humano testimonio, quod de se non potest ita ad se trahere voluntatem; tum etiam, quia naturalis facultas non sufficit ad movendum ita intellectum ex sola pietate, & subiectione ad Deum; imo nec ex sola honestate, quæ in tali fide spectari potest. Nam si interdum aliqua similis constantia, & firmitas in hæretico invenitur circa suum errorem, ideo est, quia tali credulitati adjungitur vana aliqua ostentatio, aut honor, vel commoditas, quæ ad illam pertinaciam juvat. Nam in hominibus, qui a sensibilibus, & temporalibus magis moventur, potentiora sunt illa inferiora motiva ad movendam voluntatem, quam mere spiritualia, ut ex Augustino libro de Continent. in superiori libro diximus.

18. Ultima denique proprietas veræ fidei infusæ est, ut sit universalis, id est, ut credat omnia, quæ sufficienter proponuntur, ut a Deo revelata, quia cum formalis ratio fidei eadem sit in omnibus credibilibus, non potest intellectus firmiter adherere uni, & non alteri, ideoque æt fides sit qualis oportet ad salutem, esse debet universalis. Et hinc est ut per unum actum contrarium tota fides infusa amittatur. Hinc etiam est, ut quia nunc secundum ordinariam legem fides nobis per Ecclesiam sufficienter proponitur, non possit esse fides supernaturalis, nisi quæ est Catholica, id est, universalis quoad omnia, quæ Catholica Ecclesia credenda proponit.

19. Dices: fieri potest, ut alicui tantum proponatur unum mysterium fidei, & illud credat vera, & supernaturali fide; ergo non est de ratione talis assensus, ut sit universalis. Alias non posset quis salvari sine fide omnium articulorum fidei, quod falsum est, quia licet aliquem ignoret invincibiliter; imo licet ex eadem ignorantia circa aliquem erret, poterit salvari per veram fidem unius, si ex parte voluntatis bene etiam disponatur. Respondetur, non oportere fidem esse universalem actualiter, sed virtute, & maxime in animi præparatione, quod alias dicitur, non oportere ut sit explicite universalis, sed satis esse implicite, & hoc esse necessarium; tum ex parte rationis formalis credendi, quæ est divina veritas, cui credendum est, tanquam infallibili testimonio, in quo modo credendi virtute creditur esse verum, quidquid Deus dixit, etiam si credens ea ignoret; tum etiam est necessarius ex parte affectus credendi, qui talis esse debet ad id, quod credendum proponitur sufficienter, ut paratus sit ad credendum omnia, quæ sufficienter etiam fuerint proposita, ut a Deo dicta, & hoc modo fides cujuscunque rustici est universalis, quia credit ex animo, quo paratus est credere quidquid Ecclesia proposuerit. Ab hac autem universalitate deficit in primis fides humana aliquorum mysteriorum, quæ in hæretico, vel Judæo manet, quæ nec actu est universalis, nec virtute, cum alia similiter proposita non credant.

20. Dubitari autem potest, an possit aliquando fides, acquisita esse universalis ex voluntate credentis, esto non sit talis ex vi rationis formalis credendi. Videtur enim hoc repugnare, nam omnia revelata pos-

sunt fide humana credi, & tota illa fides est mere naturalis: ergo pro voluntate credentis. Nihilominus verisimilius est, id non posse sola industria humana sine auxilio gratiæ fieri, quia sicut in moralibus homo potest unum, vel aliud præceptum implere, non tamen collectionem omnium, licet per actus naturales implenda sit, vel sicut potest unam, vel aliam, & plures veritates naturales sine errore cognoscere, non tamen omnes, ita majori ratione, licet possit unum, vel aliud mysterium fidei credere modo imperfecto, & naturali, non tamen omnia collective, etiam successive, & per actus multiplicatos, quia longe difficilius est in his omnibus non errare, quam in scientiis. Quæ ratio præcipue habet locum in fide acquisita libera, quæ pendet ex conjecturis, & signis incertis, & ex proprio discursu tanquam ex propria ratione assentiendi, & præter ea ex affectu voluntatis liberæ, ac variabilis. Veruntamen etiam habet locum in fide acquisita evidente, si forte ab homine circa hæc mysteria comparari potest, quia illa etiam per se est valde difficilis circa singula, pendetque ex magna diligentia, intelligentia, discursu, & requirit etiam affectum, saltem non repugnantem, nec male affectum.

21. Dices posse hoc fieri, reducendo omnia credenda ad unum primum creditum, ex quo necessario alia deducantur. Tunc enim si intellectus convincatur, & necessitetur ad credendum primum, saltem fide acquisita, fieri potest, ut inde reliqua omnia sine errore credat. Quod maxime continget, si quis in illo modo credat, Ecclesiam regi ab Spiritu Sancto, ideoque non posse errare in his, quæ proponit: quia hoc posito, evidenter constare potest, an reliqua proponantur ab Ecclesia, nec ne, saltem quadam morali, & humana evidentia, quæ satis esse potest, ut eadem fide acquisita possit quis credere omnia revelata sine ullo errore. Veruntamen etiam hic modus non est admodum verisimilis: quia prius fundamentum vix, aut nec vix quidem potest ita evidenter ostendi, ut de necessitate credatur fide humana. Nam illa evidentia solum potest esse in aliquo attestante infallibili, qui est solus Deus; difficile autem est evidenter ostendere Deum dixisse, Ecclesiam non posse decipi, vel decipere in rebus fidei: nam licet evidenter ostendatur hoc esse credibile, non tamen ita esse. Præterquam quod non est evidens, quæ, & qualis sit hæc Ecclesia, nec quando, aut per quos ita loquatur, ut decipere non possit; sed hæc omnia fide tenentur, & solum sunt credibilia per conjecturas, & signa, & per humanum discursum, aut auctoritatem. Itaque quocunque modo ponatur fides acquisita mysteriorum fidei, non credo esse posse integram, & sine mixtione errorum, sine aliquo auxilio speciali. Loquor autem de fide humana, quia in Angelis, & demonibus est ista fides acquisita sine errore speculativo contra fidem, quia in eis est facilis evidentia hæc, ut dixi.

22. Hinc ergo in hominibus universalitas, & sinceritas veræ fidei signum magnum est supernaturalis fidei, sicut e contrario in hæretico partialis credulitas (ut sic dicam) est signum fidei acquisitæ, quæ sine auxilio gratiæ haberi possit. Addo vero in homine fideli non esse sufficiens hoc universalitatis signum ad distinguendum actum fidei infusæ, & acquisitæ. Nam in homine Catholico dari potest fides acquisita universalis omnium, quæ ab eodem creduntur per fidem infusam. Quod pater, quia circa illa omnia, quæ credit, potest sæpe exercere actus naturales fidei acquisitæ, quia hoc pendet ab ejus libertate, & actuali consideratione, & in eo ablata est difficultas per conjunctionem fidei divinæ. Potest experientia ostendi, nam licet aliquis, qui diu fuit Catholicus, fiat hæreticus, adhuc retinet facilitatem, & promptitudinem credendi ea, in quibus non errat; imo etiam ad ea, quæ per novum errorem negat, sentit propensionem, & inclinationem ex antiquo habitu relictam: ergo signum est, cum habitu fidei infusæ habuisse acquisitum, utique per actus naturales fidei, quos vicissim, & fortasse frequentius cum supernaturalibus prius, cum esset catholicus, efficiebat. Non ergo repugnat fidem acquisitam circa mysteria fidei esse universalem in aliquo credente.

salutem
illam pos-
se habere? Vera
resolutio
negativa.

Evasio.

Non ad-
mittitur
in fide
humana;

Quomo-
do uni-
versalitas
fidei in-
fusam ab
acquisita
distinguit.

Universalis fides
acquisita
in catho-
lico tan-
tum esse
potest.

Non ta-
men in
catechu-
meno.

23. Existimo tamen probabilissimum esse, non inveniri hanc fidem universalem acquisitam, nisi in his, qui fidem catholicam profitentur. Quia sine fide supernaturali verisimillimum est, in nullo inveniri fidem acquisitam universalem articulorum fidei. Quia, ut dixi, hæc non potest sine speciali auxilio adjuvante acquiri pura, & ab omni errore immunis. Non est autem cur credamus hoc auxilium dari homini non credenti eadem mysteria, sicut oportet. Unde licet fortasse in his, qui denuo ad fidem convertuntur, interdum contingat incipere credendo aliquam veritatem sibi propositam humanam fide, & ex autoritate prædicantis, nihilominus non existimo talem fidem acquisitam antecedere circa totam materiam fidei, priusquam elevetur homo, & erigatur ejus affectus ad credendum, quæ proposita sunt, sicut oportet ad salutem. Quia neque illa fides acquisita ut prævia ad infusam, necessaria est ad introductionem fidei, non solum circa totam materiam ejus, verum etiam neque circa aliquem articulum, ut in tractatu de Fide dicam: neque est, cur tantum gratiæ auxilium detur ad fidem imperfectam, & de se insufficientem ad salutem. At vero his, qui jam credunt fide catholica, propter supernaturalem fidem, quæ in eis supponitur, facillimum est simul credere fide humana omnia, quæ revelata sunt.

Universalis fides
acquisita
ab infusa
moraliter
derivatur.

24. Unde ipsa divina fides, licet non sit principium per se fidei humanæ ejusdem veritatis, est nihilominus morale adiutorium, quo facillime altera fides possit etiam esse universalis. Sic etiam fides juvat ad inveniendas rationes, & conjecturas, quibus veritates fidei credibiles fiant, propter quas potest homo rebus etiam ipsis assentire, si velit, assensu utique naturali, & fidei cuiusdam, vel opinionis humanæ, quæ interdum ad quandam moralem evidentiam pervenire potest. Sic ergo ipsa fides divina dici potest speciale auxilium ad alteram fidem universaliter, & perfecte in suo ordine consequendam, & exercendam, quia & per se erigit, & confortat intellectum, & excitat voluntatem, ut intellectum moveat ad inquirenda motiva, quæ humano etiam modo fidem persuadeant. Et præterea a Deo impetrat auxilium, quo id possit melius efficere. Quamvis autem hoc ita sit, nihilominus semper differente magna servatur inter universalitatem fidei infusæ, & acquisitæ, nam in priori est per se, in ista est accidentaria, & contingens ex quodam credentis libero usu. Unde prior fides non potest incipere, aut conservari sine sua universalitate formali, vel virtuali, ut explicavimus; posterior autem & incipere, & conservari potest sine universalitate formali, ut patet in hæretico, & sine virtuali, quia illam non habet ex vi objecti, nam si illam haberet nunquam esse posset dimidiata fides. Atque hinc etiam est, ut ad fidem Christianam propter universalitatem ejus sit intrinsece necessaria gratia tanquam principium per se ejus; ad fidem autem acquisitam etiam universalem non ita necessaria sit, sed solum per modum moralis causæ tollentis impedimenta, & manucentis mentem intra latitudinem discursus naturalis.

Quid in-
ter utran-
que fidem
interfuit.

Satisfit
in num. 1.

25. Ex quibus omnibus satis constat, fidem acquisitam etiam si sit de rebus revelatis longe diversæ naturæ, esse a fide infusa, multumque a perfectione ejus deficere, ideoque mirum non esse, quin aliqui actus ejus possint fieri sine gratia. Unde etiam facile responderi potest ad rationes in principio positas. Ad primam dicitur, quantumvis res in se sint supernaturales, & excedentes humanam naturam, si solum credantur, ut testificatæ humano testimonio, non attingi secundum rationem supernaturalem, sed secundum rationem communem quibuscunque rebus, quatenus per homines referri, ac affirmari possunt. Et ideo dum intellectus hæc credit per fidem acquisitam, non fertur extra objectum suum, quia objectum materiale fidei humanæ est quicquid ab homine afferri potest, siue naturale sit, siue supernaturale, & eadem ratione non agit tunc intellectus extra sphaeram activitatis suæ, quia quælibet humana fides sub sphaera naturali continetur. Ad secundum dicitur, errasse Pelagianum, quia loquens de Christiana fide, prout ad sa-

Fit satis
eodē nu-
propositæ

ludem necessaria est, & ex parte sua sufficit, dixit, viribus solius naturæ exhiberi posse, supposita tantum revelatione, seu propositione sufficiente. Fides autem acquisita non est, qualis esse debet ad salutem, & siue illa præcedat, siue non, semper est necessaria propria fides infusa, de qua Scriptura, Concilia, & Sancti loquuntur, ut sæpe diximus, de fide autem acquisita nec affirmant aliquid, nec negant, quia nihil ad doctrinam necessariam fidei, & salutem animarum pertinebat. In hoc ergo sensu admittimus responsum in argumento datum per distinctionem fidei in perfectam, & imperfectam.

26. Ad replicam autem, seu tertium argumentum ex errore Semipelagianorum, & definitione Concilii Arausici, respondemus, longe diversam fuisse sententiam Massiliensium. Quia illi loquebantur de fide, quæ licet esset imperfecta, esset tamen initium quoddam, & inchoatio veræ, ac supernaturalis fidei, siue illud initium ponerent in voluntate credendi, eamque vocarent imperfectam fidem, siue in assensu aliquo intellectus, qui esset quidem verus assensus conferens ad salutem, indigens tamen aliqua majori perfectione, quam ipsamet inchoata fides posset impetrare, seu mereri: & hoc est, quod damnat Arausicanum Concilium, & Patres. At vero fides acquisita ita est imperfecta ex natura, & specie sua, ut non solum sit infra fidem infusam, sed etiam extra omne initium, & inchoationem ejus; quia nec includit voluntatem credendi piam, & salutarem, quam fides Christiana requirit, neque est inchoatio, vel quasi fundamentum Christianæ fidei. Et ideo talis fides acquisita nullo modo impetrat, vel meretur infusam, neque est salutis initium. Unde Arausicanum Concilium cap. 6. sic definit: *Si quis dixerit, sine gratia Dei credentibus, &c. Misericordiam Dei conferri, non autem ut credamus, &c. Sicut oportet, per infusionem Spiritus Sancti fieri constitetur, resistit Apostolo, &c.* Ubi addendo illam particulam, *Sicut oportet*, indicavit, de alio modo fidei, quæ non sit, sicut oportet, an esse possit sine gratia, nihil ad doctrinam fidei referre, dummodo naturalis fides non credatur esse meritum, aut ratio obtinendi gratiam Spiritus Sancti ad perfectam fidem. Et ita patet responsio ad quartum; negamus enim sequelam, id est, hanc fidem acquisitam esse posse meritum infusæ, vel gratiæ ad illam, quia illa est valde imperfecta, & omnino naturalis ordinis; in quibus actibus nullum est meritum gratiæ; neque facienti quod potest per vires naturæ, datur gratia ratione talis actus, ut infra suo loco latius dicetur. Augustinus autem loquitur de fide vera, & Christiana, licet inchoata tantum, ut capite sequenti explicabo,

Solvitur
in num. 2.

Fit satis
ultimæ.

C A P U T X I.

Utrum fides aliqua, quæ idem motivum credendi, eandemque rationem formalem objectis habeat cum fide infusa, possit haberi ex virtutibus naturæ sine auxilio gratiæ?

1. **H**Æc quæstio valde necessaria est ad intelligendum, quantæ sint vires liberi arbitrii ad operandum circa supernaturalia objecta, quæque sit propria differentia inter actus infusos, & acquisitos, qui in eadem materia versantur. Unde ex se quæstio communis est omnibus actibus infusis, soletque sub his generalibus verbis tractari, an actus in sua substantia supernaturalis, & actus naturalis possint versari non solum circa idem materiale objectum, sed etiam circa idem formale. Nos autem nunc de fide agimus, postea de cæteris dicemus, prout specialis ratio aliarum virtutum postulaverit, ita enim fiet, ut melius difficultates singulæ expendantur. Aliqui ergo ex modernis Theologis non contenti his, quæ in capite præcedenti dicta sunt, contendunt, posse hominem assentiri rebus revelatis sufficienter propositis, per vires suas sine auxilio gratiæ sub eadem ratione formali objecti, & ex eodem motivo, ex quo credimus per gratiam, & per Christianam fidem. Et nihilominus, ut salvent definitiones fidei contra Pelagianos, & Semipelagianos, dicunt, illam fidem, quæ habetur per vires

Recentiorum
tum opinio

vires naturæ, non esse, *sicut oportet*, ad salutem, vel ad initium salutis, solum quia in entitate sua est ordinis naturalis, & imperfecta, comparatione alterius fidei supernaturalis. Unde sic opinantes non recedunt a sententia, quam cap. 4. docuimus, sed addunt, circa idem obiectum materiale, & formale posse versari actus specie, & substantiâ differentes, non ex obiectis, sed ex modo tendendi in illud, nobiliori, & altiori, vel inferiori, & ignobiliiori. Et hac ratione dari circa idem obiectum actum in substantiâ supernaturalem, & actum naturalem specie, & entitate omnino diversos.

2. Princip. Fundamentum huius sententiæ sumitur ex duobus principiis. Unum est, esse possibile, actus diversos in specie versari circa idem obiectum formale, non tantum quoad rationem formalem, quæ in illo attingitur (de hoc enim nulla esset controversia) sed etiam de ratione, sub qua attingitur. Probatur, quia formale obiectum licet sæpe distinguat actus, sitque ad id sufficiens, quando intervenit, non est tamen adæquata ratio distinguendi actus, nec simpliciter necessaria, quia possunt distingui ex modo diverso tendendi ad idem, & ex eodem motivo. Id patet in motibus, non enim semper distinguuntur ex terminis, sed interdum ex modo tendendi, ut de circulari, & recto tradit Arist. 5. Physic. cap. 3. text. 33. Item in actibus voluntatis circa idem bonum, amor, desiderium, & delectatio, seu voluntas simplex, intentio, & fructio, specie distinguuntur ex modo tendendi, juxta doctrinam D. Thomæ 1. 2. qu. 12. artic. 1. ad 4. Item voluntas, & appetitus sensitivus interdum tendunt in idem obiectum sub eadem ratione delectabilis, & nihilominus eliciunt actus specie diversos, non propter diversitatem cognitionum, nam cognitio est conditio obiecti, non ratio, sed propter diversitatem potentiarum. Item in duobus Angelis specie diversis, amores naturales Dei, in ipsam sub eadem ratione bonitatis tendunt, & nihilominus amores illi distinguuntur specie ex modo amandi simpliciori, vel (ut ita dicam) spiritualiori in sua entitate: ergo non repugnat, actus specie distinguantur circa idem obiectum formale. Neque reddi potest ratio sufficiens, cur hoc repugnet: cum actus ex multis principiis pendeat, præsertim ex potentia, a qua propter nobilitatem suam potest nobiliorem essentiam, & speciem accipere, etiam si in idem obiectum tendat.

3. Sic ergo in præsentia non repugnabit circa idem obiectum formale fidei, quod est veritas prima revelans, dati assensus species diversos, unum naturalem, alium vero supernaturalem ex modo nobiliori tendendi, & ex principio superioris ordinis, a quo procedit. Declaraturque ulterius in hunc modum, quia inter assensum, & rationem assentiendi non requiritur hæc proportio, ut si actus esse naturalis, ratio assentiendi etiam sit naturalis, & similiter, si actus est supernaturalis, ratio assentiendi sit supernaturalis; ergo potest esse actus naturalis ex motivo supernaturali, & e contrario: ergo eadem ratione poterunt esse actus supernaturales, & naturalis fidei sub eodem motivo supernaturali. Antecedens probatur, quia cognitio per se infusa huius principii, *Totum est majus sua parte*, nititur in intrinseca connexionione terminorum, in qua etiam nititur naturale iudicium eiusdem principii: & scientia, quam Deus habet de veritate hac naturali, *Petrus peccabit*, supernaturalis est, & solum ex parte obiecti fundatur in veritate ipsa, quæ naturalis est; e contrario vero voluntas nostra actu naturali potest diligere Deum trinum, & unum propter bonitatem tam mirabili modo communicabilem, quæ ratio supernaturalis est, quam altiori modo potest diligere charitas infusa; ergo.

4. Aliud principium est, sæpe non esse possibile, inter actum naturalem, & supernaturalem circa eandem materiam assignare diversitatem ex obiecto formali. Hoc præcipue patere potest in actibus amoris, quibus amatur Deus propter se ipsum: nam utriusque amoris formale obiectum, seu ratio propter quam, & sub qua amatur Deus, est bonitas Dei, prout in se est; hæc autem est una, & simplicissima, & specialiter hoc declarat ratio proxime facta de dilectione

Dei, ut trinus est. Deinde vero in fide idem ostenditur. Nam hæreticus credit multa mysteria, quia prima veritas illa revelavit, hoc enim proficitur, & expresse vult, unde non potest in hoc falli; hæc autem ratio est, quam fides Christiana respicit, & quæ sufficit ad actum fidei supernaturalem, evidentiusque invenitur illud idem motivum credendi in fide dæmonum, illi enim coacti credunt, Deum esse trinum, quia evidens illi est, Deum hoc dixisse, ut docet D. Thom. 2. 2. quæst. 5. art. 2. Unde in assensu illo immediate ducuntur auctoritate Dei, & illa sola premuntur: ergo assentiuntur sub eadem ratione, sub qua fidelis eundem articulum credit. Nec refert, quod ad iudicandum, Deum illa dicere, ducantur signis naturaliter cognitis, quia hoc non obstat, quominus ad assensum rerum dictarum sola auctoritate Dei moveantur, quia non per se illis assentiuntur, sed quatenus attestata a Deo sunt.

5. Tertio addi potest ratio, quia si proposita sufficienter fide cum omni interna illuminatione, & excitatione ad supernaturalem actum volendi, & credendi, fingamus, Deum negare concursum adjuvantem concomitanter ad supernaturalem actum, dare autem concursum ad naturali modo volendum, tunc voluntas eliciet actum naturalem, & non nisi ob eandem bonitatem sibi propositam, quia tunc non habet aliud obiectum: ergo voluntas illa naturalis habet idem obiectum formale, quod haberet, si Deus vellet supernaturaliter concurrere. Idemque argumentum procedit de assensu intellectus: imo eadem ratione si Deus vellet concurrere supernaturaliter cum voluntate, & intellectui non daret supernaturalem concursum, sed naturalem, ut facere potest, tunc voluntas credendi esset supernaturalis, & assensus esset naturalis, cum tamen voluntas illa moveat intellectum ad credendum supernaturali motivo. Et eadem ratione posset Deus e contrario dare concursum supernaturalem intellectui, & non voluntati, & tunc assensus intellectus esset supernaturalis, voluntatis autem naturalis, quamvis esset sub motivo supernaturali. Quæ ratio confirmat, quod in priori puncto in ultima ratione dicebam, non esse necessarium, ut servetur proportio naturalis, vel supernaturalis inter entitatem actus, & motivum.

7. Quarto principaliter suadeti solet hæc sententia, quia si non possent fides acquisita, & infusa habere idem formale obiectum, posset homo experiri, & evidenter cognoscere, quando eliciat actum fidei acquisitam: quando vero infusa: consequens est falsum, & ex eo potest sequi aliud absurdum; ergo. Sequela patet, quia intellectus non potest ignorare, quia ratione moveatur ad credendum, nam hoc maxime nosse oportet, ut credere possit; ergo si assensus acquisitus, & infusus non possunt distingui, nisi propter diversas rationes credendi, poterit quis, præsertim si cum reflexione attendat, experiri, an fide naturali, vel altiori credat. Falsitas autem consequentis primo videtur manifesta per experientiam, nullus enim potest vere affirmare, se experiri suum actum esse supernaturalem. Secundo hæreticus credens articulum Trinitatis, omnino putat se credere illud fide infusa, & plane fallitur. Tertio alias etiam posset quis evidenter experiri, se diligere Deum vero actu charitatis, quia etiam non ignorat intellectus, quod obiectum, quamque rationem amandi illud proponat voluntati. Unde ulterius inferitur, posse hominem experiri cognoscere, se esse iustum, quod quam sit absurdum, postea suo loco videbimus.

8. His rationibus addi solet multorum Theologorum auctoritas. Et in primis allegantur omnes Doctores, qui censent actus fidei, & aliarum virtutum infusarum esse naturales in substantia, Scotus, Gabr. Durand. Maior, Almain. & Cajetanus. Veruntamen hi authores ad hoc solum possunt adduci, quod in obiectis horum actuum unam tantum rationem obiectivam agnovisse videntur, eamque naturalem; hac enim ratione tantum unam speciem essentialem, eamque naturalem in illis actibus cognoverunt, illosque solum ex modis accidentalibus distinxerunt. Aliunde vero possunt contra dictam sententiam allegari, quatenus

Stabilitur alia ratio

Probat. 4.

Auctoritas quæ huc sententiam patrocinatur.

tēnus supponere videntur, actum supernaturalem non posse in substantia distinguere a naturali, nisi in objectis sit distinctio, propter quam necesse sit illos duos ordines actuum distinguere. Sed fortasse non id supponunt, nec illa ratione moventur, nam habitus infusus saltem fidei, spei, & charitatis fatentur esse specie diversos ab habitibus acquisitis, cum utrosque cogantur fateri, sub eadem ratione formali operari, quia non aliam rationem operandi in objectis illorum habituum, sicut neq; in eorum actibus agnoscunt. Et ita in charitate aperre declarat Scot. in 3. dist. 27. ad 4. principale, Unde sicut in habitibus hanc distinctionem admittunt circa idem objectum formale, ita fateri coguntur, eandem esse possibilem in actibus, licet propter alias conjecturas, vel considerationes illam de facto negent in actibus. Cum tamen supposita possibilitate, revera magis consequenter, magisque probabiliter etiam in actibus de facto admittatur. Denique Scotus in 3. distinct. 25. quæst. 2. in ultimis verbis, probabile existimat, fidem non habere unitatem ex objecto, sed ex se, & consequenter nec speciem, nec supernaturalitatem; ergo eadem ratione idem dicere posset, & deberet de actu fidei. Præterea Quolib. 14. artic. 1. lubrice loquitur, in eandem tamen sententiam inclinat. Quam tener etiam Aragon. 2. 2. quæst. 1. art. 1. §. Sed ex hoc. Et soler tribui Molinæ in Concord. quæst. 14. art. 13. disput. 7. quia in principio dicit, postquam proposita est, & explicata fides, argumenta, quibus persuadetur Deum eam revelasse, satis sunt intellecta, posse hominem actu naturali quoad substantiam assentiri rebus propositis, *tamquam a Deo revelatis*; unde a fortiori diceret, talem assensum oriri ex naturali voluntate credendi; & in disp. 14. videtur idem sentire de amore, & contritione, de quibus inferius dicemus.

Nova sententia docet fidem acquisitam non attinere Deum eodem motivo, quo infusa

8 Contrariam sententiam iudico omnino veram, nimirum ita esse distinguendam fidem acquisitam circa mysteria fidei a fide infusa, ut nunquam possit intellectus suis viribus, vel actu naturali attingere veritatem revelatam, vel illi assentiri sub eadem omnino ratione sub qua illam attingit fides infusa. Ita sentiunt moderni omnes, qui hoc punctum attigerunt, Medin. 1. 2. q. 62. art. 2. Bannez 2. 2. quæst. 5. art. 2. qu. 6. art. 1. & q. 24. art. 2. Viguier. In Insti. cap. 10. §. 3. vers. 16. Azor lib. 3. Insti. Moral. cap. 24. q. 2. Idem sentit Soto lib. 2. de Natur. & grat. cap. 7. negans, hæreticum assentiri propter rationem formalem objecti fidei, & Veg. lib. 9. in Trident. cap. 3. declarans rationem formalem objecti fidei, & dicens, omnia, quæ sub illa ratione creduntur, eodem habitu credi. Idem docuerat Capreol. in 3. dist. 24. quæst. 1. artic. 3. ad argumenta Scoti contra secundam conclusionem, & sumitur ex Bonavent. in 3. dist. 23. art. 2. q. 2. quatenus distinguit fidem acquisitam, & infusam earundem rerum per rationes formales credendi. Quod etiam tener ibi Richard. art. 7. q. 2. Alenf. 3. p. 64. art. 2. & communiter Doctores scribentes de fide. Præcipue vero D. Thom. 2. 2. qu. 1. art. 1. & q. 5. art. 2. & art. 3. præsertim ad 1. & in 3. dist. 24. art. 1. q. 1. & aliis innumeris locis, ubi rationes essentielles fidei infusæ, tam quoad actum, quam quoad habitum ponit in ratione formali, cui innititur, quam dicit esse primam veritatem revelantem, semperque distinguit hunc assensum fidei Christianæ ab omni alia fide circa easdem veritates ex hoc objecto formali, negatque fidem, vel demonum, vel hæreticorum in his, quæ credunt, in hac ratione formali objecti fundari. Nec certe Molina a D. Thoma discrepat, nam in eadem dispu. 7. §. *Nostram*, declarat, illam fidem acquisitam, quæ potest haberi de veritatibus fidei, esse assensum mere opinarium, & fidem humanam; sentit ergo non fundari in divina autoritate, tanquam in unico, & proprio motivo. Infra vero declarat, ideo dixisse, hæreticum aliquos articulos revelatos a Deo credere, esse veros, quia sibi persuasit esse revelatos a Deo. Quæ omnia licet vera sint, non ideo affirmat Molina, habere hæreticum idem objectum formale, in credendo articulum fidei, quod habet catholicus, ut ex sequenti discursu patebit.

9 Ut ergo assertionem probemus, & sine æquivo-

catione procedamus; declarare oportet, quid sit credi aliquid ut dictum, vel quia dictum a Deo. Duobus enim modis id potest intelligi. Primo ut solum testimonium, & autoritas Dei sit tota ratio credendi, & res dictas, & quidquid ad illas credendas simul credere, seu cognoscere necesse est, nimirum Deum eas dixisse, & in his, quæ dicit, nec falli, nec fallere posse, ita ut totum hoc eadem fide teneatur. Secundo potest aliquis credere revelata, quia Deus illa revelavit, credendū, quod illa revelaverit, non ex ipsa revelatione, sed ex suo arbitrio, suis conjecturis, vel humanis testimoniis. Prior modus est fidei infusa, & in illo sola divina autoritas est tota ratio credendi, & ad illam formaliter sit ultima resolutio fidei. Et hoc modo dicimus, non posse intellectum per vires, & actus naturales credere, quia Deus dicit, neque sub ea ratione formali, sub qua credit fides infusa. Posterior vero credendi modus est humanus, & revera in eo non servatur eadem ratio formalis objecti, ut respondendo ad argumenta dicam. Hoc posito duobus modis potest probari assertio, primo per media Theologica, quæ apud me fortiora sunt. Secundo per discursum metaphysicum, seu philosophicum.

Duplex
modus
credendi
revelata

10 Argumentor ergo primo testimonio Pauli 1. ad Thessal. 2. dicentis: *Gratias agimus Deo sine intermissione, quia cum accepissetis a nobis verbum auditus Dei; accepistis illud non ut verbum hominum, sed ut est vere verbum Dei, qui operatur in vobis, qui creditis.* In quo testimonio duo expendo, unum est accipere verbum, ut verbum Dei, nihil aliud esse, quam dare illi fidem ex solo Dei testimonio in illo sistendo, & non reducendo illud ad humanas rationes, jam enim acciperetur, ut verbum hominum, & tamen hoc dicit Paulus esse opus Dei in illis operantis, utique per gratiam, pro qua Paulus agit gratias sine intermissione, declarans esse opus gratiæ, ut optime ponderat August. lib. de Prædestinatione Sanctorum cap. 19. Aliud expendendum est, Paulum simpliciter dixisse, accipere verbum Dei, ut Dei, esse opus Dei, significans semper esse rationale, quia ubi ipse non distinguit, non licet nobis excipere; ergo accipere verbum Dei ut verbum ejus, nunquam est naturale, sed semper est opus gratiæ; ergo & formaliter credere ex testimonio Dei, in illo sistendo, nunquam est naturale, quia quicumque ita credit, accipit verbum Dei, ut verbum Dei.

1. Argum.
ex Paulo

Perpenduntur
duo in testimonio

11 Secundo argumentor ex illis generalibus testimoniis: *Non sumus sufficientes cogitare aliquid ex nobis, &c.* id est, nostris solis viribus; & illud: *Sine me nihil potestis facere*, & similia. Nam qui audito verbo Dei, ita de illo cogitare suis viribus potest, ut illud credat omnino, quia est verbum Dei, sine dubio ex se habet cogitationem valde perfectam, & de se aptissimam ad salutem. Atque in hunc fere modum expendit hunc locum Augustinus de Prædestinatione Sanctorum cap. 2. Quia si non sumus sufficientes cogitare aliquid ex nobis, quasi ex nobis, profecto nec sumus sufficientes credere aliquid ex nobismer ipsis. Item explicantur illa verba de cogitatione pia, & conducente ad salutem; at profecto ex magna pietate creditur quidquid ex sola Dei revelatione, & testificatione, præsertim obscura creditur. In quo etiam considero, Pelagium propterea damnatum esse simpliciter, quia dixit, proposito verbo Dei, posse hominem credere Deo dicenti sola sua libertate, ut constat ex Aug. epist. 105. & 106. & ex Conciliis sepe citatis; at vero si homo posset sua libertate, & potestate credere omnia revelata, nixus sola Dei autoritate, sententia Pelagii non fuisset simpliciter falsa, sed potius vera, non ergo fuisset absolute damnanda, sed explicari debuisset, illam fidem per naturalem entitatem actus non esse sufficientem, sed requiri supernaturalem actus entitatem, quod Concilia non faciunt, sed absolute damnant assertionem talis fidei naturalis.

2. ex aliis
Scripturæ
testimoniis

12 Dices, non damnare simpliciter, sed cum illo addito, *sicut oportet*. Respondeo primo, etiam damnare simpliciter, loquendo de fide in Deum, seu de hoc, *credere Deo*. Hoc enim intendit Conc. Trident.

Evasio
præcluditur.

cap. 6. cum inquit. *Disponuntur ad ipsam iustitiam, dum excitati divinâ gratia, & adjuvi, fidem ex auditu concipientes, libere moventur in Deum credentes vera esse, quæ a Deo revelata sunt.* Per quæ verba plane declarat, quid in fide sit, credere, *sicut oportet*, utique revelata esse vera, quia revelata sunt a Deo, in ipsum tendendo per talem fidem, tanquam in auctoritatem fidei, & unicam rationem ejus. Et Concilium Arausican. canon. 5. in ultimis verbis supra tractatis damnat dicentes, *fidem illam, qua in Deum credimus, esse naturalem*, ubi non addit, *sicut oportet*, quia in illa particula, *in Deum*, continebatur, quæ non potest habere alium sensum, nisi quem in verbis Concilii Tridentini explicuimus. Et canon. 25. de charitate ait, non posse liberum arbitrium solum *aut diligere Deum, sicut oportet, aut credere in Deum*, ubi non reperit particulam, *sicut oportet*, quia intelligitur inclusa in illo, *credere in Deum*. Igitur quoties assensus fidei in Deo solo nititur, est sicut oportet, & non potest esse, nisi actus proprius gratiæ, ac subinde supernaturalis. Confirmatur, & declaratur, quia si homo potest credere Deo ex divina tantum auctoritate, potest sua virtute credere summa certitudine, & infallibilitate; ergo quantum ad mores pertinet, jam habet perfectissimam fidem, nam distinctio quasi materialis in entitate naturali, vel supernaturali parum ad mores refert, si adhesio ad objectum eadem est, & ad bene operandum æque conducere potest. Respondent aliqui, actum fidei naturalem semper esse minus certum, etiam si in puro Dei testimonio nitatur. Sed hoc profecto non consequenter dicitur. Nam si est sermo de certitudine objectiva, idem Dei testimonium, si in illo pure sistitur, æque & infallibile est: si vero sit sermo de certitudine ex parte subjecti, illa & est extrinseca, & quasi per accidens, & in actu naturali major esse potest.

Confirm.

Resp. non
admittit.3. extra-
tione

13 Præterea argumentor ratione in hunc modum. Si ratio formalis objecti fidei talis est, ut liberum arbitrium suis solis naturalibus viribus possit actum absolutum, & efficacem propter illam elicere; ergo tale objectum, seu ratio operandi non est de se supernaturalis, sed potius naturalis. Consequens est falsum: ergo. Sequela patet, quia in præsentī illud maxime dicitur supernaturale, quod superat naturales vires liberi arbitrii: sic enim dicitur habitus infusus supernaturalis, quia per actus liberi arbitrii acquiri non potest, & actus supernaturalis, quia per vires arbitrii fieri non potest: ergo similiter objectum erit supernaturale, quod ut tale est, viribus naturalibus attingi non potest; ergo e contrario motivum formale, quod viribus naturæ attingi potest, supernaturale non est. Consequens autem nec a Doctoribus contrariæ sententiæ conceditur, quos ego viderim, nec videtur posse secure concedi, quia destruit fundamentum necessitatis gratiæ ordinis supernaturalis. Nam si formale illud motivum naturale est, profecto ad eliciendum actum illi objecto, & motivo proportionatum, quantum ipsum postulat, non erit necessarius habitus supernaturalis, nec gratia, falsumque est hos actus supernaturales versari circa objecta naturalia, vel excedentia vires naturales hominis, quod tamen est expresse contra communem sensum, præcipue Divi Thomæ 1. 2. quæstione 109. articulo 3. ad 1. & 3. & quæstione 62. articulo 1. & quæst. 63. artic. 3. & alibi sæpe, & communiter Theologi ita loquuntur.

Effugium

14 Responderi potest, motivum illud esse attingibile & actu naturali, & actu supernaturali, & priori modo esse objectum naturale, posteriori vero esse supernaturale. Juxta quam distinctionem aliqui etiam dicunt, distingui illos actus naturales, & supernaturales ex rationibus formalibus, sub quibus attingunt objecta, illas vero rationes non esse distincta motiva, sed esse distinctas attingibilitates ejusdem motivi. Nam in fide veritas Dei in dicendo, ut attingibilis per assensum naturalem, est ratio objectiva, sub qua fidei acquiritur, ut vero attingibilis superiori modo est objectum formale assensus fidei supernaturalis. Hæc vero responsio, si attente consideretur, suppo-

Relicitur

nit distinctionem in actibus, & ab illis sumit rationes, sub quibus attingitur objectum potius, quam e converso, ut inferius in simili explicabo. Unde in re non dicit aliquid distinctum a priori sententia, sed idem alio modo. Supponit enim, assensus propter idem motivum esse posse distinctos ex se, seu ex modo tendendi inferioris, vel altioris ordinis, & inde considerant duas attingibilitates in objecto ratione distinctas, quæ revera non sunt, nisi denominationes extrinsecæ ab actibus desumptæ: nam illa duplex attingibilitas nihil vel absolutum, vel respectivum secundum rem addit illo motivo, sed tantum relationes rationis fundatas in denominationibus extrinsecis sumptis a duobus actibus, qui possunt elici ex tali motivo.

15 Quocirca verbis illis eluditur potius, quam solvitur ratio facta: tum quia motivum esse supernaturale, non est denominatio extrinseca, sed est excellentia motivi superantis vires naturales intellectus creati, ideoque si intellectus creatus potest suis viribus absolute velle, vel assentiri ex tali motivo specifico secundum ultimam, ac propriam rationem suam spectato, tale motivum non potest dici supernaturale, sed naturale: tum etiam, quia juxta illam sententiam nullum est tam naturale motivum, quod non possit attingi per actum supernaturalem, quoad substantiam, si Deus velit illum infundere, ut v.g. Christus per scientiam per se infusam, & per acquisitam cognoscit, hominem esse risibilem, ex hoc medio, & motivo, quod est rationalis, & ita habet assensum naturalem, & supernaturalem ex eodem motivo, & nihilominus motivum est naturale, quia viribus nature sufficienter attingitur; ergo si tale est etiam motivum fidei divinæ, illud de se naturale est, licet fortasse Deus dare possit homini actum supernaturalem propter idem motivum.

Amplius
impugnat-
tur

16 Dicitur forte, argumentum concludere illud motivum non esse absolute supernaturale comparatum ad vires naturales intellectus, & supposita applicatione, vel propositione talis motivi, dici vero supernaturale, quia applicatio, vel propositio talis motivi est supernaturalis, id est, non debita capacitati naturali hominis, sed ex extrinseca Dei ordinatione gratis concessa. Quod etiam suaderi potest, quia Deum esse primam veritatem, quædam veritas naturalis est, Deum item, si quid testificetur, dignum esse fide certa, quia mentiri non potest, objectum est naturaliter notum: solum ergo est supernaturale, quod aliquid revelet, & attestetur, præsertim de his, quæ per rationem naturalem cognosci non possunt. Hæc autem revelatio, seu attestatio solum est veluti applicatio illius motivi; ergo illud de se naturale est, solumque supponit applicationem, seu revelationem supernaturalem, ideoque tali facta propositione, posse hominem viribus suis propter illud motivum plene, & cum omni determinatione assentiri, licet perfectius id faciat, si a Deo moveatur ad altiori modo assentiendum.

Alia evi-
dendi via.

17 Sed cavendam censeo responsionem hanc, nam multum accedit ad errorem Pelagii, quod facta revelatio possit homo credere viribus suis, ut paulo antea dixi. Quia si motivum illud est naturale in ordine ad vires naturales nostri intellectus, fides naturalis est illi satis proportionata, & non est, cur non sit sufficiens in suo genere ad salutem, cum Deo soli tanquam attestanti nitatur. Nec poterit fides illa dici humana, sed divina, cum in Deo solo funderetur, & illi subiciatur intellectum, nec erit ad illam necessaria gratia, nisi ex parte revelationis, quam Pelagius non negabat. Dicere autem, majorem gratiam, seu adjuvantem solum requiri, ut assensus in genere entis sit perfectior, licet ex vi objecti non esset necessarius, multum accedit ad id, quod Pelagius dicebat, gratiam requiri tantum ad facilius. Item videtur fuga solum inventa ad eludenda testimonia Conciliorum, & Patrum. Ac denique videtur illa perfectio enuntiativa valde materialis, & ad amores nihil referens, si actus viribus naturæ elicitus in Deo solo, ut ratione assentiendi funderetur, nam inde habebit omnes proprietatis fidei supra positas, quod ad mores sufficit.

Hæc res-
ponso
multum
accedit ad
Pelagii
errorem

Impugnatio
ab
absurdo

18 Secundo possumus ab inconvenienti argumentari, quia si ex eodem motivo, & ratione formali objecti sequi potest actus naturalis, & supernaturalis, nunquam erit in potestate hominis elicere supernaturalem actum, neque ad illum conari, quantum in se est etiam conando operari ex perfectissimo motivo sibi proposito: consequens est falsum; ergo. Sequelam declaro, quia supposito objecto credibili sub tali ratione divina tantum est in potestate hominis libere determinari ad credendum sub illa ratione, quod autem actus prodeat supernaturalis, vel naturalis, non est in potestate hominis, si ex vi illius objecti formalis non determinatur; ergo quod actus sit naturalis, vel supernaturalis, pendebit ex sola Dei voluntate determinantis concursus, vel auxilium suum ad talem vel talem entitatem actus. Exemplo res declaratur, quia intellectus hic, & nunc circa idem objectum potest actus fidei numero distinctos elicere, non est vero in potestate voluntatis libere se determinare ad hunc actum numero potius, quam ad illum, sed vel naturaliter determinanda est ab objecto, & circumstantiis, vel id pendet ex libero decreto Dei determinantis suum concursus ad talem individuum actum intra illam speciem; ergo similiter si motivum, & ratio volendi, vel credendi non determinat potentiam ad talem entitatem, vel speciem actus, non erit in potestate voluntatis illam determinare, sed solum pendebit ex voluntate Dei.

Exemplum
vis argu-
menti
explicat.

19 Quod autem hoc consequens admittendum non sit, probatur primo, quia nunquam esset in potestate hominis salvari etiam posita quacunque gratia præveniente, & cum illa faciendo, quod in se est, quod dici non potest, ut per se constat. Sequela probatur, quia necessarium est ad salutem, supernaturales actus elicere, ut supra ostensum est, sed non est in potestate hominis libere conari ad operandum ex tali motivo, quod determinet ad actum supernaturalem, iuxta illam sententiam; ergo nec salus est in potestate hominis. Et declaratur practice, ponamus enim duos homines sufficienter excitatos ad credendum, quia Deus dicit: si ergo ex illo motivo sequi potest actus naturalis, & supernaturalis; contingere etiam potest, quod uterque credat, unus tantum per actum supernaturalem, & consequenter sufficienter ad salutem, alter vero per actum naturalem, & insufficienter. Ponamus ergo ita fieri, nam possibili posito in esse, non sequitur incongruens; peto ergo rationem ex parte talium hominum, ob quam unus elicit actum tantum naturalem, & alius supernaturalem. Certe nulla reddi potest, quia uterque voluit efficaciter credere, quia Deus dicit, & amplius non fuit in ejus potestate: pendebit ergo totum ex eo, quod Deus voluit dare auxilium concomitans supernaturale huic, & non illi, atque ita unus damnabitur, cum ex parte sui nihil minus fecerit, quod profecto absurdissimum est. Et confirmo, nam si hoc verum est, profecto non potuit homini præcipi, ut habeat actum supernaturalem, sicut non potest præcipi, ut habeat hunc actum numero, potiusquam illum, quia hoc non pendet ex determinatione ejus. Solum ergo præcipitur homini, ut credat Deo, vel quia Deus dicit: ergo si hoc facit, sive faciat actu naturali, sive supernaturali, implet præceptum: ergo jam non esset actus supernaturalis necessarius ad salutem, quia actus necessarius ad salutem sub præceptum cadit: ergo per solos actus naturales potest homo salvari.

Ceasfirm.

Evasio

Oclusio

20 Propter hæc dicere potest aliquis, quamvis uterque actus sit possibilis, tamen de facto Deum decrevisse non cooperari cum homine ad operandum ex tali motivo, nisi supernaturali auxilio, & illud semper offerre, atque ita semper esse in hominis potestate supernaturalem actum elicere, & consequenter casum illum propositum de duobus hominibus æqualiter præventis non esse admittendum de lege, quamvis absolute sit possibile. Sed hoc in primis alienum est a sensu, & doctrina Patrum, & Conciliorum, juxta quam non est necessaria gratia, quia Deus ita decrevit, sed quia propter humanam impotentiam ad talia opera est intrinsece necessaria, nimirum, quia opera ipsa, & objecta illorum excellentioris ordinis sunt, quam na-

tura. Deinde illa lex non esset consentanea naturis rerum, quia si natura habeat sufficiens principium ad operandum, juxta exigentiam objecti: ergo illum operandi modum negare, & statuere non concurrere, nisi altiori modo, esset præter naturæ debitum, & quodammodo monstruosum. Præterea quia, ut supra arguebam, tale motivum non esset supernaturale, sed naturale, quando quidem natura de se apta est ad operandum ex illo: ergo elevatio ad operandum supernaturaliter tantum ex illo motivo, negando concursus ad actum naturalem, esset providentia omnino voluntaria, & extra ordinem rerum. Sicut si Deus statueret non concurrere cum homine ad credendum ex motivo humano, nisi per actum supernaturalem quoad substantiam, profecto esset providentia quasi violenta, & miraculosa, etiam si esset possibilis.

21 Denique si vera est lex hæc ordinaria, saltem de facto verum est, nunquam fieri actum fidei ex tali motivo, nisi supernaturalem, saltem quia Deus ad alium non concurrat, facta sufficienti objecti propositione; at contraria opinio supponit oppositum, & ex actibus, quos experimur, conatur ostendere, talem actum naturalem ex illo motivo esse possibilem: ergo non potest cum illa opinione constare responsio, sed illam potius enervat, & evertit præcipuum fundamentum ejus. Nam si de facto nunquam ex tali motivo fit, nisi assensus supernaturalis, non est ex arbitraria Dei providentia, sed quia tale objectum, & motivum talem actum requirit. Quod si quis forte dicat, potius semper fieri utrumque actum, hoc etiam facile impugnatur; tum quia est superfluum; tum etiam quia est contra experientiam, quantum a nobis cognosci, vel conjectari potest: tum denique quia tunc naturalis actus tanquam facilior, & naturæ magis consentaneus ordine naturæ præcederet, & pararet viam ad alium, procedendo ab imperfecto ad perfectum ordine generationis, & ita facile incidemus in Semipelagianum errorem, sequeretur enim Deum donare homini potentiam ad supernaturalem assensum, quia jam facit quod in se est, credendo vere, & proprie Deo, propter Deum totis viribus suis, quod in Concilio Arausicano damnatum est.

Ultima
replica

Fuga alia
præcluditur

22 Ultimo argumentari possumus philosophice ex illo principio Aristotelis: habitus ex actibus, & actus ex objectis species sumere. Ex quo sic argumentor, nam eadem potentia circa idem objectum materiale ex eodem motivo, seu objecto formali non potest habere actus specie distinctos, ostensum est autem, actus supernaturales specie, & substantia distingui ab omnibus actibus naturalibus; ergo non possunt actus naturales versari circa easdem materias ex eisdem motivis, quibus specificantur actus supernaturales. Major probatur ex principio posito, quod actus sumunt speciem ex objecto; ergo & distinctionem specificam, & ex objecto materiali, quia supponimus in illo convenire; ergo ex formali. Confirmatur, quia non possunt habere aliquid aliud formale principium distinctionis substantialis, & essentialis. Dico autem principium formale, quia quod quidam asserunt, distingui, quod unus est ab auxilio supernaturali, & non alius, non declarat formale principium distinguendi, sed solum principium efficiens, quod supponit diversitatem essentialis in ipsis actibus secundum se spectatis, ideo enim unus illorum postulat principium effectivum distinctum, & altioris rationis, quia secundum naturam, & speciem suam est altioris ordinis; ergo oportet assignare formale principium, a quo talem speciem habeat, hoc autem nullum est, nisi formale objectum.

Ultimum
ex Meta-
physica
petitum

Confirm.

23 Respondent aliqui, actus illos per suas entitates formaliter, & essentialiter distingui, neque oportere aliud formale distinctivum querere ex parte objecti. Sed hoc nihil aliud est, quam evertere principium illud de distinctione actuum ex objectis, & totam Philosophiam, quæ docet motus, & omnia, quæ habitudinem ad aliud essentialiter includunt, sive prædicamentalem, sive transcendentalem, habere speciem, & consequenter distinctionem a terminis, vel objectis, quæ respiciunt, nam inde habent aliquo modo

Solutio
impugna-
tur

modo suum esse, & consequenter etiam distinctionem. Quamvis ergo verum sit, actus intrinsece distinguui formaliter se ipsis, seu suis differentiis constitutivis, tamen quia hæ differentiæ includunt habitudinem ad objecta, & illis accommodantur, ideo ex objectis etiam recipiunt distinctionem. Et inductione ostendi potest, nam etiam actus fidei supernaturalis distinguitur a fide humana in autoritate, in qua nititur, quæ pertinet ad objectum ejus, & a scientia, quia est per medium extrinsecum, quod etiam pertinet ad rationem objecti; ergo sine aliqua distinctione in objecto formali non potest intelligi essentialis distinctio in actibus, præsertim ejusdem potentie, & ejusdem objecti materialis.

24 Quo argumento aliqui convicti fatentur, necessarium esse distinctionem in ratione formali objecti, sub qua objectum attingitur, dicunt tamen hanc desumi sepe ex habitu ad lumen vel principium agendi. Et ita in proposito dicunt, actus fidei naturalis, & supernaturalis esse posse de hac veritate, *Deus est trinus*, ut dicta a Deo. Nihilominus tamen differre in rationibus, sub quibus, quia respectu supernaturalis actus, ratio sub qua est autoritas Dei, ut est sub lumine infuso, eadem vero autoritas, ut est sub lumine naturali, est ratio formalis sub qua naturalis fidei. Sed qui sic respondent, non advertunt, se supponere distinctionem in actibus, ut illam declarent in objectis, atque ita distinguere objecta potius per actus, quam actus per objecta. Probatum assumptum, quia autoritas divina, ut manifestata, vel conjuncta diverso lumini, supponit distinctionem in luminibus, vel igitur est sermo de lumine actuali, & illud non est nisi actus ipse credendi; ergo supponit distinctionem in actibus: vel est sermo de lumine habituali, & sic supponit distinctionem habituum; ergo & actuum, quia habitus per actus a priori distinguuntur; ergo non potest commode salvari illa distinctio actuum, nisi supponendo in objectis formalibus, secundum se aliquam distinctionem. Contra hunc verum discursum procedunt argumenta prioris sententiæ, quæ pure philosophica sunt, & ideo licet majorem difficultatem haberent, in re Theologica, & quæ multum propender ad dogmata fidei, minoris momenti censenda essent, quam ut possent prudentem Theologum a plana, & regia via deflectere. Respondendo ergo ad fundamenta contrariæ sententiæ, & hic discursus declarabitur magis, & objectiones, quæ contra illum fieri possunt, obiter solventur.

25 Ad primum ergo fundamentum, quod actus specie distincti possunt versari circa eandem materiam, ex eodem motivo, Responderetur in primis id admittendo in potentiis specie diversis. Rationem autem aliqui reddunt ex parte objectorum, diversas attingibiles (ut vocant) in eis considerando, quas dicunt esse diversas rationes formales, sub quibus tales potentie in sua objecta tendunt. Sed revera illæ attingibiles tantum sunt extrinsecæ denominationes ab actibus, vel potentiis desumptæ, & ita (ut supra dicebam) earum distinctionem supponunt, ideoque non possunt esse primariæ rationes, a quibus actuum, vel potentiarum distinctio sumatur. Potentie igitur si a subjectis distinctis sunt, ab illis possunt habere distinctionem quasi genericam, quia habent modum diversum tendendi in objecta: si vero ab eadem forma dimanent, necesse est distinguui in objectis adæquatis, vel quia omnino condistincta sunt, vel quia objectum uni potentie adæquatum sub adæquato alterius continetur. Atque ita semper potentia superior, vel immaterialior, videtur attingere objectum sub ratione universaliori, ut videre licet in sensibus internis, & externis, & in intellectu respectu illorum, & in appetitu superiori, & inferiori, & in intellectibus etiam Angelicis, quatenus diversis speciebus intelligibilibus informantur.

26 Sic ergo non repugnat, actus specie diversos propter diversitatem potentiarum, ferri in idem materiale objectum propter idem motivum, quia habent majorem distinctionem quasi genericam ex aliis principiis, & ita specifica differentia, quæ unusquisque actus sumit ab illo objecto (ut sic dicam) accommo-

data suo generi, & proprie causat distinctionem ab aliis actibus ejusdem potentie; illæ vero duæ differentiæ constituentes actus diversarum potentiarum in ordine ad idem objectum, & motivum inter se distinguuntur, vel ex modo tendendi, in quo accommodantur generibus diversis, quæ contrahunt, & determinant; vel quia illudmet motivum respiciunt ex vi rationis objectivæ, seu potentie magis, vel minus universalis. Et hoc probant exempla de cognitione sensus, & intellectus, vel de affectu voluntatis, & appetitus ad idem bonum delectabile, & de actibus Angelorum specie distinctorum.

27 At vero in actibus unius, & ejusdem potentie, non facile inveniuntur actus specie distincti attingentes idem objectum sub eodem omnino motivo. Et in primis id non probant exempla in fundamento adducta. Nam in exemplo physico de motu circulari, & recto non est propria distinctio specifica, & essentialis in ratione motus, sed solum distinguuntur in modo figuræ, sicut linea recta, & circulari, vel distinguuntur in ratione motus naturalis, sicut motus sursum, & deorsum. In exemplo autem magis theologico, vel potius morali de voluntate, simplici intentione, & delectatione, in ipso motivo aliqua diversitas invenitur. Nam bonitas finis per se, & absolute spectata movet ad simplicem amorem, & unionem. Ad intentionem autem movet idem finis ut acquirendus, & ideo licet in ipso semper sit eadem bonitas, tamen ad intentionem non movet, nisi quatenus etiam ipsa consecutio talis objecti simul apprehenditur, ut bona, & mover ad sui dilectionem, seu intentionem. Et simili proportionem ad fruitionem movet finis non utique, sed ut præsens, seu possessus, & sic non solum ipse, sed etiam possessio, vel præsentia ejus apprehenditur ut bona, & ita delectat. Et ad hunc modum possunt etiam esse actus ejusdem potentie distincti specie, licet in idem objectum tendere videantur, quia in eis etiam potest inveniri aliqua diversitas in motivo. Ut amor Dei, & proximi propter Deum, etiam si in eadem infinita, seu increata bonitate Dei fundetur, nihilominus quia illa bonitas aliter Deum afficit, aliter proximum, habet distinctam rationem motivi. Idem invenitur in intentione, electione, & aliis similibus. Et in assensibus intellectus nostri, quoties invenitur specifica diversitas in actibus, invenitur aliqua diversitas in motivo assentiendi, quia vel est ipsa veritas in se per connexionem immediatam terminorum, vel est medium aliquod, per quod veritas mediata cognoscitur. Unde licet contingat, eandem veritatem in se immediatam per medium etiam cognosci alio genere assensus, etiam in illis invenitur diversitas in motivo. Neque tamen nego, etiam in actibus, vel habitibus ejusdem potentie posse esse aliquam distinctionem quasi genericam, vel universalior ex modo tendendi, sed assero, cum pervenitur ad specificam diversitatem, semper inveniri aliquam distinctionem in ratione formali, seu medio, aut motivo attingendi objectum, ut etiam in Metaphysica dixi.

28 Ex his ergo responsum est ad primum fundamentum, quia assensus fidei infusæ, & acquisitæ ejusdem objecti, & sunt actus ejusdem potentie, & eodem modo tendunt, quia etiam assensus fidei infusæ sit modo humano, & ideo nisi distinguantur in motivis, & objectis formalibus, non possunt essentialem distinctionem habere. Sed contra hoc obiici potest apparet, quia lumen fidei infusæ, & naturale lumen intellectus sunt quasi potentie intellectivæ genere diversæ, quia lumen fidei ita est habitus, ut det etiam novam potestatem intelligendi specie diversam, & ad altiore ordinem pertinentem; ergo ex hac parte possunt ab his duobus principiis prodire assensus plus quam specie, & quasi genere diversi, etiam si circa idem objectum ex eadem ratione assentiendi versentur. Num in illis invenietur distinctio, tum ex parte potentiarum, tum etiam ex parte modi. Quia licet uterque quoad aliquid fiat modo humano, scilicet quoad compositionem, & apprehensionem per species acquisitas, &c. nihilominus ipse assensus sit modo longe diverso quoad entitatem, & perfectionem.

Inductio
re res
confirm.

Respons.
alia im-
pugnatur

Motus
circularis
& rectus
nō distin-
guuntur
specie

Fit satis
argumen-
tis oppo-
nitur sen-
tentia

Ad pri-
mum

Dispo. 48;
scilicet 3.

Solutio 1
argum. n.
2. propo-
siti.

Obiectio.

Quando
possunt 2
actus spe-
cie diver-
si habere
idem mo-
tivum

fectionem actus: sicut in duobus Angelis assensus naturales ejusdem veritatis per se ne notæ, vel in eodem medio fundatæ, licet convenient in modo generali intelligendi Angelico, & sine compositione, vel discursu, nihilominus differunt specie ex modo subtiliori, & spiritualiori intelligendi: sic ergo in præsentia dici potest.

Solutio

29 Hæc autem replica haberet quidem locum, si motivum talium assensuum, seu actuum fidei esset ordinis naturalis, non vero procedit, quando motivum actus supernaturale est, ut in præsentia esse ostendimus. Quia licet multiplicatio principiorum cognoscendi, vel volendi eandem rem propter idem motivum in eadem potentia, quando unum naturale est, & aliud supernaturale, non videatur repugnare, nihilominus si unus talium actuum naturalis sit, & alius supernaturalis, necessarium est, ut motivum utriusque actus naturale sit, quia actus naturalis, & factus per solas vires naturæ, non potest fieri, nisi ex motivo naturali eisdem naturalibus viribus proportionato. Unde licet possit Deus supernaturale lumen, vel scientiam infundere, per quam veritas aliqua naturalis ex motivo naturali alio modo cognoscatur quoad entitatem actus, quam per vires naturæ possit cognoscere, nihilominus e contrario fieri non potest, ut intellectus humanus per vires solas naturales, assensatur ex motivo supernaturali, quatenus tale est. Eodem modo, quod facit per vires gratiæ, quatenus ad rationem assentiendi, interveniente tantam differentia in modo tendendi quoad entitates assensuum. Quia si motivum supernaturale est, implicat contradictionem, ut per vires naturales solas attingatur, quia si intellectus solis suis viribus operatur, non intervenit ibi specialis Dei operatio; ergo non potest assensus fundari in solo motivo superante vires naturæ. Non potest enim Deus facere, ut sine suo adiutorio natura operetur ex motivo sibi non proportionato.

Ex motivo
supernaturali
elici ne-
quit actus
naturalis

30 Itaque loquendo de absoluta Dei potentia non fundatur assertio in hoc, quod distinctio, & multiplicatio plurium actuum specie distinctorum sit omnino impossibilis in eadem potentia circa idem formale objectum, seu ex eadem ratione assentiendi. Nam hoc modo distinguuntur fortasse in anima Christi, aut beati plures actus scientiæ naturalis, & supernaturalis, seu per se, & per accidens infusæ, prout versantur circa naturalia objecta, & motiva. Sed fundatur in hoc, quod motivum Christianæ fidei est supernaturale, & ideo circa illud nec non possunt multiplicari actus naturales. Sicut etiam in scientia infusa per se, & per accidens fieri non potest, ut circa veritates supernaturales cognoscendas per media supernaturalia distinguantur actus utriusque scientiæ, quia scientia naturalis, seu per accidens infusa non potest tale objectum attingere. Sic ergo discursus factus non fundatur tantum in principio solo Philosophico de distinctione actuum per objecta, sed adjuncto principio credito, quod ratio assentiendi, seu motivum credendi fidei Christiana est supernaturale, ut a nobis probatum est. Nam profecto, si dicamus, posse hominem sine gratia credere ex illo puro motivo, & cum omni perfectione, quam ex vi illius habet quilibet actus in illo tantum fundatus, nimium tribuitur viribus naturæ, & plus quam locutiones Scripturæ, Conciliorum, & Patrum permittant.

Solutio 2.
Argum. n.
3. proposit.

31 Unde ad secundum principium, seu fundamentum prioris sententiæ negamus, in objectis formalibus talium actuum, etiam si circa eandem materiam versentur, non posse inveniri sufficientem distinctionem. Quæ fortasse in actu amoris obscurior est, sed illam in sequentibus capitibus investigabimus. Nunc vero in assensu fidei videtur nobis res perspicua, & ad excellentiam fidei Christianæ maxime spectans. Ut enim fateamur, tam dæmones, quam hæreticos proxime credere multa, quia a Deo dicta sunt, longe vero aliter in divino testimonio, ac veritate nituntur, quam is, qui fide Christiana credit. Nam dæmon, vel hæreticus ita credit Deo dicenti, ut tamen Deum dicere, non credat eadem fide, aut ex eodem testimonio Dei, sed vel ex signis cogentibus, vel ex conjectu-

ris humanis proprio discursu, & iudicio regulatis: fidelis autem, & res dictas, & Deum dicere, & Deum non falli, nec fallere, & quidquid ad credendum ex parte formalis objecti, & motivi necessarium est, eadem fide, sola veritate, & autoritate Dei nixius credit. Unde fit, ut ratio credendi res etiam divinas in acquisita, seu naturali fide, non sit purum verbum, seu testimonium Dei, sed mistum (ut sic dicam) cum humanis conjecturis, vel signis, vel cum aliquo testimonio humano, ideoque licet tunc concurrat testimonium Dei, non tamen ut motivum supernaturale est, sed prout esse potest aliquo naturali modo cognitum. Nam talis fides semper nititur medio syllogistico formali, vel virtuali, quod medium licet proxime videatur includere Dei autoritatem, tandem resolvitur in naturale lumen, vel conjecturas per illud cognitæ, vel evidenter, vel per aliquam autoritatem, & fidem humanam, tum de testificante, tum de ejus autoritate. Sicut in fide humana ex autoritate Augustini assensus rei dictæ revera non fundatur in puro testimonio Augustini, sed simul in aliis rationibus, & mediis, per quæ mihi sit credibile, vel notum, & August. hoc dixisse, & ipsum esse tali, vel tanta fide dignum.

32 Idem ergo est in fide mere naturali, qua creditur aliquid, quia dictum est a Deo, nam illa supponit talem estimationem de Deo, qua credatur, semper loqui verum, quæ estimatio a dæmone v.g. vel alio naturaliter tantum credente, non fundatur in veritate Dei hoc ipsum de se revelantis, sed in lumine naturali, quo id cognoscitur. Deinde etiam supponit illa fides aliam, quod Deus dixerit, & hæc est mere acquisita per aliquam signorum evidentiam, vel probabilitatem vehementem simul cum aliqua traditione humana. Ac tandem ex his omnibus virtute componitur ratio, seu motivum assentiendi naturaliter rebus a Deo dictis, & ideo in illa fide nulla est supernaturalitas, neque in substantia actus, neque in modo, quia intellectus mero discursu naturali ducitur, & solum juxta mensuram suarum virium præbet assensum, vel liberum ex naturali etiam, seu humano affectu. At vero assensus fidei pure fundatur in Dei testimonio, suscipiendo verbum ejus non ut verbum hominum, sed ut est vere verbum Dei, hoc ipsum, nimirum, esse verbum Dei, eadem fide suscipiendo, & discernendo, & veracitatem ipsius Dei eadem fide credendo, & ita est magna diversitas in objecto formali, quam alii auctores non intellexerunt, quia putarunt, nostram fidem infusam per se pendere a fide acquisita tanquam a causa partiali, ut Gab. cum Ocham. clarius explicavit. Sed revera decepti sunt, nam si id verum esset, non esset certior fides infusa, quam acquisita, a qua per se pendet. At juxta nostram sententiam ex prædicta diversitate in objecto formali oritur differentia in certitudine intrinseca, & essentiali, quæ in fide Christiana est longe alterius rationis, ut late explicatum est.

33 Et hinc etiam facile intelligitur, quomodo in voluntate credendi, quæ est in hæretico, vel in catholico inveniatur diversa ratio obiectiva: nam respectu voluntatis fidelis motivum est honestas quædam supernaturalis, quæ in illo objecto cerni potest, quatenus ad credendum proponitur ex sola Dei autoritate, illi omnino intellectum subiiciendo, & captivando. Voluntas autem, quæ est in hæretico potest sæpe non esse honesta, nam eodem modo credit suos errores, & veritates, quæ ex fide sibi eligit, unde potest in utrisque eadem voluntate, & motivo duci, quæ voluntas plane est temeraria, vel certe licet contingat, velle credere aliquod mysterium fidei, quia prudenter judicare, esse credibilis, quam contrarium, in hoc ipso non nisi humana ratione ducitur, ac subinde ex quadam naturali, & morali honestate, qualis in quacumque fide humana, & prudenti inveniri potest, movetur.

34 Tertium argumentum procedit ex hypothesi, si facta propositione objecti fidei cum tota prævia gratia, Deus negaret auxilium adjuvans physice, seu concursum supernaturalem ad actum fidei, non vero generalem, quia tunc intellectus posset assentiri cum solo

Diferimē
inter moti-
vū fidei
infusæ, &
acquisitæ

Diversa
ratio ob-
jectiva est
in volun-
tate cre-
dendi hæ-
retici &
catholici

Solutio 3.
arg. in n. 5.
Propositi

solo concursu generali, & ex eodem motivo, quia non habet aliud. Respondetur, tunc quidem intellectum, vel potentiam illam, cui negatur concursus supernaturalis, & non negatur generalis concursus ordinis naturæ, posse quidem elicere actum aliquem, illum tamen futurum esse naturalem, ex motivo naturali diverso a motivo Christianæ fidei. Quia licet objectum sit propositum sub ratione supernaturali, semper etiam adjungitur ratio naturalis sufficiens ad assentiendum, vel volendum naturaliter, & tunc potentia secundum naturalem vim operatur, quia per actualem motionem superiorem non amplius elevatur. Solet similis casus proponi de vidente Deum, si Deus negaret illi supernaturalem habitum charitatis, & auxilium ad proprium actum charitatis, & queritur, quomodo amaret illa voluntas, diciturque, amaturam, quantum potest per vires naturæ, tendendo in Deum sub aliqua ratione naturali, quæ in illo objecto etiam per visionem relucet. Sic ergo in casu nostro de actu credendi dicimus, quia fidei objectum dum proponitur ut credendum ex autoritate Dei, semper fit etiam credibile per rationes humanas manducantes hominem, ut elevari possit ad credendum altiori modo. Quod adeo necessarium est, ut propterea dixerint aliqui Theologi necessarium esse, ut fides acquisita infusam antecedit, quod licet non sit verum de fide ejusdem veritatis creditæ, est nihilominus probabile de aliquo judicio credibilitatis ejus. Hinc ergo facile fieri posset in eo casu, ut intellectus destitutus superiori auxilio, fidei assensum præberet veritati propositæ, non tamen ex motivo fidei supernaturalis, quia non ex puta Dei autoritate, sed ex motivis, & rationibus humanis, sub quibus illa proponitur, & cum quibus illa conjungitur, quando assensus est mere humanus, & acquisitus, ut in præcedenti remissione explicatum est, & idem cum proportionem de voluntate credendi dicendum est.

35 Quartum argumentum sumebatur ab incommodo, quod aliquis esset certus de sua fide, quod sit infusa, & sicut oportet. Quod aliqui non reputant inconveniens, & ideo facile sequelam admittunt, constituuntque discrimen inter actus intellectus, & voluntatis; nam intellectus, inquirunt, clare intuetur rationem, ob quam movetur ad assentiendum, non tamen ita clare cognoscit rationem, & motivum, ex quo voluntas operatur, & ideo potest homo certo cognoscere, se credere, sicut oportet, & fide supernaturali, licet non possit ita certo cognoscere se amare, sicut oportet, & consequenter nec certo cognoscit, se esse justum. Sed hi authores non advertunt, fidem pendere a voluntate, & ideo non posse nobis esse magis notam qualitatem (ut sic dicam) seu supernaturale motivum assensus intellectus, quam sit nota supernaturalis species illius piæ affectionis, seu voluntatis, qua determinamur ad credendum; illa autem volitio non est nobis notior, quam alii actus voluntatis; ergo neque ipsa fides. Et ideo simpliciter respondeo, negando sequelam, quia cum in his actibus semper concurrant aliquo modo, & naturalia, & supernaturalia motiva, ut dixi, nunquam homo satis evidenter discernit, an ex puta supernaturali ratione moveatur, & operetur, & hoc est satis, ut nunquam possit omnino esse certus de fide, vel operatione sua, quamvis de illa magnas possit habere conjecturas. De qua re ex professo versus finem hujus materiæ dicendum est.

CAPUT XII.

Utrum ad sperandum, sicut oportet, divinas promissiones, gratiæ auxilium requiratur, & quale, quæve ratione necessarium sit?

I Diximus de necessitate gratiæ ad actum supernaturalem intellectus, dicendum superest de ejusdem gratiæ necessitate ad actus voluntatis, qui possunt in duos ordines distingui, scilicet, in Theologicos, & morales; Theologici dicuntur illi, quibus voluntas immediate unitur Deo, attingendo illum,

ut ajunt, tanquam objectum, quod. In alio vero ordine constituimus actus virtutum moralium, qui proxime versantur circa materiam creatas, & vel non comprehendunt Deum in objecto suo, vel si aliquo modo attingunt, solum est tanquam objectum, cui, ut dici solet. De prioribus actibus est certior doctrina, & ideo de illis prius dicemus, dicturi postea de cæteris in capitulis sequentibus. Præterea supponendum est, duos esse præcipuos actus theologicos ad voluntatem pertinentes: nam virtutes Theologicæ sunt tres, & una earum ad intellectum pertinet, nempe fides, de cujus actu jam dictum est: due vero ad voluntatem spectant, nimirum spes, & charitas, de quarum actibus suo ordine dicemus.

2 Supponimus itaque spem esse actum voluntatis, ut est communior sententia Theologorum, licet aliqui dubitaverint, quia spes nihil aliud est, quam fiducia; fiducia autem actus intellectus esse videtur, quia nihil aliud est, quam firma credulitas in verbo, seu promissione alterius. Sed non potest de veritate communis sententiæ dubitari, nisi quis velit duas tantum Theologicas virtutes admittere, quod Paulo 1. Cor. 13. & communi sensui Ecclesiæ repugnat. Sequela vero patet, quia fiducia, prout intellectui tribuitur, non potest a fide distingui; ergo si illam est spes, fides & spes non distinguuntur, & ita tria illa, quæ Paulus dixit, nunc manere, non erunt nisi duo. Necessè est ergo, ut spes formaliter ad voluntatem pertineat, ut sic a fide distinguatur: a charitate autem nunc supponimus distingui, quia spes ad amorem concupiscentiæ, charitas ad amorem amicitiae ejusdem Dei pertinent, ut videbimus, & huius in disputationibus de his virtutibus differitur, & videri potest Divi Thom. 1. 2. quæst. 62. art. 3. & 2. 2. q. 17. & 23. Neque est verum fiduciam esse firmum assensum; sed est motus efficax appetitus in tali assensu fundatus.

3 Circa spem igitur non invenio ab August. vel aliis Patribus relatum aliquem Pelagii errorem specialem, cum autem circa fidem, & dilectionem erraverit, eas viribus naturæ, & liberi arbitrii adscribendo, non est dubium, quin de spe idem senserit. Nam spes proxime generatur ex fide, & in illa maxime fundatur, & minus perfecta est, quam charitas, teste Paulo. 1. Cor. 13. qui ergo fidem, & charitatem naturales esse credidit, non potuit aliquid altius de spe cogitare. Eo vel maxime, quod Pelagius necessitatem auxilii divini specialis negabat, & ita totam fiduciam in se, & in suo libero arbitrio collocabat, de quo sæpe ab Augustino reprehenditur; ergo non solum supernaturalem spem, sed etiam omne fundamentum ejus penitus abstulit. Quocirca sicut ad fidem solum prærequirebat Pelagius divinam revelationem, & doctrinam, qua proposita dicebat posse hominem suo arbitrio velle credere, & non credere; & ita ad spem postulare ad summum potuit divinas promissiones homini revelatas, & ab illo naturaliter creditas, ut possit etiam suo arbitrio de fidelitate promittentis fidere, & promissa sperare.

4 In hoc vero errore dubitari potest, an error in fide sit, quia non videtur tam clarius in spe, sicut in fide, neque militare eadem ratio. Nam fides ut includit voluntatem credendi, non supponit aliam priorem fidem, vel supernaturalem operationem propriam, per quam possit ad credendum confortari; spes autem supponit fidem, per quam videtur voluntas sufficientes vires accipere ad appetendum, & sperandum suis viribus sine novo auxilio gratiæ. Quia homo naturaliter sibi amat omne bonum, quod judicat sibi esse conveniens, & consequenter illud etiam naturaliter sibi desiderat; ergo postquam sibi persuaserit, & firmiter credidit, talis boni consecutionem sibi esse possibilem, illam potest efficaciter intendere, & bonum illud eisdem naturæ viribus sperare. Quod enim possibilitas illius boni, & veritas promissionis supernaturaliter credatur, non obstat, quominus actus spei in se possit esse naturalis, quia cognitio non concurrat ad actum voluntatis, nisi ut conditio necessaria applicans objectum, & ideo non refert, quod ipsa supernaturalis sit, si objectum propositum est naturaliter

Supponit. spē Theologicā esse actum voluntatis

1. Cor. 13.

Quid Pelag. de spe scelerit

1. Cor. 13.

Dubium

Vera solutio 42. argumenti in n. 6. propositi

Supernaturales voluntatis actus alii Theologici, alii morales

ter amabile. Nec etiam obstat, quam bonum promissum supernaturale sit, vel supernaturaliter sit conferendum, quia inde solum fit, ut ad consecutionem, vel executionem talis boni sit necessarium supernaturale auxilium, non vero ad sperandum illud, supposita fide, qua creditur, illud auxilium non defuturum, quia jam bonum illud proponitur ut conveniens, & simpliciter possibile, sub qua ratione est naturaliter appetibile, & consequenter etiam sperari poterit.

Ad spe-
vandū si-
cut opor-
tet ad sa-
lutem au-
xilium
gratia re-
quiritur
Prob. ex
Scriptura.

5 Nihilominus de fide certum est, ad sperandum, sicut oportet, ad iustitiam, & salutem consequendam, necessarium esse supernaturale Dei auxilium. Probat primo ex Scriptura. Nam 1. Cor. 13. *Manent* (inquit Paulus) *tria hec, fides, spes, & charitas*, ubi eas specialiter, & quasi æqualiter numerando, fatis aperte ostendit in hoc convenire, quod omnes sunt ejusdem ordinis, licet in eo una sit altera perfectior. Unde Augustin. serm. 29. de verbis Apostoli, *Hec tria* (inquit) *aliquantum sunt diversa, sed omnia sunt Dei dona*. Idque probat dictis verbis Apostoli, & de spe in particulari id confirmat ex illo Psal. 118. *Memor esto verbi tui servo tuo, in quo mihi spem dedisti*. Inde enim colligit, spem esse Dei donum sicut est fides. Est etiam optimum testimonium Pauli ad Rom. 5. *Per quem* (id est Christum) *habemus accessum per fidem in gratiam istam, in qua stamus, & gloriamur in spe gloriæ filiorum Dei*, ubi inter dona filiorum Dei, que per Christum accipimus, spem ponit; & cap. 15. *Ut per patientiam, & consolationem scripturarum spem habeamus*, & subdit statim: *Deus autem patientia, & solatii det vobis id ipsum sapere*, significans, Deum esse hujusmodi doni autorem. Unde etiam 1. Thess. 5. *Galeam* (inquit) *spem salutis assumite*, quam cum fide etiam, & charitate ibi conjungit, & per Christum dari statim declarat.

Alia Scri-
pturæ re-
sponsoria
asserunt.

6 Unde & Petrus epist. 2. cap. 1. *Secundum misericordiam suam* (inquit de Christo Domino) *regeneravit nos in spem vivam*. In quibus verbis licet spes possit pro objecto, seu materia, quæ speratur, sumi tamen de spe, quæ nobis per baptismum infunditur, intellexisse videtur August. lib. 1. de Peccator. meritis, & remission. cap. 37. dicens: *Regeneravit nos in spem vitæ æternæ*, & consonant ea, quæ inferius Petrus subdit, *Perfecti sperate in eam, quæ offertur vobis, gratiam*; & infra: *Dedit ei*, id est Christo, *gloriam ut fides vestra, & spes esset in Deo*, quo loco notari potest, & distinctio spei a fide, & quod utraque dicitur in Deo fundata tanquam divina quædam, & superioris ordinis virtus. Deinde hoc etiam convincunt illa testimonia, in quibus spei tribuitur vel sanctificatio, & remissio peccatorum, ut 1. Ioan. 3. *Omnis qui habet hanc spem, in eo sanctificat se*, vel salus æterna, ut ad Rom. 8. *Spe salvi facti sumus*: ex his enim, & similibus locis aperte colligitur, spem esse dispositionem ad gratiam, & necessariam ad salutem æternam, & consequenter non posse fieri sine gratia, quia nullus actus per se ad pietatem conferens potest sine gratia haberi, ut in 1. lib. satis ostensum est. Idemque probatur ex illo Psal. 90. *Quoniam in me speravit, liberabo eum*. Nam spes est ratio impetrandi Dei protectionem, unde necesse est, esse donum gratiæ Dei. Unde Bernard. serm. 3. de Annuntiati. sola, inquit: *spes apud te miserationis bonum obtinet, neque oleum misericordiæ, nisi in vase fiduciæ ponis*.

Prob. ex
Conc. Tr.

6 Secundo expresse est hoc definitum in Concilio Tridentino sess. 6. can. 3. ubi dicit, *neminem sine prævenienti Spiritus sancti inspiratione, & ejus adiutorio posse credere, sperare, & cat. sicut oportet*. Ubi certum est, non loqui Concilium de illis actibus quasi collectivis, sed divinis, seu distributivis, & ideo sub distinctione, aut, illos recenset, ut in materia de Pœnitentia notavi. Et ideo cap. 6. inter dispositiones ad justificationem spem enumerat ex illo Matth. 19. *Confide filii, remittuntur tibi peccata tua*, & in cap. 17. dicit: *In ipsa justificatione hæc tria simul infusa accipit homo per Iesum Christum, cui inseritur, fides, spes, & charitatem*, ubi si de actibus loquatur, si de habitibus, æque probat intentum,

quia dum dicit, spem esse infusam per Christum, docet esse donum gratiæ, quam Christus nobis meruit, quod si de actu dicitur, id est, quod intendimus; si vero de habitu, etiam habitus est propter actus, & ejusdem sunt ordinis, ut supra argumentati sumus. Ex Patribus sufficiunt, quæ obiter adduximus, quia res est fere sine controversia, & quia semper ponunt spem inter ea, quæ sunt maxime necessaria ad supernaturalem iustitiam, ut videri potest in Chrysost. Homil. de Fide, lege, & Spir. Sanct. dicente: *Necesse est, ut præcedat vitam nostram spes in Christum, quæ postea pascenda est bonis operibus*. Et plura videri possunt in Bernardo ser. 7. & 9. in Psalm. *Qui habitat*.

8 Rationes Theologicæ confirmantes hanc veritatem insinuatæ jam sunt, illæ vero præcipue sunt a posteriori, & ab effectu, videlicet, quia actus spei est dispositio ad iustitiam, & ad remissionem peccati: item quia in suo ordine est fundamentum meriti, & impetrationis, ac pœnitentiæ, juxta illud Ambros. libro primo, de Pœnitent. cap. 1. *Nemo potest agere pœnitentiam, nisi qui speraverit indulgentiam*. Et quia æquiparatus aliis Dei donis, ut de fide, & charitate visum est, & de timore dicitur Psal. 146. *Beneplacitum est Domino super timentes eum, & in eis, qui sperant super misericordia ejus*. A priori vero reddenda est ratio ex supernaturalitate actus spei, non est enim necessaria gratia ad hunc actum propter difficultatem extrinsecam, seu accidentariam, sed propter excellentiam ejus, & supernaturalitatem, quam requirit, ut habeatur, sicut oportet, utique ad salutem, & iustitiam, ut Concilium Tridentinum dixit, & ideo non tantum in natura lapsa, sed etiam in integra erat necessaria ad sperandum, non minus, quam ad credendum, vel amandum. Ut ergo hæc ratio, & necessitas gratiæ ad hunc actum magis explicetur, ea, quæ de fidei actu diximus, cum proportionem ad spem applicanda sunt.

Probat. 3.
ratione

9 Dico ergo secundo. Actus spei in substantia, & specie est supernaturalis. In hac assertione est eadem controversia, & opinionum diversitas, quæ de fide tractata est, ut videri potest in Scoto, Durando, Gabriele, & aliis in 3. d. 26. Conclusio tamen posita plane traditur a D. Thom. 1. 2. q. 62. art. 3. & 2. 2. q. 17. art. 1. & 6. quem ita intelligunt, & sequuntur recentiores Theologi communiter. Eisdemque rationibus probanda est, quibus de fide hoc probavimus, scilicet quia habitus spei est per se infusus, & actus ejus est ejusdem ordinis, siue sit elicitus ab illo, siue proxime disponat ad illum: unde per se etiam est infusus, quod non convenit, nisi formæ in specie, & substantia supernaturali. Item quia actus spei, qualis ad salutem postulatur, superat vires naturales voluntatis; non ratione extrinseca; ergo intrinseca; ergo ratione substantiæ suæ. Et hic habet locum discursus supra factus, quod hæc supernaturalitas, & tanta necessitas gratiæ, quanta in hoc actu invenitur, non potest salvari per modum supernaturalem, ut inductione supra facta ostendi potest, nam eodem modo potest hic facile applicari.

Spei actus
in sua spe-
cie, & sub-
stantia est
superna-
turalis

10 Ex propriis vero ratio reddenda est, ex objecto formali actus spei, quem declarat D. Thom. 1. 2. q. 62. art. 3. dicens, *esse motum intentionis tendentis in finem supernaturalem, sicut in id, quod est possibile consequi per auxilium Dei*, ut addit, & declarat. 2. 2. q. 17. art. 1. hoc autem objectum est maxime supernaturale; ergo & species essentialis, quam actus spei ab illo objecto sumit, est per se supernaturalis. Consequentia probari facile potest ex dictis capite præcedenti. Major item supponitur ex tract. de Spe, & ex D. Thom. autoritate. Minor autem declaratur: nam spes cum sit actus voluntatis per modum prosecutionis, habet pro objecto bonum, & quia tendit ad obtinendum illud, est de bono absenti, & nondum consecuto, nam quod videt quis, quid sperat? ut ait Paul. ad Rom. 8. & ex speciali ratione sua postulat spes, ut illud bonum, quod sperat, sit arduum, ac difficile, ut ex 1. 2. q. 40. art. 1. suppono. Si ergo in illo objecto spei Christianæ ratio boni consideretur, supernaturalis omnino est, nam & visio clara Dei, in qua supernaturalis beati-
tudo

Germana
ratio hu-
jus asser-
tionis

tudo consistit, & Deus ut objectum ejus, id est, prout clare, & sicut in se est, visibilis est, excedit proportionem, & naturales vires humanæ naturæ; imo & naturalem inclinationem ejus; ergo etiam in ratione boni sperandi, & efficaciter intendendi, est objectum excedens vires humanæ naturæ.

Confirm.
ex ratione
absentia
objecti

11 Deinde etiam absentia talis objecti, si attente consideretur, excedit quodammodo proportionem naturalis spei. Nam absentia non supponitur in objecto sperando tanquam bonum appetendum, sed potius tanquam aliquid incommodi, quod expectatur auferendum, quando completa fuerit spes, & ideo ejusdem ordinis est ex suo modo absentia boni sperati, cujus est presentia ejusdem boni sperati: presentia autem summi boni per spem Christianam sperati, est supernaturalis; ergo & absentia illius suo modo supernaturalis est: nam privatio ad habitum reducitur. Unde illa absentia sola ratione naturali spectata non apprehenderetur per modum privationis, sed puræ negationis, & ideo nec judicaretur malum aliquod, vel incommodum, ad quod repellendum per spem esset tendendum, & hoc sensu dicimus, etiam absentiam illius boni, ut est conditio, seu circumstantia objecti sperandi, non pertinere ad ordinem naturæ. Denique arduitas etiam illius boni vires naturales hominis excedit, quia intrinsece, ac primatio nascitur ex supernaturalitate, & excellentia tum ipsius objecti, & finis ultimi consequendi, tum etiam mediorum, per quæ est comparandum. Ergo tale objectum est simpliciter supernaturale respectu virium naturalium liberi arbitrii; ergo etiam spes tali objecto proportionata est in sua essentia supernaturalis. Cui etiam accedit in natura lapsa arduitas, quæ ex naturæ corruptione, & concupiscentiæ inordinatione oritur, quæ si attente pensetur, adeo arduum, & difficile reddit objectum illud, ut ratione illius non possit efficaciter intendi per solas vires liberi arbitrii, ut mox explicabo. Et hic discursus magis in sequenti capite robotabitur.

Confr. 2.
ex ratione
arduitatis

Corollar.
gratiæ auxilium etiam requiritur ut physicum principium spei

Arg. solvitur in n. 4. propositum

12 Atque hinc sequitur, gratiæ auxilium esse per se necessarium ad actum spei, non solum ut moraliter excitans, alliciens, & adjuvans, sed etiam ut dans voluntati aliquod supernaturale principium physice adjuvans illam ad talem actum efficiendum, sicut de fide diximus. Est enim eadem ratio supposito fundamento, quod talis actus sit in se supernaturalis: unde quæ in hoc puncto de fide diximus, sunt hic cum proportionem applicanda. Neque contra hoc obstat ratio dubitandi in principio posita. Ut enim omittam dubitari posse, an diversa propositio objecti appetendi, vel sperandi, naturalis, vel supernaturalis sufficiat ad similem distinctionem actuum voluntatis, de quo puncto alibi dicam; in presenti jam ostendimus in objecto, quod per fidem sperandum proponitur, non solum cognitionem, seu applicationem objecti, sed etiam objectum ipsum esse supernaturale, tam quoad fundamentum spei, quam quoad bonum speratum.

Progred. solutio

13 Fundamentum enim Christianæ spei, est ipsum verbum Dei, juxta illud Psalm. 118. *Memor esto verbi tui servo tuo, in quo mihi spem dedisti.* Quod verbum licet per fidem credatur, nihilominus ut voluntas erigatur ad sperandum, solum in Dei verbo, promissione, potestate, ac voluntate nixa, indiget speciali auxilio, & elevatione Dei. Sicut ergo fides supernaturalis est, quia soli Deo adhibetur, ita spes excedit vires naturales, quia in Deo supernaturaliter promittente fundatur. Et ideo Petrus æqualiter dixit, *ut fides vestra, & spes sit in Deo.* Et hac ratione utitur D. Th. in 2. 2. q. 17. Addit vero in 1. 2. q. 63. ar. 3. ad 2. etiam spem excedere virtutem naturæ proportionatam ex parte objecti, seu boni, quod speratur, quia nimirum, est quoddam summum bonum excedens naturalem facultatem, & capacitatem humanam. In quem sensum exponit Bernard. serm. 9. in Psal. *Qui habitat, illa verba. Quoniam tu es Domine spes mea, altissimum posuisti refugium tuum, dicens: Forte aliquid amplius sonat, & sublimius, quod videlicet non modo in eo sperat, sed eum. Convenientius siquidem spes nostra di-*

Snarez Tom. VI.

ctetur, quod speramus, quam in quo speramus. Additque inferius, utrumque, indicatum esse a Ieremia Thren. 3. dicente. *Bonus est Dominus sperantibus in se, anima quærenti illum.* Utroque ergo titulo spes Christiana supernaturalis est, quod & in solo Deo sperat, & solum Deum, ut supernaturalis beatitudinis objectum sperat, nam si aliquid aliud sperat, totum est in ipso, & propter ipsum. Nec refert, quod fides hoc objectum proponendo præcedat. Nam totum hoc tenet se ex parte objecti, quod superat naturales vires voluntatis, quas non præbet fides sola, & ideo necessaria est specialis gratia, quæ ad eliciendum spei actum, voluntatem juvet.

14 Tandem potest in hoc capite interrogari, quod supra de fide tractatum est, an possit voluntas nostra solis naturalibus viribus aliquem actum spei naturalis, & acquisitæ de bonis a Deo promissis elicere. Sed de hoc non oportet novam texere disputationem, eadem enim est resolutio, & eodem modo explicanda. Primo igitur proposita per fidem beatitudine a Deo promissa, poterit voluntas naturali affectu ad illam ferri, eaque aequaliter sperare. Ita docuit Molina in Concordia quæst. 14. artic. 13. disput. 13. in quo ab aliquibus ejus doctrina notata est, sed immerito, quia non est major ratio de fide, quam de spe; imo supposita fide, videtur facilius spem aliquam naturalem posse concipere, ut ratio in principio hujus capituli facta ostendit. Et ita Scot. in 3. dist. 26. ad tertium eodem modo de spe opinatur, quod de fide, & idem habet ibi Durandus quæstione prima, numero sexto, & Gabriel ibi articulo primo, & Cajetanus 2. 2. quæstione 17. articulo quinto in principio expresse ponit habitum spei acquisitæ, addit vero, & recte, illum non sufficere, ad eliciendum actum proportionatum supernaturali objecto, sed alium imperfectum, & acquisitum. Denique Soto, & alii, qui censent, actus omnes supernaturales esse naturales, quoad substantiam, consequenter coguntur ponere aliquem actum spei, qui possit fieri viribus naturæ. Potest etiam probari inductione, nam ludæi aliquam spem habent consequendi beatitudinem, quæ sine dubio supernaturalis non est, nec per auxilium gratiæ fit. Idem est certius de hæreticis, qui supernaturales promissiones expressius credunt. Unde constat, non solum posse concipi spem aliquam, supposita fide infusa promissionum, sed etiam supposita fide acquisita, hanc enim solam habent hæretici. Imo sæpe habent firmam quandam & temerariam fiduciam in sola falsa fide suorum errorum fundata, ut de hæreticis hujus temporis dixit Concilio Tridentino sessione sexta cap. 9.

15 Secundo vero addendum est, hanc spem acquisitam, sicut specie, & substantia longe diversa est ab spe infusa, ita etiam objecto, & motivo, modo, ac perfectione sperandi. Hæc omnia fere eodem modo explicanda sunt in spe, ac in fide. Nam in primis etiam si bonum speratum in se supernaturale sit, spes acquisita non tendit in illud, ut supernaturale est, sed solum sub generali ratione commodi, & convenientis naturæ, quia ille actus non procedit, nisi naturali appetitui voluntatis communisuratus; appetitus autem naturalis sistit in bono proportionato, & convenienti naturæ. Deinde licet illud bonum speretur a Deo, non tamen ut ab authore gratiæ, vel supernaturali, nec firmiter innitendo promissioni ejus, sicut oportet. Sperare enim a Deo aliquod bonum, vel præmium, si absolute sumatur, non excedit naturales vires rationis, aut voluntatis humanæ. Qui enim per rationem naturalem cognoverit Deum habere providentiam rerum humanarum, & præmium aliquod pro bonis operibus esse redditurum, & pœnam pro malis, potest sperare a Deo aliquod præmium honestæ vitæ, sicut potest etiam naturaliter pœnam timere. Illa autem spes solum est in Deo, & authore naturæ, & non tam fundatur in promissione ejus, quam in sapientia, prudentia, justitia, vel bonitate ejus.

16 Qui autem fide humana credit, Deum præmiū supernaturale pro meritis, & auxilia ad bene operandum, & gratiam ad remissionem peccatorum obtin-

An possit dari sine gratia. Ipse naturalis de bonis a Deo promissis. Vera resolutio affirmans

In quibus spes hæc acquisita ab infusa distinguitur

Declarat. amplius

nendam promississe; quamvis possit hæc sperare humana, & acquisita spe, nihilominus sicut non amat illa bona, ut supernaturalia sunt, ita nec tendit ad illa, ut supernaturaliter possibilia, sed ut possibilia simpliciter, & confuse, quasi præsciindendo a modo, quo sunt possibilia, quia vires naturæ non ultra extenduntur. Imo licet quis per fidem infusam credat, objectum sperandum esse possibile per virtutem divinam superantem ordinem naturæ; nihilominus si solo naturali affectu voluntas in illud objectum sic propositum feratur, non nititur in Deo ut auctore supernaturali, sed tantum ut est causa a qua habet tale objectum, ut sit possibile, & similiter non fundatur in permissione ejus, ut movere potest ex sola Dei auctoritate ad fidendum in illa, sed quatenus adjunctis humanis conjecturis, constituit illud objectum in ratione futuri, vel absolute, vel sub conditione aliqua. Unde fit, ut talis spes nunquam sit tam certa, & firma, quantum esse debet Christiana spes, quia vel non supponit certitudinem fidei in intellectu, a qua debet spes suam certitudinem, & firmitatem mutuari, vel quia licet in homine fidei illa certitudo supponatur in intellectu, voluntas naturaliter sperando illi fidei non conformatur adæquate, sed tantum secundum quandam communem rationem fidei in ista fundatur. Unde verisimilius est, etiam hominem fidelem eo tempore, quo tantum humano modo sperat, non uti actu fide infusa ad judicandum de bonis sperandis, sed humano etiam modo illa considerare, & credere. Denique ex alio etiam capite deficit omnis spes acquisita a perfectione infusæ, quia licet esse possit absoluta, & efficax circa aliquod particulare bonum, non tamen circa omnia, & præsertim circa supernaturalem beatitudinem consequendam, & circa Deum, ut est objectum ejus, ut in sequenti capite commodius explicabo.

C A P U T XIII.

Utrum ad amandum Deum amore concupiscentiæ, ut est summum bonum, & commodum hominis amanti, sit auxilium gratiæ necessarium?

1. Sent. 1. **H**OC dubium non invenio ab Scholasticis peculiariter morum, sed communiter idem judicare videntur de hoc amore, quod de spe, quia vel unum actum cum alio confundunt, ut Major in 3. d. 26. & alii, vel quia sentiunt, spem oriri ex amore concupiscentiæ, ut D. Thom., Scotus, & alii infra referendi. Nihilominus tamen quidam gravis author modernus distinguendo amorem concupiscentiæ Dei ab spe, & amore charitatis ejusdem Dei, & bene sentiendo, actum spei, sicut & charitatis, esse supernaturales in substantia, de amore concupiscentiæ Dei, etiam ut est bonum supernaturaliter beatificans hominem, dicit esse actum naturalem, & acquisitum, ad quem non indiget voluntas habitu infuso. Cujus sententiæ hæc fundamenta ex auctore tantum elicio,

2. Primum est, quia amor ille concupiscentiæ Dei, est amor amicitiae, seu benevolentiae hominis ad se ipsum; sed amor sui est naturalis; ergo etiam ille amor concupiscentiæ Dei naturalis est, Major constat ex illa doctrina vulgari, quod amare, teste Aristot., est velle alicui bonum. Ideoque in amore duo distinguenda esse, scilicet bonum, quod volo, & personam, cui volo, & respectu boni amari dicitur amor concupiscentiæ, respectu vero personæ, cui amatur, dicitur amicitiae. Unde sub hac ratione amor amicitiae, & concupiscentiæ non sunt duo actus, vel duo amores, sed idem amor secundum duos respectus, quamvis in alio sensu amor amicitiae, & concupiscentiæ re ipsa distingui soleant respectu ejusdem personæ, nam si illam amem, ut cui bonum volo, est amicitia, si vero eandem diligam mihi, ut bonum meum, est amor concupiscentiæ ejusdem personæ, licet respectu mei, cui illud bonum volo, sit amicitia, vel proprius loquendo, benevolentia. Hoc ergo modo in præsentem amor, qui est concupiscentiæ ad Deum, est amicitiae ad se ipsum. Constat autem amorem sui esse maxime naturalem,

quia oritur ex naturali complacentia, quam unusquisque habet ad seipsum, quæ maxime naturalis est; ergo. Confirmatur, quia amor Dei distinguitur ab omnibus in naturalem, & supernaturalem, sed amor supernaturalis ad Deum, est amor amicitiae, quia est amor charitatis, nec potest amicitia ad Deum esse naturalis; ergo per amorem naturalem intelligendus est amor concupiscentiæ.

3. Secundum principale fundamentum esse potest, quia si amor concupiscentiæ ad Deum esset supernaturalis, postulare virtutem infusam, a qua eliceretur, nam eadem esset ratio de illo actu, quæ de cæteris: nulla autem talis virtus nobis infunditur. Quia si aliqua esset, profecto esset theologalis, quia immediate attingeret Deum, amando illum nobis; non est autem fides, ut per se constat, nec charitas, quia amor amicitiae Dei distinguitur specie, & quali genere ab amore concupiscentiæ; nec est spes; ergo vel est quarta virtus theologalis, quod repugnat Paulo 1. Cor. 13. dicenti: *Nunc autem manent tria hæc, &c.* vel nulla est talis virtus infusa, & consequenter nec actus ejus supernaturalis est.

4. Superest solum probandum, illam virtutem non esse spem. Quod probatur primo, quia amor, & spes sunt actus omnino distincti. Secundo, quia in actu spei est specialis difficultas, ratione cujus necessaria est virtus spei, quæ difficultas in amore concupiscentiæ non reperitur. Nam spes respicit beatitudinem, ut est bonum arduum consequendum virtute divina, & ita non habet, quod sit supernaturalis ex eo, quod speratur, sed ex eo, a quo speratur, sc. a Deo supernaturaliter operante. Quæ ratio cessat in amore, quia amor non versatur circa Deum, ut ab ipso futura est consecutio beatitudinis, vel alius boni, sed præcise ut circum rem concupitam nobis convenientem, quia maxime naturale est, & in tali actu, nec invenitur formalis ratio habitus spei, nec ulla ratio, ob quam sit supernaturalis. Tertio, quia amor concupiscentiæ in beatitudine permanebit, & tamen ibi non erit habitus spei, a quo elici possit. Quarto, quia si amor concupiscentiæ esset actus elicited a virtute spei, per contrarium actum, v. g. per odium, vel nolitionem absolutam supernaturalis beatitudinis, amitteretur virtus spei, quia virtus infusa per unum actum contrarium amittitur: consequens autem est falsum, quia cum illo odio, vel nolitione stat, non desperare de beatitudinis consecutione, & spes juxta communem sententiam solum per desperationem perditur.

5. Denique dictus author, ne videatur nimium tribuere libero arbitrio, addit, licet hic actus amoris in se, & substantia sua naturalis sit, nihilominus non posse fieri sine gratia movente. Quæ autem sit hæc gratia movens, vel qua ratione dicatur esse necessaria ad actum alioqui naturalem, dictus author non declarat. Videtur autem juxta sua principia per gratiam moventem intelligere cognitionem congruam naturalem ejusdem ordinis cum ipso amore, quamvis revelationem, & doctrinam supponat. Ratio autem illius necessitatis erit, quia ille actus amoris de se bonus est, ideoque fieri non potest sine cogitatione congrua, & honesta, sic enim de aliis actibus bonis, & naturalibus citatus author censet, neque in præsentem majorem, vel specialem rationem gratiæ declarat. Bannez 2.2. q. 17. ar. 8. in assertione convenit, dicens hunc amorem esse naturalem, licet spes in illo fundata sit ab speciali auxilio: unde sentit amorem non esse absque speciali gratiæ auxilio.

6. Nihilominus dicendum censeo, amorem concupiscentiæ Dei, ut est supremum bonum nostrum in ratione objecti beatifici, esse actum per se infusum, & ejusdem ordinis cum aliis actibus virtutum Theologicarum. Hæc videtur esse communis sententia Theologorum, quam in primis sumo ex D. Th. 2.2. q. 17. ar. 8. ubi posita distinctione duplicis amoris Dei, amicitiae, & concupiscentiæ, dicit: *prior pertinet ad charitatem, sed spes pertinet ad secundum amorem, quia ille, qui sperat, aliquid sibi obtinere intendit.* Et in solut. ad 2. dicit, spem provenire ex amore concupiscentiæ; ergo plane sentit, amorem hunc esse ejusdem ordinis cum spe; tum quia non potest actus infusus per se provenire ex habitu

2. Fund.

Prob. 1. minoris pars, quod hic amor ob spe infusa inon possit procedere. Primo Secundo

Tertio

Quarto

Hunc tamen actum sine gratia fieri non posse concedit Vasq.

Vera alio tertio

habitu naturali, & acquisito, nec amor naturalis esse potest principium spei supernaturalis. Unde nulla convenienti ratione dici potest spes infusa ad amorem acquisitum, seu naturalem pertinere. Similem doctrinam habet D. Thom. quæst. de Spe, seu 4. de virtutib. art. 3. in corpore, & in pluribus argumentorum solutionibus. Quæ loca cum multis aliis congerit Cap. in 3. d. 26. a. 3. ad 1. & 2. ubi idem sentit de amore concupiscentiæ Dei, quod de spe. Et eodem modo loquuntur ibi Theologi, omnes enim docent, spem ad amorem concupiscentiæ pertinere. Imo aliqui dicunt, esse ipsum, amorem concupiscentiæ Dei, ut Maior in 3. d. 26. q. 2. & post quæstionem secundam, in dubio illi adjuncto: nec dissentit Gabr. ibi. Unde necesse est, ut isti dicant amorem concupiscentiæ esse infusum, cum id non possint de spe negare, & eundem actum esse sentiant. Cæteri vero, qui illos distinguunt, saltem dicunt, spem ad amorem concupiscentiæ pertinere, vel in illo fundari, in quo etiam ejusdem ordinis esse supponunt.

Prob. 1. 2
simili de
gaudio
beatifico

7 Simili modo Theologi in 4. dist. 49. gaudium, seu fruitionem de præsentia, seu possessione Dei per visionem beatificam ejusdem ordinis esse censent cum ipsa visione supernaturali. Unde aliqui putant, esse etiam de essentia illius beatitudinis, ut Richard. ibi art. 1. q. 6. & in solut. ad 4. addit, etiam ipsum amorem concupiscentiæ Dei esse de essentia illius beatitudinis, quam fuisse illorum opinionem refert ibi Bassol. q. 2. art. 3. quam ille omnino non reiicit. Alii vero omnes saltem censent, gaudium illud esse proprietatem intrinsece consequentem illam beatitudinem, & necessariam ad perfectionem, & statum quasi intrinsecum ejus, sicut loquitur Div. Thom. 1. 2. q. 4. art. 1. & ibi expositores, & alii Theologi in 4. d. 29. sive utantur nomine delectationis, aut gaudii, sive fruitionis, & tamen omnes etiam dicunt, illud gaudium pertinere ad amorem concupiscentiæ, quem propterea censent, esse etiam necessarium in illa beatitudine, sive sit idem cum gaudio, sive proxima causa ejus. Unde etiam supponunt esse infusum, & ejusdem ordinis cum ipsa supernaturali beatitudine. Specialiter vero hanc sententiam docuit Medin. 1. 2. q. 62. art. 4. in ultimo dub. §. Denique. Ubi dicit, hunc amorem ex divino auxilio procedere, sicut pia affectio voluntatis est donum Dei.

Prob. 2.
priori

8 Ratio a priori hujus veritatis est, quia objectum hujus amoris etiam est supernaturale, & ut tale amatur illo amore; ergo ut amor ille proportionatus sit, & perfectus intra suum genus, oportet, ut sit supernaturalis, & ejusdem ordinis cum supernaturali beatitudine, ac proinde per se infusus. Major patet, quia objectum illius amoris est Deus, ut est beatitudo hominis objectiva, respectu illius beatitudinis formalis, quæ in clara Dei visione consistit; ergo sicut visio ipsa est supernaturalis, ita etiam Deus, ut objectum ejus est objectum supernaturale. Respondent aliqui, esse objectum supernaturale respectu visionis, non vero respectu amoris concupiscentiæ. Sed hoc non recte dicitur; tum quia etiam ipsa visio est formalis perfectio supernaturalis hominis; ergo si respectu visionis est Deus supernaturale objectum, etiam ut est summum hominis bonum, est supernaturale bonum ejusdem hominis; ergo etiam respectu amoris concupiscentiæ est objectum supernaturale, quia est objectum, quatenus est bonum, & conveniens amanti; ergo si ut bonum illius est supernaturale, & ipsa ratio, ob quam est illi conveniens, est etiam supernaturalis, quia visionem claram involvit, etiam in ratione objecti amabilis est supernaturale. Tum etiam quia ipsa visio beata eo ipso, quod est supernaturalis in se, ut in consecutione, seu effectione sua, etiam est supernaturalis in ratione objecti appetibilis, & ideo fieri non potest, ut naturalis appetitus in illam feratur, ut probabilior opinio Theologorum fert.

Evasio nõ
satisfacit.

Objectio

9 Dices, id esse verum de appetitu innato, & metaphorico, non vero de appetitu elicito; nam posita cognitio talis visionis, & persuasione, quod sit possibile, homo naturaliter illam potest appetere, & desiderare, & ita in ratione appetibilis ipsa est objectum

Suarez, Tom. VI.

naturale. Respondeo, ideo additam esse in nostra ratione minorem propositionem, in qua subsumitur sermonem esse de amore perfecto in suo ordine, & proportionato tali objecto, ut supernaturale est. Nam licet forte beatitudo illa, vel visio Dei proposita homini, naturali actu elicito possit ab illo aliquo modo appeti, non tamen amore absoluto efficaci, & perfecto, sed ad summum simplici quodam affectu, & desiderio, quia non potest ille amor esse talis per vires naturæ, ut moveat hominem efficaciter ad quærendum illud bonum, cum per naturales vires quæri non possit. Unde etiam fit, ut ille naturalis appetitus elicitus, licet materialiter tendat in visionem beatam, non tamen illam ut supernaturalem attingat, sed sub quadam communi ratione boni, & commodi proprii, quasi confundendo illam cum beatitudine in communi, quia non potest naturalis appetitus suis viribus altius assurgere. At vero amor, de quo in præsentia loquimur, esse debet amor proportionatus illi objecto ut supernaturali bono summo per fidem cognito, & sub illa ratione specifica, & propria illud attingens. Quia licet non sit necesse, supernaturalitatem talis beatitudinis, quasi formaliter, & in actu signato considerare, oportet tamen excellentiam illius beatitudinis ita apprehendere, ut virtute saltem, & quasi in actu exercito secundum propriam rationem, qua supernaturalis est, consideretur, & amanda voluntati proponatur. Ac deinde loquimur præcipue de amore perfecto in suo ordine, hoc est, absoluto, & efficaci, qui virtute includat propositum servandi omnia necessaria ad illum amorem, quod valde excedit vires naturales voluntatis, ut mox explicabimus; ergo Deus ut sic amabilis, est objectum superioris ordinis, & amor illi proportionatus est ejusdem ordinis, & infusus.

Dilatio

10 A posteriori vero potest hæc ratio, & assertio variis modis confirmari ex his, quæ referendo Theologos attingimus. Primo, quia hic amor, si sit efficax, & perfectus, generat, & inducit spem, & e contrario spes intrinsece supponit hunc amorem, quia non speratur, nisi quod amatur, sicut non timetur, nisi quia fugitur, seu odio habetur. Sed amor mere acquisitus, & naturalis non potest erigere animum ad motum spei perfectum, & infusum, quia illa est dependentia essentialis, & per se, & ideo debet fervari proportio inter actus. Sicut naturalis motus intentionis alicujus finis non potest movere ad supernaturalem electionem mediorum, & assensus naturalis alicujus principii non potest generare assensum fidei infusæ, & sic de aliis. Optimeque confirmatur ex dictis de voluntate credendi, quam esse supernaturalem, & infusam, supra ex doctrina Concilior. ostendimus, & inter alias reddidimus rationem, quia naturalis voluntas non possit movere intellectum ad assensum supernaturalem; ergo similiter in præsentia, cum spes per se supponat amorem concupiscentiæ boni sperati, & ab illo procedat, non potest amor ille esse mere naturalis, & acquisitus, nam talis amor nullo modo potest ad spem infusam, & supernaturalem sufficientem movere.

Prob. 3.
varius rationibus a
posteriori
Prima.

11 Secundo hic amor Dei, licet non sit tam perfectus, sicut amor amicitie, & comparatione illius, non sit ita super omnia, sicut est ille, nihilominus est super omnia concupiscibilia, quia in eo genere est ultimum, & maximum bonum, ut dixit D. Thom. in 4. d. 49. q. 1. ar. 2. quæst. 1. ad 3. & Bonav. in 3. d. 26. ar. 2. q. 3. & in superiori lib. tractando de amore Dei c. 25. & 26. in fine ostendi, etiam amorem concupiscentiæ Dei esse super omnia, & includere virtute observantiam omnium, quæ ad consequendam beatitudinem necessaria sunt: ergo talis amor est supra vires naturales voluntatis. Simili enim ratione in præcedenti lib. c. 25. & 26. conclusimus, non posse hominem in natura lapsa diligere super omnia, etiam amore concupiscentiæ perfecto, Deum ut authorem naturæ sine auxilio gratiæ, quia talis amor, etiam virtute includit observantiam omnium præceptorum naturalium. In præsentia autem hic amor includit virtute observantiam omnium præceptorum, etiam supernaturalium, nam sine illa non potest hic amor esse absolutus, & perfectus. Cum enim hic amor uniat hominem Deo ut objecto suæ ultimæ,

Secunda

& supernaturalis felicitatis; si absolutus & perfectus sit, necesse est, ut virtute includat affectum ad media etiam supernaturalia, vel cujuscunque ordinis sint. Ergo ad talem actum non solum est necessarium auxilium gratiæ, sed etiam actus ipse est per se supernaturalis ordinis gratiæ, cum per se ad supernaturalia objecta, & præcepta se extendat.

Tertio ab
exemplo
de gaudiis

22 Tertio sumitur optimum argumentum a gaudio ad amorem. Nam gaudium de Deo duplex est, sicut & amor: unum, quo gaudemus de bonis, vel quæ Deus in se habet, vel quæ ad illius honorem quovis modo pertinent. Et hoc est gaudium amicitiae, quod a charitate manat, & sine ulla dubitatione supernaturalis est, & per se infusus. Aliud est gaudium de Deo, ut est bonum nostrum, & a nobis aliquo modo possessum, quod erit perfectum in patria, & in via potest esse inchoatum; & hoc gaudium ad amorem concupiscentiæ pertinet, quia est de bono proprio. Hinc ergo sumitur ratio, nam hoc etiam gaudium in Deo, & de Deo est ordinis supernaturalis; ergo etiam ipse amor concupiscentiæ Dei supernaturalis est. Consequentia est evidens, quia in hoc gaudio multo magis possunt procedere rationes sententiæ contrariæ, quam in amore; quia etiam pertinet ad amorem sui, cum sit de proprio commodo, & in eo cessare videtur difficultas, & arduitas, quæ est in spe, & alioqui non habet objectum magis supernaturale, quam amor concupiscentiæ ejusdem Dei. Quod vero ad antecedens spectat, de gaudio, & fruitione patriæ, id profecto sentiunt omnes Theologi supra allegati, & de beatitudine scribentes, supponunt enim gaudium illud, quod naturaliter, id est, necessario, & connaturaliter sequitur ex visione, & amore Dei, esse supernaturale, & ejusdem ordinis cum ipsa visione. Et nihilominus explicant, gaudium illud non solum esse amicitiae de bonis in se, sed etiam concupiscentiæ de propria commoditate, & perfectione. Hæc vero duo gaudia esse distincta, & ex diversis principiis manare, diserte docet D. Thom. 2. 2. q. 28. art. 1. ad 3. & 1. 2. q. 4. art. 2. & 3. explicans delectationem beatorum, potissime loquitur de delectatione, quam habent ex eo, quod Deum ipsum possideant, & clare videant, quæ est delectatio proprii commodi, ac subinde ex amore concupiscentiæ Dei proveniens. Quod autem ad gaudium viæ spectat, D. Thom. in dicta solutione ad 3. illud tribuit spei. Affirmaverat enim gaudium esse effectum charitatis, in contrariumque objecerat verba Pauli ad Rom. 12. *Spe gaudentes*, & respondet, duplex esse Dei gaudium, unum de bonis Dei in se, & hoc esse charitatis effectum, aliud de bono divino, prout a nobis participatur, & hoc dicit procedere ex spe, per quam speramus divini boni fruitionem. Ergo utrumque gaudium sentit esse infusum, & proportionatum virtuti infusæ, a qua procedit, & ad hoc gaudium nos excitat Christus Matth. 6. dicens, *Gaudete, & exultate, quoniam merces vestra copiosa est in cælis*.

Quarta ab
exemplo
de timore
gehennæ

13 Quarto non minus efficax argumentum ex equiparatione spei ad timorem gehennæ, vel amissionis beatitudinis sumi potest. Timor enim inferni, seu amittendi supernaturalem beatitudinem, actus est supernaturalis ordinis; ergo etiam amor illius beatitudinis, seu Dei, ut est summum bonum nostrum, est actus ejusdem ordinis, & infusus. Antecedens sumitur ex Concil. Trid. sess. 6. c. 6. ubi inter dispositiones ad justificationem numerat timorem divinæ justitiæ, quo peccatores utuntur concutiuntur per divinæ gratiæ auxilium, & ex sess. 14. cap. 4. ubi docet, attritionem ex metu gehennæ conceptam, Dei donum esse, & ex Spir. S. impulsu, & hominem ad remissionem peccati obtinendam preparare, vel remote extra sacramentum, vel proxime respectu sacramenti penitentiae. Ubi Concilium directe docet, attritionem ipsam, quæ est talis dolor de peccatis, esse Dei donum, & ex Spiritu S. impulsu, utique infuso, & supernaturali, nam juxta usum Conciliorum hoc significant, illa verba, *Dei donum*, & *Spir. S. impulsus*. Unde consequenter, & a fortiori tradit, timorem gehennæ, qui est principium talis doloris esse similiter Dei donum, & ex Spir. S. impulsu, sicut in priori lo-

co jam significaverat; sentit ergo illum timorem actum infusum, & supernaturalis ordinis esse. Consequentia vero probatur, quia timor gehennæ, ut est infusus, & supernaturalis, præcipue nititur in amorem ejusdem beatitudinis supernaturalis, *illud enim timet homo amittere, quod amat*, ut dixit D. Thom. 2. 2. q. 19. art. 3. ex August. lib. 83. quæst. in 33. unde quatenus ille timor est de malo proprio, ad amorem concupiscentiæ contrarii boni pertinet, & in illo fundatur, ac proinde sub hac ratione pertinet ad amorem sui, ut docet idem D. Thom. d. q. 19. art. 6. & notavit Bonav. in 3. d. 29. art. 2. q. 3. ad 4. Ergo si hoc non obstat, quominus hic timor infusus sit, multo magis amor, ex quo nascitur, erit infusus. Pater consequentia; tum quia propter quod unumquodque tale, & illud magis; tum etiam quia ille amor est quasi proprium, & connaturale principium talis timoris, non potest autem effectus excellentioris ordinis esse, quam causa. Unde recte dixit D. Thom. dicto art. 6. *ejusdem rationis esse, quod homo cupiat proprium bonum, & quod timeat eo privari*.

14 Ultimo argumentari possumus ex effectu meriti, nam hic amor est sufficiens principium meriti, vel de condigno, si sit in persona grata, vel saltem de congruo, si sit in peccatore; ergo signum est, objectum, & motivum illius actus esse supernaturale, ac subinde actum ipsum esse infusum, & supernaturalis ordinis. Consequentia probatur, quia ut actus sit meritorius supernaturalis præmii, seu mercedis, necesse est, ut ex motivo aliquo, vel fine supernaturali fiat, vel imperetur, ut in libro ultimo hujus materiæ ostendimus, & nunc breviter intelligi potest ex illa sententia libri de Ecclesiastic. dogmat. c. 64. *Melior est continentia (utique quam nuptiæ) sed non sibi sufficit ad beatitudinem, si pro solo amore pudicitiae retinetur, sed si & cum affectu, causa vacandi Domino eligatur*. Eademque ratio est de aliis humanis actibus, ut dixit Div. Thomas in 3. distinct. 26. quæst. 2. artic. 1. ad 5. Qui tamen, si fiant ex amore mercenario (ut sic dicam) beatitudinis æternæ, & propter illam comparandam, meritorii erunt; signum ergo est, amorem illum, & finem supernaturalem esse. Assumptum probatur ex illo Psalm. 118. *Inclinavi cor meum ad faciendas justificationes tuas, propter retributionem*. Quod maxime intelligendum est de retributione æternæ. Nam pro hac retributione laborantes mercenarii laudantur, ut dixit D. Thom. 1. Cor. 3. lect. 2. in principio, ponderans verba filii prodigi, *Quanti mercenarii in domo Patris mei abundant panibus, &c.* Luc. 15. quæ factio pater probavit. Et evidentius id colligitur ex parabola vineæ Matth. 20. Imo de Moyse id laudavit Paulus, cum de illo dixit ad Heb. 11. *Aspiciebat n. in remunerationem*, & Christus Dominus Matth. 5. hoc etiam motivo nos allicit ad ferendas hujus vitæ tribulationes, dicens, *Gaudete, & exultate, quoniam merces vestra copiosa est in cælis*. Ergo signum est, illud motivum & honestissimum esse, & supernaturale, ac divinum, & ad meritum ejusdem mercedis sufficiens, si alioqui persona sit grata Deo, si vero sit in peccato, erit aliqualis dispositio, & impetratorium meritum. Nam si dolor de peccato ex timore inferni, est dispositio ad gratiam, quomodo dolor de peccato ex amore beatitudinis, etiam si mercenario, seu concupiscentiæ non erit melior dispositio, licet imperfecta respectu contritionis perfectæ? Et similiter elemosyna facta a peccatore intuitu obtinendi a Deo auxilium ad vitam mutandam, etiam si faciat illam ex timore Dei, erit aliquale meritum divinæ misericordiæ, & auxilii: ergo idem erit, si fiat ex amore propriæ felicitatis supernaturalis: hic ergo amor supernaturalis est, & per se ad ordinem gratiæ spectans.

15 Ex quibus omnibus concludimus, amorem hunc esse in specie, ac entitate sua supernaturalem, sicut est actus spei, hoc enim necessarium est, ut sit actus ordinis supernaturalis, & per se infusus; imo hæc verba idem aliter, & aliter significant ad eandem rem melius explicandam. Unde idem probant omnes rationes adductæ tam ex objecto, quam ex effectibus hujus amoris, & ex aliis conjecturis. Ac denique hinc concluditur,

Ultima
ex ratio-
ne meriti

Conclud.
hunc actum
esse in
specie su-
pernatu-
ralem

ad hunc actum necessarium esse gratiæ auxilium, non per accidens, propter aliquam difficultatem extrinsecus advenientem, sed per se, propter dignitatem actus, & objecti ejus, sicut in spe explicatum est, neque est necessaria alia probatio, quia consecutio est per se manifesta. Unde facile reicitur, quod de cogitatione congrua dicebatur, quia satis in lib. 1. ostensum est, cogitationem naturalem ex eo solum, quod sit congrua in ordine ad naturalem actionem, non esse gratiam propriè dictam, multoque minus esse auxilium gratiæ, & ideo perinde est, dicere, ad hunc amorem solum requiri gratiam consistentem in cogitatione congrua naturali, ac dicere, nullam gratiam esse ad illum actum, necessariam, quod quam sit falsum, constat ex dictis.

16 Ad primum ergo fundamentum contrariæ sententiæ concedimus, hunc amorem concupiscentiæ Dei, seu beatitudinis, esse amorem benevolentiae sui ipsius, dicimus autem amorem sui in homine non solum posse esse honestum, sed etiam supernaturalem, & hujusmodi esse benevolentiam illam, qua mihi volo Deum, ut felicitatis supernaturalis objectum est. Sicut mater cum efficaciter desiderat filio æternam felicitatem, supernaturaliter movetur, quia licet illud desiderium sit ex amore concupiscentiæ ad felicitatem æternam, & ex benevolentia ad filium, nihilominus illa benevolentia supernaturalis est, quia est de objecto, & supernaturali motivo, a quo species actus sumitur. Sic ergo in præsentī amor, quo sibi aliquis vult tantum, ac tale bonum, licet sit amor benevolentiae sui, supernaturalis est, quia non est potens natura ad se diligendum tam perfectō amore, & quia species amoris non sumitur ex persona, cui bonum diligitur, sed ex bono, quod illi concupiscitur.

17 Ad probationem autem, quæ ibi insinuabatur, quia ille amor provenit ex complacentia sui, respondeo, varios sensus posse habere verba illa, ideoque distinctione opus esse. Aut enim est sensus, illam complacentiam sui esse actum naturalem amoris ad se ipsum, quo aliquis sibi complacet in bono suæ naturæ, distinctum ab illo actu, quo sibi amat Deum, & priorem illo, & ab illo actu procedere dictum Dei amorem: & in hoc sensu falsa est propositio, quia talis complacentia sui non necessario præcedit omnem amorem concupiscentiæ, qui ad amantem per modum benevolentiae terminatur; ergo non est, cur fingamus, præcedere amorem concupiscentiæ Dei. Consequentia per se clara est, donec specialis ratio differentiae assignetur, quoad arbitror fieri non posse. Antecedens autem probatur inductione; nam amor, quo quis sibi concupiscit sanitatem, concupiscentiæ est respectu sanitatis, & benevolentiae ad se: ille autem amor non supponit aliam complacentiam sui, sed ipsemet est quedam complacentia, vel in sanitate, ut sibi conveniente, vel in se, ut sanitate affecto. Idem est in amore illius amicitiae: vel ob utilitatem, vel ob voluptatem, in utraque enim diligitur amicus amore concupiscentiæ, nam ipse amans sibi vult amicum, & ita se per benevolentiam eodem actu amat, & tamen ille amor non supponit aliam complacentiam sui, ut potest eodem modo declarari, & videtur usu ipso notum. Unde neque Aristot. neque alius author talem actum priorem necessarium esse dixit. Idque est de amore naturali, quo possumus nobis diligere Deum in creatorem, conservatorem, vel finem nostrum in bonum nostrum, & naturæ proportionatum.

18 Ratio autem generalis est, quia omnis complacentia sui, si est verus actus amoris benevolentiae ipsiusmet amantis, necessario esse debet amor concupiscentiæ alicujus boni, quod quis sibi velit, quia amare aliquem est velle illi bonum, teste Arist. 2. Rhetor. cap. 4. & ideo in omni amore est aliquid amatum amore concupiscentiæ, & aliquid amore benevolentiae, seu amicitiae, ut est communis doctrina cum D. Thoma 1. 2. q. 26. art. 4. licet hæc interdum re distinguantur, ut in exemplis adductis constat, interdum ratione, ut patet in amore Dei propter intrinsecam bonitatem, quam in se habet. Si ergo amor concupiscentiæ Dei supponit alium actum complacentiæ sui, qui

sit verus amor sui, necesse est in illo declarare, quodnam sit bonum, quod homo sibi vult, & in quo sibi complacet: nam vel illud est bonum supernaturale, & ita de illa etiam dicetur, supponere aliam complacentiam sui, & sic procedetur sine termino: nam si in illo sistatur, quia supernaturalis amor est, talem esse nos dicimus, amorem concupiscentiæ Dei, ut author est gratiæ, & finis supernaturalis, ideo esse primum in illo ordine, quia est facilior, & minus perfectus, & nulla est ratio, cur supponat alium. Vel bonum illud est naturale, & illud solum cogitari potest, quod sit ipsa naturalis perfectio animæ, & potentiarum ejus, quia omne aliud bonum naturale est impertinens ad fundandum amorem Dei, hoc autem videtur necessario supponi, ut natura capax sit altioris, & excellentioris boni, quod est Deus. Veruntamen licet hoc bonum naturæ necessario supponatur, ut fundamentum gratiæ, possitque homo in illo complacere amore naturali, priusquam sibi amet Deum, nihilominus nec ille amor naturalis per proprium actum elicitedum necessarius est; ut homo possit Deum sibi amare, neque etiam si contingat, illum amorem sui prius haberi, ex illo sequi potest amor Dei, ut supernaturale bonum est, cum sub ea ratione habeat necessariam connexionem cum bono naturæ. Est ergo ille amor impertinens, & interdum impedire potest amorem altioris Dei, si inordinatus sit, & homo nimis complacatur in se ipso: aliquando vero potest removere, & quasi per occasionem juvare, quatenus ex illo amore naturali sui moderato, & recto potest quis allici ad majorem suæ naturæ perfectionem generatim, & in universali. Quæ affectio licet non sufficiat, ut possit natura per se assurgere ad amandum sibi Deum, sicut oportet, quodammodo vero reddit illam magis capace, ut facilius elevari possit. Loquendo ergo absolute, & simpliciter, hic amor concupiscentiæ Dei primus est in suo ordine, nullumque alium amorem elicitedum supponit, vel necessarium, ut ipse eliciatur, vel a quo ipse necessario fiat, & ita propositio illa in dicto sensu falsa est, vel impertinens.

19 Si autem in illa propositione esset sermo, non de complacentia elicita, sed metaphorica, id est, de appetitu innato, quo unusquisque ad bonum suum naturaliter propensus est, sic verum esset, hanc complacentiam, vel dilectionem sui supponi ad omnem amorem concupiscentiæ cujuscunque boni, quod homo per proprium actum elicitedum appetit: quia appetitus elicitedus supponit naturalem, seu metaphoricum, sicut operatio supponit naturam. Hinc tamen non sequitur, omnem amorem sui elicitedum esse actum naturalem, si per illum aliquis sibi velit bonum supernaturale, quia prior ille amor naturalis, metaphoricus, & per impulsu naturalem non extenditur ad appetendum illo modo bonum supernaturale, quia tale est, & ideo amor elicitedus talis boni non proficiscitur ex priori appetitu innato tanquam a proprio principio, ac proinde non est ejusdem ordinis cum illo, licet supponat illum tanquam fundamentum remorum eo modo, quo gratia supponit naturam, vel quo inclinatio ad particulare bonum supponit propensionem ad communem rationem boni in bono particulari inclusam.

20 Ad confirmationem illi primo fundamento additam respondemus ex supra dictis, amorem Dei non distinguī in amorem naturalem & supernaturalem, propter amorem concupiscentiæ, & amicitiae, nam illa divisio prior est, & in utroque amore locum habet. Nam in libro præcedenti ostendimus, dari amorem amicitiae, seu benevolentiae Dei naturalem, & capite sequenti ostendimus, dari etiam supernaturalem. De concupiscentia vero clarius est, posse hominem naturaliter sibi diligere Deum ut bonum sibi necessarium, tam ut sit, & vivat, quam ut bene sit, & beate intra ordinem naturæ vivat: quamvis hunc etiam amorem non possit homo in natura lapsa habere perfectum sine aliquo Dei auxilio, ut superiori libro ostendimus. Ultra hunc vero amorem datur in homine ad supernaturalem finem elevato consideratio Dei, ut finis supernaturalis est, & ut author supernaturalium donorum, & huic statui dicimus correspondere

Ad 1.
fundam.
Vazq. sū
n. 2.

Explicat.
probatio
duplīter
atque reit.
citur in
1. sensu

Probatio
in 2. sensu
ad nicti-
tur, non
tamen est
confusa

Ad con-
firmatio-
nem
eodem mō

Ostendit.
a priori.
Amor bene-
volentiæ & con-
cupiscentiæ con-
jū-
guntur

aliū excellentiorem amorem concupiscentiæ Dei supernaturalem, & objecto suo proportionatum, Hic enim amor, licet per comparationem ad amorem charitatis dici solet imperfectus, in se, & specie sua, ac gradu est valde perfectus, cum virtute includat intentionem efficacem consequendi salutem, & æternam vitam, quæ valde supernaturalis est.

Ad 2. sūb.
in n. 3. quod
fundam
soluitur

21 In secundo principali argumento petebatur, a quo principio supernaturali, vel a qua virtute infusa hic actus producat. Ad quod potest quispiam respondere, non esse necessarium, ut procedat ab aliquo habitu infuso, vel principio permanente, sed satis esse, quod procedat ab auxilio Dei moventis supernaturaliter. Quod aliqui ita confirmant: nam hic amor concupiscentiæ Dei continetur sub communi ratione desiderii proprii commodi; sed ad hoc desiderium nullus habitus est necessarius; ergo nec ad illum amorem oportet dari habitum, etiam si supernaturalis sit. Sed hæc responsio admitti non potest, quia licet actus supernaturalis per auxilium solum possit interdum fieri, non tamen connaturali modo, nec per principium intrinsecum, quæ est unica ratio (seclusa autoritate) ad ponendos alios habitus infusos operativos; non est autem minor ratio in hoc actu, quam in cæteris. Quia (ut dicebam) licet hic amor imperfectus sit comparatione amoris charitatis; nihilominus in suo genere est valde perfectus, & supernaturalis, & ad proficiendum in sanctitate utilis; imo juxta humanam fragilitatem necessarius. Cum ergo voluntas ex se sit improporcionata ad hunc amorem, cur per habitum infusum non disponetur, & fiet principium aptum ad illum eliciendum? Nec confirmatio quidquam in contrarium suadet; quia licet amor proprii commodi possit abstrahi secundum rationem communem a commo naturali, & supernaturali, & ex ea parte, quæ illa ratio communis in naturali commo invenitur, possit esse naturalis, & fortasse ad illum non sit necessarius habitus. Nihilominus quando elevatur ad supernaturale bonum, quatenus tale est, diligendum, jam affectus est supernaturalis, & ideo ad illum necessarius est ejusdem ordinis habitus.

Altera solutio

22 Aliter responderi potest, hunc amorem elici ab habitu charitatis. Quam sententiam indicat Bonav. in 3. d. 27. art. 2. q. 2. ubi dicit, ad effectum charitatis spectare non tantum amare Deum amore amicitie, sed etiam concupiscentiæ: quia frui est amore inhaerere, & constat, quod frui Deo, est per charitatem. Unde concludit, posse amorem charitatis esse mercenarium mercede æterna, id est, operari propter mercedem æternam, esse actum charitatis. Et potest hoc suaderi, quia charitas ex charitate amatur, teste Div. Thom. 2. 2. q. 25. art. 2. sed amare charitatem, est amor concupiscentiæ, quia charitas est perfectio amantis, & ita amare charitatem sibi, est amare bonum suum; ergo amor concupiscentiæ in spiritualibus bonis est amor charitatis; ergo multo magis amor beatitudinis supernaturalis, & ipse Dei ut objecti beatifici.

Expendit.
& relict.

23 Sed hæc sententia licet in aliquo sensu vera esse possit, non tamen sufficit ad satisfaciendum difficultati propositæ. Duobus enim modis potest quis amare sibi beatitudinem: uno modo in suum commodum, seu ut est bonum sibi, ita ut hæc sit proxima ratio amandi tale bonum, & hic est proprius amor concupiscentiæ, specie distinctus ab amore charitatis. Alio modo potest quis amare sibi beatitudinem immediate, & proxime propter gloriam Dei, & ut illum tanquam amicum præsentem habeat, & gaudeat de bonis ejus. Et hic amor, licet materialiter (ut ita dicam) possit denominari concupiscentiæ, respectu boni beatitudinis, quod quis sibi amat, formaliter vero, & quoad motum est amor amicitie. De hoc ergo posteriori amore amicitie recte dicitur esse actum charitatis, quia ex formali motivo ejus elicitur, & tale erat desiderium Pauli ad Philip. 1. desiderantis dissolvi, & esse cum Christo. Hic vero non de hoc amore concupiscentiæ tractamus, sed de priori amore, qui non tantum materialiter, sed etiam ex motivo formali sit concupiscentia. Ille ergo amor nullo modo potest esse elicitus a charitate, cum non habeatur ex ejus

motivo, nec ad amicitiam Dei pertineat. Et ob eandem rationem amor mercenarius non est elicitus a charitate, quia est formalis concupiscentia, & ideo operari intuitu retributionis æternæ, ad spem potius, quam ad charitatem pertinet, ut attigi tom. 4. de Pæn. d. 5. sect. 2. in fine. Et simili modo distinguenda est duplex fruitio divina, seu beatifica, quædam est gaudium de bonis Dei, ut sunt perfectiones ejus in se, & hoc gaudium est fruitio charitatis. Alia est fruitio de beatitudine, de qua beatus tanquam de propria perfectione gaudet, & hæc non est charitatis, sed alterius virtutis, nam ad amorem concupiscentiæ pertinet, ut docet D. Thom. 2. 2. q. 28. ar. 1. ad 3. & Scot. 3. d. 34. q. unic. §. *His suppositis vers. De donis*, in fine vers.

24 Respondeo igitur, hunc amorem concupiscentiæ, de quo tractamus, esse elicitum ab eadem virtute, a qua elicitur actus spei supernaturalis. Ita dixi in 1. t. 3. part. q. 7. art. 4. Et probatur, quia ille amor est actus Theologicus (ut sic dicam) id est, attingens Deum, ut objectum *Quod & Quo*; ergo ad aliquam virtutem Theologicam pertinet; sed non ad fidem, ut per se patet; neque ad charitatem, ut dictum est; ergo ad spem: nam fingere quartam virtutem Theologicam valde temerarium esset. Secundo; nam spes ex amore concupiscentiæ nascitur, ut dictum est; ergo uterque actus ex eodem habitu profluit, quia non potest habitus dare facultatem, & facilitatem operandi posteriorem actum, nisi eam ad priorem conferat, & e converso dando facultatem ad actum priorem, qui est radix alterius, consequenter illam ad actum consequentem præbet. Et hinc etiam est, ut spe etiam gaudeamus, quia hoc gaudium ex spe nascitur, ut supra dictum est cum D. Thom. dict. q. 28. ar. 1. ad 3. Ex quo loco optime colligitur nostra sententia: nam sine dubio eadem est ratio in amore, quæ est in gaudio. Potestque confirmari ex aliis, quæ in citato loco 3. part. adduxi.

25 Neque contra hoc obstant rationes in principio positæ. Ad primam n. respondetur, licet amor, & spes sint actus specie distincti, esse ita subordinatos inter se in ordine ad idem formale objectum, ut ad eundem habitum pertineant, sicut de amore, & gaudio constat. Ad secundam respondetur primo, esto in actu amoris non sit omnis difficultas, quæ est in actu spei, nihilominus reperiri difficultatem, quæ nascitur ex supernaturalitate actus, quæ sufficit, ut ad illum sit necessaria virtus infusa, & aliunde convenire cum spe in habitudine ad idem bonum sub eadem ratione boni, & hoc satis esse, ut ad eundem habitum pertineant; licet in modo tendendi differant. Secundo addimus, difficultatem illam, quæ in spe cernitur ex eo, quod sperat bonum per auxilium Dei, suo etiam modo participari ab amore concupiscentiæ, quia tendit in illud bonum, ut sibi possibile, alioqui non posset esse amor efficax, & perfectus: non potest autem bonum illud recte existimari possibile, nisi in ordine ad potentiam, & benevolentiam Dei. Ad tertiam dico, habitum spei non manere in patria formaliter sub ratione spei, id est, ut sit principium sperandi beatitudinem possessam, manere autem ut sit principium amandi hoc amore, & fruendi gaudio illi proportionato: nam hi actus honestissimi sunt, & illi statui non repugnant, & principium connaturale postulant. Ad quartam, quod spes amitteretur per odium vel nolitionem beatitudinis, primo negari potest sequela, quia non est necesse, spem amitti per quemlibet actum contrarium; non enim destruitur per præsumptionem. Secundo vero dico, satis probabile esse, per tale odium, vel nolitionem beatitudinis fore spem destruendam, quia & hominem reddit incapacem ad sperandum, & virtute includit desperationem, aut vix potest ab illa separari, quia per illud odium voluntas totaliter recedit a Deo, ut sibi bono, & consequenter desperat tendere in ipsum. Sed hoc in propria materia ex professo tractandum est: nam in præsentem parum refert, quod ille habitus, qui est spes, per hunc, vel illum actum amittatur.

Vera solutio Amor concupiscentiæ supernaturalis ab habitu spei dicitur.

Solvunt. argumenta in n. 4. adducta. Primum Secundum

Tertium

Quartum

CAPUT XIV.

Utrum ad amandum Deum, ut supernaturalem finem, & gratie authorem perfecta dilectione amicitia, auxilium gratie per se, & propter speciem, & excellentiam talis amoris sit necessarium?

I Quamvis resolutio hujus quæstionis ex dictis in præcedenti clara videatur, nihilominus ad complementum materiæ tractanda est, & ut nonnulla ratio dubitandi, quæ adhuc superest, dissolvatur. Est autem difficultas, quia supra dictum est, posse hominem viribus naturæ non impedire, seu non lapsæ diligere Deum authorem naturæ amore amicitiae, seu volendo illi summam bonitatem propter ipsum; ergo etiam ut author gratiæ potest sic amari per eandem naturæ vires, per se loquendo, & quantum est ex natura talis actus. Probatur consequentia, primo, quia objectum, quo magis bonum repræsentatur, eo magis attrahit voluntatem, & consequenter facilius amatur: Deus autem ut author gratiæ, vel non sub minori ratione boni proponitur, vel certe quodammodo sub majori, nostro modo apprehendi, quia ejus bonitas proponitur ut pluribus, & majoribus beneficiis manifestata, quam dum apprehenditur solum, ut author naturæ; ergo voluntas facilius poterit illum naturaliter diligere propter se ipsum sub illa excellentiori ratione propositum, quam inferiori. Secundo, quia motivum amandi Deum uno, vel alio modo repræsentatum, idem revera est, & modi illi sunt accidentarii respectu substantiæ amoris; ergo amores etiam erunt ejusdem naturæ, & substantiæ; ergo si unus est naturalis, etiam alter. Tertio potest hoc declarari, quia videns Deum clare, etiam si illi denegetur auxilium ad amandum illum supernaturaliter, si detur ei generalis concursus, diligit Deum amore naturali propter bonitatem ipsius, prout in se est, quia ita illum videt; ergo amabit ex eodem motivo, ex quo diligeret cum auxilio supernaturali; ergo eodem actu secundum substantiam; ergo per se ad talem actum non est necessarium gratiæ auxilium. Unde oritur alia difficultas, quia si ad talem amorem esset necessarium auxilium gratiæ propter motivum, sub quo objectum amatur, ad quemlibet actum charitatis, quamvis imperfectum, esset gratia necessaria: consequens est falsum, quia talis amor esse potest in peccatore, & magna facilitate concipitur; ergo.

2 Nihilominus veritas catholica inprimis est, non posse hominem lapsæ diligere super omnia Deum authorem gratiæ, & salutis amore amicitiae, & propter se ipsum, sine supernaturali auxilio gratiæ. Probatur, quia talis amor est illius charitatis, de qua dixit Paulus Rom. 5. *Diffundi in cordibus nostris per Spiritum Sanctum*, & ad Galat. quinto. *In Christo Iesu neque circumciso aliquid valet, neque preputium, sed fides, quæ per charitatem operatur*. Et infra inter fructus Spiritus primum locum tribuit charitati, dicens: *Fructus autem Spiritus est charitas*, de quo fructu intelligitur maxime illa Christi sententia Ioann. decimo quinto. *Sicut palmes non potest ferre fructum a semetipso, nisi manserit in vite, sic nec vos, nisi in me manseritis*. Quanquam enim nomine fructuum recte ibi intelligantur opera Deo placita, & ipsum meritoria, ut Augustinus ibi tract. 81. Chrysostom. Hom. 75. & Cyrill. lib. 10. cap. 14. notarunt: tamen quia inter opera, quæ ex fide procedunt, excellentior est charitas, juxta illud 1. Corinth. 12. *Excellentiorem viam vobis demonstro*, ideo ille fructus, de quo loquitur Christus, maxime intelligitur, esse charitas, sine qua cætera nullius fructus esse possunt, & quæ est radix omnium bonorum fructuum, & major cæteris, & teste eodem Paulo 1. Corinth. 12. ut recte ponderavit Augustinus tract. 32. in Ioan. in fine. Denique ob hanc causam dixit Ioann. 1. epistol. cap. 4. charitatem esse ex Deo, ut egregie ponderat Augustinus lib. 1. de Gratia Christi cap. 21.

Suarez Tom. VI.

3 Habetur etiam hæc veritas ex traditione Pontificum, Conciliorum, & Patrum. Ex Pontificibus præcipui sunt Innocent. & Celestinus in epistolis sæpe allegatis, præter illa, quæ generatim contra Pelagianos ex aliis Pontificibus Prolegom. 6. c. 1. retulimus. Ex Conciliis Milevitan. cap. 4. sic inquit: *Cum dicat Apostolus, scientia inflat, charitas vero ædificat, valde impium est, ut credamus ad eam, quæ inflat, nos habere gratiam Christi, & eadem, quæ ædificat, non habere. Cum utrumque sit Dei donum, & scire quid facere debeamus, & diligere, ut faciamus, ut ædificante charitate, scientia non possit inflare*. Quæ sententia sumpta videtur ex August. libro de Gratia Christi cap. 26. & lib. 4. contra duas epist. Pelagianor. cap. 5. Concilium etiam Arausicanum in omnibus fere suis decretis hanc veritatem in generalibus definitionibus tradit, specialiter vero in cap. 25. ex quo aliqua verba in sequenti capite ponderabimus. Expresius vero, quam cætera, Concilium Trident. sess. 6. cap. 3. definiit, neminem posse diligere Deum, sicut oportet, sine præveniente Spiritus sancti inspiratione, ejusque adjutorio: nullus enim amor esse potest, sicut oportet, quam ille, qui tendit in Deum, ut supernaturalis beatitudinis objectum, propter se ipsum, & perfecte, ac super omnia. Ex Patribus autem præcipue videndus est Augustinus in locis allegatis, & aliis generaliter allatis in lib. 1. pro necessitate gratiæ ad bene operandum: nam in eis omnibus præcipue loquitur de charitate, imo ab illa censet, mereri omnia opera honesta nomen bonorum operum in sensu ibidem explicato. Et simili modo dicit libro vigesimo primo de Civitate cap. decimo sexto tunc vitia vere vinci, cum Dei amore vincuntur. *Quem (ait) nisi Deus ipse non donat, nec aliter nisi per mediatorem Dei, & hominum; hominem Iesum Christum*. Et ita ubique constanter docet, charitatem esse in nobis donum supernaturaliter infusum. Et hinc tandem celebrè illam sententiam protulit in epist. 107. *Liberum arbitrium ad diligendum Deum primi peccati granditate perdidimus*, quia nimirum, illud donum amisimus, quo Deum, sicut oportet, diligere poteramus, & auxilio necessario ad diligendum indigni facti sumus.

4 Rationes ex generalibus principiis facile sumi possunt, & ad charitatem a fortiori applicari, quia dilectio præeminet, teste Paulo 1. ad Corinth. 13. Si ergo ad fidem, & ad voluntatem credendi, & ad spem, & ad amorem concupiscentiæ est necessaria gratia, multo magis ad diligendum ex charitate perfecta. Secundo, quia ad opera pietatis est necessaria gratia; at dilectio Dei, ut finis supernaturalis, est magnum pietatis opus: unde Augustinus dixit epistol. 29. Deum maxime coli charitate, & tract. 102. in Ioan. in fine, *Amorem (inquit) pium, quo colimus Deum, fecit Deus, quia bonum est, ideo amavit ipse, quod fecit*. Tertio, quia ad implendam totam legem necessaria est gratia, ut supra ostensum est; dilectio autem est plenitudo legis Roman. 13. Et similiter applicari possunt rationes de necessitate orationis ad diligendum, sicut oportet, & de gratiarum actione pro tali dilectione, & similes, quæ non ostendunt propriam rationem gratiæ ad actum requisitæ, nec modum supernaturalitatis ejus, sed communem quandam necessitatem, quæ in naturalem etiam Dei amorem cadit, ut supra vidimus.

5 Utergo propriam rationem, & radicem hujus necessitatis explicemus, inquirendum superest de hoc actu, an gratia sit ad illum necessaria ob substantiam ejus, vel ratione alicujus modi supernaturalis, & consequenter an sit per se necessaria ob naturam talis actus, vel quasi per accidens ob talem statum, vel conditionem personæ operantis. Nam antiqui Theologi, qui de fide, & spe sentiunt, non esse actus supernaturales in substantia, ita sentiunt in 1. d. 17. Scot. Durand. Palud. & Capreol. q. 1. art. 3. ad argum. Aureoli contra primam conclus. & ad argumenta Greg. contra secundam. Idem habet Palud. in 3. d. 23. q. 3. in fine. Major dicta d. 26. q. 3. alias 2. Gab. dist. 27. q. unicar. 3. dub. 2. & ibid. Almain. q. 1. & tract. 2. Moral. c. 9. Adam. in 1. d. 1. q. 10. ad 1. cont. 1. concl. Cajet. t. 1.

A a 4

Opusc.

Prob. 1.
a Summis
Pontificib.

1. & 2. Con-
ciliis

In quo est
istat diffi-
cultas

Prob. 1.

Prob. 2.

Prob. 3.

Secunda
difficultas

Catholica
assertio 1.
Deus ut
author
gratiæ si-
ne gratia
super om-
nia non
potest a-
mati amo-
re amicitiae

Prob. 1.
rationib.

Utrū gra-
tia sit ne-
cessaria
ad hunc
actum, eo
quod in
specie sit
superna-
turalis?
1. opin.
negans.

Opusc. tract. 4. q. 1. & 2. 2. q. 171. ar. 2. ad 3. & Soto in 4. d. 17. q. 1. ar. 5. & lib. 1. de Natur. & grat. c. 22. & lib. 2. cap. 14. & 16. Qui non afferunt nova fundamenta pro hoc actu, & omnia reducuntur ad ea, quæ in principio posita sunt, & quæ in cap. 4. jam sunt soluta. Modi etiam explicandi supernaturalitatem hujus actus iidem sunt, qui superius etiam sunt tractati. Nam Scotus illam ponit in intensione, quem imitatur Palud. Alii vero frequentius ponunt illam in ratione meriti, & acceptabilitate, vel acceptatione, ut Durandus, Gabriel, & Gajetanus.

6 Nihilominus omnino dicendum secundo est, auxilium gratiæ esse necessarium ad hunc actum amoris per se, & ex natura talis actus, quia nimirum in essentia, & specie sua supernaturalis est. Hæc est sententia D. Thom., & omnium authorum, quos pro nostra sententia cap. 4. allegavi, & eisdem rationibus probanda est, nihil enim addendum hic occurrit. Nam a fortiori sequitur hæc assertio ex præcedentibus. Nam perfectior est actus charitatis Dei, quam spei, vel fidei; ergo si illi ratione suarum specierum sunt supernaturales, multo magis charitatis. Declaratur præterea autoritate Patrum, & ratione a posteriori inde sumpta: nam hic actus supernaturalis est, etiam in Angelis, ut expresse testatur Augustinus. lib. 12. de Civitat. cap. 9. dicens, *Deum Angelos cum bona voluntate, id est, cum amore casto, quo illi adhererent, creasse, simul in eis, & condens naturam, & largiens gratiam.* Et Gregor. lib. 32. Moral. cap. 18. alias 25. de Lucifero exponit verba illa Ezech. 28. *Foramina tua in die, quæ creatus es, preparata sunt; dicens: Hujus lapidis in die conditionis sue foramina preparata sunt, quia videlicet, capax charitatis conditus est. Sic enim charitatis auro sese penetrabilem præbuisse sanctis Angelis societatis in ornamento regio lapis fixus maneret.* Et intra eidem Lucifero applicans verba illa: *In medio lapidum ignitorum perfectus ambulasti,* addit: *Quia inter Angelorum corda charitatis igne succensatarius gloria conditionis extitit.* Idem sentiunt omnes Patres, qui docent Angelos per Spiritum Sanctum fuisse in sua conditione sanctificatos: nam sanctificatio per dilectionem maxime fit. Simili merito hic actus supernaturalis fuit in homine in natura integra, & ad illum gratia indiguit: nam etiam ille sanctificatus fuit per gratiam, ac proinde per charitatem etiam supernaturalem, ut supra Proleg. 4. ostendimus. Denique etiam in beatitudine est actus omnino supernaturalis, & connaturalis visioni, ut nunc suppono. Ergo signum evidens est, hunc actum non esse supra vires naturæ propter rebellionem concupiscentiæ, aut propter alias difficultates amoris Dei repugnantes in natura lapsa, sed quia ex natura sua excedit vires creatæ voluntatis.

7 Consequentia quidem per se satis apparet evidens. Potest autem evidenter fieri discursu supra facto, qui non minus in hoc actu, quam in actu fidei convincit non posse assignari modum accidentalem, per quem in esse supernaturalis constituatur, ideoque necessario judicandum esse talem ex vi suæ substantiæ. Antecedens patebit facile applicando inductionem supra factam, quia ille modus non potest esse dependentia tantum in fieri ab auxilio supernaturali, seu gratiæ, quia si hæc dependentia est connaturalis actui, id est, ob perfectionem talis actus necessaria, hoc ipsum indicat in ipso actu entitatem supernaturalem: si vero est extraordinaria, & præter naturam talis actus, vel erit necessaria solum per accidens propter extrinsecam impedimenta, qualia in solo homine non integro reperiuntur, vel est gratis, & sine fundamento constitutus talis modus auxilii, vel productionis: multoque minus dici potest, tale auxilium esse simpliciter necessarium ad talem actum ex defectu virium liberi arbitrii. Nec etiam potest ille modus esse extrinsecus, seu per extrinsecam denominationem, nec consistere in tali esse meriti, quod non fundetur in nobilitate ipsius actus, neque in aliqua specie bonitatis moralis accidentaria, & extrinseca. Maxime cum hic actus charitatis inter omnes per se, & essentialiter sit moraliter bonus, id est, honestissimus ex vi sui objecti, ideoque si propter talem bonitatem su-

pernaturalis est, per suam utique substantiam, & essentiali speciem est supernaturalis. Neque etiam potest ille modus esse intrinsecus, & physicus, seu realis, simulque accidentalis ipsi actui: nam hic nullus est in actu, nisi intensio, & hæc nec per se est necessaria in aliquo certo gradu ad verum actum charitatis: nec est alterius ordinis a substantia ipsius actus: ergo non per modum accidentalem, sed per substantiam suam est talis actus supernaturalis.

8 Dicunt vero aliqui, hunc amorem benevolentiae Dei esse supernaturalem ex modo, quia scilicet ita tendit in Deum, ut sistat in ipso, volendo illi bonum propter se, quod putant esse supra conditionem naturæ. Sed hoc in superiori libro improbatum est, & licet esset verum jam ille modus esset substantialis, pertineretque ad differentiam specificam, & essentiali constituentem talem actum in sua substantia, & distinguentem illum ab amore concupiscentiæ ejusdem objecti, & ita non esset contra præsentem assertionem. Nam & nos fatebimur, illum modum esse essentiali tali actui, non vero esse specificum, sed genericum, vel communem, quia convenit omni amori benevolentiae Dei, qui tamen etiam potest esse naturalis, ut supra probavimus. Alii denique ajunt hunc actum esse supernaturalem ex modo, quia est super omnia. Idem vero cum proportionem respondendum est. Nam hic modus *super omnia*, accidentaliter esse potest, & essentialis, & priori modo non est supernaturalis, sed tantum posteriori modo, & ita non est extra substantiam.

9 Potest enim quis diligere aliquid non ex vi motivi, aut rationis diligendi, sed solum quia ex libertate sua vult adherere huic rei potius, quam aliis, & sic homo potest se super omnia diligere, vel aliam creaturam, & ille modus est accidentaliter, nam solum consistit in majori adhesionem ex parte operantis, seu in terminatione ad objectum cum comparatione formali, vel virtuali ad aliud, non ex vi objecti, sed ex vi liberæ affectionis. Alio autem modo potest amor esse super omnia ex vi motivi, & excellentiæ objecti, & rationis diligendi illud, & sic est super omnia absolutus, & efficax amor charitatis Dei, idque habet ex vi suæ perfectionis essentialis. Veruntamen hic etiam modus non est specificus: nam convenire potest amori naturali intra suam latitudinem. Quia vero, ut supra dixi, illa perfectio convenit naturali amori limitate, & secundum quid, ideo ille modus ut convenit amori charitatis, est simpliciter talis, & sic est supernaturalis, & intime, ac essentialiter illi conveniens. Quod a posteriori declaratur, quia ex vi sua, virtute includit observantiam omnium præceptorum, non tantum naturalium, sed etiam supernaturalium, & non tantum virtutum moralium, sed etiam aliarum Theologicalium, quas propterea charitas suo modo perficit, voluntas autem absoluta implendi omnia talia præcepta supernaturalis est, non solum propter impedimenta naturæ lapsæ, sed per se, quia impletio talium præceptorum supernaturalium excedit vires liberi arbitrii, non solum quoad collectionem, sed etiam quoad singula; ergo.

10 Ultimo addenda est ratio a priori, quæ sumenda est, ut supra dixi, ex motivo, & objecto formali diligendi, simulque solvenda est præcipua difficultas, propter quam hoc dubium motum est. Quæ consistit in distinguendis motivis amoris naturalis, & supernaturalis Dei propter se ipsum, & ex sola amicitia, seu benevolentia Dei, quia multi tam difficile, aut impossibile reputant, ut propterea quidam eorum negent, dari aliquam naturalem dilectionem Dei ex pura benevolentia: alii vero concedentes illam, negent, posse distingui specie ab amore charitatis: alii denique distinctionem admittentes, negant illam sumendam esse ex objectis, seu motivis diligendi, sed ex principiis, vel ex sola entitatem varia perfectione. Quas opiniones jam improbavimus, primam in præcedenti libro, secundam in hoc capite, tertiam vero in cap. 6. nam ibi dicta de fide, ad amorem facile applicantur. Quia si voluntas potest viribus suis, seclusis impedimentis diligere Deum ex eo-

Aliquorum solutio

Refellit.

Amor suus per omnia primo potest esse ex libera adhesionem voluntatis

2 ex ratione motiva

Hoc 2. modo est supernaturalis

Probatum ultimo a priori

Variæ opinioniones refellunt.

dem motivo, quo charitas illum amat, in natura integra, & in Angelo fuisset ille amor: hoc autem incredibile est, multumque repugnat doctrinæ Concil. & Patrum; tum quia ille amor, qualiscunque esset in entitate, esset super omnia, & esset absolutus, & efficax, & perfecte uniret amantem amato, quantum ad effectum; ergo esset opus pietatis: nam totam animam ad Deum, ut supernaturalem finem converteret: hæc autem concedere libero arbitrio creato suis viribus, & in quocunque statu, nimium est, & sententiis Patrum, & Conciliorum, imo & Scripturarum plane contrarium; ut ex hic allegatis, & ex dictis in libro superiori de necessitate gratiæ ad opera pietatis satis constat, & in sequenti cap. aliqua addemus. Præterquam quod, ut supra argumentabar, si talis amor est in potestate nudi liberi arbitrii, quomodo non est in ejus potestate se disponere ad remissionem peccati, etiam ut est contra Deum supernaturalem finem? vel ad quid postulat actus melioris entitatis, cum ad omnes effectus morales ille sufficiat, ut alia, quæ supra dixi, nunc omittam.

Alia op.

Sola diversa cognitio ad hanc distinctionem non sufficit.

Prima aliquorū solutio.

Rejicitur.

11. Alii ergo, ut hanc distinctionem ex objectis assignent, dicunt, amorem naturalem tendere in Deum ut cognitum per rationem naturalem, charitatem vero tendere in ipsum ut cognitum per fidem. Ita insinuat Alenf. 2. part. quæst. 91. art. 1. ad 7. Hæc autem differentia per se sola non sufficit, nisi aliquid addatur ex parte objecti ad diligendum propositi, vel rationis formalis diligendi illud. Nam cognitio per se tantum est conditio requisita in objecto, ut possit movere affectum, quia per cognitionem applicatur. Unde sola diversitas cognitionis, si alioqui objectum propositum idem omnino sit, & sub eadem ratione diligendum proponatur, non sufficit ad distinguendos actus voluntatis, quæ applicatio objecti solum per accidens concurrat ad amorem; ergo distinctio illius non potest efficere diversitatem in actibus amoris. Sicut actus amoris Dei in via, & in patria ejusdem rationis est, etiam si per cognitiones specie diversas applicetur. Et confirmatur, quia circa Deum consideratum per fidem solum ut creatorem, potest voluntas operari solo affectu naturali, eum diligendo, vel colendo, quia illud bonum cognitum naturale est, & modus cognitionis supernaturalis non potest naturam impedire, quominus in suum objectum feratur, prætermisso modo cognitionis, circa quem nullo modo versatur.

12. Respondent vero aliqui, ex illis diversis cognitionibus resultare in objecto diversas rationes formales, sub quibus terminet duos amores distinctos, naturalem, & supernaturalem; etiam si eadem res, & ex eodem motivo bonitatis amanda proponatur. Nam idem bonum illis diversis modis propositum est aptum terminare diversos amores, hæc autem aptitudo ad terminandum actum, est ratio sub qua objectum terminat actum: in eodem autem Deo summe bono, ut representato per fidem, alia est aptitudo ad terminandum amorem, ab ea, quæ in eodem Deo ut cognito per naturale lumen est, ad terminandum proportionatum amorem. Quia etiam e converso amor supernaturalis natura sua ex propria ratione exigit cognitionem supernaturalem, & per inferiorem non excitatur, e converso vero amor naturalis contentus est cognitione naturali, cui commensuratur.

13. Sed hoc etiam non satis rem declarat. Nam eadem est in objecto bono aptitudo ad terminandum affectum, quæ est ad movendum, & attrahendum illum: fertur enim affectus in eam objecti bonitatem, quæ ipsum movet: sed aptitudo ad movendum affectum non est bonitas sic, vel sic cognita, sed est bonitas ipsa prout in se talis, vel talis est: ergo eadem est aptitudo ex parte objecti ad terminandum amorem, ac subinde ubi fuerit eadem ratio motiva objecti amabilis, etiam erit unica aptitudo ad terminandum amorem. Unde fit, ut si in Deo cognito per fidem, vel rationem non distinguatur duplex ratio motiva ad sui amorem, non possint etiam recte distinguere aptitudines ad terminandum amorem. Et ita in objecto amabili ratio sub qua, non est alia a ratione motiva, propter quam proxime, & adæquate objectum amatur,

vel amari potest. Neque obstat, quod amor supernaturalis natura sua postulet præviā cognitionem supernaturalem, quia hæc in primis postulat, ut sit proportio connaturalis inter actus, & principia eorum, non vero ut inde sumenda sit species vel genus amoris. Deinde per se requiritur supernaturalis cognitio, ut in objecto possit ostendere aliqua n superiorum rationem diligendi, quam ratio naturalis non assequitur. Nihilominus tamen, quia fides etiam naturalia motiva contemplari potest, non repugnabit, ex illis moveri naturalem affectum, etiam si per se considerentur. Confirmatur, quia alias simili modo amor naturalis Dei, ut cogniti per scientiam, vel per fidem, ac traditionem humanam, posset specie distinguere, si dicatur, Deum ut cognitum per scientiam, vel per fidem habere diversas aptitudines ad terminandum amorem, quæ sufficiunt ad diversas rationes, sub quibus objectum illud terminat amores: hoc autem non est verisimile, quia illa diversitas cognitionis est valde accidentaria ad amores. Et alia multa similia facile inferri possunt, si modus ille distinguendi affectus admittatur.

14. Addunt ergo alii, & indicat Alensis supra, ideo dilectionem, quæ sequitur fidem, & quæ habetur ex cognitione naturali, esse diversas, quia hæc tendit in Deum ut unum, illa vero ut Trinum, & unum. Quod si objiciatur, ad amorem accidentarium esse, quod Deus consideretur tantum ut unus, vel etiam ut trinus, quia semper amatur ratione suæ bonitatis, quæ semper est una, & illi convenit per se, ut est unus: respondebitur, eandem bonitatem apprehensam ut communicabilem realiter tribus personis, sub quadam eminentiori ratione bonitatis apprehendi, quam si ut limitata ad unam personam apprehendatur: ideoque excellentiori modo amari prioris modo spectatam, quam posteriori. Sed nihilominus non potest esse hæc propria, & adæquata ratio distinguendi hos amores, quia priusquam Trinitatis mysterium communi fidelium plebi communicaretur, seu revelaretur, omnes justi diligebant Deum vero actu charitatis, qui tamen communiter non apprehendebant Dei bonitatem, ut communicabilem tribus personis. Et nunc etiam si simplex fidelis non habeat explicitam cognitionem Trinitatis per ignorantiam invincibilem, poterit Deum ex infusa charitate diligere.

15. Præterea hi etiam, qui Trinitatem morunt, & habitu credunt, possunt ex sola consideratione Dei, ut est unus, eum ex charitate super omnia diligere: ergo non potest illa esse adæquata ratio objectiva illius amoris. Imo nec sufficiens videtur, quia hæreticus alias credens, Deum esse trinum, & unum, potest illum diligere amore naturali, & non charitatis. Verum est tamen, non diligere illum super omnia, neque propter singularem illam excellentiam, & ideo quoad hanc posteriorem partem defendi posset, bonitatem Dei spectatam cum illa excellentia, qua est communis realiter tribus personis, & quatenus movet ad amandum propter se non solum Deum, ut Deus est, sed etiam Patrem, ut Pater est, & secundum propriam, & personalem perfectionem ejus, & similiter Filium, & Spiritum Sanctum, illam (inquam) bonitatem, si pure, & cum debita proportionem ametur, propter talem bonitatis excellentiam, non posse actu naturali amari, ac proinde esse sufficientem rationem specificandi amorem per se infusum, & supernaturalem. Nihilominus tamen quoad priorem partem ratio facta concludit, non esse necessariam considerationem hanc illius bonitatis ad amorem supernaturalem: poterit tamen fortasse cum aliqua proportionem, ut jam explicabo, applicari.

16. Dicitur ergo aliter, per fidem cognosci Deum, ut majorem benefactorem nostrum, quam per solam rationem naturalem, quia per fidem plura beneficia cognoscimus nobis a Deo provenire, quam per lumen naturale, & inde diversum amorem erga Deum oriri. Neque multum ab hac ratione discrepat communis modus distinguendi Deum ut finem naturalem, vel supernaturalem, seu ut authorem naturæ, vel gratiæ: & quod sub his rationibus diligatur amore

Cur ad amorem supernaturalem cognitio requiratur.

2. Solutio Alensis.

Impugnatur. 1.

Impugnatur. 2.

Vera, & communis ratio hujus distinctionis.

natura.

naturali, vel infuso, qui ex illis rationibus sufficienter distinguuntur specie, quia licet bonitas Dei in se sit eadem, apprehenditur sub diversis titulis, seu gradibus bonitatis, & sub communicationibus diversarum rationum, quas nobiscum habet in bonis suis, quarum communicationes solent esse sufficientes ad distinguendas amicitias. Quam rationem distinguendi hos amores, & eorum objecta videntur sequuti antiqui authores, licet variis modis, aut verbis illas explicent. Nam D. Thom. 1. 2. quæst. 109. artic. 3. ad 1. sic inquit: *Charitas diligit Deum super omnia eminentius, quam natura. Natura enim diligit Deum super omnia, prout est principium, & finis naturalis boni, charitas autem secundum quod est objectum beatitudinis, & secundum quod homo habet spirituales quandam societates cum Deo.* Et idem in substantia dicit 2. 2. quæst. 23. artic. 4. ubi Cajetan. id explicat, & Capreol. in 3. distinct. 27. quæst. 1. concl. 2. & illius defensione alia loca, & testimonia D. Thomæ congerit, & Hispalen. ibi quæst. 1. artic. 3. Eandem doctrinam tradiderunt Altifiod. lib. 2. tract. 1. cap. 4. licet aliter explicet, dicens, amorem Dei esse naturalem, quando excitatur ex effectibus Dei naturalibus: gratuitum vero, quando per altiora media bonitas Dei representatur. Idem fere, licet magis explicatum, habet Alens. 2. part. quæst. 31. membr. 3. & in idem redeunt, quæ latius docet quæst. 91. membr. 1. artic. 1. & optime Richard. 2. distinct. 3. art. 7. quæst. 1. ad 1.

17. Sed contra hunc modum explicandi objectum formale charitatis argumentatur imprimis Scot. in 3. distin. 27. §. *Contraprimam*. Quia amare Deum ut objectum beatificum, est amare Deum non propter se, sed ipsam amantem; ergo ut sic est objectum amoris concupiscentiæ, non charitatis. Antecedens patet, quia cum dicitur Deus ut objectum beatificum, non additur Deo, nisi respectus ad nos, quatenus potest nos tam excellenti modo beatificare, quod pertinet ad bonum nostrum & consequenter ad amorem concupiscentiæ. Eademque objectio fieri potest, si distinguatur Deus, ut finis naturalis, vel supernaturalis, quia idem est, esse objectum beatificum, quod esse finem supernaturalem. Item si distinguatur ut author gratiæ, vel naturæ, quia secundum hos etiam respectus consideratur ut bonum nostrum. Denique idem est, si consideretur per respectum ad hæc, vel illa beneficia, vel hæc, aut illam bonorum communicationem. Nam si amatur Deus in ordine ad talia beneficia, est amor concupiscentiæ, si vero propter talia beneficia jam accepta, erit amor gratitudinis. Amor autem amicitiae, seu charitatis abstrahit a beneficiis, & fertur in Deum propter se: ergo respectu hujus amoris nihil refert, quod cognoscatur Deus, ut conferens hæc, vel illa beneficia, nec quod per hæc, vel illa media cognoscatur, quia semper est eadem bonitas, quæ per illa media cognoscitur, & a qua omnia illa beneficia proveniunt, quæ bonitas propter se placet, & amatur.

18. Respondetur nihilominus, sensum illorum verborum D. Thomæ, & aliorum authorum non esse per charitatem amari Deum ut objectum beatificans formaliter, id est, sub illo respectu, & motivo, ut nos beatificet, nec amari ut authorem gratiæ, quia ametur, ut nobis conferat gratiam, contra quem sensum objectio Scoti procedit. Sed sensus est, bonitatem Dei spectatam ut supernaturalem communicabilem hominibus per gratiam, & per gloriam sub quadam excellentiori ratione bonitatis apprehendi, quæ ad amorem sui, & propter se, ac super omnia movet, qui amor inde habet speciem excellentioris ordinis, ac vires naturæ superantis. Et sic etiam, quo Deus nobis altiora beneficia contulit, eo bonitas ejus mirabilior, & quodammodo major nostro concipiendi modo apparet, ac proinde diligibilior, seu altiori modo diligibilis, non quia propter beneficia diligitur, sed quia per beneficia manifestatur ipsa absoluta Dei bonitas, ut altior, & potentior. Et sic etiam specialiter ex beneficio incarnationis eadem Dei bonitas excellentius innotuit, & singulariter communicabilis apparuit, ut proinde tanquam excedens ordinem naturæ merito concipiatur. Hæc ergo diversitas sufficit,

ut Dei bonitas licet in se una, & simplicissima sit, sub ratione duplicis motivi distinguatur, quam ad amorem supernaturalem a naturali distinguendum sufficiat.

19. Quod etiam potest in hunc modum explicari ex D. Thom. 1. part. quæst. 60. art. 5. ad 4. Richardo loco allegato: nam bonitas Dei præcise spectata, ut authoris naturæ, habet cum natura vinculum quoddam naturale, & quasi necessariam connexionem, ratione essentialis dependentiæ, quam habet natura a Deo auctore suo, tum in ratione primi principii, tum in ratione ultimi finis proportionati naturæ. Et ideo bonitas Dei sic considerata, licet alioqui in se sit infinita, & longe altioris ordinis ab omni creata natura, nihilominus in ratione objecti, est naturalis ratio amandi, & Deus ipse est objectum naturale, quia naturalis impetu tendit voluntas in Deum sic spectatum. At vero eadem Dei bonitas spectata, ut communicabilis per gratiam, & Deus ipse ut author gratiæ, & supernaturalium donorum, non habet naturale vinculum cum rationali natura, quia natura ut sit, & omnem naturalem perfectionem habeat, non pendet a Deo, ut auctore gratiæ. Nam si per impossibile Deus non posset naturam supernaturaliter perficere, sufficienter posset natura ab illo essentialiter pendere, sicut illum Philosophi cogitaverunt. Et hinc fit, ut natura non feratur naturali pondere in Deum sub illa altiori ratione cogitatum, ac proinde non diligit illum amore naturali, sed altiori. Et ita responsum est ad Scoti objectionem, & ad omnia, quæ in illa addebantur, procedunt enim ex sola verborum æquivocatione, ut late notavit Capreol. loco allegato.

20. Hinc etiam facile patet responso ad rationem dubitandi in principio propositam, quamvis enim possit Deus per se diligi aliquo amore naturali, non inde fit, sub quacunque ratione posse similiter naturali amore diligi. Et ad primam probationem in contrarium factam, quod voluntas eo vehementius fertur in bonum, quo majus, & excellentius ei proponitur. Respondemus hoc esse verum intra latitudinem objecti proportionati, & habentis naturale aliquod vinculum cum ipsa natura. Quod necessarium est, præsertim in amore absoluto, & benevolentiae alterius, & maxime si sit super omnia. Quia licet sit amor alterius propter ipsum, debet fundari in aliqua unitate cum amante, non tanquam in ratione amandi, sed tanquam in conditione, & dispositione necessario prærequisita ex parte amantis ad omnem amorem, ut docet D. Thom. 1. part. quæst. 60. art. 5. ad 2. Consentaneæ ad illud Aristot. 8. Ethicor. cap. 2. *Amabile bonum, unicuique autem proprium*, cujus sensus, ut supra dixi, non est, omne bonum naturaliter amari, ut bonum diligentis, alioqui destrueretur naturalis amor amicitiae simpliciter, quod est contra ipsum Aristot. Sed sensus est, neminem velle bonum, nisi, vel sibi, vel ei, quem unum secum aliquo modo recognoscit. Et inde etiam fit, ut juxta varias rationes unitatis, vel societatis, seu conjunctionis, diversi etiam sint amores, ut luculenter exposuit D. Thom. quæst. 2. de Virtutibus, seu unic. de Charit. artic. 2. & ideo ex diversa unionem, quam habet nostra natura cum Deo ratione solius dependentiæ naturalis, vel ratione communicationis in gratia, & beatitudine supernaturali, optime colliguntur diversæ species amicitiae, & dilectionis ad Deum, non tanquam ex formali distinctivo, sic enim sumitur distinctio ex objecto, modo declarato, sed tanquam ex fundamento, vel conditione ad amorem amicitiae necessaria. Quia non potest natura se extendere suis viribus ad diligendum sine fundamento alicujus conjunctionis, vel dependentiæ naturalis, & e contrario ubi fundamentum unitatis est diversi ordinis, etiam amor est diversus, sicut in simili tradit de Virtutibus politicis Arist. 3. Polit. cap. 3.

21. Ad secundam probationem satis responsum, ac declaratum est, quomodo eadem bonitas sub diversis rationibus concepta esse possit motivum multiplex, & sufficiens ad distinguendum amorem infusum a naturali. Nam ipsa bonitas Dei secundum se spectata, licet sit altior, & excellentior, quam omnis natura creata, non est absolute supernaturalis. Quia comparata

Et declaratur amplius.

Solvitur dubitandum ratio in num. 1. Diluitur prima ejus probatio ibidem.

Objectio Scoti.

Solvitur objectio, & communis sententia explicatur.

Ad probationem in eodem num. 1.

parata ad Deum est illi connaturalis; comparata vero ad hominem in ratione objecti diligibilis, est naturalis homini, ut habenti naturalem quandam connexionem cum Deo, vel propter quandam similitudinem ad illam, quia naturaliter est ad imaginem, & similitudinem Dei, vel multo magis propter essentialem dependentiam a Deo. Ideoque bonitas Dei sic spectata censetur contenta intra ordinem naturæ, & esse objectum naturaliter diligibile, ut vero est communicabilis homini, aliis modis superantibus ordinem naturæ, est supernaturalis quoad connexionem cum natura creata, & consequenter est etiam objectum excedens inclinationem, & vires naturæ. Et ideo fieri non potest, ut amor naturalis sit æqualis in adhesionem ad Deum secundum appretiationem cum supernaturali, ut etiam ex his, quæ cap. 6. adduximus, satis comprobatur. Et hinc etiam oriuntur effectus, qui a posteriori ostendunt horum annorum diversitatem. Nam amor charitatis virtute complectitur observantiam omnium præceptorum non tantum naturalium, sed etiam supernaturalium, quod non habet naturalis amor Dei, solum enim extenditur ad observandam Dei voluntatem, quatenus per rationem naturalem manifestatur. Item amor infusus fortior multo est ad resistendum tentationibus, quam naturalis, licet interdum esse possit tam acerba tentatio, ut cum solo communi auxilio gratiæ non possit quis in amore perseverare sine majori auxilio, juxta ea, quæ de victoria tentationum lib. 1. diximus, quæ in præsentia, servata proportionem, applicanda sunt. Denique amor Dei ex charitate de se ad perfectiorem usum virtutum, & ad plura propter Deum operandum inclinatur, quam naturalis amor Dei, ut ex discursu Pauli 1. Corinth. 13. colligitur. Quæ omnia proveniunt ex illa altiori consideratione bonitatis Dei, sub qua charitatem excitat, & specificat.

Instantia. 22. Sed instant aliqui, quia homines simplices, & rudes nesciunt has rationes discernere in bonitate Dei, & nihilominus illum diligunt ex perfecto amore charitatis, etiam si bonitatem ejus vel simpliciter, & absolute considerent, vel etiam si sub ratione creatoris, vel omnipotentis, aut alia simili naturali ratione illum contemplantur. Respondetur; si hi rudes, & simplices ex pura ratione procedant, sine dubio non diligunt Deum, sicut oportet, etiam si per benevolentiam, & propter ipsum, eum diligere videantur. Si autem procedant ex fide, quamvis nesciant, illas rationes nostro speculativo modo distinguere, nihilominus in usu ipso, & exercitio apprehendunt Deum, ut bonum quoddam excellentioris ordinis, & hoc satis est, ut per gratiam ad supernaturalem amorem eleventur. Simile enim argumentum fieri potest de fide, & modo credendi, sicut oportet, quia simplices non discernunt quomodo nitantur primæ veritati in credendo, & nihilominus vere credunt, sicut oportet, confuso, & simplici modo apprehendendo hanc doctrinam ut divinam, & a Deo traditam, & illi simpliciter propter Deum assentiendo. Et fere in omnibus operibus infusarum virtutum est hæc doctrina necessaria.

Satisfit 23. Ad tertiam probationem ex ficto illo casu de vidente Deum, & non habente supernaturale auxilium ad amandum, habente tamen paratum generalem concursum, respondeo, in eo casu hominem illum dilecturum esse Deum super omnia, non tamen amore charitatis, sed naturali. Unde si homo ille simul cum visione Dei haberet naturalem scientiam, & cognitionem Dei sufficientem ad amandum ipsum super omnia, ille homo non haberet, duos actus amoris Dei, sed unum fortasse accidentaliter magis perfectum, quia forte ratione visionis voluntas operaretur toto conatu, & intentione facilius, quam sine illa. Vel saltem amor ille, qui seclusa visione non esset necessarius quoad exercitium, ratione visionis non esset necessarius exercetur, nunquam tamen ascenderet ad nobiliorem speciem ex defectu virium potentie naturalis. Et ob eandem causam, etiam si homo ille non haberet aliam cognitionem Dei præter visionem, etiam amaret Deum toto conatu naturali, eundem tamen actum amoris elicet, quia solum amaret Deum, ut bonum quod-

dam connaturale sibi, a quo scilicet, sua natura essentialiter inanatur, & pender. Quia licet sic intuens Deum, in illo videat excellentiam illius bonitatis, ut tribus personis communicatam, vel fortasse etiam ut communicabilem hominibus per gratiam altioribus modis, quam per naturam: nihilominus non diligit eum in illo casu sub illa excellenti ratione, sed tantummodo suæ naturæ accommodato, & ipsammet excellentiam illius bonitatis, quasi naturaliter amaret, quatenus est unum cum ipso Deo, a quo hominis natura essentialiter pender, quia non potest facultas voluntatis per se altius elevari, ut declaratum est. Altera difficultas in fine argumentorum proposita in capite sequenti tractabitur.

C A P U T X V.

Utrum ad amandum Deum authorem gratiæ amore etiam imperfecto, sit per se necessarium gratiæ supernaturalis auxilium?

I. **D**UO dubia in hoc titulo insinuantur. Unum est, utrum Deus ut author gratiæ, vel, quod perinde est, ut objectum beatificum possit amari aliquo amore naturali sine speciali auxilio gratiæ. Et de hoc nihil novi superest dicendum, ideoque propter dubium in hoc sensu propositum caput hoc non institueremus. Ita enim illud definiendum est, sicut in cap. 5. de actu fidei traditum est. Nimirum, posse voluntatem nostram aliquo amore naturali ferri in Deum trinum, & unum, authorem gratiæ, &c. Probatur, quia omnes illi, qui habent notitiam aliquam, & credulitatem aliquorum supernaturalium mysteriorum nostræ fidei ad Deum pertinentium, quamvis Catholicam, & infusam fidem non habeant, possunt aliquo modo diligere Deum ita sibi propositum, v. g. trinum, & unum, glorificatorem, & sanctificatorem hominum, ut notum est in hæreticis, & ex parte in Judæis, quatenus aliqua supernaturalia credunt. At isti sicut non credunt fide supernaturali, ita nec diligunt amore supernaturali, seu charitatis, neque perfecto, neque imperfecto. Sive hoc sit, quia ex natura sua amor charitatis necessario supponat fidem infusam, sive quia saltem ex lege Dei nemini datur auxilium supernaturale, ad amandum, nisi prius credat, sicut oportet, quæ amanda sunt, ut significavit Conc. Trident. sess. 6. cap. 6. Altero enim ex his modis necessario supponi debet fides ante amorem supernaturalem voluntatis, ut latius probandum est in materia de fide, ubi hac ratione inter alias ostendemus fidem actum esse adultis ad salutem necessarium. Ergo cum hæretici, & Judæi fidem infusam non habeant, ille amor non potest in eis esse charitatis, sed erit vel naturalis concupiscentiæ, vel etiam si sit benevolentie, erit ex sola complacentia naturali in tali objecto. Unde juxta doctrinam traditam talis amor non erit ex motivo supernaturali, sed solum circa illud bonum, quod in Deo sic proposito supernaturale apparet, ex naturali propensione ad Deum, ut est author naturæ, a quo ipsemet necessario pender, materialiter versabitur, ut in sequenti puncto magis explicabitur: nam in hoc nihil novi addendum occurrit.

2. Aliud ergo punctum, & proprie intentum est, an ad omnem amorem Dei ex proprio motivo charitatis, id est, propter bonitatem Dei, ut objectum beatificum, necessaria sit gratia, etiam si amor ille in suo ordine imperfectus sit. Quod pender ex alia questione, scilicet, an ille amor in sua entitate naturalis, vel supernaturalis sit. Nam profecto, si est naturalis, non solum haberi poterit sine auxilio supernaturalis ordinis, verum etiam aliquando sine quolibet speciali auxilio gratiæ. Quia imperfectus amor esse potest cum peccato, non solum habituali, sed etiam actuali, sicut possunt esse simul absolutum velle, & conditionatum nolle ejusdem objecti, i. e. volo, & nollem: nam sic homo, cum peccat, absolute vult id, in quo scit offendere Deum, doletque, quod illi actui conjuncta sit aversio a Deo. In tali ergo amore non est magna illa difficultas extrinseca, quæ provenire solet ex victo-

1. Dubiū.

Resolutio
Deus au-
thor gra-
tiæ potest
naturali
amore
diligere.

2. Dubium
in titulo
capitis
intentum
Alia que-
stio de su-
pernatu-
ralitate
actus su-
pernatu-
ralis.

victoria tentationum, & ex absoluto proposito non offendendi Deum, vel placendi illi in omnibus; ergo ex hac parte non est necessaria gratia specialis ordinis naturalis ad illum actum. Unde si aliunde actus ille in sua entitate naturalis sit, non erit ad illud necessarium auxilium supernaturalis ordinis; ergo nullum auxilium gratiæ erit simpliciter necessarium ad talem actum. Tota ergo quæstio ad entitatem actus revocatur, sit ne supernaturalis ordinis, vel naturalis.

Pars negans illud actum esse supernaturalem. Probatur 1.
Probatur secundo.

3. Quod ergo amor ille supernaturalis non sit, probari potest primo, quia ille amor non est, sicut oportet ad iustitiam obtinendam; ergo ad illum non est per se, ac intrinsece necessaria gratia; ergo non est super omnia, nec ex toto corde, & tota anima. Consequentia vero primæ probatur, quia Concilia solum requirunt illud genus gratiæ ad amandum, quando amor est, sicut oportet: altera item illatio nota est, quia ille motus necessitatis gratiæ solum invenitur in actibus supernaturalibus in substantia, & entitate sua, ut supra probatum est. Secundo argu-

Probatur secundo.

mentari possumus, quia ille amor potest esse in peccatore, ut probatum est, etiam de peccante actu; est autem id multo certius de peccatore in habitu; ergo talis amor non est in specie sua amor charitatis, quia in peccatore nulla est charitas infusa, nec perfecta, nec imperfecta, sicut in hæretico nulla est fides infusa, nec perfecta, nec imperfecta; ergo ille amor in se non est supernaturalis, nec infusus. Quia nulla est virtus infusa, ad quam pertineat, non enim ad spem, cum sit amor benevolentiae, ut supponitur, nec ad charitatem, ut probatum est: nulla est autem alia virtus infusa, quæ Deum ipsum diligendo attingat. Tertium argumentum sit, quia fidelis peccator non aliter diligit Deum hoc imperfecto amore, quam hæreticus possit illum diligere: sed in hæretico ille actus non est supernaturalis, nec charitatis: ergo nec in fidei. Et hæc sententiam aliqui Moderni veram esse existimant.

Probatur tertio.

4. Nihilominus dicendum in primis cenfeo, omnem amorem Dei ut objecti beatifici, id est, propter bonitatem in illo sic concepto spectatam, esse amorem per se infusum, & in sua specie, & substantia supernaturalem, ac proinde esse actum charitatis. Hanc assertionem optime confirmat Bellarminus lib. 6. de Grat. & liber. arbitr. cap. 7. & eandem supponit lib. 2. de Pœnitent. cap. 14. ad 5. & 6. objectionem. Et similiter Vega lib. 6. in Trident. cap. 28. aperte supponit, posse esse dilectionem supernaturalem, quæ non fiat, nisi per illuminationem, & inspirationem Spiritus Sancti, & non sit super omnia. Est denique assertio consentanea Scripturis, easque exponenti Augustino, & Conciliis, quæ illius doctrinam mutuata sunt. Augustinus lib. de Grat. & liber. arbitr. cap. 17. loquens de Petro, quando in nocte cænæ dixit: *Si oportuerit me mori tecum, non te negabo*, dicit, habuisse tunc parvam charitatem, id est, imperfectum amorem, quem proinde negat potuisse haberi sine gratia. Ubi licet dubitari possit, quo sensu appellaverit parvam charitatem Petri, an scilicet, quia tunc non erat super omnia, vel quia erat remissa, ac proinde non satis firma, & constans, nihilominus satis significat, quemeunque talem amorem, etiam minimum, esse ex charitate, & infusum a Spiritu sancto. Unde in cap. 18. ponderans verba Joann. 1. canonic. cap. 4. *Diligamus invicem, quia charitas ex Deo est. Sine fructu*, ait, *admoneretur* (utique homo) *perfecte diligere, nisi prius acciperet aliquid dilectionis, ut addi sibi quereretur, unde, quod jubebatur impleret*. Sentiens omnem inchoationem dilectionis Christianæ esse donum Dei. Quod elare etiam docuit libro secundo, contra duas Epistolas Pelagianor. cap. 9. ubi dicit, initium charitatis esse ex gratia, & licet per, *initium*, possit intelligi quodlibet opus honestum propter Deum factum, quo homo incipit ad charitatem disponi, a fortiori inde potest sumi argumentum, quia inter illa opera potest quilibet actus charitatis, licet imperfectus computari: specialiter vero loquitur Augustinus de initio charitatis, de qua dixit Joannes: *Charitas ex Deo est, Nec initium* (ait) *ex nobis & perfectio ejus ex Deo, sed si charitas ex Deo*,

Assertio vera affirmans.

Probatur 1. ex Scriptura.

tota nobis ex Deo est. Et consequenter probat, quodcunque charitatis initium esse ex præveniente gratia; omnis autem amor Dei ut finis supernaturalis, licet sit imperfectus, re vera est quoddam charitatis initium. Unde sicut Augustinus induxit illa verba Joannis ad hanc veritatem confirmandam, ita possunt induci reliqua, quæ dicunt, charitatem infundi nobis a Deo, quia non tantum de perfecta, sed de tota charitate intelligenda sunt.

Probatur 2. ex Concilio Araus.

5. Secundo potest simile argumentum sumi ex Concilio Arausico. cap. 25. dicente: *Neminem posse operari sine gratia propter Deum, quod bonum est*, utique ut finem supernaturalem. Nam omnis amor benevolentiae Dei, licet imperfectus, est bonus, & propter Deum, nam in ipso sistit, & propter bonitatem ejus illum amat. Idem confirmatur ex eodem Concilio dicente ibid. *Prorsus donum Dei est diligere Deum*; ergo omnis dilectio Dei, ut finis supernaturalis, est donum gratiæ. Præterea omnis talis dilectio est opus pietatis, & de se, ac ex genere suo fructifera est ad salutem. Unde si sit in homine grato, per se ipsam est meritoria, & de condigno vitæ æternæ, quod esse non potest sine actuali influxu gratiæ, juxta mentem Concilii Tridentini sess. 6. cap. 16. Si vero sit in homine peccatore, aliquo modo disponit illum: saltem remote ad iustitiam multo melius, quam opera moralia. Dictum est autem supra ex doctrina Patrum, ad omne opus pietatis, & conferens ad salutem æternam, qua tale est, omnino, ac per se gratiam esse necessariam: ergo.

Probatur 3. ratione.

6. Ratio denique est, quia talis actus est ex motivo supernaturali, & hoc satis est, ut sit supernaturalis, etiam si in illo ordine maximam perfectionem non habeat. Quia non est necesse, ut omnes actus alicujus ordinis sint in eo summe perfecti, ut per se notum videtur. Et ex cæteris virtutibus, & earum actibus ostendi potest, quia non solum voluntas efficeat temperate comedendi, sed etiam bonus affectus simplex ad honestatem temperantiæ, & desiderium, licet imperfectum, & inefficax temperate vivendi, est ex virtute temperantiæ, quia participat honestatem ejusdem speciei, licet imperfecto modo. Idem ergo cum proportionem est in affectibus charitatis; omnes enim ad eundem ordinem amoris pertinent, & sunt veluti scintille ejusdem ignis, licet nondum perfectum ignem accendant.

7. Atque hinc colligitur, ad quemcunque actum hujus amoris, licet imperfectum, esse necessarium gratiæ auxilium, non solum per accidens, propter difficultates corporis, vel concupiscentiæ, vel aliarum tentationum, sed per se, propter entitatem actus. Probatur ex proxime dictis, quia isti actus sunt ejusdem ordinis cum perfecto amore charitatis; ergo in sua entitate, & substantia sunt supernaturales; ergo liberum arbitrium natura sua est impotens ad illos efficiendos, etiam si nulla alia difficultas occurrat; ergo per se indiget auxilio gratiæ, ut illos possit efficere. Item ad opus pietatis, quod ex se, & ex vi sui objecti tale est, & ad gratiam aliquo modo disponit, per se, & intrinsece est necessarium gratiæ auxilium, ut fieri possit, talis autem est ille actus: nam per se, & natura sua tendit in Deum finem supernaturalem, & in illo genere honestatem habet; ergo. Major declaratur ex supra dictis, quia dupliciter potest opus esse pietatis, & conducere ad vitam æternam. Primo non ex se, sed ex sola relatione, seu imperio alterius actus superioris ordinis, quomodo opera virtutum acquisitionum possunt pie fieri, & sic conferre ad vitam æternam, licet ex se, & nude sumpta opera propriæ pietatis non sint, ut supra lib. 1. est explicatum, & ad hæc opera per se spectata non est necessarium per se auxilium gratiæ, sed solum ob difficultates occurrentes. Quando autem pie fiunt, est per se necessarium superioris auxilium ad actum imperantem, a quo habet actus imperatus, ut actus pietatis sit. Alio modo potest esse actus pietatis ex se, & ex vi sui objecti, & entitatis, & qui talis est, eo ipso per se requirit supernaturale auxilium, quia non habet, quod sit opus pietatis ex imperio alterius actus, sed per se, & solitarie factus talis est, & ideo nunquam fieri potest sine auxi-

Resolutio 2. dubii in n. 2. positi. Auxiliū gratiæ ad hujus actus entitatem per se est necessarium.

auxilio: hoc ergo modo est necessaria gratia ad amorem etiam imperfectum, si ex motivo supernaturali fiat.

8. Potest autem in hoc constitui differentia inter amorem charitatis super omnia, & quemcunque alium amorem non super omnia ejusdem ordinis, quod amor super omnia non habetur sine Spiritu Sancto inhabitante per gratiam habituales, alius vero quilibet haberi potest sine gratia habituali per motionem Spiritus Sancti. Quæ tamen differentia sano modo intelligenda est. Nam si loquamur de gratia efficiente, seu eliciente amorem, sicut illa non est simpliciter necessaria ad eliciendum amorem imperfectum, seu non super omnia, ita etiam non est simpliciter necessaria per modum principii ad eliciendum amorem super omnia. Nam cum primum incipit homo diligere Deum super omnia, ut a peccato exeat, amor ille primus non elicitur ab habitu, ut indicatur a Concil. Trident. sess. 6. cap. 6. & infra probabimus. Et e converso sicut post comparatum infusum habitum, dilectio super omnia ab illo elicitur, ita etiam affectus alii minus perfecti, dummodo ejusdem ordinis sint, per eundem habitum fiunt, quia sub eadem ratione objecti fiunt, comprehendunturque sub tota latitudine illius, & ita etiam connaturali modo fiunt. Differentia ergo solum est, quod amor super omnia semper requirit gratiam habituales, vel antecedentem, vel saltem consequentem ordine naturæ, simul autem tempore, quia amor super omnia est ultima dispositio ad habitum charitatis, ut infra dicemus, at vero amor imperfectus potest etiam tempore præcedere habitum charitatis, & gratiæ; imo frequentius ita contingit.

9. Ad primum ergo fundamentum positum in particula, *sicut oportet*, quam addunt Concilia, respondetur, hunc etiam amorem esse sicut oportet, non quidem ad obtinendam statim perfectam justificationem, & remissionem peccatorum, sed ad inchoandam aliquo modo justificationem, disponendo remote ad illam, vel aliquod majus auxilium impetrando, & hoc satis esse, ut actus gratiæ, & supernaturalis sit. Imo Vega supra existimat, Concil. abstulisse a verbo, *Super omnia*, ut omnem dilectionem infusam comprehenderet. Adde Concil. Arausic. cap. 7. latius posuisse illam particulam, *Ut expedit*, utique ad faciendum aliquid, quod ad salutem pertinet vitæ æternæ, & cap. 25. duas apposuisse, scilicet, *diligere, sicut oportet, & operari propter Deum*, & prius dixerat, *propter Dei donum esse diligere Deum*. Complectitur ergo omnem amorem Dei ut finis supernaturalis, nam omnis ille de se aliquo modo confert ad salutem. Ad secundum jam dictum est, posse peccatorem hunc imperfectum amorem Dei ex auxilio, & motione Spiritus Sancti concipere, neque est inconveniens; imo consentaneum providentiæ divinæ gratiæ, ut interdum peccator inflammetur ad hos affectus, ut paulatim ab imperfecto ad perfectum procedat. Neque propterea dicendum est, peccatorem posse charitatem habere, quia charitas absolute dicta, vel significat habitum, vel absolutam conversionem animæ in Deum gratiæ authorem per amorem perfectum. Potest autem dici peccator habere interdum quandam inchoationem, vel initium charitatis per Spiritus Sancti motionem, ut August. loquitur. Ad tertium respondetur, negando assumptum: nam is, qui fidem infusam habet, potest interdum, non ab illa, sed ab aliqua cogitatione naturali, vel humana fide excitari ad aliquem Dei amorem, & tunc non aliter amabit Deum, quam hæreticus, vel alius infidelis habens similem de Deo cogitationem, & nihilominus, si fide sua utatur, & per illam excitetur ad cogitandum altiori modo de bonitate, tunc etiam si prodeat in actum imperfecti amoris, amabit altiori, & nobiliori modo, quam infidelis, ut satis explicatum est.

C A P U T X V I.

Utrum ad aliquos actus moralium virtutum sit per se necessaria gratia, eo quod in specie sua supernaturales sint?

1. **S**Tatui in hoc tractatu omnia, quæ ad divinam gratiam nobis inherentes spectant, complecti; tum quia omnia sub illius objecto comprehenduntur, ideoque nec exacte cognoscitur, neque exhaustitur, si aliqua omittantur; tum quia, cum hæc omnia sint inter se connexa, & ex eisdem principiiis pendeant, vel non satis explicari possunt, cum disputatione se junguntur, vel eadem sæpius repetere necessarium est. Ob hanc ergo causam totam generalem doctrinam de habitibus, & virtutibus infusis in cursu hujus operis tradere decrevi, & quia habitus per actus cognoscuntur, ideo sicut de necessitate gratiæ ad actus Theologicos hæcenus diximus, consequenter dicendum sequitur de ejusdem gratiæ ad morales actus necessitate. Quamvis enim in primo libro de actibus acquisitis satis dictum sit, hic videndum est, an in materiis moralibus earundem virtutum exercentur a justis, vel fidelibus aliqui actus per se infusi, & supernaturales, ad quos sit necessaria gratia, non tantum ex accidenti, propter impedimenta lapsæ naturæ, sed per se propter naturam, & speciem talium actuum.

2. Ratio ergo dubitandi esse potest, quia materia horum actuum, & honestas illorum mere naturalis est; ergo etiam ipsi actus sunt naturales; ergo non est per se necessaria gratia ad illos, & ad singulos illorum. Probatur prior illatio, in qua est difficultas, quia non potest circa eandem materiam excogitari species actus nobilioris rationis, & ordinis, ad quam totam per se sit necessaria gratia, quia illa species deberet sumi ex aliquo objecto supernaturali, ibi autem nullum est. Secundo argumentor, quia si esset necessaria gratia ad hos actus, maxime ut fiant meritorie, & propter supernaturalem finem; sed ad hoc non est necessaria specialis gratia, præter eam, quæ ad fidem, & charitatem datur; ergo propter ipsos actus non est per se necessaria. Probatur minor, quia supposita gratia sanctificante personam, per fidem charitate operantem referuntur hi actus ad finem supernaturalem, & ita fiunt meritorie: ergo non est necessaria propria gratia propter speciem, seu entitatem talium actuum. Tertio Concil. Trident. sess. 6. canon. 3. specialiter de actu fidei, spei, charitatis, poenitentiae, definit ad illos esse necessariam gratiam; ergo quamvis de aliis non neget, tacendo significat, illam necessitatem non ultra extendi, vel certe nos non teneatur aliam admittere: illa enim gratia, quæ ad illos actus datur, est sufficiens ad justitiam, & consequenter ad salutem; ergo non est necesse gratiæ necessitatem, quæ sit per se, & ex natura ipsorum actuum, ad alios extendere.

3. Quarto, ac præcipue argumentor, quia prudentia, quæ dictat de agendis in materiis moralibus, non elicit supernaturale judicium, sed naturale; ergo electio moralis illi respondens naturalis est; quia prudentia est regula, & auriga virtutum moralium, & ideo ejusdem ordinis sunt; ergo non est necessaria per se gratia ad tales actus, cum naturales sint. Primum antecedens patet, quia judicium prudentiæ est practicum, & in particulari fertur, per spectis omnibus circumstantiis, unde semper pendet ex humanis conjecturis: quia propter licet sæpe fundetur in aliquo principio universali supernaturali, nihilominus semper applicatur ad opus media propositione aliqua naturaliter cognita, ut v.g. quod hic, & nunc occurrat materia talis virtutis; ergo semper judicium prudentiæ erit naturale, quia sequitur debiliorem partem, sicut judicium Theologicum naturale est, licet ex præmissa de fide cum alia naturaliter cognita eliciatur. Ultimo confirmatur, quia si darentur tales actus supernaturales virtutum moralium, possent esse in homine existente in peccato mortali, quia status peccati non impedit quominus aliquis possit in materia moraliter recte

Differentia inter amorem super omnia, & quemcunque alium ejusdem ordinis non super omnia.

Ad primum fundamentum in n. 3.

Ad secundum ibid.

Ad tertium in eodem num. 3.

Ratio dubitandi ostenditur 1.

Ostenditur 2.

Ostenditur 3.

Ostenditur 4.

Ostenditur 5.

li recte operari secundum omnem honestatem, quæ in materia illa reperitur, consequens autem videtur falsum, alias omnes virtutes morales infusæ essent in peccatore, quia ubi est actus potest esse habitus: hac enim ratione manent in peccatore fides, & spes: consequens autem non admittitur; ergo.

4. De hoc puncto pauca invenio a Theologis in propriis terminis dicta, quia non de actibus, sed de habitibus virtutum moralium questionem movent, an sint aliqui per se infusi, nec ne? Qui autem negant virtutes morales per se infusas, consequenter negare coguntur actus talium virtutum per se etiam infusos, seu supernaturales, quia si homo posset elicere morales actus in substantia supernaturales, non negaremus illi habitus ejusdem ordinis, quibus fieret intrinsece potens ad tales actus efficiendos; ergo e converso qui negarunt habitus, plane non cognoverunt tales actus. Atque ita possunt pro hac sententia allegari Hentric. Scot. Durand. Argent. Marfil. Gabr. & Ocham, quos in questione de habitibus in sequenti libro referemus. Deinde etiam possunt pro hac sententia allegari, qui negant Theologales actus supernaturales quoad substantiam, quia multo altius, & magis supra naturam est objectum Theologorum actuum, quam moralium; ergo si Theologales actus non sunt supernaturales, multo minus actus morales.

5. Nihilominus dicendum est in materiis virtutum moralium exerceri posse ab homine Christiano actus honestos supernaturales in sua substantia, & specie. Ita ut ad illos, & singulos illorum sit necessaria gratia per se, non tantum propter impedimenta, vel difficultates extrinsecas, ac subinde non tantum in natura lapsa, sed etiam in integra illa necessitas inventa sit. Pro hac sententia allegari possunt omnes, qui ponunt morales virtutes infusas per se, quos libro sequenti referemus. Veruntamen quamvis consequentia evidens sit nostra sententia, multi tamen Doctores negantes Theologicos actus supernaturales quoad substantiam, admittunt habitus Theologicos per se infusos; ergo e contrario ex eo, quod virtutes morales per se infusas agnoscant, non sequitur agnovisse actus morales in substantia supernaturales, cum id non declarent. Et ita Gabr. in 3. distinct. 33. artic. 3. dub. 2. & Ocham. in 3. quæst. 1. art. 4. dub. 3. admiserunt virtutes morales per se infusas, licet actus supernaturales quoad substantiam, etiam Theologales negaverint. Et similiter Cajetan. qui alias negat actum etiam charitatis quoad substantiam, admittit virtutes infusas morales 1. 2. quæst. 63. art. 3. quamvis in probatione illius opinionis de habitibus, videatur vel invitus similes actus agnoscere, ut statim dicam. Ex modernis vero tenuit hanc sententiam Valentia 2. part. disp. 5. quæst. 6. punct. 1. Et expressius Vazq. disput. 86. cap. 2. Estque aperta sententia D. Thomæ 1. 2. quæst. 63. artic. 4. & quæst. 1. de Virtutibus in communi art. 10. præsertim ad 8. 9. & 10.

6. Ratione potest hæc sententia probari primo ex habitibus, quia dantur homini iusto virtutes morales per se infusæ; ergo dantur propter actus supernaturalis ordinis, qui non possunt esse tales ratione alicujus modi accidentalis, quia nullus fingi potest, propter quem elicendum, sit necessaria virtus per se infusa, ut manifeste probant omnia adducta cap. 4. quæ hic cum proportionem applicari possunt; ergo etiam dantur actus virtutum moralium ordinis supernaturalis secundum species suas. Consequentia, ut dixi, est evidens, & ibi est satis probata. Nihilominus tamen in præsentia non est ratio efficax, nisi ex suppositione, quia antecedens, quod supponitur, hic non est tam certum, sicut in virtutibus Theologicis, nec potest ita autoritate persolveri: utendo autem solo discursu, & ratione, potius probandum est dari habitus ex actibus quam e converso, quia habitus propter actus dantur, & ideo potius ab actibus ad habitus procedendum est.

7. Secundo probari potest assertio inductione, distinguendo in duos ordines virtutes morales. Quædam enim sunt, quæ Deum respiciunt, saltem in objectum, *Cui*, quod non proxime, & immediate, sed per medium aliquod attingunt, ut sunt Religio,

Pœnitentia, vel Justitia, si quæ est ad Deum specialis, &c. Aliæ vero sunt, quæ circa materias omnino versantur. Et de prioribus videtur, & per se verisimilius, & ad probandum facilius, in materiis illarum virtutum dari actus quoad substantiam supernaturales, quia sunt virtutibus Theologicis propinquiores, & cum proportionem attingere possunt Deum sub rationibus excellentioribus, quam natura possit. Quamvis autem Deus non sit tam proximum objectum harum virtutum moralium, sicut est Theologalium: nihilominus etiam concurret in ratione objecti suo modo ad specificationem talium actuum: ergo cum Deus in ratione objecti *Cui*, possit etiam attingi sub rationibus supernaturalibus, etiam poterit attingi per actus quoad substantiam supernaturales. Item in ipsis actibus, vel rebus, per quos hæc virtutes attingunt Deum, possunt, rationes supernaturales intervenire ut inductione quadam ostendi potest. Nam gratitudo ad Deum, vel religio gratias agit Deo propter beneficia supernaturalia, & quia altiori modo, & per nobiliorem communicationem sua bona in nos effundit, quam per naturalia beneficia, & similiter eadem religio orat Deum modo superiori, & per actus supernaturales, ut ostendi in secundo tomo de Relig. tract. 1. lib. 1. cap. 8. & de actu Voti tract. 3. lib. 1. cap. 25. & in universum de toto cultu religionis tom. 1. de Relig. tract. 1. lib. 2. cap. 1. Et certe qui consideraverit excellentiam sacrificii hujus religionis, facile intelliget, non posse oblationem ejus, sicut oportet, per voluntatem mere naturalem fieri. Item in cultu Sanctorum, Reliquiarum, &c. inveniuntur rationes supernaturales, quæ non nisi per supernaturalem lumen regulari, & per gratiam exerceri possunt. In virtute etiam pœnitentiæ, ut est quædam justitia ad Deum, invenitur voluntas satisfaciendi Deo pro offensa, cum tamen satisfactio supernaturalis sit, & ratio offensæ divinæ sit suo modo supernaturalis. Quia vel illa ratio injuriæ divinæ, quæ est in peccato, omnino non cadit sub cognitionem naturalem, vel non eo modo, neque in eo gradu, quo per fidem creditur, ut latius tractavi in tom. 4. 3. part. disput. 3. sect. 6. præsertim in fine. Ubi hanc voluntatem satisfaciendi Deo cum voluntate credendi æquiparavi, quia revera in utraque militat eadem ratio: nam utraque moralis est, & utraque solum attingit Deum ut objectum *Cui*, & utraque movet ad aliquid supernaturale præstandum. Denique etiam actus obedientiæ ad Deum prout ab homine Christiano concipitur, supernaturalem habet materiam, nam vult obedire Deo, etiam supernaturalia præcipienti, quod excedit naturales vires, quia conformitas illa ad supernaturale præceptum, & debitum, quod inde nascitur, altioris ordinis est; in materia ergo harum virtutum, & in objectis earum facile cernitur supernaturalitas sufficiens ad dandam actibus speciem altioris ordinis.

8. Hinc vero fieri potest conjectura de aliis virtutibus, nam in primis necessarius erit actus infusus prudentiæ, quæ prædicti actus dirigantur. Nam judicium practicum, quod præceptum supernaturale servandum sit, non potest esse acquisitum, sed infusum, idemque est de judicio, quod orandum sit, vel sacrificandum Deo tali modo, & aliis similibus. Hæc autem ipsa prudentia infusa, quæ in materiis harum virtutum ita judicat, potest etiam in materiis aliarum virtutum idem facere, de illisque ex rationibus superioribus ita judicare, ut actus voluntatis, qui ad illam proportionem servant, supernaturales sint, ut maxime cernitur in actu martyrii in custodia virginis, & in corporis mortificatione propter spiritualem animæ profectum, & similibus. Et hanc prudentiam videtur vocare Paulus ad Rom. 8. *prudentiam spiritus*, & de his, qui illa gubernantur, ait, *non secundum carnem ambulare, sed secundum spiritum*, id est, secundum motionem gratiæ, & Spiritus Sancti, unde adjungit, *Prudentiam spiritus esse vitam, & pacem*. Quæ omnia indicant, actus ejus esse supernaturales, & per se ad salutem æternam pertinentes.

9. Tercio hoc magis declarabitur, & confirmabitur ratione universali, & a priori, quia actus virtutum moralium non distinguuntur ex solis materiis, sed pro.

Negative
partis au-
thores.

Vera re-
solutio
affirmat.
siva o.

a. Ratio

a. Ratio
ex indu-
ctione.

Probatur
de grati-
tudine.

De Reli-
gione.

De Pœni-
tentia.

De Obe-
dientia.

Ostendi-
tur præ-
terea de
prudens-
tia.

3. Ratio
priori.

proprie, & formaliter ex motivis, & rationibus operandi circa talem materiam: sed in his materiis dantur motiva sufficientia ad distinguendos actus supernaturales a naturalibus, etiam secundum species, & substantias eorum; ergo dari possunt tales actus moralium virtutum, qui ex objectis supernaturales sint. Major propositio constat primo ex generali ratione objecti specificantis actum, quod non debet esse tantum materiale, ut in cap. 6. vidimus. Hoc enim maxime habet verum in virtutibus moralibus. Nam, ut dixit Aristot. 2. Ethicor. cap. quarto ad operandum studiose, non satis est facere, quod honestum est, sed oportet operari, quia honestum est: honestas ergo est objectum formale specificans. Unde ubi fuerit diversa honestas objectiva, erit etiam distincta virtus. Sic enim idem Aristot. 3. Ethicor. cap. 8. veram ab apparenti fortitudine distinguit ex motivo, etiam si materia eadem sit, & in 3. Politicor. cap. 3. eodem modo distinguit virtutem boni viri, vel boni civis. Ac denique nulla alia ratio apta ad distinguendum actus voluntatis circa eandem materiam moralem excogitari potest, cum tamen certum sit posse esse distinctos, vel ut virtutis, & vitii, vel ut diversarum virtutum.

10. Probatur ergo, & explicatur minor propositio, nimirum in materiis moralibus posse inveniri motivum ordinis supernaturalis sufficiens ad distinguendum supernaturalem actum a naturali. Quia honestas objectiva in materiis moralibus sumitur ex conformitate ad regulam rectæ rationis, vel (ut alii loquuntur) ex conformitate ad ipsam naturam rationalem, ut rationalis est, quod fere in idem redit, quia semper intervenire debet regula rationis. Natura autem rationalis spectari potest, & secundum se, & nude sumpta, vel ut elevata per gratiam; ergo in his eisdem materiis moralibus duplex conformitas intelligi potest, & debet, & similiter duplex regula. Una est conformitas ad naturam rationalem secundum se, quæ per puram rationem naturalem regulatur. Alia est conformitas ad naturam gratiæ, quæ regulatur per lumen divinum, & supernaturalem rationem; ergo ex his resultant duæ honestates diversarum rationum, quæ possunt esse motiva operandi actus specie diversos. Declarari hoc potest ex verbis Christi Matth. 10. *Qui recipit discipulum in nomine discipuli, vel Prophetam in nomine Prophetæ mercedem discipuli, vel Prophetæ accipiet*: illis enim insinuat, opus illud, quod materialiter videtur esse misericordiæ, si fiat homini, solum quia homo est, esse ordinis naturalis: si vero fiat, quia fidelis est, & civis Sanctorum, ac domesticus Dei, esse misericordiæ superioris ordinis. Sic etiam dicebat Petrus 1. canon. cap. 4. *Nemo patiatur ut maledicus si autem ut Christianus, glorificet Deum in isto nomine*. Hic ergo respectus ad nobiliorem statum filiorum Dei elevat actum ultra speciem virtutum acquisitarum. Et sic potest intelligi, quod Paulus ad Galat. 5. inter fructus spiritus numerat patientiam, mansuetudinem, ac alios actus morales, quando enim isti sunt non mere naturaliter, sed spiritualiter, habent alio rem rationem virtutis: sunt autem spiritualiter, quando in eis consideratur conformitas ad gratiam, & veram sanctitatem, & ideo per superiores fidei regulas mensurantur.

11. Potestque hæc ratio amplius declarari, & confirmari, quia velle aliquid, quia est conforme naturæ sensitivæ, ut sic, vel quia est conforme naturæ rationali, efficiunt actus diversarum rationum; ergo multo magis id efficiet conformitas ad naturam rationalem, ut sic, vel ad gratiam, ut talis est, seu ad divinam, & supernaturalem rationem; ergo differunt tales actus, quia unus est naturalis, & alius supernaturalis. Consequentia prima clara videtur ex paritate rationis, & quia magis distat esse gratiæ ab esse naturali rationali, quam esse rationale a sensitivo. Altera vero consequentia, quæ in principali ratione etiam facta est, probatur, quia hæc ex suo termino speciem sumit, terminus autem ille supernaturalis est, unde non nisi per supernaturalem rationem cognosci, nedum regulari potest; ergo etiam motiva talium actuum supernaturalia sunt; ergo & actus ipsi, juxta doctrinam

cap. 6. datam. Et hujus etiam argumentum est, quia sæpe medium virtutis moralis magis diversum est comparatum ad gratiam, quam ad solam naturam, & sæpe vel abstinencia nimia, vel austeritas, & similia judicata per puram rationem naturalem medium rationis excedere videri possunt; quæ in ordine ad gratiam continent honestissimam mediocritatem, cuius regula supernaturalis ratio esse potest.

12. Atque hinc ulterius colligitur, ad hos actus morales superioris ordinis necessariam esse gratiam, non ex accidenti, sed ex natura illorum, requirique ad omnes, & singulos, & non solum in statu naturæ lapsæ, sed etiam integræ. Hoc manifestum est ex dictis de actibus Theologicis. Nam est eadem ratio, quia gratia non est necessaria propter solam speciem, vel nobilitatem actus Theologici, sed simpliciter propter genus actus supernaturalis quoad substantiam, ut nomen ipsum præ se fert, superat enim ex vi suæ entitatis vires naturæ; ergo hic defectus virium ad rationem actus est naturalis voluntati secundum se spectatæ in omni statu, & respectu cujuscunque actus talis ordinis eundem habet defectum; ac proinde auxilio gratiæ indiget. Et juxta hunc modum distinguendi hos actus infusos ab acquisitis, & objectis eorum, processit manifeste Divus Thomas 1. 2. quæst. 63. articulo quarto, & dicta quæstione prima de Virtut. artic. 10. præsertim ad 8.

13. Ad primum fundamentum contrariæ sententiæ constat responsio ex dictis: nam licet materia moralis sit eadem in actu supernaturali, & naturali, nihilominus motivum, & ratio est diversa, & illa eadem materia est capax motivi, seu honestatis supernaturalis, qualis a nobis explicata est, & hoc sufficit, ut actus sit supernaturalis, & specie distinctus ab acquisito, seu naturali. Ad secundum respondemus in primis, nos non ponere hos actus supernaturales propter solam relationem ad ultimum finem supernaturalem. Scimus enim etiam naturales actus posse referri ad illum finem ex libera intentione operantis, & tunc non accipere ab illo fine substantialem speciem, sed accidentalem, per extrinsecam relationem, seu denominationem. Ponimus ergo hos actus propter intrinsecum objectum formale, a quo accipit actus virtutis substantialem speciem. Atque ita respondet D. Thom. dicto art. 4. ad 1. & in dicto art. 10. ad 9. & 10. qui recte hinc colligit, actum infusum habere proportionem ad ultimum finem supernaturalem, & aliter referri in illum, quam acquisitum, Potestque ita explicari: nam actus moralis supernaturalis natura sua tendit in finem ultimum supernaturalem, & ad illum disponit, etiam si ab operante non referatur: actus autem naturalis non ita tendit, nisi ab extrinseco quasi elevetur, & ordinetur. Simili modo dicimus, hos actus non poni propter rationem meriti; tum quia actus naturales possunt esse meritorii saltem extrinsecus elevati; tum etiam, quia ut supra diximus, solus modus meriti non est satis ad explicandam supernaturalitatem actuum. Ponimus ergo illos propter intrinsecam specificationem supernaturalem, quam habent, ut explicatum est. Inde vero etiam ad rationem meriti habent majorem proportionem: nam si sint in homine grato, ex se, & absque alia relatione sunt perfecte meritorii: naturales autem semper indigent extrinseca relatione formali, vel virtuali, ut infra suo loco latius explicabimus.

14. Ad tertium respondemus, nos hic non agere de necessitate præcepti, aut medii talium actuum ad salutem, sed de necessitate gratiæ ad ipsos actus, quæ necessitas potest optime a priori separari. Nam gratia necessaria est, non solum ad actus præceptos, sed etiam ad actus consilii, si supernaturales sint, & ideo quid sit de præcepto operandi aliquando hos actus; ut fiant, sicut fieri possunt, gratia erit ad illos necessaria. Non est autem probabile, aliquando posse intervenire hanc obligationem, ut in actu martyrii, vel simili. Unde nihil ad rem facit, quod ex Concil. Trident. adducit, quia Concilium tradidit doctrinam certam, rem autem inter Theologos controversam noluit definire, illam tamen non exclusit; tum etiam, quia ibi numeravit actus necessarios ad justificationem,

Necessaria est per se gratia ad hujusmodi actus.

Solutio 1. argum. in num. 2.

Solutio 2. ibid.

Solvitur 3. argum. in eodem num. 3.

Pergitur ratio, & probatur minor.

Infertur ratio amplius.

nem, de qua ibi tractabat, isti autem actus non sunt necessarii ad justificationem. Postea vero in cap. 16. generaliter dixit, influxum gratiæ Christi esse necessarium ad fructus justitiæ, ad quos isti actus pertinent, quomodo autem ille influxus sit necessarius non declaravit, quia non pertinet ad dogmata fidei.

Ad 4. arg.
in nom. 3.

15. In quarto principali argumento petitur, quomodo iudicium prudentiæ infuse possit esse supernaturale, cum pendeat ex conjecturis, & circumstantiis sensu, vel alias naturaliter cognitis, & hujus occasione tangitur similis difficultas de assensu Theologico. Sed hoc postulat longiorem disputationem ad alia loca pertinentem. Dico ergo breviter, iudicium prudentiæ infuse, licet requirat cognitionem circumstantiarum particularium ut conditionem necessariam, non tamen per se fundari in illa tanquam in propria ratione assentiendi, sed in divino lumine, seu revelatione applicata ad talem materiam mediante illa cognitione. Sicut etiam assensus fidei requirit sufficientem propositionem objecti naturaliter cognitam, non tamen in illa per se fundatur. Solum est differentia, quia revelatio fidei immediatius applicatur ad suam materiam, quam ad materiam prudentiæ. Atque idem dicere soleo de assensu Theologico, si in suo ordine perfectus sit, id est, si habeat certitudinem majorem, quam sit certitudo assensus naturalis, ex quo ille deducitur, nam certitudo major supernaturalis est, & ideo non potest per se fundari in assensu naturali. Sed de hoc latius in tractatu de Fide.

Ad ult.
um arg.
in eodem
dum.

16. In ultima confirmatione petitur, an hi actus virtutum moralium supernaturales possint esse in homine peccatore, & consequenter an gratia habitualis sit necessaria ad illos eliciendos. Aliqui affirmant, hos actus essentialiter pendere ex dilectione Dei super omnia, ut finis supernaturalis est, quia ex relatione ad illum finem distinguitur ab actibus supernaturalibus. Unde concludunt, non posse esse in homine peccatore, nec sine gratia habituali. Potestque hoc suaderi, quia alias virtutes infuse morales possent esse, & permanere in homine amissa gratia habituali, quia ubi sunt actus, possunt esse habitus, hoc autem communiter non conceditur.

Vera re-
solutio.
Hi actus
possunt in
peccatore
seperiri.

17. Contrariam vero sententiam censeo veram. Nam illa dependentia essentialis horum actuum a dilectione charitatis Dei super omnia, gratis excogitata est. Quia hi actus nec pendent ab actuali dilectione, quæ tunc esse debeat, quando isti actus fiunt, ut est per se notum: vix enim possunt fieri tot actus, vel certe requirunt magnam perfectionem in operante, quæ ad tales actus necessaria non est. Neque etiam pendent ab actu præterito dilectionis virtualiter nunc influente, primo quia ille influxus solum potest esse accidentalis, ut supra dicebam; non est ergo simpliciter necessarius. Secundo, quia contingere potest, ut aliquis sit in gratia, & nunquam prius habuerit dilectionem Dei super omnia, ut in parvulo baptizato veniente ad usum rationis, & peccatore justificato per solam attritionem cum sacramento, ille autem potest exercere actus istos, quia etiam habitus habet, & nulla repugnantia cogitari potest; ergo naturalis relatio fundata in præcedenti dilectione super omnia non est simpliciter necessaria. Sola vero relatio habitualis ad summum potest requiri ad meritum, non vero ad substantiam actus, quia non est proprie relatio actus, sed potius personæ; ergo quoad substantiam actus poterit talis actus esse in peccatore, licet in illo non sit meritorius. Cum autem tales actus in sua substantia sint supernaturales, & honesti, etiam in peccatore tales erunt. Tertio licet daremus, esse necessariam aliquam relationem operantis ad ultimum finem, & beatitudinem supernaturalem, posset hæc fieri per virtutem speciei, quam peccator habet, nam hoc modo etiam peccator orare potest, vel elemosynam facere, ut aliquo modo præparet sibi viam ad beatitudinem; ergo hoc modo non obstat, quominus peccator habere possit supernaturales actus morales.

Progre-
di-
tur tradi-
ta solutio

28. Igitur veritas est, ad substantiam horum actuum non esse necessariam relationem operantis in ordine ad ultimum finem, sed sufficere ut actus fiant

ex intrinseco motivo, & objecto formali talium virtutum. Nam ab illo habet actus suam substantiam, & speciem, & tunc ipsemet natura sua tendit in talem finem, ut explicatum in superioribus est. Potest autem peccator moveri ad hos actus eliciendos ex intrinseco motivo supernaturali, quia habet fidem, & supernaturalem regulam; ergo potest ex illa moveri ad operandum. Atque hoc modo potest peccator habere attritionem supernaturalem, potest etiam habere voluntatem moriendi pro fide prius quam justificetur, & sic de aliis. Igitur per se loquendo, gratia habitualis non est necessaria ad eliciendos hos actus, sed actuali auxilium potest sufficere, quod non negat Deus peccatori, si ipse velit, quod in se est, facere per propria auxilia. An vero hoc non obstante, hæc virtutes morales sint per se connexæ cum gratia sanctificante, & ab illa nunquam separantur; dicemus postea. Nunc solum dicimus, non esse necessarium, ut Deus statim infundat habitum virtutis peccatori elicienti unum, vel alium actum ejus, quia nec ibi intervenit meritum de condigno, neque aliqua lex, vel promissio de hoc extat.

C A P U T XVII.

Utrum præter actum fidei sint in intellectu speculativo aliqui actus supernaturales, propter quos gratia per se necessaria sit?

1. **D**iximus de necessitate gratiæ ad proprios actus virtutum Theologalium, & moralium divini ordinis: nunc superest dicendum de quibusdam actibus, qui per antonomasiam dona Spiritus Sancti dicuntur. Quamvis enim omnia bona, quæ nobis a Deo communicantur, quatenus ab amore ipsius procedunt, qui Spiritui Sancto appropriatur, possint late vocari Spiritus Sancti dona, & specialius ea, quæ ad gratiam pertinent, & ad salutem æternam conducunt: specialissime vero appropriatum est a Theologis hoc nomen quibusdam supernaturalibus perfectionibus, quæ iustis a Spiritu Sancto dantur, de quibus tractat generatim D. Thom. 1. 2. quæst. 68. & speciatim 2. 2. in tractatibus de singulis virtutibus, quibus dona annectuntur: alii vero Theologi in 3. distinct. 34. & 35. qui præcipue tractant de habitibus, & per occasionem aliquid attingunt de actibus: nobis autem visum est, (sicut de virtutibus moralibus dixi) ad complementum hujus libri, qui est de necessitate gratiæ ad actus supernaturales, oportere de his actibus hoc loco sermonem habere, & per illorum cognitionem ad ea, quæ de habitibus dicenda sunt, viam parare.

De Spiritu
tus S. dona
nis agere
dum.

2. Prius autem scire oportet disputationem hanc de actibus donorum fundatam esse a Theologis in loco Isaï. 11. *Requiescet super illum spiritus Domini spiritus sapientiæ, & intellectus spiritus consilii, & fortitudinis, spiritus scientiæ, & pietatis, & replebit eum spiritus timoris Domini.* In quibus numerantur septem speciales perfectiones ad actus intellectus, & voluntatis pertinentes. Nam primum illud membrum: *Requiescet super illum spiritus Domini*, non continet specialem effectum, sed quasi genus ad cætera dona, quæ sunt quasi ad species. Sic Tertul. lib. 5. contra Marcion. cap. 8. *Requiescet* (inquit) *super illum spiritus Domini. Dehinc species ejus enumerat spiritus sapientiæ, &c.* Videtur autem ibi nominari effectus sub nomine causæ, ut donum a Spiritu Sancto procedens spiritus Domini vocetur. Unde Nazianz. orat. 43. in Sanct. Pentecost. hunc attingens locum, *Isaias* (inquit) *ut opinor, spiritus operationem spiritum appellare solet.* Vel certe ipse spiritus Domini a suis effectibus, & donis multipliciter denominatur, ut Hieronym. Cyril. & Origen. ibi exponunt: idemque spiritus Domini dicitur requiescere in eo, cui confert dona sua, vel certe ipsa dona, seu effectus spiritus, appellantur a Propheta spiritus, ut denotetur, fieri in nobis per motionem Spiritus Sancti adeo singularem, & excellentem, ut per antonomasiam spiritus Domini vocentur.

Colliguntur Spiritus S. dona ex Scriptura.

De Christo Domino loquitur propheta.

Ad alios tamē homines extenditur.

Idem docent alii Patres.

Expenduntur aliqui Patres contrarium opinantes

3. Notandum præterea est, ad literam solum de Christo Prophetam loqui, & in illo prædicare requieturum Spiritum Sanctum cum his donis suis, quod manifestum est ex contextu: *Egredietur virga de radice Jesse, & flos de radice ejus ascendet.* Per virgam enim Virginem, & per florem Christum Sancti intelligunt, Hieronym. & Cyril. ibi August. lib. 3. de Symbolo ad Catechum. cap. 4. Subjungitur autem: *Et requiescet super eum spiritus Domini*, igitur super florem Christum, ut iidem Patres exponunt, spiritus cum donis suis requiescet, ut etiam optime Bernard. serm. 2. de Annuntiatio. Cyprian. lib. ad Quin. cap. 11. Nihilominus tamen verba illa ad ceteros justos iidem Patres extendunt, vel quia Christus non sibi soli, sed nobis etiam illa accepit, vel quia de plenitudine ejus omnes accepimus, in Christo enim fuerunt illa dona cum plenitudine tanquam in exemplari. Et hoc sentit Chrysost. in Psalm. 44. ubi eundem Isaie locum de Christo tractans, ait, *Nos de plenitudine ejus accepimus*; & infra. *Sed illis quidem est integra, & universa gratia, in hominibus autem parum quid, & gutta ex illa gratia.* August. etiam serm. 199. de Tempore cap. ult. dicit, nos repleti septiformi spiritu, sicut Isaías prophetaverat, & prædicta verba subjungit. Item serm. 17. de Sanctis 1. de Annuntiatio. dicit, Isaia ibi *septem illa notissima dona spiritualia commendare*, quæ nobis cum Christo communia esse intelligit. Addit vero, Christo tanquam magistro, & doctore attribui, incipiendo a sapientia, descendendo usque ad timorem, id est, humilitatem, in nobis vero debere a timore incipere, ut ad Sapientiam perveniat. Quem discursum latius prosequitur lib. 2. de Doctrin. Christian. cap. 7. & lib. 1. de Sermon. Domini in monte cap. 4. & fufius Ambros. Apocal. 4. vel alius sub ejus nomine.

4. Simili modo Hieronym. in Isaia, hæc septem dona intelligit, prædicta esse futura in Christo tanquam in capite, ut intelligamus, quod *absque Christo nec sapiens quis esse potest, nec intelligens, nec consiliarius, nec fortis, nec eruditus, nec pius, nec plenus timoris Dei.* Et Cyril. lib. 2. in Isaia. parum a principio, eadem verba explicans, ait, Spiritum Sanctum infudisse in Christo, *velut in ipso primo, & quasi in primitiis generis posterioribus, ut in nobis deinceps conquiesceret, ac maneret, ac in credentium mentibus cum voluptate habitaret.* Ambros. etiam Psalm. 118. Octon. 5. in illa verba. *Initium sapientie timor Domini*, in nobis septem illos effectus Spiritus declarat, & lib. 3. de Sacram. cap. 2. dicit, omnibus baptizatis infundi Spiritum, *cum omnibus his virtutibus.* Gregor. vero lib. 1. Moral. cap. 12. alias 28. dicit, per conceptionem bonæ cogitationis illas septem virtutes in nobis oriri, quas Isaia numerat, quas etiam ibi a virtutibus Theologicis distinguit. Et Homilia 29. in Ezechiel. dicit nobis aditum ad cœleste regnum aperiri per *septiformem gratiam, quam Isaia in ipso nostro capite, vel in ejus corpore enumerat.* Et optime Cyprian. lib. de Cardin. Christi operibus, cap. de Unct. Christum. *Ex hujus (id est, Spiritus Sancti) unctionis beneficio, & sapientia nobis, & intellectus divinitus datur, & consilium, & fortitudo cœlis infunditur, scientia, & pietas, & timor spirationibus supernis infunditur.* Et alios Patres retuli, 1. tom. in 3. part. disput. 20. sect. 1. Hinc ergo omnes Scholastici infra allegandi conveniunt, verba illa ita fuisse de Christo quasi per antonomasiam dicta, ut suo modo, & per participationem ad omnes justos pertineant, nam in eis etiam Spiritus Sanctus donum sapientie, & cetera operatur.

5. Unus Orig. hom. 6. in Num. de solo Christo verba illa interpretatur, ita ut reliquos etiam Prophetas, & Sanctos excludat, quia licet de aliis dicatur, quod requievit in illis spiritus Dei, nihilominus *supra nulum alium spiritum Dei requievisse septemplex hac virtute describitur.* Quod latius prosequitur hom. 3. in Isaia. Ad hæc sententiam videtur accedere Tertull. lib. contra Judæos cap. 9. ubi post verba Isaie subjungit. *Neque enim ulli hominum universitas spiritualium documentorum competeat, nisi in Christum.* Quod repetit lib. 3. contra Marcion. cap. 17. Veruntamen non videtur Orig. & Tertull. loquuti in sensu aliis Patribus contrario, sed Orig. præcipue facit vim in verbo *Requievit*,

Suarez, Tom. VI.

conferendo illud cum verbo, *manendi*, quo dictum fuit Joanni Baptistæ, *Super quem videris Spiritum Sanctum descendentem, & manentem* Joan. 1. Nam illis verbis significatum esse dicit, in nullo ita requievisse, & mansisse spiritum Domini, sicut in Christo, quia ab initio conceptionis, & semper sine interruptione in summa perfectione in illo requievit. Unde etiam volunt, in nullo fuisse dona spiritus cum illa plenitudine, & perfectione, quæ fuit in Christo, non tamen negant, eadem septem dona aliis justis per Christum, & juxta uniuscujusque mensuram communicari.

6. De his ergo donis, cum certum sit, in actibus primo consistere, vel per actus exerceri, certum etiam est, esse actus gratiæ specialis, & non posse sine auxilio gratiæ perfici eo modo, quo per Prophetam prædicuntur, & virtute promittuntur. Ita sentiunt omnes allegati Patres, & in eo etiam Theologi conveniunt: nam a Propheta satis aperte significatur; tum quia vocando hæc dona spiritus Domini, aut ab eis denominando spiritum Domini, satis indicat, non inventi in nobis perfectiones illas, nisi ex peculiari influxu, & operatione Spiritus Sancti; tum etiam, quia prius de Christo dixit Propheta: *Egredietur de radice Jesse*, & addit: *Et requiescet super eum spiritus Domini*, ut explicaret, hæc dona divinitus fuisse addenda Christo in humanitate ejus ultra omnem perfectionem ejus, ut pura quedam natura, & creatura existit; multo ergo magis in nobis per illa verba significantur dona superantia naturam. Hoc ergo supposito, superest inquirendum, quales sint isti actus donorum, an scilicet sint in sua substantia supernaturales, & an sint distincti ab actibus virtutum, de quibus hactenus tractavimus. Quoniam vero ex illis actibus quatuor ad intellectum pertinent, scilicet sapientia, intellectus, scientia, & consilium, & tres ad voluntatem, fortitudo, pietas, & timor, in quibus distinctæ sunt difficultates, & modi explicandi rationes eorum longe diversi, ideo in hoc cap. de tribus intellectualibus donis, quæ magis ad speculativam partem intellectus pertinent, in capite vero 18. de aliis donis moralibus, seu ad affectum pertinentibus dicemus, & inde tandem patebit, quid de consilio sentiendum sit.

7. Multi ergo ex antiquis Theologis loquentes generaliter de donis docuerunt, non esse distincta a virtutibus, sed ad illas reduci, seu esse idem cum illis respective, & servata proportionem. Ita censuit Scot. in 3. d. 34. q. unic. §. *Ad istam questionem*, & ibi Gabr. art. 2. Major ibidem quæst. 1. & ibi Palac. disp. unic. Guillel. Paris. lib. de Virtutib. fol. 73. col. 1. Ciari etiam solet Altissod. lib. 3. Summæ tract. 11. cap. 1. & sequentibus: ille vero licet quoad virtutes morales hanc doceat sententiam, quoad dona intellectus aliter sentit, ut infra videbimus. Et eodem modo opinatur Gerson. Abstra. 28. lit. E. in tract. de Donis Spiritus Sancti. Eandemque sequuntur sententiam aliqui ex novis interpretibus D. Thom. ad 1. 2. quæst. 68. Fundamentum hujus sententiæ est, quia nulla potest ratio sufficiens distinctionis specificæ inter actus virtutum, & donorum assignari, & non sunt multiplicandi actus sine causa sufficienti, ac necessitate. Antecedens de actibus, qui ad intellectum spectant, ita suadet. Quia omnis actus intellectus consistit in apprehensione, vel judicio, sub judicio includendo non solum speculativum, sed etiam practicum, quod interdum imperium appellatur (nam revera imperium, ut a judicio distinctum, non est actus distinctus a judicio practico practico, nisi per modum loquutionis, ut aliis locis ostendi.) Veruntamen ut ab illa questione abstrahamus, si talis actus datur, sub judicio nunc illum comprehendimus. Actus autem supernaturalis non potest in sola apprehensione consistere, quia in hac vita secundum legem ordinariam, omnis cognitio intellectualis, quantum ad apprehensionem fit per species acquisitas, & ita in substantia est actus naturalis, & solum quoad modum potest interdum perfectus, vel velocior, aut distinctius fieri, quam fortasse naturalibus viribus posset. Unde non est verisimile, illos actus, qui ab Isaia numerantur, vel aliquem ex illis in sola apprehensione consistere; quia sola apprehensio est actus valde imperfectus: Propheta autem illos spiritus

Assertio. Hæc dona sine gratia non perficiuntur.

1. Opiniones negant. distingui a virtutibus.

Ejus fundamentum.

tanquam eximia Spiritus Sancti opera enumerat. Oportet ergo; ut quilibet illorum actuum sit aliquod intellectuale iudicium. Unde etiam oportet esse certum, & firmum, quia iudicium tantum opinativum, & valde imperfectum est, & non potest esse ex propria, & specialissima motione Spiritus Sancti, cum illi possit subesse falsum, & præterea non potest cum proprietate, intellectus, sapientia, aut scientia vocari. Deinde tale iudicium certum non potest esse evidens in nobis viatoribus, alioqui esset propria scientia, & consequenter esset per se infusa, quia supponitur esse supernaturalis actus, & de rebus captum humanum superantibus, talis autem scientia non infunditur omnibus iustis: imo nulli datur ex lege ordinaria, sed alicui forte ex privilegio; ergo tale iudicium non potest esse nisi certum, & obscurum, ergo non potest esse, nisi vel actus fidei, vel actus manans a fide, ut est assensus certus Theologicus, vel assensus prudentiæ infusæ.

Ad quas
virtutes,
dona in-
tellectus
pertineat
in hac
sententia
Scoti mss
& opinio
de sapien-
tia.

8. Ex hoc ergo discursu videtur concludi actus illos intellectus, sapientiæ, scientiæ, & consilii non esse distinctos ab actibus virtutum infusarum. Quomodo autem ad illos pertineant, non eodem modo a dictis authoribus explicatur. Scot. enim putat, Sapientiam, de qua Isaias est loquutus, non esse actum intellectus, sed voluntatis, nempe actum charitatis, qui sapientia vocatur; quatenus dat scientiæ, & fidei saporem, a quo scientia sapientia nominatur: tanquam sapida scientia. Confirmat, quia ubicunque Scriptura loquitur de sapientia, ut de dono proprio iustorum, per sapientiam intelligit charitatem. Citat Scotus verba Sapientis Proverb. 14. *Beatus vir, qui in sapientia morabitur*. Addi possunt illa Sapient. 1. *In malevolam animam non introibit sapientia*, & cap. 7. *Neminem diligit Deus, nisi eum, qui cum sapientia inhabitat*. Quæ duæ sententiæ videntur æquivalere illis duabus Joan. 1. canon. cap. 4. *Qui non diligit, non novit Deum, quoniam Deus charitas est, & Qui manet in charitate, in Deo manet, & Deus in eo*. Unde Lactant. lib. 4. de Sapientia cap. 3. & 4. ait, sine virtute, id est, charitate, nullam esse veram sapientiam. Et Bernard. in dicto serm. de Septem donis, sapientiam opponit malitiæ, unde videtur per illam charitatem intelligi. Expressius vero Augustinus in Epistol. 120. de Grat. novi testam. cap. 20. ait, *Sapientia est charitas Dei nec diffunditur in cordibus nostris nisi per Spiritum Sanctum, qui datus est nobis*. Addit autem Scot. per intellectum, & scientiam fidem significari, vocarique intellectum, quatenus est simplex assensus articulorum fidei, scientiam vero quatenus explicite ad omnes fidei veritates extenditur. Et hinc ulterius sub sapientia comprehendit spem, quia *sapit* (inquit) *mibi Deus in se, & ut mibi bonum*, & priori modo sapientia est charitas, posteriori spes. Coactus autem fuit Scotus, has duas virtutes Theologales sub sapientia comprehendere, quia sub illis verbis Isaiæ non nisi septem virtutes, tres Theologales, & quatuor Cardinales contineri censeret. Et cum unam fidem duobus nominibus intellectus, & scientiæ significari dixisset, unam sapientiam charitatem, & spem intelligere compulsus est. Nam Concilium dicit esse prudentiam, & alias tres voces tribus moralibus virtutibus appetitivis accommodat, ut postea videbimus. Et hanc sententiam in omnibus sequitur ibi Gabriel notab. 4. & Palacios supra. Major vero sapientiam, scientiam, & intellectum ponit in intellectu speculativo, & dicit, non differre a virtutibus intellectualibus, earum tamen rationes non amplius explicat.

Quid in
Concil.

Vera sen-
tentia as-
seruans.

9. Nihilominus communior sententia Theologorum hæc dona a virtutibus distinguit, ut videre licet in D. Thom. 1. 2. quæst. 68. generatim, & 2. 2. speciatim in variis locis infra referendis. Eumque illis locis ejus discipuli sequuntur. Idem habet D. Thom. in 3. distin. 34. & ibi Capreol. quæst. unic. Hispal. quæst. 1. art. 3. & ibidem Bonaven. art. 1. quæst. 1. art. 2. licet obscure, & cunctanter, sicut & Durand. quæst. 1. & 2. Richard. vero quæst. 1. illam sequitur, & dicit, esse communem, & late ibi Albert. & distin. 35. specialiter de donis intellectus, tenent etiam Henric. quodlibet 4. quæst. 23. Anton. 4. part. tit. 10. cap. 1. & 2. Abulen. Matth. 5. quæst. 81. & ex modernis Azor. tom. 1. lib. 3. cap. 30. quæst. 5.

Valent. 2. part. disput. 5. Aragon. & Bannez 2. 2. quæst. 8. Fundamentum autem præcipuum huius sententiæ est; quia Scriptura loquitur de his donis tanquam de septem actibus propriis Spiritus Sancti, & ideo vocat illos spiritus, ut D. Thomas ponderat, vel certe ipsum Spiritum Sanctum specialiter ab illis denominat: ergo significat esse distinctos ab actibus virtutum: ergo magis consentaneum est Scripturæ, ac proinde probabilius, hos esse actus distinctos. Modus autem distinguendi hos actus ab actibus virtutum, varius est apud citatos Theologos, quos magna ex parte refert Divus Thomas dicta quæst. 68. artic. 1. eosque refellit, ac tandem concludit, hos actus differre ab actibus virtutum, quia sunt peculiari, & speciali modo ex motione Spiritus Sancti. Quis autem sit iste modus, ibi non explicat, nec satis potest in generali declarari, nisi ad singula dona descendendo, quod capitibus sequentibus fiet. Nunc specialiter de actibus intellectus speculativi ostendendum est, non posse convenienter virtutibus attribui, & inprimis supponimus ut per se notum, hos actus non pertinere ad virtutes morales, ex quibus tres pertinent ad effectum, quarta ad practicum intellectum; solum ergo de Theologalibus videndum est.

Ejus fons
demonstrat.

10. Et primo de charitate omnes pro comperto habent, intellectum, ac scientiam ad illam non spectare, probemus ergo, etiam sapientiam non esse formaliter, ac proprie ipsam charitatem. Quia sapientia proprie sumpta perfectio est intellectus, & rationis, ut inter Philosophos manifestum est, & in usu Ecclesiæ etiam est certum. Unde est illud Augustini serm. 3. de Tempor. *Anima vivit, ratio sapit, nam sapientia ad rationem pertinet, & ratio sola ipsam sapientiam suscipit*. Et quamvis in usu Scripturæ vox illa multiplicem significationem habere videatur, & interdum videatur attribui voluntati, ut Job. 28. *Ecce timor Domini ipsa est sapientia*, vel ut ex græco alii legunt, *Pietas ipsa est sapientia*, nihilominus proprie & in rigore sumitur pro aliquo dono intellectus, ut 3. Reg. 3. Salomon a Deo postulavit, *Cor docile, ut judicare possit populum*, & discernere inter bonum & malum, & tamen dixit illi Deus, *quia postulasti tibi sapientiam, &c.* & Baruc. 3. *Viam sapientiæ nescierunt, neque commemorati sunt semitas ejus*; & infra. *Quia non habuerunt sapientiam, interierunt propter suam insipientiam*, ubi sapientia insipientiæ opponitur, hæc autem est error intellectus; sapientia ergo est vera Dei cognitio, vel via discipline, ut ibidem dicitur.

Inductio-
ne proba-
tur vera
sapientia.
Sapientia
non est
formali-
ter chari-
tas.

11. Denique est optimus locus Sapient. 7. *Optavi, & datus est mihi sensus, invocavi, & venit in me spiritus sapientiæ*, ubi quod in priori parte *sensum* vocaverat, in posteriori *spiritum sapientiæ* appellat; sensus autem pro intelligentia ponitur: ergo & sapientia. Præterea si dicamus authorem illius libri esse Salomonem, ut multi probabilissime putant, siue compositum esse ex sapientia Salomonis, ut alii etiam credunt, certum est in his verbis alludere ad orationem ab ipso factam 3. Regum 3. ubi sapientiam intellectualem postulavit, ut vidimus, idque evidentiùs colligitur ex toto cap. 9. ejusdem libri. Unde cum paulo post in 7. de eadem Sapientia diceret. *Et proposui illam regnis, & cetera*, quæ in ejus æstimationem exaggerat, concludit, *Et proposui pro luce habere illam, quoniam inextinguibile est lumen illius*. Lux autem, & lumen ad intellectum pertinent, ut per se notum est. Et additur postea. *Venerunt mihi omnia bona pariter cum illa, & innumerabilis honestas per manus illius, & letatus sum in omnibus, quia antecedebat me ista sapientia, &c.* Per quæ verba declarantur alia loca, in quibus perfectiones affectus tribuuntur sapientiæ, vel sapientiæ nomine appellantur, loquutione causali, non formali, quia divina sapientia tanquam lux antecedens & charitatem inducit, & bonorum omnium mater est. Nam ut infra ibidem dicitur: *Qui thesauro sapientiæ bene usi sunt, participes facti sunt amicitia Dei, propter disciplinam dona commendari*. Ubi & sapientia ab amicitia Dei distinguitur, & hæc per illam acquiritur dicitur, & cetera etiam dona sanctitatis quasi fructus disciplinæ sapientiæ esse dicuntur. Et de hac sapientia Dei, & iustorum, vel Ecclesiæ sæpe loquitur Paulus

Probatius
amplius
ex aliis
locis.

eam ad intellectum, & cognitionem referens, ut videri potest 1. Corinth. 1. & 2. & sepe alias. Denique a contrario id confirmari potest, quia stultitia, & error imperfectiones sunt intellectus, ait autem Gregorius lib. 2. Moral. cap. 26. alias 36. sapientiam dari, ut stultitiam depellat: ergo.

12. Neque obstant alia testimonia in contrarium: nam intelliguntur causaliter, quatenus charitas causat sapientiam, vel ab illa causatur. Maxime vero ita loquitur Augustinus, ita enim dicit, charitatem esse sapientiam, sicut scriptum est in libro Job. 28. *Pietas ipsa est sapientia. Porro (ait Augustinus) pietas cultus Dei est, nec colitur nisi amando: summa ergo sapientia est in illo præcepto: Diliges Dominum Deum tuum. Ac per hoc sapientia est charitas Dei. Per hoc, ait, id est, quia vera sapientia ad charitatem inducit, & charitas sapientiam fovet. Probat etiam dicta testimonia mentis intelligentiam non habere statum, nec mereri nomen sapientiae, nisi cum vero Dei cultu, & amore juncta sit. Vel etiam suadent, esse aliquem spiritum sapientiae, qui non nisi diligentibus Deum tribuitur: non vero quod ipsa sapientia sit formalis amor. Unde nihil refert, quod sapientia a sapere denominetur, quam saporem efficit delectatio charitatis, vel spei, quia aliud est, unde nomen imponitur ad significandum, aliud quod significat, ut est vulgare. Sic enim licet nomen sapientiae fortasse ab illo sapore spirituali sumptum sit, fortasse tanquam ab effectu perfectæ sapientiae, nihilominus res significata per illud nomen, perfectio est intellectus, quæ vel spem, & charitatem gignit, vel ab illis gignitur, non tamen est formaliter spes, aut charitas. Nec in Patribus invenietur unquam nomen sapientiae secundum propriam rationem ejus his virtutibus attributam.*

13. Quocirca sicut Scotus intellectum, & scientiam vocat fidem, ut nullum sit in intellectu supernaturale donum præter fidem, ita posset, & fortasse verisimilius dicere, eandem fidem sapientiam vocari: nam sicut ipse vocat fidem intellectum, & scientiam secundum diversas rationes, vel conceptus inadæquatos illas voces uni fidei accommodando, ita posset eandem fidem sapientiam vocare, rationes illas aliter interpretando. Nam eadem cognitio nomen fidei sortitur quasi ex objecto formali, quatenus est assensus in autoritate Dei dicentis fundatus, alias ergo tres denominationes potest sumere ex materia, vel ex modo operandi, vel ex effectibus. Dicitur enim intellectus, quatenus est simplex intelligentia divinorum, illis præbendo assensum sine discursu, quasi primis principiis sub divino lumine. Vocabitur autem sapientia, quatenus Deum ipsum, ejusque attributa contempletur cum aliquo discursu formali, vel virtuali per rationes proprias, & supremas veritates divinas cognoscendo, v. g. Deum, quia est purissimus actus, esse immutabilem, & infinitum, ac omnipotentem, ac summe perfectum. Et hinc etiam illum considerat ut summe amabilem, colendum, &c. Scientia vero dicitur, quatenus veritates etiam creatas, & revelatas amplectitur, & ex illis ad Deum ascendit, & ex illis judicat, esse etiam colendum, &c. vel e converso eandem fidem, quatenus in ipsis mysteriis ad humanitatem Christi, vel alia mysteria creata pertinentibus, versatur, in eis unam veritatem ex alia intelligit, ut Christum habere voluntatem humanam, quia est homo, vel quid simile. Sic enim non est novum eandem rem diversis nominibus propter diversas considerationes appellare, ut intellectus vocatur ratio superior, & inferior, & memoria, &c.

14. Sed nihilominus multo verisimilius videtur, nullum ex donis cum fide confundi, seu esse eundem actum cum illa. Primo quidem, quia illa dona Christo primitus attributa sunt, qui non habuit fidem: illa etiam in Angelis sanctis inveniri tradit Ambros. lib. 1. de Spiritu Sancto cap. 20. Unde etiam communiter docent Theologi, hæc dona in beatis manere, cum Magistr. in 3. distin. 34. Video responderi posse in Christo spiritum sapientiae, scientiae, & intellectus non fuisse actus distinctos ab actibus scientiae beatæ, vel potius infusæ, quatenus per illa lumina judicat de rebus divinis, tanquam de principiis, & tanquam de

Suarez Tom. VI.

conclusionibus, vel per altiores, vel per inferiores causas, aut media. In nobis autem hæc inveniri inferiori modo, & ratione, ac subinde per fidem. Quia non oportet, ut illi actus numerati ab Isaia, inveniantur in nobis & in Christo secundum eandem rationem, id est, ejusdem speciei essentialis, sed satis est, quod sint secundum aliquam participationem, ratione cujus eadem nomina sortiantur. Quia Patres supra citati de his perfectionibus loquentes, dicunt fuisse in Christo secundum plenitudinem, in nobis vero secundum quandam inferiorem participationem. Et juxta hunc modum consequenter dicitur, hæc dona secundum rationes generales sapientiae, &c. futura esse in beatis, commutata vero in alia perfectioris, & altioris rationis illi statui magis proportionata. Quæ quidem responsio non potest evidenter impugnari; re tamen vera Theologi non sunt in illo sensu loquuti, quando dixerunt, actus illos donorum manere in patria, nec Patres illa tribuunt Christo ratione scientiae beatæ, aut infusæ, sed tanquam diversas perfectiones eas numerant, ut dixi etiam in dicto loco tertiæ partis, & ideo cum possint aliter illa dona intelligi, ut mox videbimus, & id ad majorem gratiæ perfectionem, & amplitudinem pertineat, non est cur hos actus cum actu fidei confundamus.

15. Accedit, quod hæc dona censentur esse propria iustorum; ergo non manent in peccatoribus, etiam si in eis maneat fides; sunt ergo actus distincti. Item in Scriptura semper innuitur distinctio istorum actuum tam inter se, quam a fide. Nam Salomon jam fidem habebat, cum invocavit, & datus est illi spiritus sapientiae. Et simili modo David orabat, *Da mihi intellectum*, Psalm. 123. Et de iusto dicitur Eccles. 15. *Cibavit illum pane vite, & intellectus, & aqua sapientia salutaris potabit illum; & infra. Implebit illum spiritus sapientiae, & intellectus.* Et cap. 39. de iusto dicitur: *Si enim Dominus magnus voluerit, spiritu intelligentia replebit illum.* Et Eccles. 24. de primis parentibus: *Creavit illis scientiam spiritus.* Quæ omnia, & similia multa, quæ de his donis, seu perfectionibus in Scripturis leguntur, non est verisimile, propter solam fidem, vel ejus augmentum fuisse dicta. Præterquam quod illa ratio distinguendi in actu fidei illas denominationes, est voluntaria, & non satis constans. Quia fides non solum ita denominatur in ordine ad rationem credendi, sed etiam in ordine ad rem creditam. Et in ordine ad illam distinguendi solet fides ab intelligentia non solum nomine, sed etiam perfectione. Unde est illud Isaia. 7. juxta Septuagintā, *Si non credideritis, non intelligetis*, & in pura fide non cognitio per causas altiores vel inferiores, sed simplex assensus per Dei autoritatem. Oportet ergo, has perfectiones, intellectus, sapientiae, & scientiae aliquos actus esse a fide distinctos, ac subinde ex hac parte dari actus aliquos intellectus supernaturales, distinctos a fide, qui sine auxilio gratiæ haberi non possunt. Quales autem sint, & quomodo a fide, & inter se distinguantur, in sequentibus capitibus exponetur.

C A P U T XVIII.

Quid sit actus sapientiae specialiter Spiritui Sancto attributus?

1. **S**uppono non esse sermonem de extraordinario modo scientiae, & sapientiae per se infusæ, quam Deus potest conferre de veritatibus ipsis divinis, & supernaturalibus, vel etiam de naturalibus, & futuris, &c. prout illas contulit plene animæ Christi, & ex parte dedit Salomoni, & forte aliis ex privilegio. Hæc enim scientia non spectat ad ordinem gratiæ gratum facientis, de qua nunc tractamus. Et eadem ratione hic non agitur de actu prophetiæ, quia spectat ad gratias gratis datas, & de distinctione illius a fide alibi dicendum est. Agimus de his actibus prout communi lege censentur dari fidelibus vitam gratiæ habentibus. Inter quos Isaia primo loco posuit sapientiam, & ideo ab illa initium sumemus.

2. Primo igitur de actu Sapientiae varie loquitur D. Thomas: nam 1. 2. quæst. 68. artic. 4. absolute dixit, donum

Probat^{ur}

Explicit
cur Scri-
pturæ lo-
ca in con-
trarium
adducta

Probabi-
liter sa-
pientia
ad fidem
revocare
posset
Scotus.

Vera sa-
pientia
hæc tria
dona a
fide di-
stinguit.
Probat^{ur}
1.

Non pro-
cedit
quæst. de
sapientia
extraor-
dinario
modo
collata:
Nec de
Propheti-
a.

Sapientia
explica-
tio ex D.
Thoma.

Non suf-
ficiat.

Respon-
sio pro
D. Thom.

Anproba-
tur refu-
tatio.

Obiectio.

Solutio.

donum sapientiæ dari, ut perficiat intellectum speculativum in judicando ex motione peculiari Spiritus Sancti. Juxta quam sententiam actus sapientiæ nihil aliud est, quam judicium intellectus speculativi ex divino instinctu immissum. Hæc autem declaratio procul dubio non sufficit, primo quia totum id convenit actui fidei: nam est actus intellectus speculativi quoad judicium de rebus propositis ut revelatis a Deo, & elicitur ex peculiari Spiritus Sancti motione, & instinctu, ut late in præcedenti libro ostensum est. Secundo multo magis id convenit actui intellectuali prophetiæ, nam est id judicium de veritate speculativa ex singulari motione divina, ut constat. Tertio actus, etiam scientiæ insinæ in Christo est judicium speculativum ex motione Spiritus Sancti, non enim potest aliter fieri, cum sit supernaturalis, & tamen distinguitur a dono sapientiæ, etiam in ipso Christo. Quarto juxta illam doctrinam omne judicium speculativum ab Spiritu Sancto immisso intellectui, erit donum sapientiæ, seu actus ejus: consequens nulla ratione videtur admittendum, alias judicium de rebus creatis, & inferioris ordinis, seu non pertinentibus ad salutem, pertinebit ad unum ex propriis donis Spiritus Sancti v.g. quod astra sint paria, vel imparia a Spiritu Sancto inditum, vel quid simile; consequens autem est plane contra mentem Scripturæ, & Sanctorum de donis Spiritus Sancti loquentium. Ad hæc vero generatim responderi potest, D. Thomam in illo loco non intendisse exacte definire, aut declarare propriam rationem doni sapientiæ, sed tantum communi quadam ratione illud explicare, quantum ad distinguendum illud a cæteris donis sufficeret, & hoc per illa verba sufficienter præstitisse, integram, & specificam rationem doni sapientiæ in proprium locum explicandam reservando.

3. Quæ quidem responsio satisfacit objectionibus propositis, nam illis concedit, quod intendunt, nimirum in illa explicatione non contineri adæquatam descriptionem doni sapientiæ, & ideo mirum non esse, quod illæ proprietates in aliis actibus inveniri possint. Sed tunc superest explicandum, quo peculiari modo sapientiæ donum judicium speculativi intellectus perficiat, ut in hoc distinguatur ab aliis virtutibus supernaturalibus, quæ speculativum etiam intellectum in judicando perficiunt. Et præterea insurgit nova obiectio, quia etiam per illam doctrinam non sufficienter distinguitur donum sapientiæ a dono scientiæ. Nam etiam donum scientiæ principaliter perficit intellectum speculativum, ut docet idem Divus Thomas 2. 2. quæst. 8. artic. 6. & quæst. 9. artic. 3. & perficit quoad judicium, ut dicto artic. 6. quæst. 8. & in artic. 1. quæstione 19. dicit; ergo in hoc non distinguitur a dono sapientiæ. Nec etiam in hoc, quod scientiæ donum non tantum est speculativum, sed etiam practicum, ut ibidem ait Divus Thomas, nam idem de dono sapientiæ docet 2. 2. quæst. 45. artic. 3. ergo ex priori doctrina data in 1. 2. non satis distinguitur sapientia a scientia, etiam in illo generali, & perfectiori modo.

4. Ad hanc vero postremam objectionem respondendo, D. Thomam mutasse sententiam quoad donum scientiæ, nam 1. 2. processit supponendo, donum scientiæ esse pure practicum, & ex illa hypothese sufficienter distinguit ibi hæc dona. Postea vero docuit, etiam donum scientiæ esse principaliter speculativum, & secundario practicum, qua sententia supposita ingenuè fateor, priorem rationem distinguendi non esse sufficientem, nec posse subsistere. Veruntamen de distinctione sapientiæ a scientia, & intellectu, dicemus, tractando, quid illa sit, quia distinctio supponit cognitionem extremorum, nunc declarandum est, quid ipsa sapientia sit, & præcipue quomodo a fide distinguatur, vel in materia, vel in modo operandi circa talem materiam. Et consequenter etiam exponemus, quomodo a Theologia differat, nam Theologia etiam est virtus intellectualis, & sapientia esse censetur. Omisiss autem variis modis explicandi hoc donum, ut ad intellectum pertinet, duos præcipue expendemus.

5. Primus modus explicandi hunc actum sapientiæ

esse potest distinguendo in fide ipsa principia fidei, & conclusiones, quæ ex illis deducuntur, ex quibus conclusionibus quædam sunt omnino supernaturales, & divinæ; aliæ sunt inferioris ordinis. Sapientia itaque non versatur circa principia fidei, judicando de illis, quia hoc est munus fidei; versatur ergo circa conclusiones deductas ex principio fidei, non quasunque, sed maxime divinas, & supernaturales. Quia sapientia per causam altissimam judicat, teste Aristot. 1. Metaphys. cap. 2. & ita sapientia simpliciter, judicat per primam causam simpliciter, quæ est Deus: & ut sit sapientia divina, debet etiam judicare de divinis rebus, juxta doctrinam Augustini libr. 12. de Trinit. cap. 19. & ut sit sapientia supernaturalis debet esse non per studium humanum, sed modo supernaturali a Spiritu Sancto descendens, ut ait D. Thomas dicta quæst. 45. art. 1. ad 2. ubi etiam addit, sapientiam differre a fide. *Nam fides assentit veritati divine secundum se ipsam, sed judicium, quod est secundum veritatem divinam, pertinet ad donum sapientiæ.* Non enim videtur posse intelligi, quid sit *judicium secundum veritatem divinam*, nisi judicium de veritate aliqua deducta ex ipsa veritate divina immediate revelante priorem veritatem, ex qua alia deducitur.

6. Hæc vero explicatio, præter difficultates, quas necesse est pati in explicanda distinctione hujus doni a dono scientiæ, & intellectu, de quibus statim dicemus, licet sufficienter distinguat sapientiam a fide non potest distinguere donum sapientiæ a Theologia, ad quam pertinet judicare de conclusionibus divinis, quæ ex principiis fidei eliciuntur, & ideo etiam est, & vocatur sapientia. Quod si quis distinctionem constituere velit in hoc, quod Theologia acquiritur per studium humanum, donum autem sapientiæ per infusionem, & motionem Spiritus Sancti. Contra hoc est, quia hæc differentia non potest esse in substantia actus, nec in ejus certitudine, sed solum in accidentali modo, & ita sapientiæ donum solum erit per accidens infusum. Probatum assumptum, quia actus doni sapientiæ sic explicatus non fit a nobis sine discursu, nam est deductio conclusionis ex principio fidei, quod humano modo non fit sine discursu. Neque est verisimile, Spiritum Sanctum per donum sapientiæ elevare hominem ad judicandum de conclusionibus ex principiis sine discursu. Oporteret enim, eodem actu judicare de conclusione in ipso principio, huic autem contrarium supponitur, nimirum, judicium de principio esse alterius rationis, & altioris virtutis, quam judicium conclusionis: nam illud est fidei virtutis Theologicæ, hoc vero sapientiæ. Fit ergo judicium doni sapientiæ per Theologicum discursum; ergo non est, unde in substantia differat a judicio nostræ Theologiæ acquisitiæ, quia utrumque judicium nititur in eodem medio, & revelatione fidei applicata ad conclusionem mediantem discursu. Solum ergo differre poterunt in modo, si Spiritus Sanctus speciali auxilio favear ad velocius, vel melius faciendum discursum, quod est accidentarium, quia semper ille discursus est naturalis, & in lumine naturali fundatur quoad illationem.

7. Dicet forte aliquis, assensum Theologicum, si debito modo fiat, esse supernaturalem quoad substantiam, quatenus est certior ipsa naturali scientia, & ideo non esse inconveniens, quod donum sapientiæ sit actus ejusdem rationis, quia nihilominus erit per se infusus, & supernaturalis, pertinebitque ad donum solum propter specialem modum obtinendi illud judicium ex peculiari motione Spiritus Sancti.

8. Sed contra hoc obstat primo, quia juxta illam sententiam etiam fatendum est, habitum Theologiæ esse per se infusum, & supernaturalem in substantia, quia est ejusdem ordinis cum suo actu. Unde consequitur, habituale donum sapientiæ non differre in substantia ab habitu proprio Theologiæ, quia actus non differunt in substantia, & modus ille supernaturalis non cernitur in habitu, sed in actu, nec modus ille procedit per se ab habitu, sed tantum ab actuali auxilio Spiritus Sancti. Sicut eadem temperantia acquisita, est, quæ est honestate naturali servat castitatem tempore tentationis, & extra illam, licet tempore tentationis id faciat ex auxilio gratuito, & non urgente

Opinio 2.
de quiditate
sapientiæ,
ejusque
distinctione
a fide.

Impugnatur,
quia
sapientiæ
cū Theologia
confunditur.
Solutio.

Rejicitur.

Alterasolutio.

Oppugatur 10

urgente tentatione possit id facere absque auxilio : nam quando auxilium non datur propter speciem actus, sed propter modum accidentarium, tunc actus ab eodem habitu procedit : ergo fatendum erit, habitum Theologiæ infundi omnibus iustis, licet simplices illo utantur raro, & ex speciali instinctu, & motione Spiritus Sancti quoad modum discursus, sapientes vero, vel addiscentes illo uti possint studio humano, & ideo frequentius illo utantur.

9. Item sequitur, donum sapientiæ de se manere posse sine charitate, sicut Theologia manet sine illa : **Oppugnatur 2.** nam fidelis peccator potest elicere conclusiones ex principiis fidei, & de illis iudicium ferre. Quod si quis dicat, posse quidem hoc fieri modo, & studio humano, non vero ex motione Spiritus Sancti. Falsum hoc est, loquendo per se, & ex vi, & indigentia talium actuum: nam si Spiritus Sanctus nolit dare hanc motionem, nisi iustis, hoc extrinsecum, & accidentarium est, & gratis dicitur, unde enim constat de Spiritus Sancti voluntate? sæpe enim solet juvare peccatorem ad re- & ratiocinandum, & iudicandum ex principiis fidei, vel propter utilitatem communem, vel etiam propter aliquod bonum recipientis; & præterea cum habitus respondens his actibus, per se tantum pendeat ex fide, sicut Deus non aufert fidem propter peccatum, nec aufert talem habitum, sicut de facto non aufert a Theologo sapiente habitum Theologiæ propter peccatum, quod non sit contra fidem, sive habitus Theologiæ in se naturalis, sive supernaturalis esse censeatur.

10. Denique ex illa sententia sequitur donum sapientiæ esse æque obscurum, ac fidem, quia iudicium ejus essentialiter pendet ex iudicio fidei, & consequenter sequitur, donum sapientiæ non manere in patria, contra D. Thom. & Theologos communiter, sicut Theologia hic acquisita non manet eadem numero, vel specie in patria, quia Theologia viæ tam essentialiter est obscura, & nititur testimonio Dei, sicut fides, licet non tam immediate. Scio, de Theologia respondere aliquos, Theologiam secundum se spectatam non esse obscuram, sed hoc illi accidere, & ideo manere posse cum evidentia principiorum, idemque dici posset de hoc dono sapientiæ. Sed hæc dicuntur vere de Theologia, vel sapientia in genere, non tamen de hac Theologia in specie, quæ generatur ex principiis tantum creditis, illa enim diversa est in specie a Theologia evidente, & tam essentialiter nititur testimonio, sicut fides, unde trahitur, & ideo non potest esse sine illa. Idemque erit de iudicio sapientiæ, si deductum est per discursum ex iudicio fidei, & consequenter tale donum non manebit idem numero, vel specie in patria, sed aliud excellentius loco illius. Hæc incommoda occurrunt in hoc modo explicandi actum hujus doni, quæ si aliquis devoraverit, vel tolerabilia visa fuerint, poterit illum probabiliter defendere. Ego autem illum non probo; quia non est consentaneus doctrinæ D. Thomæ, & Theologorum, ut illationes factæ ostendunt, quæ revera singulares sunt, & non possunt facile concedi. Et præterea, quia sapientia sic explicata non est necessaria ad iustitiam, neque admodum utilis, & ideo non est, cur inter dona Spiritus Sancti numeretur, & omnibus iustis tribuatur: nam prout esse potest utilis ad commune bonum Ecclesiæ, potius ad gratias gratis datas pertinebit.

11. Secundus ergo modus explicandi actum hujus doni est, ut immediate versetur circa ipsa dogmata fidei, ea præsertim, quæ ad Deum ipsum pertinent, & in hoc cum fide conveniat, differat autem in actu; quem circa illam materiam exercet. **2. Opinio.** Quam diversitatem D. Thom. dicta quæst. 45. art. 1. ad 2. his solis verbis explicuit, *Sapientia donum differt a fide, nam fides assentit veritati divinæ secundum se ipsam, sed iudicium, quod est secundum veritatem divinam, pertinet ad donum sapientiæ.* Quæ verba sine dubio sunt valde obscura. Quid est enim assentire secundum veritatem divinam, nisi propter veritatem divinam assentire? hoc autem facit fides credendo primæ veritati; ergo assentit secundum veritatem divinam; ergo in hoc non differt a sapientia. Vel e converso, si sapientia iudicat secundum veritatem divinam, eadem veritas divina est illi ratio iudicandi: ergo etiam ipsa assentit ve- **Difficul- eas contra hanc opi- nionem.**

Suarez. Tom. VI.

veritati divinæ. Denique vel D. Thomas loquitur de veritate divina tantum ut de re cognita, & sic non est differentia, quia de eadem veritate iudicant fides, & sapientia: vel loquitur de veritate divina, ut ratione assentiendi, & sic idem est assentire divinæ veritati, vel iudicare secundum ipsam: vel fidei attribuit primam veritatem, ut rationem assentiendi, & sapientiæ solum, ut rem cognitam, & tunc oportet exponere, sub qua ratione donum sapientiæ versetur circa veritatem divinam, cum illius non habeat maiorem evidentiam, nec perfectiorem cognitionem, quam fides, imo neque æque perfectam.

12. Cajetanus ibi hac difficultate oppressus distinctionem excogitavit inter assensum, & iudicium, dicitque donum sapientiæ, & fidem non differre in materia, nec in ratione assensus, sed in actu; quia fides assentit veritati divinæ, sed non iudicat, sapientia vero iudicat. Differentiam autem inter assensum, & iudicium in hoc constituit, quod assensus est sola determinatio ad alteram partem contradictionis, iudicium vero est *determinatio rei, ut est, vel esse debet.* Quæ duo dicit se se quidem mutuo inferre, formaliter autem differre, & assensum priorem esse iudicio secundum naturam. Quod declarat exemplo, quia in quæst. v. g. de conceptione Virginis sine peccato, qui ignorat, quæ pars contradictionis vera sit, abstinere a iudicio, & nihilominus determinando se ad unam partem, credit illam. Postea vero addit Cajetan. etiam fidem iudicare secundum causas altissimas, non tamen cum tanta perfectione, qui egeat iudicio sapientiæ, de quo etiam ait, non esse alium actum a iudicio, sed eundem alio modo, scilicet ex instinctu Spiritus Sancti.

Cajetani distinctio & solutio.

Confirmatur exemplo.

13. Ego vero intelligere non valeo differentiam inter assensum, & iudicium. Et in primis illa distinctio non habet fundamentum in D. Thom. nunquam enim illam insinuavit, sicut nec alii Theologi, vel Philosophi. Deinde si non sit æquivocatio in verbis, non potest actus intellectus circa aliquam materiam sub aliqua ratione esse assensus, quin formaliter, & essentialiter sit iudicium, & e converso. Dico autem, *si non sit abusus, & æquivocatio in vocibus.* Nam si non: en iudicii restringatur ad iudicium de re per medium intrinsecum, vel per effectum, assensus vero latius sumatur pro quacunque determinatione intellectus, sic distinguui poterunt aliquo modo, tamen ille est voluntarius usui vocationum. Et adhuc illo modo non poterunt distinguui, nisi ut genus, & species, quia iudicium erit perfectior assensus secundum illam conditionem, non potest tamen negari, quin iudicium essentialiter sit determinatio intellectus ad id, quod iudicat, & consequenter non potest esse iudicium, quin sit assensus. Re tamen vera etiam omnis assensus est iudicium, neque illa distinctio vocis *iudicium*, habet fundamentum in usu, neque in aliqua impositione, de qua constat. Unde supponunt omnes, iudicium intellectus posse esse evidens, & inevidens, certum, & incertum, & per medium intrinsecum, & extrinsecum, quod est evidens ex usu illius vocis, tam inter Philosophos, & Theologos, quam in communi vulgo. Sic enim dicimus, vel leviter, vel temere iudicare de aliquo, qui facile credit, aut assentit, illum peccare, vel prava intentione operari: hæreticus etiam dicitur de rebus fidei iudicare esse falsas, cum solum humana fide ducatur. Item dicimus iudicare inter opiniones, quando alteri assentimus, etiam si evidentiam, vel charitatem non habeamus, & sine medio intrinseco utamur.

Distinctio Cajetani exploratur assensus, & iudicium idem esse.

14. Stante ergo hoc usu vocis, est evidens, non esse differentiam inter assensum, & iudicium. Nam, ut ostendi, iudicium veritatis intrinsece, & essentialiter est assensus, quia est determinatio ad alteram partem contradictionis, & e contrario omnis assensus est iudicium quia est determinatio rei, ut est, vel esse debet. Nam qui credit, Deum esse trinum, & unum, determinat in mente, ita esse: & qui credit, Deum esse hominem, determinat ita esse debere. Item non potest intellectus determinari ad assentiendum alicui veritati, nisi iudicando illam esse veritatem; quomodo enim determinatur, si non iudicat de eo, ad quod se determinat. Unde impossibile est, determinationem esse prio-

Impugnatur amplius Cajetan.

Cajetani
exemplū
est illud

rem iudicio, vele converso. Nec exemplum Cajetani aliquid confert, nam qui ignorat, an B. Virgo fuerit concepta in peccato, nec ne? quando ad neutram partem se determinat, est propriissime ignorans, seu dubitans negative: quando vero ad alteram partem se determinat, quamvis habeat ignorantiam veritatis in se, & oppositam scientiæ, seu evidentiæ, aut fidei divinæ, tamen eo ipso, quod se determinat ad alteram partem, iudicat illam esse probabiliorē, aut veram cum formidine, & quoad hoc putat, se jam non ignorare, sed aliquo modo rem illam cognoscere.

15. Ad hominem item possumus contra Cajetan. convincere, in præsentem etiam materia non habere locum distinctionem illam. Quia ipse Cajetan. fatetur, peccatorem sine dono Spiritus Sancti percipere divina, utique illis assentiendo, & iudicare etiam cavendum esse ad idololatria secundum altissimas causas, & hoc iudicium dicit esse actum fidei, & recte, quia creditur certitudine fidei, & quia Deus ita revelavit: est ergo ille etiam assensus fidei; ergo similiter quilibet assensus fidei de quacunque veritate revelata est iudicium de illa secundum altissimas causas divinæ veritatis: ergo etiam actus sapientiæ eodem modo, quo iudicium, est etiam assensus. Quod autem Cajetan. in fine subjungit, actum fidei, & doni esse eundem, solumque differre in modo, quia procedit ex instinctu Spiritus Sancti, destruit doctrinam D. Thomæ de donis; quia actus fidei non potest altiori modo procedere ab Spiritu Sancto per instinctum doni, quam per inspirationem ipsius fidei, licet in hac inspiratione possit esse latitudo, & una possit esse major, vel efficacior, vel cum majori intensione, qui modus accidentarius est. Item ille modus non est in ipso actu, sed in causa actus, scilicet, in præveniente auxilio majori, vel minori, quo non obstante actus non est in se melior essentialiter, accidentaliter autem differentia & parum refert, quia tota illa latitudo perfectionis continetur sub virtute fidei, & sæpe poterit non intercedere ex libertate hominis minus cooperantis, quam cum majori auxilio possit.

Vera as-
sertio de
convenien-
tia, & dif-
ferentia
fidei, &
sapientiæ

16. Dico ergo, fidem, & sapientiam convenire tam in ratione iudicii, quam assensus, differre tamen quia fides iudicat simpliciter esse verum, quod revelatum est, & quia revelatum est. Sapientia vero, ut hic sumitur, non iudicat de veritate ipsa revelata, quod vera, vel falsa sit, sed iudicat de rebus divinis, quatenus convenientiam habent, & dignæ sunt, ut amentur, vel credantur. Sicut in mysterio Incarnationis v.g. aliud est, ita esse, aliud, esse convenientis, & decens divinam bonitatem, & sapientiam, &c. Primum ergo iudicatur per fidem, secundum per donum sapientiæ, quando ex peculiari instinctu, & motione Spiritus Sancti habetur tale iudicium, & hoc sensu ait D. Thom. supra citatus, sapientiam iudicare, inhærendum esse rebus divinis. Et ita sunt priora verba intelligenda: nam iudicium fidei supponitur, & est quasi directum, sapientiæ vero quasi reflectitur in rem divinam creditam, & attentius illam contemplantur, ac ponderat, ac tandem iudicat adhærendum esse illi, tanquam dignissimæ fidei, vel dilectione.

Solvitur
instantia.

17. Dices, etiam fidem iudicare, res fidei esse dignas assensione, & mysteria supernaturalia esse convenientia, &c. Respondetur, fidem non habere directe hæc iudicia, & quando illa habet, solum esse sub ea ratione, qua ut dicta a Deo proponuntur. Sapientia vero de his iudicat ex contemplatione ipsarum rerum revelatarum per fidem, quasi intuenso in illis, vel ex earum effectibus rationes convenientiæ, vel amabilitatis, aut aliarum proprietatum, de quibus iudicat. Et isto modo solet contemplatio sapientiæ attribui, ut est apud Augustinum 1. 2. de Trinit. cap. 4. Sic etiam D. Thomas dicta quæst. 45. art. 2. dixit, hoc iudicium sapientiæ esse secundum quandam connaturalitatem ad amorem. Supponit enim hoc donum amorem divinum: amor autem, ut dixit Dionys. cap. 4. de Divin. nominibus, transfert amantem in amatum per singularem unionem, & inde facile oritur iudicium de rebus divinis per quandam connaturalitatem ad illas. Sicque dixit August. lib. 8. de Trinit. cap. 9. *Quanto flagrantius Deum diligimus, tanto certius, serenius-*

que videmus. Nam qui amat, magis attendit, & considerat ea, quæ amat, & facilius illi placent. Quod confirmant Christi verba Joan. 7. *Siquis voluerit voluntatem ejus facere, cognoscet de doctrina, utrum a Deo sit.* Et inde nascitur effectus ille, a quo hic actus sapientiæ nomen accepit, nam ea, quæ amantur cum suavitate, & dulcedine cogitantur.

18. Et hinc etiam intelligitur, hunc actum sapientiæ non ita tribui intellectui speculativo, quin circa practicas etiam veritates versetur, sed dicitur esse perfectio speculativæ partis, vel quia in illa principaliter versatur, quia etiam de practicis in generali, & modo speculativo iudicat, ut D. Thomas dicta quæst. 45. art. 3. docuit. Atque ita etiam explicuit hoc sapientiæ donum Albert. in 3. distin. 35. art. 1. ad 1. dicens, sapientiam esse quoddam lumen divinorum, sub quo videntur, & gustantur divina per experimentum. Et similiter dicit Richard. ibi artic. 2. quæst. 1. actum sapientiæ esse contemplari Deum ex dilectione, cum quadam experimentalis suavitatis in affectu. Atque hæc sententia satis pia, & probabilis est, & juxta illam facile distinguitur actus sapientiæ ab actu fidei, quia sapientia non est credulitas veritatis, sed supponit illam, & consistit veluti in quadam scientia experimentalis veritatis creditæ.

19. Semper tamen relinquitur difficultas, quomodo talis actus possit esse supernaturalis quoad substantiam, cum videatur in medio quodam naturaliter cognito niti, illa enim experientia amoris, & bonitatis Dei naturalis est: unde nunquam potest esse tanta, ut faciat evidentiam veritatis cognitæ. Dicendum vero est, experimentum illud plus esse, quam naturale, quia est per effectus supernaturales, & ex peculiari operatione Spiritus Sancti conferentis quandam peculiarem sensum spirituale illorum effectum, & affectuum interiorum, qui per solum naturale lumen apprehendi non posset. Et licet inde non cognoscatur evidenter veritas rerum divinarum, quæ per fidem revelantur, evidenter nihiliominus iudicantur, & reputantur consentaneæ divinæ bonitati, & quadam peculiari certitudine causata etiam ex motione Spiritus Sancti mens illis adhaeret, & fide ac amore dignas reputat, & ita talis actus in sua substantia, & modo supernaturalis est, & sine Spiritus Sancti specialissimo auxilio non obtinetur.

Quomodo
hic
actus in
se super-
naturalis
sit.

Resolutio

C A P U T XIX.

Quis sit actus intellectus dono Spiritus Sancti specialiter attributus?

1. S E C U N D O explicandus est actus intellectus, quem Isaïas secundo loco numeravit, de quo etiam Divus Thom. in diversis locis videtur varie loqui. Nam 1. 2. quæst. 8. artic. 4. sentit actum intellectus non pervenire ad iudicium, sed sistere in apprehensione supernaturalium veritatum ad intellectum speculativum pertinentium, ut de illis iudicet sapientia, quia in hoc tantum distinguit hunc actum ab actu sapientiæ: a scientia vero, & consilio illum distinguit, quia istorum duorum munera ibi tribuit intellectui practico. Hæc autem doctrina patitur difficultates. Una est, quia difficile est, realiter distinguere apprehensionem a iudicio in supernaturali cognitione ejusdem veritatis. Quia vel per apprehensionem illam cognoscitur veritas rei apprehensæ, id est, ita esse, sicut apprehenditur, vel sistitur in sola compositione, sine cognitione, an ita sit, vel non sit, sicut modo apprehendo astra esse paria, ignorando, an ita sit. Si primum dicatur illa apprehensio est iudicium, quid enim est iudicare, nisi mente definire, ita esse, & veritati assentire? At ille, qui apprehendendo propositionem cognoscit esse veram, jam assentit illi, & mente definit ita esse; ergo si intellectus ut est donum apprehendit, cognoscendo iudicat: ergo non potest in hoc distinguere ab actu sapientiæ. Si vero dicatur secundum, scilicet, per actum illum apprehendendi, non cognoscit veritatem rei apprehensæ, profecto imperfectissimus est talis actus, & non est, cur sit supernaturalis, maxime cum

Doctrina
S. Thom.

1. Diffic.
contra
doctrinam
D. Thom.

non fiat per species per se infusas, sed per acquiras per visum, vel auditum.

2. Diffic.

2. Et præterea est supervacaneus talis actus, quia ipsa sapientia non potest judicare, nisi per ipsummet, actum, quo judicat, apprehendat rem, de qua judicat: ergo superfluum est ponere præviam apprehensionem puram, & peculiarem Spiritus Sancti gratiam ad illum actum postulare. Consequentia clara est, antecedens probatur, quia homo in hac vita non judicat, nisi componendo, & dividendo, vel syllogistice concludendo: non potest autem componere, nisi apprehendendo terminos, & illos ordinando, & conjungendo per actum, quo cognoscat, eos vere conjungi, vel disjungi: ergo dum sapientia judicat, componit, & apprehendit. Denique altius est iudicium fidei, quam sapientiæ: at vero iudicium fidei non fit sine intima compositione, & apprehensione: ergo nec iudicium sapientiæ aliter fit. Ideoque licet ante iudicium fidei præcedat cogitatio, & consequenter apprehensio rei credendæ, nondum cognoscendo veritatem, seu an ita sit, sicut apprehenditur, nihilominus illa apprehensio, quæ antecedit, non est specialis actus supernaturalis, nec propter illum ponitur speciale donum, vel auxilium Spiritus Sancti distinctum ab ipsa fide, & auxiliis ad illam necessariis: ergo nec iudicium sapientiæ tale donum prærequirit. Videntur ergo hæc argumenta convincere, actum intellectus, si supernaturalis sit, & versetur circa res divinas, & supernaturales, necessario consistere in aliquo iudicio. Sic autem difficillimum est, illum ab actu fidei, & sapientiæ distinguere, quia non potest esse iudicium de veritate per se nota viatori, quia hæc cognitio non datur in via de veritatibus divinis: ergo vel est ex testimonio divino, & sic non distinguitur a fide; vel est ex alio medio, ut ex effectibus, vel congruentiis, & sic non potest distingui a sapientia, vel scientia, aut explicare oportet, quod sit ejus motivum, & quæ sit veritas, de qua fert iudicium.

D. Thom. dono intellectus aliquid iudicium attribuit.

3. Nihilominus D. Thom. vel non persistit in prior sententia, vel aliter illam explicuit, præbendo intellectui aliquam veram cognitionem, & iudicium, 2.2. quæst. 8. artic. 1. ubi in corpore concludit, intellectum esse quoddam *supernaturale lumen*, quo potentia penetrat, & cognoscit, quæ per lumen naturale cognoscere non valet: penetrare autem, & cognoscere, non est pure apprehendere absque iudicio, & solut. ad 3. dicit, intellectum judicare quandam excellentiam cognitionis penetrandi ad intima. Et solut. ad 1. & 2. comparando hunc intellectum quasi divinum cum naturali intellectu principiorum, videtur aperte sentire, sicut intellectus principiorum est judicativus principiorum naturalium, ita intellectus donum principiorum supernaturalium. Præterea in artic. 2. intellectui tribuit illustrationem mentis in Scripturarum intelligentia, & de illo exponit verba Luc. ult. *Dedit illis sensum, ut intelligerent Scripturas*. Intelligere autem Scripturas non fit sola apprehensione sine iudicio, ut per se notum est. Et in corpore ejusdem artic. tribuit intellectui, quod per illum homo intelligit fidei veritates, saltem quoad hoc, *ut cognoscat, quæ exterioris apparent illi contraria, non esse vere contraria, neque propter illa esse a veritate fidei recedendum*: hoc autem sine magno iudicio non fit; ergo munus intellectus præcipue versatur in iudicando de his, quæ apprehendit. Item in articulo tertio tribuit huic intellectui non solum speculativam cognitionem, sed etiam practicam, quia cognoscit humanos actus secundum quod per legem æternam, seu per rationem æternam regulantur, practica autem cognitio regulativa operationis judicativa est. Denique in articulo quinto dicit ad donum intellectus pertinere rectam æstimationem de ultimo fine, recta autem æstimatio iudicium mentis est: ergo etiam pertinet ad intellectum judicare.

Vera assertio. Donum intellectus etiam iudicium includit.

4. In hoc puncto mihi imprimis videtur, ponendum esse actum intellectus non in sola apprehensione terminorum, vel propositionum sine ulla cognitione, & iudicio aliquo de re apprehensa, sed in tali apprehensione, quæ aliquid penetrat, percipiat, & con-

Suarez Tom. VI.

sequenter judicet. Hoc quoad rem ipsam apud me convincunt rationes priori loco factæ, quoad mentem vero Divi Thomæ idem probant loca posteriori loco adducta. Neque existimo aliud intellexisse in 1. 2. cum dixit, *ad apprehensionem veritatis perfici mentem per donum intellectus*, quia hoc idem dixit 2. 2. nam quæst. 8. artic. 1. dixit, *per hoc lumen intellectus reddi hominem bene mobilem a Spiritu Sancto ad apprehendendam veritatem circa fidem*. Et nihilominus ad 3. ibi dicit, *quod intellectus importat quandam perceptionem veritatis*. Idemque habet in quæst. 45. artic. 2. ad 3. ubi tribuit intellectui: *percipere veritates divinas* (ita enim legendum est, non *præcipere*, ut habent aliqui mendosi codices.) Idem ergo D. Thomas intelligit in præsentī per apprehendendi, & percipiendi verba, seu per apprehensionem, & perceptionem: at perceptio veritatis aliquam cognitionem, & iudicium requirit, ut constet. Imo in dicta quæst. 8. art. 6. addit, intellectus munus esse penetrare, & capere credenda: quis autem dicat, penetrare, & capere nihil aliud esse, quam propositionem concipere.

Probatur rationibus n. 1. 2. & 3. factis. D. Thom. exponitur.

5. In explicando ergo hoc munere consistit intelligentia hujus actus, & distinctionis ejus a fide, & sapientia. Potest autem in hunc modum exponi; quia quoties aliquid credendum est ex autoritate loquentis, vel scribentis, imprimis necesse est concipere, quo sensu loquatur: & quid dicat, ut postea qui audit, judicet de his, quæ dicuntur, & fidem adhibeat, vel non adhibeat. Unde in doctrina etiam acquisita, diversum studium adhibendum est ad intelligendum, & penetrandum, an Augustin. V. g. hoc, vel illo sensu loquutus fuerit, aliud ad judicandum, an id, quod dixit, verum sit. Quia ergo in hac vita divinas veritates non in se videmus, sed auditu recipimus, vel scripta legimus, ut eas credamus, illa etiam duo necessaria sunt. Et quia res illæ excedunt captum nostrum, & modus ipse proponendi illas obscurus est, & latens: nam & res ipsæ, cum sint maxime spirituales, superant sensibilibus phantasmata, & verba sæpe sunt ambigua; ideoque indigemus singulari magisterio Spiritus Sancti non solum ut credamus, sed etiam ut res illas addiscamus, & penetremus, ut loquitur D. Thomas.

Natura doni intellectus exponitur.

6. Atque ita constat, in hoc actu intervenire iudicium aliquod, non de veritate rei dictæ, sed de sensu loquentis, & fortasse etiam de credibilitate rei dictæ: sicut in exemplo posito, quando legendo, & investigando cognoscimus, quæ fuerit sententia Augusti. vel D. Thomæ in aliquo puncto, judicamus profecto hanc vel illam fuisse mentem ejus, licet nondum judicemus, an sententia illa vera, vel falsa sit. Ita ergo in præsentī per intellectum penetramus veritates fidei solum quoad sensum loquentis, ideoque judicamus hoc esse quod dicitur. Hoc ergo iudicium includit actum intellectus, quod est donum, & in illo sistit, nam judicare de veritate dictæ jam pertinet ad fidem, & ita patet distinctio intellectus a fide. A sapientia vero distinguitur, quia sapientia non investigat sensum loquentis, nec de illo judicat, sed illud jam supponit, sicut etiam supponit fidem de tali mysterio, aliud vero iudicium profert de rebus ipsis divinis jam creditis, & amatis, scilicet, quod res vera sint dignæ Deo, & ut æstimentur tales, quales dicuntur & creduntur ex proprio quodam motivo, quod sumitur ex connaturalitate ad effectum bene dispositum per charitatem, & ex effectibus divinis, quæ inde nascuntur, & experimento cognoscuntur, ut declaravimus.

Intellectus doni judicet de mente rei velantis.

7. Dices: ergo donum intellectus antecedit fidem, quia recta conceptio credendorum præcedere debet, ut quis possit credere; consequens est falsum, quia Isai. 7. dicitur: *Nisi credideritis, non intelligetis*, juxta septuaginta, & D. Thomas supra docet, intellectum non solum supponere fidem secundum se, sed etiam charitatem formatam. Respondeo, aliud esse loqui de habitibus, aliud de actibus. De habitu ergo intellectus simpliciter verum est, supponere fidem, imo & gratiam, ut videbimus libro sequenti. De actu vero distinguendum est. Nam potest esse hic actus intellectus Spiritus Sancti solum imperfectus, & quasi

Objeccio.

Solutio.

Quid de actu dicendum.

inchoactus, vel perfectus, & consummatus quoad omnia, quæ ad illum pertinere possunt. Priori modo concedo aliquem actum intellectus supponi ad actum fidei infusæ, quia cum homo primo ad fidem vocatur, & inducitur, priusquam credat, oportet, ut interius juvetur a Spiritu Sancto ad concipiendas, sicut oportet, res fidei sibi propositas juxta illud Joan. 6. *Omnis, qui audit a Patre, & discit, venit ad me, utique credendo; prius ergo debet audire, & interius a Patre discere, ut exponit Augustinus. Unde de obduratis, & excæcatis dicitur Isai. 6. & Matth. 13. Auditu audietis, & non intelligetis, & in sequentibus latius dicendum est.*

Fidem
supponit
actus per-
fectus hu-
jus doni.

8. At vero intellectus perfectus, prout maxime ponitur donum Spiritus Sancti, supponit fidem, imo & charitatem: & sic possunt optime intelligi verba Isaiæ citata, & illud Psalm. 110. *Intellectus bonus omnibus facientibus eum.* Et ita pertinet ad hunc intellectum quicquid acuminis (ut sic dicam) supernaturalis intelligentiæ in concipiendis rebus fidei intervenire potest. Nam ad hunc intellectum pertinet illustrior, & explicatior conceptio divinarum rerum, quas fides revelat. Item varii modi explicandi mysteria per plures similitudines, vel exempla: item huc etiam spectare potest penetratio, & inventio plurium rationum, quæ res fidei illustrent, & magis intelligibiles reddant. Item hinc provenire etiam potest vera intelligentia locorum Scripturæ, in quibus veritates fidei continentur. Nam sicut, ut dixi, credere veritatem dictam ibi scriptam, sit opus fidei, nihilominus intelligere quid ibi dicatur, potest esse hujus doni, ut significat Divus Thomas ita exponens verba Luc. ultim. *Et aperuit illis sensum, ut intelligerent Scripturas;* & ita etiam possunt intelligi verba Christi ad discipulos Matth. 13. *Adhuc & vos sine intellectu estis?* Unde etiam ad hoc donum pertinere potest, ut res fidei non appareant impossibiles, nec rationi repugnantes tanquam contrariæ, licet sint supra rationem: & hoc modo ait D. Thomas supra, hujus intellectus esse ita penetrare res fidei, ut homo intelligat ea, quæ exterius apparent contraria, non sufficere, ut ea non credat, nec propter illa esse recedendum a fide.

Difficul-
tas ista
bis partita.
Quæritur
2. pars.

9. Sed adhuc superest difficultas, quia omnia hæc munera, vel per quandam reflexionem, ut sic dicam, ad fidem pertinent, & sunt actus fidei, vel quocumque alio modo fiant, sunt opera, quæ discursu, & naturali ingenio fieri possunt, & fere magis consistunt in conjectura humana, quam in certo judicio, & ideo non possunt ad supernaturalem cognitionem, & judicium pertinere. Explicatur prior pars, quia omnia illa, de quibus intellectus judicat, possunt, & debent credi ex autoritate divina, si sub illa proponantur, ut possunt. Nam fides non tantum revelat, v.g. Deum esse hominem, sed etiam revelat, quo sensu in Scriptura dicatur, *Verbum caro factum est,* & quo sensu dicatur homo Deus, & similia: utrumque ergo judicatur, & creditur ex testimonio Dei. Item sicut ex testimonio Dei credimus res revelatas, ita etiam judicamus illas non esse impossibiles, nec ab illis esse recedendum propter exteriora contraria, &c. Si ergo judicium de his omnibus nitatur in autoritate divina, quantumvis cum perfecta rerum conceptione, vel penetratione, semper erit actus fidei magis, vel minus perfectus, & ex majore, vel minori auxilio procedens. Ipse ergo actus fidei, qui secundum suam substantiam talis denominatur, prout perfectiori modo concipitur, dicitur intellectus. Et ita illud Isai. 7. *Nisi credideritis, non intelligetis,* perinde dictum esse censetur, ac si diceret, nisi simpliciter, & quasi inchoando fidem credideritis, illustriorem, & magis penetrantem fidem non assequemini.

Suadetur
2. pars.

10. Altera pars declaratur, quia illa omnia, si non fiant cum certitudine fidei, necesse est judicari tantum ex rationibus, & motivis humanis, & consequenter non pertinebunt ad supernaturale donum, nec fient per actus supernaturales quoad substantiam, sed ad summum quoad modum. Probatur discurrendo per actus insinuos, nam imprimis concipere verba, vel signa, sub quibus fides proponitur, in eo sensu, in quo dicuntur, judicando illum esse verum sen-

sum, si non fiat ex lumine fidei, solum esse potest per discursum humanum, & conjecturas, vel humana testimonia. Sicut in judicando de sensu Scripturæ, v.g. quod illa verba: *Hoc est corpus meum,* proprie significent, illud esse verum Christi corpus, ibi realiter existens, solum potest haberi, aut per certitudinem fidei, aut per conjecturas, & auctoritates humanas, neque apparet, quo alio modo possit per donum intellectus de vero illo sensu judicari. Idemque est eadem ratione de quibuscunque verbis, sive scriptis, sive ore prolatis, & de quibuscunque signis, parabolis, figuris, aut prophetiis obscuris, sub quibus doctrina fidei proponatur. Præterea expressior, vel clarior conceptio fidei, si formaliter includat cognitionem veritatis rei conceptæ, sine certitudine fidei, facile esse potest ex acumine humani ingenii, & ex majore industria, & studio, quod si Spiritus Sanctus suppleat vires ingenii, & laboris humani, nihilominus cognitio illa non potest esse, nisi ex motivo humano, ac proinde naturalis. Et simili modo si cognoscantur plura mysteria in eisdem veritatibus, non potest esse nisi cognoscendo plures conclusiones in revelatis contentas ex vi discursus humani, nam si fiat altiori modo, jam erit cognitio fidei. Rationes etiam, similitudines, vel exempla quæ inducuntur ad fidem explicandam, vel suadendam, non transcendunt de se naturalem cognitionem, quod si ex divina inspiratione offerantur, erit opus supernaturale in modo, non in substantia. Denique judicium de possibilitate rerum fidei, si non sit ab ipsa fide, & cum eadem certitudine, solum esse potest per motiva humana, & solvendo argumenta in contrarium objecta, quod non transcendit humanam industriam quoad substantiam operis, si fides ipsa majorem certitudinem non præbeat.

11. Respondeo, naturale quidem lumen intellectus fide illustratum, & adjutum multa posse facere circa veritates revelatas valde similia his muneribus, quæ dono intellectus tribuuntur, & ideo non esse evidens, dari tale donum omnino supernaturale a fide distinctum, neque etiam, esse certum, quia non est satis aperte revelatum: nihilominus dico, certum videri non sufficere ingenium humanum, etiam fide præditum ad præstanda per solum naturale lumen illa omnia, quæ circa veritates fidei concipiendas, confirmandas, & explicandas a credentibus fiunt, sed necessarium sæpe esse peculiare, & supernaturale Spiritus Sancti auxilium, & hoc modo actus illos esse donum intellectus supernaturalis, sive illi actus sint in substantia naturales, sive non sint, satis enim est, quod fiant speciali Spiritus Sancti instinctu. Addo vero jam esse probabilius, & Scripturis, ac Sanctis conformius, hæc munera, quatenus ad donum Spiritus Sancti pertinent, fieri per actus in se, & substantia supernaturales. Primo, quia quoad subtilitatem penetrandi supernaturalia mysteria, & inveniendi, & applicandi rationes, & exempla, quibus illa confirmantur, excedunt vires ingenii humani. Et hoc non leviter potest experimento confirmari: nam videmus interdum personas simplices, & indoctas altius concipere, & explicare mysteria fidei, quam soleant sapientes id facere. Deinde quod attinet ad certitudinem cognitionis, in qua præcipue versatur difficultas, dico hanc cognitionem intellectus esse certam, non proprie ex motivo fidei, nec cum æqualitate ad certitudinem ejus, sed ex aliis motivis, & rationibus adjuncto modo concipiendi, & assequendi illa motiva ex instinctu Spiritus Sancti cum tanta claritate, & adhæsiōe ex eodem instinctu, ut quasi per reflexionem fiat quædam experimentalis evidentia, quod ibi interveniat Spiritus Sancti instinctus, & operatio. Qui modus cognitionis, & certitudinis plane est in se, & substantia sua supernaturalis, & potest facile in his donis intervenire, nulla enim est repugnantia, & ad multa opera, quæ ex Spiritus Sancti instinctu fieri videbimus, est plane necessarius ut ex sequentibus magis constabit.

Solutio
propositæ
difficultatis.

CAPUT XX.

*Quis sit actus scientia dono Spiritus Sancti
specialiter attributus?*

Donum hoc
est in
iudicio

I DE hoc actu in primis est certum, constituen-
dum esse in aliquo iudicio, & vera cognitione
intellectuali, & non in sola apprehensione, quæ judi-
cium non includat. Hoc tradit Div. Thomas tam in
1.2. q. 68. ar. 4. quam in 2.2. q. 9. Et suadetur primo ex
dictis de intellectu, c. 19. n. 1. & 2. quia sola apprehen-
sio est actus nimis imperfectus, ut inter dona Spiritus
Sancti numeretur. Secundo ex proprietate ipsius vo-
cis, *Scientia*, significat enim cognitionem judicati-
vam, & certam, imo, & evidentem, si in rigore su-
matur. Tercio quia etiam si in rigore loquamur de ap-
prehensione, & inventione intellectuali, quæ fit cum
iudicio, & cognitione, ut de intellectu diximus, sic
etiam donum intellectus sufficiens est ad operandum
illo modo ex instinctu Spiritus Sancti in tota materia
fidei, ut recte notavit Cajet. 2.2. q. 8. ar. 1. Et ratio
reddi potest, quia tota materia fidei est ejusdem ratio-
nis quoad hanc partem, nam ut substat regulis divinis,
& supernaturalibus, est satis elevata; modus autem
operandi in intellectu explicatus est idem quoad pene-
trationem, & inventionem ex instinctu Spiritus San-
cti in tota illa materia. Unde etiam intulit D. Thom.
dicta q. 8. art. 3. intellectum non versari tantum
in materia speculativa, sed etiam in practica: ergo
superfluum esset ponere donum scientiæ ad similia
munera.

Scientia
est specu-
lativa, li-
cet aliq-
modo pra-
ctica

2 Deinde supponendum est, hunc actum non esse
mere practicum, sed speculativum potius, licet pos-
sit esse aliquo modo practicus, scilicet ex parte mate-
riæ operabilis, licet ex modo semper speculative fiat,
quo cum intellectu, & sapientia, imo & cum fide
convenit, differt autem a prudentia. In hoc puncto
habuit diversam sententiam D. Thom. 1.2. q. 68. ar. 4.
censuit enim ibi, scientiam, quæ est donum, esse
iudicium omnino practicum de agendis ex instinctu
Spiritus Sancti, quod solet etiam morale imperium
vocari, & in hoc distinxit scientiam a sapientia, &
intellectu; a consilio autem illam distinxit, quia ad
consilium pertinet tantum inventio in eadem mate-
ria practica, in qua scientia judicat. Potestque sua-
deri hæc sententia, quia intellectus, & sapientia vi-
dentur sufficienter perficere intellectum quoad omnes
actus, tam in materia speculabili, quam in materia
operabili, prout inter illa potest intellectus speculati-
vo modo versari; ergo non potest scientia in ea mate-
ria ab illis distinguui: ergo debet ad materiam practi-
cam, & modum judicandi practicum referri. Favere
August. lib. 12. de Trinit. cap. 12. ubi scientiam circa
actionem, sapientiam vero circa contemplationem
versari sentit. Loquitur autem de scientia humana,
& naturali, non de illa, quæ specialiter est a Spiritu
Sancto: per quandam autem proportionem videtur
posse accommodari. Consilium autem, & ex vi vocis
significat inquisitionem, & inventionem, & non po-
test in materia, & modo practico aliter a scientia di-
stingui. Accedit, quod in ipsa enumeratione dono-
rum apud Isaiam scientia ponitur inter dona pertinen-
tia ad voluntatem, tanquam illam dirigens, quod
pertinet ad iudicium practicum.

Hinc opi-
nionē re-
tractavit
D. Thom.
& nostrā
amplexus
est

3 Nihilominus idem Div. Thom. in illa sententia
non permansit, sed illam expresse retractavit 2. 2.
q. 8. ar. 6. & q. 9. ar. 3. dicens, scientiam principaliter
esse speculativam, licet extendatur ad materiam
etiam practicam, & in hoc cum intellectu, & sapientia
convenire. Unde illi non tribuit iudicium de agen-
dis in particulari, quod dicitur practice practicum,
vel imperium, vel applicatio scientiæ ad opus: nam
hoc totum ad consilium spectat. Unde in q. 52. art. 1.
& 2. docet donum consilii respondere prudentiæ, qui
est, præcipere, seu practice judicare, quamvis non
ab illo denominetur, ut consistere potius in consilio a
Spiritu Sancto recepto, quam in proprio iudicio signi-
ficetur. Et hæc sententia ut verisimilior tenenda est;
tum quia propria scientia secundum communem usum

Vera sen-
tentia
probatur

longe distat a prudentia, & a iudicio practico, quod
per modum prudentiæ fertur: scientia enim per se in-
tendit in veritatis cognitionem, prudentia vero ma-
gis tendit in operationem: tum etiam quia in mate-
ria fidei, tam circa principia speculativa, quam circa
moralia, quæ practica dicuntur, est necessarium aliud
genus iudicii, & cognitionis, præter intellectum,
& sapientiam, ut statim explicabimus, quod non po-
test esse nisi scientia; tum denique, quia in dono con-
silio non videtur necessaria propria inquisitio, & con-
sultatio ipsius hominis, quia iudicium prudentiale,
quod est donum, determinate recipitur ex impulsu
Spiritus Sancti, ut mox dicemus. Igitur scientia,
quæ inter dona recensetur, nec est iudicium practice
practicum, imo in hoc differt a consilio: neque est
mera apprehensio, sed est cognitio iudicativa, &
speculativa, & in hoc cum sapientia, & intellectu
convenit.

4 Difficultas ergo superest, quomodo scientia ab
his, & a fide distinguatur. Et rationes dubitandi sunt
fere eadem, quæ de sapientia, & intellectu factæ sunt.
Potest ergo scientia distinguui a fide, quia fides versatur
circa veritates per se, & immediate revelatas; scientia
vero circa conclusiones ex illis principiis elicitas; a
sapientia vero distinguetur, quia sapientia versatur
circa conclusiones divinas, & supremi ordinis; scien-
tia vero circa conclusiones, & veritates de rebus crea-
tis, vel humanis, juxta doctrinam August. lib. 13. de
Trin. c. 19. *Sapientia divinis, & æternis, scientia
humanis, & temporalibus attributa est rebus.* Verun-
tamen hic dicendi modus habet difficultates omnes su-
pra tactas de sapientia illo modo explicata: unde si
in sapientia non admittitur, multo minus in scientia
probari potest. Et propterea est nova difficultas, quia
hoc modo sapientia, & scientia quoad actus non for-
maliter sed materialiter tantum differunt, qui ex eis-
dem principiis, & eodem modo in diversis rebus ver-
santur, quod materiale est: nam formalitas actus su-
mitur ex motivo, & modo operandi. Non differunt
ergo essentialiter, sed accidentaliter, vel (ut ita di-
cam) individualiter, & consequenter si hæc dona
sunt habitus, non erant habitus distincti, sed ra-
tione per conceptus inadæquatos. Sicut actus fidei,
licet in diversis materiis creatis versentur, ejusdem
speciei sunt, & ab eodem habitu manant. Hoc autem
cum in aliis donis non inveniatur, neque in his ad-
mittendum videtur.

Quomodo
scientia a
fide, &
sapientia
distingui-
tur.
1. Opinio

Impropria-
tur

5 In modo igitur distinguendi scientiam a fide ea-
dem ratio tenenda est, quæ in distinctione inter sapi-
entiam, & fidem observata est. Scientia enim non præ-
bet assensum veritati revelatæ, judicando ita esse, sicut
revelatam est, seu credendo veram esse, quia a Deo
dicta est, sed judicat de convenientia veritatis revela-
tæ, vel respectu Dei, vel respectu nostri, vel respec-
tu ipsius fidei, quatenus iudicatur digna fide, vel
respectu amoris, quatenus amabilis reputatur.
Unde in hoc suo iudicio non fundatur immediate in
revelatione, sed in aliis motivis, vel experimentis, ut
dicemus: & ita differt a fide. Ab intellectu item dif-
fert eodem modo, quo sapientia, quia ad diversos fi-
nes proxime ordinantur, & juxta illos, diversos
actus efficiunt. Intellectus enim insitit in penetratio-
ne, & perfecta conceptione veritatis fidei, ut explicui.
Sapientia vero, sicut & scientia, in ipsa doctrina fi-
dei jam perfecte concepta, & ordinata novas ratio-
nes convenientiæ contemplatur, ut dixi. Inter se ve-
ro differunt, quod sapientia judicat in materia super-
naturali de convenientia ejus per æternas, & divinas
rationes ad Deum ipsum, & attributa ejus, ac hono-
rem ipsius pertinentes. Scientia vero per rationes in-
feriores, & creatas, vel humanas de eisdem rebus ju-
dicium profert. Ut v. g. scientia judicat peccatorum
permissionem fuisse convenientem ad servandam liber-
tatem, & ad universi complementum. Sapientia ve-
ro judicat id fuisse convenientem ad ostensionem divinæ
justitiæ, & sapientiæ, quæ novit ex malis bona face-
re. Item scientia judicat, paucos salvari propter pro-
pensionem hominis ad peccandum, & difficultatem
virtutis: sapientia vero fieri judicat ad ostensionem
gratiæ Dei, & plenii domini voluntatis ejus, &c.

Vera ra-
tio disti-
ctionis
scientiæ
a fide

Ratio d' a
disti-
ctione
scientiæ
a sa-
pientia

Con-

Confirm. Confirmari hoc potest, quia ita solent apud Philosophos sumi nomina scientiæ, & sapientiæ, & in hoc distingui, quod sapientia est sub rationibus æternis, & scientia sub temporalibus. Sic enim Aristot. lib. 1. Metaph. c. 2. dicit sapientiam primas causas considerare, & ex illis judicare. Et 6. Ethicor. c. 3. & 6. sapientiam distinguit a scientia tanquam convenientem cum illa in genere scientiæ, & habentem in eo excellentiam quandam ex eo, quod circa res altissimas, & circa ipsa etiam principia perfectissimo modo versetur. Ergo non immerito creditur, etiam Scriptura in enumerandis Spiritus Sancti donis, imo etiam regulariter in usu illarum vocum, quando illas inter se distinguit, ubi discrimen observasse. Nam etiam Spiritus Sanctus in sermonibus captivi hominum, & usui communi vocum se se accommodat.

Explicat. *amplius* *hæc dist.* 6 Recte igitur actus sapientiæ, & scientiæ peculiariter Spiritui Sancto attributi intelliguntur convenire inter se in modo, quo circa mysteria fidei versantur, differre autem, quia sapientia modo altiori, & per rationes longe superiores munus suum, quam scientia exercet. Et hoc modo intelligenda est doctrina, quam sæpe Augustinus inter sapientiam, & scientiam tradit, quod sapientia circa divina, & æterna, scientia circa humana, & temporalia versatur. Nam de sapientia, & scientia naturali ita loquitur lib. 12. de Trinit. cap. 12. & vocat scientiam actionis, id est, quæ ad vitæ hujus actiones deservit. In dicto autem lib. 13. cap. 19. agens de cognitione supernaturalium mysteriorum, dicit. *Quæ pro nobis Verbum caro factum temporaliter, & localiter gessit, & pertulit, ad scientiam pertinere, non ad sapientiam spectare.* Et lib. 14. cap. 1. declarans descriptionem vulgarem sapientiæ, quod sit *divinarum, humanarumque rerum scientia*, ait, *secundum distinctionem, qua dixit Apostolus. Alii datur sermo sapientiæ, alii sermo scientiæ: ista definitio dividenda est, ut rerum divinarum scientia proprie sapientiæ nuncupetur, humanarum autem proprie scientiæ nomen obtineat.*

Hæc distinctio formaliter est intelligenda, non materialiter. 7 Existit autem hanc distinctionem formaliter magis, quam materialiter esse intelligendam, nam etiam si cognitio sit divinarum rerum, si per inferiores, & creatas rationes cognoscantur, vel elucidentur, scientia est: & e converso etiam si res creditæ humanæ sint, si per rationes superiores cognoscantur, et it sapientia. Additque ibidem Augustinus, per scientiam fidem saluberrimam, quæ ad veram beatitudinem ducit, gigni, nutrir, defendi, ac roborari. Quod ille de acquisita scientia tradit, potest tamen cum proportionem de dono scientiæ intelligi. Nam etiam potest hoc munus suo peculiari modo circa mysteria fidei æterna, & increata præstare, & e converso sapientia potest de mysteriis, seu rebus temporalibus, ut sunt opera, & passio Christi Domini suo modo judicare, & ita possunt in materia convenire, & nihilominus ex ratione, & medio judicandi distingui. Hinc vero etiam fit, ut sapientia principalius, & magis ex instituto res divinas, & supremas consideret, quam scientia. Unde D. Thom. quasi utrumque conjungens 2. 2. quæst. 45. ar. 1. de sapientia dixit ad eam pertinere causam altissimam, & per eam de aliis certissime judicare, & secundum eam omnia ordinare. Et ita etiam intelligendum est, quod ait quæst. 8. ar. 6. ad sapientiam, & scientiam pertinere iudicium rectum, quo homo judicat rebus fidei esse inhærendum, & ab earum oppositis esse recedendum: hoc vero iudicium quantum ad res creatas, pertinere ad donum scientiæ, quantum vero ad res divinas, ad donum sapientiæ spectare. Intelligendum enim hoc puto per se primo, ac principaliter, consequenter vero posse utrumque donum extendi ad omnia sub ratione propria, quantum illa capax fuerit. Et ita tandem explicuit idem D. Tho. 2. 2. quæst. 9. art. 2. ad 3.

Discrimē aliud inter scientiam & sapientiam 8 Quibus addi tandem potest, differre sapientiam a scientia, quia sapientia peculiariter fundatur in quadam spiritali experientia ex connaturalitate ad charitatem Dei: scientia vero non ita fundatur in charitate, sed in aliis inferioribus rationibus. Unde omnes rationes fundatæ in Dei bonitate, & dilectione ipsius secundum se, vel ad ejus gloriam, & manifestationem

attributorum ejus pertinentes, quæ disponunt intellectum ad adhærendum mysteriis divinis, ac revelatis, pertinent ad sapientiam: quæ vero spectant ad hominis felicitatem, vel salutem etiam supernaturalem, pertinere ad scientiam, præsertim si procedant ex affectu ad proprium commodum. Nam inde etiam potest homo bene disponi ad iudicium hujus scientiæ. Ideoque non immerito dici potest, quod sicut sapientia fundatur in Charitate Dei, ita scientia, ut sit perfecta in hoc genere fundari debet in affectu bene disposito ad salutem, & felicitatem supernaturalem, ut bonum proprium hominis est, quem affectum in superioribus diximus ad habitum spci pertinere. Unde non improbabiler dici potest, sicut sapientia annectitur charitati, & intellectus fidei, ita scientiam annecti virtuti spei, & habere connaturalitatem quandam cum amore concupiscentiæ Dei, quatenus in illo fundari possunt præcipuæ rationes inferioris ordinis ad hanc scientiam pertinentes.

9 Ultimo ex dictis explicata in genere manet distinctio horum trium actuum ab actu consilii, quia illi tres speculativi sunt, vel in materia, vel in modo universalis: consilium vero est actus omnino practicus, & per applicationem ad particularia cum circumstantiis hic, & nunc determinatis: in quo etiam difert ab actu fidei, sicut de prudentia dictum est. Nondum tamen explicata est specifica ratio hujus consilii, in qua differat a iudicio prudentiæ non tantum acquisitæ, sed etiam infusæ. Hoc vero explicari recte non potest sine aliis actibus moralium donorum ad effectum pertinentium, & ideo in sequenti capite explicatio hujus actus consummabitur.

Quomodo hæc tria dona a consilio distinguantur?

C A P U T XXI.

Quinam actus sint fortitudo, pietas, timor, & consilium, qui dono Spiritus Sancti specialiter tribuuntur?

I Auctores, qui negant dona distingui a virtutibus secundum rem, sed tantum secundum denominationem, vel aliquam accidentalem perfectionem, multo facilius de his actibus moralibus idem testantur. Nam si nomina attendamus, *fortitudo* quædam virtus moralis est. *Pietas*, ibi significat religiosum cultum erga Deum, & ita idem est, quod religio, quæ altera virtus moralis est. *Timor* vero variis modis explicatur, nullus autem assignatur qui non sit alicujus virtutis actus. Hieronymus enim explicat esse timorem Dei servilem, rectum scilicet, & moderatum, id est, timorem Dei, prout iustas penas minatur. Unde significat, non esse prædictum de Christo propter ipsum, sed propter membra ejus. Et idem sentit Greg. Hom. 19. in Ezech. dicens, hunc timorem esse, quem charitas excludit. Et de eodem videtur exponere August. lib. 2. de Doctr. Christian. ca. 7. Alii vero exponunt de timore filiali, quem esse actum a charitate elicitum, & ipse D. Thom., & fere omnes fatentur, & de utroque dixi in materia de Penitent. & de Incarnat. Alii de timore reverentiali hunc actum exponunt: nam hic est proprius, qui in Christo fuit, de quo, ut dixi, Propheta loquitur, hic autem timor est actus humilitatis, ut infra dicam. Alii denique timorem illum generaliter accipiunt, prout solet per timorem Dei perfecta justitia, & obedientia ad Deum significari. Sic enim hominem servantem perfecte Dei legem, timentem Deum appellare solemus: estque modus loquendi Scripturæ satis communis. Et insinuat Cyrill. lib. 2. in Isaiam dicens de Christo. *Quod autem non particularem ei gratiam addiderit, &c. planum facit Propheta dicens, & complacebit eum spiritus timoris Domini.* Hæc ergo tria dona voluntatis recte ad alias virtutes morales, seu voluntatis reducuntur, & consequenter nomine consilii intelligitur prudentia; non oportet ergo multiplicare, vel distinguere sine fundamento hos actus ab actibus virtutum infusarum.

i. opin. non distinguens hæc dona a virtutibus. Prob. 1. inductio. ne

2 Unde Patres ca. 12. allegati, præsertim Ambrosius hæc dona virtutes vocant, ita enim de illis loquuntur, ut distinctionem inter illa & virtutes non videantur

Prob. 2. ex Patribus

tur agnoscere. Hieronymus enim in Isaïam, ait, Spiritum Sanctum illis nominibus nuncupari, quia cunctarum virtutum fons sit. Cyrillus, In hoc flore (ait) quieturum Spiritum multis virtutibus pollentem. Ambrosius libro primo de Spiritu Sancto ait, esse virtutes spirituales, & illo numero significari plenitudinem virtutum. Et in hoc sensu, videtur dicere Augustinus lib. 1. Quæstionum Evangelicarum q. 8. septem spiritus malos opponi septem spiritualibus virtutibus. Imo & Gregor. ita loquitur lib. 1. Moral. cap. 28.

3 Ratione idem suadere possumus, quia nisi distinguantur motiva, non possunt distingui actus virtutum, ut supra visum est: hic autem non possunt motiva distingui, quia Religio, verbi gratia, semper colit Deum propter suam excellentiam singularem, vel naturalem, vel supernaturalem nostro intelligendi, & loquendi modo, tantum ergo esse potest vel acquisita, vel infusa, non enim videntur posse distingui ut magis, vel minus supernaturale, quia hæc differentia accidentaria est. Unde quod actus fiat ex motione Spiritus Sancti majori, vel minori, aut ordinaria, vel extraordinaria, solæ distinctio accidentaliter videtur. Nam omnibus his modis possunt fieri actus virtutum infusarum magis, vel minus perfecti, & virtus quælibet moralis inclinatur ad omnem honestatem suæ materiæ proportionam, sive per rationem, sive per Spiritus Sancti specialem instinctum ostendatur. Confirmatur primo, quia actus donorum solum distinguuntur eo modo, quo Arist. 7. Ethicor. cap. 1. distinguit actum virtutis communis ab actu virtutis heroicæ. Vel sicut in 7. Ethicor. ad Eudem. refert actus virtutum, qui sunt ex propria consultatione, vel qui sunt ex aliquo superiori instinctu. His enim exemplis utuntur auctores ad explicandos hos actus; sed vel actus virtutis communis, & heroicæ, vel facti ex instinctu Dei authoris naturæ, vel communi modo, non distinguuntur essentiali perfectione, ut constat; ergo. Confirmatur secundo, quia si in materia virtutum moralium, distinguerentur actus donorum ab actibus virtutum, cur non idem fieret in virtutibus Theologicis? in his autem non fit talis distinctio secundum omnes: ergo nec in illis fieri debet. Simile argumentum fieri potest de actibus octo beatitudinum quas Matth. 5. Christus enumerat. Nulla enim major ratio, cur septem actus enumerati ab Isaia censeantur distincti ab omnibus virtutibus, quam beatitudines, vel fructus: sed hi non sunt actus distincti ab actibus virtutum ex omnium sententia; ergo nec illi distinguendi sunt.

4 Nihilominus contrariam sententiam graviores Theologi amplectuntur, D. Thom. Bonavent. Alber. Richard. & alii cap. 12. allegati. Estque satis consentanea Patribus præsertim Greg. lib. 2. Moral. cap. 26. alias. 36. & aliis locis supra citatis. Magisque spiritualem, & internam perfectionem, & Spiritus Sancti in nos operationem commendat, & declarat, ac denique potest prima ratione declarari, ac suaderi, ideoque a nobis ut probabilior defenditur. Et in primis dubitandum non est, quin hæc dona distinguantur a virtutibus moralibus acquisitis, in quo certe prior opinio Scot. & Gabriel. magnam vim facit Scripturis, & Patribus. Sentiant enim hæc dona infundi omnibus iustis, quod non esset verum, si essent tantum ipsæ virtutes acquisitæ. Ergo aperte numerant hæc dona inter gratias maxime supernaturales, & a Spiritu Sancto specialiter infusas. Imo inde per antonomasiam dicta sunt dona, ut esse a Spiritu Sancto singulariter infusa significarentur: nam solet nomen doni in Scriptura perfectionibus per se infusis specialiter, & omnibus illis generaliter attribui. Sic enim fides dicitur Dei donum ad Ephes. 1. & in hac significatione videtur accipi Iacobi 1. cum dicitur. Omne datum optimum, & omne donum perfectum de sursum est, &c. Eodemque modo Augustin. 15. de Trin. cap. 18. dicit inter dona Dei maximum esse charitatem. Ac denique sic accipit nomen doni Concilium Trident. sess. 6. ca. 7. cum dicit justificationem fieri per voluntariam susceptionem gratiæ, & donorum. S. Thom. etiam ad hoc considerat, hæc dona vocari spiritus ab Isaia,

ut significaretur dari ex speciali inspiratione Spiritus Sancti. Et licet verum sit, Isaïam non tam actus ipsos vocare spiritus, quam ipsum Spiritum Sanctum ab his effectibus appellasse spiritum consilii, fortitudinis, &c. unde ab Ecclesia septiformis spiritus appellatur, nihilominus non minus efficaciter inde ostenditur, esse hos peculiares effectus Spiritus Sancti, cum ab ipsis singulariter nominetur, ac proinde esse actus per se infusos, ac supernaturales. Sic ergo horum donorum distinctio a virtutibus moralibus acquisitis satis fudata est autoritate. Unde si hæc dona non distinguuntur a virtutibus infusis: qua ratione supra probavimus distinctionem virtutum infusarum ab acquisitis, eorum distinctio ab eisdem virtutibus acquisitis probanda est: si autem etiam ab infusis virtutibus distinguuntur dona, a fortiori ab acquisitis distinguuntur.

5 Quod ergo actus donorum moralium sint distincti specie ab actibus virtutum moralium infusarum, non potest melius explicari, quam ratione D. Thom. Quia actus morales distinguuntur ex diversis motivis, & motiva ipsa per conformitatem ad diversas regulas operandi, sicque distinctum motiva virtutum moralium acquisitarum, & infusarum, quia illa sumuntur per conformitatem ad naturalem rationem, & regulam ordinis naturalis, hæc vero per conformitatem ad regulam fidei, & regulas supernaturales. Sed ultra has regulas datur alia superior, quæ est motio Spiritus Sancti: ergo per conformitatem ad illam sumitur speciale motivum, in quo peculiaris ratio honestatis invenitur, per quam possunt optime actus donorum ab actibus virtutum distingui. Ergo ita distinguendi sunt, ut homo per dona gratiæ omnibus modis perficiatur. Minor explicatur, quia in actibus virtutum etiam infusarum homo se movet juxta regulas rationis, in his vero actibus movetur per conformitatem ad instinctum Spiritus Sancti, quæ est regula longe diversa, & sæpe ab aliis regulis rationis discordat, ut discurrendo per singulos actus, & respondendo in contrarium objectis magis elucidabitur. Posset tamen confirmari juxta sententiam supra tractatam, quæ dicebat ad distinguendos actus supernaturales a naturalibus non oportere in objectis invenire diversitatem, sed ex modo tendendi, & nobiliori modo operandi ex parte potentiæ, seu principiorum ejus posse distingui. Hæc enim sententia (ut dixi) potest habere locum, quando motivum operandi proportionatum fuerit utrique actui, & virtuti inferiori, ac superiori, a quibus procedunt: quod in actu naturali, & supernaturali locum non habet, ut ibidem ostendi. In præsentia autem optime posset inveniri, etiam si alia ratio distinguendi hos actus nobis deesset. Quia motivum operandi in his actibus est supernaturale, & ideo licet daremus non esse improporcionatum virtutibus infusis moralibus, nihilominus poterit Spiritus Sanctus movere hominem ad operandum ex eodem motivo, seu ob eandem honestatem fortitudinis, vel temperantiæ altiori modo, & ex peculiari instinctu suo. Multo vero melius, & facilius hoc intelligitur, considerando ex illo peculiari modo motionis, & instinctus Spiritus Sancti, diversum motivum, distinctamque operandi rationem resultare, ut dictum est.

De actu consilii.

6 Explicaturque melius declarando prædictos actus ab Isaia numeratos, qui primo loco posuit Consilium, sub qua voce practicum judicium ad operandum movens indicatum est, quia est tale, ut non tam consilio proprio operantis, quam Spiritus Sancti moventis feratur. Unde respondet quidem prudentiæ, & in eadem materia versatur, longe verò aliter in ea judicat. Nam prudentia naturalis per proprium hominis discursum applicat generalia principia naturalia ad particularem actum, vel occasionem operandi, & juxta illa judicat, quid agendum sit. Et simili modo procedit infusa prudentia ex principiis, ac regulis revelatis. At vero hoc consilium

Prob. 5.
quoad
virtutes
infusas

Vera sententia distinguens hæc dona a virtutibus

Prob. 1.
quoad
virtutes
acquisitas

Quo p^o
do doni
Consilii
a prudentia
distinguitur

lium Spiritus Sancti convenit quidem cum iudicio prudentiæ in modo præctice judicandi, in quo differt ab aliis tribus donis intellectus: differt tamen ab aliis iudiciis præctice practicis in regula, & principio; cui nititur, quia fundatur solum in instinctu Spiritus Sancti, qui sæpe est præter ordinarias regulas tam supernaturales, quam naturales, & licet interdum esse possit illis conformis, homo, qui sic movetur, non alias regulas attendit, nec discursu quasi proprio movetur, sed agitur potius, quam agat.

7 Et quidem hunc operandi, & judicandi modum posse in hominibus iustis inveniri, manifestum est, quia Spiritus Sanctus, qui supremus Dominus est nostræ voluntatis, non obstringitur legibus vel naturæ, vel gratiæ, estque omnipotens ad movendas hominum mentes, quo voluerit, & prout voluerit. Sæpe autem uti hoc dominio, & potestate, supponit Innocent. 3. in c. *Licet* de Regul. ubi motionem hanc per instinctum Spiritus Sancti vocat *legem privatam*, quam sæpe publicæ legi derogare dicit. Sumpsitque ex Urbano. 2. in c. *Dua sunt*. 19. q. 1. Potestque nonnullis exemplis partim ex Scriptura, partim ex historiis Martyrum desumptis ostendi. Nam in primis Sanson, qui se cum Philisthæis occidit. *Non aliter excusatur, nisi quia Spiritus latenter hoc jusserat, qui per illum miracula faciebat*, ut ait Augustin. 1. de Civit. cap. 21. Idemque sentit Ambros. lib. 1. de Offici. cap. 4. de Eleazaro, qui sub elephante ingressus, ut illum, & hostes interimeret, *suo triumpho sepultus est*, eandemque rationem reddit D. Thom. 2. 2. q. 64. ar. 5. ad 4. de quibusdam feminis, quæ tempore persecutionis se ipsas occiderunt, quarum memoriam Ecclesia celebrat. Nam licet de his majori cum formidine loquatur Augustin. dicto lib. 1. de Civit. c. 26. nihilominus ubi confiterit Ecclesiam universam talium Sanctorum festum celebrare, dubitandum non est, quin idem Spiritus Sanctus, qui Sanctas Martyres movit, de eandem honesta, & sancta fortitudine Ecclesiam instruxerit, ut sentit idem D. Thom. 2. 2. quæst. 124. artic. 1. ad 2. Et ita de Pelagia Virgine, quæ cum foetibus in flumen se proiecit, ut virginitatem suam ab hostium iniuriis custodiret, incunctanter sentit Ambros. lib. 3. de Virgini. ante medium. Et simili modo Dionysii Alexandrin. apud Euseb. lib. 6. Historiæ cap. 34. de Apollonia loquitur, quæ cum carnes ei minarentur, se eam vivam crematuros, nisi verba impietatis cum eis proferret, paululum temporis ad deliberandum precatæ, & dimissa ex eorum manibus insiliit in rogam, ibique absorpta est; & ita universalis Ecclesia die nono Febr. ejus festivitatem celebrat.

8 His ergo, & similibus exemplis manifestum sit, interdum fieri virtute, & instinctu Spiritus Sancti, ut homo interius judicet præctice aliquid esse faciendum; quod secundum communes leges divinas non esset faciendum: & nihilominus tale iudicium præctice verum, ac rectum sit: non enim potest esse iudicium a Spiritu Sancto, quod huiusmodi non sit. Tale ergo iudicium dicimus esse distinctum a iudicio prudentiæ infusæ, quia non nititur principiis ejus, neque medio, aut discursu humano, sed altiori motivo fundatur, nimirum, quia motio Spiritus Sancti est supra omnem legem. An vero distinctio hæc sit specifica, necne? statim dicam. Ut autem tale iudicium sit rectum, oportet, ut homini sic moto certo constet Spiritum Sanctum esse, qui movet, & instigando præcipit. Unde optime Augustinus dicto lib. 1. de Civit. cap. 28. *Qui audit, inquit, non licere se occidere faciat si jussit, cujus non licet iussa contemnere. Tantummodo videat, utrum divina jussio nullo nutet incerto*. Iudicium enim præcticum, quod est regula honestæ operationis, debet ita esse certum, ut præctice dubitationem excludat: hic autem major requiritur certitudo, quæ formidinem tollat. Nam cum sæpe tale iudicium sit præter generales regulas, & leges, ut ab his licite discordari possit, oportet, ut de Spiritu Sancti instinctu sine ulla formidine constet. Ideoque difficillimum est tale iudicium, & quidam extraordinarius gratiæ modus ad illud necessarius est. Quem licet nos satis ex-

plicare non possimus, tamen Spiritui Sancto difficile non est, mentem hominis ita movere, ut nullum ei relinquat ambigendi locum, quin sit ipse, qui movet.

9 Hunc ergo actum dicimus esse speciale donum Spiritus Sancti præcticum, & intellectuale, quod respondet prudentiæ, & consilium nominatur, quia consilium, quod in eo intervenit, ut dixi, magis est ab Spiritu Sancto, quam ab homine, versarique potest in omni materia virtutis moralis, ut in materia religionis aliqui putant, votum Iephte, & executio nem ejus (Jud. 11.) fuisse ab hac motione Spiritus Sancti, quod licet necessarium non sit, ut alibi dixi, non est tamen dubium, quin esse potuerit. Idemque dicendum est in materia iustitiæ de iudicio Salomonis. 3. Reg. 3. est enim animadvertendum, quod licet modus hic operandi evidentius cognoscatur in materia, quæ alias esset illicita, non interveniente speciali instinctu Spiritus Sancti, quia in illa est maxime necessarium hoc donum, nihilominus ad illam non limitatur, potest enim Spiritus Sanctus in quacunque materia prævenire hominis discursum, eique singulari modo tale iudicium infundere, & ita in Salomone contingere potuit.

De actu fortitudinis doni.

10 **A**Tque hinc facile explicantur dona ad voluntatem spectantia. Et in primis donum fortitudinis ab adæquata materia denominatum est, in qua convenit cum virtute fortitudinis, quæ circa pericula præcipue mortis substinenda, & aggredienda versatur. Idem enim præstat actus fortitudinis, qui est ex dono, ut patet in exemplis adductis de Sansone, & aliis. Quæri autem potest, an hic actus, quando fit ex dono, fiat etiam ex virtute infusa. Quidam affirmant, juxta quorum sententiam actus doni fortitudinis non differt substantia, & specie ab actu virtutis infusæ, sed tantum denominatione, & principio; idem enim actus, ut fit ex instinctu Spiritus Sancti, dicitur donum, ut fit a virtute, dicitur virtus. Potestque hoc suaderi, quia licet homo ex instinctu Spiritus Sancti moveatur ad se occidendum, tamen supposito illo instinctu, seu inspiratione, & objectum illud sub eadem ratione honestatis repræsentatur, quia supposito novo præcepto Spiritus Sancti per talenti impulsu manifestato, jam in illa materia medium fortitudinis innititur. Sicut medium temperantiæ inventum in jejuniis Ecclesiasticis, licet ex præcepto humano proveniat, nihilominus, supposito præcepto, ad eandem virtutem temperantiæ spectat. Et potest confirmari: nam quando Deus præcepit Abraham sacrificare filium, licet id non esset licitum, nisi ex peculiari præcepto Dei, nihilominus supposito præcepto eadem virtus obedientiæ, eademque virtus religionis ad illum actum eliciendum concurrebant. Item quæ revelantur a Deo privata revelatione, eadem fide creduntur, quæ creduntur cætera catholica dogmata, quia ratio assentiendi est ejusdem ordinis; ergo similiter in præsentis actus fortitudinis, licet sit ex speciali instinctu Spiritus Sancti, elicitur ab eadem virtute fortitudinis, quia honestas fortitudinis eadem est, facta illa suppositione.

11 Hæc sententia est absolute probabilis, non tamen videtur mihi posse consequenter defendi, si tenemus, habitus donorum esse distinctos a virtutibus infusis moralibus, ut iidem authores cum D. Thoma tenent. Ad quid enim est necessarius specialis habitus doni fortitudinis, si actus semper elicitur a virtute infusa fortitudinis? Supervacaneum est enim circa eundem actum habitus multiplicare. Imo vix poterit intelligi distinctio inter habitus, si ad eosdem actus efficiendos, & consequenter ad eadem objecta, & sub iisdem motivis ordinantur. Supposita ergo sententia de distinctione donorum a virtutibus, quam cum S. Th. defendimus, dicendum est, actum fortitudinis, prout ad donum spectat, esse in specie, & substantia sua distinctum ab actu virtutis infusæ, & consequenter non elici a propria virtute morali, sed ab

Donum consilii in omni virtute morali dari potest

Convenientia virtutis, & doni fortitudinis

Dubium 1. Opinio affirmans. Valent. disp. 5. q. 3. paræ.

Probat.

Confirm.

Censura 1. opinio. nis

2. & vera sententia negans

Hoc consilium non in hominibus reperiri ostenditur

Confirm. exemplis

Judic. 16

1. Machabeor 16

Concluditur doctrina ex prædictis exemplis

Consilium
specie a
prudencia
distingui
tur

ab altiori principio. Idemque dicendum est de actu doni consilii, esse nimirum distinctum ab actu virtutis prudentiæ, quæ sæpe non posset per se judicare, in tali materia, & occasione aggredi mortem esse actum fortitudinis. Idemque cum proportionem est de cæteris donis voluntatis. Et ratio est, quia motivum judicandi, vel appetendi in tali opportunitate sumitur per conformitatem ad altiore regulam, quam sit ordinata regula rationis sive naturalis, sive infusa, nimirum ad specialem rationem, & instinctum Spiritus Sancti. Nam veritas practica, vel honestas moralis, quæ inde resultat, non minus differt a motivo virtutis infusæ, quam hoc differt a motivo virtutis acquisitæ. Igitur non minus distinguitur actus doni ab actu virtutis infusæ, quam hic distinguitur ab actu virtutis acquisitæ.

Solvitur
ratio 1.
opinionis
in 9. 12.

12 Ad objectum ergo in contrarium negamus esse idem motivum etiam posita motione, vel præcepto Spiritus Sancti, quia ratio operandi proxima, seu motivum formale talis actus non est ratio præcepti, alioqui esset ille actus formalis obedientiæ, non fortitudinis. Motivum ergo proximum est honestas, quæ in tali materia resultat, posita ejusmodi Spiritus Sancti motione, seu instinctu. Neque tunc medium in tali materia est omnino idem cum medio virtutis, quia sumitur per comparisonem ad diversa extrema. Cujus signum est, quia sæpe in tali materia recte judicatur medium per comparisonem ad talem regulam, quod alias in comparatione ad ordinarias regulas non esset medium, sed extremum. Et ideo non est simile exemplum de medio confurgente ex lege publica positiva humana, vel divina; tum quia virtute per se respiciunt honestatem insurgentem ex conformitate ad legem publicam, sive sit naturalis, sive positiva: tum etiam quia leges positivæ, quando aliquid præcipiunt faciendum, supponunt in tali materia medium alicujus virtutis, & solum addunt necessitatem observandi illud. At vero motio Spiritus Sancti per se non supponit proprium virtutis medium, sed quasi novum medium constituit. Ad confirmationem sumptam ex præcepto imposito Abrahamæ de filio sacrificando; respondeo, actum illum, si præcise consideretur in ordine ad obedientiam, vel cultum Dei, sic non habuisse aliquid proprium, ratione cujus ad donum pertineat, quia ratio obediendi Deo, ipsumque colendi eadem erat in illo actu, quæ solet esse in virtute obedientiæ, vel patriæ, nec respectu illarum virtutum habebat aliquid superans communes regulas virtutis. At vero respectu filii videbatur esse contra justitiam, vel paternam pietatem, & ut sic potuit ad donum pietatis pertinere, quia ut sic erat ex peculiari instinctu, vel expressa revelatione Spiritus Sancti contra communes regulas justitiæ, & pietatis. Ad aliud denique exemplum de fide, licet non desint, qui antecedens negent, illo concessio, negatur consequentia, quia in fide semper est idem motivum assentiendi; modus autem propositionis publicus, aut privatus, internus, aut externus accidentarius est. In actu vero fortitudinis ratio honestatis, quæ per conformitatem ad diversam regulam sumitur, diversa est.

Ad consi-
derationem
ibi

Ad exem-
plum ibi
positum

De actu pietatis doni.

Opinio
confundens
donum pie-
tatis cum
timore

13 Circa donum pietatis in primis advertendum est in originali hebraico in dicto loco Isaie 11. idem haberi nomen, quo pietas & timor significantur. Unde aliqui nimium addicti Hebraicæ veritati, dicunt ab Isaia sex tantum numerari dona, seu actus divini Spiritus. Et pro dono pietatis ponunt donum timoris, videlicet, spiritus scientiæ, & timoris, & in sequentibus verbis idem repetunt, aliter tamen verba illa legunt, quam in vulgata habeantur. Nam ubi nos legimus, & replebit illum spiritus timoris Domini, Vatablus vertit, & faciet eum spirare timore Domini, Pagninus, & odorari faciet eum omnes in timore Domini. Et hos sequitur Adamus ibi dicens, in hebreo idem esse vocabulum significans timorem Domini, & ita ex hoc loco sex tantum, & non septem colligi do-

na Spiritus Sancti. Nihilominus tamen septuaginta Interpretes in sexto loco ponunt nomen *εὐσεβείας*, quod pietatem significat, & in septimo nomen *φοβέας*, quod significat timorem, & ita etiam vertit Hieron. & hanc versionem, & sententiam Patres omnes supra citati receperunt, & universalis Ecclesiæ consensus probavit: quare nullo modo licet ab hac sententia recedere, neque distinctionem inter illa duo ultima dona negare. Unde vel credendum est in primitiva Scriptura, qua nisi fuerunt septuaginta, sexto loco fuisse positum nomen significans pietatem, vel (quod verisimilius est) idem nomen habuisse utramque significationem, & ex traditione, vel Jesu Spiritus Sancti inspiratione intellectum esse, in priori loco significare pietatem, in posteriori vero timorem.

a. Et vera
sententia
distinguitur

14 Hoc vero constituto, etiam nomen ipsum pietatis æquivocum est. Interdum enim significat pietatem erga proximos, & indigentes, quæ proprie est misericordia, in quo sensu videtur hunc actum interpretari Gregor. hom. 19. in Ezechielem. Aliter pietas proprie significat cultum, seu observantiam ad parentes, consanguineos, & patriam: in qua significatione sumitur a Philosophis, & Theologis, ut est apud D. Thom. 2.2. quæst. 101. In præsentī vero sumitur pro pietate erga Deum, quæ eadem est cum religione, nam hoc frequentius significat vox græca *εὐσεβεία*, juxta doctrinam August. lib. 12. de Trinit. cap. 1. & lib. 14. cap. 1. Unde Tertullianus, cum in aliis locis supra citatis nomen pietatis ibi ponat, in lib. 5. contra Marcion. cap. 8. legis, & spiritus agnitionis, id est scientiæ, & religionis, pro pietatis. Et ita etiam intelligit illum locum Div. Thomas 2.2. quæst. 121. artic. 1. ubi ait, pietatem proprie significare honorem, & cultum parentum, & quia Deus singulari modo Pater noster factus est per Christum, ideo per Spiritum Christi nobis donari speciale donum pietatis ad Deum, ut Patrem. Additque in solut. ad 3. per virtutem religionis exhibere nos cultum Deo, ut creatori, per donum autem pietatis exhibere nos cultum Deo, ut Patri.

Pietatis
varia ac-
ceptio

Vera ac-
ceptio pie-
tatis hoc
in loco

15 Advertendum est autem, licet religio acquisita colat Deum tantum, ut creatorem, & naturalem benefactorem, nihilominus religionem infusam etiam colere Deum ut Patrem, ex illo filiali affectu, quem in nobis generat singularis adoptio per gratiam, juxta illud ad Roman. 8. *Accepistis spiritum filiorum, in quo clamamus, Abba pater.* Nam hic cultus debitus est Deo, ut Patri secundum ordinariam regulam, & legem gratiæ, seu secundum rectam rationem fide illuminatam, & ideo sine dubio pertinet ordinarie ad virtutem religionis infusam. In hoc ergo non satis distinguitur hoc donum a religionis virtute infusa, sed oportet adjungere, quod ibi D. Thom. in corpore articuli posuit. *Pietatem ad Deum, ut Patrem, quatenus interdum fit per peculiarem instinctum Spiritus Sancti, ad donum pertinere.*

Religionis
ac justitiæ
& infusæ
cultus

16 Denique addendum est ex eodem D. Thom. 1.2. q. 68. ar. 4. pietatem hoc modo sumptam non esse adæquatam actum istius doni, sed per Synecdochen nomine præcipuæ partis fuisse comprehensam totam justitiæ materiam, seu omnem actionem, quæ est ad alterum, quatenus per instinctum Spiritus Sancti singulariter perfici, & propterea ejus motione fieri potest. Et sic etiam D. Thom. 2.2. q. 121. ar. 1. ad 3. ait, sub hoc dono comprehendi etiam pietatem erga Sanctos, & parentes, & ad alios homines, quatenus ad Deum pertinent, utique prout ista omnia fieri possunt ex speciali motione Spiritus Sancti; alioqui enim etiam illa officia, ut ordinario modo præstari possunt, ad pietatem infusam, dulciam, observantiam, & misericordiam pertinent.

Hoc donum
pietatis
circa totam
justitiæ
materiam
versatur

17 Denique huic dono pietatis tribuit August. debitam reverentiam ad Scripturas, non contradicendo illis, sive intelligantur, sive non capiantur, ut lib. 2. de Doctrin. Christian. cap. 7. & lib. 1. de ferm. Domin. in monte cap. 4. Sed hoc proprie, & ordinarie pertinet ad virtutem fidei, & ad virtutem elicientem pium affectum credendi, quam solemus etiam piam voluntatis affectionem appellare. Solum ergo poterit id hoc

Pia volun-
tas ad fidem
non ad
pietatem
spectat

hoc donum actus ille spectare, quatenus est specialis reverentia ad Deum, & res divinas ex instinctu Spiritus Sancti concepta, quæ etiam disponit hominem ad suscipiendas Scripturas cum debita pietate, & subiectione, & consequenter sine spiritu contradictionis. Et quamvis Augustinus hunc actum specialiter explicaverit, quia fortasse instituto illius magis interveniebat, non propterea alios exclusit: pertinet ergo ad hoc donum tota materia, seu actio ad alterum, quatenus sub instinctum Spiritus Sancti cadere potest, ut explicatum est.

De actu timoris, ut est donum Spiritus Sancti.

Hoc donum est reverentia timoris, & a ceteris donis distinctum 18 Circa hoc donum ex quatuor expositionibus, quas in principio capitis num. 1. recensuimus, illam maxime probamus, quæ de timore reverentiali hoc donum intelligit. Nam in primis longe probabilius est, esse specialem actum a ceteris distinctum, alias timor non esset speciale donum, sed quasi collectio cæterorum, vel totius sanctitatis, & obedientie ad Deum, ut dicebat quarta expositio, quam in hoc non probamus, quia repugnat communi sensui Patrum, & Ecclesiæ colligentium ex illo loco septem dona Spiritus Sancti. Si enim timor non est speciale donum, profecto non sunt septem. Item si alia sunt speciales actus, cur non hoc?

Sanctus est hic timor 19 De hoc ergo actu certum est, hunc timorem debere esse sanctum, & bonum, quia Spiritus Sanctus non potest esse author timoris pravi. Unde timorem mundanum non pertinere ad hoc donum, certum est, quia ille de se malus est, & ideo inter dona Dei non computatur, ut dixit Augustinus lib. de Grat. & liber. arbitr. cap. 18. Imo nullus timor mali pænæ, vel nocimenti, quod vel ab hominibus, vel a causis naturalibus provenire potest, ad hoc donum spectat, quia si sit nimius, & cum conditione servili, videlicet, quia si non timeretur pænâ, non vitaretur culpa, est etiam malus & mundanus: si vero sit intra gradum suum moderatus, vel erit indifferens, vel ad summum, honestus intra ordinem naturalem.

Prob. de timore Dei, ut est donum 20 Præterea timor etiam Dei, si servilis sit, non est huius doni actus, quia si includat conditionem servilem, etiam est pravus. Et quamvis sit cum debita moderatione, seu appretiatione, licet sit bonus, & a Spiritu Sancto, non tamen est speciale donum, unum scilicet ex septem, quæ ab Isaia numerantur, juxta sententiam D. Thom. 2. 2. quæst. 109. articul. 9.; tum quia licet sit bonus, & imperfectus, & non fuit proprie in Christo; tum etiam quia pertinet magis ad peccatores. Quamvis enim in iustis etiam esse possit, tamen ex imperfectione aliqua: nam perfecta charitas foras mittit hunc timorem, & ideo etiam sine charitate esse potest, ut ait Augustinus lib. de Natur. & Grat. cap. 57. dona autem Spiritus Sancti sunt propria iustorum; tum etiam quia hic timor est actus proprius spei, ut recte supra obiciebatur: cum autem spes sit Theologalis virtus, non indiget dono, quod in sua materia altiori modo operetur, quia virtutes Theologice optimo modo in sua materia operantur, ut paulo post dicemus.

Acte dicitur Spiritus Sancti donum servilis timoris 21 Unde si aliquando timor servilis dicitur esse donum Spiritus Sancti, vel late sumitur donum pro omni opere facto ex gratia Spiritus Sancti, ut loquitur Alenf. 3. p. quæst. 66. memb. 3. vel intelligendum est potius causaliter, quam formaliter, quia hic timor solet maxime cohibere inordinatam concupiscentiam delectabilem, juxta illud Proverb. 16. *In timore Domini declinat omnis a malo*, & illud Psalm. 118. *Confige timore tuo carnes meas*. Et ita declarat hoc donum D. Thom. 1. 2. q. 68. art. 4. At vero 2. 2. q. 19. art. 9. dicit, hunc timorem esse filialem timorem, sub quo initialem comprehendit, quia hi timores substantialiter non distinguuntur, sed secundum statum magis, vel minus perfectum, & ita etiam timor, qui est donum Spiritus Sancti, prout magis vel minus perfectus, dicitur initialis, vel filialis. Et idem sentit Richard. in 3. d. 34. art. 2. quæst. 2. Nihilominus ta-

men existimo, hunc timorem non aliter esse donum Spiritus Sancti, quam sit charitas, quia timor castus, qui filialem, & initialem comprehendit, est actus elicitus a charitate, ut ex doctrina ejusdem Div. Thomæ, & communi suppono, ideoque sicut amor charitatis non est ex speciali dono a charitate distincto, ita neque hic amor.

22 Quapropter probabilius videtur, donum hoc intelligendum esse de timore reverentiali. Hunc enim merito a cæteris distinguit Alenf. 3. quæst. 66. memb. 1. dicitque, non consistere in fuga mali, sed esse timorem reverentiam magnitudinis divinæ Majestatis, & 2. p. quæst. 156. memb. 2. artic. 1. alias quæstion. 17. memb. 1. dicit esse, *resolutionem*, id est, affectum resiliendi a divina Majestate, *consideratione propriæ parvitatatis*. Et hunc esse timorem sanctum, qui manet in beatis, illo enim coram Deo humiliantur, ut de sanctis Angelis idem Author dicit 2. p. quæst. 101. alias 118. memb. 3. art. 6. Unde intelligimus, hunc timorem esse actum humilitatis, ut etiam sensit Richard. supra quæst. 4. & Scotus supra, dicens hunc timorem esse speciem temperantiæ, quia est idem, quod humilitas. Et hac etiam ratione dixit Altifiodorus supra c. 1. q. 3. ad temperantiam reduci hoc timoris donum; humilitas enim præcipua pars temperantiæ est, & ideo sub nomine præcipue partis tota temperantia intellecta est, sicut de pietate respectu justitiæ diximus. Estque hæc sententia consentanea Aug. lib. 1. de ser. Domin. in monte cap. 4. dicenti, *Timor Dei congruit humilibus, de quibus etiam dicitur Beati pauperes spiritu, id est non inflati, non superbi, de quibus etiam dicit Apostolus, Noli altum sapere, sed time.* Et ferm. 17. de Sanctis c. 1. in eodem sensu dicit, oportere incipere ab hoc timore, *tantum a convalle plorationis. Per convallem autem, ait, humilitas significatur. Quis est autem humilis, nisi timens Deum?* Sic etiam D. Gregor. lib. 2. Moral. c. 26. alias 36. *timorem hunc superbiæ opponit*. Per timorem ergo illum humilitas significata est, & sub humilitate tota temperantia intellecta, utique quoad materiam, sicut de justitia diximus. Nam in omni materia moralium virtutum dona possunt operari altiori modo, ut declaratum est.

23 Et per hæc responsum est ad primam rationem dubitandi in principio positam. Probat enim, hæc quatuor dona reduci ad quatuor cardinales virtutes quoad materiam, non vero quoad essentiam propter diversam rationem, & modum operandi. Ad Patres autem respondemus, hæc nomina virtutum, & donorum in aliqua significatione generalia esse, quia & omnes actus honesti possunt dici dona, quatenus a Deo donantur, & hoc modo confunduntur interdum hæc voces, licet inter ipsos actus sit distinctio, ad quam significandam accommodata sunt illæ voces sub specialibus significationibus, ut latius infra dicemus, tractando de habitibus. Et ita Ambrosius lib. 1. de Spirit. Sanct. cap. 20. cum dixisset, septem illis nominibus significari plenitudines virtutum, subjungit. *Utrum est ergo flumen, sed multi spiritualium donorum meatus*. Clarius vero dixit Gregor. 35. moral. cap. 7. *Per dona juvari virtutes*.

24 Ad primam confirmationem, fatemur illa exempla non tam probationis, quam explicationis, & manu ductionis gratia esse adducta. Nec enim D. Thom. existimavit Aristotelem cognovisse dona Spiritus Sancti, vel aliquid omnino simile: sed illis exemplis usus est, ut intelligeremus, posse aliquid excellentius non tantum accidentaliter, sed etiam essentialiter diversum, in nobis fieri ex altiori instinctu, & motione Spiritus Sancti: quod non solum sit proprium ejus in hoc, quod citat hominem, præveniendo ejus voluntatem, sed etiam in hoc, quod movet ad operandum ex quadam altiori ratione, communes operandi regulas superante.

25 Ad secundam confirmationem, quod attinet ad virtutem Theologicam, respondet D. Thom. 1. 2. q. 68. ar. 4. ad 3. & ar. 8. dona supponere unionem ad Spiritum, quam faciunt theologales virtutes, & ideo has virtutes supponi ad dona, ut radices, & regulas illorum, ideoque & esse perfectiores quibuscunque donis,

Donum hoc in timore reverentiali consistit

Satisfactio rationi adducitur.

Respondetur ad authoritates Patrum in num. 2.

Ad confirmationem in 1. 2.

Ad confirmationem ibid.

donis, & non esse necessaria dona, quæ Theologicos actus efficiant: deberent enim perfectiori modo fieri per talia dona, quam per ipsas virtutes Theologicas, quod esse non potest. Quia virtutes Theologicæ tam ex parte objectorum materialium, quam ex ratione formali attingendi illa, habent supremam excellentiam, ita ut non possit Deus sub altiori ratione amari, quam per charitatem ametur, & sic de cæteris. Nam omnes immediate nituntur ipsi Deo tanquam objecto, & tanquam regulæ, & tanquam principali efficienti. Unde in materia virtutum non invenitur excellentior modus operandi, quam sit Theologalium virtutum, quod non ita est in virtutibus moralibus, ut explicatum est. Ad aliam illius argumenti partem in sequenti capite respondebimus.

Ad aliam
partem
rationis

CAPUT XXII.

Utrum præter actus virtutum, & donorum sint alii actus supernaturales, ad quos sit specialis gratia necessaria, qui beatitudines, vel fructus Spiritus Sancti dicuntur?

IN hoc capite breviter comprehendemus, quæ de beatitudinibus, & fructibus Spiritus Sancti Theologi disputant in 3. d. 35. & copiosius D. Thom. 1. 2. q. 69. & 70. quæ ad complementum hujus materiæ visa sunt necessaria; tum ut solvamus argumentum in fine capitis præcedentis relictum; tum ut omnia, quæ de supernaturalibus actibus, & gratia ad illos necessaria desiderari possunt, complectamur. Quod ergo ad beatitudines spectat, hoc nomine significantur illi actus, quibus homines beatos fieri Christus docuit Matth. 5. in initio suæ prædicationis, dicens, *Beati pauperes spiritu*, &c. De quibus non defuerunt Theologi, qui dixerint, beatitudines esse actus distinctos a donis, & virtutibus. Ita significat Albert. in 3. d. 34. ar. 2. quæstionem. 3. Henric. quodlib. 4. quæst. 23. Gerson. tract. de beatitud. Alphab. 28. liter. G. Veruntamen non videntur loqui de distinctione essentiali, sed de accidentali: nam beatitudines esse volunt virtutes in statu perfecto, seu prout actus heroicos eliciunt, ut explicuit Gabriel in 3. d. 34. conclus. ult. Igitur generatim loquendo, dico beatitudines quidem esse bonos, & optimos actus, & adeo excellentes, ut non possint sine gratia speciali fieri, non tamen esse distinctos ab actibus virtutum, & donorum, sed sub illis comprehendi. Prima pars certa est in fide, & ipsius Christi autoritate satis comprobatur: ipse enim non solum laudavit, & commendavit hos actus, sed in eis etiam beatitudinem posuit, non quia in eis formaliter beatitudo consistat, sed quia per illos vera beatitudo comparatur: at beatitudo vera non nisi per actus bonos, & honestos obtinetur: ergo. Et explicando singulos actus id aperte constabit, Unde obiter intelligitur, quomodo cum beatitudo una sit, Christus octo beatitudines numeret: nam licet beatitudo formalis, seu in termino sit una, via tamen ad beatitudinem vel est multiplex, vel plures actus comprehendit, qui causaliter, vel dispositive beatitudines nominantur, quia ad veram beatitudinem disponunt, ac perducunt.

Beatitudi-
nes quid
significet.
1. Opinio
beatitudi-
nes a do-
nis & vir-
tutib. di-
stinguens

Vera sen-
tentia tri-
partita

Prob. 1.
pars, quod
beatitudi-
nes sint
actus ho-
nesti

Prob. 2.
pars, quod
ad Beati-
tudines
gratia re-
quiratur

2 Et hinc facile probatur secunda pars, quam etiam de fide certam esse judico, nimirum, hoc actus esse supernaturales, & sine gratia Dei fieri non posse. Quia beatitudo a Christo prædicata, & promissa supernaturalis est, & ad illam non nisi per actus divinæ gratiæ tenditur: nam per hos actus, qui beatitudines dicuntur, ad veram beatitudinem Christianam tenditur: nam per hos actus homines ad illam consequendam optime disponuntur; sunt ergo tales actus, qui sine gratia Dei fieri non possunt. Et hoc etiam aperte convincitur ex regula supra demonstrata, quod nullus actus conducens ad vitam æternam potest sine gratia Dei fieri: nam omnes isti actus valde conducunt ad vitam æternam, ut ex testimonio Christi constet, & in singulis statim declarabitur. Denique ultima pars, quod illi actus non sint alterius ordinis

a virtutibus, & donis, ab omnibus Theologis recepta est. Et probatur, quia illa distinctio nec in Scriptura, nec in Patribus significatur, nec est necessaria, cum illa omnia, quæ a Christo beatificantur, fieri non possint, nisi vel secundum ordinarias regulas fidei, id est, secundum rectam, & perfectam rationem fide illustratam, vel secundum instinctum, & specialem motionem Spirit. S. Qua ratione usus est D. Thomas dicta quæst. 69. art. 1. præcipue ad 2. ubi autoritate August. idem confirmat. Sed hæc omnia magis illustrantur, breviter per singulas beatitudines discurrendo.

Prob. 3.
pars, quod
non sint a
virtutibus
& donis
distincta

3 Prima beatitudo est paupertas spiritus, *Beati pauperes spiritu*, &c. quæ tribus modis exponitur. Primo ut per paupertatem spiritus vera, & interna humilitas intelligatur, nam ita solet paupertas in Scriptura sumi, & ita exponit Nissen. in lib. de Beatitudinibus & Hieron. ac Cyrill. in id Isai. ult. *Ad quem respiciam, nisi ad pauperulum & contritum spiritum*. Ubi Cyrillus legit, *nisi ad humilem*, Hieronymus vero per *pauperulum* humilem intelligit, & subjungit, *de quo dictum est in Evangelio, Beati pauperes spiritu*. Et eodem modo exponit Math. 5. addens, hoc esse quod Psal. 33. scriptum est, *Et humiles spiritus salvabit. Et ideo* (inquit) *adjunxit spiritum, ut humilitatem intelligeres*. Et tandem ait, hos esse pauperes, de quibus Isai. 61. prædictum est, *Evangelizare pauperibus misit me*. Et eandem expositionem habet Chrysost. Homil. 15. in Matth. Hilarius can. 4. August. late serm. 1. de Sermon. Domini in monte cap. quarto. Et ita dicit, hanc primam beatitudinem respondere septimo dono timoris, quod nos etiam de humilitate exposuimus.

Prima be-
atitudo
exponit.
Primo de
humilita-
te.

4 Secundo exponitur de spiritali contemptu divitiarum, & rerum omnium temporalium, etiam si re ipsa non relinquuntur. Unde ideo creditur additam esse illa particulam, *Spiritu*, ut non solum intelligantur beatificari pauperes, qui re ipsa divitiis carent, sed etiam illi, qui licet divites actu, seu re ipsa sint, animo tamen parati sunt omnia relinquere, quando oportuerit propter regnum cælorum. A qua expositione non longe abest Hilar. Nam licet de humilitate exponat, statim illam declarat per affectum, quo nihil tanquam nostrum possideamus, sed ex Dei dono, ut ea tanquam communia possideamus, nec temporalium rerum cupiditate corrumpamur, sed exemplo omnia omnibus communicare parati simus. Idemque insinuat Ambros. lib. 5. in Luc. cum ait, *Primam benedictionem hanc uterque Evangelista posuit, ordine enim prima est parens quadam, generatioque virtutum, quia qui contempserit secularia, ipse merebitur sempiterna: nec potest quisquam meritum regni cælestis adipisci, qui mundi cupiditate pressus emergendi non habet facultatem*. Ubi rationem etiam expositionis indicat. Nam Christus non videtur initium prædicationis suæ ab statu perfectionis sumpsisse, sed ab illa paupertate, quæ omnibus necessaria est; hæc autem est paupertas spiritus quoad moderationem affectus divitiarum, in sensu declarato.

Exponit.
2. de in-
terno di-
vitiarum
contemptu

5 Nihilominus est tertia expositio, quæ de vera paupertate Evangelica hanc beatitudinem exponit, quæ ideo dicitur esse *spiritus*, quia non debet esse coacta, vel tantum a fortuna, sed voluntaria, aut etiam quia debet proficisci ex spiritu perfectionis, tanquam dispositione necessaria ad illam, juxta illud Matth. 19. *Si vis perfectus esse*, &c. Et hanc etiam expositionem Hieronymus adjungit, & cum humilitate conjungit; quia est optima dispositio ad illam, vel quia sine illa haberi non potest. Unde recte dixit Cyprian. vel author libri de duodecim abusibus gradibus. cap. 8. Unum gradum abusum esse pauperem superbum, ubi hæc etiam expositio ponitur, & merito dicitur promitti regnum cælorum his, qui omnia temporalia despiciunt. Et hinc est, ut aliquando Patres omnes has expositiones involvant, ut viderelicet in Hieronymo supra, & latius in Leone Papa sermone. de Omnibus Sanctis, ubi prius paupertatem spiritus dicit esse humilitatem, quæ maxime solet esse in pauperibus, id est, carentibus temporalibus bonis, licet etiam esse possit in divitiis,

Declarat.
3. de Evan-
gel. pau-
perate

ribus, *sunt propositi pauperes, licet impares censu*. Unde subiungit: *Beata illa paupertas, quæ rerum temporalium amore non capitur, &c.* Postea vero dicit, hujus magnanimæ paupertatis exemplum nobis Apostolos tribuisse, omnia relinquendo.

6 Neque est incredibile Christum Dominum sub eisdem verbis hæc omnia comprehendisse propter eorum connexionem, & propter divini sui sermonis eminentiam. Unde D. Tho. 2. 2. q. 19. ar. 2. dixit, paupertatem spiritus includere *inanitionem inflati, & superbi spiritus, cum abiectione rerum temporalium ex instinctu Spiritus Sancti*. Nihilominus tamen certius videtur, per se, ac præcipue paupertatem excludentem temporales divitias Christum beatificasse, non quamcunque, sed voluntariam, neque hanc etiam omnem (nam, ut alibi dixit Hier. etiam Socrates, & alii Philosophi divitias contempserunt, & non propterea fuerunt beati) sed illam, quæ spirituali modo assumitur, utique propter spirituales perfectionem assequendam. Quod maxime fit, quando ex vera animi humilitate, & rerum temporalium contemptu divitiæ relinquuntur. Hinc vero fit consequenter, ut qui aliquo modo hanc participant paupertatem, cum proportionem præmium illius beatitudinis consequantur, & ideo etiam divites, qui parati sunt divitias elargiri, vel distribuere, sicut oportet, vel si ad Dei gloriam, & propriam salutem necessarium sit, omnino etiam relinquere, ab illa paupertate non excluduntur. Denique quocunque ex dictis modis paupertas illa accipitur, constat actum illum voluntarie renuntiandi omnia, solum esse posse vel ex aliqua virtute, vel ex dono Spiritus Sancti. Nam si consideretur paupertas solum quoad carentiam, vel privationem rerum temporalium, sic non est per se appetibilis, neque bona, ut dixit Div. Thom. 3. contra gent. cap. 133. sed juxta motivum, seu finem, & modum ejus habet, quod sit honesta. Unde si abdicatio rerum fiat propter subventionem pauperum, erit opus misericordiæ, si voto Deo consecratur, erit opus religionis, si propter vitandum periculum peccandi, erit opus charitatis, vel penitentiae, aut castitatis, seu illius virtutis, cui tale peccatum opponitur. Et ita semper participat honestatem alicujus virtutis. Quod si altiori instinctu Spiritus Sancti appetatur, erit ex dono Spiritus Sancti accomodato tali motivo, puta pietatis, aut timoris, seu humilitatis. Et hæc sufficiunt de hac beatitudine. De promissione autem illi facta nihil dicere oportet, quia per se satis patet.

7 Secunda beatitudo est, *Beati mites*, quam aliqui de humilitate exponunt, quia nemo potest esse mitis, nisi humilis sit. Unde Christus Matth. 11. dicebat. *Discite a me, quia mitis sum, & humilis corde*. Eodemque modo illa conjungit Cyr. 1. 3. ad Quirin. c. 5. Sed licet illa duo valde conjuncta sint, diversæ virtutes sunt: aliud enim est mansuetudo, aliud humilitas, mites enim dicuntur, qui sunt mansueti, & lenes, non proprie, ac formaliter qui sunt humiles. Unde non oportet verba extra propriam significationem transferre. Imo licet illa sint moraliter conjuncta, posset aliquis animo, & mente esse humilis, quæ virtus magis spiritualis est, & non esse mitis, quia non habet passionem iræ satis moderatam. Longe aliter Basil. in Regul. brevioribus interrogat. 191. *Quis est* (inquit) *mitis?* & respondet. *Qui in iudiciis earum rerum, quæ Deo placent, idem usque stabilis perseverat*. Ubi describit mitem per quandam effectum ejus, qui est placido, & quieto animo accipere omnia, quæ per divinam providentiam homini eveniunt, etiam si propriis commodis contraria videantur. Augustin. vero lib. 1. de Sermone. Domini in monte, cap. 4. ait eum esse mitem, *qui cum pietate suscipit Scripturas, easque non resistit, & infra dicit mitibus promitti, ut hæreditate possideant terram, tanquam testamentum patris cum pietate querentibus*. Sed hoc etiam ad remotum quandam mansuetudinis effectum spectat, & magis allegoricum videtur, quam literale.

8 Proprie ergo mansuetudo est virtus, quæ passionem iræ moderatur, ut tradit D. Thom. 2. 2. q. 157. Et de hac optime, & propriissime Christi verba intelligit Ambros. li. 5. in Lucam, & D. Th. 1. 2. q. 69. ar. 3.

Atque ita illos Christus mites appellavit, qui passionem iræ ita habent rationi subjectam, ut non facile, nec inordinate ejus impetu, & affectu moveantur. Unde si sub hac tantum ratione hic actus consideretur, ad virtutem quandam moralem, & acquisitam pertinet. Si autem illa iræ moderatio fiat cum majori, & supernaturali perfectione, poterit pertinere ad virtutem infusam, vel ad donum illi correspondens, applicando ad illam materiam motiva in superioribus explicata. Gregor. autem Nissen. in suo tract. de beatitud. non solum ad iræ, sed etiam ad omnium intemperatum affectuum moderationem hæc verba referre videtur, nam sub mitibus omnes illos complectitur, qui animum pacatum, & omnibus concupiscentiarum perturbationibus vacuum possident. Quod etiam per translationem quandam, seu extensionem dictum est, proprietas autem verborum Christi est, quam exposuimus.

9 De promissione autem huic beatitudini facta dubitari solet, an intelligenda sit de terra hujus mundi, vel de terra viventium, seu celesti patria, quæ licet in se cælum sit, beatis est quasi terra, quam calcant, & inhabitant, varie namque a Patribus exponitur. Nam priori modo exponit Chrys. Homil. 15. in Matth. posteriori autem modo Hieronym. ibi, & Nazianz. supra, & author Imperfecti Homil. 19. Ubi etiam de terra proprii corporis intelligi posse dicit, & insinuat Hilar. dicto can. 4. & sequitur Bernard. serm. 1. de omnibus Sanctis. Augustin. autem lib. de Sermo Domini in monte, ca. 4. licet per terram intelligat celestem patriam, nihilominus per possessionem ejus intelligit, non quæ futura est in alia vita, sed quæ in hac potest quandam animi quietem, & firmam spem obtineri. Quæ omnia pie dicta sunt, & facile sustineri possunt. Probabile enim est valde, Christum ad litteram intellexisse, mites etiam in hoc mundo possidere terram, non quia illis promittantur regna, vel divitiæ terrenæ, sed quia etiam in hoc mundo cum pace, & quiete vivunt: nihilominus tamen in hoc sibi intellectum esse, eos futuros esse hæredes, & possessores terræ viventium, & hic quodammodo incipere illa possidere, ut acute Aug. dixit.

10 Tertia beatitudo est, *Beati qui lugent*. Non explicuit autem Christus Dominus, cujusnam rei, vel objecti futurus sit illa luctus, ut beatificari merito possit. Quia intellectus per se indifferens est, & aliquis potest esse laudabilis, aliquis vituperabilis. Nam ut Paul. ait. 2. Corinth. 7. *Seculi tristitia mortem operatur, quæ autem secundum Deum est, salutem stabilem operatur*. Certum est autem Christum loquutum esse de luctu laudabili. Unde Chrysom. de lugentibus propria peccata, locum exponit. Quæ fuit etiam sententia Hilarii dicto can. 4. & Ambrosii dicto lib. 5. in Lucam, & Cyprian. epist. 52. ad Antonian. circa finem, & Bernard. supra. Hieronym. autem in Matth. etiam de lugentibus aliena peccata illum intelligit, sicut Samuel luxit Saulem. 1. Reg. 15. & Paulus fornicariam. 2. Cor. 12. vel sicut Christus Luc. 19. flevit super Hierusalem, non tam propter futurum ejus excidium, quam propter causam ejus, quæ erant peccata. Leo autem Papa dicto serm. utrumque conjungit, dicens: *Religiosa tristitia aut alienum peccatum deflet, aut proprium*. Et author Imperfecti Homil. 9. utrosque dicit esse beatos & qui propria, & qui aliena deflent peccata, sed beatiores qui aliena, quia supponuntur non habere propria, quæ defleant. Quod intellige ex genere actus: nam prior ad statum imperfectorum, posterior ad statum perfectorum spectat; unde ille penitentiae actus est, hic charitatis.

11 At vero Greg. Nissen. supra hac expositione de luctu peccatorum rejecta, luctum hunc intelligit oriri debere ex misera conditione hujus vitæ, in quam per peccatum primi parentis incidimus. Alii vero per lugentes intelligunt justos, qui oppressi in hoc seculo, quia virtutem sectantur, quasi naturali sensu naturæ lugent, & contristantur, juxta illa Christi verba Ioan. 16. *Plorabitis, & flebitis vos, &c.* Ita exponit Cyprian. lib. 3. ad Quirin. cap. 6. Et est satis probabilis expositio, quia juxta Christi doctrinam beatitudo hujus vitæ inferenda ejus cruce posita est; crux

Quæ terra mansuetudinis præmiū promittatur? Opiniones variae referuntur.]

Vera expositio literalis

Exponit tertia beatitudo

De quo luctu Christi loquitur varia expositiones

Expositiones alie

autem

Omnes hæc explanationes subsistere possunt,

Tertia tamen licet talis videatur.

Excludit paupertatem a virtutibus, vel donis non distinguuntur.

Exponit 2. beatitudinem 1. sententia.

Secunda, & vera sententia.

Mansuetudinis vera ratio

autem non potest diu ferri sine gemitu, & dolore, nam & Christus illam non ascendit sine sudore sanguinis, præ nimia tristitia: fit autem suavis consolatione divina, ut eleganter prosequitur Bernard. sermon. 1. de S. Andrea. Neque multum ab hac sententia differt expositio Div. Thom. 1. 2. quæst. 69. artic. 3. quæ mihi maxime probatur. Nam per lugentes intelligit iustos, qui in vincendis, & mortificandis propriis concupiscentiis laborant, quod non fit sine luctu, & gemitu. Sicut enim mites beatificantur, quia iram domant, ita etiam isti, quia concupiscentias vincunt, etiam si lugere oporteat. Et hanc expositionem indicavit Augustinus lib. 1. de Serm. Domini in monte ca. 2. Nam hos lugentes intelligit esse viros imperfectos, licet iustos, qui in principio conversionis suæ non sine tristitia relinquunt, quæ amabant, vel concupiscebant, Donec (inquit) in illis fiat amor æternorum, utrique perfectus. Sic autem intellecta hac beatitudine non in actu unius, vel alterius virtutis, sed in collectione, & exercitio plurium consistit, juxta varietatem concupiscentiarum, & affectuum, quod multis aliis beatitudinibus commune est, ut dicemus. Quocunque tamen ex dictis modis hic actus, vel affectus explicetur, constat non esse ex aliquo peculiari principio distincto a virtutibus moralibus, vel acquisitis, vel infusis, & interdum esse posse ex dono præcipue fortitudinis, & timoris, si superiori modo fiat.

12 Quarta beatitudo est. *Beati qui esuriunt, & sitiunt justitiam*, ubi ponitur justitia ut objectum illius famis, & sitis, ac subinde non loquitur Christus de fame, & siti corporali, sed spiritali, & serventi desiderio justitiæ, ut omnes communiter interpretantur. Per justitiam autem licet Chrysostomus, & quidam alii particularem justitiam intelligant, verisimilius est, Christum, de justitia universali, quæ hominem facit justum, & sanctum, fuisse loquutum: sicut etiam infra, cum dixit, *beatos esse, qui patiuntur propter justitiam*. Unde constat, hanc famem, & sitim vel non significare peculiarem actum unius virtutis, sed quasi collectionem actuum, & affectuum omnium virtutum: completur enim hæc fames, & sitis ex variis affectibus religionis, penitentiae, misericordiae, & cæterarum virtutum, quibus homo appetit, & sitit justitiam, non uno momento totam, sed discursu temporis diversarum virtutum frequentia desideria exercendo: in quibus etiam includitur fames, & sitis justitiæ particularis virtutis, ut per se patet: vel certe haberi potest fames illa unico actu in suo esse particulari, in objecto vero universali, qualis est vel actus charitatis, quo vult homo in omnibus placere Deo, vel obedientiæ, quo voluntatis Dei explende in omnibus perpetuam famem, & sitim habet, vel actus devotionis ad religionem pertinens, quo Dei gloriam, & honorem in omnibus appetit, vel etiam potest esse actus spei, quo quoties intendit propriam sanctificationem in omnibus quærere, eamque ut maximum bonum suum vehementer appetit.

13 Et ita manifestum est, propter hanc beatitudinem non esse necessarium excogitare actum aliquem, qui ad virtutes, vel dona non pertineat. Solum superest advertendum Luc. cap. 6. hanc beatitudinem secundo loco posuisse his verbis, *Beati, qui nunc esuritis, quia saturabimini*, ubi objectum illius esuriei subicitur, & videtur loqui de fame corporali, & beatos dicere eos, qui in hac vita esuriunt, id est, qui penuriam, & indigentiam temporalium bonorum patiuntur, vel qui ab omnibus delictis corporis abstinent, utiq; propter Deum, & justitiam. Dicendum autem est, non esse inconveniens, in illis locis famem in diverso sensu accipi, quia Lucas non refert eundem Christi sermonem, quem Matthæus: nam Matthæus refert sermonem Domini in monte ad discipulos suos, & in initio prædicationis suæ, Lucas autem refert alium sermonem Domini in loco campestri ad turbas, & post aliquod tempus, & progressum prædicationis suæ. Vel etiam dici potest utraque verba posse ad eundem sensum facile trahi, quia non beatificantur, qui corporalem famem patiuntur, nisi quatenus illam propter justitiam sustinent, & ita sub illa voce etiam

Suarez Tom. VI.

intelligitur fames justitiæ, ideoque eadem saturitas justitiæ utroque loco promittitur.

14 Quinta beatitudo est, *Beati misericordes, &c.* Quæ nulla fere declaratione indiget. Nam verba illa cum indefinita sint, de quibuscunque actibus misericordiae, vel beneficentiae, ac dilectionis erga proximum intelligi debent, sive sint corporales, sive spirituales, sive fiant conferendo aliquid boni, sive remittendo mala, & injurias. Sunt enim verba Christi generalia, & omnes homines, omnesque modos miserendi includunt: & præmium hujus beatitudinis omnibus his actionibus commune est, ideoque & eleemosynæ promissa est peccatorum remissio, & de illo, qui noluit debitum remittere, dixit Christus. *Nonne oportuit, & te misereri conservi tui, sicut, & ego tui miseratus sum?* Matth. 18. Totum autem hoc miserendi genus partim ad charitatem pertinet, partim ad virtutem moralem misericordiae satis notam, in cujus materia potest interdum donum pietatis, vel timoris operari. Actus vero alterius generis, vel principii nullo fundamento ibi cogitari potest.

15 Sexta beatitudo est, *Beati mundo corde*. In qua solum adnotate oportet, munditiam cordis non unum vel alium actum, sed usum, & perfectionem omnium virtutum postulare: imo tantam honestorum actuum frequentiam requirit, ut perfectum quandam virtutis statum introduxerint. Consistit enim cordis munditia imprimis in carentia omnis culpæ coram Deo, quæ non uno actu comparatur, sed observatione omnium mandatorum, & perfecta remissione præcedentium peccatorum. Deinde non solum carentiam omnis culpæ, verum etiam immoderatum affectuum, & motuum, qui ad culpam inclinant, victoriam, & animi mortificationem videtur hæc munditia postulare, & includere: quia nisi cor sit ita mundum, non est aptum ad videndum Deum, sicut hic mundis corde promittitur.

16 Dices, hanc munditiam cordis non posse in hac vita comparari, Christum autem eos beatificare, qui in hac vita mundum cor habent. Respondeo, sicut dilectio Dei perfecta, quæ omnem defectum excludat, in hac vita obtineri non potest: proponitur autem ut intendenda, & procuranda, inchoando illam in hac vita quoad fieri poterit: ita etiam munditiam cordis non præcipi, nec postulari in hac vita cum ea perfectione, quam habebit in patria, sed tamen proponi, ut ad eam tendamus, eamque in hac vita inchoemus, quoad fieri possit. Sic ergo dicuntur mundi corde, qui ab omni malitia abstinent, & omnem pravam motum vitare student, quoad possunt cum divino auxilio. Hoc autem fit per actus virtutum, & donorum, eorumque continuo, ac perseveranti usu. Quod si hæc munditia uni actui tribuenda est, maxime divinæ dilectioni, & intentioni rectæ placendi Deo in omnibus: nam ut Christus Dominus dixit, *Si oculus tuus fuerit simplex, totum corpus tuum lucidum erit*. Matth. 6. Idem autem est mundum cor, quod simplex oculus, ut August. dixit dicto lib. 1. de Serm. Domini in monte cap. 2.

17 Septima beatitudo est, *Beati pacifici, &c.* Quæ duobus modis exponitur. Primo juxta rigorem, & proprietatem verbi pacificandi, quod idem significat, ac pacem facere: sic ergo pacifici dicuntur, qui non solum pacem cum omnibus habent, sed etiam discordantes conciliant, & inimicitias inter proximos avertunt: vel etiam majori, & perfectiori ratione dicuntur pacifici, qui homines Deo reconciliari student, quibus merito participatio filiationis Dei promittitur, quia filius Dei naturalis ad hoc præcipue venit in terram, ut in illo pacem habeamus, sicut ipse dixit Io. 16. & ideo illo nascente, statim mundo prædicata est, quia per illum erat consummanda: *pacificans per suum sanguinem, quæ in cælis, & in terra sunt*, ut dicit ad Col. 1. Estque hæc expositio valde probabilis, & juxta illam actus hujus beatitudinis, actus charitatis est: nam charitas est, quæ homines cum Deo, & inter se unit. Unde pax inter effectus, seu actus charitatis numeratur a D. Thom. 2. 2. q. 29. ar. 3. ergo procurare hanc pacem, officium est charitatis. Alio modo exponitur hæc beatitudo de interna pace hominis respectu Dei, & proximo-

Exponit
5. beatit.

Explicat
6. beatit.

In quo
munditia
cordis;
constat

Objecto

Solutio

Exponit
7. beatit.
Primo.

Exponit
a.

Probabil.
expositio

Concl. 3.
beatitudi-
nem a vir-
tutib. vel
donis non
autingui

Exponit
4. beatit.

De justit.
ia sancti-
ficante
probabili-
us exponi-
tur

Hæc bea-
tudo ad
virtutes
vel dona
pertinet

morum, atque etiam in seipso inter proprios appetitus inferiorum, & superiorum, & in uno quoque illorum secundum varios ejus affectus. Et hanc expositionem tradidit Augustinus, dicto lib. 1. ca. 2. & 4. docet enim, has beatitudines gradatim procedere ab imperfecto ad perfectum statum, quem sentit, in hac beatitudine in in se consummari, nam octava perfectionem supponit, & ostendit. Unde ait. *In pace perfectio est, ubi nihil cupignat, & ideo filii Dei pacifici, quia in istis nihil repugnat Deo, & concludit. *Istæ est vita perfecti, consummatique sapientis.* Juxta quam expositionem pax hæc non est unius virtutis actus, sed omnium virtutum, & donorum effectus, qui homines in animi quiete, & quasi immutabilitate similes Deo facit, & ideo merito isti sic pacifici filiorum Dei nomen singulariter nanciscuntur.*

18 Octava beatitudo est, *Beati qui persecutionem patiuntur propter justitiam*, de qua August. dicto c. 4. ait, redire ad caput, hominemque perfectum declarare, Et D. Thom. 1. 2. q. 69. art. 3. ad 5. dicit, non addere præcedentibus novam hominis perfectionem, sed confirmare, & ostendere firmitatem, & stabilitatem animi purgati, illuminati, & pacificati per septem præcedentes beatitudines, septemque dona Spiritus Sancti, quæ illis mutato ordine correspondent, ut August. late persequitur.

19 Sed in hoc duo addere oportet, unum est, in hac ultima beatitudine specialiter exerceri actum patientiæ, & fortitudinis, qui in tolerandis laboribus, & persecutionibus propter fidem, & religionem exercetur, & in Martyrio possimum consummatur, qui actus in superioribus beatitudinibus satis explicatus non fuerat. Imo ad hanc beatitudinem pertinere etiam existimo perseverantiæ donum, quod maxime facit hominem beatum. Nam qui perseveraverit usque in finem, hic salvus erit: hoc autem sine tolerantia persecutionum in hac vita nemini forte, vel rarissime contingit, & ideo merito donum perseverantiæ in hac ultima beatitudine comprehendere intelligimus. Perseverantia autem hæc non est specialis actus virtutis, sed quædam mandatorum integra observatio usque ad finem vitæ, quæ per actus diversarum virtutum in discursu vitæ fit, licet in alia significatione perseverantia ponatur esse specialis virtus a D. Thom. 2. 2. q. 137. tamen etiam illa multum juvare potest ad hoc perseverantiæ donum, & ad hanc beatitudinem, licet illa non sufficiat.

20 Alterum advertendum est, licet prædicti Patres dicant hanc octavam beatitudinem ostendere perfectionem ejus, qui persecutionem propter justitiam constantiter sustinet: nihilominus sæpe per divinam gratiam fieri, & factum esse, ut homines antea imperfecti, imo & peccatores ad hanc beatitudinem assumantur, & in illius actu, seu exercitio virtutes ceteras summam expleant, ut in innumeris martyribus visum est. Tunc ergo tribulatio non clarificat perfectionem in eo, qui patitur, præexistentem, sed ostendit efficaciam gratiæ Dei, & est occasio subito ascendendi ad eximium quandam sanctitatis, & beatitudinis gradum: tum ob ferventem fidei, & charitatis actum, cum usu aliarum moralium virtutum fortitudinis, patientiæ, &c. Tum propter singulare martyrii privilegium, & Christi promissionem: *Qui constabitur me coram hominibus, confitebor & ego cum coram Patre meo*, Matth. 7. Et fortasse ratione illius promissionis cælorum regnum, eorum, qui sic patiuntur, esse dicitur.

21 Ex his ergo omnibus satis evidenter patet, beatitudines has non esse actus, qui ad virtutes, vel dona non pertineant. Quod vero ad earum numerum attinet, necesse non est illum ita præcise, & exacte intelligere, ac si non posset Christus plures numerare, si voluisset. Nam Luc. 5. has octo ad quatuor reduxit, quæ virtute alias continent, ut ibi notat Ambrosius. Probabile est enim duos illos Evangelistas diversas conciones referre, & Christum in una plenius de beatitudinibus discipulos instruxisse, in altera vero ad turbas, ad pauciores, vel magis necessarias, vel turbæ magis accommodatas illas reduxisse. Ita ergo in priori concione potuit octo distinguere, non quia plures

numerare non potuerit, sed vel quia illæ sufficere visæ sunt, & virtute totam perfectionem continent. Vel certe quia ex his facile erat intelligere alias, quæ cogitari possunt. Sic enim est mos Scripturæ aliqua exprimere, non ut excutiantur alia similia, sed ut ex illis deducantur, ut in de fructibus dicemus, & generatim tradit Hieron. Sermon. 1. Ang. de Fide, & oper. c. 13. Orig. tract. 23. in Matth. Et ita sunt accipiendæ rationes hujus numeri, quas D. Thom. & alii tradunt, ut declarent in his beatitudinibus viam salutis, & perfectionis sufficientissime contineri. Aliæ vero rationes mysticæ hujus numeri in Patribus citatis, & Evangeliorum expositioribus videri possunt.

22 Ulterius ramen adverteo, in his beatitudinibus aliquid poni, quod est actus virtutis, de quo omnia dicta procedunt, aliquid vero adjungi ut præmium virtutis, quod non est necesse ad virtutis alicujus actum pertinere. Imo inter hæc præmia multa sunt, quæ non videntur proprium hominis actum significare, ut possidere terram, misericordiam consequi, filium Dei vocari, consolari, saturari. Imo inter omnia præmia unum tantum est, quod expresse actum hominis significet, scilicet, visio Dei, quæ mundis corde promittitur. Veruntamen dicendum est, merito quidem poni beatitudines has in actibus, vel per eos expressius declarari, quia ad præsentem vitam pertinent, & ideo fieri debent in nobis, non sine nobis moraliter cooperantibus. Præmia vero ex genere suo, quia ab alio conferuntur nobis, non ita necesse est, vel in actibus consistere, vel per actus significari, nam & habituum perfectio, & occasiones bene operandi, & alia auxilia specialia conferuntur a Deo ut præmia virtutum, quæ vel nullo modo sunt per actus nostros, vel non sunt per actus liberos, & morales, sed a Deo immixtos, ut sunt spirituales consolationes, & præventia auxilia.

23 Nihilominus ramen addere oportet ex Augustino, & Div. Thoma illa præmia beatitudinum posse referri vel ad vitam futuram, vel ad præsentem. Si de futura intelligantur, omnia sunt unum præmium, licet diversis vocibus, & respectibus significetur. Quod quidem præmium est visio Dei, ut in sexta beatitudine formali appellatione nominatur, eadem vero dicitur regnum cælorum in prima, & octava beatitudine, quia virtute continet omnia bona, quæ in illo regno existunt, cum sit ipsius summi boni consecutio, Unde fit etiam, ut per illam beati possideant terram viventium, & consolentur, saturentur, misericordiam summam obtineant, & statum perpetuum, ac nomen filiorum Dei consequantur. Illud autem præmium, quia in hac vita non obtinetur, non fit in nobis per virtutes hujus vitæ: in alia vero per quandam virtutem intellectualem illis correspondentem, scilicet lumen gloriæ, & divino potius, quam humano modo fiet.

24 At vero si præmia illa in hac vita conferantur, quædam intelligi possunt ratione habitualis gratiæ, & sanctitatis, vel fieri filios Dei, & per remissionem peccatorum misericordiam consequi: alia propter peculiarem perfectionem ejusdem sanctitatis tam habitualis, quam actualis, ut saturari justitia, possidere regnum cælorum, quod intra nos est, & per quandam antonomasiam vocari filios Dei. Quædam item consistere possunt in peculiari aliquo favore, & gratia Dei, etiam sine morali actu nostro, ut est consolari, & possidere terram. Denique aliquod etiam præmium esse potest actus ipsius hominis, ut est visio Dei, per quam in hac vita significatur contemplatio Dei, vel intelligentia mysteriorum ejus, quæ per fidem, & dona intellectualia Spiritus Sancti, comitante charitate in hac vita comparatur. Et ita quicquid est in his præmiis, quod ad actum hominis pertineat, inter actus virtutum, & donorum invenitur. Atque hæc de his actibus præsentis instituto sufficiunt: nam reliqua, quæ ad beatitudinum cum donis collationem pertinent, difficultatem scholasticam non habent, satisque a D. Thom. explicantur, tum in generali in 1. 2. qu. 69. articul. 2. & quarto, tum in particulari in secunda secundæ agente fere de singulis virtutibus.

In his beatitudinibus actus & præmium reperitur

In patriæ beatitudinem unum est præmium

Habitu beatitudinis præmia in hac vita

De fructibus Spiritus Sancti.

Utrum hi
fructus
sint actus
vel habi-
tus?
Vera re-
solutio
est a qua

25 **U**ltimo dicendum est de fructibus, de quibus disputant Theologi occasione verborum Pauli ad Gal. 5. *Fructus autem Spiritus sunt charitas, & cat.* Et in primis quaerunt, an sint habitus, vel actus? Nam quidam eos vocant habitus, & virtutes, ut Albertus, & Gabriel supra. Alii actus esse dicunt, ut D. Thom. 1.2. quaest. 70. Veruntamen non est dubium, quin Paulus nomine fructuum opera, & actus significaverit. Quod patet in primis ex contextu, prius enim dixerat, carnem, & spiritum sibi ipsi adversari, postea vero declarat, hanc pugnam esse in actibus, & operibus utriusque partis, & ad illam explicandam prius opera carnis recenset, quibus fructus Spiritus opponit, opera autem carnis non sunt habitus, sed actus: fructus ergo Spiritus etiam sunt opera, quae virtute Spiritus in nobis fiunt, cum contra concupiscentias pugnamus. Deinde idem probatur ex vocis metaphora. Fructus enim (ut recte ait D. Thom.) est ultimus effectus, qui ex arbore cum utilitate, & voluptate percipitur: inde ergo id, quod est ultimum in effectibus Spiritus, quodque cum suavitate, & utilitate perficitur, est actus ultimus, seu virtutum opera: haec ergo significavit Paulus nomine fructus. Sicut Christus dixit Matth. 12. *Omnis arbor bona bonos fructus facit.* Item *Ex fructibus eorum cognoscetis eos.* Opposuit autem Paulus fructus operibus carnis, quia haec opera nullum fructum afferunt. Unde ipse ad Rom. 6. peccatores interrogat, *Quem fructum habuistis in his in quibus nunc erubescitis?* Opera autem Spiritus magnum fructum afferunt; unde subdit ibidem Apostolus: *Nunc vero liberati a peccato habetis fructum vestrum in sanctificatione.* Et hinc usus Theologorum obtinuit, ut opera bona, quae ab homine iustificato fiunt, fructus iustitiae appellentur. Per quam etiam metaphoram significatum est, opera carnis esse nostra, opera autem Spiritus, esse fructus in habitantis in nobis Spiritus, vel moventis. Sunt ergo fructus Spiritus actiones honestae, quae in nobis, & a nobis per afflatum Spiritus Sancti fiunt. Nemo autem negat his operibus habitus correspondere, & ita quoad hanc partem nulla superest de re, sed tantum de vocabulo contentio.

Utr. hi
fructus a
virtutibus
et donec
distingua-
tur?
Opinio
affirmans.
Vera sen-
tentia neg.

26 Deinde vero sequitur inquirendum, an hi, qui dicuntur fructus Spiritus, sint tales actus, ut quasi novum gradum, seu ordinem actuum constituent distinctum ab actibus virtutum, & donorum. Nam Alber. supra indicat, fructus esse virtutes distinctas a communibus virtutibus, & donis. Veruntamen certissimum est, fructus esse eosdem actus virtutum, vel donorum, quos Paulus per metaphoram dictam fructus appellavit. Ita docent D. Thom. & omnes. Constatque ex dictis supra de beatitudinis: nam ratio ibi facta efficaciter idem probat de fructibus, nulla enim ratio cogitari potest ad novum ordinem actuum constituendum, propter quos novi habitus excogitandi sint. Nam quod Albert. ait, fructum significare actum ut reficit, & delectat possessorem secundum spiritualem gustum: non obstat, nam hoc etiam habent actus virtutum, & donorum ex genere suo, magis vero vel minus id praestant, juxta gradum suum, & juxta dispositionem operantis. Hinc vero Div. Thom. 2.2. quaest. 157. art. 2. ad 3. dixit, beatitudines esse actus virtutum, fructus vero esse delectationes de actibus virtutum. Sed hoc intelligendum est sano modo, nam re vera isti actus virtutum sunt propriissimi fructus, & fortasse meliores, & utiliores, quam delectationes, quae ex illis resultant. Solum ergo quoad metaphoram videntur virtutum actus nomine fructuum significari, quatenus suavitatem secum afferunt, & quia hoc maxime habent in statu virtutis perfectae, ideo maxime videntur actus perfecti fructus appellari, absolute vero omnes actus iustitiae fructus dici possunt.

Prob. 2. in
ductione

27 Tandem hoc probatur ex numeratione Pauli, nam charitatem ponit ut primum fructum Spir. Sancti, per quam certe non intelligit, nisi (ut solet) divinum amorem, qui nobis infunditur per Spiritum

Suarez. Tom. VI,

Sanctum, qui datur nobis, & illi adjungit gaudium, & pacem, qui sunt actus, & effectus ejus. Postea vero ponit fructus virtutum moralium, ut respectu proximorum *bonitatem*, id est, beneficentiam, seu liberalitatem, quam etiam vocat *benignitatem*, & *fidem*, utique moralem, sub qua totum fructum iustitiae complectitur. Respectu vero sui ponit in primis quoad mala ferenda *patientiam*, loco fortitudinis, seu totum fructum fortitudinis sub illa complectens, cui adjungit *longanimitatem*, per quam animi constantiam, & lenitatem in diuturnis, & acerbis malis sustinendis significat. Et his etiam deservit *mansuetudo*, quae iram moderatur, & ad malorum tolerantiam juvare solet. Quoad operanda bona, & frandas concupiscentias (quod est temperantiae munus) ponit *modestiam continentiam*, & *castitatem*. Et ita omnes hi fructus ad charitatem, & tres virtutes morales appetitus pertinent.

28 Fidem autem, spem, & prudentiam omisit Paulus, vel quia non assumpsit provinciam numerandi omnes fructus, vel omnes actus virtutum, sed eos, qui operibus carnis frequentius, & clarius adversantur vel quia fides, & prudentia non fructificant, nisi media voluntate, spes autem non videtur tam proprie significari per metaphoram fructus. Vel certe fides, quam Paulus narrat, potest ad fidem Theologicam referri, ut D. Thom. etiam docet, & sub longanimitate potest intelligi spes, ut Gabr. exponit, qui etiam sub modestia prudentiam comprehendit: sed est dura, & metaphorica expositio, meliusque dicetur virtute comprehendi sub omnibus moralibus fructibus, quia sine prudentia nulli sunt. Atque haec sufficiunt de numero fructuum, quia (ut dixi) non oportet cogitare tot esse numeratos, quia tot sint, & non plures, vel quia in illo numero singulare aliquod mysterium invenitur: sed quia illi utiles, & sufficientes visi sunt ad oppositionem inter spiritum, & carnem explicandam. Atque haec videntur sufficere praesenti instituto, nam de his singulis inquirere quid sint, & quomodo inter se distinguantur, integrum tractatum de Virtutibus in particulari postulabat.

Cur fides,
spem, &
prudentiam
inter fru-
ctus Apo-
stoles non
ponat?

CAPUT XXIII.

Utrum ad servanda supernaturalia praecepta, quae de internis actibus data sunt, vel ad non peccandum contra illa, sit gratia necessaria?

1 **H**actenus dictum est de necessitate gratiae ad efficiendos supernaturales actus, abstrahendo a ratione praecepti, nunc superest breviter dicendum de observantia praeceptorum supernaturalium, & quoniam de interioribus, & exterioribus actibus dantur, de quibus diversa est ratio, ideo de illis sigillatim dicemus. Potest deinde tractari quaestio vel de tota collectione supernaturalium praeceptorum, vel etiam de singulis pro quocunque tempore obligantibus nos autem hunc posteriorem sensum intendimus. Nam in priori a fortiori definita est quaestio ex his, quae de observatione praeceptorum naturalium superiori libro diximus: praeterquam quod ex definitione quaestionis in posteriori sensu, in priori etiam resoluta manebit, ut in fine capitis uno verbo expedimus.

2 In hoc ergo puncto iterum occurrit error Pelagii, qui indistincte asseruit, omnia, & singula praecepta posse sine gratia impleri, ut copiose in prolegomeno tertio dictum est. Ut autem in hoc puncto distinctius procedamus, & in illo error Pelagii melius intelligatur, adverte, duobus modis posse praeceptum aliquod dici supernaturale, scilicet, vel quia datur de actu supernaturali, vel quia praeter ordinem naturae datur. Quod potest contingere duobus modis, scilicet, vel quia datur ex aliqua suppositione supernaturali, vel quia est positivum, immediate a Deo ipso positum, ex sola sua libera voluntate nobis revelata. Priori modo potest dici praeceptum supernaturale quoad sub-

In quo se-
su quaestio
excitetur

Error Pe-
lagii re-
solvitur

stantiam, posteriori autem quoad modum. Qui modus magis in præceptis de actibus externis, quam de internis locum habet, ut capite sequenti dicam. Ex his autem duobus modis præceptum supernaturalium Pelagius certe non admitteret priorem, quia supernaturales actus non agnovit, ablata autem materia aufertur præceptum. Quocirca non videtur composuisse (ut sic dicam) tale supernaturale præceptum cum observatione illius per solas vires liberi arbitrii, quia fuisset hæc aperta contradictio, nimirum, admittere verum supernaturale præceptum ex parte actus, & nihilominus dicere, posse per vires naturales servari. Sed citavit negando data esse, vel dari posse hominibus talia præcepta supernaturalia; fortasse enim credidit, non posse dari præcepta de talibus actibus; vel quia nullo modo possunt a nobis fieri; vel quia non possent esse liberi. Admitit autem Pelagius præcepta supernaturalia posteriori modo, illa tamen dicebat posse impleri per vires naturæ; ut v. g. præceptum fidei dici potest supernaturale, quia supponit revelationem supernaturalem, qua posita resultat obligatio credendi, nihilominus tamen aiebat, hanc obligationem solum esse de fide quadam naturali, quam homo potest per vires liberi arbitrii adhibere, & ita dicebat hoc præceptum posse impleri per vires naturæ. Et idem diceret de præcepto charitatis, & spei, quæ maxime de actibus internis dantur. Et in hoc etiam ducebatur Pelagius illo fundamento, quod Deus non præcipit impossibilia, & ideo licet hæc præcepta sint quoad modum supernaturalia, quia aliquid supra naturam supponunt, nihilominus de illa materia solum potest dari præceptum, quod per liberum arbitrium possit impleri.

3 Secundo referenda est aliquorum Theologorum opinio, qui supposita distinctione duplicis observantia supernaturalis præcepti, quoad substantiam, & quoad modum, dicunt, supernaturale præceptum quoad suam substantiam posse impleri per vires liberi arbitrii absque auxilio gratiæ, non tamen posse impleri quoad modum. Ita docet Cajet. 1. 2. q. 109. ar. 4. ubi etiam D. Thomas videtur idem docere de homine in statu naturæ integræ, licet in statu naturæ corruptæ id non admittat. Sed D. Thom. in alio sensu longe diverso loquutus est, ut postea declarabo. Cajetanus itaque in omnibus præcepti etiam fidei, spei, & charitatis distinctionem illam locum habere vult. Unde videtur fundari in hoc, quod actus præcepti per has leges non sunt quoad substantiam supernaturales, sed tantum quoad modum. Nam hinc sequitur, actus mandatos his præceptis posse fieri sine gratia quoad substantiam eorum; licet quoad modum supernaturalem non possint sine gratia fieri; ergo eadem ratione possunt impleri præcepta illa quoad substantiam sine gratia, licet non quoad modum.

4 Aliam etiam distinctionem adhibet idem Cajet. eadem questione articulo octavo, inter observare, vel non transgredi præceptum, dicitque non posse hominem implere præcepta huiusmodi sine gratia, utique quoad modum eorum: posse autem non transgredi illa, id est, non peccare contra illa, per solas vires liberi arbitrii sine gratia. Ratio hujus posteriori partis (nam de prima nullum est dubium, ut dicemus) est, quia si homo caret viribus, & auxiliis gratiæ, non potest implere supernaturalia præcepta: ergo eo ipso non potest contra illa peccare, quia nemo potest peccare in eo, quod vitare non potest: ergo non eget gratia ad non peccandum contra talia præcepta: imo ex carentia præcepti necessario sequitur non violatio præcepti. Confirmat hoc tacite Cajetanus ex doctrina Div. Thomæ in illo articulo. Docet enim ibi Doctor Sanctus, poni se hominem in statu integræ naturæ non transgredi, nec peccare contra quæcunque præcepta, etiam si gratia careret, nihilque distinguere inter præcepta supernaturalia, & naturalia: ergo supponit, ad non peccandum contra supernaturalia præcepta non esse necessariam gratiam.

5 Alii denique distinguunt inter præcepta affirmativa, & negativa, dicuntque ad servanda, vel non

violanda affirmativa præcepta supernaturalia esse gratiam necessariam, ad implendum autem, vel non transgrediendum præceptum negativum, non esse gratiam necessariam. Ratio hujus partis est, quia præceptum negativum servatur per solam omissionem, quæ in negatione, vel privatione consistit, sola autem carentia actus sine gratia haberi potest. Tum quia non est aliquid supernaturale, quia actus prohibitus per negativum præceptum non est bonus, sed malus, & ideo est maxime naturalis, & proprius liberi arbitrii defectibilis: ergo multo magis carentia talis actus est naturalis: ergo potest per liberum arbitrium haberi. Tum etiam quia ommissio consistit in non agendo; ad non agendum autem non est necessarium auxilium Dei, quia auxilium est ad aliquid agendum, ergo.

6 Imo ob hanc rationem dixit Guilielmus de Rubion, neque generalem Dei concursum esse necessarium ad servandum præceptum negativum, quodcumque illud sit, quia concursus est necessarius ad agendum, non ad non agendum. Quod si quis dicat, licet non agere non requirat auxilium, vel concursum, tamen velle non agere non fieri sine Deo, & hoc esse necessarium ad servandum præceptum negativum. Contra hoc est, tum quod voluntas potest suspendere actum pro sua libertate sine actu positivo volendi, & hoc satis est ad non peccandum contra præceptum negativum; tum quia etiam si esset necessaria illa voluntas, non esset ad illam necessaria gratia, quia est de objecto possibili per solas vires liberi arbitrii; ergo potest haberi per easdem vires. Et patet a fortiori, nam etiam ommissio actus supernaturalis potest esse voluntaria positive per voluntatem mete naturalem factam per solas vires liberi arbitrii cum concursu generali; ergo multo magis voluntas non agendi quemcumque actum naturalem haberi poterit naturaliter per solas vires voluntatis.

7 Nihilominus dico primo. Ad implendum quodcumque præceptum supernaturale de interno actu, est necessaria divina gratia. Hanc assertionem absolute positam, censeo esse certam secundum doctrinam fidei quod sic declaro. Nam in illa supponimus dari aliqua præcepta de actibus internis simpliciter supernaturalia, quod secundum fidem negari non potest, ut in libro ultimo de Legibus tractando de lege gratiæ late ostensum est, & nunc breviter patet. Nam diligere Deum actus internus est, & si sit super omnia ex toto corde, ac denique prout ad salutem necessarium est, supernaturalis est, ut supra est de fide ostensum: sed de hoc actu est datum præceptum in Scriptura expressum, ut constat, ergo. Idem argumentum de præcepto fidei, & spei fieri potest; nam in actibus internis consistunt, & prout necessarii sunt ad salutem, supernaturales sunt, & sine gratia fieri non possunt. At de illis ut ad salutem sunt necessarii, data sunt præcepta divina, ut est etiam in fide per se notum; ergo talia præcepta data sunt de illis actibus, ut supernaturales sunt; ergo talia præcepta sunt supernaturalia simpliciter, id est, ex parte materiæ, & rei, quam præcipiunt. Hinc ergo concluditur assertio, quia præceptum affirmativum non servatur, nisi fiat id, quod præceptum est: ergo talia præcepta non servantur, nisi fiant illi actus, ut supernaturales sunt, quia ut sic præcipiuntur: at vero actus supernaturalis, quatenus supernaturalis est, non potest fieri sine gratia: ergo absolute loquendo non possunt talia præcepta servari sine gratia.

8 Atque hæc ratio concludit non solum de collectione talium præceptorum, sed etiam de singulis, neque solum de singulis præceptis secundum totam uniuscujusque latitudinem, sed etiam secundum quamlibet partem ejus, id est, quoad singulos actus ejus. Primum patet, quia non sola collectio illorum præceptorum superat vires naturæ, sed etiam unumquodque, quia unumquodque datur de suo actu, ut supernaturalis est, ut ratio facta ostendit, quia datur de illo prout fieri debet, sicut ad salutem oportet. Et inde concluditur altera pars, nam sub præcepto fidei v. g. continetur præceptum credendi omnia, & singularia mysteria revelata, & ad credendum proposita.

Unde

2 opinio
distinguit
inter præ-
cepta af-
firmativa
& negat.
Probat.

Confirmat
ex Rubio
dicto

2. opinio
docet hoc
præceptum
quoad sub-
stantiam
si e gratia
impleri

Alia Cajet.
distinctione
de observa-
tione, &
non trans-
gressione

Assertio
de fide.
Ad implendum
hoc præceptum
de interno
actu opus
est gratia

Quodlibet
præceptum
& quilibet
ejus actus
eget gratia
Dei

Unde non tantum præcipitur unus actus credendi, sed etiam multitudo actuum, qui ad varia mysteria terminantur, ut ad credendum Deum esse Trinum, & Unum, & Christum esse Deum, hominem, &c. Dicimus ergo non solum esse necessariam gratiam ad credendum hæc omnia, non errando, nec dubitando de aliquo, quando sunt sufficienter proposita: sed etiam esse necessarium ad implendum illud præceptum circa singulos actus, vel etiam circa unum mysterium, si illud tantum proponatur. Probatur eadem ratione, quia illud præceptum in singulis suis partibus, vel actibus est supernaturale: ergo nec in totum, nec ex parte impleri potest, sine gratia. Idem argumentum fieri potest de spe, ut circa Deum, vel res alias versari potest, & de præcepto charitatis, ut Deum, & proximum comprehendit. Confirmarique potest ex quodam principio fidei supra posito, gratiam esse necessariam ad singulos actus bonos, & ad vitam æternam de se conferentes: nam quilibet actus observandi præceptum aliquod supernaturale, est actus pietatis, & de se conferens ad salutem æternam: ergo ad illum præstandum est gratia necessaria.

9 Unde ad hoc confirmandum afferri possunt ordinaria testimonia, quibus definitur non posse nos complere divina mandata sine gratia, ut traditur in Concil. Milevit. ca. 5. Idem maxime verum habet de mandatis supernaturalibus, & in universum de omni observatione, quæ confert ad vitam æternam: qualis per se, & ex suo genere est obedientia cujuscunque præcepti supernaturalis, etiam in singulis actibus præceptis, juxta doctrinam Conc. Arausic. ca. 9. 20. & 25. Cælestin. epist. 1. ad Epist. Gallie ca. 8. & 9. Augustini de Natur. & grat. cap. 26. de Grat. & lib. arb. c. 18. & 28. lib. 2. de Peccator. merit. c. 5. De Spir. & liter. ca. 14. & lib. 1. de Gratia Christi c. 15.

10 Potestque hæc assertio extendi non solum ad actum, quo in effectu impletur præceptum, sed etiam quo aptum est impleri, quantum est ex vi actus. Præceptum enim affirmativum non obligat semper, sed pro temporibus definitis, vel necessariis, ideoque actus ejus, licet possit quolibet tempore exerceri, per illum tamen non proprie impletur præceptum, nisi quando sit eo tempore, pro quo obligat præceptum: nihilominus tamen, quia actus etiam extra illam occasionem factus, est ejusdem rationis, & de se aptus ad implendum supernaturale præceptum, si eo tempore obligaret, ideo ad omnes similes actus talis præcepti est gratia necessaria. Et simili modo quanvis homo non teneatur explicite credere omnia, quæ revelata sunt, vel quoad actualem cognitionem, & usum, seu exercituum, vel quoad supernaturalem modum credendi, sed ad salutem satis sit supernaturaliter credere, & explicite ea, quæ ut sic credenda proposita, & præcepta sunt, nihilominus si quis voluntarie exercere velit fidem circa alias materias, ut id faciat per actum de se sufficientem ad implendum supernaturale præceptum, si datum esset de tali materia, necessaria est gratia propter rationem factam.

11 Secundo dicendum est, non solum esse necessariam gratiam ad servanda hæc præcepta quoad modum operum, sed etiam quoad substantiam eorum. Assertio hæc in sententia nostra, quod actus isti, de quibus dantur hæc præcepta, supernaturales quoad substantiam sint, per se evidens est. Quia actus isti quoad substantiam suam non possunt fieri sine gratia, cum substantia ipsa naturalis sit, sed præcepta hæc dantur de his actibus: ergo non possunt quoad substantiam impleri sine gratia. Patet consequentia, quia tunc præceptum quoad substantiam impletur, quando actus præceptus quoad substantiam sit. Veruntamen abstrahendo etiam ab illa opinione, procedit, & omnino vera est assertio posita. Quia licet actus ipsi secundum se spectati essent quoad substantiam naturales, & supernaturales quoad modum, nihilominus relati ad præceptum, modus ille est de substantia talis præcepti, quia præcipit actum sub tali modo, ut probatum est, quia præcipit actum, ut necessarium ad salutem, ac proinde ut fieri oportet ad justitiam; ut sic autem necessario modum illum requirit. Ergo substantialis materia illius præcepti includit modum illum: ergo qui

non facit actum tali modo, non implet substantiam præcepti. At vero ut fiat actus sub tali modo necessaria est gratia. Ergo ad implendum tale præceptum necessaria est gratia.

12 Quo circa si Cajetanus asserens posse impleri hæc præcepta quoad substantiam tantum sine gratia, id dixit, quia credidit modum illum supernaturalem non solum esse extra substantiam actus, sed etiam non cadere sub præceptum, vel quia pender ex solo Deo, vel quia solum requiritur ad fructum operis, non vero ad observationem præcepti: si (inquam) Cajetan. ita sensit, & supponit unum falsum, & supra improbatum, & addit aliud multo magis falsum, quia certissimum est, præcipi nobis actus supernaturales, ut supernaturales sunt: ergo præcipitur modus supernaturalis, sive ille sit de substantia actus, sive non. Antecedens patet; tum ratione facta, quia præcipiuntur nobis hi actus, quatenus ad salutem necessarii sunt; tum etiam inductione, quia præcipitur nobis dilectio charitatis super omnia, & fides Christiana, & Catholica, &c.

13 Si vero Cajetan. supposita priori sententia, quod modus sit extra substantiam operis, solum dicere voluit, posse fieri actus præceptos quoad substantiam operum sine gratia: sic immerito, & valde improprie dicit per illos actus servari præcepta quoad substantiam, quicquid sit de effectione actus. Nam qui facit actum, quo non implet præceptum, non potest dici facere præceptum, quoad substantiam operis, ut qui exterius orat sine attentione, non implet præceptum orandi, etiam quoad substantiam ejus, quia in illo præcepto substantialiter includitur attentio, etiam si illa non sit de substantia externæ orationis. Unde D. Thom. quoties illa distinctione utitur, loquitur de modo, qui non solum non sit de essentia actus, sed etiam non cadat sub præceptum, qualis est modus operandi ex charitate, ut videre licet in dicta qu. 109. art. 4. ubi aperte supponit, eum, qui implet præceptum saltem quoad substantiam ejus non peccare contra illud. Et idem aperte docet eadem 1. 2. quæst. 100. art. 8. & 9.

14 Præterea ultra improprium loquendi modum, falsum esse existimo dicere, posse hominem lapsum solis viribus liberi arbitrii facere omnia, quæ supernaturaliter præcepta sunt, etiam sine modo supernaturali, vel (ut sic dicam) quoad materiale substantiam actuum, qualiscunque illa esse fingatur. Nam licet ad credendum naturali, & acquisita fide aliqua revelata, non sit gratia necessaria; ad credendum tamen omnia, quæ revelata sunt sine errore, non sufficit homo destitutus omni auxilio gratiæ, quocunque modo illa omnia credantur, ut supra ostendi. Eademque ratio est de omnibus præceptis spei, & multo magis charitatis, quia eo etiam modo, quo hæc possunt per actus acquisitos fieri, major difficultas est in illis omnibus exequendis, quam in servandis præceptis mere naturalibus. Si ergo hæc omnia non possunt fieri sine gratia, multo minus illa, ut jam iterum in superioribus dixi. Igitur servare præceptum supernaturale sine gratia nullo modo contingit, neque in toto, neque in parte, facere autem aliquem actum similem actui præcepto, vel in materia, vel in genere actus, contingere quidem potest in una, vel alia parte materiæ supernaturalium præceptorum alicujus virtutis, non tamen in tota collectione, ut ostensum est.

15 Dico tertio. Non solum non potest impleri affirmativum præceptum supernaturale sine gratia, verum etiam nec vitari culpa illi contraria, si revera præceptum obliget. Hæc assertio est expressa D. Thom. 1. 2. q. 63. ar. 2. ad 2. ubi ait, non posse hominem sine gratia vitare peccata, quæ directe opponuntur virtutibus Theologicis. Et quoad peccata contraria præceptis affirmativis, est profecto evidens ex dictis, nec potuit ab ea dissentire Cajet. nisi in modo loquendi. Probat, quia pro tempore, pro quo præceptum affirmativum obligat, non potest peccatum contra illud vitari, nisi faciendo actum præceptum: sed hic actus non potest fieri sine gratia; ergo neque peccatum contra tale præceptum obligans potest vitari sine gratia. Major patet, quia peccatum contra præceptum non vi-

Impug. 1.
Cajet. in
n. 3. citat.

Impug. 2.

Impug. 3.
ibidem
Cajet.

2. Quis
aptus ad
præceptum
adimplen-
dum, gra-
tiam po-
stulas

Assert. 2.
Ad ser-
vanda hæc
præcepta,
& quoad
modum,
& quoad
subst. re-
quiritur
gratia.

3. Assert.
Ad vitan-
dum cul-
pam con-
tra præce-
ptum su-
pernatu-
rale affir-
mativum
gratia re-
quiritur

ratur nisi faciendo quod præceptum jubet. Item facere quod præceptum jubet, vel non facere, immediate opponuntur; ergo etiam observatio, & transgressio præcepti sunt immediate opposita, quia transgressio hæc in sola omissione consummatur: ergo gratia, quæ requiritur ad observandum præceptum, etiam ad non transgrediendum illud necessaria est. Denique Concilia, & Patres nihil inter hæc distinguunt, sed pari modo ad non peccandum contra præceptum, & ad implendum illud gratiam requirunt.

16 Dixi autem, *Si revera præceptum obliget*, quia pro eo tempore, pro quo præceptum non obligat, poterit quis non peccare contra illud sine speciali gratiæ auxilio, quia tunc ad non peccandum nihil oportet facere. Pro tunc vero non impletur proprie præceptum, etiam si actus ejus fiat, & ideo licet necessaria sit gratia ad illum actum, non est propter præcepti obligationem, sed quia actus in se illam requirit, etiam si non præciperetur. Loquendum ergo est de non transgressione præcepti pro illo tempore, pro quo obligat. Et eadem ratione auferenda est omnis excusatio obligationis, quia si intercedat excusatio, eo ipso non peccatur: imo neque pro tunc peccari potest contra tale præceptum, & ideo tunc non erit necessaria gratia ad non peccandum contra illud. Si enim homo invincibiliter ignoret præceptum, vel naturaliter non advertat, vel dormiat, aut alio simili modo sit impotens ad præceptum implendum, jam pro tunc cessat obligatio ejus, cessante autem obligatione, cessat possibilitas peccandi.

17 Et similis est casus, in quo Cajet. fingit, posse hominem vitare peccatum sine gratia, si denegetur illi gratia necessaria ad faciendum actum præceptum: tunc enim consequenter etiam cessat obligatio præcepti, quia non potest esse de re impossibili, manente impossibilitate. Doctrina vero Conciliorum, & moralis supponit hominem habere omnia requisita, ut possit obligari præcepto, & quoad actu obligetur sine excusatione, ac denique quod sit moraliter potens operari, & non operari actum præceptum. Et ita manifestum est, non dari medium inter servare, vel non transgredi affirmativum præceptum, ideoque gratiam necessariam ad implendum præceptum, esse æque necessariam ad non peccandum contra illud. Ado vero, quod licet supposita impotentia, vel alia excusatione non sit alia gratia necessaria ad non peccandum contra tale præceptum, interdum potest esse speciale beneficium, quod talis occasio impotentiae, vel excusationis occurrat, ut quod homo non advertat, vel dormiat, quia fortasse si adverteret, præceptum non impleverat. Cumque Deus bene hoc præsciat potest esse speciale beneficium providentiæ divini, non advertere, vel quid simile, juxta illud, cum proportionem applicandum, *Raptus est, ne malitia mutaret intellectum ejus*. Sap. 4.

18 Dico quarto. Non solum ad servandum affirmativum præceptum supernaturale, sed etiam ad servandum negativum, eo modo, quo esse potest supernaturale circa actus internos, & ut tale servari, necessarium est gratiæ auxilium. Declaratur in primis assertio: nam duobus modis intelligi potest imponi negativum præceptum. Primo per se, propter solam exclusionem actus pravi, sicut prohibetur fornicatio. Secundo potest præceptum negativum poni ut consequens, seu concomitans præceptum affirmativum, sic enim præcipiunt non dissentire rebus fidei illo eodem præcepto, quo præcipiunt illas credere, quia ille dissensus magis repugnat illi affirmativo præcepto, quam carentia assensus. Unde idem præceptum affirmativum, quod obligat ad aliquid agendum, non pro semper, sed certis occasionibus, & temporibus, obligat pro semper ad non habendum actum contrarium; ut præceptum confitendi aliquam fidem, obligat, ut nunquam illam negemus, & præceptum amandi suis temporibus proximum, obligat pro semper, ut odio non habeatur. In præceptis autem de quibus tunc agimus, scilicet, quæ de actibus mere internis dantur, non inveniuntur supernaturalia præcepta pure negativa, propter rationem supra factam, quod negatio actus, ut sic, non est supernaturalis. Item quia carentia actus

supernaturalis non præcipitur per se, sed potius prohibetur, quæ prohibitio in affirmationem revolvitur, quia negatio negationis affirmatio est: carentia vero actus naturalis per naturale præceptum præcipitur, sive per se, sive oppositum, actum præcipiendo. Solum ergo inveniri possunt præcepta negativa supernaturalia, ut annexa præceptis affirmativis, ut exemplis jam declaratum est.

19 Uterius vero est considerandum, nullum esse actum pravam ita oppositum actui præcepto supernaturali, ut non sit etiam oppositus alicui actui naturali. Ut, verbi gratia, dissensus in materia fidei divinæ non solum opponitur fidei supernaturali, sed etiam fidei acquisitæ, quæ in illa materia versari potest: & odium proximi, quod opponitur supernaturali amori, etiam opponitur naturali, & sic de cæteris. Ratio autem est, quia nulla est materia actuum supernaturalium, in qua naturales actus aliquo modo similes in substantia, seu objecto naturali non possint sub inferiori aliqua ratione versari; motus vero contrarius cum ordinis naturalis sit, quia adæquate, & per se primo opponitur contrario actui naturali, consequenter vero etiam opponitur supernaturali propter generalem rationem tendentiæ ad tale objectum, quam includit. Hinc ergo fit, ut actus contrarius supernaturali actui præcepto, qui per illud præceptum consequenti ratione prohibetur, dupliciter possit cavere. Primo secundum se, & absolute spectatus; alio modo ut repugnans tali supernaturali actui præcepto. Priori modo sine dubio potest cavere pro sola libertate naturali, ut probat ratio supra facta in ultima distinctione, seu opinionione, quam retuli. Nam illa carentia est per se opposita actui naturali, & ita odium proximi potest cavere per rationem naturalem, & negatio hujus articuli, Christus est Deus, potest vitari ex vi naturalis discursus, si quis ex illo fide humana persuaderet Christum esse Deum. In his vero, & similibus casibus non implet quis formaliter, & proprie loquendo præceptum aliquod supernaturale, sed materialiter tantum dicitur illud implere, quantenus non violat affirmativum, in quo negativum illud virtute continetur.

20 Alio ergo modo potest quis cavere illum actum, eo quod repugnat supernaturali actui præcepto, & hoc modo vere, ac formaliter dici potest servare aliqua ex parte præceptum supernaturale. Et sic dicimus non posse id facere sine gratia, quia non potest intelligi, quod illo modo, & intentione caveat illum actum, nisi per positivum actum voluntatis, quo respiciat illud motivum: actus autem ille supernaturalis est, quia est ex motivo fidei, & reducitur ad voluntatem credendi, quæ sine gratia haberi non potest. Et hac ratione quotiescunque occurrit tentatio ad habendum assensum fidei contrarium, vel dubitationem de certitudine illius, necessarium est auxilium gratiæ non solum ad positive credendum, sed etiam ad abstinendum deliberatè a quocunque motu contrario, quia id non fit sine pia affectione ad fidem, seu (quod idem est, non fit sine voluntate positiva permanendi in fide Christiana, seu vitandi contrarios morus, ne ab illa recedatur. In quibus casibus etiam accedit difficultas ex parte tentationis, ad quam superandam etiam ex ea parte est moraliter necessaria gratia, quia in tali materia semper erit tentatio gravis, & periculosa, nisi homo per gratiam illuminetur, & juvetur. Verumtamen licet interdum non sit adeo gravis, ut vincatur illo modo, & cum illo respectu ad fidem, ne aliquo modo violetur, est gratia necessaria. Si autem quis abstinere ab actu fidei contrario solum ductus rationibus, & motivis humanis; poterit quidem interdum abstinere per vires liberi arbitrii a tali actu, tamen si tentatio gravis urgeat, vel diu in illo conflictu persistendum sit, etiam ad id constanter cavendum sine gratia non sufficiet, juxta dicta superiori libro de pugna tentationum. Et hæc, quæ gratia exempli in præcepto fidei declaravimus, possunt eadem proportionem ad præcepta spei, & charitatis applicari.

21 Atque ex his aliarum sententiarum fundamenta soluta relinquuntur. Principium n. illud toties a Pelagio repetitum, Deum non jubere impossibilia, licet abso-

Peccatum
contra præ-
ceptum su-
pernatu-
rale, vir-
tutis etiam
naturalis
opponit.

Dupliciter
potest ca-
veria actus
contrarius
supernatu-
rali præ-
cepto. Primo
Quo sensu
vera sit 2.
opinio in
n. 5. relata

2. modo
sine gra-
tia non
cavetur

Respon-
detur ad
argum. in
num. 2.

Limitatur
& explicatur
per assert.

Quo sensu
verum di-
cat Cajet.
in n. 4.
adductus

4. assertio
ad servan-
du præcep-
tum nega-
tivum
necessaria
est gratia

absolute sit verissimum, nihil ad rem facit, nam quæ apud homines sunt impossibilia, apud Deum possibilia sunt. Ideoque recte dantur præcepta supernaturalia, quia quod per solam naturam fieri non potest, per gratiam potest impleri. Ad fundamenta autem Cajetani, quod ad priorem distinctionem de modo, & substantia actus pertinet, jam responsum est, in actibus præceptorum, de quibus loquimur, modum in substantia contineri, ac deinde dictum est, quomodocunque modus ille ad actum comparetur, semper esse de substantia præcepti, ideoque nullo modo impleri posse præceptum sine illo modo, qui sine gratia esse non potest. Ad fundamentum autem alterius distinctionis dictum est, casum illum, quem Cajetanus fingit, in quo nec præceptum impletur, neque contra illud peccatur, talem esse, ut in eo non sit præceptum. Ablato autem præcepto, quid mirum est, quod nec servetur, nec violetur? Quid autem D. Th. ibi allegatus de homine in statu naturæ integræ sentierit, statim dicam. Ad rationem vero ultimæ opinionis, negamus, præcepta negativa prout in hac materia esse possunt, impleri proprie per solam materiam negationem actus (ut sic dicam.) Jam enim ostendi, quomodo necessaria sit positiva voluntas non agendi aliquid repugnans præcepto supernaturali, quod ut de actu interiori datur, per se affirmativum est, non negativum, nisi consecutione quadam, ut satis explicui.

22 Unde primo ex dictis colligitur, necessitatem gratiæ ad servanda hæc præcepta non oriri per accidens ex statu naturæ lapsæ, vel ex repugnantia appetituum, sed per se ex natura talis præcepti, & materię ejus, quia superat vires naturales liberi arbitrii per se, & secundam gratiam intuitu naturam spectati. Et hinc fit, hanc gratiam esse necessariam, non solum ad collectionem præceptorum, sed etiam ad singula. Fit etiam ut non tantum sit necessaria gratia urgente tentatione, vel alia extrinseca difficultate occurrente, sed in quacunque opportunitate, vel dispositione. Denique fit, ut non sit tantum necessaria homini lapso, sed etiam integro, sicut supra de singulis actibus infusus dictum est.

23 Quod autem D. Thom. ait art. 4. in statu integræ naturæ potuisse hominem implere mandata quoad substantiam, licet non quoad modum, intelligendum est de præceptis legis naturalis. Nam de illis præcipue quæstion. moverat, de præceptis v. virtutum Theologalium, quibus potissime actus interni supernaturales præcipiuntur, non movit quæstion. quia revera ex dictis in art. 2. definita erat. Ibi enim dixerat, in nullo statu posse hominem efficere sine gratia opus excedens suam naturam, quale est opus virtutis infusæ, hoc autem non minus procedit, quando illud bonum præceptum est, quam cum non est præceptum, & ideo in art. 4. solum de præceptis legis naturalis quæstionem mover. Unde cum in argumento 3. objecisset de actu amoris super omnia, qui videtur præcipi lege naturæ, respondet in solutio. ad 3. illum amorem, prout ex charitate impletur, excedere vires naturæ, ac si diceret; sic non pertinere ad naturalem legem, & ideo neque pertinere ad illam quæstionem, neque in illo distingui modum a substantia, quod æque dici potuit de actu fidei, & spei, prout pertinent ad virtutes infusas. Cum vero in art. 8. dicit, potuisse hominem in statu naturæ integræ sine gratia habituali vitare omnia peccata, in eodem sensu intelligendus est. Supponit enim in illo statu non fuisse habiturum hominem alia præcepta, nisi quæ sunt naturæ proportionata. Ex quo recte sequitur, quod tunc posset vitare omnia peccata, quia tunc in illo non essent peccata, nisi contra legem naturæ. Unde pro ratione subjungit: *Quia peccare nihil aliud est, quam recedere ab eo, quod est secundum naturam, quod vitare homo in statu integræ naturæ posset.* Vel certe si fugamus hominem in statu integræ naturæ sine gratia habituali, & nihilominus habentem præcepta supernaturalia de actibus internis supernaturalibus, tunc etiam posset vitare omnia peccata sine gratia habituali, non vero sine gratia auxiliante ad servanda talia præcepta, ut ex dictis satis patet.

Suárez Tom. VI.

24 Secundo ex dictis colligitur, quænam gratia necessaria sit ad hunc effectum servandi præcepta supernaturalia, & vitandi contraria peccata. Dicendum est enim, per se necessariam esse gratiam auxiliantem, quæ det vires operandi actum sic præceptum. Et hanc esse sufficientem, quia dat potestatem ad singulos actus. Unde fit, ut sine gratia habituali possit peccator implere præceptum fidei, & spei. Imo etiam præceptum dilectionis, & perfectæ contritionis implere, potest cum auxilio Dei sine habitu cooperante: quanquam simpliciter id non faciat sine habitu charitatis, & gratiæ, saltem consequente ordine naturæ in eodem instanti temporis, ut in materia de Iustificatione dicemus.

25 Atque hinc fit, ut licet semel, aut iterum hæc præcepta impleantur sine habituali gratia cooperante, simpliciter autem, & absolute non servantur in omnibus temporibus, & in actibus suis sine gratia habituali, ejusque influxu, quod potest respective intelligi in præceptis fidei, spei, & charitatis quoad habitus, ad quos talia præcepta pertinent, vel simpliciter de tota collectione præceptorum ad charitatem, seu gratiam sanctificantem comparata. Et utroque modo verum est. Nam licet in prima conversione ad fidem homo impleat præceptum fidei per solum auxilium gratiæ, statim illi infunditur habitus fidei, quo postea uti possit ad implendum illud præceptum, quoties occasio occurrerit: & idem est cum proportionem de spe. Et similiter in charitate, licet prima conversio ad Deum perfecta, qua impletur præceptum dilectionis, possit esse ex solo auxilio; nihilominus per illam statim infunditur habitus charitatis. Ulterius vero ut homo possit ista omnia præcepta servare, & in omni occasione constanter servare, necessaria est gratia sanctificans, quia supra diximus hanc gratiam esse necessariam ad servandam totam legem naturalem: ergo multo magis ad supernaturalem: tum quia nemo servat totam legem supernaturalem, præsertim charitatis, quin servet etiam totam legem naturæ; tum etiam quia qui servat omnia præcepta virtutum Theologalium, sine dubio salvatur, quia diligit Deum super omnia, & simpliciter servat mandata: nemo autem salvatur sine gratia habituali: ergo neque implet præcepta sine illa gratia: quæ tamen non solum est necessaria ex ordinatione divina quasi extrinseca, sed etiam ex intrinseca connexionem, quam habet cum charitate, ut satis ex dictis constat.

C A P U T XXIV.

Utrum ad servanda præcepta supernaturalia de externis actibus necessaria sit gratia?

I Distinguimus quæstionem hanc a præcedente, quia actus externi non sunt supernaturales, sicut interni: hi enim sunt in substantia supernaturales, illi vero in se, & in sua entitate supernaturales non sunt, solumque causaliter, seu moraliter possunt supernaturales dici, quatenus ab actibus internis supernaturalibus procedunt. Sicut enim actus externus in se, ac formaliter non est liber, nec bonus moraliter, nisi per denominationem ab interno, ita actus externus in ratione actus virtutis non est supernaturalis, nisi quatenus interno actui supernaturali conjungitur, & ab illo quasi informatur. Dixi autem in ratione actus virtutis, quia in ratione Sacramenti alium modum supernaturalitatis habere potest externus actus, illam vero non habet a nobis, sed ab institutione divina; nobis autem non præcipitur, nisi quatenus humanus actus est, & a nostra voluntate pender, & ut sic etiam habet, quod sit supernaturalis actus per conjunctionem ad aliquem interiorem actum, ut mox explicabimus. Atque hinc fit, ut in his præceptis de actibus externis optime locum habeat distinctio illa Cajetani de observatione præcepti quoad substantiam, vel quoad modum, quia in externis actibus modus supernaturalis est extra substantiam actus, ut ex dictis patet, & similiter esse potest extra substantiam præcepti, ut jam explicabimus.

2. Coroll.
Gratiæ
adjuvant
est per se
necessaria
& sufficiens

Non tamē
seper hæc
præcepta
sine habi-
tuali gra-
tia ser-
vantur.

Peculia-
ris dili-
cultas de
his actib.

Cajetani
sententia.

Assere. 1.
Hæc præ-
cepta non
quoad sub-
stantiam,
sed quoad
modum ta-
li gratiæ
indigent

Triplicit-
dari pot-
est præce-
ptum su-
pernat. de
actu ext.
2. Modus

2 Dico ergo primo. Præcepta supernaturalia de actibus externis interdum possunt quoad substantiam impleri sine auxilio gratiæ, non vero quoad supernaturalem modum, quem habere possunt ab operante. Ratio utriusque partis facilis est. Prioris quidem, quia supernaturalitas non est extrinseca externo actui præcepto, & interdum non præcipitur per ipsummet præceptum naturale: ergo tunc actus quantum ad totum id, quod exterius præcipitur, potest fieri per vires nature sine gratia, & tunc implebitur tale præceptum quoad substantiam. Alterius vero partis ratio est, quia non potest homo facere actum ut supernaturalem sine auxilio gratiæ, aliqua vero sunt præcepta de his actibus, quæ dantur de modo supernaturali illorum; ergo. Vis hujus rationis ostenditur descendendo ad hos actus in particulari. Tribus enim modis (quantum nunc occurrit) potest esse supernaturale præceptum de actu externo. Primo solum ex modo, quo imponitur, utique quia & est a Deo ipso impositum ultra totam legem naturæ, & per revelationem propositum ut fide credatur, & suscipiatur, quamvis in re præcepta nihil supernaturalitatis inveniatur, neque ex vi talis præcepti exigatur. Exemplum esse potest in præcepto dato Adæ non comedendi de ligno scientiæ boni & mali. Nam si respiciamus totum id, quod exterius præcipiebat, solum erat omisso ejusmodi corporalis actus, abstinencia scilicet ab escu cibi sensibilis, quæ naturali voluntate, & arbitrio observari facile poterat. Et licet fides infusa talis præcepti, & voluntas servandi illud ex motivo aliquo supernaturali non possent sine gratia haberi: nihilominus præceptum illud præcise spectatum non obligat ad modum illum operandi, sed solum ad exteriorem abstinencia sensibilem, quæ naturalis erat, & servari poterat ex naturali voluntate vel bona moraliter ex sola ratione temperantiæ naturalis, vel etiam per voluntatem aliquam peccaminosam, ut ex vana gloria, vel timore pare humano. Quocunque autem modo fieret, sufficeret ad faciendum totum id, quod præcepto illo erat mandatum, quod est servare præceptum quoad substantiam. Nam licet fortasse in modo abstinendi peccaretur, peccatum illud non esset contra tale præceptum, sed contra alias virtutes, ut contra humilitatem, vel similes. Quia, ut dixi, præceptum non obligabat ad hos modos, sed ad solam substantiam actus. Similia exempla sumi facile possunt ex lege veteri, quæ divina erat positiva, & ut sic supernaturalis, præcipiebat autem multos externos actus, qui quoad solam substantiam præcepti poterant fieri sine ullo modo supernaturali, ideoque non semper ad talia præcepta implenda erat necessaria gratia, licet sine illa fieri non possent fructuose, seu sicut ad salutem oportebat.

3 Secundo modo potest præceptum de exteriori actu esse supernaturale ex parte materiæ, quia præcipit actum externum, qui ab interno supernaturali intrinsece pendet, tunc quæ clarum est, non posse tale præceptum impleri sine gratia, vel mediate (ut sic dicam) quia actus, a quo pendet, non potest sine gratia fieri, vel quia actus exterior, & interior censetur unus moraliter, & ideo gratia requisita ad internum actum imperantem, vel dirigentem, est necessaria ad actum externum. Et hoc recte confirmatur ex Concil. Arausico. 2. can. 11. dicente. *Nemo Domino recte venerit, nisi ab illo acceperit.* Nam sive sit sermo de emissionem voti, sive de illius observatione, licet sit actus externus, non fit nisi ex directione fidei, & imperio Religionis Christianæ, & ideo si recte, & fructuose fiat, non fit sine gratia. Simile est de oratione, seu petitione, etiam externa, & debito modo facta, ut ex eodem Concilio can. 3. & 6. sumitur. Item hac ratione ad implendum præceptum confitendi fidem est gratia necessaria saltem ratione fidei internæ, a qua debet talis confessio procedere. Nam si quis sicte confiteatur fidem, licet exterius appareat implere præceptum, apud Deum non implet. Quod si præceptum urgeat tempore persecutionis, vel tentationis magnæ, tunc erit gratia necessaria non solum propter supernaturalitatem actus, sed etiam alio titulo ob extrinsecam difficultatem,

Quæ necessitas potest sæpe inveniri in præceptis etiam naturalibus de actibus externis, juxta dicta in lib. præcedenti. Denique inveniri potest hæc necessitas in vera adoratione externa; & in cæteris actibus religionis: in quibus specialem difficultatem habent præcepta Sacramentorum, & ideo pauca de illis addenda sunt.

4 Tertio igitur modo potest esse præceptum naturale de externo actu; quia ipse actus etiam præter præceptum, habet in se aliquam supernaturalitatem, saltem ex institutione divina, qui modus supernaturalitatis proprius est Sacramentorum novæ legis, quatenus gratiam in se continent, quam significant, & efficere possunt, ut instrumenta divina. Hæc n. ratio, sive moralis, sive physica sit, modus quidam supernaturalis est, qui in actu supponitur ex institutione, quæ diversa est a præcepto, & ad illud supponitur, ideo enim talis actus præcipitur, quia per institutionem factus est sanctus, & gratiæ operativus. De his ergo actibus videri potest, non posse observari eorum præcepta sine gratia, quia tales actus supponuntur supernaturales ad ipsa præcepta, & per illa præcipiuntur non tantum quoad materiam substantiam, sed etiam quoad modum supernaturalem, quia præcipiuntur ut talia Sacramenta sunt: ergo modus ille supernaturalis cadit sub præceptum, ac proinde pertinet ad substantiam ejus juxta supra dicta: ergo licet actus ipsi quoad materiam substantiam, seu entitatem possint sine gratia fieri, nihilominus præceptum quoad substantiam non potest fieri sine gratia.

5 Sed nihilominus in his etiam actibus procedit conclusio, de qua late videri potest Vega. quæst. 13. de iustificat. Nos autem, ut rem totam breviter comprehendamus, in primis distinguimus in his actibus præcepta ministrandi, vel conficiendi Sacramenta a præceptis recipiendi. Distinguimus præterea duplicem præcepti modum supra insinuat. Unum præceptum dici potest de exercitio actus absolute, ut est præceptum ministrandi, vel recipiendi Sacramentum: aliud est de modo, seu quasi specificatione actus, ut est præceptum digne ministrandi vel recipiendi Sacramentum, quæ dignitas aliquid supernaturale includit, ut dicemus. Ex quibus primum præceptum affirmativum, & absolutum est; alterum vero per negativum præceptum interdum explicatur, scilicet, non ministrandi indigne, vel per affirmativum hypotheticum, scilicet, si feceris, fac digne. Denique distinguui potest de gratia, vel habituali sanctificante, vel solum auxiliante. Item de gratia antecedente tempore, vel natura ad actus, vel de gratia consequente, seu comparata per actum.

6 De præceptis ergo pertinentibus ad ministerium Sacramentorum dico in primis obligationem absolutam ministrandi, seu efficiendi Sacramentum posse impleri sine gratia habituali; imo & sine fide. Probatum quia Sacramenta a pravis ministris data, vel facta valida sunt, ut est dogma fidei, de quo latius egimus in 2. p. tom. 3. disputat. 13. sectione 4. quoribus autem Sacramentum validum est, impletur sufficienter obligatio absoluta ministrandi Sacramentum: quia sit, quod præcipitur. Deinde possunt talia præcepta impleri sine auxilio, quod ad ordinem gratiæ gratum facientis pertineat, quamvis sæpe non fiat sine auxilio spectante ad ordinem gratiæ gratis datæ. Hoc intendit Cajetanus 1. 2. quæstion. 109. articul. 4. dicens, ad implenda de Sacramentis conferendis præcepta, non requiri gratiam pertinentem ad operationem virtutis, sed pertinentem ad operationem alicujus superioris facultatis, quæ non facit hominem bonum, sed facit potentem. In qua distinctione non intendi Cajetanus negare, actum ministrandi Sacramenta esse actum virtutis ex suo genere, cum per se satis notum sit esse actum religionis, & possit etiam esse professio quædam fidei, & officium charitatis. Sed mens ejus fuit ex vi præcepti ministrandi Sacramentum præcise, & absolute spectati, non præcipi actum virtutis, ut talis est, sed actum potestatis supernaturalis. Quod verissimum est, quia Sacramentum ut Sacramentum non potest fieri sine potestate supernaturali, potest autem fieri sine actu honesto

3. Modus
præcepti
qui legis
gratiæ Sa-
cramentis
inest

Pro expli-
canda no-
stra senten-
tia variè
quæst. &
conclusio-
nes pro-
ponuntur

1. Concl.
Ad abso-
lutam ad-
ministran-
tionem Sa-
cramenti
gratia ha-
bitualis
non requi-
ritur.

nesto, & virtutis, quia licet ministratio Sacramenti de se sit materia religionis, potest a ministrante fieri irreligiose, & sacrilege, & nihilominus valide, ut est certissimum. Hinc ergo dicimus, præceptum jubens illud ministerium posse impleri sine auxilio sanctificantis gratiæ, quia potest impleri per actum pravam, qui ex tali auxilio fieri non potest, ut per se patet. Addimus vero requiri auxilium potestati supernaturali debitum; quia sine proportionato concursu, vel auxilio nulla potentia operatur. Et hoc auxilium dicimus pertinere ad ordinem gratiæ gratis datæ, respectu ministrantis, quia non ordinatur ad sanctificationem ejus, cui datur, sed ad bonum commune.

Hec auxilium ad effectum supernaturalem non ad sensibilem requiritur. Probat 1. quoad effectum sensibilem.

7. Advertimus autem hoc auxilium maxime requiri ad efficiendum supernaturalem aliquem effectum gratiæ per sacramentum: nam ad solam sensibilem effectum Sacramenti neque hoc auxilium necessarium est, ut patet in contrahentibus matrimonium peccando mortaliter, & similibus. Et ratio est, quia Sacramentum etiam ut Sacramentum non fit per actionem physicam supernaturalem, sed per solam sensibilem, supposita institutione. Et quamvis verum sit, ad implendum tale præceptum necessariam esse intentionem faciendi Sacramentum, quia sine illa non fit, & consequenter sine illa non impletur præceptum: hoc non obstat, quia illa intentio haberi potest interdum sine speciali auxilio gratiæ, cum possit haberi sine fide, ut patet in infideli baptizante valide infantem, & in Sacerdote hæretico rite consecrante. Ratio vero est, quia ille actus non semper est supernaturalis, quia potest sufficere intentio faciendi, quod Christus fecit, vel quod Christiani faciunt, vel quid simile, ut statim iterum dicemus. Item licet quedam Sacramenta necessario postulent in ministro characterem ordinis, qui potest inter dona gratiæ computari, non tamen pertinet proprie ad gratiam virtutum, & sanctificantem, sed ad potestatem quandam supernaturalem, ut dixit Cajetan. & reducitur ad ordinem gratiæ gratis datæ, ut nos diximus. Præter characterem autem, qui est quasi habituale donum, seu potentia ad effectum Sacramenti, non requiritur peculiare auxilium gratiæ, quia circa Sacramentum ipsum non operatur character per modum potentiæ physiciæ, sed moralis tantum, & sine speciali actione supernaturali, ut dixi.

Probat 2. quoad effectum supernaturalem.

8. At vero ad efficiendam gratiam, quæ est effectus Sacramenti, vel ad consecrationem Eucharistiæ, vel imprimendum characterem, necessarium est speciale auxilium supernaturale, quia illi effectus sunt supernaturales, & per actiones ejusdem ordinis fiunt. Hoc autem auxilium nihil aliud est, quam elevatio ipsiusmet Sacramenti, seu verborum, & actionum ministri ad efficiendos illos effectus, quia non aliter concurret minister ad efficiendos illos, ut nunc suppono. Ideoque sive minister in ipsa effectione Sacramenti bene moraliter operetur, sive male; Deus utitur ejus materiali actione ad benefaciendum alteri. Et hac ratione diximus, elevationem illam, seu auxilium non pertinere ad gratiam sanctificantem respectu ministrantis, sed reduci ad ordinem gratiæ gratis datæ: neque enim datur ad implendum præceptum, sed ut promissio Dei impleatur.

Ad digne ministranda Sacramenta solum ex officio gratia requiritur.

9. Addendum denique est, ad implendum præceptum ministrandi digne Sacramentum, necessariam esse gratiam in eo saltem, qui Sacramentum ex officio administrat. Ratio breviter est, quia ut Sacramentum digne ministraretur, debet sancte ministrari, & ideo necessaria est gratia saltem habitualis in eo, qui Sacramentum ministrat. Unde si præcedat conscientia peccati mortalis, necessaria erit actualis gratia, qua se ad digne ministrandum disponat. Sed hæc in tertio tomo tertiæ partis latius tractata sunt.

2. Conclusio. Præceptum receptionis Sacramenti adimpleri potest sine gratia.

10. De præceptis ad Sacramentorum receptionem pertinentibus manifestum etiam est, posse sine gratia quoad substantiam impleri, quod ita breviter declaratur. Nam duobus modis potest quis recipere Sacramentum, scilicet, vel peccando in ipsa receptione mortaliter, vel non peccando. Quando priori

modo recipit Sacramentum tempore, quo tenetur, si recipiat valide, implet præceptum, quia facit, quod jubetur. Dico autem, si recipiat valide, quia si ex modo recipiendi Sacramentum fiat nullum, manifestum est, non impleri præceptum, quia non fit, quod præcipitur. Et hac ratione in Sacramento poenitentiae nunquam potest impleri præceptum, peccando mortaliter in ipsa confessione, seu susceptione Sacramenti, quia talis dispositio, & confessio est contra substantiam Sacramenti, ut in 4. tom. 3. partis contra Scotum, & alios ostendi. At vero ubi substantia Sacramenti potest consistere sine effectu, & sine recta recipientis dispositione, nihil verat impleri præceptum, recipiendo Sacramentum sine gratia. Dices. Sacramentum ipsum est quid supernaturale; quomodo ergo potest recipi sine aliquo auxilio supernaturali? Respondeo, Sacramentum esse quidem supernaturale, quia supernaturaliter impositum est ad significandum, & efficiendum, hoc autem non habet a recipiente, sed quasi per denominationem extrinsecam quoad institutionem, vel per elevationem Dei quoad efficientiam. Et ideo recipi potest sine auxilio gratiæ, si non digne recipiatur. Imo ipsum etiam Sacramentum Eucharistiæ quod est in se res valde supernaturalis, potest tantum Sacramentaliter recipi sine actu supernaturali, vel gratiæ.

11. Declaratur tandem assertio brevi inductione. Nam in Baptismo facile potest adulus implere præceptum, illud Sacramentum recipiendo scienter in peccato, si vere velit baptizari, & rite baptizetur, nam id satis est, ut Sacramentum sit validum, & consequenter, ut Baptismi præceptum impleatur: cujus signum etiam est, quia non tenetur quis amplius præceptum illud implere. Tunc ergo impletur præceptum sine gratia, quia nec habitualis adest, cum per peccatum impediatur, nec actualis est semper necessaria propter solum Baptismum, quia & potest præcedere sola humana, & acquisita fides, & voluntas, seu intentio Baptismi interdum potest esse naturalis: imo & propter humanum finem haberi, & nihilominus sufficit ad Baptismum, & præceptum implendum. Neque obstat, quod Arausicanum Concilium canon. 8. dicit, neminem posse venire ad Baptismum sine gratia: nam loquitur de illo, qui venit digne, ut saltem ex vera fide, quæ sine gratia haberi non potest. Hoc enim ibi principaliter Concilium agebat. Atque hæc doctrina locum habet in aliorum Sacramentorum receptione extra poenitentiam.

Declaratur 2. inductione, in primis in Baptismo.

12. Adrianus vero in 4. quæst. 5. dub. 4. negat hanc assertionem, quia putat non posse impleri præceptum per actum malum. Sed hoc fundamentum incredibile est, quia licet peccando non possit quis implere omnia præcepta, quia si peccat, aliquod præceptum violat, nihilominus potest unum præceptum implere, licet aliud transgrediatur, ut dixi lib. 2. de Legibus cap. 10. & de præceptis Sacramentorum specialiter dixi in suis materiis. Et docet etiam contra Adrianum Soto in 4. distinct. 18. quæst. 3. ad 2. Dicit tamen ibi, qui sciens recipit Sacramentum Eucharistiæ indigne, non implere præceptum. Medina vero 1. 2. quæst. 109. artic. 4. dub. 3. conclus. 3. dicit, illum implere præceptum Ecclesiæ, non vero divinum. Mihi autem videtur utrumque implere; quatenus datur de receptione Sacramenti: sic enim loquimur. Nam sicut de activa collatione Sacramenti, ita in receptione duo præcepta distinguenda sunt, unum præcise, recipiendi Sacramentum, aliud digne sumendi, & consequenter præmittendi necessariam dispositionem ad dignam receptionem: ut in Eucharistia est præmittere confessionem, si conscientia mortalis peccati præcedat. Hæc ergo duo præcepta distincta sunt, & potest unum sine alio impleri. Sic ergo qui indigne communicat sciens implet posterius præceptum, implet tamen prius, quia vere recipit Sacramentum moraliter, & humano modo, & hoc tantum præcipitur ex vi illius præcepti. Et quoad Ecclesiasticum præceptum patet, quia nec tenetur amplius eo anno communicare, nec incurrit censuram non communicantibus impositam. De divino autem patet, quia si quis in articulo mortis viaticum indigne recipit, non tenetur iterum ante

Impugnatur Adrianus dicens per actum malum non impleri præceptum.

ante mortem recipere, sed pœnitentiam agere, & confiteri peccatum indignæ sumptionis, & tunc fortasse recipit etiam effectum Eucharistiæ recedente fictione; de quo alias.

3. Concl.
Ad reci-
piendum
digne Sa-
cramentũ
necessaria
est gratia.
Hæc gra-
tia non
eodem
modo in
omnibus
datur.

13. Ultimo ergo dicendum est ad implendum præceptum digne recipiendi Sacramentum necessariam esse gratiam. Hoc certum est, quia sine gratia non recipitur digne Sacramentum. Hæc autem gratia non eadem, neque eodem modo in omnibus necessaria est. In Baptismo enim, & pœnitentia necessaria est gratia auxilians, qua homo se digne disponat ad recipiendum Sacramentum. Gratia vero habitualis non prærequiritur, quia non tenetur quis accedere contritus ad illa Sacramenta. Quia vero tenetur accedere sufficienter dispositus, ideo non impletur tale præceptum sine habituali gratia, saltem consequente ordine nature receptionem Sacramenti. Nam licet possit contingere aliquem propter invincibilem ignorantiam recipere verum Sacramentum, & non effectum ejus, tunc quamvis a peccato excusetur, & a transgressionem præcepti, retamen vera non implet præceptum, sed tantum in conscientia erronea: quod si illa vocetur observatio præcepti, fatemur illo modo posse servari sine habituali gratia. Durand. autem in 2. distin. 28. quæst. 3. num. 12. & quæst. 4. numer. 6. existimavit interveniente ignorantia invincibili, semper hominem justificari per Sacramentum, & ideo non dari statum medium, in quo homo excusetur a transgressionem præcepti, & gratiam non recipiat per Sacramentum. Sed hoc necessarium non est, quia potest consistere illa ignorantia cum defectu dispositionis sufficientis ad effectum Sacramenti, ut proprio loco latius dictum est.

Habitua-
lis gratia
per se pe-
ccati ad
Sacramen-
ta vivorũ
digne re-
cipienda.
Non ta-
men re-
quiritur
gratia
actualis.

14. At vero in aliis Sacramentis, quæ dicuntur vivorum, per se requiritur gratia habitualis antecedens receptionem Sacramenti, ut digne recipiatur Sacramentum, quod nunc suppono, & ideo per se non impletur tale præceptum sine tali gratia. Dico autem per se, quia per ignorantiam potest quis excusari, sicut de aliis dixi. Præter gratiam vero habitua-lem, non videtur gratia actualis semper, & in omni casu necessaria, quia actualis dispositio supernaturalis non est per se necessaria ad dignam susceptionem Sacramenti, nam satis est accedere sine obice, quomodo accedit, qui est in statu gratiæ, etiam si ex quadam consuetudine, sine supernaturali consideratione, sola naturali voluntate, & (ut ita dicam) materiali ad recipiendum Sacramentum accedat. Hic tamen modus imperfectissimus est, ordinarie enim non acceditur ad Sacramentum sine actu fidei, & aliqua supernaturali dispositione voluntatis, & ad hoc est necessaria actualis gratia. Si vero contingat hominem ante susceptionem Sacramenti habere conscientiam peccati mortalis, tunc tenetur se disponere ad gratiam, & ideo indiget omnino auxilio gratiæ, quo se disponat, juxta doctrinam Concilii Trident. sess. sexta, & decima quarta, ergo eodem auxilio gratiæ indiget, ut præceptum digne recipiendi sacramentum impleat, nisi forte per ignorantiam excusetur: & tunc vel non implet præceptum, vel tantum secundum quid in ordine ad conscientiam propriam, ut jam declaravi.

C A P U T XXV.

Utrum hominibus etiam justis sit necessaria nova gratia ad exequenda media necessaria, vel utilia ad æternam salutem consequendam?

1. **H**anc quæstionem sub hoc titulo propono, ut multas complectar, quas de necessitate gratiæ Divus Thomas in initio hujus materiæ tractavit 1.2. quæst. 119. per plures articulos: illas enim neque in hoc loco omnino prætermittere possumus: neque etiam omnes possunt exacte, & pro dignitate nunc discuti, & tractari, quia methodus, & ratio doctrinæ multum inverteretur, & ideo ut notitia earum in summa habeatur, hic eas explicabimus, integram disputationem in sequentes libros remittendo, ita ut

repetitio caveatur. Sitergo inprimis generalis assertio. Ad exequenda omnia, & singula media necessaria ad salutem, ut talia sunt, aliquod gratiæ auxilium est necessarium. Hæc assertio absolute sumpta certissima est, sequitur enim ex illo principio superiori libro satis demonstrato, quod liberum arbitrium nihil potest per se, & sine auxilio facere, quod ad salutem æternam consequendam conferat, juxta verbum Christi Joann. 15. *Sine me nihil potestis facere*. Ut autem in particulari confirmetur, & qualis sit hæc gratia explicetur: adverte, inter media, quæ ad salutem conferunt, quædam esse ad removendum peccatum, alia ad perficiendum bonum. Et inter priora, quædam sunt contra peccata prius commissæ, ut tollantur, alia contra futura, ut non committantur.

Assertio
generalis.

2. Ad media igitur remissionem peccatorum impetrantia pertinet potissimum illa quæstio, quam Doctor sanctus in artic. 7. illius quæstionis tractat, an possit homo resurgere a peccato sine gratia. Idem enim est a peccato resurgere, quod veniam ejus obtinere: quam Divus Thomas proprie tractat de peccato mortali, nam per illud solum anima moritur spiritualiter, & ideo ab illo solo dicitur proprium resurgere. Resolutio ergo catholica in duabus assertionibus consistit. Prima est. Ad remissionem peccati obtinendam necessarium esse gratiæ auxilium. Quæ assertio solum in adultis locum habet, nam pauli non sunt capaces auxiliorum gratiæ. Et ita definitur in Trident. sess. 6. & 14. fere per totam: ratio vero est, quia adultus non consequitur remissionem peccati sine propria dispositione: non potest autem disponi, nisi per auxilium gratiæ, ut ex eodem Concilio, & ex omnibus, quæ de necessitate gratiæ ad actus supernaturales, & pietatis dicta sunt, satis patet. Atque hæc assertio tam Pelagianos, quam Lutheranos refellit, illos, quia dicebant, posse hominem suis viribus se ad remissionem peccatorum disponere, imo & illam mereri: hos quia negant debere hominem, imo etiam posse se ad remissionem peccatorum obtinendam etiam cum gratia Dei disponere. Contra utrosque vero ex professo infra disputandum est, tractando de justificatione, & causis justitiæ.

1. Concl.
Ad remis-
sionem
peccati in
adulto
gratia ne-
cessaria
est.
Probat
ratione.

3. Altera assertio est, ipsam remissionem peccatorum esse gratiam Dei, & per veram gratiam Dei, & justitiam in nobis infusam fieri. Utraque pars de fide est, sumiturque ex Paulo ad Roman. 5. & definitur in Trident. sess. 5. cap. 5. & sess. 6. & 14. & infra lib. 7. qui erit de formali effectus inhærentis justitiæ, & de formali causa remissionis peccatorum, ex professo probanda est. Priorque pars est contra Pelagianos, quia licet gratiam remissionis peccatorum voce non negarent, retamen vera destruebant in illa rationem gratiæ, dum ex meritis solius liberi arbitrii conferri dicebant, ut Prolegom. 5. latius retuli ex Augustino Epist. 95. & 105. & damnatur in Trident. sess. 5. can. 3. & sess. 6. cap. 1. & in aliis antiquioribus sæpe allegatis. Posterior vero pars est contra Lutheranos, qui dicunt per gratiam non dari nobis veram remissionem peccatorum. Quia cum negent remissionem peccatorum fieri per gratiam nobis inhærentem, consequenter addunt, non fieri in nobis per gratiam, destructionem, & ablationem peccati, sed per solam non impurationem, contra quos nunc sufficit sententia Pauli ad Ephes. 1. *In quo habemus remissionem peccatorum secundum divitiis gratiæ ejus*, & cap. 4. *Renovamini, &c. in justitia, & sanctitatis veritatis*. Et cap. 5. *Christus dilexit Ecclesiam, & semetipsum tradidit pro ea, ut illam sanctificaret, mundans lavacro aquæ, &c.* Et ita illum errorem ex professo damnat Concilium Tridentin. sessione sexta, ut latius in dicto libro videbimus.

2. Concl.
Ipsa pec-
cati re-
missio est
gratia &
per veram
gratiam
fit.

4. Posset denique ista quæstio, & resolutio ad remissionem peccatorum venialium extendi. Sed de hoc puncto in præsentem nihil amplius dicam, quia illud ex professo tractavi tom. 1. 3. partis disput. 4. sect. 11. & tom. 4. disput. 11. per totam. Veritas ergo est, peccatum veniale non remitti sine aliqua gratia. Nam vel est in homine peccatore, vel in justo. In priori statu est conjunctum cum peccato mortali, sine cujus

3. Concl.
Peccatum
veniale, per
gratiam
remittitur.

remif-

remissione remitti non potest, & ideo non remittitur sine infusione gratiæ habitualis, nec sine dispositione ad illam necessaria, quæ etiam ex gratia esse debet; imo oportet, ut talis dispositio etiam peccato veniali aliquo modo opponatur, ut ratione illius condonetur. In altero vero statu, cum peccatum veniale sit in persona grata, ipsamet gratia habitualis confert ad talis peccati remissionem. Nam hæc potest fieri ex opere operantis, & tunc gratia hæc concurret per modum principii, & præterea necessarium est auxilium ad faciendum opus, ratione cuius tale peccatum remittatur. Si vero remissio fiat ex opere operato, tunc gratia necessaria est, saltem per modum dispositionis. Et ita semper est aliqua gratia necessaria ad hunc effectum. Quia etiam venialis peccati remissio ad vitam æternam confert, & quia tanta est Dei excellentia, & majestas, ut non possit homo suis viribus etiam prolevissima offensa satisfacere. Atque ita hæc doctrina & Scripturæ, & Patribus magis consentanea est, ut citatis locis ostendi.

De mediis
quæ a fu-
turis pec-
catis præ-
servant.

5. Ad media, quæ præservant a futuris peccatis, vel ad illa non committenda juvant, pertinent quæstiones, quas Divus Thomas dicta quæst. 109. artic. 8. 9. & 10. proponit. Prima est generalis, an possit homo peccatum vitare sine gratia? quam in hoc libro, & in præcedenti satis superque discussimus. Secunda est magis specialis, an homo jam iustificatus & constitutus in statu gratiæ, indigeat nova gratia ad vitandum in posterum peccata. In qua duo ut clara supponuntur, unum est, hominem iustificatum non indigere nova gratia habituali ad vitanda peccata; tum quia eadem virtus, quæ est principium operandi bonum, est principium ad resistendum contrariis; tum etiam, quia gratia habitualis, quæ iustis infunditur, est in suo genere perfecta, & operativa omnis boni, ut in superius visum est, unde superfluum est, aliam exigere, alias in infinitum procedi posset. Imo nec intensio præexistentium habituum gratiæ est necessaria ad hunc effectum, quia gratia per se, & ex vi suæ perfectionis essentialis, est potens ad operandum actus honestos, quibus resistatur peccatis, ideoque intensio ejus non est necessaria ad hunc effectum, licet multum conferre possit. Secundum est, hominem iustum indigere generali concursu Dei, & communibus auxiliis ad generalem providentiam gratiæ, & supernaturalem pertinentibus, ut peccatis possit resistere. Pater, quia non resistitur malis, nisi operando bonum; ad operandum autem quodcumque bonum præter potentiam, est necessaria motio Dei actualis, propter essentialem dependentiam causarum secundarum a prima, ut in libro quinto late dicendum est.

4. Concl.
Ad singu-
la pecca-
ta vitan-
da actua-
le auxi-
lium ge-
neralis
gratiæ
sufficit.

6. His ergo positis potest quæstio proposita moveri vel de singulis peccatis, vel de omnium collectione. Et in priori sensu certum est, non indigere iustum nova gratia actuali ad singula peccata vitanda præter illam, quæ ad generalem providentiam gratiæ spectat. Probatur, quia peccatum vitatur operando bonum; potest autem peccator multa bona sigillatim operari cum communi auxilio gratiæ; ergo multo magis iustus. Denique ex dictis in superioribus de observatione singulorum peccatorum sive naturalium, sive supernaturalium est hoc manifestum, quia servando mandata, peccata vitantur: possunt autem singula præcepta quoad singulares actus per commune auxilium servari, ut visum est; ergo. Atque hæc veritas, licet sub his terminis non explicetur a Patribus, ex doctrina eorum aperte sumitur, & ex Tridentino, sess. 6. cap. 11. & 13. & canon. 18. & 22. Explicabiturque magis inferius tractando de auxiliis gratiæ, eorumque necessitate post iustificationem. De errore autem Lutheri, qui negat iustos posse vitare aliquod peccatum etiam per gratiam, dicemus infra in lib. 10. cap. 1. Videatur Bellarmin. lib. 4. de Iustificatione. cap. 15. Valent. libro 2. disputat. 8. quæstione 1. punct. 8. §. 8. Staplet. tomo sexto de Iustificatione. Veg. libro 11. & 12. in Trident.

7. At vero in posteriori sensu dicendum est, hominem lapsum, etiam sanatum per gratiam sanctificantem, indigere speciali gratiæ auxilio ad vitanda

omnia peccata longo tempore. Hæc assertio est certa. Potest autem intelligi de peccatis mortalibus tantum, & sic traditur a Patribus, ubicunque docent, non posse iustum perseverare in accepta iustitia sine speciali dono, & auxilio gratiæ, ut potissimum tradit Augustin. lib. de Dono persever. per totum, ubi refert Cyprianum, & alios. Idem serm. 11. de Verb. Apostol. & Hieronym. lib. 3. contra Pelagian. Tridentin. dicta sess. 6. cap. 13. & canon. 22. Et hoc attigimus præcedenti libro cap. 26. ubi ostendimus hanc necessitatem oriri ex infirmitate naturæ lapsæ, quam non aufert omnino gratia habitualis, licet culpam debeat. Neque in præsentī loco plura de hoc puncto dicimus, quia de dono perseverantiæ infra lib. 10. ex professo tractandum est. Et ibi impugnabimus Pelagium dicentem, gratiam tollere commissa, non vero juvare ad vitanda sequentia, ut referunt Patres Africani in Epistolis ad Innocent. & damnatur in Concilio Milevitan. cap. 3. Quamvis autem hoc donum perseverandi, vel cavendi omnia peccata longo tempore, magnum & speciale sit, non est tamen extra legem ordinariam gratiæ: multis enim conceditur: & per orationes, & alia media a Deo præstituta obtineri potest, quia Deus non deserit iustum, nisi desideratur ab ipso, ut Concilium Tridentin. locis citatis docet. Ideoque licet non omnes iusti recipiant hoc auxilium, omnes possunt accipere, quantum est ex parte Dei, ut idem Concilium tradit, & ex illo principio sequitur, latiusque infra in libro 10. de Perseverant. dicetur. At vero si sermo sit de peccatis venialibus vitandis, multo major gratia necessaria est iustis, ut diu non cadant leviter: neque sine speciali privilegio talis gratia alicui conceditur. Quomodo autem hoc intelligendum sit, in eodem tractatu de perseverantiæ dono commodius dicetur. Ideoque hæc de necessitate gratiæ ad vitanda peccata hoc loco sufficiunt.

8. Superest dicendum de mediis, quæ gratiam ipsam, seu salutem promovent, quæ possunt in tria membra distingui: quædam conferunt, seu disponunt ad primam gratiam consequendam, quædam ad illam augendam, quædam denique ad illam perpetuo conservandam. De primis Divus Thomas in dicta quæst. 109. artic. 6. quæstionem movet, an possit homo se ad gratiam præparare sine gratia? Circa quam hic solum advertendum est, duplicem esse primam gratiam, scilicet actualem, & habitualement, seu auxiliantem, & formaliter sanctificantem. Et de utraque potest tractari illa quæstionem. & in priori sensu cum Semipelagianis disputatur, qui dicebant, posse hominem per liberum arbitrium se disponere ad consequendum initium gratiæ, & damnati sunt in Concilio Arausicano. Et de hoc puncto dicendum est infra libro quinto, ubi de auxilio sufficiente dicturi sumus. In posteriori vero sensu coincidit cum illa quæstione, an possit homo sine gratia se sufficienter disponere ad remissionem peccati mortalis, quia hoc peccatum non remittitur, nisi per infusionem primæ gratiæ sanctificantis. Et licet hæc quæstio definita jam sit in his, quæ de necessitate gratiæ ad actus supernaturales diximus, quia hæc præparatio non fit, nisi per hos actus: nihilominus hoc ipsum, id est, præparationem hanc in actibus supernaturalibus positam esse, infra tractando de iustificatione ex professo dicendum est. Nunc sufficiat definitio Concilii Milevitan. & Tridentini sess. 6. canon. 3. & sequentibus. Et generalis ratio est, quia ad formam supernaturalem præparatio etiam, seu dispositio supernaturalis esse debet.

9. Ad media promoventia ad salutem quoad augmentum ejus, pertinet quæstio, quam D. Thom. in dicta quæst. 109. artic. 5. tractat. Nam licet ibi solum de vita æterna quærat, an possit homo eam sine gratia mereri; nihilominus eadem quæstio est de augmento gratiæ, quatenus per meritum comparari potest. Et quia merita per bona opera sunt, ideo huc etiam spectat quæstio, quomodo idem Sanctus Doctor movet artic. 9. quantum ad eam partem, an iustus auxilio gratiæ ad bene operandum indigeat? Utraque autem quæstio, quantum huic loco necessaria est, jam

5. Concl.
Homo la-
pius, sa-
natus per
gratiam
ad vitan-
dum diu
omnia
peccata.

Tria me-
diorum
genera ad
salutem
promo-
vendam.

De aug-
mento
gratiæ.

Ad prom-
ovendam
gratiam
augmen-
tum gra-
tia requi-
ritur.

jam est definita. Nam ostensum est præcedenti libro, omnia, quæ Concilia, & Patres tradunt de necessitate gratiæ ad bene operandum, de opere meritorio salutis præsertim intelligi. Er hic proxime explicuimus, quomodo auxilio indigeat justus ad vitandum malum, & consequenter ad faciendum bonum. Cætera vero quæ ad meritum spectant; in ultimo libro hujus operis tractanda sunt. Quapropter solum hic superest adverendum, hoc augmentum salutis dupliciter in nobis fieri, scilicet ex opere operantis, & ex opere operato. Priori modo fit per opera virtutis, quæ aliquo modo supernaturalia esse debent, ut hunc effectum habere possint, ideoque ut talia media sunt, non possunt fieri sine gratia. Posteriori modo fit per Sacramenta, quæ in se gratiæ quædam sunt, & ut digne, & fructuose suscipiantur, gratiæ auxilium facit, ut capite præcedenti explicatum est, ideoque etiam ad hæc media est necessaria gratia.

10. Denique ad media, quibus gratia confer-

vatur, pertinet quæstio, quam idem Doctor Sanctus tractat eadem quæst. artic. 10. an justus indigeat gratia ad perseverandum? Quæ non est distincta a præcedentibus. Nam in gratia perseveratur removendo contraria, id est, cavendo peccata, & hoc solum ex parte hominis requiritur; & sine auxilio gratiæ non fit: quia includit observantiam tam naturalium, quam supernaturalium præceptorum, de quibus omnibus jam dictum est. At vero ex parte Dei requiritur actio continue gratiam inferens, & conservans. Quæ actio nihil aliud est, nisi perpetua duratio ejusdem actionis, qua Deus gratiam produxit. Unde sicut infusio fuit gratia, ita perpetua conservatio est quædam gratia, licet non distincta, sed eadem continuata ex vi illius legis, quod Deus neminem deserit, nisi prius deferatur ab ipso. Neque aliud de his mediis hic superest dicendum, nam fusorem disputationem de perseverantiæ munere infra daturi sumus, ut sæpe promisi,

De conservatio-
ne gratiæ,
Ad gratiæ
conservatio-
nem gratia
opus
est.

Finis Libri Secundi, & primæ Partis.

I N D E X

LOCORUM SACRÆ SCRIPTURÆ, QUÆ IN HOC VOLUMINE EXPLICANTUR.

G E N E S.

2.17. **I**N quacunque die comederis ex eo, morte morieris. Proleg.4.cap.9.num.9

6.21. Omnis quippe caro corruerat viam suam, lib.1.cap.3.num.10

P R I M U S R E G U M.

7.3. Preparate corda vestra Domino, Prolegom.5. cap.6.num.11

23.11. Si tradiderint me viri Ceile in manus ejus, &c. Proleg.2.cap.2.num.8

S E C U N D U S R E G U M.

2.6. Retribuet vobis Dominus misericordiam, & veritatem, sed ego reddam gratiam, Proleg.3. cap.1.num.5

Q U A R T U S R E G U M.

13.19. Si percussisse quinquies, aut sexies, sive septies percussisses Syriam usque ad consumptionem, Proleg.2.cap.8.num.22

E S T H E R.

13.9. Nemo est, qui possit resistere voluntati tue, Proleg.1.cap.5.num.9

P S A L M.

4.7. Signatum est super nos lumen vultus tui Domine, lib.1.cap.2.num.5

13.1. Non est, qui faciat bonum, non est usque ad unum, lib.1.cap.3.num.10

80.14. Si populus meus audisset me, Israel si in viis meis ambulasset, pro nihilo forsitan inimicos eorum humiliasset. Proleg.2.cap.8.num.21

118.105. Lucerna pedibus meis verbum tuum, Prolegom.3.cap.3.num.14

134.6. Omnia, quaecunque voluit, Dominus fecit, Proleg.2.cap.5.num.9

P R O V E R B I A.

8. Preparatur voluntas a Domino juxta 70. Proleg.5.cap.6.num.11

16.1. Hominis est animam praparare, & Domini gubernare linguam, Proleg.3.cap.5.num.7

21.1. Cor regis in manu Dei est, & quocumque voluerit, vertet illud, Proleg.1.cap.5.num.9

S A P I E N T I A.

1.13. Deus mortem non fecit, Prolegom.4.cap.3. num.5

7.7. Propter hoc optavi, & datus est mihi sensus, Proleg.6.cap.7.in lib. Augustini cap.2.

16.25. Propter hoc omnium nutrici gratia deserviebat, Prolegom.3. cap.2. numer.2. & 6. & cap.3. num.5

E C C L E S I A S T I C U S.

31.10. Qui potuit facere mala, & non fecit, Prolegom.1.cap.2.num.1

I S A I A S.

9.6. Parvulus natus est nobis, & filius datus est nobis, Prolegom.3.cap.3.num.15

11.2. Requiescet super eum spiritus Domini, spiritus sapientia, & intellectus, & lib.2.cap.17.a num.2

J E R E M I A S.

38.17. Si profectus exieris ad principes Regis Babylonis, vivet anima tua, Prolegom.2.cap.2.num.17. & cap.8.num.21. & 24

O S E A S.

13.14. Morfus tuus ero inferne, Prolegom.6.cap.5. num.4

Z A C H A R I A S.

1.3. Convertimini ad me, Proleg.1.cap.2.num.1

M A T T H A E U S.

5.3. Beati pauperes spiritu, quoniam ipsorum est regnum colorum, lib.2.cap.22.a num.3

5.4. Beati mites, quoniam, &c. lib.2.cap.22.num.7

5.5. Beati qui lugent, quoniam ipsi consolabuntur, ibidem, a num.10

5.6. Beati, qui esuriunt, & sitiunt justitiam, &c. Ibidem, a num.12

5.7. Beati misericordes, quoniam ipsi misericordiam consequentur, lib.2.cap.22.num.14

5.8. Beati mundo corde, quoniam ipsi Deum videbunt. Ibidem a num.15

5.9. Beati pacifici, quoniam filii Dei vocabuntur, Ibidem a num.17

5.10. Beati, qui persecutionem patiuntur propter justitiam, &c. lib.2.cap.22.a num.18

7.18. Non potest arbor bona malos fructus facere, lib.1.cap.4.num.18

14.41. Qui recipit discipulum in nomine discipuli, &c. vel Prophetam in nomine Propheta, mercedem discipuli, vel propheta accipiet, lib.2.cap.16.num.10

11.21. Si in Tyro, & Sydone facta essent virtutes, quae facta sunt in te, Prolegom.2.cap.5. num.2. & 3. & cap.2.num.1

J O A N N E S.

2.16. Sic Deus dilexit mundum, &c. Prolegom.3. cap.3.num.5. & 15

6.44. Nemo potest venire ad me, nisi Pater meus traxerit eum, lib.2.cap.2.num.3

10.10. Ego veni, ut vitam habeant, & abundantius habeant, Proleg.4.cap.5.num.2

14.23. Ad eum veniemus, & mansionem apud eum faciemus, Proleg.3. cap.4.num.4

15.1. Ego sum vitis vera, & Pater meus agricola est, lib.2.cap.2.num.3

15.13. Majorem hac dilectionem nemo habet, &c. lib.1.cap.5.num.12

17.3. Hec est vita aeterna, ut cognoscant te solum Deum verum, & quem misisti Jesum Christum, lib.2.cap.1.num.3. & 4

A C T A A P O S T.

2.11. Audivimus eos loquentes nostris linguis, Prolegom.3. cap.5.num.49. & 51.

2.41. Et apposite sunt in die illa animae circiter, tria millia, Ibidem.

A D R O M A N O S.

2.14. Gentes, quae legem non habent, naturaliter ea, quae legis sunt, faciunt, lib.1.cap.8.a num.13 latissime.

4.2. Si Abraham ex operibus justificatus est, habet gloriam, sed non apud Deum, lib.1.cap.9. num.42

5.5. Charitas Dei diffusa est in cordibus nostris, &c. Proleg.3. cap.3.num.4. & 8.

8.14. Quicumque spiritu Dei aguntur, hi sunt filii Dei, Proleg.6.in lib. Augustini cap.2

14.23. Omne quod non est ex fide, peccatum est, lib.1. cap.6.num.16

I. A D C O R I N T H.

6.17. Qui adheret Deo, unus spiritus est, Proleg.3. cap.3.num.12

7.25. Misericordia consequutus sum, ut scdm fidelis, lib.2. cap.2.num.4

12.8. Alii per spiritum datur sermo sapientia, alii sermo scientia secundum eundem spiritum, alii fides, &c. Proleg.3. cap.5. per totum.

12.28. Exinde gratias curationum, opitulationes, gubernationes, &c. Prolegom. 3: capit. 5. numer.66

12.31. Adhuc excellentiorem viam vobis demonstro Proleg.3. cap.4.num.18

15.9. Non

15.9. Non sum dignus vocari Apostolus, quia persecutus sum Ecclesiam Dei, sed gratia Dei sum id, quod sum, Prolegom.6.in lib. August. cap.11

15.10. Plus omnibus illis laboravi, non autem ego, sed gratia Dei mecum, Ibid. & cap.12

AD GALATAS.

4.22. Abraham duos filios habuit, unum de ancilla, alterum de libera, quæ sunt per allegoriam dicta, Proleg.6.in lib. August. cap.5

AD EPHESIOS.

1.11. Operatur omnia secundum consilium voluntatis suæ, Proleg.1.cap.2.num.1

AD PHILIPPENSES.

3.12. Non quod jam acceperim, aut perfectus sim, sequor autem se quomodo comprehendam, Proleg.3.cap.6.num.7

AD COLOSSENSES.

3.16. In gratia cantantes in cordibus vestris Deo, Proleg.3.cap.1.num.5

I. AD THESSALONICENSES.

2.13. Gratias agimus Deo sine intermissione, quia cum accepisset a nobis verbum auditus Dei, accepistis illud non ut verbum hominum, sed ut verbum Dei, lib.2.cap.11.num.10

I. AD TIMOTHEUM.

4.14. Noli negligere gratiam Dei, quæ in te est, quæ data est tibi per prophetiam cum impositione manuum presbyterii, Proleg.3.cap.5.num.60

II. AD EUNDEM.

4.7. Bonum certamen certavi, cursum consummavi, &c. Proleg.6.in lib. August. cap.11

I. PETRI.

1.3. Qui secundum misericordiam suam regeneravit nos in spem vivam, lib.2.cap.12.num.6

1.21. Dedit ei gloriam, ut fides vestra, & spes esset in Deo, ibid.

4.15. Nemo patiat ut maledicus, si autem ut Christianus glorificet Deum in isto nomine, lib.2.cap.16.num.10


II. EJUSDEM.

1.4. Magna, & pretiosa nobis promissa donavit, Proleg.3.cap.4.num.18

1.10. Satagite ut per bona opera certam faciatis vocationem vestram, Proleg.1.cap.2.num.1

I. JOANNIS.

4.1. Probate spiritus an ex Deo sint? Prolegom.3, cap.5.num.36



I N D E X C O N C I L I O R U M, QUÆ IN HOC VOLUME CONTINENTUR.

MILEVITANUM.

Cap.4. **S**i quis dixerit gratiam Dei per Jesum Christum propter hoc tantum nos adjuvare, quia per ipsam nobis revelatur quid agere, &c. usque ad illa verba: Utrumque enim donum Dei est, lib.2.cap.1.num.10

ARAUSICANUM II.

Can.5. Siquis sicut argumentum, sic etiam initium fidei, ipsumque credulitatis affectum, &c. lib.2. cap.3.num.2. & 3

Can.7. Si quis per naturæ vigorem bonum aliquod, quod ad salutem pertinet, &c. Evangelicæ prædicationi consentire posse confirmat, &c. lib.2. cap.3.num.7

TRIDENTINUM.

Sess.6.cap.6. Disponuntur autem ad ipsam justitiam, dum excitati divina gratia, & adjuti, fidem ex auditu concipientes, &c. Credentes vera esse, &c. lib.2. cap.11. numer.12. & cap.3. num.8

Sess.6.cap.7. In ipsa justificatione, hæc tria simul infusa accipit homo fidem, spem, & charitatem, lib.2.cap.12.num.7

Sess.6.can.3. Si quis dixerit sine præveniente Spiritus Sancti inspiratione hominem credere, sperare, diligere, aut poenitere, sicut oportet, &c. lib.2.cap.12.num.7

I N D E X

R E R U M , Q U Æ I N

H O C V O L U M I N E C O N T I N E N T U R .

A

Abel.

Abel nunquam peccasse scripsit Pelagius, Proleg. 6. in lib. August. cap. 7. ad finem.

Actus.

- 1 Actus voluntatis proxime per respectum ad illam : non vero ad objectum indifferens liber denominatur, Prolegom. 1. cap. 4. num. 15. & 16
- 2 Actus de se aptus libere fieri, necessarius esse potest, vel per mutationem factam in intellectu, vel voluntate, Prolegom. 1. cap. 5. a numer. 21. usque ad 23
- 3 Actus gratiæ excitantis necessarii sunt, non liberi, Prolegom. 1. cap. 6. num. 3
- 4 Actus hominis nec liber, nec vitalis est respectu voluntatis divinæ, sed tantum per respectum ad propriam voluntatem, ibid. num. 17
- 5 Actus non potest prævideri absolute futurus, nisi potentia ad illum simpliciter supponatur, Proleg. 2. cap. 1. num. 6
- 6 In actibus voluntatis, & intellectus divini non invenitur prioritas, & posterioritas rationis, nisi sumatur ex objectis, Prolegom. 2. cap. 8. num. 11
- 7 De actibus bonis habet Deus absolutum affectum complacentiæ subsequenter, Prolegom. 2. cap. 8. num. 19
- 8 Actus voluntatis creatæ non cognoscitur illative ex vi concursus divini, sed in se, ibidem cap. 9. num. 17
- 9 Actus bonus latius patet, quam actus præceptus, lib. 1. cap. 8. num. 4
- 10 Actus indifferentes in individuo non dantur, lib. 1. cap. 9. num. 46. & cap. 19. num. 10
- 11 Actus voluntatis dupliciter honestatem alicujus virtutis fortiri potest, & quomodo, lib. 2. cap. 7. num. 11
- 12 Actus meritorii a non meritorio triplex differentia, lib. 2. cap. 7. num. 2
- 13 Actuum distinctio specifica desumitur a motivis, seu objectis formalibus, lib. 2. cap. 11. num. 22. Non distinguuntur primario penes rationem (sub qua) diversam, ibid. num. 25
- 14 Actus specie diversi possunt ferri in idem motivum specie, si a potentiis specie distinctis eliciantur, ibid. num. 26
- 15 Distinctio specifica actuum voluntatis, intentionis, scilicet, & dilectionis ejusdem objecti, unde desumatur, lib. 2. cap. 11. num. 27
- 16 Actus bonus, & malus creatæ voluntatis diversimode se habent ad Deum, ut ad causam, lib. 1. cap. 22. num. 1

Actus naturalis.

- 1 Actus naturalis moraliter bonus est meritorius præmii ordinis naturalis, lib. 1. cap. 20. num. 22. Est interdum effectus prædestinationis, ibid. num. 23
- 2 Actus efficax circa observantiam totius legis, etiam naturalis, dari nequit per solas vires naturales, etiam ad breve tempus in statu naturæ lapsæ, lib. 1. cap. 34. num. 7
- 3 An actus aliquis virtutis naturalis præter amorem Dei super omnia exerceri queat sine gratia in statu naturæ lapsæ, lib. 1. cap. 37. a num. 1

Actus supernaturalis, seu virtutis per se infusæ.

- 1 Actus bonos, maxime supernaturales potest Deus prædefinire, antequam absolute præsciat esse futuros, Prolegom. 2. cap. 5. num. 17
- 2 Actus ex objecto bonus, præsertim supernaturalis,

malus fieri nequit, etiam ex fine extrinseco, lib. 2. cap. 3. num. 13

- 3 Quid sit actum quoad substantiam esse supernaturalem : Quid esse supernaturalem tantum quoad modum? libro 2. capit. 4. numer. 2. Quid item sit actum esse naturalem quoad substantiam, & quoad modum tantum supernaturalem? ibidem numer. 4
- 4 Actus habitum supernaturalem requirens, ut potentia eliciatur, supernaturalis est in entitate, lib. 2. cap. 5. num. 7
- 5 Ad actus supernaturales concurrunt per se, & physice auxilium divinæ gratiæ, libro 2. capite 8. numer. 7
- 6 Non repugnat actum vitalem esse quoad substantiam supernaturalem, lib. 2. cap. 9. num. 1
- 7 Actus supernaturalitas quoad substantiam non tollit, quominus possit esse liber, ibid. num. 5
- 8 Actus supernaturales voluntatis, quidam Theologici, alii morales; & quæ utrorumque ratio, lib. 1. cap. 12. numer. 1
- 9 Actus supernaturalis nunquam elici potest ex motivo naturali. E contra objectum naturale, naturalem, & supernaturalem actum terminare potest, lib. 2. cap. 11. num. 29. & 30
- 10 Actus virtutum moralium in sua substantia supernaturales exerceri posse ab homine, ad eosque supernaturale gratiæ auxilium esse necessarium, vera docet sententia, lib. 2. cap. 16. num. 5
- 11 Actus externi non sunt supernaturales in entitate, sed tantum causaliter, seu moraliter tales dici possunt, lib. 2. cap. 24. num. 1
- 12 Idem numero actus simul infusus per se, & acquisitus esse nequit, imo nec successive, lib. 2. cap. 8. num. 8
- 13 Actus per se infusi virtutum moralium possunt exerceri a peccatore, lib. 2. cap. 16. num. 17

Adam.

- 1 Adam, & Eva in statu naturæ integræ a Deo conditi sunt, Proleg. 4. cap. 2. num. 4
- 2 Adam, & ejus posteros ob lapsum illius omnibus privilegiis justitiæ originalis fuisse privatos de fide est, Proleg. 4. cap. 6. num. 4
- 3 Peccatum originis non Adam, sed posteros ejus fide privavit, Prolegom. 4. cap. 6. num. 5
- 4 Adam non contraxisse pœnam mortis propter peccatum, neque alios defectus homini connaturales sensit Pelagius, Proleg. 5. cap. 2. num. 3. & Proleg. 6. cap. 7. in lib. Augustini, cap. 8
- 5 Adam, Vide Homo.

Amabile.

- 1 Amabile bonum, unicuique autem proprium, quid significet? lib. 1. cap. 30. num. 16
- 2 Amabilia ad alterum procedunt ex amabilibus ad se quomodo intelligendum? libro 1. capite 34. numer. 17

Ambrosius.

- 1 D. Ambrosius ante exortam hæresim Pelagii Catholicam de Gratia sententiam tenuit, Proleg. 6. cap. 6. num. 5

Amicitia.

- 1 Amicitia quid requirat? lib. 1. cap. 30. num. 15
- 2 Amicitia propria non potuit esse inter Deum & hominem in puris naturalibus, libro 1. capite 30. num. 15

Amor.

- 1 Amor in patria necessarius est, non tamen liber. Prolegom. 1. cap. 1. num. 15
- 2 Amor Dei in perfectum, & imperfectum dividitur, lib. 1.

- lib. 1. cap. 29. num. 2. Utrumque membrum explicatur, ibidem
- 3 Amor Dei ut authoris naturæ naturaliter haberi potest etiam in statu naturæ lapsæ, lib. 1. cap. 29. a num. 13
- 4 Amor aliquis benevolentiae erga Deum potest esse naturalis, lib. 1. cap. 30. num. 6. In statu naturæ integræ dari potuit perfectus sine speciali auxilio, ibidem num. 11. Et aliquando in statu naturæ lapsæ saltem imperfectus, ibidem
- 5 Amor propter beneficia futura est concupiscentiæ; at propter beneficia præterita est benevolentiae, lib. 1. cap. 30. num. 16
- 6 Amor naturalis benevolentiae ergo Deum non includit observantiam omnium præceptorum, lib. 1. cap. 30. numer. 12. & 14. Potest aliquando esse cum peccato mortali actuali, lib. 1. cap. 31. num. 12
- 7 Amor Dei naturalis, & supernaturalis, an possint esse ejusdem speciei? lib. 1. cap. 34. numer. 17. & 18
- 8 Amor naturalis benevolentiae erga Deum non requiritur, ut sit amor Dei super omnia, lib. 1. cap. 30. num. 19
- 9 Amor Dei super omnia potest esse naturalis, etiam quoad substantiam, lib. 1. cap. 31. num. 5. Quinam sit? ibidem a num. 9
- 10 Quis sit amor Dei affectivus, & obedientialis, lib. 1. cap. 31. num. 12
- 11 Amor Dei naturalis super omnia potuit dari in angelo sine gratiæ auxilio, & in homine in natura integra, lib. 1. cap. 1. num. 16. Utrum ab angelo, etiam reprobato, eliciatur necessario, inquitur, ibidem
- 12 Amor concupiscentiæ quomodo possit esse super omnia, lib. 1. cap. 31. a num. 19
- 13 Amor naturalis Dei super omnia non est proxima dispositio ad gratiam sanctificantem, ibidem numer. 25
- 14 Amor efficax naturalis Dei super omnia dari nequit in homine lapso, sine auxilio gratiæ, lib. 1. cap. 32. 33. & 34. latissime.
- 15 Amor Dei super omnia multis modis potest esse imperfectus, lib. 1. cap. 34. num. 3
- 16 Quis sit amor Dei super omnia in affectu, vel in effectu? ibidem num. 7
- 17 Amor efficax, & observationis totius legis naturalis, quidnam sit? lib. 1. cap. 34. num. 16
- 18 Amor Dei ut authoris naturæ super omnia dari nequit etiam ad brevè tempus in statu naturæ lapsæ, sine gratiæ auxilio, lib. 1. cap. 34. num. 17. Sive sit amor benevolentiae, sive etiam concupiscentiæ, ibidem num. 26. An dari nequeat in primo rationis instanti? ibid. num. 22
- 19 Ad naturalem amorem Dei super omnia non requiritur gratia habitualis, etiam in homine lapso, lib. 1. cap. 31. num. 11. Neque etiam fides, aut auxilium ordinis supernaturalis, ibidem num. 21. Amor naturalis proximi moraliter honestus, an dari queat sine gratia? lib. 1. cap. 31. a num. 12
- 20 Amor benevolentiae alicujus personæ semper habet conjunctum amorem concupiscentiæ boni, quod illi amatur, lib. 2. cap. 13. num. 18
- 21 Amor concupiscentiæ etiam in naturalem & supernaturalem dividitur, ibidem num. 20
- Amor Dei dupliciter esse potest super omnia, accidentaliter, scilicet, & essentialiter, lib. 2. cap. 14. num. 9. Utriusque natura explicatur, ibidem
- 22 Deus etiam ut Trinus, & Unus, & ut author gratiæ amore naturali acquisito diligere potest, lib. 2. cap. 15. num. 1
- Amor supernaturalis.*
- 1 Amor concupiscentiæ Dei, ut est objectum nostræ beatitudinis supernaturalis, est actus per se infusus, & ejusdem ordinis cum actibus cujusque alterius virtutis Theologicæ, lib. 2. capit. 13. a num. 6
- 2 Amor concupiscentiæ beatitudinis æternæ ab homine in statu gratiæ elicitus est meritorius ejusdem beatitudinis, lib. 2. cap. 13. num. 14
- 3 Amor concupiscentiæ supernaturalis ab habitu spei Theologicæ elicitur, ibidem num. 24. Idem habitus ad amorem concupiscentiæ, & spem supernaturaliter inclinatur, ibidem
- 4 Amore amicitiae, seu charitatis super omnia Deus ut author gratiæ amari nequit ab homine, sine supernaturali gratiæ auxilio, lib. 2. cap. 14. num. 2
- 5 Sola diversitas cognitionum non distinguit specie amorem Dei super omnia supernaturalem, a naturali, sed diversitas objectiva, lib. 2. cap. 14. a num. 11. Qualis sit hæc diversitas, explicatur, ibidem a num. 16
- 6 Videns Deum, & ex hypothese non habens auxilium ad diligendum illum amore supernaturali charitatis amore naturali tantum super omnia illum amaret, & ex motivo naturali, lib. 1. cap. 14. num. 23
- 7 Quilibet amor Dei, ut objecti beatifici, & propter bonitatem illius, ut sic conceptam, est in substantia supernaturalis, & affectus charitatis per se infusus, lib. 2. cap. 14. num. 4
- 8 Ad hujusmodi amorem etiam imperfectum supernaturalem gratiæ auxilium est necessarium, ibidem num. 7
- 9 Differentia inter amorem charitatis super omnia, & quemcumque alium ejusdem ordinis non super omnia assignatur, lib. 2. cap. 15. num. 8
- 10 Amor Dei super omnia supernaturalis includit observantiam omnium præceptorum naturalium, & supernaturalium, lib. 1. cap. 31. num. 14
- Angelus.*
- 1 Angeli non habuerunt originalem justitiam, Prolegom. 4. cap. 5. num. 4. Eorum peccatum non originale, sed personale fuit, ibidem cap. 6. num. 2
- 2 Angeli naturali dilectione, an diligant Deum, plusquam se? lib. 1. cap. 34. num. 14. An Deum super omnia naturali amore possint diligere sine gratiæ auxilio, lib. 1. cap. 31. num. 16
- 3 Angeli tam boni, quam mali viribus naturæ habere possunt evidentiam in ætremante mysteriorum fidei, lib. 2. cap. 10. num. 4. & 15
- 4 Angelus in primo suæ creationis instanti an peccare posset? lib. 1. cap. 13. num. 9
- 5 Angelicus intellectus a solo Deo immediate moveri potest extrinsece, lib. 1. cap. 13. num. 9
- Anima.*
- 1 Animæ rationalis creatio cur non dicatur supernaturalis? lib. 2. cap. 6. num. 4
- Appetitus.*
- 1 Appetitus sensitivus, quibus modis frenari possit? Prolegom. 4. cap. 2. num. 11
- Apostolatus, & Apostolica Sedes.*
- 1 Apostolatus est donum gratuitum, & gratia gratis data, Prolegom. 3. cap. 5. num. 66
- 2 Apostolicæ Sedis judicium sine generali Concilio ad damnandas hæreses supremam habet auctoritatem, Prolegom. 6. cap. 1. num. 6
- Assensus.*
- 1 Inter assensum, & judicium nulla est differentia, lib. 2. cap. 18. num. 3
- Assistentia.*
- 1 Assistentia Spiritus Sancti respectu Summi Pontificis, & Concilii legitimi generalis est gratia gratis data, Prolegom. 3. cap. 5. num. 65
- Attritio.*
- 1 Attritio, vel contritio naturalis, an dari queat sine gratia? lib. 1. cap. 37. a num. 6
- Author.*
- 1 Author operis imperfecti in Matth. cum Semipelagianis non sentit, Prolegom. 5. cap. 5. num. 17
- Augustinus.*
- 1 Augustinus non censet omnia infidelium opera esse peccata, lib. 1. cap. 7. a num. 7
- 2 Augustini liber de Gestis in Concilio Palestino contra Pelagium denuo inventus ab auctore in hoc tomo insertus, & magna ex parte explicatus, illius esse opus genuinum, approbatur, Prolegom. 6. cap. 7
- 3 Quanta sit D. Augustini auctoritas in doctrina, & dogmatis divinæ gratiæ, Prolegom. 6. cap. 6. num. 15. Varia ejusdem Augustini encomia, ibidem a num.

numer. 13. juncto 11. Illius doctrina de Gratia an sit de fide? ibidem num. 16

Auxilium.

- 1 Auxilium efficax physice prædeterminans non est admittendum, Prolegom. 1. cap. 6. num. 28
- 2 Auxilium efficax per vocationem congruam datum libertatem non aufert, nec ad suppositionem antecedentem pertinet, ibidem
- 3 Auxilium gratiæ concurrit per se, & physice ad actus supernaturales, ad naturales tantum moraliter, lib. 2. cap. 8. num. 7
- 4 Ad credendum omnia, & singula media necessaria ad salutem est necessarium aliquod auxilium gratiæ, lib. 2. cap. 25. numer. 1
- 5 Ad amorem Dei super omnia naturalem non requiritur auxilium ordinis supernaturalis, lib. 1. cap. 31. num. 11
- 6 Speciale gratiæ auxilium ad Theologiam discendam requiritur, Prolegom. 3. cap. 5. num. 8

B

Bajus.

- 1 **B**aji error asserentis gravem tentationem necessitare voluntatem ad peccandum, lib. 2. cap. num. 21. & 22
- 2 Baji errores latissime referuntur, Prolegom. 6. cap. 2. An omnes illius propositiones sint damnatæ? ibid. num. 9. Contra eundem Bulla Pii V. & Gregor. XIII. ibid. Censura utriusque, & quas propositiones comprehendat? ibidem a numer. 8
- 3 Bajus non est inter hæreticos recensendus, Proleg. 5. cap. 7. num. 11

Beatitudo.

- 1 Beatitudinem supernaturalem, An cognoverit Pelagius? Prolegom. 5. cap. 3. a numer. 1. Naturalem cognovit, ibidem num. 3
- 2 Beatitudo æterna, propter quam homo creatus est, non est naturalis finis illius, Prolegom. 4. cap. 1. num. 8. & 9

Beatitudines via.

- 1 Beatitudines significant actus, quibus homines beatos fieri Christus docuit Matth. 5. lib. 2. cap. 22. num. 1. Quare hi actus dicantur beatitudines? ibidem
- 2 Hi actus non solum sunt honesti, sed ita heroici, & excellentes, ut absque speciali gratia fieri nequeant, lib. 2. cap. 22. num. 1
- 3 Beatitudines actuales non distinguuntur ab actibus virtutum, & donorum, sed sub illis comprehenduntur, lib. 2. cap. 22. num. 1. Sunt supernaturales in sua substantia, ibid. num. 2. Sintne plures, quam octo, expenditur, lib. 2. cap. 2. num. 21
- 4 Vide Beatitudines in particulari suis locis.

Bonifacius.

- 1 Bonifacius Romanus Pontifex Augustini opera Pelagianis restitit, Prolegom. 6. cap. 1. num. 6

Bonus.

- 1 Actus bonus latius patet, quam actus præceptus, lib. 1. cap. 8. num. 4
- 2 Actus bonus dupliciter honestatem alicujus virtutis sortiri potest, & quomodo? libro 1. capit. 7 numer. 11
- 3 Actus bonus, & malus creatæ voluntatis diversimode se habent ad Deum, ut ad causam, lib. 1. cap. 22. num. 1
- 4 Actus ex objecto bonus, præsertim supernaturalis, malus fieri nequit, etiam ex fine extrinseco, lib. 2. cap. num. 13

C

Carentia.

- 1 **C**arentia donorum, & auxiliorum specia- lium est privatio, & vulnus in statu naturæ lapsæ, non ita in puris naturalibus, lib. 1. cap. 1. num. 7

Cassianus.

- 1 Cassianum Semipelagianum fuisse ostenditur, Prolegom. 5. cap. 5. num. 7

Calvinus, & Kemnicus.

- 1 Calvinus, & Kemnicus error libertatem negantium post peccatum Adæ, Proleg. 5. cap. 7. nu. 4. & 5

Causa.

- 1 Causas Deus ab operatione impedire nequit positivis

Suarez, Tom. VI.

ad agendum requisitis per solam suam voluntatem extrinsecam, Prolegom. 1. cap. 5. numer. 18

- 2 Causæ liberæ ut influxum suum suspendant, Dei concursus non est necessarius, ibidem num. 19
- 3 Causalis hæc (Ideo res futuræ sunt, quia Deus præscit futuras) falsa est de scientia visionis, Prolegom. 1. cap. 10. num. 26. Illative tamen vera est, ibidem num. 23. & 33

Cælestinus.

- 1 Cælestini Romani Pontificis labor, & autoritas pro doctrina Catholica de Gratia tuenda, Proleg. 6. cap. 1. num. 7. Ejus Epistolæ ad Galliæ Episcopos quanta autoritas, ibidem a num. 8. Assertionem ipsius Epistolæ, ibidem num. 12

Cælestius.

- 1 Cælestii errores recensentur, Prolegom. 6. cap. 7. in lib. Augustin. a cap. 10

Certitudo.

- 1 Certitudo duplex, quæ est in actu intellectus, una essentialis, seu objectiva: altera accidentalis, seu ex parte subjecti, lib. 2. cap. 10. num. 10
- 2 Certitudo. Vide Fides divina, & acquisita.
- 3 Certitudo fidei acquisitæ, quamvis perfectissima, inferior est certitudine, fidei infusæ, lib. 2. cap. 10. num. 11

Cæsarius Arelatensis.

- 1 Cæsarius Arelatensis librum de Gratia, & libero arbitrio scripsit. Ejus doctrina, & sanctitas laudatur, Prolegom. 6. cap. 6. num. 24. Quo tempore floruerit, est controversia, ibidem

Character.

- 1 Character Baptismi ad gratiam sanctificantem reducitur, Prolegom. 3. cap. 5. num. 64. Idem dicendum de character confirmationis, ibid. Character vero ordinis potius est gratia gratis data, ibidem

Charitas.

- 1 Charitas apud August. multipliciter accipitur, lib. 2. cap. 5. a num. 2
- 2 Charitas eadem est in via, & in patria, lib. 2. cap. 7. num. 11. & cap. 9. num. 5. Utrobique eadem illius honestas intrinseca, cap. 7. num. 11
- 3 Ex hypothesi quod videnti Deum negaretur concursus ad amandum per charitatem infusam, actum amoris non eliceret ex tali motivo supernaturalem, lib. 2. cap. 11. numer. 34. Amaret tamen charitate naturali ex naturali motivo, ibidem. Vide Amor, præsertim supernaturalis.

Christus.

- 1 Christus Dominus præcivit certo, & infallibiliter, quid Tyrri, & Sidonii essent facturi, si illis fides, ut Judeis, proponeretur, Proleg. 2. cap. 2. a numer. 4
- 2 Christus Dominus est quædam gratia externa, Proleg. 3. cap. 3. num. 15. Christus Dominus habuit prophetiam habitualement, Proleg. 3. cap. 5. num. 25. Christus Dominus obtinuit integræ naturæ statum, Proleg. 4. cap. 2. num. 4. Non tamen omnia privilegia status innocentie, ibidem cap. 3. num. 8
- 3 Christus Dominus non solum meruit nobis gratiam sanctificantem, sed etiam gratis datas, lib. 1. cap. 1. a num. 15. Multa nobis meruit præter illa, propter quæ mortuus est, lib. 1. cap. 7. num. 22. Per mortem meruit exaltationem sui nominis, & alia, propter quæ mortuus non est, ibid. Utrum nobis meruerit dona naturæ, an solius gratiæ? lib. 1. cap. 16. num. 5. & cap. 18. num. 7
- 4 Christum Dominum solum pro his, qui salvantur mortuum, fuisse, damnatum est Concilio Valentino, Proleg. 6. cap. 5. num. 4

Cyprianus.

- 1 Cyprianus ante exortum hæresim Pelagii, Catholicam de Gratia sententiam docuit, Prolegom. 6. cap. 6. num. 4

Coactio.

- 1 Coactio duplex est, absoluta una, secundum quid altera, Prolegom. 1. cap. 1. num. 6

Cogitatio.

- 1 Cogitatio congrua quid addat cogitationi sufficienti? lib. 1. cap. 2. num. 13

- 2 Cogitatio congrua quænam sit? lib.1.cap.11.num.5. Sit ne majus beneficium quam sufficiens, seu incongrua, lib.1.cap.12.a num.7
 - 3 Cogitatio congrua non semper excedit incongruam quoad entitatem physicam, ibidem num.12
 - 4 Cogitatio sufficiens est necessaria ad omnem actum voluntatis necessitate antecedente: congrua vero necessitate consequente, lib.1.cap.12.num.20
 - 5 Cogitatio congrua infert actum infallibiliter, ibid. num.21
 - 6 Cogitatio sufficiens, vel congrua ad actum bonum moraliter non est gratiæ donum, lib.1.cap.13.num.3. Etiam in homine lapsa, ut sic, lib.1.cap.15.num.8
 - 7 Cogitationem primam supernaturalem nulla antecedit gratia supernaturalis, neque illius meritum, lib.1.cap.17.num.12
 - 8 Cogitatio potest esse congrua ex solo bono libertatis usu, lib.1.cap.29.num.11
 - 9 Utrum gratia sit necessaria ad omnem cogitationem moralem honestam, lib.1.cap.2.num.5. & a num.10.usque ad 15
 - 10 Privatio cogitationis congruæ ad operandum honeste naturaliter, de facto non est pœna originalis peccati, Prolegom.4.cap.9.num.7.& 8
- Cognitio, & cognoscere.*
- 1 Cognitio duplex est, alia practica, alia speculativa, lib.1.cap.1.num.1
 - 2 Cognitio mysteriorum supernaturalium, quæ revelantur, necessaria est ad salutem, lib.2.cap.1.num.3
 - 3 Cognoscere aliquod verum est aliquando difficilius, quam operari aliquod bonum, lib.1.cap.10.num.9
 - 4 Quomodo effectus contingens a nobis cognosci possit. Vide effectus, num.2.& 3
 - 5 Ad veritates naturales cognoscendas quæ gratia requiratur. Vide, num.29.30.& 31
 - 6 Quomodo cognitio intellectus ad actus voluntatis concurrat. Vide voluntas, num.3
- Concilium.*
- 1 Concilium Arausicanum secundum quo tempore celebratum, Prolegom.6.cap.1.a num.16.usque ad 19. Et contra quos errores, ibidem & cap.5.a num.1. Fuit provinciale, sed infallibilem facit fidem, & cur? ibid.
 - 2 Concilium Diospolitanum contra Pelagium, & ejus acta, Prolegom.6.cap.3.per totum. Orosius an ibi interfuerit, ibid.a num.2. Cur Pelagius in eo absolutus? ibid.num.6.& 8
 - 3 De Conciliis Africanis, & Ephesino contra Pelagium, Proleg.6.cap.4.per totum. Ubi de eorum autoritate, & decretis, & quo tempore celebrata fuerint.
 - 4 Primum Concilium Milevitanum quo tempore celebratum, Prolegom.6.cap.4.num.4
 - 5 Duplex fuit Concilium Milevitanum: diversitas utriusque ostenditur: neutrum fuit generale, ibid.a num.7. Quæ & qualia decreta in utroque fuerint facta circa materiam de gratia, ibid.a num.9
 - 6 Primum Concilium Carthaginense ante Diospolitanum fuit celebratum contra doctrinam Cœlestii, Prolegom.6.cap.4.num.1
 - 7 In secundo Concilio Carthaginensi Cœlestius est anathematizatus, ibidem numer.2. Quo tempore utrumque celebratum; & cur, ibid.num.3
 - 8 Concilium Ephesinum quo tempore coactum, Prolegom.6.cap.4.num.16. In eo Pelagii doctrina est damnata, ibidem
 - 9 Concilium Valentinum quo tempore, & contra quos errores in Gallia fuerit congregatum, Proleg.6.cap.5.num.2
 - 10 Concilium Moguntinum paulo ante Valentinum celebratum, & qua occasione? Prolegom.6.cap.5.num.3. Moguntinum item ultimum quo tempore, & contra quos? ibidem numer.8. Fuit paulo post Tridentinum, ibidem
 - 11 Concilium Senonense Pelagium, ejusque reliquias, & Luthernum damnat, Proleg.6.cap.5.num.5. Quo tempore coactum, ibidem, Provinciale fuit, ibidem. Quanta autoritas illius, ibidem
 - 12 Tridentini doctrina laudatur; illius decreta, &

canones de Gratia continent omnem doctrinam antecedentium Conciliorum, optimo ordine, & dispositione, ibidem num.10. Omnium hæreticorum contra gratiam damnat errores, ibidem

Concupiscentia.

- 1 Concupiscentiæ amor, Vide amor, numer.5. 12. 18.& 21

Confessio.

- 1 Ad confessionem fidei quæ gratia requiratur, lib.2.cap.3.5.num.3
- 2 Vide præceptum, num.26

Concursus.

- 1 Concursus Dei concomitans cum humana voluntate libertatem non tollit, Prolegom.1.cap.3.num.16. Ab æternitate illum Deus habet præparatum, quasi sub conditione, si creata voluntas operari voluerit, ibidem num.16
- 2 Concursum generalem Dei ad humanas actiones an negaverit Pelagius, Proleg.5.cap.4.per totum.

Conformitas.

- 1 Conformitas duplex ad rationem in actibus virtutum reperiri potest, lib.2.cap.16.num.10. Una ad rationem naturalem secundum se, altera ad rationem elevatam per gratiam, ibidem

Conservatio.

- 1 Ad gratiæ conservationem gratia opus est, & qualis, lib.2.cap.25.num.10
- 2 Præceptum conservandi justitiam originalem. Vide præceptum, num.2

Consilium.

- 1 Consilii donum dari in hominibus justis ostenditur, lib.2.cap.21.num.7
- 2 Donum consilii actuale quo pacto ab actu prudentiæ infusæ distinguatur, lib.2.capit.21.numer.6. & 11
- 3 Hoc donum consilii in materia omnium virtutum moralium exerceri potest, ibidem num.9

Continentia.

- 1 Continentia, vel castitas perpetua moraliter tantum honesta darine possit, sine gratiæ auxilio, lib.1.cap.37.a num.15

Contingens, & Contingentia.

- 1 Vide futurum contingens.

Contritio.

- 1 Contritio naturalis an dari queat sine gratiæ auxilio? lib.1.cap.37.num.6

Cornelius.

- 1 An fuerit in gratia, quando ei Angelus apparuit? lib.1.cap.4.num.9

Creatio, & Creatura.

- 1 Creatio animæ rationalis, cur non dicatur supernaturalis? lib.2.cap.6.num.4
- 2 Gratia non fit per creationem, Prolegom.3.cap.2.num.2
- 3 Creatura intellectualis nulla unquam in puris naturalibus condita fuit, nec de lege ordinaria condita potest, Prolegom.4.cap.1.num.13

D

Damnatus.

- 1 **D**amnati nihil boni operantur, lib.1.cap.11.numer.11

Decretum.

- 1 Decretum Dei efficax omnino requiritur, ut voluntas creata necessitetur, Prolegom.1.cap.5.num.11
- 2 Per hoc solum decretum divinam omnipotentiam Deus ad operandum applicat, ibid. Quomodo prædictum decretum creatam voluntatem necessitet, & quid in illa operetur, ibidem a num.11.usque ad 14
- 3 Decretum efficax, duplex in Deo, alterum intentionis, executionis alterum, Prolegom.1.cap.5.num.13. Prius ad necessitandam voluntatem creatam non sufficit; posterius satis est, ibidem
- 4 Decretum Dei conditionatum quibus modi dici queat, Prolegom.2.cap.8.num.2.& 3
- 5 Deus ante decretum liberum prius ratione intelligitur a nobis indeterminatus, ibidem
- 6 Ex decreto libero Dei non semper resultat physica mutatio in re volita, ibidem num.4
- 7 Deus potest cognoscere sua decreta, ut sub conditione futura, Proleg.1.cap.8.n.5. Effectus a solo Deo

- pendentes, vel etiam a causis necessariis in hoc decreto cognosci possunt, ibidem num.6. Quid dicendum de effectibus liberis, ibidem num.7
- 8 Deum non habere decreta conditionata circa omnia possibilia probatur, Prolegom.2. cap.8. a numer.9. Circa res absolute futuras non sunt admittenda in Deo decreta conditionata, ibidem num.14
- 9 Decretum generale, & conditionale de concurrendo cum voluntate explicatur, Prolegom.2. cap.8. num.16. & 19. Præter illud non est necessarium aliud decretum particulare absolutum, ibid. num.17. & 18
- 10 Respectu actuum malorum dari nequeunt decreta absoluta, & prædefinitiva; imo neque respectu bonorum si efficaciter sint prædeterminativa, Prolegom.2. cap.9. num.8

Deus.

- 1 Deum esse, naturaliter cognoscimus, lib.2. cap.1. num.7
- 2 Deus non prædefinit actiones malas, neque quoad materiale earum, Prolegom.2. cap.5. num.5
- 3 Deus non aliter rem, postquam est, quam antea, cognoscit, Prolegom.2. cap.7. num.19
- 4 Deum expectare voluntatem hominis ut se præparet, viribus suis ad fidem, vel gratiam falso putarunt Semipelagiani, Prolegom.5. cap.6. numer.10. & 11. Quam gratiam liberi arbitrii recto usui a Deo tribui censuerint, ibidem a num.12. late.
- 5 Deum non operari, ut velimus, nisi quantum in se est, communis fuit Pelagii, & Semipelagianorum doctrina, Prolegom.5. cap.6. num.26
- 6 Deum nolle omnes homines salvos fieri voluntate, scilicet, efficaci vero asseruit Augustinus, Proleg.6. cap.5. num.3. De omni tamen voluntate, hæretica propositio est, ibidem

Discretio.

- 1 Discretio spirituum, in quo consistat, Prolegom.3. cap.5. a num.36
- 2 Discretionis spirituum, quænam sit propria materia, ibidem num.1
- 3 Discretionis spirituum iudicium an sit evidens, certum, & infallibile, Prolegom.2. cap.5. a num.42
- 4 Discretio spirituum erga alios securius, quam erga seipsum versatur, Prolegom.3. cap.5. num.44
- 5 Discretionis spirituum gratia non est habitualis, ibidem num.46. Regulariter solum tribuitur viris spiritualibus.

Dispositio.

- 1 Dispositio proxima ad gratiam sanctificantem nullus actus naturæ viribus factus poterit esse, lib.1. cap.35. a num.2. & cap.31. num.25
- 2 Ad primam gratiam auxiliantem non potest homo se disponere, lib.2. cap.25. num.8. Nec ad primam gratiam sanctificantem dispositione supernaturali, ibidem

Distinctio.

- 1 Distinctio specifica actuum unde desumenda, lib.2. cap.11. num.13. In voluntatis actibus quomodo ab objecto formali desumatur, ibidem num.27. Vide actus, num.13.14. & 15

Divites.

- 1 Divites baptizatos, nisi omnibus renuntiaverint salvari non posse, commentus est Cælestius, Prolegom.6. cap.7. in lib. August. cap.20

Donum.

- 1 Donum naturale supernaturali modo non datur, nisi propter spirituale bonum recipientis, vel aliorum, Prolegom.3. cap.4. num.3
- 2 Donum linguarum explicatur, Prolegom.3. cap.5. a num.47. Ejus ratio consistit in facultate divinitus data ad loquendum variis linguis antea ignoratis, ibidem num.52. An sit habituale? ibidem num.54. Non fuit commune fidelibus in primitiva Ecclesia, ibidem
- 3 Donum scientiarum confertur propter commune Ecclesiæ bonum, lib.1. cap.1. num.17

Donum Spiritus Sancti.

- 1 Donum Spiritus Sancti cur ipsius spiritus nomen sortiatur? lib.2. cap.17. num.2
- 2 Septem Spiritus Sancti dona, etsi in Christo præcipue, & copiosius descenderint, aliis etiam iustis

Suarez Tom. VI.

communicantur, lib.2. cap.17. a num.3. Ad illorum actus speciale gratiæ auxilium est necessarium, ibidem num.6

- 3 Spiritus Sancti dona in actu ab actibus sive Theologalium, sive moralium virtutum per se infusarum distinguuntur, lib.2. cap.17. num.9. & cap.21. num.4. A fortiori distinguuntur ab actibus virtutum acquisitarum, ibidem
- 4 Donum Spiritus Sancti late sumptum comprehendit omnes actus honestos, & habitus preste certos actus, & habitus a Spiritu Sancto speciatim infusos, lib.2. cap.21. num.24
- 5 Cur non dentur Spiritus Sancti dona in materia virtutum Theologalium, lib.2. cap.21. num.25

*E**Ecclesia.*

- 1 Ecclesiam in terra esse sine macula, & ruga scripsit Pelagius, Proleg.6. cap.7. in libro Augustini, cap.9

Effectus.

- 1 Effectus formalis neque impeditur, neque variatur eadem forma subjectum informantem, Prolegom.4. cap.5. num.2
- 2 Effectus mere naturalis contingens potest cognosci positis requisitis, & sublati impedimenti, Proleg.2. cap.7. num.16. Secus de effectibus libere contingentibus, ibidem num.17
- 3 Effectus a solo Deo pendens, vel etiam a causis necessariis in divino decreto cognosci potest, Proleg.2. cap.8. num.6

Electio.

- 1 Electio medii necessarii, si intentio finis libera sit, libertatem non tollit, Proleg.1. cap.1. num.2

Ephrem.

- 1 S. Ephrem ante Pelagium scribens multa de divina gratia docuit, quæ definitionibus Ecclesiæ postea editis mire consentiunt, Proleg.6. cap.6. num.9

Epistola.

- 1 Epistola Augustini ad Pelagium, & ejus expositio, Prolegom.6. cap.7. in lib. Augustini, cap.18. & 19
- 2 Epistolæ Cælestini ad Galliæ Episcopos quanta auctoritas, Prolegom.6. cap.1. a num.8. Ejusdem Epistolæ assertiones, ibid. num.12

Error.

- 1 Errores Judæorum de gratia Christi, Prolegom.5. cap.1. per totum.
- 2 Errores Pelagii. Vide præcipue in Verbo, Gratia, numer.22.26.28
- 3 Errores Baji. Vide Bajus.
- 4 Errores hæreticorum circa bona opera moralia, lib.1. cap.4. a num.2
- 5 Per peccatum originale nullus error in intellectum transfunditur, sed solum ignorantia, Prolegom.4. cap.6. num.13
- 6 Status innocentiae, vel naturæ integræ ex gratuito privilegio esset expers erroris, lib.1. capit.1. num.3
- 7 Error. Vide voluntas, num.23

Eva.

- 1 Eva statim, ac peccavit, amisit iustitiam originalem, & naturæ integritatem, Prolegom.4. cap.6. num.11
- 2 Eva & Adam in statu naturæ integræ conditi sunt, Prolegom.4. cap.3. num.4

Evidentia.

- 1 Evidentia. Vide fides, num.12.14. & 15
- 2 Evidentia in attestante mysteriorum fidei viribus naturæ in Angelis etiam malis dari potest, lib.2. cap.10. num.4. & 15
- 3 Homines in hac vita non posse habere evidentiam in attestante mysteriorum fidei, sine gratiæ auxilio, est probabilius, lib.2. cap.10. num.4
- 4 Evidentia. Vide Prophetia, num.5. & 6

Eucharistia.

- 1 Eucharistia. Vide Præceptum, num.28

*F**Facilitas.*

- 1 Facilitas, quæ visitur in potentia, quando elicit actum, quid sit? lib.2. cap.8. num.3

Faustus.

- 1 Faustus Rhegiensis Episcopus Semipelagianismi fauor, & doctor habitus, Prolegom. 5. cap. 5. num. 21. & 23

Fides.

- 1 Fidei cognitio duo requirit, libr. 2. cap. 1. num. 8
 2 Fides non est simpliciter necessaria ad opera moraliter bona, libr. 1. cap. 6. num. 6
 3 Fidem non esse donum gratiæ Dei adjuvantis ad credendum Pelagiani, & Semipelagiani asserunt, libr. 2. cap. 2. num. 1. & Prolegom. 5. cap. 2. num. 11. & cap. 5. nu. 5. Diverſo tamen modo utrique errant, libr. 2. cap. 2. num. 1
 4 Fides duos includit actus, intellectus unum, alterum voluntatis, ibidem. Secundum se est donum gratiæ gratum facientis, Proleg. 3. cap. 4. num. 5
 5 Ad credendum, sicut oportet fide divina per actum intellectus necessarium simpliciter est ex parte ipsius speciale gratiæ auxilium, libr. 2. cap. 2. num. 3. & 6. Et hoc ad quemcunque actum fidei divinæ, ibid. num. 7. Et in quocunque naturæ statu, num. 8
 6 Fidei initium quid, & quod duplex, libr. 2. capit. 3. num. 1
 7 Fidei infusæ actus, quo intellectus credit revelatis, non est supernaturalis tantum in fieri, libr. 2. cap. 6. per totum. Neque ex denominatione, vel modo tali actui extrinſeco, ibid. cap. 7. per totum. Neque ex modo intrinſeco, accidentario tamen, seu inhærenti, cap. 8. per totum. Sed est supernaturalis in sua substantia, & essentia, ibidem cap. 5. a num. 1. & cap. 2. num. 8
 8 Fidei actus infusus, aut alius ejusdem speciei per vires naturæ fieri nequit: libr. 2. cap. 5. a num. 1. Potest tamen viribus naturæ dari fides aliqua acquisita, ibidem cap. 10. num. 3. & 5. Quæ, & qualis sit fides, ibidem a num. 7
 9 Fidei Christianæ proprietates excellentiores sunt, quam cujusque humanæ, libr. 2. cap. 10. numer. 8. Quædam fidei proprietas est firmitas; & quid sit, ibidem numer. 17. Major est in divina, quam in humana fide, ibidem
 10 Fides quam Apostolus inter gratias gratis datas numerat, in quo consistat? Prolegom. 3. cap. 5. a num. 9. usque ad 14
 11 Fidem inchoatam acquiri per naturalem voluntatem credendi senserunt Semipelagiani, Proleg. 5. cap. 5. num. 13
 12 Fides naturalis, seu acquisita mysteriorum fidei duplex esse potest, libr. 2. cap. 10. num. 10. Una ex terminis obscura; & altera evidens in attestante, ibid.
 13 Fides humana obscura, & voluntaria non potest esse certa ex parte objecti, sed ut plurimum ex parte subjecti, ibid.
 14 Fides acquisita habens evidentiam attestantis potest esse certa certitudine objectiva, seu essentiali, libr. 2. cap. 10. num. 11. Hæc autem certitudo etiam fidei acquisita in hominibus dari nequit, sine gratiæ auxilio, ibid.
 15 Fides acquisita quantumvis perfecta, semper inferior est in certitudine fidei infusæ, libr. 2. cap. 10. num. 11
 16 Fides infusa non patitur secum dubitationem liberam, seu deliberatam de eodem objecto, ibidem num. 12. Nec item fides acquisita cum evidentia in attestante, ibidem. Aliter fides acquisita obscura, & inevidens, ibid.
 17 Fides acquisita mysteriorum fidei infallibilis est ratione materiæ, seu ex materiali objecto, libr. 2. cap. 10. num. 13. Libera tamen, & obscura fallibilis est formaliter, seu ex objecto formali, ibid. num. 14
 18 Fides acquisita hæretici etiam falsa est ejusdem speciei cum fide acquisita Catholici, qua materialiter tantum est vera, ibidem
 19 Objectum fidei humanæ etiam res supernaturales ingrediuntur, & quomodo? libr. 2. cap. 10. num. 25
 20 Fidem acquisitam naturalem nunquam posse attingere Deum eodem motivo, quo infusa attingit, longe verior est sententia, ibid. cap. 11. num. 8
 21 Fides impetrat, & meretur donum gratiæ divinæ, libr. 2. cap. 2. numer. 8

- 22 Discrimen inter motivum fidei infusæ, & acquisitæ hæretici, vel dæmonis, libr. 2. cap. 11. num. 31. & 32
 23 Ex hypothesi, quod facta propositione objecti, & motivi fidei Deus negaret intellectui concursum supernaturalem, non eliceret tunc actum fidei infusæ, ibidem cap. 11. num. 34. Eliceret tamen actum fidei acquisitæ ex alio motivo humano, quod divinum communiter comitatur, ibidem
 24 Fidei confessio. Vide confessio.

Fiducia.

- 1 Fiducia non ad intellectum, sed ad voluntatem per se formaliter spectat, libr. 2. 12. num. 2

Finis.

- 1 Finis hominis naturalis, & supernaturalis, libr. 1. in Prælud. numer. 3
 2 Finis dat speciem actui, & bonitatem, vel malitiam in moralibus, libr. 1. cap. 6. num. 5
 3 Duplex finis ultimus quoad appetitionem repugnat. Implicat item, quod finis supernaturalis quoad consequutionem, sit naturalis quoad appetitionem, Prolegom. 4. cap. 1. num. 8

Fomes.

- 1 Fomitis difficultas quomodo per habitus infusos minuatur, libr. 1. cap. 10. num. 7

Fortitudo.

- 1 Fortitudinis donum actuale specie distinguitur ab actu fortitudinis infusæ, libr. 2. cap. 21. num. 11

Fructus.

- 1 Fructus Spiritus Sancti, actus, & opera virtutum præsertim significant, libr. 2. cap. 22. num. 25. A virtutum, & donorum actibus in iisdem materiis non distinguuntur, ibid. num. 26. Cur fidem, spem, & prudentiam inter fructus Spiritus Sancti Apostolus non numeret, ad Galatas 5. ibidem num. 28

Fulgentius.

- 1 D. Fulgentii opera recensentur, Prolegom. 6. cap. 6. num. 25. Ejus doctrina de Gratia contra Semipelagianos magnopere laudatur, ibid. Illius maxima authoritas post August. & Prosperum, ibid.

Futurum contingens.

- 1 Futurorum præscientia non est ratio, vel causa, quod res futura sit, Prolegom. 1. cap. 6. num. 28
 2 Futura contingentia per scientiam conditionatam Deus infallibiliter cognoscit, Prolegom. 2. cap. 1. num. 6. Idque ante ullum suæ voluntatis decretum, ibidem. Hanc sententiam societatis Patres semper docuerunt, ibidem num. 7
 3 Rem esse in causa, non est esse futuram, Proleg. 2. cap. 7. num. 4. Denominatio futuri non solum desumitur ex efficaci voluntate Dei, ibidem num. 5
 4 Rem esse futuram formaliter consistit in transitu rei ab esse quod habet in causa, ad illud, quod in se habitura est, Prolegom. 2. cap. 7. num. 7
 5 Contingentia quid addat futuritioni? ibidem num. 9
 6 Quæ indifferentia sit de ratione futuri contingentis, ibidem num. 10
 7 Circa determinatam veritatem futurorum contingentium erravit Aristoteles, Prolegom. 2. cap. 7. numer. 11. 12. & 13. Veritas futurorum contingentium non desumitur ex determinatione causæ in actu primo constitutæ, ibidem num. 14
 8 Contingentia effectus futuri in causa necessaria invenitur passive in libera active, intrinsece, Prolegom. 2. cap. 7. num. 15
 9 Futura libera habent determinationem suæ veritatis in causa prout libere determinabitur in actu secundo, Prolegom. 2. cap. 7. num. 18
 10 Futura conditionata non sunt vera in vi illationis ex causa, neque in illa cognosci possunt infallibiliter, ibid. num. 20. Habent determinatam veritatem, num. 21. Quo sensu illam habeant, num. 24
 9 Futura neque absoluta, neque determinata pendunt ex voluntate Dei prædeterminante, Proleg. 2. cap. 9. num. 7
 10 Ex eo quod Deus cognoscat conditionata indeterminata vera ante decretum suæ voluntatis, non sequitur illa cognoscere ut necessaria, vel futura ex causa extrinseca prædeterminante voluntatem, Prolegom. 2. cap. 9. num. 10

- 11 Effectus mere naturalis contingens potest cognosci in causa positus requisitis, & sublati impedimentis, Prolegom. 2. cap. 7. num. 16. Secus de effectibus libere contingentibus, num. 17
- 12 Actus non potest prævideri absolute futurus, nisi potentia ad illum simpliciter supponatur, Proleg. 2. cap. 1. num. 6
- 13 Causalis hæc, ideo res futurae sunt, quia Deus præscit futuras falsa est de scientia visioni, Proleg. 2. cap. 10. num. 26. Illative tamen vera est, ibidem num. 23. & 33

G

Gaudium.

- 1 **G**audium de Deo duplex: amicitiae, scilicet, & concupiscentiae, libr. 2. cap. 13. numer. 12. Utriusque ratio explicatur, ibidem

Gelasius.

- 1 Gelasii Romani Pontificis pro tuenda Gratia studium, & scripta, Prolegom. 6. cap. 1. num. 22

Gennadius.

- 1 Gennadius temere dixit Cassianum a Sancto Profpero fuisse infamatum, Prolegom. 5. cap. 5. num. 14. An fuerit Semipelagianus, non liquet, Catholicus tamen obijt, ibidem numer. 33

Gentes.

- 1 Gentes aliquando morale bonum operantur, ex sola ordinaria providentia, libr. 1. cap. 8. num. 41

Gothescalcus.

- 1 Gothescalcus hæresis prædestinatorum author, Prolegom. 6. cap. 5. num. 3

Gratia.

- 1 Gratia est principium internum operationum, ad quas juvat. In præmio totius operis, num. 2
- 2 Gratiae etymologia, Prolegom. 3. cap. 1. num. 2. & 3
- 3 Gratiae excitantis motus libertatis sunt expertes, Prolegom. 1. cap. 6. num. 3
- 4 Gratia solum significat dona supernaturalia vel quoad substantiam, vel quoad modum, Proleg. 3. cap. 2. num. 3. & 7
- 5 Omnis gratia Dei est gratia Christi, ibidem a num. 9
- 6 Gratia increata, quæ dicatur, Prolegom. 3. cap. 3. a num. 2. Omnis creata datur in tempore, ibidem num. 6. Increata non omnis communicatur in tempore, num. 7. Gratiae nomine simpliciter venit temporalis, cap. 3. num. 9. Et gratia gratum faciens, Prolegom. 3. cap. 6. num. 1
- 7 Gratiae divisio in internam, & externam, Proleg. 3. cap. 6. num. 10. & 11
- 8 Gratia gratis data, & gratum faciens late exponitur, Proleg. 3. cap. 4. per totum. Gratiae gratis datae communes sunt peccatoribus, & iustis, ibidem num. 8. & 9. Gratia gratum faciens includit omnia dona gratiae, quæ homini ad propriam sanctificationem conferuntur, ibidem num. 15
- 9 Gratia gratum faciens, quo sensu sit nobilior gratis datis, Prolegom. 3. cap. 4. num. 19
- 10 Gratia sanitatum, & operatio virtutum quid, & utrum distinguantur? Prolegom. 3. cap. 5. a num. 15. De numero, & quidditate harum gratiarum, ibidem per totum caput.
- 11 Gratiae gratis datae plures possunt numerari, quam novem, nec omnes inter se necessatio differunt, Prolegom. 3. cap. 5. num. 63. & 64
- 12 Gratia non fit per creationem, Proleg. 3. cap. 6. n. 2
- 13 Gratiae nomine actualem, & habituales sæpe Patres intelligunt, ibidem num. 3. & 6
- 14 Gratiae sanctificantis divisio in gratiam viæ, & patriæ, Prolegom. 3. cap. 6. num. 7. Gratia patriæ est perfectior gratia viæ in suo esse, non tamen in ratione gratiae, ibidem
- 15 Gratia viæ dividitur in eam, quæ est in essentia animæ; & in eam, quæ residet in potentiis, ibidem num. 3
- 16 Gratia actualis sanctificans sunt actus supernaturales, & Dei concursus ad illos requisitus, Proleg. 3. cap. 6. num. 9. Triplex illius divisio, num. 10. Varia illius nomina explicantur, num. 11
- 17 Gratia præoperans coincidit cum operante, Proleg. 3. cap. 6. num. 13. Gratiae prædeterminantis nomen

Suarez Tom. VI.

inulatum, & ambiguum, ibid. Præparantis, & prædestinantis gratiae vox ambigua, & generalis, ibid. num. 14

- 18 Gratia a iustitia originali distinguitur, Proleg. 4. cap. 5. num. 2. & 5. Nec ex se est physicum, & connaturale principium iustitiae originalis, ibidem num. 4. Probabile tamen est esse connaturale principium habituum supernaturalium, ibidem
- 19 Iustitia originalis quo sensu gratiam includat, Prolegom. 4. cap. 5. num. 6. Quo sensu dici possit gratia, ibid. num. 7
- 20 Gratia adjuvans ad bene operandum moraliter non est necessario conjuncta cum statu originalis iustitiae, ibid. num. 10
- 21 Gratiae dona revocantur ad actus, habitus, & auxilia, Proleg. 5. cap. 2. num. 13
- 22 Gratiae nomine solam legem, liberum arbitrium, revelationem, & doctrinam intelligit Pelagius, Proleg. 5. cap. 2. num. 3. & 10. Gratiam adoptionis agnovit in parvulis, non tamen in adultis, num. 5.
- 23 Gratiae solum tribuebat vim facilitandi ad observantiam legis divinae, ibid. num. 7. Gratiam, quæ datur bene posse operari semper negavit, Proleg. 5. cap. 3. num. 7. Solum admisit gratiam, quæ juvet possibilitatem voluntatis, atque operis, ibid. num. 11. Gratiam internam non agnovit, neque excitantem, ibidem a num. 13. usque ad 15. Efficacem omnino negavit, num. 19
- 24 Gratiam Dei secundum merita hominum docuerunt Semipelagiani, Proleg. 5. cap. 6. num. 1. Eorum error explicatur per totum caput. Quid de gratia præveniente? num. 10. Quid de gratiae adiutorio quoad sufficientiam, & efficaciam, ibid. a num. 24
- 25 Gratiae initiali nomine quid intelligat Prosper, Proleg. 5. cap. 6. num. 22. & 28
- 26 Gratiae generalis nomine quid intelligant Semipelagiani: quid item nomine specialis? ibidem num. 31. & 32
- 27 Gratiae nomine tam Pelagius, quam Semipelagiani æquivoce usi, Proleg. 5. cap. 6. num. 44
- 28 Gratiam adjuvantem negavit Calvinus, Proleg. 5. cap. 7. num. 9
- Gratiam quibus in locis Scriptura commendat, Prolegom. 6. cap. 1. num. 1. Gratiam dari ad singulos actus, Proleg. 6. cap. 7. in lib. August. cap. 11
- 29 Gratiarum diversitatem a Paulo expressam negavit Pelagius, ibidem
- 30 Gratia quot modis necessaria, lib. 1. in Præclud. num. 1. & 2. Utrum necessaria sit ad omnes veritates cognoscendas, lib. 1. cap. 1. a num. 1
- 31 Gratia specialis etiam in statu naturæ lapsæ, vel in puris naturalibus non est necessaria ad cognoscendas veritates naturales divisive sumptas, lib. 1. cap. 1. nu. 5. & 6. Est tamen necessaria ad cognoscendas omnes veritates naturales collectivæ, præsertim sine admixtione erroris, ibid. num. 8
- 32 Specialis gratia ad veritates etiam naturales cognoscendas non solum est gratia Dei, sed etiam Christi, de facto: de possibili tamen esse aliter potest, lib. 1. cap. 1. num. 15. Gratia omnis in statu innocentiae daretur propter merita Christi, ibidem
- 33 Utrum gratia sit necessaria ad omnem cogitationem moralem honestam? lib. 1. cap. 2. num. 5. 10. 13. 14. & 15
- 34 Gratia aliqua est sufficiens, ut homo lapsus faciat aliqua opera sine ulla malitia, lib. 1. cap. 3. num. 4
- 35 Gratia habitualis, vel charitas non requiritur ad omne opus bonum, lib. 1. cap. 4. numer. 16. Gratia nulla infusa per modum habitus est necessaria ad honestam operationem, ibid.
- 36 Necessitas gratiae ad opera supernaturalia intrinseca dicitur: ad naturalia extrinseca, & cur? lib. 2. in Præclud. num. 1. Intrinseca tam in Angelis, quam in homine, etiam in statu naturæ integræ reperitur, ibid.
- 37 Homini in statu naturæ lapsæ utraque gratia necessaria, lib. 2. in Præclud. num. 1. Præsertim ad actus voluntatis, & intellectus supernaturales, ibid. num. 3. Et quomodo, lib. 2. cap. 8. nu. 6. Homo tam in statu naturæ integræ, quam in statu originalis iustitiae posset esse sine gratia sanctificante, Proleg. 4. cap. 3. n. 10

- 37 Iustus non indiget nova gratia habituali, imo nec præexistentis augmento ad non peccandum, lib.1. cap.25.num.5. Nec actuali ad singula peccata vitanda, præter illam, quæ ad generalem providentiam spectat, ibid.num.6
- 38 Homo lapsus etiam sanatus per gratiam sanctificantem indiget, speciali gratia ad vitanda omnia peccata longo tempore, lib.2.cap.25.num.7
- 39 Ad gratiæ conservationem gratia opus est, & qualis? ibid.num.10
- 40 Ad primam gratiam auxiliantem non potest homo se disponere, lib.2.cap.25.num.8. Nec ad primam gratiam sanctificantem, sine dispositione supernaturali, ibidem
- 41 Gratiæ necessitas ad actum amoris Dei naturalem. Vide amor, num.11.14.18.& 19
- 42 Gratiæ necessitas ad actus fidei. Vide Fides, num.2.3.5.& 8. Et voluntas, num.11
- 43 Quomodo revelatio gratia dicatur. Vide Revelatio, num.1.& 8
- 44 Gratiæ necessitas ut homo bene moraliter operetur. Vide homo, a num.19. Vide Operatio latissime.
- 45 Gratiæ necessitas ad amandum inimicos, libr.1. cap.37.num.14
- 46 Gratiæ necessitas ad martyrium. Vide Martyrium.
- 47 Gratiæ necessitas ad servanda præcepta. Vide Præceptum, a num.12. latissime.
- 48 Gratiæ necessitas ad efficiendum, & recipiendum Sacramentum. Vide Præceptum, a num.24
- 49 Gratiæ necessitas ad remissionem peccati. Vide Remissio.
- 50 Gratiæ necessitas ad vincendas tentationes. Vide Tentatio.

Gratitudo.

- 1 Gratitudo Deo non convenit, Prolegom.3.cap.2. num.6.& 7
- 2 Gratitudo hominis est gratia Dei, ibid.num.8

Gubernatio.

- 1 Gubernationis nomine Paulus quid intelligat? Prolegom.3.cap.5.num.66

*H**Habitus.*

- 1 **H**abitus supernaturalis receptio in anima remote libera dicitur, Proleg.1.cap.2.num.6
- 2 Habitus charitatis in patria necessario ordinatur ad suos actus, Prolegom.1. cap.5. num.5. Ad illos potentiam quasi necessitat, ibidem. Non desineret, quamvis Deus cum voluntate non concurreret, ibid.
- 3 Habituibus tam naturalibus, quam supernaturalibus voluntas utitur pro sua libertate, Proleg.1.cap.5.n.8
- 4 Habitus malos Deus non potest infundere, Proleg.4.cap.8.num.11
- 5 Habitus supernaturales originalem iustitiam homini conferre non poterant, Proleg.4.cap.5.num.2
- 6 Habitus infusi quomodo minuunt fomitis difficultatem, lib.1.cap.10.num.7
- 7 Habitus acquisitus non amittitur per unum actum contrarium, lib.1.cap.38. num.5
- 8 Differentia inter habitus infusos, & acquisitos assignatur, lib.2. cap.8. num.3. Infusi ad quam qualitatis speciem spectent, lib.2.cap.9.num.3

Hæreticus, & Hæresis.

- 1 Hæresis Pelagianæ initium, & progressus, Proleg.5.cap.2.a num.1
- 2 Hæreticorum errores circa bona opera moralia, lib.1.cap.4.a num.2

Hieronymus.

- 1 D. Hieronymi encomia, Proleg.6.cap.6.a num.11. Accuratissime contra Pelaginum scripsit, ibid. Quanta ejus autoritas ad confutandas hæreses, ibid.

Hilarius.

- 1 An duo extiterint Hilarii tempore S. Augustini, Prolegom.6.cap.6.num.21

Homo.

- 1 Homo potest a Deo creari in statu puræ naturæ sine peccato; imo sine illo futurus erat, si immediate a Deo crearetur, Prolegom.4.cap.1. num.4. & 17
- 2 Homo non potest connaturali modo creari nisi propter aliquam beatitudinem, Proleg.4.cap.1.num.6. & 19. Non habet naturalem appetitum innatum ad

visionem Dei, ibid. num. 21. Opinio contraria refertur, num.6

- 3 Homo potuit a Deo condici extra statum naturæ integræ, Proleg.4.cap.2.num.5
- 4 Utrum homo in statu naturæ integræ legem naturalem servare posset? ibid. num.6. & 13. Connaturale ei non est donum speciale integritatis naturæ, ibid. num.8. & 13
- 5 Homo in statu puræ naturæ quomodo posset naturalem beatitudinem assequi, ibid. num.25
- 6 An homo proxime creatus a Deo in quolibet statu dici possit creatus in originali innocentia? Proleg.4.cap.3.num.2
- 7 Homini primo quid Deus contulerit? ibid. a num.3 in statu puræ naturæ, licet non peccaret, naturaliter moreretur, ibid. num.7
- 8 Homo in solo statu naturæ integræ posset prius venialiter peccare, quam mortaliter, non ita in statu originalis iustitiæ, Proleg.4.cap.3. num.10. juncto 4. Tam in statu naturæ integræ, quam in statu originalis iustitiæ posset esse sine gratia sanctificante, ibidem numer.10
- 9 Homo de facto semper ordinatus fuit ad finem supernaturalem per sufficientiam media a Deo præparata, Proleg.4. cap.4. num.1. & 2. Neque in statu integræ, neque puræ naturæ haberet vires ad actus supernaturales eliciendos, num.8
- 10 Homo solum a mortali culpa lapsus denominatur, & in statu naturæ lapsæ constituitur, Prolegom.4. cap.6.num.1
- 11 Quo sensu dicatur homo a Patribus imaginem Dei perdidisse per peccatum, Proleg.4. cap.7. a num.9. In statu naturæ lapsæ non est debilius ab extrinseco, quam esset in statu puræ naturæ, Proleg.4. cap.9. num.4. In naturalibus fuisse vulneratum, quo sensu verum, Prolegom.4. cap.8. num.19
- 12 Unde homini proveniat difficultas bene operandi in statu naturæ lapsæ, ibid. num.14
- 13 Homo ex vi peccati originalis non nascitur in termino damnationis, sed in via ad illam, Proleg.4. cap.9. num.8. & 10
- 14 Hominem lapsum ante gratiam non esse liberum ad non peccandum, quo sensu verum, Proleg.4. cap.9. num.13
- 15 Homo servus diaboli quibus modis sit factus, ibid. num.16. & 17. An in statu puræ naturæ minus tentaretur? ibid. num.17. & lib.1. cap.23. num.25
- 16 Hominem lapsum nullum opus absolute bonum posse per gratiam facere asserunt Lutherani, Proleg.5. cap.7. num.10
- 17 Homo existens in peccato mortali potest habere multos actus bonos, lib.1. cap.4. num.6
- 18 Hominem in hac vita non posse habere evidentiam in attestante mysteriorum fidei sine gratiæ auxilio est probabilius, lib.2. cap.10. num.4
- 19 Homo lapsus potest aliquando bene moraliter operari, sine speciali auxilio gratiæ, lib.1. cap.8. num.4. Non potest naturaliter diu vivere sine peccato mortali contra legem naturalem, lib.1. cap.24. num.36. In natura integra posset diu servare totam legem naturalem sine speciali gratia, lib.1. cap.24. num.6
- 20 Homo lapsus non potest diu sine gratia servare totam legem naturalem absque mortali culpa, lib.1. cap.26. nu.4. Oppositum est temerarium, ibid. n.12
- 21 Requiritur ne gratia habitualis, an sufficiat actualis, & supernaturalis quo ad modum ad servandam diu totam legem naturalem sine peccato mortali? lib.1. cap.27. a num.1. Talis gratia de lege ordinaria datur fidelibus tantum iisque justificatis, ibid. a n.15
- 22 Homo in pura natura non posset sine gravi lapsu servare diu totam legem naturalem absque peculiari Dei auxilio, lib.1. cap.28. num.4
- Nec esset ad hoc potentior, quam in statu naturæ lapsæ, ibid. num.8
- 23 Homo in puris naturalibus haberet peculiarem aliquam Dei providentiam ad servandam totam legem naturalem si veller, ibid. a num.9
- 24 Homo lapsus tripliciter potest amare Deum super omnia ut finem naturalem, libr.1. capit. 35. num.16

- 25 Homo in puris naturalibus non posset per vires naturæ diligere Deum super omnia etiam ut finem naturalem, lib. 1. cap. 36. num. 2. Nec etiam ad breve tempus, ibid. Posset tamen cum aliquo Dei auxilio, ibid. num. 8.
- 26 Possitne homo lapsus, vel in puris naturalibus naturales virtutes acquirere sine gratiæ auxilio? lib. 1. cap. 38. per totum fere, An in natura integra posset perfecte acquirere virtutes naturales? lib. 1. cap. 38. num. 2. Utrum in statu naturæ lapsæ, ibid. num. 3.
- 27 Homo sine charitate nec amore elicitio, nec innato diligit Deum ut finem supernaturalem, ibid. n. 13. Diligit tamen ut finem naturalem, ibid.
- 28 Homo. Vide Gratia.

Hormisdas.

- 1 Hormisdæ Pontificis Romani pro Gratia, & Augustino tuendo sollicitudo, & autoritas, Proleg. 6. cap. 1. num. 23

I

Ignorantia.

- 1 Ignorantia. Vide vulnus.
- 2 Ignorantia. Vide status, num. 16

Imago.

- 1 Quo sensu dicatur homo a Patribus imaginem Dei perdidisse per peccatum, Prolegom. 4. capit. 7. a num. 9.

Imperium.

- 1 Imperium in intellectu non distinguitur a iudicio practico, lib. 1. cap. 2. num. 10
- 2 Imperium an requiratur ad primum actum voluntatis, ibid. num. 11

Indifferentia, & Indifferens.

- 1 Actus indifferens in individuo non datur, lib. 1. cap. 9. num. 46. & cap. 19. num. 10
- 2 Indifferentia ad libertatem. Vide libertas. Vide potentia.

Infallibile, & Infallibilitas.

- 1 Quid sit infallibilis actus, lib. 2. cap. 10. num. 13
- 2 Infallibilitas actus duplex, materialis, scilicet, & formalis, ibidem. Quæ, & qualis sit utraque, ibidem
- 3 Infallibile. Vide Fides.

Infans.

- 1 Infantes, qui in originali decedunt, possunt habere honestas operationes, Prolegom. 4. cap. 9. num. 7. Non sunt obstinati in malo, lib. 1. cap. 15. num. 10
- 2 Infantium libertas. Vide libertas, num. 10

Infideles.

- 1 Infideles possunt interdum bene operari, lib. 1. cap. 6. num. 6. Etiam sine veri Dei cognitione, ibidem num. 8

Initium.

- 1 Initium salutis ex nobis esse docuerunt Semipelagiani, Proleg. 5. cap. 6. num. 6

Inimicus.

- 1 Inimicorum dilectio moraliter bona an dari possit sine gratiæ auxilio, lib. 1. cap. 37. num. 14

Innocentius.

- 1 Innocentius primus damnavit primo Pelagianam hæresim, Prolegom. 6. cap. 1. num. 2. Ut fidei definitio accipienda est illius doctrina de gratia, ibid. num. 3

Intellectus.

- 1 Intellectus non est formaliter liber, Prolegom. 1. cap. 3. num. 6. & 7
- 2 Intellectus potest moveri sine prævia motione voluntatis, non tamen e contra, lib. 1. cap. 11. num. 4
- 3 Intellectus Angelicus a solo Deo immediate moveri potest extrinsece, lib. 1. cap. 13. num. 9

Intellectus ut est donum Spiritus Sancti.

- 1 Intellectus ut donum actuale non est pura apprehensio, sed aliquod iudicium includit, lib. 2. cap. 19. num. 4. Quænam sit ejus natura, & munus, ibid. num. 5. Quomodo distinguatur a dono sapientiæ, an præcedat, vel sequatur fidem infusam, ibidem num. 7. & 8. Esse hoc donum actum in sua substantia supernaturalem probabilius, ibid. num. 11

Interpretatio, & Interpret.

- 1 Interpretatio sermonum, quænam gratia, Proleg. 3. cap. 5. a num. 55. Quomodo differat a dono lin-

Suarez Tom. VI.

guarum? ibid. num. 59. Sæpe conceditur prædicato-ribus infidelium conversionem procurantibus, ibid. Septuaginta item interpretibus, & vulgato concessam aliqui credunt, ibid.

- 2 Quod donum interpretandi concessum creditur D. Bernardo, & aliis Ecclesiæ Doctoribus, ibidem num. 61

Joannes.

- 1 Joannis quarti Pontificis Romani de Gratia doctrina contra Pelagianum, Prolegom. 6. cap. 1. num. 15
- 2 Joannes Constantinopolitanus Patriarcha Pelagii sectator a D. Gregorio detectus, & expugnatus, ibidem.

Jurisdictio.

- 1 Jurisdictio in foro interno pertinet ad gratias gratis datas, Prolegom. 3. cap. 5. num. 60

Justitia, & Justus.

- 1 Justitia originalis. Vide Gratia, num. 18. 19. 20. & Habitus, num. 4
- 2 Præceptum conservandi justitiam originale. Vide Præceptum, num. 2
- 3 Justus. Vide Gratia, num. 37. 38. 39

Justitia prout est quarta beatitudo.

- 1 Justitiæ fames, & sitis ponitur quarta beatitudo a Christo Domino Matthæi, 5. lib. 2. cap. 22. num. 12
- 2 Hæc justitia non est tantum specialis virtus moralis ad alterum sed collectio actuum, vel affectuum omnium virtutum, quibus homo appetit justificari, vel in sanctitate crescere, ibidem
- 3 Hæc justitia non distinguitur ab actibus donorum, & virtutum circa eandem materiam, ibidem

L

Lex.

- 1 Legem sic mittere ad regnum quemadmodum Evangelium afferuit Cælestius, Prolegom. 6. cap. 7. in lib. August. cap. 8
- 2 Legem a fide quomodo distinguat Paulus, Proleg. 5. cap. 1. num. 4
- 3 Lex naturalis non potest tota servari sine gratia, lib. 1. cap. 14. num. 7
- 4 Lex. Vide Homo, num. 19. & 20

Leo.

- 1 Leo Magnus Pontifex Romanus Pelagii hæresim penitus extinxit, Prolegom. 6. cap. 1. num. 14. 15. & 19. Ejus canones ab Hormisdæ relati, num. 24
- 2 Leonis noni de gratia professio, & doctrina, ibid. num. 25

Libertas, & Liberum.

- 1 Libertas quæplex sit, & quæ propria, Proleg. 1. cap. 1. num. 3
- 2 Libertas a sola coactione carentiam violentiæ tantum requirit, Prolegom. 1. cap. 1. num. 5
- 3 Libertatem a necessitate in homine dari de fide est, Prolegom. 1. cap. 4. num. 8
- 4 Liberæ potentiæ, quæ necessitas repugnet, Proleg. 1. cap. 1. num. 9. Libertas actus tollitur si potentia ab intrinseco, vel extrinseco necessitatem patiatur, ibidem
- 5 Libertas formalis potentiam activam vendicat, Prolegom. 1. cap. 2. num. 2
- 6 Libertas creata primario internos actus: & his mediantibus externas actiones respicit, ibidem numer. 7. Divina vero primario externas actiones respicit, ibidem
- 7 Libertatis distinctio quoad speciem, & exercitium: & in quo utraque consistat, ibidem
- 8 Libertas proxima completam virtutem activam necessario exigit, Prolegom. 1. cap. 2. num. 10. Libertas in actu primo potest esse proxima, vel remota, ibidem a num. 13
- 9 Libertas proxima includit omnia requisita tam ex parte Dei, quam aliarum causarum, ibidem cap. 3 num. 12. Libertatem non destruit actualis Dei concursus cum voluntate creata, ibidem num. 16
- 10 Prædestinatio, seu præscientia actuum bonorum libertatem operantis non evertunt, Prolegom. 1. cap. 6. num. 2
- Pueri, vel amentes libertatem non habent, et si potentiam de se liberam habeant, Prolegom. 1. cap. 2. num. 14

- 11 Libertatem omnino destruit motio antecedens , Proleg. 1. cap. 3. num. 15
 12 Libertati aliqua suppositio seu necessitas officit : non tamen omnis , Proleg. 1. cap. 6. num. 2. & 3
 13 Libertas formalis non consistit in iudicio rationis indifferente, talique iudicio stante voluntas necessitari a Deo potest , Proleg. 1. cap. 6. num. 32
 14 Libertatis vires debilitatæ per peccatum originale , Proleg. 4. cap. 7. num. 1. Non tamen amissam esse libertatem de fide constat , ibid. num. 3. & 4
 15 Libertas non est donum gratuitum , sed proprietas naturæ , Proleg. 4. cap. 7. num. 2
 16 Libertas radicalis , & formalis quomodo læsæ in homine in statu naturæ lapsæ , ibidem cap. 8. numer. 15
 17 Agi , seu moveri a Deo non tollit indifferentiam libertatis , Proleg. 6. cap. 7. in lib. Augustini cap. 2. in annotatione Marginali.
 18 Lutheri error circa libertatem , Prolegom. 5. cap. 7. num. 3
 19 Calvinii , & Kemnicii error libertatem negantium post peccatum Adæ , Proleg. 1. cap. 7. num. 4. & 5
 20 Libertas . Vide potestas.
 21 Libertas in actus . Vide actus , numer. 2. 3. & 4. Vide Concursum . Vide electio .
 22 Actus supernaturalis quoad substantiam non tollit quominus sit liber , lib. 2. cap. 9. num. 5
 23 Causæ liberæ , ut influxum suspendant , Dei concursu non indigent , Proleg. 1. cap. 5. num. 19
 24 Hominem lapsum ante gratiam non esse liberum ad non peccandum quo sensu verum sit , Proleg. 4. cap. 9. num. 13
 25 Intellectus non est formaliter liber , Prolegom. 1. cap. 3. num. 6. & 7
 26 Libertas . Vide Potentia a num. 1

Liberum Arbitrium.

- 1 Liberum arbitrium hominis ante gratiam non esse liberum , quo sensu dicant Patres , Prolegom. 4. cap. 7. num. 11
 2 Liberi arbitrii vires quoad perfectionem , quam in statu puræ naturæ haberent , non fuerunt diminutæ in natura lapsa ex vi originalis peccati , Proleg. 4. cap. 8. a num. 5
 3 Liberi arbitrii bono usui gratiæ meritum tribuebant Semipelagiani , Proleg. 4. cap. 6. num. 4
 4 Liberum arbitrium , qui negaverint , ibid. num. 2
 5 Liberum arbitrium quo sensu dicatur non valere ex se nisi ad malum , lib. 1. cap. 21. a num. 1
 6 Semipelagianorum error circa liberum arbitrium , Proleg. 5. cap. 6. a num. 10

Luctus .

- 1 Luctus est tertia beatitudo juxta illud Matth. 5. Beati , qui lugent , lib. 2. cap. 2. a num. 10
 2 De quo luctu Christus loquatur , ibid. Et in quo consistat hæc beatitudo multiplex expositio , & sententia , ibid. Verior , quæ illam in exercitio mortificationis seu in certamine pro virtute contra passiones collocat , ibid. num. 11
 3 Hæc beatitudo luctus non distinguitur a donis , & virtutibus per se infusis , ibid. Nec item consistit in actu aliquo unius tantum , sed in collectione multarum , ibid.

Lumen gloriæ.

- 1 Lumen gloriæ necessario ad suos actus ordinatur , Proleg. 1. cap. 1. num. 5. Ad illos potentiam , quasi necessitat , ibid. Si Deus cum potentia non concurreret , non propterea esse desineret , ibid.

Lutherus , & Lutherani.

- 1 Lutherus , Calvinus , & eorum sequaces hæresim prædestinatorum innovarunt : eorum errores , & fundamenta , Proleg. 4. cap. 7. per totum .
 2 Lutheri , & Calvinii errores Leo decimus , Paulus tertius , & Pius quartus damnarunt , Proleg. 6. cap. 1. num. 26
 3 Lutherani , & Pelagiani conveniunt in libertate tollenda , Proleg. 5. cap. 7. num. 1
 4 Molliores Lutherani de libertate circa bona , vel mala opera quid sentiant , Prolegom. 5. cap. 7. numer. 6

M

Manfuetudo.

- 1 **M**anfuetudo in quo consistat , ut est secunda beatitudo , lib. 2. cap. 22. a num. 7
 2 Quænam sit terræ possessio , quæ promittitur in mansuetudinis præmium , ibid. num. 9

Maxentius .

- 1 Quis fuerit , & quid scripserit ? Prolegom. 6. cap. 6. num. 26

Maria ,

- 1 Vide Beata Virgo .

Martyrium .

- 1 Martyrium propter legem naturalem , an dati queat , sine gratiæ auxilio , lib. 1. cap. 27. num. 21

Massilienses .

- 1 Massilienses auctores fuere erroris Semipelagianorum , Proleg. 5. cap. 5. num. 5

Medium .

- 1 Ad exequenda omnia & singula media necessaria ad salutem est necessarium aliquod auxilium gratiæ , lib. 2. cap. 25. num. 1

Meritum , & mereri .

- 1 Actus meritorii a non meritorio triplex differentia , lib. 2. cap. 7. num. 2
 2 Actus naturalis moraliter bonus est meritorius præmii ordinis naturalis , lib. 1. cap. 20. num. 22
 3 Mereri non possumus de congruo primam gratiam internam , vel fidem per bonum opus morale , lib. 1. cap. 17. num. 11
 4 Meritum humanum necessario præcedere gratiam an putaverint Semipelagiani ? Prolegom. 5. cap. 6. a num. 26. Propter meritum humanum gratiam infallibiliter tribui an senserint ? a num. 33. Meritum de congruo an de condigno respectu gratiæ agnoverint ? a num. 37. Cum merito humano quo modo rationem gratiæ conciliarent , a num. 40. Pelagii error de merito , vide Pelagius , num. 4
 5 Cogitationem primam supernaturalem meritum non præcedit , lib. 1. cap. 17. num. 12
 6 Fides impetrat , & meretur donum gratiæ divinæ , lib. 2. cap. 2. num. 8
 7 Meritum Christi . Vide Christum .

Miraculum .

- 1 Miracula an possint peccatores patrare ? Proleg. 3. cap. 4. num. 11
 2 Quomodo miracula sint signa sanctitatis ? ibidem & num. 12

Misericordia .

- 1 Misericordia quinta beatitudo , lib. 2. capit. 22. num. 14
 2 In qua latitudine usurpetur hic misericordia , ibid. Non distinguitur a virtutibus , & donis circa eandem materiam , ibid.

Motio , & motus .

- 1 Quid requiratur ut motio ordinis naturalis inter auxilia gratiæ computetur , Prolegom. 3. cap. 6. num. 16
 2 Motionem internam prævenientem repugnare libertati putavit Pelagius , Prolegom. 5. cap. 2. num. 7
 3 Motionem efficacem necessitare voluntatem , & semper ad illius actus requiri putavit Lutherus , Prolegom. 5. cap. 7. num. 2. & Calvinus , num. 4
 4 Motio physica , seu determinatio voluntatis tollit libertatem , lib. 1. cap. 9. num. 4
 5 Motus voluntatis primo primi libertatis sunt expertes , Proleg. 1. cap. 6. num. 3
 6 Motus circularis , & rectus non distinguitur specie , lib. 2. cap. 11. num. 27
 7 Motio . Vide Potentia , num. 5. & 6

Munditia cordis .

- 1 Munditia cordis sexta beatitudo , lib. 2. cap. 22. num. 15. In quo consistat illius ratio , ibid.
 2 Hæc cordis munditia a donis , & virtutibus elicitur , ibid.

Mundus .

- 1 Mundus hostis animæ quo sensu dicatur ? Proleg. 4. cap. 9. num. 14

N

Naturale.

- 1 Naturalia in homine post peccatum manserunt integra, tam ex parte hominis, quam ex parte divinæ providentiæ, prolegom. 4. c. 9. n. 6.
- 2 In naturalibus fuisse hominem vulneratum, quo sensu verum, ibid. c. 8. n. 19.
- 3 Quomodo peccatum minuat naturalia. Vide Peccatum a n. 2.

Nazianzenus.

- 1 Nazianzenus ante exortam Pelagii hæresim catholicam de Gratia doctrinam docuit, prolegom. 6. c. 6. n. 6. & 7.

Necessitas.

- 1 Necessitas duplex, una ab intrinseco, altera ab extrinseco, prolegom. 1. cap. 4. n. 16. Priorem non patitur voluntas cum a Deo necessitatur, posteriorem maxime, ibid.
- 2 Necessitas absoluta, quæ? ibid. n. 17.
- 3 Necessitas, quam voluntas a Deo pati potest, violentia aliquo modo dicitur, ibidem numero 20.
- 4 Necessitas orta a qualitate divinitus impressa, ab illa non formaliter, sed effective tantum provenit, proleg. 1. c. 5. n. 9.
- 5 Necessitatis distinctio in sensu composito, & diviso optima, si bene explicetur, prolegom. 1. c. 6. n. 4.
- 6 Necessitas antecedens, & consequens, seu concomitans, lib. 1. c. 12. n. 20.
- 7 Necessitas inducta per actualem usum libertatis libertatem non tollit, prolegom. 1. c. 6. num. 10. & 22.
- 8 Necessitas consequens respectu voluntatis divinæ antecedens esse potest respectu creaturæ, ibidem num. 16.
- 9 Gravem tentationem necessitare voluntatem ad peccandum, erravit Bajus, lib. 1. cap. 24. a num. 21.
- 10 Ad necessitandam voluntatem quod decretum Dei requiratur. Vide Decretum a numero uno. Vide Qualitas.
- 11 Necessitas gratiæ. Vide Gratia latissime.

O

Obedientia.

- 1 Obedientiæ virtutis actus in homine fideli sæpe est in entitate supernaturalis, lib. 2. cap. 16. n. 7.

Occasio.

- 1 Occasionem tunc operandi a Deo præparatæ, & ablatio occasionum peccandi inter gratias externas recensentur, prolegom. 3. cap. 3. numero 15.
- 2 Occasionem bene operandi providere, & impedimenta auferre Deum ex meritis asserunt Semipelagiani, prolegom. quinto capite sexto num. 18.

Omissio.

- 1 Omissio pura perfecte voluntaria sine actu positivo dari non potest, lib. 1. c. 24. n. 41.

Operatio, & opus.

- 1 Operatio moralis undique bona raro sine gratia exercetur, lib. 1. cap. 38. n. 7.
- 2 Operatio virtutum permanens fuit in Apostolis dependenter a motione Spiritus Sancti proleg. 3. c. 5. num. 19.
- 3 Operatio bona moraliter dari potest per solas vires naturæ in homine lapsa, libro 1. capite 10. num. 8.
- 4 Opus bonum morale non requirit auxilium supernaturale quoad substantiam, lib. 1. cap. 8. num. 2.
- 5 Opus bonum morale duobus modis ordinari potest ad finem supernaturalem, lib. 1. c. 15. num. 2. Non potest tamen ita ab operante ordinari sine supernaturali gratia ibid. n. 3.
- 6 Opus bonum morale ut precise fiat ab homine ordinato ad supernaturalem finem non indiget supernaturali gratia, lib. 1. c. 15. n. 4.

- 7 Opera moralia omnia ad actus intellectus, & voluntatis revocantur, lib. 1. in Prælod. numero 3.

- 8 Quæ gratia ad bene operandum requiratur. Vide Gratia latissime, Vide Homo, num. 12. 16. & 19.

- 9 Operatio infantium, vide Infans.

- 10 Operatio infidelium, vide Infideles.

- 11 In statu naturæ lapsæ nihil homines posse operari, quod peccatum non sit, hæreticum dogma, lib. 1. cap. 3. num. 2.

Opinio.

- 1 Opinio, sive conjectura in Deum non cadit, prol. 2 cap. 2. n. 13.

Opitulatio.

- 1 Opitulationis nomine quid intelligat Paulus? prol. 3. cap. 5. n. 66.

Optatus.

- 1 Optatus Milevitanus quo sensu dixerit: Velle, & currere nostrum esse? prol. 6. n. 8.

Oratio.

- 1 Orationis necessitatem ad vincendas tentationes etiam gravissimas negavit Pelagius, proleg. 5. cap. 2. n. 7.
- 2 Orationem quo sensu admiserit Pelagius proleg. 5. cap. 3. num. 18.
- 3 Orationibus humanis gratiam merere asseruerunt Semipelagiani, proleg. 5. c. 5. n. 1.
- 4 Oratio pro actibus moraliter tantum bonis valde imperfecta est, lib. 1. c. 22. n. 7.

Orosius.

- 1 Absuit Concilio Palæstino, prolegom. 6. cap. 3. a num. 2. Adfuit tamen alii Hierosolymis celebrato, ibid. n. 3.
- 2 Orosii autoritas in doctrina de Gratia contra Pelagianos, prol. 6. c. 6. n. 29.

P

Pacifici.

- 1 Pacificorum septima beatitudo est, lib. 2. c. 22. num. 17.
- 2 In quo consistat, duplex æque probabilis opinio, ibid. Prima ait consistere in eo, quod pacem faciat inter discordes, ibid. In hoc sensu hæc beatitudo a charitate elicitur, ibid. Secunda asserit consistere in interna pace hominis ad Deum, & ad proximum, & ejusdem ad suos appetitus, ibid. In hoc sensu hæc beatitudo non est unius virtutis, aut doni actus, sed multorum, ibidem.

Pœnitentia.

- 1 Per pœnitentiam non ex gratia, sed ex meritis veniam obtineri docebat Pelagius, proleg. 5. cap. 2. n. 11.
- 2 Habitus virtutis pœnitentiæ in homine fideli est in entitate supernaturalis, lib. 2. cap. 16. num. 7.
- 3 Pœnitentia. Vide Peccator, n. 1.

Patres.

- 1 Quinam Patres veram doctrinam de Gratia tradiderint, & contrarios errores confutaverint, proleg. 6. cap. 6. per totum.
- 2 Patres Pelagio antiquiores nec illi favent, nec Augustino adversantur, prolegom. 6. cap. 6. num. 4.

Paulus.

- 1 Pauli Apostoli excellentia, prolegom. 6. ca. 7. in lib. August. cap. 10. Magnus Gratia præceptor, confessor, & prædicator, ibid.
- 2 Paulus, vide Petrus, num. 1.

Paupertas.

- 1 Paupertas voluntaria an dari possit sine auxilio gratiæ, lib. 2. cap. 27. num. 20.
- 2 In quo consistat paupertas prima beatitudo, varie exponitur, lib. 2. cap. 22. a num. 3. Præcipue consistere in voluntaria divitiarum carentia probabilis est, ibid. num. 6.
- 3 Hæc beatitudo a virtutibus per se infusis, vel donis Spiritus Sancti circa eandem materiam non distinguitur, ibid.

Peccator, & Peccatum.

- 1 Peccator non renetur ex præcepto statim, ac peccat, agere pœnitentiam, lib. 1. ca. 27. num. 33. In peccato potest exercere multos actus bonos, lib. 1. cap. 4. num. 6.
- 2 Peccatum non minuit mere naturale per se, & intrinsece, prol. 4. c. 6. n. 6.
- 3 Peccatum actuale quomodo minuat bonum naturæ, prolegomen. 4. capite 8. numero 12. & 21.
- 4 Peccatum putæ omissionis non minuit bonum naturæ, ibid.
- 5 Peccati macula, vel reatus non minuit phycas vites operandi, prolegom. 4. cap. 8. numero 13.
- 6 Peccati pœna pendet ex lege Dei prolegom. 4. cap. 9. n. 6.
- 7 Peccatum veniale non constituit hominem in statu naturæ lapsæ, prolegom. 4. cap. 6. numero 1.
- 8 Peccatorum venia dimidiata quoad culpam nunquam datur, lib. 1. cap. 35. num. 6.
- 9 Non posse esse sine peccato, nisi qui legis scientiam habuerit, prolegomen. 6. cap. 7. in libr. August. cap. 1.
- 10 Peccatum mortale actuale aliquando potest esse cum amore benevolentiae Dei naturali, lib. 1. capite 31. num. 12.
- 11 Homo in statu naturæ integræ posset prius venialiter peccare quam mortaliter. Non ita in statu originalis iustitiæ, prolegom. 4. cap. 4. num. 10.
- 12 Homo non potest naturaliter diu vivere sine peccato mortali contra legem naturalem, lib. 1. c. 24. n. 36.
- 13 Gratiæ necessitas ad non peccandum. Vide Gratia, n. 37. & 38.
- 14 Non omnes pœnas, quas mortales patiuntur esse peccati originalis, aut actualis supplicia, prolegom. 6. c. 2. n. 16.
- 15 Peccatum, vide Remissio peccati.
- 16 Peccatum Angelorum, Vide Angelus, num. 1. & 4.
- 17 Peccatum contra præceptum supernaturale virtuti etiam supernaturali opponitur, lib. 2. cap. 23. num. 19.

Peccatum originale.

- 1 Peccatum originale est mera privatio. Consistit in sola aversione a Deo, prolegom. 1. cap. 8. num. 12.
- 2 Per peccatum originale nullus error in intellectum transfunditur, sed sola ignorantia, 1. prol. 4. c. 6. num. 14. Quid per illud voluntati, & appetitui ablatum, ibid.
- 3 Peccatum originale nullum actum humanum includit, prolegomen. 4. cap. 6. numero 17. & 18.
- 4 Peccatum originale non avertere hominem a Deo, ut est finis naturalis, probabile est, prol. 4. cap. 6. num. 21.
- 5 Peccatum originale negavit Pelagius, proleg. 5. cap. 3. num. 3.
- 6 Peccatum originale non meruit carentiam naturalis concursus Dei nec immutationem generalis providentiæ, lib. 1. ca. 15. n. 9. Nec obstinationem in peccatis, ibid.
- 7 Puer decedens cum peccato originali potest amare Deum super omnia ut authorem naturæ, lib. 1. ca. 35. num. 7.
- 8 Peccatum originale, vide Homo n. 13. & Adam, num. 2. & 3.
- 9 Peccatum originale quo pacto libertatis vites minuerit, vide Libertas, n. 14.
- 10 Peccatum originale, vide Privatio.

Pelagius.

- 1 Pelagiana hæresis quo tempore cepit: quandiu quieverit in Ecclesia, prolegomen. 5. capite 2. numero 1. & prolegomen. 6. capite 1. numero 25. Quando iterum pullulaverit, ibidem num. 26.

- 2 Pelagianorum in Catholicos furor, & cædes per illos facta, prolegomen. 6. cap. 7. in libr. Augustin. cap. ult. in fin.
- 3 Pelagius non negavit gratiam revelationis mysteriorum fidei esse necessariam, lib. 2. cap. 1. num. 6.
- 4 Pelagii error asserentis principia merendi esse naturalia, lib. 1. c. 38. n. 4.
- 5 Pelagii errores in doctrina de Gratia, vide Gratia, n. 22. 26. & 28.

Permissio.

- 1 In permissione Dei non potest cognosci peccatum futurum, proleg. 2. cap. 5. n. 7.

Perseverantia.

- 1 Perseverantiæ donum, ad tolerantiam beatitudinem pertinet, lib. 2. c. 22. n. 19. Non est specialis virtutis actus, sed mandatorum integra observatio, ibid.

Petrus.

- 1 Divus Petrus, & Paulus, quali interprete usi fuerint, cum habuerint donum interpretationis, prol. 3. c. 5. n. 61.
- 2 Petrus Diaconus opus de Incarnatione, & Gratia scripsit, ubi Semipelagianos ad finem acriter impugnat, prolegom. 6. cap. 6. num. 26. Episcopos Africanos ad scribendum excitavit, ibid.

Pietas.

- 1 Pietatis multiplex significatio, lib. 2. cap. 21. num. 14. Quid significet pietas, quando usurpatur pro Spiritus Sancti dono, ibid.
- 2 Donum pietatis actuale quomodo distinguatur ab actu religionis per se infusæ, lib. 2. ca. 21. n. 15. & 16.
- 3 Donum pietatis versatur non solum circa materiam religionis, sed etiam iustitiæ, & circa Sanctorum cultum, ac parentum. Imo circa totam materiam virtutum ad alterum, lib. 2. c. 21. n. 16. & 17.
- 4 Piæ affectionis habitus ad quam virtutem spectet? lib. 2. c. 21. n. 17.

Pontifex.

- 1 Pontifex, vide Assistentia.

Potentia.

- 1 Potentia libera quas condiciones requirat, prol. 1. c. 3. n. 2. & 7.
- 2 Potentia pure passiva libera esse nequit, prol. 1. ca. 2. num. 8. Nunquam se in actum potest reducere, ibidem Necessario patitur, vel absolute, vel ex suppositione, si agens præsens sit, ibidem.
- 3 Potentia libera indifferentiam postulat ad agendum, vel non agendum, prolegom. 1. ca. 2. num. 8. & 9.
- 4 Potentia non libera in actu primo nec divinitus actus liberos potest elicere, prolegom. 1. ca. 4. num. 21. Potest tamen formaliter libera actus necessarios tam naturaliter, quam divinitus exercere, ibid. n. 21. & 22.
- 5 Potentia loco motiva non habet vim suspendi suos actus, prolegomen. 1. capite 5. num. 26. Non potest exercere suam actionem, nisi per appetitum moveatur, ibid.
- 6 Potentiarum motio per sympathiam exigit radiationem illarum in eadem natura, proleg. 1. ca. 5. n. 27.
- 7 Eadem potentia potest esse simul virtus ad plures actus inter se oppositos; licet illos simul habere non possit, prolegom. 1. ca. 6. num. 5. Eam non amittit cum aliquem illorum actum elicit, ibid.
- 8 Potentiæ unde sumant suam distinctionem specificam, lib. 2. ca. 21. n. 25.

Potestas.

- 1 Potestas remota voluntatis ad faciendum actum, posita suppositione antecedente, non est sufficiens, ut libertas salvetur, prolegomen. 1. ca. 6. numero 32.

Præceptum.

- 1 Præcepta Dei homini in hoc statu imposita, esse illi impossibilia censet Calvinus. prolegom. 5. cap. 7. numero 11.
- 2 Præceptum conservandi iustitiam originale non fuit distinctum, ab aliis præceptis, etiam in Adamo, lib. 1. ca. 3. num. 11.
- 3 Præceptum non potest esse de re impossibili, ibidem.
- 4 Præceptum operandi semper fructuose non invenitur, lib. 1. ca. 7. num. 12.
- 5 Præcepta omnia legis naturæ, etiam quoad substantiam servari non possunt naturaliter, lib. 1. cap. 8. num. 43.
- 6 Potest tamen unum, vel aliud præceptum etiam quoad honestas circumstantias, ibid.
- 7 Præceptum amandi Deum super omnia, ut authorem naturæ, est naturale, lib. 1. capite 31. num. 7. Ab illo non eximerentur homo, & Angelus, etiamsi in pura natura crearentur, ibid. num. 8.
- 8 Præcepta Decalogi continent legem mere naturalem, etiam per comparisonem ad puram naturam rationalem, libro 1. capite 31. numero 8.
- 9 Præceptum amandi Deum super omnia, si non daretur, nullum foret peccatum mortale præsertim contra proximum, ibid.
- 10 Præceptum dupliciter dici potest supernaturale, lib. 2. ca. 23. n. 2.
- 11 Dari hominibus præcepta supernaturalia de actibus supernaturalibus quoad substantiam negavit Pelag. ibid.
- 12 Ad implendum quodcunque præceptum supernaturale de interno actu est necessaria gratia, lib. 2. cap. 23. num. 7. & n. 22.
- 13 Non solum ad observantiam cuiusque præcepti in tota sua latitudine, sed etiam ad observantiam illius in quolibet actu supernaturali interno, necessaria est gratia, libro 2. capite 23. num. 8.
- 14 Neque solum gratia est necessaria ad omnem actum supernaturalem implentem præceptum, sed ad omnem actum, ut impleat; & hoc tam ad substantiam, quam ad modum actus, ibid. numer. 10. & 11.
- 15 Ad vitandam culpam contra præceptum supernaturale affirmativum, vel etiam negativum de re supernaturali, gratia est necessaria, lib. 2. cap. 23. num. 18.
- 16 Præcepta supernaturalia pure negativa non dantur de actibus internis, libr. 2. cap. 23. numero 18.
- 17 Peccatum contra præceptum supernaturale, virtuti etiam naturali opponitur, ibidem numero 19.
- 18 Dupliciter caveri potest actus contrarius supernaturali præcepto, libr. 2. cap. 23. numero 19.
- 19 Ad observanda præcepta supernaturalia gratia auxilians, seu adjuvans est per se necessaria, & sufficiens, lib. 2. ca. 23. num. 24. Non tamen semper sine habituali gratia servantur, ibidem n. 25.
- 20 Præcepta supernaturalia de actibus externis possunt interdum quoad substantiam impleri, sine auxilio gratiæ, lib. 2. cap. 24. num. 2. Non vero quoad supernaturalem modum, quem habere possunt ex operante, ibid.
- 21 Quibus modis possit esse præceptum de actu externo, ibid. n. 3.
- 22 Præceptum Adamo in paradiso impositum non comedendi de ligno vetito, erat supernaturale tantum quoad modum, libro 2. capite numero 3. Ad illius substantiam non erat necessaria gratia, ibid.
- Præcise spectatum non obligabat quoad modum, ibidem.
- 23 Ad præceptum de exteriori actu, cuius obser-

vatio pendet per se ab interiori supernaturali, est necessaria gratia, libro 2. capite 24. numero 4.

- 24 Præceptum absolute administrandi, seu efficiendi sacramentum potest sine gratia habituali, imo sine fide impleri, lib. 2. cap. 24. numero 6. Quamvis sæpe non fiat sine aliquo auxilio spectante ad ordinem gratiæ gratis datæ, ibid.
- 25 Ad implendum præceptum ministrandi digne sacramentum necessaria est gratia saltem habitualis, lib. 2. c. 24. n. 9.
- 26 Præceptum recipiendi sacramentum potest impleri sæpe sine gratia, & cum peccato. In penitentis tamen sacramento, nunquam, lib. 2. ca. 24. n. 10.
- 27 Præceptum sumendi Eucharistiæ divinum, & Ecclesiasticum sine gratia, & cum peccato impleri potest, libro 2. capite 24. num. 12.
- 28 Ad implendum præceptum recipiendi digne sacramentum necessaria est gratia, lib. 2. cap. 24. n. 13.
- 29 Ad implendum præceptum recipiendi digne sacramenta mortuorum, gratia habitualis non requiritur, sed tantum auxilians, lib. 2. ca. 24. numero 13.
- Habitualis vero per se requiritur ad sacramenta vivorum, ibid.
- 30 Amor naturalis benevolentis Dei non includit observantiam omnium præceptorum, lib. 1. cap. 30. n. 12. & 14.

Prædefinitio.

- 1 Prædefiniat ne Deus singulos actus morales? lib. 1. cap. 14. n. 3.
- 2 Deus prædefinire potest actus bonos, maxime supernaturales, antequam absolute præsciat esse futuros, prol. 2. c. 5. n. 17.
- 3 Prædefinitio actuum bonorum libertatem operantis non evertit, prol. 1. c. 6. n. 2.
- 4 Deus non prædefinit actiones malas, neque quoad materiale earum prolegomen. 2. capite 5. numero 5.
- 5 Vide Decretum, n. 10.

Prædicatio.

- 1 Prædicatio fidei est gratia externa, prolegomen. 3. cap. 3. numero 14.

Premium.

- 1 Premium futurum Beatitudinum in altera vita, licet nomine sit multiplex, in re est unum, visio scilicet beata, libr. 2. cap. 22. num. 23. Quæ, & qualia sint præmia Beatitudinum in hac vita, ibidem, n. 24.

Præscientia.

- 1 Præscientia futurorum contingentium ponit in objecto scientiæ liberam Dei voluntatem. Non tamen in Deo decretum aliquod liberum supponit, prol. 2. ca. 1. num. 6.
- 2 Præscientia proprie dicit ordinem ad rem in tempore futuram, proleg. 2. cap. 4. num. 2.
- 3 Præscientia Dei, sive prophetia ad suppositionem consequentem pertinent, prolegomen. 5. cap. 6. num. 28.
- 4 Præscientia Dei nec ad materiale peccati voluntatem cogit, prolegomen. 2. capite 10. numero 9. & 10.
- 5 Præscientia. Vide Scientia.
- 6 Præscientia, vide Decretum & futurum contingens.

Privatio.

- 1 Privatio cogitationis congruæ ad operandum honeste naturaliter, de facto non est pena originalis peccati, prolegomen. 4. capite 5. numero 7. & 8.

Propheta, Prophetia, & Propheticum.

- 1 Prophetam nullum excepto Christo Domino uti potuisse ad libitum prophetiæ dono, de fide est, prolegomen. 3. capite 5. numero 26.
- 2 Propheta quomodo post actualem revelationem recor-

- recordetur, & assentiatur rei revelatę proleg. 3. capite 5. n. 34. & 35.
3. Prophetia quid includat prolegomen. 3. cap. 4. numero 10. Probabile est esse cognitionem evidentem, ibid. Requirit apprehensionem rei cognoscendę, & iudicium de veritate rei apprehensę, ibid. numero 22.
- Non est habitus, numer. 23.
4. Propheticum lumen esse aliquid permanens, probabile est, prolegomen. 3. capite 5. numero 28. & 39.
5. Propheticus assensus evidens, & obscurus esse potest, prol. 3. ca. 5. num. 29.
- Assensus obscurus non differt specie ab assensu fidei: evidens vero differt, ibid.
6. Evidens assensus propheticus si detur, illius lumen non esse permanens, probabilius est, prolegomen. 3. cap. 5. num. 30.

Propositum.

1. Propositum vitandi omnia venialia quale sit? libro 1. capite 34. num. 21.

Prosper.

1. Opera Sancti Prosperi recensentur. Proleg. 6. cap. 6. num. 22. Ejus autoritas in libris de Gratia contra Semipelagianos maxima post Augustinum, ibid. num. 23. Fidelissimus Augustini defensor, ibid. Ejus doctrina, & labores pro Ecclesia referuntur, & commendantur, ibidem.

Prudentia.

1. Prudentię actus nonnunquam in hominę fidei supernaturalis est in entitate, libro 2. capite 16. numero 8. Quomodo evadat supernaturalis, cum in conjecturis naturalibus fundetur? ibid. numero 15.

Puer.

1. Puer, vide Libertas, numero 10.
2. Puer, vide Infans.

*Q**Qualitas.*

1. **Q**ualitas, qua Deus voluntatem necessitet, possibilis est, prol. 1. c. 5. n. 3. Forte spiritualis, permanens, vel transiens pro arbitrio Dei illam efficientis, ibid. Nullo modo intrinsicam potentię vim minueret: vinceret tamen, ibid. n. 7. & 8.
2. Qualitas hæc formaliter, non effective voluntatem immutaret, ibidem, n. 9.
- Determinaret intrinsece voluntatem in actu primo, prol. 1. c. 5. n. 9.
3. Et si impossibilis talis qualitas foret, adhuc Deus voluntatem necessitare posset, ibidem numero 10.
4. Qualitas morbida in homine lapsa vana est, & impossibilis, prolegom. 4. cap. 8. numero 11. & 16.

*R**Redemptor, & Redemptio.*

1. **R**edemptio nostra potest dici externa gratia, prolegomen. 3. capite 3. n. 15.
2. Redemptoris, & sanctificatoris nomen, in quo differat. In proēm. operis, n. 3.

Regnum.

1. Regnum cęlorum, & vitam æternam falso distinguit Pelag. prolegom. 5. ca. 3. num. 3.
2. Regnum cęlorum etiam in veteri testamento promissum, quo sensu dixerit Pelagius, proleg. 6. cap. 7. in libr. Augustin. cap. 6. Adnotat. margin.

Regula.

1. Regula ad exponendos Patres, dum de Gratia loquuntur, contra Pelagium, prolegom. 5. c. 4. num. 10.

Remissio.

1. Remissio peccatorum pertinet ad gratiam sanctificantem, prol. 3. c. 6. n. 4.
2. Remissionem peccatorum sub nomine gratię agnovit Pelagius, prolegomen. 5. capite 2. numero 11.

3. Remissionem peccatorum immediate obtineri per naturalem penitentiam crediderunt Semipelagiani, & expresse Cassianus, prolegomen. 5. c. 6. numero 14. & 17.
4. Remissio peccati mortalis de se est opus non naturale, lib. 1. cap. 11. numero 11.
5. Ad remissionem peccati obtinendam, requiritur in adulto auxilium gratię, lib. 2. cap. 25. numero 2.
6. Ipsa remissio peccatorum est gratia, & per infusionem gratię fit, ibid. 3.
7. Peccati venialis remissio non fit sine aliqua gratia, ibidem.

Revelatio, & Revelatum.

1. Revelationem nomine gratię agnovit Pelagius, prolegom. 5. cap. 3. numero 16. & lib. 2. capite 5. num. 6.
2. Quomodo fiat revelatio? prolegom. 3. cap. 5. n. 23. 29. & 34.
3. Revelationes mere internę maxime ad communem fidem spectantes rarę post Christi adventum, prol. 5. c. 3. num. 16.
4. Revelationem, legem, ac prædicationem dari propter meritum humanum, & propter demeritum negati crediderunt Semipelagiani, prol. 5. cap. 6. num. 24.
5. Aliqua esse mysteria, quę absque revelatione cognosci nequeunt ostenditur, lib. 2. cap. 1. numero 2.
6. Revelatio divina viatori necessaria est, ad cognoscendum Deum, sicut oportet, libr. 2. ca. 2. num. 6.
7. Quenam revelatio sit necessaria ad hujusmodi cognitionem, lib. 2. cap. 1. n. 8.
8. Revelatio divina generatim gratia dici debet, lib. 2. cap. 1. n. 10.
9. Ad cognoscenda objecta etiam naturalia fide divina, divina revelatio requiritur, lib. 2. cap. 1. num. 27.
10. Hęc revelatio non confertur a Deo ex meritis, sed mere gratis, libro 2. capite 1. num. 12.
11. Duplex modus credendi revelata a Deo. Unus fidei infusę, acquisitę alter, libro 2. ca. 11. n. 4.

*S**Sacramentum.*

1. **S**acramenta sunt quędam gratię, proleg. 3. cap. 3. num. 15.
2. Sacramentum, vide Præceptum, a numero 24.

Sapientia.

1. Sapientię donum non est formaliter charitas, vel spes, lib. 2. cap. 17. num. 20. Neque est idem cum fide, ibid. n. 14.
2. In quo consistat donum sapientię: in quo differat, & conveniat cum fide, lib. 2. cap. 18. num. 16.
3. Sapientia, vide Sermo.

Scientia Dei.

1. Scientia increata Dei in Christo per sympathiam voluntatem Christi creatam excitare nequit, prolegom. 1. c. 4. n. 27.
2. Scientia Dei ad suppositionem consequentem pertinet, non ad antecedentem, prolegom. 1. cap. 6. n. 28.
3. Scientia conditionata five media futurorum contingentium in Deo asserenda, prol. 2. ca. 1. n. 6. & ca. 7. a n. 22. Per hanc certo cognoscit Deus quod eventurum est, prius ratione, quam aliquid libere decernat, prol. 2. cap. 1. n. 6.
4. Dari scientiam conditionatam in Deo ex Scripturis ostenditur, proleg. 2. ca. 2. per totum. Adhuc de fide non est dari talem scientiam, ibidem n. 19.
5. Ex Augustin. & aliis Patribus confirmatur dari scientiam conditionatam in Deo, prolegom. 2. ca. 3. per totum. Ad quid necessaria sit in Deo, ibid. n. 13. Supponitur a fidelibus, dum Deum orant, ibid. num. 15.

- 6 Scientia conditionata in quo differat ab absoluta? prol. 2. c. 4. nu. 7. Necessario comprehendit in suo objecto adequato decretum Dei, ibid. & c. 9. n. 4.
- 7 Per scientiam conditionatam quomodo cognoscatur peccatum, prolegomen. 2. cap. 4. numero 10.
- 8 Scientiam conditionatam dari ante decretum liberum, nec in illo fundari, prol. 2. cap. 5. per totum.
- 9 Scientiam conditionatam supponit, & indicat D. Thomas, prolegomen. 2. cap. 6. numero 6. Ad scientiam simplicis intelligentiæ pertinet, ibidem num. 7.
- 10 Scientia Dei quo sensu libera dicatur, prol. 2. ca. 6. n. 8.
- 11 Quæ decreta conditionata admittenda sint in Deo respectu futurorum conditionatorum? prolegomen. 2. cap. 2. num. 20.
- 12 Per scientiam simplicis intelligentiæ prius Deus se voluntarie posse creare mundum præcivit, quam libere decerneret illum creare, prolegomen. 2. cap. 1. n. 6.
- 13 Scientia absoluta terminatur ad effectum secundum actuale ejus existentiam, & supponit in Deo actuale decretum: conditionata non ita, prolegomen. 5. cap. 9. numero 8.
- 14 Scientia Visionis non est causa rerum, prolegomen. 2. ca. 10. a num. 5.
- 15 Scientia qualem influxum habeat ad extra, prolegomen. 2. c. 10. n. 15.
- 16 Scientia simplicis intelligentiæ applicata per voluntatem causat res ad extra, prolegomen. 2. capite 10. numero 17. & 18.
- 17 Scientia approbationis addit supra scientiam voluntatis affectum, ibid.
- 18 Scientia visionis speculativa simplicis intelligentiæ practica est, prol. 2. cap. 10. a num. 31. & num. 21.
- 19 Scire actualiter pertinet ad perfectionem simpliciter; velle tamen actu objectum creatum non pertinet ad perfectionem Dei, sed posse illud velle, prol. 2. c. 8. num. 4. & 10.
- 20 Scientia. Vide Decretum, vide Futurum contingens, vide Causa, n. 3. vide Præscientia.

Scientia Spiritus Sancti donum.

- 1 Scientiæ donum actuale in aliquo mentis iudicio consistere certum est, libro 2. capite 20. numero 1. Speculativum potius dicendum, quam practicum, ibid. num. 2. Aliquo tamen modo practicum dici potest, ibid.
- 2 In quo scientiæ donum consistat, amplius explicatur, libro 2. capite 20. num. 3. A fide, sapientia, & consilio quomodo distinguitur, ibid. a numero 4.
- 3 Donum scientiarum confertur propter commune Ecclesiæ bonum, lib. 1. cap. 1. num. 17.
- 4 Scientia, vide Sermo.

Semipelagiani.

- 1 Semipelagianorum error, ejus occasio, Auctores, & sectatores proleg. 5. ca. 5. per totum.
- 2 Semipelagiani hominum meritis prævisis tribuebant quod eis revelaretur, seu prædicaretur fides, libro 2. capite 1. numero 11. Impugnatur, ibidem n. 13.
- 3 Semipelagianorum errores de merito, vide Meritum, nu. 4. & Oratio, num. 3.

Seneca Pelagianus.

- 1 Senecæ ejusdem errores a Pelagio hausti, prol. 6. c. 6. n. 22.

Sermo.

- 1 Quid sit sermo sapientiæ, & scientiæ, prol. 3. ca. 5. a num. 2.

Severinus, & Severus.

- 1 Severinus in Scotia Pelagii hæresim extinctam suscitavit, prol. 6. c. 1. n. 25.
- 2 Severus Sulpicius an Semipelagianorum errore sit deceptus, incertum; Catholicum obiisse constat, proleg. 5. cap. 5. a num. 33.

Sixtus Romanus.

- 1 Sixtus Pontifex Romanus ante Pontificatum, & in illo Pelagianorum acerrimus hostis, prol. 6. capite 1. num. 13. Quinam liberi ei falso ascripti, ibid.

Spes.

- 1 Spes est donum gratiæ gratum facientis, prol. 3. c. 4. num. 15.
- 2 Spem theologicam actualem esse actum voluntatis vera sententia docet, libro 2. ca. 12. n. 2. Quid de spe senserit Pelagius? ibidem, numero 3.
- 3 Spei actus ad salutem necessarius absque supernaturali gratiæ auxilio dari nequit, ibid. n. 5. In sua substantia, & specie est supernaturalis, ibid. num. 9. Illius objectum explicatur, ibidem numero 10.
- 4 Quomodo concurrat ex parte objecti spei, absentia boni sperati lib. 2. cap. 12. n. 11.
- 5 Voluntas spe naturali potest tendere in beatitudinem per actum fidei infusæ, vel acquisitiæ cognitæ lib. 2. cap. 12. n. 14.
- 6 Hæc spes specie distinguitur a supernaturali infusa, unde sumit hanc distinctionem ibidem, numero 15.
- 7 Spes alicujus boni necessario supponit amorem concupiscentiæ ejusdem, in eodem ordine, lib. 2. cap. 13. n. 12.
- 8 Spei habitus non manet in patria formaliter sub ratione, & denominatione spei: sed ut habitus, seu principium amandi, & fruendi beatitudine, lib. 2. cap. 13. numero 25.
- 9 Amittiturne spes per odium, vel nolitionem beatitudinis in utramque partem discutitur, ibidem. Non amittitur per præsumptionem ibidem.
- 10 Spes supernaturalis, & amor concupiscentiæ ab eodem habitu eliciuntur, lib. 2. capite 13. num. 24.

Status.

- 1 Status variæ acceptiones, prolegomen. 4. capite 1. num. 1. Status nomen beatitudini præcipue convenit, ibid. num. 2.
- 2 Status puræ naturæ quid includat prolegomen. 4. cap. 1. num. 3. In quo consistat illius ratio prolegomen. 4. cap. 2. n. 3. distinctus est ab statu integræ naturæ, ibid. n. 12.
- 3 Status innocentie, & justitiæ originalis idem est, proleg. 4. capite 3. n. 1.
- 4 Status innocentie quid addat ultra puræ, & integræ naturæ statum, proleg. 4. capite 3. per totum.
- 5 Status innocentie quibus modis accipiat prolegomen. 4. c. 3. num. 2. Excellentia hujus status expenditur ibid. a numero 3.
- 6 Status naturæ integræ, vel originalis justitiæ ex se non ordinat hominem ultra naturalem finem, prolegomen. 4. cap. 4. numero 4. juncto ca. 2. numero 3.
- 7 Status integræ naturæ distinctus, & separabilis est ab statu gratiæ ibidem nu. 5. Status gratiæ & naturæ integræ nunquam de facto fuerunt separati ibid. n. 6.
- 8 Status gratiæ secundum legem ordinariam est veluti fundamentum status innocentie, prol. 4. ca. 5. numero 3. & ca. 6. nu. 9. Status innocentie addit aliquam perfectionem a gratia distinctam ibid. n. 2. & 5.
- 9 Status naturæ lapsæ inveniri potest in homine in quolibet statu condito, prolegomen. 4. ca. 6. num. 2. Per culpam moralem contrahitur, ibid. num. 1.
- 10 Status naturæ lapsæ non semper includit statum peccati, sed defectum integritatis naturæ ex culpa contractum, proleg. 4. cap. 6. num. 3. Status naturæ lapsæ comparatur cum reliquis, ibidem, a numero 6.
- 11 Status naturæ integræ? fœdusa innocentia de potentia absoluta comparabilis est cum statu naturæ

- turæ lapsæ, prolegomen. 4. cap. 6. numero 8. secus tamen de potentia ordinaria, ibidem numero 9.
- 12 Status puræ naturæ, excepto peccato, non differt ab statu naturæ lapsæ, prolegomen. 4. capite 8. numero 14. & 15.
- 13 In statu puræ naturæ non diceretur homo vulneratus, neque nudatus: secus in statu naturæ lapsæ, ibid. n. 20.
- 14 An plures in statu puræ naturæ mali forent: quam in statu naturæ lapsæ sunt, prol. 4. cap. 9. num. 14. & 15.
- 15 Status innocentie, vel naturæ integræ ex gratuito privilegio esset expers erroris lib. 1. capite 1. n. 4. Utrum omnes naturales veritates collectivè attingeret, incertum. Pars negans verisimilior, ibid.
- 16 Status innocentie nullam admitteret ignorantiam, lib. 1. cap. 1. num. 17.
- 17 In statu naturæ lapsæ nihil homines posse operari, quod peccatum non sit, hæreticum dogma, libro 1. capite 3. num. 2.
- 18 Status naturæ lapsæ, & puræ naturæ duplex differentia, libro 1. capite 28. numero 4. & 5.
- 19 Status naturæ integræ haberet omnes naturales virtutes per accidens infusas, lib. 1. cap. 38. n. 1. Propterea tunc non acquirerentur, ibid.
- 20 Status puræ naturæ non excludit omne Dei auxilium, lib. 1. c. 35. num. 9.
- 21 Status, vide Adam, n. 2. Vide actus naturalis, n. 2. & 3.

Supernaturalitas.

- 1 Supernaturalitas, vide Actus supernaturalis. Vide Fides,

T

Temasius.

- 1 **T**emasii, & Iacobi ad Augustinum epistola in ejus lib. cap. 16.

Tentatio.

- 1 Tentationes a nobis avertere Deum in retributionem boni usus arbitrii, credebant Semipelagiani, prolegom. 5. cap. 6. numero 18.
- 2 Tentatio non mutat speciem, aut motivum actus, lib. 1. cap. 22. numero 12.
- 3 Tentatio quænam gravis, aut levis dicatur lib. 1. c. 23. num. 2. Tentatio eadem potest uni esse gravis, alteri levis, ibidem. Tentationum generat tria, ibid. num. 3. Tentatio variis modis vincipotest, ibid. num. 4.
- 4 Tentationes omnes vinci posse sine Dei auxilio, error fuit Pelagii, lib. 1. cap. 23. n. 7.
- 5 Tentatio quælibet levis in particulari secundum se sine peculiari Dei auxilio vinci potest, lib. 2. capite 23. num. 13.
- 6 Tentatio quælibet gravis vinci nequit sine speciali Dei auxilio, lib. 1. cap. 24. nu. 8. Non requiritur tamen gratia sanctificans, ibid. numero 16.
- 7 Tentatio levis non obligat hominem ex præcepto ad orandum: obligat vero gravis, juxta multorum sententiam, libro 1. capite 24. numero 19.
- 8 Græva tentationem necessitare voluntatem ad peccandum, etravit Bajus, lib. 1. ca. 23. numero 1. & 2.
- 9 Ad vincendam tentationem gravem quamvis gratia requiratur, ibid. n. 20.
- 10 Ad vincendam gravem tentationem necessitas gratiæ provenit ex impotentia non physica sed morali liberi arbitrii in statu naturæ lapsæ, libro 1. ca. 24. numero 28.
- 11 Tentatio gravis requirit temporis moram, lib. 1. cap. 24. num. 34.
- 12 Tentatio etiam contra præceptum negativum an vinci possit sine positivo actu voluntatis, lib. 1. cap. 24. num. 41.

Testamentum.

- 1 Novi Testamenti excellentia, in lib. Aug. c. 5. ad fidem.

Theologia.

- 1 Theologia comparatur sine speciali auxilio gratiæ, prol. 3. c. 5. num. 8.

D. Thomas.

- 1 D. Thomæ pro tuenda gratia labor. Ejus encomium, proleg. 6. ca. 6. numer. 28.

Timor.

- 1 Timoris multiplex acceptatio, lib. 2. c. 22. numero 1.
- 2 Timor gehennæ, vel amittendi supernaturalem beatitudinem, est actus supernaturalis libro 2. capite 13. num. 13.
- 3 Timor donum Spiritus Sancti actuale, significat timorem reverentialem divinæ Majestatis, lib. 2. cap. 21. n. 18. & 22. Ut sic est donum a cæteris distinctum, ibid. In beatis manet, ibidem n. 22. In materia humilitatis, ac temperantiæ versatur, ibidem.
- 4 Timor Dei servilis non est Doni Spir. Sancti actus, libro 2. capite 11. numero 20. Si quando timor Dei servilis, etiam honestus dicitur donum Spiritus Sancti tunc sumitur in lata significatione doni: vel causaliter, ibid. numero 21.
- 5 Actualis timor filialis, & initialis, non est donum Spiritus Sancti neque ab speciali habitu doni timoris elicitur, sed a virtute charitatis, lib. 2. c. 21. num. 21.
- 6 Timor filialis, & initialis, solum differunt tanquam perfectum, & imperfectum in eadem specie, ibidem.

Tolerantia persecutionum.

- 1 Tolerantia persecutionum propter justitiam, octava beatitudo est, lib. ca. 22. numero 18. In quibus virtutum actibus consistat, ibidem numero 19.

Trinitas.

- 1 Trinitas est vera gratia increata, prolegomen. 3. cap. 3. num. 4.

V

Verbum.

- 1 Personalitas divini Verbi naturæ humanæ unita gratia dici potest, prolegom. 3. capite 3. numero 3.

Veritas.

- 1 Veritas divina quomodo sit ratio cognoscendi omnes veritates extra se, prolegom. 2. cap. 9. num. 9.
- 2 Veritas creata nulla datur absque voluntate Dei, ibid. n. 8.
- 3 Utrum, & quomodo gratia necessaria sit ad omnes veritates cognoscendas, lib. 1. capite 1. a nu. 1. latissime.

Vincentius.

- 1 Vincentius Lyrinensis inter Semipelagianos immerito censetur, prolegomen. 5. capite 5. numero 18.

Violentum.

- 1 Violentum quid sit. Et in quo a coacto distinguatur, prolegom. 1. c. 1. num. 4.

Virginitas.

- 1 Virginitas matrimonio potior est, in lib. August. cap. 10.
- 2 Virginitas moraliter honesta, an dati queat sine gratiæ auxilio? libro 1. capite 37. numero 19.

Beata Virgo.

- 1 Beata Virgo a peccato originali præservata gratiam simul cum natura adeptæ est, prolegom. 4. cap. 1. numero 13. In statu naturæ integræ concepta, prol. 4. ca. 2. n. 4.
- 2 Hæc integritas personalis, non originalis fuit, proleg. 4. cap. 3. num. 1. Licet habuerit integritatem naturæ non habuit omnia privilegia status innocentie, ibid. n. 16.
- 3 Beatam Virginem peccatum actuale non commisisse Ecclesia tenet, prolegomen. 6. cap. 2. num. 16.

Virtus.

- 1 Virtutes omnes possunt ex charitate diligi, lib. 1. c. 5. num. 15.
- 2 Virtutes morales quo pacto non dentur sine charitate, libro 1. capite 38. numero 4.
- 3 Virtutes morales in gradu perfecto acquiri nequeunt, sine gratiæ auxilio, ibidem numero 8. & 11. Nec etiam omnes simul sine gratia acquiri possunt, lib. 1. c. 38. numero 12.
- 4 Virtutes connexę in eodem subjecto facilius operantur, ibidem n. 9.
- 5 Status naturę integrę haberet omnes naturales virtutes per accidens infusas, lib. 1. cap. 38. num. 1.
- 6 Virtutes infusę ad quam speciem qualitatis spectent, libro 2. capite 9. num. 3.
- 7 Virtutes nobiliores, quam Theologicę, datinequeunt, lib. 2. ca. 21. numero 25.

Vita, & Vitalis.

- 1 Vitam æternam esse homini, & Angelo connaturalem ex vi solius naturę, & operationum ab illa procedentium sensit Bajus, prolegomen. 6. cap. 2. num. 5.
- 2 Non repugnat actum vitalem esse quoad substantiam supernaturalem, lib. 2. capite 9. numero 1.
- 3 Vitalis an author extiterit heresis Semipelagianorum, prolegomen. 5. capite 5. numero 5.

Vitium.

- 1 Vitium omne non est omni virtuti contrarium, lib. 1. cap. 7. num. 14.

Unio.

- 1 Unio hypostatica an gratia dici possit? prol. 3. c. 2. num. 11.

Vocatio.

- 1 Vocatio est prima gratia, prolegomen. 3. cap. 6. numero 12. Variis nominibus significatur, ibidem.
- 2 Vocationis nomine quid Faustus Semipelagianus intelligat, prolegomen. 5. cap. 5. numero 31.
- 3 Vocationis congruitatem in quo constituent Patres? proleg. 2. cap. 5. num. 16.
- 4 Quid si vocatio divina? libro 2. capite 3. numero 17.

Voluntas, & Voluntarium.

- 1 Voluntas necessitatem, non coactionem pati potest, prol. 1. ca. 1. num. 5.
- 2 Voluntas qua potentia passiva, non est libera, prol. 1. ca. 2. num. 4.
- 3 Voluntas est causa completa, & proxima suorum actuum, proleg. 1. cap. 2. numer. 11. Si cognitio intellectus in actus voluntatis influat effective, proxime, & complete libera non dicitur, nisi post cognitionem, ibid.
- 4 Voluntas non est proxime, & simpliciter libera ad actus supernaturales: fit tamen talis per habitus infusos, vel auxilium supernaturale, lib. 1. c. 2. num. 11.
- 5 Voluntas in actu primo cum omnibus ad agendum requisitis libera adhuc est, prol. 1. cap. 2. n. 15. & c. 3. n. 4.
- 6 Voluntas Dei ad concurrendum cum creata est conditionata, prolegomen. 1. capite 3. numero 16.
- 7 Voluntas etiam naturaliter sæpe necessario operatur prol. 1. cap. 4. nu. 1. A nulla causa creata proposito objecto indifferenter cum plenarationis usu necessitari potest, ibid.
- 8 Voluntas ad actus elicitos absolute cogi non potest a Deo, proleg. 2. capite 4. n. 1. & 20. Potest tamen necessitari quoad speciem, & exercitium, etiam stante iudicio de objecto indifferente, ibid. a nu. 9. Hęc necessitas a Patribus coactio, & violentia interdum dicitur, ibid. nu. 20. Hęc necessitas induci potest a Deo per qualitatem impressam ab actu distinctam, prol. 1. cap. 5. a n. 1. Hęc qualitas permanens, vel transiens esse potest ibid. n. 5.

- 9 Voluntas solum a Deo, vel a se ipsa effective mutari potest, proleg. 1. c. 5. n. 8.
- 10 Voluntas nulla indita qualitate a Deo immediate necessitari valet, prolegomen. 1. ca. 5. n. 9. Non per solam voluntatem ipsius Dei, ibidem a numero 14. Non per eundem concursum, quo libere operaretur, ibidem a num. 13. Sed per alium alterius rationis, ibid. num. 20.
- 11 Voluntas creata ad suum actum suspendendum non indiget Dei concursu, prolegomen. 1. c. 3. n. 19. & 25.
- 12 Voluntas creata necessitari nequit, nisi impediat potestas ad suspendendum suos actus, prol. 1. c. 5. num. 26. Potens simul est a tactus appositos eliciendos, illos tamen simul elicere non valet, ibid.
- 13 Voluntas in eodem instanti, quo elicit actum, illo carere nequit, prol. 1. ca. 6. n. 10.
- 14 Voluntas divina est prima radix effectuum liberorum, proleg. 1. ca. 6. numero 30. Non solum voluit, ut causę liberę actus exercerent, sed etiam ut libere id facerent, ibid.
- 15 In quam partem hic, & nunc positus omnibus ad agendum requisitis, voluntas sit inclinatura, Deus ab æterno præcivit, proleg. 2. capite 1. num. 6.
- 16 Voluntatem natura sua non esse determinatam ad malum de fide est, prolegomen. 2. capite 5. numero 8. & prolegomen. 5. cap. 7. a numero 2.
- 17 Voluntas divina dandi gratiam disposito distincta est a voluntate dandi auxilium, prol. 2. ca. 8. numero 4.
- 18 Voluntatem hominis esse potentiam pure passivam, asserit Lutherus, prolegomen. 5. cap. 7. numero 3.
- 19 Voluntas regulariter non cadit, nisi præcedente defectu in intellectu practico, libro 1. cap. 2. num. 14.
- 20 Voluntas creata non indiget physica prædeterminatione ad actus liberos, lib. 1. cap. 9. num. 3.
- 21 Voluntas cum generali concursu naturali potest bene moraliter operari, lib. 1. capite 9. num. 5.
- 22 Voluntatis motio potest esse per modum habitus, vel qualitatis transeuntis, libro 1. cap. 9. num. 7.
- 23 Voluntas positis æqualibus bonis, & æqualiter consideratis, potest quodlibet libere eligere, lib. 1. cap. 12. nu. 15.
- 24 Deficerene possit voluntas, quin præcedat error in intellectu lib. 1. cap. 12. numero 18. & 19.
- 25 Voluntas non obedit intellectui despotice, sed politice, lib. 1. c. 12. numero 19.
- 26 Voluntatem credendi, sicut oportet, nullus habere potest sine supernaturali gratia Dei excitante, & adjuvante, libro 2. capite 3. numero 2. & 10.
- 27 Voluntas credendi, a qua fides divina procedit, prava esse nequit, neque ob extrinsecum finem malum haberi potest, lib. 2. capite 3. numero 14.
- 28 Non solum voluntas credendi, sed initium ejus est specialis gratia Dei, lib. 2. capite 3. num. 16.
- 29 Viribus naturę potest dari aliqua voluntas credendi, & quænam illa sit, lib. 2. capite 10. num. 3. & 6.
- 30 Voluntas credendi Catholici habet diversam rationem objectivam a voluntate credendi hæretici, lib. 2. cap. 11. num. 35.
- 31 Voluntatis actus. Vide actus numero 2. & 3.
- 32 Voluntas. Vide Concursum.
- 33 Voluntarium quid sit, prolegomen. 1. cap. 1. num. 5.

Vulnus.

- 1 *Vulnus ignorantiae quid abstulerit?* libro 1. capite 1. num. 19.
- 2 *Vulnus ignorantiae plus læsit intellectum practicum quam speculativum*, libro 1. capite 2. numero 14.
- 3 *Carentia donorum, & auxiliorum specialium est privatio, & vulnus in statu naturæ lapsæ, non ita in puris naturalibus*, libro 1. capite 1. numero 7.
- 4 *Quo sensu verum sit hominem fuisse in naturalibus vulneratum*, prolegom. 4. capite 8. numero 19.
- 5 *In statu puræ naturæ non diceretur homo vulneratus, neque nudatus; secus in statu naturæ lapsæ*, prol. 4. cap. 8. n. 20.

Z

Zozimus.

- 1 *Zozimus Romanus Pontifex Pelagii, & Celestii errores secundo damnavit*, proleg. 6. cap. 1. numero 4. Cum Innocentio concinit in doctrina de Gratia, ibidem num. 5.

F I N I S.



